

大方等大集經卷第一

推

瓔珞品第一

北涼天竺三藏曇無讖於姑藏譯

如是我聞一時佛在王舍城耆闍崛山中往古諸佛本所住處大塔之中諸大菩薩之所讚歎其地潔淨微妙寂勝諸佛法座諸天龍鬼輒闍婆等常行稱詠又能增長無量善根常有諸佛微妙光明成就无量無邊功德具足諸佛所行之處如來得成菩提道已轉妙法輪調伏無量無邊衆生於一切法而得自在世尊逮得一切法中无尋智慧能善分別一切衆生諸根利鈍永斷一切煩惱習氣不待莊嚴了知諸法與大比丘僧六万八千一切調伏斷煩惱習氣皆是佛子善解深義悉是福田能斷諸有得淨戒果不生不滅復有无量諸菩薩僧具无尋智甚深智無知智大慈大悲降注法雨能施一切甘露法味於諸衆生等心如地增長成就助菩提法智慧光明能破黑闇悉能照明善惡

之道能開衆生善心蓮花能令衆生
善根成熟增長善芽乾煩惱海具智
慧翼遊空无寻喻之如日善能增損
衆生善惡喻之如月為諸善本如須
弥山至心寂靜修行梵行不為世論
之所動轉安住无上出家之法能見
諸佛一切世界積善法藏猶如大海
具足成就諸陀羅尼寂靜聖行及大
慈悲清淨莊嚴定慧二目久已遠離
深法怖畏无量劫中所修菩提未畢
竟者終不休息成就菩薩所有功德
其名曰慧光无寻眼菩薩摩訶薩見
一切田莊嚴瓔珞菩薩摩訶薩不斷
如來性出世意菩薩摩訶薩為諸衆
生示現細行神足菩薩摩訶薩无量
樂說無寻神足幢名稱菩薩摩訶薩
淨衆光^母自在王菩薩摩訶薩善能論
解字義廣說論義神足菩薩摩訶薩
無量功德智慧莊嚴住菩薩摩訶薩
如是等菩薩摩訶薩常與如來同止
共住如來常為分別宣說菩薩所行
法門之法尔時如來成得佛道始十
六年廣知衆中多修梵行志來大集

堪任受持菩薩法藏。爾時如來即作是念。我今當於如是无量衆王衆中。宣說菩薩所行之法。先當示現諸佛如來大神通力。為諸菩薩令知諸佛深境界。故爾時世尊即入三昧。其三昧名佛境神通。實見衆生以佛功德威神力。故於欲色天二界中間。出大坊庭。猶如三千大千世界。定慧二力之所成就。其處堪任佛所遊居。復出大光。其明清淨。遍照十方諸佛世界。能令衆生得知足心。於諸天宮。取為殊勝。能勸十方放逸菩薩。其坊四匝。白琉璃樹。真金為牆。功德寶室。馬瑙垂簷。雜寶欄楯。白真珠網。以覆其上。種種幡蓋。以為莊嚴。衆香塗地。燒散雜香。十方世界衆生。所有上妙莊嚴。悉於中現。安置無量百千萬億師子法座。其座各有无量雜色柔軟敷具。能令衆生歡喜愛樂。諸四天下各以七寶作四梯。控金剛階。陞廣十由旬。如其行時。出微妙音。如四天下三千大千世界。亦復如是。爾時世尊從三昧起。大千世界六種振動。亦放無勝。

寂大光明即與聲聞菩薩大衆前後
圍繞欲往彼坊一切諸天尊重讚歎
香花伎樂塗末燒香曼陀羅花摩訶
曼陀羅花曼殊沙花摩訶曼殊沙花
等以為供養能動无量無邊世界光
明遍照无不大明示現諸佛神通福
德當尔之時耆闍崛山一切大衆忽
然不現蹬中階節上昇虛空时无量
億諸天龍等及不護神伎樂神非天
神金翅鳥舞神腹行神嗜肉神善餓
鬼神覓耳鬼神住廁羅刹厭人鬼能
如是等衆悉侍從佛以天香花微妙
天樂而供養之尔時四天王合掌長
跪以偈讚佛

如來光明勝一切 能壞三惡道黑闇
今我歸依樂依止 薩婆悉達无上尊
時四天王與諸天人偈讚佛已尋侍
佛後尔時帝釋與忉利天人於其界
次階上見佛以天香花微妙伎樂而
供養之以偈讚佛

如來具足六神通 所得大悲无能勝
以佛功德嚴十方 我今敬礼無與等

時帝釋與忉利天偈讚佛已尋侍佛
後尔時夜摩天王與夜摩天子於其
界次階上見佛以天香花微妙伎樂
而供養之以偈讚佛

无尋智慧無有邊 善解衆生三世事
一心能知无量心 是故稽首礼无上

時夜摩天王與夜摩天子偈讚佛已
尋侍佛後尔時梵率天王與梵率天
子於其界次階上見佛以天花香微
妙伎樂而供養之以偈讚佛

佛知諸法如幻炎 無受无作無字說
愍衆故說不可說 記說無我知法性

時梵率天王與梵率天子偈讚佛
已尋侍佛後尔時化樂天王與善化
樂天子於其界次階上見佛以天花
香微妙伎樂而供養之以偈讚佛

如來具足得十力 知諸法界如虛空
無色哀愍示形色 其心平等視衆生

如來常行世尊行 為衆生故行世行
開无分別諸法界 我今敬礼非天人

時化樂天王與諸天子偈讚佛已尋
侍佛後尔時他化自在天王與他化
自在天子於其界次階上見佛以天

香花微妙伎樂而供養之以偈讚佛
如戒而住寂靜地 修集无上三昧定
其智无寻無有邊 我礼畢竟解脫者
大慈大悲微妙語 真實能知道非道
勇健精進力无勝 我今敬礼無能動
常能修集三解脫 無能稱讚盡其德
鳥雖不同金鳥飛 亦能任力而遊翔
我今如鳥任力讚 唯願哀愍受微歎
不種不取其果實 不讚如來无解脫
憐愍為菜智慧花 三昧為鬚解脫敷
菩薩蜂王食甘露 我今礼佛法蓮花
大悲智慧光圓滿 能破衆生无明闇
其戒清淨衆樂見 我今敬礼佛法月
其心平等如虛空 香塗割刺心无二
能淨无量衆生垢 我今敬礼佛法河
時他化自在天王與諸天子偈讚佛
已即尋佛後諸天各各讚歎佛已
時如來示現無量神通道力漸漸至
彼七寶坊中如四天下見佛上昇三
千大千世界所見亦復如是今時世
尊至寶坊中昇師子座聲聞菩薩各
各次第坐於寶座今時世尊入佛三
昧其三昧名无寻解脫一一毛孔放

大光明其數无量如恒沙等照於東方無量世界南西北方四維上下亦復如是地獄蒙光衆苦得息其餘衆生除貪恚癡慈心相向如父如子亦時以佛功德力故其光明中說如是偈為勸放逸諸菩薩故

如來精進无量邊 精進力過無量劫
誰能讚佛光明德 唯有十方諸世尊
為勸十方諸菩薩 樂於放逸不修禪
釋迦如來放是光 召諸菩薩集此界
成就具足佛十力 能破世界諸魔王
世法不汙如蓮花 是其光明無有量
如來轉此无上輪 諸天世人所不能
為諸衆生轉法輪 如本十方佛所轉
如來今者集大會 難見猶如優曇花
若有信心成就者 悉為聽法至佛所
是光明中所說偈頌遍告十方勸喻
一切諸菩薩等振動一切世界大地
普施一切衆生安樂能淨一切衆生
煩惱破壞衆生无明癡闇能蔽一切
天魔宮殿光遍十方還從頂入今時
東方有佛世界名无量功德寶聚神
通有佛世尊号淨大淨光七菩提分

寶花無斷光王彼有菩薩名諸法自在
在功德花子遇斯光已與十恒河沙
等諸大菩薩俱共發來至娑婆世界
大寶坊中見釋迦牟尼佛頭面禮敬
右遶万匝以妙香花而供養佛即於
佛前以偈讚曰

一切功德到彼岸 常為十方佛所稱
无尋名号遍十方 大慈大悲釋師子
如來法界無老別 為鈍根者說老別
宣說一法為无量 如大幻師示眾事
時諸菩薩偈讚歎佛頭面礼已以已
神力於佛東邊化作牀座次第而坐
尔時南方有佛世界名曰佛光有佛
世尊号无量功德寶彼有菩薩名曰
寶杖遇斯光已即與十恒河沙等諸
菩薩眾俱共發來至娑婆世界大寶
坊中見釋迦牟尼佛頭面礼敬右遶
万匝以妙香花而供養佛即於佛前
以偈讚曰

大慈法雲降法雨 常說无常空無義
以八正水滅結火 能長眾生諸善根
佛光能破无明闇 能誨放逸諸菩薩
能燒三有諸愛種 能示真實道非道

時諸菩薩偈讚歎佛頭面礼已以已
神力於佛南邊化作牀座次第而坐
今時西方有佛世界名曰光明佛号
普光彼有菩薩名稱力王遇斯光已
即與十恒河沙等諸菩薩衆俱共發
來至娑婆世界大寶坊中見釋迦子
尼佛頭面礼敬右遶万匝以妙香花
供養於佛復於佛前以偈讚曰

於无量劫發善願 是故得身淨无漏

如来行業如虛空 無尋音聲遍十方

如来梵聲如雷音 此聲无業非因出

无聽無受无衆生 大悲何故音聲說

時諸菩薩偈讚歎佛頭面礼已以已

神力於佛西邊化作牀座次第而坐

今時北方有佛世界名寶莊嚴佛号

无量功德莊嚴彼有菩薩名大海智

遇斯光已即與十恒河沙等諸菩薩

衆俱共發來至娑婆世界大寶坊中

見釋迦子尼佛頭面礼敬右遶万匝

以妙香花供養於佛復於佛前以偈

歎曰

如来无上金光明 能壞一切世間闇

若有衆生遇斯光 遇者悉能壞煩惱

設身高出大千界 神通道力无邊際
是人不能見頂相 大悲曠世造何業
時諸菩薩偈讚歎佛頭面礼已以已
神力於佛北邊化作牀座次第而坐
今時東南方有佛世界名曰无憂佛
号能壞一切闇彼有菩薩名無勝光
遇斯光已即與十恒河沙等諸菩薩
衆俱共發來至娑婆世界大寶坊中
見釋迦牟尼佛頭面礼敬右遶万匝
以妙香花供養於佛復於佛前以偈
讚曰

無量界入一毛孔 亦不燒害諸衆生
如來境界無知者 是故神通難思議
能令一身作无量 而其真身無增減
雖為衆生現神變 然其内心无憍慢
時諸菩薩偈讚歎佛頭面礼已以已
神力於佛東南化作牀座次第而坐
今時西南方有佛世界名曰善見佛
号心平等彼有菩薩名大悲心遇斯
光已即與十恒河沙等諸菩薩衆俱
共發來至娑婆世界大寶坊中見釋
迦牟尼佛頭面礼敬右遶万匝以妙
香花供養於佛復於佛前以偈讚曰

無量世中護禁戒 猶如犂牛愛其尾
見有毀戒生悲心 亦不憍慢讚己身
如來之心如須弥 十方邪見不能動
智慧甚深无得底 猶如大海難思議
佛自解脫一切有 亦令苦縛得解脫
所得解脫實無老 隨道行時有別異
時諸菩薩偈讚歎佛頭面礼已以已
神力於佛西南化作牀座次第而坐
今時西北方有佛世界名曰壞闍佛
号大神通王彼有菩薩名曰寶網遇
斯光已即興十恒河沙等諸菩薩衆
俱共發來至娑婆世界大寶坊中見
釋迦牟尼佛頭面礼敬右遶万匝以
妙香花供養於佛復於佛前以偈讚曰
如來世尊猶如幻 而為衆生說幻事
實无真物故名幻 无有衆生說衆生
如人夢中見諸色 寤已真實无色相
為度衆生示世行 如來真實無世行
時諸菩薩偈讚歎佛頭面礼已以已
神力於佛西北化作牀座次第而坐
今時東北方有佛世界名曰淨住佛
号心同虛空彼有菩薩名无邊淨意
遇斯光已即興十恒河沙等諸菩薩

衆俱共發來至娑婆世界見釋迦牟尼佛頭面作礼右遶万匝以妙香花供養於佛復於佛前以偈讚曰

佛知甚深諸法界 常樂寂靜修無想

及知衆生諸心想 亦說諸法如虛空

住一心中知三世 亦復能知種種業

不生心想衆生想 無量世修无相想

時諸菩薩偈讚歎佛頭面礼已以已

神力於佛東北化作牀座次第而坐

今時下方有佛世界名曰樂光佛号

寶優鉢花彼有菩薩名莊嚴樂說遇

斯光已即與十恒河沙等諸大菩薩

俱共發來至娑婆世界見釋迦牟尼

佛頭面礼敬右遶万匝以妙香花而

供養佛復於佛前以偈讚曰

無量智者佛真子 數如十方微塵等

於无量劫諮問佛 不盡如來一字義

是故如來智无邊 功德惣持亦如是

名稱力勢無邊際 猶如大海十方界

時諸菩薩偈讚歎佛頭面作礼以已

神力於如來下方化作牀座次第而

坐今時上方有佛世界名瓔珞莊嚴

佛号大名稱彼有菩薩名一切法神

通王遇斯光已即與十恒河沙等諸
菩薩衆俱共發來至娑婆世界見釋
迦牟尼佛頭面礼敬右遶万匝以妙
香花而供養佛即於佛前以偈讚曰
佛身身業无邊際 心口及業亦如是
唯佛能知佛三業 餘不知如虚空邊
如來无師無教者 是故衆生稱大師
諸佛法界叵思議 菩提法輪入涅槃
時諸菩薩偈讚歎佛頭面礼已以已
神力於佛上方化作牀座次第而坐
尔時一念中間十方无量諸大菩薩一
時雲集大寶坊中尔時世尊即從三
昧安詳而起警歎之聲徹于十方一
切衆生悉得聞之聞已即於佛法僧
寶生信敬心十方世界所有比丘比
丘尼優婆塞優婆夷若人非人聞佛
聲已身心寂靜以佛功德威神力故
悉得覩見寶階梯登於一念頃悉登
寶階至寶坊中各隨其位次第而坐
諸梵天人亦聞其音梵天大梵天梵
師天梵衆天光天少光天無量光天
淨天少淨天無量淨天无雲天福德
天廣果天无誑天無熱天善見天樂

見天阿迦尼吒天亦一念頃俱至寶坊見佛世尊頭面札已次第而坐化作牀座今時世尊見諸大眾皆已集會放眉間光其光名曰示菩薩力遶諸菩薩七匝已於諸菩薩頂髻而入今時會中有一菩薩名諸法自在切德花子即入三昧其三昧名瓔珞莊嚴以三昧力故於寶坊中出師子座座高八万億多羅樹七寶莊嚴散種種花為諸衆生之所樂見能淨一切衆生之心今時諸法自在切德花子菩薩摩訶薩化作如是師子座已從其三昧安詳而起合掌恭敬頭面作札即於佛前以偈讚曰

日月光明壞現冥 佛光能壞三世間
如來具足神通力 勝於一切諸天光
佛了法界无覺知 如幻水月無去來
無生无受無作者 真實知已為衆說
知色心中无色心 方便為衆說色心
如來神通猶如幻 知諸法界亦復然
一切衆生心常淨 或時為客煩惱汙
諸佛如來得解脫 示現神通等如幻
虛空無地无住處 如來之心亦如是

為衆故昇師子座 如先諸佛說甘露
一切大衆无去來 亦無聽說无受者

諸法悉皆如虛空 唯願開闡真實界

世尊受我師子座 願為衆生師子吼

愍衆故演梵音聲 熾然智燈破癡闇

十方諸來聽法衆 悉來集會此寶坊

願佛當施大法施 破無量世貧窮際

今時世尊以大慈悲憐愍諸法自在

功德花子菩薩摩訶薩昇其所奉師

子寶座欲說一切諸菩薩行无碍法

門具足一切佛法十力四無所畏入

一切法自在陀羅尼法門入四无碍

智法門入大神通法門不退轉法輪

不退住處攝一切乘具一切法界无

分別法界善知一切衆生心根法界

真實堅固難沮能壞一切四魔怨離

調伏一切惡見煩惱獲得不共善權

方便得大平等心无二故一切諸佛

等入之處无罣碍處說一切法悉真

實故演說諸法非覺非非覺故十二

因緣平等相觀故具足智慧大莊嚴

故莊嚴佛身佛音聲故無盡念念行智

慧故演說真實四聖諦故能令聲聞身

心淨故令辟支佛坐紹位牀故大衆
菩薩得法自在故廣宣諸佛所有功
德故解說宣示一切法故說諸菩薩
大功德故裂諸衆生疑網心故摧滅
一切惡邪論故增長如來佛正法故
顯示衆生佛神力故以如是等諸因
緣故如來昇于師子寶座今時寶杖
菩薩承佛神力入佛瓔珞莊嚴三昧
以三昧力故能令大衆悉得種種瓔
珞莊嚴時稱力王菩薩復承佛神力
入蓮花三昧以三昧力故悉令大衆
皆得妙花供養於佛及諸菩薩時大
海慧智菩薩亦承佛神力入妙香三
昧以三昧力故能令大衆皆得妙香
供養於佛及諸菩薩時寶網菩薩亦
承佛力入光明三昧以三昧力故悉
令大衆身得光明時悲心菩薩亦承
佛神力入无瞬三昧以三昧力故悉
令大衆仰瞻如來目未曾瞬时无邊
淨意菩薩亦承佛神力入喜三昧以
三昧力悉令大衆喜樂聽法時莊嚴
樂說菩薩亦承佛神力入寂靜音三
昧以三昧力悉令大衆遠離五蓋時

一切法神足王菩薩亦承佛神力入
不志三昧以三昧力志令大衆專念
善提心不忘失時勇健菩薩亦承佛
神力入无勝三昧以三昧力志令大
衆摧伏諸魔時破魔菩薩亦承佛神
力入壞魔三昧以三昧力出此三千
大千世界一億魔王來集寶坊至於
佛所頭面作札合掌恭敬咸作是言
唯願如來廣為衆生開甘露門我等
皆因破魔菩薩威神力故當得遠離
一切魔業於諸大衆心无妨碍佛言
善哉善哉善男子汝等今已得離魔
業以是因緣於未來世復當得離一
切魔業善男子譬如一處百年闇室
一燈能破汝等亦尔無量世中无明
黑闇今日能破如日月寶光住信戒
施慧禪定亦尔善男子汝等今者請
佛說法以是因緣汝等當得破无明
闇為諸衆生作智慧明尔時衆中有
一菩薩名法自在王白佛言世尊如
來境界不可思議何以故如來發心
將欲說法能令一切大衆運集為菩
提故作大莊嚴大法神通无量世間

得大名稱身心寂靜獲得解脫及得
不可思議法界十方諸佛之所讚歎
具足一切十波羅蜜成就通達善權
方便能裂一切諸魔疑網能滅衆生
惡邪諸論能善分別一切法界速得
具足无尋智慧具念意行智慧勇健
具足獲得四無尋智善知衆生諸根
利鈍知衆生界隨意說法常能宣說
清淨法界善解一切方俗之言能得
一切清淨梵音具足成就慈悲之心
諸邪異見不能令動不可破壞如金
剛山具修三相建立法幢已渡甚深
十二因緣河斷斷常見能調大衆无
量劫中得不可思議法聚能療衆病
如大醫王聞深法已不生怖畏三十
二相八十種好莊嚴其身具足成就
三十七品及八解脫身口意業純善
无雜能令衆生悲來聽法世間之法
所不能汙常受安樂常修法界慧施
法寶於法无厭於諸有法心不染著
猶如蓮花塵水不染明勝諸光智深
如海結三寶性調衆生界能開佛藏
護持佛法具足無量功德智慧無量

劫中修集莊嚴無量功德常欲獲得
一行之心一色一處具如是等功德
菩薩悉來集會唯願如來說菩薩行
元尋法門利益過去未來現在諸菩
薩等令初發心得不退故久發心者
得增長故行菩提道得淨意故不退
菩薩學佛法故一生菩薩瓔珞莊嚴
故後身菩薩得阿耨多羅三藐三菩
提故定性衆生增長因緣故未定性
者作因緣故未入佛法者令得入故
已入佛法者敬佛法故樂三乘者說
一乘故施於世間人天樂故世尊如
來出世有如是等不可思議事世尊
今此大衆一菩薩能示現諸大
神通是故諸佛及諸菩薩不可思議
世尊云何衆生無明愛重雖見菩薩
如是神通而故生於聲聞緣覺卑下
之心世尊菩薩初發菩提心時已勝
一切聲聞緣覺世尊譬如有人捨諸
琉璃取於水精一切衆生亦復如是
捨於大乘喜樂聲聞辟支佛乘若有
衆生已發欲發阿耨多羅三藐三菩
提心者如是之人悉當獲得如是功德

尔時會中有三十億那由他百千万
億衆生天與人發阿耨多羅三藐三
菩提心

大方等大集經陀羅尼自在王菩薩品第三之一
尔時世尊知諸菩薩悉已大集作是
思惟今日如是善丈夫等咸欲得知
諸法實義能持如来甚深法藏欲得
聞受諸菩薩行无碍法門尋放眉間
白毫光明名無所畏遶諸大衆滿七
匝已於陀羅尼自在王菩薩頂上而
入尔時陀羅尼自在王菩薩承佛神
力化作寶蓋猶如三千大千世界七
寶莊嚴以覆如来寶座之上頭面作
礼合掌長跪說偈讚佛

如来於法得自在 其光能破世間闇
世尊佛眼无罣碍 能見諸法真實義
具足无量諸功德 元師獨悟諸法界
如来放光為衆生 今入我身何因緣
我本所知念不明 陀羅尼根亦如是
此光今来入我身 了了得知諸法界
身心獲得大清淨 受樂无上無有邊
我今已知佛境界 亦得樂說无罣碍
十方諸佛親近難 愚者不能師事之

我今承佛神力故 欲少發問利衆生
何因緣發菩提心 復以何義佛出世
何緣放光遍十方 復以何因示神通
何緣佛為衆授記 願為大衆分別說
今此大衆勝无上 悉能受持佛法界
此衆无魔及魔業 唯有開示佛法藏
我智淺近有邊崖 何能諮請无上尊
今問如來無邊智 云何得知諸方便
願今教誨諸弟子 我學已得法自在
得已能施大法雨 當報十方諸佛恩
世尊諸佛如來不可思議菩薩所行
無有邊際是故我今欲問如來无上
法王大慈悲聚為利衆生問甚深義
云何名為菩薩之行以何瓔珞莊嚴
菩薩能令菩薩所行清淨云何能壞
愚癡諸闇云何能斷疑網之心云何
菩薩為諸衆生修慈悲心云何菩薩
擁護衆生云何菩薩真實能修菩薩
之業善業不誨業唯願如來哀愍宣說
又此大衆利根智慧能解佛語能知
法界能達菩薩所行無尋法門能壞
一切魔及魔業破大疑心能解諸佛
甚深境界知衆生界衆生心性能見

無量諸佛世界能護如來无上正法
能於諸法得大自在今時佛讚陀羅
尼自在王菩薩言善哉善哉善男子
能問如來甚深之義能善行佛无量
行者乃能如汝發斯深問汝今至心
當為汝說菩薩若能成就具足如是
功德當於諸法得大自在世尊今正
是時唯岳宣說佛言善男子菩薩有
四瓔珞莊嚴一者戒瓔珞莊嚴二者
三昧瓔珞莊嚴三者智慧瓔珞莊嚴
四者陀羅尼瓔珞莊嚴戒瓔珞莊嚴
有一種謂於衆生无有害心菩薩若
无惡害之心一切衆生常所樂見復
有二種一者閉塞惡道二者能開善
門復有三種一者身淨二者口淨三
者意淨復有四種一者所求悉得二
者所願具足三者所願成就四者所
欲能作復有五種一者信二者戒三
者定四者念五者慧復有六種一不
破戒二不漏戒三不雜戒四不悔戒
五自在戒六无屬戒復有七種所謂
七淨一者施淨二者忍淨三者精進
淨四者禪定淨五者智慧淨六者方

便淨七者善方便淨復有八種謂八
具足一者无作具足二者地具足三
者不忘心具足四者不緩具足五者
諸根具足六者佛世具足七者離難
具足八者善友具足復有九種一者
不動二者不畏三者定智四者寂靜
五者至心六者清淨七者結緩八者
調心九者住調伏地復有十種一者
淨身為三十二相故二者淨口為言
无二故三者淨意為解脫故四者淨
田為令衆生福德增故五者淨心為
調衆生故六者淨有為行化衆生故
七者菩薩名淨為得如來諸功德故
八者淨慧大神通故九者淨方便破
諸魔衆故十者淨戒為不共法故善
男子如是等事名戒瓔珞莊嚴三昧
瓔珞莊嚴有一種所謂為諸衆生修
集慈心復有二種一者質直二者柔
軟復有三種一不虛誑二不廣獷三
不邪諂復有四種一者不愛行二者
不瞋行三不畏行四不癡行復有五
種所謂遠離五蓋三昧復有六種所
謂修集六念三昧復有七種所謂修

集七覺三昧復有八種所謂修集八
正三昧復有九種一者菩薩修集菩
提心及大慈悲心於一切无量衆生
修集念心遠離惡欲不善之法有覺
有觀寂靜喜樂得初禪二者遠離覺
觀內得喜心至心思惟无覺無觀定
生喜樂得第二禪三者離喜修捨耳
足念心無有放逸身受安樂得第三
禪四者遠離苦樂滅憂喜心非苦非
樂修集捨念寂靜念得第四禪五者
遠離色相修無量空相六者遠離空
相修无量識相七者遠離識相修无
所有相八者遠離無所有相修非想
非非想相九者雖未成就善方便智
以三昧力教化衆生復有十種一者
觀法无有錯謬二者具足成就舍摩
他三者精進無有休息四者善能了
知時節五者至心受持善法六者寂
靜其心七者觀身八者常觀法界九
者心得自在十者獲得聖性是名三
昧瓔珞莊嚴善男子智慧瓔珞莊嚴
有一種所謂心无疑網復有二種一
者遠離疑心二者遠離瞋心復有三

種一者速離无明二者破無明翳三者作大光明復有四種一者知苦二者斷集三者證滅四者修道復有五種一者戒衆清淨二者定衆清淨三者慧衆清淨四者解脫衆清淨五者解脫知見衆清淨復有六種一者淨檀波羅蜜有三種一者內淨觀法如幻二者衆生淨觀之如夢三者菩提淨不求果報二者淨尸波羅蜜有三種一者觀身如影二者觀口如響三者觀心如幻三者淨羣提波羅蜜有三種一者聞毀不瞋二者聞讚不喜三者若被割截及奪命時能觀法界四者淨毗梨耶波羅蜜復有三種一者不想二者堅固三者不見法相五者淨禪波羅蜜有三種一者不著諸法二者心不退轉三者所緣清淨六者淨方便波羅蜜有三種一者攝取衆生為解脫故二者淨陀羅尼為持法故三者所願清淨為淨佛土故復有七種一者修四念處不取不著二者修四正勤不出不滅三者修四神足身心清淨四者修於五根知根无

根五者修於五力能破煩惱六者修
菩提分知法界真實七者修集聖道
無有去來復有八種一者修定為畢
竟淨故二者修智為壞闇故三者修
知陰智為知法界故四者修知界智
為解法界等虛空故五者修知入智
為知法性平等故六者修知十二因
緣智觀无我無我所故七者修觀諦
智壞四倒故八者修集分別知法界
智為知真實故復有九種一者觀无
常想二者觀无常苦想三者觀苦無
我想四者觀食不淨想五者觀於世
間不可樂想六者觀諸生死多過患
想七者觀解脫想八者觀離貪想九者
觀於盡想復有十種一者觀於諸法
猶如幻想二如夢想三如炎想四如
響想五如芭蕉樹想六如水由月想
七如影想八者觀於法界无增減想
九者觀諸法界无有去住十者觀於
無為无有生滅是名為慧瓔珞莊嚴
善男子陀羅尼瓔珞莊嚴有一種所
謂念心復有二種一者先受二者畢
竟能持復有三種一者知義二者知

字三者知說復有四種一者正語二者了語三者无尋語四者不謬語復有五種所謂五依一者依義不依於字二者依智不依於識三者依了義經不依不了義經四者依法不依於人五者依出世不依於世復有六種一者如說而持二者所言誠實三者發言人所樂聞四者憐愍語五者生善芽語六者時語復有七種一者利語二者莊嚴語三者無尋語四者无滯語五者無二語六者先知而語七者了語復有八種一者知方俗語二者知鬼神語三者知諸天語四者知諸龍語五者知軋闍婆語六者知阿修羅語七者知金翅鳥語八者知畜生語復有九種一者无畏語二者无縮語三者無難語四者知解說語五者知如法答語六者知廣說語七者知次第語八者說無常語九者无盡語復有十語一者壞疑網語二者開示界語三者開法門語四者開智慧語五者破闇冥語六者解二字語七者讚歎佛語八者呵煩惱語九者

分別根利鈍語十者開佛功德妙語
善男子是名陀羅尼瓔珞莊嚴今時
世尊欲重宣此義以偈頌曰

四法嚴瓔珞	能端嚴大乘	所謂戒定慧
无上陀羅尼	能令三業淨	一切人所愛
永斷三惡道	是名戒瓔珞	如願得具足
獲得人天身	能修勤精進	是名戒瓔珞
能修无上定	得二種解脫	見無上涅槃
是名戒瓔珞	其戒不破漏	无上戒不雜
能得大自在	名瓔珞莊嚴	戒淨能淨施
戒淨能淨忍	戒淨淨五度	名戒瓔珞嚴
戒淨能淨有	淨大不放逸	无畏心不悔
是名戒瓔珞	戒淨得聖性	亦能淨身心
獲得无邊定	是名戒瓔珞	不怖畏不動
定得清淨有	能斷煩惱縛	是名戒瓔珞
能調難調根	能得大名稱	莊嚴自在心
是名戒瓔珞	能如說而作	能淨口四種
遠離諸煩惱	名瓔珞莊嚴	能淨自佛土
能調諸衆生	能修大慈悲	名瓔珞莊嚴
不作諸惡業	修於菩薩行	能大力无畏
名瓔珞莊嚴	能嚴大涅槃	能得大因果
慈心滿衆生	名瓔珞莊嚴	能離慳誑心
修柔軟四攝	斷憂瞋怖癡	名瓔珞莊嚴

能破五惡蓋	修集十念心	助道不放逸
名瓔珞莊嚴	具足於二翼	如法思惟義
樂素住寂靜	名瓔珞莊嚴	於法无所疑
亦無癡亂心	真實解四諦	名瓔珞莊嚴
持戒心无著	亦復不生慢	不取戒戒者
名瓔珞莊嚴	無上慧淨定	亦知二淨慧
能了知三界	名瓔珞莊嚴	意淨不生慢
見不淨不輕	知法不可說	名瓔珞莊嚴
慧能莊嚴智	智亦莊嚴慧	自他菩提淨
名瓔珞莊嚴	知法如夢幻	不說諸法无
能隨世間說	名瓔珞莊嚴	慧能莊嚴戒
戒能瓔珞慧	身口菩提淨	名瓔珞莊嚴
見法如水月	亦如熱時炎	說法如響相
如乳闍婆城	非法不作法	名慧瓔珞嚴
慧能莊嚴忍	忍能莊嚴慧	身口菩提淨
名瓔珞莊嚴	隨法不增減	解已調衆生
至心觀法身	名瓔珞莊嚴	慧能莊嚴進
進能莊嚴慧	不悔動心淨	名瓔珞莊嚴
慧能莊嚴定	定能莊嚴慧	能說深法界
得无勝神通	能知諸方便	得无上惣持
法土衆生淨	名瓔珞莊嚴	知衆根利鈍
壞煩惱諸魔	身心得自在	名瓔珞莊嚴
道无有去來	亦無去來者	非過非未來

非現非修者 不分別法界 能淨畢竟定
知諸陰入界 名慧炬莊嚴 陰入界如空
无我無我所 生滅因十二 是名智慧淨
諦知第一義 亦知陰入界 於法不生諍
知三世无尋 分別三聚衆 能為說三乘
能以三寶教 修三无相定 無相知一相
非幻知如幻 無說能為說 空說於不空
諸法非常變 不毀壞法界 和合因緣故
流布於法界 是名為真智 不分別法界
知二動不動 知於二淺深 知二常无常
是名大淨智 常不失念心 了知於法界
知字及知義 於世諦无闇 一聞能持法
解了衆生語 能壞諸邪道 修於無上智
依无上四依 瓔珞大惣持 我說功德續
為嚴菩提心 於衆說无畏 善解天神語
能壞衆疑網 能開諸法界 能讚於三寶
勸人令供養 親近佛與衆 修集无上智
我說四瓔珞 能嚴佛菩薩 若有至心信
即得是莊嚴

大方等大集經卷第一

癸卯歲高麗國大藏都監奉

勅彫造

大集經第一卷校正後序

第三十一張 抄

按此經國本宋本皆六十卷凡十七品丹藏中三十卷十一品又經初背國宋兩本則有璽珞品名丹藏所無其虛空藏品兩本在不

可說後丹藏有無言品前又於寶璽品後兩本有無盡意品四卷丹藏即無而有日密分三卷如是不同者何耶今以開元錄前後文

枯而統之此經凡有六本錄云按梁沙門僧祐大集記云有十二段說共成一經第一璽

珞品二璽羅尼自在王品三寶女品四不駒品五海慧品六無言品七不可說品八虛空

歲品九寶幢品十虛空目品十一寶璽品十二無盡意品按云此則第一本也今以品次

驗之是兩本六十卷中前分三十卷矣又云今檢經本與祐記不同第一璽羅尼自在王

菩薩品二寶女品三不駒品四海慧品五虛空藏品六無言品七不可說品八寶幢品九

虛空目品分十寶璽品十一日密分按云此則第二本也今以品次驗之則今丹藏經三十

卷者是矣又云隋朝僧就合大集經乃以明度五十校計經題為十方菩薩品編月歲後

及無盡意成五十八卷者按云此則第四本也又云其合大集經亦有六十卷成者三十

一二兩卷重有寶璽品足成六十卷其寶璽品在日密前二十六七卷是此復重編載未詳

何意又日密曰歲梵本不殊重重編載誤之甚矣按云此則第五本也今以品次驗之則

今兩歲本經六十卷者是矣但不重載寶璽品斯為小異耳即於前第四本五十八卷經

中分彼日歲分十卷為十二卷足成六十耳其第三第六兩本今以諸藏所無故不煩叙

經本如是不同歲中致斯有異耳謹按開元錄前後文相今此兩歲本經六十卷者有六

失故不可依行錄云亦有經本分為璽珞品者不然此是一段不合分二按云此經分之二

一失也又云僧祐記中無日密分有無盡意品者不然今以無盡意經雖大集別分非無

識譯又非次第不合入中按云此經入中又為無識譯二失也又云其虛空藏品祐在不

可說後未詳所以按云此經在彼三失也又云日密曰歲梵本不殊重重編載誤之甚矣

按云此經重載四失也又云明度五十校計經題為十方菩薩品編月歲後者非也既無

憑准故不依彼按云此經係之三失也又謂度經安世高譯而云卽連提耶今譯按云此

亦誤人六失也不獨如是其十方菩薩品即
下難函中明度五十校計經二卷耳無盡意
品即下取函中無盡意經六卷耳而於此中
並重編之是亦難省難依者也是則理須正
之正之如何略則如開元錄及丹藏經為三
十卷乃正矣合則如開元錄中第六本為八
十卷方備矣然今不能即正者以此六十卷
本是本朝芬皇宗選行經行來已久久則難
耳變

大方等大集經卷第二

推

北京天竺三藏曇無讖於姑臧譯

陀羅尼自在王菩薩咒第二之二

佛復告陀羅尼自在王菩薩善男子
菩薩摩訶薩有八光明以是八明能
壞諸闇淨菩薩行何等為八一者念
光二者意光三者行光四者法光五
者智光六者實光七者神通光八者
無尋智光念光有八種一者不失過
去善法二者作未來善三者聞法不
忘四者思惟實義五者不為六塵所
壞六者憶持如守門人遮止惡法為
真善法守善法城門七者不為邪法
之所誑惑八者能大增長純善之法
是名念光八種意光亦有八種一者
義意非字意二者智慧意非識意三
者法意非人意四者實意非虛意五
者菩薩意非聲聞意六者上意非下
意七者佛意非退意八者憐愍意非
害意是名意光八種行光亦有八種
一者法行二者一切行三者衆生行
四者衆生心行五者十二因緣行六

者廣說行七者行行八者一切佛法
行是名行光八種法光亦有八種一
者世法光二者出世法光三者无漏
法光四者無為法光五者解脫法光
六者心解脫法光七者畢竟解脫法
光八者破無明慧法光是名法光八
種智光亦有八種一者八正智光二
者須陀洹智光三者斯陀含智光四
者阿那含智光五者阿羅漢智光六
者辟支佛智光七者菩薩智光八者
正覺智光是名智光八種實光亦有
八種一者正定行二者得須陀洹果
三者斯陀含果四者阿那含果五者
阿羅漢果六者辟支佛果七者菩薩
八者佛菩提是名實光八種神通光
亦有八種一者眼光能見正色二者
耳光能聞正聲三者念光能念過去
阿僧祇劫所有衆生四者性光為觀
性淨衆生之心五者虛空光以大神
通光遍到十方無量世界六者方便
光具无漏智故七者功德莊嚴光為
利益一切衆生故八者智慧莊嚴光
為壞一切衆生疑心故是名神通光

八種无尋智光亦有八種一者智光
二者意光三者慧光四者佛光五者
正見光六者淨衆生心光七者解脫
光八者畢竟光是名八无尋智光今
時世尊欲重宣此義而說偈言

修集於念心 不忘善惡業 樂聞讚誦經
修集不放逸 能調伏諸根 安住於寂靜
增長於善法 修集於念光 能遮止惡法
猶善守門者 能守護法城 不令四魔入
不隨逐音聲 思惟真實義 親近善知識
喜樂如法住 其意无邊上 永斷諸煩惱
邪法不能動 惡世不生謗 誠心念菩提
不說小乘心 常樂念上意 為衆破下意
不畏魔煩惱 修集大慈悲 不念害衆生
其得大智光 能壞諸疑心 解了甚深義
知真實方便 修四无尋智 樂觀十二緣
衆生之所因 知無作受者 能修大光法
能知諸佛法 行世出世行 能到十方土
了知人天業 修集无上智 說三歸一乘
修集八正道 為壞三世法 於有漏无漏
如實而知之 能利益人天 令斷有漏法
不謬為無為 真實而知之 寂靜光無暗
不著有為相 知結入出緣 知衆心性淨

若有大乘定 即知如是法 樂住无漏流
了四沙門果 知菩提道行 故修無尋智
破邪修實光 入衆无所畏 樂說真實義
為破生死法 眼耳淨無障 能見聞色聲
過去念不謬 亦了知他心 到十方無尋
知法如虛空 得无漏智慧 為調諸衆生
具功德智慧 為利諸衆生 於无量世中
求是二莊嚴 樂受持淨戒 樂護於佛法
修集真實光 為於如法住 我說無量光
為令衆生得 有信此經者 即得此諸光
尔時世尊復告陀羅尼自在王菩薩
善男子菩薩摩訶薩修集大悲有十
六事何等十六一者菩薩摩訶薩見
諸衆生貪著我見以我見故增長諸
見常為生死之所繫縛是故菩薩為
此衆生修大悲心悲因緣故宣說法
化為壞衆生如是妄見二者見諸衆
生心懷顛倒常見無常无常見常苦
見於樂樂見於苦淨見不淨不淨見
淨我見无我無我見我是故菩薩為
此衆生修集悲心悲因緣故宣說法
要為壞衆生如是四倒三者見諸衆
生心懷憍慢實无有物而生物想實

無有事而生事想以是因緣起七種慢以是慢故增長惡法是故菩薩於此衆生修集悲心悲因緣故宣說法要破壞衆生如是憍慢四者見諸衆生五蓋所覆以覆蓋故心多生疑不解深義是故菩薩於此衆生修集悲心悲因緣故宣說法要為壞衆生如取色相耳取聲相鼻取香相舌取味相身取觸相意取法相是名為沉是故菩薩於此衆生修集悲心悲因緣故宣說正法為拔衆生如是沉沒六者見諸衆生有七種慢一者慢二者大慢三者慢慢四者我慢五者增上慢六者下慢七者邪慢菩薩摩訶薩於下慢者自言勝汝於慢慢者自言寂勝我色勝乃至識勝於增上慢者菩薩語言汝實非聖不應便起聖人之想為邪慢者宣說正見是故菩薩於此衆生修集悲心悲因緣故宣說正法為斷衆生如是憍慢七者見諸衆生離於聖道樂行世道惡道是故菩薩於此衆生修集悲心悲因緣故

宣說正法為斷衆生世道惡道八者
見諸衆生造惡道行屬无明愛妻息
所繫不得自在是故菩薩於此衆生
修集悲心悲因緣故宣說正法為斷
衆生如是繫縛出離惡道九者見諸
衆生親近惡友遠離善友其心甘樂
造作惡業是故菩薩於此衆生修集
悲心悲因緣故宣說正法為斷衆生
如是惡業遠離惡友親近善友十者
見諸衆生造作慳貪於无明愛心无
厭足為施智慧是故菩薩於此衆生
修集悲心悲因緣故宣說正法為斷
衆生如是慳貪无明及愛施與智慧
十一者見諸衆生我見斷見為施衆
生十二因緣真智慧故菩薩於此而
生悲心悲因緣故宣說正法為斷衆
生我見斷見施與十二因緣智故十
二者見諸衆生行无明闇我見衆生
見命見士夫見別異見邪見著見菩
薩為施智光明故於此衆生而生悲
心悲因緣故宣說正法為斷衆生如
是所見十三者見諸衆生樂於生死
於五聚陰而生親想是故菩薩於此

衆生修集悲心悲因緣故宣說正法
為斷衆生如是有三有十四者見諸衆
生為魔所縛是故菩薩於此衆生修集
悲心悲因緣故宣說正法為壞衆生
如是魔網十五者見諸衆生甘樂快
樂而不能知真實樂因是故菩薩於
此衆生修集悲心悲因緣故宣說正
法示諸衆生真實樂因十六者見諸
衆生求涅槃門不能知處是故菩薩
於此衆生修集悲心悲因緣故宣說
正法為此衆生開涅槃門善男子菩
薩修悲悉因如是十六因緣

善男子一切衆生有三十二不善之
業菩薩見已修集善業為壞衆生如
是惡業何等三十二一者有諸衆生
无明睡眠菩薩見已修集智慧為悟
衆生如是睡眠二者見諸衆生下解
下欲菩薩見已修集上解上欲為以
大乘而教化之三者有諸衆生樂為
非法菩薩見已修集正法為令衆生
於諸法中得大自在四者有諸衆生
修集邪命菩薩見已修於正命為壞
衆生如是邪命五者有諸衆生入於

邪林菩薩見已修集正見為令衆生
出邪林故六者有諸衆生樂為放逸
菩薩見已修不放逸為令衆生離放
逸故七者有諸衆生樂為麁穢菩薩
見已修如法住為壞衆生如是麁穢
八者有諸衆生慳貪恚惜菩薩見已
修一切施為壞衆生慳貪心故九者有
諸衆生毀犯禁戒菩薩見已修持淨
戒為破衆生毀禁心故十者有諸衆
生心常瞋恨菩薩見已修慈悲忍為
壞衆生如是瞋恨十一者有諸衆生
懶惰懈怠菩薩見已修勤精進為壞
衆生如是懈怠十二者有諸衆生其
心狂亂菩薩見已修集定心為壞衆
生如是狂亂十三者有諸衆生邪智
覆心菩薩見已修集正智為壞衆生
如是邪智十四者有諸衆生說義顛
倒菩薩見已思惟正義為壞衆生如
是顛倒十五者有諸衆生樂造世行
菩薩見已修善方便為壞衆生樂世
行故十六者有諸衆生繫屬煩惱菩
薩見已先自除斷為壞衆生煩惱繫
縛十七者有諸衆生我見所縛菩薩

見已自除我見為斷衆生如是我見
十八者有諸衆生諸根不調菩薩見
已自調諸根為調衆生如是不調十
九者有諸衆生說言无作無有受者
菩薩見已宣說有作及有受者為壞
衆生如是邪說二十者有諸衆生不
知思義菩薩見已說知思法為壞衆
生如是不知思義二十一者有諸衆
生未得謂得菩薩見已修集正法為
壞如是增上慢故二十二者有諸衆
生惡口麁穢菩薩見已修善口語為
壞衆生如是惡口二十三有諸衆
生貪无厭足菩薩見已修集知足為
壞衆生不知足故二十四有諸衆
生不能恭敬父母師長菩薩見已修
不放逸為令衆生供養恭敬父母師
長二十五有諸衆生貧窮困苦菩
薩見已修集七財為壞衆生如是貧
窮二十六有諸衆生常為四大毒
地所病菩薩見已修身念處為令衆
生遠離如是四大毒病二十七有
諸衆生行无明闇菩薩見已修集智
慧為令衆生然慧燈故二十八有

諸衆生樂三有獄菩薩見已修出離
道為示衆生知出離故二十九者有
諸衆生常行左道菩薩見已修集右
道為令衆生捨左道故三十者有諸
衆生貪著身命菩薩見已於自身命
修不貪著為令衆生捨貪著故三十
一者有諸衆生不能恭敬供養三寶
菩薩見已修集信心為令衆生信三
寶故三十二者有諸衆生實非世尊
自謂世尊菩薩見已修集六念為令
彼等知真實法故善男子是名衆生
三十二業菩薩見已修治自業成就
具足一切善法壞諸惡業勸諸衆生
令行善業善男子菩薩摩訶薩有无
量業何以故衆生煩惱有無量門為
閉衆生煩惱門故菩薩修集无量善
業善男子如恒河沙等世界衆生志
住聲聞辟支佛乘欲比菩薩初發心
業百分千分不可為喻何以故二乘之
人自為解脫觀於煩惱菩薩不尔常
為衆生得解脫故觀諸煩惱善男子
菩薩摩訶薩所作諸業於諸凡夫二
乘業中實為殊勝何以故衆生之業

性是顛倒二乘之業有邊際故三摩
之業無邊無量是故菩薩勝於一切
聲聞緣覺

尔時陀羅尼自在王菩薩聞是法已
心生歡喜踊躍无量白佛言世尊甚
奇甚特快說如是不可思議如來於
此已說菩薩瓔珞莊嚴菩薩光明菩
薩大悲菩薩善業唯願宣說云何如
來觀諸衆生起於大悲云何名悲悲
有何行有何相貌何因緣起云何名
佛業佛業有何行有何相貌有何因
緣起善哉世尊一切知見唯願廣說
如來之業佛言善哉善哉善男子汝
今諦聽善思念之吾當為汝分別解
說善男子一切如來所有大悲不出
不行何以故常不變故无量劫中修
集得故是故大悲不行不轉不修不
捨亦能為於一切衆生善男子一切
諸佛所有大悲无量無邊其心平等
從久遠來无量舌力不能宣說善男
子如來世尊未嘗遠離如是大悲无
上菩提及與大悲如是一法等無差
別如來所得无上菩提無根无住設

名我見住名四顛倒如來世尊知根
知住是故菩提无根無住一切衆生
皆悉无有無根无住欲施衆生無根
無住起大悲心如來於此欲令知故
演說正法善男子夫菩提者清淨寂
靜云何為淨云何寂靜淨名為内寂
靜名外内名眼空空名无我無有我
所何以故性是一故乃至意亦如是
何以故性是一故知眼空已不著於
色不著色心是名寂靜乃至意法亦
復如是一切衆生不知菩提清淨寂
靜如來於此而起大悲演說正法為
令知故善男子一切衆生心性本淨
性本淨者煩惱諸結不能染著猶若
虛空不可沾汙心性空性等無有二
衆生不知心性淨故為欲煩惱之所
繫縛如來於此而起大悲演說正法
欲令知故善男子夫菩提者不取不
捨云何不取如來不見一切諸法此
岸彼岸何以故一切諸法離此彼故
如來世尊如實知之是名不取云何
不捨一切衆生不知法界如來教令
了了知故是名不捨如來於此而起

大悲演說正法為令衆生知是二法
善男子夫菩提者無想无緣云何无
想不見眼識乃至意識不見色相乃
至法相於是法中不知不見故无取
著是名无緣無想无緣是名聖行云
何聖行所謂不行三界之行善男子
如是不行名為聖行一切聖人不行
於行衆生不行如是聖行如來於此
而起大悲演說正法欲令知故善男
子夫菩提者非是三世非三世者名
為三等過去意未來識現在貪是名
三分以能了了知三分故意識及貪
無有住處以是義故不念過去不求
未來不愛現在若見三世悉平等者
是名正見如來為令一切衆生得如
是等平等正見而起大悲演說正法
善男子夫菩提者无身無為非眼識
界乃至非意識界是名无身不生不
滅不盡不住无有三相是為無為善
男子一切法性是名無性若无性者
則无有二是故菩提无身無為一切
衆生不知菩提无身無為如來為令
了了知故而起大悲演說正法

善男子夫菩提者无有分別無有句
義云何分別云何句義無所住者名
无分別字不攝故名无句義非有二
故名無分別不入法界名无句義無
動攝故名无分別不變易故名无句
義不可說故名無句義空故名無分
別无覺觀故名无分別無相故名无
句義不發故名無分別无願故名無
句義知衆生界同於虚空名無分別
无衆生界名無句義不生故名无分
別無宅故名無句義不滅故名無分
別无為故名无句義不行故名无分
別平等故名無句義知平等故名无
分別寂靜故名无句義衆生不知如
是等義如來為令了了知故而起大
悲演說正法善男子夫菩提者不可
以身得不可以心得何以故身心如
幻故若能了知身心真實是名菩提為
流布故名為菩提而其性相實不可
說善男子夫菩提者不可說身不可
說心不可說法不可說非法不可說
有不可說无不可說實不可說空何
以故性不可說故菩提者無有住處

不可宣說猶如虛空為真實知一切諸法不可宣說字中無法法中无字為流布故故可宣說一切凡夫不知真實是故如來於此衆生而起大悲演說正法為令知故善男子夫菩提者无取無緣云何无取云何無緣知眼真實名為無取知眼无境名為無緣乃至知意真實名為無取知意无境名為无緣如來世尊以如是義知於菩提無取著故名為无取無屋宅故名為无緣眼識不住於彼色中名無屋宅乃至意識亦復如是一切衆生心无住處如來世尊如實而知心無住處無住處者有四種色受想行於是四法心无所住是名心无住處是故名為一切諸法悉無住處如來世尊如實知之一切凡夫不能知故如來於此而起大悲演說正法善男子夫菩提者名之為空而菩提中无有空相是故名空一切法空菩提亦尔如來世尊真實能知如是之空是故如來名為知空諸佛名覺一切諸法而不覺知空中之空亦能了知無

上菩提空及菩提即是一如空與菩提是一非二離空菩提別有法者可得說二以無二故名之為空无名字故名之為空无相貌故名之為空無威儀故名之為空無修行故名之為空无言說故名之為空善男子第一義者謂無諸法云何說空善男子譬如虛空无言無說无言無說故名虛空無言說中无有言說是名為空一切諸法亦復如是无名字法說為名字如是名字亦無住處若名无住處名下之法亦復如是如來真實知如是法不生不滅以真知故名得解脫本無繫縛云何說言名得解脫是故如來无縛無解如是等法一切凡夫不能知見如來於此而起大悲演說正法為令知故善男子夫菩提者同於虛空虛空之性不平不下菩提亦尔若法无性不可說言有平有下如來世尊知一切法無平无下乃至微塵不作平下若法有性即如實智如實智者知一切法本无今有已有還无出時滅时无所繫属從緣而出

從緣而滅以是義故名之為道斷是
道故名為菩提凡夫衆生不知如是
真實道故如來於此而起大悲宣說
正法為令知故善男子夫菩提者名
真實句真實句者即是菩提色亦如
是如是二句等无老別受想行識地
水火風眼界色界眼識界乃至意界
法界意識界亦復如是名法流布真
實覺知如是陰入界法无有顛倒不
顛倒者知過去法不生不滅未來之
法不生不滅現在之法亦不生不滅
如是知已名不顛倒名真實句真實
句者如一法一切法亦如是如一切
法一法亦如是是真實句凡夫不知
如來於此而起大悲演說正法為令
知故

善男子夫菩提者非內非外云何為
內云何為外非內者无所造作非外
者無所覺知內者謂作外者謂相菩
提之體非作非相是故名為非內非
外又非內者非身口意業非外者非
三業緣非內者无相解脫門非外者
空解脫門如是等義凡夫不知如來

於此而起大悲演說正法為令知故
善男子夫菩提者无漏無取云何无
漏云何无取無漏者遠離四流四流
者欲流有流無明流見流无取者遠
離四取四取者欲取有取見取戒取
而諸衆生无明所覆行於四取以渴
愛故作我我所如來了知我取根本
是故我淨我淨故能淨衆生我淨者
則不覺知一切諸法亦不思惟一切
非法不起無明不起无明因緣故不
起十二因緣有十二因緣有不起故
則不生不生故入決定聚入決定聚
者名為了義了義者名第一義第一
義者名无衆生無衆生義者名不可
說不可說義者即十二因緣義十二
因緣義者即是法義法義者即是如
來以是義故我經中說若有得見十
二因緣則為見法見法者為見如來
見如來者即无所見所見是邪夫邪
見者謂想數法如來無想亦无想數
以是義故見如來者為无所見若見
如來无想無作无知無覺是名真實
見於如來如來亦不覺知一切諸法

二等如法界无取一切凡夫不能覺
知如來於此而起大悲演說正法為
令知故善男子夫菩提者清淨寂靜
光明无諍云何為淨云何寂靜云何
光明云何無諍不雜煩惱名之為淨
空解脫門名之寂靜无相無願名為
光明无生無滅名為無諍又无生者
名之為淨无滅者名為寂靜無取者
名光明不出者名無諍性名為淨无
諸煩惱名為寂靜光明无諍法界名
淨真實之性名曰寂靜光明無諍虛
空之性名之曰淨无分別法界名曰
寂靜光明无諍内外清淨名之為淨
於内外法不取不著名為寂靜光明
无諍真知五陰名之為淨真實知界
名為寂靜光明遠離諸入名為无諍
見過去盡名之為淨見未來不生名
為寂靜見現在法住於法界无有動
轉名光明無諍清淨寂靜光明无諍
如是四法等入一界一法一句如是
三法即是涅槃遠煩惱故名之為淨
畢竟淨故名曰寂靜无闇冥故名曰
光明不可說故名為無諍以是故言

佛說如來默无所說善男子大慧
者即是虛空虛空者名之為法如法
衆生亦尔如衆生福田亦尔如福田
涅槃亦尔以是義故一切諸法同於
涅槃如來能覺如是法界是故名佛
修集具足清淨寂靜光明无諍如是
四句名之為佛如來能知善方便故
初得菩提默然而住无所宣說待梵
王請尔時尸棄梵王與六万八千諸
梵天人來至我所頭面作礼合掌而
言唯願如來為諸衆生轉正法輪而
說偈曰

如來法離淨寂靜 大光无尋無有諍
无字無聲亦无說 真實覺知如法界
佛為衆生無量劫 苦行受持世間戒
為悟无明瞋衆生 久行放逸迷實義
又此會中無量衆 於无量佛積善根
能解甚深真實義 唯願轉於无上輪
此衆已調一切魔 欲令開闡甘露門
如來号为真導師 示閻衆生无上道
如來雖有大慈悲 憐愍衆生如一子
我今勸請法應尔 願轉无上正法輪
如往三佛轉法輪 唯願如來亦復尔

畢竟導師无退轉

示暗衆生一真道

如雨潤長諸草木

令諸衆生除熱渴

佛施法雨於衆生

為得無上无異果

如来初生發誓言

我當救彼苦衆生

衆生渴仰甘露味

願大施主施法雨

尔時世尊既受請已

往波羅奈鹿野

林中仙人住處轉正法輪

如是法輪

諸天魔梵及餘沙門婆羅門等所不

能轉尔時世尊說四諦時憍陳如比

丘得法眼淨其聲遍聞三千大千世

界尔時世尊說優陀邨

甚深之義不可說

第一實義无聲字

憍陳比丘於諸法

獲得真實之知見

即是我往无量世

所得菩提今已得

如来轉是正法輪時

無量衆生悉得

調伏示現如是大悲神通衆生見已

阿僧祇人發阿耨多羅三藐三菩提

心善男子如来如是十六大悲悉為

衆生而修起之如来以是悲因緣故

為一一衆生於恒河沙劫大地獄中

受諸苦惱心不悔退而其悲心亦无

損減以是義故如来大悲不可思議

善男子聲聞人悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如畫皮菩薩大

悲猶如破肉如來大悲破骨徹髓
聞之悲讚佛所知菩薩大悲勸他令
行如來大悲授人阿耨多羅三藐三
菩提記聲聞悲心為慈因緣菩薩大
悲為調衆生如來大悲為畢竟度聲
聞悲心因度苦生菩薩大悲因離苦
生如來大悲因斷一切因緣而生善
男子如來修集如是大悲若為一人
住經一劫百劫千劫万劫至无量劫
終不畢竟入於涅槃善男子如來大
悲成就如是无量功德善男子乃往
過去無量无邊阿僧祇劫時世有佛
号梅檀窟界名大香劫名上香今時
世尊於三百三十二万劫中常以正
法教諸聲聞時佛身上二一毛孔所
出香氣遍滿三千大千世界今時此
界無有臭穢名所有草木山河之属
悉梅檀香衆生身香亦復如是一切
无有身口意惡諸佛弟子聞此香已
即得四禪今時乃有一万諸佛次第
興世皆同一号号梅檀窟是故彼劫
名曰上香今時如來作佛事已欲入
涅槃觀諸衆生誰未調者我當調之

今時如來以淨天眼見有一人在非
有想非无想處已於先佛種下上善
根定當因佛而得度脫非因聲聞得
解脫也壽過八万四千劫已乃當下
生來受五欲當得聞於大乘經典發
阿耨多羅三藐三菩提心安住不退
亦時世尊以大悲故起大方便告諸
比丘我涅槃時到作是言已即便入
於不悔三昧示諸衆生令知涅槃既
知如來入涅槃已令諸大衆廣設供
養正法住世滿足六十八万四千歲
當余之時佛諸弟子乃至无有一人
於正法所作邪法想今時世尊以定
力故八万四千劫隱密此身不令衆
見過是劫已彼人即下生於人中
長者家經八十年彼佛即從三昧而
起詣長者家其家大小悉無見者唯
是童子獨得見之亦時世尊為令彼
人於五欲中心生厭離而為說法彼
人聞已即得不退阿耨多羅三藐三
菩提心如來知已即為授記善男子
汝於來世過七万二千阿僧祇百千
劫當得成於阿耨多羅三藐三菩提

身曰實上如是音聲餘无聞者唯有
一万二千諸天同得聞之間已志發
阿耨多羅三藐三菩提心俱作是言
願彼寶上成佛之時我等當於是佛
法中諮受正法而為弟子今時如來
知是事已復與授記寶上如來成作
佛時汝等當作受法弟子彼佛亦當
授汝阿耨多羅三藐三菩提記時梅
檀窟佛授彼記已今乃畢竟入於涅
槃一切諸天大設供養善男子如來
具足如是大悲非諸聲聞緣覺所知
善男子今時彼佛不斷佛種若有衆
生供養三寶亦復如是佛說如是大
悲功德時此會衆中有三恒沙等衆
生發阿耨多羅三藐三菩提心半會
大衆得成於忍半中之半得具如是
十六大悲其餘半半得佛法忍今時
一切諸天世人間法歡喜同聲讚歎
善哉善哉甚奇甚特快說如是大悲
法門

大方等大集經卷第二

壬寅歲高麗國大藏都監奉

勅彫造

大方等大集經卷第三

七

北涼天竺三藏曇無讖於姑臧譯

陀羅尼自在王菩薩品第二之三

善男子如來復有三十二業何等三
十二善男子如來能知是處非處云
何是處云何非處善男子若有造作
身口意惡得受安樂无有是處是名
非處若有造作身口意善受樂果者
斯有是處是名是處若習慳貪得大
富者无有是處修行惠施得大富者
斯有是處毀破禁戒得受天身無有
是處護持淨戒得受天身斯有是處
瞋恨之人得身端正无有是處修集
忍辱得身端正斯有是處懈怠之人
得大神通無有是處勤修精進得大
神通斯有是處放心散亂得定地者
无有是處攝心不亂得定地者斯有
是處愚癡之人斷煩惱氣無有是處
修智之人斷煩惱氣斯有是處若作
五逆得無漏者无有是處若無五逆
得无漏者斯有是處以女人身作轉
輪王無有是處以男子身得轉輪三

斯有是處帝釋梵王佛亦如是若轉輪王非法治國无有是處轉輪聖王正法治化斯有是處鬱單曰人墮三惡道无有是處鬱單曰人壽終生天斯有是處然生因緣得長壽者无有是處以是因緣壽命促短斯有是處若有邪見得聖道者無有是處若有正見得聖道者斯有是處須陀洹人得第八有无有是處須陀洹人即涅槃者亦無是處阿那含人受欲有身亦无是處阿羅漢人受後有者無有是處賢聖之人諮承異師无有是處得不退忍退菩提者无有是處菩薩坐於菩提樹下不得菩提而起去者無有是處如来若有煩惱習者亦无是處諸佛世尊知有障尋無有是處若有能見如来頂者亦无是處若有衆生能知如来心境界者無有是處如来之心不常定者亦无是處如来世尊有二語者无有是處如来世尊有過失者亦無是處善男子是名如来第一之業尔時世尊即說頌曰
大地可說動轉相 猛風可說停住相

虛空可說有色相 佛不說處為非處
虛空可說作界像 佛不說處為非處
如來演說處非處 下中上分悉真實
不說是處非處一 如是二處各无二
如來亦說下中上 各各无有三種相
佛知是處非處已 故能宣說无上法
如來了知衆生心 善能分別細微相
沙門梵志閻處行 不知是處非處因
衆生不知處非處 是故不能得解脫
如來悉知處非處 是故稱為无上尊
若諸衆生无法器 如來於是修捨心
設大方便待時節 為令彼得真解脫
如來世尊智无上 是則名為第一法
如是清淨第一業 為令衆生得調伏
如來說是第一力 甚深難測无能知
如是妙法難可宣 為破邪見憐愍說
復次善男子如來世尊善知去來現在
在衆生所有諸業知業知報知恩知
處若過去業是不善因如來知是未
來之世得不善果若未來業有退因
緣如來了知實是退因若未來業能
增長法如來悉知以是因緣能增長
法若現在業若進若退如來悉知以

是因緣有進有退若有作業是聲聞
因是緣覺因是菩薩因是如來因如
來悉知以是因緣是聲聞因是緣覺
因是菩薩因是如來因是名如來第
二之業亦時世尊復說頌曰

如來獲得无上智 是故能知業因果
智知三世非三攝 能知衆生三世業
善解衆生安樂因 亦能了知苦惱因
如來壞邪无因果 是故修集第二業
通達進退二法因 善惡業果亦復然
如來知見無障罣 如觀掌中菴羅果
知下中上真實相 三乘所因亦復然
如來善知衆生業 亦知善惡諸業果
衆生業果三世攝 知見不謬名正覺
復次善男子如來世尊知諸衆生種
種欲解若貪欲若瞋恚若愚癡現在
世貪起未來世貪瞋恚愚癡現在世瞋
起未來世貪瞋恚癡現在世癡起未
來世貪瞋恚癡如來悉知現在住善
欲未來惡欲現在住惡欲未來善欲
如來悉知現在住下欲未來世下中
上分現在住中欲未來世下中上分
現在住上欲未來世下中上分如來

忘知邪聚衆生能作正聚不定衆生
住於正定如來悉知欲界衆生有色
無色界欲解知聲聞人有緣覺欲解
有佛欲解如來真實通達知故而為
說法是名如來第三之業今時世尊
即說頌曰

衆生欲解有種種 其意若干非一徒
如來真實知諸欲 故能隨意演說法
貪欲瞋恚愚癡性 隨相而知無顛倒
下中上品亦如是 善惡業因果真實

通達三聚无有定 一切三乘亦復然
智知三世非三攝 為諸衆生說三力
復次善男子如來悉知无量世界若
修善行若行惡法若無尋行去何名
知內空外空內外空故復次如來知
眼知色及知眼識云何而知如虛空
故復次如來知欲色界及無色界云
何而知如覺觀故復次如來知於行
界云何而知如行性故復次如來知
煩惱界云何而知客塵性故復次如
來知不汙界云何而知一切諸法性
本淨故復次如來知生死界云何而
知無明緣故復次如來知涅槃界云

何而知實思惟故復次如來知世住
界知世愛界知世瞋界知世癡界知
世淨界知世淨心界以知界故能實
說法是名如來第四之業今時世尊
即說頌曰

如來人中師子王 能真實知衆生界
如來智慧无有邊 是故能知世无邊
知善惡行解脫行 亦知眼色眼識行
通達一切无量法 其性本來常清淨
内外真實無所有 五陰諸入十八界
身口意業及四大 如是諸法悉无實
知如是等衆生界 皆悉同於虛空境
三界性相无真實 諸煩惱界亦如是
煩惱性相無堅牢 無漏解脫亦復然
如來雖知真實界 終不言知而生慢
虛空无量無邊際 一切衆生界亦然
如來智慧无邊際 遠離三種有為相
佛智无上甚深奧 一切衆生不能知
如來憐愍衆生故 宣說如是第四力
復次善男子如來善知一切衆生諸根利鈍
云何而知知上中下知增知減亦知貪欲有一
億種瞋恚愚癡各一億種知貪欲重知
貪欲輕知瞋恚重知瞋恚輕知愚癡

重知愚癡輕知一種根能增生死知
一種根能減生死了知善根知不善
根知非善非不善根知解脫根知六
情根男根女根命根苦根樂根憂根
喜根捨根信根進根念根定根慧根
未知欲知根知根知已根知眼根因
乃至意根因知耳根因作眼根緣知
鼻根因作舌根緣知舌根因作身根
緣知戒莊嚴能修於施知施莊嚴能
修於戒如來悉知誰可說施誰可說
戒乃至智慧亦復如是知誰可為說
四念處乃至八聖道分誰可為說聲
聞之乘辟支佛乘无上佛乘知緣覺
根學聲聞乘知正覺根學聲聞乘辟
支佛乘知下根人能修上根上根之
人修於下根知衆生根未可調者則
生捨心可調伏者為說正法如來悉
知熟不熟相不熟熟相不熟不熟相
熟有熟相知生死根知解脫根知莊
嚴根知具足根一切根性因緣果報
悉知悉見是名如來第五之業今時
世尊即說頌曰

如未知根到彼岸

故知衆生種種解

亦了知根下中上

并及諸業亦如是

亦知煩惱輕重相

及知諸根難易調

知樂生死及解脫

了知眼根至意根

知根行處及滅處

了知一切三乘根

有可轉者不可轉

知衆生根熟不熟

隨其意種為說法

善知呵責軟語調

知有不受教誨者

則於其人修捨心

如來善知諸方便

為破煩惱莊嚴智

為破衆生煩惱故

演說如來第五業

復次善男子如來真實知至處道去

何而知知正定聚知邪定聚及不定

聚知於因力及果報力知過去世福

德因緣知現在世莊嚴因緣難調易

調略說廣解廣說略解知是衆生能

得解脫不得解脫知不定者遇善知

識住正定聚不得善友則無解脫如

來知已隨其意趣而為說法彼聞法

已繫念思惟獲得善果如來出世惟

為不定終不為彼邪定說法何以故

非是器故不能獲得真解脫故是名

如來於是人所修集捨心菩薩摩訶

薩真實知已勤修莊嚴為破如是邪

定衆生是故菩薩發阿耨多羅三藐

三菩提心如來善知貪有三種一者

三菩提心如來善知貪有三種一者

三菩提心如來善知貪有三種一者

三菩提心如來善知貪有三種一者

因見淨故二者受因緣故三者本因緣故瞋有三種一者瞋因緣故二者受因緣故三者本因緣故癡亦三種一者無明因緣二者我見因緣三者疑網因緣復次如來知諸衆生苦遲得通苦速得通知苦遲者能得樂速知樂速者能得苦遲知樂遲者能得樂速知有修力知有智力又知有道具足修力不具智力有具智力不具修力不具智力又知有道能作淨心不能莊嚴有能莊嚴不能淨心有作淨心能具莊嚴有不具淨心不具莊嚴又知有道能淨其身不淨口意有淨口意不淨其身有身口意淨有身口意即說頌曰

如來善知所至處

亦知衆生諸因緣

亦能了知定不定

通達明曉調不調

不為邪定演說法

亦不調伏下根者

知貪瞋癡三種說

亦知諸結輕重相

知於四道轉不轉

是故佛知道畢竟

修力智力真實知

下中上力亦如是

知身口意淨不淨

心及莊嚴亦復然

衆生諸根煩惱界

如來知已為破壞

為彼无明闇衆生

宣說如來第六業

復次善男子如來知禪解脫三昧煩

惱解脫去何而知知諸衆生以因緣

故貪樂生死以因緣故貪樂涅槃云

何名因云何名緣若諸衆生思惟不

善是名生死因緣因不善思惟故生

長无明是故不善為因無明為緣因

无明故則生於行是故无明為因諸

行為緣因諸行故則生於識是故行則

為因識則為緣因識故則生名色是

故識則為因名色為緣因名色故則

生六入是故名色為因六入為緣因

六入故則生於觸是故六入為因觸

則為緣因觸生受是故觸則為因受

則為緣因受生愛是故受則為因愛

則為緣因愛生取是故愛則為因取

則為緣因取生有是故取則為因有

則為緣因有生生是故有則為因生

則為緣因生則有老死等苦是故生

則為因老死為緣煩惱為因諸業為

緣諸見為因愛結為緣煩惱為因五
蓋為緣是名為因是名為緣而諸衆
生以是因緣貪樂生死何因緣故貪
樂涅槃有二因二緣令諸衆生樂於
涅槃一者樂喜聽法二者樂正思惟
復有二種一者舍摩他二者毗婆舍
那復有二種一者不去智二者不來
智復有二種一者觀生死二者觀涅
槃復有二種一者如法持二者得證
復有二種一者修解脫門二者得解
脫果復有二種一者盡智二者无生
智復有二種一者諦智二者觀十二
因緣是名為因是名為緣而諸衆生
以是因緣樂於涅槃如來悉知如是
等禪三昧解脫既了知已捨離欲惡
不善之法有觀有覺離生喜樂入於
初禪入初禪出滅定入滅定出初禪
乃至八解脫亦復如是一切衆生悉
不能知如來世尊出入之處如來悉
知住定平等及以上下衆生謂佛入
一三昧而佛實入一切三昧衆生見
佛起一切定而佛實入一定三昧如
來三昧无有次第然非不定一切聲

聞緣覺菩薩悉不能知如來又知說法因緣得聲聞三昧說法因緣得緣覺三昧說法因緣得菩薩三昧知己隨意而為演說是名如來第七之業
今時世尊即說頌曰

如來了知生死因 亦復通達解脫因
既了知己為說法 破壞生死不善因
不善思惟无明因 无明因緣長生死
煩惱因緣受業果 諸見因緣增愛結
若得親近善知識 至心聽受无上法
觀察内外空三昧 即能越度生死海
修集无上定智慧 觀法平等无去來
若能觀見無出滅 即得了了寂靜眼
修集无上三脫門 具足盡智无生智
既自獲得無尋智 復能為諸衆生說
入於初禪出滅定 入於滅定隨意出
如來三昧無次第 是故名為常在定
如來所入種種定 與諸法界无差別
二乘不知佛住處 菩薩不知甚深定
衆生常行无明闇 不知如來入出處
無上世尊憐衆生 是故宣說第七業
復次善男子如來善知自身所有過
去世業若一生二生至无量生一灾

二灾至无量灾一切二劫至無量劫
憶念生名種姓飲食色貌形質苦樂
壽命是諸衆生造是業因得此有
身念他有滅生於他有如自身他
亦如是亦知衆生所有業因是諸衆
生造是業因得他有身知衆生心及
因緣是心滅已次第生心如是等事恒
沙衆生所不能知佛宿命智悉知三
世无有始終如是智慧不可稱量勸
諸衆生汝今當念過去世中所更善
惡以佛力故悉得憶念往昔所種无
量善根若佛邊種若於聲聞緣覺邊
種既憶念已如來即為隨意說法令
不退轉是名如來第八之業今時世
尊即說頌曰

如來憶念无量世 若自若他善惡業
明見無量劫中事 猶觀掌中菴羅果
種姓生名悉能知 色劫生滅亦如是
亦知壽命及住處 善惡業因亦復然
知衆无量次第心 及知心因生滅處
遍知無量劫中生 亦不盡於无尋智
佛智无量不可稱 二乘不知其境界
為令衆生念過去 隨意宣說第八業

復次善男子如來天眼清淨微妙見諸衆生生滅墮落若受善色若受惡色若生善有若生惡有亦能明了知諸業因知是衆生身口意惡誹謗聖人增長邪見以惡業故捨此身已即墮地獄知是衆生身口意善不謗聖人增長正見以是業緣捨此身已即生善有如來天眼能見十方諸佛世界无有邊際猶如虛空無有限量猶如法界悉見衆生生時滅時見諸世界成時壞時亦知衆生發菩提心生時滅時見一切佛始成正覺轉正法輪入涅槃時見諸聲聞證得解脫得解脫已取涅槃時見諸緣覺以神通力報諸衆生信施恩時如是等事一切五通聲聞緣覺及諸菩薩所不能見如來天眼成就如是无量功德以天眼故觀諸衆生誰應為佛之所化度誰復應為聲聞緣覺之所化度若應從佛而得度者如來即為示現其身其餘衆生悉无見者是名如來第九之業今時世尊即說頌曰

無量劫中修善業 獲得如是淨天眼

能見十方諸衆生 具足成就善惡色
見上中下諸衆生 亦見受於善惡有
能知身口意善業 業因所得諸果報
亦知聲聞辟支佛 菩薩之人善法境
見十方佛破魔兵 轉正法輪入涅槃
見諸聲聞得解脫 教化衆生取滅度
見辟支佛示神通 以報施主之恩德
如來所說真實法 聞已能度生死海
聲聞緣覺及菩薩 不能知佛所見處
如來親見細微塵 亦見無量无边界
如來教化佛所度 是故宣說第九業
復次善男子如來世尊知諸漏盡異
竟解脫我生已盡梵行已立所作已
辦更无後有佛漏盡智清淨微妙言
清淨者無諸習氣聲聞之智有邊有
量何以故有習氣故辟支佛智亦有
邊量何以故无大悲故佛漏盡智無
量无边何以故知一切行故具足成
就一切智故永断一切諸習氣故攝
取大慈大悲莊嚴四無所畏於一切
法无取相習一切世間所不能勝行
住坐卧無諸過失猶如虛空清淨明
了不雜煙雲佛漏盡智亦復如是不

雜一切諸煩惱習如來成就清淨具
足是漏盡智能為衆生敷揚宣說令
彼聞者斷諸煩惱菩薩聞已發大莊
嚴為斷煩惱是名如來第十之業今
時世尊即說頌曰

佛漏盡智无有邊 清淨不雜煩惱習
聲聞緣覺習結氣 是故漏盡智不淨
如來具足大慈悲 是故其智无邊際
具足成就一切行 故知衆生漏行處
所可演說无常我 令衆生知空无樂
修善思惟得淨眼 知无衆生無士夫
大悲憐愍諸衆生 具足十力四无畏
為斷煩惱智无尋 是故宣說第十業
復次善男子如來具足四无所畏成
如來業如來業者悲已覺知一切諸
法若天若人若魔若梵若沙門若婆
羅門如實而言如來不覺不知法者
无有是處何以故如來世尊名為正
覺覺平等法若凡夫法若聖人法若
聲聞法若緣覺法若菩薩法若佛法
若學法若无學法若世法若出世法
若善法若不善法若有漏法若无漏
法若有為法若无為法如是等法平

等覺知故名正覺言平等者見空平等法真實故无相平等壞諸相故无願平等不著三界故不生平等無生性故无行平等無行性故無出平等無出性故无至處平等無至處性故真實平等無三世性故智解脫平等無无明性故涅槃平等無生死性故見如是法皆悉平等是故如來名為正覺如是觀已以大慈悲為諸衆生稱揚宣說若非世尊作世尊想若非正覺作正覺想若非漏盡作漏盡想如來具足四无所畏能壞如是諸惡想等是名如來第十一業今時世尊即說頌曰

佛知一切法平等 是故得名一切智
凡聖菩薩及佛業 世與出世善惡業
空无相願无生滅 一切悉見其真實
如來悉見平等故 為衆演說十一業
復次善男子如來真實永盡諸漏是
故唱言我盡諸漏我都不見人天魔
梵沙門婆羅門真實而言佛漏未盡
云何名為如來漏盡佛於欲漏心得
解脫有漏无明漏一切習氣一切見

漏心得解脫是故如來名為漏盡第一義中聖人真知無覺无斷無證无修為流布故說言盡漏何以故盡者即是无生無滅无盡者不可宣說不可說故名之无為夫無為者无出滅住佛若出世不出於世法性常住如來不覺我及我斷如來住於大慈大悲為衆生故宣說我斷是名如來第十二業今時世尊即說頌曰

如來永斷諸漏結 及以无邊諸習氣
是故世法不能汙 如花處水泥不著
大悲人中師子王 為衆生故說流布
真實而知无出滅 无我我所亦復然
一切諸法無增減 隨其性相真實說
如來得大自在力 為衆故說十二業
復次善男子如來真實說遮道法我都不見人天魔梵沙門婆羅門說言是法不能遮云何名遮云何不遮有一法能遮道所謂放逸復有二法所謂無慙无愧復有三法謂身口意惡復有四法所謂欲瞋怖癡復有五法所謂煞生偷盜婬泆妄語飲酒復有六法所謂不敬佛法僧戒三昧不放逸

復有七法一者慢二者大慢三者慢
慢四者邪慢五者邪語六者邪命七
者邪念復有八法一者邪見二者邪
思惟三者邪語四者邪業五者邪命
六者邪方便七者邪念八者邪定復
有九法所謂有人欲作諸惡現作作
已加於已親有人以善加於已怨有
人以惡加於已身亦復如是是名為
九復有十法所謂十惡一者殺生二
者偷盜三者姪洩四者妄語五者兩
舌六者惡口七者无義語八者貪嫉
九者瞋害十者邪見若有比丘起惡
思惟以是因緣不知有為多諸過咎
以不知故生顛倒心顛倒因緣增長
五蓋五蓋增故令諸煩惱遮障善法
煩惱因緣身口意業造作諸惡如來
如實知如是法能遮於道既自知已
為衆演說為壞如是遮障道法是名
如來第十三業今時世尊即說頌曰
若有修集於放逸 真實不能得解脫
身口意等諸惡業 无慙無愧諸煩惱
親近惡法能遮道 善覺對治不對治
為壞煩惱故演說 大慈大悲十三業

復次善男子如來實說聖道畢竟若有衆生親近正念必得解脫我都不見人天魔梵沙門婆羅門真實記言修道者不得畢竟无上解脫云何名為真實聖道有一種所謂一乘復有二種謂舍摩他毗婆舍那復有三種謂空三昧无相無願復有四種謂四念處復有五種謂信等五根復有六種謂六念處復有七種謂七覺分復有八種謂八正道復有九種所謂初禪乃至滅定復有十種所謂十善是名畢竟真實聖道又畢竟道者无有能作增减取捨无執無放非正非邪非一非二是名真實畢竟之道如來世尊憐愍一切為諸衆生說如是道是名如來第十四業今時世尊即說頌曰

如來了知寂靜法 有親近者得解脫
如來无師無教者 自然而得甘露味
有修三十七助法 煩惱結滅得解脫
思惟善知真實法 不著法性真解脫
如來見法如虚空 猶如幻化熱時焰
具足十力无邊身 為衆故說十四業

復次善男子如來身業无有過失若
愚若智無能宣說佛有過失何以故
如來若行若坐若住著衣持鉢若受
飲食若見若聞若有所說入出城邑
村落舍宅足不蹈地常行千葉蓮花
之上若有衆生遇觸佛影七日安樂
無飲食想捨是身已生於善有如來
衣服離身四寸暴猛風力所不能動
如來雖有如是等事而其內心未嘗
不定是故如來身无過失善男子如
來口業亦無過失何以故時語真語
實語正語期語義語不多語如持而
語淨語解一切語微妙語無異語一
音語是故如來无口過失如來意業
亦無過失何以故如來常作一切佛
事而其內心初無憍慢不侵智慮而
知法盡是名如來无瞋智是故如
來意无過失為壞衆生如是過失故
宣說法是名如來第十五業今時世
尊即說頌曰

如來身口意寂靜 是故无能說有過
實不可說為流布 是業非業說為業
復次善男子如來不與天人魔梵沙

門婆羅門而生諍訟何以故離愛恚
故一切世間供養恭敬心不生高亦
不歡喜一切世間毀訾輕慢不生愁
惱凡所造善事无不成終不造作不
善之業如來實無世間諍事亦常修
集无諍三昧如來無我无有所為
壞衆生是非諍訟說是業是名如
來第十六業今時世尊即說頌曰
如來修集无諍定 是故其心无瞋喜
如來為斷衆煩惱 是故宣說十六業
復次善男子如來之心無有忘誤於
八解脫不失念心常觀一切衆生意
行觀已復能隨宜說法於四无尋亦
无念失於三世中憶念不忘既自不
失憶念之心復為衆生說是念法是
名如來第十七業今時世尊即說頌曰
如來修集八解脫 故於諸法不失念
知衆生心隨意說 為令得念說是業
復次善男子如來真實无不定心若
行若住若坐若卧若語若默常知諸
法深妙之義一切世間若有入定若
不入定悉无能知如來心也唯除諸
佛借其道力欲令一切无量衆生常

在定故說如是業是名如來第十八
業今時世尊即說頌曰

如來正覺常在定 所作諸事无散亂
常入三昧无知者 是故宣說十八業
復次善男子如來真實无種種想所
謂无分別福田非福田想亦無分別
諸衆生想及以法想正覺之想及法
界想分別持戒及毀戒想亦无分別
想想親想受不受想分別正見邪見
之想是故如來無種種想為壞衆生
如是諸想宣說是業是名如來第十
九業今時世尊即說頌曰

如來永斷一切想 是故了知諸法界
為破衆生若干想 宣說如來十九業
復次善男子如來從智捨心无不知
捨何以故修身故修戒故修心故修
慧故斷癡故如來捨心出於世間即
是聖捨是畢竟捨轉梵輪捨共大
悲捨為利衆生捨知對治捨如是
等捨无增無減不高不下不雜煩惱
不一不二不觀時節无尋無對不住
不動不隱不顯真實不虛如來成就
如是大捨而能為諸衆生說法是名

如來第二十業。今時世尊即說頌曰
如來修身戒心慧 從於智慧修捨心
於諸衆生无愛恚 不動不住真實捨
大慈大悲無上尊 具足如是之大捨
无尋智慧調衆生 演說清淨二十業
復次善男子。如來欲業无增無減。何
等名欲。欲於善法。所謂大慈大悲。說
法度人。安住寂靜。勸諸菩薩學菩提
道。令三乘種相繼不絕。如是諸欲不
隨欲出。隨智而生。欲令一切衆生具
足阿耨多羅三藐三菩提。故演說正
法。是名如來二十一業。今時世尊即
說頌曰

如來欲者无增減 大慈大悲故說法
不斷三乘無邊身 為衆演說如是業
復次善男子。如來精進无有休息云
何。不息所謂調伏衆生。說法化度。假
使有一人能無量劫。佛邊聽法。如來當
為說不休息。若有一佛於无量劫。演
說法者。如來亦聽心無懈廢。若過无
量恒沙世界。有一衆生應受化者。如
來要當隨逐不捨。不食不息。不生疲
倦。悔退之心。常勸衆生。令勤精進。是

名如來二十二業今時世尊即說頌曰

具精進人師子王 於大眾中讚精進

精進說法无休息 是故進業二十二

復次善男子如來念心无有增減何

以故如來初得阿耨多羅三藐三菩

提時遍觀一切去來現在衆生之心

後說法時不失先念念本三聚及三

種根凡所演說無不作念是名如來

二十三業今時世尊即說頌曰

如來初得菩提時 遍觀衆生如實心

凡所說法不失念 二十三業佛所說

復次善男子如來三昧於一切法平

等无減是故諸佛一切平等於一億

種貪欲恚癡及一億種无貪恚癡其

心平等无有差別有為無為生死涅

槃亦復如是具如是等平等三昧不

雜眼耳鼻舌身意四大三界非此非

彼亦非一切非增非減為令衆生得

是三昧宣說正法是名如來二十四

業今時世尊即說頌曰

如來等觀一切法 是故常定心无亂

不為三界之所攝 諸根四大亦如是

一切諸法无差別 平等觀察善不善

如來所說如是業 為諸衆生得是定
復次善男子如來智慧常无減少以
是智力知一切法能隨衆生意趣說
法得无尋智知一切義知一切字知
一切句於無量劫演一句法出无量
義斷一切疑說三乘法并及八万四
千法門亦說八万四千法聚是名无
量无边智慧為令衆生得是智故宣
說正法是名如來二十五業今時世
尊即說頌曰

佛智无尋無有邊 能說無尋无边法
演一字作无量句 演一句作無量義
說八万四千法門 亦及今所諸法聚
為令衆得無尋智 是故宣說如是業
復次善男子如來解脫無有減少聲
聞之人從他聞故而得解脫緣覺之
人從因緣故而得解脫如來无師自
然覺悟永斷煩惱及以習氣過去不
斷未來不著現在不住亦不貪著眼
色二法乃至意法亦復如是知心性
淨是故唱言如來一念得阿耨多羅
三藐三菩提為令衆生一念得成阿
耨多羅三藐三菩提故演說正法是

名如來二十六業亦時世尊即說頌口

為諸聲聞聞解脫亦為緣覺因緣悟

如來解脫不著有不著三世心性淨

凡所演說為解脫勸諸衆生无上道

二十六業非業故大慈大悲處衆說

復次善男子如來身業隨智慧行智

所圍遶以是業故衆生聞見說法默

然行住坐卧飲食出入城邑聚落三

十二相八十種好恚得調伏是故如

來一切身業隨智慧行是名如來二

十七業亦時世尊即說頌曰

如來身業為衆生故示種種妙相好

凡所舉動調衆生大悲為衆說是業

復次善男子如來口業隨智慧行何

以故說法淨故无脫失故真正語易

解語易知語非高語非下語非曲語

非麁語非惡語非闇語柔軟語非輕

語非疾語非畏語非不解義語非惡

聲語非緩語甘露語可愛語次第語

莊嚴語恭敬語樂聞語不貪語不垢

語清淨語畢竟語不誑語不癡語无

尋語廣語真實語不作語不盡語安

樂語身寂靜語心寂靜語貪寂靜語

瞋寂靜語癡寂靜語壞魔語破邪論
語梵聲迦陵頻伽聲釋聲大海潮聲
拘嶮闍聲秋月孔雀聲拘朶羅聲命
命鳥聲鵝王聲鹿王聲琴聲鼓聲貝
聲伎樂聲人樂聞聲耳根樂聲增善
法語句義無盡語合字句義語時語
略語知足語調諸根語施莊嚴語清
淨戒語共忍行語精進神通語遠離
欲界語具足智慧語慈語悲語喜語
捨語說三乘語不斷三寶語解三聚
語解三世語解三解脫語分別四諦
語修集語讚歎語佛語聖語無邊語
無行語善男子如來成就如是等語
是故如來所有口業隨智慧行是名
如來二十八業今時世尊即說頌曰
如來所說如淨珠 成就無量諸功德
其聲遍滿十方界 一音能令種種解
凡所演說不作念 更不觀衆心境界
如來音聲如響相 無說無聞亦如是
大慈大悲清淨語 為衆生解種種法
是故宣說如來業 二十八業如先佛
復次善男子如來意業隨智慧行何
以故如來了知一切衆生心意識等

亦不隨意隨緣隨貪隨恚隨癡遠離
誑惑及我我所無明闇翳平等清淨
無有邊際猶如虛空是故如來所修
意業隨智慧行是名如來二十九業
今時世尊即說頌曰

如以毫毛舉須弥
常觀衆生心所緣 遠離諸魔煩惱界
人中象王說善業 為壞衆生種種惡
為淨衆生身口意 二十九業今已說
復次善男子如來智慧知過去世其
智无碍亦无障者云何為智知過去
佛無量無數及其世界所有草木衆
生之數其心所緣種種音聲亦知其
佛說幾所法有幾衆生得聲聞乘辟
支佛乘及菩薩乘亦知彼佛所有世
界壽命脩短衆數多少名字種種喘
息飲食衆生根界意界法界心界行
界其心次第生滅出沒如實了知知
其數量非比智知是名如來第三十
業今時世尊即說頌曰
佛智无碍無障者 故能悉知无量土
了知一切諸佛事 衆生諸根及法界
人師子子知過去 如觀掌中了摩勒

无邊身說三十業

為令衆生知過世

復次善男子如來智慧知未來世其智无尋亦無障者云何為智知未來世若出若滅一切世界幾劫水灾幾劫火灾幾劫風灾成壞之數幾佛世界幾佛出世世界之中有幾微塵有幾聲聞緣覺菩薩亦知彼佛幾食幾息幾行幾住幾坐幾卧幾人獲得聲聞解脫幾人獲得緣覺解脫幾人獲得正覺解脫幾人修集慈悲喜捨亦復了知幾所衆生次第心生次第心滅了了能知如是等事亦非比智是名如來三十一業尔時世尊即說頌曰如來了知未來世一切諸法之出沒知佛世界及以佛衆心次第生滅等既得知已无憍慢名三十一如來業復次善男子如來智慧知現在世其智无尋亦無障者云何為智如來悉知十方現在世界諸佛聲聞緣覺菩薩衆數日月星宿草木微塵地水火風四大海滄衆生毛髮種種形色心意次第生滅出沒亦知地獄畜生餓鬼現業果報幾時住世幾時解脫亦

知人天業果因緣幾時住世幾時解脫知煩惱界及諸根界意界法界如來雖復種種知已不生高心口亦不出二種之言是名如來三十二業余時世尊即說頌曰

無上如來叵思議 无有知佛所緣境
如來所知如虛空 無量无稱無邊界
所說微妙第一義 為令衆生得是業
惣持自在能問佛 无上世尊隨意答
善男子如來世尊具足如是三十二
業則能調伏无量衆生善男子如來
世尊雖為衆生說是諸業而如來業
真實无量不可稱計善男子如來業
者一切世間所有衆生不能思惟不
能了知不能宣說如是業者悲能等
知一切國土猶如虛空何以故十方
諸佛悉平等故善男子諸佛所說觀
察衆生及佛世界解脫涅槃等无老
別佛觀法界皆一味已轉不可轉正
法之輪善男子譬如善識真實之匠
於寶山中獲得一珠得以水漬從漬
出已置酢漿中從酢漿出已置之豆
汁意猶不已復置苦酒苦酒出已置

衆藥中從藥出已以瓔珞磨是名真
正青琉璃珠善男子如來亦令衆
生界不明淨故說無常苦及以不淨
為壞貪樂生死之心如來精進無有
休息復為演說空無相願為令了知
佛之正法如來精進猶不休息復為
說法令其不退菩提之心知三世法
成菩提道名大瓔珞寶良祐福田是故
當知如來諸業不可思惟不可稱量
不可宣說如來具足三十二業雖知
已身猶如虛空而於世界示現其身
亦復宣說不可說法永斷一切心之
因緣悉知一切衆生心界亦知一切
菩薩境界善男子如來世尊真實業
者終不斷絕菩薩投記是名如來真
實之業今時世尊說是業時十方世
界六種震動大光普照雨於无量無
邊香花諸在此坊天人大衆阿修羅
迦樓羅緊那羅摩睺羅伽人及非人
聞如來業心大歡喜復以種種香花
伎樂寶幢幡蓋供養之具而供養佛
其中或以周羅寶頂寶鬘手玼雜寶
瓔珞日珠月珠拍環珠帶寶珮鬘飾

或以耳環以奉如來謂青琉璃及蓮
花珠金翅鳥珠閻浮寶珠帝釋寶珠
火珠光珠无量光珠無量色珠柔軟
淨珠金剛寶珠及白真珠復以雜香
所謂末香金沙和雜栴檀之香多伽
羅香沉水弥伽多摩羅跋香復散諸花
所謂曼陀羅花摩訶曼陀羅花曼殊
沙花摩訶曼殊沙花拘毗陀羅花波
利質多羅花樂花娑羅花大娑羅花
百葉花千葉花饒葉花大光花香葉
花樂香花樂見花无量色花无定色花
水生花優波羅花波頭摩花拘物頭
花分陀利花陸生花婆利師花摩梨
花須曼那花育垣花檀內伽梨花阿
提目多伽花瞻婆花阿叔迦花種種
伎樂種種幢幡蓋十方界諸來菩薩
各昇虛空寶坊之上放身投下供養
於佛投身散已其身不現化七寶網
遍覆其上復現其身珠網中今時
十方一切諸佛各各遣一波利之樹
以用供養釋迦如來以佛力故一一
諸樹各至寶坊莊嚴其處今時會中
无量衆生發阿耨多羅三藐三菩提

大集經第五卷 第三十四張 推

心無量衆生得无生法忍

大方等大集經卷第三

辛丑歲高麗國大藏都監奉

勅雕造

賴茲功德力永脫輪迴報
嚴父與慈堂優遊極樂鄉
清誌

大方等大集經卷第四

非

北凉天竺三藏曇無讖於姑臧譯

施羅尼自在王菩薩品第二之四

今時世尊舉身顧眄觀諸大衆如象王迴而作是言諸善男子誰能守護如是供具及此寶坊令不毀壞滅沒損減以待弥勒成正覺已十六年後供養彼佛及賢劫中五百如來是時會中有一菩薩名諸法神通自在王即從坐起踰跪合掌而作是言世尊我能守護如是供具及此寶坊令不毀壞滅沒損減以待弥勒成正覺已十六年後供養彼佛及賢劫中五百如來今時衆中有一魔王名曰神通其所住國名四天下語諸法神通自在王菩薩言善男子汝今安置如是供具并及寶坊置何器中而守護之令不毀壞善男子凡言器者性是无常而我此身常住无變善男子汝今應當諦觀我身今時魔王聞是語已如教諦觀見其齋中有一世界名水王光有佛世尊号寶優鉢羅其世界

大集經第四卷 第五
中有大寶山如來處中結加趺坐與諸菩薩宣說正法。爾時魔王見是事已心甚奇訝。即禮諸法神通自在王菩薩。讚言善哉善哉。大士我今始知汝有妙器堪任護持。如是供具及此寶坊令不毀滅。尔時魔王即白佛言世尊我往未見如是菩薩未聞如是微妙法。時欲學聲聞入於涅槃。我今既見諸法神通自在王菩薩威神力。即發阿耨多羅三藐三菩提心。世尊假使我身恒沙劫中受地獄苦。然後乃成无上道者亦終不捨菩提之心。佛言善哉善哉。善男子汝能善發阿耨多羅三藐三菩提心。汝亦當得如是無量神通之力。是時會中復有菩薩名師子幢語陀羅尼自在王菩薩言善男子菩薩摩訶薩獲得何等陀羅尼門而能受持一切佛語。凡所演說字句及義無有窮盡。陀羅尼自在王菩薩言善男子有八陀羅尼菩薩摩訶薩若有得者則能受持一切佛語。凡所演說字句及義而无窮盡。何等為八。一者淨聲光明陀羅尼二者

無盡器陀羅尼三者无量際陀羅尼
四者大海陀羅尼五者蓮花陀羅尼
六者入无罣門陀羅尼七者四无罣
智陀羅尼八者佛莊嚴瓔珞陀羅尼
是名為八若有菩薩安住如是八陀
羅尼則能受持一切佛語凡所演說
字句及義而无窮盡師子幢菩薩言
善哉大士唯願廣說菩薩聞已當得
受持一切佛法陀羅尼自在王菩薩
言善男子諦聽諦聽當為汝說淨聲
光明陀羅尼者菩薩摩訶薩若得住
者能於无量無邊佛所具足成就无
量功德得淨四大以是因緣其聲微
妙宣說法時其音遍滿一佛世界二
佛世界五佛世界十佛世界二十佛
世界三十佛世界四十佛世界五十
佛世界百佛世界千佛世界万佛世
界乃至百千万佛世界不可稱不可
數隨所說法即得遍聞其說法時所
坐法座師子之牀或一由旬或如須
弥或如梵處坐如是處設有十方无
量諸佛講宣道化普得聞之受持不
忘善解字句及其義味自說法時及

聽伊說於是二事各无妨碍於一字
中說一切法一字者所謂為阿阿者
諸字之初菩薩摩訶薩說阿字時即
能演說一切諸法阿之言无無者諸
法无根諸法無生諸法無初諸法无
邊諸法無盡諸法无作諸法无來諸
法無去諸法无住諸法無性諸法无
出諸法無行諸法无增諸法無高諸
法无減諸法无主諸法無用諸法无
願諸法無戲論亦无覺觀無說无聽
无處無入諸法无我及無衆生無淨
無命无名無主無有士夫無内无外
无常無相无億無量无為無跡無句
無字无号無共无隨他無隨己无執
无放無取无捨無數无身無淨無穢
無轉无變無受无聲無相无結无汙
无狂無漏无有無覆无濁無對無色
無受无想無行无識無因无果无陰
入界無因緣无境界無受无欲無色
无無色无誘導無黑无白無淨无思
惟无時無歸无淨無雜无燒無習无
屋無支无動無住无堅無脆无可見
无可觸無光无闇無曲无罪無實无

虛无癡無觀无見無修无見無聞無
覺無智无觸無識善男子菩薩摩訶
薩獲得如是淨聲光明陀羅尼時於
此一字說一切法菩薩於此一字之
中說无量義無有錯謬不壞法界不
失字義菩薩得是陀羅尼已身口意
淨舉動進止衆生樂見是名身淨凡
所演說衆生樂聞是名口淨修集慈
悲喜捨之心是名意淨菩薩得是陀
羅尼已能淨二施財施法施能淨於
戒見毀戒者不生惡心能淨於忍見
害衆生不生瞋惱能淨精進修行善
法无有休息能淨禪定壞憍慢故能
淨智慧除无明故能淨於業壞惡因
故能淨於眼得三眼故能淨於耳獲
得天耳聞佛聲故能淨於鼻悉躡諸
佛淨戒香故能淨於口於甘露味不
貪著故能淨於身得化身故能淨於
意善思惟故能淨於色三十二相故
能淨於聲說妙法故能淨於香戒聞
施等得清淨故能淨於味得無上味
故能淨於觸修集无上諸三昧故能
淨於法觀諸法界無分別故能淨於

念如所聞法不忘失故能淨於意永
不繫屬諸魔黨故能淨於行觀察甚
深諸法界故善男子菩薩住是陀羅
尼已隨說音聲所至之處身之光明
亦如是照善男子是陀羅尼成就如
是无量功德無盡器陀羅尼者菩薩
住是陀羅尼已說色无常不可窮盡
說色是苦亦不可盡說色無我說色
如沫如幻水月夢響影焰亦不可盡
說色无性亦不可盡說色無相空不
可說不可願求不可造作不生不滅
非是過去未來現在非內非外非淨
非穢非我我所非去非來非對非尋
非一非二非是衆生亦非壽命亦非
丈夫非貪瞋癡非有非无非漏非無
漏非有為非无為非盲非聾非跛非
躄非狂非亂非草木石非樹非地非
水火風非舍非宅非城非郭非大村
落非山非園非方非四大造非作非
受非聲非聞非是可說十二因緣不
可窮盡非常非斷无業無果非陰入
界非住欲界色无色界非同非異亦
非煩惱非淨非汙非平非曲菩薩摩

訶薩說色如是不可窮盡善男子是
無盡器陀羅尼者有元量無邊不可
說分分此一分以為千分我於如是
千分之中唯說一分猶不能盡元量
際陀羅尼者際者所謂常見斷見無
量者謂十二因緣際者所謂無明行
識乃至老死衆苦聚集又元量者所
謂生死又復際者謂无始終又復際
者謂无取捨又復際者無出无滅又
復際者無汙无淨其性淨故又復際
者所謂可見又復際者所謂名色又
復際者有為無為又復際者所謂三
世内外業果无業無果善及不善有
漏无漏業及煩惱我以无我生死涅
槃善男子夫無量者所謂微塵際者
所謂地水火風是名元量際陀羅尼
菩薩住是陀羅尼已無量劫中為衆
說法而其所說字句義味不可窮盡
是陀羅尼成就如是元量功德

大海陀羅尼者善男子猶如大海四
天下中所有諸色衆生卉木藥樹穀
子日月星宿雲氣雷電國邑聚落城
郭殿堂園池山河如是一切諸種種

色悉於中現菩薩住是陀羅尼已亦
復如是一切衆生身口意業各各於
是菩薩身中一一印現十方世界所
有衆生所有口業悉於菩薩口中印
現是故菩薩有所言說皆悉真實印
者名无所有謂諸法無有覺觀无說
无邊無作无貪是名第一真實之義
復有遮印遮之言眼眼即无常可淨
可見復有卽印卽之言名一切諸法
流布故名真實无名復有邏印邏之
言世一切世間屬愛無明復有陀印
陀之言十佛具十力能化衆生復有
波印波之言五如来遠離除滅五欲
得阿耨多羅三藐三菩提復有殺印
殺之言六如来真實了知六入故能
調伏一切衆生復有殺印殺之言六
如来具足六念處故得大自在復有
殺印殺之言六如来具足六神通故
能以神通教化衆生復有婆印婆之
言左如來世尊離左道故得阿耨多
羅三藐三菩提復有多印多之言實
如來善覺真實之性故名正覺復有
耶印耶之言彼如来等知此彼平等

復有婆印婆之言結如來遠離諸煩惱故名阿梨呵復有闍印闍言生老如來已過生老之分故名世尊復有曇印曇之言法如來說法清淨无垢復有奢印奢之言奢摩他如來成就修奢摩他復有佉印佉之言虛空如來知見一切諸法同於虛空復有迦印迦言苦行如來遠離一切苦行復有婆印婆之言實如來所說四真諦者即是真實復有摩印摩之言道如來能說八正之道復有伽印伽之言深如來所說其義甚深復有羼印羼之言忍如來具足忍波羅蜜復有呼印呼之言讚如來常讚十方諸佛復有若印若之言遍知是故如來名一切智復有婆印婆之言有如來已解一切諸有復有車印車之言欲如來如來常為一切衆生現前說法復有頗印頗之言果如來常說四沙門果善男子因如是字演說諸法所有諸字悉於菩薩口業印現是名大海陀羅尼也蓮花陀羅尼者菩薩住是陀

羅尼已所說法處常出七寶淨妙蓮花以為法座菩薩坐上宣說法化又復多雨无量蓮花是諸蓮花亦出種種清淨法音其音深廣多諸方喻十二部音清淨之音斷煩惱音尔時菩薩默然而住是諸蓮花皆能演法亦出種種無量光明一切衆生皆見菩薩坐諸花臺施作佛事是名蓮花陀羅尼也入无寻門陀羅尼者菩薩摩訶薩說一法時無有量寻若說二法三法四法乃至百千无量無邊恒沙等法如四天下微塵等法乃至三千大千世界微塵等法乃至恒河沙等諸佛世界微塵等法於字句義亦无量寻是名入无寻門陀羅尼也四无寻智陀羅尼者所謂法无寻智義无量世界衆生有問法者菩薩隨以法无寻答南方无量世界衆生有問義者菩薩隨以義无寻答西方無量世界衆生有問辭者菩薩隨以辞无寻答北方無量世界衆生問樂說者菩薩隨以樂說智答是名四无寻智陀

羅尼也佛瓔珞莊嚴陀羅尼者若方
菩薩獲得如是七陀羅尼其頂髻上
有佛像現其色真金有大光明三十
二相八十種好今時菩薩身口意等
悉作佛業其所思念如佛所念菩薩
具足如是佛業能知大眾種種之心
知已隨意而為說法若一日若二日
乃至無量百千萬歲不能盡其所知
法門文字句義又復具足四種智慧
何等為四一者知衆生心二者知諸
字句三者知所說無盡四者知於真
實菩薩具足如是四智能調衆生為
阿耨多羅三藐三菩提善男子是名
佛瓔珞莊嚴陀羅尼也善男子是八
陀羅尼其分无量於是分中分其一
分以為千分於是分中唯說一分猶
不能盡是陀羅尼成就如是无量功
德今時陀羅尼自在王菩薩即說頌曰
如來說八陀羅尼 若有菩薩具得者
能解諸經種種義 其辭句義不可盡
具足善業得妙聲 能令无量世間聞
衆生聞已修善法 修已獲得於解脫
無量劫中說無法 因一法相說無盡

亦因一字解多義 是名如來說際持
人中牛王斷二際 說中道義無有邊
具足智慧平等觀 雖成是持无得者
四方色等現大海 一切字印印菩薩
說法之時无障碍 成就大海陀羅尼
坐寶蓮花演說法 亦雨蓮花散大眾
蓮花亦說无量法 是名寂靜蓮花持
說於一字無障碍 无量字中亦如是
說无量義无有滯 具足如是無碍持
說法深義無有盡 辭及樂說无有邊
能破衆生疑網心 獲得无上智惣持
頂髻常出如來像 身口意業佛无異
若具如是八持者 窮劫讚歎不可盡
具足是八陀羅尼 處世不汙如蓮花
在世寂高如須弥 不可稱計亦如是
世邪不動亦復然 是人具足如是持
能壞世道諸邪見 猶如師子獸中吼
若得无上陀羅尼 能達世間清淨行
能增無量諸善法 亦能教化多衆生
具足如是陀羅尼 能壞衆生无明闇
作大光明如朝日 亦能除破諸黑闇
說法无碍如虛空 為衆生行如猛風
施於法藥壞煩惱 如世良醫救病者

若得具足无上持	有讚功德不能盡
能作清涼如秋月	增長善法亦如是
菩薩成就如是持	能化无量諸衆生
若具如是陀羅尼	獲得自在如大王
能化衆生於大乘	能施法財破貧窮
能降法雨如龍王	摧滅煩惱如惡電
若得如是陀羅尼	能化衆生於菩提
不能說過如帝釋	字義不盡如虛空
若得成就陀羅尼	一切大衆樂見聞
其意不散常在定	修集无量慈悲心
清淨梵行遊神通	是四皆如大梵天
若得成就陀羅尼	即能供養十方佛
了了觀見十方界	於其世界化衆生
若具如是陀羅尼	即得具足佛功德
常為十方佛所念	亦如父母念一子
若有菩薩得是持	能讚功德无量勝
具足成就戒念慧	能解衆生心所行
若得成就陀羅尼	無有憍慢及慳貪
善知方便調衆生	修集慈悲壞煩惱
若得成就陀羅尼	煩惱不汙如虛空
善解衆生隨意語	亦能隨意演說法
若具如是陀羅尼	悉能了知衆生根
能解衆生種種解	隨其所解而說法

隨對治門為說法 三十七品調衆生

若得如是陀羅尼 修奢摩他无有邊

若得如是陀羅尼 具足六度如諸佛

了知一切煩惱界 通達寂靜而壞之

身口意業悉寂靜 行住坐卧亦如是

若得成就如是持 无復煩惱諸習氣

得淨法身无有邊 非生所生常化生

身口意業隨智行 所有定念亦如是

若得成就如是持 有讚歎者不能盡

尔時世尊讚陀羅尼自在王菩薩善

哉善哉善男子汝已久得是陀羅尼

是故能善分別解說所有无量功德

之義不但今日已於過去無量佛所

亦作如是分別解說善男子過去无

量阿僧祇劫尔時有佛号淨光明世

界名淨劫亦名淨純淨琉璃以為世

界猶如明鏡地平如掌所有林樹七

寶所成妙寶蓮花大如車輪清淨鮮

潔人所樂見其土人民悉處七寶樓

殿堂閣如天無異貪欲恚癡漸已輕

微土无日月唯有佛光青蓮花開則

知是夜赤蓮花敷則知是晝時彼佛

有六萬百億大菩薩僧出家之人不

可稱計皆悉志樂无上天乘世界乃至
無二乘名一切皆是不退菩薩其佛
壽命具足半劫人之與天元有老別
在地為人處空為天無有王者除佛
法王其土人民元有宗事諸天邪神
及歸依者亦無女身毀戒之名具足
三戒何等為三一從戒戒二從心戒
三從慧戒發菩提心厭悔生死名從
戒戒修三昧慧名從心戒修集智慧
得大智慧名從慧戒今時眾中有一
菩薩名曰光頂從坐而起頭面礼足
右遶恭敬長跪合掌而白佛言世尊
所言陀羅尼者云何名為陀羅尼也
菩薩住何陀羅尼中能持一切諸佛
名号为諸眾生分別解說佛言善男
子有陀羅尼名曰寶炬菩薩住是陀
羅尼中能持一切諸佛名号为諸眾
生分別解說隨諸眾生種種語言光
頂菩薩復白佛言唯願世尊分別廣
說我等聞已當得修持佛言善哉善
哉善男子至心諦聽吾當為汝分別
解說今時世尊即說偈言
遠離一切諸煩惱 清淨无垢猶真實

其心能作大光明
身口意業悉寂靜
修集大慈心平等
其心无有諸覺觀
亦非有想非无想
具足成就念慧慧
清淨无垢如虛空
遠離三種塵勞垢
已於三有得解脫
能悉破壞貪嗔癡
除滅无明諸邪闇
衆生音聲上中下
能隨衆生意說法
具足甚深無量義
遠離於我及我所
具足成就四依法
其心常在於四禪
能廣分別第一義
修集具足五神通
受持專憶四念處
莊嚴成就四如意
成就五根及五力
修集無上七覺分

是名寶炬陀羅尼
猶如秋月之明淨
是名寶炬陀羅尼
悉得遠離於二見
是名寶炬陀羅尼
能入无上大法門
是名寶炬陀羅尼
成就三種清淨慧
是名寶炬陀羅尼
亦得遠離煩惱濁
是名寶炬陀羅尼
一切悉能了了知
是名寶炬陀羅尼
亦復具足諸字句
是名寶炬陀羅尼
亦復具四无尋智
是名寶炬陀羅尼
具足而得四梵行
是名寶炬陀羅尼
精進獲得四正勤
是名寶炬陀羅尼
一切邪風不能動
是名寶炬陀羅尼

成就定慧二翅翼	遊翔平坦八正路
趣向无上智解脫	是名寶炬陀羅尼
能踐菩薩之道地	及住无上真解脫
永斷一切煩惱習	是名寶炬陀羅尼
能作无量大光明	猶如世間之日月
能淨三種清淨眼	是名寶炬陀羅尼
能淨一切諸煩惱	亦得遠離諸魔業
觀察五陰味過咎	是名寶炬陀羅尼
善知調伏諸衆生	永離六根之因緣
為衆說法令得念	是名寶炬陀羅尼
住於如是陀羅尼	能到十方佛世界
見佛至心聽受法	亦能廣說如是法
既聞法已至心持	能為衆生說字義
以大念力因緣故	能解諸佛微妙語
能說无常苦无我	諸法悉從緣得果
了了觀察諸法界	是名寶炬陀羅尼
成就樂說无尋智	三明三慧亦如是
若有住是惣持者	乃能得八解脫義
佛說无量陀羅尼	悉來攝在此持中
若得如是陀羅尼	是名成就无量持
若入无量諸禪定	及得无量諸神通
皆由如是惣持力	是故名為持中王
如四大海无障碍	一切河泉皆投之

諸法衆流亦如是

皆悉歸趣是持海

得身無邊意无盡

能廣分別說法界

成就无量功德者

乃能獲是陀羅尼

若得如是微妙持

即得三十二相好

其色殊勝上種性

多饒財寶得自在

於諸有中得无生

能廣分別諸法義

安住不動不退地

皆由得是陀羅尼

菩薩若欲修菩提

當修如是陀羅尼

得是持已修道易

能演說法調衆生

於无量劫說法時

字義二法不可盡

能淨衆生諸煩惱

以得如是陀羅尼

能轉無上正法輪

能令衆生脫衆苦

能達衆生无上道

以得如是陀羅尼

若有衆生千萬口

一口而有千萬舌

不能宣說成持者

所得无量之功德

善男子今時淨光明

佛說是法時光

頂菩薩及與三萬二

千菩薩悉皆獲

得是陀羅尼善男子

汝知今時光頂

菩薩豈異人乎即汝

身是是故汝今

能廣分別是陀羅尼

是大衆中得是

持者汝取第一个時

會中有一菩薩名

曰慧聚白佛言世尊

云何菩薩得寶

炬陀羅尼得已不失

能以此法調伏

衆生善男子若有菩薩安住慧根造
作慧業如是菩薩能得是持得已不
失能以此法調伏衆生慧聚菩薩復
作是言善哉世尊唯願演說云何慧
根云何慧業佛言善哉善哉善男子
至心諦聽吾當為汝分別解說善男
子若有善男子善女人未聞智慧而
得聞之是名為根聞已廣說名之為
業始觀諸法名之為根觀已廣說名
之為業初觀善根名之為根轉以化
人名之為業觀不放逸名之為根轉
以化人名之為業調伏自心名之為
根調伏他心名之為業住於寂靜名
之為根淨身口意名之為業知於一
乘名之為根為衆生說名之為業修
奢摩他名之為根具三種慧名之為
業修三解脫名之為根證得三慧名
之為業修四念處名之為根不念於
念名之為業修四正勤名之為根離
煩惱性名之為業修四如意名之為
根知无如意名之為業修集信心名
之為根放捨一切名之為業修无所
畏名之為根能廣說之名之為業修

集三昧名之為根知定次第名之為
業修集智慧名之為根知一切法名
之為業莊嚴菩提名之為根得菩提
時名之為業證苦習道名之為根證
盡滅時名之為業不依不了義名之
為根依了義經名之為業初聽受法
名之為根依止其義名之為業不依
於人名之為根依止於法名之為業
見法无常名之為根法无生滅名之
為業知諸法苦名之為根知法无作
名之為業知法無我名之為根知法
性淨名之為業知涅槃淨名之為根
知法本淨名之為業聞義不畏名之
為根依止於義名之為業聞真不怖
名之為根依止真法是名為業知字
不畏名之為根知已樂說名之為業
聞說如來无尋智力不生怖畏名之
為根依止如來無尋智力名之為業
生法二緣名之為根无緣之慈名之
為業憐愍衆生名之為根能為壞苦
名之為業思善得喜名之為根心不
著法名之為業无愛恚捨名之為根
無一无二名之為業念佛名根念於

法身名之為業念法名根知法性淨
名之為業念僧名根知僧无為名之
為業念戒名根知无持者名之為業
念施名根能捨煩惱名之為業念三
名根獲得淨天名之為業聞已思惟
名之為根不著世間名之為業知本
無今作名之為根元作無受名之為
業知於涅槃名之為根得大解脫名
之為業自利名根自利利他名之為
業受持八萬四千法聚名之為根通
達其義名之為業能演說法名之為
根解无明等名之為業勸諸衆生於
菩提道名之為根勸修智慧方便不
退名之為業不畏諸有名之為根願
生諸有名之為業從聞得忍名之為
根思惟得者名之為業隨意得忍名
之為根因不生得名之為業餘一生
在名之為根寂後邊身名之為業坐
菩提樹名之為根了知諸法名之為
業說是慧根慧業之時一切十方諸
佛世界及此寶坊六種震動尔時慧
聚菩薩摩訶薩白佛言世尊何因緣
故十方世界及此虛空七寶坊庭如

是震動善男子是慧根慧業亦是過
去諸佛所說是故此地為大震動今
時具足四无尋智菩薩白佛言世尊
何因緣故慧聚菩薩名之為聚佛言
善男子過去无量阿僧祇劫有佛出
世号功德藏如来應正遍知明行足
善逝世間解無上士調御丈夫天人
師佛世尊土名善生劫名无垢其土
衆生一切純善今時佛有三萬二千
大菩薩衆八萬四千聲聞大衆今時
世尊欲試菩薩以百億事問諸菩薩
諸善男子於是衆中誰能解說如是
等義其中有言我當思惟經一月日
乃能解之或復有言我過半月復有
言曰我過七日或言我過一日一夜
乃能解之今時衆中有一菩薩名曰
念意白佛言世尊我今不起此坐能
解是義今時菩薩於大衆中師子吼
已其地即時六種震動放大光明勸
諸地神乃至阿迦尼吒諸天一切悉
來詣如来所今時大衆所坐之處縱
廣滿足百萬由旬念意菩薩見諸大
衆悉集會以神通力智慧念力陀

羅尼力四无寻力無所畏力佛神力
故於是百億一一事中解百億義不
豫思惟无有停滯說是義已是大衆
中六萬衆生發阿耨多羅三藐三菩
提心四萬衆生得無生忍從地神諸
天乃至阿迦尼吒天一切悉聞說法
之聲善男子汝知今時念意菩薩豈
異人乎即慧聚是以是因緣名為慧
聚今時世尊即說頌曰

聞說法故名為根	演說法故名為業
思惟諸善名為根	解說深義名為業
如法而住名為根	隨意說法名為業
修奢摩他名為根	具三種慧名為業
四種念處名為根	四正勤法名為業
信等五根名為根	信等五力名為業
七菩提分名為根	八正道分名為業
不依止字名為根	依止於義名為業
不依於人名為根	依止於法名為業
不依不了名為根	依止了義名為業
不依於識名為根	依於智慧名為業
了知無作名為根	通達无生名為業
生法二慈名為根	無緣之慈名為業
无所畏懼名為根	能宣正法名為業

六思念處名為根

六念之義名為業

能自利益名為根

自利利他名為業

受持正法名為根

能為人說名為業

餘一生在名為根

取後邊身名為業

若菩薩心得不退

即解了智慧根業

能得無生之上忍

能開无上菩提門

今時施羅尼自在王菩薩白佛言世

尊佛所說法不可思議无上菩提亦

不可思議何以故非字說故非字攝

故如來所說无量無邊故入无量無

邊法門故十二因緣深難解故著二

法者不能知故利智之人漸漸知故

非是六情所知見故亦非二乘智境

界故世尊如是菩提悉是一切諸法

之印不可造作猶如虛空非是屋宅

離屋宅故知一切行一切衆生所有

因果一切智慧廣大無邊莊嚴一切

無量善法能為善法而作應器能以

神通顯示於人住二道者示以无二

示一切佛平等無老无字無義不可

宣說不可聽聞能示衆生三寶正聚

及三脫門解脫三界示三種慧金剛

定因住於一切諸佛正覺開一切

諸佛智慧利一切衆亦能宣說一切
諸佛世尊若有善男子善女人能作
如是讚歎菩提所有功德得聞如是
方等經典受持讀誦書寫演說是名
能報諸佛之恩佛言如是如是善男
子如汝所說得无量功德善男子一
切十方諸佛世界滿中七寶以獻如
來若有人能受持是經書寫讀誦解
說其義所得福德无有差別今時世
尊告諸菩薩善男子於此衆中誰能
於我滅度之後護持如是无上菩提
廣說是義令法久住今時衆中有諸
菩薩及諸天人各六萬億同聲而言
我等能於如來滅後護持如是无上
菩提廣說是經令法久住唯願如來
加之願力今時世尊即說偈言
若我實同十方佛 永渡生死大苦海
如是功德无上法 應當久住無毀滅
若我无量世修慈 真實為於諸衆生
觀衆平等無有二 是故正法得久住
若我具足二莊嚴 無量世中利衆生
以是二法化衆生 是故正法得久住
若能破壞煩惱結 并及除滅諸邪見

具足一切諸善法 故能善發是願力
善男子不獨汝等一切人天一切魔
梵於我滅後悉能護持如是正法善
男子虛空可作色色可同虛空我願
神通力不可得令異今時四天王作
如是言若有人能於佛滅後受持是
經讀誦書寫解說其義我等常當隨
逐守護諸梵天言我等當捨禪定妙
樂守護是人兜率天言我等亦當守
護如是持經弟子時魔波旬復作是
言世尊若有人能受持是經我於其
人終不造作魔業魔事功德藏天子
言世尊一切諸佛所得菩提悉在是
經若有人能受持讀誦書寫解說當
知是人即得菩提弥勒菩薩言世尊
我當於彼兜術天上廣宣如是无上
經典大德迦葉復作是言世尊我聲
聞人智慧雖微應當任力受持讀誦
宣說其義阿難復言世尊我於此經
真實受持乃至不失一字一句如佛
口出无有異也若有衆生發菩提心
我亦能為是人廣說佛言善哉善哉
善男子汝等悉能於我滅後護持正

法不令毀滅善男子若有衆生求於
大乘未得法忍受持是經當知是人
不過七佛便得授記若聲聞人有受
持者弥勒成佛在初會中若緣覺人
有受持者於我滅後得成道證說是
法時无量衆生發阿耨多羅三藐三
菩提心無量衆生成就忍辱无量衆
生得不退心无量世界六種震動十
方世界諸來菩薩以好香花伎樂幡
蓋供養於佛咸作是言我等來此七
寶坊中得大善利若我脫有少福德
力願以此力令釋迦如來久住於世
如是正典流布遍滿十方世界无有
毀滅若有優婆塞優婆夷等持是經
者令離一切憂愁怖畏無諸病苦亦
時陀羅尼自在王菩薩言世尊今所
說法无量無邊不可思議一切邪法
不能傾動乃是一切善法之本三乘
根栽復是一切諸法初門若有衆生
來問我言是法何名云何受持當云
何答唯願說之佛言善男子是名大
悲說大悲法名如來業受菩薩記當
如是持說是經已人天大衆歡喜頂

戴信受奉行

大方等大集經卷第四

辛丑歲高麗國大藏都監奉

勅雕造

大方等大集經卷第五

推

北涼天竺三藏曇無讖於姑臧譯

寶女品第三之一

尔時世尊故在欲色二界中間大寶坊中師子座上與諸大衆圍遶說法尔時會中有一童女名曰寶女即從坐起右手執持白真珠貫而作是言若我真實能於十方無量世界受持如是大集正典讀誦書寫演說其義廣流布者願此珠貫著佛頂髻及諸菩薩說是語已即擲珠貫以佛神力及以誠言珠貫即在如来頂上亦遍一切諸菩薩首而諸菩薩各各自於首貫珠中見其來世成佛之時所有世界菩提之樹衆生調伏及往願力了了見知見已各各生奇特想白佛言世尊是寶女者云何乃有如是無量大功德也我於无量阿僧祇劫所有擔願今於一念悉見了了佛言善哉善哉善男子寶女如所言是寶女者已於過去九萬六億那由他佛種諸善根發大善願所生之處常得真實

是故是女凡所思念言无虛發若欲
令此大千世界滿中寶花即言而有
若言欲令滿此三千大千世界種種
妙香言已即有若欲示現種種形
色轉輪王色四天王色天帝釋色
梵天王色或沙門色婆羅門色或比
丘色比丘尼色優婆塞色優婆夷色
如言即得若風灾起時轉為火灾火
灾起時轉為水灾水灾起時轉為風
灾如言即轉若有魔王將諸兵衆執
持刀杖弓弩箭矢鉞稍戈指欲令轉
變成寶花者如言即成若於空曠无
水多乏為諸衆生發大誓願其中即
有城邑聚落人民大小漿水无乏若
願三千大千世界所有諸色如如來
色即如其言成佛妙色若言一切所
有大衆悉住虛空言已即住善男子
若是寶女欲於此處虛空之中遍聞
十方諸佛所說如言即聞善男子寶
女童女成就如是无量無邊諸大功
德尔時寶女即於佛前說偈歎曰
我今成就大寶聚 故能讚歎無上尊
遠離一切諸煩惱 具足大寶助菩提

如來具足无上寶

大光能照无边世

无上寶幢佛世尊

我今獻寶以供養

金剛馬瑙青琉璃

金剛真珠日月寶

以如是寶供養佛

為令眾生成菩提

世尊身光勝諸寶

眾生樂見无疲厭

處在一方見十方

今眾各見前有佛

有見如來身行住

或見坐卧及說法

或見默然无所宣

或見入定修智慧

如來一一毛孔光

能照十方諸世界

光明清淨寂无上

猶如秋月淨蓮花

今時寶女偈讚佛已復作是言世尊

我今於此大集經中欲少問義如來

若許乃敢諮啓佛言善哉善哉寶女

隨意發問若有疑網我當為汝而除

滅之今時寶女即白佛言世尊云何

實語云何為實云何法語云何為法

佛言善哉善哉至心諦聽吾當為汝

分別解說寶女菩薩摩訶薩有三種

實何等為三一者不誑諸佛二者不

誑已身三者不誑衆生云何名為不

誑諸佛已身衆生寶女若有菩薩發

阿耨多羅三藐三菩提心已貪著聲

聞辟支佛乘是則名為欺誑諸佛已

身衆生云何不誑寶女若有菩薩發
阿耨多羅三藐三菩提心已若在地
獄受大苦惱若遇魔業邪見同止若
生惡國起惡煩惱身遇刀稍斫燒
炙於如是時終不捨離菩提之心不
休不息不畏不悔令菩提心遂更增
廣為諸衆生受大苦惱見受苦者心
更增廣勤修精進欲得菩提不為邪
語之所誑惑一切邪風不能傾動是
名菩薩不誑諸佛已身衆生寶女若
有菩薩不誑諸佛已身衆生是名菩
薩真實之寶寶女不誑諸佛復有四
事一者其心堅固二者住於至處三
者具足勢力四者勤修精進不誑已
身亦有四事一者淨心二者至心三
者不誑四者不曲不誑衆生亦有四
事一者莊嚴二者修慈三者修悲四
者攝取寶女是名菩薩第一之寶菩
薩寶者初發願時不捨衆生復次寶
女菩薩寶者不多語守護語不廣語
真實語若在獨處大衆王邊發言誠
實非為財物而故妄語非為自在而
故妄語若有三千大千世界滿中七

實尚不為之而生妄語况復小事而
妄語也實女如是實者有三十二淨
何等三十二一者慙語二者功德語
三者愧語四者柔軟語五者不虛語
六者无譏呵語七者不貪著語八者
不畏語九者閑諸惡道語十者閑諸
善道語十一者聖行語十二者慧行
語十三者內淨語十四者外淨語十
五者樂受語十六者樂聽語十七者
不誑語十八者微妙語十九者分別
語二十者妙音語二十一者純善語
二十二者不誑語二十三不熱語
二十四者歡喜語二十五者自勸喻
語二十六者勸喻他語二十七者不
失語二十八者安隱語二十九者福
田語三十者如佛語三十一者實圍
遶語三十二者淨口語復次實女菩
薩實者凡所言說口意相稱云何名
為口意相稱修集施故獲得菩提非
因慳貪而能得之是名意口相稱而
語能施一切名之為實修集淨戒獲
得菩提非因毀戒而能得之是名意
口相稱而語如戒而住名之為實修

集忍辱獲得菩提非因瞋恚而能得之是名意口相稱而語具足修忍是名為實勤行精進獲得菩提非因懈怠而能得之是名意口相稱而語修精進故名之為實修集禪定獲得菩提非因亂心而能得之是名意口相稱而語修集定心名之為實修於智慧獲得菩提非因愚癡而能得之是名意口相稱而語修智慧故名之為實三十七助菩提之法四无量心亦復如是復次寶女夫真實者所謂聖行聖行者苦无常行又復聖行所謂知苦遠集證滅修道知於五陰無出生相是名知苦五陰因者所謂愛結畢竟遠離不貪不著不讚不求不去不來是名離集滅一切相然其滅時無一法滅不平等法作平等法是名證滅觀奢摩他毗婆舍那其相平等无覺無觀无有平等無繫无取無作無變是名修道真實了知如是等諦又能分別廣說其義是名菩薩摩訶薩實說是真實法時十千菩薩得真實忍寶女法語者凡所演說依法而

語觀法念法奉行於法行至處法求
法欲法樂法修法法幢法杖莊嚴法
器法燈法明法念法意法有法疑莊
嚴瓔珞法牀法儀法護法財法無窮
盡廣大無邊法事法身法口法意菩
薩摩訶薩具足成就如是等法是名
法語法者真實之語守護法語教人
供養父母和上耆舊有德讚歎菩提
及菩提道令人不捨菩提之心至心
繫念不怠菩提不離莊嚴修菩提法
親近賢聖善知識等修集信心專念
聽法慕求正法勤於精進不貪著法
知恩報恩樂於寂靜不斷聖種教化
頭陀勸行十善讚歎惠施一切善法
願向菩提至心受持清淨戒律修集
忍辱除去懈怠修淨禪定智慧方便
慈悲喜捨修四真諦趣向於諦四無
尋智得大神通隨順法施修四念處
乃至修集八聖道分定慧二法得智
解脫如法解說聲聞緣覺菩薩諸乘
讚說一切所有福德當觀十二甚深
因緣分別空門无相無願无所畏懼
說五陰如幻如化說十八界如虛空

相說諸入性同於空性常說七財六
念六敬解說具足六波羅蜜說六常
行修六神通具足五眼說第一義流
布世間成就業語一切衆生其心平
等讚歎佛語寶女若有菩薩具足如
是法語口終不說我語不說衆生語
不說壽命語不說士夫語不說斷語
不說常語不說有見語不說无見語
不說兩斷語不著中語不說聚語不
說滅語不說諍語不說偏語不覺知
語不顛倒語不增疑心語不逆法語
觀法界語破憍慢語說法菩薩如法
而住如法而說實語法語不斷語不
折語說法菩薩一切世間不能共論
見者怖畏法語菩薩能演說空无相
无願不著三界及以諸有不從他乞
無心意識无有塵垢無明无闇不繫
屬他不繫屬自无有高下不雜一切
境界因緣清淨寂靜無有導首難知
難覺不可思惟不思惟行清淨智者
乃能知之無受受者永斷諸受過於
三世不滅无滅相不生無生相无有
豐儉無生無斷无增無減无當有無

已有非修非見非魔見非真實見非
相非非相非一相而亦一相非有屋
宅遠離屋宅非近非遠非離非別非
縛非解非有漏非无漏亦非相似非
苦非樂非具足非不具足非名非色
非者非脫非破非完雖非金剛不可
壞相真實如尔非近非遠无色無因
亦非頑罵非此非彼非内非外非自
非他非見非聞非憶非忘非識非知
非識境界非知境界實女是名為法
若能廣說如是等法是名說法復次
實女法語菩薩不與一切世間諍競
不輕不慢於他未學心不輕笑不生
高心不自讚歎不謗他說不以飲食
為他說法不遮他善令生疑惑見他
犯罪終不說之於他法中不生輕賤
不遮止他所修行法凡所說法不離
於空无相無願終不分別一切法界
不動法界不動實性不依字識人不
了義雖不依止亦不誹謗於自他眾
不生分別亦不誹謗十二因緣非在
世間淨於世間非法淨法无貪無嗔
无有毀戒不捨破戒无瞋無妬无有

懈怠不失道心不忘菩提為欲莊嚴
無上智慧不休不息心不生悔於他
法中心无妬嫉不以著於非修多羅
謗修多羅毗尼摩耶亦復如是於正
法所終不見非不因於慢而增長慢
不謗因果及業果報於正法中心无
退轉知思念恩報之不忘終不懷抱
瞋恨之心不著我見不嫉他利於怨
親中无有二想得他譏刺終不報之
不作兩舌鬪亂彼此不懷諂曲顯異
惑眾不為他喜受菩薩戒比丘戒比
丘尼戒式叉摩那戒沙彌戒沙彌尼
戒優婆塞戒優婆夷戒住空閑處思
惟寂默勤心受讀十二部經不為勝
他故受持守護如是等戒不為供養
現作知足不為顯他不知足故自修
知足不信諸佛无上菩提他之所作
不造惡業邪惡活命不捨七財不貪
於食不斷聖種不誹謗他不自讚歎
於佛法中不作數量讚歎大乘心无
厭足是名法語今時世尊復告寶女
善哉善哉者云何名義所謂信心修莊
嚴時无有虛誑為一切善根

至心專念修行善法破衆生疑不求
果報施諸衆生安隱快樂護持禁戒
不失忍心勤修精進增長善法修寂
靜定攝諸散亂具无上智破无明闇
修集慈心等諸衆生修集悲心隨衆
所作親往營理修集喜心施衆法喜
修集捨心不觀苦樂捨財法已心无
悔怯所言柔軟壞衆惡心利益於他
具足甚深修行同事勸發大乘以是
四攝調伏衆生見一切行皆是无常
苦空無我淨諸煩惱依止於義不依
於字依止於智不依於識依了義經
捨不了義依止於法不依於人說義
无尋無有窮盡而於法界无所分別
說辭無尋獲得解脫說樂說无尋如
法而說莊嚴惠施不知厭足莊嚴於
戒善願成就莊嚴多聞如法而作莊
嚴功德具足相好莊嚴智慧知諸衆
生上中下根差別之相莊嚴於定為
心清淨莊嚴於智得三種慧修四念
處為心不散亂修四正勤為得善根
修四如意往來諸方修集五根辯分
別句修集五力為壞煩惱修七覺分

為知諸法修八正道不為惡動修集神通為不退失菩薩摩訶薩解如是義是名為義若有菩薩能說是義是名說義復次寶女又復義者修集空定壞諸有法修集无相壞諸法相修集无願不求三界若能演說如是三空是名說義一切諸行不可修行是名為義菩薩說是不可修行是名說義斷一切生是名為義菩薩若說諸法无生是名說義諸有无出是名為義如是說者是名說義四真諦者名之為義如是說者是名說義字所名之為義如是說者是名說義字不可說名之為義如是說者是名說義真實之義名之為義如是說者是名說義一切菩提之法不可稱計是名為義菩薩摩訶薩如是說者是名說義多聞之人如法而作是名為義如是說者是名說義一切諸乘大乘為最是名為義能如是說是名說義復次寶女无所分別名之為義無有衆生亦無受命一味不動不盡一事不生不出不來不去不滅不二不可

親見无有造作无為無作心不誦曲
三世平等三分無老不失不得不熱
不冷不淨不穢不行如舍不取不捨
非道示道非常非斷亦非中道不瞋
不濁不觀於法及以非法非一切字
音聲辭語無心意識於貪瞋癡不生
分別一切諸法作相有相空无相願
是三即空真實入法等與不等皆悉
平等因於智慧獲得解脫寶女菩薩
若能如是具義是名為義說如是義
是名說義寶女云何菩薩說於毗尼
佛說毗尼凡有二種何等為二一者
犯毗尼二者煩惱毗尼云何為犯云
何毗尼犯已尋覺不善思惟因於无
明顛倒虛妄欺誑煩惱著我衆生疑
心不得解脫掉悔憍慢放逸寡聞因
如是等是名為犯若破疑心獲得解
脫得解脫故見有犯處即是非處亦
非非處非身口意不取不捨不可觀
見非是身作及心口作若是三作即
是滅法若是滅法誰作誰犯如犯一
切諸法亦復如是諸法無根无作無
處若能破壞如是等疑是名為淨是

名不熱隨師教作是名有信是名有定是名毗尼云何煩惱云何毗尼十
二有支所謂無明乃至老死是名煩惱性能調伏一切煩惱是名毗尼何
以故空无相願能調諸法若法是空无有性相不可願者云何而有貪恚
癡等无作能調一切諸法若一切法不可作者云何而有煩惱諸結一切
諸法從因緣生若從緣生云何可見見如是等十二有支亦知煩惱及煩
惱相若是空智能觀菩提即以此空空於煩惱若能觀察如是平等是名
毗尼若能如是演說義者是名菩薩能說毗尼若是毗尼能知我者即是
了知煩惱毗尼云何名為知我毗尼謂觀无我觀於我性知我淨我實知
我分別我空我修知我不動不說不著不生不滅若能如是知於我者即
是了知煩惱毗尼若實無我而作我想於无煩惱作煩惱想亦復如是若
我本無煩惱亦尔若有具足毗婆舍那則能如是觀察了知是名知我煩
惱毗尼煩惱者非過去未來現在若

能不作不念不求是名知於煩惱毗
尼毗尼亦非去來現在如心非色非
內非外亦非中間煩惱亦亦非色非
內外及以中間何以故無覺知故无
諍競故无清淨故無造作故若能如
是知諸煩惱不出不滅是名了知煩
惱毗尼寶女菩薩若得如是等知煩
惱毗尼亦為衆生說如是法是名菩
薩演說毗尼說是法時十千菩薩得
無生忍今時寶女心大歡喜前白佛
言世尊如來所說真實法義及以毗
尼不可思議若有菩薩能如是說是
人則能實知實見今時舍利弗語寶
女言汝今已具如是等法能演說不
寶女答言大德舍利弗實名无貪無
貪即義如是義者即不可說不可說
者即是毗尼大德若如是者云何可
說復次舍利弗實者即滅滅者即法
法者即淨淨者即義義者即毗尼如
是等法无有文字若無文字云何可
說大德實者即如如者即法法即无
二無二即義夫无二者亦不可調若
不可調云何名調如是等法悉无所

有若无所有云何可說舍利弗言汝
今成就何等寶故立如是名名寶女
耶荅言大德有三十二菩薩寶心如
是心中悉无聲聞辟支佛心何等三
十二一者發心為度一切諸衆生故
二者發心為令佛種不斷絕故三者
發心為持佛法不滅盡故四者發心
守護僧故五者發心為施衆生聖法
之樂六者發心為諸衆生修集大慈
令衆遠離煩惱諸苦七者發心修集
大悲捨内外物八者發心護持禁戒
調毀戒故九者發心修忍破壞不忍
憍慢惡心顛心醉心狂心放逸自在
心故十者發心精進為破懈怠畏退
悔心調伏懈怠諸衆生故十一者發
心修定為破亂心狂心妄念為令衆
生獲得四禪及八解脫調伏欲界諸
衆生故十二者發心修智破一切闇
真實知見入於法界十三者發心為
知衆生平等无二皆一味故十四者
發心為得無貪无瞋利衰毀譽其心
無二安住善法苦樂不動為如是等
護衆生故十五者發心為得无怖無

畏欲解甚深十二因緣離一切見六
六者發心為欲莊嚴智慧及以功德
無有厭足十七者發心為欲不離見
佛常聞法故十八者發心為欲如聞而
說十九者發心為得廣大法聚心无
貪恡二十者發心為欲讚歎淨戒如
聞而住教化慰喻毀禁人故二十一
者發心為破一切衆生七種慢故二
十二者發心為知一切衆生上中下
根二十三者發心為破諸魔惡業二
十四者發心為施衆生安樂二十五
者發心為欲壞破衆生所有衆苦心
不生悔二十六者發心為欲具足成
就得佛法故二十七者發心為知有
為之法一切無常苦无我故知已不
離心无厭悔二十八者發心為樂修
集一切助菩提法二十九者發心為
見空無相願以衆生故而不取證三
十者發心為於雖畏諸有亦護諸有
三十一者發心為於見生死過而不
厭悔三十二者發心為於若近菩提
受无上樂捨是妙樂為衆生故受貪
窮苦舍利弗是三十二發心之寶惡

無聲聞辟支佛心是故菩薩名為寶
聚今時世尊讚寶女言善哉善哉汝
真實說菩薩摩訶薩發菩提心而菩
提心成就无量無邊功德不可齊說
三十二事何以故非聲聞寶能得佛
寶非緣覺寶能得佛寶以菩薩寶能
得佛寶得佛寶已則得聲聞辟支佛
寶菩薩佛寶是故菩薩名為寶聚今
時舍利弗白佛言世尊寶女所說不
可思議我觀其說是女似得四無尋
智佛告舍利弗汝今方謂是女未得
四無尋耶是女久已成就具足寶女
說法字不可盡文句義味亦不可盡
時舍利弗語寶女言仁者今當廣分
別說四無尋智於一切法悉成其事
大德菩提心者名無尋句何以故菩
提心中攝諸義故是名義無尋智一
切法界入菩提心是名法無尋智實
无文字而說文字是名辭无尋智不
可說法說不斷絕是名樂說無尋智
義不可說名義无尋一切諸法皆如
幻相名法无尋無言說業名辭无尋
於六入界無有障尋名樂說無尋了

達於義名義无寻樂於寂靜名法无
寻字不合法法不合義名辞無寻說
即是聲名樂說无寻如來正覺即菩
提義名義无寻菩提義者能生於法
名法无寻法可作句名辞无寻說已
得義名樂說無寻法義者名義无寻
解脫者名法無寻演說法相非有法
性名辞无寻分別法界及非法界名
樂說無寻僧即無為名義无寻諸僧
一味名法无寻和合僧故名辞無寻
說僧功德名樂說无寻大德是四无
寻遍一切法時舍利弗言世尊是女
人者發心已來為久近耶在何佛邊
種諸善根佛言舍利弗過去无量
阿僧祇劫尔時有佛号分別見如來
應正遍知明行足善逝世間解无上
士調御丈夫天人師佛世尊土名大
淨如兜率天與菩薩僧七萬六千一
切皆是清淨梵行得不退轉陀羅尼
門尔時有轉輪聖王名淨德報王千
世界而得自在後宮嫫女八萬四千
千子具足其力皆等蓮花力士尔時
聖王於三萬六千億歲種種供養佛

及菩薩所謂房舍卧具衣服飲食病
瘦醫藥舍利弗言世尊不審彼佛壽
命幾時舍利弗其佛壽命滿十中劫
時轉輪王與其後宮眷屬妹女及外
人民九萬二千億那由他賣持種種
無量无邊供養之具往至佛所以八
千億上妙珍寶而散佛上頭面作礼
長跪合掌口宣是言世尊我今所設
供養之具頗復更有殊勝供養勝我
者不時佛答言大王有異供養勝諸
供養如是供養於此供養百分千分
萬分百千萬分不及其一王言世尊
是何供養願樂欲聞唯願說之今時
世尊即說偈曰

如恒河沙等世界	滿中妙寶持用施
雖有如是无量福	不如憐愍發菩提
无量億等恒沙佛	淨妙花香以供養
如是福德猶不如	發菩提心七步退
如是發心即為施	戒忍精進禪智慧
若為憐愍發大心	其福无量不可盡
上色力財上族姓	是人乃能發菩提
主千世界至梵天	得大自在乃能發
若樂喜發菩提心	如是乃能斷惡有

能為人天開正路

能開八正邪嶮徑

諸根具足不盲聾

皆由至心發菩提

能見十方諸世尊

能聞天上甘露味

若能至心發菩提

是人能破疑憍慢

無量智慧得自在

能為衆生說法界

衆生見之如父母

亦如良醫師友想

能療衆生煩惱病

教誨令趣菩提道

今時聖王聞佛說是發菩提心所得

功德其心歡喜踊躍無量與其眷屬

內外人民悉發阿耨多羅三藐三菩

提心即於佛前而說偈言

我今憐愍於衆生 是故發此菩提心

若欲獲得大自在 不應於此生退轉

生死元量受苦惱 而於自他無利益

寧發於此受大苦 非以不發受安樂

若有衆生發菩提 即得人天聖王樂

亦得寂靜无漏樂 及得无上菩提樂

最上慧忍三昧定 具四無量及六度

三種淨慧六神通 四无碍智大自在

无上十力四無畏 及三念處及大悲

成就具足十八法 如是皆由發菩提

能動十方諸世界 亦知十方衆生心

能度元量諸衆生 皆由發於菩提心

舍利弗說是偈時四萬夫人无量衆
生皆發阿耨多羅三藐三菩提心
時聖王復於萬億年中供養彼佛供
養佛已厭世出家既出家已思惟四
句一者實句二者法句三者義句四
者調句於一億年常思如是四句之
義舍利弗汝知今時轉輪聖王豈異
人乎即寶女是也舍利弗言世尊何
業緣故受是女身佛言舍利弗一切
菩薩不以女業而受身也乃以神通
智慧之力示女身耳為欲調伏諸衆
生故舍利弗汝今實謂寶女菩薩是
女身耶莫造斯觀何以故受女身者
即是慧力神通之力舍利弗是女久
已於无量劫中離男女身如是身者
非是過去亦非未來現在此身即方
便身是方便身化此世界九萬二千
諸女人等發阿耨多羅三藐三菩提
心是故示現是方便身尔時寶女語
舍利弗大德汝今能以女人之身說
正法耶舍利弗言我於男身尚生厭
悔况女身乎舍利弗汝於男身生厭
悔耶舍利弗言如是如是大德是故

菩薩勝諸聲聞辟支佛等何以故汝諸聲聞所厭悔處菩薩於中受樂不悔聲聞之人不求諸有菩薩於中甘樂受之聲聞之人於諸功德生知足想菩薩之人无有厭足聲聞之人厭離煩惱菩薩之人處而不懼舍利弗言寶女菩薩之人有何等力以是力故心無厭離寶女答言大德菩薩摩訶薩有八種力處之无厭何等為八一者慈力心无尋故二者悲力為調伏故三者實力不誑諸佛以衆生故四者慧力離煩惱故五者方便力心不悔故六者功德力无所畏故七者智力壞無明故八者精進力破放逸故是名八力菩薩具足如是八力其心不悔舍利弗言寶女汝今已具足八力耶答言大德言具足者即是顛倒顛倒者即是二相二相者即是有為有為者即无所有无所有者即是平等大德若平等者云何有力云何無力云何可說一二之數大德一切諸法皆如虛空而是虛空不可說内不可說外不可說明不可說聞一切

諸法亦復如是若一切法同虛空者
云何可說有力無力一二之數大德
菩薩摩訶薩亦有力亦無力云何有
力云何無力无煩惱力有智慧力无
慳恡力有惠施力無破戒力有持戒
力無瞋恚力有忍辱力無懈怠力有
精進力无亂意力有禪定力无無明
力有智慧力是故菩薩遠離惡法修
集善法是故菩薩无惡法力有善法
力今時世尊讚寶女言善哉善哉若
有善男子善女人能如是說即是實
說寶女菩薩說是法時五百菩薩成
就忍心

大方等大集經卷第五

辛丑歲高麗國大藏都監奉

勅彫造

大方等大集經卷第六

推

北凉天竺三藏曇無讖於姑臧譯

寶女品第三之三

尔時寶女復白佛言世尊如經中說
如來具足十神力者為即十力是世
尊耶為離十力有世尊乎若即十力
是世尊者名二法若是二者即是
无常若離十力有世尊者云何如來
說諸法等世尊若一力中具十力者
何故如來不說百力若不說百當知
一力非十非百尔時世尊讚寶女言
喜我善我如來世尊非一非二若非
一二云何言十云何言百菩薩摩訶
薩遠離一二得阿耨多羅三藐三菩
提如來世尊非即十力非離十力能
說十事故名如來具足十力如來雖
說如是十力而一力中具无量力為
流布故說言十力寶女復言善哉世
尊唯願廣說如是十力佛言寶女至
心諦聽吾當為汝分別解說寶女菩
薩修行菩提道時求聲聞乘及造惡
業无有是處以是堅心得菩提時成

就初力如來成就如是力故於大衆
中作師子吼能轉法輪如是法輪天
人魔梵沙門婆羅門所不能轉復次
寶女菩薩修行菩提道時了知諸業
悉是一業以是力故了知過去未來
現在一切諸業業因緣處及以非處
得菩提時成第二力復次寶女菩薩
修行菩提道時了衆生根知已說法
以是力故得菩提時成第三力復次
寶女菩薩修行菩提道時觀衆生界
觀已隨界而為說法以觀界故得菩
提時成第四力復次寶女菩薩修行
菩提道時觀諸衆生上中下根觀已
隨解而為說法以知解故得菩提時
成第五力復次寶女菩薩修行菩提
道時觀至處道若有為道若无為道
若聲聞道若緣覺道若菩薩道以觀
道故得菩提時成第六力復次寶女
菩薩修行菩提道時恭敬尊重修諸
禪定為調衆生而說法要以修集故
得菩提時成第七力復次寶女菩薩
修行菩提道時於過去善根不生誹
謗成就念心不作放逸不放逸故得

菩提時成第八力復次寶女菩薩修行菩提道時見未學者不生輕心自
既學已不生憍慢能施衆生智慧光明以施明故得菩提時成第九力復
次寶女菩薩修行菩提道時教諸衆生遠離漏法不令增長讚歎解脫修
無漏道亦為衆生說无漏道以修无漏故得菩提時成第十力寶女菩薩
修集如是十力能具如來十種之力寶女復言世尊菩薩摩訶薩修行何
法得四无畏及十八法佛告寶女菩薩修行菩提道時所得妙法不生貪
恡不作是念若我教彼彼則勝我於諸衆生其心平等能捨内外施於一
切觀察法界無種種相以是因緣得菩提時成初无畏復次寶女菩薩修
行菩提道時諸遮道法了了而知以了知故不行不隨如是遮法亦不稱
讚不以教人知遮道已而遠離之以是因緣得菩提時成二无畏復次寶
女菩薩修行菩提道時常修淨道常說淨法修治莊嚴得淨法故如是莊
嚴亦自修治亦教衆生以是因緣得

菩提時成三无畏復次寶女菩薩修行菩提道時終不起於憍慢之心終不自說我知我見覆藏功德顯露罪過以是因緣得菩提時成四无畏復次寶女菩薩修行菩提道時失道衆生示以正道除去道路瓦石惡刺津途峻絕施作橋梁闇冥之處為設燈明見犯罪者能令調伏能除衆生所有疑悔於非犯者不强言犯除壞衆生疑法之心施法光明勸請說法見說法者稱讚善我恭敬尊重不生輕心欲解一切衆生言音不正語者心不輕之以是因緣得菩提時成初无失復次寶女菩薩修行菩提道時實語法語義語時語調伏語不錯語離諸惡語聖人之語若聞法已轉為他說為於自利及利他故說時不輕不生諍訟信佛法僧亦令衆生信佛法僧觀諸法界不可宣說以是因緣得菩提時知一切語得无量門惣持方便是故其身一切相好一一毛孔悉出如來微妙音聲復次寶女菩薩修行菩提道時常修六念亦化衆生令

修六念以是因緣得菩提時不失念
心亦得法證惣持方便無量衆生於
無量劫思惟深義一時來問如來不
假思惟之力而能一時各隨問答復
次寶女菩薩修行菩提道時常護一
切衆生之心不與衆生作亂心因諸
苦惱因見諸衆生行善法時不遮不
亂善知諸法悉如幻相於諸衆生其
心平等知諸法界同於一味以是因
緣得菩提時其心常定得無邊聞惣
持方便得是持已心常在定而作佛
事復次寶女菩薩修行菩提道時想
不顛倒心不顛倒以不倒故於无我
中不作我想衆生命人士夫男女嬌
慢煩惱常斷有无善惡垢淨有漏无
漏世間出世間生死涅槃等想一切
衆生有顛倒故有如是想若无顛倒
則無是想行於中道以是因緣得菩
提時成就一想無有二想修是定故
得无盡器惣持方便以是持力心常
修集無想三昧憐愍衆生修集大悲
說法不息復次寶女菩薩修行菩提
道時修集捨心捨於苦樂不苦不樂

不喜不熱不愛不瞋以是因緣利衰
毀譽心无有二常觀無常苦无我等
亦化衆生修如是捨以是因緣得苦
提時名為大捨得是捨已得大海印
惣持方便以是持力雖得人天阿修
羅乾闥婆迦樓羅緊那羅摩睺羅伽
釋天梵天恭敬供養不以為欣邪見
惡人輕慢罵辱不以為感其心平等
如地水火風不上不下不動不濁修
大慈悲復次寶女菩薩修行菩提道
時至心求菩提甚深之法種種善根
不求聲聞乘修集大悲如是等心无
有退轉以是因緣得菩提時成如來
欲无增無減得金剛幢惣持方便得
大自在知云何說知說何事知何時
說知何處說知為何衆生復次寶女
菩薩修行菩提道時常勤精進於諸
善法不知厭足恭敬供養和上善友
亦常親近樂聽正法隨聞而持如是
精進為調衆生為欲供養无量諸佛
為令無量无边衆生得無上道亦令
獲得如是精進入於法門以是因緣
得聞佛法惣持方便是故菩薩得善

提時成就如是精進无減以精進故
具足神通復次寶女菩薩修行菩提
道時具足念心修四念處觀内外身
无常苦無我受心法念亦復如是修
空無相无願三昧為如來身觀身念
處不證解脫以是因緣得菩提時成
就如來念心无減得知心通知諸衆
生根界解業煩惱行習心處善根惡
根果報生滅諸有次第諸佛世界諸
衆大衆菩薩諸行得授記剎父母親
族師長和上知如是等心不失念復
次寶女菩薩修行菩提道時常修智
慧利慧疾慧无边慧甚深慧解慧淨
慧不動慧無尋慧无勝慧了知聲聞
緣覺乘慧无上慧知足慧具足如
是等慧求慧求法持法說法甘樂於
法以樂法故於内外物不生貪著於
師和上能忍衆苦以所須物奉獻貢
上為於一字一句之義能以十方世
界珍寶奉施法主一偈因緣捨於身
命雖於无量恒河沙等劫修行布施
不如一聞菩提之事心生歡喜於正
法所樂聞樂說常為諸佛諸天所念

以念力故世間所有經典書論悉能
通達以是因緣得菩提時成佛智
無增无減如是等智名為無學知衆
生心善不善無記有漏无漏世間出
世間垢法淨法生死涅槃一切法門
一切菩提事一切菩提道一切世界
一切劫一切微塵去來現在於如是
事通達无學說時無盡以是因緣如
來能於一法之中說无量法復次寶
女菩薩修行菩提道時不樂在家求
受五欲樂處空閑修出家法樂修深
義及三脫門以是修力得无學法門
無學智過魔境界莊嚴具足遠離
煩惱及諸惡見說甚深義破衆疑心
除去一切諸惡覺觀破於欲界色无
色界為貪衆生演說正法令離貪心
為喜瞋者演說慈心令離瞋恚為愚
癡者說十二因緣令離无明為慳貪
者說檀波羅蜜為破戒者說尸波羅
蜜為瞋恚者說羼提波羅蜜為懈怠
者說毗梨耶波羅蜜為亂心者說禪
波羅蜜為无智者說般若波羅蜜為
凡夫人說四真諦為顛倒者說無常

無淨无樂無我為結縛者說三十七助菩提法菩薩具足如是等法以是因緣得菩提時成就解脫無增无減如是解脫无能動者畢竟清淨畢竟解脫能知能見一切聲聞辟支佛乘亦得清淨惣持方便以持力故能說解脫於一切法得大自在復次寶女菩薩修行菩提道時恭敬智慧得智勢力得智光明知眷属智知無貪心知無瞋心知无癡心知無愛心知无垢心知无諍心知無食心知无貪心知無上心知无寻心知無記心知善心知不善心知惡心知淨心知不淨心大心小心狭心廣心遍知心不遍知心貪心捨心持戒心破戒心忍心不忍心懈怠心精進心定心亂心癡心慧心凡心聖心正定聚心邪定聚心不定聚心聲聞心緣覺心菩薩心苦諦心集諦心滅諦心道諦心雖知如是而不取證為調衆生常說正法謂四真諦十二因緣遠離斷見及以我見說因緣果從緣而生非因於我衆生命等了知无明因緣於行行因

緣識識因緣名色名色因緣六處六處因緣觸觸因緣受受因緣取取因緣愛愛因緣有有因緣生生因緣老死憂悲苦聚无明滅故行滅行滅故識滅識滅故名色滅名色滅故六處滅六處滅故觸滅觸滅故受滅受滅故取滅取滅故愛滅愛滅故有滅有滅故生老死憂悲苦惱滅大苦聚滅作是觀已復作是念如是等法實非我作衆生壽命士夫等作非常非斷若非衆生士夫等作是名為空如其空者即是無我衆生壽命及以士夫无常無斷若无常斷無生无滅无生滅者三世不攝三世不攝即名為無如其無者不可竿數无竿數故即第一義第一義者即是如來語如來語者即無鬪諍无鬪諍者名沙門法沙門法者即是虛空若能了知如是等法名真實知若觀思惟諸惡因緣則生无明至大苦聚惡思惟滅則無明滅乃至大苦聚滅作是觀已不著常見不著斷見知一切法從緣而生從緣而滅知一切法無我衆生壽命士

夫不見此彼及以中間何以故若无彼此云何有中是故菩薩如是說法以是因緣得菩提時成解脫智无增無減亦得无邊惣持方便以得持故依於法界觀虚空界說是處非處至漏盡力四无所畏大慈大悲宣說甚深秘密之藏兼以是法化於衆生是名不與二乘共之身口意等具足神通復次寶女菩薩修行菩提道時一切身業隨智慧行不欺衆生而作妨身不貪不慳无有害心梵行清淨勤修精進集助道法不惜身命為諸衆生起大慈悲以是因緣得菩提時名為如來一切身業隨智慧行得一切光惣持方便以是持力能作種種方便之身所謂天身龍身阿修羅身迦樓羅身軋闍婆身緊那羅身摩睺羅伽身梵身釋身四天王身利利身婆羅門身毗舍身首陀身比丘比丘尼優婆塞優婆夷身示現如是種種身已為諸大衆隨意說法說法既竟即滅不現令一切衆不知所在或身滅已而故說法一切衆生六情瞻對而

无厭足若不見時心常緣念復次寶
女菩薩修行菩提道時一切口業隨
智慧行不欺衆生妄語兩舌惡口无
義語常安隱語法語毗尼語不熱語
佛語義語喜聞語樂見語以是因緣
得菩提時名為如來一切口業隨智
慧行獲得三分惣持方便以是持力
善解一切衆生語言說諸衆生所有
之業佛所出言是真實語十二因緣
語隨解脫語不貪語寂靜語因緣語
復次寶女菩薩修行菩提道時一切
意業隨智慧行不欺衆生不妬不害
不作邪見修於正見起大慈悲於諸
衆生其心平等終不忘失菩提之心
具足智慧捐除憍慢以是因緣得菩
提時名為如來一切意業隨智慧行
獲得无垢惣持方便以是持力住一
心中能知一切衆生諸心觀衆生心
悉皆平等如幻化相本性清淨觀諸
衆生身業平等皆如水月見諸衆生
悉在已身已身亦在衆生身中猶如
影現能令衆生悉作佛身亦令已身
作衆生身一切无有能動轉者復次寶

女菩薩修行菩提道時信過去世諸
佛智慧善身口意業无有疑網若聞
佛事不可思議不驚不怖信過去佛
世界衆生已得調伏信如來身遊十
方界往返无尋能解一切衆生言語
隨其種種而為說法一切三世智慧
無尋了知過去一切法界一切諸衆
知諸衆生業果神通知他心智於如
是等心信无疑亦化衆生令同已信
以是因緣得菩提時名為如來知過
去世智慧无尋因往修集勇健三昧
獲得健行惣持方便以是持力能知
過去諸佛世尊壽命種姓亦知過去
菩薩聲聞辟支佛等一切衆生業果
神通亦知過去所有諸劫有佛出者
无佛出者及其名字淨以不淨若廣
若狹若麤若細若微塵等若倒若順
於如是等悉得了知如觀掌中菴摩
羅果復次寶女菩薩修行菩提道時
信未來世諸佛智慧善身口意業无
有疑網若聞佛事不可思議不生驚
怖信未來世界衆生悉當調伏信於
如來遊十方世界往返无尋能解一

切衆生語言隨其種種而為說法一切三世智慧无碍了知未來一切法界一切諸衆知諸衆生業果神通知他心智於如是等心信无疑亦化衆生令同已信以是因緣得菩提時名為如來知未來世智慧无碍因修悲定得師子吼惣持方便以是持力能知未來諸佛世尊壽命種姓亦知未來菩薩聲聞辟支佛等一切衆生業果神通亦知未來所有諸劫有佛出者无佛出者及其名字淨以不淨若廣若狹若麤若細若微塵等若倒若順於如是等悉得了知如觀掌中菴摩羅果復次寶女菩薩修行菩提道時信現在世諸佛智慧善身口意業无有疑網若聞佛事不可思議不驚不怖信現在佛世界衆生悉得調伏信如來身遊十方界往返無碍能解一切衆生言語隨其種種而為說法一切三世智慧无碍了知現在一切法界一切諸衆知諸衆生業果神通知他心智於如是事心信無疑亦化衆生令同已信以是因緣得菩提時

名為如來知現在世智慧元尋因修
淨定獲得金剛惣持方便以是持力
能知現在諸佛世尊壽命種姓亦知
現在菩薩聲聞辟支佛等一切衆生
業果神通亦知現在所有諸劫有佛
出者无佛出者及其名字淨以不淨
若廣若狹若麤若細若微塵等若倒
若順於如是等悉能了知如觀掌中
菴摩羅果寶女是名十八不共之法
如來復有不共之法謂无見頂何以
故无邊身故無能勝者名不共法何
以故一切事具故見者除惱名不共
法何以故身如藥樹故處衆无畏名
不共法何以故一切清淨故處衆無
怯名不共法何以故四无畏故知衆
生心名不共法何以故隨意說法故
徒衆寂靜名不共法何以故隨師教
故出言清淨名不共法何以故不說
无義語故凡所宣說聞者歡喜名不
共法何以故離怨親想故說法之聲
齊衆而聞名不共法何以故餘无利
益故各各見佛正在已前瞻對之時
目未曾眴名不共法何以故身不可

思議故聞佛所說要生善芽名不共
法何以故成就無量諸功德故見者
无厭名不共法何以故覺一切法故
舉身迴顧如象王視名不共法何以
故威儀清淨故大師子吼名不共法
何以故具足大力故威儀純善名不
共法何以故所有身業隨智行故口
業純善名不共法何以故所有口業
隨智行故一切眼目名不共法何以
故所有意業隨智行故衆生樂聞名
不共法何以故語微妙故受上供養
名不共法何以故無上福田故无盡
功德名不共法何以故不求果報故
无能壞者名不共法何以故一一節
中有無羅延力故記事不虛名不共
法何以故知諸根故為一切師名不
共法何以故通達一切故壽命無盡
名不共法何以故得法身故有親近
者得大利益名不共法何以故成就
一切諸善法故所得智慧无能濁者
名不共法何以故知三世智性清淨
故出身血者得五逆罪名不共法何
以故成就一切諸善根故煩惱習盡

名不共法何以故了知一切煩惱因
故知一切行名不共法何以故覺一
切法故寶女是名如來不共之法亦
時寶女復白佛言世尊如來所得三
十二相是何業因之所成就佛告寶
女如來成就无量功德是故得成三
十二相我今於是無量事中當略說
之如來至心護持淨戒得足下平相
修行種種惠施業故得千輻輪相不
欺一切諸衆生故得足跟臚相護正
法故得指纖長相不壞他衆故得網
縵相妙服奉施故得手足軟相淨飲
食施故得七處滿相喜聞佛法故得
鹿王蹲相覆藏他過故得陰藏相修
善法故得上身如師子相常以善法
化衆生故得缺骨平滿相救護怖畏
故得臂肘臚相見他事業樂佐助故
得手摩膝相常修十善故得清淨身
相常施病藥故得所食之物至喉悉現
相常發莊嚴修善法故得師子頰相
於諸衆生其心平等故得四十齒相
和合諍訟故得齒密相珎寶施故得
齒齊相身口意淨故得二牙白相護

口四過故得廣長舌相成就無量功德故得味中上味相於衆生中常柔軟語故得梵音相修集慈心故得紺色目相至心求於无上菩提故得牛王腰相讚歎他人所有功德故得白毫相恭敬父母師長和上故得肉髻相樂說深法故得身柔軟相施敷具故得金光相遠離聚說世間事故得二孔一毛生相樂受善友師長教勅故得身毛上靡相不以惡事加衆生故得鬚色金精相常勸衆生修三昧故得身圓滿如尼拘陀相生之處作佛像故得那羅延力相寶女菩薩摩訶薩成就如是无量功德獲得如是三十二相寶女復言世尊菩薩摩訶薩不可思議快哉如來善說佛法今時世尊讚寶女言善哉善哉如汝所說一切衆生聞是義者即得具足无量功德聞已信者亦得成就無量功德說是法時十方無量无边世界六種震動无量衆生發菩提心五千菩薩得无生忍處空諸天雨種種花鼓衆伎樂以供養佛若有衆生已於

無量元邊佛所殖衆德本乃得聞是
如來十力四無所畏不共之法三十
二相是人聞已能生深信信已能於
大衆之中作師子吼說如是法何以
故下劣之人不能得聞如是正法假
使得聞未必得信上人持戒智慧具
足乃能得聞聞已敬信信已不久當
得阿耨多羅三藐三菩提寶女復言
世尊佛不可思議法僧亦不可思議
議聞信是經亦不可思議若有信者
是人定得阿耨多羅三藐三菩提世
尊云何菩薩修行法行寶女菩薩摩
訶薩不捨親舊知恩報恩憐愍一切
有歸依者終不捨棄至心念於菩提
之道修於忍辱難施能施攝取衆生
慈心護戒思惟善義護持正法樂法
念法持法樂靜獨處空閑心无悔退
善護衆生淨身口意為四无量發大
莊嚴常勸衆生於菩提道凡所講論
先讚大乘不先許人後生悔心清淨
其行知足少欲不慳不妬不斷聖種
心無諍訟了知因果信聞戒施慙愧
智慧親近善友隨師長教心无憍慢

恭敬礼拜長老有德離貪患癡我及
我所常念佛法僧施戒天得供養時
其心不高常勤修行六波羅蜜空无
相願諸善方便不見我常衆生壽命
士夫之相修四念處乃至八正道分
是名菩薩修行法行又法行者無眼
無色无色想行無耳无聲无聲想行
无鼻無香无香想行無舌無味无味
想行无身無觸无觸想行无意無法
無法想行非色行非色非非色行非
色苦行非色非非色苦行非色我行
非色非非色我行非色空行非色非
非色空行非色无相行非色無願行
非色无行行非色性行非色實行非
色寂行非色生行非色出行非色因
緣行非色聚行是名法行受想行識
亦復如是實女若无如是陰入界行
是名法行无欲界行色界行無色界
行無住无脫是名法行无去無来无
有住處無心意識无見無聞无知無
識无有身業口業意業非法非非法
非一非二非去来現在非垢非淨非
聚非散非我衆生壽命士夫非常非

斷非我非我所非始非終是名法行
是名我法是名住處是名法性是名
法處是名空處非處名畢竟處不動
不住無有相貌无出無滅无所修行
無取無捨无受無施若能知見如是等法
是名真知是名實知是名法知若有
菩薩能作是學為諸衆生行於生死
而於涅槃無所動轉是名菩薩真實
法行說是法時八千菩薩成就忍辱
尔時寶女復以種種珍寶雜物供養
於佛而作是言世尊若有菩薩行是
法行即是修行一切佛行即得授記
坐菩提樹成就阿耨多羅三藐三菩
提尔時舍利弗語寶女言汝知菩薩
不退印耶尔時寶女即說偈言

諸衆生界及法界 若能平等觀無異
不生分別一二數 是名菩薩不退印
過去未來及現在 十方世界諸世尊
皆悉平等觀法界 是名菩薩不退印
觀有為界皆无常 有漏无漏亦如是
知一切法本性淨 是名菩薩不退印
觀於生死無有量 不可稱計知其數
若能一念通達知 是名菩薩不退印

一切世間諸法界

及以出世諸聖法

若知平等悉真實

是名菩薩不退印

若能了知諸佛界

及以諸魔波旬界

通達是二無差別

是名菩薩不退印

貪欲瞋恚愚癡等

一切衆生諸煩惱

知從顛倒因緣生

是名菩薩不退印

生死之法及涅槃

无上正道及菩提

觀察是法无差別

是名菩薩不退印

知是五陰如菩提

如菩提性入界然

觀是諸法无有二

是名菩薩不退印

地水火風及造色

觀之猶如虛空等

如是即得真實印

亦如十方諸佛印

如眼界等菩提然

是二平等无差別

自能受持為他說

是名菩薩不退印

知諸衆生所有心

能為一切心因緣

如是因緣无障導

是名菩薩不退印

能遍觀察諸衆生

所有諸根上中下

能觀生死盡彼岸

是名菩薩不退印

所有字義句无盡

於无量劫而演說

無能破壞作障導

是名菩薩不退印

虛空邊際尚可盡

世間猛風可繫縛

菩薩所有不退心

一切世間不能轉

成就無量陀羅尼

於諸法中不失念

次第演說諸法義

如佛口出无有異

十方世界佛世尊

為度衆生說无量

悉能受持解深義

是名菩薩不退印

无量劫中所聞法

猶如現聞而演說

無量世學陀羅尼

獲得如是無盡印

成就具足如是持

及以無上真智慧

若得菩薩不退印

則能宣說如是法

若觀一切諸法空

亦不親近不遠離

若有成就不退心

當知是人有空印

一切諸法虛空印

其性本來無生滅

若能了知是法界

是名菩薩不退印

諸法皆從因緣有

離於衆緣无法界

若能了知如是者

當知是有不退印

所有威儀諸色聲

能於一念悉示現

為欲教化諸衆生

即是菩薩不退印

惠施之心如虛空

無量劫中不可盡

成就无量諸功德

即是菩薩不退印

修集淨戒為佛戒

獲得佛戒如虛空

成就如是无上戒

即是菩薩不退印

一切衆生所有戒

及以學戒无學戒

雖有如是无量戒

不及不退十六一

若得寂上無生忍

成就无量無有邊

若得如是无生忍

如過去佛之所得

為衆生故善莊嚴 無量世中不休息
常勤修集精進行 即是菩薩不退印
常樂修集諸禪定 亦為衆生宣說法
雖復示現諸威儀 而其內心不離定
具足无上正知見 遠離一切煩惱習
若有成就不退心 則能近於佛境界
具足三種之神通 及其如來善方便
若有成就不退心 是人欲得正覺印
一切衆生不能知 是人心行及境界
為諸衆生无量行 即是菩薩不退印
其實未得無上道 而能示現如來身
生及成道轉法輪 廣衆示現大涅槃
未捨菩薩不退印 亦能獲得如來印
猶如虛空无有邊 所得佛印亦如是
說是偈時三千大千佛之世界六種
震動五千菩薩得不退印 今時世尊
讚寶女言善哉善哉快說菩薩不退
轉印

今時須菩提白佛言世尊寶女定得
不退轉印是故能作如是宣說若不
證者何能如是佛告須菩提如是如
是如汝所說寶女久已得不退印忍
辱成就已盡大乘甚深底今時寶

女白佛言世尊何故名大乘佛言其
乘廣大故名大乘於諸衆生无罣
故故名大乘是一切智善根根本故
名大乘无有煩惱諸結黑闇故名大
乘所有光明无處不遍故名大乘周
遍其邊有眼目故故名大乘本性常
淨初无沾汙故名大乘斷諸煩惱一
切習氣故名大乘護持禁戒故名清
淨修集定故名爲安住修智慧故名
爲元漏修解脫故名元繫縛示一切
法等無二故名解脫智攝十力故名
无能動具四無畏故名无怖懼攝取
十八不共法故名爲無尋修集大慈
故名平等破壞一切諸魔衆故名爲
寂勝摧煩惱魔故名寂靜壞陰魔故
名不可數破死魔故名爲常住具足
檀那波羅蜜故名爲富足具足尸羅
波羅蜜故名爲无熱具足羼提波羅
蜜故名爲無怨具足精進波羅蜜故
名爲无動具足檀那波羅蜜故名無
漏無轉具足般若波羅蜜故名勝一
切世間出世間具足方便波羅蜜故
名爲攝取一切諸乘斷諸有故名元

有有因八道得故名為安具定慧翼
所往无寻調諸根故名大神通修正
勤故能見一切諸佛世界修念處故
遠離惡法親近善法修七覺分遠離
一切諸煩惱結无為無漏无勝無上
无能見頂无能知者无有遮障无有
聽聞無入出處大衆大堂一味不作
不作數量平等无二得大名稱十方
無尋一切人天之所恭敬成就无量
无边功德永斷一切慳恡破戒害心
懈怠亂心无明能令衆生獲得多聞
為作安樂斷一切苦能令作善業佛
智无寻智無上智平等智一切智是
名大乘說是法時万二千衆生發阿
耨多羅三藐三菩提心既發心已復
作是言若有衆生能發如是大乘心
者即得无量善法利益尔時寶女白
佛言世尊何障寻故不令衆生疾得
大乘佛告寶女有三十二事以是因
緣為作障寻何等三十二一者樂聲
聞乘二者樂緣覺乘三者樂釋身故
四者樂梵身故五者樂為世樂受持
禁戒六者樂修一善七者常懷嫉妬八

者多財貪著慳怯九者不樂勸化衆

生令修善法十者心憍慢故十一者

不求菩提心故十二者畏菩提心故

十三者於一法中生著心故十四者

不善思惟故十五者不能親近師長

和上善知識故十六者誹謗餘部故

十七者不能淨於身口意業故十八

者不能護持无上法故十九者得少

法味怯不說故二十者少解法義生

大慢故二十一者遠離四攝故二十

二者不能恭敬同師同學故二十三

者不樂念於六波羅蜜故二十四者

遠離三聚故二十五者不發願故二

十六者少善根故二十七者倒解義

故二十八者不歎三寶故二十九者

誹謗大乘菩提事故三十者自不解

義誹他說故三十一者不覺了知諸

魔事故三十二者樂生死故是名三

十二事障身大乘不令衆生疾得大

乘寶女如是障身其事无量我於今

者但略說耳大乘所有功德無量障

身之事亦復如是亦如涅槃功德无

量障身之事亦復无量如生死過無

量无邊即是大乘之障碍也寶女若有人能遠離如是无量惡法當知是人即得大乘寶女若有菩薩能得淨心是人即能獲得大乘世尊衆生云何速得成就无上大乘寶女有三十二事衆生修集能速得之何等三十二一者衆生不請而往親附二者見他福德不生妬心三者至心修集無量善根四者營他事業不生愁惱五者至心不濁身口業淨六者不為利養改四威儀七者如說而住八者於諸衆生其心清淨九者終不放捨菩提之心十者清淨莊嚴檀波羅蜜十一者清淨尸波羅蜜憐愍毀禁故十二者淨忍波羅蜜不惜身命故十三者淨精進波羅蜜得十力无畏故十四者淨禪波羅蜜遠離煩惱故十五者淨般若波羅蜜除煩惱習故十六者修勇健定壞諸魔業故十七者至心度脫諸衆生故十八者修四攝故十九者心平等故二十者不捨一切諸衆生故二十一者知恩報故二十二者護持正法故二十三修助道

法不休息故二十四者於諸善法无
厭足故二十五者破憍慢故二十六
者供養三寶故二十七者於一切法
不生諍故二十八者善解十二深因
緣故二十九者具七財故三十者於
一切法得自在故三十一者修六神
通故三十二者修集定慧故是名
三十二衆生修集疾得菩提說是法
時七万二千衆生發阿耨多羅三藐
三菩提心万二千菩薩得无生法忍
一切諸天以諸花香種種伎樂供養
於佛尊重讚歎作如是言若有得聞
如是等經當知是人定得阿耨多羅
三藐三菩提今時梵天釋天四天王
天白佛言世尊如來今者演說如是
無限量義了了之義壞煩惱義摧諸
魔業破諸邪見能持一切无上正法
我等亦能受持讀誦書寫解說若佛
弟子有能受持讀誦書寫廣說之者
我等亦當為作衛護若有惡鬼欲為
是人作燒害事我當遮止不令成就
佛言善哉善哉善男子汝於今時若
能護我諸弟子者即是護持我之正

法如是護者法則久住今時世尊告
阿難言阿難汝當受持擁護演說如
是經典若有菩薩於無量劫樂修惠
施復有菩薩受持是經讀誦書寫為
人廣說修大慈悲兼以此義勸人令
學其人所得福多於彼亦能速疾獲
得大乘阿難白佛言世尊是經何名
云何奉持佛言阿難是經名為真實
法義毗尼方便成就發心无量寶聚
無量陀羅尼十力四无畏不共法聚
菩薩摩訶薩不退轉印廣說大乘寶
女所問如是等名汝當奉持今時阿
難及諸人天聞經歡喜信受奉行
大方廣大集經卷第六

辛丑歲高麗國大藏都監奉
勅雕造

大方等大集經卷第七

推

北凉天竺三藏曇無讖於姑臧譯

不眴菩薩品第四

尔時世尊故在欲色二界中間大寶坊中與諸大眾圍遶說法尔時眾中有金色光其光明淨遍照三千大千世界悉蔽一切日月四天釋梵光明照已即滅一切大眾瞻覩如來目未曾眴當尔之時寂然无聲亦無聲歎出入氣息尔時大德須菩提白佛言世尊今何因緣有是光明一切大眾瞻覩如來目未曾眴尔時佛告須菩提言東方過於无量世界彼有菩薩名曰不眴與万菩薩俱共發來欲聽如來微妙方等大集經典是其光明所言未訖不眴菩薩已至佛所大寶坊中齎持種種香花伎樂供養於佛頭面礼足恭敬右遶却坐一面寶蓮花上尔時須菩提復白佛言世尊不眴菩薩所來世界去此遠近國土何名佛号何等佛言須菩提東方去此七万二千恒河沙等諸佛世界土名

大經集解卷之六 第三十

不眴佛号普賢如來應供正遍知明
行足善逝世間解无上士調御丈夫
天人師佛世尊不眴菩薩從彼而來
今時不眴菩薩摩訶薩長跪合掌說
偈讚佛

如來世尊衆寶聚	具足一切波羅蜜
无上法師天中天	爲衆生故我敬礼
寂靜戒定不可動	無上智慧調諸想
爲諸衆生說大集	故我歸依師子王
樂施天人諸安樂	衆生喜見如滿月
具足力勢破魔衆	我今歸依大藥樹
成就善根施甘露	能度衆生生死海
我今歸依无上尊	具足妙相三十二
世尊莊嚴此大衆	猶如須彌顯四域
名稱无尋遍十方	人中象王我敬礼
如來智慧如虛空	通達三世无障号
隨衆生根而說法	我今敬礼自在王
過无量劫勤精進	超勝同業諸菩薩
所得佛法如先佛	我今敬礼一切覺
十方諸佛悉讚歎	精進殊勝无邊量
无量衆生得聞已	悉皆同發菩提心
於正法中無厭足	兼以勸化諸衆生
能說清淨法之性	我今稽首大法王

今時不暇菩薩偈讚佛已白佛言世
尊我等於此大集經中欲少發問唯
願如來垂哀聽許佛言善哉善哉善
男子隨意發問吾當為汝分別宣說
除却汝等疑網之心不暇菩薩既蒙
聽許心大歡喜白佛言世尊菩薩摩
訶薩修何三昧速得成就阿耨多羅
三藐三菩提得大念心大智大意慙
愧勇健修施教戒被忍辱鎧建精進
幢遊戲神通莊嚴慈悲深樂法喜登
陟捨山能說能答摧伏魔怨壞諸邪
見不離諸佛菩薩善友常得化身不
失念心深信大乘樂施衆生无上智
光不為世法之所染汙同於四大如
地利益一切衆生如水能洗一切垢
穢如火能熟衆生善根如風能於戒
聞慧等无所障尋修集慈悲猶如虛
空慧眼無量猶如帝釋心得自在如
自在天正法化世如轉輪王聚大福
德如須彌山於善无厭聚衆珍寶猶
如大海思惟十二因緣深義亦復如
是无所畏懼如師子王具善法財猶
如商主一切依止如大醫王能作光

明猶如庭燎破闇如日清涼如月煩惱不汙猶如蓮花具足一切諸佛妙法猶如滿月佛言善哉善哉善男子能以此義諮啓如來至心諦聽吾當為汝分別解說善男子有三昧名一切法自在菩薩修集是三昧者則能獲得如是等事亦得無量無邊福德疾成阿耨多羅三藐三菩提成佛之時世界所有一切具足善男子一切法自在三昧者所謂信佛法僧苦集滅道陰入界等空无相願出生滅沒十二因緣内外因果業及果報信於開塞觀一切法如幻如化如焰如響如水中月龜毛兔角空中之花石女之子如著影衣夢乘白象若有若無及以有無非有非无非常非斷非生非滅非內非外非見非斷信如是等則能信佛菩薩大事而不自輕菩薩事業雖復廣大我亦能知心得自在能大惠施護持禁戒不訪外事憐愍衆生常修忍辱為不退故勤行精進為令衆生離煩惱故修集智慧為壞一切分別想故修集三昧得妙音聲

一切樂聞修於念佛觀諸如來平等
無二修於念法觀一切法同一性相
修於念僧觀一切僧无有退轉修於
念捨捨諸煩惱修於念戒常念佛戒
修於念天念後邊身淨身口意不隨
他人戒定智慧清淨施已能得具足
三十二相施種種物具足成就八十
種好為欲莊嚴出世智慧具四念處
為欲遠離一切煩惱故具四正勤為
令其心得自在故具四如意為欲壞
破諸魔怨故修集信根為不顛倒一
切法故修精進根勸令憶念諸罪過
故修集念根為諸衆生心清淨故修
集定根為於一切諸法頂故修集慧
根為无壞故修集五力為真實知一
切法故修七覺分為真實知道非道
故修八正道樂於寂靜少欲知足遠
離惡友雖復通達一切事業終不於
中生獨師想於諸煩惱心不貪著不
瞋衆生不疑諸見於我我所心不生
著常修欲度衆生之心於師和上父
母善友生念恩心常思報答往昔之
恩見毀禁者不生譏刺捨棄重擔真

觀陰故不競不諍護法持戒攝取持
戒及護法者聽法念法供養於法於
正法中心無疑網凡所演說不為飲
食至心演說說時不輕亦不自高為
出善芽所聞不失瞻病所須供給走
使供養法師不說其短不觀種姓戒
與非戒常樂聞法至心不忘不失時
節常請法師敷揚道化有所講說不
生憍慢聞已解義亦不自大不觀他
人所有過失所可聽法為知足故為
不斷絕三寶種故為得无尋宿命智
故為得真實見法性故為發無上菩
提心故為護如來真實法故為得上
族好種姓故為見佛法比丘僧故為
得堅固不退心故為行聖行入聖數
故為得无盡大財寶故為得無邊大
功德故為得清淨梵音聲故為得具
足佛功德故為得具足菩薩法故為
欲受持讀誦書寫菩薩法藏及摩夷
故為欲受持如是等法廣宣說故善
男子菩薩摩訶薩獲得一切法自在
三昧者於一切事无能教者今時世
尊即說頌曰

其心敬信佛法僧

亦復明信四真諦

若得智慧无罣碍

是名諸法自在定

能知於苦第一諦

亦能遠離於集因

證獲第三真滅諦

修集無上聖道諦

具足成就大念心

真實觀陰如虛空

其身威儀大寂靜

是名諸法自在定

能觀六入性相空

亦能調柔於諸根

能壞衆生疑網心

是名諸法自在定

能修集空无相願

破壞一切諸憍慢

所行諸行無黑闇

是名諸法自在定

遠離斷見及我見

令身口意業寂靜

其心不著有无法

是名諸法自在定

所說正義無顛倒

調伏一切衆生心

既說法已无憍慢

是名諸法自在定

修集一切諸善根

不為煩惱之所汙

其心无熱亦無濁

是名諸法自在定

不為他喜求菩提

亦不虛誑修善法

十方諸佛觀其心

是名諸法自在定

常樂惠施護持戒

憐愍心故忍諸惡

精進修定及智慧

是名諸法自在定

為諸衆生修慈心

亦无分別怨親想

樂施衆生无上樂

是名諸法自在定

調伏衆生於菩提

修捨離欲得安樂

常樂修集五神通

是名諸法自在定

所說正法衆樂聞

其義難盡如大海

真實了知於法性

是名諸法自在定

觀察佛身如諸法

佛性法性無差別

護法之心无退轉

是名諸法自在定

身口意業得寂靜

具足戒定心无為

遠離一切煩惱習

是名諸法自在定

能證无上真解脫

亦能獲得實知見

修集定慧无有邊

是名諸法自在定

不淨之物不以施

不受一切不淨戒

三十二相具足成

是名諸法自在定

修行種種諸惠施

是故獲得八十好

於佛法中得自在

是名諸法自在定

修集具足四念處

正勤能壞諸煩惱

為調衆生修如意

是名諸法自在定

為入佛法修信根

為壞魔衆修五力

為知諸法修七覺

是名諸法自在定

修八正道破邪徑

施於衆生无上樂

心无憍慢一師想

是名諸法自在定

若得修集自在定

是人則能離煩惱

親近諸佛菩薩等

樂修少欲知足行

為在无上聖人數

以衆生故修大悲

不為飲食演說法

是名諸法自在定

為法不惜於身命

護持正法不恡財

常樂修行二種施

是名諸法自在定

常勸衆生令聽法

如其未解心不輕

不為勝他護持戒

是名諸法自在定

无量世中所聞法

至心受持為他說

無上法師大名稱

不觀時節戒非戒

演說不休亦不息

不失時節隨意說

所說諸法如幻相

是名諸法自在定

所言真實甘樂聞

聞已如說而安住

其心無貪无妬嫉

是名諸法自在定

有問无瞋無輕慢

常修憐愍无二相

能自淨除諸過失

是名諸法自在定

具足七種无上財

成就壽命无上命

具足十力四無畏

是名諸法自在定

常樂聞法善思惟

善思惟已如法住

如法住已為衆說

是名諸法自在定

不忘菩提上種性

供養三寶得化身

勤化大衆具菩提

是名諸法自在定

其目清淨見諸佛

得梵音聲无上邊

其音遍滿十方界

是名諸法自在定

財寶惠施无有盡

智慧演說无窮竭

供養父母師和上

是名諸法自在定

成就具足宿命智

不失无上菩提心

六波羅蜜无厭足

是名諸法自在定

為欲利益衆生故

受菩薩藏及摩夷

樂為衆生廣分別

是名諸法自在定

遠離一切惡思惟

了了覩見十方界

一心能知无量心

是名諸法自在定

一心了知三世事

修集无量諸神通

得後邊身智无碍

是名諸法自在定

憐愍衆生修大悲

觀察諸根隨意說

一切佛法得自在

是名諸法自在定

若有得聞如是事

至心受持生信順

即能獲得无上道

亦如往世諸世尊

余時不聞菩薩白佛言世尊菩薩摩

訶薩成就何法獲得如是一切諸法自

在三昧佛言善男子菩薩摩訶薩具

足一法則能獲得如是三昧所謂不

著一切諸法復有一法不著於戒何

以故若不著戒則能不著一切善法

具足戒故則能成就一切佛法得大

利益无上大道是故我言戒是一切

善法根本戒名大燈若著戒者是人

則於菩提障碍非菩提道若於諸法

生貪著者去菩提道則為大遠若不

貪著則為隣近復有二法菩薩具足

則能獲得如是三昧一者為於菩提
方便修集舍摩他二者為於善法方
便修集毗婆舍那復有三法菩薩具
足得是三昧何等為三一者不捨衆
生修空三昧二者不捨於法修無相
三昧三者求於諸有修无願三昧亦
時世尊即說頌曰

調伏衆生修集空 護持法故修无相
不捨諸有修无願 是人則得是三昧
復次善男子復有四法菩薩具足則
能獲得如是三昧何等為四一者具
足四諦方便二者具足四无量心三
者具足四無尋智四者具足四攝之
法復有五法菩薩具足得是三昧何
等為五一者具足五神通二者具足
五根三者具足五力四者具足真智
觀於五陰五者具足五眼復有六法
菩薩具足得是三昧何等為六一者
具足六波羅蜜二者具足六念三者
具足智慧觀於六入四者具足遠離
六道五者具足六通六者具足六和
敬法復有七法菩薩具足得是三昧
何等為七一者无貪遠離煩惱二者

於衆生所無有瞋恚三者於諸法中
无有疑心四者具无寻智無有五蓋
五者觀十二因緣無有疑網六者成
就無上智慧七者成就无上三昧復
有八法菩薩具足得是三昧何等為
八一者修集八正道分二者離八邪
道三者遠離八難四者具足八大人
覺五者具八解脫六者具八勝處七
者專念菩提八者斷煩惱習復有九
法菩薩具足得是三昧何等為九一
者不失念心二者解甚深義三者破
壞魔業四者具佛三昧五者淨身口
意六者具足方便七者威儀純善八
者勤行精進具六波羅蜜九者遠離
聲聞辟支佛道復有十法菩薩具足
得是三昧何等為十一者具足佛智
二者具足法界无分別智三者於真
實性无有動轉四者具足三世平等
智慧五者具足衆生心平等智六者
具知諸根上中下智七者具足四无
寻智八者具足三解脫門九者具足
諸法同一味智十者具足諸法無生
滅智說是法時三万二千菩薩摩訶

薩得是三昧。今時須菩提語不眇。菩薩言是大衆中三萬二千諸菩薩等。皆悉獲得如是三昧。善男子。汝今得耶。不眇。菩薩言。大德。乃至无有一法。可得名為三昧。我去何得。凡言得者。即是顛倒。夫顛倒者。即我我所。菩薩若著我我所者。則不能得如是三昧。須菩提言。菩薩摩訶薩住於何處。得是三昧。不眇。菩薩言。如須菩提所住之法。得解脫者。我如是住。得是三昧。須菩提言。我實不住一切法中。而得解脫。大德。菩薩摩訶薩亦復如是。不住諸法。得是三昧。須菩提言。善男子。菩薩摩訶薩將不住於空。无相。願得三昧耶。不眇。菩薩言。空。無相。願可得住耶。不也。善男子。大德。是故空。无相。願所住之處。得是三昧。善男子。如是三昧。住在何處。不眇。菩薩言。如一切法。真實性住。住是三昧者。亦如是。住一切諸法。真實性者。名聖解脫。聖解脫者。名無所住。无住之住。住一切法。一切諸法。不住煩惱。不住解脫。大德。得解脫者。為具煩惱。不具煩惱。善男子。

我亦不具非不具也大德若仁不具
非不具者為何所得言解脫也須菩
提言善男子若使法界有縛繫者我
則解脫而法界性无縛解相非相非
非相非種種相非一相非多相如法
界相解脫亦尔時須菩提說是法時
八千比丘得阿羅漢果須菩提語不
眴菩薩言善男子如佛所說若能具
足如是等法得是三昧汝今具足是
三昧不不眴菩薩言大德一切諸法
无有根住若法無根即是无住夫無
住者名為无作若無作者云何可住
須菩提言若无住者何故如來常作
是言住如是法得無生忍不眴菩薩
言大德无所住者亦名為住是故如
來亦說住貪而得解脫而智慧性不
能壞貪住於解脫若有菩薩能知如
是不住之住是名无生智慧住是无
生智慧中已則能獲得無生法忍復
次大德若有菩薩不離凡夫能知聖
法以凡夫心觀察聖法以聖法性觀
察於忍忍性觀忍復以是忍觀一切
法知如是等名无生忍

復次大德若有菩薩觀二種界一衆生界二者法界以法界性觀衆生性以衆生性觀法界性若離法界无衆生界法界衆生界无生無滅若能如是通達知者名無生智无生智者即無生忍復次大德菩薩摩訶薩知從十二因緣生法從六境界作六因緣若善不善是善不善即无生滅何以故境界之性不能生法六入亦不能生法何以故無生性故如其六入能生法者則應常生不須外緣若外境界性能生者亦應常生不假於内若俱生者則有二相二相之法性無真實通達了知如是等者名无生忍若得如是真智慧者是名菩薩得無生忍復次大德若有菩薩具足成就二種莊嚴功德智慧觀是二事平等无二雖如是知不言我知亦於此知不生貪著者是名無生忍復次大德菩薩摩訶薩身意寂靜觀法寂靜法寂靜已觀菩提靜菩提靜已觀忍寂靜亦不隨他不著内外是名菩薩无生法忍說是法時不問菩薩等五百善

薩得無生法忍。今時世尊讚不瞋苦。
薩言善哉善哉。善男子。汝所演說。无
生法忍。即是真實。如先佛說。復次善
男子。苦薩若得心自在者。即得諸法
自在。三昧云何。名為心自在。耶。善男
子。若有苦薩。遠離貪愛。得帝釋身。或
轉輪王身。雖為無量諸衆生等說。五
欲樂。而其內心實不貪著。是名苦薩。
心得自在。復次善男子。若有苦薩。修
集三昧。四无量心。求諸有時。不以有
心。以智慧心。雖生欲界。不因欲心。其
心常不遠離三寶。修集莊嚴諸波羅
蜜。以四攝法。攝取衆生。調伏衆生。修
三十七助道之法。是名苦薩。心得自
在。復次善男子。若有苦薩。修空无相。
願自不證於空无相。願亦為衆生說。
如是法。為調聲聞辟支佛等。入於無
生正定之聚。而為說法。彼既聞已。即
得解脫。自不證之。亦令衆生不捨善
提。是名苦薩。心得自在。復次善男子。
若有苦薩。為調聲聞辟支佛。故入无
生滅正定之聚。亦得滅定。又能通達
一切三昧。出入相行。雖得如是通達。

自在亦不證於滅盡三昧何以故未
具佛法故是名菩薩心得自在復次
善男子若有菩薩以平等智觀於法
界種種世間種種衆生種種說法種
種方便是名菩薩心得自在復次善
男子若有菩薩生長壽夭未盡天壽
其身亦生短命之中為欲調伏諸衆
生故是名菩薩心得自在復次善男
子若有菩薩具足快樂捨是樂已為
諸衆生受大苦惱護衆生故護菩提
故是名菩薩心得自在復次善男子
若有菩薩同於聲聞辟支佛行而心
護念菩提之道亦修菩提微妙之行
為諸聲聞緣覺之人隨意說法而亦
不證是名菩薩心得自在復次善男
子若有菩薩解八万四千法門亦復
通達煩惱行處為斷衆生諸煩惱故
處中說法亦不為諸煩惱所汙是名
菩薩心得自在復次善男子若有菩
薩具足神通若有衆生盲聾跛癡菩
薩摩訶薩自變其身亦同其像而為
說法是名菩薩心得自在復次善男
子若有菩薩具足智慧通達外典善

解邪論而其內心不為邪見為欲調
伏諸衆生故修集其道是名菩薩心
得自在善男子菩薩具足如是等事
名心自在亦名得一切法自在三昧
須菩提言世尊不問菩薩得是三昧
為久近耶佛言過去无量阿僧祇劫
尔時有佛号自在王如来應正遍知
明行足善逝世間解无上士調御丈
夫天人師佛世尊世界名淨劫亦名
淨其佛國土地平如掌金銀琉璃頗
梨莊嚴常有幡蓋如兜率天多饒飲
食尔時衆生所有貪欲瞋恚愚癡无
有勢力多有利智能解佛語一切恚
樂無上大乘尔時世尊與八万四千
大菩薩衆三万二千聲聞大衆尔時
世有轉輪聖王名曰廣持号曰法士
成就七寶輪寶象寶馬寶女寶珠
寶兵寶主藏之巨千子具足王四天
下治以正法不加刀杖憐愍衆生教
以十善一切衆生亦樂受之尔時千
子悉發阿耨多羅三藐三菩提心尔
時聖王供養如来菩薩聲聞一切大
衆衣服飲食卧具湯藥房舍資生經

万歳已發阿耨多羅三藐三菩提心
為无上道修三十七助道之法。今時
彼佛壽命滿足八万四千歳。王有一
子名曰法語。於彼佛法信心出家。勤
行精進清淨持戒。為得无上菩提道。
故今時法語比丘二万年中无有睡
眠。如彈指頃不生貪心瞋心癡心不
善覺觀。不念父母宗親眷屬飲食衣
服房舍卧具資生之物。亦不覺知晝
夜之相。二万年中常修念佛。須菩提
法語比丘勤精進。故獲得四禪四无
量心。四無色定。過二万年已往。詣佛
所。頭面礼敬。右遶三匝。却住。一面白
佛言。世尊。我發阿耨多羅三藐三菩
提心。為施一切衆生安樂。為欲調伏
一切衆生。唯願世尊哀愍示導。云何
令我化諸衆生。宣說正法。佛言。比丘。
有八陀羅尼門。若成就者。得无罣語。
則能為諸衆生說法。何等為八。一者
念佛。知法身故。二者念法。知淨法故。
三者念僧。知無罣故。四者真實思惟。
破惡覺觀。故。五者知字不可說。故。六
者修舍摩他。為知諸法同一味。故。七

者修毗婆舍那為知諸法本性淨故
八者修方便智為得忍故比丘具如
是八陀羅尼門則能堪任宣說正法
化諸衆生比丘復有八精進菩薩具
者能宣說法化諸衆生一者求法勤
行精進二者持法勤行精進三者觀
法勤行精進四者說法勤行精進五
者護法勤行精進六者供養法師勤
行精進七者護受法者勤行精進八
者如法而住勤行精進是名為八復
有八法菩薩具足能化衆生何等為
八一者修慈等觀衆生故二者修悲
調伏衆生故三者觀法得无上法故
四者觀智破憍慢故五者護諸衆生
施安樂故六者善思惟壞諸煩惱故
七者修助道法莊嚴菩提故八者護
法具足六度故須菩提菩薩摩訶薩
若能具足如是等法則能教化一切
衆生亦時比丘聞是法已於十千年
繫心思惟勤行精進為得是法以精
進故即得元盡器陀羅尼善解一切
衆生語言隨語為說得是持已復有
無盡辯才成就如是陀羅尼已周遍

城國村邑聚落化無量衆於三乘道
為其父母兄弟眷屬宗族說法悉令
獲得隨順法忍須菩提念時比丘復
往佛所頭面敬札右遶三匝却住一
面白佛言世尊如佛先說我已證得
佛神力故得聖智慧世尊頗有三昧
菩薩修已心不退轉增長善法佛言
比丘有三昧名一切法自在菩薩修
已其心不退亦得增長无量善法尔
時比丘聞三昧名即白佛言世尊菩
薩云何行云何修云何學而能獲得
如是三昧比丘有八法八莊嚴八發
心菩薩具已得是三昧何等為八一
者淨心二者至心三者施心四者離
煩惱心五者觀六界六者修忍七者
勤精進八者修定身心寂靜是名八
法八莊嚴者一者捨二者戒三者功
德四者智五者舍摩他六者毗婆舍
那七者發菩提心八者莊嚴一切佛
法是名八莊嚴八發心者一者發心
无有衆生壽命士夫一切諸法亦復
如是二者發心一切諸法无常苦無
我三者發心一切諸法空無相願四

者發心未來之法無有住處五者發心現在之法無有住處六者發心一切諸法無業果報七者發心一切諸法無有作者無有受者八者發心一切諸法無有繫屬菩薩具足如是等法得是三昧比丘聞已進修不久即得如是一切法自在三昧得三昧已即放光明遍照三千大千世界尔時比丘即往佛所頭面作礼右遶三匝上昇虛空一多羅樹結加趺坐滿一千年不動不搖法喜為食獲得比智樂說无尋令三万六千億衆生得不退心無量衆生安住三乘尔時法語比丘過千年已從座而起作如是言如來世尊勤精進故得阿耨多羅三藐三菩提非懈怠也善男子汝於无量無邊世中成就无量無邊功德故能速得如是神通善男子汝已於七万六千億佛所種諸善根淨修梵行是故因此過去善根獲得如是現在善果佛告須菩提汝知尔時法語比丘得三昧者豈異人乎即是今之不眴菩薩成就如是无量功德尔時

世尊為須菩提說是菩薩往因緣時
三万二千衆生發阿耨多羅三藐三
菩提心虛空之中諸天龍神乾闥婆
等雨諸花香以用供養不瞬菩薩而
作是言我等今日見此菩薩得大利
益今時須菩提語不瞬菩薩言善男
子汝已久修清淨梵行不瞬菩薩言
大德夫梵行者非是過去未來現在
若非過去未來現在即是无作若無
作者即名為行如是行者名為无生
名為無諍无有言說及以威儀大德
非眼行故名為梵行非耳鼻舌身意
行故名為梵行非色聲香味觸法行
故名為梵行亦非色受想行識行故
名為梵行非相非緣非見非聞非知
非覺大德如是等法无去來住無牽
無挽无有數量無上无下是名梵行
須菩提言善男子夫梵行者名八正
道不瞬菩薩言大德云何八正道名
為梵行若以正見為梵行者不見諸
法名為正見等見諸法名為正見不
見之見乃名正見若不見者云何得
名為正見耶若无正見云何得名為

梵行乎无有思惟名正思惟夫思惟者名為顛倒若顛倒者云何得言正思惟耶一切音聲皆悉平等若善若惡若一若二若過去若未來若現在若一切字若一切聲是名為響若是響者云何得言為正語耶聲平等者一切行法皆悉無常是苦无我涅槃寂靜若能等觀一切諸法如涅槃相及演說者是名正語无身無身業无口無口業无意無意業何以故无業處故若有業處則有我我所若无我我所則無業果若如是觀名為正業若為壽命行於邪命遠離邪命故名正命若觀是等無我我所无有衆生壽命士夫如其无者何故得名為正命耶於眼識色不生染著眼識性空以識性空故眼色亦空若眼色識空至意識法亦復如是若如是觀是名正命无有顛倒斷諸精進名正精進無精進法無精進者无有具足成就精進無有精進為利益者若能觀察如是等法是名正精進若能等念一切諸法平等如空一切諸法亦復如是如一

切法陰入界等亦復如是若能觀於如是等法是名正念觀一切法皆悉平等無我我所若能如是平等觀者是名正定大德若能如是觀一切法性平等者名八正道是名梵行非以數故名八正道非八正道名為梵行非世道故名為梵行非著心故名為梵行非二相故名為梵行非作相故名為梵行若見諸法無有住處乃名梵行今時不眴菩薩為諸大衆說如是等梵行法時五百比丘離諸煩惱得阿羅漢果須菩提言善哉善哉善男子快說是法如離煩惱阿羅漢人其所宣說等元有異大德我今亦是遠離煩惱亦是阿羅漢我亦遠離聲聞緣覺煩惱諸法我如法住故名阿羅漢今時須菩提白佛言世尊是不眴菩薩樂說无尋不可思議辯才利智隨問而答佛言須菩提不眴菩薩得一切法自在三昧以是故能隨問而答若有菩薩得是三昧一切世間人天魔梵不能障其樂說无尋今時帝釋白佛言世尊若有人於無量世

中具足功德乃能得見不眴菩薩聞其所說世尊若有比丘比丘尼優婆塞優婆夷受持是經讀誦書寫為人解說及聞法者悉發阿耨多羅三藐三菩提心當知是輩一切皆當如不眴菩薩作師子吼世尊我當擁護如是等人佛言善哉善哉憍尸迦汝今至心護持正法今時梵王復白佛言世尊我當樂修捨定三昧捨禪定樂來護佛法及說法者令離病苦隨何國土有說法處我當往彼至心聽受若有國土信受此經供養三寶我亦當為除滅惡相令其土境清淨安帖正法治化佛言善哉善哉梵王汝真護法若有人能如是護法當知是人終不遠離三寶之寶今時四天王復白佛言世尊我亦能護受持讀誦書寫解說如是法者佛言善哉善哉善哉男子若知法者是人乃能擁護是法汝於我所得聞法已即獲法眼斷諸惡道若復至心護持正法不久當斷一切諸有今時世尊告阿難言汝當受持如是經典為四部眾廣說其義

阿難白佛言世尊我能受持如是經
典如佛所說等无有異廣為四衆宣
釋分別尔時人天阿修羅乾闥婆一
切大衆聞經歡喜讚歎善哉

大方等大集經卷第七

辛丑歲高麗國大藏都監奉
勅雕造

大方等大集經卷第八

於

北京天竺三藏曇無讖於姑臧譯

海慧菩薩品第五之一

今時世尊故在欲色二界中間大寶坊中與諸大衆圍繞說法是時三千大千世界大水盈滿猶如大海又如劫盡水災起時然諸世界國邑村落城郭舍宅山林樹木上至色界無所燒害悉皆如故而諸大衆皆見是水今時水中出生无量分陀利花青琉璃莖真金為業功德寶臺帝釋寶鬘周匝多有无量之花縱廣十里在寶坊中高一多羅樹今時大衆各各自見在此花上其花今時出大光明遍照十方無量世界今時大衆心生歡喜我等今者必當得聞殊勝妙法今時弥勒菩薩即從坐起前礼佛足右遶三匝於蓮花上長跪合掌白佛言世尊何因緣故如是三千大千世界滿中大水猶如大海又如劫盡水災起時復出无量分陀利花大光如是遍照十方無量世界佛言弥勒下方

過於三千大千世界微塵等國有一
世界名寶莊嚴其土有佛号海智神
通如來應正遍知明行足善逝世間
解无上士調御丈夫天人師佛世尊
彼有菩薩名曰海慧欲來至此大寶
坊中與無數菩薩俱共已斷一切數
想欲來聽是大集經典時舍利弗白
佛言世尊彼佛世界去此甚遠海慧
在彼頗得聞此佛所說不佛言舍利
弗如汝今於我前所聞彼亦如是如
汝今日及諸大衆觀見於我海慧菩
薩見我亦今世尊菩薩摩訶薩所有
神通不可思議住於極遠无量世界
而有如是无碍天眼无障耳通世尊
誰有聞是不思議事而當不發阿耨
多羅三藐三菩提心唯除下劣不肖
人耳

尔時海慧菩薩具足无量神通之力
於一念中在彼國滅忽然現此大寶
坊中即入三昧令此大衆悉得遙見
彼佛世界所有人民城邑聚落屋舍
殿堂山林樹木飛鳥走獸及見彼佛
與諸大衆圍遶說法現是事已即從

三昧安詳而起前礼佛足右遶三匝
以其世界所有香花種種伎樂供養
於佛作如是言下方世界海慧神通
如來致問无量如來身命及以大衆
悉安隱不却坐一面寶蓮花上時有
梵王名曰修悲作是思惟何因緣故
有是大水滿此三千大千世界而非
水災我今當往問於世尊即與六万
八千梵俱詣如來所頭面敬礼右遶
三匝長跪合掌白佛言世尊何因緣
故此中三千大千世界七寶蓮花莊
嚴遍滿无量菩薩各各次第坐寶花
上三千大千世界大水盈滿佛言梵天善
男子此是海慧菩薩摩訶薩神通之
力梵天言世尊如來所說大集妙典
猶未訖耶佛言梵天如來所有樂說
无量不可窮盡梵天佛與无量菩薩
大衆觀察法界講論法界法樂微妙
亦不可盡梵天言世尊如來所言海
慧菩薩其誰是耶佛言梵天汝今不
見坐寶蓮花其花縱廣滿十由旬為
諸菩薩之所恭敬讚歎者乎其身色
像光明煒燁唯除如來餘无及者尔

時梵天見已即生恭敬之心頭面禮拜作如是言若有得見如是正士得大利益我今遇之亦復如是世尊如是正法當久近住佛言善男子如是亦護是法何以故此經即是過去未來現在佛印今時海慧菩薩踊在空中高七多羅樹示現已身智慧之力為令大衆生信心故莊嚴此經故而說偈言

下方有土過塵數	有佛海智神通尊
常為衆生演說法	我聞能受為人說
我今來此大衆中	供養恭敬十力尊
所來眷屬諸菩薩	為破法中細疑心
我今敬礼取无勝	如法而作上供養
為欲莊嚴上菩提	教化衆生無上道
若觀諸色无有相	亦能斷離三種受
若无相貌及種性	是人能礼無上尊
若不貪著我我所	亦復修集於中道
觀一切法如虛空	是人能礼无上尊
若不貪著諸境界	亦能寂靜於内入
於諸法界不生著	是人能礼无上尊
若見如来真法身	能豎無上大法幢

見一切法如幻相

是人能礼無上尊

若見無施无受者

無作无受亦如是

若无正見及邪見

是人能礼无上尊

亦不定在菩提中

又不決定在生死

遠離一切諸煩惱

是人能礼於如来

若有至心修善法

淨身口意三業等

亦能調伏於諸根

是人能礼无上尊

若忍諸法无有我

不成菩提捨衆生

為菩提故持淨戒

是人能礼無上尊

若觀諸法猶如焰

衆生平等如虛空

淨心不作諸心想

是人能礼无上尊

為諸衆生受大苦

為菩提故修忍辱

觀一切法如水月

是人能礼於正覺

觀无衆生命士夫

亦為衆生修菩提

觀法念念滅盡相

是人能礼无上尊

受地獄苦心不退

勤加精進修集道

聞諸法空心不怖

是人能礼無上尊

一切境界無罣碍

猶如空中動手者

亦觀三世相平等

是人能礼无上尊

若魔不能知其心

是人能得大神通

若說法字義无盡

是人能礼無上尊

若能遍聞諸佛音

聞已受持廣宣說

不見三寶耆別相

是人能礼无上尊

如來具六波羅蜜

无有去來如虛空

了了知諸衆生界

是故我礼無上尊

如來成就大功德

終不生於似我慢

我今敬礼佛色像

是身世間不能作

佛光勝於一切光

其意殊妙亦寂上

一切衆生不見頂

是故我礼一切勝

如來知諸衆生解

隨解而為演說法

能知煩惱之對治

是故我礼於世尊

今時海慧菩薩偈讚佛已從空而下

白佛言世尊我今於此欲少諮問唯

願如來哀愍聽許佛言善哉善哉善

男子隨意致問吾當為汝分別解說

海慧菩薩言世尊我先聞有淨印三

昧若有菩薩住是三昧即得阿耨多

羅三藐三菩提唯願如來說是三昧

令諸菩薩普皆得聞聞已皆當莊嚴

修行為阿耨多羅三藐三菩提故佛

言善男子至心諦聽吾今當說善男

子如淨寶珠正者琢磨價直无量人

所珍重善男子菩薩初發菩提心已

修集善法多聞思惟觀察法界淨於

初心初心既淨咸為諸佛菩薩敬念

即便獲得淨印三昧善男子淨寶珠

者離九種寶何等為九一者金性二
者銀性三者琉璃性四者頗梨性五
者馬瑙性六者蓮花性七者車渠性
八者功德寶性九者珊瑚性是名為
九離是九性名淨寶珠其價无量轉
輪聖王之所受用是珠光明餘光不
及善男子菩薩摩訶薩發菩提心亦
復如是離九種性得淨印三昧何等
為九一者凡夫性二者信行性三者
法行性四者八忍性五者須陀洹性
六者斯陀含性七者阿那含性八者
阿羅漢性九者辟支佛性離是九性
入佛種性得淨印三昧以其淨故勝
於一切聲聞緣覺施於一切衆生光
明善男子淨寶珠者耐磨穿押是故
此珠名无瑕玼善男子淨印三昧亦
復如是善男子云何淨印三昧修集
三戒具十善法修行慈悲憐愍衆生
見他事業親往營理愛念一切修捨
意淨常念衆生以四攝法攝取一切
專念六念調伏諸根少欲知足不斷
聖種息諸闍訟壞於憍慢恭敬供養
諸師和上耆舊長宿不輕於他求法

護法遠離惡法於佛法僧信心无壞
心常緣念一切善法不讚已身常稱
他德知恩報恩淨諸威儀具於忍辱
求舍摩他修陀羅尼心等如風地水
火空常樂出家修集寂靜持戒精進
親近善友淨於諸根眼耳鼻舌身心
无尋觀於不淨為壞貪結修集慈心
為破怨親觀十二緣為壞无明遠離
一切障尋之法施法无怯具足成就
六波羅蜜不求餘乘内外清淨觀生
死過於菩提道心不悔退教化衆生
於大乘中善男子菩薩具足如是等
法淨不淨意發阿耨多羅三藐三菩
提心是名寶珠今時世尊即說頌曰
若有修集大慈心 具足成滿十善法
是人定見弥勒佛 故菩提心難思議
修集大悲為衆生 亦常教化於大乘
為除煩惱修捨心 故菩提心難思議
具足修集念智慧 及能調伏於自心
能修知足及少欲 是故菩提心取勝
遠離一切諸惡法 其心柔軟於衆生
增長一切諸善法 是故菩提心取勝
恭敬供養師和上 紹繼增長聖種性

遠離一切諸憍慢

是故菩提心取勝

其心質直不欺誑

常樂寂靜化衆生

除去憍慢不輕他

是故菩提心取勝

護持正法能聽說

化諸衆生離煩惱

至心專念无上乘

是故菩提心取勝

供養三寶信四諦

遠離諸惡修善法

不瞋不恚於衆生

是故菩提心取勝

客煩惱起生慙愧

即向十方佛懺悔

修集善法調諸根

是故菩提心取勝

淨身口意知業果

知思念恩知酬報

信十二緣淨威儀

是故菩提心取勝

具舍摩陀修智慧

具足持戒樂菩提

受大苦惱心不動

是故菩提心取勝

其心平等如四大

視諸衆生如虛空

常樂出家修菩提

是故菩提心取勝

貪樂寂靜淨身心

修行法行觀四諦

實語法語真義語

是故菩提心取勝

有所說法而安住

勤修精進壞魔業

於所修法无懈怠

是故菩提心取勝

親近善友佛菩提

能度衆生生死海

能淨一切六境界

是故菩提心取勝

遠離障罣除五蓋

諸根清淨無憍慢

貪欲瞋恚癡對治

是故菩提心取勝

觀善思惟具念心

修助菩提得神通

不畏生死樂涅槃

是故菩提心寂勝

凡所說法不為食

於諸法中心无怯

修行善法不求報

是故菩提心寂勝

不以餘乘攝衆生

所說衆樂而受持

其心无量無有邊

是故菩提心寂勝

内外清淨无過咎

不畏生死修菩提

修菩提時心不悔

是故菩提心寂勝

知衆生界淨國土

莊嚴菩提不自為

迷惑衆生示正道

是故菩提心寂勝

善知法界真實性

無分別知不可說

能破衆生怖畏想

是故菩提心寂勝

若能具足如是法

是能淨發菩提心

不為世法之所汙

煩惱魔業亦復然

若有能發菩提心

是則能勝一切衆

能淨一切衆生心

亦能演說无上道

善男子云何名為菩提之心押而不

壞押者名為大悲緣於一切衆生紹

三寶種不令斷絕為佛法故莊嚴善

根三十二相八十種好嚴淨世界為

護正法不惜身命善男子若為諸惡

衆生打觸惱亂燒害惡當忍之亦應

不捨一切衆生心不生悔不愁不惱

為調衆生勤加精進若遇罵辱瞋恚打擲默然受之終不加報應作是念夫大乘者與世共諍何以故一切衆生頓生死流大乘之法逆生死流一切衆生各各諍訟大乘之法破壞闢諍一切衆生瞋恚熾盛大乘之法除滅瞋心一切衆生各各虛誑大乘之法質直無虛十方世界若有衆生以諸刀杖隨逐菩薩而作是言誰有發此菩提心者我當段段支解其身如胡麻許菩薩聞此終不退轉菩提之心亦不放捨慈悲喜捨惠施持戒忍辱精進禪定智慧何以故菩薩思惟我於無量無邊世中受大地獄畜生餓鬼人天等身受行惡法不能自利及利他人若我或於無量世中為彼惡人刀杖隨逐節節支解我終不捨於菩提心及諸衆生何以故若我不能忍受如是世中苦者何能堪忍地獄諸苦行善法時多有惡法來作障尋我若不忍云何能作種種善法一切衆生施我惡事我要當以善法施之衆生施我刀杖罵辱我以无上大

忍施之菩薩摩訶薩若能如是思惟
觀者當知不久得阿耨多羅三藐三
菩提如是觀已能忍三押謂身口意
云何押身若菩薩身被支解時今時
依法將順惡人具足六波羅蜜云何
菩薩身被支解而得具足六波羅蜜
菩薩若被支解身體不惜身命今時
具足檀波羅蜜於彼惡人修集慈心
今時具足尸波羅蜜不瞋不罵不以
惡事還往加之今時具足忍波羅蜜
為諸衆生勤行精進終不捨離菩提
之心今時具足精進波羅蜜若他瞋
打其心不動不失正念其意清淨今
時具足禪波羅蜜觀身無常苦空无
我猶如草木瓦石等類今時具足般
若波羅蜜具足如是六波羅蜜已押
而不壞是名押身云何押口忍於一
切惡言罵辱若實不實但責己身煩
惱諸結終不怨他為諸衆生修集慈
悲菩薩摩訶薩修集如是忍惡罵時
即得具足忍波羅蜜菩薩摩訶薩遇
罵辱時即作是念是人往世慳貪因
緣親近惡友得是惡心我破慳貪修

集惠施親近善友是故我能捨是瞋
恚今時具足檀波羅蜜菩薩摩訶薩
遇罵辱時作是念言是人破戒不信
業果是故罵我我受持戒信於業報
是故修忍念於菩提護持正法將順
衆生今時具足尸波羅蜜菩薩摩訶
薩遇罵辱時作是思惟是人懈怠不
修善法是故罵我我勤精進修集善
法捨離瞋心於善法所心无厭足我
今要當設大方便先令是人坐菩提
樹然後我當取菩提果今時具足精
進波羅蜜菩薩摩訶薩遇罵辱時復
作是念是人失念狂亂放逸煩惱所
汙我今破壞一切煩惱為如是等諸
惡衆生發菩提心若諸衆生惡清淨
者我復何緣發菩提心是故專心緣
念菩提心不念務今時具足禪波羅
蜜菩薩摩訶薩遇罵辱時復作是念
是人著我我所衆生壽命士夫我依
法界法界之中誰罵誰受我亦不見
一法是罵及以罵者今時具足般若
波羅蜜若能至心受持修行五波羅
蜜今時具足忍波羅蜜是名押口云

何押心不畏魔衆退菩提心不畏一切衆邪異見退菩提心不畏地獄餓鬼畜生種種諸苦退菩提心若見佛像來作是言汝亦不能發菩提心菩提之道甚為難得不如早修聲聞乘法速證涅槃受大安樂菩薩今時聞是語已即自思惟菩提之道難之與易我終不退定當得到菩提樹下坐金剛牀我昔已請一切衆生許當以法而惠施之我今未與去何欺誑我當隨順一切佛心堪忍如是押心之事不誑諸佛人天大衆及以已身是名押心今時世尊即說頌曰

向菩提道心不壞 大慈大悲亦復然
又不斷絕三寶種 無量莊嚴為菩提
為佛十力四无畏 三十二相八十好
无量世中捨財施 亦受種種大苦惱
為得三寶諸功德 受持正法而廣說
為度衆生生死海 是故堪受種種苦
十方世界惡衆生 執持刀杖逼我身
心終不動失菩提 憐愍一切衆生故
無量劫中受苦惱 不能自利及利他
今我此忍大利益 亦能得佛无量德

為佛功德碎其身 猶如胡麻心不悔
心亦不退无上道 多受諸苦為菩提
行住坐卧念菩提 其心寂靜離煩惱
若欲起瞋於衆生 先當怨已及煩惱
三惡道中受諸苦 為諸衆生得佛道
不求人天上快樂 甘樂為衆受諸苦
若於人所受苦 不及地獄百千一
雖受三惡无量苦 亦不退失菩提心
觀身無常及无我 四大之性如四蛇
至心放捨如是身 能得智慧无上道
流轉諸有受諸苦 以不能觀身真實
菩薩能觀身真實 是故永離諸苦惱
行惡之時无妨導 修行善法多留難
諸佛世尊為證知 是故我受種種苦
我今能忍如是等 身口意業无量苦
以是因緣菩提心 堅牢畢竟不可動
捨身具六波羅蜜 於身無貪具足檀
於彼惡人生慈心 是故具足於尸羅
割身能忍不生瞋 以是因緣具羼提
受苦時心不動轉 是故具足毗梨耶
不失念心樂寂靜 是故具足於禪那
觀身无我無我所 尔時具足於般若
若我能作是莊嚴 不久定得无上道

若我不忍惡口業 云何能壞衆煩惱
若我調伏身口意 則能忍受衆苦逼
能壞一切諸魔衆 雖有衆邪我不動
若欲具足波羅蜜 如來十力四无畏
獲得无上無價寶 當學調伏身口意
善男子云何名為寧菩提心菩薩既
發菩提心已終不生於相似我慢不
著菩提心不貪菩提心不愛菩提心
不觀菩提心如如是則能令心寂靜觀
深法界觀諸佛法深法界者謂十二
因緣遠離二邊一切諸法性自无我
觀於我性一切法性空无有主住空
三昧無相无願知諸行法無所造作
觀色如沫受如水泡想如熱焰行如
芭蕉識則如幻觀界无作無有動搖
入如瞶盲心无暫住憍慢之結都無
生處諸法無二元有分別一味一乘
一道一源觀一切聲無有聲相一切
音聲次第不合一切諸法不可宣說
了知苦想集无我所於滅無增知道
畢竟无障寻故觀身念處知去來受
念心出滅知於法界觀界非界故修
正勤欲得自在故修如意離諸煩惱

名為信根樂於寂靜名精進根非有
念故名為念根非思惟故名為定根
遠離一切名為慧根不隨他故名為
信力无障碍故名精進力不退轉故
名為念力心得自在名為定力不觀
善惡名為慧力不放逸故名念覺分
入諸法故名擇法覺分如法行故名
進覺分遠離惡故名喜覺分身心寂
靜名除覺分知實三昧名定覺分不
觀於二名捨覺分遠離諸見名為正
見離諸覺觀名正思惟知諸聲性名
為正語於身口意不生貪著名為正
業離嫉妬心名為正命不增不減名
正精進於善不善不生貪著是名正
念觀諸心界是名正定實相之性其
性寂靜畢竟義者名无常苦无我假
名清淨大淨能調心者名之為施身
心清淨名之為戒諸法无常名之為
忍勤修是智名為精進内外清淨名
為三昧觀真實故名為智慧知諸衆
生心性本淨是名為慈觀於一切等
如虛空是名為悲斷一切喜名為喜
心遠一切行名為捨心一切諸法未

來世淨過去種種現在无我善男子
若能真實觀察了知如是等法是名
為寧菩提心寶菩薩觀察如是法已
次第得一切法自在陀羅尼善男子
譬如日月不作往來照明之心以諸
衆生福德力故自行往返壞諸闇冥
善男子菩薩摩訶薩若能觀了如是
等法亦復如是不作是念我當利益
無量衆生而令衆生大得利益善男
子若菩薩摩訶薩能作是觀是名禪
波羅蜜般若波羅蜜何以故入定乃
能作如是觀亂心不能定者即是禪
波羅蜜觀者即是般若波羅蜜如是
乃能觀於真實了了見於一切法相
云何名見一切法相一切法相名无
相相言无相者即是無作即此无作
名之為相若能永斷如是无相即無
相相又无相者名無生相無相相者
名无滅相无生無滅名無相无相若
見無生无滅無作无一無二元瞋無諍
无有如尔不動不轉知於法性是名
真性是名法性是名實性善男子菩
薩摩訶薩若真實知如是等法名非

住住說是法時十二那由他衆生發
阿耨多羅三藐三菩提心。六千天
得无生忍。今時世尊即說頌曰

能破一切諸法相 清淨无上菩提心
若能如是觀察者 即得不著一切法
明見甚深諸法界 亦不怖畏於涅槃
以是不怖因緣故 則能增長於佛法
明信於因及果報 十二因緣亦如是
遠離二邊常斷見 隨意種種說正法
於常無常心不著 又能演說於中道
知一切法是空性 無有衆生无壽命
一切諸法空无相 亦復無有次第生
其性本來常寂靜 无有能作如虛空
不觀一切諸法相 了了覺知無有生
觀色如沫受如泡 想如熱焰行芭蕉
觀心如幻四大空 觀入猶如瞽盲者
又觀心意无内外 心无住處界无二
不著諸法色色相 雖有是知无憍慢
觀一切法皆平等 一味一來一道源
能知如是真實義 了了能觀於法界
无有音聲能觀聲 无有心意能觀心
無有文字觀文字 是能真實知法界
一切法義不可說 聲及文字亦復然

真實知苦集滅道

具足繫心四念處

於諸法界无分別

其心能得大自在

遠離一切諸煩惱

修四正勤行精進

為得无碍大自在

勤心修集四如意

於一切法不貪著

為於如是修信根

常樂住於大寂靜

是故修集精進根

心无念慮知真實

是故修集於念根

悉能調伏諸心想

是故修集於定根

為能觀察於法界

是故修集於慧根

為欲了知諸法界

是故修集七覺分

不觀諸法一二數

是故修集八正道

如意能以財物施

亦能如意受持戒

又能清淨於内外

是則名為大神通

一切諸法本性淨

是故修集於慈悲

斷一切喜諸煩惱

是故修集於喜心

一切諸法本性淨

去來現在亦復然

若觀諸法无生滅

是人即得真實知

今時世尊復告海慧菩薩言菩薩得

是淨大淨已其心真實无有欺誑於

諸衆生平等無二得真實智畢竟大

智淨印三昧安住淨印三昧根本云

何名為三昧根本為諸衆生修大慈

悲雖得供養其心不高瞋恚毀辱心

亦不下心不高故則能生於不憍法
性不憍名字亦不生於相似我慢身
口意業從智慧生是故一切所作諸
業非不隨智云何菩薩身業隨智所
得身形殊勝微妙衆生見者即得調
伏身四威儀亦能調伏離諸身過身
曲身滓其身清淨相好莊嚴諸根具
足无有缺減不恃此身而生憍慢見
下色者心亦不輕自於其身不生貪
著觀身法界及以身業知是色已念
於法身不求食身以定為食為調衆
生現受其施常修聖行所謂非為貪
欲瞋恚愚癡受持清淨戒擁護正法
菩薩摩訶薩具足如是隨智身業得
大神力无所畏力以是力故於諸佛
土普示其身如此世界所示色身餘
諸世界亦復如是放大光明遍照十
方无量世界其光柔軟衆生遇者離
煩惱熱離煩惱已受大快樂是名菩
薩身業隨智云何菩薩口業隨智所
謂遠離六十四種惡口之業麤語濁
語非時語妄語漏語大語高語輕語
破語不了語散語佞語仰語錯語惡

語畏語吃語諍語調語誑語惱語怯
語邪語罪語啞語入語燒語地獄語
虛語慢語輕語不愛語說罪咎語失
語別離語利惡語兩舌語无義語無
護語喜語狂語殺語害語繫語閑語
縛語打語歌語非法語自讚歎語說
他過語謗三寶語是名六十四

并本六十一
種无處訪本

善男

子菩薩摩訶薩遠離如是惡口等事
凡有所說說實說真說解脫說如實
說隨諦說利衆生說隨衆生心實不
實說衆樂聞說一切聲說一切語說
淨衆生根說令衆生離於煩惱說於
佛語說於甘露其聲遍聞十方世界
說令衆生永離苦惱說於深義說調
衆生說不造作惡是名菩薩口業隨
智云何菩薩意業隨智住一心中能
知一切衆生之心常在禪定現諸威
儀一切衆魔聲聞緣覺悉不能知心
所緣處終不生心欲自毀害方便害
他了一切法通達无尋得如是心不
受能受亦不證滅是名菩薩意業隨
智是名淨印三昧根本如是根本復
有十種一者淨初發心二者淨菩提

道三者淨六波羅蜜四者淨乾慧故
修於三昧五者淨相六者淨好七者
淨陀羅尼八者淨如法住九者淨於
无失十者淨三十七助道之法是名
為十善男子淨印三昧具三十法一
者內淨二者外淨三者心淨四者憍
慢淨五者身淨六者眼淨七者一切
衆生无衆生淨八者一切法本性淨
九者一切法同一味淨十者空无相
願淨十一者解脫法門淨十二者一
切諸法入法界淨十三者一切諸法
入一性淨十四者信心无壞淨十五
者無障身淨十六者一切解脫淨十
七者無為淨十八者觀十二因緣淨
十九者十力四无所畏淨二十者无
勝淨二十一者一切法智淨二十二
者過去業淨二十三慈悲淨二十
四者不捨衆生淨二十五破諸魔
業淨二十六者離內貪淨二十七者
離諸習氣淨二十八者一念知一切
法淨二十九者不失念心淨三十者
具足莊嚴淨菩薩具足如是等法名
淨印三昧得是三昧已得八不共法

何等為八所得世界金剛為地一樹
之上種種枝葉種種花果一切衆生
不起煩惱地獄餓鬼畜生之類悉見
菩薩坐菩提樹見已即得微妙快樂
金光遍照无量世界一切大地六種
振動无一衆生有燒害者一念之智
知一切法是名為八今時世尊即說
頌曰

若知諸法如虛空 淨於本性不生滅
即能淨於如來印 亦得住於定根本
雖得供養心不喜 呵責罵辱心不瞋
修集慈悲心平等 是則名為淨印定
遠離一切諸憍慢 離已其心不自高
能呵煩惱諸結縛 是則名為淨印定
其身永離諸惡業 莊嚴妙相三十二
具足清淨於諸根 亦復不生憍慢結
見有下色醜陋者 貧窮斯下心不輕
為菩提故淨說法 是則名為淨印定
觀察於身真實性 壞於衆生貪身想
是故獲得上法身 遠離一切雜食身
常在禪定法喜食 為衆生故受揣食
甘露上味增法命 是則名為淨印定
愛樂聖行持佛戒 遠離貪欲恚癡等

菩薩先自調其身
神通遍遊諸十方
如彼色像示其身
身出无量金色光
能壞衆生煩惱熱
若有三惡苦衆生
皆得遠離惡道苦
如來所說身淨業
若有能修如是業
若有遠離惡口業
凡所演說衆樂聞
遠離六十四惡口
能說无為之大乘
能離貪欲恚癡語
其聲遍聞十方界
呵毀打害不瞋諍
為衆演說不可說
若能清淨如是業
如來所說口淨業
若有修集善意業
常在禪定示威儀
不受能受為衆生
一切衆魔不知心

然後復為衆生說
為調衆生演說法
隨其意趣為說法
遍照十方諸世界
增長菩提心功德
遇已悉得无上樂
信心成就修善業
為令衆生淨佛身
獲得淨身如先佛
即得從智微妙聲
聞者皆得生善芽
是人則能說甘露
亦得善解衆生語
演說甚深真實義
為衆宣說實解脫
心常憐愍柔軟語
說已其心不生慢
是人遠離口諸惡
為令衆生廣長舌
是人一念知諸心
壞諸魔業心不高
了知真實不證滅
聲聞緣覺亦復然

不生害心於自他
能觀甚深諸法界
若欲得是淨印定
當修集於十法
清淨莊嚴佛境界
淨於善法及六度
具足功德及身相
得无碍說陀羅尼
如法而住淨其心
不失念心說无我
離一切障慧无碍
其意无失具功德
修助菩提无放逸
為諸衆生說菩提
无量世界身無碍
演說正法化衆生
具足八種不共法
獲得无上大利益
金剛為地樹種種
悉見菩薩坐菩提
若欲具足如是德
當修淨印三昧定
如來修集是定故
獲得功德不可議
大方等大集經卷第八

辛丑歲高麗國大藏都監奉
勅雕造

大方等大集經卷第九

七

海慧菩薩品第五之二

北涼天竺三藏曇無讖於姑臧譯

善男子菩薩摩訶薩若欲獲得淨印
三昧應當修集淨於菩提遠離一切
滓濁之心善男子若不能見諸法性
淨則為渴愛煩惱所汙一切諸法不
可思惟不作不行清淨寂靜無有塵
垢亦无過失畢竟清淨如解脫性法
界不壞無有分別實性法性无有老
別一切諸法空无相願如解脫性無
導平等一切諸法亦復如是若能如
是正觀察者是名无濁善男子菩薩
若能為諸衆生說如是法是名无滓
善男子若有菩薩心無滓濁是人則
得淨印三昧海慧菩薩言世尊如是
三昧其義甚深不可說故不可覩見
斷數法故難可解了不可見故是大
智慧攝諸法故一切菩薩皆悉平等
无垢無滓无諸障導無有住處微妙
難明不可喻說其性堅固猶如金剛
不生不滅不破不壞不繫不縛是大

光明遠離闇故不可思議无垢清淨
遠離貪故无有諍訟修集慈故不覺
不觀離去來故一切平等如虛空故
世尊觀何因緣得是三昧佛言善男
子譬如有人欲遊虛空大自在嚴善
薩亦尔欲得是定當大莊嚴平等莊
嚴一切諸法何以故世間之法從子
得果善男子一切有為識為種子此
三昧者无有種子何以故而此三昧
非眼識識乃至非意識識非作非色
非受非想非行非識觀一切法普皆
平等是名三藐三佛陀善男子非異
相故名為生死非異相故名為涅槃
善男子隨生死相即涅槃相何以故
一切諸法本性淨故本性性者名為
无性夫無性者名無性相若无相性
即是无作如是無作即是法性无有
文字若無文字即名為如如前中後
亦尔是名三世夫三世者即名為空
空即无作如是無作何有作者是故
無作名之為空若无作作者當知無
法若无法者無求无願若無願求則
無身口意業无身口意業即名無尋

无尋者名為不出不出不滅不住不滅不住即无為相無為相者是名不住不住者謂無一切所作之業意不住色乃至意不住行若是四處意无住者是名无住若无住者則不生於相似我慢若無如是相似我慢则无增長若無增長則无有因若無有因則无覺觀若無覺觀是名默然善男子如是等法其義甚深若能信者即得解脫永離顛倒煩惱障尋即能受持過去未來現在諸佛所有法藏是大船師導師商主呪師醫師則能供養三世諸佛是名佛子過於魔業破諸魔衆不久當得淨印三昧能大莊嚴堅牢船舫濟渡衆生於生死海世尊云何菩薩能壞一切諸魔伴黨佛言菩薩若能不求諸法今時則能壞破魔衆不求一切境界因緣善男子有四種魔一者陰魔二者煩惱魔三者死魔四者天魔善男子若能觀法如幻相者是人則能破壞陰魔若見諸法悉是空相是人則能壞煩惱魔若見諸法不生不滅是人則能破壞死

魔若除憍慢則壞天魔復次善男子
若知苦者能壞陰魔若遠離集破煩
惱魔若證滅者則壞死魔若修道者
則壞天魔復次善男子若見一切有
為法苦則壞陰魔若見諸法真實无
常壞煩惱魔若見諸法真實无我能
壞死魔若見諸法寂靜涅槃能壞天
魔復次善男子菩薩若能於身无貪
捨身施時迴向菩提能壞陰魔施時
遠離慳貪之心壞煩惱魔若觀財物
一切無常能壞死魔為衆生故修悲
布施能壞天魔復次善男子若有菩
薩不為我見受持淨戒能壞陰魔不
為有貪受持淨戒壞煩惱魔若遠
離生死過失受持淨戒能壞死魔若
能生心令毀禁者悉持淨戒受持淨
戒則壞天魔復次善男子若有菩薩
不見我忍我修於忍則壞陰魔不見
衆生有修忍者壞煩惱魔不見生死
則壞死魔不見菩提則壞天魔復次
善男子若有菩薩勤修精進其身寂
靜則壞陰魔勤行精進其心寂靜壞
煩惱魔勤行精進觀法无生能壞死

魔勤行精進為調衆生令轉生死則
壞天魔復次善男子若有菩薩不為
五陰修集禪定能壞陰魔不著界處
修集禪定壞煩惱魔不著入處修集
禪定能壞死魔所有諸善迴向菩提
能壞天魔復次善男子若有菩薩知
陰方便能壞陰魔知界方便壞煩惱
魔知入方便能壞死魔以如是等種
種方便迴向菩提能壞天魔復次善
男子若有菩薩觀一切法皆是空相
能壞陰魔觀一切法悉是无相壞煩
惱魔觀一切法悉是無願能壞死魔
具是三法迴向菩提能壞天魔復次
善男子若有菩薩觀身身處不覺不
著能壞陰魔觀受受處不覺不著壞
煩惱魔觀心心處不覺不著能壞死
魔觀法法處不覺不著能壞天魔作
如是觀終不失於菩提之心是人則
能壞破四魔善男子若著我者則增
魔事善菩薩摩訶薩亦知有我亦知无
我若有法非有我非無我如是則無
一法增減一切衆生无明所覆是故
菩薩為欲莊嚴无上大乘非為我故

而發莊嚴發莊嚴已作是思惟誰莊嚴法堅固不壞我當莊嚴我亦不為壞我衆生壽命士夫而行莊嚴為破衆生著我邪惑衆生壽命士夫等見而行莊嚴衆生顛倒見是五陰常樂我淨我當為說如是无常苦空無我為令衆生得真實智若有衆生心有願求當知是人即名為著若不願求則无有著若不著者是不誑若不誑者得真實智知於過去未來現在不著過去未來現在何以故過去已盡未來未至現在不住若於三世不作著想名不顛倒名菩薩行了知一切衆生諸行知已了了說業及果亦知貪行瞋行癡行知有衆生行於貪欲莊嚴於瞋行於瞋恚莊嚴於貪行於愚癡莊嚴於貪行於貪欲莊嚴於嚴於瞋善男子有諸衆生於色生貪於聲生瞋復有衆生於聲生貪於色生恚復有衆生於香生貪於味生恚復有衆生於觸生貪於法生恚復有衆生

於法生貪於觸生恚復有衆生貪欲
羸劣瞋恚猛健復有衆生貪欲猛健
瞋恚羸劣復有貪羸癡健羸貪健
瞋羸癡健羸瞋健或有衆生為色
調伏非為聲香味觸法等有為聲調
伏非為色香味觸法等有為香調伏
非為色聲味觸法等有為味調伏非
為色聲香觸法等有為觸調伏非為
色聲香味法等有為法調伏非為色
聲香味觸故復有衆生心寂靜故而
得調伏非身寂靜而得調伏或有衆
生身寂靜故而得調伏非心寂靜而
得調伏或有衆生聞說无常而得調
伏非因於苦不淨無我而得調伏或
有衆生聞說苦故而得調伏非因无
常不淨无我而得調伏或有衆生聞
說不淨而得調伏非因無常苦無我
等而得調伏或有衆生聞說无我而
得調伏非因無常苦不淨等而得調
伏復有衆生見身神通而得調伏非
他心智而得調伏或有衆生因他心
智而得調伏非因神通而得調伏善
男子有諸衆生勤修精進遲得解脫

有少精進速得解脫有勤精進速得
解脫有少精進遲得解脫有因解脫
非緣解脫有緣解脫非因解脫有因
緣解脫非因緣解脫有諸衆生觀於
內法而得解脫非觀於外有觀於外
而得解脫非觀於內有觀內外而得
解脫有不觀內外而得解脫有諸衆
生因樂行故而得解脫非因苦行有
因苦行而得解脫非因樂行或因苦
樂而得解脫或有不因苦行樂行而
得解脫有諸衆生因讚美故而得調
伏非因呵責或因呵責而得調伏非
因讚美或因讚毀而得調伏或有不
因而得調伏有諸衆生因逆說法而
得調伏不因順說或有因順而得調
伏不因於逆或因逆順而得調伏或
有非因逆順說法而得調伏有諸衆
生因聞略說而得調伏非因於廣或
有因廣而得調伏非因於略有因廣
略而得調伏或有不因廣略說法而
得調伏有諸衆生因四真諦而得調
伏有因念處而得調伏有因正勤而
得調伏或因如意而得調伏或因五

根而得調伏或因五力而得調伏或因七覺而得調伏或因八道而得調伏善男子衆生之行不可思議衆生之心亦不可思議衆生調伏不可思議所入法門不可思議衆生境界不可思議菩薩摩訶薩獲得如是不可思議智然後乃知一切衆生所行之行不可思議善男子譬如羅網多有諸結有人在中以呪術力破網得出隨意而去菩薩摩訶薩亦復如是入衆生中以智呪力壞煩惱網隨意自在雖未證得阿耨多羅三藐三菩提而能通達衆生所行

尔時舍利弗白佛言世尊菩薩摩訶薩初發无上菩提心時聞諸衆生有如是行不驚不怖是事實難不可思議佛言舍利弗於意云何如師子子雖復初產聞師子吼有怖畏不不也世尊菩薩摩訶薩初發无上菩提心時聞衆生行亦復如是舍利弗於意云何火勢雖小畏乾薪不不也世尊菩薩摩訶薩初發无上菩提心已得智慧火亦復如是舍利弗如來今以

非喻為喻舍利弗譬如猛火與諸乾薪結期七日當大戰鬪今時一切乾樹草木種種枝葉悉共聚合如須弥山今時猛火有一親友而語之言汝今何故不自莊嚴多求援助彼薪衆多汝唯一已何能當之時火荅言彼怨雖多我力能敵不須伴黨舍利弗菩薩摩訶薩亦復如是雖諸煩惱悉共和合其勢熾盛菩薩智慧力能消伏舍利弗菩薩摩訶薩有二種力一煩惱力二智慧力菩薩若无煩惱力者則不能共諸衆生行亦不能知衆生行處亦當證於聲聞緣覺是故菩薩以煩惱力遍遊諸有不生怖畏是名菩薩行於方便舍利弗如小毒蛇不須伴侶初發心者亦復如是舍利弗譬如螢火雖有无量千万億數不能障蔽日之光明菩薩摩訶薩亦復如是雖有煩惱无量無數不能障蔽菩薩智光舍利弗如阿伽陀一丸之藥能破大毒菩薩智慧亦復如是小智急藥能壞元量大煩惱毒舍利弗譬如天降一味之水隨地差別得種

種味菩薩摩訶薩一解脫智亦復如是隨衆生根說種種異舍利弗如閻浮樹下有金泥是金泥中有種種寶菩薩摩訶薩初發菩提金泥心中亦復有聲聞辟支佛寶舍利弗如餘小王一切悉屬轉輪聖王一切人天亦復如是悉來歸屬初心菩薩舍利弗如薄福人不遇寶雨若不能於无量佛所種諸善根則不能發菩提之心舍利弗无甘蔗子則無種種石蜜諸味若無菩提心者亦无種種三寶諸味舍利弗如耆婆醫王常作是言天下所有无非是藥菩薩亦今說一切法無非菩提舍利弗如阿修羅王盡其勢力不能遮障日月之道一切魔衆亦復如是盡其勢力不能遮障勤行菩薩修菩提道舍利弗如色界天宮殿屋宅依空而住勤行菩薩所得菩提亦復如是依空而住舍利弗譬如虛空悉能容受一切万物而是虛空初无增減無量佛法亦復如是雖有菩薩發心推求而是佛法亦无增減舍利弗譬如有人任力遊空而虛空

性无增無減菩薩亦不任其信力行
於佛智而是佛智亦无增減舍利弗
譬如陶師未成器時不得器名菩薩
善法亦復如是未發心時亦不得名
舍利弗如人已見轉輪聖王則不求
見諸餘小王菩薩亦尔若已發起善
提之心則不更發聲聞緣覺心舍利
弗如餘處中不出衆寶衆寶要出於
大海中舍利弗聲聞寶中不出三寶
三寶要從菩薩寶出舍利弗譬如太
子不名為王非不名王菩薩摩訶薩
亦復如是非名為佛非不名佛舍利
弗譬如小寶亦不可輕何以故如是
小寶能作大事多所利益菩薩亦尔
初發心時亦不可輕舍利弗我今為
諸菩薩摩訶薩說如是喻若有菩薩
聞是諸喻即得安樂尔時世尊即說
頌曰

若欲證得於佛道 應當除滅疑網心
勤修无上信心者 即能獲得於菩提
若修淨印三昧者 宣說諸法皆如夢
無量世中淨其心 即能得證正覺道
佛所得道非身業 亦非口意二業等

无為真實性亦尔

是故不可以喻說

佛道無對不可見

非眼識界如虛空

非是一切諸情根

又非諸根之境界

非相非陰非入界

非是心意受想識

非知非知之境界

是故佛境不可知

諸佛大悲難思議

无量無邊無障碍

无字無聲不可說

是故无能知佛界

若有眾生无量世

親近善友聽正法

聞已即得大福德

常受妙樂如先佛

一切諸魔不得短

諸根調伏行樂處

能以方便壞四魔

如法而住行佛界

若行如是菩提道

即得菩提為人說

能渡眾生死海

能破一切大邪見

即得无上相好等

成就十力四无畏

能知眾生煩惱行

能壞一切諸有道

若有菩薩勤精進

即能破壞諸煩惱

如火能焚乾草木

菩提心能燒煩惱

今時世尊復告海慧菩薩言善男子

菩薩摩訶薩勤行精進易得阿耨多

羅三藐三菩提誰有修行勤精進者

當知是人即有菩提誰有精進是人

即具檀波羅蜜尸波羅蜜羼提波羅

蜜毗梨耶波羅蜜檀波羅蜜般若波

羅蜜能自利益亦利於他善男子過去
無量劫有佛世尊号勤精進如來應
正遍知明行足善逝世間解无上士
調御丈夫天人師佛世尊國名善見
劫名花聚今時世界大水彌滿其水
出生八万四千上妙蓮花一一縱廣
滿十由旬有无量億金色光明其香
微妙阿迦膩吒諸天見已多受安樂
作如是言是世間中多有蓮花當知
亦當多有佛出是故此劫名曰花聚
是時彼國寂靜无聲以寂靜故無量
世界諸菩薩等常樂觀察以觀察故
各各皆得喜行三昧是故彼世名曰
善見其國多有七寶林樹樓閣殿舍
衆生安樂如堯率天多饒飲食易獲
神通无有女身一切化生亦無二道
皆修大乘今時彼佛有三万六千出
家菩薩皆悉獲得不退轉心无量人
天初發菩提堅固不退彼佛世尊常
樂宣說勤精進行時大衆中有一菩
薩名堅固莊嚴從座而起前礼佛足
長跪合掌作如是言世尊云何菩薩
勤行精進佛言善男子勤行精進凡

有四法何等為四一者發心二者作
心三者觀心四者如法住如是四法
即是具足佛法因緣何以故善男子
發者即是生善法因作者名為增善
法因觀者名為利衆生因如法住者
名入一切佛法因緣又復發者求聞
正法作者聞已能說觀者善思惟義
如法住者如說而住又復發者調伏
慳心作者能一切施觀者為衆生施
迴向善提如法住者不求施果又復
發者求覓受人作者見來求者生慈
愍心觀者觀財无常如法住者不求
果報又復發者如法求財作者求於
淨命觀者於不堅物修於堅法如法
住者一切捨時不生憍慢又復發者
離諸惡戒作者至心受持諸淨禁戒
觀者至心調伏毀禁之人如法住者淨
持禁戒不生憍慢又復發者淨於口
業作者淨於身業觀者淨於意業如
法住者修集善法又復發者遠離瞋
心作者修集忍辱觀者將護自他如
法住者修忍辱已不生憍慢又復發
者常樂教化邪見衆生作者能壞衆

主瞋恚之心觀者不見內外如法住者遠離一切煩惱諸結又復發者遠離懈怠作者勤修精進觀者調伏一切懈怠衆生如法住者勸諸衆生令修精進又復發者名為善慈作者所作已竟觀者不求餘乘如法住者不失无上菩提之心又復發者莊嚴禪支作者莊嚴三昧觀者終不生於相似我慢如法住者破壞衆生行惡之心又復發者莊嚴念心作者莊嚴諸有觀者其意堅固如法住者勇健无怯又復發者名如法因作者名如方便觀者名為門戶如法住者名為解脫又復發者謂求名字作者持於文字觀者字不可說如法住者遠離文字又復發者離惡知識作者親近善友觀者於善友所至心聽法如法住者不謬解義又復發者樂於捨家作者遠離怨親觀者求於善法如法住者不隨他意又復發者所謂少欲作者所謂知足觀者易養易滿如法住者善知時宜又復發者如戒而學作者於戒不漏觀者如意學戒如法住

者如慧學戒又復發者檀波羅蜜戶
波羅蜜作者羣提波羅蜜毗梨耶波
羅蜜觀者禪波羅蜜般若波羅蜜如
法住者智波羅蜜方便波羅蜜又復
發者行施攝取作者軟語攝取觀者
利他攝取如法住者同利攝取又復
發者所謂大慈作者所謂大悲觀者
所謂大喜如法住者所謂大捨又復
發者護持正法作者淨於福田觀者
莊嚴相好如法住者調伏衆生又復
發者實知陰魔作者離煩惱魔觀者
壞於死魔如法住者摧伏天魔又復
發者謂身念處作者謂受念處觀者
謂心念處如法住者謂法念處又復
發者了了知苦作者遠離於集觀者
證真實滅如法住者謂修於道又復
發者所謂信根作者謂精進根觀者
所謂念根如法住者所謂慧根又復
發者謂七覺分作者謂八正道觀者
謂舍摩他如法住者毗婆舍那善男
子如一切行皆名為發修一切善惡
名為作一切淨心名之為觀知一切
業名如法住善男子彼佛復告堅固

莊嚴善男子勤精進者寂靜其心心
若寂靜即是精進若壞貪身即是精
進若知身意即是精進斷我我所即
是精進斷諸繫縛即是精進障煩惱
盡即是精進若能遠離一切障導即
是精進若能除却十種憍慢即是精
進能壞貪恚即是精進若能遠離无
明有愛即是精進若不放逸者修於
善法即是精進若能真實觀内外入
即是精進若真實知陰界諸入即是
精進心寂靜者即是精進破壞疑心
即是精進若於三世不分別者即是
精進若觀法界不動轉者即是精進
若不漏者即是精進若不害者即是
精進若不生悔即是精進若不求者
即是精進若不滅者即是精進若不
作者即是精進若无增減即是精進
无上無下即是精進不捨不著即是
精進不縛不解即是精進不去不來
即是精進不生不滅即是精進非有
放逸非不放逸即是精進无作作者
即是精進无闇無明即是精進非見
非不見即是精進善男子彼佛說是

精進法時无量菩薩得無生忍善男子今此會中五千菩薩亦得如是无生忍法七千天人發阿耨多羅三藐三菩提心善男子今時堅固莊嚴菩薩聞是法已為得如是无量法故勤修精進獲得下忍為求法故不坐不卧乃至命終既捨身已得生梵世受梵天身於無量世供養於佛聽受正法於彼劫中周遍供養八万四千諸佛如來聽受正法勤行精進善男子汝知今時堅固莊嚴豈異人乎即我身是善男子我久具足是精進故起弥勒等諸大菩薩先成正覺是故我言誰有精進當知是人即有菩提善男子我勤精進猶尚難得阿耨多羅三藐三菩提况懈怠耶若有菩薩能精進者是人則能自利利他今時世尊即說頌曰

我念過去无量世 花聚劫中精進佛
善見世界水充滿 出生八万四千花
其國猶如兜率天 豐饒飲食无女身
不由父母悉化生 亦无二道純一乘
十方世界諸菩薩 觀善見國受安樂

三万二千出家衆

無量人天發菩提

今時彼佛讚精進

唯為堅固菩薩說

若能發心勤修善

繫心思惟如法住

今時世尊為我故

分別廣說是四句

發菩提心如法行

思惟得忍如法住

若求正法名初發

如法而說名為作

受義不謬善思惟

修集於忍如法住

若勤行施是初發

求覓受者名為作

明見无常善思惟

不觀二相如法住

如法求財是初發

清淨活命是名作

破壞慳心善思惟

不求憍慢如法住

遠離惡戒是初發

不漏護戒是名作

調伏毀戒善思惟

戒淨无慢如法住

遠離惡口是初發

其心寂靜是名作

其心寂靜善思惟

諸法寂靜如法住

遠離害心是初發

修集忍辱是名作

將護自他善思惟

忍不生慢如法住

誘喻瞋者是初發

遠離惡人是名作

内外寂靜善思惟

不著我心如法住

遠離懈怠是初發

勤修精進是名作

知於真實善思惟

修集於道如法住

始求善法是初發

求已畢竟是名作

念心受持善思惟

不失於法如法住

求於禪又是初發
修集三昧是名作
无相似慢善思惟
無有過失如法住
念慧之心是初發
獲得法門是名作
擁護正法善思惟
勇健精進如法住
正念因緣是初發
修善方便是名作
觀於內法善思惟
得解脫已如法住
始求文字是初發
通達解了是名作
知不可說善思惟
了無文字如法住
遠離惡友是初發
親善知識是名作
聞已如聞善思惟
不遠離法如法住
佛法出家是初發
除捨怨親是名作
修集善法善思惟
不隨他意如法住
少欲知足名發作
樂於寂靜善思惟
住寂靜已說无諍
亦自修集如法住
從戒而學是初發
不行漏戒是名作
无戒之戒善思惟
從智慧戒如法住
不說世事是初發
常樂寂靜是名作
易養易滿善思惟
觀察无常如法住
樂修施戒是初發
忍辱精進是名作
修禪智慧善思惟
修智方便如法住
行施攝取是初發
軟語攝取是名作
利益衆生善思惟
自利利他如法住
修集慈悲名發作
不別三世善思惟

為諸眾生淨身心
獲得正法是初發
莊嚴自身善思惟
破壞陰魔是初發
能壞死魔善思惟
修集身念是初發
修集念心善思惟
了了知苦是初發
證滅真實善思惟
修於信根是初發
修念三昧善思惟
身心寂靜是初發
觀於名色善思惟
無我我所是名發
无去無來善思惟
遠離憍慢是初發
觀十二緣善思惟
若能遠離一切相
具足十力四无畏
如來說是精進法
五千菩薩得法忍
堅固莊嚴我身是
若欲獲得上真道

修集喜捨如法住
清淨福田是名作
調伏眾生如法住
離煩惱魔是名作
摧魔怨敵如法住
修集受念是名作
修集法念如法住
遠離於集是名作
修於正道如法住
修集諸力是名作
修於智慧如法住
遠離邪見是名作
精進不悔如法住
無縛无解是名作
法性不動如法住
除去貪恚是名作
離癡有愛如法住
破壞所有諸障是
能說功德勤精進
十千眾生悟無生
无量人天發菩提
精進超過諸菩薩
當修精進如先佛

尔時修悲梵天語海慧菩薩言所言
佛法佛法者云何名佛法海慧菩薩
言梵天佛法者名一切法一切法者
名為佛法如佛法性即一切法性如
一切法性即佛法性佛法性一切法
性無有差別一切法寂靜佛法亦寂靜
一切法空佛法亦空梵天一切法即
十二因緣善提者亦十二因緣梵天
言善男子夫佛法者將不過於三界
法耶梵天三界佛法性无差別三界
平等佛法平等无有二相善男子譬
如虚空無有增減佛法亦尔无增無
減性是空故无上無下梵天若善男
子欲見佛法當作是觀復次梵天夫
佛法者非處非非處非生非滅非青
黃赤白斑駁琉璃虚空界色雜色无
色非有形質方圓脩短无相無相相
無縛无解無如是相名為佛法无相
无句無有文字清淨寂靜空義無相
義无聚義畢竟無出義覺知義不可
宣說不可觀不可見者名寂靜義寂
靜義者即是空義空義者即无聚義
无聚義者即真實義真實義者即是

畢竟不出之義畢竟不出義者即不滅義不滅義者即无處義無處義者即是法性法性者即是佛法是名學法名阿羅漢法名緣覺法名為佛法如是佛法及餘諸法亦无住處不出不滅无色形質方圓脩短无智相貌無明無闇一切諸法等无老别求佛法者謂佛佛法及一切法菩薩摩訶薩坐於道場菩提樹下乃能了了真實知見何以故諸佛正法无住處故一切諸法亦无住處佛法不可得一切諸法亦不可得佛法平等一切諸法亦復平等若无因緣即無種性若無種性即無出滅若无出滅即名真實真實知者即是實性過去未來現在諸法即是佛法何以故通達三世无障碍故無障碍者即是佛智佛智者即是十八不共之法不共之法者攝一切法是故諸法即是佛法諸佛法无二無别梵天言善男子汝今了了見佛法不梵天佛法非色不可覩見汝云何言了了見耶一切諸法悉不可見夫了了者即是佛法无有

二相梵天言善男子如來何故說佛知見一切諸法梵天如來佛法若有定相可得說言了了知見善男子佛法无耶梵天法若無定不可說有不法无耶梵天法若無定不可說有不言了了知見善男子如來云何說於佛法梵天如說虛空虛空之性實无定相佛法亦尔善男子佛法如是不可思議菩薩初發菩提心時聞如是法不驚不怖不可思議正覺之性亦不可思議梵天佛所說者乃能發是菩提之心是故聞之不生怖畏梵天若有著者則生怖畏若不著者不生怖畏惜身命者則生怖畏不惜身命无所怖畏有障導者則生怖畏无障導者無所怖畏著我我所則生怖畏断我我所无所怖畏善男子菩薩摩訶薩有何力故聞深佛法不生怖畏梵天有八種力聞深佛法不生怖畏何等為八一者信力二者善友力三者多聞力四者善根力五者善思惟力六者破憍慢力七者大慈悲力八者如法住力梵天菩薩具足如是八

力聞說深法不生怖畏今時世尊讚
海慧菩薩言善哉善哉善男子善能
宣說菩薩諸力實如汝言菩薩具足
如是諸力聞深佛法不生怖畏善男
子一切言說名之為聲菩提之性亦
不可說亦不可見不可說見名第一
義如來了了知見如是不可宣說
衆生故而為宣說菩提非心亦非心
數何況聲字善男子如來憐愍諸衆
生故覺甚深法覺甚深法已无知無
覺无心心數無聲无字不可宣說為
衆生故說有文字音聲次第善男子
譬如虛空非是色法不可覩見非對
非作善男子有人善畫畫空作像若
男若女若象若馬如是之人可思議
不不也世尊善男子是猶可信如來
世尊知不可說而能演說是事其難
雖復說此不可說法然真實知性不
可說善男子若聞是法不驚不怖當
知是人久於无量諸如來所種諸善
根善男子如是經典不可思議若有
人能受持讀誦書寫解說是人則能
受持一切諸佛法藏攝取一切衆生

解脫善男子若有菩薩了了得見无量世界所有諸佛見已即以上妙七寶滿是世界持用奉獻諸佛世尊是人福德寧為多不甚多世尊如是功德難以喻說善男子不如有人擁護正法為憐愍故受持讀誦解說是經何以故法施之施勝於食施夫食施者即是世施法施之施是出世施善男子若人能護佛正法者即為四攝何等為四一為佛攝二為天攝三為福攝四為智攝佛攝衆生復有四事一者常得親近諸佛二者諸魔不得其便三者獲得无盡陀羅尼四者得住不退轉地天攝衆生亦有四事一者說法之處諸天清淨二者說法之時衆樂受聽三者終不為他因緣所害四者不信者信福攝衆生亦有四事一者莊嚴於身三十二相八十種好二者莊嚴於口凡所演說衆生樂聞三者莊嚴佛土四者莊嚴種姓所謂釋梵轉輪聖王智攝衆生亦有四事一者知衆生根如意說法二者知衆生病苦隨病施藥三者得大神通

遊諸佛土四者了了通達法界善男子若欲獲得如是功德應當勤心護持正法今時世尊即說頌曰

若能護法生憐愍 受持是經及廣說
我說千分中一分 猶如大海取一滴
知思念恩念如來 是人可信付法藏
供養无量十方佛 如是則能護佛法
雖施無量國珍寶 不如至心誦一偈
法施最妙勝食施 是故智者應護法
十方諸佛天龍神 功德智慧所攝取
莊嚴修行諸相好 是人皆由護正法
常遇諸佛善知識 常聞无上真實道
速得无量施羅尼 是人皆由護正法
身口意戒得清淨 具大神通遊諸國
不退菩提具六度 是人皆由護正法
世界微塵可說盡 護法功德不可量
欲得不可宣說知 應當堅心護正法
今時衆中有一菩薩名功德寶光即
從坐起頭面敬札長跪合掌前白佛
言世尊如來於是大經典中說言佛
法不可宣說若不可說云何可護佛
言善哉善哉善男子如是如是如來
正法實不可說如來覺知不可說法

如是正法雖不可說而有字句以字句故可得宣示如是字句受持讀誦書寫解說名護法善男子復有護法見有受持讀誦書寫解說之者恭敬供養親近禮拜尊重讚歎生於師想擁護供給衣服飲食卧具湯藥房舍燈燭聞其所說稱讚善哉護其種姓所住宅舍亦復護其侍使之等聞惡隱蔽聞善稱揚善男子若能擁護是持法者是人即能護佛法僧復次善男子若有能修空无相願是人即是護持正法復次善男子見有誹謗方等經者不與同止言語談論調伏其罪是人即是護持正法復次善男子若有人能修集悲心无飲食想憐愍衆生宣說正法是名護法復次善男子不惜身命受持讀誦書寫解說如是等經是名護法復次善男子若有聽法一字一句徃一由旬乃至七步入出息頃是名護法善男子過去無量阿僧祇劫有佛号曰大知聲力如來應正遍知明行足善逝世間解无上士調御丈夫天人師佛世尊國

名淨光劫名高顯其土純是青琉璃
寶諸菩薩衆一切成就無量勢力具
足神通智慧无碍一切菩薩悉受天
身至心聽法無有出家在家老别介
時世尊為護法故與諸大衆頌宣正
法彼時會中有一菩薩名曰法慧白
佛言世尊何等是法而言擁護佛言
善男子夫六入者樂求境界若能遮
止是名護法善男子眼識於色是名
非法若能遠離是名護法乃至意識
於法亦復如是善男子若見眼空見
已不觀於色不著於識是名為法若
能真實知如是法是名護法乃至若
見意空見已不觀於法不著於識是
名為法若能真實知如是法是名護
法善男子若法能生法於是法中不求
不取心不貪著是名護法若有見法
能生邪見於是見中不求不取心不
貪著是名護法若有无明不能淨心
於是垢中不求不取心不貪著是名
護法善男子若有一法求取之後不
能施人此法非法亦非比尼若能施
者即是正法即是比尼若有無取无

求無施即是正法即是比尼夫取求者即是非道若不施即是非法即非比尼若能施者即是正法即是比尼不取不求不施即是不出生不滅若非出生滅亡何可施不可施者乃名為法乃名比尼何以故未生煩惱作障因緣故是故无盡無盡者无出無出者名為法名為比尼於是法不求不取是名護法善男子今時彼佛說是法時三万二千菩薩得无生法忍海慧菩薩言世尊如我解佛所說義者法及非法是名為法何以故若有分別法非法者是人不能護持正法若作法相是名非法世尊若能了達見一切法是无法者是名第一真實之義世尊若無法无非法即是无数若無數者即是實性實性者名為虛空虛空之性无边無節法性亦余法性實性无有差別何以故無边无節故若有菩薩見如是等即真實見世尊我不見一法以不見故不見有增不見有減世尊我如是見將不誹謗如來說耶是實見不善男子如

是見者不謗如來是真實見說是法
時海慧菩薩及万天人得無生忍善
男子汝知今時海慧菩薩豈異人乎
即我身是是故我於无量世中所求
正法今以付汝今時衆中有六万億
諸菩薩等同共發聲白佛言世尊我
等當共擁護正法受持廣說佛言善
男子汝今云何如法而住護持正法
山王菩薩即作是言世尊惜身命者
不能護法我不惜命如法而住故能
護法功德山王菩薩言世尊有貪利
者不能護法我无貪利故能護法寶
幢菩薩言世尊若見有法非法二相
不能護法我无二相故能護法福德
藏菩薩言世尊具煩惱者不能護法
我有智力已遠離之故能護法持炬
菩薩言世尊不破闇者不能護法我
今破闇故能護法電光菩薩言世尊
若隨他心不能護法我隨自意故能
護法遍藏菩薩言世尊不調諸根不
能護法我今調伏故能護法淨光菩
薩言世尊若作種種諸法相者不能
護法我今於法无種種相故能護法

相行菩薩言世尊心狂亂者不能護
法我修三昧故能護法商主菩薩言
世尊不知道者不能護法我今了知
故能護法善念菩薩言世尊有疑心
者不能護法我已斷疑故能護法善
見菩薩言世尊不如法住不能護法
我如法住故能護法慧光菩薩言世
尊愚癡之人不能護法我今修智故
能護法平等菩薩言世尊取怨親相
不能護法我今平等故能護法法行
菩薩言世尊不知衆生諸根境界不
能護法我今知之故能護法神通王
菩薩言世尊見我我所不能護法我
今不見故能護法師子吼菩薩言世
尊不知佛性不能護法我今知之故
能護法弥勒菩薩言世尊若遠菩提
不能護法我今已近故能護法功德
聚菩薩言世尊若无無量功德聚者
不能護法我今已有故能護法文殊
師利言世尊如是等語悉是謬語何
以故如來世尊坐於道場菩提樹下
不得一法汝云何言我當護法世尊
我於諸法不取不捨為衆生故修集

悲心不護不捨

今時佛讚文殊師利言善哉善哉善男子如來昔坐菩提樹下實无所得無所得故便從中起文殊師利言如來真實坐於道場菩提樹耶何故而言從坐而起世尊如來若坐菩提樹下如來世尊則有二相一者如來二者菩提如來世尊已離二相佛言善男子菩提衆生一切法性等无差別一味一性如來坐於菩提樹下見如是法是故名為逮得菩提我都不見離菩提外別有一法見一切法皆悉平等而是平等不入於數是故平等名為无尋以是因緣如來名為一切無尋善男子若能如是見如來者是人即得如來解脫得解脫已則能如是真實知見說是法時海慧菩薩所將眷屬諸菩薩等歡喜踊躍各作是言我等今者得大利益現見釋迦牟尼如來及見文殊師利菩薩世尊隨是經典所住世界當知其土得大利益若有供養是經典者及有受持讀誦書寫廣說其義亦得利益今時世

尊告諸菩薩言汝今知得何等利益
諸菩薩言世尊我等當以如是之義
諮問文殊諸菩薩言文殊師利云何
名為得大利益文殊師利言有十利
益何等為十佛出於世見已生信既
生信已聽受正法聞正法已永壞疑
心壞疑心已得清淨命得清淨命已
不為利說法彼聞法已發菩提心既
發心已堅固不退心不退已如法而
住如法住已得无生忍諸善男子是
名十利不可思議說是法時三万六
千衆生發阿耨多羅三藐三菩提心
三千大千世界大地六種震動出金
色光

大方等大集經卷第九

辛丑歲高麗國大藏都監奉

勅雕造

大方等大集經卷第十

卅

北凉天竺三藏曇無讖於姑臧譯

海慧菩薩品第五之三

尔時海慧菩薩白佛言世尊是大乘
經能多利益无量衆生何以故一切
衆生因大乘故得人天樂及涅槃樂
世尊夫大乘者何法攝取何法利益
何法難得何法障碍何因緣故名爲
大乘佛言善男子有一法攝取大乘
所謂初發菩提之心既發心已修不
放逸復有一法明信業果復有一法
觀十二緣復有一法於諸衆生其心
平等樂修大慈復有一法謂不退失
菩提之心復有一法所謂念佛復有
一法如法住已念於正法復有一法
以不退心念於衆僧復有一法不失
道心念於淨戒復有一法遠離煩惱
心念於捨復有一法欲得無量寂靜
之身專念於天復有一法念欲安隱
一切衆生復有一法勤行精進復有
一法欲令衆生悉得解脫得解脫已
受於喜樂復有一法樂求正法復有

一法遠離退心為衆說法復有一法
於聽法者生愛念心復有一法於說
法者樂為供養復有一法於正法中
生藥樹想復有一法於自己身生大
醫想復有一法至心專念護持正法
復有一法紹隆三寶不令斷絕復有
一法遠離懈怠復有一法所謂知足
復有一法於一切財无貪慳想復有
一法自持戒已能化毀禁復有一法
自修忍已能化衆生令離瞋心復有
一法得少利益生大思想復有一法
少得恩分生大報想復有一法自持
淨戒不輕毀禁復有一法破於憍慢
復有一法至心求覓聽法之人復有
一法離惡知識復有一法至心修善
復有一法不隨他意復有一法調伏
諸根復有一法於法師心如如來想
復有一法不惜身命護持正法復有
一法行於世法不為沾汙復有一法
不惜身命求於正法復有一法調伏
衆生受苦不恨復有一法如來現在
若涅槃後供養塔像等无有二復有
一法衆生不請樂為善友復有一法

於好物中心无貪著復有一法樂念
出家復有一法樂稱人善復有一法
樂求莊嚴菩提之法復有一法於同
師同學心无嫉妬復有一法教化衆
生發菩提心心無悔退復有一法覆
藏他過復有一法求一切語復有一
法求一切作復有一法所謂實語復
有一法發言之後要終其事復有一
法於善法所心無厭足復有一法隨
所得物恚與人共復有一法善知魔
界復有一法破壞憍慢修真實知復
有一法心樂寂靜復有一法離我我
所復有一法不自讚歎復有一法隨
俗而行復有一法修正命已樂於寂
靜復有一法持淨戒已思惟善法復
有一法修多聞已不生憍慢復有一
法修善行已即住初地復有一法修
空三昧觀於法性復有一法得供養
已其心不高復有一法樂說世者不
與同止復有一法得如法物與同學
共復有一法真實方便復有一法一
切知已不生貪想復有一法未學學
已心不生悔復有一法既學知已心

不輕慢復有一法遇罵辱已心不生
瞋復有一法供養罵辱其心无二復
有一法聞說正法稱讚善哉復有一
法為欲具足六波羅蜜常求莊嚴復
有一法信心不退復有一法為菩提
道求於莊嚴復有一法受供養已常
淨已心為令施主得大利益復有一
法具足七財復有一法能破衆生貧
窮困苦復有一法以善方便調伏衆
生復有一法以四攝法攝取衆生復
有一法不與衆生而共諍訟復有一
法聞法之時於法師所不求其短復
有一法未得无上沙門果證心不生
悔復有一法常行世間不為八法之
所染汙復有一法常觀已過復有一
法於舉罪者不生瞋恚復有一法見
世間法其心生捨復有一法不誑善
友復有一法先淨其心教他令淨復
有一法不為利養受持淨戒復有一
法為增善法修集寂靜復有一法為
於善法修淨莊嚴復有一法為淨功
德而修莊嚴復有一法為淨智慧而
修莊嚴復有一法修集无想三昧方

便復有一法如法而忍復有一法修
三解脫復有一法知處非處復有一
法修舍摩他為欲莊嚴毗婆舍那復
有一法知於解脫復有一法觀於三
世等復有一法謂不分別一切法
界復有一法一切法性不生不滅
菩薩摩訶薩觀是百法如是名為攝
取大乘今時世尊復告海慧菩薩言
善男子有二法利益大乘一者樂念
佛法二者樂離聲聞復有二法一者
擁護解脫二者能演說法復有二法
一者求菩提心二者調伏衆生復有
二法一者觀菩提心猶如幻相二者
觀諸衆生悉無有我復有二法一者
不捨菩提之心二者觀法平等復有
二法一者淨於善根二者无作無淨
復有二法一者為善法故而修莊嚴
二者畢竟復有二法一者自身畢竟
二者衆生畢竟復有二法一者內淨
二者外淨復有二法一不作罪二作
已悔復有二法一能布施二不求報
復有二法一平等施二能迴向復有
二法一者持戒二者不求善果復有

二法一不自譽二不毀他復有二法
一者忍辱二者軟語復有二法一者
於貪不貪二者於瞋不瞋復有二法
一者為於善法勤修精進二者不輕
懈怠復有二法一身寂靜二心寂靜
復有二法一求禪支二調伏心復有
二法一樂在禪定二不厭欲界復有二
法一者求法二者樂法復有二法一
者樂觀法二者欲法復有二法一者
樂求善友二者恭敬供養復有二法
一至心聽二至心受復有二法一數
諮問二如法住復有二法一者知法
二者知義復有二法一者聞已无厭
二者知已無厭復有二法一者修善
二者離惡復有二法一者樂說正法
二者於受法者生憐愍心復有二法
一者於法无慳慳心二者說時無有
食想復有二法一者至心聽二至心
受復有二法一離五蓋二修七覺復
有二法一者喜二者樂復有二法一
者知己二者知時復有二法一信果
報二作善業復有二法一者不斷聖
性二者實語復有二法一者如說而

住二者不藏如來功德復有二法一
者淨身二者遠離三不善根復有二
法一者觀身猶如草木二者為淨心
故修行善法復有二法一者淨口二
者遠離四過復有二法一者觀一切
法悉不可說二者觀聲如響復有二
法一者淨心二者遠離无明嫉妬邪
見復有二法一者内淨二者外無行
處復有二法一者修慈二者遠離親
怨之想復有二法一觀衆生猶如虛
空二者修慈復有二法一者不捨悲
心二者求善不悔復有二法一者能
調不調二者調時不悔復有二法一
者持法二者護持法者復有二法一
者樂法二者護法復有二法一者稱
揚人善二者樂藏他過復有二法一
者離貪二者離瞋復有二法一者不
捨衆生二者修捨復有二法一者念
佛二者知无念處復有二法一者觀
身二者求三十二相復有二法一者
念法二者化諸衆生令住法中復有
二法一者觀无貪處二者於貪者所
生於悲心復有二法一者念菩薩僧

二者依无退僧復有二法一者觀於
无僧二者擁護四沙門果復有二法
一者念戒二者知菩提心不可宣說
復有二法一者觀戒无住二者護毀
禁者復有二法一者念施二者施已
无悔復有二法一者遠離煩惱二者
離煩惱故演說正法復有二法一者
念天二者樂寂靜復有二法一者具
足念心二者擁護亂心復有二法一
者功德莊嚴二者智慧莊嚴復有二
法一者觀无造作二者樂修善法復
有二法一者無縛二者縛者解脫復
有二法一者遠離誑心二者至心清
淨復有二法一者知恩二者念恩復
有二法一者說一切過二者而遠離
之復有二法一者自修聖行二者化
他令行復有二法一者願求善法二
者心无厭足復有二法一者遠離惡
法二者親近善法復有二法一者誦
佛說法二者至心聽受復有二法一
者知一切法不生不滅二者說字句
義復有二法一者知無衆生二者以
已善報與衆生共復有二法一者遠

離諸相二者深求三十二相復有二
法一者觀空二者將護衆生復有二
法一者修集无願二者及願衆生復
有二法一者修一切善二者願諸衆
生同修善根復有二法一者智慧无
尋二者受諸有身復有二法一者不
動二者不悔復有二法一者慙二者
愧復有二法一樂寂靜二求靜法復
有二法一者修集无諍三昧二者觀
無衆生復有二法一者少欲二者知
足復有二法一者覆藏他罪二者顯
露己過復有二法一者觀十二因緣
二者深信復有二法一者無我二者
無衆生復有二法一者防自煩惱
二者壞他煩惱復有二法一者觀无
作无受二者樂修善法復有二法一
者觀生死過二者不斷生死復有二
法一者自樂生死二者化諸衆生令
度生死復有二法一者求波羅蜜二
者求已无處復有二法一者求智二
者化他令同己智復有二法一者不
求供養二者為供養故造作諸業復
有二法一者於有恩處常欲報之二

者於恩无恩等而報之復有二法一者修不放逸二者修无緣慈復有二法一者入於出家二者既出家已心生愛樂復有二法一者自成功德二者於無德者生憐愍心復有二法一者修於身念二者無有念處復有二法一者念於受處二者无有念處復有二法一者念於心處二者無有念處復有二法一者念於法處二者无有念處復有二法一者親近能生善法復有二法一者遠離已生惡法二者護持已生善法復有二法一者為令未生善法得生二者為令增廣而擁護之復有二法一者獲大神通二者得已教化眾生復有二法一者安住法界二者遍見諸佛世界復有二法一者信心不動二者化不信者令同已信復有二法一者淨心二者教化狂亂之人復有二法一勤精進二化懈怠復有二法一者具足无尋智慧二者化彼無明眾生復有二法一者觀界二者觀緣復有二法一者求智莊嚴二者其

心不悔復有二法一者觀諸煩惱二者出煩惱已了知解脫復有二法一者一切法解脫二者煩惱不合三界復有二法一者莊嚴菩提二者修學菩提復有二法一者盡智二无生智復有二法一者觀聖道方便二者觀生死方便復有二法一者畢竟道二者知退轉道復有二法一者如法而住二者於諸法中不生著見復有二法一者從緣生滅二者從緣解脫復有二法一知魔業二知己離復有二法一者於恚生忍二者於忍生愛復有二法一者為菩提故而修莊嚴二者雖修莊嚴心无貪著復有二法一者不捨煩惱二者不捨修善莊嚴復有二法一者知處非處二者以諸善根迴向菩提復有二法一者觀菩提心猶如幻相二者修向无上菩提莊嚴復有二法一者觀諸衆生及以菩提等无差別二者知諸衆生因緣菩提而得解脫復有二法一者知法无生二者為善法故而修莊嚴復有二法一者不可說法而能宣說二者一切

衆生惡同一衆復有三法一者初發
菩提之心二者親近善友心不生悔
三者修集大悲心不退轉復有三法
一者破壞慳慳二者惠施一切三者
攝取菩提復有三法一者具足淨戒
二者調伏毀禁三者迴向菩提復有
三法一者心不瞋恨二者調瞋恚者
三者迴向菩提復有三法一者於生
死中心無悔退二者甘樂營他所作
事業三者迴向菩提復有三法一者
得三昧定二者不生憍慢三者迴向
菩提復有三法一者求於多聞二者
得已不生憍慢三者迴向菩提復有
三法一者生緣二者法緣三者无緣
復有三法一者自悲二者悲他三者
離自他悲復有三法一者為於自利
修集智慧二者以是智慧轉化衆生
三者自利利他復有三法一者知過
去已盡二者知未來无生三者知現
在無住復有三法一者為正定者修
集慈心二者為邪定者修集悲心三
者為不定者修集解脫復有三法一
者淨身二者淨口三者淨意復有三

法一者修不淨觀為壞貪欲二者修慈為壞瞋恚三者觀十二因緣為壞无明復有三法一者安二者樂三者知足復有三法一者聞已能持二者能廣分別文字句義三者觀察罪過復有三法一者具足七財二者能大施三者能施衆生復有三法一者實義二者真義三者不誑義復有三法一者自知二者知他三者知時復有三法一者五陰法陰平等二者諸界法界平等三者諸入法入平等復有三法一者修空二者无相三者無願復有三法一者不謗因果二者方便生法皆從因緣三者和合因緣而得名字復有三法一者信佛不可思議二者信法不生誹謗三者信僧良祐福田復有三法一者遠離貪欲二者遠離瞋恚三者遠離愚癡復有三法一者世諦二者第一義諦三者不著二諦復有三法一者遠離煩惱二者遠離憍慢三者於福田所禮拜供養復有三法一者不染欲界二者不著色界三者於无色界不生憍慢復

有三法一者供養不喜二者毀辱不
恚三者離世八法復有三法一者藏
覆諸根二者解了諸根三者寂靜諸
根復有三法一者趣向善地二者離
善地障三者觀善地德復有三法一
者至心二者淨心三者淨莊嚴復有
三法一者學戒戒二者學心戒三者
學慧戒復有三法一者受樂不生貪
逸二者受苦不生惱恚三者不苦不
樂修集於捨復有三法一者轉因不
造作故二者轉於煩惱不觀相故三
者轉於三世无願求故復有三法一
者眼空二者色寂靜三者受无住處
復有三法一者藏戒二者護定三者
觀慧復有三法一者憶持念法二者
思惟觀法三者如法而住復有三法
一者音聲因緣聲聞解脫二者十二
因緣緣覺解脫三者六度因緣菩薩
解脫復有三法一者施二者大施三
者畢竟施復有三法一者護法二者
護持正法三者護持大乘復有三法
一者行於生死二者觀其罪過三者
知已遠離復有三法一者至心聽法

破除五蓋二者常樂寂靜三者如法而住復有三法一者依義二者依法三者依智復有三法一者求多聞已樂於寂靜二者樂寂靜已思惟善法三者善思惟已知法平等復有二法一者親近智者二者諮問多聞三者護於善人復有三法一元貪心為人說法二見聽法者慈心視之三者一心觀於菩提復有三法一者觀諸衆生其心平等二者觀心平等三者觀佛平等復有三法一者過去已盡二者未來不合三者現在不住復有三法一者觀苦无常二者諸法無我三者涅槃寂靜復有三法一者聞已堅持二者三昧堅持三者智慧堅持復有三法一者犯已不覆二者悔先所犯三者至心護戒復有三法一者破壞疑心二者破壞悔心三者破壞障心復有三法一者善欲二者離談世事三者樂於寂靜復有三法一者忍甚深法二者說甚深義三者解種種義復有三法一者具足聲忍二者具思惟忍三者具於順忍復有三法一

者智慧方便二者大慈三者精進堅
牢善男子菩薩具足如是等法能利
益大衆善男子復有四法障罣大乘何
等為四一者聽不應聽二者不欲聽
受菩薩法藏三者行諸魔業四者誹
謗正法復有四法一者貪欲二者瞋
恚三者愚癡四者不樂求法復有四
法一者嫉他得利二者於財慳貪三
者樂誑法師四者不樂親近見善知
識復有四法一者於善知識生惡友
想二者於惡知識生善友想三者非
法法想四者法非法想復有四法一
者不樂惠施二者施已生悔三者施
已觀過四者不念菩提心復有四法
一者為欲而施二者為瞋而施三者
為癡而施四者為怖畏而施復有四
法一者為名字施二者為本而施三
者為善友施四者為勝故施復有四
法一者不至心施二者不自手施三
者不現見施四者輕慢施復有四法
一者下物施二少物施三者不至心
施四者輕慢施復有四法一者毒施
二者刀施三者不淨施四者無利益

施復有四法一者見持戒者生瞋恚
心二者見毀禁者生愛念心三者隨
惡友語四者不念施戒復有四法一
者非法求利二者如法得財不與人
共三者斷他供養四者心不知足復
有四法一者為貪利養故攝持威儀
二者為利養故下聲而語三者其心
諂曲四者邪命自活復有四法一者
於同學所生瞋恚心二者於同乘者
生瞋恚心三者不知魔業四者樂說
他過復有四法一者憍慢不聽正法
二者不能恭敬法師三者不能禮拜
父母師長善友四者意隨惡業復有
四法一者覆他功德二者廣說他過
三者增長憍慢四者瞋恚堅固復有
四法一者懈怠二者不樂聽聞善語
三者不隨順語四者住於非法復有
四法一者不調二者不淨三者不藏
四者不忍復有四法一者不喜聞受
無上善法二者樂在城邑聚落村屯
三者毀破禁戒樂受供養四者不能
調伏根門復有四法一者不能攝取
衆生二者不能調伏衆生三者不能

護持正法四者樂說法師過罪復有
四法一者不修信心二者不能觀察
衆生罪過三者不觀惡知識過四者
不觀疑心罪過復有四法一者不觀
內二者不觀外三者無慙四者无愧
復有四法一不知恩二不報恩三者
背恩四者樂邪見復有四法一者誹
謗聖人二者將護世人三者不信福
田四者呵毀法施復有四法一者不
淨身業二者不護口業三者不捨意
業四者厭悔大乘復有四法一者為
破和合而作兩舌二者於師和上出
瞋恚語三者為壞利益作无義語四
者欺誑人天而生妄語復有四法一
者不護戒因二者亂禪定因三者不
信後世四者樂著世事復有四法一
者廣積二者憍慢三者樂說世間四
者常樂睡眠復有四法一者假菩薩
名而受供養二者不能瞻視病苦之
人三者不種善子四者不向菩提復
有四法一者自輕二者輕法三者輕
福四者數念聲聞辟支佛乘復有四
法一者貪身二者貪心三者貪命四

者貪戒復有四法一者貪房舍二者貪檀越三者貪邪見四者貪破戒復有四法一者多作二者多語三者多受四者多規復有四法一者我見二者邪見三者斷見四者常見復有四法一者不作二者作已轉三者心悔四者不樂復有四法一者不向道地二者不修禪定三者退失智慧四者不樂方便復有四法一者障導於法二者障導善業三者煩惱障導四者魔業障導善男子如是等法名障大乘說是法時四万四千人天發阿耨多羅三藐三菩提心二万八千菩薩得無生法忍三千大千世界大地六種震動虛空之中無量天人異口同音作如是言善哉善哉世尊今日如來大師子吼憐愍衆生開大乘門世尊若有衆生於是法中得少分者即得斷除三惡道苦漸漸當得无量法寶譬如有人於村邑外見大寶聚見已憐愍即還入村告語衆人誰欲斷貪當與我俱是人說時或有信者或不信者其中信者即與相隨俱至寶聚

隨意採取即破貧苦而是寶聚亦无
增減亦不念言聽是人取不聽彼人
破是人貧不破彼人聽是持去不聽
彼持如來世尊亦復如是於无量世
勤求如是无上法寶求已得見生大
憐愍以大梵音語諸衆生若有欲壞
生死貧窮當至心聽有諸衆生薄福
不信則不能壞生死貧窮其中信者
隨任智力取聲聞乘辟支佛乘菩薩
大乘是大寶聚亦无增減若有至此
寶聚之中乃至不能取一寶者是人
常住三惡道中若有能取一字一句
乃至一念受持之者是人能壞生死
貧窮何況取是大乘經典一品二品
及其具足聽受讀誦為人解說今時
世尊讚諸天人善哉善哉諸天子若
有受持如是經典是人則具一切善
法頂戴如來无上佛智是大智聚能
大利益无量衆生今時世尊以偈頌曰
諸乘之中大乘最 猶如虛空无边際
遠離一切生死有 趣菩提樹無障罣
若能清淨其心意 所有惠施於一切
至心受持清淨戒 趣菩提樹无障罣

於諸衆生心平等

常觀煩惱諸罪過

能勝一切下劣乘

調伏衆生於大乘

若有至心受讀經

具足寂靜戒忍辱

具足智慧壞魔衆

憐愍衆生趣道樹

莊嚴慈悲乘四禪

智慧利刀摧魔衆

道樹下觀十二緣

起已愍衆說大乘

十方衆生乘大乘

乘無增減如虛空

大乘神通叵思議

是故如來修集之

安住念處嚴正勤

如意為足根勢力

遊八正路採覺寶

是故如來趣道樹

其心靜寂離煩惱

壞破諸闇獲智光

是故梵天及帝釋

敬禮如來乘大乘

具足六度六神通

具善方便修三脫

能壞諸魔及邪見

是故如來乘大乘

若有具足諸善根

及以成就不善根

有信則得破煩惱

是故大乘難思議

所有一切世間法

及以無上出世法

若有學法无學法

一切攝在大乘中

若有衆生行惡道

親近邪見愚知識

憐愍是輩修方便

為調伏故說大乘

下劣不樂於大乘

心近不能壞人結

常求自樂捨餘人

間說大乘生恐怖

若有智者具力勢

憐愍衆生作利益

聞說大乘心歡喜

壞衆苦惱心不悔

若欲了知衆生行

一切衆生諸界根

菩薩一念能通達

是故大乘難思議

得身寂靜相莊嚴

得口寂靜衆樂聞

得心寂靜具神通

如是皆因趣大乘

若有人能行大乘

是則不斷三寶種

能為衆生作利益

破壞貧窮諸苦惱

能到十方諸世界

現見無量佛世尊

如是趣向大乘者

是人即得無量福

一切世間无能勝

趣向無上大乘者

具足大力壞魔衆

是故大乘難思議

得色得力大自在

梵釋轉輪聖王身

若有乘此大乘者

是人受於三界樂

施已終不生悔心

所重之物不慙著

捨身自施修慈悲

是故大乘難思議

持戒精進樂梵行

能以神力障日月

不貪著身善果報

修如是乘調衆生

說法有受不受者

於是不生瞋愛心

身心勤修大精進

為得難得之大乘

能得無上大法王

亦得難忍之忍辱

無量劫中受苦惱

為得大乘勝一切

勤作利益多衆生

身口意業悉柔軟

修集慈悲及神通

為住大乘大利益

了知法界生住滅

無我无諍調諸根

若能安住於大乘

即受安樂如先佛

具足念心及精進

四如意足大神力

依止正法及真義

皆由樂住於大乘

具足无上無所畏

能師子吼无上尊

微妙相好自莊嚴

皆由樂住於大乘

具足三種之神通

調伏教化於衆生

其心寂靜无憍慢

若行大乘具忍辱

具足梵音聲微妙

一切衆生甚樂聞

若樂修集大乘者

是人善解衆生語

所作諸業為淨土

不久當得無邊身

若有至心聽是法

當受无邊無上樂

能遊虚空遶邊際

能知大海水幾滄

不能演說大乘德

是故是乘難思議

尔時世尊復告海慧菩薩善男子若

欲受持如是等經欲自寂靜其深心

者應當受持門句法句金剛句至心

觀察門句者一切法中而作門戶所

謂阿字一切法門阿者言無一切諸

法皆悉无常波亦一切法門波者即

第一義那亦一切法門那者諸法无

導陀亦一切法門陀者性能調伏

一切法性沙亦一切法門沙者遠離

一切諸法多亦一切法門多者一切
法如迦亦一切法門迦者一切諸法
無作无受娑亦一切法門娑者一切
諸法無有分別伽亦一切法門伽者
如來正法甚深无底闇亦一切法門
闇者遠離生相曇亦一切法門曇者
於法界中不生分別奢亦一切法門
奢者具奢摩他得八正道法亦一切
法門法者一切諸法猶如虛空又亦
一切法門又者一切法盡若亦一切
法門若者諸法无尋咆亦一切法門
咆者一切法是處非處盡亦一切法
門盡者觀五陰已得大利益荼亦一
切法門荼者一切諸法无有畢竟迦
亦一切法門迦者身寂靜故得大利
益至亦一切法門至者心寂靜故離
一切惡優亦一切法門優者受持擁
護清淨禁戒咆亦一切法門咆者善
思惟替亦一切法門替者住一切法
修亦一切法門修者一切諸法性是
解脫毗亦一切法門毗者一切諸法
悉是毗尼毗尼者調伏己身時亦一
切法門時者一切諸法性不染汙阿

亦一切法門阿耨者一切諸法性是光明婆亦一切法門婆耨者修八正道婆亦一切法門婆耨者一切諸法非內非外善男子是名門句能淨念心能淨其心知衆生根法句者一切諸法解脫印一切諸法无二印一切諸法無常斷印一切諸法無增減印一切法等如虛空印一切諸法五眼道印一切法如虛空印一切諸法无有分別法如印一切諸法无去來現在如印一切諸法本性淨印一切法空印一切法无相印一切法無願印一切法無處無非處印一切法苦印一切法无我印一切法寂靜印一切法性無過各印一切諸法第一義攝取印一切諸法如法性住印一切諸法畢竟解脫印一切諸法无時印一切諸法過三世印一切諸法味同一印一切諸法性無尋印一切諸法性无生印一切諸法性无淨印一切諸法性無覺觀印一切諸法非色不可見印一切諸法无屋宅印一切諸法無對治

印一切諸法無業果印一切諸法无
作無受印一切諸法无出滅印善男
子是名法句如是法句即是過去未
來現在諸佛菩提如是法印句攝取
八万四千法聚善男子若能如是觀
法聚者即能獲得无生法忍善男子
若有未種善根之人聞是法已即得
種之壞於魔業善男子若如是觀即
能獲得无盡器陀羅尼如是等法悉
能攝取八万四千三昧八万四千衆
生行性是名法句金剛句者其身不
壞猶如金剛何以故法性不壞故智
慧之性能破无明是故智慧名金剛
句五逆之罪壞一切善是故五逆名
金剛句不淨之觀能壞貪欲是故不
淨名金剛句慈心之觀能壞瞋恚是
故慈心名金剛句觀十二緣能壞愚
癡是故觀緣名金剛句一衆生心攝
取一切衆生之心名金剛句一衆生
心一切衆生心悉皆平等名金剛句
一切佛一佛皆悉平等名金剛句一
福田一切福田无盡平等名金剛句
一切諸法如虚空等名金剛句一切

諸法等同一味名金剛句一切諸法
及以佛法平等无二名金剛句金剛
三昧能壞一切諸魔惡業名金剛句
如來妙音壞諸惡聲名金剛句觀无
生滅過生老死名金剛句善男子如
是等法名金剛句名堅牢句名不壞
句名不破句名平等句名為實句名
无二句不退轉句大寂靜句無能作
過句不增不减句无有有句无有法
句真句有句不謗佛句依法句共僧
句如尔句分別三世句勇健句梵句
慈句心句虛空句菩提句不佞句法
相句无相句心意識無住句波旬句
破魔句无上句無勝句廣句行已境
界句入佛境界句无覺觀句於法界
所不分別句無句句善男子若有菩
薩能解如是等句義者必當坐於菩
提樹下金剛師子法座之上說是法
時八千菩薩得入法門陀羅尼亦獲
一切衆生平等三昧尔時十方諸來
菩薩以妙香花種種伎樂供養於佛
說偈讚曰

我今敬礼无上尊

能知一切衆生聲

說相無相實一相 而得妙相三十二
若有衆生二一心 平等攝諸衆生心
說行无行實一行 是故我礼無上尊
如來真實知因果 故為衆生說業報
真知法界非有無 是故我讚无上尊
一切衆生無覺觀 其心本淨無有貪
從因緣故生貪欲 是故我礼真智因
我見佛身種種色 而如來身實无色
愍衆故示无色色 我礼人中師子王
一切福田入一田 而是一田无增減
不動法界不轉移 是故我礼人象王
觀諸衆生心如幻 諸法菩提亦復然
知一切法皆平等 是故我礼無平等
觀諸法界悉平等 故說諸法无一二
非有非无是解脫 是故我礼斷二見
日月可說墜落地 猛風可說索繫縛
須弥可說口吹動 不可說佛有二語
實語真語及淨語 身心清淨如虛空
世法不染如蓮花 是故我礼无上尊
若有能讚如是德 即獲如是之功德
我為如是諸功德 敬礼如是功德聚
時諸菩薩既讚歎 已白佛言世尊夫
大寶者所謂佛也 佛出世者即是樂

出佛出世者即是信出佛出世者即是念出佛出世者即是智出佛出世者即是施戒忍精進禪定慧出佛出世者即是慈出悲喜捨出佛出世者即是十二因緣法義智出佛出世者即是念處正勤如意根力覺道一切善法出今時衆中有一菩薩名曰慧聚白佛言世尊生老病死出於世者即是佛出无明愛出即是佛出貪恚癡出即是佛出一切疑網煩惱出者即是佛出何以故若如是等法不出世者佛以何緣出現於世佛言善哉善哉善男子實如所言今時海慧菩薩言世尊若有不見如是等法時如來為出於世不出於世善男子菩薩初發菩提心時真實不知如是等法是故我為而宣說之善男子菩薩有四種一者初發菩提之心二者修行菩提之道三者堅固不退菩提四者一生當補佛處發心菩薩見佛色相見已即發菩提之心修行菩薩見佛具足一切善法見已即發菩提之心不退菩薩見如來身及一切法皆悉

平等一生菩薩不見如來所有功德
及一切法何以故所得慧眼了了淨
故斷二見故淨智慧故若不見淨不
淨不見非淨非不淨是人即能明見
如來善男子我昔如是見然燈佛見
已即得元生法忍亦能了了知得无
得得已即時上昇虚空高七多羅樹
處空住已了了得知一切法界了了
知已心无所住無所住已得六万三
昧門時然燈佛即授我記摩訶汝於
來世當得作佛号釋迦如來應供正
遍知明行足善逝世間解无上士調
御丈夫天人師佛世尊我於今時都
不聞是授記音聲亦无佛想及授記
想我於今時三種淨慧不見我想不
見佛想及授記想復有三淨不見於
我不見衆生及以正法復有三淨不
見名不見色不見因復有三淨見一
切陰悉入法陰見一切界悉入法界
見一切入悉入法入復有三淨過去
已盡未來不生現在不住復有三淨
觀身如水月觀聲不可說觀心不可
見復有三淨空无相願若如是見即

是真實見於授記善男子若有菩薩
作如是見是名實見
大方等大集經卷第十

辛丑歲高麗國大藏都監奉
勅雕造

大方等大集經卷第十一

位

海慧菩薩品第五之四

北涼天竺三藏曇無讖譯

尔時海慧菩薩白佛言世尊菩薩摩訶薩若有具足如是等見發何等願佛言善男子如是之人如本發願菩薩摩訶薩若心在定若不在定為衆生故如本發願善男子譬如人有甘蔗稻田具滿一頃其地平正欲溉灌時開其水口縱之令去更不施功自然周遍善男子菩薩摩訶薩亦復如是若人在定中繫心思惟若不在定不思惟時為衆生故如本發願所作善根悉皆願與衆生共之共已迴向无上佛法菩薩心淨戒忍定慧亦復清淨觀於佛法及諸衆生平等无二雖有是願初无有心是故菩薩雖復無心於諸衆生而捨願力未常不及所有善根悉與共之共已迴向無上菩提善男子如娑羅樹有人斫伐根既斷已隨斫而倒善男子菩薩摩訶薩亦復如是修集三昧常向菩提假使

有人唱言是樹莫斫處墮是樹猶故
隨斫處倒菩薩摩訶薩亦復如是所
修善法欲今不向无上菩提則無是
處何以故法性亦故菩薩摩訶薩所
修善法唯為不斷三寶種性為淨佛
土為莊嚴身三十二相八十種好為
莊嚴口說法之時衆生樂聞為莊嚴
心觀諸衆生平等无二為得佛法諸
佛三昧菩薩雖不貪如是法而能自
在得如是法何以故誓願力故善男
子譬如陶師泥在輪時不得物名既
成器已名隨物立菩薩善法亦復如
是未發願時則不能得波羅蜜名是
故菩薩一切善法要當發願善男子
譬如金師金未成器亦不得名及其
成已得瓔珞名菩薩善法亦復如是
未發願時則不能得波羅蜜名善男
子譬如比丘欲入滅定先立誓願我
今入定若捷推鳴乃當起出而是定
中无捷推音以願力故鳴捷推時則
便出定善男子菩薩摩訶薩亦復如
是憐愍衆生作如是願諸未度者我
當度之諸未脫者我當脫之修菩提

時入深三昧以悲力故念諸衆生不
證聲聞辟支佛乘是故菩薩雖復修
集三十七品而不得果善男子菩薩
所行不可思議雖入深定亦不證得
沙門道果善男子譬如二人欲過猛
火其一人者著金剛鎧即能過之其
一人者身被乾草為火所焚何以故
草則易燒金則堅故菩薩摩訶薩亦
復如是憐愍衆生專念菩提莊嚴甚
深無量三昧以三昧力能過聲聞緣
覺正位不取果證從定起已得正覺
道如來三昧被乾草者喻於聲聞聲
聞之人獸悔生死於諸衆生无慈悲
心是故不能過於聲聞緣覺正位何
以故二乘之人於福德中生知足想
菩薩之人於福德中心無獸足金剛
鎧喻空无相願大猛火者喻諸行法
菩薩摩訶薩觀一切法空无相願而
能不證沙門道果世尊菩薩摩訶薩
具足是事不可思議修是三昧而不
取證行生死火不為所燒菩薩摩訶
薩成就方便入一切定亦不為定之
所誑惑具方便故雖行諸行心无染

者雖為邪見說沙門果亦自不證沙門道果佛言善哉善哉實如汝說善男子如三涂汁盛以一器所謂羅差鬱金青黛漆三種物所謂毳疊及憍奢耶衣毳以漿浸則成青色疊淨沆故成於黃色憍奢耶衣先以灰浸則成赤色如是三物雖同一器受色各異善男子三乘之人亦復如是器者喻於空无相願三種色者喻於聲聞緣覺菩薩隨衣受色喻三種菩提空无相願亦不生念與如是果不與是果善男子毳喻聲聞疊喻緣覺憍奢耶衣喻菩薩乘菩薩摩訶薩見一切法如翫如盲无有衆生如是見時心无染著無有悔退是時心中真實了知我於衆生非有利益非无利益亦為衆生修集大悲善男子譬如微妙淨琉璃寶雖復在泥經歷百年其性常淨出已如本菩薩摩訶薩亦復如是了知心相本性清淨客塵煩惱之所障汙而客煩惱實不能汙清淨之心猶珠在泥不為泥汙菩薩摩訶薩作如是念若我心性煩惱汙者我當

云何能化衆生是故菩薩常樂修集
福德莊嚴樂在諸有供養三寶樂為
衆生超走供使於生貪處不起貪心
護持正法樂行惠施具足淨戒莊嚴
忍辱勤行精進莊嚴禪支修集智慧
多聞無厭清淨梵行修大神通三十
七品善男子菩薩摩訶薩行如是法
不為煩惱之所染汙不著三界菩薩
摩訶薩行善方便功德力故雖行三
界身心不汙善男子譬如長者唯有
一子心甚愛念其子遊戲誤墜園廁
時母見已惡穢不淨父後見之呵責
其母即便入廁牽之令出出已淨洗
愛因緣故忘其臭穢善男子長者父
母喻於聲聞緣覺菩薩廁喻三界子
喻衆生母不能拔喻聲聞緣覺父能
拔濟喻諸菩薩愛因緣者喻於大悲
菩薩摩訶薩具善方便入於三界不
為三界之所染汙是故道有二種一
者聲聞二者菩薩聲聞道者厭於三
界菩薩道者不厭三界善男子菩薩
修集空无相願雖行諸有不墮於有
既不墮有復不取證行三界者是名

方便不取證者是名智慧善男子菩薩摩訶薩觀一切法无有二相若觀法等衆生亦等如是等者涅槃亦等是名智慧若能如是等觀衆生不證涅槃是名方便清淨惠施是名為慧發願迴向是名方便世尊云何名為清淨智慧清淨方便善男子菩薩若見无我衆生壽命士夫是名為慧若修集空无相無願以諸善根願及衆生迴向菩提是名方便復次善男子知諸衆生下中上根是名為慧知已隨意而為說法是名方便淨智慧故雖行諸有心无染著淨方便故雖修二乘不證其果善男子若能不為一切煩惱之所汙染是名為慧能調衆生志令趣向阿耨多羅三藐三菩提是名方便菩薩發願志令衆生得无盡財无盡福德增長善根諸學无學聲聞緣覺一切菩薩隨意得法名淨方便若能受持一切佛法廣分別說无窮盡說无障碍說不空而說隨樂而說是名淨慧菩薩摩訶薩生生之處不失无上菩提之心是名淨慧生

生之處所作善法願及衆生名淨方便淨慧因緣知菩提心無住无根淨薩摩訶薩若具如是二淨所作諸業无非菩提何以故一切法中悉有闍障壞闍障故即是菩提是故菩薩常不遠離於菩提也菩薩若作如是念言我離菩提當知是人不得菩提若念我今有菩提者是人菩提有淨不淨若能如是觀諸法者即得菩提即是淨智方便也善男子過去无量阿僧祇劫有佛出世号无邊光如来應正遍知明行足善逝世間解无上士調御丈夫天人師佛世尊土名不眇劫名光味尔時世尊初坐道場菩提樹下未成佛時十方世界一生補處不退菩薩悉來覩見至其所已以種種華而供養之華處空中高七多羅樹成佛道已放大光明遍照十方十方世界多有諸天見佛光已各作是言无邊光佛真實出世彼佛世界莊嚴麗飭如彼他化自在天宮彼劫初時過十千年有佛出世号日光味是

故此劫名曰光味善男子光味劫中
有十四億諸佛如來出現於世其佛
世界有九万六千小國一一國土縱
廣八万四千由旬一一國有八万四
千城其城縱廣滿一由旬一一城中
居止人民八万四千彼土具足如是
等事其土純以四寶校飾所謂金銀
琉璃頗梨多饒飲食无所乏少其土
人民无我我所猶如北方鬱單越土
其佛壽命滿十中劫聲聞大衆九万
六千億菩薩大衆万二千億土有二
城一名樂二名淨其佛世尊生於淨
城住於樂城其土有王名曰淨聲七
寶具足統領三千大千世界後宮嫔
女三万六千姿顏端嚴如天无別有
十万子雄猛勇健志皆具半那羅延
力各各成就二十八相一切皆發阿
耨多羅三藐三菩提心有八万女清
淨无穢形容瓌異如天无差一切亦
發阿耨多羅三藐三菩提心其王亦
時經二劫中供養如來及聲聞菩薩
大衆為如來故造作寶坊滿五由旬
是寶坊中復有寶樓其數十万為供

養僧令時聖王與其眷屬一切皆修
清淨梵行時佛教化無量衆生於大
乘法復化無數於聲聞乘令時其王
供養佛已與諸眷屬俱至佛所頭面
礼足右遶恭敬長跪合掌白佛言世
尊云何菩薩修行大乘不隨他語云
何菩薩生得畢竟云何菩薩得无所
住云何菩薩得无動慧云何菩薩得
清淨慧云何菩薩力能遠見云何菩
薩諸根猛利云何菩薩具足佛土云
何菩薩行不放逸云何菩薩聞甚深
法心不怖畏云何菩薩得名菩薩佛
言大王有四事法修行大乘不隨他
語何等為四一者具足聖信出於世
界二者具足智慧觀諸法性三者具
諸神通四者修淨精進為化衆生大
王菩薩具足如是四法修行大乘不
隨他語復有四法生得畢竟何等為
四一者知於善法為調伏心二者不
貪已樂三者為諸衆生修集慈悲四
者常樂大乘是名為四大王復有四
法得无所住何等為四一淨於心二
淨莊嚴三離虛誑四修堅慧為具福

德是名四法大王復有四法得淨智
慧何等為四一者淨眼二者以四攝
法攝取衆生三者淨身三十二相八
四大王復有四法能得遠見諸根猛
利何等為四一者念菩提樹不捨菩
提心二者念佛智慧亦不著智三者念
法身修集於空無相無願四者念佛
涅槃於生死中心无歎悔是名為四
大王復有四法具足佛土行不放逸
何等為四一者受帝釋身為化諸天
令不放逸二者受梵天身為化諸天
令不放逸三者受轉輪王身為化衆
生令不放逸四者受於大臣長者之
身具足珍寶為化衆生令不放逸是
名為四大王復有四法聞甚深法心
不怖畏何等為四一者親近善友二
者善友為說甚深佛法三者善能思
惟四者如法而住是名為四大王復有
四法得菩薩名何等為四一者求波
羅蜜二者為諸衆生修集悲心三者
樂求佛法四者化衆生時心不歎悔
是名為四善男子時淨聲王從彼如

來聞是法已及諸眷屬一切皆得无
生法忍捨其國土於佛法中出家修
道今時世尊告彼王言大王汝今出
家即是報佛若能如是生信捨離是
名大報是名功德多所利益大王菩
薩出家有二十四利益之事何等為
二十四一者捨於世事得大自在二
者捨於煩惱獲得解脫三者身服染
衣得无染道四者具足四事得四性
種五者樂於頭陀遠離一切大欲惡
欲六者不捨戒聚受人天樂七者不
捨菩提獲得佛法八者常樂寂靜離
世談語九者不著法故得大淨心十
者具足禪支得禪定故十一者求於
多聞得智慧故十二者破壞憍慢得
智慧故十三者破除邪見得正見故
十四者不生覺觀為真實知諸法界
故十五者等觀衆生得大慈故十六
者化諸衆生心无疲倦得大悲故十
七者不惜身命為護法故十八者寂
靜其心為得神通故十九者念於如
來為見佛故二十者修善思惟為得
十二緣深智慧故二十一者得於順

忍二十二者得无生忍二十三者信
一切功德二十四者得佛智慧是名
二十四善男子尔时聖王聞是法已
轉以教化一切男女眷屬臣民時彼
國中有九万九千億衆生悉共出家
善男子淨聲比丘既出家已復白佛
言世尊我今云何得名出家佛言比
丘汝名淨聲當淨自界自界既淨則
名比丘則名出家尔時比丘聞佛說
已心樂寂靜作是思惟界者即眼觀
眼空者即是淨界夫淨界者即是佛
土耳鼻舌身亦復如是意者即界若
觀意空即是淨界夫淨界者即是佛
土即是一界即是空界即衆生界即
无相界即无願界即无作界即無為
界善男子淨聲比丘如是觀已即時
獲得身輕心輕身心輕已得无量神
通得神通已得樂說无尋陀羅尼門
善男子汝知尔時淨聲比丘豈異人
乎即汝身是男女眷屬即汝所將來
菩薩聽法衆是說是伊帝曰多伽時
万八千人發阿耨多羅三藐三菩提
心八千衆生得无生忍善男子若有

欲得阿耨多羅三藐三菩提者當如
法說如說而住云何名為如法而說
如說而住善男子若有人言我當作
佛請諸衆生許以法味請已不能受
持讀誦分別解說微妙經典不能護
持清淨禁戒勤修精進不修知足於
善法中少得知足是名欺誑不如法
說不如說住若有人言我當作佛請
諸衆生許以法味請已受持讀誦演
說護持禁戒勤修精進少欲知足多
得善法不生足想是名不誑如法而
說如說而住善男子譬如國王多請
賓客請已不設供賓之具賓客既至
方云未辦於是賓客各作是言昨受
王請家不設食今赴王信復无所得
呵責愁恚慙歎啼泣善男子菩薩摩
訶薩請諸衆生許以法食不求多聞
持戒精進不修三十七助道法衆生
呵責人天涕泣善男子菩薩摩訶薩
若能如作應如作說不應欺誑一切
衆生復次善男子復有衆生請求菩
薩為我說法菩薩許言當為汝說許
已放逸衆生既見菩薩放逸即便勸

喻旣勸喻已方為說法說時或問甚深之義以放逸故而不能答不能答故心生慚愧護於身心誑於衆生而便捨離善男子菩薩若欲如說而住无惜身心以護衆生善男子過去世有一師子王住深山窟常作是念我是一切獸中之王力能視護一切諸獸時彼山中有二獼猴共生二子時獼猴向師子王作如是言王若能護一切獸者我今二子以相委付我欲餘行求覓飲食時師子王即便許可時彼獼猴留其二子付彼獸王即捨而行是時山中有一鷲王名利見師子王眠即便搏取獼猴二子處嶮而住時王寤已即向鷲王而說偈言我今啓請大鷲王 唯願至心受我語幸見為故放捨之 莫令失信生慙耻鷲王說偈報師子王

我能飛行遊虛空 已過汝界心无畏
若必護是二子者 為我故應捨是身
師子王言

我今為護是二子 捨身不惜如枯草
若我護身而妄語 云何得稱如說行

說是偈已即至高處欲捨其身尔時
驚王復說偈言

若為他故捨身命 是人即受无上樂

我今施汝獼猴子 願大法王莫自害

善男子時師子王即我身是雄獼猴

者即迦葉是雌獼猴者善護比丘尼

是二獼猴子即今阿難羅睺羅是時

驚王者即舍利弗是善男子菩薩為

護是依止者不惜身命善男子云何

名為如說而作菩薩若言我當惠施

即便大施是名菩薩如說而作菩薩

若言我能持戒即化一切同已護戒

是名菩薩如說而作菩薩若言我修

忍辱即化衆生同修忍辱是名菩薩

如說而作菩薩若言我勤精進為於

佛法即化衆生同修精進為於佛

法是名菩薩如說而作菩薩若言我

修禪定即化衆生除去乱心修集禪

定是名菩薩如說而作菩薩若言我

修智慧如法分別是名菩薩如說而

作善男子菩薩若言我當壞破一切

惡法即便修集一切善法是名菩薩

如說而作善男子能莊嚴者名為如

說能畢竟者名為如作能發心者名為如說得果證者名為如作能淨心者名為如說能至心者名為如作能發心者名為如說不退心者名為如作至心聽法名為如說聞已如住名為如作能淨口者名為如說能淨身者名為如作初受戒者名為如說至心護持名為如作發菩提心名為如說行菩薩道是名如作得住忍地名為如說住不退地名為如作得一身名為如說得後邊身名為如作趣菩提樹名為如說得菩提果名為如作善男子是名菩薩如法而說如說而作說是法時五百菩薩住无生忍地今時會中有一菩薩名曰蓮華白佛言世尊如佛所說如說如作不可思議如佛所住即是如說即是如作善男子汝於是事能了知不已知世尊若知正法是真實者名如法住山王菩薩言世尊无所住法名如法住何以故見一切法无有覺故以无覺故不見一法名之為覺若無一法云何有住若如是見名如法住福德王菩

薩言世尊若隨心者非如法住若有
菩薩觀意如幻名為无住若無住者
名如法住然燈菩薩言世尊无有貪
心名如法住云何貪心謂於法中有
損有益若无貪心名如法住日子菩
薩言世尊若有菩薩有所著者是名
為動若於法中心无所著是名无動
若无有動名如法住勇健菩薩言世
尊一切世間皆隨心行若知心行名
如法住樂見菩薩言世尊如佛所說
因受受苦若能不受諸受則斷若能
不取諸取則斷雖不受取不捨衆生名
如法住香爲王菩薩言世尊一切衆
生悉有重擔所謂五陰若有能知五
陰真實為壞陰見棄捐重擔而於諸
法亦无擔想名如法住持世菩薩言
世尊若行世間非如法住若正莊嚴
名如法住正莊嚴者見一切法等如
虛空堅意菩薩言世尊若有菩薩不
生於生不滅於滅亦復不見生滅之
性名如法住光明遍照高貴德王菩
薩言若能知見真實涅槃見法是滅
及无生滅一切衆生悉有佛性多趣

菩提而修莊嚴名如法住光无尋苦
薩言世尊者有行處即是魔業非如
法住若无行處則壞魔業若壞魔業
名如法住淨進菩薩言世尊若作念
言我當得法為是得法勤行精進如
是精進是空精進若能觀察諸法不
定以是不定勤修精進名如法住過
三惡道菩薩言世尊一切諸法无作
无變無覺无觀无覺觀者名為心性
若見衆生心性本淨名如法住不可
思惟思惟菩薩言世尊知諸衆生一
切心性不作心想名不可思惟而思
惟也若能於是不思惟中而思惟者
名如法住樂寂靜菩薩言世尊者有
菩薩淨諸心界是則能離一切諸漏
若能遠離一切漏者是名正行若正
行者名如法住商主菩薩言世尊菩
薩若有清淨善法福德莊嚴智慧莊
嚴觀二莊嚴平等无二以功德等觀
智慧等以智慧等觀功德等无差別
者名如法住維摩詰菩薩言世尊不
觀於二名如法住若於法界不壞不
別名如法住依義菩薩言世尊者有

菩薩依於正義不依於字為正義故
受持讀誦廣說八万四千法聚无失
无動名如法住淨意菩薩言世尊若
有菩薩發菩提心至心擁護是菩提
心修菩提時知諸法性夫法性者非
處非非處名如法住畢竟淨意菩薩
言世尊若有菩薩遠離垢穢如沉去
垢能令煩惱不汙其心名畢竟淨其
心淨已隨菩提行名如法住海慧菩
薩言世尊若有親近惡知識者非如
法住不修聖法非如法住若近惡友
則行魔業墮於魔處世尊若有欲離
一切魔業諸魔行處諸惡法者當近
善友佛言善男子汝今真知魔業行
不已知世尊善男子汝今當為无量
菩薩大衆而說世尊夫魔業者即是
眼色若人見色生貪著心即是魔業
乃至意法亦復如是復次世尊菩薩
修行檀波羅蜜時不受之物持用惠
施所愛財貨貪悞不捨愛者則施惠
者不與分別受者及以財物若有分
別如是二者是名魔業復次世尊菩
薩修行尸波羅蜜時護持禁戒近持

戒者讚歎已身毀此破戒是名魔業
復次世尊菩薩修行忍波羅蜜時於
大力者能生忍辱於少力者不能生
忍見大力者軟語謙下見小力者麤
語輕蔑是名魔業

復次世尊菩薩修行進波羅蜜時說
聲聞乘說緣覺乘說菩薩乘修菩提
時輕慢聲聞辟支佛乘口不宜說樂
於世行不樂供養恭敬三寶所謂華
香幡蓋伎樂尊重讚歎不求多聞見
多聞者不能親近是名魔業復次世
尊菩薩修行禪波羅蜜時獲得禪定
不能調伏一切衆生心生悔厭貪著
禪樂呵說法者不樂講論讚歎寂靜
貪著禪味呵毀二界愛无色身壽命
極長不見諸佛不聞正法遠離善友
不知方便受捨修捨是名魔業復次
世尊菩薩修行般若波羅蜜時知於
因果不以四攝攝取衆生而調伏之
不知衆生上中下根是名魔業復次
世尊菩薩若樂空閑寂靜樂寂靜已
受寂靜樂不樂聽法說法問疑以寂
靜故煩惱不起以不起故不知知想

不離離想不證證想不修修想不得
實義是名魔業復次世尊菩薩若有
修集多聞好語樂語微妙之語軟語
喜語若為衣食卧具利養而演說法
若有信解能至心聽而不為說若有放
逸致供養者便為說之可為說者而
不為說不可說者反為說之是名魔
業復次世尊若有菩薩說法之時秘
藏深義有諸天人得他心智知已不
悅即作是念我為如來真正法來不
為世間淺近語來是人欲毀如來正
法不能增長若人有毀佛正法者我
不樂見聞其所說即便捨去是名魔
業復次世尊若有菩薩於惡知識作
善友想惡知識者不以四攝攝取衆
生不修多聞不化衆生不說出法樂
說世語不知法不知時不知義是名
魔業復次世尊惡知識者不能開示
分別解說聲聞緣覺菩薩佛法不化
衆生令修慈悲遠離八難修行施戒
柔軟語言親近平等教忍无力說言
佛道甚為難得无量世中勤苦乃獲
是名惡友名為魔業復次世尊菩薩

若有憍慢之心以憍慢故不能供養
佛法衆僧師長和上父母長宿同學
同師若見勝已不能親近聽法問疑
是故雖聞聞已便失見下已者親近
愛念是故惡法漸漸增長惡法增故
遠離善法世尊譬如大海漸漸深故
一切諸流悉共歸之菩薩壞慢亦復
如是漸漸增長一切善法菩薩若不
壞憍慢者是名魔業世尊譬如有人
高原陸地種瞻波樹水常行處復作
埵塘地既高燥又不得水漸漸枯黃
不能增長世尊菩薩摩訶薩亦復如
是憍慢增故不親善友不聞正法雖
聞復失復次世尊菩薩摩訶薩身色
具足端正自在多有眷屬福德莊嚴
未能具足智慧莊嚴以是因緣生於
憍慢以憍慢故若有菩薩具智莊嚴
思惟正法身體羸瘠見已輕慢不能
供養以是因緣復增憍慢无明放逸
不調魔業如是菩薩為色生慢是名
魔業尔時世尊告海慧菩薩言善哉
善哉善男子善能分別宣說魔業善
男子至心諦聽吾今當說壞魔業道

善男子一切諸法其性空寂若知諸法其性空已亦知一切衆生皆空既知空已而修慈心調伏自身是名菩薩破壞魔業者觀諸法性是无相而為衆生修集慈心是名菩薩破壞魔業者觀諸法性是无願為諸衆生至心求有既求有已隨而調伏是名菩薩能壞魔業觀一切法性是无貪衆生之性亦復无貪為調伏貪而攝取之是名菩薩能壞魔業若觀諸法性是无恚衆生之性亦復无恚為調伏恚而攝取之是名菩薩能壞魔業若觀諸法性是无癡衆生之性亦復无癡為調伏癡而攝取之是名菩薩能壞魔業觀諸法性无生無滅壞生滅故宣說正法是名菩薩能壞魔業觀一切法性是平等雖說三乘不捨大乘是名菩薩能壞魔業若不貪著心意識等亦能遠離一切因緣為諸衆生得解脫故修法莊嚴雖過諸行終不捨離菩薩所行是名菩薩能壞魔業說是法時天魔波旬莊嚴四兵來趣寶坊如先趣向菩提樹時如來

見已告海慧言汝說魔業我說壞魔以是因緣魔王波旬莊嚴四兵而來至此欲設何計以當禦之海慧菩薩言世尊我今欲持魔王波旬及其眷屬置莊嚴國我身當住魔所住處今時舍利弗言善男子莊嚴世界去此遠近佛号何等舍利弗在此東方過於十二恒河沙等世界其土有佛号破疑淨光今現在世為諸菩薩說淨菩薩行彼國三千大千世界有一億魔一一魔王有十千億人兵眷屬其佛初坐菩提樹時如是諸魔悉共莊嚴至菩薩所今時菩薩先為諸魔講宣正典令其得住不退轉地然後乃成阿耨多羅三藐三菩提轉正法輪彼佛世尊其大弟子及侍使者亦悉是魔如是等魔悉能教化調伏衆生是故我今取魔波旬安置彼土為欲壞其所行魔業莊嚴如來无上正法時魔波旬聞是語已心生恐怖四望顧視欲求退處四方障尋不得從意復欲滅身亦不能得方計不立倍復生懷白佛言世尊唯願大慈少見救

護佛言波旬我於此事不得自在汝
當歸向海慧菩薩求哀懺悔時魔波
旬即向海慧合掌而言善男子我從
今日不敢復作如是魔業唯願仁者
聽我懺悔海慧菩薩言我於汝所都
無瞋心菩薩之法常應忍辱一切衆
生波旬汝可往彼禮觀彼佛汝身當
得无量利益尔時菩薩即以右手摩
其頂上作如是言若諸菩薩於諸法
中无貪恡者以我神通令汝必至彼
佛世界言已波旬即至彼土既至彼
土見佛敬礼却住一面彼諸菩薩白
佛言世尊何等國土有如是等不淨
之人而來至此佛言善男子西方過
卜二恒河沙等諸佛世界彼有世界
名曰娑婆佛号釋迦牟尼為過數量
諸菩薩等說大集經彼有菩薩名曰
海慧說魔業時是魔莊嚴四種兵衆
來至會所海慧菩薩以神通力移來
至此彼世界中諸菩薩等語波旬言
善男子汝今宜發阿耨多羅三藐三
菩提心遠離魔業我當與汝共為同
學時魔波旬聞是語已即發阿耨多

羅三藐三菩提心時諸菩薩即請波旬昇師子座問波旬言承彼如來為諸大眾說大集經斯有何事惟仁說之時魔波旬以海慧菩薩神通力故宣說所聞乃至不失一句一字彼諸菩薩即白佛言我等願樂欲見彼佛釋迦牟尼及眾菩薩彼佛即告諸菩薩言且待須臾自當得見此寶坊中諸菩薩等復白佛言世尊我等欲見魔王波旬於彼世界為何所作今時世尊觀此彼界眾生心已告海慧菩薩言善男子汝今當以此佛世界示彼菩薩今時海慧菩薩即於十指放大光明其光即過十二恒河沙等諸佛世界遍照彼土此間大眾悉見彼土佛及菩薩魔王波旬處師子座說大集經時諸菩薩即從座起向彼如來頭面敬礼散種種華而以供養所散諸華當彼佛上變成華臺彼諸菩薩見是華臺即白佛言世尊如是華臺從何處來佛言善男子娑婆世界諸菩薩眾所散供養諸菩薩言世尊云何令我得見彼土娑婆世界佛言

善男子汝等今當敬礼是光至心念
持自當得見彼佛世界時彼菩薩如
佛所言敬礼光明至心念持即得見
此娑婆世界見已即起礼釋迦牟尼
佛以諸香華遍供養之又見三千大
千世界淨水澄滿猶如大海彼所散
華至此世界大寶坊中當如來上變
成寶盖時魔波旬白彼佛言世尊我
當云何還彼世界佛言善男子若欲
還者應當至心念於海慧時魔波旬
至心念於海慧菩薩念已即得還此
世界時舍利弗見魔波旬即作是言
波旬汝得見彼佛世界不波旬言舍
利弗我已見之及見彼土清淨菩薩
所住之處舍利弗言汝於彼土作魔
業不大德我至彼土至心勤求无上
菩提何緣復得造作魔業若有至心
求菩提時見魔業者是人則得勤修精
進此界大眾見魔波旬還來至此六
万衆生十千魔衆同共發阿耨多羅
三藐三菩提心作是言願我等輩所
受身形如彼菩薩身形无異海慧菩
薩言世尊為阿耨多羅三藐三菩提

多有怨敵善哉世尊為護法故建立神通以通力故是經當得久住於世佛言善男子我今所立善願神通為諸衆生種於善根今時世尊告四天王汝等當知若我弟子比丘比丘尼優婆塞優婆夷受持讀誦書寫廣說如是等經汝等四王當深護助无為欲樂而作放逸吾今出世為壞放逸護正法故而說呪曰所謂

三咩

音羊鳴

三摩三咩沫頓祢婆羅跋

埵陀祢

陀那跋埵

投弥陀那跋埵

阿婆散提

阿摩隸

毗摩隸

闍毗

羅提

迦羅提迦羅那

阿梨

阿

羅跋埵

阿隸婆散提

涅伽旦尼

阿跋埵

沫提

摩呼沫提

摩羅夷

提

毗首提

毗首提跋埵

尼薩隸

莫罕泥

善男子是名四天王呪若有法師受持是經當誦是呪誦已修慈緣念十方至心念於四天王等今時四王當示其夢或自往護時四天王白佛言世尊我等四王聞是呪已即與眷屬至法師所擁護侍衛若是法師所須

資生我當方便令其得之遠離病苦
身受安樂今時世尊告海慧菩薩善
男子汝今至心聽帝釋呪所謂

閼耶 閼耶末埵 阿跋埵 跋埵

摩拘隸 斯陀跋埵 輸泥 羶帝羯隸

檀提曇摩尼 多迦隸 又耶又耶目佉

阿跋蒂那 涅伽蒂那 莎埵 莎埵散提

來憍尸迦 阿修羅壞諸天則勝諸天

勝故佛法增長憍尸迦欲受安樂當

護正法善男子是名釋呪善男子若

有法師欲說法時當先洗浴令身淨

潔持妙香華正東而礼一心憶念十

方諸佛慈心普及一切衆生然後乃

昇師子法座誦如是呪而作是言憍

尸迦來四天王來為諸大衆除却障

碍消滅煩惱今時帝釋及四天王念

法師故即便共來是故大衆樂聞說

法善男子汝今復聽十方諸魔及眷

屬呪所謂

奢咩 奢摩跋埵 奢摩密咩 阿浮

隸 摩羅欽埵 瞿崛隸 婆羅緋 迦由

犁埵 邪跋埵 阿慮迦尼 比舍荼尼

尼末埵 阿跋持 區區隸 伽羅薩尼

優目企奢蜜坵波羅目企膝檀那

涅伽熙坵奢摩純

如是呪者力能繫縛一切論師一切

魔衆是名佛印不可破壞魔眷屬怨

善男子若有法師受持讀誦如是等

呪昇師子座專念諸佛慈及衆生自

於己身生醫師想於所說法生良藥

想於聽法者生疾苦想於如來所生

善友想於正法中生常恒想若能如

是說正法時其處四邊各一由旬魔

不能到時魔波旬白佛言世尊若佛

弟子有能讀誦如是神呪其身清淨

我當擁護不作魔業我以海慧神通

力故捨於魔業隨有國土城邑村落

說是法處我當化身親往聽受佛言

善哉善哉波旬汝若能得如是心者

則壞魔業亦當獲得如是等法善男

子復當至心聽梵天呪所謂

迷多伽隸迦樓那伽隸無經多伽隸

憂比叉伽隸佛陀伽隸曇摩伽隸

僧伽伽隸蘇羯多毗闍耶摩訶毗檀尼

毗歟提目企屈波隸陀耶烏闍跋坵

烏闍嚴弥捺檀尼曇摩波坵吒跋尼

薩遮垣優波跋垣毗默垣 莎折多優

波舍弥 烏盧迦耶梵摩毗盧迦耶梵摩

若欲具足受持如是梵天呪者當行
梵行清淨持戒讀誦是呪請召梵天
梵天汝來擁護如是大衆令其至心
樂聽正法念於三寶轉正法輪護持
法城若有法師能調諸根至心淨護
身口意等勤修戒忍精進多聞發菩
提心修四无量昇於法座誦如是呪
誦是呪已梵天王等與諸眷屬悉來
集會是講法所今時梵王白佛言世
尊若有法師讀誦是呪我在初禪聞
是呪已當捨定樂而往其所當施八
法何等為八一者施念持所聞故二
者施意思惟深法故三者施解分別
深義故四者施樂說无尋為壞疑心
故五者施辟无尋為解一切衆生語
故六者施无所畏為衆无勝故七者
施法光明為不謬說故八者施其不
謬授記世尊我等亦能廣宣是法善
男子我涅槃後如是等天當護正法
海慧菩薩言世尊如來正覺涅槃之
後若有信者應以此法付囑其人令

得久住。今時世尊眉間白毫放大光明。遍照三千大千世界。如來化身充滿其中。三十二相八十種好具足。莊嚴數如三千大千世界一切卉木莖節枝葉。是諸化佛同作。是言十方諸佛。釋迦如來同願正法久住於世。何以故。雖有一切惡魔眷屬。不能破壞。如是等法。大地可壞。大海可燒。須彌山王可碎。如塵衆生。諸心可合。是一虛空。可盡。四大可轉。諸佛誓願。不可變易。今時世尊即告阿難。汝當受持如是等經。讀誦廣說。海慧菩薩言。世尊。今此會中多有無量諸大菩薩。如來何緣。願命阿難。令受持之時。諸大衆咸有疑心。海慧阿難。誰念心多。今時世尊知衆會疑。告大迦葉。三千大千世界衆生數。為多不甚多。世尊。迦葉。假使如是无量衆生。悉得人身。常問如來。如來所說不可窮盡。无有障礙。善男子。如天降雨。无有障礙。一切衆流歸集大海。而是大海无增無減。海慧菩薩所可受持。十方佛法亦復如是。迦葉。假使三千大千世界所有

衆生具足捻持如阿難等欲比海慧
所受持法百分千分百千万分不及
其一說是語時百千衆生發阿耨多
羅三藐三菩提心以妙華香貢上供
養海慧菩薩今時蓮華菩薩白佛言
世尊若有人能信順受持讀誦書寫
解說其義供養恭敬如是經者得幾
所福今時世尊即說偈言

若滿三千大千界 七寶奉施十方佛

不如信順是經典 受持讀誦福多彼

四法所成諸功德 佛說无量无边數

發菩提心常法施 如法而住修集悲

佛說四法无边量 智者聞已不怖畏

虚空之性衆生界 如來正智菩提心

說如是等法寶聚時十方所來諸菩

薩等以妙香花種種伎樂供養於佛

尊重讚歎作如是言世尊若有人能

受持讀誦書寫解說如是等經所得

功德不可稱量十方諸佛說不能盡

何以故世尊衆生若聞如是等經无

有不發阿耨多羅三藐三菩提心者

是故此經名大寶聚今時一切大衆

人天一切聲聞及阿難等諸迦樓羅

軌闍婆等及世間人聞經歡喜信受奉行

大方等大集經卷第十

壬寅歲高麗國大藏都監奉

勅彫造

大方等大集經卷第十二

位

北涼天竺三藏曇無讖譯

無言菩薩品第六

今時世尊故在欲色二界中間大寶坊中與諸大眾圍繞說法時王舍城師子將軍家產一子當其生時虛空之中多有諸天作如是言童子當應念法思惟於法凡所發言莫說世事常當頌宣出世之法常當守口慎言少語莫於世事起諸覺觀當依於義莫依文字今時童子聞是語已不復涕泣無嬰兒相乃至七日色貌和悅見人歡喜目未曾眴是時有人語其父母是兒不祥不應畜養何以故瘖无聲故父母答言是兒雖復瘖不出聲然其身根具足无缺當知是兒必有福德非是不祥薄福之人因為立字字曰无言時無言童子漸漸長大如八歲兒所遊方面人所樂見隨有說法轉法輪處樂往聽受口无所宣尔時无言童子以佛神力與其父母眷屬宗親往寶坊所到已見佛心生

歡喜礼敬供養右繞三匝合掌而立
并見十方諸來菩薩生大喜心今時
舍利弗白佛言世尊師子將軍所生
之子身根具足而不能語是何惡業
因緣所致佛告舍利弗汝今不應作
如是語輕是童子何以故是人即是
大菩薩也已於無量无邊佛所種諸
善根不退轉於菩提之道是兒生時
多有諸天來誡勅之善哉童子當念
正法思惟正法无得宣說世間之事
常當領宣出世之義常當守口慎言
少語莫於世事起諸覺觀當依於義
莫依文字今利弗如是童子從天教
誨是故无語默然思惟獲得四禪含
利弗无言菩薩示如是身則能調伏
无量衆生是故默然无所宣說舍利
弗我今說是大集經典無言菩薩當
於此中能大利益无量衆生時無言
菩薩以已願力神通道力令諸天龍
夜叉乾闥婆阿修羅迦樓羅緊那羅
摩睺羅伽比丘比丘尼優婆塞優婆
夷各自見其右手之中有大蓮華猶
如車輪色香具足微妙第一人所樂

見一一華臺有一菩薩結加趺坐三十二相八十種好在嚴其身今時无言菩薩現如是等大神通已住頭合掌作如是言南无佛陀南无佛陀諸蓮花臺中一切菩薩亦復如是同作是言南无佛陀南无佛陀發是言已十恒河沙等世界大地六種震動虚空諸天以妙香華種種伎樂供養於佛今時无言以佛神力及已願力與諸菩薩踊在虚空高七多羅樹正向於佛而說偈言

如来无色示現色	亦復於色无染著
若有衆生入佛法	云何當知真實色
非色衆中有如来	亦不離色有如来
如来已離諸色聚	哀愍衆生故示色
如来哀愍衆生故	以諸相好在嚴色
實无色相為衆說	是故如来難思議
如来正法无文字	離文字已无有聲
无有文字無可說	甚深寂靜无有覺
如佛先在菩提樹	所覺諸法亦如是
此法无字无音聲	亦无造作無可說
如是諸法无相貌	亦以遠離一切相
一切諸法若无相	如来云何而演說

如來具足大慈悲
不可說法而演說
如來了知不可說
真實了知一切義
所說之法名世諦
世諦不出无有性
真實无有色相貌
知法无法無上尊
我初生時受天語
至心念法思惟法
若得入於深法界
若能遠離於心業
无有言說即是語
語亦非作亦非說
我今至心念菩提
我今說是无上語
我心不得菩提道
无上菩提即是空
如菩提性聲亦尔
我聲如是不可見
為菩提故有修行
是行如是无至處
六波羅蜜如菩提

是故憐愍為利益
亦知真實不可說
亦知音聲性空寂
是故名佛真實覺
如來真實覺知之
不可造作无有期
為衆故示種種色
為衆生故而演說
是故默然无所說
是故不見色與聲
尔時则无色聲等
即得遠離於口業
雖復言說亦无語
言語本性寂靜故
亦復至心修其道
亦當定得真實道
口及口行亦不得
其性本来常寂靜
不見不取法性故
所求菩提亦如是
是行亦无所至處
是故菩提處非處
一切善法亦如是

一切語言无語言

於無語中能說語

若有惠施妙音聲

惠施之主及財物

如是等施即菩提

一切皆悉不可說

若是布施可口說

菩提體亦應可說

菩提之性如虛空

一切音聲亦如是

若有心能真實知

知已亦能宣說聲

隨知是聲而處滅

即是菩提真實相

若能遠身口意業

一切煩惱亦復然

即是一切波羅蜜

如來所說實法性

惠施不在菩提中

菩提不在惠施中

如是二法即音聲

亦无所住無至處

若有能知如是等

即是真實大菩薩

若於施時不生慢

即是无上大施主

護持禁戒即是聲

無有形色无至處

諸法不生及不滅

即是无上持戒相

如是禁戒无能作

亦復无身口意業

若不出滅不造作

云何可說是禁戒

為流布故出音聲

衆生立名名禁戒

如諸禁戒聲亦合

如是二法俱无漏

口之所說為戒故

而設種種諸莊嚴

音聲實无諸莊嚴

真實知之无所有

身業口業及心業

能迴此戒向菩提

禁戒音聲及菩提

如是二法如虛空

若有能作如是知 是人即行戒行處
即能得到戒彼岸 彼處甚深難得見
說忍音聲即是空 空性无處無造作
忍辱與空是二法 无有差別如虛空
忍辱之聲非色作 不可覩見无處所
若有修集平等心 即是忍之真實相
忍辱雖復念念滅 而與色身常共行
一切文字皆无漏 衆生立名名忍辱
若有能調身口意 即是无上之忍辱
若有能忍忍辱者 是亦即是无上忍
若有衆生碎其身 節節壞末如胡麻
觀身猶如乾草木 是則名之為身忍
若聞惡口罵詈時 其心不動如法住
觀察音聲如虛空 即是无上之口忍
若能通達煩惱因 遠離一切諸煩惱
是則名之為心忍 不為一切煩惱汙
如忍即是菩提性 身口意業亦如是
若能迴是向菩提 是則名為得菩提
若有衆生勤精進 上中下等及麤細
於无量劫修集之 无所獲得无畢竟
若不獲得精進者 是故菩提名无得
若能不得一切法 即是无上勤精進
若有如是精進者 不增不减如虛空

如是即是大菩薩
一切諸禪无有聚
若有思惟一切法
遠離一切諸惡色
能燋一切諸煩惱
若能觀心真實性
若能无心遠離心
若能觀心及菩提
若有如是真實見
若能知見无文字
若作如是觀見者
雖復口說於智慧
若知口聲實无聲
若法无有此彼住
一切法性无住處
無有文字无有行
无有取捨等二相
若觀一切波羅蜜
是即名為無平等
若能平等一切法
悉能等觀一切佛
若諸菩薩有智者
即得无上菩提果

勤行精進无所畏
无有造作無至處
即是真禪波羅蜜
惡身惡口亦復然
即是真禪波羅蜜
一切法中亦不見
即是真禪波羅蜜
即是无上真實見
獲得菩提不為難
一切諸法无生滅
是即名為大智慧
智慧亦不住口聲
即是智慧之真性
中間亦復无住處
即是无上大智慧
无有相貌無有性
是名无上大智者
其性平等如虛空
能觀一切法平等
亦能觀於衆生等
所得智慧无平等
能觀如是无等法
猶如先佛之所得

無言菩薩說是偈時万二千那由他
衆生發阿耨多羅三藐三菩提心六
万菩薩得无生忍時華臺中諸菩薩
等悉從座起頭面礼佛以妙蓮華恭
敬供養无言菩薩口宣是言我是知
恩我今報恩時舍利弗言世尊如是
菩薩何因緣故發如是言我是知恩
我今報恩佛言舍利弗如是菩薩皆
悉因於无言菩薩發菩提心是故說
言我是知恩我今報恩今復因於无
言菩薩聽受如是大集經典并來觀
見供養於我今時无言菩薩白佛言
世尊我有所疑今欲啓請唯願如來
哀愍聽許佛言善男子隨意致問當
為汝說時舍利弗語无言菩薩仁者
若无言語云何得問大德一切諸法
皆悉无言無字无說何以故一切衆
生性无言故以覺觀故而有聲出若
无覺觀云何有聲云何可說云何有
字大德夫覺觀中無字无聲離於覺
觀亦无聲字覺觀之體即非覺觀我
作文字亦不覺觀我因覺觀有大功
德若能觀於如是深法是則名為十

二因緣若從緣生即是空寂則無定有定
相若有如是真實知者即是真實知
於法性大德諸法悉從因緣和合而
和合中實无作者生者出者是故諸
法无主无音無聲无心無有覺觀非
无覺觀何以故顛倒因緣而有出滅
是故若有問者聽者及解說者不合
不散一相无相大德夫問難者即是
大悲我有大悲是故問佛如是問者
即是悲問非口問也夫口問者是聲
聞問聲聞者聲故名聲聞菩薩普悲
故无口問舍利弗言善男子若一切
法性无定者一切衆生性亦无定若
无定者菩薩為誰而修悲心大德若
諸衆生有定性者一切菩薩終不修
悲一切衆生實非衆生以顛倒故作
衆生想是故菩薩修集悲心為壞顛
倒宣說无我大德菩薩摩訶薩不為
壞有而說正法不為壞我壽命士夫
而修慈悲宣說正法為知真實深法
界故而宣說法真法界者即空三昧
无相無願舍利弗言善哉善哉善男
子我亦如是真實了知所以相問詰

汝智耳為令佛法增長故問為欲利
益衆生故問今時元言菩薩白佛言
世尊如經中說有二因緣能生正見
所謂聞聲及善思惟唯願哀愍為諸
菩薩廣宣說之云何聞聲及善思惟
生於正見佛言善男子至心諦聽音
當為汝分別解說善男子為菩提心
而聽法者即是聞聲至心憶念菩提
之心是善思惟觀菩提心是名正見
復次善男子為菩提道而聽法者是
名聞聲不遠離道是善思惟如法而
住是名正見為調伏心而聽法者是
名聞聲遠離惡心是善思惟獲得善
心是名正見為嚴善法而聽法者是
名聞聲修集莊嚴是善思惟願向菩
提是名正見為聽善法是名聞聲增
長善法名善思惟願向菩提是名正
見為聽惠施是名聞聲能捨一切是
善思惟不求果報是名正見為聽戒
聚是名聞聲至心護戒名善思惟願
向菩提是名正見為聽法忍是名聞
聲打罵不報是善思惟願向菩提是
名正見為聽精進是名聞聲破壞態

急是善思惟願向菩提是名正見為
聽三昧是名聞聲能淨身心是善思
惟願向菩提是名正見為聽智聚是
名聞聲聞已正觀是善思惟願向菩
提是名正見聽四攝法是名聞聲攝
取衆生是善思惟知是攝法无取無
作空无所有是名正見聽五通法是
名聞聲得身心輕名善思惟願向菩
提是名正見聽四无寻是名聞聲修
集无寻是善思惟願向菩提是名正
見聽四依法是名聞聲勤修四依名
善思惟願向菩提是名正見聽三十
七品是名聞聲若聞演說四念則是
念處說於捨離謂四正勤處說於定
聚謂四如意說无所畏謂諸根處說
无能壞謂諸力處說離煩惱謂七覺
分說真知法謂八正道是善思惟不
著斷常以如是道願向菩提是名正
見聽四諦法是名聞聲知苦離集證
滅修道是善思惟見如是法不生不
滅是名正見聽三解脫是名聞聲信
空三昧不畏无相不疑无願是善思
惟以如是法願向菩提名為正見修

空三昧調心明見修集无相為除覺
觀修集无願為求諸有是名正見聽
發心法是名聞聲修菩提道是善思
惟其心不退是名正見得善知識是
名聞聲供養親近名善思惟受其教
誨是名正見聽於法界是名聞聲觀
於法界是善思惟如法而住是名正
見見佛世尊名為聞聲念諸菩薩名
善思惟得畢竟道是名正見初聽八
万四千法聚是名聞聲觀諸家生如
是行處是名思惟調伏八万四千諸
根是名正見善男子隨何因緣能生
善法是名聞聲聞已不離諸善因緣
名善思惟以如是法願向菩提是名
正見善男子如是二法无有差別謂
善思惟及以正見何以故一切諸法
平等无二是善思惟能觀平等是正
見故无增減者即是正見無取捨者
即是正見無作作者即是正見无覺
觀者即是正見无念念處即是正見
无作無思即是正見無一无二即是
正見一門一味一乘一行其性是一
无諸煩惱憍慢等結无聞無說无垢

無淨法界之性不可分別如如不動
三世平等无我我所无有衆生壽命
士夫无字無聲不可宣說不知不見
一切法中得知足心遠離諸相斷一
切喜覺觀屋宅乃至讚佛不生佛相
若入定時觀如是等甚深法界名善
思惟從定起已為諸衆生宣說如是
甚深法界是名正見說是法時十千
菩薩得是正見

今時舍利弗語无言菩薩言善男子
從誰聞法而得正見无言菩薩言大
德若有不得去來現在菩提心者我
從彼聞而得正見觀三世等一切法
等於一切法不生覺觀其心不住有
為无為遠離一切衆生之相而為衆
生修諸苦行亦復遠離二種之相一
衆生相二者心相遠離二節知實法
性實法性者无有有有通達一切諸
佛深法不生憍慢自言我知大德我
從是人聽受正法是人亦不宣說一
字亦令一切而樂聞之知法真實不
可宣說為衆生故而宣說之出於世
間不為世汙畢竟修集无有能知修

與不修我從是人聞受正法住於法
性於衆生性不生分別觀衆生性法
性空忙皆恚平等我於如是人邊聞
法是人坐菩提樹下不起不行不
眠不卧不睡不寤而得菩提得菩提
已終不作相言得菩提一切衆生亦
不知彼獲得菩提无得乃得故无得
相大德夫正法者无有光明無光明
者即无處所无處所者即是无身無
身者即是无畏無畏者即是不出不
出者即是不生不生者即是不滅不
滅者即是不著不著者即是不動不
動者即是不變不變者即無歇无閤
无歇無閤即無覺觀无覺觀者即是
無世无世者即是無器無器者即是
無貪无貪者即是性淨性淨者不合
煩惱不合煩惱者即不顛倒不顛倒者
即是平等平等者即是真實真實者
不生不滅不生不滅者名從因緣從
因緣者即不去來不去來者即无境
界无境界者即是无句無句者即是
不狂不狂者即是無聞无聞者即是
无作無作者即是无住無住者即是

無字无字者即是無相无相者即是過於心意識句過心意識即是寂靜寂靜者即是无熱無熱者即是無瞋無瞋者即畢竟畢竟者即是无有有者即是涅槃是名為法大德即是正法即是說法即是聞法即是正見大德夫正見者不見於身身行病行不見於見不生貪著不覺不觀是名佛法聖見正見復次大德觀无明愛與解脫等无有差別是名正見如是見已不著不取是名聖見復次大德觀貪患癡空无相願平等无二不見於相見無相相是名聖見不觀一二等一切法名聖正見復次大德若能觀我及衆生等衆生等故如来平等如来等故佛法平等佛法等故聖等如来等故佛法平等佛法等故聖衆平等聖衆等故大慈平等慈平等故虚空平等以不住住如是平等名聖正見大德如一切法聲亦如是如聲即是聖見即是正見大德聖正見者亦无生出若無生出從誰聽法舍利弗言如我解仁所說義者一切諸法无所語言大德如是如是一切諸

法實无言語善男子若言如来成就
功德如是言中得何等罪大德若如
是說當知是人有大過各何以故如
來功德不決定故所以者何无福無
罪故名如来若觀如来有功德者是
名為欲夫有欲者即是大欲有欲大
欲即是過各善男子云何得名无過
各耶大德如第五大如第七情如十
九界无出無入無生無滅无有造作
无心意識乃名无過若有知見遠離
證修是名罪過若有諸界是名罪過
若元諸界是名无過

今時佛讚无言菩薩言善哉善哉善
男子如汝所說即是善說說是法時
万二千菩薩得无生法忍無言菩薩
復白佛言世尊如佛所說菩薩摩訶
薩有四種力所謂信力進力念力慧
力唯願如来廣分別說云何名為菩
薩四力佛言善男子至心諦聽吾亦
當說若有菩薩於佛正法深信順解
不作疑心是名信力若勤精進求於
佛法不休不息不生疑悔是名進力
若有菩薩求於善法得已不失念善

提心所作善根願向菩提是名念力
若有菩薩內自思惟不隨他語了知
法性是名慧力復次善男子若有信
心親近聖人是名信力若能供養如
是聖人是名進力至心聽受聖人之
言是名念力聞聖法已如法而住是
名慧力復次善男子信業果者是名
信力既生信已不作諸惡是名進力
過去善業現世猶增是名念力若知
諸法有因有果是名慧力復次善男
子若信心法不可說者是名信力若
因此信能調伏心是名進力若能至
心是名念力觀法如幻是名慧力復
次善男子若見法空是名信力若斷
邪見是名進力若見內外悉皆空寂
不生怖畏是名念力若能觀見第一
義空是名慧力復次善男子若能觀
見无相無願是名信力為他演說无
相无願是名進力至心觀察无相無
願是名念力了知是法不可宣說是
名慧力復次善男子能一切施不求
果報是名信力施已不悔亦不休息
常行不絕是名進力施時至心念於

菩提發願迴向是名念力不觀財物
受者施者及以果報是名慧力復次
善男子若有受持清淨禁戒不求果
報是名信力不生煩惱毀壞禁戒是
名進力如是淨戒至心護持願向菩
提是名念力觀身口意如水中月響
幻炎等是名慧力復次善男子若有
修行忍辱之法不求其果是名信力
若有打罵能忍受之是名進力為忍
辱故修集慈悲及不放逸願向菩提
是名念力觀身口意都无所思是名
慧力復次善男子若有了知勤精進
故得阿耨多羅三藐三菩提非懈怠
得是名信力若能調伏一切衆生護
持聽受供養正法能為衆生超走給
使能淨佛土是名進力能令衆生遠
離憊怠勤修精進願向菩提是名念
力若修精進不增不減是名慧力復
次善男子若樂寂靜離說世事是名
信力若住空寂獲得四禪及八解脫
是名進力若於諸禪无有退失是名
念力若觀諸禪无常苦無我是名慧
力復次善男子若聞一切諸波羅蜜

三十七助菩提之法信不生疑是名
信力聞已轉為衆生演說是名進力
心善思惟是名念力如法而住是名
慧力復次善男子為諸衆生修集慈
心是名信力憐愍衆生令其離苦是
名進力觀察法已心得大喜是名念
力於怨親中其心平等修集大捨是
名慧力復次善男子觀察是身无量
衆惡之所成就誑惑凡夫猶如幻相
是名信力受死苦時專心繫念佛法
僧寶不惜身命是名進力亦不生於
諸惡之心瞋聞心辟支佛心貪心瞋
心癡心妬心慳心毀戒心是名念力
若觀法界分別法界觀无尋智亦知
過去未來現在是名慧力復次善男
子喜者名信不退轉者名為精進不
狂亂者名為念力了了知者名為慧
力復次善男子以信力故能有所作
以進力故事得畢竟以念力故无所
漏失以慧力故能如法說復次善男
子觀疑網故名為信力遠離疑故是
名進力更不生疑是名念力說能壞
疑是名慧力復次善男子信佛法者

是名信力為菩提故而修行之是名佛進力得順忍故是名念力得无生忍是名慧力善男子信根信力无有差別進根進力念根念力慧根慧力亦復如是說是法時百千菩薩得无生忍地四万二千衆生發阿耨多羅三藐三菩提心

是時會中有一菩薩名曰蓮華語无言菩薩言善男子汝向問佛佛即為汝分別解說汝心喜耶无言菩薩言善男子我亦不問不聽一法云何生喜蓮華菩薩言善男子汝於佛所不聽法耶无言菩薩言諸佛如來都无所說我云何聽何以故我非法器故蓮華菩薩言汝今若非是法器者是何等器無言菩薩言善男子我身今者尚非法器况復餘器蓮華菩薩言汝若非是真法器者云何當得阿耨多羅三藐三菩提無言菩薩言善男子阿耨多羅三藐三菩提亦非是器善男子若離佛法有菩提者當知有器一切佛法即是菩提菩提即是佛法善男子是故我若遠離煩惱不見

佛法不見菩提煩惱菩提及以佛法
无有差別若煩惱中見菩提者即是
如見若離煩惱見菩提者是名倒見
蓮華菩薩言善男子云何名倒見見
我壽命士夫摩訶離是之外別有貪
欲瞋恚愚癡是名倒見一切法性及
菩提性无有差別无作無受我性衆
生壽命士夫摩訶即是貪欲瞋恚愚
癡如是等法即是菩提是名如見即
四大中及四大造求於菩提不餘處
求云何名求求時不見一切諸物不
見者即是無處无處者即是无住無
住者即是一切諸法之性一切諸法
若無性者即是實相實相者非常非
斷名畢竟節若有能見如是等節當
知是人_不流不散不流不散即無生
滅即是涅槃即是實知一切諸法若
如是等得涅槃者即是聖句入於涅
槃是故如來於經中說自不調伏能
調伏他自不解脫能解脫他自不寂
靜能寂靜他自不涅槃今他涅槃无
有是處若自調伏令他調伏若自解
脫令他解脫若自寂靜令他寂靜若

自涅槃令他涅槃斯有是處善男子
菩薩摩訶薩修菩提道解了一切衆
生所行於諸法相及以法界不生分
別修行一切善法之時亦不見有諸
魔徒衆雖求佛法不見求者雖調衆
生不見我人雖行諸法煩惱不汙雖
順世法世法不染負五陰擔亦无住
處遠離諸界不動法界修解脫法門
不退善法明見三界不雜煩惱行檀
波羅蜜不生憍慢乃至般若波羅蜜
亦復如是隨一切行實不行於一切
諸行若能修行如是等行當知即是
行菩提道於菩提道及菩提行不生
分別若行如是菩提道行於諸法中
不見有我无貪無瞋无親無怨无有
障礙若无障碍即無為行若无為行
即是真實大菩薩也蓮華菩薩言善
男子何因緣故名為菩薩善男子能
覺衆生所不覺者故名菩薩能寤无
明睡眠衆生故名菩薩演說隨順菩
提之法故名菩薩能令衆生深樂寂
靜是名菩薩增長佛語堅正法幢護
念聖衆於菩提心无有動轉不住聲

聞辟支佛心終不捨離至誠之心發
願畢竟能度未度能解未解為无依
者而作歸依能滅未滅能調煩惱不
脫煩惱觀生死過亦求諸有修空三
昧不捨衆生修集无想不捨菩提想
修集无願深樂諸有雖樂佛法於貪
无貪知有為法多諸罪咎而其內心
不捨有為雖離諸闇不得大明得大
智慧以為器鉀深樂惠施嚴施瓔珞
淨佛世界具足淨戒具足捨願具足
忍辱能調一切不忍衆生勤修精進
求无壞身能壞欲界樂受下身雖受
苦有其心不悔善知方便常自調伏
求於菩提為諸衆生修習慈心為壞
衆苦修集悲心為調不調修習喜心
非畢竟捨修集捨心通達了了解甚
深義非諸聲聞緣覺境界依於義法
了義經智不依世法亦為衆生而作
依止為諸衆生莊嚴身口如說而作
莊嚴於心為諸衆生莊嚴神通利益
衆生猶如大地能淨一切猶如大水
燒諸煩惱猶如熾火於法无尋猶如
猛風於法平等猶如虛空得陀羅尼

持一切門樂說无尋令衆喜聞至心
念佛為淨心故能大法施設食施故
正命自活威儀清淨修无諍三昧深
樂寂靜樂調衆生離說世語見樂世
者呵嘖教誨具七種財其心柔軟樂
行惠施堅固不退眷屬不壞親近善
友知恩報恩觀過去業隨衆生意能
壞疑心觀察生死多諸過咎所作至
心解一切語修集大乘不疑三乘衆
生樂見隨問而答得无尋智諸佛照
念時節語不多語光明清涼猶如秋
月善法具足猶如滿月衆生樂見猶
如明月增長善法猶如初月一味甘
恬如月一味觀一切法如水中月清
淨无垢如月无翳易共語言諸根具
足於一切法猶如橋梁能度衆生於
四駛水為諸衆生營作佛事其心初
不動菩薩界以如是義故名菩薩介
時蓮花菩薩白佛言世尊无言菩薩
作如是說當知不久得阿耨多羅三
藐三菩提轉於无上法寶之輪若有
能信受持如是無言菩薩所說法者
亦復當得如是功德佛言善哉善哉

善男子如汝所說无言菩薩得慧燈
三昧是故若欲於无量劫說一句義
不可窮盡蓮華菩薩言世尊唯願如
來垂矜哀愍增長衆生諸善法故莊
嚴无上大集經故少爲大衆開示如
是慧燈三昧若有智慧菩薩聞已亦
當獲得如是三昧得已亦當疾得阿
耨多羅三藐三菩提佛言善男子至
心諦聽吾當爲汝少分別說言慧燈
者即是智燈智燈者即是破闇无闇
者即是破疑破疑者即是慧燈慧燈
者即是諸法无二相也善男子了了
智不疑智不失智不挽智不隨智无
闇智聖智猛利智揔疾智分別智廣
大智純一智種種智過去智未來智
現在智三世平等智三界智三解脫
門智三慧智三寶智三乘智三眼智
三垢智三淨智三聚智心意識智陰
入界智因緣和合智見畢竟智如法
界智自相智第一義智方便智一切
聲語智一切字智无尋智不壞智能
說法智知下中上根智无作無受智
一切呪智一切醫智一切世事智莊

嚴陀羅尼智日月三昧智入三昧智
聖智聖三昧智金剛三昧智无諍三
昧智心等三昧智壞魔三昧智日光
三昧智无想三昧智寶幢三昧智一
切法門三昧智一切法器三昧智无
邊光三昧智福德三昧智无住三昧
智樂見三昧智善見三昧智無盡器
三昧智畢竟盡智一切智无動智那
羅延三昧智一切見智如是等六万
三昧門智我於往昔見然燈佛即得
如是諸三昧門如是諸三昧門一切
悉是慧燈三昧之所攝持善男子譬
如日出能為四事一者有大光明二
者除滅闇冥三者示種種色四者令
諸衆生得造事業菩薩摩訶薩住是
三昧亦復如是能為四事一者破壞
一切煩惱闇冥二者出大慧光三者
示諸衆生種種諸行四者開示衆生
道非道等善男子譬如淨寶之珠置
之高幢其明遍照四由延所施諸衆
生所須之物而珠體相无有增減慧
燈三昧亦復如是住是三昧菩薩摩
訶薩永斷一切煩惱習氣淨戒淨定

淨慧淨身心淨於方便淨陀羅尼修
集大悲放大光明遍照无量諸佛世
界隨衆生意而作事業菩薩雖作如
是諸事而其相性无有增減善男子
譬如虚空容受佛土无有障碍亦不
障碍一切雨滂風火水灾一切衆生
無量无边善男子慧燈三昧亦復如
是住是三昧諸菩薩等為諸衆生說
一切法無有障碍方便教化一切衆
生為因力者演說方便令其解脫調
伏成熟為邪定者方便演說令壞邪
定无善子者令種善子无法器者令
作法器為法器者分別演說阿耨多
羅三藐三菩提求聲聞人方便說法
令其獲得四沙門果求緣覺人方便
教誨令其獲得辟支佛道復為方便
說法漸進令其志發阿耨多羅三藐
三菩提心住不退地通達八万四千
法聚為壞衆生疑網心故種種開示
分別解說解說一事於无量劫不可
窮盡雖作如是无量之事而是三昧
亦无增減善男子譬如一燈力能顯
示種種諸色慧燈三昧亦復如是於

一心中能於无量諸佛世界示種種色而是三昧无有傾動是故四念處中法念為頂四正勤中未生善法能生善法名之為頂四如意中身心寂靜名之為頂五根五力中慧根慧力名之為頂七覺分中擇法為頂八正道中正見為頂一切外道所有含摩他毗婆舍那名之為頂四真諦中滅諦為頂四依之中依義為頂四无尋智義无尋智名之為頂六神通中漏盡為頂四无量心悲心為頂修梵行中智慧為頂諸波羅蜜中般若為頂一切方便和衆生心名之為頂一切諸力處非處力名之為頂諸无畏中初名為頂不共法中无尋為頂三十二相無見頂相名之為頂八十種好不空說法名之為頂莊嚴口中解一切語名之為頂莊嚴心中破慢為頂一切法中智慧為頂是名慧燈三昧說是經時蓮華菩薩及万菩薩得是三昧三千大千世界大地六種震動一切大衆以妙華香種種伎樂供養於佛尊重讚歎時會菩薩各作是言

世尊我等昔來未曾聞是三昧名字
况得聞其廣說分別我今皆得如是
三昧是故報恩設此供養若有聞是
三昧名字即能獲得大利益事不失
无上菩提之心佛言善哉善哉善男
子如汝所說若有衆生已於无量無
邊佛所殖諸善本親近善友然後乃
得聞是三昧今時世尊說是法時於
其齋中出一菩薩身真金色三十二
相八十種好放大光明除佛光明餘
無及者是時菩薩敬禮佛足右繞七
匝長跪合掌而白佛言世尊慧憍如
來致意无量問訊世尊起居輕利身
无病患大衆安不我今此界有六万
億諸菩薩等欲往聽受大集妙典并
欲覲見无言菩薩及以十方諸來菩
薩并復欲聞慧燈三昧善哉善哉釋
迦牟尼幸為開示令諸往者悉得慧
燈三昧還來此土時舍利弗言世尊
慧憍如來住何方面去此遠近世界
何名而是菩薩復名何等是六万億
諸菩薩等住在何處舍利弗其佛世
界去此東方過一恒河沙等恒河沙

世界世界名曰金剛堅根佛号慧憍
舍利弗何因緣故世界名曰為金剛
堅根舍利弗彼佛世界地悉金剛其
佛願力故致如是其佛身體衆生菩
薩身悉金剛是故世界得如是名此
菩薩者名金剛齊是人能於一念之
頃破壞一切金剛諸山直至无量諸
佛世界示現諸佛齊中而出以佛神
力及已願力是故名為金剛齊也舍
利弗汝向所問如是菩薩住何處者
汝今當問彼金剛齊自當答汝今時
舍利弗即問金剛齊言善男子汝言
六万億菩薩者住在何處金剛齊言
如來說汝智慧第一當以聖智觀是
菩薩所住之處時舍利弗即以聖智
觀之不見語金剛齊善男子我盡聖智
不見大德汝之同學阿尼樓陀天眼
第一當令觀之住在何處尔時阿尼
樓陀以天眼觀三千大千世界亦不
能見語舍利弗我以天眼都不能見
金剛齊菩薩言大德汝之同學若不
能見不名天眼應名肉眼舍利弗言
善男子汝之天眼其義云何大德我

之天眼汝諸聲聞所不見色我能見

見

之舍利弗言善男子何等色法我不

能見而汝得見大德汝今得見金剛

堅根世界慧憍如來及菩薩不不也

善男子我唯聞名不能得見大德如

是佛土如來菩薩及諸衆生我之天

眼悉能得見是名菩薩清淨天眼如

是天眼一切聲聞辟支佛等之所无

有說是法時求聲聞者六万衆生捨

離本志發阿耨多羅三藐三菩提心

各作是言願我獲得元尋佛眼不用

聲聞辟支佛等障尋之眼今時金剛

齋菩薩即入三昧以佛神通及已力

故令一切衆悉見六万億諸菩薩等

在佛身內坐蓮華臺至心專念聽佛

所說然不逼觸如來之身而如來身

无增无減無有障尋時諸大衆見是

事已供養礼敬歡喜讚歎如來之事

不可思議復作是言如來之身智慧

三昧一切悉皆不可思議何以故是

六万億諸菩薩等悉住身內无障尋

故金剛齋菩薩觀諸大衆作如是言

諸大衆汝等不知如來之身如虛空

也是无邊身无障碍身廣身法身无
相貌身无量身耶諸善男子如來若
欲內一切物所謂國土城邑村宅聚
落山河樹木置身中者亦无障碍是
故如來不可思議善男子十方世界
无量淨土无量菩薩來詣如來聽大
集經成就妙色具二十八大人之相
如來亦內置其身內何以故此土衆
生梵釋諸王若其見者生愧耻故是
故不令得見一人今時世尊功德力
故及金剛齋菩薩力故悉令大衆見
如是等六万億菩薩悉從如來一毛
孔出出已礼佛右遶七匝却坐一面
今時金剛齋菩薩白佛言世尊何因
緣故无言菩薩名无言也佛言善男
子汝自諮問无言菩薩自當答之金
剛齋菩薩即問无言菩薩善男子何
因緣故字无言耶无言菩薩默然而
住二問三問亦復如是金剛齋言善
男子何故不答無言菩薩言我求言
辭都不可得是故默然无所宣說善
男子若求言辭不可得者云何有是
不得之言善男子我答一切佛語世

語云何名為答佛語耶善男子我以
念力受持一切諸佛所說不忘不失
然都不見音聲字句為流布故而宣
說之亦為衆生壞是聲字及以文句
而宣說法云何名為答世語耶解諸
衆生種種言音隨其所言而為說法
善男子汝能如是隨順說法為久近
耶善男子我從除滅覺觀已來能作
是說善男子何因緣故作如是說善
男子若无覺觀聲云何出以是因緣
作如是說善男子夫聲出者為從身
出從心出耶善男子夫音聲者不在
身心何以故身如草木心如幻化衆
因緣故有聲而出若從緣出即是无
常若无常者即是无定無常无定即
是空无夫音聲者猶如虚空不可觀
見不可宣說如虚空一切諸法亦復
如是若聲无者聲所了法亦復是无
是聲空故一切法空聲寂靜故諸法
寂靜聲不可見一切諸法亦不可見
聲不出生一切諸法亦不出生若不
出生即无去來若无去來即是甚深
十二因緣甚深因緣無作无属若無

作屬即无生出無生无出即是无句
若无句者即是不生眼色及識乃至
法識无有生老病死等苦日月光明
親然之想斷一切行難可觀見不近
不遠金剛齋言善男子如是等說是
何等說善男子如是即是畢竟不出
善男子何等名為畢竟不出善男子
不近不遠是畢竟不出善男子何等
名為不近不遠善男子即是虛空若
見諸法如虛空者是名平等善男子
以何義故名一切法如虛空耶善男
子過去之法无有終竟未來現在亦
无終竟三世无終即是實相即是无
二二者所謂眼色耳聲鼻香舌味身
觸心法是名為二若有二者即是可
說若无二者即不可說不可說者即
是无識無心无意以是義故不可宣
說夫可說者即是二法不可說者即
是无二善男子誰作是二善男子夫
无二者不可作二二亦不可作於無
二若堅牢者不可作脆脆亦不可作
於堅固生死之法不作無二涅槃之
法不得作二正見之性不作邪見邪

見之性不作正見金剛齋菩薩白佛
言世尊无言菩薩凡所解說似得如
是慧燈三昧佛言善哉善哉善男子
汝謂无言不得慧燈三昧耶今時金
剛堅根世界慧憍如來諸菩薩等語
无言菩薩言善男子汝住何地能作
是答无言菩薩言善男子如佛所說
菩薩摩訶薩若住戒地能如是答善
男子善哉善哉唯願解說如是戒地
善男子若无身住心住意住內住外
住及內外住即是住戒善男子若无
相无命無作无行即是住戒若有
菩薩住如是戒即是无住若无住
者終不生念我能出聲有所演說
善男子如汝所問住在何地能如
是答者我住法性實相法界能如
是答若如是知法真實者则无覺
觀若无覺觀云何有說諸菩薩言善
男子如是說時為何所說善男子如
是說時即說二法一者滅盡二者不
出一者過去二者未來現在不住故
不可說善男子過去之法不可作相
未來現在亦復如是若使有人於三

世法而作相者即是顛倒是故一切諸法之義不可宣說一切法義身口意等所不能說何以故无業无作无有色類无有口業無有覺觀猶如響相如佛化故善男子諸佛菩薩凡所言說皆逆世語是故一切諸佛菩薩不可思議諸佛菩薩所有智慧不可思議不可窮盡不動法界今時一切菩薩摩訶薩同聲讚歎无言菩薩善哉善哉善能分別如是法門令我等輩得大利益并得覲見如是无量諸大菩薩金剛齊語无言菩薩言善男子我欲與汝俱還金剛堅根世界覲見供養慧憍如來无言菩薩言善男子金剛堅根世界即是此間娑婆世界慧憍佛者即是釋迦牟尼如來我何用徃彼佛世界金剛齊言善男子此佛世界地非金剛云何而言即彼世界无言菩薩言善男子汝之神通能壞无量金剛之山直過无礙汝今誠壞此土微塵如其壞者然後乃知汝名金剛今时无言即便入於金剛三昧悉變此土一切山林草木微塵

皆為金剛時金剛齊盡其神通乃至不能破一微塵時金剛齊白佛言世尊我之神力能壞一切世界金剛及諸山壁以何因緣今於此土乃至不能壞是一微塵為是如來神通之力為是无言道德力耶佛言善男子是无言菩薩入金剛三昧三昧力故令此三千大千世界一切所有悉為金剛若欲復使无量世界為金剛者其力亦能金剛齊菩薩言世尊菩薩摩訶薩具足幾法能得如是金剛三昧佛言善男子菩薩摩訶薩具足四法則能獲得如是三昧何等為四一者至心念於菩提二者所作善法畢竟三者至心莊嚴善法願同菩提四者能觀十二因緣是名為四復有四法一者成就神通二者修三脫門三者持戒精進常觀法界知一切法无有根本无有覺觀不可宣說四者知義知時知實知一切法皆悉平等是名為四復有四法一者從大悲心求大智慧二者從善方便求三十七助菩提法三者從大慈心觀諸眾生一切平

等四者從於捨心觀四真諦復有四法所謂身口意業及菩提心不可沮壞悉如金剛善男子菩薩摩訶薩具足成就如是等法則能獲得金剛三昧說是法時六万億菩薩一切悉得金剛三昧今時无言啓白其父師子將軍尊者佛出世間即是具足无量功德大功德聚即是如來佛出世時无量衆生得大利益大利益者即是涅槃夫涅槃者常不變易尊者何故不發阿耨多羅三藐三菩提心其父荅言吾初生時已發阿耨多羅三藐三菩提心今時亦有无量諸天來勸如汝无異如是事者唯佛證知師子將軍所將眷屬滿五百人悉發阿耨多羅三藐三菩提心今时无言菩薩讚其眷屬善哉善哉善哉善哉嚴菩提之心諸眷屬言云何名為莊嚴菩提心无言菩薩言有四十事莊嚴菩提心何等四十所謂信佛不疑不動法界供養聖衆親近善友於諸菩薩作醫王想於諸衆生其心平等供養恭敬諸師和上父母有德順受其語護法

求法至心聽法既受持已為人廣說
供養恭敬護法之人為他說法不生
食想破壞憍慢知恩報恩常善思惟
如法而住能施難施至心護戒精進
勤修一切善法具足成就功德莊嚴
心无嫉妬護諸衆生防制煩惱調伏
其心及以施心調諸衆生能斷煩惱
知足寂靜修淨梵行不斷聖種世法
不汙供養恭敬說法之人隨順世間
遠離懈怠无有放逸不求下乘菩提
之心初不動轉處在生死心不厭悔
遠離一切不善之法具足一切純善
妙法莊嚴梵行是名四十念時師子
將軍言汝當時時示現其身為令我
等不退无上菩提之心无言菩薩言
尊者具足十法常得親近諸佛菩薩
何等為十所謂自捨已樂以施衆生
修集忍辱護无力者常勸衆生修集
善法化導一切趣向菩提願諸衆生
先得阿耨多羅三藐三菩提我當供
養聽其所說受持擁護然後我當成
無上道知實法性不惜身命為護法
故聞深法界不生恐怖觀无菩提无

有得者觀已平等一切衆生亦復平等以衆生等觀法亦等以法平等觀心空等觀生死苦亦不捨離見生死過心无悔恨具足如是諸善法者常得親近諸佛菩薩說是法時師子將軍及諸眷屬得承順忍今時世尊告阿難言阿難汝當受持讀誦書寫是經典何以故是經典中分別演說一切法相亦令无量無邊衆生發阿耨多羅三藐三菩提心阿難若有能於无量佛所殖諸善本是人乃能信受是經持讀誦寫廣分別義受是經者有三事一者定發阿耨多羅三藐三菩提心二者得不退心三者能護正法今時大衆聞是語已有七千由他菩薩即從空起白佛言世尊我等能於如來滅後受持是經讀誦書寫无言菩薩言世尊如來世尊得何等法而今是等受持守護善男子若能護是持法之人即是護法所謂書寫讀誦解說文字文字可說法不可說善男子有二種人能守護法一者如法而住二者誦是文字若无文字法

不可說念時一切大衆及師子將軍
所將眷屬諸天世人聞是法已心大
歡喜信受奉行

大方等大集經卷第十三

辛丑歲高麗國大藏都監奉

勅雕造

大方等大集經卷第十三

位

北凉天竺三藏曇無讖譯

不可說菩薩品第七

尔時世尊故在欲色二界中間大寶坊中與諸大眾圍遶說法是時會中有一菩薩名不可說從座而起更整衣服偏袒右肩前礼佛足長跪合掌而說偈言

無尋智慧无尋行 如虚空性不可說
三世平等无覺觀 我今敬礼无上尊
觀於無相樂寂靜 調伏諸根遠離相
了諸法性无有二 我礼人中師子王
觀衆生性及法性 如是二性无差別
等心觀於諸衆生 今我永断一切性
所得菩提无所得 如菩提性色亦尔
无相莊嚴莊嚴相 我今敬礼无上尊
一切法界无覺觀 凡夫觀之有相行
法界之性不破壞 佛真實智故我礼
如来身業不可說 口意等業亦如是
一切法性及衆生 无上勝尊了了知
如来住於真實地 所可演說无聲字
衆生樂聞得大利 是故如来難思議

所說諸法无相貌

調伏衆生斷諸有

善說衆生法性空

是故我礼大丈夫

尔時不可說菩薩偈讚佛已白佛言
世尊此會菩薩各各當已已諮請竟
我今於是大集經中復欲少問唯願
如來垂哀聽許佛言善哉善哉善男
子隨疑致問吾當為汝分別解說尔
時不可說菩薩既蒙許可即入定意
入定意已志令大衆處大寶臺上虛
空中雨散華香種種伎樂而以供養
復出是聲是不可說菩薩摩訶薩今
於是中欲問大事尔時不可說菩薩
摩訶薩白佛言世尊諸佛菩提清淨
寂靜大靜无垢無闇大光真實如尔
其性平等微妙甚深无有覺觀遠離
諸垢不可宣說无字無句无有音聲
廣大無量无有邊際離一切邊不增
不減不前不却無有住止無峻无平
无有無无堅固无壞无我我所無取
無捨无廣无狹無法无衆生无盡畢
竟盡不空空性非處非非處非心非
作非生非滅如地水火風無有邊際
不可度量平等遍有无有障碍猶如

虛空非眼識界乃至非意識界斷一切有不可譬喻離一切喻如一切佛真實知故非不是如何以故一切衆生皆悉得故非異於如何以故一切衆生志平等故其性是有何以故是實性故其性是實何以故無有去來現在節故无作無受無色无心無想无受斷一切受無想斷想無行斷行無識斷識无陰入界斷陰入界无初中後離諸魔業无有流布无漏非攝非行非訟无諍無罪常住自性无有分別無生无能生无滅無能滅無有根本無上无下無有屋宅无方無間非智非慧亦非慧行非諦所攝非生死攝無有對治无具功德遠離諸相世尊若如是義名菩提者即无變句即无覺句即無貪句即无諍句即堅固句即不壞句即不動句即不作句即无身句即无生句即無智句即平等句即无二句即是實句有句真句第一義句無分別句一味句一事句一乘句無盡句三世平等句分別三世句空句無相句無願句无行句寂

靜句性句如句無生句無出句盡句
無屋宅句法句實性句自身性句无
身句无作句無想句無諍句无断句
無常句十二因緣句可觀句定句上
句勝句無罪咎句无上句畢竟句淨
句無頂句无勝句无等句無依句念
句無相似句勝一切世間句无句句
一切句之所依句如是菩提非青非
黃非赤非白非色非非色非長非短
非圓非方无有規矩非三界攝非道
非畢竟非行非到非有處所非取非
捨離諸煩惱无有愁畏断一切喜无
真无化離一切入无我我所無有衆
生壽命士夫无量無邊不可思議无
有分界猶如虚空其性畢竟不可宣
說成就如是無量之法乃名菩提說
是法時三千大千世界大地六種震
動一切諸天大設供養香華伎樂各
作是言善哉善哉善男子快作是說
尔時會中有八万四千菩薩得无盡
器陀羅尼一切法自在三昧无碍解
脫法門若有人能如是信者是人亦
當得是法利

今時不可說菩薩復白佛言世尊菩薩之戒不可宣說何以故身之本性不可說故是故身戒不可宣說口之本性亦不可說是故口戒不可宣說意之本性亦不可說是故意戒不可宣說世尊若有菩薩修行无上菩提道時護十善法亦不可說若以十善勸諸衆生所勸衆生亦不可說修集慈悲喜捨之心亦不可說何以故修集慈心觀无衆生修集悲心无作無受修集喜心離憍慢醉修集捨心遠離二相世尊若有菩薩如是修集四无量心即是修於清淨梵行住於梵道是梵方便勝一切梵常為諸梵之所供養何以故勝出一切諸梵行故不修衆生因緣慈故不修諸法因緣悲故不修二相因緣喜故不修内外因緣捨故遠離一切世間行故捨棄世間諸梵行故是故常為一切諸梵之所供養世尊以是因緣菩薩之戒不可宣說菩薩戒者終不自誑亦不誑佛何以故自即无性無性即无無即無出无出即是无有因緣無因緣者即

是无字無字者即是不可言說若有
菩薩能如是學即不自誑云何名為
不誑諸佛如來覺了一切諸法非法
非非法若非法非非法者即是平等
如是平等不可宣說若有菩薩作如
是學是名不誑諸佛如來復次自者
即是无我無有所知亦无我無有
我所若能如是修集學者亦是无我
无有所若能如是思惟觀者即不
自誑又如來者能隨於如隨於如者
即隨衆生隨衆生者即是隨順一切
諸法隨一切法即是不出不滅不住
若法出不滅不住即是無為是故
說言无為之法有三種相所謂無出
无滅無住以是義故名為無為无為
即聖聖名无怨如來遠離一切怨故
故名為聖怨者所謂无明如來永離
一切无明是故不為一切怨讎之所
侵害凡夫之人具无明故是故常為
怨讎所害如來世尊能觀怨界及智
慧界知煩惱界及寂靜界知生死界
及涅槃界知衆生界及法界了知魔
界及以佛界觀於色界及以眼界耳

界聲界鼻界香界舌界味界身界觸
界意界法界知无明界及智慧界皆
悉平等即是平等佛界不可說界生
死涅槃二界平等即是佛界不可說
界名色界知名色界皆悉平等即是
佛界不可說界知六入界六神通界
皆悉平等即是佛界不可說界觸界
滅界皆悉平等即是佛界不可說界
受界滅界皆悉平等即是佛界不可
說界愛界滅界皆悉平等即是佛界
不可說界取界滅界皆悉平等即是
佛界不可說界有界滅界皆悉平等
即是佛界不可說界生界滅界皆悉
平等即是佛界不可說界老病死界及
以滅界皆悉平等即是平等佛界不
可說界世尊菩薩若能作如是等觀
即得入於一切諸界菩薩若入如是
等界見有貪者不生瞋恚見斷貪者
亦不生愛見有瞋者不生瞋心見斷
瞋者不生愛心見有癡者不生恚心
見斷癡者不生愛心何以故菩薩摩
訶薩於如是等三種界中了了知故
如是菩薩了知三聚世尊菩薩若欲

作是學者不誑如來何以故知諸如來所覺諸法而是菩薩隨順學故是故菩薩不誑如來

尔時衆中有一菩薩名無所畏問不可說菩薩言善男子菩薩摩訶薩云何而學名誑如來不可說菩薩言善男子若有菩薩自作是言我是持戒彼是破戒如是菩薩名誑如來我是施者彼是慳貪我是修忍彼是瞋恚我是精進彼是懈怠我是定者彼是亂者我是智慧彼是愚癡我是知足少欲之人樂於寂靜易養易滿乞食糞衣唯畜三衣不處衆中多聞諍語所言柔軟衆生樂受具念智慧淨諸威儀及以口業具四攝法慈悲喜捨真語實語如說而作知魔境界知己遠離常能修學六波羅蜜能善說法為諸衆生發大誓願能化衆生不令放逸若作如是自讚己身毀訾他者是名菩薩誑於如來復次善男子菩薩若言我能觀察如是等法遠離修滅是亦名為誑於如來何以故諸佛出世及不出世法性常住以常住故

一切法界不可知見不可遠離不可
修滅菩薩若說我及我所是亦名為
誑於如來何以故无二相故若有說
言我已得證我能遠離是亦名為誑
於如來何以故性清淨故若言我有
四念處者是亦名為誑於如來何以
故如來覺了一切諸法无有念故若
言我有四正勤者是亦名為誑於如
來何以故如來覺了一切諸法本性
離故若言我有四如意分是亦名為
誑於如來何以故如來覺了一切諸
法无分別故若言我具根力覺道是
亦名為誑於如來何以故如來世尊
性无為故若有說言我異道具是亦
名為誑於如來何以故身即是道故
若言无明異於有愛是亦名為誑於
如來何以故无明與愛即是智慧即
解脫故若言三毒異三解脫門是亦
名為誑於如來何以故空无相願即
是貪欲瞋恚癡故若言四倒異四果
者是亦名為誑於如來何以故四倒
即是四道果故若言八邪異於八正
是亦名為誑於如來何以故為壞八

邪修八正故若言衆生九居止處異
九次第是亦名為誑於如來何以故
无二性故若有說言十善異於无學
十善是亦名為誑於如來何以故一
切諸法无修學故善男子菩薩若學
如是等法是名為誑諸佛如來善男
子一切衆生及一衆生無二无別何
以故性无我故言一衆生一切諸法
無二无別若言一法一切法界无二
无別一佛世尊一切法界无二無別
言一佛界一切佛界无二無別言一
福田一切福田無二无別一切福田
及以虚空無二無別一切聖人遠離
煩惱一切凡夫無二无別本性清淨
一衆生心一切衆生心無二无別
本性清淨一界一切界一入一切入
一衆生行一切衆生行无二無別若
言諸法乃至无有一念暫住不造衆
惡不著善法不生憍慢於不得中不
作得想於不證中不作證想知於生
死及以涅槃无作無受知諸煩惱無
有根本无生無長隨於戒戒心戒慧
戒遠離煩惱不捨衆生淨檀波羅蜜

无戒於戒淨尸波羅蜜无人於人及
無有我淨羣提波羅蜜无作於作淨
毗梨耶波羅蜜无淨於淨淨禪波羅
蜜无行於行淨般若波羅蜜无盡無
生獲得忍辱得无記心而受記前不
入正位亦不退轉一生不生墮率陀
天不從天下而處母胎於一切法心
无所住亦不自說我已過於生老病
死不行七步亦不自言我是世間无
上之尊不處中宮嫫女娛樂不習世
間技藝之事亦現老人為壞貪身亦
現病苦為壞貪壽亦現死相為壞貪
欲及我我所亦現沙門為令衆生不
求釋梵人天之身勤求出世无上之
法踰出宮城亦現出離三界繫縛及
亦悲果前後顧視亦无瞋愛三十二
相莊嚴其身為亦衆生良祐福田剎
除周羅棄捨瓔珞遺馬捷陟放闍陀
還亦現遠離一切煩惱現剃鬚髮亦
不貪著於一切法受著袈裟亦調衆
生從憐陀伽阿羅邏邊諮問受法亦
現破壞自高之心六年苦行為壞外
道現受飲食亦隨世法現受棄草亦

於知足坐草蓐上示壞憍慢諸天龍
神讚歎戴仰亦現功德莊嚴果報降
伏魔怨亦勇猛力右手拍地亦往福
力大地震動亦報恩故獲得无上菩
提之道亦現了知一切法相觀諸法
等名之為佛佛之智慧无能勝者以
是義故名為如來了了知見善不善
法名薩婆若真實語故名天人師不
出諸法名轉法輪无轉無說故名轉
說无入之入名為法入無門之門名
為法門無作之作名為法作无禪之
禪名為正禪无脫之脫名正解脫一
切法性无繫無縛若是滅法即是過
去即是不生是名佛出无出之出即
名佛出若有菩薩能作是學是名不
誑諸佛如来今時世尊讚不可說菩
薩摩訶薩言善哉善哉善男子善能
分別如来出世若有能信如是佛出
是人不知一法微相若不覺者乃能
了知如来出世何以故无出之出即
是佛出无作無作者無受无受者无
漏无漏者無諍无見無入无轉无生
無滅无有菩提无諂無誑无心意識

无眼無二无有眼行乃至意行无說亦无教是名佛出尔时无畏菩薩白佛言世尊如佛所說如来出世及不可說所說佛出誰當信之尔時寶女語无畏言法兄如来出世不可思議難可莊嚴難可證得若人懈怠心不真正虛偽諂曲憍慢喜瞋嫉妬慳貪不知恩義受恩不報三戒不淨貪著三界三垢所汙不敬三寶不修三脫麁獷惡口樂說无義不知慚愧為利養故外現細行自誑誑他貪於供養諸根不調樂求聲聞辟支佛乘心不真實寡聞愚癡无念喜忘不知方便不修慈悲喜捨之心常行魔界貪著於人衆生壽命說无因果无業行緣其心放逸樂為惡行捨離頭陀樂行世法自讚己身毀訾他身貪於身命色等五法樂於睡眠喜聞世法不知時節親近惡友不能修行四攝之法法兄如是等人不知佛出不信佛出无畏菩薩言寶女汝今已得遠離如是惡法不耶寶女言法兄我已遠離如是惡法去何遠離如不貪節去何不

貪猶如貪節云何貪節如真實節云何實節如我見節云何我見如過去節云何過去如无明節云何无明如貪愛節云何无明貪愛等節猶如智慧解脫等節云何智慧解脫等節猶如幻節无畏菩薩言寶女幻者非心非意智慧解脫即是心意法兄一切衆生心意智慧及以解脫悉皆如幻无畏菩薩言寶女如不可說菩薩所說汝能信不寶女言法兄不可說者終无所說如其說者非不可說若不說有所說者云何得名不可說耶即應是說以不可說實无所說是故名為不可說也若不可說實无所說我於今者為何所聞若无所聞何所信耶无畏菩薩言寶女是不可說實有所說今有證知所謂大衆一切大衆皆悉得聞是不可說之所宣說寶女言法兄此大衆中若有言我聞不可說之所說者即是虛妄何以故是不可說實无所說云何大衆而言聞耶无畏菩薩言寶女汝於今者信佛語不法兄若有世間无信之人即是

佛也何以故信者即是貪欲瞋恚如
來无有貪欲瞋恚是故無信若无信
者即是无證法兄空无相願真實無
證是故如來亦无有證法兄法界實
性无作無為虛空等法真實无證是
故如來亦无有證無畏菩薩言寶女
以何為證寶女言法兄若有不見無
量佛法如是之人可以為證无畏菩
薩言寶女此舍利弗目犍連等是證
信不寶女言法兄如是如是是證是
信何以故聲聞人戒則有邊際如來
之戒无有邊際定慧解脫解脫知見
亦復如是尔時舍利弗語寶女言寶
女聲聞亦有三解脫門如來亦有三
解脫門汝今何故以聲聞人而為證
信不以如來寶女言大德如阿耨達
池有八味水雨閼浮提而已一切草
木叢林悉得增長如是雨水有差別
不舍利弗言不也寶女大德如阿耨
達池水本一味德人用之則有種種
微妙甘味薄德之人用其味則一廉
惡不美大德如來聲聞三解脫亦復
如是是故如來聲聞之人則有差別

而法界性實无差別。今時世尊讚寶女言善哉善哉。寶女善能分別宣說。是義寶女說是法時。天與人三万二千發阿耨多羅三藐三菩提心。寶女復語舍利弗言。大德。譬如大海其水一味。多有諸寶。亦有水精下價之珠。法界亦尔。雖復平等。諸佛學之得无價寶。聲聞學之得下價寶。大德如須弥山。上有諸天人。多受快樂。或復有天。少受快樂。而須弥山實无差別。法界亦尔。雖復无差別。如來處之受无量樂。聲聞處之受有量樂。大德如轉輪王。雖有千子。皆亦不得稱紹尊位。聲聞之人亦復如是。雖有智慧。不名為佛。大德如然燈器。金則黃光。銅則赤光。其色雖異。燈无差別。法界亦尔。諸佛然之智光。无邊聲聞然之智光。有邊而法界性實无差別。大德如轉輪王入城邑時。一切志知薄福之人入城邑時。乃至親厚。猶不覺知。如來世尊入法界時。亦復如是。一切天人皆志覺知。障覆一切外道異學。勝諸聲聞辟支佛等。聲聞之人入法界時。聲

聞猶尚不覺不知况復餘人大德譬如山間有師子吼瞿呖羅鳥迦陵頻伽孔雀等聲人聲牛聲驢聲馬聲響隨聲發而是響者實无差別隨聲發故響則不同如來聲聞三解脫門亦復如是如來能壞一切魔衆能勝一切外道邪見能知一切衆生心念能知衆生種種所行能調聲聞辟支佛等能出諸佛如來音聲聲聞之人雖同法界則不能同作如是等事大德譬如甘蔗其味雖一與白石蜜為福德人出黑石蜜為薄福德人法界亦尔菩薩摩訶薩則得大智甘露之味不雜聲聞辟支佛味聲聞唯得有邊智味大德譬如三千大千世界多有大海為利无量無邊衆生亦有小河利少衆生法界亦尔大德如日月星宿俱遊虚空而星宿明不及日月是虚空性實无差別法界亦尔如來聲聞雖俱遊止智慧光明實不同等而法界性亦无差別大德譬如二人同學一業一則工巧多得利益一則疎拙獲利无幾如來聲聞法界亦尔大

德如一疊華无有差別巧方便故得上價衣拙方便故得下價衣法界一性亦復如是如來乃以智慧方便大慈大悲業因緣故得大寂靜无價智慧聲聞之人得下智慧而不清淨大德如大海中有羅睺羅阿修羅王亦有其餘衆生之類唯阿修羅王能得其底餘則不得法界亦尔如來則得畢竟智慧聲聞不得大德譬如大地生千葉華及七葉華諸天世人見千葉華志生歡喜如來聲聞法界亦尔諸天世人見佛歡喜心生愛樂非聲聞也大德以是義故如來智慧无量无边聲聞智慧有量有邊而法界性實无差別無畏菩薩語寶女言是不可說菩薩摩訶薩定是汝師能以妙法調伏於汝寶女答言善男子不可說菩薩无所調伏何以故如是菩薩不見自他及以此彼如其尔者何所調伏善男子若有不覺一切魔界及自境界如是之人則能調伏復次善男子若能知見一切諸法不見有我及以我所如是之人則能調伏復次

善男子若有能自勤修苦行不勸他
修修苦行已心不生高如是之人則
能調伏復次善男子如諸菩薩為衆
生故在大生死即得解脫不行涅槃
如是之人則能調伏是名第一實義
調伏今時世尊告无畏菩薩言善男
子是寶女者真實從彼不可說菩薩
而得調伏以調伏故未來當得阿耨
多羅三藐三菩提是時寶女復白佛
言世尊菩薩摩訶薩實无調伏若調
伏者即是大悲悲能調伏非是人也
聲聞之人則須調伏何以故無大悲
故世尊如菴羅果樹上熟者其味甘
美人所貪嗜若生薺者其味則苦人
所薄賤如來智慧亦復如是從大悲
生是故自調不由於他無畏菩薩語
寶女言汝亦能報是不可說菩薩恩
不寶女言善男子我若知恩何得不
報若有衆生不能修行菩提道者如
是之人則不能報寶女云何名為修
菩提道寶女言善男子三十二業名
菩提行何等三十二終不退失菩提
之心不貪聲聞辟支佛心至心修行

无有諂曲凡所修行无有障碍為衆
生行心無厭悔雖行生死離貪恚心
於諸衆生其心平等恚能教化而調
伏之以四攝法而攝取之為衆得樂
修大慈心為苦衆生修行大悲如說
而行精進堅固終不欺誑一切衆生
所修莊嚴為助菩提不求一切世間
之樂心不貪著世間利養不為身故
造作衆惡不貪壽命不見他過其心
調伏淨三種戒莊嚴修集相好之業
常念出家報往善業常樂寂靜多聞
无厭智慧能利自身他身凡所說法
無有食想能捨一切不求果報淨於
戒聚不生憍慢終不自讚所有功德
為他人故勤修忍辱為淨土故勤行
精進為知方便求一切智永斷一切
煩惱習氣為得神通護持正法親近
善友善心思惟遠離魔業如法而住
得无生滅微妙智慧善男子若有不
能行如是法當知是人不能報恩亦
復不能知如來恩善男子有二種人
必死不治畢竟不能知恩報恩一者
聲聞二者緣覺善男子譬如有人墜

墮深坑是人不能自利利他聲聞緣
覺亦復如是墮解脫坑不能自利及
以利他今时无畏菩薩即脫已身所
著上衣以報寶女說法之恩今時寶
女不肯受之無畏菩薩言我為法故
唯願受之善男子法離於貪是故不
應說法而受法者无取是故不應取
供養物法者無貪是故不應貪供養
物法者無我及以我所是故不應以
我所物而為供養法者清淨是故不
應以不淨物而為供養法無身心身
心行者非供養也法非心意識心意
識者非供養也法无牽挽有牽挽者
非供養也法非有无是故有法非供
養也法非諸有是故有想非供養也
法非覺觀有覺觀者非供養也法无
增減有增減者非供養也法無高下
有高下者非供養也法不可說不可
聽聞无有名字捨一切聲遠離聖道
是故不可以衣供養法无境界非眼
境界至意境界无有屋宅是故不應
以衣供養法者即是十二因緣非常
非斷是故不應以衣供養法无障碍

不顛不倒不可量度无我衆生士夫
壽命不生不滅不出无為是故不應
以衣供養无畏菩薩言寶女如來世
尊亦受如是法之供養善男子如來
雖受法之供養如法界性而不分別
寶女云何名為分別法界善男子若
言法異法供養異受施者異施者亦
異是則名為分別法界若不分別法
及供養受者施者是則不名分別法
界无畏菩薩言寶女如其法界无分
別者云何說言分別法界不分別耶
寶女言善男子法界之性雖无分別
而諸衆生心顛倒故生於分別善男
子如有器故名為完破若有作業有
所取者則名為破名為分別善男子
如器雖壞器中虚空終不可壞法界
之性亦復如是今時世尊讚寶女言
善哉善哉若有人能成就是法如是
之人堪受三千大千世界人天供養
佛說是已大衆諸人各各脫身爲多
羅僧奉上寶女今時不可說菩薩摩
訶薩白佛言世尊凡可說者即是世
間不可說者即是出世可宣說者即

是愛心不可說者即是離愛可宣說者。是世間行不可說者是出世行。世尊出世之義。无所造作。无所作者。即無諍訟。无諍訟者。即沙門法。沙門法者。即出世法。出世法者。即无罪過。无罪過者。即是不取。不生。不滅。不生。不滅。即是出世。出世之法。不可宣說。不可顯示。以是義故。一切諸法。不可宣說。今時衆中。有一天子。名曰勝意。語不可說。菩薩言。善男子。若一切法。不可說者。衆生云何而得言說。不可說言。善男子。汝寧知響音有言說。不勝意言。善男子。響音者。皆從因緣。而有善男子。是響音之因為。定在內。為定在外。天子言。善男子。如是因者。不定在內。不定在外。天子。一切衆生。强作二想。而有所說。諸法之性。實不可說。天子言。善男子。若不可說。云何如來宣說。八万四千法聚。令諸聲聞。受持讀誦。天子如來世尊。實无所說。无所說者。即是如來。天子。汝知何等為如來也。將不謂色受想行識。是如來乎。將不說佛。是去來現在有為。无為。陰界諸入。三界。

所攝是因是果是和合耶或想非想亦想非想非想非非想耶不也善男子天子若如是等非如来者云何可說若不可說云何而言如来世尊演說八万四千法聚是故八万四千法聚實不可說聲聞受者亦不可說不可說者即是正義義若无說即是真實若可說者則為不定若不可說則為可證若可說者不可為證何以故以顛倒故今時勝意天子白佛言世尊是不可說菩薩所說誰當信之今時不可說菩薩以神通力化作比丘作如是言我今深信是不可說菩薩所說何以故我如如来亦如法界如来諸陰不可宣說我陰亦今不可宣說如来界入不可宣說我之界入亦不可說如来菩提我之菩提亦今等無差別如来了知諸衆生界我亦了知諸衆生界如来轉於无上法輪我亦如是轉於法輪如来入於无上涅槃我亦如是入於涅槃天子言比丘汝今將非魔所造耶而說是言等於如来比丘言天子若有人言我異佛

異當知是人即魔弟子若有說言以我平等觀法平等法平等故衆生平等衆生平等如來平等如是之人即真實知能過魔界時化比丘說是語時五百比丘漏盡解脫八千菩薩成就忍辱即以香華供養比丘舍利弗言諸善男子何故供養是化比丘諸菩薩言大德誰作是化諸善男子汝今不知是不可說之所化乎諸菩薩言大德譬如如來復化如來有人供養為供養誰諸善男子是人即是供養如來大德若有供養是化比丘即是供養不可說菩薩舍利弗言善男子是不可說菩薩摩訶薩設何供養任供養之大德若有智人无有聲行無字無色无名無作无所宣說無自无他無法非法无淨無穢如是供養乃任供養時化比丘語舍利弗言大德汝意將無謂我今者異於汝耶舍利弗言不也比丘何以故如來常說一切諸法皆悉如幻如來如說我亦如信大德若有人能供養如來即是供養化无異也時舍利弗語不可說

菩薩言善男子誰入是化今作是說
大德如鏡中像其誰在中而有像現
善男子无在中者直以清淨四大因
緣故有像現大德化亦如是法性淨
故能作此說善男子若尔者一切衆
生何故不能如是宣說大德鏡之背
後俱不離鏡像何不現善男子鏡背
四大不清淨故大德衆生亦尔不能
清淨法界性故不能宣說善男子汝
先後語義不相應何以故汝常說言
一切法界性自清淨今云何說法界
不淨大德若不尔者汝云何因阿濕
比丘得法眼淨善男子我但因其開
導除滅客煩惱故名法眼淨實无所
得善男子若有人言我得虛空是義
不然何以故虛空之性常自清淨若
常清淨云何可得客雲覆故衆生不
見除客雲故名之為見法界之性亦
復如是是故我實不得法眼善男子
汝今云何作如是等不相應說言法
界性或淨不淨不可說菩薩言大德
汝之所說及我所說者皆是諸佛如
來境界非是我等之所知見舍利弗

言善男子若言是說是佛境界非我所知云何復言法界之性无有分別若有分別當知法界則有无量不可說言大德法界性一實非无量舍利弗言善男子如其法界性是一者云何說言是佛境界非我所知若法界一以何因緣一切衆生不名如來大德汝欲分別衆生如來有異相也善男子如汝先說我不欲令衆生如來有別異想大德汝意定謂有无生耶善男子有所謂法界大德汝意復謂有邪正耶不也善男子邪正聚者即是顛倒大德汝謂有法不生生耶不也善男子若是不生畢竟不生大德汝意謂是不生之法有分別耶不也善男子大德如其不者何故說言一切衆生非如來耶若如是者誰是衆生誰是如來善男子我以先解如是之義為顯智慧故作此問善男子若有不解汝意所說是諸衆生當墮地獄何以故以生誹謗故不可說菩薩言大德如是法者无人能誹无人能受何以故若有誹受當知是人亦當

獲得如是等法大德如大力士弱劣之人不能生疑我法亦尔若有不於无量佛邊種善根者終不能疑不能受持善男子如我解汝所說義者有人信順如是法語勝无量劫行檀波羅蜜尸波羅蜜羼提波羅蜜毗梨耶波羅蜜禪波羅蜜世間般若波羅蜜尔時世尊讚舍利弗言善哉善哉如汝所說若有信解如是語者當知是人已於无量阿僧祇劫修行如是六波羅蜜若有不能信是語者則不能得受佛記劫成阿耨多羅三藐三菩提若能信者則得受記成阿耨多羅三藐三菩提舍利弗我念往昔无量劫中修六波羅蜜以不能信如是語故不得受記不成阿耨多羅三藐三菩提其後信已即得受記成阿耨多羅三藐三菩提是故當知若有人能信解是語即得受記成阿耨多羅三藐三菩提不可說菩薩白佛言世尊以何等分而得受記若過去分得受記者是義不然何以故是滅法故若未來分得受記者是亦不然何以故

以未生故若現在分得受記者是亦不然何以故不可說故若是三分無受記者云何說言菩薩受記佛言善男子若有菩薩摩訶薩信不可說知不可說說不可說於不可說不生怖畏知不可說及色二法无有差別受想行識眼乃至意佛法僧寶生死解脫法界不可說亦復如是是名菩薩得忍辱分得无生分得无出分得無取分得无汙分得無有分得无作分具足成就如是等分於一切法不生二相二心二意二分二緣若有菩薩能如是觀是名不去不來不住以不住故故無所作无所作故無所願求無願求故不斷不常若无斷常即是中道中道即是十二因緣十二因緣無作无求以是義故名為甚深无有作者无有受者以是義故復名甚深不生而生不出而出以是義故復名甚深譬如熾火從因緣生无有作者无有受者是火滅已无有去處无有來處一切諸法亦復如是无有作者无有受者善男子若有菩薩能如是知當

知是人則得受記

大集經卷一

第三張 位

身

尔時世尊說是法時八千菩薩得无
生法忍得是忍已上昇虚空七多羅
樹合掌恭敬而說偈言

若能觀是色陰分 及不可說无二相
是人即獲平等智 猶如先佛之所得
若觀受想行識陰 亦復如是无有二
能諦了知不可說 即得受記如先佛
若欲觀察入界等 及一切法无二相
无聲無字無有節 是故諸法不可說
不可說分三世分 即是一分无差別
實性真相悉平等 如是觀名義菩薩
貪欲瞋恚及愚癡 空无相願悉平等
生死涅槃无差別 佛法僧寶亦无二
一切法義不可說 无有生滅如虚空
无作無受如火性 從緣而生非緣滅
滅已不知去來處 一切諸法亦如是
諸法皆從因緣生 因緣斷故名爲滅
若法不生而不滅 亦復不常而不斷
即是甚深十二緣 更不從緣而出生
本无有生而今生 本無有出而今出
無有造作无受者 无有諸因及果報
亦復非有而非无 非有彼此二種相

亦不在內非在外

即是甚深十二緣

是法本無而今有

已有之法後還无

若是有法三世攝

當知性相如前說

若是內法外中无

外法之性內中无

一切諸法亦如是

是名第一真空義

一切衆生心本性

清淨无穢如虛空

凡夫不知心性故

說客煩惱之所染

若諸煩惱能汙心

終不可淨如垢穢

諸客煩惱障覆故

說言凡夫心不淨

如其心性本淨者

一切衆生應解脫

以客煩惱障覆故

是故不得於解脫

心不能生次第心

心不能見次第心

一切諸心從緣生

是故次第心不斷

若能知見如是心

猶如虛空及幻相

是人即得心自在

亦能了知次第心

猶如幻師所作幻

无量世業師亦尔

如心衆生亦復然

若知即得心自在

若有能得如是忍

猶如幻法无因緣

若知如是不生貪

不由因緣得解脫

一切衆生諸心性

如來攝為三世攝

猶如幻物无真性

衆生之心亦復然

心能了知諸衆生

衆生亦能了於心

心者非色不可見

如心衆生亦復然

如衆生性一切法 无為之性不可說
如來學得真法性 是故名為无尋智
一切凡夫不知見 流轉无量生死中
無明所覆迷於實 不知如余及法界
法界之性如虛空 一切世間不能說
如來修集大慈悲 无字法中而演說
猶如世間六種味 各各不能自覺知
衆生雖說陰入界 而不能了其性相
遠離一切顛倒故 猶如虛空及以幻
如來覺了一切法 是則名為淨智慧
若能觀察如是法 无受無作如草木
若有无量諸菩薩 是人即得无生忍
是人即為无量佛 獲得如是忍辱者
若能放捨内外物 授其无上菩提記
能調一切諸衆生 乃至不惜於身命
若能清淨諸衆生 是人即為佛授記
說諸衆生志清淨 既清淨已不生慢
若知諸法念念滅 以是因緣得受記
復能演說衆生忍 為衆生故修忍辱
遠離惡法勤精進 因是忍故得受記
若能演說勤精進 為修善法不休息
一切諸法本性淨 因精進故得受記
平等无差如虛空

若能演說是平等

因三昧故得受記

若能知法不可說

說時不生於怖畏

能以方便化衆生

因是智故得受記

今時魔王將四種兵車兵馬兵爲兵
步兵來至佛所魔自化身作比丘像
語不可說菩薩言善男子魔王波旬
今將四兵來至佛所汝今欲設何等
方便不可說言彼若來者我當令其
發阿耨多羅三藐三菩提心比丘言
善男子彼魔波旬都无善心云何能
令發菩提心不可說言我當調伏令
得善心得善心已以是因緣發阿耨
多羅三藐三菩提心云何調伏我當
往彼他化自在王其境界彼當屬我
既屬我已我當隨意而調伏之今時
波旬聞是語已心生憂怖即欲退還
而不能得復作是念我於今者既不
被縛又不得解亦復不能作神通力
時魔即聞空中聲曰是不可說神通
之力魔王波旬即時便前向不可說
禮拜懺悔而作是言我今捨離一切
魔業不可說言波旬誰繫縛汝波旬
答言善男子我无繫放而不能行不

可說言善男子如汝今者不繫不放而不能行一切衆生亦復如是无繫無放而不能行何以故无明愛等顛倒繫縛不得解脫波旬汝今若欲壞繫縛者應當速發阿耨多羅三藐三菩提心波旬答言善男子一切衆生成就幾法能發无上菩提心耶波旬衆生成就十六種法能發阿耨多羅三藐三菩提心何等十六所謂常修上心瑩磨諸根勤修諸善莊嚴功德至心持戒不生悔厭修集大悲憐愍衆生信佛世尊有大慈悲為諸衆生受行諸苦能壞衆生所有苦惱調伏諸根具足正念心无所畏不求諸有樂求佛智不樂二乘受樂无慢受苦无悔恭敬智慧破壞憍慢知恩報恩具足身力護持正法不斷三寶是名十六善男子若有衆生具如是法當知是人能發阿耨多羅三藐三菩提心波旬言善男子衆生若具如是等法能發阿耨多羅三藐三菩提心者我今實无如是等法云何能發无上道心不可說言波旬譬如種樹為華

果實初雖未有當知其後必得不疑
衆生若為向菩提心行亦復如是雖
未現有漸漸當得是十六法波旬言
善哉善哉善男子如汝所說說是法
時天與人衆三万二千發阿耨多羅
三藐三菩提心波旬言善男子云何
名為向菩提心行善男子有三十二
法向菩提心而得增長何等三十二
一者至心二者定心三者淨心四者
欲心五者不放逸心六者修集善法
七者莊嚴趣向无上菩提八者能以
四攝攝取衆生九者樂行方便十者
調伏衆生十一者能熟衆生十二者
能知因緣十三者勤行精進十四者
親近善友十五者具足信心十六者
具足信心故便生歡喜十七者供養
恭敬師長和上有德之人十八者能
瞻病苦十九者能善思惟二十者如
法而住二十一者為護法故不惜身
命二十二者成就摠持二十三者的
足念心二十四者能說深法二十五
者具足智慧二十六者具足諸力二
十七者願於菩提二十八者不捨衆

生二十九者修集慈悲喜捨之心二十者遊於生死心不生悔三十一者為受身故莊嚴福德為發淨願莊嚴智慧三十二者知一切法不可宣說是名三十二菩薩若能增長是法必得阿耨多羅三藐三菩提善男子譬如秋夜初月增長亦明亦淨眾生未發菩提之心具足如是三十二法亦復如是善男子菩薩若能具足如是三十二法得妙色相常為天人之所供養能捨一切不求果報發大誓願淨於三世持戒完淨不漏不破修於忍辱得從聞善无生法忍莊嚴善法身心寂靜不貪善根終不修集愛味諸禪亦不修集緣眾生慈唯修法緣无緣之慈修集大悲作他所作知恩報恩不捨眾生樂聽正法如聞而說演說法時无有食想能調自他離貪恚心以四攝法攝取眾生修行福智二種莊嚴毗婆舍那及舍摩他具足念心淨諸威儀成就獲得四无尋智身口意業從於智慧其心堅固无有退轉常能利益一切眾生疲旬為諸

衆生入佛法故示有文字音聲演說
第一義中都无如是文字聲說是則
名為一切法性一切法性性不可說
波旬言善男子若一切法不可說者
菩薩云何發大誓願向於菩提不可
說言波旬譬如虛空其性无邊是中
寧可作井池不不也善男子波旬若
一切法性无不可說者終不可證不
可宣說波旬言云何名為發菩提心
不可說言了知貪性則名發心若復
了知瞋癡慳妬陰入諸界无明行識
名色六入乃至生老病死大苦是名
發心波旬言一切諸法有何等性波
旬一切諸法無出是性波旬言云何
無出夫无出者即无魔迹魔迹即是
我及我所離我我所是名无出覺觀
因緣行想聚取說想非想生滅善惡
有漏无漏有為无為世及出世即是
魔迹若无如是即是無出說是法時
八千菩薩得無生忍虛空之中出如
是聲善哉善哉波旬說是法時八千
菩薩得无生忍波旬言善男子菩薩
具足何等法故得无生忍空中聲曰

修集具足六波羅蜜得无生忍今時不可說菩薩白佛言世尊唯願如來為諸菩薩說不可說佛言善男子若有菩薩行檀波羅蜜時觀身如幻觀受如夢觀於菩提猶如虛空行施之時不見一法是名檀波羅蜜不可宣說若有菩薩觀戒戒地毀戒及地觀諸衆生无有我性觀於法性是名持戒不毀破戒具足戒已不發三眼一持戒眼二破戒眼三菩薩眼雖復持戒不求一法不見菩提去來現在是名尸波羅蜜不可宣說善男子若有菩薩觀諸衆生不生不出而修於忍觀於菩提衆生諸法皆忘空寂衆生空中无瞋喜心亦復不覺一法怨相而修於忍亦復不覺遠離一法而修於忍是名羣提波羅蜜不可宣說善男子若有菩薩勤行精進都不見有身口意等一法是生一法是滅而修精進不壞法界為度衆生而修莊嚴於空无我不生錯乱為欲具足一切佛法而行莊嚴聞說佛法即是無法於是事中不生恐怖清淨莊嚴如來

世界雖復莊嚴觀之如空亦不莊嚴
轉於法輪何以故一切法性不可說
故是名毗梨耶波羅蜜不可宣說善
男子若有菩薩修禪波羅蜜修已不
見過去心性淨本性已不見住處亦
復不見貪恚癡心上中下心及无貪
恚愚癡慧心亦不分別何以故如貪
恚癡性无貪恚癡亦復如是如是觀
已亦入禪定亦不能作平等平等亦
不能以不平等法而作平等亦能了
知陰界諸入善惡淨穢有漏无漏世
間出世間生死涅槃對治等法是名
禪波羅蜜不可宣說善男子云何名
為不可宣說般若波羅蜜若无慧行
无我我所衆生壽命士夫常斷有无
等見欲界色界及无色界是名无行
無有諍訟无去無來是則名為隨於
慧行離无明闇及惡邪見觀如是法
即真實觀善男子火災起時一切燒
盡无有因緣唯除虚空菩薩行是不
可宣說般若波羅蜜時亦復如是无
有因緣見一切法本性盡滅以方便
故為諸衆生宣說涅槃亦知衆生无

有名字以方便故宣說名字以慧力
故知過去未來說於出滅雖復了知
無有身心以方便故說於身心雖知
諸法不可宣說為衆生故方便而說
雖知无施及以受者以方便故說施
說受雖知諸法本性清淨以方便故
說有禁戒雖知諸法本无瞋性以方
便故修集忍辱雖知无修無有遠離
以方便故勤修精進雖知諸法本性
寂靜以方便故修行禪定雖知无有
生死涅槃以方便故修集智慧雖知
諸法本性自滅以方便故說於涅槃
即是般若夫般若者无聲名字不可
宣說不可見聞无心無識不取不捨
非我我所非有處所形質規矩不高
不下非色非見非對非作非覺非想
无有住處非去來現在非色聲香味
觸法意非明非闇非是虛空非內非
外非作非有非肥非瘦非增非減本
性清淨非貪恚癡亦非狂亂无有邊
際不可稱量是名般若波羅蜜不可
宣說說是法時魔王波旬於繫得脫
心生歡喜即作是言如我今聞不可

說法而得解脫若有善男子善女人
聞是法者亦當如我於顛倒中而得
解脫一切衆魔不得其便今時會中
有二十衆生發阿耨多羅三藐三菩
提心是時阿難白佛言世尊如是正
法名字何等云何奉持佛告阿難是
經名為方等大集亦復名為不可說
法亦復名入一切佛法斷一切佛所
有名字若有人能頂戴受持如是等
法即能獲得阿耨多羅三藐三菩提
今時空中多設伎樂香華供養不可
說菩薩是時三千大千世界六種
震動

大方等大集經卷第三

辛丑歲高麗國大藏都監奉
勅雕造

大方等大集經卷第十四

位

北凉天竺三藏曇無讖譯

虛空藏品第二之所問品第一

今時婆伽婆遊如來行處妙寶莊嚴
堂上如來威神大功德莊嚴衆相具
足因於本行佛地得報菩薩宮宅稱
無量讚如來神力之所建立入無尋
智行處生勝喜悅思念進智分別巧
說衆德具足來世所歎世尊正覺善
轉法輪善能調順無量衆生於諸法
中皆得自在知諸衆生心所趣向善
能分別一切諸根彼岸善斷結習永
盡無餘所施佛事自然成辦與大比
丘衆六百万人俱其心調柔結習已
斷皆是如來法王之子行甚深法善
能解了无所有法殊妙端正威儀具
足是大福田正住如來所教法中復
與大菩薩僧俱度一切諸行不捨菩
薩所行得无我忍於諸衆生不捨大
悲過諸世間而順世法勤化衆生亦
能善入如來行地又復不離菩薩行
地其名曰普明菩薩摩訶薩无尋明

菩薩於一切法自在王菩薩无寻行
處菩薩分別辯覺菩薩淨无量網明
燈王菩薩不染行處菩薩壞魔界放
光明菩薩如是等不可計阿僧祇不
可思不可稱不可量无齊限不可說
菩薩摩訶薩俱

尔時世尊說諸菩薩出要之行名無
寻法門莊嚴菩薩道成就佛法諸力
无畏得知諸法自在入陀羅尼印門
入分別諸辨門入大神通門入說不
退轉輪諸乘平等門入一相法界无
分別門入說隨衆生根所解差別門
入堅法分別壞諸魔界善順思惟門
入断諸結及見无寻智慧門入无等
願方便智門入諸佛等智門入諸法
无滯寻如實分別門入无變異平等
法門入甚深十二因緣門入功德智
慧莊嚴佛身口意堅固思進念專無
盡門入四聖諦門為調伏聲聞故入
遠離身心行門為調伏辟支佛故入
授一切智記門為調伏菩薩故入諸
法自在門為顯佛功德故所謂開示
解說顯現令解教讀施設次序開張

分別令易隨順正說今時世尊如是
善分別大法方便時於此三千大千
世界一切諸色像若鐵圍山大鐵圍
山須弥山王及諸黑山四天下及閻
浮提聚落城邑舍宅大海江河泉源
陂池藥草樹木及諸叢林諸龍夜叉
乾闥婆阿修羅迦樓羅緊那羅摩睺
羅伽等宮殿地神宮殿虛空中諸神
宮殿四天王天三十三天夜摩天兜
率陀天化樂天他化自在天及梵天
宮殿上至阿迦膩吒天宮殿一切大
地及欲界色身衆生悉皆隱蔽眼所
不見喻如劫盡火災起後大地焦盡
大水未出當今之時乃无一色與眼
作對今時三千大千世界亦復如是
亦无少色是欲色界所攝唯除妙寶
莊嚴堂中所見色像今時於妙寶莊
嚴堂中虛空中无所依著自然成無
量百千那由他寶臺微妙莊嚴世所
樂見喻如大妙莊嚴世界一寶莊嚴
佛土菩薩所住寶臺此諸寶臺亦復
如是見諸大衆坐寶臺中於妙寶莊
嚴堂內自然踊出淨妙真金師子之

座高十千由旬此師子座出妙淨光
明普照此三千大千世界映諸菩薩
光明令不明顯今時大眾歡喜踊躍
心悅豫歎未曾有合掌向佛作如
是言今者如來必說大法現此瑞應
今時舍利弗承佛威神從寶臺起更
整衣服偏袒右肩右膝著地合掌向
佛而白佛言世尊是何瑞相有如是
等生勝喜悅現大神變世尊此諸大
眾皆生疑惑願如來說何因何緣現
此未曾有事今時佛告舍利弗東方
去此過八佛世界微塵數等佛土有
世界名大莊嚴彼國有佛号一寶莊
嚴如來應供正遍知明行足善逝世
間解无上士調御丈夫天人師佛世
尊今現在說法以何因緣世界名大
莊嚴若廣說彼世界莊嚴事者一切
不盡是故彼土名大莊嚴何因緣故
彼佛名為一寶莊嚴舍利弗彼如來
因一寶說法所謂无上大乘之寶是
故彼佛名一寶莊嚴彼佛與諸菩薩
衆各昇師子座踊在空中高八十億
多摩樹為諸菩薩說虛空印法門何

謂虛空印法門如一切法以虛空為
門无住處故一切法无住處門无形
相故一切法無形相門過諸行處故
一切法无行處門内外淨故一切法
淨門性无染故一切法无染門自性
寂靜故一切法寂靜門心意識本无
故一切法本無門離物非物故一切
法无物門無教相故一切法无教門
无形段故一切法無形段門離因緣
境界故一切法无因緣境界門寂滅相故
一切法寂滅門離二相故一切法无
二門捨別異故一切法無別異門入
一相故一切法一相門自相淨故一
切法自相淨門過三世故一切法過
三世門不離平等故一切法不離平
等門幻化相非相故一切法幻化相
門體不實故一切法无體門無作相
故一切法无作門身心遠離故一切
法遠離門離相无相故一切法无相
門相不動故一切法不動相門无依
處故一切法无依處門住无際故一
切法無際門無攢窟故一切法无攢
窟門无我無我所故一切法无我無

我所門無主故一切法无主門性无
我故一切法无我門内清淨故舍利
弗彼一寶莊嚴如來為諸菩薩廣說
如是虚空印法門彼如來說是法時
无量阿僧祇諸菩薩解知諸法性與
虚空等於諸法中得无生忍舍利弗
彼大莊嚴刹土一寶莊嚴佛所有一
菩薩摩訶薩名虚空藏以大莊嚴而
自莊嚴於諸不思議願寂為殊勝得
一切功德中之威德无尋知見不可
思議菩薩功德以自莊嚴以諸相好
莊嚴其身以善說法隨所應度莊嚴
其口不退於定莊嚴其心以諸持持
莊嚴其念入諸微細法莊嚴其意順
觀法性莊嚴於進以堅固擔莊嚴導
至以必成辨莊嚴所作以從一地至
一地莊嚴畢竟捨諸所有莊嚴於施
以淨心善語莊嚴於戒於諸衆生心
无有尋莊嚴忍辱衆事備足莊嚴精
進入定遊戲神通莊嚴於禪善知煩
惱習莊嚴般若為救護衆生莊嚴於
慈住不捨衆生莊嚴於悲心无猶豫
莊嚴於喜離於憎愛莊嚴於捨遊戲

諸定莊嚴神通得無盡寶手莊嚴功德分別諸衆生心行莊嚴於智教衆生善法莊嚴於覺得慧明淨莊嚴慧明得義法辟應莊嚴諸辯壞魔外道莊嚴諸無畏得佛元量功德而自在莊嚴常以諸毛孔說法莊嚴於法見諸佛法明莊嚴自明能照諸佛國莊嚴光明說不錯謬莊嚴所記神通隨所樂說莊嚴教授神通到四神足彼岸莊嚴變化神通入佛密處莊嚴諸如來護持自悟正智莊嚴法自在如說而行无能壞者莊嚴一切善法堅固彼虛空藏菩薩成就如是等無量功德與十二億菩薩摩訶薩俱發意欲來詣此娑婆世界見我禮拜供養恭敬圍遶亦為此大普集經分別少法門分故又為此十方諸來會菩薩生大法明故又為增益開大乘法故又為受持如來法故又為無量衆生善根出生故又為以善法調伏諸魔外道故又為示現菩薩師子遊戲神通故彼虛空藏菩薩欲來至此是其瑞應今時世尊說此事已即時虛空藏菩

薩與十二億菩薩摩訶薩恭敬圍遶
詣一寶莊嚴佛所白佛言世尊我欲
詣娑婆世界見釋迦牟尼佛禮拜供
養彼佛報言欲往隨意宜知是時即
頂禮一寶莊嚴如來足下已右遶七
匝承佛遊戲无作神足於彼大莊嚴
國土忽然不現以一念頃與諸菩薩
衆俱來至此娑婆世界寶莊嚴堂妙
寶臺上今時虚空藏菩薩雨妙華香
供養世尊及此大寶集經所謂毘陀
羅華摩訶毘陀羅華波利質多羅華
摩訶波利質多羅華毘殊沙華摩訶
毘殊沙華盧遮那華摩訶盧遮那華
水陸諸華大如車輪百葉千葉百千
葉皆出光明香氣普熏妙香適意開
敷鮮淨雜色光耀眼所樂見雨如是
等種種无量妙華滿妙寶堂中高一
多羅樹作諸天樂其音皆出无量百
千法門之聲與檀波羅蜜相應聲尸
羅羣提毗梨耶禪那般若波羅蜜相
應聲與四无量相應聲與四攝法相
應聲與助道法相應聲與三脫門相
應聲與四聖諦相應聲與十二因緣

相應聲

今時虛空藏菩薩供養世尊頂禮佛足遶七匝已在一面立白佛言世尊彼一寶莊嚴如來應正遍知致問无量少病少惱起居輕利安樂行不彼一寶莊嚴如來又言有十二億菩薩與虛空藏菩薩俱往至彼娑婆世界願世尊說如是如是法使諸菩薩得自然智亦使成就大法光明已還來至此所以者何以世尊昔來已曾化此善男子等發菩提心今時虛空藏菩薩當世尊頂上化作大寶蓋廣十千由旬以青琉璃為軒真珊瑚寶為子以琉璃及閻浮檀金為井垂雜妙真珠縵網瓔珞寶鈴和鳴其蓋光明普照十方與諸妙華互相綺錯今時虛空藏菩薩於如來不思議功德深生敬重合掌向佛以偈讚言
法義智慧取勝尊 本淨無垢无所著
喻如虛空无染汙 我礼不動聖足下
行无與等無涯底 現法嚴身寂殊勝
佛真法身如虛空 普生大悲而濟度
人中師子能示現 百福莊嚴世尊身

斷諸言語无音響

雖諸言說无戲論

雖知如是而現說

无性衆生令悅豫

諸心非心得此心

能知非心幻化心

善知衆生心行性

而能不住彼我心

示現威儀濟衆生

善逝身无作不作

佛知衆生隨所樂

即能示現如是形

世尊於法不計我

不生憶想著於法

能知以何法受教

而隨所悟應時說

大衆渴仰瞻世尊

世所希有寂无比

世尊无心於示現

无能令諸大衆悅

此等諸法從緣生

虚无寂寞非真實

世尊善知如是法

得至清涼沮洳道

去離二邊不著中

知虚非真无自性

此等諸法无作者

善說業報非斷常

法无衆生命及人

寂靜不名如虚空

如實分別无衆生

而安多衆至甘露

昔行多劫不思議

求進勢力勝菩提

所為妙行今已成

至无至義覺无餘

一切諸法上中下

患知平等常无異

智者所知知不著

是故世尊定不乱

陰入諸界如幻化

三界皆如水中月

衆生虚偽性如夢

以智分別說是法

世人假稱名得道

實无有得无得相

如道无得輪无轉

如輪无轉無度者

故能度衆於四流

自度度彼繫顛倒

善能安慰苦惱者

自滅滅彼至无為

衆生无生無涅槃

衆生本淨不可得

道及衆生猶如幻

自覺此際覺多衆

如虛空中不見色

一切群生色亦尔

諸法離色及色相

能知此色則得離

作諸妙喻以讚佛

執見而讚是其毀

佛德如空无差別

无所限量是讚佛

故礼淨尊淨他者

無緣无心入微心

如佛功德世尊知

如如功德我今礼

能知衆生无我者

知諸法際離欲者

見法身者則見佛

即為供養十方佛

虛空藏菩薩說此偈已即時妙寶莊嚴

堂及虛空中諸寶臺六變振動一切

大衆心淨悅豫踊躍歡喜歎未曾有

皆言虛空藏菩薩善能說此妙偈若

有善男子善女人能行此法者乃至

夢中不見有法以漸皆當得師子吼

如虛空藏菩薩今時虛空藏菩薩以

如斯妙偈讚如來已白佛言世尊欲

少所問唯願聽許若聽問者尔乃敢

問所以者何世尊有无量知見能知

衆生諸根有淳熟未淳熟者世尊明達去諸闇冥故世尊了義善說分別諸句義故世尊知時不過限故世尊所記不謬如說不錯故世尊知時隨諸衆生行說法故世尊善遊戲通達諸神足故世尊善觀體衆生心行故世尊寂无染於諸法中得自在故世尊自悟覺了諸法故世尊正御邪趣衆生教令入正故世尊是大醫王能令无始世界衆病永斷故世尊大力成就佛十力故世尊无畏成就四无畏故世尊无勝成就十八不共法故世尊大慈行殺一切衆生心無尋故世尊大悲行知見無我拔一切衆生苦故世尊大喜行於禪解脫定入定到彼岸故世尊大捨行斷一切憎愛心如虛空故世尊得平等覺了諸佛法无尋故世尊无憎愛心畢竟清淨毀譽不動故世尊无怖望智慧滿足於利養讚歎无欲求故世尊一切知見一切佛行處到彼岸故我知見世尊有如是等无量無邊功德成就是故我欲於法門中少有所問虛空藏

菩薩作是語已。今時世尊告虛空藏。
菩薩言善男子。我當聽汝所問。隨汝欲。
問。恣汝所問。吾當隨汝所問。悅可。今。
心。今時功德光明王菩薩問虛空藏。
菩薩言善男子。汝為誰。故欲問如來。
即時虛空藏菩薩以偈報功德光明。
王菩薩言。

一切等心諸衆生。平等能至彼岸者。
遊戲无垢悲心中。我為是等問世尊。
能到正見无垢穢。已无猶豫斷彼疑。
自得了達利衆生。我為是等問世尊。
知我无我無與等。為衆發心不著衆。
能脫衆生計我見。我為是等問世尊。
能護威儀慎所行。其心清淨如虛空。
堅固不動如須弥。我為是等問世尊。
進心无涯慧无等。勇健能害煩惱怨。
已結已斷斷彼結。我為是等問世尊。
樂施威儀調伏心。常住聞進戒忍力。
禪定諸通勝慧明。我為是等問世尊。
樂空无相無願法。而現受形處生死。
無生无終達甘露。我為是等問世尊。
知見甚深无崖際。聲聞緣覺所不及。
而知一切衆生行。我為是等問世尊。

善能了達樂正行 於法非法繫已斷
常處正定心不乱 我為是等問世尊
不斷佛種諸賢士 能護正法及與僧
多聞三世諸佛讚 我為是等問世尊
尔時虛空藏菩薩以此妙偈答功德
光明王菩薩已白佛言世尊云何菩
薩行檀波羅蜜與虛空等云何行尸
波羅蜜羣提波羅蜜毗梨耶波羅蜜
禪波羅蜜般若波羅蜜與虛空等云
何行功德與虛空等云何行智與虛
空等云何菩薩不離如如來所許
念佛念法念僧念施念戒念天云何
菩薩修行諸法平等如涅槃云何菩
薩善分別行相云何菩薩持諸佛法
寶藏隨如來所覺法相性如實知諸
法相性已不取不捨云何菩薩分別
衆生從始已來清淨而教化衆生云
何菩薩善順發行成就佛法云何菩
薩不退諸通於諸佛法患得自在云
何菩薩入甚深法門諸聲聞辟支佛
所不能入云何菩薩於十二因緣因
善得勝智方便離二邊諸見云何菩
薩為如來印所印如如不分別智方

便云何菩薩入法界性門見一切法
平等性云何菩薩淳至堅固猶如金
剛於此大乘心住不動云何菩薩自
淨其界如諸佛界云何菩薩得陀羅
尼終不失念云何菩薩得无障碍如
來加持辯云何菩薩得自在示現受
生死云何菩薩破諸怨敵去離四魔
云何菩薩利益衆生莊嚴功德云何
菩薩世无佛時能作佛事云何菩薩
得海印三昧善能得知衆生心行云
何菩薩能得知諸塵界无罣云何菩
薩威儀行成就離諸闇冥得勝光明
於諸法中得自然智速得成就一切
智行

今時世尊告虚空藏菩薩言善哉善
哉善男子汝善能分別問於如來如
斯妙義如汝已曾供養過去无量諸
佛種諸善根心行平等喻如虚空孔
竅諸佛至慧明處發勤精進欲度一
切諸佛如法不捨一切衆生度大慈
悲彼岸及過諸魔行不離世法以虚
空同量之心成就此無上大乘妙法
虚空藏汝之功德无有邊際難可校

量汝已曾於過去恒河沙等諸佛世尊所問如此事自亦能說是故虛空藏汝今諦聽諦聽善思念之吾當為汝分別解說所問諸菩薩事復過於此能得无上大乘如来自然智一切種智虛空藏菩薩言唯然快哉願樂欲聞佛告虛空藏善男子菩薩成就四法行檀波羅蜜與虛空等何謂為四善男子若菩薩於一切處无障尋不分別行檀波羅蜜以我淨故於施亦淨以施淨故於願亦淨以願淨故於菩提亦淨以菩提淨故於一切法亦淨善男子是為菩薩成就四法行檀波羅蜜與虛空等善男子若菩薩成就八法能淨檀波羅蜜何等為八離我能施離為我施離愛結施離无明見施離彼我菩提相施離種種想施離怖望報施離慳嫉施其心平等如虛空是為菩薩成就八法能淨檀波羅蜜離此八法是謂淨施喻如虛空无所不至菩薩慈心行施亦復如是喻如虛空非色叵見菩薩所行諸施不依於色亦復如是喻如虛空不受

苦樂菩薩所行諸施離一切受亦復如是喻如虛空无有相智菩薩所行諸施離諸想結亦復如是喻如虛空是无為相菩薩所行諸施无為无作亦復如是喻如虛空虛假无相菩薩所行諸施不依識想亦復如是喻如虛空增益一切衆生菩薩所行諸施利益衆生亦復如是喻如虛空不可窮盡菩薩所行諸施於生死中无有窮盡亦復如是善男子喻如化人給施化人无有分別无所戲論不求果報菩薩亦復如是如化人相去離二邊而行諸施不分別戲論怖望果報善男子菩薩以智慧捨一切結使以方便智不捨一切衆生是為菩薩行檀波羅蜜與虛空等

尔時會中有一菩薩名曰燈手從座而起偏袒右肩右膝著地合掌白佛言世尊何等菩薩能行如是檀波羅蜜佛言善男子菩薩若過諸世間得出世間法非色無體无行知見清淨非闇非明離一切諸相至无相智際成就無盡忍近如來知見已紹菩薩

決定界分已得受記為不退轉印所

印已得灌頂正位已得善行知衆生

行相至一切處亦無所至如是菩薩

能行是檀波羅蜜說此法時万六千

菩薩見諸法性猶如虛空得无生法

忍佛告虛空藏菩薩言善男子菩薩

成就四法行尸羅波羅蜜與虛空等

何謂為四善男子菩薩知身如鏡中

像知聲如響知心如幻知諸法性猶

如虛空是為菩薩成就四法行尸羅

波羅蜜與虛空等善男子菩薩成就

八法能護淨戒何等為八善男子諸

菩薩不忘善提心能護於戒不求聲

聞辟支佛地能護於戒持戒不限

於戒能護於戒不恃諸戒能護於戒不

捨本願能護於戒不依一切生處能

護於戒成就大願能護於戒善攝諸

根為滅煩惱能護於戒是為菩薩成

就八法能護淨戒善男子喻如虛空

離諸怖望菩薩以无求心能護於戒

亦復如是喻如虛空清淨菩薩持戒

清淨亦復如是喻如虛空无有垢汙

菩薩持戒无垢亦復如是喻如虛空

无有熱惱菩薩持戒无惱亦復如是
喻如虚空无有高下菩薩持戒无高
无下亦復如是喻如虚空無有挀窟
菩薩持戒而无所依亦復如是喻如
虚空无生無滅畢竟无變菩薩持戒
無生无滅畢竟無變亦復如是喻如
虚空恣能容受一切衆生菩薩持戒
普能運載亦復如是為利益衆生能
護正戒善男子如水中月无持戒破
戒菩薩亦復如是了知一切諸法猶
如月影无持戒破戒是為菩薩行尸
波羅蜜與虚空等善男子菩薩成就
四法行羈提波羅蜜與虚空等何等
為四善男子若菩薩他罵不報以分
別无我想故他打不報以无彼想故
他瞋不報以離有想故他怨不報以
去離二見故是謂菩薩成就四法行
羈提波羅蜜與虚空等善男子菩薩
成就八法能淨羈提波羅蜜何等為
八善男子菩薩善淨内純至修羈提
波羅蜜善淨外不怖望修羈提波羅
蜜於上中下畢竟无障碍修羈提波
羅蜜隨順法性无所染著修羈提波

羅蜜離一切諸見應空修羼提波羅
蜜斷一切諸覺應无相修羼提波羅
蜜捨一切諸願應无願修羼提波羅
蜜除一切諸行應无行修羼提波羅
蜜是謂菩薩摩訶薩成就八法能淨
羼提波羅蜜善男子喻如虚空无憎
無愛菩薩修羼提波羅蜜无憎無愛
亦復如是喻如虚空無有變易菩薩
畢竟心无變易修羼提波羅蜜亦復
如是善男子喻如虚空无有虧損菩
薩畢竟修羼提波羅蜜心无虧損亦
復如是喻如虚空无生無起菩薩修
羼提波羅蜜心无生起亦復如是喻
如虚空无有戲論菩薩修羼提波羅
蜜心无戲論亦復如是喻如虚空不
望恩報菩薩修羼提波羅蜜於一切
衆生不望果報亦復如是喻如虚空
无漏无繫菩薩修羼提波羅蜜離一
切漏不繫三界亦復如是善男子菩
薩行羼提波羅蜜時不作是念彼來
罵我我能忍受亦不見罵者受罵者
及所罵法不作是觀不作是戲論言
彼空我亦空亦不作是思惟音聲如

響言何由而出亦復不作是觀我是彼
非又復不作是見彼无常我亦无常
亦復不作是念彼愚我智亦不作是
想我等應行忍辱善男子譬如有人
求娑羅枝為娑羅枝故賣持利斧入
娑羅林由至一大樹下斫其一枝餘
枝不作是念彼已被斫不斫我等其
被斫者亦不作是念我已斫餘者
不斫二俱無想不生憎愛善男子菩
薩摩訶薩行羣提波羅蜜時觀知二
切法性如草木牆壁瓦石等而亦現
割截身體為教化衆生故无憎无愛
无憶想分別善男子是為菩薩行羣
提波羅蜜與虚空等

善男子云何菩薩摩訶薩行毗梨耶
波羅蜜與虚空等善男子菩薩成就
四法行毗梨耶波羅蜜與虚空等何
謂為四善男子若菩薩勤求一切善
法而知一切法自性不成就以一切
最勝供具給侍供養諸佛世尊然
不見如來及所供侍之法善能受持
一切諸佛所說妙法亦不見文字而
可受持亦能成就无量衆生見衆生

性即是涅槃畢竟无生無起善男子
是為菩薩成就四法行毗梨耶波羅
蜜與虛空等善男子若菩薩成就八
法能淨毗梨耶波羅蜜何等為八善
男子菩薩為淨身故發勤精進知身
如影不著於身為淨口故發勤精進
知口語如響不著於口為淨意故發
勤精進知意如幻无所分別不著於
意為具足諸波羅蜜故發勤精進知
諸法無自性因緣所攝不可戲論為
得助菩提分法故發勤精進覺了一
切法真實性故无所尋著為淨一切
佛土故發勤精進知諸國土如虛空
故不恃所淨為得一切陀羅尼故發
勤精進知一切法无念無非念故不
作二相為成就一切佛法故發勤精
進知諸法入一相平等故而不壞法
性善男子是為菩薩成就八法能淨
毗梨耶波羅蜜善男子喻如虛空无
有疲倦菩薩於无量劫發勤精進無
有疲厭亦復如是喻如虛空恚能容
受一切諸色然此虛空无有覆障菩
薩為容受一切衆生發勤精進平等

无碍亦得如是喻如虚空能生一切
藥草叢林然此虚空无有住處菩薩
為增益一切衆生諸善根故發勤精
進无所依著无有住處亦復如是喻
如虚空至一切處然无有去菩薩發
勤精進為至一切法故而無至无不
至亦復如是喻如虚空非色而於中
見種種色菩薩為一乘故發勤精進
而為成就純至故亦諸乘差別亦復
如是喻如虚空本性清淨不為客塵
所汙菩薩發勤精進本性清淨為衆
生故現受生死不為塵累所染亦復
如是喻如虚空性是常法无有無常
菩薩究竟為不斷三寶故發勤精進
亦復如是喻如虚空无始無終不取
不捨菩薩發勤精進无始無終不取
不捨亦復如是善男子精進有二種
始發精進終成精進菩薩以始發精
進習成一切善法以終成精進分別
一切法不得自性唯所集善根見是
平等所見平等亦非平等善男子喻
如工匠刻作木人身相備具所作事
業皆能成辦於作不作不生二想菩

薩為成就莊嚴本願故發勤精進修一切業於作不作不生二想去離二邊亦復如是善男子是為菩薩行毗梨耶波羅蜜與虛空等善男子云何菩薩摩訶薩行禪波羅蜜與虛空等善男子若菩薩成就四法行禪波羅蜜與虛空等何等為四善男子若菩薩專其內心亦不見內心遮緣外界諸心亦不見外心行處以已心平等故知一切衆生心平等亦不依二法心及平等思惟法界定性无攝无乱知一切法性無有盛論是為菩薩成就四法行禪波羅蜜與虛空等善男子若菩薩成就八法能淨禪波羅蜜何等為八善男子若菩薩不依諸陰修禪不依諸界修禪不依諸入修禪不依三界修禪不依現世修禪不依後世修禪不依道修禪不依果修禪是為菩薩成就八法能淨禪波羅蜜喻如虛空无所依著菩薩修禪无所依止亦復如是喻如虛空无所愛戀菩薩修禪離諸染著亦復如是喻如虛空不著諸見菩薩修禪捨離諸見

亦復如是喻如虛空无有諸慢菩薩
修禪離諸憍慢亦復如是喻如虛空
究竟无滅菩薩修禪善入法性究竟
不退亦復如是喻如虛空不可破壞
菩薩修禪不壞本際亦復如是喻如
虛空无有變易菩薩修禪不變如如
亦復如是喻如虛空非心離心菩薩
修禪離心意識亦復如是善男子菩
薩以平等心修禪非不平等心云何
心平等若心不高不下無求无非求
无作無非作无分別無非分別无行
无非行無取無捨无闇無明无知無
念無非知无非念不一不異非二非
不二无動無不動無去无不去無修
無非修心不緣於一切境界是謂平
等心以菩薩心平等故不取於色去
離眼色二法而修於禪以心平故不取
聲香味觸法去離意法二法而修於
禪善男子喻如虛空火災起時不能
焚燒水災起時不為所漂菩薩不為
諸煩惱火之所焚燒不為諸禪解脫
三昧所漂受生自无定亂亂心衆生
能令得定自行已淨不捨精進與平

等等亦現差別而不見平等及不平等二相善能遍觀智慧真性其心不為愛見所覆於諸行中行无所著與虛空等善男子是為菩薩行禪波羅蜜與虛空等

善男子云何菩薩行般若波羅蜜與虛空等善男子若菩薩成就四法行般若波羅蜜與虛空等何等為四善男子若菩薩以我淨故知衆生亦淨以知淨故知識亦淨以義淨故知文字亦淨以法界淨故知一切法亦淨是為菩薩成就四法行般若波羅蜜與虛空等善男子若菩薩摩訶薩成就八法能淨般若波羅蜜何等為八善男子若菩薩精勤欲斷一切不善法而不著斷見精勤欲生一切善法而不著常見知一切有為法皆從緣生而不動於无生忍法善分別說一切字句而常平等无有言說善能辨宣一切有為无常苦法於无我法界寂靜不動能善分別諸所作業而知一切法无業無報善能分別垢法淨法而知一切法性常淨善能籌量三世

諸法而知諸法无去來今是為菩薩
成就八法能淨般若波羅蜜善男子
喻如虛空非行无行菩薩行般若離
一切行亦復如是喻如虛空無能破
壞菩薩行般若一切諸魔无能壞者
亦復如是喻如虛空性常寂靜菩薩
行般若覺見寂靜亦復如是喻如虛
空性常无我菩薩行般若了知无我
亦復如是喻如虛空性非衆生菩薩
行般若離一切衆生見亦復如是喻
如虛空性无有命菩薩行般若離一
切命見亦復如是喻如虛空性无有
人菩薩行般若離一切人見亦復如
是喻如虛空非物非非物不可名字
菩薩行般若離物非物見亦復如是
善男子般若若是寂靜句義无微覺故
是不作句義自相淨故是无變句義
无行相故是真實句義不發動故是
不誑句義无有異故是了達句義入
一相故是通明句義斷習氣故是滿
足句義无欲求故是通達句義能正
見故是第一句義无所得故是平等
句義无高無下故是牢固句義不可

壞故是不動句義无所依故是金剛
句義不可摧故是已度句義所作辦
故是真淨句義本性淨故是无闇句
義不恃明故是无二句義不積聚故
是盡句義究竟盡相故是无盡句義
无為相故是无為句義離生滅故是
虛空句義无障碍故是无所有句義
真清淨故是无處句義无行跡故是
无標窟句義無所倚故是智句義无
識別故是无降伏句義无群足故是
無體句義不受形故是知見句義知
苦不生故是断句義知集无和合故
是滅句義究竟无生故是道句義无
二覺故是覺句義覺平等故是法句
義究竟不變故善男子此般若不從
他得自證知見如性行故知一切文
字句義其猶如響於諸言音隨應而
報其辯不断亦不執著文字言語菩
薩摩訶薩如是能於一切言說中善
能報答知諸音聲言說如響解不可
得故不生執著亦不戲論善男子是
為菩薩行般若波羅蜜與虛空等尔
時世尊欲重明此義而說偈言

離者而行施 普及適衆性 終已无寻心
不生分別 我淨故施淨 施淨故願淨
願淨菩提淨 道淨一切淨 无我我所想
離愛及諸見 捨除彼我相 施心如虚空
去離諸想施 无有望報心 捨嫉妬心結
施心如虚空 空非色无猗 無受想分別
亦无行及識 施時心亦然 如空益一切
始終无窮盡 解法施无盡 利益一切衆
如化人相施 不望所施報 慧者施亦尔
終不望其報 以慧斷結習 方便不捨衆
不見結及衆 如是施如空 知身如鏡像
知聲猶如響 知心如幻化 法性如虚空
不捨勝菩提 不求於二乘 於過去諸佛
常敬慎護戒 不捨本願故 能於諸趣中
善成就本願 攝意護淨戒 如空无怖望
无熱惱高下 无濁無變易 淨戒者亦尔
如空受一切 水月不持戒 護戒者如是
淨戒如虚空 罵打瞋怒等 忍力故不瞋
无我及彼見 以去離二想 内純至善淨
外行亦清淨 純至故无瞋 順如法能忍
離諸見忍空 捨覺而離想 无願无怖望
捨諸行所取 无愛如虚空 不戲不懷恨
无戲不求報 無漏忍者尔 无忍无罵者

彼人聲如響 非是及无常 无如是戲論
彼愚及我智 無生而示生 雖如是分別
猶修无生忍 如斫娑羅枝 餘枝不分別
断身无分別 此忍淨如空 勤修无所依
供佛无佛想 持法不著文 度衆无衆想
淨身淨法身 淨口无言說 淨心无意行
具諸波羅蜜 具助菩提法 淨土如虚空
成就辯持持 求如是佛法 如空受无倦
故能生菓林 遍至无形色 精進亦如空
常淨如虚空 无始亦無終 人精進亦尔
无始無終成 如機關木人 所作无分別
行者无二想 其進如虚空 知止住内心
攝外境界心 自心彼心等 依止无心禪
諸法性常空 以无漏智知 不依陰界入
亦不依三界 不依於三界 不依界道果
如空常無依 修禪者亦尔 空无愛見慢
修禪者亦尔 空无退壞變 修禪者亦尔
平等寂解脫 智者不緣界 无結無禪等
是故禪如空 我淨衆生淨 智淨識亦淨
義淨文字淨 法淨界亦淨 断不善及習
大士集諸善 知有无緣生 無生不著滅
善分別文字 說无常苦法 示現受業報
言有垢及淨 知法性常淨 而籌量三出

空无行非行慧無行亦尔如空無能壞
无我人壽者非物非无物拔断二邊見
知句假不染不變真實句滿足通達句
達義慧等句等不動牢句金剛度淨句
明盡无盡句无為虚空句處標識別句
降伏體智句断集滅道句法覺智慧句
如響隨聲應无盡辯亦尔說法无所依
此慧淨如空

大方等大集經卷第十四

辛丑歲高麗國大藏部監奉
勅雕造

大方等六集經卷第十五

仁

北涼天竺三藏曇無讖譯

虛空藏菩薩品第八之三

佛復告虛空藏言善男子何謂菩薩
行功德與虛空等者若菩薩聞佛无
量法廣大如虛空故發薩婆若心彼
作是念如薩婆若无量佛無量自在
覺无量於如是無量中生无量欲精
進不放逸行為佛道故當行无量菩
薩所行之法所以者何如諸佛无量
功德莊嚴身故我亦為莊嚴其身應
成就无量善根如諸佛無量功德莊
嚴口莊嚴意莊嚴道場莊嚴佛土故
我亦當莊嚴口意道場佛土應成就
无量善根我當教化無量衆生為成
就善根我於无量生死中為成就善
根故不生厭倦諸佛世尊有无量國
土无量智慧无量神通彼諸衆生无
量行无量心无量諸根差別於生死
中受無量苦惱聚起諸煩惱我為入
无量諸佛法為捨无量衆生所行諸
根生死苦惱聚故成就无量善根菩

薩以如是正觀之心所作功德與諸
波羅蜜相應與四攝法相應與四元
量心相應與助菩提法相應成就衆
生受持正法恭敬供養諸佛世尊及
淨菩薩所行相應法如是等所作无
量功德與虛空等以衆生性无量故
佛智慧无量故法界无量故所修亦
處不至一切衆生皆得蒙益菩薩所
作功德亦復如是至一切處利益衆
生以无依著故以願方便力故善男
子菩薩能如是行功德與虛空等
善男子云何菩薩行智與虛空等者
若菩薩從善知識得聞法已善順思
惟所作諸行終不放逸修少境界想
已受无量想受无量想已得如是智
明得是智明已得陰方便智得界方
便智得入方便智得諦方便智得十
二因緣方便智知衆生垢亦知垢性
知衆生淨亦知淨性所謂衆生有
染心如實知有染心無染心如實知
無染心有慧心如實知有慧心无慧
心如實知無慧心有癡心如實知有

癡心无癡心如實知無癡心有諸煩惱心如實知有諸煩惱心无諸煩惱心如實知无諸煩惱心彼菩薩不見有垢心為卑無垢心為勝所以者何以菩薩入不二性清淨法門智故如法性我性亦尔如我性无我性亦尔如无我性諸法亦尔性清淨故若入一切諸法性清淨者則不見諸法有垢有淨亦不見諸法文字相貌不受不著故亦不見諸法障碍盖纏及不障碍盖纏菩薩思惟无量境界離心識二法名之為智不名為識喻如虛空无心意識菩薩亦復如是離心意識知諸法性與虛空等智行无碍過諸碍故善男子是為菩薩行智與虛空等

善男子云何菩薩成就不離如如來所許念佛者菩薩若在阿練若處或在樹下或在曠野或在露處以得定力故能攝心不著諸緣以不散亂心善攝所念以行相觀如來成就三十二相八十隨形好莊嚴其身取一一相貌為成就已身故心向一切智地

於如來身憶念放鐺網光明菩薩以
得解怖望觀如來身滿一由旬二由
旬三四五十由旬乃至百由旬若過
百由旬以得解怖望觀坐道場或見
轉法輪或見現種種威儀說法調伏
衆生或見於一佛世界施作佛事或
五佛世界或十二三十四十五十
或百佛世界施作佛事乃至百千无
量世界施作佛事得解怖望觀自見
隨意若聽法若供養給侍諸佛世尊
於餘威儀隨意自在菩薩如是觀如
來色身已憶念佛功德或觀戒或觀
定或觀慧或觀解脫或觀解脫知見
或觀力无所畏或觀佛不共法或觀
菩薩本行或觀成就佛地普憶念如
來成就功德已憶念如來業何等相
貌云何造業身造耶口造耶意造耶
威儀造耶可見耶不可見耶可說耶
不可說耶何國造耶幾種身造耶如
是種種憶念勝業成就不可思議諸
善根已觀如來法諸佛世尊以法身
故名爲如來不以色身彼菩薩不見
色是如來不見相是如來不見種性

是如來不見陰界諸入是如來不見
威儀是如來不見過去未來現在世
是如來不見因是如來不見緣是如
來不見所以是如來不見和合是如
來不見有是如來不見无是如來不
見成就是如來不見敗壞是如來不
見彼有如來不見此有如來不見如
來在何所不見如來不恃如來不分
別如來不得如來喻如虛空无有陰
界八名非不利益衆生諸佛世尊无
有陰界八名亦非不利益衆生善男
子是為菩薩不離如如來所許念佛
善男子云何菩薩不離如如來所許
念法者若菩薩念法所謂四念處四
正勤四如意足五根五力七覺分八
聖道分三脫門四聖諦甚深十二因
緣六波羅蜜菩薩所應學藏不退轉
輪淨三境是為菩薩所應念法云何
應念念捨念念欲離念念滅念无來無去
念无標密念无自性念出世間念解
達念盡念无生念无取念無漏念无
為念涅槃无自性作如是念於諸法中
猶有法想所以者何以有想故則有

動念有動念故則住顛倒住顛倒者
元有念法若離念法非法二想知一
切法是无生已斷法想故得无生忍
得无所得無所有故善男子是為不
離如如來所許念法

善男子云何菩薩不離如如來所許
念僧者僧謂四雙八輩僧中或是阿
羅漢向阿羅漢果或是阿那含向
阿那含果或是斯陀含向斯陀含果
或是須陀洹向須陀洹果是為聲聞
僧復次有僧所謂不退轉菩薩得決
定忍上聖正位已離諸相恃著戲論
次得如來功德无間彼菩薩念如是
等大菩薩衆應供養讚歎合掌給侍
右遶禮敬是良祐福曰是第一僧入
聖衆數是僧所應作事皆已成辦是
菩薩念僧親近菩薩僧不親近聲聞
僧彼菩薩雖憶念僧不取僧數不取
有數知僧是无為憶念无行無變異
无生無滅作如是憶念不生心行境
界善男子是為菩薩不離如如來所
許念僧

善男子云何菩薩不離如如來所許

念捨者所謂捨財捨法復次有捨身
及命捨一切邪道復次有捨不取一
切法所以者何有取者則无捨若不
取者名為究竟捨究竟捨中則元有
求无求者則不望報不望報故謂為
真實捨者若菩薩行如是堅固捨隨
捨發願若捨時及發願時不見菩提
及佛法而專念捨念過去諸菩薩行
道時云何行捨我今云何行捨將无
不及為智者所譏耶即能一切捨捨
已分別所捨誰是捨者捨何等物誰
作憶念如是分別已都元所得不見
捨者所施物及所憶念是為菩薩不
離如來所許念捨善男子云何菩
薩不離如來所許念戒者若菩薩
持戒至解脫處威儀行成就乃至微
戒畏如金剛恒修淨命善護持戒善
薩自念戒攝身口是元作相而謹慎
奉行修勝正命於薩婆若心終不廢
捨純至不動亦終不捨大慈大悲攝
取教誨破戒衆生寧捨身命不求餘
乘是名為戒善薩念勝戒不瑕缺戒
不荒穢戒不求戒不染戒无濁戒智

者所歎戒菩薩念如是等戒不特持戒不毀破戒不稱已德不譏彼過終不捨戒亦不依戒亦不住戒雖捨一切諸所持著而行色行是為菩薩不離如來所許念戒

善男子云何菩薩不離如來所許念天者若菩薩念天所謂念欲界天或色界或無色界天念欲界天持戒果報故受適意色聲香味觸以天五欲遊戲娛樂天衣飲食自恣滿足一向受愛喜適意樂菩薩作是念此一切興盛皆當衰滅是諸天等亦當无常變異由放逸故不造善根先有善業今患當盡此諸天等雖生天上猶未脫地獄畜生餓鬼之分菩薩作是念已不怖望生欲界天處唯除兜率天宮兜率宮中有一生補處菩薩於一切菩薩行以到彼岸一切諸地一切神通一切諸定一切陀羅尼一切辯才一切菩薩事於一切方便等以度彼岸但憶念如是功德於此天中心生欣仰若欲生天者當願生如是天中菩薩發心言我何時當得如是天

身菩薩復念色界諸天此諸天等由諸禪四无量心果報故生彼天處已過欲界欲患一心處定以喜為食一向知受第一樂報菩薩作如是念彼色界諸天受少味故用為歡喜无常有常想苦有樂想无我有我想无涅槃有涅槃想此色界諸天亦有无常變異未脫地獄餓鬼畜生之分是菩薩不願生色界諸天處唯除淨居天即彼入涅槃不還此間者菩薩作是念此是清淨諸天已脫五道流轉生死是菩薩以如是故生敬重之心亦不願樂求生彼處菩薩復念无色界諸天受无色定果報已過欲界色界心處定寂靜菩薩作是念此无色界諸天離見佛聞法及供養僧此諸天等不知求出无色界法假令久住會當變滅未脫地獄餓鬼畜生之分是故於彼天處亦不願生但作是念我當作天中天如來應供正遍知是菩薩雖念諸天不依欲界色界无色界天處而於三界衆生起大悲心是為菩薩不離如如來所許念天

善男子云何菩薩行諸法平等如涅槃者若菩薩知一切諸法平等如涅槃見一切衆生性同涅槃知已入涅槃者無陰界諸入如是菩薩見衆生性同涅槃過諸陰界入見如影如夢无有生生死而現生死凡夫衆生所因結使造煩惱業造煩惱業已受無量苦報善薩以般若波羅蜜力故善觀結使斷令不生亦不因彼作業而受苦報得至涅槃平等之處名之无為過一切算數智道不捨本願故遊戲大慈已到慧方便彼岸已入佛神通力已能善知分別諸想自已得度度未度者自已得解解未解者自已得安安未安者自已得涅槃使未得者得於涅槃生死無有二想是為菩薩行諸法平等如涅槃

善男子云何菩薩善分別行相者若菩薩翹勤精進求勝善法於甚深法門心入籌量清淨通利分布慧明得大智明門以此大智明門力故知一切衆生心行所趣捻說一一衆生有八万四千諸行皆能了知所謂貪欲

行二万一千瞋恚行二万一千愚癡
行二万一千等分行二万一千是為
八万四千諸行二衆生皆有是行
若廣說者則有无量行二行相門
中知有八万四千諸根一根門中
知有八万四千種差別解盡知諸行
諸根諸解差別相知所應修習相云
何知差別相知此諸行諸根諸解是
貪欲相是瞋恚相是愚癡相是等分
相是減相是增相是住相是達相是
名知差別相云何知所應修習相知
諸行諸根諸解无常相苦相无我相
空相寂滅相離相如實相涅槃相相
自空相相自離相若能知如是等諸
行諸根諸解如如来成就諸行无障
碍智知一切衆生諸行諸根諸解差
別相菩薩亦次如来智知而不捨菩
薩所行教化衆生无有疲倦是名善
分別行相

善男子云何菩薩持諸佛法寶藏者
善男子如来藏无盡亦无量至一切
處悅可一切衆生如衆生諸行諸根
諸解无量阿僧祇不可思議不可稱

不可量諸佛法寶藏无量阿僧祇不可思議不可稱不可量亦復如是佛法寶藏文字假令一切衆生如阿難等一劫乃至百劫不能受持讀誦能令通利除義所以者何如來一切法寶藏唯有一義所謂離欲義寂滅義涅槃義若菩薩聞如來法寶藏已隨力所受受持讀誦通利善順正觀如所受行菩薩入法藏門堅持思惟不依一切相行則得陀羅尼門三昧門得陀羅尼門三昧門已能持一如來法寶藏文字及義若二若三若四若五若十二十三十四十五十若百若千若百千乃至無量无邊阿僧祇不可思議不可稱不可量无有量過諸量於一切諸佛法寶藏心不散亂受持讀誦通利文字及義廣為人說依義不依文淨意成就所聞說法乃至一句文義不失能淨辯門善能巧說悅可衆心為諸佛所歎亦能降伏諸魔外道及供養三寶乃至不見一法異於法性不壞本際不動於如來所覺了性法以知一切法性如如來所

覺故乃至不見一法不入佛法者所以者何如來知一切法性如幻無成就故知一切法性如野馬無所取故知一切法性如鏡中像不彼此故知一切法性如夢不真實故知一切法性如響從緣起故知一切法性空虛无實故知一切法性無相无分別故知一切法性无願無發動故如來知實知一切法性如是相菩薩如是知一切法性无生能持諸佛法寶藏乃至一切非念非不念是為菩薩持諸佛法寶藏

善男子云何菩薩分別衆生從始以來清淨而教化衆生者若菩薩為教化一切衆生故修於大慈大悲時作如是思惟何等是衆生作是念言此諸衆生但假名字顛倒虛假謂為衆生一切衆生本際清淨畢竟无生無起但因虛妄愚癡故造種種業造種種業已受无量憂悲苦惱喻如有人夢中劫盜他物為王者所捉種種苦治夢作賊人虛妄憶想受諸苦惱作是念言我何時當得脫此苦惱是人

夢中寶无成就无所覺知一切凡夫
及一切諸法皆亦如夢无有覺知為
顛倒所覆受无量妄想憂悲苦惱亦
復如是菩薩作是念言是諸衆生我
應令如實覺知諸法使脫妄想苦惱
於諸衆生中亦不見衆生性而不捨
大悲教化衆生是為菩薩分別衆生
從始以來清淨而教化衆生善男子
云何菩薩善順發行成就佛法者若
菩薩聞甚深微妙於諸世間寂勝佛
法發大欲精進我應成就此甚深微
妙於諸世間寂勝佛法如是善思惟
分別是何等法與何法相應是何等
法知何法菩薩作是念言无有法與
法相應者无有法與法不相應者无
有法知法者无有法不知法者此諸
法性鈍性无性故是一切法從因緣
生无有定主而能隨意莊嚴有種種
果報相諸法无性故布施是莊嚴寶
藏大富相布施得大富不離因故布
施不知大富大富不能知施持戒是
莊嚴生天相持戒得生天不離因故
多聞是莊嚴智慧相多聞得智慧不

離因故思惟是莊嚴斷結相思惟得
斷結不離因故思惟不能知斷結斷
結不能知思惟菩薩如是憶念諸法
无生能莊嚴相是故布施已迴向薩
婆若成就檀波羅蜜行是菩薩檀波
羅蜜則能具足佛法持戒迴向薩婆
若成就尸波羅蜜行是菩薩尸波羅
蜜則能具足佛法修羣提波羅蜜迴
向薩婆若成就羣提波羅蜜是菩
薩羣提波羅蜜則能具足佛法發毗
梨耶迴向薩婆若成就毗梨耶波羅
蜜行是菩薩毗梨耶波羅蜜則能具
足佛法入禪定迴向薩婆若成就禪
波羅蜜行是菩薩禪波羅蜜則能具
足佛法淨般若迴向薩婆若成就般
若波羅蜜行是菩薩般若波羅蜜則
能具足佛法菩薩如是善順行時不
見一法无因無緣而生者亦不著因
緣自善順入一切法如我无生無起
一切法无生無起亦復如是如我空
一切法空亦復如是如我離一切法
離亦復如是知一切法入平等如性
非作非不作是為菩薩善順發行成

就佛法

善男子云何菩薩不退諸通於諸佛法悉得自在者若菩薩戒身真淨心定不動得大智光明已成就福德智慧資糧已到諸波羅蜜彼岸已成就四攝已修四梵行已修欲進念慧定以善修四神足故得五神通諸菩薩本業淨故勤進不廢捨故常不散亂行故善伏結使故離念聲聞辟支佛心故受持方便故攀緣上地諸法故无我無依行故是以菩薩不退諸通是故諸菩薩究竟知諸法无退知諸法與法性等无有變異如虛空无變是為菩薩不退諸通於諸佛法悉得自在

善男子云何菩薩入甚深法門諸聲聞辟支佛所不能入者若菩薩入甚深因緣法知逆順因緣法善知出知離知生知滅知集知盡善知衆生以何因緣故受垢離垢捨淨得淨乃至不見一法有垢有淨知一切法性相清淨亦不得清淨法相以我甚深故知一切法甚深以我離故知一切法離

以我无二故知一切法无二以眼色
二俱離故乃至意法亦離則入第一
義以世諦故假名諸法亦不執著真
諦世諦是為菩薩入甚深法門諸聲
聞辟支佛所不能入善男子云何菩
薩於十二因緣善得勝智方便離二
邊諸見者若菩薩知一切緣生法屬
他所攝屬因屬緣屬和合屬所由所
謂諸法皆從境界緣生各有所因各
有所依諸法各各九相分別譬如外
諸藥草叢林及諸樹木等皆无諸根
無記无知依諸大故便得增長各各
无相分別内有諸法亦復如是依造
業增長一切諸法无我人衆生壽命
亦无作者受者諸法生時无能生者
滅時无能滅者菩薩作是念言是諸
緣生法各无自性無自性者他不能
生所因亦无性所緣亦无性無自性
者則无他性若法无自性他性者則
无生無能生未生不可生已生亦不
生若未生非未生不生者則究竟无
生无能生是故一切諸法皆无生無
起但以名字故假名從因緣生而實

無生亦无断無常所以者何若法有生性者則當有滅則是断見若无滅者即有常見離断常見故當知一切諸法皆无有生是為菩薩於十二因緣善得勝智方便離二邊諸見善男子云何菩薩為如來印所印如如不分別智方便者若菩薩於甚深法得現前知見力離一切倚著過諸戲論得无終無始无生法忍如來盡知諸菩薩所成就根已以如來印印之所謂受決定三菩提記是如來印無錯无謬无諸障碍无諍竟不可沮壞无能非者无能發印者得如來印願行成就智水所灌菩薩為如是印所印所謂究竟无生無起印空印无相印无願印離染印寂滅印涅槃印菩薩智行成就不壞如性不變法界不離本際於諸法中不見上中下黑白等差別菩薩亦見一切衆生為此印之所印无憶想分別不捨本大誓願是為菩薩為如來印所印如如不分別智方便

善男子云何菩薩入法界性門見一

切法平等性若菩薩見諸法界无處
不至无來無去無生无滅無相无起
无戲無行菩薩作如是思惟此諸法
等皆同法界如法界是離欲界離塵
垢界故是无生界不可作故是无滅
界无減盡故是无來界不入根門故
是无去界无所至故是不可安界无
形質故是无攀窟界无依止故是真
實界三境分斷故此法界中无眼界
无色界無眼識界如法界一切法界
亦如是是故名一切法入於法界乃
至无意界法界意識界如法界一切
法亦如是是故名一切法入於法界
是菩薩知一切法入於法界知地界法
界无二無別水界火界風界法界亦无
二無別欲界法界亦平等无二無別
色界无色界有為界无為界法界亦
平等無二無別如是知無心境界及
覺是為菩薩入法界性門見一切法
平等性

善男子云何菩薩淳至堅固喻如金
剛心住不動於此大乘者若菩薩以
直心行成就淨淳至以不退畢竟不

減勤進以無等大慈以无倦大悲以
普至方便得成就真實觀慧无等等
法皆悉成就菩薩見一切衆生有垢
有濁凡愚麤獷拒逆不順是故菩薩
為教化一切羣生故不廢精進見此
生死有无量過患憂悲苦惱等不退
於來際莊嚴亦解无量無邊阿僧祇
諸佛法為成就難集難持難滿諸佛
法故種諸善根而能入如来无量法
寶藏衆生性无量故法性无量故虛
空性無量故為受持一切如來法寶
藏故不捨精進聞一切法空无相無
願无作無生无起解了分別觀行身
證成就未具足佛法終不中道證於
實際善入諸禪解脫三昧亦不耽離
欲界而現受生已離陰界諸入无形
无色無行而隨衆生性隨意亦現種
種形色而為說法轉菩薩輪示大涅
槃亦不捨菩薩行入如是不思議法
門知一切法无性相不動不壞不散
於此大乘不退轉如金剛寶珠能鑒
餘寶餘寶无能鑒此珠者諸菩薩亦
復如是能以聲聞辟支佛乘度无量

元邊衆生令入涅槃而自不滅度亦不退究竟大樂是為菩薩淳至堅固猶如金剛心住不動於此大乘善男子云何菩薩自淨其界如諸佛界者若菩薩知一切法无界無非界至一切處无至無不至若菩薩見法發六情皆知是佛法亦不見凡夫法佛法有異作是念此一切法皆是佛法佛法至一切處故一切諸法及佛法但假名字亦非是法亦非非法是故我等不應取著以自界淨故知諸佛界淨此法與平等等眼界是佛界耳鼻舌身意法界是佛界我不應分別有尊有卑菩薩如是至一切法平等界是為菩薩自淨其界如諸佛界善男子云何菩薩得陀羅尼終不失念者若菩薩已得成就陀羅尼行云何陀羅尼行善男子陀羅尼行有三十二何等三十二修於得法為陀羅尼故修於欲法修於尊法修於向法修敬仰法修於樂法修求法无厭修親近供養多聞智慧者修於和上阿闍梨所无憍慢心尊重給侍修如來

教誨无所非逆修於說法人所生世
尊想不求其短修於受持正法開示
解說修所得法无所怯惜修无怖望
而行法施修求智慧根栽修如所聞
法善順思惟修於諸法堅固受持修
於梵行无有休息修樂遠離行阿練
若行修心常寂靜修勤行諸念修順
行六和敬修於諸長宿无調慢行修
於一切衆生中生无寻心修緣生法
得修順忍修三脫門正觀心无驚怖
修四聖種順行不驚疑修勤受持諸
佛正法修為衆生行於大慈修受持
正法不惜身命修大智行不生憍慢
修常教化衆生而无厭倦善男子是
為三十二種修陀羅尼行菩薩修已
得如是陀羅尼門以得是陀羅尼門
故能於持一切諸佛所說不忘不失
陀羅尼者所謂於如所聞法不忘不
失以念而念以意分別以進能覺於
諸文字入无邊崖於諸言音隨類善
解言辭辯說无有滯碍於不了義經
善能進入於了義經進入微覺於世
諦有分別智於第一義諦知无言說

於諸諦有分別智於四念處有不忘
智於四正勤等无壞智於四神足有
遊戲智於諸根門有差別智於諸力
中得无勝智於七覺分覺一切法如
性智於八聖道无退沒智於定法中
得善住心於慧法中得遍至智於明
解脫得隨順智於諸辯中得深入智
於諸神通衍生起智於諸波羅蜜得
分別智於四攝法得方便智於講法
處授不及智於諸經義得无分別智
於諸文字得无盡智於一切衆生得
稱足智隨所受解得說法智於一切
文字得所因辯智於一切垢淨得如
實覺智於一切法得无障翳明智是
為陀羅尼得陀羅尼平等心者去離
憎愛能堪受法雨斷一切結使熱惱
順諸助道法是為陀羅尼菩薩住此
陀羅尼故常行无失是為菩薩得陀
羅尼終不失念善男子云何菩薩得
无障翳如來加持辯者若菩薩善淨
淳至善護戒衆拔諸慢根離彼我想
諸佛世尊知如是菩薩是大法器今
持正法以佛神力及自善根力故得

揔辯得疾辯得无尋辯得无滯辯得巧說辯得甚深辯得衆音具足辯得善莊嚴辯得无減辯得无畏辯得妙偈讚辯得快說修多羅辯得善說譬喻本緣辯得无壞勝辯得分別句無盡辯得圓足辯得威德无違辯得說法不唐捐辯得斷衆疑辯得利應辯得分別文字不錯謬辯得悅可衆辯得問答方便辯得以法降伏一切外道辯已成就如是等二十四辯此諸辯修行二十四種因故能得成就何等二十四善男子若菩薩不違逆師長教故能得揔辯不諂曲故能得疾辯捨離煩惱故得无尋辯无我行故得无滯辯離兩舌故得巧說辯入因緣法无際故得甚深辯行種種施故得衆音具足辯嚴飾如來塔廟故得善莊嚴辯不捨菩提心故得無減辯善護誠衆故得无畏辯施種種幢幡華蓋寶鈴故得妙偈讚辯恭敬供養給侍諸尊及師長故得快說修多羅辯昔殖修習无量善根故得善說譬喻本緣辯不輕賤惡趣衆生故

得無壞勝辯施无量寶藏故得分別
句無盡辯真實言說无麁獷故得圓
足辯講說法时无諍竟故得威儀无
違辯以德淳淨順法律行故得說法
不唐捐辯不怯於法不恃已德故得
斷衆疑辯求法之時不威逼他生恭
敬心故得利應辯常省已過不譏彼
缺故得分別文字不錯謬辯等潤衆
生不望報故得悅可衆辯受持大乘
不求小乘故得問答方便辯不著我
見入平等性故得以法降伏一切外
道辯是名二十四種成就諸辯因善
能隨彼衆生所應受解說法无有錯謬
所受法者亦不退失是為菩薩得无
障礙如来加持辯

善男子云何菩薩得自在示現受生
死者若菩薩成就十二法得自在示
現受生死何等十二親近真善知識
故消除我見故成就戒身故善知入
出定故並修智慧方便故善知深入
諸通遊戲故如實親知諸法无生無
起故淨本願種故常不捨大慈大悲
故知一切法如幻化故知一切法如

夢想故一切諸佛加威神故是為菩薩成就十二法无生現生无起現起而現一切生死於一切諸佛大會示現其身存在在佛國皆現受生而常不動於真法身是為菩薩得自在示現受生死也善男子云何菩薩破諸惡敵去離四魔者若菩薩翹勤修習觀五陰如幻得離陰魔觀諸法性淨故得離煩惱魔觀一切法從緣生性不成就故得離死魔觀一切法緣所莊嚴是无常敗壞相故得離天魔菩薩如是觀故得離四魔發趣菩提終不懈怠所有障菩提魔業菩薩皆能遠離何謂魔業所謂心向小乘是為魔業不護菩提心是為魔業於衆生生異想是為魔業行施望報是為魔業為受生故持戒是為魔業有色想行忍是為魔業為世事情進是為魔業於禪生著味想是為魔業於慧生戲論是為魔業厭倦生死是為魔業作諸善根而不迴向是為魔業厭惡煩惱是為魔業犯罪覆藏是為魔業憎嫉菩薩是為魔業誹謗正法是為魔

業不受正法是為魔業不知報恩是為魔業不進求諸波羅蜜是為魔業不敬順法是為魔業恡惜於法是為魔業為利養說法是為魔業不知方便而化衆生是為魔業捨四攝法是為魔業輕毀禁者是為魔業嫉持戒者是為魔業學二乘行是為魔業怖望正位是為魔業捨離大慈而觀无生是為魔業欲證无為法是為魔業獸離有為功德是為魔業不愍衆生是為魔業不謙下尊長是為魔業習行兩舌是為魔業諛諂多奸是為魔業顯已淨行是為魔業作惡不耻是為魔業不流布法是為魔業以少德為足是為魔業不遮結使是為魔業不捨心垢是為魔業忍沙門垢是為魔業善男子若親近行一切不善法遠離一切善法盡是魔業善男子是謂諸魔業行是業者障菩提道彼諸菩薩已過捨離能正受行故云何為正受行若菩薩成就四法能正受行何等為四一者於諸波羅蜜法无戀退行二者不捨欲進及不放逸三者

正住方便大慈法中四者入甚深无
愛无憍窟法門善男子菩薩成就此
四法正受行故能破諸怨敵是為善
薩能破諸怨去離四敵

善男子云何菩薩莊嚴功德資糧利
益衆生者若菩薩善根迴向无等
等若有所種善根若布施若愛語若
利益若同事盡以施與一切衆生以
淨戒衆故得自在力用此自在力故
隨諸衆生所應受樂而度化之以種
功德无厭故得无盡寶手用此无盡
寶手能施衆生無量富樂以求无邊
智慧資糧故得无尋陀羅尼辯用此
无尋陀羅尼辯能捻持一切諸佛所
說能說妙法悅可衆心以善調身心
故不退於諸通用此不退諸通力故
能過无量佛刹以無數方便度多衆
生以常勤求法无疲倦故得一一毛
孔出无量法門用出无量法門力故
能常以法施利益衆生以並修慧方
便波羅蜜故得分身智用此分身智
力故能於諸趣中在在現身度化群
生常以无相敬侍諸佛故得无厭見

聞以此无厭見聞力故其有衆生得見聞者彼諸衆生乃至為作大涅槃因是為菩薩莊嚴功德資糧利益衆生善男子云何菩薩世无佛時能作佛事化度衆生者若菩薩已成就菩薩十力已於菩薩四无畏中而得自在已於菩薩十八不共法中不從他受已修如來力无所畏不共法等已得遊戲首楞嚴三昧已於四辯得智力自在已於諸佛法得灌頂正位於一切諸菩薩行得次佛神力若有菩薩成就如是等法者若諸佛土衆生應見佛身而受化者然彼土世无佛時即於彼國而現入胎現初生時現出家時現坐道場轉法輪時現捨壽命未入涅槃時亦能示現大涅槃亦現法住時節久近亦復不捨菩薩行法亦不用所化以為滿足是為菩薩世無佛時能作佛事化度群生善男子云何菩薩得海印三昧能知一切衆生心行者若菩薩多聞如海成就慧衆常勤求法菩薩為聞法故盡能施與珍寶庫藏為聞法故盡能施與

僕從給使妻子眷屬為聞法故捨家飾好嚴身之具為聞法故謙下給事為聞法故捨國土榮位及已身命菩薩以如是等無數方便勤求法門而不恃所行菩薩為聞法故去至一由旬乃至百由旬為聞一四句偈受持讀誦廣為人說不捨是精進是菩薩自成就多聞於一切眾生生大悲心无憂心不望報心乃至一眾生不生輕賤而為說法從一日乃至七日而无食想乃至命終不捨說法以說法善根迴向海印三昧隨所聞法受持讀誦通利善知義趣不依文字真實堅持終身不捨菩薩發大欲精進以此大欲精進力故不久便得海印三昧得此三昧已即得自然无量阿僧祇百千万億修多羅不從他聞自然能說一切諸佛所說志能受持能了一切眾生心行善男子喻如閻浮提一切眾生身及餘外色如是等色海中皆有印像以是故名大海印菩薩亦復如是得大海印三昧已能分別見一切

衆生心行於一切法門皆得慧明是
為菩薩得海印三昧見一切衆生心
行所趣

善男子云何菩薩得知諸塵界无尋
者若菩薩以眼空故知色亦空以色
離故知眼亦離耳鼻舌身亦如是意
空故知法亦空以法離故知意亦離
菩薩如實知空性離性於内外法无
有障尋知諸結本性淨故則不起使
於一切法无所有著以不見諸法著
處著法著者是為菩薩能得知諸塵
界无尋

善男子云何菩薩威儀行成就離諸
闇冥得勝光明於諸法中得自然智
速得成就一切智行者若菩薩發起
所作修習正行諸業盡是如來所許
智者所讚所謂身口意業以行此業
故悅可諸佛及餘賢聖善知識等所
造諸業无能譏嫌取勝无上无與等
者无能毀損所作諸業終不悔退所
作諸業不離愚癡所作諸業皆能觀
知所作諸業終不動轉所作諸業究
竟吉祥是菩薩知所作業非憍慢所

造慧所作業非愚癡所作如是所作
善業已一切三昧諸陀羅尼門志現
在前不從他聞菩薩若見諸佛若不
見諸佛終不退轉助菩提道諸善根
若遇適意善知識不適意善知識不
遇菩提法是菩薩過一切障尋地離
一切諸魔結使修三解脫般若波羅
蜜力故疾得佛道自然道一切智道
如來道是為菩薩威儀行成就離諸
闇冥得勝光明於諸法中得自然智
速得成就一切智行今時世尊欲重
宣此義而說偈言

已離邊无尋 慧功德莊嚴 彼離諸著相
迴向无上道 捨我慢憍慢 慧者莊嚴智
无障尋解脫 具足一切智 非色非種性
念佛非功德 不憶念法身 是念佛所許
離欲性寂靜 非相非明闇 无心無意行
如是名念法 聖无為无受 無諸煩惱染
以解脫得稱 名念僧无尋 已捨一切受
无陰界入行 解脫諸動念 名究竟念捨
不依无漏戒 不行身口意 不生過三有
名念无漏戒 如天淨无垢 兜率灌頂天
憶念自業報 當作天中天 持世尊正法

捨離諸煩惱 解脫法非法 是持世尊法
如佛得道相 受持法亦然 善思惟實際
无法可攝持 如我性淨故 諸法性亦淨
知衆生如相 而教化衆生 不見衆生增
亦復不見減 說斷顛倒想 教化无量衆
說諸陰界入 不異於佛界 知如虛空性
則入於佛界 言語諸文字 猶如呼聲響
知非內非外 即得陀羅尼 受持讀誦利
進求說諸法 无我無法想 安住陀羅尼
持諸佛所說 善說悅衆心 不失諸禪定
是陀羅尼力 不持不誦文 不積集諸法
常說法无尋 如龍降大雨 无住无障碍
說无量契經 不生衆生想 慧者得是辯
以佛力說法 莊嚴自威儀 悅衆隨所樂
是辯佛所許 知法實性者 知與虛空等
无我人壽命 如是持佛法 衆生同涅槃
究竟不生滅 得是不動忍 是為不放逸
見諸陰如幻 諸界如法性 六入如空聚
得離於陰魔 知使如浮雲 究竟无和合
於法无妄想 則離煩惱魔 知衆生不生
无生則無死 諸法无去來 如是過死魔
無愛无動者 行道无道想 无我人行悲
則能降衆魔 知智識平等 不住為无為

知衆心如幻 心健无能壞 此彼无障碍
成就勝法船 渡衆无衆想 是謂大船師
知空无有我 淨生死渴愛 將導渡衆生
是謂大導師 善知進退相 隨法而依止
方便示涅槃 佛說善導師 知心相續
二心不共俱 是名知心性 佛讚能護衆
知諸法性淨 如空水中月 智者離煩惱
是謂淨衆生 知一餘亦然 入諸法如夢
虛空不可取 得道无染污

說此分別諸法門時七十二那由他
衆生發阿耨多羅三藐三菩提心三
万二千菩薩得无生法忍時大寶莊
嚴堂六種震動大光普照諸天於虛
空中作百千種伎樂雨種種天華說
如是言此諸衆生為如来印所印已
入如来法中聞此法門心得信解受
持通利能為他說如法修行白佛言
世尊我等一切向此佛土深心供養
恭敬礼拜以如来應供正遍知出世
故聞說此方便法門及見此土菩薩
尔時虛空藏菩薩問佛解說已心淨
歡喜心淨歡喜已以无價寶網供養
於佛寶網中放大光明照十方諸佛

國土供養已白佛言世尊未曾有也
如來无尋智如是甚深難解如來應
供正遍知如所聞法門佛以无尋智
如實解說一切大衆皆得歡喜
大方等大集經卷第十五

辛丑歲高麗國大藏都監奉
勅雕造

大方等大集經卷第十六

位

北涼天竺三藏曇無讖譯

虛空藏菩薩品第八之三

爾時衆中有一菩薩名曰速辯即從座起偏袒右肩右膝著地合掌向佛白佛言世尊此虛空藏菩薩何因緣故名虛空藏佛告速辯菩薩善男子譬如大富長者多諸民衆无量庫藏財寶充滿能行布施心无慳恡若行施時貧窮往者隨意所須開大寶藏恣能給與彼諸衆生皆得適意長者施已心喜無悔善男子虛空藏菩薩亦復如是常行功德成就方便力迴向故戒身善清淨故得成就神足力故純至究竟善清淨故所願增益成就故知一切法如幻化故得如來神足力故於虛空中隨衆生所須若法施若財施盡能施與皆令歡喜以是故善男子是賢士以此方便智故名虛空藏復次善男子過去无量阿僧祇劫復過无量阿僧祇劫不可思議不可稱不可量不可竿數今時有佛

出世号普光明王如来應供正遍知
明行足善逝世間解無上士調御丈
夫天人師佛世尊世界名曰大雲清
淨劫名虛空淨是大雲清淨世界豐
足熾盛安隱快樂多諸天人地平如
掌无諸沙礫荆棘寶繩界道雜寶莊
嚴軟如天衣閻浮檀金華遍布其地
衆寶間錯世界衆生无上中下人天
同等如兜率天彼世界无有村營城
邑聚落是諸天人各有寶樓臺觀人
宮在地天處虛空以此為異是普光
明王如来壽命十六中劫純以菩薩
為僧有六十剎由他皆得神通遊戲
於菩薩行志得自在今時於三千大
千世界處中有一四天下名曰日明
如来於中成阿耨多羅三藐三菩提
於三千大千世界而作佛事彼日明
四天下中有轉輪聖王名功德莊嚴
於四天下而得自在七寶成就是大
聖王於四天下中起七寶臺東西八
由旬南北四由旬周匝有五百國觀
是功德莊嚴聖王有三十三万六千
宮人婁女端正殊妙如天玉女有四

万童子端正勇健各與半那羅延力
等今時功德莊嚴王與童子姝女及
諸眷屬俱出詣大樂莊嚴園遊觀作
樂歌舞以自娛樂今時衆中有二大
夫人一名德威二名德光離本坐處
詣一樹下思惟諸行无常當作是思
惟時各有一子化生抱上端正殊妙
成就第一微妙之色相好嚴身觀者
无厭身放大光普照園觀於上空中
諸天唱言此二童子一名師子二名
師子進從是以來常名師子師子進
今時二子適生不久說諸妙偈讚功
德莊嚴王言

昔造善惡不敗忘 供養諸佛亦不失
純至不捨菩提心 堅持所聞不忘智
詞伏自守不失戒 忍辱軟和善防護
能報恩者造善業 能勤精進不失道
善能專心定諸根 心能分別思惟慧
以智能造不濁業 以此淨法證菩提
不為煩惱所染著 善能分別諸義趣
是故能捨受胎形 化生清淨蓮華中
我等從上瞻王佛 聞此普光明如來
智慧无等正思議 故來至此為法故

願共父王到佛所
諸佛世尊甚難值
王聞是語甚適意
百千万種導從王
到已瓔珞及雜華
供養圍遶七市已
尔時師子師子進
以口鳴足而讚歎
世尊是舍依止護
體衆心行到彼岸
今此大王特王位
是故不求主佛所
快哉世尊生大悲
令此大王發道心
佛踊八十多羅樹
人王汝今至心聽
五欲无常喻如夢
王及國邑如幻化
習行欲者无厭足
習猶未足而命終
汝當善順觀己身
四大其猶如毒蛇
妻子珍寶及王位

礼拜供養大法王
亦如優曇波羅華
時會大衆皆歡喜
俱共發進向佛所
塗香伎樂諸供具
合掌敬礼在前立
頂礼兩足天人尊
言辞妙巧順法義
為世盲冥開大明
隨所信樂能悅可
貪著色聲香味法
失供養佛不聞法
願說无上菩提法
堅固不退於佛智
處在虚空告王言
聞已如法而奉行
命喻草木如霜露
是故智者不足貪
習欲渴愛更增心
唯得聖智者乃足
諸陰如幻不堅固
六情无實如空聚
臨命終时无隨者

唯戒及施不放逸

今世後世為伴侶

觀我神足力无畏

以諸相好莊嚴身

辭應弟子徒眾等

是故王宜發道心

大王即時聞法已

妻子眷屬皆歡喜

七十六千億眾俱

皆發無上菩提心

皆言我已發道心

捨度一切諸眾生

我等涉行為眾生

成正覺已度脫之

尔時功德莊嚴王從佛聞就如斯等

偈及見神變已復增益堅固菩提之

心頂礼佛足而白佛言唯願世尊及

菩薩弟子大眾受我八万四千歲請

願以衣服飲食卧具醫藥給侍所須

尔時世尊及諸大眾為憐愍王故即

便受請於是功德莊嚴王知佛受其

請已歡喜踊躍頂礼佛足遶已便去

時王子師子師子進及二万王子捨

世王位於佛法中剗除鬚髮出家修

道勤行精進樂求善法師子及師子

進出家未久得五神通堅固不退彼

佛知此二人得神通已如其威神常

為眾生演說妙法彼二比丘即於彼

三千大千世界從國至國從四天下

至四天下施作佛事而為說法彼二

比丘以如是因緣化度无量阿僧祇
衆生令堅固不退於無上大乘今時
功德莊嚴王於八万四千歲中以諸
樂具供養世尊及大衆已與一切群
臣前後侍從為聽法故往至佛所而
作是念我諸子等剷除瞋疑出家修
道常受供養自不行施亦未見得過
人之法寧可還家捨財布施修諸功
德如我所種善根耶今時普光明王
如來即知功德莊嚴王心告師子進
菩薩言善男子現汝自在功德神力
大菩薩變現使此大衆普得見聞迴彼
邪心使得正見為降伏諸魔外道故
今時師子進菩薩即時入定已現如
是等相使三千大千世界六變振動
於上虛空中雨種種妙物所謂諸華
香末香塗香繒蓋幢幡作種種天樂
美饌飲食瓔珞衣服種種珍寶皆從
空中繽紛而下雨如此寶滿足三千
大千世界衆生得未曾有皆大喜悅
今時從地神諸天上至阿迦膩吒天
皆歡喜踊躍唱如是言此大菩薩可
名虛空藏所以然者以從虛空中能

雨无量珍寶充足一切。尔時世尊即
印可其言。名虛空藏。於是功德莊嚴
王見師子進作。如是无量神變心淨
踊悅。得未曾有。捨憍慢心。合掌向佛
作如是言。希有世尊。菩薩功德智慧
乃能如是。自然而雨无量珍寶充足
一切。終无窮盡。世尊在家者。施所益
无幾。夫出家者。以神通力。施無崖際
在家者。施不稱。彼意雖施。猶恡以為
苦惱。出家者。施能適彼意。亦不恡惜
不生苦惱。尔時功德莊嚴王。即捨王
位。與子吉意。以真信心。剝除鬚髮。於
佛法中出家修道。出家已。為增長善
法。故常勤精進。出家未久。修得四禪
四無量心。及五神通。時吉意王。以法
治化國。无恡者。精進不廢。供養世尊
佛。復告速辯菩薩善男子。尔時功德
莊嚴王者。豈異人乎。莫造斯觀。即拘
留孫如來。是尔時師子菩薩者。則我
身是。尔時師子進菩薩者。即虛空藏
菩薩是。善男子。虛空藏菩薩當乎。尔
時初於空中。雨无量珍寶。以是因緣
常名虛空藏善男子。尔時王子吉意

者今弥勒菩薩是尔時二万王子於
彼佛法中出家者今與虚空藏菩薩
來此衆中聽法者是於彼佛法中先
出家者彼王内外眷屬及王子所化
衆生今現在十方行菩薩道是故速
辯菩薩應常淨戒衆增長本願以淨
戒衆增長本願故隨欲所作皆能成辦
尔時衆中有諸菩薩渴仰欲見虚空
藏神變之力虚空藏相貌云何尔時
世尊知衆心所念即告虚空藏菩薩
言善男子現汝神變虚空藏相尔時
虚空藏菩薩即入稱一切衆生意三
昧入已以此三昧力故於此三千大
千世界妙寶莊嚴堂上虚空中雨種
種妙物隨衆生所欲盡給足之所謂
須華雨華須鵝須香須末香須塗香
須繒蓋幢幡須種種音樂須嚴身之
具瓔珞衣服須餽饍飲食須車乘翼
從須金銀琉璃頗梨車渠馬瑙真珠
珊瑚雨如是等種種珍寶隨意與之
有須法欲法樂法之者於虚空中隨
所樂聞出衆法音悅可耳根所謂契
經音合偈經受記經偈經結可經因

緣經雙句經今生經勝處經方等經
未曾有經大教勅法須如是等經者
盡出應之須譬喻者須那羅等變音
者須巧言語音者須種種雜音者須
甚深音者須方便淺音者須如是等
音者盡出應之須聲聞乘度者出四
諦法音應之須緣覺乘度者出甚深
十二因緣法音應之須大乘度者出
六波羅蜜不退轉法音應之又於空
中出諸妙偈曰

說諸法性如虛空等 今說其門
衆咸諦聽如空无高 亦无有下
以無高下 亦无體性 如空无生
亦无有滅 以無生滅 性不敗壞
如空無增 亦无有減 以无增減
同諸法相 如空無明 亦無有闇
以無明闇 心性亦尔 如日照空
亦無有喜 不照不憂 智者學尔
如雨鉾箭 不傷於空 行者修空
亦不可傷 如空水潤 无有喜悅
智者稱利 亦無喜悅 如空毀譽
无有分別 智者毀譽 亦復如是
如動大地 空終不動 智者无依

不動法性 如乾大炭 不燒虛空
知煩惱者 不為所燒 如空常住
无有敗壞 諸法亦尔 常住法界
喻如虛空 受一切色 法界亦尔
受一切法 如空非色 相不可見
心性如是 同空無相 虛空假名
无有形貌 心意識然 亦假名說
如空无邊 終不可取 大人智然
與虛空等 如鳥行空 无有足跡
行菩提然 行不可見 身滅過去
如虛空等 現在諸陰 同虛空相
四大亦然 同如虛空 如三灾後
无諸異相 一切衆生 不能滿空
凡夫如是 五欲無滿 若有聖智
知一切法 彼足無求 離婬貪著
如空廣大 无有邊崖 佛法亦尔
无有邊際 知諸法性 是佛法者
彼不依物 亦不捨物 知物非物
住於實際 於物非物 無有二相
以聲明空 空性非聲 无有音聲
是名為空 佛雖說空 終已無說
空性直說 是故名空 如幻化夢
野馬影響 諸佛說法 皆悉如是

為導衆生

說如是喻

真淨之義

更无譬喻

諸法无相

以相如說

相及无相

法性俱無

空相為相

空亦無相

體此相者

是為菩薩

无滯无碍

無戲无動

無始无終

是為菩薩

不離衆生

非衆生數

如衆生性

是為菩薩

喻如幻師

煞衆幻人

實无死者

所度亦尔

幻與衆生

汨汨佛法

知同一性

无性無相

此大士得

无漏空藏

充足一切

不可窮盡

昔殖衆德

故獲斯藏

不有貯聚

乃能如是

能知諸法

因緣生者

其藏无盡

不可思議

救世大仙

說四無盡

空及道心

衆生佛行

若財是寶

則可貯聚

非寶无寶

是以無盡

究竟空法

已盡无盡

无盡不盡

是謂无盡

知此門者

近於菩提

住此門故

速成菩提

以虚空藏菩薩神力故於上空中雨

如是等妙法及財令三千大千世界

一切衆生得无量不可思議快樂所

願具足有患苦衆生蒙藥除愈孤窮

衆生得无量珍寶繫閉衆生得開悟
解脫諸根不具者悉得具足應被刑
戮者空中雨諸化人而代受之親愛
久別悉得歡會被憂煎衆生悉得无
憂墮三塗衆生蒙光觸身除一切苦
身心快樂今時此三千大千世界中
衆生各各飲食遊戲五欲具足共相
娛樂或有行施作諸功德一切衆生
成就如是等樂各作是言乃有此大
士能施世樂此虚空藏菩薩出世故
能施世間甘露乃能常勤為與一切
衆生樂无疲倦也虚空藏菩薩現如
是等神變悅可一切衆生性示現菩
薩神力以財施法施攝衆生故令无
量阿僧祇衆生發阿耨多羅三藐三
菩提心令无量菩薩得无生法忍復
令无量阿僧祇不可說不可說諸菩
薩發勤精進故得成就諸三昧門陀
羅尼門得遊戲神通門今時生疑菩
薩作是念此不可思議未曾有也虚
空藏菩薩但於娑婆世界示現種種
神足也亦於他方世界現種種神足
也今時虚空藏菩薩知生疑菩薩心

所念即放身光以此光明力故普照十方无量無邊諸佛世界尔時生疑菩薩及餘菩薩皆見虚空藏以神變力於十方無量无邊不可思議諸佛世界應化衆生亦如此娑婆世界等无有異一切聲聞辟支佛所不能為生疑菩薩見如是神變已疑網即除合掌礼虚空藏菩薩而作是言希有大士乃能安此無盡之藏在于虚空中普雨充足无量世界而猶不盡大士有安此藏在於空中其已久如虚空藏言善男子自我發阿耨多羅三藐三菩提心已來常有此藏在於空中生疑菩薩又問大士發阿耨多羅三藐三菩提心已來幾時虚空藏答言世尊當知汝可問之生疑菩薩即白佛言世尊虚空藏菩薩發阿耨多羅三藐三菩提心已來為經幾時唯願說之除我等疑佛告生疑菩薩言善男子此事久遠甚深難知若當說之令諸天人皆生疑惑不信佛語以不信故得无量罪生疑菩薩復白佛言世尊唯願說之若有久殖善根者必

當信受佛告生疑菩薩善男子汝已
慙懃欲聞豈得不說諦聽諦聽善思
念之吾當為汝分別解說為堅固善
根久殖德本者生喜悅故善男子喻
如一恒河沙數等諸恒河沙以此諸恒
河沙一沙為一佛土末念所佛土盡
為微塵聚著一處有一長壽之人於
此塵聚中百劫乃取一塵盡此塵數
欲知虛空藏菩薩發心已來劫數復
過於此非筭數所知善男子當以此
比知虛空藏發心久近善男子乃往
過去過恒河沙數等諸恒河沙以此
諸恒河沙一沙為一佛土末念所佛
土盡為微塵復過是數百千万劫念
時有佛号曰淨一切願威德勝王如
來應供正遍知明行足善逝世間解
无上士調御丈夫天人師佛世尊彼
世界名曰現无量諸佛刹土劫名衆
寶莊嚴彼世界何故名曰現无量諸
佛刹土善男子以彼刹土真淨故能
現十方諸佛刹土喻如元翳淨月現
於清水善男子以是因緣故十方无
量阿僧祇諸佛刹土及彼諸佛并師

子座衆生所作皆現彼國是故彼世界名為現无量刹土彼世界與百億三千大千世界等廣博嚴淨豐樂安隱天人熾盛地平如掌无有丘陵巖阜穢惡不淨多諸珍寶間錯而成端嚴可樂懸諸繒綵幢幡華蓋莊嚴燒栴檀沉水衆妙雜香以雜色劫波育張施其上衆寶妙華以布其地在在處處生寶華樹果樹衣樹瓔珞樹伎樂樹寶器樹香樹燈樹藥樹等普以莊嚴以界八道平正分明真珠瓔珞寶網莊嚴觀者无厭彼世界中不假日月光明以諸燈樹及摩尼樹而以照明无有晝夜唯以寶華開合知有時節彼世中衆生无盲瞎癡癎短跛蹇形體不具顏貌醜惡汚面眯眼无有如是等醜惡衆生一切衆生皆成就三十二相莊嚴其身彼世界中乃无三塗八難諸惡名字亦不聞外道異學音聲彼世界衆生皆必定於阿耨多羅三藐三菩提亦无聲聞辟支佛名彼佛純說諸菩薩乘彼世界中无女人及胎產者一切衆生結加

趺坐自然化生无老病名盡彼壽命
命終之後生餘清淨佛土或還生本
土善男子彼土成就如是无量無邊
不可思議功德我若一切若減一切
說彼功德終不能盡善男子今時現
无量諸佛剎土中有一轉輪聖王名
曰衆天灌頂典領三千大千世界於
諸佛所久殖德本利根慧猛威德成
就灌頂聖王有三万六千子皆於蓮
華中化生皆於過去諸佛所久殖善
根今時淨一切願威德勝王如來與
諸天世人大衆恭敬圍繞遊於衆天
灌頂聖王住處諸菩薩衆无量無數
非算師及算師弟子所能算知彼佛
壽命百千劫劫數長短如此賢劫彼
世界衆生經今所劫謂如一切今時
衆天灌頂聖王請淨一切願威德勝
王如來及菩薩僧四十中劫劫數長
短如此中劫供養適意餽饌飲食衣
服卧具房舍臺觀園林浴池如是等
種種所須之物而以供養今時衆天
灌頂聖王為供養佛故莊嚴一小千
世界以為妙堂純以琉璃寶莊嚴其

地周匝垣牆衆寶合成以赤栴檀及
憂陀羅婆羅栴檀為柱以車渠寶為
檀栴間錯此堂以如是等莊嚴合成
甚可愛樂世尊中食後從三昧起在
此堂中為諸大衆講說妙法復莊嚴
一堂與一四天下等欲今如來及菩
薩僧於其中食日日所用食直玆寶
如大山積善男子今時衆天灌頂轉
輪聖王於四十中劫常專一念未曾
放逸不作餘事常以一切樂具供養
如來及菩薩僧於今所時所作功德
亦不發願有所志求過四十中劫於
寧後日以无價三衣供奉如來諸菩
薩僧各施一衣當乎今日世尊中後
為諸大衆廣說妙法於時衆天灌頂
聖王侍從圍遶為聽法故往詣佛所
今時世尊知彼聖王功德淳淑堪任
有用於時世尊及衆天灌頂轉輪聖
王等七日七夜都无食想處師子座
身不傾動說大乘經名攝菩薩淨行
不退轉輪方便世尊說如是法為欲
令盡受持不忘失故灌頂聖王於七
日七夜心不散從佛聞法歡喜踊

躍其心悅豫從座而起頂礼佛足右繞七匝繞七匝已右膝著地合掌向佛深心淳至發阿耨多羅三藐三菩提心已即說偈言

我發无上心 請台諸群生 无殺者作殺
冥世開大明 非為一法行 非為供一佛
非為一衆生 願度无餘故 生老病死苦
衆惱所逼者 一切莫憂懼 我誓要當度
欲瞋癡慢覆 失道造諸惡 正斷邪惡業
導至无畏城 墮三塗衆生 難處受衆苦
強志莫憂懼 我生施无畏 无明癡所翳
不識解脫門 我為然法炬 得明至涅槃
為四流所漂 沉溺不得邊 為造勝法船
令度諸有流 屢生死飢饉 食先甘業盡
我為作導師 當令至安樂

佛告生疑菩薩言善男子尔時灌頂聖王說此偈已彼佛世界即六變振動光明遍照於時聖王發道心已即得菩薩三昧名曰不退菩提心以得此三昧力故常得見諸佛元尋乃至夢中一切煩惱不為作患自是已後其心不與嫉妬共俱不與破戒俱不與瞋恚俱不與懈怠俱不與散亂俱

其心不與愚癡等俱彼灌頂聖王盡
其形壽常給侍世尊左右為聞法故
又常教化三万六千子令發阿耨多
羅三藐三菩提心亦復教化餘无量
无邊衆生令發阿耨多羅三藐三菩
提心善男子今時衆天灌頂轉輪聖
王者豈異人乎莫造斯觀即今虚空
藏菩薩是也今時彼諸王子及諸大
衆教令發阿耨多羅三藐三菩提心
者我今即見在此會中大力精進大
智慧諸菩薩摩訶薩聽法者是也善
男子虚空藏菩薩發心已來經如是
无量阿僧祇劫行菩薩道此虚空藏
菩薩從發心已來未曾失菩提心未
曾胎產常值諸佛聽法供養衆僧於
諸佛所受持正法攝法為首未曾失
念能善分別成就遍行初發心已得
甚深難解菩薩初地能行諸施成就
大悲得无戲論无有厭倦發勤精進
學一切諸論知一切世法成就慙愧
得堅固念力此菩薩住於初地於無
量阿僧祇不可稱不可量不可思議
不可說不可說諸劫能淨淨至具足

行檀波羅蜜於諸衆生常行大慈勤
修攝法一切波羅蜜及諸助道法成
就欲進不放逸等皆隨順檀波羅蜜
是菩薩住於初地常勤給侍供養諸
佛勤求方便教化衆生淨佛國土住
於初地得入一切地智慧光明而不
過初地然後乃成就无量功德智慧
資糧得如來力持不退神通已離諸
地障尋而從初地入菩薩第二地住
无量阿僧祇劫淨於二地修尸羅波
羅蜜乃至十地為一一衆生所經劫
數亦復如是於一一地中過无量阿
僧祇劫成就菩薩行為諸衆生現作
佛事而不捨菩薩所行善男子少有
菩薩能行如是甚深不思議殊勝不
散亂淳至勤修進行如此虛空藏菩
薩所行成就者今時生疑菩薩問虛
空藏菩薩言希有善男子乃能如是
發弘誓願於此大乘久住生死無疲
倦耶虛空藏答言善男子此大地運
載諸山河石壁樹木叢林一切藥草
百穀苗稼及諸衆牛有疲倦不答言
不也大士虛空藏言善男子諸菩薩

心亦如大地淳至成就故行菩薩行
无有疲倦亦復如是虚空藏復言善
男子如此大地住於水上此水持地
无有疲倦諸菩薩心亦如大水以大
悲力故教化衆生无有疲倦亦復如
是虚空藏復言善男子如此大水住
於風上此風持水无有疲倦諸菩薩
心亦如大風以大方便力故淨佛世
界无有疲倦亦復如是虚空藏復言
善男子喻如大風住於空上无所依
止此空持風无所障碍无有疲倦諸
菩薩心亦如風空以般若波羅蜜力
故集一切佛法无有慳廢疲倦亦復
如是所以者何菩薩知一切法相所
以成就无生質無作者无受者因緣
合成故而有所作所作諸法亦无有
實本際空故本際離故實无成就自
性空故无生無滅知一切諸法性相
如是故不見有法可生疲歇及疲歇
者所以者何菩薩知一切法无二故
知生死性與涅槃性相知涅槃性與
一切法性等知一切法性與无性等
故亦不恃不著知一切諸法過去際

未來際元自性以定力故擔願力故不起於定而能現一切所作

尔時生疑菩薩問虛空藏菩薩言唯願大士說諸菩薩三昧行業何謂三昧何謂行三昧業者虛空藏菩薩答生疑菩薩言善男子有八万四千種諸三昧門此諸三昧門能攝攝一切諸餘三昧何等是八万四千三昧門善男子菩薩有三昧名曰不忘菩提心能成就不散亂行有三昧名曰降伏能淨淳至有三昧名曰不顯行能究竟成就不退所作有三昧名曰不依能增進成就畢竟有三昧名曰无垢能成就白心有三昧名曰照耀能開示善法有三昧名曰真淨能迴一切魔行有三昧名曰踊出終不為外道諸論之所降伏有三昧名曰捨離能調伏一切諸煩惱結有三昧名曰迴伏能令一切入真實道有三昧名曰轉進能離聲聞辟支佛地有三昧名曰樂遊能不厭生死有三昧名曰趣向能從一地至一地故有三昧名曰怡懌能成就悅可大眾故有三昧名曰

身光能於一切衆生成就等心有三昧名曰知所作能順一切所作不逆故有三昧名曰師子相能成就大衆无所畏有三昧名曰心勇能降伏四魔有三昧名曰蓮華莊嚴能成就不染世法有三昧名曰光莊嚴能普照諸佛世界有三昧名曰清涼能斷離憎愛故有三昧名曰幢相能成就一切佛法光明故有三昧名曰焰王能成就大智慧光明有三昧名曰日光能成就斷除无明闇冥有三昧名曰集德能成就辯無盡有三昧名曰辯羅延能成就金剛身有三昧名曰堅固能成就不掉動心有三昧名曰彌樓幢能成就不見頂相有三昧名曰堅自在能成就度本願有三昧名曰金剛士能成就不退諸通有三昧名曰金剛場能成就昇於道場有三昧名曰喻如金剛善能鑑徹一切諸法有三昧名曰行王能觀一切衆生心行有三昧名曰慧王能成就勝智知諸根滿足未滿足者有三昧名曰隨類能成就隨衆生性而為說法有三

昧名曰修一切諸身能成就法身有
三昧名曰不眴能得成就无尋見見
諸如來有三昧名曰無諍能得分別
一切因緣有三昧名曰無垢輪能得
成就轉妙法輪有三昧名曰電光能
得覺諸法因緣有三昧名曰善分別
能知諸界盡同一界有三昧名曰莊
嚴王能得成就相好有三昧名曰隨
解王能以一音報於一切有三昧名
曰不分別法界能知一切三昧同一
三昧有三昧名曰堅固能得不退於
諸法性有三昧名曰不可壞能知諸
法同於法性有三昧名曰无終能知
本際非際有三昧名曰無作能成就
如如無有變易有三昧名曰無動能
知諸法平等如虛空有三昧名曰淨
住能得成就諸波羅蜜有三昧名曰
善攝能成就四攝法有三昧名曰等
行能得成就四梵行有三昧名曰無
尋觀能得成就諸助道法有三昧名
曰海印能得總持諸佛所說有三昧
名曰空能斷一切諸見有三昧名曰
無相能斷一切諸覺有三昧名曰無

願能得淨成就一切諸願有三昧名
曰決了能得成就无生法忍有三昧
名曰不脫能得成就不失所聞法有
三昧名曰無翳能以善說悅可衆生
有三昧名曰得豐能得成就寶手有
三昧名曰法雲能雨一切法門有三
昧名曰寶莊嚴能得成就不斷三寶
勝種有三昧名曰无比能成就智所
作業有三昧名曰虛空門能得離一
切障身有三昧名曰智印能得遍知
一切諸法有三昧名曰見現在諸佛
能得成就諸如來功德有三昧名曰
選擇寂靜如意能得成就離於本際
有三昧名曰分別一相法門能得成
就於未來世說一相法門有三昧名
曰了知一切法平等性能得成就解
了一切經書有三昧名曰集諸功德
能得潤益一切衆生有三昧名曰遊
戲神通能得成就不思議解脫有三
昧名曰自覺能入如來秘密之藏有
三昧名曰首楞嚴能於菩薩地中乃
至示大涅槃有三昧名曰遍至能得
成就在在現生有三昧名曰灌頂王

能得成就菩薩所行无餘有三昧名
曰无勝能得成就如來十力有三昧
名曰無盡能得成就四無所畏有三
昧名曰無等能得成就佛不共法有
三昧名曰願王能得成就諸所聞法
自利利彼功不唐捐有三昧名曰善
入无垢印能現前覺了一切佛法有
三昧名曰善知覺能得成就薩婆若
智无有遺餘有三昧名曰盡无邊能
得成就一切佛事受行无餘善男子
此謂八万四千三昧門以此等為首
菩薩坐道場時便得八万四千諸三
昧門一一三昧以无量阿僧祇百千
万億三昧以為眷屬善男子是諸三
昧能知八万四千種衆生諸所行法
亦能顯現八万四千法聚善男子是
為略說諸菩薩行及諸佛法藏少分
而諸菩薩行无量无边諸佛法藏不
可思議

尔時虚空藏菩薩說是法時有万六
千菩薩得柔順忍无量三昧而現在
前復有八万四千衆生發阿耨多羅
三藐三菩提心尔時世尊讚虚空藏

菩薩言善哉善哉善男子快說是諸三昧法門善說如來勝智如汝自身證行此法不從他得今時生疑菩薩合掌白虛空藏言希有大士乃能成就如是不可思議功德不從他聞而能入於如來勝智行處我亦願樂欲令一切衆生得此不可思議法如來行處今時大德舍利弗問生疑菩薩言善男子誰為汝作此生疑名也生疑菩薩答舍利弗言菩提心為我作此生疑名所以然者若不發菩提心於佛法中終不生疑其有發阿耨多羅三藐三菩提心者其人於一切佛法則生疑惑為欲現知明了一切佛法故譬如灌頂剎利王軍大太子成就王相應作國主次父之後應紹王位是故其子每常諮問治國之法我當云何監領國事大德舍利弗菩薩摩訶薩亦復如是畢竟發阿耨多羅三藐三菩提心者次如來後亦應紹繼无上法王尊位亦常思惟諮問一切智相應之法我等應當云何持无上法王法也是故亦於一切佛法每

常生疑大德舍利弗當知以此因緣
由菩提心故立此生疑名也生疑菩
薩復語舍利弗言大德我從昔來不
憶值諸佛菩薩及善知識未曾不問
諸佛妙法是故我真名生疑也

大方等大集經卷第十六

辛丑歲高麗國大藏都監奉

勅雕造

大方等大集經卷第十七

位

北涼天竺三藏曇無讖譯

虛空藏菩薩品第八之四

今時虛空藏菩薩白佛言世尊諸佛行處不可思議菩薩所應行法亦復无量是故此行不可以少誓在嚴不可以少言說不可以小乘道而得成就快哉世尊唯願說諸菩薩大誓在嚴及道在嚴菩薩以大誓在嚴及道在嚴故能乘大乘行真實寂上出世間道為當得出世无上大乘成就一切自然大智雖未成一切智能作佛事利益一切佛告虛空藏菩薩言善男子諦聽諦聽善思念之吾當為汝分別解說諸菩薩大誓在嚴乘在嚴道在嚴唯然世尊願樂欲聞佛言善男子菩薩有二十在嚴法以自在嚴自在嚴已能乘大乘何等為二十善男子若有菩薩畢竟發阿耨多羅三藐三菩提心於一切眾生生寂勝大悲生利益眾生心利益眾生心已便能莊嚴无上大誓何謂大誓在嚴為度

未度者大誓莊嚴乘大船舫故為解
未解者大誓莊嚴脫虛妄顛倒故為
安未安者大誓莊嚴安止无畏道故
為未得涅槃者令得涅槃大誓莊嚴
捨五陰重擔故為常勤給足衆生大
誓莊嚴精進不懈怠故為不捨无量
生死大誓莊嚴不疲厭故為悅可一
切諸佛大誓莊嚴現前供養恭敬故
為受持一切佛法大誓莊嚴不斷三
寶種故為受持一切所聞不忘大誓
莊嚴得陀羅尼故為善說法悅可一
切衆生大誓莊嚴得辯才故為集无
量功德資糧大誓莊嚴成就相好故
為悅可一切善知識大誓莊嚴堅固
所行故為遮馳散心大誓莊嚴生諸
禪解脫三昧故為在阿練若處捨離
身命大誓莊嚴得六通故為欲大師
子吼无所畏懼大誓莊嚴現前得无
我法故為欲至一切世界大誓莊嚴
欲知一切諸法如幻如夢如影故為
普照嚴饒一切世界大誓莊嚴淨戒
衆受持成就力故為成就如來十力
大誓莊嚴滿足諸波羅蜜故為得四

無所畏大擔莊嚴如所說行故為盡
得十八不共法大擔莊嚴如所聞菩
薩地法不戲論故善男子是為諸菩
薩二十大擔莊嚴以此莊嚴力故能
乘於大乘菩薩以此自莊嚴力故斷
三惡趣因緣是名莊嚴具足善為諸
佛所護持是名莊嚴隨所欲至便得
往生是名莊嚴捨一切胞胎能化生
諸佛前是名莊嚴能行无諍身口意
業是名莊嚴住不放逸行為諸天世
人之所恭敬是名莊嚴善通達三脫
門而不證實際是名莊嚴一切无我
法皆現在前而猶不捨大擔莊嚴是
名莊嚴是為菩薩具足大擔莊嚴云
何名為莊嚴菩薩乘善男子乘者謂
无量也無邊崖故普遍一切喻如虛
空廣大容受一切衆生故不與聲聞
辟支佛共是故名大乘復次乘者以
正住四攝法為輪以真淨十善業為
輻以淨功德資糧為轂以堅固淳至
畢竟為輶轄釘鑷以善成就諸禪解
脫三昧為轄以四无量心為善調以
善知識為御以知時非時為發動以

无常苦空无我之音為駭策以七覺
寶繩為鞅綱以淨五根為索帶以引
普端直大悲為旒幢以四正勤為綱
以四念處為安詳以四神足為速進
以勝五力為鑒陳以八聖道為直進
於一切衆生无障尋慧明以為軒以
无住六波羅蜜迴向薩婆若以无等
四諦度到彼岸是為大乘此乘諸佛
所受聲聞辟支佛所觀一切菩薩所
乘釋梵護世所應敬礼一切衆生所
應供養一切智者所應讚歎一切世
間所應歸趣一切怨憎不能輕毀一
切諸魔不能破壞一切外道不能測
量一切世智不能與竟此乘殊勝无
能過者一切賢聖之所守護此乘隨
願能至一切佛界故此乘普照能放
綈網光明故此乘有大名稱能出法
門故此乘強志不退還故此乘堅牢
不懈緩故此乘正住不傾動故此乘
衆事備具能滿一切所願故善男子
是名大乘諸大誓莊嚴菩薩乘此乘
乘此乘已能從一地至於一地是其
莊嚴能捨諸地過患是其莊嚴能捨

諸魔業是其莊嚴能化度衆生是其莊嚴能淨佛世界是其莊嚴能現菩薩神變是其莊嚴能度生死大飢饉是其莊嚴能入如來行處是其莊嚴善男子云何菩薩莊嚴道善男子菩薩大捨莊嚴及乘大乘已捨一切邪道捨一切邪道已趣於真實正道到薩婆若何謂正道耶所謂不捨善法故行於大欲不退菩提道故勤修精進善根不失故行不放逸不動渾至不沒於所作必能究竟卽攀上法求功德資糧无有滿足求智慧資糧又不廢捨是為菩薩正道復次善男子菩薩道者所謂四禪四无量心四空定五神通三福業三學六應敬六念四攝法四念處四正勤四神足五根五力七覺分八聖道分三解脫門知陰方便知界方便知入方便知諦方便知因緣方便是名為道菩薩得成就此道方便皆能隨順入六波羅蜜道所以然者以菩薩六波羅蜜道不與一切聲聞辟支佛共故此道一切諸佛皆所稱歎從諸如來口出成就

方便菩薩能知一切法實性者能住
出世間六波羅蜜聖道云何為住善
男子若有菩薩成就自然慧方便而
求菩提於此五受陰中為如實覺故
求知色苦知色無我知色鉢知色无
智知色如幻知色如水中月知色如
夢知色如影知色如響知色如旋火
輪知色无我知色无衆生知色无命
知色无人知色無主知色无養知色
空知色无相知色无願知色无作知
色无生知色無起知色无出知色无
形知色寂靜知色離知色无終知色
无成知色與虚空等知色如涅槃性
而行布施菩薩如是行施時以施離
故知色亦離以色離故知施亦離以
色施離故知願亦離以願離故知色
施亦離以色施願離故知菩提亦離
以菩提離故知色施願離而知一切
法同菩提性善男子是為菩薩出世
間檀波羅蜜受想行亦如是知識无
常應行布施知識苦知識无我知識
鉢知識无智知識如幻知識如野馬

知識如水中月知識如夢知識如影
知識如響知識如旋火輪知識无我
知識无衆生知識无命知識无人知
識无主知識无養知識如空知識无
相知識无願知識无作知識无生知
識无起知識無出知識无形知識寂
靜知識離知識无終知識无成就知
識與虚空等知識如涅槃性而行布
施菩薩如是行布施時以施離故知
識亦離以識離故知施亦離以識施
離故知願亦離以願離故知識施亦
離以識施願離故知菩提亦離以菩
提離故知識施願離而知一切法同
菩提性善男子是為菩薩出世間檀
波羅蜜復次善男子菩薩知色无常
而護於戒乃至知色如涅槃性而護
於戒知受想行亦如是知識无常而
護於戒乃至知識如涅槃性而護於
戒以戒離故知色亦離知戒離故乃
至於識亦離乃至知一切法同菩提
性善男子是為菩薩出世間尸羅波
羅蜜羣提波羅蜜毗梨耶波羅蜜檀
波羅蜜亦如是知色无常而行於慧

乃至知色如涅槃性而行於慧知受
想行无常而行於慧乃不知識如涅
槃性而行於慧以慧平等故知識平
等以識平等故知慧平等以慧識平
等故知願平等以願平等故知慧識
平等知慧識願平等故知菩提平等
以菩提平等故知慧識願平等即知
一切法同菩提性善男子是為出世
閒般若波羅蜜是為菩薩出世閒波
羅蜜道志能攝取一切諸道當知一
切諸道皆入在中何故名之為出世
閒耶善男子五受陰名為世閒菩薩
善分別五陰觀是无常乃至如涅槃
性已知此道中无有世閒及世閒法
知此道是无漏是出世閒无所繫著
是名出世閒善男子是名菩薩道復
次道者所謂如實求一切諸法分別
選擇不見一切諸法相續積聚无二
無別是故名道而此道者无有憎愛
无憎愛故名為平等離思惟觀察餘
樂故名為廣大去離諂故名為端直
去離曲心故名為无斷除諸蓋故
名无繫滯去離欲瞋恚害覺故名无

塵垢不愛色聲香味觸故名為安樂
去離諸魔事故名為清涼去離煩惱
衆賊故名為无畏能到涅槃故名為
出要成就靜定故名清涼水慧善解
故名為常明善修慈故名為涼樂不
捨大悲故名進无厭常行喜故名為
悅豫成就捨故名无過失順攝法故
名為大富成就施食波羅蜜力故得
薩婆若智辯諸佛善護持故名過四
魔行法不捨本願故名進无滯尋渡
一切煩惱流故名无有上一切世間
无能降伏故名无訓對善男子此道
成就如是等及諸餘無量功德一切
大士乘此道故能往來教化无量衆
生是為莊嚴无諸煩惱現入煩惱是
其在嚴觀於生死而不證實際到空
无相無作門而能教化行諸見諸相
諸願衆生是其莊嚴現入聲聞辟支
佛涅槃而不捨生死是其莊嚴現諸
趣受生而不動於法性現說一切言
教而不動於无言是其莊嚴能現一
切佛事而不捨菩薩行是其莊嚴善
男子是為菩薩大捨莊嚴大乘莊嚴

道莊嚴菩薩以大誓莊嚴自在嚴故
能乘大乘順出世間聖道未得薩婆
若為衆生故能作佛事

尔時衆中有菩薩名曰寶德問虛空
藏菩薩言善男子汝已修此出世間
聖道耶虛空藏答言已修寶德言云
何修虛空藏答言如得清淨道如是
修寶德問言云何為清淨道虛空藏
答言善男子我淨故道淨寶德問言
云何為我淨虛空藏答言如世淨寶
德問言云何世淨虛空藏答言善男
子色過去際淨所以然者以色本際
无來故色未來際亦淨所以然者以
色未來際无去故色現在際亦淨所
以然者以現在色無住故善男子是
為世淨受想行識過去際淨所以然
者以識本際无來故識未來際亦淨
所以然者以識未來際无去故識現
在際亦淨所以然者以識現在際无
住故善男子是為世淨善男子以世
中世淨故則我淨以我淨故是名道
淨寶德言善男子如是淨道能何所
為虛空藏答言能作大智慧光明以

此慧明力故能知一切法過去未來
際寶德復問言何謂過去未來法際
虛空藏答言一切法於過去際无生
於未來際无滅是名知過去未來際
寶德復問若見過去未來際者為何
所見虛空藏答言見二俱離寶德復問
何謂二俱離虛空藏答言離斷常者
善男子若有見法生及著法者則是
斷常見所以然者由有生故則有滅
有生滅故則有斷常之見若不見有
法從自性他性生者則見因緣若見
因緣則見法若見法者則見如來若
見如來者則見如若見如若者則不滯
於斷亦不執於常若不常不斷者即
無生无滅寶德復問善男子若无生
无滅云何有名數虛空藏答言假言
說故名之法耳善男子猶如有空故
有色差別名所謂青黃赤白色紫色
頗梨色琉璃色麤色細色長色短色
方色圓色虛空不為如是等法所染
然一切色自性亦空一切諸法亦復
如是同虛空性但假言說有名數耳
所謂善法不善法世間法出世間法

應作法不應作法有漏法无漏法有為法无為法而菩薩亦不作一切非福行所作福行皆見虛誑非真不堅固是菩薩知一切行非行平等捨離一切相成就般若波羅蜜力故迴向菩提而亦不見菩提有增有減不於色中求菩提亦不於受想行識中求菩提菩薩以无求故住於清淨戒衆修无願解脫門滿足一切諸願知生死性同涅槃性雖入究竟涅槃為斷除衆生虛妄顛倒故行菩薩行亦无行法可行善男子如是菩薩入於涅槃行菩薩行善男子凡有所作皆是生死无有所作是名涅槃菩薩所行是无所作是故菩薩名入涅槃行菩薩行善男子凡有染著憍窟妄想戲論取相是名生死涅槃者无染著憍窟妄想戲論取相是名涅槃菩薩以修无樂著憍窟妄想戲論取相行菩薩行是名菩薩入於涅槃行菩薩行當說此法時有五百菩薩得无生法忍

尔時世尊讚虚空藏菩薩言善哉善

我賢士快說法性稱菩薩行真實不異虛空藏白佛言世尊此是如來快也所以者何由世尊慧明故我等得斯辯分世尊喻如日光照闇淨提由日威德力故有眼之者得見色像作諸事業由於如來大智力故照一切衆生及諸世界亦復如是諸法實性不可言說諸言說性與虛空等是故諸法不可得數凡有數法則有限量凡有限量則是有為凡有有為則可知可斷可修凡是可知可斷可修則有得有證有名數法思惟籌量分別不見有法可知可斷可修可證可得故即无有得所以然者以一切法無生故能如是正見諸法於諸法中不生愛染以无愛染故则无有著以无著故则无近以無近故则无受無取何謂无受無取謂色若常若无常无受無取受想行識若常若无常无受無取色若苦若樂若有我若无我若淨若不淨无受無取受想行識若苦若樂若有我若无我無受无取色若空若非空无受无取受想行識若空

若非空無受无取色若離若非離无
受无取受想行識若離若非離无受
无取菩薩以无受無取故得諸法无
受三昧住是三昧已諸佛世尊以無
上心通授是菩薩記是菩薩雖入涅
睺見一切衆生究竟同涅槃性為教
化衆生故不捨大擔莊嚴及菩薩大
悲云何菩薩入於涅槃行菩薩行善
男子凡有所作名為生死凡無所作
名為涅槃菩薩以正智慧見一切諸
行離相菩薩以法明眼明了見故能
說如來智明今時寶德菩薩問虚空
藏菩薩言善男子汝何為自隱已智
言盡是如來力耶虚空藏答寶德言
善男子如來豈不說隱善顯惡也善
男子我還問汝隨意答我善男子於
汝意云何若无阿那婆達多龍王時
阿耨大池能出四河使諸衆生得受
用不寶德答言不也虚空藏言善男
子若无如來則無法律菩薩无由得
成大智之海亦不能利益一切衆生
以如來出世故則有法律諸菩薩得
成大智之海亦能度化一切衆生善

男子是故當知一切菩薩所得辯說
能以利益衆生皆是如來神力寶德
復問善男子諸如來辯可得轉至善
薩心不虛空藏答言不也寶德言云
何由如來力故得辯說也虛空藏答
言善男子喻如巧種果樹因緣和合
便得果實然樹非即果果不離樹善
男子如來所說法善薩於此法中善
順行故便生大智明辯因佛說得亦
无有轉實德言希有善男子因緣
生法如是甚深難測虛空藏言善男
子一切諸法究竟無生寶德言善男
子諸法謂從緣生虛空藏言善男子
生已生也未生生也寶德言善男子
生已不生未生亦不生虛空藏言善
男子是故無生寶德言善男子緣中
有因耶虛空藏答言无也寶德言因
中有緣耶虛空藏答言無也寶德言
於汝意云何若因若緣自實有性耶
虛空藏言无也寶德言善男子於汝
意云何諸法無因緣生耶虛空藏答
言不也善男子是故一切法無自性
無生無起无出是以緣不生因因不

生緣自性不生自性他性亦不生他性自性不生他性他性不生自性是故說一切法自性無生所以者何以如無生无滅法性實際亦无生无滅如如法性實際如來所覺一切諸法亦復如是無生无滅寶德言善男子如來亦不出世也虛空藏答言此不應說也所以者何如來於一切法盡不可說不可言出不得言不出若有入問言如來出世耶不出世耶智者為不謗如來故應置不答寶德問言云何應置虛空藏言如法性住應如是置寶德言云何法性住虛空藏答言如虛空性住住无所住法性亦如是住如法性衆生性亦尔如衆生性一切法亦尔如一切法如來亦如是住住無所住无住處故无住無不住是故不得言生不得言滅寶德言善男子如來出世事甚深甚深虛空藏答言善男子若能如實解了緣生法者名為佛出世寶德言善男子誰當解此說也虛空藏答言若於一切法中不得增減者寶德問言何謂為增

虛空藏答言增者所謂增上句謂於
无中妄生增上无增上句者是平等
句无等句无文字句無句無教句無
教之中無句无增上亦無心意識以
是故非句喻如空中鳥跡究竟已無
當无而言鳥跡於一切法中無有字
句亦復如是無句而假名為句如无
跡假名為跡如來出世亦無有出假
名為出亦復如是是故智者不應取
著以无取著故假名為出而常依無
出所以者何以無生是一切諸法實
性故无生者則無所有是故名一切
法無所有性無所有性无有住處無
住處故是无住際一切諸法及无住
際即是實際實際即是一切法際是
故言一切法與實際等言實際者是
三場分斷際不可壞際不斷不常際
如實際三世等際以如是等際等一
切法際所以者何實際及我際无二
無別實際及衆生壽命養育人際无
二無別實際及我見際無二無別於
我見中无有實際能如是如實知者
则无有二十種我見所以者何以實

際中無一无多故實際與平等等等无
来无去無盡无減實際究竟空故是
故言一切法是无盡門无盡際涅槃
者无盡所謂空故無性故如涅槃无
盡无不盡一切法亦復如是以是故
言一切法與涅槃等諸法无等無不
等无儔足故喻如虚空無有儔足一
切諸法亦復如是若見有誑足言有
涅槃者已言有涅槃便求涅槃則與
賢聖相違已言有涅槃故便言此應
知此應斷此應證此應修此應生此
應滅如是行不具者不能如實知不
能如實見則不識不解不知不見不
識不解一切法故則著於文字於諸
法中妄生諍竟生諍竟者於佛法中
則為一愍所以然者如來說言沙門
之法不應諍竟

今時大德阿難白佛言希有世尊此
賢士才辯乃能如是甚深明了難解
難測也於一切法不從他受如身自
證能如是說虚空藏菩薩即謂阿難
言大德我已自身證知是故如所證
知能如是說何以故我身即是虚空

以虛空證知一切法為虛空印所印
大德阿難凡諸菩薩修身善解身相
者能以此身作諸佛事現種種色像
而亦不退於真法身亦復不離結業
生身又復不過於平等性現變化
終已不隱應化之身如是行者皆可
名之為身證行阿難問言善男子汝
於法頗有證耶虛空藏答言大德阿
難我不見法離於身身離於法阿難
言善男子汝若身證者汝得阿羅漢
果耶虛空藏言大德无得不得无所
得故於一切法无惱行故離貪欲瞋
恚愚癡故是謂阿羅漢阿難言善男
子汝何時當般涅槃耶虛空藏言大
德阿羅漢者无般涅槃知一切法究
竟涅槃亦無涅槃相凡愚之人有
如是分別戲論行言此是生死此是
涅槃阿羅漢者无是戲論也大德阿
難言善男子如我解汝所說義夫菩
薩者不應言是凡夫亦不應言是學
不應言是无學去離二相故虛空藏
言大德阿難善哉善哉以非凡夫非

學非无學故在在處處皆能示現於一切處亦不取著今時五百大聲聞各以已身所著夏多羅繒奉上虛空藏奉上衣已一時同聲說如是言其有衆生深心發阿耨多羅三藐三菩提者快得善利於如是大智法藏中不墮其外所上之衣即便不現彼諸聲聞問虛空藏言衣何所至也虛空藏荅言入我藏中又言如來知之汝等可問今時諸聲聞即白佛言世尊衣何所至也佛告諸比丘東方去此過无量阿僧祇諸佛剎土有世界名曰袈裟幢其界有佛号曰山王如來虛空藏已遣此衣至彼世界諸聲聞即白佛言世尊以何因緣遣衣至彼耶佛言欲以此衣於彼世界施作佛事虛空藏菩薩於此所說如虛空藏等三昧印法門此三昧於彼衣中當演其義音彼世界无量阿僧祇諸菩薩聞此法故當得无生法忍諸比丘當知菩薩作如是種種方便利益衆生說此法時於上虛空中雨无量金色華以此諸華遍覆妙寶莊嚴堂於

諸華中出如是法音其有衆生信以虛
空藏所說法善順思惟分別其義者
皆當為不退轉印所印畢定得至无
上道場今時阿難白佛言世尊是何
瑞應乃雨此華出如是妙音安慰衆
生佛告阿難有梵天名曰光明在嚴
從梵天上與六十八百千梵衆俱欲
來詣此如來說此語已時諸梵衆忽
然來至妙寶莊嚴堂上頂礼佛足右
遶七匝遶七匝已在一面立合掌向
佛而白佛言希有世尊虛空藏菩薩
不可思議戒衆清淨善修諸定善分
別大智慧善能遊戲諸大神通善能
滿足大弘誓願善能成就大權方便
善能莊嚴身口及意善能於諸法中
成就大自在力是虛空藏菩薩身口
及意都无所作无有分別憶想而能
現此不可思議莊嚴神變又能顯現
无量百千法門亦能出入百千諸三
昧門從昔以來常樂修習成就諸善
法故世尊諸菩薩不應於往昔所修
善根不知其因集諸善根亦應无厭
所以者何是因往昔所種善根果報

故能現如是不可思議神變佛告梵
天如是如是如汝所言諸菩薩已成
就善根資糧及出要智方便故能現
如是不可思議功德莊嚴之事无憶
想分別亦无分別梵天白佛言世
尊云何菩薩集善根資糧及出要智
方便佛告光明莊嚴梵天言善根有
三種何等為三所謂无貪善根無恚
善根无癡善根是名善根資糧者所
謂捨一切所有修慈觀諸法是名資
糧方便者所謂去離凡夫地不願樂
聲聞辟支佛地進入諸菩薩地是名
方便智者所謂知捨不善法智知集
善法智知迴向菩提智是名智菩薩
能住如是等正行者是名出要復次
善根者能發阿耨多羅三藐三菩提
心資糧者所謂求一切善法方便者
所謂已作未作善根終不廢忘智者
所謂知心如幻化如是等法現前了
知是名出要復次善根者所謂淳至
資糧者所謂發動方便者所謂深心
智者所謂无持無動能行如是等法
者是名出要復次善根者所謂欲善

法資糧者所謂勝進方便者所謂安住不放逸智者所謂捨一切依著能行如是等行者是名出要

復次善根者所謂正信資糧者所謂不捨本願方便者所謂不捨念定智者所謂慧能正住如是等行者是名成就善根資糧智方便出要復次善根者所謂悅可諸善知識資糧者所謂給侍所須恭敬供養尊重利益方便者所謂於善知識生世尊想智者所謂知時非時而問法能正住如是等行者是名出要復次善根者所謂善順聽法資糧者所謂受持不廢忘方便者所謂隨聞能觀智者所謂隨所聞而行能正住如是等行者是名出要復次善根者所謂值佛悅可資及助道法方便者所謂能從一地至於一地智者所謂得无生法忍菩薩能正住如是等行者是名成就善根資糧方便智出要今時光明莊嚴梵天白佛言希有世尊如來能以四句義總說一切菩薩行世尊一切佛法

應於中求今時虛空藏菩薩語梵天
言一句亦能摠攝一切佛法何謂為
一所謂離欲句所以然者以一切佛
法同於離欲如佛法一切法亦然梵
天是為一句摠攝一切佛法復次梵
天一空句摠攝一切佛法一切佛法
同於空故如佛法一切法亦然梵天
是為一句摠攝一切佛法所謂无相
句无願句无作句無生句无起句如
句法性句實際句離句滅句盡句涅
槃句摠攝一切佛法以一切佛法同
於涅槃故如佛法一切法亦然梵天
是為一句摠攝一切佛法所以者何
以如是等句皆非句故一切佛法非句
假名為句復次梵天欲是離欲句所以
者何離欲性即是欲故一切佛法亦同
是性瞋恚是離瞋句所以者何離瞋
恚性即是瞋恚故愚癡是離愚癡句
所以者何離愚癡性即是愚癡故一
切佛法亦同是性身見是實際句所
以者何實際性即是身見一切佛法
亦同是性无明是明句所以者何明
性即是无明故一切佛法亦同是性

乃至苦惱是離苦惱句所以者何離苦惱性即是苦惱故一切佛法亦同是性色是虛空句所以者何虛空性即是色故一切佛法亦同是性受想行識是无作句所以者何无作性即是識故一切佛法亦同是性地大是虛空句所以者何虛空即是地大故一切佛法亦同是性水大火大風大是法界句所以者何法界性即是風故一切佛法亦同是性眼是涅槃句所以者何涅槃性即是眼故一切佛法亦同是性耳鼻舌身意是涅槃句所以者何涅槃性即是意故一切佛法亦同是性梵天是為一句總攝一切佛法菩薩入如是等一一智門皆見一切佛法入於一句梵天喻如大海能吞衆流一句中攝一切佛法亦復如是喻如虛空能苞容一切色像一句中攝一切佛法亦復如是如是等一切佛法若攝若不攝若說若不說不增不減究竟離相故梵天喻如筭師數數以筭筭布在筭局上然局中无筭筭中无局所以者何

究竟不相應故究竟離故如是於上
一一句中假名數故言一切佛法皆
入一句而諸佛法不可名數算計究
竟不相應故究竟離故梵天如佛法
名數即是一切法名數何以故一切
法即是佛法此法非法非非法自性
空故自性離故自性究竟无性故无
性即是虛空虛空性同一切法性此
法性非生相非滅相非有處相非无
處相是故一切法名無相无非相說
如是一法門時於彼梵衆中有万二
千梵天皆發阿耨多羅三藐三菩提
心復有昔殖德本五千梵天得无生法忍
今時衆中有一菩薩名曰寶手問虛
空藏菩薩言希有善男子一切諸法
及如來法甚深難測不可思議又善
男子何謂安一切佛法根本耶虛空
藏菩薩答寶手言善男子菩提心是
安一切佛法根本一切法住菩提心
故便得增長寶手菩薩言善男子菩
提心者何法所攝得不忘失能速至
不退轉地虛空藏言善男子菩提心
為二法所攝得不忘失速至不退轉

地何等為二所謂淳至畢竟是名為
二法所攝得不志失能速至不退轉
地寶手言善男子此二者為幾法所
攝虛空藏言此二法為四法所攝何
等為四所謂淳至者為不虛詐不誣
曲所攝畢竟者為无我及上進所攝
是為二法為四法所攝寶手言善男
子此四法為幾法所攝虛空藏言善
男子此四法為八法所攝何等為八
所謂不虛詐者為不猶豫及體真淨
无我者為不退沒及進所攝上進者
為功德資糧及智資糧所攝是為四
法為八法所攝寶手言善男子此八
法復為幾法所攝虛空藏言善男子
此八法復為十六法所攝何等十六
所謂不猶豫者為大慈及大悲所攝
體真淨者為身調及心調所攝正直
者為忍辱及柔和所攝正住者為无
憍慢及无滯碍所攝不退沒者為堅
固及力所攝上進者為如所作及正
行所攝功德資糧者為始發及究竟
不捨所攝智資糧者為求多聞及思

惟所聞所攝是為八法為十六法所攝實手言善男子此十六法復為幾法所攝虛空藏言善男子是十六法為三十二法所攝何等三十一所謂大慈者為元導心及於一切衆生等心所攝大悲者為无厭倦及勤給足一切衆生所攝身調者為不觸撓及不加害所攝心調者為定及寂靜所攝忍辱者為受正教及順行所攝柔和者為慚及愧所攝无憍慢者為謙卑及礼敬所攝无滯導者為无垢穢及不强梁所攝堅固者為不犯所行及成就本願所攝力者為佳正意及不掉動所攝如所作者為如說及能行所攝正行者為正發及正進所攝始發者為必勝及不退所攝不捨者為樂勝及上求所攝求多聞者為親近善知識及悅可善知識所攝思惟所聞者為智慧及善觀所攝善男子是為十六法為三十二法所攝實手言善男子此三十二法復為幾法所攝虛空藏言善男子是三十二法為六十四法所攝何等六十四法所

謂无寻心者為護我及護彼所攝於一切衆生等心者為无別異及一味所攝无厭倦者為如夢觀及知生死如幻所攝勤給足一切衆生者為諸神通及方便所攝不觸撓者為著耻及信有業報所攝不加害者為少欲及知足所攝定者為无發惱及无散失所攝寂靜者為捨吾我及離我所所攝受正教者為求法及欲法所攝順行者為敬重及平等无疲倦所攝慚者為内心斷除及外不行所攝愧者為信樂佛智及在屏處不行惡所攝謙卑者為不懷慢及知自下所攝礼敬者為身端心直所攝无垢穢者為具靜定及修智慧所攝不强梁者為不麤獷及不兩舌所攝不犯所行者為不捨菩提心及念道場所攝成就本願者為捨魔事及佛神力持所攝正住意者為不輕躁及不掉亂所攝不掉動者為如石山及不可移轉所攝如說者為所作善業及无熱惱所攝能行者為无虛誑及不捨歸趣所攝正發者為離邊見及順觀甚深

因緣所攝正進者為善巧及方便所攝必勝者為不懈慢及勇猛所攝不退者為大欲及增進所攝樂勝者為見如來及聞法所攝上求者為捨諸地過患及得諸地功德所攝親近善知識者為无憎嫉及信樂所攝悅可善知識者為敬順及不逆教勅所攝智慧者為无常觀及无我觀所攝善觀者為修无相及不怙涅槃所攝善男子是三十二法為六十四法所攝寶手復問此六十四法復為幾法所攝攝虛空藏答言善男子此六十四法為百二十八法所攝何等為百二十八法所謂護我者為斷一切惡及成就一切善根所攝護彼者為忍辱及柔和所攝无別異者為猶如水心及如風心所攝一味者為法界觀及如如觀所攝如夢觀者為无移轉觀及无真實觀所攝如幻者為適性示現及无自性觀所攝諸神通者為了義及了智所攝方便者為大悲及般若波羅蜜所攝著耻者為不覆藏所犯及悔過所攝信有業報者為不放逸

及畏惡趣所攝少欲者為淨處有齊
限及離宿穢所攝知足者為易稱及
易養所攝无發惱者為究竟及究
竟邊際所攝无散失者為得忍及不
退轉地所攝捨吾我者為不計我身
及與壽命所攝離我所者为无貪及
无愚癡所攝求法者為智及断所攝
欲法者為不著五欲及離煩惱所攝
敬重者為起世尊想及療救想所攝
无疲倦者為身輕及翹勤省眠所攝
内心断除者為身念處及受念處所
攝外不行者為心念處及法念處所
攝信樂佛智者為深敬重及淨信所
攝在屏處不行惡者為自證知及諸
神天證知所攝不傲慢者為不自歎
譽不譏彼人所攝知自下者為不虛
稱及不顯已德所攝身端者為不行
三不善業及不犯禁戒所攝心直者
為常省已過及不說彼短所攝具靜
定者為寂靜心及滅煩惱所攝修智
慧者為選擇諸法及知无我所攝不
虛曠者為常行益事及順忍所攝不
兩舌者為自足眷屬及和合別離者

所攝不捨菩提心者為衆生及為佛
智所攝念道場者為欲壞於魔衆及
成正覺所攝捨魔事者為正觀及不
捨菩提志所攝佛神力持者為堅固
行及善淳至所攝不輕躁者為堅護
諸根及不捨境界所攝不掉亂者為
觀苦及觀空所攝如石山者為不高
及不下所攝不可移轉者為斷愛及
除恚所攝所作善業者為智所作業
及捨魔事所攝无熱惱者為淨戒及
淨定所攝无虛誑者為誠實語及不
望果報所攝不捨歸趣者為成就賢
士業及不行怯弱所攝離邊見者為
觀无生及不敗壞觀所攝順觀甚深
因緣者為觀因及觀緣所攝善巧者
為第一無諍竟及不傲慢所攝方便
者為離方便及无生方便所攝不懈
慢者為身力及心力所攝勇猛者為
勝進心及害怨敵所攝大欲者為不
求利養及不受身命所攝增進者為
无愚冥及不退還所攝見如來者為
修念佛及清淨信所攝聞法者為樂
至講所及樂請問所攝捨諸地過患

者為不散亂行及捨離惡知識所攝
得諸地功德者為方便迴向及不捨
本行所攝无憎嫉者為能施一切及
稱意而捨所攝信樂者為无垢行及
不濁心所攝敬順者為知世宜及隨
順行所攝不逆教勅者為捨除不淨
及淨正行所攝无常觀者為動轉觀
及敗壞觀所攝无我觀者為不得作
者及不得受者所攝修无相者為不
緣境界及除覺所說所攝不怙涅槃
者為除去无明及斷愛者所攝善男
子是為六十四法為百二十八法所攝
今時寶手菩薩從虛空藏菩薩聞分
別如是等法門已歡喜踊躍得未曾
有即白虛空藏菩薩言希有大士汝
乃能成就如斯捷疾辯才及巧分別
辯事事所問盡能開解如我今者解
汝所說義趣及與文字以如是方便
若一切若減一切說不可盡辯亦无
斷今時佛告寶手菩薩言善男子如
是如是如汝所言此虛空藏菩薩若
演一句之義若一切若減一切說不
可盡辯亦无斷虛空藏菩薩有如是

无量無邊不可思議无盡辯才今時
寶手菩薩以手遍覆妙寶莊嚴堂於
其手中出无量華香瓔珞末香塗香
衣服嚴身之具及諸幢幡妙蓋雨如
是等上妙供具供養如來及虛空藏
於上空中百千音樂不鼓自鳴於諸
音中出諸妙偈以讚如來

持德開德具百福 上意調伏念不動
沙門賢士降天人 十力佛子十方吼
大稱威德自在尊 降伏有畏除癡闇
能度漂流諸天人 閑惡趣門使清涼
聖尊巧說音微妙 无錯無謬音恬靜
三界無等无三垢 十方所說施衆樂
意念堅固樂寂靜 寂勝十方降彼力
已捨諂曲得甘露 无有塵累衆歸仰
世尊處衆不動轉 而化十方无量衆
隨衆生行能隨順 佛子亦樂修此行
如日无翳能普照 能令衆華得開敷
佛智慧光照長流 諸子得悟亦如是
如風無碍山不動 淨如虛空照如日
佛子放光雨甘露 是故我礼佛及子
大千海水尚可量 十方虛空猶可涉

諸眾生心尚可同 世尊功德不可盡
大等集經卷第十七

辛丑歲高麗國大藏都監奉

勅雕造

大方等大集經卷第十八

位

北涼天竺三藏曇無讖譯

虛空藏菩薩品第八之五

說此偈已時魔波旬嚴四種兵來詣
佛所到已化作長者形前禮佛足在
一面立而白佛言希有世尊此諸大
士乃能成就如是不可思議種種神
變又能示現不可思議莊嚴之事世
尊於未來世有幾所衆生聞此不可
思議神變而得開悟決定不疑者也
佛告魔波旬言於未來世中少有衆
生若一若二聞此不可思議神變經
典得信解者少耳波旬喻如一毛析
為百分以一分毛於大海中取一滴
水於汝意云何取者多耶在者多耶
波旬言世尊取者甚少在者甚多佛
復告波旬言如海中所取水甚少衆
生聞是不可思議神變經典能信解
者少亦如是如大海中水在者甚多
不信解不可思議神變經典者多亦
如是佛復告波旬若有一人於恒河
沙等劫日日以滿三千大千世界滿

中珍寶持用布施不如善男子善女人聞是不可思議神變經典能信解者其福甚多所以者何波旬若有信解是經典者則知其人親從釋迦牟尼如來聞是經典信解无疑何以故波旬若未種善根衆生聞此世所難信經典能信解者無有是處波旬我般涅槃後法欲滅時多有憍慢衆生彼諸衆生者我所說文字不知方便故各各生於諍競捨思惟法捨已正行為利養名譽衣服飲食自纏縛故樂論世俗種種諸事及世典文辭而不論第一實義不樂翫習佛无上道反向他人譏論如是等真實深妙經典則為誹謗諸佛積集无量大苦惱聚魔神諸天佐助彼人為利養恭敬及名聞故重增放逸傲慢彼諸人等以傲慢故若見有持戒賢行比丘受持讀誦此經典者而輕慢憎嫉橫生謗毀彼諸愚人則為現世破犯禁戒其中或有畏不活者或慚耻於人者假被袈裟或有捨戒還附俗者如是等人身壞命終墮阿鼻地獄受

諸苦報佛復告波旬於未來世中若有求菩薩乘衆生者諸因緣善根微淺新發道意但著文字不能了義於如是等甚深經典受持讀誦為人說時則為他人所見輕賤陵蔑以為他人所輕賤陵蔑故便捨如是等甚深經典讀誦聲聞辟支佛相應經典為利養名譽種種所湏之所纏縛故反誹謗毀此如是真實甚深經典又復輕賤受持讀誦此經典者乃至不欲以眼觀之常樂卑行退失菩薩大乘之法所謂退失淳至心及深心魔神諸天得如是等人便故勤作方便壞亂其心乃至使令不聞如是等經設當聞者生大誹謗无有信心此人亦復積集无量罪聚成就破法重業永離三寶不得見佛聞法及供養僧所以者何波旬以於如來所說法律中生疑猶豫故

尔時魔波旬自見有過憂愁惶恐前礼佛足在一面立時虚空藏菩薩問魔波旬言汝何以憂愁憔悴戰慄息狀如失志人在一面立耶魔波旬

答言善男子我從如來聞說如是等
可畏之事是故以為憂愁恐怖當墮
何趣誰當救我我於如來所說法律
之中數作元量諸留難事是故憂耳
虛空藏言波旬佛法之中有出罪法
汝可來至世尊所可誠心懺悔所作
諸惡更莫復作若能如是可獲善利
為不空過今時天魔波旬即前五體
投地禮世尊足下仰視如來流淚涕
泣而白佛言世尊我今誠心懺悔從
昔以來於如來所說法律之中數作
元量諸留難事唯願世尊起大悲心
以慈愍故願受懺悔佛言善哉善哉
波旬汝乃能自見所作諸惡為上善
我能如是悔過罪者於佛法中則為
弘廣如來法藏諸佛亦受其人悔過
是故汝今勿更復作今時世尊告眾
菩薩言諸賢士汝等各說過魔界行
法為生憐愍魔波旬故

今時眾中有一菩薩名金山王在眾
中坐即白佛言世尊若有防護內界
者則為未過魔界若復有菩薩見一
切諸界同佛界者知此佛界即是非

大集經 卷第十六 第三張 卅
界是為菩薩能過魔界

尔時寶德菩薩白佛言世尊有依倚
操窟者是為魔界若有菩薩不倚
操窟知一切法无得相者則能為諸
衆生說断倚操窟法是為菩薩能過
魔界

尔時寶手菩薩白佛言世尊若有取
我我所者是為魔界若有菩薩不取
我我所者則无諍竟以无諍竟故則
无心行况當有魔界耶是為菩薩能
過諸魔界

尔时无諍勇菩薩白佛言世尊若有
觸有離則有諍訟有諍訟者魔得其
便若无觸無離自不諍訟亦不令他
諍訟以得無我故无惱行者能過
魔界

尔時寶思菩薩白佛言世尊若有妄
想分別則是煩惱及有煩惱處則是
魔界若有菩薩知一切諸法无相貌
者於諸煩惱则无妄想若内若外亦
不別知去離一切妄想分別故是為
菩薩能過魔界

尔時樂作菩薩白佛言世尊若有樂

不樂處則有憎有愛若有憎有愛則
是魔界若有菩薩去離憎愛平等行
者於諸法中則无二想得入不可思
議界是為菩薩能過魔界

尔時離淨菩薩白佛言世尊魔界由
我而起若菩薩能知我者得无我忍
即知我淨知我淨故知一切法淨知
一切法淨故知諸法性淨如虛空是
為菩薩能過魔界

尔時法自在菩薩白佛言世尊若順
煩惱法為愛所使者魔則得其便世
尊若有菩薩於諸法中取得自在自
然開悟以為諸佛之所授記於菩提
法終不退轉是為菩薩能過魔界
尔時山相擊音菩薩白佛言世尊若
心有缺漏則是魔界若菩薩戒无缺
漏心无缺漏成就一切諸空法行者
是為菩薩能過魔界

尔時喜見菩薩白佛言世尊若有不
見佛不聞法者魔得其便若有菩薩
常見諸佛而不著色像常聽諸法而
不著文字以見法故則為見佛以無
言說故能聽諸法是為菩薩能過

魔界

今時帝網菩薩白佛言世尊若有恃有動則是魔界若菩薩善相順精進知一切法究竟无成就相故不恃不動是為菩薩能過魔界

今時德明王菩薩白佛言世尊若有行二法者則魔得其便若有菩薩知一切法同於法性則不見魔界與法性有異解知法性與魔界等以不二相故是為菩薩能過魔界

今時香為菩薩白佛言世尊若有菩薩性弱畏甚深法者則魔得其便若勇健菩薩善能通達三解脱門於甚深法不驚不畏以能現前證知諸法實性故是為菩薩能過魔界

今時弥勒菩薩白佛言世尊喻如大海中水同一鹹味佛法海中亦復如是同一法味所謂解脱味離欲味若菩薩善解一味法者是為菩薩能過魔界

今時虛空藏菩薩白佛言世尊喻如虛空究竟无垢究竟明淨究竟不為一切煙塵雲霧之所干繞菩薩亦復

如是心如虛空知一切法性常清淨亦復不為客塵煩惱之所干繞得度般若波羅蜜彼岸離諸闇冥於諸法得慧光明者是為菩薩能過魔界

尔時文殊師利法王子菩薩白佛言世尊若有言語則有滯尋若有滯尋則是魔界若法不為一切言說所表者乃无滯尋何謂法不可言說所謂第一義其第一義中亦无文字及義若菩薩能行第一義諦於一切法盡无所行是為菩薩能過魔界无所過故尔時世尊告波旬言汝聞說過魔界法不也波旬白佛言世尊唯然已聞佛言波旬若有行如是等法者一切諸魔无如之何若有諸魔欲於行人起魔事者終不能辦而更成就无量罪聚是故波旬汝可發阿耨多羅三藐三菩提心於如是過魔界法應堅持奉行汝若能如是行者則能過一切諸魔國界波旬喻如百千年垢膩可於一日浣令鮮淨如是於百千劫中所集諸不善業以佛法力故善順思惟於一日一時盡能消滅波旬如有乾

草積大如須弥以少火投中速能燒盡如是以少慧力故能除滅无量諸闇冥聚何以故波旬慧明勇猛故无明劣弱故時魔波旬即作是念大慈世尊今憐愍我而能為我說菩提心法我今宜應於如來所種少善根於是波旬即化作八万四千殊妙寶蓋及无量華鬘瓔珞末香塗香而告已眷屬言諸佛世尊出世甚難卿等諸人咸應共來至世尊所為供養故尔時魔天眷屬中有八万四千衆及魔波旬各共持殊妙寶蓋及无量華香瓔珞末香塗香至世尊所設供養已皆發阿耨多羅三藐三菩提心諸餘魔眷屬諸天不發菩提心者形相嗤笑譏論波旬復言希有波旬乃能於沙門瞿曇前詐現如是篤信之相狀如至親所以然者波旬或欲於沙門瞿曇所學呪幻方術是故今於面前現善讚譽耳尔時魔子醜面及餘魔子等志无信心各說是言假使沙門瞿曇以諸方術迴轉魔三者我等共當設諸方便令如是等經不得流布

設使流布者亦當令少有護助信受行者亦令甚少當為多人之所薄賤輕弄常墮邊方不令中國之所宣傳唯使諸无威德貧窮衆生當得聞之常為諸大威德豪富之人不信誹謗也今時世尊告虛空藏菩薩言賢士汝聞此諸魔子出是惡言不耶虛空藏白佛言唯然已聞佛言善男子是故汝當安慰護助此妙經典為降伏諸魔神故於是虛空藏菩薩即白佛言諸佛世尊皆已護持如是等經我等亦當安慰受持今時虛空藏菩薩即說呪曰所謂

阿跋佉一跋佉二毗跋佉三婆瞋多菟散提四頭樓陀羅尼五涅伽多尼六

鉢伽多尼七迷羅育佉八伽樓那涅耐提

薩遮跋佉十浮多勒老十一達摩涅折佉十二

達摩勒老十三郁鳩離十四尸鳩離十五咻

樓咻樓咻樓德迦攤十六多婆婆帝佉十七

尸羅菟婆帝佉十八阿叉夜涅涕池十九拏奢

婆迦利拖二十佛駄遏提魅佉二十一達摩尉

耆羅泥二十二僧伽菟銅咩二十三阿菟頭隸二十四

不可濟度二十五壞魔眷屬二十六若犯此者二十七

無諸刀杖

二十

順已處行

二十

聖衆所住

二十

吉吉等句

二十

順流解脫

二十

破諸外論

二十

降伏魔衆

四

四王常護

及天帝釋

梵王聖主

奉佛諸天

護菩提者

如是等神

常當擁護

降伏諸魔

利衆生故

受持正法

護說法師

盡當擁護

虛空藏菩薩說此呪已即時此妙寶

莊嚴堂及三千大千世界六變振動

時諸魔子見上虛空中有五百密迹

執金剛杵熾然如火甚可怖畏時諸

密迹唱如是言若有魔子及諸魔神

若聞此呪其有不發阿耨多羅三藐

三菩提心者吾等當擊破其頭令作

七分今時魔子及諸眷屬驚怖戰慄

身毛皆豎即合掌礼佛而白佛言我

等今發阿耨多羅三藐三菩提心善

哉世尊願救我等離此恐怖得无畏

樂今時世尊告侍者阿難言如向此

諸魔子所說言我等當於來世於此

經典作留難者必當稱其本誓而作

留難如斯經典唯當以佛神力及諸

菩薩受持故當得流布於世而无有

多人受持讀誦分別解說佛復告阿
難汝見此諸魔子為脫恐怖故發阿
耨多羅三藐三菩提心不阿難白佛
言世尊唯然已見佛復告阿難言此
語即為諸魔子當作離魔事因以不
深心發菩提故佛復告阿難於未來
世當有佛出現於世名无垢相如來
應正遍知此魔波旬於彼佛所乃當
不退轉發阿耨多羅三藐三菩提心
阿難彼无垢相如來知其深心成就
故當授阿耨多羅三藐三菩提記當
于今時亦當作魔王深心敬信於如
來正法如弥勒出時有魔王名曰導
師深心敬信佛法聖眾此諸五百魔
子亦當於彼生於魔中當於彼佛所
為菩提故種諸善根乃至波旬成佛
之時當與授阿耨多羅三藐三菩提
記佛告阿難言此魔波旬今雖發菩
提心猶豫不定如少疊毳雖今當漸
漸成就无量功德為世之尊如今我身
今時眾中有无量無邊諸天世人釋
梵護世聞授魔波旬記當得成佛歡
喜踊躍恠未曾有合掌向佛而作是言

甚奇希有其見佛者必得成就无量功德法寶之聚所以然者或有不信衆生為欲撓亂如來故而得見佛或有遇會得見佛者即為彼衆生作因乃至令得涅槃又白佛言世尊自除如來應正遍知誰能如是分別知衆生根佛告諸天人言如汝等所言其有得見如來者无不蒙益汝等當知或有衆生善根都盡於无量阿僧祇劫由他劫无人身分者如是衆生見如來故即便得作善因乃至涅槃如來乃能如是作无量不可思議无上福田佛復告諸天人言心性常淨而凡愚衆生不能如實知見以不能如實知見故言是垢能正知見故便言是淨而第一實義中无有一法可淨可汙汝等當知諸煩惱者无方無處非内非外以不善順思惟故便生煩惱善順思惟故则无煩惱增减不等则生煩惱无增减者则无煩惱虛偽妄想便是煩惱无有妄想则无煩惱是故我言如實知邪見則是正見而邪見亦不即是正見能如實知者則无

虛妄增減取著是故名為正見佛復告諸天人言喻如大地依水界住大水依風界住大風依虛空住虛空無所依住如是大地無所依住而假有依住之名是故汝等當如是知之苦依於業業依於結而苦業結都无所法无有根本都無所住以假言說故言有而實无也是故說一切法本性常淨究竟无生無起佛復告諸天人言是故汝等當知此法門名為性常淨法門菩薩通達此門者不為一切煩惱之所染汙而亦不恃此清淨門以捨一切諸恃動故便得平等道能過魔界入於佛界亦能得入諸衆生界而不動法界知一切法无界無非有五百菩薩得无生法忍今時申越長者在於衆中從座而起頂礼佛足白佛言世尊為我故說如是等甚深經與我先為觸惱世尊故作大火坑及設毒飯而大聖如來是不可害者故我於佛生信敬心自今以來疑悔

心結常未能除滅今者從佛聞此甚
深微妙經典疑悔即除心无障尋得
安樂行世尊是故我信敬心轉復增
長今我家中多諸財寶當以供佛法
僧及諸沙門婆羅門貧窮孤獨下賤
乞兒世尊誰當聞是斷一切縛甚深
經典而於一切諸物生貪著者乎
尔時虛空藏菩薩白佛言世尊諸佛
如來无上菩提甚為甚深難可測知
若有菩薩於未來世捨已身命及利
養名譽而能侍佛菩提者甚為難有
尔時眾中有六十八億菩薩從座而
起合掌向佛一時同聲而說偈言
世尊滅後我等能忍捨身壽命
為護正法捨利名譽離諸貪著
願護正法為佛智故罵詈呵責
及譏刺語護正法故當忍受之
輕賤毀弄唱說惡名當以慈忍
為護此經來世比丘計著諸有
與魔為黨誹謗正法毀禁行惡
樂著俗累為利所覆不樂正法
恃翫俗典憍慢放逸高歎已利
蔑正行者常捨閑靜樂處憤內

習世文辭 計者吾我 不營教化
不業智慧 捨離坐禪 不親三寶
无有智慧 群黨求利 動與結俱
樂受他供 他慈心施 惜猶已有
數往到彼 說諸世事 田宅居業
及販賣事 勤求息利 猶言沙門
傲慢著有 依邪驗見 聞性空法
當大驚怖 言後長遠 但求現報
當虛妄說 非法言法 如是大災
弊惡比丘 魔及魔子 復當佐助
經文是一 說義各異 各是已論
愚者當念 諸深妙經 能與解脫
當擁遏之 及說淺事 我勝汝劣
由勝得果 於佛法中 當如是竟
如是竟時 衆生數壞 為非法王
之所惱逼 於是末世 壞甚可畏
我持正法 殺世所說 我常慈心
不捨法律 生正大悲 為世作護
毀禁作惡 不住正法 墜墮何道
我常憂慙 見故作惡 謗毀正者
我終不共 與為親黨 常任我力
善護口過 見无用人 不說其短
我住聖種 頭陀護戒 虔定智慧

常勤修行

離世憤內

樂處閑靜

无著如鹿

善調知足

若至聚落

攝根少語

見說法者

共論正法

愛語利益

以化衆生

又與說法

今斷惡行

我為正法

極遠當往

為彼說法

利益衆故

若見凡愚

有缺失者

但當自護

住法行忍

毀辱恭敬

當如須弥

不染世法

為世導師

毀禁比丘

若來呵責

自省已行

將是業報

當為是等

嫉惡衆生

先意善言

現為恭敬

彼即生念

我亦沙門

成就是德

無若干惡

諸毀禁等

如失志人

聞是經憂

如剗照鏡

其作方便

不欲聞之

復教餘人

言非正法

又教國王

壞臣民心

誹謗正法

言非佛說

我等於時

以佛力故

為持正法

不惜身命

世尊知我

言无有二

當堅護持

住是正法

作誠實語

如說而行

悅可諸佛

乃成菩提

今時虛空藏菩薩讚諸菩薩言善哉
善哉諸大士汝等乃能受誠實願受

持如來甚深微妙无上大法甚為快
也虛空藏菩薩白佛言世尊其有善
男子善女人受持讀誦此經典者得
幾所福佛告虛空藏言賢士譬如東
方十三千大千世界南西北方四維
上下各十三千大千世界盡末為微
塵以今所塵集為一聚設有一人成
就神足无量威德壽命長遠此人持
諸微塵過東方今所塵數世界乃下
一塵如是展轉東行盡此塵聚而諸
世界猶不可盡如東方世界南西北
方四維上下亦過今所佛土乃下一
塵如是展轉諸方世界盡此塵聚而
諸世界猶不可盡虛空藏於汝意云
何是諸世界寧為多不虛空藏白佛
言甚多甚多世尊无量无边不可計
知佛言賢士是諸世界微塵所著處
及不著處盡此微塵所及世界已還
為一大城縱廣高下悉皆同等於其
城中滿葶塵子賢士是諸葶塵子可
數知不虛空藏白佛言世尊假設譬
喻猶不能了况可數知唯除如來无
能數者佛告虛空藏言如是如是如

汝所言唯如來能知是諸菩薩子若
百數千數百千萬數佛言賢士設有
一人成就神足无量威德能以口吹
是諸菩薩布散十方一菩薩子墮一
佛世界終不過一賢士於汝意云何
是諸菩薩所及世界寧為多不虛空
藏白佛言世尊是諸世界乃非心力
所能分別設分別者令人心迷錯亂
賢士我今告汝若有行菩薩道善男
子善女人日日以滿尔所等世界无
量珍寶持用布施无有休廢不營餘
事若復有善男子善女人受持讀誦
書寫此甚深經典不求利養為菩提
故乃至為一人說使其人聞已勸令
於阿耨多羅三藐三菩提乃至發一
善念欲令正法久住世故此人功德
復過於彼布施者上百倍千倍百千
万倍乃至非算數譬喻所及何況能
令住阿耨多羅三藐三菩提者何以
故賢士以能說如是无量善根成就
諸菩薩為護持正法故賢士我不見
菩薩更有餘法能過於此堅固正行
攝諸善法教化衆生者也尔時虛空

藏菩薩白佛言世尊希有如來不可思議如來大法亦不可思議如來大法不可思議其受持此經典者所得功德亦不可思議唯願世尊護持此經為當來世今受持此正法諸善男子善女人手得是經執在臂懷不離是經若應離生死者不從他聞自然得悟菩提悟菩提已廣為他說佛言賢士諦聽諦聽善思念之吾當為護此經故當說章句召護世四天王天帝釋梵天王等諸神以此章句召故護世四天王天帝釋梵天王皆當擁護諸說法師持此經者說此世所難信甚深經典時使无能作留難所謂若王大臣駁遣出國若得重病若鬪諍時起若國土疾疫如是等事起時以呪術力故即令消滅不得成就何等為呪術章句所謂

頭頭麗^一提提麗^二陀夜敷帝^三陀夜羅

伽羅^四泥帝提^五毗婆知^六餘咩^七餘弥

多毗^八目伽^九羶帝伍^十尼嚩弩祢^{十一}阿

菟多麗^{十二}鳴多羅尼^{十三}婆敷斯^{十四}鉢

他輸陀尼^{十五}鉢陀菟祢^{十六}鉢陀散提^{十七}

般若半麗

十六

阿婆究麗

十六

淨陀勒差

三

伊那薩枝

三

多婆薩枝

三

多婆鉢位

三

隨佛意

順法性

恭敬僧

世主信

護世四王

為諸佛子

受持此呪

護說法者

今時四天王即從座起合掌向佛而白

佛言世尊我等當護此諸佛子受持

經者即說呪曰

首鞞一首婆鉢位二首提帝三因哆擁

陀梨擁

五

陀羅尼

六

頗耽摩

七

阿丘擁

怯卑八阿目介九阿羅尼陀擁

十

數首

曠婆醯那

十一

脾提脾陀賴散提

十二

三

咩

十三

婆夜咩

十四

三摩賴弥

十五

波扇多

唎

十六

休休

十七

醯醯

十八

丘樓丘麗

十九

於時四大天王自在者說此不可犯

呪已

今時天帝釋即從座起心淨悅豫合

掌向佛而說偈言

末世飢饉時 大稱諸賢士 受持說此經

我當為給侍

於是帝釋說此偈已即說呪曰

弥伍一首脾二摩訶弥伍三達摩弥伍

四

天多加慶五三摩弥伍六薩遮弥伍

七

耶提

咩八阿菟多麗^九阿菟頭離^十阿菟勒差

^{十一}薩婆薩埵阿菟伽醯^{十二}阿那菟多卑^{十三}

修異位^{十四}阿毗盧提^{十五}阿毗伽醯^{十六}淨

提菩舍咩^{十七}臧魑^{十八}遏他^{十九}位^{二十}涅提

羅^{二十一}阿那他婆老帝^{二十二}咩^{二十三}位^{二十四}咩^{二十五}位

闍耶私^{二十六}修莎羅^{二十七}

汝等起禪樂來護持法者諸世界世尊

皆悉共受持

尔時梵自在天王即從座起讚彼釋

梵護世諸天言善哉善哉汝等乃能

為護正法持法說法者故發大莊嚴

汝等正應如是甚得其宜隨如來法

律住世久近於尔所時中當有識別

正行法行於尔所時中諸天世人甚

當熾盛充滿宮宅此法滅後諸天世

人轉當減少宮宅空荒尔時世尊告

弥勒菩薩言弥勒汝受持此甚深經

典讀誦書寫廣為人說弥勒我今以

如斯等甚深經典囑累於汝今此大

法久住世故降伏諸魔故為利益一

切衆生故令一切外道不得便故教

勅一切菩薩使親近此經不遠離故

欲令佛法大明久住於世不衰滅故

使佛法僧種不斷絕故。今時弥勒菩薩即白佛言。世尊。我於如來在世及滅度後。常當受持此甚深經典。廣宣流布。所以者何。受持此法者。則為受持過去未來現在諸佛正法。非但受一如來法也。世尊。我亦為自護已法。故世尊我常與諸天人眾。普會處兜率天宮。每為廣說如是等甚深經典。我復當令人中受持讀誦此經典者。使手得是經。執在臂懷。不離經卷。世尊。若復末世法欲滅時。其有受持此經。轉為人說者。當知皆是弥勒威神之所建立。世尊。當於今時。雖多諸魔事。燒亂行人。諸說法者。依煩惱魔。為魔所持。故不樂此經。不勤修習。互相是非。我等俱當勤作方便。令說法者愛樂是經。常勤修習。讀誦通利。廣為人說。今時世尊讚弥勒菩薩言。善哉。善哉。弥勒。汝乃能為護持正法。故作師子吼。汝不但今於我前作師子吼。亦於過去无量阿僧祇諸佛前作師子吼。護持正法。今時世尊告大德阿難言。阿難。汝受持此經耶。阿難白佛。

言唯然世尊以佛神力故我已受持
佛言阿難汝常當廣為四衆分別解
說若有先種善根樂勝法者如是等
人聞已則能信解受持讀誦廣為人
說其人則得无量無邊不可思議大
功德聚阿難即白佛言世尊當何名
斯經云何奉持佛言阿難此經名勸
發菩薩莊嚴菩提當如是奉持之今
時功德莊嚴菩薩在於衆中即從座
起右膝著地合掌向佛白佛言希有
世尊如來為擁護正法及說法者故
善能如是快讚此經世尊諸新學菩
薩為菩提故種諸善根以種種華香
瓔珞末香塗香勤供養如來而不受
持此經是人頗成以第一供養供如
來不佛言善男子不成第一供養如
來亦不能以此因緣得無量功德不
如善男子善女人受持此經者功德
甚多今時世尊即說偈言

我以佛眼 所見佛刹 周遍十方
廣大无邊 今所諸界 咸滿珍寶
菩薩以此 恒用布施 若有於此
甚深妙經 无所得法 諸佛所說

而能受持	為人演說	此人功德
復多於彼	華香瓔珞	塗香末香
寶蓋幢幡	上妙衣服	以是供具
普滿諸界	供養如來	迴向佛道
若後末世	法欲滅時	於救世法
勤修護助	受持正法	不放逸行
此功德聚	復多於彼	十方世界
一切巨海	盡盛滿中	上妙香油
作大燈炷	猶如須弥	然以供養
一切諸佛	法炷若欲	斷滅之時
知世衆生	无明所覆	若能然此
大法炬者	此人功德	復勝於彼
我之所見	无量諸佛	雖億千劫
種種供養	諸天上妙	適意供養
不能受持	此妙經典	若於諸佛
知有重恩	擁護三寶	為報恩故
為欲饒益	一切衆生	受持此經
福勝於彼	我以佛眼	所見衆生
若有能教	盡成釋梵	所得功德
不如書寫	持此經者	功德甚多
大千世界	所有衆生	若有能教
盡成二乘	若有能發	菩提心者
護持此經	功德復勝	持經功德

假令是色 悉當充滿 十方世界

唯除如來 无上大智 更无能知

此功德者 如如來智 无有邊際

虛空法界 亦无邊際 能持如來

此經法者 功德無邊 亦復如是

尔時功德莊嚴菩薩白佛言世尊如

我今者信解如來所說義趣後五百

歲法欲滅時諸發大乘衆生其不受

此經法者將知是等為魔所持墮佛

法外世尊我今堪任如來滅後受持

此經欲令佛法久住世故尔時世尊

為囑累此經法故放大光明普照十

方無量阿僧祇諸佛世界彼諸如來

亦為囑累此經法故皆放眉間白毫

相光普照十方一切世界无周遍

說此經已如來以大神力放光明時

无量阿僧祇諸佛世界六變振動有

無量阿僧祇衆生發无上道心無量

阿僧祇菩薩得无生法忍復有无量

阿僧祇菩薩得一生補處善根又復

過是无量阿僧祇衆生得聲聞乘住

學无學地佛說經已虛空藏菩薩大

德阿難諸菩薩大衆及諸聲聞諸天

世人聞佛所說皆大歡喜

大方等大集經卷第十八

辛丑歲高麗國大藏都監奉

勅雕造

大方等大集經卷第十九

什 鼎

北凉天竺三藏曇無讖譯

寶幢分第九魔苦品第一

尔時世尊故在欲色二界中間大寶坊中與諸眷屬圍繞說法告大眾言我昔初得阿耨多羅三藐三菩提時住王舍城迦蘭陀長者竹林尔時城中有二智人一名優波提舍二名拘律陀具足成就十八種術五百弟子常相隨逐是時二人各相謂言若有先得甘露味者要當相惠時有比丘名曰馬星於其晨朝從禪定起入王舍城次第乞食憂波提舍中路遙見馬星比丘即作是念我久住是王舍城中初未曾見若人沙門婆羅門等威儀庠序如此人者我當往問所事何師從誰受法時憂波提舍即往趣彼馬星比丘作如是言比丘汝師是誰從誰受法馬星答言善男子有釋迦牟尼如來大士勝諸出家无上之尊已度生死獲得解脫能度一切无量衆生名之為佛能悟衆生善作諸

行能乾苦河具足成就如是等法即是我師我從受法憂波提舍言汝師常說何等法義善男子汝今諦聽我當為汝分別解說法從緣生通達是因因緣滅故即是寂靜世間即苦苦因名集若修八正世間集滅若元苦集我師說言名為涅槃善男子我師唯說如是等法憂波提舍聞是語已得法眼淨名須陀洹即說偈言

我聞比丘說四諦 即得過於三惡道
昔來未聞今得聞 昔所未得今已得
我今已過三惡趣 真實了知道非道
我今誠心歸依佛 以能宣說是法故
說是偈已復語比丘如是世尊今住何處馬星答言世尊今在王舍大城迦蘭陀長者竹林之中與迦葉等千比丘俱菩薩十千汝可往彼憂波提舍言比丘我今先當還問同學及我徒眾時憂波提舍敬意禮拜馬星比丘右遶三匝還所住處拘律陀梵志遇見憂波提舍即便問言憂波提舍汝今諸根清淨悅豫顏色光澤將非獲得甘露味耶善男子我已得矣諦

聽諦聽當為汝說法從緣生通達是因因緣滅故即是寂靜世間即苦苦因名集若修八正世間集滅若无苦集我師說言名為涅槃拘律陀言善男子如是之言能盡諸苦即是梵行能斷邪見一切因緣亦說一切有為皆空善男子唯願更說憂波提舍復如本說說已即得須陀洹果拘律陀言如是之言能過四流度於生死通達五陰永滅煩惱是甘露味我今已得不宜住此善男子如是師者住在何處憂波提舍言我聞住在王舍大城迦蘭陀竹林今時憂波提舍及拘律陀告諸弟子此間今有釋迦如來我已諮受其所說法汝等今者欲何所趣今時魔王告諸天眾驚伽摩伽陀國有二大人智慧寂勝一名憂波提舍二名拘律陀今欲為彼瞿曇弟子若此二人從彼瞿曇沙門受法我境則空我今欲往轉彼二人出家之心今時魔王即化其身作馬星像至憂波提舍拘律陀所而作是言善男子我先所說試汝智耳汝既无答釋

迦如來真實不作如是之言如來常說元善業果无惡業果若能親近五欲樂者是人即得甘露法味又言无有今世後世是故无業若无業者誰作誰受既无種子云何得果釋迦如來唯作是說今時憂波提舍與拘律陀各相謂言如是語者即是魔說非如來語又非馬星比丘所說魔知是已即便滅去今時二人復告弟子摩納汝常諦觀生老病死世无免者我今已能永滅諸苦汝等今日欲何志求今時魔王復更化作馬星形像而作是言誰能破壞生老病死譬如有入說言我能壞彼虛空无有是處若言能壞生老病死亦復如是時拘律陀語魔王言我欲通達清淨之法遠離諸苦一切出家皆患无有解脫如是煩惱苦者是故我今欲詣如來魔王如野狐鳴而去師子吼色雖相似實非師子魔王汝今雖作比丘形像汝之所說非比丘說夫比丘者破諸煩惱破煩惱語即是清淨言元善惡非比丘語時虛空中一切諸天各各

讚言善哉善哉善男子一切出家併
道寂勝夫佛道者即是涅槃汝今不
受魔之所說善哉善哉今時魔王受
大苦惱即便隱滅時諸弟子白二師
言如師今受瞿曇沙門无上正法我
等亦今當往啓受時二大師與五百
弟子前後圍繞往迦蘭陀長者竹林
今時魔王復於其路化作大坑深百
由旬欲令諸人不得詣佛如來知已
即以神通令彼二人所見平坦无有
坑嶮魔復於前化作大山高廣千里
如來神力令其不見時魔復遣百千
師子遮其道路時諸師子見憂波提
舍及拘律陀五百弟子善心即生默
然潛伏諸人即得前至佛所到已頭
面礼敬佛足却住一面而白佛言世
尊唯願如來聽我出家我欲修佛清
淨梵行佛言善來諸善男子恣意修
集清淨梵行作是言已具比丘戒亦
時魔王見是二人得出家已即便化
作自在天像向於佛所而說偈言
世間若有智慧人 具足成就世方術
志來礼敬供養我 我亦為彼說淨道

瞿曇若欲度生死 今當誠心見歸依
我今所說清淨道 如先佛說无有異
我時以偈答魔王言

我真實知八正道 能永遠離破諸苦
汝等真實不能知 無以狐身師子吼
今時魔王隱自在天像復現梵像而
說偈言

真實遠離諸煩惱 能過三千大千界
莫為衆生受諸苦 應當默然受禪樂
世間乃至無一人 堪任感受甘露味
我今憐愍故告汝 應當速入於涅槃
我時以偈復答魔王言

我見世間多衆生 能度生死大嶮河
如是上中下品類 先得度已我乃滅
今時魔王受大憂惱入於苦宅還其
所止其諸眷屬各作是言我王何故
受是大苦雖作是語无能知者時魔
婁女其數五百身佩瓔珞莊嚴飾好
為魔波旬作諸伎樂歌舞嬉戲以相
娛樂波旬以手而遮止之婁女於是
默然而住從二至七魔亦如是遮止
至七時有一女名曰電光語波旬言
大王何故如是愁惱如失天位火災

起耶將无有怨不能壞乎波旬答言
我有大怨謂釋種子是大惡人成就
幻術若不治者我界則空諸姝女言
彼釋種子以何莊嚴有何道力誰為
伴黨能空王界魔王答言彼人以戒
施忍莊嚴无常苦空以為器甲若壞
衆生諸有受生我莫能知其居住處
具足无上大神通力大慈大悲而為
伴黨能度一切三有衆生是故能令
我界空虛時諸姝女聞佛功德贊持
香華及諸伎樂來至佛所盡心供養
是大衆中唯佛見之其餘衆生悉无
覩者尔時大衆咸有疑心即白佛言
世尊如是香華伎樂供養將非舍利
弗目犍連等力所作耶佛言不也此
是波旬五百姝女供養之具魔王不
久當來至此時諸姝女聞佛語已心
生歡喜即得不失菩提心定尔時姝
女長跪合掌而說偈言
如來永斷諸煩惱 能施衆生淨法眼
令衆生度生死河 是故至心讚歎礼
一切人天讚供養 具足无量无边智
願佛為我開方便 令我得解於女身

世尊修大空三昧

了了通達第一諦

具足法寶大商主

願壞魔力調我等

今時姝女說偈讚已即還魔所而說

偈言

王之自在非常我

亦未離生老病死

衆苦煩惱繞王身

常行癡闇處惡道

若欲度生老死河

當生信心詣如來

我今欲還至佛所

諮受甘露斷諸味

今時波旬生大惡心欲以五繫繫諸

姝女佛神力故而不能繫時諸姝女

即還佛所波旬眼見不能遮止復於

空中作毗嵐風欲令諸女處處散滅

不見於佛以佛力故不能令壞今時

魔王帝哭懊惱以大音聲告其妻子

我今喪失大神通力有一毒樹今出

於世為諸衆生說於斷滅成就大幻

有巧方便魔諸眷屬聞是語已悉來

聚集至魔王所大王何故生大愁苦

既无退相又無火災欲界之中亦无

怨敵魔王言子汝今不見世間有一人

坐菩提樹壞四兵衆猶如猛火焚燒

乾草世間所有一切智人今已歸屬

如此即是我之怨敵汝今不見五百

娑女捨我而去歸依彼耶汝等若不
治彼釋子如此三千大千世界不久
當空汝等各當牢自在嚴威共盡力
除彼釋子魔子言曰善哉大王我當
莊嚴盡其神力若我能除善哉快矣
如其不能復當歸依魔王復曰惡人
汝今云何發如是言大王瞿曇沙門
往獨一已坐菩提樹猶難沮壞況今
眷屬无量殷多而可除滅魔王言愛
子若能殺彼瞿曇沙門甚善甚善如
其不能自守土境今時四兵其數无
量滿閻浮提高八十由延放大惡風
降注大雨手拍須弥動四天下出大
惡聲如大龍王夜叉諸鬼振動一切
河池泉源一切龍鬼神天之等咸皆
怖畏心驚毛豎時彼魔衆於須弥山
取一大石欲令覆蓋王舍大城迦蘭
陀林諸善男子我於今時即入破魔
力勢三昧魔子今時所雨刀槍箭石
火毒以我力故皆悉變為憂鉢羅華
鉢頭摩華拘勿頭華分陀利華隋王
舍城復雨種種微妙好香變是惡聲
作如來聲法聲僧聲神通之聲波羅

蜜聲不退轉聲菩薩之聲破四魔

五脉音聲壞其惡風令无遺餘其土所

一切草木悉皆變為微妙七寶我身今時

高至初禪三十二相八十種好放

三千大千世界其中所有一切天人

諸龍夜叉阿修羅迦樓羅緊那羅摩

睺羅伽人非人等地獄畜生餓鬼等

類皆見我身无量諸天大設供養華

香幡蓋伎樂之屬三惡眾生稱南无

佛即得解脫受人天身今時魔眾見

佛示現如是神力皆生信心生信心

已即說偈言

我今歸依於如來 淨身口意无上智

能示魔界八正道 施闍眾光大光明

具足大力无能勝 等視一切如子想

其心平等如虛空 故我稽首大商主

煩惱不汙修慈悲 獲得吉祥示因果

能施眾生真解脫 是故我今稽首礼

大慈大悲天中天 寂勝無上之世尊

說一切法如水月 我今敬礼大幻師

眾生遇重煩惱病 是故歸依大醫王

三惡眾生貧七財 今當歸依離諸漏

唯願哀愍聽我懺 於佛所生諸惡心

佛是衆生慈父母

我今棄捨諸魔業

我能請召諸衆生

為其發起菩提心

願為我說无上道

具足何等得菩提

我今獻奉妙香華

為衆生故供養佛

親近善友善思惟

至心聽受如法住

今時五百婬女及魔眷屬以妙香華

幡蓋伎樂供養於我此供養具遍至

無量恒河沙等諸佛世界一時供養

无量諸佛一切魔衆悉皆覩見一切

諸佛形色脩短方圓之相等无有異

唯師子座世界樹林所居舍宅差別

不同魔衆見已各心歡喜坐於佛邊

至心聽法聽受法已還波旬所啓白

魔言我等徃至彼瞿曇所盡其神力

乃至不能令一毛動大王當知我今

已屬瞿曇沙門今時波旬心惡生瞋

即作是念我當云何殺彼釋子除滅

此怨今時波旬及其眷屬心生憂惱

入於苦宅

大方等大集經寶幢分中徃古品第二

今時魔衆復還我所而白我言世尊

我欲大乘念於大乘欲具神通大慈

大悲世尊菩薩摩訶薩具足幾法不

近惡友速得成就阿耨多羅三藐三
菩提善男子菩薩摩訶薩具足四法
不近惡友速得成就阿耨多羅三藐
三菩提何等為四一者若有菩薩不
貪諸法不捨諸法不受諸法不覺諸
法亦无有我及以我所想行於布施
不求果報不生貪著不捨不取亦无
覺知我我所想乃至般若亦復如是
二者若有菩薩不見衆生壽命士夫
亦復不捨於衆生界不貪不取亦无
覺知我我所想三者若有菩薩不見
色聲香味觸法不捨色聲香味觸法
不捨不取亦无覺知我我所想四者
若有菩薩能深觀察如是等法於佛
正智不生覺觀何以故斷一切行斷
一切智名為佛智无有無棄无聲无
想无字無有无量无生無出无滅無
想無尋无障无見寂靜无我無命无
名無明无闇無處无界無根无翅無
有思惟无食無貪无淨無垢无塵无
節无邊無數无行無受无業无宅无
取无作無可顯示无念念滅即是佛
智猶如虛空如空無覺不可宣說无

有染著无有覺知善男子菩薩具足如是等法不親惡友速得成就阿耨多羅三藐三菩提善男子若有能求如是智慧當知是人能觀二法所謂眼色乃至意法復有二法生死涅槃復有二法一生二有復有二法一常二斷復有二法衆生壽命復有二法一此二彼復有二法一內二外諸善男子若有欲求如是佛智離是二法觀異法者當知是人則不能得善男子譬如有人求火取水求水取火求食取石求華取鐵求香取屎求衣取木求於塗香而取虛空求佛智者若離是二更觀異法亦復如是是時寶坊大會之中有一菩薩名曰地意聞是語已白佛言世尊不可說義可覺知不若不可覺云何得名一切智耶善男子不可說智即一切智善男子我今問汝隨汝意答於意云何我得如來一切智時有所得不地意菩薩即便思惟我若說有即是常見如其說无即是斷見我等當遠離如是二邊說於中道思惟是已白佛言世尊如

是義者亦有亦無世尊若不出滅無數无量非明非闇即是佛智電意菩薩言世尊若无去來即是佛智善見菩薩言世尊无得無離无證無修即是佛智无盡意菩薩言世尊若法不為三世所攝不墮三界非是三結三智三乘陰入界等无有增減即是佛智金剛意菩薩言世尊若分別凡法聖法學無學法聲聞緣覺及以佛法即是佛智堅意菩薩言世尊如法無轉即是佛智寶手菩薩言世尊若觀諸法生壞之相觀已通達知無得失即是佛智善覺意菩薩言世尊三界衆生從意觀意亦不覺意即是佛智分別怨親菩薩言世尊若有人能不樂煩惱不厭煩惱不受不瞋不捨不求不施不念即是佛智蓮華子菩薩言世尊不樂罪福得深法忍不覺不知我及我所若不覺知我我所者即是佛智月光童子菩薩言世尊若能觀察一切諸法猶如水月亦不見法有增有減即是佛智无边意童子菩薩言世尊若於諸法不見明闇於

一切心不見生滅即是佛智弥勒菩薩言世尊若能觀察四種梵行及不善行平等无二即是佛智无盡意菩薩言世尊若觀三世六波羅蜜二相无差即是佛智文殊師利童子菩薩言世尊若於諸法心无貪瞋亦觀諸法甚深境界亦不了知非不了知亦不觀法有增有減不觀智慧及以无明即是佛智尔時眾中有一菩薩名曰樂欲語文殊師利言善男子如來世尊以何因緣說如是等甚深之義文殊師利言善男子為令眾生遠離邪見得正見故得正見已不生染著无有慳恡不近惡友正命自活不著三結憐愍眾生不著三寶不誑一切於諸眾生不捨不著不著財物不著三界眾生怖畏能為救護能壞惡道開示正路不著忍辱離一切想滅一切垢除一切闇不求果報善男子以是因緣求一切智得是智已於聲字句不生覺觀佛語邪語佛行餘行佛法餘法陰界諸入功德莊嚴智慧莊嚴十波羅蜜三解脫門業之與果

世智佛智於如是法是法不生分別是故
如來說如是等甚深之義樂欲菩薩
言善哉善哉文殊師利實如所言甚
深義者即是佛智何以故无所覺故
若无所覺故不可說不可說者即是
佛智若有能知是不可說當知是人
即得佛智佛言善哉善哉善男子善
能分別宣說佛智何以故不著諸法
不生不滅即是佛智善男子不著諸
法即不出邊不破壞邊无明涅槃真
无出邊虚空涅槃一切諸法一切衆
生不可說邊是虚空邊无罣碍邊无
有物邊无有陰邊三行空邊法陰業
陰果非果陰聚陰无物無物邊虚空
邊一切諸法不可說邊菩薩摩訶薩若
能具足如是等邊即得佛智說是佛
智不可說時一切魔衆得无生法忍
捨於色身獲得細身隨心意身法化
之身復有二万八千衆生於諸法中
得無生忍九力二千菩薩得无量陀
羅尼一切衆魔以妙香華伎樂供養
讚誦如來作如是言世尊善知識者
即是一切善法根本我今遇佛善知

識故得大利益佛告善男子汝當至
心觀於諸業今時世尊即為衆會說過
去業善男子過去无量阿僧祇劫劫
名電持時世衆生壽命滿足六万八
千世界名曰妙香光明是中有佛号
香功德如来應正遍知明行足善逝
世間解无上士調御丈夫天人師佛
世尊今時彼世具足五淨有轉輪王
名曰華目王四天下與諸眷屬大臣
人民至於佛所以妙香華幡盖伎樂
供養於佛及比丘僧敬意礼拜右繞
三匝以偈讚佛

佛為人天所讚歎 遠離諸惡樂寂靜
具足七財破貧窮 云何令衆得深智
修集三種解脫門 已得離生老病死
能度三惡道衆生 云何令衆過魔業
佛言大王具足三法得甚深智何等
為三一者至心緣念一切衆生二者
修集大悲破衆生苦三者見一切法
无有衆生壽命士夫不生分別又有
三法能過魔業一者於諸衆生不生
惡心二者修行施時不觀福田及非
福田三者觀一切法平等无二猶如

虛空不生不滅無行无物無有相貌
不可宣說菩薩具足如是等法得甚
深智能過魔業今時聖王有一夫人
名曰善見與八万四千諸姝女俱共
供養佛既供養已即說偈言

大千世界无勝者 常樂寂靜修子想
善行遠離諸塵垢 云何令我離女身

已得遠離一切怨 真實見生老病死
唯願為我演說道 令我具足男子身

離諸有得无上有 能施歡喜增善法
具足十力四無畏 云何令我離女身

摧滅四魔修四梵 實語具足巧方便
三十二相八十好 云何令我離女身

佛言善女人有巧方便得離女身能
壞女業乃至得阿耨多羅三藐三菩

提終不復受女人之身除其擔願巧
方便者所謂寶幢陀羅尼門若有能

修是陀羅尼得離女身淨身口意遠
離三障若有聞是陀羅尼名即離女

身受男子身得具足身微妙智慧淨
身口意樂於善行具足多聞遠離惡

業及受苦報能滅五逆無間重罪何
以故如是寶幢陀羅尼者即是過去

无量諸佛之所演說為破惡業增長
善法故十方現在无量諸佛亦共說
之為破惡業增善法故未來之世十
方諸佛亦共說之為破惡業增善法
故我今現在亦復宣說如是寶幢陀
羅尼門十方現在无量諸佛悉共讚
歎是陀羅尼善女人若剎利王所領
國土若有如是陀羅尼名讚歎受持
讀誦書寫其三則為十方現在諸佛
世尊護念讚歎乃至阿迦尼吒諸天
亦復護念而讚歎之是王行住坐卧
之處亦有无量天龍夜叉悉共護念
今其國土和安无譁無有疫病兵革
不起无惡風雨不寒不熱穀米豐熟
諸惡鬼神及惡禽獸悉懷喜心不生
惡想隨是經典所住國土其土若有
惡星不祥惡想惡病皆悉除滅若剎
利王興兵攻伐專念是經能伏強敵
令已得勝二王俱念則二兵和同不
相侵害若有國土城邑村落人若畜
生有疫病者當寫是持安著幢頭其
土不祥疾疫悉皆除滅若有法師持
戒精進月十五日淨自洗浴以妙香

華供養三寶昇師子座讚陀羅尼是
人能護所住國土所有惡相尋即消
滅亦能調伏教化衆生得呵釋多羅
三藐三菩提善女人若有人能讀誦
此經乃至一偈如是之人終不復更
受女人身亦得不退菩提之心

尔時香功德佛說是陀羅尼已足指
案地即時大地六種震動乃至十方
亦復如是其中所有天龍夜叉以佛
如來功德力故心生歡喜亦見亦聞
說陀羅尼尔時如來說寶幢陀羅尼曰
闍落翅闍落翅目翅闍隸闍羅闍憐
泥闍羅跋賴帝闍醯隸波羅富婁
沙三摩奢阿摩弥沉摩弥摩訶弥
闍摩弥婆羅弥婆娑毗婆娑毗婆
娑毗婆闍毗婆羅訶婆隸從闍訶
弥婆羅訶婆隸從阿羅闍醯闍闍
目呿婆沛羅婆沛羅私陀跋賴垢
檀帝隸檀帝羅檀帝隸修隸毗訶
伽旃陀毗訶伽旃陀毗訶斫迦樹
提沙毗訶伽薩婆叉婁帝多凡修羅
毗訶迦闍羅闍羅迦奢弥隸呵奢弥
隸呵奢弥隸呵奢弥隸呵奢弥隸

呵奢弥𤑔呵毗婆𤑔陀羯摩 豆寧
豆寧豆寧 溫摩 渥毗婆車提闍那
吃栗多 阿訥婆𤑔𤑔奴鴛𤑔𤑔多𤑔
𤑔毗婆𤑔𤑔 究羅呵 因陀婆𤑔𤑔 婆
訶那毗婆車陀羯婆 遮婆𤑔 遮婆𤑔
遮婆𤑔 呵暮阿陀舍𤑔 婆𤑔跋𤑔婆
師久摩羯摩樹𤑔 羯闍醯闍醯樹𤑔
臧迦毗羅婆毗羅婆毗羅婆毗羅婆毗
賴闍毗賴闍切婆摩訶切婆醯利嘻
𤑔嘻𤑔阿那婆𤑔那婆𤑔曇摩檀那
闍那阿婆羅弥𤑔𤑔阿羅軍陀羅 波食
毗婆𤑔那帝𤑔婆凡羯摩叉婁婆羅𤑔
頗婆 富婁沙多凡 阿三摩 三摩 三摩
毗𤑔 若多陀 阿竭陀莎訶

尔時世尊即為大衆說陀羅𤑔五百
姝女聞已即得男子之身復有元量
人天諸女亦受男子身及得不退菩
提之心永斷一切決定女業善男子
尔時夫人聞是持已所將八万四千
女人亦轉女身得男子身復有元量
人天婦女亦轉女身得男子身尔時
聖王以四天下委付千子與无量人
出家修道尔時復有元量諸天各作

是念轉輪聖王以何因緣捨國出家
復相謂言此界如來演說妙法以深力故
女轉為男有人出家能施袈裟為諸
白衣說人天樂壞三惡苦滅一切有
摧諸魔業令魔受苦魔既受苦不樂
聽法大幻師者謂香功德沙門是也
復有說言當知沙門即是魔也何以
故能轉女身得男子身時有大臣名
曰善行作如是言我諸婦女悉為男
子汝等无量妻妾諸女亦捨本形受
向屬彼沙門唯我一已獨住不往我
等當捨是國土去永不見聞是大惡
人今時諸人聞是語已唱言善哉我
今若欲不見不聞遠離惡沙門者當
入深山今時諸人既入山已捨家修
集婆羅門法作如是言无有解脫无
善惡果此世今有一沙門出宣說斷
見說於魔業欺誑衆生是大幻師若
人往見聽其所說親近禮拜供養恭
敬心即狂亂无所曉知剔除鬚髮被
著袈裟捨家所有受乞食制住於塚
間受一食法於生死中生厭離想不

樂受於五欲之樂及諸香華瓔珞伎
樂不樂宣說世間之事具足如是諸
不善法說斯斷見行於魔業是諸衆
生之大怨讎教化无量無邊衆生令
生斷見若不見聞得大利益時華目
比丘聞无量人生大邪見即作是念
我若不能調伏如是邪見衆生云何
當得阿耨多羅三藐三菩提時華目
比丘即便往請香功德佛與无量比
丘僧周遍國土城邑聚落處處說法
所謂遠離惡法修進善法或說大乘
或緣覺乘及聲聞乘或沙門果或比
丘戒或優婆塞戒或說三歸或復演
說轉女身法或說寶幢陀羅尼門或
說十善說是法時破除无量衆生疑
網生於善心發於阿耨多羅三藐三
菩提心令無量衆生來至佛所唯除
一人善行大臣向彼華目發惡誓願
汝若未來成無上道我當於汝成佛
國土而作惡魔誑菩提樹作大恐怖
若成佛已當壞汝法若我於汝生信
心者汝便當與我受記荊諸善男子
尔時比丘即我身是夫人善見即弥

勒是善行大臣魔波旬是波旬汝於
今時發是誓願若於我所生信心者
當與受記是故我今稱汝本願與受
阿耨多羅三藐三菩提記波旬汝於
往昔香功德所九拜供養以是善根
我今與汝授菩提記說是法時五百
婁女得男子身無量衆生以三乘法
而得調伏

大方等大集經寶幢分中魔調伏品第三

今時世界百億魔王志來集聚至波
旬所波旬語諸魔王言諸善男子汝
等知不有釋種子出現於世作大幻
術六年苦行趣菩提樹我於今時將
領三万六千億衆至於彼所然我盡
力乃至不能動金剛座今時瞿曇於
菩提樹成就幻術以幻力故今此三
千大千世界六種震動使我眷屬顛
倒墮落如樹拔根當今之時釋子成
就无相幻術以幻力故十方智人志
皆歸屬推求瞿曇所度衆生心相所
在莫知其處若有人能至心歸依盡
力不能動其一毛不可誑惑不可怖
畏我今婁女五百之衆及諸眷屬志

復歸向而我不能遮止動轉汝等今者福德弘大多有幻力若能有心見助佐者然後我能壞彼釋子斷絕其命亦能摧破諸歸依者滅沙門法增長魔業今時我當受無上樂今時有魔名曰親近即作是言彼釋子者志已成就无量功德功德莊嚴智慧莊嚴不住諸有恚能調伏一切衆生能壞種種衆苦煩惱身淨心淨汝等不能起惡加害波旬言我諸眷屬為彼釋子之所誑惑汝等若不作方便者如是世界不久當空復有魔言如來不住一切諸有心淨身淨遠離一切諸惡煩惱於三界中而得解脫一切有為不能繫縛是故名為无上寂靜如是寂靜誰能毀害波旬言若欲界中所有衆生貪著五欲歸釋子者是人則能破壞四魔是等惡人若不治者汝等云何能治欲界復有魔言彼釋子者如幻如炎不可宣說无有處所无諸障碍如是之人云何可害波旬言釋子於此欲界之中受食供養誑惑衆生我當云何而不治耶復有魔

言我今所有神通之力及我眷屬神通之力不及釋子神通之力十六分中一我當云何而能加害波旬言若彼瞿曇入城乞食我當方便令其終日不得一粒當放大石罵辱使瞋我唯一已猶望能辦況於汝等多諸眷屬復有魔言設使造作如是等事加彼釋子不能令彼生瞋喜心若不瞋喜云何可害波旬言彼釋子者有大智慧以智力故瞋處不瞋喜處不喜修集大慈大悲之心於諸衆生平等无二是故於我不生瞋喜復有魔言若為三界所繫縛者我則能害彼釋子者不為三界之所繫縛我何能害波旬復言汝等若能隨我計者害彼不難汝等悉作比丘比丘居優婆塞優婆夷像至諸國土城邑聚落向諸國王大臣長者作如是言我等已屬沙門瞿曇沙門瞿曇實非沙門空言沙門非婆羅門虛自稱言是婆羅門實非持戒現持戒相真實破戒不異凡夫汝等若信善哉善哉如其不信七日之後當雨大石猛火利刀作是言已

便當於空而降雨之若作如是種種
方便瞿曇眷屬將壞不久時諸魔王
咸言善哉今時諸魔各自莊嚴莊嚴
畢已趣向騫伽摩伽陀國今時波旬
所有一切弊惡眷屬悉莊嚴已趣向
雪山時雪山中有一仙人名曰光味
眷屬五百悉具五通波旬到已頭面
禮敬作如是言沙門瞿曇悉壞一切
異見外道處在大衆宣說是言一切
衆生中實無沙門及婆羅門大德若
能與我俱至摩伽陀國我則能壞沙
門瞿曇沙門瞿曇殊不能與大德論
議捕試神力沙門瞿曇若摧滅已一
切衆生悉當恭敬供養於汝今時波
旬作是語已還來向於无量魔衆廣
說上事時有一魔復作是言瞿曇沙
門入王舍城乞食之時我當於其中
路而作師子席狼羅刹惡鬼等像令
彼見已生怖畏心既生怖畏不能論
議現神通力復有魔言我當於彼虛
空之中降雨大石壞破瞿曇復有魔
言我當詐作瞿曇弟子既為弟子當
得親近得親近已當斷其命復有魔

言我當現作長者之像設食請之彼
若受請我當害之復有魔言我當現
作姪女之像至諸王所云彼瞿曇與
我交通復有魔言我當至彼瞿曇沙
門現壞其身而為七分汝等當言如
此屍者瞿曇所殺復有魔言我當於
彼虛空之中大聲唱言沙門瞿曇是
大惡人若有男女供養之者命終當
生阿鼻地獄今時世尊知魔心已變
此三千大千世界悉為金剛以遮石
雨大雨刀雨悉令衆生眼不覩見如
是魔業今時世尊四大弟子入王舍
城次第乞食時舍利弗從東門入中
路值遇五百魔子執持刀杖語舍利
弗汝若歌舞善哉善哉如其不者當
斷汝命舍利弗言善哉童子我今當
歌汝等當舞諸魔子言善哉大德時
舍利弗即說偈言

我今不求陰界入 無量世中誑惑故
若有求於如是法 是人終不得解脫
時舍利弗說是偈已復說陀羅尼句
娑呵羅一 娑呵羅二 娑羅娑呵羅三 摩
利王娑羅呵四 薩陀娑羅呵五 阿摩娑

時舍利弗說是陀羅尼已五百魔子
心得調伏得調伏已禮拜懺悔即作
是言大德我今當發阿耨多羅三藐
三菩提心歸依三寶捨離一切魔之
惡業今時大德大目犍連從南門入
中路亦值五百魔子手執刀杖語目
連言汝若歌舞善哉善哉如其不者
當斷汝命目連答言善哉童子我今當
歌汝等當舞諸魔子言善哉大德今
時目連即說偈言

我今不求陰界入 無量世中誑惑故
若有求於如是法 是人終不得解脫
時目犍連說是偈已復說此陀羅尼句
阿婆摩^一 阿婆摩^二 摩羅拏^三 囉闍^四
闍呵奢^五 摩吽^六 奢摩吽^七 奢摩吽^八
伽伽那婆摩^九 莎呵^十

時目犍連說是陀羅尼已五百魔子
心得調伏得調伏已禮拜懺悔即作
是言大德我今當發阿耨多羅三藐
三菩提心歸依三寶捨離一切惡魔
事業今時彌多羅尼子從西門入中
路亦值五百魔子執持刀杖語富樓

那汝若歌舞善哉善哉如其不者當
斷汝命富樓那言善哉童子我今當
歌汝等當舞諸魔子言善哉大德時
富樓那即說偈言

我今不求陰入界 無量世中誑惑故

若有求於如是法 是人終不得解脫

時富樓那說是偈已復說此陀羅尼句

呌竭嚩^一呌竭嚩^二呌竭嚩^三茂遮^四淨

茂遮^五淨 阿跋多尼^六比跋多尼^七莎呵^八

時富樓那說是陀羅尼已五百魔子

心得調伏得調伏已禮拜懺悔即作

是言大德我今當發阿耨多羅三藐

三菩提心歸依三寶捨離一切惡魔

事業時須菩提從北門入中路亦值

五百魔子執持刀杖語須菩提大德

汝若歌舞善哉善哉如其不者當斷

汝命須菩提言善哉童子我今當歌

汝等當舞諸魔子言善哉大德時須

菩提即說偈言

我今不求陰入界 無量世中誑惑故

若有求於如是法 是人終不得解脫

時須菩提說是偈已復說此陀羅尼句

娑茂提^一比茂提^二茂利地闍醯^三思餘^四

思繇五思繇六婆思繇七婆思繇八啊

婆思繇九復多拘置思繇十莎呵土

時須菩提說是陀羅尼已五百魔子
心得調伏得調伏已禮拜懺悔即作
是言大德我今當發阿耨多羅三藐
三菩提心歸依三寶捨離一切惡魔
事業今時世尊神通力故令王舍城
所有衆生一切皆見百由旬地城四
門中各各皆有一大弟子其城中出
一大蓮華縱廣滿足二十五丈琉璃
為莖黃金為葉金剛為鬚有無量葉
光明遠照衆生皆見高出三丈四天
王處乃至阿迦膩吒天處亦如是見
高出三丈時蓮華中說如是偈諸天
世人隨處皆聞

此世界中一佛出 志能摧伏一切魔
能轉無上妙法輪 調伏此間諸衆生
二足中尊能成就 憂婆提舍拘律陀
能破二種煩惱根 佛欲來此調衆生
了知三世如掌果 具足三戒所說淨
遠離三垢愍一切 佛欲來此調衆生
具足如意无所畏 調伏四衆說四果
常樂說法真實義 聖師子王為我來

具足五力及五根
无上世尊為衆生
調伏六根得上信
具足六通真實語
一切衆生煩惱縛
常行魔路不知實
不知此彼及生死
是故不能得解脫
衆生不知生老死
遠離一切施戒慧
衆生若離五欲樂
至心受持一偈義
又復偈音聞於色界十六住處

成就功德无尋智
修悲拔出三惡衆
遠離六入修六念
世尊欲來調衆生
處闇不知解脫道
貪著顛倒失智慧
貪五欲故遠離禪
不能修道報昔善
是故不修三解脫
是故不出三惡道
親近如來聽正法
是人解脫如先佛

若有修集清淨法
至心專念諸解脫
獲得十三忍辱法
出過一切生老死
永斷常見及斷見
深觀無常无我樂
若欲捨樂如涕唾
淨於法界及菩提
能壞四魔滅煩惱
不畏邪見如師子

遠離諍訟修禪定
無有散乱壞煩惱
遠離惡觸及乱心
修四無量諸禪定
過三惡道得正定
獲隨法忍如先佛
觀一切空行无異
於法无尋如虚空
修集正道諸方便
當親如來則獲之

出如是等偈音聲時无量衆生趣蓮
華所尔時波旬耳聞是偈又見王舍
城中蓮華无量衆生悉坐其下次第
乃至阿迦膩吒亦復如是受大苦惱
告諸魔言諦聽諦聽瞿曇沙門作大
幻術汝等不能造作魔業不久當失
所居之處汝等當兩刀石猛火時有
一魔語波旬言瞿曇沙門志已成就
無量功德具二莊嚴所謂功德智慧
彼神力故令我狂亂不能造作魔之
事業我今於彼實懷恐懼復有一魔
語波旬言汝今愚癡行於邪道无心
之人若見瞿曇尚生信敬況有心者
汝今若欲得大利益應當至心歸依
宗敬復有一魔語波旬言波旬汝今
云何常樂惡行造作惡業汝當遠離
惡魔之業汝今不見如來世尊趣王
舍城欲施衆生甘露味耶汝來當共
歸依瞿曇尔時无量魔衆乘空而下
至王舍城或作王像或轉輪王像成
就七寶或復示作自在天像或作沙
門梵志巨軋或作四天王像日月等
像帝釋梵像或有坐立及以礼拜而

讚歎者或有周遍繞王舍城或有示
現上其城上或有青色白衣白瓔珞
白幡白蓋或有黃色赤衣赤瓔珞
赤蓋或有白色種種色衣種種瓔珞
黃幡黃蓋或有赤色青衣青瓔珞青幡
青蓋或七寶色七寶衣服七寶瓔珞七寶
幡蓋或琉璃色或頗梨色種種色衣種種
瓔珞種種幡蓋或有向佛散種種華
燒香礼拜或有歌頌讚歎起舞波旬
見已舉聲啼哭即作是念我今喪失
所有福報一切魔衆悉皆歸屬瞿曇
沙門今時波旬語梵天言我雖失福
无有伴黨猶故能壞瞿曇沙門我今
當示寂後勢力我今能拔如是蓮華
今時波旬即趣蓮華雖復目覩拔不
能得如世人言我能捉電電雖可見
而不能捉蓮華亦今魔雖得見而不
能捉是時波旬心生懊惱如是蓮華
捉之尚難云何可拔復作是念我今
當出无量惡聲令諸四衆聞已怖畏
當捨瞿曇迸散而去波旬今時即出
大聲一切四衆都无聞者唯魔自聞
聞已復生大怖畏心今時波旬怖畏

戰慄兩手拍地而不能著猶如拍空
復欲取杖以打四衆亦不能見倍生
怖畏舉身戰慄猶如猛風吹動樹葉
復作是念我今永失一切功德一切
神力不如速還本所住處若不還者
必死不疑於是欲去莫知道徑復作
是念我今住此瞿曇沙門多將眷屬
今至不久如其到者必見屠戮我今
正欲沉身此地復恐此界衆生見之
是時波旬不能上下四方遁走即見
已身被五繫縛見已涕泣愁憂苦惱
時有一魔名曰聖道作轉輪王像向
彼波旬而說偈言

汝以何緣出惡聲 啼哭愁憂受苦惱
如來今將趣蓮華 能壞衆生種種苦
汝等若欲受安樂 當至心依無上尊
汝若不樂五繫縛 應受我語歸世尊
今時波旬聞是偈已即作是念為我
得脫當詐歸依非實心也即向如來
所住方面合掌說偈

我今歸依世中尊 能壞衆生諸苦惱
亦復懺悔一切惡 於佛眷屬更不造
時魔波旬說是偈時於五繫縛尋時

解脫得解脫已欲趣已界復還被縛
第二第三乃至第七今時波旬既不
得去至心聽法

大方等大集經卷第十九

辛丑歲高麗國大藏都監奉

勅雕造

大方等大集經卷第三十

位

北涼天竺三藏曇無讖譯

寶幢分第九三昧神足品第四

是時如來四大弟子與諸魔子遊王舍城歌舞頌偈。爾時大地六返震動。無量天人悲感啼泣。苦哉苦哉。今者如來猶在於世。而四弟子為諸魔眾之所戲弄。即共和集。往至佛所。而作是言。世尊。唯願如來放捨捨心。何以故。一切諸魔欲壞佛法。佛言。我今當入王舍大城。教化眾生。欲破壞魔業。示大神通。施作佛事。爾時佛欲入王舍城。時諸天眾悲嘆向佛而作是言。今佛入城。實非時也。何以故。無量惡鬼。充滿虛空。无量魔眾持刀大石。若佛入城。如來法燈將滅。不久。爾時如來默然不許。復有天言。世尊。王舍城中五百魔子。執持刀戟。欲害如來。復有一天啼泣而言。今者釋種不久。當壞。復有天言。無上法船。今當散滅。三界眾生誰當濟渡。今至彼岸。復有天言。一切眾生常為煩惱之所纏繞。無

上大師如其滅者誰當令彼得解脫
耶復有天言世尊不見空中无量魔
衆欲雨刀劍大石猛火唯願如來愍
衆生故且莫入城復有天言世尊王
舍城中有二万魔各各示作婆羅門
像執持刀劍欲害如來復有二万持
稍待佛復有二万執持弓箭復有二
万持大炬火唯願如來受我等語勿
復入城如來今時默然不許今時世
尊入王舍城門其守城天啼泣向佛
作如是言唯願如來勿復入城何以
故今此城中惡衆充滿若使如來於
此滅者我當云何見諸天衆魔衆今
者欲雨刀劍猛火大石如來若滅衆
生閻行滅大法炬壞大法山生老病
死歡喜受樂佛於今時雖聞是語亦
不許可時天復言世尊若不惜身命
必欲放捨有六大城何必於此如來
若於此間滅者則令我於无量世中
得大惡名今時復有無量諸天俱至
佛所作如是言世尊我已曾見无量
諸佛說法教化無量衆生實未曾見
如是魔衆世間衆生常為无量諸惡

煩惱之所圍遶值遇良醫通達無量
醫方方便如來何故放捨大慈大悲
之心復有天言如來往昔无量劫中
為諸衆生修集苦行今者云何欲捨
衆生放棄身命唯願憐愍演說正法
調伏一切闇昧衆生願施衆生光明
迷行之人示以正路永斷一切三惡
道苦唯願久住莫捨身命今時復有
淨居諸天告諸天言且勿啼哭放捨
愁惱如來具足十力无畏今欲摧滅
一切魔衆假使無量无边魔衆乃至
不能動佛一毛今時梵王釋提桓因
往至佛所白佛言世尊一切魔衆今
者定欲毀害如來唯願勿往如來當
滅一切衆生无明闇行世尊往昔請
諸衆生許以甘露斯事未果云何便
欲放捨身命莫猗往昔菩提樹下壞
一魔已輕蔑餘者如來若入王舍城
中即便滅没无復疑也

今時世尊出大梵音聲遍三千大千
世界已而作是言諦聽諦聽假使諸
魔悉皆遍滿十方世界盡其力勢乃
至不能動我一毛我昔已請無量衆

生許以甘露今當廣說第一義諦增
長善法說於正道以稱我願我於往
昔无量世中為諸衆生多受苦惱放
捨一切金銀琉璃頗梨寶貨國城妻
子衣服飲食及以身命以妙香華幡
蓋燈明供養諸佛受持淨戒修行忍
辱誰能以惡加於我身我於衆生常
修慈悲誰能令我而滅沒耶如我先
已摧魔眷屬當知今者亦能破壞汝
等於此勿懷怖畏時无量天聞是語
已心生喜樂各各而言南無大士如
來世尊壞大魔衆破諸煩惱永斷習
氣摧憍慢山拔生死樹滅死日月除
无明闇勸化一切邪見衆生焦涸四
流然大法炬示菩提道擊大法鼓施
諸衆生善法之樂復令覺悟四真諦
相度生死海入无畏處說是語已以
妙香華幡蓋伎樂供養於佛復以種
種微妙好華散王舍城所謂曷陀羅
華摩訶曷陀羅華波樓沙華摩訶波
樓沙華迦迦羅華摩訶迦迦羅華曷
殊沙華摩訶曷殊沙花瞻婆羅華摩
訶瞻婆羅華歡喜華大歡喜華愛樂

華大愛樂華波利質多華俱毗遮羅
 華憂婆鉢羅華俱物頭華波頭摩華
 分陀利華如是等華莊嚴遍覆如來
 行處於路二邊七寶行樹高一多羅
 樹間有八味清泉上虛空中多有諸
 天手持上妙七寶幡蓋雨諸雜華金
 銀頗梨琉璃等寶牛頭栴檀及白栴
 檀堅鞞沉水種種華香遍雨如來所
 行之處復有種種微妙伎樂一切人
 民悉共嚴治王舍城外如來行處諸
 魔眷屬莊嚴城內時佛世尊入王舍
 城今時心遊首楞嚴定示現微妙八
 十種好若事爲者即現爲像事師子
 者現師子像有事牛者即現牛像事
 命命鳥現命命像有事兔者即現兔
 像有事魚龍龜鼈梵天自在建陀八
 臂帝釋阿修羅迦樓羅虎狼脂鹿水
 火風神日月星宿國王大臣男女大
 小沙門婆羅門四王夜叉菩薩如來
 各隨所事而得見之見已皆稱南无
 南無无上世尊合掌恭敬禮拜供養
 今時雪山光味仙人與其弟子在西
 門下側立待佛光味仙人覩見佛身

是仙人像為无量眾生之所供養即作是言如是人者真是大仙堪受世間人天供養何以故福德相故我云何知彼大我大我今當問生姓經書出家久近光味仙人即趣佛所告其弟子摩訶納彼仙人者德相成就了了可知聰明叡哲能解深義汝等應當至心生信如我所見相書所載是人必能說無上道彼定能令我度生死五百弟子同聲歎言善哉善哉如和上言今時光味與五百弟子前後圍遶即至佛所作如是言汝是誰耶佛言是婆羅門光味復言姓何等耶答言我姓瞿曇又問受何戒耶答言吾受三戒又問修集何行答言吾修三空行又問出家已來為久近乎答言具大智時又問汝頗讀誦星宿書不答言汝今讀誦得何利益光味復言我以此法教諸眾生受我語者多獻供養佛言汝知此書頗能得過生老死不光味復問瞿曇生老病死云何可斷佛言汝若不能斷生老死何用讀誦如是星書光味復言瞿曇汝若

不知星宿書者身上何故有星行處
如我知者定謂瞿曇通達如是星宿
彼岸佛言云何名星宿道光味荅言
謂二十八宿日月隨行一切衆生日
月年歲皆悉繫屬瞿曇一切星宿跡
有四分

瞿曇東方七宿謂角亢氐房心尾箕
若人生日屬角星者口闊四指額廣
亦小其身右邊多生黑子上皆有毛
當知是人多財富貴廣額似像聰明
多智養屬熾盛其項短促脚兩指長
左有刁創多有妻子惡性輕躁壽命
八十四十年時一受衰苦長子不壽
心樂法事衰患在火瞿曇屬角星者
有如是相

屬亢星者心樂法事受性多巧聰明
富貴多懷慚愧恣不能害樂欲出家
受性柔軟輕躁確盡无所隱藏壽六
十年三十五時身遇篤病遶頸四指
當有瘡癰不宜子息瞿曇屬亢星者
有如是相

屬五星者生人受身勇健巨富豪貴
壽二十五左有黑子於父母所悔月本云恒生

惡心敬出家人於已眷屬不能增長
瞿曇屬五星者有如是相

屬房星人受性弊惡愚騃无智巨富
豪貴右有黑子壽三十五當被兵死
宜於兄弟瞿曇屬房星人有如是相
屬心星人富貴多財愚癡風病壽三
十五頭有瘡癰有大名聲毒不能中
妻子不樂瞿曇屬心星人有如是相
屬尾星人具諸相好雄壯富貴得大
自在兩乳輪相有大名聲身諸光明
勝於日月聰明大智无能勝者貪樂
出家能調煩惱增長耆屬多有慚愧
壽命百年四十五時暫一受苦曾有
德相衆生樂見不宜父母瞿曇屬尾
星人有如是相

屬箕星人樂喜諍訟多犯禁戒受性
弊惡人不喜見貪欲熾盛壽六十年
貧窮困苦常樂遊行牙齒疏小胃臃
確瘦瞿曇屬東方宿有如是相

屬井星人多饒財寶人所恭敬心樂
於法齋有瘡癰壽八十年慈孝供養
父母師長先父母喪心无慙恡多有
慚愧衰禍在水瞿曇屬井星者有如

是相

屬鬼星人慳恡短壽齋下四指當有
黑子不宜父母喜樂諍訟瞿曇屬鬼
星者有如是相屬柳星者富貴持戒
慕樂法事壽七十五增長眷屬死已
生天腰有赤子敬受法者人所信伏
瞿曇屬柳星者有如是相

屬七星者樂為劫賊盜物為業姦偽
諂曲薄福短壽舉動愚癡狂騃
必被兵死瞿曇七星生者有如是相
屬張星者壽命八十善於音樂首髮
稀少衰二十七及三十三富貴勇健
有大名稱聰明无恡樂法慚愧不宜
父母及以兄弟頂^摩有瘡癰過三十五
乃有子息陰有黑子脰有黃子瞿曇
屬張星者有如是相

屬翼星人善知算數慳恡惡性鈍根
邪見右有黑子壽命三十三絕无子
息瞿曇屬翼星者有如是相

屬軫星人巨富豪貴多饒眷屬奴婢
僕使聰明勇健樂法愛法敬受法者
壽命百年死已生天瞿曇屬南方星
者有如是相

屬奎星者其人兩頰當有黑子持戒
樂法敬受法者富貴樂施身有火瘡
壽五十年瞿曇屬奎星者有如是相
屬婁星者壽命短促貧窮困苦樂見
毀戒其心慳恡膝下創瘰壽三十年
不宜於兄瞿曇屬婁星者有如是相
屬胃星者不宜父母多失財寶田業
舍宅膝有黑子過二十二得大富貴
不慳樂施瞿曇屬胃星者有如是相
屬昂星者樂於正法辯口利辭聰明
富貴多有名稱護持禁戒人所敬信
死已生天膝有青子壽五十年瞿曇
屬昂星者有如是相屬畢星者人所
信伏惡性喜聞於已姊妹生於貪心
富貴多怨常患胃痛不宜錢財左有
黑子壽七十年瞿曇屬畢星者有如
是相
屬觜星者富貴樂施慚愧无貪無有
病苦衆生樂見死已生天衰在七十
壽滿八十瞿曇屬觜星者有如是相
屬參星者受性弊惡多造惡業作守
獄牢貪欲偏多聰明貧苦壽六十五
多有黑子瞿曇屬西方星有如是相

屬斗星者受性愚癡貪不知足貧窮
惡性壽命短促當病食死黑色羸瘦
瞿曇屬斗星者有如是相

屬牛星者性癡貧窮樂為偷竊心多
嫉妬壽七十年元有妻子瞿曇屬牛
星者有如是相屬女星者持戒樂施
其人足下多有黑子增長眷屬壽八
十年有大名聲元有病痛宜於父母
及以兄弟瞿曇屬女星者有如是相
屬虛星者福德富貴眷屬愛樂慳慳
不施壽六十五其人足下當有黑子
瞿曇屬虛星者有如是相

屬危星者身无病苦聰明持戒通達
世事富貴多財壽八十年宜諸眷屬
瞿曇屬危星者有如是相

屬室星者受性弊惡多犯禁戒為人
富貴壽命百年死墮惡道不宜父母
及以兄弟瞿曇屬室星者有如是相
屬壁星者雄猛多力尊榮富貴有大
名稱眷屬增長不宜父母壽命千年
名聞无量樂法出家敬受法者聰明
多智善解世事瞿曇屬北方星有如
是相若有通達如是相者到於彼岸

得大智慧

佛言衆生闇行著於顛倒煩惱繫縛
隨逐如是星宿書籍仙人星宿雖好亦
復生於牛馬狗猪亦有同屬一星生
者而有貧賤富貴參差是故我知是
不定法仙人汝雖得禪我是一切大
智之人何故不問解脫因緣乃問是
事光味又言汝今現身如世无異而
尊其事與仙无別我今真實不知汝
是天耶仙耶龍耶鬼耶聲如梵音色
如古仙我從昔來未曾見聞如是色
相如是事業是故今問汝為是誰繫
屬於誰姓氏何等宣說何事唯願廣
說我當聽受今時世尊即說偈言
若有學習著相書 是人不能知此彼
若有煩惱所縛者 不得解脫常受苦
我今具足六神通 是故名大婆羅門
六波羅蜜是我性 以六和敬調諸根
我以受持三種戒 行空无相三脫門
我往初發菩提心 今時得名大出家
我都不覺一法相 是故不說星宿書
法无衆生无壽命 是故演說无我淨
已度三受三行岸 斷諸根故無有相

我已真實知諸法 是故獲得大寂靜
若无罣碍如虛空 雖行菩提不學法
修集禁戒大忍辱 即得无想大智慧
若不學業求果報 如法不轉得菩提
心不貪著一切陰 亦復不觀於此彼
又不覺知菩提道 是能速得菩提道
无有相貌无想念 於一切法无覺觀
亦不貪著於諸法 即能獲得一切覺
若有修集淨梵行 是人得名婆羅門
觀察諸法如虛空 是人即得名大覺
於是世尊說是偈已光味仙人及諸
眷屬一切皆見如來本身見本身已
往善所追即各獲得寶幢三昧得是
三昧能遍觀察一切三昧故名為幢
於諸三昧而得自在遊入一切三昧
境界是故名為寶幢三昧今時光味
合掌恭敬持微妙華滿其手掬說偈
讚佛

如來成就无量德 猶如大海水彌滿
功德光明甚微妙 悉照三千大千界
勇猛精進大智慧 出勝一切諸衆生
具足大慈大悲心 是故我礼无上尊
如來永斷諸煩惱 故我稽首大仙師

清淨金色戒光明

我今禮敬於佛日

能乾衆生諸煩惱

能說真實菩提行

能壞一切煩惱山

轉於无上正法輪

今我修於菩提道

為得無上大智慧

如來具足一切相

願記我等菩提時

我當云何斷煩惱

度脫一切苦衆生

演於真實正真道

平等猶如十方佛

衆生三世造惡業

我當云何令其斷

若我身口意善業

願此因緣斷彼結

永斷一切煩惱病

身受妙樂如先佛

令衆妙色諸根具

遠離諸惡修善法

斷除衆生諸邪見

修集具足於正見

得識宿命樂善行

度生死河至彼岸

六波羅蜜得具足

知佛深法常住世

樂降无上大法雨

令諸衆生離貧渴

若我身口意惡業

今於佛前悉懺悔

我今所有福德力

施與衆生早成佛

我請一切諸衆生

勸之令種菩提子

我為衆生受苦時

願不生悔及退轉

淨於世界及衆生

得无尋智淨法界

若我真實得佛道

願此所散成華蓋

尔時光味即以華散

是時三千大千

世界六種震動无量

衆生生敬喜心

有諸衆生奉事爲者見佛是爲作如是言云何此爲有大福德令是仙人敬意供養乃至若有敬事佛者見彼仙人敬心供養見已生信禮拜讚歎今時世尊出首楞嚴定從定起已一切衆生悉見佛身見已心生供養歡喜各任已力而作供養今時世尊告光味言善男子一切諸天見汝決定發阿耨多羅三藐三菩提心歡喜踊躍故令是地六種震動善男子汝當成就无量智慧然後獲得无上佛道乃當復於无量世界然大法炬善男子汝於來世過三阿僧祇劫當於此土北方世界名曰香華其界莊嚴如阿彌陀當於彼中得成為佛名光切德如來應正遍知明行足善逝世間解无上士調御丈夫天人師佛世尊於无量世宣說大乘終不說於聲聞緣覺今時大衆耳聞目見光味仙人得受記莚悉共歡喜供養恭敬五百弟子无量衆生發阿耨多羅三藐三菩提心其意堅固无有退轉

大方等大集經寶幢分中相品第五

尔時佛知諸魔心已即入三昧三昧
力故令王舍城有十二門一一門中
有一如來尔時諸魔見十二佛自現
其身為五通像乃至示現梵天王像
以妙香華幡蓋伎樂供養於佛佛入
城時足指案地令此三千大千世界
六種震動其中天人阿修羅等帝釋
梵天及四天王一切衆生悉皆得見
十方世界十方衆生皆悉來集王舍
大城賣持香華供養於佛佛神力故
令香華中說如是偈

若欲永斷三惡道 應當發起菩提心
若於生死獨覺者 是能度脫諸衆生
若欲離於惡念務 應當修集於正道
若有值遇諸如來 是人即得受道記
如來大士利衆生 今來入此王舍城
欲摧一切諸魔衆 欲轉無上正法輪
佛為五滓諸衆生 宣說三乘首楞嚴
如來今欲大授記 欲聽實義應往彼
是偈音聲周遍而聞迦蘭陀竹林精
舍有諸菩薩阿羅漢等悉往集會王
舍大城中乃至十方無量世界淨土
穢土有佛之處及无佛處一切衆生

志來聚集。今時世尊入佛莊嚴瓔珞三昧。入三昧已。令此娑婆世界清淨。莊嚴猶如未來遍見如來所有國土。今時世尊光明淨妙。衆生樂見。十方無量微塵世界。淨穢等土。有無佛處。一切衆生亦復如是。樂見如來淨妙光明。亦復樂聞如來音聲。今時十方一方面。無量佛土。無量菩薩。志來至此娑婆世界。王舍大城。今時此界具足。多有無量菩薩。如是菩薩。志共供養如來世尊。或有菩薩。於娑婆世界雨諸雜香。以供養佛。或有菩薩。於此世界雨真珠寶。以供養佛。或有菩薩。於此世界雨妙瓔珞。或雨金銀琉璃。頗梨車渠。馬瑙。或雨栴檀沉水。諸香。或復有雨牛頭栴檀。或雨諸華。須臾。那華。以供養佛。或有菩薩。以真實法。讚歎於佛。或有現作天帝釋。像梵天王。像四天王。像魔王。形像自在。天像。連阇天像。八臂天像。轉輪王像。寶像。山像。樹林等像。大臣長者。男女師宗。牛羊爲馬。水牛等像。作如是像。趣王舍城大連華。所以手觸華華。即爲動。

是時一切魔衆男女大小及諸眷屬
皆悉動搖生大恐怖即作是言何因
緣故我之宮殿如是傾動我等所尊
將不退沒失我天耶我等復不欲滅
墮乎我往常見如是世界有五滓濁
今者何緣寂然清淨今時諸魔悉見
十方清淨菩薩皆來集會娑婆世界
見是事已復作是言以佛世尊光明
嚴麗衆生樂見之因緣故乃至不見
已之眷屬有一人在復作是念我今
何故不往佛所親近供養時魔波旬
即至佛所合掌恭敬而說偈言
我今歸依於如來 已得歡喜至心樂
願見放捨還本處 還已乃當聽正法
今時世尊說偈答言
我不勸汝以去來 諸法性相亦如是
汝今若有大神通 隨意自在无遮者
是時波旬復說偈言
如佛世尊真實語 今者實无遮我者
我適欲還本處時 尋即見身被五縛
佛言我已永斷一切繫縛欲解一切
衆生繫縛我亦不念衆生諸惡是故
得名解脫繫縛今時世尊見十方衆

生志來集會即說偈言

一切大眾至心聽
我今所說不思議
無上世尊甚難有
人身難得信亦亦
无上世尊難得見
難得遠離於八難
其心難得而調伏
修善思惟如法住
一切煩惱難遠離
我今說趣菩提事
我之所說遠離愛
所示无上正真道
若欲遠離三惡垢
不為煩惱之所害
若欲具足三種戒
即能破壞三界結
若不斷絕三寶性
即能具足无量通
若於三世无覺觀
是人能過於三界
一切凡夫无明覆
於无法中作法想
遠離一切疑網心
應當諦觀業因緣
法僧二寶亦復然
施心福田亦復難
見已聞法亦復難
得如法忍亦復難
修空三昧亦復難
如是二事亦復難
獲得菩提亦復難
猶如世人說變化
能壞闇冥修善法
應當至心勤修行
及餘一切諸魔業
應當從佛聽正法
應學具足三脫門
亦能過於三惡道
為於正法喪身命
是人名為如法住
亦復不著三世法
亦復獲得如法忍
常為四倒所圍繞
於无物中作物想

以是因緣名顛倒
若有說言眼見色
如是之人行顛倒
若有修集四禪定
能度一切諸顛倒
若能調伏諸衆生
如是之人乾生死
若能具足四如意
亦能永斷於生死
若能了了知五陰
了知不生亦不滅
若能於佛世尊前
是人遠離於邪見
若觀生死多受苦
以近惡友因緣故
若能遠離惡知識
是人能觀生死過
若有能觀第一空
我常說於第一義
我說六入真實空
衆生顛倒謂有相
若有衆生六受愛
如是六觸真實空

如是之人行邪道
乃至意能知諸法
流轉生死无量劫
是則名為世間慧
亦於生死得解脫
亦復遠離於四流
亦復能到於彼岸
是名菩薩无所畏
令諸衆生脫恐怖
是人能到无漏邊
能令衆生到彼岸
懺悔發露一切罪
能到生死之彼岸
行業因緣逕三惡
造作无量之惡業
亦能遠離諸邪見
亦能諮問第一義
是人能服甘露味
至心聽者无有相
无有造作无受者
法性真實无所有
是能生於六觸因
一切諸法亦復然

如一法性諸法亦

如一切法一法然

一切諸法无生滅

亦无相貌无有物

我所宣說无勝道

一切諸法如一法

若見諸法无性相

是人獲得真實義

若有修行十三忍

即能度於生死岸

真知法性衆生性

得无上道如先佛

於是世尊說是偈時十方如恒河沙

等五淨世界一切衆生悉得聞之一

一世界无量衆生聞已即得不退轉

心或有獲得陀羅尼者或復有得三

昧定者或有成就得諸忍者此佛世

界无量衆生聞已亦得不退轉心教

化衆生於三乘中今時光味菩薩於

蓮華邊造七寶梯具種種華合掌恭

敬而白佛言如來佛曰大慈悲光无

量衆生多受苦惱唯願降注无上法

雨除滅衆生煩惱疾病有諸衆生任

為法器堪受如來无上法味願說八

道淨於法眼上昇蓮華摧伏衆魔十

方世界无量菩薩悉為證人了了能

見諸法空寂无有相貌猶如虛空知

法无我唯願如來憶念往昔初發菩

提心時所立誓願如來今時自言我

若具足十力四无所畏當施衆生甘露法味悉令得度生死大海今已果之唯願演說清淨之法度諸衆生於生死海化无量人於菩提道今時世尊即蹬寶梯坐蓮華上遍觀十方告波旬言波旬汝亦當生歡樂之心何以故以汝因緣有是大集亦因於汝令我說法說法因緣斷諸生死度於四流令諸衆生獲得正道得虛空相如是等事皆因於汝汝當請我我當說法魔波旬言瞿曇若无瞋心憍慢嫉妬何故惱我而宣說法若有瞋恚憍慢嫉妬云何自言我得解脫佛言波旬我住母胎經歷十月汝於今時欲來殺我我心於汝亦无瞋恚我初生時地六種動汝於今時復降石雨我飲乳時汝持毒藥置之乳中我昔初乘香鳥之時汝動此地今六種震欲令我墮我在林野修世禪時汝將姝女欲來乱我我乞食時汝以臭豆持來施我我時雖受竟不食之我初出城汝自變身為黑毒蛇又作惡賊圍城四邊我行虛空復放風雨我下

馬時雨大猛火我苦行時復作惡聲
故令五人恐怖捨我我身羸瘦復放
冷風及其洗浴放大暴水我度河已
復欲危害化作无量師子惡獸受牧
牛女所奉乳糜汝復持毒置之而去
我趣菩提道樹之時復於中路降金
剛雨我坐樹下金剛座上復遣四女
來嬈亂我汝雖如是欲來害我然我
於汝都无惡心如是等事終不能令
我心擾亂復將無量百千万衆造作
種種无量惡事欲令我身不得菩提
我既獲得阿耨多羅三藐三菩提已
復來請我令捨壽命因於汝欲令我
於彼娑羅大村乞食不得又因汝故
令阿闍世放大醉爲欲令害我又因
汝故提婆達多放下大石又因汝故
令我受彼婆羅門請三月之中食噉
馬麥又因汝故令我爲彼孫陀利女
之所詐謗又因汝故尸利邈多火坑
毒食以請於我汝於今時作如是等
无量惡事不能害我今復聚合如是
魔衆欲來害我然我於汝都无瞋心
我今當度无量億魔我爲衆生常勤

修集慈悲喜捨汝若不信十方諸佛
諸大菩薩可為明證唯為汝故使我
於此惡世之中施作佛事汝雖於我
作无量惡然我猶故隨逐於汝我今
實无瞋妬惱慢我於汝所修集慈心
汝於我所生大惡心善哉波旬應離
惡心啓請於我說无上法我欲與汝
受苦提記既受記已當廣為汝宣說
法要汝聞法已當得遠離一切惡業
我常思念種種方便令汝解脫而汝
於我常生惡心我常於汝生憐愍想
汝今當捨惡見惡意我當授汝阿耨
多羅三藐三菩提記今時波旬聞是
語已生瞋惡心欲還所止復還見身
被五繫縛欲出大聲而不能出即吐
惡氣欲獻殺佛今時如來變其惡氣
成須臾華佛神力故令是化華遍至
十方恒河沙等諸如來所而以供養
於諸佛上一一化作須臾華蓋今時
无量諸佛世尊无量菩薩各各自問
其土如來如是變化誰之神力无量
諸佛各各說言娑婆世界釋迦如來
欲為具足五澤衆生演說法要所謂

法印句門入陀羅尼能壞一切魔境
界力開顯一切佛功德力堅大法幢
不斷佛種能令一切善法增長能壞
一切邪見衆生能壞一切惡夢不祥
能斷疾病刀兵飢饉鬪訟等事復能
調伏一切天龍輒闍婆人熾然慧炬
示導一切平等之道能令一切遠離
惡見能斷一切諸惡種性能令一切
同於一性能護一切城邑聚落沙門
婆羅門能知一切星宿運度能學一
切世間諸事能令一切遠離惡口獲
无尋辯觀一切法通達其性如法而
住能說大乘安慰菩薩悉令能得不
退轉心能施无上甘露法味能令獲
得无生法忍轉正法輪利益調伏无
量衆生悉令得住六波羅蜜能令衆
生見无上道能降法雨示諸佛事過
四魔界入大涅槃金剛法心因緣自
在陀羅尼持欲演說如是等法如過
去佛未來諸佛之所宣說現在十方
諸佛世尊住世說法教化衆生皆是
金剛法心因緣自在陀羅尼也過去
未來諸佛世尊亦復如是今時諸方

無量菩薩各白佛言世尊我初未曾聞金剛法心因緣自在陀羅尼名為何名為金剛法心因緣自在陀羅尼唯願如來分別解說乃至為令入大涅槃利益無量人天雜類今時十方諸佛世尊各各告其諸菩薩言善男子我亦欲見釋迦如來聽受是法為欲利益一切衆生為壞一切衆生惡業乃至為欲入大涅槃今時十方諸佛世尊告諸菩薩言善男子若欲供養一佛世界無量諸佛各欲聽受無上正法所未聞法見大集會宜當往詣娑婆世界釋迦如來所住之處今時無量諸菩薩等默然而受佛之教勅各作是言我欲於彼一佛世界供養恭敬無量諸佛亦欲於彼無量佛所聽受種種無量法義亦欲覩見無量神通及以無量不思議事不知彼土有座處不若有座處則得供養聽受正法今時諸佛告諸菩薩言善男子汝等不應於如來所生疑慮心何以故諸佛境界不可思議智慧方便不可思議為欲調伏一切衆生善男子

娑婆世界釋迦如來智慧方便不可
限量善男子釋迦如來一切衆生陰
所攝身一二皆如須弥山王能令葶
藶容其座處是名如來智慧方便亦
令衆見葶藶不寬所座不迫而葶藶
子其質如本无增減相復次善男子
一切世界所有大地悉令入於一微
塵中亦令微塵无增減相是名如來
智慧方便復次善男子一切世界所
有諸水悉能令入一微塵中亦令微
塵无增減相是名如來智慧方便復
次善男子一切世界所有諸風悉能
令入一毛孔中亦令毛孔無增減相
是名如來智慧方便復次善男子一
切世界所有諸火悉令入於一毛孔
中亦令毛孔無增減相是名如來智
慧方便復次善男子十方所有的一切
衆生悉能令入一微塵中亦令微塵
无增減相是名如來智慧方便復次
善男子一切衆生三世所有身口意
業三世所受苦受樂受无苦樂受三
世衆生身口意業所受果報三世所
有地水火風至一切法界釋迦如來

於一念中了了通達亦不稱言我知
我覺又不役慮然後而知善男子釋
迦如來具足如是智慧方便住娑婆
世界尔時十方无量佛土无量菩薩
既得聞佛无量功德即各具足无量
神通

大方等大集經卷第二十

辛丑歲高麗國大藏都監奉
勅雕造

大方等大集經卷第二上

北涼天竺三藏曇無讖譯

寶幢分第九中陀羅尼品第六

今時東方有樂世界佛名阿閼與諸
無量神通菩薩發彼世界一念來至
娑婆世界釋迦如來大集之處到已
坐於化蓮華上无量菩薩亦復如是
各各皆坐化蓮華上如是東方無量
諸佛無量菩薩各各來詣娑婆世界
到已皆坐化蓮華座南北二方亦復
如是今時西方安樂世界无量壽佛
亦與無量神通菩薩發彼世界一念
來至娑婆世界釋迦如來大集之處
到已坐於化蓮華上无量菩薩亦復
如是各各皆坐化蓮華上各各以已
神通福力作供養具或作金沙和微
妙香以散佛上或作種種微妙香華
或起右遶娑婆世界或有長跪說偈
讚歎或有繫心善思惟者或雨金華
乃至優鉢羅華或以妙眼瞻觀佛身
時有童子名須菩提以已神力及佛
神力出大音聲而說偈言

諸佛无量大寶幢 能壞一切疑網心
我初未曾得見聞 如是无量大會衆
滿此世界無量佛 具足福德諸菩薩
此地即是大寶塔 皆得供養十方佛
无量諸佛何因緣 悉來集是惡世界
今此國土惡衆生 亦復不能信佛事
為壞一切大魔業 為欲具足大功德
為欲示現大神通 是故諸佛集會此
此會若有諸衆生 至心生於信喜心
若以此心聽受法 是人即能破魔業
若欲通達無上乘 及欲修行八正道
若欲永斷諸煩惱 應當至心聽正法
諸十方佛及菩薩 皆來至此坐化華
釋迦如來欲說法 為護正法住无量
如是音聲充遍大會 无量菩薩得無
量忍異口同聲作如是言我今坐已
唯願如來宣說正法攝一切法无畏
微妙能壞魔業過於魔道摧伏魔幢
建立勝幡壞諸煩惱調伏怨敵裂諸
疑網入種智門過諸怖畏護衆菩薩
亦令菩薩一切受樂得諸菩薩慧方
便門及以一切安樂之處一切三昧
忍辱光明慧方便門三十七品心陀

羅尸唯願如來廣分別說為令衆生
受諸安樂獲得上色上力上樂上觸
上辯上念上意為聞法已不忘失故
為壞國土惡瑞應故受持戒故修集
道故不失無上菩提心故唯願如來
為如是事頌宣廣說是陀羅尼為護
法故不斷一切三寶種故亦諸菩薩
菩提道故為不分別虛空法性空相
等故顯亦明闇有相无相觀平等相
此彼法故為不分別衆生壽命士夫
等法不生不滅斷一切相一切變易
等相无物虛空實性故唯願釋迦牟
尼如來及與諸佛廣宣分別大陀羅
尼為令無量无边衆生真實觀見三
寶性故為令無量无边衆生發阿耨
多羅三藐三菩提心故今時一切無
量諸佛默然許之許已即入諸佛上
妙境界誓願功德三昧今時此間娑
婆世界所有地獄畜生餓鬼諸苦即
滅得見諸佛有諸衆生疑網无信即
得淨信一切衆生悉見無有貪欲瞋
恚愚癡憍慢惡見疑網狂亂等病身
心寂靜各各皆作如是念言唯我一

人獨坐佛前聽受正法如來世尊唯
為我說獨調伏我斷諸煩惱如我所
請而為我說今時世界一切衆生異
口同音作如是言願佛說法我當頂
受今時釋迦如來勸此世界所有衆
生令供養佛今時衆生既聞勸已即
各供養一切諸佛香華幡蓋伎樂讚
歎今時世尊即作是言十方諸佛諦
聽諦聽我以往昔本願力故在此世
界具足五滓惡衆生中成阿耨多羅
三藐三菩提是諸衆生迷失正道無
明所覆失於正念增長煩惱安處三
趣樂作十惡遠離善根捨功德業喜
造五逆耽著非法誹謗正典毀呿聖
人瞋恚熾盛不樂修慈招提僧物隨
意而用於業果報不能深信不樂供
養師長和上有德之人為如是等弊
惡人故修集如是大慈悲心以是因
緣於是世界而得成道既成道已常
樂修集勤精進法忍於飢渴寒熱等
苦遊諸國土城邑聚落為諸衆生宣
說正法或有衆生貧窮病苦受身醜
陋為憐愍故受其所施臭穢之食為

欲增長施主福德皆悉食之亦受衆
生麤腥臭穢弊壞衣服山間河澗空
曠林野所有住處悉亦受之若草若
葉若石若磚為衆生故隨施受之而
卧其上以勤精進修善方便為利利
故演說王事為婆羅門說四毗陀星
宿祀天為諸大臣說治化事為諸醫
師演說四大增減等病為諸農夫商
賈之人說護財穀為諸女人說護瓔
珞勤修諸善得不共夫為出家者說
於忍辱為調伏故說如是法未得善
利勸之令得未得證者勸令得證未
解脫者勸令解脫為調衆生受諸苦
惱我為衆生修集慈悲然諸衆生猶
於我所生不善心或打或罵或生嫉
妬或有說言沙門瞿曇即是幻士雖
讚持戒自畜妻婦雖讚慈心而害衆
生讚捨富貴自往王家瞿曇沙門善
知方術雖畜妻婦不生子息瞿曇沙
門能治女身故令末利生愛重心瞿
曇沙門善知呪術故令須達生宗敬
想瞿曇沙門善知藥法是故其身常
有光明得如是等无量惡名或有以

石土木刀毒遇見打擲為欲殺我為
殺我故故放惡象毒蛇於我住處放
大猛火糞穢不淨造作種種諸惡方
便欲壞我法為滅我法為摧法幢為
破法船為壞法性為破法藏十方諸
佛唯願觀察過去諸佛有於如是五
滓世界成得佛道无有不說如是大
集金剛法心因緣自在陀羅尼者為
壞一切諸魔力故為三寶種不斷絕
故為諸衆生增善法故為壞一切佛
法怨故為令衆生遠離苦故滅身口
意諸惡業故為令人天性調柔故為
諸國土受安樂故為破世間諸惡相
故為令衆生悉得具足六波羅蜜故
為發無上菩提心故為教善菩薩善方
便故為令菩薩次第住故以如是等
諸因緣故過去諸佛為如是等五滓
衆生說是大集金剛法心因緣自在
陀羅尼也今此世界十方諸佛悉來
集會唯願諸佛各說如是陀羅尼呪
為憐愍故為當流布大乘經故為此
世界法久住故令諸惡魔不得便故
尔時諸佛即皆同聲說此陀羅尼句

安伽邏一安伽邏二半伽邏三婆婆
伽邏四婆邏婆伽邏五婆地比呵六
舅囉婆毗七阿喻八阿佉婆吟九題
咩十度慕泐十一翹婆知十二翹由離十三
三摩婆阿尼十四三摩多婆提吟十五陀
弥十六陀移十七陀摩翹閣十八弥囉毘
破犁十九破羅婆泐二十伽淳二十一伽那
婆邏泐二十二希利二十三希提二十四希邏二十五
希邏翹二十六謔婆提二十七婆迦斯八咤
迦泐九咤迦婆邏泐三十伽那婆呵
泐一希利泐二尸利泐三頻地利
婆泐四具婆希五酬吟六弥囉酬
吟七酬獲八阿其離九阿婆弥十
婆利也十一多多旦十二富流十三希利十四
戰地離十五摩陀弥十六陀弥十七究周
流八半周流九阿遮吒十至利十一至
弥利十二遮婆呵十三周婆十四周婁十五
悉囉婆呵十六究婁十七婆羅究俯八
究俯九摩訶婆邏婆十斷俯十一斷
俯十二摩訶薩哆希力陀她十三富羅
四修富羅五度摩波利呵利六阿
婆移七流之淳八迦邏义九阿陀摩
兜十比婆呵十一提提利十二摩摩

薩多波利婆娑^{百三}末力伽毗盧呵

尼^{百三}阿遮羅佛提^{百三}施施波羅

遮羅波遮地^{百三}賓茶希力施地^{百三}

戰施邏婆邏寧^{百三}阿遮吟輸施寧

想波邏莫邏摩力伽^{百三}伊羅^{百四}伊

利吟^{百四}波臍脾^{百四}波邏婆邏沃^{百四}

薩婆囉多多^{百四}薩多羌竭脾^{百四}

阿那婆羅那伏律沃^{百四}阿羅茶^{百四}

安伽吟^{百四}舍弥尼^{百四}比婆羅婆俞

希^{百五}阿希多^{百五}阿婆希^{百五}尼邏

婆地婆^{百五}阿之邏末力伽^{百五}羅婆

那^{百五}邏仇婆吟^{百五}犁勒那朋舍

恒^{百五}施摩伽地^{百五}閼羅戰施^{百五}三牟

施羅婆提^{百六}摩訶復多脾地^{百六}三

牟施比伽婆^{百六}施羅尼牟施離

那^{百六}摩呿牟施邏^{百六}波邏波羅

提^{百六}思比施牟施^{百六}阿婆多尼^{百六}

娑波多尼^{百六}三慕迦邏^{百六}比豆多

邏斯那^{百七}廁提牟地離都思^{百七}移

迦之^{百七}卑利癡比迦地^{百七}婆

莫茶^{百七}迦婆吒^{百七}尸邏波邏提多

希力施地^{百七}三牟施多施羅尼^{百七}

施邏^{百七}施邏^{百七}施邏^{百八}彈提羅頤

彈堤羅休尼羅薩婆布力陀虵勿
陀離都思闍吒百八闍婆訖百八闍呬
婆訖百八修摩提百八摩提百八摩訶
復多勿陀離多百八易翅之散迦羅百八
婆荼虵多鄰尼百八首力多復多百八
伊尼弥尼百九娑遮尼百九輸沙薩遮
尼百九牟地離多遮利也阿堤咩鄰
謁百九婆比哆百九阿鄰若哆百九摩訶富
若三牟遮地婆多邏百九摩訶迦留
尼迦牟地離多百九薩婆三藐波羅
提般百九至邏邏邏羅闍羅兜百二薩
婆尼犁百二薩婆牟尼婆羅沙婆
摩訶迦留鄰三摩提若鄰婆離難
咩百二囉多竭毗百二比利也比利也百二
婆犁鄰提唎多百五薩婆復都波虵
咩莎呵

余時娑婆世界一切衆生聞是呪已
各各稱言南无一切十方諸佛第二
第三亦復如是甚奇甚特諸佛大會
不可思議諸菩薩事亦不可思議我
等昔來未曾得聞如是持名今得聞
之能壞一切魔境界力紹三寶性斷
魔羅網得諸善法具足佛事為如是

等說是大持為諸衆生著心封印印
諸衆生陰入界法乃至獲得大般涅
槃尔時會中有一童子菩薩名曰月
光從蓮華起一心合掌觀察十方以
佛力故出大音聲其音遍聞娑婆世
界而說偈言

如是無上陀羅尼	如是法印亦難聞	如是智慧亦復難
難得親近善知識	如是法印亦難聞	如是智慧亦復難
如來憐愍諸衆生	為衆生故護正法	
說是無上陀羅尼	為壞種種諸魔力	
十方諸佛說是持	為不斷絕三寶性	
能和一切諸忿靜	亦能增長無上忍	
增益衆生諸善根	消滅國土諸惡相	
能破衆生三惡業	亦令遠離諸惡見	
如來說は無上持	為欲顯亦無上道	
亦為具六波羅蜜	真實修於菩提道	
是持即是善方便	亦能增長無閼智	
攝取一切諸善法	是故名為無上持	
具修三十七道品	是名无垢菩提道	
能斷一切疑網心	及斷衆生諸煩惱	
是持即是真實語	了了親見菩提道	
我今欲說陀羅尼	是則名為无上勝	
為欲擁護說法師	及以聽受是持者	

其誰欲受欲聽者 我今當說勿生疑
無上无勝施羅尼 即是最上之智慧
尔時有恒河沙等菩薩童子異口同
音作如是言我等亦欲說施羅尼若
比丘比丘尼優婆塞優婆夷先當澡
浴淨於身心著新衣服以妙香華供
養三寶昇於法座說施羅尼如是四
衆无有衆生能起惡事以加之者身
心不濁四大清淨身諸病苦皆得遠
離如是法師若有過去業因緣病恙
皆消滅聽此法者亦復如是滅過去
業因緣病苦尔時月光童子菩薩向
十方佛長跪合掌而說呪曰

都提阿三摩路卑 一 咩羅素摩娑

泚 二 伊希都遮久遮尼 三 都婆久遮

尼 四 都遮久遮尼 五 牟羅輸施尼 六

娑荼呿 七 娑荼呿 八 修羅囉尼 九 都

娑修羅囉尼 十 復多拘知 十一 波利車

施 十二 闍羅呿 十三 闍羅呿婆移 十四 闍

羅呿都 十五 摩义呿 十六 迦迦呿 十七 呵

呵 十八 呵呵 十九 休休休 二十 撥施脾施

都婆利車施 二十一 阿摩摩 二十二 若摩摩

三 呿摩摩 四 三牟施施羅 五 阿施

羅咄娑^{六千}散迦羅尼^{七千}波利車陀
菩提娑廚提比摩^{八千}比比摩摩訶比
比摩^{九千}復多拘知^{一千}阿迦奢或婆娑
波利車陀莎呵

今時娑婆世界十方諸佛菩薩聲聞
釋梵龍王阿修羅王乾闥婆王迦樓
羅王緊那羅王摩睺羅伽王等同聲
唱言善哉善哉菩薩童子善能說是
大陀羅尼為壞魔業及惡知識身心
諸病是上慧印今時會中有一梵王
名菩提自在自變其身而為女像端
嚴殊特踰於人天以妙瓔珞而自莊
飾在西方佛阿彌陀前作如是言唯
願世尊加我神力令我一音遍滿此
閻娑婆世界我今欲說陀羅尼呪護
說法者及聽法者亦令釋迦如來滅
後無有能於是說法者生起惡事若
魔若魔父母子息眷屬親友僕使若
天若龍若阿修羅若乾闥婆若伽樓羅
若緊那羅若摩睺羅伽若鳩睺茶若
富單那迦多富單那荔菰多毗舍遮
夜叉羅刹等父母子息眷屬僕使亦
復如是於是法師不能為惡乃至不

能動其一毛之分為其身心而作惡
事唯願世尊加我神力令我音聲遍
此世界尔時會中有一帝釋名曰高
持語菩提自在梵言姉莫於如來生
戲弄心何以故夫戲弄者即凡夫法
如來已過凡夫事業一切有為悉是
无常如來不增有為之法唯增於空
斷聲字句姉如來於汝不生諍訟但
觀平等一相无相猶如虚空夫虚空
者無三有為无有覺觀不離有為无
有障碍如來世尊亦復如是於一切
法无有障碍如來於欲亦復如是一
切覺觀壽命士夫陰界諸入音聲字
句悉皆無碍姉今云何於如來所而
生戲弄无量壽佛告帝釋言善男子
當先思惟然後發言无得於後而生
悔恨何以故是女人者即大丈夫已
於無量諸如來所久修善本為欲莊
嚴此大衆故現為女身實非女也即
是菩薩摩訶薩身汝云何言稱之為
姉尔時帝釋聞佛語已即前懺悔自
在梵言我受汝懺令汝不得惡口等
果尔時梵天白无量壽佛世尊若彼

高持不懺悔者當得何等惡口果報
佛言善男子彼若不懺當於八萬四
千世中常受女身其形醜陋臭穢不
淨是故衆生應當護口今時无量壽
佛告菩薩言我今施汝威神道力便
可說之今時梵天敬白十方無量諸
佛及諸菩薩一切人天唯願善聽若
有欲令如來正法久住於世擁護說
法及聽法者唯願諸佛悉施我欲說
是語時其音遍滿娑婆世界今時一
切梵王釋王各作是言我施仁欲并
欲受持今時梵天即說呪曰
阿摩犁一比摩犁二伽那沙跢三波
利戰跢四摩訶戰跢五遮弥六摩訶
遮弥七素呬八哆弥九阿婆呵十比
婆呵十一修伽闍尼囉呿婆十二牟羅波
利車陀十三夜叉戰跢十四舍遮戰荼十五
阿婆阿多尼十六三婆邏哆尼十七婆伽
羅尼十八譚婆尼十九某呵尼二十郁遮
吒尼二十一阿摩呵二十二阿多遮尼二十三呿伽
舍婆二十四阿摩羅二十五阿牟羅二十六牟羅
波利跋沘二十七阿婆羅呿婆二十八莎呵
阿遮遮一阿婆呵遮遮二周尼羅叉三

遮遮咤^四呬遮遮^五那呬伽遮遮^六遮

遮^七遮遮遮遮^八阿^九摩遮遮^九呵

摩摩^十羅遮遮^十阿^十羅呵^十婆

茶婆呵^十莎呵

尔時一切諸天世人咸皆讚言善哉
善哉是陀羅尼不可思議无能勝者
尔時梵王復作是言若有不能調伏
惡鬼聞是持已即便能調若有受持
如是呪者隨所住國信心諸王一切男
子女人若大若小若天若人皆於是
王不能起惡若有起惡首為七分其
心乾焦身被癩病有神通者即便還
失暴風所吹身陷入地隨是持呪流
布之處我亦當護令得遠離一切諸
惡受者聽者不乏衣食卧具醫藥資
生所須尔時會中有一梵天名曰正
語亦現女像復作誓言我今於此娑
婆世界現在佛前至心護法乃至釋
迦如來滅後亦當護之隨是持呪流
布之處護其國土說者聽者令離魔
業一切惡事若有法師欲說法者為
調衆生先當讀誦是陀羅尼即說
呪曰

阿婆^一咩^一比摩^一咩^一菴婆羅^三菴婆
吟^四波利軍闍^五那茶^五富沙波邏婆
呵^六闍留^七迦^七摩呌羅^八地^八伊利弥
利^九莫利弥利^十莫提遮羅^{十一}牟地離^{十一}
牟陀羅目^{十二}唵^{十二}莎呵

若有法師先讀誦說如是持者我以
天耳當往聽之聞已身往在其會中
令諸會者遠離諸惡至心聽受如是
持呪若我聞已而不往者則為欺誑
過去未來十方現在无量諸佛亦於
未來不得成就阿耨多羅三藐三菩
提若我往者即令法師速无尋辯得
無所畏聽法之人遠離病苦及疑網
心飢渴寒熱兵革怨敵虎狼毒獸一
切諸惡唯願十方一切諸佛加我神
力尔時釋迦如来自諸佛言今我當
興此梵天呪為護法故即便說呪
遮慕^一迦^一慕茶波利車^二陀^二阿牟摩
阿牟摩^四呵^四牟摩^五娑羅叉^六娑羅
究思^七弥呌波利^八娑呵^八遮羅摩^九
地^十哆嚩^十修比呌^{十一}阿牟羅波利車
題^{十二}薩婆佛^{十三}陀阿提^{十三}唵^{十三}莎呵
於是如來說是呪已即告梵天善男

子如是持呪力能調伏一切衆生余時梵天白佛言世尊我今所以現此女身為欲調伏一切女人若有女人欲生男者當讀是持讀是持已即得生男獸兒息者便不復生若有受持讀誦之者我當至心營衛擁護

大方等大集經寶幢分中護品第七

尔時會中有一菩薩名善繫意立於寶光功德佛前現身如梵或如帝釋或自在天或他化自在天像或兜率天或夜摩天或提頭賴吒天或毗樓勒迦或毗樓博叉或毗沙門或作龍王或阿修羅王或緊那羅王或伽樓羅王或夜叉王或羅刹王或畢力迦王或毗舍闍王或拘辦荼王或作刹利婆羅門毗舍首陀比丘比丘尼優婆塞優婆夷或作師子象帝毒蛇牛馬之形復作種種飛鳥之身一時之中能示八萬四千種色尔時富樓那弥多羅尼子白釋迦如來言世尊何因緣故是善男子變現如是八萬四千種種諸色佛言富樓那是善繫意菩薩摩訶薩所入三昧不可思議非

是聲聞緣覺境界是善男子以如是等諸善方便調伏衆生隨衆生身意色三昧悉能住之若有衆生宗事梵天敬念梵天即現梵像為說三乘法乃至或有奉事佛者即現佛身為說三乘若有衆生宗事畜獸即現獸像為說三乘若有奉事山谷河澗樹林百卉即現其像而調伏之若有衆生貪於財利先以財施後為演說三乘之法為壞貪故若有病者隨其所須給施醫藥若悟時與若夢中與令其病者衆苦除愈為調伏故而為說法富樓那善男子於一日夜能以三乘調伏恒河沙等衆生富樓那言是善男子發阿耨多羅三藐三菩提心已來為久近耶富樓那是善男子已於无量恒河沙等劫中發心是人得是三昧已來調伏衆生已經六萬四千億阿僧祇劫富樓那言世尊是善男子久近當得成无上道成道之時在何國土富樓那此世界中過六劫劫名星宿於是劫中當成正覺号曰寶髻是時衆生壽四萬歲多造

惡逆具足五澤成正覺已四十年中
宣說三乘便入涅槃富樓那言世尊
彼時衆生未調伏者復當去何富樓
那彼時衆生无有一人不調伏者富
樓那如是菩薩常立誓願十方各各
十佛世界所有衆生乃至一人不調
伏者我終不成阿耨多羅三藐三菩
提若我不能了了知見如是世界所
有諸佛亦復不成阿耨多羅三藐三
菩提如是十方千佛世界所有衆生
若有一人非我調者我亦不成阿耨
多羅三藐三菩提若他世界所有惡
人願生我國生我國已我當以三乘
之法而調伏之富樓那如是菩薩具
足如是不思議事富樓那言世尊我
於今者得大利益而得見聞如是正
士若有人能至心聽受是大集經是
人亦得如是利益

大方等大集經寶幢分中授記品第八
尔時阿閼鞞告大衆言今是衆中梵
釋四王阿修羅王人王非人王如是
等衆集會甚難汝等今日而得值
遇應當至心於諸佛前隨其至樂發

深重願時有魔王名莊嚴華現七寶
首而為女像身佩種種微妙瓔珞作
如是言今我至心於諸佛前立大誓
願願於賢劫娑婆世界以此女身常
施衆生香華甘果而調伏之以是因
緣令其成就阿耨多羅三藐三菩提
今時一切十方諸佛同時讚言善哉
善哉善男子汝有信喜而於今日大
作佛事當隨汝願悉得成就魔王復
言世尊隨何國土有人受持讀誦書
寫思惟分別是陀羅尼處我當住中
為作種種華果樹林泉源浴池穀米
所須令無所乏若有衆生於是經中
義說非義非義說義我當治之或令
病苦狂亂錯謬國主擯之生瞋害心
此言若虛則為欺誑十方大衆亦莫
令我於未來世得阿耨多羅三藐三
菩提若此世界及他世界佛諸弟子
不得供養利安之者无有是處除過
去業必應受者如我所施華果浴池
泉源穀米即是我之檀波羅蜜受我
施已獲得无上慈善之心即是我之尸
波羅蜜受我施已勤修精進集諸善

法即是我之進波羅蜜受我施已深
觀諸法无常之相即是我之禪波羅
蜜受我施已能忍一切身口意惡即
是我之忍波羅蜜受我施已能觀諸
法空無相願即是我之般若波羅蜜
如是我則具足成就六波羅蜜唯願
十方无量諸佛令我得之今時十方
無量諸佛默然許可今時慧幢如來
讚莊嚴華善哉善哉善男子如汝所
願當令汝果汝既果已當得利益无
量衆生今時魔王即以女身說此陀
羅尼

遮弥呿^一遮咩呿^二遮咩呿^三涅伏多阿提
婆呵^四婆呵^五婆呵^六婆呵^七沫羅^八沫迦^九

婆羅知^十比婆婆比^{十一}婆羅婆利地

離^{十二}婆羅摩布地離^{十三}婆羅婆時

離地離^{十四}多波地沫迦^{十五}休休休休^{十六}

阿沙伽闍脾^{十七}多呿^{十八}多呿^{十九}多呿^{二十}

婆油婆醯^{二十一}烏波都地^{二十二}薩多波地

頻闍破羅^{二十三}富^{二十四}迦沙陀^{二十五}陀都陀

寧都^{二十六}遮居離廁移^{二十七}闍羅婆呵

尼^{二十八}沫羅沫迦^{二十九}三藐波羅提波都

婆延^{三十}薩多迦利^{三十一}地摩咩^{三十二}摩

咩

三摩

咩

四

閻婆羅

三

莎呵

世尊是陀羅尼流布之處若國土城邑聚落村屯我當住中調伏衆生悉令具足无上佛道尔時一切十方諸佛無量菩薩梵釋四王阿修羅乾闥婆迦樓羅緊那羅摩睺羅伽人非人等同聲讚言善哉善哉善男子汝能以是女人之身護持如來无上正法調伏衆生修行具足六波羅蜜演說無量諸佛功德尔時釋迦如來告諸大衆誰能與此同心護法尔時會中无量衆生成作是言我等能與是善男子同共護法不相捨離如影隨形願是菩薩成无上道當復與我授佛道記時在嚴華白釋迦如來言世尊如來滅後我當於此護持如來無上正法及受法者唯願如來憐愍我故授我阿耨多羅三藐三菩提記佛言善男子汝得阿耨多羅三藐三菩提時世界名法行佛名功德意時在嚴華既聞記已即以香華供養如來尔時會中有一菩薩名曰吉意白娑婆世界十方諸佛言世尊是人已於賢劫

之初迦羅鳩孫陀佛所發六誓願願
以女身教化成就无量衆生亦令遠
離四百四病故說四百四善方便根
藥果藥散藥丸藥下藥吐藥阿伽陀
藥油藥湯藥各四百四以如是等調
伏衆生復於四萬四千歲中供養恭
敬迦羅鳩孫陀佛及以衆僧供養佛
已即得受記彼佛告言善男子未來
衆生壽命百三十年當有如來号釋
迦牟尼以大願力娑婆世界當有十
方无量諸佛菩薩集會是大集時汝
於彼中當得受阿耨多羅三藐三菩
提記迦郵牟尼迦葉等佛亦復如是
是人今時白彼佛言世尊我以今願
力故常以女身持種種藥給施一切
病苦衆生以我是願福德力故一切
樹木華果悉出甘露之味若有食者
卽是我之檀波羅蜜因若有食我如
是所施華果穀米甘露味者捨除毀
禁受持淨戒卽是我之尸波羅蜜因
受我食已勤行精進修集善法卽是
我之進波羅蜜因堪忍持戒思惟修
善卽是我之羣提波羅蜜因深觀諸

法無常之相即是我之禪波羅蜜因
觀法苦空无常無我即是我之般若
波羅蜜因如此世界女身教化調伏
衆生令離病苦十方世界亦復如是
世尊我說是事今莊嚴華增長成就
精進力勢如來滅後我當與彼共護
佛法唯願世尊於此大衆與我授記
尔時一切十方諸佛讚言善哉善哉
釋迦如來當授汝記尔時世尊告吉
意言善男子汝於當來蓮華世界得
成為佛号曰善見如吉意女地天
水天火天風天虛空天種子天華天
果天山天樹天草天埏天澗天寶天
四天下天乃至六萬七千神天亦復
如是皆是菩薩現受女像為調伏衆
生是等女天悉得授記當成阿耨多
羅三藐三菩提所以現為女像教化
為令衆生轉女身故若轉男身得女
身易若轉女身為男則難是故以此
女身教化是等六萬七千諸女得授
記已百億龍王百千億夜叉百萬億
阿修羅七萬億天九万九千億魔王
恒河沙等人所謂剎利婆羅門毗舍

首陀不可數拘辦茶等發阿耨多羅
三藐三菩提心無數衆生得不退轉
菩提之心不可數衆生得菩薩三昧
不可數衆生得无生忍不可數衆生
得陀羅尼不可數衆生得菩薩地不
可計衆生成就忍辱不可計衆生得
沙門果不可計衆生得盡諸漏不可
計衆生於聲聞心無有退轉不可計
衆生於緣覺心無有退轉不可計衆
生得不退心

大方等大集經寶幢分中悲品第九

尔時釋迦如來白諸佛言世尊憐愍
我故悉來集此娑婆世界時莊嚴華
吉意菩薩為護法故發深重願如願
即得時十方佛為二正士大誓願故
即說呪曰

樹提婆婆一持律提婆婆二牟尼婆

婆三薩多婆婆四富若枝伽婆婆五

張邨婆婆六摩訶迦留邨婆婆七摩

訶伏律多婆婆八阿慕呵婆婆九流

提婆婆十廁提婆婆十一娑利羅婆

婆十二却伽婆婆十三婆由婆婆十四跋

多婆婆十五阿提單邨婆婆十六阿摩婆

婆^二阿頗部^二婆娑婆^二太多^二咤多^二婆娑婆^二九
復多^二拘置^二婆娑婆^二尼提提^二婆娑婆^二三
梨究含^二羅婆娑婆^二梨養^二部婆娑婆^二三
梨陀兜^二婆娑婆^二梨比目^二又婆娑婆^二五梨
道居^二羅婆娑婆^二賴吒提^二部婆娑婆^二七婆
婆^二八婆娑婆^二九婆娑婆^二三摩多^二一阿
部若^二三摩多^二二吒吒吒吒吒吒吒
吒^二三沙吒思提^二四薩婆佛^二陀究含^二羅
牟羅阿提^二啍部^二五莎呵

說是呪已復告二人善男子汝等若欲教化衆生應當受持如是等呪時莊嚴華菩薩與諸菩薩其數十萬作如是言十方諸佛為衆生故所說神呪我等要當受持在心若我今於十方佛前立大願已聽是神呪不能受持則為欺誑諸佛世尊亦莫令我得阿耨多羅三藐三菩提若有人天持是呪者設有於其起惡心者我若不護令我不得成无上道若比丘比丘尼優婆塞優婆夷受持是呪亦无有能於是四衆起惡心者時十方佛同聲讚言善哉善哉善男子汝能受持無上法雨今時釋迦如來告魔波旬

汝於佛法當生信心以汝因緣當令
无量無數衆生得解脫果汝今失
離一切伴侶誰當與汝復共為惡我
憐愍故懇懃告教汝可速發阿耨多
羅三藐三菩提心魔波旬言世尊我
今乃至無一念心發阿耨多羅三藐
三菩提心瞿曇今者未能永斷欲界
衆生云何令我失離伴侶我終不能
歸依三寶

大方等大集經寶幢分中護法品第十

是時會中有佛名曰毘陀羅華微妙
香語釋迦牟尼佛如過去世十方諸
佛以憐愍故亦悉集會五淨世界為
護法故壞魔怨故憐愍衆生故施大
智炬故為說正道故十方現在無量
諸佛亦復如是今日十方无量諸佛
悉來集會娑婆世界誰可付囑釋迦
佛法釋迦如來言我之正法可以付
囑頻婆娑羅等諸大國王四王帝釋
梵天王等如是等衆能護我法若有
能發菩提心者當知是人則能護法
今時一切大衆所有天王梵王龍王
異口同聲作如是言世尊我等要當

至心護法何以故如來正法難得難
值一佛界中无量佛會亦復難遇十
方諸佛尚為衆生而來集會我等云
何不護正法今時十方諸佛同聲讚
言善哉善哉善男子若有刹利能護
法者所有國土衰惡之事四百四病
皆令除滅及其國土所有樹木華果
穀米滋茂豐登護其人民親戚眷屬
令離諸惡若有比丘比丘尼優婆塞
優婆夷亦當護之何以故過去菩薩
得成阿耨多羅三藐三菩提者皆由
擁護正法因緣未來現在亦復如是
若能護是受者聽者當知佛法久住
不滅是故娑婆世界天王人王當守
護法為久住世不斷絕故善男子若
有善男子善女人欲令佛法久住於
世不滅盡者應當供養是大集經受
者說者何以故是大集經即是十方
諸佛印封若能供養如是大集即是
供養十方諸佛釋迦如來滅度之後
隨有是經流布之處若有聽受持
讀誦說書寫經卷乃至一偈一句一
字而其國主一切惡事即得消滅所

有樹木穀米藥草四大天王降施甘露而以益之國土王法悉得增長隣國惡王勤求和同各各自生喜心慈心一切諸天佛弟子者悉來擁護如是國土王子夫人及諸大臣各各生於慈愍之心穀米豐熟食之无病亦無鬭訟兵革不起無諸惡獸及惡風雨遠離一切過去惡業若諸衆生有女業者現受生受及以後受即能令滅除五逆罪謗方等經及以聖人犯四重禁一闡提輩其餘惡業如須弥山悉能遠離增長善法具足諸根身口意善遠離惡見破壞煩惱修集正道供養諸佛具足善法及内外事令諸衆生壽命增長念慧成就尔時弥勒菩薩等九萬七千億菩薩得無生忍者作如是言我等亦能佛滅度後護持正法為憐愍故當於都邑城村聚落廣說是經尔時娑婆世界无量諸佛同聲讚言善哉善哉善男子娑婆世界一切人天復作是言我等亦能於佛滅度後護持正法及四部衆中受持說者時十方佛復讚歎言

善哉善哉汝等真能護持正法善男子汝等若能護持正法應當供養如是諸佛世尊我等要當擁護是經流布之處都邑聚落人民眷屬及受持者并令土地穀米豐熟藥木滋茂何以故隨有是經流布之處我於是中有大力勢以力勢故我能護之令離一切衰禍之事亦令是國所有衆生遠離惡業生於慚愧是時十方諸佛讚言善哉善哉汝今真能護持正法亦能供養十方諸佛護持法者聽受法者

大方等大集經寶幢分中四天王護法品第十一

爾時釋迦牟尼佛告諸梵天帝釋四王善男子我為如是惡衆生故本願力故大憐愍故於此惡處成就阿耨多羅三藐三菩提為欲利益无明闇冥渴法衆生常樂增長煩惱衆生破壞魔衆建立法幢施其法雨令諸衆生離煩惱苦令不可計无量衆生發阿耨多羅三藐三菩提心無量諸佛及諸菩薩悉來在此世界集會為壞衆生无量惡業紹三寶種我涅槃後

所有正法當付汝等汝等便當深心
守護若有菩薩福德成就如是等輩
亦能擁護我之正法若有衆生已於
諸佛種諸善根者是人於後法欲滅
時餘五十年守護正法信敬受持讀
誦書寫解說其義如是法師若於都
邑城村聚落欲多饒益无量衆生當
淨澡浴著新好衣莊嚴香華於一案
上安置種種諸甘味漿置高座前汝
等今時若不來集為護法師遮諸惡
事聽受正法自利利他汝則欺誑十
方諸佛今時梵天白佛言世尊隨是
經典流布之處都邑聚落我當至心
而擁護之若比丘比丘尼優婆塞優
婆夷欲說是經當淨洗浴著新淨衣
聚集香華乃至甘漿置高座前我與
眷屬定往其所若我不往則為欺誑
十方諸佛世尊此世界中隨有是經
流布之處當令其地无諸兵革及諸
惡事我今至誠十方佛前立深重誓
即說呪曰

安仇呵一 登伽二 富羅卍呵三 蛇咩
呌四 呌呌五 婆呌六 婆呌婆七 居離卍

去婁八莎呵

尔時釋提桓因即說呪曰

去婁密一摩奢密奢二部羅去三阿

牟若四阿牟婁呵五阿去吃六阿去七阿

伽去時那休律哈八莎呵

尔時東方天王提頭賴吒即說呪曰

頻頭闍那一去婁闍那二羅牟去三

叉娑羅四富那呵五阿末伽婁吃六

莎呵

尔時南方天王毗留勒叉即說呪曰

郁去那婆闍荼一三牟陀斯若二多

哆周多三婁邏那婆四婆邏闍五

莎呵

尔時西方天王毗留博叉即說呪曰

闍路伽一阿郁伽二阿摩慕伽三阿

摩摩娑邏闍四婆脾也牟闍五

莎呵

尔時北方天王毗沙門即說呪曰

颼地離一颼颼地離二去颼地離三

阿尼颼地離四希力多颼地離五娑

竭邏希力多六颼地離散究娑颼地

離七陀摩叉地颼地離八莎呵

尔時十方諸佛讚梵釋四王等言善哉

善哉汝等今真能護持正法時梵釋四
天王等白佛言世尊我等隨是經典流
布之處要當至心護持十方諸佛及諸
菩薩同共讚言善哉善哉毗沙門等汝
能真實護持正法今時娑婆世界有万
二千大鬼將軍護此世界復有四萬
四千小將成就大力及大功德同音
而言世尊我等亦當於未來世隨有
是經流布之處我則隨護若說法時
我亦當往有聽法者當為壞其種種
魔業護說法者令得增長一切善法
當勸諸王大臣長者施其衣食種種
資生所須之物亦令其土無有兵革
寇難之事及惡風雨若我虛妄則誑
十方無量諸佛今時娑婆世界有一
菩薩名曰疑心白釋迦牟尼佛言世
尊此娑婆世界有百億魔不如其有
者悉來集不佛言一切都集世尊者
都集者有信心不佛言善男子皆有
信心唯除波旬眷屬千人當於未來
破壞我法常求過罪是魔波旬及其
眷屬破壞三寶何以故皆是過去惡
因緣故過去不種善根因緣善男子

我法滅時是魔波旬及與眷屬於如是法乃得信心種菩提子修菩薩道乃至得阿耨多羅三藐三菩提

今時會中有一魔天名曰太白已於无量諸如來所成就功德所有信根無能傾動奉敬三寶已於諸佛得受阿耨多羅三藐三菩提記現仙人像從坐而起長跪合掌以大音聲遍諸佛土而白佛言世尊釋迦如來本願因緣生憐愍故於此具足五滓世界謗法衆中得成阿耨多羅三藐三菩提以憐愍故說三乘法脫三惡道復為無量无边菩薩說无生忍不斷十方諸佛種性是故我當於未來世至心擁護令釋迦法久住不滅令諸魔衆不得其便我終不壞如來正法若无持者佛法則滅若諸四衆無說聽者法則衰滅若未來世善男子善女人修立三業紹三寶性為壞三界諸惡煩惱修行正道能壞衆生三惡道苦一切魔衆无能為也唯願十方無量諸佛施我功德智慧二力我欲誦呪為壞一切惡魔眷屬時十方佛同

共讚言善哉善哉時太白魔即說
呪曰

阿摩犁一阿漢呿咩二阿闍婆婆三

阿闍婆婆四阿闍婆婆五牟羅娑

犁六脾也呿娑呿七闍摩娑犁八呵

呵九呵呵十呵呵十一伽羅娑吒十二闍

囊却伽十三若地却伽十四比若地娑呿

伽十五阿牟又邏十六又又十七又又十八又

又十九牟邏婆呵呿迦二十莎呿若二十一莎

波利婆多二十二牟邏二十三阿若若二十四戰陀

修利地若若五十二婆提若若六十二鄰婆呵

若若七呿邏又若若八十二鄰波邏若若九十二

復多拘知若若三十二多多若若四十二薩

菩婆比若若五十二邏提志多若若六十二遮

呂邏摩頻婆多又婆呼又摩摩三十五

又波若六十二老比多七十二摩羅比沙地八十二

莎呵

說是呪時地六種動一切魔衆心生
怖畏一切天人乃至迦羅富單鄰皆
怖怖畏得不退轉菩提之心今時魔
王問堅意言善男子是太白魔王從
何處來有何等力而能破壞一切魔
衆及諸黑業增長瞿曇斷滅之法我

今觀見心欲變吐四方皆闇身心苦
痛而彼見之甘樂愛著唯願憐愍為
我說之堅意菩薩言波旬皆是一切
諸佛威神令是太白有如是力以是
力故壞諸魔衆增長如來无上正法
是太白菩薩所有德力乃至人天無
能壞者波旬汝於三寶宜應生信發
菩提心遠離一切身口意惡波旬言
大士我今方欲造成種種身口意惡
實不能發菩提之心

大方等大集經寶幢分中曠野鬼品第三

令時曠野菩薩即現鬼身散脂菩薩
即現鹿身慧炬菩薩現獼猴身離愛
菩薩現殺羊身盡漏菩薩現鵝王身
如是五百諸菩薩等各各現受種種
諸身其身悉出大香光明一一菩薩
手執燈明為欲供養十方諸佛令時
疑心菩薩至心觀察是五百人即知
悉是菩薩大士語曠野鬼言善男子汝
等何故現如是身供養諸佛曠野鬼
言善男子往古過去九十一劫有佛
世尊号毗婆尸如來應正遍知明行
足善逝世間解无上士調御丈夫天

人師佛世尊我於今時與如是等同
一父母共為兄弟受持五戒勤修精
進聰明智慧心樂善法種種供具供
養彼佛既供養已皆發阿耨多羅三
藐三菩提心為欲調伏一切衆生尸
棄毗舍浮鳩留孫佛亦復如是皆供
養已散脂大士於彼佛前立大誓願
願我來世以鬼神身教化衆生若有
弊惡惡鬼衆生我當演說三乘之法
而調伏之乃至无量恒河沙等惡鬼
惡獸悉令調伏然後乃當成就阿耨
多羅三藐三菩提亦有一萬二千大
鬼於此世界發大誓願調伏衆生今
時我復發大誓願若有惡鬼欲壞如
來如是正法我當治之是故我受如
是鬼身若有惡鬼能殺衆生令其心
亂惡心殺害深著邪見能令剎利婆
羅門毗舍首陀亂心作惡於國土中
移轉日月錯易年歲使國荒亂寒暑
失所變改時節降惡風雨穀米不登
及壞一切樹木果子願我悉能調伏
教化令住三乘我亦不害奪其命根
同其受身與共軟語言談戲笑以三

乘法而教化之今離惡道若有衆生
遠離善法行身口意不善之業捨是
身已生三惡道或有雜作善惡諸業
是人捨命則受鬼身是故念時惡鬼
滋多善鬼甚少是故我欲調伏惡鬼
現受是身亦令剎利婆羅門毘舍首
陀遠離惡心善男子有金剛槌呪以
是呪力一切惡鬼於彼四姓不能為
惡善男子若有都邑城村聚落有
是呪處一切惡鬼无能為也是處衆
生皆修慈心遠離一切不善之事惡
病惡雨亢旱閭諍乃至鳥獸皆生善
心遠離一切諸惡怖畏我今於此十
方佛前發大誓願欲說是呪念時釋
迦如來告曠野鬼善男子十方諸佛
今已施汝神通之力便可說之時曠
野鬼即起合掌而說呪曰

豆摩一豆摩二陀摩三陀摩四豆摩五

豆摩六都都羅七尼羅八尼羅九究

吒尼十究吒尼十一摩訶究吒尼十二吒吒

吒株十三摩訶吒吒十四阿娑婆主五阿

比十六利尼十七利尼十八摩訶利尼利尼十九

利弥二十利弥二十一陀利徒二十二摩

訶利徒呼首流首流_三摩訶首流首

流_三首流多_七摩訶首流首流_八郁

究摩_九仇摩_三仇摩_一仇摩_二

利弥_三利弥_四希利_五希利_六希

利_七希利_八希利_九希利_一希利_二

希利_一希利_二希利_三希利_四希利_五希

利_六尼弥_七尼弥_八希尼_九希尼_一

辛尼_一辛尼_二辛提尼_三娑邏娑

邏娑邏叱呼路迦_五祇_六祇_七祇_八祇_九祇_一

祇_二祇_三祇_四祇_五祇_六祇_七祇_八祇_九祇_一

郵_二時郵邏沙婆_一沙呵

世尊隨有國土誦此呪處彼諸惡鬼

雖聞是呪於諸衆生猶懷惡心兇暴

難伏不受法教不起慈心者我為是

等諸惡鬼故更說此呪以調伏之

阿車_一阿車_二辛尼_三辛尼_四尼休

休_五辛尼_六辛尼_七摩郵邏沙婆_八休

休_九阿尼羅郵荼_十阿多但荼_{十一}阿

多阿提_{十二}流咤_{十三}希尼_{十四}希尼_{十五}希

利_{十六}希利_{十七}希利_{十八}希利_{十九}希利_{二十}

希利_{二十一}希利_{二十二}希利_{二十三}郁仇摩_{二十四}仇

摩_{二十五}仇摩_{二十六}仇摩_{二十七}希梨_{二十八}希梨_{二十九}

希梨_{三十}尼利_{三十一}尼利_{三十二}摩訶尼梨_{三十三}

三牟陀呼呌^四阿叱^五阿叱^六阿叱^七
施羅咩呌^八又娑呌^九又娑呌^十又娑呌^{十一}
利癡比^{十二}阿波^{十三}泐闍^{十四}婆由^{十五}阿
迦奢^{十六}卑^{十七}卑^{十八}卑^{十九}究^{二十}卑^{二十一}婆^{二十二}窮^{二十三}卑^{二十四}
阿^{二十五}又窮^{二十六}卑^{二十七}視^{二十八}鞞^{二十九}窮^{三十}卑^{三十一}薩^{三十二}多^{三十三}究^{三十四}窮^{三十五}
伽窮^{三十六}卑^{三十七}邏^{三十八}闍^{三十九}窮^{四十}卑^{四十一}薩^{四十二}多^{四十三}究^{四十四}窮^{四十五}
脾^{四十六}莎^{四十七}呵^{四十八}

大方等大集經寶幢分中還本品第三

於是十方无量諸佛各各欲還本佛
世界其地即時六種震動上虛空中
雨種種華微妙伎樂不鼓自鳴種種
諸香而以供養一切大衆悉共合掌
礼敬諸佛尔時梵天日月香佛言世
尊是誰神力成幾福德於未來世能
信受持讀誦書寫如是經典梵天皆
是十方現在諸佛本願力故破壞魔
衆除國霜雹暴風惡雨護持正法為
調衆生宣示正道亦是諸佛本願力
故來世衆生成就十法能於未來護
持正法是人亦為諸天所護梵天若
有人能具足念心善意方便是人則
能擁護正法不貪五欲常修習空忍
辱如地得深大忍以四攝法攝取衆

生此彼无尋修行清淨菩提道行寶
幢三昧如是之人於未來世能護正
法書寫受持讀誦解說是人捨身得
見十方現在諸佛及比丘僧諸菩薩
等亦聞諸佛所說妙法聞已即得聖
人喜樂滅除一切不善之法得生清
淨諸佛國土常聞演說大乘經典終
不生於五滓世界常得親近娑婆世
界如是諸佛是人於後餘五十年以
佛力故則能護持如來正法今時釋
迦牟尼佛告梵天言隨是經典流布
之處其土則无一切惡事惡雨疾病
受者聽者身無患苦衣食无乏今時
華幢佛告諸大衆若以滿此娑婆世
界微妙七寶施十方佛不如有人於
佛滅後餘五十年受持讀誦書寫是
經所得福多先福德佛復告大衆假
使有人以恒河沙等上妙七寶施十
方佛不如有人於佛滅後餘五十年
受持讀誦書寫是經所得福多佛說
是已諸天世人聞已歡喜信受奉行
大方等大集經卷第三上

乙巳歲高麗國大藏都監奉
勅雕造

大方等大集經卷第三

北涼天竺三藏曇無讖譯

虛空目分第十之初聲聞品第一

尔時世尊故在欲色二界中間大寶坊中與無量比丘僧諸大菩薩圍遶說法時舍利弗目犍連等出家未久以舍利弗目連因緣說聲聞法雜四真諦尔時衆中有諸人輩本是外道諸根闇鈍自謂有智起大憍慢增長色慢欲慢无明慢勝慢非法慢未得第二第三第四沙門果證是故如來為如是等宣說中道為離如是惡煩惱故如來說是中道義時如是諸人各各論說斷見我見尔時世尊即作是念哀哉諸人本外道故雖入佛法猶生大慢於未得中而生得想於未知中而生知想於如來法中而不修行雖順四諦而不能得四无寻智乃至不得第四果證尔時世尊二手舉捉瞻婆華鬚發大誓願以願力故於華鬚中出生四寶一帝釋寶二天光寶三金剛光寶四勝諸光寶一一寶中

出大光明遍照此間娑婆世界光明
出已擲之虛空時華鬘中說是偈言
雖除鬚髮不去結 被服染衣不離染
示佛為師不隨教 如是之人汙大眾
如來宣說正法時 而復不能至心聽
是人不得真實義 亦不能離諸煩惱
若能觀見實法性 是能破壞无明慢
若有親近善知識 是人速得甘露味
若能呵責於生死 是則能得到彼岸
是人具足戒多聞 亦具禪定智慧聚
若人欲壞煩惱魔 遠離陰魔及死魔
摧伏天魔諸眷屬 常當親近无上尊
說是偈已聲聞弟子有憍慢者咸作
是念如來知我並有汙心是故為我
說如是偈即時心中生大慚愧及四
天下佛諸弟子亦復如是生慚愧心
於一念頃悉來集會今時无量百千
萬億聲聞大眾悉來聚集於是佛知
眾會已定即為宣說雜四真諦時此
寶鬘直往南方過九萬二千恒河沙
等諸佛世界彼有世界名金剛光藏
其土眾生具足五淨有佛世尊号金
剛光明功德如來應正遍知明行足

善逝世間解无上士調御丈夫天人
師佛世尊亦為四衆宣說如是雜四
真諦法而彼會中有諸菩薩聲聞四
衆比丘比丘尼優婆塞優婆夷見是
寶鬘大光明已觀察四方仰見寶鬘
在佛頂上虛空中住即白佛言世尊
如是寶鬘從何處來誰之所遣彼佛
答曰善男子北方去此九萬二千恒
河沙等諸佛世界彼有世界名曰娑
婆有佛世尊号釋迦牟尼如來應正
遍知明行足善逝世間解无上士調
御丈夫天人師佛世尊亦為具足五
淨衆生宣說開示雜四諦法如我今
於此土无異善男子彼佛世界所有
衆生甚大癡闇廣輕躁生大憍慢
多作惡業難調難解是故釋迦牟尼
如來為此大集於大集中演說正法
為壞如是諸大惡事彼世界中所有
衆生於未得中而作得想於未證中
而作證想於未修中而作修想是故
彼佛為大衆說法如法修行為壞如
是大憍慢故為得盡智及无生智將
欲宣說虛空目法行為得聲聞妙覺

佛果欲開如來无上法藏是故彼佛
遣此寶鬘從我索欲我今與之并欲
以是法目陀羅尼贈彼為信能作无
量微妙大明能乾一切諸惡煩惱能
持一切所聞不忘能淨一切心之垢
汙能護一切諸善禁戒能入一切大
智慧中能護一切無上三昧能護已
心生他喜心受持聖法遠離諸病所
求之法如願即得增長一切資生所
須亦能長養一切善根能調惡王及
以四姓諸惡鬼神鳥獸水虫護持一
切諸善根本能得如來一切諸法乃
至能得十八不共是故我今欲遣如
是法目陀羅尼至彼世界與釋迦如
來即告金剛山童子言善男子汝可
徃彼娑婆世界稱我名字問訊彼佛
金剛光明功德如來以此法目陀羅
尼門遠贈世尊金剛山童子言世尊
善哉善哉我亦欲徃礼覲彼佛并欲
啓受所未曾聞虛空目法門尔時復
有六萬億善菩薩摩訶薩八十千億聲
聞大衆同聲而言世尊我等亦欲詣
彼世界礼覲彼佛并欲啓受所未曾

聞虛空目法門唯願如來加我神力
令得往返彼佛答言善哉善哉諸善
男子宜知是時是金剛山童子者能
調伏汝即是汝等善知識也尔時彼
佛即告金剛山童子言善男子諦聽
諦聽我當為汝宣說如是法目陀羅
尼即說呪曰

阿嚩一阿嚩二阿嚩三若那地咤四摩
訶摩呿五三摩呿呿嚩嚩六樹提七阿
地八那嚩那地淨九佛闍羅哆十安
豆賴哆十一闍邏迦哆十二阿那釋德又十三
凡浮婆十四那婆荼婆十五勒叉盧戰
都十六莎致呿婆十七陀邏尼又闍十八波
邏伽嚩婆十九鞞那又二十婆那鞞吼二十
阿那迦呿二十二戰荼咩修二十三波陀呿多
二十四修盧遮那二十五盧戰那婆二十六盧遮那
若婆婆斯二十七莎呵二十八
善男子汝當受持讀誦書寫是陀羅
尼徃彼世界問評釋迦牟尼如來如
我辭曰四部弟子樂受法不四姓之
人能供養不衆生之心不濁亂不常
能親近於如來不復能尊重讚嘆佛
不增廣流布佛正法不金剛光明切

德如來以此法目施羅尼門遠贈世尊能作大明乾煇一切諸惡煩惱乃至獲得如來十八不共之法時金剛山童子受持讀誦書寫如是施羅尼已告諸大衆若欲往彼娑婆世界覲見釋迦牟尼如來并欲啓受所未曾聞虛空目法門者應當遠離一切色想亦莫念於分別之相常當修集虛空之相遠離一切取捨等相放捨一切塵勞等相解諸結縛專念虛空今時大衆咸作是言善哉善哉善男子即前禮佛禮已繫念觀虛空相於一念頃即來至此娑婆世界覲見釋迦牟尼如來頭面禮足供養恭敬尊重讚歎右遶三匝却在一面合掌而立是時寶鬘復往西方過八萬億諸佛世界彼有世界名曰慧閻具足五淨有佛世尊号曰智幢如來應正遍知明行足善逝世間解无上士調御丈夫天人師佛世尊亦為四衆宣說如是雜四諦法彼時會中有諸菩薩聲聞四衆比丘比丘尼優婆塞優婆夷見是寶鬘大光明已觀察四方仰見寶鬘

在佛頂上虛空中住即白佛言世尊
如是寶鬘從何處來誰之所遣彼佛
答言善男子東方去此八萬億諸佛
世界彼有世界名曰娑婆具足五淨
有佛世尊号釋迦牟尼十号具足亦
為四衆宣說開示雜四諦法如我今
於此土无異乃至欲開如來法藏是
故彼佛遣此寶鬘從我索欲我今與
之并欲贈彼淨目施羅尼能作大明
乾焦煩惱乃至能得如來十八不共
之法是故我今欲遣如是淨目施羅
尼至彼世界贈彼如來彼佛即告勝
幢童子汝可往彼娑婆世界稱我名
字問訊彼佛并以如是淨目施羅尼
門遠相贈遺時彼衆中復有无量菩
薩聲聞同聲而言善哉世尊我等亦
欲詣彼世界礼覲彼佛并欲聽受所
未曾聞虛空目法門乃至彼佛即說
呪曰

蜜呵一蜜呵二蜜呵三蜜呵四阿婆蜜

呵五薩多蜜呵六修婆舍蜜呵七那婆

蜜呵八修破婆九阿能伽提比叉十閼

地私羅十一那羅烏難十二呿婆波囉十三

那邏邏禪^{十四}修又^{十五}翅奢私羅^{十六}阿

婆羅私摩^{十七}摩訶廁提闍那^{十八}阿

那又陀^{十九}阿婆吒伽^{二十}那由多文陀^{二十一}

娑婆邏^{二十二}阿若伽伽^{二十三}薩遮首留婆

竭婆車那^{二十四}莎呵^{二十五}

善男子汝當受持讀誦書寫是陀羅

尼往彼世界乃至二面合掌而立是

時寶鬚復至北方過九萬九億諸佛

世界彼有世界名曰為常具足五淨

有佛世尊号發光功德十号具足亦

為四眾宣說開示雜四諦法而彼會

中有諸菩薩聲聞四眾比丘比丘尼

優婆塞優婆夷見是寶鬚大光明已

觀察四方仰見寶鬚在佛頂上虛空

中住即白佛言世尊如是寶鬚從何

處來誰之所遣彼佛答言善男子南

方去此九萬九億諸佛世界彼有世

界名曰娑婆具足五淨有佛世尊号

釋迦牟尼十号具足亦為四眾宣說

開示雜四諦法如我今於此土無異

乃至欲開如來法藏是故遣此四寶

華鬚從我索欲我今與之并欲贈彼

光目陀羅尼能作大明乾焦煩惱乃

至能得如來十八不共之法是故我
今欲遣如是光目陀羅尼至彼世界
贈彼如來彼佛即告勝意童子善男
子汝可往彼娑婆世界稱我名字問
評彼佛以是光目陀羅尼遠相贈遺
時彼衆中復有元量菩薩聲聞同聲
而言善哉世尊我等亦欲詣彼世界
礼覲彼佛并欲啓受所未曾聞虛空
目法門乃至彼佛即說此陀羅尼
闍婆摩^一闍婆摩^二闍婆摩^三阿拘
盧吒^四比婆闍婆^五摩訶陀摩^六呿
婆^七阿邏闍^八散菩陀若呿婆^九阿邏
闍婆婆^十三牟婆邏婆婆^{十一}摩邏
婆婆^{十二}闍婆婆婆婆^{十三}闍提叉地婆
婆^{十四}摩希闍婆婆^{十五}比牟遮
婆婆^{十六}鄰地鄰婆婆^{十七}遮毖婆婆^{十八}
輸盧多婆婆^{十九}其浪鄰婆婆^{二十}鞞
婆婆^{二十一}迦地婆婆^{二十二}質多婆婆^{二十三}三
牟陀婆婆^{二十四}提邏鄰婆婆^{二十五}瞋鄰
修留提婆婆^{二十六}莎呵

善男子汝當受持讀誦書寫是陀羅
尼往彼世界乃至一面合掌而立是
時寶鬘復至東方去此六萬千億佛

土彼有世界名曰寶頂具足五淨有
佛号曰寶盖光明功德十号具足亦
為四衆宣說開示雜四諦法而彼會
中有諸菩薩聲聞四衆比丘比丘尼
優婆塞優婆夷見是寶鬘大光明已
觀察四方仰見寶鬘在佛頂上虛空
中住即白佛言如是寶鬘從何處來
誰之所遣彼佛答言西方去此六萬
千億諸佛世界彼有世界名曰娑婆
具足五淨有佛世尊号釋迦牟尼十
号具足亦為四衆宣說開示雜四諦
法如我今於此土無異乃至欲開如
來法藏是故遣此四寶華鬘從我索
欲我今與之并欲贈彼聖目陀羅尼
能作大明乾焦煩惱乃至能得如來
十八不共之法是故我今欲遣如是
聖目陀羅尼至彼世界贈彼如來即
告虛空聲童子善男子汝可往彼娑
婆世界稱我名字問訊彼佛并以如
是聖目陀羅尼速相贈遺乃至復有
无量菩薩聲聞大衆同音而言善哉
世尊我等亦欲詣彼世界礼覲彼佛
并欲啓受所未曾聞虛空目法門乃

至彼佛即說此陀羅尼

阿羅摩^一阿羅摩^二阿羅摩^三闍地

邏闍^四首路羅闍^五伽闍手^六婆邏

遮羅^七阿尼遮^八阿呿莎邏^九呿伽莎

闍那^十那烏訶^{十一}那邏地^{十二}那烏訶

^{十三}摩醯首邏遮摩^{十四}阿摩昵^{十五}呵地

莎利邏^{十六}遮毖遮摩^{十七}遮毖散遮毖

那^{十八}那婆^{十九}那婆摩闍^{二十}阿婆呿

婆^{二十一}卓婆那婆呿伽禪頭^{二十二}婆羅戰

陀羅^{二十三}摩醯首邏尼羅那婆^{二十四}薩

陀摩叉地^{二十五}莎呵

善男子汝當受持讀誦書寫是陀羅

尼徃彼世界乃至一面合掌而立時

四童子變此世界地平如掌香華幡

蓋七寶具足為供養佛一切天宮阿

修羅宮悉為震動諸天悅豫多受喜

樂咸以香華七寶幡蓋種種伎樂供

養於佛時四童子作如是等供養佛

已上昇虛空高七多羅樹各執四寶

說偈讚歎

佛是清淨大法王 為諸衆生說甘露

於諸衆生心如地 大寶商主愍一切

為衆生說清淨法 令離諸苦及煩惱

如來心等如虛空 其語微妙知真道
具足戒禁及智慧 永滅煩惱降甘露
為渴法者出惡世 智炬大明能壞闇
雖无修集八聖道 及以證得解脫者
如來猶故生憐愍 施諸人天淨法眼
能度衆生生死岸 能施無上七財寶
能令衆生悔生死 具修三十七助道
法寶久失佛今示 是故得名无上尊
四方衆生已大集 唯願憐愍轉法輪
今時一切無量大衆心生歡喜各作
是言如是无量無邊衆生從何處來
威儀清淨具无量德慚愧智慧皆悉
成就我從昔來未曾覩見如是妙色
五通大仙今時世尊告憍陳如比丘
憍陳如四方多有无量菩薩悉來集
會為聽法故今當至心清淨其意今
時世尊以微妙音告四童子諸善男
子善來甚快從何方面何處而來時
四童子敬礼佛足周匝圍遶今時金
剛山童子言世尊南方去此九萬二
千億恒河沙等諸佛世界彼有世界
名金剛光藏具足五淨有佛世尊号
金剛光明功德如來十号具足今現

在為諸衆生宣說開示雜四諦法彼
佛勸我至此世界問評世尊并欲聽
受虛空目法門世尊彼金剛光明功
德如來致敬懇懃問評世尊并遺如
是陀羅尼能作大光明乾焦煩惱乃
至能得如來十八不共之法即於佛
前說如是呪乃至四童子亦復如是
說是呪已其地即時六種震動一切
龍王各作是言我等亦當共至佛所
今時東方有二龍王一名牛護二名
寶護是二龍王與六萬龍王南方亦
二名為月二名婆修與七萬龍王來
至佛所頭面敬礼前白佛言世尊我
等皆能受持讀誦書寫如是法目陀
羅尼若有比丘比丘尼優婆塞優婆
夷受持讀誦書寫如是法目陀羅尼
者我等皆當誠心守護西方北方亦
復如是今時世界一一各有十萬龍
王來至佛所頭面礼敬今時龜茲國
土有一龍王名曰海德是阿耨婆達
多龍王弟與九萬龍王于闐國土有
一龍王名樂藏寶亦是阿耨婆達多
龍王弟與萬八千龍王波羅越國有

一龍王名曰山德亦是阿耨婆達多
龍王弟與二萬龍王師子國土有一
龍王名曰寶藏與四萬八千龍王毗
荼國土有一龍王名曰長髮與四萬
二千龍王念蜜奢山有一龍王名曰
婆修吉與八千龍王烏婁國土有一
龍王名阿鉢羅羅與二萬五千龍王
乳施羅國有一龍王名伊羅鉢多與
三萬龍王真丹國土有一龍王名曰
三角與萬八千龍王難陀龍王優波
難陀龍王亦與无量龍王共至佛所
頭面礼敬白佛言世尊我等皆能受
持讀誦書寫如是陀羅尼門乃至不
忘不失一字佛言善哉善哉善男子
汝等真實能護正法今時世尊告正
語天女天女汝能守護我正法不世尊
如來在世及滅度後是陀羅尼流布之
處我當守護有受持者隨其所求我
當與之若復有欲見我身者我當現
之世尊若有比丘比丘尼優婆塞優
婆夷欲見我者當淨其身持戒精進
於一日中三時洗浴斷食三日獨在
靜處若佛像邊若在塔中若處靜室

以妙香華種種幡蓋及諸味漿供養
於佛面正東向讀誦如是陀羅尼句
唵吒置^一 唵吒置^二 休婁^三 休婁^四 毛
豆婁^五 毛豆婁^六 吒吒^七 吒吒^八 比
沙訶

是時四衆誦是陀羅尼已我當隨諸
四衆之所願求我悉當令一切成就
若我不來即為欺誑十方諸佛亦莫
令我成阿耨多羅三藐三菩提今時
佛告羅睺阿修羅王毗摩質多阿修
羅王毗婁遮邨阿修羅王我今以此
淨目陀羅尼付囑汝等何以故汝有
大力若有衆生不信三寶能令信故
諸阿修羅言善哉世尊我等護持若
有四衆比丘比丘尼優婆塞優婆夷
若佛在世若滅度後受持讀誦書寫
廣說是陀羅尼我於是等能施八事
何等為八一者健行二者樂聽受法
三者心无怖畏四者常明无闇五者
善願具足六者解脫七者具足辯才
八者善法增長世尊若阿修羅父母
兄弟妻子眷屬惱是人者我等當治
若我不於此世界中護佛法者則為

欺誑十方諸佛。今時世尊觀四衆已。
告憍陳如比丘。憍陳如。一切大衆甚。
樂聞法。元量世界無量衆生。悉為法。
故來集於此。咸皆欲知法行方便。成。
大智慧。速離貪欲一切煩惱。真實了。
知法行方便時。憍陳如白佛言。善哉。
世尊。誠如聖教。世尊。四方世界。元量。
菩薩。悉持四佛所與。欲來并欲啓受。
虛空目法行。今正是時。唯垂憐愍。為。
衆生故。而宣說之。世尊。所言法行法。
行比丘。云何名為法行比丘。唯願世。
尊。分別演說法行比丘。佛言。憍陳如。
至心諦聽。當為汝說。若有比丘。讀誦。
如來十二部經。謂修多羅。乃至優婆。
提舍。是名樂讀。不名法行。復有比丘。
讀誦如來十二部經。樂為四衆敷揚。
廣說是名樂說。不名法行。復有比丘。
讀誦如來十二部經。能廣演說。思惟。
其義。是名思惟。不名法行。復有比丘。
受持讀誦十二部經。演說思惟。觀其。
義理。是名樂觀。不名法行。憍陳如。若。
有比丘。能觀身心。心不貪著。外一切。
相。謙虛下意。不生憍慢。不以愛水。漑。

灌業曰亦不於中種識種子滅覺觀
心境界都息永離煩惱其心寂靜如
是比丘我則說之名為法行如是比
丘若欲獲得聲聞菩提緣覺菩提如
來菩提即能得之憍陳如如工陶師
埏埴調泥置之輪上隨意成器法行
比丘亦復如是憍陳如若比丘修
法行者當觀三事一者身二者受三
者心觀三事已得二種智一者盡智
二者元生智憍陳如云何盡智云何
無生智知盡煩惱名為盡智知盡
有支名元生智復次無行行智名曰
盡智無行果智名元生智盡諸使智名
曰盡智盡煩惱智名元生智復次知盡
諸行名曰盡智盡一切有名無生智分
別盡物是名盡智知諸縛解名元生智
知盡根界名曰盡智知盡緣界名無生
智不覺觀煩惱名曰盡智不覺觀果報
名元生智復次盡三地智名曰盡智盡
一切漏名元生智復次我生已盡梵行
清淨名曰盡智更無餘有名元生智
如是二智即名一智亦名一行知於
三道若有比丘能斷三道是名法行

能作是觀是觀心受云何比丘能觀
察身若有比丘觀息出入是名觀身
觀受觀心云何名為觀息出入息入
出者名阿那波那入名阿那出名波
那觀於出入如門如向若有比丘能
如是觀是名法行若有比丘能觀能
數隨息入出冷暖長短若遍滿身繫
心鼻端能觀新故分別諸相能觀生
壞求舍摩他善入於定亦能觀察息
之麤細乃至觀於內身身作身想是
名比丘修於法行憍陳如修數息時
獲得二事一者離惡覺觀二者觀息
相貌修集隨時亦得二事一者專念念
心二者離善覺觀觀於冷暖亦得二
事一者分別出入二者觀心數相修
觀身時亦得二事一者身輕二者心
輕轉觀生滅亦得二事一者知一切
法是无常相二者知一切法是无樂
相善男子法行比丘念入出息繫心
一處云何數減二數為一三數為二
乃至十數為九是名數減云何數增
一數為二乃至九數為十是名數增
同故修增壞一切覺觀故得初禪時

觀息入出及以心相初禪五支一覺
二觀三離生喜四者受樂五者定具
五支時離貪恚癡若有比丘具足五支
是名法行遠離五事成就五事修集梵
行成大功德憍陳如若若有比丘能得
二禪名為法行若有比丘觀息出入繫
心一處遠離喜樂得第三禪不喜不
樂何以故一心繫念息入出已遠離
喜樂得第四禪若有比丘觀息入出
則觀五陰若觀五陰是名法行若比
丘見一切法行生滅乃至見一切煩
惱生滅是名法忍若比丘見眼空乃
至見意識空是名空忍若比丘見眼
无相乃至見意識無相是名无相忍
若比丘不願於眼乃至意識是名無
願忍若比丘觀苦異樂異不苦不樂
異是名中諦忍若為衆生行於生死
如是名為隨上諦忍云何隨忍隨根
隨力隨於覺觀乃至隨涅槃於如是
法心不著者是名信忍是名為信不
名信根若攝身心不令造惡是為精
進不名進根若能專念如是等法是
名為念不名念根心心數法能繫一
緣是名為定不名定根若能不觀如

是等相是名為慧不名慧根若觀如是無根是名法行

憍陳如若無比丘觀於頂法世第一法觀三解脫空無相願无常苦空是名法行是名空三昧如是三昧緣無受命緣無自在无相三昧緣盡緣壞緣滅緣厭无願三昧緣於甘露非甘露行有甘露行非緣甘露有空三昧甘露无相三昧緣於甘露非甘露行有甘露行非緣甘露行非緣甘露憍陳如若無比丘緣慧滅莊嚴入无願三昧是名緣於甘露非甘露行若有比丘緣慧滅而得解脫名甘露行非緣甘露空與无相亦復如是憍陳如若有比丘能如是觀是名法行憍陳如若有比丘觀受觀心是名法行何以故能壞我見二十種故憍陳如斷見我見各有五種色斷乃至識斷是名五斷見色我乃至識我是名五我見憍陳如五種斷見分別則有四十四種十六種說想八說無想八說非想非非想六說種種想六種說斷是名四十四種我見

分別十八四定說我四種說邊四說異
事六說無求三昧是名六十二見二十
我見因緣能生四百四種煩惱為離
如是諸煩惱故觀於身心是名法行
如是比丘能觀身心憍陳如云何八
人云何決定憍陳如斷見之人言一
念斷常見之人言八忍斷是二種人
俱得決定後離煩惱俱亦无妨憍陳
如能得八忍是名八人得十六心是
名決定是名如法憍陳如若有比丘
成出入息即得八人名亦名決定憍
陳如若有比丘成就數息即得信根
乃至慧根若得五根即得世間第一
法如是比丘能破一切疑網之心是
名真實修集聖行若有比丘成就苦
智則斷十種煩惱是名修初无漏心
觀尔時次第觀无願三昧觀无願時
修三十七助道之法是名无漏定智
得苦法忍苦法智集法忍集法智尔
時觀於色界五陰无色界四陰如欲
界苦色無色界亦復如是如是觀已
斷色无色十八種煩惱十八種斷已
作是思惟如是諸苦從何業來誰之

所造作是觀已了知是苦從愛因緣
我若不拔如是愛根必當生苦是故
觀集作是觀已斷七煩惱觀欲界集
已色无色界亦復如是如是觀已得
比忍比智作是觀時斷十二煩惱憍
陳如具八忍者是名見法斷三界集
已復作是觀何因緣故斷於苦集為
安樂故失安樂者即是滅諦今時初
觀欲界滅諦得滅法忍斷七煩惱色
无色界亦復如是作是觀已得滅比
忍滅十二煩惱復作是觀何因緣故
得是比忍因修八道以八正道力故
知欲界苦集滅諦色无色界苦集滅
諦今時次生道法忍得已能斷八種
煩惱今時復觀色无色界得道比忍
斷十四煩惱以修集故遠離八十八
種煩惱是名決定得須陀洹果是名
十六心是名必得菩提是七往來斷
一切苦惱陳如有人從信決定有人
從法決定有人從一生得須陀洹果
乃至得阿羅漢有人入信根乃至慧
根有人修定有人修慧有人得初禪
乃至四禪入決定觀觀一切行无常次

第三滅遠離一切凡夫之法有人觀一切行无常苦空不淨不得自在无有寂靜從緣而生從緣而滅作是觀已得寂靜滅諦是名比丘如法而行禱陳如如來了知一切衆生諸根利鈍亦知一切衆生心性諸煩惱性是名如來隨應衆生而為說法隨諸煩惱陳如我涅槃後有諸弟子受持如來十二部經書寫讀誦顛倒解義顛倒宣說以倒解說覆隱法藏以覆法故名曇摩迦多惱陳如我涅槃後我諸弟子受持如來十二部經讀誦書寫而復讀誦書說外典受有三世及以內外破壞外道善解論義說一切經悉得受戒凡所問難悉能答對是故名為薩婆帝婆惱陳如我涅槃後我諸弟子受持如來十二部經書寫讀誦說开有我及以受者轉諸煩惱猶如死屍是故名為迦葉毗部惱陳如我涅槃後我諸弟子受持如來十二部經讀誦書寫不作地相水火風相虚空識相是故名為弥沙塞部惱

陳如我涅槃後我諸弟子受持如來
十二部經讀誦書寫皆說有我不說
空相猶如小兒是故名為婆嚧富羅
憍陳如我涅槃後我諸弟子受持如
來十二部經讀誦書寫廣博遍覽五
部經書是故名為摩訶僧祇善男子
如是五部雖各別異而皆不妨諸佛
法界及大涅槃云何名為隨於信行
若信三寶具足信根從信根因緣入
於決定得須陀洹果斯陀含果阿那
含果過色无色界得阿羅漢果從信
得解脫名信解脫亦名一分亦名身證
名慧解脫是名隨信行憍陳如云何
名為隨於法行若有從法入於決定
具足慧根得須陀洹果斯陀含果阿
那含果過色无色界得阿羅漢果是
名見到二分解脫亦名身證慧得解
脫心得解脫得滅盡定是故名為二
分解脫是名无學解脫是名法行是
名成就觀身乃至成就法法觀是名
成就毗婆舍那及奢摩他云何名為
奢摩他奢摩他者名之為滅能滅貪
心瞋心亂心名奢摩他云何名為奢

摩他相能滅貪相及瞋癡相名奢摩
他相云何名為隨奢摩他入於決定
若能隨修舍摩他行尊重讚歎向奢
摩他方便莊嚴是則名為奢摩他相
若有比丘深自思惟我之貪心唯觀
不淨乃能壞之瞋恚之心慈能壞之
十二因緣能壞愚癡是名奢摩他相
云何名為毗婆舍那若修聖慧能觀
五陰次第生滅是名毗婆舍那復次
若觀諸法皆如法性實性實相真實
了知是名毗婆舍那云何名為毗婆
舍那相若能成就具足念心觀一切
行從緣而生從緣而滅一切行无自
在无作無受是名毗婆舍那相云何
名為從毗婆舍那入於決定至心念
於毗婆舍那恭敬尊重向莊嚴道是
名從毗婆舍那入於決定云何名為出
法攝心非滅法攝心若比丘能觀心
出因緣乃至一切行出因緣是名出
法攝心非滅法攝心云何名為滅法
攝心非出法攝心若比丘能深觀察
滅心因緣乃至一切行滅因緣是名
滅法攝心非出法攝心云何名為非出

法攝心非滅法攝心若比丘能觀心性眼性乃至識性是名非出法攝心非滅法攝心云何緣攝心非思惟攝心若比丘能觀出息不觀入息是名緣攝心非思惟攝心云何名為思惟名思惟攝心非緣攝心云何名為非緣攝心非思惟攝心若比丘觀於心性眼性乃至意性是名非緣攝非思惟攝攝心者則得八十諸三昧門及修三解脫門若比丘觀過去身及修莊嚴觀身見身是名修無願解脫門若比丘觀過去身已不見身及修莊嚴觀身唯見於心而不見身及修莊嚴觀身見身是名修無相解脫門若比丘觀過去身已不見作及以作者作者無身身无作者修莊嚴道觀身見身是名修空解脫門觀受心法亦如是復次憍陳如三解脫門修莊嚴觀觀一切行不出不滅出已則滅滅无所至不至去來是名莊嚴無願解脫門復次觀未來世諸行未出若行未出則無有滅是名莊嚴無願解脫門不

畢竟盡畢竟盡者則无生滅若無生滅即畢竟盡若畢竟盡即空因緣若如是觀畢竟盡者是名莊嚴空解脫門若觀諸行是畢竟盡即无生滅若无生滅即無有空何以故先有後无名之為空若本无者則無後无若無後无云何名空若無行者即是无為畢竟盡者非是有為亦非无為空亦非行亦非無行是故畢竟盡者非有為攝非无為攝是名莊嚴無相解脫門若一切行畢竟盡者即是涅槃非過去未來現在是故非過去行滅名為涅槃非未來現在行滅名為涅槃須施洹人見是涅槃乃至阿羅漢人見是涅槃云何名苦諦觀一切行不觀第一諦觀一切因不見第二諦觀一切滅不見第三諦觀一切道不見第四諦云何名生本无後有是名為生云何名滅有已還無是名為滅无有出滅是名為盡何因緣故无有出滅名之為道道有六行修非修行非行知非知若有比丘能見如是生滅法者是人能厭一切諸行能見一

切行無常相云何无常相非無常法
若有相雜初無漏根行若有相雜无
願解脫門行若有空相苦相不淨相
无我相是名無常相非无常法云何
無常法非无常相所謂三界色相乃
至法相是名倒相是名捨相非無常
相是名无常法非無常相云何无常
相亦無常法所謂一切衆生未得決
定以世俗道入諸三昧隨法相忍是
名无常相亦無常法云何非无常相
非無常法所謂寂靜常相解脫淨相
是名非无常相非無常法云何名為
得第一諦所謂觀於六根五陰猶如
鏡像名得第一諦云何一心觀於四
諦若觀諸行总是苦因以苦因故可
見可滅可得遠離如是名為心緣无
漏是故一心獲得四諦名離有漏心
得解脫若有比丘觀於心心是名無
願解脫門觀心心已觀十二事一者
業二者行三者苦四者空五者壞六
者不自在七者過去八者現在九者
未來十者因緣十一者無作十二者
无受是名見於心心名无願解脫門

若有比丘觀察是心無有心主无出入者无能遠離無可遠離是名見於心心得空解脫門若觀无有入定之心而得遠離一切煩惱無因緣故煩惱不生是名遠離見於心心得无相解脫門若如是觀即得遠離有漏之心得无漏解脫憍陳如一切有為諸行無有決定若不定者云何而得入於定聚若言觀察於三世已得入定聚者是義不然何以故過去已盡未來未出現在无常三世觀異云何得入正定聚耶是故一切異觀性不決定憍陳如譬如殿堂有四梯橙若言不由初第一橙至四橙者无有是處登初橙時亦不得名登第四已如是四橙亦不名一憍陳如若如是四諦即一諦者可一心得憍陳如觀時亦異得時亦異觀時異者因果盡壞得時異者苦智集智滅智道智若有比丘觀行无常是苦無我不淨无住是漏結緣是一切有是名繫縛是故不求諸陰諸行猒一切行樂求涅槃至心思惟涅槃功德深樂寂靜不惜身命

修奢摩他毗婆舍那。是名比丘修集法行。憍陳如云。何比丘心能見心。若有比丘能觀察心。心是无常。是生滅法。是名比丘心能見心。如是比丘修空三昧。云何名空。陰入界空。諦空。實空。十二因緣空。性空。云何陰空。所謂諦空。所謂苦諦。無得无捨。乃至道諦。亦復如是。云何實空。一切法中。無有覺觀我及我所。是名實空。云何十二因緣空。十二因緣。即是十二有支。觀云何性空。若有比丘觀於眼空。无我我所。乃至意空。亦復如是。是名法行。能觀心心如是。比丘不見衆生壽命士夫某甲。知諸法性真。解世諦為流布。故說陰入界。知一切法性无出滅。如是比丘能度生死。能知一切苦集滅道。能斷煩惱。憍陳如若有比丘修集法行。知一切法從因緣生。從因緣滅。如是比丘得三解脫。知色真相。色真相者。所謂尋相受受相。想覺相。行行相。

識知相是名真知一切法相如是觀
已得空解脫門見一切法无作受者
壽命自在唯見无常苦无我等是名
得無願解脫門觀一切法無生无滅
是名得无相解脫門憍陳如法行比
丘能得神通無惡覺觀口終不說四
種惡過无有鬪諍不聽惡言余時即
得遠離五盖增五善根是法行比丘
獲得初禪入初禪已欲得身通繫心
鼻端觀息入出深見九萬九千毛孔
息之出入見身悉空乃至四大亦復
如是如是觀已遠離色相獲得神通
乃至四禪亦復如是云何法行比丘
獲得眼通憍陳如若比丘觀息出
入真實見色既見色已作是思惟如
我所見三世諸色意欲得見隨意即
見乃至四禪亦復如是云何法行比
丘得天耳通憍陳如若比丘得初
禪時觀息出入已次第觀聲乃至四
禪亦復如是云何法行比丘得他心
智若有比丘觀息出入得初禪時修
奢摩他毗婆舍那名他心智乃至
四禪亦復如是云何法行比丘得宿

命智憍陳如若比丘觀息出入得
初禪時獲得眼通得眼通已觀於初
有迦羅羅時乃至五陰生滅无量劫
中五陰生滅乃至四禪亦復如是所
言禪者何故名禪疾故名禪疾大疾
住大住靜寂靜觀滅遠離是名為禪
初禪者亦名具足亦名遠離去何具
足去何遠離言遠離者遠離五蓋言
具足者具足五支所謂覺觀喜安定
去何名覺如心覺大覺思惟大思惟
觀於心性故名為覺去何名觀若觀
心行大行遍行隨意是名為觀去何
為喜如真實知大知心動至心是名
為喜去何為安所謂身安心安受安
受於樂觸是名為安去何為定若心
住大住不亂於緣不謬无有顛倒是
名為定第二禪者同離五事所謂五
蓋具足三支一喜二安三定入第三
禪亦離五事具足五支一者念二者
捨三者慧四者安五者定入第四禪
亦離五事具足四支一者念二者捨
三者不苦不樂四者定憍陳如若
比丘具足四禪是名法行憍陳如若

有比丘觀身猒患遠離身相一切身
觸喜觸樂觸分別色陰遠離色陰觀
无量空處是名法行比丘入空處定
是名比丘修集法行憍陳如云何比
丘得識處定若有比丘修舍摩他毗
婆舍耨觀心意識自知此身不受知
三受已得遠離是三受是故名爲
得識處定是名法行憍陳如云何比
丘得少識處定若有比丘觀三世空
知一切法行亦生亦滅空處識處亦
生亦滅作是觀已次第觀識我今觀
識亦非識非非識若非識者是名寂
靜我今云何永斷此識作是觀已得
少識處是名比丘得少識處定憍陳
如云何比丘獲得非想非非想定憍
陳如若若有比丘有非心想作是順忍
我今此想是苦是漏是瘡是癰是不
寂靜若或能斷如是非想及非非想
是名寂靜若有比丘能斷如是非想
非非想是名獲得无想解脫門何以
故法行比丘作是思惟若有受想若
有識想若有觸想若有空若有識若
有非想非非想如是等想名為麤想

我今若修無想三昧則能永斷如是等想是故見於非想非非想為寂靜處如是見已入非想非非想定若得非想非非想定已不受不貪能破元明破無明已名為獲得阿羅漢果前三種定二道所斷後第四定終不可以世俗道斷凡夫離於非想非非想處无麁煩惱亦有十法所謂一受二想三行四觸五思惟六欲七解八念九定十慧云何為受所謂識受云何為想所謂識想去何為行所謂法行云何為觸所謂意觸云何為思所謂法思云何為欲所謂欲入出定云何為解所謂法解云何為念所謂念三昧云何為定所謂心如法住云何為慧所謂慧根慧力觀向四果行乃至得阿羅漢果觀於生滅及空三昧觀於四大如四毒蛇如是十法第四空處具足而有以其元有麁煩惱故一切凡夫謂是涅槃憍陳如若比丘修集聖道厭離四禪及四空處觀於滅定莊嚴之道作是思惟諸出入息忘是无常我若能斷出入息者即是

安樂是故一切諸行因緣悉滅受滅
乃至慧滅覺觀滅故陰入界滅貪恚
癡滅一切心數法滅一切非心數法
亦滅是名不與凡夫共法非是世法
是无學法憍陳如若須陀洹斯陀含
終不能得如是滅定若次第得須陀
洹果亦不能得若須陀洹捨是身已
得阿羅漢果亦不能得若有具足
八解脫者是人能得憍陳如若使如
來窮劫盡劫說是法目陀羅尼法乃
能窮盡是名法无尋智憍陳如如是
法目陀羅尼者不可思議憍陳如假
使有人能以兔毛滯數知海水滯不
能數知法目陀羅尼所有功德若除
如來欲說盡者無有是處乃至一切
娑婆世界微塵亦尔尔時世尊告金
剛山童子言善男子汝所持來法目
陀羅尼吾今所說頗有異不不也世
尊善男子如是說不世尊實如是說
善男子若有人能受持如是法讀誦
書寫廣為人說當知是人常為一切
人天龍神阿修羅乾闥婆迦樓羅緊
那羅摩睺羅伽等之所守護一切四

魔不能得其便度煩惱河入八正道
金剛山童子言善哉善哉世尊實如
聖教今時世尊告憍陳如若比丘比
丘尼優婆塞優婆夷修行是法无能
壞者是名施光能淨寂靜无有行處
無濁无動無有舍宅无少無多名至
處行細行堅行能壞四魔及四魔衆
一切邪見度生死河入智慧海常為
諸聖之所讚歎得近如來所入之處
雖復未斷一切煩惱亦得上身无上
菩提上色上力上辯上念上慧上處
或得典領作四域王若三二一若作
帝釋乃至得作他化自在王若作梵
王若復獲得菩提樹下金剛之牀梵
音深遠其心平等得大悲心得舍摩
他壞諸煩惱名无上尊說是法時舍
利弗目犍連等於一坐處得阿羅漢
果尔時一切世人諸天而讚歎言如來
功德不可思議无量衆生得須陀洹
果斯陀含果阿那含果阿羅漢果發
阿耨多羅三藐三菩提心尔時四天
王及功德天白佛言世尊隨是經典
所流布處我當護其四部弟子及其

國土城邑村落諸王人民

出

大方等大集經卷第三

出

出

癸卯歲高麗國大藏都監奉
勅雕造

大方等大集經卷第三十三

讓

北凉天生三藏曇無讖譯

虛空目分第十之中世間目品第二

今時世尊即放眉間白毫相光悉蔽十方諸佛世界日月星宿珠火燈明所照之處一切石山諸惡荆棘為不復現十方無量恒河沙等世界衆生見是光已各各繫念思惟善事其中諸佛見是光已各告已衆而作是言善男子過於无量恒河沙世界彼有世界名曰娑婆具足五淨有佛出世号釋迦牟尼如來應正遍知明行足善逝世間解無上士調御丈夫天人師佛世尊无量世界無量菩薩无量聲聞悉集彼土坐彼佛前彼佛即為宣說法行法目陀羅尼門為諸聲聞說法行已放大光明將欲演說淨目法門陀羅尼法為中乘者得緣覺果為諸菩薩莊嚴成就阿耨多羅三藐三菩提具足十地如來十八不共之法轉不退輪壞三惡趣令修八聖得無上果今時十方恒河沙等世界諸

衆聞是語已各各白佛言世尊我欲
往彼娑婆世界至說法處聽受如是
淨目法門今時无量諸菩薩衆悉共
來詣娑婆世界到於佛所頭面礼拜
却坐一面時此世界無量梵天往至
佛所供養恭敬却坐一面百億魔天
百億化自在天百億兜率天百億夜
摩天百億帝釋天百億四天王天百
億日月天百億自在天百億閻羅王
百億地鬼四百億阿修羅四百億龍
王如是等衆悉向佛所恭敬供養却
坐一面無量沙門及婆羅門悉得神
通來向佛所恭敬供養却坐一面諸
世界中外道相師見光明時作是思
惟如是光者非是日月星宿之明必
是異光如是不久七日並出當燄四
海須弥山王一切草木其後欲界火
災當出或復有言却後不久必當雨
毒害於一切或復有言却後不久必
當雨刀害諸人物惡時將至誰能救
之或復有言瞿曇沙門憐愍一切唯
是能救施其壽命今時一切无量衆
生至心念佛念已即見是大寶坊以

佛力故即至坊中今時波斯匿王以
佛神力故亦見寶坊以佛力故得到
坊中憂填耶那王惡性王輸頭檀王
摩醯陀王修陀奢那王頻婆娑羅王
如是等王亦因佛力得見寶坊悉至
坊中供養禮拜次第而坐各作是念
今此衆中有大仙人有佛世尊此光
因緣今當問誰當問仙人問佛可耶
今時須陀舍那王言我今有大婆羅
門師名曰電跋善知相法能解能說
是寧可問電跋聞已即作是言我所
博覽一切相書都无此事我實不能
解此光瑞閻浮提中一切相師其數
五百悉不能解今時頻婆娑羅王語
諸王言汝何故在此大衆中有佛世
尊号釋迦牟尼具一切智善知世間
出世間相了十二月善相之書大悲
憐愍一切衆生實語正語唯佛能說
是光報應今時諸王及諸大衆一切
宗仰共白佛言世尊唯願如來為我
等說十二月相書佛言大王今此大
會不應宣說世間相書頻婆娑羅王
白佛言世尊今此會中有諸衆生不信

如來所有功德又不信是一切智人
唯願破壞如是疑心而宣說之是諸
衆生若得聞已心生喜信生信心已
乃可為說出世之道如是衆生亦當
樂受易可調伏佛言大王至心諦聽
我當說之大王往昔雪山有一仙人
名婆伽婆食果草根修集慈心而不
能除諸煩惱結不能調伏貪欲之心
時彼住處有一雌虎即共行欲虎便
懷妊日月已滿至此人所產十二子
是時仙人心憐愍故即取洗浴而哺
養之虎母心愛隨時乳養令時仙人
各為立名一名竭伽二名跋伽婆二
名為虎四名師子五名擔重六名婆
羅墮闍七名步行八名婆羅奴九名
健食十名惡性十一名師子擔十二名
健行是十二子年始七歲食草根華
果是時父母俱時命終時十二子心
懷愁惱仰天號哭如何一旦無所皈
依時有樹神聞是聲已作如是言諸
童子且莫啼哭有皈依處所謂梵天
憐愍衆生汝等應當晝夜六時淨自
洗浴向於虛空至心礼拜求哀梵天

梵天當以无寻天耳聞汝等聲聞已
當來至汝住處以憐愍故來已當壞
汝等癡闇施慧光明得智慧已一切
諸天當供養汝況世間人時十二子
聞是語已如教而行經十二年然後
梵天乃聞其聲即來下至三十三天
今時帝釋見梵天來即前供養既供
養已即復白言大士欲何所至憍尸
迦汝不見彼雪山之中十二仙耶憍
尸迦可共往彼時釋提桓因與无量
天相隨俱下至雪山中時十二仙見
梵天來歡喜踊躍礼拜供養時梵天
王告十二童子汝等何故十二年中精
勤苦行供養於我欲何所求為求名
聲色力財寶聖道智慧諸天身耶時
竭伽仙白梵天言大士我不求如是
等事我欲求智慧為衆生故我等孤
稚少失覆蔭自隨其心無教告者唯
願大士施我智慧令我識知善惡等
業及了衆生善惡等業亦知衆生國
土城邑刹利婆羅門毗舍首陀男女
大小善惡等相受苦樂事諸王貪國
无厭足者興兵相伐衰盛等相若我

知已當以方便教滅惡相令得受樂
大方等大集經虛空目分中弥勒品第三

尔時弥勒菩薩即於佛前心念說偈
問於如來

非有途路 而有輪轉 如來亦不
住一切道 非道見道 道見非道
佛言善男子非道者即是不出不滅
不住非智非智境界非明非闇非常
非斷非善非惡非是色陰乃至識陰
是名實性是名法性名一切行名真
實際是名非道如是中道諸佛如來
轉於法輪而不貪著如是諸道若有
衆生道見非道非道見道如是衆生
不能達於道與非道及知三道如來
悉能分別解說及以斷道善男子如
來世尊於无道中而轉法輪為壞衆
生三種道故何等三道一煩惱道二
者苦道三者業道業道者所謂行有
煩惱道者所謂无明愛取苦道者所
謂識名色六入觸受生老死等如是
三道何因緣有觸緣故有善男子因
眼見色而生愛心愛心者即是无明
為愛造業即名為行至心專念名之

為識識共色行是名名色六處生貪
是名六入因入求受名之為觸貪著
心者即名為愛求是等法名之為取
如是法生是名為有次第不斷名之
為生次第斷故名之為死生死因緣眾
苦所逼名之為惱乃至識法因緣生貪
亦復如是如是十二因緣一人一念
皆悉具足出有三種一者因出二者
初出三者道出若有比丘修行法行
觀察所有愛心相貌比丘當觀若有
愛心即是無明无明之體能出二過
一者出行二者出識識亦有二一
者出名二者出色名色亦二一者
無住二住六入六入亦二一不厭欲
二能生觸觸亦有二一生受心二者
求受受亦有二一受苦樂二生貪愛
愛亦有二一者繫縛堅固二者求取
取亦有二一者貪心二者求有有亦
有二一者樂住二生因緣生亦有一
一者生老二者苦緣老亦有二一壞
壯色二作死因死亦有二一壞壽命
二愛別離是名出因云何初出若有
比丘修集法行觀如是法亦出亦滅
是名初出尔時世尊告憍陳如云何

道出若比丘見道有二種一者行行二者慧行憍陳如汝頗知是行行慧行耶憍陳如言未知世尊唯願如來為觀十二因緣比丘得大智慧壞諸煩惱分別解說比丘聞已當具受持尔時世尊告寶幢童子善男子汝頗能知息出入不不也世尊善男子法行比丘先觀无明乃至老死云何名為觀於無明先觀中陰於父母所生貪愛心愛因緣故四大和合精血二涕合成一涕大如豆子名歌羅羅是歌羅羅有三事一命二識三燄過去世中業緣果報无有作者及以受者初息出入是名無明歌羅羅時氣息入出有二種道所謂隨母氣息上下七日一變息入出者名為壽命是名風道不臭不爛是名為燄是中心意名之為識善男子若有欲得辟支佛果當觀如是十二因緣後觀三受因緣五陰十二入十八界云何為觀隨於念心觀息出息入觀於内身皮膚肌肉筋骨髓腦如空中雲是身中風亦復如是有風能上有風能下有風能

滿有風能燒有能增長是故息之出入名為身行以出入息從覺觀生故名意行和合出聲名為口行以如是等三行因緣故有識生識因緣故則有四陰及以色陰故名名色五陰因緣行六處故名六入情塵相對故名為觸觸因緣故念色至念法是名為受貪著於色乃至於法是名為愛愛因緣故四方求覓故名為取取因緣故受於後身故名為有有因緣故有生老死種種諸苦是名五陰十二入十八界十二因緣之大樹也是故緣出入息能生一切諸苦煩惱是故凡夫生時亦為煩惱繫縛死時亦終不能得身心自在不得三昧不盡諸漏若有比丘觀入出息如空中風無我我所无有作者及以受者從緣而生從緣而滅无相無物无有覺觀衆生風者亦復如是共四大行生歌羅羅九孔乃至九萬九千諸孔出入无作無受是風出入如是肉段以是因緣故有无明乃至老死衆苦聚集善男子譬如虛空無物无我出入諸息

地水火風壽命煇識无明乃至生老病死亦復如是衆生顛倒於非我中而橫見我於如是等同虛空法作陰界入想一切凡夫因是顛倒輪轉生死無有窮已若法行比丘觀是息冷則舉身冷觀是息煇則舉身煇是身亦時隨意隨風若觀冷時不得禪定不入定聚是人則墮冷地獄中若觀煇時不得禪定不入定聚是人則墮熱地獄中若佛弟子修集法行觀察出入息冷煇等時則得正道法行比丘如實觀察无明乃至生老病死心不顛倒是名淨目陀羅尼也善男子汝若能受是陀羅尼即是真實觀入出息寶幢菩薩白佛言世尊諸佛境界不可思議非是聲聞緣覺所及今時四天王白佛言世尊隨是經典所流布處我等要當隨侍守護所有惡事悉令消滅

大方等大集經虛空目分中四无量心品第四

今時頻婆娑羅王白佛言世尊因諸聲聞辟支佛等修行法行令閻浮提无有疾疫飢饉惡事世尊菩薩摩訶

薩修四無量心若有四姓供養恭敬
得幾所福佛告大王若有菩薩修四
無量隨所住國具八上事一者其土
人民供養父母增長慚愧恭敬沙門
諸婆羅門耆舊有德受持禁戒大王
若諸國土有諸菩薩修四無量其土
人民則能成就如是初事復次大王
若有菩薩修四無量隨所住國其土
人民修集慈心遠離殺害其心調柔
无有濁心瞋恚之心平等無二是名
為二復次大王若有菩薩修四無量
隨所住國其土人民不貪財寶樂為
惠施呵責盜竊是名為三復次大王
若有菩薩修四無量隨所住國其土
人民自足妻色遠離非法呵責欲心
是名為四復次大王若有菩薩修四
無量隨所住國其土人民真語實語
無破壞語常修善語是名為五復次
大王若有菩薩修四無量隨所住國
其土人民無有嫉妬濁惡之心是名
為六復次大王若有菩薩修四無量
隨所住國其土人民正見不謬无有
邪見是名為七復次大王若有菩薩

修四无量隨所住國其土人民一切
供養恭敬三寶遠離惡見是名為八
大王若有菩薩修四無量隨所住國
其土人民具足如是八種功德大王
若有菩薩修四无量隨所住國其上
无有八怖畏事何等為八一者無內
外軍畏二者无諸惡鬼畏三者无惡
星宿畏四者无諸惡病畏五者无諸
惡獸畏六者无諸惡賊畏七者无諸
旱勞畏八者无諸穀難畏大王若有
菩薩修四无量隨所住國其土無有
如是八畏大王若有菩薩修四无量
隨所住國其土具足八大丈夫何等
為八一者有諸衆生已於過去无量
佛所深種善根如是之人樂生其土
二者復有衆生已於過去无量世中
修戒多聞如是之人樂生其土三者
復有衆生已於過去无量世由供養
父母師長和上耆舊有德如是之人
樂生其土四者復有衆生已於過去
无量世中成就天業當受天身故轉
天身來生其土五者復有衆生能壞
一切三惡道業如是之人樂生其土

六者復有衆生具聲聞乘如是之人
樂生其土七者復有衆生樂緣覺乘
如是之人來生其土八者復有衆生
已於過去无量世中修六波羅蜜如
是之人樂生其土大王若有菩薩修
四無量隨所住國其土具足如是八
人大王若有菩薩修四无量隨所住
國其地具足上地水味無上法味衆
生之味一切衆生心相親愛如是衆
生捨是身已復生天上乃至鳥獸亦
復如是大王譬如一筐盛四種香一
者沉水二者多伽羅三者牛頭栴檀
四者多摩羅茶如是四香合有四兩
有四姓人以四種衣置之筐中經數
日已各自賣去而是四香鉢兩不折
然是衣中各各有香大王若有菩薩
修四無量隨所住國其土人民各各
成就種種功德而於菩薩无所損減
尔時頻婆娑羅王白佛言世尊菩薩
故菩薩摩訶薩自身修集能令无量
無邊衆生得大利益
尔時會中有一菩薩名曰淨光告无

勝菩薩言善男子汝今已得無上利益何以故汝常修集四无量心無勝菩薩言善男子我今云何得大利益如是法中無作无受無覺无見無知无此無彼善男子如人自言能盡虚空瓔珞莊嚴雖有是言真實不能一切諸法亦復如是無出无壞無生无滅無有處所无有覺觀淨三解脫無相无作無願如舍法界无轉無散无合無尋无濁無邊猶如虚空无有和合无欲無性无見無說法性無數无少無多无有境界無二无著无量無色无聲寂靜無變无量猶如虚空无比無勝无常無斷難見難知難可思惟堅固无行无有瞋恚攝諸佛界是名梵行名四無量如來修集心無厭足勤行精進是名佛法大信大念大不放逸至心不忘若菩薩摩訶薩修集如是四无量心即是菩薩修行菩薩甚深法界如是菩薩將欲近入無生法忍行六波羅蜜護諸佛法已近第三如法順忍真見佛身能摧魔衆及壞邪道度生死河入大智海通

達一切諸佛境界具足莊嚴諸佛功德諸所有色種姓財物勝諸衆生次第當坐如來法座具足一切三昧持不為一切聖人所輕為諸緣覺之所讚歎常為諸佛之所護念能解一切國土衆生種種語言於諸法中不見受者及以施者亦無說者及聽法者無有作者及以受者猶如虛空淨光言善男子是故我言汝今成就无量功德何以故已於無量無邊世中勤修集故善男子若佛獲得十力无畏一切佛法出家苦行逮成正覺轉妙法輪示大神通入大涅槃如是等事悉皆因修四无量心如是即是四無量果以是義故諸善男子及善女人應當修集四无量心說是法時二萬衆生得隨慈忍无量衆生具四无量心一切大衆咸供養佛

大方等大集經虛空目分中淨目品第五
尔時有一菩薩童子名无勝意長跪合掌白佛言世尊慈無量心有何等相有何等體何等因緣何等果報云何具足佛言善哉善哉善男子能問

如是甚深之義。今時如來即入三昧。其三昧名調伏衆生。无所畏懼。入三昧已。從其肉髻放大光明。其光猛盛。有種種色。遍照無量無邊世界。復出妙音而說偈言。

淤泥之中生芙蓉。亦復生於種種華。衆生以之供養佛。并及一切諸天神。一切惡國亦如是。生諸聖人大菩薩。能調難調不調衆。猶如衆生華供養。娑婆世界惡土地。釋迦住中宣說法。若欲獲得無量利。應當往彼娑婆界。無量世界所有衆生。聞是偈已。各各供養其土世尊。既供養已。乘佛神力。悉來集會娑婆世界。至於佛所。頭面禮拜。却坐一面。尔時此界大寶坊中。无量衆生具足。彌滿是諸衆生。各作是念。獨我至此供養如來。獨在佛前。諮問正法。如來獨為我一人說。尔時世尊告无勝意童子。善男子。慈有三種。一衆生緣。二者法緣。三者無緣善男子。衆生緣者。緣於五有。若有法行。菩薩欲得具足六波羅蜜。大慈大悲。菩薩十地速得成就。阿耨多羅三藐。

三菩提轉正法輪調伏無量無邊衆
生令度無邊生死大河欲壞無量惡
魔伴黨入大涅槃如是菩薩應當修
集四无量心應去何修若菩薩摩訶
薩為下方衆生乃至上方一切衆生
修集是慈觀諸衆生如父如母如師
和上如佛世尊聲聞緣覺今時應
作如是思惟若有衆生橫於我所起
諸惡事菩薩今時應作是念若我瞋
是惡衆生者則為十方諸佛所見是
大可耻當見呵責云何是人為阿耨
多羅三藐三菩提而自不能調伏其
心譬如有人無有脚足而欲趣彼鬱
單曰上如无目者而欲讀書如无手
者而欲執作遠離慈心而欲獲得阿
耨多羅三藐三菩提者亦復如是若
不能斷如是瞋心尚不能得聲聞菩
提何況阿耨多羅三藐三菩提若我不
能調伏自心當為諸佛聲聞緣覺天
龍八部之所呵責若我不能調伏自
心當得大罪受地獄苦不得現在未
來利益是故應當修集慈心復作是
念若有於我已作諸惡始作欲作或

以惡事加於我親以利養事益於我
怨亦復如是如是觀已菩薩先於一
方衆生修集慈心二三四方四維上下
亦復如是善男子是名菩薩慈緣衆
生今時會中有一天子名曰明星白
佛言世尊若菩薩摩訶薩初修慈心
如是慈心有何等果為是現在為在
未來具足成就幾所福德世尊如是
菩薩修集慈心頗復當墮三惡道不
佛言善哉善哉善男子汝已於昔供
養恭敬无量諸佛是故今能發如是
問已種善子善根堅固无量世中修
集慈心不與聲聞辟支佛共為欲利
益无量衆生是故今者能作是問善
男子諦聽諦聽今當為汝分別解說
若有菩薩能如我先所說修慈是人
則得卧安寤安不見惡夢資生所須
无所乏少諸天守護人天樂見不聞
惡聲身不惡病常樂寂靜勤行精進
樂受正法知見无我常為國主沙門
梵志男女大小乃至鳥獸之所供養
親近善友所謂聲聞緣覺諸佛菩薩
樂行惠施能度衆生所有善心不為

三毒之所破壞善名好譽流布四方
能療衆生所有惡病能令衆生遠離
衆苦能解衆生一切繫縛能調衆生
諸惡煩惱能壞一切惡邪異見能與
衆生信心念心大智慧心心住大乘
无能傾動不隨他語能壞衆生身口
意惡能滅衆生三種障業唯除五逆
誹謗正法賢聖之人劫招提僧物善
男子菩薩若能如是修慈當捨命時
面見十方諸佛世尊手摩其頭佛手
觸故心則歡喜心歡喜故尋得往生
其佛國土亦聞如是善妙之言所謂
莫生怖畏莫生怖畏汝是修慈純善
之人定當得生淨佛世界覲見无量
諸佛世尊離三惡道必入涅槃亦聞
法緣无缘之慈亦得具足四無量心
乃至獲得阿耨多羅三藐三菩提
時明星天子聞是法時於諸禪定出
入自在无勝意童子白佛言世尊如
是天子以何力故於禪定中速入速
出佛言善男子是天子者已於无量
諸如來所殖諸善根无量世中修法
緣慈奉願力故生四天處在日天前

十千由旬所住宮殿縱廣三萬二千
由旬琉璃所成前後左右滿十由旬
諸天男女而共圍遶是人在中離其
眷屬三由旬所獨坐寶牀出入禪定
一日一夜此四天下有八十天處六
十龍處四阿修羅處四迦樓羅處五
十二緊那羅處四十六摩睺羅伽處
八拘鞞荼處三十富餓鬼處三十毗
舍遮處於如是處悉能調伏如是衆
生以本願力故往昔發願此閻浮提
夜五分過餘一分在當在日前十千
由旬先當破壞閻浮提閻而作明相
若閻浮提諸善衆生欲度生死修禪
定者當為是人除去睡眠施其念力
若欲見我我當於夢現作和上師長
父母若有凡夫修集外道我當破壞
其人邪心亦以正道若有衆生於世
間事及出世事生懈怠者覩見我已
除去懈怠勤修事業若有衆生迷失
正路得見我時則還見道若有衆生
身遇重病得見我者苦痛休息身得
安眠受大快樂若有老人身受衆苦
心多忘誤得見我者還得念心然我

出時能令衆生繫心念善若有衆生
命將欲盡取後一念我當為說大乘
經典彼既聞已面見佛像捨身得生
淨佛世界若有欲求辟支佛者我當
為說辟支佛乘若有欲求聲聞乘者
我亦當為說聲聞乘若有衆生有三
惡業聞我說法惡業即滅世尊我先
行於閻浮提國然後次行於瞿陀尼
瞿陀尼後次鬱單曰鬱單曰後次
弗婆提以如是等本願力故常得修
行六波羅蜜乃至得成阿耨多羅三
藐三菩提今時明星天子白佛言世
尊我今為欲利益一切衆生故說此
陀羅尼

盧遮羅^一 盧遮羅^二 盧遮那^三 娑羅

叉婆^四 娑羅叉婆^五 娑羅叉婆^六 阿

婆呵呵^七 阿婆特茶^八 阿婆闍婆^九

阿婆叉那^十 阿叉叉叉^{十一} 富羅婆邏^{十二}

阿婆叉叉^{十三} 闍婆闍婆^{十四} 摩呵迦波^{十五}

阿婆阿婆^{十六} 摩呵娑摩^{十七} 頻^{十八} 莎

闍羯波^{十九} 阿鞞^{二十} 阿鞞^{二十一} 呵尼摩^{二十二}

沫邏莎律闍^{二十三} 迦留那闍邏^{二十四} 莎呵

世尊若有比丘比丘尼優婆塞優婆

夷若男若女若大若小若有至心念
我事者是人則得淨於諸業神通施
戒忍辱精進禪定智慧解脫佛土四
无尋智如是諸人不得成就如是事
者我則欺誑十方諸佛於未來世亦
莫令我得阿耨多羅三藐三菩提尔
時無勝意童子白佛言世尊他方佛
土所有人民常作是言娑婆世界雜
穢不淨然我今者常見清淨佛言如
是如是善男子如汝所說又此世界
諸菩薩等或作天像調伏衆生或作
龍像或作鬼像或阿修羅像或迦樓
羅像或緊那羅像或摩睺羅像或夜
叉像或拘辦茶像毗舍闍像薜荔陀
像人像畜生像鳥獸之像遊閻浮提
教化如是種類衆生善男子若為人
天調伏衆生是不為難若為畜生調
伏衆生是乃為難善男子閻浮提外
南方海中有琉璃山名之為潮高二
十由旬具種種寶其山有窟名種種
色是昔菩薩所住之處縱廣一由旬
高六由旬有一毒蛇在中而住修聲
聞慈復有一窟名曰无死縱廣高下

亦復如是亦是菩薩昔所住處中有一馬修聲聞慈復有一窟名曰善住縱廣高下亦復如是亦是菩薩昔所住處中有一羊修聲聞慈其山樹神名曰無勝有羅刹女名曰善行各有五百眷屬圍繞是二女人常共供養如是是三獸善男子閻浮提外西方海中有一頗梨山高二十由旬其山有窟名曰上色縱廣高下亦復如是亦是菩薩昔所住處有一獼猴修聲聞慈復有一窟名曰誓願縱廣高下亦復如是亦是菩薩昔所住處中有一犍修聲聞慈復有一窟名曰法林縱廣高下亦復如是亦是菩薩昔所住處中有一大神有羅刹女名曰眼見各有五百眷屬圍繞是二女人常共供養是三鳥獸善男子閻浮提外北方海中有一銀山名曰菩提月高二十由旬中有一窟名曰金剛縱廣高下亦復如是亦是菩薩昔所住處中有一脂修聲聞慈復有一窟名曰香功德縱廣高下亦復如是亦是菩薩昔所住處中有一鼠修聲

聞慈復有一窟名高功德縱廣高下
亦復如是亦是菩薩本所住處中有
一牛修聲聞慈山有風神名曰動風
有羅刹女名曰天護各有五百眷屬
圍繞是二女人常共供養如是三獸
善男子閻浮提外東方海中有一金
山名功德相高二十由旬中有一窟
名曰明星縱廣高下亦復如是亦是
菩薩昔所住處有一師子修聲聞慈
復有一窟名曰淨道縱廣高下亦復
如是亦是菩薩昔所住處中有一兔
修聲聞慈復有一窟名曰喜樂縱廣
高下亦復如是亦是菩薩昔所住處
中有一龍修聲聞慈山有水神名曰
水天有羅刹女名修慚愧各有五百
眷屬圍繞是二女人常共供養如是
三獸是十二獸晝夜常行閻浮提內
天人恭敬功德成就已於諸佛所發
深重願一日一夜常令一獸遊行教
化餘十一獸安住修慈周而復始七
月一日鼠初遊行以聲聞乘教化一
切鼠身衆生令離惡業勸修善事如
是次第至十三日鼠復還行如是乃

至盡十二月至十二歲亦復如是常
為調伏諸衆生故善男子是故此土
多有功德乃至畜生亦能教化演說
无上菩提之道是故他方諸菩薩等
常應恭敬此佛世界

尔時會中有一優婆塞名曰淨德白
佛言世尊我今可得覩見如是十二
獸不善男子若有比丘比丘尼優婆
塞優婆夷欲得覩見是十二獸欲得
大智大念大定大神通力欲受一切
所有典籍四无量心欲行正道得奢
摩他欲得寂靜欲增善法是人當以
白土作山縱廣七尺高十二尺種種
香塗金薄薄之四邊周匝二十尺所
散瞻婆華當以銅器盛諸種種非時
之漿置之四面清淨持戒日三洗浴
敬信三寶離山三丈正東向立誦如
是呪

戰阇羅呵^一修利地比摩^二其羅睺^三
沸已牟邏^四若地牟邏^五阿呵希^六
娑呵囉希^七若地呵希^八薩婆復多
呵^九梨地婆呵休^十摩沙車婆牟梨^{十一}
迦嚩浮^{十二}邏奢浮^{十三}修邏地牟^{十四}呬

迦那^{十五}摩希又婆^{十六}迦婆摩訶^{十七}阿

又比婆邏^{十八}多波比莎^{十九}沙持因持

利地鞞莎^{二十}阿闍牟他婆^{二十一}婆盧婆

又^{二十二}槃陀^{二十三}多^{二十四}遮羅又婆希^{二十五}呵^{二十六}迦

比牟^{二十七}哆比勒搜^{二十八}散遮勒搜^{二十九}婆

婆浮^{三十}婆邏婆又搜^{三十一}沸已遮^{三十二}哆

莎賴莎^{三十三}陀又邏莎^{三十四}波利波遮^{三十五}

修羅修^{三十六}搜婆莎弥^{三十七}希邏莎^{三十八}

婆邏牟莎邏莎^{三十九}牟莎邏私^{四十}邏

婆邏婆^{四十一}頻婆思邏莎^{四十二}婆婆邏

婆^{四十三}陀摩盧遮那邏婆^{四十四}富囊挫

蘭呵邏婆^{四十五}首陀盧遮那邏婆^{四十六}

婆摩摩邏婆^{四十七}比摩盧遮那^{四十八}呌伽^{四十九}

薩顛摩邏婆^{五十}阿利耶盧遮那^{五十一}耨

耨^{五十二}比摩牟^{五十三}婆羅呵^{五十四}婆呵邏

私窺窺^{五十五}阿由比目猛^{五十六}牟尼邏提

致^{五十七}莎呵^{五十八}

住十五日當於山上見初月像^{五十九}時

則知見十二獸見已^{六十}所願隨意即得

善男子若能如是修行苦行即得眼

見是十二獸^{六十一}時淨德優婆塞語明

星菩薩言善男子汝能教化調伏衆

生云何調伏為以身耶口耶意耶善

男子我非身口唯以心業善男子若是心業為過去耶未來耶現在乎善男子亦非去來唯是現在制現在心不令作惡善男子汝猶不能令現在心獲得解脫云何而能調伏衆生明星荅言我今受持四无寻智淨目持力故能調伏一切衆生淨德言四無寻智淨目持者亦復不能調伏衆生何以故无覺觀故云何而言能調衆生善男子我今問汝隨意見荅善男子攝入繫縛解脫清淨道及寂靜畢竟平等亦不平等如是平等及不平等何因緣生何因緣出何因緣增長汝寧不知乎淨德荅言善男子如是等事因我我所生出增長明星菩薩言善男子是我我所何因緣生善男子是我我所風因緣生明星菩薩言風住何處善男子風住虛空又問虛空為何所住荅言虛空住於至處又問至處復何所住荅言至處何處住者不可宣說何以故遠離一切諸處所故一切處所所不攝故非數非稱不可量故非覺非觀非有非无非行

非生非出非滅非有增長非字非
念非作非受非闇非明非增非減非
壯非老真實之性是一切法無罣碍
門是故至處无有住處明星菩薩言
善男子如是即是四无碍智淨目施
羅尼若有菩薩修集如是施羅尼者
一切煩惱則為爛敗入法緣慈一切
法中無有疑心說是法時十方世界
无量衆生得法緣慈無量衆生得近
四無碍智淨目施羅尼今時世尊讚
是二人善哉善哉善男子能如法問
能如法答是施羅尼因緣力故四天
王等於我滅後能守護法

大方等大集經卷第三

甲辰歲高麗國大藏都監奉
勅雕造

大集經第三卷 第三十八張 讓

大方等大集經卷第二十四

讓

北凉天竺三藏曇無讖譯

虛空目分第十之三中智目品第六

今時明星菩薩白佛言世尊聲聞之
人行聲聞乘辟支佛人行辟支佛乘
如是二人云何修悲思作何法離何
煩惱佛言善男子若有善男子善女
人行聲聞乘辟支佛乘不觀衆生所
有樂相不作怨親父母等相憐愍衆
生修起悲心乃至十方亦復如是若
我不能於惡衆生修集悲者當觀是
人八種苦相生苦乃至死苦是人具
足如是八苦我當云何於是人所不
生悲心是人復有三種大苦亦復未
得脫三惡道我當云何不生憐愍云
何名為觀於生苦從業因緣父母和
合初受意識歌羅羅時其身猶如亭
塵子許是時未有人出氣息亦不覺
知苦之與樂不苦不樂離先色相未
具後色無力无欲無有精進无有憍
慢上色上性上自在相无五欲相諸
根不具如是衆生我當云何不生憐

愍如是衆生過去愛取名為無明過
去業有名之為行初入胎心名之為
識歌羅羅中初色四陰名為名色是
時未具十二有支以生因緣故可說
有十二因緣衆生如是何有智者不
生憐愍歌羅羅時住六七日六七日
轉名頰浮陀是時形色猶如小棗住
六七日轉名伽都是時形色如胡桃
殼住八七日轉名閉尸形色猶如頻
婆羅果是時身邊有五胞出謂頭手
脚十二七日始有腸相二十七日男
女根別二十一七日始生骨節乃至
三十六七日中其身具足血肉毛根
三十八七日具足身肢四日四夜住
在腹中臭穢之處是人如是我當云
何不憐愍耶尔時還憶本生之事憶
已愁苦作是念言若我出胎當修善
法願後更莫生如是處修不放逸遠
離受生初出母胎尔時舉身受迫近
苦入風觸身亦復受苦身初至地以
水塵洗復受大苦猶如地獄尔時還
失憶宿命事生已復有老病死苦隨
逐不捨復有風病白水黃水和合等

病如是四病數各百一常隨逐之是故名為生是大苦既受生已老復隨逐髮白面皺失智慚愧髮毛稀疎諸行陳故諸根衰熟易破易壞爛朽危脆唯貪二味所謂鹹酢能壞安樂身根遍惱是大苦河能破衆生三世壯色妄如嬰兒狂如鬼著衆生具足如是惡事我當云何不生憐愍今時復為死所侵逼失於智慧壽命諸有捨棄諸陰身壞命壞四大離散三世衆生壽命之怨一切衆生成就死法我當云何不生憐愍今時復有所不愛物而來親近所謂寒熱飢渴惡人惡獸衆生如是我當云何不生憐愍復有所愛別離所謂盛年財寶康強壽命父母妻子親戚眷屬上妙六塵衆生既受如是等苦我當云何不生憐愍或有衆生於三世中求上六塵而不能得以是因緣具受衆苦若我於此惡類衆生不生憐愍我當云何得阿耨多羅三藐三菩提一切衆生受三陰擔我亦如是若我不修大悲之心云何得捨如是重擔一切聖人已

得遠離五陰重擔若不修行三種淨
戒不善思惟其心放逸不行正道不
得解脫如是之人受百種苦衆生既
受如是百苦我當云何不修悲心若
有衆生於一日夜能如是觀是人得
心猶如虛空是人能於一切衆生修
集大悲是人能得身心寂靜是人不
遠正真法界及以法性如是方便能
得聲聞緣覺衆生緣悲若有菩薩初
修道時作是思惟設令我有恒河沙
等如須弥身當以是身為於一人於
无量世受大劇苦令彼一人得受樂
者我終不悔亦不退轉於菩提心復
作是念假令一切所有衆生各各執
椎如須弥山來打我身經无量歲我
當忍受不生惡心乃至一念復作是
念是人所受百種之苦一切衆生亦
受是苦而不知念阿耨多羅三藐三
菩提我今是學阿耨多羅三藐三菩
提云何不受刀劍火石亦復如是若
我當於一切衆生生惡心者諸佛賢
聖當見呵責而作是語是人欲得阿
耨多羅三藐三菩提云何如是而不

忍辱菩薩摩訶薩修淨意者即是忍辱忍辱者即是瓔珞精進道性器四財寶菩薩修集如是忍辱能淨身心能淨莊嚴堅固莊嚴得大智慧不與聲聞辟支佛共於諸衆生寂為殊勝一切四魔不得其便邪不能動煩惱折減一切怨讎不能為惡言辭所說不可窮盡其智甚深猶如大海精進堅牢如須彌山等諸衆生如海一味能大利益猶如大地淨衆垢汙猶如清水能作光明猶如朗日於衆无尋猶如猛風世法不汙猶如蓮華下視衆生如金翅鳥衆生樂見如夏日雲衆生樂受如夏時雨見无餘求猶病遇醫壞諸貧窮如如意珠施衆禪定猶如梵天生死无尋猶如虛空示平不平猶如明燈人天恭敬猶如帝釋若有菩薩起瞋恚心一切怨賊悉得其偈喪失一切善根財寶一切衆魔獲得其過為諸煩惱之所汙染入大闇處失一切善根為諸聖人之所可責若有菩薩起瞋恚心乃至一念則為喪失一切善法設我悉受一切衆生

無量億數打罵毀辱乃至不應起一念瞋何以故如是衆生不學慈悲若彼衆生心元瞋打我當云何修集慈悲以是義故衆生瞋時我應生喜何以故即是我之悲因緣故若有善男子善女人能作是觀即得不共聲聞緣覺衆生緣悲亦能疾得阿耨多羅三藐三菩提善男子復有衆生觀三惡道苦衆生已修集悲心復有觀察三界所有諸苦衆生而修悲心復有觀察五陰衆生而修悲心入界亦亦善男子以是義故菩薩摩訶薩欲得阿耨多羅三藐三菩提當修慈悲何以故夫慈悲者即是一切善法種子若有衆生得色界身亦是修集慈悲因緣若无色身若聲聞道若緣覺道若諸菩薩莊嚴堅固行六波羅蜜調伏衆生得無生忍成阿耨多羅三藐三菩提皆因慈悲種子因緣說是慈悲因緣法時明星菩薩得元生法忍是忍不與緣覺聲聞共之八万四千衆生得如法忍五万五千卅由他衆生發阿耨多羅三藐三菩提心十万

八千衆生得不退心二萬衆生成就
慈悲五千比丘得阿羅漢果五百比
丘尼盡一切漏十萬億衆生破大邪
見得正見心念時世尊告无勝意童
子善男子過去有佛名發功德意亦
說如是大慈大悲無勝意童子言世
尊所言如者云何名如佛言善男子
遠離身相名之為如无勝意童子言
所言身者即是實性即是寂靜即
是法界即是无漏即是无盡佛言善
男子如身者即是一切衆生之身即
是過去未來邊際即是寂靜无勝意
童子言世尊若一切佛如即是身佛
言善哉善哉善男子如是法界无有
增减三世平等不生不出不滅猶如
虚空如身亦如是說是法時三萬衆
生得如法忍念時世尊告明星菩薩
言善男子云何修集緣衆生喜善男
子若有菩薩不修慈悲不念衆生所
有樂相乃至不觀三趣三界所有諸
苦而亦觀於五陰出滅如是觀已生
於喜心但樂觀法觀已生喜如是喜
心願及衆生是名為喜世尊云何修

捨善男子若有菩薩不修慈悲及以
喜心修捨念捨父母乃至聲聞緣覺
菩薩諸佛修是捨時遠離一切愛瞋
法心是人修集空无相願既修集已
不久定當得入涅槃若人修集如是等
四無量心是人則為十方諸佛菩薩
天龍夜叉剎利婆塞優婆夷之所供養
丘比丘尼優婆塞優婆夷之所供養
隨有國土若四部衆修集如是四無
量心其土則已遠離一切衰禍之相
其中衆生樂雜思法受持善法善男
子四无量心具足如是无量福德
大方等大集經虚空目分中辟支佛乘品第七
無勝意童子復白佛言世尊修緣覺
乘比丘比丘尼優婆塞優婆夷善男
子善女人云何修集慈悲喜捨佛言
善男子若有修集辟支佛乘比丘比
丘尼優婆塞優婆夷善男子善女人
觀衆生樂解衆生樂念法緣慈終不
憶念緣衆生慈如自心中所受樂事
亦願衆生同共得之觀法平等觀樂
平等觀心平等觀如平等如是觀已
乃至不於一人生惡設有因緣生惡

心者應作是念若我於彼生惡心者
云何當得阿耨多羅三藐三菩提菩
薩摩訶薩成就無量純善功德若於
一人生瞋惡心尚不能得阿耨多羅
三藐三菩提況我未成諸善功德以
是因緣修衆生慈及法緣慈悲喜捨
心亦復如是善男子若有欲學緣覺
乘者應如是修慈悲喜捨說是法時
六萬億衆生得住初地或得二地三
地四地五地或有衆生得无生忍或
有獲得辟支佛道及聲聞道無量
衆生發阿耨多羅三藐三菩提心
大方等大集經虛空目分中聖無等智品第八
尔時衆中有一童子名虛空聲白佛
言世尊云何菩薩在嚴无上菩提之
道修一切智目方便無緣梵行一切法
目方便无緣梵行一切陰入界方便
解脫方便三昧方便陀羅尼方便得
忍方便諸地方便世尊云何菩薩摩
訶薩修一切智目門同虛空慧度於
彼岸無緣梵行越度四流斷四魔繫
佛言善哉善哉善男子汝今能入四
无量海欲度衆生於生死河是故今

者發如是問復欲不斷佛大智海善
男子十方佛土若有菩薩同共汝行
三昧智慧我說法時如是等輩悉為
明證若无如是菩薩證者我則不說
無緣梵行何以故我若說者多於是
中而生疑心若有未得无緣梵行亦
復生疑以是義故不應宣說今時世
尊即入三昧其三昧名虚空幢入已
面門出大光明其明種種遍照十方
諸佛世界蔽於日月今不復現其光
明中出大聲言娑婆世界釋迦牟尼
為諸衆生宣說梵行壞諸煩惱說聲
聞乘辟支佛乘无緣梵行无量衆生
及諸菩薩次第而坐聽受正法亦說
清淨菩提之行為欲利益無量衆生
故作大集說種種行无量衆生獲得
一生及以後生十方衆生聞是語已
一切悉集娑婆世界或有菩薩現真
金身雨於金沙或現銀身雨於銀沙
或琉璃身雨琉璃沙或頗梨身雨頗
梨沙或沉水身雨沉水沙或栴檀身
雨栴檀沙或多摩羅跋身雨多摩羅
跋沙供養於佛供養已畢頭面敬礼

却坐一面

今時世尊告虛空聲童子善男子今日十方諸大菩薩其中或有得法忍者得无生忍一生後生悉為我證如是菩薩修集慈悲喜捨之心了了通達諸法之性亦能遠離身相業相其心不著有為无為亦不貪著眼乃至意色乃至法至心修集無緣梵行无諸覺觀不生憍慢无所貪著知真實性觀一切法皆悉平等所謂三世三界三戒亦得增長大慈大悲大喜大捨捨一切衆生遠離三界陰入界等離一切字聚名聚句聚有為之法作是觀時即得具足大慈大悲大喜大捨修集同空三昧梵行六波羅蜜諸佛護念具善方便住第三忍過於聲聞辟支佛道遠離一切眼色因緣乃至一切意法因緣觀法界如隨順不倒獲得大慈大悲等力於諸法中得大自在而於生死不生厭悔有大力勢調伏衆生於三乘中得智方便能雨法雨得无尋智解諸衆生異語方便善男子是名聖目陀羅尼具无尋智

修集梵行善男子若有菩薩修是梵
行如是菩薩常得見佛能具佛法淨
佛世界性淨衆淨行淨智淨意淨供
養亦淨能具十地次第當坐如來法
座如是名為清淨法行是名如來是
名世尊名過四潮名菩提道能得菩
提轉大法輪云何名為一切智耶若
智能觀一切平等衆生平等三世平
等不倒平等如是等一切法見虛空
目見法虛空目見无行虛空目見性
虛空目見如空虛空目見如內空虛
空目見如外空虛空目見如內外空
虛空目見如大空虛空目見如第一
義空虛空目見如有為空虛空目見
如無為空虛空目見如畢竟空虛空
目見如无始空虛空目見如性空虛
空目見如散空虛空目見如自性空
虛空目見如一切法空虛空目見如
無所覺空空虛空目見如无法空虛
空目見如无性空虛空目見如無法
有法空虛空目見如實性空虛空目
見如无相無願虛空目見如一切法
无边無處虛空目見如大慈大悲虛

空目見一切知見虛空目見一切智如是見已轉正法輪是名不共衆生法界是名一切智名佛境界說是無緣梵行時九萬二千衆生成就是法恒河沙等衆生得如法忍恒沙衆生遠離垢穢得法眼淨一千比丘得阿羅漢果無量人天發阿耨多羅三藐三菩提心

大方等大集經虛空目分中護法品第九

尔時一切欲色界天以妙香華幢蓋伎樂供養於佛白佛言世尊如来先已於閻浮提轉正法輪今復於此大寶坊中轉大法輪為菩提行故一切大衆復作是言如来境界不可思議何以故如来在此大寶坊中轉法輪時十方無量佛世界中所有菩薩悉來集此為聽如是虛空目法行尔時文殊師利童子金剛山童子無勝幢童子無勝意童子虛空聲童子如是等童子共數九萬二千億白佛言世尊唯願如来以願力故令是虛空目法行久住於此娑婆世界及十方土无有滅没何以故如是法中說三梵

行菩薩若行如是三行即得阿耨多
羅三藐三菩提佛言善男子南方世
界金剛光明功德如來西方世界智
幢如來北方世界發光功德如來東
方世界寶蓋光明功德如來是四如
來以先有願以是願故是經後當流
布十方令諸菩薩悉得修行如是三
行我今以此正法付囑四大天王功
德天女四大龍王誠實語天四阿湏
羅王具天大自在天八臂天地神女
等何以故善男子或有衆生其性弊
惡有大勢力多造三業不受是經是
人死已受惡鬼身惡龍之身是惡鬼
龍欲壞佛法降注惡雨惡風塵坌為
諸修行三業比丘而作重病以手探
腹取其心肝吹以惡氣置飲食中故
令食者得大重病良醫拱手不能療
治如是修行三業比丘盡捨命已是
名法滅如是惡鬼復令如來所有弟
子剎利婆羅門毗舍首陀大臣長者
悉生惡心惡心既生互相殘賊當介
之時閭浮提內國土城邑空荒无人
人民既無誰當流布如是經典是故

我今不以是經付囑菩薩比丘比丘
尼優婆塞優婆夷及諸國主以付四
王乃至地神如天神至心護持若
有國土刹利婆羅門毗舍首陀比丘
比丘尼優婆塞優婆夷受持讀誦如
是經者是諸天神當至心護勸諸檀
越令致供養所謂衣服飲食卧具病
藥房舍燈燭是諸檀越若有惡相諸
惡病瘦諸天力故悉令消滅以是因
緣法得增長无有減没今時一切諸
天神等白佛言世尊若今現在若佛
滅後我等要當捨離自事守護是法
若佛弟子比丘比丘尼優婆塞優婆
夷有能受持如是等經勤行精進雖
復受畜八不淨物畜養妻息金銀琉
璃頗梨田宅奴婢僕使我為法故亦
當守護遮諸惡鬼不令嬖近隨是經
典所在之處今其土地日月五星不
越常度怨讎兵革皆悉消伏所有衆
生若男若女若大若小悉樂受誦如
是經典持戒清淨勤行精進世尊以
是因緣一切諸天樂處人間是人捨
身即得生天諸天增長色力壽命所

有惡相滅無遺餘其无信者我能令
信若佛弟子比丘比丘尼優婆塞優
婆夷不能受持如是經典讀誦書寫
不樂寂靜不善思惟樂求供養不持
淨戒懶惰懈怠心无慚愧親近白衣
如是比丘以財俗力毀佛弟子若打
若殺若縛若罵向王大臣說其過惡
佛諸弟子聞是事已生大惡心生惡
心已諸善鬼神捨至他土是故惡鬼
即得其便既得便已諸國興兵互相
討伐降惡風雨令穀不登人民飢饉
共相茹食尔時十方世界菩薩白佛
言世尊諸佛如來為如是等五滓衆
生制於禁戒唯願如來為法久住復
制禁戒所謂身戒口戒意戒不得受
畜一切惡物惡心闢諍親近國王大
臣長者受畜一切俗人之物如餘佛
上所制淨戒佛言善男子止止佛自
知時善男子因緣未出如來則不豫
制禁戒尔時世尊告頻婆娑婆羅二大
王汝之國法何名大罪何名小罪頻
婆娑婆羅言世尊我之國法有四重罪
一者斷他命根二者偷至五錢三者

燃他婦女四者為五錢故大衆三
故作妄語如是四罪犯者不活佛言
我今亦為未來弟子制是四重復次
大三王子幾歲不聽入宮世尊過二
十年則不聽入佛言我亦如是沙弥
二十乃至得道不聽入衆王言世尊
如我國法有作罪者必死不疑或打
或罵閉繫輸物擯出界外如來法
中其義云何大王我之法中亦復如
是有犯罪者或令苦作一月二月或
不與語共坐共食或不共住或擯令
出或出一國或出四國有佛法處治
如是等惡比丘已諸善比丘安樂受
法故使佛法久住不滅大王若未來
世有我弟子饒財多寶有大力勢王
所親愛一切大衆不能擯治如是等
人汝等當治刹利婆羅門毗舍首陀
不能治者如是四姓則為斷我三寶
種性能滅法炬破壞法船焦涸法味
奪衆生眼我法壞時心則放捨大王
譬如一人奪一切眼於意云何是罪
多不甚多世尊不可稱量不可計數
大王若有刹利婆羅門毗舍首陀有

大力勢見我法滅捨不守護其所得
罪亦復如是大王若有國主於無量
世修施戒慧見我法滅捨不擁護如
是所種无量善根悉皆滅失其國當
有三不祥事一者穀貴二者兵革三
者疫病一切善神悉捨離之其王教
令人不隨從常為隣國之所侵燒暴
火橫起多惡風雨暴水增長吹漂人
民內外親信咸共謀叛其王不久當
遇重病壽終之後生地獄中若宿善
追及還得人身無量世中常盲元目
貧窮踈跼行乞自活常生惡心因是
惡心復當還墮於地獄中如王夫人太
子大臣城主村主將帥郡守宰臣亦
復如是頻婆娑羅耳聞是語悲泣哽
咽收淚而言世尊我值如來猶故不
能如法治國況未來世放逸諸王不
能持戒修行精進治惡比丘護持佛
法不能紹繼三寶種性如是諸王長
夜常行於三惡道今時諸王夫人太
子大臣城主村主將帥郡守宰官皆
白佛言我等於今現在之世要當勤
心守護佛法亦當供養受持法者衣

服飲食卧具醫藥治惡比丘紹三寶
性佛言善男子汝等若能建立此事
則為供養三世諸佛亦得无量不可
思議諸善功德

大方等大集經虛空目分中大衆還品第十

尔時世尊復告諸天善男子汝等今
者勿懷憂慮我今當與未來弟子為
護法故立嚴峻制為不斷絕三寶性
故為欲增長諸善法故為增長多聞
滿寶藏故為離一切苦煩惱故為成
無上菩提道故善男子我今所說一切
聲聞具足成就得聲聞乘一切緣覺
具足獲得辟支佛乘一切菩薩具足
成滿三種梵行得无上智善男子是
經能離諸惡衆生能壞無生惡不善
法能滅身口意不善業能破一切諸
惡果報若有善男子善女人供養是
經則為供養十方諸佛尔時娑婆世
界一切衆生異口同音而作是言善
哉善哉世尊我初未聞是大法聚今
得聞之世尊我能受持守護是法為
護法故不惜身命若有比丘比丘尼
優婆塞優婆夷受是經者我當供養

隨其所須一切給與若復有能供養如是受持經者我等亦當勤守護之內外財寶令无損耗隨是經法所流布處亦護甘土令無諸惡佛言善哉善哉善男子汝能如是守護法者則為供養三世諸佛善男子若諸衆生有護法心若生人天得大自在乃至畜生亦有大力為人所重不經寒苦善男子是護法者惡不能加心無所畏无能破壞諸魔煩惱不得其便多饒眷屬智慧具足凡有所說无所罣碍樂行十善修集正定父母諸王見則恭敬能昇法座轉正法輪凡有所聞終不忘失

大方等大集經卷第二十四

癸卯歲高麗國大藏都監奉
勅雕造

大方等大集經卷第二十五

讓

北京天竺三藏曇無讖譯

寶鬘菩薩品第十二之一

尔時世尊故在欲色二界中間大寶坊中坐師子座放大光明猶如日月得大自在猶如梵釋功德高顯猶如須弥山法界甚深猶如大海於大眾中演說正法初中後善字義真正具足清淨班宣梵行為諸菩薩淨於法印令諸菩薩聞已修集尔時東方過九万二千諸佛世界彼有世界名曰善華其上有佛号曰淨住如来應正遍知明行足善逝世間解无上士調御丈夫天人師佛世尊為化衆生宣說正法有一菩薩名曰寶鬘與諸菩薩其數八千没彼世界欲來此土賣妙寶蓋欲奉如来其盖周覆千世界及諸香華欲供養佛妙音說偈讚歎如来

若諸人天得覩佛 則為獲得大利益
如来所受苦无量 勤精進故得菩提
往昔精進修菩提 超過一切諸菩薩

為今衆生得利益 故轉无上正法輪
如來如是難得見 所說正法亦難聞
獲得人身亦復難 諸根具足亦如是
若諸衆生行不善 亦不能作三善業
若人欲得大利益 應當觀見釋中尊
若欲聽受無上法 并見十方諸菩薩
具足三十二妙相 應當速詣大寶坊
今若不種諸善根 後必不得大涅槃
若欲具足人身者 應當速詣娑婆界
若欲破壞三惡道 欲受人天微妙樂
獲得無上无比樂 應當詣於娑婆界
大醫今施甘露味 除滅衆生諸煩惱
如來商主大法王 今日演說无上界
寶髻菩薩說是偈 時其聲遍滿大千
世界時舍利弗聞是偈已 即白佛言
世尊如是偈音何處演說 佛言舍利
弗東方過於九万二千諸佛世界 彼
有世界名曰善華 其土有佛号曰淨
住 彼有菩薩名曰寶髻 與八千菩薩
俱來至此 是其所說其聲聞乎 大千
世界勸諸衆生令修善法 今時寶髻
菩薩與八千菩薩及無量人天來至
佛所 頭面禮拜 白佛言 世尊 善華世

界淨住如來致敬問訊起居輕利氣
力安不眷屬大衆樂受法不世尊我
從彼來至此世界為聽菩薩淨行法
印唯願如來普為一切大慈憐愍分
別解說今諸菩薩聞已修集破壞一
切煩惱習氣修菩薩行了知一切衆
生之心能修菩薩所有行相能得解
了智慧之行能知一切煩惱等行能
修菩薩所修法行能深觀察一切罪
過身得无碍見一切佛佛言善哉善
哉善男子諦聽諦聽我今當說如是
淨行十分之一善男子菩薩摩訶薩
有四行何等為四一者波羅蜜行二
者助菩提行三者神通行四者調衆
生行波羅蜜行者是願方便助菩提
行者是修道方便神通行者是調心
方便調心方便者是菩提心堅固方
便善男子云何名檀波羅蜜檀波羅
蜜即是淨行能壞癡心能修捨心修
捨心已能一切施若有菩薩能一切
施即得四種無分別心何等為四一
者不分別衆生二者不分別法三者
不分別心四者不分別願是名為四

不分別衆生是可與是不可與此多
與此少與此上與此下與此恭敬與
此輕慢與此全與此半與此持戒此
破戒此福田此非福田此得大報此
不得大報此是正見此是邪見此行
正聚此行邪聚善男子若菩薩摩訶
薩得如是心名不分別心無憍慢心
无上下心無望尋心是平等心真正
之心平等施戒平等慈悲无有分別
猶如虛空是名不分別衆生不分別
法者菩薩終不作是分別受者為說
不受不說受法者施其所須不受法
者則不供給終不觀察凡夫之人不
可惠施賢聖之人則應布施是名不
分別法不分別心者觀諸衆生心皆
平等不為報施无内外貪非為名施
不求果施所受之物施已不悔為攝
衆生故行惠施是名不分別心不分
別願者施時不為得帝釋身梵王之
身轉輪王身魔身長者大臣之身亦
復不為大自在故大眷屬故不為上
有不為聲聞辟支佛乘乃至不為阿
耨多羅三藐三菩提故而行布施是

名不分別願善男子菩薩摩訶薩修
惠施時具足成就如是四事則得遠
離八不正見一者我見二者衆生見
三者壽命見四者士夫見五者常見
六者斷見七者有見八者无見是名
為八復得遠離四種功德一者凡夫
功德二者聲聞功德三者緣覺功德
四者餘習功德如是施已不觀四相
一者常相二者樂相三者我相四者
淨相能淨四法一者淨身二者淨口
三者淨心四者淨願遠離三身一果
報身二聲聞身三悔心身善男子菩
薩修行如是施時遠離三畏一者憊
慢畏二者上慢畏三者魔業畏菩薩
修行如是施時具四種印一者內空
印二者外空印三者衆生空印四者
菩提空印如是施時具四精進一者
滿衆生故具足精進二者護佛法故
具足精進三者為具三十二相八十種
好故具足精進四者淨佛土故具足
精進是時復得具足四念一者念菩
提心二者念欲見佛三者心常念慈
四者念離煩惱如是施時淨於三事

一者自身二者他身三者菩提如是
施時淨於四智一者界智二者衆生
滿足智三者願智四者助菩提智善
男子菩薩若能行如是法則能淨於
檀波羅蜜善男子云何菩薩淨於尸
波羅蜜行善男子有一種淨所謂菩
薩憐愍一切世間衆生勝於聲聞辟
支佛慈能壞魔業調諸衆生具足無
量功德寶聚无有放逸復有二種一
者於諸衆生不生惡心二者調諸衆
生令向善菩提復有三種一者淨身遠
離一切身惡業故二者淨口遠離一
切口惡業故三者淨意遠離一切貪
恚邪見故復有四種一者勸諸衆生
令持禁戒二者勸諸衆生具足淨戒
三者能調諸毀戒者四者見持戒者
供養恭敬尊重讚歎復有五種一持
戒已不生憍慢二見毀戒不生輕慢
三見持戒心无嫉妬四終不求聲聞
之乘五者不念辟支佛乘復有六種
一者念佛為過戒故二者念法為過
戒口心不生悔三者念僧為能具足
如來戒故四者念戒為不求諸有果

報故五者念施為能一切悲施與故
六者念天為欲具足諸善法故復有
七種一者深信一切佛法二者勤行
精進為得佛法故三者具智為知一
切諸佛法故四者聞已能說一切佛
法故五者供養父母師長和上六者
畏於現在未來惡業七者有慚愧心
復有八種一者不為利養顯異惑眾
二者不說自事離一切故三者不讚
供養心知足故四者行聖種性樂善
法故五者隨頭陀法不惜身命故六
者樂於寂靜離說世事故七者深心
樂法厭三界故八者至心護法不惜
身命故復有九種一者離九惡心過九
眾人所居處故二者念淨三者念修
四者增長善法五者心樂寂靜六者
離煩惱熱七者莊嚴舍摩他八者勤
行精進九者不欺眾生復有十種一
者淨身三業二者淨口四業三者淨
意三業四者遠離嫉妬五者離諂曲
心六者至心念戒七者為持戒故勤
行精進八者軟語為調眾生九者受
身為眾生使十者於諸福田不生輕

慢善男子菩薩修行尸波羅蜜有二
種淨行一者有心有相及以莊嚴寧
捨壽命終不毀戒二者無心无相及
無莊嚴於一切法心无所著復有二
種一者淨於內入二者不求一切外入
復有二種一者常願菩提之心二者
不觀本向菩提戒相善男子云何菩
薩淨羣提波羅蜜行善男子菩薩摩
訶薩受罵不報口業淨故受打不報
身業淨故受瞋不報意業淨故善男
子菩薩摩訶薩雖受罵辱所以不酬
護衆生故受諸楚毒所以不報護後
世故被截手足慈心不瞋護菩提故
見有求者心不生瞋為四攝故生慈
心故增菩提道故壞慳貪心破魔業
故善男子菩薩摩訶薩修念佛已行
於忍辱受一切苦為得佛身故善男
子復有菩薩修於忍辱為欲具足得
十力故復有菩薩修於忍辱為欲成
大師子吼故復有修忍為知三世無
罣碍故復有修忍為得大慈大悲力
故復有修忍為得具足一切智故
善男子菩薩摩訶薩具足二力能成

就忍一者智力二者修力以智力故
觀於身心是故為忍以修力故不著
諸法是故為忍復次善男子淨忍菩
薩則能觀察一切法中无有衆生是
故修忍一切諸法其性解脫是故菩
薩觀一切法无忍無瞋若於諸法心
无所著是名為忍善男子菩薩有二
忍一者觀如法身二者觀如法界菩
薩摩訶薩若能如是觀二法者是名
菩薩淨羣提波羅蜜行善男子云何
訶薩於諸修行不息不悔於諸善法
心無厭足亦樂修行五波羅蜜常求
莊嚴一切善法擁護正法樂宣說之
調伏衆生心无休息過於聲聞辟支
佛乘擁護一切諸佛正法修諸苦行
其心不悔終不喪失本昔善根廣修
多聞心无厭倦為衆走使不生愁悔
是名精進如是精進云何名淨若能
觀身猶如影像口无言說心畢竟淨
以盡智觀諸滅法以無生智知諸有盡
如是觀時則能莊嚴三種精進一者
體莊嚴二者覺莊嚴三者分別莊嚴

似有三種不著精進一不著眼二不著色三不著識乃至法亦復如是是名不取不捨精進具足如是勤精進已不取惠施不捨慳貪不取持戒不捨毀戒不取忍辱不捨瞋恚不取精取智慧不捨愚癡不取善法不捨惡法不取佛道不捨二乘是名二種勤精進也是二精進能具佛法復有二種所謂內外若菩薩能修如是勤精進者是名毗梨耶波羅蜜行淨善男子云何菩薩淨禪波羅蜜行若菩薩摩訶薩取諸禪支觀諸禪支觀已入定既入定已不貪著色受想行識是名為禪非著眼禪乃至意禪是名為禪非著色禪乃至法禪是名為禪非著地水火風空禪是名為禪非著日月釋梵自在天禪是名為禪非著欲界色无色禪是名為禪非著此彼禪是名為禪非觀身心禪是名為禪非著上下禪是名為禪非著四取禪是名為禪非著衆生壽命士夫我人相裨是名為禪非著常見斷見有無

凡禪是名為禪非畢竟盡漏禪是名為禪非入定聚禪是名為禪非得沙門果禪如是禪者非畢竟行禪名空調伏禪非真空禪名无相調伏禪非真无相禪名無願調伏禪非真无願禪是菩薩具足成就大慈大悲一切空行禪云何名為具一切空若能不觀布施持戒忍辱精進禪定智慧方便慈悲喜捨四諦菩提智慧誓願莊嚴舍摩他毗婆舍那解脫慚愧是名諸佛方便三昧神通无碍智攝取十力四無所畏十八不共法不為二乘之所染汙斷諸習氣具足无量大神通智為諸衆生之所歸依莊嚴世法及出世法能善調伏一切衆生渡於四流生死大海能斷一切所有繫縛淨諸法性是名性寂靜非向法寂靜亦取向法捨性了了向法盲性有聞向法聾性勤調伏向法停住涼滅寂靜調伏熾然是名一切行空善男子譬如三千大千世界所有衆生悉善知盡其中或有善能泥塗或能磨彩或曉盡身不曉手足或曉手足不曉

面目時有國王以一張氍毹與是諸人而告之言凡能畫者悉來聚集於此氍毹上畫吾身像今時諸人悉來聚集隨其所能而共作之有一畫師以緣事故竟不得來諸人畫已持共上王善男子可言諸人悉集作不不也世尊善男子我說此喻其義未顯善男子一人不來故不得言一切集作亦不得言像已成就佛法行者亦復如是若有一行不成就者不名具足如來正法是故要當具足諸行名為成就无上菩提說是法時六万菩薩於一切行得具足空善男子云何菩薩摩訶薩淨般若波羅蜜善男子菩薩摩訶薩具十二慧一者知過去無學二者知未來無學三者知現在無學四者知有為無學五者知無為無學六者知一切世作無學七者知出世無學八者知辯才無學九者知實無學十者知世諦無學十一者知第一義諦無學十二者知諸衆生利鈍無學是名為慧難破能破難觀能觀難解能解譬如金剛不可沮壞是名出

世之慧畢竟慧一切衆生真解心慧
難行難入難見甚深難可習學正見
正聚遠離諸見及以習氣自知了了知
見一切衆生之心法智義智無所貪
著曠大光明无諍無逆善知時節過
於時節護正法聚畢竟覺正覺實
覺遠諸垢穢不為一切之所呵責
一行無行一切衆生行无足跡行雖
離一切世間之行亦不遠離一切世
行雖離世界不離佛土雖離一切諸
行莊嚴亦不遠離調伏衆生雖離諸
行不離善行雖離衆生心行因緣不
離知於衆生心行雖離世行不離世
法雖離諸身亦入衆生心是名為慧
如是智慧甚為難得非善根純熟終
不能獲不能常修行善法者亦不能
得如是智慧菩提樹下乃能得之真
知法性諸佛所護度至彼岸知一切
法施甘露味是故名為般若波羅蜜
善男子如是智慧畢竟了知一切緣
一切相一切衆生心之所行以是義
故名為智慧如是智慧有二寂靜一
者知身相寂靜二者知无身相寂靜

復有二種一者無覺淨二者離諸見
淨如是智慧菩薩摩訶薩常遊衆生
利鈍根中衆生心中一切法中觀諸
煩惱即是智慧菩薩雖住諸界多住
佛界能善觀見十方世界離一切蓋
惡是一切佛法根本具足一切無上
佛法不學諸法不離諸法不壞一
法不成一法菩薩成就如是智慧能
作功德能讀誦說一切佛法一切福
德惡能得之皆能修成一切善法是
名菩薩淨般若波羅蜜行說是法時
二萬二千衆生發阿耨多羅三藐三
菩提心八千菩薩得无生忍五百比
丘漏盡意解十千天人得須陀洹果
今時一切天與人同聲而言世尊若
有人能信是經者當知是人諸佛所
護何況有能受持讀誦書寫供養善
男子云何菩薩摩訶薩觀身念處有二種
男子菩薩摩訶薩觀身念處有二種
行一者不淨行二者淨行不淨行者
觀身不淨臭穢充滿无常無住誑諸
凡夫淨行者菩薩摩訶薩作是思惟
我今因是不淨之身得淨佛身得淨

法身淨功德身一切衆生所樂見身
復次善男子菩薩摩訶薩觀身身已
能淨二行一者无常二者常菩薩摩
訶薩觀身無常畢竟定當死如是觀已
不為身故造諸惡業邪命自活修三
堅法一者身堅二者命堅三者財堅
如是觀已能為衆生而作給使即得
遠離身口意曲菩薩如是觀身无常
得如是等無量功德云何為常菩薩
摩訶薩觀无常已則得常身因无常
故得功德身因無常故不斷佛種法
種僧種善男子又復常者即是无盡
無盡者即是无為無為者即是一切
智所行處一切智所行處者是空無
相願又復常者即是虛空菩薩摩訶
薩觀一切法猶如虛空是名菩薩摩
訶薩常行善男子復有菩薩修身念
處觀察一切衆生之身畢竟當是如
來佛身如如來身法身亦尔如是二
身我身亦尔是名菩薩觀无漏身菩
薩尔時所得善法隨其多少悉是无
漏以如是法發願迴向一切種智得
无漏已終不起漏所言漏者即是三

漏所謂欲漏有漏無明漏菩薩了了
知三漏已為衆生故生於欲界亦復
不為欲漏所汙色无色界亦復如是
無明漏者已拔其根何以故拔无明
故則无見漏菩薩摩訶薩修身念已
於是身中不見我及我所不生憍慢
離我我所故不求不取一切財物不
求取故於物無諍以无諍故即是寂
靜夫寂靜者即是忍辱住於忍辱不
上不下不上不下者即如法住如法
住者不行善法不行惡法不上下已
即得善友得善友已遇善知識遇善
知識故得聞正法聞正法故不以漏
心向有漏法是名過於諸漏境界過
漏境已常入禪定既入定已乃至一
法不生覺觀無覺觀故不作一法不
變一法是名如法是名一切法平等
若得如是諸法平等是名一切智善
男子菩薩摩訶薩若能如是觀身念
處是名觀身身念善男子菩薩念時
次觀心念處於有受者生慈悲心向
諸衆生作如是言畢竟樂者斷一切
受若人能斷一切受者即是常樂菩

薩今時隨所受者生慈悲心若自若
他受樂受時遠離愛心生於慈心若
受苦時遠離瞋心生於悲心若受不
苦不樂離无明心生於捨心是故菩
薩受樂受時不生貪著受苦受時不
生瞋恚受不苦不樂不生无明菩薩
今時觀一切受無常苦无我見受樂
者即知是苦見受苦者如癱如瘡見
不苦不樂受是不寂靜觀於樂受即
是无常觀於苦受即是空无不苦不
樂即是無我菩薩今時作是觀已見
是諸受即是无受見一切受即是有
為若是有為即是生滅散漏無住如
是觀已不見於我不見受者是名菩薩
大智方便因是方便見一切受無常生
滅觀一切法悉是空無無受无受者無
作無作者從緣而生從緣而滅无屬無
取於諸因緣不生覺觀因无覺觀作如
是言諸因緣法皆悉是空菩薩摩訶薩
如是觀時成受念處能令身心皆悉
寂靜知一切行是名一切智是名受
受念處云何菩薩修心念處菩薩摩
訶薩住菩提心觀是心性不見內入

心不見外入心不見內外入心不見
陰中心不見界中心既不見已作是
思惟如是心緣為異不異若心異緣
則一時中應有二心若心即緣不應
復能觀於自心猶如指端不能自觸
心亦如是作是觀已見心無住无常
變異所緣處滅即知是心非從緣生
非不緣生非常非斷非內非外非有
非无觀心如是不妨如法知心寂靜
是名菩薩修心心念復次善男子菩
薩摩訶薩觀心非色不可覩見非是
覺觀是名菩薩修心心念處如心心數
亦如是如心數心行亦如是如心行
心所求法亦如是如所求法菩提亦
如是如菩提一切善法亦如是菩薩
若觀心如獼猴盡水朝露蜂王魚母
如河如焰如想速事獨行无身常轉
無停貪著諸界次第生滅能攝如是
无量之心令住一處不動不轉不漏
不錯不亂不散是名舍摩他菩薩若
能作如是觀是名成就觀心心念處
是名知心境界是名知心法界是名
知心真實之相是名知心真實之性

即是廣知即真淨知了知真知實知
如幻是名知法名知心性名知心盡
名無取知无罣碍知菩薩摩訶薩如
是觀已善知一切衆生心性知已如
應而為說法如知自心性知一切衆
生心性亦復如是如自相知一切
衆生心相亦復如是如知自心空知
一切衆生心空亦復如是如觀自心
平等觀一切衆生心平等亦復如是
作是觀已不動法界是名菩薩修心
心念處善男子云何菩薩修法念處
菩薩摩訶薩作如是觀法出法滅无
我衆生壽命士夫无生無滅无没無
出是名法性若能求法是名出法若
不求法是名滅法若善不善出者從
緣滅者從緣如是觀時觀於三行所
謂惡行善行不動行是三行中我當
常行福善之行為十善法十善法者
為淨身業欲求如來三十二相八十
種好他不能害淨口業者凡有所說
衆樂聽受淨心業者於諸衆生其心
平等常入禪定淨四无碍智淨慈心故
施衆生常樂淨悲心故無量世中為

衆生受苦其心不悔淨於十力為知
衆生諸根利鈍淨四无畏為知衆生
障無障故淨十八法為知三世无障
碍故淨一切佛法為一切衆生無能
勝故菩薩摩訶薩能如是觀於諸善
法及諸功德不生厭足親近善行遠
離惡行及煩惱習真實了知於不動
行雖知不貪心得自在隨願往生非
結業生生於欲界為衆生故善男子
菩薩摩訶薩得善方便觀法念處修
集莊嚴助菩提法遠離一切障菩提
垢得是功德不著常見不著斷見離
是二見行於中道夫中道者有二種
法一者不善念二者无明是二法中
心不放逸是名中道復有二法一行
二識復有二法一者名色二者六入
復有二法一觸二受復有二法一愛
二取復有二法一有二生復有二法
一老二死是二法中不放逸者是名
中道如是中道世間智慧所不能見
不可宣說不可顯示无有相貌無色
无處無取无捨清淨寂靜善男子夫
中道者不可眼見乃至不可觸觸亦

無至處亦世出世不可宣說非多非少故名中道善男子我與无我名為二邊若有說言非常非斷非命非士非想非非想非覺非非覺非實非虛非此非彼非有非無非有為非无為非行非非行非生死非涅槃不作如是是名中道復次善男子菩薩摩訶薩觀法法念不分別法界如法界眾生界亦如是如是二界名虛空界一切諸法悉入法界夫法界者即眾生物界眾生界者即无分別是名觀察一切法等見一切界即是法界雖明了見而心不著以不著故则无分別菩薩摩訶薩不以肉眼天眼慧眼觀法念處何以故如是三眼无相貌故是故觀法則以法眼雖了了知而心不著雖復不著不失法界是名佛智能知如是甚深法界亦不失於一切智念是名菩薩修法法念處善男子菩薩摩訶薩何故修集是四念處為欲遠離四顛倒故修身念處為離淨倒修受念處為離樂倒修心念處為離常倒修法念處為離我倒又離四食

修身念處離於搏食修受念處離於
觸食修心念處離於識食修法念處
離於思食又復遠離識四住處修身
念處離住色處修受念處離住受處
修心念處離住想處修法念處離住
行處復離五陰修身念處遠離色陰
修受念處遠離受陰修心念處遠離
識陰修法念處離想行陰是名菩薩
淨四念行善男子云何菩薩修四正
勤行菩薩摩訶薩常樂修集一切善
法未生惡法為不生故勤行精進已
生惡法為遠離故勤行精進未生善
法為令生故勤行精進已生善法為
住不失故勤行精進善男子菩薩摩
訶薩於无量世修集善行是故性善
不以方便令惡不生若有菩薩修四
正勤心得自在四正勤者菩薩念時心
及心數與大慈悲和合共行故名正
勤菩薩念時次第修集四如意足一
者欲二者心三者進四者慧專念至
心念於菩提是名為欲修大悲故覺
心輕便是名為心遠離惡法是名精
進得方便故名之為慧菩薩修四如

意足已得四自在一者壽命自在以自在故雖生短命自得長壽為調眾生與長壽者演說正法於長壽中能現短壽隨是菩薩所生之處若天若人得命自在二者身得自在以自在故隨心作身隨心作色亦現威儀為衆生故菩薩若欲與諸衆生其身同等高大微小悉皆能作三者得法自在以自在故能知一切世出世法亦諸衆生一切世事於出世行心亦不退明知甚深十二因緣得无等智能為衆生說種種法无量衆生聞是法已發阿耨多羅三藐三菩提心四者願得自在以自在故令四大海合作一海不來不去无有動轉如本不異亦令三千大千世界諸須弥山合為一山不來不去無有動轉如本不異於四天王三十三天无所妨碍欲令三千大千世界悉作金寶七寶栴檀華香瓔珞虛空水火皆隨意成是名菩薩得四自在善男子菩薩若得四如意足則得面見十方諸佛與共語言進止一處一切梵天帝釋四王阿

仁羅乳闍婆迦樓羅緊鄰羅摩睺
羅伽亦復如是云何在嚴四如意足
善男子若能供養父母和上師長有
德見諸衆生先意問訊柔軟與語如
語而作視諸衆生其心平等善思正
心恭敬心慚愧心遠離貪欲瞋恚愚
癡无欺無貪无妬無慳營他事業如
已所作无勢力者助其力勢泥塗之
處發治土石河澗溝渠造作橋梁或
以身資負或施船濟常施衆生所須之
物口不說他衰惱之事亦不譏刺他
所犯罪有犯罪者能如法除遮諸煩
惱令不生起所重之物能以施人既
施之後心不生悔為諸衆生發願迴
向信心以善勸諸衆生不惜身命少
欲知足於他利養心无怖望常念出
家亦勸衆生念善知識無心捨離於
怨親中平等无二以種種乘施行路
者羸乏之人施床卧具有恐怖者能
為救護視諸衆生如父母想不輕毀
戒施貧賤財物有病瘦者給其醫藥施
恩於他不自稱說終不斷絕三寶種
性常念无為遠離世事一切諸惡不

善之法不為世法之肝汙染不失菩
提至心之念是名莊嚴淨四如意足
行

大方等大集經卷第二十五

癸卯歲高麗國大藏都監奉
勅雕造

大集經第二十五卷 第三十五張 讓

大方等六集經卷第二十六

讓

寶壽菩薩品第十一之三

北京天竺三藏曇無讖譯

云何菩薩淨五根行菩薩信心不可動轉名為信根不由他教而行精進名精進根常念菩提名為念根常修大悲名為定根攝取善法名為慧根復次信諸佛法名為信根求諸佛法名精進根念諸佛法名為念根得佛三昧名為定根斷諸疑網名為慧根復次心向菩提無有疑網名為信根增長善法名精進根求善方便名為念根視諸衆生其心平等名為定根觀諸衆生上中下根名為慧根復次心淨无濁名為信根壞衆濁心名精進根念清淨法名為念根觀心性淨名為定根能令衆生住清淨法名為慧根復次遠離一切弊惡之法名為信根求諸善法名精進根得已不失名為念根既得善法如法而住名為定根思惟善法不善无記名為慧根復次信根者即是施心精進根者即是

樂施无有休息念根者既施之後不求果報定根者即平等施心无分別慧根者不觀福田及非福田復有信根即是初入善法之心精進根者能壞憍慢念根者離我我所定根者遠離一切六十二見慧根者遠離一切諸惡煩惱是名菩薩淨五根行

云何菩薩淨五力行善男子菩薩摩訶薩具足五根不為諸魔之所破壞故名為力一切聲聞辟支佛乘所不能及一切衆生不能令其退大乘心一切煩惱不能破壞能令其心知足少欲身得大力善覆諸根得金剛身是名為力善男子菩薩摩訶薩住信力時終不造作一切諸惡住進力時造一切善住念力時不失善法住定力時不為五欲樂之所壞住慧力時遠離一切諸結煩惱復次住信力時不隨他語住進力時求善不息住念力時得陀羅尼住定力時說法平等住慧力時能壞一切衆生疑心復次住信力時具得解力住進力時具精進力住念力時具解脫力住定力時

具足願力住慧力時具諸行力復次
住信力時見慳罪過住進力時遠離
慳貪住念力時以所修善願向菩提
住定力時其心平等住慧力時心終
不求施戒定報復次住信力時能離
一切破戒之垢住進力時至心具戒
住念力時以所持戒願向菩提住定
力時具清淨地住慧力時遠離作戒
復次住信力時遠離瞋心住精進力
修習忍辱住念力時以所修忍願
向菩提住定力時護諸衆生住慧力
時不觀衆生士夫壽命復次住信力
時遠離懈怠住進力時所修諸行到
畢竟岸住念力時所修精進願向菩
提住定力時身心寂靜住慧力時不
住善惡復次住信力時遠離一切忿
務之事住進力時勤求禪支住念力
時以所修定願向菩提住定力時其
心常定位慧力時不著諸定復次住
信力時遠離无明住進力時勤求諸
善住念力時以所修智願向菩提住
定力時修善思惟住慧力時如法而
住復次住信力時具足七力住進力

時得住七覺住念力時得八念處住
定力時離七識處住慧力時離八邪
支復次心於菩提无有退轉是名信
力淨信力行不取不捨是名進力淨
進力行修四念處是名念力淨念力
行調伏於心是名定力淨定力行遠
離諸見知善方便是名慧力淨慧力
行善男子云何菩薩淨七覺行終不
失於助菩提法名念覺分不取不捨
奢摩他名擇覺分離一切惡名進覺
分離諸愁惱名喜覺分身心寂靜名
除覺分得解脫味名定覺分所作已
辦名捨覺分復次不捨菩提心名念
覺分至心護法名擇覺分調諸衆生
無有休息名進覺分具足善法名喜
覺分離諸煩惱名除覺分能令衆生
住三昧中名定覺分令諸衆生悉知
法界名捨覺分復次不念聲聞辟支
佛乘名念覺分分別一切法字句義
名擇覺分求善法時三業不息名精
進覺分離怨親心名喜覺分如法而
住名除覺分隨諸世間而能調伏名
定覺分不觀二法名捨覺分善男子

助菩提者覺一切法知一切法分別
諸法籌量諸法知諸衆生心性心行
是名菩提分亦名聖行如是聖行非
是一切凡夫魔衆邪見所行非是色
聲香味觸行非一切相一切受諸心
意識見聞覺知有想无想一切法行
故名聖行夫聖行者非覺非非覺亦
非大覺而能對治一切諸法然復不
與諸法諍訟是名聖行聖行者即是
佐助菩提之法

善男子云何菩薩淨八道行八道者
所謂正見云何正見正見者見一切
法皆悉平等如是正見不名空見何
以故自有正見非是空見如是二見
亦名同見復有我見衆生見空見不
名正見如是三見亦復同見又衆生
見命見空見不名正見如是三見亦
復同見又有我見斷見空見不名正
見如是三見亦復同見又有有見無
見空見不名正見如是三見亦復同
見復有四見佛見法見僧見空見是
名正見如是四見不名空見善男子
若有人著如是見者不名正見若不

者者乃名正見何以故夫正見者見無分別平等无二云何名為平等見耶若作是念凡夫法下學法為上如是名為非平等見凡夫法漏學法无漏凡夫法食緣覺无食凡夫法垢菩薩法淨凡夫有為佛是無為如是見者非平等見若能觀察凡夫之法乃至佛法无有差別乃名平等若能觀見凡夫法空至佛法空是名正見觀凡夫法從因緣生辟支佛法亦從緣生乃名正見若觀凡夫法寂靜菩薩法寂靜是名正見若觀凡夫法不具足乃至佛法亦不具足是名正見若觀我與无我無有差別无差別見乃名正見若如是見則不見於上中下法於一切法亦无覺觀是名正見正見者名無所見无所見者即是正見若如是見是人乃至不見一法一法相貌一法光明善男子若如是見是名佛法之正見也說是法時五百比丘得阿羅漢果善男子云何正覺正覺者離一切覺覺者名為智慧方便觀法知法是名正覺觀察諸法何者是垢

何者是淨如是觀已都不覺知等與不等離一切覺是名正覺云何正語口所出言不自焦惱亦不焦他不自汙辱亦不汙他不自生慢不生他慢不自誑惑不誑惑他是名正語復次正語凡有所說說一切法皆悉平等善能分別有為之相是名正語復次正語說一切法空无相願無生无滅無出无没是名正語復次正語說有為苦無常无我涅槃寂靜是名正語若有衆生說言衆生一切元有壽命士夫一切諸法從因緣生從因緣滅猶如子果是名正語淨正語者即是佛語是名淨正語行云何正業正業者若業雖能壞一切業亦不名業若業能作寂靜之因不垢不淨能壞煩惱不令增長是名正業知業如是猶作善業亦觀諸業皆悉空寂无有堅實是苦無樂是名正業云何正命正命者若命不妨自身他身不增一切諸惡煩惱非惡業活是名正命菩薩摩訶薩於諸衆生淨於正命以是正命願向菩提是名正命如是正命能

利自他正精進者勤作方便求諸善法欲心不息无有厭悔是名精進推求諸法平等之性亦不觀法等與不等等不作非不作了知於如法性實性名正精進宣說正法令諸衆生離邪精進亦知衆生所修行行是名正精進云何正念若念施戒忍辱精進禪定智慧四无量心是名正念復有正念攝諸煩惱不令妄起不近一切惡魔諸業不墮惡道不起惡心常修一切正善之法遠離一切邪惡之法是名正念菩薩住是正念之中獲得正聚沙門正果是名正念云何正定修行聖行知苦離集證滅修道是名正定復有正定觀一切法皆悉平等若觀我淨一切亦淨若觀我空一切亦空雖作是觀不入正位是名菩薩之正定也菩薩摩訶薩住是定中於一念頃得一切智是名正定說是法時万六千天與人發阿耨多羅三藐三菩提心

善男子云何菩薩淨神通行善男子天眼五種悉能觀見十方世界及見

十方世界諸佛亦見衆生出生退沒
所見十方无有罣碍勝於一切聲聞
緣覺及諸天人菩薩具足如是五事
則能了了見一切法是名菩薩淨天
眼行菩薩摩訶薩得天耳通聞五種
聲人聲非人聲地獄聲十方諸佛說
法之聲一切衆生語言音聲是名菩
薩淨天耳行云何菩薩淨他心智行
知他心智亦有五種悉知一切人天之
心地獄餓鬼畜生等心知過去心知
未來心知現在心是名菩薩淨他心
智行復有他心智知是衆生是正定
聚是邪定聚是不定聚知是衆生有
貪瞋癡既了知已隨應說法衆生聞
已得壞煩惱是名菩薩淨他心智行
云何菩薩淨宿命智行了知是身從
貪恚癡因緣而生了知是身從施戒
忍精進定慧慈悲喜捨因緣而生了
知是身具足不具足了知是身因無
明憂及四倒生了知是身施因緣故
具足財物及以眷屬如是等智是名
菩薩淨宿命智行云何菩薩淨神通
行神通行者亦有五種一者示色二

者解種種語而為說法三者善能了
知心意識等四者能覺諸法說一切
法是名菩薩淨神通行

善男子如是五通為漏盡故菩薩修
習而不盡漏為欲了知一切諸漏何
以故調衆生故善男子譬如一城縱
廣一由旬多有諸門路嶮黑闇甚可
怖畏有人入城者多受安樂復有一人
唯有一子愛念甚重遙聞彼城如是
快樂即便捨子欲往入城是人方便
得過嶮道到彼城門一足已入未舉
一足即念其子尋作是念我唯一子
來時云何竟不與俱誰能養護令離
衆苦即捨樂城還向子所善男子菩
薩摩訶薩亦復如是為憐愍故修習
五通既修習已垂得盡漏而不取證
何以故愍衆生故捨漏盡通乃至行
於凡夫地中善男子城者喻於大般
涅槃多諸門者喻於八万諸三昧門
路嶮難者喻諸魔業到城門者喻於
五通一足入者喻於智慧一足未入者
喻於菩薩未證解脫言一子者喻於
五道一切衆生願念子者喻大悲心

迦子所者喻調衆生能得解脫而不
證者即是方便善男子菩薩摩訶薩
大慈大悲不可思議寶髻菩薩白佛
言世尊如佛所說大慈大悲不可思
議實如聖教不但慈悲不可思議善
方便力亦不可思議菩薩了了自知
當得阿耨多羅三藐三菩提而不證
之為衆生故行於生死不為生死之
所汙染世尊菩薩摩訶薩具何等
法在生死中心不厭悔善男子菩薩
摩訶薩具二十一法在生死中而不
生悔一者所修善法共大慈行二者
所修慈心共大悲行三者所修大悲
共調衆生行四者調伏衆生共精進
行五者所修精進共善心行六者所
修善心共方便行七者所修方便與
慧共行八者所修習慧共禪定行九
者所修四禪共神通行十者所修神
通與智共行十一者所修習智與欲
共行十二者所修習欲與念共行十
三者所修習念共菩提心行十四者
所修菩提共四攝行十五者所修四
攝與戒共行十六者所修戒禁共多

聞行十七者所修多聞共如法住行
十八者如法共住陀羅尼行十九者
陀羅尼共无寻智行二十者无寻智
共功德莊嚴行二十一者功德莊嚴
共智慧莊嚴行是名菩薩二十一法
在生死中不生厭悔

寶髻菩薩白佛言世尊云何菩薩莊
嚴自身亦令衆生得大利益佛言善
男子菩薩摩訶薩若具多聞則名莊
嚴為他演說名大利益復次得大稱
持名為莊嚴為他演說名大利益復
次无有放逸名為莊嚴調伏衆生名
大利益復次三十二相名為莊嚴具
大智慧名大利益復次口言柔軟名
為莊嚴說如說行名大利益復次能
一切施名為莊嚴不求果報名大利
益善男子是名菩薩莊嚴自身亦令
衆生得大利益善男子過去无量阿
僧祇劫劫名樂喜彼中有佛号一切
衆生樂念如來應正遍知明行足善
逝世間解无上士調御丈夫天人師
佛世尊其佛世界名曰天觀善男子
何故彼劫名曰樂喜彼大劫中具有

六万諸佛出世彼劫之初首陀婆天
唱如是言是劫當有六万佛出衆生
聞已心皆樂喜是故彼劫名曰樂喜
善男子其佛世界莊嚴微妙无有限
量快樂好妙如天無別是故世界名
曰天觀其土皆悉栴檀為地一切無
有土沙塵霧其香遍熏无量佛土其
地周遍出諸蓮華二諸華有大光
明遍照其土其土衆生悉得神通足
不蹈地乃至無有一人處胎皆悉化
生一切不聞女人之名亦无受苦三
惡道名一切衆生禪喜為食其土無
有三乘之名一切皆以真金瓔珞天
冠寶飾而自在嚴雖无剃髮染衣
袈裟而亦得名出家之人何以故於
一切物捨无貪故彼土如來色如梵
天現梵天身為諸菩薩演說法要若
他世界有諸菩薩見彼佛已受大歡
喜善男子彼佛若欲宣說法化界大
法座在大衆上七多羅樹常略說法
何以故一切衆生根猛利故如來所
說唯是一句而諸衆生解百千句如
來常說四淨之法何等為四一者波

羅蜜淨二者助菩提淨三者神通滿
四者調衆生淨時有菩薩名曰寶聚
白佛言世尊云何菩薩莊嚴自身亦
令衆生得大利益彼佛答言善男子
菩薩若具无尋智者名為莊嚴能作
智明名大利益今時彼佛說是法時
六千菩薩得无生忍時彼菩薩復白
佛言世尊云何菩薩莊嚴菩提樹佛
言善男子菩薩若能修不放逸是名
莊嚴菩提之樹云何名為不放逸不
放逸者名如法住如法住者如說而
住復次不放逸者名无量莊嚴無量
布施无量持戒無量忍辱无量精進
无量禪定無量智慧无量佛法無量
調伏無量功德智慧莊嚴供養无量
諸佛世尊具智慧故无量多聞為增
智慧故無量修奢摩他毗婆舍那成
就如是无量等法名為莊嚴菩提之
樹亦能疾得阿耨多羅三藐三菩提
善男子一切佐助菩提之法以不放
逸而為根本具大莊嚴一切智慧不失
一切善法遠離一切煩惱攝取一切諸
法於一切法无有罣碍調伏諸根護

諸善法不令退失知時非時具足十
力四無所畏佛法頂法名不放逸善
男子說是法時萬二千菩薩得无生
忍今時寶聚菩薩即汝身是善男子
汝今當知具不放逸菩薩摩訶薩則
能莊嚴菩提之樹

善男子云何菩薩淨於調伏善男子
衆生之行無量无边不可思議調伏
亦令無量无边不可思議菩薩行亦
無量无边不可思議菩薩摩訶薩一
心至心調伏衆生善男子有諸衆生
聞說惠施則得調伏或有衆生聞說
持戒而得調伏復有衆生聞說施戒
而得調伏復有衆生軟語調伏復有
衆生瞋語調伏復有衆生具二種語
而得調伏復有衆生聞說捨身而得
調伏復有衆生聞說捨身而得調伏
復有衆生勝能調伏復有衆生強可
調伏復有衆生聞說呵責而得調伏
復有衆生施時調伏復有衆生初時
調伏復有衆生見妙色已而得調伏
聲香味觸亦復如是復有衆生常親
近故而得調伏復有衆生常遠住故

而得調伏復有衆生見佛調伏或有
衆生聞法調伏或有衆生聞無常法
而得調伏苦空無我亦復如是或有
衆生聞說施聲而得調伏戒忍精進
禪定智聲亦復如是或有衆生聞說
一切有為無常而得調伏或有衆生
聞讚人天而得調伏或有衆生聞聲
聞乘而得調伏辟支佛乘佛乘亦復
如是或以四攝而得調伏或以三攝
二攝一攝而得調伏或復不以四攝
之法而得調伏或因內施而得調伏
外施內外施亦復如是或聞宣說地
獄中苦而得調伏餓鬼畜生人天亦
亦或說純樂而得調伏或聞純苦
而得調伏或聞苦樂而得調伏或有
覩見比丘形像而得調伏比丘尼優
婆塞優婆夷像而得調伏或因種種
作倡伎樂而得調伏善男子菩薩如
是能知種種調伏衆生行是名菩薩
能行六波羅蜜具足佐助菩提之法
具足神通調伏衆生善男子若有菩
薩具足四法則能調伏一切衆生一者
心不悔厭二者不貪諸樂三者知時

非時四者了知諸心復有四法何等
為四一者正語二者愛語三者淨語
四者如法語復有四法一者於諸衆
生心无罣碍二者悲心三者利益心
四者自調諸根復有四法一者淨於
自心二者憐愍他心三者勤行精進
四者遠離受樂善男子是故菩薩摩
訶薩調伏之行無量无边不可思議
善男子過去无量阿僧祇劫有劫名
愛是中有佛号廣光明如來應供正
遍知明行足善逝世間解无上士調
御丈夫天人師佛世尊世界名寂靜彼
佛具有九万六千億聲聞衆八万四
千諸菩薩衆其土人民壽命十七万
二千歲尔時有一大王之子名財功
德婆羅門種顏貌端正衆生樂見年
十六時自恃端正而生憍慢初不向
佛恭敬礼拜尔時如來即作是念如
是王子今將退失阿耨多羅三藐三
菩提善根不熟若得善友則得詣佛
聞法受持尔時如來即於八万四千
菩薩大衆之中行籌而言誰能調伏
是婆羅門子誰能於是八万四千年

中經常往返是王子家若受衆苦所謂罵打心不生悔八万四千諸菩薩等乃至無有一人取籌第二第三亦復如是第三唱已有一菩薩名淨精進即從座起偏袒右肩右膝著地合掌而言世尊我今能詣彼王子家甘心受苦說是語時三千大千世界為大震動一切人天咸共同聲唱言善哉善哉大士時淨精進菩薩即便往彼王子門立王子見之惡言詈毀以土塗面刀杖瓦石而加其身菩薩念時不瞋不去心不疲厭經一千年受如是苦過二万歲乃得至彼第二門下八万四千年七日未滿方得至其第七門下念時王子見是菩薩便作是言道士今來何所求索即於菩薩生不思議心云何是人經念所時多受衆苦而心不厭第二第三亦如是言道士今來欲何所求念時菩薩知彼三子心已調伏即說偈言

世間所有一切財 金銀琉璃及頗梨
及四供養我不須 唯為法故來至此
此世有佛名廣光 為衆生說无上法

衆生聞已離煩惱亦受无量甘露味
諸佛世尊出於世甚難於彼靈瑞華
今此世出无上尊汝乃放逸沉欲海
一切衆生常闍行無上如來施慧炬
自恃財色生憍慢而不往詣如來尊
一切財寶衆生命佛說是二患元常
衆生若聞是甘露不詣佛者名放逸
汝本往昔行菩提請諸衆生許法味
汝今猶屬諸煩惱云何能調諸放逸
我今求汝共詣佛破壞憍慢離煩惱
勤修精進捨國事令汝終時心不悔
是時王子聞是已速離憍慢即生信
讚歎恭敬淨精進懺悔先來所加苦
我今捨離國土事及以上妙五欲樂
壞破憍慢至佛所聽甘露法調衆生
八万四千衆圍遶持妙香華往供養
到已即便奉獻佛破慢至心而聽法
礼拜合掌心歡喜向佛世尊發是言
我今歸依淨精進受苦不悔調伏我
雖設多供不能報今於佛前至心悔
我所修行菩提道以慈悲心調衆生
我更不造放逸心乃至獲得菩提道
善男子今時王子即捨王位在佛法

中出家聽法如法而住得无生忍善男子汝知今時淨精進者豈異人乎莫作斯觀即我身是財功德者即弥勒是善男子是故菩薩調衆生行无量無邊不可思議若有菩薩能調衆生是真菩薩所修之業善男子菩薩摩訶薩有四種業一者淨佛國土菩薩業二者淨身菩薩業三者淨口菩薩業四者求一切佛法菩薩業復有四業一者知心二者知根三者知病四者能治

今時寶髻菩薩聞是法已即以髻上真寶之珠價直无量從無量業之所出生奉獻如來作是誓願我今以是頂寶施佛願此功德為衆生首因是因緣得无上智今時世尊即便微笑是時口中出大光明種種雜色悉能隱蔽一切光明今時疾辯菩薩即起合掌白佛言世尊何因緣故如來微笑佛言善男子汝見寶髻施我頂寶不已見世尊善男子如是菩薩已於無量无邊佛所發阿耨多羅三藐三菩提心持戒精進求於菩提供養无

量恒河沙等諸佛世尊亦已調伏恒
河沙等无量衆生善男子如是菩薩
於未來世過十阿僧祇劫當得阿耨
多羅三藐三菩提号曰寶出世界名
淨光劫名无垢其佛世界七寶所成
光明遍照十方世界一切人民無有
飢渴一切皆是清淨菩薩耳初不聞
二乘之名常聞純一大乘之法是故
如來名曰寶出一切菩薩具足神通
其土無主唯除法王一切衆生悉得
化生亦復无有三惡之名及男女根
愛欲之名無有衆生不具諸根亦无
邊地衆生壽命四万中劫是佛世尊
不說餘事唯除六度菩薩慈悲一切
利根聞說一句悟解千句是佛常為
一切菩薩說陀羅尼金剛句云何名
為陀羅尼金剛句陀羅尼金剛句者
即是一句如是一句即攝一切法句
无盡法句無盡法句一切諸佛所不
能盡是故名為无盡法句行無盡法
句攝一切字一切字者攝一切法句
一時不得說於二字一字亦復不合
二字是故名一句名為作句名為字

句若不分別字句法句作句是名陀
羅尼金剛句善男子如是陀羅尼金
剛句彼佛常為諸菩薩說善男子若
我一劫若減一劫說彼如來所有功
德不能具盡今時寶髻聞授記已心
大歡喜說偈讚歎

一切知見一切事 得到一切法彼岸
遠離一切諸煩惱 是故名佛無上尊
我所供養无量佛 如來善了如一佛
如來獲得無尋智 故知三世无障智
如來今為我授記 令我遠離疑細心
我亦當得真實道 如今釋迦牟尼尊
一切大地能令散 虛空日月可令落
如來之言无有二 是故我定得菩提
正語實語微妙語 授我無上菩提記
若我真實得菩提 當善調伏无量衆
我之所得淨妙國 及其大眾佛已說
我今聞此無上法 壞疑趣向於菩提
我今精進修菩提 調伏衆生心不悔
今佛口施我信力 无上智慧及佛力
說是偈時万二千衆生發阿耨多羅
三藐三菩提心各作是言願我皆得
生彼世界

尔時世尊告阿難言汝當受持如是
正法讀誦廣說為大利益諸天世人
阿難若有衆生信受是經定當為我
之所授記善男子若以三千大千世
界滿中七寶給施衆生滿一千年不
如有人受持讀寫如是經典阿難白
佛言世尊是經何名云何奉持阿難
是經名曰方等大集大施羅尼大行
菩薩入處尔時阿難聞佛說已諸天
世人皆大歡喜信受奉行

大方等大集經卷第三十六

癸卯歲高麗國大藏都監奉
勅雕造

大方等大集經卷第三十七

讓

宋涼州沙門智嚴共寶雲

譯

無盡意菩薩品第十二之一

如是我聞一時佛遊王舍城如來行處寶莊嚴堂是大功德之所修成佛一切法本行果報苞容无量諸菩薩衆其所講宣悉是無量甚深之義皆是如來神力護持入无尋行微妙智門其心歡喜得念進意分別智慧無輕毀者若有稱讚歎其功德盡未來世不可窮盡如來正覺覺平等法善轉法輪度無量衆於一切法而得自在知衆生意盡其根源善為衆生斷諸習氣雖為佛事心无所作與大比丘六百万人悉是如來法王之子善得解脫斷煩惱習曉了甚深无生法忍成就威儀其行端嚴堪受供養為衆福田善持諸佛所說教戒復有菩薩摩訶薩衆其數无量不可稱計不可思議不可宣說是諸菩薩於一念頃能過無量无邊佛刹已曾供養過去諸佛諮受妙法無有厭足常勤教

化無量衆生善解方便智慧具足其
心安住无尋解脫善除憶想取相戲
論近一切智悉是補處其名曰電天
菩薩勝諍菩薩日藏菩薩勇健菩薩
離惡意菩薩遊行菩薩觀眼菩薩
離闇菩薩如是无量菩薩大士德皆
如是

尔時世尊八諸菩薩所行无尋諸法
門經所謂莊嚴諸菩薩道甚深佛法
十力無畏智慧成就獲得自在持持
印門分別諸辯大神通門轉不退轉
无生法輪通達諸法同於一相於一相
法不生分別知諸衆生根性無尋善
能觀察諸法實相破壞一切諸魔境
界入於通達善思惟門能除一切煩
惱諸見无尋智慧善摧方便一切佛
法平等無二受持諸佛智慧之門演
說諸法如真實相憶想取相入平等門
成就功德入深因緣莊嚴佛身身口
意業念念進持顯示四諦分別妙慧
化聲聞故身心寂靜化緣覺故得一
切智化大乘故入一切法得自在智
誦歎如來諸功德故如是等門宜說

開示教導分別

時佛說是大集經時於此東方自然
出現大金色光照此三千大千世界
靡不同遍除佛光明其中所有日月
釋梵護世天三諸龍鬼神輒闍婆阿
修羅迦樓羅緊那羅摩睺羅伽所有
光明悉不復現諸牆壁等樹木叢林
小山大山目真隣陀山鐵圍山大鐵
圍山及國土中間其光徹照若此世
界所有地獄皆蒙其光其中衆生光
觸身時除一切苦受微妙樂尔時佛
前大衆之中其地自然出六十億淨
妙蓮華好香流布種種莊嚴諸華雜
色悅可衆心其華各有億百千葉以
寶羅網弥覆其上華質柔軟猶如天
木其有觸者受妙快樂是一華所
出諸香遍滿三千大千世界是世界
中若天若人所有諸香悉滅不熏諸
龍八部聞其香者皆得妙喜漸離煩
惱尔時尊者阿難見是金色光明及
諸蓮華白佛言世尊今此瑞應誰之
所為有是光明及諸蓮華佛告阿難
有菩薩摩訶薩名无盡意在此東方

與六十億諸菩薩俱眷屬圍繞欲來
至此故先現瑞未久之間時无盡意
即以神力感動此地令大震動放无
量光雨種種華億那由他諸天人等
作百千伎樂與六十億諸菩薩衆周
匝圍繞來至佛所至佛所已尋於佛
前住虛空中高七多羅樹合掌向佛
出微妙音其聲遍聞大千世界即以
偈頌而讚歎佛

清淨永離垢勇健除諸欲能滅衆塵勞
而得淨妙眼三垢荒穢等善斷吐洗滅
一切皆无餘稽首大慈覺除去諸怖畏
善滅無明網十力聖主王邪論不能伏
外道異見人皆悉懷怖畏猶如師子王
獨步无所懼正覺淨光明無垢普照耀
天人世間中能離一切闇除盡衆闇冥
無有无明網其光常明淨如日出雲霧
衆生老死苦無有救護者為調是等故
而受无量苦能生堅慈悲唯有等正覺
猶如大醫王勤行療衆疾一切諸法本
其性无有我譬如山谷響皆從衆緣生
衆生本無性无作無受者而能為此故
生於大慈悲諸有之洲海无明闇甚深

其中多覺觀勇溢而波浪不從他別法
自然到彼岸如蓮華在水行世不染汙
秋月草木零威熱河池竭比智知世法
遷動不常住愚人所親近聖智所呵棄
解法不牢固獨拔渡有流其面目開明
譬如優鉢羅微妙甚清淨過百千日月
所有過去世及現在衆生一切所讚歎
如來悉堪受調不調伏故除熱得清涼
是故我今日稽首无上尊度世增上福
功德无有極如人中今王頂礼佛福田
尔時無盡意菩薩以如實讚讚歎佛
已從空中下及六十億諸菩薩衆頂
礼佛足礼佛足已右遶三匝於華臺
上結加趺坐

尔時舍利弗白佛言世尊是无盡意
菩薩摩訶薩從何處來佛号何等世
界何名去此遠近佛告舍利弗汝可
自問無盡意當為汝說時舍利弗敬
順佛教問无盡意唯善男子從何處
來佛号何等世界何名去此遠近無
盡意言唯舍利弗有來想耶舍利弗
言唯善男子我知想已无盡意言若
知想者應無二相何緣問言從何處

來唯舍利弗有來去者為和合義如
和合相是無合无不合無合无不合
即不去不來不去不來者是聖行處
唯舍利弗有來去者即是業相如業
相無作无非作無作无非作即不去
不來不去不來者是聖行處唯舍利
弗有來去者是國土相如國土相無
國土无非國土無國土无非國土即
不去不來不去不來者是聖行處唯
舍利弗有來去者即是緣想如緣想
無緣无非緣無緣无非緣即不去不
來不去不來者是聖行處唯舍利弗
有來去者即因等生相如因相无因
無非因无因無非因即不去不來不
去不來者是聖行處唯舍利弗有去
來者即是文字語言如文字相無文
字无非文字無文字无非文字即不
去不來不去不來者是聖行處舍利
弗言唯善男子汝今所說微妙事相
吾從昔來所未曾聞向之所疑當還
啓請如主閑人若見空行若見擔者
即應詰問汝所賣持恙是何物若知
種稷應收其稅唯善男子我等如是

從他聞法隨音聲解以自照心是故
我今應當諮稟汝等大士為護大乘
出生无量聲聞緣覺唯善男子願為
分別說其來處无盡意言唯舍利弗
汝今自可諮請如來如來當說斷汝
疑網

時舍利弗即白佛言唯願世尊說是
菩薩從何處來佛号何等世界何名
去是遠近若聞彼佛及世界名則令
無量无边菩薩莊嚴菩提佛告舍利
弗諦聽諦聽善思念之吾今當說彼
土功德及佛名号汝聞是時勿懷疑
懼應當一心信受奉持時舍利弗聞
是語已讚言善哉善哉世尊願時宣
說我當一心頂戴受持佛告舍利弗
東方去此度十恒河沙國土微塵等
世界彼有世界名曰不眴是中有佛
号曰普賢如來應正遍知明行足善
逝世間解无上士調御丈夫天人師
佛世尊今現在舍利弗其土无有聲
聞緣覺乃至不聞二乘之聲一切聖
衆統是菩薩已於過去久修德本善
業成脩布施調伏自守防護戒忍多

聞心不放逸安住功德威儀成就忍
力無尋於无上道堅固精進所修善
根一切成就諸禪解脫三摩婆提遊
戲神通大智照明善分別知一切諸
法所懷慈心等如虛空大悲堅固拯
濟衆生常行喜心令彼同歡所有捨
心善滅憎愛魔網諍訟恚使无餘善
解衆生諸根所趣隨其根量授與法
財其心平等如地水火風能壞一切
外道異論摧伏敵陣建立勝幡入深
佛法十力无畏於諸大衆心無所懼
常觀甚深十二因緣離有无見行於
中道我及我所衆生壽命養育士夫
作者受者斷常有无一切諸見結縛
因緣皆滅不起摠持王印而以印之
所有辯辯分別敷演都由他劫說不
可盡得大神力感動無量无边佛土
於諸佛土善能往來斷除瞋怖憍慢
放逸其所演說如師子吼一切衆生
怨親中人悉皆安止究竟涅槃法雲
垂布以興雷震三明解脫以為電光
无上法雨以為甘露能惠法財三寶
不斷内外清淨譬如寶珠相好殊勝

寂上無比以諸善根瓔珞其身佛法
灌頂得補處位善能分別諸衆生行
隨而調伏令得解脫能淨道場坐師
子座於諸法中得无所畏能自變形
猶如佛身一切佛事悉能示現心得
自在轉於法輪舍利弗彼土純有如
是菩薩摩訶薩等以為眷屬尔時大
會聞佛稱讚彼菩薩衆功德智慧踊
躍歡喜以天優鉢羅華拘物頭華波
頭摩華分陀利華曼陀羅華散元盡
意及諸菩薩異口同音作如是言我
等今日快得善利得見如是諸正士
等礼拜供養恭敬圍遶若有衆生聞
其名者亦得如是元量善利若聞讚
歎稱其功德悉皆當發无上道心說
是語時大會中有三百六十万衆生
發阿耨多羅三藐三菩提心

佛告舍利弗彼佛世界无三惡道及
其名字亦無邪行越戒之名又无女
人慳貪嫉妬破戒瞋恚懈怠亂心愚
癡之名及以障罣蓋集名衆生根
等无上中下統是一乘無大小名佛
土無有淨穢之名亦无三寶差別之

稱不聞飢渴飲食之聲及我我所遮
護之名无諸魔網妄見集名彼佛世
界平坦廣大一日月照周匝六十億
百千那由他由延是布有事是彼菩
薩本願所致其土平正猶如手掌琉
璃衆寶雜廁共成其地柔軟猶如天
衣若有觸者受微妙樂寶樹莊嚴行
伍相當寶繩連綿以界八道所有諸
華常自開敷亦无石沙荆棘穢惡所
有諸山純以衆寶而校飾之人天無
別法喜禪味以為飲食其土无有王
者之名唯除普賢如來法王彼佛世
尊及諸菩薩不以文字而有所說彼
諸菩薩唯修觀佛諦視无厭目不曾
瞬即便能得念佛三昧悟無生忍是
故彼土名曰不瞬云何念佛謂不觀
色相出生種性過去淨業是時心中
不生自高不觀現在陰界諸入見聞
覺知心意識等示有戲論生住滅相
不取不捨不念不思不觀思想及非
思想不分別想法想已想元一異想
境界功德内外中間不起覺觀始終
之念不觀形貌威儀法式不觀戒定

智慧解脫解脫知見十力无畏不共
之法正念佛者不可思議不造行不
作想無等等離思惟无所念無思慮
无陰入界生住滅相無有處所非無
處所非動非住非色非識非想非受
非行於識不生識知於地水火風不
生識知眼色耳聲鼻香舌味身觸心
法亦復如是如是不緣一切境界不
生諸相我及我所不起見聞覺知之
想究竟能到一切解脫心心數法滅
不相續淨諸憶想非憶想等善除愛
恚滅因緣相此彼中間悉斷無餘是
法清淨无文字故法無歡喜不動轉
故法無有苦不味著故法无焦熱本
寂滅故法无解脫性捨離故法無有
身離色相故法無受相无有我故法
無結縛寂无相故法相無為无所作
故法无言教無識知故法无始終無
取捨故法無安止无處所故法無有
作離受者故法無有滅本无生故心
數思惟所緣住法不取其相不生分
別不受不著不然不滅不生不出法
性平等猶如虛空過於眼色耳聲鼻

香舌味身觸心法是名菩薩念佛三昧菩薩得是念佛三昧一切法中得自在智陀羅尼門聞佛所說悉能受持終不忘失亦得曉了一切衆生言辭音聲无尋辯才舍利弗彼普賢如來不如此土以二因緣演說正見所謂從他聞聲內正憶念彼諸菩薩當見佛時尋能分別諸深妙義具足成就六波羅蜜何以故若不取色相即是具足檀波羅蜜若不除色相即是具足尸波羅蜜若觀色盡即是具足羼提波羅蜜若見色寂滅即是具足毗梨耶波羅蜜若不行色相即是具足禪波羅蜜若不戲論色相即是具足般若波羅蜜是諸菩薩即觀佛時尋具如是六波羅蜜得无生忍舍利弗仁者汝等大士得在彼土見普賢佛獲無量利時无盡意語舍利弗大德今者頗欲得見不眴世界普賢世尊及大衆不舍利弗言唯然欲見今此如來不眴世界

大衆增長善根時無盡意即入菩薩
示現一切佛土三昧入三昧已令此
大衆及舍利弗尋見彼土普賢如來
及其大會見是事已即從座起合掌
遙禮彼佛大衆此會大衆以佛世尊
及無盡意神通道力得微妙華世所
希有其華色香未曾見聞自然滿
掬遙散東方以用供養普賢如來華
尋遍至彼佛世界普賢如來及其大
衆彼諸菩薩見是華已白佛言世尊
是華嚴麗世所希有為從何處而來
至此彼佛答言是無盡意在娑婆世
界是中亦有十方世界諸來菩薩而
共聚集能仁佛所供養恭敬尊重讚
歎聽佛世尊說大集經是其大衆所
散之華彼諸菩薩復白佛言其佛世
界在何方面去是遠近彼佛答言諸
善男子在此西方去是佛土十恒河
沙世界微塵等國彼有世界名曰娑
婆諸菩薩言願樂欲見釋迦文佛及
其大衆今時普賢如來尋放大光其
明徹照此佛世界彼諸大衆因佛光
明悉得遙見娑婆世界釋迦文佛及

諸大衆見已歡喜合掌恭敬作如是
言希有世尊其土菩薩一切大衆從
何所來而作此集遍滿其界間元空
處彼佛答言諸善男子其諸大衆悉
從十方无量世界而來集會諮啓聽
受甚深妙法

時舍利弗問无盡意誰字仁者為無
盡意无盡意言唯舍利弗一切諸法
因緣果報名無盡意所以者何一切
諸法不可盡故舍利弗言唯善男子
願仁當說无盡法門無盡意言唯舍
利弗初發無上菩提心時已不可盡
所以者何發菩提心不離煩惱故發
心相續不怖餘乘故發心堅固不叅
外論故發心不壞魔不沮故發心恒
順善根增長故發心至常有為法無
常故發心不動一切諸佛安慰護助
故發心勝妙離衰損故發心安止不
戲論故發心无喻無相似故發心金
剛壞諸法故發心无盡無量功德悉
成就故發心平等利衆生故發心普
覆无別異故發心鮮明性常淨故發
心無垢智慧明了故發心善解不離

畢竟故發心廣快慈如虛空故發心
曠大慈能容受諸衆生故發心无碍
智慧通達故發心遍至大悲不斷故
發心不斷善解立願故發心為歸諸
佛所讚故發心殊勝二乘宗仰故發
心深遠一切衆生所不知故發心不
敗不破佛法故發心安隱善與衆生
諸快樂故發心莊嚴一切功德悉成
就故發心善察智慧成就故發心增
長隨意施與故發心如願戒清淨故
發菩提心普及怨親具忍辱故發心
難壞具精進故發心寂滅具禪定故
發心无毀具智慧故發心無願增長
大慈故發菩提心住根堅牢增長大
悲故發心和悅增長大喜故發心不
動增長大捨故發心任重諸佛所受
故發心不絕三寶不斷故唯舍利弗
菩薩如是為一切智發菩提心豈可
盡耶舍利弗言唯善男子譬如虛空
不可窮盡為一切智發菩提心不可
得盡亦復如是无盡意言唯舍利弗
佛戒無盡因戒發心故不可盡佛定
无盡曰定發心故不可盡佛慧无盡

因慧發心故不可盡佛解脫无盡因
解脫發心故不可盡佛解脫知見無
盡因解脫知見發心故不可盡唯舍
利弗如來戒定智慧解脫解脫知見
其性无盡因是五衆發菩提心豈可
盡耶如來十力四無所畏十八不共
法无盡因如是等故發菩提心是故无
盡唯舍利弗舉要言之一切如來悉
皆無盡因是發心故不可盡三寶不
斷故无有盡衆生性無盡故无盡如
實智無盡故无盡隨諸衆生無量心
行智无盡故無盡迴向无上無盡故
無盡教化衆生无盡故無盡无盡智
无生故無盡離性无生故無盡知一
切法本性无盡故無盡唯舍利弗是
名菩薩發菩提心不可盡也

復次舍利弗是菩薩心清淨无盡心
清淨者不作誑故不作誑者無奸詐
故无奸詐者善分別故善分別者无
邪命故無邪命者心清白故心清白
者常正一故常正一者性殊勝故性
殊勝者无輕毀故無輕毀者滅諸曲
故滅諸曲者心質直故心質直者入

平正故入平正者心堅實故心堅實
者不可壞故不可壞者性牢固故性
牢固者不可動故不可動者无所依
故无所依者除我心故除我心者无
伴等故無伴等者息些幾故息些
幾者作善業故作善業者无呵責故
無呵責者消過失故消過失者不熱
惱故不熱惱者性真實故性真實者
无虛誑故無虛誑者如說行故如說
行者能善作故能善作者无瑕疵故
無瑕疵者不錯謬故不錯謬者無所
滯故无所滯者不退轉故不退轉者
觀衆生故觀衆生者大悲根深故大
悲根深者善化衆生不疲倦故善化
衆生不疲倦者不求己樂故不求己
樂者不貪利養故不貪利養者不染
愛故不染愛者緣諸法故緣諸法者
觀羸劣故觀羸劣者見衆生故見
衆生者常擁護故常擁護者為歸依
故為歸依者无垢累故無垢累者善
觀察故善觀察者无譏論故無譏論
者心純善故心純善者不動搖故不
動搖者善清淨故善清淨者常精進

故常精進者內清淨故內清淨者常
鮮明故常鮮明者无垢染故唯舍利
弗其淨心者能斷慳惜亦化他人令
斷慳惜其淨心者能斷破戒亦化他
人令斷破戒其淨心者能斷瞋恚亦
化他人令斷瞋恚其淨心者能斷懈
怠亦化他人令斷懈怠其淨心者能
斷亂心亦化他人令斷亂心其淨心
者能斷愚癡亦化他人令斷愚癡舍
利弗淨心如是能斷一切諸不善法
安諸衆生於善法中是故名曰菩薩
淨心不可得盡

復次舍利弗菩薩摩訶薩心行清淨
亦不可盡何以故菩薩行施時一切
皆見捨諸所有菩薩行戒亦不可盡
一切皆見持諸禁戒頭陀正行威儀
無犯菩薩行忍亦不可盡一切皆見
於諸衆生心无恚尋菩薩行進亦不
可盡一切皆見於諸善法精勤修集
菩薩行禪亦不可盡一切皆見於諸
禪定无有錯亂菩薩行慧亦不可盡
一切皆見修習多聞是名菩薩行施
行戒行忍行進行禪行慧菩薩修行

慈悲喜捨亦不可盡一切皆見利益
拔苦歡喜踊躍善斷愛恚是名菩薩
慈悲喜捨菩薩所行三業清淨離身
三惡及口四過心離三惡所謂貪欲
瞋恚邪見菩薩修學多聞無盡不
怯惜故菩薩修行无怯惜者集一切
智故菩薩修集一切智者勸餘菩薩
發道心故勸餘菩薩發道心者修行
安止於善報故修行安止於善報者
願向无上菩提道故願於無上菩提
道者攝取一切諸佛法故攝取一切
諸佛法者四事攝取故菩薩修行四
事攝者懺悔諸罪故菩薩修行悔過
法者發露諸惡故菩薩修行發露諸
惡者迴向一切諸功德故菩薩迴向
諸功德者積聚无量諸珍寶故積聚
無量諸珍寶者勸請諸佛故勸請諸
佛者攝取諸法故攝取諸法者行大
士法故行大士法者能為衆生作重
任故為諸衆生作重任者不捨堅牢
諸莊嚴故不捨堅牢諸莊嚴者成就
衆生一切善事故

後次舍利弗菩薩摩訶薩有四行無

盡何等為四菩薩心行无盡法施无盡教化無盡善根无盡是為菩薩四行无盡菩薩復有四行無盡何等為四樂在空閑攝持威儀无有厭足常樂聚集无量功德而無厭足多求學問廣知諸義而無厭足常願无上菩提智慧而无厭足是名菩薩四行無盡菩薩復有四行无盡何等為四覺按計无盡覺稱量無盡覺思惟無盡覺觀法無盡是為菩薩四行无盡菩薩復有四行无盡何等為四覺垢因無盡覺白法无盡呵諸煩惱无盡讚歎白法无盡是名菩薩四行無盡菩薩復有四行無盡何等為四觀諸陰盡無盡觀諸界盡无盡觀諸入盡无盡觀因緣盡無盡是名菩薩四行無盡菩薩復有四行无盡何等為四說无常行無盡說苦行无盡說無我行無盡說寂滅涅槃无盡是名菩薩四行无盡舉要言之菩薩所行一切無盡向一切智尊一切智仰一切智一切智无盡以是因緣菩薩所行悉皆無盡是名菩薩心行无盡

復次舍利弗是菩薩心畢竟無盡何以故其所思惟乃至一念常緣菩提心不疲倦專趣諸地過生死故畢竟增長到彼岸故畢竟本行轉勝增上故畢竟離負攝勝法故畢竟元等目八足一切諸佛法故畢竟所緣增長善法故畢竟能到過心行處故畢竟在嚴无疲厭故畢竟修行吉祥菩提種種苦行悉成就故畢竟不望不求已樂故畢竟隨順無諸惡故畢竟調伏住聖法故畢竟不雜離煩惱故畢竟難施不怯頭目故畢竟難戒擁護犯禁故畢竟難忍忍无力勢諸過惡故畢竟難進專修苦行捨二乘故畢竟難定心不味著諸禪定故畢竟難慧不著一切諸善根故發行能到一切善事悉成就故畢竟遠離憍慢增上慢勝慢我慢下慢憍慢邪慢善分別故畢竟能捨施諸衆生不求報故畢竟不驚觀深佛法故畢竟增進不停滯故畢竟無盡常精進故畢竟不誑必為衆生作重擔故又畢竟者調柔永生慈覆利益諸賢善人悲心救拔

諸行惡者恭敬尊長護无護者歸无
歸者照无照者依無依者伴无伴者
直諸曲者善不善者无對對者淨邪
命者恩於恩者及無恩者不知恩者
利不利者實虛謗者不憍憍者不毀
作者軟語教呵諸作惡者護邪行者
見行方便不以為過於諸受者等心
恭敬於餘菩薩常行誘導以柔軟語
而演教誨樂在空處修行善法離諸
利養不惜身命无有邪念心寂滅故
言无邪諂攝口過故不以邪業而求
利益其心少欲常知足故心調柔和
無垢穢故迴在生死具善根故能忍
諸苦為衆生故是為大士一切畢竟
而不可盡是菩薩心生死煩惱永
不能壞何以故是心增長諸功德故
含受一切諸衆生故成就无盡妙智
慧故大德是名菩薩摩訶薩畢竟
无盡

尔時舍利弗語无盡意菩薩摩訶薩
言唯善男子頗復更有無盡法不无
盡意言有菩薩修行檀波羅蜜不可
窮盡何以故菩薩摩訶薩行施无量

所謂須食與食具足。下辯色力樂故
須飲與飲具足。渴愛故須衣與衣具清
淨色除無慚愧故須乘與乘得一切樂
具神通故須燈與燈具足。佛眼清淨
故須音樂者施與音樂具足。天耳清
徹故須香與香身出具足。微妙香故
須鬘與鬘具施。羅尼七覺華故須塗
香末香悉施與之具。戒定慧薰塗身
故須種種味隨意與之味相成就故
無依止者施與依止能為衆生具足
救護為歸依故須教具者悉施與之
具足。究竟斷除陰蓋成就梵天賢聖
諸佛妙牀座故須座與座具足。三千
大千世界以為道場金剛座處悉成
就故隨其所須悉能與之成就。菩提
諸所須故隨病施藥得无老死甘露
法藥悉成就故須僕使者皆給與之
自在智慧得具足。故若以金銀琉璃
頗梨真珠珂貝璧三珊瑚種種珍
用悉施者具足。大人三十二相故能
以種種瓔珞施者具足。八十隨形好
故若以象馬車乘施者具足。大乘故
若持口鉢以布施者具足。諸禪支故共

持妻子以布施者具足无上道法受
故若以倉庫穀財施者具足諸善法
寶藏故以閻浮提若四天下隨意施
者具足法王得自在故以諸樂具持
用施者具足元量法樂樂故若持脚
足以布施者法足具成進至道場故
若以手施具足法手安撫衆生令得
樂故若以耳鼻用施與者具足諸根
悉通利故若以眼目持用施者為欲
具足無尋法眼故若以頭施於三界
中具足殊勝一切智慧故若以血肉
持用施者諸不堅牢具堅牢故若以
髓腦持用施者具金剛身得不壞故
菩薩不以邪命求財而行布施不逼
衆生強求他物轉以施人無恐怖施
无著耻施無慳惜施如其所許无損
減施無不愛施畢竟常施无不畢竟
施无諛諂施無奸詐施不疑業報施
無邪命施无愚癡施無不信施无不
解施無疲難施无依著施無選擇施
无異相施不求受者施無有衆生不
堪受者持戒犯戒无增減施於受者
所不望報施不求名施不毀譽施無

慢非慢施无熱惱施不悔心施不自
讚施無雜穢施不望業報施无定處
施无有瞋怒垢愛等施有來乞者不
惱害施無輕易施不顯面施不撩擲
施無不故施无手不與施無不常施
無斷絕施無嫉慢施无齊限施如其
所許不貿易施无有堪任不堪任施
無非福田施不輕少施不讚多施无
衰耗施不求後生施不求自在得財
寶施不求釋梵護世天三轉輪聖王
諸果報施不願聲聞緣覺乘施不求
王子得自在施不為一世故施无厭
足施无不迴向一切智施無不淨施
無不時施无刀毒施無惱衆生施菩
薩行施不為智者之所輕笑何以故
觀空寂行施是故无盡無作所冀施
走故无盡出三有相施是故無盡不
取處施是故無盡為解脫果是施无
盡為代衆魔是施无盡為斷結愛是
施無盡為增上施是故无盡善分別
施是故无盡助菩提施是故無盡正
迴向施是故無盡在嚴道場解脫果
施是故无盡是施無邊是故无盡是

施無壞是故無盡是施不斷是故無
盡是施廣大是故無盡是施无住是
故無盡是施无伏是故無盡无等等
施是故无盡是施進趣一切種智是
故無盡唯舍利弗是名菩薩修行布
施而不可盡

尔時舍利弗語无盡意言善哉善哉
唯善男子仁已快說菩薩摩訶薩修行
檀波羅蜜而不可盡唯願仁者當說
菩薩尸波羅蜜如諸菩薩所得无盡
戒衆六十七事清淨修治亦不可盡
何等六十七於諸衆生不起惱害於
他財物不生竊盜於他婦女中不生
邪視於諸衆生无有欺誑初不兩舌
於自眷屬知止足故無有惡口忍辱
積故无有綺語常善說故於他樂事
不貪嫉故初無瞋恚忍惡言故正見不
邪賤餘道故深信於佛心不濁故信
順於法善觀法故信敬於僧尊重聖
衆故五體投地志念佛故五體投地
思惟法故五體投地宗敬僧故堅持
禁戒一切無犯乃至小禁不放捨故

持不取戒不依餘乘故持不穿戒離
忌處生故持不荒戒不雜諸結故持不
汙戒專長白法故持甚深戒隨意迴
向得自在故持讚歎戒智者不呵故
持純善戒正念知故持不呵戒一切
戒不散故持善堅戒防護諸根故持
名聞戒諸佛所念故持知足戒无不
厭故持少欲戒斷貪惜故持性淨戒
身心寂滅故持阿蘭若戒離憤鬧故
持聖種戒不求他意故持威儀戒一
切善根得自在故持如說戒人天歡
喜故持慈心戒護衆生故持悲心戒
能忍諸苦故持喜心戒心不懈怠故
持捨心戒離愛恚故持自省戒心善
分別故持不求短缺戒護他心故持
善攝戒善守護故持惠施戒教化衆
生故持忍辱戒心无恚尋故持精進
戒不退還故持禪定戒長諸禪支故
持智慧戒多聞善根無厭足故持多
聞戒博學堅牢故持親近善知識戒
助成菩提故持遠離惡知識戒遠離
惡道故持不惜身戒觀无常想故持
不惜命戒勤行善根故持不悔戒心

清淨故持不邪命戒心行清淨故持
不燒戒畢竟清淨故持不燒戒修善
行業故持無慢戒心下不憍故持不
掉戒遠離諸欲故持不高戒心平直
故持柔和戒心无抃突故持調伏戒
无惱害故持寂滅戒心無垢穢故持
順語戒如說行故持化衆生戒不離
攝法故持護正法戒不違如實故持
如願成就戒於諸衆生心平等故持
親近佛戒願求如來無上戒故持入
佛三昧戒具足一切諸佛法故舍利
弗是名菩薩六十七事淨治戒衆而
不可盡

又舍利弗菩薩无盡清淨戒中無有
倚著所謂破我人衆生壽命養育士
夫色受想行識地水火風是淨戒中
無眼色相耳聲鼻香舌味身觸意法
等相亦无身心是戒定相一向不共
故是戒分別相方便緣一切法故是
戒空相得無相際不雜三界故是戒
不作无生忍故是淨戒中無有已作
今作當作是清淨戒過去不滅未來
不來現在不住又舍利弗是淨戒中

心淨無垢識不止住思不親近是清淨戒不依欲界不近色界不住无色界是清淨戒捨離欲塵除瞋恚等滅无明障是清淨戒不斷不常不逆因緣是清淨戒無有我相捨我所相不任身見是清淨戒不取假名不住色相不雜名色是清淨戒不繫於因不起諸見不住疑悔是清淨戒不住貪瞋癡不著善根是清淨戒不惱不熱寂滅離相是清淨戒不斷佛種求正法故不斷法種不分別法性故不斷僧種修无為故

舍利弗持淨戒者相續不斷故不盡所以者何凡夫戒者在所受生是故有盡人中十善盡故有盡欲界諸天福報功德盡故有盡色界諸天禪无量心盡故有盡無色界天所入諸定盡故有盡外道仙人所有諸戒退失神通盡故有盡一切聲聞學无學戒入涅槃際盡故有盡辟支佛戒無大悲心盡故有盡舍利弗菩薩淨戒皆无有盡何以故於是戒中出一切戒如種無盡果亦无盡是菩提種不可

蓋故如來戒禁亦無有盡以是故諸
大士等所持諸戒皆不可盡舍利弗
是名菩薩修持淨戒而不可盡

小時舍利弗語无盡意言善哉善哉
善男子仁已快說菩薩尸波羅蜜而
不可盡唯願仁者當說菩薩羂提波
羅蜜如諸菩薩所得无盡羂提波羅
蜜无盡意言唯舍利弗菩薩具三十
二事修行忍辱亦不可盡何等三十
二事諸結故當知是忍不生害故當
知是忍無有纏故當知是忍无有惱
故當知是忍无覆蔽故當知是忍無
有瞋故當知是忍無忿諍故當知是
忍无鬪訟故當知是忍於諸塵界心
不異故當知是忍護自他故當知是
忍順菩提心故當知是忍善思惟故
當知是忍无二想故當知是忍識業
報故當知是忍在嚴身故當知是忍
口演淨言故當知是忍心清淨故當
知是忍心堅牢故當知是忍言語自
在故當知是忍不憶想故當知是忍
善分別心故當知是忍護他心故當
知是忍修梵世行故當知是忍受人

天報故當知是忍身相勝故當知是忍具妙梵音故當知是忍除諸過患故當知是忍斷諸荒穢故當知是忍斷一切不善根故當知是忍煞諸結故當知是忍具足一切佛法故當知是忍舍利弗是名菩薩三十二事修行忍辱而不可盡

舍利弗去可為忍若見罵者默受不報善知音聲如響相故見有呵責默而受之善知身相如影像相故見有瞋者心不懷恨善知心法如幻相故忿不報忿心清淨故聞有稱名心不生愛不自高故聞不稱名心不生尋功德具足故若遇榮利不生喜悅善自調故若遇衰耗不生罣碍心寂滅故見有稱者心不驚動善知分別故見有毀者心不縮沒其心廣大故見有譏者其心不下善安住故見有譽者其心不高不傾動故若遇樂事心不歡逸觀有為法元常相故若遇苦事心不疲惱為衆生故世法不染不依止故忍受諸苦見危逼者以身代故

忍節節支解具足覺支故衆苦加
身悉能堪受具佛身相故忍他過患
善作業力故示現燒熱修諸苦行伏
外道故現入諸道出過釋梵護世諸
大故是名菩薩之忍辱也

又畢竟忍者无有諍訟何以故若見
他罵我能忍者如是忍者是觀二相
非畢竟忍若言誰罵我者如是忍辱
是法功德非畢竟忍若罵眼耶如是
忍者是觀入相非畢竟忍耳鼻舌身
若罵意耶如是忍者是觀諸入非畢
竟忍若无罵者如是忍辱是觀无我
非畢竟忍若知假名如是忍者是觀
響相非畢竟忍彼之與我二俱无常
如是忍者是觀無常非畢竟忍彼是
顛倒我无顛倒如是忍者是觀高下
非畢竟忍彼不勤行我是勤行如是
忍者是觀勤懈非畢竟忍彼住惡道
我住善道如是忍者是觀善惡非畢
竟忍我忍無常不忍有常我能忍苦
不受諸樂我忍无我不忍有我我又
不淨不忍於淨如是忍者是觀有計
非畢竟忍我忍於空不忍諸見故

忍無相不忍諸覺我忍无願不忍
於願我忍无作不忍於作我忍結
盡不忍結在我忍於善不忍不善
我忍出世不忍在世我忍無諍不忍
於諍我忍無漏不忍於漏我忍白法
不忍黑法我忍寂滅不忍生死如是
忍者是觀相對非畢竟忍

云何名為畢竟忍耶若入空寂不與
諸見和合不倚著空是諸見等亦復
皆空如是忍者是无二相是畢竟
若入無相不與諸覺和合不倚無相
是覺皆空如是忍者是无二相是畢
竟忍若入無願不與願合不倚无願
是願皆空如是忍者是无二相是畢
竟忍若入无作不與作合不倚無作
是作皆空如是忍者是无二相是畢
竟忍若入盡結不與結合不倚盡結
諸結皆空如是忍者是无二相是畢
竟忍若入於善不與不善和合不倚
於善不善皆空如是忍者是无二相
是畢竟忍若入出世不與世合不倚
出世在世皆空如是忍者是无二相
是畢竟忍若入无諍不與諍合不倚

無諍是諍皆空如是忍者是无二相
是畢竟忍若入无漏不與漏合不倚
无漏諸漏皆空如是忍者是无二相
是畢竟忍若入白法不與黑合不倚
白法黑法皆空如是忍者是无二相
是畢竟忍若入寂滅不與生死和合
不倚寂滅生死皆空如是忍者是无
二相是畢竟忍若性不自生不從他
生不和合生亦無有出不可破壞不
可壞者是不可盡如是忍者是畢竟
忍無作非作无所倚著无分別無莊
嚴无修治法無發進終不造生若无
生者是不可盡如是忍者是无生忍
無生忍者是不出忍不出忍者是畢
竟忍如是菩薩修行是忍得受記忍
舍利弗是名菩薩行忍无盡說是
忍時一切大衆讚无盡意言善男子
善哉善哉快說此忍言已即雨種種
希有諸華末香塗香无数雜衣幢幡
寶蓋以用供養於無盡意百千伎樂
於上空中自然出聲作如是言若有
衆生欲得如來甚深忍者聞作是說
不應驚怖時諸華香雜末幡蓋普遍

充溢滿此三千大千世界

尔時佛告無盡意言善男子汝所供養華香等物可自求器除去搗當无盡意言唯然世尊我今當以神通之力即身為器時無盡意即入菩薩色身三昧入三昧已一切所有供養之具悉入齋中身界如故不增不減尔時衆中有一菩薩名大莊嚴問无盡意善男子所入三昧名為何等而仁人已諸供養具悉入身中身界如故而不增減无盡意言善男子其三昧者名為一切色身三昧大莊嚴言是三昧定頗復更有餘力勢不无盡意言是三昧力能令身界悉受三千大千世界所有色相身界如故亦无增減尔時衆中或有人天作是思惟寧可得見是定力不尔時佛知一切大衆人天所念告無盡意善男子汝可示現是定神力時无盡意菩薩摩訶薩於是三昧久已通達是故能以一切大衆十方諸來大菩薩等佛及聖僧心內身中尔時其身猶如大寶莊嚴世界受諸菩薩摩訶薩等所有

種種莊嚴之事是時大衆悉自見形
在無盡意菩薩身內時無盡意示現
如是大神通已是時大衆各還如本
時大莊嚴菩薩摩訶薩問無盡意善
男子我從昔來未曾見聞如是三昧
神通變化無盡意言善男子假使三
千大千世界一切所有悉入我身猶
無增減況於此耶說是無盡忍辱現
大神變時七十六那由他天及人發
阿耨多羅三藐三菩提心百二千菩
薩摩訶薩得无生法忍舍利弗是名
菩薩修行忍辱而不可盡

大方等大集經卷第三十七

癸卯歲高麗國大藏者監奉
剎雕造

大方等大集經卷第二十八

讓

無盡意菩薩品第十三之二

宋涼州沙門智嚴共寶雲

譯

今時舍利弗語無盡意言善哉善哉
唯善男子汝已快說菩薩羣提波羅蜜
而不可盡唯願仁者當說菩薩毗梨
耶波羅蜜如諸菩薩所得無盡毗梨
耶波羅蜜無盡意言唯舍利弗菩薩
具足八事修行精進而不可盡何等
為八發大莊嚴而无有盡積集勇進
而不可盡修行諸善而不可盡教化
衆生而不可盡助道功德而不可盡
助無上智而不可盡助无上慧而不可
盡集助佛法而不可盡云何菩薩莊
嚴无盡於諸生死心不疲倦不計劫
數當成佛道若干劫在而作莊嚴若
于劫在不作莊嚴菩薩莊嚴所經劫
數不可稱計如從今日至生死本為
一日一夜如是三十日為一月十二月
為一歲於是百千万歲一發道心一
見如來如是發心所見諸佛如恒沙
數於今所佛邊方得知一衆生心行

如是遍知一切衆生心之所行猶不
退沒是則名曰不懈莊嚴無盡莊嚴
經於如是見佛發心知他衆生心所
行時常修具足檀波羅蜜尸波羅蜜
羼提波羅蜜毗梨耶波羅蜜禪波羅
蜜般若波羅蜜修集一切助菩提法
具修相好十力无畏不共之法具修
一切諸佛法故是名不懈莊嚴無盡
莊嚴若有菩薩聞作是說不驚不怖
不畏當知是菩薩不懈精進是名菩
薩莊嚴無盡云何菩薩勇進無盡若
三千大千世界滿中盛火為見佛故
要當從是火中而過若為聞法教化
衆生安止衆生於善法故亦應如是
從火中過是名菩薩勇進無盡何因
緣故名曰勇進常為他故為靜他故
為調伏他故為滅盡他故常不懈慢
堅牢不退心善安止於大悲中常勤
精進而為衆生故名勇進菩薩行時
步步御心悉向菩提常觀衆生為化
度故雖作是觀不起煩惱是名菩薩
勇進無盡

大何菩薩修習無盡如所發起一切

善心常願菩提是名菩薩修集無盡
何以故以諸善根迴向阿耨多羅三
藐三菩提初無盡故舍利弗譬如天
雨一沛之水墮大海中其沛雖微終
無滅盡菩薩善根願向菩提亦復如
是无有滅盡修集善根者所謂正迴
向修集善根為護衆生修集善根為
隨衆生諸所須故修集善根為欲成
就一切智故修集善根是名菩薩修
集無盡

云何菩薩教化無盡衆生之性不可
稱計菩薩於中不應稱計若言一日
教化三千大千世界滿中衆生如是
計數乃至無量不可思議不可稱劫
教化衆生者雖作如是教化衆生不
可稱計不可思議於衆生分猶未是
教化百分千分百千分百千万分乃
至等數譬喻所知衆生何以故是衆
生性無量無邊不可稱計不可思議
若菩薩聞作是說不驚不怖不畏當
知是菩薩勤修精進是名菩薩教化
無盡云何菩薩助道無盡菩薩所修
助道功德無量無邊菩薩於中不應

限量何以故一切衆生所有功德若
去來現在及聲聞緣覺所有功德於
佛世尊始是成就一毛孔功德如是
一二毛孔所有功德乃至一切毛孔
功德聚集成就始成如來一隨形好
如是二隨形好等乃至一切隨形
好功德聚集成就如是成就如來一
相如是二相至三十相聚集如是
三十相百倍功德始成如來眉間毫
相乃至修集倍是毫相百千功德始
成如來无見頂相是名菩薩助道功
德無盡云何菩薩助智无盡菩薩所
修助智无量無邊菩薩於中不應限
數若三千大千世界所有衆生如一
信行所成就智如是信行比一法行
所成就智百分千分百千分百千万
分乃至等數譬喻所不能及若三千
大千世界衆生悉為法行比一八人
所成就智百分千分百千分百千万
分乃至等數譬喻所不能及若三千
大千世界所有衆生悉為八人智比一
須陀洹所成就智百分千分百千分
百千万分乃至等數譬喻所不能及

若三千大千世界所有衆生悉為阿
隨洹智比一斯陀含所成就智百分
千分百千分百千万分乃至等數譬
喻所不能及若三千大千世界所有
衆生悉為斯陀含智比一阿那含所
成就智百分千分百千分百千万分
乃至等數譬喻所不能及若三千大
千世界所有衆生悉為阿那含智比
一阿羅漢所成就智百分千分百千
分百千万分乃至等數譬喻所不能
及若三千大千世界所有衆生悉為
阿羅漢智比一緣覺所成就智百分
千分百千分百千万分乃至等數譬
喻所不能及若三千大千世界所有
衆生悉成緣覺智比一百劫菩薩所
成就智百分千分百千分百千万分
乃至等數譬喻所不能及若三千大
千世界所有衆生悉為百劫菩薩所
成就智比一得忍菩薩所成就智百
分千分百千分百千万分乃至等數
譬喻所不能及若三千大千世界所
有衆生悉為得忍菩薩所成就智比
一不退菩薩所成就智百分千分百

千分百千万分乃至竿數譬喻所不能及若三千大千世界所有衆生悉得不退菩薩智比一補處菩薩所成就智百分千分百千万分乃至竿數譬喻所不能及若無量无边世界衆生悉如補處所成就智比一如來是處非處智百分千分百千万分百千万分乃至竿數譬喻所不能及按說如來諸力无畏不共之法亦復如是若菩薩聞作是說不驚不怖不畏當知是菩薩勤行精進是名菩薩助智无盡云何菩薩助慧无盡一切衆生所有心行不可窮盡菩薩於中不應計數若過去未來現在衆生所有心行若有人於一念中具如是等三世衆生所有心行如是念念皆亦如是具諸心行如一人心中所具心行一切無量无边衆生皆亦如是若過去未來現在衆生所有貪婬瞋恚愚癡及諸煩惱若有一人於一念中具如是等三世衆生所有煩惱如是念念皆亦如是具諸煩惱無量无边如一人心中所具諸結一切无量无边

衆生皆亦如是菩薩於中生慧光明
一念慧光元諸塵翳悉照過去未來
現在衆生煩惱諸心所緣境界生住
滅相無有遺餘是菩薩於諸衆生三
世相應諸煩惱等无不盡知舍利弗
譬如虛空無所不覆菩薩慧光亦復
如是无所不照若菩薩聞作是說不
驚不怖不畏當知是菩薩勤行精進
是名菩薩助慧无盡

云何菩薩修集助佛法無盡菩薩所
行修助佛法無量无边若菩薩於中
不應限量從初發心至坐道場於其
中間修行具足六波羅蜜修行具足
諸助道法如是一切發心修行一切
善根不可稱計悉助佛法是名菩薩
修助佛法而无有盡是名菩薩八事
修行精進無盡

復次舍利弗菩薩精進亦不可盡若
身善業若口善業若意善業常勤不
住何以故菩薩所作精進常與身口
意相應雖身口精進皆由於心心為
增上云何菩薩心精進耶所謂心始心
終云何心始初發心故云何心終善

提心寂滅故云何心始於諸衆生起
大悲故云何心終无我人故云何心
始攝衆生故云何心終不取諸法故
云何心始不厭生死故云何心終無
三界故云何心始捨所有故云何心
終无所輕故云何心始受持戒故云
何心終不持戒故云何心始修行忍
故云何心終無忿諍故云何心始發
行諸善故云何心終獨不雜故云何
心始修集定故云何心終心清淨故
云何心始多聞无厭故云何心終善
思惟故云何心始習問義故云何心
終法無言說故云何心始求智慧故
云何心終斷戲論故云何心始修四
梵行故云何心終捨真智故云何心
始具五通故云何心終具漏盡故云
何心始發念處故云何心終念無思
惟故云何心始發正勤故云何心終
脫善不善故云何心始發如意分故
云何心終具報得故云何心始發諸
根方便故云何心終觀諸根法故云
何心始集諸力故云何心終智不壞
故云何心始發助菩提分故云何心

終善知分別諸學方便故云何心始
求助道法故云何心終无進趣故云
何心始求寂滅故云何心終心永寂
滅故云何心始發起慧故云何心終善
知法故云何心始覺知因故云何心
終善知因故云何心始從他聞故云
何心終於諸法中無放逸故云何心
始發嚴飾故云何心終知身性故云
何心始莊嚴口故云何心終聖默然
故云何心始行三脫故云何心終無
所作故云何心始降四魔故云何心
終捨結習故云何心始知方便故云
何心終了於慧故云何心始善知發
故云何心終善知度故云何心始知
世俗故云何心終善知真諦故是名
菩薩心精進也是心具足精進无盡
故說始終菩薩具足如是作相而心
未常住於作業是菩薩於諸業相
知而故作云何菩薩知而故作為諸
善根故為諸衆生修大悲故不離有
為為一切佛真妙智故不隨生死是
名菩薩摩訶薩毗梨耶波羅蜜而不
可盡說是法時七十部由他諸天及

人發阿耨多羅三藐三菩提心三萬二千菩薩摩訶薩得无生法忍

尔時舍利弗語無盡意言善哉善哉唯善男子仁已快說菩薩毗梨耶波羅蜜而不可盡唯願仁者當說菩薩禪波羅蜜如諸菩薩所得无盡禪波羅蜜無盡意言若菩薩摩訶薩以十六事修行禪定而无有盡不與聲聞辟支佛共何等十六菩薩修定无有吾我具足如來諸禪定故菩薩修定不味不著不求已樂故菩薩修定行於大悲斷諸衆生煩惱結故菩薩修定增益諸禪觀見欲界諸過患故菩薩修定具諸通業為知衆生諸心行故菩薩修定其心柔軟於衆生中得自在故菩薩修定諸禪三昧善知入出過於色界无色界故菩薩修定其心寂滅勝於二乘諸禪三昧故菩薩修定更无有發畢竟已作故菩薩修定無諸衰耗善斷除滅諸習氣故菩薩修定常入智慧過諸世間到彼岸故菩薩修定為知衆生心度脫一切諸衆生故菩薩修定不斷三寶種具足无

盡諸禪定坎菩薩修定无有退失其
心常定無諸錯謬故菩薩修定而得
自在具足一切諸善法故菩薩修定
內善思惟斷入出息得勝智故舍利
弗是名菩薩以十六事修行禪定而
无有盡不與聲聞辟支佛共云何名為
菩薩修定具諸通智故云何為通云
何為智若見諸色相是名為通若知
一切色盡法性而不證盡是名為智
若聞音聲是名為通解了三世一切
音聲无言辭相是名為智若知一切
衆生心行是名為通若知心行悉皆
滅盡不證於滅是名為智若念過去
是名為通若知三世無有罣碍是名
為智若能遍至諸佛世界是名為通
若知佛界同虛空相是名為智若求
諸法无破壞相是名為通若不見法
是名為智若不壞世間是名為通若
不雜行是名為智若過梵釋護世天
王是名為通過於二乘學无學智是
名為智是名菩薩修行禪定通智
差別

唯舍利弗菩薩若知一切衆生煩惱

亂心是故修集諸禪定法助成住心
舍利弗如是衆生煩惱心亂菩薩於
中善修聚集助成禪定今此禪定住
平等心是名菩薩修行禪定若住衆
生平等智中是名為定心行平等性
相平等畢竟平等發行平等是名
為定住於施戒忍辱精進禪定智慧
及諸法等是名為定如定等者則衆
生等衆生等者則諸法等入如是等
是名為定如是等定則等於空等於
空者則衆生等衆生等者則諸法等
入如是等是名為定如空等者則無
相等无相等者則無願等无願等者
則無作等无作等者則衆生等衆生
等者則諸法等入如是等是名為定
自心等故他心亦等是名為定一切
等者所謂利衰如地水火風得是等
心心如虚空无有高下常住不動所
行威儀常定不轉本性自尔不挑不
高自在無畏寂默无言知義知法知
時非時隨世所行不雜於世捨世八
法滅一切結遠離憒鬧樂於獨處菩
薩如是修行諸法於諸禪定心安止

住離世所作是華蔭以方便慧入禪
波羅蜜入禪定時生大悲心為諸衆
生是名方便其心永寂是名為慧入
時念佛是名方便不依止禪是名為
慧入時攝取一切善法是名方便不
分別法性是名為慧入時趣向莊嚴
佛身是名方便於佛法身不生分別
是名為慧入時念佛聲如梵音是名
方便於法性中无言說相是名為慧
入時受持心如金剛是名方便思惟
諸法本性不亂是名為慧入時不捨
本所誓願教化衆生是名方便於一
切法思惟無我是名為慧入時思惟
一切善根是名方便思惟善根性无
所住是名為慧入時遍觀諸佛世界
是名方便見諸佛界同於虛空是名
為慧入時莊嚴菩提道場是名方便
觀所莊嚴同於寂滅是名為慧入時
欲轉無上法輪是名方便思惟法輪
无轉不轉是名為慧入時一向修助
覺分是名方便為知衆生諸熱惱心
是故修集如來禪定知一切法相應
不相應有相無相一切相續隨順苦

薩決定思惟是名為慧是名菩薩入
於禪定方便慧也如是菩薩禪波羅
蜜方便智慧二事俱行得佛法器一
切諸魔不能破壞說是法時三万二
千菩薩得日燈三昧何因緣故名日
燈三昧譬如日出燈火月光星宿諸
明悉不復現菩薩大士得是定已先
所修智一切二乘學與无學及餘衆
生所得諸智皆亦如是悉不復現是
名日燈三昧菩薩住於禪波羅蜜即
於无量百千種種諸禪三昧而得自
在今於此中當說少分其名曰電燈
三昧淨三昧月光三昧淨莊嚴三昧
日光三昧不可思議三昧勇出三昧
照明三昧無垢光明三昧功德光明
三昧一切法中得自在三昧吉道三
昧无憂三昧堅稱三昧勇出如須弥
山等三昧法炬三昧法健三昧法尊
三昧自在知一切法三昧住法聚三
昧捻持法淨三昧隨知他心行三昧
法幢瓔珞三昧燒一切煩惱三昧破
四魔力三昧十力聲勇健三昧无尋
斷尋三昧手燈三昧施得名聞三昧

持地三昧住無我如須弥山三昧勝
諸明三昧智焰三昧生慧三昧修禪
三昧无量自在三昧心調伏無我我
所成就三昧水月三昧日聲三昧
无有高下如佛三昧離相三昧如善
調象師子遊戲三昧念佛三昧念法
得智自在无碍三昧無退不退三昧
不昀三昧勝淨光无我三昧空三昧
無相三昧无願三昧住心平等三昧
金剛三昧增上三昧無能勝三昧旋
三昧淨聲三昧善分別三昧離煩惱
三昧廣大如空三昧入諸功德三昧
念意進覺三昧勇慧三昧辯无盡三
昧語無盡三昧持持三昧不忘三昧
善作三昧觀一切世三昧善知所樂
三昧生踊躍三昧勇慈心淨三昧大
悲根本三昧入喜三昧捨離三纏三
昧法義三昧法作三昧智炬三昧智
海三昧不波蕩三昧一切心喜三昧
調伏三昧解脫智三昧已自在三昧
法場金剛幢三昧蓮華三昧蓮華增
上三昧離世法三昧不動三昧慧增
上三昧諸佛所念首楞嚴三昧无諍

三昧火三昧火明三昧解脫勝智三
昧莊嚴佛身三昧遍照三昧入衆生
心歡喜三昧順助道三昧莊嚴諸波
羅蜜三昧寶鬘三昧與諸覺華三昧
與解脫果三昧甘露三昧速疾如風
三昧實際三昧遮海濤三昧山相搏
三昧廣大神足三昧見无量諸佛三
昧聞持三昧不亂三昧一念智無量
功德海淨三昧如是等不可計無由
他諸三昧入禪波羅蜜時悉得清
淨舍利弗是名菩薩修行禪定而不
可盡

尔時舍利弗語无盡意言善哉善哉
善男子仁已快說菩薩禪波羅蜜唯
願仁者當說菩薩般若波羅蜜如諸
菩薩所得无盡般若波羅蜜善男子
般若波羅蜜云何行云何入無盡意
言唯舍利弗般若波羅蜜如聞修行
善入思惟舍利弗言唯善男子云何
如聞修行无盡意言聞者具八十行
何等八十欲修行順心行畢竟心行
常發起行親近善友行无憍慢行不
放逸行恭敬行隨順教行從善語行

數徃法師所行至心聽法行善思惟
行不亂心行勤進心生寶想行起
藥想行除諸病行念器行進覺行意
喜行入覺行聞無厭行增長捨行調
智行親近多聞行發歡喜行身輕悅
行心柔和行聞无疲倦行聞義行聞
法行聞威儀行聞他說行聞所未聞
行聞諸通行不求餘乘行聞諸波羅
蜜行聞菩薩藏行聞諸攝法行聞方
便行聞四梵行聞念正智行聞生方
便行聞無生方便行觀不淨行思惟
慈行觀因緣行觀无常行觀苦行觀
无我行觀寂滅行觀空行觀無相行
觀無願行觀无作行作善行持真實
行不失行好惡住處防護心行勤進
无懈行善分別諸法行知諸煩惱非
伴侶行護諸善法自伴侶行降伏煩
惱非伴侶行親近正法財行斷諸貧
窮行智者所讚行欣樂利根行衆聖
所勸行令非聖者生歡喜行觀諸諦
行觀陰過患行思量有為多過患行
思義行不作一切惡行自利利他行
隨順增進諸善業行進增上行得一

切佛法行舍利弗是名菩薩如其所聞具八十行

舍利弗菩薩摩訶薩行般若波羅蜜具三十二事善入思惟何等三十二善入受持定善入分別慧善入心柔和平善入身獨行善入十二緣善入不斷善入不常善入因緣生法善入无衆生無命无入善入無來去住處善入无進不斷因果善入空不懈善入無相不廢善入无願不捨善入不證空无相無願善入生諸禪三昧善入不隨禪定生善入生諸通智善入不證無漏法善入內觀法善入不證決定善入思量有為法過患善入不著有為法善入觀一切衆生无我而不捨大悲善入一切趣諸怖畏處善入雖生諸趣非業故生善入離欲善入不證離欲法善入捨所樂欲善入不捨法樂善入捨一切戲論諸覺善入不捨方便諸觀舍利弗是名菩薩行般若波羅蜜三十二事善入思惟又復善思惟者所謂善順句善順句者是不始句是不終句是不住句是

無依句是不動句是不猗句是平等
句是非等句是真實句是正真句是
不變句是清淨句是永寂句是不然
句是不舉句是不下句是不滅句是
如句是不如句是如非句是非如非
不如句是如實句是三世平等句是
三際句是不住色句是不住受想行
識句是不住地大句是不住水火風
句是不住眼界色界眼識界句是不
住耳界聲界耳識界句是不住鼻界
香界鼻識界句是不住舌界味界舌
識界句是不住身界觸界身識界句
是不住意界法界意識界句是念義
句是念智句是了義經句是念法句
是名菩薩善入思惟

又復善思惟者所謂一切諸法若我
无我如是諸法隨順觀察若知衆生
無有我者即是隨順觀察諸法如是
觀察即是善入思惟如善思惟即是
思惟生死涅槃同一法界觀是二句
无有差別如是見者是名勤進善入
思惟若觀黑法及以白法二性平等

無有差別是名勤進善入思惟若觀諸梘及以无梘不動不持是名勤進善入思惟若菩薩起善思惟為諸衆生而不捨離於諸法相亦不分別是名菩薩發善思惟舍利弗如聞行者如是得入報善思惟是名為慧

舍利弗菩薩慧者有十六法不於中住云何十六不住无明行識名色六入觸受愛取有生老死乃至不住无明滅至生死滅不住根本身見乃至不住六十二見不住高下乃至不住世法利衰毀譽稱譏苦樂不住慢慢增上慢勝慢我慢下慢憍慢邪慢乃至不住二十煩惱不住因貪所起諸結若麤若細若上中下乃至不住貪欲所起一切諸結不住癡闇覆蓋諸尋乃至不住因癡所起一切諸結不住婬欲愛濁不住陰死煩惱天魔乃至不住因魔所起諸魔事等不住我人衆生壽命養育士夫乃至不住取衆生相不住業障報障法障煩惱障諸見障乃至不住一切習氣不住思想憶想分別想緣相想境界見聞

覺知乃至不住一切諸結不住隨衆
生心行智乃至不住八万四千法聚
不住慳貪布施破戒持戒瞋恚忍辱
懈怠精進亂意禪定愚癡智慧乃至
邪正善不善世間出世間可作不可
作有漏无漏有為無為黑法白法生
死涅槃乃至不住一切諸法伴非伴
等不住衆生異相諸乘異相佛界異
相諸佛異相諸法異相聖衆異相乃
至不住一切異相不住知不知識不
識世諦真諦乃至不住一切諸相所
謂菩薩思惟慧者无闔無行无身無
相无形無為如是真慧不住一切憶
想思惟心作止住名字異相舍利弗
是名菩薩真智慧者不住如是十六
法中

舍利弗云何菩薩慧者處所具八方
便何等八諸陰方便諸界方便諸入
方便諸諦方便諸緣方便三世方便
諸乘方便諸法方便云何諸陰方便
若說諸陰如沫如泡如熱時焰如芭
蕉樹如幻如夢如呼聲響如鏡中像

如影如化色如水沫如水沫性非我
非衆生非命非人色亦如是能如是
知是名菩薩觀色方便受喻如泡想
喻如焰行如芭蕉識喻如幻如泡如
焰如芭蕉幻性无我無衆生无命無
人受想行識亦復如是能如是知是
名菩薩觀受想行識方便諸陰如夢
如響如像如影如化如化等性无我
無衆生无命無人是諸陰等亦復如
是能如是知是名菩薩觀陰方便所
謂陰者即世間相世間相者是可壞
相如可壞相即无常性苦性无我性
寂滅性能如是知是名菩薩觀陰
方便

云何菩薩知界方便法界地界水火
風界是法界中无相無有堅相濕相
熱相動相法界眼界耳界鼻舌身意
界是法界中无有見相聞相嗅相別
相覺相知相法界色界聲香味觸法
是法界中無眼可見相耳可聞相鼻
可嗅相舌可別相身可覺相意可知
相法界眼識界耳鼻舌身意識界是
法界中无眼識知色乃至無意識知

法法界色界法界非色作相乃至法界亦復如是法界我界无二無別法界欲界色界無色界我界生死界涅槃界無二无別法界虛空界一切法界我界空界無相无願無作不出不生無所有等如涅槃虛空涅槃及一切法等无有二如是無量有為法界入無為界能如是知如是說者是名菩薩知界方便

云何菩薩觀入方便如佛所說眼空我空我所空何以故是眼性中无我無我所耳鼻舌身意空亦復如是觀是入者見一切法若善不善无有二相是名菩薩觀入方便若眼入色入若見眼色離欲不證離欲法是名菩薩觀入方便耳入聲入鼻入香入舌入味入身入觸入意入法入若見離欲不證離欲法是名菩薩觀入方便所謂入者若聖入非聖入云何聖入若修集道云何非聖入不修集道若菩薩住道於不修道者生大悲心不捨入道是名菩薩觀入方便

云何菩薩觀諦方便所謂甚深難入

云何難入若苦智集智滅智道智苦
智者觀陰无生集智者觀斷愛因滅
智者觀無明等諸煩惱无有和合道
菩薩若於四聖諦中作如是觀而不
取證為化衆生是名菩薩觀諦方便
復有三諦何等三俗諦第一義諦相
諦云何俗諦若世間所用語言文字
假名法等云何第一義諦乃至无有
心行何況當有言語文字云何相諦
觀一切相同於一相一相者即是無
相菩薩隨順俗諦而不厭倦觀第一
義諦而不取證觀諸相諦一相无相
是名菩薩觀諦方便復有二諦何等
二俗諦第一義諦何等俗諦若說苦
集道諦若世間語言文字假名法等
云何第一義諦若於涅槃法終不忘
失何以故如與法界其性常故菩薩
隨俗不生厭倦觀第一義而不取證
復有一諦何等為一於一切法無所
倚著為化衆生現有所著是名菩薩
觀諦方便復次五陰苦若見五陰苦
相是名為苦觀苦即空是名苦智觀

苦聖諦若觀五陰諸煩惱愛因見因是名為集若觀愛因見因不取不著不希不求是名集智觀集聖諦若五陰畢竟盡相過去已滅未來未生現在不住是名為滅能如是知是名滅智觀滅聖諦若得道者證集滅智比智知已足是名為道若於是中悉見空性是名道智觀道聖諦若能如是觀四聖諦是名菩薩觀諦方便若一切受是名為苦若於諸受思惟分別是名苦智觀苦聖諦受因和合是名為集若於受因知如真實是名集智觀集聖諦若除諸受无受者受觀受滅盡不證於滅為化衆生是名滅智觀滅聖諦若有所受是名為道雖有和合猶如椳喻不為所受不求於道是名道智觀道聖諦作如是知見四聖諦清淨平等是名菩薩觀諦方便復次略說生苦是名為苦若觀於生是名苦智觀苦聖諦生從因緣是名為集若觀有非有是名集智觀集聖諦一切生非生是即非滅若法不生即无有滅是名為滅若觀此滅即是

滅智觀滅聖諦若如是等推求稱量
思惟分別是名為道若滅如是求稱量
等入法門者是名道智觀道聖諦若
住於智不證聖諦是名菩薩觀諦方
便云何菩薩觀緣方便集不善思惟
故无明集無明集故行集行集故識
集識集故名色集名色集故六入集
六入集故觸集觸集故受集受集故
愛集愛集故取集取集故有集有集
故生集生集故老死集老死集故憂
悲苦惱集若知如是諸苦聚集是名
菩薩觀緣方便若住如是諸法聚集
則不長養无所作無諍訟无有主無
所屬無繫縛所謂若因善法因不善
法因不動法若因向涅槃法如是等
法如實分別若諸衆生根量齊限因
是諸根所作諸業若有受報及非受
報善知其因聚集方便是名菩薩觀
緣方便不善思惟滅則无明滅無明
滅故行滅行滅故識滅識滅故名色
滅名色滅故六入滅六入滅故觸滅
觸滅故受滅受滅故愛滅愛滅故取
滅取滅故有滅有生滅生滅故

老死滅老死滅故憂悲苦惱諸苦聚
滅者知如是諸苦聚滅是名菩薩觀
緣方便一切諸法屬因屬緣屬和合
若法屬因緣和合是法則不屬我人
衆生壽命若法不屬我人衆生壽命
則不入法數能如是知是名菩薩觀
緣方便若菩薩所修諸法為助菩提
安止菩提如是諸緣悉見滅盡而不
取證為化衆生是名菩薩觀緣方便
云何觀三世方便若念過去已身他
身善不善心心數法不善心法呵責
毀訾善心數法悉以迴向无上菩提
是名菩薩觀過去方便若未來世心
心數法一向專念菩提之道若起善
心願悉迴向無上菩提所有不善心
心數法不令入心發如是願是名菩
薩觀未來方便若現在世心心數法善
思惟等所作諸業悉以迴向无上菩
提是名菩薩觀現在方便作如是方
便是名菩薩觀三世方便復次善解
三世空无所有若作是觀觀三世空
智慧力故若於三世諸佛所種无量
功德悉以迴向無上菩提方便力故

如是方便是名菩薩觀三世方便復
次雖見過去盡法不至未來而常修
善精勤不懈觀未來法雖无生出不
捨精進願向善提觀現在法雖念念
滅其心不忘發起善提如是方便是
名菩薩觀三世方便過去已滅未來
未至現在不住雖如是觀心心數法
生滅散壞而常不捨聚集善根助
善提法如是方便是名菩薩觀三世
方便

復次若諸神通念過去世所作善根
念已迴向无上菩提念未來世未生
善根願心所蓄如意成就現在世中
常生善根專念不懈迴向无上菩提
之道如是方便是名菩薩觀三世方
便復次若化衆生念過去世所作善
根助道功德所謂隨衆生心應可化
者如其所樂志已化訖若未來世所
有衆生或須見佛及諸聖人而得度
者隨形應適志令得度若現在世所
有衆生若應聞法應見神力亦隨所
應皆悉化之隨所教化諸衆生已則
於三世成自他利如是之利悉為菩

提具無尋智如是方便是名菩薩觀
三世方便

舍利弗云何菩薩觀諸乘方便世有三乘何等三聲聞乘緣覺乘大乘復有二乘何等二天乘人乘云何菩薩觀聲聞乘佛未出世无聲聞乘何以故從他聞法生於正見所謂聞者持戒威儀戒威儀具故戒聚具足戒聚具足已定聚具足定聚具足已慧聚具足慧聚具足已解脫聚具足解脫聚具足已解脫知見聚具足如是方便是名菩薩觀聲聞乘方便復次觀聲聞乘若善不善及不動行心常毀訾猷離三界觀一切行無常苦无我寂滅涅槃乃至一念不怖受生常懷怖懼心不甘樂觀陰如怨界如毒蛇入如空聚於一切趣不願受生若能如是開示分別是名菩薩觀聲聞乘方便云何菩薩觀緣覺乘方便若緣覺出世觀其所行如實知之緣覺所行出過聲聞所有功德欲精進不放逸持戒少聞不多供養諸佛世尊給侍使令以中根故常有默心所作衆

事皆悉。少獸患。憤鬧常樂。遠離獨
住空閑。威儀庠序。出入凝重。安心靜
默。簡於人事。能為衆生現世福田。其
心耽樂觀。十二緣常念一法。出世涅槃
數遊禪定。不從他聞。自然覺了。少分
境界。因緣悟道。故名緣覺。若能如是
開示分別。是名菩薩觀。緣覺乘方便
云何。菩薩觀大乘方便。其乘无量。今
於此中當說少分。是乘無量。悉能容
受一切衆生。无罣碍。故是乘增長。一
切善根。令無量衆生得受用。故是乘
具足。諸波羅蜜。能隨衆生心行化。故是
乘能過助道之法。進趣无碍。至道場
故。是乘平等。無碍。光明照於一切。无
量衆生。悉堪受。故是乘无畏。過怯弱
道。悉能示現諸佛法。故是乘能壞一
切諸魔。外道邪衆。了十二緣。建立佐
助。菩提幢。故是乘能除一切諸邊有
无。斷常。因緣諸見。所起煩惱障。碍。覆
盖。疑網。調戲得佛。无碍。真智慧。故是
乘富足。具諸珍寶。真實。不虛。能益衆
生。大悲勇猛。本願成就。故是乘具足
十力。无畏。不共之法。相好嚴身。身口意

故如是方便是名菩薩觀大乘方便
云何菩薩觀一切法方便所謂若有
為若無為菩薩於中善知方便云何
善觀有為方便所有身善業口善業
意善業願以迴向無上菩提是名有為
方便若觀身口意業同菩提相迴向
菩提是名菩薩觀無為方便復次
有為方便若能聚集五波羅蜜是
名有為方便雖知般若波羅蜜其性
無為於所聚集終無猒賤要欲具足
諸波羅蜜深解善根同無漏菩提而
猶願成一切種智是名菩薩無為方
便復次有為方便住於無罣平等心
中以四攝法攝取衆生是名有為方
便云何無為方便善解衆生無我无
人无所怖求知四攝法同無為解脫
而能迴向一切種智是名無為方便
復次有為方便若諸煩惱生死相續
斷令不起所有善根助菩提者令不
斷絕乃至不行少煩惱分是名有為
方便云何無為方便雖觀空無相无
願知此三空即助道方便故能不證
是名無為方便復次有為方便雖在

三界不為三界煩惱所汙是名有為
方便云何无為方便雖出三界不證
於出是名無為方便如佛所說知諸
法方便則能具足一切種智何以故
一切種智无量無邊具足正念慧方
便故是故名為一切法方便舍利弗
是名菩薩智慧所緣八方便也舍利
弗是八方便能攝菩薩无盡智慧舍
利弗是慧能解觀了善法不善法故
是慧如箭善射法故是慧財行聖法
現在故是慧真解斷除諸見煩惱障
導諸覆蓋故是慧定願志能滿足本
所求故是慧消融能除煩惱諸焦熱
故是慧悅豫不斷法樂故是慧正念
了所緣義故是慧安住具三十七助
道法故是慧得相如所行乘能具足
故是慧解相性智照故是慧能度過
諸流故是慧能進成正定決定故是慧
正見具足一切諸善法故是慧歡喜
墮煩惱者能拔濟故是慧殊勝得頂
法故是慧微妙自然覺故是慧不行
不近三世故是慧攝取具一切方便
故是慧能斷過諸思想故是慧不放

逸捨離闇昧故是慧初始發行一切
諸善法故是慧能發具諸乘故是慧
照明除无明網故是慧與眼一切衆
生如其所解得明了故是慧无依過
眼色故是慧第一義出真實故是慧
無諍善分別故是慧明了向智門故
是慧无盡能通行故是慧不逆見十
二緣故是慧解脫諸纏繫縛恙善斷
故是慧不雜離於一切障尋法故舍利
弗一切衆生所有心行如是智慧恙
能照達如衆生心行慧思智諸煩惱
門如是智慧皆悉觀了若聲聞緣
覺菩薩如來所有智慧是菩薩恙
能遍學舍利弗是名菩薩无盡之慧
以是無盡慧具无盡智說是法時三
万二千菩薩善根熟者得无生法忍

大方等大集經卷第二十八

癸卯歲高麗國大藏都監奉
勅雕造

大方等大集經卷第三十九

護

宋涼州沙門智嚴共實雲

譯

無盡意菩薩品第十三之三

今時無盡意菩薩復語舍利弗菩薩
修慈亦不可盡何以故菩薩之慈無
量無邊是修慈者無有齊限等衆生
界菩薩修慈發心普覆舍利弗譬如
虛空無不普覆是菩薩慈亦復如是
一切衆生无不覆者舍利弗如衆生
界无量無邊不可窮盡菩薩修慈亦
復如是无量無邊无有窮盡虛空無
盡故衆生无盡衆生無盡故菩薩修
慈亦不可盡是謂大士所修慈心不
可得盡舍利弗言善男子齊幾名衆
生界无盡意言所有地界水火風界
其量無邊而猶不多於衆生界舍利
弗言唯善男子頗可得說譬喻比不
無盡意言可說但不得以小事為喻
舍利弗東方去此盡一恒沙佛之
世界南西北方四維上下皆一恒沙
佛世界作一大海其水滿溢使一恒
河沙等諸衆生聚集共以一毛波烏

百分以一分毛滂取一滂如是一恒
河沙共取一滂二恒河沙共取二滂
如是展轉乃至盡此滿大海水盡是
衆生界猶不可盡菩薩慈心悲能遍
覆如是衆生舍利弗於意云何是修
慈善根豈可盡耶舍利弗言實不可
盡唯善男子是虛空性尚可得盡菩
薩慈心不可盡也若有菩薩聞作是
說不生驚怖當知是人得无盡慈舍
利弗是慈能自擁護己身是慈亦能
利益他人是慈无諍是慈能斷一切
瞋恚荒穢繫縛是慈能離諸結及使
是慈歡喜是慈不見一切衆生破戒
之過是慈无熱身心受樂是慈遠離
一切惱害是慈能離一切怖畏是慈
能順衆聖人道是慈能令瞋者歡喜
是慈能勝一切鬭諍是慈能生利養
稱歎是慈莊嚴釋梵威德是慈常為
智人所讚是慈常護凡夫愚人
是慈常能隨順梵道是慈不雜遠離欲界
是慈能向解脫法門是慈能攝一切
諸乘是慈能攝非財功德是慈長養
一切功德是慈過諸无作功德是慈

悲能莊嚴相好是慈能離下劣鈍根
是慈能開天人涅槃諸善正道是慈
能離三惡八難是慈愛樂諸善法等
是慈如願一切所欲成就自在是慈
平等於諸衆生是慈發行離諸異
相是慈正向持戒之門是慈能護諸
犯禁者是慈能成无上忍力是慈能
離諸慢放逸是慈發起无諍精進入
於正道是慈根本入聖禪定是慈善
能分別於心離諸煩惱是慈因慧而
生總持語言文字是慈定伴離魔結
伴是慈常與歡喜同止是慈善為心
之所使是慈堅持威儀戒法是慈能
離諸掉動等是慈能滅種種諸相是
慈善香慚愧塗身是慈能除煩惱臭
氣舍利弗夫修慈者悲能擁護一切
衆生能捨己樂與他衆生聲聞修慈
齊為己身菩薩之慈悲為一切無量
衆生舍利弗夫修慈者能度諸流慈
所及處有緣衆生又緣於法又無所
緣緣衆生者初發心也緣法緣者已
習行也緣无緣者得深法忍也舍利
弗是名菩薩修行大慈而不可盡

復次舍利弗菩薩摩訶薩修行大悲
亦不可盡何以故舍利弗如人命根
即以出息入息為本菩薩如是修學
大乘以大悲為本如轉輪聖王以輪
寶為本菩薩如是修一切智以大悲
為本如大長者唯有一子愍愛情重
菩薩大悲亦復如是於諸衆生愛之
若子如是大悲我已行已如是大悲
作已利已如是大悲不假他事如是
大悲已心所作出不諂曲如是大悲
所作畢竟出正決定如是大悲種性
所作出於直道如是大悲心无邪曲
出生正直如是大悲無有憍慢出衆
生境如是大悲捐捨己身出如來身
如是大悲不貪壽命出不作惡如是
大悲擁護衆生出於菩提如是大悲
護真實法出心清淨如是大悲見諸
窮厄出拔濟事如是大悲本誓堅固
出不動心如是大悲不欺己身人天
賢聖出不虛誑如是大悲其行清淨
出於善業如是大悲自捨己樂出與
他樂如是大悲不與他苦出不焦熱
如是大悲能令衆生捨於重擔出堅

精進如是大悲有忍勢力出護无力
如是大悲不厭可汙出暗病者如是大悲得法自在出教化鉅根如是大悲覆自功德出顯他功業如是大悲出離諸苦如是大悲出求无漏樂如是大悲出捨所愛物如是大悲出作衆善業无所憍惱如是大悲出善持禁不捨毀戒如是大悲出教化衆生如是大悲出不惜身命如是大悲出捨自支節如是大悲出生他善根如是大悲出自利益善根如是大悲出無味諸禪如是大悲出不厭欲界如是大悲出於觀慧如是大悲出不汙善根如是大悲出諸衆生如所願成如是大悲出有為无為如是大悲出不證無為如是大悲出知衆生性同无為而能教化如是大悲出護毀戒者如是大悲出讚歎佛戒如是大乘諸悲出於大悲以是因緣故名大悲謂大悲者必定善行布施持戒忍辱精進禪定智慧諸助道法為得自然无師智慧營他衆生所作事業精勤專著如修己務以是因緣故名大悲

舍利弗是名菩薩修行大悲而不
可盡

復次舍利弗菩薩摩訶薩修行於喜
亦不可盡云何為喜常念於法歡喜
踊躍不生懈怠无諸惱熱離五欲樂
住於法樂心和悅豫身輕柔軟意勤
勤督心常生悲樂求如來无上法身
樂修相好以自莊嚴聽法無厭念行
正法行正法已心生歡喜生歡喜已
具得法悲常於衆生不生尋心以增
上欲勤求於法勤欲法已深心得解
甚深佛法遠離二乘發无上心除諸
慳惜發於捨心見來乞者心生歡喜
捨時歡喜施已無悔如是布施三時
清淨得清淨已心則悅豫於持戒者
常行布施於毀禁者喜心攝取自持
禁戒心則清淨能令惡道怖懼衆生
得无所畏遠離惡處一心迴向如來
禁戒堅持牢固不可虧壞惡罵加已
堪忍不報於諸衆生心無憍慢於諸
尊長謙下恭敬言常和悅離於顚感
先以愛語終无諂曲不以邪心誘誑
於人不以利養為他執役其心清淨

無有麁過於諸不可不見其過不求
他短不舉人罪專心正念諸和敬法
於諸菩薩生如來想愛說法者重於
己身愛重如來如惜己命於諸師長
生父母想於諸衆生生兒息想於諸
威儀如護頭首於諸波羅蜜如愛手
足於諸善法生珍寶想於教誨者生
五欲想於知足行生无病想愛樂求
法生妙藥想於舉罪者生良醫想攝
御諸根无有懈怠是故名喜是喜寂
靜覺知微妙故是喜寂滅無怵戲故
是喜行倚不戲論故是喜根本心不
亂故是喜多聞取善語故是喜平等
心柔軟故是喜勇猛善作業故是喜
不悔專行善故是喜正住不懈怠故
是喜不動无所依故是喜不共難摧
伏故是喜實義不忘失故是喜真實
無變異故是喜誠諦如所作故是喜
能捨力堅牢故是喜大力无能勝故
是喜能作諸佛神力求諸佛法故舍
利弗是名菩薩修行於喜而不可盡
復次舍利弗菩薩摩訶薩修行於捨
亦不可盡云何菩薩修捨无盡菩薩

行捨捨有三種云何為三捨諸煩惱
捨護已他捨時非時云何捨諸煩惱
恭敬供養其心不高輕蔑毀訾心亦
不下若得利養心不貪恃若遭衰惱
心亦不愁若遇譽讚心無喜慶若遇
毀者心不退縮若遇譏者心无虧蔽
若有稱者善住法界若遭苦事心力
忍受若遇樂事明見无常放捨所愛
斷於瞋恚於親非親得平等心持戒
毀戒意无增减作善作惡無有二相
於愛非愛心无所著聞善不善心能
堪忍於善惡語心不繫著於味過患
其量无二於諸衆生得平等心於上
中下得等光明不惜身命好惡名聞
同於法界於實不實法心得清淨於世
法等得菩薩捨是名菩薩捨於煩惱
云何菩薩捨護已他若被割截身體
支節心無瞋恨不求憐報以得捨心
故能捨二内外身口於此二中不生
諍訟於眼與色無有欲汙耳聲鼻香
舌味身觸意法亦復如是故於二中
不生諍訟是故名捨不傷不害是故
名捨捨護已他是故名捨於利非利

心行平等是故名捨於第一義不生
諍論是故名捨於已心中善能分別
是故名捨觀捨已身是故名捨不害
他身是故名捨菩薩修捨於諸禪定
常行捨心諸佛世尊不聽菩薩於諸
衆生而行捨心何以故菩薩常修精
進為利自他勤求善根是名菩薩捨
護已他云何捨時非時非器衆生捨
不引接衰毀譏苦捨而不受捨求聲
聞成決定者行布施時捨修持戒修
持戒時捨於布施修忍辱時捨施戒
進修精進時捨施戒忍行禪定時捨
於布施修智慧時捨五波羅蜜所不
應作終不復作如是諸法安住戒行
精勤勇猛具足修行是名菩薩修无
盡捨

復次舍利弗菩薩諸通亦不可盡云
何諸通天眼通天耳通他心通宿命
通如意通云何天眼通菩薩天眼於
諸天龍鬼神諸虬闍婆學无學人聲
聞緣覺所有天眼為取第一微妙殊
勝開達明了向一切智功德所成不
與天龍二衆共之若有十方無量无

邊諸佛世界所有形貌色像光明若
晨若細若近若遠菩薩天眼一切悉
見照了分別善解善見亦見其中所
有衆生生諸趣者除无色天其餘業
行生死相續若業業果分別諸根悉
知无遺若於十方無量无边諸佛世
尊所有莊嚴淨妙國土悉見無餘如
是見已清淨持戒願以迴向莊嚴已
土住是持戒如其所願悉得成就无
量大利菩薩天眼亦見其中菩薩大
衆修行於道身四威儀及正憶念得
解脫法安住摠持辯才方便入慧方
便見已自修如是諸行悉令備足是
菩薩眼清淨无碍得見色故是眼不
汙不著色故是眼解脫遠離諸見煩
惱故是眼清淨性明了故是眼不依
離所緣故是眼不發斷煩惱故是眼
无瞖斷疑網故是眼不起斷障碍故
是眼得明照了法故是眼念知不行
識故是眼无貪瞋恚愚癡能斷一切
諸結使故是眼無上趣聖本故是眼
无碍平等光明照衆生故是眼無垢
斷惡法故是眼不染性清淨故是眼

入佛眼畢竟不捨故是眼不縛斷愛
恚故是眼行義出於真實修行念知
淨道法故何以故是大士安住大悲
深解法相善分別義无有諍訟隨見
聞說背不善法趣向道場心无障碍
見怪惜人能捨財施見毀禁者修持
淨戒見瞋恚者修忍不諍見懈怠者
攝取勸勵見散心者亦諸禪支无智
慧者施與慧眼行邪道者亦以正道
修下行者為說甚深微妙佛法令入
一切智不退諸通具足菩提舍利弗
是名菩薩天眼神通而不可盡

復次舍利弗菩薩摩訶薩天耳神通
亦不可盡云何菩薩天耳神通若十
方無量无边諸佛世界所有諸聲所
謂天龍鬼神乳閼婆阿修羅迦樓羅
緊鄰羅摩睺羅伽人非人聲及以聖
聲所謂聲聞緣覺菩薩正遍知聲一
切凡是耳根所對乃至地獄餓鬼畜
生蠅蟻奎室所有諸聲一切悉聞若
諸衆生心所緣處若善不善无記所
作事業出諸音聲一切悉解若口善
業口不善業口無記業如是諸業悉

如實知若有口業因於愛欲說瞋說癡若有口業因於瞋恚說欲說瞋若因欲說欲因瞋說瞋因癡說癡如是諸聲亦皆能知或有口業心淨口麁或有口業口淨心麁或有口業心麁如是一切無尋耳通能如實知是菩薩天耳亦知聖聲及非聖聲若聞聖聲不生愛著聞非聖聲心不生尋於聖人聲得具大慈非聖人聲得具大悲若聞過去未來諸聲得盡本際如實正智是菩薩天耳得聞一切諸佛世尊所說妙法聞已憶念正智摠持不忘不失隨衆生器而為說法善知諸法堅不堅相是菩薩若聽一佛說法不聞餘佛所說法者无有是處一切諸佛所可演說悉能聽受菩薩若聞善不善无記法聲皆悉善知時與非時所謂若有衆時非說法時聞已默然而無所說若有說時非有衆時所謂正為一人能堪受者是故雖說不為一切事若真實或畏傷他故不為說事若不實

為利益他以清淨心方便得說若所
喜聲即能得聞所不喜者便不復聞
若於大眾為諸衆生演說法時隨其
耳識所解所受是菩薩天耳悉得
聞知若說法時或有衆生應解悟者
便得聞法不解悟者則便不聞是菩
薩耳界法界其性清淨知見我人衆
生悉清淨故是菩薩正分別耳界如
言語文字所說之相若有五趣雜類
衆生隨其所解言語音聲而為說法
持是天耳迴向如來所得耳界不求
餘乘故舍利弗是名菩薩天耳神通
而不可盡

復次舍利弗菩薩知他心通亦不可
盡云何菩薩知他心通若諸衆生上
中下心菩薩悉知知是衆生因施根
心相知是衆生因戒根心相知是衆
生因忍根心相知是衆生因進根心
相知是衆生因定根心相知是衆生
因智根心相知是衆生因慈悲喜捨
根心相知是衆生因聲聞緣覺大乘
根心相知是衆生因力增上善根具
足知是衆生因行增上善根故得生

此知是衆生其行清淨心不清淨知
是衆生其行不淨而心清淨知是衆
生心行俱淨知是衆生行之與心一
俱不淨知是衆生過去世心諸根行
因知是衆生隨緣悟法是名菩薩知
他心智又復知他未來世心知是衆
生未來世中有持戒因現在世中有
布施因知是衆生未來世中有忍辱
因現在世中有持戒因知是衆生未
來世中有精進因現在世中有忍辱
因知是衆生未來世中有禪定因現
在世中有精進因知是衆生未來世
中有智慧因現在世中行俗心因知
是衆生未來世中發大乘因現在世
中有下根因未來衆生有如是等諸
因諸緣是諸因緣能如實知是菩薩
於未受化衆生終不疲厭如其心
根如實能知隨其器量而為說法若
樂少聞則不多說說必有益功不唐
捐是名菩薩知他心智若現在世衆
生所行心心數法悉如實知所謂欲
心如實知欲心離欲心如實知離欲
心恚心如實知恚心離恚心如實知

離恚心癡心如實知癡心離癡心如
實知離癡心散心如實知散心攝心
如實知攝心懈怠心如實知懈怠心
精進心如實知精進心下心如實知
下心上心如實知上心亂心如實知
亂心定心如實知定心無解脫心如
實知无解脫心有解脫心如實知有
解脫心無寂靜心如實知无寂靜心
有寂靜心如實知有寂靜心有量心
如實知有量心无量心如實知無量
心一二衆生一一煩惱纏覆心者一切
皆知如是知已如其出道而為說法
又是菩薩所住之處先觀衆生知其
根量隨而為說出要之法是諸衆生
上中下根悉如實知是菩薩心知他
心時无有障導何以故是菩薩心智
猛利善分別故念意進慧之所知
故善能解了菩提相故斷諸習氣故
清淨无垢故明了無諍故无諸煩惱
故無有測流故照一切法故善入一
切衆生心故能如是解是菩薩心智
猛利於如是法正入知者是名菩薩
他心智通而不可盡

復次舍利弗菩薩宿命智通亦不可盡云何菩薩宿命智通是菩薩念宿命事若自若他善受憶持安住法界无有傾動無傾動者能善解了善作業故是念无惱安住禪定故是念無畏善攝智慧故是念不從他求現得善知故是念正憶畢竟不失故是念助功德善解大乘故是念助智不從他具足故是念善根諸波羅蜜具足能到一切佛法故是宿命智若念一生二生三生四生五生十生二十生三十生四十生五十生乃至百生千生百千生无量百生無量千生无量百千生及天地成壞三量成世無量壞世无量成壞世無量成壞劫知諸衆生於是中生如是種姓如是名字如是色像如是飲食如是壽命受苦樂等於是中死還是中生於彼中死還彼中生是菩薩念如是等无量生死自念宿世及他衆生盡過去際是菩薩念自善根迴向阿耨多羅三藐三菩提念他善根願令發阿耨多羅三藐三菩提心是菩薩以正念心於

本生死行苦善觀无常苦無我善觀
无常苦無我者於諸色欲封祿壽命
眷屬自在悉无貪著亦復不貪釋梵
護世轉輪聖王及受生處五欲歡樂
為化衆生故現受生是菩薩念於无
常苦无我已過去穢行發露懺悔現
世諸惡乃至失命終不為之過去善
根欲令增廣迴向阿耨多羅三藐三
菩提現在善根與衆生共迴向阿耨
多羅三藐三菩提是菩薩離諸惡願
不斷三寶種故所有善根悉以迴向
阿耨多羅三藐三菩提舍利弗是名
菩薩念宿命智而不可盡

復次舍利弗菩薩摩訶薩如意神通
亦不可盡云何菩薩如意神通若欲
進心慧所攝諸法調伏柔和心得自
在善修集故現在能得是如意通是
菩薩作種種神通變化以是神通為
化衆生是菩薩一一示現種種神通
教化衆生所謂若色相若力勢若變
化是菩薩亦種種色相令衆生見見
已心伏所謂若佛色像若緣覺色像
若聲聞色像若釋梵護世轉輪聖王

色像及餘種種无量色像乃至示現
畜生色像化衆生故作是示現示現
是已隨其所應而為說法若有衆生
自謂己身有大勢力而起憍慢瞋恚
貢高菩薩欲為調伏如是諸衆生故
示現大力所謂示現擲羅延力四分
之一或四分之二或四分之三或全
示現須弥山王高十六万八千由旬
縱廣八万四千由延以三指舉擲置
他方无量世界譬如擲一阿摩勒果
於菩薩力而無損減斷取三千大千
世界下盡水際以手舉之高至有頂
住經一切菩薩成就示現如是大勢
力時能令如是瞋恚憍慢貢高衆生
內善調伏知調伏已然後隨應而為
說法是菩薩修如意通能得智慧變
化勢力以變化力諸所欲作悉得成
就能變大海以為牛跡大海不小又
變牛跡以為大海牛跡不大若却欲
盡火災起時欲變為水能如意變水
灾起時能變為火風灾起時能變為
火火灾起時能變為風風灾起時能
變為水水灾起時能變為風如是變

化皆悉成就若上中下法隨意變化
唯除諸佛更无有人能移動留碍破
壞菩薩如意神通所謂釋梵天王魔
王波旬及其眷屬是菩薩作種種變
化示諸衆生令歡喜已然後隨意而
為說法是菩薩神通勇健自在能過
諸魔煩惱境界入於佛界不惱衆生
所有善根皆悉成就一切魔衆无能
斷者舍利弗是名菩薩如意神通而
不可盡

復次舍利弗菩薩四攝亦不可盡云
何為四一者布施二者愛語三者利
行四者同利云何布施施有二種財
施法施云何愛語於求財人及聽法
者柔和與語云何利行於求財人及
聽法者隨其所求悉令滿足云何同
利求財法者以大乘已利令彼安止
又復施者見諸乞求心生清淨愛語
者於諸乞士心生歡喜利行者於諸
乞士隨其所利而令具足同利者常
以大乘勸誨衆生復次施者所謂捨
心愛語者行无限齊利行者畢竟不
悔同利者迴向大乘復次施者起慈

仁捨愛語者不捨喜心利行者大悲
莊嚴利於衆生同利者捨於高下發
心迴向一切種智復次施者如法求
財清淨行施愛語者將導愛者安止
善法利行者說於己利以利益他同
利者令諸衆生發一切智心復次施
者捨於內外愛語者功德智慧心無
慙惜利行者捨自利行而行利他同
利者棄捨重位心初无悔復次法施
者如所聞法悉能演說愛語者不為
利養而演說法利行者誨他諷誦心
無疲厭同利者一切智心所得妙法
即以此法勸勵衆生復次法施者若
有衆生一一聽法次第為說而无錯
謬愛語者為人說法不辭遠近利行
者有求法人供給衣服飲食卧具病
瘦醫藥令无所乏既施所安然後隨
應而為演說同利者凡所講說常勸
衆生迴向阿耨多羅三藐三菩提復
次法施者於諸施中知其最勝以此
勝法為人演說愛語者常為利益衆
生故說利行者隨義而說不隨文字
同利者常為具足佛法故說復次施

者具足檀波羅蜜愛語者具足尸羅
羼提波羅蜜利行者具足毗梨耶波
羅蜜同利者具足禪那般若波羅蜜
復次施者初發菩提愛語者修行菩
提利行者不退菩提同利者一生補
處復次施者安住菩提種子根本愛
語者滋長菩提芽莖枝葉利行者漸
以開敷生菩提華同利者已能成就
菩提果實舍利弗是名菩薩以四攝
法攝取衆生而不可盡

復次舍利弗菩薩摩訶薩四无寻智
亦不可盡云何為四一者義無寻二
者法无寻三者譬無寻四者樂說无
寻云何義无寻於諸法中知第一義
是比智是因智是緣智是和合智是
不墮邊智是不住中智是十二因緣
智是不異法性智是如實智是實際
智是覺空空智是无相相智是無願
願智是無為為智是觀一相智是觀
無我智是觀无衆生智是觀无命智
是觀无我第一義智是觀過去無罣
碍智是觀未來无有邊智是觀現在
一切種智是觀諸陰如怨賊智是觀

諸界如毒地智是觀諸入如空聚智
是觀內法永寂滅智是觀外法无行
處智是觀所緣如幻化智是觀念正
住智是觀忍正法智是觀自身智是
觀了諸諦智是苦不和合智是集不
作智是滅自性智是道能到智是分
別諸法智是觀衆生諸根心行隨所
入智是諸力无能伏智是諸覺如實
解智是禪定受持智是慧光明智是
幻化莊嚴智是熱時焰迷惑智是夢
中所欲智是響所緣智是鏡中像無
去來智是種種相无相智是扼離扼
智是取生離生智是聲聞乘從他問
智是緣覺乘觀十二緣智是大乘具
足一切善根智舍利弗是名菩薩義
無尋智又復義无尋者思一切法義
何以故是一切法无我衆生無命无
人如無我衆生无命無人即名為義
如命義者色等諸法亦復如是是名
義无尋又復義無尋者是无住說是
無盡說是得一切法說如是義无尋
者諸佛所許是真實義无別無異智
慧分別無有障尋是名菩薩義无尋

智而不可盡舍利弗云何菩薩法無
導智若觀諸法所謂善法不善法世
法出世法可作法不可作法有漏法
无漏法有為法無為法黑法白法生
死法涅槃法是智法性平等是智菩
提平等是智性平等是名法无導智
又復法無導者觀於衆生多欲心行
少欲心行初發欲心行欲相心行現
在所緣欲心行現在因緣欲心行有
衆生内有欲行外无欲行有外有欲
行内无欲行有内外欲行有内外無
欲行有色欲行非聲香味觸有聲欲
行非色香味觸有香欲行非色聲味
觸有味欲行非色聲香觸有觸欲行
非色聲香味入如是觀衆生諸欲行
門行欲行者二万一千行恚行者二
万一千行癡行者二万一千行等分
行者二万一千行觀如是衆生八万
四千心之所行如實而知隨其所應
而為說法舍利弗是名菩薩法无導
智而不可盡

舍利弗云何菩薩辟无導智於諸音
聲悲觀了知所謂天龍鬼神乳闍婆

阿修羅迦樓羅緊那羅摩睺羅伽
人非人如是言語文字音聲皆悉能
知如是五道雜類衆生隨其種類一
一音聲語言文字而為說法是名辯
无寻智如是語法文字思惟覺了無
寻是菩薩知一語二語三語乃至多
語男語女語非男女語過去語未來
語現在語知積一字至多字語是名
辯無寻智是辯无寻智說時無謬无
有滯寻妙語通暢所言審諦正直無
處所有文辭具足莊嚴大衆聞者无
不歡喜如是種種微妙音聲深遠廣
普莊嚴俗諦第一義諦以智慧箭善
射邪見是辯无寻諸佛所許能令衆
生皆得歡喜舍利弗是名菩薩辯无
寻智而不可盡

舍利弗云何菩薩樂說无寻智不可
窮盡所說无寻智所說不住所說速疾
所說捷利如所問答無罣碍答无違
逆答是相應答住忍力答依二諦答
依施戒忍進定慧答依一切法章句
而答依於念處正勤如意根力覺道
甚深義答依寂滅思惟答所謂樂說

無尋智者若一切言語文字口所分別正直而答所謂一切禪定三摩跋提真諦智答辯暢三乘隨諸衆生一切心行如應而答所言巧妙非如啞羊強梁麤惡卒暴恍惚如是之語志无復有所宣寂滅人所受用威德之言無諸纏縛相應無違微妙柔軟无可譏訶聖人所讚如佛世尊所教誨語梵音清徹一切悉聞是樂說无尋智諸佛所許為他衆生說微妙法聞是法者得出世樂滅盡諸苦是名樂說无尋智也舍利弗是名菩薩摩訶薩四無尋智而不可盡

復次舍利弗苦薩摩訶薩有四依法亦不可盡何等為四依義不依語依智不依識依了義經不依不了義經依法不依人去何依義不依語語者若入世法中而有所說義者解出世法无文字相語者若說布施調伏擁護義者知施戒忍入於平等語者稱說生死義者知生死無性語者說涅槃味義者知涅槃无性語者若說諸乘隨所安止義者善知諸乘入一相

智門語者若說諸捨義者三種清淨
語者說身口意受持淨戒功德威儀
義者了身口意皆无所作而能護持
一切淨戒語者若說忍辱斷除恚怒
貢高憍慢義者了達諸法得无生忍
語者若說勤行一切善根義者安住
精進无有終始語者若說諸禪解脫
三昧三摩跋提義者知滅盡定語者
悉能聞持一切文字智慧根本義者
知是慧義不可宣說語者說三十七
助道之法義者正知修行諸助道法
能證於果語者說苦集道諦義者證
於滅諦語者說无明根本乃至生緣
老死義者知無明滅乃至老死滅語
者說助定慧法義者明解脫智語者
說貪恚癡義者解不善根即是解脫
語者說障罣法義者得无罣解脫語
者稱說三寶无量功德義者三寶功
德離欲法性同无為相語者說從發
心至坐道場修集莊嚴菩提功德義
者以一念慧覺一切法舍利弗舉要
言之能說八万四千法聚是名為語
知諸文字不可宣說是名為義六何

依智不依於識識者四識住處何等
四色識住處受想行識住處智者解
了四識性無所住識者若識地大水
火風大智者識住四大法性无別識
者眼識色住耳鼻舌身意識法住智
者內性寂滅外无所行了知諸法無
有憶想識者專取所緣思惟分別智
者心無所緣不取相貌於諸法中无
所怖求識者行有為法智者知無為
法識无所行無為法性無有識知識
者生住滅相智者无生住滅相舍利
弗是名依智不依於識

云何依了義經不依不了義經不了
義經者分別修道了義經者不分別
果不了義經者所作行業信有果報
了義經者盡諸煩惱不了義經者訶
諸煩惱了義經者讚白淨法不了義
經者說生死苦惱了義經者生死涅
槃一相無二不了義經者讚說種種
莊嚴文字了義經者說甚深經難持
難了不了義經者多為衆生說罪福
相令聞法者心生欣感了義經者凡
所演說必令聽者心得調伏不了義

經者若說我人衆生壽命養育士夫作者受者種種文辭諸法无有施者受者而為他說有施有受了義經者說空无相無願無作无生無有我人衆生壽命養育士夫作者受者常說无量諸解脫門是名依了義經不依不了義經

云何依法不依於人人者攝取人見作者受者法者解无人見作者受者人者凡夫善人信行人法行人八人須陀洹人斯陀舍人阿那舍人阿羅漢人辟支佛人菩薩人一人出世多所利益多人受樂憐愍世間生大悲心於人天中多所餘潤所謂佛世尊如是等名佛依世諦為化衆生故作是說若有攝取如是見者是謂依人如來為化攝人見者故說依法不依於人是法性者不變不易无作非作無住不住一切平等等亦平等不平等等者亦復平等无思無緣得正決定於一切法无別無異性相无碍猶如虚空是名法性若有依止是法性者終不復離一相之法入是門者觀一

切法同一法性是故說言依一切法
不依於人舍利弗是名菩薩摩訶薩
四依無盡

大方等大集經卷第三十九

乙巳歲高麗國大藏部監奉

勅雕造

大集經第三十九卷 第三十九張 事

大方等大集經卷第三十

護

宋涼州沙門智嚴共寶雲

譯

無盡意菩薩品第十三之四

復次舍利弗菩薩摩訶薩修集助道
功德智慧亦不可盡云何修集功德
無盡若布施持戒心所修集發行慈
悲自所有罪發露懺悔亦代衆生發
露懺悔已行懺悔次當隨喜一切衆
生學无學人及辟支佛發心菩薩已
習行者堅住不退一生補處如是諸
人於三世中所集功德當以一心隨
其歡喜復於過去未來現在諸佛世
尊所有善根生隨喜心是隨喜菩薩
悉當成就如是功德隨喜已訖次當
勸請十方世界一切諸佛始成道者
請轉法輪示涅槃者常住於世及請
一切菩薩聖人常為衆生住世說法
如是善根如菩提相悉以迴向無上
菩提是菩薩未發心者勸令發心已
發心者為說諸度有貧窮者救攝以財
病施醫藥隨時略療予力者勸行
忍辱有犯禁者令不犯已覆藏者

勸令發露現在諸佛及淫樂者悉皆
發心供養恭敬敬重師長如佛世尊
若求法時沒命不懈於此法寶生无
價想於說法者生諸佛想為聽法故
過百由旬心力勇銳無疲勞想凡所
講說不為利養於父母所知恩報恩
供養給事心初无悔所作功德常無
厭足護身口意令無詬曲建立佛塔
所得功德等於梵天勸請之福具足
諸相開門大施故得隨形好修諸善
根故莊嚴身者无憍慢故莊嚴口者
離口過故莊嚴意者不住法故莊嚴佛
土者神通教化故莊嚴法者離諸欲
故莊嚴大衆者不兩舌惡口破壞他
故於受法者如實說故說法歡喜稱
讚善哉所作功業不唐捐故離覆蓋
者故往聽法故莊嚴菩提樹者以妙
園林奉施佛故莊嚴道場者成就一
切諸善根故出生清淨者不為煩惱
所染汙故得寶手者能捨一切所重
物故得无盡者無量寶藏以布施故
見者歡喜常和悅故體得法性者心
慧光明等照衆生故莊嚴光明者不

輕未學善誘導故生生清淨者持戒
功德念成就故處胎清淨者不見他
罪故生人天者淨行十善故慧明獨
步者所可教化不生分別故於法自
在者所愛重法无恡惜故世中獨勝
者畢竟清淨故微妙解脫者不求少
分行故行一切功德者不捨一切智
心故七財滿具者信為根本故攝取
正法者不惜身命故不誑世間者具
本誓願故具足一切佛法者諸善根
本本已行故舍利弗是名略說菩薩
功德若廣說者若經一劫若過一劫
不可得盡

云何菩薩智慧无盡若一一因聞說
智慧若一一緣得於智慧云何為因
內增上欲云何為緣外勤求法如是
因緣依佛智慧非依聲聞緣覺智慧
親近智者心無憍慢常於其人起世
尊想是諸智者知受法人心已柔和
為說智慧教今依止隨其正器說無
染法聽法之人於是法中勤修聚集
助法精進是為智慧云何菩薩助法
精進若无憊求簡絕事務省少語言

於諸所欲心常知足初夜後夜減損睡眠凡所聞義能善思惟籌量分別數求善法心无愛濁除諸陰蓋無有郭蔽所犯過失尋能除滅正行堅固趣向傾仰尊敬法行具精進行求法不懈如救頭然无有我行不遲緩行不捨本行心增上行呵衆鬧行愛樂獨行向阿蘭若處思惟行聖種知足行不動頭陀行欣樂法行不思惟世間言語行求出世間法行不失正念行發諸法義行真正道行知緣起持行慚愧莊嚴行智慧堅牢行除无明網纏結繫縛淨慧眼行善覺了行廣覺了行不滅覺行分拈覺行現在知行不從他功德行不自恃功德行讚歎他人諸功德行善修作業行因果不動行知清淨業行舍利弗是名功法精進

復次舍利弗菩薩摩訶薩有四種施具足智慧何等為四一者以紙筆墨施與法師令書寫經二者種種校飾莊嚴妙座以施法師三者以諸所須供養之具奉上法師四者无諂曲心

讚歎法師舍利弗是名菩薩四種布施具足智慧菩薩復有四持禁戒具足智慧何等為四一者持戒常演說法二者持戒常勤求法三者持戒正分別法四者持戒迴向菩提是名菩薩四種持戒具足智慧菩薩復有四種忍辱具足智慧何等為四一者於求法時忍他惡罵二者於求法時不避飢渴寒熱風雨三者於求法時隨順和上阿闍梨行四者於求法時能忍空無相无願舍利弗是名菩薩四種忍辱具足智慧菩薩復有四種精進具足智慧何等為四一者勤於多聞二者勤於摠持三者勤於樂說四者勤於正行舍利弗是名菩薩四種精進具足智慧菩薩復有四種禪定具足智慧何等為四一者常樂獨處二者常樂一心三者求禪及通四者求无尋解智舍利弗是名菩薩四種禪定具足智慧菩薩復有四種智慧具足智慧何等為四一者不住斷見二者不入常見三者了十二緣四者忍无我行舍利弗是名菩薩修行四

慧具足智慧菩薩復有四擁護法具足智慧何等為四一者擁護法師如己君主二者護諸善根三者將護世間四者護利益也

舍利弗是名菩薩四擁護法具足智慧菩薩復有四滿足法具足智慧何等為四一者說法滿足二者智慧滿足三者利益滿足四者諸法滿足舍利弗是名菩薩四滿足法具足智慧菩薩復有四力具足智慧何等為四一者精進力求於多聞得解脫故二者念力菩提之心不忘失故三者定力等無分別故四者慧力修多聞故是名四力具足智慧復有四方便具足智慧何等為四一者隨世所行二者隨衆生行三者隨諸法行四者隨智慧行是名四方便具足智慧菩薩復有四道具足智慧何等為四一者波羅蜜道二者助菩提道三者行八聖道四者求一切智慧道是名四道具足智慧菩薩復有四无厭足行具足智慧何等為四一者樂於多聞无有厭足二者樂於說法无有厭足

三者行慧無厭四者行智無厭是名
菩薩四無厭足具足智慧復次助智
慧者隨一切衆生心行隨一切法行
隨布施行隨持戒忍辱精進禪定智
慧行隨慈悲喜捨行得具足智慧何以
故如諸菩薩所發起行皆以智慧而
為根本智慧成已還依止智是菩薩
安住於智依一切智諸魔眷屬不能
留難是故能得具一切智舍利弗是
名菩薩助智無盡

復次舍利弗菩薩摩訶薩四念處亦
不可盡是菩薩觀身修身行見過去
未來現在諸身顛倒和合如外草木
牆壁瓦石從因緣有不可長養无所
繫屬此身如是從因緣生不可長養
無所繫屬是陰界入中我我所空常
无常空是身無我无有所是身不
堅不可依怙當求菩提正覺之身云
何菩提正覺之身所謂法身金剛之
身不可壞身堅牢身出三界身我身
雖有无量過患願當除滅成如來身
是菩薩所以堪忍久處四大諸結焦
然皆為利益諸衆生故如外四大

水火風種種門種種所作種種形貌
種種器物種種所用皆為利益一切
衆生我今此身為利衆生亦復如是
菩薩摩訶薩見如是利益已觀身衆
苦不生厭離觀身无常不厭生死觀
身無我不捨教化觀身寂滅不隨於
捨是菩薩觀內身時不生煩惱觀於
外身亦復如是是菩薩離黑汙身成
白淨身業具足妙相以自在嚴於天
人中多所利益是名菩薩觀身脩身
行去何菩薩觀受修受行菩薩如是
思惟諸受一切皆苦善分別受智慧
籌量知受寂滅若受樂時不貪所欲
若受苦時觀三惡道起大悲心不生
瞋恚若受不苦不樂時不起愚癡是
菩薩正念受處如其所受若苦若樂
不苦不樂於是諸受知出知修觀諸
衆生受寂滅莊嚴是諸衆生於諸受
中不知出修若受樂時生於貪著若受
苦時便生瞋恚若受不苦不樂時便
生愚癡我今要當進修智慧除一切
受發諸善根起大悲心攝取智慧亦
為衆生除斷諸受而為說法未解受

者受苦解受者受樂云何解受者所
謂無受者无我人衆生壽命養育士
夫除攝取受者攝者受取者受受者
受有者受顛倒者受分別者受諸見
者受眼相者受耳鼻舌身意相者受
色相者受聲香味觸法相者受眼緣
色生觸受苦受樂受不苦不樂受耳
聲鼻香舌味身觸心緣法生觸受苦
受樂受不苦不樂是名為受復有一
受心意覺了復有二受內受外受復
有三受過去未來現在受復有四受
覺了四大復有五受思惟五陰復有
六受分別六入復有七受七識住處
復有八受八邪法也復有九受九衆
生居處復有十受十不善法舍利弗
舉要言之无量衆生諸受思惟所緣
境界一切名受苦薩於中修受觀行
起大智慧知諸衆生善不善受生住
滅相舍利弗是名菩薩正受念處而
不可盡

云何菩薩觀心念處菩提之心不忘
不失正念不亂如是觀心心生已滅
無有住相不於內住不從外來我初

所發菩提心者是心已盡過去變異
不至方所不可宣說無有住處若心
所集諸善根等亦是過去盡滅變異
不至方所不可宣說無有住處若心
善根迴向阿耨多羅三藐三菩提是
亦滅盡變異之法不至方所不可宣
說無有住處心不知心心不見心心
不生心我以何心成阿耨多羅三藐
三菩提是菩提心不與善根心合善
根心不與迴向心合迴向心不與菩
提心合若菩薩作是觀時不驚不怖
是名菩薩勤精進也又復思惟觀察
甚深十二因緣不失因果知是心性
屬衆因緣不可長養無作无繫一切
諸法亦復如是如法修行如所莊嚴
我今當勤修集莊嚴不離心性去何
心性去何莊嚴心性者猶如幻化無
主无作無有施設莊嚴者所作布施
悉以迴向嚴淨佛土心性者如夢所
見心相寂滅莊嚴者具足持戒修集
諸通心性者如鏡中像其相清淨莊
嚴者所修諸忍悉以迴向无生法忍
心性者如熱時焰究竟寂滅莊嚴者

於一切善深發精進迴向具足无上
佛法心性者无色無對无所為作莊
嚴者一切所修禪定解脫三摩跋提
迴向具足佛之禪定心性者不可得
見亦不可取莊嚴者於一切問難善
能分別迴向具足佛之智慧心性者
無緣不生莊嚴者常觀善根心性者
无因不生莊嚴者因助菩提而發起
心心性者捨離六塵心则无起莊嚴
者入佛境界如是菩薩觀是心行繫
念神通得神通已能知一切衆生諸
心既知心已如其心量而為說法又
觀心行繫念大悲教化衆生无有厭
倦又觀心行不起盡滅變異之相不
捨生死相續煩惱正念是心知無生
起成正決定如是行者不墮聲聞辟
支佛地極是心勢以一念智成阿耨
多羅三藐三菩提舍利弗是名菩
薩正心念處而不可盡

舍利弗云何菩薩觀法念處常以慧
眼見一切法至坐道場未曾中失是
菩薩當觀法時不見一法乃至微相
離空无相無願无作無生无滅無物

亦不見一法乃至微相不入十二緣者
菩薩觀法見諸非法无不是法去何
為法謂无我義無衆生義无壽命義
无人義是名為法去何非法謂我見
衆生見壽命見人見斷見常見有見
無見是名非法復次一切法是法
切法是非法何以故觀空无相無願
是名一切法是法我慢憍慢我及我
所攝取諸見是名一切法非法是菩
薩觀法時不見有法非菩提因出世
道因是菩薩知一切法志是出世得
无碍大悲觀一切法煩惱結縛如幻
化相知是諸法非有煩惱非无煩惱
何以故了諸法義无有二性是諸煩
惱無隱藏處无有聚集若解煩惱即
解菩提如煩惱性即菩提性是菩薩
安住正念無有一法可作分別无諸
障碍善能解了正住法性如住法性
即住衆生性如住衆生性即住虚空
性如住虚空性即住一切法性菩薩
觀法時依於佛法解一切法即是佛
法其心尔時不生盡智无為雖盡而
亦不盡入無生智亦觀心生不捨假

名法念處者安住正念一切諸法所謂聲聞緣覺菩薩正覺所知一切假名諸法盡未來際終不忘失又法念處者說无量行親近佛法壞諸魔衆得自然智舍利弗是名菩薩正法念處而不可盡

復次舍利弗菩薩摩訶薩四正勤亦不可盡何等為四若未生惡不善法為不生故生欲勤進攝心正除已生惡不善法為斷故生欲勤進攝心正除未生善法為生故生欲勤進攝心正除已生善法安住修集為增廣不失故生欲勤進攝心正除未生惡不善法為不生故生欲勤進所謂欲者善思惟也勤精進者不捨善思惟也攝心正除者觀善思惟也何以故善思惟時惡不善法不令入心云何惡不善法惡不善法非戒聚伴非禪定伴非智慧伴云何非戒聚伴若破重戒及毀餘戒是名非戒聚伴云何非定聚伴若毀威儀及餘亂心法是非定聚伴云何非智慧伴若攝取諸見及餘見障尋是非智慧伴是名惡不善

法善思惟時如是等惡法不令入心
是名初正勤已生惡不善法為斷故
生欲勤進攝心正除如上所說惡不
善法心不聚集无有方所無有住處
是不善法心行斷故已覺了故從緣
生故淨故生欲尋故生慧无明緣故
生於愚癡是善思惟觀不淨時滅於
欲心修集慈心滅於瞋恚觀十二因
緣滅於愚癡如是煩惱永寂滅者即
是除斷一切假名亦復不見有可斷
者是名第二正勤未生善法為生故
生欲勤進攝心正除是諸善法說有
无量何以故無量善法菩薩修集於
是法中欲為根本勤進修集攝心者
出過善法正除者在在處處常在善
法是名第三正勤已生善法安住修
集為增廣不失故攝心正住是諸善
根悉已迴向阿耨多羅三藐三菩提
何以故善根迴向无上菩提者則不
可盡所以者何如是善根不依三界
若依三界是則損耗是故迴向一切
種智諸善根等不可得盡是名第四
正勤舍利弗是名菩薩修四正勤不

可窮盡

復次舍利弗菩薩摩訶薩四如意分亦不可盡何等為四欲進心思惟如是四法以慈悲喜捨而為根本是四無量心常親近常親近故心得調柔心調柔故得入初禪第二禪第三禪第四禪入諸禪故身得輕軟成就如是身輕心柔入如意分善入如意分已即生神通若欲若進若心若思惟欲者專向彼法精進者成就彼法心者觀察彼法思惟者彼法方便是如意分已具足故能得神通欲者莊嚴進者成就心者正住思惟者能善分別是菩薩得如意分隨其所解如其所作心得自在隨意所往善作諸業畢竟成就一切本行如風行空无所罣碍舍利弗是名菩薩四如意分不可窮盡

復次舍利弗菩薩摩訶薩五根亦不可盡何等為五信根進根念根定根慧根云何信根信於四法何等四於生死中行世正見信於業報乃至生命終不作惡信菩薩行不隨諸見專

求菩提不求餘乘信解諸法同空无相無願之法同第一義同於了義甚深因緣无我衆生無有分別信一切佛十力四無所畏十八不共法如是信已消除疑網修集佛法是名信根何等進根若法信根所攝是法即為進根所修是名進根云何念根若法進根所修是法終不忘失是名念根云何定根若法念根所攝是法不忘不失一心不亂是名定根云何慧根若法定根所攝是慧所觀是慧體性内自照了不從他知自住正行是名慧根是五根者共相續生具一切法得授記別辟女外道五通神仙不能定知胎中差別男女相現然後乃知多有菩薩无信等根諸佛世尊不為授記若成就者便與授記舍利弗是名菩薩五根無盡

復次舍利弗菩薩五力亦不可盡何等為五信力進力念力定力慧力云何信力是信一向不可沮壞乃至天魔變為佛身亦現出入禪定解脫不能傾動菩薩信力是名信力云何進

力菩薩精進於諸善法得堅固力如
所得力修諸禪定諸天及人所不能
壞如本所願皆悉成就是名進力六
何念力菩薩住諸善法不為煩惱之
所破壞何以故是菩薩正念之力能
摧伏故如是念力无能壞者是名念
力云何定力遠離憒鬧常樂獨行是
菩薩雖有所說言語音聲不尋初禪
善住覺觀不尋二禪心生歡喜不尋
三禪是菩薩雖樂化衆生不捨佛法
而亦不尋於第四禪是菩薩行四禪
時諸妨定法無能為也菩薩亦時不
捨於定亦不隨定而能自在處處往
生是名定力云何慧力是菩薩知世
間法出世間法无有一法能壞是智
菩薩在在所生之處一切伎藝不從
師受悉自然知世間外道苦行難行
是菩薩為教化故亦悉現受同其所
行是出世法能過世者慧力成就故
諸天及人所不能伏是名慧力舍利
弗是名菩薩五力无盡

復次舍利弗菩薩摩訶薩七覺分亦
不可盡何等為七念覺分擇法覺分

進覺分喜覺分除覺分定覺分捨覺分
去何念覺分若念覺分能觀於法
能分別法撰集思智亦能觀察諸法
自相何等為自相觀一切法自性皆空
念如是等令其覺了是名念覺分去
何擇法覺分若能分別曉了八万四
千法聚如所了法了義是了義不了
義是不了義世諦是世諦第一義諦
是第一義諦假名是假名正了無疑
是正了無疑如是等法分別選擇是
名擇法覺分去何進覺分若念法擇
法喜法除法定法捨法以智攝取精
進勇猛欲不退轉勤修力勵不捨本
意行於正道是名進覺分去何喜覺
分所修法喜於无量法心生悅豫无有
懈怠清淨樂法是喜踊躍能除身心
捨諸煩惱是名喜覺分去何除覺分
若除身心及諸煩惱離於覆蓋入定
境界令心正住是名除覺分去何定
覺分如所入定志能覺了非不入定
是覺了法又了諸見煩惱結縛无始
無終其心平等一切諸法無別異相
能覺如是諸法等者是名定覺分去

何捨覺分若法憂喜其心不沒亦復
不為世法所牽无高無下正住不動
無有諸漏无喜無著无諸障碍正直
隨順真諦正道是名捨覺分舍利弗
是名菩薩七覺分亦不可盡

復次舍利弗菩薩摩訶薩八聖道分
亦不可盡何等為八正見正思惟正
語正業正命正精進正念正定云何
正見若見出世不起我見衆生壽命
養育士夫斷見常見有見无見亦復
不起善與不善无記等見乃至不起
生死涅槃二相之見是名正見云何
正思惟若思能起貪欲瞋癡諸煩惱
等是不名正是正思惟不思不起如
是等事唯思戒定智慧解脫解脫
知見是正思惟能思如是住戒等聚
如是思惟名正思惟云何正語凡所
演說不令其身而有焦惱亦不損他
成就如是善妙好語起於正道是名
正語云何正業若業黑有黑報白有
白報黑白有黑白報終不敢作若業
非黑非白有非黑非白報若業能盡
業是業必作是菩薩所依止業勤修

如是諸正業等是名正業云何正命
若不捨聖種頭陀威儀不動不轉无
諸姦諂不為世間利養所牽易養易
滿常自堅持威儀礼節見他得利心
不生熱於已利養常知足如是正
行聖人所讚是名正命云何正進若
進向邪非聖所讚所謂貪婬瞋恚愚
癡煩惱是不正精進終不為之若法能
入正諦聖道寂滅涅槃攀緣正路是
正精進修集勤行是名正進云何正
念若念不失不動於法正直不曲見
生死過進向涅槃繫心不忘不失正
道是名正念云何正定若定不亂於
一切法是菩薩如是住時成正決定
是名正定菩薩住是三昧為一切衆
生得解脫故成正決定是名正定是
八聖道悉是過去未來現在諸佛之
道是菩薩覺了已演說開示分別顯
現成就佛道舍利弗是名菩薩八聖
道分亦不可盡

復次舍利弗菩薩摩訶薩修行定慧
亦不可盡云何為定若心寂靜正寂
靜寂滅不然心常不亂守護諸根不

動不轉无有平暴安詳靜默堅忍不
失善調柔軟獨處閑靜其身遠離心
不迴轉思樂空寂阿練若處无有惡
求亦無所求非有多求正命正行威
儀堅固知時隨時常知止足易養易
滿堪忍力故心无高下能忍惡罵發
心專向善法思惟樂思惟處及諸禪
支發起慈心入於悲心安住喜心善修
捨心正入初禪二禪三禪四禪空處
識處无所有處非有想非無想處善
能思惟九次第定是名為定舉要言
之菩薩助定无量無邊勤行修集是
名菩薩定不可盡云何為慧是慧修
道入於諸法无我無人衆生壽命如
是智慧分別諸陰如幻如化諸界平
等入如空聚分別諸諦皆悉明了隨
順觀知十二因緣分別諸見因果果
證所謂分別者於一切法能得正見
如實而見真見空見无相願見又分
別者无分別故分別所謂見者亦無
所見無所別知如是見者為真智見
見真實者即得方便是菩薩如是慧
見不隨无為修行諸善心無所住是

名為慧舍利弗是名菩薩。能行定慧而不可盡。

復次舍利弗菩薩摩訶薩。捨持辯才。亦不可盡。云何捨持。所修善根。正念。積集。所有八萬四千法聚。能正受持。不忘不失。是名捨持。又復捨持。若一切佛。所說妙法。一切菩薩。緣覺聲聞。凡夫衆生。音聲善語。悉能受持。是名捨持。設劫災起。捨命餘生。菩薩。念時。正念捨持。不忘不失。如觀掌中阿摩勒果。菩薩觀見一切諸法。亦復如是。是名捨持。云何辯才。菩薩。所說。无有滯碍。所說。無住。所說。无斷。所說。通利。所說。喜豫。所說。捷疾。如是。所說。皆是先業清淨。果報。詣佛護念。諸天攝受。說無錯謬。以不唐捐。進向涅槃。菩薩成就如是辯才。所有色像及衆生類。辯才應機。不豫思惟。不豫分別。善能讚說。契經偈頌。若至大衆。刹利衆。婆羅門衆。長者衆。沙門衆。四天王衆。三十二天衆。魔衆。梵衆。在在處處。自然能知衆生根量。以无碍辯。而為說法。是菩薩如本喜樂。講宣法要。終身不

斷是名辯才舍利弗是名菩薩捨持
辯才亦不可盡

復次舍利弗菩薩摩訶薩撰集四法
亦不可盡何等四是菩薩知一切行
無常一切行苦一切法无我一切法
寂滅涅槃去何无常義無所有是无
常義无所破壞是无常義是无常
義者即無我義若法无我無能壞者
性寂滅故是名無常義去何苦義无
所求故是苦義受染盡故是苦義无
所願故是苦義空无有故是苦義是名
苦義去何無我義畢竟无我是無我
義如无我義即是空義無所有義虛
誑不實義是名无我義去何寂滅涅
槃義是寂滅義非念念滅如非念念
滅即是寂滅菩薩得是无盡智慧知
一切法相同於寂滅寂滅者即是涅
槃是名寂滅涅槃義舍利弗是名菩
薩撰集四法而不可盡

復次舍利弗菩薩摩訶薩一道亦不
可盡去何一道菩薩所得真實智慧
不從他聞又一道者菩薩獨一無有
伴侶已於阿耨多羅三藐三菩提能

大莊嚴以自力勢精進攝取畢竟自
修不假他作自以因緣勇猛之力建
立如是堅固莊嚴如諸衆生所作善
業我亦如是悉當作之及諸聖人從
初發心所作諸行我亦當作施非我
伴我是施伴戒忍精進禪定智慧非
是我伴我是彼伴諸波羅蜜不能使
我而我能使諸波羅蜜一切善根皆
亦如是如是等法雖非我伴我要當
行不恃於他勇猛自力獨行无伴坐
於道場金剛座處壞諸魔衆以一念
慧成阿耨多羅三藐三菩提我當如
是覺了分別舍利弗是名菩薩一道
无盡

復次舍利弗菩薩摩訶薩行方便
亦不可盡云何方便見一切法是方
便發起諸法是方便為菩薩使是
方便畢竟分別是方便无有齊限
是方便志意常求出世之法是方
便於布施時即能具足諸波羅蜜是
方便持禁戒時在在處處自在徃生
是方便行忍辱時莊嚴自身及菩提
道是方便行精進時心无所住是方

便修禪定時无有退失是方便修行
慧時不證无為是方便修慈心時愍
无力勢是方便修悲心時不厭生死
是方便修喜心時無樂處樂是方便
修捨心時發心修集一切善根是方
便能修天眼為欲成就諸佛眼故是
方便修集天耳為欲成就諸佛耳故
是方便修他心智為得佛智知諸衆
生根量深淺故是方便修宿命智為
得佛智知於三世無罣尋故是方便
修集神通為得諸佛神通力故是方
便隨衆生心是方便既自曉了復了
衆生是方便能自度已亦現未度而
方勤修求於度世是方便已離煩惱
示有煩惱是方便已捨重擔示有重
擔是方便能知根量隨量說法是方
便善能誘進鈍根衆生是方便知時
非時是方便知可行道墮邪衆生安
置正道是方便能令量作無量无量
作量是方便令損壞者還復如本
是方便示現勝地是方便示說涅槃有
五欲樂是方便已得解脫示有繫縛
是方便處在生死不墮生死是方便

於諸威儀无所專當亦不退失是方便唯觀衆生不觀持戒及以毀戒是方便攝諸見緣不生諍竟是方便悉是音聲假名无實是方便常行三界是方便得解脫相行是方便親近凡夫如親近聖人是方便不詮涅槃常處生死是方便於魔行處顯大光明无有煩惱是方便一切是一切非是方便舍利弗是名菩薩修行方便亦不可盡舍利弗是名菩薩摩訶薩八十無盡是八十无盡志能舍受一切佛法无盡意菩薩摩訶薩說是法門品時六十七百千衆生未發心者即發阿耨多羅三藐三菩提心五百二千菩薩摩訶薩得无生法忍

尔時大衆以種種華香種種華鬘種種華蓋供養如來及无盡意并是經典於上空中有無量天樂自然出聲作如是言諸佛世尊於无量劫所集阿耨多羅三藐三菩提無盡意菩薩今於是大集經中已說其義若有聞是无盡法門信解受持讀誦解說當知是人則為具足是无盡法

尔時世尊以覆肩衣與无盡意讚言
善哉善哉大士快說是義非但我許
十方諸佛亦復如是尔時无盡意菩
薩摩訶薩兩手捧衣置白頂上而白
佛言世尊諸天世人當視是衣過於
塔想以是如來所受用故尔時多有
種種寶衣種種寶蓋種種寶幡種種
寶樹種種寶鬘從十方世界自然而
來覆无盡意而為供養是時寶衣幡
蓋樹鬘自然演出如是之言善哉善
哉善男子善能說是无盡法門如汝
所說我等所許尔時舍利弗白佛言
世尊如是寶衣供養之具從何處來
乃出是言佛告舍利弗是无盡意菩
薩初發阿耨多羅三藐三菩提心時
所化衆生皆於十方已成阿耨多羅
三藐三菩提是彼諸佛正遍知等知
恩報恩故遣是來稱揚讚歎是无盡
意真實功德并復供養所說經典尔
時大衆於无盡意菩薩摩訶薩倍生
恭敬尊重讚歎作如是言我等今者
快得大利得見無盡意菩薩恭敬供
養尊重讚歎并得聞是无盡法門若

有直得聞无盡意菩薩名字亦得善
利何況眼見兼聞是典

尔時世尊於大眾中間是語已告舍
利弗若有善男子善女人學菩薩道
於一劫中供養諸佛學戒威儀以堪
忍力盡諸衆生生死苦除精勤修集
如救頭然於諸禪定一心成就智慧
方便若離此經我說是人未能具足
六波羅蜜舍利弗若有善男子善女
人聞是經典信解受持讀誦解義如
說修行我說是人已為具足諸波羅
蜜速得成就阿耨多羅三藐三菩提
何以故舍利弗若有菩薩受持此經
為他演說即為具足檀那波羅蜜何
以故於諸施中法施為勝初不忘失
菩薩之心若持此經即是持戒故能
具足尸羅波羅蜜何以故一切菩薩
所學禁戒是經所攝若於此經能堪
忍樂一切衆生所不能壞能於是中
進修忍辱即為具足羼提波羅蜜若
是經典勤行轉說身口意業精勤修
集即為具足毗梨耶波羅蜜若於是
經其身寂滅无有散亂一心定意分

別法相即為具足禪那波羅蜜若於
是經自得現智不從他聞得正行智
即為具足般若波羅蜜舍利弗若有
菩薩勤學是經若欲具足諸波羅蜜
則為不難舍利弗若有菩薩學習
此經受持讀誦如說修行書寫經卷
當知是人一切佛法已為在手四大
之性可變令異是菩薩心於阿耨多
羅三藐三菩提不可復轉舍利弗此
經典者即是菩薩不退轉印是故菩
薩當求此印若有善男子善女人親
近是印者則為親近一切佛法

爾時四天王及其眷屬即從座起合
掌向佛白佛言世尊我等四王是佛
弟子已得道迹若有善男子善女人
受持是經我等堪任為作衛護供給
侍使當於是人起如來想何以故是
經典中出諸乘故

爾時釋提桓因即從座起合掌向佛
白佛言世尊我數從佛聞無量無邊
百千經典未曾得聞如是經典分別
深義世尊在在處處國土郡縣城邑
村落有說此經者我躬當與三十二天

故往聽受并護法師益其氣力勇猛
精進正念辯才令是法師於諸大衆
得无肝畏廣能宣說如是經典佛言
善哉善哉憍尸迦汝欲擁護是說法
者令得勇進正念辯才憍尸迦若欲
擁護是說法人即為擁護諸佛正法
護正法者則為擁護一切衆生

尔時梵自在天王合掌長跪前白佛
言世尊若是經典流布之處我躬當
與其餘梵衆并諸眷屬捨禪喜樂往
詣彼所聽受諮請我往彼時當現四
瑞令其覺知云何為四一者令見微
妙光明二者得聞殊異之香三者令
說法者得无尋辯及正憶念所說吉
祥不失章句四者令其大衆發善欲
心喜樂聽法无有厭足以是四瑞應
知梵天王與其眷屬躬來聽法

尔時第六魔王波旬合掌白佛言世
尊如是經典令我勢力一切羸劣何
以故若有菩薩聞是經典受持讀誦
為他廣說當知其人即為受記世尊
如是菩薩所往之處至諸佛界當知
如佛世尊我今所有憍慢嫉妬貢高

之心以无盡意威德力故皆已摧伏
我今當護如是經典及說法者是經
所在流布之處乃至不起一念之心
而作留難何況身往故作因緣

尔時佛告尊者阿難汝從今日當為
正法久住世故受是經典持讀誦說
尔時阿難正服而起偏露右肩右膝
著地前白佛言世尊我今敬奉佛教
受持是經但恨不能廣宣流布如諸
菩薩佛告阿難汝且自安今此會中
有諸菩薩摩訶薩等自能護持令此
經典廣宣流布尔時會中有六十億
諸菩薩摩訶薩應護法者即從座起
合掌白佛言世尊我等要當宣傳此
經令至十方娑婆世界弥勒大士自
當於中護持是典及說法者世尊若
佛滅後後五百歲若有菩薩聞是經
典受持讀誦當知皆是弥勒神力之
所建立尔時佛讚護法菩薩摩訶薩
衆善哉善哉諸善男子汝等不但今
於我前護持正法亦曾護持過去恒
沙諸佛正法

尔時无盡意菩薩摩訶薩白佛言世

尊我今自以少智慧分說是經典文字句義必不具足今於佛前及無盡法所可成就諸菩薩等懺悔過失佛告無盡意菩薩善男子若有菩薩得四无尋智凡所講說無有錯謬如是菩薩得真空義分別法門乃能宣說如是經典善男子汝今已到第一之處成就四辯自在无尋是大乘經不從他聞而能分別善男子汝今成就如是住位身口意業无有錯謬何以故菩薩所修三業成就常以智慧為根本故善男子已有无量百千万億諸佛世尊皆共稱揚聽汝所說无盡意汝本已於我所及諸佛所畢竟懺悔无有漏失尔時尊者阿難白佛言世尊此經何名云何奉持佛告阿難此經名無盡意所說不可盡義章句之門又名大集當如是奉持阿難汝應信受如是經典何以故汝受是已所得持念倍前千數若為他說則立佛事佛說是已无盡意菩薩摩訶薩尊者阿難舍利弗諸天龍神乾闥婆阿修羅等一切大衆莫不歡喜作礼

而去

大方等大集經卷第三十

按此經宋鄉藏中皆六十卷凡十七品
丹藏中三十卷十一品又經初首宋鄉
則有瓔珞品名丹藏所無其虛空藏品
宋鄉在不可說後丹藏在無言品前又
於寶髻品後宋鄉有無盡意品四卷丹
藏即無而有日密分三卷如是不同者
何耶今檢開元錄此經凡有六本錄云
接梁沙門僧祐大集記云有十二段說
共成一經第一瓔珞品二陀羅尼自在
王品三寶女品四不眴品五海慧品六
無言品七不可說品八虛空藏品九寶
幢品十虛空目品十一寶髻品十二無
盡意品按古此則第一本也今檢品次
是宋鄉本六十卷中前分三十卷矣又
云今檢經本與祐記不同第一陀羅尼
自在王菩薩品二寶女品三不眴品四
海慧品五虛空藏品六無言品七不可
說品八寶幢分九虛空目分十寶髻品
十一日密分按云此則第二本也今檢

品次則今丹藏後三十卷者是矣編入
云隋朝僧就合大集經乃以明度五十
校計經題為十方菩薩品編月藏後及
無意盡成五十八卷者非也既無憑准
故不依彼按云此則第四本也又云其
合大集經亦有六十卷成者三十一二
兩卷重有寶髻品足成六十卷其實髻
品在日密前二十六七卷是此復重編
未詳何意又日密日藏梵本不殊重重
編載誤之甚矣按云此則第五本也今
檢品次則今宋鄉藏經六十卷者是矣
但不重載寶髻品斯為小異耳則似於
前第四本五十八卷經中分彼日藏分
中卷為十二卷足成六十耳其第三第
六兩本今以諸藏所無故不煩叙經本
如是不同藏中致斯有異耳謹按開元
錄前後文相令此合經六十卷者有六失
故不可依行錄云亦有經本分為瓔珞
品者不然此是一段不合分二按云此
經分之一失也又云僧祐記中無日密
分有無盡意品者不然今以無盡意經
雖大集別分非無識譯又非次第不令
入中按云此經入中又為無識譯二失

也又云其虛空藏品粘在不可說後未
詳所以按云此經在彼三失也又云日
密日藏梵本不殊重重編載誤之甚矣
按云此經重載四失也又云明度五十
校計經題為十方菩薩品編月藏後者
非也既無憑准故不依彼按云此經依
之五失也又明度經安世高譯而去那
連提耶舍譯按云此亦誤人六失也既
有六失理須正之正之如何略則如開
元錄及丹藏經為三十卷乃正矣合則
如開元錄中第六本為八十卷方備矣
今宋鄉二藏於目錄則取開元錄而經
本則仍僧就本者直以無心於相校耳
甲辰歲高麗國大藏都監奉
勅雕造

大方等大集經卷第三十一

國

北凉天生三藏曇無讖譯

日密分中護法品第一

今時世尊故在欲色二界中間大寶坊中與大菩薩其數無量為諸大衆說虛空目出息入息甘露門已默然而住一切大衆亦復如是各作是念如來今日深知我心欲法无厭必當降注甘露法雨作是念已合掌恭敬樂瞻如來猶如萬病樂見良醫處闇之者樂觀光明如没水者樂至彼岸如受苦者樂得歸依一切大衆亦復如是是時衆中有一菩薩名蓮華光功德大梵已於無量无邊佛所種諸功德善根增長於阿耨多羅三藐三菩提心不退轉成就具足法緣之慈從坐而起合掌恭敬長跪白佛言世尊一切衆生心所緣處无有邊際駿速無形其性本淨於諸有中无能障礙欲得通達知真實故精勤修集四無量心因修集故獲得盡智世尊若使三界性本淨者何故修集如是盡

智惟願如來為諸菩薩敷揚散說令
退轉者得不退故摧滅無量煩惱界
故斷破無邊諸苦聚故惟願如來垂
心憐愍說未曾聞衆生聞是未曾聞
已度生死海摧折愛樹何以故一切
煩惱愛為根本惟願垂哀分別演說
愛之過咎如來能淨衆生六根重願
演說清淨法聚佛言善哉善哉善男
子若有能行六波羅蜜即能自知心
所行處是人終不念聲聞乘雖復修
行無量諸行未得其邊亦不怖畏退
墮聲聞辟支佛地若諸菩薩不能修
集四無量者如是菩薩於菩提道則
為有退是名不得清淨六根是名於
法有貪有慳如是名為行於他行不
行自行是名不能成就七財不能度
脫一切衆生於生死海是故我說如
是行者即是聲聞辟支佛行我初演
說四聖諦行後復續說諸菩薩行介
時一切大衆咸作是念如來將欲說
聲聞乘不說大乘耶將非如來不樂
如是菩薩衆耶如來不欲斷三寶種
性耶何故不說大乘妙法為諸天人

得信心故未發菩提心者為發心故
已發心者得增長故為諸衆生得信
心故如來若說大乘法者無量衆生
當得發起菩提之心因得修行不共
之法成就具足法陀羅尼善男子聲
聞乘者即是大乘大乘者即聲聞乘
如是二乘無有差別今時衆中諸住
十住諸菩薩等作如是言世尊我等
已得无生法忍我已能行如來十八
不共法行我已解了諸聲聞乘及以
大乘如是衆中無量衆生不能得解
小乘大乘諸善男子汝等當修不退
禪定時諸菩薩即便修入入已或有
身放光明猶一燈炬如釋梵身光如
日月光如三日光如四日光如八日光
如十日光如億日光如是遍照娑婆
世界是光能令无量衆生身心寂靜
在三惡者離諸苦惱邪見之人遠離
惡見永離貪欲瞋恚癡怖飢渴等患
今時此佛世界衆生皆共供養佛法
僧寶增長善法今時此佛世界并及
十方恒河沙等无量世界若空不空
及淨不淨光悉遍照十方佛界所有

菩薩能行聖行菩提道者於一念頃
悉來聚集大寶坊中頭面礼佛却坐
一面今時世尊告聲聞衆汝等比丘
頗見如是善神足不如是神足能壞
一切惡魔境界及諸有處能護法界
能行一切諸佛境界分別聲聞辟支
佛界出勝一切所有神通善男子一
切菩薩所以示現大神通者為增衆
生諸善根故為不斷絕三寶性故為
未信者得信心故為已信者得增長
故為令衆生受五樂故為欲長養大
乘法故為令身得常樂我淨故以如
是等諸因緣故亦諸衆生如是神通
善男子隨如是等菩薩行處是中佛
法即得增長若現在未來久住不滅
所有衆生修立塔廟供養衆僧求无
盡身無苦惱身所作供養皆作生身
法身生身供養者即是供像法身供養者
書寫讀誦十二部經如是勝以七寶
香華伎樂幡蓋瓔珞供養善男子我
於今時心亦受之由如是施如是衆生
具足當得三乘果報心不退轉若諸衆
生具造屋室及經行處我即受用若

樹林華園講堂精舍及供養我所有
弟子飲食卧具病藥房舍我亦受用
若諸法師高座說法我於是時亦至
心聽若施法師衣食卧具病藥房舍
園林服乘田宅奴婢我亦受之是名
法供養如是之人能淨身心莊嚴身
心亦能莊嚴阿耨多羅三藐三菩提
能得無上微妙快樂能一切物施一
切人施一切時施能一切果受一切人
受一切時受是名成就惠施之福是
人終不到三惡道得不墮法如意所
求不轉三乘是人常得具足二種所
謂財法所求之物隨意即得常為十
方諸佛所念能壞一切魔之境界若
有信者以其所有奉施法師若有破
戒受如是物乃至一葉一華一果如
是癡人以是因緣得大不善報現在
即得四大惡果一者惡名遠聞二者
所親師友悉皆遠離三者得大重病
苦惡而死所謂死時不下飲食覩見
惡色以是因緣口不能語卧失糞穢
四者所有六物及餘財貨不至僧中
或為火燒惡賊所劫後世復受四種

惡報所謂地獄餓鬼畜生若得人身
身無手足若受餓鬼无量歲中不見
水漿不聞其名受畜生身常食泥土
若得為人處在空土無三寶處五滓
之世盲无眼日常遇重病食諸糞穢
捨是身已還墮地獄何以故以受法
師所得物故是惡比丘能壞能滅能
斷三寶是故獲得如是惡果尔時衆
中有一大德比丘名伽耶迦葉白佛
言世尊如是人者可名人不我今思
惟非是人也何以故是人深為利養
心故受持禁戒故名非人佛言善哉
善哉迦葉寧受地獄等身終不受取
如是等物善男子人身難得已得佛
法難遇已遇禁戒難受已受而不趣
向聖行梵行是名喪失大利益事如
是惡人貪食心故受持禁戒非為法
心如是癡人以多聞力及以國王大
臣力故受如是物即便當得大惡業
果尔時頻婆娑羅王白佛言世尊出
家之人受如是物得如是果在家人
受其罪云何佛言大王汝今不應問
如是事王言世尊我修聖行終不受

取如是等物為未來世諸惡王等問
如是事耳佛言大王我若宣說未來
惡王所得果業有不信者得大罪報
是故我今置之不說王言世尊惟願
如來為未來世刹利婆羅門毗舍首
陀有信敬者奉持佛法守護法師及
財物者具分別說佛言善哉善哉大
王若未來世諸惡王等侵奪法師如
是等物當知是王現世獲得二十種
惡一者天不衛護二者惡名遠聞三
者親友遠離四者怨敵增長五者財
物損耗六者心多散亂七者身不具
足八者不得睡眠九者常患飢饉十
者所服飲食變成惡毒十一者民不
愛敬十二者隣國數侵十三者所有
眷屬不受其教十四者秘密之事謀
臣顯露十五者所有財物水火侵奪
十六者常有重病十七者湯藥不行
十八者醫藥不療十九者漿水不下
二十者常念不淨是名二十捨是身
已尋復當生阿鼻地獄一切受苦過
是劫已得餓鬼身處大空野不聞漿
水飲食之名諸根殘缺身不具足无

量歲中受大苦惱受是果已生大海中受大獸身無量由旬如大肉團常為衆生之所啖食受大苦惱若得人身生無佛處五滓之世耳目不具大王未來惡王得如是等諸大惡報王言世尊我今寧受地獄之身終不受是惡王身也佛言大王今以是法法師財物付囑汝等有信諸王何以故夫法師者即是如來法身之藏王言世尊若諸刹利婆羅門毗舍首陀有能護持如是法財其人當得何等功德佛言大王如是人者勝於一切聲聞緣覺大王譬如有人能斷一切十方衆生所有壽命奪其眼目截其手足大王如是人者所得罪報為多少耶頻婆娑羅王默然不答佛言大王何故默然王言世尊是人所得惡業果報不可稱量不可計數世尊若於一人造此惡業罪尚難計況一切人大王若佛在世及滅度後若有惡王刹利婆羅門毗舍首陀侵奪法師如是等物所得罪報分為百分上所得罪不及其一頻婆娑羅王言世尊如

法治國是王難得若不放逸則能護法若放逸者則不能護世尊能護法者得何功德大王譬如有人能與如上衆生壽命眼目手足是人得福寧為多不世尊能與一人命目手足其福尚多況今所人大王若有護法所得功德分為百分先所得福不及其一王言世尊若有受取一法師物是得罪不若有擁護一法師者復得福不大王若有受取一法師物至五法師護一法師及五法師所得罪福正等无別大王若一廟寺若一村落后一樹林住五法師若鳴捷捷集四方僧客僧集已次第賦給房舍飲食卧具醫藥无恠惜心初夜後夜讀誦講論厭患生死專樂涅槃不自讚身不訟彼短少欲知足常樂讚歎少欲知足勤心精進志樂寂靜修於念定憐愍衆生大王是名衆僧如法而住護戒精進持佛密藏讀誦書寫分別教詔是名衆僧憐愍衆生利益衆生能持如來十二部經亦能奉持寂靜禁戒具足慙愧賢聖功德大王是名衆

僧大功德海為天人師能大利益無量衆生能斷一切衆生苦惱能施一切衆生解脫是五比丘猶名衆僧何況無量大王若无量僧悉破禁戒但令五人清淨如法若有施者得福無量不可稱量不可計數何以故以有護持佛法者故憐愍一切諸衆生故其心平等無二相故王言世尊破戒比丘可得處衆受信施不大王如王國內有一罪人未及擯黜王若給施刹利婆羅門毗舍首陀是人頗得受樂不耶不也世尊大王破戒比丘亦復如是雖在衆中受取信施不得安樂何以故破禁戒故不如法故大王如是人者一切十方無量諸佛所不護念雖名比丘不在僧數何以故入魔界故持禁戒者即佛弟子毀禁戒者即魔弟子又持戒者即出世道破禁戒者即入世道我都不聽毀戒之人受人信施如葶藶子何以故是人遠離如來法故王言世尊言破戒者有何等相可知不大王有智能知大王若有不能恭敬三寶不生信心

無有慙愧於師和尚者老長宿同師
同學不生恭敬摧滅聖幢不修梵行
增長慳貪樂在居家不能清淨口四
種業常修食心遠離法心樂說世間
无益之事是名比丘初破戒相未名
具足毀禁戒也若如是等受畜奴婢
象馬牛羊馳驢雞猪乃至八種不淨
之物是名具足毀禁戒也如是名為
沙門中渾沙門中曲沙門中幻沙門
中賊沙門中醉沙門中旃陀羅也如
是比丘不應共住不共和合不應共
作九十九羯磨是名喪失比丘事業
墮在貪虜大王宰與旃陀羅人而共
同止不與如是惡比丘住何以故如
是比丘燒滅善根斷三世善慈愍之
心是惡比丘即是園廁增生死法即
是人天諸惡種子何以故是人欺誑
自他人天如是比丘滅解脫燈能摧
法幢能涸法海破說法者能誑施主
破和合僧若有惡王若刹利婆羅門
毗舍首陀擁護如是諸惡比丘是王
便當增三惡道種植天人諸惡種子
大王若惡比丘呵罵責數如法住者

敬信諸王應當損驗若駢損者王多得
福若王無信如法比丘不應與彼惡
比丘住如法比丘有智慧者應先往
王所作如是言大王今者能持法不
王若答言大德我能如法護持佛法
智者今時便應默然若彼大王有貪
心者語比丘言大德是寺廟中多有
大衆我當云何為五比丘駢遣多人
智者聞已不應復往便當捨去至寂
靜處王言世尊若有惡王隨順如是
惡比丘語而是大地云何能載是王
從此過於无量恒河沙劫終不能得
復受人身無量衆生得解脫已是王
猶故未能得斷三惡道業大王若未
來世有信諸王若刹利婆羅門毗舍
首陀能護法師造立塔像供養衆僧
種種所須治惡比丘為護法故能捨
身命寧護如法比丘一人不護无量
諸惡比丘是王捨身生淨佛土常值
三寶不久當得阿耨多羅三藐三菩
提大王我今不聽一人受畜八不淨
物惟聽大衆得受畜用大王若有人
能護持法者當知是人乃是十方諸

佛世尊大檀越也護持大法大王僧
物難掌我今惟聽二人掌護一者羅
漢比丘具八解脫二者須陀洹人大
王除是二人更無有人掌護僧物
太等大集經目密分中四方菩薩集品第三之一
今時世尊為頻婆娑羅王說是法已
東方有國名曰無量彼中有佛名五
功德常說妙法教化衆生有一菩薩
名曰日密至心聽法仰瞻虛空見有
無量無邊菩薩從東方來趣向西方
即白佛言世尊我見東方無量菩薩
趣向西方以何因緣捨淨妙國趣向
穢土善男子西方過此無量無邊恒
河沙等諸佛世界彼有世界名曰娑
婆五滓具足弊惡衆生充滿其土釋
迦如來於中宣說三乘之法為欲增
長佛正法故為不斷絕三寶種故為
破魔界堅法幢故為法久住不滅盡
故彼佛世界有無量佛無量菩薩宣
說寶髻陀羅尼法既說法已釋迦如
來復說三乘四無尋智四種梵行及
四攝法無量衆生聞是法時心無疲
厭樂甘露故以彼如來本願力故四

方無量諸佛菩薩悉集其土佛說法
時諸菩薩衆悉入禪定既入定已身
放光明如一燈炬至億日光善男子
若欲護法可從定起詣娑婆世界善
男子彼佛世界所有衆生煩惱堅牢
繫縛深重其形醜穢多起憍慢惡口
兩舌速離實語其實愚癡現智慧相
多起慳貪現捨離相多有諂曲現實
直相心多濁亂現清淨相多有嫉妬
現柔軟相樂離別人現和合相多起
邪見現正見相彼國衆人隨女人語
以隨語故斷絕善根增三惡道善男
子汝今頗能為我作使至彼國不我
欲與欲令彼如來善說法要所言欲
者謂真陀羅尼是陀羅尼成就具足
无量功德能斷欲貪色無色貪憍慢
我慢一切取貪一切五蓋一切我見
斷見戒取見取見常見衆生見士夫
見作者見受者見人見天見色見聲
見香見味見觸見四大見出見生見
滅見住見是名隨如真忍是陀羅尼
能真實知色乃至識眼乃至意陰入
界諸入解脫法界無上妙樂善男子

彼界衆生如生聾生盲生啞貪欲狂
醉是故與欲隨如真實陀羅尼法一
切法藏不可思議諸法之門能壞一
切諸魔伴黨及魔境界善男子是陀
羅尼亦能調伏一切魔衆能怖一切
諸惡毒龍能使惡鬼生知足想能化
一切阿修羅衆能調一切大金翅鳥
怖緊那羅令諸羅刹刹利婆羅門
毗舍首陀生於敬信能壞一切貪女
身者令多聞者生愛樂心習禪之人
心得寂靜善療一切諸惡重病能除一
切國土惡相所謂惡賊惡鳥惡獸惡
風惡雨惡寒惡熱善男子若有人能
誦如是陀羅尼者則能得見無量諸佛
善男子汝持是呪至彼國土向彼四
衆具足宣說令時世尊即說是陀
羅尼

娑移婆訶波利婆唎一 婆醯婆訶波
利婆唎二 卑利癡比卑利癡波利婆唎
阿睥阿婆波利婆唎 泚泚闍波利
婆唎 五 摩唎摩羅波利婆唎 六 呿岐
却伽波利婆唎 七 阿路翅阿路迦波利
婆唎 八 哆咩哆 九 摩波利婆唎 十 思唎

思羅波利婆唎

十二

伽吽伽摩波利婆

唎十三阿步娑阿步娑波利婆唎

十三羅

摩

古

羅摩

十五

羅摩

十六

羅摩

十七

羅摩

十八

羅摩

十九

羅摩

邏羅

十九

邏羅

二十

邏羅

二十一

摩

比

挫

若

那

二十

復

多

其

醯

復

多

其

力

摩

波

利

婆

婆唎

二十

遮

颺

其

力

醯

遮

颺

其

力

摩

波

利

婆唎

二十

輸

路

多

其

力

醯

輸

路

多

其

力

摩

波

利

婆

唎

二十

其

浪

那

其

力

醯

其

力

摩

波

利

婆

唎

二十

時

既

其

力

醯

其

力

摩

波

利

婆

唎

二十

邊

地

其

力

醯

其

力

摩

波

利

婆唎

二十

摩

那

其

力

醯

其

力

摩

波

利

婆

唎

二十

攬

其

力

醯

其

力

摩

波

利

婆

唎

二十

攬

其

力

醯

其

力

摩

波

利

婆

唎

二十

攬

其

力

摩

波

利

婆

唎

二十

室

囊

其

力

醯

其

力

摩

波

利

婆

唎

二十

優

波

陀

其

力

醯

其

力

摩

波

利

婆

唎

二十

閼

提

其

力

醯

其

力

摩

波

利

婆

唎

二十

閼

邏

摩

那

羅

其

力

摩

波

利

婆

唎

二十

閼

提

其

力

醯

其

力

摩

波

利

婆

唎

二十

閼

邏

摩

那

羅

其

力

摩

波

利

婆

唎

二十

咳

吐

薩

多

波

其

力

醯

其

力

摩

波

利

婆

唎

二十

閼

邏

摩

那

羅

其

力

摩

波

利

婆

唎

二十

閼

邏

摩

那

羅

其

力

摩

波

利

婆

唎

二十

閼

邏

摩

那

羅

其

力

摩

波

利

婆

唎

二十

利婆吟

^{三十}

阿拔多

^{三十}

比跋多寫

^{四十}

阿婆邏牟波摩薩寫比如^{四十}比尼跋

多^{四十}阿陀利也賴咩^{四十}散比如肩

提^{四十}莎呵^{四十}

余時日密菩薩摩訶薩白佛言世尊
我能向彼宣說是呪但於彼土生怖
畏想何以故如來向者為我宣說彼
土衆生多諸弊惡猶如生聾生盲生
些隨女人意世尊若有隨順女人意
者當知是人永斷善根佛言善男子
汝今不為現利後利當為饒益一切
衆生但往宣說勿生疑慮善男子汝
非彼土維摩詰耶何故生怖日密菩
薩默然不對善男子何故默然日密
言世尊彼維摩詰即我身也世尊我
於彼土現白衣像為諸衆生宣說法
要或時亦現婆羅門像或刹利像或
毗舍像或首陀像自在天像或帝釋
像或梵天像或龍王像阿修羅王像
迦樓羅王像緊那羅王像辟支佛像
聲聞像長者像女人像童男像童女
像畜生像餓鬼像地獄像為調衆生
故是時衆中有諸菩薩其數八万同

一三昧出入共俱復有元量無邊菩薩其心掉動至心繫念欲得親近親見礼拜釋迦如來及諸大衆并欲聽受微妙大典如是大衆皆共同心欲往彼界我為是輩欲說大事何以故是等大衆其心未定若往彼界或生顛倒近惡知識今時彼佛告曰密言善男子汝今不應生怖畏想何以故我今當施汝等菩薩不共法行无想行調伏行解脫行分別生死行不斷三寶行大慈大悲行一切智解脫行破壞四魔惡邪論行盡智无生智行畢竟入涅槃行是名蓮華陀羅尼令諸菩薩不樂三界證無相解脫門入无行解脫門善男子若有人有信者能至心聽是蓮華持是人能薄一切貪欲一切煩惱捨身七世常得生天識知宿命雖處欲界不為欲汙常樂出家一切人天樂與供養善男子若有人能至心七日及聽是持者終不墮墜三惡道中善男子若有人天聽是持者遠離欲法修集禪定若有人能於王刹利婆羅門毗舍首陀耳中宣說

是陀羅尼聞者尋發出家之心若有
女人能至心聽是陀羅尼受持讀誦
即轉女身得男子身於阿耨多羅三
藐三菩提無有退轉乃至證得大般
涅槃終不更受女人之身除自發願
善男子若有人以是捻持呪餘藥草
持塗鼓貝若打若吹若有聞者邪見蠱
道諸弊惡病無能加之善男子是陀
羅尼成就如是无量福德今時世尊
即說是陀羅尼句

思陀摩提一比路迦摩提二伊犁超次
利菴三流遮修流遮四佛提比佛提五
摩訶佛提六溫摩提溫摩多波羅提
菴陀寧七羅伽婆羅迦陀羅波利提菴
陀寧八頻豆頻豆摩提九至吒至吒波
羅提菴陀寧十過翅戰陀豆十一呵呵
至置十二呵呵多尼咩十三呵呵多迦摩比岐
古比摩多佛題十四呵呵多蚘其攤十五呵
多比三摩其攤十六呵呵多三牟陀闍脾十七
呵呵多比摩多邏祇十八呵呵多希醯十九呵
多遮知二十呵呵多達波羅闍二十一呵多婆
休羅闍二十二呵呵多婆闍摩提二十三呵多留
伽摩提二十四呵呵多烏伽賴咩二十五呵呵多陀

摩密提^三呵多^七薩婆優波陀^八那^三若

若若^九比^三闍若若^三比^三婆闍若若^三

婆邏末力伽若若^三伊沙安兜邏伽

豆^三哈^三莎^三呵^四

尔時世尊告曰密菩薩言善男子是
蓮華持能斷四流汝當至心受持是
持向彼世界何以故彼佛世界有百
億魔衆能壞衆生所有善法善男子
汝等若誦是陀羅尼則不為彼惡魔
所侵尔時日密與无量億諸菩薩俱
無數人天白佛言世尊如來智慧不
可思議我等昔來初未曾聞是陀羅
尼尔時彼佛世界女人八万四千聞
是持已尋轉女身得男子形時彼佛
以瞻婆華鬘告曰密言善男子汝持
此鬘并陀羅尼往娑婆世界供養彼
佛釋迦牟尼尔時日密從彼如來默
然而受是時會中八万菩薩俱白佛
言世尊我等亦欲往彼世界佛言善
男子善哉善哉汝等若往一切當現
梵天之像尔時大衆即便化為梵天
之身往娑婆界釋迦如來所到已即
於此娑婆界雨瞻婆華頭面札敬釋

迦如來右遶三帀即坐一面時佛故
為頻婆娑羅王宣說法行

今時南方過一由旬滿城沙數諸佛
世界有一世界名架染幢其中衆生
具足五滓其土有佛名山王如來應
供正遍知明行足善逝世間解無上
士調御丈夫天人師佛世尊今現在
為諸衆生宣說法要彼佛世界有一
菩薩名香象王仰瞻虛空見元量菩
薩從南方來趣向北方見已白佛言
世尊如是菩薩摩訶薩等何因緣故
從南方來趣於北方佛言善男子此
方過一由旬城沙世界有國名娑婆
釋迦如來在中宣說大集妙典分別
三乘為不斷絕三寶種故不斷法行
破魔界故堅法幢故一切十方諸佛
世尊悉於彼土宣說敷演寶幢陀羅
尼說已各各還本住處釋迦牟尼為
諸菩薩及聲聞衆宣說法要善男子
汝等頗欲詣彼世界聽受法不我今
亦欲與彼佛欲所謂斷業陀羅尼隨
順空門斷於色貪憍慢慢我慢乃
至為得盡智无生智故今時世尊即

說此陀羅尼句

豆幕提一豆幕提二奧又豆幕提三波
羅婆娑衣豆幕提四薩婆阿迦舍豆摩
阿鞞呿伽六鞞呿多呿伽七阿鞞又呿
伽八阿婆慕阿却伽九阿那若却伽十
睥也佛提却伽十一婆路遮却伽十二式
哈却伽十三比提弥邏却伽十四烏數摩
却伽十五烏羅却伽十六阿叉却伽十七地
婆摩那却伽十八淫波却伽十九地婆比若
那却伽二十遮毖陀兒却伽二十一地婆摩
那比若那陀兒却伽二十二卑利癡比陀
兒却伽二十三地婆比若那陀兒却伽二十四
折挫利蜜兒波那却伽二十五地婆阿睥
陀尼迦却伽二十六呿却伽二十七地婆末力
却伽二十八比婆娑那二十九阿比叉婆三十阿
婆那那三十一比那那三十二婆牟陀那那三十三
薩婆迦邏那那三十四薩婆散哆那比具
波那那三十五阿莫之那那三十六又婆三十七又
婆三十八伊利三十九蜜利四十伊伊利四十一伊伊
蘭弥利四十二莎呵四十三

尔時世尊告香象王菩薩言善男子
是名隨空三昧陀羅尼也永斷一切
欲貪色貪及无色貪乃至斷除一切

煩惱善男子汝當一心受持讀誦是
陀羅尼往彼世界教化衆生香象王
菩薩言世尊我已至心受誦是持今
欲往彼然生畏想何以故我曾從佛
聞彼世界衆生弊惡多貪瞋癡時山
王佛告香象王言善男子汝常化作
婆羅門像教化衆生或摩醯首羅像
或帝釋像或部羅延像或鬼像天像
龍像阿修羅像轉輪王像婆羅門刹
利毗舍首陀像大臣長者像聲聞像
男女等像教化衆生去何方言於彼
世界生怖畏耶善男子我當施汝大
法行法一切智慧能知諸行破四魔
行能調一切衆生行能喜一切衆生
行不斷三寶行能調一切惡龍行能
壞一切衆生惡業行大慈大悲行破
三惡道行救衆生行破惡見行能壞
女業行一切法無盡行能破一切慳
貪行能得一切三昧神通行能令衆
生歡喜行乃至能得菩提道行善男
子若有衆生聞是等行當知是人能
得破壞恒河沙等惡業因緣斷絕三
障惟除五逆謗方等經毀呾室八善

男子若有人能信心聽受如是等行
是人隨意獲得三乘不離十方諸佛
菩薩阿羅漢等常淨三業隨衆生意
當知是人能一切捨乃至頭目一切諸
惡不能加害是人若行尸波羅蜜得
具忍戒聖所樂戒聖所念戒大寂靜
戒調伏梵釋四天王戒調伏婆羅門
刹利毗舍首陀戒是人終不自讚已
身毀訾他身心常呵責世中利養卧
安恬安身無病苦易得飲食一切衆
生之所樂見是人臨死則得覩見諸
佛菩薩諸佛讚言善哉善哉善哉男
子善持禁戒精進无懈當生我國我
能令汝住十住位既見佛已心生歡
喜以是因緣捨身則得往生淨國位
階十住乃至得阿耨多羅三藐三菩
提是人若行毗梨耶波羅蜜成就大
力身心无病健行布施戒波羅蜜人
天龍鬼阿修羅等志來供養礼拜是
人乃至得阿耨多羅三藐三菩提是人若
行羼提波羅蜜時得法緣忍不覺不
見一切衆生是人若為一切衆生之
所割剥終不生於一念惡心乃至得

阿耨多羅三藐三菩提常為人天之
所供養是人若行禪波羅蜜獲得法
緣禪定解脫十方諸佛无時不念乃
至得阿耨多羅三藐三菩提常為人
天之所供養是人若行般若波羅蜜
時常為諸佛菩薩所護樂於寂靜調
伏心界了了通達一切法界心無疑
閼人天不能沮壞其心乃至得阿耨
多羅三藐三菩提常為人天之所供
養善男子受是行已往娑婆世界不
應生怖善男子若淨世界所損之人
悉在彼土所謂五逆謗方等經毀訾
聖人犯四重禁如是人等多共汙辱
娑婆世界釋迦如來本願因緣於彼
現身善男子若彼世界所有惡人間
是行已七年之中修慈悲心離口四
過修集六念善男子是人復當淨自
洗浴著鮮潔衣向於東方至心作礼
誦如是等行陀羅尼乃至七年所有
諸惡皆悉除滅若有女人能如是行
即轉女身得男子身乃至得阿耨多
羅三藐三菩提今時世尊即說此陀
羅尼

舍羅那脾地一式又脾地二密堤脾地

波羅呵那脾地四律提脾地五因提利

地脾地六婆羅脾地七蒲澄伽脾地八

三摩提脾地九陀羅尼脾地十又提脾

地十一長那脾地十二阿留波脾地十三阿尼

闍脾地十四末力伽脾地十五阿邨若脾

地十六波羅提散比陀脾地十七復弥脾

地十八邨陀脾地十九摩訶咩羅脾地二十

摩訶伽留那脾地二十一卑利癡比脾地二十二

薩埵脾地二十三陀摩脾地二十四多摩脾

地二十五阿路迦脾地二十六波羅提婆娑脾

地二十七波羅堤首六迦脾地二十八伽伽那

脾地二十九摩留多脾地三十首若咄脾地三十一

波羅提多脾地三十二阿尼蜜多脾地三十三

具沙脾地三十四靳遮那地三十五阿比婆娑三十六

阿菟那三十七阿菟那三十八阿婆訶遮遮三十九

遮遮羅比牟四十又地比牟四十一阿摩脾地

比牟四十二阿三牟陀遮羅比牟四十三車陀

比比牟四十四阿迦舍比牟四十五蒲波舍摩

比牟四十六阿那婆娑娑比牟四十七阿訶訶比牟

四十八阿羅波邏比牟四十九郁波舍摩娑利

羅比牟五十莎呵一

尔時香象王菩薩白佛言世尊我當

受持讀寫大行陀羅尼已往娑婆世界是時彼土多有無量菩薩摩訶薩俱從定起共白佛言世尊我亦欲往娑婆世界覲見礼拜釋迦如來聽受諮啓大集經典佛言善哉善哉善男子欲往隨意今正是時善男子汝等可化作帝釋像時香象王菩薩摩訶薩及其大衆悉皆變身為帝釋像俱共發來詣娑婆界到已即於娑婆世界雨散諸香所謂牛頭栴檀匂堅鞭香多摩羅拔沉水諸香多伽羅香以用供養釋迦如來今時香象王菩薩與其大衆從空而下頭面礼佛右遶三匝却坐一面

大方等大集經卷第三

壬寅歲高麗國大藏都監奉

勅彫造

大方等大集經卷第三十二

國

北涼天竺三藏曇無讖譯

日密分中四方菩薩集品第三之二

尔時西方過四十恒河沙等諸佛世界有佛世界名曰堅幢具足五淨其土有佛名高貴德王如來應供正遍知明行足善逝世間解無上士調御丈夫天人師佛世尊今現在宣說法要教化衆生彼大衆中有一菩薩名光密功德仰瞻虛空見諸菩薩從西方來趣於東方見已白佛言世尊何因緣故無量菩薩從西方來趣於東方佛言善男子東方去此四十恒河沙等世界彼有世界名曰娑婆具足五淨釋迦如來以是因緣為諸衆生宣說妙法名曰大集分別三衆為不斷絕三寶性故破魔界故堅法幢故一切十方無量諸佛悉集彼國咸共宣說寶幢陀羅尼說已各各還本住處釋迦如來為諸菩薩及聲聞衆敷揚宣說四無所智清淨梵行善男子汝今頗欲詣彼世界見彼佛不我今

亦欲與彼佛欲所謂斷業陀羅尼隨
無願定成就具足无量功德能斷欲
貪色无色貪憍慢慢我慢乃至盡
智無生智得阿耨多羅三藐三菩提
今時世尊即說陀羅尼句

舍那舍婆一摩舍那舍婆二阿婆又舍三
又颺舍婆四遮颺舍婆五輸盧多舍
婆六其浪那舍婆七規貺婆八迦地舍
婆九摩那舍婆十又婆那陀十一遮颺卑
利癡比又婆十二輸盧多阿婆又婆十三
其浪那泝祇又婆十四視貺婆由又婆十五
迦地迦邏摩又婆十六摩那烏闍又
婆十七阿路迦若地又婆十八頻闍散迦
羅摩又婆十九安仇邏却伽又婆二十三
摩流波脾地又婆一舍摩迦闍又婆二
又地邏婆又婆三扇多脾娑邏又婆四
那奴那五泥那奴那六阿婆泥那奴
那七那地波那移那奴那八伊槃都
頭呿寫莎呵九

今時佛告光密功德言善男子汝持
是持至彼世界先問起居然後說之
時諸菩薩白佛言世尊我已受持是
陀羅尼我雖欲往然生畏想何以故

曾從佛聞彼土衆生惡見成就多貪
恚癡隨女人語能速造作阿鼻獄業
佛言善男子汝非彼土諸四天下二
界中間二十一日大金翅鳥恐怖大海
六万四千億諸大龍王令得歸依佛
法僧寶發菩提心耶世尊實如聖教
善男子國土无旱汝非象龍馬龍金
翅鳥龍於七日中降注大雨令諸惡
龍生恐怖耶世尊實如所言善男子
汝於如是諸惡龍中猶不生畏何緣
而今生怖畏耶世尊譬如智人聞於
他處多有寶藏是人即往以抓把之
把已漸見心生歡喜竟無疲厭我亦
如是因問如來得聞如是實語因聞
是語得大勢力能執佛印調伏彼土
佛言善哉善哉善男子我當施汝大
神良呪能淨諸業淨於因緣淨於調
伏淨於欲淨增長淨平等淨惡風淨
行淨无明淨生死淨一切煩惱淨一切
三界有為之法淨於彼此是名曰呪
善男子如是神呪彼國聞已上中下
結皆悉微薄色无色有亦復如是皆
得起越恒河沙等劫中諸業一切五

有身口意惡皆能令淨善男子若有
人能聽受是呪持諷誦讀乃至七日
至心不忘當知是人一切惡罪皆悉
消滅除五逆罪謗方等經毀訾聖人
犯四重禁是人所求乃至菩提隨意
即得若欲修行檀波羅蜜亦得成就
乃至般若波羅蜜亦復如是善男子
娑婆世界所有衆生無有因緣得呵
責法何以故十方世界所可損遺諸
惡衆生皆往生彼娑婆世界是故能
作五逆惡罪謗方等經毀訾聖人犯
四重禁是人以是業因緣故多生惡
道受無量苦既受苦已又不能得十
善之法以是因緣復還生於娑婆世
界是人若本修集信根乃至慧根終
不生於弊惡國土以修如是惡法因
緣故生於惡國諸根殘缺不具人身
無有念心飲食衣被卧具醫藥嚴身
資生所須難得壽命促短不得安眠
智慧善根福德不具吉事甚少无有
慈心樂行惡業樂修惡見樂讀邪書
樂信惡友樂發惡願多諸病苦多惡
遷務常意增長三惡道法敬事邪神

受性弊惡調戲嫉妬具足成就諸不善業樂謗三寶樂行三惡道善男子是惡衆生聞是呪已於生死法而生悔心離三惡道修集信根乃至慧根亦樂修行六波羅蜜清淨梵行增壽益算除惡病苦智慧熾盛親厚无損一切善法無有耗減具足成就十善之法長益三寶樂修法行令諸衆生具足如是无量善法善男子釋迦如来娑婆世界若有衆生受持禁戒敬信三寶諮啓妙法讀誦書寫得歡喜心以是因緣即得過於三惡道業若有未來重惡之罪即現在受苦小遇頭痛若失財物眷屬離壞惡名遠聞若被打罵則得除滅善男子如是神呪成就具足無量功德能壞一切所有惡業能為衆生作大利益能浣衆生无量惡心作大光明得大念心作大寂靜是人常為十方諸佛菩薩聲聞緣覺諸天龍鬼神王之所擁護是人臨死得見十方無量諸佛聞佛所說諸佛讚言善哉善哉善男子汝來生我淨妙國土我能令汝速住十地

是人尋時生歡喜心歡喜心故則得深信以是因緣則得生於淨妙國土生已即階十位正位得阿耨多羅三藐三菩提善男子汝可受持如是神呪讀誦通利向娑婆世界先往問訊釋迦如來然後宣說今時世尊即說此陀羅尼

却伽波利車陀_一竭婆叉斯_二竭婆吟_三
邨陀波邏婆伽老_四叉婆俞岐_五波邏
提呵吟_六舍摩邨思迦提_七三摩咩伽
受徒_八阿叉地邨泚_九叉波婆叉_十尼陀
邨闍徒_{十一}三摩邨闍徒_{十二}阿陀舍地闍
徒_{十三}比波邏婆闍徒_{十四}斯叉闍徒_{十五}
斯若闍婆闍徒_{十六}娑利羅仇呵闍徒_{十七}
沙羅仇呵闍徒_{十八}廁婆邨拘施_{十九}
婆陀邨拘薄_{二十}思婆陀邨緹_{二十一}比婆波
邏羅泚_{二十二}優波迦羅摩邨緹_{二十三}阿邨婆
哆羅吟_{二十四}波羅提迦邏咩邨_{二十五}婆迦
地施_{二十六}婆盧遮邨娑咩咩迦邏地陀吟_{二十七}
迦摩娑施_{二十八}阿舍却岐_{二十九}邨地軍祇_{三十}
邨陀婆嚩_{三十一}基離邨婆嚩_{三十二}留遮婆
嚩_{三十三}婆咩摩迦吟_{三十四}舍利地婆嚩_{三十五}
等伽闍徒_{三十六}訶利拘邨婆_{三十七}邨地邨

目吟

三

婆羅叉拘羅

九

那地那受吟

四

因陀羅婆娑婆寧

四

烏阿

二

阿婆阿

阿邏婆阿

四

婆邏阿

婆邏

五

婆娑伽

豆佉尼提羅涅脬希

六

沙呵

七

今時彼佛說此陀羅尼已時彼會中

復有無量菩薩大眾同聲讚言善哉

善哉我等今日亦欲往彼彼佛告言

宜知是時汝若往者一切變身為那

羅延像皆言如是世尊今時光密菩

薩與諸大眾一切化為那羅延像俱

共發來至娑婆界既至此已於虛空

中雨細金沙持以供養釋迦如來既

供養已從空而下頭面敬礼右遶三

匝却住一面

今時北方過於八万恒河沙等諸佛

世界彼有世界名普香身具足五淨

是中有佛号德華密如來應供正遍

知明行足善逝世間解無上士調御

丈夫天人師佛世尊今現在為諸眾

生宣說法化彼大眾中有一菩薩名

虛空密在會聽法仰瞻虛空見諸菩

薩其數无量從北方來趣於南方即

白佛言世尊何因緣故無量菩薩從

北方來趣於南方佛言善男子南方過於八万恒河沙等諸佛世界彼有世界名曰娑婆具足五淨有佛世尊名釋迦牟尼今現在世為諸衆生宣說妙法分別三乘堅大法幢廣說法聚十方諸佛悉集彼國為諸菩薩解說寶幢陀羅尼已各各還歸本所住處釋迦如來數為大衆菩薩聲聞宣說法要多有秘密甘露之語若欲聽者可往彼國釋迦如來常發大願若有十方諸菩薩等來聽我語即得十八不共之法又復願言我成佛已願我土地具足上味彼佛世界所有菩薩有大念心精進持戒智慧具足猶如諸佛清淨世界修集禪定成就具足若入禪定其身放光或如一燈或如百千無量日月悉共集會聽佛說法若有十方諸菩薩等來至彼者皆從定起往至彼國覲見釋迦牟尼如來及其大會聽陀羅尼遊戲神通善男子汝若欲往娑婆世界彼土衆生壽命短促多諸惡病智慧善根福德善行皆悉薄少於三惡道不生怖畏

貪著財物心不清淨多懷嫉妬無有
慙愧樂行十惡是諸衆生或有雜行
捨是身已即於其國作大惡鬼乃至
作惡迦毘富單毘作惡鬼已收取地
味乃至一切果蔬菜穀米草木等味若
有食者身得惡病无有勢力是諸惡
鬼常伺衆生初生長大能斷其命是
故其土衆生短壽善男子我本修集
菩提道時亦常發願願我來世常勤
精進不休不息恭敬供養无量諸佛
聽受正法問難深義我當云何護處
胎者令其母子產生安隱若天龍鬼
若羅刹鬼若阿修羅若迦樓羅若緊
那羅若摩睺羅伽若拘鞞荼若荔藜
多若毗舍遮若富單毘若迦多富單
毘若受多羅若阿衛末羅若一行乃
至四行若起死尸鬼若毒蠱道若惡
藥若觸身心如是等事不能為是母
子作惡乃至生已乳哺飲食長養大
時不能作惡令其心濁乃至夢中亦
復如是常行十善樂施樂戒於三惡
道心生怖畏世尊有何呪藥能辨是
事時無量佛即時施我淨陀羅尼以

是持力令我於往無量世中調伏无量無數衆生勸之令行六波羅蜜我於无量無數世中常念何處有是妊身諸女人等防遮惡鬼乃至惡藥是故我往先教三歸教三歸已一切惡衆及諸毒藥无能加害是兒生已常得善心智慧具足身體無缺若遊行時常為无量善神擁護面貌端正衆生樂見樂修慈悲布施持戒忍辱精進處在寂靜樂修禪定近善知識具足智慧壞諸苦惱一切天鬼樂為供養厭離生死甘樂涅槃若發無上菩提之心即得阿耨多羅三藐三菩提若發辟支佛心即得辟支佛道若發聲聞心即得如實忍是諸衆生永離惡趣常行善道善男子我以如是無量方便調伏衆生為阿耨多羅三藐三菩提善男子若有衆生遇大重病取師子皮以呪呪之持與病者如其無皮若肉若骨若无肉骨若取糞塗及屎處土若無糞土以呪結索或作符書以與病者病即除愈若樹无華果以呪雨水持以澆灌便得華果若

先旱時求覓龜心五返呪之置龍泉
中則降大雨若多雨時壞敗穀麥城
邑聚落求鱗蛇皮七返呪之置龍泉
中霖雨即止若其國土多有怪異惡
風惡雨惡星日月應於七日中淨自
洗浴服食乳糜七日之中讀誦是呪
諸惡異恠尋即消滅善男子若有人
聞是陀羅尼所有煩惱尋即薄少入
正定聚善男子我以如是无量方便
調伏衆生令得修集六波羅蜜乃至
得阿耨多羅三藐三菩提善男子是
陀羅尼能為衆生作大利益能斷一
切諸惡重病能護一切妊身女人及
處胎者滅一切結知陰入界摧伏四
魔所有境界能令一切諸天歡喜令
諸惡鬼生知足想能令惡龍心大怖
畏能壞一切惡邪諸論令諸四姓心
生歡喜能令女人貪心自除令多聞
者念心堅牢坐禪之人心得善寂能
壞一切國土惡相令三寶種無有斷
絕能令法果增長无減能令佛法廣
普流布能壞一切無明癡聚能得盡
智及無生智尔時世尊即說此陀羅

摩那又^一阿婆又^二伽羅婆又^三闍羅

又^四摩摩那又^五又婆又^六摩陀又^七

那茶又^八那茶羅休^九比婆那吒^十却

伽那吒^{十一}阿吒那吒^{十二}究那吒^{十三}波利

究婆那吒^{十四}那茶那吒^{十五}富利迦那

吒^{十六}遮九婆羅那吒^{十七}劫鉗婆羅那

吒^{十八}佛迦羅那吒^{十九}帝婆留陀邏那

吒^{二十}三摩羅地那吒^{二十一}尸利拘婆那

吒^{二十二}憍多吒^{二十三}多茶羅婆^{二十四}摩留多

却婆^{二十五}提休又^{二十六}婆提邏酬^{二十七}控摩

那酬^{二十八}婆呵那富置^{二十九}散提邏闍婆^{三十}

阿摩摩闍婆^{三十一}摩休羅伽闍羅^{三十二}阿

涅那^{三十三}阿涅那邏婆^{三十四}阿涅那又^{三十五}

阿婆呵末力伽涅那又^{三十六}伊槃都豆

呿寫^{三十七}莎呵^{三十八}

畢竟盡苦是名為呪說是呪時彼大

衆中六万億人得如法忍復有六万

人入正定聚善男子我今以是淨陀

羅尼與彼佛欲汝當受持諷讀誦寫

時虛空密菩薩摩訶薩敬承佛教受

持讀寫是陀羅尼與无量菩薩俱共

發來至娑婆界悉自變其身為轉輪

王以種種寶供養如來頭面敬礼右
遶三匝却坐一面

大方等大集經日密分中分別說欲品第三

尔時頻婆娑羅王見無量菩薩或作
梵像及帝釋像那羅延像轉輪王像
從座而起敬意合掌在一面立尔時
日密菩薩摩訶薩即於佛前以偈讚歎
於諸足中軍殊勝 施諸惡見大光明
行正道者施法印 摧滅惡龍及四魔
堅堅法幢施解脫 以大法炬壞衆闇
親近善友修集定 愍衆生故說福田
佛法僧寶甚難得 人身信心亦復難
雖得人身善友難 得善友者壞煩惱
衆生闇行沒結河 如來船師能拔濟
四方諸佛遣我来 今於大會說與欲
日密菩薩說是偈已如其本土所教
誠事悉皆說之尔時世尊告舍利弗
是陀羅尼四方諸佛所與欲也為欲
利益此土衆生舍利弗汝當受持讀
誦書寫是陀羅尼於四衆中廣分別
說時虛空密菩薩摩訶薩復以偈讚
於佛

如來真實知法界 亦魔衆生正直道

若有真實生信心 是則能破三惡道
供養如來一香花 無量世受无上樂
无量世中身具足 亦得無上真智慧
若能一聞是捻持 即得摧滅諸煩惱
一切人天所供養 獲得无生及盡智
大方等大集經目密分中分別品第四

尔時世尊告四大菩薩善男子汝若
住此世界者隨意修集所有善法時
四菩薩及其大眾即便各各隨意入
定既入定已身出光明猶如一燈乃
至猶如無量日月尔時大德阿若憍
陳如承佛神力即作是念我今若問
如來一義如來因是或當分別廣說
如是四陀羅尼如來說時其聲必聞
娑婆世界衆生聞已疑網心壞於向
法中得大光明度於彼岸到正定聚
不墮惡道一切悉行純善之法作是
念已即從座起敬意默然合掌而立
尔時佛告阿若憍陳如汝將不欲問
大義耶如是世尊實欲諮啓惟願聽
許佛言憍陳如汝今知時我當破壞
一切疑網憍陳如言如佛經中說有
二種所謂愛與士夫行於生死云何

名愛云何士夫何故如來說二是二種
行於生死佛言善哉善哉憍陳如使
發斯問能大利益無量衆生是知時
問是如法問諦聽諦聽吾當為汝分
別解說憍陳如愛有三種所謂欲愛
色無色愛復有三種所謂有愛斷愛
法愛憍陳如云何欲愛所言欲者名
為放逸放逸因緣則為貪觸以觸因
緣則生樂想樂想因緣則熾身心熾
身心故樂行十惡十惡因緣則能增
長三惡道苦若受人身貧窮困苦貪
因緣故五道受生生在羊中多受苦
惱雖受是苦心無慙愧不生悔恨若
因少善還得人身愛心增長愛增長
故身口不淨造作无量諸重惡業乃
至五逆以是因緣復於地獄受大苦
惱一切受苦皆因愛心是故如來為
愛解脫宣說正法呵責欲法若有衆
生得聞如是呵責欲已觀欲如果如
大毒樹毒益行廁如刀如賊如旃陀
羅如熱鐵丸如惡雹雨如惡暴風毒
蛇怨家空野羅刹如煞害人如糞如
狂若有人能作如是觀是人所有愛

之與貪愛膩愛著愛宅愛熱愛憎等
法尋即除滅滅已念法樂法學法受
法取法勤求於法財法藏法淨法行
法歸依於法是人臨死獲得法念因
法念故尋得聞於十方諸佛宣說法
要教化衆生既聞法已心生歡喜生
歡喜故即得覩見諸佛色身是人捨
身生淨國土無三惡道常與善人遊
止共俱具足智慧捨施精進修集慈
悲調伏衆生斷煩惱習具足无量莊
嚴功德譬如香篋以盛衣服衣服皆
香篋香不減憍陳如若諸衆生善願
力故生淨國土共善衆生同共事業
亦復如是自增諸善彼善无減憍陳
如是故善男子善女人若欲自利利
他共利常當勤求依於善友憍陳如
若人能作如是觀察欲性之相當知
是人不久當得阿耨多羅三藐三菩
提世尊云何善友憍陳如夫善友者
所謂諸佛菩薩諸阿羅漢又善友者
即我身是何以故我常憐愍一切衆
生能說諸欲所有過患是故大衆應
受我語我所出語終无有二言不虛

妄不兩舌語非無義語非麁惡語所言誠實慈語悲語安衆生語我今當說諸欲罪過汝等應當一心受持既受持已脫三惡道疾得阿耨多羅三藐三菩提今時娑婆世界一切衆生同發聲言世尊唯願宣說欲之罪過我等今當至心受持佛言諸善男子有四種欲一者色欲二者形欲三者天欲四者欲欲是名為四云何色欲四大造色凡夫不見無我衆生生顛倒想見男女想上下色想是色可愛是色可惡因是顛倒見男女相故令貪欲未生便生生已增長是人因是遠離善根及善知識不能善護身口意業是故名為惡法之聚何以故不能觀察欲解脫故以是義故增三惡道受於地獄餓鬼畜生無量世中受大苦惱皆由貪欲貪欲因緣令欲增長若有智者觀察女色見不淨相皮膚肌肉筋骨血脉見已心樂修集是想如女身男身亦尔如近遠亦如是如此彼亦如是如他自亦如是是人若能修集是心即於貪愛疾得解

脫觀是身骨筋節相連心隨身行余
時繫心在於額上如棄許處心樂修
集如是相已身得寂靜不見惡相不
見惡事不見惡緣是則名為奢摩他
名心寂靜云何復名身寂靜耶是人
入定滅於入息既無入息何有出息
是則名為身心寂靜身心寂靜即舍
摩他之因緣也是人觀身所有骨節
離散如沙為風所吹見已即生空無
物想觀於虛空是則名為身心寂靜
是名因於舍摩他定而得解脫世尊
虛空相者是有為相不憍陳如有
為相世尊虛空若是有為相者為是
自相是他相耶憍陳如若能觀察一
切法界及有為界是名為自相何以
故若能觀察色寂靜者即見佛身所
以者何若人觀骨能令如沙為風所
吹是人能破色貪色欲能深觀察色
之實性是人所見皆如虛空十方諸
色空如琉璃於中復見無量諸佛乃
至十方亦復如是復見如來三十二
相八十種好十方世界亦復如是是
人若得悔生死法即自思惟我當問

佛如是虛空誰之所作當云何滅作是念已我已問已我已知已虛空之性無有作者當云何滅言虛空者无有覺觀無物无数無有相貌无出無滅一切諸法亦復如是作是觀時得阿那含果是阿那含悉斷一切貪欲之心唯有五事未能除斷一者色愛二者無色愛三忧四慢五者无明是人若得見如來身便作是念我當知數是人尔時觀少見少觀多見多復作是念如是諸佛從何處來復作是念如是諸佛無所從來去无所至我三界心是心因身我隨覺觀欲多見多欲少見少諸佛如來即是我心何以故隨心見故心即我身我即虛空我因覺觀見無量佛我以覺心見佛知佛心不見心心不知心我觀法界性無堅牢一切諸法皆從覺觀因緣而生是故一切所有性相即是虛空虛空之性亦復是空若有初發菩提心者當觀無量諸法因緣是人若發求聲聞心尔時即得无相三昧令彼無明永滅寂靜亦復獲得隨順空

忍是人若見虛空是空尔時即得身心寂靜是則名為空解脫門取阿羅漢則為不難若復修行滅定解脫為滅無量諸法因緣說是法時九万九千億衆生得修定忍八万四千衆生得修空忍六万衆生得空三昧解脫門二万衆生悉得現見諸佛三昧八万四千衆生得阿羅漢果无量衆生得須陀洹果復次憍陳如若比丘自觀己身作不淨想不能調伏自己心者是人次應諦觀死尸若青色若爛壞若赤色若腫脹若離散若骨白如貝當深觀心樂住何處知己即取如觀外色自身亦尔若青色乃至如貝如晝夜亦如是如夜晝亦如是如去來亦如是如來去亦如是尔時若見外物樹木人畜雜物皆作骨想作是觀已乃至命終不生貪心是人現在能離於欲他世未能是人若能獲得修空陀羅尼者即能觀骨作離散相如沙微塵若自若他不見色相如一微塵即時獲得虛空之相見一切色如青琉璃見已復觀虛空黃色能

觀黃色赤色白色雜色琉璃色若見地水亦如琉璃是人能觀一切大地如四指許若欲動者即以足指躡之令動隨意久近乃至大地樹木山河悉為之動若觀諸水作種種色或分陀利華優鉢羅華拘物頭華波頭摩華於一切水行住坐卧觀一切山作種種色其形細軟如毘羅綿而於其中行住坐卧又自觀才輕漂如風作是觀已能遊虛空行住坐卧是人復入火光三昧身放種種妙色光明又復遊入焰摩迦定身上出水身下出大作如是等大神變已復作是念我當云何得見諸佛今時隨其所觀方面悉得見佛多觀多見少觀少見見已復念諸佛世尊无所從來去無所至我三界心是心因身我隨覺觀欲多見多欲少見少諸佛如來即是我心何以故隨心見故心即我身我即虛空我因覺觀見无量佛我以覺心見佛知佛心不見心心不知心我觀法界性無堅牢一切諸法皆從覺觀因緣而生是故法性即是虛空虛空

之性亦復是空我因是心見青黃赤白雜色虛空作神變已所見如風無有真實是則名為共九夫人如實陀羅尼是人復作是念若有虛空即是無取无有覺觀不可宣說如我心離觀虛空相亦觀心相不作遠離離一切作不作發心設發尋滅以心緣滅故是心便滅淨身口意修集滅定是人長夜繫心在定從滅定起捨其壽命入於涅槃是名不共九夫如實陀羅尼云何名為共九夫人如實陀羅尼若有能作如是思惟我隨意觀色即是見色即是我心我心即色如我遠離一切色相觀虛空相是人今時修虛空相是則名為共九夫人如實陀羅尼若有能作如是觀色即是虛空我以如是色因緣故得觀虛空虛空之性名无障碍是風住處如是風者因四大生我是色相亦復如是因四大起虛空風色等无差別一切法性性自空寂觀自他性亦復如是虛空者即是無生无滅作是觀時繫念如來作是念已見虛空中有無量佛

即時獲得阿耨含果是名不共九夫
如實陀羅尼也復作是念言虛空者
即是我也即是淨我即是我心我者
無色如空无邊我亦如是是名共九
夫如實陀羅尼若有能觀一切法中
無我无我所言空處者即是无我色
無有我若念如来若觀如来即是我
也我見佛已得沙門果乃至阿羅漢
果是名不共九夫如實陀羅尼也若
觀淨我者即是空處空即我心若能
永斷一切煩惱即是淨心若能修集
八直正道是名淨心能如是修即能
獲得演陀洹果乃至阿羅漢果是名
不共九夫如實陀羅尼復有觀色觀
色相者即分別相分別相者即是瞋
相瞋恚相者即生死相我今為斷生
死相故觀心相空是名共九夫如實
陀羅尼又復觀我即是寂靜我今亦
未斷於覺觀若我觀我我如虛空我
我者即是苦苦所從生即名為集如
是苦集是可斷法是名為滅觀苦集
滅是名為道得演陀洹果乃至阿羅
漢是名不共九夫如實陀羅尼又復

念言我何以故觀於虛空空者即我
我若遠離虛空觀者次觀識處如虛
空觀識觀亦尔如空無邊心亦如是
是名共九夫如實陀羅尼若能觀識
即是苦者知苦所從名之為集若集
可斷是名為滅觀苦集滅是名為道
得須陀洹果乃至阿羅漢果是名不
共九夫如實陀羅尼若觀識處即是
覺觀瘡疣煩惱如我遠離空處識處
修無想處是人修无想已得無想定
是名共九夫人如實陀羅尼若觀識
處即是瘡疣苦惱之法如我遠離觀
於識相次觀無想相言无想者即是
無我无我所相作是觀已即得須陀
洹果乃至阿羅漢果是名不共九夫
如實陀羅尼若有能觀无想處者即
是細想如我遠離是無想處觀非有
想非无想處是名共九夫人如實陀
羅尼若觀非想想非非想處即是大苦
是處可斷可得解脫作是觀時得須
陀洹果乃至阿羅漢果永斷一切欲
貪色貪離九夫名得聖人号永斷一
切三惡道因是名如實陀羅尼也是

彼諸佛之所遣來日密菩薩所贊持
欲能斷一切諸結煩惱一切惡見我
見取見戒見常見斷見命見作見士
夫見受見色見觸見出見四大見能
斷如是等見是陀羅尼善能了達陰
入界等能淨諸見能令受者永受安
樂沮壞衆魔調伏惡龍令諸天喜壞
阿修羅調迦樓羅能喜刹利婆羅門
毗舍首陀能斷惡欲令坐禪者貪樂
寂靜能療一切諸惡重病能防一切
諸惡闕訟能增法界能護三寶能得
盡智及無生智壞无明衆如來說
是陀羅尼時無量衆生得須陀洹果無
量衆生得阿羅漢果无量衆生獲得
是持無量衆生發阿耨多羅三藐三
菩提心无量衆生得無生忍

大方等大集經卷第三

壬寅歲高麗國大藏都監奉

勅彫造

大方等大集經卷第三十三

國

志

隋天生三藏都連提耶舍譯

日密分中分別品第四之三

尔時阿若憍陳如白佛言世尊云何
名為蓮華陀羅尼如日密菩薩之所
宣說智者受持讀誦書寫得大利益
不樂三界得無相解脫門者皆能斷
諸煩惱七返常受人天之身雖在欲
界不為欲汙諸天世人常所恭敬佛
言憍陳如所問蓮華陀羅尼者非諸
聲聞緣覺所知是陀羅尼乃是十八
不共法行憍陳如假使我於無量劫
中宣說是持終不可盡亦令聞者生
迷悶心是陀羅尼唯佛能說唯佛能
聽何以故是陀羅尼難知難解餘三
亦尔世尊唯願如來當說如空空行
陀羅尼憍陳如至心諦聽當為汝說
憍陳如若有一眾生放逸因緣生觸欲
心是人不知解脫之處流轉生死無
量世中在三惡道受大苦惱菩薩摩
訶薩見諸眾生受如是等无量苦惱
生憐愍心勤行不息遍修諸道作是行

已得阿耨多羅三藐三菩提得菩提已說
苦解脫衆生聞已即得脫苦苦解脫
者即是初果乃至阿羅漢果憍陳如
云何觸欲言觸欲者二身共合因身
合故則生於觸因觸生樂因樂生苦
苦因緣故生死苦惱從是而生憍陳
如如四毒蛇以四因緣能害衆生見
噓齧觸欲亦如是有見因緣有聞因
緣有念因緣有觸因緣因是四緣令
諸衆生遠離一切諸善根本於生死
中受大苦惱憍陳如云何名為觸欲
解脫若有比丘能觀白骨作是思惟
色者即是四大所造四大所造即是
無常性无堅牢離散之法皮毛肉血
智者云何於是身中生淨好相作是
觀已悉於一切十方淨色即時獲得
不可樂相是比丘復作是念我於是
相樂修集者則得斷除一切煩惱生老
病死是名舍摩他若觀足骨乃至頭
骨是名毗婆舍那既得如是毗婆舍
那舍摩他已觀息出入見息出時即
作是念如是風者從何處來去至何
處如是觀時遠離身相生於空相不

見內法名內空不見我所及外色相是名外空觀內外色空復作是念我今修集入息相已作大利益能壞一切內外諸色我壞如是內外色相皆是入息觀因緣也以是因緣令我不見內外諸色我无色相即是空力我今定知一切諸法無有去處无有來處作是觀已所有覺觀一切永斷復觀是識知是一切覺觀因緣我當遠離心意識行何以故若有生者當知定滅作是觀時得須陀洹果乃至阿羅漢果或有獲得如法忍者或得菩提若觀覺觀是滅相者即得滅定是名不共九夫如空陀羅尼是持成就無量功德永斷无量諸大苦惱說是法時九万二千衆生得須陀洹果六万衆生得阿羅漢果九万九千衆生得如空陀羅尼八万衆生得辟支佛果八千億衆生發阿耨多羅三藐三菩提心無量衆生得不退心尔時阿若憍陳如白佛言世尊高貴德王佛所持來欲隨无願陀羅尼唯願如來分別解說憍陳如我今當說至心

諦聽憍陳如有諸衆生觸欲繫縛不知解脫是人應觀無願解脫作如是念欲欲色欲及无色欲觸欲解欲知是諸欲因覺觀生諸行因緣如是諸行無有作者无有受者因風而生我身口行亦復如是因風而生因是風故身得增長因是風故口得增長如我觀風即入出息諦觀一切身諸毛孔從風因緣復觀一切不淨之物復觀是身命終之時是尸更无風息入出復作是念我身口行因緣於風若無風者无身口行因緣是故念時得空三昧修集增長因修集故能斷欲貪乃至觸欲作是觀已得須陀洹果乃至阿羅漢果或有發阿耨多羅三藐三菩提心念時善意覺觀菩薩摩訶薩白佛言世尊若聲聞人修不淨相得成相已有何等相善男子若為破壞欲貪之結修不淨相繫心眉間自觀身骨是名一相若觀自身及以他身是名二相又觀一切恙是不淨是名三相是人能觀苦集盡淨名舍摩他得煖法相是人如是觀白骨時

見智如燈觀身四行乃至微塵是名
頂法觀四真諦是名聲聞不淨觀成
就獲得舍摩他定是名白骨觀相觀
是相時得八正道因八正道得須陀
洹果乃至阿羅漢果善男子光明佛
土聲聞之人觀如是法即得道果說
是法時無量衆生得如法忍無量衆
生得如實忍今時世尊復告憍陳如
若四真諦可一念證者如來應為一
切衆生演說一行一法一事若一人
證時一切衆生亦應同證何以故煩
惱同故亦不應有八万法聚差別之
異憍陳如是故衆生應以種種因緣
調伏不以一緣憍陳如一切衆生非
實一乘一行一貪一念一欲一解一
信是故如來宣說種種句偈名字種
種法門以是義故如來具足十種神
力憍陳如一切衆生具有種種顛倒
之相是故如來為淨顛倒說无常相
苦相無我相脹相爛相青相壞相離
散等相世尊云何名為一切世間不
可樂想云何復名食不淨想佛言憍
陳如汝今不應問如是事何以故彼

界得道此界得道其相各異憍陳如
我若具說衆生聞者或生迷悶世尊
唯願憐愍為諸菩薩能信解者分別
宣說世尊是諸衆生若聞宣說如是
二相能種善子增長善根能破無明
世尊一切衆生癡愛因緣樂於生死
是故生死無始无終世尊一切衆生
以食因緣增長貪欲世尊一切衆生
初未得聞如是二相是故流轉生死
五道受大苦惱如來世尊大慈大悲
無量世中常念衆生唯願如來憐愍
故說不可樂想食不淨想若佛宣說
不可樂想食不淨想衆生聞者不生
欲貪不生食貪世尊若有衆生能苦
呵責欲心食心當知是人速到彼岸
佛言憍陳如至心諦聽我今當說一
切世間不可樂想食不淨想憍陳如
世有二種一衆生世二者器世衆生
世者所謂五道衆生器世者欲界之
中有二十處色界十六無色四處云
何欲界有二十處八大地獄二地獄
有十六圍遶一者等活二者黑繩三者
衆合四者叫喚五者大喚六者熱七

者大熱八者阿鼻地獄若有衆生身
口意惡惡生如是大地獄中受大苦
惱是諸衆生雖見妙色不生樂想以
是因緣復生大苦聲香味觸亦復如
是有智之人觀是事已生不樂想憍
陳如若觀畜生其身細小猶如微塵
十分之一有如微塵乃至如粟有一
由旬乃至百千万由旬等是諸衆生
或有壽命如一念頃至七念頃或有
一切至千万劫頃是諸衆生无有法
行智慧慙愧憐愍之心當受苦惱生
太怖畏各各常生相害之心遠離一
切諸善之法常行黑闇常行邪道是
故智者修不可樂想憍陳如智者復
觀餓鬼之身或長一尺或如人等或
百由旬或如雪山常患飢渴裸形无
衣被髮纏身無有慙愧羸瘦骨立身
無血肉各生惡心心無憐愍濕冷諸
氣永无復有或食鐵漿鐵麩鐵丸熱
糞熱膿熱血熱風熱草熱果然不能
得恒不供足壽千万劫常受苦惱行
於黑闇智者觀已修集世間不可樂
想憍陳如有智之人次觀人身一切

皆有生苦老苦病苦死苦愛別離苦
怨憎會苦求不得苦飢渴困苦欲苦
瞋苦嫉妬等苦兩舌惡口寒熱等苦
諸惡獸苦惡王等苦是人身中受如
是苦智者云何而不修集不可樂想
憍陳如智者云何觀於欲天不可樂
想智者觀初欲界六處是中衆生欲
愛所焦所受果報不等故苦无常故
苦取苦盡苦愛別離苦智者云何於
中不修不可樂想次觀色界十六住
處是中諸天修世禪定有漏故苦无
寂靜苦所欲故苦有勝定苦善法藏
苦未解脫苦不知彼岸不盡地獄餓
鬼畜生人因緣苦觀是苦已智者即
修不可樂想復次色界衆生或有修
集无漏禪定是等不能具足八正道
苦欲具八正道方便時苦得無學地
不自在苦不得緣覺三昧故苦不得
如來三昧故苦

不能觀察一切衆生境界故苦如是
衆生於色界中若入涅槃受如是苦
智者云何於色界中不修世間不可
樂想次復觀察於無色界不可樂想

彼中衆生修有漏三昧苦學地不得自在苦又不得聽聞正法故苦不能畢竟斷受故苦捨命退時生邪見苦不能永斷三惡道苦捨命墮苦知如是時修集世間不可樂想復次憍陳如世間者即是行行有三種身行口行意行身行者謂入出息口行者所謂覺觀意行者所謂想受是三種行其相是一智者云何能分別知智者觀息出入數時深觀息之冷煖乃至一切毛孔入出是人觀息諦知是息本无今有若本無今有是无常相無決定相如電盡水如是觀時得身行相觀如是相從何因緣即知是相因於覺觀覺觀之性本无今有是故无常是可斷法是可解脫是覺觀相因心而生心亦本無今有本无今有是无常相可破壞相无歸依相無有物相无有我相作是觀時於諸行中心則生悔能修世間不可樂想汝等比丘若能深觀如是三行則能永斷一切煩惱能淨正見斷生死法成平直道正聚所攝得須陀洹果乃至阿羅

漢果憍陳如智者於諸行中修不可
樂想憍陳如云何比丘觀所著衣作不
樂想若有比丘裁衣縫衣見衣觸衣著
衣脫衣觀如是時如血塗皮爛臭可
惡蟲所住處無可樂處如是觀時於
衣貪心即時除滅憍陳如云何修集
食不樂想若有比丘執持鉢時如血
塗髑髏爛臭可惡蟲所住處若得食
時應觀是食如死尸蟲若見麤時如
未骨想得飯漿時作糞汁想得諸餅
時作人皮想所執錫杖作人骨想得
乳酪時作膿血汙想若得菜茹作騷
毛想得種種漿作生血想憍陳如苦
有比丘作如是觀是名於食不可樂
想憍陳如云何於房舍生不可樂想
比丘若入房舍之時應生是念如入
地獄受諸苦惱如是房舍即是和合
所有材木即是人骨土是人肉乃至
一切牀榻被褥亦復如是作是觀時
是名世間不可樂想若能觀察如是
想者是人即得如實法忍隨空无相
無願等忍是人樂修空相因修空相
見一切法悉是生滅苦空无我觀

陰入界十二因緣一切法性苦空無
我如是見已即得須陀洹果乃至阿
羅漢果憍陳如修集世間不可樂想
能斷欲貪色无色貪一切憍慢疑怖
無明乃至得无學地是名具足隨無
願陀羅尼憍陳如是陀羅尼能破一
切惡魔乃至能令三寶增長說是法
时无量衆生得法眼淨無量億衆諸
漏永盡八部由他衆隨无願陀羅尼
無量衆生發阿耨多羅三藐三菩提
心五万八千衆生得不退菩提心无
量衆生得如法忍今时无量衆生白
佛言世尊一切衆生若聞是法云何
不發阿耨多羅三藐三菩提心我今
護持聽受是法佛言善哉善哉諸大
檀越汝等今者欲護大法因護法故
未來之世當得无量福德果報今時
舍利弗白佛言世尊德華密佛遣虛
空密菩薩摩訶薩所持來欲淨陀羅
尼唯願說之佛告舍利弗諦聽諦聽
善思念之當為汝說德華密佛所遣
來欲淨陀羅尼為壞此土衆生四倒
舍利弗此土衆生實無有我顛倒心

故橫生我想智者深觀知無有我作
是觀已則破顛倒舍利弗云何智者
觀於无我所謂觀身諦知無我何以
故以和合故復次觀眼亦无有我何
以故四大合故若眼轉瞬即是風力
如是風者因於虛空去來迴轉而虛
空性性無所有亦不可說若无所有
不可說者即是無我是故虛空實无
有我是空中風亦復無物不可宣說
是故无我如觀風地亦是地亦無
物不可宣說是故无我水火亦是
故當知眼之四大亦復無物不可宣
說是故无我若復有言眼色因緣故
有我相者是義不然何以故眼中无
我色亦如是而和合中亦復無我和
合因緣生於眼識而是識中亦復无
我因識生色名為名色名色因緣
生於六入六入因緣觸觸因緣受受
因緣愛愛因緣取取因緣有有因緣
生老病死等如是等法因眼識生而
是眼識亦復不從十方而來所因之
念生眼識者是念亦滅眼識不住於
二念中亦不語念汝住我滅而是滅

法亦無處所是故諸法緣合故生緣
離故滅若因緣故生无緣則滅是故
當知實無有我而是因緣亦无作受
無有作者是故无我若無我者我所
亦无是故眼性無我我所无合無散
即是生滅一切諸法亦復如是一切
法性无取無捨非諸聲聞緣覺諸佛
之所造作如眼識空一切法空亦復
如是作是觀時得空三昧門或得須
陀洹果乃至阿羅漢果觀眼既然耳
鼻舌身亦復如是觀身无我我亦無
我皮毛血肉筋骨膿髓腸嚙煖氣上
下諸風壽命名字皆无有我直以衆
緣和合故名為身身觸因緣故生身
識識因緣名色名色因緣六入六入
因緣觸觸因緣受受因緣愛愛因緣
取取因緣有有因緣生老病死等如
是等法因生身識而是身識亦復不
從十方而來所因之念生身識者是
念亦滅身識不住於二念中亦不語
念汝住我滅而是滅法亦无處所是
故諸法緣合故生緣散故滅有緣故
生無緣故滅是故當知實无有我而

是因緣亦無作受无有作者是故無
我若无我者我所亦無是故身性无
我我所無合无散即是生滅一切諸
法亦復如是一切法性無取无捨非
諸聲聞緣覺諸佛之所造作如身識
空一切法空亦復如是作是觀時得
空三昧門或得須陀洹果乃至阿羅
漢果舍利弗若有比丘能如是觀眼
身無我當知是人得三昧門為諸天
世人之所供養說是法时无量衆生
過去惡業悉得除滅無量衆生得法
眼淨无量衆生得須陀洹果乃至阿
羅漢果九万四千衆生獲得如是淨
陀羅尼無量衆生發阿耨多羅三藐
三菩提心无量衆生於菩提中心不
退轉无量衆生得如法忍無量衆生
得破欲貪色无色貪無量衆生得隨
空无相願陀羅尼無量衆生成就不
淨觀无量衆生成阿那波那或得舍
摩他或得毗婆舍那或得性地或得
聲聞辟支佛法或得菩薩法一切女
人聞已悉得轉於女身欲界衆生悉
受快樂如三禪地今時一切天人八部

供養於佛歡喜而住

今時頻婆娑羅王白佛言世尊此世界
中无量菩薩所可成就光明妙色
我從本來初未曾見初未曾聞世尊
是菩薩光能照一切娑婆世界若是
菩薩近於阿耨多羅三藐三菩提者
其光云何大王若有菩薩成就無上
菩提道者其光能照十方世界何以
故善法莊嚴諸功德故成就具足莊
嚴法故一切善根多增長故以近無
上菩提道故畢竟無上菩提道故受
於如來正法果故分別演說無邊法
故所得身无罣碍故獲得清淨真
實法故所可修集到彼岸故未來世
業已得盡故成就無量佛正法故能
轉无上妙法輪故於一切法得自在
故通達一切衆生根故永斷一切煩
惱習故是故光明悉能遍照十方世
界大王隨佛功德大勢力故亦能觀
見十方諸佛王言世尊我今欲見十
方諸佛菩薩聲聞今時世尊告阿若
憍陳如若我弟子聲聞之人在家出
家是人各各深自思惟所有善法我

亦欲入如來三昧若有人天得如實
忍若有不退於三乘者如是衆生亦
入於定復有衆生於三寶所得信敬
心亦復如是入於禪定今時世尊即
入三昧其三昧名一切佛境界行智
廣如虛空一切智者喜日月光明如
是三昧聲聞緣覺及諸菩薩所不能
知不能計量是名佛境界三昧如來
入是三昧已娑婆世界百億四天下
百億須彌山百億日月乃至百億有
頂如是等土悉入佛身娑婆世界地
獄餓鬼畜生天人有受苦者皆得除
滅一切歡喜譬如比丘入第三禪所
有一切菩薩摩訶薩悉從定起見佛
光明見光明已自所有光尋滅不現
一切聲聞所受快樂譬如比丘入第
三禪今時一切無量衆生悉皆自覩
如來毛孔一一毛孔出無量光如恒
河沙等日月光明亦如恒河沙十住
菩薩所有光明如是光明悉能遍照
十方佛土今時十方諸佛世尊各告
大衆諸善男子汝等頗見釋迦如來
大光明不如是光明成就無量無邊

功德是光因於大慈大悲為於憐愍諸衆生故是故今者亦諸衆生大神變相一切衆生見是光已皆發阿耨多羅三藐三菩提心他方世界有諸衆生得神通者皆集至此娑婆世界其不得者遙礼供養亦時一切諸佛菩薩及聲聞衆皆悉來詣娑婆世界一切菩薩悉以七珍種種華香伎樂幢蓋供養恭敬尊重讚歎有諸衆生處佛身者皆悉見之見已復受無量快樂亦時娑婆世界一切衆生同共發聲作如是言我等以是善因緣故願後共生一國土中令得親見十方諸佛三惡業道已得消滅若有衆生見佛神變不發阿耨多羅三藐三菩提心者當知是人常行黑闇諸菩薩等為衆生故受種種苦或化作佛或作辟支佛或作聲聞梵天帝釋四天王王那羅延像自在天像龍像鬼像阿修羅像轉輪王像若有佛界應以聲聞得調伏者現聲聞像如是等化自非十住不能為也是故無上菩提之心成就無量無邊功德亦時一切

諸佛身內所有衆生以偈頌曰

以諸惡心因緣故 流轉生老病死者
以不親近善知識 是故不能到彼岸
若能遠離諸惡心 諸惡邪見惡因緣
能斷三有生死者 是則能到於彼岸
衆生難得於人身 得已值遇善友難
篤信之心復難得 得已難得聽正法
若有能發菩提心 是人能斷諸煩惱
亦能教化無量衆 現大神變如今佛
若能永斷二法者 所謂常斷二見等
若見一切行無我 是人名為善思惟
若能修集苦集諦 是人能斷諸煩惱
若能發起菩提心 是人則勝諸世間
說是偈已無量衆生發阿耨多羅三
藐三菩提心復有衆生發緣覺心復
有衆生發聲聞心或有衆生得無量
阿羅尼復有衆生得如法忍不退忍
如實忍或有獲得須陀洹果乃至阿
羅漢果

尔時波旬悉見娑婆世界在佛身內
見已悲泣涕淚橫流心生愁惱若坐
若起若行若立進止出入以手拍頭
亦受苦惱乃至一切魔之眷屬亦復

如是時魔波旬有一大臣名曰空樹
見魔愁惱而說偈言

何故愁惱而獨行 其心迷亂如狂人
所至之處心不樂 唯願天王說因緣
時魔波旬復以偈答

我見瞿曇大神力 是故生惱而狂行
內心躁動無安所 愁熱逼切及眷屬
覩見如來無邊身 悉受一切娑婆界
令我境界悉空虛 是故我今生愁惱
十方所有諸聖人 悉來集會此世界
大設供養供養佛 是故令我生愁惱
瞻覩如來大神力 及見眷屬歸依佛
我今獨行无伴侶 是故令我生愁惱
今時大臣復說偈言

我今多有諸眷屬 其心弊惡具器甲
力能破壞如來身 及能毀壞大神力
時魔波旬復說偈言

我今眷屬深畏佛 云何能壞神通力
若欲生心毀壞時 則自見身被五縛
是時大臣復說偈言

如其怨敵勢力大 當詐現親則可壞
若知瞿曇有大力 先當詐現親厚心
時魔波旬復說偈言

我若詐現親厚心 為欲毀壞瞿曇身
即現頸下繫死尸 為一切人所呵責
是時大臣復說偈言

切欲有是魔界 所有人天屬如來
願王切勅惡龍王 是能破壞瞿曇身
時魔波旬復說偈言

若汝審知龍有力 我已失心汝自約
若實能壞瞿曇者 我還得土及本心
今時大臣即便宣告諸惡龍王汝當
為我壞瞿曇身時諸惡龍將欲飛空
而不能動即語大臣敬奉來命欲往
毀壞適生此心便不得去今時大臣
即生怖畏作如是念我若今者現魔
大力令諸惡龍心生瞋恚以瞋恚故
則能毀壞瞿曇之身今時龍宮有化
死尸充滿側塞諸龍見已自於宮室
心不甘樂作是念言是誰化作此死
尸耶雖復思惟莫知誰為今時一切
四天下中諸大龍王及其男女大小
眷屬即出宮室至佉羅垺山其山平
坦廣縱正等四万由旬皆是先聖所
遊居處七寶具成乃至難陀波婆難陀
王亦捨位處至此山中四大海中

有龍王及其眷屬无量無邊伊羅跋
龍王善住龍王龜龍王阿那婆達多
龍王目真隣陀龍王德海龍王水德
龍王舍德龍王樂德龍王阿波那羅
龍王山德龍王牛德龍王伊羅跋多
龍王長臂龍王長駿龍王淨龍王迦
羯羅龍王水澍龍王黑駿龍王金色
龍王舍拘龍王念弥龍王象龍王利
牙龍王有行龍王疑網龍王長面龍
王赤眼龍王樂見龍王如是等閻浮
提土所有龍王其數八万并其眷屬
乃至四万四千國土所有龍王皆至
佉羅垣山北鬱單越有二龍王一名
無遍二名金身是二龍王與無量衆
及四万四千國土龍王亦至此山東
弗婆提有二龍王一名為月二名婆
私吒是二龍王與無量衆生及四万
四千國土龍王至此山中西瞿耶尼
有二龍王一名寶駿二名光駿及四
万四千國土龍王至此山中及四天
下四生龍王并其眷屬亦至此山是
諸龍王其身皆如四寸藥根以瞋恚
故身如須弥時魔波旬見如是等諸

龍王已告其眷屬諦聽諦聽以我力
故令如是龍從宮室出至彼大山志
失勢力不能毀壞瞿曇沙門

大方等大集經卷第三十三

壬寅歲高麗國大藏都監奉

勅彫造

大方等大集經卷第三十四

國

隋天竺三藏那連提耶舍譯

日藏分護持正法品第一

如是我聞一時婆伽婆在王舍城迦蘭陀竹園與大菩薩其數無量不可稱計前後圍繞及餘十方諸佛世界無量無數不可思議阿僧祇諸大菩薩聲聞之衆地及虛空皆悉遍滿俱來集會前後圍繞復有十方無量世界帝釋天王梵天王四天大王諸大龍王夜叉王乾闥婆王阿修羅王迦樓羅王緊那羅王摩睺羅伽王如是等無量無數不可稱計俱來集會復有欲界色界天龍夜叉羅刹乾闥婆阿修羅迦樓羅緊那羅摩睺羅伽等皆悉一心瞻仰如來今時世尊為諸大衆說虛空自安那波那甘露法門四無量已默然而坐娑婆世界地及虛空一切大衆亦皆默然合掌向佛瞻怖如來甘露法雨而無厭足猶如重病思遇良醫如在大闇思見光明如溺大河思登彼岸如遭急難思求

依護如是遍滿娑婆剎地及虛空
諸大菩薩及諸聲聞釋梵天王摩睺
羅伽王乃至人非人等合掌默然瞻
仰法王亦復如是。爾時衆中有一大
梵天王名曰功德蓮華光。已於昔日
供養无量無邊諸佛於諸佛所殖諸
善根於阿耨多羅三藐三菩提得不
退轉繫心緣法善修慈愍。即從坐起
合掌向佛而說偈言

大聖神通力 能速遍諸刹 如心无所障
光照十方國 巧說奢摩他 盡智及方便
阿那波那念 及四無量等 佛於三界中
生死際已捨 淨慧悉滿足 勝人天修羅
已離於愛縛 度疑到彼岸 了知諸菩薩
現證於佛法 衆生心亂故 墮在生死河
如盲無所見 常為苦所沒 遠離善知識
不聞清淨法 輪迴生死中 為諸結所縛
佛度生死海 慈悲故說法 為煩惱衆生
斷生死羅網 愛為煩惱本 諸衆生涂著
能仁巧分別 令盡生死際 以癡愛因緣
不修諸功德 若能斷之者 六根皆寂滅
大慈牟尼王 悲心為說法 聞已除癡愛
獲甘露涅槃

今時佛告功德蓮華光大梵天王而說偈言

過去修諸度 今亦如是行 不樂聲聞乘
及辟支佛地 復有諸衆生 數起瞋恚心
及念二乘等 是則為障導 以是諸障故
退失於佛法 不起是障者 得佛法滿足
有四生衆生 俱來至此刹 非唯愛欲身
非盡念不淨 是中 大智人 能行菩提道
已曾久修習 定忍持持等 能守護諸根
正念加趺坐 安住自境界 佛當為汝說
樂五衆衆生 為說不淨法 令斷於繫縛
七菩提分滿 我無嫉妬心 憐愍故為說
菩薩聞此法 不捨菩提心 十方一切佛
已曾住此刹 晝夜常加護 令佛法久住
汝等諸菩薩 愍此刹衆生 常生歡喜忍
令我法久住 我說聲聞法 為斷貪欲心
亦五陰諸入 及十八界空 十二著摩他
及毗婆舍那 能斷難斷愛 是人得清淨
顯說无漏行 聲聞四真諦 憐愍衆生故
為令法久住 說此四諦法 令度生死海
復告諸菩薩 汝等莫生疑 佛當為汝等
廣說菩薩行

今時此娑婆世界中所有衆生在佛

會者作如是念如來今者欲說聲聞
法不說菩薩道十方世界諸來菩薩
復作是念如來慈愍欲令我等於此世
界修諸禪行使三寶種不斷絕故於
此剎中所有天龍夜叉羅刹乾闥婆
阿修羅乃至人非人等未信者今信
已信者今增進故欲令一切衆生悉
受安樂捨諸疑悔滿足涅槃八正道
故令此佛剎有大福德具足熏修衆
善法故十方世界所有衆生作如是
念娑婆佛剎福德吉處我今恭敬尊重
供養禮拜彼佛剎中諸菩薩等各作是
念我今應當於此世界結加趺坐各各
入於種種勝忍陀羅尼門及諸三昧
放大光明利益安樂諸衆生故作是
念已即於此剎加趺而坐入于勝忍
陀羅尼諸深三昧是諸菩薩或有經
於百大劫中修菩薩行有得无生法
忍乃至十地具足修習十八不共四無
所畏等諸功德法各以勝忍陀羅尼
諸深三昧因緣力故放大光明其中
或有光如燈炬野火之明有如釋梵
諸天大梵王光又如一日之光二三四

五如是轉倍乃至百千万億日光此諸光明遍照三千大千世界其中衆生遇斯光者身心安樂皆大歡喜如人熱悶入清涼池是光能除衆生三惡道苦飢渴寒熱種種諸病及貪瞋癡邪見等患乃至能令三界獄中所有一恐怖厄難衆生令盡苦際是時此刹諸衆生等蒙光力故咸共深心恭敬供養尊重讚歎佛法僧寶默捨諸惡勤修善法從是諸光乃至遍照十方如恒河沙等諸佛世界淨穢等刹有佛無佛皆悉普照猶如重夜幽闇之中忽有百千万億日光俱時普照此及他方恒河沙刹土光明遍照亦復如是尔時十方恒河沙等諸佛世界有諸菩薩摩訶薩等承佛神力於一念頃來至此刹各在一面結加趺坐是諸菩薩或有已經百千大劫修菩薩行或有乃至具足十地皆悉修習十八不共四無畏等諸功德法各以善根福德力故入深三昧放大光明遍照三千大千世界其中所有魔王龍王乃至人天諸光明等皆悉下

現今時世尊告諸聲聞四輩等衆汝
今應知此諸菩薩摩訶薩等大善根
力入於三昧放此光明遍照三千大
千世界又彼十方諸佛如來曾於此
剎作佛事已而還本國今共加護此諸
菩薩摩訶薩等令入禪定現神通力
為令現在及未來世三寶久住不斷
絕故以是菩薩神通光明因緣力故
令諸天龍夜叉羅剎阿修羅迦樓羅
緊那羅摩睺羅伽人非人等未信者
令信已信者令增長於正法中發大
精進如法修行自在無碍得不退轉
乃至修學涅槃正道具足滿故是諸
菩薩隨所住處於當來世是中皆應
起立塔寺造作法堂安置舍利經法形
像以種種七寶而修供養所謂金銀
琉璃車渠馬瑙頗梨真珠珂貝璧玉
及上繒綵種種衣服牀榻卧具種種
幡蓋袈裟法服種種瓔珞華香末香
塗香燒香作諸音樂禮拜供養為令
恐怖生死衆生求涅槃道修功德故
今時世尊作如是言於未來世若有
善男子善女人於三寶所如是布施

我悉受之令彼衆生於三乘中隨其所樂得不退轉若復有人為供養故或造一舍一僧伽藍經行之處布施園林衣服飲食卧具牀褥種種湯藥而供養之或有建立講讀論堂經行禪室於中布施奴婢田宅象馬車乘駝驢牛羊種種諸物衣服卧具及諸湯藥資生所須令持法比丘身心安隱坐禪修道講讀論義如法修行具足莊嚴得勝自在涅槃道故欲令佛法久住於世故捨如是等種種諸物我於今時與諸菩薩及聲聞衆皆悉受之若未來世有善男子善女人為供養三寶故能捨如是種種諸物建立講讀論堂經行禪室給其所須我悉知見而生隨喜與諸菩薩及聲聞衆同共受用何以故為令是等得大果報於三惡道得遠離故隨其所欲於三乘中得不退轉乃至各於三乘而般涅槃故又善男子善女人以如是等種種諸物供養因緣故於未來世當獲二利何等為二一者法利二者財利隨所生處資財具足宿習因

緣故是諸物不生慳恡悉能捨施為
欲供養比丘比丘尼優婆塞優婆夷
故隨其住處或在山林樹下阿蘭若
處無憤鬧聲堪可坐禪係念之處建
立塔寺房堂靜室隨彼所須皆能給
施是比丘等受彼施已如法行故天
龍夜叉隨其所在皆悉擁護

今時佛告諸比丘言汝等當知十方
諸佛已曾於此娑婆世界入深禪定
現大神通破壞魔王及諸龍等慈愍
衆生故演說妙法為令三寶久住世
間各於此土作佛事已歸還本國今
時如恒河沙等諸佛世界有无量無
邊阿僧祇菩薩摩訶薩欲見於我礼
拜供養聽聞正法及受持故復為闍
說虛空目修多羅四無尋法各於他
方來集此刹慈悲憐愍諸衆生故入
於禪定現大威力破壞魔王及諸龍
等欲令此土諸衆生輩供給供養施
其所須修諸功德於三乘中得解脫
故是未來世有善男子善女人信心
清淨為欲供養如法修行諸比丘故
或捨家宅園林田地奴婢乃至資生

種種所須

大集經第三十四卷 第九集國

今時若有破戒比丘受他所捨乃至一華一果是惡比丘以愚癡故受他淨心所施諸物獲大惡報於現在世得四惡報何等為四一者惡名遠聞流布十方二者父母師長兄弟眷屬奴婢親戚皆悉離散三者獲大重病卧糞穢中惡報相現痛苦而死四者衣鉢坐具所有資財悉為五家之所分散是名四種惡報於未來世復獲四種大惡果報何等為四一者身壞命終墮大地獄二者於地獄中久受勤苦地獄終已復生畜生餓鬼道中得無手足報居在曠野无水之處經百千万歲具受辛苦三者從彼命終生毒蛇中得無眼報經无量歲唯食於土四者於彼命終得生人中墮五濁世不值諸佛於彼世中雖得人身常無眼目亦无手足住在曠野唯食世間所棄穢食恒不充足不得與人同共住止從彼命終復墮地獄於三惡道難得免出何以故彼善男子善女人淨心捨施田舍園林衣服湯藥

種種諸物唯欲供養如法比丘然破戒者受他所施唯欲供身不與如法持戒比丘以是因緣獲如是罪又破戒者久處生死具受諸苦雖得人身不值佛世所以者何諸佛如來不可思議難可值遇彼破戒者斷滅法母不求精進不用見聞佛法僧故以是因緣不值佛世彼惡比丘於當來世得如是等大惡果報

今時大德伽耶迦葉聞此語已悲泣雨淚而白佛言世尊如我解佛所說義者寧處地獄具受衆苦終不受此破戒身也所以者何雖得此身而復出家為衣食故具犯禁戒受他淨施獲如是等種種苦惱佛言迦葉如是如是如汝所說寧處地獄受種種苦不受人身起如是等破戒罪業何以故地獄罪畢更不造新故業盡已便於苦報而得解脫迦葉諸身之中人身難得得人身已值佛出世復難於是雖值佛世出家受戒是寧為難所以者何得受戒已如法修行能盡苦際斷諸漏結而得解脫是淨信心善

男子善女人若剎利婆羅門毗舍首
陀欲供養淨行持戒比丘以其具足
福德善根故或捨家宅園林靜室奴
婢象馬牛羊等物種種資生以為常
任僧業令彼比丘身心安隱集善根
故是愚癡比丘毀犯淨戒捨諸善根
遠離靜念專為非法彼善男子等而
不供養以是因緣衣服卧具資生所
須皆不充足便作是言我大智人堪
可受彼所施諸物或假擅越豪強勢
力奪他如法比丘所受諸物唯自供
身以為私用言是已有此非僧物彼
愚癡人造是罪故於當來世受如是
等諸惡果報

今時頻婆娑羅王白佛言世尊若善
男子善女人若剎利婆羅門等欲供
養如法比丘故捨彼田宅園林種種
諸物資生所須是破戒者奪他所受
唯自供已以是因緣獲如是等大惡
果報若在家人奪彼持戒行法比丘
如是布施種種資生而自用者是諸
人等得幾許罪佛言大王不須問此
得幾罪報王復白佛若未來世有剎

利等以種種諸物施與持法比丘以是因緣諸比丘等多有資生是刹刹婆羅門毗舍首陀不信佛法及因果故又不畏罪如是人輩奪而用者得幾許罪佛言大王是諸人等奪他施故當得无量大惡果報若我具說重增彼罪所以者何是刹刹婆羅門毗舍首陀淨心施彼行法比丘種種諸物是比丘等多有資生如是愚人猶彼癡驢以不信故奪他所受種種施物而自供已以是因緣故當得大罪彼人若聞我說惡業差別種種果報誹謗不信如是愚人得二種罪一者奪他所施二者於我所說誹謗不信時頻婆娑羅王復白佛言世尊唯願說之唯願說之於當來世若刹刹婆羅門毗舍首陀四種姓中有信佛法深識因果怖畏罪者聞佛所說初中後善義味甚深純備具足清淨梵行如是之人聞已能信如法修行作諸功德復為供養行法比丘故捨種種諸物給其所須若有破戒比丘及愚人奪彼持法比丘如是種種所受

諸物彼信心人方便擁護持戒比丘終不令彼侵奪欺陵頻婆娑羅王說是語已佛言大王善哉善哉快說是語大王於當來世若有刹利婆羅門毗舍首陀為欲供養行法比丘故或捨田宅園林奴婢象馬衣服卧具飲食湯藥資生所須若有刹利婆羅門毗舍首陀以不信故奪他所施而彼愚人於現身中得二十種太惡果報何者二十一者諸天善神皆悉遠離二者有大惡名流布十方三者眷屬知識違背乖離四者怨憎惡人同共聚會五者所有資財悉皆散失六者心狂癡亂恒多躁擾七者諸根不具八者睡卧不安九者恒常飢渴十者所食之物猶如毒藥十一者所愛之人悉皆離別十二者共事之人常多鬭諍十三者父母兄弟妻子奴婢不信其言十四者所有隱密覆匿之事知識親友共相顯露十五者所有財物五家分散十六者常遇重病無人瞻視十七者資生所須常不稱意十八者形體枯悴十九者久受勤苦難

得免離二十者常處糞穢乃至命終
大王是愚癡人於現身中得如是等
二十種諸惡果報命終之後墮阿鼻
地獄一劫受苦飢食鐵丸渴飲融銅
用熱鐵鑊以為衣服行住坐卧所受
之物皆是火聚六方熾焰更相通徹
彼諸罪人於阿鼻地獄具受如是種
種等苦從彼命終生末伽車馱餓鬼
中居在曠野無水之處生便无眼又
無手足四方熱風來觸其身形體楚
毒猶如劒切宛轉在地受大苦惱腦
髓膏流猶居熱熬魂神迷亂出大惡
聲具受如是百千種苦經无量歲然
後命終生大海中受肉團身其形長
大滿百由旬然彼罪人所居之處於
其身外面一由旬滿中熱水狀若融
銅經無量百千歲受如是等種種苦
惱如地獄中等元老別從彼命終於
閻浮提曠野澤中忽然化生形如肉
團猶若大山四方熱風來燒其身飛
禽走獸竟來食之經無量歲尔乃命
終還墮地獄復經无量百千万歲備
受衆苦然後命終生餓鬼中乃至肉

團之身經無量百千歲往反輪迴具受衆苦其罪漸薄得出為人生无佛國五濁剎中從生而盲諸根不具身形醜惡人不意見佛告頻婆娑羅王言大王如是罪人於當來世獲如是等大惡果報所以者何是持法比丘如法行故有信心者種種資財具足施與彼惡比丘愚癡人等奪而自用故獲如是諸惡果報

今時頻婆娑羅王聞此語已悲泣雨淚而白佛言世尊我今寧受地獄等身終不欲受是人身也何以故以此人等造是罪故獲如是種種大苦果報今時佛告頻婆娑羅王言大王汝等諸王及剎利婆娑羅門毗舍首陀聚落主等如今現在及未來世乃至法住於是時中所有持法比丘付囑汝等應好擁護若有信心善男子善女人為供養行法比丘故或捨種種資生雜物汝好擁護勿令非法比丘及諸惡人欺奪侵陵若有惡人欺奪如法比丘所受信施汝等應當如法治之王曰佛言世尊若有國王見彼非法

比丘及諸愚人奪彼行法比丘所受
信施不如法治者當得幾許罪報乃
至剎利婆羅門毗舍首陀聚落主等
見此非法比丘及諸愚人侵奪行法
比丘所受信施當得幾許罪報佛告
大王我今問汝隨汝意答除諸佛如
來所有功德一切聲聞及辟支佛所
有福德若有一人具足成就如是等
大福德聚是人福德是為多不王言
世尊如是如是是人福德甚多甚多
佛言大王如彼一人所得福德如是
一切衆生各皆備足是等功德若有
惡人於彼一切有福人所割其手足
耳鼻生挑其眼如是惡人得幾許罪
王聞此語悲泣哽咽不能自勝佛言
大王何以不答時王聞已猶復悲泣
而白佛言世尊如是愚人所獲罪報
無量无邊阿僧祇不可稱計乃至等
數譬喻所不能及世尊若毀壞一人
具上福者手足耳鼻生挑其眼其罪
大多不可思議何況毀壞一切具是
福者佛言大王如我現在及未來世
乃至法盡於其中間若有信心善男

子善女人俱捨如是資生所須田宅園林象馬奴婢衣服卧具湯藥等物施與行法比丘若非法比丘及諸愚人奪彼所施是刹利婆羅門毗舍首陀聚落主等見此非法惡人不如法治者獲大重罪復過於彼

余時頻婆娑羅王白佛言世尊如是國王治國之事甚難甚難何以故彼放逸王等不如法治是非法惡人獲如是罪若有國王及刹利等不放逸故擁護是等持法比丘若有信心擅越施彼所須若有非法惡人侵奪欺陵當如法治者得幾許福佛言大王如上所說具福諸人若復有人有大勢力禁閉獄中具受飢渴无量苦惱若有一人具足大力勝於前者出彼獄中余許諸人悉令解脫經於百年四事供養衣食湯藥種種所須无不備足佛言大王彼有力人得幾所福王白佛言世尊彼有力人所得福德不可思議不可稱計乃至算數譬喻所不能及佛言大王彼刹利婆羅門毗舍首陀及聚落主等如今現在及

未來世乃至法住是諸人等如法治
彼非法比丘及愚癡人故所得福德
復過於彼若復有人於今現在及未
來世乃至法欲滅時若有信心善男
子善女人具捨種種所須施彼行法
比丘若有非法惡人侵奪欺陵若復
有人方便教化不令侵奪語言汝等
今者若不隨教當治汝罪如彼惡人
隨其教誨止彼欺心不復侵奪持法
比丘所受信施是剎利乃至聚落主
等所得福德甚多甚多王復白佛言
世尊若有乃至一比丘能如法住所
有諸物若有惡人欺陵侵奪者我等
剎利及婆羅門乃至聚落主等不如
法治當獲大罪是一比丘所有資生
彼非法惡人有侵奪者我等剎利乃
至聚落主等如法擁護不令彼人侵
奪欺陵乃至如法治之獲大功德佛
言大王不如汝所說所以者何於我
法中有諸比丘假令如法始從一人
乃至四人我不聽受彼田宅園林象
馬車乘奴婢等常住僧物若滿五人
乃可得受若在僧伽藍中或阿蘭若

處持法比丘在中止住鳴鐘集僧和合布薩羯磨等事房舍牀榻卧具湯藥同共受用乃至百千衆僧在一伽藍若阿蘭若處鳴鐘集僧和合布薩房舍卧具衣服湯藥同心受用而不貪著亦不繫念不如其隣陀鳥貪著諸肉食盡乃止終不中捨持法比丘則不如是初中後夜減省睡眠精進誦經坐禪修道背捨生死向涅槃路如是比丘不稱他短不說己長謙下卑遜不自憍高衣食知足頭陀精進不放逸行休念思惟心不馳散於一切衆生起慈悲心憐愍覆護大王如是僧中有劫奪者獲大罪報守護饒益得大功德復次大王隨其所在若僧伽藍或阿蘭若處有五比丘止住其中持戒不破清淨具足乃至於小罪中生大怖畏如佛修多羅中所說空行若自讀誦教他讀誦不誹謗他不說他過不稱己長謙下自卑不生憍慢嫉妬之心慈悲憐愍一切衆生求解脫道出生死海如是衆僧若在伽藍或阿蘭若處鳴鐘集僧和合受

用常住僧物乃至湯藥若復有人如
法供養獲大功德却奪侵陵得大罪
報大王是五比丘精進持戒慙愧具
足於小罪中生大怖畏行頭陀法住
四聖種如是衆僧所有福德猶若大
海即是世間天人阿修羅中軍上福
口能令一切衆生離諸苦惱而得涅
縣何況十人二十三十乃至百千若
有信心剎利婆羅門毗舍首陀為供
養故鳴鐘集僧是僧集時其中或有
非法比丘若多若少共如法比丘同
處集者於是衆中乃至有五比丘持
戒清淨具足慙愧於小罪中恒生怖
畏終不毀犯如是衆僧大修精進棄
捨世間所有諸事惟希出世涅槃之
道所有功德無量無邊是大福田應
受世間天人供養是故大王汝等應
好擁護如法安置供給所須勿令乏
少若有非法之人欲相欺陵輕心毀
辱者汝好護持勿令是等侵擾之也
頻婆娑羅王白佛言世尊我於今者
欲有所問惟願聽許佛言大王隨汝
意問王白佛言世尊若有破戒比丘

得與如法衆僧和合共住受彼上妙
衣食卧具資生所須乃至湯藥不佛
言大王我今問汝隨汝意答如王國
中群臣百官乃至親屬如是之人若
一若二乃至衆多犯王國法合其重
罪王時瞋怒方欲刑戮王於尔時設
於大會歌儻作樂歡樂集時是犯罪
人得在會次同食歌儻歡娛作樂不
至白佛言如是之人不得在會乃至
不令與我相見何況共受集會歡樂
佛言大王如是如是若有比丘破戒
犯罪實非沙門自言是沙門實非梵
行言我梵行如是之人猶如盲人於
生死中流轉退沒大王如是之人於
三世諸佛法中具犯禁戒以是因緣
諸佛如來之所棄捨非佛弟子是魔
眷屬常趣惡道不墮僧數不得在如
法僧中行住坐卧同受房舍卧具資
生諸物乃至糠粳亦不得受何況得
受衆僧上妙供具資生所須如是之
人佛法之外衆所棄捨頻婆娑羅王
白佛言世尊是破戒比丘不得與如
法衆僧和合共住同受種種衣食卧

具湯藥等物世尊是破戒人有何等

行類相貌而可得知佛言大王是破

戒相初未現時難可了知何者是破

戒相初所謂不樂供養三寶和尚阿

闍梨亦不信重四聖種法而不修習

又不修行三十七助道法是名破戒

初相心貪利養元有慙愧與諸俗人

以為親友稱讚已德以自貢高輕蔑

誹謗毀訾他人心中不樂說正法之言

唯喜好談無益之語專行魔業惱亂

眾僧他說一言十語加報縱心蕩逸

終不相下猶如惡狗復似飛鳥眾聲

亂鳴唯欲求勝雖復出家處在眾

中諂曲虛偽專行刺毒又如商人持種

種物在道而行逢彼惡賊是破戒人

為沙門中賊又似獼猴糞塗身已墮

突於人在於眾中猶如俱蘭吒華无

色無香心不和合恒出諍訟之言常

貪利養名聞等事樂惡比丘及諸俗

人以為伴侶而共談語是諸比丘乃

至未盜眾僧田宅園林奴婢象馬馳

騾牛驢如是等物難可了知是名破

戒初相若盜如是等物是名破戒等

相是相出已失比丘法是波羅夷非
沙門不得與如法衆僧同共止住應
當擯出佛告大王是持戒比丘寧與
旃陀羅同共止住不與破戒之人同
住居止如樹枯朽火從內起根本既
燒枝葉亦盡破戒比丘亦復如是以
破戒火燒諸功德善根果報悉盡无
餘於未來世墮三惡道遠捨慈悲而
行魔業譬如廁溷不可為淨謗諸賢
聖斷三寶種法海乾竭壞正法城誑
惑施主惱亂清衆如法比丘僧和合
時違諍不隨彼破戒比丘盜僧物因
緣故國主刹利婆羅門毗舍首陀乃
至若男若女一切施主等雖捨所須
空無所得失人天路墮惡道中是故
大王汝等當知彼破戒人无有慙愧
以劫盜心取彼僧物以為已有是如
法比丘隨其住處若在林中或在伽
藍不應共住應生慈愍方便示教遣
令出衆語言長老汝等不應住此如
是三諫是破戒人若去者善若不出
衆如法比丘不得瞋罵應告國王刹
利婆羅門毗舍首陀及有勢力者言

此有比丘不如法行恒相擾亂不令我等安心行道惟願撿按勿令侵惱而彼國王剎利乃至聚落主等應當治之馭逐令出若彼剎利王等取彼破戒比丘飲食財物而不馭遣者如法比丘亦不應瞋其貪住處及資生等默然捨去更求餘處元難之所若在山林窟中或阿蘭若地隨其靜處就彼而住頻婆娑羅王聞此語已悲啼號泣而白佛言世尊剎利婆羅門毗舍首陀乃至聚落主為衣食資財故護彼破戒比丘與其勢力令此如法比丘捨其住處以是因緣於當來世墮大地獄受無量苦於三惡道輪迴往反難得免出於未來世有元量無邊恒河沙等諸佛出現於世具大慈悲入生死中度苦衆生而不能令彼等國王剎利婆羅門及聚落主捨惡趣報得人天身何以故不受如法比丘語故又不供給供養故受如是等大罪果報佛言大王於當來世諸國土中有信心剎利婆羅門毗舍首陀為供給供養如法比丘因緣故若

造伽藍靜處或阿蘭若處起立房堂
施與如法比丘或捨田宅園林奴婢
種種所須資生雜物乃至湯藥以如
是供養因緣故彼諸施主於當來世
或生剎利婆羅門大姓等家六欲諸
天乃至有頂或生他方淨佛世界值
佛聞法不久當得阿耨多羅三藐三
菩提若復有人於我法中為求福德
涅槃道故應當供養供給如法比丘
今時頻婆娑羅王白佛言世尊是諸
比丘雖犯破戒初相然未盜僧物如
是之人云何不得與如法比丘同共住
止同飲食衣服等和合受用佛言大
王我今問汝隨汝意答若王眷屬大
臣宰相犯王國法造種種罪唯不合
死有刑流者如是之人王若設會歌
舞作樂大集之時得在會次同受飲
食共歡樂樂不王白佛言世尊如是之
人尚不欲見何況得在會所同受歡
樂今時佛告王言大王若有富伽羅
具造諸惡於三惡趣不能勉離如是
之人受他田宅園林象馬車牛資生
之具如此之人非佛弟子非沙門非

釋子於三世佛法中是大罪人不得與行法比丘乃至和合少時共住同受衣服卧具飲食湯藥若有剎利婆羅門毗舍首陀及聚落主等見破戒人與持法比丘同住共受衣服等物而不駢遣彼剎利等是三世諸佛正法之中為大罪人如是剎利婆羅門等若不駢擯彼惡比丘雖復更修功德種種布施欲免此罪終不能減要必當墮阿鼻地獄是故大王若有欲得自利利他者於彼破戒人所不應擁護何以故若有供養彼惡比丘失人天善根斷三寶種墮諸惡趣若剎利婆羅門等擁護行法比丘不令彼惡比丘與共同住和合受用衣服飲食是剎利等雖不布施修餘功德即是三世諸佛之大檀越能持三世諸佛正法是人命終生於他方淨佛國土不久當得阿耨多羅三藐三菩提是故大王汝等剎利婆羅門等應當擁護供養供給行法比丘乃至法欲滅時所有如法比丘應當擁護供養供給以是因緣能令三寶久住不滅

若不擁護如法比丘我法即滅若法在世能令人天充滿惡道減少王言世尊有何等人堪為知事守護僧物供養供給如法比丘佛言大王有二種人堪持僧事守護僧物何者為二一者具八解脫阿羅漢人二者須陀洹等三果學人此二種人堪知僧事供養衆僧諸餘比丘或戒不具足心不平等不令是人為知僧事

大方等大集經卷第三十四

壬寅歲高麗國大藏都監奉
勅彫造

大方等大集經卷第三十五

國

隋天竺三藏那連提耶舍譯

日藏分陀羅尼品第三之一

尔時世尊共頻婆娑羅王說是法時
東方過無量无邊恒河沙等諸佛國
土有佛世界名無盡德佛号瞻波迦
華色如來應供正遍知明行足善逝
世間解無上士調御丈夫天人師佛
世尊於今現在常說妙法教化衆生
彼有菩薩名曰行藏仰觀虛空見有
无量無邊阿僧祇菩薩摩訶薩衆從
東方來徃趣西方復見西方有大光
明是等菩薩尋光而去尔時日行藏
菩薩見此事已即從坐起頂礼佛足
恭敬合掌白佛言世尊我見空中无
量無邊恒河沙等諸菩薩衆從東方
來徃向西方復見西方有大光明以何
因緣有此大光諸菩薩等尋光而去
尔時瞻波迦花色佛告日行藏菩薩
言善男子西方過无量無邊恒河沙
等諸佛世界彼有世界名娑婆具足
五濁其國有佛名釋迦牟尼如來應

供正遍知明行足善逝世間解無上
土調御丈夫天人師佛世尊於彼世
界召集大衆以方便力廣說三乘論
議法門教化衆生為令法母久住故
為令三寶不斷絕故為令法行常住
故為令魔王失勢力故為建立法幢
故為令正法久住故以是因緣諸菩
薩等集彼世界十方諸佛已於彼處
說寶幢陀羅尼竟各還本土今釋迦
牟尼佛復於彼界為諸菩薩摩訶薩
大阿羅漢一切大衆演說三乘四無
尋智四梵天行及四攝法娑婆世界
地及虛空大衆充滿咸皆渴仰樂聞
佛說何以故彼佛如來所說妙法猶
如甘露一切聽者心無厭足又以彼
佛本願因緣十方佛刹諸菩薩衆皆
集其土彼諸菩薩或有百劫修行者
乃至一生補處者有於十八不共法
中自能修習不由他悟者有得自在
無尋智慧方便具足者是諸菩薩既
集彼已一切皆坐以自善根方便力
故入於三昧入三昧已身放光明有
菩薩光如一燈者有如山上烽火者

有如一日十日百日千日光者有如无
量千万日光明者以彼菩薩力故於
大集所遍覆三千大千世界為欲令
彼娑婆世界福德莊嚴四大滋味地
轉增勝衆生受用增益身力得四念
處得大精進速離慳貪能行布施如
淨佛刹諸衆生等以是因緣諸菩薩
衆各各端坐以自善根力入諸三昧
放大光明復有十方諸佛刹中菩薩
摩訶薩未來集者從禪定起見大光
明亦欲往詣娑婆世界見釋迦牟尼
佛及大集衆恭敬礼拜聽受妙法欲
聞日藏法行壞龍境界焰品一切衆
生惡業盡陀羅尼故諸菩薩等欲集
彼處以自善根力入種種三昧汝今
亦可從禪定起詣彼世界善男子彼
佛世界諸衆生等有種種惡多諸渴
愛為諸煩惱之所繫縛猶如廁脂樂
處不淨諸女人等身體醜陋自謂端
正猶如醉人不自覺知種種臭穢自
言清淨兩舌惡口遠離實語常樂姪
欲行非梵行實大愚癡現智慧相心
大慳貪現能施相心懷諂曲虛幻不

實現質直相於他善事心生如忌口
言讚美心懷瞋嫉現慈忍相常樂破
壞現和合相邪見偏多現正見相彼
土衆生有得禪定獲身通者或有具
足得五通者或有久修四禪定者如
是智慧丈夫為諸女人之所惑亂心
隨染著為欲所使猶如僮僕於一念
頃退失是等諸妙功德當墮惡道以
諸女人惡因緣故得如是罪善男子
彼佛世界有如是等種種諸惡汝今
頗能往彼國不我欲與欲善男子彼
釋迦牟尼佛說日藏法行壞龍境界
焰品盡一切衆生惡業施羅尼我今
說欲所謂四諦順忍施羅尼汝可持
去此施羅尼有大勢力有大利益能
除一切欲貪色无色貪能除我慢大
慢增上慢能除一切不淨資生能除
一切惡貪種種戲笑及諸歌舞無利
益事能盡一切我見一切邊見一切疑
一切戒取一切常見一切斷見一切
衆生見一切障見一切遍沙見一
切富伽羅見一切作者見一切受者
見一切色見一切聲見一切香味觸

見一切四大見一切生見一切滅見一切法見此四諦順忍能如實知色陰乃至識陰能知十二入十八界知己能捨此陀羅尼能照諸法悉能現見諸涅槃道何以故彼界衆生甚大愚癡如生盲人此四諦順忍一切法常住藏不可思議法門能斷一切惡見能得一切自在能破魔王境界及魔伴黨能破魔事及他境界悉能降伏一切外道能怖一切諸惡毒龍能令一切諸天歡喜能令善夜叉皆得安隱能怖諸惡阿修羅迦樓羅能令緊那羅心生歡喜能令摩睺羅伽生大怖畏能令刹利生大信心能攝婆羅門令住佛法能令毗舍生大信心能令首陀羅生歡喜心能斷一切婦人貪欲令多聞人生大歡喜令坐禪人心得安隱能却一切種種惡事及諸鬪諍能除飢饉及夭橫死能除外賊惡風惡雨惡獸瀑水非時寒熱枯澁苦辛惡草等物能令法母常住不斷能建三寶佛法欲滅生大怖畏能令不滅怖畏衆生能施无畏能生盡智

覺無生智能破一切元明闇障能除一切生死苦擔介時世尊即說呪曰

寫經吽一婆嚩婆野波履婆隸二婆醯

婆訶波履婆隸三必利洩他地吽必利

洩他地鼻波履婆隸四阿婢阿跛波履

婆隸五伍菩伍杜波履波隸六末隸末

邏波履婆隸七却偈其隸却其箇波履

婆隸八阿盧翅阿盧迦其可波履波隸九

薩他迷其開薩他麼波履婆隸十曷羅

誓曷羅其杜波履婆隸十一從隸從邏

波履婆隸十二伽迷伽麼波履婆隸十三

阿蒲婆阿蒲婆波履波隸十四羅麼羅

羅麼其羅誑其開羅麼其曷羅所其

曷羅邏其何囉羅何囉羅麼其腔踰

嚩其攔其娜復頰其伽邏其復頰其

揭邏磨波履婆隸其斫其葛揭邏醯斫

葛揭邏訶波履婆隸其輸其嚩其囉其揭

邏醯輸嚩其囉其揭邏訶波履婆隸其

伽羅娜揭邏醯伽羅娜揭邏訶波履

婆隸其什婆揭邏醯什婆揭邏訶波

履婆隸其耶揭邏醯迦耶揭邏

訶波履婆隸其麼娜揭羅醯麼娜揭

邏訶波履婆隸其跋跛曷利捨揭邏

醯馭跛曷利捨揭邏訶波履婆隸八

鞞須娜揭邏醯鞞須娜揭邏訶波履

婆隸九怛履瑟那揭邏醯怛履瑟那

揭邏訶波履婆隸三憂波陀那揭邏

醯憂波陀那揭邏訶波履婆隸一婆

婆揭邏醯婆婆揭邏訶波履婆隸二

閼帝揭邏醯閼帝揭邏訶波履婆隸三

杜囉摩囉娜揭邏醯杜囉摩囉娜揭

邏訶波履婆隸四獨佉珊多跋揭邏

醯獨佉珊多跋揭邏訶波履婆隸五

阿囉波邏踰陸杜揭邏醯阿囉波囉

踰陸杜揭邏訶波履婆隸六阿跋須

鞞婆須寫七阿跋囉摸跋麼婆却思夜

鞞也八毗尼跋阿利九弥也曷囉捨卑

薩鞞伽鞞帝莎波訶一

善男子此日藏法行壞龍境界焰品

盡一切衆生惡業陀羅尼欲四諦順

忍汝可持往娑婆世界問評釋迦牟

尼佛作如是言東方過無量恒河沙

佛刹彼有世界名无盡德佛号瞻波

迦華色多陀阿伽度阿羅訶三藐三

佛陀今現在說法彼佛如來令我送

欲并問評釋迦牟尼佛少病少惱氣

力安樂及諸弟子悉安隱不聞佛說法如教行不彼釋迦牟尼佛已能破壞一切魔王境界一切龍王境界獨超衆聖轉妙法輪但彼五濁諸惡衆生障尋未盡為是等故我今說此日藏法行壞龍境界焰品一切衆生惡業盡陀羅尼欲此四諦順忍陀羅尼有大威德若有人能受持讀誦得大勢力亦時日行藏菩薩摩訶薩作如是言我已受持此陀羅尼得大勢力能向彼國具足宣說但彼世界有諸惡事我甚怖畏何以故我向親聞佛口所說彼土衆生多諸貪欲如生盲人諸女人等多諸奸諂誑惑於人實不端正自言端正實大愚癡現智慧相能令衆生迷沒貪著乃至久修禪定得五神通諸智慧人於一念頃為諸女人之所惑亂退失是等神通智慧一切善根墮大地獄彼諸衆生有如是事故我怖畏時瞻波迦花色佛聞此語已告日行藏菩薩言善男子汝今不為自身得力自身安樂當為利益一切衆生故往彼宣說

尔時瞻波迦花色佛告日行藏菩薩
言善男子彼娑婆世界釋迦牟尼佛
太集衆中有一優婆塞名毗摩羅詰
是汝身不時日行藏菩薩默然不答
尔時世尊復更問言善男子何故默
然如是三問然後乃答作如是言如
是如是我於彼刹為欲教化諸衆生
故名毗摩羅詰彼諸衆生皆謂我是
優婆塞毗摩羅詰世尊我於无量阿
僧祇諸佛刹中為化衆生作種種身
或於餘刹作梵王身或作帝釋或作
炎摩兒率化樂他化自在天王等身
復於餘刹或作龍王阿修羅王迦樓
羅王緊那羅王摩睺羅王如是等身
復於餘刹或作聲聞辟支佛身或作
人王刹利等身婆羅門身長者身女
人身童男身童女身復於餘刹或作
畜生身餓鬼身地獄身世尊於此刹
中有八十百千諸菩薩等同修禪定
行住坐卧未曾捨離是等菩薩見我
欲往娑婆世界皆樂隨從欲見釋迦
牟尼佛及大集衆礼拜供養并欲聽
法而諸菩薩有初行者其心未定而

彼世界多諸惡事是等菩薩或生貪
染恐於彼處近惡知識心生顛倒我
甚怖畏今時瞻波迦花色佛告日行
藏菩薩言善男子勿怖勿畏今為汝
等一切菩薩說離受不共行法無相
處行調伏地行解脫之行到有海岸
行三寶性久住不盡行大慈大悲行
一切智解脫行壞四種魔降外道行
盡智無生智行盡一切作業一切壽
命陰行善男子今為汝說日眼蓮華
陀羅尼此陀羅尼能令衆生厭離生
死三有牢獄得無相三昧解脫門蘇
息處得無相三摩跋提捨棄後一念
身智而入涅槃善男子若有人能一
心聽受此日眼蓮華陀羅尼是人所
有一切貪欲及諸煩惱皆悉微薄捨
身之後七返生天得宿命智不為欲
染而得聖道一切諸天皆樂供養天
上壽盡復得七返生於人中雖處欲
界不為欲染即於人中得成聖果常
為一切禮拜供養善男子若有得聞
此陀羅尼乃至七遍一心善聽者此
人命終七返生天獲得五通為諸天

師一切諸天皆悉禮拜恭敬供養天

上壽盡七返生人得五神通為人中

聖師一切天龍夜叉乾闥婆阿修羅

等皆悉供養善男子若有人能於天

衆中七遍宣說此蓮華陀羅尼一切

諸天及天女等能一心聽皆離五欲

樂修禪定若有人能於國王所或刹

利婆羅門毗舍首陀等衆中七遍宣

說此陀羅尼如是等衆能善聽者即

得出家若有女人得聞此呪一心善

聽七日七夜不念餘事專心誦持捨

此身已得轉女身隨所生處能薄貪

等一切煩惱於阿耨多羅三藐三菩

提無有退轉乃至得證大般涅槃終

不更受女人之身除化衆生自願受

身善男子若有誦此蓮華陀羅尼七

遍呪諸藥草用塗鼓貝若打若吹隨

其音聲所至之處一切呪咀一切厭

蠱一切毒藥一切符書一切詭縛姪

欲煩惱不能為害善男子我今說此

大力日眼蓮華陀羅尼即說呪曰

多經他一從陀麼帝二毗盧迦三麼帝三

唵隸四羈五頌六矣利師五遍制六蘇

樓逼制七佛地徒然反毗佛地徒然反摩訶佛

地九鬱奴摩提十鬱奴摩爹徒然反鉢所

底徒然反達膩十阿羅伽摩蘆婆三阿

囉伽度蘆婆十鉢所底徒然反達膩十五頻

豆頻豆麼底六質吒質吒鉢所底徒然反達

膩七頰勒羈十八旃陀羅提九呵呵虎我反

質擲竹几反訶頰膩弭十訶頰迦基我反麼鞞

祇基我反訶頰富娜曷囉婆三曷囉

移杜美反訶頰斫三菟五摩帝六訶頰毗

麼頰佛地徒然反訶頰夜奇離八訶頰毗

三麼揭離九訶頰三姥爹囉杜裨三訶

頰鞞麼頰曷囉誓一訶頰唾呼有反喊呼計反

訶頰者者帝三十三訶頰達麼曷囉誓四

訶頰痛呼曷囉誓五訶頰跋杜麼帝六

帝三訶頰薩婆優波陀娜九若如者反茹

若如者反毗社樹豎一毗者社若若四十二娑

羅末伽其我反若若如者反哩沙案頰四十娑

囉伽其我反獨敲莎波訶四十

善男子此日眼蓮華陀羅尼能乾一

切欲河能出一切苦海到於彼岸汝

當至心持此陀羅尼往彼世界如從

我聞至彼說之何以故彼佛世界有

百千万種種魔事呪藥蠱道能壞衆生所有善法汝等若誦此陀羅尼一切魔王内外眷屬所作種種无量惡事及上妙五欲不能侵惱何況餘人鄙陋穢欲而能為害

尔時日行藏菩薩與無量千万億那由他諸菩薩等及无量百千那由他諸天及人白佛言世尊如來功德智慧辯才不可思議大不可思議寧大不可思議我等昔來未曾得聞如是壞欲大陀羅尼說此語時衆中八万四千天女至心聽受生大信心恭敬供養即轉女身得男子身於阿耨多羅三藐三菩提得不退轉尔時瞻波迦華色佛捉瞻波迦花鬘告日行藏菩薩摩訶薩言善男子持此花鬘并日眼陀羅尼四諦順忍陀羅尼往彼世界供養釋迦牟尼佛此陀羅尼有大勢力猶如電光速能破壞一切欲事能大利益能盡一切欲貪乃至能除一切苦擔汝可持去問評釋迦牟尼佛時日行藏菩薩於彼佛所默然受之尔時衆中八万菩薩俱白佛言世

尊我等皆往彼娑婆世界見釋迦牟尼佛及大集衆禮拜供養聽受妙法佛言善男子隨汝意去咸可一心作梵天像形色長短威儀服飾往彼世界尔時日行藏菩薩及無量百千那由他諸菩薩等皆作大梵天像形色長短威儀服飾等无有異作此化已頂礼佛足右遶三帀遶已復礼礼已於彼界没如一念頃即至娑婆世界初入娑婆世界即以瞻波迦華散釋迦牟尼佛積至于膝如是漸行往詣佛所到佛所已頂礼佛足却一面立當尔之時釋迦如来猶為頻婆娑羅王宣說法行

尔時南方去此娑婆世界譬如有城方一由旬沙滿其中復有一人具大神力擔負而行盡一世界乃下一沙過是數已有佛世界名袈裟幢具足五濁佛号山帝釋王如来應供正遍知明行足善逝世間解無上士調御丈夫天人師佛世尊今現在說法於彼衆中有菩薩摩訶薩名曰香象仰觀虚空見無量无边阿僧祇菩薩摩

訶薩衆從南方來往詣北方又見北方有大光明見此事已問山帝釋王佛言以何因緣諸菩薩等從南方來往詣北方尔時山帝釋王佛告香象菩薩言善男子北方過一由旬城沙滿其中從是北行一沙為一世界過是數已有佛刹土名曰娑婆具足五濁有佛号釋迦牟尼於今現在為无量大衆以方便力廣說三乘論議法門為教化衆生故為令法母常住故三寶性不斷絕故增長法行故壞魔境界故建立法幢故十方諸佛已於彼刹說寶幢陀羅尼竟各還本土今釋迦牟尼佛復為諸菩薩摩訶薩大聲聞衆宣說妙法娑婆世界地及虚空大衆充滿間無空處樂聞佛說何以故彼佛如來所說法要言辭美妙猶如甘露一切聽者心無疲厭善男子汝能往彼娑婆世界聽受法不我今亦欲與彼佛欲并說隨順空忍陀羅尼此陀羅尼有大勢力能大利益能盡一切欲貪一切色貪一切無色貪能盡一切我慢大慢增上慢能生

盡智能覺無生智能裂一切無明闇

障能捨一切苦擔尔時世尊而說呪曰

哆經他一頭摩帝頭摩帝二惡跏反無頭

摩帝三鉢囉娑婆頭摩帝四薩婆迦

頭摩帝五阿鞞却伽其我反培鞞却伽七

碎蘇骨反朱却伽八阿婆摸訶却伽九阿娜

涅也却伽十毗耶佛履帝却伽十一僧迂嚩

者却伽十二阿泥麼却伽十三盧者都却伽十四

尸棄却伽十五毗底都履反寐囉却伽十六郁

菊麼却伽十七搗囉却伽十八惡鼓却伽十九

耶婆麼都却伽二十尤嚩跋却伽二十一耶

婆毗娘都却伽二十二斫菊陀妬却伽二十三

耶婆麼娜毗娘都陀妬却伽二十四必利洩

陸薩比反陀妬却伽二十五耶婆毗娘娜陀妬却

伽二十六靺瑤都和反履悉蜜駐跋薩他娜却

伽二十七耶婆阿虱吒達奢阿鞞尼迦佛陀

達摩却伽二十八獨佉却伽二十九耶婆麼勒伽

却伽三十毗婆哪毗跢婆一阿都娜娜二阿

陸薩比反娜娜三三姥陀所娜娜四薩婆迦

囉娜娜囉五薩婆僧薩他娜毗瞿跋

娜娜六阿緊吉因反若其我反拓娜娜七又初詐反

婆又初詐反婆八伊犁伊囉九伊犁伊囉四十

寐利莎波訶旦

善男子是名順空陀羅尼汝可持往
娑婆世界教化衆生問評釋迦牟尼
佛尔時香象菩薩作如是言我已受
持此陀羅尼得大勢力得大利益今
欲往彼唯有一事心生怖畏何以故
我親從佛聞彼土衆生多諸惡貪乃
至女人諂詐弊惡令久修禪得五神
通智慧之人於一念頃退失神通及
諸功德墮大地獄故我今生怖尔時
山帝釋王佛告香象菩薩言善男子
譬如雪山以十三因緣令虛空中有
清涼風以冷風故熱惱皆除一切河
水悉皆清涼善男子如是久學无生
忍智慧菩薩以十三因緣防護身心
不生煩惱六根無熱不為無明河之
所漂流智慧之人能為愚人說无衆
生等法令離癡縛除五陰重擔善男
子汝以十三種因緣久學无生忍何
故而言我今怖畏汝於餘界或作梵
天身教化衆生復於餘刹或作摩醯
首羅身教化衆生復於餘刹或作帝
釋身教化衆生復於餘刹或作那羅
延身教化衆生復於餘刹或作天身

教化衆生復於餘刹作夜叉身教化
衆生復於餘刹或作龍王身教化衆
生復於餘刹或作阿修羅王身教化
衆生復於餘刹或作轉輪聖王身教
化衆生復於餘刹或作大醫王身教
化衆生復於餘刹或作婆羅門身教
化衆生復於餘刹或現聲聞身教化
衆生復於餘刹或作大臣身教化衆
生復於餘刹作辟支佛身教化衆生
如是無量刹中以種種色身現化衆
生而作佛事云何方言我今怖畏善
男子勿生怖畏今為汝說無盡根大
受記持心法行一切智智壞四魔行
三寶久住行壞一切毒龍境界行盡
一切衆生惡業行大慈教化衆生行
大悲淳至入三惡道救拔衆生行於
一切衆生作歡喜心行斷一切衆生
惡見惡愛惡願惡業行解脫一切衆
生地獄行斷一切女身得丈夫身行
說一切法陰無有盡行斷一切衆生
慳嫉行得一切三昧神通無盡行攝
一切衆生安置菩提道行捨聲聞辟
支也

乘行乃至說得無上寔勝涅槃行其
男子若有衆生聞此无盡根授記法
行生信樂者彼人所有無量生死恒
沙業障衆生障法障煩惱障能障一
切善根未受未盡未吐者如是等業
皆悉滅盡不受罪報不生惡處唯除
三事何者為三一五無間二謗正法
三謗聖人此三種罪必定受報善男
子若有衆生乃至一念聞此无盡根
受記陀羅尼能至心聽信受憶念生
尊重者彼人所有恒沙罪業不受果
報常樂修行一切善根若行檀波羅
蜜時十方諸佛一切菩薩辟支佛大
阿羅漢皆以神力加護是人得聖加
故多饒財寶以用布施不可窮盡乃
至能捨頭目髓腦遠離嫉妬得平等
心於一切田心無優劣亦復不見我
能行施彼為受者作是施時一切天
龍鬼神阿修羅夜叉乾闥婆等不能
為障唯除三種所謂五逆誹謗正法
毀呿聖人此三種罪一切聖人神力
不加故有障身若行尸波羅蜜時常
勤精進住忍辱中得歡喜心得隨順

心憐愍衆生猶如一子亦如已身常
為一切聖人之所讚歎常為諸天釋
梵四王龍神夜叉人非人等剎利婆
羅門毗舍首陀禮拜供養得聖力加
心不自高亦不毀他亦復不樂多積
衣食趣得支身心無憂惱於一日夜
六時自省卧覺安隱无多惱患衣食
豐饒於一切衆生慈悲不捨隨心所
念皆悉不空臨命終時得見諸佛一
切諸佛皆讚歎言善哉善哉大丈夫
善能持戒清淨不破善來將汝往詣
清淨佛剎令汝得住十地位中彼人
見佛得清淨心得歡喜心心歡喜故
捨身則得往生淨國速得十地不久
即得阿耨多羅三藐三菩提乃至一
念聞此無盡根受記陀羅尼得如是
利是菩薩若學行屢提波羅蜜時一
切聖人神通力加令得法忍不見衆
生不見彼不見此若有人來截其手
足割其耳鼻乃至不起一念瞋心離
瞋心已一切天王一切人王禮拜供養
乃至速得阿耨多羅三藐三菩提是
菩薩若學行毗梨耶波羅蜜時得无

患身成就大力壯健智慧精進勇猛
能行四攝布施愛語利益同事教化
衆生具四攝已一切天王龍王夜叉王
阿修羅王迦樓羅王緊那羅王摩睺
羅伽王人王合掌燒香恭敬礼拜是
人名聞流布常為一切人天之所愛
念樂欲見之常欲擁護乃至速得阿
耨多羅三藐三菩提是菩薩若學禪
波羅蜜時聖人加故得四禪四空三
摩跋提乃至千万三摩提門陀羅尼
門忍門常為一切諸佛所念常為一
切天王人王擁護愛念恭敬礼拜乃
至速得阿耨多羅三藐三菩提彼菩
薩若學般若波羅蜜時常為諸佛菩
薩阿羅漢辟支佛之所擁護心得安
隱遠離憒鬧得勝法念心心數成就
得聖人智慧根具足入一切法中所
作已辦度疑網河於一切法不生疑
尋一切天人阿修羅所不能壞常為
天人八部供養恭敬愛念守護聞名
見形皆生歡喜樂欲親近若自供養
若教人供養此人臨終見十方佛一
切諸佛皆悉授手讚言善哉善哉大

丈夫善來將汝往向我清淨佛剎令
汝得住十地位中是人間已得歡喜
心心歡喜故命終即得生佛淨土生
已速得住於十地不久即證阿耨多
羅三藐三菩提善男子此無盡根大
授記陀羅尼有如是大力如是大利
益汝當受行徃彼世界不應怖畏善
男子釋迦牟尼佛本所誓願若有衆
生造作五逆謗方等經毀此聖人犯
波羅夷如是之人清淨佛剎所不容
者皆生我國我當教化以是因緣諸
惡衆生悉集其國善男子若彼世界
諸惡衆生聞此無盡根大授記陀羅
尼能於七年常行慈心不動心憐愍
心平等心遠離兩舌不惡口不妄語
不綺語如是晝夜常念諸佛當淨洗
浴晝三夜三整衣服右膝著地合十
拍掌對十方佛前念无盡根大授記
陀羅尼一心誦者彼人經七年已所有
諸難極重罪業皆滅无餘若有女人
欲求自在能於七月晝三夜三如前
念此無盡根大授記陀羅尼一心誦
者如是女人隨所生處得大自在於

流轉中更不復受女人之身乃至得
阿耨多羅三藐三菩提唯除自願若
有女人求好夫主求好種姓求大白
在求不用男女或願多有男女者應
當澡浴清淨著淨潔衣獨處閑靜晝
三夜三右膝著地合掌向佛一心誦
念此無盡根大授記陀羅尼者隨心
願樂皆得稱意所求男女多少皆得
端正聰明無有疑難善男子此無盡
根大授記陀羅尼如是大力如是大
利益汝從生死已來未曾得聞今時
世尊即說呪曰

哆姪他一捨囉娜毗夜也^二式叉毗夜也^三
徙寐履帝毗夜也^四鉢囉河娜^反下毗夜
也^五矣履地毗夜也^六因地利夜毗夜
也^七婆所毗夜也^八捕勝伽毗夜也^九三
摩地毗夜也^十陀羅尼毗夜也^{十一}羼帝
^{都利}毗夜也^{十二}毗梨耶毗夜也^{十三}闍娜毗
夜也^{十四}鉢邏若^反女我阿雷^反必也毗夜也^{十五}
阿^反紐^反社毗夜也^{十六}摩伽毗摩也^{十七}過
鼻娘毗夜也^{十八}鉢囉帝^反都利^反三陞^反羼履^反爹毗
夜也^{十九}步寐^反莫履^反毗夜也^{二十}坐^反父^反經^反哪^反余歌
毗夜也^{二十一}摩訶梅怛利毗夜也^{二十二}摩訶迦

雷^{摩訶}那^{毗夜}也^三摩訶牟尼帝多毗夜

也^四摩呼卑叉毗夜也^五必利湊鼻毗夜

也^六薩埵毗夜也^七達摩毗夜也^八荅換

毗夜也^九阿盧迦毗夜也^十鉢囉帝^{都利}

婆娜毗夜也^{十一}鉢囉帝^{都利}輸盧得迦

毗夜也^{十二}伽伽那毗夜也^{十三}摩雷頻毗

夜也^{十四}鉢囉帝^{都利}多三姥波多毗夜

也^{十五}輸娜^{反下}多毗夜也^{十六}阿尼蜜多毗

夜也^{十七}拵^{反合}鉢囉尼系毗夜也^{十八}侯

嚩頻毗夜也^{十九}瞿沙毗夜也^{二十}緊^音柘

都毗夜也^{二十一}阿鼻三摩夜毗夜也^{二十二}阿

怒娜^三阿怒娜^四拵婆呵者者^五者遮

囉^六者遮囉毗姥^七柘^音履^反斫^音葛者遮

囉毗姥^八毗夜也毗姥^九察夜毗姥^十阿麼

毗夜也毗姥^{十一}阿三姥施遮囉毗姥^{十二}搗

陀毗姥^{十三}阿迦合毗姥^{十四}驃鉢舍麼毗姥

^五阿都婆娑娑毗姥^六呵呵呵毗姥^七阿囉

波囉毗姥^八優波舍麼毗姥^九薩利羅

毗姥^十莎波呵^{十一}

善男子此無盡根大授記施羅尼有

大威德有大勢力能大利益一切衆

生攝護衆生憐愍衆生洗除衆生令

得寂滅善男子持此施羅尼往詣娑

婆世界如我所言問評釋迦牟尼佛
尔時山帝釋王佛說此陀羅尼已一
切大衆皆大歡喜讚言不可思議大
不可思議得見離障第一智慧說此
大授記陀羅尼一切衆生所有小罪
中罪大罪重罪輕重業障牢固難
捨能與善根作障尋者此陀羅尼速
能除盡得无漏道尔時香象菩薩生
大歡喜而說偈言

此無盡根陀羅尼 軍勝第一无過者
能盡衆生諸惡業 亦斷一切罪駛河
生死流轉自所作 悉能速離无有餘
以福德力因緣故 於一切苦得解脫
能竭生死三有海 速生清淨有佛國
於流轉中大怖畏 現見無量大障尋
悉能傾動諸煩惱 疾證无上勝菩提
一切衆生不能壞 若有聞此陀羅尼
速能受持常憶念 具足如是諸功德
尔時香象菩薩白山帝釋王佛言我
已持此無盡根授記陀羅尼竟今欲
徃彼娑婆世界是時衆中有无量阿
僧祇菩薩摩訶薩從無垢三昧起異
口同音白佛言世尊我等今者渴仰

欲見釋迦牟尼佛及大集衆禮拜供養我從昔來未曾得聞日藏法門惟願聽我徃彼世界今時世尊告諸菩薩言善男子隨汝意去咸可一心作帝釋像身色形貌長短威儀勢力自在徃彼世界今時香象菩薩及無量阿僧祇菩薩咸共一心悉皆化作帝釋王身形貌色像長短威儀勢力自在皆无有異作此化已三礼山帝釋王佛右遶三帀遶已從彼界没如一念頃即到娑婆世界入此刹已放諸香雲雨種種末香所謂牛頭栴檀香龍身牢固香多摩羅葉香沉水香多伽羅香隨六時變異香為供養釋迦牟尼佛故放香雲已次第漸向釋迦牟尼佛所到佛所已以帝釋身頂礼佛足右遶三帀却一面立當尔之時釋迦如來猶共頻婆娑羅王宣說法行

大方等大集經卷第三十五

辛丑歲高麗國大藏都監奉
勅雕造

大方等大集經卷第三十六

國

隋天竺三藏·那連提耶合譯

日藏分陀羅尼品第三之三

今時西方去此佛剎四十二恒河沙等諸佛國土過是數已有佛世界名堅固幢其國有佛号智德峯王如來應供正遍知於五濁世與諸四衆眷屬圍遶而為說法時彼衆中有菩薩摩訶薩名炎德藏在大衆中聽佛說法仰觀虛空見無量無數阿僧祇菩薩摩訶薩衆從西方來而往東方復見東方有大光明觀是事已即白智德峯王佛言世尊以何因緣有如是事今時智德峯王佛告炎德藏菩薩摩訶薩言善男子東方去此四十二恒河沙等諸佛世界有世界名曰娑婆佛号釋迦牟尼如來應供正遍知現處五濁為無量無邊衆生說三乘法欲令法母三寶種久住故法行不斷故破魔界故為欲建立佛法幢故十方一切諸如來等皆悉至彼娑婆世界共說寶幢陀羅尼說已各還本

刹今釋迦牟尼佛復為菩薩摩訶薩
及聲聞衆更大集會以四無尋智說
三解脫門清淨梵行娑婆世界地及
虛空皆悉充滿是諸大衆皆悉樂聞
釋迦如來所說法門心無厭足今時
智德峯王佛告炎德藏菩薩摩訶薩
言善男子汝可持我語往娑婆世界
問訊釋迦牟尼佛彼佛今說日藏法
行壞龍境界名曰炎品能盡一切衆
生惡業善男子我有陀羅尼欲名无
願順汝可送往此陀羅尼有大勢力
有大利益能盡一切欲貪色貪無色
貪能盡一切我慢慢慢慢增上慢能破
一切无明闇衆能捨一切諸苦重擔
乃至能得盡智無生智得阿耨多羅
三藐三菩提時彼世尊而說呪曰
怛經他一舍都舍婆二奢摩都舍婆三
阿婆又舍婆四斫菟舍婆五輸嚧哆羅
舍婆六伽拏舍婆七什婆舍婆八迦耶舍
婆九摩都舍婆十又婆毗陀十一斫菟畢
利洩鼻又婆十二輸嚧哆羅阿婆又婆十三
伽囉拏帝闍又婆十四視婆婆喻又婆十五
迦耶羅摩又婆十六底都烏闍又婆十七

阿盧迦若^十都^五又^六婆^七毗^八闍^九僧^十羯^{十一}摩^{十二}又

婆^{十三}唵^{十四}句^{十五}囉^{十六}呿^{十七}伽^{十八}又^{十九}婆^{二十}婆^{二十一}摩^{二十二}嚩^{二十三}畢

也^{二十四}鼻^{二十五}耶^{二十六}又^{二十七}婆^{二十八}舍^{二十九}摩^{三十}迦^{三十一}闍^{三十二}又^{三十三}婆^{三十四}又^{三十五}耶^{三十六}

囉^{三十七}婆^{三十八}又^{三十九}婆^{四十}嚩^{四十一}哆^{四十二}鼻^{四十三}耶^{四十四}婆^{四十五}又^{四十六}婆^{四十七}都^{四十八}

都^{四十九}都^{五十}泥^{五十一}都^{五十二}都^{五十三}阿^{五十四}婆^{五十五}泥^{五十六}都^{五十七}都^{五十八}都^{五十九}

都^{六十}耶^{六十一}波^{六十二}都^{六十三}夷^{六十四}都^{六十五}都^{六十六}伊^{六十七}沙^{六十八}伊^{六十九}婆^{七十}都^{七十一}

度^{七十二}呿^{七十三}囉^{七十四}莎^{七十五}呵^{七十六}

善^{七十七}男^{七十八}子^{七十九}汝^{八十}可^{八十一}持^{八十二}此^{八十三}無^{八十四}願^{八十五}順^{八十六}陀^{八十七}羅^{八十八}尼^{八十九}往

彼^{九十}娑^{九十一}婆^{九十二}世^{九十三}界^{九十四}如^{九十五}我^{九十六}辭^{九十七}曰^{九十八}智^{九十九}德^{一百}峯^{一百一}王^{一百二}如

來^{一百三}問^{一百四}訊^{一百五}釋^{一百六}迦^{一百七}牟^{一百八}尼^{一百九}佛^{一百十}起^{一百十一}居^{一百十二}輕^{一百十三}利^{一百十四}氣^{一百十五}力

安^{一百十六}樂^{一百十七}不^{一百十八}轉^{一百十九}正^{一百二十}法^{一百二十一}輪^{一百二十二}无^{一百二十三}障^{一百二十四}碍^{一百二十五}尋^{一百二十六}不^{一百二十七}彼^{一百二十八}惡^{一百二十九}衆

生^{一百三十}樂^{一百三十一}聽^{一百三十二}所^{一百三十三}說^{一百三十四}日^{一百三十五}歲^{一百三十六}法^{一百三十七}行^{一百三十八}壞^{一百三十九}龍^{一百四十}境^{一百四十一}界^{一百四十二}炎

品^{一百四十三}不^{一百四十四}今^{一百四十五}時^{一百四十六}炎^{一百四十七}德^{一百四十八}藏^{一百四十九}菩^{一百五十}薩^{一百五十一}白^{一百五十二}智^{一百五十三}德^{一百五十四}峯^{一百五十五}王

佛^{一百五十六}言^{一百五十七}世^{一百五十八}尊^{一百五十九}我^{一百六十}今^{一百六十一}已^{一百六十二}受^{一百六十三}持^{一百六十四}此^{一百六十五}陀^{一百六十六}羅^{一百六十七}尼^{一百六十八}今

雖^{一百六十九}欲^{一百七十}往^{一百七十一}娑^{一百七十二}婆^{一百七十三}世^{一百七十四}界^{一百七十五}而^{一百七十六}懷^{一百七十七}怖^{一百七十八}畏^{一百七十九}何^{一百八十}以^{一百八十一}故

我^{一百八十二}親^{一百八十三}從^{一百八十四}佛^{一百八十五}聞^{一百八十六}彼^{一百八十七}佛^{一百八十八}世^{一百八十九}界^{一百九十}五^{一百九十一}濁^{一百九十二}熾^{一百九十三}盛^{一百九十四}彼

諸^{一百九十五}衆^{一百九十六}生^{一百九十七}衆^{一百九十八}苦^{一百九十九}逼^{二百}迫^{二百一}貪^{二百二}欲^{二百三}嗔^{二百四}恚^{二百五}愚^{二百六}癡^{二百七}邪

見^{二百八}貪^{二百九}著^{二百十}女^{二百十一}色^{二百十二}於^{二百十三}須^{二百十四}臾^{二百十五}間^{二百十六}能^{二百十七}成^{二百十八}阿^{二百十九}鼻^{二百二十}地

獄^{二百二十一}惡^{二百二十二}業^{二百二十三}以^{二百二十四}是^{二百二十五}義^{二百二十六}故^{二百二十七}我^{二百二十八}甚^{二百二十九}怖^{二百三十}畏

今^{二百三十一}時^{二百三十二}智^{二百三十三}德^{二百三十四}峯^{二百三十五}王^{二百三十六}佛^{二百三十七}告^{二百三十八}炎^{二百三十九}德^{二百四十}藏^{二百四十一}菩^{二百四十二}薩^{二百四十三}言

善^{二百四十四}男^{二百四十五}子^{二百四十六}汝^{二百四十七}飛^{二百四十八}於^{二百四十九}彼^{二百五十}娑^{二百五十一}婆^{二百五十二}世^{二百五十三}界^{二百五十四}四^{二百五十五}天^{二百五十六}下

中^{二百五十七}二^{二百五十八}十^{二百五十九}一^{二百六十}日^{二百六十一}化^{二百六十二}作^{二百六十三}金^{二百六十四}翅^{二百六十五}鳥^{二百六十六}王^{二百六十七}今^{二百六十八}彼^{二百六十九}大^{二百七十}海

六^{二百七十一}十^{二百七十二}四^{二百七十三}万^{二百七十四}億^{二百七十五}諸^{二百七十六}龍^{二百七十七}見^{二百七十八}汝^{二百七十九}形^{二百八十}故^{二百八十一}皆^{二百八十二}生^{二百八十三}怖

畏以是因緣受三歸依乃至發阿耨
多羅三藐三菩提心不炎德藏菩薩
言如是世尊實如聖說今時智德峯
王佛復告炎德藏菩薩言善男子汝
往於彼娑婆世界四天下中亢旱之
處於七日中化作象頭馬頭大龍王
身令舊住龍心生怖畏不安今處悉
騰虛空七日之中澍大甘雨耶炎德
藏菩薩言世尊實如聖說佛言善男
子汝於如是諸惡龍中尚不怖畏又
汝過去發弘誓願在在處處利益衆
生何故今者忽生恐懼汝受我使莫
生驚怖今時智德峯王佛告炎德藏
菩薩言善男子我復教汝智慧依止
大授記陀羅尼汝持往彼得無怖畏
今時炎德藏菩薩白佛言世尊譬如
智人坐伏藏上以手把土忽得一寶
得已歡喜復更重把如是漸漸得寶轉
多我亦如是重問如來望得如來無
價法寶得是寶已為欲教化諸衆生
故若蒙如來開大法印以法印力如
來力故則能教化一切衆生今時智
德峯王佛即說呪曰

恒經他^一珊提^二

多夷

囉那奢摩^三

三摸他那

奢摩^三

阿跋闍那奢摩^四

莎凌楞伽奢

摩^五

僧逾伽奢摩^六

拔駄那奢摩^七

摩毗沙摩奢摩^八

婆多那奢摩^九

羯嵐摩奢摩^十

過毗駄奢摩^{十一}

耶婆闍羅摩羅拏奢摩^{十二}

耶婆薩婆恒利陀都^{十三}

三斯

羯利哆奢摩^{十四}

阿邏波羅奢摩^{十五}

佛言善男子此智慧依止授記陀羅

尼彼土衆生若有聞者皆能輕薄下

中上結色無色有亦復如是恒河沙

等劫生死過惡皆悉散滅過去五有

身口意業生於有中受不愛果所在

生處障修善根四大衰惡所愛之財

求不能得舊所親愛悉皆離散所不

樂事而悉和合身受諸苦心多濁亂

不樂修習一切善根樂著一切諸不

善法如是等業悉滅无餘善男子若

有一聞此陀羅尼一心聽受七日七夜

專精修習如上所說諸惡罪業皆得

消滅除五無間誹謗正法毀訾聖人

犯四重禁此四種人失陀羅尼力畢

定受罪若復有人無是四罪樂修善

根修行檀波羅蜜種種布施是人則
為一切諸佛諸菩薩衆聲聞緣覺之
所加護以聖加故得無盡物亦樂持
戒忍辱精進禪定智慧一切天人阿
修羅等不能沮壞常為一切天王人
王見者恭敬供養禮拜聞者歡喜心
常憶念讚歎守護臨命終時得見十
方曾所念佛皆來授手作如是言善
男子來我今將汝向我世界令汝安
住十地位中彼人見佛心大歡喜以
歡喜故得生清淨有佛國中速住十
地是人不久當得阿耨多羅三藐三
菩提善男子此智慧依止大授記施
羅尼有如是大力有大利益善男子
彼娑婆世界有諸衆生不到涅槃道
何以故造五無間誹謗正法毀此聖
人犯四重禁如是衆生十方淨土所
不容者皆生彼國是諸衆生於三惡
道長夜受於種種諸苦彼衆生等雖
出三塗已無清淨業因緣故釋迦如
來本願力故故還復生於彼娑婆界
若諸衆生過去所有信根乃至慧根
曾修布施乃至智慧曾修願行不樂

流轉學涅槃道淨修梵行如是人等
生彼世界惡業衆生得醜陋身諸根
缺減其心暗鈍衣服飲食卧具湯藥
資生乏少壽命短促癡元智慧睡眠
不安薄善根少福德諸適意事而不
從心復無悲心樂行惡行樂著惡見
樂習惡論樂起惡願樂受惡法不信
正法多諸病苦多散亂心多樂惡事
造三惡業虛妄憶想非吉為吉心不
樂忍其心貪獷常樂修習十不善業
誹謗三寶趣三惡道善男子彼佛剎
中如是衆生聞此智慧依止授記陀
羅尼至心一聽者彼諸衆生生厭離
心度三惡道復有衆生曾修信根乃
至慧根亦曾修習六波羅蜜不樂流
轉淨修梵行若得聞此陀羅尼已增
益壽命身少病苦智慧增益資財无
損長善根海增善知識乃至增益一
切善業皆悉成就成就正見具足十
善種三善根樂三自歸樂起諸願樂
阿蘭若光顯三寶復能於此智慧依
止大授記陀羅尼至心聽受專精修
習讀誦受持乃至七日七夜憶念不

捨成就如是無量功德除五無間誹謗正法毀此賢聖犯四重禁如是衆生墮於惡趣於彼命終而來生此娑婆世界以彼業氣習未盡故於未來世應受惡報由得聞此智慧依止大授記陀羅尼於現在身雖不能得勝妙果報以陀羅尼力故於當來世無量惡報悉滅无餘彼諸衆生為滅如是諸惡業故應當書寫此陀羅尼門復應造作七佛形像於釋迦牟尼佛法之中建立寺舍供養供給法行比丘亦當數數受八戒齋勤行精進樂聽正法如說修行此諸衆生於三寶中得決定信生歡喜心因緣故能滅無量百千萬億那由他劫在在處處應受惡道種種諸苦於現在世多諸病苦受身形殘資生減失眷屬離散為人奴僕受諸撻打惡口麤獷不得自在為人誹謗已受如是種種苦故過去惡業皆悉滅無如是善男子此智慧依止授記大陀羅尼於諸衆生有大勢力我今更說今時世尊即說呪曰

恒經他^一佉伽波利^二眇^三

^{尺之反}

提^二伽唎婆^三又^四

西^三伽跛利^四

鼻陀鉢囉婆^五伽又^六

^{側檀反五}

又波安

踰岐^一

^{強子反六}

鉢底呵梨^七

奢摩都^八四迦涕^九

三摩迷伽闍師^一

^{疎齋反九}

阿又夜都^二伍^三又婆

跋移^一

^{常号反十一}

祢馱都闍師^{十二}

娑摩娜闍師

娑摩伽邏闍師^{十三}

阿地呵奢夜闍師^{十四}

鼻鉢囉婆闍師^{十五}

西又闍師^{十六}

閼婆闍師^{十七}

娑利羅瞿唎^{十八}

^{替指反}

夜闍師^{十九}

娑利羅瞿唎夜阿阿鞞綺婆都鳩世^{二十}

薩檀拘帝^{二十一}

私婆檀都梯^{二十二}毗哆鉢囉

鼻利伍^{二十三}

嚧波羶囉磨娜梯^{二十四}阿都叱

地夜跋羅企^{二十五}

^{兼于反}

鉢囉帝羯迷都^{二十六}

三迦太夜世^{二十七}

薩盧遮都婆迷^{二十八}拘嚧

太梨^{二十九}

^九

迦摩薩世^{三十}阿世奢佉岐^{三十一}

夜軍闍^{三十二}

鼻地夜跋泥^{三十三}羯羅都跋泥

鬱遮跋泥^{三十四}

三迷摩迦梨^{三十五}奢利夜

跋泥^{三十六}

^七

摸伽闍師^{三十七}呵利拘都婆^{三十八}

都目企^{三十九}

娑囉又拘梨^{四十}都邏延拏樹

梨^{四十一}

^二

因陀羅婆薩泥^{四十二}烏阿^{四十三}

阿阿^{四十四}

何羅婆阿^{四十五}婆囉^{四十六}

何羅薩弥伽^{四十七}

^{其我反}

豆佉祢提^{四十八}都夷羅^{四十九}

涅脞醯莎和呵^{五十}

言男子此大授記陀羅尼有大功德

有大勢力有大利益能盡一切惡業
憐愍救護一切衆生悉能洗除諸罪
垢穢身心光潔能與念力與寂滅力
若有衆生一心聽受如說修行一切如
來一切菩薩一切辟支佛一切阿羅
漢悉皆加護乃至天王人王亦常護
念敬愛礼拜供養供給彼人臨終得
見過去曾所誦念十方諸佛皆悉授
手作如是言善男子來我今將汝生
淨佛土汝生我國速住十地被人見
佛得大歡喜大歡喜故命終得生淨
佛國土既生彼已得住十地不久得
成阿耨多羅三藐三菩提善男子此
智慧依止大陀羅尼有如是力能淨
惡業成就淨心證涅槃道今時智德
峯王佛告炎藏菩薩言善男子持此
陀羅尼往詣娑婆世界至釋迦牟尼
佛所如我辭曰智德峯王佛問訊世
尊炎藏菩薩摩訶薩言唯然受教時
彼衆中無量無邊阿僧祇菩薩摩訶
薩異口同聲作如是言我等今者樂
欲見彼娑婆世界釋迦牟尼佛礼拜
供養及見大衆聽受日藏壞龍境界

能盡諸惡業陀羅尼門我等昔來初
未曾往彼娑婆界今從定起欲往彼
土惟願世尊聽我等往尔時智德峯
王如來告衆菩薩摩訶薩言善男子
欲往隨意應當攝心以遊彼國汝等
各自變身如那羅延具足莊嚴時炎
藏菩薩與諸菩薩摩訶薩衆一切皆
作那羅延身莊嚴示現頂禮佛足右
遶三匝即從彼發如一念頃至娑婆
界四天下中摩伽陀國釋迦牟尼佛
所到已以閻浮金末而散佛上既供
養已頂禮白佛言世尊智德峯王如
來問訊世尊少病少惱起居輕利氣
力安不轉正法輪無障尋不作是語
已却住一面

尔時北方去此娑婆世界八十恒河
沙佛剎過是數已有佛世界名普上
香五濁充滿彼國有佛号德華藏如
來應供正遍知現在說法彼佛衆中
有菩薩摩訶薩名虛空藏在會聽法
尔時虛空藏菩薩摩訶薩仰觀虛空
見虛空中无量無邊阿僧祇菩薩摩
訶薩從北方來往詣南方復見南方

有大光明見是事已即白佛言世尊
我始從定起在會聽法見虛空中無
量無邊阿僧祇菩薩摩訶薩從北方
來往詣南方復見南方有大光明以
何因緣有如是事

尔時德華藏佛告虛空藏菩薩言善
男子於此南方過八十恒河沙佛剎
有佛世界名曰娑婆亦如我剎五濁
充滿彼中有佛号釋迦牟尼如來應
供正遍知今現在世為諸衆生說三
乘法欲令法母久住世故今三寶種
不斷絕故建大法幢壞魔網故十方
諸佛皆集彼國說寶幢陀羅尼說已
各還本土釋迦牟尼佛為諸菩薩摩
訶薩大聲聞衆作大集會以四無所
智說三解脫門彼佛土中地及虛空
大衆充滿如來處於師子之座放大
光明說深妙法清淨梵行及以四攝
日藏法門壞龍境界炎品除諸衆生
不善惡業陀羅尼門一切樂聞无有
獸足常作是念若有十方一切剎中
菩薩摩訶薩億百千劫行菩薩行欲
得逮於一生補處乃至十八不共之

法自具足得無障導智不隨他教者
彼諸菩薩志應來集娑婆世界以自
善根入種種三昧令此世界大地得
大利益令諸衆生不失念力布施持
戒忍辱精進得大智慧亦如他方清
淨佛土具諸功德今此娑婆世界亦
有十方諸大菩薩摩訶薩衆悉來集
會被菩薩衆於娑婆世界隨自分力
各入三昧從於身邊而放光明或如
大燈或如百千万億无量無邊日月
光明彼諸菩薩摩訶薩皆大集會彼
娑婆界以是因緣有大光明彼十方
佛刹諸菩薩衆未至彼者從三昧起
趣於南方往娑婆世界欲見釋迦今
尼佛及諸大衆欲聞破壞一切惡業
陀羅尼門結加趺坐各各入於奮迅
遊戲諸深禪定善男子汝今可往彼
娑婆世界善男子彼中衆生短命多
病少智慧少善根少福德於三惡道
心無怖畏之少資生多貪愛欲行不
淨行无慙無愧樂行十惡如是衆生
捨此身已墮於惡道復有生於惡夜
叉中迦吒富單都中乃至阿迦富單

都中既生彼已收地精氣及種種穀
花果草木一切等味其有食者身力減
損彼諸惡鬼增益勢力常伺人便住
胎出胎隨其成長乃至奪命是故彼
諸衆生多病短命無念慧力不畏未
來三惡道苦乃至樂行十不善業墮
於惡道善男子我於過去行菩薩時
作如是願牢固勇猛勤無休息供養
諸佛如說修行諮問彼佛何等陀羅
尼呪能護胎藏及以母身令得安隱
令諸惡龍夜叉羅刹阿修羅迦樓羅
緊陀羅摩睺羅伽鳩槃荼禪梨多毗
舍闍富單都迦吒富單都烏摩羅阿
跋思摩羅或一日瘡乃至四日或毒
藥惡呪或行惡藥能令身心逼迫苦
者令是諸惡悉不得便或在母胎乃
至出胎乳哺長養種種飲食及其精
氣身心濁亂悉不得便令彼衆生安
隱住胎乃至乳哺長養身心不濁無
病長命增益智慧乃至能行十善業
道樂行布施樂持禁戒怖畏未來三
惡道苦何等陀羅尼能得如是唯願
大慈為我宣說我得聞已於當來世

教化衆生。今時彼佛。即為我說。奢摩
裴多。悉致。募多。羅大授記。陀羅尼。我
聞此呪。受持流布。元量億劫。常以此
呪。化導衆生。令得修行。六波羅蜜。牢
固精進。復以此呪。護諸母人。及護胎
藏。若天若鳥。摩羅阿跋娑。摩囉人。非
人。等於彼婦人。及以胎藏。不能令彼
四大不調。身心濁亂。奪人精氣。惡呪
惡藥。乃至阿修羅。及餘世間。壞胎藏
者。亦不得便。胎藏安隱。產生無難。諸
根滿足。身體清淨。顏貌端正。具足智
慧。不失念力。大力諸天。百千萬億。及
諸眷屬。無量衆數。常隨衛護。能令彼
得宿命智慧。怖畏惡道。生慈悲心。樂
行布施持戒。忍辱精進。禪定樂善。知
識易得。聖智能得。盡苦具足。智慧樂
空寂處。滅諸煩惱。天龍夜叉。諸鬼神
等。供養供給。厭惡生死。志求涅槃。乃
至能發阿耨多羅三藐三菩提心。在
在生處。終不忘失菩提之心。速得成
就菩薩三昧。若生辟支佛心。現得順
忍於未來世。成辟支佛。若發聲聞心。
得四諦順忍。不墮三惡生。人中善

男子我於過去行菩薩行時以无量方便教化衆生令住阿耨多羅三藐三菩提善男子此陀羅尼如是大力有大利益善男子若諸衆生遇重癩病應以此陀羅尼呪師子乳與病者服一切諸病悉皆除愈若不能得師子乳者取祭死屍邊食以此陀羅尼呪之與病者服一切諸病亦悉除愈若無此食應取塵棄藥持此陀羅尼呪之與病者服一切諸病亦得除愈善男子我於過去行菩薩行時如是勤求方便教化衆生乃至令住阿耨多羅三藐三菩提若見諸樹无花果者我時即以此呪用呪雨水澆灌樹根彼樹華果即得滋茂乃至菰桃種種穀草皆令茂盛若天無雨取溝瀆中諸不淨汁安龜甲中以呪呪之以瞻波迦樹葉裏此龜甲置龍池中即時大雨若天多雨損敗苗實當取阿闍迦羅地頭中珠以呪呪之置龍泉中雨即便止若非時黑風大寒大熱日月星宿失其常度年節四時變異灾恠應愍衆生七日七夜淨修梵行

澡浴身體服食乳糜若但食菜一心
專念更无異想七日七夜諷誦受持
此陀羅尼復以此陀羅尼呪呪淨葵
菜裏摩陀邨果安天廟中即除非時
風雨寒熱種種災惡日月星宿還依
常度善男子我於過去修善提時欲
令衆生所在安隱若見虛妄憶想倒
見衆生我於今時為彼說此陀羅尼
呪披諸衆生聞此呪已虛妄顛倒皆
悉捨離修十善業起於善願姪欲薄
少善男子我於過去以方便力教化
衆生令住六波羅蜜亦自具行六波
羅蜜乃至得阿耨多羅三藐三菩提
善男子此陀羅尼能與衆生如是大
力與大利益能除一切諸病苦惱能
護懷妊婦人及以胎藏能壞一切煩
惱諸結能知四大五陰十二十八界
亦方便道能覺安隱快樂涅槃能令
衆生信心清淨能入諸法差別法門
攝諸外道壞魔境界善男子此陀羅
尼力能令一切諸天歡喜夜叉惡鬼
心生知足諸阿修羅極大怖畏迦樓
羅緊陀羅等亦皆歡喜摩睺羅伽不

能反顧摧伏邪論能令剎利婆羅門
毗舍首陀信心歡喜能令女人薄少
姪欲於多聞者益其念力修禪定者
樂阿蘭若能却一切盜賊闍諍飢饉
疫病旱澇寒熱虛噬惡觸如是等事
皆悉除滅法母增長佛法流布三寶
不斷除生死畏破無明聚棄捨苦障
能得盡智及無生智尔時世尊即說
呪曰

怛經他一摩都叉二阿婆叉三羅伽婆
叉四闍羅叉五末磨都叉六阿婆叉七男
随叉八都茶叉九都茶羅休十鼻陸都
吒十一佉伽都吒十二阿吒都吒十三拘都吒十四
鈴利鳩薩都吒十五都茶都吒十六富利迦
都吒十七鬱怛羅都吒十八迦毗都吒十九軍
闍都吒二十蘇目伽都吒二十一遮婆茂婆羅
都吒二十二佉伽九鉗婆囉都吒二十三富沙迦囉
都吒二十四系娑蘇我鬱盧達囉都吒二十五三
摩羅耶都吒二十六失囉鳩二十七憍怛吒二十八怛
羅二十九摩妬佉囉婆三十提畜叉三十一婆帝囉
堅三十二豆婆都摩囉堅三十三婆呵都否智三十四
僧佉囉闍婆三十五阿摩囉闍婆三十六摩呼
囉伽闍羅三十七阿祢拏婆囉三十八阿祢拏叉

三
九
阿婆呵摩喇伽祇等又^四哩沙哩婆都
豆佉寫^一娑和呵^二

尔時世尊說此陀羅尼時彼大衆中
六万億人得柔順忍復有六十頻婆
羅人得須陀洹果斯陀含果阿那含
果阿羅漢果善男子汝可持我此陀
羅尼往娑婆界如我辭曰北方去此
八十恒河沙佛刹過是數已有佛世
界名普上香亦具五濁彼中有佛号
德華藏如来應供正遍知現在說法
問訊釋迦牟尼佛少病少惱氣力安
不諸弟子衆樂聽法如說行不能摧
四魔諸惡龍不佛轉法輪无障碍不
善男子於彼釋迦牟尼佛所說日藏
法門能壞魔王龍王境界滅除惡業
說此奢摩裴多患致大授記陀羅尼
欲令此陀羅尼有大勢力大利益能
令衆生安隱快樂滅諸煩惱乃至棄
捨苦擔尔時德華藏佛諸弟子衆咸
共讚言善哉善哉希有世尊希有世
尊如来智慧一切法中無障无碍我
等從昔已來初未得聞如是甚深大
陀羅尼能與衆生安隱快樂聽此陀

羅尼已悉發勇猛讀誦受持何以故
此陀羅尼有如是無量無邊大功德
故今時虛空藏菩薩摩訶薩白佛言
世尊若有衆生怖畏生死欣樂涅槃
一心稱名禮拜供養德華藏佛并誦
此陀羅尼生希有心彼諸衆生增長
善根獲大利益今時德華藏佛告虛
空藏菩薩摩訶薩言善男子如是如
是如汝所說善男子我於往昔修善
提時勤求方便作如是願我得阿耨
多羅三藐三菩提時若有十方諸佛
國土其中衆生樂行布施乃至智慧
若能至心稱我名号禮拜供養令彼
衆生無有天人阿修羅等能加惡者
亦无有能障導修行六波羅蜜者又
能增益無量善根唯除過去造極惡
業者若此願不成我誓不取成等正
覺善男子若有婦人欲求子者若復
不願有多子者若有懷妊怖畏產難
彼諸人等應當至心稱我名号禮拜
供養若人非人無能得便亦無惡咒
毒藥能令身心受逼迫苦乃至一念
能知惡者我誓不取阿耨多羅三藐

三菩提善男子我於往昔求菩提時
作如是願覆護利益一切衆生是故
衆生應當至心稱我名号禮拜供養
一切諸惡皆悉除滅決定無疑唯除
過去極重惡業現受報者尔時虛空
藏菩薩白佛言希有世尊不可思議
我今欲往娑婆世界見釋迦牟尼佛
但彼衆生弊惡嫉妬無慈悲心不知
報恩言常魚獵多行邪見无惱我耶
我今往彼或無利益佛言善男子无
如是事誰是成就四無量心而能加
惡假使百千諸魔眷屬亦无障碍者
善男子汝於往昔無量劫來而常修
行四無量心汝莫怖畏善男子我有
陀羅尼從四無量梵行中生能滅諸
惡乃至惡夢汝可受持此陀羅尼若有
多嗔衆生聞此呪者皆生慈心若不
生者或便憎睡尔時世尊即說呪曰
怛經他一浮呼鼻利呵二浮浮囉三哩羅
囉婆四一邏五娑呵六呵籌七伽籌八伽伽
那又九奢摩奢摩十蜜多囉蜜多囉
斫迦囉十一跋帝帝隸十二娑伽囉帝隸
十三利哆唎十四寐十五唎梨呵跋醯
十六那邏

聞^{十七}嚩夜婆^{十八}都蜜^{十九}伍梨^{二十}綺底^{二十一}蜜^{二十二}伍梨

九婆^{二十三}利蜜^{二十四}伍梨^{二十五}始^{二十六}佉^{二十七}蜜^{二十八}伍梨^{二十九}一^{三十}摩^{三十一}都囉

蜜^{三十二}伍梨^{三十三}佉^{三十四}伽^{三十五}蜜^{三十六}伍梨^{三十七}三^{三十八}薩^{三十九}都^{四十}闍^{四十一}蜜^{四十二}伍

梨^{四十三}四^{四十四}薩^{四十五}婆^{四十六}羯^{四十七}摩^{四十八}蜜^{四十九}伍梨^{五十}五^{五十一}摩^{五十二}都^{五十三}跋^{五十四}利

哆^{五十五}蜜^{五十六}伍梨^{五十七}六^{五十八}陀^{五十九}脛^{六十}反^{六十一}濕^{六十二}婆^{六十三}囉^{六十四}蜜^{六十五}伍梨^{六十六}七^{六十七}

莎^{六十八}和^{六十九}呵^{七十}

善男子此陀羅尼名滅一切惡及諸惡夢其有誦持者應以瞻蔔油呪之七遍用塗兩手及用塗面諸惡心人觀見之者皆生歡喜乃至惡龍夜叉迦吒富單^一都等乃至千万諸魔眷屬不起惡心況加惡事假使滿四天下諸惡衆生呪一合水而以散之令彼衆生皆生信心乃至不起一念之惡若有濁水滿四大海取一合水以此呪呪之投彼大海能令濁水悉變澄清善男子汝可持此陀羅尼往娑婆界^一今時無量阿僧祇菩薩摩訶薩異口同聲作如是言我等今者渴仰欲見大德世尊釋迦牟尼佛禮拜供養尊重讚歎亦欲觀彼大衆集會聽日藏法門壞龍境界炎品為除一切衆生諸惡業故惟願世尊聽我往彼佛

言善男子欲往隨意應當一心以遊彼國汝等皆可變作轉輪聖王七寶

成就千子具足莊嚴其身如轉輪王

法即時八十千万菩薩摩訶薩與虛

空藏菩薩恭敬圍遶德華藏佛遶三

帀已上昇虛空是諸菩薩摩訶薩衆

各自化作轉輪王身七寶成就千子

具足象兵馬兵車兵步兵如是種種

莊嚴如輪王法即從彼發一念之頃

至娑婆世界以閻浮提金末散娑婆

世界佛及菩薩聲聞大衆如是金末

皆悉遍滿娑婆世界復以龍梅檀香

末而以散之復以真珠亦以散之復

以真珠金瓔珞具亦以散之復以頸

珠而用散之復以種種瓔珞種種衣

服而以散之復以種種幢幡寶蓋亦

以散之其諸菩薩摩訶薩衆皆為供

養釋迦牟尼多陀阿伽度阿羅呵三

藐三佛陀彼諸菩薩摩訶薩衆作是

供養已恭敬圍遶右遶娑婆世界遶

三帀已而未來至此四天下中摩伽陀

國釋迦牟尼佛所到已恭敬禮拜遶

佛三帀却住一面

大方等大集經卷第三十六

辛丑歲高麗國大藏都監奉

勅雕造

大方等大集經卷第三十七

國

隋天生三藏部連提耶舍譯

日藏分菩薩使品第三

尔時頻婆娑羅王見未曾見無量阿
僧祇梵天帝釋天部羅延天四天下
轉輪聖王見已心大歡喜從坐而起
在一面立尔時四使菩薩摩訶薩及
其眷屬合掌向釋迦牟尼佛時日行
藏菩薩以瞻波迦華鬘散釋迦牟尼
佛上而讚歎曰

於諸足中寂殊勝 施諸惡見大光明
能說出世平等行 行正道者施法印
摧滅毒龍及四魔 解世煩惱佛為勝
堅堅法幢施解脫 以大法炬滅衆闇
親近善友修集定 愍衆生故說福田
佛法僧寶甚難得 人身信心亦復難
雖得人身善友難 得善友者壞煩惱
衆生惡智煩惱覆 速能為滅煩惱網
衆生沒於煩惱河 佛如大船能拔濟
我等諸佛使說欲 隨喜如來佛法藏
尔時日行藏菩薩白釋迦牟尼佛言
世尊東方過无量恒河沙佛刹彼有

世界名無盡德佛号瞻波迦華色如
來應供正遍知現在說法彼佛如來
使我送欲并問評釋迦牟尼佛少病
少惱無多患不弟子眷屬身力樂不
常安隱不樂聽法不聞佛所說如教
行不樂阿蘭若不世尊於此破壞衆
魔獨超衆聖轉於无尋微妙法輪但
此五濁諸惡衆生障尋未盡於佛法
輪不信受者為是等故彼瞻波迦華
色佛說此日藏法行壞龍境界炎品
一切衆生惡業盡陀羅尼欲名四諦
順忍陀羅尼此陀羅尼有大勢力有
大利益能盡一切欲貪色無色貪一
切慢增上慢我慢等如上所說此四
諦順忍陀羅尼能壞一切魔王勢力
能令諸天心生歡喜能令阿修羅迦
樓羅生大怖畏能令緊陀羅心生歡
喜能令摩睺羅伽生怖畏心能壞外
道於刹利所能與知足能攝婆羅門
令入佛法能令毗舍生大信心能令
首陀羅生歡喜心能令女人離諸貪
欲能令智人生歡喜心令坐禪人樂
阿蘭若能却一切種種惡事及諸闍

淨飢饉疫病天橫死者能除外賊非
時寒熱惡風雨惡獸瀑水苦辛枯澁
諸惡觸等能建立法幢光顯佛法令
法母久住佛種不滅能安慰生死流
轉衆生能生盡智能覺无生智能裂
一切無明暗聚能捨一切苦擔能乾
一切苦海今時日行藏菩薩即說如
上四諦順忍陀羅尼

喝經吽一婆裏婆野波履婆娑_二婆醯婆

訶波履婆娑_三必利洩_{他地}吽必利洩_{他地}

鼻波履婆娑_四阿捩阿跛波履婆娑_五位

誓位杜波履波娑_六末娑末邏波履波

娑_七却偈_{其娑}却伽_{其箇}波履婆娑_八阿盧翅

阿盧迦_{其可}波履婆娑_九薩他迷_{其箇}薩他

麼波履婆娑_十曷羅_{其可}誓曷羅_{其可}社

波履婆娑_{十一}徒娑徒邏波履婆娑_{十二}伽迷

伽麼波履婆娑_{十三}阿補婆波履婆娑_{十四}

羅麼羅麼_{十五}羅謎_{其箇}羅麼_{十六}曷囉訥

曷囉邏_{十七}阿囉羅阿囉羅麼_{十八}睦

躡婆_{其箇}攘娜復頰_{其可}伽邏弥復頰

二十 揭邏磨波履婆娑_{二十一}斫菊揭邏

醯斫菊揭邏訶波履婆娑_{二十二}輸盧怛

囉揭邏醯輸盧怛囉揭邏訶波履婆

餘二伽羅娜揭邏醯伽羅娜揭邏訶波

履婆隸四什婆揭邏醯什婆揭邏訶

波履婆隸五迦耶揭邏醯迦耶揭邏

訶波履婆隸六麼那揭邏醯麼那揭

邏訶波履婆隸七駁跋曷利捨揭邏

醯駁跋曷利捨揭邏訶波履婆隸八

鞞須娜揭邏醯鞞須娜揭邏訶波履

婆隸九怛履瑟那揭羅醯怛履瑟那

揭羅訶波履婆隸十憂波陀那揭邏

醯憂波陀那揭邏訶波履婆隸十一婆

娑揭邏醯婆娑揭邏訶波履婆隸十二

闍帝揭邏醯闍帝揭邏訶波履婆隸十三

杜羅摩囉娜揭邏醯杜羅摩囉娜揭

邏訶波履婆隸十四獨佉珊多跋揭邏

醯獨佉珊多跋揭邏訶波履婆隸十五

阿囉波囉踰陞杜揭邏醯阿囉波囉

踰陞杜揭邏訶波履婆隸十六阿跋頌

鞞婆頌寫十七阿跋囉摸跋麼婆却十八

鞞也十九毗尼跋頌二十阿利耶曷囉捨弥二十一

薩鞞伽羶帝莎波訶里

說此呪已白佛言世尊此四諦順忍

陀羅尼是彼瞻波迦花色佛所送尔

時釋迦牟尼佛聞此呪已讚言善哉

善哉乃至一切娑婆世界諸佛刹中
十方來衆及此刹衆亦稱善哉除入
定者今時釋迦牟尼佛告日行藏菩
薩言善男子我今不起此座於大衆
中廣為衆生說此四諦順忍陀羅尼
文字及義不增不減善男子汝欲來
此彼瞻波迦華色佛為護汝身不怖
畏故說身受行陀羅尼乃至說涅槃
道日眼蓮華陀羅尼汝今當為一切
衆生於此宣說今時日行藏菩薩即
於佛前說所持來日眼蓮華陀羅尼
恒經他一從阿摩帝二毗盧迦三摩帝三
唎四羼五羼六羼七羼八羼九羼十羼十一羼十二羼十三羼十四羼十五羼十六羼十七羼十八羼十九羼二十羼二十一羼二十二羼二十三羼二十四羼二十五羼二十六羼二十七羼二十八羼二十九羼三十羼三十一羼三十二羼三十三羼三十四羼三十五羼三十六羼三十七羼三十八羼三十九羼四十羼四十一羼四十二羼四十三羼四十四羼四十五羼四十六羼四十七羼四十八羼四十九羼五十羼五十一羼五十二羼五十三羼五十四羼五十五羼五十六羼五十七羼五十八羼五十九羼六十羼六十一羼六十二羼六十三羼六十四羼六十五羼六十六羼六十七羼六十八羼六十九羼七十羼七十一羼七十二羼七十三羼七十四羼七十五羼七十六羼七十七羼七十八羼七十九羼八十羼八十一羼八十二羼八十三羼八十四羼八十五羼八十六羼八十七羼八十八羼八十九羼九十羼九十一羼九十二羼九十三羼九十四羼九十五羼九十六羼九十七羼九十八羼九十九羼一百羼一百一羼一百二羼一百三羼一百四羼一百五羼一百六羼一百七羼一百八羼一百九羼一百一十羼一百一十一羼一百一十二羼一百一十三羼一百一十四羼一百一十五羼一百一十六羼一百一十七羼一百一十八羼一百一十九羼一百二十羼一百二十一羼一百二十二羼一百二十三羼一百二十四羼一百二十五羼一百二十六羼一百二十七羼一百二十八羼一百二十九羼一百三十羼一百三十一羼一百三十二羼一百三十三羼一百三十四羼一百三十五羼一百三十六羼一百三十七羼一百三十八羼一百三十九羼一百四十羼一百四十一羼一百四十二羼一百四十三羼一百四十四羼一百四十五羼一百四十六羼一百四十七羼一百四十八羼一百四十九羼一百五十羼一百五十一羼一百五十二羼一百五十三羼一百五十四羼一百五十五羼一百五十六羼一百五十七羼一百五十八羼一百五十九羼一百六十羼一百六十一羼一百六十二羼一百六十三羼一百六十四羼一百六十五羼一百六十六羼一百六十七羼一百六十八羼一百六十九羼一百七十羼一百七十一羼一百七十二羼一百七十三羼一百七十四羼一百七十五羼一百七十六羼一百七十七羼一百七十八羼一百七十九羼一百八十羼一百八十一羼一百八十二羼一百八十三羼一百八十四羼一百八十五羼一百八十六羼一百八十七羼一百八十八羼一百八十九羼一百九十羼一百九十一羼一百九十二羼一百九十三羼一百九十四羼一百九十五羼一百九十六羼一百九十七羼一百九十八羼一百九十九羼二百羼二百一羼二百二羼二百三羼二百四羼二百五羼二百六羼二百七羼二百八羼二百九羼二百一十羼二百一十一羼二百一十二羼二百一十三羼二百一十四羼二百一十五羼二百一十六羼二百一十七羼二百一十八羼二百一十九羼二百二十羼二百二十一羼二百二十二羼二百二十三羼二百二十四羼二百二十五羼二百二十六羼二百二十七羼二百二十八羼二百二十九羼二百三十羼二百三十一羼二百三十二羼二百三十三羼二百三十四羼二百三十五羼二百三十六羼二百三十七羼二百三十八羼二百三十九羼二百四十羼二百四十一羼二百四十二羼二百四十三羼二百四十四羼二百四十五羼二百四十六羼二百四十七羼二百四十八羼二百四十九羼二百五十羼二百五十一羼二百五十二羼二百五十三羼二百五十四羼二百五十五羼二百五十六羼二百五十七羼二百五十八羼二百五十九羼二百六十羼二百六十一羼二百六十二羼二百六十三羼二百六十四羼二百六十五羼二百六十六羼二百六十七羼二百六十八羼二百六十九羼二百七十羼二百七十一羼二百七十二羼二百七十三羼二百七十四羼二百七十五羼二百七十六羼二百七十七羼二百七十八羼二百七十九羼二百八十羼二百八十一羼二百八十二羼二百八十三羼二百八十四羼二百八十五羼二百八十六羼二百八十七羼二百八十八羼二百八十九羼二百九十羼二百九十一羼二百九十二羼二百九十三羼二百九十四羼二百九十五羼二百九十六羼二百九十七羼二百九十八羼二百九十九羼三百羼三百一羼三百二羼三百三羼三百四羼三百五羼三百六羼三百七羼三百八羼三百九羼三百一十羼三百一十一羼三百一十二羼三百一十三羼三百一十四羼三百一十五羼三百一十六羼三百一十七羼三百一十八羼三百一十九羼三百二十羼三百二十一羼三百二十二羼三百二十三羼三百二十四羼三百二十五羼三百二十六羼三百二十七羼三百二十八羼三百二十九羼三百三十羼三百三十一羼三百三十二羼三百三十三羼三百三十四羼三百三十五羼三百三十六羼三百三十七羼三百三十八羼三百三十九羼三百四十羼三百四十一羼三百四十二羼三百四十三羼三百四十四羼三百四十五羼三百四十六羼三百四十七羼三百四十八羼三百四十九羼三百五十羼三百五十一羼三百五十二羼三百五十三羼三百五十四羼三百五十五羼三百五十六羼三百五十七羼三百五十八羼三百五十九羼三百六十羼三百六十一羼三百六十二羼三百六十三羼三百六十四羼三百六十五羼三百六十六羼三百六十七羼三百六十八羼三百六十九羼三百七十羼三百七十一羼三百七十二羼三百七十三羼三百七十四羼三百七十五羼三百七十六羼三百七十七羼三百七十八羼三百七十九羼三百八十羼三百八十一羼三百八十二羼三百八十三羼三百八十四羼三百八十五羼三百八十六羼三百八十七羼三百八十八羼三百八十九羼三百九十羼三百九十一羼三百九十二羼三百九十三羼三百九十四羼三百九十五羼三百九十六羼三百九十七羼三百九十八羼三百九十九羼四百羼四百一羼四百二羼四百三羼四百四羼四百五羼四百六羼四百七羼四百八羼四百九羼四百一十羼四百一十一羼四百一十二羼四百一十三羼四百一十四羼四百一十五羼四百一十六羼

頌三姥爹囉杜裨三訶頌鞞麼頌一句囉

誓一訶頌呼反自喊呼反三十二訶頌者帝嘯反三十三

訶 頌 達 麼 曷 囉 誓 四 訶 頌 捕 呼 曷 囉

誓五訶頌跋社麼帝六訶頌虛伽曷

囉捨弥三十七訶頗達麼徒蜜帝三十八訶頗婆

憂波陀娑九手若如者反茹若如者反四十毗杜樹堅

一四毗者社若若二娑羅末伽其我若若三

唵娑婆訶
四四
娑囉伽
四十五
獨跋莎
六十四

說此呪已白佛言世尊彼瞻波迦華

色佛為護我故說此陀羅尼今時釋

迦牟尼佛告長老耶舍汝可持此日

眼蓮華陀羅尼何以故佛出世難聞

此隨羅尼亦復甚難若佛如來及弟

子衆或阿羅漢須彌山王及於大海

其德可談此日眼蓮華隨羅尼非於

一劫若百千劫可說其德此陀羅尼

如是甚深汝當一心受持讀誦於四

衆中廣宣說之彼娑婆界一切衆生

聞此呪已一切欲貪色无色貪患皆

除滅乃至能得漏盡智證得涅槃樂

今時香象菩薩復以偈讚

昨佛坐於菩提樹能壞衆魔及眷屬

獨得無上勝菩提 證知一切衆生類

佛放勝光蔽外道 如日能映諸熒火
法母三寶種常住 聖集為度諸衆生
為求善法及菩提 供養佛故同集此
唯佛甘露洗衆生 演說菩提勝行故
能度衆生更不生 盡漏盡思盡煩惱
安置衆生寂滅城 唯佛於世如妙藥
能除衆生諸憂愁 彼佛使送陀羅尼
并復問訊牟尼月 多聞智海慈悲行
說此偈已白佛言世尊譬如城方
一由旬沙滿其中如是一沙為一佛
剎過是數已南方有佛世界名袈裟
幢具足五濁佛号山帝釋王如來十
号具足今現在說法彼佛如來使我
送欲并問訊釋迦牟尼佛少病少惱
常安樂不弟子衆等无多患不樂聽
法不既聞法已如說行不樂阿蘭若
不樂坐禪不佛於此剎破壞魔王及
諸惡龍光顯正法轉無障号清淨法
輪但此佛剎諸惡衆生障号未盡不
受法輪者為是等故彼山王如來令
我送此日藏法行壞龍境界炎品一
切衆生惡業盡陀羅尼欲名空順忍
陀羅尼此陀羅尼有大勢力有大利

益能却一切欲貪能盡一切色非色
貪能盡一切慢增上慢如上所說乃
至能捨苦擔今時香象菩薩即說所
送空順忍施羅尼

恒經他一頭摩帝頭摩帝一惡騎及頭

摩帝三鉢囉娑婆頭摩帝四薩婆迦

舍頭摩帝五阿鞞却其我培鞞娜却

伽七碎蘇骨朱叉却伽八阿婆摸訶却伽九

阿都涅也却伽十毗耶佛履帝却伽十一

僧透嚩者却伽十二阿泥麼却伽十三盧者

都却伽十四尸棄却伽十五毗底寐却伽十六郁

鞠摩却伽十七嗎囉却伽十八惡敬却伽十九

耶婆麼娜却伽二十尤嚩跋却伽二十一耶婆

毗娘都却伽二十二斫菟施妬却伽二十三耶婆

麼娜毗娘都施妬却伽二十四必利洩陸施

妬却伽二十五耶婆毗娘娜施妬却伽二十六鞞

之結反墻反都履悉蜜駐跋薩他娜却伽二十七

耶婆阿瑟叱達奢阿鞞尼迦佛施達

摩却伽二十八獨住却伽二十九耶婆磨勒却

伽三十毗婆娑娜毗敬婆三阿都娜娜二

阿陞娜娜三三姥施所娜娜四薩婆迦

囉囉娜娜五薩婆僧薩他娜毗瞿跋

娜娜六阿緊反柘若女我娜娜七又初詐

婆叉婆叉^八伊犁伊憐^九伊犁伊羅^四

寐利蘇波呵^一

說此呪已白佛言世尊此陀羅尼是
彼山王如來所送今時釋迦牟尼佛
心大歡喜讚言善哉善哉并及一切
娑婆世界諸大集衆皆大歡喜同讚
善哉除空靜處入禪定者今時釋迦
牟尼佛語香象菩薩言善男子我今
不起此座於大衆中廣為衆生說此
空順忍陀羅尼文字及義不增不減
善男子汝欲來此彼山王佛為護汝
故說無量根陀羅尼汝可說之何以
故能却一切心受行故得平等一切
智智故四魔境界壞故法母三寶性
不斷故今時香象菩薩白佛言世尊
我今當說即於佛前說所持來無盡
根大授記陀羅尼

恒經他一捨囉娜毗夜也^五式叉毗夜也^五

從寐履帝毗夜也^四鉢囉河寧^{奴下}毗^反

夜也^五矢履地毗夜也^六因地利毗夜也^七

囉斯毗夜也^八蒲騰伽毗夜也^九三摩地

毗夜也^十陀羅尼毗夜也^{十一}羼帝^{都利}毗^反

夜也^{十二}梨耶毗夜也^{十三}闍娜毗夜也^{十四}

鉢邏若

反我

阿雷

反

必也毗夜也

十五

阿紉

反

社毗夜也

十六

摩伽毗夜也

十七

遏鼻娘

毗夜也

十八

鉢囉帝

都履反

三陞

蒲履反

爹毗夜

也

十九

步寐

莫履反

毗夜也

二十

生

父一經耶反

余歌

毗夜也

二十一

摩訶梅怛梨

毗夜也

二十二

摩訶

迦雷

驢咄反

那毗夜也

二十三

摩訶牟帝

多毗

夜也

二十四

摩呼卑

又毗夜也

二十五

必利洩鼻

毗夜也

二十六

薩埵

毗夜也

二十七

達摩毗夜也

二十八

答摸

毗夜也

二十九

阿盧迦

毗夜也

三十

鉢

囉帝婆娜

毗夜也

三十一

鉢囉帝

輸盧得

迦毗夜也

三十二

伽伽

那毗夜也

三十三

摩雷須

毗夜也

三十四

鉢囉帝

多三

姥波爹

毗夜也

三十五

輸娜

反

多

毗夜也

三十六

阿尼

塞多

毗夜也

三十七

揅鉢囉尼

系多

毗夜也

三十八

侯嚩須

毗夜也

三十九

夜也

四十

瞿沙

毗夜也

四十一

緊

吉固反

柘那

毗夜也

四十二

也

四十三

阿鼻

三麼夜

毗夜也

四十四

阿怒娜

毗夜也

四十五

阿奴娜

阿婆呵者者

四十六

者遮囉

四十七

者

四十八

遮囉

毗夜也

四十九

遮囉

毗夜也

五十

柘陞

蒲履反

斫菊

者遮囉

毗夜也

五十一

姥

八

毗夜也

五十二

毗姥

五十三

察夜

毗姥

五十四

阿磨

毗夜也

五十五

多

五十六

毗夜也

五十七

毗姥

五十八

阿三

姥阿遮囉

毗姥

五十九

塢

六十

眈

眈姥

六十一

阿迦

舍毗姥

六十二

驃鉢

舍麼

六十三

眈姥

六十四

阿那

婆娑

毗姥

六十五

阿呵

呵毗姥

六十六

阿囉

婆娑

毗姥

六十七

六十八

優波

舍麼

毗姥

六十九

阿囉

婆娑

毗姥

七十

阿囉

婆娑

毗姥

薩利羅

毗婆

六

娑波呵

六

說此呪已白佛言世尊此是山王如
來所說無盡根授記陀羅尼護我身
故今時釋迦牟尼佛告長老憍陳如
汝可受持讀誦此無盡根陀羅尼憍
陳如佛出世難聞此陀羅尼者亦復
信難善男子若佛如來或佛弟子大
阿羅漢等於百千劫可得數知一切
衆生三世心心數法此陀羅尼德非
百千劫說能盡其邊以是故憍陳如
當受持此無盡根陀羅尼於四衆中
如闍廣說若有衆生得聞此法能盡
惡業乃至得四無所不壞辯才能常
樂說於三界中得取勝身今時炎德
藏菩薩摩訶薩合掌向釋迦牟尼佛
以偈讚曰

六道煩惱苦所澍 佛智如船自他度
六根所迷魔網縛 佛出世難說實道
智人能捨六種家 佛為世親除儉法
得六神通諸三昧 諸佛大聖實語者
能解衆生流轉縛 我等信心聞佛讚
世親使我未此刹 唯願世尊聽我說
余時炎德藏菩薩摩訶薩白佛言世

尊西方過四十二恒河沙等佛刹有
佛世界名堅固幢佛号智德峯王如
來十号具足今現在說法彼佛如來
使我說欲并問評釋迦牟尼佛安隱
住不起居輕利不弟子衆等无多患
不樂聽法不若聽法已能如說行堅
固住不樂阿蘭若行不如來於此破
壞衆魔及龍眷屬光顯正法寂勝無
尋轉妙法輪但此世界諸惡衆生障
碍未盡於佛法輪不順行者是故彼
佛說此日藏法行壞龍境界炎品一
切衆生惡業盡陀羅尼欲所謂无願
順陀羅尼此陀羅尼有大勢力有大
利益能盡一切欲貪色無色貪一切
慢增上慢我慢等如前所說能裂一
切無明暗累能捨一切苦擔今時炎
德藏菩薩即說所送无願順陀羅尼
怛經他一舍摩那舍婆二阿婆又舍婆三
斫菟舍婆四輸盧哆囉舍婆五伽拏舍
婆六覩婆舍婆七迦耶舍婆八摩那舍
婆九又婆毗陀十斫菟利濟鼻又婆
一輸盧哆囉阿婆又婆十一伽羅拏帝
閼叉婆十二什婆婆喻又婆十三迦耶羯

羅摩又婆^{十五}摩都烏闍又婆^{十六}阿盧

迦若都又婆^{十七}毗闍僧羯摩又婆^{十八}

唵句囉哇伽又婆^{十九}婆摩嚩畢也鼻

耶又婆^{二十}含摩迦闍又婆^{二十一}又耶囉

婆又婆^{二十二}羯哆鼻耶婆又婆^{二十三}耶耶

都^{二十四}泥都都^{二十五}阿婆泥都都^{二十六}都

耶波都夷都都^{二十七}伊沙伊婆都度

哇嗎莎呵^{二十八}

說此呪已白佛言世尊此無願順陀

羅尼是彼智德峯王如來所送尔時

釋迦牟尼佛及一切娑婆世界諸大

集衆皆讚善哉善哉唯除在定尔時

釋迦牟尼佛告炎德藏菩薩摩訶薩

言善男子我今不起此座於大衆中

廣為一切衆生說此無願順陀羅尼

文字句義不增不減善男子汝從彼

耒智德峯王佛為護汝故說智慧依

止陀羅尼汝今當為一切衆生於此

宣說若有衆生聞此法已所有上中

下結欲有因緣所生煩惱悉皆微薄

復能除却恒河沙劫生死之苦一切

惡業亦皆除滅一切善根具足圓滿

尔時炎德藏菩薩白佛言世尊如具

如是我今當說即於佛前說智慧依止隨羅尼

怛經他_二佉伽波利_反提_二伽喇婆

又_反西伽跋梨_四鼻也鉢囉婆伽又

又_反婆踰岐_反鉢底呵梨_六奢磨部

四迦涕_七三摩迷伽闍師_反阿又夜那

又婆跋移_反祢馱那闍師_{十二}婆

摩娜闍師_{十三}娑摩伽邏闍師_{十三}阿地呵

奢夜闍師_{十四}鼻鉢囉婆闍師_{十五}西又

闍師_{十六}西祢夜闍婆闍師娑利囉瞿

唎_反夜闍師_{十七}娑利羅瞿唎夜阿鞞

綺婆那鳩世_{十八}薩檀拘帝_{十九}私婆檀

部梯_{二十}毗哆鉢囉鼻利_{二十一}嘔波羯

囉磨那梯_{二十二}阿那比地夜跋羅公_反

鉢羅帝羯迷那_{二十四}三迦太夜世_{二十五}

薩盧遮那婆迷拘盧太梨_{二十六}迦摩

薩世_{二十七}阿世奢佉岐_{二十八}那夜軍闍

鼻地夜跋泥_{二十九}羯羅那跋泥_{三十}鬱

遮跋泥_{三十一}三迷摩迦梨_{三十二}奢利夜跋

泥_{三十三}摸伽闍師_{三十四}呵利拘那婆_{三十五}那

夜部目公_{三十六}娑囉又拘梨_{三十七}那羅延

擎樹梨_{三十八}因隨羅婆薩泥_{三十九}烏阿_{四十}

阿婆阿_{四十一}阿阿_{四十二}何羅婆阿婆囉_{四十三}

阿婆囉

四

阿羅薩弥伽

其我反

四十五

豆佉祢

提

都夷反

囉

六

涅

膝

醯

七

莎

和

呵

八

四

四

四

說此呪已作如是言此是智德峯王
佛所說陀羅尼尔時釋迦牟尼佛告
長老舍利弗言汝可受持此智慧依
止陀羅尼所以者何佛出世難聞此
陀羅尼亦復倍難舍利弗若佛如來
及佛弟子大阿羅漢於百劫中可得
知此四天下微塵等數此智依止陀
羅尼德於百千劫說不能盡此陀羅
尼如是甚深是故應受持讀誦於此
衆中廣為人說若有衆生能聽受者
彼人所有下中上欲有因緣所生煩
惱及色无色有因緣所生煩惱皆悉
微薄復能除却恒河沙劫生死之苦
五無間業及於女人舊所造業皆悉
除滅乃至漏盡得涅槃道尔時虛空
藏菩薩摩訶薩合掌向佛而說偈言
如來真實知法界 亦魔衆生正真道
若有真實生信心 是則能破三惡道
供養如來一香華 无量世受無上樂
無量世中身具足 亦得无上真智慧
若能一聞是捻持 即能摧滅諸煩惱

一切人天所供養 獲得無生及盡智
華德藏佛功德具 彼佛使我來問訊
今時虛空藏菩薩白釋迦牟尼佛言
北方去此八十恒河沙世界彼有佛
刹名一切香上具足五濁佛号德華
藏如來應供正遍知明行足善逝世
間解無上士調御丈夫天人師佛世
尊今現在說法彼佛使我送欲并問
訊釋迦牟尼佛如來於此降伏衆魔
及龍眷屬寂勝无尋轉妙法輪但此
刹中諸惡衆生於佛法輪不順行者
是故彼德華藏佛說此日藏法行壞
龍境界炎品一切衆生惡業盡陀羅
尼欲所謂奢摩裴多悉致鄰利陀羅
尼此陀羅尼能令衆生得大勢力得
大利益得大安隱能除一切病苦能
壞一切煩惱一切陰入界能差別知一
切法能示一切方便能清淨涅槃道
能令一切衆生心生歡喜能入一切
法門無有障尋能以正法降伏外道
令住佛法能壞一切魔王境界此陀
羅尼有大力用善攝一切諸魔外道
令失勢力能令諸天生大歡喜能令

夜叉心生知足能怖阿修羅能壞金翅鳥能令緊陀羅生大歡喜能令摩睺羅伽不敢迴顧能令外道默然無對能令刹利心生歡喜能令婆羅門信入佛法能令毗舍首陀羅等皆大歡喜能令女人不樂多欲能令懷孕女人產生安隱能令多聞人心不失念能令坐禪人樂阿蘭若能除一切患難一切鬪諍飢饉疾疫能除内外奸宄能除非時寒熱風雨暴水苦辛枯澁惡觸等事能光顯法母建立佛法紹三寶種令不斷絕於生死中作大安慰能生盡智能證无生智能壞無明暗聚一切苦擔此名奢摩裴鞞多悉致陀羅尼尔時虛空藏菩薩即於佛前說奢摩裴多悉致那利大授記陀羅尼

怛經他一摩那又

又二

我阿婆又

三羅伽婆

又四閻羅又

五

末摩那又

六

阿婆又

陀叉八那荼叉

九

那荼囉休

十

鼻薩那

吒

十一

佉伽那吒

十二

阿吒那吒

十三

拘那吒

十四鉢利鳩薩那吒

十五

那荼那吒

十六

富

利迦那吒

十七

鬱怛羅那吒

十八

迦毗那

吒^三尤^三軍闍^三那^三吒^三蘇^三目^三伽^三那^三吒^三遮^三

婆^三茂^三囉^三那^三吒^三佉^三伽^三九^三鉗^三婆^三囉^三那^三吒^三

富^三沙^三迦^三囉^三那^三吒^三系^三娑^三蘇^三我^三鬱^三盧^三達^三

囉^三那^三吒^三三^三摩^三羅^三耶^三那^三吒^三失^三囉^三鳩^三

三^三憍^三怛^三吒^三怛^三羅^三摩^三妬^三佉^三囉^三婆^三

提^三畜^三又^三婆^三帝^三囉^三豎^三豆^三婆^三那^三摩^三羅^三

豎^三婆^三呵^三呵^三那^三否^三智^三僧^三佉^三囉^三闍^三

婆^三阿^三摩^三囉^三闍^三豎^三摩^三呼^三囉^三伽^三闍^三羅^三

阿^三拏^三拏^三婆^三囉^三阿^三拏^三拏^三又^三阿^三婆^三

阿^三唎^三伽^三拏^三拏^三又^三哩^三沙^三哩^三婆^三都^三豆^三佉^三

寫^三莎^三波^三呵^三

說此呪已白佛言世尊此陀羅尼有

大勢力有大利益彼德華藏佛令我

送來今時釋迦牟尼佛讚言善哉及

一切大衆皆讚善哉除坐禪者今時

佛告虛空藏菩薩摩訶薩言善男子

我今不起此坐廣爲大衆說此陀羅

尼文句及義不增不减善男子汝從

彼來德華藏佛爲護汝故說陀羅尼

令惡心者生歡喜心諸不信者悉皆

惛睡此陀羅尼從德華藏佛所久修

四無量行生汝今當爲一切衆生於

此宣說若有聞此陀羅尼一切惡人

皆生歡喜

尔時虛空藏菩薩即說一切惡心衆
生生歡喜心不信衆生悉皆惛睡
羅尼

怛經他^一浮呼鼻利呵^一浮浮羅^三哩

邏囉浮^四一邏^五娑呵^六呵籌^七伽籌

伽伽那^八叉^九奢摩奢摩^十蜜多囉蜜

多羅^二斫迦羅^{十二}跋帝帝^{十三}娑伽

囉帝^{十四}隸^{十五}豆利哆^{十六}唎^{十七}唎呼

跋醯^{十八}那羅闍^{十九}齋^{二十}夜婆那蜜^{二十一}伍

梨^{二十二}綺底蜜^{二十三}伍梨^{二十四}婆利蜜^{二十五}伍梨^{二十六}

始佉蜜^{二十七}伍梨^{二十八}摩都囉蜜^{二十九}伍梨^{三十}佉

伽蜜^{三十一}伍梨^{三十二}薩都闍蜜^{三十三}伍梨^{三十四}薩婆

羯摩蜜^{三十五}伍梨^{三十六}摩那跋利哆蜜^{三十七}伍梨^{三十八}

六^{三十九}陀^{四十}反^{四十一}婆^{四十二}囉蜜^{四十三}伍梨^{四十四}莎和^{四十五}呵^{四十六}

說此持已一切惡龍各還所住悉皆

睡眠唯除得忍不退轉者乃至惡夜

又惡阿修羅惡迦樓羅惡緊那羅惡

卑離多惡毗舍闍惡富單那惡迦吒

富單那彼一切衆各還所住皆悉睡

眠唯除得忍不退轉者若復有人惡

心虛獫无有慈悲彼此懷恨常不捨

離不畏當來墮於惡道造五無間誹

謗正法毀此聖人樂行不善彼惡衆
生聞此呪已悉皆惛睡有信心者得
慈悲心不鬪諍心得不濁心得念法
緣心畏當來世墮三惡道得恭敬三
寶心得念法心念寂滅心一切衆生
聞此陀羅尼已即得住於如是等心
尔時虛空藏菩薩白佛言世尊我欲
來此彼德華藏佛為護我故說此陀羅尼
尔時釋迦牟尼佛告長老目乳連言
汝可受持此陀羅尼目連如來多陀
阿伽度阿羅訶三藐三佛陀出世甚
難聞此陀羅尼亦復倍難所以者何
此陀羅尼從无限曆四梵行生目乳
連如來百千劫不行餘業說此陀羅
尼義一切天人無有能知者乃至十
地菩薩亦不能知唯除諸佛此陀羅
尼如是甚深如是大力能與大利益
能速滿足阿耨多羅三藐三菩提又
能滿足大慈大悲教化衆生是故目
連汝當受持讀誦此陀羅尼於大衆
中廣為人說若有聞此陀羅尼者得
大利益多嘆衆生於未來世應受惡
者皆悉盡滅不受果報能知生死多

諸過惡修大善根取大福德親近大
善知識供給供養是故速得不退阿
耨多羅三藐三菩提目連此陀羅尼
能然法燈紹三寶種

大方等大集經卷第三十七

辛丑歲高麗國大藏都監奉

勅雕造

大方等大集經卷第三十八

隋天竺三藏那連提耶舍譯

日藏分定品第四

今時世尊告四使菩薩及其眷屬諸菩薩等善男子汝若樂住此娑婆界者各各隨意入所修學自福德善報三昧陀羅尼三摩提三摩跋提時四菩薩及其眷屬即便各各隨意入定入禪定已身出光明有菩薩光如大炬火有菩薩光乃至如百千万日月光者今時大德憍陳如承佛神力作如是念我今欲問如來一義如來因是或當分別廣說如來四陀羅尼文字及義如來若說此娑婆界十方之衆若得聞者壞疑網心於一切法得大光明速得四果未得須陀洹速得須陀洹未得斯陀含得斯陀含未得阿那含得阿那含未得阿羅漢得阿羅漢過三惡道得人天身一切悉得純善之法作是念已即從座起合掌向佛默然而住今時佛告阿若憍陳如汝將不欲問我義耶憍陳如白佛

言如是世尊我實欲問願佛聽許如
我意說佛告憍陳如隨汝意問我當
廣說令汝心喜一切天人聞此語已
皆生歡喜今時憍陳如白佛言世尊
如佛經中說有二種所謂愛及富伽
羅行於生死云何名愛云何名富伽
羅何故如來說此二種行於生死佛
告憍陳如善哉善哉快發斯問憍陳
如汝為憐愍一切衆生故作是問欲
與一切衆生樂故作如是問如是問
者是知時問憍陳如至心諦聽我今
當說憍陳如言如是如是如佛所說
我當受持今時世尊告憍陳如愛有
三種所謂欲愛色愛无色愛復有三
種所謂有愛離有愛法愛憍陳如何
者欲愛欲名放逸放逸因緣則生貪
觸以觸因緣則生樂想如是等法衆
生樂著欲心發動如火所燒欲因緣
故樂造十惡捨離十善以是因緣墮
於地獄畜生餓鬼生貧窮夜叉中欲
因緣故於生死中受五陰身具種種
苦雖受是苦不生怖畏心无慙愧不
樂修善於流轉中難得人身設得人

身以欲因緣身口不淨造作無量諸重惡業乃至五無間業以是因緣復於生死三惡道中受大重苦一切受苦皆因欲心欲集因緣猶如糞猪被於繫縛趣三惡道受諸苦惱是故如來為斷貪欲宣說正法呵責欲法若有衆生得聞如是呵責欲已能如實觀諸欲不淨如毒生果如大火聚如滿坑毒藥如滿瓶糞如利刀如賊如旃陀羅加締邨如熱鐵丸如大雹雨如惡吐嵐婆風如惡毒蛇如惡野澤如羅刹洲如跋陀伽都如種種糞掃聚如尸陀林是人如是知欲過患於欲事中生大怖畏身大戰動愛法樂法學法欲剷除鬚髮身被法服求於正法求法自在於正法中生清淨心於法道中行法救濟如是樂者被人臨終獲得正念以念法故樂法氣味故念法果報故見十方佛在大衆中宣說法要教化衆生旣聞法已得歡喜心心歡喜故數數得見諸佛色身是人死已離三惡道生有佛刹常與善人遊止共俱能行布施忍辱精進樂

於禪定修習五通樂涅槃道大慈悲
心教化衆生能得諸佛瓔珞莊嚴切
德之身過去所有煩惱及習恙皆盡
滅彼諸衆生得如是莊嚴身心譬如
香篋盛種種衣衣服皆香而彼香花
不失稱兩不損其色如是憍陳如若
有衆生樂法因緣臨命終時得見諸
佛因見佛緣得歡喜心心歡喜故生
有佛刹共善衆生同其事業亦復如
是自增善根得種種瓔珞莊嚴身心
不久得阿耨多羅三藐三菩提覺而
彼善不滅是故憍陳如若善男子
善女人見自利益見他利益見彼此
利益常應親近善友學善友法常聞
善友呵責欲法種種過患如是聞已
乃至得阿耨多羅三藐三菩提道憍
陳如所言善友者謂諸佛菩薩辟支
佛阿羅漢又善友者即我身是何以
故我今出世憐愍衆生欲為斷除一
切苦惱能說諸欲一切過患是故大
衆應受我語我不妄語常真實語非
無義語非虛惡語慈悲心語我今當
說諸欲罪過汝等應當一心受持既

受持已於三惡道速得解脫乃至得阿耨多羅三藐三菩提

尔時一切娑婆世界三千大千一切大集諸來眾等同發聲言唯願如來宣說欲過我等聞已如佛所說至心受持佛言憍陳如諦聽諦聽四種因緣眾生生欲何者為四色貪長短赤白等貪觸貪樂貪樂歌憊種種莊嚴瓔珞服飾等貪何者色貪色名四大和合生滅不住无我無眾生如是四大无我無眾生一切凡夫无明顛倒橫於色中而生覺觀此是男此是女此好此惡此可樂此不可樂欲火入心猶如鬼著男見女身執相取著長短黑白以是因緣未生欲能令生已生欲能令增長是人如是念欲轉多常不捨離一切善根悉皆減少不復愛樂諸善知識不能善護身口意業與一切罪而共和合不見一切諸欲過患以不見故命終即入三惡道中或在地獄或在畜生或在餓鬼於彼惡道无量世中受諸大苦皆由貪欲貪欲日緣令欲增長諸有智者觀察女

色念不淨想不念女身所有髮毛皮
肉筋血但念白骨專心不捨如女人
身男子身亦如是如見近身遠身亦
如是如他身自身亦如是但念白骨
不念髮毛皮肉筋血如是念已數數
思惟心常信念不忘失者此名心順
行道初斷欲法門是人復念彼骨中
心三摩跋帝住於眉間如棗許處如
是念已數數思惟心住不失彼人亦
時心得寂靜氣息不出不入不見惡
相不見惡事不樂不念乃至不緣一
法是則名為奢摩他名心寂靜此名
煩惱順行道第二斷欲法門云何身
寂靜是人如是念故能令身中出入
息定不入不出彼智慧人波羅婆佛
陀身心樂寂滅如是念故心速順奢
摩他此名第三寂滅攀緣斷煩惱道
法門是人復念頭骨頂中如一小棗
處如是數數念已見彼中空如是數
數念空見彼頂骨如一沙塵如是第
二第三見骨末依此法用一切頭骨
皆如塵末見彼骨末為風所吹如是
見一切身骨皆悉如末為風所吹如

是不見身骨乃至見虛空彼中心
波囉娑三跋帝此名第四順奢摩他
寂滅攀緣斷煩惱道法門

爾時長老阿若憍陳如白佛言世尊
虛空相者是有為相不佛言如是善
男子虛空之相是有為相時憍陳如
復白佛言世尊若虛空相是有為者
為是自相為他相耶佛言憍陳如若
能觀察一切法界及有為界是名自
相何以故若能觀察色寂靜者當知
彼人能見如來所以者何若人觀骨
見骨如末為風所吹見是事已能深
觀察色之實性是人亦時見一切色
悉皆空寂乃至不見一切諸相唯見
虛空但念虛空於彼虛空數數修習
見十方色一切皆空如淨琉璃於中
復見無量諸佛乃至十方亦復如是
見佛身已又見如來三十二相八十
種好乃至十方悉見諸佛色身具足
光照團圓如尼俱陀樹彼人過去若
曾習學涅槃之道有善根者即作是
念我當問佛如是虛空誰之所造久
近當減作是念已即便問佛爾時如

來即為宣說夫虛空者但有名字无
有作者當何所滅言虛空者無有覺
觀無物无數無有相貌无出無滅一
切法相亦不可得能想所想亦皆是
無了知是已於諸想縛志皆解脫即
便獲得阿耨舍果能斷一切貪欲之
心唯有色愛無色愛結及於掉慢諸
無明在彼人念時見佛身已作如是
念我今當知如來身相長短廣狹作
是念已見所在處十方空中悉有如
來彼人念時欲得觀少即便見少欲
得觀多隨意見多无量無邊亦復如
是復次彼人更作是念如是諸佛從
何而來復作是念如是如來無所從
來去无所至彼人念時不見諸佛有
去來已又作是念三界受身心但虛
假以是因緣我隨覺觀欲多見多欲
少見少諸佛如來即是我心何以故
自心作佛自心見故心即我身身即
虛空我因覺觀故見无量無邊諸佛
我以覺心見佛知佛非心心知非心
心見見心相者則不可斷我觀法界
性無牢實隨念生故是故一切所有

性相及心覺觀即是虛空虛空之性
亦復非有若能如是見彼空者已於
過去發菩提心彼人修習三昧因緣
即得諸佛現其前住是人若發求聲
聞心即得一切無相三昧既修習已
復得无著清淨智心遠離无明亦復
獲得隨順空忍不久得於四果真證
彼人若見空即是空今時即得身心
寂靜得寂靜已是則名為空解脫門
入是門已欲得取於阿羅漢果則為
不難是名第五修習空寂滅諸攀緣
斷煩惱道真實法門今時世尊說此
法已彼大眾中有九十九百千万億
諸天及人得奢摩他順忍八万四千
人得空順忍如是六万天人得空三
摩提解脫法門二万衆生皆得諸佛
現在三昧無量衆生得須陀洹果八
十四百千比丘得無漏道

今時佛告憍陳如言若復有人自觀
頭骨心若不停及不樂者是未調伏
既未調伏亦復不能得於解脫彼人
今時應當更詣屍陀林所觀察死人
或見青瘀腫脹血塗或見膿流處處

淹漬皮肉爛潰筋脉相交禽獸往來
爭共啖食或見白骨其色如珂體頷
老移手足分散見是相已當熟察心
樂住何處知已即觀常念不捨一切
外色敗壞若斯自揆我身亦應如是
始從青疾是處腥臊終至白骨支離
消散心常專念勿使他緣若住若行
若坐若卧勤修觀行滑利流通晝夜
相續不令馳散閉目開目恒使分明
從少至多內外洞徹如是展轉乃至
山河草木叢林人畜等物皆作骨相
亦復如是於四威儀常見自身骨貝
等事未曾捨離如是心住不動如山
於一緣中常定無亂不淨念等悉具
足滿彼人念時於此身中作是觀已
乃至命終不起染心於現在時能離
羅尼即能觀骨作離散相如是念已
四方俱時皆令風起吹此骨身皆悉
磨散使如微塵如是自身風因緣故
皆作塵已一切諸色一切大地亦各
以風因緣力故散如微塵如是作已
身及万物悉皆隨風塵飛消散郛元

所見猶如虛空離諸言說如是觀已
得虛空相見一切物如青琉璃數數
修習如是等念今不馳散如是觀已
復觀虛空作於黃色係心憶想亦令
成就無分散意如是觀已復觀赤色
想念赤色觀赤色已復作白色想念
白色觀白色已復觀紫色紫色成已
觀頗梨色於虛空中作如是念如是
无法色及地等一切諸物皆見青色
及頗梨色今不馳散作是觀已次作
水想亦見青色及頗梨等一切諸色
皆見於水更無餘想唯見大地如四
指許餘皆為水彼人見是四指地已
便無增減復作是念我於今者當以
足拍動此大地使令動轉隨意久近
若欲令於少分動者即隨所念如是
動已乃至能令諸山大地大海江河
一切隨動出大音聲其聲遠徹聞於
餘方復觀諸水有種種色或優鉢羅
華拘物頭華鉢頭摩華分陀利華如
是種種一切諸華皆隨念見復觀虛
空皆作地想於其地上行住坐卧俯
仰屈伸復觀一切土石諸山作種種

色其形細軟如兜羅綿於其山上迴轉去來經行宴坐被人介時作如是等諸外觀已悉皆放捨還更攝念復自觀身作輕微想更增修習令其成就如兜羅綿隨風飄散作是觀已於虛空中行住坐卧是人復入火光三昧身現種種妙色光明青黃赤白及頗梨色又復遊入炎摩迦定於身上下牙出水火乃至地中現於出沒如鳥處空無諸障尋日月威力有大光明能以手摩不生驚畏又復身上到於梵天作如是等現神變已復隨所樂作如是念於其身內或青或黃或赤或白或復見紫及以頗梨復作是念我當云何得見諸佛隨其方所皆悉覩見被人介時若欲見小隨念即見若欲見大亦隨念見乃至充塞遍滿虛空復作是念是等諸佛无所從來去無所至唯我心作於三界中是身因緣唯是心作我隨覺觀欲多見多欲少見少諸佛如來即是我心何以故隨心見故心即我身即是虛空我因覺觀見无量佛我以覺心見佛

知佛心不見心心不知心我觀法界性無牢固一切諸法皆從覺觀因緣而生是故法性即是虛空虛空之性亦復是空我因是心見種種色青黃赤白一切雜色及以虛空種種亦現作神變已所見如風无有真實但妄想心依止於色是則名為共凡夫入順四諦施羅尼佛言憍陳如何者名為不共凡夫四諦順施羅尼若有人能作如是念此虛空者不可捉持无有覺觀不可宣說心亦如是猶如虛空不可捉持不可宣說如是二種皆悉虛妄憂愁惱亂猶如火燒虛誑闍諍我今捨離是空色等一切諸念亂想覺觀如是捨諸虛空色等虛妄覺觀一切心已心不復生離諸念故心得寂滅得寂滅已更不復生何以故心緣滅故是心便滅身心釋悅悉皆捨離以捨離故身得安隱捨覺觀故口離語言心安一緣修習滅定是人今時一日一夜入於如是寂滅三昧如意自在經无量億百千万歲於是三昧堪忍不散從滅定起捨有漏

法及其壽命入於涅槃此名無漏不

共九夫四諦順陀羅尼第一解脫門

佛復告憍陳如云何名為共九夫人

四諦順陀羅尼若有人能作如是念

我隨覺觀觀如是色觀如是我我心

即色色即我心若我遠離一切色相

觀虛空相是人今時修虛空相即入

無量空處三昧此則名為共九夫人

順四諦陀羅尼義若有人能作如是

念色即是空我以此色因緣空故得

見虛空何者境界是虛空相虛空之

性名無障碍是風住處如是風者是

四大相我色亦亦是四大攝此二法

者無有差別心亦如是猶如虛空復

作是念此四大者以何為體一切諸

法性自空寂自他等性亦皆空寂夫

虛空者即無所有不生不滅无處無

家作是觀時係念諸佛既係今已見

虛空中有無量佛一心念已得阿耨

含果此則名為不共九夫四諦順陀

羅尼第二解脫門

復次行者作如是念何者境界是虛

空相復何因緣名為我相行者自念

言虛空者即是我也即是淨我即是我心我者无色如虛空無邊我亦是此則名為共凡夫人如實陀羅尼若有能觀一切法空无我我所言空處者即是無我色亦无我若觀如來即是我也我見佛已得須陀洹果斯陀含果阿那含果乃至一切有漏法盡得阿羅漢果此則名為不共凡夫四諦順陀羅尼第三解脫門

復次行者若觀於我清淨不濁即是空處空即我心若能永斷一切煩惱即是淨心若能修習八直正道是名淨心作如是學即能獲得須陀洹果乃至證得阿羅漢果此則名為不共凡夫四諦順陀羅尼第四解脫門復次行者若有欲觀於色相者即分別相分別相者即是瞋相瞋恚相者即生死相我今為斷生死相故觀心相空此則名為共凡夫人四諦順陀羅尼行者若觀於我即是寂靜我今亦未斷於覺觀若觀於我及我我所如觀虛空我我所者即是苦也苦所從生即名為集如是苦集是可斷法

是名為滅觀苦集滅是名為道得須
陀洹果斯陀舍果阿那含果乃至獲
得阿羅漢果此則名為不共九夫四
諦順陀羅尼第五解脫門

復次行者作如是念何以故我今已
觀此虛空相夫虛空者即是於我我
若遠離虛空觀者次觀識處如虛空
觀識觀亦亦如虛空處无量無邊識
亦如是无量無邊此則名為共九夫
人四諦順陀羅尼行者若念識名為
想亦名覺觀識即是苦知苦所從名
之為集苦集可斷是名為滅觀苦集
滅是名為道得須陀洹果斯陀舍阿
那含阿羅漢果此則名為不共九夫
四諦順陀羅尼第六解脫門

復次行者若觀識處即是覺觀如刺
入身如瘡如病如我前時遠離空處
離空處已亦離識處離識處已修无
想處是人今時得無想已不緣一法
即得住於无想三摩跋提此則名為
共九夫人三摩跋提若觀識處即是
瘡痛苦惱之法如病如癰如我遠離
觀於識相次觀无想言無想者即是

無我无我我所想觀念清淨大般涅槃
作是觀時即得須陀洹果斯陀含果
阿那含果乃至得於阿羅漢果此則
名為不共九夫四諦順陀羅尼第七
解脫門

復次行者若有能觀无想處者即是
細想如我遠離是無想處觀非有想
非無想處亦復如是此則名為共九
夫人如實陀羅尼若觀非想非非想
處即是大苦是處可斷可得解脫作
是觀時彼人即得須陀洹果斯陀含
果阿那含果乃至得於阿羅漢果此
則名為不共九夫四諦順陀羅尼第
八解脫門

憍陳如此陀羅尼有如是等不可思
議種種利益又能除斷一切欲貪一
切色貪一切非色貪離九夫位得聖
人法永斷一切三惡道因於當來世
不更受於地獄畜生及以餓鬼是名
四諦順陀羅尼汝今當知此即是彼
瞻波迦華色如來所遣日行藏菩薩
所責持欲我今在此說大集經是故
彼佛送此欲來此陀羅尼能斷一切

諸結煩惱又能永盡一切結恨諸增
上慢及我慢等一切嫉妬能却世間
一切家業一切戲笑能斷一切我見
一切疑見及婆羅多觸能斷一切常
見斷見壽命見通沙見富伽羅見作
見知見一切色見乃至觸見一切生
見一切四大見能斷如是一切諸見
能知一切五陰十二入十八界等能令
受者得涅槃樂能壞眾魔調伏惡龍
能令一切諸天及諸夜叉皆生歡喜
能怖阿修羅及迦樓羅緊那羅摩睺
羅伽能壞一切惡邪外道能悅一切
刹利婆羅門毗舍首陀羅能令一切
多貪婦女念於少欲能令多聞人心
生歡喜能令坐禪人樂阿蘭若能療
一切諸惡重病能却一切鬪諍飢饉
疾疫凶衰及諸橫死能除外賊惡風
惡雨惡水瀑河非時寒熱種種苦辛
瘡溢惡味能光法母建立法幢紹三
寶種使不斷絕又能安慰生死流轉
恐怖眾生令其快樂能生盡智證无
生智能裂無明破諸闇聚能捨苦擔
入於涅槃佛說此四諦順陀羅尼忍

時無量无边阿僧祇衆諸天及人遠
塵離垢於諸法中得法眼淨九十六
億那由他衆生捨諸煩惱心得解脫
八十億百千那由他衆生得此四諦
順陀羅尼無量無數阿僧祇衆生發
阿耨多羅三藐三菩提心亦復得於
不退轉道四万二千衆生得無生法
忍一切天龍夜叉羅刹阿修羅迦樓
羅乾闥婆緊陀羅摩睺羅伽辟荔多
鳩槃荼毗舍遮人非人等皆悉讚言
善哉善哉无上世尊言音微妙不可
思議寂勝難量不可稱說無慧眼者
為出智光苦擔衆生能為除却於流
轉海作大船筏如是善巧无尋智說
誰有聞者不樂發於阿耨多羅三藐
三菩提心尔時長老阿若憍陳如白
佛言世尊云何名為日眼蓮華陀羅
尼如日行藏菩薩摩訶薩之所宣說
智者受持讀誦書寫得大利益於三
界獄不生樂想得無相三摩提解脫
門得無所有處三昧得雙頭滅結若
有聞者能薄煩惱七返常受人天之
身於人天中能得聖道不為貪欲之

所染汙諸天世人常所恭敬佛告諸
陳如諦聽諦受精勤用心莫生疲懈
汝所問此日眼蓮華陀羅尼者非是
一切聲聞辟支佛心行境界何以故
此陀羅尼乃至清淨十八不共佛法
力生憍陳如若我今於百千万劫說
此日眼蓮華陀羅尼終不可盡亦令
聞者一切天人心生迷悶此陀羅尼
唯佛能說唯佛能聽何以故此陀羅
尼有無量義難知難覺如日眼蓮華
陀羅尼自餘三方无盡根陀羅尼智
依止陀羅尼惡睡眠衆生陀羅尼亦
復如是憍陳如白佛言世尊唯願說
彼南方山王如來香象菩薩所送空
順陀羅尼佛言如是如是至心諦聽
當為汝說憍陳如若衆生觸欲因
緣惛醉迷亂不知解脫醒覺之處流
轉生死於無量劫在三惡道受諸苦
惱不可堪忍菩薩摩訶薩大慈悲心
見諸衆生受如是等无量苦惱起大
精進修行諸道修行道已得阿耨多
羅三藐三菩提得阿耨多羅三藐三
菩提已說出苦道若有衆生能至心

聽如說順行即得脫苦得須陀洹果
乃至阿羅漢果佛告阿若憍陳如云
何觸欲若有衆生和合欲事因和合
故則生於觸因觸生樂因樂生苦苦
因緣故生死苦惱從是而生憍陳如
如四毒蛇以四因緣能害衆生所謂
見毒蛇毒齒毒觸毒如是一切念欲
衆生亦復如有見因緣有聞因緣
有念因緣有觸因緣以是四緣令諸
衆生遠離一切諸善根本於生死中
受大苦惱佛告憍陳如云何名為觸
欲解脫若彼行者作如是念以何方
便得離觸欲復作是念若我能觀骨
瑣遠離貪欲是則名為寂勝方便作
是思惟色者即是四大所造四大所
造即是無常性无牢固破壞離散皮
肉賤抓膿血筋骨智者終不於是身
中生淨好相作是觀已若晝若夜悉
見一切十方清淨猶如珂貝見是事
已即時獲得一切世間不可樂想如
是行者復作是念我此生死煩惱鼓
作我於此想若樂修者則能斷除一
切煩惱生老病死如是行者於一切

骨正覺觀已一心正念不失不動此
名奢摩他如是次第正觀頭骨乃至
足骨一心正念不失不動此名毗婆
舍那復作是念以何方便得破生死
作是思惟觀於口鼻和合入出風方
便故破生死鼓如是行者自觀身骨
猶如碎末為風所吹於自身中骨想
皆盡不見身相如是觀時遠離身相
生於空相不見內法此則名為第一
空門復次行者於自身中復更思惟
一切外色風力所壞作是觀已於此
內外一切諸色不念不見此則名為
第二空門復次行者作如是念我今
不見一切內外諸色相貌皆是空力
我今定知一切諸法無有去相无有
來相作是觀時一切覺觀悉皆永斷
此則名為第三空門

復次行者作如是念識為大罪復觀
是識知是一切覺觀因緣我當遠離
心意識行何以故若有集法當知定
滅一切有法體非真實一切有法性
是寂滅此則名為第四空門作是觀
時得須陀洹果乃至阿羅漢果或有

獲得法順忍者或有獲得菩提證者
復次行者若觀覺觀是滅相者即得
滅定此則名為不共凡夫空順陀羅
尼是陀羅尼成就无量一切功德有
大力勢能大利益永斷無量諸大苦
惱善能除斷一切欲貪一切色貪乃
至一切想非想貪能捨一切煩惱苦
擔此即是彼山王如來香象菩薩摩
訶薩所送以我說此大集經故彼佛
送此陀羅尼欲說此法時九十二万
百千衆生得須陀洹果六百万諸衆
生等不生煩惱得無漏道慧心解脫
九十部由他百千衆生於初學中得
此空順陀羅尼八百万諸衆生等得
辟支佛證智定心六十六頻婆羅衆
生發阿耨多羅三藐三菩提心無量
衆生亦得住於不退轉道一切大衆
皆讚善哉天雨雜華并散香末今時
憍陳如復白佛言世尊唯願如來為
我說彼智德峯王佛遣炎德藏菩薩
摩訶薩所送無願順陀羅尼佛言如
是如是憍陳如至心諦聽當為汝說
有諸衆生處在世間愛樂於欲晝夜

貪味不知出道不知出故於流轉身
受大苦惱是人應當觀於无願解脫
法門作如是念欲欲色欲及無色欲
觸欲解欲如是等欲因覺觀生諸行
因緣和合故有復次行者更如是念
如是諸行無有作者无有受者因風
造作故有於我身口意行亦復如是
因風而生因是風故身得增長因是
風故口得增長復作是念若身口意
因風造者我當碎身令如微塵如是
念已諦自觀察我此身中入出氣息
即同彼風諦觀一切身諸毛孔從風
因緣故有生死復觀一切不淨之物
肉血髮爪因風故成復觀是身命終
之時是屍更無風息入出復作是念
我身口行因緣於風若无風者無身
口行是故今時得空三昧修集增長
因修集故一切有本葉薄華萎乃至
漸漸能斷欲貪及以解欲作是觀已
得須陀洹果乃至阿羅漢果或有發
阿耨多羅三藐三菩提心復次行者
若心亂時應如是觀彼欲因緣念種
種色乃至念天以是心散時彼行者

更如是念若我一切諸生處中欲未
斷故此心更生譬如伐樹不去於根
唯却枝櫟不除根故其樹更生愛亦
如是愛入未斷能生諸苦復次行者
不念於取一心專修乃至我身骨瑣
雪白色如珂貝悉皆筋連見骨瑣已
是時若眼中見内外色或復見彼一
切皆空但骨瑣連色白如貝不增不
減時彼行者如是念已不失於心此
名奢摩他復次行者若如是學此我
頭骨齒骨項骨乃至此是我脚指骨
如是念者坐不得禪何以故以有奢
摩他毗婆舍那兩種念故心不得禪
時彼行者攝念緣中心住不動歡喜
快樂速疾得修若獨念一毗婆舍那
心正住者應當速疾念彼骨瑣專係
思惟此行若明更好觀察骨相成塵
磨滅分散隨逐因緣作是觀者此名
毗婆舍那順忍覺若一切骨離垢色
白碎末為塵與心和合如是思惟此
名生順忍覺若彼行者觀一切色離
垢潔白及骨成塵離我和合意識去
來如是觀者此名無我盡順忍覺若

一切色為識境界眼中來者離垢淨
白及以骨塵作如是念彼不可說不
可捉持亦不停住如是念者此名奢
摩他順忍覺如是行人得此順忍覺
因緣故於三世中現在未來一切貪
欲恚皆除滅及盡三有於三界中脫
三垢縛即得入於三解脫門如是念
已得須陀洹果乃至如是一相念者
得阿羅漢果復次行者觀一切色及
以骨瑣猶如珂貝離垢筋連見骨瑣
已時彼行人心定不動若心不動行
住坐卧常係一緣如是念者名奢摩
他調柔修習時彼行人復更內外觀
察於空念內外空得入三昧觀一切
色悉皆青相念此骨瑣亦作青色見
諸骨瑣作青色已時彼行人復作是
念誰作此色及骨瑣青誰造誰安乃
至琉璃及頗梨色作此思惟分別想
已更如是念此青色者心因緣見是
虛妄見非是實見如是念已知法從
緣精勤修習於諸世間常為衆生礼
拜供養佛告憍陳如此無願順陀羅
尼義除不樂想及除食中諸顛倒想

是彼智德峯王如來遣炎德藏菩薩
摩訶薩所送來欲令時座中有菩薩
摩訶薩名正念智白佛言世尊若諸
聲聞修不淨相及奢摩他得成相已
有何等相佛言善男子若為破壞貪
欲之結修不淨念係心眉間自觀已
身三百碎骨如是相出及不淨念於
是時中彼行人身亦熱亦動此名初
相得是相已乃至常觀彼如是相見
自己身澀觸等相及以他身亦復如
是名第二相又彼行者修不亂心一
切悉觀亦皆不淨名第三相是人能
觀苦集盡淨名奢摩他行者身中如
是相出得於煖法如溫乳汁灌澍身
心此則名為不動心相時彼行者若
有心中樂如是相當捨念心此相清
淨貪染自除无明汙心智慧斷故行
者如是觀白骨時念此骨相乃至寂
滅因緣故有如是觀察即見一切身
中煖出此如是相若奢摩他得具足
滿此則名為煖相善根行者令時緣
於過去福德善根今作此修心行清
淨見智如燈內心自知復次行者觀

身四行從於瑣骨乃至微塵洞徹明了如自額中覩於燈炎見一切色及以自心并心數法盡分別知譬如窓中日光明照微塵迴轉無暫時停一切有為譬如塵性作如是念乃至世間一切有法見無我見寂滅實智行者今時得頂善根是名頂法復次行者得頂法已更自觀身或見火出或見火然或見大光滿十方從初禪地乃至四禪善根所生如是色陰微妙四大彼行者身亦如是得所見身色滿足禪樂不異於天時彼行人更從心裏復出日光見於十方處處日輪皆悉遍滿見是相已不生心念是時得入空三昧中復見頂上種種色出猶如傘蓋此名頂相功德善根復次行者不取緣相四諦順忍今時彼中得四諦證善男子此名聲聞修習不淨正念因緣不淨正念因緣成已得奢摩他是名白骨燈光觀相復於彼中如是相生亦見是相見是相已得歡喜心歡喜因緣得八正道因八正道能斷一切煩惱愛結得須陀洹

乃至阿羅漢果善男子汝自剎中勝
炎佛土聲聞之人若富伽羅樂阿羅
漢觀如是法不淨因緣即得道果說
此不淨解脫法時无量無數无边眾
生證得四諦如法順忍乃至無量无
邊眾生成得如實果尔時世尊復告阿
若憍陳如言善男子若一切眾生共
同一心其四真諦可以一念而證得
者如來應為一切眾生演說一行一
法一事亦不應有八万法聚隨逐因
緣差別之異若一人證時一切眾生
亦應同證若一人斷時一切眾生亦
應同斷不應別有聲聞三乘不應別
有菩薩十地何以故煩惱同故斷時
證處處所是同憍陳如是故眾生應
以種種因緣調伏不以一緣及以一
事憍陳如若一切眾生覺觀未盡如
是時中一切有法大瘡大刺種種有
生種種生中有法增長種種相種種
色種種心時彼行者如是思念若欲
自心樂心取相觀此骨瑣心和合生
彼念因緣作此初心次第思惟如是
必定得涅槃道果證不難又見此身

得樂因緣不退轉故復次行者作如是念何因緣故心和合生彼因緣故樂說方便能知是者此則名為第二勝心現見法樂住必定心得不退轉復次行者如是思念我今此心幾許因緣和合共生處處覺觀攀緣取捨如是身心有樂受故或妄想住我於彼身心樂寂滅又如是念若我因緣和合故生緣骨瑣故身心安樂樂已還滅若彼行人生於眼識乃至意識生及住滅方便因緣亦皆寂滅作如是念此則名為第三勝心現見法樂必定不退得理脬道以是因緣及得四果不久不難復次行者作如是念若我此身一切法界通達方便清淨體性亦非體性寂滅方便住復如是念我一切心相寂滅方便住又一切心相覺觀想滅寂靜心住此則名為第四勝心現見法樂如是必定得涅槃道身雖未證欲證不難憍陳如如是四種寂勝尚心和合現時即得明見八十四百千三摩提行門見是行已得阿部含果乃至得阿羅漢果亦

時又得二種解脫有大勢力具大神
通為諸天人禮拜供養憍陳如一切
衆生非實一乘一行一貪一念一欲
一解一信是故如來宣說種種句偈
名字種種法門以是義故如來具足
十種神力憍陳如一切衆生具有種
種顛倒之想是故如來為淨衆生顛
倒想故說無常想或樂苦想或無我
想或樂死想或臆脹想或樂爛想或
樂膿想或青瘀想或樂種種蟲噉食
想或樂臭想或樂骸骨離散等想今
時阿若憍陳如重白佛言世尊云何
名為一切世間不可樂想去何復名
一切世間食不淨想憍陳如汝今不
應問如是事何以故我此剎中別有
方便得涅槃脩道及四果法彼剎衆生
根性不同信心行別方便力別得涅
槃道國界既殊其相各異憍陳如若
我具說如是之法唯除得無生忍菩
薩摩訶薩能信受此其餘衆生聞即
迷沒時憍陳如復白佛言世尊唯願
憐愍為諸菩薩能信解者分別宣說
世尊是諸衆生若聞宣說一切世間

不可樂想及以食中不淨想等聽聞如是二種相已能生種種上妙善根能破無明種種障尋一切衆生愛入和合癡見纏縛如揭頭羅於流轉中處處受生於流轉中處處造行又過去際諸流轉中不可見知以是因緣樂於生死是故生死無有始終何以故一切衆生在流轉中不聞如是食不樂想以食因緣增長貪欲又不聞於此法門故是故五處流轉受生困苦疲極如來世尊大慈大悲无量世中常念衆生唯願如來憐愍故說此具足滿無願順陀羅尼

大方等大集經卷第三十八

壬寅歲高麗國大藏都監奉

勅彫造

大方等大集經卷第三十九

國

隋天生三藏那連提耶舍譯

日藏分惡業集品第五

尔時世尊告憍陳如言善男子彼智德峯王如來愍此世界五濁衆生及天人故命彼焰德藏菩薩摩訶薩送此欲來為欲安樂諸衆生故時憍陳如重白佛言世尊如是如是惟願如來廣演分別一切世間不可樂想食不淨想若佛宣說不可樂想食不淨想衆生聞者能捨欲貪不著諸味世尊若有衆生能於諸欲及飲食中皆生怖畏於此二事生厭離心苦切呵責應修清淨當知是人越流轉河速到彼岸能得解脫諸有繫縛佛言憍陳如如汝所說一切世間不可樂想食不淨等對諸天人及餘大衆如智德峯王如來無願順陀羅尼焰德藏菩薩摩訶薩所送汝至心受憍陳如言唯然世尊我今諦聽佛語憍陳如云何名為一切世間不可樂想憍陳如言世間者凡有二種一者衆生世

間二者器世間云何名為衆生世間
所謂五趣衆生天人餓鬼畜生地獄
此名五趣衆生世間器世間者欲界
之中有二十處色界十六无色有四
此四十種名器世間衆生住處欲界
之中有二十處者第一謂於八大地
獄二地獄四面各有十六隔子以為
眷屬周匝圍遶彼中觀察生不樂想
云何名為八大地獄一名一死一活
地獄二名黑繩地獄三名衆合地獄
四名叫喚地獄五名大叫喚地獄六
名熱地獄七名大熱地獄八名阿鼻
地獄若過去未來及現在世有諸衆
生自身口意造諸惡業故生於彼大
地獄中經无量劫備受種種百千苦
惱彼地獄中設覩妙色以心逼切不
生樂想以見因緣無樂想故復生大
苦如是轉轉從一地獄至一地獄苦
中極苦不可堪忍不可言說若耳聞
聲及鼻嗅香舌嘗其味身中覺觸心
緣諸法亦復如是彼一切心不愛不
樂不曾歡喜一切不好無一可意身
常火然食熱鐵丸飲融銅汁所有觸

處悉皆是火不可忍耐極大苦受彼諸衆生以其惡業未畢盡故如是不死乃至一切未受果報亦彼中生次復人中身口意行造惡業故亦彼中受憊陳如世間衆生多樂於樂不樂辛苦彼地獄中誰欲樂入此名寔初惡業地獄衆生所住之處智慧之人觀是事已生不樂想憊陳如何者名為第二所居畜生生處觀察彼已生不樂想憊陳如畜生之中身有老別或有衆生其身大者如折一毛以為百分如一分許有於如是不可思議微細之身復有衆生身如室中遊塵復有衆生身如十千由旬復有衆生壽命如一時頃復有衆生壽命如七時頃復有衆生壽命一切乃至百劫千万億劫以惡業故在彼中生不樂善法不種善根无有法行亦無智慧无慙無愧无慈悲心常受苦惱生大怖畏各各于生相害之心遠離一切諸善之法常行不善無明黑暗嶮惡道中造地獄業起瞋恚心不樂福德是報熟時惡道中受下身下心生如

是處常受種種飢渴寒熱捶打乘騎
負重困乏領穿脊破蚊蟲毒蟲覓相
啖食如是苦惱无量無邊何有智人
樂於彼處智慧之人觀是事已於畜
生中不生樂想是名第二惡業衆生
畜生住處憊陳如云何名為第三所
居餓鬼生處觀察彼處生不樂想憊
陳如餓鬼之中身有老別或有餓鬼
身長一尺或有餓鬼身量如人或
身如千踰闍耶或復有鬼身如雪山
彼諸餓鬼裸形無衣被髮自經黑瘦
羸瘠唯皮裹骨肉血都無身體魚漚
猶如枯樹恒苦飢渴思念食飲常不
能得口內火然焰出於外心常瞋恚
无有慈悲熱悶憊惶求涼不得又為
飢渴之所逼切飲銷銅汁食燒鐵丸
及諸熱惡臭爛膿血熱屎熱尿熱麩
熱漿及諸熱風或復熱雨一切草木
江海河池樹葉華果所食之物求覓
甚難恒不能得設復得之或經千年或
百千年如是壽命常受苦惱行住坐
卧黑闇無明何有智人樂於彼者智
慧之人觀是事已於餓鬼中不生樂

想是名第三惡業衆生餓鬼居處憍
陳如云何名為第四人間所居之處
觀察彼處不生樂想憍陳如有智之
人次觀人中一切皆有種種諸苦所
謂生苦老苦病苦死苦愛別離苦怨
憎會苦求不得苦五盛陰苦飢苦渴
苦貪苦瞋苦妬嫉等苦妄言綺語兩
舌等苦惡口罵詈誹謗等苦寒苦熱
苦惡風惡雨疫蝗等苦毒惡禽獸傷
害等苦惡世惡王牢獄等苦貧窮下
賤短命等苦既念此苦更生重苦緣
苦生苦還造苦因於未來身復受苦
報如是轉轉无量無邊受諸辛苦无
有窮盡何有智者樂於彼中是名第
四衆生人中居處智慧之人觀是事
已於人道中不生樂想憍陳如云何
名為第五所居欲天生處觀察彼處
生不樂想憍陳如有智之人觀初欲
界有於六天是中衆生常樂欲事欲
愛所纏所受果報老別不等生於苦
受或復果報勝劣不同或上或下其
下果報見上果報耻媿著慙常生苦
受或於過去修福來者今得生此果

報將終福德欲盡如是念時則生苦
受或復種種有所為作勤勞辛苦故
生苦受或所愛人耽弄之物分張離
散故生苦受一切福德果報畢盡見
好處所心生愛樂既不得往生大苦
受又知業行速墮惡道畜生餓鬼及
地獄中以如是故倍大苦受如是種
種無量諸苦何有智者樂於彼處此
名第五欲界六天受報處所智慧之
人觀是事已於彼欲天不生樂想復
次憍陳如云何名為色天中不生樂
想智慧之人觀彼色界十六住處一
切諸天修於世禪得生於彼因既有
為是有漏法苦未盡故不得寂滅心
意快樂及於種種其餘勝樂是故苦
受又未到於樂彼岸故是故在此苦
流轉中不知出道以是義故三惡趣
中未得解脫是故苦受何有智者樂
於彼處此名第六有漏色天智慧之
人觀是事已於彼色天不生樂想復
次憍陳如智者觀彼色界衆生如是
修習無漏禪故得住彼天以未具足
滿八正道是故苦受為八正道欲滿

足故精勤方便是故苦受一切无學
三摩提地心未得故生於苦受彼辟
支佛諸陀羅尼未自在得故生苦受
於諸如來三昧境界未自在得故生
苦受一切衆生境界皆苦如是衆生
於色界中若欲雙頭入般涅槃如上
所說種種諸苦具足受之何有智者
樂於彼處是名第七无漏色天智慧
之人觀是事已於色天中不生樂想
復次憍陳如云何名為觀無色天不
生樂想智慧之人觀无色界四種天
處以能修習有漏三昧故得生彼一
切漏中未得解脫是故生苦一切學
地及無學地未得自在是故生苦不
得聽聞諸佛正法是故生苦一切愛
欲未畢竟斷於流轉中不得自在是
故生苦彼處壽終不得勝趣生於邪
見如是大苦一切三惡煩惱業道未
能永斷如是生苦一切三惡道中未
得度脫如是生苦何有智者樂於彼
中是名第八無色四天智慧之人觀
是事已於无色天不生樂想故得出
於一切有獄及離一切諸有中生如

是八種和合觀時智慧之人乃能獲得雖不生心而常至心修八正道憍陳如此則名為一切世間不可樂想復次憍陳如言世間者即名為行去何智者於行世中不生樂想行有三種何者是三一者身行二者口行三者意行云何身行身行者謂氣息入出是名身行云何口行口行者所謂覺觀言說是名口行云何意行意行者名為想受是名意行是名三行此三種行其相如是一切衆生一種心想智者云何能分別知於身口意生不樂想智者觀身出入氣息取九十九數時深觀息之涼煖和合方便一切身分出入氣息被一切身出入氣息從口鼻中乃至一切毛孔道中氣息出入是人觀息諦知是息本无有生亦無有滅若本来无今始有者是无常想無決定相如水上的泡如空中雲如是觀時一切行中得身行相觀如是相從何因緣即知是相因於覺觀覺觀之性本无今有是故無常是可斷法是解脫法而是覺觀因妄心

生而此心性本無今有本无今有是
無常相可破壞相无歸依相無有物
相无有我相無有實相作是觀時於
諸行中心則生悔能修世間不可樂
想復次智者若能深觀如是三世則
能永斷一切煩惱十二入等能淨正
見斷除流轉相續之法成平直道正
聚所攝作如是等方便修時決定能
得須陀洹果乃至阿羅漢果憍陳如
是名智者於諸行中得不樂想以是
義故名不樂想方便攀緣復次憍陳
如云何智者觀所著衣作不樂想憍
陳如若智慧人觀於衣裳或造或縫
或割或涂及成就已在其身邊或見
或摩或著或脫如是想念此如人皮
見新色衣作血塗想諸惡臭蟲之所
居停蚊蚋蟻虱不淨充滿智者見已
不生樂心如是憍陳如此名智人於
衣服中得不樂想憍陳如云何名為
智慧之人觀於食中得不樂想憍陳
如若有行者執持鉢時作如是想此
之皿器如剥麤皮膿血所汙不淨觸
體爛臭可惡諸蠅蛆數遍滿其中无

可貪者若見食時應觀是食如死屍
蟲穢惡充滿若得麤者作如是觀此
麤糲塵猶如骨末若得於麤應觀是
麤作人皮想如是得臠或復得漿得
粥得羹如是想念此如臠血或大小
便或如人脂或如人腦若得種種衆
雜菜茹復作是觀此如馬髦或如人
髮若得蘿蔔薑者復作是念此如人
齒若得肉者作如是念此如人肉得
白石蜜或黃石蜜或蒲桃飲或石榴
漿乳酪醍醐生熟蘇等作如是念此
如人血或如人膿或涕或涎腦髓唾
等如是惡露臭處難看智慧之人於
是食中不生樂想復次憍陳如云何
智人於房舍中生不樂想智者如是
入諸堂宇房廊屋室或樓閣中入已
思惟應生怖畏我今入此外有四門
如大地獄焚燒我身若見屋椽椽柱
脊棟如是觀察此之材木共相掌拄
猶如人身一切碎骨見泥泥壁如肉
覆骸見畫莊嚴如血塗漫又觀種種
牀蓐鋪席猶如人皮又觀坐卧眠止
處所或如骨鎖或如死人如是種種

飲服湯藥丸散煎膏皆作是想起諸
獸離憍陳如是名智人一切食中得
不樂想如是念已得何利益即能獲
得三種順忍何者三忍謂空順忍無
相順忍无願順忍是人如是得三忍
已樂修空想因修空想住是空中見
一切法悉皆是空入是空已復得利
益能知生滅方便利行如是陰界無
常苦空无我不淨見十八界及十二
入乃至四諦十二因緣一切法性苦空
無常及以无我如是念已得須陀洹
果乃至阿羅漢果得解脫相復次憍
陳如此三摩提無學解脫如是利益
一切世間不生樂想善能除斷一切
欲貪一切色貪及非色貪一切疑慢
一切調戲一切無明又能安置於無
學地憍陳如此名二種一切世間不
可樂想如是種種名具足滿无願順
陀羅尼微妙之義此陀羅尼有大勢
力能除欲色非色調慢能證盡智及
無生智能裂一切黑暗羅網能捨一
切苦惱重擔以我說此大集經故彼
智德峯王如來命焰德藏菩薩摩訶

薩手中送此無願順陀羅尼欲來憐
陳如是陀羅尼能摧一切諸惡魔等
能勝一切毒害龍衆諸天敬信倍更
歡喜夜叉順奉生大踊悅諸阿修羅
內心怖畏又能恐懼迦樓羅王令緊
鄰羅生於愛樂摩睺羅伽自然攝伏
能破一切邪見外道令剎利王生歡
喜心諸婆羅門信心增長又令毗舍
及首陀羅悉生歡喜能令多欲女人
貪心止息令多聞者進益受持坐禪
行人樂阿蘭若能除一切種種諸患
能却一切鬪諍怨家飢饉非時外賊
橫死惡風雷雨暴水灾霜寒熱苦辛
虛澁味觸如是變恠患能消除光讚
大乘紹三寶種照曜佛母堅立法幢
安慰流轉怖畏衆生此名微妙無願
順陀羅尼說是法時无量無數阿僧
祇衆生遠塵離垢得法眼淨九十八
頻婆羅人得阿羅漢果八部由他衆
生得彼無願順陀羅尼无量無數阿
僧祇衆生發阿耨多羅三藐三菩提
心得不退轉五百八十方衆生得無
生法忍尔時一切無量大衆天龍夜

又羅刹阿修羅邊樓羅緊那羅摩睺
羅伽餓鬼毗舍遮鳩槃荼富單那迦
吒富單那非人等異口同音俱稱
讚言善哉善哉大聖世尊不可思議
寂大寂妙不可思議如來世尊得無
尋智明見我等於此阿耨多羅三藐
三菩提中敢有不發歡喜心者世尊
如來知諸衆生善知諸根知諸煩惱
知諸方便知到彼岸能令衆生充足
法味能令衆生見八聖道能除衆生
擔苦之擔能與衆生樂擔令擔我今
一切天龍夜叉阿修羅邊樓羅緊那
羅摩睺羅伽等一切合掌各各如是
齊心唱言在在處處有佛世尊說此
四種無願願忍陀羅尼處乃至國王
大臣長者沙門婆羅門毗舍等衆有
能書寫置此經處或復有人能讀能
誦講說之者如是等處我等衛護加
助威神有所求須一切供養禮拜供
給彼說法人不令乏少无有衰耗不
如意事一切怨家不能得便一切資
生常使具足身无病惱得歡喜心樂
於法者我如是護彼人終不更生惡

道以是因緣成於法器一切供養得
具足滿佛言善哉善哉諸大檀越汝
等今者欲護大法因護法故三寶不
斷未來之世當得無量福德果報今
時長老舍利弗於大眾中即從座起
一心合掌前白佛言世尊德華藏佛
遣虛空藏菩薩摩訶薩所送奢摩裴
多悲帝那惡業衆生不信心者令彼
睡眠陀羅尼欲我及一切世間天人
欲得聞知唯願如來廣為宣說佛告
舍利弗諦聽諦聽善思念之我當為
汝廣分別說德華藏佛所送淨陀羅
尼欲彼佛如來為於此土諸衆生等
薄少善根多諸煩惱以煩惱故起四
倒心樂著我想著我想故顛倒迷惑
流轉生死失八正道是故彼佛送此
欲來舍利弗一切衆生實无有我此
土衆生顛倒心故橫生我想舍利弗
智慧之人深自觀察知無有我作是
觀時則破四倒舍利弗云何智者觀
於無我所謂觀身諦知无我何以故
以和合故復次觀眼亦無有我何以
故眼識初生如是觀察至心思惟成

見種種服飾衣裳鋪卧牀蓐結加趺
坐坐已攝念一切六根不相捨行心
不捨故如是可見而此眼根四大合
生筋連水滿餘不能動若眼轉時但
是風力風故能轉而彼風性因於虛
空出入根中左右迴轉根清淨故則
能明見而彼虛空性无所有無有依
止不可捉持亦不可說若无所有不
可說者即是無我是故虛空實無有
我是空中風亦復无物以無物故不
可宣說是故无我是風因緣亦入根
中左旋右轉清淨照了彼風吹幻亦
不可捉亦不可說離於我所覓不可
得如是眼中地界牢固如尼拘陀子
至心諦觀觀已拔出碎末為塵吹令
飛散如是推求永不見我如是決定
知無有我此地界中分析无我彼地
地相但有名字不可捉持無我无主
如是次第觀察水界及以火界猶如
風界如是思惟既思惟已定知無我
故不復疑眼大中我是故當知眼之
四大一切無物不可宣說是故无我
若復有言眼識因緣故有我者是義

不然何以故眼中無我色亦如是而和合中亦復无我和合因緣生於眼識如是識中亦復無我風中空中悲亦无我如是推覓竟不可得此識但是十二因緣循環流轉離十二因緣識不可見但因識生名色名為名色名色因緣故六入生六入因緣故觸生觸因緣故受生受因緣故愛生愛因緣故取生取因緣故有生有因緣故生生生因緣故則有衰老及以病死如是等法因眼識生而是眼識非東方來南西北方四維上下亦復如是所因之念生眼識者是念亦滅眼識不住第二念中亦不語念汝住我滅而是滅法亦復非去至十方面亦復不專一處住止是故諸法因緣故生若離因緣則不得生因因緣生因因緣滅如是因緣名相續法是故當知實無有我而是因緣亦无作者無有受者无有起者無他起者是故无我若無我者我既是空我所亦空何以故然體性亦故是故眼性无我我所無有積聚非合非散即生滅故一

切諸法亦復如是一切法性無取无捨非羅漢作亦復非是辟支佛作非菩薩作非如來作如眼識空一切法空亦復如是離我无我空故不見作是觀察無相无願三種解脫空門之時悉能除斷一切慳貪及諸煩惱如是念已或有得於須陀洹果阿羅漢果觀眼既然耳鼻舌中亦復如是復次行者知身無我次觀於髮析一一毛以為百分燒使成灰風吹散滅如是一髮體性既空行人心疑自然明了何以故一髮之中不見有我如是皮中肉中血中唾中涕中腸中腦中骨中髓中筋脉甲爪喘息冷煖上下諸風壽命名字皆无有我直以因緣共相和合故名為身如是思惟至心觀已知身觸因故生身識識因緣名色名色因緣六入六入因緣觸觸因緣受受因緣愛愛因緣取取因緣有有因緣生生因緣老死彼一切法心識依止故生身識而是身識非東方來南西北方四維上下亦復如是所因之念生身識者彼念滅時身識不

住第二念中亦不語念汝住我滅而
是滅法亦無處所不見聚處不見散
處是故諸法緣合故生緣離故滅有
緣故生无緣故滅一切因緣相續故
見若離相續則不可見是故當知實
無有我而是因緣亦无作者無有住
者无有起者無使起者如是因緣不
可得故是故无我若無我者我所亦
无是故身性無我我所无聚無散生
滅法故一切諸法亦復如是彼法性
中亦不可得無取无捨非聲聞作亦
復非是辟支佛作非菩薩作非如來
作如身識空一切法空亦復如是體
性無我亦无我所彼空故我不可見
一切諸法悉皆離我亦離我所以離
故空作是觀時即能獲得无相無願
三種解脫空行法門證空因緣能斷
一切慳貪煩惱或有得於須陀洹果
乃至第四阿羅漢果智者如是。一
推尋我不可得不可得故自知无我
諦觀無我離疑細心尔時知身了了
無我舍利弗若有行者能如是觀當
知是人得此無相无願解脫三種空

門為諸天主釋提桓因之所供養并
護其身令常受樂猶如帝釋如是梵
天乃至一切諸天餘王一切龍王一
切夜叉王一切迦樓羅王一切緊那
羅王一切摩睺羅伽王彼諸王等如
是禮拜供養供給无令乏少常加衛
護親奉所須惡心衆生不得其便若
在一切諸人王中所得禮拜供養護
身亦復如是舍利弗此名奢摩裴多
惡帝都地反都持陀羅尼是德華藏如來
命虛空藏菩薩摩訶薩送來至此以
我此剎說於日藏大集經故彼持欲
來此陀羅尼有大勢力能大利益慈
悲憐愍一切衆生能救一切危厄患
苦能捨一切煩惱諸結能知一切陰
入界等能辨一切法之差別能示一
切善巧方便能與一切涅槃道樂能
入一切諸法之門能摧一切難降伏
魔能破一切邪論外道能與一切諸
天歡喜能令一切夜叉知足能怖一
切諸阿修羅能令一切諸迦樓羅心
生喜悅能令一切諸緊陀羅歡樂无
厭能令一切摩睺羅伽不得迴顧能

令一切刹利喜歡諸婆羅門信心增
廣毗舍眷屬及首陀羅皆大歡喜踊
躍無量多欲婦女能令少貪妊娠女
人使得安隱令念持者樂於多聞修
習定人樂阿蘭若能却闍諍國土飢
荒能除死殃及諸盜賊非時風雨凍
渴苦辛飢渴肥羶如是惡觸照曜法
母堅立法幢於流轉中紹三寶種解
諸繫縛怖畏衆生能生盡智證无生
智能破黑暗與大光明能捨衆生苦
惱重擔如此奢摩裴多悉帝都地那持
大授記陀羅尼能令一切三有衆生
惡業道中截流而過入佛界中於一
切法自在無碍乃至十八不共佛法
无為彼岸能轉法輪雨諸法雨善能
教化一切衆生悉令得住於涅槃道
說此惡業盡陀羅尼法时无量衆生
過去惡業悉得除滅無量阿僧祇諸
天及人速離垢得法眼淨无量衆
生得須陀洹果百千頻婆羅衆生得
於無漏阿羅漢果七十那由他衆生
獲得如是奢摩裴多悉帝都地那持
陀羅尼得此陀羅尼已於三乘中更

不退轉無量無數阿僧祇諸天及人
發阿耨多羅三藐三菩提心無量衆
生於菩提中亦得住心不退轉道八
萬四千諸衆生等得无生忍一切現
在娑婆世界刹中衆生聞此四種四
諦順空順无願順奢摩裴多悉帝都地
都持等陀羅尼義已悉得破壞一切
欲貪長短色貪觸貪樂貪色非色貪
又諸衆生得如實見知貪障尋聽聞
法已其中有得不淨觀善根者有得
六入念者或有得於普不散心善根
者或有得於遍善根者或有得於阿
那波那善根者或有得於奢摩他者
或有得於毗婆舍那者或有得於初
禪定者或有得於中間禪者或有乃
至得四禪者或有得於四空定者或
有得於四諦順忍者或有得於性人
地者或有得於八法地者或得和合
小乘善根者或得小乘非和合者或
復有得一切智知善根者或復有得
三摩提忍陀羅尼善根者又彼衆中
有諸女人厭離心生觀察女身有種
種過窮極鄙惡我以何故受於此身

貪著色欲作是呵責以聞法故一切
婦人悉各修念不樂自身其中九十
一頻婆羅人中女人轉女人相得男
子身九十九百億天中女人八万四
千龍中女人八百六十万夜叉中女人
八十四万阿修羅中女人七万迦樓
羅中女人十二頻婆羅緊陀羅中女
人一千摩睺羅伽中女人九十頻婆
羅餓鬼中女人四十二頻婆羅毗舍
闍中女人如是一切諸女人等悉失
本根得成男子其中若有妊娠婦人
胎藏安隱无諸傷損乃至畜生亦復
如是其產生者具足五根男女聰明
智慧端正或有藏內未時即生或有
他患皆能除却悉令安隱如第三禪
修習行人得於定樂身心悅豫亦復
如是尔時一切天龍夜叉阿修羅迦
樓羅緊陀羅摩羅伽薜荔多毗舍
遮鳩槃荼富單那迦吒富單那人及
非人一切大衆同作是唱善哉善哉
佛婆伽婆如是妙法不可思議我等
昔來未曾聽受如今如來所轉法輪
能令我等一切惡業障尋盡除於流

轉中度一切有飲甘露漿得寂滅樂
教化擁護一切衆生捨於五濁得勝
智慧入佛境界照曜三寶不令斷絕
如來今者降諸法雨稱我等力一心
供養如是乃至迦吒富單那等種種
諸天作於諸天種種音樂復雨天上
細末金銀猶如雨下乃至華香衣服
繒綵種種瓔珞種種天鵝以散如來
為供養故一切天人悉皆雲集唯除
坐禪入三昧者如是衆生各於生處
所有華香衣服瓔珞金銀寶鬘供養
佛已歡喜而住

大方等大集經卷第三十九

辛丑歲高麗國大藏都監奉
勅雕造

大方等大集經卷第四

國

隋天生三歲那連提耶舍譯

日藏分護持品第六

尔時一切諸天大王并其眷屬一切
龍王一切夜叉王阿修羅王迦樓羅
王緊陀羅王摩睺羅伽王薜荔多王
毗舍遮王富單那王乃至迦吒富單
那等一切諸王各并眷屬礼拜於佛
同心合掌作如是言世尊我等從今
在在處處若有比丘或比丘尼諸優
婆塞及優婆夷但有信心若男若女
能作如是念不淨觀寂滅三昧如前
佛說善根因緣得攝心住者我等一
切天諸眷屬乃至清淨信心之人或
男或女常當救濟猶如導師令彼身
心及其眷屬為作供養衣食牀鋪卧
具湯藥種種資生所須皆與如是具
足令其安隱更不愁於一十五種濁
惡之事設復有者我等於中常共加
護何者名為十五濁心所謂或以石
撩或以杖打或以刀斫或以槩貫或
毒藥中或崖上擲或復惡人或復不

信或四大動我為作護或以惡心送
彼人所好飲食湯藥者我為作護會
嗔妬嫉兩舌惡口如是惡事欲相加
者我為作護或有惡人用濁惡心以
諸衣鉢牀卧鋪具病患湯藥常作檀
越或勸化他或自親舊為供養者彼
諸惡事我為作護或復怨家或復惡
鬼如是等惡我為作護或毒中護或
惡天子或內國土或外國土如是賊
起我為作護此十五種濁惡之事或
比丘或比丘尼或優婆塞或優婆夷
或餘信心男子女人或今現在或復
當來乃至劫盡末法世時何者名為
末法世時謂讀誦人無不依於波羅
提木叉道中行若不坐禪則不能得
於三摩提乃至不得第四之果乃至
不得寂滅三昧是則名為末法世時
若如上說初夜後夜不曾睡眠讀誦
是經或坐禪定如是住者彼諸眷屬
比丘比丘尼優婆塞優婆夷乃至信
心或男或女一切眷屬乃至住處或
復聚落都邑國城或阿蘭若處或聚
落主家隨所在處有此十五濁者我

盡救濟為作擁護令是諸惡一切悉除於何聚落有福德人常住之處或多人住或一人住乃至復有一日一夜修福德者乃至一日一夜所住處者或復城邑或聚落家我皆救濟為作護助不令其人經於惡事无問一切諸檀越家或復刹利或婆羅門毗舍首陀或男或女小男小女一切救濟常為守護不令入惡若有如是修福德者身心精進若有人供養礼拜恭敬種種供給或為造房或大寺舍或林或苑或作衣裳食飲所須坐卧處所或復病患湯藥針灸種種醫療如是檀越我等如是十五濁中一切悉護若有胎藏妊娠女人供養如是福德人時我等護持无時躡捨設諸惡人及以惡鬼欲加惡者迴彼惡心悉令歡喜如是兒女在在處處修福德者念善根者為他愛敬或餘衆生勸助讚美或復家人稱說其名或呪結索擁護衆生或教福德或教捨惡我等於彼如是衆生十五濁中常親護持諸惡鬼神不得其便若有如是修

福德者或人非人能信其語如教而行如是一切我等亦護若有惡人於彼行者修福人中或瞋或罵或欲加惡或生障尋者如是等輩諸惡衆生我等不護是惡衆生十五濁事不得護者名字云何十五濁者第一惡患第二失於自在第三散失種種資生第四身中四肢種種割截或眼或耳口鼻手足或復斫頭第五失於所愛妻子及諸眷屬第六失於官位第七失居家第八為諸怨家所侵第九心常憂愁第十瞋於刹利心常行惡第十一邦邑國城衆生濁惡第十二諸偷盜來失種種物第十三自家婦女恒相鬭諍第十四國土賊盜他國賊來第十五短命速死者惡衆生有如是十五種事我等不護富伽羅等言若復有人雖修福業不受善語恒起惡瞋欲為造福德者作諸惡事種種福中為作障尋若有如是諸惡衆生來歸於我望呪術中得種種力如是呪中種種法用雖具足有我等於彼如是衆生不加不護不與其力亦不

救濟若彼衆生意欲規求望得如是如是之物我亦不與若有衆生於常修常命福德之人生瞋作惡種種障罣者如是我等亦如上說或復今世及未來中能依此法憶念修行及法欲盡常有諸天龍神乃至迦吒富單那等惡心瞋忿无有慈悲不樂當來妙好之身不畏三塗惡道果報若有如是造福德人樂阿蘭若種諸善根或住塚間或復樹下或在寺舍或屍陀林行住處所福德之人悉如上說天龍乃至迦吒富單那惡見惡心此福德之人是處住止或身心濁或奪精氣或被行人供養檀越我諸天龍乃至迦吒富單那等離慈悲心不知恩報於當來生不怖惡道垢濁身心奪其精氣唯除過去極重惡業此惡業中非可得護若我天龍乃至迦吒富單那等應可得護而不護者現世則為欺誑一切三世諸佛於流轉中不見羅漢及辟支佛常令我身不成福器不得涅槃佛言善哉善哉善男子汝能如是發於此心亦如一切三

世諸佛過去世時修行無異紹三寶
種堅立法幢光照法母汝等如是則
為供養一切三世十方諸佛汝善男
子或男或女能作如是勤精進心於
正法中好守護者如是法行富伽羅
故常護常念常供給足如是衆生於
流轉中常得尊貴和合眷屬常受安
樂不經辛苦乃至速成阿耨多羅三
藐三菩提道善男子汝等求樂不求
於苦是故應當常勤精進作諸善根
諸天等言善哉善哉我從今日如是
修習如是發心尔時此娑婆界有於
惡心諸餓鬼等常仰食噉一切衆生
精氣血肉以為生活如是鬼等無量
阿僧祇同白佛言世尊我等惡業罪
報所招常噉於人肉血精氣以活性
命今日發心入佛法住為佛弟子更
不造惡不生惡念若佛弟子如佛令
說不淨觀法常如是修如是習行一
種无異若我不如富伽羅心所在念
者今於我眼黑暗常盲一切四肢不
能動轉又不具足身中五根我等亦
如富伽羅護此福德人并其施主造

立寺舍房室樹林園苑浴池衣鉢飲食卧具倚牀湯藥一切所須如是檀越我等亦護佛言善哉善哉善男子汝好發心常當如是莫令放逸

尔時牢固地天從座而起作如是言世尊若佛弟子常攝五根如佛今說不淨觀法如是繫念至心行時我等地天為此行者常出地味滋潤彼人令其身中增益壽命是地精氣充溢因緣行者身中得色得力得念得喜得精進得大智慧佛言善哉善哉汝大檀越能發是心真是佛子從佛口生從法化生與如是食益於彼身此福因緣速於大乘成就滿足

尔時衆中有大德天復從座起前白佛言世尊若有如是法行比丘佛弟子等彼諸檀越或以種種金銀寶珠種種資生種種穀米具足供給若諸弟子如佛所說不淨觀法乃至寂滅三昧空門如是繫念從於初夜至中後夜坐卧行立如是念法心無外緣彼諸檀越為營寺舍或造一屋或一樹林或復衣食坐卧牀鋪病患湯藥

種種資生常供給之彼得如是無乏
少已身得安隱无有憂愁心常歡喜
得好福田成就法器如是施已當來
之世得大果報深心樂法不生惡道
不造惡法我如是護彼人即得修慈
悲心如是種種勝妙善根增長不減
佛言善哉善哉大檀越此是汝等精
進之心於大乘中速能增長福德之力
尔時衆中金剛力士復白佛言世尊
如來說此大集經已諸大檀越并眷
屬衆各各發心護持佛法利益衆生
彼因緣故此娑婆界佛刹之中法母
照曜增進光明尔時弥勒菩薩摩訶
薩為欲利益於未來故即於衆中問
金剛力士言善男子何者為虛空之
法此可見不若不可見此事云何又
復問言何者名為諸法和合金剛力
士報弥勒言實際之岸不可見故此
和合法亦不可見弥勒又問善男子
何者名為真實虛空不和合法金剛
力士報弥勒言彼中無異弥勒又問
善男子何者名為虛空之法何者名
為不和合法金剛力士報弥勒言不

動不生法界人事是故不異弥勒又
問善男子云何名為有為无為漏無
漏法金剛力士報弥勒言如本真實
如是如如性无有異漏無漏法虚空
和合是故不異弥勒又問善男子何
者名為真實如如漏无漏法金剛力
士報弥勒言虚空合故真實如如非
是漏法非無漏法弥勒又問善男子
何者名為虚空和合法金剛力士報
弥勒言一切諸法離於障尋和合故
空非集非散何以故體性不失故而
彼空中亦不可得物及空故故名空
法善男子一切法中此方便故當知
一切如如體性體性本來是空故空
如是万法和合故空想離想故此空
非想非想亦空何以故如是一切和
合法空不可說故一切諸法體性亦
故此如是法非沙門造非羅漢造非
辟支佛造非菩薩造非如来造如是
如是真實如如漏無漏法一切皆空
和合法故非相離故非異法故弥勒
菩薩如是當知尔時金剛力士說是
法已無量衆生曾於過去學空來者

一切惡業悉皆除盡遠塵離垢於諸法中得法眼淨九十二那由他衆生於此法中發阿耨多羅三藐三菩提心無量衆生亦得住於不退轉道究竟阿耨多羅三藐三菩提

大方等大集經目藏分佛現神通品第七

尔時頻婆娑羅王聞佛說此不淨觀法一切大衆各欲護持踊躍歡喜即從座起前白佛言世尊如是法門福德寧勝不可思議今此國土娑婆世界佛刹之中無量諸大菩薩摩訶薩所可成就光明妙色我從本來初未曾見初未曾聞世尊是菩薩光悉能遍照大千世界乃至有頂亦皆充滿我今眼中不覩餘色但見於此娑婆世界佛刹之中乃至大小諸鐵圍山悉滿光明世尊如是菩薩摩訶薩等若得近於阿耨多羅三藐三菩提者其光云何如來入於三昧所放光明相復云何如來光明我得見不緣彼光明復得見於其餘佛刹種種妙好奇特事不佛言如是如是大王若有菩薩成就無上菩提道者其光能照

十方世界何以故能於如來境界之
中行大福德莊嚴力故於過去世菩
薩行中成就具足大福德力莊嚴法
故一切菩薩修行善根多增長故具
無量福生於佛家親近無上菩提道
故畢竟無上菩提妙道於不可宣說
如來智力奮迅遠離一切障尋佛境
界中勝疾智故入佛智慧正法果故
分別過去無量劫來無邊佛法境界
依故此地最勝轉妙法輪一切自在
所得身如是福德無量尋故獲得
清淨真實法故所可修習到彼岸故
未來世業已得盡故通達一切衆生
善根永斷一切煩惱習故離於障尋
住佛界中是故光明悉能遍照十方
世界大王如是隨佛功德光明力故
亦能覩見一切十方無量無數阿僧
祇佛王言世尊我今欲見如是十方
無量無數阿僧祇佛并諸菩薩摩訶
薩及聲聞衆時頻婆娑羅王隨從眷
屬有無量億諸衆生等異口同音復
白佛言如是世尊亦願如來亦現我
等諸佛境界過去所行福德莊嚴離

障事我等見已發歡喜心

尔時世尊告阿若憍陳如汝等大衆
在家出家聲聞弟子皆各繫念深心
思惟以自善根力入於禪定我於今
者亦欲入於如來三昧當于尔時此
佛剎中天龍夜叉乃至一切人及非
人或見四諦者或有得順忍者或
於三乘得不退者如是衆生皆結加
坐亦入禪定復有衆生於三寶中得
信敬心亦復如是入於禪定尔時世
尊即入一切如來境界日月三昧行
智廣大悉能遍覆一切虛空能令一
切智慧衆生皆生歡喜如是三昧不
可計量不可覩見非諸聲聞及辟支
佛乃至十方恒河沙等補處菩薩之
所能知唯佛如來乃能得之是名如
來境界三昧如來如是入三昧已此
娑婆世界三千大千百億四天下百
億須弥山百億日月乃至百億諸有
頂天皆悉影現入佛身中如是娑婆
世界一切佛剎入佛身已其中所有
一切衆生地獄餓鬼及以畜生或天
或人彼諸衆生或身或心有苦受者

皆得除滅一切自在悉生歡喜譬如
比丘入第三禪得具足樂尔時一切
諸大菩薩摩訶薩衆先在座中入三
昧者皆從定起從定起已見佛光明
見光明已自所有光尋滅不現如是
聲聞及佛弟子乃至一切諸天人衆
入禪定者各各皆起彼諸大衆身心
得樂譬如比丘入第三禪尔時一切
無量衆生生大歡喜踊躍无量不可
思議未曾聞見又其六根一切清淨
現佛身中或坐或行或住或卧復見
如來二毛孔出无量光譬如十方
恒河沙等日月光明亦如一切恒河
沙等大摩尼珠亦如恒河沙等十地
菩薩摩訶薩衆一時普放大焰光明
如是光明悉能遍照十方佛土如是
如來二毛孔所出光明處處皆滿
於十方剎取為殊勝尔時十方一切
諸佛於其剎中自在而住各為大衆
異口同音稱讚我名說於此偈
汝觀具足功德滿 憐彼一切諸衆生
智慧大力能拔除 釋迦如來勝中寂
慈悲心故放此光 一切佛剎皆充滿

又愍是諸衆生故

令其悉現於身中

二佛剎滿光明

衆生見者皆歡喜

發心清淨悉牢固

得勝無上實菩提

汝等若有得神通

一切宜應急疾往

恭敬接足誓首札

釋迦師子軍勝尊

君有未得神通者

向彼伍頭遥禮拜

速起菩提真智念

得見牟尼正覺身

尔時十方一切諸佛各於其國說如

是偈慈悲教化諸衆生故又以如來

過去修行願力莊嚴具足滿故彼諸

佛剎一一如來亦有無量恒河沙等

諸大菩薩摩訶薩衆并大弟子聲聞

比丘復有無量億恒河沙諸天及龍

夜叉乾闥婆阿修羅迦樓羅緊陀羅

摩睺羅伽等無量大衆圍遶彼佛各

乘神通俱來詣此娑婆世界到此剎

已向於如來頭面接足右遶三匝右

遶畢已各賣持來一切所有種種寶

物種種寶衣種種袈裟種種瓔珞種

種幡蓋種種雜華種種鬘香種種塗

香種種音樂種種讚歎種種歌舞供

養如來設供養已與其眷屬各還所

住時諸衆生在娑婆界佛身中者皆

悉見之見已歡喜復受无量無邊快樂又諸衆生得見十方一切諸佛於其刹土坐金剛座而演說法又見諸佛各各刹中於自坐處為諸衆生說此世界釋迦如來一切功德有大名稱大智慧力福德莊嚴具大精進大慈悲力教化衆生彼諸刹中無量阿僧祇恒河沙等衆生發阿耨多羅三藐三菩提心於自刹中得受記別無量衆生於緣覺乘得受記別彼諸大衆亦見此土一切衆生入於佛身亦得如是受於記別其中衆生或有受樂或有受苦一切皆現釋迦如來身內住止若空五濁佛刹衆生得見如來及見十方无量無數說法諸佛一如來各有無量無數衆生恭敬圍繞見已起大愛敬生歡喜心彼諸衆生一切身中所有惡受悉得除捨安隱快樂若不空五濁刹者十地菩薩摩訶薩等教化衆生故隨何刹中得見於佛見已生信得信心已聽受妙法彼諸菩薩各於彼處化作佛身以一音聲滿一切刹各各異口同說偈言

十方諸佛同一乘 成就善根故來此
離佛及餘菩薩衆 更無如是大德人
汝等一一諸衆生 速發菩提無上道
若不勇猛勤精進 流轉苦海無出期
汝等宜應一切來 速隨於我相逐往
供養人中釋師子 頂礼右遶彼世尊
時諸菩薩摩訶薩等化作佛身說此
偈已各與無量无邊恒河沙數得神
通力一切衆生俱來詣此見釋迦牟
尼佛見已右遶三帀遶已各持賣來
種種寶物種種寶衣種種音聲種種
歌舞以用供養釋迦如來供養畢已
悉發阿耨多羅三藐三菩提心或有
衆生於辟支佛來而發願者如是悉
得不退轉道彼諸衆生又皆各各得
種種忍種種陀羅尼種種善根得已
各還本刹或有菩薩化作辟支佛身
或復化作阿羅漢身或復化作梵天
王身或復化作帝釋天身或復化作
四天王身或復化作卍羅延身或復
化作摩醯首羅或復化作自在天身
或復化作星宿天身或復化作阿修
羅身或復化作轉輪聖王如是種種

龍身鬼身隨所在處佛剎之中若有
衆生樂見阿羅漢身見羅漢已歡喜
受法被諸菩薩摩訶薩等為欲教化
諸衆生故即於彼中作羅漢身為彼
衆生說種種法彼諸衆生見大光明
及釋迦佛得見佛已心中愛敬生大
歡喜具足六根滿一切願惡業皆盡
悉樂受生又彼菩薩摩訶薩等於佛
剎中化作如是阿羅漢身說法教化
大福德聚具足成就善根力故能以
一音遍一切剎作諸言辭說如是偈
衆生久處流轉中 愚癡不知出要道
以諸種種罪業故 得此生死苦惱身
是故應速捨惡心 邪見顛倒諸煩惱
早度有流到彼岸 云何汝等不覺知
難見導師今已見 難得人身今已得
難遇善友今逢值 難聞正法今得聞
是故汝等應至心 速發無上菩提道
出離一切生死獄 證佛微妙功德身
若能永離兩種邪 所謂斷常等二見
知於一切行无我 如是名入正觀門
愛行取入有於生 智水洗除惑令淨
同共往詣娑婆國 恭敬供養釋師子

時諸菩薩摩訶薩等如是化作阿羅漢身說此偈已與於無量恒河沙等得神通力一切衆生俱共發引來到此刹到已頭面頂礼釋迦牟尼如來并其眷屬恭敬圍遶三匝佛已出所賣來種種寶物種種寶衣種種袈裟種種瓔珞種種傘蓋種種幢幡種種寶華種種寶香種種音樂偈讚歌舞以用供養釋迦如來供養畢已各還自刹到自刹已坐於自座各為於已衆稱揚讚說釋迦如來作如是言釋迦如來憐愍教化一切衆生能與衆生一切利益是諸菩薩各自衆中如是稱說彼衆間已悉皆讚歎釋迦如來旣讚歎已無量無數阿僧祇衆生發阿耨多羅三藐三菩提心或復有於辟支佛乘而發心者或復有於聲聞乘中而發心者各各乘中得不退道有得種種陀羅尼忍種種善根亦見此土娑婆佛刹諸衆生等入釋迦如來身中是諸衆生見此不可思議神德變已无量阿僧祇恒河沙等衆生皆發阿耨多羅三藐三菩提心其

中或有發聲聞辟支佛心者各於自
乘得不退轉或有作於轉輪聖王微
妙之身得受記別

大方等大集經卷第四

壬寅歲高麗國大藏都監奉

勅彫造

大方等大集經卷第四十一

有

隋天竺三藏那連提耶舍譯

日藏分中星宿品第八之一

尔時欲界魔王波旬悉見一切娑婆
國土所有衆生及諸天宮合家眷屬
在佛身中時魔波旬見已悲泣涕淚
橫流心大懊惱遍身汗出啼哭失聲
稱怨大喚或起或立或坐或行入出
家居東西狂走頻申欠呿怖懼惶
憤歎長歔喘息麤短合眼張口吐舌
舐身露背現胃中臍縮脚搖動頭頂
索手揩摩種種施為受大苦惱乃至
一切魔之眷屬心內愁憂亦復如是
時魔波旬有一軍主名戒依止見王
身心如是煎迫說偈問言

何故愁惱獨行住 唱喚馳走似顛狂
出入家居心不安 如是因緣願王說
時魔波旬聞是語已倍更懊惱啼哭
雨淚說偈答言

我今身體汗遍流 心中分裂如刀割
啼哭眼中淚如血 為覩瞿曇現變通
其形廣大无有邊 剝土悉皆居腹內

我失臣民及眷屬 境界宮殿悉空虛
復有十方大衆來 充滿於此娑婆界
各設無邊大供養 礼拜圍繞或往還
令我自在无威力 伴侶眷屬歸於彼
如來有是大神力 云何令我心不愁
時戒依止大魔軍主為於波旬復說
偈言

我所統領諸軍衆 強壯勇健實難當
刀輪奮擊擬如來 須臾破身令粉碎
時魔波旬說偈荅言

我等諸軍及眷屬 久已歸依佛世尊
設欲自往生惡心 即見項邊帶枷鎖
時戒依止大魔軍主復說偈言

我今多設諸方便 誘誑於彼惡怨家
詐現親善作知識 得便然後當摧滅
時魔波旬說偈荅言

若我發起毒惡心 如是方便欲毀佛
即見死屍繫頸下 如是是惡難可看
時戒依止大魔軍主復說偈言

一切欲界屬於魔 唯有天人信歸佛
諸惡毒龍亦王領 願勅速害瞿曇身
時魔波旬復說偈荅

若審知龍有力能 我已荒迷汝自勅

若實能壞瞿曇者 我還得土復本心
尔時戒依止大魔軍主即自念言世
間難摧謂三種毒一者天魔二者惡
龍三者得定五通仙人我今魔宮已
被破壞唯龍境界牢固光明照耀海
中威力自在眷屬圍繞不可思議龍
既屬魔其餘兵衆悉皆統領今當為
王約勅速往壞彼瞿曇魔波旬言善
哉善哉智慧軍主汝可疾去到彼龍
宮如是切勅早與瞿曇共相鬪戰時
戒依止大魔軍主辭王畢已即自舉
手普告無量百千軍衆唱如是言汝
等宜應速整衣卸我今欲往彼龍王
宮令諸惡龍興發毒風害瞿曇命使
令破碎如是說已一切軍衆悉不能
動其戒依止軍衆及身既不得前眼
中淚出身毛皆豎合掌向魔波旬說
言我等今者不能得去沙門瞿曇要
偽多幻知我等家繫縛於我今我身
內一切火燃焦沸熱惱猶如湯煮我
今如是力不自在云何復欲假力於
他時魔波旬倍更懊惱憂愁不樂令
戒依止具以上事宣告諸龍汝當為

我壞瞿曇身時諸惡龍將欲飛空而不能去語戒依止敬奉來命欲往毀壞適生此心便不得往時戒依止即生恐怖作如是念若我今者現魔大力令諸惡龍心生嗔忿以嗔忿故則能破壞瞿曇之身時魔波旬及戒依止化龍宮內作諸毒室蠅蛆毒虫死屍人糞臭處狼藉充滿其中諸龍見已於自宮室心不甘樂作是念言是誰化作此惡物也雖復思念莫知誰為余時一切四天下中諸大龍王及其男女大小眷屬悉生嗔忿即出宮殿至須弥下佉羅垓山其山平坦於山頂頭有大聖人先所居住彼山周匝縱廣正等四万由旬一切莊嚴純是七寶乃至難陀優婆難陀龍王亦與無量百千眷屬捨自住宮往佉羅垓大聖人處請求救濟彼龍奮身如須弥山即到彼已其身皆小猶如銅櫓雖如是知不能得語各各自說我等欲往而不能動即大憂愁嗔忿停坐尔時復有娑伽羅龍王亦與無量億那由他百千眷屬如是伊羅鉢龍

三如是善住龍王如是德叉迦龍王
如是阿那婆達多龍王如是目真隣
陀龍王如是海德龍王如是婆婁那
龍王如是大德龍王如是那吒達都
龍王如是牛頭龍王如是阿藍浮龍
王如是伊羅鉢多龍王如是鬱車伽
臂龍王如是婆羅刪那龍王如是斯
羅摩羅龍王如是迦迦吒行龍王如
是瞿羅綺龍王如是水行龍王如是
安闍那殊致龍王如是迦那迦賓闍
那龍王如是奢俱奢伏綺龍王乃至
閃眼龍王乃至白象腋龍王乃至天
利龍王乃至天婆婆遮羅龍王乃至
天迦龍王乃至伊羅口龍王乃至天
眼赤龍王乃至端正龍王乃至光行
龍王乃至此間閻浮提地八十六千
諸大龍王時彼一切二龍王各有
无量百千眷屬悉皆來詣此聖人處
請求救濟如是乃至八十四萬諸海
洲中一一海洲則有無量億那由他
百千諸龍各捨宮宅為救濟故來佞
羅垺大聖處如是鬱單羅拘盧洲中

鼻擔比龍王大遍龍王彼二龍王各與無量億那由他百千諸龍眷屬圍繞請求救濟故來到此聖人住處如是弗婆毗提洲中蘇摩婁叉龍王婆斯目叉龍王彼二龍王亦與無量億那由他百千諸眷屬圍繞悉來到此求於救濟如是瞿耶尼洲中曷賴多那龍王瞿波羅婆龍王彼二龍王亦與無量億那由他百千諸龍眷屬圍繞前後隨從為求救濟故來到此大聖人處亦時復有此四天下八万四千一切洲中所有諸龍卵生胎生濕生化生如是諸龍如在生處龍婦龍男龍女龍子為救濟故一切悉來此大聖人牟尼處所到已一切皆得小身譬如銅搯彼龍嘆念各作是念我等本身如須弥山今者云何如是細小時魔波旬見於諸龍皆來入此牟尼處所悉受小身見已波旬心中懊惱亦生嗔忿怖畏不安語其衆軍及眷屬言汝等看此一切諸龍以我力故變其宮殿化作一切毒蟲毒蠅及餘是惡種種糞穢皆捨自家來詣大

山聖人處所志失勢力無復自在不

能毀壞沙門瞿曇時戒依止大魔軍

主白波旬言大王莫愁願聽我語如

是諸龍受此身者非是沙門瞿曇所

化龍自集會一處戲笑作於是身望

得方便害彼釋子魔波旬言如是者

善汝可速去聽問彼龍說何語言作

何方便可得令彼沙門瞿曇破壞離

散若得碎者我境界勝龍宮亦全時

戒依止大魔軍主前後導從百千万

衆欲往彼山發於自家乘空而進

尔時世尊宣揚過去一切諸願通達

顯亦究竟无餘一切聖人現在世者

一切牟尼處所作證一切衆生教化

畢了一切諸佛眷属家生奮迅境界

皆已亦現一切菩薩摩訶薩衆所得

壽命一種无差一切天龍夜叉羅刹

人及非人得見一切諸佛刹土光明

遍照種種莊嚴心皆歡喜十方一切

餘佛刹中此刹光明最勝巍巍福德

因緣得此殊勝餘佛刹中一切五道

皆來此刹供養礼拜釋迦如來是時

佛神力故此娑婆界及十方佛土一

切衆生入佛身內如是神通諸佛境界三摩提力彼諸衆生見佛身光出過十方一切諸佛世界普皆充滿照曜殊特能蔽餘光於自坐處作如是說釋迦如來不可思議未曾聞見彼諸菩薩如是說已各以種種華香寶衣袈裟纓絡種種音樂供養如來供養畢已無量百千右繞禮拜悉皆退坐時此大衆一切天龍夜叉羅刹阿修羅迦婁羅緊陀羅摩睺羅伽鳩睺荼薜荔多毗舍遮富單那迦吒富單那乃至一切人及非人亦設種種供養如前作札右繞畢皆退坐如是聽法時戒依止大魔軍主將領眷屬在於閻浮地上遊行今時如來在衆中坐亦現常身安然不動大魔軍主見已念言沙門瞿曇亦現大身今復本形在摩伽陀國端坐不異或能見我大魔軍衆怖畏失力元復神通彼戒依止大魔軍主復作是念沙門瞿曇多諸巧慧或能於我欲生惡心我今先當到瞿曇所看彼道術方便因緣試共談論觀其詐偽時戒依止大魔

軍主眷屬圍繞前至佛所對如來立而說偈言

未能度脫於自身 生死海中得出離
何以誑他衆生類 云我安汝置沮脛
余時如來答戒依止大魔軍主而說
偈言

我久超度流轉海 更不生於諸有中
慈悲愍念諸羣生 是故說於出要道
汝於往昔無數劫 已發寂勝菩提心
值遇然燈佛世尊 修行布施及持戒
如是過去億千佛 悉已恭敬曾供養
當得於此清淨乘 我今決定授汝記
未來成佛還如我 云何乃說誑衆生
我今施汝智慧眼 可念前生行本末
時戒依止魔軍主 即得宿命識往身
頭陀苦節習於禪 業果福德皆明了
時戒依止大魔軍主聞此偈已念彼
過去福德因緣對於如來五體布地
眼中淚出長跪合掌作如是言如來
世尊我大懊悔我大慙愧如大癡人
如迷如醉如著鬼癲我念過去經一
阿僧祇劫大精進力發阿耨多羅三
藐三菩提心行六波羅蜜修習聖道

作諸福德值佛現在種種供養聽受妙法發弘誓願乃至迦葉如來法中有一比丘說聲聞法有大乘人說菩薩法我於今時心錯口惡謗此說人言是魔語或魔眷屬大乘人邊說小乘過如是惡口說因緣故我於彼中迦葉如來不授我記得阿耨多羅三藐三菩提以彼惡口罪業因緣我於彼死魔界中生受是身來已經五十七億千歲世尊我寧更歷六百千年受地獄苦終不一念失阿耨多羅三藐三菩提心何況退於四梵行念第一第二如是懺悔乃至第三如是懺悔并餘眷屬亦復如是又過去世流轉際中如是當來於生死海及在地獄終不暫退阿耨多羅三藐三菩提心佛言軍主善哉善哉善男子若復有人燃於大燈如須彌山并七寶物於無量世供養諸佛是福德聚不如有人至心慈悲發菩提心何以故發是心者乃是供養十方諸佛彼過去福此取為勝汝善男子今盡此罪更莫餘念生死五陰一切有中得導師身

尔時戒依止菩薩摩訶薩即於坐處
得法順忍從坐而起頭面作礼繞佛
三匝即脫身上無價寶衣真珠瓔珞
供養如來脫布施已說偈問言

菩薩云何修諸法 達了一切悉皆空
觀察世間如水泡 能盡諸有无明縛
一切惡見性非實 得勝無生順忍心
常於菩提道中行 能令衆生得解脫
尔時世尊答戒依止而說偈言

不動如山四種心 智慧之人乃能有
無量億劫受諸苦 為愍一切諸衆生
佛說禁戒堅固持 乃至不破如一點
一切三世佛正法 具足圓滿悉能行
尔時八万四千魔軍及戒依止菩薩
眷屬聞戒依止得授記已心大歡喜
即於佛前至心悔過一切皆發阿耨
多羅三藐三菩提心此菩提心名為
三昧順菩提心得此心已歡喜踊躍
各各脫衣以用布施布施已坐尔時
波旬見其軍主并及眷屬已歸依佛
心生瞋忿苦惱不安更大怖畏作如
是言我今得出沙門腹中復失眷屬
未知幾人於此得出作佛弟子有幾

人在速閉城門莫放一人令其出外
自魔境界安隱住止今時世尊更為
彼魔大衆眷屬說三種梵行所謂衆
生攀緣法攀緣離攀緣如虛空眼品
中說今時一切諸天龍王悉皆集會
佉羅垣山牟尼聖人處所中住彼一
切龍各見自形小如銅指欲動不能
遊行絕望思念舊體懊惱細身宛轉
彼中不得自在怖畏毛豎一切相與
向難陀跋難陀王邊禮拜作如是言
大王我龍國土今者所有盡室蒼蠅
毒虫糞穢種種不淨皆是瞿曇之所
為也是故我等皆捨宮宅來到此間
求覓救濟又不能得離於小身及以
怖畏若能歸依佛世尊者可得免脫
是時難陀跋難陀龍王作如是言沙
門瞿曇多諸方便種種幻術能內一
切娑婆佛刹安置身中於我龍家亦
復化作一切諸惡令我怖畏來此求
救今者沙門自失勢力無復方便神
通道術身今如本坐舊座中豈能救
我如是小身既造此獄安置於我皆
不得去何能救濟令无怖畏一切諸

龍繫屬波旬欲界自在唯有魔力今
可礼拜求出此難各各還家安隱而
住尔時伊羅婆龍王復作是言汝等
諸龍莫生懊惱何以故沙門瞿曇已
能降伏魔之眷屬羣臣人民作於弟
子唯魔王在喪失本心及其神力云
何當能救濟汝等時諸龍王聞伊羅
婆如是說已或有礼拜四天王者或
有礼拜帝釋天者或有礼拜須夜摩
天或有礼拜剛兜率陀或有礼拜化樂
天者或有礼拜他化自在或有礼拜
大梵天者尔時娑伽羅龍王復語一
切諸龍王言汝等不見彼諸天王人
及非人聖賢雜類礼拜供養沙門瞿
曇而歸依耶尔時諸龍即復歸依其
餘仙聖時彼山頂有六聖人第一名
蘇尸摩第二名那籌第三名阿叔求
多第四名毗梨呵第五名婆揭蒲第
六名殊致阿羅婆

隋言光味

彼一切

龍或有歸於蘇尸摩邊作礼拜者或
有歸依於那籌者或有礼拜阿叔求
多或有礼拜毗梨呵者或有歸依婆
揭蒲者或有歸依殊致羅婆彼一切

龍皆志歸命此六聖人請求救濟是
六聖人得五神通志各在於雪山邊
住彼五聖人皆在殊致羅娑菩薩摩
訶薩大聖人所聽於正法時殊致羅
娑菩薩亦以種種無量言辭讚歎釋
迦如來神德時五聖人悉聞一切龍
王哭聲求乞救濟聞已即起白殊致
羅娑菩薩摩訶薩言大德願聞彼龍
啼哭嗟咤求救聲不荅言已聞大士
今聖人處一切諸龍大懊惱心我等
聞知尚欲往救况大德乎唯願慈悲
往至彼所救一切龍與其解脫時殊
致羅娑大聖人言汝等可往我未及
去所以者何此中大天龍王夜叉百
千万衆今對我坐問離障尋四梵行
法彼心歡喜聽我所說時五聖人礼
彼殊致羅娑大士三匝繞已以神通
力飛騰虛空到佉羅垣大山頂頭牟
尼聖人處所尔時彼處一切龍王見
五聖人心生歡喜恭敬礼拜作如是
言汝等大仙福德之人智慧方便一
切莊嚴於苦惱中已到彼岸願救濟
我出惡獄中令得解脫彼五聖人如

是答言我等不能救濟汝等所以者
何現今雪山有大菩薩名殊致羅娑
諸聖人中寂大智慧大解方便彼菩
薩能與汝解脫汝可一心求哀勸請
諸龍聞已如是異身同共合掌遙向
殊致羅娑聖人恭敬礼拜皆唱是言
大德聖人願救濟我願憐愍我今時
殊致羅娑菩薩摩訶薩聞彼龍王唱
救濟聲即與大天緊那羅等夜叉羅
剎百千万人前後圍繞以神通力發
於雪山乘空而往到佉羅垺山頂時
諸龍王見彼聖人各各恭敬合掌礼
拜一心同聲作如是言大仙聖人願
救濟我於此獄中與我解脫令我自
身及以眷屬安隱還家離諸苦惱今
時殊致羅娑菩薩善解方便知世因
緣欲為諸龍說星宿法星宿法者各
有度數和合時節合時則易不合則
難時節未合不得解脫諦聽次第我
當為汝分別解說今此月者名奢婆
拏星宿名為富那婆數富那婆數屬
此五月此月復繫屬於日天汝諸龍
王與此星辰時未和合今時娑伽羅

龍王白殊致羅娑菩薩言大士是星宿者本誰所說誰作大星誰作小星誰作日月何日之中何星在先於虛空中復誰安置三日月十二月年六何為時繫屬何處姓何字誰何善何惡何食何施若為是晝若為是夜日月星宿復若為行何者名為月初一日何者滿月若為時節若為行度一各幾復若為傳幾許時行何者是輕何者是重何者是合何者非合云何力多云何力少云何名為日前後行上行幾影下行幾影影有幾步名曰為轉初轉云何月北月南云何次第大士汝於諸聖第一最尊願聽我龍具足解說我等聞已脫苦奉行今時殊致羅娑菩薩告諸龍言大王過去世時此賢劫初有一大城名曰瞻波彼中人民和合熾盛有一天子名大三摩多端正少雙才智聰明正法行化常樂寂靜不著世榮為諸人民之所宗仰恭敬禮拜而侍衛之彼三摩多清淨慈悲愍念衆生猶如赤子不樂愛染常自繫身王有夫人多貪

色欲王既不幸無處遂心曾於一時
遊戲園苑獨在林下止息自娛見驢
命羣根相出現慾心發動脫衣就之
驢見即交遂成胎藏月滿生子頭耳
口眼悉皆似驢唯身類人而復處澁
驢毛被體與畜无殊夫人見之心驚
怖畏即便委棄投於屏中以福力故
處空不墜時有羅刹婦名曰驢神見
兒不汗念言福子遂於空中接取洗
持將往雪山乳哺畜養猶如己子等
無有異及至長成教服仙藥與天童
子日夜共遊復有大天亦來愛護此
兒飲食甘果藥草身體轉異福德莊
嚴大光照耀如是天衆同共稱美号
為佉盧虱吒

隋言臨脣

大仙聖人以

是因緣彼雪山中并及餘處悉皆化
生種種好華種種好果種種好藥種
種好香種種清流種種和鳥在所行
住並皆豐盈以此藥果資益因緣其
餘形容麤相悉轉身體端正唯脣似
驢是故名為驢脣仙人是驢仙人學
於聖法經六万年翹於一脚日夜不
下無有勸心天見大仙如是苦行時

諸梵衆及帝釋天并餘上方欲色界等和合志來禮拜供養乃至龍衆修羅夜叉一切雲集所有仙聖修梵行人皆來到此驢聖人邊種種供奉讚歎稱揚如是苦行生來未覩設供養已合掌問言大仙聖人欲求何等唯願為我諸天說之若我力能即當相與終不悵惜尔時驢膺聞是語已內心慶幸答諸天言必能稱我情所求者今當略說我念宿命過去劫時見虛空中有諸列宿日月五星晝夜運行各守常度為於天下而作照明我欲了知分別識解愍暗暝故不憚劬勞此賢劫初無如是事汝等一切諸天龍神憐我故來願說星辰日月法用猶如過去置立安施造作便宜善惡好醜如我所願具足說之一切天言大德仙人此事甚深非我境界若為憐愍一切衆生如過去時願速自說尔時佉盧虱吒仙人告一切天言初置星宿昴為先首衆星輪轉運行虛空告諸天衆說昴為先其事是不尔時日天而作是言此昴宿者常行虛

空歷四天下恒作善事饒益我等我
知彼宿屬於火天是時衆中有一聖
人名大威德復作是言彼昴宿者我
妹之子其星有六形如剃刀一日一
夜歷四天下行三十時屬於火天姓
鞞耶尼屬彼宿者祭之用酪佉盧虱
吒仙人語諸天曰如是如是如汝等
言我今以昴為初宿也

復次置畢為第二宿屬於水天姓頗
羅墮畢有五星形如立叉一日一夜
行四十五時屬畢宿者祭用鹿肉
復次置觜為第三宿屬於月天即是
月子姓毗梨伽耶尼星數有三形如
頭一日一夜行十五時屬觜宿者祭
根及果

次復置參為第四宿屬於日天姓婆
私失締其性大惡多於瞋忿止有一
星如婦人鬘一日一夜行四十五時
屬參宿者祭用醍醐

次復置井為第五宿屬於日天姓婆
私失締其有兩星形如腳跡一日一
夜行十五時屬井宿者以粳米華和
蜜祭之

次復置鬼為第六宿屬歲星天歲星之子姓炮波那毗其性溫和樂修善法其有三星猶如諸佛曾前滿相一日一夜行三十時屬鬼星者亦以粳米華和蜜祭之

次復置柳為第七宿屬於地天即姓純氏止有一星如婦女鬋一日一夜行十五時屬柳星者祭用乳糜右此七宿當於東門

次置南方第一之宿名曰七星屬於大天姓賓伽耶尼其有五星形如河岸一日一夜行三十時屬七星者宜用粳米烏麻粥祭之

次復置張為第二宿屬福德天姓瞿曇弥其星有二形如脚跡一日一夜行三十時屬張宿者毗羅婆果以用祭之

次復置翼為第三宿屬於林天姓憍陳如其有二星形如脚跡一日一夜行十五時屬翼星者用青黑豆煮熟祭之

次復置轸為第四宿屬沙毗梨帝天姓迦遮延竭仙之子其星有五行如

人手一日一夜行三十時屬軒星者作莠稗飯而以祭之

次復置角為第五宿屬喜樂天姓質多羅延尼軋闍婆子止有一星如婦人獸黑一日一夜行十五時屬於角者以諸華飯而用祭之

次復置亢為第六宿屬摩妬羅天姓迦旃延且其有一星如婦人獸黑一日一夜行十五時屬亢星者當取菹豆和蘇蜜煮以用祭之

次復置五為第七宿屬於火天姓些吉利多耶尼五有二星形如腳跡一日一夜行四十五時屬五宿者取種種華作食祭之右此七宿當於南門次置西方第一之宿其名曰房屬於慈天姓阿藍婆耶尼房有四星形如纓絡一日一夜行三十時屬房宿者酒肉祭之

次復置心為第二宿屬帝釋天姓迦羅延鄰心有三星形如大麥一日一夜行十五時屬心星者以粳米粥而用祭之

次復置尾為第三宿屬獵師天姓迦

遮耶尼尾有七星形如蝎尾一日一夜行三十時屬尾星者以諸果根作食祭之

次復置箕為第四宿屬於水天姓特又迦旃延尼箕有四星形如牛角一日一夜行三十時屬箕宿者取尼拘隨皮汁祭之

次復置斗為第五宿屬於火天姓摸伽邏尼斗有四星如人拓地一日一夜行四十五時屬斗宿者末粳米華和蜜祭之

次復置牛為第六宿屬於梵天姓梵嵐摩其有三星形如牛頭一日一夜行於六時屬牛宿者以醍醐飯而用祭之

次復置女為第七宿屬毗紐天姓帝利迦遮耶尼女有四星如大麥粒一日一夜行三十時屬女宿者以鳥肉祭之右此七宿當於西門

次置北方第一之宿名為虛星屬帝釋天娑婆天子姓憍陳如虛有四星其形如鳥一日一夜行三十時屬虛宿者煮烏豆汁而用祭之

次復置危為第二宿屬多羅拏天姓
單那尼危有一星如婦人驚一日一
夜行十五時屬危宿者以粳米粥而
用祭之

次復置室為第三宿屬地頭天竭天
之子姓闍都迦尼拘室有二星形如
腳跡一日一夜行三十時屬室星者
肉血祭之

次復置辟為第四宿辟屬林天婆婁
部子姓陀難闍辟有二星形如腳跡
行一日一夜四十五時屬辟星者以
肉祭之

次復置奎為第五宿屬富沙天姓阿
虱吒排尼奎有一星如婦女驚一日
一夜行三十時屬奎宿者以酪祭之
次復置婁為第六宿屬軋闍婆天姓
阿含婆婁有三星形如馬頭一日一
夜行三十時屬婁星者以大麥飯并
肉祭之

次復置胃為第七宿屬閼摩羅天姓
跋伽毗胃有三星形如鼎足一日一
夜行三十時屬胃宿者粳米烏麻及
以野棗而用祭之右此七宿當於北門

二十八宿有五宿行四十五時所謂
畢參五斗辟等二十八宿言義廣多
難曉深趣不可具宣我今略說說是
宿時同聞諸天皆悉歡喜

大集經卷第四十一

壬寅歲高麗國大藏都監奉

勅彫造

大方等大集經卷第四十二

有

隋天竺三藏那連提耶舍譯

日藏分中星宿品第八之二

尔時殊致阿羅婆仙人告諸天曰是
佉盧虱吒仙人於過去世亦造惡業
罪因緣故雖得人身半為驢狀以有
慈力其罪除滅更得取好端正之身
猶如帝釋告諸龍等我以福德諸因
緣故如彼仙人為一切天而作導師
今亦如是能教汝等深實語言諸龍
當知佉盧虱吒似釋身已是天人眾
皆悉歡悅一心合掌作如是言今大
聖人為我等說往昔之事何者星宿
行取在前食何等食作何事業行於
虛空復幾許時如是問已仙人答言
汝等一切至心聽受我以慈力還得
端正今復憐愍安隱眾生說一年內
事之終始今於汝曹如盲得目初日
星宿乃至月滿諸星所在皆悉具說
為欲利益諸眾生故安置昴星在眾
星前汝等諸天以為是不一切天言
善哉善哉我等經歷星宿知昴最尊

大威德天之外甥也其有六子運行
虛空是故昴星可為先首佐盧虱吒
仙人言月合諸星起昴終胃月行宿
訖一月將滿八月黑初月合在胃如
是次第輪轉不息我今復說剎那之
數一千六百剎那名一迦羅六十迦
羅名摸呼律多三十摸呼律多為一
日夜

胃宿縱惡自在如首羅天能護四方
皆得安隱汝等天人見彼為惡勿生
嫌恠嚴治刑法乃護衆生一切天言
如是如是如聖人教嚴於法令乃濟
衆生月與胃合其日病者或輕或重
難可療治其日生者性多瞋憤穢惡
剛毅難可親昵有大官位能勝衆生
亢虛參胃此四宿日不得入陣鬪戰
不可遠行不得剃頭及以治鬚畢牛
軀星此三宿日乃宜鬪戰及以遠行
剃頭洗頭抑張宿日可得造作一切
諸事昴宿翼宿斗宿此三宿日求財
可得宜服醫藥持戒布施宜作新衣
及造瓔珞鬻宿角宿女宿七星之宿
此四宿日宜於行來道路安隱互宿

井宿危宿此三宿日作惡得成房宿
柳宿心宿婁宿七星之宿張宿此六
宿日得造輦車床及繩床并諸衣服
要結知識

昂宿速疾作種種業其速如火其日
得病酪飯祭之四日除愈其日生者
常得大富其日入胎斗宿房宿虛宿
柳宿室宿此五宿日不宜造作一切
諸事唯得共於大敵鬪戰并互翼宿
此三宿日善惡之事皆悉得作畢宿
之日亦得自在并互危宿此三宿日
昂宿生者於此日內不得作事遠行
鬪擊假令急事亦不得作女角觜宿
此三宿日亦為取惡翼宿之日與怨
家鬪獲得其勝或剛或柔還致和合
軫宿牛宿此二宿日求伴不得服藥
合藥出家布施造新衣服瓔珞床鋪
卧具等物皆得成就參宿虛宿亢宿
此三宿日行來安隱鬼尾室宿此三
宿日共他造惡離於慈心種種得作
七星宿日心宿房宿柳宿辟宿此五
宿日宜結婚姻宜造輦車及以床繩
參宿之日作事亦吉然於一切須生

怜愍

畢星水性汝等於此第二宿日造柔
軟事恚得和合其日病者以香祭火
五日後愈其日生者其人大富福德
樂法牛宿奎宿七星宿日及心宿日
而受胎者其人薄德常作下事鬼尾
室宿此三宿日一切事業皆不得作
不得鬪戰不得遠行不得詣官賣買
交易工巧作務皆不得作亢宿虛宿
此二宿日若作好事不得和合唯宜
鬪戰剋獲勝捷軼宿之日為事有利
利作柔軟無有障導觜宿角宿女宿
等日衆事和合所作成辦服藥得力
若欲捨施若造衣服及以纓珞皆恚
得作井宿互宿危宿等日遠行安隱
房宿柳宿辟宿等日欲離慈心造惡
得成斗宿箕宿婁宿胃宿室宿翼宿
此六宿日宜結親友暫聚知識床鋪
輦輦皆恚得造

觜宿四日用事於此世間作諸事業
疾速自成其日病者豆糜祭月八日
除愈其日生者為人猛健大富饒財
當為婦女見諸惡事宜自防護我說

不虛訛宿生人若以女宿婁宿斗宿
張宿等日而入胎者為惡不善昴宿
房宿柳宿此三宿日不得鬪戰不得
遠行及向官府有須行者應止勿去
井宿互宿危宿等日造作衆惡不相
和順妄言諂曲欲殺怨家皆得成就
角宿之日欲作事者剛柔並得參宿
之日作事利益能致自在亢虛二宿
不相和合參宿之日乃得利益其日
服藥出家布施瓔珞衣服並皆得作
鬼宿尾宿室宿等日遠行安隱心宿
奎宿七星宿日此三宿日欲作惡者
惡事得成軼宿胃宿畢宿牛宿箕宿
等日宜結親友得好知識暫嫁吉事
輦車床繩皆悉得造

參宿五日用事能成諸惡欲為業者
少於利益其日病者以生蘇縻祭於
四道十日得愈其日生人性雖聰明
而心懷惡求於錢財遂至於死亦主
作賊致失身命其日生人及入胎者
虛宿心宿奎宿翼宿斗宿胃宿此六
宿日多為障尋乃至鬼尾室宿等日
亦不和合一切諸事皆不得作凡宿

之日欲造作者宜為輕事五宿危宿并宿奎宿此四宿日乃得自在

并宿六日用事其為惡業分判果決其日得病炒粳穀華祭於日天八日得愈其日生人及受胎者宜為田作當得大富又饒畜生象馬羊等於辟宿日百事不宜柳宿房宿此二宿日造作百事多有耗散五宿之日宜作衆事如意自在鬼宿參宿尾宿等日宜造百事所求稱意心宿星宿奎宿等日宜出遠行道路安隱所向和合斗宿翼宿奎宿等日宜結朋友求善知識亢宿畢宿觜宿虛宿此四宿日為并生人作諧障導

鬼宿七日用事能為柔軟不破善法其日得病以黃石蜜祭於歲星五日除愈其日生者此人持戒好樂善事得大官位國師宰輔常教國主善法治世至於娶妻特難和合慙慙日人然後成就其日生人欲在室宿鬼宿翼宿婁宿斗宿等日受胎者吉畢角女宿此三宿日為其障導七星心宿本宿之日作事不成當失財物尾宿

之日作事得成房宿之日亦多益利
辟宿柳宿此二宿日為事不稱張宿
之日遠行安隱婁宿箕宿為其障旱
軫牛昴宿此三宿日作事和合必得
良伴亢宿觜宿參宿虛宿宜結朋友
及善知識亢宿危宿此二宿日所求
者得多有利益

柳宿八日用事一切惡業皆恁能作
於世間中如閻羅王其日病者不可
療治其日生者性多瞋怒無有慈悲
多造慳過人所憎嫉能破善法常好
獵射辟宿牛宿此二宿日入胎者吉
軫宿昴宿入胎者凶觜宿虛宿亢宿
張宿此四宿日不宜作事多有耗散
箕宿婁宿房宿等日宜作衆事得好
成就心宿之日七星宿日胃宿之日
遠行安隱翼宿斗宿女宿等日宜修
讀學伎藝成就角宿斗宿危宿尾宿
畢宿此五宿日宜結知識互宿參宿
井宿室宿此四日亦復宜結諸知識
七星九日用事於諸衆生溫和柔軟
其日病者以胡麻油和粳米飯祭其
先人八日除愈其日生者聰明福德

常為善事然彼人性欲好妄言若護其身宜慎妄語其人作事利心宿日奎宿互宿此三宿日受胎者貧乏少財物參宿危宿畢宿等日受胎者凶常作惡事角宿女宿此二宿日受胎亦貧好為惡事翼胃斗宿此三宿日而受胎者作事自在得他人物婁宿張宿箕宿等日欲作事者多饒障尋軫宿牛宿昴宿互宿此四宿日行來安隱作事和合虛宿觜宿此二宿日為其障尋張宿十日用事作柔軟事安隱世間其日病者以頻婆果生蘇祭神七日得老其日生者性樂芳香末裳瓔珞貪於欲事而復嗜酒若在衆中須自慎儆婁宿井宿此二宿日受胎取惡虛亢觜宿是三宿日受胎亦惡不宜作事昴軫牛宿此三宿日亦多障尋張宿之日乃得自在胃宿斗宿此二宿日有所求者不得如意互宿之日其受胎者能除障尋亢宿參宿畢宿女宿此四宿日遠行安隱柳宿奎宿鬼宿心宿房宿辟宿此六宿日欲結知識障尋不成翼宿

十一日用事行四天下作兩種業所謂諂曲及柔軟事其日得病者黑青豆以用祭神十日除愈其日生者宜於種種然性愚癡慳貪鄙恡不能喜捨亦能不食五日六日乃至七日不為世人之所愛樂善須謹慎防護怨家不宜鬪諍胃宿之日而入胎者多造諸惡危宿參宿互宿房宿此四宿日善惡二事並皆得作房宿之日無有善惡辟宿鬼宿此二宿日有受胎者好失財物胃宿婁宿斗宿此三宿日受胎之者軫牛昴宿此三宿日作事和合若於虛宿觜宿亢宿此三宿日作事者成得三宿力遠行安隱并室尾宿此三宿日无善無惡婁宿七星奎宿柳宿心宿等日結善知識嫁娶之事皆得和合

軫宿十二日用事為惡自在速疾如風其日得病以酪祭神五日除愈其日生者大富饒財能用五兵刀槊弓箭鬪輪鞬索能作大賊殺害衆生若修善者亦能持戒喜捨布施種種功德皆能作其人行處七步之內地

不敢前其日入胎於諸賊衆而得為主又能持戒喜捨布施尾宿之日其受胎者所在之處无有障尋入陣鬪戰能勝怨敵井宿室宿二宿之日其受胎者從生至死常宜作事牛亢虛宿此三宿日其受胎者唯除牛宿不宜作事其餘亢虛及女觜宿此四宿日作事利益得於自在亢畢危等此三宿日遠行安隱五宿參宿房宿辟宿此四宿日作種種事得人氣力又宜娶婦要結親友及善知識箕宿七

星婁宿斗宿張宿胃宿此六宿日有造作者如上利益

角宿十三日用事為惡速疾其日病者去菜豆皮生搗祭神六日除愈其日生人嘲戲音樂謔僂作倡皆恚能解復能捨施又多色欲亦復愛樂有知之人其人入胎宜畢宿日婁宿七星箕宿等日其人入胎多造作惡事辟宿房宿鬼宿等日其人作事種種皆吉無有障尋危宿五宿參宿等日若作事業亦得自在觜宿亢宿虛宿尾宿此四宿日遠行安隱觜宿柳宿

營事業者得知識力心宿奎宿斗宿
昴宿翼宿牛宿張宿此七宿日宜結
親友婚姻等事

亢宿十四日用事能於世間作諸惡
業其性疾速為業快利其日得病極
惡難治華蓋祭神二十五日乃可得
愈其日生者善能算計大富饒財其
性慳貪不能喜捨又多瞋恚心意難
得若見特牛及黃腰者須自防護其
人若在鬻宿箕宿此二宿日而入胎
者為惡不善張宿胃宿柳宿心宿此
四宿日欲作事者無有善惡室宿尾
宿井宿等日欲為事者多有障尋參
互危宿此三宿日有所營者得他人
力婁宿箕宿七星之宿此三宿日遠
行安隱房鬼辟宿此三宿日宜結親
友娶婦之事軫宿女宿畢宿昴宿牛
宿翼宿亢宿此七宿日但宜行來餘
不可作

互宿十五日用事能作諸惡人所畏
敬其日得病以華祭神滿十五日乃
得除愈其日生者威德肅然大富饒
財其性慳貪姪他婦女須自治身勿

行此事其人入胎宜在參宿欲作諸事宜在危宿若七星宿婁宿箕宿日作事者成無有善惡若昴宿日牛宿翼宿營事則惡多有障尋辟宿房宿尾宿此三日則有利益室宿之日遠行安隱心奎柳宿此三宿日欲為事者得他人力張宿斗宿胃宿此三宿日宜結親友娶婦之事

房宿白月一日用事能於世間作速疾事其日病者作青豆飯以用祭神十日除愈其日生者有墮崖岸刀兵之厄於此二事須自護身宜於治生販賣之業更務儒雅樂法信福其人入胎宜井宿日張宿斗宿胃宿等日欲作諸事無有善惡軼畢女宿此三宿日作事者凶心宿柳宿奎宿此三宿日作事者吉室宿房宿鬼宿辟宿此四日作事安隱而得自在箕宿婁宿此二日遠行安隱得知識力虛宿昴宿張宿翼宿作事有利得他人物箕宿觜宿角宿虛宿亢宿參宿此六宿日要結親友大小知識娶婦皆吉心宿二日用事好作惡事其日得病

以粳米飯并大麥飯黃石蜜等祭帝
釋天經十三日然後除愈其日生者
性多瞋恚無有慈心縱持戒者亦復
破戒若見於他行淨行法宜於此處
須自慎微生產之所亦須護身此心
宿日入胎者吉角虛觜宿此三宿日
入胎不吉昴牛翼宿此三宿日宜作
諸事辟宿之日若作事者多有障導
七星箕婁此三宿日乃得自在多有
利益尾宿柳宿奎宿危宿軫宿畢宿
此六星宿得他人力胃張斗宿此三
宿日宜遠行來道路安隱室宿亢宿
危宿井宿互宿參宿此六宿日宜結
親友及以娶婦

尾宿三日用事剛柔二事皆恚能作
其日得病取諸果根及果華氣以用
祭神三十日愈其日生者大富饒財
多有穀麥其人有相神德之人唯生
產處須自防慎亦復好為草馬所躪
至草馬所又須自備尾宿之日而入
胎者柳宿角宿危宿參宿此四宿日
宜作惡事軫宿房宿畢宿奎宿此四
宿日不可造作諸種事業危宿之日

惡事得作斗宿翼宿胃宿此三宿日
欲作惡事无有利益多諸煩惱箕宿
七宿婁宿此三宿日乃得自在為有
利益角宿虛宿觜宿此三宿日得他
人力而獲自在昴宿牛宿張宿此三
宿日行來安隱室宿辟宿井宿鬼宿
房宿五宿此六宿日宜結知識大小
親友婚姻嫁娶其事皆吉

箕宿四日用事其日得病應以麻糜
尼俱陀子祭於水神八月月令乃愈其日
生人善能耕田行船之業其性精進
行十善業多聞智慧有大名譽大富
饒財常與智人共相隨逐七星宿日
及婁宿日宜作諸業角觜虛宿此三
宿日造作諸事無善无惡五宿室宿
此二宿日為事不吉井宿之日經營
事者失於舊業翼宿昴宿牛宿等日
欲為事者自在如意能有利益張宿
胃宿斗宿等日造作事者得他人力
亦為有利參宿亢宿危宿等日欲作
事者亦得他力軫宿畢宿女宿等日
若欲遠行道路安隱奎宿鬼宿柳宿
房宿辟宿此五宿日宜結親友娶婦

之事

斗宿五日用事作柔軟業其日得病炒粳穀華以蜜和之用祭諸神七日除愈其日生者是智慧人少病大富多有智識其人入胎宜在張宿若在危參亢宿等日平無善惡欲營衆事皆悉成就辟宿房宿鬼宿胃宿此四宿日作事不吉畢女軛宿此三宿日欲求自在多有障尋昴宿牛宿翼宿等日欲營事者自在如意互宿井宿室宿等日亦宜作事有其福力角宿觜宿虛宿等日若遠行者道路安隱奎宿柳宿房宿婁宿七星心宿此六宿日宜結親友嫁聚之事

牛宿六日用事其日生者為性剛毅心無怖畏猛健勝人能破國土前无強敵大富饒財若入胎者宜在翼宿一切衆星不為障尋皆作善友

女宿七日用事其日得病經十二月石蜜及華祭於山神乃得除愈其日生者遠行遇伴宜以治生作柔軟事其人智少於病疾常得世間國王供養軛宿之日入胎者平無有善惡

鬼宿房宿此二宿日為作障尋七星
宿心宿女宿畢宿此四宿日宜造衆
事亢宿危宿參宿等日作事不合虛
宿觜宿乃得和合如意自在室宿井
宿五宿等日遠行安隱亦得自在奎
宿房宿柳宿等日欲營事者得他人
力亦遇良友昴宿張宿翼宿等日宜
結親友

虛宿八日用事其日得病一年乃愈
應以菜豆烏豆小豆江豆作四種臠
香華祭神其日生者性多瞋貪貧无
衣食於色欲間亦復乏少依約親屬
常多怖畏若角宿日受胎者吉張宿
胃宿箕宿之日受胎者惡多有障尋
房宿柳宿奎宿等日入胎者平无有
善惡五宿井宿室宿等日受胎亦惡
離散不合亢危參宿此三宿日作事
利益得有和合觜宿之日欲作事者
一切得作鬼宿尾宿辟宿此三日宜
以遠行道路安隱婁宿七星心宿等
日若為事者得善知識及於良伴翼
宿箕宿昴宿等日亦宜要結諸親友
等畢宿牛宿此二宿日亦復宜於結

大善友

大集經卷第四十二

第十七張 有

益

危宿九日用事其性柔軟其日得病
蘇乳酪糜以祭水神七日除愈其日
生者性多瞋忿猛健勇銳而有水虎
若至水所須自防慎亢宿之日入胎
者吉婁宿七星心宿等日若作事者
平無善惡斗宿昂宿翼宿此三宿日
作事者惡辟宿鬼宿尾宿參宿此四
宿日作事亦惡不得如意室宿井宿
互宿之日作事和合而得安隱七星
之宿房宿柳宿奎宿等日遠行安吉
張宿箕宿胃宿等日欲作事者得良
伴力角宿女宿觜宿軒宿畢宿牛宿
此六宿日宜結善友及以納妻

室宿十日用事其性速疾其日得病
以種種華用祭於神三十日愈其日
生者斯偽作賊愚癡妄語殺害衆生
心常作惡不畏父母若鬪諍盜賊如
是等處橫羅其殃其人入胎必在互
宿若作事者箕宿胃宿張宿之日無
有障尋處處可為畢宿軒宿牛宿此
三宿日若作事業一切皆惡井宿之
日作事乃吉房宿柳宿奎宿之日造

作事者多有障導不得利益鬼宿尾宿辟宿之日宜作事業為得利益婁宿七星心宿等日遠行安隱昴宿斗宿箕宿等日若作事者得良伴力虛宿觜宿角宿等日宜以要結小知識者虛宿參亢宿等日宜以要結大知識者

辟宿十一日用事其日得病華及應脯以祭火神滿七日愈其日生者其人智慧樂聖人法學於衆藝種種皆能歌舞伎倡亦復志解又主大富多有金銀及饒穀帛若入胎者宜尾宿日昴宿斗宿此三宿日造作衆事平無善惡觜女鬼宿此三宿日為事成就心婁七星此三宿日為事多障柳宿房宿此二宿日欲作事者和合如意軫宿牛宿畢宿之日作事自如逢遇良伴張宿胃宿箕宿之日行來安隱亢宿虛宿參宿宜可要結小知識者井宿五宿危宿等日宜可要結親友大吉

奎宿十二日用事其日得病宜以香華祭於神祇經二十日乃得除愈其

日生者作柔軟事有大勢力人所尊重唯於閻裏須自護身大富饒財金銀穀帛無有限量治生有利得他人物彼人入胎宜在心宿軒宿畢宿牛宿等日亦多蓄積亢宿虛宿此二宿日作事者平無有善惡參宿之日不可作事柳宿翼宿斗宿昴宿此四宿日行來安隱女宿畢宿角宿之日若作事者為得良伴箕宿張宿胃宿等日欲作事者無有障尋為得人力婁宿心宿尾宿此三宿日欲結知識為有利益井宿互宿危宿此三宿日宜可要結知識小者鬼宿尾宿室宿此三宿日宜可要結知識大者婁宿十三日用事其日得病麥粥祭神二十五日然後除愈其日生者為性躁疾常護衆生不害物命若至閼津須自防慎當作醫師善解方藥能療衆病亦復善能歌舞之事心宿之日有入胎者无有障尋角宿觜宿女宿虛宿井宿亢宿危宿此七宿日若作事者平無善惡此星宿日唯莫賣買不宜行來及以剃頭亦不得至相鬪處所

昂宿斗宿張宿此三宿日宜報怨仇
鬪諍得勝宜作輕利滯事得成七星
宿日作事牢固亦有益張宿箕宿
胃宿此三宿日欲遠行安隱辟軼畢
宿此三宿日作事利益亦宜密語參
宿虛宿亢宿之日宜作惡事鬼宿尾
宿室宿等日宜可要結諸小知識抑
宿房宿辟宿等日宜可要結諸大知
識為得衆人愛護於己宜造床輦及
買牛馬

胃宿十四日用事人生吉凶造作善
惡疾病等事如上說了月行虛空周
匝宿訖還更起昂是故言日虛空月
滿三十晝夜亦名月滿八月滿者起
胃終昂其月如是夜十五時晝十五
時日午之影長六腳跡婁宿夜行房
在日前熒惑日子是時隨日是八月
時錫神主當昂宿為業前已說竟是
白月內次十五日昂又用事月合昂
星是八月滿昂與月合一日夜訖其
次復轉合於畢宿九月初日畢用
事也

九月黑月一日合畢二日合斗三日

合參四日合井五日合鬼六日合柳
七日合星八日合張九日合翼十日
合軫十一日合角十二日合亢十三
日合五十四日合房十五日合心是
黑月滿

白月一日合尾二日合箕三日合斗
四日合牛五日合女六日合虛七日
合危八日合室九日合辟十日合奎
十一日合婁十二日合胃十三日合
昂十四日合畢十五日合觜是白月滿
九月合觜宿滿晝十四時夜十六時
日午之影長八腳跡日行南陸昂宿
夜行尾在日前其九月時歲星用事
為一切天之所尊敬得失諸事皆悉
由之是九月時射神主當

十月黑月一日合參二日合井三日
合鬼四日合柳五日合星六日合張
七日合翼八日合軫九日合角十日
合亢十一日合五十二日合房十三
日合心十四日合尾十五日合箕是
黑月滿

白月一日合斗二日合牛三日合女
虛四日合危五日合室六日合辟七

日合奎八日合婁九日合胃十日合
昂十一日合畢十二日合觜十三日
合參十四日合井十五日合鬼是白
月滿

十月合鬼宿滿晝十三時夜十七時
日午之影長十腳跡觜宿夜行女在
日前當此之時辰星用事是十月時
摩竭之神主當其月十一月黑月之
內一日合柳二日合七星三日合張
四日合翼五日合轸六日合角七日
合亢八日合五九日合房十日合心
十一日合尾十二日合箕十三日合
斗十四日合牛十五日合女是為黑月
滿白月一日合虛二日合危三日合室
四日合辟五日合奎六日合婁七日
合胃八日合昂九日合畢十日合觜
十一日合參十二日合井十三日合
鬼十四日合柳十五日合七星是白
月滿

十一月合七星滿晝十二時夜十八
時日午之影一二腳跡鬼宿夜行危
在日前近南轉辰星用事是十一月
水器之神主當其月十二月黑月一

日合張二日合翼三日合軫四日合
角五日合亢六日合五七日合房八
日合心九日合尾十日合箕十一日
合斗十二日合牛十三日合女十四
日合虛十五日合危是黑月滿

白月一日合室二日合辟三日合奎
四日合婁五日合胃六日合昂七日
合畢八日合觜九日合參十日合井
十一日合鬼十二日合柳十三日合
七星十四日合張十五日合翼是白
月滿

十二月合翼宿滿晝行十三時夜行
十七時日轉近北日午之影十二腳
跡七星夜行天師歲星用事之時是
十二月天魚之神主當其月

正月黑月一日合軫二日合角三日
合亢四日合五五日合房六日合心
七日合尾八日合箕九日合斗十日
合牛十一日合女十二日合虛十三
日合危十四日合室十五日合辟是
黑月滿

白月一日合奎二日合婁三日合胃
四日合昂五日合畢六日合觜七日

合參八日合井九日合鬼十日合柳
十一日合七星十二日合張十三日
合翼十四日合轸十五日合角是白
月滿

正月合角宿滿晝行十四時夜行十
六時日轉近北日午之影長八腳跡
張宿夜行婁在日前日子災惑嚴惡
遠疾此時用事是正月時持羊之神
主當其月

二月黑月一日合亢二日合互三日
合房四日合心五日合尾六日合箕
七日合斗八日合牛九日合女十日
合虛十一日合危十二日合室十三
日合辟十四日合奎十五日合婁是
黑月滿

白月一日合胃二日合昂三日合畢
四日合觜五日合參六日合井七日
合鬼八日合柳九日合星十日合張
十一日合翼十二日合轸十三日合
角十四日合亢十五日合互是白月滿
二月合互宿滿晝行十五時夜行十
五時日近北行日午之影長六腳跡
角宿夜行昂在日前阿修羅師名曰

太白此時用事是二月時持牛之軸
主當其月

三月黑月一日合房二日合心三日
合尾四日合箕五日合斗六日合牛
七日合女八日合虛九日合危十日
合室十一日合辟十二日合奎十三
日合婁十四日合胃十五日合昂是
黑月滿

白月一日合畢二日合觜三日合參
四日合井五日合鬼六日合柳七日
合星八日合張九日合翼十日合轸
十一日合角十二日合亢十三日合五
十四日合房十五日合心是白月滿
三月合心宿滿晝行十六時夜行十
四時日行近北日午之影長四腳跡
互宿夜行觜在日前日子名曰佛陀
懸多此時用事作柔軟業是三月時
雙鳥之神主當其月

四月黑月一日合尾二日合箕三日
合斗四日合牛五日合女六日合虛
七日合危八日合室九日合辟十日
合奎十一日合婁十二日合胃十三
日合昂十四日合畢十五日合觜是

黑月滿

大集經書四家

第二十六張有

此

白月一日合參二日合井三日合鬼
四日合柳五日合七星六日合張七
日合翼八日合軫九日合角十日合
亢十一日合五十二日合房十三日
合心十四日合尾十五日合箕是白
月滿

四月合箕宿滿晝行十七時夜行
十三時日近北行日午之影長兩脚
跡房宿夜行日隨井星是四月時盤
神主當其月

五月黑月一日合斗二日合牛女三
日合虛四日合危五日合室六日合
辟七日合奎八日合婁九日合胃十
日合昂十一日合畢十二日合觜十
三日合參十四日合井十五日合鬼
是黑月滿

白月一日合柳二日合七星三日合
張四日合翼五日合軫六日合角七
日合亢八日合五九日合房十日合
心十一日合尾十二日合箕十三日
合斗十四日合牛十五日合女是白
月滿

五月合女宿滿晝行十八時夜行十二時日極行北日午之影長半腳跡箕宿夜行心在日前是時日光焰熾大盛此五月時師子之神主當其月六月黑月一日合虛二日合危三日合室四日合辟五日合奎六日合婁七日合胃八日合昂九日合畢十日合觜十一日合參十二日合井十三日合鬼十四日合柳十五日合七星是黑月滿

白月一日合張二日合翼三日合轸四日合角五日合亢六日合互七日合房八日合心九日合尾十日合箕十一日合斗十二日合牛十三日合虛十四日合危十五日合室是白月滿

六月合室宿滿晝行十七時夜行十三時強日近南行日午之影長二腳跡女宿夜行張在日前月子名覺此時用事此六月時天女之神主當其月七月黑月一日合辟二日合奎三日合婁四日合胃五日合昂六日合畢七日合觜八日合參九日合井十日

合鬼十一日合柳十二日合七星十三日合張十四日合翼十五日合轸是黑月滿

白月一日合角二日合亢三日合五
四日合房五日合心六日合尾七日
合箕八日合斗九日合牛十日合
虛十一日合危十二日合室十三日
合辟十四日合奎十五日合婁是自
月滿

七月合婁宿滿晝行十六時夜行十
四時日轉近南日午之影長四腳跡
室宿夜行角在日前阿修羅師名曰
太白此時用事是七月時秤量之神
主當其月

尔時佉盧虱吒告天衆言是諸月等
各有主當汝可救濟四種衆生何者
為四救地上人諸龍夜叉乃至竭等
如斯之類皆悉救之我以安樂諸衆
生故布置星宿各有分部乃至摸呼
羅時等亦皆具說隨其國土方面之
處所作事業隨順增長

佉盧虱吒於大衆前合掌說言如是
安置日月年時大小星宿何者名為

有六時也正月二月名暄暖時三月四月名種作時五月六月求降雨時七月八月物欲熟時九月十月寒凍之時十有一月合十二月大雪之時是十二月分為六時又大星宿其數有八所謂歲星熒惑鎮星太白辰是日月荷羅候星又小星宿有二十八所謂從昴至胃諸宿是也我作如是次第安置說其法已汝等皆須亦見亦聞一切大衆於意云何我所置法其事是不二十八宿及八大星所行諸業汝喜樂不為是為非宜各宣說今時一切天人仙人阿修羅龍及緊那羅等皆悉合掌咸作是言如今大仙於天人間取為尊重乃至諸龍及阿修羅無能勝者智慧慈悲取為第一於無量劫不忘憐愍一切衆生故獲福報誓願滿已功德如海能知過去現在當來一切諸事天人之間无有如是智慧之者如是法用日夜剎那及迦羅時大小星宿月半月滿年滿法用更無衆生能作是法皆悉隨喜安樂我等善哉大德安隱衆生

是時佉盧虱吒仙人復作是言此十二月一年始終如此方便大小星等剎那時法皆已說竟

又復安置四天大王於須弥山四方面所各置一王是諸方所各領衆生北方天王名毗沙門是其界內多有夜叉南方天王名毗留茶俱是其界內多鳩摩荼西方天王名毗留博叉是其界內多有諸龍東方天王名題頭毖吒是其界內多乾闥婆於四方維皆悉擁護一切洲渚及諸城邑亦置鬼神而守護之

尔時佉盧虱吒仙人說法已諸天龍夜叉阿修羅緊那羅摩睺羅伽人非人等一切大衆皆稱善哉歡喜无量是時天龍夜叉阿修羅等日夜供養佉盧虱吒次復於後過無量世更有仙人名伽力伽出現於世復更別說置諸星宿小大月法時節要略尔時諸龍在佉盧互山聖人住處尊重恭敬光味仙人盡其龍力而供養之

大集經卷第四十二

大方等大集經卷第四十三

六

目藏分送使品第九

隋天竺三藏那連提耶舍譯

爾時娑伽羅龍王白光味菩薩言大德乃能憶念如是過去宿命劫中種種善業無量往事而不忘失及說虛空星宿照明安施法用悉皆了達一無遺於三界中最尊最勝智慧第一更無能過是故彼龍并及我等如是方便得脫此獄離於苦惱憐愍眾生慈悲一切功德戒行及婆羅多在嚴於心一切滿足是時光味語諸龍言我今非是佉羅虱吒苦行仙人亦復不能於虛空中置於星宿今我說者神通力知汝娑伽羅諸龍王等莫作是說我實不能然此佉羅虱吒仙人宿往因緣說猶未盡爾時帝釋及諸梵天各向佉羅虱吒仙人齊共合掌作如是言我等樂聞唯願更說我等梵天諸天中尊猶如大仙聖人中尊我諸天中有梵行者若放種種神祇呪術我皆了知亦能為他分別廣

說時虱吒仙言若能如是亦可教化一切衆生悉令知之是時青眼帝釋天主在於衆中虱吒仙人語帝釋言天主一切善法必令具足住持於世常使照明修善法人擁護勿捨若有精進樂善衆生持戒多聞修禪學慧如是等衆天主應當供給所須衣服飲食卧具湯藥種種施與令無有窮我說虛空星宿法已今此世界諸地分中各有龍王停止守衛如娑伽羅龍婆婁那德叉迦寶護大行瞿婆羅婆蘇婆呼嚧俱叉婆私无俱叉等此八龍王護於海中能令大海無有增減阿奴馱致毗昌伽蘇致婆婁那得十問婁叉婆此四龍王守護池中出一切河是故諸河流注無竭難陀優波難陀此二龍王守護山中是故諸山叢林鬱茂婆須吉娑羅羅蓋輸盧瞿摩祇利亦為守護毗梨沙閼浮伽赤眼娑羅婆帝於小河水而為守護悉陀摩奴阿羅蘇摩賀盧唱利於聖人所及諸藥草而為作護堅固緊輸迦歡喜此於地中而為守護取勝光

毗喻婆三婆毗離耶尸棄此於火中
作護動摩都三摸地羈蘭那羈賴
車此於風中作護優羅婆羅阿闍耶
帝羅娑羅此於樹中作護吁嚧呵張
火薄脚羅沙斯此於花中作護香常
跋陀耶邏婆遮富婁那迦羅此於果
中作護阿是林婆毗遮婆多吁嚧脂
多末羅伽彼中毗首羯磨蘇摩敬師
奇和沙月眼此四種一切工巧為取守
護羈羅睺陀羅僧伽那斯阿蘭那懼
無迦如此四種夜叉於一切福德布
施等中能為作護金剛眼師子眼善
見眼三樂如此四種一切龍護如是
等各各為護今時光味菩薩於諸仙
聖天人龍中取上取勝憐愍一切苦
惱衆生是故於此救諸龍厄令得解
脫時光味菩薩作是思惟云何當令
彼諸龍等於三寶中迴心歸向即以
方便善巧音辭次第教言一切龍王
信於我者我實不能拔濟於汝今有
大聖一切智人乃能施汝安隱无畏
我所讚歎佉羅虱吒仙人功德如是
說法非我小德辨於斯事彼聖人者

過去无量阿僧祇劫已曾修習種種福德一切難事皆悉能捨所謂象馬種種寶車妻子國城金銀輦輿奴婢衣裳鉢盂敷具衆生須者稱意與之或復手足耳鼻舌身頭目筋骨皮肉肌膚求无恡惜速能滿足六波羅蜜具大慈悲於苦惱衆生能令解脫為諸衆生得安隱故乃至處於地獄之中救濟衆生心無暫捨亦不自為得成佛道欲令一切惡趣衆生得脫種種老病死苦是大仙人乃往過去無邊劫中經歷是等種種願行而是仙人生生世世堅固精進勇猛慈悲引接衆生安涅槃道又彼佉羅虱吒仙人無量劫來種種福德具足圓滿乃至生於淨飯王家託在摩耶夫人腹內既出生已舉手唱言我三界中最尊最勝放種種光能與一切衆生安樂光因緣故感動無量天龍夜叉及阿修羅人非人等一切悉來而共供養又於生時一一方面各行七步脚所踏處皆有蓮華承捧其足以此脚躡行步因緣一切山河地及大海

志皆濤動如是變現出生功德又釋
迦子能令我等一切衆生解脫生老
病死寂滅安隱離諸怖畏到涅槃城
說是語時一切諸天阿修羅衆龍及
夜叉乾闥婆緊陀羅摩睺羅伽人非
人等各散種種衆寶雜華塗香末香
於虛空中猶如雨下以用供養種種
讚歎今時光味菩薩為諸大衆而說
偈言

過去无量僧祇劫 種種布施習檀那
清淨尸羅及羼提 精進坐禪學般若
安樂一切衆生故 徧忍種種諸苦辛
宮中六万后妃嬪 棄捨出家如脫屣
獨處六年修苦行 日食一麻一米麥
精進晝夜不睡眠 身形唯有皮骨在
菩提樹下思惟坐 八十萬衆天魔來
四方上下地及空 八十由旬悉充滿
如是魔軍及眷屬 皆能破壞使歸降
成就無上勝菩提 得證第一義諦果
見聞種種无怖畏 其心寂靜如涅槃
常於一切衆生中 等心愍念無偏黨
真實智慧具足滿 教導一切諸天人
无一衆生起邪惡 如是慈悲徹骨髓

又於一切衆生類 乃至蟻子及蛸飛
不生惱亂毒害心 一切衆生流轉中
悉能令其得解脫 又於繫縛諸有獄
拔出衆生使獲安 結是小小如楷身
大聖悉皆往救濟 彼諸龍等一切衆
能却其惡及憂愁 是故大聖哀愍來
慈心出汝此獄中 廣說無邊深秘要
不自在者悉稱心 一切歸寂安隱住
得彼聖人救濟者 不畏金翅諸鳥王
各還所止恣意遊 如本受樂心無異
大聖過去修万行 不許惱亂一衆生
汝等所有諸灾惡 魔王所為非佛作
莫起餘心謗毀佛 受我教誨發菩提
勿生疑惡自迷沒 一一皆如我前說
今時一切諸大龍王所有眷屬男女
大小在於牟尼聖人處者聞此說已
各各一心齊共合掌作如是言南无
南無大聖一切世間衆生中勝具一
切法到自在岸能與一切衆生解脫
能與一切衆生安樂能與一切衆生
歡喜能令一切到智慧彼岸於諸衆
生慈悲平等令修善法悉具足滿成
就一切善哉衆生安立善道與實法

眼於天龍中作上福田於三界中取勝取尊能受世間一切供養我等諸龍同共辛苦滿此獄中未能得出如是至心礼拜歸命說此語已一切龍等悉得本形雖復舊身而猶不能於彼山中免離得出今時一切諸龍王等復白光味菩薩言惟願救濟如大德說彼聖人者於諸衆生不起惱亂常施安樂此言誠實我今信受無有疑心若愍衆生慈悲救濟惟願速來令我等輩出彼魔獄是時光味告諸龍言彼大聖人具足智慧牟尼如來心常憐愍一切衆生修習諸善捨於諸惡大悲普覆於流轉中精勤勇猛接引衆生於菩提道令得安隱現見因果成就佛眼一切菩薩摩訶薩過去久遠不瞋因緣悉皆具足慈悲喜捨四梵行法復次菩薩摩訶薩道行因緣中生因緣生已種種惡趣及慈等行皆已說竟復次彼佛如來世尊住無量阿僧祇恒河沙等諸佛剎微塵等无量無邊清淨阿耨多羅三藐三菩提行故六波羅蜜悉具足滿菩

薩摩訶薩出於流轉生死海故到大
涅槃智慧彼岸壞四魔故紹三寶種
不斷絕故能以法水洗諸衆生一切
煩惱垢令清淨故如來如是永離攀
緣說四梵行復說如性出相離相及
離我見一切法等无盡方便謂於五
陰十八界十二入實諦觀故四大老
別生死等法皆得滅盡方便離於貪
瞋癡等一切煩惱體性悉空无衆生
界離諸攀緣無喜離喜無行離行无
物離物無想離想无諸障碍無有處
所无塵無染无暗無明不可捉持无
自無他不來不去無異離行乃至一
切陰入界等智眼體性非暗非明不
行不生法界真實不滅不壞如如不
生法界真實皆空過去一切諸法等
中悉皆了達是真攀緣如來從生若
有菩薩於是法中達到彼岸具足充
滿六波羅蜜猶如虚空離色離觸如
是心得無障碍智普斷一切諸見及
習悉皆除盡如是得離一切煩惱是
名菩薩摩訶薩離觀四種梵行之法
是時光味說此法已時彼衆中婆伽

羅龍王毗目伽蘇脂龍王須摩呼嚧迦沙護寶龍王如是等龍王已於過去菩薩行中修習福德發弘誓願念宿命已即得光明照耀陀羅尼餘諸龍衆八十那由他亦曾過去種種願行悉修習來一切皆發三菩提心得於三昧余時光味即自化作聖人之身如菩薩形與諸仙等乘神通力從虛空中往如來所

大方等大集經目藏分念佛三昧品第十

余時一切諸龍衆等信受光味菩薩之言皆悉至心歸依於佛歸依於法歸依於僧作是歸時魔王波旬親見親聞既見聞已大生驚怖怖畏不安瞋恚憂愁遍身流汗舉手摸頭而說偈言

呵呵看彼甚大笑 奸僞幻惑釋沙門
誘誑諸龍皆歸已 迷忤一切諸衆生
惑亂道中妄安立 實非言是我法真
如是實法若得時 彼中始終應不失
余時波旬說是偈已彼衆之中有一
魔女名為離暗此魔女者曾於過去
殖衆德本作是說言沙門瞿曇名稱

福德若有衆生得聞佛名一心歸依一切諸魔於彼衆生不能加惡何況見佛親聞法人種種方便慧解深廣父王今者欲於如來及學佛道者邊興造惡心終不能成時魔王言沙門瞿曇解達真如智慧廣大於空法中深入堅固自既度脫生死大海又教衆生亦皆出離魔女荅言如王所說若於空法覺實際者設千万億一切魔軍終不能得須臾為害如來今者開沮睺道女欲往彼歸依於佛即為其父而說偈言

離相不著人中勝 如如常住天中尊
到於彼岸智慧城 我今欲往歸依彼
修學三世諸佛法 度脫一切苦衆生
善於諸法得自在 當來願我還如佛
尔時離暗說是偈已父王宮中五百
魔女姊妹眷屬一切皆發菩提之心
是時魔王見其宮中五百諸女皆歸
於佛發菩提心益大瞋忿怖畏憂愁
即作是念我今當行大魔王力大魔王
威於自宮中魔王坐處極盡神化
當彼聖人牟尼住所一切諸龍和合

集處作大火石從虛空中一時雹下
碎彼諸龍及光味仙人使其遠散若
彼去者我魔王宮乃可安樂作是念
已即於空中放大火雹如雨而下是
時如來以神通力變彼火石悉為天
華繽紛亂墜墮伽羅堦滿山頂上聖
人住處悉皆充遍一切龍王莫不歡
喜是時魔王見雹下於聖人住所即
自掐示五百女言諸女好看今彼處
所一切諸龍眷屬大眾歸依沙門瞿
曇曇邊者我已破碎一切如塵何況我
宮而不能壞若我宮中有欲歸向於
瞿曇者要當使其如彼不異是時五
百諸魔女等更為波旬而說偈言
若有衆生歸佛者 彼人不畏千億魔
何況欲度生死流 到於无為涅槃岸
若有能以一香華 持散三寶佛法僧
發於堅固勇猛心 一切衆魔不能壞
何況畢定求作佛 若有精誠持一戒
或復至心來佛邊 聽受一句微妙法
即發不退菩提道 決定一切衆中尊
得佛金剛不壞身 能摧一切四魔衆
父王但看諸龍等 各散種種香華雲

惟佛世尊能了知 非是魔王之境界
獨一導師處於世 說於殊勝難思議
所作一切皆吉祥 能令衆生罪業除
我等過去无量惡 一切亦滅無有餘
至誠專心歸佛已 使得阿耨菩提果
今時魔王聞是偈已倍大瞋恚怖畏
煎心憔悴憂愁獨坐宮內是時光味
菩薩摩訶薩聞佛說法一切衆生盡
離攀緣得四梵行當於佛前從空而
下到佛所已光味菩薩與其大衆為
佛作札右繞三匝却住合掌而白佛
言世尊如來說彼四禪地依止心念
陀羅尼以是陀羅尼呪術力故我憶
過去有二婆羅門子以欲事故罪應
合死為官所收殺時未到王勅有司
付於牢獄半月半月時給一食五縛
繫身兩手兩足悉皆拮械咽喉被鑲
飢渴難堪無復畏於死時將逼獄中
一心歸依於佛彼時有佛名毘陀羅
華香專意佛邊遙求救濟是時彼佛
憐愍衆生及我等故於自座中現佛
境界大神通力說四禪地依止心念
陀羅尼作如是言我以佛力令彼獄

中二婆羅門聞此四禪地依止心念
陀羅尼聞已歡喜至心憶念以是因
緣令其所有的一切惡業一切障罣若
今生中惡業障罣若多生中諸惡業
障若煩惱障法障衆生障捨施障智
慧障生活障壽命未盡橫死障意欲
不生繫地所牽業力障罣若有清淨
佛剎之中情願欲生而不得往違心障
罣如此一切惡業障罣聞此四禪地
依止心念陀羅尼因緣故喉及手足
五種枷鎖自然一時脫落在地即於
獄中得陀羅尼力以神力故得出於
獄從虛空中到易陀羅華香佛所禮
拜供養盡其壽命即得往生山光佛
剎彼佛世尊名曰雲色從雲色佛求
請出家既出家已生生世世无量劫
中常得不生於空佛剎恒值佛世如
今此剎娑婆世界三千大千佛土地
及虛空乃至阿迦膩吒天人非人等
皆悉充滿時彼佛剎一切衆生地及
空中乃至阿迦膩吒天亦復如是一
切衆生具足惡業及諸障罣以彼如
來為衆生故說此四禪地依止心念

陀羅尼身口意惡悉皆消除若聽聞
此陀羅尼力一切三世諸罪惡業悉
滅無餘又彼衆生種種更得人忍三
昧陀羅尼乃至壽命欲盡之時此間
死已如願欲生他方清淨佛剎應念
即生得於宿命常勤精進行十善法
常不復墮三惡道中常能修行六波
羅蜜常行四攝常得見佛常聞於法
常供養僧常得四禪及五神通常具
足得四梵行念生生世世常與彼法
和合共生乃至涅槃未曾捨離佛言
善哉善哉善男子汝為大利益衆生
故作如是說過去宿命發心因緣
今時世尊復告光味菩薩言善男子
諦聽諦聽若有比丘比丘尼優婆塞
優婆夷或男或女有信心者欲於三
乘及餘道中願得速證涅槃道盡一
切苦者欲得一切聞持在心一切身
口意業清淨欲護佛法欲求種種利
益種種衣食一切豐饒自在殊勝端
正大力眷屬強盛國土富安職位高
遷多人敬奉聰明智慧尊嚴勝行
住四儀常無所乏及樂種種施戒坐

禪得諸三昧乃至無色一切有頂所有三昧亦復樂於四梵天行若有樂於陀羅尼人望得如是種種衆事而彼惡業堅固厚重諸業障尋煩惱障尋乃至欲生清淨佛刹不生障尋以如是故種種善願不得稱心欲令如是種種惡業速滅盡者而此衆生應是淨洗浴著鮮潔衣菜食長齋勿取辛臭於寂靜處莊嚴道場正念結加或行或坐念佛身相無使亂心更其他緣念其餘事或一日夜或七日夜不作餘業至心念佛乃至見佛小念見小大念見大乃至無量念者見佛色身無量无边彼佛身形三十二相於一一相亦念亦觀皆令明了隨所見相見青光明於彼光相專精繫意无令心乱作是念時而誦是呪

哆經吽 毗視林婆 毗視林婆 鬱頭波駄 避耶毗視林婆 斯那婆頤 羅斯那婆頭 羅阿菟那多他侈阿菟那多他侈復嚧多俱致毗視林婆毗視林婆 莎呵

如是一相在於前心勸勸專念不起

乱想然後誦此陀羅尼咒乃至念於佛身相中青色出光彼光出已從行者頂入今時安心慎莫驚怖於自身中見於此光如彼青色念此青光於自身中各各肢體處處遍行乃至二切身中火然見火然已乃至成灰及四方風來吹散滅如是念時見於自身無有一相惟有空在乃至十方皆悉是空不見一色如是念佛青色力緣誦持於咒成就此行善男子若復有人如是繫念不散乱心學四禪地依止心念陀羅尼而彼衆生一切業障煩惱障法障罪業皆盡惟除五逆破毀正法誹謗聖人若復有人如是樂者能如上習念佛三昧一日一夜口能誦持一切佛法一切外道十八種論智慧勝處如是種種句義文章悉皆憶持無有遺忘又一日夜得於四禪四種神通四無量行四種辯才及四无色三摩跋提如是等法一切成就具足得之如是修者乃至能於一彈指頃到一佛剎及無量剎又以一足能動如是无量剎土過是等剎

亦能動搖能以一身結加趺坐遍滿
諸刹如是世界能令水滿十方塵數
皆能數知能以七寶滿諸國界又復
彼人於一念頃悉能得知生死業報
過去現在及以當來一切衆生所有
心數又彼行人能以一身種種化作
一切佛身帝釋天身梵天王身那羅
延身摩醯首羅身四天王身轉輪聖
王身乃至水火遍虛空又復彼人如
是念者能一念中一切十方地及虛空
種種華滿七寶充滿一切衆香傘蓋
幢幡種種衣裳種種纓絡一切虛空
皆悉能滿若復有人至心修習此四
禪地依止念佛三昧一一老別諦識
了達時彼衆生如是无量惡業悉盡
如是無量福德精進種種三昧種種陀
羅尼種種忍及五神通於餘乘中速
得滿足流轉海中畢定疾出除五無
間謗法誹聖不得是法彼人應須經
七七日此四禪地依止念佛三昧心
內熏修於此法中常說修習不捨離
者一切罪盡若不專心罪兩分盡平
常用心罪一分盡如是修習須精進

心純信敬心能如是者彼惡乃盡若復有人此四禪地依止念佛三昧或天中說或人中說若彼天人信心聽受如此三昧內自思惟生於歡喜如是之人若在牢獄五鎖繫身或復餘處受辛苦者悉得免脫若失生活或復求財或打或燒或臨河水或被毒藥或為種種怨家來侵或一切鬼或一切幻或復國王種種怖畏或自家中閭諍口舌或復他人橫來瞋怒或死怖畏或惡道中欲墮怖畏如是怖畏此業皆盡生人天中若復有人一聞如是四禪地依止念佛三昧至心信受如是念佛三昧有大勢力有大利益小小用心尚得如是何況至心無有疑惑說此三昧法時衆中八十六頻婆羅那由他百千從十方來諸天人等過去已曾為此三昧所薰修者皆悉獲得如上所說復有八十四那由他衆生得苦智忍无量衆生得此三昧或須陀洹至羅漢果無量衆生發菩提心時彼離暗五百魔女承佛神力在魔王宮悉皆得此念佛三

昧悉捨本形得男子身曾於過去修學如是念佛三昧故時此五百諸魔王女得三昧已及男子身心生歡喜欲往佛所一切化作大梵天身二梵王無量千億眷屬圍繞或作无量帝釋天身亦有千億眷屬圍繞各以無量種種音樂種種莊嚴如是化已從魔宮下向如來所設於供養種種華鬘末香塗香散於佛上頂礼佛足右繞三匝却住一面

劣等大集經目藏分昇須弥山頂品第十二

今時佛告光味菩薩摩訶薩言善男子汝今當知彼一切龍惡道中生罪業悉盡復告光味空觀心念故時光味言如是世尊如來清淨戒行具足如來當為一切諸龍作莊嚴故復次光味我於是時實為諸龍不可思議業報老別欲廣說故今時一切諸色欲天乃至夜叉鳩槃荼等從虛空中雨種種華散種種香衣服幢幡七寶瓔珞種種伎樂无量百千億那由他一時俱作歌詠讚歎出妙音聲人與非人僉然恭敬今時世尊從座而起

四面願視向北方看此何處山與須
弥接近彼欲界及於色天今時如來
與諸大衆菩薩聲聞天人龍神一切
八部四面圍繞前後導從趣須弥山
是時如來欲以足步躡於山根次第
登上大梵天等知佛欲昇須弥山頂
即為如來化作七寶階橋持諸天衣
及華香末種種校飾如是作已前白
佛言惟願如來行我橋上他化樂天
亦為佛故用閻浮金化作寶橋以龍
栴檀末而散橋上作如是言惟願如
來行我橋上化自樂天亦為佛故用
諸天金化作寶橋種種牛頭栴檀
末散於橋上作如是言惟願如來行
我橋上兜率陀天亦為佛故以諸天
銀化作寶橋以諸種種應時所出微
妙之香名黑栴檀末而散橋上作如
是言惟願如來行我橋上須夜摩天
亦為如來以天琉璃化作寶橋散諸
種種多摩羅葉細末香作如是言惟
願如來行我橋上天帝釋亦為佛故
以赤真珠化作寶橋以天種種栴檀
一切寶末用散橋上又以天繒七寶

妙網而羅覆之覆已作如是言惟願
如來行我橋上如是四鎮四大天王
亦以珍琦天石藏寶為如來故化作
寶橋亦持細妙種種天衣覆於橋上
覆已作如是言惟願如來從我橋上
上須弥山是時四大阿修羅王并其
眷屬為如來故以其所出摩娑羅寶
化作寶橋持天金銀細末之屑散於
橋上散已作如是言惟願如來行我
橋上今時世尊為彼一切梵釋四鎮
及阿修羅諸天王等以憐愍故一時
化作八佛如來三十二相八十種好
無有殊異八部四衆菩薩聲聞圍繞
導從彼一切天阿修羅等如是大設
諸莊嚴已時佛世尊即上寶橋昇須
弥頂或餘處起或餘處去彼八如來
身大明耀一一佛身皆放光明如百
千億日月之光一時照明如是八佛
放身光已時諸龍衆一切皆在此佉
羅山聖人處所集聚而住諸龍見已
一切恠言此是何處八大護世今來
依止於須弥山今時難陀優波難陀
龍王作如是言此是梵天一切欲色

圍繞而住一切天中取為殊勝到智
慧岸憐愍我等故來至此今一切龍
若欲得出此苦獄者皆可札敬是時
阿那婆闍多龍王作如是言此非梵
天乃是魔王於欲界中威力自在愍
我等故妻子眷屬皆悉圍繞為欲界
中一切衆生脫於怖畏故來是中救
我龍厄時地利致色龍王作如是言
此非魔王乃是欲界他化等天故來
此中欲令一切諸龍解脫今時衆中
一切龍王皆發大聲作如是言願諸
天等與我解脫與我解脫施我安樂
令我早得出於此獄時娑伽羅龍王
復作是言彼非現率化自樂等此是
天主釋提桓因所放光明照於欲界
及四天下觀彼一切四域衆生樂於
善法汝等一切起慈悲心更勿生瞋
於彼天所求乞解脫速離此苦時善
住龍王作如是言此非帝釋乃是一
切諸色界天捨於禪樂從彼下來欲
雨法雨與衆生樂汝諸龍等一切至
心札拜乞救時毗昌伽蘇脂龍王復
作是言此非色天神通力來是四天

王毗沙門等為護四方各各自將眷
屬而來欲除罪惡諸衆生故今時寶
護龍王復作是言此非四天王我見
涂衣剗除鬚髮身服袈裟相好端然
威德自在為諸天人之所瞻仰恭敬
供養合掌圍繞如日月天星宿遍繞
此八大聖皆悉顯赫堅固照明身紫
金光三十二相慈悲一切於三界中
得受供養今時毗沙門王更
如是言真實導師我親見來能救能
護一切衆生能竭苦海能於此獄與
解脫樂今近住此須彌山頂如是世
尊神通力故此須彌頂忽更廣闊八
十四百千踰闍那今時欲色一切諸
天各欲供養於如來故為佛造作七
寶階橋樓閣梯橙次第節級乃至上
到阿迦膩吒天各以種種不可思議
天雜琉璃羅網校飾猶如寶蓋巧妙
少雙一切衆生見无厭足無量百千
種種瓊寶以用莊嚴種種天衣種種
瓔珞種種傘蓋繒綵幢幡鬘鼓鍾鈴
花香伎樂如是供養遍滿虛空今時
世尊告帝釋言天主如是三千大千

世界娑婆刹土一切諸佛并大菩薩
摩訶薩大阿羅漢大仙聖人及樂福
德大力魔王種種色欲天龍夜叉人
非人等於此三千大千刹住受用皆
訖如是帝釋此須弥山如來世尊十
方佛刹諸來菩薩大阿羅漢一切聖
人樂福魔王大德諸天乃至於龍夜
叉羅刹人及非人此須弥山皆悉停
住汝諸天等當來世中多得勢力時
天帝釋白佛言若佛如來憐愍我者
如是受用神通力作及此三千大千
世界娑婆刹中所有菩薩大阿羅漢
大梵魔王他化樂天諸帝釋天乃至
於此娑婆世界所有天王龍王夜叉
王乾闥婆王阿修羅王迦婁羅王緊
那羅王摩睺羅伽王復有大力福德
衆生天中聖人人中聖人一切皆來
供養佛故見於佛故禮拜佛故聽於
法故如是等衆此須弥山若受用者
我於當來增大勝樂得大安隱尔時
世尊受帝釋天於彼中住端坐正念
熙怡微笑笑已口中出種種光青色
黃色赤色白色紫頗梨色照此三千

大千佛剎之中百億魔王百億帝釋宮百億梵天宮百億一切諸天王宮百億阿修羅王宮百億聖人半尼住處是一切光如是照已如上所說一切福德大力魔王乃至聖人一切驚覺各各尋光乘神通力如一念頃來到於此須弥山頂尔時世尊現神光已告帝釋言天主如是三千大千世界一佛剎中則有百億須弥山王是時一切諸須弥中此須弥山最尊最勝何以故我及天人一切大集在此受用度諸龍故說此語時無量百億帝釋天等一切梵王皆大歡喜如是如來神通力故時四龍王皆得從彼聖人住處而出既得出已各還自方如是娑伽羅龍王還於南方大海岸中復其本身大如須弥乃至舉頭到帝釋宮自見於佛如是西方護寶龍王北方毗昌伽蘇脂龍王東方蘇摩呼嚧叉龍王各還大海於舊宮中悉復本形乃至如前須弥山頭自來見佛所餘无量那由他百千万億猶在彼處不能得出時一切龍向大聖

人如是稱說願救濟我願救濟我於
此獄中令速解脫尔時難陀優波難
陀二龍王等從佉羅山聖人住處各
以自身依須弥山化作大橋挂帝釋
宮作如是言惟願如來蹋此橋上從
須弥頂下佉羅垣聖人處坐為一切
龍歸依說法時帝釋天如是念言此
龍身溢毒氣皮膚或傷如來足不安
隱作是念已即以天服覆於龍身又
持天中牛頭栴檀優羅伽娑羅栴檀
多摩跋香此三種香及以天華種種
屑末散於橋上并蔽龍身時佉羅垣
牟尼住處以佛力故更增廣博八十
四億那由他百千踰闍彼處廣已大
梵天王以天金銀化作師子須弥寶
座種種莊嚴幡華帳盖而安置之尔
時一切諸龍王等聞是語已各白佛
言世尊惟願憐愍救我等苦佛言龍
王汝等先應至心念佛我當救之尔
時世尊在須弥頂告於長老憍陳如
言憍陳如諸佛境界奮迅神通加被
之力如是說法及此一切三千大千
娑婆世界佛剎之中所有一切无量

衆生彼諸衆生聞我說法能聽受者
憍陳如一切諸法悉皆無常一切諸
法生住無常何以故生因緣故如眼
識生生已住住已念念更生此即是
苦是生因緣即是苦生即是癱瘓即
是一切十二有支即是生老病死因
緣如是念念生滅如眼因緣耳鼻舌
身亦復如是憍陳如住雖暫有滅更
漸生此譬如窓此生住緣此苦因緣
有此百種老病及死如是展轉漸生
因緣眼見造業隨見隨念隨念隨造
所造生死因緣無窮憍陳如如眼寂
滅光滅沒故不見衆色如彼日沒窓
中不見若因緣滅一切患滅十二有
支一切寂滅生死寂滅如日沒緣耳
鼻舌身亦復如是憍陳如如心寂滅
所緣亦滅此窓因緣如本不生一切
方法亦復如是此名苦滅一切患滅
十二有支一切寂滅究竟生死盡諸
有邊亦復如是憍陳如衆生不知眼
之生滅隨逐耳鼻舌身所染是故流
轉於五道中我之聖法能離生死過
於彼岸是故如來為斷一切眼生滅

故而演說法亦為說苦斷苦行法一切苦中得盡其底是故如來得此法已是一切天梵中大梵天中大天人中大人沙門中大沙門婆羅門中大婆羅門大慈悲中太悲取勝無上之尊為大丈夫已度生死流轉彼岸一切世中取勝檀那曇摩僧琰摩何者肢節皆悉能捨况復餘物此名檀那何者曇摩清淨持戒乃至人來索頭與頭心不瞋忿慈悲不失是名曇摩何者僧琰摩不捨六根一心禪定一切福德言語誦持憶念不忘此二思量思念已修此二種名僧琰摩一切衆生平等心法若我捨法曇摩檀那及僧琰摩四梵行法聖八正道如是之法慈心熏故此一切法於无量劫慈心修故如我所得一切諸法於衆生中廣演宣說亦作導師悲憐衆生開解其意演說此事無所缺減汝等今者應當一心信受奉持學習諸禪種種蘭若或林樹下或復塚間種種山巖崖岸中住於彼坐禪為盡生死

故勤大精進身心不倦莫作下心無
所成故死時悔惱此我一切所教之
法如是說已此娑婆界三千大千佛
剎之中百億四天下—四天下則有
無量億那由他百千衆生彼諸衆生
種種善根福德具足或得陀羅尼或
得於忍或得法眼或得須陀洹乃至
阿羅漢或有衆生地獄畜生餓鬼等
中餘報惡業悉得盡滅如是夜叉貧
窮因緣一切皆盡而得大富或有衆
生人中貧窮惡業報盡及諸惡病皆
得除愈獄禁衆生皆蒙解脫尔時娑
伽羅龍王即於佛前說偈讚歎
真金離垢滿月面 清淨行具取勝田
三界天人龍中尊 能去衆生濁垢惱
施戒忍辱及精進 成就真實平等心
解脫諸龍施安樂 憶念往昔誓願力
慈悲久修衆業行 堅固勝彼諸衆生
如是徧受衆苦辛 不忘彼龍諸所惱
種種流轉得越度 出過生死海彼岸
自身解脫濟群生 智水洗龍使清淨
大集經卷第四十三

大方等大集經卷第四十四

有

隋天竺三藏那連提耶舍譯

日藏分中三歸濟龍品第十二

尔時空中自然而雨種種香華種種寶衣種種音樂種種歌僊充滿虛空一切天龍夜叉羅刹及阿修羅悉皆恭敬尔時世尊與諸大衆菩薩聲聞左右圍繞前後隨從從須弥頂踰龍身橋下佉羅垠聖人住處梵天所敷寶師子座坐於彼座時虛空中一切天龍夜叉羅刹并阿修羅緊那羅等各設供養種種香末種種華香種種寶衣以散佛上右繞三匝礼已而坐尔時娑伽羅龍王白佛言世尊何因緣故我等一切在龍中生佛言龍王諦聽諦聽我今為王分別廣說有十種業來生龍中何者為十有諸衆生行六波羅蜜欲得阿耨多羅三藐三菩提覺亦願欲得無惑障碍或復欲得多修布施以時捨施願因緣故來生龍中復次龍王或有衆生於大乘中修行捨施福德果報因緣故願生

龍中復次龍王或有衆生為阿耨多
羅三藐三菩提故行於布施福報雖
多不能清淨怖畏地獄餓鬼畜生中
因緣故願生龍中復次龍王有諸衆
生欲行阿耨多羅三藐三菩提時生
高心大慢力因緣故願生龍中復次
龍王有諸衆生發菩提願行阿耨多
羅三藐三菩提時多生嗔恚恨他衆
生以嗔忿向彼地獄餓鬼畜生生因
緣故長起嗔忿如是死已願生龍中
復次龍王有諸衆生求於小乘欲得
福田覓聖人中捨布施報福德供養
如是因緣自願力故來生龍中復次
龍王有諸衆生嫉妬慢故彼業因緣
來生龍中復次龍王有諸衆生多起
憍慢饒於語言以彼自業來生龍中
復次龍王有諸衆生不信佛法僧寶
又不供給和上阿闍梨及餘大德又
不供養父母二親於中種種嗔忿毒
心愛憎憍慢癡因緣故於福田中邪
錯行故以是業緣來生龍中復次龍
王有諸衆生種種癡慢惡業力多福
德力少心怖畏故願生龍中復次龍

王有諸衆生妄語兩舌惡口无慈此
三業緣故而生龍中佛言龍王以此
十種業因緣故來龍中生復次龍王
復有三業因緣而生龍中何等為三
有諸衆生堅固惡業造身口意彼業
熟故生地獄中經无量劫受大極苦
難得解脫雖免大業小業未盡生於
龍中或畜生中或餓鬼中以此三惡
業因緣故來生龍中時娑伽羅龍復白
佛言如是世尊而此龍中或有諸龍
所受樂報猶如諸天或有餘龍受樂
如人有如餓鬼如畜生者或有餘龍
如地獄中受大辛苦說是事已時娑
伽羅大龍王子名青蓮華面前白佛
言世尊我何惡業罪因緣故來生龍
中身大端正所有色觸或復衣裳及
坐卧處於一切時我身受用猶如火
燒常無衣服赤體而行如我父王樂
受最勝如轉輪王果報不異佛言華
面諦聽諦聽善思念之今當為汝說
於本事乃往過去三十一劫有佛世
尊名曰尸棄多陀阿伽度阿羅訶三
藐三佛隨時彼世中有王名曰裴多

富沙彼富沙王於三月中供養彼佛并及無量百千須陀洹斯陀舍阿那含阿羅漢并大菩薩摩訶薩衆以種種衣服飲食湯藥而供給之至心聽法既聞法已即發阿耨多羅三藐三菩提心如是三月設供養已彼富沙王為尸棄佛及餘衆僧造立寺舍施種種衣飲食湯藥牀卧被褥具足豐饒彼富沙王第一太子名裴多娑樹帝彼娑樹帝見佛聞法於流轉中生大怖畏從父王邊禮拜諮啓請欲就佛願求出家王報子言欲往隨意任汝出家既出家已又白父言我欲父王寺上停止富沙王言亦隨汝意住彼寺中時尸棄佛衆僧弟子在彼寺中坐卧受用敷墩飲食彼富沙子裴多樹帝妬嫉心生忿彼舊住佛弟子衆恒嗔罵之時彼衆僧被嗔罵已悉皆離寺彼娑樹帝見僧去已生歡喜心即自念言彼去者好我大安隱衆僧去已時娑樹帝恣用寺內衣服飲食有餘人來即不聽住彼娑樹帝具造如是諸惡業已命終之後生大地

獄中經無量千万那由他歲受諸火
燒地獄得脫生餓鬼中復經无量百
千万歲而受辛苦餓鬼中死還墮地
獄脫地獄已生餓鬼中如是經由三
十一劫汝等諸龍諦聽諦受其娑樹
帝於流轉中具足如是受諸辛苦佛
言華面彼娑樹帝者豈異人乎即汝
身是也乃往過去惡業因緣故生大
地獄餓鬼畜生輪轉受苦經是三十
一大劫中備受衆苦未曾暫捨餘殘
業故來生龍中受是惡報時華面龍
聞是語已大聲啼哭舉身自投四支
布地礼拜白佛作如是言我今至心
從佛懺悔我大癡惑大慢愚矇不解
方便差別好惡造是罪業低頭合掌
至心發露不敢覆藏如來世尊我今
至誠入於骨髓歸佛歸法歸比丘僧
從今發意乃至壽盡於是時中作優
婆塞佛言善哉善哉善男子汝今有
於地獄餓鬼惡道業報如是至心歸
依我者得盡彼業此中死已值弥勒
佛得於人身於弥勒佛法中出家證
羅漢果佛言華面莫更狐疑時彼裴

多富沙人王於三月中以種種資生
供養尸棄如來及諸菩薩聲聞衆故
今得此報受娑伽羅大龍王身猶如
天樂三十一劫不生三惡常生天人
受如是報彼亦為於阿耨多羅三藐
三菩提行因緣故來此龍中願欲得
生說是語時一切諸龍皆大懊惱悔
徃先咎恚於佛前至心供養

尔時衆中有一盲龍名曰頗羅機梨
奢舉聲大哭作如是言大聖世尊願
救濟我願救濟我諸佛慈悲憐愍一
切我今身中受大苦惱日夜常為種
種諸虫小蛇蝦蟇之所啖食居熱水
中無暫時樂佛言梨奢汝過去世於
佛法中曾為比丘毀破禁戒內懷欺
詐外現種種善相威儀廣貪眷屬弟
子衆多名聲四遠莫不聞知彼諸弟
子如是說言我和上得阿羅漢果以
是因緣多得供養得供養已獨受用
之見持戒人反惡加說彼人懊惱如
是念言世世生中願我所在食汝身
肉如是惡業死生龍中是汝前身衆
生願故食取汝身惡業因緣得此盲

報住熱水中又於過去無量劫中在
融赤銅地獄之中常為諸虫之所食
噉尔時龍衆聞此語已憂愁啼哭作
如是言我等今者皆患至心咸共懺
悔願令此苦速得解脫尔時如來出
金色手摩彼龍面作如是言汝等諦
聽我於過去曾作國王名曰善眼是
時有一盲婆羅門來從我乞求索一
眼我時歡喜兩眼皆與若我此言誠
不虛者令汝梨奢清淨眼生一切諸
罪悉皆除盡即說呪曰

多經吽 斫菟佉婆 娑蘭那佉婆

羯磨佉婆 阿難闍那 毗羅闍佉

破 蘭多若摩 尼婆羅那都夜

阿鞞旃陀羅 樹佉 頻頭輸第 吃

利波輸第頗羅輸第 阿捨 多捨

多隸 多隸 婆細陀索繼陀索繼

鳴盧羅避 摩訶鳴盧羅避 帝

腹阿邏多那婆羅帝 莎呵

尔時世尊說此實淨眼陀羅尼已彼
梨奢龍得清淨眼餘五万三千龍亦
得淨眼及餘八十四那由他夜叉鳩
摩荼餓鬼餓鬼多毗舍遮人非人等

罪垢消滅皆得淨眼。尔時善德天子向佛合掌而說偈言。

看彼十力世導師 能使諸龍眼清淨
今生若不得值佛 諸失眼者常盲冥
尔時世尊告長老憍陳如。汝可持此淨眼。施羅尼。呪。若有衆生過去惡業於今現在。或當來世。或四大病。或惡人呪。或因毒藥。以此緣故。即便失明。如是衆生。應當誦此淨眼。施羅尼。自悔過去所造惡業。於諸衆生起大慈悲。至心念佛。捨於餘事。七七日中。晝夜六時。以手拭眼。以是因緣。得清淨眼。若有衆生。於過去世。作諸惡業。或毀於法。或謗聖人。於說法者。為作障礙。或抄寫經。洗脫文字。或損壞他眼。或暗蔽他。此業緣故。今得盲報。如是重惡業。因緣故。七七日中。不得老者。應當抄寫此施羅尼。至心誦持。悔過彼業。復以海沫。甘草。呵梨勒。阿摩羅。毗。醯。羅。此五種藥。搗末。蜜和。盛著舊龜甲中。以久年蘇火。上煎。已。誦此施羅尼一千八遍。以呪。此藥用塗眼上。捨諸緣事。七七日中。念佛造像。至心

發願時彼衆生惡業消盡得清淨眼
若有財者并營寺舍隨力所辦布施
資生如是一切惡業皆盡於當來世
無量生中常不失眠今時一切諸龍
衆等作如是言南無南无大悲世尊
能施三世衆生利益失眠得明一切
惡業清淨無垢今時有龍名曰青色
大聲唱嘆而說偈言

世尊能除諸罪垢 猶如大河洗一切
悉知衆生種種行 是故稱佛衆中尊
我所居停住澤中 大野枯泉无有水
熱風吹身劇於火 形體屋舍難堪
八千億年住於彼 曾無一日受歡樂
常為衆生所食取 眷屬大小悉皆然
今時世尊說偈答言

若有衆生造諸罪 而復修營於福德
建立寺舍施鍾鈴 種種飲食供養僧
以此雜福因緣故 在所生中隨業受
造惡苦辛如地獄 施食快樂似天堂
或復來生於龍中 緣彼善業因緣故
於龍頭中自然出 希有如意妙寶王
所欲念者皆隨意 種種果報皆悉具
雖處枯泉及早澤 能出上妙清流水

清淨虛空布密雲

地平如掌泉池湧

行住坐卧所在處

皆能應念生諸水

若有一切諸衆生

雖復能得於人身

脩造種種罪惡業

不能供養於三寶

死後衆苦皆聚集

地獄餓鬼具受之

設復得為龍王身

所有眷屬并妻子

貧窮飢餓諸熱惱

頂上無有如意寶

居住空澤多毒虫

枯涸常乾无有水

如是皆由過去世

曾於佛法作比丘

或見蘭若苦行人

嫉妬慳心惜飲食

遠客比丘來寄止

瞋忿懷怒心不喜

檀越平等施飲食

於中遮止便罵詈

設有清淨好流水

屎尿糞穢滿其中

所有居住行坐處

一切臭穢皆不淨

或有清淨持戒者

如是見已皆遠離

若有餘處好人聞

無心欲來於此者

彼人惡業因緣故

死墮地獄無量世

灰河沸屎燒赤銅

无量億年受楚毒

如是餓鬼中飢渴

生曾不聞漿水名

餘報復生龍道中

具足多年受辛苦

雖得龍身常飢餓

在所生處空无水

或在枯澤惡焦山

絕水常乾無飲食

死已數入地獄中

大火熱惱充遍身

在彼經於無量歲

如是循環餓鬼中

自非修禪能救濟

礼拜供養佛如來

持戒智慧學多聞

精進捨於慳慢想

妬嫉毒心取為惡

此業因緣湏斷除

憶念死時受是殃

決定無疑早懺悔

今時如來說說是偈已彼龍衆中二十

六億諸餓龍等念過去身皆悉雨淚

作如是言唯願哀愍救濟於我大悲

世尊我等憶念過去世時於佛法中

雖得出家脩造如是種種惡業以惡

業故經无量身在三惡道亦以餘報

故生在龍中受極大苦如青色龍我

亦如是今時世尊語諸龍言汝可持

水洗如來足令汝殃罪漸得除滅時

一切龍以手掬水水皆成火變作大

石滿於手山生大猛炎棄已復生如

是至七一切龍衆見如是已驚怖懊

惱啼泣雨淚佛告諸龍汝造罪業得

是惡報修善業人受於好果我今教

汝說真實擔若佛導師憐愍一切於

諸衆生平等無二此言不虛願我諸

龍火炎時滅作是擔已火炎皆滅時

餓龍等乃至八過以手捧水洗如來

足至心懺悔我從今日更不造惡如是懺已各白佛言如來大慈願救濟我佛言諸龍汝此惡業有餘未盡弥勒佛世當得人身值佛出家精進持戒得羅漢果時諸龍等得宿命心自念過業啼泣雨面各如是言我憶往昔於佛法中或為俗人親屬因緣或復聽法來去因緣所有信心捨施種種華果飲食共諸比丘依次而食或有說去我曾喫瞰四方衆僧華果飲食或有說言我往寺舍布施衆僧或復礼拜如是喫瞰或復說言我毗婆尸如來法中曾作俗人或復有說我尸棄佛如來法中曾作俗人或復有說我毗葉婆如來法中曾作俗人或復有說我迦羅拘村默佛法之中曾作俗人或復有說我迦那迦牟尼佛法之中曾作俗人或復有說我迦葉佛如來法中曾作俗人或復有說我釋迦牟尼佛法之中曾作俗人或以親舊問評因緣或復來去聽法因緣往還寺舍有信心人供養僧故捨施華果種種飲食比丘得已迴施於我

我得便食彼業因緣於地獄中經無量劫大猛火中或燒或煮或飲洋銅或吞鐵丸從地獄出墮畜生中捨畜生身生餓鬼中如是種種備受辛苦惡業未盡生此龍中常受苦惱熱水爛身熱風吹體熱沙熱土熱糞熱灰食入口中變成銅汁或作鐵丸於一切時所食之物入口口焦入咽咽爛入腹腹然直過墮地遍體穿穴受如是苦不可堪忍惟願如來慈哀救濟佛告諸龍此之惡業與盜佛物等無差別比丘逆業其罪如半然此罪報受未盡故難可得脫汝等今當盡受三歸一心修善以此緣故於賢劫中值最後佛名曰樓至於彼佛世罪得除滅時諸龍等聞是語已皆悉至心盡其形壽各受三歸時彼衆中有盲龍女口中膿爛滿諸雜虫狀如屎尿乃至穢惡猶若婦人根中不淨臊臭難看種種噬食膿血流出一切身分常為蚤虫諸惡毒蠅之所啖食身體臭處難可見聞尔時世尊以大悲心見彼龍婦眼盲困苦如是問言妹何

緣故得此惡身於過去世曾為何業
龍婦答言世尊我今此身衆苦逼迫
無暫時停設復欲言而不能說我念
過去三十六億於百千年生惡龍中
受如是苦乃至日夜剝擄不停為我
往昔九十一劫於毗婆尸佛法之中
作比丘尼思念欲事過於醉人雖復
出家不能如法於伽藍內敷施牀褥
數數犯於非梵行事以快欲心生大
樂受或貪求他物多受信施以如是
故於九十一劫常不得受天人之身
恒三惡道受諸燒煮佛又問言若如
是者此中劫盡妹何處生龍婦答言
我以過去業力因緣生餘世界彼處
劫盡惡業風吹還來生此時彼龍婦
說此語已作如是言大悲世尊願救
濟我願救濟我今時世尊以手掬水
告龍女言此水名為瞋陀留脂藥和
我今誠實發言語汝我於往昔為救
鵠故棄捨身命終不疑念起慳惜心
此言若實令汝惡患悉皆除老時佛
世尊以口含水灑彼盲龍婦女之身
一切惡患悉盡皆老既得老已作是

說言我今於佛乞受三歸是時世尊

即為龍女授三歸依時彼衆中復有

一龍種種鳧惡一切諸虫滿其口中

及咽喉內膿血流出有見聞者皆悉

捨去時佛見已即便問言善男子汝

於過去作何惡業受如是報彼龍張

口於其口內出種種虫膿血流溢猶

如熱火雖復張口竟不能言即還閉

口尔時世尊即為彼龍而說偈言

汝以過去盜因緣 輕戲聖人受是報

至誠聽我此實言 即得清涼滅諸苦

尔時世尊說實語已即以少水瀉龍

口中火及虫膿悉皆滅盡龍口清涼

作如是言大聖如來我憶過去迦葉

佛時曾作俗人在田犁地有一比丘

來從我乞求五十錢我時報言聽待

穀熟當與汝食比丘復言若當五十

不可得者願乞十文我於尔時瞋彼

比丘而語之言乃至十錢亦不相與

時彼比丘心生懊惱又於餘時往寺

舍中入樹林下輒便盜取現在僧物

十菴羅果而私食之彼業因緣地獄

受苦惡業未盡生野澤中作餓龍身

常為種種諸虫食敗膿血流溢飢渴
苦惱又彼比丘以瞋忿心惡業緣故
死便即作小毒龍身生我腋下唼於
我血熱氣觸身不可堪忍是故我身
熱膿血滿龍白佛言大悲世尊唯願
慈悲救濟於我令我脫彼怨家毒龍
尔時世尊以手抄水發誠實語作如
是言我曾往昔於飢饉世尔時願作
大身衆生長廣无量以神通力於虛
空中唱如是言彼野澤中有大身虫
名曰不瞋汝等可往取其身肉以為
飲食可得不飢時彼世中人非人等
聞此聲已一切悉往競取食之說是
真實諦信語時彼龍腋下小龍即出
時此二龍俱白佛言世尊我等久近
離此龍身解脫殃罪佛告龍言此業
大重次五無間何以故若有四方常
住僧物或現前僧物為信檀越重心
施物或華或果或樹或園飲食資生
牀褥敷具疾病湯藥一切所須私自
費用或持出外乞與知識親里白衣
此罪重於阿鼻地獄所受果報是故
汝等可受三歸歸三寶已乃可得住

於冷水中如是三稱三受身即安隱
得入水中尔時世尊即為諸龍而說
偈言

寧以利刀自割身	支節身分肌膚肉
所有信心捨施物	俗人食者實為難
寧吞大赤熱鐵丸	而使口中光焰出
所有眾僧飲食具	不應於外私自用
寧以大火若須弥	以手捉持而自食
其有在家諸俗人	不應輒食施僧食
寧以利刀自屠膾	身體皮膜而自取
其有在家諸俗人	不應受取僧雜食
寧以自身投於彼	滿室大火猛焰中
其有在家俗人輩	不應坐卧僧牀席
寧以火熱炎鐵錐	拳手握持便燒爛
其有在家俗人等	不應私用於僧物
寧以勝利好刀枯	而自齧切其身肉
勿於出家清淨人	發起一念瞋恚心
寧以自手挑兩眼	捐棄投之擲於地
其有習行善法者	不應懷忿瞋心視
寧以熱鐵鏢其身	東西起動行坐卧
不應瞋忿心妬嫉	而著眾僧淨施衣
寧飲灰汁鹹鹵水	熱沸爍口猶如火
不應懷貪毒惡心	服食眾僧淨施藥

尔時世尊說此偈已一万四千諸龍
衆等悉受三歸所有過去現在業報
諸苦惱中而得解脫深信三寶其心
不退復有八十億諸龍衆等亦於三
寶起歸敬心尔時世尊告憍陳如汝
觀此等諸惡衆生自誑其心或以怖
畏貧窮因緣或於惡道生於恐懼修
行善法或作比丘所得種種資生之
具皆是信心擅越所施而是衆生或
自食瞰或與他人或共衆人盜竊隱
藏私處自用如是業故墮三惡道久
受勤苦復有衆生貧窮下賤不得自
在是故出家望得富饒解脫安樂既
出家已懈怠懶惰不讀誦經禪慧精
勤捨而不習樂知僧事復有比丘晝
夜精勤樂修善法讀誦經典坐禪習
慧不捨須臾以是因緣感諸四輩種
種供養時知事人得利養已或自私
食或復盜與親舊俗人以是等緣久
處惡道出已還入如是愚瞋不見當
來果報輕重我今戒勅沙門弟子念
法住持不得自稱我是沙門真法行
人猗衆僧故他信施物或餅或果或

菜或華但是衆僧所食之物不得輒
與一切俗人亦不得去此是我物別
衆而食又亦不得以衆僧物貯積興
生種種販賣去有利益招世譏嫌又
亦不得出貴收賤與世爭利又亦不
得為於飲食及僧因緣使諸衆生墮
三惡道應須勸引安善法中令比丘
衆真信三寶攝諸衆生乃至父母令
得安隱置三解脫

大集經卷第四

辛丑歲高麗國大藏都監奉
勅雕造

大方等大集經卷第四十五

有

隋天竺三藏那連提耶舍譯

日藏分護塔品第十三

尔時長老阿若憍陳如白佛言世尊此日藏修多羅長夜照明說一切龍惡業果報不可思議復說菩薩真實行法佛言如是如是憍陳如此四天下有大支提聖人住處若有衆生精勤方便坐禪正慧當知此處則為不空如是福地則為流布日藏法寶何者名為大支提處此閻浮提內王舍城中聖人處所大支提者乃是過去無量如來无量菩薩無量緣覺无量聲聞曾於其中修道滅度今悉現有當來亦然過去諸佛菩薩聖人皆以付授婆婁那龍令使擁護住持安立我今亦欲令此處所光明久住還以付囑婆婁那龍若有衆生能護我法精勤方便坐禪正慧諸富伽羅應常守護供給供養尔時婆婁那龍王作如是言如是如是如世尊教往昔過去迦羅鳩村默應正遍知亦以此處

令我守護供給供養精勤方便坐禪
正慧修善法者為作檀越我於今時
供給守護乃至法滅次復有佛名拘
那迦牟尼乃至迦葉亦以此處付囑
於我守護供養我於今時供給守護
乃至法盡亦復如是彼佛法中或有
弟子不受奴婢僮僕田地以清淨心
精勤苦行如是一切我皆守護今日
如來復以此處付囑於我住持守護
今時世尊復以西瞿耶尼須弥山下
何羅闍伽羅山中聖人處所名曰雲
盡付寶護龍王時寶護龍白佛言世
尊如是如是如世尊教過去迦羅鳩
村馱如來亦以此雲盡聖人住處付
囑於我我於今時守護此處及佛弟
子如法行者乃至法滅

今時世尊復以東弗婆提須弥山下
青鷲伽那山中支提聖人住處名聖
人生付蘇摩呼盧叉龍王時彼龍王
白佛言世尊如是如是如世尊教今
時世尊復以須弥山下北脅之間華
齒山中支提聖人住處名香峰牟尼
付毗昌伽蘇脂龍王乃至清淨法行

比丘亦皆付囑時彼龍王作如是言
如是如是如世尊教過去迦羅鳩村
馱如來亦以此香峯聖人住處付囑
於我及法行比丘守護供養乃至迦
葉如來亦復如是今日如來又以香
峯支提處所付囑於我我當守護佛
言善哉善哉汝大龍王如是能護我
法住持法母汝是我伴大善知識如
法檀越一切衆生依於我法國土久
住利益照明今時世尊復以西瞿耶
尼洲中那焰牟尼聖人處所付囑瞿
娑嵐婆龍王乃至法行弟子守護供
養亦復如是復以東弗婆提洲中昵
迦羅陀蓮華牟尼聖人住處付囑婆
私摸極叉龍王乃至法行弟子守護
供養亦復如是復以北鬱多羅越洲
中香峯焰聖人住處付囑地行龍王
乃至法行弟子守護供養亦復如是
復以大海之中娑伽羅龍王宮摩尼
藏焰牟尼聖人住處付囑娑伽羅龍
王乃至供養亦復如是復以須弥山
頂帝釋住處開華藏殿牟尼聖人住
處付囑伊羅跋羅龍王守護供養亦

復如是復以此閻浮中難陀婆陀那
大德聖人牟尼住處付囑閻浮迦龍
王守護供養亦復如是復以此閻浮
中鞞奢利善住牟尼聖人住處付囑
婆須吉龍王守護供養亦復如是復
以此閻浮中迦毗羅婆須都善香迦
那迦燈牟尼聖人住處付囑阿那婆
達多龍王守護供養亦復如是復以
閻浮提中摩伽陀國毗富羅朋迦牟
尼聖人住處付囑山德龍王守護供
養亦復如是復以閻浮提中摩偷羅
國名愛雲焰牟尼聖人住處付囑閻
婆迦質多羅龍王復以閻浮提中憍
薩羅國名閻耶首駄牟尼聖人住處
付囑叱利弥迦龍王復以閻浮提中
蘇波洛剎薩遮牟尼脂隣陀羅名香牟
尼聖人住處付囑牟尼脂隣陀羅龍王
復以閻浮地中軋陀羅國名大利舍
那若摩羅牟尼聖人住處付囑伊羅
跋多羅龍王復以閻浮提內剎賓國
中名宮宮摩尼佉牟尼聖人住處付
囑吁留邏龍王復以閻浮提中菴浮
利摩國名億藏焰牟尼聖人住處付

囑邏浮邏龍王復以閻浮提中震旦
漢國名那羅耶那弗羅婆娑牟尼聖
人住處付囑海德龍王復以閻浮提
內于闐國中水河岸上半頭山邊近
河岸側瞿摩婆羅香大聖人支提住
處付囑吃利呵婆達多龍王守護供
養此大支提皆是過去大聖菩薩大
辟支佛大阿羅漢得果沙門五通神
仙諸聖住處是故過去一切諸佛次
第付囑欲令流轉怖畏衆生增長善
根得菩提故如是十方無量無數阿
僧祇剎過去諸佛及諸菩薩皆住於
彼大支提處常加守護令諸衆生惡
業盡故於未來世無量無邊阿僧祇
剎諸佛菩薩摩訶薩聲聞緣覺亦復
住此二十大支提常加守護令諸世
間增福德故一切衆生惡業盡故復
次一切菩薩摩訶薩一切辟支佛一
切阿羅漢得果沙門一切五通神仙
聖人於此二十聖人住處大支提中
常加護持一切衆生福德增故一切
衆生惡業盡故如是過去一切聖人
付囑如是二十大支提我今付囑亦如

前佛欲令一切流轉海中怖畏衆生
得安樂故堅固護持不散壞故時一
切龍受佛付囑二十支提聖人處已
作如是言大聖世尊我等諸龍多於
障尋貪嗜睡眠如癡無異一夜睡眠
當於人中二十一年如是我等睡猶
不覺或有惡人及非人等或水或火
毀壞支提我等或睡或食飲時或復
喜歡為世欲事如此因緣此之惡事
則不能却是故我於一切過去現在
當來佛法之中成諸不善今時世尊
告二十八夜又將言我今持此聖人
住處付囑於汝此二十支提福德住
處好加愛敬精心護持時二十八夜
又將言敬順佛教二十支提如來付
囑豈敢不持但瞿摩娑羅香山一處
我難受取時祇利呵婆達多龍王即
白佛言世尊如來今者以于闐國牛
角峯山瞿摩娑羅軋陀牟尼大支提
處付囑於我然彼國土城邑村落悉
皆空曠所有人民悉從他方餘國土
來或餘天下或餘剎中菩薩摩訶薩
大辟支佛大阿羅漢得果沙門五神

通人坐禪力故向彼供養瞿摩娑羅
舊無衆生一切來者皆是他國世尊
此二十八諸夜又將不肯護持我今
惟此所以者何以彼不護我等諸龍
得於惡名佛言龍王莫如是說何以
故今有二万大福德人見於四諦從
沙勒國而往彼住以彼二万福德衆
生有大力故於此瞿摩娑羅香山大支
提處日夜常來一切供養龍王當知
如是之時恒不飢乏又迦葉佛時彼
于闐國名迦邏沙摩國土廣大安隱
豐樂種種華果衆生受用彼國多有
百千五通聖人世間福田依止其中
係念坐禪樂阿耨多羅三藐三菩提
以其國土安隱豐樂彼土衆生多行
放逸貪著五欲謗毀聖人為作惡名
以灰塵土塗彼聖人時諸行者受斯
辱已各離彼國散向餘方時彼衆生
見聖人去心大歡喜是因緣故彼國
土中水天火天皆生瞋忿所有諸水
河池泉井一切枯竭時彼衆生无水
火故飢渴皆死是時國土自然丘荒
佛告龍王我今不久往瞿摩娑羅牟

尼住處結加七日受解脫樂令于闐國於我滅度後一百年是時彼國還復興立多饒城邑郡縣村落人民熾盛皆樂大乘安隱快樂種種飲食及諸果華無所乏少時僧兒耶大夜又將白佛言世尊如是如是佛言大夜又將汝憶過去久遠事不僧兒耶言我念往昔迦葉佛時此牛角山聖人住處迦葉如來亦於彼處七日結加受解脫樂過七日已從禪定起我時到彼瞿摩娑羅香牟尼住處礼拜供養彼迦葉佛亦以平等法行比丘精勤方便坐禪正慧修善法者付囑於我時祇利呵婆達多龍王白佛言世尊我誓於此瞿摩娑羅香大支提所常護不捨乃至佛諸弟子法行比丘精勤修善不受畜者我等守護乃至法盡或水或火或龍夜叉或鳩摩荼彌勒佛時瞋忿作惡如是時中非我所護佛言善哉善哉龍王若能如是發至誠心加護我法住持法母令法久住是我真伴是好檀越時座中有六十億菩薩摩訶薩并及十方餘

佛刹中一切菩薩皆悉來集娑婆世界聽於日藏大授記經聞已一切同白佛言如是世尊我等從今常來於此四天下中牟尼住處禮拜供養持種種華種種幡蓋種種金銀而以奉散亦復持此日藏授記惡業盡陀羅尼如佛所說廣為一切衆生而宣說之我今為利自身他身惡業盡故行菩提道滿足六度今此衆中有多億魔及於無量阿僧祇天龍夜叉阿修羅迦樓羅緊陀羅摩睺羅伽悉在此會圍繞世尊惟願如來以此二十牟尼聖人住處普皆付囑莫違當來魔天龍王夜叉羅刹及緊陀羅阿修羅等生於異心於此二十大支提處空無守護令彼惡人及非人等欲興破毀佛言善哉善哉善男子汝莫怖畏何以故過去諸佛亦以此處付囑一切龍王夜叉我亦如是以此二十大支提處付囑諸龍及夜叉衆所以者何未來衆生多在八難欲令彼等惡業盡故薄慢心故樂沮膝故乃至資生所須飲食湯藥無所乏故風雨順

時華果茂盛五穀熟成常安樂故以是因緣付囑諸龍及夜叉等於未來世一切諸佛亦於二十大支提處林樹經行坐禪苦行得阿耨多羅三藐三菩提轉於法輪乃至沮脰安置塔廟及佛弟子法行比丘四果聖人亦於彼住一切天人皆於彼處禮拜供養多生功德起沮脰道彼佛世尊亦以二十大支提處及諸弟子付囑龍王及夜叉等令加守護善男子我今為汝說一切惡心衆生志得歡喜亦得生於諸三昧力亦除一切惡邪煩惱大授記陀羅尼呪此陀羅尼過去未來一切諸佛加助隨喜此呪能令惡心衆生得柔軟故教修一切諸福德故令習惡人心歡喜故一切福德皆成就故種種大願達彼岸故大智慧中安隱住故得大聞持陀羅尼故大方便智得究竟故一切怨家生歡喜故能除一切諸災患故出大難故離怖畏故辦大事故大諦見故得大忍故大智海中深遠入故得四神足三摩跋提能除一切諸惡見故乃至

能了阿耨多羅三藐三菩提故而說
神呪

多經吽阿摩 阿摩婆娑婆 阿摩波

利婆娑婆 三舍耶揭婆 波利婆娑

蜜多羅蜜多羅舍羅耶 蜜多羅

波利婆娑婆 蜜多羅三寐若耶尼

瞿盧陀三寐若耶 摸掘叉三寐若

耶 亦利苦伽波安優婆塞羅闍 毗

那舍耶 三摩舍羅耶帝羅阿那

薄迦嵐摩 婆娑迦嵐摩 亦利地

毗迦羅婆那三摩若那阿波婆伽

那羅夜那跋伽摩 薩婆多 他阿

伽多地志他那跋伽 莎呵

尔時世尊說是呪已告大衆言此陀

羅尼亦名賢面一切諸佛之所加護

能生禪定三摩提能盡一切諸惡乃

至能了阿耨多羅三藐三菩提若今

現在及未來世大支提處若有餘衆

或魔或天或龍夜叉或復羅刹或阿

修羅或迦樓羅或緊陀羅或鳩摩茶

人及非人或以水火種種惡事欲壞

支提汝等應念三世諸佛念諸佛已

於彼衆生起慈悲心誦持如是大陀

羅尼令諸一切惡心衆生悉皆除滅
若諸魔王及人非人於如來所心不
樂者悉生歡喜恭敬供養時佛神力
令魔波旬於自宮內即得安住自然
得聞此陀羅尼聞此呪已即於佛所
生歡喜心得大信心得信心已啼泣
雨淚集諸眷屬作如是言汝等一切
諦聽諦聽我今於此大牟尼處得大
忍心不動如山彼牟尼尊慈悲滿足
放大光明照一切龍一切天人一切修
羅我亦在彼於牟尼所興造諸惡今
欲懺悔受三歸依汝若曾於佛邊作
惡今可懺悔受三歸依我今共汝俱
往見佛礼拜供養至心聽法斷煩惱
魔入清淨道離於怖畏到沮捺城時
魔波旬與其眷屬八十億衆前後圍
繞往至佛所到已接足頂礼世尊說
如是偈

佛兩足尊世中勝 自得寂滅亦教他
忍辱精進愍衆生 我等愚癡興惡意
不知過去諸業行 惟佛世尊能了知
苞藏國土內身中 令我心遠種種惑
三世諸佛大慈悲 受我礼懺一切殃

法僧二寶亦復然 至心歸依无有異
願我今日所供養 恭敬尊重世導師
諸惡永盡不復生 盡壽歸依如來法
時魔波旬說是偈已白佛言世尊如
來於我及諸衆生平等无二心常歡
喜慈悲含忍佛言如是時魔波旬生
大歡喜發清淨心重於佛前接足頂
礼右繞三匝恭敬合掌却住一面瞻
仰世尊心無厭足時彼衆中有一魔
子名加羅支與其眷屬從座而起到
於佛前接足頂礼長跪白佛作如是
言世尊云何名眼為眼是色因緣為
色是眼因緣乃至意法因緣亦復如
是佛言善男子非眼是色因緣非色
是眼因緣乃至非意是法因緣非法
是意因緣善男子眼眼性空眼識識
性空善男子眼因緣眼識生彼因緣
故色可見乃至意因緣意識生彼因
緣故法可知非眼識可得何以故非
餘處來非餘處去眼非常住於三世
中一切皆空如是眼者亦非滿見亦
非減見非和合見非相離見亦非相
觸亦不依止譬如日出光照一切其

有窓處明焰皆入照於壁上是壁
光不作是念我暗我明此光非但獨
在一壁及衆多壁以因緣故有是光
生此壁及光非合非離因壁見光而
此壁光不作是念日能生我日亦不
念我生此光何以故日滅沒已光亦
隨滅去處來處一切皆空無一可見
以日因緣故能照耀見此光色以光
顯燄照耀因緣故得可見於彼生識
亦復如是是內六入生外六入亦外
六入生內六入外六入亦非因緣內
六入亦非因緣何以故彼此性離亦
非聚集亦非和合亦非依止乃至內
入外入彼和合識亦非聚集亦非和
合亦非依止何以故各不相持境界
離故此法及識智慧知見諸行因緣
行因緣故有識而此識生則三種行
去何三行身行口行及以意行去何
身行身行名為氣息入出此名身行彼
息出入去來動作彼此出入各不相
識新識若生舊識不住體性今故非
聚集故亦非異故於如如中各不相
依虛空平等風行空中風亦非空空

亦非風何以故彼此不觸各非境界
彼二皆空亦不可說何以故相離相
故無增減故不依此岸及彼岸故第
一義諦如如住故此名身行是故身
行非識依止亦非伴侶非是和合非
是聚集常不依止相離相故是識亦
復非依止身離和合故此名身行去
何口行口行二種名為覺觀云何是
覺何者是觀於出入息生二種心思
惟憶念是名為覺乃至細心次生如
是漸除得清淨心亦名為覺是覺依
止出入故生生已即滅根塵亦復不
覺此彼境界相相離故性相无故乃
至不可說其長短此名為覺何者是
觀若有人觀冷相觸身於是中行或
復熱相一切氣息皆猶於風彼風因
緣觀觸知者此名為觀各離境界彼
此離相乃至不可說其長短是名覺
觀云何意行意行名思云何名思知
一切法乃至能知時出入氣息非時出
入氣息知此出息非彼入息知彼入
息非彼出息老別悉知如是思量知
行順相非行順相此則名為彼風依

止如是二種不可得說云何是思云
何心相乃至知行老別作已入涅槃
道過凡夫地名出生死於禪定中心
能除却此則名思如是風者不去不
來彼思識中如是依止眼如眼乃至
意如意各不相觸三受盡已名為聖
人如是善男子非眼是色因緣非色
是眼因緣乃至非意是法因緣非法
是意因緣何以故此二境界非遠非
近亦非聚集亦非思量亦非和合何
以故不可說故此岸彼岸中不依止
故依實際故佛說此已是時魔子伽
羅支二万眷屬曾於過去佛法之中
修行福德皆得順忍復有元量無邊
衆生亦於過去殖衆德本或得初禪
乃至四禪或有得於須陀洹果斯陀
含果阿那含果或有當來於小乘中
為福種子乃至當來辟支佛中得為
種子或復有發阿耨多羅三藐三菩
提心時彼衆中有六十頻婆羅龍過
去已來未曾值佛今聞此法皆發阿
耨多羅三藐三菩提心時此一切三
千大千佛剎大地六種震動大動遍

動一切十方諸來菩薩摩訶薩各得種種菩薩三昧得三昧已各以種種寶種種衣種種香種種花散於佛上供養如來作如是言如是世尊不可思議我從昔來未曾見聞如是大集說此三昧力陀羅尼此即釋迦牟尼如來第二利益轉妙法輪我等今者於此日藏大授記鞞闍略修多羅一心奉持為諸衆生廣分別說是時衆會魔天龍王夜叉羅刹阿修羅迦樓羅緊陀羅摩睺羅伽鳩脰荼薜荔多毗舍遮現在集者悉如是說不可思議釋迦如來能作如是利益衆生各大歡喜以種種音樂種種寶種種衣種種瓔珞花鬘燒香塗香從空而散供養如來是時娑伽羅龍王白佛言世尊惟願如來暫入海中往我家內受我微供憐愍我故若佛如來至我宮者我之眷屬一切皆得聞此日藏授記大陀羅尼時娑伽羅龍王復白佛言世尊彼大海中一切男女若得聞此大乘日藏大授記經專心聽者得幾許福佛言龍王者善男子以四

天下滿中七寶布施如來復有衆生具足聞此大乘日藏大授記經一心聽者於前福德百倍不及百千億倍不及乃至算數所不能及大王若有聽是甚深經典其福難量

尔時娑伽羅龍王復作是言若佛世尊不入大海我當抄此日藏授記大集經典置我宮中以是因緣於彼海中幾許諸龍福德增長佛言龍王隨所有處抄此日藏大授記經如法安置恭敬供養則能獲得十種利益何等為十若有人能如法抄寫此經一心供養令其家內一切吉祥若在衆中得大自在五穀豐饒種種資生錢財寶物悉皆具足復次龍王若有宅內或復衆中抄此日藏大授記經抄已供養於其處所則有六十億菩薩摩訶薩數來礼拜供養此經以是因緣種種惡事間諍疾疫種種惡病穀米貴儉國土飢荒他方賊盜非時風雨一切皆滅彼六十億菩薩摩訶薩白佛言世尊我當種種擁護供給令得稱心復次龍王若有家內或大衆

中抄此日藏大授記經如法安置彼
帝釋天及諸梵天四天王天二十八
大夜叉將并其眷屬乃至大德天并
其男女娑羅娑陀天牢固地天善住
樂天等一切眷屬皆至其國日夜至
心常加守護與其安樂時帝釋天乃
至善住樂天等聞是語已作如是言
如是如來我及眷屬常當至心往護
彼國復次龍王若有居家乃至國土
抄寫此經福德天下於過去世供養
多佛布施持戒如是之人往彼受生
復次龍王若有居家乃至國土抄寫
此經其中衆生精進勇猛不樂五欲
常行檀那波羅蜜乃至般若波羅蜜
復次龍王若有居家乃至國土抄寫
此經福田衆生常樂安住復次龍王
若有國土抄寫此經其國常有種種
善法如雨而下復次龍王若有國土
抄寫此經其中衆生於十善業常行
不捨復次龍王若有國土抄寫此經
其中衆生常生慈心復次龍王若有
居家乃至國土抄寫此經其中衆生
常人天生不入惡道大王如是日藏

大授記經隨何國土如法抄寫安置
供養數數讀誦具足得此十種利益
何以故若有讀誦此日藏經如說行
者彼福德聚於百劫中說不可盡龍
王此日藏大集大授記經如是甚深
能滿大願能大利益說是經已十方
佛刹諸來菩薩到此三千大千世界
娑婆國土大集聚會并此菩薩摩訶
薩衆乃至魔王天龍夜叉羅刹阿修
羅迦樓羅緊那羅摩睺羅伽鳩荼
餓鬼毗舍遮富單那人非人等隨分
悟解滿足於心皆大歡喜各設供養
僉然而住

大集經卷第四十五

辛丑歲高麗國大藏都監奉

勅雕造

大方等大集經卷第四十六

有

高齊天竺三藏那連提耶舍譯

月藏分第十四月幢神呪品第一

如是我聞一時佛在佉羅帝山牟尼
諸仙所依住處與大比丘衆有學無
學六百万人於諸煩惱堅牢纏縛恚
得解脫唯勤方便求斷習氣及諸菩
薩摩訶薩衆无量無邊不可算數不
可稱計悉得忍力化諸龍衆說日藏
經已即時西方現大華雲所謂優波
羅華波頭摩華拘牟陀華芬陀利華
阿提目多華瞻波迦華婆利師迦華
如是華雲悉皆來現其華雲中現一
半月廣十由旬於半月中復現真金
重閣講堂莊嚴微妙其堂光明過百
千万億日月光明其光悉照佉羅帝
山復現種種奇異華雲所謂優波羅
華乃至婆利師迦華其華光艷照
牟尼仙所依住處七寶五柱重閣
講堂甚奇微妙隱蔽日月光不能現
於其堂中復現半月於半月中有於
千葉青色蓮華其華臺上復有世尊
端坐說法其光普照一切大衆一一

頭上皆現半月微妙天鵝復雨種種寶種種華種種香

尔時慧命大目犍連見如是等神通變化生希有心又知大眾心有所疑從坐而起偏袒右肩右膝著地合掌向佛而說偈言

惟佛志除諸煩惱 於盲冥中能覺悟
為群生故閉惡趣 令諸衆生住善道
惟佛降伏諸億魔 令諸外道失光顯
調伏衆生住檀尸 枯涸衆生煩惱海
八功德水令洗浴 以覺分寶濟衆生
無量億衆入涅槃 能轉无上法輪寶
一切所有諸龍衆 為瞋所使行諸惡
渴愛所逼無有慈 惟佛能益令歸信
四天下龍皆來集 一心歸於佛法僧
盡諸業障及煩惱 皆護正法而安住
於此復現妙華雲 中有半月光照曜
一切現此半月鵝 今當欲有何佛事
積此諸華如大山 雨諸香華及衆寶
大眾觀瑞心有疑 當欲雨於何法雨
此處微妙取第一 如此大眾皆依住
於諸過佛修供養 是人師子如是未
尔時佛告大目犍連西方有世界名

月勝佛号日月光有月藏章真菩薩
摩訶薩將諸眷屬八十億那由他百千
菩薩摩訶薩欲來向此為欲見我礼
拜供養與大衆集說欲隨喜又欲付
囑諸天龍夜叉乾闥婆等正法眼故應
時月藏菩薩摩訶薩與其眷屬八十
億那由他百千菩薩摩訶薩從彼世
界來至佛所頭面礼足右遶三匝住
立佛前皆悉合掌一音說偈

吉祥無數劫	所修為衆生	吉祥見衆生
生死苦所逼	吉祥以檀施	大仙作饒益
吉祥能行施	超越於人天	吉祥護淨戒
衆生不能動	吉祥令怒者	住於慈善心
吉祥發勇進	度脫懈怠者	吉祥離惡道
安置於善趣	吉祥善修忍	容恕怒惡心
吉祥希有事	是故悉歸依	吉祥修諸禪
諸天生希有	吉祥悉枯竭	衆生諸苦海
吉祥薰修智	追迴惡道輪	吉祥上菩提
到寂難到處	吉祥降魔衆	建立正法幢
吉祥所轉者	寂是正法輪	吉祥愍異空
降伏諸外道	吉祥降法雨	充足渴世間
吉祥作明證	天人乾闥婆	吉祥滿世界
我為寂上師	吉祥安四果	應受世供養

吉祥令億眾	安住於沮脛	吉祥久住時
法眼所建立	吉祥久住世	世間无與等
吉祥菩提果	眾所獲大利	吉祥為眾生
宣說無上法	吉祥以法水	洗浴諸眾生
吉祥善能度	是諸天人等	吉祥能顯現
无垢真妙法	吉祥除眾生	所有諸煩惱
吉祥諸僧眾	世間最第一	吉祥善生世
能益於人天	吉祥令四眾	明淨善光顯
吉祥令四眾	全護戒律儀	吉祥行檀捨
持戒及精進	吉祥修忍禪	及以妙般若
吉祥大梵王	娑婆世界主	吉祥大魔王
諸欲自在王	吉祥憍尸迹	輔佐諸眷屬
吉祥諸天眾	及諸宮殿等	吉祥毗沙門
及諸夜叉眾	吉祥提頭賴	眷屬乳闍婆
吉祥毗樓勒	并與鳩摩茶	吉祥毗樓博
及諸龍軍眾	吉祥日月天	星辰及諸宿
吉祥大自在	兒及造界主	吉祥風火神
及以地神等	吉祥諸龍眾	及以阿修羅
吉祥諸羅刹	及與緊那羅	吉祥迦樓羅
摩睺羅伽等	吉祥雨甘雨	行雨大神王
吉祥護持國	一切人中王	吉祥婆羅門
刹利毗舍陀	吉祥所供養	最勝尊導師
吉祥願聞者	真正無過法	吉祥諸現未

供養三寶者 吉祥一切衆 滅除諸煩惱

吉祥諸衆生 同住於正法 吉祥檀尸羅

精進之彼岸 吉祥揮那度 忍辱波羅蜜

吉祥諸一切 到彼智岸者 吉祥令諸病

一切皆除愈 吉祥皆休息 一切濁惡世

吉祥諸衆生 願令悉解脫 吉祥令一切

悉得諸无漏 吉祥於大地 種子所生者

吉祥諸禾稼 藥草樹林果 吉祥彼一切

依時悉成熟 吉祥勝地精 一切處充滿

吉祥人精氣 一切皆安住 吉祥法精氣

充滿一切衆 吉祥皆休息 一切諸罪惡

吉祥令衆生 而得勝菩提 吉祥於諸法

自在到彼岸 吉祥正法雨 普潤諸衆生

吉祥諸衆生 悉度於三有 吉祥令一切

悉證大涅槃

大德婆伽婆我今欲說吉祥章句大

力神呪如是神呪過去諸仙之所宣

說建立守護善能增長吉祥之事能

除一切罪垢惡見入諸善根增長大

悲以此呪句悉能資益一切衆生乃

至一切獐鹿鳥獸所得聞者令如是

等心得安隱離濁惡世一切諸障衆

生障法障如是等障皆悉休息一切

善根隨所觸法令得入心念慧堅固
名稱形色人所喜樂勇健無畏於十
善業道堅固安住檀波羅蜜乃至般
若波羅蜜四念處乃至十八不共法
堅固安住大慈大悲大方便力一切
種智乃至究竟無上涅槃堅固安住
除其造作五無間業誹謗正法毀訾
賢聖斷常二見唯除如是諸罪人等
是吉祥句常為先聖建立加護如此
呪句亦復能令諸天信受得入十善
業道亦令得入檀波羅蜜乃至般若波
羅蜜四念處乃至十八不共法大慈
大悲大方便力乃至一切種智无上
涅槃復能令彼諸魔眷屬悉得歸信
諸神龍王夜叉羅刹阿修羅乾闥婆
緊那羅伽樓羅摩睺羅伽餓鬼毗舍
闍刹利婆羅門毗舍首陀令入十善
業道檀波羅蜜乃至般若波羅蜜大
慈大悲大方便力四念處乃至十八
不共法一切智一切種智无上涅槃
惟除五逆誹謗正法毀訾賢聖作是
語已而說呪曰

多地夜他

栴達梨

栴達羅毗提

栴達羅磨咩

栴達羅婆婆摩

栴達羅跋帝

栴達羅不梨 栴達

羅婆呖

栴達羅老帝梨 栴達囉

闍移

栴達羅頰寄

栴達羅底梨

栴達羅呖咩

栴突嚩

栴達羅婆

囉呖

栴達羅勿達梨

栴達羅婆地

移 栴達羅娑咩

栴達羅佉祇

栴達羅因達梨

栴達羅惡老

栴達羅梨鞞

栴達羅鞞利鞞

栴達羅跋從

栴達羅志帝

栴達羅鞞鞞

栴達羅頰泥

栴達羅祇梨

栴達羅博老

栴達羅志泥呖

栴達羅盧咩

栴達羅鳩閉

栴達羅娑閉

栴達羅受婆隸

栴達羅賓滯

栴達羅惡老

栴達羅數帝

栴達羅伽泥

栴達羅什鞞

栴達羅志鈴尸

栴達羅磨泥

栴達羅跋帝

迷底唎耶跋帝

迦嚩拏跋帝

薩底耶跋帝 多騶

耶跋帝 老耶跋帝

扇多跋帝 底

羅跋帝

栴達羅盧寄

數婆呵

世尊如此神呪過去諸佛牟尼仙聖

建立守護如此神呪名月幢月能令
衆生悉得吉祥歸信三寶滅除一切
諸惡重罪乃至逮得無上涅槃月藏
菩薩說是呪時三千大千世界六種
震動依欲界色界一切衆生皆大戰
悚驚怖不安于時諸天雨種種寶種
種花種種香種種末香種種衣服種
種卧具種種瓔珞雨如是等種種物
時如是諸物互相振觸出於種種妙
法音聲謂三寶聲三律儀聲三解脫
聲三明聲三學聲離三界欲聲三種
菩提聲無常聲苦聲无我聲空聲不
怖望聲離喜聲無生聲如體性聲實
際聲法界聲如如聲不去不來聲无
處不建立不退轉不行無窟宅無所
依發精進聲檀波羅蜜聲乃至般若
波羅蜜聲慈悲喜捨四念處乃至八
聖道分聲奢摩他毗婆舍那聲四攝
聲四無尋聲攝受正法聲因緣法聲
護正法聲如幻如夢如影如響如水
中月隨諸衆生應得度者而攝受之
歎離流轉出向空閑阿蘭若處為他
說者已自行之不相違背悉皆如法

堅固安住而求一切善根聲十地聲
无生忍聲十八不共法聲一切種智
聲轉法輪聲生死流轉令住八聖道
不隨流轉聲降伏四魔令入无餘涅
槃聲聞是聲已此三千大千世界衆
生及地獄衆生等於彼一切諸衆生
類一一衆生皆以前身親善知識因
緣力故隨其老別所種善根若檀若
尸若修禪定若於聲聞及緣覺乘發
心起願若於無上大菩提果發弘誓
願於彼衆生隨本所習如前諸聲志
入其耳隨其善根曾所修行造作業
緣皆能憶念此宿命事愛重敬信佛
法僧寶速來歸依彼衆生中自有業
障患得除盡於彼命終一時生天及
生人間俱至佛所而坐聽法如是畜
生餓鬼亦志來集皆是先業親善知
識因緣力故種善根故若檀若尸乃
至業障而得盡滅其中亦有即身來
至佛所聽法亦有於彼命終生於天
人來詣佛所聽受正法如是人天志
來佛所惟除魔王及諸眷屬四阿修
羅王并其眷屬于時三千大千世界

地平如掌當於尔時須弥山鐵圍山大鐵圍山黑山是等諸山大海樹林皆悉不現惟除佉羅帝山其山廣博如十四天下於中人與非人間無空處上方亦如十四天下无量不可計無有邊際於虛空中大衆充滿為見佛故礼拜供養故成熟衆生見大衆集為聽法故而來集會此三千大千世界隨其所有宮殿舍宅林樹藥草莖葉華果衆雜寶物如是一切皆悉變成半月而現於彼一半月之中出是色光如千日月和合光明遍照三千大千佛土如是色相廣大莊嚴是時十方無邊佛土一切皆現於彼佛土菩薩摩訶薩釋天王梵天王及餘天王龍王夜叉王緊那羅王一切神王承佛威神得見此佛及大衆集復見如是妙色光明見已皆悉發意欲來承佛神力於一念頃即至佛所礼拜供養至心聽法

尔時月藏菩薩摩訶薩以天寶末天花天香天鬘天衣散於佛上三遍散已右遶三匝住立佛前合掌白言大

德婆伽婆我有罪過不及於此大衆
集會十方所有菩薩摩訶薩於此悉
集我有因緣後來至此大德婆伽婆
我在本國月勝世界與諸眷屬七日
之中入阿頗那迦定從定起已即問
日月光如來大德婆伽婆徒衆眷屬
今何所去日月光佛即答我言善男
子東方去此過百千億佛世界已次
有世界名曰娑婆彼土有佛号釋迦
牟尼如來應供正遍知住世說法未
入涅槃今於彼處大衆集會十方諸
佛國土所有菩薩摩訶薩一切皆集
於彼世界為見釋迦牟尼佛礼拜供
養聽大集經故我眷屬亦復往彼汝
今亦可詣彼佛所礼拜供養說月幢
月呪以是因緣我來在後是時月藏
菩薩而說偈言

惟佛獨是衆生父 於煩惱火而救拔
我今謝過最勝佛 以我因緣後來故
惟佛人天作大明 普照十方諸國土
我今謝過佛法王 以我因緣後來故
惟佛能示涅槃道 趣惡道者追令迴
謝過牟尼大商主 以我因緣後來故

惟佛世間大醫師 於失明者與法眼
謝過取勝大醫王 以我因緣後來故
惟佛能示諸船棧 令衆生度四疾河
謝過人中取勝者 以我因緣後來故
惟佛慈雲降法雨 洗衆生意煩惱垢
謝過大聖勝法尊 以我因緣後來故
唯佛一人於四流 能度衆生三有海
謝過世尊實語者 以我因緣後來故
惟佛開諸正法藏 以七聖財濟衆生
謝過大勝法施主 以我因緣後來故
惟佛能與衆生眼 於無明闇拔盲瞽
我本端坐一三昧 阿頗那禪心安住
我不見佛現神變 以我因緣後來故
佛言善哉善哉善男子汝大精進能
於七日入深禪定如是妙定是丈夫
住處是如來住處無上住處善男子
汝及眷屬七日安住阿頗那迦禪以
是義故今志成就無量億那由他百
千諸天龍王夜叉阿修羅緊那羅人
非人等於阿耨多羅三藐三菩提除
其業障衆生障法障禪障煩惱障覺
分障悲滅無餘彼諸衆生有得不忘
菩提心三昧者於無上道不退轉者

復有衆生於一切佛法得大明忍彼等衆生以此善根不久於阿耨多羅三藐三菩提而成正覺如是善男子汝以七日入禪定故一時能滅衆生大善令得成就大福德聚善男子若有衆生惟依讀誦欲求阿耨多羅三藐三菩提者是人多憊著於世俗以世俗故尚不得調已心煩惱何能調伏他人煩惱善男子善女人樂著讀誦求菩提者便有嫉妬求名利富貴高心自是輕慢毀他以自高故尚不能得欲界善根何況能得色无色界一切善根又不能得聲聞菩提何況能得辟支佛道及无上菩提何以故第一義諦阿耨多羅三藐三菩提不與聲聞辟支佛共是故非以世俗能得阿耨多羅三藐三菩提寂勝善根大福德聚善男子譬如星火不能枯竭甚深大海如是如是善男子不以世俗能竭自身煩惱大海何能竭他衆生煩惱善男子譬如一人口所吹風不能損壞世界大地如是善男子不以世俗能得成就大慈大悲善男

子辟如藕絲不能秤動須弥山王如是善男子不以世俗能自滿於阿耨多羅三藐三菩提智何能令他得第一義如是善男子能成就阿耨多羅三藐三菩提智者非世俗也何者是第一義所謂修造一切福事若修福者亦當數數薰修身心若修身者則能修心能修心者則能修慧若能修身心修慧如是之人則能速滿六波羅蜜能以四事攝諸衆生成熟於阿耨多羅三藐三菩提成等正覺不以世俗也於世俗中復有衆生計斷常二見者非第一義復有衆生於世俗中我見邊見亦非第一義復有衆生於其世俗求現世樂及後世樂亦非第一義而我不見更有一法能盡業障乃至煩惱障一日一夜令无量億那由他百千衆生悉得敬信佛法僧寶成熟安住無上大乘若有禪士雖復持戒不能具足禪法不周末得三昧是人於禪若坐若行初夜後夜得與禪定相應而住則能除斷无量業障能令多億那由他百千衆生悉得

歸信成熟菩提種種善根福德之聚
況具持戒得真法三昧諸陀羅尼忍
得四梵住宴坐寂定於七日中所得
福德不可思議不可為喻何況能除
衆生障煩惱障等盡滅無餘乃至成
熟無量衆生向阿耨多羅三藐三菩
提亦能積集無量福聚又能滿足六
波羅蜜何以故是修禪者若行若坐
除諸障法令心清淨於一切行捨攀
緣想是檀波羅蜜於捨攀緣想常不
休息是尸波羅蜜於諸境界不生瘡
疔是羼提波羅蜜不捨於離是毗梨
耶波羅蜜於諸事中心不放縱是禪
波羅蜜諸法體性无生樂忍是般若波
羅蜜復次若於境界不起擾濁是檀
波羅蜜若於境界無有瘡疔是尸波
羅蜜若於境界不能染汙是羼提波
羅蜜若於境界無有動轉是毗梨耶
波羅蜜若於境界无有計念是禪波
羅蜜若於境界一向清淨行是般若
波羅蜜復次於諸陰捨是檀波羅蜜
於諸陰不計念是尸波羅蜜於諸陰
求無我念是羼提波羅蜜於諸陰起

怨家想是毗梨耶波羅蜜於諸陰不
令熾然。是檀波羅蜜於諸陰畢竟棄
捨。是般若波羅蜜復次於諸界捨。是
檀波羅蜜於諸界不擾濁。是尸波羅
蜜於諸界捨。因緣是鼻提波羅蜜於
諸界數數棄捨。是毗梨耶波羅蜜於
諸界不起發。是檀波羅蜜於諸界如
幻想。是般若波羅蜜復次菩薩於諸
衆生起於慈心。是檀波羅蜜於諸衆
生心無憎愛。是尸波羅蜜於諸衆生
起於悲想。是鼻提波羅蜜於諸衆生
起救濟想。是毗梨耶波羅蜜於諸衆
生以喜攝想。是檀波羅蜜於諸衆生
不作彼此吾我等想。是般若波羅蜜
復次菩薩於諸衆生以法施之。不生
二想。是檀波羅蜜於諸衆生柔和愛
語。是尸波羅蜜於諸衆生不起諸惡
是鼻提波羅蜜於諸衆生愛語不退
是毗梨耶波羅蜜於諸衆生利益憐
愍。是檀波羅蜜於諸衆生同行其法
是般若波羅蜜復次菩薩安置衆生
於諸善處。是檀波羅蜜於一切法而
不依倚。是尸波羅蜜於一切法以一

道入是羣提波羅蜜於一切法及一切難無擾濁想是毗梨耶波羅蜜於一切法而不分別是禪波羅蜜能以一字入一切法為衆生說是般若波羅蜜

善男子如是菩薩摩訶薩以此第一義甚深法要能滿六波羅蜜非世俗也如是如是善男子諸菩薩摩訶薩等第一義諦善巧方便皆以此法自為為他勤修令滿六波羅蜜速於阿耨多羅三藐三菩提而成正覺如是十方現在諸餘世界所有菩薩摩訶薩等第一義諦善巧方便一切皆志以此道法速於阿耨多羅三藐三菩提而成正覺當來十方無量阿僧祇諸佛世界諸菩薩摩訶薩等皆悉勤修如是甚深第一義諦善巧方便修六波羅蜜能於阿耨多羅三藐三菩提而成正覺非世俗也彼諸菩薩摩訶薩為法眼久住紹三寶種使不斷絕勤求修學為一切衆生執大明炬而作照明令其止息煩惱道苦道與其慧眼令度一切三有流轉安置无

上菩提之道彼等於聖法默然初夜後夜捨得相應善能出生三昧正受與三解脫門相應而住善男子汝今七日於阿頗那迦禪而入定故成熟無量諸衆生故是故勸汝及諸善男女等若現在世未來世末世於我法中初夜後夜常與於捨相應而住以正法眼而作照明紹隆三寶使不斷故為成熟衆生故勤修如是第一義諦為滿六波羅蜜勤修而住佛告一切諸天人衆龍神夜叉應當養育供給是人衣服飲食卧具湯藥隨其所須盡給與之亦當守護除其灾橫離諸凶衰殃惡疾病恙令除滅何以故與禪相應者是我真子從佛口生從法化生若有施主天龍夜叉能於現世及未來世與捨相應以第一義諦為滿六波羅蜜故為除衆生諸煩惱道及苦道故法眼久住紹三寶種使不斷故汝等施主天龍夜叉皆應護養并與衣服飲食卧具病瘦湯藥隨其所須盡給與之亦應勸請及以讚歎以彼施主天龍夜叉持我正法為

欲令我法眼久住紹三寶種使不斷
故如是等輩是我真子從佛口生從
法化生故比丘比丘尼優婆塞優婆
夷及餘清信士若善男子善女人以
第一義乃至求於阿耨多羅三藐三
菩提者及養護者我以彼等寄付於
汝弥勒為首及以賢劫諸菩薩等當
以四事攝受勸化授其禁戒復令住
於四无量心四禪四無色定大方便
力大慈大悲乃至十八不共法當復
授與无上道記

尔時弥勒菩薩摩訶薩以為上首及
與賢劫諸菩薩等白佛言世尊如是
如是大德婆伽婆我當護念彼諸眾
生乃至與其授於阿耨多羅三藐三
菩提記若現在世及未來世乃至法
住是諸施主作大明者亦當與授无
上道記天龍夜叉捷闍婆等於阿蘭
若處靜默修行求第一義者信樂受
持供養供給衣服卧具乃至湯藥隨
所須者尔時世尊欲重明此義而說
偈言

於此世間一日出 無量億華悉開敷

如佛一人出世間

衆生所怖福華現

若欲速得十勝力

及度堅固誑煩惱

復欲速得寂勝定

靜默獨住阿蘭若

欲得人天信敬受

及除心之煩惱渴

欲斷於心苦重擔

安心聖道奢摩他

若欲排却諸惡難

及諸功德自莊嚴

於諸苦海欲自度

應當安心妙菩提

若欲得彼七法財

及欲得於方便忍

欲為衆生說妙法

常當樂住阿蘭若

六根常與三昧合

應當寂住阿蘭若

少欲頭陀善知足

此人能入賢聖道

若能速捨五欲樂

得五力故滅煩惱

若於五道度衆生

自捨過惡住三昧

若欲得於四无量

及得無尋四辯才

欲得四禪彼岸處

是人應修第一義

若欲速知於三有

欲知諸法苦无常

及知諸行性相空

應當樂住阿蘭若

若欲速知二種法

毗婆舍那奢摩他

及欲速知有為過

要當住於菩提心

獨住閑靜不放逸

便能疾捨於世諦

以精進求第一義

能速捨離諸惡道

若欲枯竭膿血海

及欲枯竭煩惱海

若欲速竭三有海

常與聖種心相應

若欲成熟衆生海

若欲滿諸大願海

若欲得知生死際

如救頭燃處閑靜

欲知本生及居處

久遠微細所從來

以諸方便樂閑靜

攝心於彼得三昧

若欲遊戲禪定海

若欲覺悟神通海

若欲度於渴愛海

若欲得於天中軍

若欲得飲正法海

若欲見於莊嚴土

若欲見於諸佛海

欲問甚深諸義海

欲得如是勝功德

及欲速得勝菩提

當離衆惱住蘭若

以此得道亦不難

若人百億諸佛所

於多歲數常供養

若能七日在蘭若

攝根得定福多彼

若人讀誦千億法

及解妙義如佛說

若於七日住蘭若

三昧福聚轉多彼

若人多歲營僧事

更不造作餘種業

若人七日住蘭若

其人福聚多於彼

為衆說法解深義

於多年歲无餘業

若能七日心住寂

其福德聚不可數

若人營造多佛塔

伽藍田業給施僧

若能七日在蘭若

其福轉多勝於彼

閑靜无為佛境界

於彼能得淨菩提

若人謗彼住禪者

是名毀謗諸如來

若人破塔多百千

及以焚燒百千寺

若有毀謗住禪者

其罪甚多過於彼

若有供養住禪者

飲食衣服及湯藥

是人消滅無量罪

亦不墮於三惡道

是故我今普告汝

欲成佛道常在禪

若不能住阿蘭若

應當供養於彼人

若能住禪不放逸

則能速滿於六度

欲求大明菩提道

以此方便疾能到

欲求菩提住寂靜

當捨一切諸緣業

及離煩惱捨諸樂

則能速到檀彼岸

若捨境界陰界入

及捨貪瞋愚癡過

棄諸煩惱修善業

以此能到檀彼岸

當以慈悲念衆生

息諸分別不自是

常能憐愍諸衆生

則滿尸羅波羅蜜

勤捨罪業修諸禪

亦當捨諸陰界入

愛諸方便常求禪

除障到於精進岸

境界不動不味著

為捨因緣修悲喜

一道清淨不移動

以此得滿忍辱度

於境界中不念慮

離疾不樂得於喜

諸法離掉无分別

不染不愁是為捨

陰界如幻無起作

相續修行不斷絕

善修了知如是法

以此得滿般若度

故我今告一切衆

若有欲除諸罪業

求忍三昧陀羅尼

當知如是住寂靜

若欲超越聲聞乘 及欲超越緣覺乘
又欲疾得勝佛地 應當速住阿蘭若
若心攝住阿蘭若 以此即是供諸佛
於是能捨一切罪 是則能滿於六度
當得作佛三有取 能轉清淨正法輪
枯竭衆生諸惡趣 度脫衆生三有海
當捨惡見諸緣事 常發寂勝菩提心
應當速向蘭若處 於彼當成如是德
今時世尊說此經時諸會大衆聞是
甚深第一義禪有於過去善修集者
九萬二千人得無生法忍七十億那
由他百千衆生得種種三昧諸陀羅
尼及無生忍八萬一千人得授阿耨
多羅三藐三菩提記如恒河沙等衆
生未發無上菩提心者悉皆發心於
阿耨多羅三藐三菩提得不退轉
大集經卷第四十六

辛丑歲高麗國大藏都監奉
勅雕造

大方等大集經卷第四十七

有

月藏分第十四魔王波旬詣佛所品第二

高齊天竺三藏那連提耶舍譯

尔時復於魔王宮中所有一切諸雜
林樹果實華葉衣冠瓔珞莊嚴之物
皆悉變成半月而現放大光明照魔
王宮內外明徹琴瑟箏篴一切樂器
及非樂器寶莊嚴具及餘諸物自然
演出如是偈句

世間無等大導師 於諸法中寂自在
今住佉羅帝迦山 為衆顯示佛法海
開說一道清淨法 聞者必得勝菩提
波旬獼戾你不如 今汝魔界悉空无
汝本曾作一邪善 今得如是自在報
汝今法應當退落 何不速去見導師
一切所來諸衆生 曾作邪善十億數
福藏大衆皆來集 聽受寂上無病法
各各向佛心敬仰 見尊導師修供養
以其淨信滅煩惱 更不重生於欲界
專信禮拜尊導師 滅三界苦煩惱縛
億世受於勝妙報 速與三界為親友
又於三界作法王 說真實法度衆生

一切諸法如水泡 有為相現猶如幻
福報无常悉空無 當疾捨離我見過
速發無上菩提心 以此定受勝妙福
尔時魔王波旬及諸官属見聞是已
驚怖戰悚從牀而墮兩手掩耳而作
是言當觀沙門作此幻惑必奪我等
諸魔勢力令諸色像悉成半月復出
如是種種音聲沙門瞿曇現大神力
盡攝欲界以為已有可速擊鼓集諸
大衆皆到此處作是語已於其宮中
即便擊鼓擊彼鼓時於其鼓中即出
如是音聲偈句

諸法空寂風和合 遠離所依衆色像
於作無用誑衆生 事相詐現猶如幻
和合因緣故成字 如書虛空字不住
陰界空寂離衆色 無常義現不自實
聲塵入於耳根門 无常義現不暫停
其識如幻若分別 顯現無我不自在
眼根迅速故空寂 是苦自性義相應
鼻根香塵與舌味 身根及與一切觸
心法並與无常俱 迷惑衆生無所覺
如是六境生諸苦 能令失壞涅槃道
以是凡夫轉五趣 不能離縛得解脫

於諸境界除渴愛 則能速到勝妙處
此心自性清淨相 觀是了知菩提道
若已境界得自在 則能悲愍一切衆
於彼當得檀戒忍 智慧功德自在嚴
得寂無上菩提智 能度無量諸衆生
說此偈時魔之宮殿一切衆生驚怖
不安男夫婦女童男童女迭共相喚
詣魔王所住立其前魔王以偈告彼
衆言

汝等悉見此魔宮 如是無量極醜惡
諸聲不息生大苦 定奪我等魔勢力
沙門瞿曇作是聲 欲滅魔力境界事
可速往詣瞿曇所 咸共讚歎而歸依
尔時魔子名央耆瞿羅歇即以偈頌而
白父言

我今嚴駕著鎧甲 將諸勇健闔戰士
弓刀鉞稍及刀輪 刀面鼓面諸獸面
魔軍夜叉龍修羅 及諸眷屬滿虛空
速詣惡心瞿曇所 碎滅令彼如灰塵
尔時魔王說偈答言

我從昔來於彼人 曾作無量惡留難
汝亦應見菩提樹 瞿曇勝我及軍衆
如是我等數惱乱 瞿曇常勝於我等

不見天龍阿修羅 能動彼人一毛端
尔時復有魔之大臣名珊盧遮那而
說偈言

我等可速捨欲界 但當自護己宮殿
瞿曇昔來未至此 今來拒之莫聽前
尔時魔王甚大憂愁默然不答
復有大臣名起怖畏而說偈言

惟有巧力可伏怨 當以詔偽詐為親
我等將衆往詣彼 詭詐而欺彼沙門
復有大臣名毗闍陀行而說偈言

昔此宮殿衆盈滿 沙門侵奪今減少
已歸彼者衆甚多 我等亦可往歸依
尔時魔王聞其所說即瞋彼臣瞋已
默然

復有大臣名日老智而說偈言

瞿曇力加諸宮殿 出此種種異音聲
我等若不疾詣彼 沙門必速來到此
此處无人能遮護 以力止彼瞿曇仙
我等寧可共一切 速詣歸彼大沙門
尔時於彼諸宮殿中所居大衆男夫
婦女眷屬大小悉作一朋復作是言
大王今可將諸眷屬速詣彼所我等
今當守護此諸城邑宮殿尔時魔王

即作是言如是如是我與他化自在天王及諸軍衆眷屬大小往詣彼所并與化天兜率陀天須夜摩天釋提桓因及其軍衆共詣彼所復與毗沙門天王并諸軍衆毗樓勒叉天王并鳩睺荼軍衆提頭賴吒天王并乾闥婆緊那羅軍衆毗樓博叉天王及諸龍衆往詣彼所作是語時復有魔王輔佐大臣名珊遮羅拏白言大王今者所有諸天宮殿皆悉空寂欲界諸天及諸天女一切眷屬悉在瞿曇大沙門所聽法而住如是緊那羅龍鬼夜叉伽樓羅鳩睺荼悉在彼處種種供養沙門瞿曇聽受其法

尔時魔王自觀察已見諸欲界一切宮殿皆悉空寂欲界之中所有諸天人非人等皆悉集在於瞿曇所而坐聽法惟有阿修羅未到於彼而作是言我今當與諸阿修羅俱詣彼所令其會衆皆悉惑亂不得正信勿使瞿曇教彼大衆諸法如幻不去不來不合不散不生不滅令我欲界皆悉空寂復作是言我今當共諸阿修羅并

及軍衆疾詣彼所遮諸衆生不令速
得越度苦海到於彼岸以沙門力速
背死法令我境界勢力減少我今速
往遮護彼諸人非人等時魔波旬即
以魔之神通境界念四阿修羅王及
其軍衆一切眷屬速來集在須弥山
頂然後相將共下詣彼瞿曇沙門所
詐設美言謙下讚歎亦作歸依求見
因緣當以方便令詣大衆悉生怖畏
斷其正信又不令彼於瞿曇所生其
尊敬以是令彼沙門瞿曇厭患於世
速入涅槃如是魔王數數怖望阿修
羅衆然諸阿修羅為佛神力之所加
故茫然不知魔之怖望其魔即時惡
意於佛及一切阿修羅便作是言觀
瞿曇一人於我境界已得解脫不可
追迴我於欲界悉得自在凡賤畜
生阿修羅不受我教我當為其作大
衰惱令彼速捨所治宮殿然後我當
以神通力將諸眷屬往見瞿曇又復
與諸大臣勇將左右諸軍男女婦女
營從園遠以第一軍勝五音作樂調
戲歌舞一切衣服莊嚴之具衆寶香

華幢幡寶蓋音聲和合令速嚴辦往
見瞿曇我今亦將夫人姝女及以男
女大衆圍繞以第一軍勝魔之境界
神通遊戲五音和合往見瞿曇何以
故唯除瞿曇諸餘大衆天龍乾闥婆
人及阿修羅等世間大衆悉令迷惑
當以堅牢欲網而羅網之於生死大
海不令速度是故詣彼餘者留住守
此宮殿時魔波旬即將九百六十万
頻婆羅眷屬男夫婦女童男童女大
臣左右以魔境界神通加持作第一
軍勝五音伎樂歌俳調戲一切所有
令人多熹生染著者悉具備之時魔
波旬住彼諸宮告言悉出往詣彼所
而復合掌說偈頌曰

唯佛盡除諸煩惱 唯佛能化諸世間
唯佛能然正法燈 三界中取我歸依
尔時魔王既作如是魔之神通境界
力已從彼宮出以手散華所散之華
於四天下悉作華蓋在空而住於一
切處悉雨種種寶種種華如雲而下
當於尔時世尊仍說住阿蘭若第一
義諦佛告大衆汝等一切守攝諸根

擊心專念莫令馳散此魔波旬多將諸衆歌儻調戲五音作樂衆伎和合又與婦女眷屬大小圍繞而來

尔時魔王與諸眷屬尋即來到佉羅帝山牟丘諸仙所依住處到佛所已即於佛上虛空之中化七寶蓋縱廣七由旬而覆佛頂復以无價真珠璎珞嚴置佛上復以種種衆寶華香塗香末香天鵝幢幡寶蓋金縷真珠璎珞及五音伎樂供養世尊右遶三匝而說偈言

我今歸命佛世尊 從是終不起惡心
瞿曇心定容恕我 我當守護佛正法
於世更無如世尊 憐愍利益衆生者
自得解脫今他得 是故我歸寂勝尊
唯佛慈愍一切衆 已越生死煩惱山
常慈樂度諸衆生 今速歸依汝世尊
能了有為及無為 離二如蓮不著水
積德梵行所依身 是故我今歸依佛
世无寂定无病法 清淨常勝伏煩惱
唯有正法及涅槃 是故歸依无等法
於世更无如僧衆 和合解脫八丈夫
能離一切煩惱縛 是故歸依大德僧

閑居靜默常一食 第一義心恒相應
慈悲愍念諸衆生 我亦歸依於彼等
於三寶種作熾然 護養所有佛聲聞
我勸一切諸衆生 名衣上饌而供養
尔時會中諸來大衆若天若人乾闥
婆等同聲讚言善哉善哉

尔時世尊告慧命憍陳如而說偈言
我已告汝聲聞衆 所有相應求解脫
常樂所依四聖種 以彼得滿菩提道
如樹果繁速自容 竹簾結實亦如是
如驟懷身自喪身 無智求利亦復然
亦如盛夏惡雷雨 傷害一切諸苗稼
如是貪求利養者 必當速失勝菩提
又如諸樹華開敷 而復為火所焚燒
如是貪求利養者 亦當退失菩提道
若有比丘得供養 樂求利養堅著者
於世更無如此惡 故令不得解脫道
如是貪求利養者 既得道已還復失
尔時魔王聞說偈已即自念言沙門
瞿曇知我虛偽詐現歸依著愧默然
退坐一面聽法而住魔諸婦女諸根
形貌容狀光色皆悉枯悴變成惡色
背偻跛躄醜陋癡惡所有男夫都不

復能歌儻調戲五音作樂皆悉閉塞不能出聲却坐一面聽法而住

夸等大集經月藏分諸阿修羅諸佛所讚三

尔時月藏菩薩摩訶薩為欲攝化諸衆生故說月幢月呪句之時於彼四大阿修羅王所治之處一切所有草木華果衆寶瓔珞莊嚴之事衣服卧具皆悉變成半月而現彼等諸事迭相接觸出五音聲所有鼓貝笙篴箏笛具足作樂彼等音中亦復演出如是偈句唯佛化導以安隱并衆住在佉羅山於臭煩惱拔衆生為其說法永斷除凡夫患墮生死海煩惱駛河起波浪三有更無哀愍者如牟尼尊慈善心多衆聚集一方所天人鳩睺龍夜叉悉依佉羅帝山所於諸苦畏求解脫我等俱時速詣彼為欲聽聞正法故魔王不久或來此而為我等作留難一心聽受勝妙法於彼淨心得大福以福長壽除諸怨於世常受威德樂若以此福求解脫斷諸煩惱得羅漢及斷諸緣作辟支亦能成佛具諸樂如是當得無有疑是故速捨諸緣縛

一切當起清淨心 速到佛所修供養
從此賢劫初以來 未有如是大衆集
於後久遠弥勒興 我等不得許時壽
今時於彼四阿修羅城邑宮殿有如
是事以菩薩力莊嚴加持故聞是句
義皆生信心各各於其城邑宮殿雲
集一處共相謂言今當於此欲有何
事所以者何我等昔來未曾見者今
得見之昔未聞者今得聞之無人知
者時魔波旬從己宮下欲礼佛故而
往散華所散之華於四天下皆作華
雨當雨之時於四阿修羅城邑宮殿
遍一切處皆悉變作取極臭穢及惡
烟塵灰土燼埵處處盈滿壅壅地獄
諸惡毒蠅亦復悉滿憂愁惱乱不可
愛樂當於今時諸阿修羅城邑宮殿
皆悉黑闇一切阿修羅男夫婦女童
男童女悉懷取極憂愁惱乱不樂住
彼各於巷陌迭相雲集至已王所在
前住立阿修羅王見諸衰害極增憂
惱毗摩質多羅阿修羅王與諸眷屬
及所治處一切阿修羅男夫婦女童
男童女波羅陀阿修羅王跋持毗盧

遮那阿修羅王與諸眷屬及所治處
男夫婦女童男童女向羅睺阿修
羅王所治城邑聚落宮殿見彼如是
諸惡惱亂毒蟲地蝮毒蠅等已三阿
修羅王偈至羅睺阿修羅王所於
前住立毗摩質多阿修羅王請問羅
睺阿修羅王而說偈言

一切修羅諸宮殿 猶如地獄等無異
熱風暴起來至此 一切狀似火燒焚
所有樹林諸果實 悉皆墮落在於地
諸有蓮華及浴池 草苗衆華悉枯竭
烟塵燼埽於我等 阿修羅城諸宮殿
及有毒蟲毒惡蠅 无量諸惡毒蟲等
今聞如是衆惡聲 衆生多惱不喜樂
諸阿修羅受此苦 悉為飢渴所逼惱
苦逼無所可歸依 一切驚怖心焦枯
生死畏等誰威力 而不利益我天龍
以何方便令休息 如是種種怖畏事
非是惡龍來至此 降伏我等阿修羅
尔時羅睺阿修羅王說偈答言
阿修羅輩汝諦聽 我等昔日具安樂
五欲所須皆稱意 神通勇健有大力
所持弓刀及箭稍 羅索矛矟劍輪等

一切今當悉退落

城邑巷陌盡茫然

男夫婦女先凶健

顏色端正有勢力

悉與諸天共齊等

於今時中定當盡

命盡衆生白法盡

著耻慚愧解心盡

及聰明人所知盡

巧行與善聖智盡

苗稼及諸華藥盡

果味等盡諸戒盡

所欲稱意音樂盡

衆寶衣服飲食盡

喜樂事盡人天盡

夜叉鬼闍修羅盡

婆羅門種刹利盡

并諸毗舍首陀盡

惟共諸惡衆生等

非聖諂曲煞盜婬

妄語兩舌綺惡口

貪恚胆佞癡邪見

儉短增長及飢渴

愛離怨會與捕獵

見他得利生嫉忌

割截斬斫諸破壞

毒害刀稍劒輪增

面目流淚憂悲苦

毒害惡風及烟塵

斯等並來為觸惱

地獄畜生與餓鬼

是等境界大苦海

此非善行相應時

念念退失於正見

白業之人惡事增

如是衆惡皆興盛

是阿修羅盡時至

唯無等衆能遮止

尔時波羅陀阿修羅王白羅睺羅阿

修羅王說偈問言

唯王為諸衆生故

常勤精進修諸法

具大福德神通力

及以智慧莊嚴身

此是何力誰所作 欲滅我等阿修羅
誰能救護於我等 當礼彼而歸依
尔時羅睺羅阿修羅王說偈答言
此非釋梵天王力 亦非自在那羅延
又非夜叉及龍神 惟除魔王欲自在
昔惱諸龍亦如是 大仙瞿曇為斷除
我等礼彼瞿曇仙 能施我等安樂故
尔時跋持毗盧遮那阿修羅王以偈
問言

為是天人龍夜叉 能施一切安樂者
彼何神通精進力 為當方便造幻惑
於何法中得自在 何誰能受彼教勅
為於魔力得解脫 而得何力使其然
尔時羅睺羅阿修羅王以偈答言
昔見端正大沙門 端坐菩提樹陰影
魔將軍衆而詣彼 以慈悲力速降伏
於彼得成勝菩提 超過一切諸天衆
具大慈悲入涅槃 故能枯竭衆苦海
此諸仙中取勝幢 具足十力衆生藥
釋梵自在修羅仙 欲自在魔那羅延
悉礼於彼作歸處 是人能亦衆解脫
於諸一切三界中 超勝所有諸天衆
調伏寂靜降諸根 樂寂七聖財莊嚴

安住涅槃到彼岸 悉能枯竭煩惱海

是故我等一切衆 悉歸能滅諸苦者

皆持種種妙香花 各各合掌而求請

尔時羅睺羅毗摩質多羅波羅陀跋

持毗盧遮那四阿修羅王及男夫婦

女童男童女所有一切阿修羅衆皆

悉雲集有以燒香供養礼佛而求請

者有持種種雜色妙華有持種種摩

尼寶珠有持種種幢幡寶蓋金縷真

珠瓔珞衣服以用奉佛而求請者有

持種種箏瑟琵琶篳篥笛鼓吹五音作

樂供養礼拜求請佛者羅睺羅阿修

羅王以已神通境界之力大身遊戲

兩手執持帝釋毗楞伽摩尼寶鬘頭

面礼拜遥奉世尊說偈讚曰

佛為衆生樂 久修諸苦行 憐愍一切衆

願亦愍我等 忍辱如大地 悲愍諸衆生

休息諸濁惡 愍覆於我等 佛度諸畏訖

得於无上智 等心於衆生 願愍阿修羅

佛以八聖船 度脫苦衆生 涅槃味充飽

慈念阿修羅 佛於諸衆生 不耻惡種姓

一切如赤子 是故歸依佛

尔時毗摩質多羅阿修羅王以兩手

捧持一切諸天登祚所著摩尼寶鬘
頭面作礼以偈讚曰

勝過天龍衆 修羅鳩睺荼 盡除諸煩惱
心意所作惡 降伏業苦道 而到於彼岸
遠離於有想 及無想衆生 悲念衆生故
不入於涅槃 為諸衆生故 能忍一切苦
視於諸衆生 如母念一子 願愍於此等
苦處灑悲水 休息苦惱觸 煩惱水所溺
起發堅勇者 願救衆生苦 念今苦苦至
為魔力所壞 苦觸阿修羅 願灑大悲水
衆生若於佛 起於瞋惡心 而不能動佛
身心少分者 若彼所有樂 境界身心事
佛常等慈愍 於此更无異 惟佛於天人
能施一切樂 我等為魔惱 心孤無所依
无有餘衆生 能滅於魔業 惟佛速除遣
盡壞無有餘 諸天龍證知 夜叉阿修羅
如佛衆生取 能救一切苦 魔欲速滅我
修羅諸宮殿 願速放戒光 施我滿足樂
今時波羅陀阿修羅王兩手捧持梵
天光幢摩尼寶珠和合天鵝頭面作
礼說偈讚曰

流轉獄所縛 離諸一切樂 極惡大巨海
沒溺無所依 唯佛精勤行 於三阿僧祇

自度到彼岸 悉竭煩惱海 為諸衆生故
六年行苦行 而得無上智 滅除彼煩惱
我等為魔燒 无力受諸苦 願除魔所加
洗浴我等宮 此等僧祇衆 為諸苦所惱
願救此諸苦 當往見世尊
尔時跋持毗盧遮那阿修羅王兩手
捧持梵天艷光摩尼寶鬘頭面作礼
以偈讚曰

今礼牟尼尊 於法自在者 超過釋梵王
降魔及軍衆 超過日月光 及與四天王
慈悲明日月 普照諸衆生 五日並出時
海水悉枯竭 若供佛功德 无能枯竭者
超度於三界 而入無畏城 大悲覆衆生
諸苦悉除滅 等心諸衆生 如母視一子
我等憂翳障 慈風願吹散 更無餘歸依
可救我等苦 如佛功德滿 莫捨修羅宮
尔時世尊以佛耳聞以佛眼見諸阿
修羅城邑宮殿魔力所加一切諸難
皆悉周遍無有遺餘俱受熱惱願樂
求我蔭覆救護為歸為趣我當救護
諸阿修羅今正是時于時世尊以大
悲威勢現一切樂即入悲風光明三
昧三昧力故令四阿修羅宮殿所有

魔之神力所加苦事一念之頃皆志

休息還復如故亦如三十三天宮殿
於中即現第一妙樂可樂之事彼諸
阿修羅見已踊躍心生歡喜口眼皆
悅熙怡微笑皆作是言南無佛陀南
無佛陀作是語已即以諸天勝妙寶
鬘向佛方所遙擲奉獻其羅睺羅阿
修羅王所擲寶鬘即到佛所於佛頂
上空中而住毗摩質多羅阿修羅王
所擲寶鬘亦到佛所於虛空中住右
肩上波羅陀阿修羅王所擲寶鬘亦
到佛所於虛空中住左肩上跋持毗
盧遮那阿修羅王所擲寶鬘亦到佛
所住於佛前放光而照其餘所有諸
阿修羅復持種種衆寶香華幢幡寶
蓋及以金縷寶珠天鬘真珠瓔珞種
種衣服塗香末香彼等一切悉向世
尊遙擲奉獻而以供養是時於此佉
羅帝山牟尼諸仙所依住處雨種種
華乃至末香如降暴雨

尔時會中有菩薩摩訶薩名求斷疑
從座而起偏袒右肩合掌礼佛以偈
問曰

大仙世尊无量智

於先已雨如是雨

現諸神通變化瑞

月藏菩薩來到此

今復雨於種種寶

誰當復來到於此

為是大德諸菩薩

為是他方諸佛使

今時佛告求斷疑菩薩摩訶薩言善

男子此是魔王波旬於四阿修羅城

邑宮殿化作陰闇灰塵烟霧蚊毒

蠅及以種種毒地蜂蝎於彼一切樹

林草木華果泉池皆悉枯涸一切阿

修羅苦困欲死彼等向我一心歸依

合掌作礼以種種華乃至末香於彼

阿修羅所住城邑向我遥擲而供

養羅睺羅阿修羅王所擲寶鬘今我

頂上者是也毗摩質多羅阿修羅王

所擲寶鬘在我右肩者是也波羅陀

阿修羅王所擲寶鬘在我左肩者是

也跋持毗盧遮那阿修羅王所擲寶

鬘今在我前者是也

今時魔王波旬從坐而起向佛合掌

恭敬礼拜而作是言此諸阿修羅蒙

佛恩福我今亦令諸阿修羅還得具

足饒益安樂佛告波旬汝今不須作

如是言我已令其充足安樂我諸阿

修羅城邑宮殿轉勝微妙樂具悉有
還復如故何以故彼等四大阿修羅
王是我親舊如是其餘所有一切阿
修羅等於我得信敬仰尊重心生希
有今當不久來至於此為聽法故魔
王波旬復生惡心而作是念我是一
切欲界之中最勝自在於諸衆生能
作苦樂沙門是人何能狡猾幻惑異
端妖邪多語敢共我覓而欲與我較
量比並釋梵四王摩醯首羅那羅延
天轉輪聖王一切衆生無能與我較
量比並作相違者今此瞿曇作幻誑
惑一切衆生遍四天下地及虛空二
切盈滿皆患欲見瞿曇故來今此下
賤畜生之類諸阿修羅亦復蒙攝我
今當作魔之境界神通勢力遊戲所
加更作幻惑惱亂於彼沙門瞿曇及
以降伏諸來會衆時魔波旬觀其眷
屬而說偈言

諸魔各作念 我常降伏怨 及惱此會衆
并禁阿修羅

余時世尊而說偈言

汝等見我力 昔於菩提樹 天神為證明

我修真正法 隨汝所有力 恣汝當現之
若能惱我者 我當作端依

尔時魔王波旬復增第一極重瞋恨
以一切魔力境界神通遊戲所加念
於四方取熱之風令其一切諸來大
衆熱風觸惱而作降伏于時世尊即
入摧伏魔力三昧其三昧力即於四
方復起第一妙香涼風觸其身分皆
受快樂魔王波旬知是事已復於佛
前化大火聚世尊即於彼處化作清
涼大池水涌上出魔王見已復於空
中降雨大石佛即變其所雨之石悉
令化作種種天華而雨其處魔王波
旬及與眷屬復以兩手捉佉羅帝山
而欲速疾震動三千大千世界佛復
以此三千地界加作金剛尚不能動
乃至一塵况能多也魔王復以瞋怒
之力向阿修羅所住之方放口噓氣
成黑氣雲令其城邑宮殿陰闇使諸
阿修羅重復迷惑不能去來尔時世
尊即復變其所吹氣雲令作種種天
妙華雲尔時於彼四阿修羅城邑宮
殿復雨種種天華之雨其華雨中演

出百千微妙法門所謂佛聲法聲僧
聲檀那波羅蜜聲乃至般若波羅蜜
聲三善行聲三歸依聲三律儀聲三
不護聲三依止聲三種菩提聲三乘
聲三修聲三種善根聲越度三界聲
三受聲三解脫聲三亦現聲四念處
聲四正勤聲四如意足聲四不壞信
聲四禪聲四梵住聲四攝聲四無尋
智聲四无色定三摩跋提聲四聖諦
聲五根聲五力聲五支三昧聲五解
脫入聲顯亦六根聲六和敬聲六念
聲六通聲七聖財聲七識住聲七覺
分聲八聖道聲九次第定聲十聖處
聲佛十力聲大慈聲大悲聲因緣生
起聲心不可壞聲捨一切惡見聲不
忘菩提心聲不退轉聲忍聲三昧聲
陀羅尼聲授記登祚聲無生忍聲苦
行聲十地聲十八不共佛法聲到菩
提聲轉法輪聲不可壞佛聲捨聲獸
聲解脫定聲滅聲成就衆生聲攝受
正法聲辯才聲無常聲苦聲无我聲
空聲無所作聲寂靜聲无生聲如聲
實際聲入法界聲無衆生无命無養

有無受者如如不生不滅不常不斷
不去不來不住不行聲大神通變化
聲加護三寶種聲乃至大般涅槃聲
地獄畜生餓鬼人天苦五陰重擔聲
數數流轉生死與愛別離聲一切有
為流轉之獄如幻芭蕉水月響聲信
念精進忍及智慧十善業道護持聲
出彼流轉獄聲於彼華雨出是无量
百千種聲彼諸音聲能令無量阿僧
祇等阿修羅於三寶中深得敬信尊
重歸依生希有心渴仰欲見釋迦牟
尼及欲聽法供奉衆僧極甚驚怖流
轉生死與愛別離怖望涅槃彼諸一
切阿修羅等俱發聲言南无釋迦牟
尼如來南無釋迦牟尼如來我等今
往見於釋迦牟尼如來禮拜供養故
聽法故及供奉衆僧故為看大集故
為求無上菩提乘故為退落魔幢故
為建立法幢故為三寶種不斷絕故
為聽第一義聖諦法門故為休息煩
惱道苦道故為斷截魔縛故為枯竭
愛河故為滿法海故為入智海故為
成熟衆生海故為供養諸佛海故是

故我等及諸眷屬往詣佛所不為惡
魔於我等中更得自在我等從今不
復重遭如是之苦

尔時牟真隣陀阿修羅王復作是言
我今亦與婦妾宮人男女大小諸阿
修羅婦女眷屬八万四千一切皆悉
著青衣服青色莊嚴青傘青蓋青幢
青幡青車青華青色摩尼琴瑟箏篥
青寶青鼓我今將諸五音作樂歌舞
調戲第一莊嚴及將眷屬而往見佛
恭敬禮拜聽受妙法供奉衆僧故往
詣佛所

尔時須質多羅阿修羅王復作是言
我今亦與婦妾宮人男女眷屬九十
九百千阿修羅婦女一切皆著黃衣
莊嚴乃至供奉衆僧故往詣佛所
尔時睽婆羅阿修羅王復作是言我
今亦與婦妾宮人男女眷屬百千億
阿修羅婦女一切皆悉著紺色衣璎
珞莊嚴乃至供奉衆僧往詣佛所
尔時跋持毗盧遮那阿修羅王復作
是言我今亦與婦妾宮人男女眷屬
九十九頻婆羅阿修羅婦女一切悉

著朱色衣服璎珞莊嚴乃至往詣佛所
爾時毗摩質多羅阿修羅王復作是
言我今亦與婦妾宮人男女眷屬九
十九惡初矣尼百千阿修羅婦女一
切悉著頗梨色衣璎珞莊嚴乃至往
詣佛所

爾時羅睺羅阿修羅王復作是言我
今亦與夫人嫫女男女眷屬及土田
主附庸王并及長者臣將左右城邑
聚落所有人衆如恒河沙等阿修羅
婦女一切悉著馬瑙色衣璎珞莊嚴
復持馬瑙色衣及與幢幡寶蓋金縷
真珠璎珞摩尼寶珠香華塗香及所
乘車皆悉同是馬瑙之色并以鼓角
琴瑟箏篴簫笛伎樂如是等事皆馬
瑙色相與作樂歌儻戲笑取勝莊嚴
在於虛空為欲見佛禮拜供養及為
聽法供奉衆僧故往詣佛所如前所
說皆悉嚴備彼諸色相第一微妙希
有未有昔來未聞如是等大莊嚴事
從彼阿修羅所居處出住在空中
爾時毗摩質多羅阿修羅王及與眷
屬五音作樂歌儻戲笑詣羅睺羅阿

修羅王於前而引

大集經卷第七 第三十五

尔時波羅陀阿修羅王及與眷屬皆
大嚴持到羅睺羅阿修羅王右廂而引
尔時跋持毗盧遮那阿修羅王并與
眷屬亦復如是具大莊嚴到羅睺羅
阿修羅王左廂而引

尔時睽婆羅阿修羅王及與眷屬亦
志嚴持詣羅睺羅阿修羅王於後而引
尔時牟真隣陀阿修羅王及與眷屬
亦大嚴駕到羅睺羅阿修羅王在上
而引

尔時須質多羅阿修羅王及與眷屬
如是莊嚴亦到羅睺羅阿修羅王在
下而引

尔時於中羅睺羅阿修羅王及與眷
屬如是色相以大莊嚴五音伎樂一
時俱作歌儺戲笑音聲和合而詣佛
所復以兩手持種種寶華天鬘塗香
向佛方所遥散奉獻到佉羅帝山上
變作大雲空中而住其佉羅帝山牟
尼諸仙依住處雨種種寶種種華種
種種天鬘種種塗香

尔時會中有諸衆生作如是念欲有

何事是何等力先作此瑞

尔時世尊告慧命耶舍言汝等比丘當自正念繫心而住勿得散乱世尊復告慧命耶舍汝等比丘當以精勤繫念而住勿得散乱若能精勤繫念不散則能休息煩惱之道及除苦道能住第一義諦能滿六波羅蜜不久得成阿耨多羅三藐三菩提此是諸阿修羅及與一切眷屬妓女而今欲來并作五音妓樂和合而作莊嚴為礼拜我供養聽法是故汝等勿得散乱繫念而住尔時一切阿修羅及與眷屬尋即來到佉羅帝山到已即時右遶其山三匝訖已將諸眷屬詣世尊所

尔時羅睺羅阿修羅王向世尊頭面作礼右遶三匝於前住立持梵天鬘上光明艷色摩尼寶珠置於佛前復用種種寶華末香幢幡寶蓋及以金縷真珠瓔珞復以種種歌舞作樂而用供養合掌向佛說偈讚曰

心調士中取 能施一切樂 法燈常法施
增長法智慧 世尊然法炬 天人皆悉知

了達怖望法 安住沮躁道 唯佛蔭諸衆
如蓋覆一切 摧伏諸陰魔 死魔煩惱魔
降魔及軍衆 并及惡心意 稽首於世尊
勇健愍諸有 是魔極惡心 常行諸惡事
此是彼戲笑 欲得衆生苦 此諸修羅宮
苦重患弥覆 佛即起悲心 觸我諸修羅
佛為衆生故 修諸苦行訖 多劫修檀戒
行忍及智慧 世尊更不作 諸餘惡行事
佛以如是事 足令我得樂 惟佛精進士
三界無等雙 離諸煩惱縛 解脫於三有
佛仍於衆生 慈悲而常轉 礼佛不動山
慈心正安住

尔時毗摩質多阿修羅王及與眷屬
頭面接足礼拜世尊右遶三匝佛前
住立即以千斤閻浮檀金置於佛前
復以日愛寶摩尼珠置在佛上如是
種種寶種種香華乃至種種歌僊伎
樂而作供養合掌恭敬說偈讚曰

釋梵大自在 輪王那羅延 護世及波旬
患無如是力 天龍夜叉等 人及阿修羅
亦无如世尊 慈悲大勢力 惟佛衆生最
如地不瞋喜 能忍一切惡 并作惡業者
等視諸衆生 如母愛其子 心平於一切

是故礼佛足 願護此一法 勿使魔更來

不令彼得勝 作此惡惱害 一切惡瞋怒

及以取極惡 實語願說呪 降伏諸魔軍

如人身無病 不求諸醫師 如是阿修羅

无事不想佛 我今甚歡喜 來詣於佛所

願說清淨法 今到菩提道 顯示諸賢聖

寂定如虛空 遠離於諸惡 及離我我所

速知於實際 能除諸煩惱 速斷一切縛

得知寂上道

尔時波羅陀阿修羅王及與眷屬頂

礼佛足右遶三匝持衆雜色種種寶

樹狀如波吒羅七寶之樹置於佛後

種種寶葉華果金縷真珠瓔珞天生

寶鬘天瓔珞衣服拍印環玕寶蓋幢幡

手瓔珞脚瓔珞辟瓔珞寶莊嚴具於

佛頭上空中垂下乃至種種歌舞作

樂而供養佛一心合掌說偈讚曰

衆生常為彼 煩惱火所燒 求樂恒不得

不遇施樂者 一切住惡道 惟佛衆生藥

安住解脫道 能救一切苦 惟佛賞人主

三有中更无 慙進智慧求 衆德滿如海

為盲失道者 安住於正路 導引諸衆生

住勝涅槃道 凡夫飢無厭 唯佛能充飽

常為煩惱溺 唯佛能救拔 遭溺之病苦
苦逼失其念 如此苦苦者 導師為親救
惡心衆生等 龍鬼諸羅刹 見佛得正念
安住大悲心 唯佛於三界 能作救護者
我等已孤獨 悉為衆苦溺 我等皆一心
一切樂法住 願說寂上義 令我得菩提
以得於佛眼 寂上諸佛智 速伏諸魔怨
願降正法雨

尔時跋持毗盧遮那阿修羅王將諸
眷屬頂礼佛足右遶三匝於佛右左
積閻浮檀金復以種種寶種種華種
種末香寶蓋幢幡及以金縷真珠瓔
珞歌僊作樂合掌供養說偈讚曰

福田福德水 福種福德牙 福樹福德枝
福條福德葉 福華福味果 寂上福味漿
福色福陰影 福德子成就 佛福善堅固
福勇能伏他 福色勇健士 福德不動山
福華覆蓋臺 福藥所依身 福山寂上頂
放福智慧水 福德海甚深 福德衆生依
妙福衆寶礦 福味如巨海 福器盛甘露
福願皆盛滿 福商恒將向 無漏寶國土
我等衆福盡 是故歸依佛 福德賢寶瓶
願慇施我等

尔時復有阿修羅仙名一切菩提
具有大福大威德大智慧大苦行以
菩提心而作莊嚴得五神通離諸塵
垢安住成就一切衆生常化一切阿
修羅等堪受彼供是諸阿修羅無上
導師與九万五千具足五通阿修羅
仙前後圍遶來詣佛所頂礼佛足以
真金瓶盛八功德水置於佛前并獻
寶杖復與九万五千眷屬各各執持
異種寶蓋以奉世尊右遶三匝合掌
向佛說偈讚曰

忍辱如大地 忍水常盈滿 安住於淨忍
寧心無所失 煩惱渴愛盡 安處於信財
佛住慈悲心 置衆菩提道 說法猶如水
若聞如是法 愛樂菩提心 能成第一義
大悲願調伏 此諸下劣行 願受我修羅
所獻衆寶物 三界所有供 棄捨不求染
唯佛無煩惱 堪受世供養 佛以大菩提
嚴三有衆生 願說第一義 為得菩提故
我於拘留孫 曾聞第一義 拘那含牟尼
迦葉佛亦然 我以自願力 應現阿修羅
為化修羅故 修行菩提道 聞法獲德藏
復能轉示他 降魔惡徒黨 熾然正法明

於此濁惡世 難有功德人 現佛境界事

是佛妙神力

大集經卷第七

辛丑歲高麗國大藏都監奉

勅雕造

大方等大集經卷第四十八

有

月藏分第十四本事品第四

高齊天竺三藏那連提耶舍譯

尔時弥勒菩薩摩訶薩即從坐起偏袒右肩整理衣服合掌向佛而作是言世尊既是釋迦貴種刹利大姓迦毗羅城淨飯王子此四阿修羅畜生種類極成卑下世尊何故言與我親尔時佛告弥勒菩薩摩訶薩言於過去世第三十一劫有佛出興号毗舍浮如来應正遍知明行足善逝世間解無上士調御丈夫天人師佛世尊彼佛常為四衆說法尔時有一大婆羅門名弗沙耶若已於過去無量佛所種諸善根於阿耨多羅三藐三菩提而不退轉深信具足歸依三寶受持五戒離諸放逸時弗沙耶若有弟八人一名弗沙金剛二名弗沙那毗三名弗沙闍利四名弗沙跋摩五名弗沙車帝六名弗沙樹七名弗沙毗離八名弗沙那提時弗沙耶若婆羅門勸諸弟言汝等賢首今可歸依佛

法僧寶受持五戒離諸放逸發阿耨
多羅三藐三菩提心時彼諸弟皆志
不肯歸依三寶乃至不肯發菩提心
時弗沙耶若數勸諸弟經於多年復
問諸弟汝等何故皆志不肯歸依三
寶乃至不肯發菩提心竟有何意何
所願求時彼八弟即作是言兄能千
年修二威儀惟行惟住不坐不卧經
七日夜限食一揣修此難行足滿千
年然後我當歸依三寶受持五戒離
諸放逸發於无上菩提之心弥勒時
弗沙耶若聞是語已一心喜悅即為
八弟而立誓言汝等若能歸依三寶
乃至能發阿耨多羅三藐三菩提心
不退轉者我今必當千年之中不坐
不卧七日七夜限食一揣我立誓已
於千年中若晝若夜乃至一剎那頃
念於坐卧乃至於七日夜過食一揣
永當使我違三世佛違六波羅蜜違
十善業道不成阿耨多羅三藐三菩提
尔時空中有百千億那由他無量諸
天讚言大士善哉善哉堅固勇猛大
士決定汝於來世當實眾中當得成

佛多陀阿伽度阿羅訶三藐三佛陀
聲震於世時毗舍浮佛以弗沙耶若
頭陀功德故讚言善哉善哉大婆羅
門汝今以此苦行威儀行檀波羅蜜
乃至般若波羅蜜於未來世第三
十一大賢劫中人壽百歲於彼成佛
号釋迦牟尼如來應正遍知聲震於
世汝當尔時與此八弟授阿耨多羅
三藐三菩提記弥勒彼弗沙耶若婆
羅門足滿千年不坐不卧經七日夜
限食一搥滿千年已令彼八弟安住
三歸受持五戒及發無上菩提之心
善男子是弗沙耶若化其八弟及餘
无量百千万億那由他等諸婆羅門
長者居士男子女人童男童女皆成
熟已即於毗舍浮如來法中出家學
道尔時所有解說經論及諸外典誦
持不忘為人解說然後至閑林中與
第一義諦禪波羅蜜相應而住經五
万年於彼時中成熟無量百千万億
那由他阿僧祇天龍夜叉阿修羅伽
樓羅緊那羅摩睺羅伽畜生餓鬼毗
舍遮人非人等向於河耨多羅三藐

三菩提令不退轉弥勒彼弗沙耶若
婆羅門者豈異人乎莫作異觀我身
是也我於今時為欲成熟彼八弟故
於千年中不坐不卧但行但立經七
日夜限食一揣我為成熟彼諸弟故
乃至於閑林中住第一義諦經五万
年成熟无量百千万億那由他阿僧
祇天龍夜叉阿修羅伽樓羅緊那羅
摩睺羅伽畜生餓鬼毗舍遮人非人
等向阿耨多羅三藐三菩提令不退
轉今時弗沙金剛者今羅睺羅阿修
羅王是弗沙那毗者今毗摩質多羅
阿修羅王是弗沙闍利者今波羅陀
阿修羅王是弗沙跋摩者今婆稚毗
盧遮那阿修羅王是弗沙車帝者今
魔王波旬是弗沙樹者今汝弥勒是
以是因緣得无尋智一生補處安住
大乘弗沙毗離者今毗摩羅詰是也
弗沙難提者今提婆達多是也當如
是觀我昔為求阿耨多羅三藐三菩
提故為欲成就魔波旬故作如是等
無量苦惱毛豎驚怖難行之事是故
今此魔王波旬以福德智慧二種莊

嚴故有如是等神通威力有大功能
於欲界中寂勝自在此魔波旬及餘
眷屬今於我所起勤害心於正法幢
起摧折心於僧寶所起破壞心於八
聖道起斷除心於正法燈起毀滅心
於諸衆生一切善法起隱沒心致留
難心作恐怖心不憐愍心違反之心
令諸衆生退捨善道墮惡趣心於諸
龍衆起驚怖心於阿修羅宮起破壞
心於此說法大衆會所欲障尋故而
來至此復起欲壞大衆集心興此惡
意願視而坐若有衆生為障尋他故
燒亂他故降伏他故欺陵他故求稱
譽故求名聞故依於五欲戲笑樂故
求富貴故修行施戒忍辱精進禪定
智慧不為解脫不為信敬不為離欲
寂靜唯為自身五欲樂故修行施戒
忍辱精進禪定智慧為如是等諸結
所縛雜於愚癡於欲界中果報成熟
為魔波旬如是苦惱此魔波旬以本
障尋他故燒亂他故降伏他故欺陵
他故求稱譽故求名聞故依於五欲
戲笑樂故求富貴故於毗舍浮如來

法中修行施戒忍辱精進禪定智慧
以是因緣今於現在白法盡滅五濁
惡世得作魔王於三寶所不生信敬
無尊仰心如是波旬常於衆生而作
諸惡不利益故令苦惱故令墮落故
提婆達多亦復如是此羅睺羅阿修
羅王毗摩質多羅阿修羅王波羅陀
阿修羅王婆稚毗盧遮那阿修羅王
牟真隣陀阿修羅王及餘阿修羅等
亦於毗舍浮如來法中憍逸自舉不
勤修習復懷疑惑雜諸煩惱貪欲瞋
恚愚癡邪見無明胆慢斷常之心修
行施戒忍辱精進禪定智慧以是因
緣今生下類苦惱畜生阿修羅道為
諸結所縛疑惑愚癡是故彼等尚不
能發世俗正見何況能發無上善根
唯有弥勒菩薩摩訶薩毗摩羅詰及
菩提鵝阿修羅仙等於毗舍浮如來
法中不為障尋他故乃至不求富貴
故但樂離欲化衆生故修六波羅蜜
以是因緣此大丈夫弥勒菩薩毗摩
維詰及菩提鵝阿修羅仙等得无尋
智以諸菩薩功德莊嚴巧成一切衆

生智樂是故我今告於汝等若有欲
求無上智者是人應當深信清淨以
第一義諦而求菩提莫以世諦譬如
五大河水能滿大海不以小河如是
以依第一義故速能充滿一切智海
不以世諦又如須彌山王依於大地
久住不動不以依水如是以依第一
義諦一切善根而得堅固不以世諦
又如一切草木依於大地而得生長
不以草葉如是四念處乃至十八不
共法大慈大悲等依第一義諦而得
生長不以世諦又如猛風依於虛空
而能吹盪煙雲塵霧不依於地如是
為求菩提諸善男子善女人等依第
一義諦能吹諸惡見雲煩惱煙霧十
惡道塵不以世諦又如依日大光明
故得見高下及諸色像種種作業不
以依彼油燈小光如是以依第一義
諦菩提之心無有迷惑作諸善業不
以世諦是故應捨一切愛取攝受之
事住閑林中不作放逸修第一義不
以世諦汝等如是便能速滿六波羅
盡於阿耨多羅三藐三菩提而成正

覺今時世尊欲重明此義而說偈言
一生處弥勒 問於尊導師 云何畜生類
言與人為親 世尊見之遠 告於弥勒言
修羅等往昔 皆是我兄弟 第三十一劫
毗舍浮佛時 我作婆羅門 聰慧字耶若
六度常相應 菩提不退轉 時我有八弟
邪見婆羅門 勸令信三寶 及發菩提心
彼皆不肯行 愚癡邪見故 既歷多年已
鉅根作是言 兄能千年中 常離於坐卧
獲經七日夜 限食飯一揣 如是千年滿
我當住菩提 我時一心喜 擔住二威儀
既滿千年已 方得成熟彼 又化多衆生
出家離俗已 復與第一義 相應五万年
如是第一義 我時本安住 轉化无量衆
堅住無上道 羅睺毗摩質 婆稚波羅陀
波旬毗摩詰 弥勒及提婆 如是八人等
先是我兄弟 為彼修苦行 成熟於菩提
我為无上道 行諸苦難事 波旬提婆達
常欲危害我 魔於過去時 所作諸善業
初無有信敬 恒欲惱衆生 但為富貴欲
求名不尊重 毗舍浮法中 而行於六度
白法盡滅已 惡法增長時 得為魔波旬
欲界中自在 又於三寶所 不肯生信敬

波旬提婆達 常欲惱衆生 如是修羅王
增上憍逸士 疑惑有欲妬 及諸嫉妬行
今在畜生類 而作修羅王 於諸寂勝法
無智不能了 彌勒毗摩詰 道場修羅仙
於毗舍得信 修於无上道 彼與六度合
常化諸衆生 是故今殊勝 成熟無尋智
故我今亦汝 宜捨諸疑惑 勤修第一義
證菩提不難 如海常充滿 種種衆寶物
如是修真諦 能令智滿足 又如依大地
生長諸苗稼 如是真諦合 能生勝菩提
又如風依空 吹盪諸塵塵 如是修真諦
能滅諸煩惱 又如依日光 明見諸色像
若住第一義 能觀諸佛法 是故若欲求
於世速成佛 宜捨諸見著 安住第一義
往詣閑林中 端坐修禪定 勇決獨无侶
求無上菩提 精勤自調伏 防護於己心
棄捨諸邪見 遠離於斷常 怒心龍夜叉
并及諸鬼神 无量百千億 化之以真諦
大方等大集經月藏分第十四第二義諦品第五
尔時月藏菩薩摩訶薩即從坐起偏
袒右肩右膝著地合掌向佛而作是
言世尊我今欲有所問惟願如來隨
時聽許為我解釋尔時佛告月藏菩

薩摩訶薩言善男子如來應正遍知
恣汝所問當隨意答今汝心喜尔時
月藏菩薩摩訶薩聞佛語已即白佛
言唯然受教大德婆伽婆云何菩薩
摩訶薩住阿蘭若修第一義諦得如
月以四無尋成熟衆生能滿六波羅
蜜佛言善哉善哉善男子快問是義
汝於過去無量佛所殖諸善根修諸
功德圓滿之行已曾問此甚深之義
汝今直欲為彼未曾修習求阿耨多
羅三藐三菩提諸善男子善女人故
問如是義善男子諦聽諦聽善思念
之吾當為汝分別解說善男子若有
清信善男子善女人求阿耨多羅三
藐三菩提者當作是觀三界所有一
切衆生皆為貪欲瞋恚愚癡三毒猛
火焚燒熾然生老病死憂悲苦惱皆
亦熾然不得解脫作是觀時菩薩於
彼諸衆生所起大悲心復作是念一
切衆生莫不厭苦求樂彼等如是為
苦所轉如五節輪復作是念何因緣
故此諸衆生衆苦增長無有休息作
是念時知諸衆生皆為愛取因緣所

攝故受是苦增長不息是故我當棄
捨愛取所攝因緣出向閑林獨而无
侶於第一義諦思惟而住如是先自
除苦然後乃能除衆生苦如是菩薩
以真實心欲令衆生離苦得樂當知
此心從大悲起菩薩摩訶薩棄捨一
切愛取因緣出向閑林獨而无侶如
犀牛角於四聖種喜悅而住不念地
不念我地不念地我水火風大亦如
是不念色不念我色不念色我受想
行識亦如是不念眼不念我眼不念
眼我如是不念眼識不念我眼識不
念眼識我如是不念眼觸不念我眼
觸不念眼觸我如是眼觸因緣生受
若苦若樂不苦不樂不念樂不念我
樂不念樂我乃至不苦不樂亦如是
耳鼻舌身亦如是不念意不念我意
不念意我乃至意觸因緣生受若苦
若樂不苦不樂不念樂不念我樂不
念樂我乃至不念不苦不樂亦如是
乃至不念三受不念六想不念三行
不念六識不念色聲香味觸亦如是

不念虛空處不念識處不念无所有
處不念非想非非想處不念見不念
聞不念覺不念知不念代謝不念覺
觀不念心不念此世間不念彼世間
不念過去不念未來不念現在不念
斷不念常不念三昧不念禪不念捨
不念盡不念用不念生不念滅不念
我不念數不念黑不念白不念勝不
念劣不念行不念住不念坐不念卧
不念闇不念明不念作不念三界不
念剎鄰亦如是

呵呵呵呵呵呵

哇囉咩

哇囉

臆移 沓婆老

沓婆揭勒叉移

陀婆木叉移

蘇婆賀

善男子是名菩薩摩訶薩住於閑林
修第一義諦佛說如是阿蘭若第一
義諦時有八十億百千頻婆羅諸天
及人於第一義諦曾修習者皆得無
生法忍復有恒河沙等天人得柔順
忍復有過虛空量諸衆生等得不忘
菩提心三昧復有八万四千比丘得
无漏心解脫

今時世尊復作是言善男子若有善

薩摩訶薩如上所說棄諸愛取所攝
因緣乃至如我所說修第一義諦時
云何菩薩摩訶薩得如月以四无尋
成熟衆生能滿六波羅蜜善男子如
菩薩摩訶薩觀諸衆生皆為三毒猛
火熾然生老病死憂悲苦惱皆亦熾
然不得解脫作是觀時菩薩於彼諸
衆生所起大悲心此是菩薩摩訶薩
得如月照除衆生無明黑闇如初日月
如菩薩摩訶薩為除衆生諸苦惱故
捨諸愛取所攝因緣此是菩薩摩訶
薩得如月照除衆生無明黑闇與義
無尋相應成熟衆生為滿六波羅蜜
故如二日月

如菩薩摩訶薩出向閑林獨而无侶
如犀牛角於四聖種喜悅而住此是
菩薩摩訶薩得如月照除衆生无明
黑闇與法無尋相應成熟衆生為滿
六波羅蜜故如三日月

如菩薩摩訶薩修第一義諦此是菩
薩摩訶薩得如月照除衆生无明黑
闇與詞無尋相應成熟衆生為滿六
波羅蜜故如四日月

如菩薩摩訶薩於三界境界及一切樂皆悉棄捨修第一義諦此是菩薩摩訶薩得如月照除衆生一切渴愛與樂說無尋相應成熟衆生為滿六波羅蜜故如五日月

如菩薩摩訶薩棄捨現在人中樂亦不怖望於五欲樂而修第一義此是菩薩摩訶薩得如月照除衆生一切瞋闍成熟衆生能滿檀波羅蜜是故菩薩摩訶薩於諸衆生如六日月

如菩薩摩訶薩於諸境界得奢摩他定此是菩薩摩訶薩得如月成熟衆生能滿尸羅波羅蜜是故菩薩摩訶薩於諸衆生如七日月

如菩薩摩訶薩三界境界休息相應不分別瞋不分別慈此是菩薩摩訶薩成熟衆生能滿羼提波羅蜜是故菩薩摩訶薩於諸衆生如八日月

如菩薩摩訶薩一切三界休息相應不分別極不分別此是菩薩摩訶薩成熟衆生能滿毗梨耶波羅蜜是故菩薩摩訶薩於諸衆生如九日月如菩薩摩訶薩為悲愍衆生故而修

第一義此是菩薩摩訶薩成熟衆生
能滿禪波羅蜜是故菩薩摩訶薩於
諸衆生如十日月

如菩薩摩訶薩為衆生故於諸三界
陰界諸入三受等事不分別極不分
別住如實際而修第一義此是菩薩
摩訶薩成熟衆生能滿般若波羅蜜
是故菩薩摩訶薩於諸衆生如十一
日月如是善男子此是菩薩摩訶薩
住於閑林修第一義時得如月以四
无尋成熟衆生能滿六波羅蜜

復次善男子云何菩薩摩訶薩修第
一義時成熟衆生復得如月善男子
如菩薩摩訶薩住於閑林若行若住
若坐若卧捨離分別一切三界陰界
入等住不分別修第一義時諸地行
天龍夜叉羅刹阿修羅鳩鵝茶餓鬼
毗舍遮富單那迦吒富單那飢渴寒
熱更相怖畏逼迫身心常懷瞋惡於
諸衆生而無慈愍不觀後世畏彼諸
天龍乃至迦吒富單那往菩薩所見
已大笑而欲奪於菩薩精氣又以惡
氣而欲虛之及欲打害散乱其心彼

諸鬼神雖起此惡去一由旬不能往到彼菩薩所何能以氣嗔之奪其精氣及以打害散乱其心彼諸鬼神心極生怖復亦第一取惡形色欲令菩薩畏之心裂然此菩薩若行若住乃至不能動其一毛何況能作諸餘惱乱彼諸天龍乃至迦吒富單那以一切方便不能少分惱乱於彼修第一義諦菩薩摩訶薩彼等便於修第一義諦菩薩摩訶薩所得敬信尊重敬仰心生希有以於菩薩生敬信故身心苦盡得樂充滿彼等復數詣菩薩所接足礼敬還其本處遊行止住復於衆生更相敬重常生慈心不怖畏心不胆佞心不惱害心無怨讎心不鬪諍心作平等心休息煞生心乃至休息諸邪見心彼等數數向於菩薩極作敬重頭面礼足發願懺悔一切罪業而作是言我等從今乃至久遠生死流轉隨幾時中亦常恭敬供養仁者以為左右親友知識兄弟眷屬及作檀越乃至菩薩於阿耨多羅三藐三菩提得成正覺是時仁者於

三乘中與我授記以仁者力故我等當於生死流轉而得解脫入无畏城此是菩薩摩訶薩修第一義時成熟衆生能滿六波羅蜜是故菩薩摩訶薩於諸衆生如十二日月

如菩薩摩訶薩住於閑林修第一義時所有空行天龍夜叉羅刹阿修羅鳩槃荼餓鬼毗舍遮富單那迦吒富單那於諸衆生猶惡瞋恚無有慈愍不觀後世畏作如是等諸惡形色非威儀事乃至不能惱彼住於閑林修第一義諦菩薩摩訶薩一毛何況能作諸餘惱乱彼等天龍便於菩薩摩訶薩所心得敬信乃至休息十不善道彼等數數向菩薩所發願懺悔一切罪業乃至至仁者於三乘中與我授記我等當於生死流轉而得解脫入无畏城此是菩薩摩訶薩修第一義時成熟衆生能滿六波羅蜜是故菩薩摩訶薩於諸衆生如十三日月

如菩薩摩訶薩住於閑林修第一義時彼諸天龍乃至迦吒富單那向彼菩薩摩訶薩邊懺悔業障衆生障法

障煩惱障乃至是諸衆生得成熟故
能滿六波羅蜜是故菩薩摩訶薩於
諸衆生如十四日月

如菩薩摩訶薩住於閑林修第一義
時彼諸天龍夜叉羅刹鳩槃荼餓鬼
毗舍遮富單那迦吒富單那獷惡瞋
恚於諸衆生无有慈愍不深敬信不
觀後世畏乃至於彼修第一義諦菩
薩摩訶薩所深得敬信尊重敬仰生
希有心一切皆恚棄捨惡業及捨舍
宅晝夜詣彼修第一義諦菩薩摩訶
薩所修行如上休息然生於諸衆生
生悲心利益心憐愍心而住休息偷
盜邪婬妄語此是修第一義菩薩摩
訶薩能滿檀那波羅蜜如彼休息兩
舌此是菩薩摩訶薩能滿尸羅波羅
蜜如彼休息惡口此是菩薩摩訶薩
能滿羼提波羅蜜如彼休息綺語此
是菩薩摩訶薩能滿毗梨耶波羅蜜
如彼休息貪瞋此是菩薩摩訶薩能
滿禪波羅蜜如彼休息邪見得正見
數數作如是願當令我等得无上智
此是菩薩摩訶薩能滿般若波羅蜜

如彼天龍乃至迦吒富單那於彼修
第一義菩薩摩訶薩所深得敬信亦
復不勤怖畏刹刹沙門婆羅門毗舍
首陀亦不怖畏男夫婦女童男童女
亦不怖畏象馬師子虎豹豺狼獐鹿
鳥獸亦不怖畏國土城邑聚落舍宅
亦不怖畏地水火風亦不怖畏藥草
林樹花果等物此是菩薩摩訶薩修
第一義時成熟衆生乃至能滿六波
羅蜜是故菩薩摩訶薩於諸衆生如
十五日月一切圓滿如是菩薩摩訶
薩住於閑林修第一義諦速能滿足
六波羅蜜譬如十五日月衆星圍繞
微妙可愛如是修第一義諦菩薩摩
訶薩為彼信心諸天龍等乃至迦吒
富單那善行圍繞微妙可愛譬如十
五日月照除一切無明黑闇如是修
第一義諦菩薩摩訶薩照除天龍乃
至迦吒富單那等十不善曜譬如月
體性涼冷能令熱惱諸衆生等身心
得樂如是修第一義菩薩摩訶薩令
彼天龍乃至迦吒富單那等瞋怒所
惱者令住慈心身得安樂譬如月令

失道者見道如是修第一義諦菩薩
摩訶薩令諸失道天龍夜叉乃至迦
吒富單那等於天人所皆生慈愍乃
至能見於三乘道譬如十五日一
切圓滿照於月愛摩尼寶珠如是寶
珠以月光照故能出多水滿於小河
及諸大河又滿大海如是修第一義
諦菩薩摩訶薩以如是等威儀力故
乃至迦吒富單那得深敬信不怖刹
利乃至不怖童男童女不怖城邑乃
至不怖樹林花果以此因緣人非人
等乃至迦吒富單那獐鹿鳥獸各於
所須具足充滿以彼所須得充滿故
不相惱害身心安樂於十善業道堪
能修行乃至於天人中得受果報具
足快樂以是因緣於三乘中得不退
轉如是諸天人等多得饒益如菩薩
摩訶薩住於閑林修第一義能令諸
天人等得安隱樂以是等故速能滿
足六波羅蜜是故菩薩摩訶薩當住
閑林修第一義於一切善根三昧陀
羅尼忍辱堅固得佳成熟
如須弥山王善得安住如是修第一

義諦菩薩摩訶薩於一切善根檀波
羅蜜善得安住如師子獸王以尸羅
波羅蜜降諸煩惱如那羅延以羣提
波羅蜜伏諸三界一切惡見如波利
質多羅樹花始開敷以毗梨耶波羅
蜜種種善根花得開敷如日輪燄光
以禪波羅蜜能除一切無明黑闇如
十五日月一切圓滿以般若波羅蜜
功德莊嚴所願圓滿如如意寶能除
貧窮以方便力種種善根不可窮盡
智財無減法願充滿猶如大雲能降
大雨如是菩薩摩訶薩住於閑林修
第一義乃能降注諸法寶雨如菩薩
摩訶薩修第一義善能安住於菩薩
行一切魔事終不能動得不退轉於
阿耨多羅三藐三菩提亦得圓滿種
種功德寶花莊嚴得到一切諸法智
明如幢上摩尼寶能成一切義如毗
沙門王賢瓶能到一切智炬如得月
愛摩尼寶珠在於手中一切所知皆
得圓滿猶如大海亦如冬時著慚愧
衣如勇健人巧用種種堅牢器械如
善化伏藏養育一切衆生如阿那婆

達多池緊那羅等均平受報猶如蓮
花諸煩惱泥不能染汙如寶花聚百
千法門種種圖遶猶如寶鬘一切聲
聞辟支佛等之所瞻仰猶如泉池淨
水盈滿洗除衆生諸煩惱垢如斯陀
大河盪除衆生一切煩惱諸惡見垢
如大河中舩能度衆生諸煩惱河如
枳薩利師子降伏一切衆邪異道如
帝釋金剛杵降伏一切煩惱阿修羅
猶如傘蓋遮障衆生諸煩惱雨如大
梵王令諸衆生度於流轉生死曠野
亦涅槃道是名菩薩摩訶薩住於閑
林修第一義時成熟如是無量功德
如是善男子第一義諦是何句義第
一義諦是五根句義第一義諦是三
昧根義大慈大悲義深信一切智義
以四攝法攝受一切衆生義護持正
法義勤求一切佛法義遠離諸難義
住佛功德義超過聲聞辟支佛地義
能淨三業義以諸三昧莊嚴心義淨
三惡趣令諸衆生捨邪道義信解忍
義成熟衆生無生忍義捨離憎愛義
於諸法決斷義分別一切法義勤求

一切智義得一切助菩提義覺了十
二因緣義分別上首義三不護義四
無畏義十力義大慈大悲成熟衆生
義方便勤求如來十力第一義諦義
十地義登祚地義降魔義得一切種
智義轉法輪義降法雨義度一切衆
生義建立八聖道義第一義諦有如
是等无量義善男子第一義諦盪
諸結垢滅一切惡能度衆生煩惱於
泥枯竭愛河超過一切流轉曠野破
諸見網照除无明降伏諸怨斷除憂
感諸根適悅令入正道覺悟諸法增
長善根捨諸凡愚入賢聖位到菩提
道善男子如是第一義諦一切功德
皆悉圓滿成熟無上最勝智慧能令
衆生到於一切生死彼岸

尔時月藏菩薩摩訶薩白佛言世尊
所謂三昧三昧者是何身是何攀緣
是何想是何相是何性第一義諦是
何身是何攀緣是何想是何相是何
性佛言善哉善哉善男子汝於三昧
久已修習善根圓滿汝今為於諸衆
生故問於如來如是等義善男子汝

今諦聽善思念之吾當為汝分別解
說月藏菩薩摩訶薩白佛言世尊唯
然受教佛言善男子諸聲聞乘三昧
者名不善三昧三界身顛倒攀緣不
淨想厭離相不喜樂性
地界三昧者不分離身取攀緣重想
堅相碎壞性

水界三昧者不分離身滿攀緣潤想
稀軟相枯竭性

火界三昧者不分離身成熟攀緣熱
想燒相盡滅性

風界三昧者不分離身吹舉攀緣无
尋想急疾相輕舉性

分別陰三昧者渴愛身緣起攀緣棄
捨想苦相無我性

空三昧者通利法身諸法攀緣無物
想開覩相畢竟空性

無相三昧者捨三結身涅槃攀緣空
想休息相究竟盡作性

如是无願心心法三昧者五識身因
緣攀緣常修行想速疾相无所依性

此等是聲聞乘三昧

修是緣起三昧名緣覺乘三昧

安住大乘善男子慈三昧者憶念身衆生攀緣無尋想无瞋相不濁性

悲三昧者憶念身衆生攀緣不害想救拔相愍惻性

喜三昧者憶念身衆生攀緣樂著想愛樂相常慶喜性

捨三昧者憶念身衆生攀緣無瞋喜想常捨相無功用性

念佛三昧者法性身形像攀緣色處想愛敬相歡喜性

念阿那波那三昧者以身為身念為攀緣不住想冷熱相生滅性

善男子如是第一義諦四禪滅空三昧三摩跋提依阿那波那念何謂阿

那波那念阿那言入息波那言出息念謂心法

善男子彼入息出息當修修已身猗心亦得猗當云何修一者數二者隨順三者止住四者觀相五者轉還六者快淨數有二種作一者依彼除覺觀二者取出入息相隨順亦二種作一者依出除覺觀二者取入息相止住亦二種作一者示現出入息漸漸

減盡二者安住三昧觀相亦二種作
一者亦現出入息漸漸減盡二者觀
察心心諸法種種別異處處止住轉
還亦二種作一者息三種受二者止
三種行以此得淨空三昧何者為空
三昧見諸法无命觀諸法無主於彼
得住七種空何者為七所謂陰空界
空入空諦空因緣空法空性空是名
空三昧住是空三昧則增長因緣息
增長因緣息則事休息事休息故則
道休息善男子此是菩薩摩訶薩第
四禪不可得无言說得第一義諦三
昧非聲聞辟支佛境界菩薩摩訶薩
得禪定處畢竟不墮聲聞辟支佛地
能滿六波羅蜜於七日夜成熟无量
億那由他百千衆生天龍夜叉乃至
迦吒富單那等何況能多日夜隨其
所有國土城邑有如是等住第一義
禪菩薩摩訶薩於彼國土有十二種
功德利益何等十二者於彼世界
國王不瞋惱婆羅門不瞋惱沙門不
瞋惱毗舍不瞋惱首陀不瞋惱男夫
婦女童男童女及畜生類禽獸等不

瞋惱二者於彼國土他方怨敵不來
侵國兵杖不起三者於彼國土無賊
殺无斯詐無矯誑四者於彼國土惡
人不入無諸疫病唯除四大相違病
者終不橫死除自報盡五者於彼國
土亦无非時風雨寒熱六者於彼國
土一切衆生無有瞋惡急躁虛癘顛
倒見取為癡所覆天龍夜叉羅刹阿
修羅鳩槃荼餓鬼毗舍遮富單那迦
吒富單那師子白象虎豹豺狼毒蛇
蝮蠍七者於彼國土亦無蚊室惡蠅
虱蚤鼯鼠野狐訓狐兔鼻及以鷹鷂并
餘傷害食苗稼蟲八者於彼國土花
果美味皆悉甘脆無苦辛澁无味等
物亦無飢饉果藥豐饒九者於彼國
土大地平正無有曠野高下嶮難地
無益鹵亦無坑澗花果樹林常得青
翠扶疎蔚茂是故衆生不乏衣食所
須常得饒益安樂十者於彼國土人
無怨讎鬪諍毀訾亦无言訟皆生慈
心利益心同心喜心施心戒心忍心
精進心禪定心智慧心求法心不違
反心勤求三乘心求解脫心知足心

唯除過去諸不善業怨讎心等十一

者於彼國土當得諸佛住世若無諸佛有緣覺住若无緣覺有聲聞住若无聲聞有五通仙住於彼國土常有如是應受供人十二者於彼國土無惡名稱不可樂聲所謂謫罰聲鬪訟聲獄繫縛聲煞害聲者鎧甲聲捕獵聲偷盜聲罵詈聲期尅聲僉聲飢饉聲少衣服聲欺陵聲病聲邪姪聲妄語聲兩舌聲虛獷語聲綺語聲貪聲瞋聲歸依惡天神聲於彼國土常无如是諸惡邪聲常有如是好聲滿足所謂三寶聲三律儀聲四梵住聲四攝聲六波羅蜜聲无生法忍聲登祚聲不受後有聲降魔聲轉法輪聲降法雨聲於彼國土以此諸聲常得充滿修第一義禪菩薩摩訶薩隨所住處於彼國土諸衆生等皆得趣向无上菩提於三界中聲震於世若有菩薩摩訶薩欲得速滿六波羅蜜及欲成熟無量無數万億衆生速成阿耨多羅三藐三菩提當詣閑林於四聖種相應而住如是菩薩摩訶薩以第一

義諦得八地智。今時世尊欲重明此義而說偈言。

月藏問尊天人師。願為我說上月語。
云何菩薩住蘭若。云何修習第一義。
云何於彼得如月。與義相應无寻智。
能成無數億衆生。亦能速滿於六度。
斷除煩惱及諸行。佛說修習第一義。
見三界苦煩惱大。老病憂悲死熾然。
於諸衆生生憐愍。速捨愛取攝因緣。
喜樂聖種住蘭若。於第一義常相應。
修諸禪者捨六根。亦捨愛取陰界入。
三界境界愛盡除。遠離三世及斷常。
於禪損減盡不念。是人得離黑白塵。
亦離明闇諸分別。亦常修習第一義。
捨離陰界住菩提。於諸世間得如月。
國土衆生息驚怖。猶如滿月照世間。
如是衆生得安樂。如月性冷衆光明。
於諸國土惡聲息。如是功德亦如月。
若人修習第一義。微妙音聲滿世間。
儉病闕諍志休息。令諸衆生向善提。
信順忍成第一義。悟無生忍亦復然。
亦以此成無寻智。亦能速滿於六度。
亦以此法成衆生。亦以此法速成佛。

聲聞不善處 顛倒亦應離 地界不分離
堅重碎壞性 水界不分離 希潤枯竭體
火界燒煮熟 熱想盡滅性 諸陰是愛性
因緣得休息 空有於七種 法物令開現
無相除渴愛 休息於諸結 捨諸集因緣
皆以无願力 修習因緣起 唯是緣覺乘
大乘諸衆生 修行諸梵住 安般念三昧
開示於身心 心能住无事 休息三種取
不可得言說 是名第一義 非彼二乘地
安住此實際 若以此三昧 成熟無數衆
名稱滿於中 是人速成佛 是故若欲滿
檀等波羅蜜 及欲成佛道 常樂阿蘭若
若常樂蘭若 修諸聖德行 速捨諸緣導
得成佛菩提

尔時世尊說是第一義時於彼衆中
五百七十菩薩摩訶薩曾於過去修
此法者一切皆得無生法忍復有六
十百千頻婆羅菩薩摩訶薩曾修此
法彼等皆志於十地行得自然智復
有六十百千那由他頻婆羅衆生曾
於過去修四梵住及四无尋彼等皆
得月藏三昧自然成熟得八地智復
有八万四千比丘得盡諸漏心得解

脫如恒河沙數諸衆生等未發無上
菩提心者皆於阿耨多羅三藐三菩
提得不退轉

大集經卷第四十八

壬寅歲高麗國大藏都監奉

勅彫造

大方等大集經卷第四十九

有

高齊天竺三藏那連提耶舍譯

月藏分第十四魔得信樂品第六

今時有一帝釋天王名曰火光與大衆集在於會坐白橋尸迦帝釋言橋尸迦此魔波旬為當欲令住於閑林與第一義相應菩薩摩訶薩等得三昧故勤作惱亂為欲退彼三昧故也時橋尸迦答彼火光天帝釋言是魔波旬於四天下一切處中令諸衆生退失留難善男善女故勤作惱亂又令退失留難檀波羅蜜乃至般若波羅蜜故勤作惱亂復令退失天人種故三種菩提故增長三惡道故勤作惱亂魔諸眷屬亦復如是為欲增長一切衆生大苦海故勤作惱亂橋尸迦說是語已于時一切諸來大衆皆以慈心瞻視魔王有諸菩薩摩訶薩等慈愍勸諫魔王波旬是時火光帝釋復與一万帝釋天衆悉共合掌向魔波旬作如是言大王慶喜慶喜於三寶中應生信敬是時娑婆世界主大

梵天王與六十億百千梵衆及四天
王慈心眼視魔王波旬亦作是言慶
喜慶喜汝魔波旬若於三寶不得信
敬未來長夜有大損失無所利益墮
諸惡道是魔波旬為彼一切諸來大
衆各各皆以慈心眼視及諸菩薩摩
訶薩等釋天梵天護世四王勸諫之
時從座而起合掌向佛頭面礼足而
說偈言

智者一向棄王位 以有煩惱嫉妬慢
故令失壞勝善道 墜墮諸惡不善趣
我以富貴狂因緣 於善導師多留難
遮障衆生諸善業 初不見佛起瞋心
世尊一向常忍辱 慈悲憐愍諸衆生
等心一切已慢除 枯竭衆生煩惱海
惟佛燒盡煩惱薪 能示人天解脫道
今億衆生度有海 我盲無智入闇冥
我今啓請諸大衆 願以慈愍助我等
謝過如來住堅信 更不重起惱亂心
我今一向護佛法 熾然光顯正法眼
自捨所有貪妬慢 懺悔無餘諸罪業
我今發大菩提心 及勸一切衆生等
白修精進滿六度 置彼衆生於八道

我為二衆生故 願說無量諸法門
隨所能令入法城 如是勤勸一切衆
未曾見有如此會 志能淨信於三寶
由我惡心被厭賤 故今捨之及衆過
從今永住淨信心 願後更不被厭賤
心與聖德常相應 不復造作衆惡業
今時魔王說此偈已 即向佛所到已
禮拜而說偈言

我於世尊作留難 願以上忍見容恕
救孤獨者受我懺 大智慈仁不懷瞋
今時一切諸來大衆咸同一音而白
佛言婆伽婆唯願容恕魔王波旬魔
今深信誠心懺悔當持佛法熾然法
眼令世尊法久住於世復使人天長
夜當得利益安樂今時世尊以偈答曰
忍為世間取 忍是安樂道 忍為離孤獨
賢聖所欣樂 忍能顯衆生 忍能作親友
忍增美名譽 忍為世所愛 忍得富自在
忍能具端正 忍能得威力 忍照於世間
忍得諸欲樂 忍能成工巧 忍力降伏怨
及以除憂惱 忍得好容色 忍能具眷屬
忍招諸勝報 忍能超善道 忍得人樂觀
忍能得妙好 忍能具諸苦 忍得壽命長

忍得大梵王 忍得欲自在 忍得天帝釋
輪王具神通 忍得人中主 忍力難降伏
忍得龍夜叉 修羅中自在 忍能息諸怨
不害於衆生 忍能離偷盜 忍能捨姪欲
忍能止妄語 兩舌綺惡言 忍能除貪瞋
及離邪見意 忍力成施戒 精進及禪那
般若波羅蜜 能滿此六度 忍能除諸惑
忍得羅漢樂 亦得辟支佛 及住无生忍
忍能具十地 速得菩提道 忍於諸衆生
得為無上勝 忍能降衆魔 及伏諸外道
忍能於世間 轉取无上輪 忍令多衆生
枯竭三惡道 忍斷煩惱障 及能淨法眼
忍授衆生記 三乘隨所求 忍能伏剛惡
夜叉羅刹等 忍與種種人 授記取勝道
忍已降諸怨 亦能滅衆惡 忍能息一切
非時暴風雨 忍能作大集 此諸所來衆
我怨汝波旬 於我諸曠廢 但自謝已心
是我第一怨 今於大衆前 證知勸誡汝
莫壞我所習 一切佛正法
尔時一切諸來大衆天人阿修羅
閻婆等 同聲歎言善哉善哉 婆伽婆
如來常於一切衆生慈悲憐愍 以諸
善法饒益安樂 魔王波旬常於世尊

起憎惡心怨心害心與諸衆生為惡
知識於諸善法常作留難令住不善
時有梵天名曰威德白不動大梵天
王而說偈曰

如空无邊亦無等 一切衆生所依住
佛智如是不思議 於一切法到彼岸
世尊有數檀行處 憐愍一切衆生故
以檀得為功德士 速能滿諸波羅蜜
或有廣說戒忍進 及以禪那般若等
世尊於此一一中 具足能顯於六度
如來唯以禪定法 說能趣向菩提道
是故常應樂住禪 速能證於大菩提
尔時復有一切梵王諸帝釋王諸餘
天王諸龍王諸夜叉王諸阿修羅王
諸伽樓羅王諸緊那羅王諸乾闥婆
王諸摩睺羅伽王諸羅刹王諸鳩槃
荼王諸餓鬼王諸毗舍遮王等從座
而起向魔波旬合掌而札作如是言
大王敬信敬信牟尼世尊以此世尊
解脫諸過到於一切功德彼岸慈悲
憐愍諸衆生等施一切樂覺了諸法
捨諸流轉住於彼岸又言大王若有
衆生乃至一念深信如來敬仰尊重

歎未曾有以敬信故得作輪王統四天下七寶具足乃至得作帝釋天王欲自在主魔王波旬娑婆界主大梵天王何況常能具信三寶是故大王應捨魔見諸惡濁心具足淨信於生死流轉富貴自在受諸果報後成正覺能施衆生一切安樂得為世間無上福田今時魔王復與諸臣頂礼佛足專心敬信牟尼世尊懇懃懃謝今時世尊以偈告曰

惡心奸慧汝當起 我常容忍天人證至心修行菩提道 汝當作佛无边慧今時魔王極生淨信即持無價摩尼寶鬘無價咽瓔珞辟瓔珞脚瓔珞及以拍印奉獻世尊合掌而礼作如是言我昔於佛多作留難為欲破壞正法眼目斷三寶種壞滅法炬何以故遠離善法迷惑心故今於三寶深得敬信本昔所作一切業障今已懺悔已發阿耨多羅三藐三菩提心蒙得授記唯願世尊哀受我等摩尼寶鬘瓔珞拍印今時世尊慈悲憐愍魔波旬故即便受之今時魔王心生大喜

作如是言若佛所有聲聞弟子比丘
比丘尼優婆塞優婆夷若復餘人宴
坐閑林與第一義相應住者現在未
來若魔魔子魔婦魔女魔諸左右男
夫婦女及依魔住所所有衆生若天天子
龍子龍婦龍女龍諸左右男夫婦女
乃至迦吒富單那若子若婦若女若
諸左右男夫婦女嬈乱褻害取其精
氣氣嗟其身散乱其心若奪衣服飲
食湯藥若教他奪若奪其味若以鼻
嗅若放鼻氣滿其住處若復見彼住
於閑林比丘比丘尼優婆塞優婆夷
及餘衆生修第一義者若不勤作供
給供養衣服飲食及以湯藥我當令
彼若魔魔子乃至迦吒富單那左右
男女得頭病眼病耳病腹病如是等
病之所逼惱退失神通不復能得飛
空遠逝一切方所皆迷闇冥魔王波
旬作是語已即說呪曰

菴摩老

天戒

喝囉摩老

菴摩摩

囉老

莫叉鞞闍婆帝

莫叉蘇

兜帝

阿婆羯徒

阿婆垣唎

時那匙

上支

那摩伽娑婆婆犀

頌

羅棄摩那底梨

浮闍跋囉

垣

泥阿佉嘍老摩佉跋弥

陀羅阿

鞞斯羅佉鞞娑

牟達羅佉鞞

畢梨剌毗

沮寐帝鬱持迦

沮

寐帝

垣闍沮寐帝婆耶婆沮寐

帝 阿迦奢妹囉

沮寐帝分亦

那囉夜拏

佉婆沮丈支

摩醯

首婆囉沮丈支

阿娑遮婆

沮丈

支 薩兜婆僧棄耶跋柘

沮丈

支 鉢囉摩頌他

沮丈支 鉢

囉伽拏

鉢囉頌他

沮丈支

多婆跋囉多

沮目多

鉢囉摩

頌他 沮丈支邏

蘇婆呵

尔時一切諸來大衆於中所有惡行

惡心於諸衆生無慈悲者皆悉驚怖

魔王波旬復作是言若有違我此教

令者當得如上衆病等惱復次世尊

我今攝護佛子聲聞伏諸惡行不令

現在及未來世作諸衰惱能使世尊

法眼久住令三寶種不斷於世尔時

世尊復讚魔言善哉善哉如是波旬

汝於長夜具大功德無復諸惡一切

尔時一切諸來大衆諸天及人乾闥婆等皆志讚言善哉善哉魔王波旬能於三寶深得淨信如是佛法長夜熾然天人當得入無畏城閉塞惡道常開善趣解脫之門於四天下所有鬪諍疫病飢饉非時風雨皆得休息又令四天下常得安隱豐樂可樂多衆盈滿尔時魔王礼世尊足右遶三匝退坐一面尔時大衆欲重明此義以偈頌曰

魔心決定得歡喜 懺謝如來及眷屬
真心踊悅作是語 慈悲人前捨諸惡
猶如虛空无邊際 佛智境界亦如是
覺了無邊諸法已 於世說法最第一
或有說檀勝无等 以檀能得妙菩提
或復有說尸羅忍 精進禪定及智慧
如是種種方便說 亦現無等大菩提
天人修羅應當知 世尊降伏自在魔
此經佛說忍為最 能得一切安隱樂
忍能休息諸煩惱 能亦勝妙解脫城
卑心合掌咸向佛 懺悔已作諸惡業
當發取勝菩提願 我等必當作導師

自然如來授記已 魔王速成等正覺
及餘百千衆生等 亦與無上菩提記
已滿忍辱波羅蜜 速為无等大導師
與諸善法作依止 護諸聲聞故說呪
若魔依魔諸神鬼 夜叉修羅富單那
如有惱害佛子者 當以惡病著其身
一切大衆皆踊悅 歡喜咸作如是言
以此業故法熾盛 則得久住於世間
魔王安住淨忍心 三寶水泉難枯竭
當息世間一切濁 飢饉暴風及亢旱
是故人天得諸樂 本所修習忍辱行
樂檀尸羅忍方便 到進禪智大彼岸
尔時世尊顯說如是忍功德時九百
八十萬諸天人等曾修忍者一切悉
得無生法忍十頻婆羅百千人得柔
順忍億那由他百千天人得須陀洹
果過於數量諸衆生等得世正見十
頻婆羅百千天人阿修羅夜叉羅刹
昔未曾發阿耨多羅三藐三菩提心者
悉得發心及不退轉百万衆生得授
阿耨多羅三藐三菩提記

大方等大集經月藏分第十四鬼神集會品第七

尔時護世四大天王從座而起合掌

向佛頭面禮拜作如是言婆伽婆此
閻浮提種種國土城邑村落園林寺
舍山澤等處所有諸惡天龍夜叉羅
刹阿修羅鳩槃荼餓鬼毗舍遮富單
那迦吒富單那依彼住者瞋惡積戾
無慚无愧於諸衆生無有慈愍常害
他命及作惱亂彼諸天龍乃至迦吒
富單那等於閻浮提非時數數起於
亢旱惡風雷雨闇暝灰塵嚴寒毒熱
以是災害壞諸苗稼五穀華果葡萄
甘蔗劫貝等物故令衆生多有種種
飢饉疫病愛別離苦衆惱逼切各各
迭相怖懼鬪戰心常恐懼諸王刹利
於已眷屬五欲衆具不生熹樂於已
國土觸惱一切沙門婆羅門毗舍首
陀男夫婦女童男童女亦復觸惱象
馬牛羊師子虎豹豺狼狗犬一切禽
獸皆令觸惱於諸衆生種種因緣而
逼惱之晝夜殺害燒爇割截五穀財
帛所欲供具身心樂事及諸善行皆
悉損減以是因緣令人天等善趣減
少又令閻浮提善事減故不可愛樂
我等一切不能遮護今此世尊大集

之處一切大士菩薩摩訶薩諸聲聞
衆皆悉雲集一切天王及與眷屬一
切龍王阿修羅王乃至一切毗舍遮
王悉與眷屬皆來集會世尊彼等於
此閻浮提一切國土城邑村落山谷
寺舍園林之處惟願世尊分張付囑
天龍夜叉羅刹阿修羅鳩槃荼餓鬼
毗舍遮等各令護持若彼天龍乃至
毗舍遮於閻浮提作於一切閻諍觸
惱非時風雨疫病飢饉寒熱等事各
各隨分而遮護之若於閻浮提所有
閻諍觸惱疫病飢饉非時風雨寒熱
等事皆悉休息今閻浮提所有華果
藥草刳貝財帛五穀甘蔗葡萄及酪
蜜等皆得成熟所有苗稼不令衰壞
於閻浮提諸處人中及獐鹿鳥獸隨
其所欲皆無乏少以无乏故令彼衆
生修諸善行修正法行修真實行勤
修而住令彼諸善增長不退以是因
緣此閻浮提安隱豐盛人多盈滿甚
可愛樂世尊正法則得久住一切人
天所願滿足衆生悉得趣向善道及
涅槃道離三惡趣今三寶種得不斷

絕尔時四天王欲重明此義以偈頌曰
於此閻浮提所有諸國土惡天龍夜叉
羅刹鳩槃荼餓鬼毗舍遮迦吒富單那
瞋惡無恩養无慈於衆生彼等無慚愧
觸惱諸刹利沙門婆羅門毗舍及首陀
師子象虎豹非時惡風雨疫病及飢饉
能令衆生苦彼等害衆生毀壞於世間
殘害諸苗稼及滅正法燈我等四天王
不能遮此惡願佛當分布國土城邑等
付囑龍夜叉羅刹鳩槃荼令彼各遮護
非時惡風雨息諸怖畏惱令無病飢饉
華果藥苗稼充足衆美味衆生不乏少
所用諸供具一切善法增令得可樂事
佛法得久住衆生趣善道三寶種不絕
願佛常哀愍大地具衆美離諸苦辛味
華果皆具足種種味充滿泉池陂河等
淨水常充滿於諸苗稼等不能奪精氣
彼所進飲食心軟无虛穢慈念常相向
流轉淨无垢捨家衆事業住於阿蘭若
勤修菩提行令多衆生信法明得增益
令魔衆損減四天下豐樂諸處人充滿
尔時世尊問四天王釋提桓因娑婆
世界主大梵等言諸天王輩若見若

聞此賢劫初拘留孫佛及拘那含牟尼佛迦葉佛等出現世時云何以此閻浮提中所有天龍夜叉鳩槃荼等分張付囑為如我今菩提樹下初成正覺以此一切閻浮提中天龍夜叉鳩槃荼等分張付囑安置不也如是問已四大天王釋提桓因娑婆世界主大梵王等白佛言大德婆伽婆我等見聞此賢劫初拘留孫佛菩提樹下初成正覺以此閻浮提天龍夜叉鳩槃荼等分張付囑如今世尊菩提樹下初成正覺以此閻浮提天龍夜叉鳩槃荼等分張付囑等元有異彼拘留孫佛出現世時衆生壽命四萬歲彼時大地精氣衆生精氣法精氣等力得增上味增上威增上德增上慈增上勝增上智增上如是等事皆得增上今時依地果味衆華藥等衆生食者皆得軟心慈心悲心喜心捨心施心戒心忍心精進心禪定心智慧心離殺生心乃至離邪見心少欲知足少煩惱垢多福長壽離欲閑居愛樂正法獸患流轉熾三寶種以

是因緣得離惡道趣向善道今時諸
天乃至迦吒富單那一切禽獸悉得
具足如是等事次後衆生名壽損減
名壽損減故福德損減福德損減故
地味精氣損減地味精氣損減故衆
生精氣損減衆生精氣損減故衆生
心法作善慚愧損減衆生心法作善
慚愧損減故正法甘露精氣損減彼
諸衆生名壽損減乃至正法甘露精
氣損減故廣作殺生乃至邪見乃至
禽獸亦復如是如是衆生遠離善道
及涅槃道趣向惡道彼命終已生惡
道中若彼衆生生於夜叉乃至迦吒
富單那中者瞋惡無慈不視後世可
怖畏事廣作殺生乃至邪見彼等衆
生於閻浮提未得入於付囑護持分
中如是拘那含牟尼佛迦葉佛於菩
提樹下初成正覺以此閻浮提天龍
夜叉鳩槃荼等分張付囑如今世尊
於道樹下初成正覺以此閻浮提天
龍夜叉鳩槃荼等分張付囑等无有
異如是白法漸減黑法增長從是已
來無量那由他百千惡龍夜叉乃至

迦吒富單那生長番息常瞋穢惡不
懷慚愧於諸衆生無有慈心不觀後
世可怖畏事殘害他命食其血肉彼
等不入分布分中无定住處此惡龍
等不守護人乃至畜生常欲奪人精
氣斷他命根滅壞國土城邑村落寺
舍等處能令諸王瞋惱乃至能令畜
生等惱又復能令非時風雨嚴寒毒
熱壞滅一切華實苗稼如是惡龍乃
至迦吒富單那等不受我教我於彼
等不得自在是故於今五濁極惡白
法損滅如來出世一切衆生於慈導
師得生敬信尊重愛樂佛所發言稱
機利益具足功德智慧之聚得成大
悲六波羅蜜相應究竟所願得滿獲
六神通於法自在覆護攝受一切衆
生能與衆生一切善道及涅槃樂今
者於此本未曾有昔來未聞如是大
集一切天王及與眷屬皆來集會一
切龍王乃至日王夜叉王羅刹王阿
修羅王乾闥婆王緊那羅王伽樓羅
王摩睺羅伽王鳩槃荼王餓鬼王毗
舍遮王悉與眷屬皆來集此所未來

者今願世尊以神通力盡皆攝之若有諸惡鬼神無所繫屬不受他教瞋惡慮獷無有慈愍不觀後世可怖畏事殘害他命飲血食肉所不來者惟願世尊當復慈愍以神通力命彼鬼神及其眷屬皆來至此使得分布入他分中不令數數惱亂衆生以此方便令四天下大地餘味而不速滅精氣安住不復損減以地精氣不損減故衆生精氣住不損減衆生精氣不損減故正法甘露精氣住不損減正法甘露精氣不損減故衆生心法作善平等增長以是因緣令三寶種得不斷絕如是如是法眼久住閉三惡道開於善趣及涅槃門如是如是白法增長黑法損減如是如是天人增長無量天人志得充足涅槃快樂四天王等說是語時世尊觀察默然不言尔時娑婆世界主大梵天王憍尸迦及諸釋天四大天王皆共合掌告諸大眾我等咸白一切菩薩摩訶薩一切聲聞一切天龍夜叉羅刹乾闥婆阿修羅緊那羅伽樓羅摩睺羅伽餓鬼

毗舍遮富單那等一切大衆願悉勸
請如來法尊當使世尊令諸天衆悉
集於此一切龍衆乃至一切迦吒富
單那等亦悉來集彼等於閻浮提所
有國土城邑村落寺舍園林山谷曠
野河井泉池如是等處遊止住者分
張付囑令彼一切諸善天龍乃至一
切迦吒富單那分取安置各自當分
平等守護不令縱捨不令生惱各各
教彼同行其法常作善念折伏惡心
復令各各護持自分而不縱捨不惱
於他彼若各各當分平等作護持者
名稱流布得大勇猛獲大福報尔時
一切菩薩摩訶薩一切聲聞一切天
龍夜叉羅刹阿修羅伽樓羅緊那羅
乾闥婆摩睺羅伽鳩槃荼餓鬼毗舍
遮富單那迦吒富單那乃至一切諸
來大衆歡喜踊躍從座而起合掌向
佛一時同聲作如是言我等勸請如
來應供正遍知愍我等故利衆生故
得大悲心一切諸天乃至迦吒富單
那悉令集此彼等於此閻浮提中城
邑村落乃至依止泉池住者分張付

囑令彼天龍乃至迦吒富單那分取
安置若彼諸天乃至迦吒富單那等
各捨已分猶作惱害不遮惱他應當
治罰而折伏之願佛發勇作大佛事
一切盡皆分張安置今時世尊說偈
答曰

於此佛法中 無有惱他義 度於苦彼岸
諸處心平等 諸法无有二 導師捨憎愛
一道如虛空 此是佛境界 若有有為心
思惟未來事 彼以法非法 能攝鬼神來
今時復有一大梵天名曰正辯住第
十地聖無上聖以諸菩薩功德莊嚴
在會而坐此正辯天白諸天王一切
龍王一切阿修羅王乃至一切迦吒
富單那王作如是言汝等如是今從
如來得聞是義如佛世尊若行若住
若坐若卧不惱衆生汝等今悉一時
同聲發願怖求應當說言所有非人
一切天龍鬼神所攝常食精氣惱害
於他食肉飲血者彼等一切願護世
四王力勢折伏所有化生濕生胎生
卵生如是隨其所有諸龍夜叉羅刹
阿修羅伽樓羅乾闥婆緊那羅摩睺

羅伽鳩槃荼餓鬼毗舍遮富單那迦
吒富單那一切等類四生所依彼等
悉為四大天王力所攝伏願四大王
攝彼一切所不來者悉至於此

尔時一切天王乃至迦吒富單那王
作是願言除三十三天已下所有四
天王天及諸龍衆乃至迦吒富單那
四生所依一切無餘悉願依於四大
天王彼等四王力所攝伏若有諸天
乃至迦吒富單那等於四天王如有
違反一一王力不受教勅即當為彼
熾然鐵輪截其耳鼻若截耳鼻猶故
違者復令鐵輪截彼手足若截手足
猶故違者復斬其首若有乃至違四
天王教勅之者必令如是

尔時毗沙門天王即以熾然焰赫鐵
輪向於北方而遙擲之即說呪曰

多地夜他

窮窮尼邏窮

其風反

叉

婆窮 迦佉伽伽

尼迦佉闍羅廁

蘇婆呵

尔時毗樓博叉天王亦以熾然焰赫
鐵輪向於西方而遙擲之復說呪曰
多地夜他 尸梨器 尸羅器 伽

伽那

尸梨器

又尸羅器底

闍

梨

蘇婆呵

尔時毗樓勒叉天王亦以熾然焰赫

鐵輪向於南方而遥擲之即說呪曰

多地夜他

闍邏鼻唎師

闍邏鼻

唎師

志多婆

闍邏鼻唎師

達

羅尸

闍邏闍囉

鼻唎師

蘇婆呵

尔時提頭賴吒天王亦以熾然焰赫

鐵輪向於東方而遥擲之即說呪曰

多地夜他

阿那易

弋利反

阿那阿那

耶

阿那浮毗

阿迦奢浮毗

摩

系

下帝反

都易

蘇婆呵

尔時四方諸天乃至迦吒富單那及

諸大小樹林藥草神等遥見鐵輪熾然

焰赫恚大驚懼愁憂不樂恐命不存

觀十方已各作念言誰當有能救於

我等為歸為趣施我等命即便觀見

大悲世尊如寶利益諸衆生者佉羅

帝山牟尼諸仙所依住處大衆悉集

圍繞而坐唯彼當能救我等命即往

佛所疾如電光到佛前住如是十方

所有諸天乃至迦吒富單那等皆往

佛所到已而住

今時世尊欲重明此義而說偈言

時我兩足尊 問釋梵四王 為見為聞彼
過去諸導師 分布四天下 為令天等護
可不如我今 道樹下分布 天王答我言
如是昔諸佛 坐於道樹下 分與夜叉等
後因過及時 轉生諸雜惡 鳩槃龍夜叉
羅刹鬼單那 穢惡無慈愍 常食他肉血
彼惱於諸國 及惱四姓人 非時作風雨
及以寒熱等 飢饉病閼諍 滅壞大地味
无慈於一切 惱害多衆生 莫能遮護者
不伏於我等 是以地精氣 衆生精氣沒
正法妙精氣 難得者日損 時過因緣故
天人等損減 增長諸惡世 法朋難可得
法不久住世 滅壞正法燈 斷絕三寶種
世間當盲冥 今佛大勇猛 於白法盡時
出現闍浮提 大悲衆生藥 中言具六通
究了諸法岸 利益衆生故 作此大集會
一切天龍王 護世等來集 諸鬼惡無慈
恒食他肉血 龍鬼雷單那 彼等不來此
無所受教令 不依屬他分 一切受佛語
令彼皆來集 願分於彼等 各令有所屬
不令更惱害 奪他精氣等 三種精氣住
令人修法行 白法得增長 黑法得消滅

以是惡道息 天人得增益 解脫門得開
三寶種熾然 福流諸衆生 速能得解脫
于時我嘿然 不隨於彼等 梵王諸帝釋
四大護世王 俱白一切衆 所來在會者
勸請天人師 攝諸鬼來此 分張付囑彼
城邑諸村落 晝夜常護持 各令住自分
菩薩等大眾 從座起合掌 勸請大導師
攝諸鬼來此 一切分作分 護持閻浮提
勿惱於衆生 殺勇人中上 我不惱亂他
遠離去來事 了知法無二 離諸衆生想
正辯大梵王 告諸天王言 導師不惱他
佛法无此事 悉共發願言 令鬼不為害
分布各依止 彼四天王等 諸王作是言
我今依汝語 捨勅於彼等 悉令得作分
若彼不依教 速為輪所燒 于時四天王
使輪向四方 乃至一時頃 盡皆到佛所
頂礼世尊足 合掌於彼住

大集經卷第四十九

辛丑歲高麗國大藏都監奉

勅雕造

大方等大集經卷第五十

有

高齊天竺三藏那連提耶舍譯

月藏分第十四諸惡鬼神得敬信品第一之一
今時護世四大天王見無量阿僧祇
天龍夜叉乃至迦吒雷單那等種種
色種種形種種欲種種行種種性彼
等於諸衆生性无慈愍瞋惡廣穢不
觀後世畏不入他分無所護持數惱
剝利乃至畜生奪其精氣食其血肉
是諸鬼神俱來集已時四天王歡喜
踊躍各自問其所領大將

毗沙門天王問散脂夜叉大將言此
四天下所有夜叉若卵生胎生濕生
化生或依城邑聚落舍宅塔寺園林
山谷河井泉池塚間樹下曠野田中
閑林空舍大海寶洲若地行水行空
行一切無餘今悉來集世尊所不散
脂大將言大王此四天下所有夜叉
乃至大海寶洲若地行水行空行一
切無餘今悉來集在世尊所
提頭賴吒天王問樂欲軋闍婆大將
言此四天下所有軋闍婆餘如上說

毗樓勒又天王問檀帝鳩槃荼大將言
此四天下所有鳩槃荼餘如上說
毗樓博又天王問善現龍王言此四
天下所有諸龍摩睺羅伽樓羅諸
餓鬼等若卵生胎生濕生化生若依
城邑聚落舍宅乃至大海寶洲若地
行水行空行一切無餘今志來集世
尊所不善現龍王言大王此四天下
所有諸龍乃至餓鬼一切無餘今志
來集在世尊前

尔時四大天王釋提桓因娑婆世界
主大梵天王正辯梵天合掌向佛一
心敬礼而作是言大德婆伽婆此四
天下所有天龍乾闥婆緊那羅夜叉
羅剎鳩槃荼毗舍遮摩睺羅伽樓
羅諸餓鬼等若卵生胎生濕生化生
若地行水行空行一切無餘今志來
集在世尊所我等受諸大智人語勸
請如來惟願世尊哀愍我等諸衆生
故令惡衆生得敬信故為正法眼得
久住故紹三寶種不斷絕故令地精
氣衆生精氣正法精氣久住增長故
又令善道及涅槃道八直聖道常不

滅壞及增長故世尊此闍浮提所有
城邑聚落舍宅乃至寶洲一切無餘
天龍夜叉乃至迦吒富單那等隨其
所宜分布付囑令護持故今此大集
一切天王一切龍王乃至毗舍遮王
各將眷屬皆悉來集以彼一切付囑
是等令其教授憶念攝受同行其法
令彼諸天乃至迦吒富單那等各於
已分護持養育勿自縱捨亦莫惱他
見惱他者令其遮護不得縱捨令彼
各於已分發大勇力正護養育若彼
發大勇力應生歡喜彼則喜樂名稱
流布獲大福報今時世尊受其勸請
慈悲憐愍彼等衆故遍觀一切諸來
大衆即舉右臂而作是言汝等賢首
一切大衆各各諦聽我當解說佛出
世難如優曇花難八難難如順時香
樹聞正法難如雨閭浮檀金遇戒定
僧為供養難如詣大海寶洲於三寶
所得淨信難如求如意珠值遇三寶
為布施難如求功德天賢瓶受持戒
難如牛頭栴檀洲難可得到於衆生
所起悲愍難如值勇健怨賊執金剛

於難可得度護身命知足難如善作

阿濕婆迷陀耶若

阿濕婆者膏云馬也迷陀者實杜也

耶若者祀也為此祀者唯問淨提王之所能也

諸賢首有十種平等若有衆生具此平等於流轉時恒受勝報速能得入無畏大城何等為十一者衆生平等二者法平等三者清淨平等四者布施平等五者戒平等六者忍平等七者精進平等八者禪平等九者智平等十者一切法清淨平等

諸仁者於彼何者衆生平等衆生者謂三界所有一切衆生若有衆生自愛己身欲得活命求樂離苦應如是學若有丈夫壽者作業若善不善自作教他現見受報是故諸仁者若求樂離苦彼應如是若身口意作諸善業不作惡業若此身若後身自益益他自善善他不作惡業諸仁者是名衆生平等

諸仁者於彼何者法平等法者若有衆生求樂離苦欣生畏死思愛不離怨憎不會如此之人心海所溺何以故若有衆生計著我者生死流轉不

見清淨解脫道故是故於法平等思惟觀察不離衆生有法不離法有衆生如衆生體性即是我體性如我體性即是一切法體性如一切法體性即是佛法體性如是觀諸法平等時衆生即陰不可得離陰不可得和合不可得離和合亦不可得非法非非法是人如是得住無相是名法平等諸仁者於彼何者清淨平等謂得人身具滿十德何等為十一者離下賤家二者不鈍三者不癡四者諸根不缺五者得男子身六者顏容端正七者得好眷屬八者不貧九者不為他欺發言有中十者多人瞻仰何以故言得人身名清淨平等如得人身故得三律儀離三惡道能求三乘三種菩提隨所而得云何清淨平等若人能得菩提於一切法心無所依於一切內外境界心无所依是不依一切法於如如無所取見一切法不取內心不取外心於二境界極得寂定是人如是正見清淨法時不見內外有衆生命者壽者生者人者衆數養

育作者使作者起者使起者受者使受者知者見者是人如是於諸衆生得見無我清淨平等无衆生無命无我離欲清淨不起邊見如是得入衆生清淨平等如是得入一切法空無行智印无相無願如是得入衆生清淨平等是人以彼法成熟衆生而不壞我亦不壞事及不壞時若知一切衆生體性平等則知一切法體性若一切法體性即是佛法體性是名一切法平等佛法是名清淨平等

諸仁者於彼何者布施清淨平等諸仁者以四種布施清淨平等以布施故衆生於流轉時恒受勝報速能得入無畏大城何等為四一者於一切衆生起憐愍心二者平等心三者大慈心四者大悲心此為四種布施清淨平等衆生於流轉時恒受勝報速能得入无畏大城

諸仁者於彼何者於一切衆生起憐愍心清淨平等若有衆生求樂離苦恩愛不離怨憎不會欲得長壽利養名稱富貴五欲應如是學如我愛欲

意重自己身命無有厭足以一切方便無上護持无有價量如是於一切衆生一一衆生乃至虫蟻愛欲意重自己身命無有厭足以一切方便无上護持无有價量我何故於他衆生於他壽者作惱作害奪活命具離其命根壞其命根若我於他衆生於他壽者生惱離命以離一一命故我當億百千世於世世中還彼離命受諸苦惱我從今日於諸衆生起父母想及男女想乃至虫蟻亦作父母及男女想更不惱害他命亦不奪他活命之具不離壞命亦不教他奪其精氣及斷命根如是我當億那由他百千劫流轉生死於世世中受身命时无能惱害奪活命具及離壞命者何以故一切衆生無有非我父母兄弟男女等者如是我於一切衆生无有非其父母兄弟男女等者以是因緣我曾與一切衆生親一切衆生曾與我親我若於親而生惱者是所不應所謂惱者我若觸惱剎剎令彼剎剎於已境界國土人民於諸所欲不生知

足及婆羅門乃至畜生觸惱其心令
不知足以是因緣共相戰鬪諍論譏
毀訐訟論誑妄語不相支解及斷命
根是故我今於諸衆生休息觸惱及
斷命根我以此布施清淨平等因緣
故於流轉時無能觸惱共我鬪戰諍
論譏毀訐訟論誑妄語支解斷命是
名觸惱

於彼何者害命彼應如是學一切衆
生與我親我與一切衆生親我若害
衆生命是所不應我若作非時風雨
亢旱災電雨塵闇曠枯涸諸水損減
花果藥草衆味以是因緣衆生飢渴
四大增動生種種病因其病故而取
命終是故我於一切衆生休息害命
以休息故地味精氣不復隱沒以是
因緣令諸衆生離於飢渴四大不動
諸病不生不因於彼而取命終我以
此布施清淨平等乃至於流轉時我
更不受飢渴病苦是名害命

於彼何者活命之具彼所資身命者
應如是學一切衆生與我親我與一
切衆生親我若於彼奪活命具是所

不應若奪衆生花果藥草五穀精氣
活命具者令彼衆生食惡花果藥草
五穀衆味精氣令其身心損瘦無力
失念瞋惡輕躁虛穢惡色多病是故
我當隨順過去諸天仙教於一一花
果衆味精氣六十四分中取一分精
氣以活身命餘六十三分留活衆生
令受安樂我今以是知足因緣乃至
於流轉時我更不食無味精氣殘害
之食具大威力強記軟心好色無病
是名活命之具於彼何者離別命若
以惡心視諸衆生氣虛其身散乱其
心於彼節節奪其精氣奪精氣故令
其身心為苦所惱應如是學我與一
切衆生親乃至是所不應我若於親
惡心視之氣虛其身散乱其心於身
支節奪其精氣故令我親身心得苦
以是因緣乃至於流轉時元有非人
惡心視我亦不氣虛我身散乱我心
不奪精氣是名離別命

於彼何者壞命若諸衆生為自食故
割截支節盡奪精氣山木高處深水
大河推令墮落若與毒藥使起屍鬼

若作厭蠱及餘物害若斷飲食或斬其首以斷命根以是因緣汝等若自愛已欲得長壽求樂離苦名稱富貴及求解脫應如是學我與一切衆生親一切衆生與我親若我為自食故奪其精氣割截支節乃至斬首是所不應以此因緣乃至於流轉時無能斬首壞我命者是名壞命此是清淨平等諸仁者若復憐愍一切諸衆生故為之積集功德智慧斷除一切虛誑幻見得堅固勇猛求一切善如說修行為命因緣於他衆生不起惡念於諸衆生不起害心所持禁戒與衆生共見衆生樂深生歡喜於已樂緣自能知足一切愛事無不能捨於一切法無恡惜心常怖三界於諸忍事力能堪受信無常相能如說行於己有失能自觀察見他有失則生悲愍於諸善法無有厭足常發露懺悔得无邊迴向能求深法於諸衆生作福田心求厭離智於三界獄流轉煩惱能得怖畏勤息衆生一切苦惱能求一切佛法能發休息諸惡道心於一

切法善得安住諸仁者是名世間清淨平等

諸仁者我今當說第一義清淨平等作是語已即說呪曰

多地夜他 夜咩夜咩 鉢羅佉

夜咩 優鉢羅佉夜咩 耶夜咩

佉夜夜咩 蘇婆呵

說此法門時八百六十万緊鄰羅軋闍婆等遠塵離垢得法眼淨

尔時世尊復說呪曰

多地夜他 瞿竭唎 夜婆瞿竭唎

憂婆夜婆 瞿竭唎 蘇婆呵

尔時世尊復說呪曰

多地夜他 陀羅毘陀羅陀毘

憂跋陀羅 陀羅陀毘 蘇婆呵

說此法門時九百四十万夜叉遠離塵垢得法眼淨

尔時世尊復說呪曰

多地夜他 阿闍泥 又又闍泥

伽叉叉阿闍泥 毛羅阿闍泥 又老

蘇婆呵

說此法門時七千万龍於遠塵離垢法而得三昧

尔時世尊復說呪曰

多地夜他 呵呵呵呵呵 系扞

婆 呵呵呵 視若視若視若 呵

呵呵 蘇婆呵

說此法門時三百万那由他阿脩羅

得不忘菩提心三昧

尔時世尊復說呪曰

多地夜他 阿奴那 阿那誦那

阿婆那奴那 阿婆矣梨夜 阿

婆那奴那 蘇婆呵

說此法門時八万四千頻婆羅鳩胝

茶得喜樂三昧

尔時世尊復說呪曰

多地夜他 施伽施闍 阿婆施伽施

闍 阿婆伽施闍闍 捷施捷施闍

蘇婆呵

說此法門時七十万那由他餓鬼毗

舍遮富單那迦吒富單那得電王三

昧過諸數量天龍夜叉乃至迦吒富

單那等皆未曾發无上菩提心者皆

悉發心諸仁者是名第一義布施清

淨平等

諸仁者於彼何者戒清淨平等若一

切世間若出世間善道及涅槃樂戒
為根本能安住聲聞辟支佛地能安
住阿耨多羅三藐三菩提智此戒清
淨平等所謂十善業道休息煞生偷
盜邪淫妄語兩舌惡口綺語貪瞋邪
見諸仁者休息煞生獲十種功德何
等為十一者於諸衆生得無所畏二
者於諸衆生得大慈心三者斷惡習
氣四者少諸病惱為事決斷五者得
壽命長六者為非人護持七者寤寐
安隱无諸惡夢八者無諸怨讎九者
不畏惡道十者身壞命終得生善道
諸仁者是名休息煞生得十種功德
若能以此休息煞生善根迴向阿耨
多羅三藐三菩提是人不久證无上
智彼人到菩提時於彼國土離諸害
仗長壽衆生來生其國

休息偷盜獲十種功德何等為十一
者具大果報為事決斷二者所有財
物不共他有三者不共五家四者衆
人愛敬無有厭足五者遊行諸方无
有留難六者行來無畏七者以樂布
施八者不求財寶自然速得九者得

財不散十者身壞命終得生善道諸
仁者是名休息偷盜得十種功德若
能以此休息偷盜善根迴向阿耨多
羅三藐三菩提是人不久得無上智
彼人到菩提時於彼國土具足種種
花果樹林衣服瓔珞莊嚴之具珍奇
寶物无不充滿

休息邪淫獲十種功德何等為十一
者得諸根律儀為事決斷二者得住
離欲清淨三者不惱於他四者衆人
喜樂五者衆人樂觀六者能發精進
七者見生死過八者常樂布施九者
常樂求法十者身壞命終得生善道
諸仁者是名休息邪淫得十種功德
若能以是休息邪淫善根迴向阿耨
多羅三藐三菩提是人不久得無上
智彼人到菩提時於彼國土无有生
臭亦無女根不行邪欲皆悉化生休
息妄語獲十種功德何等為十一者
衆人保任所言皆信二者於一切處
乃至諸天發言得中三者口出香氣
如優鉢羅花四者於人天中獨作證
明五者衆人愛敬離諸疑惑六者常

出實語七者心意清淨八者常无諂
語言必應機九者常多歡喜十者身
壞命終得生善道諸仁者是名休息
妄語得十種功德若能以此休息妄
語善根迴向阿耨多羅三藐三菩提
是人不久得無上智彼人到菩提時
於彼國土无有生臭衆妙寶香常滿
其國

休息兩舌獲十種功德何等為十一
者身不可壞平等二者眷屬不可壞
平等三者善友不壞平等四者信不
壞平等五者法不壞平等六者威儀
不壞平等七者奢摩他不壞平等八
者三昧不壞平等九者忍不壞平等
十者身壞命終得生善道諸仁者是
名休息兩舌得十種功德若能以此
休息兩舌善根迴向阿耨多羅三藐
三菩提是人不久得無上智彼人到
菩提時於彼國土所有眷屬一切魔
怨及他朋黨所不能壞

休息惡口獲十種功德何等為十一
者得柔軟語二者摭利語三者合理
語四者美潤語五者言必得中六者

直語七者無畏語八者不敢輕陵語
九者法語清辯十者身壞命終得生
善道諸仁者是名休息惡口得十種
功德若能以此休息惡口善根迴向
阿耨多羅三藐三菩提是人不久得
無上智彼人到菩提時於彼國土法
聲充滿離諸惡語

休息綺語獲十種功德何等為十一
者天人愛敬二者明人隨喜三者常
樂實事四者不為明人所嫌共住不
離五者聞言能領六者常得尊重愛
敬七者常得愛樂阿蘭若處八者愛
樂賢聖默然九者遠離惡人親近賢
聖十者身壞命終得生善道諸仁者
是名休息綺語得十種功德若能以
此休息綺語善根迴向阿耨多羅三
藐三菩提是人不久得無上智彼人
得菩提時於彼國土端正衆生來生
其國強記不忘樂住離欲
休息貪欲獲十種功德何等為十一
者身根不缺二者口業清淨三者意
不散亂四者得勝果報五者得大富
貴六者衆人樂觀七者所得果報眷

屬不可破壞八者常與明人相會九者不離法聲十者身壞命終得生善道諸仁者是名休息貪欲得十種功德若能以此休息貪欲善根迴向阿耨多羅三藐三菩提是人不久得無上智彼人得菩提時於彼國土離於魔怨及諸外道

休息瞋恚獲十種功德何等為十一者離一切瞋二者樂不積財三者衆聖喜樂四者常與賢聖相會五者得利益事六者顏容端正七者見衆生樂則生歡喜八者得於三昧九者得身口意光澤調柔十者身壞命終得生善道諸仁者是名休息瞋恚得十種功德若能以此休息瞋恚善根迴向阿耨多羅三藐三菩提是人不久得無上智彼人得菩提時於彼國土所有衆生悉得三昧來生其國心極清淨

休息邪見獲十種功德何等為十一者心性柔善朋侶賢良二者信有業報乃至奪命不起諸惡三者敬信三寶設為活命不信天神四者得於正

見不怖異事亦不簡擇良日吉時五
者常生人天離諸惡道六者常樂福
德明人讚譽七者棄俗札儀常求聖
道八者離斷常見入因緣法九者常
與正趣正發心人共相會遇十者身
壞命終得生善道諸仁者是名休息
邪見得十種功德若能以此休息邪
見善根迴向阿耨多羅三藐三菩提
是人速滿六波羅蜜於善淨佛土而
成正覺得菩提已於彼佛土功德智
慧一切善根莊嚴衆生來生其國不
信天神離惡道畏於彼命終還生善道
諸仁者於彼行布施清淨平等時於
戒休息煞生修平等行具大清淨平
等果報得於長壽離諸怖畏
彼行布施清淨平等時於戒休息偷
盜修平等行具大清淨平等果報不
共他有修一切善無有留難
彼行布施清淨平等時於戒休息邪
婬修平等行具大清淨平等果報修
習善根無有留難无邪婬念觀自他婦
彼行布施清淨平等時於戒休息妄
語修平等行具大清淨平等果報不

被毀謗發心堅固如說修行於天人
中獨作證明口出香氣如優鉢羅花
彼行布施清淨平等時於戒休息兩
舌修平等行具大清淨平等果報得
不壞眷屬丈夫眷屬敬信眷屬

彼行布施清淨平等時於戒休息惡
口修平等行得微妙音不聞惡聲
彼行布施清淨平等時於戒休息結
語修平等行具大清淨平等果報發
言得中斷一切疑衆生樂見

彼行布施清淨平等時於戒休息貪
欲修平等行具大清淨平等果報受
果報已還復能捨受解脫果具大勢力
彼行布施清淨平等時於戒休息瞋
恚修平等行具大清淨平等果報顏
容端正衆人愛敬為事无身諸根不缺
彼行布施清淨平等時於戒休息邪
見修平等行具大清淨平等果報正
見國土正見家生常值諸佛菩薩聲
聞見佛聞法供養衆僧修善提行常
不捨離清淨平等

諸仁者此是戒清淨平等以是戒清
淨平等自在嚴者是人不久成佛功

德具足相好音聲清淨降諸魔怨得清淨平等是人不久得一切佛法禪念慧行清淨大智大慈大悲乃至能滿一切佛法清淨平等是名世間戒行清淨平等處

諸仁者於彼何者出世間戒行清淨平等處若於戒三摩跋提信解行者不依色陰持戒不依受想行識陰持戒不依眼不依色不依眼識不依眼觸不依眼觸因緣生受愛取有生持戒乃至不依意不依法不依意識不依意觸不依意觸因緣生受愛取有生持戒不依地界持戒不依水火風界持戒不依無邊虛空入持戒乃至不依非想非非想入持戒不依欲界色界持戒不依現世後世持戒不依聲聞乘辟支佛乘一切種智持戒不依聞不依禪不依智持戒不依聽力不依三昧力不依陀羅尼力不依忍力不依有漏力不依無漏力不依有為界力不依無為界力不依善不善力不依明闇力持戒諸仁者是名出世間戒清淨平等處是名修戒梵路聖道

能入無上无畏大城衆聖所依戒清
淨平等以護第一義清淨戒故能入
淨智戒者是何義譬如大鐵圍金剛
山間熱惱之風以山障故不令得至
四天下如是學聖清淨平等戒愛熱
之風修四念處故不令得起以是義
故名之為戒譬如大鐵圍山間臭穢
之風以山障故不令得至四天下如
是護聖清淨平等戒以四無所畏故
愛取臭穢不令得起以是義故名之
為戒譬如大鐵圍山間黑闇以山障
故不得至四天下如是護聖清淨平
等戒無明有為有漏相修七覺分故
不令得起以是義故名之為戒離欲
義是戒義解脫義是戒義休息義是
戒義无盡義是戒義滅義是戒義此
諸句義名為戒義諸仁者是名有為
無為戒清淨平等若有世間沙門婆
羅門住此有為無為清淨平等戒者
彼人名為世間福田若有於彼敬信
尊重護持養育給施衣服牀褥卧具
飲食湯藥一切所須是人以此善根
乃至於流轉時恒受勝報速能得入

無畏大城諸仁者於彼何者忍清淨
平等忍有二種一者捨忍一者息忍
忍諸仁者於彼何者捨忍若有衆生
求一切樂息一切苦是名捨忍清淨
平等若復有人求樂離苦彼人觀於
三界一切苦道煩惱毒熱唯除聖人
是人為已利故生大怖畏如是怖畏
觀於三界一切熾然為諸煩惱大火
所燒一一衆生為諸苦害駭馳流轉
不能自脫如彼為苦所逼未得解脫
我亦如是為苦所逼以何方便能自
脫苦即作是念不以餘事我以捨忍
解脫諸苦令具諸樂作是念已即便
起發以忍知足能捨種種資身之具
所謂飲食衣服卧具屋宅象馬車乘
隨其所須皆悉給與是人以忍布施
欲滅諸苦是人數數修忍知足住時
能行捨施於正趣正行人應往其所
親近供養隨順其教以供養故如是
如是聞於種種生死過患沮睺利益
是人或於聲聞乘發心或於緣覺乘
發心或於大乘發心為已樂故復增
忍知足護養衆生是名捨忍清淨平

等乃至捨外資財及自己樂忍受諸
苦令他得樂是名捨忍清淨平等若
見乞人種種形色種種威儀種種音
聲種種瞋怒種種罵辱種種欺陵種
種魚鱗不意之言來從求索是人如
是如是心未調柔瞋恚未淨未住淨
忍彼作是念誰能勝我何以故彼食
血肉諸惡夜叉羅刹鳩槃荼餓鬼毗
舍遮富單那迦吒富單那等未聞生
死苦惱涅槃功德不觀後世畏衆苦
所惱未得解脫一切諸苦何以故彼
等離善知識不聞正法故在生死為
苦所溺我已數數得聞生死苦惱涅
槃功德觀後世畏勤息諸苦近善知
識得聞正法我今欲度生死沉溺何
故起瞋是故我應作是思惟罵辱音
聲及諸違事皆恚如風我當棄捨不
應起瞋如是於諸衆生欲捨種種想
一切文字語言分別皆恚如風於諸
衆生離種種想修忍清淨平等是人
數數於諸衆生捨種種想一切文字
分別想修忍清淨平等如是如是是
人心則住忍清淨平等得喜得淨如

是如是是人修四無尋法无尋義無尋辭無尋樂說无尋是人數數修法無尋乃至樂說無尋是人則能捨身皮肉筋骨眼耳鼻舌手足頭等所受之命是菩薩摩訶薩修分別无分別忍清淨平等是名菩薩捨忍清淨平等諸仁者於彼何者息怒忍清淨平等諸仁者若菩薩摩訶薩能於一切言語音聲文字捨分別想及一切色身形相舉動威儀去來意業戲笑捨分別想亦捨一切愛取所攝不求果報離於苦樂無分別想乃至於已身命分別無分別想得住第一義忍清淨平等譬如虛空於明於闇不瞋不喜忍清淨平等一切有為行戲笑言語文字形色苦受樂受離分別分別不瞋不喜菩薩於彼衆生離分別想得住第一義忍清淨平等譬如虛空不動不正遍動不震不正遍震如是菩薩摩訶薩於一切業有為諸行身心不動不正遍動亦復不震不正遍震譬如虛空清淨離垢如是菩薩摩訶

薩住第一義忍清淨平等於彼一切
有為身心善得清淨譬如虛空長養
一切衆生如是菩薩摩訶薩住第一
義忍清淨平等養育一切衆生譬如
虛空不為劫火所能燒壞不為劫水
劫風所壞如是菩薩摩訶薩若住第
一義忍清淨平等乃至未到無上菩
提不為貪瞋癡等毀壞其心譬如清
淨虛空十五日夜極圓滿月普放令
光令熱惱衆生身心涼樂如是菩薩
摩訶薩住第一義忍清淨平等以身
口威儀休息衆生諸煩惱熱譬如清
淨虛空十五日夜極圓滿月衆星圍
遶臨四天下光明照耀如是菩薩摩
訶薩住第一義忍清淨平等隨所住
處常為天龍乃至迦吒富單那等之
所圍遶暉顯照耀譬如清淨虛空十
五日夜極圓滿月照海島上月愛摩
尼從彼珠中流出大水能滿大海如
是菩薩摩訶薩住第一義忍清淨平
等所有天龍夜叉羅刹鳩槃荼餓鬼
毗舍遮富單那迦吒富單那虛癩瞋
惡無有慈愍於諸衆生不觀後世畏

是菩薩以第一義忍清淨平等放勝
光明照耀一切天龍夜叉羅刹乃至
迦吒富單那等以是令彼天龍夜叉
乃至迦吒富單那等悉得清淨善心
於諸衆生起慈悲心利益心休息衆
生苦惱心令住一切樂心觀後世畏
心離一切惡心於一切善法起大精
勤心以是彼等極得清淨心乃至於
一切善法發大勇猛心彼等次第漸
離一切不善悉得充足一切善根能
滿大沮捺海諸仁者汝等應當觀此
菩薩雖未至究竟以住第一義忍清
淨平等故已得超過聲聞緣覺以第
一義忍成熟衆生如我昔作忍辱仙
人常在林中食諸甘果時有國王名
曰迦利支解我身而為八段我於彼
時以能善修第一義忍故從所割處
流出白乳以是忍辱苦行因緣成熟
無量億那由他百千天龍夜叉羅刹
乾闥婆阿修羅緊那羅摩睺羅伽伽
樓羅餓鬼毗舍遮富單那迦吒富單
那等彼時無量億那由他百千人非
人等悉發阿耨多羅三藐三菩提心

我昔為人生非難處作此苦行不足
為難諸仁者汝等諦聽如我往昔生
在難處受於鬼身止住林中為令仙
人得於食故即自踊身投大火聚以
能善修第一義忍清淨平等故令彼
火聚變成蓮池淨水盈滿我於尔時
卧花臺上以是苦行因緣今此三千
大千世界六種震動尔時无量釋梵
四王天龍夜叉乃至迦吒富單那等
及諸仙人人非人等以種種供具供
養於我作是願言汝得阿耨多羅三
藐三菩提時當與我等授阿耨多羅
三藐三菩提記我昔鬼身以能善修
第一義忍清淨平等是忍不共聲聞
緣覺我於往昔作鬼身時梵釋天王
護世四王天龍夜叉乃至人非人等
悉以種種香花塗香末香種種寶珠
寶幢幡蓋眾妙音樂尊重讚歎生未
曾有而作供養今阿羅漢之所無也
諸仁者如是菩薩善修第一義忍清
淨平等諸仁者是第一義忍清淨平
等是何句義第一義者謂到生死彼
岸故名第一義忍者見三界陰究竟

空及見一切界入究竟空故名爲忍
清淨者謂以聖慧除淨三界諸煩惱
道業道苦道故名清淨平等者謂以
聖慧如實知一切三界行一切法性
如如實際如實知非如實際非非如
實際斷一切煩惱道故名平等諸仁
者是名菩薩第一義忍清淨平等
諸仁者於彼何者精進清淨平等以
精進能與布施清淨平等作因是名
精進清淨平等乃至以精進能與般
若清淨平等作因是名精進清淨平
等以精進能捨一切見以精進能與
四念處清淨平等作因以精進能超
過一切聲聞緣覺以精進能與四正
勤四如意足作因以精進能捨一切
煩惱以精進能與四攝事四無所
四梵住四无色定五根五力七覺分
八聖道分九次第定如來十力十二
善有支十八不共法作因以精進能
與大慈大悲般若清淨平等作因是
名精進清淨平等以精進能與成熟
衆生清淨平等作因是名精進清淨
平等以精進爲集無量佛法種種善

根乃至能集无量方便智無量勝願
習無量功德智慧與无量種種衆生
有生取作因是名精進清淨平等以
精進居兜率天宮觀其時節一生補
處乃至以精進捨彼宮殿了了知入
母胎乃至以精進於藍毗尼林從母
右脇安隱而出乃至以精進行於七
步震動大地諸山大海乃至以精進
受難陀憂波難陀龍王灌水洗浴乃
至以精進童子遊戲示現一切工巧
乃至以精進處在宮中五欲不染乃
至以精進夜半踰城往詣閑林乃至
以精進詣憂陀羅迦羅荼迦羅摩仙
人所而修供養乃至以精進六年苦
行乃至以精進於阿耨多羅三藐三
菩提而成正覺乃至以精進轉於法
輪無量人天為證是名精進清淨平
等我以精進今於佉羅帝山牟尼諸
仙所依住處作此大集十方所有菩
薩摩訶薩有如佛土微塵數衆志令
集此有如佛土微塵等數諸天龍夜
叉羅剎乳闍婆阿修羅摩睺羅伽伽
樓羅緊那羅鳩槃荼餓鬼毗舍遮富

單那迦吒富單那等悉來大集為聞
法故是名精進清淨平等諸仁者以
四大海水分為滄數如彼滄數具修
精進清淨平等能令菩薩摩訶薩等
滿足毗梨耶波羅蜜是名精進清淨
平等

大集經卷第五

壬寅歲高麗國大藏都監

勅彫造

大方等大集經卷第五十一

高齊天竺三藏那連提耶舍譯

月藏分第四諸惡鬼神得敬信品第八之三

諸仁者於彼何者是禪清淨平等有
禪聲聞緣覺如來共有禪緣覺如來
共不共聲聞有如來禪不共聲聞緣
覺有如來禪共聲聞緣覺一切衆生
諸仁者於彼何禪聲聞緣覺如來共
若有衆生求樂離苦觀後世畏是人
修行布施清淨平等時若有正趣正
發心者應到其所起卑下心隨順供
養從彼人邊得聞正法聞已知義如
法修行心樂離欲流注相續是人得
離諸欲惡不善法有覺有觀離生喜
樂入初禪無覺无觀定生喜樂入第
二禪離喜行捨念增上正知入第三
禪捨苦捨樂先滅憂喜不苦不樂捨
念清淨入第四禪度一切想滅有對
想不念別異想入無邊虛空處度无
邊虛空處入無邊識處度無邊識
處入无所有處度无所有處入非想
非非想處度非想非非想處入滅受

想定

諸仁者住初禪者滅音聲刺住第二
禪者滅覺觀刺住第三禪者滅喜刺
住第四禪者滅出入息刺住無邊虛
空處者滅色刺住无邊識處者滅虛
空刺住無所有處者滅識刺住非想
非非想處者滅无所有刺住滅受想
者滅受想刺是名身行得倚口行得
倚意行得倚八解脫禪士得滅盡定
到彼岸阿羅漢依此處得四念處四
正勤四如意足五根五力七覺分八
聖道分三解脫門四無尋辯依此處
得奢摩他毗婆舍那此非菩薩行清
淨平等不得四攝事四梵住三不護
四無所畏十力十八不共法一切智
智是名禪波羅蜜平等聲聞緣覺如
來共

諸仁者若復有人先修緣覺乘退入
聲聞乘行聲聞行是人入初禪乃至
入滅盡定依此定得三解脫門四無
尋辯不得四攝事四梵住三不護乃
至不得一切智智是名禪平等聲聞
緣覺如來共

諸仁者若復有人先修大乘退入聲聞乘是人入初禪乃至入滅盡定得三解脫門四攝事四梵住不得三不護乃至不得一切智智是名禪平等聲聞緣覺如來共

諸仁者於彼何禪緣覺如來共不共聲聞若有衆生久修聲聞乘後入緣覺乘是人昔來未得初禪得已思惟未因緣法乃至得第四禪已思惟求因緣法入空無願无相三昧以彼三昧思惟捨離證无色定以彼三解脫門入滅盡定於一切處思惟求緣覺法是人求於因緣第一義三行滅無餘非想受滅是名禪平等緣覺如來共不共聲聞若復有人未學聲聞乘善學緣覺乘是人入初禪思惟求因緣法是人依初禪起彼餘禪及無色定入三行滅無餘第一義滅定是名禪平等緣覺如來共不共聲聞諸仁者若復有人未學聲聞緣覺乘先學大乘退入緣覺乘是人入初禪於彼禪中思惟求因緣法如是乃至第四禪中思惟求因緣法如是四无

色定一切處思惟求因緣法如是三
行滅无餘第一義滅定以三解脫門
得不可說三昧其處無生无滅非證
非修非有非無非此岸非彼岸非闇
非明非可測非分別非不分別是名
住伽毗沙拏劫住伽者去犀牛毗沙拏去角辟支佛
世間獨福田是名禪清淨平等第一
義緣覺如來共不共聲聞其處一切
生死有海斷行苦苦壞苦斷於不
可說義能自覺知是名第一義禪清
淨平等

諸仁者於彼何者如來第一義禪清
淨平等不共聲聞緣覺若如來入初
禪不依陰入定不依界入定不依入
入定不依地界水火風界入定不依
虛空處界識處界無所有處界非想
非非想處界入定不依滅界入定不
依現在及未來世入定不依生不依
滅入定不依有不依無入定无所依
不依所依如如來入初禪如是第二
第三第四禪虛空處界識處界無所
有處界非想非非想處界如是如來
入滅界定不依陰入定乃至不依所

依如來入滅界定是名如來第一義
禪清淨平等不共聲聞緣覺

諸仁者於彼何者是如來禪清淨平
等共聲聞緣覺一切衆生如來入世
間初禪乃至入世間第四禪緣覺聲
聞亦能入世間初禪乃至第四禪一
切衆生初欲盡時亦曾能入世間初
禪乃至第四禪於後惡心因緣退失
修禪瞋惡麤獷不觀後世畏於諸衆
生無有慈愍食其血肉趣三惡道
復次如如來入世間初禪乃至入世
間第四禪彼一切衆生若天若人畜
生餓鬼地獄衆生作是念如來心心
數法行在何處住在何住彼一切衆
生乃至虫蟻佛力加故亦如實知佛
心心數法住於初禪乃至知住第四
禪此亦是如來禪平等共一切衆生
此禪平等非一切聲聞辟支佛地是
名禪清淨平等諸仁者於彼何者智
器清淨平等智有二種一者世間智
二者出世間智諸仁者何者世間智
其世俗書典口所言說結集解釋言
語之道音聲演說文字顯示聞諸論

說若書字句義若算若數若印若種種苦行法若學工巧事如是所說種種作業隨其所求皆得成就諸餘三世俗念作事若觸若受若想若思若念如是一切非涅槃器是名世間智器平等諸仁者於彼何者世間智器平等諸仁者世間智器平等者布施有人乃至盡形休息煞生偷盜邪婬妄語飲酒諸放逸處於一切衆生安住慈心憐愍心救濟心是涅槃器諸仁者是名世間布施智器平等諸仁者於彼何者世間戒智器平等諸仁者若於一切衆生具衆愍心觀後世畏常住慈心柔軟心利益心無怨讎心无嫉妬心無貪穢心無兩舌心无憍逸心安住慈心諸仁者是名世間戒智器平等諸仁者於彼何者世間忍智器平等諸仁者若聞衆生種種惡口純惡穢言聞已不取不起不暴不生變濁不現瞋相於諸衆生亦復能忍不順言

辭音聲所出諸仁者是名世間忍智
器平等

諸仁者若見衆生於其我所作惡作
過作罪作無利益若壞色若壞聲香
味觸若壞身若壞命於此衆生常能
修忍應如是學是諸衆生從無始流
轉習貪恚癡離善知識未曾修學我
近善知識我能修學我求一切樂若
於一切衆生不起瞋嫌是人得一切
樂是故於彼一切衆生見已不取不
起平暴不生變濁不現瞋相是名世
間忍智器平等

諸仁者於彼何者世間精進智器平
等諸仁者若於衆生勤施不斷及修
戒忍精進禪智不斷諸仁者是名世
間精進智器平等

諸仁者於彼何者世間禪智器平等
諸仁者若入世間初禪乃至第四禪
入無邊虛空處乃至非想非非想處
諸仁者是名世間禪智器平等

諸仁者於彼何者世間聞慧智器平
等諸仁者若與如是空法相應大乘
言教有所堪能讀誦受持言辭清淨

為人演說不論不幻一切煩惱惡業障盡知法知義是人於彼言教知法知義晝夜精勤求無上智諸仁者是名世間聞慧智器等平等

諸仁者於彼何者出世間智器等平等諸仁者若善男子不取色受想行識不取眼色不取眼識不取眼觸不取眼觸因緣生若苦若樂不苦不樂如是乃至不取意法不取意識不取意觸不取意觸因緣生若苦若樂不苦不樂如是不樂如是不取地界水火風界不取虛空界乃至不取非想非非想界不取現在及未來世不取善不善不取有漏無漏不取聲聞乘不取緣覺乘不取無上大乘不取三界不取三乘不取有不取无不取無所有无有言說得無緣慈三昧非諸聲聞辟支佛地是人以此三昧故能見入首楞嚴三昧門次第當得首楞嚴三昧諸仁者是名出世間智器等清淨平等非決定清淨平等是方便力求智平等諸仁者於彼何者安住出世間一切法器般若一切法界清淨平等諸仁者

一切法界非肉眼見非天眼見是聖
法慧眼相應以聖慧眼觀諸法界不
增不減不見諸法有盛有衰不見近
遠方所無所至去不見有生有滅是
人如是見諸法清淨平等時更不見
衆生有實可得若入衆生不可得是
人則得入一切法不可得何以故不
離衆生有一切法不離一切法有衆
生其衆生體性是一切法體性其一
切法體性是衆生體性其一切法體
性是我體性其我體性是一切法體
性其一切法體性是佛法體性其佛
法體性是無我界體性其无我界體
性是實際體性其實際體性是如如
體性如是知一切法諸仁者是名安
住出世間一切法器般若一切法界
出世間智器清淨平等

諸仁者於彼何者出世間一切法器
清淨平等若菩薩摩訶薩如是安住
般若入禪定時不見有法可得住於
禪定而不捨離於一切法境界无住
無滅无所覺知住於禪定是人不以
身禪住於禪定不以心禪住於禪定

是人住如是禪時入於如如實際法界能入諸法無所取著超過一切聲聞辟支佛上是人於如是禪住於禪定是未決定菩薩能斷一切諸煩惱見及上煩惱纏若復菩薩能住如是禪者則能入於一切諸法入此法時能知衆生善惡諸欲而成熟之是人不見衆生不見我人壽命衆數生者養育作者使作者起者使起者受者使受者是人若復入於如如法界時見諸衆生顛倒煩惱以顛倒故受種種苦是人如是入於微細如如實際法界是菩薩於衆生不見衆生而成熟之衆生非實故衆生無衆生故衆生无我故衆生離故衆生无自性故衆生不可說故衆生空故衆生無相故衆生無願故衆生无作故衆生如性故衆生無生故衆生不滅故衆生清淨故而成熟衆生如是亦不見我乃至不見受者亦不壞事是諸法自性相不可說不可說法界一切語言文字不能說不可顯亦無所有是菩薩以大悲故於不可說法而說諸法

此有漏此無漏此世間此出世間此
有罪此無罪此有為此無為此有煩
惱此無煩惱此應修行此應捨離此
凡夫法此學法此無學法此緣覺法
此菩薩法此佛法諸仁者是未決定
菩薩如是安住出世間一切法器般
若入一切法界清淨平等分別說法
菩薩於所說法不見其相諸仁者譬
如幻者遍虛空界化作種種色種種
花未曾作事而能現作佛不出世於
彼花中能出如是妙義句味入於法
門演法音聲作如是事是為難不時
一切天人及鬼神衆作如是言大德
婆伽婆此事為難大德修伽陀此第
一難佛言諸仁者此轉難此第一轉
難其未決定菩薩於無所屬法如是
法無色不可見非文字非言說自未
知未證未善修未自在未到彼岸而
能於他衆生除諸煩惱而成熟之此
為轉難彼諸衆生於如是甚深无言
說法未作證聞已不謗此為第一轉
難彼諸衆生能碎一切諸煩惱樹住
柔軟心作業心於一切衆生慈心愍

心不害心悲心共心同心被諸衆生以柔軟心故枯竭有海渡煩惱海速入無畏城於如是无言說未作證聞已不謗彼亦轉難第一轉難何故汝等惡心鬼神不自制心於諸衆生不作柔軟心不觀後世畏諸仁者若有住出世間一切法器清淨平等三昧菩薩摩訶薩能使一切衆生守護六根各住自境豈況不能遮障汝等惡心鬼神是善丈夫皆得是法住大慈大悲心不惱於他何以故以修大慈大悲方便力故不惱於他是諸菩薩入如是甚深法已能擲衆生虛空界中多億那由他劫各不相見豈況不能制於汝等諸惡鬼神亦復能擲一切衆生世界中間大黑闇處乃至能令一切衆生唯食風食水食土食石是諸菩薩以往如是甚深出世間法器清淨平等三昧故能令一切衆生於多億劫不食豈況不能制於汝等食他衆生精氣血肉諸惡鬼神何故縱捨汝等是諸菩薩以大慈大悲方便力故縱捨汝等於此四天下所有

菩薩摩訶薩安住如是甚深出世間
法器清淨平等三昧其名曰衆自在
菩薩慈自在菩薩文殊音菩薩電自
在菩薩日自在菩薩月自在菩薩地
自在菩薩想自在菩薩觀世自在菩
薩水自在菩薩如是等萬八千菩薩
摩訶薩居此四天下彼諸菩薩摩訶
薩住此十種第一甚深出世間一切
法器清淨平等何等為十所謂衆生
平等法平等清淨平等布施平等戒
平等忍平等精進平等禪平等般若
平等一切法清淨平等住此十種第
一甚深出世間一切法器清淨平等
三昧菩薩摩訶薩一二皆能制於汝
等諸惡鬼神如上所說何故縱捨汝
等是諸菩薩以修大慈大悲方便力
故縱捨汝等何況如來應正遍知明
行足善逝世間解無上士調御丈夫
天人師佛世尊諸仁者假使一切衆
生住如是十種出世間甚深一切法
器清淨平等如前所說菩薩摩訶薩
以一如來一念之智勝於彼等何況
如來於一切時以大悲心覆護汝等

不生瞋恚亦不棄捨如來於一切時
憐愍汝等欲令得於利益安樂汝等
如是無有慙愧不觀後世畏於一切
衆生作不慈心不柔軟心惡心怨心
不慈心不悲心汝等不應作是非法
欲重明此義而說偈言

大雄見如是 無餘鬼神集 即時舉右臂
宣說如是言 佛出世甚難 法僧亦復難
衆生淨信難 離諸難亦難 哀愍衆生難
知足第一難 得聞正法難 能修第一難
得知難平等 於世常受樂 此十平等處
智者當速知 初衆生平等 捨離諸惡業
造作諸善業 久受於勝樂 修行法平等
一切法等等 佛聲聞緣覺 凡夫等如如
此清淨平等 於彼人中得 遠離取境界
亦復不壞我 布施平等喜 不害他衆生
不奪活命具 不壞諸花果 無有一衆生
非我父母者 一切諸衆生 曾與我親知
我更不觸惱 乃至一衆生 休息於非時
一切惡風雨 豐盛可樂事 養育諸親知
衆生精氣增 常得不損減 不氣噓他身
不瞋惡眼視 不奪他精氣 充滿一切樂
我心利一切 不瞋有失者 為斷諸煩惱

求於諸佛法 十種善業道 智者常守護
於世常歡喜 後得見涅槃 不依陰持戒
亦不依界入 滅諸有支戒 滅諸有渴愛
捨離種種想 能息於瞋怒 如是字言合
智者離分別 如虛空空故 離一切分別
如是修忍者 智者離分別 譬如空中月
衆星共圍遶 如是修忍者 安隱衆中顯
月光照摩尼 海水得盈滿 忍照惡心鬼
令得清淨信 一切離諸惡 修於菩提行
彼衆生次第 能滿諸佛海 我昔作仙人
林中修忍辱 節節支解身 不起瞋怒心
作兔為仙人 自投身入火 我以修忍故
火變為蓮池 我以彼忍力 成熟多衆生
今諸阿羅漢 无有如是忍 智者常精進
修行為福慧 智海得增滿 得成諸佛海
修禪及般若 得離諸煩惱 不分別三界
得住於如如 智者修禪智 出世住實際
不染於諸法 離一切分別 不分別諸法
不見有衆生 諸法唯一相 得見佛境界
無量菩薩衆 安住此法性 不惱於汝等
以住聖般若 如來於汝等 容恕不為惱
汝等無著耻 遠離於慚愧 作惡諸衆生
弊性多剛強 見佛大勇猛 皆得柔軟心

汝等各應當自遮已惡心 汝等當次第
速證大涅槃 汝等若柔軟 得離諸惡業
為護此法故 付囑於汝等 我所說聲聞
具智大名稱 彼憐愍汝等 今得福智慧
當得飲食利 諸天所供養 得於勝住處
及得增壽命 若聞導師語 如說能修行
人天世間中 常受勝樂報

尔時世尊於彼諸惡鬼神衆中說法
訖時於彼諸惡鬼神衆中彼惡鬼神
昔於佛法作決定信彼於後時近惡
知識心見他過以是因緣生惡鬼神
彼九十二那由他百千諸惡鬼神得
住須陀洹果億那由他頻婆羅百千
諸惡鬼神昔行大乘者得隨順忍无
量阿僧祇諸惡鬼神得柔軟心得已
復發阿耨多羅三藐三菩提心

尔時於彼鬼神衆中有羅刹王名牛
王目與萬羅刹王合掌向佛一心敬
礼而作是言大德婆伽婆我等為瞋
使故久於世間受不愛果我等今者
承佛神力得自憶念此賢劫中宿命
之事我等於鳩留孫如來法中曾得
出家誦持八萬大乘法聚復誦八萬

聲聞法聚發阿耨多羅三藐三菩提
願我等彼時於阿蘭若住法比丘所
起瞋怒心以是業障於彼命終生於
地獄久被燒煮失念無餘於彼命終
生此食他血肉惡羅刹中正由我等
昔出家時共作惡業今受於此惡羅
刹身為飲食故斷無量億那由他百
千衆生命以是我等今於佛所悔諸
惡業更不復作如是至三至到堅固
修行律儀惟願世尊授於我等阿耨
多羅三藐三菩提記

佛言諸仁者我不見更有一法遠離
菩提心如於阿蘭若比丘所而起惡
心者諸仁者於未來世此賢劫最後
如來名曰盧遮彼佛當授汝等勝菩
提記彼萬羅刹王垂淚而言寧處地
獄不作人身於阿蘭若比丘所一念
之頃而起惡心以彼能斷一切善故
何況數數而起惡心

今時復有諸惡鬼神敬信三寶住柔
軟心觀後世畏一切同音而作是言
大德婆伽婆我等從今休息諸惡懺
悔過去一切惡業我等今當食花食

香食果食水食風食法食喜更不惱
他護持佛法受佛付囑為久住故及
受世尊聲聞弟子住阿蘭若者增上
護持佛言善哉善哉善丈夫汝等應
當如是善受我之付囑我今復以汝
等付囑賢劫一切菩薩一切聲聞彼
憐愍汝等於其晝夜作善助道與汝
善分稱名勸請以是汝等增長精氣
大力威德及大功能親知眷屬彼彼
如是護持我法故亦復善護阿蘭若
住法比丘若大乘小乘如是如是精
氣增長乃至眷屬如是如是汝等作
勝供養三世諸佛以此善根能捨惡
趣得世間樂及涅槃樂

大集經月藏分第十二諸天王護持品第九

今時世尊示世間故問娑婆世界主
大梵天王言此四天下是誰能作護
持養育時娑婆世界主大梵天王作
如是言大德婆伽婆兜率陀天王共
无量百千兜率陀天子護持養育此
鬱單越他化自在天王共無量百千
他化自在天子護持養育東弗婆提
化樂天王共無量百千化樂天子護

持養育南閻浮提須夜摩天王共無
量百千須夜摩天子護持養育西瞿
陀居

大德婆伽婆毗沙門天王共無量百
千諸夜叉衆護持養育北鬱單越提
頭賴吒天王共無量百千乾闥婆衆護
持養育東弗婆提毗樓勒叉天王共
无量百千鳩睺茶衆護持養育南閻
浮提毗樓博叉天王共無量百千龍
衆護持養育西瞿陀居

大德婆伽婆天仙七宿三曜三天童
女護持養育北鬱單越彼天仙七宿
者虛危室辟奎婁胃三曜者鎮星歲
星熒惑星三天童女者鳩睺弥那迷
沙大德婆伽婆彼天仙七宿中虛危
室三宿是鎮星土境鳩槃是辰辟奎
二宿是歲星土境弥那是辰婁胃二
宿是熒惑土境迷沙是辰大德婆伽
婆如是天仙七宿三曜三天童女護
持養育北鬱單越

大德婆伽婆天仙七宿三曜三天童
女護持養育東弗婆提彼天仙七宿
者昂畢觜參井鬼柳三曜者太白星

歲星月三天童女者毗利沙弥偷那
羯迦吒迦大德婆伽婆彼天仙七宿
中昂畢二宿是大自土境毗利沙是
辰觜參井三宿是歲星土境弥偷那
是辰鬼柳二宿是月土境羯迦吒迦
是辰大德婆伽婆如是天仙七宿三
曜三天童女護持養育東弗婆提
大德婆伽婆天仙七宿三曜三天童
女護持養育南閻浮提彼天仙七宿
者星張翼轸角亢五三曜者日辰星
太白星三天童女者線呵迦若梵羅
大德婆伽婆彼天仙七宿中星張翼
是日土境線呵是辰轸角二宿是辰
星土境迦若是辰亢五二宿是太白
土境梵羅是辰大德婆伽婆如是天
仙七宿三曜三天童女護持養育南
閻浮提

大德婆伽婆彼天仙七宿三曜三天
童女護持養育西瞿陀尼彼天仙七
宿者房心尾箕斗牛女三曜者熒惑
星歲星鎮星三天童女者毗離支迦
檀菟婆摩伽羅大德婆伽婆彼天仙
七宿中房心二宿是熒惑土境毗利

支迦是辰尾箕斗三宿是歲星土境
檀菟婆是辰牛女二宿是鎮星上境
摩伽羅是辰大德婆伽婆如是天仙
七宿三曜三天童女護持養育西瞿
陀丘

大德婆伽婆此四天下南閻浮提眾
為殊勝何以故閻浮提人勇健聰慧
梵行相應佛婆伽婆於中出世是故
四大天王於此倍增護持養育此閻
浮提有十六大國謂鶖伽摩伽陀國
傍伽摩伽陀國阿槃多國支提國此
四大國毗沙門天王與夜叉眾圍遶
護持養育迦尸國都薩羅國婆蹉國
摩羅國此四大國提頭賴吒天王與
軋闍婆眾圍遶護持養育鳩羅婆國
毗時國般遮羅國疎那國此四大國
毗樓勒叉天王與鳩睺茶眾圍遶護
持養育阿淫婆國蘇摩國蘇羅吒國
甘滿闍國此四大國毗樓博叉天王
與諸龍眾圍遶護持養育
大德婆伽婆過去天仙護持養育此
四天下故皆亦如是分布安置於後
隨其國土城邑村落塔寺園林樹下

塚間山谷曠野河泉陂澤乃至海中
寶洲天祠於彼外生胎生溼生化生
諸龍夜叉羅刹餓鬼毗舍遮富單那
迦吒富單那等生於彼中還住彼處
無所繫屬不受他教是故願佛於此
閻浮提一切國土彼諸鬼神分布安
置為護持故為護一切諸衆生故我
等於此說欲隨喜佛言如是大梵如
汝所說今時世尊欲重明此義而說
偈言

示現世間故 導師問梵王 於此四天下
誰護持養育 如是天師梵 諸天王為首
兜率他化天 化樂須夜摩 能護持養育
如此四天下 四王及眷屬 亦復能護持
二十八宿等 及以十二辰 十二天童女
護持四天下 隨其所生處 龍鬼羅刹等
不受他教者 還於彼作護 天神等差別
願佛令分布 憐愍衆生故 熾然正法燈
今時佛告月藏菩薩摩訶薩言了知
清淨土此賢劫初入壽四萬歲時鳩
留孫佛出興於世彼佛為無量阿僧
祇億那由他百千衆生迴生死輪轉
正法輪追迴惡道安置善道及解脫

果彼佛以此四大天下付囑娑婆世界主大梵天王他化自在天王化樂天王兜率陀天王須夜摩天王等護持故養育故憐愍衆生故令三寶種不斷絕故熾然故地精氣衆生精氣正法精氣久住增長故令諸衆生休息三惡道故趣向三善道故以四天下付囑大梵及諸天王如是漸次劫盡諸天人盡一切善業白法盡滅增長大惡諸煩惱溺人壽三萬歲時拘那含牟尼佛出興於世彼佛以此四大天下付囑^{娑婆}世界主大梵天王他化自在天王乃至四大天王及諸眷屬護持養育故乃至令一切衆生休息三惡道趣向三善道故以此四大天下付囑大梵及諸天王如是次第劫盡諸天人盡白法亦盡增長大惡諸煩惱溺人壽二萬歲時迦葉如來出興於世彼佛以此四大天下付囑娑婆世界主大梵天王他化自在天王化樂天王兜率陀天王須夜摩天王憍尸迦帝釋四天王等及諸眷屬護持養育故乃至令一切衆生休息

三惡道趣向三善道故彼迦葉佛以此四天下付囑大梵四天王等及付諸天仙衆七曜十二天童女二十八宿等護持故養育故了知清淨土如是次第至今劫濁煩惱濁衆生濁大惡煩惱濁闇諍惡世時人壽百歲一切白法盡一切諸惡闇翳世間譬如海水一味大鹹大煩惱味遍滿於世集會惡黨手執鬻體血塗其掌共相煞害如是惡衆生中我今出世菩提樹下初成正覺受提胃波利諸商人食為彼等故以此閻浮提分布天龍乾闥婆鳩睺茶夜叉等護持養育故以是大集十方所有佛土一切無餘菩薩摩訶薩等悉來集此乃至於此娑婆佛土其處百億日月百億四天下百億四大海百億鐵圍山大鐵圍山百億須弥山百億四阿修羅城百億四大天王百億三十三天乃至百億非想非非想處如是略數娑婆佛土我於是處而作佛事乃至於娑婆佛土所有諸梵天王及諸眷屬魔天王他化自在天王化樂天王兜率陀

天王須夜摩天王帝釋天王四大天王阿修羅王龍王夜叉王羅刹王乾闥婆王緊那羅王迦樓羅王摩睺羅伽王鳩槃荼王餓鬼王毗舍遮王富單那王迦吒富單那王等悉將眷屬於此大集為聞法故乃至於此娑婆佛土所有諸菩薩摩訶薩等及諸聲聞一切無餘悉來集此為聞法故我今為此所集大衆顯亦甚深佛法復為護世間故以此閻浮提所集鬼神分布安置護持養育

尔時世尊復問娑婆世界主大梵天王言過去諸佛以此四大天下曾付囑我及憍尸迦今作護持而我有失不彰已名及帝釋名但稱諸餘天王及宿曜辰護持養育

尔時娑婆世界主大梵天王及憍尸迦帝釋頂礼佛足而作是言大德婆伽婆大德修伽陀我今謝過我如小兒愚癡無智於如來前不自稱名大德婆伽婆唯願容恕大德修伽陀唯

願容恕諸來大衆亦願容恕我於境界言說教令得自在處護持養育乃至令諸衆生趣善道故我等曾於鳩留孫佛已受教勅乃至令三寶種已作熾然拘那含牟尼佛迦葉佛所我受教勅亦如是於三寶種已勤熾然地精氣衆生精氣正法味醍醐精氣久住增長故亦如我今於世尊所頂受教勅於已境界言說教令得自在處休息一切鬪諍飢饉乃至令三寶種不斷絕故三種精氣久住增長故避障惡行衆生護養行法衆生故休息衆生三惡道趣向三善道故為令佛法得久住故勤作護持佛言善哉善哉妙丈夫汝應如是

尔時佛告百億大梵天王言所有行法住法順法厭捨惡者今悉付囑汝等手中汝等賢首於百億四天下各各境界言說教令得自在處所有衆生弊惡虛癘惱害於他無有慈愍不觀後世畏觸惱刹利心及婆羅門臥舍首陀心乃至觸惱畜生心如是作然生因緣乃至作邪見因緣隨其所

作非時風雨乃至令地精氣衆生精氣正法精氣作損減因緣者汝應遮止令住善法若有衆生欲得善者欲得法者欲度生死彼岸者所有修行檀波羅蜜者乃至修行般若波羅蜜者所有行法住法衆生及為行法營事者彼諸衆生汝等應當護持養育若有衆生受持讀誦為他演說種種解脫經論汝等當與彼諸衆生念持方便得堅固力入所聞不忘智信諸法相令離生死修八聖道三昧相應若有衆生於汝境界住法奢摩他毗婆舍那次第方便與諸三昧相應勤求修習三種菩提者汝等應當遮護攝受勤作捨施勿令乏少若有衆生施其飲食衣服卧具病患因緣施湯藥者汝等應當令彼施主五利增長何等為五一者壽增長二者才增長三者樂增長四者善行增長五者慧增長汝等長夜得利益安樂以是因緣汝等能滿六波羅蜜不久得成一切種智時娑婆世界主大梵天王為首共百億諸梵天王咸作是言如是

如是大德婆伽婆我等各各於已境界弊惡麤獷惱害於他無慈愍心不觀後世畏乃至我當遮障與彼施主增長五事佛言善哉善哉汝應如是。今時復有一切菩薩摩訶薩一切諸大聲聞一切天龍乃至一切人非人等讚言善哉善哉大雄猛士汝等如是法得久住令諸衆生得離惡道速趣善道。今時世尊欲重明此義而說偈言。

我告月藏言 入此賢劫初 鳩留佛付囑
梵等四天下 遮障諸惡故 熾然正法眼
捨離諸惡事 護持行法者 不斷三寶種
增長三精氣 休息諸惡趣 令向諸善道
拘那含牟尼 復囑大梵王 他化化樂天
乃至四天王 次後迦葉佛 復囑梵天王
化樂等四天 帝釋護世王 過去諸天仙
為諸世間故 安置諸宿曜 令護持養育
至於濁惡世 白法盡滅時 我獨覺天上
安置護人民 今於大衆前 數數惱亂我
應當捨說法 置我令護持 十方諸菩薩
一切悉來集 天王亦來此 娑婆佛國土
我問大梵王 誰昔護持者 帝釋大梵天

指示餘天王 於時釋梵王 謝過導師言
我等所王處 遮障一切惡 熾然三寶種
增長三精氣 遮障諸惡朋 護持善朋黨

大集經卷第五十一

突外歲高麗國大藏都監奉

勅雕造

大方等大集經卷第五十二

虞

高齊天竺三歲那連提耶舍譯

月藏分第三諸魔得敬信品第十

尔時會中有一魔王名曰歲星即起
合掌向諸魔衆而說偈言

今此瞿曇仙大欲欺惑我分布四天下
一切諸鬼神與諸四天王皆念令護持
唯除於我等而不見與分

尔時會中復有魔王名那羅延月舉
手指示魔王波旬而說偈言

由此波旬故而不分與我如是一惡人
毀滅我等衆

尔時會中復有魔王名盧陀弗師吒
而說偈言

我等今當共速棄魔波旬如是弊波旬
鄙賤極惡法我等從昔來未曾見聞此

我今咸勸請大師瞿曇仙真正法寶衆
熾然令久住我等當護持養育令增長

尔時魔王波旬見聞諸魔作一朋黨
共平論已著慚耻愧從座而起合掌

向佛而說偈言

一切佛世尊於諸世間中永離於妄語

寂尊獨第一我今已懺謝一切尊導師
深得生敬信一向定歸依世尊今何故
猶見生厭賤

尔時世尊告彼月藏菩薩摩訶薩而
說偈言

了知清淨士如是魔波旬今實於我所
種種作留難無能盡說過今於大眾中
誠心懺謝我非是諂曲意深敬信三寶
尊重未曾有是故我今與如是魔波旬
當授於无上正智菩提記

尔時月藏菩薩摩訶薩白佛言世尊
凡夫心輕猶豫不定於三乘中未住
究竟於善於惡不能決定願亦不定
以不定故遇善知識得生淨信以信
因緣身口意業所作諸善能發勝願
以彼善心勝願因緣隨所怖求得彼
寂勝妙善報果大德婆伽婆譬如群
牛食種種草若生若枯亦飲種種清
濁等水及搗持時出純淨乳從彼淨
乳出香味酪從香味酪出生熟酥從
生熟酥出上醍醐勝果成熟大德婆
伽婆如是凡夫善心相續能生淨信
以信因緣次發勝願如是次第得大

妙果如是世尊發大乘者亦復如是
乃至未得柔順忍來心常猶豫動轉
不定得順忍已於大乘中修六波羅
蜜心不疲倦次第增進乃至得作自
然法王大德婆伽婆譬如糞穢散置
野田下諸種子以水溉灌人功助成
因緣具足於諸種子華葉果實具足
成熟大德婆伽婆如是凡夫以猶豫
心於大乘中行六波羅蜜次第修學
得柔順忍不久能滿六波羅蜜於阿
耨多羅三藐三菩提而成正覺如是
波旬雖復昔有種種諸惡煩惱熾然
種種心行身口意業作諸不善應受
苦報今於佛所深得敬信至誠懺悔
發於無上菩提之心既發心已即得
受於阿耨多羅三藐三菩提記次第
得成无上法王大德婆伽婆譬如商
主昔雖未見大海寶洲辦具資糧道
路不錯共諸商人勤用功力次第得
度大海彼岸到彼種種摩尼寶洲大
德婆伽婆如是波旬若能誠心發露
懺悔一切惡業以諸善根至誠迴向
無上菩提發大勇猛則能速滿六波

羅蜜能度三有生死大海無邊功德
皆悉圓滿得到一切智慧寶洲非是
二乘之所能到

今時佛告月藏菩薩摩訶薩言了知
清淨土如是如是如汝所說此魔波
旬今於我前發露懺悔昔所造作一
切惡業已得清淨發於無上菩提之
心是故我今與是波旬授於阿耨多
羅三藐三菩提記於未來世當得成
於无上法王

今時復有百億諸魔俱共同時從座
而起合掌向佛頂礼佛足而白佛言
世尊我等亦當發大勇猛護持養育
佛之正法熾然三寶種久住於世間
令地精氣衆生精氣法精氣皆悉增
長若有世尊聲聞弟子住法順法三
業相應而修行者我等皆悉護持養
育一切所須令無所乏復有世尊聲
聞弟子无所積聚離諸煩惱濁亂門
諍不相言訟不求名利於諸惡法著
慚耻愧不與四衆親友交通棄捨聚
落獨住閑林堅固勇猛如救頭然於
諸善法相應住者我等當共護持養

育一切所湏令無所乏所有的一切諸
惡衆生我悉遮障於一切處所有閻
諍飢饉疾疫他方怨敵非時風雨水
寒毒熱蚊蚋蛇蠍諸雜虫獸我皆遮
護令得敬信刹利婆羅門毗舍首陀
乃至畜生亦令敬信於佛正法一切
天龍夜叉羅刹阿修羅乾闥婆緊那
羅摩睺羅伽迦樓羅鳩槃荼餓鬼毗
舍遮留單那迦吒留單那等亦令敬
信佛之正法復令一切天龍夜叉羅
刹阿修羅乾闥婆緊那羅摩睺羅伽
迦樓羅鳩槃荼餓鬼毗舍遮留單那
迦吒留單那等精氣具足色力豐盛
好香美味充足無乏所有依地一切
草木根莖枝葉華果繁茂五穀苗稼
增長光澤及諸衣服亦悉豐饒土地
肥良皆悉可樂寺舍園林河泉池井
宮殿屋宅山藪林野悉令具足令諸
衆生於彼住處心得悅樂身不疲倦
若復世尊聲聞弟子有所積聚煩惱
散亂懈怠懶惰不應法者我當棄捨
不復護持安置養育自修而住我今
終不於三世佛所而故妄語犯深汙

罪佛言善哉善哉諸欲自在士汝應如是熾然我法乃至能與一切衆生安隱快樂諸仁者我以法眼復寄閻浮提一切人王若我弟子於我法中貪愛積聚煩惱闍諍與俗相染親友交通貪求名利於身口意不應正法令諸天人不得敬信樂作諸惡住不善道令閻浮提諸國王等當如法治為令佛法得久住故諸天人等得敬信故

尔時世尊復告百億他化自在天百億化樂天百億兜率陀天百億須夜摩天百億釋提桓因言諸仁者如我所說法律毗尼付囑汝等汝當護持如上所說安置養育作是語已彼五天王即白佛言世尊若有世尊聲聞弟子住法順法三業相應而修行者我等皆共護持養育供給所須令无所乏若復世尊聲聞弟子無所積聚護持養育亦如上說若復世尊聲聞弟子住於積聚乃至三業與法不相應者亦當棄捨不復養育自修而住我今終不於三世佛所而故妄語犯

染汙罪佛言善哉善哉妙丈夫汝應如是令我佛法熾然久住與諸衆生安隱快樂尔時一切諸來大衆天人乳闍婆等亦復讚彼五天王言善哉善哉妙丈夫我等昔來未聞如是護持養育諸佛正法久住世間天人熾盛惡道減少尔時世尊欲重明此義而說偈言

於此娑婆界 初入賢劫時 拘樓孫如來已囑於四天 帝釋梵天王 護持令養育熾然三寶種 增長三精氣 拘那含牟尼亦囑四天下 梵釋諸天王 護持令養育迦葉亦如是 已囑四天下 梵釋護世王護持行法者 過去諸仙衆 及以諸天仙星辰諸宿曜 亦囑令分布 我出五濁世降伏諸魔怨 而作大集會 顯現佛正法諸天咸勸請 分布四天下 我時問梵天誰昔受付囑 梵天不自稱 及以天帝釋遍觀諸天已 然後懺謝佛 一切諸天衆咸共白佛言 我等所王處 皆護持正法熾然三寶種 增長三精氣 今息諸病疫飢饉及鬪諍 過去諸如來 教我令安置如今尊導師 亦勅令護持 世尊復告語

百億諸梵天 百億天帝釋 百億四天王
汝等各皆志 於已四天下 隨其所王處
遮障惡衆生 不令心擾濁 安住於善處
修行正法者 當與不忘念 若有諸聲聞
勤求涅槃者 一切有所須 悉皆供給之
亦與彼施主 增益五功德 壽命報安樂
精進及智慧 能速滿六度 證於大菩提
如是百千億 諸天大梵王 咸共白佛言
我各於已土 護持諸聲聞 遮障惡衆生
安住佛正法 熾然三寶種 三種味精氣
皆悉令增長 百億諸魔衆 皆共生慚愧
亦志從座起 合掌白佛言 我等皆發心
護持佛正法 熾然三寶種 增長三精氣
安置諸衆生 令住於善道 為諸衆生故
休息一切惡 護持於世尊 行法諸聲聞
持佛真妙法 三業常相應 以諸所須物
養育令无乏 若有諸聲聞 無所積聚者
遠離鬭諍訟 羞慚於名利 堅固勤精進
猶如救頭然 能令無量衆 安住於正法
一切諸惡處 皆令可愛樂 依地所生種
果藥諸苗稼 悉皆令滋茂 膏澤香味具
若有諸聲聞 貪求積聚者 瞋妬多諍訟
求利無羞耻 若有如是輩 我等當捨離

我於三世佛終不犯妄語導師復告語
汝等諸魔衆護國諸人王遮障惡衆生
大集經月藏分第三提頭賴吒天王護持品第十一
尔時於此世界四天下中有日天子
月天子告彼疾行堅固天子言世尊
今在佉羅帝山半丘諸仙所依住處
作大集會佛及弟子為令佛法得久
住故紹三寶種不斷絕故三種精氣
不損減故令惡衆生得敬信故使三
惡道得休息故令三善道得增長故
汝等速往彼大集所說欲隨喜我及
眷屬於佛正法護持養育時彼疾行
堅固天子往詣佛所到已頭面礼足
而白佛言世尊彼日天子月天子遥
礼佛足作如是言我等既是乘車疾
行不得往詣彼大集所我及眷屬說
欲隨喜於佛正法我當護持安置養
育令三寶種而得熾然亦令五星二
十八宿皆得正行三種精氣悉令增
長遮障一切不善衆生令善法朋皆
得充盛人天善道具足盈滿佛言日
天子月天子汝於我法護持養育令
汝長壽無諸衰患尔時復有百億提

頭賴吒天王百億毗樓勒叉天王百
億毗樓博叉天王百億毗沙門天王
彼等同時及與眷屬從座而起整理
衣服合掌敬礼作如是言大德婆伽
婆我等各各於己天下勤作護持養
育佛法令三寶種熾然久住三種精
氣皆悉增長乃至世尊聲聞弟子三
種善業相應住者我等於彼勤加護
持攝受養育令心不濁離諸散亂趣
涅槃門隨幾時中我等常當遮障一
切惡心衆生令善法朋久住增長一
切閻諍疫病飢饉非時風雨水寒毒
熱苦辛澁觸無味枯燥臭穢衆惡不
可樂事悉令休息何以故世尊弟子
不作積聚常修慈心與善相應離諸
散亂而安住故佛言善哉善哉善男
子汝當如是勤加護持攝受養育我
所修習諸佛法眼諸來大衆亦皆讚
言善哉善哉

尔時佛告樂勝提頭賴吒天王言妙
丈夫此四天下閻浮提中東方第四
分汝應護持何以故此閻浮提諸佛
興處是故汝應最上護持過去諸佛

已曾教汝護持養育未來諸佛亦復如是并及汝子乾闥婆衆諸夜叉等一切眷屬應令敬信護持養育汝有九十一子樂種種行彼或乘爲遊行十方或復乘馬或復乘馳或乘特牛或乘殺羊或乘白羊或復乘龍或復乘鳥或乘男夫或乘婦女或乘童男或乘童女遊行十方汝亦應令得生敬信當共彼等護持閻浮提東方第四分

復有乾闥婆大臣大力軍將初名般支迦次名般遮羅次名郎伽羅次名扇陀次名奚摩跋多次名質多斯那次名那荼王次名禪那離沙婆次名尸婆迦次名牟真隣陀次名毗溼婆蜜多羅次名除珎達羅斯等皆是汝之大臣大力軍將汝亦應令得生敬信當共彼等護持閻浮提東方第四分復有四大刹多羅大力軍將有多兵衆一名好長耳二名好長鼻三名善充滿四名佉陀梨鉢帝斯等刹多羅皆是汝之大力軍將汝亦應令得生敬信當共彼等護持閻浮提東方第

四分

復有乳闍婆大力軍將兄弟三人常
將兵衆有大勢力彼等皆悉受汝教
令一名樂欲二名著欲三名憶歌復
有乳闍婆兄弟十一人初名鞞利迦
次名槃梯次名藍菩尸佉次名迦羅
荼次名拘叔羅聲次名耶舍失利次
名耶舍槃多次名耶輸達羅次名摩
羅槃妬次名摩羅縵都次名摩頭舅
多復有乳闍婆兄弟三人一名尸利
舅都次名耶闍舅多次名檀那舅多
次名難提迦次名憂波羅次名波頭
摩次名拊檀次名拊檀那次名度盧
摩羅娑次名般遮羅次名拘叔羅蘇
婆羅次名霑浮羅次名般遮尸佉次
名捺跋尸次名蘇羅斯次名摩羅毗
次名跋達那次名迦摩尸利吒次名
尸乳吒次名尸乳吒迦次名婆提浮
羅次名耶輸陀羅次名毗首婆塞多
羅次名尸騫陀次名天鼓次名摩堯
羅次名質多羅斯那次名那荼王次

名禪那梨沙婆次名尸婆迦次名牟
真隣陀次名毗首婆塞多廬次名除
珎達羅如是乳闍婆有多軍衆大有
勢力汝亦應令得生敬信當共彼等
護持閻浮提東方第四分

復有十六天神有大勢力具足神通
初名最勝次名上勝次名成就義次
名他不勝次名上喜次名喜軍次名
樂喜次名增長喜次名饒財次名多
饒財次名具毛次名十毛次名饒毛
次名憂波羅次名鉢摩迦次名餘摩
如是十六諸天神王大有威力汝亦
應令得生敬信當共彼等護持閻浮
提東方第四分

東方有處名遮波羅過去諸佛曾依
彼住亦是羅漢諸賢聖衆得證果處
諸天人等發心修行所依住處汝等
應以大精進力護持閻浮提東方第
四分

東方有山名阿跋多次名梨師三婆
婆亦是過去諸佛賢聖本修行處諸
天人等依於此處得見聖諦是故汝
等當以大精進力護持閻浮提東方

第四分

東方復有三曜七宿三天童女應令
彼等於其晝夜正行世間汝共彼等
護持閻浮提東方第四分

東方復有天龍夜叉羅刹鳩豚荼餓
鬼毗舍遮富單那迦吒富單那等住
汝東方無所屬者我當於後分布彼
等安置諸國令汝護持

尔時樂勝提頭賴吒天王白佛言世
尊如是如是大德婆伽婆過去諸佛
付囑安置護持養育亦教我等護持
東方弗婆提界如今世尊教我安置
一等無異我當深心頂戴敬受於佛
正法護持閻浮提東方第四分并我
諸官眷屬大小亦令護持於三惡趣
皆令休息於三善道皆悉熾然

尔時樂勝提頭賴吒天王復有刹多
羅輔佐大目男夫婦女童男童女一
切皆共從座而起合掌向佛頭面礼
足而白佛言世尊我等今於導師世
尊得生深信尊重敬仰得未曾有法
寶僧寶亦生深信尊重敬仰得未曾
有大德婆伽婆我等從今精勤護持

閻浮提界東方第四分世尊所有聲聞弟子若比丘比丘尼優婆塞優婆夷若餘衆生於三善業相應住者敬信三寶供養奉施聽受法者於佛正法發心修行受持禁戒相應住者并勤供養諸衆僧者我等常當護持養育若復有餘諸衆生等住阿蘭若及佛弟子住法順法發心堅固如犀牛角獨而無侶住於閑林我等當以一切所須供養奉施護持養育若復有餘一切衆生見彼閑林相應住者能以所須勤供養者我等亦當護持養育令其所須悉得稱意亦令長壽无諸衰病財富自在安隱快樂善名流布大德婆伽婆我等當作如是等事護持養育於佛正法亦令一切闕諍疫病飢饉儉短非時風雨悉令休息復令一切花果藥草五穀等物滋茂成熟肥膩軟澤善香美味妙色增盛又令地味衆生味法醍醐味滋茂增長如是精味得增長故息三惡道善道盈滿佛法久住熾然世間佛言善哉善哉妙丈夫汝等精勤作如是事護

持養育令我法眼久住熾然善說法
律能生信解則為具足供養三世一
切諸佛汝等便得壽命增長法增長
眷屬增長名稱增長色力增長善朋
增長舍宅增長信增長戒增長聞增
長精進增長念增長慧增長如是等
事得增長故便能速滿六波羅蜜得
成無上自然法王如我今也今時一
切諸來大衆天人乳闍婆等咸皆讚
言善哉善哉妙丈夫汝應如是精勤
護持諸佛正法令得久住熾然在世
使不斷絕今時世尊欲重明此義而
說偈言

世間二神通 日月遣使來 疾行堅天子
今與大衆欲 如是佛正法 我等當守護
熾然三寶種 星辰得正行 增長三精氣
遮障惡衆生 法朋得增長 善道皆盈滿
百億提頭賴 勒叉毗樓博 百億毗沙門
咸共白佛言 我於已天下 各皆勤護持
乃至諸比丘 少欲離積聚 我等遮諸惡
法朋得增長 聞諍病飢餓 諸惡令休息
導師佛告言 樂勝提頭賴 過去諸如來
已教汝安置 護持閻浮提 東方第四分

汝軍及眷屬亦令法眼增提頭白佛言
唯然大雄猛我軍大力衆法眼令熾然
除諸不善法遮障惡衆生常護諸聲聞
無所積聚者乳闍婆志起亦復白佛言
聲聞无積聚飲食令無乏我等護持法
住法境界者養育彼施主我等亦護持
遮障惡衆生法明令熾然三種精氣增
善道皆充滿

大集經月藏分第十二毗樓勒又天書品第十三

尔時佛告火花毗樓勒又天主言妙
丈夫此四天下閻浮提界南方第四
分汝應護持何以故此閻浮提諸佛
興慶是故汝應寧上護持過去諸佛
已曾教汝護持養育未來諸佛亦復
如是并及汝子一切眷屬大目軍將
夜叉羅刹皆令護持汝有九十一子
樂種種行或復乘鳥遊行十方乃至
或乘童男童女遊行十方汝亦應令
得生敬信共護閻浮提南方第四分
復有鳩槃荼大目有多兵衆大有勢
力初名跋耆拘次名阿吒薄拘次名
婆吒迦次名數支盧摩次名阿斯目
佉次名跌荼尸帝次名摩堯羅次名

跌荼泥弥次名帝利捷吒迦次名旃
檀那次名伽羅竭陀次名數目佉次
名陀提目佉乃至復有四刹多羅一
名金剛輪二名金剛焰三名箭毛四
名風王彼等皆有大力兵衆乃至復
有鳩睺荼大力軍將兄弟九人一名
檀提二名憂波檀提三名葛迦賒四
名鉢湮五名摩訶鉢湮婆六名大肚
七名烏手八名十手九名火手復有
鳩睺荼兄弟三人一名地行二名山
行三名左行復有鳩槃荼兄弟三人
一名黑色二名朱目三名雲色復有
鳩槃荼兄弟四人一名無垢二名無
瘡疣三名雲天四名大力復有鳩槃
荼二十六人初名長耳次名長乳次
名獨鳥次名編髮次名十拏次名十
目次名孤樹次名樂欲次名大欲次
名木師次名愛子次名三鳩睺荼子
次名一切菴次名雜色次名鉢眼次
名滿瓶次名瓶眼次名无病次名菴
叉次名黃髮次名多荼叉次名叉叉
次名纒綖次名毖蠅次名馬水次名
毖隨斯等鳩槃荼大力軍將有大勢

力多有兵衆汝亦應令得生敬信共護閻浮提南方第四分

復有十六諸天神王初名雜止次名雜駿次名芬陀利次名妙光次名火光次名獨閻次名多閻次名斑駁次名月尊次名衆雜次名夜暮次名欺次名不欺次名惡次名婆藹次名他不勝斯等十六諸天神王有多兵衆大有勢力汝亦應令得生敬信共護閻浮提南方第四分

南方有塔名善安住過去諸佛諸仙賢聖曾於彼住見四聖諦南方有山名曰善現過去諸佛諸賢聖衆亦於彼住見四聖諦南方復有三曜七宿三天童女汝亦應令正行於世共護閻浮提南方第四分

南方復有天龍夜叉羅刹乾闥婆鳩槃荼阿修羅伽樓羅緊那羅摩睺羅伽餓鬼毗舍遮富單那迦吒富單那住汝南方無所屬者我當於後分布安置隨其國土亦令汝等護持養育尔時火華毗樓勒叉天王白佛言世尊如是如是大德婆伽婆過去諸佛

已曾囑我教令安置亦為過去諸天
神仙教我安置護持閻浮提南方第
四分如今世尊亦教安置我當頂受
護持養育我及眷屬大目軍將亦復
護持養育佛法乃至於三惡趣皆悉
休息於三善道增長盈滿

今時火花毗樓勒又天王眷屬剎多
羅等大目輔佐鳩摩大將男夫婦女
童男童女彼等皆悉從坐而起向佛
合掌頂礼佛足而白佛言世尊我等
今於導師世尊得生深信尊重敬仰
得未曾有法寶僧寶亦生深信尊重
敬仰得未曾有大德婆伽婆我等從
今精勤養育護持閻浮提南方第四
分乃至令佛正法久住熾然惡道休
息善道盈滿佛言善哉善哉妙丈夫
乃至一切諸來大衆天人輒聞婆咸
共讚言善哉善哉今時世尊欲重明
此義而說偈言

佛告毗樓勒 大目鳩摩荼 過去佛教汝
護持於南方 古昔諸天仙 亦教汝安置
熾然正法明 遮障惡衆生 導師今告汝
人我法熾然 當受我寄付 如來正法眼

熾然三寶種 三種精氣增 飲食衆味藥
膏澤豐可樂 住法諸比丘 乃至无積聚
應當護養育 令無所乏少 亦護彼施主
財命樂富慧 五事常饒益 悉令得增長
正行諸宿曜 星辰歲四時 令竭三惡趣
善道皆盈滿

大集經月藏分第十二毗樓博叉天王品第十三

今時佛告耨檀華毗樓博叉天王言
妙丈夫此四天下閻浮提界西方第
四分汝應護持何以故此閻浮提諸
佛興處是故汝應取上護持過去諸
佛已曾教汝護持養育未來諸佛亦
復如是并及汝子大臣眷屬亦令護
持汝有九十一子樂種種行如上所
說復有諸龍大目兵衆有大勢力一
名師子二名師子駿三名自在四名
黃頭五名黃鼯六名赤目七名瞿耽
摩八名山水乃至復有四刹多羅一
名鵞瞿二名萌瞿三名僂七曾反伽又四
名闍叉附乃至復有諸龍軍將有大
勢力常將兵衆初名難陀次名憂波
難陀次名善現次名阿那婆達多次
名和修吉次名善達立次名天齒次

名得叉迦次名婆樓那次名婆娑婆次
名阿樓那次名侯樓荼次名冰伽羅
次名生伽羅次名功德次名妙德次
名功德滿次名虛妄行次名波賒次
名摩訶波賒次名禪那次名宅施次
名海施次名閻浮施次名睽婆羅次
名善辭次名藍摩那次名日光次名
月光次名月眼次名栴檀次名妙賢
次名妙耳次名質多羅次名施色次
名頓支次名牟真隣陀次名藍浮羅
次名迦那迦次名烏耳次名般籌迦
次名聲佉次名伊羅鉢次名阿波羅
邏次名那羅達次名憂波那羅次名
尸利迦次名菴羅提他次名婆稚子
次名提到羅吒次名瞻波次名瞿曇
摩次名般遮梨次名項力次名黠九嚴反
婆利次名毗摩次名山僻次名恒伽
次名辛頭次名博叉次名私陀斯如
是等六十一龍皆是汝之大力軍將
乃至西方十六天神亦有兵衆有大
勢力初名薩沙婆帝次名西賒婆帝
次名耶輸陀羅次名耶賒跋帝次名
鬱伽摩次名第一善次名善覺次名

善起次名闍陀次名毗闍陀次名離
垢次名毗樓荼次名牛仙次名瞻婆
迦次名優樓闍次名迦迦吒耨乃至
西方有塔名曰極雨乃至有山名曰
香風乃至有山名衆色重閣乃至西
方復有三曜七宿三天童女皆令正
行共護閻浮提西方第四分西方所
有諸天龍鬼乃至迦吒留單那等住
汝西方無所屬者我當於後分布安
置隨其國土亦令汝等護持養育
今時栴檀華毗樓博叉天王作如是
言大德婆伽婆過去諸佛已曾如是
教我安置護持養育此閻浮提西方
第四分如今世尊教我安置等无有
異我今佛前深受教勅護持西方諸
佛正法乃至善道皆令盈滿尔時毗
樓博叉復於佛前而說偈言

毗樓博叉王 共諸龍臣言 過去佛天仙
勅我護西方 并諸龍軍衆 遮障惡衆生
闍亂諸病疫 汝應令休息 增長三精氣
及護我法眼 住法諸比丘 少欲無積聚
護持增壽命 及色力樂瞻 如是天人師
今志向我說 深信佛所勅 我今頂戴受

護持三寶種 熾然正法眼 住法諸聲聞
我等當護持 共諸龍軍衆 除諸不善法
遮障惡衆生 令彼悉休息 華果樂豐饒
膏澤衆味具 令諸刹利王 敬信佛正法
毗舍及首陀 龍神夜叉衆 我令彼得信
深敬佛所說 護持在閑林 少欲無積聚
正行諸宿曜 星辰歲四時 令竭三惡趣
善道皆盈滿

大集經月歲分第十二毗沙門天王品第十四

尔時佛告拘鞞羅毗沙門天王言妙
丈夫此四天下閻浮提界北方第四
分汝應護持何以故此閻浮提諸佛
興慶是故汝應衆上護持過去諸佛
已曾教汝護持養育未來諸佛亦復
如是并及汝子大臣眷屬夜叉毗舍
遮皆令護持汝有九十一子樂種種
行彼或乘鳥遊行十方或復乘馬或
復乘馳或乘特牛或乘殺羊或乘白
羊或復乘龍或復乘鳥或乘男夫或
乘婦女或乘童男或乘童女遊行十
方汝亦應令得生敬信共護閻浮提
北方第四分

復有夜叉大目大力軍將初名无病

次名吉祥次名安隱次名成利次名
他不勝次名滿願次名豐饒次名歡
喜次名水盡并次名南淨沙度次名電
光次名火光次名水眼次名郁伽次
名好耳次名攝受斯等夜又是汝大
臣大力軍將應令彼等得生敬信共
護閻浮提北方第四分

復有四大刹多羅一名長目二名長
面三名坐瓮四名花杖斯等刹多羅
皆是汝之大力軍將汝亦應令得生
敬信共護閻浮提北方第四分

復有夜叉大力軍將常將兵衆初名
因陀羅次名蘇摩次名婆樓那次名
婆闍波帝次名婆羅波闍次名伊奢
那次名勝欲次名栴檀次名尸軋吒
次名尸軋吒迦次名婆稚次名摩尸
遮羅次名波尸邏次名憂般遮迦次
名娑陀祇利次名美摩跋多次名薩
他次名波羅末檀那次名軋竹迦次
名迦摩多卑次名富樓那次名佉陀
利次名瞿波利次名祇呵知次名阿
吒迦次名阿吒薄拘次名那羅提次
名那羅邏擔次名禪那梨沙婆次名

質多羅迦次名質多斯那次名施婆
利次名涅伽多次名長牟次名摩那
吒次名摩那婆次名臬何度次名毗
盧遮那次名伏龍次名毗摩次名護
門次名多摩那次名能迷惑次名取
意次名子男婆次名迦吒僧叉次名
鉢軋沓婆次名明月次名阿婆婆婆
次名三牟達羅次名牛仙斯等五十
夜叉軍將皆是汝之大力軍衆受汝
教勅汝亦應令得生敬信共護閻浮
提北方第四分

復有十六諸天神王初名伊荼次名
鞞荼次名那荼次名天蓮花次名鉢
陀摩跋帝次名點_一軋_反締多次名摩
訶軍闍次名阿奚多次名奚多奢耶
次名毗樓稚次名憂波羅次名月次
名如月次名婆樓那次名三波帝斯
等十六諸天神王亦有大方有多軍
衆汝亦應令得生敬信共護閻浮提
北方第四分北方有塔名尸佉利過
去諸佛諸仙賢聖依彼住處見四聖
諦北方有山名曰申渠日月天子所
居住處及大神力名稱鬼神所依住

慶汝以彼等大精進力共護閻浮提
北方第四分北方復有三曜七宿三
天童女汝亦應令正行於世共護閻
浮提北方第四分北方所有天龍夜
叉羅刹鳩豚荼餓鬼毗舍遮富單那
迦吒富單那住汝北方無所屬者我
當於後分布安置隨其國土亦令汝
等護持養育

今時拘毗羅毗沙門天王白佛言世
尊如是如是大德婆伽婆過去諸佛
已曾教我令作護持安置養育此閻
浮提北方第四分我今如是深受佛
教護持閻浮提北方諸佛法
今時拘毗羅毗沙門王兒及大臣剎
多羅等諸夜叉將十六天神一切眷
屬男夫婦女童男童女皆從座起合
掌向佛頂禮佛足而白佛言大德婆
伽婆我及眷屬今於佛所得生深信
尊重敬仰得未曾有法寶僧寶亦生
深信尊重敬仰得未曾有大德婆伽
婆我等從今誠心懇懃攝伏惡心諸
衆生故勤加護持此閻浮提北方第
四分我今亦與上首毗沙門王同心

護持此間浮提北方諸佛法

今時拘毗羅毗沙門王復白佛言世尊若佛弟子比丘比丘尼優婆塞優婆夷於佛正法三業相應者專心聽法如說修行學持戒者若餘衆生於三寶所得敬信者供佛施僧勤修福業者我與眷屬皆共同心受佛寄付為作安置護持養育若佛弟子依阿蘭若住法順法勤加修行如犀牛角獨而無侶住於閑林我當倍復護持養育若有衆生於彼閑林世尊所有修行聲聞勤修供養无所乏者我當方便護持養育五事饒益何謂為五一者壽命增長二者財增長三者無病增長四者樂增長五者稱譽增長我以如是護持養育令具足故三寶熾然佛種久住若有衆生於已境界貪求聚積无有厭足不觀後世可怖畏事瞋惡躁急無有慈愍觸惱刹利種種兵仗共相戰鬪屠割斫刺捕獵煞害牢獄繫閉謫罰擯黜煞生偷盜乃至邪見而與刹利作惡因緣及婆羅門毗舍首陀男夫婦女童男童女

乃至畜生共相觸惱作惡因緣令彼
衆生迭相煞害種種劫奪無量惡行
因緣集會我當遮障諸惡衆生令住
慈心悲心信心戒心捨心聞心慧心
令離不善安置善處遮諸鬪諍疫病
飢饉非時風雨及惡霜雹亦復遮障一
切惡爲師子虎狼惡牛惡馬熊羆鷹
鷂蚊蠅蚤亦令一切花葉果藥五
穀滋茂衆香美味好色膩澤皆悉可
樂常令豐足地味精氣衆生味精氣
法醞醖味精氣如是精氣增長世間
所有枯燥麤惡色无味臭穢花荼
果藥不可愛樂不中用物我令彼等
皆悉隱沒如是地味精氣衆生味精
氣法醞醖味精氣增長久住以地味
精氣衆生味精氣法醞醖味精氣增
長久住故如是佛法增長久住以是
佛法增長久住故一切衆生生死煩
惱長夜休息得入無畏大涅槃城以
是因緣我共軍將大臣眷屬護持閻
浮提北方第四分令佛法眼久住熾
然乃至亦令世尊弟子無所積聚住
於閑林如犀牛角獨而无侶三葉相

應如救頭然不相調弄欺惑聞諍於
諸衆生生慈心悲心愍心信心戒心
捨心精進心心念心定心慧心大德婆
伽婆我等如是令佛法眼久住世間
於三寶種熾然久住亦令世間一切
衆生不可樂事苦觸等物忘令休息
遮惡衆生建立善法息三惡趣增三
善道若復世尊聲聞弟子棄捨正念
棄捨思惟棄捨正觀棄捨讀誦及為
他說棄捨正法所修行事營綜家業
種種生具商賈種植園林果樹畜養
奴婢爲馬馳驅牛羊鷄犬猪豚麀鹿
鷹鵠孔雀勤修王家所有事業城邑
事聚落事家業事與俗交通馳使走
役通致信命貯積錢財飲食衣服稻
粟繒帛於他財物亦復守護藏惜積
聚或復呪術或以書畫教他自活若
如是者我等不能護持養育我今終
不於三世佛所而故妄語犯染汙罪
佛言善哉善哉妙丈夫我於無量阿
僧祇劫所修法眼善說正法毗尼正
戒如是勤加護持養育今久住者則
為供養三世諸佛汝等如是則得壽

命增長財增長力增長樂增長朋黨
增長眷屬增長宮殿增長信增長戒
增長聞增長精進增長捨增長念增
長慧增長以是增長因緣力故便能
速滿六波羅蜜成等正覺猶如我今
得成無上自然法王我今復以佛之
正法付囑閻浮提諸大國王於我滅
後護持養育若有比丘離諸慚愧汙
染我法私立田業者養奴婢乃至畜
生而作種種家業生活如是比丘閻
浮提界諸大國王應當遮障呵責損
黜今離諸過護持養育令行正法

尔時一切諸來大衆天人乾闥婆阿
修羅人非人等咸皆讚言善哉善哉
妙丈夫汝為佛法得久住故勤加護
持尔時世尊欲重明此義而說偈言
佛告毗沙門 及千夜叉衆 汝等皆應共
護持於北方 住法諸比丘 慚愧聲聞等
汝受我寄付 勤加護養育 過去尊導師
勅汝今安置 護持佛正法 遮障惡衆生
不當勤護之 毗沙門王言 如是佛正法
我頂受 勤加護養育 憼然正法眼

增長三精氣 遮障惡衆生 勤斷諸聞訟
無積聚聲聞 少欲知足者 能離諸惡業
我亦勤護持 若有能供養 修行諸聲聞
當以五事增 饒益於彼等 曠澤香美味
華果衆藥草 為令彼受用 我志令豐饒
三種味精氣 彼得增長故 我等勤護持
佛法久熾然 我復令國王 剃髮无慚者
彼等王應遮 大衆咸皆讚

大集經卷第五十二

癸卯歲高麗國大藏都監奉
勅雕造

大方等大集經卷第五十三

虞

南齊天竺三藏那連提耶舍譯

月藏分第十二呪輪護持品第十五

今時世尊復告四天王言我今與汝大力雄猛不可害輪大明呪句如是呪句過去億百千万諸佛之所演說沒若持此大力雄猛不可害輪大明呪句一切諸魔及魔眷屬尚不敢近何能觸娆今時世尊作是語已即說呪曰

哆經夜他^一阿婆夜陀提^二毗嚩陀毗

羯羅咩^三阿那毗梨^四阿那羅移^五阿

毗憐泥^六阿拘毗移^七阿呪帝^八輸婆

提市^九提闍婆成^十摩訶提帝^{十一}憂

簸舍咩^{十二}迷哆囉伽帝^{十三}阿婆嚩

呬^{十四}迷達涕^{十五}頰他悉地^{十六}舒婆謨

遮^{十七}婆補娑婆帝^{十八}沙女摩竭囉舒祇^{十九}

阿菟哆嚩^{二十}達摩毗訶梨^{二十一}哆他多

娑摩底^{二十二}佛陀地亂他泥^{二十三}尸羅毗

首地^{二十四}阿菟羯羅咩^{二十五}阿僧訶唎

娑^{二十六}復^{二十七}俱致^{二十八}阿毗市^{二十九}靖帝^{三十}蘇

婆呵^{三十一}

諸仁者此是汝等四大天王大力雄
猛不可言輪大明呪句如是呪句過
去億百千萬諸佛之所演說汝若持
此大力雄猛不可言輪大明呪句一
切諸魔及魔眷屬尚不敢近何能觸
燒今時所有一切諸魔及魔眷屬皆
悉驚怖無有勢力各各著慙向佛合掌
亦時世尊復告毗沙門天王言我今
與汝北方大力雄猛不可言輪大明
呪句汝以持此大力雄猛不可言輪
大明呪故於已眷屬及他眷屬天龍
夜叉羅刹阿修羅乾闥婆鳩槃荼餓
鬼毗舍遮富單那迦吒富單那尚不
敢近何能觸燒汝於一切惡鬼神所
當得大力雄猛不可言輪亦時世尊
作是語已即說呪曰

哆經夜他^一勿檀泥^二鉢羅勿檀泥^三
勿達那跋帝^四渠唎軋陀利^五朱唎^六

旃荼唎^七頰唎毗闍耶末提^八駝駝勿

檀泥^九跋羅^十吠羅^{十一}勿檀泥^{十二}蘇婆

呵^{十三}

汝以此呪北方當得大力雄猛不可
言輪於已眷屬及他眷屬尚不敢近

何能觸燒

今時世尊復告提頭賴吒天王言我
今與汝東方大力雄猛大明呪白乃
至當得不可害輪今時世尊作是語
已即說呪曰

哆經夜他^一丘嚩闍帝^二勿嚩闍帝^三
鉢羅帝^四虱薑^四摩訶薩^五嚩囉跋
帝^六鬱那婆帝^七伽樓婆帝^八求嚩
髀^九勿嚩髀^十末嚩勿嚩髀^{十一}求嚩求
嚩^{十二}勿嚩軋提^{十三}勿嚩闍帝^{十四}阿羅
娑婆帝^{十五}摩羅娑婆帝^{十六}默泥迷泥
多豆婆南^{十六}多豆婆南^{十七}蘇婆呵^{十八}
汝以此呪東方當得大力雄猛不可
害輪於已眷屬及他眷屬尚不敢近
何能觸燒

今時世尊復告毗樓勒叉天王言我
今與汝南方大力雄猛大明呪白乃
至當得不可害輪今時世尊作是語
已即說呪曰

哆經夜他^一耆唎耆唎^二耆盧那跋
帝^三呾泥^四呵臍泥^五阿泥那跋帝^六
群籌群籌^七蘇婆呵^八

汝以此呪南方當得大力雄猛不可

言輪於已眷屬及他眷屬尚不敢近
何能觸嬈

尔時世尊復告毗樓博叉天王言我
當與汝西方大力雄猛不可害輪大
明呪句汝以持此大力雄猛不可害
輪大明呪故於已眷屬及他眷屬諸
龍夜叉羅刹阿修羅乳闍婆鳩槃荼
餓鬼毗舍遮留單那迦吒留單那等
尚不敢近何能觸嬈尔時世尊作是
語已即說呪曰

哆經夜他^一阿毗婆嚩泥^二婆嚩拏跋
帝^三勿囉竭囉跋帝^四婆嚩泥^五婆嚩
拏耶世^六憂受婆羅^七鉢羅受婆嚩^八
感受婆隸^九摩呵受婆隸^十受婆邏^{十一}
摩身達囉舍^{十二}娑闍鞞^{十三}薩婆哆
囉毗喇帝^{十四}訖喇多耶世失薑^{十五}
蘇婆呵^{十六}

汝以此呪西方當得大力雄猛不可
害輪於已眷屬及他眷屬尚不敢近
何能觸嬈尔時世尊復告四大天王
而說偈言

諸山有稱譽 自在者化作 極兩鷄羅娑
香仙佉羅搭 風火及雪山 日月所居處

北方常護持世尊真妙法般支般遮羅
訖尼伽羅度彼等常護持四維佛正法
地神大地神黑色大黑色羅睺毗摩質
須質波羅陀婆稚睺婆利及牟真隣陀
共護於下方世尊真妙法

大集經月藏分第十三忍辱品第十六之一

尔時有一阿修羅王名曰火味在彼
會中從座而起舉手而拍羅睺羅阿
修羅王向四百億阿修羅王作如是
言此羅睺羅阿修羅王是我等輩尊
重師長能以福慧益諸衆生自在勇
猛諸阿修羅中取勝第一羅睺羅王
及與我等皆為瞿曇之所欺蔑為令
佛法得熾然故付囑餘衆而不見與
故令我等受大耻辱次復有一阿修
羅王名鎮星毗摩作如是言我等昔
來各各於已四天下中與釋提桓因
共相齊等今如野干逐師子後我等
寧可捨此凡下還於本國城邑宮殿
又我寧死何能忍受如是欺辱此是
大怨令我等輩生大憂苦時羅睺羅
阿修羅王作如是言衆生寧可取勝
人邊受其罵辱不於凡下而得讚歎

何以故令多好人所輕賤故此天人
師於三界中取勝自在住於彼岸善
知時宜隨其所應故如是也

今時月藏菩薩摩訶薩合掌向佛一
心敬礼而作是言道師當觀此羅睺
羅阿修羅王具有如是堅慧勝慧安
住堅信樂善樂忍持戒清淨深信三
寶不久速成無上導師唯願世尊熾
然法故應當與此羅睺羅分今時世
尊告四百億阿修羅王而說偈言

汝先具諸德 各已住淨信 如是昔諸佛
囑法與汝等 我今以此法 悉亦付囑汝
當以諸方便 護持我法眼 汝等作是福
增滿大智海 各於自境界 守護我正法
住法常樂忍 護持定根者 汝等若如是
咸供三世佛 常詣於善趣 命智果具足
於世流轉時 得離諸惡道 諸求勝報者
當熾我法眼 各於已國土 遮障惡衆生
今時諸阿修羅悉起合掌咸作是言

我等阿修羅 各各於已國 休息一切惡
熾然世尊法 習行法施者 於惡作護持
增長三精氣 離惡住善道

今時諸來一切大衆諸天及人輒闍

婆等咸皆歎諸阿修羅言善哉善哉
爾時世尊亦復歎彼四百億阿修羅
王及諸眷屬作如是言善哉善哉妙
丈夫輩汝能如是是名供養三世諸
佛當懃護持養育我法佛之法眼而
得熾然令三寶種久不斷絕是故我
今將於汝等及諸眷屬付囑下方一
切諸佛現在住世未涅槃者及付賢
劫一切菩薩摩訶薩汝等常與彼諸
阿修羅生生相值汝當於此賢劫之
中得成正覺出於世時當與汝等作
上施主護持正法持戒第一得禪三
昧具足忍力如此賢劫最後如來名
曰盧遮應正遍知出現於世爾時盧
遮當授彼等阿耨多羅三藐三菩提
記便得速滿六波羅蜜不久當為無
上法王得入無畏涅槃大城如是若
復有諸衆生若現在世及未來世於
我法中出家修道三業相應若復放
棄出家修道若復有能勤加護持養
育供給我諸聲聞比丘比丘尼優婆
塞優婆夷令三寶種得不斷絕若有
能修檀波羅蜜乃至般若波羅蜜若

有營造塔廟形像及以修故種種捨
施供養供給四方衆僧置立寺舍及
以修故又復於彼四方僧寺捨施種
種衣服卧具器物所須及施田宅財
寶園林僮僕給使乃至畜生若復見
他捨施諸物還追奪者以力遮護若
復施我聲聞弟子衣服飲食卧具湯
藥一切所須我之所有聲聞弟子或
有因緣遭遇苦惱若以自力若假他
力方便令脫我以如是諸衆生等悉
皆付囑十方現在一切諸佛及付賢
劫所有菩薩摩訶薩等令其攝受生
得相值若彼賢劫諸佛出世是諸衆
生於彼佛所作大施主守護正法持
戒第一得禪三昧具足忍力如此賢
劫最後如來出現於世于時彼佛當
授彼等阿耨多羅三藐三菩提記便
得速滿六波羅蜜不久當為无上法
王得入無畏涅槃大城
今時復有无量億百千衆生悲淚滿
目瞻仰如來作如是言我今觀諸大
悲世尊所有解脫出於三界一切諸
道生死空獄捨於渴愛離世八法及

我我所憍慢煩惱離於一切十二有
支知一切法猶如虛空住不顛倒常
於衆生起大悲心然諸如來為衆生
故令此法眼及三寶種於此娑婆久
住不滅故加護持如來今復以諸天
龍夜叉羅刹乾闥婆緊那羅伽樓羅
摩睺羅伽鵝豚荼餓鬼毗舍遮富單
那迦吒富單那人非人等寄付諸佛
及諸菩薩彼諸衆生現在未來若布
施若持戒若修定慧於此佛法精勤
相應寄付諸佛及諸菩薩摩訶薩等
為滿六波羅蜜令得阿耨多羅三藐
三菩提故若有衆生厭苦求樂无不
於現在世及未來世方便精勤護持
養育熾然法眼紹三寶種而能得之
佛言如是如是如汝所言若有愛已
厭苦求樂應當護持諸佛正法從此
當得無量福報若有衆生為我出家
剝除鬚髮被服袈裟設不持戒彼等
恚已為涅槃印之所印也若復出家
不持戒者有以非法而作惱亂罵辱
毀訾以手刀杖打縛斫截若奪衣鉢
及奪種種資生具者是則壞三世

諸佛真實報身則批一切天人眼目
是人為欲隱沒諸佛所有正法三寶
種故令諸天人不得利益墮地獄故
為三惡道增長盈滿故何以故我昔
為於一切衆生修菩薩行為此法眼
於諸衆生起大悲心捨已身血猶如
大海與諸乞者捨頭猶如毗福羅山
眼耳亦亦捨鼻猶如百千安盧那捨
舌猶如十安盧那捨手捨脚各皆亦
如毗福羅山捨皮可覆一閭浮提亦
捨無量爲馬車牛奴婢妻子及以王
位與諸乞者亦復捨於無量國土城
邑宮殿村落舍宅寺廟園林衣服卧
具山澤林藪與諸乞者於諸佛所受
持禁戒而无缺犯二佛所無量供養
二佛所稟受無量那由他百千法門
受持讀誦護持戒行善修三昧陀羅
尼忍又我亦曾供養恭敬無量元邊
菩薩摩訶薩供養恭敬無量緣覺供
養無量佛聲聞衆供養无量到果聲
聞供養無量外道仙人供養无量父
母師長供養無量病苦之者亦於无
量苦逼衆生無救護者為作救護无

歸依者為作歸依無趣向者為作趣
向今其安住及以供養我已无量長
遠劫數修諸苦行持戒威儀梵行具
足諸仁者我已如是於彼三大阿僧
祇劫悲愍一切苦衆生故發大堅固
勇猛之心久修無上菩提之行我今
於此盲冥世間無大導師儉法之時
極惡增長白法盡時五無聞業誹謗
正法毀訾賢聖與不善根相應衆生
瞋惡穢惡離諸善耻無有慈愍不觀
後世可怖畏事於如是等諸衆生中
發心願成阿耨多羅三藐三菩提復
於一切淨佛國土所棄衆生中降大
法雨復願與彼諸衆生等除如金剛
堅固煩惱彼等衆生隨其所欲於三
乘菩提令不退轉復願救度三惡衆
生安置善道及涅槃樂與彼衆生作
正法眼加護令得久住於世長夜熾
然彼諸衆生於我法中出家剃髮披
服袈裟不持禁戒若有供養彼等人
者如是衆生亦得大果何況為我出
家持戒住法相應供養侍者即得無量
阿僧祇大福德聚何況復能種種供養
我諸聲聞聖弟子衆而當不得無量不

可說阿僧祇大福德聚是故我今於如是等諸衆生中於阿耨多羅三藐三菩提而成正覺一切世間天人中上福田所謂得向八大丈夫以是緣故所有衆生於現在世及未來世應當深信佛法衆僧彼諸衆生於人天中當得受於勝妙果報不久當得入無畏城如是乃至供養一人為我出家及有依我剃除鬚髮著袈裟片不受戒者供養是人亦得乃至入無畏城以是緣故我如是說若復有人為我出家不持禁戒剃除鬚髮著袈裟片有以非法惱害此者乃至破壞三世諸佛法身報身乃至盈滿三惡道故是故我上如是告汝若有愛已求樂離苦應當精勤護持養育熾然法眼紹隆三寶令不斷絕以是因緣從此當得无量福報

尔時月藏菩薩摩訶薩復與八千億那由他百千菩薩摩訶薩俱從座起合掌向佛一心敬礼作如是言如是如是大德婆伽婆於我住處月勝世

界大師如來日月光時時稱揚娑婆
世界釋迦牟尼佛昔菩薩時大勇猛
力極苦精勤而修諸行如是菩薩以
大慈悲大願力故今者於彼五濁惡
世無間罪業誹謗正法毀訾賢聖不
善相應諸衆生中於阿耨多羅三藐
三菩提而成正覺是佛於彼計斷計
常瞋惡惡無有慈愍歸依邪道求
種種師不觀後世可怖畏事諸衆生
中為之說法然諸衆生勤作方便欲
害釋迦牟尼如來或以毒藥和食而
奉或以刀杖惡爲師子惡牛惡狗方
便欲害或有謗言而無梵行或言非
男或言是賊或言煞生作如是等種
種誹謗或復有以塵土汙塗或有於
大衆中魚穢罵詈種種毀訾或有於
佛住處以諸臭穢不淨之物汙令盈
滿或有見者啼泣不喜或有見者含
眼掩面或有見者背走遠逝有不欲
見開戶塞牕而彼釋迦牟尼如來於
此一切惡衆生中而能忍受如是无
量衆惡苦事亦復於彼諸惡衆生不
瞋不惱然復不捨晝夜常於彼諸衆

生起大悲心一切時處隨逐化之如
少孖牛初生犢子而未長大忽然失
之其母尔時求覓而走如是釋迦牟
尼如來亦復如是於諸衆生其心平
等以大悲故隨逐而走於三惡道而
拔濟之置於善道及涅槃樂如是大
悲相應具足今此釋迦牟尼如來娑
婆世界而作佛事尔時於彼一切大
衆聞此事已皆生希奇未曾有心歡
喜踊躍於彼佛前作如是言大德婆
伽婆我等亦尔當以精勤大勇猛力
經於無量阿僧祇劫修菩提行行檀
波羅蜜乃至行般若波羅蜜如是善
巧方便成熟諸衆生故而修諸行猶
如釋迦牟尼如來作菩薩時久修菩
提行願於五濁不淨世界惡衆生中
於阿耨多羅三藐三菩提而成正覺
乃至安置一切衆生於諸善道及涅
槃樂我亦如是願於五濁不淨佛土
於阿耨多羅三藐三菩提而成正覺
如是成熟五無間業乃至與彼諸不
善根相應衆生安置善道及涅槃樂
彼諸衆生即時於日月光佛所如上

所願得授記者

今時會中復有無量恒河沙等菩薩摩訶薩是於十方為見釋迦牟尼佛故為供養故見大集故而來此者彼諸菩薩咸同一音作如是言大德婆伽婆我等亦各於已佛土從彼如來各聞如是稱揚世尊如月藏菩薩之所說也於彼各有那由他諸菩薩等悉皆如是發大誓願為欲成熟諸眾生故而作佛事亦如月藏菩薩摩訶薩之所說也

今時復有於彼諸來一切天龍乃至一切迦吒富單那人非人等皆悉合掌作如是言我等謝過大悲釋迦牟尼如來應正遍知我等於佛若身口意所作罪過若於法僧及於世尊一聲聞弟子所作罪過今於佛前誠心懺悔願更莫造堅持禁戒我等无知猶如小兒不善所行唯願世尊大悲深愍受我懺悔我等受寄護持養育世尊法眼以諸方便令得熾然護持三寶久住不滅亦能增長三種精氣遮障諸惡於佛一切聲聞弟子乃至

若復不持禁戒剝除鬚髮著袈裟片
者作師長想護持養育與諸所須令
無乏少若復有諸刹利國王作諸非
法惱亂世尊聲聞弟子若以毀罵刀
杖打斫及奪衣鉢種種資具若他給
施作留難者我等令彼自然卒起他
方怨敵及自國土亦令兵起病疫飢
饉非時風雨鬪諍言訟誹謗譏調又
令其王不久復當亡失已國如是若
復諸婆羅門毗舍首陀男夫婦女童
男童女若餘天龍乃至迦吒富單那
等於佛所有聲聞弟子作其惱亂若
奪精氣氣噓其身乃至惡心以眼視
之我等悉共令彼天龍乃至迦吒富
單那等所有諸根毀滅醜陋不依處
所我以擔力悉令如是我等遊止及
常居處令彼不復得與我等共住共
食亦復不得同處戲笑如是擯罰若
有惱亂乃至剝髮被服袈裟不持戒
者亦復如是若復世尊聲聞弟子乃
至無所積聚有慈愍心三業相應如
是時來我等能護令世尊法眼熾然
不滅

尔時世尊而讚歎言善哉善哉諸妙
丈夫汝若如是則於一切所作事中
无諸過失汝等以是受我付囑護持
養育熾然法故便為供養三世諸佛
若汝勤加護持養育熾然我法紹三
寶種令不斷絕若有為我已出家者
及與未來諸出家者汝等亦應護持
養育此是汝等阿耨多羅三藐三菩
提因

尔時羅睺羅阿修羅王與無量百千
阿修羅等俱從座起合掌向佛一心
敬礼作如是言大德婆伽婆我等亦
為勤護養育熾然佛法令三寶種不
斷絕故為降伏他故休息遮障一切
諸惡故令三精氣得增長故復為護
持攝受養育世尊所有聲聞弟子及
正法故復為利益諸衆生故遮諸罪
過摧諸惡人降伏諸怨并除一切邪
鬼魍魎息諸鬭諍成就一切諸禾苗
稼令諸惡人得作善友志攝一切散
亂者故又令所欲皆得稱意故說大
陀羅尼名曰電光嚩縮作是語已即
說呪曰

多地夜他囉婆系囉婆系囉婆系
男離囉系阿婆離囉系跋囉摩囉系
珊都囉系閻婆勤那囉系阿婆蜜唎
也囉系伽那底囉囉系伽婆叉収達
囉囉系首収達囉首収達囉首収達囉
囉系牟左婆遮那囉系底唎囉且
那羽舍囉系失勤那底唎鳴闍牟
左囉系質囉迦羅底唎牟左囉系
彌達囉菟那頭婆囉系邏蘇婆呵
大德婆伽婆此電光唵縮大陀羅尼
悉能饒益一切衆生乃至令諸所欲
稱意若有比丘比丘尼優婆塞優婆
夷若餘清信善男子善女人等能與
釋法相應而住若復營事若行蘭若
若在樹下若在露地如是人等若能
受持讀誦念此電光唵縮大陀羅尼
若有阿修羅阿修羅婦阿修羅父阿
修羅母及與兒女若阿修羅左右眷
屬男夫婦女及阿修羅給使之人欲
來惱害伺其便者皆悉不能得彼少
分是阿修羅不復還能入已城邑令
其頭破以為七分如阿梨樹枝今時
諸來一切大衆咸皆歎言善哉善哉

今時毗摩質多羅阿修羅王復與百
千阿修羅等俱從座起合掌向佛一
心敬礼作如是言大德婆伽婆我等
亦為護持養育世尊所說正法眼故
乃至增長三種精氣故復為護持攝
受養育世尊所有聲聞弟子故又為
降伏一切怨家令諸惡人皆生歸仰
休息一切所有疾病伏諸剛強攝諸
惡人令作善友具好眷屬令諸種子
得生不壞成熟一切果實齒孫故說
大陀羅尼名師子遊步作是語已即
說呪曰

多地夜他凍

安樓唎夜

跋囉企

佉帝

跋囉企跋囉企阿牟尼

阿牟佉牟尼

闍耶毗闍易阿婆囉題耶闍夷泥

婆呵薩囉叉佉梨阿那佉梨

毗耶寐失囉佉梨牟那迦囉婆佉梨

阿蜜多受沙佉梨阿婆咩娑斯那婆系

常伽囉奢咩頗邏囉娑勿達唎跋闍

嚩奢摩那伽博憩僧伽奢咩憂

波扇多呵唎蘇婆呵

大德婆伽婆此師子遊步大陀羅尼
能伏諸怨乃至成熟一切齒孫若有

比丘乃至清信善女人等與禪相應
乃至露地受持讀誦流布如是師子
遊步大陀羅尼若有阿修羅乃至給
使欲來惱害伺其便者終不能得彼
之少分是等亦復不能還入阿修羅
城令其頭破而作七分如阿梨樹枝
亦時諸來一切大衆亦皆歎言善哉
善哉

亦時牟真隣陀阿修羅王與無量百
千阿修羅等俱從座起合掌向佛一
心敬礼作如是言大德婆伽婆我等
亦為護持養育世尊所說正法眼故
乃至增長三種精氣故復為護持攝
受養育世尊所有聲聞弟子故說大
陀羅尼名伏諸龍作是語已即說
呪曰

多地夜他 毗梨沙叉 毗喇沙叉 毗喇
沙叉 線_{頌後反}呵 毗喇矢至迦 毗喇沙佉那
摸囉曷多 呵呵紂呵紂呵紂伽伽紂
渠竭梨渠竭梨 三年達囉渠竭梨
薩婆闍邏 渠竭梨悉那婆渠竭梨
薩婆浮闍伽 渠竭梨呵呵渠竭梨
悉多婆闍多 渠竭梨 娑緊柘那

渠竭梨阿婆多阿臚夜 娑斫闍毗夜
阿臚夜 軍他閼婆 遮羅闍牟邏
阿佉闍呵臚夜闍 婆羅闍毗弥奢
阿臚夜闍 阿衫浮 呵臚夜 蘇婆呵
大德婆伽婆此伏諸龍大陀羅尼志
能休息一切疾病亦能捲縮打縛一
切惡鬼不令為害能止非時惡風暴
雨諸惡毒氣亦能降伏眼視煞人衆
惡龍等斷諸欲著於諸龍身能作熱
惱及能熱惱其所住處熱惱其心熱
惱其業熱惱所有資生之具大德婆
伽婆若有比丘乃至清信善女人等
與禪相應乃至露地受持讀誦流布
如是降伏諸龍大陀羅尼若有龍若
龍婦若龍父若龍母若龍兒女若龍
左右男夫婦女若龍給使欲來惱害
伺其便者乃至不能得彼少分令其
反得熱惱之病頭破七分如阿梨樹枝
尔時四天下所有諸龍來在會者皆
忿瞋怒怖彼所來阿修羅城諸阿修
羅令使驚怖不能自安
尔時復有娑伽羅龍王從座而起向
諸大龍合掌作礼而說偈言

若有見大聖 是人則除瞋 離瞋即為聖
應當止悲惱 忍辱世第一 忍得世間樂
忍辱離諸怨 忍趣安隱城 無量阿修羅
恒與我等怨 但當自容忍 佛常如是說
由瞋趣惡道 瞋還增長瞋 以瞋捨朋友
瞋不得解脫 我等畜生道 惡戒瞋恚故
若能除瞋慢 得生於人中 既得人身已
歸佛而出家 修習解脫行 當為大導師
今時婆伽羅龍王如是說已一切諸
龍皆得忍辱面色熙怡各坐本處
今時跋持毗盧遮那阿修羅王復與
无量百千阿修羅等俱從座起合掌
向佛一心敬禮作如是言大德婆伽
婆我等亦為護持養育世尊正法令
三寶種不斷絕故勤降伏他一切惡
事及諸惡人皆悉休息今三精氣而
得增長故復為救護攝受養育世尊
一切聲聞弟子故說大施羅尼名休
息眾病作是語已即說呪曰
多地夜他摸楞伽摩摩朋伽摩阿毗朋
伽摩閻邏朋伽摩 恚多婆毗興呵明反伽摩
跋尸夜毗興伽摩 餘尼毗興伽摩 阿舍
尼毗興伽摩 婆呵毗興伽摩 差又梨反

囉毗囉婆梨珊底囉毗恒伽摩娑
伽囉闍邏丘時闍邏丘時毗鞞舍丘時
薩婆盧伽因地利耶丘時 志塞喇底
毗明楞舍丘時 蘇婆呵

大德婆伽婆此休息衆病大隨羅尼
能除所有一切病苦息諸毒害一切
惡毒亦能降伏一切惡龍令與世尊
聲聞弟子奉給所須猶如奴僕

今時諸來一切龍衆諸大龍王皆志
瞋忿於虛空中即起大雲在阿修羅
上欲聲大鼓欲降大石雨鐵胃索
鑽鋒刀杖刀面鐵口利齒口竹口瓶
口如是等形為欲害諸阿修羅而不
能得

大集經卷第五十三

癸卯歲高麗國大藏都監
勅雕造

大方等大集經卷第五十四

盧

高齊天竺三藏那連提耶舍譯

月藏分第十二忍辱品第十六之二

今時世尊告諸龍衆阿修羅言汝等莫鬪應修忍辱仁者若能離於瞋怒成就忍辱速得十處何等為十一者得作王王四天下自在輪王二者毗樓博叉天王三者毗樓勒叉天王四者提頭賴吒天王五者毗沙門天王六者釋天王七者須夜摩天王八者毘率陀天王九者化樂天王十者他化自在天王諸仁者若具足忍是人速得如是十處忍辱近果復次諸仁者若能深忍轉增具足當知是人復得五處何等為五一者梵衆二者大梵天王三者聲聞道果四者緣覺五者如來應正遍知諸仁者若能深忍轉增具足是人速得如是五處又若具足修行忍者自然近得一切世間勝妙五欲資生所須皆悉具足是人若復至到修行忍功德者得聖安樂若有非聖凡下之人癡戾自高性常瞋

怒於多人所現大瞋恚當知是人身
壞命終墮於地獄若復僅得出彼地
獄生於下劣畜生道中作下劣龍身
阿修羅身若得生人極下卑賤諸根
殘缺或長諸根或復无根或復二根
或復大根形容醜陋跛躄背偻身體
臭穢生旃陀羅妓作邪媚如是等餘
下賤之家若生邊地少衣乏食下賤
家生及無福田懷作種種不善之虞
以是因緣是人展轉復趣地獄畜生
餓鬼諸仁者我今略說如是不忍瞋
怒果報諸仁者以瞋恚故於生死中
增長無量惡不善法以是因緣是人
轉復墮於地獄畜生餓鬼諸仁者是
故我今如是告汝一切諸龍阿修羅
等汝已長夜各各迭相違戾而住汝
等一切今恚於我及與諸來大衆之
前各各迭相應生至到忍辱之心當
息久積心心瞋怒若不能忍必令汝
得所不懽果是故汝等各相容忍若
能不瞋鬭諍譏調言訟嫉妬自守而
住汝等如是必定當得勝妙之事无
諸過患

尔時諸來一切大衆咸皆歎言善哉
善哉汝能如是受佛教誡各各如是
迭相忍辱便得於此四天下中常得
勝報無諸惡事

尔時月藏菩薩摩訶薩復告娑伽羅
龍王羅睺羅阿修羅王阿那婆柰多
龍王毗摩質多羅阿修羅王婆樓那
龍王牟真隣陀阿修羅王善住龍王
跋持毗盧遮那阿修羅王以偈教言
汝等得授記 寂勝非餘乘 何故於導師
而無著慚耻 執持戒而溺 多衆隨駛流
如是棄寂勝 一切所厭賤 凡龍阿修羅
瞋故被厭賤 汝等妙丈夫 志應捨恚怒
慈能趣善道 身受諸欲樂 慈能離諸難
及作善知友 慈能得大智 及依大明師
慈能離諸惡 亦令人樂觀 慈得具大富
常能施一切 慈能樂戒定 復得寂勝慧
慈能得工巧 善學一切事 慈於寂勝處
端坐化衆生 慈得勝妙身 脩相端正容
慈能具妙音 衆人志樂聞 慈得善眷屬
梵行无嫉妬 樂法具慚愧 明人常隨喜
慈能得官位 坐於勝座處 能息衆生惡
安置菩提道 慈能得十地 及忍陀羅尼

慈能成就悲 捨離於諸著 慈能得神足
值遇明道師 慈能得淨土 清淨離煩惱
慈能降衆魔 到大菩提岸 慈於天人中
能轉正法輪 慈能化衆生 置於三乘處
慈能善說法 降伏諸外道 慈以八聖道
度脫天人等 安置不死處 汝等皆能入
我今與汝等 慈心施羅尼 我於億佛所
專心得聽聞 汝以已眷屬 安置慈忍處
相於起慈心 長夜得安樂

尔時月藏菩薩摩訶薩說此偈已即
說呪曰

多地夜他迷帝唎 摩訶迷帝唎迷哆
囉毘毘帝 迷哆囉囉是 迷哆囉憇
迷哆羅侯系 迷哆囉慈 迷帝唎 迷
帝唎 迷嚩娑鞞訖唎帝 娑呵囉是
開邏風伽夜 數囉耶呵泥 婆邏浮常
者 初羅叉鞞那耶那嚩系 俱嚩他
車掣 阿模伽囉泥 囉闍頓寄
吉隸奢數囉 三摩囉泥 浮闍伽
鞞囉系 奴膩多鞞囉系 阿囉尼企
刹哆囉豆嚩呬 阿求隸耆唎哆囉是
阿囉志那鞞 阿俱卑易耆鳩匙摸
叉毗鉢囉易 俱嚩他叉易 蘇婆呵

諸仁者此大慈心陀羅尼我曾從昔
於億佛所從彼得聞汝等應當於已
眷屬及他眷屬息怒惡心而教授之
月藏菩薩摩訶薩說是慈心陀羅尼
時如來歎言善哉善哉一切所有諸
來大眾諸天輒闍婆阿修羅人非人
等亦皆歎言善哉善哉

尔時諸天各得住於慈心忍心無怨
心無言訟心迭相謝過天向諸龍龍
向諸天慈心忍心無怨心无闍諍心
無言訟心迭相謝過諸天向阿修羅
阿修羅向諸天乃至謝過諸龍向阿
修羅阿修羅向諸龍乃至謝過諸天
向夜叉夜叉向諸天乃至謝過恚如
上說如是如是天向羅刹輒闍婆緊
那羅伽樓羅摩睺羅伽鳩槃荼餓鬼
毗舍遮留單那迦吒留單那住於慈
心忍心無怨心无闍諍心無言訟心
乃至迦吒留單那向彼諸天住於慈
心乃至謝過亦如上說龍向夜叉乃
至迦吒留單那住於慈心乃至謝過
夜叉乃至迦吒留單那向於諸龍乃
至謝過亦皆如是乃至迦吒留單那

向迦吒富單那住於慈心乃至謝過
亦復如是彼等皆以大慈心陀羅尼
力因緣故一切天龍阿修羅夜叉羅
刹乾闥婆緊那羅伽樓羅摩睺羅伽
鳩槃荼餓鬼毗舍遮富單那迦吒富
單那等迭相住於慈心忍心無怨心
无言訟心無鬭諍心離瞋怒心離嫉
妬心是大慈心陀羅尼力因緣故一
切人類迭相住於慈心忍心憐愍心
無怨心无言訟心无鬭諍心一切畜
生若禽若獸乃至極下微小諸蟲迭
相住於慈心忍心憐愍心無怨心无
鬭諍心無違反心

今時諸天乃至一切迦吒富單那人
非人等所來大眾合掌向佛恭敬礼
拜同時一音作如是言我等皆已承
佛威神迭相謝過迭相住於慈心忍
心憐愍心無怨心无諍訟心我等一
切今當亦復謝過如來應正遍知我
等昔來於世尊所若身口意所作罪
過及於法僧若身口意所作罪過乃
至世尊一聲聞弟子所若身口意所
作罪過乃至若有為佛剃髮著袈裟

片作違反行非法器者若身口意所作罪過是等諸罪忘於佛前誠心懺悔修戒威儀願佛容恕受我等懺當令我得住戒威儀又復我等從今以往乃至剃髮著袈裟片作違反行者及佛聲聞弟子所忘當發心作導師想護持養育具足供給一切所須不令之少佛言善哉善哉諸妙丈夫成就忍辱乃至汝等於我佛所若身口意所作罪過若於法僧所作罪過乃至於我一聲聞弟子若身口意所作罪過乃至為我剃除鬚髮著袈裟片者若身口意所作罪過各自淨觀如是罪業誠心懺悔皆得除滅不受惡報如是汝等皆當護持養育我法乃至為我出家剃髮不持禁戒著袈裟片者汝等皆應護持養育若能護持養育此者深可讚歎若我所有聲聞弟子持戒具足多聞捨慧解脫知見志具足者汝等皆應護持養育彼等自以過去善根福德因緣善得供養若有衆生於未來世無智慧福德為我剃髮著袈裟片不受禁戒或受毀

犯於諸善法不得相應若復護持養育此者得无量福我與彼等作善導師憐愍利益何以故當來之世有惡衆生於三寶中少作善業若行布施若復持戒修諸禪定以其如是少許善根作諸國王愚癡無智无著慙愧憍慢熾盛无有慈愍不觀後世可怖畏事彼等惱乱我諸所有聲聞弟子打縛罵辱或復驅使令其供給糞其飲食衣鉢湯藥所須之物寺舍園田繫閉牢獄擯徙謫罰乃至剃髮著袈裟片者亦復如是及以群臣諸斷事者愚癡無智離諸著慙无有慈愍不觀後世可怖畏事彼等惱乱我諸聲聞乃至繫獄擯徙謫罰乃至為我剃除鬚髮著袈裟片者亦復如是是我今以此諸出家者悉付於汝勿令彼等飢渴孤獨致於命終

尔時上座阿若憍陳如從座而起作如是言大德婆伽婆彼等剎利若婆羅門毗舍首陀如是等人惱乱世尊聲聞弟子得幾許罪且置持戒若復為佛剃除鬚髮著袈裟片不受禁戒

受而毀犯惱亂此者得幾許罪佛言
止止憍陳如莫問此事

尔時娑婆世界主大梵天王即從座
起而白佛言大德婆伽婆唯願說之
大德修伽陀唯願說之若有為佛剃
除鬚髮被服袈裟不受禁戒受已毀
犯其刹利王與作惱亂罵辱打縛者
得幾許罪佛言大梵我今為汝且略
說之若有人於萬億佛所出其身血
於意云何是人得罪寧為多不大梵
王言若人但出一佛身血得無闍罪
尚多无量不可算數墮於阿鼻大地
獄中何況具出萬億諸佛身血者也
終無有能廣說彼人罪業果報唯除
如來佛言大梵若有惱亂罵辱打縛
為我剃髮著袈裟片不受禁戒受而
犯者得罪多彼何以故如是為我出
家剃髮著袈裟片雖不受戒或受毀
犯是人猶能為諸天人亦涅槃道是
人便已於三寶中心得敬信勝於一
切九十五道其人必速能入涅槃勝
於一切在家俗人唯除在家得忍辱
者是故天人應當供養何況具能受

持禁戒三業相應諸仁者其有一切
刹利國王及以群臣諸斷事者如其
見有於我法中而出家者作大罪業
大煞生大偷盜大非梵行大妄語及
餘不善如是等類但當如法擯出國
土城邑村落不聽在寺亦復不得同
僧事業利養之物悉不共同不得鞭
打若鞭打者理所不應又亦不應口
業罵辱一切不應加其身罪若故違
法而謫罰者是人便於解脫退落受
於下類遠離一切人天善道必定歸
趣阿鼻地獄何況鞭打為佛出家具
持戒者

今時復有一切諸天一切諸龍乃至
一切迦吒留單那諸來大眾於三寶
中得增上信尊重敬仰及希有心復
作是言我等一切從今以往護持養
育世尊正法及與比丘比丘尼優婆
塞優婆夷乃至毀犯佛禁戒者我等
亦當攝受護持乃至為佛剝除鬚髮
著袈裟片不受禁戒无所積聚我亦
於彼作導師想護持養育供給所須
皆令具足若諸國王見有如是為佛

出家受持禁戒乃至為佛剃除鬚髮
著袈裟片不受禁戒受而毀犯無所
積聚如其事緣治其身罪鞭打之者
我等不復護持養育如是國王捨離
彼國以捨離故令其國土而有種種
諂詐鬪諍疫病飢饉刀兵俱起非時
風雨亢旱毒熱傷害苗稼又若我等
捨離彼國當勤方便令其國土所有
世尊聲聞弟子悉向他國使其國土
空無福田若有世尊聲聞弟子乃至
但著袈裟片者若有宰官鞭打彼等
其刹利王不遮護者我等亦當出其
國土復作是言我等今者一切相與
隨所堪能勤作種種供養世尊亦時
諸天及與諸龍乃至一切迦吒留單
那等俱時發心因緣力故即時於此
四天下中所有諸山皆悉變成七寶
之山為欲供養世尊故耳所有樹林
枝葉花果一切亦皆變成七寶於其
花果復出種種勝妙供具及五音作
樂而為供養四天下中所有依地衆
藥草苗一切亦皆變成七寶而為供
養此四天下所有地界一切變成青

琉璃地而為供養彼諸天龍乃至迦
吒留單那四天下中上盡欲界一切
所有各隨力能而作供養有兩種種
寶種種花種種衣服種種瓔珞種種
天妙花蓋幢幡而為供養有持種種
天妙幢幡寶蓋金縷真珠瓔珞摩尼
寶器而為供養有以種種琴瑟箏篴
簫笛齊鼓鼗鼓雷鼓以為音樂供養
世尊有以種種歌樂音聲而為供養
有兩種種音樂之器而為供養復以
種種莊嚴國土而為供養諸四天下
所依住者人非人等乃至一切大小
諸虫皆悉見聞彼等一切苦受休息
皆生樂受隨有種種身觸覺知得樂
充足及得希奇未曾有心於三寶中
深得敬信

今時世尊大悲憐愍一切衆生為成
熟故彼等一切音聲語言皆是賢聖
之所加被如是一切人非人等所有
語言及從寶中所出音聲枝葉花果
琴瑟箏篴簫笛齊鼓鼗鼓雷鼓所出
音聲一切皆是聖力所加彼等一切
皆得希奇未曾有聲建立所加所謂

色色空受受空想想空行行空識識
空如是眼入眼入空耳鼻舌身入耳
鼻舌身入空意入意入空如是色入
色入空聲香味觸入聲香味觸入空
法入法入空如是眼界眼界空乃至
意識界意識界空如是知身離欲淨
知一切法離欲淨知一切法界離欲
相知一切法如如如是知者是人則
為於空不動是人堪能拔濟一切衆
生想於一切行令得解脫於衆生想
色想受想行識想想眼入想乃至意識
界想是人如是堪能安置一切衆生
於三乘無為界行者云何能開示簡
擇彼等諸法所謂修內空外空內外
空空空大空第一義空有為空無為
空畢竟空元始空散空性空自相空
一切法空不可得空無法空有法空
无法有法空復有法法相空無法无
法相空自法自法相空他法他法相
空若能如是修習簡擇此諸法空彼
人堪能乃至安置一切衆生於三乘
無為界彼等行者以何法門得知內空
乃至无法有法空所謂還以空解脫

門能修簡擇內外等法何者名為內
外法內法者所謂眼耳鼻舌身意行
者如實知眼眼空非積聚不可壞不可
取何以故此諸法性亦乃至知意意
空非積聚不可壞不可取何以故諸
法性亦是名內空如是行者應如實
知外法者所謂色聲香味觸法行者
如實知色色空乃至法法空非積聚
不可壞不可取何以故諸法性亦是
名外空如是行者應如實知何者名
為內外空內外法者謂內六入外六
入行者如實知內外入空非積聚不
可壞不可取何以故諸法性亦是名
內外空如是行者應如實知何者名
為空空空者一切諸法空以彼空故
空非積聚不可壞不可取何以故諸
法性亦是名空空如是行者應如實
知何者名為大空東方空乃至
四維空非積聚不可壞不可取何以
故諸法性亦是名大空如是行者應
如實知何者名為第一義空第一義
者所謂涅槃如是涅槃以涅槃故空
非積聚不可壞不可取何以故諸法

性亦是名第一義空如是行者應如
實知何者名為有為空有為法名欲
界色界无色界欲界色界无色界空
非積聚不可壞不可取何以故諸法
性亦是名有為空如是行者應如實
知何者名為無為空无生無滅不住
不異是名无為無為以无為故空非
積聚不可壞不可取何以故諸法性
亦是名無為空如是行者應如實知
何者名為畢竟空畢竟名諸法至竟
不可得非積聚不可壞不可取何以
故諸法性亦是名畢竟空如是行者
應如實知何者名為無始空来去不
可得非積聚不可壞不可取何以故
諸法性亦是名无始空如是行者應
如實知何者名為散空無所取捨非
積聚不可壞不可取何以故諸法性
亦是名散空如是行者應如實知何
者名為性空一切有為無為法性非
聲聞作非緣覺作非如来作此法性
空非積聚不可壞不可取何以故諸
法性亦是名性空如是行者應如實
知何者名為自相空惱壞是色相能

受是受相取相是想相造作是行相
了知是識相如是等有為无為一切
法自相自相空非積聚不可壞不可
取何以故諸法性亦是名自相空如
是行者應如實知何者名為一切法
空一切法者所謂色受想行識眼乃
至意色乃至法眼色因緣生識乃至
意法因緣生識此有為无為諸法是
名一切法彼諸法空非積聚不可壞
不可取何以故諸法性亦是名一切
法空如是行者應如實知何者名為
不可得空一切法不可得非積聚不
可壞不可取何以故諸法性亦是名
不可得空如是行者應如實知何者
名為無法空一切无物不可得非積
聚不可壞不可取何以故諸法性亦
是名無法空如是行者應如實知何
者名為有法空於和合中無物非積
聚不可壞不可取何以故諸法性亦
是名有法空如是行者應如實知何
者名為无法有法空無物无物空有
物有物空非積聚不可壞不可取何
以故諸法性亦是名無法有法空如

是行者應如實知何者名為法法相空
法名五陰五陰空非積聚不可壞不
可取何以故諸法性亦是名法法相
空如是行者應如實知何者名為无
法無法相空无法名無為法是无為
法空非積聚不可壞不可取何以故
諸法性亦是名无法無法相空如是
行者應如實知何者名為自法自法
相空諸法自法空是空非智作非見
作非積聚不可壞不可取何以故諸
法性亦是名自法自法相空如是行
者應如實知何者名為他法他法相
空若佛出世若不出世法住法相法
位法界如實際性相常住无有變異
過此諸法空非積聚不可壞不可取
何以故諸法性亦是名他法他法相
空如是行者應如實知已知能令衆
生離衆生想離一切行想受想色想
識想離眼想乃至意想離色想乃至
法想然後安置一切衆生於三乘無
為界若有行者於此諸法如實現前
知得名善修彼諸衆生昔於此法已
修習者如是第一甚深法聲入於耳

根或有衆生不種善根如是法聲亦入於耳或有見佛專心瞻仰彼人一切無盡善根皆來現前乃至速得不退轉地十力無畏成大法器或有衆生有无常聲入於耳根或有苦聲空聲無我聲三律儀聲四念處聲四正勤聲四如意足聲五根聲五力聲七覺分聲八道分聲寶論聲因緣法聲梵住聲四攝聲无尋辯聲禪聲解脫聲無色定聲六波羅蜜聲巧方便聲三昧陀羅尼忍聲聲聞乘聲緣覺乘聲大乘聲不退轉地聲業障盡聲煩惱障盡聲衆生障盡聲法障盡聲有為國土功德莊嚴聲無為心清淨聲大慈聲大悲聲三不護聲四无畏聲十力聲十八不共法聲一生補處聲十地聲最後身聲降魔聲无上智聲轉法輪聲隨應度者現神變聲棄諸命行聲於諸衆生亦現無上大涅槃聲如是諸聲各各差別入於耳根是諸衆生乃至畜生餓鬼趣等如是無量百千法門入於耳根彼諸衆生得第一希有歡喜踊躍於三寶中極得

信敬彼諸衆生煩惱障業障衆生障
法障於三分中二分已盡彼諸衆生
聞是聲已無量阿僧祇衆生昔有惡
心者彼等志得柔軟之心憐愍心善
業心得觀後世可怖畏事得種具足
天人善根以彼諸聲令於无量阿僧
祇衆生歸依三寶所有受持禁戒淨
者彼等有得須陀洹果乃至有得阿
羅漢果復有無量阿僧祇衆生於緣
覺乘種諸善根復有無量阿僧祇衆
生發阿耨多羅三藐三菩提心即得
住於不退轉地復有無量阿僧祇衆
生得無生法忍亦時世尊欲重明此
義而說偈言

火味阿修羅 拍木羅睺羅 是我軍勝師
福慧莊嚴具 佛告於彼等 當息妬瞋怒
付囑是法眼 護持故當受 彼諸修羅喜
敬恭尊導師 我當護法眼 乃至法久住
我等說軍勝 不隱法神呪 令彼一切龍
皆失憍慢力 亦時諸龍輩 各各皆瞋怒
欲以憍慢力 共諸修羅鬪 佛告諸龍王
及以修羅主 汝等於長夜 各各常癡戾
若不除瞋怒 於諸樂非器 常為苦所觸

下劣臭穢身 身分支不具 恒乏於資生
聞說此諸苦 皆以瞋為本 惡罰諸枷鎖
牢獄飢渴等 地獄鬼畜生 由瞋受此苦
一切應忍辱 能忍者則无 丈夫得寂勝
富貴具諸欲 汝等二朋衆 諸龍阿修羅
各自修忍辱 忍故無諸惡 大衆皆喜悅
一切咸讚歎 汝今聞是語 皆悉得於忍
天龍阿修羅 夜叉及諸鬼 一切皆得忍
慈心共相視 人與畜生等 得忍皆和順
禽獸及小虫 慈悲相憐愍 大衆皆合掌
瞻仰導師言 我等迭相陰 皆得慈心住
又我諸大衆 於佛尊導師 所作諸罪業
若身口意犯 於法衆僧所 一人邊有過
人中堅固士 唯願見容恕 我於世尊法
一切所作惡 今悉至到懺 願佛慈納受
于時兩足尊 告彼大衆言 汝懺惡業盡
終無有苦報 剝賊不受戒 被服袈裟片
而作導師想 於彼人中上 惡王障法眼
貪癡打比丘 如出導師血 當墮阿鼻獄
大衆作是言 我等護比丘 若有諸惡王
惱諸聲聞衆 我等於諸事 皆捨於彼國
其土有沙門 令向於餘處 毀壞彼諸國
飢饉兵疫起 沙門所詣國 我等亦詣彼

志令得勝樂 具足衣飲食 於彼熾法眼
供養人中上 无餘四天下 志變成七寶
復兩諸香華 珍寶及衣服 歌舞妓樂等
供養於導師 衆生所見聞 皆得充足樂
聖加令諸音 盡變作佛聲 說諸有為苦
无常空無我 三世一切法 志空无所有
集散二俱空 眼識二亦然 乃至心法界
陰身等法空 如是知諸法 則能救衆生
若知三界空 能解衆生縛 諸有十二支
一切皆性空 若昔於此法 如是修習者
彼等聞諸聲 志皆得於忍 智力無所畏
得住菩提道 薄福諸衆生 得聞有為聲
無量衆精勤 得入菩提行 檀戒忍精進
禪定及智慧 佛土福莊嚴 精進故令淨
汝等當作佛 到彼諸法岸 降魔及軍衆
而降正法雨 無量衆生界 能與正法眼
汝等一切衆 速入安隱城 无量衆聞聲
得趣大菩提 及得二乘道 有得人天樂
有得至於果 羅漢三摩提 如是惡衆生
得於柔軟意 怖畏諸惡業 安住慈善心

大集經卷第五十四

癸卯歲高麗國大藏都監奉
勅雕造

大方等大集經卷第三十五

高齊天竺三藏那連提耶舍譯

月藏分第十二分布閻浮提品第十七

尔時世尊既知一切諸來大眾於三
寶所皆生深信尊重敬仰得未曾有
更不信事諸餘天已告他化自在天
王化樂天王兜率陀天王須夜摩天
王帝釋天王四大天王及諸眷屬娑
伽羅龍王阿那婆達多龍王羅睺羅
阿修羅王毗摩質多羅阿修羅王睺
婆利阿修羅王跋持毗盧遮那阿修
羅王大樹緊那羅王樂欲乳闍婆軍
將檀提鳩睺荼軍將因陀羅夜叉軍
將寒葉餓鬼王垂脣毗舍遮王阿那
竭囉富單那王巷路喚聲迦吒富單那
王等作如是言諸仁者汝等一切如是
勸我分布安置此閻浮提一切國土城
邑宮殿王都聚落山巖寺舍園池曠野
諸樹林間付囑護持勿令有惡又令
大地精氣衆生精氣正法精氣增長
熾然佛正法眼久住於世紹三寶種
使不斷絕損減惡趣增益善道令此

閻浮提 切安隱豐樂可樂以是因緣我今分布此四天下囑汝一切諸大天王一切龍王乃至一切迦吒留單那王汝等各應發心捨離眷屬分布安置護持養育并汝諸天一切眷屬乃至迦吒留單那王一切眷屬亦令於此閻浮提中一切國土乃至樹林分布安置護持養育是故汝等諸大天王及諸眷屬乃至迦吒留單那王及諸眷屬於閻浮提皆應誠心隨喜讚歎莫嗔莫恨亦莫生怒

今時所有一切菩薩摩訶薩色界諸天欲界天人一切龍衆一切乾闥婆乃至一切迦吒留單那等諸來大衆皆悉合掌各作是言我等一切誠心隨喜敬受佛教如佛世尊分布安置此閻浮提我等發心受佛教勅護持養育佛正法眼令得熾然佛言善哉善哉妙丈夫汝等應當如是誠心說欲隨喜

今時世尊告彼法食喜食禪食諸天言此四天下大海水中八万洲渚一切國土汝等法食喜食禪食諸天應

當護持養育我法住法比丘如法順
法發心修行三業相應剷除鬚髮身
著袈裟汝等應當護持養育時彼法
食喜食禪食諸天各作是言我當護
持大海水中八万洲渚一切國土諸
佛正法若佛弟子乃至不畜婦女畜
生田宅資產我等皆當護持養育尔
時世尊讚彼天言善哉善哉一切大
衆亦復讚言善哉善哉

尔時世尊告月藏菩薩摩訶薩言了
知清淨士若我住世諸聲聞衆戒具
足捨具足聞具足定具足慧具足解
脫具足解脫知見具足我之正法熾
然在世乃至一切諸天人等亦能顯
現平等正法於我滅後五百年中諸
比丘等猶於我法解脫堅固次五百
年我之正法禪定三昧得住堅固次五
百年讀誦多聞得住堅固次五百年於
我法中多造塔寺得住堅固次五百年
於我法中闍諍言訟白法隱沒損減堅
固了知清淨士從是以後於我法中
雖復剷除鬚髮身著袈裟毀破禁戒
行不如法假名比丘如是破戒名字

比丘若有檀越捨施供養護持養育
我說是人猶得無量阿僧祇大福德
聚何以故猶能饒益多衆生故何況
我今現在於世辭如真金為无價寶
若無真金銀為无價若無銀者鍤石
无價若無鍤石偽寶无價若無偽寶
赤白銅鐵白鎔鉛錫為无價寶如是
一切諸世間中佛寶无上若无佛寶
緣覺无上若无緣覺羅漢无上若无
羅漢諸餘聖衆以為无上若无聖衆
得定凡夫以為无上若无得定淨持
戒者以為无上若无淨戒汙戒比丘
以為无上若无汙戒剗除鬚髮身著
袈裟名字比丘為无上寶比餘九十
五種異道卑尊第一應受世供為物
福田何以故能示衆生可怖畏故若
有護持養育安置是人不久得住
忍地

今時世尊告六欲諸天言汝等應如
過去佛時所分得分當勤護持復於
此四天下時時之中勤加思惟佛正
法義為令我法得久住故紹三寶種
不斷絕故時彼諸天各作是言唯然

受教今時世尊讚言善哉善哉一切
大衆亦復讚言善哉善哉

今時世尊告四天王言汝等及諸眷
屬應如過去佛時所分得分還作護
持安置養育我之正法時四天王各
作是言唯然受教佛及大衆咸皆讚
言善哉善哉

今時世尊告乳闍婆等言諸仁者汝
等及諸天仙於優曇鉢菴羅林閻浮
林呵梨勒鉢阿摩羅林蒲萄林如是
等林於中而住復共四天王宮諸天
子等為我佛法得久住故應當思惟
佛正法義時乳闍婆等咸言如是大
德婆伽婆唯然受教佛及大衆咸皆
讚言善哉善哉

今時世尊告娑伽羅龍王難陀龍王
婆難陀龍王善現龍王婆樓那龍王
婆修吉龍王得叉迦龍王阿難陀龍
王阿樓那龍王歲星龍王言汝等各
在大海之中住本宮殿護持養育我
之正法時龍王等各作是言唯然受
教佛及大衆咸皆讚言善哉善哉
今時世尊告阿那婆達多龍王善住

龍王清謁龍王摩利尼龍王優婆羅
龍王軋闍婆龍王雲池龍王主雹龍
王摩奚舅多龍王美音龍王言汝等
各住本宮護持養育我之正法時龍
王等各作是言唯然受教佛及大眾
咸皆讚言善哉善哉

尔時世尊告鳩摩茶檀提大將優婆檀
提大將迦羅迦大將摩訶鉢鉢大將
摩呼陀遮利大將堀求尼大將婆朱
餘尼大將鶩崛盧大將鞞羅差大將
一眉大將言汝等各住本宮護持養
育我之正法時鳩摩茶大將等各作
是言唯然受教佛及大眾咸皆讚言
善哉善哉

尔時世尊告因陀夜叉大將蘇摩大
將婆樓那大將波闍鉢帝大將跋羅
頭婆闍大將伊奢那大將拏檀那大
將月眼大將婆多竭梨大將奚摩跋
多大將言汝等各住本宮護持養育
我之正法時夜叉大將等各作是言
唯然受教大德婆伽婆我等護持養
育安置世尊正法及住法比丘供給
所須乃至剃髮不持戒者亦復供給

一切所須為令佛法得久住故紹三寶種不斷絕故三種精氣得增長故休息一切鬭諍言訟怨讎疫病飢饉短乏非時亢旱暵宿失度為斷除故乃至世尊聲聞弟子三業相應不積聚者當勤養育今時世尊讚言善哉善哉善男子汝等如是為利益安樂一切三界衆生故及一切大衆亦復讚言善哉善哉

今時世尊告一切畢利多依曠野住者一切畝舍遮依空舍住者一切冨單那依野田住者一切迦吒冨單那依於塚間及廁邊住者言汝等各於住處護持養育我之正法時畢利多等各作是言唯然受教佛及大衆咸皆讚言善哉善哉

今時世尊復作是言諸仁者所有諸天乾闥婆緊那羅夜叉羅刹龍王阿修羅鳩睺荼如昔世尊所分得分國土城邑聚落舍宅隨所得處為作護持安置養育我當隨喜一切大衆亦復隨喜若復有諸天龍夜叉乃至迦吒冨單那等如昔世尊所分得分國

土城邑不正護持安置養育者我當
轉付諸餘天龍令其安置護持養育
各隨國土善作護持我今以波羅奈
國付囑善駿軋闍婆千眷屬阿尼羅
夜叉仙五百眷屬須質多羅阿修羅
無量眷屬德叉迦龍王百眷屬大黑
天女五百眷屬汝等護持養育波羅
奈國為令我法得久住故紹三寶種
不斷絕故遮障一切惡衆生故時善
駿軋闍婆阿尼羅夜叉仙須質多羅
阿修羅德叉迦龍王大黑天女等各
與眷屬咸作是言大德婆伽婆我等
護持養育安置波羅奈國周遍土境
遮障不饒益養育饒益者乃至遮障
一切不善諸惡衆生今時世尊讚言
善哉善哉諸來大衆亦復讚言善哉
善哉

今時世尊以迦毗羅婆國付囑火護
緊鄰羅仙千眷屬拘翅羅聲軋闍婆
萬眷屬婆闍跋帝夜叉大將千眷屬
奢摩那遲阿修羅二萬眷屬跋那牟
支龍王一万眷屬摩訶鉢奢鳩睺茶
大將五百眷屬旃遲梅茶梨二大天

女各一万眷屬汝等共護迦毗羅婆
國乃至遮障諸惡衆生彼等一切皆
作是言我等及諸眷屬護持養育迦
毗羅婆國周遍土境乃至遮障諸惡
衆生佛及大衆咸皆讚言善哉善哉
今時世尊以摩伽陀國付囑善住炎
光天子千眷屬優波羅軋闍婆千眷
屬樂聲阿修羅千眷屬善辟龍王善
意龍王各万眷屬孔雀味阿修羅五
百眷屬拘那羅大夜叉三千眷屬軍
毗羅夜叉百千眷屬十爲鳩摩荼大
將百千眷屬憍惡天女奪意天女各
十千眷屬汝等共護摩伽陀國乃至
遮障諸惡衆生佛及大衆咸皆讚言
善哉善哉

今時世尊以拘薩羅國付囑迷提羯
那天子千眷屬樂勝軋闍婆大將十
千眷屬烏麻緊那羅千眷屬具德龍
王千眷屬弗沙鉢帝阿修羅五百眷
屬婆樓那夜叉大將婆樓那王夜叉
大將各五万眷屬那荼迦鳩摩荼五
百眷屬摩尼毗梨天女千眷屬汝等
共護拘薩羅國乃至佛及大衆咸皆

讚言善哉善哉

尔時世尊以鵞伽國付囑月音天子
万眷屬樂欲乳闍婆大將露浮樓乳
闍婆大將各十千眷屬阿摩羅軍緊
那羅五百眷屬師子藏阿修羅五百
眷屬旃檀大夜叉力幢大夜叉各五
千眷屬奴羅車鳩睺茶二千五百眷
屬摩訶迦梨天女二千五百眷屬汝
等共護鵞伽國土乃至佛及大眾咸
皆讚言善哉善哉

尔時世尊以般遮羅國付囑羅拏時
天子五百眷屬樂歌乳闍婆七百眷
屬摩葉緊那羅千眷屬般支迦夜叉
將五千眷屬安聞瞿波阿修羅千眷
屬樂法鳩槃荼五百眷屬左黑天女
王鵝天女各二千五百眷屬汝等共
護般遮羅國乃至佛及大眾咸皆讚
言善哉善哉

尔時世尊以蘇摩國付囑寶髻天子
五千眷屬摩頭曼多乳闍婆千眷屬
勝縷緊那羅千眷屬優波般遮迦夜
叉將二千眷屬黑龍王千眷屬知欲
阿修羅千眷屬鳩羅婆鳩睺茶六百

眷屬斯多天女博叉天女各五百眷
屬汝等共護蘇摩國土乃至佛及大
衆咸皆讚言善哉善哉

今時世尊以阿濕婆國付囑盧醯奴
天子千二百眷屬流水乳闍婆千眷
屬摩丘拓羅夜叉軍將五千眷屬阿
周羅阿修羅六百眷屬日光龍王無
量眷屬摩丘拓利鳩槃荼五百眷屬
不可取天女馬勝天女各二千五百
眷屬汝等共護阿濕婆國乃至佛及
大衆咸皆讚言善哉善哉

今時世尊以摩偷羅國付囑善擇天
子十千眷屬靜明乳闍婆千眷屬遊
梯迦緊那羅二百眷屬勝欲夜叉乘
人大夜叉各千五百眷屬無垢龍王
千眷屬伽楞拓利阿修羅千眷屬墨
色鳩槃荼千眷屬奪意天女二千眷
屬汝等共護摩偷羅國乃至佛及大
衆咸皆讚言善哉善哉

今時世尊以支提耶國付囑善賢天
子五百眷屬阿吒迦乳闍婆五百眷
屬無垢緊那羅千眷屬除結夜叉无
結夜叉各五百眷屬妙賢龍千眷屬

普竹阿修羅五百眷屬牛王鳩槃荼
三百眷屬勝優波羅天女千眷屬汝
等共護支提耶國乃至佛及大衆咸
皆讚言善哉善哉

今時世尊以娑跢國付囑月光天子
十千眷屬蓮華香乳闍婆千眷屬摩
陀那果緊那羅五千眷屬大果夜叉五
千眷屬阿樓那龍千眷屬惡樹阿修羅
百眷屬葉眼鳩脗荼五百眷屬阿那迦
華天女千眷屬汝等共護娑跢國土
乃至佛及大衆咸皆讚言善哉善哉
今時世尊以賒耶國付囑摩醯首羅
天仙五千眷屬不酒乳闍婆千眷屬
離垢緊那羅千眷屬因陀羅夜叉蘇
摩夜叉各二千五百眷屬善現龍千
眷屬牟真隣陀阿修羅王五百眷屬
優波檀提鳩脗荼訖利迦賒鳩脗荼
各二千五百眷屬鬼子母天女善護
天女各万眷屬汝等共護賒耶國七
乃至佛及大衆咸皆讚言善哉善哉
今時世尊以優禪尼國付囑月雲天
子五百眷屬門牟乳闍婆千眷屬摩
尼耳乳闍婆五百眷屬五惡夜叉千
眷屬山僻龍三五百眷屬木手阿修

羅三百眷屬善現鳩脍茶五百眷屬
毛齒天女千眷屬汝等共護優禪
居國乃至佛及大衆咸皆讚言善哉
善哉

尔時世尊以修羅吒國付囑法華天
子百千眷屬具欲乾闥婆將万眷屬
山怖緊那羅仙一百眷屬難陀龍王
十千眷屬驢眼阿修羅五百眷屬善
燈大夜叉千眷屬大肚鳩脍茶將千
眷屬安隱天女十眷屬汝等共護修
羅吒國乃至佛及大衆咸皆讚言善
哉善哉

尔時世尊以摩訶羅化_反國付囑孔
雀疑天子五百眷屬樂欲乾闥婆虎
就乾闥婆各五百眷屬乳味緊那羅
百眷屬主水龍王千眷屬樂寶阿修
羅五百眷屬殺耆脚大夜叉軍那羅
大夜叉各千眷屬鉢頭摩迦鳩脍茶
大將五百眷屬婆樓丘大天女五千
眷屬汝等共護摩訶羅化國乃至佛
及大衆咸皆讚言善哉善哉

尔時世尊以輸盧那國付囑千金天
子千眷屬善賜乾闥婆千眷屬白色

緊那羅五百眷屬世辯夜叉千眷屬
大富鳩槃荼五百眷屬極惡天女摩
尼果天女各五百眷屬汝等共護輸
盧那國乃至佛及大衆咸皆讚言善
哉善哉

尔時世尊以摩尼調鞞國付囑華音
天子五百眷屬那羅延乳闍婆二百
眷屬摩醯首羅華緊那羅三百眷屬
團眼夜叉五百眷屬波羅奈子阿修
羅百眷屬赤目鳩槃荼百眷屬靈王
天女百眷屬汝等共護摩尼調鞞
國乃至佛及大衆咸皆讚言善哉
善哉

尔時世尊以波叱羅弗國付囑娑羅
流支天子千眷屬人華乳闍婆五百
眷屬摩尼瞿沙緊那羅三百眷屬聲
佉流支夜叉五百眷屬娑羅地阿修
羅五百眷屬尸利瞿沙龍八百眷屬
浮流尼鳩槃荼百眷屬毗樓池天女
五百眷屬汝等共護波叱羅弗國乃
至佛及大衆咸皆讚言善哉善哉

次爲
如國下

尔時世尊以軋陀羅國付囑火布天
子三千眷屬喜歌軋闍婆千眷屬大

勝緊那羅五百眷屬師子鬚夜叉五百眷屬伊羅鉢龍王千眷屬賢力龍王千眷屬精氣主阿修羅五百眷屬鵝猴聲鳩脍荼百眷屬摩尼天女頻頭天女各千眷屬汝等共護耆闍羅國乃至佛及大衆咸皆讚言善哉善哉今時世尊以阿脍提國付囑師子愛天子五千眷屬摩羅勇多耆闍婆二千眷屬勝目緊那羅百眷屬蘇摩夜叉地行夜叉各千眷屬氷加羅阿修羅三千眷屬婆私陀荼龍千眷屬軍那羅叉鳩脍荼百眷屬憂波羅天女流泉天女各二千眷屬汝等共護阿脍提國乃至佛及大衆咸皆讚言善哉善哉

今時世尊以婆樓拏跋帝國付囑雞娑利天子千眷屬衆絲耆闍婆五百眷屬博叉流支緊那羅二百眷屬迦荼龍王憂波迦荼龍王各二千眷屬毗摩阿修羅百眷屬月焱鳩脍荼三百眷屬自護天女摩尼頻頭天女各千眷屬汝等共護婆樓拏跋帝國乃至佛及大衆咸皆讚言善哉善哉

今時世尊以帝跋丘國付囑師子齒
天子五千眷屬薩陀曷多軋闍婆五
百眷屬牟丘薩羅緊那羅百眷屬摩
丘賢夜又滿賢夜又各二千五百眷
屬鐵耳阿修羅五百眷屬阿睺多鳩
睺荼百眷屬薩市丘天女般支天女
各千眷屬汝等共護帝跋丘國乃至
佛及大衆咸皆讚言善哉善哉
今時世尊以瞻波國付囑香雲天子
并諸天仙一千眷屬德騫軋闍婆二
百眷屬求壽遮緊那羅百眷屬堅毛
夜叉五千眷屬迦那迦阿修羅百眷
屬善現鳩睺荼近現鳩睺荼各五万
眷屬什目天女五百眷屬汝等共護
瞻波國乃至佛及大衆咸皆讚言善
哉善哉

今時世尊以志都那國付囑赤雲天
子千眷屬霑浮樓軋闍婆五百眷屬
摩丘遮婆緊那羅百眷屬難勝夜叉
千眷屬泥茶鳩支阿修羅五百眷屬
鞞婁迦鳩睺荼百眷屬靜默天女善
目天女各一千五百眷屬汝等共護
志都那國乃至佛及大衆咸皆讚言

善哉善哉

今時世尊以西地國付囑山眼天子
二百眷屬法喜乳闍婆百眷屬藪支
羅婆緊那羅百眷屬大身夜叉千眷
屬執刀阿修羅百眷屬止流鳩睺荼
三百眷屬金光天女黑光天女各二
千五百眷屬汝等共護西地國土乃
至佛及大衆咸皆讚言善哉善哉
今時世尊以富樓沙富羅國付囑阿
羅瞞斯天子千眷屬難提乳闍婆百
眷屬淨衆緊那羅百眷屬摩厘華夜
叉千眷屬迦荼龍王阿婆羅羅龍王
各二千五百眷屬大怖伽樓羅百眷
屬訖多孫地阿修羅五百眷屬燒竹
鳩睺荼五百眷屬多盧斯天女三日
天女各五百眷屬汝等共護富樓沙
富羅國乃至佛及大衆咸皆讚言善
哉善哉

今時世尊以烏場國土付囑習音天
子五百眷屬華光乳闍婆三百眷屬
善怖緊那羅百眷屬迦羅婆提夜叉
五百眷屬郎浮羅龍三百眷屬遮曇
池阿修羅百眷屬毘陀果鳩睺荼百

眷屬呵梨帝天女深賢天女各五百
眷屬汝等共護烏場國土乃至佛及
大衆咸皆讚言善哉善哉

今時世尊以寄薩離國付囑黑色天
子千眷屬金色乳闍婆百眷屬跋那
半至緊那羅八十眷屬散駿夜叉五
百眷屬力天龍王百眷屬那伽遮利
阿修羅百眷屬無垢聲鳩槃荼八十
眷屬勝鉢天女鰲天女各五百眷屬
汝等共護寄薩離國乃至佛及大衆
咸皆讚言善哉善哉

今時世尊以金性國付囑禪那離沙
婆天子五百眷屬摩那婆乳闍婆百
眷屬善稱緊那羅百眷屬禪那離沙
婆夜叉五百眷屬寶冠阿修羅百眷
屬香意鳩槃荼八十眷屬汝等共護
金性國土乃至佛及大衆咸皆讚言
善哉善哉

今時世尊以摩都羅國付囑歌讚天
子百眷屬五髻乳闍婆五百眷屬威
德緊那羅八十眷屬堅鉾夜叉五百
眷屬水伽羅阿修羅五百眷屬賢目
鳩槃荼百眷屬霑浮樓天女五百眷

屬汝等共護摩都羅國乃至佛及大
衆咸皆讚言善哉善哉

今時世尊以數離迦國付囑財目天
子千眷屬善頂軋闍婆百眷屬賒摩
鳩斯緊那羅五百眷屬堅固夜叉五
百眷屬耶婆那夜叉千眷屬无畏緊
那羅百眷屬跋羅頭婆闍夜叉五百
眷屬閼婆何利阿修羅八百眷屬瞿
伽叉鳩槃荼三百眷屬調婆何利羅
刹五百眷屬釋迦羅刹五百眷屬汝
等共護數離迦國乃至佛及大衆咸
皆讚言善哉善哉

今時世尊以般遮囊伽羅國付囑婆
婆叉天子千眷屬月光軋闍婆百眷
屬圍目夜叉千眷屬大雲阿修羅五
百眷屬訶奴闍鳩槃荼百眷屬摩丘
枳薩梨天女五百眷屬多摩羅婆利
天女千眷屬汝等共護般遮囊伽
羅國乃至佛及大衆咸皆讚言善哉
善哉

今時世尊以波斯國付囑檀菟師天
子五千眷屬拘毗羅軋闍婆三千眷
屬梨鞞摩師緊那羅千眷屬住勇夜

又五百眷屬那摩羅王夜又五百眷
屬菴羅提他乳闍婆千眷屬伊訖那
時緊那羅千眷屬竭娑拘支鳩睺茶
四千眷屬那羅斯羅剎五千眷屬呵
梨達羅剎二千眷屬汝等共護波斯
國土乃至佛及大眾咸皆讚言善哉
善哉

今時世尊以勅勤國土付囑佉樓那
天子千眷屬妙好乳闍婆五百眷屬
帝利迦緊那羅五百眷屬三針夜又
二萬眷屬怖畏夜又十千眷屬休流
歇龍千眷屬金耳阿修羅千眷屬善
林樹鳩睺茶千眷屬今_反持_今薩羅羅
剎五千眷屬汝等共護勑勤國土乃
至佛及大眾咸皆讚言善哉善哉

今時世尊以叵耶那國付囑海怖天
子千眷屬那茶浮乳闍婆百眷屬馬
目緊那羅百眷屬華齒夜又二十眷
屬大齒夜又千眷屬憂波羅耳龍五
百眷屬動手阿修羅百眷屬解脫鳩
睺茶百眷屬質摩只薩梨羅剎女五
百眷屬黑闇羅剎護門羅剎各二千
五百眷屬月光羅剎千眷屬汝等共

護叵耶那國乃至佛及大眾咸皆讚
言善哉善哉

尔時世尊以尸利耶摩國付囑黑髮
天子百眷屬金臂乳闍婆八十眷屬
風響緊那羅百眷屬阿樓那夜叉千
眷屬八駿夜叉千眷屬上踊龍王百
眷屬快作阿修羅百眷屬香鬘鳩睺
荼五百眷屬黑澤天女五百眷屬汝
等共護尸利耶摩國乃至佛及大眾
咸皆讚言善哉善哉

尔時世尊以跋離迦國付囑赤銅色
天子八百眷屬媚眼乳闍婆百眷屬
鐵黑緊那羅百眷屬半耳夜叉五千
眷屬黠羅羯那龍百眷屬息牛阿修
羅百眷屬阿毗拏薩利鳩槃荼五百
眷屬長苗天女妙勝天女各五百眷
屬汝等共護跋離迦國乃至佛及大
眾咸皆讚言善哉善哉

尔時世尊以剎賓那國付囑怖黑天
子五十眷屬五音乳闍婆千眷屬水
性緊那羅五百眷屬廣執夜叉三万
眷屬長生夜叉流雲解脫夜叉各二
千五百眷屬眼羅荼龍十千眷屬鬱

金阿修羅千眷屬陀樓跋尸鳩睺荼
五百眷屬正辯天女千眷屬園林羅
刹女十千眷屬汝等共護剎賓那國
乃至佛及大衆咸皆讚言善哉善哉
今時世尊以憂羅睺國付囑那羅摩
訶闍婆百眷屬五怖夜叉二千眷屬
尸利沙夜叉千眷屬汝等共護憂羅
睺國乃至佛及大衆咸皆讚言善哉
善哉

今時世尊以佉羅婆羅國付囑時蘭
那訶闍婆百眷屬華寶夜叉千眷屬
善樂目龍千眷屬怖人鳩睺荼五百
眷屬順欲天女百眷屬汝等共護佉
羅婆羅國乃至佛及大衆咸皆讚言
善哉善哉

今時世尊以阿踰居迦國付囑牟尼
佉利夜叉二千眷屬好施羅刹千眷
屬婆稚龍五百眷屬止雲鳩睺荼百
眷屬呵梨帝羅刹女千眷屬汝等共
護阿踰居迦國乃至佛及大衆咸皆
讚言善哉善哉

今時世尊以達羅陀國付囑鞞婆達
利訶闍婆百眷屬道路夜叉黃頭夜

叉勇健夜叉各十眷屬跋陀龍王二千眷屬孔雀毛龍王百眷屬生解天女毛羅閣利天女各二百五十眷屬汝等共護達羅陀國乃至佛及大衆咸皆讚言善哉善哉

尔時世尊以弗梨沙國付囑奪意夜叉戒賢夜叉各五百眷屬雲腹龍王三百眷屬離惡鳩睺荼八十眷屬搔跋質羅天女百眷屬汝等共護弗梨沙國乃至佛及大衆咸皆讚言善哉善哉

尔時世尊以伽賒國付囑持華軋闍婆摩睺羅伽軋闍婆各千眷屬金枳_天持夜叉毗持夜叉各二百五十眷屬光掌龍王勝奪龍王各五百眷屬阿樓居天女華目天女各二百五十眷屬汝等共護伽賒國土乃至佛及大衆咸皆讚言善哉善哉

尔時世尊以遮居迦國付囑劒婆羅龍王五百眷屬極惡鳩睺荼百眷屬那朱波毗舍遮百眷屬星目羅刹女五百眷屬天鎧餓鬼將二百眷屬歇惡夜叉三百眷屬汝等共護遮居迦

國乃至佛及大眾咸皆讚言善哉善哉
亦時世尊以旃提國付囑具足龍王
善道龍王各百眷屬堅目鳩睺荼百
眷屬八毗鄰耶迦天女一百眷屬道
神天女尸利天女各二百五十眷屬
珂貝天女安住天女各五十眷屬汝
等共護旃提國土乃至佛及大眾咸
皆讚言善哉善哉

亦時世尊以沙勒國付囑髮色天子
百眷屬護國軋闍婆百眷屬佛護夜
叉助電夜叉各五百眷屬孔雀項龍
王百眷屬山目龍女五百眷屬訖利
波睺鳩睺荼五百眷屬持德天女龍
護天女各二百五十眷屬汝等共護
沙勒國土乃至佛及大眾咸皆讚言
善哉善哉

亦時世尊以于填國土付囑難勝天
子千眷屬散脂夜叉大將十千眷屬
殺羊脚大夜叉八千眷屬金華鬘夜
叉五百眷屬熱舍龍王千眷屬阿那
緊首天女十千眷屬他難闍梨天女
五千眷屬毗沙門王神力所加共汝
護持于填國土乃至佛及大眾咸皆

讚言善哉善哉

今時世尊以龜茲國土付囑牟鎧天子千眷屬黃頭大夜叉千眷屬厭射羅刹女千眷屬睺護大夜叉千眷屬疎齒鳩睺荼千眷屬尸利遮吒羅刹鹿齒羅刹各五百眷屬汝等共護龜茲國土乃至佛及大眾咸皆讚言善哉善哉

今時世尊以婆樓迦國付囑騫荼夜叉千眷屬阿婆迦利鳩睺荼百眷屬垂乳羅刹千眷屬汝等共護婆樓迦國乃至佛及大眾咸皆讚言善哉善哉今時世尊以奚周迦國付囑王活乳闍婆五百眷屬奚卑羅龍百眷屬汝等共護奚周迦國乃至佛及大眾咸皆讚言善哉善哉

今時世尊以億丘國付囑勇健執蠶天夜叉將千眷屬烏耳龍王三千眷屬吉迦知羅刹女雪池羅刹女各二千五百眷屬汝等共護億丘國土乃至佛及大眾咸皆讚言善哉善哉今時世尊以鄯善國付囑阿羅知天子百眷屬阿沙迦夜叉五千眷屬無

耆羅刹女十千眷屬汝等共護鄒善
國土乃至佛及大眾咸皆讚言善哉
善哉

余時世尊以緊那羅國付囑赤目大
夜叉十千眷屬不動鳩睺荼千眷屬
汝等共護緊那羅國乃至佛及大眾
咸皆讚言善哉善哉

余時世尊以震旦國付囑毗首羯磨
天子五千眷屬迦毗羅夜叉大將五
千眷屬法護夜叉大將五千眷屬堅
目夜叉大將五千眷屬大目夜叉大
將五千眷屬勇健軍夜叉大將五千
眷屬摩屈跋陀夜叉大將五千眷屬
賢滿夜叉大將五千眷屬持威德夜
叉大將五千眷屬阿荼薄拘夜叉大
將五千眷屬般支迦夜叉大將五千
眷屬婆修吉龍王五千眷屬須摩那
果龍王五千眷屬弗沙毗摩龍王五
千眷屬呵梨帝鬼子母天五千眷屬
伊羅婆雌大天女五千眷屬雙瞳目
大天女五千眷屬汝等賢首皆共護
持震旦國土於彼所有一切觸惱闕
諍怨讎忿競言訟兩陣交戰飢饉疫

病非時風雨水寒毒熱令休息遮障不善諸惡衆生瞋恚虛曠苦辛罽觸無味等物令休息令我法眼得久住故紹三寶種不斷絕故三種精氣得增長故利益安樂諸天人故勤加護持以是因緣汝等今世及以後世常得安樂毗首羯磨天子及與眷屬迦毗羅大夜又法護夜又堅目夜又大目夜又勇健夜又摩屈跋陀夜又賢滿夜又持威德夜又阿茶薄拘夜又般支迦夜又及與眷屬婆修吉龍王須摩那果龍王弗沙毗摩龍王及與眷屬呵梨帝鬼子母天伊羅婆雌天女雙瞳目天女及與眷屬各作是言大德婆伽婆我等共護震旦國土休息一切闍諍乃至增長三種精氣我等勤加護持養育乃至世尊聲聞弟子三業相應不積聚者倍復安置護持養育今時世尊讚言善哉善哉善男子汝應如是護持我法諸來大衆亦復隨喜讚言善哉善哉諸仁者我以閻浮提一切國土付囑諸天乾闥婆緊那羅夜叉龍王阿修

羅鳩睺荼諸天女等各令安置護持
養育一切衆生是故汝等諸大龍王
不得分者應當容忍莫恨所謂娑伽
羅龍王阿那婆杳多龍王伊羅跋龍
王婆樓那龍王善住龍王德叉迦龍
王恒河龍王辛頭龍王博叉龍王私
陀龍王提首尾龍王摩醯謨遮利龍
王金脇龍王跋致蘇多龍王弗婆鉢
賒龍王衆色雲龍王拘那跋帝龍王
阿斯多龍王遮弥羅龍王香山龍王
那羅延面龍王婆婆牟支龍王那陀
叉龍王如是等一百八十萬諸大龍
王住閻浮提不得分者應當容忍莫
恨汝等各住本宮護持養育我之正
法當作利益一切衆生行以是因緣
汝等今世及以後世自利利他何以
故彼諸天龍乾闥婆緊那羅夜叉阿
修羅鳩睺荼天女羅刹女等隨其國
土昔所住處彼諸天龍乃至天女為
護彼彼諸國土故安置養育一切衆
生是故汝等大夜叉王不得分者應
當容忍莫恨所謂箭毛夜叉賒羅毗
夜叉迦吒首利夜叉婆羅目企夜叉

婆羅稚夜又婆摩羅夜又其梨迦吒
夜又由梯迦夜又其梨呵夜又滿面
夜又迦縣毗提夜又護國夜又樓迦
夜又箭爪夜又波那流支夜又狼爪
夜又師子怖夜又阿樓丘夜又修羅
闇毗夜又阿茶闇梨夜又得叉梨師
夜又灰手夜又蘇摩那虎夜又羅摩
那時夜又惡叉丘棄羅夜又質多羅
夜又佛護夜又如足等八頻婆羅諸
泉池山巖林藪樹下安住不得分者
應當容忍莫恨隨所住處乃至山林
樹下各住本處護持養育我之正法
利益安樂一切衆生行以是因緣汝
等今世及以後世自利利他何以故
彼諸天龍乾闥婆緊那羅夜叉阿修
羅鳩睺荼天女羅刹女等隨其國土
昔所住處彼諸天龍乃至天女為護
彼彼諸國土故安置養育一切衆生
是故汝等諸阿修羅王不得分者應
當容忍莫恨所謂羅睺阿修羅王
毗摩質多羅阿修羅王波羅陀阿修
羅王睒婆利阿修羅王牟真隣陀阿

修羅王須質多羅阿修羅王跋稚毗
盧遮那阿修羅王悉利羅耆阿修羅
王默羅跋支阿修羅王瞿摩闍毗阿
修羅王毗荼叉阿修羅王那耶遮利
阿修羅王伽闍弥羅阿修羅王初羅
檀荼阿修羅王阿斯末羅阿修羅王
迦摩跌知阿修羅王婆羅軋荼阿修
羅王畢他摩尼阿修羅王波羅那佉
阿修羅王薩婆耆伽叉阿修羅王訖
餘婆曠阿修羅王如是等六万那由
他阿修羅王住閻浮提不得分者應
當容忍莫恨各住本宮護持養育我
之正法當作利益一切衆生行以是
因緣汝等今世及以後世自利利他
何以故彼諸天龍乾闥婆緊那羅夜
叉阿修羅鳩睺荼天女羅刹女等隨
其國土昔所住處彼諸天龍乃至天
女為護彼彼諸國土故安置養育一
切衆生是故汝等諸大天女應當容
忍莫恨所謂歌大天女造光天女地
解天女增護天女解脫天女增水天
女少熱天女淨目天女饒財天女寶
藏天女摩尼天女黑繩天女隨時

天女王頂天女天水天女眼目天女
蓮華天女憂曇婆羅天女賒尸天女
明炬目天女善意天女難勝天女勝
目天女如是等六十二百千諸大天
女依閻浮提種種塔寺城邑聚落園
林泉池河邊山谷大海邊住不得分
者汝等隨所住處各各於彼護持養
育我之正法汝等於彼所有怖畏閻
諍怨讎飢饉疫病他方怨敵非時風
雨冰寒毒熱恚令休息遮障不善諸
惡衆生瞋恚虛曠苦辛跽觸无味等
物恚令休息令我法眼久住世間紹
三寶種不令斷絕三種精氣增長熾
然利益安樂諸天人故勤加護持以
是因緣汝等今世及以後世常得利
益安樂衆生時彼六十二百千天女
白佛言大德婆伽婆我等護持養育
佛法休息閻諍增長一切三種精氣
乃至世尊聲聞弟子三業相應無所
積聚者我等勤加護持養育佛言善
哉善哉善女人輩汝等應當如是
護持諸來大衆皆亦隨喜讚言善哉
善哉

今時世尊復告一切諸天。乳闍婆。乃至諸大天女。言我今與汝息。諸諍訟。大施羅。居心汝等。以此施羅。居心故。各於已國。若瞿宿失度。攝諸衆生。令得敬信。一切闍諍。悉得休息。作是語已。即說呪曰。

哆地夜他。摩陀那。摩陀那。瞿摩陀那。阿婆摩多。阿兮摩多。摩陀那。佉阿差。摩垣波羅。賒摩帝。阿喇婆。三摩摩帝。左佉摩帝。波賒摩帝。蘇遮囉拏摩帝。阿毗婆摩帝。阿囉毗婆摩帝。悉陀頰他摩帝。又婆摩帝。蘇婆呵。

今時娑婆世界主大梵天王。從坐而起。向佛合掌。頭面作禮。而作是言。大德婆伽婆。我今復以大施羅。居降諸惡龍及惡鬼神。護持國土。遮障一切諸惡衆生。作是語已。即說呪曰。

哆地夜他。曇無囉牟。嚩囉牟。嚩那伽牟。嚩那伽牟。嚩阿藪囉牟。嚩藥叉牟。嚩鳩脰荼牟。嚩浮單那牟。嚩迦吒富單那牟。嚩阿耶婆牟。嚩侯呵。嚩牟。嚩呵。呵。呵。牟。厨帝藥叉牟。嚩囉婆呵。囉婆呵。囉婆呵。薩婆烏闍囉婆呵。

蘇婆呵

今時所有諸天龍王鳩鵲茶餓鬼毗舍遮富單那迦吒富單那飲血食肉者皆志驚怖憂愁恐懼向佛合掌頭面礼足而作是言唯願世尊大悲覆護我等云何復得存活佛言汝等且莫憂愁大地所有華果五穀藥草衆味清淨未食墮落地者如是華果衆味精氣汝等食之足得活命若復有人作食清淨遺落在地汝等亦當食其精氣而自充濟復有我諸聲聞弟子修禪定者以已善根呪願汝等亦得色力精氣豐盛眷屬朋黨具足勢力若有施主施我弟子寺舍園林田地舍宅稱名呪願汝當於彼興欲隨喜護持養育以是事故汝等宮殿當得增長若有施主施我弟子飲食衣服卧具湯藥受取之時稱名呪願汝亦隨喜以彼呪願汝隨喜故汝等便得壽命增長顏容增長安樂增長朋黨增長勢力增長汝等晝夜應當精勤護持養育如是施主及以受者亦時世尊欲重明此義而說偈言

兩足大法王 觀衆作是言 帝釋汝問我
各隨與其分 天龍鵝豚茶 夜叉修羅刹
閻浮諸國土 城邑衆聚落 曠野諸樹林
山巖井泉池 法眼得久住 諸惡令休息
豐饒悉可樂 為於閻浮提 四天中鬼神
付囑勤護持 汝等捨眷屬 我復更分布
莫瞋怒嫉妬 與欲當隨喜 法喜禪味食
如是諸天衆 一切皆悉起 咸作如是言
我等為正法 護持閻浮提 聲聞具持戒
不為積聚者 剃頭不持戒 欲令法眼增
我等皆至心 勤加護養育 導師告彼言
正法我滅後 具滿五百年 堅固住解脫
五百年禪誦 五百造塔寺 至後五百年
堅住於闍諍 後時有剃頭 破戒無著耻
供養如是輩 亦得无量福 譬如金無價
除金至銀寶 鍮石偽銅鐵 白錫及鉛錫
世間若元寶 錫鎔為最上 佛寶亦如是
最尊獨第一 次寶辟支佛 羅漢餘證果
得定淨持戒 破戒名字僧 深信求解脫
若能供養彼 不久住忍地 必速證菩提
六欲諸天子 寶國諸鬼神 住林軋闍婆
海中十大龍 十大鳩睺荼 夜叉十神通
各住本宮殿 護持我正法 餓鬼住曠野

毗舍遮空空富單依野田迦吒塚間住
如是各隨喜依分皆護持依分不正護
復勤惱於他我以如是等更轉付餘天
諸龍夜叉衆乾闥緊那羅天女修羅等
羅刹鳩睺荼普遍諸國土安置護養育
迦毗波羅奈摩伽拘薩羅般遮耆伽國
蘇摩阿濕婆摩偷支提國婆蹉及毘耶
羅吒憂禪尼羅佉輸盧那摩尼調鞞國
軋陀波吒羅般提婆樓帝跋尼悉都那
瞻波鉢浮尺富樓沙富羅烏場寄薩梨
金性摩那羅波斯勒勤土般遮囊伽羅
尸利耶摩國巨耶數利迦剌賓跋利國
佉羅憂羅睺伽毖遮居國達羅弗離沙
徒提沙勒國婆樓兮周迦于填及鄰善
龜茲緊那羅震旦等國土護持今安置
於此一切國諸龍無分者一百八十万
夜叉等無分及八頻婆羅脩羅不得分
六万那由他天女等無分六十二百千
我今悉謝汝各住本宮殿護持我正法
當與汝神呪遮障惡衆生休息諸惱害
一切闡諍訟亢旱及水潦病儉諸賊殺
增長三精氣諸惡令休息護持我正法
熾然三寶種聲聞諸比丘三業常相應

剃頭不持戒 一切皆護持 為諸聲聞故
具捨諸田宅 飲食及湯藥 一切有所須
如是諸施主 汝等護養育

大方等大集經卷第五十五

癸卯歲高麗國大藏都監奉
勅雕造

大方等大集經卷第五十六

虞

高齊天竺三藏那連提耶舍譯

月藏分第十二星宿攝受品第十八

今時佛告娑婆世界主大梵天王釋提桓因四天王言過去天仙云何布置諸宿曜辰攝護國土養育衆生娑婆世界主大梵天王釋提桓因四天王等而白佛言過去天仙分布安置諸宿曜辰攝護國土養育衆生於四方中各有所主

東方七宿一者角宿主於衆鳥二者亢宿主於出家求聖道者三者互宿主水生衆生四者房宿主行車求利五者心宿主於女人六者尾宿主洲渚衆生七者箕宿主於陶師

南方七宿一者井宿主於金師二者鬼宿主於一切國王大臣三者柳宿主雪山龍四者星宿主巨富者五者張宿主於盜賊六者翼宿主於商人七者轸宿主須羅吒國

西方七宿一者奎宿主行船人二者婁宿主於商人三者胃宿主婆樓迦

國四者昴宿主於水牛五者畢宿主
一切衆生六者觜宿主犍提訶國七
者參宿主於剎利

北方七宿一者斗宿主澆部沙國二
者牛宿主於剎利及安多鉢竭那國
三者女宿主鶩伽摩伽陀國四者虛
宿主般遮羅國五者危宿主著花冠
者六者室宿主軋陀羅國輸盧那國
及諸龍蛇腹行之類七者壁宿主軋
闍婆善音樂者大德婆伽婆過去天
仙如是布置四方諸宿攝護國土養
育衆生

今時佛告梵王等言汝等諦聽我於
世間天人仙中一切知見取為殊勝
亦使諸宿曜辰攝護國土養育衆生
汝等宣告令彼得知如我所分國土
衆生各各隨分攝護養育大梵王等
而白佛言如是大德婆伽婆唯然受
教今時佛告梵王等言我今以彼于
摩國陀樓國志支那國奈摩陀國陀
羅陀國佉沙國羅佉國餘摩國侯羅
婆國舍頭迦國頰間婆國沒遮波國
此十二國付囑角宿攝護養育亦護

角宿日建立國土城邑聚落及角宿
日所生衆生汝等宣告令彼得知梵
王等言如是大德婆伽婆唯然受教
今時佛告梵王等言我今以彼阿羅
荼國訶利鄰國叔迦羅國波盧羅國
弗利賒國那摩帝國俱致娑國蘇那
婆國賒摩國跋陀婆國如是十國付
囑亢宿攝護養育乃至唯然受教
今時佛告梵王等言我今以彼佉搜
迦國信頭婆達國阿摩利國餘左目
佉國難陀婆國伽沙國跋使俱闍國
由婆迦國婆佉羅國沙婆羅國伽樓
荼國鳩籌迦國婆遮利婆國此十三
國付囑互宿攝護養育乃至唯然
受教

今時佛告梵王等言我今以彼波頭
摩國弗色迦羅國目帝國嵩伽摩國
耆利國不摩婆國南耆利國遮波羅
國修帝達賒國提婆那國奚周迦國
此十一國付囑房宿攝護養育乃至
唯然受教

今時佛告梵王等言我今以彼睺羅
婆國鳩羅婆國牟羅婆國能伽婆國

蘇提闍國鳩知迦國天王國毗鄰遮
國波搜多國奚迦國如是十國付囑
心宿攝護養育乃至唯然受教
今時佛告梵王等言我今以彼伽闍
弗國迦羅婆國迦迦波他國悉陀叉
國鬱瑟吒羅婆國帝羅南國阿羅毗
國鄰婆國弗色迦羅婆國摩梵利國
迦隣伽跋帝國摩于達利國畢姜闍
國鉢利犀羅婆國此十四國付囑尾
箕二宿攝護養育乃至唯然受教
今時佛告梵王等言我今以彼婆蹉
國憂禪居國憂樓煩螺國輸居般多
國摩荼婆國毗使拏提波國遮羅羯
波國婆羅斫迦羅國羅摩伽摩國迦
尸弗國鳩樓沙國陀修國盧醯多國
阿婆陀荼國帝拏那國遮達那國
毗伽闍國此十七國付囑并宿攝護
養育乃至唯然受教

今時佛告梵王等言我今以彼波吒
利弗國摩居藍婆國婆樓那國鄰遮
羅國羯那國北般遮羅國帝跋拏國
娑羅蹉國瞻波國蘇都那國鳩樓差
多國西地國富樓沙富羅國侯弥單

國藍摩婆國瞿羅國奚摩國閼耶波
梯國婆求弥國恒河門國頭婆羅婆
帝國旃達羅跋帝國婆樓迦車國蘇
左棄國瞿沙跋帝國此二十五國付
囑鬼宿攝護養育乃至唯然受教
今時佛告梵王等言我今以彼寄薩
梨國摩訶左梯國烏場國須左棄國
波羅婆國憂羅婆國區荼國左佉國
乳荼波羅婆國婆寄多國如是十國
付囑柳宿攝護養育乃至唯然受教
今時佛告梵王等言我今以彼阿鞞
遮國蘇跋拏國閼吒國金性國摩梵
羅國毗摩尸利國檢婆樓遮國蘇梨
國婆求遮國頻頭羅婆國婆羅都國
般遮囊伽羅國此十二國付囑星宿
攝護養育乃至唯然受教

今時佛告梵王等言我今以彼波斯
國訶利陀國勒勤國阿摩羅國婆羅
婆國蘇摩左棄國亘耶都國三牟遮
國尸梨沙國婆利國伽菟娑國摩遮
國兜佉羅國摩頭師利國此十四國
付囑張翼二宿攝護養育乃至唯然
受教

今時佛告梵王等言我今以彼伽羅
婆羅國憂羅賒國爾使拏國婆耆國
檀多摩利國婆樓遮國陀荼國達拏
國藪牟寄賒國鳩論遮耆國呾羅婆
羅國阿踰俱迦國此十二國付囑軻
宿攝護養育乃至唯然受教

今時佛告梵王等言我今以彼鳩賒
弗利國緊那羅國迦卑羅摩利國三
謨師國唵羅左國時婆利國奚闍左
國摩兜塞遲國般荼梨國塞拏梨國
修羅毗國侯摩多左國此十二國付
囑奎宿攝護養育乃至唯然受教
今時佛告梵王等言我今以彼提帝
賒婆國蘇摩跋羅國多羅比左國阿
賒若國俱薩羅斯國志都那國娑羅
瞬遲國緊拏多利國濕婆左利國羅
婆師飢國佉吒梨毗國佉娑利國白
馬國此十三國付囑婁宿攝護養育
乃至唯然受教

今時佛告梵王等言我今以彼阿斯
那棄國軍陀羅毗國安左師國遮俱
波國兜伽帝國連支國支多毗志帝
國憂篴帝國睺頭波羅國毗羅梨迦

國摩陀羅毗國迦拏波帝國達婆娑梨國此十三國付囑胃宿攝護養育乃至唯然受教

今時佛告梵王等言我今以彼波羅耽羅國只叔迦國婆樓遮國輸盧那國迦毗羅婆國奢耶國馬面國伽樓茶國憍羅跋陀國吳地國闍婆跋帝國鞞樓國伽樓訶國于填國伽頗羅國拘面國尼婆羅國俱那娑國此十八國付囑昂宿攝護養育乃至唯然受教

今時佛告梵王等言我今以彼摩伽陀國鞞提訶國薩羅國美浮迦國牟左奢耶國羅羅國餘尼迦國拘薩羅國跋沙伽國阿荼國鞞訶迦國頻那婆國伽耶國尼婆國睺羅婆國跋知尼國陀樓國尸利曷多國弥伽頗羅國摩醯首羅膩羅耶國剎賓國婆盧師多國沙勒國憶尼國徒堤國此二十五國付囑昂宿攝護養育乃至唯然受教

今時佛告梵王等言我今以彼尼娑國迦尸國奢鳩尼國阿吒摩闍國緊

陀國摩婆摩國達毗迦國八城國殊
提沙國婆毗迦國婆求荼國摩訶羅
吒國軋陀羅國迦婆摩國般遮羅國
多荼沙國首婆迦國摩師跋那國兜
羅婆國蘇摩國婆求國摩多摩利國
摩羅婆國鳩留國瞿沙國此二十五國
付囑背宿攝護養育乃至唯然受教
亦時佛告梵王等言我今以彼阿濕
婆國奢跋那國摩偷羅國鶩伽吒婆
國摩頭曼多國俱周羅國曼遮國婆
求摩國俱闍婆國震旦國首羅犀那
國阿那牟佉國佉羅婆羅國犀摩婆
國都覓邏婆跋陀國曼遲羅婆國美
周迦國此十七國付囑參宿攝護養
育乃至唯然受教

今時佛告梵王等言我今以彼辛頭
鳩羅國瞿那志鬚國迦羅耆國婆羅
差國達羅臙鉢帝國海果國阿樓瑟
拏羅婆國那婆弗使波羅婆國摩那
兜利國民陀羅跋帝國如是十國付
囑斗宿攝護養育乃至唯然受教
亦時佛告梵王等言我今以彼刹利
天祠如是二處付囑牛宿攝護養育

乃至唯然受教

今時佛告梵王等言我今以彼阿樓
那國鳩私娑羅闍利國瞻波堯徒國
龜慈國摩藍浮沙國舍迦國物陀羅
多國徒堤國瞿師國婆羅弥國如是
十國付囑女宿攝護養育乃至唯然
受教

今時佛告梵王等言我今以彼難提
跋弥國波羅尸國滿福國憂羅奢國
藍浮沙國娑婆國摩陀羅婆國徒提
國佉沙國娑羅斯國師于國訶波他
國訶利鳩時國憂婆毗羅國多羅尼
國毗舍離國憂迦利國此十七國付
囑虛宿攝護養育乃至唯然受教

今時佛告梵王等言我今以彼迦車
鞞帝國波利支國龍花國鳩荼婆國
難提跋檀那國婆樓迦國軋陀俱致
國娑弥利國夜瑟吒俱利國如是九國
付囑危宿攝護養育乃至唯然受教
今時佛告梵王等言我今以彼侯曷
陀國奢曷陀國頭摩迦國酬摩迦國
捷沙婆國鳩支國博叉利國德叉尸
羅國婆弥婆利國跋陀跋帝國憂摩

婆國跋婆多年利摩國婆樓迦車國
婆羅跋帝國此十四國付囑室壁二
宿攝護養育亦護二宿日建立國土
城邑聚落及二宿日所生衆生汝等
宣告令彼得知梵王等言如是大德
婆伽婆唯然受教

尔時佛告梵王等言所言曜者有於
七種一者日二者月三者熒惑星四
者歲星五者鎮星六者辰星七者太
白星所言辰者有十二種一名弥沙
二名毗利沙三名弥偷那四名羯迦
吒迦五名^線呵六名迦若七名梵邏
八名毗梨支迦九名檀尸毗十名摩
伽羅十一名鳩睺十二名弥那我今
令此諸曜辰等攝護國土城邑聚落
養育衆生汝等宣告令彼得知梵王
等言如是大德婆伽婆唯然受教
尔時娑婆世界主大梵天王釋提桓
因護世四王及諸眷屬而白佛言大
德婆伽婆若有世尊聲聞弟子不得
畜養奴婢畜生園林田宅俗人資具
及不交往除四方僧物起發精進三
業相應常懷慙愧獨住閑林集諸善

法我於彼時令宿曜辰正行於世遮
惡衆生觸惱闍諍兩國兵仗疾病飢
饉非節風雨失時寒熱恚令休息護
佛正法久住熾然紹三寶種使不斷
絕三種精氣增長安住亦使世尊聲
聞弟子身口意業清淨相應發大勇
猛值法而住

尔時佛告阿若憍陳如言為令我法
得久住故成熟衆生故闍浮提中一
切諸國一名諸國多名諸國同名諸
國及不列名國分布與彼天龍夜叉
乃至迦吒富單那等令作護持及宿
曜辰亦付諸國令作護持乃至令三
寶種不斷絕故所有諸國多名同名
於彼諸國同名夜叉同名羅刹有國
無鬼神名有鬼神住還付彼等令作
護持於闍浮提有餘鬼神不列名者
亦使護持憍陳如一切鬼神皆悉發
心護持養育乃至隨我聲聞弟子三
業相應常無聚積值法而住於一切
時護持養育憍陳如汝等應當常不
聚積住阿蘭若三業相應背捨生死
趣向涅槃成熟衆生應如是學今時

世尊欲重明此義而說偈言

成熟衆生故 我問諸天王 云何昔天仙
配宿攝諸國 梵天答我言 過去天仙等
安置諸宿曜 護如法衆生 今付汝國土
應當加養育 亦付鬼神等 而今作護持
及彼宿曜辰 各令攝國土 護持養育故
熾然正法眼 護不畜田宅 清淨聲聞衆
滅諸惡衆生 及息諸濁惡 不絕三寶種
增長三精氣 汝告宿曜等 令彼作護持
我告諸聲聞 令住正法眼 應當捨憍慢
精勤住蘭若 肯捨於生死 趣向於涅槃
樂住禪境界 成熟億衆生

大集經月藏分第十三建立塔寺品第十九

今時娑婆世界主大梵天王釋提桓
因四天王等及諸眷屬從座而起合
掌向佛一心敬礼而作是言佛說於
此四天下中所有過去諸佛如來之
所建立住持大塔半丘諸仙所住
處於現在世及未來世而常不空佛
為菩薩摩訶薩等降大法雨皆悉充
滿初名衆仙所興次名德積次名金
剛焰次名香室次名睒婆梨次名賢
城次名須質多羅次名水光次名香

薰次名善建立次名遮波羅次名金
燈次名樂依次名半真隣陀次名金
剛地次名慈窟次名那羅延窟次名
渠摩娑羅香次名慧頂次名大德窟
次名善現次名青鬱茂窟次名虛空
子次名牛頭梅檀室次名難勝此是
過去諸佛建立住持大塔常為菩薩
摩訶薩等之所加護是於我等常所
供養世尊所有聲聞弟子於現在世
及未來世復有幾所塔寺住處令我
等輩護持養育

今時世尊熙怡微笑從其面門放種
種光照曜諸方即時於此四天下中
而有無量百千諸佛處處而現東弗
婆提八万佛現北鬱單越百千佛現
西瞿陀尼五万佛現諸海島國百千
佛現此閻浮提二百五十千佛處處
而現波羅奈國六十佛現迦毗羅婆
國二十佛現摩伽陀國三十佛現壽
伽摩伽陀國二十佛現拘薩羅國五
十佛現須羅吒國二十佛現摩訶羅
吒國三十佛現軋陀羅國十佛而現
阿睺提國二十六佛現般遮羅國二

十五佛現蘇摩國十二佛現阿葉婆
國十佛而現摩偷羅國十佛而現毗
羅國十八佛現婆蹉國五十六佛現
奢耶國四十二佛現優禪居國二十
三佛現舒盧那睢多國二十五佛現
舒盧那國三十八佛現摩尼藍婆國
二十五佛現波梨弗國五十五佛現
婆樓那跋提國四十八佛現提跋那
國二十九佛現瞻波國二十五佛現
志都那國三十六佛現西地國七十
佛現富樓沙富羅國五十佛現烏長
國二十六佛現枳薩羅國二十二佛
現金性國二十九佛現摩梵羅國四
十佛現涑利迦國二十八佛現般遮
囊伽國五十八佛現波斯國二十佛
現勅勤國四十佛現尸利沙國三十
二佛現婆佉羅國五十八佛現剎賓
國五十五佛現憂羅奢國二十五佛
現佉羅婆羅國十二佛現阿疎拘迦
國二十二佛現陀羅陀國十五佛現
波盧那國二十佛現弗離沙國十五
佛現伽沙國二十八佛現遮拘迦國
二十佛現筏提國四十五佛現沙勒

國九十八佛現于填國百八十佛現
龜茲國九十九佛現婆樓迦國二十
四佛現奚周迦國十八佛現億丘國
八十佛現鄯善國二十九佛現緊那
羅國八十佛現震旦國二百五十五
佛現羅羅國二十四佛現吳地國五
十佛現新施跋持國二十五佛現佛
言諸仁者如是等佛於此四天下國
土城邑村落山林處處而現我今神
力之所加故還有如是等數塔寺於
彼彼處我諸聲聞現在未來三業相
應及與三種菩提相應有學无學具
足持戒多聞善行度諸衆生於三有
海及諸施主為我聲聞而造塔寺亦
復供給一切所須及彼眷屬付囑汝
等勿令惡王非法惱亂又復勿令他
方冤敵盜賊水火人非人等之所恐怖
亦勿令彼飢渴之少以乏少故於三
善業不得相應退捨禁戒善明損減
今時復有諸梵天王諸釋天王諸龍
王諸夜叉王諸阿修羅王諸鳩槃荼
王皆與眷屬合掌向佛而作是言大
德婆伽婆已有一切如來塔寺及阿

蘭若處現在世尊聲聞弟子所有住處及未來世利利婆羅門毗舍首陀若在家人若出家人為於世尊聲聞弟子造塔寺處隨有世尊聲聞弟子三業相應及與三種菩提相應有學無學住於持戒多聞善行我等志共守護於彼令離一切諸難怖畏諸有世尊聲聞弟子所立塔寺及阿蘭若處如有給施飲食衣服卧具湯藥一切所須如是施主我等亦當護持養育若復世尊聲聞弟子之少晝夜所須眾具貧苦之者我為彼等作大施主受其寄付護持養育除諸怖畏佛時讚言善哉善哉諸賢首汝等一切於四天下應當如是如今汝等受我教勅如說修行我以汝等及諸眷屬付囑弥勒今時世尊欲重明此義而說偈言

天王皆志起 敬礼瞿曇仙 問諸塔寺數
說佛所依處 於此四天下 復有幾塔寺
聲聞所依者 我等共護持 兩足尊微笑
於此四天下 化作諸佛現 无量百千數
四方神力加 故現諸化佛 亦佛諸聲聞

所立諸塔寺 為住三乘道 是故而建立
樂三業相應 如是聲聞住 以諸聲聞寺
付囑於汝等 供養彼施主 亦當護養育
不令相違惱 勿使他得便 莫令有之少
退捨於禁戒 天王及眷屬 稟受佛教勅
我等悉護彼 導師所建立 我等及眷屬
勤護諸塔寺 已作當作者 一切勤護持
知足諸比丘 住於無積聚 離欲慈悲心
我等當守護

大集經月藏分第十三法滅盡品第三

今時月藏菩薩摩訶薩復從座起整
理衣服偏袒右肩合掌向於十方一
切諸來菩薩摩訶薩衆口眼微笑願
視月燈菩薩摩訶薩而說偈言

觀此希有慈悲士 釋迦大仙尊導師
今以此法甘露味 付囑夜叉令護持
普告一切作是言 我之正法汝當護
一切聲聞器非器 當視如子護養育
為我剃頭著袈裟 勿令於後有惱害
休息諸惡儉病疫 亦息非時風熱雨
如是三種精氣增 正法久住於世間
衆生不墮諸惡道 速能趣向大涅槃
我從昔來未見聞 慈悲希有餘土無

除佛更無餘衆生 能令正法久熾然
諸佛慈悲慧无量 廣持正法令久住
導師滅後佛正法 熾然久住事希有
此土不善煩惱山 堅固希有最難壞
轉正梵輪法眼住 志令住善到涅槃
此土極惡人與魔 夜叉修羅鳩豚荼
彼等究竟滅煩惱 護持世尊真妙法
以是因緣得寂勝 能盡所作諸惡業
彼勤供養於三寶 是故速能趣涅槃
斷除煩惱牟尼尊 世間自在大導師
憐愍一切衆生故 告令護持佛正法
今時月燈菩薩摩訶薩聞月藏菩薩
說是偈已復說偈言

我欲問佛無邊慧 法眼幾時住於世
如此佛月滅度後 煩惱癡諍闇世間
云何賢聖復得集 當作何人方便護
云何亦世安隱道 能度三趣億衆生
今時一切諸來大衆向諸菩薩摩訶
薩讚言善哉善哉

今時月燈菩薩摩訶薩從座而起偏
袒右肩整理衣服右膝著地合掌向
佛頭面作礼以偈問曰

我今問佛无邊慧 以我今有諸疑網

以何因緣法眼滅 云何法燈久熾然
誰能破壞此法鼓 誰能枯涸正法河
云何法眼得久住 我當於彼助護持
為以尸羅精進力 為以羣提禪般若
為以何力法久住 唯願速說何方便
云何法水得久流 有多億數助佛者
我等精勤堅固行 為令法海不速竭
大地精味常增長 及以衆生法精味
枯涸衆生煩惱海 衆生更不趣惡道
今時佛申金色右臂而說偈言

汝等共諦聽 一切有為法 無常火所燒
無有少常者 譬如諸戲人 作於種種戲
如是等衆生 皆為煩惱轉 猶如幻芭蕉
亦如水中月 三界有為法 一切皆如是
諸法我自覺 道成如先佛 我今大衆會
天人作證明 正法付天神 護持衆苦盡
成於三界尊 能令法熾盛 顯現八正路
邪意惡覺滅 沙門剎利王 激動相瞋惱
我今當不久 涅槃滅无餘 大智諸聲聞
亦隨我涅槃 餘方諸佛國 一切諸菩薩
具大神通者 復還向他方 福德諸國王
大臣長者滅 限滿百年後 佛法漸隱沒
薄福衆生等 於我法出家 不樂於三乘

亦不畏後世活命故出家多詐无著耻
貪求諸名利處處誦嫉妬遠離於禪誦
復捨諸善法晝則樂言訟夜則多睡眠
樂讀外雜典捨離佛所說復與女人通
嚴飭身衣服為求名利故但營世俗業
常為他作使通致諸信命往返俗人家
販賣以自活樂作諸田業又復憍闍諍
見諸善比丘梵行多聞者嫉妬復瞋罵
不容彼坐卧而作虛穢語誹謗及毀訾
於諸俗人邊稱揚不善業言此詐比丘
是賊最惡人若有供養者多得惡名聞
於彼不獲福亦莫信彼說諸寺惡比丘
盜說梵行者種種不善事是以刹利瞋
彼諸惡比丘雜以外文頌稱讚彼刹利
能令刹利喜毗舍婆羅門刹利婆羅門
以是得供養持戒被欺楚刹利婆羅門
嫌恨持戒者嫌恨持戒故致使諸天瞋
棄捨彼國土刹利輔相臣向於寶國土
在彼而安住輕賤持戒故菩薩亦捨離
諸天捨離後其國大可畏惡龍惡夜叉
羅刹鳩豚荼入國奪精氣及食其肉血
惡王婆羅門毗舍首陀等共護國城邑
及以諸村落宮舍園園林惡鬼遍充滿

常奪彼精氣 觸惱諸刹利 婆羅毗舍施
男女等皆瞋 復令心變惡 不共相鬪諍
彼等鬪諍故 布薩行檀絕 其國水枯涸
非時風雨起 飢饉極儉短 乏少資生具
果苗不成熟 地味衆生味 法味及精氣
一切皆損減 興動諸兵仗 手共相劫奪
如是慳貪國 惡比丘往返 復以佛僧物
飲食諸果樂 持用與俗人 因此得供養
奴婢及田宅 與彼令攝受 不善比丘等
以之為尊長 少智詐多聞 不喜禪戒者
禪戒者去後 為財共鬪諍 刹利聞生瞋
打害惡比丘 還俗捨法服 繫閉於牢獄
以是諸天瞋 迭共相告語 如是國土中
旃陀羅王治 朋黨惡比丘 毀破袈裟服
自壞已國土 不久當敗亡 墮在阿鼻獄
受苦極長遠 於是賢劫中 無脫地獄時
是旃陀羅王 衆聖所厭賤 聽讀檀尸法
諂曲虛詐現 是王多詐偽 速滅已國土
苗稼不成熟 亢旱及水潦 鼯鼠惡鳥暴
自他國兵起 曜入非常宿 大地普震動
白虹妖星墮 時氣多疫病 焚燒諸聚落
速壞國城邑 剃頭著袈裟 諸佛所加護
一人出家者 天人所供養 唯除諸如來

無有自在者 彼旃陀羅王 謫罰惡比丘
毀壞三世佛 二種淨法身 煩惱瘡深重
難得值諸佛 諸天皆捨離 彼旃陀羅王
如是國土壤 法眼當散滅 諸天捨離故
如是國土壤 三種精氣滅 毀滅天宮殿
白法善朋少 黑法惡黨增 於彼濁惡世
无有明智人 所住阿蘭若 樂法安隱住
彼持我正法 能令多衆信 鬼神敬信故
遮障諸怖畏 增長三精氣 熾然我正法
彼以禪定樂 充滿天宮殿 是故以我法
付諸鬼神王 遮障惡刹利 莫惱我聲聞
國王於持戒 親近常供養 破戒不親供
捨離各隨住 國王不惱彼 持戒及毀禁
刹利淨持戒 彼此皆信敬 毗舍婆羅門
不惱諸天神 正法得久住 白法常增長
汝等於此土 隨意而安住 汝等若發心
此土常安住 乃至我法盡 莫向諸餘國
以檀尸羅法 令多衆歸信 智者能成熟
彼非是希有 於彼惡世時 熾然我正法
遮障惡刹利 此事為希有 慈心常相應
莫打我聲聞 彼二說正法 能救地獄苦
比丘不護戒 國王莫謫罰 汝諸刹利王
莫共沙門鬪 俗人作諸惡 速趣於地獄

軟語向彼二 遮除諸惡業 莫以處橫語
亦莫打治罰 以是國不壞 增長三精氣
正法得久住 佛法久熾然 多有說法者
能閉三惡趣 休息世間惡 增益諸天衆
涅槃門得開 無漏者則入 菩薩得增長
猶如明分月 能以於六度 充滿諸佛法
是故諸智者 所來諸菩薩 當住於此土
熾然我正法 盲冥失道者 當與正法眼
衆生以六度 成熟於菩提 汝等則成供
三世諸如來 速證菩提果 淨國作導師
大衆皆默然 唯有賢劫衆 弥勒爲上首
一切皆悉起 合掌而白佛 咸作如是言
我不詣餘方 護持佛正法 盡我精進力
成熟大菩提 隨於彼時中 應機而說法
欲有留難時 我等不能遮 法欲滅盡時
我亦不能遮

今時世尊告彼白智童真菩薩摩訶
薩而說偈言

觀此諸菩薩 勇猛執智炬 無量阿僧祇
他方佛土來 種種善根實 歸依諸佛海
慈悲方便力 於佛法不動 於此無有一
能持我法者 賢劫諸菩薩 堪能持我法
於我滅度後 佛法欲滅時 所有出家者

而無有慙耻 遠離功德智 懈怠不精進
捨道學世業 不樂持禁戒 愚癡與俗交
多言復无著 貪取佛僧物 染著五欲樂
如是比丘等 資生與俗同 疑惑多貪財
邪婬怒嫉妬 見住蘭若者 說其諸過惡
不樂讀誦經 嗜睡多嬉闌 如是等沙門
厭賤禪蘭若 堅著於惡事 自高輕蔑他
沙門及俗人 慳貪不捨施 嗽食佛僧物
多遭種種病 無有慈愍心 少力惡喜闌
以是天不雨 潤澤悉枯涸 飢饉遍世間
果實无滋味 乏少於飲食 瞋諍相侵奪
造十不善業 少福無供養 法味不純厚
行法心亦薄 迭共作虛想 煞害无慈愍
不孝於父母 亦不供尊長 多修世俗行
疑惑復嫉妬 貪染於邪法 非法无厭足
貪求無厭故 是以久流轉 如是諸國王
及以輔相臣 沙門婆羅門 毗舍首陀羅
樂聞憎持戒 互相相謗毀 南方邊夷國
王名波羅帝 百千諸軍眾 士將共圍繞
西方邊夷國 有王名百杞 亦將百千軍
前後共圍繞 北方邊夷王 名善意釋迦
士將諸營從 圍繞亦百千 東方睽弥國
王名為大軍 眷屬百千眾 圍繞而侍衛

大軍王有子 名之為難者 生時身著鎧
把刀血塗身 大力身堅固 而從母胎生
是時長者等 大臣五百人 同時俱生子
身亦著鎧甲 執刀血塗身 皆從母胎生
是日於其國 天龍降血雨 五百長者子
難者同處養 難者年七歲 父王授其位
邊夷三惡王 又至北天竺 破國煞害人
怨讎妬女色 積財以火燒 瞋怒向中國
邊夷王等來 毀破佛塔寺 煞害諸眾僧
劫奪佛僧物 病瘦諸比丘 不能走逃避
少壯強力者 散走於諸方 諸餘比丘等
少年初出家 未善學戒者 威儀法不具
處處走逃避 隨至被欺楚 毀辱而打罵
恒受諸苦惱 彼三邊夷王 及與諸軍眾
漸詣拘睺弥 十二年中閼 三王及眷屬
難者王煞盡 統領閼浮提 而作一蓋王
於後大悔恨 我獲無量罪 頗有明比丘
當與我懺悔 說言有三藏 父名為火施
種姓常清淨 是大婆羅門 子名失師迦
高才智勇博 釋子中大名 今住波梨國
時王即遣使 請彼三藏來 為王演正法
令王生敬信 我於十二年 戰鬪大作罪
三王及眷屬 軍眾我煞盡 我亦十二年

具設般遮會 普告閻浮提 釋子皆來集
所有諸比丘 住在閻浮提 願各志來此
受我等供養 比丘等志集 睽弥般遮會
在路有餓死 或病在道傍 中有遭水毒
或值賊虎傷 或復墜山澗 比丘死無數
餘殘到睽弥 威儀法則壞 百千皆來集
設大般遮會 初起般遮日 大雲皆志起
普遍閻浮提 降澍於大雨 時王甚歡喜
此是衆僧力 比丘既集已 乐共相借問
頗見我和上 及問阿闍梨 知識諸等侶
同學何處去 我今得來此 彼或道路亡
高聲大悲哭 相戀而嗥啼 失師三藏起
少時靜嘿住 比丘大嗥哭 惆悵不自抑
王見彼嗥哭 曉諭亦不止 時王自思惟
此有羅漢不 天神夜告王 還於波梨弗
善財長者子 名曰凍羅多 是大阿羅漢
恒在香山中 三明解脫具 而來安住此
今於此大月 十五日布薩 由此布薩故
百千衆集會 中有一三藏 復有阿羅漢
于時諸天衆 皆來聽布薩 今是寂後集
當作无上護 法幢當摧折 法炬當散滅
法山欲崩頽 法海當枯涸 八種功德水
寂後當亦竭 比丘衆聲乱 三藏于時起

高聲言寂靜 諦聽戒律儀 所有諸釋子
一切皆來集 我於此衆中 多聞到彼岸
學戒猶不淨 何況於餘人 若有一比丘
能持此禁戒 威儀無缺者 今當為布薩
若於毗尼戒 威儀無缺犯 於此大衆前
有者今當現 為學戒律者 今當作布薩
羅漢凍羅多 即起師子吼 依如經中說
我學戒清淨 決定無有疑 布薩我當聽
如佛之所說 禁戒我善學 三藏有弟子
名曰鶩伽多 慍惡即瞋罵 咄彼凍羅多
經中未見汝 是學戒律者 大德如是說
云何故違反 鶩伽瞋極盛 兩手執大棒
打煞阿羅漢 淨戒可敬者 諸善比丘等
大哭而嗥啼 各各相瞋怒 毀破身衣服
時有大夜叉 名目佉檀提 於佛深生信
敬重佛正法 即以金剛杵 煞害彼鶩伽
由煞阿羅漢 無著凍羅多 復有惡比丘
名曰鷄多羅 兩手亦執棒 復煞彼三藏
比丘皆悉起 各各共相煞 百千諸比丘
存活者无幾 是時須臾頃 大地普震動
於其虛空中 出大惡音聲 四方起大惡
火燄數百千 火幢大可畏 現住在空中
彗星及彗星 四方而流墮 千億諸天神

皆作如是言 釋迦所集法 今日當隱沒
色界諸天子 一切欲界天 正法隱沒已
大聲悲嗥哭 見佛諸夜叉 墮地而宛轉
從今於世間 更無有佛法 律儀木叉戒
一切悉空無 閻冥遍世間 无救無歸趣
諸人等不久 无異於犢鹿 法幢當摧折
法鼓聲亦絕 甘露門閉塞 法師亦喪亡
法炬當散滅 法輪更不轉 正法橋破壞
法足不復行 法水止不流 法河永枯涸
法山欲崩頽 法海當復竭 住林阿蘭若
所有諸天子 于時大怖畏 悲嗥而自撲
有諸魔眷屬 邪見諸惡黨 歌舞皆歡喜
踊躍弄衣服 釋迦所說法 趣彼甘露者
隱沒是其宜 我法得熾盛 難者王既知
正法隱沒已 從初至後夜 出城往詣彼
見諸比丘屍 墮地即悶絕 良久乃得蘇
而復更悲啼 見煞阿羅漢 三藏失師迦
無量比丘死 我亦不久活 取拾阿羅漢
別取三藏屍 及諸比丘喪 種種而闍維
餘殘在比丘 台喚集一處 銷饌衆美味
種種而供養 復捨千万寶 一寶直百千
以此衆寶物 擬造五百寺 一一諸比丘
各施百千物 師等在此住 我等當養育

為我說正法 我當至心聽 一切皆默然
無有說法者 其王三勸請 白諸比丘已
亦皆默然住 一切無說者 王白諸比丘
可不知法耶 語已袈裟白 染色不復現
從牀皆墮落 宛轉在於地 咸皆稱佛言
佛法寶隱沒 鬚髮爪皆長 諸法亦忘失
當時虛空中 大聲震於地 一切皆遍動
猶如水上輪 城壁碎落下 屋宇悉圯圻
樹林根枝葉 花葉果藥盡 唯除淨居天
欲界一切處 七味三精氣 損減无有餘
解脫諸善論 當時一切盡 所生花果味
希少亦不美 諸有井泉池 一切盡枯涸
土地悉鹹鹵 剖裂成丘澗 諸山皆焦然
天龍不降雨 苗稼皆枯死 甘蔗劫貝藥
生者皆死盡 餘草更不生 雨土皆昏闇
日月不現明 四方皆亢旱 數現諸惡瑞
十不善業道 貪瞋癡倍增 衆生於父母
視之如獐鹿 衆生及壽命 色力威樂減
遠離人天樂 皆悉墮惡道 如是不善業
惡王惡比丘 毀壞我正法 損減天人道
諸天善神王 悲愍衆生者 棄此濁惡國
皆悉向餘方 先佛不作者 我今為衆生
棄捨身壽命 為增三精氣 悲愍衆生故

捨壽第二分 令我法海滿 洗浴諸天人
過去諸如來 依壽而滅度 彼於七日後
正法皆隱沒 今我涅槃後 正法五百年
住在於世間 衆生煩惱盡 精進諸菩薩
得滿於六度 行者速能入 無漏安隱城
像法住於世 限滿一千年 剃頭著袈裟
持戒及毀禁 天人所供養 常令无所乏
如是供養彼 則為供養我 若有為我法
歸依而剃頭 身著袈裟衣 說彼是我子
假使破禁戒 悉住不退地 若有過打彼
則為打我身 若有罵辱彼 則為毀辱我
是人心欲滅 正法大明燈 故為器非器
捨壽第三分 為衆得安樂 饒益諸天人
我昔行苦行 為諸衆生故 捨已自身樂
今法久熾然 我昔捨身命 為諸病人故
亦為貧衆生 今法久熾然 我昔為菩提
捨財及妻子 寶為馬車乘 今法久熾然
我昔供諸佛 緣覺及聲聞 父母諸師長
今法久熾然 為聞菩提故 无量阿僧祇
備受種種苦 今法久熾然 我修戒律儀
長夜常勤行 十方佛為證 今法久熾然
我昔常忍辱 忍諸惡衆生 為衆除煩惱
今法久熾然 我昔勤精進 堅固常伏他

度脫諸衆生 令法久熾然 我修禪解脫
無色三摩提 恒沙不可數 令法久熾然
我昔為般若 住在於閑林 演說無量論
令法久熾然 我昔常憐愍 捨已身血肉
及捨身支節 為增正法眼 我愍惡衆生
以慈而成熟 安置於三乘 增長正法施
我昔智方便 度脫諸惡見 安置於正慧
法雨令不絕 我昔以四攝 救度諸衆生
滅惡煩惱火 令四衆久住 我昔除外道
諸惡邪見網 安置於正路 四衆得供養
我為彼捨命 慈愍度衆生 不令世間闇
而有所歸趣 如是於後時 欲令法不壞
是故囑法眼 饒益諸衆生 於我滅度後
菩薩向餘方 為欲不滅壞 一切賢聖法
故我今說呪 令法久熾然 金剛密无缺
解脫味所依 所有十方佛 當與我說欲
在此所來者 大衆亦與欲

多地夜他 阿婆牟寄 婆牟寄 質闍
牟寄 佉羅牟寄 遮羅摩兮 阿兮
阿兮 達囉婆帝 摩呵地唎滯 志耽
婆羅兮 闍迦利 磨什婆隸 達囉牟駛

能伽咩什婆隸 什婆囉摩涅槃波
蘇婆呵

今時世尊說此金剛堅固深密解脫
味體陀羅尼句時遍此三千大千世
界六種震動天降花雨一切樂器不
鼓自鳴諸來大眾遍滿大地皆悉悲
泣流淚讚嘆而作是言釋迦牟尼如
來應正遍知甚為奇特未曾有法大
悲具足隨彼衆生為成熟故安置顯
現未來法故捨第三分壽說是語時
在會衆生依煩惱身者心得敬信盡
虛空量諸衆生等未發無上菩提心
者皆悉發心九十二那由他衆生得
柔順忍八那由他衆生得首楞嚴三
昧聖燈三昧十萬諸夜叉見四真諦
二千菩薩得共行測量毗尼三昧六
十四百千阿修羅得殊勝行那羅延
三昧八那由他百千諸天得清淨行
三昧三十那由他百千鳩脩茶得勝
幢上燈三昧二十那由他百千諸龍
得不欺勢力行三昧二万比丘盡諸
有漏心得解脫

今時智炬童真菩薩摩訶薩白文殊

師利菩薩摩訶薩言了知清淨土觀
此釋迦牟尼如來以大名稱充滿十
方諸佛國土云何充滿謂釋迦牟尼
佛從初發心求阿耨多羅三藐三菩
提已來於一切衆生平等安置以福
田心種種勤修而行布施於一切菩
薩道修寂勝行成熟一切諸衆生故
發寂勝願捨清淨國至此五濁衆苦
世界於阿耨多羅三藐三菩提而成
正覺以大慈悲因緣力故為無間業
誹謗正法毀訾賢聖一切不善惡業
纏縛十方一切清淨佛土所棄衆生
為諸煩惱之所縛者成熟如是諸衆
生故於此娑婆世界求阿耨多羅三
藐三菩提於一切菩薩道修寂勝行
是人今於五濁世界於阿耨多羅三
藐三菩提而成正覺此無間業諸衆
生等種種罵辱誹謗如來輕賤毀訾
勤加逼惱彼等以嫉妬因緣故種種
方便心欲煞害復以種種兵仗刀箭
橫鉾鉞斧崩大石山毒藥水火復放
狂爲師子虎豹惡牛惡狗勤加害佛
今時如來猶於彼等諸衆生所以大

慈悲哀憐覆護踰於父母視其子
於諸苦海方便拔濟是以今佛釋迦
如來於十方佛土名稱普聞今復為
此諸衆生故以一切法付囑天龍諸
鬼神等為令法眼久住熾然復為衆
生捨第三分壽亦為法眼久住熾然
一切聲聞器以非器及諸剃頭著袈
裟者為護持故不惱害故增長三精
氣故以是釋迦如來於此十方一切
佛土一切如來一切菩薩摩訶薩一
切大智諸天人所極得名稱充滿十
方是故一切諸來菩薩摩訶薩等各
各相與隨力所堪皆設第一軍上供
具供養如來尊重恭敬

今時一切諸來大衆菩薩摩訶薩等
從座而起口眼微笑彼諸菩薩於此
娑婆世界遍雨種種寶供養具供養
世尊有雨碎金有雨碎銀有雨碎毗
琉璃有雨碎頗梨有雨赤真珠有雨
碎馬瑙有雨碎車渠有雨龍蛇所愛
重者碎栴檀香有雨牛頭栴檀香有
雨多摩羅跋香有雨黑堅沉水香有
雨種種衆妙寶花有雨七寶蓋七寶

幢七寶幡金縷真珠瓔珞環釧有持
劫波如意寶樹有持寶衣樹有持寶
花樹有持寶器樹有持寶香樹供養
世尊復有菩薩於娑婆土所有樹林
花葉果實一切草木變成七寶而供
養佛復有菩薩於娑婆土一切所有
山石埵瓦變成七寶而供養佛復有
菩薩於娑婆土一切所有大地界分
變為微妙諸天寶香而供養佛一切
衆生依地住者被等七日七夜身心
快樂猶若諸天復有菩薩於娑婆土
一切所有大水界分變為諸天第一
微妙甘露美味香潔醇具水界衆生
七日七夜身心快樂猶若諸天復有
菩薩以一切風變為微妙清淨香風
而供養佛於三惡道所有衆生一切
無餘香風觸故七日七夜身心快樂
猶若諸天今時上至阿迦膩吒天下
至四天王身天及諸天女一切無餘
而以種種微妙音聲讚歎世尊復以
種種歌舞音樂而供養佛一切夜叉
一切羅刹一切鳩槃荼一切乾闥婆一
切阿修羅一切緊那羅餓鬼毗舍遮

留單那迦吒留單那人非人等彼等一切隨力所堪作種種讚歎乃至種種供養世尊

尔時世尊告上首弥勒及賢劫中一切菩薩摩訶薩言諸善男子我昔行菩薩道時曾於過去諸佛如來作是供養以此善根與我作於三菩提因我今憐愍諸衆生故以此報果分作三分留一分自受第二分者於我滅後與禪解脫三昧堅固相應聲聞令無所乏第三分者與彼破戒讀誦經典相應聲聞正法像法剃頭著袈裟者令無所乏弥勒我今復以三業相應諸聲聞衆比丘比丘尼優婆塞優婆夷寄付汝手勿令乏少孤獨而終及以正法像法毀破禁戒著袈裟者寄付汝手勿令彼等於諸資具乏少而終亦勿令有旃陀羅王共相惱害身心受苦我今復以彼諸施主寄付汝手我今所有器以非器為我出家而供養者汝等亦當護持養育弥勒若於現在及未來世讀誦受持此法門者彼等當得十種清淨功德何等

為十身清淨故離煞生離偷盜離邪
行口清淨故不妄語不惡口不兩舌
不綺語心清淨故離貪欲離瞋恚離
邪見是為十從是已後百千萬生常
得如是十種清淨功德若有至心聽
此法門者是人住如實際得於八種
清淨功德何等為八一者長壽二者
端正三者富貴四者名稱五者常為
諸天守護六者所須常無所乏七者
盡諸業障八者命欲終時有十方佛
及諸大衆放大光明照其眼目令其
人見得生善處於百千萬生常得如
是八種功德我今更復略說是人當
得十三種清淨功德何謂十三一者
生死流轉終不更起顛倒惡見二者
不生五濁無佛國土三者常得見佛
四者常聞正法五者常得供養衆僧
六者值善知識七者常與六波羅蜜
相應八者不墮小乘九者常以大慈
大悲大方便力成熟衆生十者常發
勝願十一者乃至菩提而常不離如
上等法十二者速能滿足六波羅蜜
十三者於阿耨多羅三藐三菩提而

成正覺若有受持書寫讀誦為他解
說如說修行此月藏法門者所得功
德如前所說作是語時月藏菩薩摩
訶薩尊者阿若憍陳如及於一切諸
來大衆天人阿修羅乾闥婆等一切衆
生聞佛所說皆悉歡喜頂戴奉行

大集經卷第五十六

癸卯歲高麗國大藏都監奉
勅雕造

大方等大集經卷第三十

虞

高齊天竺三藏那連提耶舍譯

須彌藏分第十五聲聞品第一

南無十方一切諸佛

如是我聞一時婆伽婆在佉羅帝山
依半及仙住處與大聲聞衆過出衆
數一切皆是佛大弟子與大菩薩衆
無量無邊悉從十方諸佛世界而來
集會次第究竟梵翼記分

今時衆中去佛不遠有功德天住於
佛前為聽法故即從座起合掌向佛
而白佛言大德婆伽婆有諸菩薩以
施福船艘渡生死海何以故此佛世
界五濁極穢多有衆生功德智慧悉
皆減少以是因緣故菩薩摩訶薩於
此衆生起大悲心又此衆生說無因
論資財乏短勤苦追求而不能得此
諸菩薩若不行施不能化彼罪惡衆
生是故諸菩薩作如是念我今被檀
度鎗起大精進汎施船艘越生死海
是諸菩薩摩訶薩修行布施福德之
事令入諸佛無上大海乃至獲得寂

上灌頂法王之位世尊復有衆生計
存常見廣乏資財苦身求索亦不能
得菩薩若不修行戒施則不成熟彼
諸衆生是故菩薩摩訶薩於計常衆
生起大悲心復作是念我當化彼計
常衆生我以如是持戒鎧艦欲度生
死大海乃至得受灌頂法王之位是
諸菩薩以持戒福德事行及十善道成
熟衆生令入無上諸佛大海乃至安
置灌頂法王之位世尊此復有衆生
行十善道而不清淨於殺盜婬乃至
貪瞋等身見衆生福德智慧減少故
資財乏短勤苦追求亦不能得彼諸
衆生若不以出家清淨戒无以成熟
是故菩薩摩訶薩於彼殺盜婬妄語
兩舌惡口綺語貪瞋等身見惡行衆
生所起大悲心以無常方便令諸衆
生入佛法中以出家戒成熟衆生此
即是我忍進鉀胃是出家戒即為無
般渡生死海以是緣故菩薩摩訶薩
以持戒福德及无常方便教化成熟
出家律儀戒衆生彼菩薩以是業故
乃至令入无上諸佛大海乃至安置

灌頂法王之位菩薩摩訶薩便自能
入無上諸佛大海今時功德天白佛
言大德婆伽婆云何菩薩摩訶薩
初修學禪波羅蜜本業學已知諸禪
分能出欲界斷除五支成就五支於
四神足遊戲神通善能往詣一切佛
刹迺疾如電於一切佛所供養聽法
為竭衆生三種道故何等為三謂業
道煩惱道苦道滿足禪波羅蜜云何
滿足禪波羅蜜具足六波羅蜜滿足
六波羅蜜已速得阿耨多羅三藐三
菩提佛言善哉善哉清淨智汝清淨
智於此法中以為疲勞滿此法行為
衆生故能於如來應正遍知所問於
此義汝清淨智當至心聽善思念之
我今為汝分別演說功德天言如是
世尊我當聽受唯願說之於是世尊
告功德天言清淨智如汝所問云何
菩薩摩訶薩初修學禪波羅蜜本
業學已知於禪分能過欲界除斷五
支成就五支於四神足遊戲神通善
能往詣一切佛刹迺疾如電於一切
佛所供養聽法為竭衆生三種道故

何等為三謂業道煩惱道苦道能生
修道所作福事滿足禪波羅蜜禪波
羅蜜滿足故具足六波羅蜜滿足六
波羅蜜已速得阿耨多羅三藐三菩
提清淨智此菩薩摩訶薩初修禪定
於一切出入息相係心緣念彼菩薩
摩訶薩以不亂心出息入息隨入息
觸心彼入息觸心者名為覺隨出息
觸心隨出息觸心者名為觀乃至喜
樂一心不亂心將出欲界離於覺觀
斷除貪欲及瞋恚蓋伏一切惡法得
於初禪有覺有觀彼時即有如是相
起一切身分志皆震動充遍於身若
菩薩增上勇猛係念專住彼時便能
滅於覺觀喜樂一心得第二禪為除
喜過精勤不止既滅喜已得第三禪
樂菩薩今時其身適樂猶如煖乳以
灌身體得希有樂如天身想彼得成
就如是勝樂於三寶中得增上信心
復作是念我為利益一切衆生被服
大鎧勤修禪定我今應捨身樂彼菩
薩摩訶薩止出入息捨相續攀緣心係
意鼻端於出入息住心觀察又觀彼

心刹那散壞知生知滅又知彼心刹那相應散壞无生如水中月如光影如陽焰如電心意識一切陰界入如泡是故棄捨身樂思念彼法生滅入第四禪今時即有如是相起菩薩雖復閉目如大日光照見明了彼菩薩作是念以此攀緣光明相故一切衆生陰界入不斷增長熾然我今應當心念止於攀緣光明彼復於此以滅方便捨受想思觸憶集生滅入勝清淨善寂滅城住止身口意業彼菩薩還從定起取出入息相觀觸念相還入空定從空定起復觀出入息生滅攀緣相便入無願三昧從无願三昧起見出入息寂滅住無相定如是則能修滿四念處及三解脫門彼菩薩以觀出入息生滅觀於生滅故修四正勤滿足彼菩薩以觀出入息出沒相便能具修滿四神足彼觀出入息故即能散壞其身猶如窓塵今時即得修滿五根以出入息出沒方便觀察二行如是便能修滿五力彼以除出入息受想方便觀察除寂滅如是修

七菩提分滿足彼以出入息風方便
念散壞一切大地界及一切色悉皆
無餘彼无有相無有語言无有狀貌
無有假名三行寂靜極寂靜寂滅得
無緣三昧此如是名遊戲禪定禪波
羅蜜本業諸菩薩摩訶薩共一切聲
聞辟支佛禪本業若住於此以下精
進或證須陀洹果或斯陀含果阿那
含果或乃至住阿羅漢果若菩薩堅
固精進大悲心願念一切衆生无量
福德智慧聚為之疲勞彼菩薩摩訶
薩於如是禪本業遊戲三昧方便安
住不退阿耨多羅三藐三菩提不墮
聲聞決定聚中不捨禪定本業大鎧
彼菩薩摩訶薩滿足禪波羅蜜滿足
淨智乃至若國土中或比丘比丘尼
優婆塞優婆夷欲趣聲聞乘欲趣緣
覺乘或趣大乘或善男子善女人於
如是禪本業遊戲三昧係念思惟者
隨所住處彼國土一切天王常善守
護一切龍王一切夜叉王一切阿修
羅王一切緊那羅王一切摩睺羅伽

三一切餓鬼王一切毗舍闍王一切
羅刹王等當善護彼國若國土中有
如是禪相應福田住者彼國土彼刹
刹王得十種可愛樂法何等為十一
者安隱滅一切患二者長命三者得
上妙色四者皮膚鮮軟五者肢節可
愛六者得善眷屬七者能修善業八
者係念慈悲方便九者恒與名稱福
器相應十者命終生於天上是為十
又彼國土復得成就十種殊勝利益
何等為十一者不為自賊他賊之所
劫害二者亦無惡賊毒獸蚊虻蝗蟲
等三者无有旱潦及非時風雨寒熱
等觸四者土地平正無諸丘墟谿澗
嶮壑五者彼國一切種子五穀諸藥
草木林樹蓊蔚茂盛无諸辛苦澁惡
等味華果六者無諸惡聲鬬諍及逆
飢饉病患及非時死亡者彼國衆生
長命端正適樂豐盈无穢濁心遊戲
快樂如法修行生於天上八者其國
土中諸福田器之所依住愛樂隨順
禪定三昧九者彼國衆生飲食所須
悉皆無之上妙可愛資成四大稱順

根性增長無違十者其土人民勇健
強記有慈悲心命終生天清淨智此
十種法善能莊嚴於彼國土清淨智
此菩薩摩訶薩以業障尋捨離大乘
住聲聞地違化衆生此是聲聞禪波
羅蜜遊戲三昧聲聞以此了知滿足
禪分出三界窟宅及諸有縛斷除五
支成就五支越過三界住無學地遊
戲神通到八解脫禪定彼岸一初修
行得為一切諸佛之子從佛口生從
法化生彼雖如是猶故不能往諸佛
土供養諸佛從佛聽法亦復不能乾
竭衆生三種道若能如是遊戲三昧
者隨其所住國土獲得如是大功德利
大集經須彌藏分第十五菩薩禪本業品第三
今時佛告功德天言清淨智云何菩
薩摩訶薩不共一切聲聞辟支佛釋
波羅蜜本業差別滿足若菩薩摩訶
薩滿足禪波羅蜜已便能滿足餘五
波羅蜜清淨智此菩薩摩訶薩於一
切出入息中及五受陰觀其生滅既
觀察已消竭渴愛不墮聲聞決定聚
中於四神足遊戲神通善能往詣一

切佛刹延疾如電於諸佛所供養聽
法乾竭一切衆生三道謂煩惱道業
道苦道雖出欲界而不捨欲界為化
衆生故現生諸趣不為胎洊斷除衆
生煩惱羅網然於衆生而无所待清
淨智此菩薩摩訶薩隨出入息各各
別觀但新非故如實了知如是出入
息中色受陰如實了知受想行陰亦
如實了知如是出入息中識受陰如
實了知於出息異入息異知出息異
知入息異知入息異中受想思觸念
知出息異中受想思觸念亦如是入
息受時非出息受出息受時非入息受
如是三有輪轉受想思觸念因緣故
相續不斷漂生死海而不能渡數數
生老死已還生不能如實覺知此法
不能如實出彼生死於出入息不能
如實覺察復次如是出入息於九竅
門出入往來如是九十九那由他百
千毛孔門一切皆悉出息入而於
九十九那由他百千毛孔不增不減
不能覺知非過去非未來非初非中
非後不知住不知出復作是念我今

一切毛孔出息入息生滅方便應與
生滅相相應住是菩薩摩訶薩隨九
瘡門出息入息生滅觀察如是九十
九那由他百千毛孔門一一毛孔中
觀察出入息生滅觀察出入息生滅
相應住若菩薩欲觀毛孔小相但見
毛端息從往來即能見小若欲見大
便能得見如芥子許若欲得見如菴
摩勒果許即能得見若欲得見頻螺
果許亦即能見若欲得見一由旬千
由旬乃至一四天下二毛孔而觀察
之隨欲見廣即能見廣彼時菩薩作
如是念衆生以眼迷惑係縛生死相
續不斷漂生死流受種種苦彼菩薩
復作是念我今棄捨一切色想已得
無言三昧非諸聲聞辟支佛地於彼
地界亦無所得水界火界風界虛空
界識界亦无所得不行陰界入非前
際非後際非此世非他世非善業報
非惡業報非生非滅非有煩惱非離
煩惱無有所得菩薩如是住寂滅住
彼若欲得於無量劫於此一切法無
語言空三昧若住若加菩薩如是自

智加持三昧力故便能於此一切法
無語言空三昧无量劫住亦能滿足
六波羅蜜為成就衆生因緣故清淨
智如是地藏菩薩摩訶薩於此一切
法无語言空三昧到自在彼岸是善
薩若欲入此三昧時以福德智慧力
為成熟衆生故先作是願乃至我未
出三昧已來於此時中欲令此國土
境界及四天下此佛世界一切衆生
諸有所須資生之具隨其相貌隨其
多少隨其所樂所謂飲食衣服卧具
瓔珞莊嚴之具園林屋宅形色狀貌
服飾身分可愛色聲香味觸等欲見
如是等事是時菩薩便入此三昧善
薩入此三昧已隨其時節於此佛世
界四天下一切衆生如上所說所須
之具便得充足或復作是念隨我住
定時節遠近隨諸衆生多少分齊欲
除衆生身心之病謂風黃癰等分之
病或人非人所作如是欲滅貪瞋癡
等煩惱諸病及滅十不善業令住十
善業道中便即入此三昧彼菩薩摩
訶薩隨其住定時節久近隨其所為

多少衆生如上所說身心痛苦悉皆除滅又菩薩復作是願隨緣任定時節已來欲滅地獄種種諸苦畜生之中互相殘食等苦閻魔羅界飢渴等苦及寒熱苦怨憎會苦愛別離苦求不得苦隨願分齊令諸衆生離一切苦惱及不善法成就一切善法令諸衆生慈心相向生利益心不動心無怨心无諍心無鬭訟心哀愍心乃至禪正受善住心不迷惑心及滅衆生愚惑之心又滅衆生常見斷見及諸見聚於三寶所恭敬供養生希有心令諸衆生離四顛倒住四不顛倒於四聖諦及第一義諦心善安住如是菩薩福德智慧善巧方便力之所加持菩薩今時為化衆生因緣故欲入三昧乃至未出三昧已來令此國土及閻浮提四天下乃至此一佛剎所有衆生隨其分齊安樂之事如上所說欲令獲得然後入於无語言一切法空三昧彼菩薩摩訶薩入此三昧時間乃至佛剎隨所要期衆生分齊彼菩薩以福德智慧三昧力故隨住

定時如上所說種種資生及諸樂具
乃至未出定來令諸衆生悉皆獲得
彼菩薩入此定時無有身苦心苦亦
无飢渴火不能燒水不能漂乃至劫
火所不能害及以劫水亦不能爛不
為風災之所散壞又復不為疫病飢
饑刀兵等劫盡其命根欲取滅度隨
意自在又人非人毒風暴熱不能侵
惱又彼菩薩在定未起隨其所念欲
令無量佛刹入一微塵又復十方國
土一切諸佛及大菩薩聲聞眷屬於
一爪甲悉能得見令無遺餘又令一
切衆生入一毛孔而彼衆生於自境
界悉見如故又十方世界无量佛刹
所有諸風菩薩悉令入一毛端隨風
境界遊行虛空廣狹去來无諸障碍
於彼毛端亦無增減如本不異又十
方一切諸佛世界所有水界菩薩能
令入一豆糲隨水廣狹流注往來亦
無障碍於彼豆糲而无增減又彼菩
薩不復處胎除自願力不生惡趣不
受女形不生下劣諸根具足終不毀
減身口意行无有過失亦不生於無

佛世界除自願力為化衆生是菩薩
常不遠離見佛聞法供侍衆僧亦不
遠離福德智慧无畏方便教化衆生
乃至入於無上涅槃如是清淨智彼
菩薩摩訶薩被於如是大堅固鎧冑
初修習禪波羅蜜本業能過欲界了
知禪分断除五支成就五支乃至遠
戲於四神足善能往詣一切佛刹迅
疾如電供養一切諸佛聽聞正法乾
竭衆生所有三道所謂煩惱道業道
苦道如是清淨智菩薩摩訶薩滿足
禪波羅蜜已便能滿足六波羅蜜滿
足六波羅蜜已速得阿耨多羅三藐
三菩提今時世尊說是禪波羅蜜本
業時於彼衆中五万衆生曾於過去
修行此法是故今得無生法忍八萬
四千菩薩得首楞嚴三昧九萬九千
菩薩得滿足禪波羅蜜无量無邊衆
生發未曾發无上菩提心發是心已
住不退轉地

大集經須彌藏分第十五滅非時風雨品第三

於時地藏菩薩摩訶薩告功德天言
清淨智汝今當觀此四天下端嚴殊

妙一切菩薩所應供養憶念守護於
其長夜應當恭敬今釋迦牟尼佛集
一切菩薩摩訶薩故顯亦一切菩提
道行不退轉輪究竟善巧方便佛灌
頂地乃至汝行檀波羅蜜滿足寂上
不退轉行若汝於如是寂上福田以
諸飲食而修供養以此精勤速能滿
足六波羅蜜滿足六波羅蜜已則能
究竟安住一切種智時功德天作如
是言如是如是如仁者所說唯願聽
我說本因緣我念往昔過無量劫我
共釋迦牟尼佛修菩薩行同發誓願
汝若能得成无上道時願我於彼四
天下中到功德處得功德處已於一
切衆生中隨其所湏衣食之具悉皆
給與仁者善聽於過去世過无量劫
彼時有佛号因陀羅幢相王如來應
供正遍知明行足善逝世間解无上
士調御丈夫天人師佛世尊出現於
世人壽千歲彼時有優婆塞名光無
垢德聰慧調柔多聞无畏為四衆說
法衆所歸伏多有眷屬彼有長子名
無垢德即以偈頌問其父曰

父今何故 勤心不下 捨其事業
及自身命 為護衆生 勇猛增勤
何故此身 不取滅度
余時光無垢德復以偈頌而報子言
吾見世苦 極迷衆生 生老病死
之所逼迫 煩惱火熾 沉流惡道
故我勇猛 欲滅彼火 又智減少
不見未來 墮生死河 極重惡處
對於惡道 迷失正路 為救度彼
故我修行 又不能成 布施調攝
而常遠離 人天安樂 於善知識
常相乖背 願求衆生 出世要路
煩惱獄中 常係衆生 無有眼目
復無救者 執著惡見 取食血肉
為除彼故 故我修行 我於衆生
如是悲念 為一一人 住阿鼻獄
具受種種 尤劇苦惱 如為一人
衆多亦然 我不樂求 聲聞智慧
及緣覺智 亦不願求 唯求无上
寂勝智慧 子今當知 我行勝道
乃至無量 恒河沙數 苦惱衆生
未脫苦來 為欲度彼 諸衆生故
我終不取 菩提正覺 汝今當知

亦應如是 於諸衆生 常應起悲

應常勇猛 修行善法 以此迴向

无上聖道 煩惱火中 救脫衆生

汝應勇猛 何極苦惱 應當修行

布施調柔 得成佛道 無有疑也

若我得成 無上菩提 汝於衆生

給施飲食 我時授汝 勝菩提記

汝當安住 堅固誓願

今時功德天語地藏菩薩摩訶薩言

善男子我於今時於因陀羅幢相王

佛所作如是願乃至我住世間隨其

久近種種精勤難行苦行布施調伏

禁攝放逸及諸禪定營助衆事多聞

捨行皆志修習所有種種難捨能捨

如是我父於當來世人壽百歲煩惱

怨諍穢濁迷惑惡世界中成阿耨多

羅三藐三菩提我於彼國中現為功

德主於釋迦牟尼佛境界衆生及其

眷屬得施無上衣服飲食資身之具

即於釋迦牟尼佛前得受阿耨多羅

三藐三菩提記若彼土衆生暴惡麤

獷无慈愍心亦無反復惡行惡心成

就如如是種種諸惡風雨不時或復旱

潦寒熱不調作諸災變衆生所有諸
華果實五穀藥草及諸美味悉皆殞
滅奪其精氣衆生資產皆悉衰耗而
作闇冥願我今時於彼衆生福德加
被智慧威力志令遮止生其信心又
令衆生資生不乏不令行惡增長善
法佛所應度受化衆生紹三寶性使
不斷絕勢力增盛又令我得依報自
在教化衆生令得阿耨多羅三藐三
菩提我今佛前所發誓願於未來世
得滿足者唯願印可賜言善哉今時
因陀羅幢相王佛即便印可讚言善
哉善哉善男子如汝所願必得滿足
又善男子我當施汝作世水宅心陀
羅居汝以此陀羅居心能成就衆多
衆生又令無量衆生豐足資生果報
无乏又能度於煩惱暴流即說呪曰
多地耶他 闍藍婆 摩訶闍藍婆 阿
奴呵闍藍婆娑囉闍藍婆 郁伽闍
藍婆 夜叉毗梨闍藍婆 那伽毗梨
闍藍婆優羅伽毗梨闍藍婆阿薩帝
鼻梨闍藍婆 阿輸婆比梨闍藍婆
摩嚩比梨闍藍婆 鼻厨迦比梨闍藍

婆 佉目羅比梨闍藍婆 崩起比梨
闍藍婆 阿摩比梨闍藍婆蘇脂目佉
闍藍婆婆摩囉婆摩囉闍藍婆摩囉
比闍迦茶鉢多羅布疏波頗藍婆素叉
犁牛婆索 達摩耶若^{如耶}比利使致
搔醯藍婆 伽苦步^上羅婆窮^去窮^去
婆羅窮頻頭窮 婆羅闍比 娑婆奇
是陀羅尼句若為他人及自己身稱
其名号为誦此陀羅尼一切怖畏一
切殃禍悉皆消滅善男子此作世水
宅心陀羅尼汝若以此心陀羅尼便
能成就衆多衆生汝善男子我昔於
彼因陀羅幢相王佛所受持此作世
水宅心陀羅尼於彼佛所種種供養
持戒多聞布施精勤從是以來復於
十千佛所增進如是願行以此善根
今於賢劫中得大功德處今猶不堪
成此大業何以故從昔以來无量惡
龍及夜叉羅刹阿修羅鳩槃荼餓鬼
毗舍遮等出生世間於諸衆生毒惡
凶暴無信无悲無慈愍心行於惡法
非時風雨旱潦灾電寒熱不調種種
返逆自軍他軍怨憎鬭諍熱風暴起

不願來世是諸衆生於彼過去諸佛之所加持作世水宅心陀羅尼不生信樂彼惡衆生不信樂故於諸種子芽莖枝葉華果美味五穀樂草及諸資生破滅毀壞奪其精氣於諸地味放毒氣吹以是毒氣令其地味雜毒醜惡雜病無臍臭穢无味令此大地作如是等由是因緣衆生不樂若依地味衆生食此種子芽莖枝葉華果諸味五穀樂草資身之具者便生惡心剛墮毒惡於諸衆生無悲愍心不願後世為諸病所逼身色麁惡種種煩惱諸苦所害具足惡見住邪歸依於三寶所不生信樂尊重恭敬希有之心乃至禽獸亦復執於種種惡見迷失本道詬曲無實但有口言彼諸衆生於三寶中身口心意違失善法破戒比丘不能禁攝於彼持戒任放相應辯才大德諸比丘所常生遠離不能親近罵詈毀謗輕弄惱亂稱揚其過遠離慙愧離十善道心不愛樂一切善行起遠離心今時衆生遠離福智壽命短促趣向惡道是故我今

於彼衆生不能令其豐足所須亦復不能成熟衆生汝於今者是大丈夫於正法中而得自在智慧善巧又汝已度一切三昧陀羅尼忍善能觀察智慧彼岸慈悲莊嚴通智彼岸汝志已度又汝於彼諸菩薩中為最勝幢已能成就一切衆生汝今為我應當於此四天下中起悲愍心自智觀察云何能令此四天下諸惡毒龍夜叉羅刹阿修羅鳩槃荼餓鬼毗舍遮迦吒富單那等一切惡鬼皆悉降伏風雨順時水旱調適秋實豐茂寒溫和乎以是因緣令諸地味增長勢力氣味香美食用無患增益念力色身充潤甚可愛樂稱意之事皆出於世依此大地諸衆生等食用无過增長念力如上所說

尔時地藏菩薩告功德天言清淨智我今能令此佛刹土所有四大普遍無餘悉能令變為天飲食使諸衆生於百千劫食不能盡何以故但此衆生薄福德故所不能食於此勝報非其應器清淨智我又能令此娑婆佛

剎變為天宮及天卧具莊嚴衣服香
華果樹種種音聲衆妙伎樂衆寶莊
嚴悉能為作此諸衆生遠離福德又
非其器不堪受用唯除如來應正遍
知十住菩薩及住首楞嚴三昧得自
在者乃能受用清淨智又我能令一
切衆生置第四禪令無有餘豈可不
能降伏龍富單那等又我不應佛未
聽許而現神變譬如轉輪聖王主兵
藏臣不奉王教而發四兵无有是處
如是菩薩悉是佛子從佛心生從佛
口生從法化生是故一切諸菩薩等
無有不請如來而現神變清淨智復
有陀羅尼輪名水風摩尼宮集一切
呪術章句建立一切三世諸佛三寶
之性清淨智汝今可問如來水風摩
尼宮大陀羅尼輪集一切呪術章句
若佛說者我亦隨喜汝等若能受持
此陀羅尼者一切所願皆悉滿足尔
時大功德天女與大辯天女大堅固
天女作光大天女可喜憙天女安隱天
女多摩羅堅固天女明星主天女奢
摩天女頗梨天女如是等上首天女

八万四千那由他天百千衆前後圍
遶從座而起合掌向佛時功德天女
即於佛前而說偈言

能滅極惡濁煩惱 離垢無垢清淨行
我等渴仰陀羅尼 唯願演說摠持輪
牟尼說寂無穢濁 三寶熾然寂勝句
令修羅等得淨心 增長地味无毒惡
能除寒熱暴風雨 願說守護奪精氣
令食穀藥果味等 強記除患修善行
滅除毒害諸惡見 歸信寂勝無上法
或奪精氣多煩惱 云何教化此衆生
此諸天等於牟尼 希求寂上甚深妙
顯示趣向菩提道 令諸衆生入大乘
大衆雲集果願滿 十方菩薩讚佛德
云何降伏諸惡龍 雨澤調適苗稼茂
尔時佛告功德天言清淨智此大陀
羅尼諸佛如來時乃說之如來今於
大衆會前而自要誓此水風摩尼宮
陀羅尼輪一切十方三世諸佛之所
加持今當顯示一切十方諸來菩薩
得聞此者彼諸菩薩能住十方無佛
國土五濁世中能顯示此水風摩尼
宮陀羅尼輪以此陀羅尼力故其國

所有非時風熱寒溫旱潦患皆除滅
由此陀羅尼故令彼毒惡无慈愍衆
生不願來世謂天龍夜叉羅刹阿修
羅迦樓羅緊那羅摩睺羅伽鳩槃荼
餓鬼毗舍遮富單那迦吒富單那人
非人等乃至禽獸得信樂心柔和軟
善念力善巧樂求正法護持正法紹
三寶種以此陀羅尼力故彼佛刹土
所有衆生增長壽命增長身色增長
五穀增長資生增長安樂增長无患
增長名譽增長持戒增長多聞增長
布施增長慈悲增長智慧增長方便
增長三昧增長陀羅尼增長地觀增長
樂出世增長化衆生增長入大乘增長
勝願增長地地轉入增長觀察陰界入
增長慙愧增長攝功德莊嚴佛土增
長六波羅蜜行增長一切十方諸佛
常所護念增長值遇佛一切菩薩善
友增長遊戲神足增長壞一切煩惱
不令增長增長神通度於彼岸不令
退減一切善法乃至無上涅槃即說
呪曰

多地他 蘇波安羅 婆羅底 那耶婆

羅底 擲^平沙吒婆羅底 阿那婆羅

底 奢婆多喝囉婆羅底 奢囉拏婆

羅底 鳩牟尼婆羅底 珊支囉婆羅

底 擲^平陀婆羅婆羅底 婆羅婆羅底

婆羅鉢利訶利 婆羅婆羅多^上鉢利

訶利 那耶鉢利訶利 婢毗迦鉢利

訶利耶若鉢利訶利蘇婆羅鉢利訶利

頻頭鉢利訶利 閼羅鉢利訶利憇多

羅鉢利訶利 特又鉢利訶利 珊尼

摩鉢利訶利 蘇婆婆鉢提犁 劬摩

耶婆 未陀索谿 阿那耶波盧捨

迷羅跋迷 阿羅那求師佉羅毗闍婢

那羅延拏婢謨林鞞 憂羅伽阿尼

弥獲宮闍囉婆胡迷 訶闍賃鞞 羯

摩毗羅犁舍羅摩拏婆離犁 佉曷

羅伽奢迷阿斯那迷 阿耆尼鉢底利

能求就鼻犁 婆耶遮婆留尼捷牠賃

鞞犁 釋迦囉是若移阿那鷄提帝利

那耶娜尼利 帝利耶頭婆佛阿訶地

子瑟癡帝 莎婆訶

使此國天子及其眷屬悉皆吉祥莎

婆呵 那羅延拏 尼羅移莎婆呵 斫

迦囉跋多迦羅迷 莎婆訶

說此水風摩尼宮陀羅尼輪一切呪術章句時一切佛刹所有大地六種震動諸來大眾戰慄不安心驚恐怖同聲唱言南無南無佛陀耶

尔時佛告功德天言清淨智汝以此水風摩尼宮陀羅尼輪力能除一切闕諍一切毒害夜叉羅刹修羅惡龍乃至人非人等及諸禽獸一切非時風熱寒冷灾雹旱潦等過悉皆消滅清淨智此陀羅尼能令五穀悉皆成好令諸衆生增益壽命增長果報乃至增長一切善法未入无上涅槃已來不令失壞若聞此陀羅尼受持讀誦如說行者彼人必定趣於涅槃安住三界尔時地藏菩薩白佛言世尊我亦欲說磨刀大陀羅尼以此陀羅尼力令一切衆果報所湏及以地味悉无減損無能毀奪地之精氣又亦無能放毒氣者亦復无能壞其美味不能令其變為澁惡亦復不能令其隱没亦復不能令此大地不生五穀芽莖枝葉華果樂草亦復不能奪其精氣又復不令有其毒氣亦不乾枯

又不澁惡不令不熟寒熱不傷食用
無障食已无毒若食有毒能令食者
腹痛吐下身心通惱支體攣縮熱病
顛狂心亂失念迭相劫奪鬪諍殺生
偷盜乃至邪見是諸衆生常與如上
惡法相應所謂若天或龍或夜叉羅
刹阿修羅迦樓羅緊那羅鳩槃荼
闍婆餓鬼毗舍遮或富單那或迦
吒富單那或人或非人於諸衆生不能
惱害

多地他 那鼻 摩訶那鼻 初何囉

那鞞 阿鼻具那鞞去聲僧輸沙拏那鞞
鼻何囉闍佉鞞阿婆囉牟尼 多嚧那

胡嚧醯呼計反那他上聲鉢帝 利闍婆徒迷

摩囉婆帝 帝弭羅鉢帝 利蹉荼

涅利何隸 斫初婆嘶 佉拏上聲毗迷

跢上聲帝都喬 莎波呵 耆求囉跢

莎波呵 布疏毖耶迷 莎波呵 頗

羅賃鞞 莎波呵 薩智耶都喬 莎

波呵 賒利囉 那婆迦羅摩毗沙

莎波呵

此陀羅尼句擁護此國主 莎波呵
汝清淨智此是磨刀大陀羅尼汝以

此磨刀大陀羅尼力於諸衆生能作
如上諸大業事能為大藥以是因緣
故汝今則能令諸衆生稟受汝化於
是一切諸來大衆讚地藏菩薩言善
哉善哉今時世尊亦讚地藏菩薩言
善哉善哉善男子汝今能為一切衆
生如大妙藥何以故汝身即是微妙
大藥汝於此四下一切衆生中衆
生之藥能滅一切衆生苦惱能施一
切衆生樂具成就大悲汝能顯示如
是甚深磨刀大陀羅尼力故今此衆
生地味精氣種子芽莖枝葉華果諸
味五穀藥草而不衰損無毒增長具
足成就衆生食者令彼衆生穢濁闔
諍恚皆消滅堪修善行此四天下非
時風熱寒溫旱潦皆悉消除日月星
宿晝夜月半月盡時節年歲變恠為
滅此故說此磨刀大陀羅尼以此陀羅
尼力故令我三寶種及以法眼得久
住世使此愚闇薄福我慢所壞者不
修善根惡剎利及諸宰相於我如是
百千万億阿僧祇劫精勤苦行所集
之法不滅不壞比丘比丘尼優婆塞

優婆夷無有惱亂以无惱故諸天不
念天不念故一切衆生悉皆獲得如
上樂具

大集經卷第五十七

癸卯歲高麗國大藏都監奉
勅雕造

大方等大集經卷第五十八

虞

高齊天竺三藏那連提耶舍譯

須彌藏分第十五陀羅尼品第四

今時世尊告功德天言清淨智我於
往昔與汝二人於因陀羅幢相王佛
所同發誓願我今與汝得願滿足我
今已得阿耨多羅三藐三菩提汝亦
住於功德之處功德天言如是如是
大德婆伽婆如是如是大德修伽陀
我與世尊所願已滿我與世尊善欲
已滿我共世尊昔於因陀羅幢相王
佛所同發誓願今願悉滿心意滿足
是故如來出現於世我今得住功德
之處我今雖復得功德處猶故未能
滿昔本願成熟衆生何以故此處多
有爲龍馬龍蛇龍魚龍鰕蟄龍彼於
此界諸衆生中起於惡行雖說甚深
作光施羅尼猶故未制此諸惡龍彼
龍常起非時寒熱惡雲暴雨旱潦不
調傷害衆生及以五穀芽莖枝葉華
果藥草大德世尊今此世界四天下
中諸龍大龍及龍眷屬男龍女龍龍

男龍女所有龍趣生者彼一切皆已
來集又十方世界一切佛刹諸大菩
薩摩訶薩皆來集會及一切天夜叉
羅刹乾闥婆緊那羅鳩睺茶餓鬼毗
舍遮留單那迦吒留單那等一切來
集又復世尊聲聞弟子人非人等亦
悉來集在大集會為聽法故住於佛
前一切衆生依四食活大德婆伽婆
今正是時唯願除此諸惡毒龍灾害
方便於如來所无有信心其心常與
惡法相應惱亂衆生損壞衆生資生
之具毒惡魚鱗於諸衆生無悲愍心
不見後世莫令於我所化衆生為作
障難是故世尊於彼衆生應起大悲
滅彼諸惡今時世尊告須弥藏龍仙
菩薩摩訶薩言善男子汝於往昔然
燈佛所為化諸龍發大勇猛而擔大
願汝須弥藏有四生龍大龍毒惡過
去未來現在所有氣毒龍見毒龍觸
毒齒毒貪毒瞋毒癡毒龍等此諸惡
龍今當云何如法除彼所有惡業令諸
衆生所有種種資生之具無所損滅
於三寶中信樂愛敬深信後世離於

惡業今時須彌藏龍仙菩薩摩訶薩
白佛言世尊我當入彼毒龍宮中結
跏趺坐入龍頻申三昧以此三昧力
故令彼惡龍貪瞋傲慢皆悉消滅柔
和調伏其心寂靜深信後世於一切
衆生所慈悲憐愍起救濟心令彼毒
龍心生敬信亦不惱亂一切衆生安
置救濟衆生心地又世間所有風雨
旱潦有雲大雲寒熱所害彼諸衆生
當稱我名合十指掌作如是言大慈
悲者念我念我能化伏龍須彌藏菩
薩種種方便智慧勇猛修行無上菩
提道者唯願救我除滅我苦作是言
已即說呪曰

多地耶他 薩耽婆步闍 毗梨荼步闍
輸拒盧梨荼步闍 迷盧闍婆 伽除婆
步闍 炎_{于劍反}阿泥婆步闍 蘇摩羅

阿跋多步闍 債菩步闍 莎波呵

此陀羅尼呪句擁護某甲莎波呵

大德婆伽婆若有衆生為諸毒龍之
所惱亂當稱我名并誦此陀羅尼能
滅此龍貪瞋慢妬毒惡之心我以清
淨天耳過於人耳而得聞之我得聞

已若四生龍大龍龍父龍母龍男龍女及龍眷屬不能令彼生敬信心猶作如是非時風雨寒熱旱潦灾雲惡等若不滅者又我不與一切衆生安樂因緣滿其願者我便欺誑一切十方三世諸佛亦莫令我得成阿耨多羅三藐三菩提如是大德婆伽婆我於過去然燈佛所於佛眷屬大衆之前發於如是堅固大願從是以來常善安住教化衆生又從是來復於億那由他百千佛所諸佛現在眷屬前亦作如是堅固大願我常安住大精進力教化衆生策勤不倦如我今者於世尊前堅固精進等无有異為欲降化諸惡龍故世尊我念過去阿僧祇劫已來未曾憶念於一念頃捨於堅固勇猛精進心常安住堅固精進教化衆生乃至今日亦復教化一切衆生此諸龍王於大乘法精進修行謂此善住龍王為一切烏龍主此難陀龍王婆難陀龍王為一切蛇龍主此阿耨達龍王為一切馬龍主此婆樓那龍王為一切魚龍主此摩那蘇

婆帝龍王為一切蝦蟇龍主如是等
諸大龍王能與衆生作諸衰惱自餘
諸龍自力不堪作上衰患此五大龍
王安住大乘有大威德是大龍王各
各佛前約率眷屬不令起作如上灾
禍於佛法燈三寶種姓久住於世不
令速滅今時一切諸來大衆同聲讚
頌彌藏龍仙菩薩摩訶薩言善哉善
哉今時善住龍王從座而起偏袒右
肩合掌向佛而作是言大德婆伽婆
依屬於我諸龍大龍所謂胎生卵生
濕生化生隨佛弟子聲聞菩薩徒衆
眷屬所住國土慈心相向无怨害心
住安等心又彼國土得為王者於佛
法中得淨信心擁護佛法不恃傲貴
自在而生憍慢毀壞佛法亦不惱亂
比丘比丘尼優婆塞優婆夷所有依
佛出家若器非器剷除鬚髮服持袈
裟至於彼人信心護持其國土中或
餘衆生於佛法中起怨刺者國王應
當如法遮約又其國中先王敬信曾
施沙門及婆羅門田宅封邑令其受
用更不追奪若有輔相明智大臣和

合一心共治國事得財堅固常舒施
手是剎利王善護國土一切國中所
有閻諍穢濁如前所說我等諸王各
各自勅已之眷屬不起災變何故我
今作如是勅此袈裟染衣一切過去
諸佛常所加持又此袈裟則為一切
諸菩薩種則是趣向涅槃正路則是
剛刀能斷煩惱則是涅槃種子則是
失道者燈明亦是除病者藥如大猛
風吹无明雲則是欲行惡道者救則
是吐藥能吐煩惱毒則是金剛壞修
羅冤則是一切善法寶藏如清淨水
能洗罪染觀諸惡法猶如明鏡能攝
亂心猶如羅網能容禪定猶如寶篋
猶如大地能生諸波羅蜜應當頂戴
如曇明珠能容忍辱猶如屋宅則是
淨器容十地行障諸外道猶如城郭
則是良醫治煩惱病於諸學者如須
弥山除煩惱蒸猶如明月除邪見闇
猶如淨日為智慧藏猶如大海於菩
提分法猶如華鬘於一切智智猶如
賢瓶一切佛護猶如意珠又此袈裟
一切諸佛之所加護於諸衆生雨法

雨故是故婆伽婆若惡刹利王破壞佛法惱亂比丘比丘尼乃至器非器依佛出家者若治罰其身或稅其物乃至斷命是故其國中有敬信佛天夜叉羅刹阿修羅鳩鵞茶餓鬼等有威德於彼一切刹利王所起瞋恚心令彼國土鬪諍飢饉疫病刀兵覓起非時風雨旱潦寒熱損傷五穀種子芽莖枝葉華果藥味此非龍過是諸龍等實自无辜橫得惡名大德婆伽婆譬如婆羅門自食蒜已與寶女通不言已臭妄怨寶女言汝臭穢世尊是刹利惡王亦復如是捨刹利法行首陀行以是因緣彼護國土威德諸天乃至薜荔等心生瞋忿破壞國土國王臣民不審已過妄與諸龍大龍而作惡名佛言龍王已曾教勅一切諸王若順教行者得人天樂乃至獲得涅槃之樂若惡刹利王不順教行者乃至墮於阿鼻地獄復告龍王各各自誠已之眷屬當設嚴教勿令違犯令彼現在及未來世莫壞我法及三寶種尔時龍王白佛言如是如

是婆伽婆如是如是修伽陀世尊隨
彼彼土若有持戒多聞所居之處於
彼國中隨其所有我之眷屬若男龍
女龍龍父龍母龍男龍女及龍眷屬
於彼國土若城邑聚落一切諸處作
非時風雨霜雹寒熱傷壞五穀華果
藥味資生之具世尊若彼福田所居
之處若有諸龍違背我教我與立擔
令彼惡龍其身焦瘦退失神通焦熱
觸身依報滅壞無復辭辯不堪為作
即說呪曰

多地耶他 那伽嚩步菴 那伽泥迷
那伽陀囉 輸伽囉 輸伽囉 闍邏輸
伽囉 阿鼻摩祇娑波呵 娑囉目伽迦
羅帝步菴 那婆薩耽鞞 帝闍耶婆
頗隸毗目隸羯隸 莎波呵

如是陀羅尼句擁護某甲令一切怖
畏一切災害悉令消滅 莎波呵

尔時一切大眾讚善住龍王言善哉
善哉大龍王能護一切眾生尔時會
中一切龍眾驚怖恐懼時難陀龍王
婆難陀龍王從座而起偏袒右肩合
掌向佛而作是言大德婆伽婆若現

在世未來世若惡刹利王慳惜資財
自不受用亦不施他於已資財慳惜
耽著不舒施手於沙門婆羅門不信
不施貧窮行路乞食之者皆不給濟
於已宮內及其眷屬亦復不與如法
樂事彼彼守護國土諸天夜叉羅刹
阿修羅鳩睺荼餓鬼等有大威德彼
等一切於惡刹利王起瞋怒心令彼
國土闔諍飢饉疫病刀兵竟起乃至
五穀藥味悉皆損壞非彼諸龍及大
龍過彼龍王等實無過失橫得惡名
譬如有風吹彼臭屍世間之人便言
臭風然彼風性實非臭也如是世尊
惡刹利王亦復如是以慳貪故一切
護國土者起瞋恚心以瞋恚故破亂
其國橫為諸龍而作惡名雖然我為
彼龍而作教令若彼諸龍若過去若
未來違我教者若於如是諸佛所有
聲聞弟子持戒多聞所居國土若我
眷屬胎生卵生濕生化生若男龍女
龍龍父龍母龍男龍女及龍眷屬於
彼城邑聚落山川谿谷作非時風雨
旱潦灾雹大寒大熱傷害衆生五穀

華果及諸藥味資生之具於佛聲聞
弟子福德人所作損害者彼諸龍等
違我命者當為立誓令彼諸龍身體
寧縮不能遊行退失神通焦熱觸身
一切依報志皆損壞无復辭辯無所
能作即說呪曰

多地他 婆囉拏輸迷 鳩牛婆頭囉
跢婆嚧拏懼鞞 阿迦羅跢翅餘泥毗
摩何囉伽跢 鳩拏鼻阿羅耆 阿
多沙隸 那耶那耽鞞 迦羅鳩世 衰
鶯懼波羅製乳 陀何羅婆斯 莎波呵
此陀羅庄句擁護某甲 莎波呵
尔時一切大眾讚難陀跋難陀言善
哉善哉尔時阿那婆達多龍王亦於
佛前自誓擁護勅諸眷屬亦如上說
即說呪曰

多地他 那摩比梨世 那婆那摩比梨
世阿奴差那婆躬 闍鼻跢 佉伽裴
佉鉢囉都盧安 鴈_{徒賣反} 賀耶斯隸 那
囉耶拏瞿迷比 那志鬚隸 阿餘迦囉
迷阿初是泥移筏牟尼薩鞞 莎波呵
此陀羅庄擁護某甲 令無怖畏殃禍
莎波呵

今時婆樓那龍王亦於佛前教令眷
屬及自要擔亦如上說即說呪曰

多地他 弓摩鞞迷 毘羅綺拏瞿泥

多摩頻 度帝利泥 婆羅叉達利迷

伽僧俱迷 比耶牟岑 翅世 徒嚧

謨提摩移 上多那鋸斯 折摩奚難

遮羅何囉耆耆 那荼達垢 毘荼加

都耆 莎波呵

此陀羅尼句擁護某甲 莎波呵

今時摩那蘇婆帝龍王即從座起偏
袒右肩右膝著地合掌向佛而作是
言大德婆伽婆若有依我諸龍大龍
胎生卵生濕生化生婆伽婆若現在
未來有惡刹利王等捨刹利王法行
於惡行是王當趣阿鼻地獄先道當
知皆是惡刹利王過龍王無辜橫加
惡名以此因緣龍王瞋忿作諸惡業
雖然我等敬受如來之教世尊譬如
人衆之中有妙寶女澡浴清淨以香
塗身者轉輪聖王上妙衣服於其頭
首著勝七寶鬘以真金繩辟印環釧
以自在嚴乘大鳥乘眷屬圍遶送詣
刹刹王所如是世尊我等諸龍畜生

所攝損壞之身為貪瞋慢之所染汙
如來今者是法輪王以第一調伏水
洗浴我等服慚愧衣以三十七助善
提分鵠莊嚴頭首以種種三昧陀羅
尼忍地莊嚴我等心意識昇大乘車
我今欲往離於五濁清淨佛土隨佛
世尊為諸清淨大菩薩衆之所圍繞
說大乘法處是故我等敬受佛教我
於今者及自眷屬安住堅固不捨大
願在在處處城邑聚落山川邊城若
聲聞乘人若辟支佛乘人若菩薩乘
人若出家若在家若持戒若破戒若
多聞若少聞若精進若懈怠若定若
亂若念若失念但於如來所愛信恭
敬心生希有於法僧所及聖愛戒亦
復如是於三菩提隨意趣向愛信恭
敬生希有心堅固安住隨所住處若
我眷屬若龍父龍母若男龍女龍若
龍男若龍女及龍眷屬隨在在處處
城邑聚落山川邊嶮非時風雨旱潦
災雹寒熱暴起傷害五穀種子芽莖
枝葉及諸藥味資生之具在在處處
隨有佛諸聲聞弟子福田住處若有

諸龍違我命教我今立誓令其身體
一切攣縮退失神通不能遊行焦熱
觸身諸根閉塞依報失壞不能為作
即說呪曰

多地耶他 佛陀閼耶 婆羅差 阿
摩尼迷菩哆娑離梨 阿婆末提 鉢
囉帝耶尼梨阿婆尼邏迷 伽羅輸筏
那蘇都卑鉢梨卑 娑什鞞娑捷陀婆
梨 婆囉誦訖利移 莎波呵
此陀羅尼擁護某甲 莎波呵

今時一切諸來大眾歡喜踊躍合掌
讚嘆摩那蘇帝龍王言善哉善哉大
丈夫汝所應作為欲利益一切衆生
是時一切龍衆驚怖戰慄悶亂失性
今時有乳闍婆仙名曰藥生即從座
起偏袒右肩合掌向佛而作是言諸
佛大眾當一心念若現在若未來惡
刹利王愚癡無智憍慢所害不顧後
世欺誑無悲惱亂比丘比丘尼乃至
歸依如來剃鬚著袈裟衣者而作惱
亂我當於彼惡刹利王所以三昧力
故而作是誓令彼惡王現得果報當
令王身及其眷屬資生樂具為諸敵

國之所侵奪及為內賊反逆擾亂河
池枯竭或復潦溢疫病所惱惡星變
現竅賊竟起耽荒著樂家親眷屬乖
散不安四大變異鬼神饒亂天及諸
龍乃至餓鬼有威德者悉皆不安有
剎利婆羅門毗舍首陀若男若女亦
悉不安師子虎狼惡獸毒蟲亦皆不
安我今為欲破壞彼惡王國故作此
誓何以故是諸惡王於如來所出家
別髮一切諸佛之所住持興三寶種
者而作惱亂即說呪曰

多地他 跋泥 耶婆那鉢耆 摩訶
跋那泥 度嚧 摩遮耆 鳩蘇摩婆
羅帝 育多杉婆耆 鞞摩地利多耆
婆上嚧鉢那耶 鉢利婆利菩摩 度
嚧迦囉 迷泥何鑣閼斯 邏迷帝利
裴摩跋多 磨輸嚧佉耆 那耶那嫺
居隸 卑婆車鞞梨拈 陀那謨制僧
伽毗舍耆 波羅刹帝 波羅民 陀
達隸 浮弥頗師耆 于嚧摩陀耆
婆那伽逝浮摩耆 阿婆耆 頗那耶
比梨使 什婆迦羅迷修多羅耆
軋闍婆斯迷 莎波呵

此陀羅尼句擁護某甲令無怖畏災禍
莎波呵

令惡剎利王及不見後世惱亂比丘
者得如是惡

今時一切諸來龍衆及乳闍婆衆各
作是言願放捨我若剎利王違法行
惡惱亂法僧我當順擔還令我等於
自宮內遊戲歌舞自在受樂今時一
切諸來大衆同聲讚言善哉善哉今
時地藏菩薩摩訶薩合掌礼佛而作
是言世尊我有一切三昧遊戲神通
今亦欲說幢杖大陀羅尼門若於此
幢杖大陀羅尼門一經耳者所有耳
病悉得除愈亦除一切貪瞋癡等煩
惱諸病設不全滅能令輕薄以此呪
呪於海皮安禪百千遍用塗王鼓有
聞聲者所有貪瞋癡等一切煩惱悉
皆微薄於佛法中得清淨信恭敬愛
樂希有之心亦得勇猛隨順法行深
信後世資生豐足衆人愛樂莫不喜
見即說呪曰

多地他 崩伽婆 末帝阿盧波 摩
帝嚧多羅浮 草波那塞地 句那摩

企隸磨蹉奴隸 橋何囉那地那叉跋
迷 繫陀何囉輸迷 押伽羅耆梨迷
盧醯多何羅鞞 憍伽羅蘇 婆伽那
子梨泥安陀柘迦梨迦囉浮迦 難舍
盧醯 三摩提頭婆利 莎波呵
此陀羅尼句擁護某甲令離怖畏
莎波呵

今時如來讚地藏菩薩摩訶薩言善
哉善哉善丈夫及一切大衆亦共讚
言善哉善哉今時無盡意菩薩即從
座起偏袒右肩合掌向佛而作是言
佛及大衆唯願隨喜我今亦欲說大
陀羅尼名一切如來語言音聲發幢
蓋摩尼願眼有大威德有大威勢有
大威力滿多聞藏滿智慧藏諸佛聲
聞之所成就若有於如來所盡形壽
安住淨戒安住優婆塞戒若住沙彌
戒若住具足戒若器非器若於此幢
蓋摩尼願眼大陀羅尼能受持讀誦
七日七夜慧觀方便恒常觀察於五
受陰數數誦此幢蓋願眼大陀羅尼
於七日七夜能誦滿百千遍便得聞
持隨聞能受得無量辯才能令剎利

婆羅門毗舍首陀及一切衆生生敬
信心又復能令豐足資財趣向天道
常得親近生諸佛前即於佛前而說
呪曰

多地他 帝利拏 僧是若翅 鼻帝利
拏頻鞞迦嚧陀差 蒲婆蘇閉 遮摩
羅謠鞞 阿婆羅差 阿差耶盧 辟阿
遲耶兜摩帝弥利尸利婆毗莎婆利騫
渠闍陀是祇 闍闍囉奴迷 阿那摩
輸地弥梨佉其梨差居羅婆嚩未伽婆
差袍 婆莎婆利 阿佛梨帝蘇步
莎婆羅佉迦 蘇謨帝謨泥 莎波呵
此陀羅尼擁護某甲 莎波呵

今時世尊讚無盡意菩薩言善哉善
哉善丈夫於我法中善作住持汝能
顯現此幢蓋願眼大陀羅尼能示一
切衆生多聞眼今時一切菩薩大衆
讚無盡意菩薩言善哉善哉善丈夫
汝於現在及未來世若有趣向一切
大乘衆生則能增長住持多聞之聚
汝今於此幢蓋願眼滿足多聞大陀
羅尼能顯示故

今時文殊師利童子菩薩摩訶薩即

從座起偏袒右肩合掌向佛而作是
言世尊我今亦欲令此四天下所有
樹木華果五穀藥味芽莖枝葉及依
地衆生資須之具令其豐足為擁護
故說大陀羅尼名能懼尸利子利奴
此四天下中希有未有未見未聞如
來所作如是大集我今說此能懼尸
利子利奴大陀羅尼有大威力增長
一切種子芽莖枝葉華果藥味潤澤
甘美悉皆豐饒令一切衆生能作信
戒多聞布施智慧慈悲方便長養一
切助菩提分法即於佛前而說呪曰
多地他 阿舅祿耶居閑 伽婆叉
毗捨渠 盧遮盧迷 鉢吒叉盧迷
尸利耶叉居蘇迷那 婆鋸聞 地徒買反
何囉闍跋迷車吒婆波摩嚩 卑素狼
祇阿佛囉素隸 阿娑伽闍差 盧摩
浮闍差 鉢毗囉婆素迷 阿奴摩耶
薩利鉢羅隸都曷 莎波呵
此陀羅尼句擁護某甲 莎波呵
今時文殊師利白佛言世尊以此陀
羅尼書高幢上以大音聲而讀誦之
復以此陀羅尼呪磨陀那果汁一千

通用散樹木田苗五穀若以此呪呪
諸蠶鼓而吹擊之隨其音聲所到之
處所有華果五穀藥味依地生者一
切灾害無能毀壞無能乾枯不能燒
滅亦復不能奪其精氣又亦不能損
其勢力无能劫奪若天若龍乃至大
威德薜荔鬼若魔若魔子若魔眷屬
不能為害况餘衆生及衆生數惟除
宿業定障尔時世尊讚言善哉善哉
善男子汝今善能於四天下中外施
德乘善男子汝復又能助成無量衆
生無上菩提之道尔時一切諸菩薩
衆讚文殊師利菩薩言善哉善哉如
汝所作常應如是尔時觀世音菩薩
語弥勒菩薩摩訶薩言我今與汝
大陀羅尼名般華功德以此陀羅尼
句於諸衆生被以大慈鎧音而為說
法是等衆生以汝三昧神通力故得
聞正法除諸惡心及諸邪見諸惡知
識及諸惡伴恒常憶念慈悲善根於
一切衆生所起憐愍心深見後世心
遠離十不善心住十善道心悉能清
淨一切衆生心降注法雨稱衆生欲

一切寃家令其欣喜生信樂心即說
呪曰

多地耶他 藍步莎婆利 迦莎耶跋
迷 三稱移婆竭隸 陀婆何楞伽闍
隸 暮力老素何 又莎婆梨蘇呵
風祇 阿婆路迦隸 志陀阿毗婆老
馳呵 那頻婆子梨 阿毗扇陀遏鞞
捺婆遮羅 阿婆羅何羅斯 婆羅呵
初地利 理迦何囉都裏 三摩提
羯泥 婆羅闍尼帝利 摩訶淨多
多究細 阿囉拏尼隸 婆羅呵賒迷
尼羅尼蘇迷 莎波呵
此陀羅尼句擁護國主 莎波呵
如是弥勒此般華功德大陀羅尼以此
陀羅尼鎧菩薩摩訶薩為衆生說法
若諸衆生聞此陀羅尼音一經耳者
乃至微細蚊蚋蟲等濁惡之心皆悉
消滅於善法中得安住心况復人等
得聞此陀羅尼若有人欲求雨者當
至泉源龍居之處誦此陀羅尼一日
誦一千八遍日日如是乃至七日復
以種種好華名香百味飲食散龍池
中唯除酒肉五辛不淨之食從月七

日至十四日於十五日旦當以胡柈
末和蓖麻油呪一千八遍塗白甃上
棄龍泉中能令此龍於彼人所生大
欣喜便澍大雨

余時會中諸大龍及諸龍仙諸來集
者得聞船華功德大陀羅尼欣喜踊躍
不能自勝深自慶幸起於慈心信後
世心於三寶中淨信尊重生恭敬心
希有之心懺悔自己生畜生趣惡業
之心入無上大乘心彼諸龍等各隨
力能欲供養佛諸龍大龍或有雨於
金末銀末牛頭栴檀堅黑沉水龍堅
栴檀多摩羅葉香又雨優鉢羅華波
頭摩種種諸華種種衣種種蓋種種
幢幡金繩珠璣一切諸龍大龍向佛
合掌一時同聲而作是言大德婆伽
婆我等一切於三寶所住增上信樂
心我等今者於世尊前說誠實擔在
在處處城邑聚落人民之中顯示如
是船華功德陀羅尼如是一切諸餘陀
羅尼謂水宅心陀羅尼磨刀陀羅尼
幢蓋願陀羅尼能求尸利子利奴陀
羅尼船華功德陀羅尼及四天王所說

陀羅尼并四龍心陀羅尼如是等大
陀羅尼在在處處一一顯示演說受
持讀誦我等諸龍隨彼彼處城邑聚
落邊地山川隨其時節起雲降雨寒
溫調適我等於彼彼處滅除自軍他
軍闔亂諍訟疫病飢饉死亡等令其
處處安隱豐熟人民安樂甚可愛樂
我又令彼種子芽莖枝葉華果樹木
五穀藥草增長其味不令損減衆生
依報豐饒肥膩甘甜勝味妙香能令
出生我等亦能令閻浮提一切諸王
悉生慈心利益心無怨心无違諍心
如是婆羅門刹利毗舍首陀乃至夜
叉令生慈心乃至優婆塞優婆夷令
生和合心隨此陀羅尼所至到處我
等能為如上所說之事

今時世尊讚諸龍言善哉善哉今時
一切諸來大衆亦讚諸龍善哉善哉
今時須彌藏菩薩亦讚善哉讚善哉
已告功德天言清淨智汝今乃有如
是無量諸大菩薩以為善友猶故不
能轉調伏輪成熟衆生時功德天語
須彌藏菩薩言若菩薩摩訶薩以願

力自在因緣故於此穢惡五濁佛刹
受生得值如是善知識伴如我今日
得遇如是相應善友者彼人阿耨多
羅三藐三菩提便在掌中則為滿足
六波羅蜜若有勇猛精進菩薩為善
友所攝者一切種智便在掌中佛言
如是如是清淨智如汝所說若有菩
薩摩訶薩願力自在為成熟衆生因
緣故生五濁世勇猛精進堅固不退
以四攝法相應為如是大善知識伴
所攝一切智智已在掌中當知彼人
便為滿足六波羅蜜離三惡道當知
是人遠離胞胎當知是人住无學地
盡諸有漏當知彼人為一切諸佛憶
念護持當知是人住離欲地

今時會中有天帝釋名無垢威德合
掌向佛而作是言世尊何因何緣是
諸龍大龍損壞世間衆生資財佛言
有二因緣是諸龍等能壞世間衆生
資財何等為二一者貪力因緣二者
瞋力因緣以是因緣故起非時雲雨
霜雹寒熱損壞衆生所有種子芽莖枝
葉華果五穀藥味悉令燒然乾枯墮

落損減衆生資生之具令身口意造
作種種諸重惡業衆生以此重業障
故燒滅過去一切善根无有遺餘速
離善知識常在三惡道或有衆生於
現在世為衣食故乃至造作五逆重
業以惡業故於無量劫不得人身設
使久後得人身者或諸根殘缺或失
正念生真陀羅家下劣種姓工巧之
家貧窮下賤衣食不充資生乏短又
復以惡業故離善知識以身口意惡
業障行復墮三惡道中乃至阿鼻地
獄是其勝路如是善男子飲食乏
短故是諸衆生久處生死沉流不絕
具受三塗種種極苦今時世尊即說
偈言

所有諸苦生 皆由於飲食 若離於飲食
諸苦則不生

今時無垢威德帝釋即說偈言

奇哉恩愛羅 乃至於有頂 如是廣大羅
皆因飲食生 凡夫二種因 愛繩係縛身
不能得逃避 猶如鹿著網 或走或徐行
起已還復墮 愛毒藥過故 或啼或喜笑
機關苦輪通 猶如墮油麻 一切諸人天

愛逼迫亦然 百千眾伎術 雖見種種巧
愛戲弄人天 巧妙過於彼 貪愛毒之過
能害一切人 設學武勇怨 猶尚不能及
如夜叉所執 狂亂種種語 愛夜叉所執
狂亂過於是 世有吉祥人 能離思愛怖
若能乾竭愛 則度世彼岸

今時觀世音菩薩亦說偈言

貪瞋癡惑人 狂亂無正念 遠離一切善
造作重惡業 不敬尊父母 散滅於善道
不敬信三寶 又違諸逆業 无有悲愍心
暴惡甚可怖 彼瞋心力故 入阿鼻地獄
眾生瞋恚故 迭手相食噉 數數惡道中
眾苦所逼迫 遠離善知識 惡心所躡頓
常處諸有海 遊行黑闇路 菩薩大悲身
為如是眾生 自捨於已樂 令彼得解脫
修習菩提行 造作三種事 建立勝法幢
除滅眾生惡 為一眾生故 廣集諸苦行
精勤修道法 捨財及身命 為一一眾生
無量劫受苦 救拔眾生故 堪忍世苦惱
功德天勇猛 住教化眾生 為貪欲眾生
發起菩提心

今時功德天以一斛器盛諸種子奉
上觀世音菩薩摩訶薩而作是言我

今以此一切種子施善丈夫為欲增
益一切種子願令我意所欲盛滿又
令我能於四天下充足衆生資生之
具於惡暴虐斷善衆生拔其苦惱令
得安住菩提之種

今時觀世音菩薩摩訶薩即以手執
彼種子器遍十方作如是言一切
十方諸佛菩薩及以諸龍今現在者
願志念我令使一切諸四天下所有
種子芽莖枝葉華果五穀及諸藥味
地味精氣衆生精氣善法精氣增長
無損又復令此四天下中三寶種性
相續不斷使功德天一切所願皆悉
滿足常使功德天能令一切衆生資
財豐足亦能教化一切衆生遠離一
切惡令發菩提心又令諸衆生得離
三惡道生於天中即說呪曰
多地他 牟厘尸婆 牟厘那佉
牟厘波羅 牟厘婆利 薩斛婆於婆
老帝刹多囉波羅那 臍羅婆耶婆
薩婆毗闍 耶婆志利梨 莎波呵
此陀羅尼句擁護某甲 莎波呵
今時世尊讚觀世音菩薩功德天言

善哉善哉告功德天言清淨智一切
諸佛及諸大衆已作加護於此四天
下中五穀種子芽莖枝葉悉令成熟
又亦令汝能化衆生汝今應當教化
衆生

今時帝釋憍尸迦白佛言世尊當何
名此法門云何受持佛告憍尸迦此
經名曰如來共功德天本願要誓經
亦名須彌藏菩薩所願亦名陀羅尼
篋亦名增長地味亦名三昧方便教
化衆生說此法時功德天須彌藏
菩薩摩訶薩及一切諸來龍大龍并
其眷屬一切神仙天人阿修羅乾闥
婆衆聞佛所說皆大歡喜

大方等大集經卷第五十八

癸卯歲高麗國大藏都監奉
勅雕造

高齊天生三藏那連提耶舍譯

十方菩薩品第十三

佛在王舍國法清淨處時自然師子座交絡帳佛時坐現三十二相光影表現十方諸菩薩皆來謁問佛菩薩何因緣有癡者有黯者有慧者有能飛者有能坐行三昧禪者有能徹視者有不能飛者有不能坐行禪行三昧得定意不能久者智慧有厚薄者同菩薩行何因緣有薄厚同有心意識同眼耳鼻口身何因緣得行異佛言善哉善哉十方過去佛現在佛諸當來佛皆說人能計心意識眼耳鼻口身皆說為同法佛言人能校計六情為一切得十方佛智慧佛告諸菩薩言諸菩薩有薄厚諸菩薩問佛何等為薄厚佛言菩薩行者謂菩薩行道隨道行深菩薩薄者行道不能志隨行謂行有多少隨道少是為菩薩薄諸菩薩問佛何等為菩薩常隨道不失行佛言謂菩薩常守心意識令不動歸滅盡

種道我謂菩薩能守眼今色不著歸
滅盡種道我謂菩薩能守耳今聲不
著歸滅盡種道我謂菩薩能守鼻今
香不著歸滅盡種道我謂菩薩能守
口今味不著歸滅盡種道我謂菩薩
守身今細滑不著歸滅盡種道我菩
薩如是能守六情得好惡不動常守
滅盡是為厚隨道深菩薩復問佛何
等為菩薩行薄佛言謂菩薩失行有
時得行有時不得行有時菩薩能守
心意識隨道有時眼不能守便失行
不隨道有時守眼不能守耳有時能
守耳不能守鼻有時守鼻不能守口
有時能守口不能守身有時能守身
不能坐禪有時能坐禪不能按計有
時能按計不能行有時能行不能分
別有時能分別不能知細軟微意用
是故菩薩隨道有失行有得行用是
故菩薩行道有薄厚不等菩薩問佛
如是當作何等行佛言要菩薩當自
行按計當自知墮按計不墮按計墮
按計者菩薩為黠不知按計為癡問
曰當按計黠當按計癡者云何佛言

已校計癡便能校計黠佛言人有百
八愛令癡欲校計得黠者有五十校
計知五十校計中細微罪便得黠諸
菩薩問佛何等為五十校計佛言五
十校計者謂從心本起欲知者第一
當校計百八癡第二當校計百八疑
第三當校計百八顛倒第四當校計
百八欲第五當校計百八墮第六
當校計百八愛第七當校計百八裁
第八當校計百八識第九當校計百
八因緣者第十當校計百八種是為
十校計

佛言菩薩復有十校計第一當校計
百八聞生第二當校計百八止行第
三當校計百八斷生死第四當校計
百八滅不滅第五當校計百八罪入
空不見第六當校計百八不捨盡第
七當校計百八不捨淨入淨第八當
校計百八精還戒第九當校計百八
進入道第十當校計百八忍戒是為
菩薩十校計

菩薩復有十校計第一當校計百八
辱道第二當校計百八合道願第三

當校計百八本信入道第四當校計
百八出癡入慧第五當校計百八歡
喜滅第六當校計百八未得佛悲第
七當校計百八未得佛愁第八當校
計百八未得佛惱第九當校計百八
未得佛經黠未得佛泥洹要第十當
校計百八出罪要未得入泥洹要是
為菩薩十校計

佛言菩薩復有十校計第一當校計
百八求入慧出罪法第二當校計百
八求入空法度出空第三當校計百
八罪法起空時當知滅時歸空第四
當校計百八持空法解盡法第五當
校計百八盡法不復生第六當校計
百八泥洹長生不滅第七當校計百
八應相念第八當校計百八捨相念
第九當校計百八雜相念當知雜相
第十當校計百八受相長生不滅是
為菩薩十校計

佛言菩薩復有十校計第一當校計
百八十方生死萬物本末成敗第二
當校計百八十方成敗作證第三當
校計百八十方人所有皆癡第四當

校計百八牽十方癡作證第五當校
計百八十方阿羅漢泥洹去无所有
作證第六當校計百八牽十方辟支
佛泥洹去作證第七當校計百八牽
十方過去若師泥洹去當牽作證第
八當校計百八十方今現在佛亦當
泥洹去今我作釋迦文佛所主天地
自在變化要當復泥洹去若當牽我
用作證第九當校計百八十方當來
佛亦當泥洹去當牽作證第十當校
計百八盡力却貪求佛如我亦當般
泥洹去是為合菩薩五十校計諸菩
薩皆稽首受教

諸菩薩問佛言當校計百八癡從心
本起者云何佛告諸菩薩言若有菩
薩心有所念不自知心生心滅中有
五陰中有習不知為癡轉入意意有
所念不自知意生意滅中有五陰中
有習不自知為癡轉入識識有所識
不自知識生識滅中有五陰中有習
不知為癡轉入眼眼見好色不自知
著不自知滅中有五陰中有習不知
為癡眼所見中色不自知著不自知

滅中有五陰中有習不知為癡眼所
見惡色不自知著不自知滅中有五
陰中有習不知為癡轉入耳耳聞好
聲不自知著不自知滅中有五陰中
有習不知為癡耳所聞中聲不自知
著不自知滅中有五陰中有習不知
為癡耳所聞惡聲不自知著不自知
滅中有五陰中有習不知為癡轉入
鼻鼻所聞好香不自知著不自知滅
中有五陰中有習不知為癡鼻所聞
中香不自知著不自知滅中有五陰
中有習不知為癡鼻所聞惡臭不自
知著不自知滅中有五陰中有習不
知為癡轉入口口所得美味好語言
不自知著不自知滅中有五陰中有
習不知為癡口所得中味中語言不
自知著不自知滅中有五陰中有習
不知為癡口所得惡味惡語言不自
知著不自知滅中有五陰中有習不
知為癡轉入身身所得好細軟可身
不自知著不自知滅中有五陰中有
習不知為癡身所得中細軟不自知
著不自知滅中有五陰中有習不知

為癡身所得惡堅苦痛不可身不自知者不自知滅中有五陰中有習不知為癡菩薩行道要當數息按計如是菩薩即稽首受行

諸菩薩言佛雖為我說癡我未解諸菩薩問佛言設我知百八癡者知滅滅當為癡為黠佛報諸菩薩言雖知著知滅續尚癡未解諸菩薩復問佛我未聞佛說數息時癡我聞佛說已知何以故為癡佛告諸菩薩譬喻如新學菩薩未能飛但耳聞十方佛欲願往要未能飛如是為見十方佛未諸菩薩報言如是為但有願要為不見十方佛佛告諸菩薩言若曹今雖聞我說百八癡著滅譬如新學菩薩但願欲到十方佛國不能飛往佛復問諸菩薩言新學菩薩何以故願到十方佛國不能飛往諸菩薩報佛言用不能壞癡未滅罪故未能飛行至十方佛國佛言譬喻諸菩薩但能說著說滅但說不行名為癡諸菩薩問佛何從當得黠佛告諸菩薩言所著為癡要當滅不著乃為不癡要未為黠

諸菩薩問佛言何以故復未為黠佛
告諸菩薩言復有百八疑不解故諸
菩薩問佛言何等為百八疑佛言菩
薩不自知心生心滅中有五陰中有
習不知為疑不自知意生滅中有
五陰中有習不知為疑不自知識生
識滅中有五陰中有習不知為疑轉
入眼眼所見好色不自知生滅中有
五陰中有習不知為疑眼所見中色
不自知生滅中有五陰中有習不知
為疑眼所見惡色不自知生滅中有
五陰中有習不知為疑轉入耳耳所
聞好聲不自知生滅中有五陰中有
習不知為疑耳所聞中聲不自知生
滅中有五陰中有習不知為疑耳所
聞惡聲不自知生滅中有五陰中有
習不知為疑轉入鼻鼻所聞好香不
自知生滅中有五陰中有習不知為
疑鼻所聞中香不自知生滅中有五
陰中有習不知為疑鼻所聞惡臭不
自知生滅中有五陰中有習不自知
為疑轉入口口所得美味好語言不
自知生滅中有五陰中有習不知為

疑口所得中味中語言不自知生滅
中有五陰中有習不知為疑口所得
惡味惡語言不自知生滅中有五陰
中有習不知為疑轉入身身所得好
細軟可身不自知生滅中有五陰中
有習不知為疑身所得中細軟不自
知生滅中有五陰中有習不知為疑
身所得惡處堅苦痛不可身不自知
生滅中有五陰中有習不知為疑佛
言菩薩不去是末應為菩薩諸菩薩
問佛何以故不應為菩薩佛言用不
行安般守意不校計百八顛倒故諸
菩薩問佛何等為百八顛倒佛言謂
菩薩心所多念為生死罪中有五陰
中有習自言我無罪如是生死無數
劫為顛倒轉作意意所多念生死罪
中有五陰中有習自言我無罪如
是生死無數劫顛倒意轉作識所多
識生死罪中有五陰中有習自言我
無罪如是生死無數劫為顛倒轉入
眼眼所多視好色生死罪中有五陰
中有習自言我無罪如是生死無數
劫為顛倒眼所多視中色生死罪中有

五陰中有習自言我无罪如是生死
無數却為顛倒眼所多視惡色生死
罪中有五陰中有習自言我无罪如
是生死無數却為顛倒轉入耳耳所多
聞好聲生死罪中有五陰中有習自
言我无罪如是生死無數却為顛倒
耳所多聞中聲生死罪中有五陰中
有習自言我無罪如是生死無數却
為顛倒耳所多聞惡聲生死罪中有
五陰中有習自言我無罪如是生死
無數却是為顛倒轉入鼻鼻所多聞
好香生死罪中有五陰中有習自言
我无罪如是生死無數却是為顛倒
鼻所多聞中香生死罪中有五陰中
有習自言我无罪如是生死無數却
是為顛倒鼻所多聞惡臭生死罪中
有五陰中有習自言我無罪如是生
死無數却是為顛倒轉入口口所多
得美味好語言生死罪中有五陰中
有習自言我無罪如是生死無數却
是為顛倒口所多得中味中語言
生死罪中有五陰中有習自言我無
罪如是生死无數却是為顛倒口所

多得惡味惡語言生死罪中有五陰
中有習自言我無罪如是生死無數
却是為顛倒轉入身身所多得好細
軟可身生死罪中有五陰中有習自
言我無罪如是生死無數却是為顛
倒身所多得中細軟生死罪中有五
陰中有習自言我無罪如是生死无
數却是為顛倒身所多得惡處堅苦
痛不可身生死罪中有五陰中有習
自言我無罪如是生死无數却是為
顛倒佛言是為百八顛倒如是菩薩
為不解諸菩薩報佛言我雖生死顛
倒我欲依經法度人佛問諸菩薩言
汝度人欲求使人作何等道諸菩薩
報佛言我欲使人悉得佛道佛言若
曹輩衆多何以故不自取佛但群輩
相隨諸菩薩言我雖相隨不離經行
佛問諸菩薩言若曹輩寧能一日俱
得佛不諸菩薩報佛言我不能俱得
佛佛問諸菩薩何以故諸菩薩報佛
言我輩中有相未具者我曹輩中有
功德未滿者我曹輩有生死罪未盡
者佛告諸菩薩若曹輩有相未具者
有功德未滿者有罪未盡者如若曹

言相未具者自不能得佛何能使他人得佛若曹功德未滿不能自得佛何能使他人得佛佛言若曹生死罪意未盡不能自得佛何能使他人得佛諸菩薩皆稽首慙

諸菩薩復問佛言如是我何因緣不得佛佛報諸菩薩言若曹坐不行安般若守意校計百八欲欲不捨故諸菩薩言行安般若守意校計捨百八欲欲者云何佛報諸菩薩言若曹心所念念復念為欲欲中有五陰中有習是為欲欲轉入意意復念為欲欲中有五陰中有習為欲欲轉入識識為欲欲中有五陰中有習為欲欲轉入眼眼所見好色為欲欲中有五陰中有習為欲欲眼所見中色為欲欲中有五陰中有習為欲欲眼所見惡色為欲欲中有五陰中有習為欲欲轉入耳耳所聞好聲為欲欲中有五陰中有習為欲欲耳所聞中聲為欲欲中有五陰中有習為欲欲耳所聞惡聲為欲欲中有五陰中有習為欲欲轉入鼻鼻所聞好香為欲欲中有五陰中有習

為欲欲鼻所聞中香為欲欲中有五
陰中有習為欲欲鼻所聞惡臭為欲
欲中有五陰中有習為欲欲轉入口
口所得美味語言為欲欲中有五陰
中有習為欲欲口所得中味語言為
欲欲中有五陰中有習為欲欲口所
得惡味惡語言為欲欲中有五陰中
有習為欲欲轉入身身所得好細軟
可身為欲欲中有五陰中有習為欲
欲身所得中細軟可身為欲欲中有
五陰中有習為欲欲身所得惡塵堅
痛不可身為欲欲中有五陰中有習
為欲欲佛言諸菩薩若曹但坐不解
欲欲諸菩薩報佛言我曹無有欲欲
佛問諸菩薩若曹欲求佛度十方人
不諸菩薩言然我曹欲求佛度十方
人佛報諸菩薩言如是為欲欲何以
故言無欲佛問諸菩薩若意寧念十
方勤苦人不諸菩薩言然我曹念勤
苦人佛言若念諸勤苦人為欲何以
故言無欲佛問諸菩薩言若曹至十
方佛所問經若今為忘不諸菩薩報
言我所問經我皆識不忘佛問諸菩

薩汝識十方佛說經寧傳為人說經
不諸菩薩言然我日行為人說經佛
言若為人說經寧欲使人解不諸菩
薩言然欲使人解佛言如若為人說
經為欲使人解如是為欲欲何以故
言無欲佛復問菩薩若為人說經寧
教人布施不諸菩薩言然我曹教人
布施佛問諸菩薩若教人布施持何
等與佛諸菩薩報言我第一欲使人
持好色華佛言汝曹不欲色何以故
使人持五色好華可眼與佛如是汝
為欲色何以故言我曹不欲色佛
復問諸菩薩若寧聞十方佛說經為
可耳不諸菩薩報言十方佛為我說
經可耳我曹皆歡喜佛言如汝聞經
歡喜為欲何以故言無欲佛復問諸
菩薩言若欲教人為佛燒香不諸菩
薩報佛我日自行採眾華名香持用
上佛佛言如汝行採眾華香欲得可
鼻持行上佛佛言如若欲得香華可
鼻如是為欲何以故言無欲佛復問
諸菩薩言若曹為人說經寧欲可口
不諸菩薩言我曹為人說經欲分別

可口欲使人意解佛言如若可口為欲何以故言不欲佛復問諸菩薩言汝寧欲具三十二相可身不諸菩薩言我勤苦具相但欲可身耳佛言如若可身為欲何以故言不欲諸菩薩稽首各自慚

佛言如是菩薩尚未有所怯諸菩薩稽首言願佛哀我當為說佛因為說行菩薩道若數息行禪若自怯定意當校計百八墮滅者應禪不滅者不應禪諸菩薩問佛言禪為棄惡百八墮滅者為棄惡不滅者不為棄惡若從禪覺起若行步坐起得因緣為人說經所見萬物能自校計百八墮能使不著能使不墮罪是為菩薩校計行諸菩薩問佛言校計百八墮當從何所起佛告諸菩薩校計百八墮者菩薩心所念中有五陰中有習是為墮心轉作意中有五陰中有習是為墮意轉作識中有五陰中有習是為墮轉入眼眼所見好色中有五陰中有習是為墮眼所見中色中有五陰中有習是為墮眼所見惡色中有五陰

中有習是為墮轉入耳耳所聞好聲
中有五陰中有習是為墮耳所聞中
聲中有五陰中有習是為墮耳所聞
惡聲中有五陰中有習是為墮轉入
鼻鼻所聞好香中有五陰中有習是
為墮鼻所聞中香中有五陰中有習
是為墮鼻所聞惡臭中有五陰中有
習是為墮轉入口口所得美味好語
言中有五陰中有習是為墮口所得
中味中語言中有五陰中有習是為
墮口所得惡味惡語言中有五陰中有
習是為墮轉入身身所得好細軟可
身中有五陰中有習是為墮身所得
中細軟可身中有五陰中有習是為墮
身所得惡處堅苦痛不可身中有五陰
中有習是為墮是為百八墮行佛告
諸菩薩言校計百八墮不自知墮罪
苦痛當在後亦不知羞慚自說言能
斷百八墮道行佛言是人譬如姪洩
妬女上頭姪洩自可已妊身不知胞
胎兒在腹中日大幾所姪洩妬女為
復姪洩自可至兒成就十月當生兒
當轉未轉當生未生其母腹痛自慚

自悔當墮痛時妬女啼聲聞第七天
兒生已後其母痛愈便復念姪洗便
不念慚不念痛便復姪洗如故如是
苦不可言妬女亦不能自覺苦痛佛
言菩薩行道不校計百八墮譬如姪
洗妬女不自知罪多少亦不厭苦痛
亦不自校計還慚罪不知生死五道
苦痛不自知墮三惡道不自慚行言
我墮道如是世世自受殃還自慚斯
無有利學道弟子諦學是諸菩薩皆
歡喜稽首受行

佛言菩薩如是尚未應為解諸菩薩
問佛言何以故為未解佛言謂菩薩
不能校計百八愛故諸菩薩問佛校
計百八愛者云何佛言菩薩行禪不
能一意一心令滅但坐著百八故一
者菩薩心有所念不能滅為愛中有
五陰中有習是為愛心轉作意不能
滅為愛中有五陰中有習是為愛五意
轉作識不能滅為愛中有五陰中有
習是為愛轉入眼眼所見好色不能
滅為愛中有五陰中有習是為愛眼
所見中色不能滅為愛中有五陰中

有習是為愛眼所見惡色不能滅為
愛中有五陰中有習是為愛轉入耳
耳所聞好聲不能滅為愛中有五陰
中有習是為愛耳所聞中聲不能滅
是為愛中有五陰中有習是為愛耳
所聞惡聲不能滅為愛中有五陰中
有習是為愛轉入鼻鼻所聞好香不
能滅為愛中有五陰中有習是為愛
鼻所聞中香不能滅為愛中有五陰
中有習是為愛鼻所聞惡臭不能滅
為愛中有五陰中有習是為愛轉入
口口所得美味好語言不能滅為愛
中有五陰中有習是為愛口所得中
味中語言不能滅為愛中有五陰中
有習是為愛口所得惡味惡語言不
能滅為愛中有五陰中有習是為愛
轉入身身所得好細軟可身不能滅
為愛中有五陰中有習是為愛身所
得中細軟不能滅為愛中有五陰中
有習是為愛身所得惡愈堅苦痛痒
不可身不能滅為愛中有五陰中有
習是為愛佛言菩薩行道不校計却
百八愛不自知百八愛墮罪辟如新

生小兒從小至大不能自知日增幾
所大菩薩行道不能覺罪多少譬如
是若菩薩行道覺百八愛墮罪便當
自慚便當自斷便當自離便當自滅
如是愛斷為應菩薩佛說如是諸菩
薩皆稽首受行

佛言菩薩行道當校計百八我行道
不校計百八我不應為菩薩行去我
者乃應菩薩行諸菩薩問佛言當去
我者云何佛告諸菩薩言菩薩獨處
一處當坐行禪數息相隨止觀還淨
得淨為除我不淨者為不除我如是
從禪起若在人中當行校計當斷去
我諸菩薩問佛言當校計去我者云
何佛言行道不得一心定意為不滅
我佛言不得一心定意者心有所念
中有五陰中有習便生我轉入意意
中有五陰中有習便生我轉入識識
中有五陰中有習便生我轉入眼眼
見好色中有五陰中有習便生我眼
所見中色中有五陰中有習便生我
眼所見惡色中有五陰中有習便生
我轉入耳耳所聞好聲中有五陰中

有習便生我耳所聞中聲中有五陰
中有習便生我耳所聞惡聲中有五
陰中有習便生我轉入鼻鼻所聞好
香中有五陰中有習便生我鼻所聞
中香中有五陰中有習便生我鼻所
聞惡臭中有五陰中有習便生我轉
入口口所得美味好語言中有五陰
中有習便生我口所得中味中語言
中有五陰中有習便生我口所得惡
味惡語言中有五陰中有習便生我
轉入身身所得好細軟可身中有五
陰中有習便生我身所得中細軟中
有五陰中有習便生我身所得惡處
堅苦痛不可身中有五陰中有習便
生我如是為我不斷佛言若有菩薩
行道言我無是我如是為貢高為自
種栽便不能自度脫便无有點意不
能知我罪多少譬如身生毛其人亦
不能自校計一一數不能自知毛多
少諸菩薩行道不能自除罪反言我
求佛道欲度十方如是尚不能自度
何能度十方菩薩行道能去我者便
能度十方不去我我不能度十方佛

說如是諸菩薩皆歡喜受行

佛言如是菩薩尚未應解諸菩薩復稽首言如是未解願佛為我解佛言菩薩有百八罪識不減者不應為菩薩諸菩薩問佛言何等為百八罪識佛言謂菩薩心所念為罪中有五陰中有習為識是為罪識轉入意意所念復念為罪中有五陰中有習為識是為罪識轉入識識所念不忘為罪中有五陰中有習為識是為罪識轉入眼眼所見好色為罪中有五陰中有習為識是為罪識眼所見中色為罪中有五陰中有習為識是為罪識耳耳所聞好聲為罪中有五陰中有習為識是為罪識耳所聞惡聲為罪中有五陰中有習為識是為罪識鼻所聞中香為罪中有五陰中有習為識是為罪識鼻所聞中香為罪中有五陰中有習為識是為罪識鼻所聞惡臭為罪中有五陰中有習為

識是為罪識轉入口口所得美味好
語言為罪中有五陰中有習為識是
為罪識口所得中味中語言為罪中
有五陰中有習為識是為罪識口所
得惡味惡語言為罪中有五陰中有
習為識是為罪識轉入身身所得好
細軟可身為罪中有五陰中有習為
識是為罪識身所得中細軟為罪中
有五陰中有習為識是為罪識身所
得惡處堅苦痛不可身為罪中有五
陰中有習為識是為罪識佛問諸菩
薩若曹有是罪不諸菩薩言我但有
五陰無有罪佛復問諸菩薩言天下
何等為使人有罪不得道者諸菩薩
報佛言天下人皆坐貪不得道佛言
天下人貪生死為有五陰習不諸菩
薩言有罪佛問諸菩薩言若曹持見
身取佛當復生死諸菩薩報佛言我
曹當復生死不從是現在身得佛佛
問諸菩薩若曹要當更幾生死當得
佛諸菩薩報佛言我曹生死尚未有
要佛復問諸菩薩何以故无有要諸
菩薩言我不自知罪福多少用是故

我不知要佛告諸菩薩如是若曹與天下人有何等異諸菩薩報佛言我能飛到十方佛國我能曉佛所語佛言若曹能飛到十方佛國能曉十方佛所語若曹何以不應時取佛何以故復生死要諸菩薩報佛言我曹尚有本罪未盡故用本願功德福未滿故用是故我曹不應時得佛佛言若曹言天下人但坐五陰生死習故有罪今若曹亦當復生死習有罪若曹何以故語我言無罪諸菩薩皆慚稽首受行

佛言我雖說是菩薩尚未解諸菩薩稽首言願佛當復為我解佛言菩薩有百八因緣著痛諸菩薩問佛何等為百八因緣著痛佛言菩薩心有所念為因緣著痛中有五陰中有習當坐因緣著痛中有五陰中有習當坐因緣著痛中有五陰中有習當坐因緣生死痛轉入識識有所識為因緣著痛中有五陰中有習當坐因緣生死痛轉入眼眼所見好色為因緣著痛中有五陰中有習當坐因緣生死痛中有五陰中有習當坐因緣生死

痛眼所見中色為因緣著痛中有五陰中有習當坐因緣生死痛眼所見惡色為因緣著痛中有五陰中有習當坐因緣生死痛轉入耳耳聞好聲為因緣著痛中有五陰中有習當坐因緣生死痛耳所聞惡聲為因緣著痛中有五陰中有習當坐因緣生死痛鼻所聞中香為習當坐因緣生死痛鼻所聞惡臭為因緣著痛中有五陰中有習當坐因緣生死痛轉入口口所得美味好語言為因緣著痛中有五陰中有習當坐因緣生死痛口所得惡味惡語言為因緣痛中有五陰中有習當坐因緣生死痛轉入身身所得好細軟可身為因緣著痛中有五陰中有習當坐因緣生死痛身所得中細軟為因緣著痛中有

五陰中有習當坐因緣生死痛身所得惡趣堅苦痛不可身為因緣著痛中有五陰中有習當坐因緣生死痛佛言諸菩薩尚未厭因緣生死痛諸菩薩言我用厭因緣生死痛故作菩薩耳佛言汝曹厭生死痛何以故不種道哉何以故種因緣生死痛罪罪哉諸菩薩報佛言我日種道哉佛言如若種道哉何以故有因緣生死百八痛諸菩薩即慚稽首受行

諸菩薩皆稽首問佛言佛雖為我說經我不解是佛言我見若曹種百八痛我知汝曹不解諸菩薩復稽首言願佛解我佛言菩薩心有所念欲得心不能以時得坐痛中有五陰中有習是為種痛轉入意意有所念復念可意不可意為種痛中有五陰中有習是為種痛轉入識識有所識不可我為痛中有五陰中有習是為種痛轉入眼眼所見好色為痛中有五陰中有習是為種痛眼所見惡色為痛中有五陰中有習是為種痛

轉入耳耳所聞好聲為痛中有五陰
中有習是為種痛耳所聞中聲為痛
中有五陰中有習是為種痛耳所聞
惡聲為痛中有五陰中有習是為種
痛轉入鼻鼻所聞好香為痛中有五
陰中有習是為種痛鼻所聞中香為
痛中有五陰中有習是為種痛鼻所
聞惡臭為痛中有五陰中有習是為
種痛轉入口口所得美味好語言為
痛中有五陰中有習是為種痛口所
得中味中語言為痛中有五陰中有
習是為種痛口所得惡味惡語言為
痛中有五陰中有習是為種痛轉
入身身所得細軟可身為痛中有五
陰中有習是為種痛身所得中細軟
為痛中有五陰中有習是為種痛身
所得惡塵堅苦痛不可身為痛中有
五陰中有習是為種痛佛言菩薩斷
是百八痛乃應為菩薩行不斷痛者
不應為菩薩行是為菩薩十校計佛
言諸菩薩如是尚未解當復校計諸
菩薩問佛當復校計何等佛言菩薩
當校計百八開生諸菩薩問佛何等

為百八關生佛言菩薩心所貫痛痒
思想生死識中有五陰中有習是為
貫生佛言開心不使入痛痒思想生
死識便無五陰无有習佛言開五陰
習令心不動為斷生死痛開者為貫
地水火風空痛痒思想生死識中有
五陰中有習是為貫生開意便不動
不受地水火風空痛痒思想生死識
中有五陰中有習是為貫生開意便
不動不受地水火風空痛痒思想生
死識不受五陰習不開者墮罪開意
不動者墮道是為開生轉入識識亦
貫地水火風空色痛痒思想生死識
便有五陰習便貫生死不開者墮生死
痛開者為墮道不為生死轉入眼眼
所貫好色中有五陰中有習是為貫
生死開令不動者墮道不開者墮罪
眼所貫中色中有五陰中有習是為
貫生死開令不動者墮道不開墮罪
眼所貫惡色中有五陰中有習是為貫
生死開令不動者墮道不開者墮罪
轉入耳耳所貫好聲中有五陰中有
習是為貫生死開令不動者墮道不

聞者墮罪耳所貫中聲中有五陰中
有習是為貫生死聞令不動者墮道
不聞者墮罪耳所貫惡聲中有五陰
中有習是為貫生死聞令不動者墮
道不聞者墮罪轉入鼻鼻所貫好香
中有五陰中有習是為貫生死聞令
不動者墮道不聞者墮罪鼻所貫中
香中有五陰中有習是為貫生死聞
令不動者墮道不聞者墮罪轉入
舌舌所貫美味好語言中有五陰中
有習是為貫生死聞令不動者墮道
不聞者墮罪口所貫中味中語言中
有五陰中有習是為貫生死聞令不
動者墮道不聞者墮罪口所貫惡味
惡語言中有五陰中有習是為貫生
死聞令不動者墮道不聞者墮罪轉
入身身所貫好細軟可身中有五陰
中有習是為貫生死聞令不動者墮
道不聞者墮罪身所貫中細軟中有
五陰中有習是為貫生死聞令不動
者墮道不聞者墮罪身所貫惡麤堅

苦痛不可身中有五陰中有習是為
貫生死開令不動者墮道不開者墮
罪佛言菩薩行要當開令不動動者
為未解諸菩薩報佛言我曹當坐禪
令不動佛問諸菩薩言禪已復動不
諸菩薩報佛言禪覺復動佛問諸菩
薩何以故復動諸菩薩言自然動佛
問諸菩薩何以故自然動諸菩薩言
我不解不知從何因緣動佛言如是
諸菩薩尚未解諸菩薩言願佛當復
為我解佛言菩薩所以禪自然動覺
者菩薩有百八開生動不動不止故
佛說如是諸菩薩皆稽首受行

佛言菩薩如是尚未應解諸菩薩言
何以故復未解佛言但坐菩薩有本
不止守百八行故諸菩薩皆稽首言
願佛當復為我解佛言菩薩心本多所
念不止守故心本罪百八行轉入意意
本多所念不止守故意本罪百八行
轉入識識本多所念不止守故識本
罪百八行轉入眼眼本多所見好色
不止守故眼本罪百八行眼本多所
見中色不止守故眼本罪百八行眼

本多所見惡色不止守故眼本罪百
八行轉入耳耳本多所聞好聲不止
守故耳本罪百八行耳本多所聞中
聲不止守故耳本罪百八行耳本多所
聞惡聲不止守故耳本罪百八行轉
入鼻鼻本多所聞好香不止守故鼻
本罪百八行鼻本多所聞中香不止
守故鼻本罪百八行鼻本多所聞惡
臭不止守故鼻本罪百八行轉入口
口本多所得美味好語言不止守故
口本罪百八行口本多所得中味中
語言不止守故口本罪百八行口本
多所得惡味惡語言不止守故口本
罪百八行轉入身身本多所得好細
軟可身不止守故身本罪百八行身
本多所得中細軟不止守故身本罪
百八行身本多所得惡處堅苦痛不
可身不止守故身本罪百八行佛說
如是諸菩薩皆歡喜受行

大方等大集經卷第五十九

此經自下二卷則丹藏所無故今無

可相按而宋鄉二本此卷之中皆有
三節之文文斷義絕難取解處第一
第九幅十七行云有五陰中有之下
便所多得中味中語言等第二第十
幅二十一行云言相未具者自不之
云便習自言我無罪等第三第十二
幅二行云是為顛倒口之下云便能得
佛何能使人得佛是為三節文斷處
也今准明度經此中二本皆錯將是
為顛倒口之下所多得中味中語言
乃至相未具者自不等凡二十七行
按三百七十九字進而寫之于五陰
中有之下却將五陰中有之下習自
言我無罪乃至是為顛倒口等凡二
十七行按三百七十六字退而寫之
于相未具者自不之下致令三節之
文文斷義絕今依明度經進退而正
之又為看舊鄉宋藏者略錄正文于
左
中有五陰中有云便習自言我無罪乃
至是為顛倒口云便所多得中味中語
言乃至相未具者自不云便能得佛何
能使人得佛云云

癸卯歲高麗國大藏都監奉
勅雕造

大藏經卷第九 第十二張 虞

高齊天竺三藏慧覺三耶舍譯

十方菩薩品之三

佛言菩薩坐禪數息不得定意得定
意不久但坐不斷本罪故使禪不安
菩薩自言我何因緣本罪不斷佛言
用菩薩坐不校計斷生死故令本罪
不斷佛言欲斷本罪者當斷當來生
死意當滅本罪生死意諸菩薩問佛
言何等當斷當來生死意當滅本罪
生死意佛言心所動為本罪轉得因
緣為當來生死罪要當斷當來生死
乃應菩薩諸菩薩皆稽首言願佛當
復為我解當來生死罪佛告諸菩薩
心所動得因緣合中有盛百八生死
菩薩要當斷是盛百八生死菩薩意
所動得因緣不能遠意中有盛百八
生死菩薩要當斷是盛百八生死菩
薩為本識動復欲識中有盛百八生
死菩薩要當斷是盛百八生死轉入
眼菩薩眼所見好色為本好色動欲
分別中有盛百八生死菩薩要當斷

是盛百八生死眼所見中色為本中
色動欲分別中有盛百八生死菩薩
要當斷是盛百八生死眼所見惡色
為本惡色動欲分別中有盛百八生
死菩薩要當斷是盛百八生死轉入
耳菩薩耳所聞好聲為本好聲動欲分
別中有盛百八生死菩薩要當斷是
盛百八生死耳所聞中聲為本中聲
動欲分別中有盛百八生死菩薩要當
斷是盛百八生死耳所聞惡聲為本
惡聲動欲分別中有盛百八生死菩
薩要當斷是盛百八生死轉入鼻菩薩
鼻所聞好香為本好香動欲分別中有
盛百八生死菩薩要當斷是盛百八
生死鼻所聞中香為本中香動欲分
別中有盛百八生死菩薩要當斷是
盛百八生死鼻所聞惡臭為本惡臭
動欲分別中有盛百八生死菩薩要
當斷是盛百八生死轉入口菩薩口
所得美味好語言為本美味好語言
動欲分別中有盛百八生死菩薩要
當斷是盛百八生死口所得中味中
語言為本中味中語言動欲分別中

有盛百八生死菩薩要當斷是盛百
八生死口所得惡味惡語言為本惡
味惡語言動欲分別中有盛百八生
死菩薩要當斷是盛百八生死轉入
身身所得好細軟可身為本細軟動
欲分別中有盛百八生死菩薩要當
斷是盛百八生死身所得中細軟為
本中細軟動欲分別中有盛百八生
死菩薩要當斷是盛百八生死身所
得惡意堅苦痛不可身為本惡意堅
苦痛不可身動欲分別中有盛百八
生死菩薩要當斷是盛百八生死佛
言菩薩要當斷是乃應菩薩不斷者
不應為菩薩如是尚未解諸菩薩報
佛言我已解因緣諸菩薩言我聞佛
所說我一切不墮罪中佛問諸菩薩
汝寧見菩薩鬘頭鬘作沙門者不
諸菩薩言然見作沙門佛問諸菩薩
沙門當鬘頭鬘時沙門頭鬘了盡
斲不諸菩薩言盡斲佛言當盡斲時
沙門寧願復欲使頭鬘生不諸菩薩
言沙門不願使生佛問諸菩薩頭鬘
幾何以故復生諸菩薩言自然生沙

門亦不使生佛言沙門頭鬚髮生寧能自知日長幾分諸菩薩報佛言沙門頭鬚髮生不能自知日長幾分佛言菩薩不能自覺微微盛百八罪行譬如沙門自有頭髮生不知日長幾分如是菩薩罪坐不能自知言我無罪者云何佛問諸菩薩寧有是不諸菩薩即稽首慙受行

諸菩薩報佛言願佛當復為我解佛言菩薩不可自怙言我無罪罪滅佛言要校計百八本罪滅不滅菩薩問佛何等為百八本罪滅不滅佛言菩薩心生轉便滅滅中有百八後世當復生受不滅轉入意意生轉復滅滅中有百八後世當復生受不滅轉入眼眼所見好色生轉便滅滅中有百八後世當復生受不滅眼所見中色生轉便滅滅中有百八後世當復生受不滅眼所見惡色生轉便滅滅中有百八後世當復生受不滅轉入耳耳所聞好聲生轉便滅滅中有百八後世當復生受不滅耳所

聞中聲生轉便滅滅中有百八後世
當復生受不滅耳所聞惡聲生轉便
滅滅中有百八後世當復生受不滅
轉入鼻鼻所聞好香生轉便滅滅中
有百八後世當復生受不滅鼻所聞
中香生轉便滅滅中有百八後世當
復生受不滅鼻所聞惡臭生轉便滅
滅中有百八後世當復生受不滅轉
入口口所得美味好語言生轉便滅
滅中有百八後世當復生受不滅口所
得中味中語言生轉便滅滅中有百
八後世當復生受不滅口所得惡味惡
語言生轉便滅滅中有百八後世當
復生受不滅轉入身身所得好細軟可
身生轉便滅滅中有百八後世當復生
受不滅身所得中細軟生轉便滅滅
中有百八後世當復生受不滅身所得
惡塵堅苦痛不可身生轉便滅滅中
有百八後世當復生受不滅菩薩言我
何以故罪生復滅何以故我了不見
佛問諸菩薩汝曹心寧轉不諸菩薩
報佛言我心轉生設我心不轉生亦
不能與佛共語佛問諸菩薩言若心

生時寧還自覺心生不諸菩薩言我
但識見因緣時不覺初起生時佛言
如汝所說尚不能知心初生時何能
無罪佛說如是諸菩薩皆慚稽首受行
諸菩薩報佛言為我解微太促願佛
更復為我解佛問諸菩薩言汝曹生
以來寧能覺身中溫熱有幾所火覺
身中寒有幾所風合身中有幾所
水諸菩薩言我不能還自具分別知
多少佛言若不知多少寧知寒熱為
水火不諸菩薩報佛言我知寒熱有
水火佛言汝尚知寒熱水火何以故
不知多少諸菩薩言我但能覺寒熱
不能知多少佛言菩薩不自覺心生
正受罪百八罪多少譬如不覺寒熱
水火不知火生以來多少菩薩不自
知心轉生以來多少如是菩薩但能
覺枝不能覺根如是菩薩罪入空中
尚未解諸菩薩皆稽首問佛願更為
我解罪入空中佛言菩薩有百八罪
入空中不可見何等為百八罪若菩
薩心有所念生空中復滅空中中有
百八罪不可見心生滅譬如人語有

聲不可見要為有聲在空中但不可見轉入意意生空中復滅空中中有百八罪不可見轉入識識生空中復滅空中中有百八罪不可見轉入眼眼所見好色生空中復滅空中中有百八罪不可見眼所見惡色生空中復滅空中中有百八罪不可見轉入耳耳所聞好聲生空中復滅空中中有百八罪不可見耳所聞惡聲生空中復滅空中中有百八罪不可見轉入鼻鼻所聞好香生空中復滅空中中有百八罪不可見鼻所聞中香生空中復滅空中中有百八罪不可見轉入口口所得美味好語言生空中復滅空中中有百八罪不可見口所得惡味惡語言生空中復滅空中中有百八罪不可見轉入身身所得好細

軟可身生空中復滅空中中有百八罪
不可見身所得中細軟生空中復滅空
中中有百八罪不可見身所得惡麤
堅苦痛不可身生空中復滅空中中有
百八罪不可見佛告諸菩薩若不見
罪生空中亦不見滅空中如是諸菩
薩尚未應解諸菩薩言如是我為覺
知解佛問諸菩薩若何因緣覺諸菩
薩何以故不常坐禪何以故復飛行
到十方佛所菩薩言用我有本願故
不得不行耳佛言如若本願到十
方佛所何因緣坐禪棄罪設令汝坐
禪棄罪本願當滅諸菩薩言我坐禪
但滅當來罪耳我未滅本願罪佛問
諸菩薩若曹從無數劫以來所作過
去生死罪當滅不諸菩薩言我當滅
過去無數劫本罪佛言若尚能滅無
數劫本罪何以故獨不滅本願罪諸
菩薩言佛問我是我不能卒解佛言
如是若曹為未解何以故言我解諸
菩薩皆稽首慙受行

諸菩薩報佛言佛雖為我解我尚未
解願佛當復為我解當復何等行佛

言諸菩薩行道無數劫以來意生死
本意譬如菓實種著土中生大樹已
成大樹樹上生百種億億枝枝生億億
萬葉枝枝生億億萬實一實者當復
轉生一樹菩薩坐禪棄我本罪譬如
取樹葉一一滅之取實一一滅之便不
復種生取枝一一滅之如是葉實枝滅
盡了斷但有根根者為譬如本願一意
所起本罪意譬如樹根枝葉生當復
滅之不滅者當長養實復生滅者不
復生菩薩守意譬如守樹根不得使
樹枝葉實生生為增當來罪滅者為
不增當來罪為滅本罪如是菩薩本
罪未盡者常當念百八不捨盡諸苦
薩稽首言願佛為我解我不解佛言
不捨盡心有所念生念還盡百八便
盡是為不捨盡轉入意意生念還盡百
八便盡是為不捨盡轉入識識生念還
盡百八便盡是為不捨盡轉入眼眼
所見好色念還盡百八便盡是為不
捨盡眼所見中色念還盡百八便盡
是為不捨盡眼所見惡色念還盡百
八便盡是為不捨盡轉入耳耳所聞
好聲念還盡百八便盡是為不捨盡

耳所聞中聲念還盡百八便盡是為
不捨盡耳所聞惡聲念還盡百八便
盡是為不捨盡轉入鼻鼻所聞好香
念還盡百八便盡是為不捨盡鼻所
聞中香念還盡百八便盡是為不捨
盡鼻所聞惡臭念還盡百八便盡是
為不捨盡轉入口口所得美味好語
言念還盡百八便盡是為不捨盡口
所得中味中語言念還盡百八便盡
是為不捨盡口所得惡味惡語言念
還盡百八便盡是為不捨盡轉入身
身所得好細軟可身念還盡百八便
盡是為不捨盡身所得中細軟念還
盡百八便盡是為不捨盡身所得惡
麤堅苦痛不可身念還盡百八便盡
是為不捨盡如是菩薩不捨盡便入
百八淨佛說如是諸菩薩皆歡喜稽
首受行

諸菩薩復稽首問佛言為何等為百
八淨佛言若有菩薩心起生出念即
還入滅為入淨為滅百八不捨淨轉
入意意生出即還入滅為入淨為滅
百八不捨淨轉入識識生出即還入

滅為入淨為滅百八不捨淨轉入眼
眼所見好色生出即還入滅為入淨
為滅百八不捨淨眼所見中色生出
即還入滅為入淨為滅百八不捨淨
眼所見惡色生出即還入滅為入淨
為滅百八不捨淨轉入耳耳所聞好
聲生出即還入滅為入淨為滅百八
不捨淨耳所聞中聲生出即還入滅
為入淨為滅百八不捨淨耳所聞惡
聲生出即還入滅為入淨為滅百八
不捨淨轉入鼻鼻所聞好香生出即
還入滅為入淨為滅百八不捨淨鼻
所得中香生出即還入滅為入淨為
滅百八不捨淨鼻所聞惡臭生出即
還入滅為入淨為滅百八不捨淨轉
入口口所得美味好語言生出即還
入滅為入淨為滅百八不捨淨口所
得中味中語言生出即還入滅為入
淨為滅百八不捨淨口所得惡味惡
語言生出即還入滅為入淨為滅百
八不捨淨轉入身身所得好細軟可
身生出即還入滅為入淨為滅百八
不捨淨身所得中細軟生出即還入

滅為入淨為滅百八不捨淨身所得
惡處堅苦痛不可身生出即還入滅
為入淨為滅百八不捨淨菩薩行如
是不捨淨便能精還百八應戒佛說
如是諸菩薩皆歡喜受行

諸菩薩復稽首問佛言何等精還百
八應戒佛言諸菩薩行道心起即精
還滅百八為還應戒轉入意意生即
精還滅百八為還應戒轉入識識生
即精還滅百八為還應戒轉入眼眼所
見好色生即精還滅百八為還應戒
眼所見中色生即精還滅百八為還
應戒眼所見惡色生即精還滅百八
為還應戒轉入耳耳所聞好聲生即
精還滅百八為還應戒耳所聞中聲
生即精還滅百八為還應戒耳所聞
惡聲生即精還滅百八為還應戒轉
入鼻鼻所聞好香生即精還滅百八
為還應戒鼻所聞中香生即精還滅
百八為還應戒鼻所聞惡臭生即精
還滅百八為還應戒轉入口口所得
美味好語言生即精還滅百八為還
應戒口所得中味中語言生即精還
滅百八為還應戒口所得惡味惡語

言生即精還滅百八為還應戒轉入
身身所得好細軟可身生即精還滅
百八為還應戒身所得中細軟生即
精還滅百八為還應戒身所得惡麤
堅苦痛不可身生即精還滅百八為
還應戒佛說如是諸菩薩皆歡喜
受行

佛言諸菩薩以精還應戒便進行入
道諸菩薩問佛言何等為精還戒便
進行入道佛言菩薩心有所念從心
盡力盡所念滅百八是為進行入道
轉入意意有所念從意盡力盡所念
滅百八是為進行入道轉入識識有
所識從識盡力盡所識滅百八是為
進行入道轉入眼眼所見好色從好
色盡力盡好色滅百八是為進行入
道眼所見中色從中色盡力盡中色
滅百八是為進行入道眼所見惡色
從惡色盡力盡惡色滅百八是為進
行入道轉入耳耳所聞好聲從好聲
盡力盡好聲滅百八是為進行入道
耳所聞中聲從中聲盡力盡中聲滅
百八是為進行入道耳所聞惡聲從

惡聲盡力盡惡聲減百八是為進行
入道轉入鼻鼻所聞好香從好香盡
力盡好香減百八是為進行入道鼻
所聞中香從中香盡力盡中香減百
八是為進行入道鼻所聞惡臭從惡
臭盡力盡惡臭減百八是為進行入
道轉入口口所得美味好語言從美
味好語言盡力盡美味好語言減百
八是為進行入道口所得中味中語
言從中味中語言盡力盡中味中語
言減百八是為進行入道口所得惡
味惡語言從惡味惡語言盡力盡惡
味惡語言減百八是為進行入道轉
入身身所得好細軟可身從好細濡
可身盡力盡好細軟可身減百八是
為進行入道身所得中細軟從中細
軟盡力盡中細軟減百八是為進行
入道身所得惡麤堅苦痛不可身從
惡麤堅苦痛不可身盡力盡惡麤堅
苦痛不可身減百八是為進行入道
佛言進行入道便能忍持行戒
諸菩薩問佛言何等為忍持行戒佛
言菩薩以能當能忍持或不離戒如

是乃應菩薩行菩薩心動當忍百八
不得令轉是為忍心忍行戒轉入意
意有所念當從意忍不得令轉百八
便不得行是為忍行戒轉入識識有
所識當從識忍不得令轉百八便不
得行是為忍識忍行戒轉入眼眼所
見好色從好色當忍不得令轉百八
便不得行是為忍好色忍行戒眼所
見中色從中色當忍不得令轉百八
便不得行是為忍中色忍行戒眼所
見惡色從惡色當忍不得令轉百八
便不得行是為忍惡色忍行戒轉入
耳耳所聞好聲從好聲當忍不得令
轉百八便不得行是為忍好聲忍行
戒耳所聞中聲從中聲當忍不得令
轉百八便不得行是為忍中聲忍行
戒耳所聞惡聲從惡聲當忍不得令
轉百八便不得行是為忍惡聲忍行
戒轉入鼻鼻所聞好香從好香當忍
不得令轉百八便不得行是為忍好
香忍行戒鼻所聞中香從中香當忍
不得令轉百八便不得行是為忍中
香忍行戒鼻所聞惡臭從惡臭當忍

不得令轉百八便不得行是為忍惡
臭忍行戒轉入口口所得美味好語
言當忍不得令轉百八便不得行是
為美味好語言忍行戒口所得中味
中語言從中味中語言當忍不得令
轉百八便不得行是為忍中味中語
言忍行戒口所得惡味惡語言當忍
不得令轉百八便不得行是為忍惡
味惡語言忍行戒轉入身身所得好
細軟可身從好細軟可身當忍不得
令轉百八便不得行是為忍好細軟
可身忍行戒身所得中細軟從中細
軟當忍不得令轉百八便不得行是
為忍中細軟忍行戒身所得惡麤堅
苦痛不可身從惡麤堅苦痛不可身
當忍不得令轉百八便不得行是為
惡麤堅苦痛不可身忍行戒佛言是
為菩薩十校計

佛言菩薩復有十校計諸菩薩稽首
問佛何等為十校計佛言菩薩當能
耐辱能耐辱便入道諸菩薩問佛何
等為耐辱入道佛言菩薩心有所念
當辱心不得令念便辱百八罪不得

勝是為辱心入道轉入意意有所念
當辱意不得令念便辱百八罪不得
勝是為辱意入道轉入識識有所念
當辱識不得令念便辱百八不得勝
是為辱識入道轉入眼眼所見好色
當辱好色不得令念便辱百八不得
勝是為辱好色入道眼所見中色當
辱中色不得令念便辱百八不得勝
是為辱中色入道眼所見惡色當辱
惡色不得令念便辱百八不得勝是
為辱惡色入道轉入耳耳所聞好聲當
辱好聲不得令念便辱百八不得勝
是為辱好聲入道耳所聞中聲當辱中
聲不得令念便辱百八不得勝是為
辱中聲入道耳所聞惡聲當辱惡聲
不得令念便辱百八不得勝是為辱
惡聲入道轉入鼻鼻所聞好香當辱
好香不得令念便辱百八不得勝是
為辱好香入道鼻所聞中香當辱中
香不得令念便辱百八不得勝是為
辱中香入道鼻所聞惡臭當辱惡臭
不得令念便辱百八不得勝是為辱
惡臭入道轉入口口所得美味好語

言當辱美味好語言不得令念便辱
百八不得勝是為辱美味好語言入
道口所得中味中語言當辱中味中
語言不得令念便辱百八不得勝是
為辱中味中語言入道口所得惡味
惡語言不得令念便辱百八不得勝
是為辱惡味惡語言入道轉入身身
所得好細軟可身當辱好細軟可身
不得令念便辱百八不得勝是為辱
細軟可身入道身所得中細軟當辱
中細軟不得令念便辱百八不得勝
是為辱中細軟入道身所得惡麤堅
苦痛不可身當辱惡麤堅苦痛不可
身不得令念便辱百八不得勝是為
辱惡麤堅苦痛不可身入道佛言菩
薩行如是為應菩薩忍戒行菩薩以
忍辱便得百八合道願便得百八本
信入道便得百八出癡入慧便得百
八歡喜還滅便得百八佛悲心便得
百八未得佛道愁何等為佛百八悲心
何等為百八未得佛道愁謂菩薩得佛
悲心念十方泥犁中人難得度脫謂菩
薩得佛悲心念禽獸蛸飛蠕動難得

度脫謂菩薩得佛悲心念薜荔中餓鬼難得度脫謂菩薩得佛悲心念二十八天及諸天長壽憍樂不知苦習王豪貴難得度脫謂菩薩得佛悲心念世間癡人不解難得度脫謂菩薩得佛悲心念世間人多癡難得度脫謂菩薩得佛悲心念十方五道一切為得佛悲心便得佛愁謂菩薩念十方五道勤苦難得度脫愁菩薩已悲已愁百八愛復增多如是菩薩不可用百八愛增多故不悲愁佛言我但用十方五道勤苦悲愁故得佛是為菩薩未得佛百八悲是為菩薩未得佛百八愁佛言復有菩薩未得佛百八惱諸菩薩問佛言何等為菩薩百八惱佛言謂菩薩未得佛見十方泥犁中人拷掠毒痛欲往度脫不能度脫便生惱謂菩薩未得佛見禽獸蛭飛蠕動及人民轉相拷掠毒痛相煞菩薩欲度不能度便生惱謂菩薩未得佛見薜荔餓鬼無所食欲度脫不能

度便生惱謂菩薩未得作佛見世間人所作惡貪婬瞋恚害殺祠祀貪利強盜快心恣意見是曹人死生五道苦痛無有斷絕雖上為諸天無有別異要五道死生苦痛便不時得佛便生惱便增盛百八愛行是為菩薩未得佛百八惱謂菩薩未得佛經要百八點未得佛泥洹要諸菩薩復問佛何等為六情百八不行為得佛經點何等為未得佛泥洹要佛言謂菩薩未得佛未得泥洹要佛言諸菩薩當按計百八出罪要便得入泥洹要菩薩復問佛言何等為出罪要便得入泥洹要佛言謂菩薩所念為罪出要當滅滅者為得入泥洹要一切六情百八滅亦為入泥洹要是為菩薩出百八罪入泥洹要是為菩薩十按計

佛言菩薩復有十按計第一菩薩相聚會但當按計百八當令盡當求入慧出罪便應菩薩法二者當按計菩薩百八求入空法便出罪空法是為菩薩百八按計出罪入道空三者菩

薩當校計百八罪法初起空生時當
知校計滅歸空時是為菩薩校計百
八生滅為合空以知生滅是為菩薩
諦校計四者菩薩當校計百八持空
法解盡法諸菩薩復問佛何等為持
空法解盡法佛言菩薩一切知十方
所有本末皆空已知空知所有當復
滅盡菩薩知盡以為諦即不復貪百
八不復行著欲菩薩能自解當知盡
是為菩薩校計持空法解盡法是為
菩薩校計百八解盡應法五者菩薩
當校計百八盡法不復生已知不復
生是為菩薩校計盡法不復生已知
不復生法六者菩薩當校計百八盡
當得涅槃長生不復滅不死菩薩得
是校計自知苦是為菩薩法知涅槃
樂校計法七者菩薩當校計知百八
盡涅槃念是為菩薩知涅槃校計相
念八者菩薩當校計百八滅盡捨相
念不復念是為菩薩百八捨相念不
復念校計九者菩薩當校計所念不
盡便生雜相念以知雜相念當校計
涅槃無所有何以故復有雜相念當

復滅是為菩薩知雜相念按計十者
菩薩當按計自知滅无所有長受泥
洹相泥洹長生不復滅是為菩薩按
計受泥洹相是為菩薩十按計

佛言菩薩復有十按計諸菩薩問佛
何等為菩薩十按計佛言一者菩薩
自知百八罪亦當為十方人說百八
罪亦當為人說十方生死五道苦痛
常當為十方人說万物成敗本末生
死無所有是為菩薩一按計二者菩
薩當按計十方成敗牽證用示人是
為菩薩牽證按計解人法三者菩薩
當按計十方人所有皆坐貪故著以
貪著皆為癡菩薩當當為人解貪著
解人癡菩薩亦當持貪癡還自况我
未知菩薩道時貪癡亦劇是菩薩得
是按計常當慈心解人貪癡是為菩
薩按計四者菩薩常當按計百八牽
十方癡人作證諸菩薩復問佛何等
為牽十方癡人作證佛言十方人所
念皆坐百八癡故菩薩去百八乃為
不癡菩薩失行百八行便為癡常當
牽十方癡人作證不得失行是為菩

薩按計法五者菩薩當復按計百八
牽十方阿羅漢作證者諸菩薩言復
按計百八牽阿羅漢作證云何佛言
菩薩失行但坐貪著故當牽阿羅漢
泥洹去無所有我何為所念失行何
為當坐是苦所念牽阿羅漢泥洹常
作證是為菩薩按計法六者若復失
行當按計百八牽辟支佛泥洹无所
有作證是為菩薩按計法七者菩薩
若失行當復按計百八无所當牽
十方過去佛泥洹無所有十方過去
佛皆我師皆取泥洹去我何為失行
行在世間菩薩已牽證便還攝行是
為菩薩牽證按計法八者菩薩復失
行當復牽現在十方佛亦當泥洹去
常當牽自證已自證當即還行是為
菩薩百八牽證還行按計法九者菩
薩迦文佛我所主天地帝王人民皆
屬我自在飛行大威神我要般泥洹
去歸無所有常當牽我作證常當堅
意求佛持我作證意不轉轉者為失
行便墮盛百八愛行中是為菩薩按計

十者菩薩常當盡力却貪今不得受
求受求者為不應菩薩菩薩諸求分別
思惟我所校計是為菩薩五十校計
佛言諸菩薩行安般守意常苦失行
無有不失行時諸菩薩問佛何以故
我曹作菩薩常苦失行佛言菩薩不
獸生死苦習故不自覺生死習故不
諦知生死盡无所有不諦知有佛泥
洹道故佛言諸菩薩不可自用作菩
薩道故貢高勝十方人佛言未得佛
生死苦習未與盡合未與道合常有
身體苦痛亦有寒熱苦亦有飢渴苦
惱不能斷如是菩薩未可自怙其善
佛言我未得佛時自謂智慧无能及
者自謂知禪無能及者自謂知細微
滅心无有及者佛言我已立身作釋
迦文佛還自校計作菩薩時所知譬
如一菩薩智今已作佛有所知譬如
十方佛國中所有万物菩薩佛言十
方佛所有菩薩智慧未能得一方佛
一小塵智菩薩即稽首問佛言我曹
癡何以多不能及佛一塵智佛言用
汝不獸生死苦習故不早取佛故不

知細微意故不知滅本斷根故汝曹盡力精進行亦當知十方佛智慧諸菩薩問佛我何因緣生死多如是佛言汝曹不諱行安般守意三十七品經十二問三向中微意不知分別校計生死百八中細微意故使生死多難得佛佛言汝心未起時中有五百四十百八愛行心轉作意中有五百四十百八愛行意轉作識中有五百四十百八愛行轉入眼眼所見好色中有五百四十百八愛行眼所見中色中有五百四十百八愛行轉入耳耳所聞好聲中有五百四十百八愛行耳所聞中聲中有五百四十百八愛行耳所聞惡聲中有五百四十百八愛行轉入鼻鼻所聞好香中有五百四十百八愛行鼻所聞中香中有五百四十百八愛行鼻所聞惡臭中有五百四十百八愛行轉入口口所得好味好語言中有五百四十百八愛行口所得中味中語言中有五百四十百八愛行口所得惡味惡語

言中有五百四十百八愛行轉入身
身所得好細軟可身中有五百四十
百八愛行身所得中細軟中有五百
四十百八愛行身所得惡麤堅苦痛
不可身中有五百四十百八愛行佛
言一心中有五百四十百八愛行五
百四十百八愛行中一愛者當受一
生死一愛者當受一身如是不盡五
百四十為受五百四十生死身意亦
亦識亦亦好色亦亦中色亦亦惡色
亦亦好聲亦亦中聲亦亦惡聲亦亦
好香亦亦中香亦亦惡臭亦亦美味
好語言亦亦中味中語言亦亦惡味
惡語言亦亦好細軟可身亦亦中細
軟亦亦惡麤堅苦痛不可身亦亦佛
問諸菩薩寧知是不諸菩薩言聞佛
說皆知佛言諸菩薩汝曹寧信有是
無諸菩薩言信有是衆不疑但不解
佛問諸菩薩汝曹發起來至我所寧
知汝意中幾轉汝聞我造說經以來
知汝意幾轉諸菩薩報佛言不知幾
轉佛問諸菩薩何以故不知幾轉諸
菩薩言我聞佛說經歡喜不知覺幾

轉佛言汝曹來至今不覺意轉墮生死辟如是摩竭國中塵不知多少菩薩但坐失行不自知覺生死多少是故不即時得佛諸菩薩各各稽首歡喜受行

諸菩薩各各稽首言未聞佛五十校計時自用不失行聞佛解五十校計自知失行佛言汝亦失行亦不失行菩薩復問何以失行亦不失行佛言沙至十方佛前自貢高自譽言我解無有是五十校計罪便墮罪失行是為亦失行佛言不失行者菩薩至十方佛前常當自慙身體自慙生死自慙生墮罪不能校計知常持五十校計還自慙是為菩薩不失行不自慙者常失行佛說如是諸菩薩各各自慙各各自悔各各自念滅盡非常苦空非身諸菩薩聞經皆大歡喜前為佛作禮頭面著佛足受行而去

大集經卷第六十

卐

癸卯歲高麗國大藏部監奉
勅雕造

大唐三藏聖教序

御製

臨

蓋聞二儀有像顯覆載以含生四時
無形潛寒暑以化物是以窺天鑑地
庸愚皆識其端明陰洞陽賢哲罕窮
其數然而天地苞乎陰陽而易識者
以其有像也陰陽處乎天地而難窮
者以其無形也故知像顯可徵雖愚
不惑形潛莫覩在智猶迷况乎佛道
崇虛乘幽控寂弘濟萬品典御十方
舉威靈而無上抑神力而無下大之
則弥於宇宙細之則攝於毫釐無滅
無生歷千劫而不古若隱若顯運百
福而長今妙道凝玄遵之莫知其際
法流湛寂挹之莫測其源故知蠢蠢
凡愚區區庸鄙投其旨趣能無疑惑
者哉然則大教之興基乎西土騰漢
庭而皎夢照東域而流慈昔者分形
分跡之時言未馳而成化當常現常
之世民仰德而知遵及乎晦影歸真
遷儀越世金容掩色不鏡三千之光
麗象開圖空端四八之相於是微言
廣被拯含類於三塗遺訓遐宣導群

生於十地然而真教難仰莫能一其
旨歸曲學易遵邪正於焉紛紜所以
空有之論或習俗而是非大小之乘
乍泐時而隆替有玄奘法師者法門
之領袖也幼懷貞敏早悟三空之心
長契神情先苞四忍之行松風水月
未足比其清華仙露明珠詎能方其
朗潤故以智通無累神測未形超六
塵而迥出隻千古而無對凝心內境
悲正法之陵遲拯孤慮玄門慨深文之
訛謬思欲分條析理廣彼前聞截偽
續真開茲後學是以翹心淨土往遊
西域乘危遠邁杖策孤征積雪晨飛
塗間失地驚沙夕起空外迷天萬里
山川撥煙霞而進影百重寒暑躡霜
雨而前蹤誠重勞輕求深願達周遊
西宇十有七年窮歷道邦詢求正教
雙林八水味道食風鹿苑鷲峯瞻奇
仰異承至言於先聖受真教於上賢
探蹟妙門精窮奧業一乘五律之道
馳驟於心田八藏三篋之文波濤於
口海爰自所歷之國惣將三藏要文
凡六百五十七部譯布中夏宣揚勝

業引慈雲於西極注法雨於東垂聖
教破而復全蒼生罪而還福濕火宅
之乾焰共拔迷塗朗愛水之昏波同
臻彼岸是知惡因業墜善以緣升外
墜之端惟人所託譬夫桂生高嶺雲
露方得滋其華蓮出淥波飛塵不能
汙其葉非蓮性自潔而桂質本貞良
由所附者高則微物不能累所憑者
淨則濁類不能沾夫以卉木無知猶
資善而成善况乎人倫有識不緣慶
而求慶方冀茲經流施將日月而無
窮斯福遐敷與乾坤而永大

皇太子臣治述 聖記

夫顯揚正教非智无以廣其文崇闡
微言非賢莫能定其旨蓋真如聖教
者諸法之玄宗衆經之軌躅也綜括
宏遠奧旨遐深極空有之精微體生
滅之機要辭茂道曠尋之者不究其
源文顯義幽履之者莫測其際故知
聖慈所被業无善而不臻妙化所敷
緣無惡而不剪開法網之綱紀弘六
度之正教拯群有之塗炭啓三藏之
秘局是以名无翼而長飛道無根而

永固道名流慶歷遂古而鎮常赴感
應身經塵劫而不朽晨鍾夕梵交二
音於鷲峯慧日法流轉雙輪於鹿苑
排空寶蓋接翔雲而共飛莊野春林
與天花而合彩伏惟 皇帝陛下

上玄資福垂拱而治八荒德被黔黎
斂衽而朝萬國恩加朽骨石室歸貝
篆之文澤及昆蟲金匱流梵說之偈
遂使阿耨達水通神甸之八川耆闍
崛山接嵩華之翠嶺竊以法性凝寂
靡歸心而不通智地玄奧感懇誠而
遂顯豈謂重昏之夜燭慧炬之光火
宅之朝降法雨之澤於是百川異流
同會於海萬區分義惣成乎實豈與
湯武較其優劣堯舜比其聖德者哉
玄奘法師者夙懷聰令立志夷簡神
清齟齬之年體拔浮華之世凝情定
室匿跡幽巖栖息三禪巡遊十地超
六塵之境獨步迦維會一乘之旨隨
機化物以中華之無質尋印度之真
文遠涉恒河終期滿字頻登雪嶺更
獲半珠問道往還十有七載脩通經
典利物為心以貞觀十九年二月六

日奉勅於弘福寺翻譯聖教要文
凡六百五十七部引大海之法流洗
塵勞而不竭傳智燈之長焰皎幽暗
而恒明自非久植勝緣何以顯揚斯
旨所謂法相常住齊三光之明

我皇福臻同二儀之回伏見御製
衆經論序照古騰今理合金石之聲
文抱風雲之潤治輒以輕塵足岳墜
露添流略舉大綱以為斯記
大乘大集地藏十輪經序品第一

三藏法師玄奘奉詔譯

如是我聞一時薄伽梵在佉羅帝耶
山諸牟尼仙所依住處與大苾芻衆
俱謂過數量大聲聞僧復有菩薩摩
訶薩衆謂過數量大菩薩僧說月藏
已今時南方大香雲來雨大香雨大
花雲來雨大花雨大妙殊麗寶飾雲
來雨大殊麗妙寶飾雨大妙鮮潔衣
服雲來雨大鮮潔妙衣服雨是諸雲
雨充遍其山諸牟尼仙所依住處從
諸香花寶飾衣服演出種種百千微妙
大法音聲謂歸敬三寶聲受持學處
聲忍辱柔和聲精進勇猛聲降伏四

魔聲趣入智慧聲廣大名稱遍滿三
界聲勸修殊勝念定惣持聲空元相
無願聲厭離貪欲聲色如聚沫聲受
如浮泡聲想如陽焰聲行如芭蕉聲
識如幻事聲无常聲苦聲無我聲空
聲慙愧聲遠離聲護念聲慈悲喜捨
聲證得諸法聲生天涅槃聲趣向三
乘聲轉大法輪聲雨大法雨聲成熟
有情聲度三惡趣聲修治圓滿六到
彼岸聲善巧方便聲趣入十地聲遊
戲神通聲遊戲清淨无上大乘聲不
退轉地聲无生法忍聲灌頂受位聲
趣入一切諸佛大海聲

尔時一切諸來大眾咸見如是種種
雲雨亦聞如是諸法音聲隨意所樂
各見其身種種香花寶飾衣服之所
莊嚴又各自見兩手掌中持如意珠
從是一如意珠中雨種種寶復從
二如意珠中放諸光明因光明故
一一有情皆見十方殑伽沙等諸佛
世界又因光明見諸佛土一一世尊
无量衆會恭敬圍遶復因光明見諸
佛土一切有情若有病者因此光明

之所照觸衆病除愈諸應被煞及囚
繫者光明照故皆得解脫諸身語意
麤重穢濁因光皆得輕軟清淨諸飢
渴者亦皆飽滿諸被種種刑罰逼切
光明照故皆離憂苦諸少衣服寶飾
珍財光明照故隨念皆足若諸有情
樂欲煞生乃至或有樂欲邪見由此
光明之所照觸皆悉樂欲遠離煞生
乃至樂欲遠離邪見若諸有情為於
種種求不得苦之所逼切光明照故
隨願皆得又因光明見諸佛土一切
有情所受衆苦無不休息皆悉歡娛
受諸妙樂又見如是諸佛土中由此
光明之所照觸遠離一切昏雲塵霧
烈風暴雨不善音聲及諸臭穢苦辛
惡味惡觸恐怖遠離一切邪業邪語
邪意邪歸不寒不熱安靜坦然地平
如掌諸妙樂具充滿其中

今時衆會其身欽然地界增強堅重
難舉既覩斯瑞咸悉驚疑何因何緣
而現此相於衆會中有天帝釋名无
垢生去薄伽梵不遠而坐即從座起
頂礼世尊合掌向佛以頌問曰

具諦語諦見 諦善住牟尼 普為衆弘宣
諦究竟堅法 今諸有情類 滅苦及苦因
何緣於此中 現諸雲雨等 令舉衆歡悅
咸生淨信心 皆發起大乘 度疑生實見
天人大衆身 地界增堅重 不能自勝舉
此相有何緣 兩手皆珠現 雨衆寶放光
照十方除罪 息苦獲安樂 導師復何因
令舉衆皆見 種種香鬘等 各各自嚴身
天人普猶豫 不測何因緣 有誰將欲來
現此神通力 為是佛菩薩 為梵魔釋天
唯願大導師 速為衆宣說

今時世尊告无垢生天帝釋曰汝等
當知有菩薩摩訶薩名曰地藏已於
無量無數大劫五濁惡時無佛世界
成熟有情今與八十百千那由多頻
跋羅菩薩俱為欲來此礼敬親近供
養我故觀大集會生隨喜故并諸眷
屬作聲聞像將來至此以神通力現
是變化是地藏菩薩摩訶薩有无量
無數不可思議殊勝功德之所莊嚴
一切世間聲聞獨覺所不能測此大
菩薩是諸微妙功德伏藏是諸解脫
珍寶出處是諸菩薩明淨眼目是趣

涅槃商人導首如如意珠雨衆財寶
隨所希求皆令滿足譬諸商人所採
寶渚是能生長善根良田是能盛貯
解脫樂器是出妙寶功德賢瓶照行
善者猶如朗日照失道者猶如明炬
除煩惱熱如月清涼如无足者所得
車乘如遠涉者所脩資糧如迷方者
所逢示道如狂亂者所服妙藥如疾
病者所遇良醫如羸老者所須几杖
如疲倦者所止牀座度四流者為作
橋梁趣彼岸者為作船筏是三善根
殊勝果報是三善本所引等流常行
惠施如輪恒轉持戒堅固如妙高山
精進難壞如金剛寶安忍不動猶如
大地靜慮深密猶如秘藏等至嚴麗
如妙花鬘智慧深廣猶如大海无所
染著譬太虛空妙果近因如衆花葉
伏諸外道如師子王降諸天魔如大
龍象斬煩惱賊猶如神劍馱諸誼雜
如獨覺乘洗煩惱垢如清淨水能除
臭穢如疾颼風斬衆結縛如利刀劍
護諸怖畏如親如友防諸怨敵如塹
如城救諸危難猶如父母藏諸怯劣

猶若森林如夏遠行所投大樹與熱
渴者作清冷水與飢乏者作諸甘果
為露形者作諸衣服為熱乏者作大
密雲為貧匱者作如意寶為恐懼者
作所歸依為諸稼穡作甘澤雨為諸
濁水作月愛珠令諸有情善根不壞
現妙境界令衆欣悅勸發有情增上
慙愧求福慧者令具莊嚴能除煩惱
如吐下藥能攝亂心如等持境辯才
無滯如水激輪攝事繫心如觀妙色
安忍堅住如妙高山惣持深廣猶如
大海神足无尋譬若虛空滅除一切
惑障習氣猶如烈日銷釋輕冰常遊
靜慮无色正道一切智智妙寶洲渚
能無功用轉大法輪善男子是地藏
菩薩摩訶薩具如是等无量無數不
可思議殊勝功德與諸眷屬欲來至
此先現如是神通之相世尊說是地
藏菩薩諸功德已今時地藏菩薩摩
訶薩與八十百千那由多頻跋羅菩
薩以神通力現聲聞像從南方來至
佛前住與諸眷屬恭敬頂礼世尊雙
足右遶三匝在如來前合掌而立以

頌讚

地藏十輪經卷第一 第三十頌

三

兩足尊導師 慈心常普覆 安忍如大地
過除膜念心 具殊勝相好 莊嚴諸佛國
能以諦慈悲 充滿一切土 永絕諸愛網
如實善安住 捨諸清淨國 度染濁衆生
本願銷穢土 成熟惡衆生 起堅固正勤
久修諸苦行 久修諸苦行 聞生悚懼心
修諸施戒忍 及精進定慧 曾供事无量
佛菩薩聲聞 及濟諸有情 飢渴病死者
本為他有情 自捨多身命 本為正法故
捨多骨血皮 棄捨自安樂 悲愍諸有情
專為諸有情 勤修斷惑網 善護於六根
恒遠離諸欲 觀有為无常 苦空無我性
諸苦業增長 皆貪愛為因 故先於六根
永斷諸貪欲 普於有情界 常安住大悲
雖得勝菩提 而不捨本願 隨見諸有情
逼切在衆苦 隨起勤精進 勇猛而濟拔
今勤修施戒 忍進定般若 如母於一子
慈心而養育 本於有情類 常住普慈心
故速證菩提 度脫无量衆 本修菩提行
无不為衆生 故今於有情 不捨於六度
昔常於末世 求无上菩提 今還末世中
速成无上覺 調伏諸惡見 天龍人藥叉

安住能成此大國聖道 授无量有情
得勝菩提已 成應供導首 寂二良福曰
世尊無等侶 普覆諸群生 無量大名聞
充滿十方界 是故諸菩薩 為成就已事
成若果歸依 大千尼足下 聞所說妙法
皆生歡喜心 起增上正勤 修習菩提行
白導師法力 皆速證菩提 故今者導師
大集未曾有 十三地藥叉 恒散諸血肉
皆捨諸惡業 遠趣大菩提 有得勝惣持
安忍及靜慮 有永盡諸漏 應供世間尊
有修四无量 有位四攝法 有得四辯才
有安住順忍 有得健行定 有得妙慧眼
有住无生忍 皆由導師力 世尊大威德
摧滅眾魔怨 降伏諸外道 九十五異類
盡地獄傍生 餓鬼非天趣 故真實有情
咸歸尊足下 今者息刀兵 疫病飢饉劫
度迷失正道 盲冥諸有情 諸煩惱狂亂
皆安寂滅道 故我捨諸緣 來礼敬尊足
無邊諸佛土 現在諸導師 咸廣讚世尊
聞者皆來此 我聞遍知海 真實德無邊
度脫諸有情 心歡喜敬礼 曾修无量福
今得礼尊足 願无量劫中 常修多供養
我今學世尊 發如是誓願 當於此穢土

得無上菩提

法華經疏卷第二

法華

今時地藏菩薩摩訶薩以妙伽他禮讚佛已與諸眷屬復持无量天妙香花種種寶飾而散佛上變成寶蓋住虛空中為聽法故即於佛前儼然而坐今時一切諸來大眾既見地藏菩薩摩訶薩已皆獲希奇得未曾有各持種種上妙香花寶飾衣服幢幡蓋等奉散地藏菩薩摩訶薩而為供養皆作是言我等今者快得善利因佛神力親得瞻仰札敬供養如是大士今時衆中有菩薩摩訶薩名好疑問從座而起整理衣服偏袒一肩禮佛雙足右膝著地合掌向佛而白佛言世尊此善男子從何而來所居佛國去此遠近成就何等功德善根而蒙世尊種種稱歎復能讚佛不可思議功德法海我等昔來未曾聞見唯願為說世尊告曰止善男子如是大士功德善根一切世間天人大衆皆不能測其量淺深若聞如來為汝廣說如是大士功德善根一切世間天人大衆皆生迷悶或不信受時好疑問

復重請言唯願如來哀愍為說佛言
諦聽善思念之吾當為汝略說少分
如是大士成就无量不可思議殊勝
功德已能安住首楞伽摩勝三摩地
善能悟入如來境界已得寂勝无生
法忍於諸佛法已得自在已能堪忍
一切智位已能超度一切智海已能
安住師子奮迅幢三摩地善能登上
一切智山已能摧伏外道邪論為欲
成熟一切有情所在佛國悉皆止住
如是大士隨所止住諸佛國土隨所
安住諸三摩地發起无量殊勝功德
成就无量所化有情如是大士隨住
如是諸佛國土若入能發智定由此
定力令彼佛土一切有情皆悉同見
諸三摩地所行境界隨住如是諸佛
國土若入具足无邊智定由此定力
令彼佛土一切有情隨其所應能以
无量上妙供具恭敬供養諸佛世尊
隨住如是諸佛國土若入具足清淨
智定由此定力令彼佛土一切有情
皆悉同見諸欲境界无量過患心得
清淨隨住如是諸佛國土若入具足

慙愧智定由此定力令彼佛土一切
有情皆得具足增上慙愧離諸惡法
心无忘失隨住如是諸佛國土若入
具足諸乘明定由此定力令彼佛土
一切有情皆得善巧天眼智通宿住
智通死生智通了達此世他世因果
隨住如是諸佛國土若入无憂神通
明定由此定力令彼佛土一切有情
皆離一切愁憂昏昧隨住如是諸佛
國土若入具足勝通明定由此定力
令彼佛土一切有情皆得具足神通
善巧隨住如是諸佛國土若入普照
諸世間定由此定力令十方界離諸
昏暗令彼佛土一切有情普見十方
諸佛國土隨住如是諸佛國土若入
諸佛燈炬明定由此定力令彼佛土一
切有情捨邪歸依歸正三寶隨住如
是諸佛國土若入金剛光定由此定
力令彼佛土所有一切小輪圍山大
輪圍山蘊迷廬山及諸餘山谿澗溝
壑瓦礫毒刺諸穢草木皆悉不現令
彼佛土所有一切衆邪蠱毒諸惡蟲
獸灾橫疫癘昏暗塵垢不淨臭穢悉

皆銷滅令彼佛土地平如掌種種嘉
样自然踊現清淨殊勝衆相莊嚴隨
住如是諸佛國土若入智力難摧伏
定由此定力令彼佛土一切魔王及
諸眷屬皆悉驚怖歸依三寶隨住如
是諸佛國土若入電光明定由此定
力令彼佛土一切有情皆悉遠離後
世恐怖得法安慰隨住如是諸佛國
土若入具足上妙味定由此定力令
彼佛土一切有情隨念皆得飲食充
足隨住如是諸佛國土若入具足勝
精氣定由此定力令彼佛土一切有
情無不皆得增上力勢離諸病苦隨
住如是諸佛國土若入上妙諸資具
定由此定力令彼佛土一切有情隨
樂皆得牀座敷具衣服寶飾諸資身
具無所乏少殊妙端嚴甚可愛樂隨
住如是諸佛國土若入無諍智定由
此定力令彼佛土一切有情身心勇
健遠離一切怨憎繫縛和順歡娛愛
樂具足施戒安忍勇猛精進心无散
亂成就智慧隨住如是諸佛國土若
入能引勝踊躍定由此定力令彼佛

土一切有情皆受无量勝妙歡喜隨住如是諸佛國土若入具足世路光定由此定力令彼佛土一切有情得无寻智能修種種清淨事業隨住如是諸佛國土若入善住勝金剛定由此定力令彼佛土一切有情皆得諸根具足無缺常樂遠離其心寂靜隨住如是諸佛國土若入增上觀勝幢定由此定力令彼佛土一切有情皆深呵厭自惡業過咸善護持十善業道生天要路隨住如是諸佛國土若入具足慈悲聲定由此定力令彼佛土一切有情皆悉發起慈心悲心无怨害心普平等心更相利益安樂之心隨住如是諸佛國土若入引集諸福德定由此定力令彼佛土一切有情離諸鬪諍疾疫飢饉非時風雨苦澀辛酸諸惡色觸悉皆銷滅如是大士隨住如是諸佛國土若入海電光定由此定力令彼佛土一切大地衆寶合成一切過患皆悉遠離種種寶樹衣樹器樹諸瓔珞樹花樹果樹諸音樂樹無量樂具周遍莊嚴以要言

之此善男子於一日每晨朝時為
欲成熟諸有情故入殤伽河沙等諸
定從定起已遍於十方諸佛國土成
熟一切所化有情隨其所應利益安
樂此善男子已於无量無數大劫五
濁惡時无佛世界成熟有情復於當
來過於是數或有世界刀兵劫起害
諸有情此善男子見是事已於晨朝
時以諸定力除刀兵劫令諸有情平
相慈愍或有世界疫病劫起害諸有
情此善男子見是事已於晨朝時以
諸定力除疫病劫令諸有情皆得安
樂或有世界飢饉劫起害諸有情此
善男子見是事已於晨朝時以諸定
力除飢饉劫令諸有情皆得飽滿此
善男子以諸定力作如是等無量无
邊不可思議利益安樂諸有情事此
善男子具足成就无量無數不可思
議殊勝功德常勤精進利益安樂一
切有情曾於過去無量無數殤伽沙
等佛世尊所為欲成熟利益安樂諸
有情故發起大悲堅固難壞勇猛精
進無盡擔願由此大悲堅固難壞勇

猛精進无盡誓願增上勢力於一日
夜或一食頃能度无量百千俱胝那
度多數諸有情類皆令解脫種種憂
苦及令一切如法所求意願滿足隨
所在處若諸有情種種希求憂苦逼
切有能至心稱名念誦歸敬供養地
藏菩薩摩訶薩者一切皆得如法所
求離諸憂苦隨其所應安置生天涅
脤之道隨所在處若諸有情飢渴所
逼有能至心稱名念誦歸敬供養地
藏菩薩摩訶薩者一切皆得如法所
求飲食充足隨其所應安置生天涅
脤之道隨所在處若諸有情乏少種
種衣服寶飾醫藥牀敷及諸資具有
能至心稱名念誦歸敬供養地藏菩
薩摩訶薩者一切皆得如法所求衣
服寶飾醫藥牀敷及諸資具无不備
足隨其所應安置生天涅脤之道隨
所在處若諸有情愛樂別離怨憎合
會有能至心稱名念誦歸敬供養地
藏菩薩摩訶薩者一切皆得愛樂合
會怨憎別離隨其所應安置生天涅
脤之道隨所在處若諸有情身心憂

苦衆病所惱有能至心稱名念誦歸
敬供養地藏菩薩摩訶薩者一切皆
得身心安樂衆病除愈隨其所應安
置生天涅槃之道隨所在處若諸有
情互相乖違興諸鬭諍有能至心稱
名念誦歸敬供養地藏菩薩摩訶薩
者一切皆得捨毒害心共相和穆歡
喜忍受展轉悔愧慈心相向隨其所
應安置生天涅槃之道隨所在處若
諸有情閉在牢獄枷械枷鎖檢繫其
身具受衆苦有能至心稱名念誦歸
敬供養地藏菩薩摩訶薩者一切皆
得解脫牢獄枷械枷鎖自在歡喜隨
其所應安置生天涅槃之道隨所在
處若諸有情應被囚執鞭撻拷楚臨
當被害有能至心稱名念誦歸敬供
養地藏菩薩摩訶薩者一切皆得免
離囚執鞭撻加害隨其所應安置生
天涅槃之道隨所在處若諸有情身
心疲倦氣力羸瘠有能至心稱名念
誦歸敬供養地藏菩薩摩訶薩者一
切皆得身心暢適氣力强盛隨其所
應安置生天涅槃之道隨所在處若

諸有情諸根不具隨有損壞有能至
心稱名念誦歸敬供養地藏菩薩摩
訶薩者一切皆得諸根具足无有損
壞隨其所應安置生天涅槃之道隨
所在處若諸有情癡狂心亂鬼魅所
著有能至心稱名念誦歸敬供養地
藏菩薩摩訶薩者一切皆得心无狂
亂離諸擾惱隨其所應安置生天涅
槃之道隨所在處若諸有情貪欲瞋
恚愚癡忿恨慳嫉憍慢惡見睡眠放
逸疑等皆悉熾盛惱亂身心常不安
樂有能至心稱名念誦歸敬供養地
藏菩薩摩訶薩者一切皆得離貪欲
等身心安樂隨其所應安置生天涅
槃之道隨所在處若諸有情為火所
焚為水所溺為風所飄或於山巖崖
岸樹舍顛墜墮落其心惶惶有能至
心稱名念誦歸敬供養地藏菩薩摩
訶薩者一切皆得離諸危難安隱無
損隨其所應安置生天涅槃之道隨
所在處若諸有情為諸毒虵毒蟲所
螫或被種種毒藥所中有能至心稱
名念誦歸敬供養地藏菩薩摩訶薩

者一切皆得離諸惱害隨其所應安置生天涅槃之道隨所在處若諸有情惡鬼所持成諸瘡病或日日發或隔日發或三四日而一發者或令狂亂身心戰掉迷悶失念无所了知有能至心稱名念誦歸敬供養地藏菩薩摩訶薩者一切皆得解脫无畏身心安適隨其所應安置生天涅槃之道隨所在處若諸有情為諸藥叉羅刹餓鬼畢舍遮鬼布怛那鬼鳩畔荼鬼羯吒布怛那鬼吸精氣鬼及諸虎狼師子惡獸蠱毒麻禱諸惡呪術怨賊軍陣及餘種種諸怖畏事之所纏繞身心悵惶懼失身命惡死貪生耽苦求樂有能至心稱名念誦歸敬供養地藏菩薩摩訶薩者一切皆得離諸怖畏保全身命隨其所應安置生天涅槃之道隨所在處若諸有情或為多聞或為淨信或為淨戒或為靜慮或為神通或為般若或為解脫或為妙色或為妙聲或為妙香或為妙味或為妙觸或為利養或為名聞或為功德或為工巧或為花果或為樹

林或為牀座或為敷具或為道路或為財穀或為醫藥或為舍宅或為僕使或為彩色或為甘雨或為求水或為稼穡或為扇拂或為涼風或為求火或為車乘或為男女或為方便或為修福或為溫暖或為清涼或為憶念或為種種世出世間諸利樂事於追求時為諸憂苦之所逼切有能至心稱名念誦歸敬供養地藏菩薩摩訶薩者此善男子功德妙定威神力故令彼一切皆離憂苦意願滿足隨其所應安置生天涅槃之道隨所在處若諸有情以諸種子殖於荒田或熟田中若勤營務或不管務有能至心稱名念誦歸敬供養地藏菩薩摩訶薩者此善男子功德妙定威神力故令彼一切果實豐稔所以者何此善男子曾過无量無數大劫於過數量佛世尊所發大精進堅固誓願由此願力為欲成熟諸有情故常普任持一切大地常普任持一切種子常普令彼一切有情隨意受用此善男子威神力故能令大地一切草木根鬚

芽莖枝葉花果皆悉生長藥穀苗稼
花果茂實成熟潤澤香潔軟美隨所
在處若諸有情貪瞋癡等皆猛利故
造作煞生或不與取或欲邪行或虛
誑語或麤惡語或離間語或雜穢語
或貪或瞋或復邪見十惡業道有能
至心稱名念誦歸敬供養地藏菩薩
摩訶薩者一切煩惱悉皆銷滅遠離
十惡成就十善於諸衆生起慈悲心
及利益心此善男子成就如是功德
妙定威神之力勇猛精進於一食頃
能於无量無數佛土一一土中以一
食頃皆能度脫无量無數殍伽沙等
所化有情令離衆苦皆得安樂隨其
所應安置生天涅槃之道此善男子成
就如是如我所說不可思議諸功德
法堅固誓願勇猛精進為欲成熟諸
有情故於十方界或時現作大梵王
身為諸有情如應說法或復現作大
自在天身或作欲界他化自在天身
或作樂變化天身或作覩史多天身
或作夜摩天身或作帝釋天身或作
四大王天身或作佛身或作菩薩身

或作獨覺身或作聲聞身或作轉輪王身或作刹帝利身或作婆羅門身或作吠舍身或作戍達羅身或作丈夫身或作婦女身或作童男身或作童女身或作健達縛身或作阿素洛身或作緊捺洛身或作莫呼洛伽身或作龍身或作藥叉身或作羅刹身或作鳩呌茶身或作畢舍遮身或作餓鬼身或作布怛那身或作羯吒布怛那身或作粵闍訶洛鬼身或作師子身或作香象身或作馬身或作牛身或作種種禽獸之身或作剎魔王身或作地獄卒身或作地獄諸有情身現作如是等无量無數異類之身為諸有情如應說法隨其所應安置三乘不退轉位善男子如是大士成就如是不可思議諸功德法是諸殊勝功德伏藏是諸解脫珍寶出處是諸菩薩明淨眼目是趣涅槃商人導首如是乃至能无功用轉大法輪如前廣說善男子假使有人於其弥勒及妙吉祥并觀自在普賢之類而為上首琬伽沙等諸大菩薩摩訶薩所

於百劫中至心歸依稱名念誦礼拜
供養求諸所願不如有人於一食頃
至心歸依稱名念誦礼拜供養地藏
菩薩求諸所願速得滿足所以者何
地藏菩薩利益安樂一切有情令諸
有情所願滿足如如意寶亦如伏藏
如是居士為欲成熟諸有情故久修
堅固大願大悲勇猛精進過諸菩薩
是故汝等應當供養今時十方諸來
大眾一切菩薩摩訶薩及諸聲聞天
人藥叉健達縛等皆從座起隨力所
作各持種種金銀等屑眾寶花香奉
散地藏菩薩摩訶薩復持種種上妙
衣服末尼寶珠真珠花鬘真珠瓔珞
金銀寶縷幢幡蓋等奉上地藏菩薩
摩訶薩復以无量上妙音樂種種讚
頌恭敬供養地藏菩薩今時地藏菩
薩摩訶薩持此種種上妙供具迴奉
世尊而說頌曰

天人龍神所供養 十方菩薩皆來奉
聞救世有大功德 唯願受我軍勝供
今時地藏菩薩摩訶薩說是頌已頂
礼佛足於是世尊復說頌曰

起堅固慧清淨心 滅諸有情無量苦

施衆妙樂如寶手 能斷惑網如金剛

起大悲慧具精進 善持妙供奉世尊

以海智救苦衆生 登諸趣有无畏岸

尔時地藏菩薩摩訶薩即從座起而

白佛言大德世尊我當濟度此四洲

渚世尊弟子一切苾芻及苾芻尼鄔

波索迦鄔波斯迦令其皆得增長憶

念增長守護憶念增長壽命增長身

體增長无病增長色力增長名聞增

長資具增長親友增長弟子增長淨

戒增長多聞增長慧捨增長妙定增

長安忍增長方便增長覺分聖諦光

明增長趣入大乘正道增長法明增

長成熟有情增長大慈大悲增長一

切白法增長妙稱遍滿三界增長法

雨普潤三界增長一切大地精氣滋

味增長一切衆生精氣善作事業增

長正法精氣善行增長智慧光明增

長六到彼岸妙行增長五眼增長灌

頂增長生天沮脰所謂有名具足水

火吉祥光明大記明呪勅持章句我

於過去殑伽沙等佛世尊所親承受

持此陀羅尼能令增長一切白法增

長一切種子根鬚芽莖枝葉花果藥

穀精氣滋味增長雨澤增長有益地

水火風增長喜樂增長財寶增長勝

力增長一切受用資具此陀羅尼能令

一切智慧猛利破煩惱賊即說呪曰

識捕一識捕二識捕三阿迦舍識

捕四縛羯洛識捕五菴跋洛識捕六

筏羅識捕七伐折洛識捕八阿路迦

識捕九苾摩識捕十薩帝丁摩識

捕十一薩帝丁昵泥訶羅識捕十二

毗婆縛迦路迦拙婆識捕十三鄔波

睽摩識捕十四奈野娜識捕十五鉢

刺惹三牟底都刺拏識捕十六剎

拏識捕十七毗濕婆縛迦梨夜識

捕十八舍薩多臘婆縛迦識捕十九

毗阿去聲茶素上聲吒二十莫醯

隸二十苾謎二十睽謎二十斫羯洛

細二十斫羯洛沫咽隸二十廁初

隸二十評四隸二十揭刺婆跋羅伐

刺帝二十欣上聲隸二十鉢臘薛二十

鉢刺遮囉飯怛泥三十一曷刺怛

泥三十二播囉三十遮遮遮遮四十

欣

上聲

隸

三十

珥隸

三

鶯羯

他

三十

託契

三十

託

鵠盧

三十

闍隸

四十

闍

隸

四十

磨綻

四十

瘳綻

四十

矩

四十

矩

矩

四十

矩

四十

矩

矩

矩

矩

矩

遇隸

四十

波囉

四十

波囉

波囉

波囉

波囉

波囉

矩

四十

矩

四十

矩

矩

矩

矩

矩

敦

四十

敦

四十

敦

敦

敦

敦

敦

盧

四十

盧

四十

盧

盧

盧

盧

盧

叛

四十

喝

四十

羅

梨

梨

梨

梨

許

四十

許

四十

許

許

許

許

許

善

四十

善

四十

善

善

善

善

善

善

四十

善

四十

善

善

善

善

善

善

四十

善

四十

善

善

善

善

善

善

四十

善

四十

善

善

善

善

善

善

四十

善

四十

善

善

善

善

善

世

四十

世

四十

世

世

世

世

世

明

四十

明

四十

明

明

明

明

明

佛

四十

佛

四十

佛

佛

佛

佛

佛

增

四十

增

四十

增

增

增

增

增

受

四十

受

四十

受

受

受

受

受

濟

四十

濟

四十

濟

濟

濟

濟

濟

及

四十

及

四十

及

及

及

及

及

皆得增長憶念廣說乃至增長一切
受用資具此陀羅尼能令世尊甘露
聖教熾然久住利益安樂三界衆生
今時地藏菩薩摩訶薩演說如是大
記明呪惣持章句時佉羅帝耶山普
皆震動俱脰天樂不鼓自鳴雨无量
種天妙香花及珍寶等一切衆會咸
悉驚躍皆獲希奇得未曾有時衆會
中有大吉祥天女具大吉祥天女大
池妙音天女大堅固天女具大水天
女放大光天女而為上首惣有一万
八千天女於四大種皆得自在從座
而起稽首佛足合掌恭敬而白佛言
希有大德甚奇世尊我等雖於諸四
大種得自在轉而不能知是四大種
初中後相生滅連順如此大士已得
微細甚深般若波羅蜜多能善了知
是四大種初中後相生滅連順佛言
如是如是天女此善男子已得微細
甚深般若波羅蜜多能善了知是四
大種初中後相生滅連順天女當知
如如意珠具足衆德能雨種種上妙
珍寶施諸衆生此善男子亦復如是

能雨種種覺支珍寶施諸衆生如寶洲渚種種珍寶充滿其中此善男子亦復如是成就種種覺支珍寶如天波利質多羅樹衆妙香花之所嚴飾此善男子亦復如是種種微妙佛法珍寶而自莊嚴如師子王一切畜獸無能驚伏此善男子亦復如是一切衆生无能驚伏譬如朗日能滅世間一切昏暗此善男子亦復如是能滅一切衆生惡見无明昏暗譬如明月於夜分中能示一切失道衆生平坦正路隨其欲往皆令得至此善男子亦復如是於无明夜能示一切迷三乘道馳騁生死曠野衆生三乘正路隨其所應方便安立令得出離譬如大地一切種子樹山稼穡地身衆生之所依止此善男子亦復如是一切殊妙菩提分法之所依止譬如大寶妙高山王善住堅固无缺無隙此善男子亦復如是善住一切不共佛法由不棄捨諸衆生故名爲无缺一切善根皆善施與諸衆生故名爲无隙譬如虛空一切衆生皆所受用此善

男子亦復如是一切衆生皆所受用
此善男子成如是等无量無邊諸功
德法時諸大衆聞說地藏菩薩摩訶
薩成就无量稱讚功德皆獲希奇得
未曾有尊重恭敬皆大歡喜至心諦
觀地藏菩薩目不暫捨今時世尊重
顯此義而說頌曰

地藏真大士 具杜多功德 現聲聞色相
來稽首大師 施諸衆生樂 救脫三有苦
雨无量種雨 為供養大師 天帝无垢生
觀察四方已 合掌恭敬住 讚請於大師
我見世尊衆 末尼寶光明 遍照諸佛國
无不皆明了 六通照世間 今當來至此
勇猛名地藏 現出家威儀 七聖財伏藏
无畏佛音聲 諸菩薩勝幢 衆生之導首
解脫寶所依 福海具精進 悲意樂聰敏
救苦諸有情 與怖者為城 如明月示道
生善根如地 破惑如金剛 能施解脫寶
如水漂衆惑 煩惱熱為蓋 愈疾如良醫
一日稱地藏 功德大名聞 勝俱胝劫中
稱餘智者德 能解諸衆生 一切煩惱縛
至健行定等 諸定之彼岸 十二緣清淨
諸智如虛空 破无邊佛土 諸有情暗聚

隨諸上入定 四靜慮等流 普令諸有情
入定除惑熱 衆生宿惡業 刀兵病飢饉
隨所在惱害 皆能令解脫 衆生五趣身
諸苦所逼切 歸敬地藏者 有苦患皆除
衆生乘苦輪 展轉相違害 歸敬地藏者
皆住忍慈心 十二緣所怖 追求苦所依
歸敬地藏者 皆安住无畏 若樂修諸福
正念戒聞慧 歸敬地藏者 所求皆滿足
樂一一功德 工巧樂種子 歸敬地藏者
所求皆滿足 求諸穀藥田 男女衣僕使
歸敬地藏者 所求皆滿足 衆德具相應
能任持大地 因茲諸穀藥 潤澤而細軟
諸煩惱所覆 樂行十惡業 歸敬地藏者
煩惱患皆除 現作種種身 為衆生說法
具足施功德 悲愍諸衆生 假使百劫中
讚說其功德 猶尚不能盡 故皆當供養
大乘大集地藏十輪經卷第一

唐子藏高麗國大慈都監表

勅寫

大乘大集地藏十輪經卷第二

得云
陶

三藏法師玄奘奉

詔譯

十輪品第二

尔時地藏菩薩摩訶薩從座而起整理衣服頂礼佛足偏袒一肩右膝著地合掌恭敬而白佛言

我今問世尊 无量功德海 唯願賜開許 為解釋除疑

世尊告曰汝真善士於一切法智見無尋為欲饒益他有情故請問如來隨汝意問吾當為汝分別解說令汝心喜於是地藏菩薩摩訶薩以頌問曰
我曾十三劫 已勤修苦行 為一切有情 除三灾五濁 多俱脰佛所 已設无邊供 曾見大集會 清信眾和合 聰哲勤精進 皆來同會集 未曾見如是 无諸雜穢眾 云何此佛國 穢惡損淨善 智者皆遠離 惡行者同居 多造无間罪 誹謗於正法 毀聖起惡見 妄說斷常論 具造十惡業 不畏後世苦 多遠離三乘 臭穢向惡趣 无明蔽其目 貪嫉多姦矯 云何轉佛輪 度此眾生類 云何破相續 如金剛煩惱

云何得惣持 果能如是忍 今我見導師
大集甚希有 未曾見餘處 具如是衆德
具杜多功德 勤修甚提道 云何處愚衆
能開示佛輪

世尊告曰善哉善哉善男子汝於過
去殞伽沙等諸佛世界五濁惡時已
曾請問殞伽沙等諸佛世尊如是法
義汝於如是所問法義已作劬勞已
善通達已到圓滿衆行彼岸已得善
巧方便妙智今為成熟一切有情令
得利益安樂事故為令一切菩薩摩
訶薩善巧方便聖行伏藏施等六種
波羅蜜多成熟一切有情勝行一切
智智功德大海速圓滿故為轉一切
刹帝利王諸暴惡行使不墮落三惡
趣故為令此土三寶種姓威德熾盛
久住世故復問如來如是法義諦聽
諦聽善思念之吾當為汝分別解說
唯然世尊願樂欲聞尔時佛告地藏
菩薩摩訶薩言善男子如來由本願
力成就十種佛輪居此佛土五濁惡
世一切有情退沒一切白淨善法匱
乏所有七聖財寶遠離一切聰敏智

者斷常羅網之所覆蔽常好乘馭諸
惡趣車於後世苦不見怖畏常處遍
重无明黑闇具足十種不善業道造
五無間誹謗正法毀世賢聖離諸善
法具諸惡法我住如是雜惡土中得
安隱住得无驚恐得無所畏自稱我
處大仙尊位轉於佛輪降諸天魔外
道邪論摧滅一切諸衆生類猶如金
剛堅固煩惱隨其所樂安置一切有
力衆生令住三乘不退轉位

善男子譬如有國時虛君位其中所
有一切人民自軍他軍更相侵害憂
愁擾亂人衆不安有无量種鬪訟違
諍互相欺凌諂言妄語麤惡乖離誣
訕矯亂種種疾病盲瞖昏闇寒熱瘡
疾溫氣疫癘癰疽乾枯飲食不消其
心狂亂諸根不具支體缺減乏少種
種衣食資具一切所有皆不可樂諸
有情類歸依種種外道邪神惡見惡
心及惡意樂皆悉熾盛迷失正道臨
墮惡趣時彼國中有諸耆舊聰明多
智博學平恕威嚴整肅相與謀議運
諸籌策即便召集國邑人民共所薦

推取一王子先具多種布施調伏寂靜尸羅精進勇猛難行苦行一切備滿具諸殊勝福德之相諸根圓滿支體無缺身形長大相好端嚴成就最勝美妙容色常為一切尊重恭敬率土人民无不親愛稟性淳質常懷慈悲博學多才備諸伎藝柔和忍辱莊嚴其心是大后妃所生嫡子以諸妙香熏清淨水調和冷暖沐浴其身著於種種上妙香熏衆寶莊嚴鮮淨衣服末尼珠寶置在髻中金寶花鬘冠飾其首素練輕縵束於腰際又以種種末尼真珠金銀等寶共所合成珎璫瓔珞環玊印等衆妙寶飾莊嚴其身織成寶履下承其足衆寶傘蓋上覆其頂安置古昔一切天仙所護持座趣入一切天帝同許共所護持善巧營構殊妙大殿登自先王所昇尊座紹王位已扣擊一切天帝龍帝藥叉神帝阿素洛帝鳩畔荼帝各所護持廣大鍾鼓其聲振響周遍國界刹帝利等四大種姓无量人衆沐浴其身著淨衣服執持種種妙寶繒綵傘

蓋幢幡末尾真珠金銀螺貝璧玉珊瑚
玳瑁琉璃等生色可染无量珍奇奉
獻新王以呈嘉瑞貴族淨行博學多
才諸婆羅門以无量種種微妙讚頌歌
詠帝德種種善事呪願於王以諸吉
祥散灑王頂先王所重宿望貴族博
學多藝性直賢明隨其所應授以種
種職位官僚理諸王事先於國境自
軍他軍更相侵害今皆令息亦令一
切怨敵惡友能為害者皆悉殲滅損
除自國一切黑品增益自國一切白
品善男子剎帝利種灌頂大王成就
如是第一王輪由此輪故於自國土
得安樂住能伏一切怨敵惡友善守
護身令增壽命善男子如是雜染五
濁惡世索訶佛土空无佛時其中所
有一切衆生為自心中隨眠纏垢自
軍他軍惱害侵逼愁憂擾亂愚冥不
安起无量種種執著斷常聞訟違諍平
相輕蔑起貪瞋癡誑誑言等具足十
種不善業道執著有情紛擾世界成
就種種煩惱疾病闕正法眼忿恨燒
惱常不思惟真實正法棄正法味譏

毀善行之少所受熹樂滋味常為種種煩惱羅網之所覆蔽歸依六種外道邪師迷失聖道向三惡趣於此土中有諸菩薩摩訶薩已於過去親近供養无量諸佛已入諸佛功德大海已住諸佛本所行道皆共集會來至我所同謂我言汝於過去已修无量布施調伏寂靜尸羅精進勇猛難行苦行一切備滿是諸微妙福慧方便大慈悲等共所莊嚴大功德藏是一切定惣持安忍諸地功德圓滿大海无諂無誑身形長大相好圓滿忍辱柔和端正殊妙不復依他修菩提道一切智海已得圓滿成就取勝美妙容色能為一切聲聞獨覺作大導師亦能安慰一切生死怖畏衆生與作親友大慈悲等無量功德共所莊嚴是羯洛迦孫馱羯諾迦牟尼迦葉波如來等父之真子於此賢劫當得作佛一切菩薩摩訶薩中取為上首以諸功德種種妙香熏奢摩他毗鉢舍那清淨之水而白沐浴著慙愧衣清淨法界為璫中珠冠飾諸佛所行境界

廣大花鬘束以解脫殊妙素練又以種種一切智智无生忍等功德珍寶而自莊嚴慈悲喜捨以為寶履能覆三界三種妙行圓滿聖因以為傘蓋安置古昔諸佛天仙共所護持金剛定座趣入一切聲聞獨覺恭敬護持四種念住坐先諸佛所敷之座證得無上正等菩提一切智位為令一切三寶種姓不斷絕故轉於法輪擊法鍾鼓妙法音聲遍滿三界令諸天龍藥叉羅刹阿素洛揭路荼緊捺洛莫呼洛伽鳩畔荼弥荔多畢舍遮布怛那羯吒布怛那人非人等於四聖諦皆得明解三轉十二行相法輪一切世間所有沙門若婆羅門諸天魔梵人非人等所不能轉為欲利益安樂世間無量天人令得殊勝廣大義利昔所未轉而今轉之善男子我成如是第一佛輪由此輪故如實了知此世他世是處非處得安隱住得无驚恐得无所畏降諸天魔外道邪論轉大梵輪成大梵行我應住此雜染世界五濁惡時處大眾中正師子吼滅

諸有情五无間業廣說乃至諸不善
根摧滅一切諸衆生類堅如金剛相
續煩惱建立一切永盡諸漏解脫妙
果隨其所樂安置一切有力衆生令
住三乘不退轉位

善男子如刹帝利灌頂大王初登王
位受帝職已觀察過去未來現在諸
王法道於其種種王業輪中以善觀察
因果報智隨其所應建立一切輔臣
僚佐普及國邑愚智人民三種業輪
由此業輪率土衆生長夜受用所有
種種適意資具喜樂增長能滅一切
怨敵惡友何等名為三種業輪一者
建立帝王業輪謂善教習軍陣鬪戰
降他兵衆撫育人民二者建立田宅
業輪謂善教習造舍營農令得安隱
飲食充足三者建立財寶業輪謂善
教習工商雜藝令得種種珍玩資財
隨意受用增諸快樂善男子刹帝利
種灌頂大王成就如是第二王輪由
此輪故於自國土得安樂住能伏一
切怨敵惡友善守護身令增壽命
善男子如是如來初成佛果得无上

智觀察過去未來現在諸佛法眼以
善觀察諸業法受因果報智建立一
切所化有情三種業輪由此業輪能
令三寶種姓法眼長夜不滅无上正
法熾盛流通令諸有情長受種種生
天涅槃安隱快樂及令一切外道邪
論不能降伏我正法眼而能如法摧
彼邪論善男子何等名為三種業輪
一者建立修定業輪二者建立習誦
業輪三者建立營福業輪善男子云
何如來修定業輪定有十種何等為
十謂正觀察諸有識身六種境界我
我所執以為其因業為良田无明覆
盖愛為滋潤無有自在依他而立繫
屬衆緣為欲斷滅業煩惱苦三種流
故如是觀察云何業流謂諸有情所
行諸行若此諸行所由无明及愛為
因能生諸有名煩惱流若由煩惱識
為其因衆緣和合名色生起名色為
因衆緣和合六處生起六處為因衆
緣和合觸受後有生老死等次第生
起是名苦流如是三流業為良田无
明為因愛為滋潤而得生長為欲枯

涸業為良田無明為因愛為滋潤三種流故於五取蘊觀為无常及苦無我愚鈍無動如幻如焰如水中月如夢所見空无所有無相无願無所作无生無起无出無像寂靜遠離无所出生於五取蘊如是觀察能順空忍順无相忍順无願忍為欲隨順觀五取蘊復方便修入出息觀即是修習持來去念云何由念如實觀察入息出息謂正觀察數故隨故止故觀故轉故淨故應知此中數能造作二種事業一能為依伏諸尋伺二能取於入出息相隨能造作二種事業一依出離捨諸尋伺二能善取入出息相止能造作二種事業一能示現入出息滅二能安住勝三摩地觀能造作二種事業一能示現入出息盡二能安住心及心法別異觀察轉能造作二種事業一能方便捨諸取蘊二能方便趣入聖地淨能造作二種事業一能捨結二能淨見如是六種方便修習入出息觀便能隨順觀五取蘊所以者何如是入息出息自性名

色取蘊如是入息出息領納名受取
蘊如是入息出息取相名想取蘊如
是入息出息造作名行取蘊如是入
息出息了別名識取蘊如是所說五
種取蘊各各別異互不相似新新非
故无住無積不可言說如是觀察五
種取蘊能除三行若能如是究竟隨
觀三種行盡便能於此諸有識身六
種境界究竟隨觀我我所執於無明
愛因田覆潤一切皆盡如是修習四
種念住皆得圓滿乃至修習八支聖
道皆得圓滿如是乃至修習十八不
共佛法皆得圓滿如是乃至修一切
種無生法忍首楞伽摩三摩地等皆
得圓滿如是修習持來去念入諸靜
慮名住正法勝義有情名為真實修
習靜慮名為真實供養三世諸佛世
尊名一切佛心中之子從佛口生是
法所成是法所化或有菩薩如是修
習漸漸退轉乃至漏盡成阿羅漢具
六神通或有菩薩如是修習漸漸增
長功德圓滿成大菩薩乃至十八不
共佛法一切種智修習圓滿此人下

久當得无上正等菩提善男子我以如是諸業法受因果報智觀察三世諸佛法眼安立有情於此十種修定業輪令其修習善男子是名如來修定業輪善男子云何如來習誦業輪謂諸苾芻或苾芻尼鄔波索迦鄔波斯迦或復淨信諸善男子或善女人善根微薄依世俗諦根機未熟我當安置如有有情令其習誦初夜後夜精勤无怠若諸有情求無上智我當安置純淨大乘令其自讀或教他讀令其自誦或教他誦令其自說或教他說於大乘中令其自習或教他習為令自身及他身中大煩惱衆皆除滅故為令證得無上智故為除一切有情苦故為令趣入無畏城故若諸有情求緣覺乘我當安置諸緣起法令其習誦若諸有情求聲聞乘我當安置百千文頌四阿笈摩百千文頌毗奈耶藏百千文頌阿毗達磨及毗婆沙令其習誦善男子是名如來習誦業輪善男子云何如來營福業輪謂諸有情根機愚鈍未種善根智慧

微劣懈怠失念染著種種受用資具
遠離善友我當安置如有情使營
福業謂令修作佛法僧事及親教師
軌範師事善男子是名如來營福業
輪善男子我成如是第二佛輪由此
輪故以其無上三世業智如實了知
一切有情諸業法受因及果報隨其
所應立三業輪成熟一切所化有情
得安隱住得无驚恐得無所畏摧諸
天魔外道邪論轉大梵輪成大梵行
如實了知衆生因報

善男子如刹帝利灌頂大王成善巧
智觀察一切沙門婆羅門刹帝利
舍戍達羅等種種功德多聞勇健工
巧伎藝若諸衆生富有功德成巧便
智精進勇猛堅固不退種種福德而
自莊嚴此刹帝利灌頂大王隨彼所
應給施珍寶財穀田宅奴婢僕使於
自國土若諸衆生德藝輕微功業少
薄此刹帝利灌頂大王隨彼所應微
加賑恤於自國土若諸衆生功德薄劣
少於精進懈怠怠懶惰忘失正念无慈
悲心不知恩報於後世苦不見怖畏

沒居家泥積諸惡行此刹帝利灌頂
大王隨彼所應種種謫罰或以言教
苦切呵責或奪種種珍寶資財或奪
受用如意產業或罰鞭杖或禁牢獄
或斷支節或斬身首如是无量隨應
謫罰善男子刹帝利種灌頂大王成
就如是第三王輪由此輪故令自國
土增長安樂能伏一切怨敵惡友善
守護身令增壽命善男子如是如來
成就善巧知根機智若諸弟子遠離
福慧巧方便智及以布施調伏寂靜
失念心亂來至我所歸依於我而我
善知彼根意樂隨眠勝解隨其所應
為說治罰毗奈耶法若諸衆生其性
很戾於諸學處不能奉持為令久住
我之聖教多有所作或為制立憶念
治罰或以言教恐怖呵責或暫驅擯
或令折伏歸誠礼拜或不與語不共
同利或如草布或復滅擯我以妙智
知諸有情補特伽羅根機意樂隨眠
勝解如應謫罰為令皆破廣大積聚
無義黑闇枯竭煩惱諸瀑流故令得
生天涅槃樂故為行惡道補特伽羅

得調伏故隨其所應說治罰法觀察
黑說大說老別隨其所應授與治罰
行惡道法我以妙智知諸有情具足
成就增上信敬純淨意樂隨其所應
為說種種善品老別令其修學乃至
令彼一切善根皆得圓滿入無畏城
善男子我成如是第三佛輪由此輪
故知諸有情補特伽羅種種根機意
樂隨眠及與勝解諸業法受隨其所
應利益安樂得安隱住得无驚恐得
無所畏自稱我處大仙尊位轉於佛
輪摧諸天魔外道邪論處大眾中正
師子吼善男子如剎帝利灌頂大王
知自國土有无量有情補特伽羅歸
依種種邪神外道起於邪信及起邪
見學邪禁戒執著修治邪吉凶相具
受種種無利益苦大王知已數數召
集以其先王治國正法開悟示現教
習誠勅令其捨除倒信倒見修學先
王正直舊法令自國土一切有情一
趣一歸一意一欲一切和合同依先
王正法而轉聽受詔命隨順奉行率
土和同作所應作時剎帝利灌頂大

王常與群臣數數集會共味嘉餚受

諸快樂嬉戲遊行不相猜貳咸共疇

咨理諸王務善男子刹帝利種灌頂

大王成就如是第四王輪由此輪故

令自國土增長安樂能伏一切怨敵

惡友善守護身令增壽命善男子如

是如來成就善巧知勝解智見諸世

間種種邪歸邪見邪意樂著邪法行

邪業行由是因緣受无量苦如來見

已數數召集於大眾前以其過去諸

佛世尊三寶種姓因果六種波羅蜜

多瑜伽依因三律儀等諸因果法開

悟示現慶慰誠勅一切衆會令其解

脫諸顛倒見建立正見安置十善正

直舊道共諸有情數數同修法隨法

行方便引攝因果等流為諸有情四

衆和合同修一切殊勝善行便共遊

戲四種念住於三摩地解脫智見諸

道品中歡娛受樂為令聖教久住世

故紹三寶種不斷絕故便共遊戲四

正勤四神足五根五力七等覺支八

聖道支於其種種勝三摩地解脫智

見諸道品中歡娛受樂善男子我成

如是第四佛輪由此輪故知諸有情
補特伽羅種種勝解歸趣意樂諸業
法受隨其所應利益安樂得安隱住
得无驚恐得无所畏自稱我處大仙
尊位轉於佛輪摧諸天魔外道邪論
處大衆由正師子吼

善男子如刹帝利灌頂大王知自國
土或他國土有无量有情補特伽羅
於自財色耽染无厭於他財色貪求
追愛即便安置堅固城郭村坊或邏
國邑王宮廣說乃至舍羅鸚鵡防守
衆具令無損失善男子刹帝利種灌
頂大王成就如是第五王輪由此輪
故令自國土增長安樂能伏一切怨
敵惡友善守護身令增壽命善男子
如是如來成就善巧知諸性智知諸
惡魔及九十五衆邪外道并餘无量
衆魔外道所惑有情於自財色耽染
无厭於他財色貪求追愛於我自身
及我徒衆深生憎嫉為害我故假設
珍饌雜以毒藥闇置火坑偽敷牀座
或推山石或放狂象拔劍追逐散坐
塵穢謗行姪欲毀是不男或謂非人

或言幻化以是諸惡而相誹毀於佛
法僧亦起無量種種誹謗罵詈毀辱
於我近住聲聞弟子嫉妬因緣起諸
毀謗如來知已善守六根依四梵住
具四辯才為諸聲聞宣說法要安立
清淨三解脫門我以如是世出世間
知諸性智如實了知一切衆生種種
無量諸性老別隨其所應為作饒益
善男子我成如是第五佛輪由此輪
故以世出世知諸性智知諸有情補
持伽羅種種無量諸性老別隨其所
應利益安樂得安隱住得无驚恐得
無所畏自稱我處大仙尊位轉於佛
輪摧諸天魔外道邪論處大衆中正
師子吼

善男子如刹帝利灌頂大王安置一
切堅固城郭村坊或邏國邑王宮廣
說乃至舍羅鷄鵲防守具已虜自宮
中與諸眷屬后妃妹女而自圍遶遊
戲五欲種種樂具放恣六根受諸喜
樂善男子刹帝利種灌頂大王成就
如是第六王輪由此輪故令自國土
增長安樂能伏一切怨敵惡友善守

護身令增壽命善男子如是如來與諸菩薩摩訶薩衆及大聲聞安置一切堅固聖教防守之事即便現入寂初靜慮乃至現入第四靜慮現入无边虛空處定廣說乃至現入非想非非想定如是乃至現入一切佛所行定入此定已無量百千俱脰那度多天龍藥叉羅刹健達縛阿素洛揭路荼緊捺洛莫呼洛伽弥荔多畢舍遮布怛那羯吒布怛那等於諸衆生常懷毒惡損害之心無慈无悲於後世苦不見怖畏而彼見我入於一切佛所行定皆於我所生大歡喜起淨信心於三寶中皆生寂勝歡喜淨信尊重恭敬得未曾有於一切惡慙愧發露深心悔過捨願永斷由是因緣一刹那頃无量無數諸煩惱障業障法障皆得銷滅無量無數福慧資糧皆得成滿背離生死趣向涅槃護持如來无上正法善男子我成如是第六佛輪由此輪故如來遊戲靜慮解脫等持等至無量百千微妙深定以淨智隨轉滅諸有情無量煩惱隨其所

應利益安樂得安隱住得无驚恐得
無所畏自稱我處大仙尊位轉於佛
輪摧諸天魔外道邪論處大衆中正
師子吼

善男子如刹帝利灌頂大王與諸群
臣領四兵衆周巡觀察一切自國城
邑聚落山川谿澗園苑田澤陂河池
沿曠野叢林鎮邏等處隨彼所在國
界諸方嶮阻多難不任營理有疑有
怖堪容外境怨敵惡友投竄藏伏此
刹帝利灌頂大王隨其力能方便安
置種種修理堅固防守令彼諸方平
坦無難堪任營理無疑无怖遮其外
境怨敵惡友投竄藏伏安撫自國一
切人民皆離衆苦受諸快樂善男子
刹帝利種灌頂大王成就如是第七
王輪由此輪故令自國土增長安樂
能伏一切怨敵惡友善守護身令增
壽命善男子如是如來以其佛眼如
實了知一切有情補特伽羅有貪有
瞋有癡心等如實了知是諸有情種
種煩惱病行老別如來知已便起無
量精進勇猛方便勢力隨其所宜授

以種種修定妙藥令諸有情精勤修學除煩惱病若諸有情宜修不淨除煩惱病即便授以修不淨藥若諸有情宜修梵住除煩惱病即便授以修梵住藥若諸有情宜修緣起除煩惱病即便授以修緣起藥若諸有情宜修息念除煩惱病即便授以修息念藥若諸有情宜可修於三解脫門除煩惱病即便授以修於三種解脫門藥若諸有情宜修靜慮除煩惱病即便授以修靜慮藥若諸有情宜修无色除煩惱病即便授以修无色藥若諸有情乃至宜修首楞伽摩三摩地除煩惱病即便授以首楞伽摩三摩地藥所以如來授諸有情如是法藥不令一切所化有情為四魔怨之所繫攝不令一切所化有情背人天乘向諸惡趣不令如來無上法眼三寶種姓速疾壞滅由是如來授諸有情如是法藥善男子我成如是第七佛輪由此輪故以其无上遍行行智授諸衆生種種法藥令勤修學除煩惱病得安隱住得元驚恐得無所畏

自稱我處大仙尊位轉於佛輪摧諸
天魔外道邪論處大衆中正師子吼
善男子如刹帝利灌頂大王憶念自
他本昔種姓初生童子嬉戲等事謂
憶自他於如是處初生沐浴懷抱乳
哺按摩支節乃至戲笑或弄灰土或
與侍從種種遨遊或習伎藝或復修
營種種事業或遊他國夙夜栖泊或
奉事王或理王務或為太子或登王
位得大自在受諸快樂廣大名稱遍
諸方維念是事已安立先王所遵正
法撫育一切國土人民守護自國不
侵他境善男子刹帝利種灌頂大王
成就如是第八王輪由此輪故令自
國土增長安樂能伏一切怨敵惡友
善守護身令增壽命善男子如是如
來處大衆會憶念自他宿世所經无
量種事謂憶一生或二或三乃至無
量百千生事成憶成劫或憶壞劫或
憶无量成劫壞劫曾於過去住如是
處如是名字如是種姓如是種類如
是飲食如是領納苦受樂受如是壽
量如是久住如是極於壽量邊際從

彼處沒來生此間復從此沒往生彼處憶念宿世如是等事無量無邊隨諸衆生根性差別建立正法為作饒益善男子我成如是第八佛輪由此輪故利益安樂无量有情得安隱住得无驚恐得無所畏自稱我處大仙尊位轉於佛輪摧諸天魔外道邪論處大衆中正師子吼

善男子如刹帝利灌頂大王隨念觀察自國有情種姓伎藝及諸事業死此生彼因果勝劣差別不同知彼有情生如是家其身勇健或復怯弱於諸伎藝已學未學所有事業善作惡作富貴貧賤端正醜陋如是等類乃至命終或有自業未盡而死或有自業已盡而死或犯王法刑戮而死或有逆相殘害而死或因鞭杖捶楚而死或因囹圄幽繫而死或因習學伎藝而死或因戰陣傷殺而死或因鬪諍毆擊而死或因財寶貪恡而死或因色欲耽湎而死或因忿恨結憤而死或因勞倦頻弊而死或因飢渴乏絕而死或有過死或无過死或者年

死或壯年死或幼年死或作種種善業而死或作種種惡業而死知諸有情行善行者身壞命終當往善趣知諸有情行惡行者身壞命終當往惡趣知是事已復自思惟我當正勤修身善行修語善行修意善行我當施設種種方便修行布施調伏寂靜身壞命終當往善趣勿墮惡趣此刹帝利灌頂大王思惟是已勇猛精進修身語意三種善行常行布施一切所有飲食衣服象馬騎乘卧具醫藥房舍燈明及餘資具奴婢僮僕種種珍財頭目手足乃至身命无所吝惜及離殺生離不與取離欲邪行離虛誑語離廣惡語離離間語離雜穢語離諸貪欲離諸瞋恚離諸邪見由是因緣此刹帝利灌頂大王當獲十種功德勝利何等為十一者具大名稱二者具大財寶三者具妙色相四者具多眷屬五者少病少惱六者朋友眷屬聰慧多聞七者正至正行親近供養八者廣美聲譽流振十方九者大威德天神常隨衛護十者身壞命終

當生天上常居善趣安樂國土善男子刹帝利種灌頂大王成就如是第九王輪由此輪故令自國土增長安樂能伏一切怨敵惡友善守護身令增壽命善男子如是如來如實了知一切有情死生等事謂如實知若諸有情成身惡行成語惡行成意惡行誹謗賢聖具足邪見邪見業因身壞命終墮諸惡趣或生地獄或生傍生或生餓鬼若諸有情成身善行成語善行成意善行不謗賢聖具足正見正見業因身壞命終昇諸善趣或生天上或生人中或盡諸漏如來如是如實知已於彼衆生起大慈悲勇猛精進現三神變令彼衆生歸趣佛法教誡安置成立世間出世間信何等為三一者神通變現二者記說變現三者教誡變現由是三種變現威力勸發有情教誡安置成立世間出世間信令於一切有趣死生皆得解脫善男子我成如是第九佛輪由此輪故利益安樂无量有情得安隱住得無驚恐得無所畏自稱我處大仙尊

位轉於佛輪摧諸天魔外道邪論處
大衆中正師子吼

善男子如刹帝利灌頂大王為除四
洲无量有情種種身病棄捨王位以
諸香湯沐浴身首著鮮淨衣端坐思
惟於諸衆生其心平等慈悲護念為
令解脫一切病故以其種種香花伎
樂及餘供具供養一切大威德天神
今時一切天帝龍帝乃至莫呼洛伽
神帝知是事已各相謂言此刹帝利
灌頂大王具諸功德有大威神應作
輪王統四洲渚我等宜應共往建立
令復王位統四洲渚令諸衆生无病
安樂時諸天帝乃至莫呼洛伽神帝
即便共往立刹帝利灌頂大王轉輪
王位令具七寶統四大洲皆得自在
千子具足勇健端正能摧怨敵跨王
大地亘窮海際謫罰皆停刀杖不舉
咸修正法普受安樂善男子刹帝利
種灌頂大王成就如是第十王輪由
此輪故於四大洲爰及八万四千小
渚安立其中諸有情類十善業道善
守護身今增壽命身壞命終當生天

中受諸妙樂善男子如是如來昔菩薩位知自他身有无量種諸煩惱病以定香水洗浴其身及以諦法大慈大悲灌沐其首著慙愧衣十方一切諸佛世尊以諸靜慮等持精進方便智意慈悲護念咸作是言如是大士是大福慧莊嚴寶器堪容一切三種不護四無所畏如來十力及與十八不共佛法堪得无上一切智智大慈大悲无不具足常欣利樂一切衆生是求佛寶商人導首能救有情生死衆苦能施有情涅槃大樂我等一切諸佛世尊應以誠言與其所願令成如來應正等覺得无上法為大法王我於今時依福慧力勇猛精進於四聖諦如實知已證得无上正等菩提善男子如轉輪王統四大洲皆得自在如是如來於四靜慮四無色定四種梵住四无尋解四聖諦觀四无所畏如來十力及與十八不共佛法一切種智皆得自在如轉輪王具足七寶如是如來成就七種菩提分寶如轉輪王千子具足勇健端正能伏怨

敵如是如來有阿若多憍陳那為家
初蘇跋陀羅蘇刺多為家後諸大聲
聞從佛心生從佛口生從法化生得
佛法分諸漏永盡名為勇健具四梵
生名為端正能伏一切天魔外道異
論怨敵如轉輪王化及八万四千小
渚如是如來於百俱脰南瞻部洲於
百俱脰西瞿陀尼洲於百俱脰東毗
提訶洲於百俱脰北俱盧洲於百俱
脰諸大溟海於百俱脰諸妙高山於
百俱脰四大王天於百俱脰乃至非
想非非想天於百俱脰大輪圍山於
此高廣一佛土中言音施化皆得自
在善男子我成如是第十佛輪由此
輪故如實了知自身他身諸漏永盡
利益安樂无量有情得安隱住得无
驚恐得無所畏自稱我處大仙尊位
轉於佛輪摧諸天魔外道邪論處大
衆中正師子吼

善男子我成如是十種佛輪本願力
故居此佛土五濁惡世一切有情損
減一切白淨善法匱乏所有七聖財
寶遠離一切聰慧智者斷常羅網之

所覆蔽常好乘馭諸惡趣車於後世
苦不見怖畏常處遍重无明黑闇具
十惡業造五無間誹謗正法毀世賢
聖離諸善法具諸惡法我於其中成就
如是佛十輪故得安隱住得无驚恐
得无所畏自稱我處大仙尊位轉於
佛輪降諸天魔外道邪論摧滅一切
諸有情類猶如金剛堅固煩惱隨其
所樂安立一切有力衆生令住三乘
不退轉位尔時會中一切菩薩摩訶
薩衆一切聲聞一切天龍廣說乃至
一切羯吒布怛那衆人非人等皆大
歡喜同唱善哉雨大香雨雨大花雨
雨衆寶雨雨大衣雨一切大地皆悉
震動聞說如是十種佛輪於衆會中
有八十四百千那庾多菩薩摩訶薩
得无生法忍復有无量菩薩摩訶薩
獲得種種諸陀羅尼三摩地忍復有
無量無數有情初發无上正等覺心
得不退轉復有无量無數有情逮得
果證

大乘大集地藏十輪經卷第二

已亥歲高麗國大藏都監奉
勅彫造

大乘大集地藏十輪經卷第三

陶

三藏法師玄奘奉

詔譯

無依行品第三之一

尔時會中有大梵天名曰天藏之殖
善根住第十地具諸菩薩摩訶薩德
即從座起合掌札佛而說頌言

功德藏慧海 我今問所疑 願慧海垂聽
為我除疑滯 我等今渴仰 德藏勝法味
及最上義味 舉眾咸欲聞

佛告天藏大梵天言如來今者恣汝
意問當隨問答令汝心喜大梵天言
唯然世尊以頌問曰

利慧修定者 安住不放逸 為住勝義諦
為依止生死 晝夜於法義 精勤而誦習
為渡煩惱海 為退墮惡趣 勇猛勤營福
為定趣涅槃 為處生死中 退墮於惡趣
聰慧剎帝利 成就十種輪 為沉生死中
為當升佛果 雜染心難伏 諸煩惱所亂
以何淨其心 修定福誦業

尔時世尊告彼天藏大梵天曰善哉
善哉汝善辯才能問斯義汝於此法
已作劬勞汝於諸行已得圓滿汝於

過去殞伽沙等佛世尊所已勤三業
興隆正法紹三寶種今為饒益无量
衆生復問如來如是深義善男子有
大記別法名無依行過去一切諸佛
世尊為欲成熟諸有情故為令厭離
生死法故為令除斷業煩惱故為令
三乘速圓滿故宣說住持此无依行
大記別法現在十方諸佛世尊亦為
成熟諸有情故為令厭離生死法故
為令除斷業煩惱故為令三乘速圓
滿故宣說住持此無依行大記別法
未來一切諸佛世尊亦為成熟諸有
情故為令厭離生死法故為令除斷
業煩惱故為令三乘速圓滿故宣說
住持此无依行大記別法汝於過去
諸如來所已具得聞此無依行大記
別法我於今者亦為成熟諸有情故
為令厭離生死法故為令除斷業煩
惱故為令三乘速圓滿故宣說住持
此无依行大記別法汝應諦聽善思
念之吾當為汝分別解說今時天藏
大梵天言唯然世尊願樂欲聞
佛言大梵有十種无依行法若修定

者隨有一行尚不能成欲界善根設使先成尋還退失况當能成色無色定乃至三乘隨成一乘何等為十一者世有一類雖欲修定而乏資緣經求擾亂二者復有一類雖欲修定而犯尸羅行諸惡行三者復有一類雖欲修定而顛倒見妄執吉凶身心剛強四者復有一類雖欲修定而心掉動不順賢聖諸根輕躁五者復有一類雖欲修定而離間語破亂彼此六者復有一類雖欲修定而廣惡語毀罵賢聖七者復有一類雖欲修定而雜穢語及虛誑語八者復有一類雖欲修定而懷貪嫉於他所得利養恭敬心不歡悅九者復有一類雖欲修定而懷瞋忿於諸有情心常憤恚十者復有一類雖欲修定而懷邪見撥无因果大梵當知是名十種无依行法若修定者隨有一行尚不能成欲界善根設使先成尋還退失况當能成色无色定乃至三乘隨成一乘復次大梵又有十種无依行法若修定者隨有一行終不能成諸三摩地

設使先成尋還退失何等為十一者
樂著事業二者樂著談論三者樂著
睡眠四者樂著營求五者樂著艷色
六者樂著妙聲七者樂著芬香八者
樂著美味九者樂著細觸十者樂著
尋伺大梵當知是名十種无依行法
若修定者隨有一行終不能成諸三
摩地設使先成尋還退失若不能成
諸三摩地雖集所餘諸善法聚而有
是事追求受用信施因緣發起惡心
心所有法於諸國王大臣等所犯諸
過罪或被呵罵或被撻打或被斷截
肢節手足由是因緣或成重病長時
受苦或疾命終於三惡趣隨生一所
乃至或生无間地獄如咀達洛迦阿
邏荼底沙瞿波理迦提婆達多如是
等類退失靜慮乃至墮於无間地獄
受无量種難忍大苦今時世尊告阿
若多憍陳那言吾聽汝等給阿練若
修定苾芻寂上房舍寂上卧具寂上
飲食一切僧事皆應放免所以者何
諸修定者若乏資緣即便發起一切
惡心心所有法不能成就諸三摩地

乃至墮於无間地獄受無量種難忍
大苦修定行者若具資緣諸三摩地
未成能成若先已成終不退失由此
不起一切惡法廣說乃至不善尋伺
怨生天上證得涅槃修定行者若未
成就諸三摩地初夜後夜當捨睡眠
精進修學遠離憒鬧少欲知足无所
顧戀一切貪瞋忿覆憍害憍慢貢高
慳慳嫉妬離間戾惡虛誑雜穢一切
人間嬉戲放逸皆悉遠離如是行者
應受釋梵護世四王轉輪王等讚歎
札拜恭敬承事奉施百千那由多供
况刹帝利婆羅門刹舍或達羅等未
得定者尚應受此讚歎札拜恭敬承
事奉施供養何況已得三摩地者余
時世尊而說頌曰
修定能斷惑 餘業所不能 故修定為尊
智者應供養

今時天藏大梵天言大德世尊於佛
法中而出家者若刹帝利大臣宰相
以鞭杖等捶拷其身或閉牢獄或復
呵罵或解肢節或斷其命為當合余
為不合耶佛告天藏大梵天言善男

子若諸有情於我法中出家乃至剃除鬚髮被片袈裟若持戒若破戒下至无戒一切天人阿素洛等依俗正法猶尚不合以鞭杖等捶拷其身或閉牢獄或復呵罵或解支節或斷其命况依非法何以故除其一切持戒多聞於我法中而出家者若有破戒行諸惡法內懷腐敗如穢蝸螺實非沙門自稱沙門實非梵行自稱梵行恒為種種煩惱所勝敗壞傾覆如是破戒諸惡苾芻猶能示導一切天龍藥叉健達縛阿素洛揭路荼緊捺洛莫呼洛伽人非人等无量功德珍寶伏藏又善男子於我法中而出家者雖破戒行而諸有情觀其形相應生十種殊勝思惟當獲无量功德寶聚何等為十謂我法中而出家者雖破戒行而諸有情或有見已生於念佛慙重信敬殊勝思惟由是因緣終不歸信諸外道師書論徒眾乃至能入離諸怖畏大涅槃城或有見已生念聖戒殊勝思惟由是因緣能離殺生離不與取離欲邪行離虛誑語離飲

諸酒生放逸處乃至能入離諸怖畏
大涅槃城或有見已生念布施殊勝
思惟由是因緣得大財位親近供養
正至正行乃至能入離諸怖畏大涅槃
城或有見已生念忍辱柔和質直
殊勝思惟由是因緣便能遠離離間
麤惡雜穢瞋忿乃至能入離諸怖畏
大涅槃城或有見已生念精勤
修行殊勝思惟由是因緣能捨家法
趣於非家勇猛精進修諸勝行乃至
能入離諸怖畏大涅槃城或有見已
生念遠離諸散亂心靜慮等至殊勝
思惟由是因緣心樂山林阿練若處
晝夜精勤修諸定行乃至能入離諸
怖畏大涅槃城或有見已生念智慧
殊勝思惟由是因緣欣樂聽聞讀誦
正法乃至能入離諸怖畏大涅槃城
或有見已生念宿殖出離善根殊勝
思惟軟語慰問乃至礼足由是因緣
當生尊貴大勢力家无量有情感共
瞻仰乃至能入離諸怖畏大涅槃城
善男子於我法中而出家者雖破戒
行而諸有情觀其形相生此十種殊

勝思惟當獲无量功德寶聚是故一切剎帝利王大臣宰相決定不合以鞭杖等捶拷其身或閉牢獄或復呵罵或解支節或斷其命

復次大梵若有依我而出家者犯戒惡行內懷腐敗如穢蝸螺實非沙門自稱沙門實非梵行自稱梵行恒為種種煩惱所勝敗壞傾覆如是苾芻雖破禁戒行諸惡行而為一切天龍藥叉健達縛阿素洛揭路荼緊捺洛莫呼洛伽人非人等作善知識示導無量功德伏藏如是苾芻雖非法器而剃鬚髮被服袈裟進止威儀同諸賢聖因見彼故無量有情種種善根皆得生長又能開示无量有情善趣生天涅槃正路是故依我而出家者若持戒若破戒下至无戒我尚不許轉輪聖王及餘國王諸大臣等依俗正法以鞭杖等捶拷其身或閉牢獄或復呵罵或解支節或斷其命况依非法大梵如是破戒惡行苾芻雖於我法毗奈耶中名為死尸而有出家戒德餘勢譬如牛虻身命終後雖是

無識傍生死尸而牛有黃而麝有香
能為無量無邊有情作大饒益破戒
苾芻亦復如是雖於我法毗奈耶中
名為死尸而有出家戒德餘勢能為
無量無邊有情作大饒益大梵譬如
賈客入於大海殺彼一類無量衆生
挑取其目與末達那果和合擣莖成
眼寶藥若諸有情盲冥无目乃至胞
胎而生盲者持此寶藥塗彼眼中所
息皆除得明淨目破戒苾芻亦復如
是雖於我法毗奈耶中名為死尸而
有出家威儀形相能令無量無邊有
情暫得見者尚獲清淨智慧法眼况
能為他宣說正法大梵譬如燒香其
質雖壞而氣芬馥熏他令香破戒苾
芻亦復如是由破戒故非良福曰雖恒
晝夜信施所燒身壞命終墮三惡趣
而為無量無邊有情作大饒益謂皆
令得聞於生天涅槃香氣是故大梵
如是破戒惡行苾芻一切白衣皆應
守護恭敬供養我終不許諸在家者
以鞭杖等捶拷其身或閉牢獄或復
呵罵或解支節或斷其命我唯許彼

清淨僧衆於布薩時或自恣時驅擯令出一切給施四方僧物飲食資具不聽受用一切沙門毗奈耶事皆令驅出不得在衆而我不許加其鞭杖繫縛斷命亦時世尊而說頌曰

瞻博迦花雖萎悴 而尚勝彼諸餘花
破戒惡行諸苾芻 猶勝一切外道衆
復次大梵有五无間大罪惡業何等為五一者故思殺父二者故思殺母三者故思殺阿羅漢四者倒見破聲聞僧五者惡心出佛身血如是五種名為无間大罪惡業若人於此五无間中隨造一種不合出家及受具戒若令出家或受具戒師便犯罪彼應驅擯令出我法如是之人以有出家威儀形相我亦不許加其鞭杖或閉牢獄或復呵罵或解支節或斷其命復有四種近五无間大罪惡業根本之罪何等為四一者起不善心殺害獨覺是殺生命大罪惡業根本之罪二者姪阿羅漢苾芻尼僧是欲邪行大罪惡業根本之罪三者侵損所施三寶財物是不與取大罪惡業根本

之罪四者倒見破壞和合僧衆是虛誑語大罪惡業根本之罪若人於此四近无間大罪惡業根本罪中隨犯一種不合出家及受具戒者令出家或受具戒師便得罪彼應驅擯令出我法如是之人以有出家及受具戒威儀形相我亦不許加其鞭杖或閉牢獄或復呵罵或解支節或斷其命如是或有是根本罪非无間罪有無問罪非根本罪有根本罪亦无問罪有非根本罪亦非无間罪何等名為是根本罪亦無問罪謂我法中先已出家受具戒者故思殺他已到究竟見諦人等如是名為是根本罪亦无問罪此於我法毗奈耶中應速驅擯何等名為是根本罪非无間罪謂我法中先已出家受具戒者故思殺害他異生人下至方便與人毒藥墮其胎藏如是名為是根本罪非无間罪此人不應與僧共住諸有給施四方僧物亦不應令於中受用何等名為是无間罪非根本罪謂若有人或受三歸或受五戒或受十戒於五无間

隨造一種如是名為無間罪非根本罪如是之人不合出家及受具戒若令出家或受具戒師便得罪彼應驅擯令出我法何等名為根本罪亦非無間罪謂若有人或受三歸或受五戒於佛法僧而生疑心或歸外道以為師導或執種種若少若多吉凶之相祠祭鬼神若復有人於諸如來所說正法或聲聞乘相應正法或獨覺乘相應正法或是大乘相應正法誹謗遮止自不信受令他戡背障尋他人讀誦書寫下至畱難一頌正法如是名為非根本罪亦非無間而生極重大罪惡業近無間罪如是之人若未懺悔除滅如是大罪惡業不合出家及受具戒若令出家或受具戒師便得罪彼應驅擯令出我法若已出家或受具戒犯如是罪若不懺悔此於我法毗奈耶中應速驅擯所以者何此二種人習行破毀正法眼行習行隱滅正法燈行習行斷絕三寶種行令諸天人習行无義無利苦行墮諸惡趣此二種人自謗正法毀

此賢聖亦令他人誹謗正法毀此賢聖命終當墮元間地獄經劫受苦不可療治

復次大梵或有遮罪無依行法或有性罪無依行法於性罪中或有根本無依行法云何根本無依行法謂若必當行非梵行犯根本罪或以故思殺異生人犯根本罪或復偷盜非三寶物犯根本罪或大妄語犯根本罪若有必當於此四種根本罪中隨犯一種於諸必當所作事業令受折伏一切給施四方僧物皆悉不聽於中受用而亦不合加其鞭杖或閉牢獄或復呵罵或解支節或斷其命如是名為於性罪中根本重罪無依行法何故說名為根本罪謂若有人犯此四法身壞命終墮諸惡趣是諸惡趣根本罪故是故說名為根本罪何故無間及近無間根本罪等說名極重大罪惡業無依行法善男子譬如鐵搏鈎錫搏等擲置空中終無暫住必速墮地造五無間及近無間四根本罪并謗正法疑三寶等二種罪人亦

復如是若人於此十一罪中隨造一種身壞命終無餘間隔定生無間大地獄中受諸劇苦故名極重大罪惡業無依行法犯此極重大罪惡業無依行法補特伽羅於現身中決定不能盡諸煩惱尚不能成諸三摩地況能趣入正性離生彼人命終定生地獄受諸重苦

復次大梵若善男子若善女人以淨信心歸依我法或趣聲聞乘或趣獨覺乘或趣大乘於我法中淨信出家受具足戒於諸學處深心敬重於四根本性罪戒中堅固勇猛精勤守護如是之人常為一切人非人等隨逐擁衛名不虛受人天供養於三乘中隨所欣樂速能趣入成辦究竟是故真實求涅槃者寧捨身命終不毀犯如是四法所以者何諸有情類要由三因得涅槃樂一者依止如來為因二者依我聖教為因三者依我弟子為因諸有情類依此三因精勤修行得涅槃樂若人毀犯如是四法我非彼師彼非弟子若人毀犯如是四法

則為違越我所宣說甚深廣大无常
苦空无我相應利益安樂一切有情
別解脫教若越如是別解脫教則於
一切靜慮等持皆成盲冥不能趣入
為諸煩惱惡業纏縛於三乘法亦為
非器當墮惡趣受諸重苦若善男子
若善女人於我所說別解脫教所制
四種根本重罪清淨无犯我是彼師
彼是弟子隨順我語善住我法一切
所作皆當成滿此人善住尸羅蘊故
名為善住一切善法或名具足住聲
聞乘或名具足住獨覺乘或名具足
住於大乘所以者何若能護持如是
性罪四根本法當知則為建立一切
有漏无漏善法勝因是故護持如是
四法名為一切善法根本如依大地
一切藥穀卉木叢林皆得生長如是
依止極善護持四根本戒一切善法
皆得生長如依大地一切諸山小輪
圍山大輪圍山妙高山王皆得安住
如是依止極善護持四根本戒諸聲
聞乘及獨覺乘无上大乘皆得安住
如依大地求得一切世間美味如是

依止極善護持四根本戒求得一切
念定惣持安忍聖道乃至无上正等
菩提又如大地於淨不淨皆等任持
極善護持四根本戒諸善男子及善
女人亦復如是於其法器及非法器
其心平等不譏不弄不自貢高不率
呵舉能為一切善法生處又如大地
一切有情皆共受用而得存活極善
護持四根本戒諸善男子及善女人
亦復如是於諸如來所說正法生長
第一歡喜淨信於諸有情无差別想
以四攝法平等攝受一切有情皆共
依止受用法樂而自存活

今時尊者優波離聞佛所說從座而
起整理衣服頂礼徧足徧袒一肩右
膝著地合掌恭敬白佛言世尊如佛
所說極善護持四根本戒諸善男子
及善女人於其法器及非法器其心
平等不譏不弄不自貢高不率呵舉
若如是者於未來世有諸苾芻破戒
惡行實非沙門自稱沙門實非梵行
自稱梵行諸苾芻僧於是人等云何
方便呵舉驅擯

佛告尊者優波離言我終不許外道俗人舉苾芻罪我尚不許諸苾芻僧不依於法率尔呵舉破戒苾芻何況驅擯若不依法率尔呵舉破戒苾芻或復驅擯便獲大罪優波離汝今當知有十非法率尔呵舉破戒苾芻便獲大罪諸有智者皆不應受何等為十一者不和僧衆於國王前率尔呵舉破戒苾芻二者不和僧衆梵志衆前率尔呵舉破戒苾芻三者不和僧衆宰官衆前率尔呵舉破戒苾芻四者不和僧衆於諸長者居士衆前率尔呵舉破戒苾芻五者女人衆前率尔呵舉破戒苾芻六者男子衆前率尔呵舉破戒苾芻七者淨人衆前率尔呵舉破戒苾芻八者衆多苾芻苾芻尼前率尔呵舉破戒苾芻九者宿怨嫌前率尔呵舉破戒苾芻十者內懷忿恨率尔呵舉破戒苾芻如是一種名為非法率尔呵舉破戒苾芻便獲大罪設依實事而呵舉者尚不應受況於非實諸有受者亦得大罪復有十種非法呵舉破戒苾芻便獲大

罪諸有智者亦不應受何等為十一
者諸餘外道呵舉苾芻二者不持禁
戒在家白衣呵舉苾芻三者造无間
罪呵舉苾芻四者誹謗正法呵舉苾
芻五者毀此賢聖呵舉苾芻六者癡
狂心亂呵舉苾芻七者痛惱所纏呵
舉苾芻八者四方僧淨人呵舉苾芻九
者守園林人呵舉苾芻十者被罰苾
芻呵舉苾芻如是十種非法呵舉破
戒苾芻便獲大罪設依實事而呵舉
者亦不應受況於非實諸有受者亦
得太罪

復次優波離若有苾芻毀犯禁戒與
僧共住於僧衆中有餘苾芻軌則所
行皆悉具足一切五德元不圓滿應
從坐起整理衣服恭敬頂礼苾芻僧
足便至破戒惡苾芻前求聽舉罪作
如是言長老憶念我今欲舉長老所
犯以實非虛妄應時不非時軟語非
麤獷慈心不瞋恚利益非損減為令
如來法眼法燈久熾盛故長老聽者
我當如法舉長老罪彼若聽者便應
如法如實舉之彼若不聽復應頂礼

上座僧足恭敬白言如是苾芻犯如是事我依五法如實舉之時僧衆中上坐苾芻應審觀察能舉所舉及所犯事虛實輕重依毗奈耶及素怛纁方便檢問慰喻呵責以七種法如應滅除若犯重罪應重治罰若犯中罪應中治罰若犯輕罪應輕治罰令其慙愧懺悔所犯時優波離復白佛言世尊若實有過惡行苾芻恃白衣力或財寶力或多聞力或詞辯力或弟子力以如是等諸勢力故凌拒僧衆上坐苾芻持素怛纁及毗奈耶摩怛理迦者如法教誨皆不承順如是苾芻去何治罰佛言優波離上座苾芻持三藏者應和僧衆遣使告白國王大臣令助威力然後如實依法治罰時優波離復白佛言世尊若彼有過惡行苾芻以財寶力或多聞力或詞辯力或以種種巧方便力令彼國王大臣歡喜皆住破戒非法朋中容縱如是惡苾芻罪不聽如實依法治罰余時僧衆應當去何佛言優波離若彼苾芻行无依行於僧衆中廣重罪

相未彰露者是時僧衆應摧捨置若
彼苾芻行无依行於僧衆中麁重罪
相已彰露者是時僧衆應共和合依
法驅擯令出佛法優波離譬如鷲麥
在麦田中牙莖枝葉與麥相似穢雜
淨麥乃至彼草其穗未出是時農夫
應摧捨置穗既出已是時農夫恐穢
破戒苾芻亦復如是恃白衣等種種
勢力住於僧中威儀形相與僧相似
穢雜清衆乃至善神未相覺發於僧
衆中麁重罪相未彰露者是時僧衆
應摧捨置若諸善神已相覺發於僧
衆中麁重罪相已彰露者是時僧衆
應共和合依法驅擯令出佛法優波
離譬如大海不宿死尸我聲聞僧諸
弟子衆亦復如是不與破戒惡行苾
芻死尸共住時優波離復白佛言世
尊若彼破戒惡行苾芻僧衆和合共
驅擯已彼惡苾芻以財寶力或多聞
力或詞辯力或以種種巧方便力令
彼國王大臣歡喜皆住破戒非法朋
中以威勢力凌逼僧衆還令如是破

戒苾芻與僧共住今時僧衆當復去
何佛言優波離今時僧中有能悔愧
持戒苾芻為護戒故不應瞋罵破戒
苾芻但應告白國王大臣或恐凌逼
而不告白應捨本居別往餘處

大乘大集地藏十輪經卷第三

已亥歲高麗國大藏都監奉

勅彫造

大乘大集地藏十輪經卷第四

四

三藏法師玄奘奉

詔譯

無依行品第三之三

今時地藏菩薩摩訶薩復白佛言大德世尊頗有佛土五濁惡世空无佛時其中衆生煩惱熾盛習諸惡行愚癡狠戾難可化不謂刹帝利旃荼羅宰官旃荼羅居士旃荼羅長者旃荼羅羅沙門旃荼羅婆羅門旃荼羅如是等人善根微少无有信心諂曲愚癡懷聰明慢不見不畏後世苦果離善知識乃至趣向無間地獄如是等人為財利故與諸破戒惡行苾芻相助共為非法朋黨皆定趣向無間地獄若有是處我當住彼以佛世尊如來法王利益安樂一切有情无上微妙甘露法味方便化導令得受行拔濟如是刹帝利旃荼羅乃至婆羅門旃荼羅令不趣向无間地獄

今時佛告地藏菩薩摩訶薩言善男子於未來世此佛土中有諸衆生煩惱熾盛習諸惡行愚癡狠戾難可化

導謂刹帝利旃荼羅宰官旃荼羅居士旃荼羅長者旃荼羅沙門旃荼羅婆羅門旃荼羅如是等人善根微少无有信心諂曲愚癡懷聰明慢離善知識言无真實不能隨順善知識語常行誹謗毀訾罵詈於諸正法猶豫倒見不見不畏後世苦果常樂習近諸惡律儀好行殺生乃至邪見欺誑世間自他俱損是刹帝利旃荼羅乃至婆羅門旃荼羅壞亂我法於我法中而得出家毀破禁戒樂營俗業彼刹帝利乃至婆羅門等恭敬供養貪利求財有言无行傳書送印通信往來商賈販易好習外典種植營農藏貯寶物守護園宅妻妾男女習行符印呪術使鬼占相吉凶合和湯藥療病求財以自活命貪著飲食衣服寶飾勤營俗務毀犯尸羅行諸惡法貝音狗行實非沙門自稱沙門實非梵行自稱梵行彼刹帝利旃荼羅乃至婆羅門旃荼羅愛樂親近恭敬供養聽受言教此破戒者於刹帝利旃荼羅乃至婆羅門旃荼羅亦樂親近恭

敬供養聽受言教若見有人於我法
中得出家已具戒富德精進修行學
無學行乃至證得寂後極果彼刹帝
利旃荼羅乃至婆羅門旃荼羅反生
憎嫉不樂親近恭敬供養聽受言教
善男子譬如有人入寶洲渚棄捨種
種帝青大青金銀真珠紅蓮花色花
琉璃等大價真寶取迦遮珠於未來
世此佛土中有刹帝利旃荼羅乃至
婆羅門旃荼羅亦復如是入我正法
寶洲渚中棄捨種種具戒富德樂勝
義諦具足慙愧學無學人及善異生
精勤修學六到彼岸具諸功德真聖
弟子取諸破戒好行衆惡無慙無愧
言辭麁獷身心憍傲離諸白法無慈
無悲惡行苾芻以為福田恭敬供養
聽受言教如是惡人師及弟子俱定
趣向無間地獄

善男子有十惡輪於未來世此佛土
中有刹帝利旃荼羅宰官旃荼羅居
士旃荼羅長者旃荼羅沙門旃荼羅
婆羅門旃荼羅如是等人於十惡輪
或隨成一或具成就先所修集一切

善根摧壞燒滅皆為灰燼不久便當
肢體廢缺於多日夜結舌不言受諸
苦毒痛切難忍命終定生无間地獄
何等為十如是破戒惡行苾芻有剎
帝利及宰官等忍受惡見謗阿練若
清淨苾芻言諸仁者如是苾芻愚癡
凡猥詐現異相誑惑世間為求飲食
衣服利養恭敬名譽自讚毀他嫉妬
鬪亂貪著名利无有厭足應當擯黜
勿受其言如是苾芻專行妄語離諦
實法於此皆无得道果者亦無離欲
永盡諸漏但為利養恭敬名譽住阿
練若自現有德慎莫供養恭敬承事
如是諂曲非真福田非行道者時剎
帝利旃荼羅乃至婆羅門旃荼羅於
阿練若清淨苾芻不能生實信心希
有之想心无恭敬意懷凌蔑不樂親
近承事供養所有言說皆不聽受輕
毀如是住阿練若清淨苾芻即是輕
毀一切法眼三寶種姓時彼國中有
諸天龍藥叉神等信敬三寶无動壞
者於剎帝利旃荼羅王乃至沙門婆
羅門等旃荼羅人心生瞋忿互相謂

言仁等當觀此刹帝利宰官居士長者沙門婆羅門等旃荼羅人皆悉輕毀一切法眼三寶種姓損減善根由惡友力攝諸罪業當墮惡趣我等從今勿復擁護此刹帝利旃荼羅等并其所居國土城邑作是語已一切天龍藥叉神等皆悉棄捨不復擁護彼刹帝利旃荼羅等并彼所居國土城邑於彼國土一切法器真實福田皆出其國設有住者亦生捨心不復護念由諸天龍藥叉神等及諸法器真實福田於刹帝利旃荼羅等并彼所居國土城邑皆捨守護不護念已時彼國土自軍他軍競起侵凌更相殘害疾疫飢饉因此復興彼刹帝利旃荼羅王乃至沙門婆羅門等旃荼羅人一切國民皆无歡樂先所愛樂今悉別離朋友眷屬更相瞋恨潛謀猜貳無慈无悲嫉妬慳貪衆惡皆起所謂殺生乃至邪見無慙无愧食用一切宰堵波物及僧祇物曾無悔心彼刹帝利旃荼羅王憎嫉忠賢愛樂諂佞令已官庶互相侵凌憤恚結怨興

諸鬪諍其餘隣國交陣戰時軍士離
心无不退敗彼刹帝利旃荼羅王宰
官居士長者沙門婆羅門等旃荼羅
人不久便當支體廢缺於多日夜結
舌不言受諸苦毒痛切難忍命終定
生无間地獄

復次善男子有刹帝利旃荼羅王宰
官居士長者沙門婆羅門等旃荼羅
人隨惡友行善根微少諂曲愚癡懷
聰明慢於三寶所无淳淨心不見不
畏後世苦果此有一類於聲聞乘得
微少信實是愚癡自謂聰敏於我所
說緣覺乘法及大乘法毀訾誹謗不
聽衆生受持讀誦下至一頌復有一
類於緣覺乘得微少信實是愚癡自
謂聰敏於我所說聲聞乘法及大乗
法毀訾誹謗不聽衆生受持讀誦下
至一頌復有一類於大乘法得微少
信實是愚癡自謂聰敏於我所說聲
聞乘法緣覺乘法毀訾誹謗不聽衆
生受持讀誦下至一頌如是等人名
為毀謗佛正法者亦為違逆三世諸
佛破三世佛一切法藏焚燒斷滅皆

為灰燼斷壞一切八支聖道摧壞无量衆生法眼若刹帝利旃荼羅王乃至沙門婆羅門等旃荼羅人於佛所說聲聞乘法緣覺乘法及大乘法障尋覆藏令其隱沒乃至一頌當知是人名不恭敬一切法眼三寶種姓由是因緣令護國土一切天龍藥叉神等信敬三寶无動壞者於刹帝利旃荼羅王乃至沙門婆羅門等旃荼羅人心生瞋忿廣說乃至彼刹帝利旃荼羅王宰官居士長者沙門婆羅門等旃荼羅人不久便當支體廢缺於多日夜結舌不言受諸苦毒痛切難忍命終定生无間大獄

復次善男子有刹帝利旃荼羅王宰官居士長者沙門婆羅門等旃荼羅人隨逐破戒惡苾芻行廣說乃至於彼國中有諸法器真實福田於刹帝利旃荼羅等皆住捨心而不護念雖居其國而依法住常不憙樂俗間居止亦不數數往施主家設令暫往而護語言縱有語言曾无虛誑終不對彼在家人前譏毀輕弄諸破戒者於

諸破戒惡行苾芻終不輕然輒相檢問亦不現相故顯其非常近福田遠諸破戒而彼破戒惡行苾芻於此持戒真善行者反生瞋恨輕毀侵凌於刹帝利旃荼羅王乃至沙門婆羅門等旃荼羅人在家男女大小等前種種誦曲虛妄談論毀訾誹謗此持戒者今刹帝利旃荼羅王乃至沙門婆羅門等旃荼羅人於我弟子少欲知足持戒多聞具妙辯才諸苾芻所心生瞋恨種種麤言呵罵逼切令心憂惱身不安泰或奪衣鉢諸資身具令其匱乏或奪所施四方僧物不聽受用或閉牢獄枷鎖拷楚或解支節或斬身首善男子當觀如是諸刹帝利旃荼羅王乃至沙門婆羅門等旃荼羅人親近破戒惡行苾芻造作如是種種大罪乃至當墮无間地獄若諸衆生作五無間或犯重戒或近无間性罪速罪猶輕如是諸刹帝利旃荼羅王乃至沙門婆羅門等旃荼羅人親近破戒越法重罪善男子如是破戒惡行苾芻雖作如是越法重罪而

依我法剃除鬚髮被服袈裟進止威儀同諸賢聖我尚不許國王大臣諸在家者依俗正法以鞭杖等捶拷其身或閉牢獄或復呵罵或解支節或斷其命况依非法國王大臣諸在家者若作此事便獲大罪決定當生無間地獄於諸破戒惡行苾芻猶尚不應如是謫罰何况持戒真善行者善男子若有苾芻於諸根本性重罪中隨犯一罪雖名破戒惡行苾芻而於親教和合僧中所得律儀猶不斷絕乃至棄捨所學尸羅猶有白法香氣隨逐國王大臣諸在家者无有律儀不應輕慢及加謫罰如是苾芻雖非法器退失聖法穢雜清衆破壞一切沙門法事不得受用四方僧物而於親教和合僧中所得律儀不棄捨故猶勝一切在家白衣犯性罪者尚應如是况犯其餘諸小遮罪是故不許國王大臣諸在家者輕慢謫罰所以者何善男子乃往過去有迦奢國王名梵授勅旃荼羅有大家王名青蓮目六牙具足住雪山邊汝可往彼拔

取牙來若不得者汝等五人定无活
義時旃荼羅為護身命執持弓箭被
赤袈裟詐現沙門威儀形相往雪山
邊至象王所時彼母象遙見人來執
持弓箭驚怖馳走詣象王所自言大
天今見有人張弓捻箭徐行視覘來
趣我等將非我等命欲盡耶象王聞
已舉目便見剝除鬚髮著袈裟人即
為母象而說頌曰
被殘伽沙等 諸佛法幢相 觀此離諸惡
必不害衆生

時彼母象以頌答曰

雖知被法服 而執持弓箭 是惡旃荼羅
樂惡无悲愍

時大象王復說頌曰

見袈裟一相 知是慈悲本 此必歸佛者
愍念諸衆生 汝勿懷疑慮 宜應速攝心
被此法衣人 欲渡生死海

時旃荼羅即以毒箭彎弓審射中象
王心母象見之舉聲啼响悲哀哽噎
以頌白言

被此法衣人 宜應定歸佛 威儀雖寂靜
而懷毒惡心 應速蹋彼身 令其命根斷

滅此怨今盡以射天身故

時大象王以頌答曰

寧速捨身命不應生惡心 彼雖懷詐心
猶似佛弟子 智者非為命 而壞清淨心
為度諸有情 常習菩提行

時大象王心生悲愍徐問人曰汝何
所須彼人答曰欲須汝牙象三歡喜
即自拔牙施旃荼羅而說頌曰

我以白牙今施汝 無忿元恨無貪惜
願此施福當成佛 滅諸衆生煩惱病

善男子當觀如是過去象王雖受无
暇傍生趣身為求阿耨多羅三藐三
菩提故而能棄捨身命无恡恭敬尊
重耆耆衆人雖彼為怨而不加報然
未來世有刹帝利旃荼羅王宰官居
士長者沙門婆羅門等旃荼羅人實
是愚癡懷聰明慢詖曲虛詐欺誑世
間不見不畏後世苦果於歸我法而
出家者若是法器若非法器諸弟子
所惱亂呵罵或以鞭杖楚撻其身或
閉牢獄乃至斷命此於一切過去未
來現在諸佛犯諸大罪決定當趣无
間地獄斷滅善根焚燒相續一切智

者之所遠離彼既造作如是重罪復懷傲慢誑惑世間自稱我等亦求无上正等菩提我是大乘當得作佛譬如有人自挑其目盲无所見而欲導他登上大山終无是處於未來世有刹帝利旃荼羅王宰官居士長者沙門婆羅門等旃荼羅人亦復如是於歸我法而出家者若是法器若非法器諸弟子所惱亂呵罵或以鞭杖楚撻其身或閉牢獄乃至斷命此於一切過去未來現在諸佛犯諸大罪斷滅善根焚燒相續一切智者之所遠離決定當趣无間地獄彼既造作如是重罪復懷傲慢誑惑世間自稱我等亦求无上正等菩提我是大乘當得作佛彼由惱亂出家人故下賤人身尚難可得况當能證二乘菩提无上大乘於其絕分

又善男子過去有國名般遮羅王号勝軍統領彼國時彼有一大丘壙所名竭藍婆甚可怖畏藥叉羅刹多住其中若有入者心驚毛豎時國有人罪應合死王勅典獄縛其五處送竭

藍婆大丘壙所令諸惡鬼令噉其身
罪人聞已為護命故即剃鬚髮求覓
袈裟遇得一片自繫其頸時典獄者
如王所勅縛其五處送丘壙中諸人
還已至於夜分有大羅刹母名刀劍
眼與五千眷屬來入塚間罪人遙見
身心驚悚時羅刹母見有此人被縛
五處剃除鬚髮片赤袈裟繫其頸下
即便右遶尊重頂礼合掌恭敬而說
頌言

人可自安慰 我終不害汝 見剃髮染衣
令我憶念佛

時羅刹子白其母曰

母我為飢渴 甚逼切身心 願聽食此人
息苦身心樂

時羅刹母便告子言

被斃伽沙佛 解脫幢相衣 於此起惡心
定墮無間獄

時羅刹子與諸眷屬右繞此人尊重
頂礼合掌恭敬而說頌曰

懺悔染衣人 我寧於父母 造身語意惡
於汝終无害

今時復有大羅刹母名驢騾齒亦有

五千眷屬圍繞來入塚間時羅刹母亦見此人被縛五處剃除鬚髮片赤袈裟繫其頸下即便右繞尊重頂礼合掌恭敬而說頌言

人於我勿怖 汝頸所繫服 是仙幢相衣 我頂礼供養

時羅刹子白其母曰

人血肉甘美 願母聽我食 增長身心力 勇猛无所畏

時羅刹母便告子言

人天等妙樂 由恭敬出家 故供養染衣 當獲無量樂

時羅刹子與諸眷屬右繞此人尊重頂礼合掌恭敬而說頌曰

我今恭敬礼 剃髮染衣人 願常於未來 見佛深生信

今時復有大羅刹母名曄曄髮亦有五千眷屬圍繞來入塚間時羅刹母亦見此人被縛五處剃除鬚髮片赤袈裟繫其頸下即便右繞尊重頂礼合掌恭敬而說頌言

大仙幢相衣 智者應讚奉 若能修供養 必斷諸有縛

時羅刹子白其母曰

此人身血肉國王之所賴願聽我飲取
得力承事母

時羅刹母便告子言

如是染衣人非汝所應食於此起惡者
當成大苦器

時羅刹子與諸眷屬右遶此人尊重
頂礼合掌恭敬而說頌曰

汝是大仙種堪為良福田故我修供養
願絕諸有縛

今時復有大羅刹母名刀劍口亦有
五千眷屬圍遶來入塚間時羅刹母
亦見此人被縛五處剗除鬚髮片赤
袈裟繫其頸下即便右遶尊重頂礼
合掌恭敬而說頌言

汝今被法衣必趣涅槃樂故我不害汝
恐諸佛所呵

時羅刹子白其母曰

我常吸精氣飲取人血肉願聽食此人
令色力充盛

時羅刹母便告子言

若害著袈裟剗除鬚髮者必墮无間獄
久受大苦器

時羅刹子與諸眷屬右遶此人尊重頂礼合掌恭敬而說頌曰

我等怖地獄 故不害汝命 當解放汝身 願脫地獄苦

時諸羅刹母子眷屬同起慈心解此人縛懺謝慰喻歡喜放還此人清旦疾至王所以如上事具白於王時勝軍王及諸眷屬聞之驚躍歎未曾有即立條制頒告國人自今已後於我國中有佛弟子若持戒若破戒下至无戒但剃鬚髮被服袈裟諸有侵凌或加害者當以死罪而刑罰之由此因緣衆人慕德漸漸歸化王贈部洲皆共誠心歸敬三寶善男子當觀如是過去羅刹雖受无暇餓鬼趣身吸人精氣飲取血肉惡心熾盛无有慈悲而見无戒剃除鬚髮以片袈裟掛其頸者即便右遶尊重頂礼恭敬讚頌无損害心然未來世有刹帝利旃荼羅王宰官居士長者沙門婆羅門等旃荼羅人心懷毒惡无有慈愍造罪過於藥叉羅刹愚癡傲慢斷滅善根於歸我法而出家者若是法若若

非法器剝除鬚髮被服袈裟諸弟子
所不生恭敬惱亂呵罵或以鞭杖楚
撻其身或閉牢獄乃至斷命此於一
切過去未來現在諸佛犯諸大罪斷
滅善根焚燒相續一切智者之所遠
離決定當生無間地獄又善男子昔
有國王名超福德有人犯過罪應合
死王性仁慈不欲斷命有一大臣多
諸智策前白王曰願勿為憂終不令
王得殺生罪不付魁臆令殺此人時
彼大臣以己智力將犯罪人付惡醉
象時惡醉象以鼻卷取罪人兩脛
舉上空中盡其勢力欲撲於地忽見
此人裳有赤色謂是袈裟心生淨信
便徐置地懺謝悲號跪伏於前以鼻
拄足深心敬重瞻仰彼人大臣見已
馳還白王王聞喜愕歎未曾有便勅
國人加敬三寶因斯斷殺王贍部洲
善男子當觀如是過去醉象雖受无
暇傍生趣身而敬袈裟不造惡業然
未來世有刹帝利旃荼羅王宰官居
士長者沙門婆羅門等旃荼羅人心
懷毒惡无有慈愍造諸罪業過惡醉

象愚癡傲慢斷滅善根於歸我法而出家者若是法器若非法器剷除驕凌被服袈裟諸弟子所不生恭敬惱亂呵罵或以鞭杖楚撻其身或閉牢獄乃至斷命此於一切過去未來現在諸佛犯諸大罪斷滅善根焚燒相續一切智者之所遠離決定當生無間地獄若刹帝利旃荼羅王乃至沙門婆羅門等旃荼羅人成就如是第三惡輪由此因緣令護國土一切天龍藥叉神等信敬三寶無動壞者於刹帝利旃荼羅王乃至沙門婆羅門等旃荼羅人心生瞋忿廣說乃至彼體廢缺於多日夜結舌不言受諸苦毒痛切難忍命終定生無間地獄復次善男子於未來世此佛土中有刹帝利旃荼羅王宰官居士長者沙門婆羅門等旃荼羅人隨惡友行善根微少廣說乃至不見不畏後世苦果見有所施四方僧物謂諸寺舍或寺舍物或諸園林或園林物或諸莊

日或莊田物或所攝受淨人男女或
所攝受畜生種類或所攝受衣服飲
食或所攝受牀座敷具或所攝受病
緣醫藥或所攝受種種資身應受用
物如是所施四方僧物具戒富德精
進修行學无學行乃至證得軍後極
果清淨苾芻所應受用彼刹帝利旃
荼羅王乃至沙門婆羅門等旃荼羅
人以強勢力侵奪具戒清淨苾芻不
聽受用迴與破戒惡行苾芻經營在
家諸俗業者令共受用或獨受用破
戒苾芻既受得已或共受用或獨受
用或與俗人同共受用由是因緣令
護國土一切天龍藥叉神等信敬三
寶无動壞者於刹帝利旃荼羅王乃
至沙門婆羅門等旃荼羅人心生瞋
忿廣說乃至彼刹帝利旃荼羅王宰
官居士長者沙門婆羅門等旃荼羅
人不久便當支體廢缺於多日夜結
舌不言受諸苦毒痛切難忍命終定
生无間地獄

復次善男子於未來世此佛土中有
刹帝利旃荼羅王宰官居士長者沙

門婆羅門等旃荼羅人隨惡友行善
根微少廣說乃至不見不畏後世苦
果見依我法而出家者聰敏多聞語
甚圓滿或能傳通聲聞乘法或能傳
通獨覺乘法或能傳通無上乘法令
廣流布利樂有情彼於如是說法師
所呵罵毀辱誹謗輕弄欺誑逼迫惱
亂法師障導正法由是因緣今護國
土一切天龍藥叉神等信敬三寶無
動壞者於刹帝利旃荼羅王乃至沙
門婆羅門等旃荼羅人心生瞋忿廣
說乃至彼刹帝利旃荼羅王宰官居
士長者沙門婆羅門等旃荼羅人不
久便當支體廢缺於多日夜結舌不
言受諸苦毒痛切難忍命終定生無
間地獄

復次善男子於未來世此佛土中有
刹帝利旃荼羅王宰官居士長者沙
門婆羅門等旃荼羅人隨惡友行善
根微少廣說乃至不見不畏後世苦
果見有所施四方僧物寺舍莊田人
畜財寶花樹果樹漆樹蔭樹香藥樹
等及餘資身種種雜物我諸弟子具

戒屬德精進修行學无學行乃至證
得寂後極果清淨苾芻所應受用彼
刹帝利旃荼羅王乃至沙門婆羅門
等旃荼羅人以強勢力或自逼奪或
教人奪或為自用或為他用由是因
緣令護國土一切天龍藥叉神等信
敬三寶无動壞者於刹帝利旃荼羅
王乃至沙門婆羅門等旃荼羅人心
生瞋忿廣說乃至彼刹帝利旃荼羅
王宰官居士長者沙門婆羅門等旃
荼羅人不久便當支體廢缺於多日
夜結舌不言受諸苦毒痛切難忍命
終定生無間地獄

復次善男子於未來世此佛土中有
刹帝利旃荼羅王宰官居士長者沙
門婆羅門等旃荼羅人善根微少无
有信心諂曲愚癡懷聰明慢言無真
實遠離善友隨惡友行於諸聖法心
懷猶豫不見不畏後世苦果常樂習
近諸惡律儀好行殺生乃至邪見而
懷傲慢誑惑世間自稱我是住律儀
者彼刹帝利旃荼羅王乃至沙門婆
羅門等旃荼羅人種種方便毀滅我

法於歸我法而出家者數數瞋念呵罵毀辱拷楚禁閉割截支節乃至斷命我所說法不肯信受壞寧堵波及諸寺舍驅逼苾芻退令還俗障導剃髮被服袈裟種種驅使同諸僕庶由是因緣令護國土一切天龍藥叉神等信敬三寶元動壞者於刹帝利旃荼羅王乃至沙門婆羅門等旃荼羅人心生瞋忿廣說乃至彼刹帝利旃荼羅王宰官居士長者沙門婆羅門等旃荼羅人不久便當支體廢缺於多日夜結舌不言受諸苦毒痛切難忍命終定生無間地獄

善男子若刹帝利旃荼羅王宰官居士長者沙門婆羅門等旃荼羅人於上所說十種惡輪或隨成一或具成就先所修集一切善根摧壞燒滅皆為灰燼不久便當支體廢缺於多日夜結舌不言受諸苦毒痛切難忍命終定生無間地獄此刹帝利旃荼羅王宰官居士長者沙門婆羅門等旃荼羅人於當來世下賤人身尚難可得況當能證二乘菩提元上大乘於

其絕分如是惡人大乘名字尚難得聞況當能證无上佛果是人究竟自損損他一切諸佛所不能救

善男子譬如有人壓油為業一一麻粒皆有蟲生以輪壓之油便流出汝當觀此壓麻油人於日夜中殺幾生命假使如是壓麻油人以十具輪相續恒壓於一日夜一一輪中所壓麻油數滿千斛如是相續至滿千年汝觀此人殺幾生命所獲罪業寧為多不地藏菩薩摩訶薩言甚多世尊甚多大德此人所殺无量無邊所獲罪業不可稱計算數譬喻所不能及唯佛能知餘无知者佛言善男子假使有人為財利故置十婬坊一一坊中置十婬女二婬女種種莊嚴誑惑多人恒為欲事如是相續至滿千年此人獲罪不可稱計算數譬喻所不能及如前十輪壓油人罪等一婬坊所獲罪業又善男子假使有人為財利故置十酒坊一一坊中種種嚴飾方便招誘千觥酒人飲興歡娛晝夜无廢如是相續至滿千年此人獲

罪不可稱計筭數譬喻所不能及如
前所說十婬坊罪等一酒坊所獲罪
業又善男子假使有人為財利故置
十屠坊二坊中於一日夜殺害千
生牛羊駝鹿鷄猪等命如是相續至
滿千年此人獲罪不可稱計筭數譬
喻所不能及如前所說十酒坊罪等
一屠坊所獲罪業如前所說十屠坊
罪等刹帝利旃荼羅王乃至沙門婆
羅門等旃荼羅人於前十惡隨成一
輪一日一夜所獲罪業今時世尊而
說頌曰

十塵油輪罪等彼一婬坊 置彼十婬坊
等一酒坊罪 置十酒坊罪 等彼一屠坊
置彼十屠坊 罪等王等一

大乘大集地藏十輪經卷第四

已亥歲高麗國大藏都監表

勅彫造

大乘大集地藏十輪經卷第五

門

三藏法師玄奘奉

詔譯

無依行品第三之三

今時地藏菩薩摩訶薩復白佛言大德世尊若有真善刹帝利真善宰官真善居士真善長者真善沙門真善婆羅門如是等人能自善護亦善護他善護後世善護佛法出家之人若是法器若非法器下至无戒剃除鬚髮被袈裟者普善守護恭敬供養又能善護聲聞乘法緣覺乘法及大乘法恭敬聽聞信受供養於住大乘具戒富德精勤修行乃至住果補特伽羅能善守護助其勢力諮問聽受歡喜談論遠離破戒惡行苾芻於諸所施四方僧物終不令人非法費用勤加守護供四方僧於牢堵波及僧祇物終不自奪不教他奪亦不自用不教他用於能辯說三乘法人恭敬供養加護與力不令他人誹謗毀辱尊重安慰諸出家人信受護持佛所說法終不破壞諸牢堵波亦常護持僧

伽藍舍於剎蹟被服袈裟出家人
所終不毀廢於十惡輪自不染習亦
常勸他離十惡輪具學先王治國正
法紹三寶種常令熾盛恒樂親近諸
善知識慈心撫育一切國人隨其所
宜方便化導令捨邪法修行正法如
是真善刹帝利王乃至真善婆羅門
等得幾所福滅幾所罪佛言善男子
假使有人出現世間具大威力於日
初分積集七寶滿贍部洲奉施諸佛
及弟子衆於日中分亦集七寶滿贍
部洲奉施諸佛及弟子衆於日後分
亦集七寶滿贍部洲奉施諸佛及弟
子衆如是日日相續布施滿百千年
此人福聚寧為多不地藏菩薩摩訶
薩言甚多世尊甚多大德此人福聚
無量元邊不可稱計筭數譬喻所不
能及惟佛能知餘无知者佛言善男
子如是如是如汝所說若有真善刹
帝利王乃至真善婆羅門等於十惡
輪自不染習亦常勸他離十惡輪所
獲福聚過前福聚元量無邊不可稱
計又善男子假使有人出現世間具

大威力為四方僧營建寺宇其量寬廣等四大洲上妙房舍牀敷衣服飲食醫藥資緣充備令諸如來聲聞菩薩大弟子衆止住其中精進修行種種善品若盡若夜无有懈怠經百千俱胝那由多歲供給供養相續不絕此人福聚寧為多不地藏菩薩摩訶薩言甚多世尊甚多大德此人福聚無量无边不可稱計筭數譬喻所不能及惟佛能知餘无知者佛言善男子如是如是如汝所說又善男子假使有人出現世間具大威力為四方僧營建寺宇寬廣量等十四大洲上妙房舍牀敷衣服飲食醫藥資緣充備令諸如來聲聞菩薩大弟子衆止住其中精進修行種種善品若盡若夜无有懈怠經百千俱胝那由多歲供給供養相續不絕此人福聚寧為多不地藏菩薩摩訶薩言甚多世尊甚多大德此人福聚無量无边不可稱計筭數譬喻所不能及惟佛能知餘无知者佛言善男子如是如是如汝所說又善男子假使有人出現

世間具大威力為佛舍利起率堵波
嚴麗高廣量等三千大千世界如前
所說為四方僧造寺福聚類此所說
為佛舍利起率堵波所獲福聚於百
分中不及其一於千分中亦不及一
於百千分亦不及一於俱胝分亦不
及一那庾多分數分算分計分喻分
乃至鄔波尼殺曇分亦不及一又善
男子假使有得波羅密多具八解脫
靜慮等至大阿羅漢遍滿三千大千
世界如稻麻竹筭甘蔗藥林一切皆被
堅縛五處經百千年時有一人出現
於世具大威力樂福德故悉解被縛
諸阿羅漢香湯澡浴奉施衣鉢經百
千年給上房舍牀敷衣服飲食醫藥
種種所須如法資具諸阿羅漢般涅
槃已供養焚燒收取舍利以妙七寶
起率堵波安置其中復以種種寶幢
幡蓋香花伎樂而供養之如前所說
為佛舍利起率堵波所獲福聚類此
所說解阿羅漢供養福聚於百分中
不及其一於千分中亦不及一於百
千分亦不及一於俱胝分亦不及一

那庾多分數分算分計分喻分乃至
鄔波尼然曇分亦不及一善男子若
有真善刹帝利王乃至真善婆羅門
等於十惡輪自不染習亦常勸他離
十惡輪所獲福德過前福聚无量無
邊不可稱計如生福數滅罪亦尔善
男子若有真善刹帝利王及諸真善
宰官居士長者沙門婆羅門等於未
來世後五百歲法欲滅時能善護持
我之法眼能自善護亦善護他善護
後世善護我法出家弟子若是法器
若非法器下至无戒剽除鬚髮被袈
裟者普善守護恭敬供養令无損惱
又能善護三乘正法聽受供養聲聞
法時於獨覺乘及大乘法不生誹謗
於獨覺乘及大乘人亦不憎嫉聽受
供養獨覺法時於聲聞乘及大乘法
不生誹謗於聲聞乘及大乘人亦不
憎嫉聽受供養大乘法時於聲聞乘
獨覺乘法不生誹謗於聲聞乘獨覺
乘人亦不憎嫉於聲聞乘獨覺乘法
不求趣證唯求趣證大乘正法於住
大乘具戒富德精勤修行乃至住果

補特伽羅多數親近承事供養深心
敬重請問聽受遠離破戒惡行苾芻
於諸所施四方僧物終不令人非法
費用勤加守護供四方僧於牢堵波
及僧祇物終不自奪不教他奪亦不
自用不教他用於能辯說三乘法人
恭敬供養加護與力不令他人誹謗
毀辱尊重安慰諸出家人信受護持
如來聖教終不破壞諸牢堵波亦常
護持四方僧寺於我出家諸弟子所
終不毀廢還俗策使於十惡輪自不
染習亦常勸他離十惡輪具學先王
治國正法十善業道攝化世間常當
親近諸善知識紹三寶種常令熾盛
善護法眼令不滅沒如是真善刹帝
利王乃至真善婆羅門等由具如是
諸功德故名不虛受國人俸祿一切
天龍藥叉鬼神乃至羯吒布怛那等
皆生歡喜慈悲擁護一切法器真實
福田亦生歡喜慈悲護念由是因緣
所居國土及諸有情展轉熾盛安隱
豐樂隣國兵戈不能侵害皆敬慕德
自來歸附由此展轉勸修善業枯竭

惡趣增長天人守護身命令得長遠
自滅煩惱亦令他滅住持菩提道六
波羅蜜多破壞一切眾邪惡道於生
死海不久沉淪常離惡友常近善友
生生常遇諸佛菩薩恭敬承事曾无
暫廢不久皆當隨心所樂各各安住
於佛國土證得无上正等菩提今時
眾中一切天帝及諸眷屬乃至一切
畢舍遮帝及諸眷屬從座而起頂礼
佛足合掌恭敬而白佛言大德世尊
於未來世後五百歲於此佛土法欲
滅時若有真善刹帝利王乃至真善
婆羅門等於十惡輪自能遠離亦能
勸他令其遠離善護自他善護後世
護持正法紹三寶種皆令熾盛無有斷
絕以要言之如佛所說如是等人於
三乘法恭敬聽受終不隱藏於三乘
人護持供養不令擾惱於三寶物勤
加守護不令侵損我等眷屬於此真
善刹帝利王乃至真善婆羅門等勤
加擁護令其十法皆得增長何等為
十一者增長壽命二者增長无難三
者增長無病四者增長眷屬五者增

長財寶六者增長資具七者增長自
在八者增長名稱九者增長善友十
者增長智慧大德世尊若彼真善刹
帝利王乃至真善婆羅門等於十惡
輪自能遠離亦能勸他令其遠離具
前所說諸功德者我等擁護定當得
此十法增長復次世尊若有真善刹
帝利王乃至真善婆羅門等成就如
前所說功德我等眷屬勤加擁護令
於十法皆得遠離何等為十一者遠
離一切怨家殺敵二者遠離一切非
愛色聲香味觸境三者遠離一切障
痛疾病四者遠離一切邪執惡見五
者遠離一切邪妄歸依六者遠離一
切邪惡灾恠七者遠離一切邪惡事
業八者遠離一切邪惡知識九者遠
離一切居家淤泥十者遠離一切非
時夭喪大德世尊若彼真善刹帝利
王乃至真善婆羅門等成前所說諸
功德者我等擁護定當得此十法遠
離復次世尊若有真善刹帝利王具
修如前所說功德令圓滿者我等眷
屬勤加擁護令此帝王并諸眷屬及

其國土一切人民令於十法皆得遠離何等為十一者遠離一切他國怨敵二者遠離一切自國怨敵三者遠離一切凶惡鬼神四者遠離一切饑饉亢旱五者遠離一切伏陰滯雨六者遠離一切非時寒熱烈風暴雨霜雹災害七者遠離一切惡星變怪八者遠離一切飢饉荒饉九者遠離一切非時病死十者遠離一切邪執惡見大德世尊若彼真善刹帝利王具修如前所說功德令圓滿者我等眷屬勤加擁護令此帝王并諸眷屬及其國土一切人民定當得此十法遠離今時世尊讚諸天帝及其眷屬乃至一切畢舍遮帝及眷屬言善哉善哉汝等乃能發此誓願此事皆是汝等應作由是因緣當令汝等長夜安樂今時天藏大梵復白佛言世尊唯願聽我為未來世此佛土中一切真善刹帝利王說能護國不退輪心大陀羅尼明呪章句由此護國不退輪心大陀羅尼明呪章句威神力故令未來世此佛土中一切真善刹帝利王

不為一切怨敵惡友之所摧伏能令
一切怨敵惡友自然退散能善護持
身語意業為諸智者常所稱讚離諸
惡法常行善法常離一切邪見邪歸
常於大乘精進修行勇猛堅固常能
成熟元量無數所化有情智不依他
自然善巧具能修行六到彼岸珍寶
伏藏遠離一切忿慍嫉等煩惱纏垢
常為一切人非人等恭敬護念諸有
所為心无忘失不捨有情樂四攝事
常不遠離法器福田佛言天藏吾今
恣汝為未來世此佛土中一切真善
刹帝利王該能護國不退輪心大陀
羅尼明呪章句由此護國不退輪心
大陀羅尼明呪章句威神力故今未
來世此佛土中一切真善刹帝利王
不為一切怨敵惡友之所摧伏廣說
乃至常不遠離一切諸佛及佛弟子
今時天藏大梵即說護國不退輪心
大陀羅尼明呪章句

恒經他

唐言

牟尼冒嚙

牟尼擗膈校

牟尼訖梨遠曳

三

牟尼嚧訶毗折

常列反

餘四 牟尼曷栗制

五

牟尼笈謠

六 束訖

羅博老

七初戒反

鉢邏奢博老

八初戒反

蜜羅博

老

九初戒反

駱刺婆純栗帝

十

姑刺拏純栗

折

十一

鉢

十二

邏

十三

又純栗帝

十四

具具

十五

具

拏蜜隸

十六

吧

十七

筏

十八

又薩隸

十九

遏怒

訶祇履筏

二十

半尼鉢塔

二十一

筏

二十二

沙訶

二十三

唐言善說

天藏大梵說是呪已復白佛言唯願

世尊及諸大眾於我所說大陀羅尼

皆生隨喜世尊告曰善哉善哉一切

大眾亦作是言善哉善哉今時世尊

復告尊者大目犍連及告弥勒菩薩

摩訶薩曰善男子汝等皆應受持如

是天藏大梵所說護國不退輪心大

陀羅尼明呪章句傳授未來此佛土

中一切真善刹帝利王令自受持及

令流布由是因緣彼諸真善刹帝利

王并諸眷屬及國人民一切皆得利

益安樂常轉法輪名稱高遠威德熾

盛摧滅邪見建立正見守護法眼紹

三寶種皆令熾盛无有斷絕成熟无

量無邊有情於大乘中堅固淨信

久住圓滿能具修六波羅蜜多斷一

切障遠到究竟今時世尊重顯此義

而說頌曰

時天藏大梵 請問兩足尊 利根等有情
樂修定誦福 聰慧王成法 為外進沉淪
所修三事中 唯除惑不退 世尊告彼言
若犯無依行 雖覺慧猛利 而趣無間獄
非真聰慧故 樂行十惡輪 斷滅諸善根
速趣於地獄 定能斷煩惱 非聽誦福業
故欲求涅槃 常當修靜慮 有慧勤精進
護持我正法 由敬信架梁 能渡煩惱海
樂處空閑林 速造無間類 敬持戒修定
能渡諸有海 普信敬三乘 興隆我正法
供養染衣者 當成功德海 能伏難調心
不舉苾芻罪 修知足聖種 當成兩足尊
遠離惡苾芻 親近聖行處 不食用僧物
速證大菩提 三界中安樂 皆由三寶生
故求安樂人 常供養三寶 旃荼羅王等
朋黨惡苾芻 於三寶起過 速墮無間獄
十塵油輪罪 等彼一姪坊 置彼十姪坊
等一酒坊罪 置十酒坊罪 等彼一屠坊
置彼十屠坊 罪等王等一 真善國三等
興隆我正法 普供養三乘 當成功德海
七寶滿贍部 奉施佛及僧 彼所獲福聚
不如護佛法 為佛僧造寺 量等十四洲
彼所獲福聚 不如護佛法 造佛室堵波

量等三千界 彼所獲福聚 不如護佛法
解阿羅漢縛 種種修供養 不障我正法
其福勝於彼 千俱胝劫中 智者勤修定
所生勝覺慧 不如護我法 真善國王等
遠離十惡輪 護持我正法 及著袈裟者
不毀謗我說 三乘法及人 普聽聞供養
護持說法者 不損三寶物 不障著袈裟
常敬器非器 福勝无倫匹 如五日並現
大海皆枯竭 如是護我法 能枯竭煩惱
如風災起時 諸山皆散滅 如是護我法
能除滅煩惱 如水災起時 大地皆漂壞
如是護我法 能壞非愛果 如如意寶珠
隨所願皆滿 如是三乘法 能滿衆生願
如遇得賢瓶 除貧獲富樂 如是遇佛法
滅惑證菩提 如十五夜月 明照滿虛空
如是護法人 智慧周法界 如虛空平等
無物亦无相 如是護法人 知諸法一味
如日放光明 恒除世間闇 如是護法者
常普照世間

大乘大集地藏十輪經有依行品第四之一

余時金剛藏菩薩摩訶薩於大衆中
從座而起頂札佛足偏袒一肩右膝
著地合掌恭敬以頌問曰

昔言破戒失淨德

非賢聖器非我子

諸沙門法棄如燼

不應居我清衆中

三垢所汙失滅道

彼不堪消勝供養

於施四方僧衆物

少分我亦不聽受

四根本罪隨犯一

清衆所棄如海尸

云何今說惡苾芻

應忍應悲遮謫罰

復勸應勤供養彼

悲愍勿生微惡心

恭敬聽受所說法

當獲福慧大悲者

六通救世餘經說

汝等皆當信大乘

正直微妙菩提道

應捨二乘解脫路

云何今復說三乘

昔勸聽持修供養

根力覺道沙門果

此經中有餘處无

八支聖道无等倫

三乘皆同行此道

欲求解脫勤精進

各隨所願證菩提

有情中尊當照察

會今昔教使无違

令諸天人菩薩衆

解悟心歡證真實

聞說大乘誰有益

聞說大乘誰有損

十種解脫聲聞乘

聞說誰損誰有益

何人聞法轉昇進

何人聞法翻退沒

云何默患諸有為

能速枯竭於老死

晝夜勤修諸善者

依何妙理御何乘

能渡深廣四瀑流

救世皆當為宣說

今時佛告金剛藏菩薩摩訶薩言善

我善我善男子汝今為欲利益安樂
無量有情為諸天人阿素洛等作大
義利請問如來如是深義汝應諦聽
善思念之吾當為汝分別解說金剛
藏菩薩言唯然世尊願樂欲聞

佛言善男子有十種補特伽羅輪迴
生死難得人身何等為十補特伽羅
一者不種善根二者未修福業三者
雜染相續四者隨惡友行五者不見
不畏後世苦果六者猛利貪欲七者
猛利瞋恚八者猛利愚癡九者其心
迷亂十者守惡邪見如是十種無依
行因令諸衆生犯根本罪毀犯尸羅
墮諸惡趣何等名為十無依行謂我
法中而出家者有加行壞意樂不壞
有意樂壞加行不壞有加行意樂俱
壞有戒壞見不壞有見壞戒不壞有
戒見俱壞有於加行意樂戒見雖皆
不壞而但依止惡友力行作無依行
有雖依止善友力行而復愚鈍猶如
羶羊於諸事業都不分別聞善友說
善不善法不能領受不能記持不能
解了善不善義由是因緣作无依行

有於種種財寶衆具常元厭足追求
因緣其心迷亂作无依行有為衆病
之所逼惱便求種種祠祀呪術由是
因緣作無依行如是十種無依行因
令諸衆生犯根本罪於現法中非賢
聖器毀犯尸羅墮諸惡趣善男子若
有補特伽羅加行壞意樂不壞隨遇
一種無依行因犯根本罪便深怖懼
慙愧棄捨而不數數作諸惡行如來
為益彼故說有汙道沙門所以者何
彼作如是重惡業已即便發露不敢
覆藏慙愧懺悔彼由如是慙愧懺悔
罪得除滅永斷相續不復更作雖於
一切沙門法事皆應擯出一切沙門
所有資具不聽受用而由彼人於三
乘中成法器故如來慈悲或為彼說
聲聞乘法或為彼說緣覺乘法或為
彼說元上乘法彼有是處轉於第二
第三生中發正願力遇善友力一切
所作諸惡業障皆悉銷滅或有證得
聲聞乘果或有證得緣覺乘果而般
涅槃或有悟入廣大甚深元上乘理
如是戒壞見不壞者應知亦尔若有

補特伽羅意樂壞加行不壞如來為
益彼故說求四梵住法彼是聲聞乘
器或是緣覺乘器若有補特伽羅加
行意樂俱壞彼於諸乘皆非法器如
來為益彼故讚說布施若有補特伽
羅見壞戒不壞如來為益彼故說緣
起法令捨惡見於現身中入聲聞法
或緣覺法或於餘身方能悟入若有
補特伽羅戒見俱壞彼於聖法亦不
成器如來為益彼故讚說布施若有
補特伽羅加行意樂戒見不壞而但
依止惡友力行如來為益彼故讚說
十善業道若有補特伽羅雖復依止
善友力行而復愚鈍猶如啞羊不能
領受善不善法如來為益彼故讚說
習誦若為種種貪病所逼有為種種
見趣迷惑如來為益如是等故求解
脫者為其開示能出生死趣聲聞乘
四聖諦法斷見論者為其讚說諸緣
起法常見論者為說三界諸有諸趣
死此生彼如陶家輪往來无絕無常
等法善男子如來无有所說名字言
說音聲空无果者无不皆為成熟有

情是故一切毀謗如來所說正法壞諸有情正法眼罪過諸无間似無間等无量重罪若有於我為欲利樂一切有情所說正法謂依聲聞乘所說正法或依緣覺乘所說正法或依大乘所說正法誹謗遮止障蔽隱沒下至一頌當知是名謗正法者亦名毀滅八聖道者亦名破壞一切有情正法眼者如是之人既自習行大无利行亦令一切有情習行大无利行此人依止無慙愧僧如是毀謗如來正法復次善男子有四種僧何等為四一者勝義僧二者世俗僧三者啞羊僧四者無慙愧僧云何名勝義僧謂佛世尊若諸菩薩摩訶薩眾其德尊高於一切法得自在者若獨勝覺若阿羅漢若不還若一來若預流如是七種補特伽羅勝義僧攝若諸有情帶在家相不剃鬚髮不服袈裟雖不得受一切出家別解脫戒一切羯磨布薩自恣恚皆遮遣而有聖法得聖果故勝義僧攝是名勝義僧云何名世俗僧謂剃鬚髮被服袈裟成就出家

別解脫戒是名世俗僧云何名啞羊僧
謂不了知根本等罪犯與不犯不知
輕重毀犯種種小隨小罪不知發露
懺悔所犯愆惡曾鈍於微小罪不見
不畏不依聰明善士而住不時時間
往詣多聞聰明者所親近承事亦不
數數恭敬請問云何為善云何不善
云何有罪云何无罪修何為妙作何
為惡如是一切補特伽羅啞羊僧攝
是名啞羊僧云何名无慙愧僧謂若
有情為活命故歸依我法而求出家
得出家已於所受持別解脫戒一切
毀犯无慙無愧不見不畏後世苦果
內懷腐敗如穢蝸螺貝音狗行常好
虛言曾无一實慳貪嫉妬愚癡憍慢
離三勝業貪著利養恭敬名譽耽湎
六塵好樂姪洩愛欲色聲香味觸境
如是一切補特伽羅无慙愧僧攝毀謗
正法是名無慙愧僧

善男子勝義僧者於中或有亦是勝
道沙門所攝言勝道者謂若能依八
支聖道自度一切煩惱駛流亦令他
度此復云何謂佛世尊及獨勝覺諸

阿羅漢如是三種補特伽羅已離一切有支眷屬故名勝道復有菩薩摩訶薩衆不假他緣於一切法智見无障攝受利樂一切有情亦名勝道沙門所攝其勝義僧及世俗僧於中或有亦是亦道沙門所攝若有成就別解脫戒真善異生乃至具足世間正見彼由記說變現力故能廣為他宣說開示諸聖道法當知如是補特伽羅名取下劣示道沙門證預流果補特伽羅是名第二證一來果補特伽羅是名第三證不還果補特伽羅是名第四復有菩薩摩訶薩衆是名第五謂住初地至第十地乃至安住寂後有身此皆示道沙門所攝若有成就別解脫戒軌則所行清淨具足此皆命道沙門所攝以道活命故名命道復有菩薩摩訶薩衆為欲攝受利益安樂一切有情具足修行六到彼岸亦名命道如是勝道示道命道三種沙門名為世間真實福田所餘沙門名為汙道雖非真實亦得墮在福田數中若有依止无慙愧僧補特伽羅

於我正法毗奈耶中名為死尸於清
衆海應當擯棄非法器故我於彼人
不稱大師彼人於我亦非弟子有无
慙僧不成法器稱我為師於我舍利
及我形像深生敬信於我法僧聖所
愛戒亦深敬信既不自執諸惡邪見
亦不令他執惡邪見能廣為他宣說
我法稱揚讚歎不生毀謗常發正願
隨所犯罪數數厭捨發露懺悔衆多
業障皆能除滅當知如是補特伽羅
信敬三寶聖戒力故勝九十五諸外
道衆多百千倍非速能入般涅槃城
轉輪聖王尚不能及況餘雜類一切
有情以是義故如來觀察一切有情
諸業法受老別相已作如是說於我
法中剃除鬚髮被袈裟者我終不聽
剎帝利等毀辱謫罰若有毀辱謫罰
一切出家之人所獲罪報如前廣說
又依我法捨俗出家剃除鬚髮被赤
袈裟即為一切過去未來現在諸佛
慈悲護念威儀形相所服袈裟亦為
過去未來現在諸佛世尊慈悲守護
是故輕毀剃除鬚髮被赤袈裟出家

人者即是輕毀一切過去未來現在
諸佛世尊由是因緣諸有智慧厭怖
衆苦欣求人天涅槃樂者不應輕毀
捨俗出家剃除鬚髮被袈裟者有无
慙僧毀破禁戒不成三乘賢聖法器
既自堅執諸惡邪見亦能令他執惡
邪見謂為真善刹帝利真善婆羅門
真善宰官真善居士真善沙門真善
長者真善茂舍真善戍達羅若男若
女說諸世間无父無母乃至无有善
業惡業所得果報无有能得聖道果
者一切諸法不從因生或有執言色
界是常非變壞法或有執言无色界
常非變壞法或有執言外道所計諸
苦行法得究竟淨或有執言唯聲聞
乘得究竟淨非獨覺乘亦非大乘於
聲聞乘信敬稱讚宣說開示於獨覺
乘及於大乘誹謗輕毀障蔽隱沒不
令流布或有執言唯獨覺乘得究竟
淨非聲聞乘亦非大乘於獨覺乘信
敬稱讚宣說開示於聲聞乘及於大
乘誹謗輕毀障蔽隱沒不令流布或
有執言唯有大乘得究竟淨非聲聞

衆非獨覺乘於大乘法既自生信教
他生信既自恭敬教他恭敬既自稱
讚教他稱讚既自書寫教他書寫既
自讀誦教他讀誦既自聽受教他聽
受既自思惟教他思惟於他有情若
是法器若非法器皆為廣說開示解
釋微細甚深大乘法義於聲聞乘及
獨覺乘誹謗輕毀障蔽隱沒不令流
布自不生信障他生信自不恭敬障
他恭敬自不稱讚障他稱讚自不書
寫障他書寫自不讀誦聽受思惟障
他讀誦聽受思惟不樂廣說開示解
釋三乘法義或有執言唯修布施得
究竟淨非戒非忍乃至非慧或有執
言唯修禁戒得究竟淨非施非忍乃
至非慧或有執言唯修安忍得究竟
淨非施非戒乃至非慧或有執言唯
修精進得究竟淨非施非戒乃至非
慧或有執言唯修靜慮得究竟淨非
施非戒乃至非慧或有執言唯修般
若得究竟淨非施非戒乃至非定或
有執言唯修種種世間所習諸伎藝
智得究竟淨或有執言唯修種種投

嚴赴火自餓等行得究竟淨

善男子如是破戒惡行苾芻非法器者種種誑惑真善法器諸有情等令執惡見彼由顛倒諸惡見故破壞真善刹帝利王乃至真善戍達羅等若男若女所有淨信戒聞捨慧轉刹帝利成旃荼羅乃至苾芻舍戍達羅等成旃荼羅此非法器破戒苾芻并刹帝利旃荼羅等師及弟子俱斷善根乃至當墮无間地獄善男子如人死尸臙脹爛臭諸來見者皆為臭熏隨所觸近爛臭死尸或與交翫隨被臭穢之所熏染如是真善刹帝利王乃至真善戍達羅等若男若女隨所親近破戒惡行非法器僧或與交遊或共住止或同事業隨被惡見臭穢熏染如是如是令彼真善刹帝利王乃至真善戍達羅等若男若女退失淨信戒聞捨慧成旃荼羅師及弟子俱斷善根乃至當墮无間地獄

大乘大集地藏十輪經卷第五

已亥歲高麗國大藏都監奉

勅修造

大乘大集地藏十輪經卷第六

陶

三藏法師玄奘奉詔譯

有依行品第四之二

善男子汝觀如是刹帝利等無量有情親近如是破戒惡行非法器僧退失一切所有善法乃至當墮无間地獄是故欲得上妙生天涅槃樂者皆應親近承事供養勝道沙門諮稟聽聞三乘要法或求示道命道沙門若无如是三道沙門當於汙道沙門中求雖復戒壞而有正見具足意樂及加行者應往親近承事供養諮稟聽聞三乘要法不應親近承事供養加行意樂及見壞者彼雖戒壞而无邪見意樂加行見具足故應詣其所諮稟聽聞聲聞乘法獨覺乘法及大乘法不應輕毀於三乘中隨意所樂發願精進隨學一乘於所餘乘不應輕毀若於三乘隨輕毀一下至一頌不應親近或與交遊或共住止或同事業若有親近或與交遊或共住止或同事業俱定當墮无間地獄善男子

是故若欲於三乘中隨依一乘求出
生死欣樂安樂狀危苦者應於如來
所說正法或依聲聞乘所說正法或
依獨覺乘所說正法或依大乘所說
正法普深信敬勿生謗毀障蔽隱沒
下至一頌常應恭敬讀誦聽聞應發
堅牢正願求證謗毀三乘隨一法者
不應共住下至一宿不應親近諮稟
聽法若諸有情隨於三乘毀謗一乘
或復親近謗三乘人諮稟聽受由此
因緣皆定當墮無間地獄受大苦惱
難有出期何以故善男子我於過去
修菩薩行精勤求證无上智時或為
求請依聲聞乘所說正法下至一頌
乃至棄捨自身手足血肉皮骨頭目
髓腦或為求請依獨覺乘所說正法
下至一頌乃至棄捨自身手足血肉
皮骨頭目髓腦或為求請依於大乘
所說正法下至一頌乃至棄捨自身
手足血肉皮骨頭目髓腦如是勤苦
於三乘中下至求得一頌法已深生
歡喜恭敬受持如說修行時无暫廢
經無量劫修行一切難行苦行乃證

究竟无上智果復為利益安樂有情
宣說開示三乘正法以是義故不應
謗毀障蔽隱沒下至一頌常應恭敬
讀誦聽聞應發堅牢正願求證善男
子如是三乘出要正法一切過去未
來現在過殞伽沙諸佛同說大威神
力共所護持為欲拔濟一切有情生
死大苦為欲紹隆三寶種姓令不斷
絕是故於此三乘正法應普信敬勿
生謗毀障蔽隱沒若有謗毀障蔽隱
沒三乘正法下至一頌決定當墮无
間地獄

復次善男子於未來世此佛土中有
刹帝利旃荼羅婆羅門旃荼羅宰官
旃荼羅居士旃荼羅沙門旃荼羅長
者旃荼羅吠舍旃荼羅戍達羅旃荼
羅若男若女諂曲愚癡懷聰明慢其性
兇悖燥厲麤獷不見不畏後世苦果
好行殺生乃至邪見嫉妬慳貪憎背
善友親近惡友非是三乘賢聖法器
或少聽習聲聞乘法便於諸佛共所
護持獨覺乘法无上乘法誹謗毀訾
障蔽隱沒不令流布或少聽習獨覺

乘法便於諸佛共所護持聲聞乘法
無上乘法誹謗毀世障蔽隱沒不令
流布或少聽習无上乘法便於諸佛
共所護持聲聞乘法獨覺乘法誹謗
毀世障蔽隱沒不令流布為求名利
唱如是言我是大乘是大乘黨唯樂
聽習受持大乘不樂聲聞獨覺乘法
不樂親近學二乘人如是詐稱大乘人
等由自愚癡憍慢勢力如是謗毀障
蔽隱沒三乘正法不令流布憎嫉修
學三乘法人誹謗毀辱令无威勢善
男子一切過去未來現在諸佛世尊
及諸菩薩摩訶薩為欲利樂一切有
情以大悲力護持二事一者為欲紹
隆三寶種姓常令不絕捨俗出家剃
除鬚髮被服袈裟二者三乘出要四
聖諦等相應正法如是二事唯佛世
尊及大菩薩能善護持非諸聲聞獨
勝覺等亦非百千那庾多數大梵天
王及天帝釋王四大洲轉輪王等所
能護持於未來世此佛土中有刹帝
利旃荼羅王見依我法而得出家剃
除鬚髮被袈裟者方便伺求所犯過

失以種種緣呵罵毀辱或加鞭杖或
閉牢獄或奪資具或脫袈裟廢令還俗
使作種種居家事業或橫驅役或濫
擯遣或斷飲食或害身命彼刹帝利
旃荼羅王以已愚癡憍慢勢力毀辱
謫罰諸佛菩薩以大悲力共所護持
我諸弟子誹謗毀滅諸佛菩薩以大
悲力共所護持我甚深法於其三世諸
佛菩薩共所護持三乘正法墮蔽隱
沒不令流布有刹帝利旃荼羅王乃
至吠舍戍達羅等旃荼羅人若男若
女愚癡憍慢自号大乘彼人尚非聲
聞獨覺二乘法器况是元上大乘法
器為求利養恭敬名譽誑惑世間愚
癡雜類自言我等是大乘人誹毀如
來二乘正法如是人等愚癡諂曲憍
慢嫉妬慳貪因緣毀我法眼令速隱
滅彼於三世一切諸佛犯大過罪亦
於三世一切菩薩犯大過罪又於三
世一切聲聞犯大過罪不久便當支
體廢缺遭遇種種重惡疾病彼刹帝
利旃荼羅王乃至吠舍戍達羅等旃
荼羅人若男若女由造惡業起倒見

故損斷一切所有善根雖復有時多修
施福於未來世當生鬼趣傍生趣中受
富樂果而彼身中尚不能起色无色界
下劣善根况當能種聲聞獨覺及无
上乘无功用起一切智智善根種子
又令其舌為病所害於多日夜結舌
不言受諸苦毒痛切難忍命終定當
生於无間大地獄中是故如來慈悲
憐愍一切真善刹帝利王乃至真善
戎達羅等若男若女令得長夜利益
安樂慇懃懇切作如是言汝等應當
於歸我法剝除鬚髮被片袈裟出家
人所慎勿惱亂譏呵謫罰於我所說
三乘正教慎勿謗毀障蔽隱沒若違
我言而故作者所獲罪報如前廣說
所以者何此歸我法剝除鬚髮被赤
袈裟出家形相乃是過去未來現在
諸佛菩薩大悲神力之所護持此剝
鬚髮被赤袈裟出家威儀是諸賢聖
解脫幢相亦是一切聲聞乘人受用
解脫法味幢相亦是一切獨覺乘人
受用解脫法味幢相亦是一切大乘
之人受用解脫法味幢相如來所說

三乘正法亦是三世諸佛菩薩大悲神力之所護持是諸賢聖解脫依止亦是一切聲聞乘人受用解脫法味依止亦是一切獨覺乘人受用解脫法味依止亦是一切大乘之人受用解脫法味依止

善男子以是義故求解脫者應當親近恭敬供養諸歸我法剃除鬚髮被赤袈裟出家之人應先信敬聲聞乘法若自聽受教他聽受若自讀誦教他讀誦若自書寫教他書寫若自施與教他施與若自宣說教他宣說思惟修行廣令流布如是信敬獨覺乘法若自聽受教他聽受若自讀誦教他讀誦若自書寫教他書寫若自施與教他施與若自宣說教他宣說思惟修行廣令流布如是信敬於大乘他讀誦若自書寫教他書寫若自施與教他施與若自宣說教他宣說思惟修行廣令流布若非器者不應自聽勿教他聽乃至廣說又應遠離一切惡法應捨惡友應親善友應勤修

習六到彼岸應數懺悔一切惡業應隨所宜勤發正願若能如是斯有是處現身得成聲聞乘器或獨覺乘種子不退或復大乘種子不退是故三乘皆應修學不應憍傲妄号大乘謗毀聲聞獨覺乘法我先唯為大乘法器堅修行者說如是言唯修大乘能得究竟是故今昔說不相違今時世尊重顯此義而說頌曰

對諸大眾前 金剛藏問我 云何勸供養
破戒惡苾芻 失杜多功德 癡惡見所持
非法器汙道 而不聽譴罰 復說從彼聞
三乘微妙法 真解脫良藥 趣寂靜涅槃
何故餘經言 一大乘解脫 遠學二乘法
今復說三乘 哀愍諸有情 令捨邪惡業
得利益安樂 願為說除疑 為益刹帝利
乃至戌達羅 不聽惱苾芻 恐彼染大罪
剝髮被袈裟 諸佛法幢相 諸佛等護持
解脫道之眼 雖破諸律儀 非永這解脫
能捨諸惡見 當速趣涅槃 如腐敗良藥
猶能療衆病 如是破律儀 亦能滅他苦
不聽彼苾芻 在布薩羯磨 許為他說法
俱獲福元疑 若歸敬三寶 稱我為大師

能棄捨衆惡勝諸外道衆如墮羅刹者
商衆悉驚惶各執獸一毛渡海得免難
如是破戒者離諸惡邪見由一信為因
脫煩惱羅刹由護解脫相諸佛等護持
不惱破戒僧能離諸重惡諸樂多福人
欣求真解脫等護器非器證解脫无難
癡慢号大乘彼无有智力尚迷一乘法
况能解大乘辟如闕壞眼不能見衆色
如是闕壞信不能解大乘無力飲池河
詎能吞大海不習二乘法何能學大乘
先信二乘法方能信大乘无信誦大乘
空言无所益内真懷斷見妄自号大乘
不護三業罪壞亂我正法彼人命終後
定墮无間獄故應觀機說勿為非器者
憍傲無慈悲暴惡志下劣智者應當知
是懷斷見者非聲聞緣覺亦非大乘器
誚毀謗諸佛必墮无間獄持戒樂喧鬧
慳法畏苦惡智者應當了是名聲聞乘
樂施觀生滅常欣獨靜處智者應當了
是名獨覺乘具足諸善根守護慈悲本
常樂攝利物是名為大乘捨身命護戒
不惱害衆生精進求空法應知是大乘
心湛忍諸法善言无私恡於法常欣樂

應知是大乘 法器非法器 利樂心平等
不染諸世法 應知是大乘 是故有智者
普敬說三乘 不惱我僧徒 速成无上覺
復次善男子若有真善刹帝利真善
婆羅門真善宰官真善居士真善長
者真善沙門真善夜舍真善戒達羅
若男若女成就十種有依行輪於現
身中速能殖殖聲聞乘種令不退失
或於現身成聲聞乘諸聖法器非獨
覺乘大乘聖器何等為十一者具足
淨信信有一切善惡業果二者具足
慙愧遠離一切惡友惡見三者安住
律儀遠離殺生乃至飲酒四者安住
慈心遠離一切瞋恚忿惱五者安住
悲心救拔一切羸弱有情六者安住
喜心遠離一切語四惡業七者安住
捨心遠離一切慳貪嫉妬八者具正
歸依遠離一切妄執吉凶終不歸依
邪神外道九者具足精進堅固勇猛
修諸善法十者常樂寂靜思求法義
歡悅无倦善男子若有真善刹帝利
三乃至真善戒達羅等若男若女成
此十種有依行輪於現身中速能種

殖聲聞乘種令不退失或於現身證
聲聞乘所有聖法成聲聞乘諸聖法
器非證獨覺大乘聖法非成獨覺大
乘聖器應知此中獨覺大乘皆如是
說善男子如是十種有依行輪一切
聲聞獨覺菩薩諸佛如來皆同共有
善男子復有十種有依行輪不共聲
聞唯與獨覺菩薩如來皆同共有若
有真善刹帝利王乃至真善戍達羅
等若男若女成此十種有依行輪於
現身中速能殖殖獨覺乘種令不退
失或於現身證獨覺乘所有聖法成
獨覺乘諸聖法器何等為十一者修
行清淨身語意業二者具足慙愧厭
患自身三者於五取蘊深生怖畏四
者見生死河極為難渡五者常樂寂
靜離諸憤鬧六者樂阿練若不譏他
失七者中護諸根心常寂定八者善
觀緣起審察因果九者常樂勤修等
持靜慮十者於集起法能善除滅善
男子若有真善刹帝利王乃至真善
戍達羅等若男若女成此十種有依
行輪於現身中速能殖殖獨覺乘種

令不退失或於現身證獨覺乘所有
聖法成獨覺乘諸聖法器善男子是
名一切聲聞獨覺有依行輪一切聲
聞及諸獨覺依止此輪速能起渡三
有大海速能趣入般涅槃城

善男子有依行輪是何句義言有依
者名有執取有所依有所攝受有
所繫屬行謂蘊行界行處行有繫屬
行輪謂教授教誡之輪如轉輪王所
乘車輪或首行輪如是一切聲聞獨
覺依止此輪求涅槃道故此二種非
大乘器所以者何由彼依止下劣行
故非大乘器由彼執取自諸蘊行驚
怖厭患自求解脫一切憂苦不求解
脫一切有情而修行故非大乘器由
彼依止自諸界行驚怖厭患自求解
脫一切憂苦不求解脫一切有情而
修行故非大乘器由彼攝受自諸處
行驚怖厭患自求解脫一切憂苦不
求解脫一切有情而修行故非大乘
器由彼繫屬有繫屬行於諸有情不
樂攝受无有慈悲有繫屬故非大乘
器由彼觀他具受衆苦捨而不救但

為自身求解脫故非大乘器由彼自
斷諸煩惱首不樂斷除一切有情諸
煩惱首非大乘器由彼不能馭大乘
輪趣菩提故非大乘器由彼不能隨
大光輪趣菩提故非大乘器由彼意
樂獨一无侶入涅槃城而修行故非
大乘器

善男子有諸衆生於聲聞乘獨覺乘
法未作劬勞正勤修學如是衆生根
機未熟根機下劣精進微少若有為
說微妙甚深大乘正法說聽二人俱
獲大罪亦為違逆一切諸佛所以者
何若諸衆生於聲聞乘獨覺乘法未
作劬勞正勤修學根機未熟根機下
劣精進微少而便聽受微妙甚深大
乘正法如是衆生實是愚癡自謂聰
睿陷斷滅邊墜顛狂想執无因論於
諸業果生斷滅想撥无一切善作惡
作妄說大乘壞亂我法非法說法法
說非法實非沙門說是沙門實是沙
門說非沙門實非毗奈耶說是毗奈
耶實是毗奈耶說非毗奈耶愚癡顛
倒憍慢嫉妬朋黨之心於大乘法稱

讚擁衛令廣流布於聲聞乘獨覺乘
法謗毀障蔽不令流布不能如實依
聲聞乘或獨覺乘或无上乘捨俗出
家受具足戒成苾芻性亦不如實修
集一切善法因緣於我弟子或是法
器或非法器謂勤修行學无壘行乃
至證得寂後極果真善異生持戒破
戒无戒者所種種毀罵呵嘖惱亂奪
其衣鉢不聽受用諸資生具繫縛禁
閉如是撥无一切因果斷滅論者雖
在人中實是羅刹於當來世無數大
劫難得人身寧在地獄受无量苦不
處人中起斷滅見如是癡人不久便
當支體廢缺於多日夜結舌不言受
諸苦毒痛切難忍命終定生无間地
獄於諸惡趣輪轉往來受諸苦惱難
可救濟多百千劫難復人身雖過无
量無數劫已還得人身而生五濁無
佛世界生育生韻瘖啞无舌種種重
病常所嬰纏或身矧醜人不意見言
詞拙訥耳所惡聞心常迷亂无所解
了生貧窮家衆事關乏不逢善友隨
惡友行樂作惡業好執惡見造無間

罪復還重墮无間地獄輪轉惡趣難
有出期如是愚癡斷滅論者壞亂毀
滅我之正法遍惱謫罰我諸弟子持
戒破戒及无戒者皆令不安修諸善
品由是因緣多百千劫沒衆惡趣從
闇入闇難有出期如是衆生所有罪
報皆為未求聽習聲聞獨覺乘法先
求聽習微妙甚深大乘正法如是愚
癡斷滅論者下劣人身尚難可得况
當能成賢聖法器尚不能得聲聞獨
覺所證涅槃况得廣大甚深无上正
等菩提如是衆生所有過失皆由未
學聲聞乘法獨覺乘法先入大乘
善男子譬如坏瓶多諸瑕隙盛油乳
等盡皆滲漏能盛所盛二俱壞失所
以者何器有失故如是衆生於聲聞
乘獨覺乘法未作劬勞正勤修學根
機未熟根機下劣精進微少若有為
說微妙甚深大乘正法說聽二人俱
獲大罪亦為違逆一切諸佛所有過
失廣說如前譬如世間庫藏頽穴置
諸寶貨多有散失如是衆生於二乘
法謗毀不信不肯修學為說大乘不

如實解因此造罪輪轉无窮譬如舟
舩多諸泄漏不任乘載泛於大海如
是衆生多懷慳嫉於二乘法未曾修
學妄号大乘實懷斷見憍慢諂曲成
泄漏身不堪憑入一切智海譬如有
人其目盲瞽不堪呈示種種珍寶如
是衆生憍慢放逸執著空見不學二
乘盲无慧目不任顯示无上大乘切
德珍寶譬如有人其身臭穢雖以種
種上妙香塗而竟不能令身香潔如
是衆生愚癡憍慢於二乘法不樂勤
修不斷殺生乃至邪見雖勤聽受无
上大乘而竟不能解甚深法譬如石
田雖殖好種勤加營耨終無果實如
是衆生於二乘法憍慢懈怠不樂勤
修貪求五欲曾无厭倦雖於彼身殖
大乘種精進勤苦終無所成譬如甕
器先貯毒藥投少石蜜不任食用如
是衆生於二乘法不肯修學執无因
論為說大乘終不能成自他利益譬
如甕器先貯石蜜投少毒藥不任食
用如是衆生精勤修學二乘正法猶
未成就為說大乘二俱壞失譬如有

人癡狂心亂為作音樂不能了知如是衆生於二乘法未曾修學貪瞋癡等猛利煩惱擾亂其心執著无因及斷滅論根撲未熟為說大乘雖經多時而不能解譬如有人不著甲冑不持刀仗輒入陣中必遭傷害受諸苦惱如是衆生於二乘法未曾修學習慧狹劣根器未成為說大乘必生妄執由此展轉造惡无窮如是癡人不久便當支體廢缺於多日夜結舌不言受諸苦毒痛切難忍命終定生无間地獄於諸惡趣輪轉往來應知如前次第廣說

善男子是故智者先應觀察一切衆心然後說法先當發起慈心悲心喜心益心不懈怠心能忍受心不憍慢心不嫉妬心不慳吝心等引定心然後為他宣說正法終不令他諸衆生類聞所說法輪轉生死墮大險難是故如來善達一切衆生心相以无塵垢無取行輪為說正法具大甲冑一切菩薩摩訶薩衆為他說法亦復如是由悲愍故為令斷滅諸煩惱故為

令超渡三有海故為諸衆生於三乘
中隨心所樂隨趣一乘速圓滿故為
說正法終不令其輪轉生死墮大險
難云何名无塵垢行輪無塵垢者謂
說法時不為有蘊不為有處不為有
界不為有欲界不為有色界不為有
无色界不為有此世不為有他世不
為有諸行不為有受不為有想不為
有思不為有觸不為有作意不為有
无明乃至不為有老死不為有行及
不行故為諸衆生宣說正法唯為一
切諸蘊處界廣說乃至行與不行皆
寂滅故為諸衆生宣說正法以是義
故名无塵垢行者所謂為能永斷死
此生彼為諸衆生宣說正法為能永
斷諸蘊處界廣說乃至為能永斷行
與不行為諸衆生宣說正法是名為
行輪者所謂如滿月光清涼无尋遍
滿虚空照觸一切無障境界如是如
來及諸菩薩所有神通記說教誡三
種勝輪作用无尋遍諸世界利樂一
切所化衆生令諸衆生不異歸趣不
共一切世間衆生不共一切聲聞獨

覺能令衆生斷滅生死諸苦惱法證
得安樂菩提涅槃是名為輪如是名
為諸佛菩薩无塵垢行輪云何名為
無取行輪謂於諸法无所罣碍猶如
日光普照一切三乘根器隨其所宜
宣說正法元所執著謂諸如來為諸
衆生說如是法猶如虛空无差別相
以無量定遊戲自在莊嚴住持為諸
衆生說微妙法无所執著具大甲冑
一切菩薩摩訶薩衆為他說法亦復
如是謂說諸法非有非空非即色空
非離色空乃至非即識空非離識空
非即眼空非離眼空乃至非即意空
非離意空非即色空非離色空乃至
非即法空非離法空非即眼識空非
離眼識空乃至非即意識空非離意
識空非即欲界空非離欲界空乃至
非即虛空无邊處空非離虛空无邊
處空非即識無邊處空非離識無邊
處空非即无所有處空非離无所有
處空非即非想非非想處空非離非
想非非想處空非即四念住空非離
四念住空乃至非即八支聖道空非

離八支聖道空非即緣起法空非離
緣起法空非即三不護空非離三不
護空非即四无所畏空非離四无所
畏空非即十力空非離十力空非即
十八不共法空非離十八不共法空
非即大慈大悲大喜大捨空非離大
慈大悲大喜大捨空非即涅槃空非
離涅槃空是名如來及諸菩薩為諸
衆生宣說處中微妙正法善男子如
是如來為諸衆生以無塵垢行輪說
法如滿月光清涼无尋遍滿虚空照
觸一切無障境界乃至廣說又以无
取行輪說微妙法於一切法無所罣
碍猶如日光普照一切三乘根器隨
其所宜宣說正法无所執著謂諸如
來為諸衆生說如是法猶如虚空无
差別相以無量定遊戲自在莊嚴住
持為諸衆生說微妙法无所執著令
於三乘隨宜趣入具大甲冑一切菩薩
摩訶薩衆為他說法亦復如是令諸
衆生聞此寂勝甚深法已於三乘中
隨其所樂隨趣一乘種種善根皆得
成熟隨於一乘極善安住終不令其

於生死中增長種種惡不善法令於
涅槃堅固不退

善男子菩薩摩訶薩為斷无量無數
衆生生死流轉為他說法聲聞獨覺
但為自斷生死流轉為他說法菩薩
摩訶薩為令无量無數衆生渡四瀑
流為他說法聲聞獨覺但為令已渡
四瀑流為他說法菩薩摩訶薩為除
無量無數衆生諸煩惱病為他說法
聲聞獨覺但為自除諸煩惱病為他
說法菩薩摩訶薩為斷衆生諸蘊煩
惱習氣相續令盡无餘為他說法聲
聞獨覺但為自斷諸蘊煩惱習氣相
續有餘不盡為他說法菩薩摩訶薩
為成大悲等流果故大悲為因為他
說法聲聞獨覺不為大悲等流果故
無大悲因為他說法菩薩摩訶薩於
諸衆生有所顧念而為說法聲聞獨
覺於諸衆生无所顧念而為說法菩
薩摩訶薩為息一切他衆生苦為他
說法聲聞獨覺但為自息已所有苦
為他說法菩薩摩訶薩為滿一切衆
生法味為他說法聲聞獨覺但為自

滿已身法味為他說法菩薩摩訶薩
為諸衆生得勝法明為他說法聲聞
獨覺但為自已得勝法明為他說法
善男子以要言之菩薩摩訶薩无量
律儀普為除滅一切衆生大無明闇
大怖畏事一切衰損得大光明及大
名稱如實覺悟一切智智為他說法
聲聞獨覺少分律儀但為滅除自无
明闇得小光明及小名稱如實覺悟
少分法智為他說法善男子聲聞獨
覺无有於他實懷顧念无有於他實
懷悲惻无有於他實不輕弄無有於
他實為利益无有於他實為拔濟无
有於他實行薦舉无有於他實欲稱
歎无有於他實無諂曲而行讚美无
有於他不顧已身令彼安樂无有於
他不起誤失身語意業善男子住大
乘者无有於已實懷顧念廣說乃至
無有於他發起誤失身語意業
大乘大集地藏十輪經卷第六

已亥歲高麗國大藏都監奉
勅彫造

大乘大集地藏十輪經卷第七

明

三藏法師玄奘奉

詔譯

有依行品第四之三

復次善男子有諸衆生稟性暴惡言辭麁獷實是愚癡懷聰明慢不斷然生乃至邪見於他所得利養恭敬世所稱譽深生嫉妬常自追求利養恭敬世所稱譽曾无厭倦恒自讚譽輕毀於他不自防護身語意業常樂習行一切惡行內行碓毒无有悲愍無慙无愧恚觸惱他於諸福田好簡勝劣於歸我法諸出家人常樂伺求所有瑕隙纔得少相未審真虛即便輕毀呵罵譴罰其心剛強狠戾迷亂常恚觸惱諸出家人不省已過念譏他闕雖聞讚歎大乘功德發意趣求而心好為諸重惡事曾未寂靜誑惑他故於大乘法現自聽聞教他聽聞現自讀誦教他讀誦為自薦舉陵伏他故於大乘法恭敬讚美自於大乘諸行境界不曾修學未能悟解而自稱号我是大乘誘勸他人附已修學規

求名利以自活命譬如破戒惡持律
師自犯尸羅樂行惡行為名利故誘
勸他人令勤修學毗奈耶藏如是諂
曲虛詐衆生下賤人身尚當難得退
失善趣二乘涅槃況得大乘終無是
處當墮惡趣難有出期諸有智人不
應親近而无慙愧於大衆中自号大
乘如師子吼為名利故誘誑愚癡令
親附已共為朋黨譬如驢披師子
皮而便自謂以為師子有人遙見謂
真師子及至鳴已皆識是驢咸共唾
言此非師子是食不淨真弊惡驢種
種呵叱皆共捨去我說如是補特伽
羅常樂習行十惡業道燒滅一切人
天種子尚退聲聞獨覺乘法況於大
乘能成法器愚癡憍慢自号大乘誑
惑他人招集利養譬如癡慢无手足
人欲興戰伐入於大陣徒設功效終
无剋成詐号大乘亦復如是信手戒
足無有一全不自崖揆所堪行業欲
興戰伐煩惱大陣徒設功效終无剋
成我說是不護三業專行惡行妄
号大乘實於三乘皆非法器而欲破

壞一切衆生勇健堅牢煩惱大陣欲
皆顯示一切衆生八支聖道令入无
畏涅槃之城終無是處所以者何善
男子夫大乘者受持第一清淨律儀
修行第一微妙善行具足第一堅固
慙愧深見深畏後世苦果遠離所有
一切惡法常樂修行一切善法慈悲
常遍一切有情恒普為作利益安樂
救濟度脫一切有情所有厄難生死
衆苦不顧自身所有安樂唯求安樂
一切有情如是名為住大乘者善男
子有何等相名聲聞乘謂諸衆生常
勤精進安住正念樂等引定離諸諂
誑信知業果不著五欲世間八法所
不能染修善勇猛如救頭然常審諦
觀諸蘊界處恒樂安住所有聖種具
此相者名聲聞乘如是衆生尚未能
成獨覺乘器况復能成大乘法器善
男子有何等相名獨覺乘謂諸衆生
具上聲聞一切功德復能於彼五取
蘊中數數安住隨无常觀數數安住
隨生滅觀普於一切緣生法中能審
諦觀皆是滅法具此相者名獨覺乘

如是衆生非大乘器今時世尊重顯
此義而說頌曰

若真善人刹帝利 乃至真善戍達羅
修信等十有依輪 於聲聞乘速成器
求獨覺乘三業淨 具足慙愧怖諸蘊
知過樂靜住空閑 念守諸根心寂定
善觀緣起修靜慮 諸蘊界處巧能觀
具此十行有依輪 成勝乘器度有海
修共三乘二乘輪 自求解脫煩惱苦
不度有情不捨習 此人俱非大乘器
愚癡懈怠根下劣 於二乘法不勤修
定不能具大乘輪 故非大乘廣大器
愚癡獨一求解脫 劣意下行无慈悲
樂著斷見向惡趣 棄捨正法說非法
毀謗二乘捨律行 受具足戒号大乘
破亂我法惑衆生 由此人身難復得
惱亂我法諸賢聖 謫罰被赤袈裟人
呵罵遮奪衣鉢等 長時退失人天趣
是故若欲復人身 不患舌瘁而捨命
常樂值遇諸佛者 普應弘護三乘法
欲得三乘最上乘 應善觀察三乘法
歡喜為他普開示 當得成佛定无疑
破戒慳嫉懷憍慢 自讚毀他号大乘

捨離此人依智者 定當成佛度三界
於三乘器隨所宜 慈悲為說三乘法
隨願令滿无慳嫉 當得成佛定无疑
知蘊界處皆空寂 无所依住辟虛空
說法等攝諸有情 當獲妙覺无边智
破戒意樂懷惡心 聞說大乘勝功德
詐号大乘為名利 如弊驢披師子皮
我今普告一切衆 若欲疾得勝菩提
當善修治十善業 護持我法勿毀壞
我昔諸餘契經說 應求大覺行大乘
捨離聲聞獨覺乘 為清淨者說斯法
曾供无量俱胝佛 斷惡勤勞修淨心
我為勸進彼衆生 故說一乘无第二
今此衆具三乘器 有但堪任聲聞乘
心極憂怖多事業 彼非上妙菩提器
有癡樂靜住獨覺 彼非上妙菩提器
有堪安住上妙智 故隨所樂說三乘
具淨功德樂解脫 聞說大乘墮惡趣
如病痲癰教服乳 此增毒害非除疾
如是非器聲聞乘 聞說大乘心迷亂
便起斷見墜惡趣 故應說法審觀機
大乘大集地藏十輪經懺悔品第五
今時世尊說是頌已於衆會中有无

量百千衆生曾誤聞法謬生空解撥
無因果斷滅善根往諸惡趣聞說此
經還得正見即從座起頂礼佛足於
世尊前深生慙愧至誠懺悔合掌恭
敬而白佛言大德世尊我等本在聲
聞乘中曾種善根未能成熟聲聞乘
器後復遇聞獨覺乘法迷惑不了
便生空見撥无因果由是因緣造身
語意无量罪業往諸惡趣我等今者
於世尊前聞說此經還得正見深心
懺愧發露懺悔不敢覆藏願悉除滅
從今已往永不復作防護當來所有
罪障唯願世尊哀愍攝受令我等罪
皆悉銷滅於當來世永不更造唯願
世尊哀愍濟拔我等當來惡趣苦報
我等今者還願受行先所修集聲聞
乘行唯願世尊哀愍教授世尊告曰
善哉善哉汝等乃能如是懺愧發露
懺悔於我法中有二種人名无所犯
一者稟性專精本來不犯二者犯已
懺愧發露懺悔此二種人於我法中
名為勇健得清淨者於是世尊隨其
所樂方便為說四聖諦法於彼衆中

有得下品忍者有得中品忍者有得上品忍者有得世間第一法者有得預流果者有得一來果者有得不還果者於中復有八万四千苾芻諸漏永盡心得解脫意善清淨成阿羅漢歡喜礼佛還復本座

時衆會中復有五十七百千那庾多衆生曾誤聞法謬生空解撥无因果斷滅善根往諸惡趣聞說此經還得正見即從座起頂礼佛足於世尊前深生慙愧至誠懺悔合掌恭敬而白佛言大德世尊我等本在獨覺乘中曾種善根未能成熟獨覺乘器後復遇聞說大乘法雖生愛樂而不能解愚冥疑惑便生空見撥无因果由是因緣造身語意无量罪業乘此業緣於无量劫墮諸惡趣受種種苦楚毒難忍我等今者於世尊前聞說此經還得正見深心慙愧發露懺悔不敢覆藏願悉除滅從今已往永不復作防護當來所有罪障唯願世尊哀愍攝受令我等罪皆悉銷滅於當來世永不更造唯願世尊哀愍濟拔我等

當來惡趣苦報我等今者還願受行
先所修集獨覺乘行惟願世尊哀愍
教授世尊告曰善哉善哉汝等乃能
如是慙愧發露懺悔於我法中有二
種人名无所犯一者稟性專精本來
不犯二者犯已慙愧發露懺悔此二
種人於我法中名為勇健得清淨者
於是世尊隨其所樂方便為說諸緣
起法令彼一切修緣覺乘漸次圓滿
皆悉證得幢相緣定於獨覺乘得不
退轉歡喜礼佛還復本座

時衆會中復有八十百千那庾多衆
生曾於過去諸佛法中毀謗佛教下
至一頌由是因緣墮諸惡趣受衆苦
報初復人身生便瘖啞常患舌疼口
不能言聞說此經還得正見即從座
起頂礼佛足於世尊前深生慙愧至
誠懺悔宿世惡業合掌恭敬瞻仰世
尊佛神力故皆悉能語今時世尊知
而故問汝等宿世作何惡業今處衆
中口不能語彼諸人衆俱時白佛於
中一類作如是言大德世尊我等往
昔於毗鉢尸如來法中或言毀謗大

乘正法或言毀謗獨覺乘法或言毀謗聲聞乘法下至一頌我等由是惡業障故九十一劫流轉生死常處地獄傍生餓鬼瘖啞无舌都不能言受諸苦毒痛切難忍始於今世得復人身而猶瘖啞常患舌疼蒙佛神力方始能言復能憶念自過去世所有因緣諸惡業障復有一類作如是言大德世尊我等往昔於尸棄如來法中或言毀謗大乘正法各隨本緣如前廣說復有一類作如是言大德世尊我等往昔於毗攝浮如來法中或言毀謗大乘正法各隨本緣如前廣說復有一類作如是言大德世尊我等往昔於羯洛迦孫馱如來法中或言毀謗大乘正法各隨本緣如前廣說復有一類作如是言大德世尊我等往昔於羯諾迦牟尼如來法中或言毀謗大乘正法各隨本緣如前廣說復有一類作如是言大德世尊我等往昔於迦葉波如來法中或言毀謗大乘正法或言毀謗獨覺乘法或言毀謗聲聞乘法下至一頌我等由是

惡業障故從今以來流轉生死常處
地獄傍生餓鬼瘖啞无舌都不能言
受諸苦毒痛切難忍始於今世得復
人身而猶瘖啞常患舌疼蒙佛神力
方始能言復能憶念自過去世所有
因緣諸惡業障我等今者於世尊前
聞說此經獲得正見深心慙愧發露
懺悔不敢覆藏願悉除滅從今以往
永不復作防護當來所有罪障唯願
世尊哀愍攝受今我等罪皆悉銷滅
於當來世永不更造唯願世尊哀慈
濟拔我等當來惡趣苦報唯願世尊
哀愍我等為說正法世尊告曰善哉
善哉汝等乃能如是慙愧發露懺悔
於我法中有二種人名无所犯一者
稟性專精本來不犯二者犯已慙愧
發露懺悔此二種人於我法中名為
勇健得清淨者於是世尊隨其所樂
方便為說種種正法各隨所宜皆得
利益歡喜礼佛還復本座

時衆會中復有无量百千聲聞及
无量百千那庾多菩薩聞說此經憶
昔所造諸惡業障即從座起頂礼佛

足於世尊前深生慙愧至誠懺悔今
掌恭敬皆白佛言大德世尊我等憶
昔曾於无量諸佛法中或有說言我
等於彼諸佛弟子或是法器或非法
器多行忿恨呵罵毀辱譏刺輕誚種
種誹謗隱善揚惡我等由此惡業障
故經无量劫墮諸惡趣受諸重苦楚
毒難忍後得值遇無量諸佛皆曾親
近承事供養又得值遇无量菩薩摩
訶薩衆亦皆親近承事供養於二
佛二菩薩摩訶薩前皆深慙愧發
露懺悔諸惡業障於二佛二菩薩
摩訶薩所皆得聽受无量法門精勤
護持修學无量難行苦行由彼業障
有餘未盡今我等輩未能證得安樂
涅槃未能證得三摩地門殊勝功德
我等今者於世尊前聞說此經復深
慙愧發露懺悔不敢覆藏願悉除滅
從今以往永不復作防護當來所有
罪障唯願世尊哀愍攝受今我等罪
皆悉除滅於當來世永不更造唯願
世尊哀愍濟拔我等當來惡趣苦報
我等今者承佛威力願隨所樂速能

證得安樂涅槃或能證得三摩地門
殊勝功德復有說言我等於彼諸佛
弟子或是法器或非法器以麁惡言
期剋迫憎我等由此惡業障故經无
量劫墮諸惡趣應知如前次第廣說
復有說言我等於彼諸佛弟子或是
法器或非法器打棒傷害我等由此
惡業障故經无量劫墮諸惡趣應知
如前次第廣說復有說言我等於彼
諸佛弟子或是法器或非法器侵奪
衣鉢我等由此惡業障故經无量劫
墮諸惡趣應知如前次第廣說復有
說言我等於彼諸佛弟子或是法器
或非法器侵奪種種資生衆具絕其
飲食我等由此惡業障故經无量劫
墮諸惡趣應知如前次第廣說復有
說言我等於彼無量諸佛出家弟子
或是法器或非法器退令還俗脫其
袈裟課稅役使我等由此惡業障故
經无量劫墮諸惡趣應知如前次第
廣說復有說言我等於彼无量諸佛
出家弟子或是法器或非法器或有
罪犯或元罪犯枷鎖繫縛禁閉牢獄

我等由此惡業障故經無量劫墮諸惡趣應知如前次第廣說復有說言我等於彼无量諸佛出家弟子或是法器或非法器起輕慢心種種觸惱令不安樂我等由此惡業障故經無量劫受諸重苦楚毒難忍後得值遇無量諸佛皆曾親近承事供養又得值遇无量菩薩摩訶薩衆亦皆親近承事供養於二佛一一菩薩摩訶薩前皆深慙愧發露懺悔諸惡業障於二佛二菩薩摩訶薩所皆得聽受无量法門精勤護持修學无量難行苦行由彼業障有餘未盡令我等輩未能證得安樂涅槃未能證得三摩地門殊勝功德我等今者於世尊前聞說此經復深慙愧發露懺悔不敢覆藏願悉除滅從今以往永不復作防護當來所有罪障唯願世尊哀愍攝受令我等罪皆悉消滅於當來世永不更造唯願世尊哀愍濟拔我等當來惡趣苦報我等今者承佛神力願隨所樂速能證得安樂涅槃或能證得三摩地門殊勝功德於是世

尊普告聲聞菩薩衆曰善哉善哉汝等乃能如是慙愧發露懺悔有二種人名无所犯一者稟性專精本來不犯二者犯已慙愧發露懺悔此二種人於我法中名為勇健得清淨者又喜男子如是惱亂佛弟子罪比前所說近无間罪彼但有名未足稱罪然此惱亂佛弟子罪亦過前說五无間罪無量倍數所以者何若諸苾芻毀破禁戒作諸惡法猶能示導无量百千俱脰那更多衆生善趣涅槃无顛倒路與諸衆生作大功德珍寶伏藏如前廣說况持禁戒修善法者以是義故若有惱亂佛弟子衆諸出家人當知則為斷三寶種亦則名為挑壞一切衆生法眼亦為毀滅我久勤苦所得正法與諸衆生作大衰損是故惱亂佛弟子罪過前所說五无間罪无量倍數是故汝等今於我前起至誠心增上慙愧慙懇切發露懺悔往昔所造諸惡業障我今慈悲攝受汝等令惡業障漸得消滅於此佛土大賢劫中有千如來出現於世汝等

於彼諸如來前亦當至誠發露懺悔
諸惡業障防護當來所有罪咎於此
賢劫千如來中取後如來名曰盧至
如來應正等覺明行圓滿善逝世間
解無上丈夫調御士天人師佛薄伽
梵十号具足汝等於彼盧至佛前亦
當至誠發露懺悔諸惡業障乃得滅
盡无有遺餘時諸聲聞及菩薩衆俱
時白佛唯然世尊我等審當於彼取
後盧至佛所獲得正見離諸邪見諸
惡業障盡滅无餘解脫一切衆苦惱
者若令我等於大賢劫常處无間大
地獄中恒受種種極重苦惱亦能堪
忍世尊告曰善哉善哉汝等乃能如
是勇猛汝等由此堅固精進自誓願
力定能於彼盧至佛前宿世所集諸
惡業障皆悉消滅定能發起增上信
敬親近供養盧至如來定能永斷一
切煩惱成阿羅漢或定能證三摩地
門殊勝功德時諸聲聞及菩薩衆歡
喜礼佛還復本座

尔時世尊告金剛藏菩薩摩訶薩言
善男子我以佛眼觀諸世間見未來

世此佛土中有無量無數百千俱脰
那庾多刹帝利旃荼羅婆羅門旃荼
羅宰官旃荼羅居士旃荼羅長者旃
荼羅沙門旃荼羅代舍旃荼羅戍達
羅旃荼羅若男若女少種善根雖得
人身而隨惡友起諸邪見造諸惡行
壞我甚深无上正法於我所說無有
熾然滅熾然法不生信樂或於我說
與聲聞乘相應正法誹謗輕毀障蔽
隱沒不令流布或於我說與獨覺乘
相應正法誹謗輕毀障蔽隱沒不令
流布或於我說與無上乘相應正法
誹謗輕毀障蔽隱沒不令流布或於
歸我諸出家人若是法器若非法器
多行忿恨呵罵毀辱譏刺輕誚種種
誹謗隱善揚惡廣說乃至起輕慢心
種種觸惱如是諸人非聖法器自實
愚癡懷聰明慢從此命終墮三惡趣
受无量種增上猛利難忍苦毒經於
無量百千俱脰那庾多劫難復人身
如前廣說善男子如是衆生寧處无
間大地獄中受諸重苦不受如是鄙
惡人身憍慢貢高隨順惡友造作如

是惡不善業流轉生死難可濟度常處生死受諸苦惱

今時會中有无量無數大慧有情從座而起頂礼佛足合掌向佛悲泣墮淚而白佛言大德世尊諦觀如是世間衆生雖皆獲得難得人身而遠離正信遠離正願遠離正意樂遠離正見遠離善知識遠離好時遠離好處遠離淨戒遠離正定遠離正慧如是衆生雖皆獲得難得人身而由愚癡憍慢力故造作如前所說重罪毀謗世尊所說正法觸惱世尊出家弟子我等今者對世尊前以至誠心發真誓願我等從今流轉生死乃至未得解脫已來常願不遇如是惡緣決定不造如是重罪終不毀謗諸佛正法亦不觸惱諸出家人必不批壞衆生法眼亦不斷滅三寶種性惟願世尊哀愍攝受我等所發如是誓願時衆會中復有无量百千俱胝那庾多聰慧有情從座而起頂礼佛足合掌恭敬而白佛言大德世尊我等今者對世尊前以至誠心發真誓願我等從

今流轉生死乃至未得法忍已來於其中間常願不處諸帝王位常願不處諸宰官位常願不處諸國師位常願不處城邑聚落鎮邏長位常願不處諸軍將位常願不處諸商主位常願不處一切祠祀寺觀主位常願不處長者居士沙門主位常願不處諸師長位常願不處諸家長位常願不處斷事者位常願不處乃至一切富貴尊位乃至未得法忍已來我等若處如是諸位則於佛法名惡因緣造諸重罪毀謗諸佛所說正法觸惱諸佛出家弟子必當挫壞衆生法眼亦為斷滅三寶種性亦為損惱无量有情由是定當墮无間獄輪轉惡趣難有出期唯願世尊哀愍攝受我等所發如是誓願今時一切諸來大眾天龍藥叉健達縛人非人等皆從座起頂禮佛足悲號感切涕淚交流合掌恭敬而白佛言大德世尊我等无始生死已來愚癡憍慢起諸惡業或身惡業或語惡業或意惡業自作教他見聞隨喜如是諸罪今對佛前皆深

慙愧發露懺悔不敢覆藏願悉除滅
從今以往永不復作防護當來所有
罪咎第二第三亦如是說我等至誠
發真誓願從今乃至生死後際於其
中間常願不逢諸惡知識亦願不遇
諸惡因緣設當逢遇願不隨順決定
不造如前所說諸惡罪業勿令我等
長夜受苦唯願世尊哀愍攝受我等
所發如是誓願

今時世尊普告一切諸來大眾善哉
善哉汝等乃能於後世苦深見怖畏
發露懺悔汝等今者欲度生死深廣
瀑流欲入无畏涅槃之城發如是願
諸善男子有十種法能令菩薩摩訶
薩等獲得无罪正路法忍何等為十
諸善男子若諸菩薩摩訶薩等不著
內身不著外身不著內外身不著過
去身不著未來身不著現在身名第
一法能令菩薩摩訶薩等獲得无罪
正路法忍又善男子若諸菩薩摩訶
薩等不著內受不著外受不著內外
受不著過去受不著未來受不著現
在受名第二法能令菩薩摩訶薩等

獲得无罪正路法忍又善男子若諸
菩薩摩訶薩等不著內想不著外想
不著內外想不著過去想不著未來
想不著現在想名第三法能令菩薩
摩訶薩等獲得无罪正路法忍又善
男子若諸菩薩摩訶薩等不著內行
不著外行不著內外行不著過去行
不著未來行不著現在行名第四法
能令菩薩摩訶薩等獲得无罪正路
法忍又善男子若諸菩薩摩訶薩等
不著內識不著外識不著內外識不
著過去識不著未來識不著現在識
名第五法能令菩薩摩訶薩等獲得
无罪正路法忍又善男子若諸菩薩
摩訶薩等不著此世名第六法能令
菩薩摩訶薩等獲得无罪正路法忍
又善男子若諸菩薩摩訶薩等不著
他世名第七法能令菩薩摩訶薩等
獲得无罪正路法忍又善男子若諸
菩薩摩訶薩等不著欲界名第八法
能令菩薩摩訶薩等獲得无罪正路
法忍又善男子若諸菩薩摩訶薩等
不著色界名第九法能令菩薩摩訶

薩等獲得无罪正路法忍又善男子
若諸菩薩摩訶薩等不著無色界名
第十法能令菩薩摩訶薩等獲得无
罪正路法忍諸善男子是名十法能
令菩薩摩訶薩等獲得无罪正路法
忍世尊為衆說此法時於衆會中有
七十二百千俱胝菩薩摩訶薩同時
證得无生法忍復有八十四百千那
庾多菩薩證得隨順法忍復有无量
百千聲聞乃至永斷一切煩惱成阿
羅漢復有百千那庾多衆生先未發
心今發无上正等覺心於如來智住
不退地復有无量無數衆生先未發
心於今乃發獨覺乘心復有无量
無數衆生先未發心於今乃發聲聞
乘心

今時世尊復告大衆若諸有情已得
法忍處刹帝利灌頂王位受用種種
勝大財業及處種種富貴尊位是我
所許非餘有情金剛藏菩薩白佛言
世尊若諸有情未得法忍於刹帝利
灌頂王位受用種種勝大財業及餘
種種富貴尊位定不許處為亦許耶

世尊告曰若諸有情未得法忍有能受行十善業道亦勸衆生令受學者我亦聽許處刹帝利灌頂王位受用種種勝大財業及餘種種富貴尊位若諸有情未得法忍亦不受行十善業道及勸衆生令勤受學以強勢力處刹帝利灌頂王位受用種種勝大財業及處種種富貴尊位名刹帝利旃荼羅王及餘種種富貴尊位旃荼羅王愚癡憍慢毀壞擾亂我甚深法滅正法燈斷三寶種於我出家諸弟子衆種種惱亂捶拷刑罰奪其衣鉢基業財產退令還俗課稅侵使繫閉牢獄乃至斷命於我所說微妙法義誹謗輕毀障蔽隱沒不令流布奪宰堵波及僧祇物如是諸人皆當墜墮元間地獄受諸劇苦輪轉惡趣難有出期時金剛藏菩薩復白佛言世尊若諸有情未得法忍亦不受行十善業道及勸衆生令勤受學以強勢力處刹帝利灌頂王位受用種種勝大財業及餘種種富貴尊位頗有別緣得方便救令其免墮無間地獄及餘

惡趣受諸苦不世尊告曰亦有別緣
得方便救謂有衆生處刹帝利灌頂
王位及餘種種富貴尊位雖復未得
成就法忍十善業道而有信力尊敬
三寶於佛所說三乘相應諸出要法
下至一頌終不謗毀障蔽隱沒不令
流布於佛出家諸弟子衆持戒破戒
下至无戒剃除鬚髮被袈裟者皆不
惱亂捶拷謫罰侵奪衣鉢基業財產
退令還俗課稅役使繫閉牢獄乃至
斷命亦不侵奪牢堵波物及僧祇物
遮制摧伏諸暴惡人不令惱亂諸出
家衆不令侵奪三寶財物於佛所說
三乘相應諸出要法恭敬聽受既聽
受已精進修行法隨法行於我三乘
賢聖弟子恭敬供養親近承事於大
乘中誓願堅固終无疑難退屈之心
亦常勸導安置衆生令於大乘信受
修學此刹帝利旃荼羅王及餘種種
富貴尊位旃荼羅王過去諸佛皆共
聽許處帝王位及餘種種富貴尊位
雖復受用種種國土城邑聚落勝大
財業而得免墮无間地獄及餘惡趣

我亦聽許處帝王位及餘種種富貴
尊位雖復受用種種國土城邑聚落
而得免墮無間地獄及諸惡趣若諸
有情欲得懺悔除滅一切諸惡業障
令無餘者於我所說如是法門當勤
修學勿令廢忘有能如此現前大眾
慙愧懺悔諸惡業者先世所造一切
惡業皆得銷滅無有遺餘

大乘大集地藏十輪經卷第七

已亥歲高麗國大藏都監奉

勅彫造

大乘大集地藏十輪經卷第八

阿

三藏法師玄奘奉

詔譯

善業道品第六之二

今時金剛藏菩薩摩訶薩復白佛言
大德世尊菩薩摩訶薩云何於聲聞
乘得無誤失云何於聲聞乘補特伽
羅得無誤失云何於獨覺乘得無誤
失云何於獨覺乘補特伽羅得無誤
失云何於大乘得無誤失云何於大
乘補特伽羅得無誤失云何常能熾
然三寶種姓云何於諸如來出家弟
子若是法器若非法器下至一切被
片袈裟剃鬚髮者得無誤失云何於
大乘法常得升進無有退轉云何利
慧勝福常得增長云何於一切定諸
陀羅尼諸忍諸地速得自在无有退
轉云何常得值遇諸善知識隨順而
行云何常得不離見一切佛及諸菩
薩聲聞弟子不離聞法不離親近供
養衆僧云何於諸善根常精進求心
無厭足云何常於菩提種種行願心
无厭足

今時世尊告金剛藏菩薩摩訶薩言
善男子有菩薩摩訶薩十輪若菩薩
摩訶薩成此十輪於聲聞乘得無誤
失於聲聞乘補特伽羅得無誤失於
獨覺乘得無誤失於獨覺乘補特伽
羅得無誤失於其大乘得無誤失於
其大乘補特伽羅得無誤失常能熾
然三寶種姓於諸如來出家弟子若
是法器若非法器下至一切被片袈
裟剃鬚髮者得無誤失於大乘法常
得昇進元有退轉利慧勝福常得增
長於一切定諸陀羅尼諸忍諸地速
得自在元有退轉常得值遇諸善知
識隨順而行常得不離見一切佛及
諸菩薩聲聞弟子不離聞法不離親
近供養衆僧於諸善根常精進求心
无厭足常於菩提種種行願心无厭
足常於一切先所造作惡不善業以
聖金剛堅利法智摧壞散滅令無遺
餘不受果報更不造新惡不善業心
无厭倦速能證得无上法輪常勤修
習七覺分實心無厭倦常能除滅一
切衆生諸煩惱病心无厭倦一切衆

生依止存活

地祇十輪經卷

聖德陶

公尊

善男子如轉輪王具足七寶凡所行動輪寶導前餘寶隨後巡四大洲普能除滅一切衆生身心濁穢普能生長一切衆生身心安樂菩薩摩訶薩亦復如是成就十輪於聲聞乘得元誤失廣說乃至一切衆生依止存活善男子如大車輅具足四輪多人乘之遊行大路於其路上土塊瓦礫草木根莖枝葉花果為輪所輟皆悉摧壞不任受用菩薩摩訶薩亦復如是成就十輪悉能摧壞諸煩惱障諸有情障一切法障令不受報善男子如利劍輪纔一投掣能斬怨敵首及支節令无勢用菩薩摩訶薩亦復如是成就十輪能破一切五趣牢獄生死大苦永斷一切煩惱惡業令不受報善男子如火災起五日出時遍四大洲一切河海水界津潤无不枯竭菩薩摩訶薩亦復如是成就十輪一切四因諸煩惱障諸有情障一切法障苦報根本悉皆枯竭善男子如風灾起四方猛風俱時頓發一切世界大

小諸山及諸大地悉皆散滅菩薩摩訶薩亦復如是成就十輪世間四倒憍慢諸山无不崩壞一切衆生諸煩惱障諸有情障一切法障苦報根本悉皆散滅善男子如師子王吼聲一發一切禽獸悉皆驚怖飛落走伏无敢輒動菩薩摩訶薩亦復如是成就十輪法音一震乃至一切外道異學惡知識等悉皆驚怖忘失言辯无敢酬抗善男子如天帝釋與阿素洛將欲戰時天軍圍遶手執金剛奔趣陣敵諸阿素洛驚怖退散菩薩摩訶薩亦復如是成就十輪一切倒見外道異學惡知識等驚怖退散善男子如如意珠置高幢上能雨種種上妙珍寶給施一切貧乏衆生菩薩摩訶薩亦復如是成就十輪處淨戒幢雨大法雨給施一切无量衆生善男子如闇夜分世間幽冥都無所見迷失正道滿月出已諸闇皆除諸失道者皆見正路菩薩摩訶薩亦復如是成就十輪若諸衆生无明昏闇由此迷失八支聖道菩薩為其宣說正法除无

明闇生法光明開示顯現八支聖道令
斷諸漏盡諸苦際善男子如大日殿
出現世間一切苗稼悉皆增長一切
花葉悉皆敷榮一切臭穢悉皆除歇
諸穀果藥悉皆成熟雪山銷流諸河
充溢漸次轉注滿於大海菩薩摩訶
薩亦復如是成就十輪依止增上布
施調伏寂靜尸羅安忍正勤靜慮般
若方便慈悲辯才功德皆悉熾盛為
諸衆生宣說正法由法威光令諸衆
生種種增上善根苗稼悉皆增長種
種增上妙行花葉悉皆敷榮種種煩
惱惡業惡行悉皆除歇善趣涅槃諸
穀果藥悉皆成熟邪見慢山悉皆銷
流種種正信戒聞捨慧及諸定河无
不充溢漸次盈滿大涅槃海令諸有
情隨意所樂趣入無畏涅槃之城善
男子云何名菩薩摩訶薩十輪善男
子此十輪者非餘法也當知即是十
善業道成就如是十種輪故得名菩
薩摩訶薩也於一切惡皆能解脫一
切善法隨意成就速能盈滿大涅槃
海以大善巧方便智光成熟一切衆

生之類皆令獲得利益安樂所以者
何善男子過去一切諸佛世尊皆悉
遠離十惡業道皆悉稱揚讚歎如是
十善業道所得果報是故若能於此
所說十善業道隨守護一乃至命終
究竟無犯必獲一切殊勝果報如前
後說善男子若菩薩摩訶薩能盡形
壽遠離煞生即是施與一切衆生无
驚無怖令諸衆生不生憂苦離毛豎
畏由此善根速得成熟所有前際輪
轉五趣沒生死河因煞生故造身語
意諸惡業障諸煩惱障諸有情障一
切法障諸壽命障自作教他見聞隨
喜由此遠離煞生輪故皆悉輒壞摧
滅无餘不受果報於現身中諸人天
等皆共親愛无有猜慮身心安樂壽
命長遠將命終時身心不為憂苦逼
切所愛妻子眷屬圍遶臨命終時不
見可怖剋魔王使唯見可意成調善
法具戒富德真實福田為善知識身
心歡悅深生敬信既命終已還生人
中諸根圓滿支體具足隨所生處无
病長壽端正聰明安隱快樂復遇可

意成調善法具戒富德真實福田為
善知識依彼修學離煞生法能斷一
切惡不善法能成一切殊勝善法能
求一切大乘法義能修一切菩薩願
行漸次趣入深廣智海乃至證得无
上菩提所居佛土離諸兵器無有怨
害鬪戰之名絕諸怖畏安隱快樂一
切无病長壽有情來生其國如来自
壽無量无邊為諸有情如應說法般
涅槃後正法久住利益安樂無量有
情善男子是名菩薩摩訶薩第一遠
離煞生輪也菩薩摩訶薩成就此輪
故於聲聞乘得无誤失於聲聞乘補
特伽羅得無誤失於獨覺乘得無誤
失於獨覺乘補特伽羅得无誤失於
其大乘得无誤失於其大乘補特伽
羅得無誤失常能熾然三寶種性於
諸如來出家弟子若是法器若非法
器下至一切被片袈裟剃鬚髮者得
无誤失於大乘法常得升進无有退
轉利慧勝福常得增長於一切定諸
陀羅尼諸忍諸地速得自在无有退
轉常得值遇諸善知識隨順而行常

得不離見一切佛及諸菩薩聲聞弟子不離聞法不離親近供養衆僧於諸善根常精進求心无厭足常於菩提種種行願心無厭足所得果報廣如前說

復次善男子若菩薩摩訶薩能盡形壽離不與取即是施與一切衆生无驚无怖無有熱惱亦无擾動於自所得如法財利喜足而住終不希求非法財利由此善根速得成熟所有前際輪轉五趣沒生死河因不與取造身語意諸惡業障諸煩惱障諸有情障一切法障諸財寶障自作教他見聞隨喜由此遠離不與取輪皆悉輟壞摧滅无餘不受果報於現身中諸人天等皆共親愛无所猜慮身心安樂財寶具足將命歿時身心不為憂苦逼切所愛妻子眷屬圍遶臨命歿時不見可怖剎魔王使唯見可意成調善法具戒富德真實福田為善知識身心歡悅深生敬信既命歿已還生人中諸根圓滿支體具足隨所生處具大財寶端正聰明安隱快樂不

與五家共諸財寶復遇可意成調善
法具戒富德真實福田為善知識依
彼修學離不與取能斷一切惡不善
法能成一切殊勝善法能求一切大
乘法義能修一切菩薩願行漸次趣
入深廣智海乃至證得无上菩提所
居佛土衆寶莊嚴寶樹寶池寶臺殿
等无不充備離我我所無所攝受一
切具足嚴飾有情來生其國如來自
身壽命无量為諸有情如應說法般
涅槃後正法久住利益安樂无量有
情善男子是名菩薩摩訶薩第二遠
離不與取輪菩薩摩訶薩成就此輪
故於聲聞乘得无誤失於聲聞乘補
特伽羅得无誤失於獨覺乘得無誤
失於獨覺乘補特伽羅得无誤失於
其大乘得无誤失於其大乘補特伽
羅得無誤失常能熾然三寶種姓於
諸如來出家弟子若是法器若非法
器下至一切被片袈裟剃鬚髮者得
無誤失於大乘法常得昇進无有退
轉利慧勝福常得增長於一切定諸
陀羅尼諸忍諸地速得自在无有退

轉常得值遇諸善知識隨順而行常得不離見一切佛及諸菩薩聲聞弟子不離聞法不離親近供養衆僧於諸善根常精進求心无厭足常於菩提種種行願心无厭足所得果報廣說如前

復次善男子若菩薩摩訶薩能盡形壽離欲邪行即是施與欲流所漂一切衆生无驚無怖无嫉無害无有熱惱亦無擾動於已妻室喜足而住終不希求非法色欲由此善根速得成熟所有前際輪轉五趣沒生死河因欲邪行造身語意諸惡業障諸煩惱障諸有情障一切法障諸室家障自作教他見聞隨喜由此遠離欲邪行輪皆悉輟壞摧滅無餘不受果報於現身中諸人天等皆共親愛无所猜慮身心安樂妻室貞良將命終時身心不為憂苦逼切所愛妻子眷屬圍繞臨命終時不見可怖剎魔王使唯見可意成調善法具戒富德真實福田為善知識身心歡悅深生敬信既命終已還生人中諸根圓滿支體具

足隨所生處具諸眷屬端正聰明安
隱快樂復遇可意成調善法具戒富
德真實福田為善知識依彼修學離
欲邪行能斷一切惡不善法能成一
切殊勝善法能求一切大乘法義能
修一切菩薩願行漸次趣入深廣智
海乃至證得无上菩提所居佛土無
諸女人離諸婬欲具足第一梵行有
情來生其國一切有情皆受化生不
處胞胎臭穢不淨如來自身壽命无
量為諸有情如應說法般涅槃後正
法久住利益安樂无量有情善男子
是名菩薩摩訶薩第三遠離欲邪行
輪菩薩摩訶薩成就此輪故於聲聞
乘得无誤失於聲聞乘補特伽羅得
無誤失於獨覺乘得无誤失於獨覺
乘補特伽羅得无誤失於其大乘得
無誤失於其大乘補特伽羅得无誤
失常能熾然三寶種姓於諸如來出
家弟子若是法器若非法器下至一
切被片袈裟剃鬚髮者得无誤失於
大乘法常得昇進無有退轉利慧勝
福常得增長於一切定諸陀羅尼諸

忍諸地速得自在无有退轉常得值
遇諸善知識隨順而行常得不離見
一切佛及諸菩薩聲聞弟子不離聞
法不離親近供養衆僧於諸善根常
精進求心无厭足常於菩提種種行
願心無厭足所得果報廣說如前
復次善男子若菩薩摩訶薩能盡形
壽離虛誑語一切衆生常共愛敬所
出言詞皆誠諦量聞悉敬奉无所猜
疑由此善根速得成熟所有前際輪
轉五趣没生死河因虛誑語造身語
意諸惡業障諸煩惱障諸有情障一
切法障諸信言障自作教他見聞隨
喜由此遠離虛誑語輪皆悉輟壞摧
滅无餘不受果報於現身中諸人天
等皆共親愛无所猜慮身心安樂所
出言詞他皆信奉將命終時身心不
為憂苦逼切所愛妻子眷屬圍繞臨
命終時不見可怖剋魔王使唯見可
意成調善法具戒富德真實福田為
善知識身心歡悅深生敬信既命終
已還生人中諸根圓滿支體具足隨
所生處所言誠諦端正聰明安隱快

樂復遇可意成調善法具戒富德真
實福田為善知識依彼修學離虛誑
語能斷一切惡不善法能成一切殊
勝善法能求一切大乘法義能修一
切菩薩願行漸次趣入深廣智海乃
至證得无上菩提所居佛土一切真
實離諸虛偽妙香潔物之所莊嚴无
諂无誑心行正真希求純淨善法有
情來生其國香潔妙服寶飾莊嚴如
來自身壽命無量為諸有情如應說
法般涅槃後正法久住利益安樂無
量有情善男子是名菩薩摩訶薩第
四遠離虛誑語輪菩薩摩訶薩成就
此輪故於聲聞乘得无誤失於聲聞
乘補特伽羅得無誤失於獨覺乘得
無誤失於獨覺乘補特伽羅得无誤
失於其大乘得无誤失於其大乘補
特伽羅得無誤失常能熾然三寶種
姓於諸如來出家弟子若是法器若
非法器下至一切被片袈裟剃鬚髮
者得无誤失於大乘法常得升進无
有退轉利慧勝福常得增長於一切
定諸陀羅尼諸忍諸地速得自在無

有退轉常得值遇諸善知識隨順而行常得不離見一切佛及諸菩薩聲聞弟子不離聞法不離親近供養衆僧於諸善根常精進求心無厭足常於菩提種種行願心无厭足所得果報廣說如前

復次善男子若菩薩摩訶薩能盡形壽離離間語一切衆生常共愛敬所發言詞皆令和順聞悉敬奉无所猜疑由此善根速得成熟所有前際輪轉五趣沒生死河因離間語造身語意諸惡業障諸煩惱障諸有情障一切法障諸和敬障自作教他見聞隨喜由此遠離離間語輪皆悉輟壞摧滅无餘不受果報於現身中諸人天等皆共親愛无所猜慮身心安樂所發言詞皆令和順將命終時身心不為憂苦逼切所愛妻子眷屬圍遶臨命終時不見可怖剎魔王使唯見可意成調善法具戒富德真實福田為善知識身心歡悅深生敬信既命終已還生人中諸根圓滿支體具足隨所生處所言和順端正聰明安隱快

樂復遇可意成調善法具戒富德真實福田為善知識依彼修學離離間語能斷一切惡不善法能成一切殊勝善法能求一切大乘法義能修一切菩薩願行漸次趣入深廣智海乃至證得无上菩提所居佛土一切堅密難可破壞諸美妙物之所莊嚴元連無競善和諍訟希求淳質善法有情來生其國常修和敬聽聞正法如來自身壽命无量為諸有情如應說法般涅槃後正法久住利益安樂无量有情善男子是名菩薩摩訶薩第五遠離離間語輪菩薩摩訶薩成就此輪故於聲聞乘得无誤失於聲聞乘補特伽羅得無誤失於獨覺乘得無誤失於獨覺乘補特伽羅得无誤失於其大乘得無誤失於其大乘補特伽羅得无誤失常能熾然三寶種姓於諸如來出家弟子若是法器若非法器下至一切被片袈裟剃鬚髮者得无誤失於大乘法常得昇進无有退轉利慧勝福常得增長於一切定諸陀羅尼諸忍諸地速得自在無

有退轉常得值遇諸善知識隨順而行常得不離見一切佛及諸菩薩聲聞弟子不離聞法不離親近供養衆僧於諸善根常精進求心無厭足常於善提種種行願心无厭足所得果報廣說如前

復次善男子若菩薩摩訶薩能盡形壽離麤惡語一切衆生常共愛敬所發語言皆令歡悅聞悉敬奉无所猜疑由此善根速得成熟所有前際輪轉五趣沒生死河因麤惡語造身語意諸惡業障諸煩惱障諸有情障一切法障諸調善障自作教他見聞隨喜由此遠離麤惡語輪皆悉報壞摧滅无餘不受果報於現身中諸人天等皆共親愛無所猜慮身心安樂所出言詞皆令歡悅將命終時身心不為憂苦逼切所愛妻子眷屬圍遶臨命終時不見可怖剎魔王使唯見可意成調善法具戒富德真實福田為善知識身心歡悅深生敬信既命終已還生人中諸根圓滿支體具足隨所生處所言柔軟端正聰明安隱快

樂復遇可意成調善法具戒富德真實福田為善知識依彼修學離麁惡語能斷一切惡不善法能成一切殊勝善法能求一切大乘法義能修一切菩薩願行漸次趣入深廣智海乃至證得无上菩提所居佛土遠離一切不可意聲種種上妙如意和雅諸意樂聲結集法聲充滿其土具足念慧梵音清徹調善有情來生其國常以軟語更相勸進如來自身壽命无量為諸有情如應說法般涅槃後正法久住利益安樂无量有情善男子是名菩薩摩訶薩第六遠離麁惡語輪菩薩摩訶薩成就此輪故於聲聞乘得無誤失於聲聞乘補特伽羅得無誤失於獨覺乘得無誤失於獨覺乘補特伽羅得無誤失於其大乘補特伽羅得無誤失常能熾然三寶種姓於諸如來出家弟子若是法器若非法器下至一切被片袈裟剃鬚髮者得無誤失於大乘法常得升進无有退轉利慧勝福常得增長於一切定諸陀羅尼諸

忍諸地速得自在無有退轉常得值
遇諸善知識隨順而行常得不離見
一切佛及諸菩薩聲聞弟子不離聞
法不離親近供養衆僧於諸善根常
精進求心无厭足常於菩提種種行
願心無厭足所得果報廣說如前
復次善男子若菩薩摩訶薩能盡形
壽離雜穢語一切衆生常共愛敬所
發言詞皆有義利聞悉敬奉无所猜
疑由此善根速得成熟所有前際輪
轉五趣没生死河因雜穢語造身語
意諸惡業障諸煩惱障諸有情障一
切法障諸義利障自作教他見聞隨
喜由此遠離雜穢語輪皆悉毀壞摧
滅無餘不受果報於現身中諸人天
等皆共親愛无所猜慮身心安樂所
發言詞皆成義利將命終時身心不
為憂苦逼切所受妻子眷屬圍遶臨
命終時不見可怖剎魔王使唯見可
意成調善法具戒富德真實福田為
善知識身心歡悅深生敬信既命終
已還生人中諸根圓滿支體具足隨
所生處言必饒益端正聰明安隱快

樂復遇可意成調善法具戒富德真
實福田為善知識依彼修學離雜穢
語能斷一切惡不善法能成一切殊
勝善法能求一切大乘法義能修一
切菩薩願行漸次趣入深廣智海乃
至證得无上菩提所居佛土遠離一
切無義利聲種種上妙菩薩藏攝大
法音聲周遍國土成就无边大願妙
智能善辯說種種法義如有情來
生其國如来自身壽命無量為諸有
情如應說法般涅槃後正法久住利
益安樂无量有情善男子是名菩薩
摩訶薩第七遠離雜穢語輪菩薩摩
訶薩成就此輪故於聲聞乘得無誤
失於聲聞乘補特伽羅得無誤失於
獨覺乘得無誤失於獨覺乘補特伽
羅得無誤失於其大乘得無誤失於
其大乘補特伽羅得無誤失常能熾
然三寶種姓於諸如來出家弟子若
是法器若非法器下至一切被片袈
裟剃鬚髮者得無誤失於大乘法常
得升進无有退轉利慧勝福常得增
長於一切定諸陀羅尼諸忍諸地速

得自在無有退轉常得值遇諸善知識隨順而行常得不離見一切佛及諸菩薩聲聞弟子不離聞法不離親近供養衆僧於諸善根常精進求心無厭足常於菩提種種行願心无厭足所得果報廣說如前

復次善男子若菩薩摩訶薩能盡其壽遠離貪欲一切衆生常所愛重其心清淨離諸染濁由此善根速得成熟所有前際輪轉五趣沒生死河因貪欲故造身語意諸惡業障諸煩惱障諸有情障一切法障諸無貪障自作教他見聞隨喜由此遠離貪欲輪故皆悉輟壞摧滅元餘不受果報於現身中諸人天等皆共親愛无所猜慮身心安樂其心清淨離諸染濁將命終時身心不為憂苦逼切所愛妻子眷屬圍遶臨命終時不見可怖剎魔王使唯見可意成調善法具戒富德真實福田為善知識身心歡悅深生敬信既命終已還生人中諸根圓滿支體具足隨所生處其心清淨離諸染濁端正聰明安隱快樂復遇可

意成調善法具戒富德真實福田為
善知識依彼修學離貪欲法能斷一
切惡不善法能成一切殊勝善法能
求一切大乘法義能修一切菩薩願
行漸次趣入深廣智海乃至證得無
上菩提所居佛土地平如掌眾寶充
滿種種寶樹行列莊嚴種種寶衣寶
莊嚴具寶幢幡蓋金銀真珠羅網等
樹處處皆有甚可愛樂遠離憍慢顏
貌端嚴諸根无缺其心平等如有
情來生其國無貪功德圓滿莊嚴如
來自身壽命无量為諸有情如應說
法般涅槃後正法久住利益安樂無
量有情善男子是名菩薩摩訶薩第
八遠離貪欲輪也菩薩摩訶薩成就
此輪故於聲聞乘得无誤失於聲聞
乘補特伽羅得無誤失於獨覺乘得
無誤失於獨覺乘補特伽羅得无誤
失於其大乘得无誤失於其大乘補
特伽羅得无誤失常能熾然三寶種
姓於諸如來出家弟子若是法器若
非法器下至一切被片袈裟剃鬚髮
者得無誤失於大乘法常得升進無

有退轉利慧勝福常得增長於一切
定諸陀羅尼諸忍諸地速得自在无
有退轉常得值遇諸善知識隨順而
行常得不離見一切佛及諸菩薩聲
聞弟子不離聞法不離親近供養衆
僧於諸善根常精進求心无厭足常
於菩提種種行願心无厭足所得果
報廣說如前

大乘大集地藏十輪經卷第八

已亥歲高麗國大藏都監奉

勅彫造

大乘大集地藏十輪經卷第九

陶

三藏法師玄奘奉

詔譯

善業道品第六之二

復次善男子若菩薩摩訶薩能盡形
壽遠離瞋恚一切衆生常所受重其
心清淨離諸垢穢由此善根速得成
熟所有前際輪轉五趣沒生死河因
瞋恚故造身語意諸惡業障諸煩惱
障諸有情障一切法障諸無明障自
作教他見聞隨喜由此遠離瞋恚輪
故皆悉輟壞摧滅无餘不受果報於
現身中諸人天等皆共親愛无所猜
慮其心清淨離諸垢穢將命終時身
心不為憂苦逼切所愛妻子眷屬圍
遶臨命終時不見可怖剋魔王使唯
見可意成調善法具戒富德真實福
田為善知識身心歡悅深生敬信既
命終已還生人中諸根圓滿支體具
足隨所生處其心清淨離諸垢穢端
正聰明安隱快樂復遇可意成調善
法具戒富德真實福田為善知識依
彼修學離瞋恚法能斷一以惡不善

法能成一切殊勝善法能求一切大
乘法義能修一切菩薩願行漸次趣
入深廣智海乃至證得无上菩提所
居佛土遠離一切濁穢風雲鬱蒸塵
垢諸麤弊物衆寶莊嚴甚可愛樂遠
離憍慢顛貌端嚴諸根无缺心常寂
定如是有情來生其國慈悲功德圓
滿莊嚴如来自身壽命无量為諸有
情如應說法般涅槃後正法久住利
益安樂无量有情善男子是名菩薩
摩訶薩第九遠離瞋恚輪也菩薩摩
訶薩成就此輪故於聲聞乘得無誤
失於聲聞乘補特伽羅得无誤失於
獨覺乘得无誤失於獨覺乘補特伽
羅得无誤失於其大乘得無誤失於
其大乘補特伽羅得无誤失常能熾
然三寶種姓於諸如來出家弟子若
是法器若非法器下至一切被片袈
裟剃鬚髮者得無誤失於大乘法常
得升進无有退轉利慧勝福常得增
長於一切定諸陀羅尼諸忍諸地速
得自在无有退轉常得值遇諸善知
識隨順而行常得不離見一切佛及

諸菩薩聲聞弟子不離聞法不離親近供養衆僧於諸善根常精進求心無厭足常於菩提種種行願心无厭足所得果報廣說如前

復次善男子若菩薩摩訶薩能盡形壽遠離邪見一切衆生常所愛重其心清淨離邪分別由此善根速得成熟所有前際輪轉五趣沒生死河因邪見故造身語意諸惡業障諸煩惱障諸有情障一切法障諸正見障自作教他見聞隨喜由此遠離邪見輪故皆悉報壞摧滅无餘不受果報於現身中諸人天等皆共親愛无所猜慮身心安樂其心清淨離邪分別將命終時身心不為憂苦逼切所愛妻子眷屬圍遶臨命終時不見可怖剎魔王使唯見可意成調善法具戒富德真實福田為善知識身心歡悅深生敬信既命終已還生人中諸根圓滿支體具足隨所生處其心清淨離邪分別端正聰明安隱快樂復遇可意成調善法具戒富德真實福田為善知識依彼修學離邪見法能斷一

切惡不善法能成一切殊勝善法能求一切大乘法義能修一切菩薩願行漸次趣入大乘大海乃至證得无上菩提所居佛土遠離一切聲聞獨覺二乘人法遠離一切天魔徒衆遠離一切外道朋黨衆寶莊嚴甚可愛樂遠離一切妄執吉凶常見斷見我所見如是有情來生其國壽命長遠受用一味謂大乘味如来自身壽命无量為諸有情如應說法般涅槃後正法久住利益安樂无量有情聖教一味無有乖諍熾盛流通離諸障難善男子是名菩薩摩訶薩第十遠離邪見輪也菩薩摩訶薩成就此輪故於聲聞乘得無誤失於聲聞乘補特伽羅得無誤失於獨覺乘得無誤失於獨覺乘補特伽羅得無誤失於其大乘補特伽羅得無誤失常能熾然三寶種姓於諸如來出家弟子若是法器若非法器下至一切被片袈裟剃鬚髮者得無誤失於大乘法常得升進无有退轉利慧勝福常得增長於一切定諸

陀羅尼諸忍諸地速得自在無有退
轉常得值遇諸善知識隨順而行常
得不離見一切佛及諸菩薩聲聞弟
子不離聞法不離親近供養衆僧於
諸善根常精進求心無厭足常於善
提種種行願六波羅蜜多心无厭足
所得果報廣說如前

善男子若菩薩摩訶薩成就如是十
輪能速證得阿耨多羅三藐三菩提
所以者何於過去世一切如來應正
等覺皆悉遠離十惡業道皆悉稱揚
讚歎如是十善業道所得果報為欲
長養一切衆生利益安樂菩提道故
為欲除滅一切衆生業煩惱苦令无
餘故為欲枯竭三惡趣故為欲紹隆
三寶種故為欲斷除三界有故為欲
永斷蘊界處故為令一切速入无畏
涅槃城故廣說如前遠離十種不善
業道所得果報是故善男子若不真
實希求如是十善業道所證佛果及
不真實下至守護一善業道乃至命
終而自稱言我是真實行大乘者我
求無上正等菩提當知如是補特伽

羅是極虛詐是大妄語對十方界佛
世尊前誑惑世間無慙无愧說空斷
見誘誑愚癡身壞命終墮諸惡趣善
男子若但言說及但聽聞不由修行
十善業道能得菩提般涅槃者於一
劫中或一念頃可令十方一切佛土
地界微塵算數衆生皆登正覺入般
涅槃然无是事所以者何十善業道
是大乘本是菩提因是證涅槃堅固
梯蹬善男子若但發心發誓願力不
由修行十善業道能得菩提般涅槃
者於一劫中或一念頃可令十方一
切佛土地界微塵算數衆生皆登正
覺入般涅槃然无是事所以者何十
善業道是世出世殊勝果報功德根
本善男子若不修行十善業道設經
十方一切佛土微塵數劫自号大乘
或說或聽或但發心或發誓願終不
能證菩提涅槃亦不令他脫生死苦
善男子要由修行十善業道世間方
有諸刹帝利婆羅門等大富貴族四
大王天乃至非想非非想處或聲聞
乘或獨覺乘乃至无上正等菩提皆

由修行十善業道品類老別是故善男子若欲速滿无上正等菩提願者當修如是十善業道以自在嚴非住十惡不律儀者能滿如是无上正等菩提大願若求速悟大乘境界速證無上正等菩提速滿一切善法願者先應護持十善業道所以者何十善業道是能安立一切善法功德根本是世出世勝果報因是故應修十善業道今時世尊重顯此義而說頌曰欲除諸有苦 證得大菩提 應修十善輪精勤勿放逸 便於三乘法 及補特伽羅一切出家人 皆得无誤失 信受行大乘利樂一切衆 覺勝法淨土 速證大菩提若離於殺生 一切皆愛敬 恒无病長壽常樂不害法 一切所生衆 恒樂佛所行常遇佛法僧 速成无上覺 若離不與取智者皆愛敬 滅貪所生業 獲无貪所生生生常巨富 能為大施主 得衆寶莊嚴可愛淨佛國 若離欲邪行 滅臭穢煩惱枯竭貪愛河 速得淨佛國 拔諸衆生類令出欲淤泥 安置於大乘 使勤修梵行若離虛誑語 得聖自在智 常樂誦實言

滅虛妄衆苦

一言為證量

常遇佛法僧

速得大菩提

勸修不妄語

若離離間語

成衆善法器

常遇佛法僧

不歸於斷滅

得聖无染著

陀羅尼寶藏

達深法海源

速成無上覺

若離麤惡語

常說柔軟言

衆生皆愛敬

滅先世罪業

令衆常歡悅

成菩薩導師

知諸佛所行

超過第十地

若離雜穢語

智者皆愛敬

為他所發言

具獲五功德

常聽受聖言

恒欣求聖道

圓滿諸佛海

速得一切智

若離於貪欲

不誹謗聖教

供養服袈裟

弘三乘聖道

當生淨佛國

導師之所居

乘於无上乘

速得寂勝智

若離於瞋恚

一向修慈心

速疾證等持

樂衆聖行處

當生淨佛土

遠離諸過惡

住彼證菩提

令離諸瞋忿

若離於邪見

純修淨信心

樂開示三乘

亦供養諸佛

永脫諸惡趣

遇衆賢聖者

具諸菩薩德

速得寂上智

我說十善業

能趣勝菩提

生長諸等持

陀羅尼忍地

此輪大威德

能摧諸惡趣

破壞諸惡障

速證大菩提

大乘大集地藏十輪經福田相品第七之一

復次善男子菩薩摩訶薩有十財施

大甲冑輪若菩薩摩訶薩成就此輪
從初發心一切五欲皆能除斷超勝
一切聲聞獨覺普為一切聲聞獨覺
作大福田一切聲聞獨覺乘等皆應
供養承事守護何等為十所謂布施
種種飲食衣服寶飾象馬車乘及以
自身手足耳鼻頭目髓腦皮骨血肉
國城妻子奴婢田宅如是一一行布
施時不顧身命不專為已求於世間
出世間樂發心布施但欲普為一切
有情生長大慈大悲芽故發心布施
為欲引發善巧方便殊勝智故發心
布施為欲引發一切有情安樂事故
發心布施為欲除滅一切有情苦惱
事故發心布施無勝他心無麤獷心
無嫉妬心無慳吝心而行布施於所
施物若多若少下至一食終不希求
自受果報發心布施終不希求聲聞
乘果發心布施終不希求獨覺乘果
發心布施於所施物若多若少下至
一食但為希求一切種智發心布施
善男子菩薩摩訶薩成就如是十種
財施大甲冑輪從初發心一切五欲

皆能除斷起勝一切聲聞獨覺普為
一切聲聞獨覺作大福田一切聲聞
獨覺乘等皆應供養承事守護所以
者何聲聞獨覺發心布施无大慈悲
但為已身捨貧窮故但為已身脫衆
苦故但為已身得安樂故但為已身
證涅槃故不能普為一切有情而行
布施菩薩摩訶薩發心布施有大慈
悲普為有情捨貧窮故普為有情脫
衆苦故普為有情得安樂故普為有
情證涅槃故不為自身而行布施以
是義故起勝一切聲聞獨覺普為一
切聲聞獨覺作大福田一切聲聞獨
覺乘等皆應供養承事守護菩薩摩
訶薩修行財施波羅蜜多時於妙五
欲心無染著自所攝受一切樂具普
能施與一切有情依普攝受諸有情
心依自忍受一切苦心依滅一切有
情苦心依與一切有情樂心依與有
情大涅槃心而行布施以是義故起
勝一切聲聞獨覺普為一切聲聞獨
覺作大福田一切聲聞獨覺乘等皆
應供養承事守護善男子若於五欲

心無染著具大慈悲而行布施是名
菩薩摩訶薩也亦名一切聲聞獨覺
真實福田若不除斷世間五欲无大
慈悲而行布施雖捨無量无邊施物
而猶不得名為菩薩摩訶薩也亦非
一切聲聞獨覺真實福田此施不蒙
聖印所印是故應斷世間五欲具大
慈悲而行布施若不斷於世間五欲
無大慈悲而行布施不名菩薩非真
福田善男子染著五欲行布施輪尚
不能滅自身所有少分苦惱况能除
滅一切有情无量苦惱今時世尊重
顯此義而說頌曰

成就財施輪 智者淨意樂 盡離於五欲
安樂諸有情 為樂諸有情 不求自果報
雖行少分施 而名真福田 雖復施衆多
而依止五欲 非聖印所印 住不定聚中
雖行少分施 而不依五欲 名聲聞獨覺
真實良福田 故應捨五欲 常行清淨施
安樂有情衆 成真實福田

復次善男子菩薩摩訶薩有十法施
大甲冑輪若菩薩摩訶薩成就此輪
從初發心一切五欲皆能除斷速能

獲得日燈光定起勝一切聲聞獨覺
普為一切聲聞獨覺作大福田一切
聲聞獨覺乘等皆應供養承事守護
何等為十謂諸如來所說正法或聲
聞乘相應正法或獨覺乘相應正法
或與大乘相應正法或世間法或出
世間法或有漏法或無漏法或有為
法或無為法或不二法菩薩摩訶薩
於此十法深信敬重一切聽聞隨力
所能審諦領受思惟觀察究竟通利
隨其所宜為他演說於說法時無嫉
妬心无慳恡心無憍慢心无求利心
無輕他心无自舉心有恭敬心有饒
益心有大慈心有大悲心為聲聞乘
補特伽羅說聲聞法不為彼說獨覺
乘法及大乘法為獨覺乘補特伽羅
說獨覺法不為彼說聲聞乘法及大
乘法為於大乘補特伽羅說大乘法
不為彼說聲聞乘法獨覺乘法隨諸
有情根器所能為說正法非根器者
終不為說於其大乘諸有情所終不
勸修獨覺乘行聲聞乘行於獨覺乘
諸有情所或時勸彼修大乘行於聲

聞乘諸有情所或時勸修獨覺乘行
及大乘行於諸如來所說正法下至
一頌乃至半句深信敬重終不毀謗
障蔽隱沒於說法師起世尊想於聽
法衆起病者想於所說法起良藥想
斷除五欲無所希求宣說正法善男
子是名菩薩摩訶薩十種法施大甲
胃輪若菩薩摩訶薩成就此輪能斷
五欲速能獲得日燈光定超勝一切
聲聞獨覺普為一切聲聞獨覺作大
福田一切聲聞獨覺乘等皆應供養
承事守護今時世尊重顯此義而說
頌曰

智者修法施 隨器說三乘 不為說餘乘
恐聞而謗法 稱根器說法 不為非根器
各隨其所樂 勸進令歡喜 終不勸大乘
令修二乘行 或時勸彼二 進修中上乘
常恭敬聽法 深信不毀謗 供養說法師
如佛世尊想 勸聞妙法藥 令除煩惱病
捨利養名譽 而宣說正法

復次善男子菩薩摩訶薩復有淨戒
大甲胃輪若菩薩摩訶薩成就此輪
從初發心一切五欲皆能除斷超勝

一切聲聞獨覺普為一切聲聞獨覺作大福田一切聲聞獨覺乘等皆應供養承事守護云何淨戒大甲冑輪善男子菩薩淨戒有二種相一者共二者不共云何菩薩共淨戒輪謂諸在家近事近住所受律儀或復出家及受具足別解脫戒如是律儀別解脫戒是名菩薩共淨戒輪共諸聲聞獨覺乘等菩薩不由此淨戒輪能除一切有情煩惱諸惡見趣及能解脫業障生死此不名為大甲冑輪亦不由此名為菩薩摩訶薩也及名一切聲聞獨覺真實福田云何菩薩不共淨戒大甲冑輪謂諸菩薩普於十方一切有情起平等心无擾動心無怨恨心護持淨戒普於一切持戒犯戒布施慳貪慈悲忿恚精進懈怠下中上品諸有情所无老别心無老别想護持淨戒普於三界一切有情無恚无忿及諸惡行護持淨戒普於三有蘊界處中無所分別護持淨戒不依欲界護持淨戒不依色界護持淨戒不依无色界護持淨戒不觀諸有一切

果報護持淨戒不依一切得與不得
護持淨戒不依諸行護持淨戒是名
菩薩不共淨戒大甲冑輪善男子若
菩薩摩訶薩成此淨戒大甲冑輪從
初發心一切五欲皆能除斷得名菩
薩摩訶薩也超勝一切聲聞獨覺普
為一切聲聞獨覺作大福田一切聲
聞獨覺乘等皆應供養承事守護亦
時世尊重顯此義而說頌曰

住在家律儀 出家解脫戒 與二乘等共
不名摩訶薩 智者修空法 不依諸世間
亦不依諸有 護持清淨戒 離取相尸羅
無染无諸漏 護持如是戒 名真實福田
復次善男子菩薩摩訶薩復有安忍
大甲冑輪若菩薩摩訶薩成就此輪
從初發心一切五欲皆能除斷超勝
一切聲聞獨覺普為一切聲聞獨覺
作大福田一切聲聞獨覺乘等皆應
供養承事守護云何安忍大甲冑輪
善男子菩薩安忍有二種相一者世
間二者出世間云何菩薩世間安忍
謂有漏忍緣諸有情有取有相依諸
果報依諸福業所發起忍依自諸色

聲香味觸所發起忍有發起忍无堪
能忍力羸劣忍棄衆生忍有誑詐忍
矯悅他忍不為利樂諸有情忍是名
菩薩世間安忍如是安忍共諸聲聞
獨覺乘等此不名為大甲冑輪亦不
由此名為菩薩摩訶薩也及名一切
聲聞獨覺真實福田云何菩薩出世
安忍大甲冑輪謂无漏忍一切賢聖
大法光明普為利樂一切有情無染
著忍永斷一切所作事業語言因相
文字音聲行依處安忍修此忍故能
斷一切三結三受三相三世三有三行
三不善根四種瀑流四扼四取四種
身繫修此忍時心意寂靜是名菩薩
出世安忍大甲冑輪善男子若菩薩
摩訶薩成此安忍大甲冑輪從初發
心一切五欲皆能除斷得名菩薩摩
訶薩也超勝一切聲聞獨覺普為一
切聲聞獨覺作大福田一切聲聞獨
覺乘等皆應供養承事守護亦時世
尊重顯此義而說頌曰

安忍說二種 謂有相无相 有相忍有著
智者不稱譽 修忍依三行 依蘊界處等

是名有漏忍 非摩訶薩相 為滅四顛倒
修无染著忍 寂靜三行等 此忍可稱譽
能寂靜諸行 離一切分別 心平等如空
此忍可稱譽 諸法同一趣 空无相寂滅
心无所住者 此忍成大利

復次善男子菩薩摩訶薩復有精進
大甲冑輪若菩薩摩訶薩成就此輪
從初發心一切五欲皆能除斷起勝
一切聲聞獨覺普為一切聲聞獨覺
作大福田一切聲聞獨覺乘等皆應
供養承事守護云何精進大甲冑輪
善男子菩薩精進有二種相一者世
間二者出世間云何菩薩世間精進
謂諸菩薩精進勇猛勤修三種世福
業事何等為三一者施福業事二者
戒福業事三者修福業事修此即名
三種精進如是精進緣諸衆生有漏
有取依諸果報依諸福業是名菩薩
世間精進如是精進共諸聲聞獨覺
乘等此不名為大甲冑輪亦不由此
名為菩薩摩訶薩也及名一切聲聞
獨覺真實福田云何菩薩出世精進
大甲冑輪謂諸菩薩勇猛精進於諸

衆生其心平等除滅一切煩惱業苦
如是精進一切賢聖共所稱譽无漏
無取无所依止普於一切精進懈怠
布施慳貪持戒破戒慈悲忿恚下中
上品諸衆生所无老别心無老别想
勇猛精進普於三界一切衆生平等
無二為作事業語言思惟諸行依處
无所住著勇猛精進普於三有蘊界
處中無所分別勇猛精進不依欲界
勇猛精進不依色界勇猛精進不依
無色界勇猛精進不觀諸有一切果
報勇猛精進不依一切得與不得勇
猛精進不依諸行勇猛精進不依三
種世福業事勇猛精進具足出世三
福業事勇猛精進是名菩薩出世精
進大甲冑輪善男子若菩薩摩訶薩
成此精進大甲冑輪從初發心一切
五欲皆能除斷得名菩薩摩訶薩也
超勝一切聲聞獨覺普為一切聲聞
獨覺作大福田一切聲聞獨覺乘等
皆應供養承事守護尔時世尊重顯
此義而說頌曰

於六根染著漂愚五瀑流雖勇猛精進

智者皆默毀緣衆生精進有漏及有取
非真實福田 不名摩訶薩 智者勤精進
遠離一切著心無所依止 名真實福田
不染著名色離蘊界處等 為衆作歸依
是名摩訶薩 行世如水月 修精進究竟
此輪能永斷衆生煩惱縛

復次善男子菩薩摩訶薩復有靜慮
大甲冑輪若菩薩摩訶薩成就此輪
從初發心一切五欲皆能除斷超勝
一切聲聞獨覺普為一切聲聞獨覺
作大福曰一切聲聞獨覺乘等皆應
供養承事守護云何靜慮大甲冑輪
善男子菩薩靜慮有二種相一者世
間二者出世間云何菩薩世間靜慮
謂諸菩薩依著諸蘊修習靜慮依著
諸界修習靜慮依著諸處修習靜慮
依著欲界修習靜慮依著色界修習
靜慮依著无色界修習靜慮依著三
律儀修習靜慮依著三解脫修習靜
慮依著四念住修習靜慮依著四正
斷修習靜慮依著四神足修習靜慮
依著五根修習靜慮依著五力修習
靜慮依著七等覺支修習靜慮依著

八聖道支修習靜慮依著地界修習
靜慮依著水界修習靜慮依著火界
修習靜慮依著風界修習靜慮依著
空界修習靜慮依著識界修習靜慮
依著樂受修習靜慮依著苦受修習
靜慮依著不苦不樂受修習靜慮依
著虛空無邊處修習靜慮依著識無
邊處修習靜慮依著無所有處修習
靜慮依著非想非非想處修習靜慮
依著此世修習靜慮依著他世修習
靜慮依著小想修習靜慮依著大想
修習靜慮依著無量想修習靜慮如
是靜慮有漏有取有所依著是名苦
薩世間靜慮如是靜慮共諸聲聞獨
覺乘等此不名為大甲冑輪亦不由
此名為菩薩摩訶薩也及名一切聲
聞獨覺真實福田云何菩薩出世靜
慮謂諸菩薩遠離諸蘊修習靜慮遠
離諸界修習靜慮遠離諸處修習靜
慮遠離欲界修習靜慮遠離色界修
習靜慮遠離无色界修習靜慮遠離
二律儀修習靜慮遠離三解脫修習
靜慮遠離四念住修習靜慮遠離四

正斷修習靜慮遠離四神足修習靜
慮遠離五根修習靜慮遠離五力修
習靜慮遠離七等覺支修習靜慮遠
離八聖道支修習靜慮遠離地界修
習靜慮遠離水界修習靜慮遠離火
界修習靜慮遠離風界修習靜慮遠
離空界修習靜慮遠離識界修習靜
慮遠離樂受修習靜慮遠離苦受修
習靜慮遠離不苦不樂受修習靜慮
遠離虛空無邊處修習靜慮遠離識
無邊處修習靜慮遠離無所有處修
習靜慮遠離非想非非想處修習靜
慮遠離此世修習靜慮遠離他世修
習靜慮遠離小想修習靜慮遠離大
想修習靜慮遠離無量想修習靜慮
如是靜慮能發賢聖廣大光明無漏
無取无所依者是名菩薩出世靜慮
大甲冑輪善男子若菩薩摩訶薩成
此靜慮大甲冑輪從初發心一切五
欲皆能除斷得名菩薩摩訶薩也超
勝一切聲聞獨覺普為一切聲聞獨
覺作大福田一切聲聞獨覺乘等皆
應供養承事守護今時世尊重顯此

義而說頌曰

為捨已重擔 修有所得定 求斷自煩惱
非真智者相 依器有所觀 求解脫修定
取著此彼岸 非利樂有情 為利樂有情
修定捨重擔 滅一切煩惱 是真智者相
為潤諸有情 修无依著定 永斷諸有愛
是名大慧者 為解諸有縛 令住无畏城
修行寂止定 是名摩訶薩
大乘大集地藏十輪經卷第九

已亥歲高麗國大藏都監奉
勅彫造

大乘大集地藏十輪經卷第十

陶

三藏法師玄奘奉 詔譯

福田相品第七之二

復次善男子菩薩摩訶薩復有般若
大甲冑輪若菩薩摩訶薩成就此輪
從初發心一切五欲皆能除斷超勝
一切聲聞獨覺普為一切聲聞獨覺
作大福田一切聲聞獨覺乘等皆應
供養承事守護云何般若大甲冑輪
善男子菩薩般若有二種相一者世
間二者出世間云何菩薩世間般若
謂諸菩薩唯依讀誦書寫聽聞為他
演說三乘正法欲求除滅一切衆生
无明黑暗欲求發起一切衆生大慧
光明謂於如來所說種種與聲聞乘
相應正法精勤讀誦聽聞書寫為他
演說勸正修行或於如來所說種種
與獨覺乘相應正法精勤讀誦聽聞
書寫為他演說勸正修行或於如來
所說種種與無上乘相應正法精勤
讀誦聽聞書寫為他演說勸正修行
不求賢聖无漏道支不求聖道不求

聖道所攝解脫不行寂靜真實般若
常行有見有相般若如是般若若有取
有著是名菩薩世間般若如是般若
共諸聲聞獨覺乘等此不名為大甲
胃輪亦不由此名為菩薩摩訶薩也
及名一切聲聞獨覺真實福田云何
菩薩出世般若謂諸菩薩精勤修習
演說一乘正法而於其中依无所得
方便而住無所行動无所思惟無有
根本以如虛空心普寂滅心无增減
慧无取著心無生滅心无退轉心法
平等心真如心實際心法界心无我
心無分別心寂滅安忍離分別心善
巧安住無成壞地善巧安住无住無
著勝妙慧地如是般若無取无著是
名菩薩出世般若大甲胃輪善男子
若菩薩摩訶薩成此般若大甲胃輪
從初發心一切五欲皆能除斷得名
菩薩摩訶薩也超勝一切聲聞獨覺
普為一切聲聞獨覺作大福田一切
聲聞獨覺乘等皆應供養承事守護
復次善男子菩薩摩訶薩復有善巧

方便大甲冑輪若菩薩摩訶薩成就
此輪從初發心一切五欲皆能除斷
超勝一切聲聞獨覺普為一切聲聞
獨覺作大福田一切聲聞獨覺乘等
皆應供養承事守護云何名為善巧
方便大甲冑輪善男子菩薩善巧方
便有二種相一者世間二者出世間
云何名為菩薩世間善巧方便謂諸
菩薩或為自利或為他利或為俱利
常懷彼此示現種種工巧伎術為自
及他得成熟故承事供養諸佛世尊
或諸菩薩或諸獨覺或諸聲聞或母
或父或諸病者或諸羸劣无依怙者
若見厄難臨被害者種種勤苦方便
救濟以四攝事成熟有情是諸菩薩
自住大乘於諸聲聞及獨覺乘非大
乘器若諸聲聞及獨覺乘根未熟者
為說微妙甚深法教令其修學或勤
勤修諸聖靜慮或為開示寂勝義諦
勸令修行超四顛倒覺悟四種无墮
法性或令趣入四无碍解或復乃至
勸令安住四念住四正斷四神足五
根五力七等覺支八聖道支有餘无

餘道及道果趣入巧智令其成熟若諸有情貪求名稱利養富貴諸根躁擾善根未熟勸令讀誦諸阿笈摩及毗奈耶阿毗達磨或勸讀誦除佛所說順解脫論令其成熟若諸有情不樂布施勸令惠捨種種珍財令其成熟若諸有情暴惡不仁勸令修學四種梵住若諸有情心多懈怠勸令修忍若諸有情心多懈怠勸修精進若諸有情心多散亂勸修靜慮若諸有情具足惡慧為說正法謂以記說教誡方便令其成熟若諸有情不敬三寶具无依行勸受三歸令敬三寶或勸受學近事律儀或勸受學近住律儀令其成熟或勸修習種種工巧伎術業處令其成熟如是等菩薩摩訶薩種種世間巧方便智過殑伽沙菩薩摩訶薩以是一切書論工巧伎術業處加行精進巧方便智摧伏一切外道異學如是名為菩薩世間善巧方便此巧方便共諸聲聞獨覺乘等亦作一切佛法依因亦是善巧諸行依處亦是善巧任運無思滅退墮決

又善男子若諸菩薩不依明師不依善友修行世間善巧方便是諸菩薩愚於世間善巧方便向諸惡趣不能隨順安住出世巧方便智亦非一切真實福田不能善巧知諸有情根行老別以於善巧方便愚故為諸聲聞及獨覺乘非大乘器及於大乘根未熟者宣說大乘令其修學又為大乘法器有情宣說聲聞獨覺乘法今修聲聞獨覺乘行為獨覺乘法器有情說聲聞乘令其修習聲聞乘行為聲聞乘法器有情說生死法今其愛著不為宣說厭生死法又於善巧方便愚故若諸有情樂行無生廣說乃至執著邪見為彼宣說甚深大乘不為宣說生死流轉死此生彼眾苦果報令其厭怖離諸惡法又於善巧方便愚故乃至若諸有情樂修淨戒令修布施若諸有情樂修安忍勸捨安忍令修淨戒若諸有情樂修精進勸捨精進令修安忍若諸有情樂修靜慮勸捨靜慮令修精進若諸有情樂修般若勸捨般若令修靜慮如是菩薩

愚於世間善巧方便不能真實利樂
有情與諸有情為惡知識此巧方便
依有所得有所執著如是名為菩薩
世間善巧方便如是世間善巧方便
共諸聲聞獨覺乘等此不名為大甲
冑輪亦不由此名為菩薩摩訶薩也
及名一切聲聞獨覺真實福田云何
名為菩薩出世善巧方便謂諸菩薩
但為利他不為自利示現種種工巧
伎術為成熟他承事供養諸佛世尊
或諸菩薩或諸獨覺或諸聲聞或母
或父或諸病者或諸羸劣无依怙者
若見厄難臨被害者種種勤苦方便
救濟以四攝事成熟有情隨其意樂
隨其根器為諸有情宣說正法又能
漸次勸諸聲聞修獨覺乘勸諸獨覺
修習大乘若於聲聞及獨覺乘根未
熟者為說厭離生死苦法令其修學
厭離生死欣求涅槃若諸有情樂行
煞生廣說乃至樂著邪見隨其根性
或為宣說生死流轉死此生彼衆苦
果報令其厭怖離諸惡法或為宣說
與聲聞乘相應正法或為宣說與獨

覺乘相應正法或為宣說无上乘中
淺近之法今漸修學若諸有情已樂
布施為說勝上受持淨戒今其修學
廣說乃至若諸有情已樂靜慮為說
勝上无漏聖道所攝般若今其修學
此巧方便依无所得无所執著如是
名為菩薩出世善巧方便大甲冑輪
善男子若菩薩摩訶薩成就如是善
巧方便大甲冑輪從初發心一切五
欲皆能除斷得名菩薩摩訶薩也起
勝一切聲聞獨覺普為一切聲聞獨
覺作大福田一切聲聞獨覺乘等皆
應供養承事守護今時世尊欲重顯
此義而說頌曰

所修慧有二 世間出世間 取著名世間
无取著出世 修善巧方便 依二種差別
有所得世間 无所得出世 若唯說一乘
是名惡說法 不能自成熟 亦不能度他
一向惡眾生 為說三乘教 是則為愚癡
不名摩訶薩 有堪趣三乘 欣求聞正法
為說樂生死 非為智者相 專意諦思惟
隨根欲教化 此善巧方便 智者所稱譽
眾生雖有惡 而堪入三乘 隨根器教導

今解脫衆惡

復次善男子菩薩摩訶薩復有大慈
大甲冑輪若菩薩摩訶薩成就此輪
從初發心一切五欲皆能除斷超勝
一切聲聞獨覺普為一切聲聞獨覺
作大福田一切聲聞獨覺乘等皆應
供養承事守護云何大慈大甲冑輪
善男子慈有二種謂法緣慈有情緣
慈法緣慈者名為大慈名大甲冑有
情緣慈不名大慈非大甲冑所以者
何有情緣慈共諸聲聞獨覺乘等聲
聞獨覺為自利樂不為有情精勤修
習有情緣慈聲聞獨覺為自寂靜為
自涅槃為滅自惑為滅自結不為有
情精勤修習有情緣慈是故此慈不
名大慈非大甲冑其法緣慈不共聲
聞獨覺乘等唯諸菩薩摩訶薩衆所
能修行菩薩摩訶薩普為利樂一切
有情精勤修習此法緣慈菩薩摩訶
薩普為一切有情寂靜及得涅槃滅
煩惱結精勤修習此法緣慈是故此
慈名為大慈是大甲冑又諸菩薩修
法緣慈不依諸蘊不依諸處不依諸

界不依念住乃至不依道支不依欲
界不依色界不依無色界不依此世
不依他世不依此岸不依彼岸不依
得不依不得如是菩薩修法緣慈超
諸聲聞獨覺乘地是名菩薩法緣大
慈大甲冑輪善男子若菩薩摩訶薩
成此大慈大甲冑輪從初發心一切
五欲皆能除斷得名菩薩摩訶薩也
超勝一切聲聞獨覺普為一切聲聞
獨覺作大福田一切聲聞獨覺乘等
皆應供養承事守護今時世尊重顯
此義而說頌曰

聲聞及獨覺 修有情緣慈 心帶十三過
唯求自利樂 菩薩大名稱 普為諸有情
修不共大慈 心離十三過 心除十三垢
為趣大菩提 修法緣大慈 成福田非遠
安住十三力 出過諸有情 猶如師子王
超勝諸禽獸 降伏十三怨 離斷常邊執
心无有染濁 速證大菩提
復次善男子菩薩摩訶薩復有大悲
大甲冑輪若菩薩摩訶薩成就此輪
從初發心一切五欲皆能除斷超勝一
切聲聞獨覺普為一切聲聞獨覺作

大福田一切聲聞獨覺乘等皆應供養承事守護所以者何一切聲聞獨覺乘等但為已身得利樂故而修行大悲菩薩摩訶薩不為已身得利樂故而修行悲但欲普為一切有情得利樂故修行大悲大甲冑輪超勝一切聲聞獨覺普為一切聲聞獨覺作大福田一切聲聞獨覺乘等皆應供養承事守護是菩薩摩訶薩普為饒益諸有情故行四攝事而成熟之謂由大悲普為利樂諸有情故行布施攝能捨一切珍寶財物禽獸僕使國城妻子乃至身命无所吝惜行无所為方便故不見一切所化有情不見施者不見受者不見施物不見施行不見施行所得果報乃至不見无所行如是大悲普為利樂諸有情故行愛語攝行利行攝行同事攝隨其所應如上廣說乃至不見无所行是菩薩摩訶薩常以寂勝能調伏心能寂靜心无數量心下行一切蘊處界心所

生無動无住大悲大甲胄輪成熟一切所化有情心无厭倦如是名為菩薩大悲大甲胄輪不共一切聲聞獨覺善男子若菩薩摩訶薩成此大悲大甲胄輪從初發心一切五欲皆能除斷得名菩薩摩訶薩也超勝一切聲聞獨覺普為一切聲聞獨覺作大福田一切聲聞獨覺乘等皆應供養承事守護今時世尊重顯此義而說頌曰甚深微妙法所成之大悲難測類虛空无色無安住菩薩大精進具杜多功德勝智成大悲勇健超諸世無依怙有情生死苦穢縛大悲水沐浴令解脫眾苦菩薩行大悲能竭生死海非諸聲聞眾及獨覺所行眾生貪恚癡迷誤墮惡趣濯以大悲水脫苦得蕭然

復次善男子菩薩摩訶薩復有能引遍滿虛空无量無邊廣大眾具辟无尋解一切佛法諸三摩地諸陀羅尼堅固大忍大甲胄輪若菩薩摩訶薩成就此輪從初發心一切五欲皆能除斷超勝一切聲聞獨覺普為一切聲聞獨覺作大福田一切聲聞獨覺

乘等皆應供養承事守護云何菩薩
摩訶薩能引遍滿虛空无量無邊廣
大衆具辭無尋解一切佛法諸三摩
地諸陀羅尼堅固大忍大甲冑輪謂
諸菩薩於一切法審諦照察如明月
光遍滿虛空其心平等无依無相无
住无染普於一切三摩地門陀羅尼
門心無行動於諸眼色眼識眼觸離
意染著心无行動於眼觸緣生内三
受或樂或苦或非苦樂心常寂定无
所取著於諸耳聲耳識耳觸於諸鼻
香鼻識鼻觸於諸舌味舌識舌觸於
諸身觸身識身觸於諸意法意識意
觸廣說亦尔普於一切意識中心
常寂定无所取著於意識所生三
受或樂或苦或非苦樂心常寂定无
所取著普於三世諸蘊界處一切品
類皆无取著心無行動普於一切三
界三行三觸三受三根三乘三律儀
三解脫一切品類其心寂靜无住無
相無所取著平等而住普於一切布
施淨戒安忍精進靜慮般若波羅密
多心无行動寂靜而住如是普於四

念住四正斷四神足五根五力七等覺支八聖道支心無行動寂靜而住普於一切九次第定心无行動寂靜而住又於三行无障法智道支道體所引作用皆無取著心无行動於阿賴耶非阿賴耶有取無取有漏无漏此岸彼岸小大无量作與不作善惡无記諸品類中心無行動寂靜而住普於一切大慈大悲善巧方便成熟有情乃至十地三不護四无所畏乃至十八不共佛法一切品類皆無取著心无所動寂靜而住菩薩摩訶薩由此輪故能永息除三受過失能永寂滅一切分別能永遠離一切法相復能安住能引一切虛空眼頂諸三摩地諸陀羅尼善巧方便大甲冑輪菩薩安住如是輪故一切過去所引未盡惡不善業无暇惡趣諸有諸趣死生諸業皆能除滅今盡无餘不受果報又善男子譬如世界火災將起五日出時一切世間小池大池小河大河小海大海水皆枯竭滅盡无餘如是菩薩成就就能引遍滿虛空無量

無邊廣大衆具辯无尋解一切佛法
諸三摩地諸陀羅尼堅固大忍大甲
冑輪復能安住能引一切虛空眼頂
諸三摩地諸陀羅尼善巧方便大甲
冑輪一切過去所引未盡惡不善業
无暇惡趣諸有諸趣死生諸業皆能
除滅令盡无餘不受果報又善男子
譬如世界水灾起時於此三千大千
世界諸小世界各四大洲八万小渚
妙高山王及諸山等皆為灰水浸爛
銷盡令无有餘如是菩薩成就就能引
遍滿虛空無量无邊廣大衆具辯无
尋解一切佛法諸三摩地諸陀羅尼
堅固大忍大甲冑輪復能安住能引
一切虛空眼頂諸三摩地諸陀羅尼
善巧方便大甲冑輪一切過去所引
未盡惡不善業无暇惡趣諸有諸趣
死生諸業皆能除滅令盡无餘不受
果報又善男子譬如黑暗遍滿虛空
朗日出時皆能除滅如是菩薩成就
能引遍滿虛空无量無邊廣大衆具
辯无尋解一切佛法諸三摩地諸陀
羅尼堅固大忍大甲冑輪復能安住

能引一切虛空眼頂諸三摩地諸陀
羅尼善巧方便大甲冑輪發起無邊
虛空智日能永除滅自身四倒無明
黑暗一切過去所引未盡惡不善業
无暇惡趣諸有諸趣死生諸業皆能
除滅令盡無餘不受果報又由此故
於諸佛法增進自在常无退轉不復
隨順惡友力行常得不離見一切佛
及諸菩薩聲聞弟子不離聞法不離
親近供養衆僧於諸功德心常無厭
乃至菩提恒無間斷又常不離念佛
思惟乃至夢中亦無暫廢又善男子
云何菩薩摩訶薩能引遍滿虛空无
量无边廣大衆具辟無碍解一切佛
法諸三摩地諸陀羅尼堅固大忍大
甲冑輪謂諸菩薩入初靜慮乃至第
四靜慮入无邊虛空處乃至非想非
非想處入滅受想定住此定中一切
三受三行斷滅心无行動諸受想思
觸作意等悉皆斷滅安住此定或一
日夜或復乃至七日夜受定味食
從此定起其心寂靜无所取著宴然
而住復入勝義究竟空定住此定中

其心平等無所取著猶若虛空身諸毛孔皆出霜液狀如昴星滅除一切鬱蒸結縛從此定起得正憶念寂勝喜樂充遍其身如大自在天子入現一切樂定身諸毛孔皆遍受樂如是菩薩樂觸其身便思念佛思念佛故則唯見佛不見餘相菩薩今時若念一佛則見一佛若念多佛則見多佛若念小身佛則見小身佛若念大身佛則見大身佛若念無量身佛則見無量身佛若念自身為佛身相則見自身同於佛身眾相圓滿若念他身為佛身相則見一切情非情數所有色像皆同佛身眾相圓滿不見其餘一切色像菩薩今時便作是念一切諸法一切色像皆如幻等諦實不虛我今復應皆悉斷滅一切三受三行等法令無有餘作是念已入滅盡定住此定中如心所期皆盡斷滅受定味食或一七日夜或二七日夜或三四五六七八九十七日夜或經无量

百千俱胝那由更多劫隨力所能安住
此定受定味食從此定起其心寂靜
無所取著宴然而住復入勝義究竟
空定廣說如前乃至思念佛身相已
知一切法一切色像皆如幻等諦實
不虛善男子是名菩薩摩訶薩能引
遍滿虛空無量無邊廣大衆具辯無
尋解一切佛法諸三摩地諸陀羅尼
堅固大忍大甲冑輪菩薩摩訶薩成
就此輪則能安住能引一切虛空眼
頂諸三摩地諸陀羅尼善巧方便大
甲冑輪住此輪故發起無邊虛空智
日能永除滅自身四倒無明黑暗一
切過去所引未盡惡不善業無暇惡
趣諸有諸趣死生諸業皆能除滅令
盡無餘不受果報善男子若菩薩摩
訶薩成就此輪從初發心一切五欲
皆能除斷超勝一切聲聞獨覺普為
一切聲聞獨覺作大福田一切聲聞
獨覺乘等皆應供養承事守護由此
輪故於諸佛法增進自在常無退轉
不復隨順惡友力行常得不離見一切
佛及諸菩薩聲聞弟子不離聞法不

離親近供養衆僧於諸功德心常无
厭乃至菩提恒無間斷又常不離念
佛思惟乃至夢中亦无暫廢如是菩
薩福德智慧速疾圓滿不久安住清
淨佛國證得无上正等菩提於彼佛
國一切有情皆受化生色相如佛煩
惱微薄皆住大乘今時世尊重顯此
義而說頌曰

欲成諸法器 断一切煩惱 當趣入真空
衆事无難作 為断諸有縛 當勤修等持
功德定相應 必獲難思慧 修靜慮无色
滅定真空觀 起念佛勝智 能盡一切惡
有無一切法 破以真空觀 永離諸惡趣
常得見諸佛 善修真空觀 勤學諸善法
供養一切佛 速當成佛果 為有情親友
滅除煩惱病 速住淨佛國 證得大菩提
衆生如佛相 遍滿於佛土 皆趣求佛乘
離聲聞獨覺

大乘大集地藏十輪經獲益囑累品第八

佛說如是大法門時於衆會中有疏
伽沙等菩薩摩訶薩過去久習念佛
思惟今聞世尊所說念佛修觀方便
皆得念佛三摩地門復有无量無邊

衆生聞是法已皆得一切定命花鬘
陀羅尼門復有無量無邊衆生聞佛
所說皆得一切首楞伽摩電光依止
陀羅尼門復有無量無邊衆生聞佛
所說皆得一切法自在轉光明依止
順忍復有無量無邊衆生聞佛所說
遠塵離垢於諸法中生淨法眼得預
流果復有無量無邊衆生聞佛所說
得一來果復有無量無邊衆生聞佛
所說得不還果復有無量無邊衆生
聞佛所說皆得最上阿羅漢果復有
無量無邊衆生聞佛所說心求出離
三界牢獄依佛出家趣入正法復有
無量無邊衆生聞佛所說盡壽安住
十善業道依聲聞乘發心不退復有
無量無邊衆生聞佛所說盡壽安住
十善業道依獨覺乘發心不退復有
無量無邊衆生聞佛所說盡壽安住
十善業道依大乘中發阿耨多羅三
藐三菩提心不復退轉復有無量無
邊衆生聞佛所說得世正見由此正
見除滅一切往惡趣因煩惱惡業增
長一切向善趣因正願善業復有無

量无边衆生聞佛所說皆受三歸安
住近事近住淨戒樂供養佛樂聽聞
法樂奉事僧晝夜精勤曾无懈怠復
有无量无边衆生聞佛所說遠離一
切邪趣邪歸惡意惡業於佛法中得
決定信棄捨家法清淨出家

尔時世尊告虚空藏菩薩摩訶薩言
善男子吾今持此地藏十輪大記法
門付囑汝手汝當受持廣令流布若
諸衆生於此法門有能讀誦思惟其
義為他解說住正行者汝當為彼守
護十法令於長夜利益安樂何等為
十一者為彼守護一切財位令无損
乏二者為彼守護一切怨敵令不侵
害三者為彼守護令捨一切邪見邪
歸十惡業道四者為彼守護令免一
切身語謫罰五者為彼守護遮斷一
切謗毀輕弄六者為彼守護令於一
切軌範尸羅皆得无犯七者為彼守
護令悉除滅一切非人四大乘反非
時老病八者為彼守護不遭一切非
時非理灾橫夭殁九者為彼守護命
欲終時得見一切諸佛色像十者為

彼守護令其終後往生善趣利益安樂善男子若諸有情於此法門有能讀誦思惟其義為他解說住正行者汝當為彼勤加守護如是十法令於長夜利益安樂時虛空藏菩薩摩訶薩白佛言唯然世尊我當受持如是法門廣令流布若諸有情於此法門有能讀誦思惟其義為他解說住正行者我當為彼守護十法令於長夜利益安樂

時薄伽梵說是經已於眾會中虛空藏菩薩摩訶薩地藏菩薩摩訶薩金剛藏菩薩摩訶薩好疑問菩薩摩訶薩天藏大梵等及諸天龍藥叉健達縛阿素洛揭路荼緊捺洛莫呼洛伽人非人等一切大眾聞佛所說皆大歡喜信受奉行

大乘十集地藏十輪經卷第十

大乘十集地藏十輪經序

昔者旭照高山天宮御一乘之駕流暉原隰鹿苑轉四諦之輪雖復發軔

分達而塗无亂轍一雲普洽而卉木
各茂自鵠林變色慧日寢光達學電
謝以息肩真人長往而寂慮且前賢
述聖難令各解後進孤陋更異親承
况乎正法既往久當像末定慧與福
德異時醇化與澆風殊邈然則一乘
三乘之駕安可以同其轍哉若識時
來在數藥性勿違然後可以清沉痼
之宿疾體摧實之同歸矣十輪經者
則此土末法之教也何以明之佛以
末法惡時去聖窳遠敗根比之坏器
空見借喻生盲沉醉五欲類石田之
不苗放肆十惡似臭身之垢穢故此
經能濯臭身開盲目陶坏器沃石田
是以菩薩示聲聞之形象王敬出家
之眼以此幢相化彼无慙顯二事之
護持成三乘之道果故經曰為令此
土三寶種姓威德熾盛久住世故又
日摧滅一切諸衆生類猶如金剛堅
固煩惱然則三寶久住顯教傳於末
法金剛煩惱驗障異乎一乘尋舊經
之來年代盖久但譜第遺目傳人失
記翻譯之主既往來茲之日罕聞同

我者失魄於真彩異我者大笑於淡_聲味謀以千里能勿悲乎夫極曜文天或蔽虧於薄霧至言軌物時淪滯於廣辯鍼石一違有死生之巨痛纖毫錯學有升墜之異塗其可易乎属有三藏玄奘法師者始則學架東朝末乃訪道西域輕一生之性命涉數万之艱難果能竭溟渤以索亡珠蹈龍宮而窮秘藏吞法流於智海瓶寫无遺受道氣於檀林香風更馥至於因明三量聲論八音莫不究立破之源窮字轉之本如來所說菩薩所傳已來未來一朝脩集昉以薄業不偶真應幸達聖制亂於未肇後賢傳燈於既夕遂使定死餘命莫反魂於法藥昏野迷方期還轅於覺道於是染翰操紙杜絕外慮務詳至教釋彼紛執疇諮法主重啓梵文粵以永徽二年歲次辛亥正月乙未盡其年十二月甲寅翻譯始畢凡八品十卷以今所翻比諸舊本舊本已有今更詳明舊本所無斯文具載於是處座伉談者響法雷而吐辯靜慮通微者鏡玄波

而照心頂火暴腹之徒戢瑩暉於慧
日喜足謙懷之侶騰高節於清風矣
前佛既往後佛未興庶此教長懸永
濟來者弘道之士如何勿思

大乘大集地藏十輪經卷第十

庚子歲高麗國大藏都監奉

勅彫造

大方廣十輪經卷第一

序

次譯人名今附北涼錄

序品第一

如是我聞一時佛在佉羅堤耶山牟尼仙所住之處與大比丘衆俱無量無數聲聞大衆菩薩摩訶薩無量无边不可稱計說月藏說

尔時南方有大香雲雨大香雨大華雲雨大華雨無量瓔珞雲雨種種瓔珞雨大衣雲雨大衣雨於佉羅堤耶山牟尼仙所住處是諸大雨皆悉遍滿大陰雲雨而雨香華衣服瓔珞亦說種種無量法音如是次第乃至廣說三歸聲持戒聲忍辱聲精進聲禪定聲具足智慧聲降伏四魔聲名稱普聞遍滿三界聲念定持持聲空無相无願聲離欲聲色如聚沫聲受如水泡聲想如熱炎聲行如芭蕉聲識如幻聲無常苦空無我之聲慚愧聲念處聲慈悲喜捨聲證諸法聲涅槃聲無窟宅聲三乘聲轉法輪聲成熟衆生聲度三惡道聲六波羅蜜聲善

巧方便乃至具足十地聲遊戲神通
聲遊戲无上大乘聲阿鞞跋致聲無
生法忍聲入佛海聲諸來大眾悉見
種種雨亦聞無量諸法音聲隨意衣
服嚴飾之聲又復皆悉見其兩手有
如意珠雨如意寶其如意寶各出光
明如是光中皆見十方恒沙世界一
切諸佛是諸佛所各有菩薩而自圍
遶其光明中盡見十方諸佛世界若
有病者蒙光觸身衆病除愈一切繫
縛及應死者光觸身故皆得解脫若
身行惡口行惡意行惡光觸身時悉
除三惡若諸飢渴衆生蒙光觸身亦
皆飽滿種種適罰身受苦切乏少衣
服嚴飾瓔珞種種之物蒙光觸身隨
所念憶悉得滿足若有煞生偷盜邪
淫妄言綺語兩舌惡口罵詈蒙光觸
身如是等惡皆悉得除若諸衆生有
求不得苦蒙光觸身皆悉受樂光明
清淨悉無翳障風雲塵霧及諸臭穢
苦惱辛酸不善音聲乃至怖畏惡觸
皆得除滅遠離諸惡一切邪偽諂曲
亦皆無餘一切惡欲悉得棄捨諸妙

勝樂一切皆集

尔時衆會皆志堅固難動如地心無
去來不可毀壞如是大衆得未曾有
以何因緣我等身體今皆大重不能
自勝當於尔時有一帝釋名曰淨有
於大衆中不遠而坐於是淨有即從
座而起整衣服右膝著地合掌向佛
以偈問曰

實語實見者	實住牟尼尊	久住於法行
唯願演說法	佛為實因緣	能滅衆生苦
何故於此處	而雨種種雨	大衆皆喜悅
心生信安樂	開示諸疑惑	令住於大乘
身難動如地	及一切人天	皆見如是相
大衆悉有疑	兩手各皆出	摩尼寶光明
一切諸衣鳥	雜飭嚴身具	十方之福田
離一切過惡	衆苦得休息	皆因於救世
一切諸天人	無能說因緣	是誰神通力
而來至此處	為佛諸菩薩	梵魔帝釋等
唯願救世說	神通之因緣	

尔時世尊告淨有帝釋言如是如是
汝今諦聽吾當說之是地藏菩薩摩
訶薩於無量阿僧祇劫為五濁惡世
成熟衆生故而來至此與八十類婆

那由他百千億等大菩薩俱志為禮
拜供養恭敬故欲見大衆集會故欲
聽大衆起隨喜故

是地藏菩薩作沙門像現神通力之
所變化有如是等大莊嚴事亦是如
來不可思議無量功德亦名聲聞辟
支佛正法伏藏亦名解脫智寶之大
寶渚亦名菩薩救世之法亦名涅槃
導師商主猶若如意寶珠所未滿足
亦如寶渚一切商人所趣亦如大地
能生善根亦是涅槃大法神器亦是
功德清淨之瓶亦是日月照明行處
亦是黑闇幽冥大炬如月清涼除煩
惱熱如無足者得如意乘如亂心者
得甘露味如羸老者遇其机杖是大
福田之根本也捨心無礙如彼浚流
救苦不難如赴親友除結使炎之大
雲蓋如淨水珠能除穢濁若趣險道
迴亦正路是疲極者安隱床座是四
使流生死橋梁亦度彼岸无上大船
是三善根勝妙果報是諸施者取上
大乘持戒不動如須弥山精進難壞
猶如金剛忍辱堅固亦如大地揔持

正法心無二相禪定莊嚴如妙華鬘
智慧深廣猶如大海心無所依猶如
虛空方便无染如衆華聚處於外道
如師子王遠離煩惱如犀一角滅諸
結使如洗塵垢能除臭穢如疾飄風
將護有疾如彼良醫消除衆病如妙
藥王斷諸煩惱結如持利劍為怖畏
者作大親友防諸怨敵如堅城塹能
除其渴如清淨水濟諸飢乏猶如甘
果亦是保者軍勝衣服與盛熱者為
密雲蓋具足如是善根果報清淨第
一堅固不壞微妙色處能生愛樂於
大會處而生慚愧除諸結使禪定行
處乘四正勤四攝駛流忍辱大地亦
如須弥惣持深廣如彼大海神足無
尋自在虛空降伏諸魔一切結習修
行正道無量禪定亦為一切種智之
渚能轉无作清淨法輪

地藏菩薩摩訶薩為欲來故先現此
瑞亦為供養恭敬我故來至於此佛
復讚歎地藏菩薩言汝從南方來八
十頻婆百千那由他菩薩以神通力
俱來至此志作聲聞像在如來前頂

札佛足右繞三匝即為合掌而說偈言
兩足竅勝大導師
能生忍辱如大地
具足竅大諸相好
能滿一切諸福田
能志斷除諸愛網
捨餘清淨諸佛國
本願欲度濁惡世
能生堅固勤精進
常修難行恐怖處
布施持戒忍精進
無數諸佛菩薩等
充給飢渴病湯藥
我從本來捨身命
常為法故而捨身
已所得樂皆悉捨
於諸衆生煩惱網
閑閑一切六情根
修苦無常空无我
諸苦所因愛欲本
以是義故攝六根
能修無量大悲門
我要不捨本誓願
恒修於慈發菩提心
解脫衆生除瞋恚
而能嚴飭一切界
常修實語及大慈
皆能如實善安住
其中衆生具善根
成熟一切諸衆生
超過無量諸苦行
超過无量諸苦行
修習禪定與智慧
聲聞大衆皆供養
救度一切諸繫縛
為利衆生无貪惜
皮骨血肉施衆生
有大慈悲為一切
修行寂滅志超度
常能遠離於諸欲
亦善觀察於世諦
志能乾竭諸煩惱
能善斷除一切愛
普給一切諸群生
而亦不住勝菩提

一切衆生如如相 亦見羣盲受苦切
如是思惟為衆生 便能勤修大精進
發起精進施戒忍 修諸禪定及智慧
猶如其母唯一子 而以慈心育養之
汝於衆生亦如是 常能賑給於一切
是故汝速得菩提 度脫一切無量衆
汝本修習菩提時 擔願不捨一衆生
無不使住施戒忍 精進禪定修智慧
常能於彼末世中 求於无上勝菩提
是故救世於末劫 速得無上寂勝道
調伏惡魔夜叉等 諸惡龍神及與人
猶如金剛斷諸結 志能安住諸聖道
為無量衆而授記 當成菩提无上道
功德寂勝明智者 是真福田之大將
於无量界為救世 普覆一切諸群生
於十方界作福田 名聲遠聞遍一切
是故一切諸菩薩 皆悉能捨於已事
是汝神足而來集 俱詣世尊大千尼
願令如來時演說 若得聞者皆歡喜
既聞法已勤精進 常得修學菩提道
皆由於汝大將力 當得疾近於菩提
未曾聞見今大集 是故汝等俱來會
有十三億諸夜叉 甚為殘害食血肉

疾捨諸惡到於此
有得忍辱施羅尼
有已獲證諸漏盡
有能善修四无量
有得寂勝四辯才
有得三昧首楞嚴
有得無生諸法忍
悉制一切諸異學
摧伏一切魔怨已
閑閑地獄鬼畜生
是故真實諸衆生
飢饉疾疫刀兵劫
若有盲冥失正道
無量煩惱狂亂者
合衆悉能捨已業
无量世界億佛土
名聞十方稱无量
一切種智功德海
度脫一切諸衆生
今我增長无量德
而於百千萬億劫
我今當學發弘誓
我當修學處濁世

安住寂勝无上道
有得寂妙諸禪定
無著羅漢人中尊
有能住於四攝法
復有得修諸法忍
有得虛空智慧眼
皆因世尊所說法
九十六種外道等
皆是救世大將力
利益一切天人衆
而皆來集佛神力
悉於今日而消滅
此諸衆生令解脫
皆悉安置寂滅道
為礼如來故至此
皆是救世之所住
我等聞已故至此
得聞如是真實相
我今歡喜故敬礼
是故稽首今頂礼
常勤修習種種施
我今來此佛神足
能到第一勝菩提

尔時地藏菩薩摩訶薩以若干種天華香華瓔珞而散佛上所散之華變成寶蓋是時地藏菩薩在佛前坐聽受經法諸來會眾見地藏菩薩生希有想以種種香華瓔珞繒蓋幢幡及諸衣服以散地藏菩薩上作如是言我等快得善利佛神力故得見如是諸大丈夫恭敬問訊

尔時復有渴仰菩薩摩訶薩從座而起整其衣服右膝著地合掌向佛白佛言世尊此善男子從何佛國而來至此修何善根能作如是種種讚歎說佛功德我從昔來未曾聞見

尔時世尊告渴仰菩薩止止大士不須是問一切大眾及諸天人除佛如來無有能知此善男子功德數量如來今日必當顯說但諸天人愚闇自蔽是族姓子成就不可思議功德首楞嚴三昧入如來行處得无量法忍於諸佛法而得自在入深法忍已度一切智海此善男子遊戲以師子光三昧登一切智山須弥之頂摧伏異學成熟眾生在所佛國悉皆止住

隨諸佛國入智三昧以是三昧力故
令一切國土衆生見諸菩薩

隨諸佛國入智樂三昧於彼國土所
有供養隨供養佛

隨諸佛國入清淨樂三昧入是三昧
志見諸欲一切過患而於心相清淨
無染

隨諸佛土入慚愧三昧而於彼國令
諸衆生悉得慚愧遠離諸惡无有愚闇
隨諸佛國入水滌三昧亦能令彼一
切衆生悉入是定令諸衆生得宿命
智能知先世死此生彼善於禪定
隨諸國土入無憂明三昧亦能令彼
一切衆生悉離憂愁於諸佛國入神
通三昧亦能令彼一切衆生皆入神
通三昧

隨佛國土入智明三昧亦能令彼一
切衆生悉離愚癡便見十方一切佛國
隨諸佛國入佛炬三昧亦能令彼一
切衆生皆歸三昧

隨諸佛國入金剛光三昧入是三昧
已亦能令彼一切諸佛國土鐵圍大
鐵圍乃至須弥山王一切嶠澗溝塹

皆悉不現地平如掌能令一切諸惡
毒地及以蠱道皆悉消滅

隨諸佛國入智力降伏三昧亦能令
彼魔及魔眷屬皆悉驚怖歸依三寶
隨諸佛國入電光三昧亦能令彼一
切衆生離後世怖得法安慰

隨諸佛國入味樂三昧亦能令彼一
切衆生隨其所念飲食悉得充足
隨諸佛國入精氣悅樂三昧亦能令
彼一切衆生得堅牢身離諸病苦
隨諸佛國入樂具三昧亦能令彼一
切衆生悉得床敷卧具衣服瓔珞无
所乏少病瘦醫藥身皆端正

隨諸佛國入無諍智三昧亦能令彼
一切衆生身皆長壯端嚴殊大遠離一
切怨憎繫縛皆得受樂皆好布施持
戒忍辱精進禪定心無散乱具足智
慧深入法門

隨諸佛國入無憂怖三昧而能於彼
一切衆生皆得歡樂心離憂怖

隨諸佛國入光樂三昧於彼佛國一
切衆生得无尋智離於事務

隨諸佛國入善住金剛三昧亦能令

彼一切衆生得諸根具足恙不缺壞
隨諸佛國入觀幢三昧亦能令彼一
切衆生皆恙默離棄捨諸惡護持十
善上生天道隨諸佛國深入大慈音
聲三昧亦能令彼一切衆生各相哀愍
皆起慈心得無畏心得无惱心等心
更相悲念

隨諸佛國入集福處三昧亦能令彼
一切衆生得離閻諍疾病飢饉非時
風雨飲食苦澀辛酸等味皆恙消滅
是地藏菩薩所至佛土入海電三昧
隨所至國一切皆恙變成寶地離諸
穢惡衣樹瓔珞樹華果樹嚴飭佛界
於晨朝時入恒河沙世界三昧為成
熟衆生故從禪定起令無量无邊諸
佛世界於五濁惡世成就衆生恙空
無餘有佛世界刀兵起時此族姓子
以晨朝時入三昧力故刀兵鉞仗皆
恙消滅

隨諸佛土有疾疫劫起害諸衆生亦
令病疫自然消除

隨諸佛土若有飢饉劫起令彼飢饉
亦盡消滅恙得充滿

此族姓子以是三昧威神力故能令
成熟一切衆生地藏菩薩以不思議
功德成熟衆生於過去無量恒河沙
諸佛所久發大悲堅固誓願皆悉成
熟一切衆生莊嚴勢力猶如雷震於
一食頃而能成熟無量億等那由他
人具足善根

若有衆生為無量億種種諸苦惱飢
渴切逼有稱地藏菩薩名者悉能令
彼飲食充足滅諸苦惱置涅槃道皆
得快樂

若有衆生乏少衣服寶冠瓔珞病瘦
醫藥種種衆具若稱地藏菩薩名者
隨其所欲皆令充足安住涅槃道得
第一樂

若有衆生離喜樂心而與不喜樂集
會者若稱地藏菩薩名者一切樂
具盡皆歸之所不喜者亦悉遠離是
意所樂者能令皆得安住涅槃得第
一樂

若有衆生身心受苦衆病所持能稱
地藏菩薩名号身心苦惱皆悉除愈
安置涅槃得第一樂

若諸衆生惡心相向能稱地藏菩薩名号一心歸依者令彼衆生柔和忍辱更相慚愧慈心懺悔安住涅槃

若諸衆生繫閉牢獄枷鎖其身具受衆苦能稱地藏菩薩名号一心歸依者令諸衆生皆得解脫自在无碍乃至應被繫縛囚執鞭杖能稱地藏菩薩名号一心歸依者亦復如是皆悉解脫安住涅槃得第一樂

若有衆生諸根不具疲極懈怠狂放逸忘失本心貪欲瞋恚愚癡嫉妬慳吝邪疑憍慢睡眠等惡皆悉熾盛能稱地藏菩薩名号一心歸依者如是衆苦皆令解脫安住涅槃得第一樂若有衆生為大水漂流猛火所焚或墜高巖投身山險或墜樹木及諸屋舍而身顛覆有如是等無量怖畏稱地藏菩薩名号一心歸依者有如是等怖畏之事悉令解脫安住涅槃得第一樂

若有衆生為諸毒地種種禽獸之所螫者或被種種毒藥所中能稱地藏菩薩名号一心歸依者是諸怖畏悉

得解脫

若有衆生為阿波魔羅掩蔽傷害若
一日一日三日乃至四日能令心狂
心亂心戰心調心顛倒乃至失心能
稱地藏菩薩名号一心歸依者如是
族姓男女於諸怖畏悉皆解脫安住
涅槃得第一樂

若有衆生為諸羅刹惡鬼所捉鳩鵞
茶所捉富單那所捉迦吒富單那師
子虎狼惡毒蠱道或為軍陣戰鬪怨
賊圍遶臨敵懼死貪生求樂能稱地
藏菩薩名号一心歸依者如是族姓
子男女速離衆苦悉除患難安住涅
槃得第一樂

若有衆生為多聞為信為戒為施為
禪定為神通為解脫為色聲香味觸
增益財利為諸醫藥房舍屋宅為使
水雨順時為得清涼為求男女妻子
方便修福為除寒熱令得正念求如
是等種種因緣能稱地藏菩薩名号
一心歸依者此善男子威德力故悉
能稱彼无量衆生功德所願

譬如下種於彼荒田能稱地藏菩薩名号一心歸依者皆悉變成微妙勝果何以故此善男子以於過去无量阿僧祇不可數劫如來之前發堅誓願猶如大地令一切衆生皆得受用是善男子功德力故能令善根牙莖枝葉乃至華果皆悉潤澤增長成熟若有衆生造作諸惡十不善業能稱地藏菩薩名号一心歸依者一切結使煩惱消滅遠離十惡成就十善於諸衆生起慈悲心興利益心是善男子以精進力於一食頃無量阿僧祇諸佛世界於一一佛國以一食頃度脫無量恒河沙阿僧祇衆生以是相貌令脫諸惡皆悉成就不可思議功德此善男子以是堅固誓力能令成熟一切衆生如是族姓子或作梵天身成就衆生或作自在天自在天摩醯首羅天或作欲界他化自在天化樂天兜率陀天炎摩天帝釋身四天王身或作菩薩身或作辟支佛身或作聲聞身或作轉輪聖王身或作婆羅門刹利毗舍首陀等身或作男身

女身或作童男童女身或作耆闍婆
緊那羅摩睺羅伽天龍夜叉身或作
羅刹身或作鳩摩荼身或作毗舍闍
身或作富單那身或作師子身或作
虎狼身或作象身馬身或作水牛身
或作種種鳥身或作閻羅王身或作
地獄卒身或作地獄身為諸衆生種
種說法隨諸衆生顯示三乘皆悉令
住不退轉地此善男子成就如是不
思議功德伏藏以解脫寶而自在嚴
亦是菩薩諸法之母向大涅槃無上
商主善男子弥勒文殊觀世音普賢
等而為上首如是等恒河沙諸大菩
薩若人於百劫中礼敬供養欲求所
願不如於一食頃礼拜供養地藏菩
薩功德甚多所願速得皆悉滿足何
以故此地藏菩薩於一切衆生能大
饒益為如意寶故此族姓子若欲成
熟衆生故能發堅固大悲伏藏令滿
一切衆生心願是故善男子善女人
應當供養地藏菩薩

時會大衆十方來者菩薩摩訶薩及
諸聲聞一切天人夜叉耆闍婆等從

坐而起隨力供養或以金銀等屑散
彼地藏菩薩上或以種種寶華衣服
摩尼寶珠及華鬘珠瓔金縷幡蓋以
散地藏菩薩上復以無量音樂種種
讚頌供養地藏菩薩

尔時地藏菩薩摩訶薩復以此供施
修伽施即說偈言

天人龍神所供養 十方菩薩皆來集
聞有救世大功德 願佛受我取勝供
尔時地藏菩薩摩訶薩說是偈已頂
礼佛足於是世尊復說偈言

欲起堅固淨智者 能滅衆生諸煩惱
令衆得樂如寶手 能斷結網如金剛
汝起大悲諸精進 以是供養取勝尊
其心如海救一切 度諸衆生苦彼岸
尔時地藏菩薩摩訶薩作礼而起白
佛言世尊我當濟度此四天下增長
比丘比丘尼優婆塞優婆夷增長護
念增長壽命身無疾病增長色力增
長名稱增長資業增長親友增長眷
屬增長信戒增長多聞增長於施增
長忍辱增長方便增長覺意及諸聖
諦增長入於大乘一切正道增長照

明真實法相增長成熟一切衆生增長發大慈悲喜捨增長無量一切淨法增長妙稱名聞三界增長法雨潤三有流增長大地一切物味增長衆生所有善業增長法氣無數福行增長智慧皆悉照明增長六波羅蜜所行之道增長五眼通達無尋增長灌頂增長涅槃增長威德照明一切未曾有法衆德究竟記莚呪術陀羅尼章句我於過去恒河沙佛所皆悉受持如是等呪增長白淨具足之法增長種子根莖華果一切藥穀增長雲雨地水火風增長福樂增長財物增長無量寂勝果報增長基業此呪利益能除一切苦惱繫縛即說呪曰
閼浮一閼浮二阿含閼浮三婆叱迦羅閼浮四菴羅閼浮五毗羅閼浮六婆闍羅閼浮七阿盧伽閼浮八達摩閼浮九婆叱摩閼浮十婆帝耶尼梨呵羅閼浮十一鞞婆盧伽叉摩閼浮十二憂婆舍摩閼浮十三耶那閼浮十四闍那娑牟致羅那閼浮閼浮閼浮十五毗尼梨夜那閼浮十六奢多婆閼浮十七娑

遮修跋

八十

摩醯梨

九十

毗弥

二十

餘弥

二十

遮迦羅斯

二十

遮迦摩私梨

二十

老梨

四十

奚隸

二十

迦羅婆娑羅娑帝

二十

呵梨波羅

鞞

二十

波遮羅婆陀

二十

羅遮陀

二十

婆羅遮遮遮醯梨

三十

摩梨

二十

伊迦他

他舍

二十

他丘樓

二十

闍梨

二十

舍梨

二十

梨

二十

摩叔

二十

多叔

二十

鳩梨

二十

弥梨

四十

鶩久之多毗

二十

頰梨

二十

枉梨

二十

波羅

枉梨

四十

久吒苦婆梨

五十

貞祇貞

六十

貞

求梨

四十

休樓休樓休樓

梨

四十

弥梨叔

三十

婆荼婆荼

五十

羅闍闍

梨

五十

盧留盧樓留

三十

婆娑闍毗

四十

輸

檀祢

五十

私婆呵

六十

摩訶復陀樓迦沙

毗輸祢私婆呵

七十

迦樓沙烏闍毗輸檀

檀祢私婆呵

八十

迦樓沙烏闍毗輸檀

祢私婆呵

九十

薩婆阿奢波利富羅檀

祢私婆呵

六十

薩婆娑斯耶三波陀祢

私婆呵

七十

薩婆多毗迦多阿耆底私

婆呵

二十

薩婆菩提薩埵阿耆底阿菟

無地底私婆呵

三十

世尊今所說咒是未曾有威德照明

是衆德本記別章句陀羅尼神呪我

於過去恒河沙諸佛所受持是咒增

長一切白淨之法增長善種根莖枝
葉華果藥穀增長雨澤地水火風增
長喜樂增長財物增長勝妙增長產
業此呪威力善能繫縛亦名善解世
尊說此陀羅尼呪與四天下聲聞弟
子比丘比丘尼優婆塞優婆夷皆悉
護念增長財物一切產業增長佛法
能令流布廣大無量三界受樂

大方廣十輪經卷第一

已亥歲高麗國大藏都監奉

勅彫造

大方廣十輪經卷第二

唐

失譯人名今附北京錄

諸天女問四大品第二

今時地藏菩薩廣說如是大記剎經時佉羅堤耶山六種震動一切音樂不鼓自鳴雨衆寶華一切大衆皆志戰慄生希有想

今時功德天女功德樂天女妙音聲天女堅固地神天未曾有天大光明天如是等天以為上首與一万八千及餘大自在鬼神從坐而起合掌向佛白佛言希有世尊希有善逝我等雖於四大得自在力而不能知四大根本初中後相起滅因緣不識怨憎不知是善不善乃至親友若善男子得是甚深般若波羅蜜能善分別如是四大初中後相知諸生滅

佛言如是如是天女此善男子得甚深般若波羅蜜善知四大初中後者譬如善神有如意珠能雨種種無量寶雨有大利益如是善女天此善男子復能雨於種種覺意無量諸寶皆悉遍施一切衆生

譬如寶渚能出無量若干種寶是善男子滿足種種覺意等寶亦復如是譬如波利質多羅樹華初開時光色妙好如是善男子以無量佛法而自莊嚴亦復如是如師子王於一切衆生中無能驚者如是善男子於諸衆中亦復如是得無所畏

譬如日出滅一切闇如是善男子能除衆生一切諂曲結使之間亦復如是譬如明月照四天下能令迷者還得正道如是善男子能令未入三乘迷於生死曠野道者皆使迴向得其正道安住三乘

譬如大地百穀種子及諸藥木一切衆生悉依增長如是善男子一切助道諸餘善法皆得增長

譬如須弥山王能善堅固安住一切令无增減如是善男子安住佛法而不捨於一切衆生善根堅固無有缺減不令漏失

譬如虛空一切衆生行住出入依止而住如是善男子一切衆生亦皆依止增長一切無量功德

尔時一切大衆聞是地藏菩薩名号
生希有心得未曾有恭敬尊重皆大
歡喜皆悉諦觀地藏菩薩目不暫捨
尔時世尊欲重宣此義而說偈言

頭陀功德盡和合 諸聲聞衆无異相
地藏菩薩真大士 為礼世尊而來此
度三惡趣諸苦惱 為礼世尊而來此
諸天普雨无量種 皆為供養世尊故
而諦觀察於四方 離垢照明天帝釋
合掌一心向於佛 皆欲勸請於世尊
我今欲見此大衆 摩尼寶珠出光明
一切福田最廣大 悉見光明而普照
世尊神通光明照 今為誰故而顯現
諸來大衆最勇猛 地藏至此真佛子
伏藏七寶滿足施 佛藏珍寶是无畏
種子即是大菩薩 一切衆生之商主
此主能生佛法寶 大功德海而精進
大悲體性甚叅招 能救一切衆生苦
亦能救度諸怖畏 譬如明月示正道
能生善根如大地 亦如金剛摧諸結
為大施主解脫寶 漂諸煩惱如大水
如蓋普覆煩惱熱 亦如良醫除衆病
於一食頃讚地藏 過諸菩薩百億劫

如諸智者无量德 是故地藏大名稱
煩惱繫縛諸衆生 皆令遠離得解脫
得首楞嚴大三昧 能度諸禪至彼岸
十二因緣悉清淨 其智廣大如虛空
無量佛國諸衆生 皆悉能滅黑闇聚
而於一切四禪中 遍觀佛國修諸行
能令衆生入三昧 皆悉得離煩惱熱
衆生過去惡業故 常處刀兵疾疫劫
於此世間受苦惱 彼善男子能救脫
一切六道諸衆生 常為苦惱之所逼
當悉歸命於地藏 當令苦惱悉消滅
衆生輪轉沒諸苦 不相殘賊起鬭諍
若能歸命地藏者 令彼鬭諍皆悉忍
趣於三惡甚可畏 所求不得常苦惱
亦當歸命於地藏 一切皆得除怖畏
若修持戒及念定 欲得多聞智慧者
皆當歸命於地藏 隨心所願悉滿足
欲得如是諸功德 及以工巧善種子
皆當歸命於地藏 令彼所願悉滿足
一切藥穀諸福田 乃至欲求男女等
皆當歸命於地藏 令彼所願悉滿足
若欲修行諸功德 一切所有依大地
藥穀滋茂而潤澤 亦因地藏得增長

結業煩惱所覆障

造作十惡諸不善

皆當歸命於地藏

志除結使重惡罪

能以正法示衆生

作種種形隨應說

具修布施諸功德

欲救衆生起大悲

假使滿足於百劫

不可分別其功德

是名功德之大藏

一切皆當供養之

佛說大方廣十輪經發問本業斷結品第三

尔時地藏菩薩摩訶薩從座而起整

其衣服長跪叉手右膝著地合掌向

佛白言世尊如我今者欲發少問唯

願聽許時為解說佛言汝是真善丈

夫為欲顯示一切衆生無尋智慧亦

令他人作大丈夫若有所問隨汝意

答勿生疑難如來今日當為解說令

汝歡喜尔時地藏菩薩以偈問白

曾於十三劫 修行佛福田 飢饉與疾疫

悉為衆生滅 為億諸佛等 造不思議供

今見大會集 清淨衆俱來 聰智勤精進

皆來至此會 一時而雲集 無有諸濁惡

濁世多譏嫌 作惡損淨行 云何不善識

擾亂毀威儀 皆與惡逆俱 誹謗於正法

毀訾諸賢聖 妄著於斷常 造作十惡業

不畏後世苦 破壞三乘法 誦曲趣惡道

無明蔽其目 貪嫉多軒僞 云何轉法輪
解脫諸諂曲 煩惱金剛俱 云何得斷離
云何為惣持 忍辱能柔和 此集未曾有
令我值世將 諸處未曾見 如是之大衆
具足頭陀行 久修菩提道 云何於此處
成佛轉法輪

尔時佛告地藏菩薩善哉善哉善男
子汝於過去恒河沙佛所已問此義
如是之法汝亦曾聞具智慧行功德滿
足以方便力渡於彼岸汝為成就諸
餘衆生安樂利益故亦欲令一切菩
薩摩訶薩衆滿足一切方便伏藏為
具六波羅蜜欲滿一切智海為迴諸
帝王使不墮惡道欲令十方世界三
寶熾盛正法久住以是義故問於如
來善男子汝今諦聽諦聽當為汝說
地藏菩薩白佛言唯然世尊願樂欲
聞佛言此是如來過去本誓願力成
就十輪如此國土有五濁惡世一切
淨法皆悉損減離聖七財遠諸智人
為斷常綱之所覆障載惡道車不畏
後世常處无明黑闇之中具行十惡
能造五逆誹謗正法毀訾賢聖遠離

一切諸善功德成就惡法能於如是多惡世界悉令安隱得无所畏成就先聖最勝之法能轉法輪制諸怨敵皆悉降伏摧滅煩惱猶如金剛令諸衆生安住三乘阿鞞跋致地

善男子譬如有人遠離功德世界國土或自境內而有軍起或為隣國外來強兵之所踐害憂愁惱亂種種鬪諍及諸諂偽欺誑妄語有種種病愚闇所蔽目視不了為童子鬼魅所持阿鉢摩羅之所惑著身體乾枯狂亂失心諸根醜陋手足不具常乏財產無有福祿不為一切之所喜樂多歸異道起諸邪見心意顛倒趣三惡道如是國土多諸耆舊以為輔相臣佐吏民爵祿有序而與同好不相侵害如是建國則有無量種種明制調伏人民施戒慈忍威儀具足難行苦行一切備滿以如是福德因緣衆生諸根皆悉具足身體長大威德熾盛相好端嚴常為一切尊重恭敬皆共親友仁性寬慈聰敏多智若有尊重及諸王子備此德者以諸香湯調和

冷暖以用洗浴著鮮淨衣其光如寶
頂上復有如是寶珠真金華鬘手繫
素繒種種華鬘金銀真珠以為璫環
雜寶珠網而作辟指種種環玕如是
等寶莊嚴其身先所奉事天及諸仙
一切帝釋志皆聽許敷置高座如前
父王登尊位時昇如是座紹王位已
一切龍王天帝阿修羅帝鳩摩荼帝
是前父王所有鍾鼓今受位時亦擊
此鼓如是音聲遍滿城邑一切剎利
婆羅門毗舍首陀澡浴身體著鮮淨
衣種種諸寶繒蓋幢幡金銀摩尼真
珠珊瑚琉璃珂貝一切珍寶以新王
立見有如是吉祥等相故種種獻奉
尔時新王紹灌頂位先王所置宿舊
先臣隨其所能各為職司若已國內
自有軍興及以隣國起諸兵衆隨有
怨敵志皆殲滅守護已國無諸毀損
善增眷屬更相親友

善男子若能如是名為初輪灌頂王
位於其國土得安樂住初伏怨敵壽
命長遠守護身命如是如是善男子
告人及於五濁諸惡世界遠離於佛

是故此中一切衆生心多瞋恚更相
侵逼一切人民皆恚愁惱愚闇癡冥
起於斷常種種聞訟貪嫉諂偽作諸
欺誑恚具十惡取著衆生惱乱人民
種種煩惱及諸過患是故遠離甚深
法眼為瞋恚病之所擾害心常遠離
棄捨真實一切法味意想散乱譏訶
善法樂所愛味常為煩惱及諸邪見
惑網所覆歸依六師傷敗聖道趣向
三惡有諸菩薩摩訶薩已曾親近供
養過去無量諸佛能度一切智慧大
海安住諸佛所行之道皆恚集會到
於我所汝以修集種種布施善能調
伏成就苦行遠離諸惡久修諸佛難
行苦行常念智慧方便福德大慈大
悲莊嚴瓔珞廣大伏藏一切禪定怨
持忍辱諸地大海皆已具足不生諂
誑幻偽之心身相柔和滿足忍辱而
常善順以自莊嚴皆恚近於一切智
海其色盛妙光明具足能為一切聲
聞辟支佛作大導師亦與一切生死
怖畏衆生為作安慰即是拘樓孫佛
向那含牟尼佛迦葉佛如是等如來

之子於賢劫中取為上首以禪定智
水而自洗浴著慚愧衣是取勝大仙
所行之處亦是解脫功德華鬘亦名
一切種智無生真實而自在嚴是三
善行能為三界作密雲蓋已於過去
一切佛土善得安住處於金剛三昧
之座亦於過去聲聞辟支佛所安置
尊座四念處座亦是先佛所安置座
於一切智渚住於菩提能轉法輪
紹三寶種令使不絕擊於法鼓出大
音聲遍滿三界以此法輪聲使諸天
人阿修羅迦樓羅緊那羅摩睺羅伽
人非人等鳩呌茶富單那迦吒富單
那餓鬼毗舍闍皆以四聖諦寂滅之
相而自在嚴三轉十二行法輪昔所
未轉如今轉之一切沙門婆羅門若
天若魔若梵皆不能轉為欲利益安
樂一切諸天人故

善男子是名轉於初輪若今世後世
是處非處如實而知到於安隱無畏
之處一切怨敵自然降伏如實而知
能轉梵輪處處現於五濁惡世諸弟
子等正師子吼若作五逆罪業衆生

成就十惡如是人等碎諸煩惱猶如金剛斷諸有漏令得解脫隨其所欲安置三乘住不退地

善男子譬如有人初登王位受灌頂已觀察去來三世若干等種无量王事而以智慧觀察業因一切果報隨其性相而置爵位以此三業故令其國土增長安樂隣國怨敵志皆摧伏何等為三如灌頂王剎利為護命故防備怨敵與他戰鬪經營王宮及諸國土一切奉祿人民產業是名灌頂大王成就第二輪隣國怨敵不能侵害守護身命長壽安樂如是善男子如來始成佛道得無上智過去未來現在一切法眼亦如三世諸佛所得法眼故修行正法為欲觀察一切業報差別之相具深法眼分別業因能令善根一切熾盛長夜安隱志使衆生成就種種无量之樂能使一切外道怨敵自然降伏

何等為三業坐禪誦經營理僧事云何為禪禪有十種何等為十第一知身知身六入知我我所知業因為因

自在受生知種種愛無明黑闇知所
親愛無有真實屬衆因緣欲苦相續
流注不絕為滅此等令患除斷
云何為業流觀察一切三種業行是
名業流生死無際愛因緣有是名煩
惱流煩惱因緣故无明和合能生名
色名色和合因緣故能生六入六入
因緣故能生觸觸因緣故能生受受
因緣故能生後有後有因緣故能生
生生因緣故能生老病死苦是名苦流
如是三流皆從愛生何以故因無明業
愛為水潤為欲枯涸此三流故樂觀
無常名無常忍能觀无常苦空無我
信一切法愚癡無智如幻如炎如水
中月如夢空無相无願寂滅無生空
无諸相常觀五陰空無相无願隨順
忍樂觀察出息入息繫念安般增數
減數觀住觀滅并觀住滅還數有二
種意與覺觀俱滅於覺觀取出息入
息相減數有二依止有出能除覺觀
出息入息取其相貌觀住有二種觀
出入息見其滅想心能住定滅有二
種盡除諸結深淨於見修出入息觀

察五陰何以故此出入息名色盛陰
亦名受想行識等盛陰是名五盛陰
種種不相應相

復有五種非新非故非有非聚非言
如是五種以此五陰觀三種業以此
三業觀究竟盡復觀六處有我我所
有業無明為田愛為濕潤究竟滅盡
以是觀察具四念處修集滿足四念
處四正勤四如意足五根五力七覺
分八聖道分乃至能滿十八不共法
得無生忍及一切智具足首楞嚴三
昧修出入息安般三昧滿足一切正
法住處若能如是修諸禪定則是供
養過去未來一切諸佛是名佛子從
佛口生從正法生有能如此善修禪
者或是大士諸菩薩等或是漏盡辟
支羅漢如所修集是名菩薩摩訶薩
則能滿足十八不共法具一切智
善男子是人不久當得阿耨多羅三
藐三菩提亦是三世如來世尊甚深
法眼滿足業行觀察果報安住衆生
於十種禪定如是善男子則能轉於
如來所轉禪定法輪彼善男子云何

修於如來誦習若有比丘比丘尼優婆塞優婆夷善男子有少信心微薄善根於世諦中善根未熟令彼衆生於初中後夜以時誦習修禪喜悅求无上智我於尔時安置大乘修習禪定讀誦受持種種供養自誦教人誦自說教人說自供養教人供養自住大乘亦教人住大乘互相教化滅諸煩惱皆為得於无上道利亦欲滅諸衆生無量等苦亦為得入无所畏處涅槃之城若有衆生樂求辟支佛者為說十二因緣法樂求聲聞者為說百千四種阿舍及與無量阿毗曇等教令誦習如說修行善男子是名如來修誦習輪善男子若有鈍根衆生為欲發起善根因緣懈怠少智忘失正念貪著住處衣服飲食四事供養遠離一切諸善知識如此衆生教令勸化料理僧事及與佛法和上阿闍梨故是善男子則為安置如來勸化營事福處如是善男子如實知於修習業法善男子是名第二佛輪具足三業成熟衆生輪到於安隱無畏之

處能師子吼轉梵法輪令諸外敵皆
悉降伏如實能知衆生因緣

善男子譬如灌頂剎利王沙門婆羅
門毗舍首陀諸善觀察誰有勇健種
種伎能多聞持戒善知分別有功德
者方便智慧能勤精進堅固不退種
種福德而自在嚴於是衆中作灌頂
剎利王隨其相貌金銀珍寶倉庫穀
帛及諸田宅奴婢僕使皆悉給與此
國若有於衆生中能持戒者如此衆
生亦給短乏若有衆生不持戒者少
於精進懈怠懶惰忘失正念無慈愍
心亦無返復不畏後世在欲淤泥如
是灌頂剎利大王隨其事相謫罰安
慰或以教令謫罰或以繫閉謫罰或
以財物謫罰或復有奪種種產業或
有罰其鞭杖或有截其支節或有斬
其身首有如是等无量教授是名灌
頂剎利大王第三輪也能令增益已
之國土降伏一切諸惡外敵守護身
命令得長壽如是如是

善男子若我聲聞弟子離於智慧方
便福德及諸調伏忘失正念亂心放

逸歸依於我我知體性隨其相貌而
調伏之若有貢高難可調伏心不恭
敬不堅持戒為法久住而調伏之若
起心念教令心悔又須言語而謫罰
者驗令下意終不與語亦於僧中謫
罰令其礼拜呵詰嫌責不同僧利或
在僧前四體投地自歸伏罪或時駁
出不得共住我知衆生種種體性心
所趣向能生信解為利彼故除其黑
闇乾竭駛流得沮躁樂為欲調伏破
戒衆生廣說諸經地獄等苦若有衆
生能起信敬淨意方便隨彼體相說
諸善根為具善故乃至令得到無畏
城善男子是名第三輪也以如是輪
隨彼衆生得種種解修行諸業悉具
善本使得安隱到無畏處如彼賢聖
轉佛法輪外道怨敵自然降伏能師
子吼

善男子譬如灌頂剎利大王於國人
民有若干種邪歸邪見邪解邪出家
或於吉相專修如此无量苦惱傷害
衆生灌頂大王以先王舊法為彼衆
生今專修學斷除倒見先王舊善治

國之法亦使修行灌頂剎利大王制
法令諸衆生志同一意俱共調伏同
一怖望同所樂欲同共歸趣皆令和
合隨順先王舊國之法聽受詔命皆
共隨伏同奉國法亦時灌頂剎利大
王常與國人同其飲食而共戲樂不
相疑猜心相體信共行王法是名灌
頂大王第四輪也

以如是輪能令已國志得增長并制
怨敵皆志降伏能保國土守護壽命
善男子如來世尊見諸衆生有若干
種邪歸邪見怖樂邪業觀諸衆生以
是因緣已於過去諸佛如來在大衆
前數數開示佛法因果說六波羅蜜
修行正道說佛法僧三寶聖種數數
顯現一切業報亦教利喜而將導之
令諸邪見志得解脫及與四衆亦皆
解脫具修善行柔和調順遊戲四念
處於諸解脫知見正道志得快樂令
法久住使三寶種終不斷絕乃至四
正勤四如意足五根五力七覺分八
聖道分一切禪定解脫知見志得自
在遊戲無尋如是善男子是名如來

大方廣華嚴經卷第三
第四輪也

第十六

高希

如來成就如是輪故今諸衆生一切
歸依皆修善業同其知見安隱快樂
悉令住於無畏之地高勝大仙所證
之處轉佛法輪一切沙門婆羅門諸
梵魔天所不能轉摧伏天魔一切外
道於四衆中能師子吼

善男子譬如灌頂大王能令已國及
他人民若自妻色心無厭足於他產
業并諸妻色皆生貪著守護城郭禁
諸雜物國土村邑及以王宮乃至戎
邏皆悉遮制緻密堅固善男子是名
第五灌頂大王禁制輪也

時灌頂王如是成就輪已能令外諸
怨敵皆悉降伏亦使已國常得增長
救護身命

善男子如來多陀阿伽度能令魔王
波旬九十五種衆邪外道及諸无量
一切衆生於已產業心無厭足乃至
欲害我故以火燒毒飯推山欲壓放
其醉象或拔利劍以如是等而逐於
我或以塵穢而塗於佛或以煙慾而
謗如來或言非人亦非丈夫如是種

種誹謗毀訾而口惡罵於佛法僧為
諸利養衆因緣故而生嫉妬誹謗聲
聞如來世尊善守六根住四梵處教
諸聲聞或以四念處以四辯才為說
聲聞三解脫門如是如來有若干種
或以世間法及出世間法能令一切
如實而知善男子是名如來第五
輪也

如來修如是輪以出世間智令他衆
生種種歸依皆同產業共其知見安
隱快樂住無所畏是諸高勝大仙居
處轉佛法輪沙門婆羅門諸梵魔天
所不能轉恚能摧伏一切天魔及諸
外道於四衆中能師子吼
大方廣十輪經卷第二

戊戌歲高麗國大藏都監奉
勅彫造

大方廣十輪經卷第三

唐

失譯人名今附北涼錄

灌頂喻品第四

善男子譬如灌頂剎剎大王諸秘要
法守護之事皆悉備已然後與諸宮
人嫁女而自圖遠遊戲五欲放逸自
恣不攝六根肆情快樂是名灌頂剎
利大王第六輪也外諸怨敵悉皆降
伏增益已國壽命長遠族姓子如來
世尊及諸菩薩摩訶薩諸聲聞衆深
自防護得无所畏

尔時如來入於初禪第二第三乃至
第四禪入於空處識處不用處非想
非非想處悉入諸佛行處三昧

尔時如來入三昧已無量億那由他
天龍夜叉乾闥婆阿修羅迦樓羅緊
那羅摩睺羅伽人非人等餓鬼啖舍
闍富單那迦吒富單那盡熨惡心其
意佞戾無有愍傷於諸衆生不起慈
心言无後世而彼見我入一切佛行
處三昧故得勝歡悅於諸三寶得取
勝盛愛樂歡喜尊重恭敬得未曾有

離一切惡心多悔過於一切種無量
無數業障煩惱障法障於一剎那頃
志能滅盡功德智慧皆得具足背離
生死趣向涅槃一切皆志護持佛法
是名如來第六輪也

如來成就如是輪故禪定解脫三摩
拔提斷衆生結以是智慧滅諸煩惱
到安隱處得無所畏高大勝仙轉於
梵輪若沙門婆羅門及諸魔梵所不
能轉一切外道塵勞怨敵皆志降伏
於四衆中而師子吼

善男子譬如灌頂剎利大王與四兵
衆一切已國城邑聚落園樹田澤泉
池嶼谷丘澗及諸曠野遍觀已國於
其中間所有產業若於彼處多有疑
畏敵國怨賊剎利大王便隨其處置
同心人防諸怨賊善守已國令得安
樂是名剎利灌頂大王第七輪也外
諸怨敵皆志降伏增益已國壽命得長
如是族姓子如來世尊為諸衆生開
示佛眼若欲心如實知欲心若瞋心
如實知瞋心若癡心如實知癡心亦
知衆生為諸煩惱有種種病隨其所

行如實而知如來患於如是等處皆以方便精進勢力令諸衆生隨其類根以禪定藥除滅煩惱若有衆生多貪愛者教以不淨若有衆生可以四梵堂治者教修四梵堂若有衆生多愚癡者教觀因緣若有衆生應修數息者教以數息若有衆生應修三解脫門者教以三解脫門若有衆生應修禪定者教以禪定若有衆生應修無色定者教以无色定乃至應以首楞嚴三昧斷諸衆生煩惱病者亦即教修首楞嚴三昧何以故不使衆生墮於四魔令得自在斷入天道亦復不令諸衆生等入於惡趣斷三寶種是善男子如來能知一切至處是名如來第七輪也

如來成就如此輪故到安隱處得無所畏高大勝仙能轉法輪一切沙門婆羅門及諸魔梵所不能轉諸餘外道一切怨敵皆悉降伏於四衆中而師子吼

善男子譬如灌頂剎利大王為諸衆生念先種姓幼小嬉戲所生之處及

諸澡浴偃卧飲乳剪治手足一切爪
田業摩支節乃至戲弄灰土供奉事
者習學無量種種伎術遊行他國晨
夜住處敬事王者及諸大臣并作太
子至今登位得為大王受諸娛樂自
在無尋尔時諸方四維上下有大音
聲說偈讚歎願使常以正法治國不
惱衆生為護國土故是名剎利灌頂
大王第八輪也

成就如是輪已足時灌頂剎利大
王能令一切外道怨敵皆悉降伏
自保壽命令得增長如是善男子如
來世尊於大衆中觀宿命因緣一生
二生三生乃至無量百千億生憶念
劫成劫壞乃至无量億劫一切成壞
我生彼處如是種姓如是名字如是
生處食如是食受如是苦樂如是長
壽如是久住如是壽命邊際於彼沒
已而來生此復於此沒徃生於彼能
知彼相一切方所若干種別本宿命
事是名如來第八輪也

如來成就如是輪已到安隱處得無
所畏取勝大仙轉於法輪一切沙門

婆羅門及諸魔梵所不能轉外道怨
敵皆恚降伏於四衆中能師子吼
善男子譬如灌頂剎利大王於其國
界所有人民恚知根原種姓眷屬皆
恚勇健種種伎術知其貧富端正醜
陋乃至死時或以自業命終而死或
犯王法刑戮而死或更相殘害夭壽
而死或以鞭杖閑繫囚縛或以伎術
戰陣鬪諍或以財物或以愛欲或以
瞋恚或以飢渴或以已過患或以老
死或以中年或以幼少或作善
業或作惡業一切死者皆恚察知因
緣本末

如是思惟若有衆生修善因緣為欲
生天或有衆生修惡因緣趣向惡道
如是思惟修身善行修口善行修意
善行我常方便教修布施皆令調伏
隨順此行若命終時當生天上常處
善趣遠離惡道如是灌頂剎利大王
勤修一切身口業善好行布施飲食
衣服象馬乘騎卧具醫藥種種所須
乃至給使奴婢僮僕皆恚施與并捨
頭目及諸手足不惜身命恚斷殺生

偷盜邪淫妄言惡口兩舌綺語貪瞋邪見

如是灌頂剎利大王有十種利益護善名稱而得財業身相微妙多得眷屬少病少惱得賢智眷屬趣向善處皆悉供給親近供養名聞十方一切皆為說偈讚誦諸大天神悉來擁護身壞命終得生天上是名灌頂剎利大王第九輪也

成就如是輪已增益國界壽命延長如是善男子如來世尊為諸眾生悉知他人死此生彼如實而知若有衆生成就身業不善口業不善意業不善誹謗賢聖邪見顛倒以是邪見因緣業故身壞命終墮於惡趣生地獄中或生畜生及諸餓鬼若有衆生成就身善業口善業意善業不誹謗賢聖具足正見成就正見業因緣故身壞命終入於善趣得生天上生天上已或生人中盡諸結漏

如是如來善知衆生諸業因緣如來於諸衆生悉能發於大慈大悲常勤精進現三種神通能令安住世間出

世間信何等為三一者神通二者說法三者知他心以此三種神通令諸衆生安置世間出世間信知一切趣一切有為一切受生皆得解脫善男子是名如來第九輪也

如來成就如是輪故到安隱處得無所畏寂勝大仙轉於法輪一切沙門婆羅門及諸魔梵所不能轉一切外道諸餘怨敵皆悉降伏於四衆中能師子吼

善男子譬如灌頂剎利大王於四天下一切衆生為病所惱棄捨王位以種種香湯而以澡浴洗沐頭髮著鮮淨衣端坐思惟為除一切衆生病苦皆得解脫如是灌頂剎利大王以華香瓔珞及衆伎樂一切天龍夜叉乾闥婆阿修羅迦樓羅緊那羅摩睺羅伽皆悉供養已各相謂言如是灌頂剎利大王多諸功德應為轉輪聖王統四天下我等應當建立此王治國政事

尔時一切天帝乃至摩睺羅伽等亦如是言當立此王主四天下尔時剎

利大王具足七寶統四天下為轉輪
聖王千子具足皆多勇健形貌端正
能降伏外敵遊巡四海案行天下一
切大地終不謫罰刀杖加害如法教
勅皆悉受用善男子是名轉輪聖王
第十大輪也

以是力故轉輪聖王王四天下及八
萬四千海渚皆使修集一切善法無
不建立守護身命壽得增長

如是善男子如來從初發心已來於
己身命乃至他身所有煩惱若干種
病患以禪定淨水洗浴以如實法大
慈大悲澆灌其頂著慚愧衣十方如
來以禪定智力大精進力無量方便
定意觀察欲滅一切衆生煩惱種種
過患如佛世尊作如是言寂大智者
福德莊嚴堪為法器三解脫門四無
所畏如來十力十八不共法一切智
器大悲利益救濟一切諸苦衆生佛
大商主度脫無量苦惱衆生與涅槃
樂加其願力欲使滿足成等正覺无
上法王

如是福德具足智慧勇猛精進如實

正觀了四真諦得阿耨多羅三藐三菩提是名如來能盡一切諸漏根本第十法輪也

善男子譬如轉輪聖王於四天下遊戲自在如來亦復如是於諸四禪心得自在四無色定修四梵堂具四辯才正觀四諦四无所畏十力十八不共法於一切智得自在力

善男子譬如轉輪聖王七寶具足如來世尊具足七覺亦復如是善男子轉輪聖王具足千子如來亦有一切聲聞諸大弟子橋陳如以為初首須拔陀羅為最後也真是我子從佛口生從法化生斷一切漏勇猛精進修四梵堂猶如四兵降伏魔怨

善男子譬如轉輪聖王王四天下有八万四千海渚皆隨言教如來世尊亦有百億閻浮提百億瞿耶尼百億弗于逮百億鬱單曰百億海水百億須弥山王百億四天王乃至百億非想非非想天百億鐵圍大鐵圍山是佛國土廣大無量一切皆隨如來教此善男子是名如來第十輪也

如來成就如此輪故若五濁惡世一切佛法功德退沒離聖七財及諸智者為欲除斷覆一切患滅三惡趣乃至後世無明黑闇一切世間皆與十惡共相和合造於五逆誹謗正法遠離諸善恚染一切不善根本如是成就十種佛輪到安隱處得无所畏高勝大仙能轉法輪一切沙門婆羅門及諸魔梵所不能轉摧伏一切外道怨敵以金剛智能破衆生一切煩惱令使三乘得不退轉於四衆中能師子吼

尔時菩薩摩訶薩及以一切諸大聲聞天龍夜叉乾闥婆阿修羅迦樓羅緊那羅摩睺羅伽餓鬼毗舍闍人非人等皆稱善哉雨衆華雨雨雜寶雨雨衣服雨雨妙香雨一切大地皆悉震動

佛說如是十輪經時在會大衆有八万四千億百千那由他菩薩摩訶薩得無生法忍復有无量菩薩摩訶薩得深禪定忍辱陀羅尼復有无量衆生未發菩提心者今皆發心住不退

轉地。爾時復有無量大衆有得須陀洹斯陀舍阿那含阿羅漢者。次第修學證沙門果。

大方廣十輪經相輪品第五

月本云
證相品

爾時大梵天名曰天藏。久殖善根。住第十地。是大菩薩摩訶薩。是時衆中有天藏大梵。從座而起。整其衣服。右膝著地。以偈問佛。

我今稽首問 功德海無邊 願時賜聽許
除斷諸疑悔 渴仰持功德 法味中寂上
衆生咸樂聞 如是第一義

爾時世尊告天藏大梵。隨汝所問。如來世尊亦當隨問而答。令汝歡喜。得未曾有。爾時天藏大梵言。唯然。世尊。以偈問曰。

智慧修禪定 安住不放逸 為住第一義
而處於生死 勤修於誦習 能度煩惱海
為當證不退 為當墮惡道 常勤而勸化
為定趣涅槃 為在於生死 為墮於惡道
智慧剎利種 依止十種輪 為處於生死
為得成佛道 心濁難調伏 煩惱多散亂
以何淨其心 禪誦而勸化
爾時佛告天藏大梵。善哉。善哉。大梵。

所問純善第一汝已滿足一切諸行
於過去恒河沙佛所修行三業攝心
禪定常勤誦經營理僧事熾然佛法
建立三寶如大梁柱又復能為多人
無量衆生問於如來如是之義若善
男子依止威儀大記荊論過去諸佛
之所演說神通住持是名如來成熟
衆生令悉厭離為滅一切煩惱病故
為欲滿足三乘道故十方乃至恒河
沙現在諸佛亦說如是依止威儀大
記荊論為成熟一切諸衆生故令得
厭離故欲使摧滅一切結使故為得
滿足三乘道果住持正法故汝於過
去諸佛所聞我亦如是依止威儀大記
荊論為欲成熟一切衆生故令得厭
離故滅諸結使為得滿足三乘法故
是故大梵汝當諦聽善思念之天藏
大梵言唯然世尊佛言若有依止於
十不善輪則不具足欲界禪定亦不
能具足欲界善根況能成就色無色
界一切禪定亦復不能成就三乘及
餘諸善

何等為十有欲修禪衆事不具有欲

破戒成就惡法生於倒見亦著吉相
惡心難調不順賢聖諸根輕躁而不
具足微少善根但作兩舌多喜聞亂
作虛惡語而恒罵詈好作綺語及諸
妄言生於貪嫉見他得利常生嫉妬
一切衆生有惱害心作大邪見說无
因果天藏大梵滿足十事雖欲修禪
不能成就欲界小善况能成就色無
色界善根及三乘善法復次大梵又
有十事而不能得成就禪定何等為
十樂著作伎樂著言說多好睡眠種
種所求貪著美色樂著於香樂著諸
味樂著音聲樂著於觸樂著覺觀大
梵是名十種而不能得成就於禪設
使成就尋即退失終不能成而但為
得檀越信施因其利養心生惡法若
在剎利諸王衆中多諸過罪為他罵
詈及加鞭杖截其支節或犯大罪久
受諸苦若若疾命終必墮惡趣乃至入
於阿鼻地獄譬如阿蘭迦蘭鬱頭藍
弗經數拘迦梨提婆達多如是等毀
壞禪定乃至阿鼻地獄受大重罪
今時佛告阿若憍陳如我今聽汝清

淨比丘受於第一床敷卧具飲食儲
饍能除一切衆生疾疫何以故若坐
禪比丘闕少衆具一切心數多起散
乱但念諸惡而不能得成就禪定乃
至到於阿鼻地獄受諸罪報若衆緣
備足修諸禪定則易成就心得專一
若已得者皆令增長一切不善覺觀
散心皆恚能知不令得起趣向沮
辱到於彼岸若有坐禪未成就者初中
後夜當勤修習遠離憒鬧少欲知足
於一切結使起於捨心一切貪欲瞋
恚憍慢貢高兩舌惡口妄語如是等
恚得遠離應受釋梵四天王等百千
那由他供養恭敬况復婆羅門刹利
居士毗舍首陀所有供養余時世尊
即說偈言

修禪滅諸結 餘業則不能 是故禪第一
智者應供養

尔時天藏大梵白佛言世尊若有比
丘能修禪者刹利大臣應加謫罰鞭
杖乃至兀其手足不耶

佛言善男子若諸比丘佛法出家剃
除鬚髮披著袈裟染一切天人阿修羅

皆應供養若護持戒不應謫罰閑繫
兀其手足乃至奪命恚無是法何以
故除其多聞及持戒者若有破戒比
丘於我法中而出家者成就諸惡如
敗膿壞非婆羅門自言婆羅門非梵
行而言梵行退失墮落聖道果證為
諸煩惱結使所勝結使所壞又復破
戒諸惡比丘能示天龍夜叉乾闥婆
阿修羅迦樓羅緊那羅摩睺羅伽
人非人等無量功德珍寶伏藏若有
依我而出家者衆生應作十種勝想
得無量无边福德

何等為十有諸衆生見依我出家者
應作念佛想以是淨心歡喜因緣不
信一切諸餘外道及外道經書若當
見時即應思惟決定聖戒以是因緣
能斷殺生偷盜邪婬妄語乃至不飲
酒等入涅槃城

見有依我而出家者當起施心以是
因緣於將來世財富無量善去善向
殊勝供養常得充給乃至入於无畏
大涅槃城

又見依我佛法出家柔和質直常行

忍辱不生嗔暴心無狂亂喜樂正法
常好閑靜阿練若處乃至欲入涅槃
無畏之城

若有衆生破戒非法作惡威儀見如
是人當共軟語乃至札足以是因緣
此人後世生尊貴家有大勢力常為
一切之所瞻視乃至當得入涅槃城
天藏大梵若依我法出家造作惡行
如是比丘盲無所覩此非沙門自稱
沙門非梵行自稱梵行退沒墮落為
諸煩惱之所敗壞如此比丘修行惡
法猶能開示一切天龍夜叉乾闥婆
阿修羅迦樓羅緊那羅摩睺羅伽人
非人等一切善法功德伏藏為善知
識雖不少欲知足剝除鬚髮披著袈
裟服以是緣故能為衆生增長善根
於諸天人開示善道是以依我出家
比丘若持戒若破戒我悉不聽轉輪
聖王大臣宰相不得謫罰繫閉加諸
鞭杖截其手足乃至斷命况復餘輕
犯小威儀破戒比丘雖是死人是戒
餘力猶如牛黃是牛雖死人故取之
亦如麝香死後有用能大利益一切

衆生惡行比丘雖犯禁戒其戒勢力猶能利益無量天人

譬如估客入於大海斷於无量衆生之命挑其眼目持阿摩那果搏獲和合成其實藥若有衆生盲冥無目乃至胎胞而生盲者以此實藥而用塗之衆病得除其眼明淨如是如是若諸比丘雖破禁戒造作惡行於佛法中名為死人復能令他一切衆生使得清淨智慧法眼能令見者尚得如是況復為開示說種種法

大梵譬如燒香香體雖壞勲他令香破戒比丘亦復如是自墮惡道能令衆生增長善根惡行比丘為不信所燒身壞命終墮三惡道能使他人得大利益亦涅槃道以是因緣一切白衣不應侵毀輕毀破戒比丘皆當守護尊重供養不聽謫罰繫閉其身乃至奪命四方衆僧若至布薩自恣之時聽使駢出不共法事三世僧物飲食敷具皆不聽用一切羯磨說戒律處恚皆駢出不得在衆而恚不聽王及大臣加其鞭杖繫閉謫罰乃至奪

命今時世尊而說偈言

瞻蔔華雖萎勝於諸餘華 破戒諸比丘
猶勝諸外道

復次天藏大梵有五種逆罪為取極
惡何者為五故心煞父母阿羅漢破
壞聲聞和合僧事乃至惡心出佛身
血諸如是等名為五逆若人於五逆
中作一一逆者不得出家受具足戒
若聽出家則犯重罪應擯令出若已
有出家諸威儀者不應加其鞭杖及
諸繫閉

復有四種大罪同於四逆犯根本罪
何者為四殺辟支佛是名殺生犯根
本罪姪阿羅漢比丘尼是名邪姪犯
根本罪若人捨財與佛法僧主掌此
物而輒用之是名為盜犯根本罪若
人倒見破壞比丘僧是名破僧犯根
本罪若人於四根本罪中犯一一罪
皆悉不聽佛法出家設使出家不得
聽受具足戒若受具者應駁令出以
有出家威儀法故不應鞭杖繫閉奪
其生命如是皆犯根本罪非逆罪也
有是根本罪亦是逆罪有是逆罪非

根本罪有非根本罪亦非逆罪何者
為逆罪亦是根本罪若人出家受具
足戒得見諦道斷其命根是名逆罪
亦是根本罪也如是衆生於我戒律
中應駭令出何者為根本罪非逆罪
若人在我法中出家如是凡夫衆生
故害其命若以毒藥或墮其胎是名
根本罪非逆罪也若有四方僧物餘
食敷具恣不應與同共利養

若有衆生於佛法僧而生疑心此中
出家自言更有世尊或於種種諸吉
相中生疑惑心若復有人於諸如來
所說之法而生疑惑於聲聞辟支佛
乃至大乘於中誹謗出其過惡見他
讀誦而作留難乃至一偈此非根本
罪亦非逆罪是名甚惡近於逆罪如
是衆生若不懺悔除其罪根終不聽
使佛法出家設出家受具足戒不悔
過者亦駭令出何以故不信正法毀
謗三乘壞正法眼欲滅法燈斷三寶
種減損人天而無利益墮於惡道此
二種人名謗正法毀訾賢聖地獄劫
壽增長如是諸惡業已足名根本大

重罪也

何者是不威儀根本法若比丘故姪犯根本罪故殺凡夫人犯根本罪除三寶物不與而取犯根本罪故妄語犯根本罪於此四根本中若犯一罪一切比丘所作法事悉不聽入四方僧物飲食卧具皆悉不得共同受用然帝王大臣一切群官不應加其鞭杖繫閑刑罰乃至奪命是名根本罪體性相也何以名為根本重罪若人作如是行身壞命終墮於惡趣作如是行是惡道根本是故名為根本罪也

譬如鐵丸雖擲空中終不暫住速疾投地如是五逆等罪犯四重禁及二種衆生毀壞正法誹謗賢聖如是等十一種罪中若人犯一一罪者身壞命終皆墮阿鼻地獄是故作逆業犯根本重罪者皆悉不聽度令出家犯逆罪者如此人等於其一身終不能盡諸煩惱結成就禪定况能超出決定菩薩命終之後必墮地獄受惡道苦若有族姓男女以深信心歸依佛法

或趣聲聞辟支佛或趣大乘於我法
中而得出家受於具戒極有信心護
持根本四重等罪常勤精進勇猛不
休日日擁護一切人非人等終不虛
受人天供養於三乘中隨所樂欲何
以故志求解脫乃至捨命終不毀犯
何以故如是三種衆生皆求涅槃修
行其因依止世尊依止經律依止聲
聞正位弟子若有衆生犯四重禁非
佛弟子我所顯示甚深法相一切無
常苦空無我為諸衆生利益安樂說
解脫法波羅提木又如經論及諸
禪定盲無所見破戒退沒墜三惡道
若有族姓男女於是波羅提木又清
淨法中不犯根本者我是彼世尊彼
是我弟子隨順我語安住佛法一切
所作皆悉成就安立戒身及諸善法
亦能建立能大利益安樂天人世尊
如是之人則具足一切聲聞辟支佛
乘乃至大乘皆悉善住

何以故是根本戒守護一切正法及
諸有漏無漏等法皆悉因此而得成
立是故名為戒根本也

譬如因地一切万物百卉藥穀皆因
生長如是善學四根本戒一切善法
皆因得生譬如大地一切諸山乃至
鐵圍大鐵圍須彌山王皆依得住如
是善解四根本戒聲聞辟支佛乘乃
至無上大乘皆依而住

譬如大地一切物味依地而住如是
善學四根本戒禪定解脫捨持乃至
阿耨多羅三藐三菩提亦因而成
譬如大地淨不淨物一切悉載如是
族姓男女善學四根本戒持戒毀戒
是法器及非法器皆悉滿足諦自觀
察不譏彼短而不自高亦不毀他能
為一切善法洲渚猶如大地一切衆
生之所依止

如是族姓男女善能修學四根本戒
一切如來所說經論皆生愛樂歡喜
受持不起種種非法之想一切衆生
皆依四攝而自存活余時尊者優波
離從座而起整其衣服叉手合掌白
佛言世尊若世尊作如是言是法器
及非法器志不譏訶他未來時作諸
惡行如是比丘非沙門而作沙門非

梵行而作梵行今當去何呵責其心
駭遣令出

佛言我悉不聽俗人譏呵復有十種
非法譏呵即得大罪何等為十若僧
不和合於國王前而譏呵者是名非法
若僧不和合於婆羅門衆中而譏呵
者亦名非法

若僧不和合於王眷屬及諸大臣而
譏呵者是名非法

若僧不和合於白衣中而譏呵者是
名非法

若僧不和合於婦女小兒等中而譏
呵者是名非法

僧不和合於僧淨人前而譏呵者是
名非法

僧不和合於比丘尼衆中而譏呵者
是名非法

僧不和合於本怨嫌前而譏呵者是
名非法

若僧不和合以瞋恚心而相譏呵者
是名非法有如此等十非法不應譏
呵假使舉得少罪亦不應受若復少
有如佛法譏呵者亦不應受

又復十種非法譏呵不應受何等為
十若餘外道來譏呵者亦不應受非
持戒白衣而犯逆罪誹謗正法毀壞
賢聖若起狂心若散亂心為諸餘天
地四方僧淨人若是一切犯禁比丘
所舉之罪皆不應受是名為十非法
譏呵所不應受

若有比丘造諸惡行共僧中住清淨
比丘威儀具足於非法處一切不行
成就五法應頂礼僧足語惡比丘言
我今欲舉汝罪是實不虛是時非時
慈心軟語為使佛法久得安住為欲
熾然一切佛法若聽我說我當如法
舉汝彼若不聽我當頂礼持戒比丘
上座等足自言大德此比丘犯如是
事依於五法而舉彼罪上座比丘應
察是語如毗尼如修多羅當以滅諍
法如法除滅若犯重罪應以重治若
犯中罪應以中治若犯微細罪當以
微細治教令悔過

優波離白佛言世尊若造惡行比丘
實有過罪而恃白衣一切勢力或恃
巨富財物等力或恃多聞或恃辭辯

或恃弟子如是等力衆僧當共和合
持修多羅持毗尼持有戒德僧者不
取其語而用勢力有如是等應當云
何佛即荅言應詣國王大臣宰相如
法治罪優波離復白佛言世尊如此
惡行比丘若財物力若多聞力若辭
辯力能令國王大臣歡喜或有非法
朋黨為應捨置不耶

佛言優波離若事未現應當捨去若
事已出僧應和合速疾驅擯不得共住
優波離譬如瞿麥妨麥稗莠根莖枝
葉與麥相似若未莠出時不可分別
穢既出已田隳農士并根俱棄何以
故壞淨麥故

優波離如是破戒惡行比丘若恃白
衣及諸勢力住居僧中過未出時人
不敢呵其事現已諸天便譏當言僧
中無有禁制若惡行比丘衆僧應速
和合疾共擯出

優波離譬如大海不宿死尸如是我
諸聲聞大弟子衆破戒諂曲此等惡
人不應共住亦復如是若破戒比丘
為刹刹三及諸輔相朋黨非法如此

比丘則得自恃多聞財物巨富辯辯
如是等力肆心無畏強僧中住
尔時慚愧持戒比丘心有所疑不應
共諍不應守護共作伴黨如是持戒
比丘便語國王及諸大臣更至他國
大方廣十輪經卷第三

戊戌歲高麗國大藏都監奉

勅彫造

大方廣十輪經卷第四

唐

失譯人名今附北凉經

剎利旃陀羅現智相品第六

尔時地藏菩薩白佛言世尊是剎利旃陀羅輔相旃陀羅少於善根不肯信向諂曲愚癡自稱多知皆生憍慢不畏後世惡業果報離善知識乃至趣向阿鼻地獄為財利故與此惡行諸比丘等作非法朋黨佛言如是如是善男子於未來世剎利旃陀羅乃至婆羅門旃陀羅善根微少無有信心欺詐諂曲是諸愚癡現智慧相不隨善知識語實是愚癡現為智慧心常疑悔不畏後世而無禁戒作諸殺生乃至邪見欺誑於他於諸世間常行誹謗語剎利旃陀羅婆羅門旃陀羅壞亂佛法於我法中而得出家常毀破戒作諸惡行而剎利婆羅門盡心供養多畜錢財貪心染著取空言語通致信命治生販賣好讀外典墾土殖殖守護錢財產業舍宅守護妻子呪說仙藥貪著衣服飲食之物破

戒惡行其聲如貝寶非沙門自言沙門實非梵行自謂梵行乃至為剎利婆羅門恭敬供養聽受剎利耨陀羅婆羅門耨陀羅好喜破戒遠離持戒於我法中若見有人持戒修善能謙下者學與無學一切得向如是比丘皆志不得恭敬供養有所言說皆不聽受善男子譬如有人到寶渚所捨帝釋青寶及大青寶金銀真珠皆志捨離大價之寶取於木屑若我法中如是持戒有大功德心常謙下而便捨之取於破戒造惡行者成就惡法不生著耻心無慚愧遠離一切大慈大悲反取如是諸惡福田聽受其語供養如是造作惡人師及弟子俱墮地獄志具於此十種惡輪剎利耨陀羅婆羅門耨陀羅沙門耨陀羅大臣耨陀羅先修善根今志消滅乃至墮於阿鼻地獄何等為十破戒惡行如是比丘乃至剎利婆羅門忍樂惡見誹謗阿練若比丘愚癡諂曲非毀賢聖誑惑世間飲食錢財及諸利養求名稱故自苦其身毀謗他人嫉妬鬪

乱純為利養莫肯聽受信用其語退
棄令下遠離實法皆言無有得道果
者亦無離欲能盡結者但為利養而
自顯現慎莫奉事供養是等乃是諂
曲誑惑之人實非福田趣向道者是
時刹利旃陀羅婆羅門旃陀羅於阿
練若比丘不生恭敬希有之心其心
顛倒而不承事恭敬供養不肯聽受
信用彼語即是不能護持法眼紹三
寶種尔時國土天龍鬼神而於三寶
信心深重皆同瞋恚如是刹利婆羅
門等互相語言汝今諦觀刹利旃陀
羅沙門旃陀羅婆羅門旃陀羅大臣
旃陀羅悉起憍慢一切三寶斷於善
根近惡知識退失善法當入惡趣我
等今日不復擁護如此國土刹利婆
羅門等一切天龍諸善鬼神既捨離
已於其國中堪任法器為福田者皆
生捨心若一切天神及堪任法器應
為福田者於彼刹利旃陀羅等生捨
心已於自國土及餘隣國皆恚兵起
飢饉疾疫更相殘害不復歡樂先所
愛樂皆恚別離忿心慳恡無有矜愍

於一切衆生不起慈心煞生乃至邪見無慚無愧一切塔寺及僧祇物皆恚食噉供其衣服瞋諸左右恚生嫌隙若與他戰令已軍衆自然退散若欲死時皆結其舌口不能語趣向地獄復次善男子刹利旃陀羅乃至婆羅門旃陀羅皆恚遠離諸善知識輕慢三寶無恭敬心不畏後世於聲聞乘得少信心謂已聰哲而於辟支佛乘及大乘經法誹謗不信不讀不誦下至一偈生不信心是名謗法若復有人少信辟支佛法及大乘法而不信於聲聞之法毀此譏呵亦名誹謗正法是名誹謗三世諸佛正法之藏斷八正道破於無量衆生法眼若復有人於如來所說聲聞乘辟支佛乘及菩薩乘若作障尋若隱蔽覆藏乃至一偈而不恭敬於三寶者以是因緣令使守護一切國土天龍善神以不動信即便瞋恚是刹利諸臣乃至結舌不語而死墮阿鼻地獄復次善男子若持戒有功德者在彼國住具足法器善入捨心安住靜室而不

數數至檀越舍亦不輕呵惡行比丘
使彼覺知亦不譏嫌呵責破戒而惡
行比丘於清淨持戒者所反生譏嫌
言作對偽種種妄語於剎利大臣及
至國中一切人民男女大小恚於其
前生諸誹謗而彼剎利耨陀羅等於
諸清淨持戒具足修行功德有名聞
者如是比丘真我弟子具足一切禪
定解脫善巧言辭便起毀訾而生瞋
恚種種惡口惡語逼切令受苦惱或
奪衣鉢及四方僧物資業數具駭遣
令出或時繫閉或斬截其首善男子
諦觀親近惡行比丘者為得幾所罪
乃至當墮阿鼻地獄若衆生造作五
逆等罪及四根本罪誹謗賢聖誹謗
正法超過一切根本之罪如是惡行
諸比丘等我亦不聽刑罰鞭杖繫閉
乃至斷命以是因緣得大罪報况復
堅持禁戒清淨行者若有比丘於性
重罪中若犯一罪者雖犯重罪和上
衆僧和合羯磨所受之戒猶有餘勢
譬如妙香雖無香質餘分芬馨不可
輕毀破戒比丘亦復如是無戒白衣

不應輕慢雖非法器於賢聖毗尼中
退沒墮落棄出家法不得受用四方
僧物於衆僧和合所受得戒餘不犯
者其戒香氣多有勢力是故不聽白
衣謫罰善男子往昔過去有國名迦
尸時王名梵摩達多勅旃陀羅言雪
山下有六牙白象王名鬱波羅華眼
可拔其牙若不得者汝等五人志斷
其命今時旃陀羅護惜身命詐作沙
門外現精進被著袈裟如王所勅往
至彼山到象王所母象見之張弓挽
箭生怖畏心語象王言此是獨師今
已張弓挽箭而來將非我等命欲盡
耶今時象王即便見之剗除鬚髮被
著袈裟而說偈言

彼恒沙諸佛 幢相之法衣 志捨於諸惡
云何言衆生

今時母象復說偈言

身雖被袈裟 持弓執毒箭 作惡旃陀羅
無有悲愍心

今時象王復說偈言

袈裟決定服 以袈愍為本 是必歸佛者
慈悲諸衆生 於此衣無疑 汝當自攝心

能披此服者 欲度生死岸

尔時旃陀羅即以一毒箭射其象王
是時母象見射象王已大喚悲號復
說偈言

如是之衣服 應當歸依佛 威儀雖寂靜
而心懷大惡 速疾躡彼身 斷除其命根
滅此怨令盡 是射汝身者

尔時象王復說偈言

寧速捨身命 不應生惡心 彼雖懷惡心
猶似佛弟子 智者不為已 卒暴起瞋心
常思為衆生 修行於菩提

尔時象王心生慈悲即喚彼人而問
之言汝須何物彼便答言欲須汝牙
尔時象王即自拔牙發大誓願而說
偈言

今我以白牙 求佛故奉施 不瞋不貪惜
令衆滅煩惱

善男子我於往昔曾見如是畜生身
中求無上道能作如是不惜身命為
護佛法終不於彼著袈裟者而作留
難於未來世剎利旃陀羅輔相旃陀
羅婆娑羅門旃陀羅居士旃陀羅以諂
曲心欺於世間不畏後世若諸世間

有求無上道者入我法中而得出家
生心惱害我諸弟子應成法器及不
成者惡口罵詈鞭杖謫罰逼切其身
於過去未來現在諸佛犯諸重罪趣
阿鼻地獄斷諸善根除滅信心一切
智者之所遠離譬如丈夫雖自无目
能亦他道我諸弟子亦復如是雖毀
禁戒猶能利益世間衆生若未來世
旃陀羅王乃至居士旃陀羅見有依
我法中出家若成法器不成法器而
便擾惱我諸聲聞一切弟子則於三
世無量諸佛作大過罪消滅善心難
復人身何況毀訾正位聲聞辟支佛
及諸大乘無量功德善男子譬如過
去有國名般闍羅王号勝軍人罪應
死繫著可畏軻藍塚間令使惡鬼食
取其身時守獄人以五繫縛送著可畏
軻藍塚間是人間已即剃鬚髮以納袈裟
著於頸下尔時守獄之人受王勅已
即捉縛送至可畏軻藍塚間是時塚
間有羅刹名曰惡眼共五千羅刹俱
至塚間即見是人被五繫縛在於塚
間剃除鬚髮以納袈裟繫著於頸尔

時羅刹右遶是人而說偈言

今可自安慰 我終不害汝 剃髮服袈裟
令我憶念佛

尔時羅刹子復說偈言

白母甚飢渴 當須食此人 我得除飢渴
身心快安樂

尔時羅刹母說偈答子

恒沙等諸佛 法式之幢相 於此起惡心
當墮阿鼻獄

尔時羅刹子與其眷屬右遶匝已而
說偈言

我等父母共為惡 身口意等造不善
我已捨惡不害汝 被著染衣解脫相
尔時羅刹名為牛齒有五百眷屬俱
共圍遶入大塚間見被縛人剃除鬚
髮以納袈裟繫其頸下右遶竟已而
說偈言

歸依衆聖妙幢相 袈裟繫頸謂其人
我為此故而恭敬 唯願勿怖不害汝
尔時羅刹子復說偈言

母今當知人肉美 應當食肉而飲血
益其氣力得具足 增益身體无所畏
尔時羅刹母復為其子而說偈言

一切世間衆樂具 天龍夜叉及羅刹
悉當恭敬染衣者 當獲種種上妙樂
尔時羅刹子與其眷屬右遶恭敬而
說偈言

悉應恭敬而歸依 剎除鬚髮者袈裟
我於過去無數劫 見佛世尊救世者
尔時第三羅刹名曰黃髮亦有五千
眷屬而自圍遶入大塚間見被縛人
剎除鬚髮繫納袈裟而著頸下復右
遶已而說偈言

仙人幢相我歸依 若能供養得勝利
為袈裟故修供養 應悉除斷諸有縛
尔時黃頭羅刹子而說偈言

我得此人應食取 國王所遣故來此
當食其肉復飲血 母語子言應供養
尔時黃頭羅刹復為其子而說偈言
如是相人非我食 若起惡心大苦器
尔時羅刹子右遶恭敬復說偈言
如是大仙堪福田 是故應供離有縛
尔時刀口羅刹復與五千羅刹來到
塚間見繫縛者剎除鬚髮以納袈裟
繫其頸下心恭敬已而說偈言

有餘生死得沮睮 納袈裟者不應害

若害此人佛所呵 應當尊重而供養
尔時羅刹子復說偈言

我等常吸人精氣 食取其肉復飲血
是故當食此衆生 令我身體益氣力
尔時羅刹母復為其子而說偈言
若有生心欲加害 剝除鬚髮架染者
必墮惡趣阿鼻獄 受苦無量甚長遠
尔時羅刹子與其眷屬右遠被縛著
架染者復說偈言

我今怖畏地獄苦 終不惡心害汝命
我等同心當放汝 亦求解脫地獄苦
尔時羅刹等即便解放彼被縛人時
被縛人待至天明到於王所王即廣
告一切人民諸人集已皆請問王及
侍從左右群臣百官是人得來未曾
有也彼王即便立制普告内外若我
國中有佛聲聞諸弟子等若成法器
及不成者不起恭敬或加謫罰以是
因緣我當刑戮乃至致死族姓子閭
浮提王及與夜叉食血肉者惡心熾
盛無憐愍心乃至見剝除鬚髮繫納
架染以著其頸尚不加害况餘衆生
而起輕慢未來世中當有剝利旃陀

羅居士旃陀羅造作諸惡復有惡果
斷於善根趣阿鼻地獄若於我法而
能出家若成法器及不成法器剷除
鬚髮當奪命根族姓子辟如過去有
王名曰福德若人有犯罪過者乃至
繫縛今時彼王不欲奪人身命有輔
相大臣語王莫愁若殺此人或能令
王而得大罪大臣自以智慧將付狂
象今時狂象捉其二足欲撲其地而
見此人著染色衣故狂象即便安徐
置地不敢損傷共對蹲坐以鼻舐足
而生慈心族姓子象是畜生墮於八
難見染衣人尚不加惡生於害心乃
至未來世若有旃陀羅王見我法中
有人出家堪任法器及不成法器故
作逼惱或奪其命若作是行則口不
能語命終之後必定墮於阿鼻地獄
善男子是名第三輪利利旃陀羅乃
至居士旃陀羅雖有過去宿殖善根
現造惡故今盡消滅復次善男子當
有利利旃陀羅乃至居士旃陀羅見
有施四方僧物牀敷卧具塔廟住處
及與園林屋舍田宅一切淨人牛驢

騾馬種種畜生衣服飲食湯藥所須
資生雜物持戒清淨有德比丘辯才
聰明言辭應機如是人等悉不與之
破戒比丘作惡行者給其所須牀褥敷
具自恣受用并與白衣同共食取以
是因緣刹刹旃陀羅居士旃陀羅命
終皆墮阿鼻地獄復次族姓子當有
刹刹旃陀羅居士旃陀羅見有依我
法中出家者聲聞辟支佛乃至大乘
說法法師誹謗罵辱欺誑正法而作留
難惱亂法師以是因緣墮阿鼻地獄
復次族姓子若有刹刹旃陀羅居士
旃陀羅見人有與四方僧物華樹果
樹雜味樹蔭樹香樹我聲聞弟子持
戒多聞坐禪誦習者所有資生眾具
若自奪或使人奪自食使人食以是因
緣命終之後墮阿鼻地獄復次族姓
子於未來世當有刹刹旃陀羅居士
旃陀羅毀壞我法若見依我法中而
出家者於此人所數數瞋恚罵詈毀
辱我所說法不肯信受破壞塔寺僧
坊堂舍煞害比丘先所修習一切善
根皆悉滅盡命欲終時支節皆疼如

火焚燒其人舌根如被繫縛於多日
中口不能語命終之後墮阿鼻地獄
若成就如是十種惡輪不善衆生難
得人身况復能成聲聞辟支佛果乃
至成就具足大乘一切諸佛所不能
救善男子譬如押油一一麻中皆生
諸虫以押油輪而押取之即便得油
善男子汝等當看押油之人於其日
夜為應定殺幾所衆生若復有人以
是十輪而押油者一輪一日一夜押油
千斛如是乃至滿於千年是押油人
得幾所罪地藏菩薩言甚多世尊無
量無邊阿僧祇數此押油人得如是
罪無有能知是人罪量其數多少唯
佛與佛乃能知之佛言善男子譬如
十輪之罪等一姪女舍其舍有十女
人皆為求欲如是十姪女舍其罪等
一酒家如是十酒家等一屠兒舍如
是十屠兒舍罪等刹利旃陀羅居士
旃陀羅十輪中等於一輪一日一夜
罪尔時世尊而說偈言

十輪罪等一姪舍 十姪罪等一酒家
十酒家等一屠兒 十屠兒罪等一王

尔時地藏菩薩摩訶薩白佛言世尊
若有真善刹利輔相大臣真善沙門
真善婆羅門真善居士自護護他於
將來世守護佛法守護堪任法器及
不堪法器者乃至守護剎除鬚髮者
染衣者持戒清淨有功德者供養恭
敬聽受言教於聲聞辟支佛法皆志
守護諦聽受持守護大乘如聞信受
住大乘者持戒多聞言辭清辯與如
此人對相歡娛則心悅樂諮問議論
勤受教誨遠離破戒非梵行者四方
僧物而自食取私竊費用不依戒律
隨順十惡不善輪者亦令捨離不與
從事教學先王治國舊法典禮制度
紹三寶種常令熾然親近一切諸善
知識遵用前三所行政法是名真善
刹利得幾所福滅幾所罪佛言族姓
子譬如丈夫欲求出世集諸珍寶滿
闍浮提若值佛出并聲聞衆於其晨
朝修行布施日中亦施如是次第乃
至千年常修布施種種供養族姓子
如是行施得大福不地藏菩薩白佛
言世尊其福甚多無量无边阿僧祇

數無能稱量如此福者唯佛世尊乃能知之佛言如是如汝所說若有真善刹利遠離不善十惡之輪亦能遮制斷他諸惡如上所說是人功德倍多於前假設有人以四天下盡為四方衆僧建立房舍卧具醫藥悉皆給足使百千億聲聞弟子及菩薩摩訶薩修行種種無量法門坐禪誦經教化諸善如此之人其福多不於上千年修行布施供養功德復倍於前假設有人於四天下盡為建立僧房堂閣卧具醫藥皆悉具足滿百千億聲聞弟子菩薩摩訶薩修諸法門一切諸善坐禪誦經教化功德得幾所福答言世尊其所得福無量无边阿僧祇數善男子假設滿三千大千世界為舍利故起諸塔廟遍滿三千大千世界如是造塔功德無量其福日夜常得增長四方造作僧房卧具醫藥所須一切悉給起塔功德復倍於前假使三千大千世界滿中菩薩具足六波羅蜜如稻麻竹筭設滿三千大千世界聲聞羅漢具八解脫亦如稻

麻竹篲葉林皆被囚執堅固繫縛乃至一劫復有一人出現於世為福田緣故志解諸菩薩及阿羅漢被繫縛者并與洗浴給其衣服瓶鉢房舍飲食醫藥種種卧具乃至百千万歲盡入涅槃復取舍利而供養之為一舍利起七寶塔供養如是七寶塔故各以香華及諸伎樂繒盖幢幡若復有人為如來故起諸塔廟乃至滿三千大千世界其所得福百千億分不如解此被縛功德真善刹利真善婆羅門真善居士真善沙門如是福聚增長無量阿僧祇數於末法中法欲滅時能善自護亦護他人於未來世常護佛法亦復護我聲聞弟子堪任法器及不任者乃至剷除鬚髮被著袈裟不應燒乱而作惱害若有親近供養聲聞乘者亦不得惱乱亦復不應願樂供養於大乘者終不斯毀修辟支佛乘者亦自親近供養堅固受持大乘之法安住大乘有功德者善巧譏辯恒樂親近諮問義論問已隨順受持而於一切惡行比丘皆志遠

離不應與同四方僧食共受利養自
不染著十惡之輪亦不教他令生染
著皆悉修習先王之道具行十善常
當親近諸善知識熾然法眼如是真
善刹利得福倍多無量无边終不虛
食國民祿俸天龍夜叉乾闥婆阿修
羅迦樓羅緊那羅摩睺羅伽乃至富
多那等皆悉愛念同共擁護者若有
一切堪任福田成法器者皆悉愛念
同共擁護已國增長若他國土亦令
增廣洎竭惡道利益天人守護壽命
令得久長自滅結使亦能滅他一切
煩惱成就菩提滿足六波羅蜜遠離
一切惡道而隨生死流轉無數於生
死中而无譏嫌常值善知識志與諸
佛菩薩共俱遠惡知識如是不久成
就佛國得阿耨多羅三藐三菩提介
時一切天帝及諸眷屬乃至毗舍闍
帝釋及諸眷屬從坐而起合掌向佛
白佛言世尊於未來世有真善刹利
王乃至真善居士若能遠離此十惡
輪守護己身亦能護他及護持正法
經三寶種熾燃不斷成熟三乘於佛

所說恚能信受如法供養諸佛所說
終不覆藏我等眷屬與真善刹利王
乃至真善居士當以十法守護此人
令得增長何等為十為護壽命終不
橫死除諸非法常得少病眷屬安隱
財產增長具足大富名稱遠聞親近
善知識智慧增長如是真善刹利乃
至真善居士遠離一切十惡輪者如
佛所說當以十種善法而守護之令
得增長何等為十所謂怨賊外敵不
能侵害色聲香味觸无不可意者一
切病痛邪縛邪歸依一切疑悔一切
邪詔一切惡友一切不善根本一切
夭橫死亡真善刹利具足功德如上
所說皆恚除滅當以十善法守護是
人復次世尊若真善刹利如上所說
功德滿足皆恚修行我當以此十法
守護刹利國土之人何等為十懼隣
國怨敵畏非人畏於亢旱畏於霖雨
畏非時風畏非時惡星變恠畏飢饉
畏非時病死畏惡邪見畏真善刹利
於上所說能修行者我等當以十法
守護國土及諸人民尔時世尊讚天

帝釋乃至富多那等善哉善哉善哉
子皆是汝等之所應作。爾時天藏大
梵即從坐起整其衣服右膝著地而
跪叉手白佛言世尊唯願聽我說。是
真善刹利轉不退轉地。陀羅尼心呪
章句以此不退轉地。陀羅尼神呪力
故使未來世真善刹利。今邊國怨敵
自然退散。使身口意戒成就得勝智
慧。為一切智人之所讚歎。遠離諸惡
常修行善。遠離一切邪見。邪歸依精
進堅固成熟。無量諸衆生故得自在
智。六波羅蜜珍寶伏藏具足增長。遠
離一切瞋恚貪諸惡嫉妬。常為天
人之所守護。得不退轉菩提之心。不
捨一切衆生。得四攝法。無所疑問。成
熟法器具足。福曰親近菩薩諸聲聞
衆。利益一切善男子。真善刹利終不
退轉菩提之心。得陀羅尼神力功德
於未來世。寂勝不壞。無所譏嫌。常親
近諸佛。一切菩薩。爾時天藏大梵即
說咒曰

多闍他 牟尼置梨 牟尼舍囉
牟尼夷 梨地夜 末帝盧闍毗闍

釋 今那栗芝 阿昵伽弥 咻迦羅
博老 波羅舍博老 蜜羅博老
掃羅婆栗帝 毘羅拏栗隸鉢哆义
栗婆隸 舊舊拏弥隸 阿鞞义婆
婆阿菟阿祇梨梵 牟尼波陀鞞
私婆呵

尔時天藏大梵說是呪已白佛言我
願世尊於此陀羅尼心生隨喜佛言
善哉善哉大梵我於此呪心生歡喜
時會大眾亦稱善哉快說此陀羅尼
耶尔時佛告大目犍連弥勒菩薩摩
訶薩汝等受持不退轉地心陀羅尼
能令真善刹利安樂利益為轉法輪
故為名稱刹利故為威德故為滅諸邪
見故為建立正見故為守護法眼故
為無邊衆生今得成熟故為使堅固
大乘不退故為使滿足六波羅蜜故
尔時世尊欲重宣此義而說偈言
尔時天藏梵 發問兩足尊 刹利等衆生
修禪而誦習 勇猛強勸作 刹利有智者
云何滅煩惱 云何住不退 佛時答彼言
犯重墮落者 雖意有明利 急趣何鼻獄
此十種惡輪 無智所修行 則斷善根本

速疾墮地獄 禪定亦滅結 非獨多聞智

若欲得解脫 應當勤修禪 智者常精進

守護我正法 以恭敬繫衣 能度煩惱海

樂處於空林 遠離五逆罪 持戒修禪定

能度煩惱海 若有信三乘 熾然於佛法

供養染衣者 得大功德海 能調難伏心

不舉比丘罪 聖種修少欲 獲得兩足尊

遠離惡比丘 恭敬親賢聖 不食備祇物

速到於菩提 二界得妙樂 三寶出於世

若欲得安樂 當修養三寶 三寶旃陀羅

剎利作過者 惡比丘伴黨 速疾墮地獄

如是十輪罪 等於一姪女 以是十姪罪

亦等同一酒 如是十酒罪 復等於一屠

以是十屠罪 亦同於一王 有真善剎利

供養於正法 三乘得熾盛 當獲功德海

具足七寶等 遍滿閻浮提 持用施諸佛

其福猶有限 乃至四天下 造僧房供養

彼雖得大福 不如護正法 假使為諸佛

滿中造塔廟 彼雖得大福 不如護正法

羅漢諸菩薩 解縛而供養 顯現於我法

其福倍於彼 修禪億千劫 不為諸佛護

若不隱正法 諸佛速護念 若真善剎利

遠離十惡輪 能守護佛法 及時繫繫者

不謗毀正法 我所說三乘 聞已能供養
護持法器者 譬如五日出 能竭於大海
若護我法者 則竭煩惱結 譬如風災起
悉摧一切山 若護正法者 亦滅諸煩惱
譬如水災起 澍蕩壞大地 若護正法者
亦消諸煩惱 世有如意寶 能滿人所願
若說三乘法 隨願亦皆得 譬如獲德瓶
盡破於貧窮 如是破煩惱 速疾得菩提
如月十五日 光明滿虛空 得是智慧者
滿足護正法 如空無所有 無物亦无相
守護正法者 是智無疑惑 如日所照處
能除諸闇冥 守護正法者 是則得照明
大方廣十輪經卷第四

已亥歲高麗國大藏都監奉

勅彫造

大方廣十輪經卷第五

唐

失譯人名今附此錄

衆善相品第七

尔時金剛藏菩薩於大衆中從坐而起偏袒右肩右膝著地長跪叉手合掌向佛以偈問曰

毀破禁戒失頭陀 以造逆故非我滅
如過去佛之所說 破淨戒者不入衆
諸有一切沙門事 猶如焦炷皆棄捨
三垢所汙離解脫 不堪消受國供養
四方衆僧資生業 悉不聽取微少分
若犯四重根本罪 為衆棄捨如死尸
云何此經說忍辱 於惡比丘起悲心
遮制一切諸謫罰 復令供養惡比丘
昔於餘經復說言 汝等皆當信大乘
是名質直勝菩提 汝等應當離二乘
復於此經說三乘 及諸根力覺道分
禪定解脫三乘法 諦聽信受解脫因
此有沙門四聖果 除此經外無沙門
三乘皆同八正道 欲求解脫勤精進
若有智者諸人天 菩薩大士來至此
此諸大衆皆已證 如是大乘諸人等

有能正說開示義 若能聽者得何利
十種分別聲聞人 能如是說誰不利
若有人聽得何法 云何能聽得增長
復有誰聽而損減 復有聽者盡老死
諸有為法志厭離 晝夜修習於禪定
何時當得而濟脫 能度四流名救世
尔時佛告金剛藏菩薩善男子善哉
善哉利益安樂一切衆生若人及天
無能如是問於如來善男子諦聽諦
聽善思念之吾當為汝分別解說唯
然世尊我今諦聽願樂欲聞善男子
復有十種難得人身何等為十不宿
殖善根未修福者心常憤悶隨惡知
識不畏後世耽著貪欲瞋恚愚癡顛
狂失心乃至邪見是名十法難得人身
復有十法無依止因緣犯根本罪以
破戒故墜於惡道何等為十無依止
威儀有依我法而出家者內心不壞
修道壞修道不壞內心壞內心修
道俱壞有戒壞見不壞有見壞戒不
壞有戒見俱壞有內心修道戒見俱
不壞

若隨惡知識無依止威儀雖遇善知

識而復愚癡猶如白羊聞善法已不能受持亦不為他分別演說不識善不善無依止威儀衆具無量而不知足以是因緣心常散亂是名无有依止威儀為種種病之所苦惱以是因緣修諸呪術

若有依止是十無威儀犯根本重罪而復戰懼心懷慚愧而不數數作諸惡行如來為欲利益如是等故是名汙道

何以故若作如是惡者應當懺悔棄捨發露終不覆藏若能如是令罪消滅則不更作雖為衆棄一切衆僧基業敷具所須之物不得受用如是等人以成法器故如來為說聲聞辟支佛大乘之法斯有是處若二世三世遇善知識一切惡業消滅無餘得聲聞果辟支佛果乃至入於甚深大乘正法如是之人名為破戒不名破見若有人內心壞行不壞見不壞者如來為是等說四無量心亦堪任為聲聞器辟支佛器若有人行壞體壞於此二乘悲不成器為如是衆生故如

來便為說布施法

復有人見壞戒不壞者為如是衆生故說十二因緣法得離壞見已於一身得入聲聞法若革身得辟支佛法若有人戒壞見不壞於聖法中堪任為器

若有人內心行見戒俱壞者而從善知識以是因緣如來為說十善正法若有愚癡隨惡知識不知善不善如來為是等故教令誦習若有人為邪見所惑欲求解脫如來即使以聲聞乘為說四諦法

若有人起斷見者為說十二因緣法若人起常見者為說三界生死輪迴知如是法死此生彼為說聲聞法如來觀察終不妄說若有成熟衆生及不成者悉以方便通達無導一切重罪諸逆罪等

若有衆生作不饒益乃至破壞清淨法眼如我為欲利益一切衆生故隨順一切聲聞乘辟支佛乘及菩薩乘若誹謗正法遮障覆藏不顯現者乃至一偈如是人等名謗正法壞八正

道亦壞一切衆生法眼如是之人則失大利亦為衆生作不饒益依愚癡僧誹謗正法

復次族姓子有四種僧何等為四第一義僧淨僧毘羊僧無慚愧僧云何名第一義僧諸佛世尊大菩薩摩訶薩辟支佛於一切法志得自在阿羅漢阿那含斯陀含須陀洹是七種人名為第一義僧諸有在家無法服者不能具受波羅提木叉戒不入布薩自恣而得聖果得聖果已亦名第一義僧

云何名為淨僧諸有能持波羅提木叉具足戒者如律修行威儀不犯是名淨僧

云何名毘羊僧不知根本罪不知犯不犯不知輕重不知微細罪而可懺悔愚癡無知不見有罪可畏亦不依止善知識丈夫不數親近善知識丈夫故不能諮問經中深義何者是善非善何者犯重何者犯輕修行何事為善何事為惡如是等相名毘羊僧云何名無慚愧僧若有人為自活命

來入佛法而受波羅提木叉戒悉皆
毀犯破和合僧無有慚愧不畏後世
內懷臭穢其聲如貝言辭堅鞏常懷
嫉妬愚癡憍慢棄捨三業但為利養
放恣六情貪著五欲色聲香味觸誹
謗正法如是等人依止我法心無慚
愧是故名為无慚愧僧

云何名為第一義僧雖有聖道隱而
不現乘八正道能度煩惱三有駛流
是名真道何以故諸佛世尊緣覺羅
漢斷一切有名為真道

又諸菩薩摩訶薩自省已過求一切
法得无導智而不取證為衆生故亦
滅結道

若復有人不成就波羅提木叉戒
名為依止第一義僧乃至淨僧

若有真善凡夫乃至真善正見及諸
凡夫神通變化亦他正道如是之人
皆志名為能亦道者第二須陀洹第
三斯陀含第四阿那含第五菩薩摩
訶薩住於初地乃至住於十地一生
補處如是等者名為亦道

若復有人成就波羅提木叉戒是名

依道而活菩薩摩訶薩為攝一切成
熟衆生修行六波羅蜜如是等亦名
亦道亦名依道而活亦名滅結道如
是名為世間福田除此以外皆名汙
道亦名惡福田依止無慚愧僧於佛
法中亦名死尸是可棄者於僧大海
亦名不成法器彼非我弟子我亦非
彼師

復有不成法器者稱佛是我世尊我
滅度後得信向心法僧聖戒自不起
惡見亦不譏他惡而廣為人顯說我
法不生誹謗發正誓願已所作惡數
數懺悔能除無量種種諸罪作如是
信令使九十五種異學外道猶志能
度向於涅槃非轉輪聖王所有功德
之所能及

以是義故如來觀察一切衆生本業
作如是說以是因緣故於我法中出
家剃除鬚髮被染衣者不應起惡一
切過去未來現在諸佛大悲皆志護
持如是出家被服染衣以是故若於
出家一切人邊起惡心者則同過去
未來現在諸佛等前為惡無異

若復有人破戒不成法器者諸如是等當作惡見亦譏他惡

譬如真善刹利真善輔相真善大臣真善沙門真善婆羅門真善居士真善毗舍首陀若男若女無父无母世間阿羅漢無正道无趣向正見者亦無修善惡果報無有得果者一切法皆无因緣

或有作如是說色界是常是不壞法或計無色界是常不壞法或說外道苦行編椽棘刺五熱炙身以為第一或說純聲聞乘以為第一不說辟支佛乘乃至誹謗大乘摩訶衍法隱蔽覆藏不能顯發開示分別或有一向純信摩訶衍譏嫌聲聞辟支佛乘或有說言施為第一持戒乃至智慧非是第一或有說言戒為第一布施乃至智慧非是第一或有說言忍辱為第一布施持戒乃至智慧非是第一或有說言精進以為第一布施持戒忍辱精進乃至智慧非是第一或有說言智

慧嚴為第一布施持戒忍辱精進禪
定非是第一或有說言外道苦行以
為第一

如是族姓子破戒惡行諸比丘等於
成法器者邊生種種毀謗向惡見者
說如是言有顛倒見者破壞真善剎
利信戒聞捨智慧皆悉破壞真善輔
相真善沙門婆羅門真善居士真善
毗舍首陀真善男女破壞信戒聞捨
智慧如是破壞名為剎利旃陀羅乃
至居士旃陀羅破戒比丘自斷善根
亦能令真善剎利亦失善根乃至墮
於地獄

善男子譬如膿爛死尸有所近處皆
悉臭穢有所至處白臭亦令他臭如
是真善剎利親近惡知識破戒比丘
隨所近處悉生惡見臭穢如是能使
剎利斷於善根趣阿鼻地獄如是真
善輔相乃至真善婦女親近破戒惡
行比丘皆為旃陀羅斷於善根趣向
地獄族姓子汝觀是親近破戒惡行
比丘退一切善是故欲得大涅槃樂
皆應親近供養滅結修道者於彼修

學具足三乘亦道者邊應親近供養
具足內心具足修道具足知見應聽聲
聞辟支佛道不誹謗賢聖於摩訶行
亦不誹謗隨其所欲精進於三乘中
隨其發願修學一乘不應誹謗大乘
經典乃至一句一偈若誹謗者不應
共住亦不應親近若親近共住者即
趣阿鼻地獄

是故族姓子於三乘中當隨所樂趣
向一乘欲得遠離一切苦者應信如
來所說聲聞辟支佛乘志應依止摩
訶行所說諸法不應誹謗隱蔽覆藏
乃至一句一偈應當諦聽發正誓願
若有謗正法者不應共住亦不應於
是人所詔受聽法若就聽法以是因
緣常趣阿鼻地獄受大苦惱何以故
族姓子我本為菩薩行時求無上道
依聲聞乘為求一偈乃至捨身手足
支節頭目髓腦如是求於辟支佛乘
及求佛乘我本為菩薩時為無上道
故亦復如是為一偈故捨身手足頭
目髓腦血肉皮骨如是苦行乃至究
竟成無上道此三乘法皆是三世恒

沙諸佛之所演說神力守護為欲悲愍諸衆生故亦為欲紹三寶種故不令斷絕

復於未來世若有刹利旃陀羅乃至婦女旃陀羅以愚癡故自謂為智多惡慮獷不畏後世作諸殺生乃至邪見嫉妬慳貪隨惡知識

又於三乘不成法器於聲聞乘得少聞已於辟支佛乘乃至大乘一切諸佛之所護持而生誹謗覆障不令顯現若於摩訶行得少聞者於諸聲聞辟支佛乘諸佛神力之所護持而生誹謗毀訾不信我大乘及能分別說大乘者若言我聽大乘不受聲聞辟支佛乘以已少智愚闇力故亦是過去未來現在諸佛大悲力故

為欲利益一切衆生有二種護持第一為欲紹三寶種令不斷絕出家修道剷除鬚髮而著袈裟

第二說應四諦法趣向三乘如是二種如來護持非聲聞辟支佛所能持也乃至百千帝釋梵天亦不能持百千那由他轉輪聖王亦不能持

復有剎利旃陀羅若見有人於我法中而出家者如是聲聞弟子閉繫牢獄鞭杖謫罰或至奪命於此甚深一切諸佛菩薩所護持法悉使壞亂三乘正道誹謗覆藏如此之人不識大乘如是剎利旃陀羅尚不堪任為聲聞器况復大乘

復有婦女旃陀羅斯誑世人自言我是行摩訶行者以愚闇故慳貪嫉妬故毀壞我法言我自當速趣涅槃

而焚諸佛如來世尊所得生其罪過一切菩薩摩訶薩一切諸佛聲聞弟子邊亦皆犯罪令壽命短促多諸苦惱諸根缺壞支節不具恒多疾病剎利旃陀羅乃至婦女旃陀羅作諸惡業皆生倒見斷一切善根雖多布施於畜生中受種種身而得果報於未來世身壞死時終不能生色界善根成無尋智亦不能趣一切種智而多疾病舌不能語向阿鼻地獄是故如來為欲利益真善剎利使得安樂亦令真善婦女得其利益以是因緣不聽惱亂於我法中而出家者

又復於我所說法中起諸誹謗以如是事獲大罪報如前所說何以故披著袈裟是一切諸佛解脫之相

是故一切諸佛護持聲聞解脫等味大正法幢亦是辟支佛第一大乘解脫味幢是故求解脫者應先讀誦聲聞乘等諦聽其法遠離一切諸惡知識親近一切諸善知識供養恭敬然後讀誦方等大乘六波羅蜜一切所作諸惡不善皆悉發露如法懺悔發大誓願身壞命終於後世中悉能成就聲聞法器斯有是處亦是辟支佛種子乃至大乘阿鞞跋致無上種子何以故善男子復有十種依止輪若成就是輪已真善刹利乃至真善婦女則能速疾成聲聞器種辟支佛種大乘阿鞞跋致種何等為十如是真善刹利乃至真善婦女信有業報具足慚愧遠離邪見及惡知識持戒不飲乃至不飲酒慈心一切離瞋惱害具足悲心救濟憂苦羸劣與生得於喜心遠離兩舌妄言綺語得無爭心離慳貪嫉妬終不依止諸邪

異道離一切疑網及衆吉相發大精
進於一切法而得堅固疾證寂靜得
法歡悅

族姓子是十種依止輪真善剎利乃
至真善婦女成就十輪則便速得聲
聞法器辟支佛種大乘阿鞞跋致種
子是名依止輪也

如是輪者志與聲聞辟支佛共念時
世尊欲重宣此義而說偈言

於衆中第一 剃頭著袈裟 云何惡比丘
破戒得供養 毀棄失頭陀 詭語邪見持
非器毀於道 不應使謫罰 若從彼聽法
信寂滅涅槃 若得解脫者 為彼之良藥
於諸餘經中 但說一乘道 言無有二乘
第一之解脫 利益諸衆生 盡業報煩惱
恒有悲愍心 剎利樂正法 婆羅門毗舍
首陀等染罪 欲惱於比丘 必趣向惡道
如是一切佛 護持袈裟裝 諸佛解脫道
是說名第一 著於解脫服 速疾捨惡見
趣向於涅槃 猶如藥治病 雖破於禁戒
亦能滅他苦 我終不聽彼 在衆而布薩
若為他說法 彼此俱得福 稱我為世尊
歸依於三寶 遮斷諸惡業 猶勝於外道

譬如羅刹王 商人入怖畏 捉攬馬一毛
必度大海難 破戒捨惡邪 離煩惱羅刹
是故護解脫 諸佛之所持 不惱破戒者
必捨諸罪惡 是故有福者 欲求於解脫
能護器非器 解脫亦不難 於此無勢力
愚闇於聲聞 非彼緣覺等 而能說大乘
不覺於緣覺 而讚於大乘 彼已破於信
讀誦大乘經 不護於餘乘 身口意所犯
唯說於斷見 破壞於正法 後當得成人
還墮阿鼻獄 是以觀衆生 勿有非器者
若犯毀禁戒 無慙矜詬曲 亦應知是因
惡口而斷見 非聲聞緣覺 亦復非大乘
毀謗三世佛 必趣阿鼻獄 詬曲而持戒
散心慳惜法 厭惡諍貪嫉 是名為聲聞
有智樂行施 能起生滅相 執心常獨處
是名為緣覺 持戒不惜身 猶如猛師子
志求寂滅道 是名為大乘 守護於正法
善說而顯示 得深諸法忍 是名為大乘
法器非法器 心常行平等 不染於世法
是名為大乘 是故於三衆 智者如法說
守護我聲聞 速成寂正覺

大方廣十輪經卷第五

已亥歲高麗國大藏都監奉
勅彫造

大方廣十輪經卷第六

唐

失譯人名今附北凉錄

刹刹依止輪相品第八

復次善男子十種依止行輪一切聲聞辟支佛乃至如來皆與同等若有成就依止輪者真善刹刹乃至真善婦女速疾得成聲聞法器辟支佛種亦能成就如來法器

何等為十族姓子所謂真善刹刹乃至真善婦女身口意業淨修法行有慚有愧默惡已身畏五盛陰不見生死大河彼岸樂於寂靜離諸煩惱無有諍心不譏他短守護諸根心常念定善觀因果能成就禪定常樂攝心善解生滅如是則能成就十依止輪是名為真善刹刹乃至真善婦女速疾成就聲聞乘辟支佛種亦得大乘阿鞞跋致如是族姓子能成聲聞辟支佛乘依止此輪度諸有海入涅槃城云何名依止威儀輪云何名依止我所謂依止五受陰故名為依止於五受陰而作已想決定依止

云何名威儀有陰威儀有界威儀是
名威儀云何名輪諸佛神力所持言
教皆名為輪及與劍輪如是聲聞辟
支佛人依止此輪求涅槃道染著依
止不任大乘清淨法器

云何依止依止陰界心生驚怖依止
獸離依止於身而求解脫度脫已苦
以已受陰為求一切衆生解脫以著
已受故而不堪受大乘法也但自為
已不為衆生无大悲心以是故不住
大乘久住生死便捨他苦為欲斷已
煩惱故不能捨於手足頭目是故不
任大乘法器亦不求於大乘道輪而
亦不求梵音輪也是故不任大乘之
器獨一无伴入涅槃城以是義故若
有衆生不聞聲聞辟支佛乘諸行不
具善根不熟微少精進若此人前有
所說法二俱得罪亦是擾亂一切諸
佛以是義故若有衆生於聲聞辟支佛
乘而不成熟諸善根者若聽微妙大
乘經者彼人愚癡自謂為智墮於斷
見如是人等說無因果无善惡業亦
於我法而作壞亂非法言法非沙門

自稱沙門非比丘言是比丘遮斷一切聲聞辟支佛乘而不流布

若於聲聞辟支佛法出家受具足戒為集一切諸善根故故任法器及不任者學无學人善巧言辭譏辯无導已證諸果乃至真善凡夫具足持戒於是等邊而作罵詈奪其衣鉢執縛難寧墮地獄得无量罪不受人身起於斷見是故生常愚癡口不能語乃至命終趣阿鼻地獄人身難得於阿僧祇劫設得人身於諸佛界生五濁世身常瘖啞口不能語耳無所聞如是等病逼切其身志意錯乱无有飲食資產財業遠離善知識成就諸惡亦為惡見之所覆障造衆逆罪而說斷見惱乱我等聲聞弟子持戒清淨修功德者為惡所染若人下根下精進不求聲聞辟支佛乘於大乘道而生斷見欲求人身尚難可得况求聲聞辟支佛乘於此二乘尚不能行况復能了甚深大乘

譬如坏瓶多諸穿穴若盛油水則皆

漏盡而俱失壞何以故是器過故若有衆生根不熟者亦復如是同彼瓶相善男子如盲人前亦種種寶如是无智慧者憍慢放逸乃至斷見廣亦大乘亦復如是不能了知

譬如有人其身臭穢雖以旃檀沉水香等種種塗身猶不能香如是不勤求聲聞辟支佛乘不斷惡業乃至邪見若以摩訶衍大乘香塗猶故不香譬如薄田雖殖好種終不能成如是不能勤求聲聞辟支佛乘於彼五欲不生厭離如是之人若以摩訶衍道而為說之則不能成譬如毒瓶著少石蜜不任食用若不能修聲聞辟支佛乘乃至大乘言无因果者若欲為說大乘經典不能令彼如聞修學則不信受猶如毒瓶置少石蜜如是不任聲聞辟支佛器而置大乘味者當知是等二俱無用亦如狂人前若彈笙篴等笛鼓貝作衆伎樂不能解了如是不能勤求聲聞辟支佛乘有重貪欲瞋恚愚癡乃至於聲聞乘根不熟者若為說摩訶衍行道亦不能了

辟如有人不持鎧杖而入戰陣既入之後必當得於无量苦惱如是不能勤求聲聞辟支佛乘根不熟者若為顯示摩訶行乘亦復如是必當得彼無量苦惱

是故善男子有智之人先觀衆生然後說法以慈悲喜捨心及利益心不懈怠心以忍辱心不憍慢放逸心無嫉妬心无恚惜心以修定心為人說法亦不令他墮墜惡趣不如意處是故如來能知他心救濟衆生隨其信輪而為說法以大莊嚴而自莊嚴若為菩薩摩訶薩說法恒以大悲因緣為斷衆生一切結使而為說法度諸有海為於三乘中隨使成就一乘故而為說法終不欲令墮於生死而為說法分別諸陰而為說法分別諸入而為說法分別諸界而為說法分別欲界道而為說法分別色界无色界道而為說法不為今世有不為後世有不為行有不為心想有不為心行有不為意思有不為無明有乃至不為生老病死有不為行无行衆生

而為說法乃至行非行寂滅而為說法一切想无生而為說法

云何名行行者名為死此生彼若能覆此生死名滅行非行

云何名輪如如意寶能持一切遍滿虛空度諸國土觀察世間諸行起滅猶如幻化不與聲聞辟支佛共是故名斷一切行輪

如是善男子如來以如是相為諸衆生種種說法亦如虛空无有分別與無量三昧自在遊戲而為說法

如是菩薩以大莊嚴而自莊嚴為諸衆生說色非空離色非空乃至識非空離識亦非空眼非空離眼亦非空乃至意非空離意亦非空眼識非空離眼識亦非空意識非空離意識亦非空空處非空離空處亦非空識處非空離識處亦非空无所有處非空離無所有處亦非空非想非非想處非空離非想非非想處亦非空四念處非空離四念處亦非空道亦非空離道亦非空十二因緣三不護法十力四無所畏十八不共法大慈大悲大

喜大捨乃至涅槃非空離涅槃亦非空
善男子是名如來中道實義決定性
相為他衆生分別演說諸行無生住
持正法遍滿虛空乃至无量禪定一
切法相皆如日光照明開示令入三
乘為得涅槃令得解脫

菩薩摩訶薩如是說法為取第一利
益衆生諦聽甚深法已隨意所欲於
三乘中隨所修習種種善根則善住
一乘亦不增益諸不善法其行堅固
不退涅槃

菩薩摩訶薩為斷無量生死劫苦而
為說法亦為聲聞辟支佛乘衆生令度
四流

菩薩摩訶薩為斷一切衆生四流而
為說法聲聞辟支佛乘但為自己斷
四流故而為說法

菩薩摩訶薩為斷衆生煩惱病故而
為說法聲聞緣覺為斷已煩惱故而
為說法

菩薩為斷衆生煩惱業習使無餘故
而為說法聲聞緣覺雖斷煩惱習有
餘故而為說法

菩薩摩訶薩為令衆生得大悲果報
故而為說法聲聞緣覺離於大悲而
為說法

菩薩摩訶薩但為悲愍諸衆生故而
為說法聲聞緣覺雖復說法實無悲
愍利益之心菩薩摩訶薩為滅衆生
諸毒苦故而為說法聲聞緣覺但滅
已苦故而為說法

菩薩摩訶薩為滿一切法味故而為
說法聲聞緣覺自滿已法故而為
說法

菩薩摩訶薩為一切衆生得法光照
成大明故而為說法聲聞緣覺但為
自得法之照明不為衆生演說法相
善男子是名略說滅除一切大无明
闇得大明故而欲成就一切種智志
覺悟故乃為他人分別說法聲聞緣
覺為欲滅已無明闇障內自照明得
正覺悟

善男子聲聞緣覺不為衆生而生厭
惡不為愍救度脫他人不為於他令
得名譽稱揚讚歎不喜他人而生諂
曲但自護己不護於彼不為安樂一

切衆生聲聞緣覺若見他人有微少過必起身口意業等罪

善男子菩薩摩訶薩住大乘者皆志救護慈愍於他乃至不見衆生身口意業過

善男子若有衆生起於廢弊愚癡惡口自謂為智乃至不離邪見為求他利而生嫉妬貪著名稱自舉輕他不能守護身口意等心常念惡无有愍傷而喜惱亂選擇福田若有依我而出家者不見其過輕毀罵詈心常散亂不自省己念譏彼闕於大乘人雖生願樂無寂靜心起重惡心永離他人恒作是語而自稱說是大乘人亦教他讀誦但自讚已非毀於他以是義故讚歎大乘自不調伏於大乘道而欲教他修行大乘便作是說自謂大乘辟諸惡行律師而教人言如是誚曲難得人身亦失聲聞辟支佛乘常趣惡道不欲親近諸有智者而唱是言作師子吼我是大乘善男子辟如有驢著師子皮自以為師子有人遠見亦謂師子驢未鳴時无能分別

既出聲已遠近皆知非實師子諸人見者皆志唾言此弊惡驢非師子也我今所說亦如是等若造十惡燒滅人種非諸聲聞辟支佛器敗壞種子如是愚癡誑惑他言我是大乘善男子譬如有人而無手足欲至戰陣无所堪施破戒之人亦復如是欲與外使煩惱戰鬪我說是人終无果報墮犯禁戒作惡行者於一切處不成津器若自說言我是大乘能破一切眾生煩惱塵勞大陣亦為眾生住八正道入无畏城則無是處

何以故若有眾生威儀清淨慚愧具足畏於後世遠離一切不善等法盡樂一切諸善功德而於眾生起大悲心亦能濟度一切苦厄救護生死諸怖畏者不著已樂慶於彼樂常勤精進專念不捨心樂寂定捨於諂偽邪惑欺誑善知業知業果報不著五欲世間八法所不能染樂觀陰界如救頭然如救衣然安住聲聞種有如是相名聲聞乘則於大乘所不堪任辟支佛乘復有何相若人具上二十

法者則能常觀五受陰生滅等相明
觀諸法皆因緣生亦知滅相如是之
人不任大乘不能成於大乘法器介
時如來以是義故而說偈言

刹利依止十	婆羅門首陀	若修真善行
堪為聲聞器	辟支佛勝乘	二業悉清淨
守護於諸根	所說好柔軟	分別觀諸陰
界入亦復然	樂獨空閑處	善慧觀因緣
常攝於諸根	依止是十輪	於諸無壞乘
堪任為法器	念度於有海	等行於三輪
不依於結使	而近解脫門	不任大乘法器
不具大勝輪	不勤求大乘	并諸下根者
若有愚癡人	心常懷懈怠	是故非大乘
亦不堪大器	獨一求解脫	癡諂无愍行
常行於斷見	彼亦趣惡道	棄捨於正法
而說於非法	遮斷三乘道	捨律欲愛具
惱壞賢聖法	打擲袈裟者	毀譽而誹謗
亦自壞其身	為欲修人身	不舌疼而死
常值諸佛者	顯示三乘法	欲熾然三乘
及與分別者	歡喜而顯示	必成佛无疑
破戒而嫉妬	自讚復毀他	是智者所棄
得佛三界尊	以悲心說法	隨心之所樂
具分別三乘	必成佛无疑	說法如虛空

而心無所依 陰界入皆空 必成佛無疑

俱戾喜破戒 若聞讚大乘 詐稱為菩薩

驢披師子皮 我今為衆說 欲得勝菩提

護持於十善 莫壞於我法 我於餘經說

行第一菩提 離聲聞緣覺 為淨衆生說

曾供億諸佛 滅惡心解脫 我從彼所聞

但一无二乘 此衆說三乘 有住聲聞者

心惱多造作 不任道器故 有住於緣覺

愚闇於勝法 不任上乘器 隨所欲而說

頭陀聞解脫 當墮於惡道 冷陰而服乳

終不能老病 如是聲聞器 狂心說斷見

是故先觀察 然後應說法

今時世尊說是偈已於大衆中无量

百千人民多有空亂意衆生斷於善

根說無因果趣向惡道若得正見在

世尊前能至心懺悔而白佛言我於

如來正法之中久修聲聞殖諸善根

而不能成聲聞法器方復更求辟支

佛乘愚惑不了更起斷見獲无量罪

我等今志於世尊前誠心懺悔唯願

哀愍受我等懺悔拔除罪根不受惡

報還修善根求聲聞乘佛言善哉善

哉善男子汝等若能發露懺悔心懺悔

於我法中說有二種得无所犯一者
本不作惡二者作已能悔是三種人
俱獲清淨尔時世尊為无量百千衆
生隨順其心說四諦法有得法忍有
得世間第一法有得須陀洹果有得
斯陀含果有得阿那含果復有八万
四千比丘不受諸法漏盡意解得阿
羅漢

尔時衆會復有七千五那由他百千
人等墮於断見断諸善根應趣惡道
者還得正見志於佛前自歸發露誠
心懺悔作如是言我等本種辟支佛
因緣而不能成今聞大乘心生愛樂
我等愚闇便起断見言無因果以是
因緣造作无量身口意業諸餘惡業
以是義故於多劫中常墮惡道受無
量苦今於佛前皆志發露至心懺悔
不敢覆藏為欲滿足緣覺乘故隨彼
意說得光明三昧逮不退轉辟支佛乘
時彼衆中復有八十那由他百千衆
生舌不能語皆於過去誹謗无量恒
沙諸佛所說正法乃至誹謗一句一
偈以是罪業不能懺悔佛神力故令

使今日皆悉能言

尔時世尊知而故問汝等宿世作何惡業於此會中口不能語彼即荅言我於過去毗鉢尸佛法中誹謗大乘或有說言謗聲聞乘或有說言謗辟支佛乘以是業障罪報因緣於九十一劫墜墮生死常處地獄及受餓鬼舌不能語受大苦惱始於今日得復人身蒙佛神力始今得語佛神力故得宿命智能知過去一切所作惡業因緣

有說尸棄佛隨葉佛拘樓秦佛拘那含牟尼佛迦葉佛所誹謗正法乃至一句一偈以佛神力悉知過去所作惡行一切業障皆悉明了

尔時衆會无量百千聲聞无量百千菩薩摩訶薩從座而起自歸向佛發露懺悔我等皆於過去无量諸佛法中若任法器及不任者諸聲聞衆多起譏訶自舉輕他誹謗毀罵揚惡過善以是業障墮三惡道具受苦痛雖復供養過去諸佛及大菩薩摩訶薩衆乃至懺悔受持禁戒得聞佛法自

學教他但以誹謗餘業障故不能得
趣寂滅涅槃及禪定樂如是罪緣今
向世尊自歸發露至心懺悔復有說
言我等於諸如來聲聞弟子奪其財
業及諸飲食或繫牢獄以是業故墮
三惡道受大重苦我等雖於過去諸
佛世尊及大菩薩前發露懺悔受持
讀誦種種禁戒但以餘罪業障因緣
不能得向寂滅涅槃及禪定樂今於
佛前皆志懺悔一切餘業无量罪障
唯願世尊受我等懺拔除一切三惡
道苦自今以後願佛神力令我所樂
隨意无碍得於涅槃及禪定樂
尔時世尊告諸聲聞及大菩薩此是
五逆餘業罪障但有名字无有實法
皆由憍亂聲聞弟子能生大罪何以
故破毀禁戒諸惡比丘猶能為諸無
量百千万那由他人而作珍寶之大
伏藏况持淨戒熾然三寶者而起擾
亂是即名為斷三寶種成就惡業亦
名壞於一切衆生法眼毀佛正法
若見有人依我出家而擾亂者如是
業障過諸逆罪我今當以悲心哀愍

汝等如是業障悉聽懺悔永盡无餘
於賢劫中千佛出世汝於其所亦悉
懺悔終不復起誹謗正法其最後佛
号曰樓至如來應供至真等正覺汝
於彼佛皆悉發露一切業障永盡消
滅時諸菩薩及大聲聞俱共白佛唯
然世尊如教修行我等於賢劫中當
墮三惡及阿鼻獄受種種苦猶能堪
忍况復於彼樓至如來令我懺悔總
得正見解諸邪見業障衆罪皆悉消
除尔時如來讚諸聲聞及大菩薩善
哉善哉汝等能以如是勇猛精進令
本惡業皆悉消滅能生信解第一恭
敬值遇諸佛得諸三昧棄捨結漏得
阿羅漢

尔時世尊告金剛藏菩薩摩訶薩善
男子我以佛眼皆悉觀見无量阿僧
祇百千那由他衆生剎利旃陀羅乃
至男女旃陀羅於未來世少種善根
而得人身為惡知識之所破壞於甚
深法不生信樂多起謗毀於熾然法
具足聲聞辟支佛乘者或有遮斷大
乘者於我聲聞弟子成器不成器者

如上所說以愚癡故自謂為智於此終沒無數百千劫於地獄中受无量苦如先所說

是諸人等雖得人身寧受阿鼻地獄諸大重罪終不受是謗法人身何以故隨順惡知識憍慢自恣常作如是諸惡業者終不得度生死彼岸四流所漂受大苦惱

當於尔時有大智者而為涕淚作如是言觀諸衆生難得人身遠離信心及大擔願離於心相離於正見離善知識離於時節離於方所離於持戒禪定智慧如是衆生以愚癡故憍慢自恣有如是想毀壞佛法志如上說世尊我從今日亦於佛前而發擔願我等雖處生死不壞正法願於未來世諸佛法中不斷三寶

尔時復有文士聰明智慧從座而起合掌叉手而發誓言我等雖在生死不得法忍已來於其中間願莫受身莫作輔相大臣乃至令長村邑聚落等主不作國師軍幢將師長宿之處不作祠祀主估客商人處不作居士

處不作惡人處不作斷事處若不得
法忍不於衆生居自在處若作是等
則於佛法名重因緣必當墮於阿鼻
地獄一切大衆天龍夜叉乾闥婆阿
修羅迦樓羅緊那羅摩睺羅伽人非
人等皆悉泣淚而白佛言世尊我等
本處生死所作惡業若身業若口業
若意業多所造作或復隨喜今於佛
前皆悉發露懺悔除滅更不敢作如
是第二第三亦復如是不於生死隨
惡知識亦願我身不造惡業悉如
上說

尔時世尊告諸大衆善哉善哉善男
子汝能如是畏於後世欲度生死諸
有流苦欲入无畏大涅槃城發此誓
已善男子具足十法則得成就無著
法忍

善男子菩薩摩訶薩不著內身不著
外身不著內外身不著過去未來現
在身是名菩薩初得成就無餘法忍
復次不著內身受不著外身受不著
內外身受不著過去未來現在身受
乃至不著想行不著內識不著外識

不著內外識不著過去未來現在識
不著前世不著今世不著後世不著
色界不著无色界是名菩薩摩訶薩
成就十法得无著忍

若能如是於如來所說法是時七十
二億那由他百千菩薩得无生忍八
万四千那由他菩薩皆得順忍無量
那由他百千聲聞斷諸結漏得阿羅
漢无量那由他百千衆生未發菩提
心者今皆發心復有无量衆生亦得
發於辟支佛心

尔時世尊告金剛藏菩薩若有衆生
成就法忍者應得灌頂轉輪聖王所
有飲食无量財業其餘衆生不得法
忍者亦不能得灌頂轉輪王位

金剛藏菩薩白佛言世尊為灌頂剎
利王不得忍者云何而得飲食財業
佛言灌頂王雖不得法忍能成就十
善者我亦聽作國主飲食財業任意
自在

善男子灌頂剎利王若不得法忍又
不具足修行十善名為剎利旃陀羅
如是愚癡當破甚深熾然佛法斷三

寶種而便擾亂聲聞弟子亦作无量種種謫罰奪其財物基業誹謗善法而心覆藏不令顯現或奪塔物僧祇物如是之人皆志趣向阿鼻地獄

金剛藏菩薩白佛言世尊若灌頂刹利王不得法忍復不具足修行十善必當不得免斯惡耶

佛言假使灌頂刹利王不得法忍而復不修十善道者能成就信力歸依三寶不謗正法乃至一句一偈亦不憂惱聲聞弟子持戒清淨有德之者不取佛物僧祇物

若人見有擾亂如此比丘而復奪於佛物僧祇物者能為遮制令无侵毀數數聽受順於實法於三寶中常應供養親近是人清淨比丘得堅固願於摩訶衍心无疑惑亦能成就大乘衆生建立正法信大乘者

如是灌頂刹利王者已於宿世諸如來所得其城邑資生財物我亦知之不墮惡道若欲永滅一切惡者應當修行如是正法於過去世所作惡業悉得除盡

大方廣十輪經卷第六

已亥歲高麗國大藏都監奉
勅彫造

大方廣十輪經卷第七

唐

失譯人名今附北涼錄

遠離譏嫌品第九

尔時金剛藏菩薩復白佛言世尊云
何菩薩摩訶薩於聲聞乘辟支佛乘
不生譏嫌於諸菩薩亦无譏嫌云何
於如來聲聞衆中成器不成器得無
譏嫌於大乘道常善修行云何得利
智一切三昧諸陀羅尼及諸地忍云
何得昇進不退轉法云何常得善知
識云何常得不離佛法供養衆僧及
諸菩薩云何於善根不生厭足云何
於菩薩行願得無厭足

尔時世尊告金剛藏菩薩言善男子
菩薩摩訶薩有十種輪若有成就如
是輪者則於聲聞辟支佛乘無所譏
嫌乃至於菩薩乘亦无譏嫌若於如
來聲聞衆中成器不成器者悉無譏
嫌常得昇進不退法輪而於大乘亦
得增長無有闕失常得禪定諸陀羅
尼及諸地忍不離佛法供養衆僧及
諸菩薩求於善根悉無厭足得堅固

精進發無量行願過去所作一切惡業皆以賢聖金剛地智令使永盡惡得究竟一切現在所有惡業皆使無餘更不復作能速成就无上法輪七覺意寶而无厭足能除一切衆生結使人所依止

善男子譬如轉輪聖王若欲行時寶輪取在其前其餘諸寶皆悉隨後能滅一切諸四天下衆生濁惡亦令四下一切人民身意受樂菩薩摩訶薩亦復如是若成就十輪於聲聞乘無所譏嫌乃至一切衆生亦依止而存善男子譬如大車具足四輪多人依止乘於正路邊有塊石衆草乃至根莖華果為輪所輾皆悉消滅如是菩薩摩訶薩為諸衆生若有障法一切罪業輾斷消滅令不受報善男子譬如劒輪悉能斬截怨敵等首既斷又節手足更不任用菩薩摩訶薩若能成就如是十輪一切六趣欲界諸惡皆悉斷除令盡無餘不復受報善男子譬如五日出時一切四天下大地所有水處無不乾竭如是菩薩

成就十輪能為衆生除諸業障及障
法等罪衆苦根本一切消滅

譬如風災起時四方大風一時俱起
能吹一切大石諸山皆為微塵如是
菩薩摩訶薩能成就十輪為諸衆生
同共依止令四倒山結使諸業障法
重罪滅苦根本令得无餘善男子譬
如師子王若欲吼時一切畜生諸衆
生等皆悉怖畏如是菩薩摩訶薩亦
復如是乃至外道及諸異學惡知識
等皆令驚畏忘失言辯

善男子譬如釋提桓因以軍圍繞手執
金剛杵破壞阿修羅如是菩薩摩訶
薩成就十輪者一切倒見外道之屬
惡知識等皆悉壞滅

善男子譬如如意寶珠著高幢上雨
種種寶如是菩薩摩訶薩成就十種
輪者能持戒幢雨衆法雨以施一切
無量衆生

善男子譬如夜闇明月出現滅一切
闇若有一切迷失道者令得正道如
是菩薩摩訶薩成就十輪者無明黑
闇如是衆生失八正道亦為衆生說

種種法令其照明盡諸苦際亦八正道
善男子譬如日初出時一切穀米皆
悉增長諸華開敷及諸藥穀盡得成
熟雪山消流諸河充溢以漸次第滿
於大海

如是菩薩摩訶薩成就十輪者但調
伏戒慈悲多暖故為諸衆生說無量
法能生善根種種華果一切結使業
報惡行及邪見山悉得消滅乃至究
竟證於涅槃一切妙果無不悉得信
戒施聞慧無量三昧如是次第猶如
大河以漸滿足以漸滿故能令衆生
入於无畏涅槃之城

善男子云何名菩薩摩訶薩十種輪
者所謂十善是也菩薩成就此十輪
故乃能成熟一切衆生菩薩以離殺
生故能令一切衆生無驚无怖無有
一切憂悲苦惱善根成熟具足果報
若於前際流轉六趣没生死河以如
是等不殺生因緣先世所作身口意
等惡業諸罪一切煩惱能令衆生障
於正法自作教他作乃至見作隨喜
受持如是不殺輪故皆悉輾壞一切

惡業障罪報令無有餘亦以不殺
因緣能令一切諸天人等皆生愛樂
無有疑悔壽命得長臨欲終時所愛
妻子及諸眷屬悉皆圍繞身不受苦
乃至神逝所往之處終不見閻羅王
及諸獄卒若臨死時過善知識清淨
持戒心樂福田捨此身已得生人中
諸根聰利復值善知識清淨持戒常
樂福田斷除諸惡而求一切大菩薩
行入深智海遂得菩提其所生處常
離刀杖諸惡國土壽命長遠自在淨
國離諸驚怖如彼佛壽无量無邊亦
復能作如是壽命為諸衆生說法教
化乃至佛涅槃後令法久住善男子
是名菩薩摩訶薩取初輪也

菩薩若成就此輪於聲聞乘辟支佛
乘無所闕失於一切如來聲聞弟子
亦無關失不退大乘一切三昧諸陀
羅尼及諸忍等到於一切自在之地
常隨善知識佛及菩薩得聞正法供
養衆僧值諸善根恒无厭足修諸善
薩一切行願亦無厭足何以故過去
諸佛於此十惡皆悉遠離於一一惡

不善業等亦不讚歎以是之故善男子於此十善若能守一善業以如是相所獲果報亦如前說

復次善男子菩薩摩訶薩修行不盜能施一切衆生無驚无怖無畏亦无愁惱己所有物如法飲食資身財業恒求一切如法利益無非法欲以此善根行業果報假使曾於六趣流轉没生死河以不盜力故身口意業所作衆罪能障正法乃至財業等障自作教他見作隨喜以不盜輪皆悉輟除今無有餘亦令人天一切受樂而無疑悔乃至臨命終時妻子眷屬一切圍繞身不受苦若命終後神逝所往不見閻羅王及諸獄卒恒遇所愛諸善知識持戒清淨心樂福田乃至能離一切惡法成就一切元量善法隨所生處得大財業有財業已能離怖畏而悉不與水火賊共乃至到於菩提悉得衆寶嚴飾佛國寶樹具足無我我所无取無著成就一切衆生行業无我所無所受无壽無衆生而悉調伏於彼佛國善男子是名菩薩摩

訶薩第二輪也

若菩薩成就此輪於聲聞辟支佛乘
悉无闕失乃至如來聲聞弟子亦無
譏嫌而自於彼摩訶行乘无有猷足
悉得一切諸三昧門及陀羅尼忍地
亦不捨於一切誓願

復次善男子菩薩摩訶薩終身遠離
邪婬一切衆生皆為欲流之所沉沒
而能施於無畏无嫉無熱惱害於己
妻色恒生知足無非法欲以是善根
果報力故若有宿世邪婬果報六趣
生死流轉諸有自作教他見作隨喜
而今悉離諸邪婬輪輟斷惡業令无有
餘乃至成菩提道生於淨國無女人
處第一清淨彼諸衆生皆悉化生不
從父母和合受身善男子是名菩薩
摩訶薩第三輪也

菩薩摩訶薩成就此輪乃至不捨一
切願行

復次善男子菩薩摩訶薩盡其形壽
離諸妄語常隨順語以是因緣人天
歡喜乃至逮得菩提不諂衆生而生
其國所言真實無有虛偽是名菩薩

摩訶薩第四輪也

若菩薩成就此輪乃至常求一切菩薩願行而無厭足終不暫捨

復次善男子菩薩摩訶薩於終身中常離兩舌乃至以此善根至成菩提調伏衆生修六和敬來生其國皆共一心互相恭敬而無違失修質直法善男子是名菩薩摩訶薩第五輪也菩薩摩訶薩成就此輪乃至常求菩薩行願無有厭足終不暫捨

復次善男子菩薩摩訶薩遠離惡口乃至成就菩提耳終不聞不適意事常生佛國恒聞種種柔軟人聲及音樂聲聞諸法聲周遍佛國志念成就梵音清徹如是衆生來生其國善男子是名菩薩摩訶薩第六輪也

若有菩薩成就此輪從初發心乃至成佛恒求菩薩一切行願而無厭足終不捨離

復次善男子菩薩摩訶薩於其終身遠離綺語乃至菩提常於佛國聞諸菩薩摩訶薩百千法音周遍佛國而恒遠離一切綺語成就善語法語如

是衆生來生其國善男子是名菩薩
摩訶薩第七輪也

若菩薩成就此輪乃至菩提常求菩
薩一切行願而無厭足終不暫捨
復次善男子菩薩摩訶薩於其終身
遠離貪欲乃至菩提常生淨國地平
如掌衆寶充滿亦以寶樹而嚴飾之
復有若干種無價寶衣瓔珞幢幡金
繩珠瓔而彼世界種種莊嚴羅網寶
樹彼中衆生遠離憍慢我心貢高顏
貌端嚴諸根具足其心平等如是衆
生來生其國善男子是名菩薩摩訶
薩第八輪也

若菩薩能成就此輪乃至菩提恒求
菩薩一切行願而無厭足終不暫捨
復次善男子菩薩摩訶薩於其終身
遠離瞋恚乃至菩提悉除一切垢惱
穢濁塵雲暴風於彼淨國无諸濁惡
斷除憍慢生彼國已形色端正相好
第一諸根不缺禪定慈悲以自嚴飭
如是衆生來生其國善男子是名菩
薩摩訶薩第九輪也

若菩薩成就是輪乃至菩提恒求菩

薩所作願行而無厭足終不暫捨
復次善男子菩薩摩訶薩於其終身
遠離邪見復能以此離邪見輪令諸
人天一切愛樂若有衆生流轉六趣
沒生死河如是人等起身口意一切
業障及煩惱障而障正法自作教他
見作隨喜以此離邪見輪碾斷業結
令滅無餘妻子眷屬圍繞左右臨命
終時身不受苦神逝所往亦終不見
閻羅王等及諸獄卒隨善知識持戒
清淨心樂福田恒生正信命終之後
得生人中亦與善知識及諸持戒福
田之人而相遭遇還相依止令得正
見為善知識之所教授修習善法恒
離一切不善等惡於諸善根皆悉成
就一切菩薩所行之道無不修習以
是因緣能度一切衆生入摩訶行正
法大海乃至得菩提道一切疑網及
諸吉相常見斷見離我我所見如此衆
生來生其國壽命無量悉同法味皆
是大乘棄捨聲聞辟支佛及諸天魔
一切外道并魔眷屬皆悉已離如是
等惡來生其國彼佛壽命元量無邊

但於其中而作餅事般涅槃後令法
久住无所損減而更熾然皆悉一味
善男子是名菩薩第十輪也

若菩薩摩訶薩成就此輪於聲聞乘
辟支佛乘不生譏嫌及二乘人亦无
譏嫌乃至大乘亦復如是於大乘人
能令增廣熾然三寶於諸如來聲聞
弟子成器及不成器者亦無譏嫌而
能莊嚴摩訶行道一切三昧諸陀羅
尼乃至忍地恒善修學證勝進法不
離諸佛及大菩薩善知識等聽法信
受樂供養衆心無厭足求諸善根終
不暫捨菩薩所行六波羅密亦无厭足
善男子若能成就如是十輪者菩薩
摩訶薩疾成無上正真道覺何以故
過去諸佛修行十善離一切惡能現
如是種種果報因緣無量相貌具善
提道志斷一切煩惱結使盡竭三惡
皆使无餘是故能令紹三寶種久住
於世常得熾然使不復受三有之身
向於涅槃為斷陰入界等入无畏城
以此遠離十惡因緣具足果報如上
所說以是義故善男子若於此十善

不修一者求於佛道而復自言我是大乘皆應當得無上菩提如此之人是大妄語多行詖曲種種欺誑於諸佛所能斷一切衆生善根趣向三惡是故善男子具足十善剎利大姓婆羅門大家四天王天乃至非想非非想天聲聞乘辟支佛乘修行如是十善功德悉能具足阿耨多羅三藐三菩提故善男子以此十善而自在嚴求無上果修學大乘疾成佛道者此則安立一切功德善根處所若能守護十善便於善根擔願滿足成无上道今時世尊欲重宣此義而說偈言

以十輪覺悟 欲離一切苦 不應譏聲聞
惱著架染者 隨順緣覺乘 信心勤精進
安樂諸衆生 而受行大乘 一切諸緣覺
覺了寂勝法 淨修於佛道 速證得菩提
遠離於殺生 人天皆愛念 生生得長壽
善修无害業 一切所生處 常樂於佛法
親近世尊者 速證得菩提 若離於偷盜
一切智所敬 悉滅諸慳貪 守護不盜戒
生處常大富 為他作施主 而得嚴滿國
以眾寶莊飾 滅除煩惱穢 乾竭於愛欲

能遠離邪婬	速得清淨國	永離欲淤泥
解脫淨衆生	令入於大乘	由離邪婬故
欲得聖智者	讚歎於實語	棄捨諸妄語
悉滅於苦惱	究竟得實語	常值於諸佛
速疾成菩提	遠離妄語故	堪任為善器
而遠離兩舌	常與諸佛會	永捨於斷見
得聖无染著	速惣持辯才	能知深法海
不久得菩提	常說柔軟語	遠離於惡口
衆生所愛樂	能滅先世業	令衆得歡悅
菩薩之法將	悉知諸佛行	得入第十地
智者所愛敬	遠離於綺語	具足五功德
所說皆覺了	欲聞尊賢教	及與求聖道
供養諸佛海	速得一切智	一心除貪婬
不壞於正法	供養染衣者	熾然三乘道
常生清淨國	法將之住處	於彼獲妙智
第一無上乘	常行於慈心	遠離諸瞋恚
速疾得禪定	志樂賢聖行	生於清淨國
遠離一切過	隨佛所住處	永離一切瞋
專一修純信	遠離諸邪見	顯示三乘道
是名法供養	免離於惡趣	解脫值賢聖
具足菩薩行	速得實上智	安住而說法
能成於菩提	三昧摠持忍	皆由十善故
具足輪威德	悉殲除惡趣	盡滅業結障

疾成正法將

大方廣十輪經卷第七

第四收唐

卷

大方廣十輪經布施品第十

復次善男子若成就十輪菩薩摩訶
薩從初發心一切五欲皆悉捨離勝
於一切聲聞辟支佛人亦能為彼二
乘而作福田何等為十常行布施所
謂飲食衣服象馬輦輦乃至已身手
足頭目髓腦耳鼻皮骨血肉二皆捨
若行施時不著軀命亦不為己求世
間法出世間樂恒念度脫一切衆生
修大慈悲巧方便智如是心施於諸
衆生為令一切皆得安樂故施為滅
一切衆生結使故施不受後有故施
不虛心故施無嫉妬故施乃至寂下
乞人亦如是施不為受報故施不求
聲聞辟支佛故施求一切種智故施
乃至一人亦常如是修行於施是名
菩薩摩訶薩心施成就初輪莊嚴
法施

如是菩薩從初發心能為一切聲聞
辟支佛作大福田應當守護恭敬供
養何以故一切聲聞辟支佛為斷己
身三惡趣貪但自饒益而不為他修

行布施菩薩摩訶薩為斷一切衆生
苦惱以大慈悲哀愍心施是故能為
聲聞辟支佛而作福田不為於已而
求果報唯為寂上第一樂故常行於
施終不染著人天生死五欲樂故修
行於施而為利益一切衆生不念自
身所受善惡修行於施為斷一切衆
生苦報修行於施菩薩能如是行檀
波羅蜜故堪任為聲聞辟支佛福田
若不染著世間五欲而為具足大慈
大悲能如是施名為菩薩摩訶薩亦
名聲聞辟支佛福田假設修行无量
布施若不斷於世間五欲不名為施
亦不名菩薩不能與聲聞辟支佛作
大福田不為賢聖所印是故應斷五
欲無染著施若染五欲則不名菩薩
亦非福田如斯施者不能滅於煩惱
少分何況能除一切結習

尔時世尊欲重宣此義而說偈曰

成就於施輪 智者清淨心 盡離於五欲

令衆得妙樂 乃至施少分 皆為除衆苦

不令受少果 應獲上福田 雖復種種施

而不離五欲 此施非聖印 不墮定聚

捨欲而行施 施微而報重 聲聞辟支佛
俱以為福田 是故應離欲 常為清淨施
安樂諸衆生 是名真福田
復次善男子菩薩摩訶薩有十種法
施輪若能成就十種法施輪者速疾
得日光三昧能為一切聲聞辟支佛
作大福田何等為十所謂依止佛法
依止聲聞法依止辟支佛法依止摩
訶衍法依止世間出世間法依止有
漏無漏法尊重恭敬一切聽受隨順
受持為他廣說

若為聲聞人說應四諦法究竟涅槃
而無嫉妬憍慢之心不為利養一切
名稱亦不自舉亦不輕他恒為一切
發大慈悲分別演說不為說辟支佛
法及與大乘

若為辟支佛人說應十二因緣法離
老病死得盡苦際都不為說聲聞小
乘菩薩等法

若為大乘人說應六波羅蜜具足諸
行證无上道亦不為說聲聞辟支佛
法但隨諸衆生所應修行而為說之
於諸如來所演言教乃至一句一偈

恭敬尊重終不誹謗亦不隱沒而作障導於說法人作世尊想於聽法者作病人想於正法中作妙藥想棄捨五欲為欲說法心常平等而不取相善男子是名菩薩摩訶薩十種法施輪也

若菩薩成就如是十種法施輪者便速疾得日光三昧能為一切聲聞辟支佛作大福田常為一切守護供養余時世尊欲重宣此義而說偈言

智者修法施 演說於三乘 不堪法器者終不令謗法 聲聞及緣覺 多人而修習辟支佛利智 教令入大乘 但為成法器非器不妄說 隨諸根利鈍 漸教令昇進於法常恭敬 信受不誹謗 有能說法者供養如世尊 聽法諸衆生 令滅於煩惱不貪著名譽 利養而說法

大方廣十輪經戒相品第十一

復次善男子菩薩摩訶薩發大莊嚴具足戒輪若成就此輪從初發心遠離五欲於聲聞辟支佛中第一取勝為大福田皆應供養而守護之

何等為菩薩摩訶薩莊嚴戒輪善男

子菩薩摩訶薩有能出家受其具足成就波羅提木叉而不與聲聞辟支佛共若菩薩不以此戒能為衆生除諸煩惱一切邪見是則不名為摩訶薩亦不名為聲聞辟支佛大福田也善男子若菩薩摩訶薩於一切衆生心常平等護持淨戒志念堅固而不退轉心恒專一不生異想若見持戒破戒慳貪布施上中下等有若干種無量衆生瞋恚惱害行住坐卧於三有中陰入諸界而无分別如是持戒不著欲界持戒不著色无色界持戒不分別觀察有想持戒不為到不到故持戒

善男子菩薩摩訶薩以如是相貌發大莊嚴清淨戒輪從初發心常離五欲如是菩薩摩訶薩則能為一切聲聞辟支佛作大福田亦為衆生守護供養尔時世尊欲重宣此義而說偈言

優婆塞律儀 住於解脫戒 雖與二乘共
不名摩訶薩 若修於空法 不依於世間
亦不依諸有 智者護淨戒 不取於戒相

清淨離諸漏

如是護戒者

寂勝之福田

大方廣十輪經忍辱品第十二

復次善男子云何名菩薩摩訶薩發
大莊嚴具足忍輪若菩薩成就此輪
者從初發意能除五欲堪為聲聞辟
支佛作大福田亦為衆生尊重恭敬
供養守護

善男子菩薩摩訶薩忍辱有二種一
者世間二者出世間又菩薩有漏忍
者則受諸有亦不能無衆生之想依
止果報依止功德亦名住色聲香味
觸忍亦名羸劣忍无所堪忍悲愍念
衆生而修行忍但是諛曲悅彼故忍
不為安樂衆生故忍

如是忍者則與聲聞辟支佛同非大
莊嚴亦非菩薩但有假名如是菩薩
終不堪任為諸聲聞辟支佛作大福
田是名菩薩世間忍輪

云何名菩薩以大莊嚴出世間忍為
諸衆生故修行於忍而不染著若於
一切所作事務言語相貌音聲名字
聖所住處皆悉隨順而不捨於三結
三受三相三世三有三業如是等事

悉不依止心恒寂滅而修行忍是名
菩薩出世間忍輪

善男子菩薩摩訶薩成就如是大莊
嚴忍輪從初發心常離五欲是諸菩
薩摩訶薩能為聲聞辟支佛作大福
曰為一切衆生守護供養今時世尊欲
重宣此義而說偈言

此忍說二種 有相及無相 有相修行忍
智者所不貴 有相說三業 即依於忍聚
是名有漏忍 非是大人相 於四顛倒中
修於無著忍 寂滅於三業 是忍為寂勝
滅於一切行 不依相无相 心猶如虛空
是忍為寂勝 衆生皆一相 諸法空寂滅
心無有所著 是忍寂大利
大方廣十輪經卷第七

已亥歲高麗國大藏都監奉
勅彫造

大方廣十輪經卷第八

唐

失譯人名今附北涼錄

精進相品第十三

復次善男子菩薩摩訶薩成就大莊嚴精進輪從初發心離五欲者能為聲聞辟支佛而作福田亦為一切守護供養

善男子菩薩摩訶薩精進有二種一者世間二者出世間世間精進復有三種一者修福精進二者勇猛精進施戒禪定三者緣於有漏及諸衆生依於果報福行住處是名世間精進則非摩訶薩也

復次菩薩摩訶薩於一切衆生心常平等但為除滅煩惱業結而勤精進於聖無漏无取無捨亦无依止無雜穢心亦無乱想持戒破戒精進懈怠布施慳貪濁心慈心如是一切皆悉平等而行精進不於三界起種種想於諸衆生若聞言語造業處所於陰界入無所取想而修精進不依欲界不著色界及无色界不生到不到想

而修精進不著一切行不依三種福而勤精進菩薩摩訶薩成就如是大莊嚴輪從初發意離於五欲名為摩訶薩亦復堪與聲聞辟支佛作大福田為諸衆生守護供養

尔時世尊欲重宣此義而說偈言

染著六情根

愚闇於四流

精進常勇猛

智者所譏嫌

境界處精進

善取於有漏

不名為福田

亦非摩訶薩

智者勤精進

除滅一切著

心無所依止

是名為福田

不著於名色

為衆作歸依

勇猛離諸陰

是名為福田

照了於愚闇

超度到彼岸

如是精進輪

斷衆煩惱縛

大方廣十輪經禪相品第十四

復次善男子菩薩摩訶薩有大莊嚴

禪定輪若菩薩成就此輪從初發意

斷除五欲是則堪為聲聞辟支佛福

田一切衆生守護供養善男子菩薩

摩訶薩修禪有二一者世間二者出

世間云何名世間禪若菩薩依於陰

相染著欲界色界無色界修禪依止

三解脫四念處四正勤四如意足五根

五力七覺分八聖道分乃至地水火

風空識等皆志依止而生染著如是
修禪是名菩薩修世間禪亦與一切
聲聞辟支佛共不得名為摩訶薩也
云何名出世間禪

善男子所謂菩薩能出世間放大光
明不著四念處四正勤四如意足五
根五力七覺分八聖道分如是等法
皆無依止而修於禪乃至身口意戒
三解脫門陰界諸入三受四大空處
識處不用處非想非非想處今世後
世志離空靜不依止空空大空是名菩
薩摩訶薩出世間禪

善男子以如是相故菩薩摩訶薩則
能成就大莊嚴禪輪從初發意離於
五欲堪為聲聞辟支佛福田亦為一
切守護供養亦時世尊欲重宣此義
而說偈言

為捨重擔故 修於有相禪 但斷於已結
不名為智者 染著而修禪 依止於解脫
取著於彼岸 不能利眾生 若為棄重擔
欲利諸眾生 滅結修諸禪 是名真智者
若斷於有愛 為利諸眾生 修於無相禪
是名摩訶薩 斷除眾生縛 令世間无畏

寂滅而修禪 是名摩訶薩

大方廣十輪經智相品第十五

復次善男子菩薩摩訶薩有大莊嚴
智輪若能成就如是大莊嚴智輪從
初發意離於五欲則能堪為聲聞辟
支佛而作福田亦為一切守護供養
善男子菩薩摩訶薩有二種智一者
世間二者出世間云何名世間智所
謂菩薩依止讀誦欲滅一切衆生愚
闇作大照明如來所說種種无量於
聲聞乘皆悉聽受自書使人書自讀
誦亦教人讀誦若說辟支佛法及大
乘法皆悉隨順一切信受若自讀誦
教人讀誦自書亦教人書能為衆生
廣說分別顯示其義讀誦經法求諸
無漏八聖道分解脫之味而不求於
寂滅智慧常有存相取著之心是名
菩薩世間智輪亦與聲聞辟支佛等
无有異也不可名為菩薩摩訶薩云
何名出世間智輪菩薩摩訶薩修道
之時隨其精進行住誦習而於彼相
不取不著不念不思惟如是行類則
非下劣心如虛空同於寂滅觀法平

等都無所著亦无所繫無生无滅心
無退轉常行平等諸法實際深入寂
滅得无生忍不取諸相心無增減不
依諸地亦不住智慧菩薩若得如是
具足智者是名菩薩出世間智有此
行類則能成就大莊嚴智輪從初發
意不染五欲亦能堪為聲聞辟支佛
福田一切衆生守護供養

復次善男子菩薩摩訶薩有大莊嚴
輪若菩薩成就如此大莊嚴輪者從
初發心斷除五欲堪為聲聞辟支佛
作大福田亦為一切守護供養

善男子菩薩方便復有二種一者世
間二者出世間云何名菩薩世間方
便自為及人常懷彼此種種伎藝而
成就衆生能現如是若干種身或現
佛身或現辟支佛身或現聲聞身或
現父母身隨所應見而為現相若有
病人及看病者瞻視羸劣无有能救
一切怖畏乃至應死志以方便救令
解脫常行四攝成就衆生住於大乘
若聲聞辟支佛人有不堪任為大乘
器根不熟者即於二乘法中令使修

習如是甚深微妙之法開示顯現第一義諦超過凡夫顛倒境界依於四依具四辯才四念處四正勤四如意足五根五力七覺分八聖道分住善取道入方便智道成熟衆生若諸衆生有為名稱染著利養諸根動搖而不成就涅槃善根如是等人教令習誦如來所說聲聞辟支佛乘成就離施功德教令勸助若有衆生多起瞋恚其心甚惡而無哀愍教令修行四無量心而得成熟若見懈怠如是衆生教令精進多瞋衆生教行忍辱散心衆生教令禪定愚癡衆生為說正法令修智慧教化成就若有衆生无所依止無恭敬心教令開示歸依三寶有如是等教使修習優婆塞戒亦教八戒齋法或有衆生以種種伎術著作務處教化成就如是等輩恒沙菩薩有世間方便智慧菩薩摩訶薩成就如此方便智輪以諸經論作務伎術摧伏一切外道異學苦行智輪是名菩薩摩訶薩成就世間方便智與一切聲聞辟支佛共

善男子若有菩薩不依明師亦不依止善知識以是行類相貌染著世間而自迷惑如是菩薩則不能住出世方便智輪不名福田亦不能善知衆生諸行若見不成法器衆生及聲聞辟支佛乘根不熟者於是人所顯亦大乘是名愚癡无巧方便而教大乘人捨菩薩道令修聲聞辟支佛法是為錯謬不識人根若見辟支佛人教令捨離修聲聞乘不識人根而謬說法有如是失墮於咎過若見聲聞人獸於生死者為說世間三界果報樂著生死不識人根而謬說法有如是失墮於咎過若有衆生不斷殺盜乃至不斷邪見具行十惡諸不善根見如是等而為顯亦菩薩大乘甚深之法竟不說於惡道果報生死受苦輪轉諸趣不識人根妄說諸法墮於咎過亦名愚癡无方便智若見樂持戒者為說布施樂精進者為說持戒樂忍辱者為說精進樂禪定者為說忍辱樂智慧者為說禪定是名菩薩愚癡无巧方便智輪亦名世間智則與

一切聲聞辟支佛共亦不可名為摩訶薩也云何名菩薩摩訶薩出世間方便智輪若諸菩薩有所作業皆為他人不念已身作若干等種種伎術乃至恚欲與人共之如前所說若有已利迴施他人見堪任器者而為說法漸教聲聞辟支佛乘見辟支佛人教令漸修摩訶衍乘亦不為聲聞人根不熟者而為說樂生死法為有殺生乃至邪見為說聲聞法生死所趣若樂修施者為說無上伎術乃至樂智慧者為說賢聖无漏智道以是智慧成就衆生不取衆生想及智慧想是名菩薩摩訶薩能出世間取大莊嚴方便智輪若菩薩摩訶薩成就此輪從初發意斷除五欲是名菩薩摩訶薩堪為聲聞辟支佛作大福田常為一切守護供養尔時世尊欲重宣此義而說偈言

應說一乘道 而為演二乘 則為自欺誑
不名度衆生 決定墮邪聚 而亦下劣乘
是則為愚癡 不名摩訶薩 趣向一乘者
為欲聽法故 樂處於生死 智者之所說

決定專一心 隨欲而教化 是名為方便
智者所讚歎 一向為聲聞 教令生厭惡
堪任為器者 教以摩訶行

復次善男子菩薩摩訶薩取法之慈
而莊嚴輪不取衆生相何以故取衆
生慈而莊嚴者則是聲聞辟支佛行
不能莊嚴大乘道也聲聞辟支佛雖
修於慈但自為已不為利人為自調
伏滅已結業盡諸煩惱已得涅槃為
我人衆生而修行慈於他衆生心
常放捨是故不名為大莊嚴輪唯斷
已結不能為人除諸煩惱菩薩摩訶
薩則不如是常為一切衆生修行慈
心莊嚴大慈名為菩薩摩訶薩无依
止慈不依止陰界入故而修行慈不
依止四念處四正勤四如意足五根
五力七覺分八聖道分而修行慈不
依止欲界色界无色界而修行慈不
依止此世後世故而修行慈不依止
此岸而修行慈不依止彼岸而修行
慈不為不到故而修行慈菩薩摩訶
薩唯緣法故而修行慈此非聲聞辟
支佛之所能行唯諸菩薩摩訶薩乃

能成就如是大莊嚴緣法慈輪若菩薩從初發意離於五欲如是菩薩摩訶薩堪任聲聞辟支佛作大福田亦為一切衆生守護供養

復次善男子菩薩摩訶薩修大悲輪從初發意斷除五欲名為摩訶薩堪為聲聞辟支佛作大福田常為一切衆生守護供養何以故一切聲聞辟支佛但自為已而修悲故菩薩摩訶薩則不如是而自亡已為一切衆生故而修行悲是故堪為一切衆生作大福田如是菩薩摩訶薩能兼他人修四攝法為成熟衆生故乃至捨已支節身命及以財物以此大悲為欲安樂諸衆生故亦不得衆生相不得施者相不得受者相乃至不得施業果報相行檀波羅蜜時不取行相愛語利益及同事相雖行四攝而不取相常以取勝心第一心寂滅心乃至無量阿僧祇心無行陰界入心無動搖而常安住莊嚴大悲寂滅心成就衆生

善男子以如是相能大莊嚴不與一

切聲聞辟支佛共菩薩摩訶薩具足
成就此大悲輪從初發意斷除五欲
堪為聲聞辟支佛作大福田常為一
切衆生守護供養令時世尊欲重宣
此義而說偈言

此法難思議 甚深如虛空 無色无所住
大悲之所成 常勤行頭陀 菩薩取上智
大悲勇猛力 超過一切人 衆生无歸依
生死苦所縛 普欲令解脫 大悲水洗除
乾竭生死海 則非聲聞地 及与緣覺衆
菩薩所哀愍 貪欲恚愚癡 衆生没惡道
以此大悲水 洗浴苦衆生
復次善男子又有廣遍虛空无边無
有量數種種老別音聲辯才一切三
昧捨持忍辱大莊嚴輪菩薩摩訶薩
若成就此輪從初發意斷除五欲則
能堪為聲聞辟支佛作大福田一切
皆應供養守護

云何名為菩薩摩訶薩廣遍虛空无
邊無量種種老別音聲辯才一切三
昧捨持忍辱大莊嚴輪所謂菩薩照
明一切法猶如月光普照天下无相
無依心无所染於諸三昧身心不動

眼眼觸眼識悉皆不動若眼緣觸內
生三受苦受樂受不苦不樂受生寂
滅心與無生心耳鼻舌身乃至心意
意識无生亦如是能生三受寂滅心
無生心三世陰界入一切亦皆无生
無有動搖三界三行三戒三乘三解
脫三根三觸亦寂滅心無生心一切
處无住皆行無相檀波羅蜜乃至持
戒忍辱精進禪定智慧波羅蜜皆住
寂滅心无動乱四念處四正勤四如
意足五根五力七覺分八聖道分皆
住不動九次第定亦不動乃至三行
不如相亦悉不動知一切法悉無
所障住八聖道窟宅及非窟宅有取
無取有漏无漏有此彼岸無此彼岸
无大無小有作无作有善無善有記
無記於一切處而心不動乃能如是
大慈大悲興大方便為成熟衆生守
護三乘及四無畏分別十地乃至十
八不共法於一切處皆住无作無起
心常安住取相三受皆悉寂滅菩薩
摩訶薩離一切相得虚空眼火光照
明三昧一切三昧王方便大莊嚴輪

若菩薩住是三昧則能滅除過去諸業三惡趣苦皆悉消滅令盡无餘

善男子譬如五日出時一切泉流河池及諸大河四大海水皆悉枯竭如是菩薩摩訶薩以廣遍虛空无邊無量阿僧祇譬喻言辞巧說辯才一切三昧松持忍辱大莊嚴輪菩薩若能成就此輪滅盡三有除諸惡趣於過去世所有業障永滅無餘

善男子譬如世界劫欲盡時此四天下及八万四千諸河渚等并四天王一切諸山皆悉敗壞消滅永盡令无有餘

善男子菩薩摩訶薩亦復如是成就一切三昧諸陀羅尼忍辱輪者能滅先世所作惡業乃至三有一切惡趣永盡無餘

善男子譬諸黑闇遍滿虛空日輪出時一切黑闇皆悉除滅菩薩摩訶薩亦復如是若能成就大莊嚴輪乃至一切三昧松持忍辱輪已身及他顛倒諸闇皆悉消滅如是虛空無邊智日悉能消滅先世諸惡不善使業

永盡無餘是菩薩不隨惡知識常不離諸佛而聽正法乃至不離諸菩薩行於其夢中心常念佛

何等是菩薩摩訶薩大莊嚴遍滿虛空廣大無邊无量阿僧祇種種言辭音聲辯才一切三昧總持忍辱輪

菩薩摩訶薩入於初禪乃至第四禪入空處乃至非想非非想處入滿足滅盡定乃至滿足滅三行心無動受心想觸意行寂滅不動或住一日一夜乃至七日七夜住於禪味亦住第一義空身諸毛孔出於暖氣燒滅一切結使業薪如是次第逮深正念一切身體悅樂滿足

譬如自在天子入現一切樂三昧入是三昧已一切身毛孔中皆悉受樂如是樂相觸菩薩身而便自憶念佛念佛已即便見佛無復餘相

若念一佛則見一佛若念無量佛則見无量佛若念佛身少分則見少分若念佛無邊身則見無邊身若觀自身作佛相者則見已身同佛相好具足莊嚴若觀他身欲作佛者則見他

身亦同其佛莊嚴相好若欲隨觀衆生皆作佛相者則隨所觀同佛身相餘无所見心所起念皆實不虛知一切法如幻如水中像志觀三受三行永盡消滅

如是觀已還入滅盡定禪悅味食或於一七日二七三七乃至七七七日或十日五十日如是乃至百千萬億劫還入實諦空觀如前念佛成就作是觀已

善男子以如是相廣大遍滿虛空無量无邊阿僧祇種種言辭音聲辯才一切三昧摠持忍辱輪

菩薩成就如是輪故斷除五欲滅盡過去一切惡業三有六趣皆悉消滅令無有餘堪為聲聞及辟支佛作大福田亦為一切守護供養離四顛倒愚癡大闇不復更隨諸惡知識常不離佛得聞正法乃至夢中見佛聽法供養衆僧於一切菩薩所行之道疾成阿耨多羅三藐三菩提得淨佛土於彼佛國一切衆生悉皆化生相好如佛住摩訶行結使微薄尔時世尊

欲重宣此義而說偈言

堪任法器者 則破諸結使 能住於善住
皆悉無疑難 為欲斷有縛 當作大莊嚴
修學諸禪定 智慧不思議 修學於諸禪
觀第一寂滅 以此念佛智 能盡一切惡
相與無相等 以空慧能滅 永斷於惡趣
不離見諸佛 善修學諸法 供養一切佛
疾成於正覺 以修空相故 為衆作親友
除捨諸結使 是名淨福田 疾近於菩提
衆生作佛相 遍滿諸世界 為求佛道故
遠離於二乘

說是法時恒河沙等無量菩薩本所
曾聞念佛正法若有瑕忘今悉還得
無量衆生聞是念佛百千三昧悉入
一切三昧方便皆得憶念捻持華鬘
无量衆生而皆依止首楞嚴三昧乃
至成就電光三昧得一切法照明逮
無生忍遠塵離垢得法眼淨无量衆
生得須陀洹果斯陀含果阿那含果
阿羅漢果

無量衆生皆求出家入佛法中无量
衆生住於十善有發聲聞心者有發
辟支佛心者有發阿耨多羅三藐三

菩提心者得不退轉者無量衆生得
世間正見以正見因緣故斷惡趣結
皆得生天及在人間歸依三寶棄捨
五欲於佛法中而得出家離一切邪
見得清淨信

今時世尊告金剛藏菩薩摩訶薩善
男子汝當以此不退法輪授地藏菩
薩記若有衆生讀誦此經為他解說
住是法者應當擁護十法

何等為十擁護一切財物離一切惡
一切邪見邪歸依十惡一切身過一
切口過一切誹謗一切破戒一切橫
病一切橫死如是衆生臨命終時皆
得見佛即生天上若有衆生讀誦此
經應當擁護如是十法是名諸佛伏
藏佛說是經已時四部衆及諸天龍
夜叉乾闥婆阿修羅迦樓羅緊那羅
摩睺羅伽人非人及地藏菩薩等聞
是經已歡喜奉行

大方廣十輪經卷第八

已亥歲高麗國大藏都監奉

勅彫造

大乘大集經卷上

高齊天竺三藏那連提耶舍譯

須彌藏分第十五聲聞品第一

南無十方一切諸佛

如是我聞一時婆伽婆在佉羅帝山依牟尼仙住處與大聲聞衆過出衆數一切皆是佛大弟子與大菩薩衆無量無邊悉從十方諸佛世界而來集會次第究竟梵翼異記分

尔時衆中去佛不遠有功德天住於佛前為聽法故即從坐起合掌向佛而白佛言大德婆伽婆有諸菩薩以施福船般渡生死海何以故此佛世界五濁極穢多有衆生功德智慧悉皆減少以是因緣故菩薩摩訶薩於此衆生起大悲心又此衆生說無因論資財乏短勤苦追求而不能得此諸菩薩若不行施不能化彼罪惡衆生是故諸菩薩作如是念我今被檀度鎧起大精進汎施船般越生死海是諸菩薩摩訶薩修行布施福德之事令入諸佛無上大海乃至獲得寂

上灌頂法王之位世尊復有衆生計
存常見廣之資財苦身求索亦不能
得菩薩若不修行戒施則不成熟彼
諸衆生是故菩薩摩訶薩於計常衆
生起大悲心復作是念我當化彼計
常衆生我以如是持戒鎧般欲渡生
死大海乃至得受灌頂法王之位是
諸菩薩以持戒福事行及十善道成
熟衆生令入無上諸佛大海乃至安
置灌頂法王之位世尊此復有衆生
行十善道而不清淨於殺盜婬乃至
貪瞋等身見衆生福德智慧減少故
資財乏短勤苦追求亦不能得彼諸
衆生若不以出家清淨戒无以成熟
是故菩薩摩訶薩於彼殺盜婬妄語
兩舌惡口綺語貪瞋等身見惡行衆
生所起大悲心以無常方便令諸衆
生入佛法中以出家戒成熟衆生此
即是我忍進鉀胃是出家戒即為舩
般渡生死海以是緣故菩薩摩訶薩
以持戒福德及無常方便教化成熟
出家律儀戒衆生彼菩薩以是業故
乃至今入無上諸佛大海乃至安置

灌頂法王之位菩薩摩訶薩便自能
入無上諸佛大海尔時功德天白佛
言大德婆伽婆云何菩薩摩訶薩取
初修學禪波羅蜜本業學已知諸禪
分能出欲界斷除五支成就五支於
四神足遊戲神通善能往詣一切佛
刹迅疾如電於一切佛所供養聽法
為竭衆生三種道故何等為三謂業
道煩惱道苦道滿足禪波羅蜜云何
滿足禪波羅蜜具足六波羅蜜滿足
六波羅蜜已速得阿耨多羅三藐三
菩提佛言善哉善哉清淨智汝清淨
智於此法中以為疲勞滿此法行為
衆生故能於如來應正遍知所問於
此義汝清淨智當至心聽善思念之
我今為汝分別演說功德天言如是
世尊我當聽受唯願說之於是世尊
告功德天言清淨智如汝所問云何
菩薩摩訶薩取初修學禪波羅蜜本
業學已知於禪分能過欲界斷五
支成就五支於四神足遊戲神通善
能往詣一切佛刹迅疾如電於一切
佛所供養聽法為竭衆生三種道故

何等為三謂業道煩惱道苦道能生
修道所作福事滿足禪波羅蜜禪波
羅蜜滿足故具足六波羅蜜滿足六
波羅蜜已速得阿耨多羅三藐三菩
提清淨智此菩薩摩訶薩初修禪定
於一切出入息相係心緣念彼菩薩
摩訶薩以不乱心出息入息隨入息
觸心彼入息觸心者名為覺隨出息
觸心隨出息觸心者名為觀乃至喜
樂一心不乱心將出欲界離於覺觀
斷除貪欲及瞋恚蓋伏一切惡法得
於初禪有覺有觀彼時即有如是相
起一切身分恚皆震動充遍於身若
菩薩增上勇猛係念專住彼時便能
滅於覺觀喜樂一心得第二禪為除
喜過精懃不止既滅喜已得第三禪
樂菩薩於時其身適樂猶如煖乳以
灌身體得希有樂如天身想彼得成
就如是勝樂於三寶中得增上信心
復作是念我為利益一切衆生被服
大鎧懃修禪定我今應捨身樂彼菩
薩摩訶薩止出入息捨相續攀緣心
係意鼻端於出入息住心觀察又觀

彼心剎那散壞知生知滅又知彼心剎那相應散壞無生如水中月如光影如陽炎如電心意識一切陰界入如泡是故棄捨身樂思念彼法生滅入第四禪念時即有如是相起菩薩雖復閉目如大日光照見明了彼菩薩作是念以此攀緣光明相故一切衆生陰界入不斷增長熾然我今應當心念止於攀緣光明彼復於此以滅方便捨受想思觸憶集生滅入勝清淨善寂滅城住止身口意業彼菩薩還從定起取出入息相觀觸念相還入空定從空定起復觀出入息生滅攀緣相便入無願三昧從無願三昧起見出入息寂滅住無相定如是則能修滿四念處及三解脫門彼菩薩以觀出入息生滅觀於滅故修四正勤滿足彼菩薩以觀出入息出沒相便能具修滿四神足彼觀出入息故即能散壞其身猶如窓塵念時即得修滿五根以出入息出沒方便觀察三行如是便能修滿五力彼以除出入息受相方便觀察除寂滅如是

修七菩提分滿足彼以出入息風方便念散壞一切大地界及一切色患皆無餘彼无有相無有語言无有狀貌無有假名三行寂靜極寂靜寂滅得无緣三昧此如是名遊戲禪定禪波羅蜜本業諸菩薩摩訶薩共一切聲聞辟支佛禪本業若住於此以下精進或證須陀洹果或斯陀含果阿那含果或乃至住阿羅漢果若菩薩堅固精進大悲心願念一切衆生无量福德智慧聚為之疲勞彼菩薩摩訶薩於如是禪本業遊戲三昧方便安住不退阿耨多羅三藐三菩提不墮聲聞決定聚中不捨禪定本業大鎧彼菩薩摩訶薩滿足禪波羅蜜滿足禪波羅蜜已便能滿足六波羅蜜清淨智乃至若國土中或比丘比丘尼優婆塞優婆夷欲趣聲聞乘欲趣緣覺乘或趣大乘或善男子善女人於如是禪本業遊戲三昧係念思惟者隨所住處彼國土一切天王常善守護一切龍王一切夜叉王一切阿修羅王一切緊那羅王一切摩睺羅

伽王一切餓鬼王一切毗舍闍王一切羅刹王等當善護彼國若國土中有如是禪相應福田住者彼國土彼刹利王得十種可愛樂法何等為十
一者安隱滅一切患二者長命三者得上妙色四者皮膚鮮軟五者支節可愛六者得善眷屬七者能修善業八者係念慈悲方便九者恒與名稱福器相應十者命終生於天上是為十又彼國土復得成就十種殊勝利益何等為十一者不為自賊他賊之所劫害二者亦無惡賊毒獸蚊虻蝗蟲等三者无有旱潦及非時風雨寒熱等觸四者土地平正無諸丘墟谿澗嶮嶺五者彼國一切種子五穀諸藥草木林水蓊蔚茂盛無諸辛苦澁惡等味華果六者無諸惡聲聞諍反逆飢饉病患及非時死七者彼國衆生長命端正適樂豐盈无穢濁心遊戲悅樂如法修行生於天上八者其國土中諸福田器之所依住愛樂隨順禪定三昧九者彼國衆生飲食所須悉皆無乏上妙可愛資成四大稱

順根性增長無違十者其土人民勇健強記有慈悲心命終生天清淨智此十種法善能莊嚴於彼國土清淨智此菩薩摩訶薩以業障尋捨離大乘住聲聞地違化衆生此是聲聞禪波羅蜜遊戲三昧聲聞以此了知滿足禪分出三界窟宅及諸有縛斷除五支成就五支超過三界住無學地遊戲神通到八解脫禪定彼岸一切修行得為一切諸佛之子從佛口生從法化生彼雖如是猶故不能往諸佛土供養諸佛從佛聽法亦復不能乾竭衆生三種道若能如是遊戲三昧者隨其所住國土獲得如上大功德利

大乘大集經第十五分須彌藏中聲聞品竟
大乘大集經須彌藏分第十五菩薩禪品第三

今時佛告功德天言清淨智云何菩薩摩訶薩不共一切聲聞辟支佛禪波羅蜜本業差別滿足若菩薩摩訶薩滿足禪波羅蜜已便能滿足餘五波羅蜜清淨智此菩薩摩訶薩於一切出入息中及五受陰觀其生滅既

觀察已消竭渴愛不墜聲聞決定聚
中於四神足遊戲神通善能往詣一
切佛刹迅疾如電於諸佛所供養聽
法乾竭一切衆生三道謂煩惱道業
道苦道雖出欲界而不捨欲界為化
衆生故現生諸趣不為胎漆斷除衆
生煩惱羅網然於衆生而無所得清
淨智此菩薩摩訶薩隨出入息各各
別觀但新非故如實了知如是出入
息中色受陰如實了知受想行陰亦
如實了知如是出入息中識受陰如
實了知於出息異入息異知出息異
知入息異知入息異中受想思觸念
知出息異中受想思觸念亦如是入
息受時非出息受出息受時非入息
受如是三有輪轉受想思觸念因緣
故相續不斷漂生死海而不能渡數
數生老死已還生不能如實覺知此
法不能如實出彼生死於出入息不
能如實覺察復次如是出入息於九
瘡門出入往來如是九十九那由他
百千毛孔門一切皆忘息出息入而
於九十九那由他百千毛孔不增不

滅不能覺知非過去非未來非初非中非後不知住不知出復作是念我今一切毛孔出息入息生滅方便應與生滅相應住是菩薩摩訶薩隨九瘡門出息入息生滅觀察如是九十九那由他百千毛孔門一一毛孔中觀察出入息生滅觀察出入息生滅相應住若菩薩欲觀毛孔小相但見毛端息從往來即能見小若欲見大便能得見如芥子許若欲得見如菴摩勒果許即能得見若欲得見頗頗果許亦即能見若欲得見一由旬千由旬乃至一四天下二一毛孔而觀察之隨欲見廣即能見廣彼時菩薩作如是念衆生以眼迷惑係縛生死相續不斷漂生死流受種種苦彼菩薩復作是念我今棄捨一切色想已得無言三昧非諸聲聞辟支佛地於彼地界亦無所得水界火界風界虛空界識界亦无所得不行陰界入非前際非後際非此世非他世非善業報非惡業報非生非滅非有煩惱非離煩惱無有所得菩薩如是住寂

滅住彼若欲得於無量劫於此一切法無語言空三昧若住若加菩薩如是自智加持三昧力故便能於此一切法无語言空三昧無量劫住亦能滿足六波羅蜜為成就衆生因緣故清淨智如是地藏菩薩摩訶薩於此一切法无語言空三昧到自在彼岸是菩薩若欲入此三昧時以福德智慧力為成熟衆生故先作是願乃至我未出三昧已來於此時中欲令此國土境界及四天下此佛世界一切衆生諸有所須資生之具隨其相貌隨其多少隨其所樂所謂飲食衣服卧具瓔珞莊嚴之具材屋宅形色狀貌支節身分可愛色聲香味觸等欲見如是等事是時菩薩便入此三昧菩薩入此三昧已隨其時節於此佛世界四天下一切衆生如上所說所須之具便得充足或復作是念隨我住定時節遠近隨諸衆生多少分齊欲除衆生身心之病謂風黃塵等分之病或人非人所作如是欲滅貪瞋癡等煩惱諸病及滅十不善業令住十善

業道中便即入此三昧彼菩薩摩訶
薩隨其住定時節久近隨其所為多
少衆生如上所說身心病苦悉皆除
滅又菩薩復作是願隨我住定時節
已來欲滅地獄種種諸苦畜生之中
互相殘食等苦閻魔羅界飢渴等苦
及寒熱苦怨憎會苦愛別離苦求不
得苦隨願分齊令諸衆生離一切苦
惱及不善法成就一切善法令諸衆
生慈心相向生利益心不動心無怨
心无諍心無鬭訟心哀愍心乃至禪
正受善住心不迷惑心及滅衆生愚
惑之心又滅衆生常見斷見及諸見
聚於三寶所恭敬供養生希有心令
諸衆生離四顛倒住四不顛倒於四
聖諦及第一義諦心善安住如是菩
薩福德智慧善巧方便力之所加持
菩薩今時為化衆生因緣故欲入三
昧乃至未出三昧已來今此國土及
閻浮提四天下乃至此一佛剎所有
衆生隨其分齊安樂之事如上所說
欲令獲得然後入於無語言一切法
空三昧彼菩薩摩訶薩入此三昧時

間乃至佛剎隨所要期衆生分齊彼
菩薩以福德智慧三昧力故隨住定
時如上所說種種資生及諸樂具乃
至未出定來令諸衆生悉皆獲得彼
菩薩入此定時無有身苦心苦亦无
飢渴火不能燒水不能漂乃至劫火
所不能害及以劫水亦不能爛不為
風灾之所散壞又復不為疫病飢饉
刀兵等劫盡其命根欲取滅度隨意
自在又人非人毒風暴熱不能侵惱
又彼菩薩在定未起隨其所念欲令
無量佛剎入一微塵又復十方國土
一切諸佛及大菩薩聲聞眷屬於一
爪甲悉能得見令無遺餘又令一切
衆生入一毛孔而彼衆生於自境界
悉見如故又十方世界无量佛剎所
有諸風菩薩悉令入一毛端隨風境
界遊行虛空廣狹去來無諸障碍於
彼毛端亦无增減如本不異又十方
一切諸佛世界所有水界菩薩能令
入一豆穉隨水廣狹流注往來亦無
障碍於彼豆穉而无增減又彼菩薩
不復處胎除自願力不生惡趣不受

女形不生下劣諸根具足終不缺減
身口意行无有過失亦不生於無佛
世界除自願力為化衆生是菩薩常
不遠離見佛聞法供侍衆僧亦不遠
離福德智慧無畏方便教化衆生乃
至入於无上涅槃如是清淨智彼菩
薩摩訶薩被於如是大堅固鎧冪初
修習禪波羅蜜本業能過欲界了知
禪分斷除五支成就五支乃至遊戲
於四神足善能往詣一切佛刹迅疾
如電供養一切諸佛聽聞正法乾竭
衆生所有三道所謂煩惱道業道苦
道如是清淨智菩薩摩訶薩滿足禪
波羅蜜已便能滿足六波羅蜜滿足
六波羅蜜已速得阿耨多羅三藐三
菩提尔時世尊說是禪波羅蜜本業
時於彼衆中五万衆生曾於過去修
行此法是故今得無生法忍八万四
千菩薩得首楞嚴三昧九万九千菩
薩得滿足禪波羅蜜無量无边衆生
發未曾發無上菩提心發是心已住
不退轉地

大乘入集經須彌藏分卷菩薩摩訶薩波羅蜜本業品竟

大集經疏卷之五上 第五卷 非時風雨品第三

於時地藏菩薩摩訶薩告功德天言
清淨智汝今當觀此四天下端嚴殊
妙一切菩薩所應供養憶念守護於
其長夜應當恭敬今釋迦牟尼佛集
一切菩薩摩訶薩故顯亦一切菩提
道行不退轉輪究竟善巧方便佛灌
頂地乃至汝行檀波羅蜜滿足寂上
不退轉行若汝於如是寂上福田以
諸飲食而修供養以此精勤速能滿
足六波羅蜜滿足六波羅蜜已則能
究竟安住一切種智時功德天作如
是言如是如是如仁者所說唯願聽
我說本因緣我念往昔過無量劫我
共釋迦牟尼佛修菩薩行同發誓願
汝若能得成無上道時願我於彼四
天下中到功德處得功德處已於一
切衆生中隨其所須衣食之具悉皆
給與仁者善聽於過去世過无量劫
彼時有佛号因陀羅幢相王如來應
供正遍知明行足善逝世間解無上
士調御丈夫天人師佛世尊出現於
世人壽千歲彼時有優婆塞名光无

垢德聰慧調柔多聞無畏為四來說
法衆所歸伏多有眷屬彼有長子名
無垢德即以偈頌問其父曰

父今何故 慙心不下 捨其事業

及自身命 為護衆生 勇猛增慙

何故此身 不取滅度

余時光無垢德復以偈頌而報子言

吾見世苦 極迷衆生 生老病死

之所逼迫 煩惱火熾 沉流惡道

故我勇猛 欲滅彼火 又智減少

不見未來 墮生死河 極重惡處

對於惡道 迷失正路 為救渡彼

故我修行 又不能成 布施調攝

而常遠離 人天安樂 於善知識

常相乖背 願示衆生 出世要路

煩惱獄中 常係衆生 無有眼目

復无救者 執著惡見 噉食血肉

為除彼故 故我修行 我於衆生

如是悲念 為一一人 住阿鼻獄

具受種種 尤劇苦惱 如為一人

衆多亦然 我不樂求 聲聞智慧

及緣覺智 亦不願求 唯求無上

最勝智慧 子今當知 我行勝道

乃至无量 恒河沙數 苦惱衆生

未脫苦來 為欲度彼 諸衆生故

我終不取 菩提正覺 汝今當知

亦應如是 於諸衆生 常應起悲

應常勇猛 修行善法 以此迴向

無上聖道 煩惱火中 救脫衆生

汝應勇猛 何極苦惱 應當修行

布施調柔 得成佛道 無有疑也

若我得成 无上菩提 汝於衆生

給施飲食 我時授汝 勝菩提記

汝當安住 堅固擔願

尔時功德天語地蔵菩薩摩訶薩言

善男子我於尔時於因陀羅幢相王

佛所作如是願乃至我住世間隨其

久近種種精勤難行苦行布施調伏

禁攝放逸及諸禪定營助衆事多聞

捨行皆悉修習所有種種難捨能捨

如是我父於當來世人壽百歲煩惱

怨諍穢濁迷惑世界中成阿耨多

羅三藐三菩提我於彼國中現為功

德主於釋迦牟尼佛境界衆生及其

眷屬得施無上衣服飲食資身之具

即於釋迦牟尼佛前得受阿耨多羅

三藐三菩提記若彼土衆生暴惡麤
獷無慈愍心亦无反復惡行惡心成
就如是種種諸惡風雨不時或復旱
潦寒熱不調作諸災變衆生所有諸
花果實五穀藥草及諸美味悉皆殫
滅奪其精氣衆生資產皆悉衰耗而
作闇冥願我今時於彼衆生福德加
被智慧威力悉令遮止生其信心又
令衆生資生不乏不令行惡增長善
法佛所應度受化衆生紹三寶性使
不斷絕勢力增盛又令我得依報自
在教化衆生令得阿耨多羅三藐三
菩提我今佛前所發誓願於未來世
得滿足者唯願印可賜言善哉今時
因陀羅幢相王佛即便印可讚言善
哉善哉善男子如汝所願必得滿足
又善男子我當施汝作世本宅心陀
羅尼汝以此陀羅尼心能成就衆多
衆生又令無量衆生豐足資生果報
无乏又能度於煩惱暴流即說呪曰
多地耶他 閼藍婆 摩訶閼藍婆
阿奴阿閼藍婆 娑囉閼藍婆 郁
伽閼藍婆 夜叉毗梨閼藍婆 那

伽毗梨闍藍婆 優羅伽毗梨 闍

藍婆河薩帝鼻梨 闍藍婆 阿輸

婆比 梨闍藍婆 摩嚩比梨闍藍

婆 易厨迦比梨闍婆 佉目羅比

梨闍藍婆 崩起比梨闍藍婆 阿

摩比梨闍藍婆 蘇脂目佉闍藍婆

婆摩囉婆摩囉闍藍婆 摩囉比

闍迦茶鉢多羅布疏波頗藍婆素

叉梨牛婆索 達摩耶若_{如邪}比利

使致搔醢藍婆 伽苦步_上羅婆窮_去

窮_去婆羅窮頻頭窮 婆羅闍比

娑婆呵

是陀羅尼句若為他人及自己身稱

其名号为誦此陀羅尼一切怖畏一

切殃禍患皆消滅善男子此作世水

宅心陀羅尼汝若以此心陀羅尼便

能成就衆多衆生汝善男子我昔於

彼因陀羅幢相王佛所受持此作世

水宅心陀羅尼於彼佛所種種供養

持戒多聞布施精勤從是以來復於

十千佛所增進如是願行以此善根

今於賢劫中得大功德處今猶不堪

成此大業何以故從昔以來无量惡

龍及夜叉羅刹阿修羅鳩鵞豚荼餓鬼
毗舍遮等出生世間於諸衆生毒惡
凶暴無信无悲無慈愍心行於惡法
非時風雨旱潦灾雹寒熱不調種種
逆自軍他軍怨憎鬪諍熱風暴起
不願來世是諸衆生於彼過去諸佛
之所加持作世水宅心陀羅尼不生
信樂彼惡衆生不信樂故於諸種子
芽莖枝葉花果美味五穀藥草及諸
資生破滅毀壞奪其精氣於諸地味
放毒氣吹以是毒氣令其地味雜毒
澁惡雜病無膩臭穢元味令此大地
作如是等由是因緣衆生不樂若依
地味衆生食此種子芽莖枝葉花果
諸味五穀藥草資身之具者便生惡
心剛獲毒惡於諸衆生無悲愍心不
顧後世為諸病所逼身色急惡種種
煩惱諸苦所言具足惡見住邪歸依
於三寶所不生信樂尊重恭敬希有
之心乃至禽獸亦復執於種種惡見
迷失本道諂曲無實但有口言彼諸
衆生於三寶中身口心意違失善法
破戒比丘不能禁攝於彼持戒任放

相應辯才大德諸比丘所常生遠離不能親近罵詈毀謗輕弄惱亂稱揚其過遠離慙愧離十善道心不愛樂一切善行起遠離心今時衆生遠離福智壽命短促趣向惡道是故我今於彼衆生不能令其豐足所須亦復不能成熟衆生汝於今者是大丈夫於正法中而得自在智慧善巧又汝已度一切三昧陀羅尼忍善能觀察智慧彼岸慈悲莊嚴通智彼岸汝志已度又汝於彼諸菩薩中為最勝幢已能成就一切衆生汝今為我應當於此四天下中起悲愍心自智觀察云何能令此四天下諸惡毒龍夜叉羅刹阿修羅鳩鵞羆荼餓鬼毗舍遮迦吒富單那等一切惡鬼皆悉降伏風雨順時水旱調適秋實豐茂寒溫和乎以是因緣令諸地味增長勢力氣味香美食用無患增益念力色白充潤甚可愛樂稱意之事皆出於世依此大地諸衆生等食用無過增長念力如上所說

今時地藏菩薩告功德天言清淨智

我今能令此佛剎土所有四大普遍
無餘恚能令變為天飲食使諸衆生
於百千劫食不能盡何以故但此衆
生薄福德故所不能食於此勝報非
其應器清淨智我又能令此娑婆佛
剎變為天宮及天卧具莊嚴衣服香
華果樹種種音聲衆妙伎樂衆寶莊
嚴恚能為作此諸衆生遠離福德又
非其器不堪受用唯除如來應正遍
知十住菩薩及住首楞嚴三昧得自
在者乃能受用清淨智又我能令一
切衆生置第四禪令無有餘豈可不
能降伏龍富單那等又我不應佛未
聽許而現神變譬如轉輪聖王主兵
藏臣不奉王教而發四兵無有是處
如是菩薩恚是佛子從佛心生從佛
口生從法化生是故一切諸菩薩等
無有不請如來而現神變清淨智復
有陀羅尼輪名水風摩尼宮集一切
呪術章句建立一切三世諸佛三寶
之性清淨智汝今可問如來水風摩
尼宮大陀羅尼輪集一切呪術章句
若佛說者我亦隨喜汝等若能受持

此陀羅尼者一切所願皆悉滿足。爾時大功德天女與大辯天女大堅固天女作光大天女可喜天女安隱天女多摩羅堅固天女明星主天女奢摩天女頗梨天女如是等上首天女八万四千。那由他天百千衆前後圍遶從坐而起合掌向佛時。功德天女即於佛前而說偈言。

能滅極惡濁煩惱 離垢無垢清淨行
我等渴仰陀羅尼 惟願演說摠持輪
牟尼說寂无穢濁 三寶熾然最勝句
令修羅等得淨心 增長地味無毒惡
能除寒熱暴風雨 願說守護奪精氣
令食穀藥果味等 強記除患修善行
滅除毒害諸惡見 歸信寂勝无上法
或奪精氣多煩惱 云何教化此衆生
此諸天等於牟尼 希求最上甚深妙
顯示趣向菩提道 令諸衆生入大乘
大衆雲集果願滿 十方菩薩讚佛德
云何降伏諸惡龍 雨澤調適苗稼茂
爾時佛告功德天言清淨智。此大陀羅尼諸佛如來時乃說之。如來今於大衆會前而自要誓。此水風摩尼宮。

陀羅尼輪一切十方三世諸佛之所
加持今當顯示一切十方諸來菩薩
得聞此者彼諸菩薩能住十方無佛
國土五濁世中能顯示此水風摩尼
宮陀羅尼輪以此陀羅尼力故其國
所有非時風熱寒溫旱潦恚皆除滅
由此陀羅尼故令彼毒惡無慈愍衆
生不願來世謂天龍夜叉羅刹阿修
羅迦樓羅緊那羅摩睺羅伽鳩荼
餓鬼毗舍遮富單那迦吒富單那
非人等乃至禽獸得信樂心柔和軟
善念力善巧樂求正法護持正法紹
三寶種以此陀羅尼力故彼佛刹土
所有衆生增長壽命增長身色增長
五穀增長資生增長安樂增長无患
增長名譽增長持戒增長多聞增長
布施增長慈悲增長智慧增長方便
增長三昧增長陀羅尼增長地觀增
樂出世增化衆生增入大衆增長勝
願增長地地轉入增長觀察陰界入
增長慚愧增長攝功德莊嚴佛土增
長六波羅蜜行增長一切十方諸佛
常所護念增長值遇佛一切菩薩善

友增長遊戲神足增長壞一切煩惱
不令增長增長神通渡於彼岸不令
退減一切善法乃至無上涅槃即說
呪曰

多地他 蘇婆羅 婆羅疋 那耶

婆羅疋樹^平沙吒婆羅疋 阿那婆

羅疋 奢婆多喝囉婆羅疋 奢囉

拏婆羅疋 鳩牟尼婆羅疋 珊支

囉婆羅 疋樹^平陀婆羅婆羅疋

婆羅婆羅底 婆羅鉢利訶利

婆羅婆羅多^上鉢利訶利 那耶鉢

利訶利 婢毗迦鉢利訶利 耶若

鉢利訶利 蘇婆羅鉢利訶利 頻頭

鉢利訶利 闍羅鉢利訶利 憇多

羅鉢利訶利 特叉鉢利訶利 珊尼

摩鉢利訶利 蘇婆婆鉢提犁^平劬

摩耶婆 末陀索^平 阿那耶波盧擔

迷羅跋迷 阿羅那求師 佉羅毗闍

鞞 那羅延拏婢誡林鞞 憂羅伽

阿尼弥徒宮闍囉婆胡迷 訶闍賃

鞞羯摩毗羅犁舍羅摩拏婆離犁

佉曷羅伽奢迷阿斯那迷 阿耆尼

鉢利 能求耽鼻犁婆耶遮婆留

尼捷咆債鞞犁 釋迦羅是若移
阿那鷄提帝利那耶 娜尼利 帝
利耶頭婆佛阿訶地子瑟癡帝 莎
婆訶

使此國天子及其眷屬悉皆吉祥

莎呵 那羅延拏 尼羅移莎呵 斫
迦囉吠多迦羅迷 莎婆訶

說此水風摩尼宮陀羅尼輪一切呪
術章句時一切佛刹所有大地六種
震動諸來大衆戰慄不安心驚恐怖
同聲唱言南無南无佛陀耶

今時佛告功德天言清淨智汝以此
水風摩尼宮陀羅尼輪力能除一切
閻諍一切毒害夜叉羅刹修羅惡龍
乃至人非人等及諸禽獸一切非時
風熱寒冷災雲旱潦等過患皆消滅
清淨智此陀羅尼能令五穀悉皆成
好令諸衆生增益壽命增長果報乃
至增長一切善法未入無上沮脤已
來不令失壞若聞此陀羅尼受持讀
誦如說行者彼人必定趣於涅槃安
住三界

余時地藏菩薩白佛言世尊我亦欲

說磨刀大陀羅尼以此陀羅尼力令
一切衆果報所須及以地味悉无減
損無能毀奪地之精氣又亦無能放
毒氣者亦復無能壞其美味不能令
其變為澁惡亦復不能令其隱沒亦
復不能令此大地不生五穀茅莖枝
葉華果藥草亦復不能奪其精氣又
復不令有其毒氣亦不乾枯又不澁
惡不令不熟寒熱不傷食用無障食
已无毒若食有毒能令食者腹痛吐
下身心逼惱支體攣縮熱病顛狂心
乱失念迭相劫奪闍諍煞生偷盜乃
至邪見是諸衆生常與如上惡法相
應所謂若天或龍或夜叉羅刹阿修
羅迦樓羅緊那羅鳩睺茶軋闍婆餓
鬼毗舍遮或富單那或迦吒富單那
或人或非人於諸衆生不能惱害
多地他 那鼻 摩訶那鼻 初何
那鞞 鼻何囉闍佉鞞 阿婆囉牟
尼 多嚧那胡嚧醯呼計反 那他上鉢帝
利 闍婆徒迷 摩囉娑帝 帝弭
羅鉢帝利 蹇茶沮利何隸 斫初

婆嘶

佉拏

上聲

毗迷

上聲

帝都

喬

莎波呵

耆求囉跢莎波呵

布疏

簸耶迷

莎波呵

頗羅賃鞞莎波

呵

薩智耶都喬

莎波呵

賒梨

羅那婆迦羅

摩毗沙

莎波呵

此陀羅尼句擁護此國主

莎波呵

汝清淨智此是磨刀大陀羅尼汝以

此磨刀大陀羅尼力於諸衆生能作

如上諸大業事能為大樂以是因緣

故汝今則能令諸衆生稟受汝化於

是一切諸來大衆讚地藏菩薩言善

哉善哉今時世尊亦讚地藏菩薩言

善哉善哉善男子汝今樂為一切衆

生如大妙藥何以故汝身即是微妙

大藥汝於此四下一切衆生中衆

生之藥能滅一切衆生苦惱能施一

切衆生樂具成就大悲汝能顯示如

是甚深磨刀大陀羅尼力故令此衆

生地味精氣種子芽莖枝葉華果諸

味五穀藥草而不衰損無毒增長具

足成就衆生食者令彼衆生穢濁闍

諍恚皆消滅堪修善行此四天下非

時風熱寒溫旱潦皆恚消除日月星

宿晝夜月半月時節年歲變恠為滅
此故說此磨刀大陀羅尼以此陀羅
尼力故令我三寶幢及以法眼得久
住世使此愚闇薄福我慢所壞者不
修善根惡刹利及諸宰相於我如是
百千万億阿僧祇劫精勤苦行所集
之法不滅不壞比丘比丘尼優婆塞
優婆夷無有惱乱以無惱故諸天不
忿天不忿故一切衆生悉皆獲得如
上樂具

大集大集經卷上

已亥歲高麗國大藏都監奉
勅彫造

大乘大集經卷下

高齊天竺三藏那連提耶舍譯

須彌藏分第十五陀羅尼品第四

今時世尊告功德天言清淨智我於往昔與汝二人於因陀羅幢相王佛所同發誓願我今與汝得願滿足我今已得阿耨多羅三藐三菩提汝亦住於功德之處功德天言如是如是大德婆伽婆如是如是大德修伽陀我與世尊所願已滿我與世尊善欲已滿我共世尊昔於因陀羅幢相王佛所同發誓願今願悉滿意滿足是故如來出現於世我今得住功德之處我今雖復得功德處猶故未能滿昔本願成熟衆生何以故此處多有象龍馬龍地龍魚龍蝦蟇龍彼於此界諸衆生中起於惡行雖說甚深作光陀羅尼猶故未制此諸惡龍彼龍常起非時寒熱惡雲暴雨旱潦不調傷害衆生及以五穀芽莖枝葉華果藥草大德世尊今此世界四天下中諸龍大龍及龍眷屬男龍女龍龍

男龍女所有龍趣生者彼一切皆已
來集又十方世界一切佛刹諸大菩
薩摩訶薩皆來集會及一切天夜叉
羅刹軋闍婆緊那羅鳩睺荼餓鬼毗
舍遮富單那迦吒富單那等一切來
集又復世尊聲聞弟子人非人等亦
悉來集在大集會為聽法故住於佛
前一切衆生依四食活大德婆伽婆
今正是時唯願除此諸惡毒龍災害
方便於如來所無有信心其心常與
惡法相應惱亂衆生損壞衆生資生
之具毒惡虛曠於諸衆生无悲愍心
不見後世莫令於我所化衆生為作
障礙是故世尊於彼衆生應起大悲
滅彼諸惡尔時世尊告須弥藏龍仙
菩薩摩訶薩言善男子汝於生昔然
燈佛所為化諸龍發大勇猛弘誓大
願汝須弥藏有四生龍大龍毒惡過
去未來現在所有氣毒龍見毒龍觸
毒齧毒貪毒瞋毒癡毒龍等此諸惡
龍今當云何如法除彼所有惡業令
諸衆生所有種種資生之具無所損
減於三寶中信樂愛敬深信後世離

於惡業念時須彌藏龍仙菩薩摩訶
薩白佛言世尊我當入彼毒龍宮中
結加趺坐入龍類中三昧以此三昧
力故令彼惡龍貪瞋傲慢皆悉消滅
柔和調伏其心寂靜深信後世於一
切衆生所慈悲憐愍起救濟心令彼
毒龍心生敬信亦不惱亂一切衆生
安置救濟衆生心地又世間所有風
雨旱潦有雲大雲寒熱所害彼諸衆
生當稱我名合十拍掌作如是言大
慈悲者念我令我能化伏龍須彌藏
菩薩種種方便智慧勇猛修行无上
菩提道者唯願救我除滅我苦作是
言已即說呪句

多地耶他 薩耽婆步闍 毗梨茶

步闍輸拏盧梨茶步闍 迷盧闍婆

伽除婆步闍炎于知炎阿泥婆步闍

蘇摩羅阿跋多步 闍債菩步闍

莎波呵

此陀羅尼呪句擁護某甲莎波呵

大德婆伽婆若有衆生為諸毒龍之

所惱亂當稱我名并誦此陀羅尼能

滅此龍貪瞋慢妬毒惡之心我以清

淨天耳過於人耳而得聞之我得聞
已若四生龍大龍龍父龍母龍男龍
女及龍眷屬不能令彼生敬信心猶
作如是非時風雨寒熱旱潦災雲惡
等若不滅者又我不與一切衆生安
樂因緣滿其願者我便欺誑一切十
方三世諸佛亦莫令我得成阿耨多
羅三藐三菩提如是大德婆伽婆我
於過去然燈佛所於佛眷屬大衆之
前發於如是堅固大願從是以來常
善安住教化衆生又從是來復於億
鄰由他百千佛所諸佛現在眷屬前
亦作如是堅固大願我常安住大精
進力教化衆生榮勳不倦如我今者
於世尊前堅固精進等無有異為欲
降化諸惡龍故世尊我念過去阿僧
祇劫以來未曾憶念於一念頃捨於
堅固勇猛精進心常安住堅固精進
教化衆生乃至今日亦復教化一切
衆生此諸龍王於大乘法精進修行
謂此善住龍王為一切象龍主此難
陀龍王婆難陀龍王為一切地龍主
此阿耨達龍王為一切馬龍主此婆

樓那龍王為一切魚龍主此摩那蘇
婆帝龍王為一切蝦蟇龍主如是等
諸大龍王能與衆生作諸衰惱自餘
諸龍自力不堪作上衰患此五大龍
王安住大乘有大威德是大龍王各
各佛前約率眷屬不令起作如上灾
禍於佛法燈三寶種姓久住於世不
令速滅尔時一切諸來大衆同聲讚
頌彌藏龍仙菩薩摩訶薩言善哉善
哉尔時善住龍王從坐而起偏袒右
肩合掌向佛而作是言大德婆伽婆
依屬於我諸龍大龍所謂胎生卵生
濕生化生隨佛弟子聲聞菩薩徒衆
眷屬所住國土慈心相向無怨害心
住安等心又彼國土得為王者於佛
法中得淨信心擁護佛法不恃傲貴
自在而生憍慢毀壞佛法亦不惱乱
比丘比丘尼優婆塞優婆夷所有依
佛出家若器非器剔除鬚髮服持袈
裟至於彼人信心護持其國土中或
餘衆生於佛法中起怨刺者國王應
當如法遮約又其國中先王敬信曾
施沙門及婆羅門田宅封邑今其受

用更不追奪若有輔相明智大臣和
合一心共治國事得財堅固常舒施
于是刹利王善護國土一切國中所
有闕諍穢濁如前所說我等諸王各
各自勅己之眷屬不起災變何故我
今作如是勅此袈裟染衣一切過去
諸佛常所加持又此袈裟則為一切
諸菩薩種則是趣向涅槃正路即是
剛刀能斷煩惱則是涅槃種子則是
失道者燈明亦是陰病者藥如大猛
風吹無明雲則是欲行惡道者杖則
是吐藥能吐煩惱毒則是金剛壞修
羅怨則是一切善法寶藏如清淨水
能洗罪染觀諸惡法猶如明鏡能攝
亂心猶如羅網能容禪定猶如寶篋
猶如大地能生諸波羅蜜應當頂戴
如慧明珠能容忍辱猶如屋宅則是
淨器容十地行障諸外道猶如城郭
則是良醫治煩惱病於諸學者如須
弥山除煩惱熱猶如明月除邪見闇
猶如淨日為智慧藏猶如大海於菩
提分法猶如花鬘於一切智智猶如
寶瓶一切佛護猶如意珠又此袈裟

一切諸佛之所加護於諸衆生雨法
雨故是故婆伽婆若惡刹利王破壞
佛法惱亂比丘比丘尼乃至器非器
依佛出家者若治罰其身或稅其物
乃至斷命是故其國中有敬信佛天
夜叉羅刹阿修羅鳩鵞豚茶餓鬼等有
大威德於彼一切刹利王所起瞋恚
心令彼國土鬭諍飢饉疫病刀兵竟
起非時風雨旱潦寒熱損傷五穀種
子芽莖枝葉花果藥味此非龍過是
諸龍等實自無辜橫得惡名大德婆
伽婆譬如婆羅門自食蒜已與寶女
通不言已臭妄怨寶女言汝臭穢世
尊是刹利惡王亦復如是捨刹利法
行首陀行以是因緣彼護國土威德
諸天乃至辟荔等心生瞋忿破壞國
土國王臣民不審已過妄與諸龍大
龍而作惡名佛言龍王已曾教勅一
切諸王若順教行者得人天樂乃至
獲得涅槃之樂若惡刹利王不順教
行者乃至墮於阿鼻地獄復告龍王
各各自誠已之眷屬當設嚴教勿令
違犯令彼現在及未來世莫壞我法

及三寶種。尔時龍王白佛言。如是如是。婆伽婆。如是如是。修伽陀。世尊。隨彼彼土。若有持戒多聞所居之處。於彼國中。隨其所有我之眷屬。若男龍女。龍龍父龍母。龍男龍女。及龍眷屬。於彼國土。若城邑聚落。一切諸處。作非時風雨霜雹寒熱傷壞五穀花果藥味資生之具。世尊。若彼福田所居之處。若有諸龍違背我教。我與立誓。令彼惡龍其身焦瘦。退失神通。焦熱觸身。依報滅壞。無復辭辯。不堪為作。即說呪曰。

多地耶他 那伽閼步徒 那伽泥迷 那伽施羅 輸伽羅 輸伽羅 閼邏輸伽囉 阿鼻摩祇娑波呵 娑囉目企 迦羅帝步徒 那婆薩 就鞞帝閼耶婆頗隸 毗目睺羯隸 莎波呵

如是。施羅尼。句擁護某甲。令一切怖畏。一切災害。悉令消滅。莎波呵。尔時一切大衆讚善。住龍王言。善哉。善哉。大龍王。能護一切衆生。尔時會中一切龍衆驚怖恐懼。時難陀龍王。

婆難陀龍王從坐而起偏袒右肩合掌向佛而作是言大德婆伽婆若現在世未來世若惡刹利王慳惜資財自不受用亦不施他於己資財慳惜耽著不舒施手於沙門婆羅門不信不施貧窮行路乞匱乏者皆不給濟於己宮內及其眷屬亦復不與如法樂事彼彼守護國土諸天夜叉羅刹阿修羅鳩睺荼餓鬼等有大威德彼等一切於惡刹利王起瞋怒心令彼國土闔諍飢饉疫病刀兵竟起乃至五穀藥味悉皆損壞非彼諸龍及大龍過彼龍王等實无過失橫得惡名譬如有風吹彼臭屍世間之人便言臭風然彼風性實非臭也如是世尊惡刹利王亦復如是以慳貪故一切護國土者起瞋恚心以瞋恚故破亂其國橫為諸龍而作惡名雖然我為彼龍而作教令若彼諸龍若過去若未來違我教者若於如是諸佛所有聲聞弟子持戒多聞所居國土若我眷屬胎生卵生濕生化生若男龍女龍龍父龍母龍男龍女及龍眷屬於

彼城邑聚落山川谿谷作非時風雨
旱潦灾電大寒大熱傷害衆生五穀
花果及諸藥味資生之具於佛聲聞
弟子福德人所作損害者彼諸龍等
違我命者當為立誓令彼諸龍身體
摩縮不能遊行退失神通焦熱觸身
一切依報悉皆損壞無復辭辯无所
能作即說呪曰

多地他 婆囉拏輸迷 鳩牛婆頭
囉跢 婆嚧拏懼鞞 阿迦羅跢
起餘泥毗摩何羅伽跢鳩拏鼻
阿羅耆 阿多沙隸 那耶那航鞞
迦羅鳩世 婁耆懼波羅 製乳
陀何羅婆斯 莎婆呵
此陀羅尼句擁護某甲 莎波呵
尔時一切大衆讚難陀跋難陀言善
哉善哉

尔時阿那婆達多龍王亦於佛前自
誓擁護勅諸眷屬亦如上說即說呪曰
多地他 那摩比梨世 那婆那摩
比梨世 阿奴老那婆躬 牛閼鼻
跢 佉伽裴佉 鉢囉都嚧安廬
賀耶斯隸 那囉耶拏瞿迷比那志

頽隸 陀隸迦羅迷 阿初是泥

移徙牟尼薩鞞 莎波呵

此陀羅尼擁護某甲令無怖畏殃禍
莎波呵

尔時婆樓那龍王亦於佛前教令眷
屬及自要誓亦如上說即說呪曰

多地也 兮摩鞞迷 鞞羅綺拏瞿泥

多拏頻摩帝利泥 婆羅叉達利迷

伽僧俱迷 比耶牟尼起世徒嚧謨

提 摩移^上多那鋸斯 折摩奚雞

遮羅何囉耆耆 那茶達埵 捷茶

加都隸 莎波呵

此陀羅尼句擁護某甲 莎波呵

尔時摩那蘇婆帝龍王即從坐起偏

袒右肩右膝著地合掌向佛而作是

言大德婆伽婆若有依我諸龍大龍

胎生卵生濕生化生婆伽婆若現在

未來有惡刹利王等捨刹利王法行

於惡行是王當趣阿鼻地獄先道當

知皆是惡刹利王過龍王無辜橫加

惡名以此因緣龍王瞋忿作諸惡業

雖然我等敬受如來之教世尊譬如

人衆之中有妙寶女澡浴清淨以香

塗身著轉輪聖王上妙衣服於其頭
首著勝七寶璣以真金繩辟印環玕
以自莊嚴乘大象乘眷屬圍繞送詣
剎利王所如是世尊我等諸龍畜生
所攝損壞之身為貪瞋慢之所染汙
如來今者是法輪王以第一調伏水
洗浴我等服慚愧衣以三十七助菩
提分璣莊嚴頭首以種種三昧陀羅
尼忍地莊嚴我等心意識昇大乘車
我今欲往離於五濁清淨佛上隨佛
世尊為諸清淨大菩薩衆之所圍繞
說大乘法處是故我等敬受佛教我
於今者及自眷屬安住堅固弘誓大
願在在處處城邑聚落山川邊城若
聲聞乘人若辟支佛乘人若菩薩乘
人若出家若在家若持戒若破戒若
多聞若少聞若精進若懈怠若定若
亂若念若失念但於如來所愛信恭
敬心生希有於法僧所及聖愛戒亦
復如是於三菩提隨意趣向愛信恭
敬生希有心堅固安住隨所住處若
我眷屬若龍父龍母若龍男若龍女
及龍眷屬隨在在處處城邑聚落山

川邊嶮非時風雨旱潦災雹寒熱暴
起傷害五穀種子芽莖枝葉及諸藥
味資生之具在在處處隨有佛諸聲
聞弟子福田住處若有諸龍違我命
教我今立誓令其身體一切孳縮退
失神通不能遊行焦熱觸身諸根閉
塞依報失壞不能為作即說呪曰
多地耶他 佛陀闍耶 婆羅耆
阿摩尼迷菩哆娑離梨 阿婆末堤
鉢羅帝耶尼梨 阿婆尼邏迷 企
羅輸筏 那蘇都卑鉢梨 卑娑什鞞
娑捷陀婆梨 婆羅誦訖利移 莎
波呵

此陀羅尼擁護某甲 莎波呵

尔時一切諸來大眾歡喜踊躍合掌
讚歎摩那蘇帝龍王言善哉善哉善
大丈夫汝所應作為欲利益一切衆
生是時一切龍衆驚怖戰慄悶亂失
性尔時有乳闍婆仙名曰藥生即從
坐起偏袒右肩合掌向佛而作是言
諸佛大眾當一心念若現在若未來
惡刹利王愚癡無智憍慢所害不願
後世欺誑無悲惱乱比丘比丘尼乃

至歸依如來剔鬚著袈裟衣者而作
惱亂我當於彼惡刹利王所以三昧
力故而作是擔令彼惡王現得果報
當令王身及其眷屬資生樂具為諸
敵國之所侵奪及為內賊反逆擾亂
河池枯竭或復潦溢疫病所惱惡星
變現殺賊竟起耽荒著樂家親眷屬
乖散不安四大變異鬼神饒亂天及
諸龍乃至餓鬼有威德者悉皆不安
有刹利婆羅門毗舍首陀若男若女
亦悉不安師子虎狼惡獸毒蟲亦皆
不安我今為欲破壞彼惡王國故作
此擔何以故是諸惡王於如來所出
家剔髮一切諸佛之所住持興三寶
種者而作惱亂即說呪曰

多地他 跋泥 耶婆那鉢隸 摩
訶跋那泥 度廬摩遮齊 鳩蘇摩
婆羅帝 育多 杉婆老鞞摩地利
多老 婆^上 廬鉢那耶 鉢利婆利
菩摩度廬迦囉迷 泥何鐮闍斯邇
迷帝利 裴摩跋多磨輸廬佉擔 那
耶那嫌居隸 卑婆車鞞梨拙陀那
謨制 僧伽毗余老 波羅剎帝波

羅氏陀達隸 浮弥頗師嚩 千嚧摩

陀隸 婆那伽逝浮摩嚩 阿婆嚩

頗那耶比梨使致什婆迦羅迷修多

羅耆 乳闍婆斯志 莎波呵

此陀羅尼句擁護某甲令無怖畏灾

禍 莎波呵 今惡刹利王及不見

後世惱乱比丘者得如是惡

尔時一切諸來龍衆及乳闍婆衆各

作是言願放捨我若刹利王違法行

惡惱乱法僧我當順捨還令我等於

自宮內遊戲歌舞自在受樂尔時一

切諸來大衆同聲讚言善哉善哉尔

時地藏菩薩摩訶薩合掌礼佛而作

是言世尊我有一切三昧遊戲神通

今亦欲說幢杖大陀羅尼門若於此

幢杖大陀羅尼門一經耳者所有耳

病恙得除愈亦除一切貪瞋癡等煩

惱諸病設不全滅能令輕薄以此呪

呪於海皮安禪滿百千通用塗王鼓

有聞聲者所有貪瞋癡等一切煩惱

恙皆微薄於佛法中得清淨信恭敬

愛樂希有之心亦得勇猛隨順法行

深信後世資生豐足衆人愛樂莫不

喜見即說呪曰

卷之六

六

多地他 崩伽婆 末帝阿盧波
摩帝器多羅 浮革波那蹇地 句
那摩企隸 磨蹉奴隸 橋何囉那
地那叉跋迷 槃陀何囉輸迷押伽
羅耆梨迷盧醢多何羅鞞 海伽羅
蘇 婆伽那子梨泥 安陀柘漩梨
迦囉浮逝 難舍盧醢 三摩提頭
婆利 莎波呵
此陀羅尼句擁護某甲令離怖畏
莎波呵

尔時如來讚地藏菩薩摩訶薩言善
哉善哉善丈夫及一切大衆亦共讚
言善哉善哉

尔時無盡意菩薩即從坐起偏袒右
肩合掌向佛而作是言佛及大衆唯
願隨喜我今亦欲說大陀羅尼名一
切如來語言音聲發幢蓋摩尼願眼
有大威德有大威勢有大威力滿多
聞藏滿智慧藏諸佛聲聞之所成就
若有於如來所盡形壽安住淨戒安
住優婆塞戒若住沙彌戒若住具足
戒若器非器若於此幢蓋摩尼願眼

大陀羅尼能受持讀誦七日七夜慧
觀方便恒常觀察於五受陰數數誦
此幢蓋願眼大陀羅尼於七日七夜
能誦滿百千遍便得聞持隨聞能受
得無量辯才能令刹利婆羅門毗舍
首陀及一切衆生生敬信心又復能
令豐足資財趣向天道常得親近生
諸佛前即於佛前而說呪曰

多地他 帝利拏 僧是若翅 鼻
帝利拏頻鞞迦藍陀耆 補婆蘇閉
遮摩羅謠鞞 阿婆羅耆阿耆耶盧
辟 阿遲耶兜摩帝 弥利尸利婆
毗莎婆利耆渠闍陀是祢 闍闍囉
奴迷 阿那摩輸地 弥梨佉其梨耆
居羅婆耆 末伽婆耆 枹婆莎婆
利 阿佛梨帝蘇步莎婆囉佉逝蘇
謨帝謨泥 莎波呵

此陀羅尼擁護某甲 莎波呵

尔時世尊讚無盡意菩薩言善哉善
哉善丈夫於我法中善作住持汝能
顯現此幢蓋願眼大陀羅尼能示一
切衆生多聞眼尔時一切菩薩大衆
讚無盡意菩薩言善哉善哉善丈夫

汝於現在及未來世若有趣向一切
大乘衆生則能增長住持多聞之聚
汝今於此幢蓋願眼滿足多聞大陀
羅尼能顯示故

尔時文殊師利童子菩薩摩訶薩即
從坐起偏袒右肩合掌向佛而作是
言世尊我今亦欲令此四天下所有
樹木花果五穀藥味茅苴枝葉及依
地衆生資須之具令其豐足為擁護
故說大陀羅尼名能懼尸利子利奴
此四天下中希有未有未見未聞如
來所作如是大集我今說此能懼尸
利子利奴大陀羅尼有大威力增長
一切種子茅苴枝葉花果藥味潤澤
甘美悉皆豐饒令一切衆生能作信
戒多聞布施智慧慈悲方便長養一
切助菩提分法即於佛前而說呪曰
多地他 阿舅祢耶居閉 伽婆叉
毗捨 渠盧遮盧迷 鉢吒叉盧迷
尸利耶叉居蘇迷那婆鋸聞地後實反阿
囉闍跋迷車吒婆波摩嚩 畢素狼
祇阿佛羅素隸 何娑伽闍老 盧
摩浮闍老 鉗毗囉婆素迷 阿奴摩

耶 薩利鉢羅賒都裔 莎波呵

此陀羅尼句擁護某甲 莎波呵

今時文殊師利白佛言世尊以此陀

羅尼書高幢上以大音聲而讀誦之

復以此陀羅尼呪磨陀鄰果汁一千

通用散樹木田苗五穀若以此呪呪

諸螺鼓而吹擊之隨其音聲所到之

處所有花果五穀藥味依地生者一

切災害無能毀壞无能乾枯不能燒

滅亦復不能奪其精氣又亦不能損

其勢力無能劫奪若天若龍乃至大

威德薜荔鬼若魔若魔子若魔眷屬

不能為害况餘衆生及衆生數唯除

宿業定障今時世尊讚言善哉善哉

善男子汝今善能於四天下中昇施

德乘善男子汝復又能助成无量衆

生無上菩提之道今時一切諸菩薩衆

讚文殊師利菩薩言善哉善哉如汝

所作常應如是今時觀世音菩薩語

彌勒菩薩摩訶薩言我今與汝大陀

羅尼名船花功德以此陀羅尼句於

諸衆生被以大慈鎧音而為說法是

等衆生以汝三昧神通力故得聞正

法除諸惡心及諸邪見諸惡知識及
諸惡伴恒常憶念慈悲善根於一切
衆生所起憐愍心深見後世心遠離
十不善心住十善道心志能清淨一
切衆生心降靈法雨稱衆生欲一切
怨家令其欣喜生信樂心即說呪曰
多地耶他 藍步莎婆利 迦莎耶
跋迷 三稱移婆竭隸 施婆何楞
伽闍隸 暮刀老 素何叉莎婆梨
蘇呵風祇 阿婆路迦施隸 志施
呵毗婆老馳呵 那頻婆子梨 阿毗
扇施遏鞞 搔婆遮羅阿婆囉何羅
斯 婆羅呵初地利 理迦何羅都
裔三摩提羯泥 婆羅闍尼帝利
摩訶浮多究細阿囉拏已隸 婆羅
呵賒迷尼羅居蘇迷 莎波呵
此施羅尼句擁護國主 莎波呵
如是弥勒此船花德大施羅尼以此
施羅尼鎧菩薩摩訶薩為衆生說法
若諸衆生聞此施羅尼音一經耳者
乃至微細蚊蟲等濁惡之心皆悉
消滅於善法中得安住心况復人等
得聞此施羅尼若有人欲求雨者當

至泉源龍居之處誦此陀羅尼一日
誦一千八遍日日如是乃至七日復
以種種好花名香百味飲食散龍池
中唯除酒肉五辛不淨之食從月七
日至十四日於十五日旦當以胡椒
末和罽麻油呪一千八遍塗白疊上
棄龍泉中能令此龍於彼人所生大
欣喜便澍大雨尔時會中諸大龍及
諸龍仙諸來集者得聞船花德大陀
羅尼欣喜踴躍不能自勝深自慶幸
起於慈心信後世心於三寶中淨信
尊重生恭敬心希有之心懺悔自己
生畜生趣惡業之心入無上大乘心
彼諸龍等各隨力能欲供養佛諸龍
大龍或有雨於金末銀末牛頭旃檀
堅黑沉水龍堅旃檀多摩羅葉香又
雨優鉢羅花波頭摩種種諸花種種
衣種種蓋種種幢幡金繩珠璣一切
諸龍大龍向佛合掌一時同聲而作
是言大德婆伽婆我等一切於三寶
所住增上信樂心我等今者於世尊
前說成實擔在在處處城邑聚落人
民之中顯示如是船花德陀羅尼如

是一切諸餘陀羅尼謂水宅心陀羅尼磨刀陀羅尼幢蓋願陀羅尼能求尸利子利奴陀羅尼船花德陀羅尼及四天王所說陀羅尼并四龍心陀羅尼如是等大陀羅尼在在處處一顯示演說受持讀誦我等諸龍隨彼彼處處邑聚落邊地山川隨其時節起雲降雨寒溫調適我等於彼彼處滅除自軍他軍鬪亂諍訟疫病飢饉死亡等令其處處安隱豐熟人民安樂甚可愛樂我又令彼種子芽莖枝葉花果樹木五穀藥草增長其味不令損減衆生依報豐饒肥膩甘甜勝味妙香能令出生我等亦能令閻浮提一切諸王彼生慈心利益心無怨心无違諍心如是婆羅門刹利毗舍首陀乃至夜叉今生慈心乃至優婆塞優婆夷今生和合心隨此陀羅尼所至到處我等能為如上所說之事今時世尊讚諸龍言善哉善哉今時一切諸來大衆亦讚諸龍善哉善哉今時須彌藏菩薩亦讚善哉讚善我已告功德天言清淨智汝今乃有

如是無量諸大菩薩以為善友猶故不能轉調伏輪成熟衆生時功德天語須彌藏菩薩言若菩薩摩訶薩以願力自在因緣故於此穢惡五濁佛剎受生得值如是善知識伴如我今日得遇如是相應善友者彼人阿耨多羅三藐三菩提便在掌中則為滿足六波羅蜜若有勇猛精進菩薩為善友所攝者一切種智便在掌中佛言如是如是清淨智如汝所說若有菩薩摩訶薩願力自在為成熟衆生因緣故生五濁世勇猛精進堅固不退以四攝法相應為如是大善知識伴所攝一切智智已在掌中當知彼人便為滿足六波羅蜜離三惡道當知是人遠離胞胎當知是人住無學地盡諸有漏當知彼人為一切諸佛憶念護持當知是人住離慾地

尔時會中有天帝釋名無垢威德合掌向佛而作是言世尊何因何緣是諸龍大龍損壞世間衆生資財佛言有二因緣是諸龍等能壞世間衆生資財何等為二一者貪力因緣二者

瞋力因緣以是因緣故起非時雲雨
霜雹寒熱損壞衆生所有種子芽莖
枝葉花果五穀藥味悉令燒然乾枯
墮落損減衆生資生之具令身口意
造作種種諸重惡業衆生以此重業
障故燒滅過去一切善根无有遺餘
遠離善知識常在三惡道或有衆生
於現在世為衣食故乃至造作五逆
重業以惡業故於無量劫不得人身
設使久後得人身者或諸根殘缺或
失正念生真陀羅家下劣種姓工巧
之家貧窮下賤衣食不充資生乏短
又復以惡業故離善知識以身口意
惡業障行復墮三惡道中乃至阿鼻
地獄是其勝路如是善男子飲食乏
短故是諸衆生久處生死沉流不絕
具受三塗種種極苦今時世尊即說
偈言

所有諸苦生 皆由於飲食 若離於飲食
諸苦則不生

今時無垢威德帝釋即說偈言

奇哉思愛羣 乃至於有頂 如是廣大類
皆因飲食生 凡夫二種因 愛繩係縛身

不能得逃避 猶如鹿著網 或走或徐行
起已還復墮 愛毒藥過故 或啼或喜笑
機關苦輪逼 猶如押油麻 一切諸人天
愛逼迫亦然 百千衆伎術 雖見種種巧
愛戲弄人天 巧妙過於彼 貪愛毒之過
能害一切人 設學武勇怨 猶尚不能及
如夜叉所執 狂亂種種語 愛夜叉所執
狂亂過於是 世有吉祥人 能離恩愛怖
若能乾竭愛 則度世彼岸
尔時觀世音菩薩亦說偈言
貪瞋癡惑人 狂亂無正念 遠離一切善
造作重惡業 不敬尊父母 散滅於善道
不敬信三寶 又造諸逆業 無有悲愍心
暴惡甚可怖 彼瞋心力故 入阿鼻地獄
衆生瞋恚故 迭手相食取 數數惡道中
衆苦所逼迫 遠離善知識 惡心所躡頓
常處諸有海 遊行黑闇路 菩薩大悲身
為如是衆生 自捨於已樂 令彼得解脫
修習菩提行 造作三種事 建立勝法幢
除滅衆生惡 為一衆生故 廣集諸苦行
精勤修道法 捨財及身命 為一一衆生
無量劫受苦 救拔衆生故 堪忍世苦惱
功德天勇猛 住教化衆生 為貪欲衆生

發起菩提心

大集經頌分卷下

第三十六

四

尔時功德天以一斛器盛諸種子奉
上觀世音菩薩摩訶薩而作是言我
今以此一切種子施善丈夫為欲增
益一切種子願令我意所欲成滿又
令我能於四天下充足衆生資生之
具於惡暴虐斷善衆生拔其苦惱令
得安住菩提之種尔時觀世音菩薩
摩訶薩即以手執彼種子器遍示十
方作如是言一切十方諸佛菩薩及
以諸龍今現在者願悲念我令使一
切諸四天下所有種子芽莖枝葉花
果五穀及諸藥味地味精氣衆生精
氣善法精氣增長無損又復令此四
天下中三寶種性相續不斷使功德
天一切所願皆悉滿足常使功德天
能令一切衆生資財豐足亦能教化
一切衆生遠離一切惡令發菩提心
又令諸衆生得離三惡道生於天中
即說呪曰

多地他 牟尼尸婆 牟尼那佉
牟尼波羅 牟尼婆利 薩訶婆於
娑 耆帝刹多羅 婆羅那賦 羅

婆耶婆

薩婆毗闍

耶婆悉利梨

莎波呵

此陀羅尼句擁護某甲

莎波呵

尔時世尊讚觀世音菩薩功德天言
善哉善哉告功德天言清淨智一切
諸佛及諸大衆已作加護於此四天
下中五穀種子芽莖枝葉悉令成熟
又亦令汝能化衆生汝今應當教化
衆生尔時帝釋憍尸迦白佛言世尊
當何名此法門云何受持佛告憍尸
迦此經名曰如來共功德天本願要
擔經亦名須彌藏菩薩所願亦名陀
羅尼薩亦名增長地味亦名三昧方
便教化衆生說此法時功德大天須
彌藏菩薩摩訶薩及一切諸來龍大
龍并其眷屬一切神仙天人阿修羅
乾闥婆衆聞佛所說皆大歡喜

大衆大集經卷下

已亥歲高麗國大藏都監奉

勅彫造

菩薩念佛三昧經卷第一

吊

宋天生三歲功德直譯

序品第一

如是我聞一時佛住王舍城耆闍崛山與大比丘衆一千二百五十人俱皆是阿羅漢諸漏已盡无復煩惱調伏縱任善脫無脫深知無知所作已辦逮得无我捨諸重擔除滅九結決定解脫諸心自在猶如大龍唯除阿難尔時難陀天子修難陀天子栴檀天子修摩那天子自在天子大自在天子阿逸多天子修行天子如是无數淨居天子於夜後分光色倍常耆闍崛山欽然大明時諸天子往世尊所一心恭敬頂礼佛足以天細末栴檀之香多摩羅跋沱水天香天花鬘香俱修摩等種種花香以散佛上重礼佛足右遶三匝却住一面合掌向佛時栴檀天子默然生念過去諸佛皆為諸天世人沙門婆羅門演諸佛所說菩薩念佛三昧復作是念今我世尊亦應如昔過去諸佛安樂世間諸

人天故宣說菩薩念佛三昧時諸天子俱白佛言世尊過去諸佛皆說菩薩念佛三昧安樂世間人天八部唯願世尊如昔諸佛廣為衆生說此三昧今時世尊默然許之時諸天子遠佛三帀頂禮佛足忽然不現

今時世尊於夜後分明相出時熈怡微笑作大師子嚙咬之聲耆闍崛山別住諸僧承佛神力俱到佛所王舍大城諸比丘尼蒙佛威聲亦悉同集摩竭提國阿闍世王先尼梵子與無量億眷屬圍遶承佛神力於一念頃俱到佛所復有阿羅婆迦夜叉伽陀婆夜叉金毗羅夜叉修脂路摩夜叉摩羅陀利夜叉如是等夜叉神王有大威力一一皆有百千眷屬乘佛神力於一念頃至耆闍崛山復有羅睺羅阿修羅王毗摩質多羅阿修羅王修婆睺阿修羅王波呵羅頭阿修羅王及其眷屬如是乃至三千世界天龍龍王無量无邊生希有心肅然毛豎承佛神力於一念頃往到佛所東方世界如恒河沙梵天天王閻佛嚩

咬肅然毛豎往到佛所自餘三方及上下方亦復如是

時給孤獨須達長者亦與無數百千眷屬從舍衛城往到佛所時毗耶離有大長者名曰善思次名降忒次名吉祥復有離車諸王子等名歡喜象次名舉象復有斷事庶士首陀名曰光象如是一切皆大乘學與无量衆承佛神力往到佛所時瞻婆城有庶士子名曰庠序次名饒益復有大長者子名無量力如是等衆已於過去種諸善根有大威德承佛神力往到佛所時波羅奈无量衆生宿殖德本今已成熟從波羅奈鱗次相繼步至佛所稽首作禮侍立左右是時拘尸那竭大城無量力士及力士子已於過去供養諸佛殖諸善業具大威德從拘尸那共相和順隨路貫次往到佛所至心恭敬前頂禮足是時三千大千世界縱廣正等佛神力故一切八部天龍夜叉乾闥婆王阿修羅王迦樓羅王緊那羅王摩睺羅伽如是等衆皆來集會間无空缺

余時世尊見衆已集復更發大師子
之聲從僧坊出近至異處遙見彼方
其地衆實世尊見已復更微笑即時
世間人天阿修羅各持無量末香雜
花以散佛上至心恭敬尊重讚歎是
時衆中長老舍利弗長老老大目犍連
長老摩訶迦葉長老須菩提長老富
樓那彌多羅尼子長老羅睺羅長老
摩訶金毗羅長老摩訶迦旃延長老
阿菟樓駄長老却舍那長老輪盧那
二十億子長老難陀長老阿難陀皆有
威德具足神通如是聖衆悉已俱集
爾時衆中長老弥勒菩薩三界菩薩
越三界菩薩初發心即轉法輪菩薩
善思菩薩大音聲菩薩持地菩薩文
殊師利童子菩薩不空見菩薩如是
等衆无量無邊已曾供養過去諸佛
深種菩薩無數行願久發無上菩提
之心爾時長老不空見菩薩欲知如
來神通之相微笑之意更正衣服遶
佛三匝却住一面合掌向佛即說偈曰
最勝无為 兩足世尊 為調御故
現斯熙怡 富能開惠 令貧滿足

佛演法施 明發亦然 一切世間
之所歸趣 以何因緣 亦此微笑
無上正覺 願為我說

尔時世尊告不空見汝見彼處衆寶
地不不空見言唯然已見如是不空
見彼地乃是往昔諸佛之所遊化時
不空見心自念言我宜速疾至彼地
所如其相貌心入三昧入三昧已為
佛世尊化作種種衆寶法座即如其
念施置座已往詣佛所勸請如來昇
此寶座白言世尊此處皆是往古來
今諸佛如來遊踐之地

是時世尊往到彼處即就法座於一
念頃如來應正遍知力故此刹三千
大千世界六種震動踊遍踊等遍踊
震遍震等遍震吼遍吼等遍吼動遍
動等遍動揺遍揺等遍揺起遍起等
遍起東踊西沒西踊東沒南踊北沒
北踊南沒西踊東沒東踊西沒北踊
南沒南踊北沒光明遍照天量世界
一念之間一切衆生乃至阿鼻地獄
悉受快樂

佛昇法座如日暉曜一切世間之所

歸仰震動大千咸生欣悅

念仙三門經卷之六 第六

佛登寶座 如日顯照 一切世間

頂戴法王 欲令衆生 普獲安樂

佛就座已 如日融朗 一切世間

尊承法王 放淨光明 照諸剎土

奇哉斯乘 乘之取勝 異哉斯乘

無能過者 覺現之處 已不可量

善哉斯乘 乘之弘大 乘是乘者

不可思議 諸天魔梵 所不能測

今時世尊廣長舌相遍覆三千大千

世界普告聲聞及衆菩薩諸善男子

一心靜聽是夜難陀天子修難陀天

子栴檀天子修摩訶天子自在天子

大自在天子阿逸多天子修行天子

如是無數淨居天子於夜後分光色

倍常耆闍崛山欬然大明今時諸天

來詣佛所一心恭敬頂禮佛足以天

細末栴檀之香多摩羅跋沱水天香

天花鬘香俱修摩等種種花香以散

佛上重禮佛足右遶三匝却住一面

合掌向佛供養恭敬尊重讚歎

是時栴檀天子默然生念過去諸佛

應正遍知皆為人天沙門婆羅門數

演諸佛所說菩薩念佛三昧今我世
尊亦應如昔過去諸佛安樂衆生宣
說菩薩念佛三昧時諸天子作是勸
請我默然許如是比丘梅檀天子難
陀天子無量淨居諸天子等知我許
已忽然不現今時世尊即說偈言
告諸比丘 於後夜時 諸天身色
光炎倍常 耆闍崛山 欸然大明
供養尊重 圍遶世主 難陀天子
善喜天子 善喜天子 梅檀天子
自在天子 及大自在 阿逸天子
善行天子 如是無量 淨居天子
有大神力 來至我所 廣設種種
珍妙供養 皆共恭敬 右遶三帀
頭面礼足 却住一面 梅檀天子
默然住已 發心欲為 教化衆生
請說菩薩 念佛三昧 往昔諸佛
已曾說故 善哉釋迦 十力如來
說三摩提 欲令一切 得安樂故
佛默然許 時諸天子 已知垂允
我亦於此 耆闍崛山 如過去佛
所說三昧 時諸天子 已知如來
默然許之 歡喜快樂 右遶三帀

礼足而去 比丘聽我 所演二昧
如昔諸佛 莫生疑惑 如來智慧
不可思議 過去諸佛 取上菩提
於諸知見 心無疑網 如今現在
第一菩提 我皆了知 心無滯碍
若當來世 欲成菩提 欲為憐愍
將來世故 我亦明曉 心无毫疑
是故如來 深解無窮 智力无碍
不可思議 如彼所知 我悉究盡
一切衆生 不測其奧

菩薩念佛三昧經不空見本事品第三

尔時世尊告長老舍利弗長老目捷
連長老老迦葉長老須菩提長老富
樓那弥多羅尼子諸天世人皆已來
集汝等比丘各昇法座作師子吼所
以者何此衆多有諸聲聞人聞師子
吼悉得解脫

尔時世尊告弥勒菩薩越三界菩薩
不思議菩薩不空見菩薩汝等即時
請如來演諸佛所說真實功德師子
吼音不空見言如是世尊唯然已聞
即說偈讚

身色如金 百福莊嚴 為憐愍故

了達真諦

功德具足

名譽遠流

今日世尊

以何因緣

於大眾中

令我請問

正覺無倫

寂上莫過

功德法王

大智難窮

調伏世間

以何因緣

於大眾中

令我請問

如來淨戒

定智解脫

解脫知見

悉皆無等

令我善逝

以何因緣

於大眾中

令我請問

威德無比

得度彼岸

法王世尊

能為衆生

作大利益

善逝何因

於大眾中

令我請問

百劫修慈

習近悲處

辯才无滯

善逝何因

於大眾中

令我請問

寂上法王

普利群生

貧者得富

盲者得視

楚毒永息

恐懼獲安

以何因緣

令我請問

佛身淨妙

塵垢不汙

如來之衣

種種雜色

世尊族姓

王中之王

以何因緣

令我請問

佛所著衣

去身四指

而不離身

身能降怨

以何因緣

令我請問

如來行處

無諸坑坎

智慧力故

所履皆平

以何因緣

令我請問

如來之身

不增不減

行步平正

不邪不曲

妙絕常倫 難可思議 以何因緣
令我請問 仰瞻尊顏 目不暫徙
佛行不假 神足之力 威儀自然
庠序可觀 若為魍魎 之所捉持
迷悶失心 无所覺省 若覩世尊
於一念頃 諸惡永離 還得正念
若有衆生 觸佛足塵 於七月中
身心快樂 命終之後 得生善處
歸命世尊 施一切樂 若有人病
極受衆苦 佛以手摩 即得除愈
善逝曠劫 悉得一切 不可思議
無數安樂 佛昔勇猛 攝取當來
无量劫中 所得淨法 我於是處
無疑異心 以何因緣 令我請問
過去當來 天中特尊 今遇調伏
人中太仙 以何因緣 令我請問
今時世尊告不空見諦聽諦聽善思
念之不空見言唯然世尊告不空見
我憶往昔无央數劫今時有王名無
量力有大神通勢力自在是王住處
造立大城城名善建縱廣正等十二
由延其城七重面有三門門城皆以
金銀琉璃頗梨馬瑙真珠珊瑚莊校

嚴麗塹亦七重皆悉七寶是諸門外
以金銀沙布飾其地一門兩邊各有
金銀四闕相對

如是不空見又以金銀作大羅網弥
覆明上金網處處懸於銀鈴銀網往
往垂於金鈴風吹鈴網皆作莖篴樂
器之聲宮商調暢更相應和王造城
已安處其中斯城塹外有七池沼金
銀頗梨珊瑚所成此諸池沼有七階
道亦是七寶之所在按金階道者銀
為欄楯銀階道者金為欄楯銀為階
道真珠欄楯真珠階道琉璃欄楯頗
梨階道珊瑚欄楯珊瑚階道真珠欄
楯真珠階道金為欄楯如是不空見
无量力王植衆奇花優鉢鉢羅花鉢頭
摩花拘物頭花分頭利花鄰梨尼花
香氣調柔無恡惜者隨意採之其池
岸上種種花樹所謂伊魯花樹尼魯
花樹迦多魯尼花樹阿提目多迦花
樹瞻蔔花樹婆利師花樹拘毗陀羅
花樹陀菟伽梨花樹此諸花樹氣若
天香亦无守護隨意而取
又不空見是善建城有多羅樹七重

行列悉以七寶牙相間錯金之羅樹
銀葉花果銀多羅樹赤真珠葉花果
亦然白真珠樹琉璃為葉花果亦然
琉璃樹者頗梨為葉花果亦然頗梨
樹者馬瑙為葉花果亦然馬瑙樹者
赤真珠葉花果亦然赤真珠樹珊瑚
為葉花果亦然珊瑚樹者金為其葉
花果亦然不空見風吹諸樹更相振
觸出微妙聲譬如樂師善能擊發五
種之音又不空見王所住處如是衆
聲恒不斷絕象聲馬聲車聲軍聲螺
聲鼓聲簫聲笛聲篳篥琵琶歌儻之
聲如是衆聲未曾暫廢王常宣令境
內人民若有所須衣服飲食象馬車
乘恣隨其意一切給與多羅樹間常
出樂音諸人遊之五欲自娛王親國
人如父念子一切奉王猶若慈父
又不空見善建城內開諸街巷郾邑
市肆處處復有四寶池沼其池相去
盡一箭道是池四岸衆寶階陛金階
銀欄銀階金欄頗梨珊瑚間錯亦然
又不空見王於諸池植衆名花復於
池上種雜花樹伊尼曾花樹迦曇婆

花樹阿提目多伽花樹瞻蔔花樹陀
菟迦利花樹芳如天香亦無惜者城
內又建諸園林觀種種花果行列其
間復於園中四方周匝處處皆有諸
妙花池亦以七寶莊嚴如前有衆姝
女更相娛樂一切人民恣意遊適
又不空見無量力王族姓豪傑大刹
利種所生父母乃至七世胄胤相承
悉皆清淨容色端雅人中獨絕財寶
巨億不可稱計又不空見無量力王
深信弘惠虛心大施施諸沙門及婆
羅門乃至盲聾瘡殘百疾貧窮孤獨
困厄之人王所統領八万四千城邑
聚落淨業果報七寶莊飾一城上
復造八万四千栴檀衆妙樓櫓是諸
門外開四衢路路首悉起嚴麗臺觀
一切人民任意遊戲常於晝夜樓觀
臺殿巷陌廊里悉然燈燭其明猛盛
遍照國界衆生蒙光身心快樂

又不空見王有二子一名師子二名師
子意久發无上菩提之願名稱遠聞
具大威德今時有佛号曰寶青如來
慈正遍知明行足善逝正覺

士調御丈夫天人師佛世尊出現於世作是唱言我於今世及以後世沙門婆羅門天人阿修羅大衆之中一切知見普為群生說諸妙法初中後善語善義善具足清白梵行之相與大羅漢七百千萬億皆具神通威德自在寶肩如來於晨朝時齊整衣服執持應器比丘翼從入城乞食時无量力共其二子在高樓上歡娛受樂王遥覩佛功德相好生竒特心欣躍無極眷屬圍遶俱到宮門告其二子速賣香花幢幡伎樂疾至佛所即以牛頭栴檀末香諸妙珍異以供養佛及比丘僧右旋三匝頭頂礼足却住一面

又不空見王與二子請寶肩佛及聲聞衆盡其形壽施諸所安寶肩如來於天人中教化已周將般涅槃時王知佛不久住世與其二子臣民眷屬前後導從至涅槃所如來示時滅度已訖頭面敬礼悲號啼哭以身投地如大山崩作是唱言世間無減更衰世間無成心知世間無常無常無常

商失主佛滅亦然世間黑闇盲无慧
目捷臂拍頭舉聲大叫嗚咽捫淚告
其二子辨諸香湯洗浴如來又以種
種妙香塗身一切散花及諸花鬘无
量妙衣纏如來身七寶為棺以鐵為
槨聚赤梅檀高一由旬縱廣正等一
拘盧舍復以花香散於積上蘇油千
器以灌梅檀然後起火火既發已復
更號慟灑淚如雨

尔時師子作是念言世尊涅槃我生
何為亦當隨佛入於涅槃立此誓託
重以種種珍妙香花散於積上白氈
纏身手執火炬自投火中火即猛盛
為利衆生歸依世尊而說偈願讚詠
如來

如大珍寶聚 世間之所尊 生死苦永盡
於斯般涅槃 自從今已往 不覩轉法輪
我所奉法王 已入於涅槃 宣揚廣大義
不可復重布 何當在大衆 聞說於菩提
諸天及世人 歡喜讚善說 我於今日後
絕不思議聲 世間勝調御 於此而沉淪
鬼神阿修羅 及以緊那羅 欣悅常歌歎
聞斯音 貪著得滿足 皆由樂人說

世尊今涅槃 悉喪所依怙 父王無量力
及弟師子意 亦復無慈蔭 更不聞說法
我亦隨世尊 速取於滅度 世間无明道
何用苦生為 今焚此毒身 願獲不思議
我昔與父王 常於長夜中 勤供佛法僧
今得獲果報 若我於佛所 修習諸善行
為調伏世間 得不思議故 為令諸衆生
發不思議願 世尊般涅槃 我投火盛時
若人見聞者 一切得成佛 唯除邪謗人
及證正位者 若我修菩薩 廣大無量行
衆生夢見者 皆令得佛道 唯除邪謗人
及證正位者 此身如聚沫 要當必有死
一切衆生類 若食我肉者 是等不可量
疾當得成佛 我修菩薩行 惡口罵詈者
是人值調御 必當得成佛 唯除邪謗人
及證正位者 若人於我身 修於慈悲觀
求第一菩提 速得成佛道 唯除邪謗人
及證正位者 以是燒身緣 為求彼此願
若我心真實 即還見佛起 設得更覩佛
如先住世者 我身投火中 猶前侍佛時
佛起如真身 今覩不異昔 尔乃證諸佛
相續常不斷 唯願普眼尊 愍攝於世間
佛知王子心 渴仰甚殷重 即於焰聚中

奮大神通力如從三昧起光明倍明顯
不可思議衆咸歎未曾有廣為時會人
更作大利益所化既已畢還入於涅槃
師子既見佛亦大威神力身心甚欣悅
坦然快安樂深知諸佛法不可得思議
如來雖涅槃猶應衆生願不思議戒定
智慧與解脫及解脫知見神化不可量
歸依於世尊然後當放身世間妙威儀
寂勝無倫定自在諸神力亦復无等雙
如來還涅槃一切咸驚惋是故我至心
歸依普眼尊歸命於善逝累盡无為主
歸命永離苦憐愍於世間正智遍觀察
了達知他心除諸煩惱病成就无量衆
大醫人中尊施不思議藥能善除世間
一切衆疾苦歸依無上師哀矜衆生者
若我讚如來一念之功德燒身微毫善
須臾供養福如是諸淨業願施於一切
如是不空見時天魔梵及餘一切世
間人民悉見師子投身威火皆大悲
愕生奇特心命終之後即生梵天有
大神力威勢自在是梵忉時中心念
言云何忽然來生此間重更思惟往
昔人中已曾奉侍寶肩如來至心恭

敬尊重重讚歎佛涅槃已燒身供養復
說偈頌發弘誓願乘此善業得生梵
天我今當往至燒身所是梵即時忽
然不現譬如壯士屈申臂頃便到如
來闍維之處以天梅檀沉水碎香俱
修摩花多摩羅跋種種香花不可稱
數遍散空中如雨而下十方交紛若
風旋雪供養寶肩如來舍利向無量
力說其本緣我是王子師子之身投
火供養命過之者唯願大王不加慈
念我今已蒙獲諸善利由昔至誠虔
恭奉侍尊重歌歎寶肩如來功德果
報得生梵天是故大王與師子意應
共珍敬受持妙法收取舍利分布供
養無令遺落而生懈怠大王當知我
生梵天亦常敬持受此勝法作是言
已忽然不現

又不空見無量力王與師子意取水
滅火以諸妙香衆花寶鬘幢幡伎樂
種種供養須臾之頃周遍八万四千
城邑悉起八万四千塔廟皆以七珍
莊校嚴麗是諸寶塔高一由延縱廣
正等一拘盧舍於一二塔周匝各然

八万四千衆香油燈是諸塔間復以種種香花伎樂供養如前尊敬受持如此妙法無量力王以是善根與師子意經歷八万四千劫中不墮惡道又於八万四千億劫親近供養六万諸佛次第奉敬常不斷絕世世恒作轉輪聖王

又不空見寶肩如來涅槃之後時有菩薩現於世間名普密王為愍世間出家學道菩提樹下結加趺坐一心定意正智解脫豁然大寤得無上道又不空見是師子梵至普密王佛世尊所住在虛空以天栴檀供養於佛右遶三匝稽首作礼請轉法輪而白佛言唯願世尊從道場起摧諸魔軍於淨神智无所毀損願世間師哀從定寤調御有解諸聲聞衆開演美妙善逝之法如來前身久修智慧攝受善法今為人尊過去世中已發弘誓願得佛時當度未度今願已滿得安隱處寂勝无為寂然妙樂當開甘露解衆三結尔時世尊默然許之時彼大梵及無數天既知如來當轉

法輪咸共歡喜踊悅无量梵天于時
設諸妙供即發大願求無上道遇普
密王應正遍知生我淨妙功德之聚
以此果報於生死中常得親近覩十
方佛若我供養佛菩提樹如是種種
所修功德願慈愍故為我說法以此
果報於生死中常得讚歎諸佛塔廟
又不空見師子王子燒此一身以是
功德所修善根恒住梵世值五千佛
供養敬侍尊重讚歎殖諸善根發不
思願汝不空見莫生此疑時無量力
王豈異人乎我身是也時不空見即
白佛言是二王子為今現在為已滅
度唯然世尊願為說之告不空見尔
時王子師子意者弥勒是也時師子
者汝身是也王子師子捨此一身寶
肩如來佛法之中教化成就三万衆
生安住阿耨多羅三藐三菩提心尔
時世尊即說偈言

憶念宿世時 寶肩无量眼 出現於世間
廣利一切衆 金色百福嚴 慈矜哀愍故
深解真實諦 為度諸世間 顯示甚深法
濟苦惱衆生 寶肩正遍知 一切世間尊

三輪善逝衆 七十二億千 與是諸大衆
入城共分衛 昔有大國王 名為无量力
自在大威德 勢能伏一切 其王與二子
俱遊高臺觀 王於臺觀上 遙觀調伏衆
寶肩天人師 翼從諸比丘 時王與二子
速迎人中尊 既至如來所 即廣設妙供
頂禮遶三帀 却立合掌住 請佛及衆僧
盡壽奉所安 衣服及餽饌 極世之珍異
八万四千歲 奉施未常息 時王及二子
靜心求菩提 時佛既滅度 收取尊舍利
為彼寶肩佛 敬造七寶塔 八万有四千
微妙甚端雅 二佛塔然 八万四千燈
時王无量力 復於善逝處 香花衆伎樂
深心以供養 已種不思議 无量諸善根
歷事六万佛 一切世間依 至誠求第一
無上勝菩提 比丘莫疑惑 往昔有國王
汝善聰慧者 勿生於異見 時彼无量力
今則我身是 雜花及衆香 晝夜明諸燈
為利闍維提 供養諸如來 布施恒不足
聞法亦熾然 曾无嫌情意 一心求菩提
寶肩正覺尊 無上大明智 汝昔曾燒身
供養於大仙 自投猛焰中 初無畏苦
志一心然炷 以油淨其上 漸漸不頽焉

譬如淨燈炷為利衆生故供養涅槃佛
彼佛已燒身汝知方便請觀佛從火起
光明更明顯見佛不異昔心生恃怙想
即時捨此身為益一切故若我果斯願
敬佛亦如前所獲諸功德不可得思議
我若有宿願攝受先世業合集百千万
必當得見佛我願若真實佛應從火起
佛智甚清淨究竟无染著澹然常寂滅
相續恒不斷知師子心淨亦先照其意
佛便從火起相好更殊特不空見菩薩
世間怙既起一切願無餘彼復發誓願
其願不思議不可得稱數法主矜世故
起於猛焰中善逝難思力光明更殊勝
彼時一切衆皆悲懷驚愕淨心發高歎
欣躍未曾有奇哉大神通勢力无倫正
甚深佛境界不可得思議一千諸衆生
見此神變已於諸法不受善得心解脫
不空見當知師子為世間請佛還起時
一千諸衆生於彼善逝處觀佛神變化
其心正趣向無上菩提道大悲為世間
廣作利益已佛還入涅槃師子亦捨身
即於命終時忽然生梵天梵天從上來
以天栴檀末散之以供養如來闍維處

寶肩滅度已 有佛普密王 寂勝人中尊
天王之大仙 哀愍衆生故 出現於世間
是佛坐道樹 得成菩提已 梵天設美饌
供養於世尊 頭面接足礼 請佛轉法輪
普密王如來 即知梵天心 默然而許之
梵天大欣慶 復於燒身所 更發諸大願
是梵已曾修 不可思議善 昔於一劫中
供養五千佛 至心敬世尊 奉侍人中尊
又告不空見 慎莫懷疑惑 汝若有聰慧
勿生於異見 昔日梵天者 今即汝身是
過去五千佛 善逝般涅槃 我悉明見汝
一一諸佛前 燒身以供養 求第一菩提
過去多千佛 滅度遺舍利 如是諸佛所
捨身及手足 為利衆生故 修習菩薩行
近世及遠世 我悉咸了知 常於百千生
勤修諸苦行 佛在及涅槃 汝願恒滿足
復告不空見 如此諸大願 攝取過去世
无量百千生 我住自在力 今悉照知之
汝聖果成就 即時皆明見 攝取不思議
真實諸行等 住佛前讚歎 供養兩足尊
是故今勸請 衆聖之法王 普密王佛所
攝取寂勝願 蒙佛現神通 汝今獲此果
不空見菩薩 白言牟尼尊 百千生諸願

云何得攝取願少為數折令我得開解
不空見昔誓雷音成佛時見坐菩提樹
我當請說法先佛名帝幢普眼之世尊
一切諸衆生所共歸依處是時廣發願
求無上菩提為日光如來作大七寶輪
汝時於彼處已發軍勝願不空見菩薩
此願我悉知造七寶僧坊雜色以莊嚴
奉今修伽陀廣施未來佛發此誓願已
即時而捨去第一衆尊佛人中上師子
名不可思議善生之世尊奉上七寶蓋
端飾甚微妙天中天大仙蓋身普眼佛
明燈供養已足處發大願近世及遠世
多有諸如來千億那由他其數復倍上
於是諸佛所發無量大願令一切衆生
悉獲快安樂普密王佛前先生如是念
我今說汝昔修行至菩提願一切大地
皆生種種花雲雷音佛所為利世間故
尔時發誓願若有諸衆生聞我名字者
一切皆得佛於帝幢佛所設大珍妙供
復發諸善願若眼見我者於此世界中
皆當得成佛在日光佛所奉上七寶輪
無量大光焰炫晃甚輝麗時復發願已
誓生佛刹土七寶嚴僧坊雜色甚雅好

以此珍奇持奉施於善逝又發誓願已
得天妙宮殿斯處快樂皆悉成佛道
人中師子王无上如來所奉上珍寶蓋
發於殊勝願願諸衆生類不為日所曝
身心得安樂無復熱惱患蓋身善逝所
供施燈明已復發弘誓願若我命過處
衆生食肉者願皆成佛道若聞我名者
無有貪恡心乃至夢中間亦无愛惜意
一切成佛道唯除見諦者若眼見汝者
除諸貪嫉意晝夜夢見時亦捨恡恡心
一切當得佛唯除見諦者若有慙念汝
或生憎嫉者是等於汝所當得佛法王
若汝臨終時又勤求菩提我今如實說
汝之真功德必於當來世獲是無上尊
若有處水陸空行衆生等食我身肉者
願悉得成佛我已知汝為安樂衆生故
勤修菩薩道滿足大千行衆生多疑謗
是故不顯現如此衆生類即時於是處
若得信念等及以歡喜心悉當成正覺
唯除見諦者若人願樂見世間所尊怙
或樂轉法輪有樂勉衆苦是人為菩提
利益故發心若有樂供養三世諸法王
若人欲出生一切功德聚如是衆生等

應持此三昧

尔時世尊說是偈已即從坐起還入
僧坊於常靜室右脅而卧

菩薩念佛三昧經卷第一

戊戌歲高麗國大藏都監奉

勅彫造

菩薩念佛三昧經卷第二

吊

六

神通品第三

宋天竺三藏功德直譯

尔時長老舍利弗長老目犍連長老
阿難諸天魔梵及阿修羅沙門婆羅
門閭浮提人咸生是念今日如來應
正遍知以何因緣於大衆中直說念
佛三昧名字不為一切廣演分別便
從座起而入靜室時不空見心自念
言諸天魔梵悉已集會世尊今者右
脅而卧我當微現神通變化示神通
已種種讚歎宣揚如來大悲功德當
如其相攝心入定以是定力變此三
千大千世界地平如掌皆作衆寶微
妙雜色復列八道七寶諸樹金多羅
樹銀葉花果銀多羅樹琉璃花果餘
寶莊嚴亦復如此一切佛刹懸繒幡
蓋妙幢寶鬘種種綺飾優鉢羅花鉢
頭摩花拘物頭花分陀利花如是諸
花布一切處時不空見即如所念現
大神通乃至三千大千世界令諸衆
生天龍夜叉乾闥婆阿修羅緊那羅

摩睺羅伽人非人等皆坐衆寶蓮花
之上花葉無數色香具足各相知見
坐寶蓮花

時不空見又以定心入此三昧現大
神通復令三千大千世界地大震動
如摩竭國赤圓銅鉢置平石上傾危
不定大地震動亦復如是若有衆生
聞此音聲覺悟之者皆得快樂譬如
東方不動國土亦如西方安樂世界
其中衆生歡娛踊悅時不空見復以
清淨恬寂調和柔潤端正至直无曲
甚深定心如其相貌亦無作神通於
是三千大千世界滿虛空中雨大猛
火无一衆生身心熱惱此諸群生大
火觸身覺是相已快樂無比譬如比
丘入火三昧身心欣躍彼亦如是時
不空見復以定心現无作神通又令
三千大千世界雨天栴檀細末之香
香氣氤氳遍滿大千若有衆生嗅斯
香者開神適體快樂无極譬如釋迦
牟尼如來於昔劫中修菩薩行定光
佛所受記莳時獲不思議無生妙樂
念之頃不可計衆亦得如是隨意

歡娛

尔時阿難在大衆中而作是念佛入靜室是誰神力而現斯變為餘聲聞目捷連等將非弥勒菩薩越三界菩薩文殊師利菩薩不空見菩薩為是修習大乘之人乃能示此神變之相尔時阿難問目連言世尊說汝於聲聞中神通變化為最第一今此通變非尔為耶目連答言長老阿難汝問何緣有是神通如此變化非我所為長老阿難我所能者以此三千大千世界內冒口中無一衆生生覺知相復次阿難我遊梵天發言音響遍閻大千如是阿難我在佛前作師子吼能以須弥内置口中若經一切若過一切阿難我又住彼炎天言語音聲此間世界皆悉聞知

長老阿難我能移於天神堂閣置閻浮提而不動搖又告阿難我能降伏惡性毒害難陀龍王優鉢難陀諸龍王等又能摧靡弊魔波旬復次阿難我往東方過三千大千還住第三世界之中彼有大城号曰寶門凡有六

萬億千家屬令彼家家皆見我身復
能使此諸衆生等聞說元常苦空之
音復次阿難我實有此諸妙神通未
曾示現我今處在蓮花之座悉見諸
方二方分有阿僧祇無數如來皆
名釋迦牟尼世尊處處僧坊右脅而
卧觀佛剎土有如是相猶我天眼見
千世界若斯相貌是誰神通時目捷
連即說偈言

善修寂勝	獲四神足	今我神通
無與等者	唯除自然	世間之師
我今住此	閻浮提界	勤彼東方
諸佛剎土	帝釋宮殿	諸姝女等
覺此震動	皆悉驚悚	我能含吐
諸佛剎土	大海山川	城邑聚落
難陀龍王	及跋難陀	如斯族類
性甚毒害	我之神力	悉能摧伏
我住梵宮	言語之音	令此世間
皆悉聞知	能住佛前	吞須彌山
經百千歲	乃至曠劫	住炎世界
凡有聲響	使此剎土	莫不聞之
我往寶城	變身普現	遍在六万
億千之家	我於此生	未現斯變

阿難當知 吾今所見 善哉奇特
靈化神通 我自見身 及諸衆生
悉共坐此 寶蓮花上 歷觀十方
大威世尊 我從昔來 未見斯瑞
不疑如來 自然神變 或是菩薩
威神之力

尔時長老目犍連說此神通師子
吼時十千衆生皆得人身速離垢
獲法眼淨尔時阿難問舍利弗如來
說汝智慧第一今此神變將不汝耶
荅言阿難非我為也我所能者二十
年中常勤修習毗婆舍那行住坐卧
正念觀察其心澄寂曾无動乱分別
顯說無量諸法方便精求不出法界
唯有如來乃能究盡長老阿難汝頗
知不若我以衣置於大地目連雖有
自在神通盡其勢力不能令動長老
阿難汝今當知我於佛前作師子吼
諸大聲聞具大神通三果學士天人
魔梵阿修羅神沙門婆羅門一切閻
浮外道異學尼犍子等來在會中若
能自知身无我者我今當以三摩跋
提決定為之師子吼說大丈夫說不

思議說唯除世尊一切知見弥勒菩薩一生補處住无生忍菩薩摩訶薩海德三昧菩薩摩訶薩善建德三昧菩薩摩訶薩諸佛現前三昧菩薩摩訶薩大德聲聞今可問我如此身者何者是我為可見耶不可見耶又問異學諸外道等汝所計身有神我者為是過去為當現在長老阿難我如是相種種神通變化非一聲聞緣覺所不能知亦不能見何者是我所言我者為住何處聞如是聲長老阿難吾常精勤修丈夫業亦復恒習知解之行我今更有心自在力我能伏心不下伏我長老阿難吾見自身及以天人坐大蓮花又見諸方在在處處無數難思阿僧祇界覩佛世尊坐道樹下大能天子請轉法輪吾當隨順聞如是聲我眼悉見諸世界中種種繒蓋幢幡花鬘如我即時見此忍土長老阿難我心念言為是世尊作此神通大德聲聞之所為乎菩薩往昔曾種善根今獲如斯變化果報時舍利弗即說偈言

如來不思議如是佛功德若有善逝衆
神通廣難思及諸佛弟子有學無學衆
於此剎土中我智最第一唯除諸菩薩
信念深固者長老阿難陀我慧无等雙
現在及未來無能見過者除世調御尊
及趣菩提人我恒勤修習毗婆舍那行
滿足二十年觀察一切法精心方便求
未曾得邊際我所有智慧不可得稱量
我以智慧力現在於佛前能師子吼說
唯除異學人及行聲聞乘求我真實者
若我現神通飛騰虛空時此剎無人見
吾之所遊處聲聞亦不覩唯除世間雄
獨別兩足尊及以善逝子如是諸人等
知我之所在外道衆邪見悉非其境界
心常自在轉禪悅不思議若有大士業
修習深空行長老阿難陀我現此神通
一切聲聞衆終不能得知奇哉於今日
悉覩十方佛我在於花座明見諸剎土
建列不思議寶幢妙花香一切世界中
變化不可稱長老我心念不疑是世尊
威德善逝衆種種變化事或是不空見
菩薩之所為
是舍利弗師子吼時一万三千諸衆

生等遠塵離垢得法眼淨時大迦葉亦在衆中阿難心念是大迦葉威德具足神通自在今者變化將非已耶於是阿難問迦葉言此之靈竒是大德乎迦葉答言斯神化相非我所為吾以智力悉能分別顯示一切長老阿難我今住於世尊之前作師子吼能以三千大千世界其中諸水江河溪澍泉源池沼百千萬億無量巨海一切水聚吸置口中悉使枯涸令諸水性魚龍之屬都不覺知亦无惱害長老阿難汝今當知我於佛前諸天世人梵魔沙門一切衆中師子正說無畏之言我力能吹湏弥山王大轉輪山雪山山王乃至三千大千世界一切諸山皆成微塵依此山者都不覺知長老阿難我能如是得此自在神通之力復次阿難我又能吹三千大千諸世界中一時皆成猛炎熾火譬如劫燒將盡之時一切衆生亦不覺知又無燒害熱惱之者又不生念燒刹土想我神力相具足如是長老阿難吾住此間天眼遠矚東方

世界億百千刹諸佛國土始處處燒
終同一火我既見已心生念言今當
示現神通變化即如其相以三昧力
住此世界過於東方億百千刹能以
一氣吹彼猛火悉令俱滅火既滅已
從三昧起復更發大炎盛之火長老
阿難我神通相及波羅蜜如是滿足
若有人天生疑不信世尊今者右脅
而卧若從定起汝可往問唯佛如來
能知此耳世尊于時於靜室中遙語
阿難大德迦葉說師子吼汝善受持
余時人天阿修羅等皆共歎言奇哉
上座摩訶迦葉師子吼時三億衆生
皆得人身遠塵離垢得法眼淨八十
五百千那由他諸天亦皆離垢得法
眼淨長老不空見菩薩弥勒菩薩文
殊師利童子菩薩越三界菩薩如是
无量諸菩薩等皆被堅固如誓之鎧
聞大迦葉師子吼說以篋盛花搏如
須弥作此變化供養迦葉爰及一切
聲聞之衆空中復化作七寶蓋一一
聲聞各蔭一蓋余時長老摩訶迦葉
見是寶蓋語阿難言此衆決定大衆

之行作是種種神變之事

長老阿難我坐蓮花處處方所見佛
世尊不可稱計阿僧祇數復覩諸刹
七寶嚴淨雜色間錯微妙无極其中
衆生更相迎接悉見彼國豐樂之相
譬如三十三天之上貪醉花鬘愛著
瓔珞諸天身色如月光明於虛空中
有化寶蓋一一衆生各蔭一蓋亦如
我今等無有異處處佛刹无量菩薩
從兜率天降神母胎長老阿難我今
所見奇哉達行及師子吼此寶非凡
之所能為如是瑞相現大神通今時
長老摩訶迦葉即於衆中而說偈言
阿難汝當知我以念定力現在於佛前
以是三千界此佛之刹土一切諸巨海
大小江河等无量種水聚我以神通故
悉能吸彼水置之於口中雖皆令枯涸
衆生無傷損不惱於水性此刹衆須弥
黑山諸山等我住神奇力悉能吹散之
我以聰慧智又用神通化令此佛刹土
一切成烟焰衆生不熱惱亦無畏懼想
我住於此界見彼東方國阿僧祇刹土
悉為火所焚奇哉難思力令彼火即滅

既見諸神力如此自在行令無數佛剎
悉无有毀損我處蓮花座見此諸剎土
種種皆端妙殊傑甚儔正又觀兜率天
菩薩降神時不疑諸善逝心達自在者
為是諸聲聞不空見菩薩為彌勒大士
而有斯瑞相

尔時阿難心生念言是富樓那弥多
羅尼子說法人中寂為第一今在此
會有大神德決定諸法得到彼岸如
是神通將非已耶我今當問即便白
言唯富樓那如是瑞相大德為乎答
言非也長老阿難我之神通調伏利
益諸衆生故力能示現以手掌摩此
之三千大千世界不令衆生有傷損
者若有衆生樂神通力示現翻覆大
千世界譬如勇健巨力丈夫以指捻
取迦利沙脰上下拋擲不以為難我
以右手轉側三千大千世界亦復如
是無一衆生有惱害者長老阿難若
此三千大千水界我以手指一點取
之悉著口中亦无衆生生知覺想我
於佛前作此神通

長老阿難於夜初分我以清淨勝妙

天眼於此三千大千世界歷觀諸方
何者衆生於法疑滯當為除斷即以
天眼觀諸方時處處見有四方世界
其土廣大無數衆生迷於正法長老
阿難我心念言不起此坐往破彼疑
即如三昧清淨寂定調和柔潤正直
之心斷彼衆生於法疑惑我於會中
演說法時一一衆生謂在其前長老
阿難夜旣初分四方各有無數千衆
悉得安住於聖法中三万衆生皆受
禁戒六万衆生歸依三寶從三昧起
我如是相神通變化悉能斷除衆生
疑惑長老阿難我能安住於此世界
以淨天眼見於北方除忤國界從此
佛土過三万刹有一衆生於法疑惑
是世界中佛般涅槃應聲聞法之所
化度我心念言當斷其惑不往彼處
即於此坐遙令衆生自然調順
長老阿難我今即時如定心相入此
三昧無數衆生作法光明如是相貌
我之聲聞諸波羅蜜皆已滿足若使
有人於此衆中脫生疑網不信受者
如來起時自可往問即於是時佛神

力故虛空之中出大音聲阿難汝今如是受持如富樓那師子正說時諸人天阿修羅等皆歎奇哉實為希有聲聞神通相貌如此豈況如來真境界乎時諸人天作此讚已富樓那弥多羅尼子即於衆中而說偈言

我諸漏已盡決定到彼岸永脫一切生為世所歸依既入於衆數異佛神通力右手能翻覆天地山河等不令一衆生而有傷損者長老我神通勢力實如此若有三千界大千之水聚於此佛土中或見或不見我能以一指悉點內口中不使諸衆生而有覺知想我於初夜時天眼觀諸方何者衆生等於法有疑惑當住神通力悉為除斷之我見一衆生於法墮疑網若有淳善心貪慕求法者吾不起此坐悉除彼疑惑四方千億衆我以淨眼施能令彼生信使發菩提心時有三萬人從我受禁戒六万諸衆生歸依於如來其心得寂靜安住正法中我於初夜時亦現妙神通一念於此坐歷觀東北方周觀過千刹正降然世界彼有一衆生心疑於諸法我在此佛刹

彼人疑於法欲令見正路今決其迷惑
長老我神通智力實如斯唯佛能哀愍
一切諸世間此處人不信可往問世尊
我今坐蓮花見彼佛涅槃處處方剎土
閻維如來身及見佛殊特為是誰神力
又如我所見諸佛般涅槃廣遠甚弘雅
不可得思議為是佛所作聲聞之人耶
今時阿難心生念言此羅睺羅是佛
之子有大威德神通自在今亦在此
大衆之中如是變化將非已耶阿難
即便問羅睺羅汝於戒學得到彼岸
此之神通汝所為乎羅睺羅答言非我
所作長老阿難我如是相種種百千
威德神力隨意自在為佛之子或隱
或顯未曾憶念不嘗在前亦未亦現
之中百億四天下百億日月百億大
海百億須弥百億大小轉輪之山如
是廣大諸餘山等以四神足置一毛
端不令衆生有傷損者於四天下不
相逼迫彼此去來亦無妨碍吾之神
通自在如此長老阿難我能以此三
千大千一切水界大海江河溪澗池

沿以一毛孔味置口中停流汭別本
相分明其中衆生適性不改水之盈
竭亦不覺知

長老阿難我住此土如定心相入此
三昧見東北方難生如來我在此刹
白淨王所揀取一把栴檀末香供養
彼刹一切諸佛其香芬烈乃至十方
難生世尊化作臺觀高十由延七寶
所成即在此處燒衆天香復於臺上
化作寶蓋其蓋足高億千由延縱廣
正等百千由延彼世界中一切衆生
皆共幻作栴檀樓閣其樓上高百千
由延縱廣正等五千由延如是無量
在寶臺中各各莊嚴不相障碍長老
阿難瑞相如是我於聲聞具波羅蜜
或有生疑不能信者世尊若起自可
往問我師子吼如來證知時羅睺羅
即說偈言

長老阿難隨我以大千界 百億四天下
及無數佛刹如是諸刹土 悉入一毛孔
我神通如此 无所譬類者 世界甚廣大
不滿一毛孔 各安去來業 悉不見妨碍
我能如是示 神力不虛行 須彌寶山王

及大小轉輪 復有諸餘山 皆入一毛孔
以我神變力 彼此不相尋 長老我如是
亦此神奇相 悉見入毛孔 而身不疲憊
我又神足力 以此大千界 江河大海水
吸內毛孔中 而此佛剎土 一切大水聚
當入毛孔時 區別不渾亂 我在善逝前
亦現於神通 若疑不信者 往問普眼尊
我處蓮花坐 見十方菩薩 頭目及妻子
施以求菩提 奇哉我所見 實生希有心
不疑於世尊 所作之神變 為諸大威德
善逝聲聞眾 為是不空見 弥勒菩薩等
長老羅睺師子吼時 八十七億百千
那由他諸天人等 得法眼淨 是諸天
等見法到法 選擇眾法 明了於法 如
是相貌 嘗設供養 以天栴檀 細末之
香 以用奉散 羅睺羅上 奇哉佛子 離
垢清淨 住大乘行 深妙之法 能演師
子殊妙之音 善哉羅睺 未來之世 當
師子吼 猶若今日

尔時阿難 心生念言 此須菩提 阿蘭
若行軍 為第一 而無等雙 今是大德
在此會中 世尊常說 此須菩提 能作
種種无量神通 阿難即問 須菩提 言

如是變化將非汝耶答言長老若我所為我能常樂不捨閑處如彼定心入此三昧以是三千大千世界置一毛端極微之分周迴旋轉如陶家輪其中衆生無覺知者

長老阿難我於佛前能師子吼正說无畏吾以一氣吹此三千大千世界悉令燒盡不使衆生有熱惱想我會亦現如此神變能在佛前說師子吼以此大千世界衆生置一指端上昇虛空彼此寂然无諸音聲不相觸尋及覺知者

長老阿難我之所能如彼定心入此三昧以清淨眼一時瞞對八方上下六万諸佛一一方中又覩六万百千世界諸佛如來彼處次第見无前後長老阿難我如定心如其相貌作神通行住此閻浮須弥山頂釋提桓因所居天宮擲取一把栴檀末香俱時遍散十方諸佛紛紛弥漫以用供養我住此刹見彼衆生恭敬尊重讚歎如來彼土衆生悉知我是釋迦如來應正遍知聲聞之中空閑第一長老

阿難我之神通如是相貌究竟彼岸
若此人天於我生疑有不信者往問
世尊如来自當知此三昧時佛神力
於虛空中震大音聲告阿難言如須
菩提正說師子無畏之音汝可受持
時諸人天梵魔沙門一切闍浮阿修
羅等既得法利生希有心驚愕毛豎
歎言奇哉聲聞神變乃能如此豈況
如來種種神力無數三昧真實者哉
時須菩提知諸人天已得法利即說
偈言

世間師稱我阿蘭若寂勝安住禪解脫
現無量神力長老阿難隨我能以大地
置於一毛端旋之而不危亦如陶家輪
雖轉不傾側又於世尊前破碎一切地
及以諸山岳無有損傷者我住神足力
威勢皆如此我能以手掌舉刹及衆生
安置虛空中從上次第下亦无一衆生
驚疑怖畏者我入三昧時見彼東方佛
其數有六万南方亦復然我復見西方
六万世間尊北方及上下斯數亦如是
及觀衆樓閣妙絕无等倫以少栴檀末
供養諸世尊我實有若斯無垢神通行

能大師子吼 及諸示現等 不能深信者
可往問如來 我无衆生想 亦無元生想
無佛无法想 一切無相故

菩薩念佛三昧經弥勒神通品第四

尔時弥勒菩薩摩訶薩心生念言是
諸聲聞有大威德无数神通各各自
說大師子吼我當於此人天魔梵沙
門婆羅門聲聞菩薩大衆之前微現
神變即於晨朝語阿難言大德今可
正衣持鉢共往佛所到已頭面礼如
來足白言世尊我今欲入王舍城中
分衛乞食世尊知時默然而許於是
弥勒告阿難曰我向心念初受食處
於此衆生先當令發無上道心然後
乃取此人飯食大德阿難我已發意
今便共行入城乞食詣大長者婆羅
門家到已持鉢默然而住長者見已
即便白言善來比丘久望慈顧願聖
今者受我蔬食弥勒菩薩語長者言
我今未能受尔供養汝若能種无上
菩提善根因緣當受汝食

是時長者即白弥勒若能以我所施
之食供養恒沙諸佛世尊然後乃當

發菩提心決定大乘真實之行所以
者何我於先佛種善根故時阿逸多
答長者言若能安住如是誓願我當
以食供養恒沙諸佛世尊皆使周遍
長者復言唯然仁者我當真實發大
誓願願以此食供養恒沙諸佛世尊
悉令周普如是三白尔時弥勒語長
者言汝今便可時施所供當以獻上
恒沙諸佛

尔時長者即以名饍奉授弥勒弥勒
受已於長者前一念之頃忽然往彼
恒沙佛所供養周遍奉設既畢還長
者家長長者見是神通之相歎言希有
踊悅無量我今復應種諸善根奉施
甘果餽饍美味嚴飾牀座皆悉豐足
長者復持一切珍寶香花花鬘金衣
素疊俱共往詣至如来所到已頭面
敬礼佛足於如来前發菩提心又立
大願而作誓言若有衆生修菩提行
聞我施食善根因緣一切當得無上
菩提若吾斯願誠諦不虛必當獲得
阿耨多羅三藐三菩提時無數菩薩
及諸聲聞一切大衆咸來集者此之

三千大千世界即時應當六種震動
發是誓已大千刹土便大起踊具十
八相是時長者語阿難言大德今者
現為我證若不信者問於世尊神通
相貌具足如是我今未得无上菩提
自在變化已能如此

弥勒菩薩語阿難言我憶過去阿僧
祇劫造光佛所修得少分諸佛如來
所行三昧獲是定已見於東方無數
諸佛各住彼刹以三昧力於無量劫
方便度脫不可計衆得阿僧祇神通
變化住於阿耨多羅三藐三菩提道
猶今王舍婆羅門也大德阿難我於
往昔蓮花上佛應正遍知所以一神通
化度三万億那由他百千衆生住无
上道大德阿難我於往昔最髙如來
應正遍所得普世定度脫六万欲界
諸天發菩提心我具如是神通相貌
時阿逸多即說偈言

正服持應器 往詣能仁尊 頭面礼佛足

白言行乞食 佛即許其去 當廣利衆生

吾般涅槃後 汝應次作佛 名譽及功德

一切皆具足 我時心念言 今日行分衛

若初施食者 令住三菩提 時彼大長者
見我行乞食 即便從坐起 恭敬意无量
善來阿逸多 希現乃如此 今來一何晚
唯願前坐食 大士法難思 當設微妙饌
長者汝若能 為利諸人天 發無上菩提
我當受汝食 即時若能令 我當立誓願
阿逸汝即時 能以所施食 奉獻恒沙佛
悉令周遍者 然後我當發 無上菩提心
長者若定能 作此真實誓 施於恒沙佛
願得大果報 我今保此誓 建立必不虛
持鉢受食已 普供人中尊 修行菩提道
利益諸衆生 阿難是長者 見我神通事
心敬大歡喜 歎仰未曾有 其心即安住
無上堅固願 復施珍果饌 嚴飾妙香花
素疊及名寶 種種衆妙供 共我詣如來
深發菩提願 長者發誓已 更作廣大願
其願無限量 不可得思議 衆生若聞者
此刹成佛道 造光如來處 得此微妙定
諸佛之所說 施不思議樂 造光世尊所
獲得此三昧 今時我悉覩 十方諸如來
若得大威力 乃能見是事 安住此三昧
不現諸神通 百阿僧祇劫 修習種種行
利益諸衆生 未曾有休息 蓮花上佛所

得是三昧已我以種種化七十千衆生
皆悉令得修無上菩提道寂高如來所
專修諸梵行得微妙三昧施不思議樂
寂高善逝處又得普世定今時復安住
月出三摩提迦葉如來所得是深三昧
大德我如此亦現神變時攝取於往昔
百千世神通若住此威勢能作種種化
我亦見諸佛現作如此行若有欲樂見
諸佛世之師復有欲願聞法輪深妙音
亦樂拔世間一切生死苦當勤受持此
清淨三昧王

今時諸天世人魔梵一切閻浮及阿
修羅聞向逸多師子吼已生希仰心
歎未曾有

菩薩念佛三昧經讚佛音聲辭上品第五之二

今時不空見菩薩摩訶薩即從三昧
庠序而起時諸人天龍神魔梵沙門
婆羅門阿修羅等一切世間皆悉讚
言異哉至法時不空見告阿難言妙
哉諸佛實為希有世尊大悲无不具
足故名如來應正遍知獲得無上菩
提之道知一切法無生无行無得无
失波羅奈國仙人鹿苑三轉十二行

無上法輪沙門婆羅門諸天魔梵一切世間無能轉者所謂是苦是苦集是苦滅是苦滅道八聖道分無數章句无量諸相無限行處如此義味讚誦解說分別敷拆无不具足

時不空見復告阿難善哉諸佛大悲滿足故名如來應正遍知得是無上菩提之道今此大會諸聲聞衆未曾聞法當令聞之先所未說今當為說不思議法當思議說所未得法今當使得未學之法令得修習無相之法作有相說略說少法啓悟引多今告此衆諸阿羅漢畢竟作證无著真人永得解脫無始生死

阿難當知譬如有人以一把薊投恒河中謂能以此斷彼駛流此人所作為難不耶阿難荅言如是甚難時不空見語阿難言諸佛如來應正遍知得無上道為諸聲聞說未聞法倍難於彼復次阿難譬如有人生無口舌聲震恒沙一切世界此為難不阿難荅曰如是甚難不空見言諸佛如來應正遍知得无上道為諸聲聞不思

議法作思議說尤難於彼復次阿難
譬如有人指虛空中亦種種色為難
不耶阿難答曰如是實難不空見言
諸佛如來應正遍知得無上道令諸
聲聞所未得法今當令得彌難於彼
復次阿難譬如有人无有手足及呪
術力擔須弥山或欲履水或持浮木
渡於大海此為難不阿難答曰如是
甚難不空見言諸佛如來應正遍知
得無上道為諸聲聞以无相法作有
相說以未學法作有學說又難於彼
時不空見即說偈言

諸佛不思議 深行大慈悲 常施法光明
相繼恒不絕 無數那由他 億劫甚難見
无比寂勝尊 未聞當令聞 有為緣起轉
無實恒虛偽 畢命常无生 一切法空故
諸佛所行慈 不可得思議 佛說所未說
如此難見法 利益諸人天 普及於一切
諸如來深解 不可思議法 能為聲聞眾
說有思議法 佛說無相法 能作有相說
外道癡所迷 不識生死源 如來既知已
皆悉令摧伏 住十力敷演 未得法令得
世尊真實說 利益諸人天 欲以一把握

斷截恒河水 長老此雖難 未足稱為難
世依說无生 斯難過於彼 若人無口舌
聲震遍諸刹 雖復能如此 不足以為難
未學令得學 是則寂甚難 若人指空中
言有種種色 誠能為此事 豈足稱甚難
未得法令得 我說寂為難 若人無手足
擔負須弥山 欲渡於大海 未足以為難
無相說有相 此則倍難彼
菩薩念佛三昧經卷第二

已亥歲高麗國大藏都監奉
勅彫造

菩薩念佛三昧經卷第三

宋天竺三藏功德直譯

讚佛音聲辯才品第五之二

時不空見復告阿難諸佛世尊希有殊特於阿僧祇無量諸法決定究竟到於彼岸故名如來應正遍知戒定慧解脫知見等衆一切法相无取著行建勝寶幢出一大音若有衆生樂聞施惠得解脫者即生念言如來為我說施利益若有衆生樂聞禁戒得解脫者即生念言如來為我說戒饒益若有衆生樂聞三昧得解脫者即生念言如來為我說於三昧若有衆生樂聞智慧得解脫者即生念言如來今者為我說智若有衆生樂聞解脫得濟度者即生念言如來今日為說解脫若有衆生樂聞解脫知見之者即生念言如來為我說於知見若有衆生樂於生天得解脫者即生念言如來為我說於生天若有衆生樂聞無常得解脫者即生念言如來為我說於无常若有衆生樂聞說告而得

解脫即生念言如來今者為我說苦
若有衆生樂聞无我得解脫者即生
念言如來今者為說無我若有衆生
樂聞寂滅得解脫者即生念言如來
為我說寂滅法若有衆生樂聞不淨
得解脫者即生念言如來為我說不
淨法若諸衆生樂聞無上道得解脫
者即生念言如來今者為我讚歎諸
佛功德說大乘法无一衆生聞如來
說如此法已不解脫者時不空見即
說偈言

此闍調御師 於衆中演說 戒定慧解脫
解脫知見等 如是一切法 宣說皆作佛
樂聞說施戒 而得解脫者 各聞世間依
歎施戒功德 樂聞說定智 解脫功德者
即聞佛世尊 演不思議音 樂生天解脫
牟尼即為演 樂聞智慧者 天中天今說
樂聞无常苦 無我不淨說 寂滅等諸音
而得解脫者 即時便得聞 不可思議聲
若有欲樂聞 辟支佛功德 善逝今便為
說斯緣覺乘 聞佛諸功德 如此解脫衆
世尊說法已 衆生求菩提 如此一切音
不可得思議 佛所宣諸法 利益於世間

既蒙解種種清淨之妙聲 即時悉皆發
無上菩提心

時不空見復告阿難諸佛世尊殊特
希有成滿一切無數善根故名如來
應正遍知親近供養无量諸佛布施
調伏一心寂定今得無上菩提之道
具足成就無數辯才釋迦如來得無
量辯寂無上辯無能答辯无取著辯
勝解脫辯無望尋辯成就性辯成教
化辯施无熱辯有無問辯豫知之辯
若有相辯若无相辯靜默然辯能除
惑辯種種章句及名字辯甚深句字
及宣示辯宣示甚深調柔之辯无量
譬辯無問答辯具足定辯具廣大辯
具難思議辯具開敷辯具清淨辯具
无毀辯具足聰慧無毀損辯具心無
著辯具心无妄辯具足無失字句之
辯具無盜辯具无妄辯具足開發說
法意辯具足說法開發煩惱生淨心
辯具足親近說章句辯具說過去辯
具說未來辯具說現在辯具說希有
辯具足無生勝妙智辯具足一切大
衆喜辯時不空見即說偈言

昔已曾至心供養无量佛是以人中尊
今得無上道不思議善根阿僧祇諸辯
无尋開發辯佛得此衆辯無上解脫辯
成就教化辯廣宣諸相辯有問无問辯
種種說甚深隨順譬類辯清淨難思音
具足妙說辯淳淨義成就決定衆相辯
不思及不退無卑无下辯善哉明慧人
无著無毀辯不失字章句无妄攝樂辯
能斷煩惱心不忘十力辯寂上及親近
宣說三世辯若聖與不聖如此隨順辯
無速无生等近聽遠聞辯說善逝功德
音聲清暢辯若人以一毛點取大海水
可知其數量能令乾竭盡無有知諸佛
如來大勝辯或有量虚空能知其邊際
能秤須弥山亦可識斤兩如來智辯力
无能摧伏者雖復歷劫數不測如斯辯
時不空見復告阿難長老當知諸佛
世尊大梵音聲師子音聲雄猛之聲
龍王音聲弦聲歌聲柔軟好聲大小
雷聲不思議聲无量妙聲無邊勝聲
滿足音聲不退之聲迦陵頻伽聲清
淨歡喜聲如來分別聲如來識了聲
如來甚深聲如來無毀聲如來不却

聲如來清徹聲无衰無損聲如來美妙聲如來寂美聲如來无不美聲如來廣具足一切功德聲是處說如來應正遍知以一音聲令一世界其中衆生皆悉樂聞

又以一音令二世界其中衆生亦願樂聞如是一音乃至百千万億那由他無邊世界其中衆生樂聞亦然彼處衆生聞如來聲如是解了如是識知皆言如來為我說法如是阿難諸佛如來不思議音利益之聲譬如日輪照闇浮提有目衆生皆蒙慧利如是如來應正遍知音聲法輪清淨微妙濟拔一切亦復如是長老阿難譬如初春十五日夜月輪圓滿清明澄照无諸霞翳闇浮提人皆出遊觀得恣歡娛緣月盛故如是如來應正遍知音聲法輪清淨微妙衆生所以得利益者緣遇如來法光明故長老阿難譬如衆川江河溪澗巨細諸水悉入大海皆成一味而此一味具足衆味亦有无量諸妙珍寶人及非人雖貪此寶大海深廣難可得渡如是如

來應正遍知清淨音聲法輪難解今
諸衆生得法寶利无量安樂亦復如是
長老阿難譬如大地開發種子生長
万物利益衆生無不豐溢聚落城邑
帝王京畿一切境界皆依此地如是
如來應正遍知音聲法輪清淨微妙
拯救一切無量衆生悉令歡樂亦復
如是長老阿難譬如虛空世間去來
無所妨碍而此虛空能安樂物如是
如來應正遍知音聲法輪清淨微妙
饒益一切亦復如是長老阿難譬如
三十三天上波利質多拘毗羅樹花
茉莉芬敷諸天遊觀莫不歡適如是如
來音聲法輪清淨敷演一切法聲甘
露利樂亦復如是時不空見即說偈言
世尊梵王音 閻浮提第一師子雄猛聲
及以大龍聲 絃竹調軟音十方不思議
鐘鼓雷吼聲 无邊普震聲佛土滿足聲
未曾衰減聲 迦陵頻伽聲愛順歡喜聲
聖喜無濁聲 教與无教聲甚深無為聲
无譏毀謗聲 難見善分別句字之音聲
無諸衰損聲 美妙普遍聲无有繫縛聲
及无遺忘聲 一切功德聲世間依所說

能以一音聲 遍滿一切界 調伏群萌類
歡喜悉樂聞 皆云今如來 獨為我說法
如來以一音 乃至恒河沙 無量世界中
衆生皆樂聞 譬如出暉明 照耀一切物
世尊如是音 為衆演說法 初春十五日
滿月光澄淨 如此明月輪 遍照閻浮提
皆令得歡樂 利益亦无邊 世依猶斯月
觀者無不欣 清淨妙音聲 能為利一切
閻浮提最上 不可得思議 如大海无邊
衆寶之所出 深廣難可濟 饒益一切衆
大勝佛如是 最上無過者 有教无教等
音聲甚難解 清淨无所毀 能施一切樂
於此三千刹 安置一切衆 佛音聲如是
利物難思議 虚空無罣碍 能通諸飛行
世尊音如是 廣潤一切衆 如天香花樹
敷榮善利益 如來諸音聲 具足益世間
我於一劫中 說佛聲功德 雖復歷百劫
不測其始終 諸佛亦如是 不可思議音
十方諸衆生 異口无邊辯 說佛聲功德
不能盡其際 世間依如是 不可思議音
若有諸水陸 一切衆生等 假令悉得佛
不測聲涯底 諸音遊如是 不可思議音
如此調御師 音聲無與定 若能隨順念

終不墮惡趣 若有諸菩薩聞佛具足音
當得佛法王 不思議音聲

時四天王釋提桓因焰摩天子兜率
天子自在天子及大自在并與其子
名曰商主大梵天王淨居諸天復有
大力威德諸天欲色二界諸天子等
聞不空見菩薩所說佛聲功德歎未
曾有以天栴檀細末之香散不空見
菩薩摩訶薩乃至十方供養已畢時
有六十億百千那由他欲色諸天聞
此音聲皆種無上菩提善根五千比
丘亦發无上菩提之心被引誓鑑七
百千万諸比丘尼發無上心及引誓
願百千優婆塞從花座起詣不空見
大菩薩所復有二億百千那由他諸
女人等各脫身上珠寶瓔珞奉不空
見菩薩摩訶薩亦發无上菩提大願
菩薩念佛三昧經讚如來功德品第六

尔時不空見菩薩摩訶薩告阿難言
奇哉希有諸佛如來具足深知生死
往來憶識生處親戚眷屬善知煩惱
諸惡過患具足相好具足行捨大捨
意念或定智慧解脫解脫知見具足

六通到於彼岸若慈大慈若悲大悲
若喜大喜若捨大捨取勝无倫到於
彼岸威儀神通一切諸法取勝无尋
到於彼岸若處非處亦導諸方利益
取勝到於彼岸及舍摩他毗婆舍那
取勝無比到於彼岸一切禪定解脫
三昧三摩跋提取勝无上亦到彼岸
無貪无嗔無癡无慢無惛无過無有
慢慢无惑無恚度脫五道四毗舍羅
此或言施戒法
世間皆無慳義衆生善根業報論議取勝
无等到於彼岸一切衆生戒聚不斷
不漏不濁無雜无言慧明清淨勇猛
殊勝沙門婆羅門人天魔梵一切世
間之大法主無一衆生能測如來戒
定之分如毛髮許更无有人能超過
者長老當知應如是觀我能究盡虛
空邊際不能度量諸佛世尊戒定智
慧解脫知見所以者何以無邊故如
來戒定神通諸法非是淺識之所思
議深不可測無能窮者時不空見即
說偈言

世尊生死盡 住胎難思議 法性以為母
不可得為比 具足善功德 世間无能及

身相三十二八十種妙好世間叵思議
攝取諸善業妙哉人中尊具足善超出
若捨及大捨煩惱心解脫方便諸勝業
滿足無與等具足戒定智解脫知見分
諸佛法无邊六通到彼岸如來具慈悲
喜捨諸行處能解衆生縛拔濟種種苦
諸佛深智聚不可得思議威儀无等比
神通到彼岸無諸煩惱行善解於真諦
若處及非處利益悉具足定解脫如此
不可得思議善解含摩他毗婆舍那等
已到世所無永離諸惡心善學定解脫
除滅愚癡患淨戒不斷絕不漏亦不濁
善學戒无失勇健明哲人無有一衆生
而懷疑謗心沙門婆羅門人天及魔梵
心信不懷疑常善學清淨我能知虛空
四方廣大相不能測勇猛无上清淨戒
能以一氣吹海水令枯涸不能測如來
清淨法明戒能以一氣吹須弥令碎盡
大小轉軸山亦復成粉塵不能測如來
淨戒之崖際雖復歷劫數不能得其量
時不空見菩薩心生念言善哉如來
應正遍知願屈威神降臨衆會我今
欲為諸菩薩等請問如來今佛三昧

世尊先於大衆之中雖說其名竟不敷演便入靜室右脅而卧尔時世尊即知其念佛神力故令此三千大千世界六種震動具十八變亦如前說放大光明普照此土娑婆世界日月星宿欲界諸天無邊恒沙衆梵天等其明隱蔽悉不復現唯佛神光顯耀殊特愍衆生故即從卧起齊整衣服往大會所時諸世間人天沙門婆羅門等及阿修羅各見如來殊勝光明從花座起往詣佛所恭敬合掌却住一面

時不空見遙觀佛來容色端嚴威儀庠序仰瞻相好無不具足見已即告長老阿難世尊今從靜室而來必當敷演顯發衆勝第一義諦无虛妄說巧妙宣說無分別說善能思量不起惡業身業无毀口業無譏意業无失三業皆淨戒定智慧及以解脫解脫知見亦悉具足無上方便神通利益不思議辯殊特具足善知生死無能過者住胎清淨母族豪勝衆善功德衆為具足不可思議相好具足仁昔

因緣及意具足煩惱解脫心得具足
若捨大捨超出具足五識無取離染
具足五分法身清淨具足究竟已到
六通諸法及法性相皆到彼岸毗婆
舍那及舍摩他根力覺道到於彼岸
慈悲喜捨不可思議深心慙愧到於
彼岸已至諸法自在彼岸過去未來
現在諸法皆悉知見不着不退能知
一切過去身業亦知轉變到於彼岸
口意二業亦復如是

長老阿難如來世尊一念能知一切
衆生心行善惡莫不了達時不空見
告阿難言譬如大海深廣難渡諸佛
戒品淵曠亦然譬如須弥永不可傾
如來定品難動亦然長老阿難譬如
虛空清淨容納无有齊限諸佛三昧
攝取無邊清淨智品又攝一切衆生
淨心長老阿難譬如日光悉能臨照
无量色像如來法光無幽不燭長老
阿難譬如大火焚燒山野一切衆物
如來法火能燒衆生无量煩惱永得
清淨長老阿難譬如涌泉盈流出外
成於淵池能洗万物皆令潔淨如來

法水亦除衆生一切結累常得獲安
長老阿難譬如醫王善療衆生種種
疾患如來法藥能消衆生生死重病
皆使永除長老阿難譬如時雨潤益
卉木無不增長如來法雨亦潤一切
枯槁衆生長老阿難如師子吼能使
衆獸皆令懾伏如來法音能壞衆生
計我見者永得遠離長老阿難譬如
大船能濟彼岸如來法船渡諸衆生
四流彼岸長老阿難如優曇花希有
難見如來出世亦復難遇長老阿難
譬如波梨質多羅樹其花敷榮馨香
殊特佛大人相明發亦然長老阿難
譬如父母能育諸子如來亦尔善利
衆生長老阿難若人說言如來出世
無邊正說是名真說若人說言如來
出世說不思辯是名正說

長老阿難略說如來有无邊辯無取
著辯无罣碍辯勝解脫辯成就妙辯
常隨順辯漸親近辯有無問辯微妙
淨辯寂上辯慈大慈辯悲大悲辯喜
大喜辯捨大捨辯佛出世辯又利益
辯長老阿難若人說言如來出世具

足利益一切衆生是名正說長老阿難若人說言衆生無安无救無歸无趣無主如來出世能作安救及歸趣主是名正說

長老阿難我若一切劫或至百劫宣說諸佛世尊功德智慧辯才億不及一又於無量一切諸劫宣述如來應正遍知功德辯才不能窮究長老阿難譬如有人羸老癯癯住他人所語彼人言奇哉丈夫我雖如此能以一毛點取一切無量諸水內置口中悉令枯竭此人既无神通呪術能為斯事為可信不阿難荅言此為難信不空見言實不能也徒空言耳如是阿難我說諸佛功德辯才不能窮極猶如彼人無竭水理長老阿難假使我於億百千劫由他却不能宣說諸佛功德智慧辯才一毛之分唯佛與佛乃能盡耳長老阿難如此大地容受衆生乃至有足及以無足四足多足有色无色有想無想非有想非无想若此世界若他世界若干世界百千世界無量无邊一切世界其中衆生當

得成佛是諸世尊於億百千那由他
劫說佛功德不能窮盡一毛之分如是
功德無不具足時不空見而說偈言
長老阿難陀法王從彼來一切諸世衆
无不興供養勝炎光明主功德皆無數
寂勝利益說真說不生說諦說无妄說
無異及善說出微妙音聲大智善宣說
身口意清淨不緣慮諸惡如來勝戒定
第一智解脫解脫知見等威儀常難思
無上神通智利益寂无比善得無垢行
寂勝微妙辯无上人中尊具足知生死
住胎既無比母族亦復然不思議殊相
八十種妙好容色甚挺特端正无有比
具足無惑心捨大捨亦尔超出一切欲
五識无不具證智超六通具足四無尋
備无量知見難思衆神變含摩毗婆那
皆悉度彼岸達捨離垢主威儀恒自在
衆中大神王徐行從彼來無著修伽陀
住於十力智行慈演法光一切勝智說
能知大海水無邊深廣量不測无上力
淨戒定崖畔雖歷億千劫不知其限齊
以手接須弥上擲至梵天不能動如來
寂初甚深定遊獵虛空中可知其邊際

無有能測度 如來不毀智 能以足履虛
窮極其限量 不能測離垢 棄累人中尊
如日能除闇 悉見善惡色 自然世間師
能滅愚癡暝 譬如月盛滿 一切皆欣樂
法月光明王 觀者皆歡喜 如夜然明燈
有眼無不見 調伏无比燈 能演法光明
世師法燈炬 善滅一切陰 宣說自然法
普聞於衆生 大智勝醫王 猶如涌流泉
法藥消衆病 能施一切樂 譬如大龍王
普降於甘露 能令此大地 一切皆霑洽
大悲哀世尊 法雨亦如此 譬如師子吼
蠕動皆怖畏 如來震法音 降伏諸外道
譬如大牢船 能運載一切 佛度多億衆
濟彼四流岸 譬如優曇花 奇哉稱希有
人中尊難遇 乃復過於此 一切諸世間
常所歸依處 如天喜見城 婆梨質多花
芬敷垂光綵 諸天所遊樂 世依踰於彼
相好甚微妙 世尊已為我 示現諸神變
我今少宣說 諸佛之功德 以我所修業
以施利衆生

菩薩念佛三昧經如來神力證正說品第七

尔時世尊以金色手摩不空見菩薩
頂上出廣長舌而告之言善哉善哉

汝不空見善說如來應正遍知真實
功德信如所言又不空見若人說言
无安無救无歸無趣无主衆生如來
出世能為如是諸衆生等作安作救
歸趣主者是名正說又不空見若人
說言如來出世說不思辯及无邊辯
是名正說又不空見若人說言一切
衆生深著貪欲瞋恚邪見如來出世
恚能除斷貪欲等病是名正說又不
空見若人說言一切衆生嫉妬纏垢
之所染著如來出世恚令除斷是名
正說又不空見若人說言一切衆生
無慙无愧如來出世能使衆生慙愧
具足是名正說又不空見若人說言
一切衆生深著慳慢如來出世恚能
除斷令无慳慢是名正說
又不空見若人說言一切衆生無慈
无悲无喜无捨不善惡念如來出世
恚令具足四無量心利益善念是名
正說又不空見若人說言一切衆生
無諸善根如來出世教化一切令種
善業是名正說又不空見若人說言
五濁惡世衆生病增如來出世能作

安樂此人所言即是我說所以者何
我出惡世說法利益諸衆生故尔時
如來摩不空見菩薩頂時於一念頃
此界衆生承佛神力悉見東方清淨
剎土無量無邊阿僧祇佛及聞諸佛
說法音聲如是南方乃至十方如觀
掌中菴摩勒果一切衆生悉皆見彼
清淨佛剎又一念頃如來世尊應正
遍知以金色手摩不空見菩薩頂已
以佛威神示現往昔寂勝願力即見
上方清淨佛剎元量無邊阿僧祇數
已滅度佛又復受持三昧力故得見
未來一切諸佛時不空見觀諸佛已
即從坐起齊整衣服右膝著地合掌
恭敬白佛世尊而說偈言

三千大千水人或知其限善調御世尊
戒品不可量假使曠劫思不能測其岸
如有勇健士一吹震須彌佛入初禪定
千劫不能動足履虛空遊能知其邊量
縱使窮劫中不能度佛智虛空無形量
狂風亦能動世尊无煩惱莫能斷其辯
如日照虛空其光甚明徹大仙尊輝相
映蔽於一切猶月星中寂圓光其可樂

如是法月王一切皆歸仰譬如優曇花
世間所希有調御天中天難值過於此
今者大聖尊哀矜摩我頂金色百福嚴
憐愍利一切深解真實諦功德悉具足
世依善宣說言論人中上敷演難思音
普聞十方界自然尊慈念以手摩我頂
得見恒河沙寂勝世間王人中大神尼
一念摩我頂悉覩恒沙佛猶如阿彌陀
天中尊利益一念摩我頂得見不動界
阿閼兩足尊大悲所行處一念摩我頂
得見滅度佛一切世間師大慈所行處
善調伏諸根我乘昔願力即於摩頂時
得見未來佛弥勒世依等即摩我頂時
得見過去佛亦得覩當來十方難思尊
佛眼調伏尊即時摩我頂復因宿妙願
得見清淨刹如來不思議神通亦復然
智定諸功德皆不可稱量世尊慈悲故
哀愍見教化如來金色手以摩我頂上
得見十方佛金塔如恒沙復見十方界
無數諸如來殊勝銀寶塔莊校種種色
百千衆伎樂供養常不絕我又見他刹
諸佛衆具塔金銀及頗梨各高一由延
端嚴甚精妙不可以言宣見諸牟尼塔

種種七寶嚴住於虛空中 天花悉周布
又見殊勝塔 高十二由延 及觀燈明佛
淨光照諸刹 我復見處處 不思議衆塔
又觀餘勝尊 以手摩我頂 佛以柔軟手
一念摩我頂 見彼諸如來 安住於刹土
或復在空中 而現種種相 復觀諸菩薩
未脫衆惑累 在無量佛刹 修習諸苦行
日夜常勤心 以求勝菩提 又見處處有
無數諸菩薩 常能為衆生 作諸利益事
燒身發光明 以求道因緣 復見諸菩薩
安住於佛前 供養滅度佛 无量珍妙塔
以求菩提利 及以大威德 見十方法緣
燒身如燈炷 晝夜常修心 不懈於食息
又見諸菩薩 捨國城妻子 頭目及髓腦
為安樂衆生 我悉見彼此 普眼世間尊
威力得自在 不可以言宣 如我所知者
世間最為上 天中天以手 哀摩我頂時
即得見彼衆 歸命人中尊

菩薩念佛三昧經不空見勸請品第八

尔時不空見菩薩摩訶薩白佛言世
尊如來處室宴寂既久此會大衆皆
悉渴仰嚴座已訖唯願世尊哀愍一
切屈就新座時不空見更正衣服合

掌向佛白言世尊今欲請問願少宣
說我當至心聽受奉行佛告不空見
恣汝所問當為決疑令尔歡喜諸天
世人亦當證知時不空見白言世尊
菩薩摩訶薩親近修習何等三昧得
見法樂增長其心所聞三昧曠如大
海菩提之心安若須弥外道邪風所
不能動於无尋法心亦無著猶如虛
空无所染汙破無明闇亦如朝日施
法光明若月盛滿燒一切陰熾然猛
炎焚諸煩惱之大火聚譬如江海一
切諸水水性之屬依之而活又如大
船能渡彼岸亦如橋梁能令衆生不
墮生死煩惱駛流猶若波梨質多羅
樹生諸衆生七菩提花悉能普薰十
方世界如優曇花世所希有亦如良
醫善療諸患大悲廣救應病授藥如
栴檀樹能消熱惱

又如大雨潤施一切勝妙之法味若
香蜜令衆无畏如師子王安樂衆生
過於慈母深知法性達義趣相得義
巧便法相亦然善於正道具足方便
如實說法得安攝衆開發衆生生死

根源一切法性如海一味三昧安靜
猶若山王道心不動譬如帝幢得堅
固力身相端嚴威儀具足无所染汙
族姓豪勝功德備足得無邊辯无所
著辯無異句辯不思議辯无邊量辯
深解脫辯成就勝辯常忍辱辯漸親
近辯問無問辯无毀壞辯無退轉辯
甚深句字種種說辯甚深廣說章句
字辯無量无邊喻譬之辯如是一切
悉皆具足未得道者當令得道及得
梵音意歡樂音迦陵頻伽師子等音
大龍牛王鍾鼓美音歌音弦音雷震
之音得於一切世間供養具足六通
到於彼岸得无忘失憶持之法獲諸
善根容儀軌則時不空見以偈問曰
金色百福嚴 深解於真諦 憐愍善利益
聽我問諸佛 應修何三昧 具足淨功德
人中無比尊 衆智无過者 我今問世間
寂勝无上主 為行何三昧 功德不思議
云何諸菩薩 而得人中上 應當勤修習
寂勝寂靜定 行此三昧已 為世作利益
云何得自然 多聞如大海 云何獲不動
深妙之智慧 住佛諸功德 猶如時輪山

云何心不著 自然如虛空 摧伏諸外道
不起於惡心 云何當修得 猶若日月等
又復當云何 同彼大燈炬 求習何三昧
光明照一切 云何得消除 衆生老病累
云何令一切 得度於苦海 云何得發心
敬礼三界尊 云何如天花 相好甚明著
優曇時一現 值佛難於是 云何如醫王
施藥滅衆病 善調伏諸根 安住於戒品
云何如法王 度无邊功德 云何見法滿
猶如甘淨蜜 云何師子音 施利於衆生
云何如慈母 施衆難思樂 云何得四辯
行甚深菩提 為我說寂勝 無上第一道
云何能得說 无著大智慧 云何義巧便
得法不思議 善知巧便相 知世出世法
云何能得意 云何復得道 云何得憶念
云何安具足 云何得多聞 深廣若大海
云何說諸佛 真實之功德 云何說衆生
生死之源本 諸法无異相 如海同一味
云何得三昧 不動如山王 菩提心安寂
猶如帝釋幢 云何得諸餘 不思議菩提
云何得端嚴 成就諸威儀 云何得豪族
為功德法王 云何得無邊 及得无著辯
云何待成就 不思句字義 唯願世間依

為我分別說 云何得取勝 無上莫能過
及以无著說 無失與忍辱 親近不思議
有問无問等 梵音意樂音 迦陵善妙音
得修菩薩行 願尊教詔我 云何得師子
大龍牛王音 云何得鍾音 絃歌與美音
云何獲聰慧 願世調伏說 云何得說法
心常無猷足 无毀諸功德 常演震雷音
云何當得宜 種種甚深法 云何衆譬喻
善說到六通 云何不失法 百千歲生念
勤修不懈倦 善法普眼尊 若為十方界
說修不思議 於諸智不疑 歸趣求解脫
是以我今日 請問於如來

時不空見菩薩摩訶薩如彼神通無
作行力於虛空中當世尊上自然變
成天妙寶蓋七寶莊嚴種種微妙於
此蓋中雨衆雜花遶佛三帀住在頂
上花傾恭敬向佛世尊即於花中而
說偈言

歸命於大聖 正覺兩足尊 諸天及世人
無能與等者

尔時此花墮佛足上復更踊起起已
自然遍散三千大千世界復於蓋中
雨栴檀末空中交紛墮於佛上俄尔

之間忽然不現香氣芬芬充溢大千
是諸衆生聞此香者身心安隱皆得
快樂猶如菩薩得四禪樂時不空見
現神通訖即白佛言云何菩薩得大
智慧速疾智慧猛利智慧无相智慧
甚深智慧廣大智慧普遍智慧不懼
智慧云何獲得無上善根心如金剛
壞諸法相身心柔軟心大如海戒品
難量心如磐石其心柔和正直端嚴
心如山王攝衆善法心如大地能安
一切得不信他不譏彼闕得善趣行
安住諸法正向不謗無上世尊生生
恒得无離見佛住此世界得見他方
無量諸佛聞法遇僧又得攝取清淨
國土常得善根自利利他是以我今
請問世尊我為解脫饒益衆生為諸
菩薩得不思議具足善根請問如來
為被僧都忍苦大鎧悲一切故請問
如來為欲利樂諸衆生故被引誓鎧
無衆生想欲度生死无生死想我恒
如此利益衆生是故我今請問如來
世尊我於諸衆生所不起壞心亦無
瞋罵誹謗毀訾及輕凌心初无恚慢

念戾懟恨無忘失意亦不嫉妬不懷
楚毒行於慈悲我如是相修學大乘
為利益故請問如來世尊我今為衆
生故捨五欲樂能忍衆苦施一切樂
為諸衆生作法光明世尊我於內外
諸法心無恡惜我如是相利衆生故
請問如來世尊我今被引誓鎧為一
衆生於恒沙劫入大地獄受諸苦惱
我未曾於一念之頃退失无上菩提
心也是故我今利衆生故恚能忍受
無量極苦而不退於菩提之心為一
切故請問如來我今如此被引誓鎧
為諸衆生作其僮僕為利彼故請問
如來世尊我今為衆生故捨於頭目
髓腦之屬恚忍斯苦不退菩提如是
相貌請問如來時不空見即說偈言
云何習大智 廣智與疾智 我今故請問
大雄世間師 云何得甚深 微妙大智慧
寂勝菩提道 唯願普智說 云何無懼智
善巧隨順說 復得金剛心 於法不生惑
云何得柔和 心无有垢染 清淨戒如海
不宿於死屍 復得心如山 不動難思議
云何不信他 亦不譏彼闕 決定行善趣

閉塞諸惡道 安住堅固志 歡喜心不壞
去何得生念 又得於調伏 住此而得見
他方刹土佛 既得聞說法 亦得值遇僧
欲得求供養 他方刹土佛 種種妙花香
隨意以奉獻 欲求住此界 見諸无邊刹
世依亦神通 向諸十方國 我自饒衆生
亦无善友勸 安住諸慙愧 自捨於已利
以利於他故 請問大勝尊 若為求佛智
攝取不思善 為此利益故 請問於如來
無著世間依 當修何三昧 如是為衆生
發弘誓大願 免濟諸群生 種種諸劇苦
雖復勤修行 而无衆生想 為利善趣故
請問於如來 於一切衆生 常起平等心
未曾有分別 恒修於慈悲 我為利益故
請問於如來 親近何等法 疾得難思定
調御說斯定 顯亦无邊德 我發弘誓願
為利一衆生 於不思議劫 恒受燒煮苦
善哉令一切 長得獲安樂 永無幻惑心
常修正直意 恒捨内外法 攝取諸衆生
為作利益故 請問普眼尊 不瞋不惡口
穢謗結恨等 自身能忍苦 為他作僕使
是故我請問 大威德世尊 常以歡喜心
勤修菩薩行 捐棄无量頭 以求勝菩提

為益世間故捨目及手足衆生隨生死
癡暝无智慧何方救濟彼令得永解脫
捨所愛妻子珍妙諸器服金銀頗梨珠
無數衆寶藏為趣正道故請問於如來
慧施常无厭聞法亦復然住於阿蘭若
心無有懈怠為此利益故請問於如來
常求善言教聞惡恒捨離於諸群生類
初無不善念為是利益故請問於如來
慈心觀衆生如母念一子於讎不追怨
更生憐愍心為利一切故請問人中王
若獲諸福報設復无所得亦當為衆生
請問大威尊我請自然尊若得少福者
以此業果報疾得菩提定

菩薩念佛三昧經卷第三

已亥歲高麗國大藏都監奉

勅彫造

菩薩念佛三昧經卷第四

四

宋天竺三藏功德直譯

三昧相品第九

尔時世尊告不空見菩薩摩訶薩言
善哉善哉不空見無勸汝者乃能如
是為諸衆生請問三昧欲以解脫利
衆生故欲令衆生具不思議淨善根
故欲令衆生獲得三界寂勝利故為
令衆生超出三界一切行故為令衆
生於諸有為得善義故為令衆生深
解隨順得饒益故為令衆生於甚深
法決定義故欲令衆生尊說法故欲
令衆生敬重施故欲令衆生捨諸有
故欲令衆生趣無上戒故欲令衆生
具足忍故欲令衆生勤精進故欲令
衆生得禪定故欲令衆生深重智慧
如金剛心善修定故欲令衆生心離
塵故欲令衆生善攝心故欲令衆生
其心不動猶帝幢故欲令衆生重法
義故欲令衆生不惜身命厭諸行故
以是等緣請問如來

尔時世尊告不空見汝今諦聽善思

念之吾當為汝分別演說時不空見
即白佛言唯然世尊願樂欲聞告不
空見諸佛所說菩薩所行念佛三昧
此三昧者諸菩薩等常應親近精勤
修習既得修習此三昧已即便增長
見法安樂增長无貪及以瞋癡增長
慙愧六神通等增長得見一切諸佛
增長無數清淨佛土得知宿命生死
因緣住胎清曠母族豪勝得微妙善
大人相好具足出家及捨大捨得知
衆生其行相續具足多聞世出世法
又得種種諸善法處當得善學世无
比法復得善巧說一切法及得了知
前際後際字章句相智慧備足得善
轉心神通變化善知過患得廣大力
得知他方諸菩薩等及以衆生精進
白黑長短大小處及非處未成佛道
趣向具足得不動念神通具足常得
大姓高族具足端正威勢功德具足
得梵音等及以諸辯无不具足悉如
上說同如來生無生之生常生中國
不處邊地欲求遍往他方世界至諸
佛所諮受正法欲樂住此或遊十方

觀諸如來恭敬供養彼此菩薩功德具足

尔時世尊即說偈言

不空見菩薩有妙三昧上我任智力故
深知此三昧菩薩應當修得見十方佛
到六通彼岸疾得菩提道見諸淨妙土
攝知生死緣住胎既無比母族又殊勝
善修諸法行相好皆具足出家棄諸愛
人天所滯慾為利世間故求於菩提道
生在豪姓家永到甘露境具得六神通
圓足說真智多聞持正法獲得大自在
多聞廣於海如聞皆修行具衆定義
及知衆生本學習世出世善法之所趣
獲得聰利智捐去无知業棄捨有為事
行於無為法亦得天眼智天耳聞諸法
憶念宿世行知他心意識欲樂現種種
諸妙神通事常善轉變心開演於明脫
開發十力慧廣利於世間知處及非處
諸法之所歸說煩惱過患常應修此定
得趣向具足得意无與等得念及威力
得安行亦然姓族最殊勝端嚴甚清顯
棄於有為行無毀諸功德得大威勢力
人中最殊勝猶如天帝釋天中獨尊嚴

欲得無比音 雄猛諸威音 成就義大仙
當求此三昧 如龍歡喜行 普施電光耀
復降甘潤雨 霑洽於大地 是龍所遊境
實為不思議 若安住寂上 神通王三昧
能作諸供養 奉獻無邊佛 猶如龍王雨
澤及於一切 欲成就善教 親近寂上說
攝取無為樂 當修此三昧 種種深解脫
常宣諸妙偈 欲令一切衆 咸使得安樂
常修是三昧 不離佛菩提 及與聲聞衆
得見他方刹 若欲得諮問 此土之世尊
及諸他方佛 應習此三昧 若欲見他方
不思議世尊 親近彼諸佛 蒙光設供養
往返諸刹土 得無數功德 應當修諸佛
所說深三昧 徃徃從生處 恒得與佛俱
菩薩念佛三昧經正觀品第十
今時不空見菩薩白佛言世尊菩薩
摩訶薩若欲成就諸佛所說菩薩念
佛三昧者應當親近修習何法今時
世尊告不空見若諸菩薩欲得修習
諸佛所說念佛三昧欲得親近諸佛
如來復欲疾得阿耨多羅三藐三菩
提者應當安住決定之心又應永捨
不決定心捨我見心知無我心當觀

此身如水聚沫觀於色陰當如芭蕉
次觀受陰如水上泡復觀想陰如熱
時焰又觀行陰如空中雲觀於識陰
猶如幻化菩薩若欲入此三昧應當
深生怖畏之想又宜具足慙愧之心
捨不怖畏而作怖畏捨无慙愧修慙
愧心具舍摩他毗婆舍那以方便智
捨我無我應習智脫及三空門又當
深知三受生起亦應捨離三不善根
即當起於三昧之聚觀諸衆生猶如
我身觀四念處身受心法觀四食患
作無食想所謂搏食觸思識等修不
淨想及以慈悲安住於喜令捨具足
起諸禪定而不味著亦不毀此一切
諸法此身不實猶如幻焰不樂長壽
應當捨離善防護心習學多聞不慢
於法勤護不謗即得聞才及以法才
既聞法已守護是義尊重佛法恭敬
僧寶近善知識遠離惡友不著世俗
言論之味恒能不離阿蘭若行心常
平等憐愍衆生其心不退不懷嫉妬
稱量諸法心不染累分別一切無數
諸法常求甚深方等經典信心堅固

不生疑慮常能精勤讀誦此經即是諸佛無上道也

諸佛功德之所生處應當如是真實其心摧伏憍慢至意聽受增長正法離煞盜婬嬾惰貢高是非之心捨存真我邪謗之說除穢亂語滅諸諍論心樂安住布施持戒忍辱精進禪定智慧諸波羅蜜皆悉具足能捨頭目心不退沒如四大姓不可改易身意精勤不顧軀命於四供養心无貪著安住十二頭陀之行不求已利及以名譽捨心愛滯得四神足離四顛倒及煩惱刺澁於四流於四威儀修四念處令得五根修行五力捨於五結不求五欲福報之慶捨五穢心修五解脫善知五陰棄六欲處及六身受除六愛身修於六念知六識分勤求六通修七覺意深知七界所謂害界恚界出界欲界色界无色界及以滅界除斷七使及七識住捨八嬾惰去八妄語知世八法得八大人覺知八解脫修八正道捨於衆生九居之處除九慢法放棄九惱親近修學喜等

九法又復勤習九次第定捨十不善行於十善方便精勤求佛十力

又不空見我今略說一切諸佛所說三昧應當勤修念報佛恩學三昧已即得不退阿耨多羅三藐三菩提而是菩薩以大智力能為衆生說此三昧其餘聲聞不能觀察宣說書寫受持讀誦若能觀察書寫受持讀誦之者此人福業亦不唐捐要當得值佛出於世若諸菩薩教化受持疾得不退菩提之道又不空見諸佛所說念佛三昧名為要法諸大聲聞所不能行若人聞說此三昧者將來之世必當值佛今時世尊即說偈言

若有修諸佛所說深三昧觀法心相續捨不相續念善觀於陰身離我无我想此身不牢固猶如水聚沫虛誑猶如化亦如嬰兒語觀色如浮雲見受若水泡想如熱時焰觀行陰无實猶如彼芭蕉觀五識如幻修慙愧恐畏舍摩呾婆那應速無慙愧除我无我見習如與解脫及以三空門又應知三受捨三不善根常學三善根求軍勝三昧勤行戒定智

速得其深定 離諸邪見等 正習此三昧
捨世衆諍論 常修出世法 觀察身念處
受心亦復然 於法無疑惑 不久得此定
常行禪解脫 不惜身壽命 多聞不貢高
不誹謗諸法 聞法應受持 持已諦觀察
常供養諸佛 法僧亦如是 若於善知識
恒念報其恩 遠諸惡知友 不聞邪師論
應求讚善者 常共俱遊處 不遠阿蘭若
應求勝菩提 等心於群生 不毀訾諸法
不染一切法 應知真實法 捨諸非法行
不久得此定 除一切諸惡 及見真我者
熱害慢婬盜 毀訾嬾惰等 不作諸惡口
邪論諍訟等 次第說佛法 當求此三昧
施戒及忍辱 精進禪智等 常勤精修習
成就此諸度 不久當得斯 功德定法行
若捨內身分 及外財眷屬 不久得菩提
寂靜心三昧 若人心如地 水火風空等
皆悉當速疾 獲此妙三昧 若有諸人等
身心甚端直 不貪著衣食 牀褥及醫藥
是人當疾得 如此之三昧 成就四正勤
具足四如意 捨於四顛倒 及四煩惱刺
永度於四流 棄捨諸受取 修行五根力
除斷於五結 不求五欲報 捨諸煩惱心

應修五解脫及五身三昧諦知五陰法
深修六和敬遠離不恭敬除去六觸身
觀六度相續捨彼六愛身成就於六通
深修六念處亦復勤專行六識之法分
修七菩提分復行於七財念捨憍慢處
除斷七種使當修如此行以求勝三昧
捨彼七識住除此八妄語常修八正道
得三昧不難得八大人覺行八解脫門
知世間八法即為寂勝智如此常修行
得三昧不難自離於九惱亦不惱他人
修喜等九法次當得三昧聰慧捨十惡
修行十善業又能遵十力得三昧不難
常受持善法捨諸不善法晝夜常攝心
得三昧不難住此三昧已不思議力說
常見佛金色亦得聞演法若欲見十方
滅度現在佛及以未來世饒益衆生者
是人當修此寂上妙三昧

尔時不空見菩薩摩訶薩白佛言世
尊菩薩若欲成就一切諸佛所說念
佛三昧云何當令其心相續佛告不
空見是諸菩薩若能至心憶念過去
未來現在十方一切無量如來應正
遍知明行足善逝世間解无上士調

御丈夫天人師佛世尊悉知衆生往來生死住胎具足母族亦然及善相好四畝舍羅慈悲喜捨慙愧恐懼威儀等行悉亦具足及舍摩他毗婆舍那解脫知行諸解脫門念處正勤神足根力覺道等法皆悉具足知昔四流及生具足亦知衆生源始具足生諸六通起大神足戒定智慧及以解脫解脫知見無不具足无尋解脫及无尋利一切善法亦皆具足色心清淨境智清淨金色等身清淨具足而此菩薩應如是念諸佛如來至心不動亦當安住無所著心

復應如是心相續觀為何等法是如來耶為以即色是如來耶為當異色是如來乎若以即色是如來者色處衆生具足色陰而是衆生應是如來若以異色是如來者除十二緣豈有如來又以即受是如來耶為當異受是如來乎若以即受是如來者一切衆生具足受陰而是衆生應是如來若以異受是如來者除十二緣何有如來想行識等亦復如是為即眼根

是如來耶為異眼根是如來乎若即眼根是如來者一切衆生應是如來若異眼根是如來者除十二緣何名如來耳等諸根亦復如是為即四大是如來耶為異四大是如來乎若即四大是如來者內外四大亦是如來若離四大是如來者除十二緣何有如來地水火風皆亦如是

菩薩如是相續觀已明見色陰既非如來異彼色陰亦非如來又見受陰即非如來若異受陰亦非如來即想行識非如來者異想行識亦非如來又見眼根非即如來見異眼根亦非如來耳鼻舌身非即如來異耳鼻等亦非如來見色聲等非是如來異色聲等亦非如來見香味觸非是如來異香味觸亦非如來見意及法非是如來若異意法亦非如來見即四大非是如來見異四大亦非如來地水火風亦復如是菩薩如是心相續觀於一切法得方便智

又不空見汝以何法能得无上菩提道耶為以身得為以心得若以身得

此身不淨無所覺知如草木瓦礫菩提非色无有形質其相空寂不可見法此身既如草木無知云何當得菩提道耶若以心得无上道者心無形相猶如幻化菩提無心亦无色貌如幻如化云何可得若諸菩薩得如此解非身能得無上菩提亦非心得无上菩提不離身心得无上道尔時佛告不空見言應當如是觀於如来作是觀者名為正觀又不空見菩薩如是相續觀法心不動搖菩薩應當如是深解則不退於三昧法也又常離於不相續心必當疾得无上菩提尔時世尊即說偈言

心心相續念 去來今現在一切普眼尊
不久當見佛 住佛大威力 慈哀利世間
憶念人中花 調御功德尊 當念昔生死
住胎母族姓 容相悉具足 不久當見佛
念佛八十好 及宿世因緣 恒集最勝業
正念善法意 念佛六神變 及大自在通
戒定智解脫 皆悉得成就 云何取上師
得此寂靜地 念慈世間尊 悲喜捨最上
慙愧力無畏 世間威德師 念佛舍摩他

毗婆舍那等 又念智解脫 及以三空門
具念修正勤 神足亦復然 念根力具足
及以菩提分 念佛離生滅 獲此寂靜處
念難思善法 色受皆清淨 想行及以識
清淨亦如是 念佛真金色 安住无著心
觀何法名佛 攝心恒相續 念色非如來
四陰亦如是 離陰非如來 想識應當知
念眼非如來 耳等法亦然 離眼非如來
五情法皆尔 念十二因緣 調心得見佛
念四大非佛 異此四亦非 應了十二緣
見佛不為難 若使諸佛陰 而是如來者
衆生悉有陰 亦應即如來 若欲得根力
當念十二緣 陰非世間師 異陰亦如是
往昔諸因緣 相續恒分別 是以能攝取
不思議智力 此身常无知 如草木瓦礫
菩提無形色 寂滅恒不生 身不觸菩提
菩提不觸身 心不觸菩提 菩提不觸心
而能有觸相 實為不思議 此是佛世尊
寂勝寂靜處 善能滅一切 外道諸邪見
尔時不空見菩薩摩訶薩白佛言世
尊菩薩云何得知我見云何復當得
離斯見尔時世尊告不空見菩薩若
欲捨我見者莫著住處當依无依欲

以法明利益一切欲吹法螺擊大法鼓欲造法船建立法橋度諸衆生生死有流欲觀身相及不相續此身不淨穢惡充滿膿血涕唾九孔恒流無常敗壞瞬息不住危脆難信不可愛樂猶嬰兒語虛妄无知是身不實如水聚沫縱復假以衣服飲食香熏莊嚴種種寶飾於百千歲恣隨其意會當磨滅長夜無益如此身性是生死法又為虫獸之所食噉復於長夜或在地獄畜生餓鬼閻羅王所受无量苦未曾暫息又於永劫處生死中為他僮僕榮使万端此身長勤受衆苦惱而初不能知苦斷習證滅修道行諸功德此身雖小受汙甚多應以是身施諸衆生若有惜命施其以壽若須力者當惠其力須肉與肉須血與血當施須者不求勿與或於彼人無所利益願以捨身善心因緣除我見惑得解无我住是捨身思惟觀時不復著於我見之感以不堅身修於堅身又不空見譬如村邑多有童子相隨出村遊戲水邊見水聚沫是諸童子

竟取持戲而此聚沫不自覺知為他所持亦無痛痒如是不空見若有菩薩觀自己身當知此心猶彼聚沫無有分別若此菩薩作是觀者不久當得此深三昧亦當疾得无上菩提尔時世尊即說偈言

欲求寂勝定得不思菩提永捨於我見
常應觀此身无常苦不淨涕唾臭汗等
九孔流諸穢甚為可厭患虛誑無真實
此是磨滅法眩惑猶幻化亦如冰聚沫
我此身危脆瘡疣之窟宅同遍皆臭毒
無一可樂處養之初无益平為虫狼食
一切諸樂具供饒於此身會歸當朽滅
終不得一實長勤无邊劫苦痛恒万端
地獄畜生報根本受苦處長夜增飢渴
不可不思議衆苦所逼迫為此乖菩提
我此身不實應施諸衆生解法心無惜
所須便給之作此思惟已即唱如是言
我今捨此身血肉隨意取若有惜命者
我當惠其壽亡軀濟衆生為疾得三昧
段段冰水沫未曾得堅實我身亦如是
求真不可得若得此正觀疾成菩提道
尔時世尊即便微笑諸佛如來法皆

如是當于世尊微笑之時面門即放種種色光青黃赤白紅綠頗梨上至梵天從彼還下遶佛三匝復至頂上斯光俄頃忽然不現長老阿難即從坐起更整衣服右膝著地合掌向佛以偈問曰

寂勝調御尊 微笑非無緣 无上世間師
願為我宣說 為以何因緣 而現此微笑
金色百福嚴 善解於真諦 哀矜利益者
世間所歸趣 為以何因緣 而現此微笑
无等人中尊 寂上無過者 如來諸功德
清妙无瑕穢 復以何因緣 而現此微笑
住聖大悲尊 一切所歸者 已離諸煩惱
以淨調御音 唯願為我說 微笑之因緣
今日誰應得 若此深廣義 誰住堅固地
誰國遇吉祥 世間所歸尊 何故現微笑
一切所歸趣 調御為我說 願聞清淨人
微笑之因緣 若蒙聖開演 疑惑則永除
尔時世尊告阿難言我向說此相續
觀時三万人得法眼淨八万百千億
那由他天亦悉離垢法眼清淨復有
三万億那由他比丘比丘尼證阿那
含復有三万比丘比丘尼及清信士

女得無生忍三萬衆生發菩提心即
皆修習菩薩之行於人尊劫悉當成
佛此是初發无上道心復有九萬億
那由他諸衆生等悉皆不退菩提之
道當得作佛号曰放光及離垢尊釋
迦牟尼日光相佛月光明佛大中尊
佛九十二億那由他衆發聲聞心當
成羅漢尔時世尊作是語時聲震三
千大千世界佛以天眼見於十方九
十億百千那由他諸佛刹土其中衆
生皆見如來放眉間光名曰明焰遍
照十方衆生見已心驚毛豎時彼刹
土無量百千萬億那由他諸衆生等
遇斯光者其中有得須陀洹果斯陀
含果阿那含果阿羅漢果有多衆生
發菩提心皆不退轉無上菩提於未
來世當得作佛皆同一号号不退轉
尔時世尊欲令此義光宣明顯重說
偈言

我向宣說此心相續觀時即有六十千
九十九億衆以聞法利故而發菩提心
復有三萬人皆得聖慧眼已聞相續念
寂定之菩提此等悉得免惡道之苦難

八万億諸天 既聞如來音 獲得淨法眼
永離惡趣苦 三万億四衆 得不起法忍
度脫諸惡道 无復苦惱患 當得成佛道
如春之敷榮 三万億諸人 學於菩提道
是人亦當得 諸佛大威力 既成無上道
憐愍於世間 六万千天子 學習於菩提
樂中之樂行 猶如弥勒尊 无尋世間依
以笑廣利益 阿難汝當知 皆有因緣故
是以我今日 示發此微笑

菩薩念佛三昧經微密王品第七

尔時不空見菩薩摩訶薩白佛言世
尊菩薩摩訶薩云何當知安住慙愧
恐懼等法捨无慙愧得此三昧尔時
世尊告不空見此諸菩薩所以慙愧
身作諸惡而懷著怖口意行惡復生
耻辱嫉妬懶惰亦復如是若起不善
恭敬諸佛畏懼諸天及以世人惡不
善法可著耻故菩薩如是則住慙畏
捨无慙畏諸不善法勤修衆善護清
淨行默然閑寂三業具足不久亦當
得此三昧生生恒得值遇諸佛當疾
得於阿耨多羅三藐三菩提

又不空見奇哉希有我念過去經阿

僧祇億百千万那由他劫初第三劫
名為善生次復有劫名曰寶炬次復有
劫名蓮花池時濁劫起餘一千年次
復有劫名曰樂住時有國王生此劫
中名勝微密有大威德勢力自在王
所住城名拘修摩清淨香聚其城縱
廣七十由延有十二重七寶莊校嚴
麗光明如善建城城北有地名為離
垢此處有苑苑名安隱縱廣正等面
十由延周匝皆有諸多羅樹其苑法
式猶善建園又不空見今時有佛号
曰明相如來應正遍知明行足善逝
世間解无上士調御丈夫天人師佛
世尊出現於世佛告不空見時明相
佛與其眷屬住安隱園所從比丘九
十九億百千那由他皆阿羅漢諸漏
已盡無復煩惱心得自在所作已辦
所應學者皆悉已學明相如來應正
遍知於其晨朝著衣持鉢翼從比丘
入城乞食時微密王聞佛當來即乘
大象象名樂手前後導從無數百千
皆共出城奉迎世尊又不空見是微
密王遙見佛來光色相好微妙殊特

皆大歡喜即便下象趣如來所頭面
礼足右遶三帀即於道路請佛及僧
時明相佛默然許之王既知佛已受
其請即於其夜掃灑燒香嚴辦種種
珍妙供具復於城內遍豎幢幡懸諸
花鬘瓔珞寶蓋牛頭香汁以灑塵全
散種種花嚴飾於地以篋盛花置於
座前作衆妙伎以用供養

又不空見王辦供已於晨朝時與諸
營從詣安隱園頂礼如來白言世尊
食時已至時明相佛問王請已即如
其相現大神通與諸比丘俱昇虛空
放淨光明九万百千照於東方三方
亦然一一光中有八十億那由他等
諸妙蓮華一一華上有化如來相好
具足如明相佛是諸如來眷属无量
左侍帝釋右侍梵王猶如真實釋梵
無異

又不空見明相如來現此種種神變
相時一念之頃欲色諸天即作無量
衆妙伎樂以天栴檀多摩羅跋沑水
花鬘如是諸香以用供養明相如來
時彼世尊為王說法大王當知諸行

無常有為皆苦不實故空一切諸法
悉无有我所以者何此身不淨九孔
流穢猶糞由虫破壞危脆念念不住
四大諸陰假以為身飢渴寒熱恒來
侵迫虛誑幻炎猶水聚沫不得自在
磨滅之法強名為人無一可恃是故
大王當深觀察生死諸行甚可厭患
當勤方便求速遠離時微密王聞是
語已合掌向佛而作是言如是世尊
誠如聖教有為諸行无常苦空一切
諸法皆悉無我現見此身不淨臭穢
難智之聚甚可厭患時王見佛神通
相貌及聞如來所說之法即發阿耨
多羅三藐三菩提心又不空見時彼
如來知王已發菩提之心與諸大眾
俱受王請乘虛而往至城便下是王
從佛步入宮門獻座已訖次第而坐
王與群臣宮內眷屬及國人民侍立
左右擎諸供饍前受觀願各各授食
皆令充足飯食已訖漱口澡手復以
種種花香伎樂名衣上寶而以供養
時微密王即於是日捨四天下及八
十四億那由他妃后嫔女以國王位

付其長子與八十億那由他人俱共
往詣明相如來於彼佛所出家修道
王出家已將欲請法白言世尊云何
菩薩得諸佛所說念佛三昧若人能
得此三昧者當疾成於阿耨多羅三
藐三菩提具足見法時明相佛告微
密比丘菩薩有二法得此三昧亦當
疾成無上菩提何謂二法菩薩應當
信於如來所說經典此大方等諸佛
行處菩薩具足此二法者得此三昧
當疾成佛復有二法何謂為二舍摩
他毗婆舍那復具二法捨我无我安
住慙愧恐懼等法菩薩若能具是二
法得此三昧疾成正覺

告不空見是微密比丘白明相佛云
何菩薩安住慙愧恐懼之法得此三
昧明相如來告比丘言菩薩應當捨
三惡業无慙愧等諸不善法住於慙
愧恐懼之法而是菩薩慙畏具足捨
諸不善修行善法應護清淨身口意
業又不空見是時比丘於彼佛所聞
說過患即捨無慙恐懼諸惡精勤攝
心住諸善法不失善法欲令滿足復

更攝心安住正觀觀一切法不增不減亦不見法去來生滅

微密比丘作是觀時不見諸法有種種相觀十二緣如夢如炎觀於諸法如影幻化觀於諸法無增无減觀於諸法無名无性觀一切法無滅无生微密菩薩如是修行不久當得此三昧也獲三昧已辯才不斷過六万億那由他劫當得阿耨多羅三藐三菩提佛告不空見汝莫生疑今時捨國出家學道微密王者豈異人乎蓮花上佛如來是也微密菩薩安住慙愧修習成就一切善法不久便得如此三昧

又不空見我今語汝諸佛所說念佛三昧若有衆生不種善根終不得聞如此三昧告不空見若善男子善女人等曾於過去無量佛所親近供養殖衆善本方得聞此三昧寶王何況書寫讀誦受持分別解說觀其義趣是善男子善女人等所種善根无量無邊不可稱計是諸人等修菩薩乘方得少聞如此三昧次第當得阿耨

多羅三藐三菩提唯除身證

時不空見白言世尊是諸衆生不學大乘為能得此三昧寶不佛言如是亦當能得又不空見譬如藥其實堅韌不可斫刺以石磨取用之塗鼓若有怨敵臨陣戰時彼軍亦以毒塗其箭聞鼓音聲毒不能行如是不空見若善男子善女人等少得遇聞三昧光聲是人皆當得於無上菩提之道唯除身證又不空見譬如衆生若依須弥金色之邊其身即與彼山同色所以然者山勢力故如是不空見若有善男子善女人等少聞三昧威光之力當得阿耨多羅三藐三菩提唯除身證所以者何而此三昧功德最勝不思議故

又不空見譬如諸水悉入大海同其一味所以然者以海力故若善男子善女人等不能讀誦持說書寫但得暫聞此三昧寶一切皆當得無上道所以者何三昧力故又不空見若人正說諸佛法門得三昧母說此三昧是名正說若人正說如是三昧無量

元邊功德之聚攝取長養是名正說
又不空見菩薩摩訶薩修行布施於
一念頃以衆妙寶奉獻恒沙諸佛世
尊以此功德當得成佛若人讀誦受
持解說書此三昧功德勝彼布施之
福不可稱計今時世尊即說此偈
我念往昔生調御明相佛一切諸世間
咸共所歸趣慈悲哀衆生為說衆妙法
是佛大知見明了三世法如此普明尊
世間最爲上如來不思議無量深智力
開顯諸法門為利群生故發起大悲心
拔濟無量苦明相善逝尊八億聲聞衆
皆是阿羅漢諸漏悉已盡是諸應真等
隨從法王逝時有安隱園在城東北隅
大仙經行處恒與聖衆俱時有轉輪王
微密勇健士憐愍一切故導從出彼城
是王遙覩佛其心甚寂怕相好殊世表
威儀亦無比王即步奉迎往到世依所
既至如來前頭頂接足礼合掌恭敬已
往往於一面請佛受明供世尊默然許
王知佛垂許還勅諸官屬灑掃宮城内
嚴辦諸饌饌王復到佛所自言食時至
世尊若矜愍願時屈威神與諸聖衆俱

至當奉微供

時佛聞王請

即現大神變

普放千億光

遍滿十方刹

二光明中

化作億蓮華

大悲愍衆生

為衆現斯瑞

又告不空見

彼諸蓮華中

有大威德王

相好特端嚴

各以寧勝意

廣說諸佛法

諸行皆無常

苦空亦如是

无我恒不實

此為磨滅法

有何聰慧人

而生樂著心

諸行猶幻炎

破壞流動法

大悲明相佛

演說如是法

諸天見世尊

奮大神通時

作衆上妙伎

廣設香花供

善哉佛威力

不可得稱說

王觀神化已

兼設妙供養

捐去四天下

及以五欲樂

出家守一心

以修菩提道

是王學道時

問彼明相佛

安住何等法

得佛力三昧

時佛說二法

如是應當修

得此深妙定

施不思議樂

聞佛說法已

踊躍充遍身

即發菩提心

當得此三昧

微密比立者

蓮華上佛是

若人信如來

不誹謗此經

是人住佛境

疾得此三昧

若人畏生死

心不著於我

常修舍摩他

及毗婆舍那

是人如此相

疾得此三昧

安住慙恐懼

常修於止捨

利智勤苦行

速得此寂定

觀法无增減

一切如虛空

是聰慧菩薩

疾得此三昧

不見諸法起 亦不見其盡 恒觀法无常
亦如夢幻等 常能勤習行 不久得此定
不見法異相 唯觀无生滅 又如影響炎
當得此三昧 觀諸法平等 無有差別相
內既无身想 觀外亦復然 不見其名字
亦無有生滅 若能如是觀 疾得此三昧
時微密比丘 如是諦觀已 初中及後夜
其心常相續 既聞如來說 不久得此定
即於一念頃 而證此三昧 得不斷菩提
即觀十方佛 具諸有為行 其心漸清淨
比丘在生死 滿十六千劫 曾供无量億
諸佛之世尊 然後獲寂定 得於無上道
佛告不空見 莫心疑不信 汝是聰哲人
勿懷於異見 今時比丘者 蓮華上佛是
我今語於汝 諸天及世人 若欲觀一切
无量諸法者 是人應當修 如此妙三昧
若有人樂欲 生無量功德 施衆難思樂
當持此三昧 若人樂欲見 十方三世佛
復樂轉法輪 當持此三昧 若有人樂欲
具足諸相好 深知生死緣 亦備衆善本
是以當勤持 如此勝三昧 若有人樂欲
遠離諸惡趣 為利衆生故 當持此三昧
如是善人等 昔已曾供養 非二與十

無量億諸佛求寂上菩提得持此三昧
若人樂欲求正念聞三昧已曾多供養
過去无量佛是久勤修過去所行道
若人於彼處聞說勝三昧即發歡喜心
踊躍意無量昔已曾供養多億天中天
若人於此經常修相續心讀誦及解說
受持與書寫是人已曾見无量大明力
譬如戰場所他陣放毒箭以聞藥鼓聲
毒消得歡樂若人聞如是勝定妙三昧
為他說此法得明三昧力當來必成佛
唯除身證者如須彌功德依者同其色
行者有深慧聞定亦復然若有人得聞
寂勝三昧聲斯人功德聚猶如大海量
決定明三昧當得於菩提譬如江河水
悉入於大海異本衆流相皆同一鹹味
若人聞如是微妙之三昧即同菩提性
无異無分別若有諸菩薩於多億劫中
勤修行布施為利一切衆諸佛世依所
廣植无量業是諸菩薩等涉歷無數劫
雖行布施業得福未為多慈心說三昧
功德勝於彼如母能生育此三昧亦然
顯現難思議諸佛之功德是人聰慧故
常修此三昧不久當疾得无上自然佛
菩薩念佛三昧經卷第四

已亥歲高麗國大藏都監奉
勅彫造

菩薩念佛三昧經卷第五

吊

智

宋天生三藏功德直譯

三法品第三

尔時不空見菩薩摩訶薩白佛言世尊菩薩摩訶薩具足幾法得此三昧世尊即告不空見言菩薩若能具足三法得此諸佛所說三昧何者為三所謂不貪不瞋不癡如此善根若是菩薩住於無貪便得滿足檀波羅蜜心得安住如此法已攝取不貪清淨善根永離貧窮恒得豪富具大威勢如日光曜如是菩薩所修功德皆為一切諸衆生故所可宣說無不信受得此三昧不以為難亦當疾成無上菩提菩薩具此妙善功德天人敬信菩薩若復能修不瞋善根之行滿足忍辱波羅蜜也若是菩薩安住忍度若人罵詈刀杖加之解其支節斷其頭首不生一念忿惱之心亦不說他諸惡過咎攝取不瞋清淨善根慈心為利一切衆生是以修行如此三昧菩薩安住此三昧已得與諸佛世尊

常俱乃至夢中不離見佛經行坐卧
皆獲安樂諸天護念不見惡夢寤寐
歡喜刀不能傷毒亦不害水所不灑
火所不燒所資四事恒得豐足亦為
一切皆令歡喜疾當得於无上菩提
若是菩薩除捨無明具足不癡善根
之時正觀修行毗婆舍那即便攝取
不癡善根於一切法決定巧便滿足
般若波羅蜜也他來問難疾能荅對
菩薩具足如是三法速當得此三昧
之寶

又不空見若是菩薩復具三法當得
此定何謂為三應觀一切諸行無常
應觀一切諸行皆苦應觀一切諸法
无我菩薩具足如此三法當得斯定
疾成佛道又不空見若是菩薩復具
三法當得此定疾成無上菩提之道
何者為三所謂供養現在諸佛及以
滅度如來舍利若以花香幢蓋繒幡
種種珍妙而以奉獻若自供養勸人
令行復應發願作如是言以我善根
布施因緣願得諸佛所說三昧又不
空見復當讚歎現在如來般涅槃佛

真實功德讚戒功德定慧解脫解脫
知見威儀神通教化辯才阿蘭若行
及以慈悲喜捨之法復更殊勝讚歎
佛法儀容相好無量功德既讚歎已
復發願言若我讚歎諸佛功德設獲
微福以此善根當得諸佛所說三昧
疾當得成无上菩提

又不空見菩薩摩訶薩於諸佛所聞
此三昧功德名字有三隨喜何謂為
三如過去佛往昔已曾修菩薩行求
阿耨多羅三藐三菩提如彼諸佛求
是三昧我亦隨學求此三昧亦為自
利及利他人聞三昧已即生隨喜我
亦當復隨彼隨喜此是第一隨喜者
也又不空見如彼未來諸佛世尊亦
當修習菩提之行聞此三昧自利利
他生於隨喜我亦隨喜是名第二若
諸如來住現在世安隱快樂斷不善
行捨諸惡趣變化幻術種種伎樂園
藝博奕一切諸惡悉皆離之深定大
悲無不具足如彼諸佛往昔已曾修
菩薩行聞此三昧即便求之生隨喜
心我今亦尔如過去佛隨而喜之是

名第三

又不空見此三隨喜與發願俱若我所獲善根功德願使衆生常得是定又不空見菩薩具足此三隨喜亦當疾得如是三昧又不空見若善男子善女人等隨喜斯定得此善根功德之聚為此善根以譬明之如有一人以彼三千大千世界恒河沙為聚於大聚中捻取一沙擲過无量不可思議億那由他無邊世界復取一沙擲過无量無數世界如是次第盡大沙聚此諸世界若善算師算師弟子能得邊際知其數不時不空見即白佛言如此人者不能知也唯舍利弗不退菩薩乃能知此世界之量告不空見不可思盡若干世界滿中珍寶其高過於諸天所居乃至非想非非想處以此珍寶施諸衆生此善男女得福多不時不空見即白佛言甚多世尊无量無邊今時佛告不空見言我當語汝若善男女於諸佛剎滿中珍寶以用施於一切衆生若善男子善女人等聞此三昧三隨喜已發願求

於無上菩提亦復欲樂修於多聞是善男子善女人等所獲功德勝彼施福无量無邊不可稱計佛告不空見此念佛三昧即是一切善根之母如是說者名為正說

菩薩念佛三昧經勸持品第十三

尔時世尊告不空見乃往昔世過阿僧祇阿僧祇无邊大劫尔時有佛号寶勝光如来應正遍知明行足善逝世間解無上士調御丈夫天人師佛世尊出現於世无與等者一切人天所共恭敬解脫調伏度生死岸無上寂勝第一世尊為護一切世間之師今世後世皆悉明了所可說法初中後善其義深遠其語巧妙具足清白梵行之相時寶勝光如来世尊於彼經行與三万億百千聲聞皆住學地人天恭敬是寶勝光佛從卧而起心生念言此諸聲聞皆住學地當隨所樂為說深法令彼速得盡諸有漏告不空見寶勝光佛即時便現大神通力令此三千大千世界遍滿其中皆成烟炎是諸聲聞見此神變不生

怖畏皆大歡喜譬如比丘得四禪樂
告不空見寶勝光佛於夜後分為說
法故即現種種神通變化時寶勝光
佛告諸聲聞汝等比丘見此三千大
千世界烟炎不耶比丘白佛唯然已
見比丘當知有為諸行無常苦空一
切諸法皆无有我所以者何此身不
淨九孔常流臭穢充滿諸行無常輪
轉之法危脆不堅一念不住生老病
死之所逼切猶如幻炎水聚泡沫無
人无主猶若草木甚可患猷應速遠
離佛告不空見是三万億百千聲聞
聞寶勝光佛說是法時是諸比丘見
法住法選擇善法度四顛倒於佛法
僧得淨善法能不信他皆得漏盡時
諸聲聞同聲白佛如是世尊有為諸
行无常苦空一切諸法皆悉無我此
身不淨九孔流溢甚可猷惡應速捨
離誠如聖教誠如聖教

又不空見有三示現神通亦現教詔
亦現說法亦現時寶勝光佛以此示
現如是調伏諸聲聞衆度三脫門空
無相願及三万億百千部由他諸菩

薩等皆當得成无上菩提告不空見
是諸菩薩聞彼世尊說寶三昧開化
人天八万四千億百千歲轉法輪已
然後滅度時不空見白佛言世尊彼
寶勝光如來出世調伏聲聞為有幾
何正法像法住世幾歲今時世尊告
不空見如是三千大千世界一切星
宿可知其數寶勝光佛諸聲聞衆无
量無數不可限量寶勝光佛般涅槃
後正法住世足八十億那由他歲像
法住世十二億歲於是中間有佛出
世号曰慈行壽不可稱量其佛身長
足一由延國人身量六拘盧舍蓮花
周圍亦復如是悉以此花遍布大地
一切衆生遊息其上

今時世界名多蓮花其地柔軟猶如
鹿茸若觸身時狀若天衣一切衆生
快樂無極又如自在諸天宮殿是諸
衆生欲度東海晌頃之間便到彼岸
南西北方亦復如是若有衆生凡欲
所之發心即至是寶勝光佛初成道
已時四海內其地縱廣足八万億百
千那由他諸聲聞衆悉滿其中諸阿

羅漢皆各一食唯除阿難金剛密迹
及阿逸多八十部由他不退菩薩請
彼慈行如來世尊為諸菩薩說此三
昧將欲分別顯示之時一音之中而
說偈言

若人勤方便 求習出家行 覓修寂勝法
摧破四魔軍 猶如大象王 踐踏衆小草
若人欲疾得 寂定菩提道 為諸衆生故
修行此三昧 敷演淨妙法 施彼一切樂
是人則與佛 同其大悲心

尔時慈行佛般涅槃後有一比丘名
曰樹王於正法中廣宣流布是妙經
典三昧寶王有轉輪王号帝幢天有
大威德政法治世是王有城名帝幢
處縱廣正等十二由延城郭樓觀皆
是真金種種綵畫衆寶莊嚴其城四
面各有三門國界嚴飾如善建城又
不空見時王帝幢於夜後分眠寐之
中有淨居天來至其所即於夢中而
告之曰大王當知有三昧名諸佛所
說念佛三昧若有菩薩修是三昧恒
生淨土不離見佛世出世辯无不具
足必當疾得無上菩提時王忽然於

夢驚寤猶見此天故在其前即白天
日誰能受持如是甚深念佛三昧天
告王曰去此不遠有大比丘名曰樹
王常樂受持讀誦敷演如說修行是
深三昧

尔時帝幢從彼天所受此三昧及比
丘名至心憶持不令忘失即於晨朝
捨四天下金輪七寶及八万億無數
百千宮人嫫女為求三昧甚深法故
即與眷屬同時捨家俱共往詣樹王
比丘又不空見時彼四衆天龍八部
皆共圍遶有九万億欲界諸天八万
那由他諸菩薩等亦與眷屬恭敬圍遶
樹王比丘時為大衆說此甚深念佛
三昧帝幢大王即至其所以天真寶
散比丘上五體投地至心頂礼復持
八万淨妙金花天曼陀羅沝水末香
又以敬心奉散比丘供養既畢即與
眷屬皆悉出家被淨法服為欲修習
此三昧故供養恒沙无量諸佛與其
眷屬求是三昧八万四千億那由歲
衣服飲食及諸珍寶親近供養樹王
比丘常自受持讀誦解說如說修行

是妙三昧亦化一切無量衆生大悲
為心初无懈倦帝幢菩薩及其眷屬
聞樹王師說此妙法至心受持未曾
暫捨深生恭敬恒如佛想精勤修習
初不休息樹王比丘皆悉成就彼八
万億百千比丘修菩薩行住不退地
然後滅度彼諸眷屬皆亦命過尔時
復有佛出於世号閻浮幢如來世尊
十号具足帝幢比丘既值世尊供養
恭敬諮稟如是甚深三昧受持讀誦
如說修行饒益一切人天世間皆得
無上菩提大利帝幢比丘廣宣流布
諸佛所說甚深定故過三千劫當成
正覺又能成就九億百千那由他等
無量眷屬皆悉安住不退菩提
尔時世尊告不空見時帝幢王大比
丘者豈異人乎今現成佛号曰高行
如來世尊應正遍知十号具足又不
空見汝今當知以是三昧威神勢力
饒益如是无量衆生以少聞故常值
佛世又不空見若有菩薩少得聞此
三昧名故常值佛世何況菩薩於今
現在若得聞遇此三昧經受持讀誦

其福如上已不可量何況復能廣聞受持讀誦解說如說修行又不空見若有菩薩乘於大乘辟支佛乘及聲聞乘人天之乘若善男子善女人等或得暫聞是妙三昧是諸菩薩及善男女皆當疾得無上正覺又不空見是諸人等譬如有人在閻浮提見彼明相決定必知日出不久大光普照閻浮提人日日光明能得分別青黃等色如是不空見若有行者略聞諸佛所說三昧是善男子善女人等不久當得無上菩提猶彼明相知日必出汝當深信此妙三昧受持憶念勿生疑惑又不空見善男子等如劫將盡六日出時一切大地皆成煙焰七日出時三千大千世界之中一切洞然如是不空見善男女等學大乘者有不學者若得少聞此三昧寶書持讀誦解說其義皆當疾得無上菩提又不空見善男子等譬如掘井若見淤泥必定知水不復遠也

又不空見若有菩薩及諸衆生於佛所說念佛三昧應當書寫受持讀誦

解說其義如說修行憶而不忘是善男子善女人等不久疾得無上菩提又不空見善男子等譬如有人吞金剛丸時諸聰慧善男子等必知此人定死不久以此金剛極難消故如是不空見善男子等若人於是妙三昧實受持讀誦廣說深義乃至少聞三昧妙法此善男子善女人等不久當得無上菩提所以者何諸佛所說念佛三昧如金剛故過去未來現在諸佛應正遍知之所宣說分別選擇威神守護令諸行者不失作業菩薩應當如是修習恒欲利益一切世間是名菩薩乘此樂行如忉利天歡喜之園若有見者身心踊悅菩薩如是得此三昧疾成無上菩提正覺於所未聞諸章句等若欲習學得不難妙哉往古一切諸佛為利益故分別示現令滿句義安住法界諸大菩薩攝持擁護敷演教化令樂正道如是法門次第儀式菩薩大士皆應當知又不空見若有菩薩於此諸佛所說三昧若少聞者是諸人等皆當疾得无

上菩提又不空見是故我今為汝分別開示演說汝又當知若得聞此諸佛所說念佛三昧受持解說不久疾得無上正覺菩提之道是故汝今應當受持讀誦修行乃至書寫亦當廣為一切四眾國王大臣沙門婆羅門及諸異學分別解說所以者何此等若聞當得滿足无上菩提

又不空見若善男子善女人等應當定至心淨信此深三昧所以者何皆是往古一切諸佛之所稱讚汝今當以不思議意至心憶持深信此定精勤修習令心相續所以者何此三昧者皆是諸佛真實之說隨順佛說至佛行處選擇分別佛所證知甚深寶財諸佛本事往生因緣諸佛法藏究竟秘密諸佛聖印如實知性諸佛真身又不空見此三昧者出生行人無量善根恒得生於大刹利家大婆羅門及餘勝家得大威力終成菩提所以者何諸佛所說念佛三昧甚深妙典能施眾生不虛果故亦令行者得无邊福若有聞者是人獲得無量

无邊阿僧祇等不可思議諸功德聚
又不空見我今當說譬況之法成滿
此義如有智人聞譬則解猶若大施
諸菩薩等常於清旦及以中晡日皆
三時如來三昧憶念力故以諸珍妙
一切雜寶遍滿恒沙大千世界常以
奉施億千恒沙如來世尊及聲聞衆
經百千億那由他等恒河沙劫如是
大施以求阿耨多羅三藐三菩提告
不空見此大菩薩所得功德寧為多
不不空見言甚多世尊无量無邊不
可思議告不空見我當為汝分別解
說此施善根如此諸佛所說三昧第
一真實佛口所說若能書寫受持讀
誦敷演分別解說之者出生無量諸
功德聚比前功德其福甚多何況聞
已勸人受持廣為四衆分別解說又不
空見我今說此功德寶聚不可窮盡
菩薩念佛三昧經諸菩薩本行品第六

尔時不空見菩薩善現菩薩善歡喜
菩薩无量示現菩薩無量力菩薩无
量幢菩薩無量明菩薩无量勝菩薩
无量智菩薩无量修王菩薩無量意

菩薩无量勝思菩薩無量定菩薩分別一切法意菩薩分別虛空意菩薩分別无著意菩薩無量寶意菩薩一切寂定自在菩薩善教詔意菩薩如是等比九万百千億那由他此諸菩薩而為上首即從坐起更正衣服右膝著地合掌恭敬白佛言世尊我等於此諸佛所說菩薩念佛甚深三昧憶念受持書寫讀誦廣分別說如說修行令心相續乃至菩提常當受持分別宣說所以者何我等皆於諸佛所說甚深經典種種相貌未曾滿足若有多人欣樂勤修則能增長建立安樂所以者何若能次第修行是法書寫讀誦亦教他人受持解說必能滿足無上菩提漸漸增進成就无餘尔時世尊知諸菩薩摩訶薩等心之所念以佛常法即現微笑於其面門放雜寶光所謂金銀琉璃車渠馬瑙珊瑚琥珀赤真珠寶種種无量微妙衆色其光普照無量世界明耀朗徹乃至梵世天上還下住佛頂上譬如淨喜天寶帝幢微妙脩直甚可愛樂

此刹三千大千世界皆患莊嚴猶若
瓔珞尔時大衆諸菩薩等覩斯神變
咸共驚歎善哉希有如來神通時有
菩薩摩訶薩名慙愧安定發衆意行
即整衣服右膝著地恭敬合掌瞻仰
世尊以天沆水細末妙香及天曼陀
奉散世尊即於佛前而說偈言

調御无與等 色身妙相嚴 猶如天花樹
香氣遍十方 具足善行意 修習无量智
調御大威尊 愍利諸惡趣 唯願无量智
為說微笑緣 寂勝无邊智 大威無等等
何故現微笑 願說其因緣 此三千大千
一切諸世界 嚴飾如花纓 淨若初利天
見者皆歡悅 何因現斯笑 盲瞶得明視
聾者獲聰聽 狂乱果正念 喑啞皆能言
以何因緣故 亦現斯微笑 象馬及衆鳥
皆發和雅音 一切諸樂器 不鼓而自聲
今以何因故 天尊忽微笑 上方諸天等
及下世間人 一切妙音樂 悉演殊美聲
何因亦斯笑 唯願為顯說 善哉其希有
人天皆相見 以何因緣故 亦現此微笑
調御兩足尊 矜愍衆生故 願聞尊笑意
令我得淨善

尔時世尊知慙愧安定發衆意行善
薩及餘大士請問意故佛即宣說如
恒沙等應正遍知之所說偈

告諸菩薩衆 汝等且應觀 彼六万八千
諸善男子等 往昔已墮落 今還修菩提
皆誓言我等 各住生死中 當來牟尼所
當受持此經 皆樂聞此典 寂勝不思議
諸佛所說法 心常無厭足 我今當告汝
此諸菩薩衆 非唯一佛所 發斯深敬心
憶念於往昔 三万六億等 百千那由生
為攝法利故 尔時於是處 初起一切行
又於彼前生 恒沙大智所 是處初起行
攝取寂勝法 明慧人求法 心常不滿足
恒捨身命財 以求菩提道 憶昔恒沙等
不可思議劫 時有正覺尊 无量寂勝光
是處初起行 為求法利故 又於寶勝炎
大明及電光 難思照一切 是等大仙所
三業持此法 為攝寂勝道 日光及月光
難思功德海 具足一切行 如是諸佛所
是處初發心 為求勝菩提 又於彼前生
值遇猛盛光 及與師子佛 於彼如来所
三業受斯法 求第一菩提 於彼過去世
諸佛恒相繼 師子幢如来 功德悉具足

是處又發心為求法利故復有他方佛
号曰勝帝幢調伏闍世間於彼諸佛所
為求勝法故攝取無上慧无量智生等
不思議諸佛法音聞高遠如是世尊所
三業受斯法求第一菩提昔於善眼佛
猶無邊火幢發此猛利心求无量菩提
又於光力王變化神刹土住是大仙所
以求勝菩提光炎生調御無量相德明
於彼初發心求此三昧寶炎光及大眾
明聚降忿佛如是世尊所求法施衆樂
一切才如來難思及日明無量力善逝
无邊定意佛於彼諸世尊發心施法樂
金花大聖尊善花香正覺阿蘭若行佛
無漏如來等如是諸佛所敬求寂勝道
此方及他刹過去無量智於彼兩足尊
受持此三昧身口意勤修求第一菩提
以此諸善業供養天中尊具足滿八万
常求无上道是諸菩薩等死此離惡道
一切共俱生恒奉人天尊永離邪惑法
不生卑賤家遠離惡知識親近於善友
攝取諸功德乃至於菩提當於未來世
值遇弥勒尊供養天中天攝取勝菩提
慈氏尊滅後師子佛調御於彼世尊所

為法淨三業 攝持諸勝行 以求正覺道
賢劫中千佛 无上兩足尊 當為此菩薩
宣說深妙法 是諸善逝子 必獲無尋色
過此賢劫已 无量光如來 月顯及賢觀
相繼出于世 賢觀佛滅度 其間甚久遠
多羅幢如來 紹繼廣開化 彼諸敏慧人
為法設妙供 多羅大聖尊 既入于涅槃
分別世如來 其後次成佛 為深三昧故
奉敬彼法王 分別佛滅後 示現尊出世
示現聖日沒 花上世所依 次第成正覺
當生一切見 花上既善逝 優鉢羅勝佛
出現調世間 當供兩足尊 優鉢羅滅度
拘修摩世依 其次成菩提 彼佛慧日沒
莊嚴大勢尊 於是出于世 莊嚴聖眼滅
次有衆智勝 於彼為法故 廣設无量供
衆智勝滅後 善現佛大智 當興于世間
善現泥日已 妙持世依師 次為調御尊
妙持如來後 善圓遠世尊 第一智當興
於彼求菩提 善圓遠佛滅 無量光正覺
大勝无邊明 現前寂法王 如是三調御
相繼出于世 現前慧日沒 寂熾念王興
為此法利故 供養難思議 知彼當來佛
一切世主上 受行此菩提 為求法壽命

以是諸善業 於此界命終 得供无量壽
大威降怨佛 既值人中尊 廣設無邊供
為得法義利 攝第一菩提 住彼諸世界
衆多世智所 為利益衆生 不求五欲樂
奉敬多億佛 當成无尋智 憐愍脫衆苦
安樂諸世間 獲寂勝菩提 彼刹廣難議
衆寶妙莊嚴 无邊淨妙樂 若億那由他
是諸菩薩等 讚人中法王 不思議佛智
我今告汝等 諸天及世人 若求學佛智
則與如來等 是人樂佛智 求習勝菩提
以求菩提故 應獲人尊法 諸天龍夜叉
迦留摩睺羅 及諸拘脍荼 常深護佛法
若人求菩提 護法應如子 若求佛菩提
則得大果力 端嚴甚殊妙 色像如真金
常為一切衆 普慧深遠義 具足不思議
一切諸功德 淨色百福嚴 世間寂上寶
人天無比尊 龍鬼莫能議 是人依菩提
得供寂勝仙 為利衆生故 開示深定法
菩薩念佛三昧經正念品第十五

尔時衆中思義菩薩捨非義菩薩心
勇健菩薩分別心菩薩無慳意菩薩
拔煩惱菩薩善思義菩薩衆智菩薩
无縛菩薩衆光菩薩智燈光菩薩造

智知識菩薩无等煩惱菩薩帝幢天子他化天子皆共恭敬而白世尊今言諸佛之所說者何故名為諸佛所說云何諸佛何者是佛當云何念名為念佛為起身念為起法念今時世尊告諸菩薩善哉善哉諸善男子汝等所問甚深難思皆是承佛威神力生此樂說无尋辯才諸佛所說名為佛說正念諸法真實之相是名念佛何謂正念莫著一切諸惡誹謗應修一切無譏謗法當離於我及以非我不見衆生壽命宰主育養士夫人及生者莫著作者使作之者陰界諸入想所緣處於一切法今世後世乃至三界無依无染我見諸行無取无捨禪定解脫及六神通如意根力菩提覺分毗舍羅等無量善法略說九万億那由他不可思議甚深三昧一切諸佛常所念法佛方便慧隨而書寫讀誦敷演方等經典說佛功德名佛所說今時世尊即說偈言

常能捨一切 有為虛危相 不得諸法性 則獲是三昧 莫著諸誹謗 及憶想分別

永離我我所如是得三昧不於諸陰法
見衆生壽命我人及起者士夫養育等
亦無分別想是名為說法於諸法不染
我性及我所見我非陰生則得此三昧
色受想行識一切空無相根本皆不淨
知此得三昧觀諸有為法從緣不自在
一切不真實虛誑不可取如彼從緣法
是則名眼入耳鼻等亦尔皆无有自性
若能諦分別得生此三昧是身虛无實
陰聚無一淨九孔流膿血誰當樂此處
意入念念滅虛妄常如幻若能深分別
則得是三昧一切諸入等皆空无有實
凡夫猶小兒癡惑計有身貪愛之所迷
不知是虛妄是身如空聚衆賊之所止
可患虛誑法智者常厭離如是深觀察
則得是三昧陰界入諸法皆空无一實
若人能分別得生此三昧如炎泡聚沫
幻化芭蕉等當觀身危脆不實倍於此
若此諸菩薩如是智不毀疾得一切佛
所說深三昧諸法不自生亦不從他有
畢竟无所住無漏法亦然若能如是觀
則生此三昧捨一切有為諸行變異相
此法如虛空生者不可得菩薩如是知

修學一切法 疾得勝菩提 轉無上法輪
是菩薩則能 建立於法幢 以不思議智
分別一切法 皆見是虛誑 畢竟不真實
我今雖為汝 宣示此三昧 如是儀式相
其義甚難知

尔時世尊說此法時有諸菩薩得无
生忍又復安住念佛三昧是諸菩薩
皆見東方如恒沙等諸佛世尊說此
三昧清淨平等无增無减无二無異
其餘諸方亦復如是皆有無量億那
由他如來世尊俱時皆演諸佛所說
念佛三昧時諸菩薩聞佛所說身心
歡喜快得安樂不勝踊躍即於佛前
重以偈頌說其相貌

歸命世光明 正覺牟尼尊 大法聖醫王
釋迦佛智海 人依師子王 普示諸色相
見彼東方刹 那由他諸佛 悲愍衆生故
說法如師子 調伏那由他 如是諸菩薩
安住童真地 得無生法忍 善順甚深性
於法无所壞 其餘九方等 相貌亦如是
悉見多億衆 那由他諸佛 譬如師子王
恐畏之所依 无漏寂無等 轉第一法輪
是處无去來 其相亦不住 一切法無實

性空無生滅 衆生及壽命 士夫亦如是
一切陰界入 无實如空捲 譬如諸野獸
畢竟無所依 諸法實无生 或有常不淨
穢心貪生死 如彼癡嬰兒 多億那由劫
恒苦而不厭 是以佛慈悲 為此說菩提
是故諸佛子 常捨身手足 頭目及髓腦
妻息妙珍寶 皆悉能棄捨 以此行菩提
既能施妻子 眷屬諸外財 又棄天世位
身肉及筋骨 能捨是難捨 疾得成正覺
施戒軍勝果 忍進禪慧等 行慈悲喜捨
以求無上智 菩薩應修是 為利衆生故
尔時世尊即以偈頌答諸菩薩
菩薩若多劫 修行是真如 不異不分別
以此說菩提 其性甚寂靜 難得難可見
當起无盡意 修習如是行 是菩薩則得
進智近菩提

尔時世尊為諸菩薩略說四法滿菩
提故而告之言諸善男子當學戒品
善自防慎守護觀察生智方便常勤
修習乃至菩提於諸衆生恒起慈心
為除我見及我所想求於寂勝無上
菩提乃至捨身及以命財應當守護
成就增長如是四法三昧根本

菩薩念佛三昧經大衆奉持品第六

尔時世尊知九万億那由他等諸大菩薩摩訶薩衆皆悉已集復有百千万億菩薩是等當於弥勒佛時悉得住於不退轉地是時東方九万九億百千那由他諸菩薩衆梵上菩薩而為上首南方復有九万九億諸菩薩衆持誠菩薩摩訶薩等而為上首西方復有九万九千諸菩薩衆大智菩薩摩訶薩等而為上首北方復有九万九千諸菩薩衆大光菩薩摩訶薩等而為上首復有住彼歡喜世界无量菩薩皆悉來集梵身天王大花梵王無量梵王皆悉來集復有无邊百千那由他釋提桓因衆念天主而為上首復有无量百千億万那由他等四大天王復有无量迦流夜叉持鬘夜叉常醉夜叉復有諸餘天龍夜叉乾闥婆王阿修羅王迦留羅王緊那羅王摩睺羅王羅刹夜叉拘槃荼鬼富那鬼及與迦吒富那鬼如是種種無數百千大力鬼神亦來在座尔時世尊應正遍知知諸大衆皆悉已集

將為此等略說斯經功德深重次第之法為欲調伏諸人天故復作師子嚙咬之聲即為時會說未曾有此經法者去來現在三世諸佛之所修行能滅一切諸大苦惱是故諸佛尊重是法已行當行今亦修行是故大士欲求我身應當尊重真實之法敬事法者當如敬佛所以者何法不異佛是人求法應到於此若天若龍人及非人能求法者疾捨諸苦行法除苦佛說軍勝是故菩薩為欲利益一切世間求菩提法是諸菩薩則為已施一切眾生菩提之樂疾得度於生死大海當我須臾說此三昧微妙經王教世間時一切山河及以大地皆悉俱時六種震動時諸眾生皆稱善哉所以者何當佛說此菩薩念佛大三昧王大乘方等微妙經典無邊功德大智海時億百千數那由他等無數世界佛之剎土皆悉六種十八相動及放淨光大明普照尔時虛空无量諸天擊大天鼓聲若雷震又奏和雅調暢之音復有八万億那由他地神

天女持衆寶座從地踊出至世尊前
至心恭敬而以奉獻復有主樂輿闍
婆王作億百千部由他等種種妙音
甚可愛樂復有諸龍及龍王子興大
密雲普覆世界雨天曼陀及衆妙花
周布大地高百由延時娑竭羅諸大
龍王於虛空中變成宮殿衆寶莊校
微妙殊特天栴檀末普散此刹三千
大千佛之世界復有色界諸梵天王
於如來上作寶花蓋遍覆三千大千
刹土是蓋處處垂諸寶鈴其鈴皆出
微妙之音譬如他化自在天樂尔時
此會一切衆生皆修慈悲喜捨之心
既聞法音不勝喜悅各各至心重歸
三寶時會闍法无邊衆生皆發無上
菩提之心復有無量諸衆生等悉深
發辟支佛心復有無數諸衆生等皆
發聲聞菩提之心復有无量諸刹利
王沙門婆羅門毗舍首陀長者居士
皆悉獲得須陀洹果斯陀含果阿那
含果復有無邊諸衆生等皆證无著
阿羅漢果尔時世尊說是經已一切
大衆皆大歡喜不空見等諸大菩薩

大聲聞衆及諸世間人天八部阿修羅等聞佛所說皆大欣樂頂戴奉行

菩薩念佛三昧經卷第五

庚子歲高麗國大藏都監奉

勅彫造

虛空孕菩薩經卷上

四

隋天竺三藏闍那崛多譯

如是我聞一時婆伽婆住住羅坵迦山古昔神仙所居之處與大一切比丘衆俱度量已過皆悉漏盡諸大沙門復有菩薩摩訶薩衆无量無邊阿僧祇恒河沙數諸大人俱乃至世尊授功德天記蒞訖已尔時世尊默然而住及諸大衆亦復如是尔時西方有一應珠是摩尼寶忽然出現復有百千帝釋天寶左右圍遶摩尼應珠時彼應珠寂在其前應珠現已彼山所有諸色光明皆悉不現并諸天人大神王等聲聞菩薩大地火風諸水色光莫不隱蔽唯除如来光明不滅尔時大會覩如来光无量無邊不可說不可說遍滿十方猶如虚空而世尊光威嚴殊特照耀顯赫寂妙寂勝時彼大會所有衆生集會之者各見自身所有光明并及諸大妙色隱蔽不現自己色相觸受等事亦復如是凡所觀處狀若虚空亦復隱蔽日月

星宿地水火風一切諸色種種光明
不與眼對耳不聞聲鼻不聞香舌不
得味心意識等亦不能緣亦無彼我
亦无六入一切諸大凡所求覓欲有
觀覩一切方處皆悉不見所覩諸方
唯見佛身光明相好顯現特尊遙見
彼珠元量無數釋提桓因著身妙珠
左右圍遶彼勝摩尼獨在於前

時大衆中唯諸菩薩住十地者或得
首楞嚴三昧者或復有得一生補處
彼等菩薩見斯瑞相不驚不怖不沒
不悔所以者何彼諸菩薩於一切法
皆達真理曉了實相勤入空門以是
義故不驚不怖亦不悔沒其餘菩薩
摩訶薩等及諸聲聞天龍夜叉阿修
羅迦樓羅緊那羅鳩槃荼及諸餓鬼
毗舍遮富單那迦吒富單那人非人
等集會之者皆悉驚怖恐懼滯沒於
此彼岸不能曉了以驚怖心各各相
求而不顯現心懷疑惑各作是念此
是何相此事何因此誰威力欲自決
疑而無問處尔時於彼海會之中有
一菩薩摩訶薩名曰梵極即從坐起

合掌向佛而說偈言

一切諸法相 真實无知者 若人住諸陰
六根皆閉塞 觀一陰不實 所謂色陰是
彼疑諸佛法 迷惑衆生等 善哉大世尊
願為說實法 如來此彼岸 教知空忍門
彼大精勤者 得定身難說 寂大摩尼寶
頂戴彼莊嚴 天帝著身珠 無量左右遶
彼等欲來故 先現是瑞相 彼等諸菩薩
悉得首楞嚴 如是諸智輩 欲見佛世尊
彼等來詣此 說深法無疑 願佛慰此衆
彼當哀矜汝 是等欲來故 先現是境界
於時佛世尊 告彼菩薩言 一如汝所說
此是三昧境 若人聞無住 彼人能住智
此是虛空孕 三昧威力境 得住无說處
三昧先相現 若人住二見 彼等常迷惑
染著斷及常 即失此彼岸 此等二見者
若欲速解脫 是等莫言說 速得證諸地
尔時世尊說此偈已 告彼菩薩作如
是言 仁者雖然 但初學人 諸菩薩等
應欲教者 應教彼等 言說之相 以方
便力 亦教攀緣 六波羅蜜 乃至諸大
本相 次第相生 應教令證 既證知已
然後能於一切諸法 无言無說 須知

本體生處應滅攀緣諸陰元體應證
應知不令彼墮斷常見中捨二邊已
即不驚怖不沒不悔於諸一切法中
不生攀緣之想於諸一切波羅蜜遠
得圓滿具足成就亦不住於斷常二見
尔時世尊說是法已時會大眾還得
相見如本無異如舊所見諸色光明
如前所聞還聞如故所證所觸亦復
如是

尔時世尊即舉右手唱如是言此是
虛空等菩薩摩訶薩來詣我所得諸
三昧如大海水於菩薩行成就具足
如須彌山於大智內猶若虛空勤行
精進猶如大風於諸忍中猶若金剛
於般若中猶如虛空於菩薩衆猶如
大幢向涅槃路如大商主於諸善根
猶如地藏為衆貧窮猶如德瓶為幽
衆生猶如日光為失路者猶如盛月
為驚怖衆如須彌山為諸煩惱病苦
衆生如甘露藥為斷善根諸衆生等
猶如拄杖於生天路及涅槃道猶如
橋梁於度彼岸猶如大船於上生天
猶如閻道若有被人誹謗惱者為作

傘蓋於諸外道猶如師子於諸惱熱
猶如冷水於魔怨敵猶如鎧鉀於學
錯悞猶如智師於諸善根猶如大地
於愛驕者猶如香花於諸持戒及知
足者猶如明鏡於諸無慙无愧人所
猶如刀劍於諸病患衆生之內猶如
良醫於飢衆生如功德天於渴衆生
猶如月珠於疲乏衆猶如牀鋪於諸
勤求三昧人所猶如日珠於向善提
道心衆生猶如車乘於諸愛樂禪定
衆生如清涼池於樂菩提助道衆生
猶如花鬘

彼善男子又於行諸波羅蜜者猶如
大果彼善男子於修諸地如彼應現
摩尼之寶若人修習首楞嚴三昧者
如波利質多羅樹

彼善男子猶如利劍割截一切諸見
結故彼善男子猶如金剛破壞一切
習氣煩惱故能降伏一切魔衆於方
便衆生如解地蔵者彼善男子顯現
勝智善巧方便彼善男子於一切法
真實體中能作住持又於一切辟支
佛所為作花鬘又於一切聲聞衆所

猶如衣覆於一切天猶如淨眼於諸
人中猶如直路於諸畜生能作歸依
憐愍餓鬼拔地獄苦又於一切諸衆
生所為大寶器是大福田於諸菩薩
猶如大車彼善男子猶如大臣於三
世中諸佛如來怛他阿伽度阿羅呵
三藐三佛陀常能守護諸法城門
彼善男子以十八不共法而莊嚴身
具足一切諸佛智慧堪受一切衆生
供養種種供具而供養之唯除如來
汝等此會應須迎逆持諸供具隨力
隨分而供給之尊重讚歎以種種寶
及諸幡蓋香花寶幢諸花鬘等末香
塗香花鬘莊嚴種種瓔珞以諸寶器
安置香湯淨灑道路種種瓔珞莊嚴
道側種種讚歎而歌詠之何以故汝
等一切不久當得如是種種功德之器
今時一切集會大衆皆從坐起面向
西方於虛空孕菩薩摩訶薩所來之
處低頭合掌遙禮致敬心生歡喜踊
躍無量熾怡含笑正立而住

彼大衆中寂勝菩薩摩訶薩及大沙
門天王龍王夜叉王阿修羅王伽樓

羅王緊鄰羅王摩睺羅伽王五通諸
仙各各思惟我等今者作何供具最
勝最勝莊嚴供具供養恭給彼善男子
尔時虚空孕菩薩摩訶薩現神通力
變此三千大千世界平正如掌七寶
合成除滅一切山川沙鹵高峰石崖
丘陵坑坎土塊礪石臭處糞穢荆棘
沙礫无復遺餘除諸雲霧塵烟等穢
及諸惡聲種種音樂於此大千種種
諸樹變為七寶其諸寶樹枝葉花果
出微妙香於地所生種種藥草若小
若大若有枝葉若无枝葉皆成七寶
於此娑婆大千世界諸病患者莫不
除愈一切地獄餓鬼畜生皆悉除滅
一切諸苦彼等衆生飢者得食渴者
得飲裸者得衣復得種種微妙瓔珞
於是娑婆世界之内所有衆生隨心
所樂莫不滿足身色端正世間無比
最勝殊特六根具足支節洪滿離諸
煩惱心得寂定樂行善行於佛法僧
心得淨信如是此會所集種種一切
大衆左右二手皆持應珠於應珠中
復出種種微妙光明照此三千大千

世界悉皆遍滿无不明耀而彼應珠
復出種種微妙音聲雨種種寶種種
幡蓋種種瓔珞種種花香雨種種鬘
種種寶器種種甘果復雨種種無價
衣服種種金縷復雨種種真珠羅網
復雨種種優鉢羅花分陀利花波頭
摩花拘物頭花沉水等香復雨種種
諸末香等所謂牛頭栴檀及赤栴檀
白栴檀等於彼菩薩所來之路自然
灑掃於道二邊變成七寶莊嚴廊廡
猶如天帝難勝法堂於其廊內自然
化成種種玉女狀如欲界魔王妻妾
皆作五種微妙音聲自相娛樂或歌
或舞化作如是寶步廊已於佛頂上
虛空之中化成一蓋如梵天王所受
用者縱廣正等滿百由旬寶綖為總
真珠垂露四散垂下諸餘瓔珞處處
莊嚴其瓔珞中出五音聲一切大地
所生草木若大若小若長若短若好
若惡皆悉出於五種天樂一切衆生
莫不聞者聞彼聲已無有不得不退
轉地畢竟得至阿耨多羅三藐三菩提
今時彼會一切大衆見虛空孕菩薩

現大神力如是莊嚴心生歡喜踊躍
無量生殊特想復作是念我等今者
於世尊前云何當為彼善男子敷設
別座

尔時佛前自然即有一蓮華座白銀
為莖紫金為葉馬瑙為臺梵摩尼寶
以為花葉縱廣正等一俱盧舍其葉
无量百千等數其花周匝自然踊出
無量无边百千花座一如前花等無
有異又復於彼大蓮華上見虛空孕
菩薩摩訶薩結加趺坐自然顯現首
戴應珠於彼圓遶蓮華之上復有无
量無邊眷屬諸菩薩等結加趺坐自
然顯現

尔時弥勒菩薩摩訶薩即以偈告藥
王菩薩摩訶薩言

先来大菩薩 有大名聞者 頂礼世尊足
退坐蓮花上 此勝人來已 顯現大莊嚴
不礼世尊足 逕坐蓮花座

尔時藥王菩薩摩訶薩還以偈頌報
弥勒菩薩摩訶薩言

此是仁者見 諸佛真如法 不見有衆生
不染於分別

今時弥勒菩薩摩訶薩復以偈頌報
樂三菩薩摩訶薩言

若不見衆生 是住於實際 何故現在嚴
六度我心疑

今時樂三菩薩摩訶薩復以偈頌報
弥勒菩薩摩訶薩言

此是智者諸方便 為化一切諸衆生
所有不解真如者 愚癡執著住分別
是智出現為世諦 衆苦逼惱不會真
欲為令彼等解脫 故現如是莊嚴事

今時世尊讚歎樂三菩薩摩訶薩言
善哉仁者如是如是如汝所說假使
一切凡夫衆生彼等衆生終不能知
須陀洹人境界方便解脫之事假使
一切諸衆生等悉得成於須陀洹果
彼等衆生亦不能知一斯陀含境界
方便解脫等事乃至斯陀含人亦不
能得知阿那含境界方便其阿那含
亦不能得知阿羅漢境界方便其阿
羅漢亦不能知一辟支佛方便解脫
假使一切諸衆生等悉得獨覺辟支
佛道猶如犀牛獨一無侶彼等緣覺
不能得知无生法忍境界方便解脫

之事而化衆生假使一切諸衆生等
得無生忍亦不能得知一辯才首楞
嚴三昧菩薩摩訶薩方便信行契會
真如觀察建立本不能知從何處生
從何處滅是善男子虛空孕菩薩得
無生法忍已過無量无边數劫亦復
已得无尋辯才首楞嚴三昧知諸衆
生心心所趣以是菩薩故令無量无
邊衆生見大莊嚴顯現神力得住厭
地如此善男子從此處沒隱身不現
於西方出知於此刹三乘雜教以是
義故故現無邊虛空三昧神通勝智
現三昧已令諸衆生生厭離想然後
現於世諦現入莊嚴三昧現入三昧
已因此三昧教化无量無邊衆生善
男子此善男子若徃亦現真如境界
無生法忍莊嚴事者即時世間一切
天人心生擾亂即便迷惑乃至八地
菩薩猶尚迷沒況餘人也

善男子此大菩薩无人能知心行境
界顯現之相此善男子得入如是甚
深微妙功德之法故有如是无量無
邊巧方便智已入一切諸佛法海无

有疑心不由他悟自知方便堪為一切大衆生等而作大王

善男子此善男子虛空孕菩薩猶如寶幢能為一切衆生亦現天道解脫之路能除衆生心煩惱病能滅其身諸大苦毒

善男子若有衆生墮在邪見曠野之中厄難迷惑不解方便欲求生天欲求涅槃彼等衆生若能至心燒沉水香頂礼致敬彼虛空孕菩薩摩訶薩足者此善男子知彼衆生心心所行真實敬信而彼衆生起煩惱見迷惑顛倒如其往昔所作心業種種善根隨其所能於諸佛邊種種善根或於法邊或於僧邊或作施業或持戒業或復欲於內心證法此善男子或於夢中或於白日在於現前以善方便亦現至真之道作是方便已令諸衆生解諸邪見發生善願斷諸邪路滅諸邪道歸於正見如實得彼真正三行即得真正深心所願或復得於真善知識因善知識悉得斷除晷處煩惱邪見之病復得速解惡道之願即

得善行勝願因緣彼等速得心行自在亦得安住十深忍中若有衆生自於身起種種諸病逼切之者或有衆生忘失本心或復失眠或復失舌於六根內不具足者或於身分小不遂者彼等衆生若能至心頂礼虛空孕菩薩或復稱名皆得如意若有衆生欲治患者於晨朝時香湯澡浴當淨身口面正向東燒沉水香頂礼虛空孕菩薩摩訶薩大德之足而被善男子於睡眠夢中或作婆羅門身或作天帝釋身或作功德天身或作大辯天身或作剌利身或作大目身或作斷事官身或作醫師身或作父母身或作童子身或作童女身在病者前忽然來現以是方便而令彼病速得除愈或復亦作良藥方便令彼病者一切諸患悉得除若若有衆生或求資財或求多聞讀誦經論若好寂靜深思禪定或求多智或求名聞或求伎藝或求苦行或求官位或求身色或求財寶或求善根或求音聲或求饒子或求妻妾或求眷屬或求多衆

或求行施或求持戒或求忍辱或求精進或求禪定或求般若或求好聲言語清辯或求事他稱彼心意或求解脫一切衆罪或求勸人令行布施乃至行智或求長命或有衆生乏少資財恒作慳貪欲令彼等除捨慳貪行於布施或破戒者欲令持戒若懈怠者欲令精進乃至无智慧者令學智慧若有衆生未得定乘教行小乘自度身者教緣覺乘而此善男子於彼衆生亦現方便令解上業若有衆生無有慈心唯護自身不救他苦或有衆生作如是念我今當作何等方便若有衆生欲發道心為他障導彼等衆生欲迴彼心欲作如是方便亦現教彼衆生住四梵行乃至教行大慈大悲彼等衆生應當頂礼虚空孕菩薩或住阿練若處若在空閑燒沉水香或燒多伽羅香或燒栴檀香香湯澡浴身口清淨胡跪合掌五體投地頂礼十方一切諸佛而誦此呪多地他一阿蜜利舍二阿蜜利舍三迦嚩尼迦四這囉這囉五毗這囉六羶這

囉七迦嚩尼迦八何囉沒囉九何邏末

囉十毗伽陀唎十一摩摩佉十二捕闍末

都迦嚩尼迦十三真多末膩十四逋囉

夜迦嚩迦十五薩婆貫迷薩他鉢夜十六

阿闍若陀履十七薩破鉢十八薩破鉢十九

喉嚩帝毗伽鉢二十地唎煞吒毗比伽

鉢二十一迦嚩尼迦晡唎夜妬摩摩二十一

薩迦賜夜二十二阿貫夜二十三薩婆鉢達

舍二十四阿舒迦帝二十五莎呵二十六

誦此呪時彼善男子即來現前或作

人形或作野獸形或作鳥形或雖復

來隱身不現觀彼衆生福業深淺隨

所受身或出音聲亦現一衆善巧方

便令彼衆生從一方便能化無量百

千衆生未住定乘令住定乘或住聲

聞或住緣覺彼諸衆生於一時頃發

智方便用少功業令入大衆不退轉

地乃至教示種種三昧諸陀羅尼忍

辱度等乃至令住第十菩薩行地之中

善男子此虛空孕菩薩得如是等善

巧方便大慈悲智

善男子我今為汝要略說之假使有

六度量虛空能盡邊際而此善男子

方便大智大慈大悲總持三昧難可
度量此大菩薩得如是等不可思議
功德之法

善男子此虛空孕菩薩見有衆生捨
離諂曲遠離邪心發淳厚意成就正
見不毀於他不讚自己捨離慳妬无
有諂曲不求名聞信心淨者是善男
子憐愍彼等清淨衆生示現方便智
慧精進如是方便如是智慧如是精
進得度厄難發菩提心當得阿耨多
羅三藐三菩提教彼衆生所有善根
迴向菩提當得正道不退轉地速至
阿耨多羅三藐三菩提教作如是方
便之利智慧精進圓滿成就六波羅
蜜發大力心當速成就阿耨多羅三
藐三菩提

善男子此虛空孕菩薩得如是等不
可思議殊特方便善巧勝智教化衆生
尔時弥勒菩薩摩訶薩白佛言世尊
此善男子以何義故首戴應珠如是
光焰如是威力善能示現諸餘菩薩
無有是事

佛告弥勒菩薩摩訶薩言善男子此

善男子虛空菩薩摩訶薩為諸衆
生成就大慈常化衆生而无休息見
諸衆生在大厄難欲拔苦故常不休
息若有衆生犯四重禁將墮惡道捨
諸善根散滅衆善而此善男子為彼
衆生作大醫師見彼衆生墮於無明
入邪見網在危厄獄此善男子為彼
衆生猶如日光明彼罪滅四重業
為彼衆生拔心疑刺若有衆生破壞
心器而此善男子見彼衆生破滅法
行為煩惱陵失於正法欲入惡道無
有歸依无有救護棄捨諸智此善男
子為彼等輩罪惡衆生猶如拄杖亦
現正道於諸罪垢煩惱穢惡洗令香
淨教背惡道猶如大車將入天廈速
得涅槃若有衆生以欲逼心迷惑熱
惱若有衆生瞋恚熾盛共相鬪諍憍
慢嫉妬心無暫息煩惱所乱失於本
心若有衆生无明闇障無出離心不
識有因不畏來世或有衆生廣集財
寶心無厭足或有衆生具行十惡曾
无休息此善男子為彼等故閉惡道
門開天人路猶如妙車運令上生安

置涅槃解脫正道以是義故此善男子於諸天人應受供養唯除如來阿羅呵三藐三佛陀

今時弥勒菩薩摩訶薩白佛言世尊佛於前說有四重者何等為四而諸衆生犯四重已退失諸善斷滅善根墮於惡道違本誓願煩惱所押為諸天人之所憎惡而此善男子見如是等諸惡衆生拔彼苦惱置安樂處令得充足

今時佛告弥勒菩薩善男子凡刹利王有五重惡若彼國王犯五惡者失於往昔所造善根忘本誓願被煩惱蓋遠離天人一切樂事墮於惡道无有出時善男子若有刹利灌頂王者强奪佛物或奪僧物招提僧物或奪信心所施之物或自身奪或教人奪是名第一極惡重罪

若有刹利灌頂之王誹謗正法或聲聞乘或緣覺乘或復大乘誹謗不信不令他行教令隱藏是名第二極惡重罪

若有刹利灌頂之王為我出家諸弟

子等剝除鬚髮著袈裟者若持戒者若無持戒身脫袈裟令彼還俗科彼與罪若打若縛若復罵辱流徙諸方或遣輸物或令入獄或斷命根是名第三極惡重罪

若有剎利灌頂之王故斷父命故斷母命或復斷我弟子阿羅漢命破和合僧出佛身血此等五逆若犯一種或始發心是名第四極惡重罪

若有剎利灌頂之王不說有因棄於來世行十惡業十惡業中多教衆生行十不善建立十惡是名第五極惡重罪

善男子若有剎利灌頂之王此等五惡但犯一者彼剎利王失於往昔所作善根悉令散滅違本誓願被煩惱蓋失天人樂後墮惡道於元量劫無有出期

善男子此虛空孕菩薩摩訶薩為彼衆生故生邊地顯示其身或作沙門婆羅門等威儀庠序觀彼衆生隨何身化方便示現如是身相在在處處於國王前如是說法昔未聞者如來

所說一切智法甚深經典持戒忍辱
諍地行相為說亦現知彼剎利灌頂
之王昔造諸罪作不善行自悔自慙
欲得謝過更不敢造捨離惡事有悔
過者後作福德行大布施建立善業
往生上界即得解脫

善男子一切大臣有五重罪若有大
目奪取佛物或奪僧物招提僧物是
名第一重罪若有大臣破國村邑或
破聚落或破城隍或破他國是名第
二重罪

若有大臣誹謗正法或聲聞乘或緣
覺乘或一切智乘若自誹謗若教他
謗不令修行隱沒不顯是名第三重罪
若有大臣於佛世尊出家弟子故生
擾亂而恐怖之若有持戒若不持戒
若有精進若不精進脫彼袈裟逼令
還俗或與身罪或打或縛禁繫罵辱
呵叱恐怖或令輸物或令入獄或斷
命根如是名為第四重罪

若有大目造作五逆或一或二或三
或四或具五種造罪惡業如是名為
第五重罪

善男子若有大臣此五重中若犯一者彼等大臣失於往業所作善根皆悉滅盡違本誓願失天人樂墮於惡道受大極苦

善男子此虛空孕菩薩摩訶薩為彼衆生生於邊地故住邊地亦現身相作沙門身威儀庠序為彼說法或復現於婆羅門身容儀齊肅或作童子而為說法在在處處亦現生相知彼等輦隨有善根而為說法未曾有者諸佛所說深妙經典諸陀羅尼忍辱悔過發露心生慙愧懺彼惡業捨離衆罪教修布施精進持戒建立善業往生上方得涅槃道

善男子聲聞之人有五種事犯大重罪何等為五一者煞生二者行姪三者劫盜四者妄語五者破壞形像出佛身血是名三種犯大重罪若我聲聞諸弟子等於五事中但犯一者乃至如上所說之事是虛空孕菩薩摩訶薩為彼等故往彼處亦現身相或作沙門及婆羅門以彼威儀現彼

身相為說種種微妙法義一切智人所說甚深種種法門修多羅等諸陀羅尼一切諸地顯揚宣說令彼等聞悔昔所造種種諸惡憶念不忘深生慙愧懺悔彼罪更不敢作懺悔罪已修行布施備行苦行精勤勇猛命終上生後得涅槃即便發心入於大乘行菩薩行

善男子大乘之人有八種事犯於大罪造八重已令彼初行諸菩薩等失彼往昔所種善根皆悉滅失違本誓願為煩惱蓋使諸天人之所輕忽違背大乘即墮惡道於多時間在煩惱處離善知識

善男子何等為八若有衆生以於往昔造惡因緣生不淨刹彼等衆生以不多種善根因緣故因善知識乃能得聞甚深大乘微妙經典彼衆生等心意狹劣亦復不能多種善根是初行菩薩雖復發於阿耨多羅三藐三菩提心聞是甚深空相經典為他解說讀誦如其所聞如其所誦為種種愚癡呞羊衆生如是之輩宣揚敷演

於彼前說一切智法教令讀誦而彼
凡夫無有功勞以凡夫心不能得解
甚深法意聞是法已生恐怖心心生
悔沒即便背於阿耨多羅三藐三菩
提於聲聞行中發心修學

虛空孕菩薩經卷上

己亥歲高麗國大藏都監奉

勅彫造

虛空及菩薩經卷下

隋天竺三藏闍那崛多譯

善男子是名菩薩。初犯於第一大罪是善男子犯是罪已失於一切往昔所造諸善根等。違本誓願被煩惱降不得上生亦復不能得涅槃樂。徒目虛行於菩薩行。忘菩提心後墮惡道。善男子是故菩薩欲化衆生先須知心應知其行如其彼行次為說法。譬如有人欲入大海應先知彼水之深淺然後當入。乃至略說此虛空孕菩薩摩訶薩為於彼等諸衆生。輩現生彼國亦現身相善能知彼若干衆生犯於重罪畏墮惡道。

若復有人怖畏罪故或聞他說稱彼虛空孕菩薩名者或復欲樂見彼菩薩而彼菩薩為欲懺悔深重罪故於後夜時香湯澡浴著淨衣裳燒沉水香多伽羅香右膝著地合掌向東當至心稱彼虛空孕菩薩名号。

時虛空孕菩薩知彼初發菩提道心人行罪福輕重隨其根性而為現身。

或復作於婆羅門身乃至童男童女之身在現前住現前住已為欲憐愍初發心故觀彼菩薩本起重業罪過因緣教令懺悔為彼示現甚深善巧微妙方便說於軍上大乘法要教令建立三昧忍門諸陀羅尼說地等法令其解脫一切惡道重罪因緣住不轉地向於阿耨多羅三藐三菩提又得大力猶如金剛成牢固心於六波羅蜜中又得成就阿耨多羅三藐三菩提是虛空孕菩薩或衆生前示現已身現自身已而為說法若虛空孕菩薩未為現於身時時彼初行菩薩大士更於後夜香湯澡浴著淨衣裳燒沉水香求彼東方黃白大士名阿樓那而口唱言仁阿樓那汝大慈悲欲出現照此闇浮提憐愍我故起慈悲心覆護於我為我諮白虛空孕菩薩令虛空孕菩薩示我方便我今欲懺所有重罪令我於聖大乘之中得大智眼作是勸請禮拜已訖還歸本處安隱睡眠

尔時東方黃白大士阿樓那出時虎

空孕菩薩即來現身於睡眠夢中在彼犯重菩薩之前亦現已身教彼重罪初行菩薩大智方便悔所犯罪或復亦現大方便智令彼初發道心菩薩得彼三昧名無忘失菩提之心安止住於大乘法中速滿成就六波羅蜜復次善男子或有初行菩薩見行菩薩行者至其所而告彼言汝不能行菩薩六波羅蜜亦不能成就阿耨多羅三藐三菩提汝當發聲聞辟支佛心汝於煩惱即得解脫乃至如前說善男子是名第二菩薩犯於重罪復次善男子或有初行菩薩見他衆生作如是言人者勿行波羅提木又毗尼戒律於是法中勿為精進汝速發阿耨多羅三藐三菩提心汝速讀誦大乘經典汝所作三種諸煩惱行謂身口意因此惡業諸煩惱故即得清淨乃至如前所說善男子是名初行菩薩第三犯於重罪

復次善男子或有菩薩見於他人作如是說汝諸人輩捨聲聞乘莫聽讀誦真為他說覆藏勿亦汝等善男子

莫亦聲聞乘汝若行此聲聞乘者不得大果不能斷除諸煩惱結汝但說清淨大乘經典聽誦受持為他顯說以此因緣汝得度脫一切惡道得滅一切諸惡等業當速成就阿耨多羅三藐三菩提彼人若聞初行菩薩如是言者隨順此行彼等二人皆犯重罪善男子是名第四犯於重罪

復次善男子初行菩薩常行兩舌以心口相違凡所讀誦大乘經典求名聞故為利養故為得尊重求供養故作如是心讀誦經典為他解說受持宣通若為他說方便隨宜於他邊聞復向他說我今身是大乘之人自餘非也發如是等嫉妬之心以利養故或見其餘大乘行者從他人邊所得財寶四事供養以是因緣彼等即便生瞋恨心為彼菩薩處處流布鄙惡名聞毀辱罵詈誹謗輕賤稱譽自己以如是等嫉妬心故向於他人說上人法我得上人如是上法我得我知以是因緣是人違於本誓願故被煩惱降背大乘法彼等衆生於大乘中

犯大重罪乃至捨身墮於惡道譬如
有人欲採珍寶詣寶洲邊而不入海
雖復入海在於中路自破船舶而彼
癡人於海水內便取命終善男子如
是如是其初行菩薩等發心欲入大
乘之海而彼癡人因嫉妬故毀謗妄
語以是因緣彼等癡人破信行船破
信行已滅智命根善男子其初行菩
薩如是愚癡无智少聞以嫉妬因緣
妄語毀他遂犯大罪善男子是名初
發心菩薩第五犯大重罪

復次善男子有當來世初行菩薩或
復俗人出家人等所有甚深空相法
門微妙經典以諸陀羅尼諸地諸忍
以種種行等而在嚴之為諸大智諸
菩薩等作於勤求苦行境界於大乘
經或讀或誦或解說宣揚為他敷演
分別廣宣而語他言我自然解如是
經典自然證知自然明了唯我一人
為汝等故慈悲演說汝從我聞已如
是思惟如是讀誦如是甚深法中自
然曉了汝以是因緣當得知見如我
今者而不肯言我讀我誦如是甚深

微妙經典為汝說也如是之人從其
四輩求利養故自賣其身以是因緣
一切三世多陀阿伽度阿羅訶三藐
三佛陀及大菩薩摩訶薩一切諸聖
富伽羅所彼諸癡人得波羅夷罪犯
彼大重虛妄誑惑一切天人如是癡
人亦復無有大乘之分況入大乘耶
況得勝處況復當得成就阿耨多羅
三藐三菩提耶譬如有人欲行遠路
至於曠野以飢渴所逼忽值果林便
入彼處求食因緣欲活命故而彼之
人忽遇大樹花果充足香美成就遇
已得味得是味已更上毒樹而服毒
果服已命終善男子如是如是愚癡
人輩今已獲得人身值善知識依倚
知識入於大乘彼等衆生求利養故
好自稱譽毀謗他人得如是等犯大
重罪犯重罪已為諸智人之所輕慢
當墮惡道以是因緣一切刹利婆羅
門毗舍首陀不得親近若有諸人親
近彼者如是人輩即違一切大智聖
人成大過罪善男子是名初行菩薩
犯於第六大重罪耶

復次善男子當來之世或有刹利諸國王等為諸惡行婆羅門國師惡行大臣惡行醫師等實是愚癡謂已大智有大才能多受封祿而彼人等修諸施行造眾福業彼諸人輩因少布施修行義故憍慢放逸謂已有道勸刹利王共我弟子諸沙門等互相諍竟更相破壞或勸沙門共刹利王更相鬪諍彼惡人輩依刹利王與比丘罪或稅財物彼諸比丘以刹利王諸大臣等逼迫因緣故或輸已物或輸僧物或輸招提僧物以是諸物輸稅供官與彼惡人而彼惡人從諸比丘取是諸物奉刹利王彼等二人悉皆犯於大重罪耶彼諸刹利及惡人等共諸比丘互相鬪諍以是因緣捨彼正法建立非法取彼非法遠離正法捨依大乘所說經典毗尼戒律憂波提舍摩訶憂波提舍遠離慈悲般若波羅蜜善巧方便及餘經典戒律之行如來所說莫不棄捨為欲擾亂諸比丘故虛心橫造違佛戒律自造法製造法制已擾亂比丘今諸比丘皆

悉遠離奢摩他觀正行正念乃至使
於禪定之者皆生忿恚擾亂之心常
恒鬭諍以是因緣令諸比丘生諸煩
惱不得寂定

尔時彼等諸比丘輩失正信法失善
比丘威儀法式令墮諸見以是因緣
令諸比丘皆恚懈怠多事世念不能
持戒破戒捨戒不復能依沙門法則
口言我是沙門比丘雖復唱言我是
梵行舉動聲氣猶如貝聲不依正法
而說於法如是之等諸比丘輩及諸
眷屬於刹利王所并諸臣民以輸物
故增倍供養如是等輩諸惡比丘於
俗人前說諸有德阿蘭若等空閑比
丘不善之事令彼刹利諸惡臣等并
諸眷屬遂於精進持戒比丘生不善
心誹謗之心於精進比丘所有資財
皆悉奪取奪已轉施誦經比丘彼等
二人悉犯重罪何以故其禪定比丘
真實福田如是觀已應令修業不令
彼等知彼僧務而禪定比丘當得三
昧諸陀羅尼諸忍地等當作法器真
是福田真實福器為世間眼為彼世

間作大光明顯示善路為建業地於煩惱田教彼衆生皆令得度度已建立涅槃之道善男子是名初行菩薩有八種重罪而不用切捨離二處彼初行菩薩犯大重罪因緣力故所有往昔作諸善根皆悉忘失忘已後墮於惡道違於本誓被煩惱降失天人樂虛妄迷惑失菩提心善男子為如是等諸善男子故此虛空孕菩薩生彼國中為彼衆生示現身相或作比丘身威儀庠序或作婆羅門身顯現威儀具足成就乃至應以畜生而得化者即現畜生威儀之相略說乃至如首楞嚴三昧所說當知是處亦復如是巧知根機種種心器隨應現身於彼衆生隨順說法教彼種種未曾有法於一切智之所宣說微妙經典諸陀羅尼諸忍地等普為顯現令彼諸惡犯重罪者初行菩薩教生慙愧令其怖懼悔沒之心懺彼重罪遠離棄捨永不敢作

善男子彼等衆生以犯重罪恐怖因緣聞是虛空孕菩薩名号欲自見身

者畏墮惡道悔彼罪故是諸衆生應當頂礼虚空孕菩薩摩訶薩足復應至心稱其名号時彼虚空孕菩薩摩訶薩隨其根業以菩薩身相即在現前應以比丘身得度者即現比丘身相應以婆羅門身度者即現婆羅門身相應以童男童女身度者即現童男童女身相觀彼初行菩薩如所犯重即現如是如是方便教令懺悔於甚深法無上乘中顯示善巧方便之行若正地若非正地若諸三昧若諸陀羅尼若諸忍中示現教行乃至次第教令建立八正道處以虚空孕菩薩力故彼等衆生得脫一切諸惡道苦脫惡道已建立置於不退轉地後得建立必得阿耨多羅三藐三菩提善男子如是如是彼菩薩等於六波羅蜜行中大力精勤猶如電光速得成就阿耨多羅三藐三菩提道善男子若虚空孕菩薩摩訶薩於犯重罪菩薩前不現身相者其犯重罪初行菩薩知自罪失故欲請虚空孕菩薩於後夜時以香湯洗浴著淨衣

裳胡跪合掌向於東面燒沉香至
心勸請東方黃白阿樓那天子應作
是言阿樓那阿樓那汝有大慈悲有
大功德汝初出東方普照閻浮提以
慈悲故願覆護我為我速疾勸請虛
空孕菩薩具大悲者令彼菩薩特為
我故於睡眠中顯示巧便以巧方便
故教我懺悔所犯重罪於大聖大乘
中速得智眼作是語已彼重罪初行
菩薩還入室中寢卧睡息

今時東方黃白阿樓那閻浮提顯現
之時彼虛空孕菩薩即隨後來作菩
薩身在彼初行菩薩目前於睡夢中
現巧方便教犯罪者懺悔惡業於初
行菩薩前作如是等方便知見作是
方便已其初行菩薩即時得一三昧
名不忘失菩提於大乘中得決定住
不可退動速得成就六波羅蜜不久
當證阿耨多羅三藐三菩提
善男子此虛空孕菩薩最勤勞辦
最勝事成就勝妙如意摩尼微妙寶
珠貫在其頂奇特顯現善男子此虛
空孕菩薩有如是等无量無邊不可

思議功德之聚

復次善男子若有衆生聞是虛空孕菩薩名者或作形像以種種供具供是菩薩尊重恭敬禮拜讚歎以種種香花花鬘塗香末香燒香以種種幡蓋寶幢供養於彼供養是已復更供養尊重恭敬將自身命付彼菩薩彼等衆生以是菩薩威神力故火不能燒水不能溺杖不能傷一切國土所不能害於一切處人與非人畢竟不能奪其精氣唯除命盡設有重病不得久停不為飢逼而取命終不為縣官橫所觸燒不犯重罪乃至命盡之時眼不覩色耳不聞聲鼻不聞香舌不得味身不得觸唯有微細氣息身中暖氣及微細識猶在未離當是時聞虛空孕菩薩為彼衆生示現已身若有衆生在世之時信婆羅門者是善男子於家後識欲離身時作婆羅門身於前顯現今生歡欣若有衆生先事魔王者後命盡時是虛空孕菩薩現魔王身乃至在世事部羅延天者若大自在天若帝釋天若轉輪聖

王若日月天若提頭賴吒天若毗樓勒叉天毗樓博叉天若毗沙門天乃至世間種種山神樹神河神泉井之神如是衆生隨其所有歸依之者是虛空孕菩薩還作如是如是身相臨命終時在彼衆前顯現身相隨彼衆生所有心願皆現與之於前現身現彼身已作如是言

若人以智慧 能見凶諦者 是人煩惱中 即能度彼岸

彼諸衆生以意識知見此法已得生善處若有衆生應以佛身化者即現佛身在衆生前說如是言

若於佛智底 能度煩惱海 即速證智慧 諸苦得解脫

今時彼諸衆生以念佛故以聞佛音故心生歡欣命終已後捨五濁世即生淨土值遇諸佛聽受正法乃至略說法僧亦令善男子此虛空孕菩薩得如是等不可思議功德之法善男子若復有人於自心中欲取種種三昧得大自在在彼等衆生於後夜時應從卧起以香湯澡浴燒沉水香隨力

隨分以種種供具供養虛空孕菩薩
頂禮足下供養禮拜已於一切衆生
邊當生慈心作如是言虛空孕菩薩
得大慈悲門已得智慧速念我速念
我願常與我正念三昧方便即誦呪曰
多地他^一噓慕^二囉^三那^四棄^五博叉尼^六隸^七
薩慕達囉多隸^五多那耶那耶^六摩
訶迦流尼迦^七阿奴波闍婆三勿利帝^九拔折囉闍婆
阿伽羅闍婆三勿利帝^九拔折囉闍婆
三勿利帝^十胡盧舍三勿利帝^{十一}阿那
摩三勿利帝^{十二}捕多俱致三勿利帝^{十三}
莎呵^{十四}

誦此呪已彼菩薩威神力故即得正
念入諸三昧門若復有人欲誦種種
經論或諸佛所說或聲聞所說彼人
於後夜時於東方處黃白現時以香
湯澡浴著淨衣裳東面胡跪燒沉水
香隨力所辦供養頂禮虛空孕菩薩
於一切衆生所生慈悲心作如是言
虛空孕菩薩善男子已得一切衆生
邊不思議慈悲之心以大智慧念我
念我汝是菩薩取勝富伽羅與我正
念諸勝三昧方便巧妙深大智慧即

誦呪曰

多地他尸羅沙鞞

紺捕沙沙鞞^三耶

婆那沙鞞

博察薩迷

婆叱羅闍

馱

薩他那蘇盧鞞

尸摩尸摩

摩呵迦流尼迦^九沙呵^十

善男子乃至若有衆生欲入大海採諸珍寶或復心欲入於地下阿修羅宮或復欲得服定年藥或復被禁牢獄繫閉或恩愛別離或有怨憎交會而不能離若在火難若在水難若刀杖難若蠱毒難若被呪咀言說若被師子虎狼之難若被鱗蛇蝮蝎之難若被盜賊或被幻惑之難或被一切恐怖之難若有衆生枷械枷鎖禁繫之難若被縣官所錄若被刑流將斷命根或有長病困篤著床疾病所逼恐怖畏死若乏衣食財具湯藥資財之物彼等衆生於後夜間黃白出時香湯澡浴著淨衣裳頂礼虛空孕菩薩胡跪合掌以面向東隨力隨分所辦供具供彼菩薩為諸衆生發慈悲心口唱是言虛空孕具大慈悲為諸衆生常作利益念我念我以慈悲心

願觀我心願解脫我如前所說之難
應說偈言

我之無福相 願與我功德 我今貧賤苦
今應與我願 虛空孕菩薩 是我歸依處
如於此世中 未來與我樂

今時虛空孕菩薩摩訶薩聞彼衆生
音聲之聲或復現本菩薩之身乃至
或現童男童女身在於彼前慰喻彼
言護諸怖難所有恐怖皆悉除滅乃
至略說有諸貧窮孤露衆生或无資
財活命之者觀彼心意令滿彼願乃
至所須一切施與善男子若有王子
欲得灌頂之位欲得稱職彼諸王子
應當供養彼大菩薩稱其名号隨力
隨分供養彼虛空孕菩薩乃至如是
等欲得婆羅門位欲得大富長者位
欲得大居士位欲學諸伎術欲證內
法欲得呪術欲學工巧欲闡一頃欲
望解脫彼諸衆生聞是虛空孕名字
於後夜間黃白現時以香湯洗浴著
淨衣裳以面向東胡跪合掌頂礼虛
空孕菩薩歸依彼已合掌勸請作如
是言虛空孕具大慈悲我既薄福與

我福相滿我心願應當說於如是偈言
我心所求者 勿令乏少耳 願發憐愍心
慈悲攝我願

尔時虛空孕菩薩以淨天耳過於人
耳聞彼衆生此音聲已為彼衆生或
現自身在衆生前觀察衆生心心所
行隨堪可與如是如是為彼衆生亦
現方便善男子是虛空孕菩薩得如
是方便功能具足入大智海此虛空
孕菩薩摩訶薩有如是等不思議事
善男子若復有人於四大海水滴滴
數之能知多少此虛空孕菩薩摩訶
薩善巧勝智方便教化諸衆生等現
作方便不可數知善男子假使有人
十方虛空可現不可現處可知邊際
多少此虛空孕菩薩摩訶薩善巧方
便教化衆生不可得知邊際之數為
諸衆生作巧方便變化自身而為顯
現或作佛身而化衆生或作婆羅門
身教化衆生乃至隨所應現種種身
相得受化者即現彼身而不分別應
以畜生身而受化者即現畜生應以
地獄身而受化者即現地獄身有諸

衆生在於現前化身顯現有諸衆生
應以睡夢現身益者於睡夢中即為
現身有諸衆生臨至命終唯有細識
欲滅衆罪令斷惡道欲將善道為彼
衆生化種種身是諸衆生生存之日
歸依何天應見彼天即得安樂者乃
至應將善處即現彼天令其歡欣善
男子是故此虛空孕菩薩无人能知
教化身數邊際之量

善男子是虛空孕菩薩得如是等不
可思議方便勝智功能具足殊妙之
法此虛空孕菩薩摩訶薩已入諸佛
功德之海善男子是故虛空孕菩薩
摩訶薩頭戴顯現摩尼應寶今時一
切大衆在會中者從佛所聞讚歎虛
空孕菩薩已於虛空孕菩薩即生希
有殊特之心生極尊重恭敬之心皆
悉合掌瞻仰而住持種種香花末香
塗香幡蓋寶幢雜色衣服雜寶瓔珞
歌誦讚歎種種音樂供養虛空孕菩
薩時虛空孕菩薩摩訶薩持前供具
供奉世尊奉世尊已在世尊前長跪
合掌而白佛言世尊云何於五濁之

世被大黑闇無明所覆諸衆生內能作佛事

佛言善男子譬如虛空不縛不解不見無迷而虛空體本性清淨而虛空內因風動現塵霧烟雲故名虛空為不淨耳因水雨故離彼塵等諸障尋法即得顯現日月星宿便知刻漏羅婆時節晝夜長短半月滿月年歲度數如是如是善男子如來一切諸法真如隨於虛空心之本相本性清淨但諸衆生以客塵煩惱心意成濁為彼等故如來以慈悲等法門雨慈悲雨被煩惱所濁諸衆生輩即得清淨無有諸垢而彼衆生心得清淨即見佛日出現於世得智光明潤已於不思議諸佛功德之內自得曉了建立彼於勝四念處及聖道中乃至建立十八不共法大慈大悲真實法中是故有諸阿羅漢辟支佛等諸菩薩輩出現於世

善男子於汝意云何虛空之性能住於眼不答言不也世尊佛言眼能住於識不答言不也世尊佛言眼住觸

不答言不也世尊佛言眼內因觸所
生三種之受於是之中虛空住不答
言不也世尊佛言略說乃至耳鼻舌
身亦復應當作如是觀

善男子於汝意云何意住空界不答
言不也世尊乃至意中虛空住不因
是法中諸佛如來應正遍知出現於
世不答言不也世尊佛言善男子諸
衆生等依住虛空不答言不也世尊
佛言善男子於意云何虛空之性依
衆生住不佛作是語已虛空孕菩薩
摩訶薩白佛言世尊各各不相倚住
於自境界各不相侵世尊一切諸法
無有境界空故无染一如實際一如
如如應作是知世尊譬如虛空不可
破壞不可分別不作分別不動無尋
无牙無子无果無名无字無思无念
如是如是世尊一切法相如是知已
菩薩摩訶薩於一切法中得无生忍
尔時世尊而說呪曰

多地他縛婆何囉闍末奴叉夜祇
那闍耶闍那膩莫牟尼呵囉阿
那也破羅漂頗伽羅婆膩莫阿

你捺也

^十

阿婆舍舍婆

^土

舍那舍莫^{二十}

都舍哆多

^{十三}

迦羅莫舍莫

^古

吉唎摩妬

毗沙莫

^{十五}

支多都也

^{十六}

雞梨奢都^{十七}

三舒沙膩

^{十六}

莎呵^九

佛言善哉善哉善男子汝能於如是
眼降伏勝師子安庠步水頻申吼陀
羅尼為諸衆生命終之時寂後出息
命欲過時能滅煩惱障業障法障滅
是障已令生清淨剎中善男子汝能
行無量無邊諸佛世界為諸衆生起
慈悲心至於村落城邑府省縣官宮
殿及諸國土至是處已現種種形種
種威儀說大乘經典教化衆生於剎
利惡行乃至沙門惡行所斷於種種
不善之法安置一切諸善法中

尔時世尊說是法時於大衆中無量
無邊諸天世人得種種三昧陀羅尼
諸忍或復有得十地法中真實智慧
十千人等於无生法中得無生忍若
有衆生執著虛空是有為者得此燈
光明已有為施根皆悉斷滅无為施
行速現成就佛說經已於大衆中諸
比丘等及天龍夜叉乾闥婆阿修羅

迦婁羅緊陀羅摩睺羅伽梵釋護世
四大天王間佛所說此妙經典一切
皆悉歡欣奉行

虛空孕菩薩經卷下

已亥歲高麗國大藏都監奉

勅彫造

虛空藏菩薩經

吊

姚秦罽賓三藏佛陀耶舍譯

如是我聞一時佛住佉羅底翅山依
牟尼仙所住之處與無量大比丘衆
復與無量無邊阿僧祇恒河沙數菩
薩摩訶薩俱皆從他方異佛剎來尔
時世尊欲為大衆說四辯才三明梵
行住破惡業障陀羅尼經尔時西方
過八十恒河沙世界有一佛剎名一
切香集依其中衆生成就五濁彼國
有佛名勝華敷藏如來應正遍知明
行足善逝世間解無上士調御丈夫
天人師佛世尊彼佛今正為諸大衆
轉妙法輪彼有菩薩摩訶薩名虛空
藏已從彼佛聞深妙法得諸禪定時
彼菩薩見於他方無量無邊阿僧祇
數諸大菩薩身昇虛空往詣東方又
復遙見東方世界有大光明即便往
詣勝華敷藏佛所頭面礼足遶百千
匝胡跪合掌而白佛言世尊我見他
方無量無邊阿僧祇數諸大菩薩身
昇虛空往詣東方又復遙見東方世

界有大光明以何因緣而有斯事唯願為我具解說之時勝華敷藏佛告虛空藏菩薩言善男子東方去此過八十恒河沙世界有一佛剎名曰娑婆其中衆生成就五濁彼國有佛名釋迦牟尼如來應正遍知明行足善逝世間解無上士調御丈夫天人師佛世尊今者在於佉羅底翅山依牟尼仙所住之處為令法流不斷絕故為令三寶常住世故為降諸魔建法幢故為開生死開般涅槃故為諸菩薩及以聲聞諸來大衆欲說四辯才三明梵行住破惡業障陀羅尼經故欲令十方諸佛剎土一切菩薩徒歡喜地乃至補處住不共法不隨他信善於方便具无尋辯如此大士悉雲集故是以彼佛放斯光明其諸菩薩見此光已棄虛而往至彼惡世為諸衆生說破惡業障陀羅尼彼佛國土亦具五濁與此世界等無有異汝今應往娑婆世界禮拜供養聽受正法并為彼國諸惡衆生說破惡業障陀羅尼時虛空藏菩薩摩訶薩聞佛語已

歡喜踊躍與八十億菩薩同時發聲而白佛言世尊我今渴仰欲見彼佛今當承佛威神詣娑婆世界釋迦牟尼佛所禮覲供養聽受正法亦為彼國諸惡衆生說破惡業障陀羅尼時勝華敷藏佛答虛空藏菩薩摩訶薩言善哉善哉汝自知時時虛空藏菩薩摩訶薩即與八十億菩薩俱頂礼佛足身昇虛空詣娑婆世界尔時西方有如意寶珠光現以無量釋迦毗楞伽寶而為圍遶其珠光明蔽於一切人天八部聲聞菩薩日月星辰地水火風界所有光明皆不復現時會大衆唯覩佛光及以珠光无量無邊不可思議不可言說無復餘色唯見虛空尔時如來光相照曜時會大衆各不自見亦不見他一切諸色悉滅無餘不與眼對不得自身色相形貌及於所觸无彼無此亦无中間隨所視方皆悉如是亦復不見日月星宿地界水界火界風界悉皆无有與眼對者耳不聞聲鼻不嗅香舌不知味身不覺觸諸心數法亦無所緣於我

我所无復起相亦無六入分別之想
不得諸大諸來大衆唯見佛光及以
珠光其珠純以无量釋迦毗楞伽寶
而為圍遶於其會中諸大菩薩位登
十住得首楞嚴三昧及一生補處者
見此相已身心安隱不驚不怖所以
者何緣解法相自性真實及以於如
第一義空故其餘菩薩及聲聞衆天
龍夜叉乾闥婆阿修羅迦樓羅緊那
羅摩睺羅伽鳩槃荼餓鬼毗舍遮富
單那迦吒富單那人非人等見此相
已驚怖迷悶其心擾亂各不相見亦
無問處心自思惟不知何緣有此異
相亦復不知是誰神力今時衆中有
一菩薩摩訶薩名曰梵頂稽首佛足
長跪合掌而說偈言

一切法自性 衆生無知者 繫著於色陰
六情所愚惑 不見於一陰 推尋求色陰
於佛法生疑 今會有此人 願說決定法
為斷諸疑網 使知彼此岸 逮得虛空忍
勇健入三昧 身相不可說 如意大寶珠
常在其頂上 釋迦毗楞伽 而以圍遶之
此會諸大士 位皆十地者 得首楞嚴定

及一生補處 斯等諸菩薩 悉皆遙見之
觀此瑞相已 必知勝未來 禮觀天上尊
因說深妙法 安慰怖衆生 端依天人師
勇猛所行處 教化熟衆生
尔時世尊而說偈言

善哉如汝說 定者所行處 身相不可見
修慧能推求 此是虛空藏 常所行止處
無依无戲論 三昧力亦現 衆生著二見
常為所迷惑 以彼迷惑故 不知彼此岸
欲離於二見 修不可說行 速疾得究竟
滿足於諸地

復次善男子 初發心菩薩摩訶薩 初
可說相及攀緣相 修六波羅蜜乃至
知於地水火風虛空及識生滅之相
如實之性 復知諸法不可言說 无有
自性 無生无滅 無有攀緣 不動不搖
空无所有 一切諸法如是 修行離斷
常見不生怖畏於一切法 不起觸想
心無攀緣 空无所有 如是修行 速疾
具足六波羅蜜 更不復住 斷常見中
當於如來說此語時 一切大衆見聞
覺知如本 色像而於境界 不取其相
尔時世尊即申右手 指於西方而作

此言如斯光瑞是虛空藏菩薩摩訶
薩欲來之相是菩薩具諸三昧猶如
大海住菩薩戒如須弥山忍辱之心
猶如金剛精進勇猛猶如疾風智如
虛空慧如恒沙諸菩薩中如大勝幢
向般涅槃之大導師善根之地是貧
窮者吉祥之瓶入闍者日失道者月
是怖畏者所歸依處煩惱焦熱甘露
之水善根者杖般涅槃橋生天者梯
度生死船由曠路乘誹謗惡口熱惱
者蓋降諸外道猶如師子能淨諸見
猶如雨水破煩惱怨猶如霹靂毀戒
者藥生善根牙猶若春澤莊嚴菩薩
猶如華鬘顯善惡行猶如明鏡无慙
愧者上妙衣服三苦病者之大良醫
是熱渴者明月之珠疲極者牀具諸
三昧猶如日珠趣菩提路大牛之車
遊禪定者清涼華池助菩提鬘波羅
蜜果是十地中如意摩尼是求首楞
嚴者波利質多羅樹伐惡見刀斷煩
惱習猶如金剛降伏諸魔生諸功德
智慧寶藏依於一切諸佛功德是諸
緣覺所依窟宅是聲聞眼生天者眼

行邪道者正直之路是畜生歸餓鬼之怙是地獄救一切衆生無上福田三世諸佛第一輔臣能護法城已具莊嚴十八不共諸佛秘藏滿足成就佛之智慧一切人天所應供養唯除如來餘無及者汝等大衆皆應深心恭敬奉迎虛空藏菩薩摩訶薩隨力所能應以妙寶幢幡傘蓋華香瓔珞末香塗香衣服卧具歌頌讚歎平治道路種種莊嚴尊重供養汝等大衆皆亦應成如是功德器

今時大衆有從座起向虛空藏菩薩所現瑞方踊躍歡喜顏貌怡悅端目專注俱共奉迎餘菩薩摩訶薩及大聲聞天主龍主夜叉主乾闥婆主阿修羅主迦樓羅主緊那羅主摩睺羅伽主五通仙人主各作是念我等當辦何等最上最妙供具而以供養彼大士耶

今時虛空藏菩薩摩訶薩即以神力變娑婆世界除衆穢惡及諸丘山瓦礫荆棘坑坎堆阜曠野險隘風塵雲霧皆悉澄霽七寶為地平坦如掌无

量衆寶以為林樹枝葉花果皆以寶
成名華軟草亦復如是香氣芬烈普
熏世界娑婆界中一切衆生無諸苦
患盲聾瘖瘵殘百疾一時除愈其
怨惡者咸生慈心地獄餓鬼諸楚痛
聲皆悉休息飲食衣服莊嚴之具自
然豐足其諸衆生妙色端正支節具
足威德第一除諸結使心得寂靜於
諸善根深生欣樂以清淨信安住三
寶一切大衆兩手皆有如意摩尼於
其珠內出大光明遍照世界并奏天
樂雨種種寶雜色寶衣又雨種種妙
莊嚴具寶鬘寶蓋種種寶器種種天
衣金鑲瓔珞真珠瓔珞青紅赤白雜
色蓮華雨沉水香牛頭栴檀遍滿世
界其路兩邊有七寶臺如帝釋殿又
其臺中綵女盈滿顏貌端嚴猶如魔
后作天伎樂出五音聲又於佛上有
天七寶大梵王蓋懸處虛空供養如
來其蓋周圍百千踰闍那復以寶網
羅覆其上真珠毗帶垂飾四面蓋中
演出種種樂音清妙和雅超絕人天
一切大地草木叢林華果枝葉皆出

妙聲宣暢大衆六波羅蜜諸地行法
聞其聲者於无上道皆不退轉亦有
速得無生忍者

尔時大衆見虛空藏菩薩摩訶薩神
變奇特心生歡喜歎未曾有各作是
念此菩薩摩訶薩既現如斯大神通
力不久必來至此世界我等今者當
設何座以供待之當於衆會作此念
時即於佛前有寶蓮華從地踊出白
銀為莖黃金為葉金剛為臺琉璃為
寶馬瑙為鬚梵色寶珠以為鬚本頗
梨為藥其華縱廣百踰闍部有八十
億諸寶蓮華周匝圍遶尔時虛空藏
菩薩忽然在彼寶蓮華上結加趺坐
又見頂上如意寶珠以無量釋迦毗
楞伽寶而為圍遶其八十億菩薩各
各坐餘寶蓮華上

尔時弥勒菩薩摩訶薩即便說偈問
藥王菩薩摩訶薩言

我自從昔來 見諸菩薩衆 有來觀世尊
先圍遶恭敬 頭面接足礼 然後退就坐
云何此大士 現斯神通力 不修菩薩儀
而坐寶蓮華

尔時藥王菩薩摩訶薩以偈答曰
此大智慧士 善住深妙法 不依妄想心
而來見世尊

尔時弥勒菩薩摩訶薩復以偈問
若不見衆生 及以諸法相 其心常安住
諸法真實際 云何而示現 自在神通力
唯願為演說 除我此疑惑

尔時藥王菩薩摩訶薩復以偈答
今此大士夫 勇健入方便 為熟衆生故
現此神通力 若不住實際 愚惑諸凡夫
明智開俗諦 為入真諦故

尔時世尊告藥王菩薩摩訶薩善哉
善哉善男子如汝所說一切凡夫衆
生不能思量一須陀洹解脫行處一
切衆生得須陀洹不能思量一斯陀
舍解脫行處一切衆生得斯陀舍不
能思量一阿那含解脫行處一切衆
生得阿那含不能思量一阿羅漢解
脫行處一切衆生得阿羅漢不能思
量一辟支佛解脫行處一切衆生成
辟支佛不能思量一與般若波羅蜜
相應菩薩摩訶薩方便行處成熟衆
生一切衆生得般若波羅蜜相應菩

薩摩訶薩方便行處成熟衆生不能
測量乃至得無生法忍菩薩摩訶薩
舉足下足方便行處及解第一義諦
成熟衆生一切衆生得無生法忍菩
薩摩訶薩方便行處及解第一義諦
成熟衆生不能測量得四辯才菩薩
摩訶薩舉足下足方便行處及解第
一義諦成就衆生一切衆生得四辯
才菩薩摩訶薩方便行處及解第一
義諦成熟衆生不能測量住般若波
羅蜜究竟首楞嚴三昧菩薩摩訶薩
舉足下足方便行處及解第一義諦
成熟衆生善男子是虛空藏菩薩摩
訶薩已無量劫得无生忍具無尋辯
究竟滿足首楞嚴定住寂上地決定
堅固終無傾動善知衆生深心所行
應觀神變莊嚴之事又復應見虛空
藏菩薩摩訶薩欲來瑞相又有見虛
空藏菩薩摩訶薩得離欲地住地入
地故亦入無邊空處三昧於西方沒
而來現此時諸衆生怖畏惑亂入於
俗諦現大莊嚴為欲成熟諸衆生故
又善男子是虛空藏菩薩摩訶薩若

現第一義諦無生莊嚴諸天及人乃至八地菩薩皆當迷悶无能見其境界行相善入如是深妙功德善男子虛空藏菩薩摩訶薩巧方便慧深入一切諸佛法海離諸疑惑不依他故智慧善巧於諸菩薩摩訶薩中寧上幢王善男子虛空藏菩薩是一切衆生生天般涅槃大明導主能斷一切煩惱心患善治身毒及四大病若有衆生起惡邪見輪迴迷沒生死曠野無善方便不知生天般涅槃路若有衆生稱虛空藏菩薩摩訶薩名至心歸命燒堅黑沉水及多伽羅香恭敬禮拜時虛空藏菩薩觀此衆生心心善根若見衆生諸見煩惱之所惑亂若見過去善根種子心所行業於佛法僧布施持戒忍辱精進禪定智慧及餘功德隨所堪能時虛空藏菩薩摩訶薩觀彼衆生隨所應見於其夢中現種種形即以方便而為說法善男子若有衆生應於寤覺見虛空藏菩薩摩訶薩即於目前見種種形即以方便開正直道破諸衆生惡業邪

見惡願惡歸惡處惡取如是計著悲
令解脫身口意業無諸邪曲趣正直
道正業正見正願正歸正處正取常
獲親近諸善知識速疾捨離臭結煩
惱永免三塗八難之苦常行善業得
自在力乃至漸漸入深法忍若諸衆
生種種身病及心狂亂聲音瘖瘡手
足拘躄諸根不具稱虛空藏菩薩摩
訶薩名至心歸命燒堅黑沉水及多
伽羅香恭敬禮拜或從乞藥或願除
愈時虛空藏菩薩摩訶薩即隨其願
或現梵天像或現釋提桓因像或現
毗沙門像或現四天王像或現焰摩
天像或現兜率陀天像或現自在天
像或現大自在天像或現婆羅門像
或現剎利像或現長者像或現居士
像或現大目官像或現童男童女
像或現父母親屬像或現執金剛像
或現天龍夜叉乾闥婆阿修羅迦樓
羅緊那羅摩睺羅伽人非人像現如
是等種種諸像在於夢者及寤者前
為說病相并為分別諸藥對治病狀
如此應服此藥若如是病宜服彼藥

諸衆生等既聞說已各隨所應而合
諸藥若自无者菩薩悉與是諸衆生
或有一服二服三服衆病皆愈或有
但見所現之身病即除者如是善男
子是虛空藏菩薩摩訶薩具大慈悲
若有衆生貧窮困苦欲求大富欲多
誦習欲樂多聞欲求解脫欲求離欲
欲求禪定欲求名稱欲得第一欲求
善巧欲得自在欲得端正欲求好色
欲得妙聲欲求好香欲得上味欲求
好觸欲得飲食欲求勇健欲得種姓
高貴欲願生男欲願求女欲得眷屬
欲求福德欲得成就六波羅蜜欲得
巧言欲求覆護一切衆生欲得免脫
一切牢獄欲斷一切諸惡律儀有施
心者願建立之乃至智慧亦復如是
欲得長壽欲願多財得已能用欲令
慳者能行布施其毀禁者令堅持戒
若瞋恚者令修忍辱其懈怠者使住
精進散亂心者教修禪定其愚癡者
令修智慧不定乘者勸學聲聞著我
衆生教緣覺乘若有衆生離大慈悲
自惜已身捨諸衆生願離此心生大

慈悲不自護身攝取衆生發阿耨多
羅三藐三菩提心善男子時虛空藏
菩薩摩訶薩知彼心已即現方便令
此衆生捨離先心起大慈悲不護已
身不捨衆生發菩提心住四梵行若
有衆生樂大慈悲欲求救濟一切衆
生欲願安住阿耨多羅三藐三菩提
於阿練若處若在林中若於露地燒
堅黑沉水多伽羅香合掌恭敬向於
十方五體投地至心歸命虛空藏菩
薩摩訶薩而便說此陀羅尼呪

阿蜜栗舍阿蜜栗舍迦樓尼迦遮羅
遮羅_{毗薄履反下同}遮羅珊_{素干反}遮羅迦樓

尼迦羅母羅母母樓_{力斗反}鞞_{步倪反下同}迦

陀履摩目佉_{去佉反}浮樓閣婆_{步可反}奈迦樓

尼迦真多摩尼富羅耶迦樓尼迦薩

埵_{都果反下同}含迷_{莫練反吳音讀}他跋夜阿若_{而夜反}

陀梨路_{怖得反下同}鈴_{巨軌反下同}鈴羅底_{都履反下同}

毗鞞迦鈴臺_{徒履反}栗致毗鞞迦鈴迦樓

尼迦否_{方久反}梨夜闍磨磨_{武佐反}阿奢_{地迦反}

薩埵跋履波迦夜阿輸迦_{居佐反}伽_{巨佐反}

底娑婆呵

善男子是虛空藏菩薩摩訶薩或現

天像或亦人像或摩虛像或為鳥像或不現形隨彼所應以諸方便而為說法化度無量那由他百千衆生令住聲聞乘辟支佛乘及住大乘又於少時建立衆生住於大乘得阿鞞跋致乃至令得諸深三昧及陀羅尼滿足十地者善男子是虛空藏菩薩摩訶薩具大慈悲若人思量乃可能知虛空邊際无能測量虛空藏菩薩摩訶薩智慧方便大慈大悲及三昧力成熟衆生之邊際者善男子是虛空藏菩薩摩訶薩成就如是不可思議功德智慧善男子若有衆生心無諂曲亦不幻偽其心純至順入正流所見真實不譏被閼不自矜高不卑他人離諸嫉妬不自顯異矯惑衆人心本具足善男子是虛空藏菩薩摩訶薩憐愍愍此等諸衆生故以方便智勇猛精進修善方便除滅此等諸衆生罪令發阿耨多羅三藐三菩提心一切善根皆悉迴向無上菩提得不退轉獲大勢力及精進力為欲滿足六波羅蜜故常勤修習大慈大悲乃至

究竟得阿耨多羅三藐三菩提善男子是虛空藏菩薩摩訶薩成就如是不可思議功德勇猛成就一切衆生今時弥勒菩薩摩訶薩即從座起頂礼佛足而白佛言世尊虛空藏菩薩摩訶薩以何因緣獨其頂上有此殊妙如意寶珠以無量釋迦毗楞伽寶而為圍遶光明顯曜蔽於衆色不與諸餘菩薩摩訶薩等今時世尊告弥勒菩薩摩訶薩言是虛空藏菩薩摩訶薩具大慈悲能拔衆生危厄險難若有衆生犯根本罪應墮惡趣一切善根皆已燒然虛空藏菩薩摩訶薩是大無明邪見黑暗清淨朗日是滅根本罪者之大良師能拔疑箭破善法器能令完全善男子若有衆生犯波羅夷斷善根趣向地獄无所歸依智者所棄惡能濟拔開示真路能洒衆生臭惡煩惱令離惡趣是昇人天解脫者梯若有衆生貪愚惑乱能令覺悟瞋恚害心及以癡暗謗無因果放逸不信不畏未來貪求无厭極懷嫉妬具十惡業日夜增長如此衆

生是虛空藏菩薩摩訶薩能除如上
諸重罪業安處人天解脫之處猶如
大車善男子是虛空藏菩薩摩訶薩
是諸天世人所應尊重奉迎供養
今時弥勒菩薩摩訶薩白佛言世尊
云何名為犯根本罪波羅夷耶若有
衆生犯斯罪者善根燒然墮於惡趣
離安隱處永失一切天人之樂是虛
空藏菩薩摩訶薩能令此等諸惡衆
生還得具足人天福樂今時世尊告
弥勒菩薩摩訶薩善男子若灌頂剎
利王有自在力犯五根本罪先所修
習皆悉燒然失安隱處遠人天樂墮
於惡趣何等名為五根本罪善男子
所謂灌頂剎利王領國土有自在力
取兒婆物及四方僧物或教人取是
則名犯初根本罪復次善男子灌頂
剎利王領國土有自在力毀謗正法
捨聲聞乘辟支佛乘捨无上乘又剎
他人不令修學是名第二犯根本罪
復次善男子灌頂剎利王領國土有
自在力若復有人以如來故剎除鬚
髮身被法服持戒毀戒有戒无戒脫

其袈裟遍令還俗或加杖捶或復繫縛或截手足乃至斷命自作使他造如此惡是名第三犯根本罪復次善男子灌頂剎利王領國土有自在力作五逆罪何等為五一者殺母二者害父三者殺阿羅漢四者破和合僧五者出佛身血如是五無間罪若犯一者是則名為犯根本罪是名第四犯根本罪復次善男子灌頂剎利王領國土有自在力謗無因果不畏未來造十惡業道亦教他人令行十惡是名第五犯根本罪善男子是名灌頂剎利五根本罪若犯一者此則名為犯波羅夷先所修習一切善根皆悉燒然離安隱處夫人天樂墮於惡趣善男子是虛空藏菩薩摩訶薩為此入故起大悲悲現生邊地隨所應見現種種形或沙門像婆羅門像剎利長者居士等像而為其說一切種智甚深大乘未曾有法諸陀羅尼及忍辱地以如是等種種妙法而引導之灌頂剎利既聞法已心生慙愧極懷怖懼向說法者發露懺悔先所犯

罪誓不更作安住布施持戒忍辱精進禪定智慧勤修慈悲生人天樂般涅槃樂

復次善男子大臣亦有五根本罪犯波羅夷若有犯者先所修習一切善根皆悉燒然墮於惡趣離安隱處永失一切天人之樂何等為五謂彼大臣統理國土依倚王力取兒婆物及四方僧物或教人取是則名犯初根本罪復次善男子若彼大臣統理國土依倚王力破壞村邑城郭國土或教人破是名第二犯根本罪復次善男子若彼大臣統理國土依倚王力毀謗正法捨聲聞乘辟支佛乘捨无上乘亦制他人不令修學是名第三犯根本罪復次善男子若彼大臣統理國土依倚王力若見有人以如來故剗除鬚髮身被法服持戒毀戒有戒無戒脫其袈裟通令還俗或加杖捶或復繫縛或截手足乃至斷命自作使他造如此惡是名第四犯根本罪復次善男子若彼大臣統理國土依倚王力作五逆罪何等為五一者

殺母二者害父三者殺阿羅漢四者
破和合僧五者出佛身血如是五無
間罪若犯一者是則名為犯根本罪
是名第五犯根本罪善男子是名大
臣五根本罪若犯一者此則名為犯
波羅夷先所修習一切善根皆悉燒
然離安隱處失人天樂墮於惡趣善
男子是虛空藏菩薩摩訶薩為此
故起大悲悲現生邊地隨所應見現
種種形或沙門像婆羅門像刹利長
者居士等像而為其說一切種智甚
深大乘未曾有法諸陀羅尼及忍辱
地以如是等種種妙法而引導之彼
時大臣既聞法已心生慙愧極懷怖
懼向說法者發露懺悔先所犯罪誓
不更作安住布施持戒忍辱精進禪
定智慧勤修慈悲生人天樂般涅槃樂
復次善男子聲聞亦有五根本罪犯
波羅夷若有犯者先所修習一切善
根皆悉燒然墮於惡趣離安隱處失
人天樂何等為五謂殺生偷盜淫佚
妄語出佛身血善男子是名聲聞五
根本罪若犯一者此則名為犯波羅

夷先所修習一切善根皆悉燒然離
安隱處失人天樂墮於惡趣善男子
是虛空藏菩薩摩訶薩為此人故起
大慈悲現生邊地隨所應見現種種
形或沙門像婆羅門像刹利長者居
士等像而為其說一切種智甚深大
乘未曾有法諸陀羅尼及忍辱地以
如是等種種妙法而引導之時彼聲
聞既聞法已心生慙愧極懷恐怖向
說法者發露懺悔先所犯罪誓不更
作安住布施持戒忍辱精進禪定智
慧勤修慈悲生人天樂般涅槃樂
復次善男子初發心菩薩趣向大乘
有八根本罪犯波羅夷先所修習一
切善根皆悉燒然墮於惡趣離安隱
處失人天樂亦失大乘境界之樂久
在生死離善知識何等為八謂彼菩
薩宿業因緣生五濁世有餘善根近
善知識歸趣甚深大乘之法發無上
心智慧微淺是初發心菩薩又從他
聞甚深空法讀誦受持復於少智愚
癡人前讀誦解說餘人聞已驚疑怖
畏於阿耨多羅三藐三菩提心生退

沒樂聲聞乘是名初發心菩薩犯於
第一根本重罪先所修習一切善根
皆悉燒然墮於惡趣離安隱處失人
天樂及以大乘境界之樂壞菩提心
是故菩薩宜應先知衆生善根及了
彼心隨其所堪次第說法如入大海
漸漸至深善男子是虛空藏菩薩摩
訶薩隨其所應以種種形現生其土
而為說法令生慙愧於所犯罪發露
懺悔不墮惡趣增進善根長養阿耨
多羅三藐三菩提心善男子又有初
發心菩薩犯根本罪畏墮惡趣聞虛
空藏菩薩摩訶薩名至心願見欲發
靈懺悔所犯罪故於初夜後分燒堅
黑沉水及多伽羅香至心合掌稱虛
空藏菩薩摩訶薩名善男子時虛空
藏菩薩摩訶薩隨其所應現種種形
或現自身或聲聞身或刹利身婆
羅門身乃至童男童女等身在彼犯
罪初發心菩薩前教令發露懺悔除罪
以善巧方便開示甚深無上正真大
乘之行三昧揔持忍辱之地捨諸惡
趣得不退轉阿耨多羅三藐三菩提

心精勤修行六波羅蜜得力堅固猶如金剛乃至自得阿耨多羅三藐三菩提又善男子虛空藏菩薩摩訶薩若不現身在其人前教發露者是初發心菩薩應於後夜合掌至心而向東方燒堅黑沈水及多伽羅香請明星言明星明星成大慈悲汝今初出照閻浮提大悲護我可為我白虛空藏菩薩摩訶薩願於夢中亦我方便發露懺悔犯根本罪令得大乘方便智眼善男子彼初發心菩薩即於夢中明相出時虛空藏菩薩摩訶薩隨其所應而為現身以諸方便令彼初發心菩薩發露懺悔先所犯罪亦方便智令彼菩薩深懷驚怖於阿耨多羅三藐三菩提心得不忘三昧堅住大乘疾得滿足六波羅蜜不久成就一切種智復次善男子初發心菩薩語餘人言汝今不能樂於大乘亦不能行六波羅蜜終不能得阿耨多羅三藐三菩提不如早發聲聞辟支佛心速盡生死入般涅槃餘如上說是名初發心菩薩犯於第二根本重罪

復次善男子初發心菩薩語餘人言
汝今何用受學波羅提木叉律儀當
速發阿耨多羅三藐三菩提心受持
讀誦大乘經典先所造作身口意業
諸不善行當得清淨不受未來諸惡
果報餘如上說是名初發心菩薩犯
於第三根本重罪復次善男子初發
心菩薩語餘人言汝今不應聽受讀
誦聲聞經典汝當覆蔽聲聞經典聲
聞法中無大果報不能斷除結使煩
惱汝當聽受讀誦清淨大乘甚深經
典又能消除諸不善業疾得阿耨多
羅三藐三菩提作此說已有信受者
二人俱名犯根本罪餘如上說是名
初發心菩薩犯於第四根本重罪復
次善男子初發心菩薩欺妄兩舌希
求名稱利養恭敬讚大乘經為他解
說而語人言我是善解摩訶衍者為
貪利故見他解說大乘經典得供養
者憎毀輕疾而自貢高虛誑妄語得
過人法作此行者離安隱處犯波羅
夷於大乘中為犯重根本罪也善
男子譬如有人欲趣寶洲乘船入海

而於中路自壞其船沒溺而死不自
濟命豈能得寶如初發心菩薩亦復
如是乘正信船入於大乘深廣法海
始得入海自壞信船失智慧命如是
愚癡初發心菩薩以嫉妬故虛誑妄
語得過人法而犯大乘重根本罪餘
如上說是名初發心菩薩犯於第五
根本重罪復次善男子未來世中初
發心菩薩語在家出家初發心菩薩
言修多羅中甚深空義及以三昧諸
陀羅尼忍辱之地種種莊嚴是大明
智諸菩薩等所可觀行受持讀誦大
乘經典又能為他分別演說我自解
了以慈悲故為汝等說汝等亦當隨
所說行於深妙法而得知見彼初發
心菩薩不作是言我讀誦思惟從他
聞解而言自得皆是貪求利養因緣
而自街賣違負三世諸佛菩薩及眾
賢聖犯於大乘深重罪失人天路
尚不能得聲聞辟支佛乘何由漸進
到於大乘善男子譬如有人將導眾
人遊行曠野經過叢林極大飢渴見
彼林中有諸美果而棄捨之取於毒

果食已命終善男子彼人猶尚不能
自濟況復無能度於餘人彼初發心
菩薩亦復如是人身難得今已得之
遇善知識發大乘心而貪利養輕自
衛賣犯重根本罪違負三世諸佛菩
薩為諸賢聖之所棄捨墮於惡趣是
故婆羅門刹利毗舍首陀羅不應親
近此惡菩薩若親近者亦皆得罪餘
如上說是名初發心菩薩犯於第六
根本重罪復次善男子未來惡世初
發心菩薩造作諸雜旃陀羅行謂刹
利旃陀羅婆羅門旃陀羅大臣旃陀
羅大將軍旃陀羅毗舍旃陀羅首陀
羅旃陀羅何等名為旃陀羅義彼謂
造作諸惡心業此惡比丘自言智慧
自恃財寶行於布施放逸憍慢瞋嫌
憎嫉餘善比丘共相鬭諍恃王臣力
取善比丘物以奉大臣大臣得已傳
以上王佛法僧物亦復如是善男子
上說是名初發心菩薩犯於第七根
本重罪復次善男子未來惡世初發
心菩薩造作諸雜旃陀羅行謂刹利

旃陀羅婆羅門旃陀羅大臣旃陀羅
大將軍旃陀羅毗舍旃陀羅首陀羅
旃陀羅此惡比丘恃怙國王及大臣
力自言智慧自恃財寶行於布施輕
戲毀辱諸善比丘闢諍惱亂法說非
法非法說法捨正經律顛倒義論斷
學般若離慈悲心不信如來所說經
典巧方便戒違法立制令諸清淨善
行比丘廢於坐禪讀誦經典无苦惱
者生其苦惱有苦惱者復令增長恒
懷惡心壞善威儀行住坐卧无復時
節毀禁破戒實非沙門自言沙門實
非梵行自稱梵行不解經典為他解
說邀致四眾供養恭敬善男子王與
大臣及惡比丘犯根本罪餘如上說是
名初發心菩薩犯於第八根本重罪
善男子彼善比丘坐禪誦經皆是佛
法出要正因是上福田又是忍辱二
昧法器能說妙法成就眾生破無明
黑暗開世間眼濟拔眾生煩惱業惡
若彼惱亂故犯重罪是善男子犯八
根本重罪者未能深入於佛正法以
功德智慧極微少故善男子是初發

心菩薩犯此八根本重罪已先所修
習一切善根皆悉燒然犯波羅夷離
安隱處失人天樂及以大乘境界之
樂壞善提心墮於惡趣輪迴生死離
善知識善男子是虛空藏菩薩摩訶
薩現種種形亦生其土或現刹利形
或現婆羅門形或現聲聞形或現辟
支佛形乃至童男童女等形在彼犯
罪初發心菩薩前而為說法令生慙
愧極大驚怖又教發露懺悔除罪以
善巧便開示甚深無上正真大乘之
行三昧捨持忍辱之地捨諸惡趣得
不退轉阿耨多羅三藐三菩提心精
進修行六波羅蜜得力堅固猶如金
剛乃至疾得無上菩提又善男子虛
空藏菩薩摩訶薩若不現身在其人
前教發露者是初發心菩薩應於後
夜合掌至心而向東方燒堅黑沉水
及多伽羅香請明星言明星明星成
大慈悲汝今初出照闔浮提大悲護
我可為我白虛空藏菩薩摩訶薩願
於夢中示我方便發露懺悔犯根本
罪令得大乘方便智眼善男子彼初

發心菩薩即於夢中明相出時虛空
藏菩薩摩訶薩隨其所應而為現身
以諸方便令彼初發心菩薩於所犯
罪深懷驚怖亦方便智令彼菩薩發
露懺悔於阿耨多羅三藐三菩提心
得不忘三昧堅住大乘疾得滿足六
波羅蜜不久成就一切種智善男子
彼虛空藏菩薩摩訶薩勇猛饒益一
切衆生故其頂上得有如此如意寶
珠復以無量百千釋迦毗楞伽寶而
為圍遶不與一切諸菩薩等善男子
是虛空藏菩薩摩訶薩成就如斯不
可思議方便智慧復次善男子若有
衆生聞虛空藏菩薩摩訶薩名或造
形像或設供養是人現世無諸災患
水不能漂火不能燒刀不能傷毒不
能中人及非人無能為害亦无囹圄
盜賊怨家諸惡疾病飢渴之苦隨壽
長短必無夭橫臨命終時眼不見色
耳不聞聲鼻不聞香舌不知味身不
覺觸手足諸根不能為用唯餘微識
及身溫暖時虛空藏菩薩摩訶薩隨
彼衆生所事之神而現其身或轉輪

聖王身或提頭賴吒身或毗沙門身
或毗樓勒迦身或毗樓博叉身或餘
天身或龍夜叉乳闍婆阿修羅迦樓
羅緊那羅摩睺羅伽人非人等身在
其人前而說偈言

四聖諦義 智者應觀 若解了者
能離生死

善男子時彼衆生於命臨終既見其
昔所事之神又聞為說如此要偈既
終之後不墮惡趣因斯力故速免生
死又善男子若有衆生心樂佛法虛
空藏菩薩摩訶薩於其臨終而現佛
形為說偈言

佛智真實 度生死海 速求佛智
得盡諸苦

善男子時彼衆生得見佛身又聞此
偈至心觀察歡喜踴躍不能自勝命
終之後得生淨國永不更在五濁世
界常獲親近彼佛如來又聞妙法不
久當得阿耨多羅三藐三菩提善男
子是虛空藏菩薩摩訶薩隨彼衆生
臨終之時應聞妙法及應見僧亦皆
普亦善男子是虛空藏菩薩摩訶薩

成就如此不可思議方便智慧

復次善男子種種衆生欲得三昧自在之力應於後夜淨自洗浴著新潔衣燒堅黑沉水及多伽羅香於一切衆生起慈悲心向於東方至心合掌稱虛空藏菩薩名而作是言憶持大智虛空藏得大慈悲唯願施我不忘三昧即便說此陀羅尼言

毘

反

漏母漏諾

反

博叉

反

底

反

同

反

娑勿陀

反

邏婆

反

須

反

禰

反

奈夜奈夜摩訶迦樓尼迦阿菟

播闍

反

婆

反

志寐

反

栗底

反

闍

反

西伽

反

邏闍婆

反

志寐

反

栗底

反

盧舍

反

志寐

反

栗底

反

浮侈

反

阿婆

反

俱致悉寐栗底娑婆呵

善男子

反

是虛空藏菩薩摩訶薩

反

即令

反

彼人得於三昧自在之力

反

復次善男子

反

若有衆生樂欲讀誦種

反

種書論

反

欲伏衆生

反

所謂彼論

反

或是佛說或菩薩說或聲聞說或世人說是

反

應於後夜淨自洗浴著新潔衣燒

反

堅黑沉水及多伽羅香於一切衆生

反

堅黑沉水及多伽羅香於一切衆生

反

起慈悲心向於東方至心合掌稱虛
空藏菩薩摩訶薩名而便誦此陀羅
尼呪

阿祢

奴屬反

邏闍

步悅反下皆同

鈴

巨軌反

浮娑闍

鞞耶婆奈闍鞞博廁

初器反

娑迷

莫達反吳音讀之

波吒

張伽反

邏闍

鞞他奈婆邏

鞞薩

始達

反多邏

伽反

邏泥

奴帝反

休磨

武佐反下皆同

休磨

摩訶迦樓尼迦娑婆呵

善男子是虛空藏菩薩摩訶薩即令
彼人得於憶持不忘之力

善男子若有衆生欲入大海欲為商
賈欲服湯藥而求力驗欲脫繫縛欲
脫枷鎖欲求免脫輸送財物若愛別
離若恚憎會欲避水火欲避盜賊欲
避師子欲避虎狼毒蛇之難欲免疾
病飢渴之患欲求尊位有如是等諸
所求欲稱虛空藏菩薩摩訶薩名
恭敬供養虛空藏菩薩摩訶薩皆令
滿願

復次善男子若有王子貪樂王位欲
希灌頂得自在力應於後夜淨自洗
浴著新潔衣燒堅黑沉水及多伽羅
香於一切衆生起慈悲心向於東方

至心合掌稱虛空藏菩薩摩訶薩名而便誦此陀羅尼呪

阿祢

奴履反

邏闍鞞

步悅反下皆同

鈴

巨耽反

浮沙闍

鞞耶婆奈闍鞞博廁

初音反

娑迷

莫餘反吳音讀之

波吒

張伽反

邏闍鞞

他奈婆邏鞞

薩

始遙反

多羅伽

已佐反

邏泥

奴帝反

休磨

武佐反下同

摩訶迦樓尼迦娑婆呵

善男子是虛空藏菩薩摩訶薩皆令彼人得滿所願

復次善男子若有婆羅門衆願樂欲得大婆羅門處復有衆生求長者處或居士處或工巧處或多聞處或威力處或思惟處或解脫處應於後夜淨自洗浴著新潔衣燒堅黑沉水及多伽羅香於一切衆生起慈悲心向於東方至心合掌稱虛空藏菩薩摩訶薩名而作是言唯願施我大慈悲力令我所求疾得滿足時虛空藏菩薩摩訶薩以淨天耳聞彼請已隨其所應現種種形而為說法令彼所願皆得滿足善男子是虛空藏菩薩摩訶薩成就如是不可思議方便智慧久已得入佛功德海善男子大海之

水乃可有人能知滴數无能測量虛
空藏菩薩摩訶薩巧方便智成就衆
生之限數也又善男子虛空之量尚
可得知无有能知虛空藏菩薩摩訶
薩所可成熟種種衆生及其變化或
作佛形或菩薩形辟支佛形或聲聞
形婆羅門形或童男童女形乃至人
非人等形各隨所應或令目覩或使
夢見若有衆生臨命終時唯除寢後
極微一息先造惡業燒諸善根當墮
惡趣是虛空藏菩薩摩訶薩皆能拔
濟令得安立天人之路如斯等事之
邊際者善男子是虛空藏菩薩摩訶
薩成就如此不可思議巧方便者佛
功德海久已得入善男子以此緣故
頂上得有如意寶珠以百千釋迦毗
楞伽寶而為圍遶有大光明當於如
來說此法時一切大衆咸生奇特歎
未曾有皆悉合掌向虛空藏菩薩摩
訶薩時虛空藏菩薩摩訶薩即從座
起偏袒右肩長跪合掌而白佛言世
尊今此世界具於五濁衆生愚暗云
何世尊能於其中施作佛事今時世

尊告虛空藏菩薩摩訶薩言善男子
汝見虛空無有貪欲无瞋無癡自性
清淨風塵暗障以為不淨既澄朗已
即見日月星辰及知剎那羅婆時數
善男子如來久於第一義空已得自
在見一切法無有貪欲瞋恚愚癡無
縛无解自性清淨但以衆生客塵煩
惱之所覆障不能覺悟如來慈悲為
此等故方便說法而為除斷客塵煩
惱開其智眼使見如來淨日照明現
在獲觀甚深妙法四念處法乃至八
聖道法令諸衆生建立安住又令疾
發阿耨多羅三藐三菩提心得大慈
悲乃至具足十八不共法成一切種
智善男子如來出世則能成熟諸菩
薩衆及以緣覺聲聞之衆善男子今
是虛空為倚於眼為倚眼識為倚眼
觸而得位耶虛空藏菩薩摩訶薩白
佛言不也世尊佛言善男子為是內
起眼觸之緣生彼三受而倚空耶虛
空藏菩薩白佛言不也世尊佛言善
男子耳鼻舌身意亦復如是佛言善
男子衆生今者為倚於空為是虛空

倚於衆生虛空藏菩薩白佛言世尊
各各相倚乎作境界又復各各不為
境界一切諸法皆悉空寂一切諸法
皆悉虛假一切諸法皆依於如及以
實際世尊猶如虛空无壞無成无憶
想分別無動无搖無愛无憎无牙无
種子無果无業無報離於文字世尊
一切諸法亦復如是菩薩若知此者
是名善知諸法之性得無生忍今時
虛空藏菩薩摩訶薩即說陀羅尼言
阿菟_{反奴侯}奈阿婢_{反夫者}婆_{反薄賀}邏_{反市稅}闍_反奈
摩_{反莫可}菟_{反奴后}叉夜_反覲_反奈覲_反奈闍_反奈
毗_{反夫尼}磨_{反武性反}牟尼呵羅阿奈夜
頗邏_{反力可反}曰呵_{反手賀}揭_{反巨謁}婆祢_{反奴履}
婆_{反薄賀}數毗_{反薄履反}毗奈夜_反數舍舍
婆舍奈磨舍奈頌_{反都可反}他_{反吐賀}磨奈
末兜梵_{反扶豔反}毗沙_{反所賀}舍磨支頌奈和
已_反黎舍菴_{反於甘}復_{反扶豆}僧輸沙_{反疎馬}
泥_{反奴帝}娑婆呵

今時世尊告虛空藏菩薩摩訶薩言
善哉善哉汝今說此無盡降伏師子
奮迅陀羅尼一切衆生臨命終時取
後神識有重煩惱障及重惡業此陀

羅尼悉能燒然令得往生清淨佛國
善男子汝今善能以此成熟无量衆
生又能成熟無量佛刹村園城邑一
切衆生又隨所應現種種形又隨其
根說種種法或為演說大乘經典開
深法門若沙門旃陀羅婆羅門旃陀
羅刹利旃陀羅毗舍旃陀羅首陀羅
旃陀羅此諸人等所犯重罪以因汝
故悉得燒然今於善法建立增長今
時世尊而說偈言

衆生諸貪諍 皆曰諸根起 若能攝諸根
疾得於解脫

今時如來說此經已有十千人天得
無生法忍无量人天得諸三昧又無
量人天得陀羅尼又无量人天速得
忍辱又無量人天於十地中各得增
進今時世尊告阿難及弥勒菩薩摩
訶薩言汝等應當恭敬奉持此經今
時阿難及弥勒菩薩即從座起偏袒
右肩長跪合掌白佛言世尊此妙經
典我已受持當何名此經佛言善男
子此經名懺悔盡一切罪陀羅尼經
亦名不可思議方便智救濟一切衆

生經亦名能滿一切衆生所願如如意寶珠經亦名虛空藏菩薩經如是奉持阿難當知若有善男子善女人久發阿耨多羅三藐三菩提心於無量百千阿僧祇劫修行六波羅蜜於十方世界一切佛所種種供養乃至滿无量阿僧祇恒河沙劫不如有人讀誦書寫為人解說虛空藏菩薩經及持名號比前功德百分千分百千萬億分不及其一等數譬類所不能知今時阿難及弥勒菩薩白佛言世尊我當如是奉持時諸大衆聞佛所說歡喜踊躍以諸供具供養於佛虛空藏菩薩經

已亥歲高麗國大藏都監奉
勅雕造

虛空藏菩薩神呪經

帛

宋荆襄國三藏曇摩蜜多譯

如是我聞一時佛住佉羅山依正覺
仙所住之處與無數大比丘聲聞衆
俱亦與无量阿僧祇恒河沙等菩薩
摩訶薩演說如來功德經已尔時西
方有如來寶現以無量百千釋迦毗
楞伽寶周匝莊嚴是寶珠光隱蔽一
切餘色光明唯見如來及如意寶餘
無量无邊不可說色見如虚空如來
威光極更明顯此諸會衆不覩自身
各不相見大衆諸色悉滅无餘不與
眼對不得色身及以所觸隨所觀視
唯見虚空亦不見於日月星辰地界
水界火界風界不與眼對耳不聞聲
鼻不嗅香无心心數無我我所及六
入起想瞻觀他方不得諸大在在方
所唯見佛身色相光明亦復遙見如
意寶珠以無量百千釋迦毗楞伽寶
周匝莊嚴餘无所見於此衆中有住
十地菩薩摩訶薩得首楞嚴三昧一
生補處寂後有身見如是相不驚怖

畏解諸法空如實際性是故不驚不
怖不畏餘諸菩薩摩訶薩聲聞天龍
夜叉乾闥婆阿修羅緊那羅拘睺茶
毗舍遮留單那迦羅留單那人及非
人在會中者極驚怖畏生於憂愁此
彼闇蔽其心動亂各不相見覩無問
處其事云何何因緣尔為是誰力尔
時衆中有菩薩摩訶薩名曰梵德合
掌向佛而說偈言

一切法如性人無有知者依住於色陰
六情根闇蔽不見於一陰思惟求色陰
於佛法有疑此中有是人如此彼亦尔
惣知虛空相彼三昧勇健其身不可說
如意大寶珠見在其頂上釋迦毗楞寶
皆遙遠見彼是大慧衆生度首楞三昧
一切大慧者欲來見世尊今說甚深法
決定无有疑安慰於此衆悉來歸世尊
勇健者行處教化熟衆生
尔時世尊而說偈言

如是如汝說三昧者行處若聞正住處
是慧衆生住此是虛空藏菩薩所行處
無依无戲論彼三昧亦現衆生著三見
常為所劫奪著斷常二見彼此常闇蔽

如是二見等 將欲得解脫 其性不可說
速疾證諸地

復次善男子是初發心菩薩摩訶薩
說初境界相謂六波羅蜜乃至知諸
大生滅如實之性然後知於一切諸
法不可言說無性无生無滅无境界
不動不揺如是修行一切諸行如是
悉離斷常二見不生怖畏於一切法
不起境界心疾得具足六波羅蜜更
不復住斷常見中佛說是已一切大
衆見聞覺知如本色相

尔時世尊申其右臂說如是言是虛
空藏菩薩摩訶薩來作是語已告諸
大衆言是菩薩得諸三昧猶如大海
持菩薩戒如須弥山智所通達猶如
虛空勤行精進猶如疾風修行於忍
猶如金剛其慧如空諸菩薩中猶如
勝幢向涅槃者導是一切善根之藏
貧者得瓶入闇者日失道者月是怖
畏者大須弥山是煩惱熾熱者甘露
是一切種善根者我是趣大涅槃者
橋是墮惡道者船生天者梯是誹謗
惡口者救熱惱者盖於諸外道如師

子王攝取諸見猶如水鏡魔怨中鎧
毀戒者藥是諸善本行之地造勝者
華具行者嚴无慙愧者上妙衣服病
者良醫飢者得食渴者月珠疲極者
牀修三昧正行者日向善提者大車
遊禪定者勝地助善提者寶輪善男
子此是向波羅蜜者果報是善男子
又是造修十地者如意寶珠是善
男子是造行首楞嚴三昧者波利質
多羅樹是斷邪見結使者刀破諸習
氣猶如金剛能降諸魔是良方便是
開發意是諸一切佛法所依是緣覺
華鬘聲聞衣服諸天眼目人之正道
是畜生歸是餓鬼護地獄尊救是一
切衆生福田是諸菩薩摩訶薩大車
是善男子是三世如來應供正遍知
最勝大輔自護法城門是善男子乃至
具足十八不共法以自在嚴得於佛
智成就具足是善男子悉是一切衆
生應供唯除如來諸餘一切應供中
最勝等大眾皆應奉仰各隨力能應
辦供具供養恭敬而尊重之種種珍
寶幢幡寶蓋塗香末香衣服瓔珞種

種種物淨治道路種種莊嚴以種種讚歎而讚歎之汝等一切不久當得是功德器

尔時一切大會皆共和合從坐而起向虛空藏菩薩摩訶薩所現之方叉手合掌其心歡喜顏貌怡悅以清淨目諦觀視之於時衆中諸大菩薩及大聲聞天主龍主夜叉主阿修羅主伽留羅主緊那羅主摩睺羅伽主及五通仙各作是念當設何等取上取勝供具供養是善男子尔時虛空藏菩薩摩訶薩變娑婆界地平如掌七寶莊嚴除去諸山曠野埤埤牆壁瓦礫灰糞臭穢塵霧雲雷輶闍婆聲一切樹木變成七寶華葉果香皆悉具足依地草木枝節莖葉亦變化成七寶盡娑婆世界除一切病一切地獄畜生餓鬼無諸苦惱皆得衣服飲食瓔珞之具娑婆世中一切衆生得成如意妙色端嚴威德第一肢體具足除諸結使心得寂靜於諸善根其心欣樂以清淨心安住三寶此所集衆兩手自然有化如意寶一一如意寶

各出光明遍照於此娑婆世界又是
寶珠出妙樂音雨種種寶種種妙衣
種種瓔珞雨種種金鏤瓔珞真珠瓔
珞又雨種種妙華青蓮紅蓮赤蓮白
蓮及水堅華復雨多摩鉢香牛頭栴
檀末香莊嚴於道其道二邊化七寶
堂如帝釋堂於其堂內化諸姝女猶
如魔后作於五樂歡娛受樂當於佛
上虛空之中化天寶蓋滿百由旬清
妙鮮潔寶網莊嚴垂真珠貫莊嚴其
中作衆伎樂過於天樂田地草木樹
林華葉諸果寶中各出妙音殊過天
樂有聞音者於阿耨多羅三藐三菩
提得不退轉尔時一切諸大會衆見
虛空藏菩薩摩訶薩作是莊嚴得未
曾有作是念言我等云何為是善文
夫於世尊前當設何座尔時佛前出
寶蓮華白銀為莖黃金為葉馬瑙為
臺梵摩尼寶以為其鬚縱廣十里復
有如是無量百千諸寶蓮華周而圍
遶見虛空藏菩薩摩訶薩忽在華上
結加趺坐見其頂上如意寶珠見虛
空藏所將眷屬亦各坐餘蓮華臺上

尔時弥勒菩薩摩訶薩以偈問於藥王菩薩

如讚本先來大名稱菩薩恭敬礼世尊
然後乃就坐是善丈夫來示現大莊嚴
不敬礼世尊忽見其已坐

尔時藥王菩薩以偈答於弥勒菩薩
見是大丈夫善住於佛法是不見衆生
不依一切想

尔時弥勒菩薩復以偈言

若不見衆生安住於實際何義故莊嚴
為我顯現說

尔時藥王菩薩復以偈答

是方便勇健教化衆生故不知第一義
凡夫妄想行世諦聰慧者迷真故受苦
為脫是等故現如是莊嚴

尔時世尊讚藥王菩薩言善哉善哉
是善丈夫如汝所說假令一切諸凡
夫不能知一須陀洹解脫行處一切
衆生得須陀洹不能知一斯陀含解
脫行處一切斯陀含阿那含阿羅漢
亦復不知一辟支佛解脫行處一切
衆生作辟支佛獨一麒麟亦不知一
無生忍菩薩摩訶薩善行方便教化

衆生一切衆生得無生忍不知一得
首楞嚴三昧无尋辯才菩薩摩訶薩
第一義諦解脫之行善男子是虛空
藏得無生忍得无尋辯得首楞嚴三
昧知此大衆過無量劫心之善根應
當現於大莊嚴故住離欲地故此善
男子從西方没而來至此亦現同諸
聲聞緣覺入於无量空處三昧現於
神通一切衆生生奇特心復於世諦
亦現莊嚴教化無量諸衆生故是善
男子若現第一義諦无生莊嚴乃至
天人皆當驚怖迷惑失心至八地菩
薩亦復失心無有能見其行相貌入
如是等深功德法是善男子善知方
便度於一切諸佛法海斷於疑惑自
然善知諸方便度於一切菩薩摩訶
薩中猶如王幢善男子是虛空藏菩
薩摩訶薩亦諸衆生天道涅槃道能
解衆生結使心病亦治四大身內增
損諸患若有衆生諸邪見逼迷於生
死曠野之中不知方便云何名為天
道涅槃道是諸衆生若稱虛空藏菩
薩名礼拜供養燒衆名香是善男子

觀心善根見結覆心及知過去心種
善根亦知現在供養佛法僧寶修施
戒德如是諸事或於夢中方便示現
正直之道方便力故及於一切惡見
惡事惡願惡求惡歸惡趣心得解脫
身口意行悉皆正直所願正直得近
正直真善知識疾得解脫諸惡臭結
惡見諸病速疾得盡惡道惡業所願
善故行善業故速疾得作心自在者
住甚深忍若有衆生種種諸病逼切
其身其心散亂聾盲啞諸根不具
支節各異將有死相如是等事一心
稱是虛空藏菩薩名除諸病故欲無
病故燒沉水香堅黑沉水若多竭流
香礼虛空藏是善大丈夫於夜夢中
作婆羅門像在其人前或現釋像大
功德天像妙音天像剎利像大臣像
兵吏像良醫像或父母像或男女像
於夜夢中在病人前如實為說種種
隨病湯藥病者一服所患悉除復有
如是所營求事欲多聞義若欲寂靜
欲修禪得慧欲得名稱欲求工巧欲
得自在欲得妙色欲得封邑欲得勢

力欲得才能欲得妙聲欲得子息欲
得眷屬欲得功德欲得布施持戒忍
辱精進禪慧欲得美語欲人恭敬欲
脫諸惡安止於施乃至住慧欲得長
壽欲得種種所須之具得已能用欲
勸慳人令行布施欲令破戒安住持
戒欲令懈怠安住精進欲勸愚癡令
住於慧未定乘者勸住聲聞自攝乘
者勸住緣覺是善男子作是方便亦
諸衆生若有衆生捨離大悲自護已
身心捨衆生若有是心我何方便能
勸彼人令住阿耨多羅三藐三菩提
安住方便四梵行處乃至令其住於
大悲是人敬禮虛空藏菩薩摩訶薩
若阿練若處若在林中若露地燒沉
水香堅黑沉水若多竭流香至心合
掌五體投地遍禮十方今時說是陀
羅尼句

阿彌隸奢阿彌隸奢迦留尼迦一遮羅
遮羅二毗伽陀隸三摩瞢呿復闍摩都迦
留尼迦四真陀摩尼富羅移迦留尼迦五
薩婆阿奢彌陀羅波離移六阿清陀梨
七破仇破仇八留垣脾脾伽仇九償致脾脾

伽伢迦留尼迦十富隸移瑤摩阿奢十薩
瑤波吽羅遮阿輸迦竭拉莎呵十二

是善男子為於彼人現人色像廬色
像馬色像或天色像隨彼功德現於
如是色像言說亦一方便是方便故
能教化無量百千那由他衆生不定
乘者聲聞乘者緣覺乘者今是衆生
於一時中一彈指頃少方便慧能令
安住无碍大乘得不退轉乃至得於
種種三昧得陀羅尼亦得於忍安住
十地是虛空藏菩薩摩訶薩成就如
是不可思議方便智慧大悲之力善
男子假使能得虛空邊際无有能知
是善男子智慧方便大慈大悲三昧
之力教化衆生得其邊者是虛空藏
菩薩摩訶薩成就如是不可思議無
邊功德善男子若有衆生无諂幻惑
正行威儀成就正見質直無誑不自
讚譽離於嫉妬无有奸詐善心成就
如是等人是善男子而憐愍之亦方
便智正行精進以是方便智慧正行
精進力故脫諸苦惱發阿耨多羅三
藐三菩提心一切善根悉皆迴向於

無上道得不退轉以精進力滿足六
波羅蜜故大勤進行速疾正覺阿耨
多羅三藐三菩提虛空藏菩薩摩訶
薩成就如是不可思議无量功德教
化衆生今時弥勒菩薩摩訶薩白佛
言世尊何緣獨見此善男子頂上如
意寶極為妙色端嚴赫焰非餘菩薩
佛言善男子是虛空藏菩薩摩訶薩
成就大悲為利衆生脫大苦事若有
衆生犯根本重罪當墮惡道拔斷一
切諸善根行如是衆生是善男子為
作妙藥若有衆生墮大無明闇蔽惡
見牢獄繫閉為大照明猶之如日令
其悔過斷根本惡能除衆生疑心毒
箭或有衆生破壞心器犯根本重罪
失諸善法當墮惡道無歸无趣一切
明慧之所捨棄是善男子能示是等
罪闇衆生安於善道猶如寶杖又能
洗一切臭惡結使能轉惡道安止入
天遠涅槃樂猶如大車若有衆生多
欲所轉極多瞋恚忿怒心乱或多愚
癡元明覆蔽說無因果不見不怖不
畏後世貪財无厭乃至常行十種惡

業如是衆生是善男子為閉惡道安止天人逮涅槃樂猶如大車以是緣故一切天人皆應供養是善男子唯除如來應供正遍知今時弥勒菩薩白佛言世尊何等名為犯根本罪衆生犯是根本罪已拔斷一切諸善根行當墮惡道犯墮根本罪故離於一切人天之樂復因由是善男子故今彼衆生具滿人天涅槃之樂

佛言善男子灌頂刹刹王犯根本重罪有五事灌頂刹刹王犯五根本罪已諸先所種一切善根悉皆敗壞犯墮根本罪故離於一切人天之樂當墮惡道何等為五善男子若灌頂刹刹劫奪塔物或奪僧物若招提僧物若自取若使人取是名初犯根本重罪若誹謗法故聞佛為聲聞說為緣覺說為大乘說誹謗遮固不令流布是名犯第二根本重罪

若為我出家剃除鬚髮被服袈裟或能持戒或不持戒或破戒或不破戒脫其袈裟罷令還俗或捶打其身而謫罰之收閉囹圄或斷其命是名第

三犯根本重罪

若刹利王以自在力作五無間罪勸他人作五無間罪於五无間罪隨作一罪是名第四犯根本重罪

若刹利王說無因果捨於他世行於十惡勸多衆生作十惡業是名第五犯根本重罪

善男子若灌頂王於此五根本重罪之中若犯一二則破過去一切善根犯墮重罪離於一切人天之樂當墮惡道以是緣故虛空藏菩薩摩訶薩現生邊地或現沙門形服威儀或現婆羅門形服威儀在在現生隨彼彼處為諸刹利說未曾聞法如一切智說甚深經典說陀羅尼及忍辱地敷演開示以是緣故灌頂王先所作惡不善之業慙愧悔過更不復作安住布施寂靜調伏大勤進行趣向大道復次大臣亦有五事犯根本重罪何等為五若彼大臣劫奪塔物及奪僧物招提僧物是名第一犯根本重罪若大臣破於國城村邑聚落是名第二犯根本重罪

若大目誹謗正法聞佛為聲聞說為緣覺說為行一切智者說誹謗遮回藏匿隱覆是名第三犯根本重罪
若諸大臣見人為佛出家剃除鬚髮被服袈裟若持戒若不持戒若破戒若不破戒脫其法服罷令還俗撻打其身謫罰繫閉若斷其命是名第四犯根本重罪

若大臣犯五無間二惡業是名第五犯根本重罪

善男子若大臣犯一二五根本重罪則壞過去一切善根離於一切人天之樂當墮地獄以是緣故是虛空藏為是等故現生邊地作沙門形色若婆羅門乃至男女等像而為說法在在處處為於大臣說甚深法如一切智說諸甚深經典及陀羅尼忍辱之行開示演說大臣聞已所造惡業慙愧悔過更不敢作安住布施寂靜調伏勤行精進趣向大道

善男子聲聞弟子犯根本重罪亦有五事何等為五煞生姪欲偷盜妄語若出佛身血是名聲聞犯五根本重

罪若有聲聞犯二根本重罪疑箭
在心燒滅諸根必定趣向惡道虛空
藏菩薩為是等故在在現生或作沙
門形色威儀乃至男子等像而為說
法令求聲聞人慙愧悔過更不敢作
安住寂靜調伏趣向無上大道

善男子初向大乘善男子犯根本等
重罪有八何等為八若有衆生惡業
因緣生五濁世以少善根近善知識
聞此大乘甚深妙法少覺少知少善
根故發阿耨多羅三藐三菩提心聞
第一無相等經轉為凡愚分別解說
是凡愚人聞已驚畏退失阿耨多羅
三藐三菩提心願求聲聞乘是名初
發心菩薩犯初根本重罪以是罪故
所修善根一切破壞犯墮重罪離於
天人及涅槃樂退菩提心當墮惡道
是故菩薩應知他心及善根已如應
說法如度大海漸漸深廣是故虛空
藏現生其土同彼色像而為說法是
名初犯根本重罪

行者欲見虛空藏菩薩懺悔所犯惡
罪於夜後分燒沉水堅黑沉水若多

竭流香合掌稱虛空藏菩薩名是善男子隨功德分見虛空藏所現形色若見其身若沙門若婆羅門若男若女種種形色而為說法是初發心菩薩所犯根本重罪即得懺悔堪忍无上大方便行三昧忍辱及陀羅尼至安住地能斷惡道於阿耨多羅三藐三菩提得不退轉於六波羅蜜得大精進力猶如金剛當疾覺於阿耨多羅三藐三菩提若於其前不現身者是初行菩薩明星出時從坐而起向於明星說如是言南无呵嚩鄺南無阿嚩鄺成就大悲今者初出於閻浮提願以大悲覆護於我我言說白大悲虛空藏菩薩於夜夢中示我方便以是緣故得悔所犯根本重罪成就大乘方便智眼尋於眠中明星出時虛空藏菩薩即於夢中自現色身令其悔過滅除諸惡已即得三昧名不忘菩提之心善住大乘具六波羅蜜若初行菩薩語餘人言汝等不能行六波羅蜜亦不能覺阿耨多羅三藐三菩提汝等速發聲聞辟支佛心可

得度於生死餘如上說是名初行第二犯根本重罪

復次初行者或說是言汝用善持調伏戒為但當速發菩提之心汝當讀誦大乘經典身口意惡當得清淨元有惡報餘如上說是名初行第三犯根本重罪

復次初行者若說是言汝有大德應離聲聞法勿聽勿讀勿為他說汝善男子當隱藏聲聞經法聲聞法中不得大乘不能令汝使得邊際唯當聽受大乘經典為他人說汝諸惡業當得清淨疾成佛道若受是語攝取是見二俱犯罪是名初行菩薩第四犯根本重罪

復次初行者妄語兩舌異思說大乘異經典為於名譽利養受持讀誦如其所聞為他廣說作如是言我知大乘非餘人也見他得利心生嫉妬說他惡名誹謗毀訾自說得過人法是人破壞犯墮重罪離大乘法當墮惡道如人入海求寶船敗沒死是初行者亦復如是是名初行第五犯根本

復次未來當有若在家出家初行菩薩讀誦方廣經典為利養故言我解是妙法愍汝等故為汝等說是初行菩薩實無饒益衆生之心如人飢之入大果林捨諸美果服毒果而死是初行菩薩亦復如是得入大乘正覺寶林為利養名譽故說大乘經犯根本重罪為諸智者之所呵責人天四衆不應親近是名初行第六根本重罪

復次刹利王有國相旃陀羅臣旃陀羅兵吏旃陀羅醫旃陀羅如是癡人自持財寶雖行施慧放逸憍慢破壞衆僧因倚王臣劫奪僧物是名初行第七犯根本重罪

復次若刹利旃陀羅臣旃陀羅比丘旃陀羅等瞋嫌沙門法說非法非法說法捨諸經律非時義論非法立制斷學般若惱亂比丘令諸沙門失淨信心壞破威儀實非沙門自言沙門實非梵行自言梵行令諸四衆增致供養是王臣及比丘二俱得罪是名初行第八犯根本重罪是初行菩薩

犯此根罪不名修行斷諸善根離人
天樂當墮惡道善男子虛空藏菩薩
為是等故隨形入類現同色像而為說
首楞嚴等種種經律令犯罪者悔諸惡
業成就善根究竟涅槃若善男子禮拜
稱讚虛空藏菩薩是人現在得大功德
復次若有衆生聞虛空藏菩薩名
造立形像供養恭敬尊重讚歎種種
供養具而以供養是人現身水不能
漂火不能燒刀不能傷毒不能害人
與非人無有能害亦无病痛飢渴之
患臨命終時是虛空藏現其所事種
種天像日月等像令諸衆生各見所
歸充滿其願說如是偈

是四聖諦

慧者若見

知生死過

度諸有流

若有衆生深心信佛即現佛身而說
是偈

佛智真實

若度諸有

得證佛智

脫一切苦

是諸衆生臨命終時得見佛身深心
愛樂歡喜踊躍既命終已離五濁世
生淨佛土見佛聞法善男子是虛空
藏菩薩摩訶薩成就如是不可思議

功德若欲增長修諸禪定智慧自在
當澡浴清潔於夜後分札虛空藏已
設諸供養作如是言於諸衆生大慈
悲者願施與我念定方便即說陀羅
尼句

單牟蘭那哈一毖鉢尼鉢二茂呢阿婆
多辣三那那移四那移摩訶迦留尼迦五
阿猊婆闍婆嚩呬六阿伽闍婆嚩呬七跋
闍闍婆嚩呬八路奢嚩栗呬九阿那摩
嚩呬十復多句嚩嚩呬莎呵十一

即與彼人念定方便若欲讀誦種種
經論亦於明星出時供養禮拜虛空
藏菩薩已作如是言大悲虛空藏極
拯濟諸衆生願愍念於我與我念慧
力即說陀羅尼句

阿彌羅闍鞞一哈蒲沙闍鞞二毗婆那
闍鞞三味老三弥四娑咤羅闍師五悉
唎那嚩鞞六世羅迦尼七呼摩呼摩八
摩訶迦留尼迦莎呵九

若欲渡海欲求伏藏欲求仙道若繫
閉若有別離若愁憎會若水若火若
刀若毒若病蠱道師子虎狼毒蛇盜
賊等種種怖畏及所須之物是人應

當稱虛空藏菩薩名禮拜供養應於
彼起大慈父想說如是偈

愍我愍我大悲稱 利益世間虛空藏
願以大悲諦觀我 救我如是諸怖畏

大德施我功德利 我今苦逼窮貧窮

歸依我尊大寂靜 願得現樂及來世

今時虛空藏菩薩或現自身或現他

身種種形色而安慰之令得解脫所

須之物亦悉具足若復王子欲紹王

位婆羅門處長者工巧處大威德處

大思惟處大解脫處是人亦於夜後

分稱虛空藏菩薩名禮拜供養誠心

歸依虛空藏菩薩清淨天耳遠聞音

聲往其人前而為說法令滿所願善

男子虛空藏成就如是不可思議功

德智慧方便假令衆生數知海水不

能得知虛空藏菩薩功德之量復有

衆生能知十方虛空邊際亦不能知

虛空藏菩薩神通變化摧智之力是

故虛空藏頂上寶珠光色如是今時

會衆聞佛所說歡喜踊躍頂禮佛足

白佛言世尊云何能於五濁惡世教

化衆生佛言善男子猶如虛空无縛

无解無瞋无愛其性清淨善男子如
來亦亦於第一義空心得自在其性
清淨雖處濁世不為塵垢之所染汙
為化衆生故出現於世善男子而是
虛空依於六識而得住耶不也世尊
虛空藏白佛言世尊各不相依各無
行處一切法空无有積聚本際如實
猶如虛空無壞无成無憶想分別无
動無憂无子無果无報無有文字世
尊菩薩摩訶薩如是知諸法性得无
生忍如是世尊即說呪曰

卑婆羅闍一摩菟歡移二慎那闍移三
禪那尼摩四牟尼呵羅五阿那吽六破
羅仇呵七竭婆尼摩八阿毗吽九修婆
奢奢闍婆十舍那舍那十一舍那哆吽十二
劔摩舍摩十三祢摩浮摩十四毗沙舍摩
五遮那吽那十六翅隸唵蒲三嚩訶呢莎
呵十七

佛言善哉善哉善男子汝今能說是
降伏眼師子吼步水陀羅尼令諸衆
生臨命終時破煩惱障業障報障得
生淨土汝能愍念衆生遊諸佛土示
現色身利益衆生說大乘經能斷諸

忽令王旃陀羅乃至沙門旃陀羅修
諸善法佛說此經時无量阿僧祇人
得天種種三昧陀羅尼住於諸忍得
地十智十千人得無生法忍佛說偈言
若衆生諍訟因根本所攝能攝諸根本
速疾得見彼

佛說經已一切大衆歡喜奉行
虛空藏菩薩神呪經

已亥歲高麗國大藏都監奉

勅彫造

觀虛空藏菩薩經

吊

宋國寶三歲曇摩蜜多譯

如是我聞一時佛住佉陀羅山依正覺仙人所住之處與千二百五十比丘俱賢劫千菩薩弥勒為首尔時長老優波離即從坐起整衣服為佛作礼白佛言世尊先於功德經中說虛空藏菩薩摩訶薩名能除一切惡不善業治王旃陀羅乃至沙門旃陀羅諸惡律儀如此惡事若欲治當云何觀虛空藏菩薩設得見者云何共住布薩僧事若優婆塞破五戒犯八戒齋出家比丘比丘尼沙弥沙弥尼式叉摩尼犯四重禁在家菩薩毀六重法出家菩薩犯八重禁如是過人世尊先於毗尼中說決定耻債如大石破今於此經說大悲虛空藏能救諸苦及說呪以除罪各設有此人云何知之以何為證惟願天尊分別解說佛告優波離汝及未來世一切善持毗尼者應當教此犯罪衆生安慰其意世尊大慈弘誓無量不捨一切於深功德經說治罪法名決定毗尼有三十五佛

救世大悲汝當敬礼汝敬礼時當著
慙愧衣如眼生瘡深生愧耻如癩病
人隨良醫教汝亦如是應生慙愧既
慙愧已一日乃至七日礼十方佛稱
三十五佛名別稱大悲虚空藏菩薩
名澡浴身體燒衆名香堅黑沆水明
星出時長跪合掌悲泣雨淚稱虚空
藏白言大德大悲菩薩愍念我故為
我現身今時當起是想是虚空藏菩
薩頂上有如意珠其如意珠作紫金
色若見如意珠即見天冠此天冠中
有三十五佛像現如意珠中十方
佛像現虚空藏菩薩身長二十由
旬若現大身與觀世音等此菩薩
結加趺坐手捉如意珠王其如意
珠演衆法音與毗尼合若此菩薩憐
愍衆生故作比丘像及一切色像若
於夢中若坐禪時以摩尼珠印印彼
人臂印文有除罪字得此字已還入
僧中如本說戒若優婆塞得此字者
不障出家設不得此字便使空中有
聲唱言罪滅罪滅若無空聲使知毗
尼者夢見虚空藏菩薩告言毗尼薩

毗尼薩某甲比丘某甲優婆塞更令懺悔一日乃至七七日礼三十五佛虛空藏菩薩力故汝罪輕微知法者復教令塗治園廁經八百日日告言汝作不淨事汝今一心塗一切廁莫令人知塗已澡浴礼三十五佛稱虛空藏向十二部經五體投地說汝過惡如是懺悔復經三七日今時智者應集親厚於佛像前稱三十五佛名稱文殊師利稱賢劫菩薩為其作證更白羯磨如前受戒法此人因苦行力故罪業永除不障三種菩提業佛告優波離汝持是觀虛空藏法為未來世無慙愧衆生多犯惡者廣分別說說是語時時虛空藏菩薩結跏趺坐放金色光如意珠中見三十五佛已白佛言世尊我此如意珠寶從首楞嚴出是故衆生見珠者得如意自在今時世尊勅優波離汝持此經不得為多衆廣說但為一人持毗尼者為未來世無眼目衆生作眼目故慎莫忘失時優波離聞佛所說歡喜奉行阿弥隸奢阿弥隸奢迦留尼迦遮羅

遮羅毗遮羅珊遮羅迦留尼迦^二羅茂
羅羅茂羅毗伽陀隸^三摩瞽呿復閣
摩那迦留尼迦^四真陀摩尼富羅移迦
留尼迦^五薩婆阿奢弥叱波移^六陀濱
陀利^七破仇破仇^八留垣脾脾伽仇^九償
脾脾伽仇迦留尼迦^十富隸移埵摩摩
阿奢^{十一}薩埵波叱遮阿輸迦竭垣莎
呵^{十二}

三十五佛名

釋迦牟尼佛 金剛不壞身佛
寶光佛 龍尊王佛
精進軍佛 精進慧佛
寶力佛 寶月光明佛
現無愚佛 寶月
无垢佛 離垢佛
勇施佛 清淨佛
清淨施佛 婆留那佛
永天佛 堅德佛
梅檀德佛 無量光佛
光德佛 无量氣光佛
那羅延佛 功德華佛
蓮華遊戲神通佛 才功德佛
念功德佛 善名稱佛

洪炎幢王佛善遊步功德佛

闍戰勝佛善遊步佛

周帀莊嚴功德佛寶蓮華遊步功德佛

蓮華光善住娑羅樹王佛

過去三十五佛名

虛空藏菩薩陀羅尼

多擲哆阿彌闍迦留尼迦遮羅遮羅

毗遮羅迦留尼迦茂羅羅囉茂羅毗

迦陀羅摩摩刼呿復奢摩都迦留尼

迦真多摩尼富羅移迦留尼迦薩埵

舍摩哆婆地阿若陀梨婆破窮窮

留提毗脾伽窮持栗頭毗脾伽窮迦留

尼迦富梨地毘_音摩摩阿舍薩埵波

利波遮阿輸迦竭提莎呵

若有衆生種種諸病逼切其身其心

散亂聾盲瘖瘂諸根不具肢節各異

時有死相如是等事一向稱虛空藏

菩薩摩訶薩名除諸病故欲無病故

燒沉水黑堅坑水若多竭流香礼虛

空大善丈夫是善丈夫於夜夢中作

婆羅門像在其人前即現釋像功德

天像妙音天像或羅刹之像或大臣

之像或兵吏之像良藥之像或父母

之像於夜夢中在病人前如實說種種隨病湯藥等者一服除老无餘復有如是取營求事欲多問義若寂靜處欲行禪定欲智慧欲得名稱欲求巧欲求自在欲得妙色欲封欲得勢力欲財能欲得妙聲欲得子息欲得眷屬欲得功德欲得布施持戒忍辱精進禪定欲得義語欲得人恭敬欲脫諸惡灾止於施乃至住慧欲得長命欲得種種所須之具得以能用是人礼虚空藏菩薩摩訶薩若阿練若在林中若在路地燒於沉水黑堅沉水若多竭流香至心合掌五體投地遍礼十方說陀羅尼句即得所願過去五十三佛名

普 光 佛 普 明 佛

普 靜 佛 多摩羅跋耨檀香佛

耨 檀 光 佛 摩 尼 幢 佛

歡喜藏摩尼寶積佛

一切世間樂見上大精進佛

摩 尼 幢 燈 光 佛 慧 炬 照 佛

海 德 明 光 佛

金剛牢彊普散金光佛

大彊精進勇猛佛大悲光佛

慈力王佛慈藏佛

栴檀窟莊嚴勝佛賢善首佛

善意佛廣莊嚴佛

金華光佛寶蓋照空自在王佛

虛空寶華光佛琉璃莊嚴王佛

普現色身光佛不動智光佛

降伏諸魔王佛才光明佛

智慧勝佛弥勒仙光佛

世靜光佛善寂月音妙尊智王佛

龍種上尊王佛日月光佛

日月珠光佛慧愍勝王佛

師子吼自在力王佛妙音勝佛

常光幢佛觀世燈王佛

慧威燈王佛法勝王佛

須弥光佛須蔓那華光佛

優曇鉢羅華珠勝王佛

大慧力王佛阿閼毗歡喜光佛

無量音聲王佛才光佛

金海光佛山海慧自在通王佛

大通光佛一切法常滿王佛

若有善男子善女人及餘一切衆生

得聞是五十三佛名者是人於百千

万億阿僧祇劫不墮惡道若復有人
能稱是五十三佛名者生生之處常
得值遇十方諸佛若有人能至心敬
禮五十三佛名者除滅四重五逆及
謗方等皆悉清淨

毗婆尸佛尸棄佛

毗舍佉佛拘留孫佛

拘那含牟尼佛迦葉佛

釋迦牟尼佛

東方寶光月殿妙尊音王佛

南方樹根華主佛

西方造王神通炎華佛

北方月殿清淨佛

下方善寂月音王佛

上方無數精進願首佛

佛告寶網菩薩若善男子善女人起
立講堂如三千大千世界講堂內造
立精舍計有億數皆以赤栴檀而合
成之以一切樂具供養諸佛於百千
劫於佛滅後復起塔廟幢幡華蓋寶
瓶香爐伎樂歌歎於意云何是人功
德寧為多不寶網白佛甚多世尊佛
言不如有人諷誦念此六方佛名恭

敬作禮其人世世常生轉輪王家端正威德臨欲終時百億諸佛授手令不墮三惡趣設有五逆重罪應入地獄令現世輕受頭痛則除此當之不入三惡道受是故至心恭敬作禮廣說如是寶網童子經

東方須彌燈光明佛 東南方寶藏莊嚴佛

南方栴檀摩尼光佛

西南方金海自在王佛

西方大悲光明王佛

西北方優鉢羅蓮華勝佛

北方蓮華鬘莊嚴王佛

東北方金剛自在王佛

上方殊勝月王佛 下方日月光王佛

舍利弗若有菩薩犯於初戒於十衆

前以正直心殷重懺悔手犯戒者於

五衆前以正直心殷重懺悔手捉女

人眼見惡心或一人二人前以正直

心殷重懺悔若有菩薩成就五元聞

罪犯於女人或犯男子或有手犯犯

塔犯僧如是等餘犯菩薩應當於三

十五佛邊所犯重罪晝夜獨處至心

懺悔懺悔法者歸依佛歸依法歸依僧

妙音菩薩 文殊師利菩薩
藥王菩薩 勇施菩薩
宿王華菩薩 上行意菩薩
莊嚴王菩薩 藥上菩薩
得勤精進力菩薩 觀世音菩薩
無盡意菩薩 持地菩薩
莊嚴相菩薩 普賢菩薩
是十四菩薩法華中妙音來所欲見
若念札者得現世福

種種行菩薩 無量行菩薩
清淨行菩薩 建立行菩薩
誦四菩薩名念札者命終不經三惡道
東方空無菩薩 南方善思議菩薩
西方喜信淨菩薩 北方神通華菩薩
念札四菩薩得三世福經趣佛道
跋陀和菩薩 羅隣那竭菩薩
憍目鳧菩薩 那羅達菩薩
須深彌菩薩 摩訶須薩和菩薩
因坵達菩薩 和倫調菩薩
是八菩薩從般舟中出是八人求道
以來無央數劫於今未取佛願言彼
十方天下人民皆得佛道有急疾皆
呼我八人名字即得解脫壽命終時

我八人便當飛往迎逆之誦礼八菩薩者得現世福命終八人迎接將往極樂國土化生蓮華中作无生菩薩舍利弗目捷連大迦葉須菩提此四聲聞念礼者令人得現世福富樓那阿難羅睺羅聲聞士此三摧聲聞念礼者令人得大乘福

第一分舍利在拘尸那國城

第二分舍利在波婆國

第三分舍利在羅摩國

第四分舍利在庶勒國

第五分舍利在毗菟國

第六分舍利在毗耶離國

第七分舍利在迦毗羅國

第八分舍利在摩伽他國

第九分舍利在瓶頭羅國

第十分舍利在羅延那國

佛初去世後起此十塔當尔時閻浮提二十八万里中正有十塔念礼者得無量福德捨身不墮三惡道

天上四塔者

忉利天城東照明園中有佛髮塔

忉利天城南盧迦園中有佛衣塔
忉利天城西歡喜園中有佛鉢塔
忉利天城北駕御園中有佛牙塔
人間四塔者

第一所生塔在拘薩羅國迦毗羅城
嵐鞞林

第二道場塔在摩伽陀國伽耶城菩
提樹下

第三轉法輪塔在伽尸國波羅捺城
鹿野苑中

第四般涅槃塔在摩羅國拘尸羅城
雙樹間

人間八塔念禮亦令人得現世福

集法悅捨苦陀羅尼經

南無佛陀耶南無達摩耶南無僧伽
耶南無毗首陀遮耶南無阿伽竭浮
遮耶南無摩訶薩婆娑伽利耶多擲
姪哆_{反勅賀}林弥利婆_反婆娑弥留遮呵檀
摩陀那闍那希希知_反底婆居婆遮
耶那耶波羅薩婆摩訶希知底利殃
求知利默求知利比婆薩婆耶那比
林婆闍呵陀舍耶輸薩婆娑羅三
蔓_{反无利}鉢沘波波波利摩訶阿那莎呵

尔時佛告諸大衆言吾本无數劫中處於凡夫時字遮他陀在加倫邏國作於商客販賣治業虛妄无實造諸惡行不可稱計姪荒無道不可具說是時愚癡害父愛母經數年中舉國人民一皆知之稱聲唱言是遮他陀害父愛母經今數年吾時思念與六畜無異更无人事時於加倫邏國跳城奔走趣於深澤時此國王名毗闍告令國中人民此遮他陀姪荒无道致為此事其有能得此人者當重賜寶物時此國人各各受募欲捕吾身是時驚怖即出國作沙門在於他國修行十善坐禪學道晝夜泣淚經三十七年以五逆罪障故心不定憂悲叵處以三十七年中在於山窟常舉聲泣苦哉苦哉當以何心去此苦也悲歎下窟乞食時道中地得一大鉢中有一匝經更无餘經唯有集法悅捨苦陀羅尼說過去恒河沙諸佛泥洹時常在毗悅羅國說此陀羅尼付諸大菩薩後有人得聞此陀羅尼者此人過去世時修持五戒十善當令

得聞有人雖聞而不在心不修集者是名無緣此陀羅尼能除去百億劫生死五逆大罪若有人受持讀誦者終不墮於三塗地獄餓鬼畜生何以故過去諸佛以欲泥洹時會當說之尊重歎仰稱其功德不可計量付諸菩薩後有衆生得聞此陀羅尼者修習著心福報難計猶如須彌寶海九夫不能得量若有人作諸惡行竊聞此陀羅尼名不及修習一用在懷墮於地獄一切地獄中蒙此人恩苦痛不行有人能行現身精勤修習得者覩見百千万佛剎土得福無量不可具說唯有諸佛與諸菩薩乃能究盡聲聞二乘人者不能得知何以故此陀羅尼非一佛二佛所說過去恒河沙諸佛所說是時吾得此經即不乞食歡喜向窟到於窟中燒香禮拜悲淚讚仰於窟中修習讀誦經一年始得以罪業障故不能得入心懷是時吾即以秋月夜洗浴修行經一七日如童子初學憤憤者不少便更行於七日亦如是憤憤無異心中愁惱不

知云何意中沾思此陀羅尼字經於
數及心中忽定我時欣悅如人地得
百千斤金人無知者內欣不止吾時
可然修行數年飛行无尋覩見十方
三世諸佛後有行者如法行之

虛空藏菩薩陀羅尼呪

南无佛兒佛多 摩訶目捷連莎多擲

他^{勅賀}歌利吉利弥利跢利 薩婆伽歌

利弥利 薩婆伽弥利莎呵

此陀羅尼要月十四日十五日明星
出時誦之八百遍燒好沉水香香烟
不絕要用黃花八百枚令人得福若
善男子現身安隱求心中所願無不
獲得若是女人化成男子能至心一
日一夜六時行道誦持之者一劫二
劫之罪永不入惡趣要用春秋涼時
三月四月八月九月

觀虛空藏菩薩經

戊戌歲高麗國大藏都監奉

初彫造

大方等大集經菩薩念佛三昧分卷第一

民

隋天生三歲達磨笈多譯

序品第一

尔時婆伽婆在王舍城耆闍崛山中
與大比丘衆千二百五十人俱一切皆是
大阿羅漢諸漏已盡無復煩惱心善
解脫慧善解脫調伏一切猶如大龍
捨離重擔不受後有所作已辦獲真
已利住平等智入解脫門自在得度
衆苦彼岸惟除尊者阿難一人

復有無量諸菩薩摩訶薩衆皆從十
方世界來者各與一切菩薩摩訶薩
衆俱

復有無量淨居諸天子其名曰難陀
天子須難陀天子栴檀那天子須摩
那天子自在天子大自在天子難勝
天子善威光天子如是等諸天子衆
過夜半已放大光明直照於此耆闍
崛山已咸詣佛所頂礼尊足即以天
多摩羅跋香天沉水香天多伽羅香
天末栴檀香及牛頭栴檀香如是等
種種諸香悉懃再三散於佛上已復

以天散華及天雞婆羅華摩訶雞婆
羅花曼陀羅華摩訶曼陀羅華曼
殊沙華摩訶曼殊沙華阿地目多華
以如是等種種衆華亦慇懃再三散
於佛上已而復漸進前詣佛所右遶
三匝一心恭敬合十拍掌稽首禮佛
退住一面

尔時諸天子衆各如是念今此菩薩
念一切佛三昧法門過去諸如來應
供等正覺已曾於彼天人大衆中宣
揚分別利益一切諸衆生故今我世
尊豈不為斯天人大衆梵魔沙門婆
羅門諸龍夜叉乾闥婆阿修羅迦樓
羅緊那羅摩睺羅伽人非人等敷
演宣說如是妙典為欲利益一切世
間天人大衆故亦今未來世一切衆
生咸蒙利益故

尔時難陀天子須難陀天子梅檀那
天子須摩那天子自在天子大自在
天子難勝天子善威光天子如是一
切諸天子衆作是思惟已即白佛言
世尊婆伽婆今此菩薩念一切佛三
昧法門過去諸如來應供等正覺已

曾為諸天人大衆梵魔沙門婆羅門
諸龍夜叉乾闥婆乃至一切人非人
等敷揚演說如是經典利益世間諸
衆生故惟願世尊大慈哀愍今亦為
此天人大衆梵魔沙門婆羅門及彼
一切人非人等演說如是方等法門令
諸世間多獲利益安隱快樂故

尔時世尊大悲熏心為欲利益一切
世間諸衆生故默然受是諸天子請
時諸天子見佛默然知聖哀許頂礼
佛足圍遶三匝即於耆闍崛山忽然
不見還於天宮

尔時世尊過夜後分將明旦時便作
大師子王警欬之聲而復微笑時佛
如來應供等正覺忽發如是殊異聲
已須臾之間是耆闍崛山精舍所有
諸比丘衆承佛威神一切皆悉集於
如來應供等正覺所

尔時復有衆多異阿蘭若處諸比丘
等具大神通有大威德亦皆承佛威
神俱從阿蘭若處來入耆闍崛山集
如來所

尔時王舍大城一切諸比丘尼亦皆

承佛威神入者閻崛山集如來所

尔時摩伽陀國主卑提希子阿闍世王與无量百千眷屬前後圍遶入者閻崛山集如來所

尔時復有諸夜又大將其名曰阿吒婆迦曠野居夜又大將伽陀婆迦驢形夜又大將金毗羅摩竭魚夜又大將須胎路摩針毛夜又大將摩羅陀梨持華婁夜又大將如是等諸夜又為首并餘諸夜又輩有大威神具大勢力各與無量百千眷屬前後圍遶入者閻崛山集於佛所

尔時復有諸阿修羅王其名曰大叫羅睺阿修羅王種種可畏毗摩質多阿修羅王須婆睺善辭阿修羅王波訶羅舒展陀阿修羅王有大威神具大勢力聞佛警聲心生驚悚身毛皆豎各與无量百千眷屬前後圍遶入者閻崛山集於佛所

尔時復有此三千大千世界所有諸大龍王及其眷屬彼各聞佛警歎聲時心生驚悚身毛皆豎承佛威神來入者閻崛山集於佛所

尔時舍婆提大城給孤獨長者亦與無量百千眷屬前後圍遶自舍婆提詣王舍城入耆闍崛山集於佛所為欲恭敬供養如來聽聞正法故

尔時毗舍離大城亦有无量諸梨車子皆生大淨婆羅門家其名曰善思梨車子伏怨少壯梨車子功德生梨車子无邊手梨車子舉手梨車子然手長者子如是等而為上首皆已久住無上大乘各與无量百千眷屬前後圍遶自毗舍離詣王舍城入耆闍崛山集於佛所

尔時瞻波大城復有无量諸長者子已於過去供養无量無邊諸佛種諸善根具大威德有大勢力其名曰善住長者子利益長者子无邊精進婆羅門子如是等而為上首及餘無量長者居士各與无量百千眷屬前後圍遶自瞻波城詣王舍城入耆闍崛山集於佛所為欲恭敬供養如來聽聞正法故

尔時波羅奈城有无量種異類人眾已於過去供養无量百千諸佛植諸

善根皆已純熟自波羅奈詣王舍城
入耆闍崛山集於佛所為欲恭敬供
養如來聽聞正法故

尔時拘尸那城復有无量諸力士末
羅子亦曾供養無量百千諸佛世尊
以久熏修諸善根故有大威德具足
勢力亦與无量眷屬圍遶自拘尸那
詣王舍城入耆闍崛山集於佛所亦
為恭敬供養如來聽聞正法故

尔時東方過無量恒河沙諸世界中
一切大梵天王并餘天衆有大威德
具大神通聞佛世尊大師子王謦歎
聲時咸大驚愕舉身毛豎承佛威神
各與无量千万天衆眷屬圍遶皆自
本處發來詣此娑婆世界王舍大城
入耆闍崛山集於佛所如是南西北
方四維上下皆有如是无量恒河沙
世界所有一切大梵天王及餘天衆
有大威德及大神通聞佛世尊大師
子王謦歎聲時亦咸驚悚舉身毛豎
承佛威神各與无量千万天衆眷屬
圍遶皆自本處發來詣此娑婆世界
王舍大城耆闍崛山集於佛所

今時耆闍崛山其地弘博縱廣正等
如此三千大千世界大衆充滿无有
空處如杖頭許然彼大衆皆有無量
大威德力及大神通一切天人諸龍
夜叉乾闥婆阿修羅迦樓羅緊那羅
摩睺羅伽人非人輩皆悉充滿

尔時世尊知諸世間天人大衆一切集
已復發如是大師子王聲歎之聲發
大聲已自精舍出至一方所而復微
笑時諸世間天人大衆覩是事已各
捨已服及諸華鬘以種種香而散佛
上供養恭敬至心瞻仰

尔時大衆中有尊者舍利弗尊者目
犍連尊者大迦葉尊者須菩提尊者
富樓那弥多羅尼子尊者羅睺羅尊
者大劫賓那尊者大迦旃延尊者阿
泥樓陀尊者護世尊者守籠那尊者
難陀尊者阿難等而為上首及餘一
切諸大聲聞皆是大德具大神通一
切皆來集斯會坐

尔時大衆中復有尊者弥勒菩薩摩
訶薩越三界菩薩摩訶薩踊大步菩
薩摩訶薩初發心即轉法輪菩薩摩

訶薩善思菩薩摩訶薩大音聲菩薩
摩訶薩善行步菩薩摩訶薩超三世
菩薩摩訶薩持世菩薩摩訶薩文殊
師利菩薩摩訶薩不空見菩薩摩訶
薩等而為上首及餘无量無數菩薩
摩訶薩皆於過去無量諸如來所種
諸善根衆行熏修功德成滿久已得
住阿耨多羅三藐三菩提

尔時尊者不空見菩薩摩訶薩見佛
世尊復微笑已從座而起整容理服
偏袒右肩右膝著地合掌向佛而說
偈曰

寂勝無上兩足尊 無緣不應現微笑
一切世間无等侶 惟願為我演笑因
常施貧窮諸所須 亦說大乘寂妙寶
能與生盲決胎膜 今事微笑何因緣
世尊三界尚无比 何況世間得論勝
能作世間大導師 今應顯笑有何緣
尔時世尊即告不空見菩薩摩訶薩
言不空見汝今見斯勝地方所左右
邊動衆相莊嚴可愛樂不不空見言
如是世尊如是婆伽婆佛復告言不
空見汝應當知此地方所往古諸如

來應供等正覺已曾受用教化遊居
尔時不空見菩薩聞佛教已速疾而
行趣彼方處至彼方已便入三昧住三
昧時自然成就上妙寶座種種莊嚴
皆悉具足嚴飾座已還詣佛所頭面
礼足而白佛言世尊今此方處莊嚴
若是惟願世尊亦當及時處斯勝地
尔時世尊便往方所至方所已如法
昇座於是如來應供等正覺昇此座
時如此三千大千世界一切大地六種
震動所謂動遍動等遍動震遍震等
遍震涌遍涌等遍涌吼遍吼等遍吼
起遍起等遍起覺遍覺等遍覺東
涌西沒西涌東沒南涌北沒北涌南
沒中涌邊沒邊涌中沒時此大地如
是動已佛神力故遍此世界有大光
明令諸衆生等受快樂下至阿鼻大
地獄中所有衆生蒙光觸身諸苦消
滅等受快樂如是一切諸地獄中受
苦衆生及以諸畜生輩更相殘害閻
羅王界諸餓鬼等遇斯光已所有苦
具皆悉消除飢渴充滿无有衆生不
受樂者當尔之時一切衆生悉捨惡

念皆起慈心迦相愛樂各懷悲愍猶如親屬相視歡欣和合同座於是讚曰世尊處斯座能放大光明大地六反動令衆生歡喜如來處斯座法王放光明當知如是時衆生等受樂正覺處斯座大智歸依處放光利世間遍照此佛剎奇我是大乘取勝乘無上如來處斯座利益難思議奇我是大乘寂勝乘无上沙門婆羅門於此莫能測

尔時世尊出廣長舌遍覆於此三千大千世界已告諸菩薩摩訶薩及諸大聲聞衆言諸善男子汝等當知昨中夜後歟有淨居諸天難陀天子須難陀天子栴檀天子須摩那天子難勝天子乃至須多波天子等與无量諸天子有大威德具大神通放盛光明直照耆闍崛山來至我所即以種種天上妙香所謂天末栴檀乃至天多摩羅跋香等散於我上復以種種天華所謂優鉢羅華乃至大曼殊沙華等供養於我右邊三周頂礼我足退住一面彼退住已更於我所增敬上心合十拍掌默然而住住已即作

如是思惟今此一切菩薩念佛法門
過去諸如來應供等正覺已曾為彼
天人大眾宣揚解釋惟欲安樂彼諸
眾生今我世尊亦當為此天人大眾
如是演說念佛法門安樂利益諸眾
生故彼諸天子如是念已即便請我
說此法門時我默然許為其說諸天
知已於是不現尔時世尊即說頌曰
比丘知昨中夜後 淨居天王摩醯羅
將諸天眾及眷屬 難施及以須難施
須摩鄰天栴檀等 乃至難勝須多波
普放世間勝光明 宣照此土耆闍崛
彼天既來至我所 以天華香而供養
然始右遶我三周 頂礼恭敬一面住
彼諸天子默生念 今此念佛修多羅
過去寂勝曾廣宣 憐愍世間眾生故
今我釋尊十力具 寧不演說斯法門
利益世間諸群生 安隱一切天人故
諸天念已便發請 時我默然遂許之
我故欲於耆闍山 如先諸佛所演說
天知我已許之故 生大歡樂尊敬心
一切咸復恭敬礼 右遶三周然後去
比丘汝輩當善聽 我聞過去諸佛說

莫於是處生驚疑 諸如來智難可測
往昔諸佛所行道 我先知盡無復疑

現在一切人中尊 所得菩提我已證

當來大悲愍世者 自然法身我覺知

我今具足無尋智 如是大智難稱量

超出世間无與等 一切衆生莫能測

菩薩念佛三昧分不空見本事品第三之一

尔時世尊告尊者舍利弗尊者大目
犍連尊者大迦葉尊者須菩提尊者
富樓那弥多羅尼子如是等具足神
通有大威德諸大弟子言汝諸比丘
如汝所知依汝境界當於我前各師
子吼何以故若汝說者令此一切天
人大衆諸聲聞人咸得信解故

尔時世尊復告弥勒菩薩摩訶薩文
殊師利菩薩摩訶薩越三界菩薩摩
訶薩超不思議菩薩摩訶薩善行步
菩薩摩訶薩初發心即轉法輪菩薩
摩訶薩善思惟菩薩摩訶薩大音聲
菩薩摩訶薩持世菩薩摩訶薩不空
見菩薩摩訶薩等言不空見汝今應
當大師子吼決定請說諸佛世尊所
得功德真實相貌汝若請者則能利

益一切世間諸衆生輩是故我今躬
自勸汝時彼不空見菩薩聞聖教已
即於佛前以偈讚曰

世尊百福金色身	慈悲妙覺第一義
功德智慧斯無減	忽令我請何因緣
无有等類人中尊	世間勝智靡超者
法王功德已究竟	何緣今日勸我請
佛滅清淨禪第一	智慧深妙解脫真
解脫知見先圓滿	何故今日勸諮問
法王威儀咸具足	一切世間寂尊雄
既能自利亦利他	大師何因勸我請
世尊慈悲久淳至	曠劫常行无怨親
无障尋辯難稱量	何因世尊令我請
能施一切貧乏財	亦開世間生盲眼
勝尊能令怖者安	何緣世尊勸我請
佛身滓穢不能汙	衣服本來離塵垢
生處王中聖王家	何因今者方勸請
聖衣離身四指間	終无近體而能住
旋嵐巨風吹不動	聖尊何事而勸請
世尊尋常行路時	所至衆凸自平滿
或經高阜即坦然	何因今日令我請
世尊身相悉圓滿	行步支節无動搖
由得不壞難思議	不應今日令我請

我觀世尊迴顧時

大地便隨六反動

無有神足若如來

如是自在人中寂

世尊光明所照觸

能令狂者不失心

但能暫覩如來光

或時失念旋即復

世尊行時足動塵

衆生遇者七日樂

乃至壽終隨意生

故我歸命與樂者

若人遭病受大苦

衆痛酸迫不能堪

暫蒙世尊以手摩

即得安隱不可說

世尊法身具斯力

皆因曠劫長時修

是處終无有疑惑

導師不應勸我請

人中獨尊種種能

調伏大仙度一切

我今還白天人師

是故不應勸我請

今時世尊復告不空見菩薩言善哉

善哉汝不空見快說是事善思念之

吾當解說不空見言如是世尊惟願

廣釋我今諦受佛告不空見我念過

去無量无边阿僧祇劫時彼有王名

无边精進有大神通具足威德正法

治化所居大城名曰善住其城寬曠

東西具滿十二由旬南北惟有七由

旬半城有七重其城重別皆以七寶

所謂金銀琉璃頗梨瑪瑙車渠真珠

珊瑚盡同如是衆寶間錯復次不空

見當知彼城城有四面面別三門門
各皆有二關相對樓閣高廣莊嚴殊
麗具足咸以妙寶合成當其門中堅
帝釋勝幢以為門限乃至所有相振
樞闔一切皆是衆寶廁寔復次不空
見彼城諸門咸有金銀二種絡網羅
覆其上復於網上種種嚴飾金網銀
鈴銀網金鈴清風吹動出微妙音具
足和雅猶如天樂復次不空見彼城
七重於七重內具足寶階斯有欄檻
鏤綺分明七寶所成雜色可愛於金
欄處垂白銀茸於銀欄所懸真珠茸
於珠欄處懸琉璃茸乃至種種諸綵
交錯衆寶間懸互相映發復次不空
見彼城七重周匝皆有寶塹圍遶所
謂金銀琉璃頗梨馬瑙諸種莊嚴皆
用寶成其塹各有七寶階陛雜色分
炳微妙可觀復次不空見彼精進王
諸塹水中妙花盈滿所謂優曇鉢花
鉢頭摩花拘物頭花分陀利花如是
衆花光明可愛鮮潔柔軟芳烈遠聞
衆生受用无遮護者復次不空見彼
精進王其塹岸上植種種華所謂尼

丈迦多華鉢帝劍華阿地目多迦華
瞻波迦華婆梨師迦華拘毗羅陀華
達奴迦利迦華如是諸華香鮮可愛
猶如天華民人取用亦無遮護復次
不空見彼城各有七重行列多羅寶
樹周匝圍繞鮮明可愛七寶合成其
黃金樹白銀為華及以華果白銀樹
者真珠為華及以華果真珠樹者琉
璃為華及以華果琉璃樹者頗梨為
華及以華果頗梨樹者馬瑙為華及
以華果馬瑙樹者車渠為華及以華
果車渠樹者赤真珠為華及以華果
赤真珠樹者珊瑚為華及以華果珊
瑚樹者真金為華及以華果復次不
空見諸多羅樹光茂可觀微風觸動
出妙音聲若得聞者歡喜受樂如人
作樂能生種種微妙音聲若有得聞
無不受樂彼多羅樹風來觸時出微
妙音令人樂聞亦復如是復次不空
見彼王城中常有如是種種諸聲未
曾斷絕所謂象聲馬聲車聲步聲
鼓聲貝聲篳篥聲琴瑟琵琶箏笛笳
蕭如是一切種種音聲未曾暫息三

恒宣令國內民人誰有所須飲食求
服象馬車乘隨意所須皆悉給與復
次不空見彼王城外多羅樹林行人
遊處在下休息若飲若食或卧或坐
聞此寶樹諸微妙音莫不皆受五欲
妙樂復次不空見彼精進王於大城
內近速皆如一射箭所置一華池四
岸及底皆四寶成四面階道七寶莊
飾所謂黃金階道白銀莊飾白銀階
道琉璃莊飾琉璃階道頗梨莊飾頗
梨階道馬瑙莊飾馬瑙階道珊瑚莊
飾珊瑚階道虎珀莊飾衆寶雜廁見
者歡喜復次不空見彼池復有諸種
妙華所謂優鉢羅華鉢頭摩華拘物
頭華分陀利華如是衆華香氣芬馥
衆生聞者无不愛樂於池岸上復植
諸華所謂伊尼摩迦乃至達窺迦利
華衆華可愛猶如天華彼華池門常
開不閉人民往來无遮禁者復次不
空見彼精進王於大城內置遊觀園
於諸園中復有種種七寶樹林常有
華果王與夫人後宮侍御同共遊處
歡欣取樂門亦不限任彼人民遊觀

嬉戲等受快樂復次不空見又於彼園內面各一箭所別置花池亦以金等四寶所成復用七寶嚴飾階陛衆色光麗見者樂觀彼池水內種種諸華所謂優鉢羅華乃至分陀利是等衆華芳鮮可愛池岸復有多種林樹及諸華果所謂婆尼斫迦華陀摩那伽乃至達菟迦利華是等華果香鮮可愛人民取用无遮禁者復次不空見彼精進王稟性仁愛慈念衆生如母愛子亦常深心敬事沙門婆羅門刹利長者如子事父復次不空見彼王形量魁偉挺異常人身體圓滿衆相具足面目端正顏色光榮威德弘普天人愛敬復次不空見彼王宿植德本生刹利家種姓尊高世无勝者所生父母七世清淨妻子眷屬福慶會同無有一人行過非者復次不空見彼王以福業故天下豐饒凡是百味恒滿倉厨繒錦諸珍盈溢府庫大方等大集經菩薩念佛三昧分卷第一

已亥歲高麗國大藏都監奉

勅彫造

大方等大集經菩薩念佛三昧分卷第二 氏

隋天生三藏達磨笈多譯

不空見本事品之餘

復次不空見彼精進王以慈愛憐愍
多好行檀常為大會无尋施主天下
所有沙門婆羅門貧窮疾病諸乞求
者隨須給與無有休歇

復次不空見彼精進王凡所統領八
万四千城邑聚落皆是淨業勝因所
感七寶合成於諸城上一一復造八
万四千栴檀樓觀諸門左右亭傳路
次悉有堂舍衆寶莊嚴門无晝夜常
開不閉以擬一切等獲大安又諸城
內衢巷街陌恒然燈燭有大光明今
彼人民各力為作同共受斯安隱
快樂

復次不空見彼精進王時有二子一
名師子二名師子意諸根明利身相
圓滿有大威德具足神通皆已先發
阿耨多羅三藐三菩提心復次不空
見當尔之時有佛世尊号曰寶聚如
來應供等正覺明行足善逝世間解

无上士調御丈夫天人師佛世尊出
現於世常為天人梵魔沙門婆羅門
諸龍夜叉乾闥婆阿修羅乃至一切
人非人等宣明正法初中後善義味
深奧其文亦善純備无雜清白梵行
復次不空見時彼寶聚如來應供等
正覺常與七十二億百千諸大聲聞
皆阿羅漢具足神通有大威德近善
住城說法教化復次不空見今時寶
聚如來應供等正覺即於食時著衣
持鉢與彼七十二億百千大聲聞衆
前後圍遶威容詳雅入善住城次第
乞食彼精進王適與二子在高樓上
遙望見彼寶聚如來大衆圍遶端嚴
殊特威德巍巍行人觀覩莫不樂見
諸根清淨心慮澹然上下調伏勝奢
摩陀到於第一功德彼岸具足圓滿
一切種地王既見已生奇特心喜勇
无量即與二子取諸華鬘塗香末香
及餘名香俱出宮門速疾持詣寶聚
如來應供等正覺所奉獻供養佛及
大衆頂禮佛足却住一面復次不空
見彼精進王及其二子即便要請寶

聚如來與諸大衆盡形供養所謂衣服器具飲食醫藥凡足所須悉皆奉給庶事隆厚聖衆獲安是精進王與其二子宿植德本常求佛法今既遭逢又蒙受請心生歡喜慶幸特深復次不空見時彼寶聚如來應供等正覺於天人中說法教化所應作已便於中夜入无餘涅槃不空見時精進王聞彼世尊般涅槃已即與夫人及其二子躬率群臣及諸民衆詣彼世尊般涅槃處至已敬禮世尊足下悲號啼哭推胸大叫舉身投地如樹中摧躋地宛轉而傷歎曰世尊滅度一何駛哉大聖涅槃遺棄我等世間方盲導師長逝衆生貧困商主告終世界將昏慧燈忽滅不空見彼精進王如是追慕極悲歎已方與二兒詣世尊所以諸香水沐浴聖身復用衆香遍塗尊體更以種種殊異華鬘微妙樂音盡虔供養然後方用迦尸迦衣妙疊纏裹安處金棺及以鐵槨其棺又以七寶雜廁如是盛置彼佛身已方聚清淨赤妙栴檀高一由旬縱廣

正方一拘盧舍散諸種華及以華鬘
燒然殊勝塗末香等灌以蘇油然後
起火闍維寶聚如來色身

復次不空見時彼王子師子旣見如
來般涅槃已如是思惟天人大師捨
我滅度我於今日何義苟存今我若
獲隨從如來應供等正覺而取滅度
豈不樂哉不空見時彼王子如是念
已用諸名香自塗其身復以諸香熏
其衣服以氎纏裹然後周圍放大猛
火焚燒其身火熾盛已師子方於猛
焰之中發大弘誓救諸衆生歌讚歸
依如來功德以偈頌曰

世間寶中寂尊上 今日放捨入無餘
天人大師轉法輪 我等從此不復覩
法王利益无量衆 今已棄置入涅槃
吼宣如是大菩提 長不復見衆圍遶
不可思議大導師 說法能令聞者喜
一切天人諸魔梵 從今永絕不聞聲
能施貧窮法財寶 為衆演說皆樂聞
諸天龍鬼人非人 自此長往无歸趣
世間從今無所依 偏悼我王何恃怙
并師子意失覆護 永不聞佛說法音

我寧捐軀及壽命

無用獨住於世間

以是今滅所愛身

因茲更廣弘誓願

我於佛所種善根

父王亦常尊三寶

先願以此諸功德

令王及我證法身

於不思議諸佛所

供養修行衆善業

普願群生同斯福

亦令我誓无虛言

世尊滅度我焚身

其有得聞或親見

一切皆同等正覺

非彼現在身證者

若人覺悟及夢中

但令見我今所作

彼必成佛无有疑

非彼現在身證者

我此愛身終敗壞

事同水沫无堅牢

願彼食我諸蟲獸

皆得速成菩提道

令我誓行精進事

或有毀罵或輕訶

令我速得調御師

非彼現在身證者

我求无上正覺時

其或慈心相觀視

即於世間疾成佛

非彼現在身證人

我今所願及未發

為是焚燒所愛身

若此誠誓必不虛

令我還見滅度佛

如我暫得覩世尊

何異天師重出世

今我雖復感焦然

猶冀身存得觀佛

世尊智慧无障礙

常轉三世清淨輪

如昔廣利諸衆生

令我見佛從火起

濟世大師若暫起

如先威力普眼尊

佛知師子心精誠

為之暫起視神力

廣與世間興變事

令無量衆獸患身

畢竟利益諸衆生

還復焚身入寂處

大衆覩佛巨神變

以清淨意讚妙音

諸佛妙法難思議

戒及禪定亦復然

智慧解脫不可量

神通變化亦難測

雖已滅度能淨我

今故歸命焰熾身

世尊威德無有比

神通已達彼岸邊

滅度能令生獸離

今我歸依普眼觀

慈悲一切寂尊勝

能以自心知他心

悉治無邊界衆生

歸命無等善逝者

於諸醫中第一尊

常以妙藥施衆生

能除無量衆病苦

歸命憐愍救護人

以我稱讚諸善根

恭敬供養諸功德

放捨愛身所獲福

先願利益諸衆生

不空見時彼王子

師子發斯大願以

自莊嚴然後增火

卒捨身命時諸世

間天人梵魔沙門

婆羅門乃至一切

人非人等見斯事

已咸於世間生重

獸離

復次不空見時彼

王子捨身命已即

生梵天作大梵王

於諸梵中寂尊寂

勝有大威德具大

神通不空見時彼

王子生梵宮已即自思惟我從何處作何善根而來生此得有如是功德果報大神通力作是念已便自了了分明見知我於人間為精進王子我與父王衆具供養恭敬訶讚寶聚世尊世尊滅度我即焚身於彼熾然猛火之中發大誓願歎佛功德以此善根今生梵宮然我今應還下人間開慰我父答所生恩復當供養寶聚如來入於涅槃燒身處也復次不空見時大梵王如是念已與眷屬天於彼宮沒猶如壯士屈申臂頃即至人間往詣寶聚如來應供等正覺闍毗身處以天衆香所謂天末栴檀及天牛頭沉水多摩羅跋香等而為供養復散種種天上妙華華若車輪猶雲遍滿而為供養師子梵天供養佛已方慰其父精進王言大王當知王子師子燒身喪命今我是也我時即生大梵天中願王勿復憂悲痛惱惟應歡喜深自慶快何以故王今已獲第一大利所以者何諸佛世尊難遭難遇而王已得值遇世尊寶聚如來應供等

正覺尊重恭敬具足供養是為希有
第一大利是故大王從今已後惟當
一心受持是法弟子意亦應如是
受持此法復應供養世尊舍利處處
流布廣興塔廟我於梵宮亦常如是
持斯妙法尊奉舍利如是言已忽然
不現

復次不空見時彼精進王聞梵語故
即與其子師子意者往詣寶聚如來
應等正覺舍利之所恭敬禮拜歌誦
讚歎持一切香一切華鬘并諸音樂
復持諸種幢幡寶蓋奉獻供養又少
時間於彼八万四千諸城純以七寶
興起八万四千塔高一由旬面各廣
長一拘盧舍殊特端嚴光耀可愛安
止舍利咸令供奉又於一二寶塔之
所常然八万四千燈明各各復以一切
名香一切妙華及以華鬘一切幢幡
一切寶蓋一切樂音鼓嬴角貝鍾鈴
磬鐸凡是眾具莫不畢備如是供養
受持是法彼精進王以斯善根於八
万四千劫不生惡道及師子意亦同
果報王大夫人名曰善意其軍大臣

名曰无瞋亦於八万四千劫中受勝果報彼王如是於諸劫中次第供養六万諸佛所生常受轉輪王身正法治化利益衆生

復次不空見彼寶聚佛滅度之後時節未幾有一菩薩摩訶薩名普密王現生世間為世間故捨家出家示修苦行詣菩提樹坐於道場以一念慧斷除无明煩惱習氣即證阿耨多羅三藐三菩提不空見時彼師子大梵天王以天眼觀見普密王如來應供等正覺出興於世即復還下住虛空中持天衆香及以妙華散於佛上然後至地右遶三周恭敬合掌頭面禮拜勸請世尊轉大法輪時彼師子梵王住於佛前以偈請曰

世尊今應闡妙法 我等衆生堪聽聞
智慧摧敵今適興 一切世間莫能毀
如來無上調御者 具足至真十種号
利世大師今已起 自然正覺妙菩提
功德圓滿人中上 聖智久修非始然
世尊但為演妙音 今此大衆樂聞受
弘誓本為度世間 无歸依者作覆護

如昔所願今既滿

已到寂靜無為處

今當速開甘露門

能壞三縛出衆惱

梵王陳請義已周

如來於是默然許

於須臾頃普密佛

遂令彼梵極歡喜

及无量億天人衆

以聞善逝轉法輪

時彼梵天蒙說已

廣持衆具奉報恩

於是復發弘誓願

為求无上菩提處

今於普密世尊前

陳我所作諸功德

以此善根所生處

常奉十方諸世尊

我昔道場供養佛

請聽慈說利衆生

因是微善凡所居

願於佛前常歌讚

今時世尊復告不空見菩薩摩訶薩

言不空見時彼精進王子師子梵天

以燒身善根得生梵宮次第供養五

千諸佛聽聞正法增長善根常發廣

大不思議願不空見汝今當知今時

无邊精進王者豈異人乎即我身是

時彼不空見菩薩復白佛言世尊彼

王二子師子及師子意者今何所在

為於現世供養諸佛為已滅度在他

世耶佛言不空見汝知今時王子師

子意者今此弥勒菩薩摩訶薩是今

時王子師子者即汝不空見菩薩是

也以汝於彼寶聚如來佛法之中發
大誓願一捨身故能令三万天人大
衆發阿耨多羅三藐三菩提心彼輩
終必證大菩提無有疑也尔時世尊
為重宣此義以偈頌曰

我觀過去久遠劫 佛号寶聚无上尊
無師自覺現世間 能益天人群生類
具足百福金色相 慈心顯發實義門
開示衆生菩提路 吼唱能盡衆苦源
寶聚挺特人中勝 七十二億衆聖賢
三明六通具八解 隨佛入城而分衛
我於今日為勝王 无邊精進大威力
恒將二子從左右 因巡遊觀處高樓
遙見調伏大仙神 比丘僧衆悉圍遶
我時及子超疾下 馳詣无等尊勝前
既至大師善逝所 施設諸種妙供具
頂礼尊足口發言 啓請如來及僧衆
衣食衆具盡形奉 滿足八万四千年
并是二子淨信心 為求无上菩提故
人中極尊既涅槃 興起八万四千塔
衆寶間廁奇光耀 但為人寶遺餘身
一一城中寶塔所 各然無量百千燈
香華音樂鼓鍾鈴 彼王為佛興斯供

因種如是勝善根
次第遭遇六万佛
悉皆供養親承事
為求無上大菩提
汝不空見勿復疑
曩時統領大地主
彼深智王我身是
其号无邊精進力
常以華香修供養
教化一切諸衆生
具然无量百千燈
為世除闇作光明
施與財寶未曾休
聽聞正法亦無厭
精進苦行不暫捨
為證無上大涅槃
汝於寶聚如來所
以衣纏身火洞然
猶如燈炷塗膏油
須臾火至即熾燼
汝時身火熾焰盛
毛色無動神不驚
於彼人寶滅度日
今躬如是為世間
猛火如斯煎迫時
汝猶方便而勸請
願見世尊從火起
大悲護世現本形
我今所願成就者
方得如意捨身命
但能暫見如往昔
所獲功德不思議
我凡所有諸誓言
冀其一切皆和會
若我當來必成佛
願於猛焰見世尊
佛智清淨无障碍
於彼三世坦然平
照明師子淳淨心
佛以精誠從火現
不空見此願力持
護世須臾應念起
因茲更發莊嚴誓
不思議願實難量
世尊從彼火起時
一切皆得默離心

又以淨意發讚音 佛威希有難可測
無邊相好火威然 法王應念忽便起
以佛世尊現神變 千數衆得解脫心
汝不空見知師子 大慈應感忽還坐
由見世尊此神變 千數衆發菩提心
大悲為世利益已 還復偃卧猛火中
師子於是放捨身 一念往生大梵處
即從梵宮還佛所 具足供養人中尊
奉持微妙天華香 投散彼佛碎身地
彼寶聚尊涅槃後 其間時節无幾何
復有普密天人師 為利世間故興世
坐於道樹等至真 是天中天号大覺
大梵天王設供養 恭敬頂礼兩足尊
請轉法輪利世間 佛知心淨默然許
梵王聞法大歡慶 身得安樂心怡然
更發殊常大誓願 植不思議衆善根
一切值遇五千佛 皆得親承興供養
智者不應更他疑 彼時師子汝即是
不空見時為吾息 汝後事佛經五千
我皆明見汝燒身 求斯无上菩提道
汝復无量千佛所 於彼滅度舍利時
亦燒無量所愛軀 皆為他樂自受苦
我知汝今及異世 無量千生長時修

或佛現在或涅槃
汝常建斯誠實語
經昔无量百千生
惟我神力能知汝
不空汝久發斯願
果報今者皆明現
汝於諸佛大師前
不思議行志圓滿
常業歌讚兩足尊
苦行熏修諸大誓
今獲偈歎大法王
斯由往積勝因緣
又於普密王佛前
攝取最上無邊願
汝今果獲如斯報
蒙佛如來現威神
時不空見於衆所
恭敬合掌頂礼佛
請問天尊調御師
慈悲利益衆生事
大仙我曾何誓願
而能捨弃无量生
惟願世尊開少分
我蒙聖說乃能了
不空汝於往昔事
吾今為汝粗說之
汝於雲音如來所
已發如是廣大願
諸佛若證菩提時
當令我身常奉觀
又於帝幢普眼佛
彼時亦發大誓願
世間若有寂導師
當令我即同斯道
汝於日燈如來所
亦發勝妙諸行願
汝不空見惟我知
造作衆寶經行處
或營壯麗佛精舍
若攝殊異僧伽藍
彼皆微妙七寶成
一切資具奉諸佛
於不思議衆所尊
人中師子善生佛
持七寶盖及衆具
供奉超世天中天

於彼普眼如來所 今時又起妙願行
廣施燈明衆供調 奉獻世間天人師
汝於如是無量佛 過千萬億那由他
自受勤苦安衆生 發彼莊嚴弘廣誓
汝於普密王佛前 所發誠願我今說
如其修行成佛者 我所散華遍大地
汝於雲雷音佛所 為世間故發斯願
若有衆生聞我名 願彼咸即成佛道
復於帝釋幢佛前 廣興供養因誓願
凡我所處若見聞 彼彼皆得成佛道
汝於日燈如來所 奉施七寶經行處
無邊威所大明佛 汝當今時發願言
常施勝處妙莊嚴 願我佛刹亦如是
汝於月上如來所 願得第一取天宮
佛尊處中而遊化 衆生遊者悉成佛
汝於澡浴善逝前 實作如是至誠願
若於夏日盛暑時 衆生身心離熱惱
汝於鵞祇羅佛所 亦發如是增上願
恒於長夜黑闇時 願施燈明除迷惑
若我捨施身命處 其有食肉諸衆生
必皆成佛無有疑 非彼現在身證者
或於覺悟及夢裏 若有衆生聞我名
一切成佛无有疑 非彼現在身證者

汝於勇猛精進時 其有愛憎念所作
斯等皆當成法王 非彼現在得證者
汝先无量世生處 於彼恒願求菩提
我今誑汝實功德 當來必獲无上尊
若有禽獸及餘衆 彼必成佛無復疑
諸是食汝身肉等 一切自然證法身
我知汝有千數行 皆為利益諸衆生
若有聞者或生疑 以時未至我不說
凡我所說汝諸事 其或衆生願樂聞
彼彼得佛必无疑 非餘現在身證者
若人欲見救世尊 轉此清淨勝法輪
聞已能破諸苦惱 為證菩提故樂聞
若人欲見三世佛 恭敬供養上福田
具足積聚諸功德 必先受持此三昧
為利世間天人故 世尊宣說是事已
遂下法座而徐行 即還歸寂於本室
大方等大集經菩薩念佛三昧分卷第二

已亥歲高麗國大藏都監奉

初彫造

大方等大集經菩薩念佛三昧分卷第三 民

神變品第三

隋天竺三藏達磨笈多譯

尔時尊者舍利弗尊者大目犍連尊者大迦葉尊者阿難及諸天人梵魔沙門婆羅門等咸作是念何因何緣今我世尊如來應供等正覺在於天人大衆中為諸梵魔沙門婆羅門諸龍夜叉乾闥婆阿修羅及以人非人等宣說如斯念佛三昧法門名已而未解釋即從坐起還本住處默然寂坐耶尔時不空見菩薩摩訶薩如是思惟今此天人梵魔沙門婆羅門及彼一切諸龍夜叉乾闥婆等大衆咸集而我世尊本處入定我今亦應少現神通現神通已為令種種稱歎世尊大慈功行尔時不空見菩薩摩訶薩如是思惟已即入三昧三昧力故令此三千大千世界莊嚴微妙凡諸所有皆七寶成所謂金銀琉璃頗梨馬瑙車渠珊瑚真珠如是衆寶之所嚴飾其地平正猶如手掌一切大地

咸有如是寶諸多羅樹八道間錯羅
布其中彼等諸樹端嚴可愛金多羅
樹白銀葉花銀多羅樹琉璃葉花琉
璃樹者頗梨葉花頗梨樹者馬瑙葉
花馬瑙樹者車渠葉花車渠樹者真
珠葉花赤真珠樹黃金葉花如是處
處懸繒綵蓋垂諸金鈴寶網羅覆建
布幢幡皆用雜寶復以種種微妙莊
嚴周匝圍繞世尊住處一切多是可
愛衆花所謂優鉢羅花波頭摩花拘
物頭華分陀利花如是等花皆悉充
滿於此世界具足莊嚴清淨微妙其
事亦尔今時不空見菩薩摩訶薩三
昧力故復現如是莊嚴之事今此三
千大千世界所有大衆乃至天龍夜
叉乾闥婆阿修羅迦樓羅緊那羅摩
睺羅伽人非人等一切衆故化作衆
寶大蓮花座其花具有无量千葉清
淨柔軟辟若迦耶鄰尼天衣令諸衆
生各相見知彼此咸得坐於花座尔
時不空見菩薩摩訶薩復於定中更
現如是大神通事令此三千大千世
界一切大地六種震動所謂動遍動

等遍動涌遍涌等遍涌起遍起等遍起震遍震等遍震吼遍吼等遍吼覺遍覺等遍覺是六各三合十八相如是乃至中涌邊沒邊涌中沒猶如摩伽陀國赤圓銅鉢置於石上傾轉不定自然出聲如此三千大千世界不扣不擊自然出聲其事若此當震吼時彼諸衆生聞聲覺悟者一切皆受上妙觸樂猶如東方不動世界亦如西方安樂國土其中衆生等受快樂聞聲獲安亦復如是今時不空見菩薩摩訶薩住三昧故心轉清淨无有垢濁隨順調柔遠離麁穢寂无變動心深潤澤普令安樂然後復作如是神通令此三千大千世界遍虛空中雨熾然火不令滅壞衆生身心而彼衆生蒙火觸身皆得受斯微妙勝樂猶如比丘入火三昧恬然安樂觸火衆生怡悅亦尔今時不空見菩薩摩訶薩以三昧力復作如是大神通事令此三千大千世界雨天栴檀細末之香其香微妙遍滿三千大千世界若彼衆生聞此香者皆得如是第一

勝樂猶如釋迦如來應供等正覺其於往昔行菩薩時在彼然燈佛世尊前受苦提記已得不思議希有妙樂時諸衆生聞天妙香不思議樂遍滿身心亦復若此

尔時衆中尊者阿難作如是念今何因緣忽見如是不可思議希有莊嚴此大神變誰所致乎然我世尊還房宴寂不當若是斯大神通豈我諸大聲聞衆中所能作耶為此會衆多諸大人猶如龍象或其所作得非弥勒菩薩文殊師利菩薩越三界菩薩乃至不空見等亦或是餘諸大菩薩摩訶薩輩具足威光現斯事耳尔時尊者阿難如是念已即白尊者大目連言大德我聞世尊常如是說我弟子中神通第一則目連其人也今現是瑞將無大德之所為乎時大目連答阿難言仁者此瑞殊常非我能作所以者何憶念我昔於一時間取此三千大千世界悉內口中其時衆生乃至无有一念驚懼覺往來想阿難又念我昔住梵天宮發一大聲遍此三千大

千世界阿難復念我昔在世尊前作
師子吼能以須弥内於口中能過一
劫若減一劫如是為常阿難又念我
昔至陽炎世界於彼發聲遍此世界
咸得聞知阿難又念我昔身住於此
閻浮提界而能遙動忉利天宮難勝
大殿阿難又念我昔至彼難陀優波
難陀諸龍王所彼龍如是炎熾巨毒
我時降伏令住戒善又亦曾辱惡魔
波旬阿難我念往昔至於東方住彼
第三千世界有一大城名曰寶門於
彼凡有六万億千家人我即於彼六
万億千家中一一皆現我目連身為
彼衆生演說諸法无常苦空无我皆
令安住如是正法阿難我雖能為曩
之變化初未曾見如是神變云何作
耶阿難今我處此大蓮華座觀見十
方二佛土無量无邊同我世尊釋
迦号者皆還本室默然寂坐而我見
彼諸佛國土亦如觀此娑婆世界阿
難我於向時亦以天眼周遍觀察是
變因緣而終弗知所從來處今時大
目連為重明此義以偈頌曰

我所成就四神足 同類孰能相校比
唯獨世尊天人師 餘人神通寧我及
我曾吞合此佛刹 大地衆生弗覺知
我又曾至梵天宮 一音充滿此世界
我又曾於世尊前 吞噉須弥若經劫
我又炎界發大聲 令此佛刹遍聞聽
我又震動天帝宮 彼於天女衆中坐
我又往詣難陀所 降伏如斯大毒龍
我又念昔作神變 身住於此現東方
我令六万億千家 寂彼各謂見我身
阿難我今所觀變 初未覩是大神通
我唯生大希有心 然是神通非我作
我今處大蓮花座 亦見衆生坐花中
復見諸佛大威王 觀察盡於十方界
決定自在天尊作 或能大士之所為
如是非常大神變 昔來未見今方覩
今時尊者大目犍連作如是等師子
吼時彼大衆中十千天人於諸法中
得清淨眼

今時阿難白尊者舍利弗言大德我
親從佛聞如是言我諸聲聞大弟子
中智慧第一則舍利弗其人也今此
神變將非大德之所作乎時舍利弗

語阿難言阿難此瑞殊常非我所及
所以者何我念自從二十年來精勤
修習毗婆舍部一心觀察求法實相
終不能知諸法邊際阿難又念我昔
取一袈裟投置地上時大目連第一
上座威神若是既不能取乃至不能
舉令離地何云手擎阿難又念我昔
居世尊前作師子吼亦於一切具足
神通諸大聲聞及學无學天人梵魔
沙門婆羅門乃至一切諸龍夜叉軋
闍婆阿修羅等諸大衆前時彼外道
波梨波闍來至我所與我誦入諸禪
定已復欲共我較隱其身競師子吼
我於彼時建丈夫志行丈夫事遂作
如此諸不思議唯除世尊一切知見
及以弥勒菩薩摩訶薩諸是一生補
處者又除彼成就甚深法忍諸菩薩
摩訶薩又除得海德三昧諸菩薩摩
訶薩又除得善住三昧諸菩薩摩訶
薩又除得諸佛現前三昧菩薩摩訶
薩除如是等諸大菩薩摩訶薩已自
外所有如來世尊聲聞大弟子若來
問我隱身時事乃至外道波梨波闍

等而更問我隱沒身時為住何處者
阿難我作如是大神變時一切聲聞
設辟支佛皆不能知我身所在及其
說時空聞我聲終不能知我身所在
阿難我常精勤大丈夫行亦復成就
大智人事也阿難我心隨我行非我
隨心行阿難我今自知身處大蓮花
座亦見一切天人大衆皆悉坐彼大
蓮花座阿難我復見彼一切十方无
量無邊不可思議諸世界中皆有諸
佛世尊悉在菩提樹下坐於道場成
等正覺具足成就無量无边大威德
力諸天大衆恭敬圍遶大梵天王請
轉法輪日世尊若當轉法輪者我等
隨順阿難我聞是聲我見是事今者
如是無量无边諸佛國土皆是七寶
雜色繒絲懸諸金鈴羅網覆上種種
宮殿微妙莊嚴如此娑婆世界阿難
我於向時亦作是念今此不思議大
莊嚴事將非世尊大神通作乎或是
諸大菩薩摩訶薩輩厚集善根具足
福智能現若斯大神變耳亦或世尊
聲聞衆中諸大弟子久種善根具大

威德之所為也。今時尊者舍利弗為
重明此義以偈頌曰

世尊神力難思議	及求如來功德者
所有聲聞大弟子	滿此佛剎學無學
於彼智中我第一	何古更有勝我者
唯除諸佛如來輩	及諸菩薩行菩提
自我觀察諸法相	具足滿於二十年
求諸法底不得邊	我之智慧過於彼
今者在佛世尊前	欲以此智師子吼
且置一切諸外道	唯大聲聞求我身
終无有能見我身	及以所作諸神變
唯除如來等正覺	并諸佛子大菩薩
是乃知我身所在	非彼外道及聲聞
禪定解脫不思議	是心任我而迴轉
我修丈夫真空行	仁者我業常如是
我有如是勝神通	一切聲聞不能入
然我今所見十方	若斯神力我貪羨
我今處大蓮華座	遍見諸方无量土
无量剎中咸有佛	各詣佛樹坐道場
彼剎衆寶異莊嚴	端正微妙甚可愛
我時亦作如是念	決定如來現神通
或大弟子之所為	或諸菩薩不空見
今時尊者舍利弗	作如是師子吼時

衆中有一萬三千人遠塵離垢得法
眼淨

尔時阿難如是思惟此大迦葉有大
威德具足神通今是變化或其所作
我今亦當問其作不於是阿難即白
尊者摩訶迦葉言大德我親從佛聞
如是說我弟子中頭陀第一則大迦
葉其人也是不思議大神變事將非
大德之所為乎時大迦葉答阿難言
仁者此變殊常非我能作所以者何
我念一時輒不自量在世尊前作師
子吼阿難我時於此三千大千世界
須弥山王及大鐵圍乃至諸餘黑山
之屬一以口吹能令破散乃使无有
如微塵許其有衆生住彼山者不令
損害亦無覺知如是諸山皆悉滅也
阿難我又一時於此三千大千世界
一切大海大河小河陂池諸水乃至
无量億那由他百千水聚以口一吹
皆令乾竭而彼衆生不知不覺亦無
苦惱阿難我又一時在如來所及諸
天人梵魔沙門婆羅門一切世間諸
大衆前作師子吼廣現神通阿難我

今唯有如斯威力能作如是自在神通阿難我念一時在於如來應供等正覺前為諸世間天人梵魔沙門婆羅門一切大衆作師子吼世尊我能於此三千大千世界之內以口一吹即令大火熾然遍滿猶如劫燒終亦不使損一衆生亦令衆生竟不覺知阿難我真具足如是神通阿難我念一時於此世界以天眼觀見彼東方過億百千世界有一佛剎猛火洞然我既見已如是思惟而我今應示現神通既思惟已即入三昧於三昧中以口一吹過於東方千億世界熾然猛火即令燄滅彼火滅已我便出定即見彼界還復如本阿難我今但有如是神力阿難今此衆中有諸衆生若天若人若梵若魔若沙門婆羅門多有疑心謂我妄言彼若不信世尊後時從三昧起任自諮問而今世尊雖入三昧足知是事亦聞我聲尔時世尊尚坐本處住三昧中遙命阿難曰如是如是如大迦葉師子吼說真實非虛汝當憶持時諸天人一切大

衆聞佛教已方於迦葉生希有心起
難遭想時彼尊者摩訶迦葉作如是
等師子吼時有三億人於諸法中遠
塵離垢復有八十五那由他百千諸
天遠塵離垢得法眼淨

今時不空見菩薩弥勒菩薩文殊師
利菩薩越三界菩薩如是及餘无量
無邊諸大菩薩摩訶薩等皆自久來
被服如是大弘誓鎧聞大迦葉作師
子吼便化華聚若須弥山乃至垂三
散迦葉上復多化作大七寶蓋住虛
空中覆大迦葉頂并覆一切聲聞大
衆今時大迦葉見如是等諸七寶蓋
遂告阿難曰阿難今此衆中決定知
有大乘高行菩薩摩訶薩能作如是
大神通事而今復現斯大神變也阿
難我今坐此大蓮花座所見諸方無
量无邊不可稱數諸佛世尊又見彼
刹皆七寶成殊麗莊嚴真可瞻覩彼
諸衆生復有如是勝上果報我今悉
見猶如忉利一切諸天耽醉花冠常
帶瓔珞諸天身色如月光明於虛空
中有化寶蓋彼諸衆生二頂上悉

有寶蓋如我頂上覆七寶蓋无別異也阿難我又見彼諸佛剎土有諸菩薩自兜率天降入母胎阿難我見如是神通事時深生歡喜踊躍无量阿難我復思念如是奇異如是希有豈彼隨宜凡劣衆生能作如是大師子吼能現如是大神通事今時尊者大迦葉為重明此義以偈頌曰

阿難十方大水聚 大海巨河諸流等
我以口風一往吹 令彼枯竭無遺滴
曾住正覺世尊所 於此剎中作神變
我能乾涸水聚時 衆生无損亦不覺
此界所有一切山 須弥鐵圍黑山等
能以口風吹令散 仁者我住如是通
衆生所有住須弥 及餘諸山不動處
今時令彼无損覺 智者我有如是通
我以神通燒此剎 口風一吹皆熾然
彼等衆生不覺知 當尔之時无毀壞
我昔於此佛剎中 遙見東方滿剎火
用口氣吹能滅彼 我通如是難思議
我今見此大神通 心生殊特大希有
諸佛弟子不思議 一切諸行亦如是
我今處此蓮花上 觀彼衆剎妙莊嚴

菩薩降自兜率天 入於母胎盡生際
 為當定此聲聞輩 心得自在神通人
 為是菩薩不空見 復彼弥勒文殊等
 尔時阿難復作是念此富樓那弥多
 羅尼子於一切法已到彼岸有大威
 德具足神通或時能作如是大事我
 今亦應問其作不尊者阿難如是念
 已即便白彼富樓那言大德我親從
 佛聞如是語我大聲聞諸弟子中說
 法第一則富樓那弥多羅尼子其人
 也是不思議莊嚴神瑞將非大德之
 所為乎時富樓那答阿難曰此瑞異
 常非我能及所以者何我念昔時有
 諸衆生應以神通得教化者我便為
 彼取此三千大千世界以手摩之開
 示彼等當尔之時無一衆生有驚怕
 想亦不覺知唯彼衆生應在此化與
 神通者乃能見我手摩世界阿難辟
 如壯士以右手取一迦梨沙般那左
 手迴轉不以為難如是阿難我取於
 此三千世界以手迴轉不以為難亦
 復若此阿難我念一時於世尊前以
 一指節取此三千大千世界一切水

聚皆今入我手指節間无一衆生有損減想阿難我往一時於初夜中以淨天眼過於人眼觀此三千大千世界作如是念是中復有何等衆生於諸法中心生疑惑我當解釋今得除斷我即觀此三千大千世界所有一切諸四天下無量衆生疑惑諸法我復生念我今應當不離是坐不出是定為諸衆生斷除疑網阿難我時念已便入定心清淨明了光澤成就寂然不動為彼衆生宣說諸法決斷疑網无有滯尋令彼衆生各作斯念我等今者皆各蒙此尊者富樓那弥多羅尼子獨住我前為我宣說阿難我當初夜說法之時即有一万四千衆生皆得安住佛正法中復有三万衆生護持禁戒復令六万衆生信佛法僧歸依三寶然始安詳自三昧起阿難我唯有是說法餘功決疑事也阿難我又復念於此世界以天眼觀見彼北方過三万佛刹有一世界其号伏怨彼世界中有一衆生於諸法中多起疑網時彼衆生有聲聞根易可

受化然彼世尊般涅槃已我即生念
我今亦應不起此坐不往彼刹而為
衆生解釋疑網如是念已即入三昧
於三昧中為彼世界無量無邊不可
稱數阿僧祇諸衆生輩演說正法令
彼皆得諸法光明阿難我但具是聲
聞神通今此衆中若有疑者須世尊
出請問自知如是語時佛神力故虛
空出聲告阿難曰阿難如是如是如
富樓那大師子吼汝當憶持今時諸
天世人阿修羅等一切大衆聞是事
已發希有心生奇特想作如是言希
有希有聲聞尚能建斯大事況彼菩
薩諸佛世尊今時尊者富樓那弥多
羅尼子為重明此義以偈頌曰
我於說事悉通達 諸漏有生皆滅除
望佛如來无分毫 大尊神變獨超世
我取此界及諸山 以手迴轉亦摩抹
彼時不動一衆生 我但有斯神通力
三千世界諸水聚 此刹若見若不聞
我內彼水一指間 於諸衆生无損減
我於初夜天眼觀 何等衆生心疑惑
求其善根及諸法 欲以神力為決除

我於如是生念時 不離本坐亦無往

已為宣說正道法 令彼得聞破心疑

我於如是說法時 令万四千住聖法

三万諸人護禁戒 六万正信受三歸

我復念彼初夜時 所出神通甚微妙

觀過北方三万界 見一佛剎名伏怨

彼佛界中諸衆生 獨有一人深疑惑

我時不起現彼說 令彼各謂已獨聞

阿難我智正若此 如是神通佛自知

衆生若有疑惑者 但當決定請世尊

我今坐斯蓮華上 見一世尊般涅槃

彼佛處火就闍維 自外諸方亦皆尔

我心觀佛生希有 是不可測誰所為

為是世尊為聲聞 而我見佛斯滅度

今時阿難復如是念彼尊者羅睺羅

世尊之子於一切法已度彼岸有大

威德具大神通或時能作如斯大事

我今亦當問其作不尊者阿難作是

念已即便白彼羅睺羅大德我親從

佛聞如是言我諸聲聞大弟子中持

戒第一則羅去其人也是不思議在

嚴神變將非大德之所為乎時羅睺

羅答阿難曰阿難世尊大悲普覆一

切雖稱讚我持戒精進具足神通然
而今者所現神變事特非常不可測
度我從生來未嘗見觀亦未思惟又
无分別况復能為如斯神變阿難是
大莊嚴實非我作所以者何我念往
昔唯此三千大千世界廣大若是所
謂百億四天下百億日月百億大海
百億須弥山百億大鐵圍山如是及
餘黑山之類一切皆納一毛孔中當
尔之時我身如本衆生不異諸四天
下所有大地須弥諸山乃至大海及
以衆流咸皆安隱无相振觸一切無
有逼迫損傷阿難我但有是自在神
力阿難我昔一時取此三千大千世
界所有大海及餘小海大河小河乃
至陂池微細水聚如是一切悉入毛
孔當尔之時我身无損衆生無害諸
大海水及與河流乃至陂池細微水
聚各皆如本无相漂迫所居皆知身
在水中阿難我昔一時此處入禪既
入定已即於東北至一世界彼佛世
尊号難勝威如來應供等正覺明行
足善逝世間解无上士調御丈夫天

人師佛世尊所現身札劄已即復
還此世界如維羅城淨飯王前求索
一掬栴檀末香得已還持於彼佛刹
供養世尊香氣遍滿時即為彼難勝
威佛化作樓觀像輦分明高万由旬
一切妙寶莊嚴間錯復以天香為七
寶蓋覆佛頂上高一万億八千由旬
廣八千由旬又於彼界為一切衆生
各各化作栴檀樓觀像輦高百由旬
廣五十由旬四柱方整隨意所樂令
彼衆生徧具莊嚴各皆自有无相障
碍阿難我但如是究竟聲聞神通被
岸今此衆中若有於我生疑惑者任
諮世尊世尊雖處寂定尚當證知尔
時羅睺羅欲重宣此義而說偈曰
我曾取此三千界 百億四天與鐵圍
一切悉入毛孔中 阿難我有如斯力
此閻浮提如是大 彼彼各住不相知
一切皆入毛孔中 阿難是我神通力
此須弥山甚高廣 鐵圍衆山不隨宜
皆悉置一毛孔中 阿難知我神通力
彼等皆各無迫觸 而見入我一毛中
時我身體不覺疲 彼亦不知處毛道

三千大千諸水聚 衆流陂河及大海
一時吸之置毛孔 我但有是大神通
此界如是衆水聚 大海諸河及細流
彼等皆各不相知 而我能令入毛孔
阿難我此神通事 昔曾數現世尊前
此衆如有疑惑人 當問如來无碍眼
阿難我處大蓮花 見彼十方諸菩薩
捨施頭目及妻子 志祈無上菩提尊
我見神變生希有 决為世尊之所為
或不空見弥勒輩 亦或聲聞大弟子
尔時尊者羅睺羅作如是等師子吼
時彼大衆中有八十七億百千那由
他諸天人等遠塵離垢得法眼淨是
諸天人得法證已以天栴檀末香懸
勲再三散於尊者羅睺羅上如是供
養已復發是言希有希有清淨佛子
真行大乘已於諸法種衆善根今能
如是大師子吼

大方等大集經菩薩念佛三昧分卷第三

已亥歲高麗國大藏都監奉
勅彫造

大方等大集經菩薩念佛三昧分卷第四 民

隋天竺三藏達磨笈多譯

神變品之餘

尔時阿難復作是念彼尊者須菩提善修無諍行於一切法已到彼岸有大威德具足神通或能為是不思議變我今應當問其作不時彼阿難如是念已而復白彼須菩提言大德我親從佛聞如是說我諸聲聞大弟子中解空第一則須菩提其人也是不思議大莊嚴事將非大德之所作乎時須菩提答阿難曰阿難世尊雖說我修无諍空行第一然是神通非我能作所以者何我念一時入於三昧如此三千大千世界弘廣若斯置一毛端往來旋轉如陶家輪當尔之時無一衆生有驚懼心亦不覺知己之所處阿難我念往昔於如來前欲作如是大師子吼白言世尊如此三千大千世界寬廣如是我能以口微氣一吹皆令散滅復令其中所有衆生不驚不迫无往來想阿難我於尔時

在世尊前已曾示現如是神通阿難
我念一時復於佛前作師子吼白言
世尊我今能以如此三千大千世界
其間所有一切衆生皆悉安置一拍
節端上至有頂然後還來住於本處
令彼衆生寂然無聲不相逼迫无往
返想阿難我念一時宴坐三昧見彼
東方現前則有六万諸佛如是南西
北方四維上下無量无邊百千世界
各有六万諸佛世尊音所未見今皆
見知阿難我於彼時住閻浮提以是
定心復發神力至須彌頂天帝釋邊
擗取一掬拈檀末香往彼无量諸世
界中供養向時忖許如來應供等正
覺彼彼世界諸衆生等皆悉明了見
我住是閻浮提界供養承事彼諸世
尊知我是此娑婆世界釋迦牟尼如
來應供等正覺聲聞大弟子上座須
菩提於空无諍三昧門中取第一者
阿難我到如是神通彼岸具足成就
神通波羅蜜阿難今此衆中若天若
人若梵若魔若沙門婆羅門等於我
所說尚有疑心彼若能問我師世尊

今在寂定自當證知。爾時佛神力故
於虛空中出大音聲。命阿難曰。阿難
如是如是。如上座。須菩提。向師子吼。汝
如是持時。彼天人梵魔沙門婆羅門
阿修羅等。見閻是已。身毛皆豎。發希
有心得。未曾有作。如是言甚為希有。
實未曾覩如是大事。乃至世尊諸弟
子等。尚有如是勝妙神通大威德力。
何況諸佛。所有三昧神通境界。而可
思量。而可宣說。爾時尊者須菩提見
諸世間天人梵魔沙門婆羅門生希
有已。為重明此義。以偈頌曰。

我住禪定解脫門。無諍三昧寂第一。
我昔曾於世尊所。現神通力无有邊。
我轉三千世界地。一切令入毛道中。
如彼陶輪无窮已。衆生安然不覺往。
我昔住於如來前。分散諸山及大地。
時彼衆生無損減。以住如是神通門。
我以此界及衆生。皆置掌中入後頂。
乃至還下彼不覺。一切咸是斯神通。
我曾入定觀東方。見彼六万諸世尊。
南西北方亦如是。六万如来无有關。
又彼四維及上下。諸佛亦足六十千。

平等具相金色身 我以天香而遍散
令彼衆生悉知見 各言我有須菩提
亦領此界牟尼尊 聲聞禪中寂第一
我今作此師子吼 時衆若疑當問佛
佛放大聲誡告曰 如是阿難汝受持
我滅衆生及我心 乃至佛想无遺行
无諍空行無倫比 我實住此三摩提
菩薩念佛三昧分弥勒神通品第四

尔時弥勒菩薩作如是念今者世尊
諸大聲聞弟子衆輩有大威德具足
神通各皆自陳師子吼事如我今者
亦應於此一切世間天人梵魔沙門
婆羅門諸大衆前少現菩薩神通事
耳時彼弥勒菩薩如是念已即告尊
者阿難曰我念昔曾於晨朝時著衣
持鉢詣世尊所頂礼佛足白言世尊
我今欲入此王舍城如法求食言已
即行阿難我於尔日復如斯念今於
誰家初施食者我要當令是人先住
阿耨多羅三藐三菩提然後方受斯
人食也阿難我時念已即入大城次
第七食至一大姓婆羅門家於彼門下
默然立住阿難時彼大姓施婆羅門

知我乞食見我默住即告我言善來
阿逸多聖者阿逸多今日何故自屈
臨此其有所須願取我食阿難我即
告彼婆羅門言大婆羅門汝今若能
於阿耨多羅三藐三菩提種善根者
然後乃當受汝施食阿難時婆羅門
即答我言仁今若能持此食分遍奉
十方恒河沙等一切諸如來應供等
正覺者然後我當發阿耨多羅三藐
三菩提心盡力勤修諸菩薩行所以
者何我亦先於諸如來所種彼一切
諸善根故阿難我時復語婆羅門言
大婆羅門汝今必能建立斯志我當
受食分布供養恒沙如來阿羅訶三
藐三佛陀无有疑也時婆羅門復語
我言聖者阿逸多但受我食分張奉
獻恒沙如來我便發誓亦如誓行阿
難我復語彼婆羅門言大婆羅門汝
今審能發如斯誓如誓行者我取汝
食分散供養恒沙如來阿難彼婆羅
門乃至三反要我供養我亦慇懃令
其發心也阿難我時如是與婆羅門
反覆周旋相約束已然後告彼婆羅

門言大婆羅門如汝言者速將食來
吾當為汝分布供養恒沙世尊阿難
時婆羅門聞我言已便授我食我既
受已則於其前如彈指頃分布供養
恒沙如來阿難我於今時分布彼食
供養恒沙諸世尊已然後還彼婆羅
門家阿難時婆羅門見我如是无尋
神通心生驚恠身毛皆豎然後歡喜
踊躍无量即持種種上妙飲食奉施
於我勸我飽食我時受已自恣食之
彼婆羅門然後方持一切珍寶一切
諸香一切衆花一切華鬘一切上妙
諸瓔珞具與我相隨詣世尊所恭敬
合掌頂禮佛足即於佛前發阿耨多
羅三藐三菩提心復作是願其有衆
生聞我施此搏食善根皆即住於不
退轉地世尊若我此願必得成就阿
耨多羅三藐三菩提者以此善根令
我未來成菩提時亦有如是无量無
邊諸聲聞衆皆是清淨大阿羅漢
如今無異若我此誓真實不虛者以
是因緣令此三千大千世界一切大
地六種震動而彼大婆羅門發是願

時佛神力故應時此間三千大千世界所有一切大地六種震動阿難今此衆中若天若人於我此事生疑心者世尊出時應當諮問阿難我今未成阿耨多羅三藐三菩提已具如是大威德力到於一切神通彼岸阿難我念往昔無量無邊阿僧祇劫有佛世尊号曰然燈如來應供等正覺出現世間我時於彼然燈佛前獲得如是一切菩薩念佛三昧得三昧已諸方所有一切諸佛現說法者彼諸世尊常現在前又我得此三昧門已即於無量無邊劫中以此神通教化無量無邊衆生悉令住於阿耨多羅三藐三菩提中猶如今者王舍城中大婆羅門阿難復念往昔於彼蓮華上如來應供等正覺所以一神通教化成熟彼三萬億百千衆生皆令住於阿耨多羅三藐三菩提中阿難我又曾於寂上不退轉行佛世尊所得一三昧名曰普明得三昧已教化成熟六萬八千欲界諸天皆令發於阿耨多羅三藐三菩提心阿難當知是知

菩薩摩訶薩一切皆有不可思議大神通力第一彼岸今時弥勒菩薩摩訶薩為重明此義而說頌曰

我曾晨朝整衣鉢 請問釋師教明行
於是頂礼辭如來 世尊我今將求食
大師如是誠我曰 汝去當念利衆生
我涅槃後汝成佛 諸種功德皆圓滿
阿難我時如是念 未知今往前食所
當於誰家初受食 我應教令住菩提
我行乞食有所遇 遂逢大姓婆羅門
以恭敬心稱善來 希有速至阿逸多
我今自悔仁來晚 唯願時坐受我食
大士妙法難思議 我當奉上精美膳
我時語彼婆羅門 汝能先發菩提意
利益天人大衆等 然後我方受汝食
彼婆羅門復要我 汝阿逸多今若能
以我此供恒沙尊 如是我發菩提志
我便許彼婆羅門 汝於菩提慎莫退
吾以汝供奉諸佛 終令汝身獲大果
時婆羅門更誠誓 願為我奉諸如來
諸佛勝尊若受者 我行菩提无疑惑
彼婆羅門信我言 發誠至心受我食
我持彼供恒沙尊 今婆羅門須臾見

彼既覩我大神通 或驚或喜增珍膳
供養我畢至佛所 便發無上菩提心
時婆羅門發心已 復廣弘誓不思議
若有菩薩得聞者 彼於世界速成佛
我昔在佛然燈前 得此微妙勝三昧
彼名菩薩念諸佛 能與妙樂難稱量
昔於然燈世尊所 受此勝念三昧時
我登得見十方佛 以彼威德故能覩
若人住此三昧中 能現無邊諸神變
百僧祇劫諸所作 皆為利益諸衆生
我於蓮華上佛所 得三昧故現神通
滿足七萬諸衆生 皆因我住菩提道
我又寂上如來前 於彼精勤修梵行
所得三昧實端正 能施深樂難稱量
我於寂上行佛所 受一三昧名普明
月上佛時住勝禪 迦葉佛前獲深定
阿難如是大神通 皆於往昔得成就
以此神通自在力 我所修見諸如來
若人欲見諸世尊 欲轉无上妙法輪
欲拔衆生出苦海 是人應學斯妙定
尔時衆中梵魔沙門婆羅門天人阿
修羅一切世間得聞弥勒菩薩摩訶
薩師子吼時皆大歡喜生奇特心歎

未曾有

菩薩念佛三昧分歎佛妙音勝辯品第五之一
今時不空見菩薩摩訶薩觀諸大衆
天人梵魔沙門婆羅門諸龍夜叉乾
闥婆阿修羅等得未曾有生奇特心
或時驚怖身毛皆豎見是事故一心
安詳從三昧起已即告尊者阿難言
大德善哉妙哉諸佛世尊甚為希有
甚為希有所以者何諸如來應供等
正覺乃至能有大慈大悲具足无量
諸功德等阿難諸如來應供等正覺
能證如是阿耨多羅三藐三菩提時
覺一切法無有生故見一切法无有作
故知一切法不可得故然後於彼波
羅奈城古仙住處廣苑林中三轉十
二行无上妙法輪而是法輪初未曾
見一切世間若梵若魔若天若人若
沙門婆羅門有能如法為斯轉者何
等名為三轉法輪云何復稱十二行
也所謂此是苦此是集此苦滅此苦
滅道乃至此苦已知此集已斷此滅
已證此道已修是為三轉如是三轉
得名為十二行也又此為八聖道分

是中有無量文字无量名句無量言
音无量義趣無量解釋然說斯義為
開示故為論義故為分別故為顯示
深義故為易知故為具足故時彼不
空見菩薩摩訶薩復告尊者阿難言
阿難是故我言諸佛世尊甚為希有
諸如來應供等正覺有大慈悲具足
功德諸佛世尊既證得阿耨多羅三
藐三菩提已然後為諸聲聞衆等於
彼无教法中以教說故无言法中以
言說故無相法中以相說故无證得
中教令證得彼法虽无語言可說相
貌可得而諸智者皆已覺悟諸賢善
人亦得證知諸阿羅漢咸得解脫於
彼无始生死中也

復次阿難譬如有人持一束草言欲
堰塞恒河大流於意云何彼人如是
其事可乎阿難答曰不也大士何以
故彼人所作世間本無何論可不不
空見言如是阿難如來應供等正覺
為諸聲聞於无言法更以言宣無名
相中以名相說其事若此復次阿難
譬如有人本无口舌欲以一音遍諸

世界咸得聞知於意云何彼人所作
其事可乎阿難答曰不也大士何以
故彼人所作世間本无何論可不不
空見言如是阿難如來應供等正覺
為諸聲聞无言說中更以言宣無名
相法以名相說其事亦尔復次阿難
譬如有人手持綵筆書畫虚空豎成文
字於意云何彼人所作可成就乎阿
難答曰不也大士彼人所作世間亦
无何問成不不空見言如是阿難如
來應供等正覺為諸聲聞无言法中
更以言宣無名相法以名相說其事
若此復次阿難譬如有人先无手足
呪術伎能而大唱言我能擔負須弥
山王於意云何彼人所作其可遂乎
阿難答曰不也大士是人所作世間
既無何問可不不空見言如是阿難
如來應供等正覺為諸聲聞无言法
中更以言宣無名相法以名相說其
義亦尔復次阿難亦如有人至大海
際或取一板或持小筏或欲身涉或
欲身浮廣施方便發如是言我度大
海登陟彼岸於意云何彼人所作為

可介乎阿難答言不也大士一切世
間本無斯事何去可不不空見言如
是阿難如來應供等正覺為諸聲聞
无言說中更以言宣無名相法以名
相說其義若此今時不空見菩薩摩
訶薩為重明此義以偈頌曰

諸佛大慈難思議 常以悲光照一切
於無量億那由劫 正覺如是深法門
諸法本性无生處 因緣集會往來空
無上天師雖善宣 然彼自性常寂滅
諸佛正法難稱量 世尊慈愛故宣演
能開如是難見法 利益世間諸天人
不可說法難值聞 十力雄猛能廣說
顯示最上清涼道 安隱世間天人眾
世尊巧說无相法 無師自然能覺知
破壞一切諸外道 凡愚莫知此實際
諸佛智海難測量 宣說法界亦无盡
一切聲聞同已證 開示轉變不思議
如人把草塞恒河 尊者我謂不為難
正覺轉彼无生輪 我持此事難於彼
若人手執五色筆 種種眾綵盡虚空
無語言中置語言 我持此事難於彼
若人无手亦無足 求負須弥度大海

無相法中轉相輪

我謂此事難於彼

若人无舌復無口

一言遍滿恒沙界

無證法中能令證

我謂斯事難於彼

今時尊者不空見菩薩摩訶薩告阿
難言尊者諸佛如來應供等正覺甚
為希有能於无量阿僧祇劫覺了通
達一切諸法究竟彼岸号佛世尊然
諸如來應供等正覺隨順衆生諸根
差別樂欲所應微妙圓音自然而出
普為宣說種種句門所謂若諸衆生
樂行布施如來則為讚說檀波羅蜜
彼亦隨念世尊為我宣說施法有諸
衆生樂修禁戒如來則為讚說尸波
羅蜜彼復生念世尊為我宣說戒法
有時衆生樂行忍辱如來則為讚說
羼提波羅蜜彼亦生念世尊為我宣
說忍法有時衆生樂行精進如來則
為讚說毗梨耶波羅蜜彼亦生念世
尊宣說精進或時衆生樂習禪定如
來則為讚說禪波羅蜜彼亦生念世
尊為我宣說禪法或時衆生樂求智
慧如來則為讚說般若波羅蜜彼亦
生念世尊為我宣說智慧或時衆生

樂求解脫如來則為讚說解脫彼亦
生念世尊為我宣說解脫或時衆生
樂修解脫知見如來則為讚說解脫
知見彼亦生念世尊為我宣說解脫
知見或時衆生樂生天者如來則為
讚說生天彼亦生念世尊為我宣說
生天有諸衆生樂修無常如來則為
讚說元常彼亦生念世尊為我宣說
無常有諸衆生樂修苦者如來則為
讚說衆苦彼亦生念世尊為我宣說
苦法有諸衆生樂修無我如來則為
讚說無我彼亦生念世尊為我宣
無我法有諸衆生樂修空寂如來則
為讚說空法彼亦生念世尊為我宣
說空法有諸衆生樂修不淨如來則
為讚說不淨彼亦生念世尊為我宣
說不淨有諸衆生樂欲生天如來則
為說生天法彼亦生念世尊為我說
生天法尊者乃至有諸衆生樂種種
法如未則為說種種法彼亦生念世
尊為我說種種法今時不空見菩薩
欲重明此義而說偈言

諸佛世尊具圓音 隨衆生類自然出

彼之意樂所欲聞

如來隨順說發起

或有衆生樂布施

如來則為讚檀度

或有衆生樂持戒

如來復為讚尸羅

或有衆生樂忍辱

如來則為讚羼提

若有衆生樂精進

如來為讚毗梨耶

或有衆生樂三昧

如來則為讚禪定

若彼衆生樂智慧

如來則為讚般若

若彼衆生樂解脫

如來亦為讚解脫

若彼衆生修无常

即令聞彼无常法

彼若樂聞苦不淨

亦令聞苦不淨音

彼若樂聞空無我

不思議音讚空寂

彼若樂聞緣覺乘

世師妙音說緣覺

彼或樂聞諸佛乘

兩足尊讚菩提道

乃至彼樂生天宮

音中亦顯生天事

如是妙音難思議

隨諸類感便應現

彼等既聞清淨音

其誰不趣菩提道

今時不空見菩薩摩訶薩復告尊者

阿難言阿難諸佛世尊殊特希有如

來應供等正覺能有如是熾然善根

所以者何諸佛世尊從久遠來乃能

供養无量無邊過恒沙數諸如來等

又復常行施忍精進諸事所謂捨捨

身命頭目髓腦難作能信種種苦行

調伏身心然後方證阿耨多羅三藐三菩提證菩提已則能具足無量辯才為他說法云何辯才謂不思議辯才無上辯才无勝辯才無取著辯才妙解脫辯才無障尋辯才善和合辯才相應辯才熾盛辯才无有問辯才豫知辯才作相辯才無作相辯才靜默然辯才不怯弱辯才除恚辯才種種文字莊嚴辯才種種詞句莊嚴辯才義句莊嚴辯才甚深句莊嚴辯才顯現深義辯才於深示淺易知辯才无邊譬喻辯才捷疾辯才善決疑辯才成就無際辯才能問辯才略問廣答辯才利益辯才无毀辯才善思量辯才無害塞辯才無耻辱辯才具足成就離謗辯才具足成就智人所讚辯才具足无畏心辯才具足不狹劣辯才具足不錯文句辯才具足不忘辯才具足無失辯才具足隨心說法開發无微濁辯才具足莊嚴音句能說辯才具足能說過去辯才具足能說未來辯才具足能說現在辯才具

足聖者辯才具足知無生妙知辯才
具足能令一切衆生歡喜辯才亦時
不空見菩薩摩訶薩重宣此義而說
偈曰

供養寂勝尊 無數无边量 能證無上道
世間大導師 廣集諸善根 得彼難思辯
無害復无尋 無量亦无边 和合解脫義
尊勝無上人 善說斷疑網 隨問皆能釋
種種深密教 及以諸譬喻 具足莊嚴辯
妙音難可量 清淨咸相應 決了法安住
不思无能壞 亦無懼畏心 妙音與智俱
不驚不毀損 无錯莊嚴句 安樂無忘失
不惑於諸方 無滓致心淨 過去與當來
現在无罣碍 凡聖平等轉 辯才非他生
近遠同時聞 佛音說時出 海水可知量
毛滴可知數 諸佛大名稱 辯才難得邊
虛空可盡邊 須弥易稱量 無上天人師
辯才深難測

大方等大集經菩薩念佛三昧分卷之四

己亥歲高麗國大藏都監奉
勅彫造

大方等大集經菩薩念佛三昧分卷第五

民

隋天竺三藏達磨笈多譯

歎佛妙音勝辯品之餘

今時不空見菩薩摩訶薩復告尊者
阿難言阿難諸佛世尊是大梵聲是
大師子聲是大雄朗聲是大龍王聲
是大妙鼓聲是大妙歌聲是妙好聲
是大風聲是大雲聲是大雷聲等阿
難諸佛世尊是大善聲不思議聲是
無量聲是无邊聲是不可稱聲是滿
足聲是無尋聲是迦陵頻伽聲阿難
諸佛如來是圓滿聲諸如來是可證
聲諸如來是可知聲諸如來是深遠
智聲諸如來是不可壞清聲諸如來
是无垢聲諸如來是无譏訶聲諸如
來是无嘶破聲諸如來是妙好聲諸
如來是寂上妙好聲諸如來是无缺
聲諸如來是不怯弱聲諸如來是具
足一切功德聲阿難諸佛如來應供
等正覺出音聲時若欲一音遍滿一
佛世界即能遍滿若欲遍滿二佛世
界若三若四若五若十乃至百千世

界乃至億那由他乃至無量無邊阿僧祇不可數知世界如來世尊還出如是無量無邊阿僧祇不可數不可知殊異聲音皆悉充滿彼諸世界令彼衆生諸有得聞如來聲者咸作是念今者世尊獨為我轉如斯法輪阿難諸佛世尊有如是等不思議聲阿尊者阿難譬如日輪為閻浮提諸衆生輩有眼目者作大利益云何利益所謂光明照了一切如是阿難諸如來應供等正覺清淨聲輪凡所至處能為一切信根衆生隨宣說作大利益其義亦尔復次阿難譬如秋月十五日夜彼月光輪清淨圓滿閻浮提人見者歡喜如是阿難諸如來應供等正覺圓滿聲輪能為一切法音光明聞者歡喜得大利益其義亦尔復次阿難譬如大海水平等一味常住澹然難入難度其間多有諸異珍寶而能為彼一切衆生若人非人作大饒益如是阿難諸如來應供等正覺圓音平等一味湛然難入難測微

妙而能安樂一切衆生其義亦八復
次阿難譬如大地任持一切山林河
海王都大城民人聚落復能生長諸
種苗稼根莖華果饒益安樂一切衆
生如是阿難諸如來應供等正覺普
載聲輪任持一切令無壞損復能生
長衆生善根功德花果饒益世間其
義亦八復次阿難譬如虛空容受一
切能令衆生種種興作往來遊處為
大利益如是阿難諸如來應供等正
覺廣大聲輪遍滿一切能令衆生多
有所作受用去來无不利益其義亦
八復次阿難譬如三十三天波利質
多羅樹其華敷時能令三十三天皆
生歡喜多受適樂如是阿難諸如來
應供等正覺開發聲輪能為一切啓
甘露門令諸衆生等證常樂其義亦
八八時不空見菩薩摩訶薩為重明
此義以偈頌曰

世尊真善大梵音 師子妙音牛王吼
最上龍吼滿世界 器度雄朗丈夫聲
雲雷風等吼壯聲 彼不思議悉无量
轉行十方无邊界 所至無碍皆悉聞

如來出聲甚圓備 世間未能障其聲
亦如迦陵頻伽音 所聞清婉甚微妙
聖不望報生物喜 教令證此寂勝聲
解脫深句無有比 世間无有能毀壞
不破不缺微妙聲 相續不斷和合出
救護世間无窮已 具足一切功德音
調伏丈夫如意聲 其聲遍聞於三界
彼諸衆生斯念喜 各言為我宣妙聲
若欲聲滿一世界 若二三四及與五
若十二十至五十 百千億數復過前
若復過彼恒沙土 皆能充滿一切刹
令彼衆生無異心 咸作是念但為我
譬如日輪出現時 能為閻浮作明導
如是世尊天人師 法聲光明照世間
猶如秋月處衆星 其輪圓滿異明淨
彼為閻浮興大利 衆生覩見皆歡喜
世尊如是滿月聲 不思議淨勝世間
其有聞者心无厭 為諸衆生作饒益
猶如大海水湛然 深廣无边難得底
其間常出衆寶 為諸世間作利益
如是諸佛大名稱 其聲深遠亦難窮
恒教證彼清淨音 與不可壞一切樂
若此三千諸大地 能持異類諸衆生

如是諸佛普載聲

生成一切衆饒益

譬如虛空能容受

飛鳥群生皆獲益

如是足尊廣納音

恒以勝善利衆生

猶如切利質多羅

華時已樂彼諸天

如是諸佛甘露音

能為衆生畢竟利

尊者設我滿一切

或復百劫讚其聲

生生弗能得其邊

佛不思議聲若是

假使十方諸衆生

各各恣口長歌歎

終亦莫能致少分

佛音如是難思議

假彼行住諸衆生

或於一時皆成佛

彼諸佛說亦无盡

佛聲如是難思議

世尊如是衆妙音

莊嚴具足無倫匹

若人但能生喜心

彼等終无惡道畏

佛音如是難思議

第一微妙無可比

若有菩薩得斯喜

不久則成佛法王

尔時四天王天主帝釋須夜摩天王

兜率陀天王化樂天王他化自在天

王魔王之息導師太子娑婆世界主

大梵天王乃至淨居天王及餘一切

大威德諸天與欲色界中復有无量

諸天子等聞不空見菩薩摩訶薩稱

讚世尊音聲功德已一切皆於不空

見所起尊重心歡喜踊躍不能自持

咸以天妙栴檀末香天華及鬘天妙衣服寶蓋幡幢雜色彫綵施散懸置於不空見菩薩摩訶薩上時會衆中有六萬億那由他百千欲色界天聞說如來音聲功德為當得故發阿耨多羅三藐三菩提心種諸善根復有多羅三藐三菩提種諸善根復有五千比丘被精進鎧於阿耨多羅三藐三菩提種諸善根復有七百千萬諸比丘尼發阿耨多羅三藐三菩提心及引誓願復有百千優婆塞皆各從彼寶蓮華座起直詣不空見菩薩摩訶薩所復有二億那由他百千女人各解自身衆寶瓔珞散擲虛空住於不空見菩薩摩訶薩上皆於阿耨多羅三藐三菩提種諸善根

菩薩念佛三昧分讚如來功德品第六

尔時不空見菩薩摩訶薩復告尊者阿難言阿難諸佛世尊甚為希有諸如來功德具足故自天降下具足故入胎具足故住胎具足故出胎具足故母生具足故善根具足故衆相具足故衆好具足故莊嚴具足故出家具足故入定具足故大入定具足故

深心具足故至心具足故真信具足
故無畏具足故戒身具足故定身具
足故慧身具足故解脫身具足故解
脫知見身具足故諸通具足故證智具
足故至一切證知第一彼岸故至慈
大慈第一彼岸故至悲大悲第一彼
岸故至喜大喜第一彼岸故至捨大
捨第一彼岸故至寂勝无等第一彼
岸故至諸威儀第一彼岸故至諸神
通第一彼岸故至一切諸法无尋第
一彼岸故至是處非處力第一彼岸
故至諸開道利益第一彼岸故至奢
摩他毗婆舍那第一彼岸故至一切
禪定解脫三摩跋提第一彼岸故至
無貪无瞋無癡无慢無放逸无嫉妬
无恚捨離諸過解脫五道至四無畏
第一彼岸故令一切衆生種諸善根
受業果報教論發起第一彼岸故令
一切衆生諸戒行聚不破不缺不濁
不雜成丈夫志无所觸犯智者所讚
无有過愆一切世間若天若人若梵
若魔沙門婆羅門乃至无能如法訶
責非理毀者阿難諸佛世尊功德殊

勝一切世間衆生類中乃至無有能
得測量宣說如來戒等功德知其少
分何處有人復能過者阿難汝等從
今當如斯觀此虛空界如是廣大此
四方界如是弘寬我皆了知限量邊
際諸佛功德不可測量如是阿難諸
佛世尊所有戒聚所有定聚所有慧
聚及解脫聚解脫知見聚乃至一切
威儀神通利益无導不可宣說不可
顯示不可得知不可得入所以者何
阿難諸佛世尊所有功德皆无有邊
何以故諸佛世尊有無量戒行有无
量定行有无量慧行有无量解脫行
有無量解脫知見乃至有無量諸功
德悉等是故阿難當知諸佛世尊具
足若此今時不空見菩薩摩訶薩為
重明此義以偈頌曰

世尊天降入胎時 住不思議出亦尔
生家寂勝母無比 寂上第一諸功德
體備衆相三十二 諸好具足莊嚴身
諸佛所作不思議 皆緣曠劫久修集
人中勝上求出家 成就禪定大三昧
正心淳信斯堅固 一切方便無不知

戒行三昧皆具足 智慧成滿无倫比
解脫知見亦已獲 神通威德彼岸邊
能滅熾苦救衆生 慈悲要行取為首
喜捨亦妙行平等 諸佛世尊自證知
身口常與意行合 所行隨智難思量
威儀无比超世間 法王神力到彼岸
無諍三昧見法如 是處非處皆明了
禪定解脫難測度 昔能饒益諸衆生
定慧止觀斯成就 光明遍覺滅垢心
无有貪恚衆過慙 解脫无畏皆善學
戒行無破亦无羸 無濁无雜盡清淨
多衆生觸不瞋惱 不求果報智所稱
内无過失外無毀 假彼天人及梵魔
或復沙門婆羅門 莫能談訶常清淨
虚空猶可盡其界 諸方亦可極其邊
無上調御天人師 清淨戒行孰能測
大海可以口飲乾 无邊水聚亦復尔
諸佛光明不可識 清淨戒行誰得邊
須弥可以口吹散 大小鐵圍亦復然
諸佛妙行不可知 清淨戒行難得底
尔時不空見菩薩摩訶薩作是思惟
今者如来應供等正覺若降威神俯
臨斯會可謂善哉今我亦當為諸菩

薩摩訶薩故請問世尊一切菩薩念
佛三昧微妙法門如來先已顯示其
名今者當應為諸弟子演說斯法宣
明義理世尊寧當過安禪寂乎尔時
世尊知彼不空見菩薩摩訶薩如是
念已佛神力故應時此會三千大千
世界大地六種震動所謂動涌起震
吼覺等如是具足十八相動乃至涌
沒如是動已時佛世尊復以神力放
大光明照此三千大千世界彼光出
時能令一切星宿天宮月天子宮日
天子宮乃至欲界諸天宮殿所有光
明喪滅不現復有如是無量无邊不
可思議阿僧祇恒河沙數諸梵天宮
所有威光悉皆暗晦乃至色界一切
天宮蒙佛光故亦皆不現諸光沒已
唯佛世尊神光獨盛尔時世尊大慈
熏心為欲饒益諸衆生故從禪定起
安詳徐步詣彼大衆周旋觀察是不
空見菩薩摩訶薩等已於是一切世
間諸天及人若梵若魔沙門婆羅門
諸龍夜叉阿修羅輩遇佛光明咸各
自彼蓮華座起前詣佛所由躬合掌

礼敬世尊各還退坐

尔時不空見菩薩摩訶薩遙見世尊身相分明端嚴殊特諸根寂靜如調象王心意朗然若澄淨水一切種具足一切智圓滿自彼而來深生喜已於是不空見菩薩即告尊者阿難言阿難汝觀世尊從禪定起如來世尊從靜室來必當開演第一誠諦終無虛妄如來世尊是妙語者是真語者是實語者是如語者是不異語者是善語者心善思惟常行善事身業无失口業無失意業无失一切功德斯皆具足所謂具足寂上第一戒聚故具足寂上第一定聚故具足寂上第一實慧聚故具足寂上第一解脫聚故具足寂上第一解脫知見聚故具足寂上第一威儀故具足寂上第一神通故具足寂上第一利益故具足寂上第一不思議辯才故具足寂上第一成就故具足寂上第一微妙故具足寂上第一天退故具足寂上第一入胎故具足寂上第一住胎故具足寂上第一生家故具足寂上第一足寂上第一

圓滿功德故具足寂上第一不思議
諸相故具足寂上第一不思議諸好
故具足寂上第一過去業故具足寂
上第一善根故具足寂上第一具足
發心故具足信心故具足破煩惱故
具足大破煩惱故具足捨家故具足
知五種故所謂具足第一戒身故具
足第一定身故具足第一慧身故具
足第一解脫身故具足第一解脫知
見身故已到第一神通彼岸故已到
第一無餘智證彼岸故已到第一分
別法彼岸故已到第一分別義彼岸
故已到第一分別辯才彼岸故已到
第一寂靜定彼岸故已到第一明達
彼岸故已到第一根力覺道彼岸故
已到第一慈及大慈彼岸故已到第
一悲及大悲彼岸故已到第一喜及
大喜彼岸故已到第一捨及大捨彼
岸故已到第一不思議威儀彼岸故
已到第一慙愧彼岸故已到第一於
一切法自在彼岸故已到第一過去
智知見無尋彼岸故已到第一未來
智知見無尋彼岸故已到第一現在
智知見無尋彼岸故已到第一身業

隨智慧行彼岸故已到第一口業隨智慧行彼岸故已到第一意業隨智慧行彼岸故阿難如來應等正覺於一念中能具足知一切衆生心心所行若善若惡若淨若垢等

尔時不空見菩薩摩訶薩復告尊者阿難言尊者阿難諸佛世尊如大海淨戒聚不可得底故尊者阿難諸佛世尊如須弥山三昧聚不可動搖故尊者阿難諸佛世尊如虛空攝一切衆生无障碍故尊者阿難諸佛世尊如日輪為諸世間作法光明故尊者阿難諸佛世尊如火聚焚燒一切衆生諸煩惱薪故尊者阿難諸佛世尊如河如陂如池如泉洗盪衆生生老病死垢故尊者阿難諸佛世尊如良醫能愈一切衆生諸痼病苦故尊者阿難諸佛世尊如大雲雨能以法水潤澤衆生枯槁故尊者阿難諸佛世尊如師子王能破一切衆生大我慢故尊者阿難諸佛世尊如大船能度衆生生死河故尊者阿

難諸佛世尊如毘羅延能伏一切世
間大力故尊者阿難諸佛世尊如優
曇華一切世間難得見故尊者阿難
諸佛世尊如波利質多樹華三十二
大人相可愛樂故尊者阿難諸佛世
尊如父母能與一切衆生安樂利益
故尊者阿難諸佛世尊作利益作安
樂能令一切衆生得住故尊者阿難
若人說言如來出世有無量辯才如
是說者是則名為善說如來如來出
世有不思議辯才是名善說尊者阿
難乃至如是略說如來出世有無邊
辯才如來出世有無量辯才如來出
世有無取著辯才如來出世有勝解
脫辯才如來出世有隨順義辯才相
應義辯才微妙淨辯才巧問辯才不
問辯才上辯才無上辯才慈辯才大慈
辯才悲辯才大悲辯才喜辯才大喜
辯才捨辯才大捨辯才佛出世利益
辯才尊者阿難若人說言如來出世
具足利益一切衆生是則名為善說
如來尊者阿難若人正言同義辯才
利益衆生是則如來出於世間又說

若言彼利益辯才為一切衆生得利
益故當正言音志令具足是則如來
出於世間斯人亦名善說如來尊者
阿難若人說言彼无歸衆生無依衆
生无救衆生無護衆生无憐愍衆生
如來出世為歸為依為救為護為憐
愍者是則名為善說如來尊者阿難
假使我今若經一劫若減一劫長時
歌讚諸佛世尊辯才功德終不得一
又復經於無量劫數具足演說如來
應供等正覺辯才功德終亦不得其
少分邊尊者阿難譬如有人老病羸
瘠至大衆中發如是言諸人當知我
雖年邁為病所摧而猶能以一毛端
勺滂取大海令即乾枯是人素无神
通呪術而能如是果決壯言尊者於
意云何彼人言義可取信不阿難答
曰无也大士不空見復言尊者彼人之
言一切世間諸天及人頗曾驚歎此
事希有如是困人能以一毛端盡大海
水如斯念不阿難答曰不也大士如
是尊者此事本无依何取信我今讚
說諸佛世尊辯才功德不得少邊其

事若此尊者阿難且置斯事假使佛
今還自讚說毛分功德過億百千那
由他劫亦不能盡而況餘人尊者阿
難且置斯事我今更說假使大地所
有一切衆生若干種類有足无足二
足四足乃至多足有色無色有想无
想非有想非无想如此世界及以十
方無量无邊諸世界中所有衆生設
使盡皆一時成佛彼諸世尊經无量
劫皆還歎佛一毛功德終亦不盡尊
者阿難當知一切諸佛世尊乃有如
是不可思議具足功德尔時不空見
菩薩摩訶薩為重明此義以偈頌曰
尊者當觀法王來 一切世間應供養
功德威光殊顯赫 一切智滿難可傾
寂上妙言佛真說 實語及如無異言
善說聖法真實知 身口離過意亦尔
心無異念絕分別 戒行寂勝三昧深
智慧解脫悉超倫 解脫知見无可比
威儀具足不思議 無上神通如實智
利益世間无有量 辯才妙行亦無類
降天下生象牛王 入胎成就世中勝
住胎殊異无有等 家生具足丹尊高

成就衆根寂第一 勝相圓滿不思議
妙好咸備極莊嚴 一切分明世瞻仰
具足真心信清淨 禪定除垢有大威
放捨世欲樂出家 菩提成就得五種
已度神通第一岸 智慧无尋亦無邊
及奢摩他毗舍邨 法王通達斯自在
大海之水廣且深 其或可以毛端測
調御丈夫清淨戒 雖經曠劫不能知
須弥雖固猶可動 以手投擲至梵宮
諸佛初住定禪時 已自無能動乱者
虛空容有得其邊 四方亦可知其限
終无能見正覺境 思惟分別此彼處
尊者大地實弘廣 然可以指遍度量
捨離煩惱人中尊 彼心意識不可盡
如日輪光破衆闇 觀諸善惡若見色
如是自在世間師 能破巨黑无明雲
猶如秋月出重雲 衆生見者皆歡喜
法王智光如滿月 如覩妙色無不樂
冥寂長夜如明燈 為諸眼目作先導
世間智者能除暗 恒以法光照衆生
能設法炬自在尊 天人大師為他作
一切諸有皆滅盡 是故稱佛光明王
聖智如河及泉水 能盪生老病死塵

如大醫王施良藥 調御能除衆疾苦
猶如龍王降大雨 能滿一切諸大地
諸佛如是行慈悲 充足一切樂法者
大師子王震吼時 降伏世間諸惡獸
世尊如斯決定說 破除外道我慢心
如大舟船常往返 濟度一切諸去來
諸佛如是遍周旋 拔彼常沒四流者
優曇鉢華世希有 此閻浮提最難見
天人世尊難中難 一切世間歸依處
如波利樹花現時 三十三天甚愛樂
大人相好出興世 衆生覩見悉歡喜
世尊神變難窮盡 如我今者謂宣說
我以歎佛諸功德 畢竟利益諸群生
大方等大集經菩薩念佛三昧分卷第五

已亥歲高麗國大藏都監奉

勅彫造

隋天生三藏達磨笈多譯

佛作神通品第七

尔時世尊自袈裟內出金色手摩彼
不空見菩薩摩訶薩頂復出廣長舌
相即告不空見菩薩言善哉善哉汝
不空見汝今乃能為諸衆生如是歎
說如來應供等正覺真實功德也不
空見若有說言世間衆生无救護時
是中必有能救護者出現世間為作
救護不空見當知即是善說如來也
復次不空見若復說言世間衆生無
歸趣時是時必有不思議辯才无量
辯才出現於世能與衆生作大歸依
不空見當知即是善說如來也復次
不空見若復說言世間衆生多貪欲
行多瞋恚行多愚癡行是時必有無
欲恚癡大師出世為除三毒不空見
當知即是善說如來也復次不空見
若復說言世間衆生多慳慳時多嫉
妬時是時必有遠離慳嫉好行布施
大師出興為破慳嫉不空見當知即

是善說如來也復次不空見若復說言世間衆生無有慚愧著耻之行是時必有慚愧著耻大師出世除无慚耻不空見當知即是善說如來也復次不空見若復說言世間衆生多行憍慢貢高之事是時必有和敬調柔大師出世為除憍慢不空見當知即是善說如來也復次不空見若復說言世間衆生无有慈悲不能喜捨多行瞋恚穢濁毒心是時必有斷除瞋毒具足四等導師出世教修慈悲大利益事不空見當知即是善說如來也復次不空見若復說言世若多惡無善衆生其有能教今生善根先有善根令其增廣如是利益大師出興不空見當知則是善說如來也復次不空見若復說言五濁惡世衆生病增世有大人能行利益導以出法安樂衆生不空見當知是言則謂我也所以者何吾今出於五濁惡世宣揚妙法斷除邪垢能多利益諸衆生故尔時世尊手摩不空見菩薩頂時即以神力於一念間令此大衆咸見東

方無量无边不可說阿僧祇現在一切諸佛國土彼國土中諸佛世尊未滅度者及彼衆生一切境界皆悉現前亦聞彼佛說法音聲亦見彼剎清淨莊嚴種種具足如是乃至南西北方四維上下十方所有諸佛淨土一切境界明了現前若觀掌中菴摩勒果

又復世尊以手摩彼不空見菩薩摩訶薩頂時以佛神力及不空見本願因緣於一念間即見十方無量无边阿僧祇不可數過去諸佛入涅槃者乃至彼剎清淨莊嚴了了分明若觀手掌又蒙佛力亦見當來諸佛世尊清淨剎土莊嚴具足

尔時不空見菩薩摩訶薩以本願力承佛威神盡見十方三世諸佛及彼佛剎清淨莊嚴已為重宣此義即從坐起正持威儀偏袒右肩右膝著地合掌向佛以偈頌曰

三千世界所有水 若人欲量皆可知
調御丈夫天人師 戒行深遠孰能測
溟弥高廣寂巍巍 羸老病人口吹散

世尊初入於禪定 億百千劫難可了
虛空足量能盡邊 四方亦可步其際
世尊大師等正覺 智慧甚深无源底
虛空平等无罣碍 可為暴風所颺動
如來本性無煩惱 貪恚癡毒何所居
日輪圓滿處空中 清淨光明遍世界
如是阿羅仙種姓 於此天衆而曜暉
又如秋月合昴宿 威光超世挺衆星
如是滿月大法王 炎赫獨出天人上
若優曇華甚希有 時乃一遇不世出
諸天中天調御師 有時而現隨意感
世尊妙手摩我頂 金色百福相莊嚴
不可毀壞悉具足 其為利益斯若是
世尊真言及實語 人中法王轉正輪
普遍十方世界中 甚為利益悉自在
蒙世尊手摩頂時 我見十方最上人
如恒河中說沙數 大威德仙衆多彼
即見諸佛如彌陀 人中最勝衆多彼
猶恒河中竿沙數 安樂世界我見知
如來慈手親摩覺 大悲光明作饒益
阿閼應供兩足尊 盡見世間滅度尊
我蒙世尊神手觸 大慈降伏諸根者
於一念頃如恒沙

世尊以手摩我時 亦覩弥勒昔諸願
如彼當來一切事 了了明白无復疑
過去諸佛我已見 未來現在亦復然
十方三世諸如來 神通德力難稱說
世尊以手摩我時 普見十方救世者
并覩諸佛清淨刹 我因更發最上願
諸佛神通難思議 戒定智慧亦如是
諸餘功德不可說 唯願如今常教示
如來下手摩我時 即見十方諸塔廟
衆寶金色如恒沙 具足種種微妙供
諸佛皆具大名稱 彼彼相好充十方
百千樂音以供養 我見彼刹悉如是
彼刹復有諸佛塔 金縷間錯寶頗梨
高大過於一由旬 端正莊嚴皆若此
復見大尊諸塔廟 衆寶雜廁甚精華
亦有住於虛空中 常以天華散其上
我復見彼諸勝塔 涌出高滿十二旬
彼諸佛所名燈然 光明遍照十方刹
世尊以手摩頂時 我見妙塔不可說
彼佛各有大名稱 其間皆悉如來力
世尊手摩我頂時 於是得見諸佛刹
彼或燒身或受辱 種種行類不可宣
各於自刹修苦行 无有晝夜如救然

勇猛弘誓度衆生 皆為無上菩提故
我又覩見十方刹 有諸菩薩常辛勤
自剗身肉然多燈 彼為菩提光明故
我又復見清淨身 於諸佛前常立住
至彼世尊涅槃已 為求菩提大德故
我又復見為法人 香油灌身然燈炬
苦身精意遍十方 終不繫心財食類
我又更見諸丈夫 恒捨頭目及身手
妻子王位與國城 志令群生獲安樂
如我所見无遺餘 不可口言而宣說
我所知見寂勝等 蒙佛威靈故遍觀
世尊威神加持故 令我見斯希有事
吉祥第一天中天 我今歸依寂无上
菩薩念佛三昧分見無邊佛廣請問品第八
尔時不空見菩薩摩訶薩白佛言世
尊今此一切天人大衆既見世尊久
處禪定默无言說咸生渴仰唯願世
尊俯就斯座尔時世尊聞不空見菩
薩摩訶薩為彼天人大衆請已端身
正念默然許之

尔時不空見菩薩既蒙默許偏袒右
臂右膝著地合掌向佛復白佛言世
尊我今欲問若聖聽者乃敢發言佛

告不空見如來應供等正覺隨汝所問當為汝說斷汝所疑令尔心喜然是天人梵魔沙門婆羅門等皆當證知時不空見菩薩摩訶薩承佛教已即便白言世尊菩薩摩訶薩應當思惟何等三昧應當親近何等三昧應當修行何等三昧如是菩薩思惟親近及以修行此三昧已現見何法而得安樂云何當得如大海多聞受故云何當得如須弥山菩提心安住不傾故云何當得如大鐵圍山一切外道邪論不能動故云何當得如虛空一切法無尋故云何當得如虛空心无染著故云何當得如日輪破除一切無明闇故云何當得如月輪白淨法圓滿故云何當得如燈輪作法光明故云何當得如大炬一切受陰滅故云何當得如火聚焚燒一切諸煩惱故云何當得如河池泉源一切衆生隨意受用故云何當得如大船一切衆生度彼岸故云何當得如橋梁不没生死煩惱中故云何當得降伏衆敵破壞魔軍諸憍慢故云何當得

如波利質多羅樹為一切諸方所有
衆生開七菩提花香風普薰故云何
當得如優曇鉢華希有難得故云何
當得如藥王等療一切衆生病苦故
云何當得如大醫王起大悲心愍痛
衆生故云何當得如栴檀樹除衆熱
惱作清涼故云何當得如大雲雨等
注法雨令滿足故云何當得如蜜器
能具足說一味法故云何當得如師
子吼能與一切衆生无怖畏故云何
當得如父母等與一切衆生安樂利
益故云何當得見真法至如法性實
際彼岸故云何當得解釋深趣至實
義彼岸故云何當得巧說法辯至能
分別彼岸故云何當得善巧說法至
具足方便彼岸故云何當得分別了
義善知字句法故云何當得正意正
行具知足故云何當得統御大衆無
所畏故云何當得說如實義入實際
故云何當得如大海一切法同一味故
云何當得如大山三昧安靜无能動
搖故云何當得如門闌

亦云帝釋幢也

菩提心

不可動轉故云何當得堅固力心志

具故云何當得具足威儀不作虛謔
故云何當得端正身為他歡喜說法
故云何當得取妙寂上色相故云何
當得尊貴大姓家生故云何當得大
法王福報功德故云何當得具足無
量辯才故云何當得不取著辯才故
云何當得不錯辯才故云何當得分
別種種名字句辯才故云何當得不
思議辯才故云何當得無邊辯才故
云何當得解脫辯才故云何當得同義
亦云成辯才故云何當得隨他意義辯才
故云何當得漸親近辯才故云何當
得所問能答辯才故云何當得無問
自說辯才故云何當得不毀壞辯才
故云何當得无退轉辯才故云何當
得甚深句字種種說辯才故云何當
得無量无边辟况辯才故云何當得
未證大菩提已能具足梵音聲故云何
當得第一微妙音聲故云何當得迦
陵頻伽音聲故云何當得師子王音
聲故云何當得大龍王音聲故云何
當得大牛王音聲故云何當得大鍾
鼓音聲故云何當得勝妙歌讚音聲

故云何當得樂絃音聲故云何當得
哀婉清美音聲故云何當得風雲雷
震音聲故云何當得甚深莊嚴辯才
音聲故云何當得諸妙語言文字章
句真正莊嚴辯才音聲故云何當得
甚深能大巧說音聲故云何當得種
種譬喻辯才音聲故云何當得一切
世間寂勝供養音聲故云何當得共
他論義辯才音聲故云何當得神通
彼岸音聲故云何當得不忘失法音
聲故云何當得不缺少善法音聲故
云何當得諸善根行具足他讚音聲
故如是一切悉皆具足尔時不空見
菩薩摩訶薩發如是等諸疑問已為
重宣此義以偈問曰

具足金色百福相 能覺一法利无邊
寂勝功德我今問 何等三昧先應思
如來妙智无等倫 世間寧有加上者
我今請尊修何定 所獲功德不思議
天人大師上調御 思惟是定何功德
菩薩於此云何修 而能安樂於一切
云何自然多聞海 云何守護決定心
得住諸佛功德處 云何如大鐵圍山

是中都無恚恨心

而能降伏諸外道

云何无寻如虚空

云何復得心自在

云何如日復如月

云何同炬亦如燈

云何為衆作光明

云何復須觀三昧

云何解脫諸煩惱

云何能度生死岸

云何發心苦輪中

獨超三界无與等

云何波利質多樹

大人相好妙莊嚴

云何如彼優曇華

勇健雄猛不出世

云何施藥不望報

良醫救苦調御師

能除衆生諸熱病

安住淨戒得清涼

云何當得如法寶

无量功德度彼岸

云何甚深微妙法

猶蜜甜味妙無加

云何得此師子音

能令衆生无怖畏

云何等益如父母

得彼深樂不思議

云何能得妙辯才

行於菩提大名稱

云何說彼寂勝道

云何而得无寻智

云何於義能巧便

云何妙知諸法相

云何分別名句身

云何世法及出世

云何正念與正行

云何知足具思惟

云何多聞如大海

云何歎佛真實德

云何說彼諸衆生

生死根本如實際

云何諸法无老别

猶如大海同一鹹

云何如山定無動

不退轉心如門闌

云何一心无餘業 但求無上大菩提
云何具足諸威儀 身相端嚴見者喜
云何常生大姓家 亦受法王大福聚
云何得彼無量辯 所有言論世莫思
云何字句義深微 我今請問護世者
云何无上難得勝 親近真辯无遺忘
云何同義稱根性 若問不問斯相應
云何未證具梵音 其聲清婉甚微妙
迦陵頻伽聲可愛 大智雄猛聲遠聞
云何師子大龍音 更得深重牛王吼
云何世尊得絃樂 具足種種諸器聲
云何獲彼甜味音 而常演說衆欣樂
云何功德音無毀 其出如風若震雷
云何多種譬喻音 能宣甚深諸言說
云何所出善語音 云何諸法不忘失
云何有中獲宿命 彼諸神通云何修
云何修行无疲倦 遍知一切諸善法
如是諸法不思議 自然輪轉遍十方
世尊我皆无復疑 是故今問歸依處
尔時不空見菩薩摩訶薩懇懇鄭重
如是問已即以神力身昇虛空於虛
空中自然化作天寶華盖莊嚴微妙
七寶所成謂金銀琉璃頗梨馬瑙車

集真珠貝如是等種種寶飾彼寶蓋
中雨種種華而彼衆華右遶三匝住
佛頂上即彼華中以偈歎曰

歸命丈夫大調御 無上正覺兩足尊
一切世間天人輩 寧有可以比類者
長夜黑暗諸衆生 愚癡顛倒墮邪道
極尊明智世間眼 能令還復平正路
失於清白法種子 衆生煩惱內燒心
勝尊猶如世父母 能令安止白法處
遺喪善法深利人 後世方將可怖畏
寂尊成就大慈行 為諸衆生真導師
一切衆生無善利 无有覆護無救者
希有大悲教世師 世尊真為作救護
尔時華中說是偈已彼華方至如來
足上須臾即飛遍往三千大千世界
遍諸佛前施散供養彼寶蓋中復出
栴檀末團大如車輪至如來身忽然
不現而彼栴檀香氣微妙充滿三千
大千世界所有衆生得聞此香皆悉
受於上妙快樂猶如菩薩入第四禪
尔時不空見菩薩摩訶薩示現如是
神通事已即白佛言世尊是諸菩薩
摩訶薩等云何當得如斯智慧所謂

大智慧速疾智慧揆捷智慧猛利智
慧无相智慧巧入智慧甚深智慧廣
普智慧無畏智慧圓滿智慧云何復
得不可竿數不可稱量諸妙善根所
謂心如金剛善根穿徹一切法故心如
迦隣提衣柔軟善根能作業故心如
大海善根攝諸戒聚故心如平石善
根住持一切事業故心如山王善根
發生一切善法故心如大地善根負
持衆生事業故得心不隨他行善根
遠離非法教誨故得心善修行善根
一切法安住故得不壞信善根於諸
如來所行之處不疑惑故住一世界
自然遍見十方諸佛亦聞彼佛宣說
妙法復見菩薩聲聞大衆又覩佛剎
清淨莊嚴受用等事悉无疑故乃至
攝受決定善根於一切時自利利他
故世尊如我今者實為自利復欲利
益諸衆生故請問如來也世尊我今
復為弘廣衆生淨信心故請問如來
也世尊我今復為彼諸菩薩摩訶薩
輩具足圓滿不思議善根故請問如
來也世尊我復為斯被大特進弘誓

鎧甲諸大菩薩摩訶薩故請問如來
也世尊有諸菩薩摩訶薩輩於生死
中發大精進為一切衆生而亦不取
衆生之相然是菩薩摩訶薩雖於生
死煩惱中長夜度脫一切衆生而實
不住生死煩惱想世尊我為如是諸
衆生故請問如來也世尊有諸菩薩
摩訶薩等行慈悲時於諸衆生都无
瞋恨設諸衆生訶責罵辱楚撻撾打
種種苦迫如是菩薩於衆生所終無
報答乃至不起嫌心不失本願无異
分別及餘思惟一心修行大慈大悲
世尊我為如是住於大乘諸菩薩故
請問如來也世尊有諸菩薩摩訶薩
輩為衆生故欲捨己樂及諸樂具欲
受一切熾然大苦發如斯念我當云
何令一切衆生得取勝樂令一切衆
生得大法明世尊彼諸菩薩如是念
時凡所有物若內若外无不施者无
不益者无不饒者世尊我為如斯諸
菩薩故請問如來也世尊有諸菩薩
摩訶薩輩被著如是精進鎧時發如
斯念我今當應為二衆生於恒河沙

劫住大地獄受諸苦惱猶入出息不
以為苦亦不退沒菩提之心世尊我
復為是諸菩薩故請問如來也世尊
有諸菩薩摩訶薩輩被著如是精進
鎧已發如斯念我今當為一切衆生
執諸事業廝役服勤種種承事不以
為苦於是或為奴婢或為僕隸或為
傭從或為弟子我應如是乃至為作
種種眷屬成熟衆生世尊我復為是
諸菩薩故請問如來也世尊有諸菩
薩摩訶薩輩為一切衆生故發大勇
猛修諸苦行捨身手足頭目髓腦或
時節節支解其形析骨消髓不以為
苦无有休懈方更熾然於阿耨多羅
三藐三菩提事世尊我為如斯諸菩
薩故請世尊耳今時不空見菩薩摩
訶薩如是問已為重宣此義以偈
頌曰

我問天師諸勝智 大智彼等云何成
云何速智及捷疾 利智聰明能通達
何因得彼甚深智 盡无邊智為我宣
弘廣普遍一切智 是為最勝求菩提
云何當得无怖畏 具足善巧為我說

云何而得金剛心 一切法中無疑惑
云何得是柔軟心 戒行清明淨如海
云何如山不動轉 菩提決定願莊嚴
云何行行不隨他 於義明了得安住
云何而得不壞信 諸佛所作无復疑
云何得彼生念智 住於一界現十方
遍觀諸佛及聞法 并大集衆亦明了
其身不離於一刹 而能供養十方尊
妙華衆香及塗香 諸餘衆具難可說
心住此刹無他緣 身現十方无量土
親承奉事彼諸佛 悉由神通力無邊
无請我今為行慈 住於慚愧修行者
不自利已常益他 為斯我請大名稱
諸有發心求佛智 善根成熟不思議
如是三昧云何修 我故為彼問无著
被此忍鎧為衆生 我要當拔諸重苦
彼等已離衆生想 為斯故問正覺真
彼輩常住平等心 觀察衆生无異想
常能成就慈悲者 我為彼故問如來
是中應行何等法 速得如是不思議
所得功德无有邊 我為彼故請調御
被引誓鎧勇猛人 為一衆生恒沙劫
大地獄中受焰苦 善哉安樂諸衆生

彼等无睡亦無疲

内外諸物無不施

如是攝受衆生者

我今為彼問普觀

呵責毀辱及捶罵

身受煎迫衆事苦

為他奴婢及僕隸

皆由斯輩請世尊

無量百千數億頭

有來求索皆能捨

當捨頭時極歡喜

為求无上妙菩提

為諸衆生而更捨

手足及以身餘肢

救解失道衆生類

除撥生死還正路

又施妻妾及男女

七寶珠玉及金銀

亦捨上妙衆器具

我為彼故問如來

捨身命財无厭倦

長夜聽說不疲勞

心常寂滅行頭陀

我以彼故問正覺

真實妙語恒繫心

鹿鄙惡言聞即離

而於他所无嫌恨

我緣彼故諮自在

常以慈心觀衆生

其猶父母愛一子

而於怨親行平等

故我為彼請人王

現有如斯諸功德

然我今日已宣陳

其或未具諸衆等

我亦為是諮問佛

世尊我今有善根

初發問時便剋獲

藉此菩薩諸功德

速證寂靜三昧王

大方等大集經菩薩念佛三昧分卷第六

已亥歲高麗國大藏都監奉

勅彫造

大方等大集經菩薩念佛三昧分卷第七 凡

隋天竺三藏達磨笈多譯

讚三昧相品第九

今時世尊讚不空見菩薩摩訶薩言
善哉善哉不空見汝於往昔乃能供
養無量無數諸佛世尊於諸佛所種
諸善根具足修行諸波羅蜜一切法
中所作已辦而常為彼諸衆生輩作
不請友為行大慈成就正信諸衆生
故請問世尊如斯大義為被大鎧諸
衆生故請問世尊如是大義為不動
不退大菩提心諸衆生故請問世尊
如斯大義為不壞信意諸衆生故請
問世尊如斯大義為發弘廣大願莊
嚴諸衆生故請問世尊如斯大義為
不思議善根諸衆生故請問世尊如
斯大義為著不思議鎧甲諸衆生故
請問世尊如斯大義為超越三界諸
衆生故請問世尊如斯大義為專精
實義諸衆生故請問世尊如斯大義
為隨順大智諸衆生故請問世尊如
斯大義為樂甚深法行諸衆生故請

問世尊如斯大義為重布施諸衆生
故請問世尊如斯大義為重開示諸
衆生故請問世尊如斯大義為一切
能捨內外身財諸衆生故請問世尊
如斯大義為成就寂上無上戒聚諸
衆生故請問世尊如斯大義為深忍
相應諸衆生故請問世尊如斯大義
為勇猛精進諸衆生故請問世尊如
斯大義為得深禪定諸衆生故請問
世尊如斯大義為深重智慧諸衆生
故請問世尊如斯大義為以資財方
便巧攝一切諸衆生故請問世尊如
斯大義又為心若金剛諸衆生故為
心如門闌不動不轉諸衆生故為心
如淨水元有塵垢諸衆生故為心如
迦耶隣提衣諸衆生故為樂入深義
諸衆生故為尊重正法諸衆生故為
捨擔能擔諸衆生故為不惜身命諸
衆生故為不樂一切世間有為諸衆
生故請問如來如是大義不空見汝
於今者能為如斯諸大菩薩摩訶薩
輩請問如來如是義耳今時世尊復
告不空見菩薩摩訶薩言不空見汝

應諦聽善思念之吾當為汝廣分別
解說時彼不空見菩薩摩訶薩即白
佛言善哉世尊如蒙聖說一心諦受
佛言不空見有菩薩三昧名念一切
佛菩薩當應親近修習觀察思惟如
是三昧既能修習觀察思惟此三昧
已則得增廣成就現前安樂法行故
則得增廣无貪善根故則得增廣無
瞋善根故則得增廣無癡善根故則
得具足慙愧故則得成就神通故則
得圓滿一切佛法故則得清淨一切
佛土故則得天降下生具足故則得
入胎具足故則得住胎清淨具足故
則得母生微妙清淨具足故則得家
生清淨具足故則得諸根微妙清淨
具足故則得大人相清淨具足故則
得諸妙好清淨具足故則得出家具
足故則得取上寂靜具足故則得大
寂靜具足故則得諸通具足故則得
為一切衆生作歸依具足故則得多
聞具足故則得世間出世間法具足
故則得一切諸法住處具足故則得
巧妙方便知出世法具足故則得善

通達一切諸法具足故則得巧知前
際後際法相具足故則得善巧莊嚴
文字句義具足故則得智慧具足故
則得微妙神通具足故則得巧轉變
心具足故則得善教示他具足故則
得為他衆生及富伽羅勝負白黑上
下滿缺增損勝力具足故則得是處
非處具足故則得未成阿耨多羅三
藐三菩提趣向具足故則得正行具
足故則得意具足故則得自在具足
故則得神通具足故則得尊勝大家
具足故則得大姓具足故則得端正
具足故則得大威具足故則得大光
明具足故則得作諸功德具足故則
得大功德具足故則得大人牛王具
足故則得令他歡喜音具足故則得
令他深歡喜音具足故則得微妙音
具足故則得梵音具足故則得相應
辯才具足故則得无諍辯才具足故
則得無著辯才具足故則得稱實辯
才具足故則得種種辯才具足故則
得一切言音辯才具足故則得所生
不離諸佛世尊而常恭敬供養具足

故則得離邊地生具足故則得常生
中國具足故則得遍遊諸世界禮拜
承事諸佛世尊諮請論義具足故則
得成就無量無邊功德具足故則得
一切菩薩功德莊嚴具足故乃至則
得菩提樹下道場莊嚴具足故今時
世尊為重宣此義以偈頌曰

不空見斯勝三昧 如我今住智德中
其有菩薩能修行 彼見十方一切佛
當即速獲諸神通 因是復覩清淨刹
遂能下生妙具足 入胎具足亦復然
住胎之時無有比 母寂清淨勝家生
一切相好咸具足 亦當修彼諸行法
捨家出家離衆欲 捐弃人欲及與天
彼為世間求菩提 所生常有諸甘露
亦得諸通及神足 轉智圓滿彼世間
多聞揔持大德人 行行斯由多聞海
統諸大衆義明了 巧知衆生方便學
諸法行處皆悉知 世間之法及出世
智人所知智具足 遠離諸業及癡惱
有為之法盡皆捨 而常親近於元為
常以天眼觀衆生 復用天耳聽聞法
宿命明白知過往 他心善達前人意

神通變化自在遊
得大名聞行佛國
明達是處及非處
深照淨法及垢染
能得正行具足人
具正思惟大威德
復生大家及尊姓
彼雖處於有為中
所生常受大功德
或為忉利釋天尊
凡所出聲悉無比
諸龍美音遍行中
偈於絃樂及歌聲
能會義理令衆歡
善出清雅及好聲
深婉妙音并善語
行步舉動若龍王
降雨滂洽於大地
如是人龍所遊處
無量無數諸化身
偈頌譬喻諸種作
彼常法樂與衆生
所生不離於諸佛

心能巧轉隨所因
能廣利益諸世間
一切諸法靡不知
以常修習勝三昧
彼之智慧實無比
亦得安住正修行
衆事端嚴見者喜
所作功德无能壞
往來多作人中王
時作光天及梵主
梵天妙響獅子音
大功德聲牛王吼
迦陵頻伽音精妙
以獲三昧故得然
多用愛言悅一切
彼聲常有未曾絕
普放電光照一切
是謂龍德難稱量
住斯妙定勝神通
遍諸佛前等供養
言詞雅正理趣安
得是勝定故无尋
亦見菩薩及聖僧

恒居利益無難處 成就三昧照十方
欲遍諸佛有諮論 或生无量難思刹
現前供養一切佛 成就三昧故若斯
如是功德不可說 超過數表絕稱量
道樹等覺恒俱生 諸佛咨嗟唯此定
菩薩念佛三昧分正觀品第十

尔時不空見菩薩摩訶薩白佛言世
尊若諸菩薩摩訶薩欲得成就諸佛所
說菩薩念佛三昧者彼菩薩摩訶薩
應當親近修習何法能得成就思惟
三昧耶尔時世尊告不空見菩薩摩
訶薩言不空見若諸菩薩摩訶薩欲
得成就諸佛所說念佛三昧欲得常
觀一切諸佛承事供養彼諸世尊欲
得疾成阿耨多羅三藐三菩提者當
住正念遠離邪心斷除我見思惟無
我當觀是身如水聚沫當觀是色如
芭蕉虛當觀是受如水上泡當觀是
想如熱時焰當觀是行如空中雲當
觀是識如鏡中像菩薩若欲入是三
昧當應深生怖畏之想當念遠離譏
嫌免他訶責當念除去无慙無愧成
就慙愧當應成就奢摩他毗婆舍那

當應遠離斷常二邊常念一心精勤
勇猛除去懈怠發廣大心常念觀察
三解脫門常念先生三種正智常念
斷滅三不善根常念成就諸三昧聚
常念成就一切衆生常念等為衆生
說法當觀四念處所謂身念處受念
處心念處法念處當念四食過患所
謂搏觸思識等於是食中生不淨想
當念四无量所謂修於大慈行於大
悲安住大喜具足大捨當念成就諸
禪而不味著然後思惟一切諸法常
念不惜其身不保其命捨身及心攝
受多聞念如是法應如是護不得誹
謗多聞法財如所聞法如義受持於
諸佛所起尊重心又於法僧生肅恭
意親善知識遠離惡友除滅世間無
義語言不著世樂不捨空閑住於一
切生平等心於諸衆生無有退沒无
損害心亦無妬嫉於一切法起稱量
心不作罪惡心无垢染一切諸法無
處可得常求甚深廣大經典於中恒
起增上信心莫生嫌疑元為異意如
是經典取勝廣大常念誦持常思演

說何以故是為諸佛世尊道法獨能
生成佛菩提故於當來世得彼无量
諸佛功德應當為他如法宣說降伏
憍慢莫亂正聞恭敬尊重供養是法
捨諸欲求息諸諍競除諸睡眠滅諸
疑網殂絕迷惑明識我見不事戲論
遠離尼乾邪命自活遮羅迦波梨婆
闍語言論等常應善住檀波羅蜜中
圓滿尸波羅蜜常念羣提波羅蜜不
捨毗梨耶波羅蜜遊戲禪波羅蜜具
足般若波羅蜜棄捨身命无愛惜心
如四大性不可改變如於地界起乎
等心水火風界亦復如是成就身業
心意精勤无不活畏不貪衣食湯藥
牀鋪房舍殿堂一切眾具樂行頭陀
常住知足不求利養不事名聞凡是
愛著悉滅無餘觀四念處斷四顛倒
不念惡刺永度四流修四如意住四
威儀當具五根亦增五力應滅五盖
不用五情遠離五濁成五解脫得入
內自思惟廣大聖智正觀五陰不行
六塵降伏六根亡滅六識斷絕六受
除六渴愛行六念處及六智分法於

六通中常求利益修七覺分通達七

界

七界謂善界惡界無常界欲界色界無色界及滅界故

滅除七使及七識

住離八怠惰除八妄語明了世間八法所因應得八種大人覺法證八解脫修八正道親近思惟廣大分別專精遠離九衆生居滅九種慢捐弃九惱常思九種歡喜等法親近修習九次第定終不念行十種惡業而勤造作十善業道常求如來十種力智不空見我今為汝略說如是菩薩摩訶薩念佛三昧法門諸所當得大利益事若有菩薩摩訶薩應當修學念佛三昧如是修者名報佛恩思惟是者即不退轉於阿耨多羅三藐三菩提亦當滿足彼諸佛法乃至能為一切衆生作大依止亦令成就无上種智故不空見斯諸菩薩摩訶薩有大智故乃能思惟非彼聲聞辟支佛人得觀察也不空見若人於此念佛三昧或時親近思惟修習若受持若讀誦若書寫若教書寫若教讀誦受持若少開發若為解說若能廣宣彼雖少時勤苦疲勞然其所作終不虛弃必獲

果報得大義利不空見彼菩薩摩訶
薩以為他受持法故速得不退阿耨
多羅三藐三菩提於當來世決定作
佛不空見當知如是念佛三昧則為
總攝一切諸法是故非彼聲聞緣覺
二乘境界若人暫聞說此法者是人
當來決定成佛元有疑也今時世尊
為重宣此義以偈頌曰

若人欲修此三昧 能念一切諸如來
彼既思惟是法門 諸非法處當遠離
亦當遠離无慙愧 破除斷見及與常
復應安住三空門 當念勤修解脫智
既拔三種不善根 即亦思惟三善本
若知觀察三受處 得斯妙定良非難
若人欲求勝三昧 先應持戒後修智
自然遠離諸邪見 亦無戲論及語言
次第觀受斯皆苦 然後觀察生滅心
若人思惟三昧時 當應深念出世事
諸法有疑咸悉除 得此三昧甚為易
亦應善通四念處 先當觀身不暫住
恒求解脫及禪定 不愛壽命豈惜身
弗以多聞陵侮人 寧當誹謗於正法
聞正法已能思惟 晝夜受持身所誦

尊重諸佛深敬法
承事僧衆不敢輕
善知識所常念恩
遠離一切諸惡友
不與惡人同坐起
除彼為衆說法處
為求取上菩提故
終勿捨離阿蘭若
一切衆生皆平等
於諸法中莫分別
欲求彼法真實際
諸法相中无著心
彼輕慢意恚能除
不久必得此三昧
明識我見及疑心
亦當覺察諸調戲
不得起於惡欲意
應滅諍競與睡眠
若不學彼外道法
諸是戲論自然除
但能隨順佛法言
求此三昧須臾獲
常行布施及戒忍
勇猛精進无倦時
恒處禪思及智慧
自然得斯三昧行
能施頭目无愛畏
捨餘諸物終不疑
彼趣菩提無艱難
亦速獲斯凝靜定
若能持心如大地
又同水火及與風
更等虛空无邊崖
彼人速得此禪定
若有精誠身口意
彼不貪食及衣財
其於衆具既無求
能如是修證三昧
應常專念四正勤
亦當成彼諸神足
速須遠離顛倒想
煩惱棘刺先斷除
當念杜絕四流河
亦思乾消諸渴愛
具足五根及五力
分裂破壞五蓋衣

五種欲事不俱懷	內心幻偽亦宜捨
復當願求五解脫	思惟五身三摩提
應速觀知五陰處	正心和敬於六緣
彼不恭慎應速離	亦當減損六觸身
於六受處心正觀	常念斷除六種愛
復以六通成就世	亦修六念及智明
勤求七覺七聖財	必須捨彼疑惑處
欲得三昧恒若斯	漸當散滅諸煩惱
彼常遠離七識住	斯八顛倒亦拔除
若能住於八正道	自當速證此深定
恒住八大丈夫行	復以八解自娛心
不染八法離世間	獲取勝智當不遠
於他人所無瞋心	先應除此九種慢
思九歡喜根本法	得彼次第九種禪
絕此十惡不善因	應修智人十種善
若能修行十種力	得是三昧終無難
當念攝持諸善法	放捨不善眾惡緣
前後勤求彼正念	證此三昧豈能久
若住如是三昧已	當轉智力不思議
遍見諸佛金色身	所生常得聞正法
若欲見彼諸世尊	或已滅度及現在
當來一切惡世者	應思惟此勝三昧
菩薩念佛三昧分思惟三昧	

尔時不空見菩薩摩訶薩白佛言世
尊若諸菩薩摩訶薩念欲成就諸佛
所說念佛三昧者云何思惟而得安
住佛告不空見菩薩言不空見若諸
菩薩摩訶薩必欲成就就是三昧者先
當正念過去所有諸如來應供等正
覺次念現在所有諸如來應供等正
覺次念未來所有諸如來應供等正
覺彼如是念一切三世十方世界中
是等一切諸如來應供等正覺明行
足善逝世間解无上士調御丈夫天
人師佛世尊天降成就入胎成就住
胎成就出胎成就出家成就諸功德
成就諸根成就諸相成就諸好成就
莊嚴成就戒品成就三昧成就智慧
成就解脫成就解脫知見成就四無
畏慈悲成就喜捨成就慙愧成就威
儀成就諸行成就奢摩他成就毗婆
舍那成就明解脫成就解脫門成就
四念處成就四正勤成就四如意足
成就五根成就五力成就覺分成就
正道成就往昔因緣成就雙教示成
就諸所顯示成就大道教示成就戒

品成就一切三昧成就無尋利益成就
就為他利益无尋成就一切善法成
就清淨色成就清淨心成就清淨智
成就諸入成就金色百福成就時彼
菩薩念諸如來如是相已復應常念
彼諸如來應供等正覺心無動亂亦
當安住无所著心心無著已彼復應
作如是思惟是中何等名曰如來為
當即色是如來耶為當離色是如來
乎若以色法為如來者彼諸衆生皆
有色陰一切衆生應是如來若以離
色為如來者離色則是无因緣法無
因緣法云何如來菩薩如是觀知色
已次復觀受彼時更作如是思惟為
當即受是如來耶為當離受是如來
耶若即受法為如來者彼諸衆生皆
有受陰一切衆生應是如來若離受
法為如來者離受則為无因緣法彼
無緣法云何如來彼既如是觀色受
已乃至觀識亦如是時彼菩薩復如
斯念若此諸陰非如來者豈彼諸根
是如來乎如是念已則先觀眼為當
即眼是如來耶為當離眼是如來乎

若即彼眼是如來者一切衆生皆有
是眼一切衆生應是如來若離彼眼
是如來者離眼則為非因緣法彼非
緣法云何如來菩薩如是觀察眼已
觀耳觀鼻乃至觀意亦是時彼菩
薩復如斯念若此諸根無如來者豈
彼諸大有如來乎如是念已則先觀
地為即地界是如來耶為離地界是
如來乎若即地界為如來者彼內外
法皆屬於地如是地界應是如來若
離地界為如來者離地即為无因緣
法彼無緣法云何如來彼既如是觀
察地界乃至觀彼水火風界亦如是
而彼菩薩能作如是正思惟時不以
色觀察如來不離色觀察如來如是
不以受不離受不以想不離想乃至
不以識不離識觀察如來亦如是又
彼觀時亦不以眼觀察如來不離眼
觀察如來如是不以耳不離耳不以
鼻不離鼻乃至不以身意不離身意
觀察如來亦如是又彼觀時不以色
觀察如來不離色觀察如來如是不
以色不離色不以聲不離聲乃至不

以觸法不離觸法觀察如來亦如是
又彼觀時不以地觀察如來亦不離
地觀察如來如是不以水不離水乃
至不以風不離風觀察如來亦如是
彼菩薩如是觀時即能於彼一切法
中善通達知明了无尋今時彼菩薩
復應當作如是思惟是中更以何等
真法而能得彼阿耨多羅三藐三菩
提為以身得菩提耶為用心得菩提
乎若身得者而今此身無覺无識頑
癡無知譬如草木若石若壁然彼菩
提非色非身非行非得不可見聞不
可觸證此身如是云何能得成就菩
提若心得者而即此心本自無形无
有相貌不可見聞不可觸證不可執
持猶如幻化菩提如是亦无有心無
有觸對不可見聞不可知證此心如
是云何能得成就菩提不空見是為
菩薩正念思惟不以身心亦不離身
心而能證得阿耨多羅三藐三菩提
耶佛言不空見然彼菩薩常應如是
觀察思惟若能如是觀諸法時即得
安住於正法中心無遷變不可移動

當知今時具足菩薩摩訶薩法自然
遠離不善思惟速疾成就阿耨多羅
三藐三菩提正覺平等真實法界今
時世尊為重明此義以偈頌曰

過去未來諸世尊 現在一切遍見者
真心空寂行慈愛 欲覩諸佛无艱難
往昔諸佛大威光 憐愍世間等與樂
彼念人中分施利 調御丈夫功德滿
更念下生及入胎 住胎尊母皆具足
思彼生家衆妙相 當見等覺弗為難
亦念諸好勝莊嚴 及彼本願先所行
微言妙義初中後 彼皆善逝解脫身
住解脫門及供養 正勤與彼四神足
應念諸根具滿者 力菩提分亦復然
若念諸佛解脫尊 不久當到勝寂地
一切世間利益念 善法功德難思量
妙色及與清淨心 復思世尊衆好分
金剛身體百福相 當知如來諸念滿
何得法中名如來 正當觀察无邊處
諸佛非色復非受 非彼想行非識心
如是等法非如來 正見智人亦應體
亦非離彼是諸佛 應供善逝但有多
諸佛非眼非耳鼻 非舌身意及法等

亦非離彼為如來 正覺莊嚴唯名耳
唯有大名無真佛 離名何處有實者
智人若知盡和合 當取等覺實非難
若以諸陰為如來 彼諸衆生皆有陰
衆生即應是諸佛 以陰平等斯共有
不以色等為諸佛 亦不離陰名如來
无量數劫正思惟 不思議智乃成就
身如草木及石壁 菩提無色寂无生
亦無頑身及草木 云何說身證菩提
是心无相復無形 菩提非心亦無狀
非身非心能得證 亦非无證難思議
是為寂勝寂靜地 外道於中皆荒迷
若於此法求正勤 必當速得是三昧
大方等大集經菩薩念佛三昧分卷第七

已亥歲高麗國大藏都監奉
勅彫造

大方等大集經菩薩念佛三昧分卷第八 民

隋天竺三藏達磨笈多譯

思惟三昧品之餘

尔時不空見菩薩摩訶薩復白佛言
世尊菩薩摩訶薩當何證知捨離我
見耶佛言不空見若諸菩薩摩訶薩
得證知時無有住者則離我見如是
菩薩雖无住著而能為彼一切世間
天人衆生作大利益云何利益所謂
為大法明然大法炬吹大法墨擊大
法鼓奮大法執乘大法船設大法橋
方當欲渡一切衆生出於生死四流
瀑河置於涅槃無為彼岸即當觀察
是身本性次當觀身不淨臭穢腐爛
癰膿屎尿盈溢是身无常不暫停住
破壞枯槁不可長久誑惑小兒危脆
不堅猶水沫聚戶蟲充滿筋骨相輔
空負而行无實用處或經百年及百
千歲縱八万劫一切樂具守護長養
終歸墮壞此身長夜不離煩惱不出
顛倒恒為諸惡鳥獸食噉又亦常與
地獄餓鬼畜生共行生死往來受諸

苦惱或為奴隸種種苦事常繫於他
不得自在而彼所生云何當能見苦
斷集證滅修道今我此身但是空虛
誑曜愚癡無一堅法以是我今當應
持此一切身分施諸衆生若有衆生
寶重已身我當為彼放捨身命若有
衆生須我精氣我當給與彼之精氣
若有衆生須我肉者我當以肉供奉
彼等何以故寧我先施令彼得食无
容不施使彼自食今我以此淨心布
施所獲善根願即滅除我見根本而
彼菩薩如是觀時不著我見滅我見
已然後捨身令衆生用為惜命者奪
捨命根須精氣者授以精氣須肉食
者便以肉施若有衆生須其力用即
時為奴充彼駟策不空見以是因緣
彼菩薩摩訶薩除捨我見不住我見
證知我見而能於此不牢固中求牢
固身不空見譬如都城邑聚村落之
中多有童男或多童女自舍出已至
河岸邊見水沫聚以彼水沫更相嬉
戲所謂破壞水沫分段磨滅令其消
散无有遺餘而彼沫聚不作是念誰

於今日能分散我是沫雖壞無惱恨
心不空見如是菩薩摩訶薩自觀已
身无常破壞如彼沫聚不可長久當
知是人得此三昧疾成阿耨多羅三
藐三菩提今時世尊為重明此義我
偈頌曰

若能遠離我見者 一切無有住著處
為利世間天人故 當證難見大菩提
彼若猒身諸不淨 癰瘡所處膿血流
此身變壞不堅牢 无常羸劣斯破法
暫住如幻无實體 猶彼聚沫空无真
長夜養育終无宜 烏狗斯食寧可惡
雖以眾具供贍之 是身會當歸敗滅
既不能得牢固法 經無量劫唯有苦
地獄畜生餓鬼苦 飢渴眾惱恒熾然
世間催切起百羅 初不覺知彼如實
我身今日自空虛 不常之體須臾變
謂諸眾生食肉者 精氣僕役我甘為
我思此時常發言 其有食肉及精血
我為其故今放捨 任從取食我此身
當令一切實身者 悉得觀我捨斯命
我今軀命不敢愛 願速成彼三菩提
猶如皮沫常破壞 未曾起一瞋恨心

今我此身如沫團 豈有生於嫌怨事
若能觀身如水沫 此人必定求菩提
非但得奉十方尊 彼當速獲勝三昧
菩薩念佛三昧分示現微笑品第三
尔時世尊怡然微笑諸佛世尊法如
是故即微笑時世尊口放種種光明
所謂青黃赤白金色頗梨其光遠照
上至梵宮而復還下右遶三周入世
尊頂時尊者阿難見斯事已即從座
起整理衣服右膝著地合十頂掌向
佛世尊以偈問曰

寂勝世尊非無因 今現微笑當有以
世間調御應為說 所從微笑何因緣
金剛色體百福身 由誰真如能利益
一切世間所歸依 今此微笑有何緣
世尊无上亦無比 何處當有能超勝
功德備具无可毀 今斯微笑有何緣
一切世間皆歸趣 調御丈夫今當宣
誰於今日獲大利 世尊无何微笑者
今日誰當受大位 今日誰得真福聚
今日誰為安隱王 誰歟世尊是微笑
一切世間所歸依 天人大師今應說
若問佛尊斯妙音 天人歡喜衆聖讚

尊者阿難設斯問已於是世尊告阿
難曰阿難我當說是正念三昧法門
義我時此大衆中有三萬人遠離塵垢
得法眼淨復有八萬億百千那由他
諸天子遠塵離垢得法眼淨復有三
萬比丘比丘尼衆得阿那含果復有
三萬比丘比丘尼優婆塞優婆夷得
無生忍法復有三萬衆生發阿耨多
羅三藐三菩提心此輩皆於星宿劫
中成等正覺此即前發菩提心者是
也復有九萬億那由他菩薩摩訶薩
安住菩提无有退轉此輩當來皆得
成佛彼諸世尊有四種号或号光明
或号毗盧遮那或号釋迦牟尼或名
日月歲星有如是等諸種名号隨其
刹土出現於世復有九十二億百千
那由他衆生但發聲聞心是輩未來
皆證聲聞果

尔時世尊知是事已以淨天眼過於
人眼觀察十方見九十億百千那由
他諸佛世界應作如是大利益故更
出殊大微妙之聲遍此三千大千世
界咸得聞已然後及彼諸佛四土所

有衆生亦皆得聞然後復從眉間白
毫相中放大光明名無邊威此光遍
照十方佛國今无量億百千那由他
衆生得須陀洹果斯陀含果阿那含
果阿羅漢果復有過於前數衆生發
阿耨多羅三藐三菩提心彼等當來
皆得不退轉於阿耨多羅三藐三菩
提然後於彼十方國土皆得成佛号
曰難伏如來應供等正覺出現於世
今時世尊為重宣此義以偈頌曰

過百千數无減少 三種三十復九十
如是一切見菩提 彼為發心利益故
彼滿十千諸衆生 復三万智得淨眼
聞已正思等正覺 解脫人身諸惡道
復過八億那由他 諸天獲於聖淨眼
以聞如來妙音故 永滅惡趣无遺餘
得忍三万億由他 發心即離三惡道
彼輩當來悉成佛 其猶威春草木敷
復有三万億衆生 從座而起發大心
以此威德當成佛 於大地上利世間
復有六万諸天子 皆發无上菩提心
彼等斯同弥勒尊 以修樂因證樂處
以是因緣天人師 為斯廣大故微笑

我已宣揚微笑言 阿難當知此笑緣
菩薩念佛三昧分神通品第十三之一

今時不空見菩薩摩訶薩自佛言世
尊云何當知菩薩摩訶薩住於慙愧
遠離於彼無慙愧已然後當得此三
昧耶今時佛告不空見菩薩言不空
見若有菩薩摩訶薩常行慙愧而是
菩薩行慙愧時或能造作種種惡事
所謂身惡行時即生慙愧口惡行時
亦生慙愧意惡行時亦生慙愧起嫉
妬心亦生慙愧起懈怠心亦生慙愧
於諸如來所亦生慙愧於大菩薩摩
訶薩所亦生慙愧於住菩薩乘諸衆
生所亦生慙愧於聲聞乘人所亦生
慙愧於辟支佛乘人所亦生慙愧於
人天所亦生慙愧云何慙愧所謂常
愧於他亦慙自身住於一切不善法
中故常慙愧住慙愧已遠離一切無
慙无愧除滅不善思惟善事荷負重
擔體性清淨終無毀犯他不能謗而
是菩薩常能具足不毀身業亦能具
足無毀口業亦能具足无毀意業具
足斯已然後乃能住是三昧住三昧

已常不遠離見一切諸佛常不遠離
聽聞諸佛所說妙法常不遠離恭敬
供養一切聖僧具足如斯已然後乃
能疾成阿耨多羅三藐三菩提

復次不空見我念往昔過無量无邊
阿僧祇劫時有大劫名曰善來於彼
善來劫中後有第三劫名曰寶炬不
空見彼於劫中復有小劫名九莊嚴
於彼時中名多劫濁復次有劫名曰
千歲彼中有轉輪王名善觀作而彼
善觀作王宿植德本具大威德不空
見時善觀作王所居大城名曰淨花
妙香充滿其城東西廣六十由旬南
北長七十由旬牆壁周圍有一十二
百重彼城身量純以真金衆具莊嚴
間用七寶不空見汝今欲知淨花香
城善觀作王果報衆具莊嚴殊麗如
先所說无邊精進王善住大城無老
異也不空見彼城北面有一内門名
曰花鬘門外有園名曰无畏其園縱
廣四十由旬周匝皆有七寶樹林而
為園達有一大池形量方廣面十由
旬八功德水充滿其間如忉利天陂

施吉尼池也彼池四面周匝皆有寶
多羅樹其金多羅樹銀為花果銀多
羅樹琉璃花果如是乃至真珠多羅
樹金為花果如善住城一等无異復
次不空見當今之時有佛世尊号鴛
耆羅娑隋言分味如來應供等正覺明行
足善逝世間解无上士調御丈夫天
人師佛世尊出現於世不空見時彼
鴛耆羅娑如來處遊居止无畏園中
與大比丘衆九十九億百千那由他
人俱前後圍遶皆阿羅漢諸漏已盡
無復煩惱皆得自在心善解脫慧善
解脫所作已辦捐捨重擔盡獲已利
不受後有隨順正教達於彼岸不空
見時彼鴛耆羅娑如來應供等正覺
於晨朝時著衣持鉢與九十九億百
千那由他聲聞大衆左右圍繞入淨
花香城不空見時彼善觀作王知彼
世尊晨朝入城即自莊嚴乘大調象
名曰樂手與无量億百千那由他衆
前後導從自彼淨花香城而出為奉
迎彼佛世尊故不空見時善觀作王
既遙見彼鴛耆世尊尋路而來光儀

端遠狀若金山諸根寂靜神志和穆
已達第一調柔彼岸猶如大龍降伏
切亦如大象所為自在又如大池澄
清映徹如是見已自乘而下進詣世
尊頭面作札右繞三周而啓白言唯
願世尊受我明朝所設供養復次不
空見時彼鴛耆羅娑如來應供等正
覺聞善觀作王如是請已為諸衆生
作利益故默然受請復次不空見時
善觀作王聞彼世尊許納其請即於
斯夜速命厨官嚴辦衆種上味美食
人間所有靡不畢具於淨花城平治
道路以諸香泥塗飾其地所在街巷
建立寶幢妙善名幡處處羅布兼列
種種金寶器具又用上妙牛頭栴檀
以為香水灑散其地復以種種末香
種種散花上撒於佛而為供養然後
於彼如來應等正覺前燒種種名香
積種種花鬘而為供養又以種種歌
頌讚歎偈句法言而為供養又作種
種上妙樂音及諸玩具而為供養彼
王如是作諸供養然後奉獻上妙飲
食供養世尊及比丘衆復次不空見

量億那由他諸比丘衆前後圍繞住
虛空中又亦各有化天帝釋及化梵
王形量大小皆如今此無超勝梵天
及大供養天帝釋等无有異也不空
見時彼耆耉耆羅娑如來應供等正覺
示現如是神通事時於須臾間一切
諸天所有音樂不鼓自鳴一切衆具
不作自現不空見時彼欲界諸天既
觀耆耉耆世尊示現如是大神變時即
以天栴檀末香沉水香多伽羅香多
摩羅跋牛頭栴檀黑沉水香等奉散
佛上復以種種妙花所謂雞娑羅花
大雞娑羅花等奉散於彼耆耉耆羅娑
如來應等正覺

復次不空見今時耆耉耆世尊告彼善
觀作王言大王諸行无常大王諸行
皆苦大王諸行無我大王諸行暫住
不得久停大王諸行不堅是破壞法
大王諸行熾然如猛火焰大王諸行
深奧如火坑大王乃至應當念捨
諸行當生深厭亦不可樂當念遠離
終思解脫不空見今時善觀作王一
心合掌恭敬向彼耆耉耆如來具領讚

曰如是如是大德修伽陀大德婆伽婆諸行無常大德婆伽婆諸行是苦切諸行皆應遠離亦須棄捨終當免脫不空見今時彼耆耆羅婆如來為彼善觀作王說如斯法令其歡喜令其專念令其奉行已然令發阿耨多羅三藐三菩提心

復次不空見今時耆耆羅婆如來見善觀作王聞法歡喜發菩提心一切衆生咸得益已即與九十九億百千那由他諸阿羅漢比丘大衆舉身騰踊足步虛空出淨花城然後還下如常威儀前後圍繞入無畏園不空見時彼善觀作王既得親覩耆耆羅婆如來應等正覺廣現如是神通事時發菩提心更作誓曰當令我等於未來世悉獲如是大神通慧復當令我悉得如是統諸大衆復當令我於未來世悉得如是天人衆前大師子吼一如今日耆耆如來應供等正覺无有異也不空見時彼善觀作王見彼世

尊耆耉耆羅娑婆如來應供等正覺及諸大衆乘空而返王便嚴駕奉從世尊達本住所然後乃還復次不空見後於異時彼耆耉耆如來應供等正覺與諸大衆次第而行至善觀王宮殿中已當鋪而坐諸比丘僧亦次第坐已

尔時彼善觀作王及諸大臣與其眷屬各自圍繞城內人民及其眷屬亦各圍繞又皆自持所有供食各自手奉耆耉耆世尊及諸弟子聲聞大衆其食香美衆味具足隨意奉上佛及衆僧一切嗽食皆得充滿然後更以種種妙香種種花鬘種種衣服種種珍寶一切衆具微妙音樂供養恭敬已即於是日呼召太子加以天冠受以王位弃四天下及諸眷屬深厭生死請佛出家即於耆耉耆佛世尊所釋除鬚髮法服著身時有八万四千億百千那由他人民善根既淳熟故亦深厭世從王出家

復次不空見時彼善觀作王旣出家已即於衆中整理衣服恭敬合掌遂便請彼耆耉耆如來應供等正覺言世

尊云何菩薩修習思惟念佛三昧耶
菩薩摩訶薩云何證此念佛三昧即
得住於不退轉地速疾成就阿耨多
羅三藐三菩提現前成就諸功德法
不空見時彼善觀作王比丘如是問
已彼鵞耆如來即便告彼王比丘言
善觀作汝應當知有二種法菩薩摩
訶薩具足修習即便得此菩薩念佛
三昧能速成就阿耨多羅三藐三菩
提何等為二一者信諸如來不生違
逆二者信佛所說不敢謗毀作如斯
念是為諸佛廣大境界不可思議善
觀作是為菩薩摩訶薩得此三昧能
速成就阿耨多羅三藐三菩提善觀
作復有二法菩薩摩訶薩具足修習
能速成就阿耨多羅三藐三菩提何
等為二一者奢摩他二者毗婆舍那
善觀作是為菩薩摩訶薩具足修習
得此三昧能速成就阿耨多羅三藐
三菩提善觀作復有二法菩薩摩訶
薩具足修習得此三昧能速成就阿
耨多羅三藐三菩提何等為二一者
遠離斷見二者滅除常見善觀作是

為菩薩摩訶薩具足修習得此三昧
能速成就阿耨多羅三藐三菩提耶
善觀作復有二法菩薩摩訶薩具足
修習得此三昧能速成就阿耨多羅
三藐三菩提何等為二一者住於著
慙二者修於耻愧善觀作是為菩薩
摩訶薩具足修習得此三昧能速成
就阿耨多羅三藐三菩提

復次不空見時彼如來如是說已彼
善觀作王比丘復白耉耉耉耉耉耉
言世尊云何菩薩摩訶薩住慙愧已
而能得斯念佛三昧耶今時耉耉耉耉
娑如來應等正覺即告彼善觀作比
丘言善觀作若諸菩薩摩訶薩於諸
所作常行慙愧謂起身惡行生慙愧
心起口惡行生慙愧心起意惡行生
慙愧心起嫉妬時生慙愧心起懈怠
時生慙愧心於諸佛所生慙愧心於
諸菩薩摩訶薩所生慙愧心於住諸
菩薩乘衆生所生慙愧心於諸聲聞
乘所生慙愧心於諸辟支佛乘所生
慙愧心於諸天人所生慙愧心

大方等大集經菩薩念佛三昧分卷第八

已亥歲高麗國大藏部監奉

勅彫造

大方等大集經菩薩念佛三昧分卷第九

隋天生三歲達磨笈多譯

神通品之餘

云何慙愧所謂常慙於人亦愧自身
住於一切不善法中常行慙愧成就
慙愧遠離不善念求善事身荷重擔
種性清淨無所虧犯時彼善觀作三
比丘既從彼佛聞教誨已住於慙愧
為滅一切不善法故勤求精進及以
意欲一心迴向往住諸善法又令滿足
更廣思惟不令忘失專精攝心住於
正觀深入法界如是比丘觀法界時
不見一法增不見一法減彼既觀法
无增減已當彼如是見一切法無有
去來彼當如是見一切法无得无喪彼
當如是見一切法無有生滅彼當如
是見一切法无有老別彼當如是見
一切法無有異彼當如是見一切法
因緣生彼當如是見一切法猶如夢
想彼當如是見一切法猶如陽焰彼
當如是見一切法猶如鏡像彼當如
是見一切法猶如形影彼當如是見

一切法猶如聲響彼當如是見一切法猶如幻化彼當如是見一切法無有勝負彼當如是見一切法本无優劣彼當如是見一切法不可成就彼當如是見一切法本來不生彼當如是見一切法無有生處彼當如是觀一切法皆悉平等不空見彼既能作如是觀已亦即能作如是修行不久便能得是三昧不空見而彼善觀作王比丘得此三昧已即能成就无碍辯才說諸法義无有窮盡又彼善觀作王比丘即於今時過六十億百千那由他劫已然後得成阿耨多羅三藐三菩提不空見汝今於此猶有疑心我為汝釋令得除斷不空見當知彼時善觀作王捨四天下五欲眾具與彼八万四千億那由他臣民大眾於彼壽耆佛世尊所同時出家剃除鬚髮精勤修道者非謂異人汝亦不應更作他觀何以故不空見當知彼時善觀作王比丘今彼蓮花上如來是也又於今時善觀作王捨四天下一切樂具與八万四千億那由他臣

民大衆驚者佛所出家修道住慙愧
行正觀諸法一心思惟未幾即便證
此三昧也

復次不空見以是因緣我於今者慙
懃鄭重為汝宣說此三昧門所作功
德甚深廣大不可思議當知非彼不
能廣種勝妙善根諸衆生輩而得聽
聞而能讀誦受持修行乃至為他解
說義理復次不空見若有諸善男子
善女人但能耳聞此三昧者當知彼
諸善男子善女人輩終非薄福種少
善根也亦非一如來所種諸善根也
亦非二三四五諸如來所種諸善根
也亦非一十二三十四十五十乃
至非一百諸如來所種諸善根也亦
非二百三百乃至千萬億諸如來所
種諸善根也如是乃至亦非於無量
億百千那由他乃至亦非於無量阿
僧祇及過無量阿僧祇舍許諸如來
所種諸善根厚集功德而獲聞此寶
三昧王名字少分何況當能書寫披
讀讀誦受持思量義趣如法修行為
多人衆分別解釋也復次不空見若

彼一切善男子善女人輩但得耳聞
此菩薩念佛三昧門者應知彼善男
子善女人非是薄福種少善根者當
知彼諸善男子善女人等即是具足
菩薩乘者何以故不空見若人得聞
此三昧王當知彼輩依其次第自然
證成阿耨多羅三藐三菩提唯除一
切諸漏盡者

今時不空見菩薩白佛言大德世尊
所住行阿耨多羅三藐三菩提大德
世尊彼等常證此三昧王耶彼佛報
言不空見汝見如是彼等亦證此三
昧王也復次不空見譬如藥名曰
真正若以其藥用途軍鼓於闍陣時
以椎擊打假彼陣中有為毒箭刀稍
所傷彼藥力故皆即平復安隱无患
如是不空見若有善男子善女人但
能耳聞此三昧王名字少分者彼等
以此三昧名聲威力皆當得成阿耨
多羅三藐三菩提唯除漏盡身證之
人復次不空見譬如須弥山王四寶
所成若諸衆生至其所者即同其色
何以故以彼山威光皆同一色如是

不空見若彼善男子善女人耳暫聞
此寶三昧名彼等皆以三昧名聲威
德力故自然速成阿耨多羅三藐三
菩提唯除漏盡正位諸富伽羅何以
故不空見以此三昧有不思議勝功
能故復次不空見譬如一切大河陂
池及以諸流皆入大海同一鹹味悉
由大海德力弘故如是不空見彼諸
善男子善女人但能耳聞此三昧名
假令不讀不誦不受不持不修不習
不為他轉不為他說亦復不能廣分
別釋然彼諸善男子善女人皆當次
第成就阿耨多羅三藐三菩提何以
故以此三昧名聲勝故威德力故復
次不空見若有諸善男子善女人誠
言時善說時但能誠言及與善說諸
佛法門必定當得開示興顯能廣利
益諸世間者是名誠言是名善說不
空見若彼善男子善女人能得正言
及善說者必定當得無量无边過阿
僧祇不可思議大功德聚何況彼能
善說於此菩薩念佛三昧法門所獲
功德聚也不空見假使無量无边恒

河沙菩薩摩訶薩復經無量无邊過恒河沙劫數修行布施无暫休廢我若說是所得功德不可思議今更為汝廣分別說若復有一菩薩摩訶薩能聽受斯念佛三昧若讀誦若受持若少分修行若少分論說所得功德望前布施不可喻比不可稱量不可計校不可算數不可宣說何況有能具足聽受修行演說是功德聚而可校量耶今時世尊為重明此義我以偈頌曰

我念往昔无量劫 有佛世尊耆耉羅
一切世間所歸依 具大慈悲演妙法
於彼所見無不知 過去未來悉明了
亦能通達現在事 等見幽微斯覺察
諸佛智慧難思議 憐愍衆生故為說
愚癡衆生苦煎迫 觀彼一切興悲心
時彼如來有如是 九十九億聲聞衆
咸具自在有生盡 悉共圍繞正法王
彼城東共有園林 具足莊嚴名元畏
如來大仙住於此 兼彼億衆阿羅漢
彼善觀作轉輪王 嚴備寶駕自出城
無量臣民衆圍繞 一切衆生皆愛樂

王觀世尊心寂靜 身口清淨諸根調
具足勝妙諸威儀 彼善觀王轉增敬
王便往詣彼佛所 頭面頂禮世尊足
啓口請佛受其供 世尊許納故默然
王以如來許受故 即勅城內諸臣民
今宜具辦微妙供 吾欲奉獻耆耆佛
衆事既嚴王親告 唯願哀愍照此時
大師世尊及聖僧 受我今日微末飯
耆耆如來赴王請 大功德聚廣現神
遂作無量千億光 普照十方諸佛土
彼一一光出无量 百千億數大蓮花
微妙鮮明人喜樂 為發衆生諸善本
汝不空見知諸花 各出化諸如來形
意念現前人瞻仰 十方同說如斯法
諸行无常亦實苦 復說无我極羸劣
終是破壞不堅牢 孰去智者生貪樂
諸行焚燒如猛火 炎赫熾熾甚難當
耆耆世尊如如宣 佛為衆生發深厭
諸天覩斯大神通 百千樂音俱時作
香花自然而雨下 異哉希有難思議
彼王見佛神變故 設諸供事不可量
此四天下可重尊 投棄五欲如脫履
佛前釋髮服袈裟 便令請問微妙定

當住何等勝法已 丈夫能入三昧門
鴛耆世尊如是說 住於二法善思惟
當自證此微妙禪 得不思議寂上樂
王蒙彼佛誠實言 深心歡喜觸斯定
常念菩提奉諸佛 即受尊号上蓮花
若能信受如來語 於是經典無復疑
入佛境界深法門 自然得入此三昧
若聞實際不驚疑 於法亦無我人想
勤念奢摩毗婆舍 如是深思觸勝禪
住於慙愧及恭敬 常應修習諸正勤
知已惡現生耻心 證三昧王豈能久
恒觀諸法不見增 亦自弗知諸法減
見一切法如虛空 菩薩智人通達此
諸法非興復非喪 本性清淨常湛然
知一切法同睡夢 如是見者逮三昧
於彼不作差別相 本不見滅亦无生
猶如陽焰及鏡像 能如是見得三昧
法相平等无高卑 亦无存亡及優劣
如彼聲影與幻化 如是見人證三昧
諸法寂然無勝負 不見外相及內心
无有成就復无名 如是見者證三昧
比丘如是專精觀 初中後夜常思惟
頂受尊教於佛所 不久當證此三昧

彼當證此三昧時 已於菩提无缺減
亦見十方一切佛 供養功德大衆生
過是六十億百千 卽由他劫修諸行
承事无量諸佛已 然後證彼大菩提
汝不空見今應知 今時彼王其誰是
智人不當生異見 蓮花上佛即善觀
我今教誡於汝輩 一切世間諸天人
若欲究竟諸法源 當念速淨此三昧
彼必大集功德聚 不可竿數難稱量
欲得妙樂不思議 要先淨修此三昧
若欲盡見一切佛 現在未來及十方
或復求轉妙法輪 亦先修習此三昧
若欲圓滿諸妙相 具足衆好上莊嚴
及求轉生清淨家 必先受持此三昧
汝不空見諸衆生 即欲遠離諸惡道
急欲知於下生者 應常讀誦此三昧
彼非供養於一佛 亦非二三及四五
乃至億數卽由他 方得聞斯勝三昧
彼供諸佛過僧祇 為證无上大菩提
及衆所欲皆悉得 乃得聞此勝三昧
彼供無量百數佛 過去久種諸善根
常生歡喜尊敬心 方得說此勝三昧
彼事无量千數佛 天中勝天能放光

精勤修習無懈倦 今乃讀誦三昧經
彼見无量億數佛 無邊淨光若日輪
厚習一切諸善根 然始得聞妙三昧
又如世間攻戰場 其中多有被毒害
彼或遇聞樂鼓音 衆毒消除得安樂
若人說此三昧時 其或得聞勝定者
三昧威力證菩提 非彼漏盡正位人
彼定功德等須弥 若人證時无異相
其或能往到山所 即同其色難別知
若人得聞三昧聲 諸定中勝猶如海
由斯三昧威德力 彼證菩提不復疑
亦如衆流歸大海 大河小河及陂池
等同一味難別知 彼亦如是无異相
若人聞此三昧時 即念十方一切佛
三昧威力登正覺 非彼身證富伽羅
若諸菩薩唯修檀 過於无邊恒沙劫
供養十方一切佛 下及法界諸衆生
如是曠劫行布施 所獲功德雖言多
猶不及說妙定門 起一念慈被一切
三昧善思如慈母 光顯聖德難度量
智人若能一心求 當速成佛具自在
菩薩念佛三昧分說修習三昧品第十四之二
今時不空見菩薩摩訶薩白佛言世

尊菩薩摩訶薩具足幾法當能入斯
念佛三昧耶佛告不空見菩薩言不
空見若諸菩薩摩訶薩具足三法即
能入此念佛三昧何等為三一者具
足不貪善根二者具足不瞋善根三
者具足不癡善根若能具足三善根
已即得成就六波羅蜜而彼菩薩摩
訶薩以能住彼不貪善根故而常行
施具足成就檀波羅蜜所生常得家
產豐饒財寶具足所須便至永離貧
窮有大威德有大勢力其心弘廣无
復狹劣自然攝彼貪不善根以能具
足諸福德故衆生見者莫不尊敬凡
所言說人皆信行不用多功獲此三
昧速疾成就阿耨多羅三藐三菩提
又彼菩薩以於一切世間天人諸衆
生所無有瞋恚忿恨之心故故能具
足不瞋善根而常住彼尸波羅蜜屬
提波羅蜜能具足滿忍波羅蜜已成
逢罵詈謗毀焚燒擗割截手足批
髓破腦一切諸苦競來迫切不怒不
恨不恚不瞋於是除滅瞋不善根起
大慈心遍覆一切衆生界已所生不

離諸佛世尊夢寤常安天神衛護刀
仗不害毒不能中火不能燒水不能
溺常足飲食湯藥衣服卧具種種衆
物一切世間天人衆生見者讚美不
久即能證此三昧當能速成阿耨多
羅三藐三菩提又彼菩薩以能具足
无癡善根故長夜修習奢摩他毗婆
舍那具足方便善能斷除癡不善根
成就微妙甚深智慧於一切法了了
分明諸異論門無有罣碍若他問難
辯釋无疑不空見是為菩薩摩訶薩
具足三法證此三昧當能速成阿耨
多羅三藐三菩提復次不空見菩薩
摩訶薩復有三法能入三昧復能速
成阿耨多羅三藐三菩提何等為三
一者觀一切行無常如實知二者觀
一切行苦如實知三者觀一切法无
我如實知菩薩若能如是觀已不久
即能入此三昧不空見是為菩薩摩
訶薩具足三法能證三昧亦速成就
阿耨多羅三藐三菩提復次不空見
菩薩摩訶薩復有三法能入三昧亦
能速證阿耨多羅三藐三菩提何等

為三一者如來現在修諸供養若滅度後或時供養諸佛舍利或以種種上妙香花及以花鬘塗香末香燒衆名香然燈幡蓋寶幢音樂等若自供養或復教他常發誓願願我所生以此供養行願善根令我速得念佛三昧亦當證成阿耨多羅三藐三菩提二者若佛現在及入涅槃讚說如來真實功德若戒若定若智慧若解脫若解脫知見若威儀若神通若辯才若无諍若慈悲若喜捨及餘世尊諸功德法皆常讚說亦發誓願願我從今讚歎諸佛所獲福聚所得功德藉此善根當令我得念佛三昧復能速成無上道果不空見是為菩薩摩訶薩成就三法能入三昧亦能速成阿耨多羅三藐三菩提復次不空見菩薩摩訶薩復有三法不久則能成就三昧亦當速證阿耨多羅三藐三菩提何等為三一者若諸菩薩摩訶薩或從一切佛世尊所聞此三昧真實功德或時但聞三昧名字即自思念如彼過去諸如來應等正覺本行善

薩求菩提時彼輩皆求如此三昧是以聞此三昧即生隨喜我於今日為大菩提亦應勤求如是三昧成就具足大利益故是故我今聞此三昧功德名字深生隨喜是名具足第一隨喜法也二者如彼未來一切諸如來應等正覺為求菩提行菩薩時修此三昧為大利益是故我今聞此三昧亦生隨喜是名第二具足隨喜法也三者如今現在所有十方無量無邊諸如來應等正覺現住世者已度諸有已拔習根斷滅語言遠離覺觀證甚深定具大慈悲亦於往昔行菩薩時聞此三昧皆生隨喜我今既獲聞此三昧何獨不可起隨喜乎如是念時深生隨喜是名具足第三隨喜法也不空見是為菩薩摩訶薩具足成就三種隨喜所獲功德及諸善根願與衆生同證三昧亦速成就阿耨多羅三藐三菩提

復次不空見若復諸善男子善女人輩於此三昧生隨喜時所得功德真實廣大無量無邊難可稱說我今為

汝引諸譬喻開示少分令汝知耳不
空見如此三千大千世界其間所有
諸恒河沙若人取彼諸恒河沙聚置
一處然後於彼大沙聚中取一一沙
末為微塵然後將此沙之一塵過恒
河沙世界更復過彼無量无边阿僧
祇不可思議不可稱不可量恒河沙
等世界已然後方乃置一微塵如是
次第一切沙塵計諸世界悉皆布盡
不空見汝意云何假使彼世間人頗
能少知世界數不不空見言无也世
尊不空見且置是事假使世間聰明
智慧第一等師盡其智力及以等術
頗能稱量頗能思察復能數知世界
數不不空見言無也世尊无也世尊
今我所見唯有上座舍利弗及彼不
退轉地諸菩薩摩訶薩輩應少騁歸
耳佛言不空見若有善男子善女人
以上介所諸世界盛滿七寶及餘衆
具持用供養一切衆生不空見汝意
云何彼人如是供養行檀所獲功德
寧為多不不空見言甚多世尊无量
世尊佛言不空見我更語汝彼善男

子善女人雖能以上一切世界咸滿
七寶衆具供施一切衆生功德雖廣
然故不及前善男子善女人等聞此
三昧寶王名字發起三種隨喜之心
誓願迴向阿耨多羅三藐三菩提所
得功德何以故不空見以彼三種由
多聞生也彼多聞從正說起故不空
見由彼正說故能生一切善根即此
三昧也何等三昧能生一切善根所
謂即此菩薩念佛三昧也又復能生
一切善根亦即正說何等正說謂正
說時善說是也以是義故彼三種隨
喜所獲功德望布施福不可稱量不
可校比

復次不空見我念往昔過於无量阿
僧祇復无量阿僧祇劫今時世界名
動不動彼界有佛号曰寶山莊嚴如
來應供等正遍知明行足善逝世間
解無上士調御丈夫天人師佛世尊
出興於世得大自在調伏一切具足
解脫永度彼岸寂上寂妙寂勝无比
能為衆生作大歸依能與衆生為大
覆護能治衆生諸煩惱病通達三世

無不明了以自證法為衆生說其所
說法初中後善其義深遠其言巧妙
純一無雜具足清白梵行之相為諸
衆生常如是說時彼寶山如來應等
正覺住一王城城名伏怨與三十億
那由他百千聲聞大衆皆是學人當
有所作當有所斷當有所得應受世
間天人供養不空見時彼寶山如來
從三昧起作如斯念今我此三十億
那由他百千聲聞皆是學人所作未
辦未到彼岸我於今者應為此等如
法而說當令一切速得漏盡不空見
今時彼寶山莊嚴佛廣現如是大神
通事令彼三千大千世界盡皆烟出
猛焰熾然不空見今時彼聲聞衆覩
彼如來廣作如是大神通事見已歡
喜踊悅遍身猶如比丘入第四禪彼
聲聞衆身心快樂亦復如是復次不
空見今時彼佛於靜夜中顯示如是
神通事已因即告彼聲聞衆言汝諸
比丘應當觀此三千大千世界滿中
烟出又復猛火焰熾炯然諸比丘一
切諸行无常亦今諸比丘一切諸行

苦事亦尔諸比丘一切諸法无我我
所無有堅牢虛妄不真可破可壞皆
滅盡相諸比丘我今略說一切諸行
乃至一切放捨莫著深生厭離自然
解脫不空見尔時彼三十億那由他
百千聲聞眾等蒙彼如來說如是法
如是教誡皆得漏盡通達諸法於諸
法中無有罣碍善住諸法度諸疑網
於教師所聽受法已於諸法中了无
所畏發大聲言如是婆伽婆如是世
尊諸行无常如是世尊諸行是苦如
是世尊諸法暫住如是世尊諸法破
裂不可依止如是世尊諸法熾然猶
如草木及以石壁如是世尊一切諸
行乃至可放可捨可厭可脫不空見
時彼寶山莊嚴如來以如是神通以
如是說法以如是教詔三種示現化
諸聲聞眾令入三解脫門謂空无相
願已復有三十億那由他百千諸菩
薩眾皆當得成阿耨多羅三藐三菩
提不空見尔時彼佛為彼三十億那
由他百千諸菩薩眾說此三昧寶王
如是顯示已復為彼天人世間作利

益故經八万四千億那由他百千歲
轉正法輪已然後於彼無餘涅槃而
般涅槃

尔時不空見菩薩摩訶薩白佛言世
尊彼寶山莊嚴如來現前教化幾菩
薩衆復佛滅度後法住幾時耶佛告
不空見菩薩摩訶薩言不空見於此
三千大千世界所有星宿其數可知
然彼寶山莊嚴如來應等正覺邊際
數量難得知而彼如來般涅槃後
正法住世滿八十億那由他百千年
像法住世二十億歲其後未幾復有
佛出名曰慈行如來應等正覺出現
於世壽命无量其佛身量滿一由旬
尔時衆生身以量足長六拘盧舍其
蓮花床大者高十三由旬小者猶高
六由旬遍滿大地所有衆生往返周
旋行住坐卧皆各在於蓮花之上尔
時世界名威蓮花其地柔軟猶如羊
毳毛衆生觸著如天妙衣其色光澤
狀忉利天黃白之石彼諸衆生等受
快樂亦如他化自在天宮彼諸衆生
欲度東海瞬息之間便到彼岸南西

北海駿遠亦然彼諸衆生凡所之從
發心即至而彼慈行如來初成佛時
其地廣博盡四海邊時彼大地縱廣
正等滿八十億那由他百千由旬諸
聲聞衆皆悉充滿諸阿羅漢多一坐
食唯除侍者阿難及金剛密迹阿斯
多等復有八十那由他諸大菩薩摩
訶薩衆一切皆住不退轉地彼諸菩
薩請問甚深妙定法門而彼慈行如
來為諸菩薩開發顯示深法門時慈
行世尊唯出一音即說斯偈

若人方便求出家 應當一心思妙法
彼必摧壞惡魔軍 猶如香象破草屋
誰求疾成大菩提 應為世間常說法
而欲淨斯寂勝地 此三昧樂則能為
太子等大集經菩薩念佛三昧分卷第九

已亥歲高麗國大藏都監奉
勅彫造

大方等大集經菩薩念佛三昧分卷第十

民

隋天生三藏達磨笈多譯

說修習三昧品之餘

時彼慈行如來大化將末有一比丘
名曰樹王廣為衆生說此三昧亦教
利喜於彼如來應供等正覺滅度之
後正法之際有轉輪王名曰天主具
足威德有大神通七寶金輪正法治
世不空見彼天主王所居大城名曰
因陀羅跋帝

隋名天主城
亦名帝幢

縱廣正等十

二由旬其城內外樓觀臺殿皆以七
寶雜色所成復以金廊而覆城上不
空見彼城四面各有三門若說其城
諸莊嚴事如上所說精進力王善住
大城莊嚴華麗殊妙无差也不空見
後於一時夜過半已彼天主王睡猶
未覺有淨居天下降王所令王夢見
即於夢中為王說此念佛三昧法門
名字大王汝應求此念佛三昧何以
故若諸菩薩摩訶薩能得成就此三
昧者常不遠離諸佛世尊亦於世間
出世間文字章句音名語言皆悉明

了具足辯才自然速成阿耨多羅三藐三菩提不空見時天主王夢見天已即便覺寤白彼天言諸天人輩如是三昧誰能持者彼天報曰大王汝寧不聞耶今有比丘名曰樹王現能受持如斯三昧廣為世間分別演說利益一切人天大衆不空見彼天主王當得聞此三昧名時即能受持思惟觀察并亦誦念彼比丘名過是夜已即於晨朝捨四天下金輪王位亦復棄捨八十億百千那由他後宮妃后女侍之屬又盡放棄五欲衆具斯皆為是三昧王故王時復與九十六億百千那由他衆生求彼比丘捨家出家不空見時彼樹王比丘與四部衆天龍夜叉及人非人周匝圍繞復有九十億欲界諸天左右聽法復有八十那由他諸菩薩衆在前讚說是三昧王分別解釋顯其義趣彼天主王至其所已即以衆寶散比丘上然後方始五體投地一心頂禮彼比丘足又以八十寶箱各容一斛盛滿金花奉散其上復以天花所謂優鉢羅

花鉢頭摩花拘物頭花分陀利花曼
陀羅花摩訶曼陀羅花用散其上復
以天諸妙香所謂天沉水香多伽羅
香多摩羅跋牛頭栴檀黑沉水栴檀
末香等用散其上廣設如是衆供具
已然後請為比丘弟子即於是日與
九十六億百千那由他臣佐民人在
比丘前剃除鬚髮服袈裟衣獸世出
家皆為求此妙三昧故是後其天主
比丘常得與彼九十六億那由他百
千眷屬比丘親近供養恒河沙等諸
佛世尊亦皆為此勝三昧故不空見
余時彼天主比丘經八十四億那由
他百千歲以種種衆具供養事彼樹
王比丘求此三昧讀誦受持如說修
行教諸弟子終不暫懈又彼眷屬比
丘大衆勇猛精進亦无倦心不空見
彼天主比丘及其眷屬於樹王法師
生尊重心起諸佛想聞說妙法一心
受持長夜精勤初不休息彼樹王比
丘皆悉成就彼九十六億百千比丘
行菩薩行住不退地然後滅度彼諸
眷屬皆亦命終時復有佛名閼浮幢

如來應供等正覺出現於世而彼天主比丘與諸眷屬而更於彼閻浮幢如來應供等正覺所勤求諮問如此甚深三昧經典讀誦受持思惟其義如說修行為他解釋利益世間一切天人為證无上大菩提故又彼天主比丘為此無上勝三昧故廣分別說諸佛所宣甚深經典過三千劫已然後作佛又能教化无量大眾皆得成熟畢竟安住不退轉地悉受阿耨多羅三藐三菩提記佛告不空見汝今當知今時彼天主王者豈異人乎即今之取上行如來應供等正覺是也是故汝今不應疑惑

復次不空見汝當一心思惟觀察此三昧王善根淺深功德少多吾今為汝少分說耳若彼世間無量无边億那由他百千衆生但能耳聞此三昧名當來必定成等正覺何況此衆菩薩摩訶薩親於我前或在我後聞我廣說此三昧王若讀誦若受持若思惟義若修行若能為他稱揚廣說也不空見若有菩薩摩訶薩住菩薩乘

聞此三昧經於心耳彼亦不久必當成就阿耨多羅三藐三菩提復有初住菩薩乘諸菩薩等即便速證不退轉地於阿耨多羅三藐三菩提亦不為速復次不空見譬如夜分將盡其日未出東方明相始現之時閻浮提人莫不歡喜何以故知彼日輪不久當現廣為世間作大照明令閻浮人咸得覩見若善若惡淨穢諸色得有所作如是不空見若有善男子善女人若但能聞此念佛三昧經於耳者彼輩不久盡得成於阿耨多羅三藐三菩提是故汝等於此三昧作決定心起不壞信莫生異見勿懷疑網復次不空見如劫將盡彼第六日現世間時如是一切三千大千世界大地盡皆烟出烟既出已當知不久第七日出一切世界皆悉炯然如是不空見若有善男子善女人或已住彼菩薩乘中及未住者若曾聞此念佛三昧經於耳者或時讀誦或有受持或思惟義或如說行乃至或能為他廣說彼等決定速得成就阿耨多羅三

藐三菩提復次不空見如人穿井免若見濕土黏汙手足或時復見水泥雜和智者當知去水不遠如是不空見若有善男子善女人聞此菩薩念佛三昧正意受持諦善思惟分別義理廣為他人宣揚解釋當知彼諸善男子善女人不久自成阿耨多羅三藐三菩提復次不空見譬如有人吞金剛丸當知是人不久必死何以故彼金剛丸不可消故如是不空見若有善男子善女人但能聽聞如是三昧或復思惟或常親近或亦修習或能宣說當知彼諸善男子善女人不久必成阿耨多羅三藐三菩提何以故此三昧者即是過去現在未來三世一切諸如來應供等正覺思惟修習清淨成就真實金剛无有虛偽不可破壞復能教化諸菩薩輩令其安住以諸菩薩必能安隱住於大乘故復次不空見譬如三十三天見歡喜園皆生安樂如是不空見彼一切菩薩摩訶薩皆因聞此三昧名字故能速成阿耨多羅三藐三菩提以是三昧

法門名字往昔諸佛之所讚歎為他
廣說釋解理義開發顯示名味句身
具足圓滿安住法界擁護攝持諸大
菩薩教化增長令樂真道正直淳和
常受安樂不空見以是因緣汝應知
此若諸菩薩聞此三昧契經心耳如
是諸善男子善女人不久當證阿耨
多羅三藐三菩提不空見吾故語汝
汝當善知若諸菩薩摩訶薩聞此甚
深念佛三昧能受持者彼等善男子
善女人自然疾成阿耨多羅三藐三
菩提復次不空見汝應受持如是三
昧常念為彼一切世間比丘比丘尼
優婆塞優婆夷及諸國王大臣宰相
刹利婆羅門毗舍首陀一切乞士并
餘種種外道尼犍遮羅迦波利婆闍
迦等領宣廣說何以故以此三昧大
德威力能令彼等速成阿耨多羅三
藐三菩提故

復次不空見若有善男子善女人淨
信敬心分明知此念佛三昧過去諸
佛之所讚歎一切如來之所印可如
是知已當即讀誦當即受持當即修

行當即敷演復應當作如是思惟今
此三昧為不思議大功德聚如是思
已當更信敬當更尊重當更深入當
更證知所以者何今此三昧乃是一
切諸佛之所說也一切諸佛之所行
處也一切諸佛之所印可也一切諸
佛之正教也一切諸佛之辯才也一
切諸佛之所覺也一切諸佛之選擇
也一切諸佛之所作也一切諸佛之
財寶也一切諸佛之府庫也一切諸
佛之伏藏也一切諸佛之倉廩也一
切諸佛之印璽也一切諸佛之舍利
也一切諸佛之體性也不空見若彼
善男子善女人等能如是知即得无
量無邊善根緣此功德所生常處大
刹利家大婆羅門家及餘一切大威
勢家大尊重家大德天處乃至當證
阿耨多羅三藐三菩提何以故不空
見由此三昧具足能得不思議出世
間果報聚故不空見彼善男子善女
人若但耳聞此三昧名當得無量无
邊福聚亦復當作无量無邊福行然
彼所得福聚善根福行功德廣大甚

深不可校計不可算數不可稱量不可得知復次不空見言粗若此義尚未明我今為汝更引譬喻令諸智者少分解之不空見若有菩薩摩訶薩專心信樂修行檀波羅蜜日三時施於日初分以神通力故即令七寶及餘眾具充滿於彼恒沙世界還用奉上恒沙如來應供等正覺及諸弟子聲聞眾等如日初分如是行施日中後分行施亦然日別如是三時行施乃至經彼無量無邊億那由他恒河沙劫而常行是無有休廢亦復求於阿耨多羅三藐三菩提不空見於意云何彼菩薩摩訶薩能於如是長時行施所獲功德可謂多不不空見言甚多世尊無量無邊不可算數不可稱量不可思議也時佛復告不空見菩薩言不空見吾更語汝汝且諦聽假彼菩薩摩訶薩如是修行檀波羅蜜所種善根所獲福聚實為廣大然猶不及斯善男子善女人但能耳聞此三昧名或時書寫或時讀誦或時信解如來所說深妙法門少功德也

不空見然此善男子善女人但以聞
名所獲功德尚起前福無量无边不
可稱量不可校比何況彼善男子善
女人具足得聞是三昧能即書寫讀
誦受持思惟義理善能為諸人天大
衆宣揚廣釋也不空見汝今當知我
但略說三昧功德若欲廣說此定善
根假經多劫終不能盡

菩薩念佛三昧分諸菩薩本行品第十五

尔時不空見菩薩摩訶薩善現菩薩
摩訶薩善喜光菩薩摩訶薩无边見
菩薩摩訶薩元邊莊嚴菩薩摩訶薩
無邊幢菩薩摩訶薩无边光明菩薩
摩訶薩元邊稱菩薩摩訶薩無邊禪
菩薩摩訶薩無邊智菩薩摩訶薩无
邊發王菩薩摩訶薩無邊自在王菩
薩摩訶薩思惟寂勝无边菩薩摩訶
薩思惟一切法意菩薩摩訶薩思惟
虚空意菩薩摩訶薩思惟无寻意菩
薩摩訶薩無邊寶意菩薩摩訶薩能
滅一切怖畏菩薩摩訶薩善淨意菩
薩摩訶薩如是等菩薩摩訶薩為首
與九十億那由他百千菩薩摩訶薩

俱從座起偏袒右肩右膝著地合掌
恭敬而白佛言世尊我等從佛聞是
菩薩念佛三昧功德利益我等要當
躬自書寫讀誦受持思惟義理廣為
他說亦令他人如說修行何以故我
等為欲攝受阿耨多羅三藐三菩提
故世尊我等於此諸佛世尊所說三
昧甚深經典令諸衆生聞已歡喜我
等亦當益其氣力與其安樂所以者
何彼等若能於是大乘修多羅中次
第修行聞已書寫讀誦受持分別思
惟廣為他說亦令他人分別解說必
得成就阿耨多羅三藐三菩提故
今時世尊知諸菩薩摩訶薩等一心
念求遂便微笑諸佛世尊法如是故
即微笑時世尊面門放種種光所謂
金銀琉璃頗梨馬瑙車渠真珠如是
一切諸寶光中各皆復出无量百千
異色光明皆自世尊面門而出遍遊
十方無量世界上至梵宮還住佛頂
如天帝釋建立寶幢端直光華見者
歡喜時此三千大千世界莊嚴壯麗
微妙無比

今時彼諸菩薩摩訶薩衆見是神變
莊嚴事已咸皆驚歎奇哉希有世尊
神通於是衆中有一菩薩摩訶薩名
如意定智神通即從座起正持威儀
合掌恭敬頂禮世尊已用天沉水香
多伽羅香多摩羅跋香牛頭栴檀末
栴檀等奉散佛上復以天曼陀羅花
摩訶曼陀羅華天優鉢羅花波頭摩
花拘物頭花分陀利花雞娑羅花摩
訶雞娑羅花等供養世尊已說偈讚曰
世尊調御無倫匹 金色相好具足人
光明威德遍十方 狀若林間開花樹
妙行圓滿智無邊 大威能為世間益
最勝方便願演說 今復微笑有何緣
世尊无等無邊智 挺超衆類誰能加
無上威德今應宣 何因今日復微笑
今此世界遍大千 花敷盡若帝天樹
一切衆生皆歡喜 今更微笑何所因
盲者能視聾得聞 症者得言瘳能步
狂亂失心獲本念 今復微笑何因緣
群獸喜躍志鳴吼 異鳥歡欣吐清音
衆樂不鼓自然鳴 今者何因復微笑
一切樂音同時作 本非天人之所鼓

而令人天獲安樂

今更微笑何所緣

彼天觀人明照此

斯人今亦見彼天

天人交發希有心

何緣今更現微笑

无上丈夫世依止

大尊今日為我宣

若聞大慈憐笑者

唯深慶幸豈能報

尔時世尊即為如意定智神通菩薩

摩訶薩宣說大士所有妙問亦即宣

彼恒沙諸如來應供等正覺名号其

偈詞曰

諸善男子等 聞法王妙聲 彼六十八千

恚發菩提願 亦於當來世 正法毀壞時

世尊自護持 如是深妙典 我聞大名稱

終无有厭倦 不思議法門 諸佛之所說

汝聽我今說 斯諸菩薩眾 非但一佛所

發此誠敬心

我念往昔諸生處

六十六億那由他

尔時皆亦如斯起

唯為護持此深法

又復過去前於茲

無量恒沙諸佛所

於彼為首修虔敬

寂上妙法我護持

斯諸大士為法故

能捨重命豈愛身

其何甘法不憚苦

獨為菩提无上證

不可思議恒沙數

无量威德諸如來

彼時上首皆敬起

亦唯愛樂斯法故

寶光火光大光佛

電光普光不思議

斯輩三等攝持法

為求菩提无上道

唯我神力能知汝

果報今日皆明現

不空汝久發斯願

經昔無量百千生

汝於諸佛大師前

不思議行志圓滿

常業歌讚兩足尊

苦行熏修諸大誓

由往積集勝因緣

今獲得歎大法王

往昔世尊号善眼

亦名火幢无边威

斯輩彼時為上首

欲求無上正覺故

往昔有佛莊嚴王

剎若他化天宮所

斯輩乃是勝上士

彼時已就大菩提

過去有佛名放光

亦无边光無量相

斯輩於彼已為首

初求如是妙三昧

大摩尼珠火光佛

普光明聚調御師

彼時攝法為首起

求於菩提安樂故

大光日光不思議

無量精進无边定

於彼攝法上首起

為求安樂菩提故

善華香佛及金花

无漏如来無諍行

彼時皆為護法首

為求如是上菩提

如是過去諸如来

無邊智尊兩足尊

於彼三種攝持故

祈願寂上佛菩提

八万大士通達士

為證第一妙菩提

斯輩因是勝善根

當來奉侍人中覺

所生常處尊勝家 一切永除諸惡道
斯等集會為法勿 終不遠離世間覺
長遠一切外論師 亦捨一切邪智友
攝諸功德不可說 此福要登於菩提
當來得值弥勒尊 此輩今時皆集會
於是三業持護法 因此能成勝菩提
復於弥勒涅槃後 有佛師子調御師
亦求彼法三業持 因此得成等正覺
當來千佛无上尊 即是賢劫衆生導
斯等法師世恒說 因證無導妙色身
過是賢劫諸佛已 復有正覺无量威
更有如來厥号賢 及以世尊毗婆尸
賢與毗婆尸滅後 復有佛出名娑羅
彼時智者皆攝持 廣設衆具興供養
娑羅世尊既涅槃 有佛如來名觀察
斯輩於彼求法故 而復供養妙法王
觀察如來涅槃已 有佛世尊名遍見
遍見如來涅槃已 有佛厥名蓮花上
花上如來涅槃已 有佛稱号優鉢羅
今時諸智還求法 承事供養兩足尊
優鉢羅佛涅槃已 有佛世尊名曰華
彼華如來涅槃已 有佛世尊号莊嚴
莊嚴如來涅槃已 有佛世尊名勝智

斯輩於彼亦求法
勝智如來涅槃已
善見如來涅槃已
善持如來涅槃已
彼亦三種法攝持
具威儀佛涅槃已
無量威佛涅槃已
勝王如來涅槃已
現前如來涅槃已
今時此等為法故
如是未來諸世尊
於己身命無愛恠
因藉如斯勝善根
是佛人中取第一
於彼殊勝世尊所
為求法故常精勤
彼方所有諸世界
唯求法樂利群生
當來成佛無邊智
為求安樂諸衆生
當得成佛大名稱
盡是衆寶人樂觀
多億那由諸菩薩

興建供養無有邊
有佛世尊名善見
有佛世尊名善持
有佛名曰具威儀
唯求證斯菩提道
有佛世尊無量威
有佛世尊名勝王
有佛世尊名現前
有佛世尊最熾王
廣設供養不思議
世間勝智超一切
但為求證佛菩提
將來奉承勝威德
如彼調御阿彌陀
即欲修證上菩提
當設無邊妙供養
遠離衰惱除五塵
供養億數恒沙佛
能多利益滅衆苦
供養無量無邊佛
彼刹莊嚴難思議
猶安樂國殊廣大
咸受佛記人中尊

以不思議諸佛智 如是讚稱大法王
我於今者為汝說 一切大衆諸天人
其有求於正覺真 終自同彼如來證
若能願樂勝菩提 彼号上人蒙威護
諸天守衛及龍鬼 鳩豚金鳥并夜叉
若欲祈願成菩提 心常樂修佛勝道
世尊哀愍如一子 身金色力智多聞
大方等大集經菩薩念佛三昧分卷第十

已亥歲高麗國大藏都監奉
勅彫造

大方等大集經賢護分卷第一

伐

隋天竺三藏闍那崛多譯

思惟品第一

如是我聞一時佛在王舍城迦蘭陀竹園精舍與大比丘衆五百人俱皆是阿羅漢諸漏已盡無復煩惱咸得自在心善解脫慧善解脫調伏一切猶如大龍所作已辦衆行具備棄捨重擔不受後生行於平等獲真已利安住正教得到彼岸唯除長老阿難一人今時復有五百諸比丘於晨朝時各從住處詣世尊所恭敬合掌頂禮佛足退坐一面

今時尊者舍利弗尊者大目連在舍衛城夏安居已亦與五百諸比丘俱次第遊行城邑聚落至王舍城入迦蘭陀竹園精舍詣世尊所到已恭敬頂禮佛足退坐一面

今時世尊以神通力放大威光令彼諸國城邑聚落一切所有諸比丘衆咸各來詣王舍大城入迦蘭陀竹園精舍至世尊所恭敬合掌頂禮佛足

退坐一面

今時迦蘭陀竹園精舍有百千數諸比丘等承佛威光皆已雲集至世尊所恭敬合掌頂礼佛足退坐一面
今時復有彼摩訶波闍波提比丘尼亦承世尊威神力故亦與二万比丘尼俱悉皆大集入迦蘭陀竹園精舍詣世尊所恭敬合掌頂礼佛足退坐一面

今時王舍大城有優婆塞名曰賢護為衆上首亦與五百優婆塞俱受持五戒具足威儀是大菩薩久已住於阿耨多羅三藐三菩提行本願力故常隨世尊樂聞正法恒懃精進為滿一切助道法故於朝旦時承佛威神從本住處入迦蘭陀竹園精舍至世尊所恭敬合掌頂礼佛足退坐一面
今時毗耶離大城有一離車子名曰寶生為衆上首亦與二万八千諸離車俱於晨朝時承佛神力皆自彼城發來入此迦蘭陀園至如來所恭敬合掌頂礼佛足退坐一面
今時瞻婆城有一長者子名曰星藏

為衆上首亦與二万八千長者子俱
於晨朝時承佛神力自瞻婆城發來
入此迦蘭陀園至世尊所恭敬合掌
頂礼佛足退坐一面

尔時復有一摩邾婆

隨言淨持亦去少年亦去仁童子等

名

邾羅達多為衆上首亦與二万八千
人俱於晨朝時自本住處發來入此
迦蘭陀園詣世尊所恭敬合掌頂礼
佛足退坐一面

尔時舍衛國復有長者名大善商主
并彼給孤獨長者為衆上首亦與二
万八千人俱自彼舍衛國詣王舍城
入迦蘭陀園至世尊所恭敬合掌頂
礼佛足退坐一面

尔時王舍大城復有長者名曰水天
為衆上首亦與二万八千人俱從本
住處發來入此迦蘭陀園詣世尊所
恭敬合掌頂礼佛足退坐一面

尔時摩伽陀國主聿提希子阿闍世
王亦與百千諸眷屬俱於晨朝時亦
來入此迦蘭陀園詣世尊所頂礼佛
足退坐一面

尔時復有四大天王及天帝釋乃至

欲界一切天衆各與無量百千億那由他眷屬天衆俱亦於晨朝悉來入迦蘭陀園至如來所頂礼佛足退坐一面

尔時復有娑婆世界主大梵天王亦與無量百千億那由他眷屬天衆俱於晨朝時悉入迦蘭陀園至如來所頂礼佛足退坐一面

尔時復有自在天王亦與無量百千淨居諸天衆俱於晨朝時悉入迦蘭陀園頂礼佛足退坐一面

尔時復有四阿脩羅王各與無量百千眷屬阿脩羅衆俱亦於晨朝入迦蘭陀園詣如來所頂礼佛足退坐一面
尔時復有難陀龍王及跋難陀龍王各與無量百千眷屬諸龍衆俱亦於晨朝入迦蘭陀園詣如來所頂礼佛足退坐一面

尔時復有娑伽羅龍王阿那婆達多龍王及摩那斯龍王伊跋羅龍王等各與無量百千眷屬諸龍衆俱亦於晨朝入迦蘭陀園詣如來所頂礼佛足退坐一面

尔時此三千大千世界一切諸比丘
比丘尼優婆塞優婆夷及以一切天
龍夜叉乾闥婆阿脩羅迦樓羅緊那
羅摩睺羅伽乃至人非人及諸王等
信如來者為聽法故一切皆集迦蘭
陀園詣如來所頂礼佛足各坐一面
尔時迦蘭陀園其地弘廣如此三千
大千世界所有地方大衆充滿無空
缺處若杖頭許而不遍者如是上至
有頂下逮梵宮所有一切大威德神
通諸天大衆乃至一切諸龍夜叉乾
闥婆阿脩羅迦樓羅緊那羅摩睺
羅伽人非人等皆來集會

尔時賢護菩薩摩訶薩即從座起偏
袒右肩右膝著地合掌向佛白佛言
世尊我於今者欲得諮問如來應供
等正覺心中所疑不審世尊見垂聽
不尔時世尊復告賢護菩薩言賢護
如來世尊隨汝所疑恣汝所問為汝
宣釋令汝歡喜時敎賢護菩薩既蒙
聽許復白佛言世尊菩薩摩訶薩具
足成就何等三昧而能得彼大功德
聚云何得入多聞大海獲智慧咸問

無疑惑故云何復得無意或聚不失
成就於阿耨多羅三藐三菩提無退
減故復云何得不生愚癡邪見空處
故云何當得宿命智遍知去來故云
何當得不離奉見諸佛世尊聽聞正
法乃至夢中故云何當得殊特端正
上妙色身具足威儀衆生樂見故云
何當得常生大姓之家尊貴之位見
者恭敬故云何復得父母兄弟宗親
眷屬及以知識左右圍繞恒無別離
故云何當得廣達博通所為殊異亦
終無缺減於阿耨多羅三藐三菩提
心故云何當得正念正行節度不移
心知足故云何當得常生慙愧遠離
耻辱故云何當得正智謙恭降伏我
慢故云何當得榮勳精進遠離懈怠
故云何當得大慈大悲大喜大捨平
等與樂故云何當得聞說甚深真空
無相無願法時一切無有驚怖退沒
故云何當得不樂懶惰攝受正法故
云何當得智慧通達明了一切無與
等者故云何當得於一切佛剎隨意
得生故云何當得不為一切外道所

摧壞故云何當得如海能受納衆問
疑釋難無減無盡故云何當得如月
滿白淨法具足故云何當得如日初
出破諸闇冥故云何當得如燈炬光
明照了故云何當得如虛空性無有
罣碍故云何當得無所住著心如虛
空故云何當得如金剛穿徹通達一
切法故云何當得如須弥山不可動
搖故云何當得如門閫一切正住故
云何當得如猫狗歎等心業成就故
云何當得無為一切諸法中故云何
當得如飛鳥隨意而去故云何當得
摧折憊慢如旃陀羅子故云何當得
住阿蘭若如諸獸狝狝等不樂城邑
聚落一切出家在家不相參乱故云
何當得統領大衆教詔導示故云何
當得不樂生一切衆生中不動於一
切衆生故云何當得不為一切外道
降伏天魔惑乱故云何當得大辯才
於一切法決了知故云何當得於一
切佛法不隨他行故云何當得大堅
固信無可毀壞故云何當得大慈力
信不可動故云何當得深入信無所

行故云何當得潤澤信於一切法中
多歡喜故云何當得寂勝信供養承
事一切諸佛無厭足故云何當得種
種入信種諸善根故云何當得真妙
信增長無虛偽行故云何當得淨喜
信除滅一切嫉妬故云何當得清淨
信得一切種智光明故云何當得喜
樂行信除滅諸蓋障惡故云何當得
智喜信攝受諸佛境界故云何當得
莊嚴行信勝一切世間瓔珞莊嚴佛
國清淨成就故云何當得清淨戒行
永滅一切聲聞辟支佛心故云何當
得莊嚴大誓一切所作皆究竟故云
何當得為一切衆生中上首欲行諸
善法故云何當得無有疲倦為欲教
授一切菩薩所學諸波羅蜜故云何
當得不退轉多求一切佛法故云何
當得不可壞不為一切外道邪師所
破故云何當得深信一切諸佛不捨
此念常見諸佛故云何當得如父想
紹隆一切佛法故云何當得佛力加
持於一切佛法光明中生故云何當
得無障尋一切佛法悉現在前故云

何當得如幻人於一切法無思念故
云何當得如化者觀一切法無生滅
故云何當得如夢觀察三世無來去
故云何當得如鏡像一切世界斯現
身中故云何當得如響聲一切法無
作無為因緣生故云何當得如形影
於一切生法自無心取捨故云何當
得空無所有遠離一切諸物想故云
何當得無相觀一切法無有二故云
何當得法界邊際菩提心無限量故
云何當得不起著一切世界性無分
別故云何當得無尋行遍遊一切諸
佛剎中故云何當得諸陀羅尼聞一
知万善達一切文字分別說故云何
當得如諸法師善知一切佛法故云
何當得一切諸佛所護念一切佛威
力加持故云何當得雄猛不怯弱出
聲如大牛王及大師子王步故云何
當得無畏令一切世間歡喜故云何
當得無疑惑於一切佛平等無二故
云何當得通達如如滅除疑惑不著
諸法故云何當得證深法界善能解
釋所問義故云何當得師利益他具

足大慈故云何當得滅除懶惰恒樂
說法故云何當得如法住不捨一切
衆生故云何當得不諂曲性淳直故
云何當得如眼目為一切世間燈明
故云何當得不可輕蔑勝出一切三
界故云何當得無諍論如教說行故
云何當得無艱難行無住著故云何
當得知於實際不分別諸法故云何
當得說一切語言智令諸衆生住於
大乘故云何當得至無畏處遠離恐
怖永無一切毛豎等事故云何當得
知佛方便說善達一切修多羅等故
云何當得不空生世間恒入一切衆
中獲利故云何當得為一切智首於
一切世間應受供養大名聞故云何
當得無邊讚歎功德為一切衆生福
田故云何當得大歡喜踊躍无量常
在諸如來師子座下故云何當得勝
上辯才能問一切佛法故云何當得
意不怯弱辯才於一切大衆中無怖
畏故云何當得一切論議辯如師子
王降伏一切外道攝受諸異論師故
云何當得不壞本誓莊嚴欲摧一切

邪異朋黨故云何當得善巧說法常
處師子座一切諸佛印可故云何當
得遠離一切世間無義語言以通達
一切正教故云何當得深愛一切諸
佛法於諸如來生處行故云何當得
樂欲真法知諸如來不生故云何當
得不懈怠善承事知識故云何當得
不染著遊行一切世界故云何當得
願行具足為教化一切衆生故云何
當得如珊瑚得諸相故云何當得如
虛空一切法無得相故云何當得如
菩薩不斷佛種故云何當得不休息
行諸菩薩道未曾遠離大乘故云何
當得著大鎧甲諸佛廣大戒中決定
住故云何當得一切諸佛所讚灌頂
住於諸如來十力地中故云何當得
一切所想通達一切諸法行故云何
當得一切算數巧方便知故云何當
得善知一切成壞遠離一切障導行
故云何當得一切不住行不取不捨
故云何當得一切大施主能施無悔
故云何當得入諸法海能施勝上法
寶藏故云何當得一切世間行能捨

世間諸相故云何當得廣大神通隨
順諸佛神通滿足歡喜故云何當得
一剎那時聞行即能遍至一切諸佛
前故復云何當得住此佛剎遍見一
切十方諸佛聽聞正法供養衆僧非
但未得出世六通而實未得世間五
通而亦未捨此世界身亦無生彼諸
佛國土唯住此土見餘世界諸佛世
尊悉聞諸佛所宣正法一切聽受如
說修行世尊譬如今時聖者阿難於
世尊前親聞法已皆悉受持如說奉
行彼諸菩薩身居此土不至彼界而
能遍觀諸佛世尊聽聞法已悉能受
持如說修行亦復如是從是已後一
切生處常不遠離諸佛世尊聽聞正
法乃至夢中咸若斯也

尔時世尊告賢護菩薩摩訶薩言善
哉善哉賢護汝今乃能請問如來如
是妙義汝為利益一切世間諸衆生
故亦為安樂諸衆生故復為憐愍諸
天人故復為攝受未來世中諸菩薩
故發護而汝往昔已曾供養无量諸
佛種諸善根聽聞正法受持正法愛

樂正法敬重正法汝今但以摩訶迦
葉教化行故少欲知足恒樂閑靜阿
蘭若處或居塚間或在樹下亦露地
坐常坐不卧一敷不移受乞食法一
食不再或一坐食或唯一搏唯畜三
衣及糞掃衣讚歎頭陀勸請諸菩薩
教菩薩行法令諸菩薩喜訶責諸菩
薩教亦諸菩薩成就諸菩薩能為利
益行大慈悲於諸衆生生平等心咸
得自在到於彼岸隨意得見一切諸
佛發廣大願行深妙行樂一切智菩
提梁柱善能隨順如來種性發菩提
心猶如金剛通達世間衆生所念廣
大妙行不可校筭不可稱量常在一
切諸佛目前賢護於汝功德中未說
少分也

賢護今有菩薩三昧名曰思惟諸佛
現前三昧若有菩薩具足修習如是
三昧當得成就如上所問諸功德等
賢護當知更有無量無邊勝上功德
說不可盡

尔時賢護菩薩復白佛言善哉世尊
唯願說此菩薩念一切佛現前三昧

令此世間天人梵魔沙門婆羅門諸
龍夜叉乾闥婆阿脩羅迦樓羅緊那
羅摩睺羅伽人非人等多獲利益多
受安樂故亦令當來無量衆生多得
利益受安樂故又為未來諸菩薩輩
作大光明承受威力故又願現在未
來諸菩薩等普得聞此念一切佛現
前三昧彼既聞已皆悉受持既受持
已一切皆當如實修學如教奉行既
學行已當令得不退轉於阿耨多羅
三藐三菩提現前即能具足成就如
是功德及餘勝上功德等

尔時世尊復告賢護菩薩言賢護如
汝言者汝當諦聽善思念之吾今為
汝分別解說賢護復言善哉世尊我
深樂聞如來所說佛復告言賢護云
何名為菩薩思惟一切諸佛現前三
昧若有菩薩具足成就此三昧者即
獲如前諸功德事亦得其餘殊異功
德所謂心念諸佛皆現在前其心不
亂不捨作業求勝上智勇猛精勤荷
負重擔度脫衆生承事供給諸善知
識常修空寂廣大思惟親善知識滅

除諸蓋遠離惡友息世語言塞諸根
門初中後夜減損睡眠不貪衣服食
飲湯藥堂房屋宇牀座眾具恒樂空
閑住阿蘭若不愛己身不重我命不
著形色不縱其心修以慈心薰以悲
行一切時喜常行捨心破壞煩惱成
就諸禪於中思惟不著滋味觀察色
想唯得空心下亂正念不取諸陰不
著諸入不思諸界不貪生處調伏慢
高不妬他財為諸世間多作饒益於
諸眾生起平等心又於眾生生父母
想亦於眾生所作一子心一切法中
無有諍想雖念持戒而不執著常在
禪定亦無耽染好樂多聞不起分別
戒聚不歎定聚不動智聚不妄諸法
無疑不背諸佛不謗正法不壞眾僧
不好乖離親近眾聖遠離愚癡不志
求出世雖聞語言意不樂聽亦不耽
著世間六味習近熏修五解脫法除
滅十惡念修十善斷滅眾生九種惱
處心常不離九想觀門常思弃捐八
種懈怠一心修習八大人覺不著禪
味不恃多聞摧伏我慢一心聽受求

法懇重修道證知憐愍眾生離我分
別求壽命想畢竟難得觀察諸陰無
有物想不住涅槃不著生死諸行煩
惱輪發大恐怖想諸陰怨家想諸入
空宅想諸界毒蛇想三界衰惱想涅
槃利安想觀諸欲惡猶如唾涕深樂
出家不違佛教於眾生所勸行功德
於諸世界無復染心見一切佛皆悉
現前受一切身皆若幻夢一切諸相
觀察滅除思惟往來不見三世於信
清淨深信真妙念一切佛三世平等
无有動轉而能持諸善根一切諸佛
三昧自在終不染著諸佛相身於一
切法皆悉平等不與一切世間共諍
所可應作不相違背通達甚深十二
因緣窮盡一切如來道地得勝上忍
入真法界見眾生界性無生滅見涅
槃界本來現前慧眼清淨觀法無二
彼菩提心無中无邊一切諸佛體無
老異入於無尋清淨智門明見菩提
自然覺智於善知識起諸佛想於善
薩所不念乖離已於生死破壞魔軍
一切眾事皆悉如化見諸如來如鏡

中像應當求彼菩提之心諸波羅蜜莫不平等實際無盡集佛功德賢護是為菩薩思惟諸佛現前三昧若有菩薩摩訶薩欲具成就如是三昧當先成就如是功德賢護當知更有無量功德然亦緣此三昧而生

佛復告賢護言是中何等三昧能生如是諸功德行所謂菩薩思惟諸佛現前三昧能生如是諸功德法復次賢護云何名為菩薩思惟諸佛現前三昧也賢護若有比丘比丘尼優婆塞優婆夷清淨持戒具足諸行獨處空閑如是思惟於一切處隨何方所即若西方阿彌陀如來應供等正覺是人今時如所聞已即應自作如是想念如我所聞彼阿彌陀如來應供等正覺今在西方經途去此過百千億諸佛國土彼有世界名曰安樂如是如來今現在彼為諸菩薩周匝圍繞處大衆中說法教化然而是人依所聞故繫念思惟觀察不已了了分明終獲見彼阿彌陀如來應供等正覺也復次賢護譬如世間若男若女

於睡夢中見種種事所謂金銀衆寶
珍財倉庫或見朋友諸知識輩或見
覺時心不樂者是人夢中所對境界
或違或順或憂或喜有時語言歡欣
極樂有時躁感盡意悲哀是人寤已
思惟憶念如夢所見為他廣宣追念
夢中便生憂喜如是賢護彼善男子
善女人端坐繫念專心想彼阿弥陀
如來應供等正覺如是相好如是威
儀如是大衆如是說法如聞繫念一
心相續次第不亂或經一日或復一
夜如是或至七日七夜如先所聞具
足念故是人必覩阿弥陀如來應供
等正覺也若於晝時不能見者若於
夜分或睡夢中阿弥陀佛必當現也
復次賢護譬如世間若男若女遠行
他國於睡夢中見本居家時實不知
為晝為夜而亦不知為內為外是人
今時所有眼根牆壁石山終不能障
乃至幽冥黑闇亦不為碍也賢護菩
薩摩訶薩心無障碍亦復如是當正
念時於彼所有佛刹中間凡是一切
須弥山王及鐵圍山大鐵圍山乃至

自餘諸黑山等不能與此眼根為障而亦不能覆蔽此心然是人者其實未得天眼能見彼佛亦無天耳聞彼法音復非神通往彼世界又亦不於此世界沒生彼佛前而實但在此世界積念熏修久觀明利故終得覩彼阿彌陀如來應等正覺僧衆圍繞菩薩會中或見自身在彼聽法聞已憶念受持修行或時復得恭敬礼拜尊承供養彼阿彌陀如來應等正覺已是人然後起此三昧其出觀已次第思惟如所見聞為他廣說復次賢護如此摩伽陀國有三丈夫其第一者聞毗耶離城有一婬女名須摩邨彼第二人聞有婬女名菴羅波離彼第三人聞有婬女名蓮華色彼既聞已各設方便繫意慙求无時暫廢然彼三人實未曾覩如是諸女直以遙聞即興欲心專念不息後因夢已在王舍城與彼女人共行欲事欲事既成求心亦息希望既滿遂便覺寤寤已追念夢中所行如所聞見如所證知如是憶念來詣汝所具為汝說者

汝應為彼方便說法隨順教化令其
得住不退轉地究竟成就阿耨多羅
三藐三菩提彼於當來必得成佛号
曰善覺如來應供等正覺明行足善
逝世間解無上士調御丈夫天人師
佛世尊如是三人既得忍已還復憶
念往昔諸事了了分明也賢護彼善
男子善女人等若欲成就菩薩摩訶
薩思惟一切諸佛現前三昧亦復如
是其身常住此世界中暫得聞彼阿
彌陀如來應供等正覺名号而能繫
心相續思惟次第不乱分明觀彼阿
彌陀佛是為菩薩思惟具足成就諸
佛現前三昧因此三昧得見佛故遂
請問彼阿彌陀佛言世尊諸菩薩等
成就何法而得生此佛剎中耶尔時
阿彌陀佛語是菩薩言若人發心求
生此者常當繫心正念相續阿彌陀
佛便得生也既得生已世尊於是知
彼心故亦即念彼彼方得見佛世尊
耳賢護時彼阿彌陀如來應等正覺
告彼人言諸善男子汝當正念精勤
修習發廣大心必生此也賢護時彼

菩薩復白阿彌陀佛言世尊是中云
何念佛世尊精懃修習發廣大心得
生此刹耶賢護時彼阿彌陀佛復告
彼言諸善男子若汝今欲正念佛者
當如是念今者阿彌陀如來應等正
覺明行足善逝世間解無上士調御
丈夫天人師佛世尊具有如是三十
二相八十隨形好身色光明如融金
聚具足成就衆寶華舉放大光明
坐師子座沙門衆中說如斯法其所
說者謂一切法本來不壞亦無壞者
如不壞色乃至不壞識等諸陰故又
如不壞地乃至不壞風等諸大故又
不壞色乃至不壞觸等諸入故又不
壞梵乃至不壞一切世主等如是乃
至不念彼如來亦不得彼如來彼作
如是念如來已如是次第得空三昧
善男子是名正念諸佛現前三昧也
賢護尔時彼菩薩從三昧起已來詣
汝所說此三昧相者汝時即應為彼
說法隨順教化令於阿耨多羅三藐
三菩提得不退轉

賢護菩薩所問經卷第一

已亥歲高麗國大藏都監

勅彫造

大方等大集經賢護分卷第二

八

思惟品第一之二

隋天竺三藏闍那崛多譯

賢護我時則亦授彼佛記是人當來
必得成佛号曰德光明如來應供等
正覺乃至佛世尊賢護是中三昧誰
當證知今我弟子摩訶迦葉帝釋德
菩薩善德天子及餘無量諸菩薩輩
咸已修得此三昧者是為證云何證
所謂空三昧也賢護我念往昔有佛
世尊号湏波日時有一人行值曠野
飢渴困苦遂即睡眠夢中具得諸種
上妙美食食之既飽無復飢虛從是
寤已還復飢渴是人因此即自思惟
如是諸法皆空無實猶夢所見本自
非真如是觀時悟無生忍得不退轉
於阿耨多羅三藐三菩提如是賢護
有諸菩薩若在家若出家聞有諸佛
隨何方所即向彼方至心頂礼心中
渴仰欲見彼佛故作如是專精思惟
復應當觀如是色相亦即作彼虛空
之想而彼成就虛空想已得住如是

正思惟中住思惟已得見彼佛光明
清徹如淨琉璃其形端正如真金柱
如是念者彼見如來亦復如是復次
賢護譬如有人忽從本國至於他方
雖在他方而常追憶本所生處曾如
是見亦如是聞如是憶念如是了知
久追憶故於睡夢中明見自身在本
生處遊從見聞如前所更是人後時
向諸眷屬具論夢中所見之事我如
是見我如是聞我如是營為如是獲
得如是賢護有諸菩薩若在家若出
家若從他聞有佛世尊隨何方所即
向彼方至心頂禮欲見彼佛正念不
亂應念即見彼佛形像或如琉璃或
純金色亦復如是復次賢護譬如比
丘修不淨觀見新死屍形色始變或
青或黃或黑或赤或時臃脹或已爛
壞膿血俱流蟲獸食噉肉盡骨白其
色如珂如是乃至觀骨離散而彼骨
見自心如如是賢護若諸菩薩欲得成
就彼念諸佛現前三昧隨何方所先
念欲見彼佛世尊隨所念處見如

來何以故因緣三昧得見如來得見
彼佛有三因緣何者為三一者緣此
三昧二者彼佛加持三者自善根熟
具足如是三因緣故即得明見彼諸
如來應供等正覺亦復如是復次賢
護如人盛壯容貌端嚴欲觀己形美
惡好醜即便取器盛彼清油或持淨
水或取水精或執明鏡用是四物觀
己面像善惡好醜顯現分明賢護於
意云何彼所見像於此油水水精明
鏡四處現時是為先有耶賢護荅言
不也曰是豈本無耶荅言不也曰是
為在內耶荅言不也曰是豈在外耶
荅言不也世尊唯彼油水水精鏡諸物
清明無濁無滓其形在前彼像隨現
而彼現像不從四物出亦非餘處來
非自然有非人造作當知彼像无所
從來亦無所去無生無滅無有住所
時彼賢護如是荅已佛言賢護如是
如是如汝所說諸物清淨彼色明朗
影像自現不用多功菩薩亦令一心
喜思見諸如來見已即住住已問義
解釋歡喜即復思惟今此佛者從何

所來而我身復從何出觀彼如來
竟無來處及以去處我身亦亦本无
出趣豈有轉還彼復應作如是思惟
今此三界唯是心有何以故隨彼心
念還自見心今我從心見佛我心作
佛我心是佛我心是如來我心是我
身我心見佛心不知心心不見心心
有想念則成生死心無想念即是涅
槃諸法不真思想緣起所思既滅能
想亦空賢護當知諸菩薩等因此三
昧證大菩提

大集經賢護分三昧行品第二

今時世尊復告賢護菩薩摩訶薩言
賢護若諸菩薩摩訶薩具行四法則
能得是現前三昧何等為四一者不
壞信心二者不破精進三者智慧殊
勝四者近善知識賢護是為菩薩具
足四法則得成就現前三昧也賢護
菩薩摩訶薩復有四法能具足行則
能成就現前三昧何等為四一者乃
至於剎那時無衆生想二者於三月
內不暫睡眠三者三月經行唯除便
利四者若於食時布施以法不求名

利無望報心賢護是為菩薩具足四法則得成就現前三昧也賢護菩薩摩訶薩復有四法能具足行則得成就現前三昧何等為四一者勸他見佛二者教人聽法三者心無嫉妬四者勸他發菩提心賢護是為菩薩具足四法則得成就現前三昧也賢護菩薩摩訶薩復有四法成就三昧何等為四一者造佛形像勸行供養二者書寫是經令他讀誦三者慢法衆生教令發心四者護持正法令得久住賢護是為菩薩具足四法則得成就現前三昧也今時世尊為重明此義而說偈言

汝等當住佛法中 勿藏正言及我法
念勤精進除睡蓋 三月不坐唯經行
食時廣說而施他 宣揚諸佛無比法
不求名聞及利養 無所著故得此禪
莫生嫉妬及瞋恚 當思解脫諸欲心
樂此三昧求住者 勤念無懈今乃得
金色百福莊嚴相 端正圓滿若花榮
世間樂見光明體 常觀諸佛在現前
往古諸佛及將來 現在一切人中勝

汝等一心恭敬礼

亦常專念修供養

汝若供養彼諸佛

應以華香及塗香

慧施美食起淨心

證此三昧殊非難

諸佛塔前作衆樂

羸鼓鉦鐸諸妙音

歡喜踊躍難稱量

必當成就此三昧

勸造尊像無比身

綵畫莊嚴具足相

金色光大無瑕垢

證此三昧良非難

各各常念修法施

清持禁戒及多聞

精勤勇猛除懈怠

得此三昧終不久

不應他所懷毒心

亦捨世間諸欲事

常以慈悲念一切

三昧豈遠在現前

於法師所常隨喜

尊重恭敬等如來

莫生輕慢與慳貪

喜心供養除嫉妬

無量諸佛共稱揚

汝但勤求自當得

世尊鄭重演說斯

為修如是妙法故

大集經賢護分見佛品第三

今時世尊復告賢護菩薩言賢護若

證菩薩摩訶薩欲得成就此三昧者

當應於彼說法師所生諸佛想起尊

重心勿生憍慢乃至無有諍競違逆

不順心故然後於此勝三昧中精勤

修學方能剋證賢護若人於彼說法

法師或比丘所起不善心苟違異心

諍覓之心故陵辱心諸不淨心乃至
不生如諸佛想如是菩薩假令修行
終不能證如是妙定若得證者無有
是處賢護辟如清淨虛空無諸雲翳
有明目人於靜夜時仰觀空中無量
星宿區別方所形色各異了了分明
如是賢護菩薩摩訶薩思惟觀彼法
性虛空以想成故見諸如來其事若
此然彼菩薩觀東方時多見諸佛多
見百佛多見千佛多見百千佛多見
億佛多見億百千佛多見億百千那
由他佛不假作意自然現前而彼菩
薩既作如是觀東方已次觀南方及西
北方四維上下十方世界各多見佛
所謂多見百佛多見千佛多見百千
佛多見億佛多見億百千佛多見億
百千那由他佛不假功用皆現在前
復次賢護如彼阿彌陀如來應供等
正覺其世界中諸菩薩等生彼國者
於初一日觀察東方多見諸佛多見
百佛乃至多見百千億那由他佛已
然後於第二日觀察南方如是乃至
十方事皆若此如是賢護若菩薩摩

訶薩成就菩薩思惟諸佛現前三昧
如是菩薩於自土中觀察十方多見
諸佛多見百佛乃至多見百千億那
由他諸佛也復次賢護如諸如來成
就佛眼如是具已於一切處悉如是
知悉如是見如是賢護若菩薩摩訶
薩亦既成就菩薩思惟一切諸佛現
前三昧已自然滿彼檀波羅蜜尸波
羅蜜羣提波羅蜜毗梨耶波羅蜜禪
波羅蜜般若波羅蜜乃至滿彼一切
菩薩諸功德等今時世尊為重明此
義以偈頌曰

猶如靜夜除雲霧 有明眼者仰觀空
見彼衆星過百千 晝念明了亦無失
菩薩如是得定已 多見無量億千佛
復於起斯三昧後 還為大衆演最尊
如我佛眼清淨故 無有障闕見世間
是諸佛子菩薩眼 出此三昧最勝觀
以無相想思如來 而見十方諸等覺
破除惱毒及諸想 汝聽菩薩妙功德
若聽彼法清涼心 能入空寂無畏處
如我當今說斯法 為令衆生證菩提
如彼安樂諸菩薩 多見無量佛世尊

菩薩如是入思惟

亦見百千多調御

如此比丘唯阿難

一聞我說悉能受

菩薩如是得三昧

聽一切法能捻持

成就信慙具三昧

悉捨一切世語言

常以慈心慧他說

要當到斯寂靜地

大集經賢護分正信品第四

今時世尊復告賢護菩薩言賢護若

諸菩薩摩訶薩為求如是三昧寶故

當應勇猛發勤精進自然速能入此

三昧也賢護譬如有人乘御大船入

於大海恣意載滿衆妙珍寶已過一

切諸大難處垂至此岸未幾之間船

忽破壞衆寶沉沒當尔之時閻浮提

人發大叫聲生大悲苦以失如是無

價寶故賢護有善男子善女人亦復

如是耳聞如斯勝三昧寶不能書寫

讀誦受持復不能思惟如法而住賢

護當知今時一切世間諸天神等亦

應如是發大叫呼生大悲惱作如是

言是諸衆生深可憐愍云何於此諸

佛世尊勝三昧寶一切諸佛之所稱

揚一切諸佛之所印可一切諸佛之

所教誡一切諸佛取上功德具足成

就圓滿無缺菩薩聞已當應勤求反更速離不肯書寫不樂讀誦不能受持解釋義理不能思惟如法而住如是放逸懈怠衆生未來必當受大損減賢護何等名為衆生損減所謂於如是三昧寶中間已遠離不能書寫讀誦受持不能解說思惟義理不如法住專念修行喪滅功德是為損減賢護是懈怠人惡衆生輩於斯法中得利益者無有是處復次賢護譬如有人持赤栴檀示愚癡人而彼癡人以愚癡故於赤檀香起臭穢想時主智人賣檀香者告愚人曰汝今不應於妙栴檀生臭惡想何以故是檀取精香氣第一汝今何故反為臭惡若不信者應先嗅嘗為臭為香又汝眼明亦應以目觀察是檀光色文綵為瘦為肥為善為惡然彼愚者雖聞智人如是語言種種稱讚以愚癡故轉生憎惡以手捻鼻不用嗅聞掩閉其目不肯觀視如是賢護當來之世有惡比丘憎惡是經其事亦尔彼惡人輩不知修習身戒心慧愚癡無智猶

如白羊頰駭恨弊彼諸惡人又薄福
故雖復得聞如是妙典正念諸佛現
前三昧不用書寫不能讀誦不能受
持不能思惟不能為人宣揚廣說又
亦不能廣生隨喜云何能得如說修
行若彼惡人能說行者无有是處又
復聞已更興誹謗都無信心謂為真
實雖聞多說終無開解復作是言若
斯法者但為戲論故神異其事又為
熾盛言教故過飾其詞誘誑世間造
斯經典豈得方比聖者阿難諸比丘
輩現在世時宣說如是諸修多羅也
又於異時發如是言此修多羅非佛
所說乃是惡人自造文章妄言經耳
賢護當知如斯惡人長夜遠離如是
微妙无上大寶如彼癡人見妙香已
掩眼塞鼻不用見聞如是賢護彼愚
惡輩聞此妙經三昧寶已不欲書寫
不樂讀誦不念受持不能宣說所謂
無心親近不願聞故復次賢護譬如
有人賣摩尼寶有愚癡人見彼寶已
即便問言仁者斯寶其價云何寶主
荅言汝今當知是寶精勝世間所無

非可造次以世價論也吾今且說此
寶功能威德力用粗為約耳卿若欲
知此摩尼寶光明所照近遠若干卿
今若須當以真金布滿斯地尔乃相
與彼愚癡人聞是語已便大嗤笑種
種訾毀是摩尼寶竟不酬價如是賢
護彼未來世諸惡比丘聞此經中勝
三昧寶无有信心多生嗤笑更興誹
謗其事亦尔或有比丘信根深厚慧
根明利已於過去諸如來所親近承
事聽聞正法如教修行種諸善根彼
等聞此菩薩念佛現前三昧即能讀
誦思惟義理為人廣說能多利益一
切世間所謂廣宣流布生大信心發
大智慧成就純直具足威儀常行慙
媿怖畏眾罪修持禁戒不受諸欲信
甚深法能多受聞得深智忍常行慈
悲然而斯等信根深固得是三昧得
三昧已遊諸方國為他廣說解釋義
理常作是願令此菩薩念佛三昧甚
深經典廣行流布常住於世或有眾
生善根微薄福德甚少過去未曾親
近諸佛供養承事聽聞正法但為我

慢所降嫉妬所導利養所覆名聞所牽廣行放逸不持戒善常樂亂心不修禪定遠離經教不求多聞未遇善師唯逢惡友斯人如是聞此三昧誹謗輕毀無一信心謂為不實志性頑愚意無開解復作是言如斯經典非佛所說乃是世間鈍根比丘愚癡邪見自作文章嚴飾詞句若處衆中應如是說亦如是教汝諸衆生當知今此修多羅典非佛所說如是癡人不知識近諸佛世尊不種善根不修供養習近惡友多作衆惡當知是人遠離無上深妙法寶永失無上取勝法利也佛告賢護吾復語汝我今現在一切世間梵魔沙門婆羅門及諸天人阿脩羅等諸大衆前宣說如是妙三昧時若彼善男子善女人聞已隨喜讀誦受持念佛三昧思惟信解寂以為真發如是言是為真實諸佛說者當知彼人所獲福聚不可思議賢護若復有諸善男子善女人持滿三千大千世界種種珍寶以用供養一乃諸佛如來應供等正覺所得功德

雖為廣大然望持經所獲福聚百千萬分不及其一乃至更以無量無邊阿僧祇諸福德聚亦不及一小時世尊為重明此義而說偈言

邪曲愚惑人放逸根不熟惡友之所壞
无有正信心破戒造衆罪深著於我慢
彼各言此經非是諸佛說此諸修多羅
非是法王教彼輩自意言我何能說此
若見大調御世尊放光明我為彼廣宣
彼亦能傳說其或於此經聞已生歡喜
斯人無疑網不言非佛說如有戒清淨
所見能了知敬法起重心我為此陳說
若以三千寶持奉諸如來為求大菩提
其福不可說若有諸比丘說佛所歎定
聞者生信心此福過於彼

大集經賢護分受持品第五

尔時世尊復告賢護菩薩言賢護此衆有人今在我前親聞我說如是三昧於我滅後其所生處還復得聞是三昧寶雖聞不信誹謗毀訾遠離善友隨逐惡人賢護復有一人於善人所聞是三昧深妙經典尚不生信不以為實不能開解况惡人處聞是經

典寧能生信而復開解何以故賢護
諸佛如來所言難信諸佛世尊智慧
難知故賢護若當成就如是三昧然
後乃能於當來世與諸衆生增長佛
法復次賢護有諸菩薩摩訶薩若在
家若出家聞此三昧不怖不驚不悔
不退不謗不毀聞已隨喜生信敬心
決定真實無復疑網讀誦受持思惟
義趣賢護如是等人世尊悉見悉知
悉識也賢護諸佛世尊云何見斯諸
善男子及善女人復云何知又云何
識賢護若能讀誦受持思念此三昧
門如是之人終不為惡不破淨戒不
壞正信不入邪聚賢護是諸善男子
善女人等必定深信成就思惟能分
別成就思惟於是法中具足信心常
能讀誦攝持是法賢護當知是人決
不求少功德亦不種少善根賢護是
善男子善女人凡所生處或之資須
然諸善根廣大不少賢護是故斯諸
善男子善女人已於過去諸如來所
修行供養種諸善根賢護當知此輩
非於一如來所修行供養種諸善根

也亦非於二三四五乃至十如來所
種諸善根也亦非於百千億數諸如
來所種諸善根也賢護當知此諸善
男子善女人已於過百千數无量無
邊諸如來所修行供養種諸善根方
得聞此念佛現前三昧聞已生信心
開意解即以為實无復疑網既獲聞
已樂欲書寫讀誦受持乃至為他廣
宣是義何以故賢護斯諸善男子善
女人往昔已於諸如來前聞是三昧
讀誦受持以是義故如來滅後於寂
末世五百年終法欲滅時法將壞時
還當得聞如是三昧聞即生信无有
驚疑不退不沒生大歡喜遍滿身心
讀誦受持思惟其義為他解說乃至
一日一夜行是三昧賢護若復有人
聞此三昧無有驚怖亦不退沒不生
謗毀聞已隨喜即以為實思惟分別
心開意解但能為他暫時稱善所獲
福聚尚不可量况能讀誦受持勤思
而行為他廣說至一日夜賢護當知
是善男子善女人因是事故即便獲
得過於无量阿僧祇大功德聚遂得

住於不退轉地隨所願欲如意即成
賢護其事雖尔我今為汝更宣譬喻
明顯此義復次賢護譬如有人取此
三千大千世界一切大地盡末為塵
復取一切草木枝葉不問大小皆為
微塵彼人尔時於彼塵聚取一微塵
破壞分拊還令得作尔許微塵然後
復取彼一切塵次第分拊皆令等彼
初微塵數賢護於意云何是微塵數
可謂多不賢護荅曰甚多世尊佛言
賢護若有善男子善女人取前尔許
微塵數佛剎威滿衆寶持用布施賢
護於意云何彼善男子善女人所獲
福聚復為多不賢護報曰甚多世尊
然彼善男子善女人因是事故獲得
過彼無量無邊阿僧祇福聚佛復告
言賢護吾更語汝如彼善男子善女
人以尔許塵數佛剎威滿七寶持用
布施獲如斯福復有善男子善女人
聞此念佛現前三昧暫生隨喜信心
分別以為真實心開意解讀誦受持
乃至暫時為他解說善男子善女
人所獲福聚勝前施福無量無邊非

可稱筭非可校計非可思量賢護如是善男子善女人聞此三昧生隨喜心乃至暫時為他解說尚獲無量無邊福聚何況是善男子善女人於此三昧修多羅中如聞而信如信而受如受而說如說而行也今時世尊為重明斯義以偈頌曰

若以三千大千界 盛滿七寶用行檀
我說彼福雖為多 不如聞經小功德
菩薩為求多福聚 信解讀誦復思惟
解說修行念三昧 斯所獲福過於彼
末三千界盡為塵 復分一塵等前數
盡取如是諸塵刹 盛滿珍寶以行檀
諸佛所讚三昧經 單以一偈為他說
我言斯人獲功德 超彼檀福不可量
若復為他具足說 下至一搗牛乳間
思惟增廣諸善根 何況長遠无量福
一切衆生盡作佛 涵慧終竟證彼如
假於億數多劫中 說斯偈福不可盡
其間彼佛皆滅已 多億數劫常廣宣
終亦不盡彼福邊 緣此深經四句偈
一切所有諸世界 四方上下及四維
滿中衆寶持與他 為求勝福奉諸佛

彼諸功德難可量

稱計與諸世界等

其有聞受是三昧

善能宣說福過前

若人於此無遲疑

其於諸法亦明了

彼則永絕諸惡趣

能入勝寂三昧禪

彼若常能供養我

必受多福不思議

增長多聞證菩提

由思諸佛所讚定

今我語汝誠實言

當念精進莫放逸

一心歡欣發勇猛

自然速證彼菩提

彼為供養百數佛

乃能受是三摩提

假於後世恐怖時

自當速證微妙定

若有見我與比丘

及汝大士賢護等

如是菩薩樂多聞

決定當得此三昧

若得聞此聖三昧

為他解釋或書寫

是陀羅尼世尊歎

能證一切佛菩提

若人善思此三昧

一切諸佛咸共稱

當得種姓及多聞

諸佛次第而演說

大集經賢護分觀察品第六之一

今時世尊復告賢護菩薩言賢護若

諸菩薩摩訶薩即欲思惟此三昧者

當云何思賢護彼諸菩薩欲思惟者

即應當作如是思惟如我世尊今者

現在天人衆中宣說法要賢護菩薩

如是一心思惟諸佛如來坐師子座

宣說正法具足成就一切相好取妙
寂極殊特端嚴樂觀無厭如是觀
察諸大人相於一一相應當至心即
得明了見諸如來應等正覺既得見
已當先諮問不見頂相既得問已然
後次第遍觀諸相皆令明了如是觀
已更復思惟諸佛如來衆相微妙是
為希有願我未來還得如是具足成
就諸妙相身願我未來亦得如是清
淨禁戒具足威儀願我未來亦得如
是具足三昧願我未來亦得如是具
足智慧願我未來亦得如是具足解
脫願我未來亦得如是解脫知見願
我未來成滿如是諸相身已即得成
就阿耨多羅三藐三菩提既成佛已
亦當如是處彼天人大衆之中具足
宣說如斯妙法菩薩如是具足觀察
諸佛如來乃至成就一切種已復應
更作如是思惟是中何者是我誰為
我所法誰能得成諸佛菩提為身得
耶為心得耶若身得者是身頓驗無
覺無知猶如草木石壁鏡像然彼菩
提無色無形非像非相不可見知不

可觸證云何更以頽駭無知無見無識無所分別無作之身得彼菩提菩提如是既無形色非相非像不可見知不可觸證誰復於中而行證者若心得者是心无色不可得見是心無相不可得知此心如是同於幻化然彼菩提亦亦無色不可見無相不可知無漏无為亦同幻化云何可證云何覺知而言身心得菩提耶彼菩薩摩訶薩如是觀時分明了了見是身相不得菩提亦知是心不得菩提何以故諸法無有以色證色心證心故然彼於言說中知一切法雖無色無形無相無漏無可覩見無有證知亦非無證何以故以一切諸如來身無有漏故又諸如來身無漏故心亦無漏又諸如來心無漏故色亦無漏賢護菩薩所問經卷第二

已亥歲高麗國大藏都監

勅彫造

大方等大集經賢護分卷第三

伐

隋天竺三藏闍那崛多譯

觀察品第六之二

又諸如來色無漏故受亦無漏乃至
行識亦無漏又諸如來戒亦無漏所
有三昧智慧亦無漏乃至解脫解脫
知見亦無漏如是乃至諸如來諸如
來所有言說已說今說當說及一切
法斯皆無漏也賢護諸如是等一切
佛法智人能達愚者莫知彼若能作
如是觀時一切諸法悉不可得云何
不可得所謂誰能證也不可得云何
證也亦不可得何緣證也亦不可得
彼能作是觀已如是入滅寂定分別
諸法亦不分別諸法何以故諸法無
故賢護如火未生或時有人發如是
言我於今日先滅是火賢護於意云
何彼人是語為誠實不賢護荅言不
也世尊佛告賢護如是諸法從本以
來畢竟無得云何於今乃作斯說我
能證知一切諸法我能了達一切諸
法我能覺悟一切諸法我能度脫一

切衆生於生死中此非正言所以者
何彼法界中本無諸法亦無衆生云
何言度但世諦中因緣度耳賢護於
意云何彼如是說得為實不賢護答
言不也世尊佛告賢護是故彼諸善
男子善女人若欲成就無上菩提乃
至欲成緣覺菩提聲聞菩提者皆應
如是觀一切法作是觀時則入寂定
無有分別非無分別何以故賢護彼
一切法無所有不生然彼定有分別
即是一邊定無分別復為一邊然此
二邊所有是無寂定非無寂定無思
量處無分別處无證知處無經營處
無聚集處無思念處无發起處賢護
是名中道所有數事處等但依世諦
說故

復次賢護於彼真實第一義中若中
若邊皆不可得何以故賢護一切諸
法猶如虛空本來寂滅非斷非常無
有積聚無有住處无可依止無相無
為无有筭數賢護彼不可數云何為
有不可數故不入於數不入數故乃
至無有智筭名言也賢護彼菩薩摩

訶薩如是觀察諸如來時不可執著
何以故一切法無執著故以無處所
而可執著亦無根本是可斷絕除滅
根本故無依處賢護彼菩薩摩訶薩
當作如是思惟諸佛現前三昧若如
是見諸如來已不應取著不當執持
何以故賢護一切諸法不可執持猶
如虛空體性寂滅賢護譬如金鏈安
置火中善作鑪橐融消鍊治熾然毒
熱又如鐵丸新從火出炎赫熾然有
智之人不應執觸何以故鐵流金熾
觸則熾然故如是賢護菩薩觀佛不
應取著其事若此是故菩薩觀佛色
時不應生著如是觀受乃至行識不
應生著又彼菩薩若觀戒時亦不應
著如是觀定乃至智慧解脫解脫知
見亦不應著何以故夫取著者終不
能離生死苦法以是苦法皆由取著
故是故菩薩觀察如是諸如來時不
應生於取著之想賢護雖無取著然
應勤求諸佛世尊勝妙功德所謂佛
智如來智廣大智自然智自在智不
思議智難稱量智無等等智一切智

智若欲求入如是智者常當精勤思惟觀察見佛三昧也今時世尊為重

明此義以偈頌曰

譬如明鏡與油器

女人莊飾曜其形

愚夫於是生染心

處處馳騁為求欲

彼於無中顛倒想

不知是法虛妄生

彼欲熾火之所燒

斯婦起欲還自發

若有菩薩作是念

是名無智者我心

菩提甘露在當來

我拔眾生出重苦

第一義中无眾生

世間獨有生老死

諸法無形如水月

豈有菩提而可求

衆色形貌若鏡像

如幻如炎如虛空

凡夫著想而受羈

彼輩雖縛空無實

若斯智者諸菩薩

知世顛倒故見真

了達无人誰受苦

彼則當成無上覺

無意分別佛菩提

其心本来自明淨

不見生死諸滓濁

彼證真實寂勝尊

一切色法諸無漏

不可分別妄與空

滅除諸欲解脫心

如是知者證三昧

初念諸佛無相身

後聞諸法本清淨

如是思惟無餘念

證此三昧誠非難

常作空相而思惟

即能滅彼微塵聚

不分別成及與壞

一切外道失於中

於一切色无分別 其眼雖覩不累心
彼見諸佛如日輪 法界世間挺超出
其心清淨眼亦明 雖勤精進常在定
彼得多聞不可說 證此三昧真思惟
若以不見證三昧 一切盲者應證知
亦不以見非不見 是中外道皆迷沒
常離相想而思惟 見彼諸佛清淨心
如是見已一切觀 其人速成此三昧
彼无地水及火風 亦非空界現前住
若欲觀察一切佛 當想處座演妙音
如我今日宣妙法 心樂法者覩我身
彼應无復餘思惟 唯當想佛說法事
如是專念莫他觀 為求若斯多聞故
一心觀我說此定 惣持諸佛之所宣
無有一佛在過去 亦無現世及當來
唯此清淨微妙禪 彼不可言證能說
我於三界无上尊 為利世間故持出
念證諸佛菩提故 宣此三昧无等倫
若欲身樂及心樂 求佛功德不思議
乃至證彼妙菩提 要當修此勝三昧
欲淨深廣多聞海 為衆生故常勤求
彼應速去諸欲塵 要當修此勝三昧
若欲一生見多佛 見已恭敬復諮詢

彼應速離勿生著 要當觀此妙三昧
是處無欲復无瞋 亦無愚癡與嫉妬
又無无明及疑網 要當住此深寂禪
大集經賢護分戒行具足品第七

今時賢護菩薩復白佛言希有世尊
乃有如斯寂勝三昧世尊者諸菩薩
捨家出家深心樂欲說此三昧亦當
思惟此三昧者彼等應當安住何法
而能宣說及思惟耶佛告賢護言賢
護若有菩薩捨家出家深樂廣宣復
欲思惟如是三昧者彼出家菩薩當
先護持清淨戒行不缺戒行不染戒
行不汙戒行不濁戒行不著戒行不
動戒行不被呵戒行智者所讚戒行
聖所愛敬戒行應當念知如是諸戒
也賢護彼出家菩薩云何當得清淨
戒行乃至云何當得聖所愛敬戒行
也賢護彼出家菩薩應當依彼波羅
提木叉成就威儀成就衆行乃至成
就微塵數等戒行見已驚怖清淨活
命於諸戒中當念成就應信甚深不
得著忍於空無相無願諸法中聞說
之時心不驚怖無有悔沒賢護以是

因緣彼出家菩薩成就如是清淨戒清行不見戒行不著戒行乃至成就聖所愛敬戒行也

今時賢護菩薩復白佛言世尊彼出家菩薩云何得有如是不清淨戒行缺戒行染著戒行汙戒行依倚戒行智所訶毀戒行聖所不愛戒行也佛告賢護菩薩言賢護若有出家菩薩取著色受持禁戒修於梵行如是取著受取著想取著行取著識受持禁戒修行梵行修行已作如是念我今如是持戒如是苦行如是修學如是梵行願我未來得生天上或生人間自在有生受諸果報賢護以是因緣彼出家菩薩成就如是不清淨戒乃至聖者所不愛戒是謂為求有故為有生故為受欲果故為生處所故賢護是故彼出家菩薩念欲說此三昧思此三昧者要當先具清淨戒行乃至成就聖所愛戒亦念常行檀波羅蜜所謂寂勝施諸法施上施妙施微妙施精妙施无上施亦常勇猛精進不休不捨重擔不忘正念常行一心正

信清淨無有嫉妬不著世間利養名聞如法索求以濟形命恒行乞食不受別請厭離人間樂阿蘭若尊崇聖種敬事頭陀息世語言但論出世處衆靜默假言不多常敬於他不敢輕慢於一切時常行慙愧有恩必知知恩必報於善知識常念親近諸師尊所謹事無違若聞如是甚深經典專心聽受終無疲厭於法師所起慈父心善知識心乃至生於諸如來想以為如是微妙法故成就无上大菩提故轉增愛敬尊重心故復次賢護若彼菩薩或時至於聲聞人所聞說如是甚深經法彼法師所無愛敬心無尊重心不生慈父想不生善知識想不生諸佛想不生教師想不能親近承事供養隨於何所聞是經典當知是人不能聽受書寫解說令法久住如是之人若能聽受若能書寫若能解說令法久住無有是處復次賢護若彼菩薩或復至於聲聞人所聞說如是增上妙法不生愛敬心不生尊重心乃至不生諸佛想不能盡心親

近供養者若能讀誦若能受持若能
解說令是經典不速滅者無有是處
何以故以不尊重是經典故是故斯
法不久必滅復次賢護若彼菩薩或
復至於聲聞人所聞說如是微妙經
典生愛敬心生尊重心乃起教師想
諸如來想親承供養即能聽受亦能
書寫復能解說能令是經久住利益
斯有是處復次賢護若彼菩薩復於
聲聞人所聞說如是微妙經典即於
彼所生尊重心如諸佛想親近承事
恭敬供養者如是之人雖未修學如
是經典即為修習雖未解釋即為解
說令是妙法久住世間不毀不滅斯
有是處何以故以能愛敬尊重法故
是故此經久住世間賢護以是因緣
吾今語汝是人於是說法師所生愛
樂心生敬重心生尊貴心起善知識
想起教師想起諸佛想盡心承事恭
敬供養賢護若能如是是則名為行
我所行受我教誡也復次賢護彼出
家菩薩必欲解說如此三昧復欲思
惟此三昧者常當樂行阿蘭若事不

得居處聚落城邑捨離勿黨多求之
處不貪衣食不得貯聚穀米食具不
得受畜財物生資不得貪求名聞利
養不惜重命常念捨身遠離貪著恒
修死想常行慙愧不造諸惡攝受正
法無有疑心常念遠離不取衆相當
修慈心勿懷嫌怨常起慈悲無行瞋
恚安心喜捨莫想愛憎常當經行破
除瞋蓋賢護出家菩薩若能安住如
是法行則能修學解脫思惟如是念
佛現前三昧也

今時賢護菩薩復白佛言希有世尊
如來應供等正覺所說經典甚深甚
深寂勝微妙不可思議然彼未來諸
菩薩等懈怠懶惰雖聞如是深妙經
典生大恐怖驚疑退沒不發歡喜愛
樂之心彼等當復作如是念我今當
應餘諸佛所乃可修習如是經典所
以者何我今自知多諸障難身遇病
苦氣力甚微寧堪修行如是經典世
尊彼輩如是於甚深法更生放捨遠
離之心不能發勤勇猛精進樂欲成
就如是經典世尊今時亦當有諸菩

薩精進勤求專念之者愛樂是法勸持是法攝受是法若諸法師說是法者於是法中如法行故能捨身命不著名聞不求利養不自宣說已身功能不染衣鉢不樂城邑常趣空閑山林靜處其或聞是微妙法故生大歡喜更當具足發勤精進聽受如是微妙法門常讀誦故常念持故思惟義故如說行故彼等於未來世諸如來所非徒直欲求彼多聞亦無但求在於有處唯為成就諸功德故常念勤求精進勇猛世尊然復應有往昔已曾供養諸佛宿種善根諸善男子善女人輩發大精進為聞如是微妙法故更發如是大誓莊嚴願我當得乾渴肌膚散骨消髓熾然身心苦行不息必欲成就如是妙典終無暫時懈怠懶惰而不聽聞微妙勝法亦無不思甚深義理復無捨他不為宣說而常勇猛行大精進但為攝受諸菩薩故聽聞如來如是妙典聞已即便生歡喜心

尔時世尊讚彼賢護菩薩言善哉善

哉賢護如是如是如汝所說我今隨

喜賢護我隨喜故一切三世恒河沙

等諸佛世尊皆亦隨喜時彼賢護菩

薩復白佛言若有在家菩薩處於世

間聞是三昧欲自思惟即為他說乃

至一日或經一夜是人安住幾種行

法當得成就思惟三昧為他說也佛

言賢護彼在家菩薩處於世間若欲

修習思惟三昧或一日一夜乃至一

犍牛乳時者吾今語汝彼在家菩薩

既居世間當應正信不起慳貪常念

行施隨多少施當一切施不求果報應

歸依佛又歸依法亦歸依僧不事天神

亦無禮拜不生嫉妬常念隨喜當須

清淨如法活命不愛兒女不著妻妾

不染居家不耽財寶常樂出家念除

鬚髮修八關齋恒住伽藍常懷慙愧

發菩提心不念餘乘見有持戒清淨

比丘修梵行者終无調戲常行恭敬

從誰聞學如此三昧當於師所生愛

敬心起尊重心善知識想生教師想

起諸佛想一切衆具志以奉之常當

識恩恒思報德以能教我微妙法故賢

謹彼在家菩薩處俗之時應住如是
諸法行已然後教示如是三昧如是
思惟如是修習時彼賢護菩薩復
白佛言希有世尊如來應供等正
覺今乃為彼出家在家諸菩薩輩
正信成就樂深法者宣說如是無上
妙法令住如是無量法行然後當得
思惟解說如是三昧世尊如來滅後
如是三昧於閻浮提能廣行不佛告
賢護菩薩言賢護我滅度後此三昧
經於閻浮提四千年中廣行於世而
後五百年末一百歲中正法滅時比
丘行惡時誹謗正法時正法破壞時
持戒損減時破戒熾盛時諸國相伐
時當斯之際頗有衆生熾然善根往
昔已曾親近諸佛供養修行殖善種
子為彼諸丈夫輩得是經故此三昧
典復當流行於閻浮提所謂佛威神
故故令彼等於我滅後聞此經已歡
喜書寫讀誦受持思惟其義為他解
釋如說修行今時賢護菩薩及寶德
離車子聞如來說正法滅時悲泣雨
淚從座而起整理衣服偏袒右肩右

昧著地合掌恭敬而白佛言世尊我等當於如來滅後後五百歲末百年中沙門顛倒時正法欲滅時誹謗正法時破壞正法時持戒損減時破戒增長時正法護減時非法護增時衆生濁亂時諸國相伐時能於如來所說經典妙三昧中讀誦受持思惟義理為他廣說何以故我心無厭終不知足是故我於如來所說修多羅中能聽聞故能書寫故能讀誦故能受持故能思惟故能修行故能廣說故今時商主優婆塞伽訶及多居士之子那羅達多摩納等聞如來說未來世中正法壞滅為正法故悲哀泣淚從坐而起整理衣服偏袒右肩右膝著地恭敬合掌而白佛言世尊我等能於如來所說妙修多羅及能受持修多羅者我皆攝護令得增長世尊我今復為如來所說微妙經典作其加護令得廣宣久住於世何以故以是經典能於無量阿僧祇劫多所成就阿耨多羅三藐三菩提故世尊我等得聞未曾有法至心受持思惟其

義為他解說廣行流布世尊我今聞此甚深經法一切世間無有信者我先為其造善根器然後為解今時眾中有五百比丘比丘尼優婆塞優婆夷四部眾等聞如來說未來世中正法壞滅為正法故悲泣雨淚從坐而起整持衣服偏袒右肩右膝著地恭敬合掌而白佛言世尊我等受持如來正法然諸大士善丈夫輩今時於我當作正依當作覆護為我經理能令我等於如來所說如是甚深修多羅中取真實義如法修行唯願世尊付囑我等諸善丈夫分明立記何以故世尊我及彼等皆能護持攝受正法及攝受者故

今時世尊即便微笑放金色光其明遍照十方世界諸佛國已還至佛所右繞三匝從頂上沒今時尊者阿難作如是念世尊昔來已多微笑然於笑時必為異事我今應問微笑因緣如是念已即從坐起整持衣服偏袒右肩右膝著地合掌向佛以偈白言其心清淨行無穢 有大威德巨神通

一切最尊世中上

顯現無垢如明月

元昇聖智解脫心

迦陵伽聲天中寂

一切異論莫能動

今忽微笑有何緣

通達正真為我說

能多利益兩足尊

聞是如來微妙音

一切皆當大歡喜

諸佛世尊豈虛笑

佛復放光有勝人

誰於斯日獲大利

是故今應宣笑旨

誰於今日得證真

誰於今日受法王

誰於今日自灌頂

誰於今日登佛位

誰於今日利世間

誰當拯宣佛法藏

誰於佛智得常住

以是尊應顯笑緣

今時世尊即以偈告長老阿難曰

阿難汝見大集不

攝護五百徒坐起

身心歡喜發誠言

我輩當來獲斯法

此等一心瞻察我

我於何時亦復然

咸於我前興大誓

我輩當來證斯道

復有八輩徒坐起

五百上首此為尊

彼於末世法壞時

為世間法故宣說

我今告汝如是言

於此眾中元昇智

是輩非於一佛所

起立合掌敬諸尊

我觀往昔无量世

八万諸佛皆現前

八人為首徒坐起

還為護持是妙法

前此八万億由他

復值如是數諸佛

心得解脫大名稱
今復於我勝法中
教化無量菩薩衆
此等於我滅度時
善持我斯諸佛事
平地造塔或在山
斯等依仗於此經
後雖轉生於人間
善持我斯菩提事
或時為法至他國
得已轉授衆多人
求法精誠无懸倦
降伏一切諸外論
時世無能受斯經
唯有此輩五百賢
復此八士諸菩薩
樂恒廣宣多利益
此八正士為上首
遠離嫉妬弄名聞
如是比丘及居士
巧智无妬登法師
彼不思議神德具
得微妙樂除衆苦
彼時此輩已攝持
能為攝護利益首
斷除嫉妬諸大人
取我舍利興供養
安置篋笥遍十方
付囑天龍及金鳥
壽終皆得生天上
而常不離勝家姓
還發大願隨本心
恒值如是深妙典
以歡喜心除嫉妬
輕財賤命豈愛身
常以妙法惠施彼
亦無讀誦轉教人
今於我前從坐起
當來北天授斯法
如是甚深修多羅
彼五百數復无增
來世當授廣大法
諸優婆塞優婆夷
當成正覺大威德
百福之體相莊嚴
長拔三毒煩惱根

此等從今捨命已

終不受生惡道中

一切生中常和合

所遇菩提寂勝事

既捨一切惡趣生

亦能永離諸難處

功德不可知邊際

如是無量受多福

復當得見弥勒佛

於彼常起和合心

恭敬供養利益他

唯求無上菩提故

彼時此輩恒集會

承事起世兩足尊

為此諸佛妙菩提

當度生死登彼岸

於後末世法壞時

彼等亦常持此法

如是所處恒修行

遇弥勒世事若斯

所可於此賢劫內

廣為利益世間燈

彼一切處護是經

安住三世無所畏

將來億數多諸佛

不可思議難得邊

斯皆供養廣修行

常護如是勝佛事

其有在前成菩提

彼彼咸同修供養

而或於先取滅度

我住多世那由他

今此賢護大菩薩

及是寶得出衆珍

商主及多伽摩那

當見恒沙無數佛

於彼亦受無上經

前已經歷多劫數

妙筭不能盡其形

無量億劫誰能知

若有衆生得聞名

或於覺時及睡夢

能發勇猛師子吼

彼輩皆得天人尊

若有衆生但聞名

直能信敬及隨喜

一切作佛無疑慮

何況供養於彼身

其所受法不思議

壽命住法亦無量

利益廣大无窮盡

功德智慧不可知

彼過去佛難思量

清淨持戒恒沙數

此輩於彼廣行施

唯求无上佛菩提

彼諸功德不可數

多劫宣說莫能窮

於菩提中无增減

常念護持是經法

阿難若人護此經

書寫讀誦及憶念

汝應決定興愛敬

終不離是五百中

阿難若人持此經

自當勤心求堅固

淨持禁戒捨睡眠

決定得斯妙三昧

我毗尼處說本又

諸比丘學居蘭若

若能頭陀不捨離

得此三昧定无疑

一切別請盡能捨

凡是美味皆斷除

師所常起諸佛心

誰云不證斯三昧

貪恚癡患先覺知

我慢嫉妬咸遠離

情無垢著念无為

讀誦思惟勝三昧

清淨意處無可染

調伏諸根息怨嫌

一心專念如来身

讀誦受持妙三昧

若有菩薩在居家

心常堅住出家事

受持讀誦口業成

心常念學此三昧

恒應修持五種戒

亦常數受八戒齋

常住寺廟捨資生

讀誦思惟此三昧

大華嚴經卷第三
不當耽著衆婦妾

勿愛兒女及珍財

住優婆塞行者慙

但當憶持此三昧

莫於他所起害心

唯思除去諸調戲

無處可著住於忍

但念思惟此三昧

莫於財物生執著

花香塗粉及諸鬪

無處染著安彼忍

但當受持此三昧

若比丘居求此經

當勤歸敬除嫉妬

調戲貢高及我慢

證彼菩提亦不難

應發精進破睡眠

一切諸求皆當斷

心愛樂法淨命存

唯當讀誦此三昧

心常不共貪欲俱

莫起恚恨无迫惱

不以魔縛繫衆生

唯當受持此三昧

无以諂曲有所為

勿貪好衣及塗薰

真行兩舌離別他

唯當受持此三昧

男女聲色不繫念

寂絕无諸邪念事

於教師所生佛想

唯當受持此三昧

所生永離衆惡道

於佛法中不空信

破除三有諸障難

要當受是三摩提

賢護菩薩所問經卷第三

已亥歲高麗國大藏都監表

新彫造

大乘大集經賢護分卷第四

伐

隋天台三藏闍那崛多譯

稱讚功德品第八

爾時賢護菩薩及寶得離車子善商主長者伽訶爰多居士子邨羅達多摩納水天長者與五百徒衆等聞佛所說皆大歡喜即以五百上服奉覆世尊復以多種供具供養世尊心樂法故各以已身奉承如來爾時世尊告阿難言是賢護菩薩常於彼等五百徒衆而作義師說諸法要教化慰喻令彼歡喜以歡喜故彼輩即得隨順之心真實之心清淨之心離欲之心除諸煩惱無復蓋纏時五百人一心合掌恭敬頂禮退住一面爾時賢護即白佛言世尊菩薩摩訶薩具足幾法而能得此念佛三昧也

爾時世尊告賢護言賢護若菩薩摩訶薩具足四法得是三昧何等為四一者不著一切外道語言二者不樂一切諸愛欲事三者常不遠離頭陀功德四者常默三界諸有生處賢護

是為菩薩摩訶薩具足四法得此三昧復次賢護若有善男子善女人讀誦受持是三昧典或時復能為他解說現前即獲五種功德何等為五一切眾毒不能損害二者一切兵仗不能破傷三者一切諸水不能漂沒四者一切猛火不能焚燒五者惡王縣官不能得便所以者何由是三昧慈心力故賢護若彼善男子善女人一心勤求是三昧時讀誦受持是三昧時思惟修習是三昧時為他解釋是三昧時若有眾毒及以兵仗一切水火惡王縣官能傷害者無有是處復次賢護假使世間壞劫之火世界炎赫天地洞然若彼受持此三昧典諸善男子及善女人設令墮落大劫火中三昧威神彼火即滅賢護又如甕水能滅小火如是賢護假使持經諸善男子及善女人落彼火中三昧力故大火隨滅若不滅者元有是處復次賢護若彼善男子善女人受持經時若被惡王若惡官若劫賊若師子若虎狼若蛇毒若能作障尋者

無有是處又設彼等行是經時若被
夜叉若羅刹若餓鬼若鳩鵞若茶若毗
舍闍乃至一切非人能為障尋亦无
有是處又若彼男子女人讀誦經時
正思惟時為他說時入三昧時行梵
行時若失衣若失鉢乃至有諸障尋
事者無有是處唯除宿殃不可轉者
復次賢護若彼受持三昧經典諸善
男子善女人輩若患眼若患耳若患
鼻若患舌若患身若患心復有諸餘
種種患難乃至命難梵行難者亦無
是處復次賢護若彼男子女人於此
經中得如是聞得如是見得如是知
如是具足已若不值佛若謗正法破
和合僧背佛菩提者亦无是處賢護
當知即彼持經男子女人如上諸事
莫能為尋唯除宿殃不能轉耳

復次賢護彼善男子善女人持是經
者常為一切諸天稱讚亦為一切諸
龍稱讚又為一切夜叉稱讚又為一
切乾闥婆等之所稱讚又為一切阿
脩羅等之所稱讚又為一切迦樓羅
等之所稱讚又為一切緊那羅等之

所稱讚又為一切摩睺羅伽之所稱讚又為一切人非人等之所稱讚又為一切四大天王之所稱讚又為一切大梵天王之所稱讚如是乃至常為一切諸佛世尊之所稱讚也復次賢護又彼諸善男子善女人持是經者常為一切諸天愛敬如是乃至常為一切諸龍夜叉乾闥婆阿修羅迦樓羅緊那羅摩睺羅伽人非人等之所愛敬又為一切四大王之所愛敬如是常為一切帝利天王乃至一切大梵天王之所愛敬如是常為一切諸菩薩輩乃至一切諸佛世尊之所愛念也復次賢護又彼諸善男子及善女人以經力故常為一切諸天守護如是常為一切諸龍夜叉乾闥婆阿修羅迦樓羅緊那羅摩睺羅伽及人非人之所守護又為一切四大王如是帝利天王乃至大梵天王之所守護如是當為一切諸菩薩輩乃至一切諸佛世尊悉皆覆護十方世界無量阿僧祇世界中現持法者復次

賢護又彼諸善男子善女人以經威
力故一切諸天皆欲見之如是一切
諸龍夜叉乾闥婆阿修羅迦樓羅緊
那羅摩睺羅伽及人非人等皆思欲見
又彼一切四天大王如是一切忉利
天王乃至一切大梵天王皆思欲見
如是一切諸菩薩輩乃至一切諸佛
世尊各欲見之復次賢護又彼諸善
男子善女人以經威故一切諸天常
至其所親見其形令彼觀觀如是一
切諸龍夜叉乾闥婆阿修羅迦樓羅
緊那羅摩睺羅伽人非人等皆見其形
隨宜利益又彼一切四天大王帝利
天王乃至一切大梵天王等皆親臨
視如是一切諸菩薩輩乃至一切諸
佛世尊非但晝日或於夢中為現形
像自稱名号摩頂慰安稱揚勸發也
復次賢護又彼諸善男子善女人雖
未曾聞諸餘經典以是三昧威神力
故自然有人來至其所乃至夢中為
其宣說令彼得聞憶持不失也復次
賢護我若說彼諸善男子及善女人
暫持三昧微妙經典所得功德設經

劫數終不能盡我之智辯雖復無窮
亦不能說何況彼輩聞此三昧依教
修行如法而住也今時世尊為重明
此義而說偈曰

若人有能解釋斯	諸佛大寂勝三昧
假令我今說功德	猶彼恒河取一沙
若能為他說三昧	水不能溺火不燒
刀杖毒害所不傷	王賊惡官不得便
若能讀誦三昧經	不畏一切恐怖事
如彼大地諸大毒	此等經力能滅除
若有受持是經典	不畏一切諸惡人
夜叉羅刹及諸龍	彼徒終元得其便
若常守護供養者	便在蘭若為朋類
師子虎狼諸獸等	犀牛豺豹及野干
若能護持此三昧	彼有威力不可當
遠離一切惡心人	及諸夜叉噉精氣
若能解說此三昧	彼無諸病及障灾
所生報眼終不衰	言詞清妙有大辯
若人證知深寂禪	身體雄健无衆病
一生水絕諸惡色	後終不畏地獄道
若有能讀三昧典	諸天守護及龍神
夜叉羅刹與怨仇	彼雖惡臨不驚懼
若能為他說斯經	人龍夜叉皆歡喜

諸天晝夜常歌歎 一切世尊愛若子

若人為他常轉讀 一切法中無有契

彼諸容色無等倫 豈於菩提有退減

若能轉教諸衆生 遭值惡王民人亂

時年亢旱穀價貴 終無受弊及飢荒

若人解說此三昧 所有功德不思議

假雖魔燒諸衆生 不能動斯一毛髮

我前說彼持經人 衆患恐怖及煩惱

彼終不能加損害 唯除往業先定殃

若有護持於此經 是則於吾為長子

我已稱讚於彼等 當來之世亦復然

若能護持如斯法 自應恒發歡喜心

咸共宣通勿放捨 我今為汝如是說

大集經賢護分饒益品第九

尔時世尊復告賢護菩薩言賢護我

念往昔過於無量阿僧祇劫時有一

佛号无畏王如来應供等正覺明行

足善逝世間解無上士調御丈夫天

人師佛世尊出興於世當尔之時有

長者子名須達多與二万人俱詣彼

佛無畏王所到已頂礼彼世尊足敬

礼畢已退坐一面時須達多即便請

彼无畏王如来廣宣如是三昧深義賢

護今時彼無畏王如來應供等正覺
知長者子有深信心樂欲聽聞如是
三昧應時隨順而為敷演賢護時須
達多於彼佛所聞三昧已讀誦受持
思惟其義即如說行既修行已還即
於彼元畏王如來法中捨家出家剃
除鬚髮服袈裟衣經八萬歲思惟住
持如是三昧又復在彼無畏王如來
所聞一切法皆悉受持是後復經諸
如來所聞說斯法亦皆能持於諸佛
所種諸善根能廣成就不思議已然
後捨命即得上生三十三天同受果
報即彼劫中還復值遇第二如來而
彼如來從刹利生出家成道名曰電
德如來應供等正覺而復於彼電德
如來法中出家修行經八萬四千歲
還復思惟如是三昧而更值遇第三
如來彼第三佛於婆羅門家生已亦
出家成道号曰光王如來應供等正
覺復於彼如來所出家修行亦於八
萬四千歲中常得思惟如是三昧賢
護時彼長者子須達多自是之後過
百餘劫即得成就阿耨多羅三藐三

菩提賢護汝應當知。今時彼長者子須達多者。豈異人乎。即彼過去然燈如來應供等正覺是也。賢護是故當知。彼長者子須達多者。以有如是愛樂法故。復有如是求法行。故能速成就阿耨多羅三藐三菩提也。復次賢護。汝今當觀。是三昧王。為諸菩薩及衆生輩。而作幾許大利益事。所謂當得一切諸佛智地。故復能攝受一切諸佛多聞海。故賢護是故。汝等當應勤求如是三昧。常樂聽聞讀誦受持。思惟修行。既聞受已。當復為他讀誦受持。解釋義理。令他勤求。咸得聞受。正念思惟。如說修行。所以者何。賢護若能勤求讀誦受持正念修行。廣宣流布。是三昧者。不久當得證諸佛智。諸如來智。大自在智。不思議智。不可稱智。無等等智。一切智智。乃至得彼不共他智。故賢護若復有人能善宣說。彼應正言。今此三昧。即是一切諸菩薩眼。諸菩薩父。諸菩薩母。能與一切諸菩薩輩。諸佛智者。賢護如是說者。是為善說時。善說是三昧也。賢護若

復有諸男子女人能善說時彼當正言是三昧者即是佛性即是法性即是僧性即是佛地是多聞海是無盡藏頭陀是無盡藏頭陀功德是無盡藏諸佛功德是無盡藏能生深忍是能生大慈能生大悲能生菩提也賢護是為彼能善說時說是三昧也賢護若復有人能善宣說是三昧時彼應正言是三昧王能破一切諸法黑闇能作一切大法光明賢護是為彼能善說三昧也賢護汝宜觀此菩薩念佛現前三昧為諸衆生作大利益乃至一切諸菩薩輩住於此土遍見十方一切世界諸佛世尊到諸佛所恭敬礼拜聽聞正法供養衆僧亦不貪著賢護以是義故諸菩薩等若欲成就三昧王者常當專心精勤觀察彼四念處賢護云何菩薩觀四念處賢護菩薩摩訶薩常當專心觀察身行畢竟不見一切諸身常當專心觀察受行而亦不見一切諸受常當一心觀察心行而亦不見一切諸心常當一心觀察法行而亦不見一切諸法

賢護如是等事誰能信者唯彼漏盡
阿羅漢及以阿毗跋致諸菩薩等賢
護是中一切愚惑凡夫於彼念佛現
前三昧常當思惟諸佛世尊不得生
著又亦思惟諸佛世尊說如斯法而
亦不著又亦思惟我聽聞法一切所
為皆不得著何以故賢護諸法皆空
本來無生故賢護諸法不可念無念
處故賢護諸法遠離絕心想故賢護
諸法不可執持真如无得故賢護諸
法無染如虛空故賢護諸法清淨遠
離衆生故賢護諸法無濁目緣滅故
賢護諸法無為福伽羅不可得故賢
護諸法即涅槃相本性清淨故賢護
諸法無所有一切物不可得故賢護
是故諸菩薩等若欲思惟此三昧者
不可異相而能得入無得相故得見
諸佛正念諸佛和合相應亦得思惟
助菩提分念聞正法思量分別選擇
菩提分而不見自身亦不證諸法所
以者何賢護是中不可以色相故而
得見佛不可以聲相故而得聞法不
可以希塗心成就檀波羅蜜不可以

樂著諸有具足尸波羅蜜不可以慳
恡秘法而得涅槃不可以深著福伽
羅想而獲多聞不可以攀緣諸行而
能遠離諸事不可以樂著住處而得
證果不可以隨順貪愛識諸過非不可
以常樂闔諍成就諸忍不可以常行
惡業而得善果不可以聲聞乘人而
證菩薩念佛三昧亦不可得諸菩薩
忍亦不可以嫉妬取著而得空三昧
亦不可以行愛欲而入奢摩他亦不
可以懈怠懶惰證諸聖道乃至不可
以不捨異念諸物而能成就思惟也
賢護是故我今以此三昧付囑世間
諸天王輩受持守護亦付於汝當夾
宣布勿令斷絕於是世尊說斯法時
有八千由他欲色界諸天子皆發阿
耨多羅三藐三菩提心復有無量百
千人亦發阿耨多羅三藐三菩提心
然而斯輩皆於未來過恒沙劫盡得
成就阿耨多羅三藐三菩提皆同一
号名正解脫如來應供等正覺住世
教化壽命亦等賢護以斯初發菩提
心故尚得如是無量功德具足成就

阿耨多羅三藐三菩提況復我昔行
菩提時令養我者彼寧不速成就阿
耨多羅三藐三菩提也賢護復有無
量元邊眾生聞說此法得淨智眼復
有八百諸比丘等於諸漏中心得解
脫尔時世尊為重明此義而說偈言
誰當受持此三昧 彼於福聚不可量
斯等戒行無塵垢 本心清淨猶如鏡
誰當受持是三昧 多聞深廣元邊崖
智慧自然無歎滅 功德威滿若明月
誰當受持是三昧 得覩諸佛不思議
智慧觀察希有法 不思議人皆守護
誰當受持此三昧 曾見無量諸世尊
彼佛說法難稱量 皆當奉承修供養
誰能受持此三昧 彼為世間作燈光
大悲如斯拔眾生 所有世尊悉供養
誰能受持此三昧 未來無數諸聖尊
若有菩薩欲見者 清淨信心修供養
誰能受持此三昧 彼勝得利難思議
善能下生於人間 常得出家善求食
誰能護持此三昧 彼受多福不思議
復能住持於將來 獲斯功德取後利
大集經賢護分具五法品第十

尔時賢護菩薩從坐而起整理衣服
偏袒右肩右膝著地恭敬合掌而白
佛言世尊唯願世尊及比丘僧明日
食時臨顧我家受我供養憐愍我等
諸衆生故世尊默然受賢護請時彼
賢護知佛受已頂礼尊足右繞三匝
於是辭還遂復詣彼摩訶波闍波提
比丘尼所到已頂礼波闍波提比丘
尼足而即白言願阿梨耶及諸尼衆
憐愍我故受我明朝所設微供尔時
摩訶波闍波提比丘尼默然受請賢
護知已頂礼辭還時彼賢護復詣寶
德離車子所語寶德言寶德汝来汝之
所有親戚眷屬朋友知識及此會中
優婆塞衆乃至一切三舍大城及以
自餘城邑聚落諸新来者為我請曰
受我明朝所設飯食尔時寶德離車
童子受賢護言即告會中諸優婆塞
親戚眷屬等曰仁輩當知彼賢護菩
薩令我告汝明日食時受我微供尔
時賢護菩薩寶德離車子及善商主
長者伽訶及多居士子都羅達多摩
納水天長者并及一切諸餘眷屬明

友知識等頂札佛足已還彼賢護菩薩舍宅到已佐彼賢護經營即於其夜約勅家人辦具諸種精妙上饍所謂世間凡可食嗽色香美味百物備有乃至外國遠來貧窮乞食亦為辦具種種精膳而供給之與諸大衆等等無異所以者何凡諸菩薩心無憎愛不敢輕他於諸衆生皆平等故今時娑婆世界主大梵天王乃至忉利天王釋提桓因四天大王提頭賴吒等及彼善德天子與諸眷屬咸為人身贊助其事欲令賢護菩提果報速成就故今時賢護與諸眷屬善友知識等掃灑其家乃至三舍大城街巷道路處處皆悉懸妙幡蓋廣設種種諸莊嚴具而莊飾之又以諸種微妙華香布散其地復燒世間第一名香而為供養時彼賢護如是莊嚴三舍大城及妙食已於明旦時與諸眷屬詣世尊所頭面禮敬而啓自言世尊我事已辦願知此時今時世尊於晨朝時為賢護故著衣持鉢與彼無量比丘比丘尼優婆塞優婆夷天人大

衆左右圍繞向彼賢護菩薩舍宅於是賢護發如斯念我家隘小不受多衆自非世尊威靈加護令宅寬廣盡為琉璃令諸城內一切人民莫不明見亦令今此天人大衆隨意受用无所乏少不亦快乎尔時世尊知彼賢護心所念已即以神力令其家宅嚴麗寬廣所有衆具變成琉璃亦令城內一切人民皆得覩見分明顯了足令大衆隨意用之

尔時世尊入賢護宅隨其牀座安詳而坐亦令一切諸比丘比丘尼優婆塞優婆夷人天大衆隨其部類次第而坐時彼賢護及寶德離車子善商主優婆塞伽訶炭多長者子那羅達多長者子既見世尊與彼四部天人大衆皆安坐已於是賢護躬以自手持最妙食奉上世尊世尊受已然後授與諸四部衆及與一切天人大衆種種上妙香美味食咸令自恣恣皆豐滿如是一切飯食斯畢澡手漱口乃至洗滌鉢器持舉皆竟賢護於是別置小座在世尊前頭面頂礼然後

退坐一心瞻仰。爾時世尊即為賢護
菩薩及寶德、離車子、善向主、優婆塞
伽訶、及多長者子、那羅延、多摩、納等
乃至四部天人大眾等如應說法。令
其解知開導慰喻。令其歡喜。然後與
諸比丘比丘尼天人大眾歸還本所。
時彼賢護菩薩後食畢已。將諸眷屬
善友知識及百千眾。左右圍繞。至世
尊所恭敬禮拜。退坐一面。胡跪合掌
而白佛言。世尊。菩薩摩訶薩具足幾
法當能證此現前三昧。佛言。賢護。菩
薩若能成就五法。則便得此現前三
昧。何等為五。所謂一者具甚深忍。滅
除至盡。二者實無所盡。無有盡處。三
者本無有亂。滅除諸亂。四者本无有
垢。滅除諸垢。五者本無有塵。斷離諸
塵。賢護。是為菩薩摩訶薩具足成就
無生忍。故而能得此現前三昧。復次
賢護。菩薩摩訶薩復有五法。能得三
昧。一者深厭諸有。不受諸行。二者一
切生處。念菩提心。三者所生常見諸
佛世尊。四者終不耽著陰界諸入。五
者終不受著受欲樂事。賢護。是為菩

薩摩訶薩具足五法成就三昧復次
賢護菩薩摩訶薩復有五法能得三
昧一者常當思念无邊際心二者常
能善入禪定思惟三者分別思惟一
切諸法四者於諸衆生无有諍心五
者常以四攝攝受衆生所謂布施愛
語利行同事賢護是為菩薩摩訶
薩具足五法成就三昧復次賢護菩
薩摩訶薩復有五法能得三昧一者
於諸衆生所常行慈心二者於一切
時念修聖行三者常行忍辱見破戒
者恒生敬心四者於自和上阿闍梨
所不說已能五者於一切處不敢輕
他賢護是為菩薩摩訶薩具足五法
則能證是現前三昧復次賢護菩薩
摩訶薩復有五法能得三昧一者常
依聖教如說修行二者清淨意業滅
身口惡三者清淨戒行斷除諸見四
者常求多聞深信諸善五者常念如
來應等正覺賢護是為菩薩摩訶薩
具足五法則能獲得現前三昧復次
賢護菩薩摩訶薩復有五法能得三
昧一者常行大施能為施主不起慳

貪心無嫉妬弘廣心施純直無諂於
諸沙門及婆羅門貧窮孤獨一切乞人
無所愛惜無有勝上可重之物而
不施者所謂一切微妙飲食名衣上
服第一房舍諸種數具燈燭花香凡
所受用皆悉捨之雖常行施而不求
報憐愍一切無疑惑心既施之後終
無變悔二者常為施主而行法施所
謂常為衆生說如斯法所謂第一寂
上寂勝寂妙寂精修行如是大法施
時能出一切無尋辯才文義次第相
續不斷如來所說甚深法中皆能安
住成就深忍或時被他誹謗罵辱挫
擊鞭打終無瞋恨穢濁毒心亦無驚
懼種種苦惱而心無畏常懷歡喜三
者若聞他說此三昧時至心聽受書
寫讀誦思惟其義廣為他人分別演
說令是妙法久住世間終無秘藏使
法疾滅四者常無嫉妬遠離諸惱弃
捨蓋纏斷除塵垢不自稱譽亦不毀
他五者於諸佛所常重信心於諸師
長常行敬畏於知識處常生慙愧於
諸幼稚常懷慈憐乃至受他小恩尚

思厚報何況人有重德而敢輒忘常
住實言未曾妄語賢護是為菩薩摩
訶薩具足五法則能獲得如是三昧
今時世尊為重明此義以偈頌曰
若於深法心欲樂 默離一切諸後有
智者不願一切生 若能如是得三昧
不用一切諸外論 乃至語言不聽受
永斷世間諸五欲 若能如是證三昧
清淨持戒住梵行 所生不念諸女人
深歆五欲真佛子 若能如是證三昧
常行大施不求報 亦無住著悔恨心
一捨已後不重緣 唯當攝念思諸佛
憐愍衆生行施時 決定除疑无變退
安仁調柔而修施 若能如是得三昧
若於財施為大主 無有憍慢嫉妬心
行一切施常踊躍 若能如是得三昧
又於法施為上首 善解微妙修多羅
能知其深寂滅法 若能如是得三昧
安住甚深諸法中 善能堪忍無嫉妬
雖被撻罵無惱恨 若能如是得三昧
或時聞說此經典 書寫讀誦巧廣宣
唯為法住利世間 若能如是得三昧
於諸法中不秘怯 不求利養及名聞

但為紹隆諸佛種 若能如是證三昧
遠離睡眠與衰惱 除斷嫉妬及蓋纏
不自稱讚輕毀他 能滅我相得三昧
正信諸佛及法僧 常行誠心無欺誑
不忘一切詣恩報 彼證三昧無艱難
若能真說無妄言 凡有所行亦不失
所作雖微獲報廣 彼於證法無障身
若人有能具斯法 清淨持戒護有恩
彼得菩提尚不難 何況甚深微妙定
大集經賢護分授記品第十一

尔時世尊告賢護菩薩言賢護我念
往昔過於無量阿僧祇復過無量阿
僧祇劫初於然燈佛世尊所聞此三
昧聞已即證如斯三昧見諸如來常
現在前從是已來經於无量阿僧祇
諸世尊所皆受是經修行供養彼佛
世尊授我記曰摩訶汝於來世當得
作佛号釋迦牟尼如來應供等正覺
明行足善逝世間解無上士調御丈
夫天人師佛世尊賢護汝輩亦當專
精一心思惟修習如斯聖法非是凡
夫所見境界甚深寂靜衆相滅處如
是學已未來自然成就阿耨多羅三

藐三菩提無有艱難如我不異汝等
當知若有安住是三昧者自然當得
近大菩提今時世尊為重明此義以
偈頌曰

我昔遇彼然燈佛 見已即得三摩提
從是常覩諸如來 具足功德大名稱
汝但多集諸功德 一心專念即得成
若人能行此法中 當得無上菩提道
大集經賢護分甚深品第十二

今時賢護菩薩復白佛言世尊云何
思惟如是三昧佛言賢護若有善男
子善女人念欲思惟此三昧者觀彼
色時不應取著於彼聲中不應取著
於彼香中不應取著於彼味中不應
取著於彼觸中不應取著於諸法中
不應取著於諸生中不應取著於一
切處不應取著於是法中當起真實
大慈行也是中何等名為三昧所謂
於一切法中如法行故若諸菩薩觀
念處時當應如是觀察身行終不分
別見身行處觀察受行亦不分別見
受行處觀察心行亦不分別見心行
處觀察法行亦不分別見法行處菩

菩薩當應如是觀察思惟三昧何以故
賢護彼菩薩觀身行時於身不起思
惟分別觀受行時於受不起思惟分
別觀心行時於心不起思惟分別觀
法行時於法不起思惟分別故所以
者何一切法不可得故如是諸法既
不可得云何當有分別思惟賢護是
故一切法無有分別無分別者無有
思惟無思惟者當知彼中無法可見
賢護無可見故便為无寻一切法中
無障寻故即是菩薩現前三昧菩薩
成就是三昧故即得觀見无量無數
過阿僧祇諸佛世尊并所宣說皆悉
聽聞聞彼法已咸能受持彼諸如來
應等正覺所有一切無寻解脫解脫
知見亦即能得彼無寻智復次賢護
菩薩觀察四念處時無法可見無聲
可聞无見聞故則無有法可得分別
亦無有法可得思惟而亦復非瞽盲
聾類但是諸法無可見故是故觀時
不生住著而見諸道思惟道故即於
諸法無有疑網無疑網故見佛如來
見如來故永離迷謬無迷謬故知一

切法終無可見何以故菩薩若有如斯見者則取彼見取彼見故則取法相取法相故則取事業取事業故則見衆生見衆生故則見壽命見壽命故則見富伽羅見富伽羅故則見諸陰見諸陰故則見諸入見諸入故則見諸界見諸界故則見諸相見諸相故則見諸物見諸物故則見彼因見彼因故則復見緣以見緣故則便求取以求取故則有有生何以故賢護一切諸法終不可取無可取故菩薩於彼一切諸法不思不念不見不聞賢護終不如諸外道若外道弟子取著富伽羅及以我見也賢護菩薩終不作如是見云何見菩薩見者如如來見終不退轉菩薩見如辟支佛見如阿羅漢見菩薩當應作如斯見如斯見故不憶不念不見不聞以不憶念及見聞故滅諸妄想即得思惟如斯三昧也

復次賢護譬如虛空本無形色不可觀見無有障尋無所依止無有住處清淨无染亦無垢濁諸菩薩輩見一

切法亦復如是所謂於彼有為無為一切法中無有處障尋乃至亦无處所以眼清淨無障尋故一切諸法自然現前彼諸菩薩如是念時即見諸佛其所莊嚴狀如金輦具足威儀如百千光炎赫斯照如秋滿月衆星圍繞如轉輪王軍衆熾盛如天帝釋四輔中尊如大梵王處彼天座如師子王威伏衆歎如鮮白鵲處空而飛如須弥山王安住大海如大雪山出諸良藥如鐵圍山攝持猛風如彼水界住持大地如大風輪淨虛空界如須弥頂壯麗天宮如是賢護彼諸如來應等正覺以智德光照明一切三千大千諸佛世界其事若此賢護彼諸菩薩於正觀中復如斯念而諸如來有所宣說我昔聽聞聞已讀誦受持修行如是念已從三昧起如彼定中所聞諸法思惟其義為他宣說賢護當知是三昧王為諸菩薩作斯利益能與如是諸功德聚所謂世間出世間一切諸法也賢護是故若彼善男子善女人隨欲求證無上菩提當應

聽聞如是三昧聞已普寫讀誦受持
修習思惟廣為他說今是妙法流布
世間今時世尊為重明此義以偈頌曰
諸佛清淨離塵垢 功德深廣無所依
鐘鼓鏗鏘眾妙音 萬種咸修修供養
布散諸種起世香 精異花鬘上寶蓋
然燈供養眾塔廟 所為求此三摩提
佛法甚深難可見 開示世諦令人知
彼如自性初不遷 汝當隨順智無異
猶日月天初出時 帝釋佐天三十二
眾具莊嚴寶圓音 求彼三昧亦復然
譬如梵天處梵眾 威儀寂靜功德圓
勇猛精進不可稱 彼求三昧亦如是
又如醫王處世間 給施病者眾妙藥
隨順諸佛清淨心 初未曾離本空性
譬如雪山諸山王 煒煒同於轉輪帝
亦如寶蓋妙莊嚴 彼見諸佛眾相滿
又猶鵠王絕明白 處空自在無尋遊
如是諸佛金色身 世尊真子如斯念
無垢三昧淨智燈 能破大冥諸黑闇
彼除一切眾物想 念諸佛智一尊光
諸垢消滅無瞋毒 無明清淨妙智人
若能觀是無自他 彼終無有諸色相

無疑惑中淨智生 志能斷斯諸有見
亦已滅亡陰界想 聞法除惱得清涼
比丘當知諸佛子 及以清淨比丘尸
彼優婆塞優婆夷 若能念此得三昧
賢護菩薩所問經卷第四

已亥歲高麗國大藏都監表
勅彫造

大乘大集經賢護分卷第五

伐

隋天竺三藏闍那崛多譯

現前三昧中十法品第十三

尔時世尊復告賢護菩薩言賢護若有比丘樂欲修習此三昧者先當思惟彼無相想既思惟已我慢不生賢護除慢高已心意泰然遠離衆相尔時即應為他宣說如是三昧不應起諍是中云何名為諍也所謂妄想誹毀即謗於空名為諍也賢護是故彼比丘以無諍故當能修學為他宣說此三昧也賢護有諸善男子善女人若欲修學為他解釋此三昧者應當具足成就十法然後為他解斯三昧何等為十所謂一者彼諸善男子善女人先摧我慢起恭敬心二者知恩不忘心常念報三者心無倚著亦無嫉妬四者除斷疑惑及諸障罣五者深信不壞繫念思惟六者精進勤求經行無倦七者常行乞食不受別請八者少欲知足調伏諸根九者正信甚深無生法忍十者常念誰所有是

三昧即於彼師生諸佛想然後修習
如是三昧賢護是為彼善男子善女
人具足如上十種法已應當修習如
是三昧亦令他人受持讀誦如是行
者當得八事何等為八一者畢竟清
淨於諸禁戒無毀犯故二者知見清
淨智慧和合不與餘相應故三者智
慧清淨更不復受諸後有故四者施
與清淨不願一切諸行果報故五者
多聞清淨既聞法已畢竟不忘故六者
精進清淨於一切時求佛善提故七
者遠離清淨於一切名利不染著故
八者不退清淨當得阿耨多羅三藐
三菩提初不動搖故賢護是為彼善
男子善女人所獲八法也今時世尊
為重明此義以說偈曰

智人不起有相想 亦當除慢及我心
於深忍中無取著 彼能速宣此三昧
空中本來滅諍根 涅槃無相大寂定
於佛無嫌不謗法 彼能速宣此三昧
智者不興妬嫉意 念佛知恩及法僧
所生降伏無遷移 如是寂靜持三昧
無有嫉妬亦無疑 思惟深法真實信

精進不懈離諸欲

彼能如是得三昧

常行比丘乞食法

捨諸別請况求財

斷除垢染證真如

彼能如是得三昧

誰能有此三摩提

我應聽受廣流布

於教師所起佛想

彼能如是得三昧

若人修行此三昧

當具功德超世間

彼應速受八種法

稱諸佛心淨無垢

持戒清淨無有邊

三昧菩提及勝見

彼能清淨諸有中

住以取妙功德聚

智慧清淨不受有

布施離垢入無為

得彼多聞未曾忘

其為智人功德藏

勇猛精進得菩提

於世名利不貪染

若諸智者善行此

彼入無上深妙禪

大集經賢護分不共功德品第十四

尔時世尊復告賢護菩薩摩訶薩言

賢護彼諸菩薩摩訶薩復當成就十

八不共法何等名為不共法也所謂

如來初成阿耨多羅三藐三菩提乃

至般涅槃於其中間如來所有三業

智慧為首一切身業隨智慧行一切

口業隨智慧行一切意業隨智慧行

又諸如來知見過去無有障碍知見

未來無有障碍知見現在無有障碍

又諸如來所為無有錯誤言無漏失
意無忘念無別異想常在三昧無不
知已捨又諸如來意欲無減精進無
減禪定無減智慧無減解脫無減解
脫知見無減賢護是為如來十八不
共法彼菩薩摩訶薩當應修習具足
成滿

復次賢護若菩薩摩訶薩成就具足
甚深難見攝受正法即欲宣說是三
昧者應當更受十種勝法何等為十
所謂如來十力云何十力賢護是中
如來是處非處力者如來於諸處非
處事能以正智如實知故賢護如是
處非處事如來能以正智如實知者
此則如來處非處力如來得此力已
知真實處於大眾中作師子吼轉大
梵輪昔所未轉若有沙門婆羅門若
天若梵若魔若人一切世間終無有
能如是轉者賢護是為如來第一智
力菩薩摩訶薩應當修學具足成滿
復次賢護是中如來一切至處道力
者如來於一切處道若別皆以正智
如實知故賢護如是一切至處道事

如來能以正智如實知者此則如來
至處道力也如來得此力已知真實
處於大衆中作師子吼轉大梵輪昔
所未轉若諸世間沙門婆羅門若天
若梵若魔若人終無有能如是轉者
賢護是為如來第二智力菩薩摩訶
薩應當修學具足成滿復次賢護是
中如來世間種種界力者如來於世
間種種諸界無量差別能以正智如
實知故賢護如是世間種種界事如
來皆以正智如實知者此則如來世
間界力也如來得此力已知真實處
於大衆中作師子吼轉大梵輪昔所
未轉若諸世間沙門婆羅門若天若
梵若魔若人終無有能如斯轉者賢
護是為如來第三智力菩薩摩訶薩
應當修學具足成滿

復次賢護是中如來心行力者如來
於諸衆生種種心行無量差別皆以
正智如實知故賢護如是衆生種種
心行無量差別如來能以正智如實
知者此則如來心行力也如來得
此力已知真實處於大衆中作師子

吼轉大梵輪昔所未轉若諸世間沙
婆羅門若天若梵若魔若人終無
有能如是轉者賢護是為如來第四智
力菩薩摩訶薩應當修學具足成滿
復次賢護如來知衆生諸根老別力
者如來於衆生諸根種種老別皆以
正智如實知故賢護如是衆生諸根
種種老別如來皆以正智如實知者
是則如來諸根老別力也如來得此
力已知真實處於大衆中作師子吼
轉大梵輪昔所未轉若諸世間沙門
婆羅門若天若梵若魔若人終無有
能如是轉者賢護是為如來第五智
力菩薩摩訶薩應當修學具足成滿
復次賢護是中如來禪定力者如來
於一切禪定解脫三昧生起煩惱及
以滅除斯以正智如實知故賢護如
是一切禪定解脫三摩跋提生起煩
惱乃至清淨如來皆以正智如實知
者是則如來禪定力也如來得已知
真正處於大衆中作師子吼轉大梵
輪先所未轉若彼世間沙門婆羅門
后天若梵若魔若人終無有能如是

轉者賢護是為如來第六智力菩薩摩訶薩應當修學具足成滿

復次賢護如來業力者如來於彼一切諸業種種差別及彼未來和合得報亦无量差別如來斯以正智如實知故賢護如是諸業種種差別未來得果亦復差別如來皆以正智如實知者斯則如來知業力也如來得已梵輪先所未轉若彼世間若沙門婆羅門若天若梵若魔若人終無有能如斯轉者賢護是為如來第七業力菩薩摩訶薩應當修學具足成滿復次賢護如來天眼力者如來常以清淨天眼過於人眼見彼未來諸衆生輩死此生彼其所受身或美或醜或善或惡所得諸色或好或惡或妙或麤或生善道或生惡趣又見衆生所作諸業或善或惡有諸衆生具身惡業具口惡業具意惡業訶罵聖人誹謗正法壞和合僧具足如是諸惡業故身壞命終生於惡道又諸衆生具身善業具口善業具意善業恭敬

聖人尊重正法供養衆僧具行如是
諸善業故命終得生人天善趣如是
等事皆如實知賢護如來以淨天眼
見諸衆生死此生彼乃至命終生於
天上是則如來生死智力得是力已
知真實處於大衆中作師子吼轉大
梵輪昔所未轉若彼世間若沙門婆
羅門若天若梵若魔若人終無有能
若斯轉者賢護是為如來第八智力
菩薩摩訶薩應當修學具足成滿
復次賢護如來宿命智力者如來能
以諸宿命智知於過去諸宿命事所
謂衆生生此死彼或於一處初受一
生或二或三或五或十或百或千乃
至或受無量百生無量千生無量百
千生如是乃至無量轉劫無量定劫
無量轉不轉劫等皆如實知又於彼
所生趣如是處如是家如是種姓如
是名字如是相貌如是生中如是服
食如是所作如是善惡如是憂喜如
是苦樂乃至若干壽命等亦如實知
又於某處捨彼身已復生某處如是
身相如是所說如是所經乃至壽命

諸過去事皆悉知故賢護如來能以種種無量諸宿命智知彼衆生宿命所經始自一生及無量生乃至壽命諸過去事如實知者是則如來宿命智力也得是力已處大衆中作師子吼轉大梵輪昔所未轉若彼世間沙門婆羅門若天若梵若魔若人終無有能若斯轉者賢護是為如來第九智力菩薩摩訶薩應當修學具足成滿復次賢護如來漏盡力者如來能盡一切諸有無復諸漏心慧解脫自覺法已是故唱言我生已盡梵行已立所作已辦不受後有賢護如來如是能盡諸漏心慧明脫自證知故故言我生已盡乃至不受後有如實知者是則如來漏盡智力也如來得已處大衆中作師子吼轉大梵輪昔所未轉若彼世間沙門婆羅門若天若梵若魔若人終無有能若斯轉者賢護是為如來第十智力菩薩摩訶薩當應修學具足成滿賢護若諸菩薩摩訶薩讀誦受持思惟修習是三昧者則能攝受如來十力也今時世尊為

重明此義以偈頌曰

大集經賢護分卷第五

第十張戊

夏

十八不共等覺法 十力明智諸佛同
菩薩修習此妙禪 自然成就斯二種

大集經賢護分隨喜功德品第十五

尔時世尊復告賢護菩薩言賢護若
菩薩摩訶薩具足成就四隨喜故即
當得斯現前三昧速疾成就阿耨多
羅三藐三菩提何等名為四種隨喜
也所謂彼菩薩摩訶薩應作如是念
如彼過去一切諸如來應供等正覺
各於往昔行菩薩時皆因隨喜得是
三昧因三昧故具足多聞由多聞故
速疾成就阿耨多羅三藐三菩提如
我今日亦應如是依因隨喜得是三
昧因三昧故具足多聞由多聞故速
得成就無上菩提賢護是為菩薩摩
訶薩第一隨喜功德聚也賢護彼菩
薩摩訶薩復應如是念如彼當來一
切諸如來應供等正覺行菩薩時皆
因隨喜得是三昧因此三昧故具足
多聞由多聞故速疾成就阿耨多羅
三藐三菩提如我今日亦應如是當
因隨喜得是三昧歸憑三昧求滿多

聞由多聞故速疾成彼無上菩提賢
護是為菩薩摩訶薩第二隨喜功德
聚也賢護是菩薩摩訶薩復應如是
念而今現在無量無邊阿僧祇諸世
界中一切諸如來應供等正覺各於
往昔行菩薩時亦因隨喜得是三昧
因是三昧具足多聞由多聞故現皆
得成無上菩提然我今日亦應隨喜
乃至為欲速成無上菩提故賢護是
為菩薩第三隨喜功德聚也復次賢
護彼菩薩摩訶薩復應如是念我今
已得仰學三世一切諸如來本於過
去行菩薩時皆因隨喜得是三昧皆
因三昧具足多聞皆由多聞而得成
佛今我以此隨喜功德願與一切衆
生共之同生隨喜同獲三昧同具多
聞同志成就阿耨多羅三藐三菩提
賢護是為菩薩摩訶薩第四隨喜功
德聚也復次賢護而彼菩薩既得成
就如是隨喜如是三昧如是多聞如
是速疾成就菩提以是功德悉與衆
生共同迴向阿耨多羅三藐三菩提
如是功德難可稱量我今為汝略開

少分汝宜諦聽善思念之賢護辟如
有人定壽百歲身輕氣猛行駿若飛
是人生已便能行一世界先行東方
盡世界邊如是次第行於南西北方四
維上下周旋十方窮極地際賢護於
意云何假使有人聰明出世善通算
術能計是人所行地界道路近遠長
短耶賢護白言不也又能稱量耶不
也又能觀察耶不也亦能思惟耶不
也世尊賢護且置初行即使是人滿
足百年速疾往返遍至十方無量世
界彼明算人復能知否賢護報言不
也世尊彼明算人尚不能知初時所
行地界近遠云何能計是人一世盡
力飛行周遍十方無數世界道路由
旬其數多少若欲的知唯獨世尊及
大弟子舍利弗與彼不退諸大菩薩
等乃能知耳佛告賢護如是如是我
今語汝若有善男子善女人起信敬
心於彼風行壯人所經世界盛滿珍
寶持用奉獻十方諸佛其所獲福雖
日極多然尚不如隨喜三昧功德少
分何以故賢護由彼菩薩摩訶薩修

此三昧具足如上四大隨喜迴向阿耨多羅三藐三菩提為求多聞成正覺故賢護以是因緣持彼施福望前隨喜所獲功德百分不及一千分不及一百千万分不及一億百千分不及一乃至算數譬喻所不能及賢護汝今當知諸菩薩等隨喜迴向所得功德是故我今更為汝說菩薩隨喜功德少分汝宜諦聽也賢護我念往昔過於無量無邊阿僧祇劫今時有佛号師子意如來應供等正覺明行足善逝世間解無上士調御丈夫天人師佛世尊出現於世賢護時此世界閻浮提中人民熾盛多饒財寶豐樂安隱甚可愛樂賢護今時此閻浮提其地弘廣具足一万八千由旬其間城郭聚落乃有一万八千一切皆以七寶所成其城縱廣十二由旬於諸城内城別皆有九億民家賢護

今時大城名曰賢作城中居民有六十億彼城即是師子意如來現生處也賢護今時師子意如來初會說法有九十億人證阿羅漢果過七日已

於第二會復有九十億人得阿羅漢
果過第二會第三會中復有九十億
人得阿羅漢果過三會已復有九十
億人咸從他方而來大集志是清淨
諸菩薩衆自後彼佛恒有無量阿僧
祇諸聲聞衆賢護衆時人民行十善
業如彼未來弥勒佛世教諸衆生具
足成就十種業行衆時人壽八万四
千如弥勒時人壽無異賢護時彼大
城有轉輪王名曰勝遊如法治世具
足七寶所謂金輪寶爲寶馬寶摩尼
寶女寶長者寶主兵寶是爲七寶滿
足千子身相端嚴成就威雄降伏怨
敵彼王所統盡世界邊不用刀兵亦
無威迫無所統殺衆具自然時勝遊
王詣師子意如來應供等正覺所頂
礼尊足然後退坐衆時師子意如來
知勝遊王渴仰心已卽爲廣宣現前
三昧時彼王旣聞如是三昧深自慶
幸發隨喜心以一把寶奉散佛上彼
王緣此隨喜善根命終之後還生閻
浮爲彼王子名曰梵德復紹王位如
法治化彼佛滅後於正法中有一比

丘其名曰寶聰明精進常為四衆宣
揚廣說如是經典賢護今時彼梵德
王於比丘所聞三昧已得深淨信起
隨喜心持上妙衣價直百千覆比丘
上賢護又梵德王從比丘所聞三昧
已即發阿耨多羅三藐三菩提心為
愛法故捨家出家剝除鬚髮被服袈
裟是時亦有百千人衆成就信心即
隨彼王法服出家亦為如是三昧經
故時彼梵德比丘與彼百千諸比丘
衆經八千歲供養承事彼寶比丘無
有疲倦終不能得如是三昧唯除一
聞聞已隨喜具以四種隨喜功德迴
向阿耨多羅三藐三菩提如初隨喜
如是廣行然後梵德比丘及百千衆
緣此善根尋得值遇六万八千諸佛
世尊凡所生處常得為衆頌宣廣說
如是三昧彼王比丘因彼善根復更
值遇六万八千億數諸佛如是次第
種諸善根得此三昧具足圓滿助菩
提法已尋得成就阿耨多羅三藐三
菩提号曰堅固精進如來應供等正
覺明行足善逝世間解無上士調御

丈夫天人師佛世尊而彼百千諸比丘衆得此三昧亦能成就助道法故皆已成於阿耨多羅三藐三菩提名曰堅勇如來應供等正覺復令無量百千衆生住於阿耨多羅三藐三菩提賢護彼但耳聞尚獲如是何況菩薩聞受三昧讀誦憶持為他廣說復勤思行而不得也賢護以此義故諸菩薩等聞是三昧誰不隨喜誰不讀誦誰不受持誰不修習誰不廣說何以故賢護以彼菩薩聞是三昧即得成就助道法等速疾成於阿耨多羅三藐三菩提故賢護以是因緣吾今語汝若人正信淨心欲求阿耨多羅三藐三菩提者要先至心求此三昧菩薩若聞百由旬內有此甚深三昧經者菩薩即應躬自往詣聽是經典聞已即應讀誦受持修習思惟為他廣說賢護且置百由旬內當往聽受又彼菩薩若聞二百由旬三百四百五百乃至千由旬內有是三昧在某都城某聚落所菩薩即應躬往聽受習誦受持何以故賢護以是菩薩清淨

信心為求成就阿耨多羅三藐三菩
提故是故菩薩不應起懈怠心生懶
惰心起散亂心當更發精進心發猛
利心應當為是三昧速至千由旬所
乃至但得聞是三昧何況讀誦受持
思惟解說何以故賢護以是三昧能
攝一切助道法故復次賢護是中若
有菩薩以純淨心為求菩提應當往
詣千由旬所為聽如是三昧法時菩
薩應當承事供養彼說法師一切眾
具悉皆奉上常當隨逐法師而行或
時一年或復二年或十或二十或經百
年乃至盡壽隨逐法師不得捨離乃
至但求聞是三昧何況能得讀誦受
持思惟義理為他解釋如是菩薩隨
法師時當捨自心諸所為事常當隨
順彼阿闍梨法師意行謹心承事不
得違教起尊敬心及重愛心除捨一
切無愛敬事於法師所發善知識想
乃至當起如諸佛心賢護彼菩薩於
是法師阿闍梨所能生如是敬愛心
已若當不得讀誦受持思惟廣說乃
至聽聞是三昧者終無是事唯除往

昔誹謗如是甚深經典業時已熟定
墮惡道業不淨耳復次賢護假彼菩
薩或欲須難彼法師者常當知思常
當念恩常當報恩何以故賢護以是
法師宣講因緣令斯經典久住不沒
復次賢護若有菩薩為是三昧尚當
應往千由旬處况復隨近城都國邑
聚落空處或山野中而當不往聽受
讀誦思惟義理為他廣說也復次賢
護我今語汝若有菩薩為三昧故即
能往至千由旬所乃至不得聞是三
昧而彼菩薩雖復不得聞是三昧於
是法中念求善根當發精進莫即懈
惰汝應當知如是之人則為已得不
退轉於阿耨多羅三藐三菩提何況
聽聞受持讀誦思惟修習為他廣宣
賢護汝今當觀彼菩薩輩聞此三昧
已而能受持思惟修行即得念許大
功德聚乃至求已不能得聞亦當具
足幾大善根若聞不聞皆為已住不
退轉地畢竟成就阿耨多羅三藐三
菩提何況聞已讀誦受持思惟修習
廣為他說亦令多人聞已誦持修習

思惟熾然流布也。今時世尊為重明此義以偈頌曰。

我念過去有如來
彼時有王為眾首
時大智王得聞已
以手持寶奉散之
內心思惟發是言
為諸世間作饒益
時王興建此業已
尋得值遇寶比丘
彼聞比丘善說時
即以勝妙眾寶服
復與數千眾出家
經歷滿於八千歲
彼唯一說不再宣
余時心智都無倦
彼輩如是修行已
具滿六万有八千
餘世供養復承事
所聞深妙志隨喜
彼王如是具修行
教化眾生無量數
從王出家數千眾

号師子意人中上
親往詣佛求三昧
歡喜遍滿不可宣
供養人尊師子意
我今歸依無上覺
唯願善說三摩提
捨身還生於彼宮
大德名聞滿十方
心生歡喜無稱量
答彼比丘為菩提
供養承事彼比丘
為求如是三昧故
聞受深妙如大海
求此如寶勝寂禪
值遇諸佛大威雄
其間亦聞此三昧
六万八千億世尊
斯由師子如來故
終得成佛号堅進
所在生死皆遠塵
亦同得佛名堅勇

德聲遍滿於十方 聞三昧名證大覺
何況復能為他說 不染著彼諸世界
當更廣顯妙思惟 若斯三昧諸佛演
若知三昧百由旬 為求菩提詣彼聽
於言教中莫辭倦 聞者功德不可量
若至於彼不得聞 尚獲若干諸福聚
何況聞已思說者 唯當速求此三昧
當念彼具梵德人 親近承事勿生厭
誰比丘所有此經 即當詣彼修供養
大集經賢護分覺寤品第十六

尔時世尊復告賢護菩薩言賢護我
念往昔過多無量阿僧祇劫有佛出
世名薩遮那摩如來應供等正覺十
号具足時有比丘名曰和輪於佛滅
後稱揚廣說是三昧經我於尔時為
大國王一心專求三妙三昧即於
夢中聞有告言是三昧處既覺寤已
遂便躬詣比丘師所求三昧曰請
法師剃髮出家為求聽受是三昧故
躬用承事和輪法師備經三万有六
千歲天魔障蔽竟不得聞時佛復告
諸比丘比丘且優婆塞優婆夷言我
今語汝汝等當應惡疾聽受是三昧

王無得賒遲亦無忘失善承事師無令失所求是三昧以得為期若經一劫乃至百千不生懈心無不得也賢護若人一心求是三昧常隨逐師不得遠離當設供養所謂湯藥飲食衣服牀敷種種衆具及以一切金銀珍寶凡是資用盡奉於師無所愛惜如其自無乞求而與趣得三昧勿生歡心賢護且置如斯尋常供具夫求法者師若有須乃至應當自割其身肌膚肢體供奉於師師若須命尚無愛惜况餘外物而不奉師賢護其求法者承事法師將護隨順其事若此又承事師如奴隨主如君事君事師亦亦斯人如是疾得三昧得三昧已當念憶持常念師恩恒思報答賢護是三昧寶不易可聞正使有人過百千劫但求聞名尚不得聞何况聞已書寫誦持轉復為他分別說也賢護假使恒河沙數諸佛世界盛滿珍寶持以行檀其福雖多猶亦不如聞此經名書寫一偈所獲功德無可校量尔時世尊為重明此義以偈頌曰

我念過去無量時 具足數滿六千歲
常隨法師不暫捨 初不聞是三昧名
有佛歟名為王誠 時彼比丘名和輪
其於世尊滅度後 比丘廣說是三昧
我時為彼天下王 夢中聞告三昧處
和輪比丘常宣轉 王當聽受是妙經
從夢寤已即推求 躬詣比丘請三昧
遂捨王位而出家 恭敬供養不暫休
經歷三万六千年 但願得逢彼宣流
常為天魔來困擾 終竟未果一聽聞
是故比丘比丘丘 諸優婆塞優婆夷
吾故誠汝此誠言 汝當趣持是三昧
其欲敬承彼法師 若經一劫及多劫
脩奉藥湯諸妙膳 求聞如是三昧經
又辦億數衆衣服 牀敷燈燭及諸珍
精勤如是不覺疲 為聽如是妙三昧
比丘自無當乞奉 乃至身命無恡情
何況餘物有惜心 如是求者得三昧
受恩常念思報恩 智人聞已應廣說
億那由劫專精求 斯妙三昧亦乃聞
假使恒沙諸世界 盛滿珍寶用行檀
能於是中說一偈 此人功德過於彼
正言宣說一偈者 過於諸劫那由他

何況聞已能廣傳

斯人功德不可說

若人樂行於菩提

當為一切求是法

必能正覺無上道

聞已安住斯定中

大集經賢護分囑累品第十七

尔時世尊告賢護菩薩言賢護是故
彼善男子有淨信者常當精勤聽此
三昧既聞受已讀誦持思惟其義
廣為世間分別演說且善書寫安置
藏中所以者何賢護於我滅後當來
之世有諸菩薩摩訶薩輩淨信心者
為衆生故當求多聞求多聞故當詣諸
方聽受正法賢護是故彼諸善男子有
欲樂者具足信心者攝受正法者愛樂
正法者持持修多羅者為如是等廣
宜說故以如來力加持故書寫如是
大乘經典以如來印印封之已然後
安置於匣藏中賢護是中何等為如
來印所謂一切諸行无造無作無造
作者未曾有無為無相无想無依无
攝無取无住一切諸行盡苦因盡有
盡一切煩惱盡無生无滅無道无道
果一切諸聖無有覆藏愚癡所毀智
者所稱巧者能受如來世尊說此經

時無量衆生皆於阿耨多羅三藐三菩提種諸善根彼恒河沙等諸佛世界有元量阿僧祇諸菩薩摩訶薩衆皆從本國發來至此咸為聽受是三昧者彼輩皆得不退轉於阿耨多羅三藐三菩提時此三千大千世界一切大地六種震動所謂動大動等遍動涌大涌等遍涌起大起等遍起震大震等遍震吼大吼等遍吼覺大覺等遍覺乃至邊涌中沒中涌邊沒時此世界如是大動

尔時世尊告尊者摩訶迦葉尊者舍利弗尊者目犍連尊者阿難及賢護菩薩寶德離車子商主長者星德長者子偉德摩訶水天長者等五百人衆并餘諸天世人四部衆等言迦葉我今以是三大阿僧祇劫修成阿耨多羅三藐三菩提法付囑汝等如是等義一切世間所不能信何以故如來所說修多羅寂勝微妙第一甚深於當來世能與一切衆生阿耨多羅三藐三菩提是故我今懇懃囑汝汝當聽受汝當讀誦汝當憶持汝當思

惟汝當修行汝當開發汝當廣宣汝
當解釋汝當盡善汝當流布勿令斷
絕復次阿難若有諸善男子善女人
念欲修習此三昧經者欲讀誦者欲
受持者欲思惟者欲開示者欲廣說
者當應令他生正信故令他讀誦故
令他受持故令他思惟故令他開示
故令他廣說故我今為彼安住大乘
諸善男子善女人輩廣開發已當如
是學常當念我如斯教勅今時世尊
說是經已尊者摩訶迦葉舍利弗大
目犍連阿難自餘一切諸大聲聞及
彼賢護寶德善商主星德偉德水天
長者等五百優婆塞衆及彼從十方
他佛國土諸來菩薩摩訶薩衆乃至
一切天龍鬼神人非人等聞如來說
皆大歡喜奉教修行

賢護菩薩所問經卷第五

已亥歲高麗國大藏都監奉
勅彫造

般舟三昧經卷上

一名十方現在佛悉在可立定經

伐

後漢月氏三歲支婁迦歲譯

問事品第一

佛在羅閱祇摩訶桓迦憐摩訶比丘僧五百人皆得阿羅漢獨阿難未尔時有菩薩名威陀和與五百菩薩俱皆持五戒晡時至佛所前以頭面著佛足却坐一面并與五百沙門俱至佛所前為佛作礼却坐一面時佛放威神諸比丘所在遠方无不来者即時十萬比丘俱相隨來會佛所前為佛作礼却坐一面佛復放威神摩訶波和提比丘尼與三万比丘尼俱相隨至佛所前為佛作礼却坐一面佛復放威神羅憐那竭菩薩從舍衛墮梨大國出橋日兜菩薩從占波大國出邨羅達菩薩從彼羅斯大國出須深菩薩從加羅衛大國出摩訶須薩和菩薩與阿難邻垣迦羅越俱從舍衛大國出因垣達菩薩從鳩睺弥大國出和輪調菩薩從沙祇大國出一一菩薩各與二萬八千人俱來到佛所前為佛作礼皆却坐一面羅閱祇王阿闍世與十

萬人俱來到佛所前為佛作禮却坐
一面四天王釋提桓因梵三鉢摩夷
巨天阿迦貳吒天各各與若干億億
百千天子俱來到佛所前為佛作禮
却住一面難頭和難龍玉沙竭龍王
摩難斯龍王阿耨達龍王各各與若
千龍王億億百千万俱來到佛所前為
佛作禮却住一面四面阿須倫王各
與若干阿耨倫民億億百千万俱來
到佛所前為佛作禮却住一面時諸
比丘比丘尼優婆塞優婆夷諸天諸
龍諸阿耨倫民諸閼叉鬼神諸迦樓
羅鬼神諸甄多羅鬼神諸摩睺勒鬼
神諸人非人无央數都不可計毖陀
和菩薩從坐起正衣服叉手長跪白
佛言願欲有所問既問者為有所因
故天中天聽我言者今當問佛佛告
毖陀和菩薩所因故者便問佛當為
若說之毖陀和菩薩問佛言菩薩當
作何等三昧所得智慧如大海如須
弥山所聞者不疑終不失人中之將
自致成佛終不還終不生愚癡之處
豫知去來之事未曾離佛時若於夢

中亦不離佛端政妹好於衆中顏色無比少小常在尊貴大姓家生若其父母兄弟宗親知識無不敬愛者高才廣博所議作者與衆絕異自守節度常內慙色終不自大常有慈哀智慮通達於智中明元有與等者威神無比精進難及入諸經中多入諸經中諸經中元不解安樂入禪入定入空無想無所著於是三事中不恐多為人說經便隨護之在所欲生何所自恣無異本功德力所信力多所至到處其筋力強元不欲愛力無不有根力明於所向力明於所念力明於所視力明於所信力明於所願力在所問如大海元有減盡時如月盛滿時悉遍照無有不感明者如日初出時如炬火在所照無所罣碍不著心如虛空无所止如金剛鑽無所不入安如須弥山不可動如門闥正住堅心軟如鵠毛无有麁爽身無所慕樂於山川如野獸常自守不與人從事若沙門道人若所教授皆護視若有輕藐者終无瞋恚心一切諸魔不能動解於

諸經入諸慧中學諸佛法元有能為
作師者威力聖意元有能動搖者深入
之行常隨無所行常柔軟於經中常
悲承事於諸佛元有厭所行種種功
德悉逮及所行常至所信常政無有
能亂者所行常淨潔臨事能決元有
難清淨於智慧悉明得所樂行盡於
五蓋智慧所行稍稍追成佛之境界
莊嚴諸國土於戒中清淨却羅漢辟
支佛心所作為者皆究竟所作功德
常在上首教授人民亦然於菩薩中
所教授元有厭當所作者度無有極
一切餘道無有能及者未嘗離佛不見
佛常念諸佛如父母元異稍稍得諸
佛威神悉得諸經明眼所視無所罣
碍諸佛悉在前立譬如幻師自在所
化作諸法不豫計念便成法亦无所
從來亦無所從去如化作念過去當
來今現在如夢中所有分身悉遍至
諸佛刹如日照水中影悉遍見所念
悉得如嚮亦不來亦不去生死如影
之分便所想識如空於法中无想莫
不歸仰者一切平等元有異於經中

悉知心不可計一切諸刹心不著元
所適念出於諸佛刹無所復罣尋悉
入諸陀隣左門於諸經中聞一知萬
諸佛所說經悉能受持侍諸佛悉得
諸佛力悉得佛威神勇猛元所難行步
如猛師子無所畏於諸國土元不用
言者所聞者未曾有忘時一切諸佛
之議等無有異悉了知本元經不恐
欲得諸經便自知說如諸佛終無厭
為世間人之師元不依附者其行方
幅元有諂偽諸刹照明朗不著於三
處所行无所罣尋於衆輩中无所適
於本際法中無所慕持薩芸若教人
入佛道中未曾恐怖元有畏懼時悉
曉知佛諸經所有卷所在衆會中无
不蒙福者見佛極大慈歡喜所學諸
佛經通利於大衆中無所畏於大衆
中無有能過者名聲極遠破壞諸疑
難无不解於經中極尊於師子座上
坐自在如諸佛法教悉曉知佛萬種語
悉入萬億音愛重諸佛經常念在左
右側未曾離於諸佛慈於佛經中樂
行常隨佛出入常在善知識邊元有

厭極時於十方諸佛剎无所適止悉
逮得願行度脫十方萬民智慧珍寶
悉逮得經藏身如虛空元有想教人
求菩薩道使佛種不斷行菩薩道未
曾離摩訶衍逮得摩訶僧那僧涅槃極
曠大道疾逮得一切智諸佛皆稱譽近
佛十力地一切所想悉入中一切所
計悉了知世間之變悉曉知成敗之事
生者滅者悉曉知入經海寶開第一之
藏悉布施悉於諸剎行願亦不在中
止極大變化如佛所樂行心一反念
佛悉在前立一切適不復願適無所生
處十方不可計佛剎悉見聞諸佛所
說經一一佛比丘僧悉見是時不持
仙道羅漢辟支佛眼視不於是聞終
生彼聞佛剎尔乃見便於是聞坐悉
見諸佛悉聞諸佛所說經悉皆受辟
如我今於佛前面見佛菩薩如是未
曾離佛未曾不聞經佛告毘陀和菩
薩善哉善哉所問者多所度脫多所
安隱於世間人民不可復計天上天
下悉安之今若能問佛如是若乃前
世過去佛時所聞地行作功德所致

供養若干佛以所致樂於經中所致
作道行守禁戒所致自守法行清白
不煩濁輒以乞丐自食多成就諸菩
薩合會教語諸菩薩用是故極大慈
哀一切人民皆於等心隨時欲見佛
即見佛所願極廣大甚深之行常念
佛智慧悉持經戒悉具足佛種聖心
如金剛悉知世間人民心所念悉在
諸佛前佛告毘陀和菩薩若功德以
不可復計佛言今現在佛悉在前立
三昧其有行是三昧若所問者悉可
得毘陀和菩薩白佛言願佛哀說之
今佛說者多所過度多所安隱願
佛為諸菩薩現大明佛告毘陀和菩
薩一法行常當習持常當守不復隨餘
法諸功德中第一何等為第一法
行是三昧名現在佛悉在前立三昧
行品第二

佛告毘陀和菩薩若有菩薩所念現在
定意向十方佛若有定意一切得
菩薩高行何等為定意從念佛因緣
向佛念意不乱從得默不捨精進與
善知識共行空除睡眠不聚會避惡

知識近善知識不亂精進飯知足不
貪永不惜壽命子身避親屬離鄉里
習等意得悲意心護行棄蓋習禪不
隨色不受陰不入婁不念四大不失
意不貪性解不淨不捨十方人活十方
人十方人計為是我所十方人計為非
我所一切欲受不負戒習空行欲諷經
不中犯戒不失定意不疑法不諍佛不
却法不亂比丘僧離妄語助道德家避
癡人世間語不喜不欲聞道語具欲聞
亦喜從因緣畜生生不欲聞六味習為
五習為離十惡為習十善為曉九惱
行八精進捨八懈怠為習八便為習
九思八道家念又不著禪聞不貢高
棄自大聽說法欲聞經欲行法不隨歲
計不受身想離十方人不欲受不貪壽
為了陰不隨惑為不隨所有求無為
不欲生死大畏生死計陰如賊計四
大如蛇十二婁計空久在三界不安
隱莫忘得无為不欲貪欲願棄生
死不隨人諍不欲墮生死常立佛前
受身計如夢以受信不復疑意無有
異一切滅思想過去事未來事今現

在事等意常念諸佛功德自歸為依
佛定意得自在不隨佛身相法一切
一計不與天下諍所作不諍從因緣
生受了從佛地度得可法中法中得
下以了空意計人亦不有亦不滅自
證无為點眼以淨一切不二覺意不
在中邊一切佛為一念入無有疑點
無有能呵自得曉覺意故佛點不從
他人待得善知識計如佛无有異意
一切在菩薩無有離時縱一切魔不
能動一切人如鏡中像見一切佛如畫
一切從法行為入清淨菩薩行如是
佛言持是行法故致三昧便得三昧
現在諸佛悉在前立何因致現在諸
佛悉在前立三昧如是毖陀和其有
比丘比丘尼優婆塞優婆夷持戒完
具獨一處止心念西方阿彌陀佛今
現在隨所聞當念去是間千億万佛
刹其國名須摩提在衆菩薩中央說
經一切常念阿彌陀佛佛告毖陀和
辟如人卧出於夢中見所有金銀珍
寶父母兄弟妻子親屬知識相與娛
樂喜樂無羣其覺以為人說之後自

淚出念夢中所見如是毘陀和菩薩
若沙門白衣所聞西方阿彌陀佛剎
當念彼方佛不得缺戒一心念若一
晝夜若七日七夜過七日以後見
阿彌陀佛於覺不見於夢中見之譬
如人夢中所見不知晝不知夜亦不
知內不知外不用在冥中故不見不
用有所弊尋故不見如是毘陀和菩
薩心當作是念時諸佛國界名大山
須彌山其有幽冥之處悉為開闢目
亦不弊心亦不尋是菩薩摩訶薩不
持天眼徹視不持天耳徹聽不持神
足到其佛剎不於是間終生彼間佛
剎乃見便於是間坐見阿彌陀佛聞
所說經悉受得從三昧中悉能具足
為人說之譬若有人聞墮舍利國中
有姪女人名須門若復有人聞姪女
人阿凡和梨若復有人聞優陂洹作
姪女人是時各各思念之其人未曾見
此三女人聞之姪意即為動便於夢
中各往到其所是時三人皆在羅閱
祇國同時念各於夢中到是姪女人
所與共棲宿其覺已各自念之佛告

毘陀和我持三人以付若持是事為人說經使解此慧至不退轉地得無上正真道然後得佛号曰善覺如是毘陀和菩薩於是聞國土聞阿彌陀佛數數念用是念故見阿彌陀佛見佛已從問當持何等法生阿彌陀佛國尔時阿彌陀佛語是菩薩言欲來生我國者常念我數數常當守念莫有休息如是得來生我國佛言是菩薩用是念佛故當得生阿彌陀佛國常當念如是佛身有三十二相悉具足光明徹照端正無比在比丘僧中說經說經不壞敗色何等為不壞敗色痛痒思想生死識魂神地水火風世間天上上至梵摩訶梵不壞敗色用念佛故得空三昧如是為念佛佛告毘陀和菩薩於三昧中誰當證者我弟子摩訶迦葉因垢達菩薩須真天子及時知是三昧者有行得是三昧者是為證何等為證證是三昧知為空定佛告毘陀和乃往去時有佛名須波日時有人行出入大空澤中不得飲食飢渴而卧出便於夢中得香甜

美食飲食已其覺腹中空自念一切
所有皆如夢耶佛言其人用念空故
便逮得無所從生法樂即逮得阿惟
越致如是毼陀和菩薩其所向方聞
現在佛常念所向方欲見佛即念佛
不當念有亦无我所立如想空當念
佛立如以珍寶倚琉璃上菩薩如是
見十方無央數佛清淨譬如人遠出
到他郡國念本鄉里家室親屬財產
其人於夢中歸到故鄉里見家室親
屬喜共言語於夢中見以覺為知識
說之我歸到故鄉里見我家室親屬
佛言菩薩如是其所向方聞佛名常
念所向方欲見佛菩薩一切見佛如持
珍寶著琉璃上譬如比丘觀死人骨
著前有觀青時有觀白時有觀赤時
有觀黑時其骨无有持來者亦无有
是骨亦無所從來是意所作想有耳
菩薩如是持佛威神力於三昧中立
在所欲見何方佛欲見即見何以故
如是毼陀和是三昧佛力所成持佛
威神於三昧中立者有三事持佛威
神力持佛三昧力持本功德力用是三

事故得見佛譬若毖陀和年少之人
端正姝好莊嚴已如持淨器盛好麻油
如持好器盛淨水如新磨鏡如無瑕
水精欲自見影於是自照悉自見影
云何毖陀和其所麻油水鏡水精其
人自照寧有影從外入中不毖陀和
言不也天中天用麻油水鏡水鏡淨
潔故自見其影耳其影亦不從中出
亦不從外入佛言善哉善哉毖陀和
如是毖陀和色清淨所有者清淨欲
見佛即見見即問問即報聞經大歡
喜作是念佛從何所來我為到何所自
念佛无所從來我亦無所至自念三
處欲處色處无想處是三處意所為
耳我所念即見心作佛心自見心是
佛心是怛薩阿竭心是我身心見佛
心不自知心不自見心心有想為
癡心無想是涅槃是法無可樂者皆
念所為設使念為空耳設有念者亦
了無所有如是毖陀和菩薩在三昧
中立者所見如是佛今時頌偈曰

心者不知心有心不見心心起想則癡
無想是涅槃是法无堅固常立在於念

以解見空者一切無想念

般若三昧經卷上

第七品

代

莊

四事品第三

菩薩有四事法疾逮得三昧何等為
四一者所信无有能壞者二者精進
無有能逮者三者所入智慧无有能
及者四者常與善師從事是為四菩
薩復有四事疾得是三昧何等為四
一者不得有世間思想如拍相彈頃
三月二者不得卧出三月如拍相彈
頃三者經行不得休息不得坐三月
除其飲食左右四者為人說經不得
望人衣服飲食是為四菩薩復有四
事疾得是三昧何等為四一者合會
人至佛所二者合會人使聽經三者
不嫉妬四者教人學佛道是為四菩
薩復有四事疾得是三昧何等為四
一者作佛形像若作畫用是三昧故
二者用是三昧故持好疋素令人寫
是三昧三者教自貢高人內佛道中
四者常護佛法是為四時佛說偈而
歎曰常當樂信於佛法誦經念空莫
中止精進除睡卧三月莫得懈怠坐說
經時安諦受學極當廣遠若有供養

饋遺者莫得喜无所貪慕得經疾佛者色如金光身有三十二相一相有百福功德端政如天金成作過去佛當來佛悉豫自歸今現在佛皆於人中最尊常念供養當供養於佛花香擣香飯食具足當持善意用是故三昧離不遠持常鼓樂倡伎樂於佛心常當娛樂為求是三昧者當作佛像種種具足種種姝好面目如金光求是三昧者所施常當自樂與持戒當清潔高行棄捐懈怠疾得是三昧不久瞋恚不生常行於慈心常行悲哀等心無所憎惡今得是三昧不久極慈於善師視當如佛瞋恚嫉貪不得有於經中施不得貪如是教當堅持諸經法恚當隨是入是為諸佛之道徑如是行者今得三昧不久佛告毘陀和如是等菩薩當慈心常樂於善師所視師當如佛恚具足承事欲書是三昧經時若欲學時菩薩敬師如是毘陀和菩薩於善師有瞋恚有持善師短視善師不如佛者得三昧難譬如毘陀和菩薩明眼人夜半視星

宿見星其衆多如是毼陀和菩薩持
佛威神於三昧中立東向視見若干
百佛若干千佛若干万佛若干億佛
如是十方等悉見諸佛佛告毼陀和
是菩薩如佛眼悉知悉見如是毼陀
和是菩薩欲得今現在諸佛悉在前
立三昧布施當具足持戒如是忍辱
精進一心智慧度脫智慧身悉具足
時佛歎曰如淨眼人夜半上向視星
宿不可計晝日思念悉見菩薩如是
逮得三昧者見不可復計百千佛從
三昧中覺以念見自念為諸弟子
說佛言如我眼清淨常見於世間菩
薩如是得三昧以見不可復計佛見
佛不視身相但視十種力不如世間
人有貪消滅諸毒以清淨不復想菩
薩逮功德如是聞是經遵是經如泥
洹聞是法空空无有恐怖我當作是
說經用衆人民故皆令得佛道佛言
如我比丘阿難慧聞經即受持菩
薩如是逮得是三昧以聞不可計經
卷悉受持佛言如阿弥陀佛刹諸菩
薩常見不可計佛如是菩薩得三昧

以常見不可計佛所信常有哀心譬如渴者欲得飲常有極大慈棄捐世俗事常樂持經施用是故清淨得三昧不久

譬喻品第四

佛告毖陀和菩薩慈求三昧者得是三昧已不精進行者譬如毖陀和有載滿舡珍寶欲持度大海未至舡中道壞閻浮利人皆大悲念亡我尔所珍寶如是毖陀和是菩薩聞是三昧已不書不學不誦不持如中法一切諸天人民皆為大悲憂言乃亡我尔所經寶用失是深三昧故佛言是三昧經者是佛所屬佛所稱譽聞是深三昧經者不書不學不誦不守不持如法者反復愚癡自用以為高耶不受是經意欲高才反不肯學是三昧譬如毖陀和愚癡之子有人與滿手栴檀香不肯受之反謂與之不淨栴檀香其貨主語其人言此栴檀香卿莫謂不淨乎且取嗅之知香不試視之知淨不癡人閉目不視不肯嗅佛言其聞是三昧者如是不肯受之反

棄捨去是為不持戒人反捨是珍寶
經是為愚癡无智自用得禪具足為
度反呼世間為有不入空不知無其
人聞是三昧已不樂不信不入中反
作輕戲語佛亦有深經乎亦有威神乎
反形言世間亦有比丘如阿難乎佛
言其人從持是三昧者所去兩兩三
三相與語去是語是何等說乎是何從
所得是語乎是為自合會作是語耳
是經非佛所說佛告毘陀和辟如賈
客持摩尼珠示田家癡子其人問賈
客評此幾錢賈客荅言夜半時於冥
處持是摩尼珠著冥中其明所照至
直滿其中寶佛言其人殊不曉其價
反形是摩尼珠言其價能與一頭牛
等不寧不買一頭牛想是不復過此
與我者善不肯者已如是毘陀和其
人聞是三昧不信者反形是經如
是佛言如菩薩持是三昧受信者便
隨行四面皆擁護无所畏持禁戒完
具為得高明黠慧深入為他人說之
菩薩當持是三昧分布語人展轉相
傳當令是三昧久在佛言癡人自於

前世佛所不供養不作功德反自貢
高多行誹謗嫉妬用財利故但欲求名
但欲嘩說不得善師亦不明經聞是三昧已不信不樂不入中反誹謗人
言是彼不知愧為自作是經耳是經非佛
所說佛告毘陀和今我具語汝如是
毘陀和求菩薩道者若善男子善女
人持是三千國土滿其中珍寶施與
佛設有是功德不如聞是三昧若
有菩薩聞是三昧信樂者其福轉倍
多時佛歎曰是三千國土滿其中珍
寶施於佛持用求佛復有異人持是
三昧者是佛所稱譽聞信者其福倍
多佛言是迷惑自貢高人不信者及
與惡知識從事聞是經不信不樂是
為於我經中怨家无異是不持戒人
在自大中其餘人展轉聞其言信隨
之此為壞佛法其人相告言是經為
非佛所說直作是誹謗佛言有信是
三昧者其人宿命曾見過去佛已用
是故我為是信者說是三昧耳是輩
之人常護佛法聞是經信樂者當作
是知離佛不遠若持戒堅者常正心

恭敬於經我用是故為是人說耳

佛告毖陀和我所說无有異尔故說是語耳今見我說是三昧者其人却後世時聞是三昧終不疑不形笑不言不信除在惡師邊正使在善師邊其功德薄少如是輩人復轉與惡師從事是輩人者聞是三昧不信不樂不入中何以故其人未久學所更佛少所信智慧少故不信耳佛告毖陀和其有菩薩聞是三昧不形笑不誹謗者歡喜不中疑不言乍信乍不信樂書樂學樂誦樂持佛言我恚豫知豫見已其人不獨於一佛所作功德不於二若三若十恚於百佛所聞是三昧却後世時聞是三昧者書學誦持經卷寂後守一日一夜其福不可計自致阿惟越致所願者得佛告毖陀和聽我說譬喻譬如毖陀和有人取一佛刹恚破碎如塵其人取此一塵恚復破盡如一佛刹塵都盧恚取一塵皆復塵碎盡如一佛刹塵云何毖陀和是塵其數寧多不毖陀和言甚多甚多天中天佛告毖陀和我為汝曹

引此譬喻若有一菩薩盡取是一塵
置一佛剎其數今所佛剎滿其中珍
寶悉持供養諸佛不如聞是三昧若
復有一菩薩聞是三昧已書學誦持
為他人說須臾間是菩薩功德不可
復計佛言持是三昧者書學誦持為
他人說其福乃今何況守是三昧悉
具足者佛今時頌偈曰

三千大千之國土 滿中珍寶用布施
設使不聞是像經 其功德福為薄少
若有菩薩求衆德 當講奉行是三昧
疾悉諷誦此經法 其功德福无有量
如一佛國塵世界 皆破壞碎以為塵
彼諸佛土過是數 滿中珍寶用布施
其有受持是世尊 四句之義為人說
是三昧者諸佛慧 得聞功德正比喻
何況有人自講說 受持諷誦念須臾
轉加增進奉行者 其功德福无有量
假使一切皆為佛 聖智清淨慧第一
皆於億劫過其數 講說一偈之功德
至於泥洹讚詠福 無數億劫悉數誦
不能盡究其功德 於是三昧一偈事
一切佛國所有地 四方四隅及上下

滿中珍寶以布施
用供養佛天中天
若有聞是三昧者
得其福祐過於彼
安諦諷誦講說者
引譬功德不可喻
其人貢高終不起
亦无有趨惡道時
解了深法不疑結
行斯三昧德如是
學士為以見奉吾
德重精進普不著
增益信明為菩薩
力學三昧佛所讚
屬累汝等常勸教
力行精進無放逸
自勗勇猛勤修行
令得大道不復反
其有誦受是三昧
已為面見百千佛
假使家後大恐懼
持此三昧无所畏
行是比丘以見我
常為隨佛不遠離
菩薩聞習三昧者
義當受持為人說
菩薩得是三昧者
今乃名曰博達慧
為逮提持佛稱譽
疾成佛道智如海
常恒誦說是三昧
當從佛法世尊教
聞其種姓得等覺
如佛所說无有異
般舟三昧經卷上

已亥歲高麗國大藏都監奉
勅彫造

般舟三昧經卷中

伐

後漢月氏三歲支婁迦識譯

無著品第五

佛告毘陀和是菩薩三昧當云何譬
如佛今於若前說經菩薩當作是念
諸佛悉在前立當具足念諸佛端正
志欲逮見二想當想識无有能見諸
佛頂上者志具足作是想見諸佛當
作是念我身亦當逮得如是亦當逮
得身想如是亦當逮得持戒三昧如
是當作是念我當從心得從身得復
更作念佛亦不用心得亦不用身得
亦不用心得佛亦不用色得佛何以
故心者佛無心色者佛无色不用是
心色得阿耨多羅三藐三菩提何以
故佛色以盡佛痛痒思想生死識了
盡佛所說盡者愚癡不見不知智者
曉了之作是念當持何等念得佛當
持身得佛當持智慧得佛復作是念
亦不用身得佛亦不用智慧得佛何
以故智慧索不能得自復索我了
不可得亦无所得亦無所見一切

法本無所有念有因著無有反言有
亦著是兩者亦不念亦不復適得其
中但用是故亦不在邊亦不在中亦
不有亦不无何以故諸法空如是泥洹
亦不壞亦不腐亦不堅亦不在是間
亦不在彼邊無有想不動搖何等為
不動搖智者不計是故不動搖如是
毖陀和菩薩見佛以菩薩心念無所
著何以故說无所有經說無所有中
不著壞本絕本是為无所著如是毖
陀和是菩薩守是三昧當作是見佛不
當著佛何以故設有所著為自燒譬
如大段鐵著火中燒正亦有智者不
當以手持何以故燒人手如是毖陀
和菩薩見佛不當著色痛痒思想生
死識不當著何以故著者為燒身見
佛但當念其功德當索摩訶衍佛告
毖陀和是菩薩於三昧中不當有所
著不著者疾得是三昧佛亦時頌偈言
如新磨鏡威油器 女人莊飭自照形
於中起生娃欲心 放逸恣態甚迷荒
追不至誠虛指法 為色走使燒其身
女人患害從是起 用不解法非常空

有想菩薩亦如是
度脫人民憂惱患
求索人本不可得
法不可擁如水月
照慧菩薩當了是
於諸人物无所著
諸佛從心解得道
五道鮮潔不受色
一切諸法無色漏
絕去婬欲則脫心
精進奉行求佛道
無得行求元不求
觀察所有如虛空
无想無作亦无間
見一切色不想念
常觀諸佛等如空
其人清淨眼無垢
无量經法悉受持
行是三昧無所著
不見世雄无賢聖
超度思想當志求
觀諸佛已不復見
於地水火莫能尋

我當成佛逮甘露
有人想故為不解
亦无生死及泥洹
觀察佛道無歸趣
解知世間悉本無
疾速於世得佛道
心者清淨明无垢
有解是者成大道
離想者空無想空
有解此者得三昧
常聽諸法本清淨
於是三昧不難得
道意寂然審第一
是為解了尊佛道
眼無所著无往來
已度世間諸所求
奉行精進常寂然
思惟分別是三昧
除一切冥得定意
諸外異道聞此惑
心以清淨得見佛
尔乃解是尊三昧
風種虛空亦不蔽

行是精進見十方坐遙聽受所化法
如我於是講說經樂道法者面見佛
作行勲力而不著唯從世尊所說法
行者如是无所念專聽道義興法施
常念解了是三昧普諦受誦佛所講
過去諸佛皆論法當來世尊亦復然
讚說宣布分別義皆共嘆講是三昧
我亦如是為人尊在世无上衆生父
皆悉解知此道眼故解說示寂三昧
其有講受是三昧身常安隱意不荒
是為諸佛無量德致尊佛道獲不難
廣採衆經不可議欲達一切諸佛化
速疾去欲諸垢塵精進行是淨三昧
現世欲見無數佛樂從諸尊聽受法
速疾去色除所著行是清淨寂三昧
於是无貪及瞋恚捨離愚癡捐憎愛
棄遠無黠除狐疑如是得解空三昧
般舟經四輩品第六

毘陀和菩薩白佛難及天中天說三
昧者若有菩薩棄愛欲作比丘聞是
三昧已當云何學云何持云何行佛
言若有菩薩棄愛欲作比丘意欲學
是三昧者誦是三昧者持是三昧者

當清淨持戒不得缺戒大如毛髮何等為菩薩不缺戒一切悉護禁法出入行法悉當護不得犯戒大如毛髮常當怖畏遠離於諛諂患當護禁作是護者是為清淨持戒何等為菩薩缺戒者是菩薩求色何等為求色其人意念持是功德使我後世生若作天若作遮迦越王佛言用是比此菩薩為缺戒其人久持是行持是戒持是自守福欲所生處樂於愛欲中是為毀戒佛告毘陀和是菩薩比丘欲學是三昧者清淨持戒完具持戒不諛諂持戒當為智者所稱譽為羅漢所稱譽於經中當布施當精進所念強當多信勸樂常承事於和上當承事於善師所從聞是三昧者所可聞是三昧處當視其人如佛佛告毘陀和是菩薩視師如視佛者得三昧疾設不恭敬善師輕易於善師欺調於善師正使久學是三昧久持久行設不恭敬師者疾亡之佛告毘陀和是菩薩若從比丘比丘居優婆塞優婆夷所得聞是三昧當視如佛所聞三

昧處當尊敬佛告毘陀和菩薩所聞是三昧處不當持諂意向是菩薩不得諂意常當樂獨處止不惜身命不得希望人有所索常行乞食不受請不嫉妬自守節度如法住所有趣足而已經行不得懈怠不得卧出如是毘陀和如是經中教其棄愛欲作比丘學是三昧者當如是守如是毘陀和菩薩白佛難及天中天所說法若有後世懈怠菩薩聞是三昧已不肯精進其人自念我當於後當來佛所索是三昧耳云何言我曹身羸極有病瘦恐不能求聞是經已懈怠不精進若復有菩薩精進者欲學是經當教之隨是經中法教用是經故不惜軀命不望人有所得者有人稱譽者不用喜不大貪鈴震越无所愛慕常無所欲聞是經不懈怠常精進其人不念我當於後當來佛所乃求索自念使我筋骨髓肉皆使枯腐學是三昧終不懈怠自念我終不懈怠死也聞是經已無不歡樂時佛言善哉善哉毘陀和所說者无有異我助其歡喜過

去當來今現在佛志助歡喜佛尔時
頌偈言

如我今所說法
行功德自守節
常乞食不受請
所從聞是三昧
有誦行是三昧
不得惜於經法
其有受是三昧
學奉行如是者
常勲力不懈怠
當遠離惡知識
去放逸不休息
比丘求斯三昧
毘陀和菩薩白佛比丘
毘求菩薩道
欲學是三昧欲守是三昧
當持何等法住學守是三昧
佛告毘陀和比丘
毘求摩訶衍三拔致是三昧
學守者當謙敬不當嫉妬
不得瞋恚去自貢高
去自貴大却於懈怠
當精進棄於睡眠
不得卧出志却財利
志當淨潔護不得惜軀命
常樂於經當求多學
當棄姪志癡出魔羅網
去當棄所好

服飭珠環不得惡口不得貪愛好鉢
震越當為人所稱譽不得有諛諂學
是三昧時當敬善師視如佛當承是
經中教守是三昧佛亦時頌偈言

比丘尼行恭敬

不妬嫉離瞋恚

除憍慢去自大

行是者得三昧

當精進却瞋卧

捐所欲不貪壽

一心慈於是法

求三昧當如是

无得聽貪姪心

棄瞋恚及愚癡

莫得墮魔羅網

求三昧當如是

設有學是三昧

無調戲捨貪身

一切捐衆狐疑

當至誠不虛飭

捨小慈常大慈

敬善師無已已

當去離於衆惡

求三昧當如是

行求法欲得者

不貪著鉢震越

從人聞介三昧

視如佛等无異

飢飽和菩薩白佛若有白衣菩薩居

家修道間是三昧已欲學者欲守者

當云何於法中立學守是三昧佛告

飢飽和白衣菩薩聞是三昧已欲學

守者當持五戒堅淨潔住酒不得飲

亦不得飲他人不得與女人交通不

得自為亦不得教他人為不得有恩

愛於妻子不得念男女不得念財產
常念欲棄妻子行作沙門常持八關齋
齋時常當於佛寺齋常當念布施不
念我當自得其福當用万民故施常
當大慈於善師見持戒比丘不得輕
易說其惡作是行已當學當守是三
昧佛尔時頌偈言

有居家菩薩欲得是三昧常當學究竟
心無所貪慕誦是三昧時思樂作沙門
不得貪妻子捨離於財色常奉持五戒
一月八關齋齋時於佛寺學三昧通利
不得說人惡無形輕慢行心无所榮異
當行是三昧奉敬諸經法常當樂於道
心無有諂偽棄捨慳妬意有學是三昧
常當行恭敬捨自大放逸奉事比丘僧
毘陀和菩薩白佛若有優婆夷求摩
訶衍三拔致聞是三昧已欲學守者
當行何等法學守是三昧佛告毘陀
和若優婆夷求摩訶衍三拔致聞是
三昧已欲學守者當持五戒自歸於
三何等為三自歸於佛歸命於法歸
命於比丘僧不得事餘道不得拜於
天不得示吉良日不得調戲不得慢

恣不得有貪心優婆夷常當念布施
歡樂欲聞經力多學問優婆夷常當
敬重於善師心常不倦不憊若比丘
比丘尼過者常以坐席賓主飲食待
之佛亦時頌偈言

若有優婆夷誦是三昧者當從佛法教
奉五戒完具守是三昧時當尊敬於佛
及法比丘衆恭敬其善師不得事餘道
勿祠祀於天行是三昧者見人立迎逆
除去煞盜姪至誠不兩舌無得向酒家
當行是三昧心不得懷貪常當念施與
除去諛諂意无得說人短常當恭敬事
比丘比丘尼聞法語悉受學三昧如是
般舟經授決品第十

毘陀和菩薩問佛少有及者天中天
恒薩阿竭乃說是三昧諸菩薩所樂
精進行无有懈怠於阿耨多羅三藐
三菩提佛般泥洹後是三昧者當在
閻浮利內不佛告毘陀和菩薩我般
泥洹後是三昧者當現在四十歲其
後不復現却後亂世佛經且欲斷時
諸比丘不復承用佛教然後亂世時
國國相伐於是時是三昧當復現閻浮

利內用佛威神故是三昧經復為出
毘陀和菩薩羅隣那竭菩薩從坐起
正衣服叉手於佛前白佛佛般泥洹後
亂世時我曹共護是三昧持是三昧
具足為人說之聞是經卷無有厭極
時摩訶須薩和菩薩憍曰兜菩薩鄰
羅達菩薩須深菩薩因垺達菩薩和
輪調菩薩共白佛言佛般泥洹去却後
亂世時是經卷者我輩自共護持使
佛道久在其有未聞者我輩當共為
說教授是深經世間少有信者我曹
悉受之時五百人從坐起比丘比丘
尼優婆塞優婆夷皆叉手於佛前住
白佛佛般泥洹後亂世時聞是三昧
悉自持護願持我五百人囑累是八
菩薩時佛笑口中金色光出至十方
不可計佛國悉照明還繞身三匝從
頭上入阿難從坐起更被袈裟前至
佛所為佛作禮却住叉手以偈讚曰
其心清淨行无穢神通無極大變化
已過諸礙超衆智光明除冥去垢塵
智慧無量心普解佛天中天鵝鴨音
一切外道莫能動何緣而笑出妙光

願。真覺為解說。

慈愍一切衆生尊。

若有聞佛柔濡音。

解釋達聖化俗行。

世尊所感非唐舉。

衆聖導師不妄笑。

今者誰當在決中。

世雄願為解此意。

今日誰住道德堅。

誰當逮得興妙行。

誰今受得深法藏。

无上道德衆所歸。

今日誰當愍世間。

誰當奉受是法教。

誰堅立於佛智慧。

世尊願為解說之。

佛今時為阿難說偈言。

佛語阿難汝見不。

五百人等在前立。

其心歡然歌頌曰。

我等亦當逮是法。

顏色和悅敬視佛。

我等何時得如是。

皆悉竦立嗟嘆佛。

我輩會當逮如是。

五百人等今現在。

名字雖異本行同。

常樂奉受是深經。

於當來世亦復然。

今我囑累告汝等。

佛慧无量知彼本。

是等不獨見一佛。

亦不立此得其慧。

徹照彼之宿世命。

以曾更見八万佛。

五百人等存在道。

常解經義勉行成。

勸助無數諸菩薩。

常行慈哀護經法。

勸化一切衆人民。

志今逮得大道行。

知見過去諸世尊。

覩八十億那術數。

名德普大脫於心。

擁護是法三轉行。

現世於此受我教
安諦受習佛所化
著於塔寺及山中
各各轉授經卷已
天上壽盡還世間
當復取此佛道行
用愛樂斯經法故
令無數人得聽聞
是等黠慧不厭法
降伏一切諸外道
是經法者無能得
今四輩人住我前
是八菩薩毘陀和
摩訶須薩和輪調
比丘及尼清信士
常以經道哀世間
毘陀和等八菩薩
常當奉持方等經
釋一切縛解空慧
恒行慈哀度衆生
壽終之後生法家
世世相隨常和協
已棄捐於八難處

分布供養是舍利
皆忠諷誦有所付
若付天龍乳陀羅
壽命終託生天上
各各而生異種姓
分別是經如所願
求輒得之持奉行
欣踊難量心无等
非貪軀體及壽命
授與經法弘其志
及持諷誦講說者
五百之衆能堪持
羅隣那竭那羅達
因垣須深憫日兜
奉玄妙法上義句
宣暢方等普流化
於五百衆為英雄
於世之俗无所著
紫磨金色百福相
施以安隱滅諸塵
不復歸於三惡道
然後逮得尊佛道
遠離一切諸惡道

其功德行莫能稱
當復值見弥勒佛
悉共供養等慈哀
其心僉然而和同
不徇俗事得法忍
彼常奉持此經法
殖衆功德修梵行
於是賢劫所興佛
每所在處普持法
皆悉供養諸世雄
當疾逮得尊佛道
中有前得佛道者
不可計劫那術數
於是居士毘陀和
及須蔭和憍日梵
常當奉事正法化
道行无量不可稱
假使有人受持名
如是勇猛導世間
若有覩見及聞聲
皆得佛道不復疑
若瞋恚之及罵詈
於是八人威神恩

所受福祐無能量
咸同一心往自歸
逮於无上寂滅句
正意奉事人中尊
疾逮無上大道行
夙興夜寐而諷誦
觀弥勒時義若此
慈哀世間放光明
奉事去來現在佛
見三世尊无衆毒
不可思議無有量
後人展轉相供養
如是終竟乃斷絕
羅隣那竭那羅達
曾見諸佛如恒沙
宣布諸佛無億教
至于無數億劫中
所周旋處若夢中
皆當逮得无上道
其心欣然踊躍者
何況奉受供養者
持惡意向搗擣者
尚使得佛况恭敬

彼所受法不可議
名稱无量及壽命
光明無限德无疑
智慧無量行亦然
常得面見無量佛
清淨之戒如恒沙
於是廣普行布施
以用求索无上道
無數億劫說其福
莫能齊限厥功德
受是經法誦習者
逮於大道不復難
其有愛樂此經卷
受誦諷持講說者
當知五百人中
其心愛樂終不疑
假使施得是經法
愛樂道義加精進
行清淨戒除睡卧
逮是三昧終不難
欲獲安隱布經戒
比丘受學在閑居
常行分衛知止足
逮是三昧終不難
捨離衆閑不受請
口莫貪味棄愛欲
所從聞是經法者
敬如世尊常供事
除去慳貪受是法
斷絕婬欲棄愚癡
發起大道心無疑
然後學行是三昧
行无所著捨諸欲
常自謹慎棄恚恨
精進奉行佛法教
然後受學是三昧
不貪男女及所有
遠離憍慢并妻妾
居家修道常慚愧
然後學誦是三昧
无賊害心行柔順
不樂謗訕捨諸惡
不用色求得法忍
當善諷誦是三昧
若比丘居學是法
常當恭敬棄憍慢

遠離調戲及貢高 得是三昧不復難
常行精進除睡眠 不計吾我諸人物
愛樂法者不惜命 然後學誦是三昧
制姪姝意捨所著 无瞋恚心棄諛諂
終不復墮魔羅網 持是三昧得如是
於諸衆生行平等 除去放逸衆塵埃
性無平暴及麁言 然後學誦是三昧
於鉢震越及衣服 不得須臾有貪愛
尊敬善師視如佛 然後學誦是三昧
以逮善利離惡道 一心信樂佛法教
遠離一切八難處 持是經者得如是
般舟經擁護品第八

毘陀和菩薩羅隣那竭菩薩憍日兜
菩薩和菩薩曰坦達菩薩和倫調菩薩
見佛所說是八菩薩皆大歡喜持五
百劫波育錦衣持珍寶布施持身自
歸供養佛佛語阿難是毘陀和等於
五百菩薩人中之師常持中正法合
會隨順教莫不歡喜者歡樂心隨時
心清淨心却欲心是時五百人皆叉
手立佛前毘陀和菩薩白佛言菩薩
持幾事得是三昧天中天佛言菩薩

有四事疾得是三昧何等為四一者不信餘道二者斷愛欲三者如法行四者無所貪生是為四菩薩疾得是三昧佛告毘陀和若有菩薩學是三昧者若持若誦若守今世即自得五百功德譬如毘陀和慈心比丘終不中毒終不中兵火不能燒入水不死帝王不能得其便如是菩薩守是三昧者終不中毒終不中兵終不為火所燒終不為水所沒終不為帝王得其便譬如毘陀和劫盡壞燒時持是三昧菩薩者正使墮是火中火即為滅譬如大嬰兒水滅小火佛告毘陀和我所語無有異是菩薩持是三昧者若帝王若賊若水若火若龍若蛇若閼叉鬼神若猛獸若大蟒若蛟龍若師子若虎若狼若狗若人若非人若豺獾若薜荔若鳩沮鬼神若欲燒人若欲煞人若欲奪人鉢震越若壞人禪奪人念設欲中是菩薩者終不能中佛言如我所語无有異除其宿命所請其餘無有能中者佛言我所語无有異若有菩薩持是三昧者終不病

目若耳鼻口身體无病其心終不憂
終不厄是菩薩若死若近死設有是
患者佛語為有異除其宿命所作復
次毖陀和是菩薩諸天皆稱譽諸龍
皆稱譽諸閼叉鬼神皆稱譽諸阿須
輪皆稱譽迦留羅鬼神真陀羅鬼神
摩睺勒鬼神若人非人皆稱譽是菩
薩諸佛天中天皆稱譽是菩薩復次
毖陀和是菩薩為諸天所護為諸龍
所護四天王釋提桓因梵三鉢天皆
護是菩薩閼叉鬼神軋陀羅鬼神阿
須倫鬼神迦留羅鬼神真陀羅鬼神
摩睺勒鬼神若人非人皆共擁護是
菩薩諸佛天中天皆共擁護是菩薩
復次毖陀和是菩薩為諸天所敬愛
諸龍閼叉鬼神軋陀羅鬼神阿須倫
鬼神迦留羅鬼神真陀羅鬼神摩睺
勒鬼神若人非人皆共敬愛是菩薩
諸佛天中天皆無有愛欲以道德故
皆復敬愛是菩薩復次毖陀和是菩
薩諸天皆欲見之諸龍閼叉鬼神軋
陀羅鬼神阿須倫鬼神迦留羅鬼神
真陀羅鬼神摩睺勒鬼神若人非人

皆思樂欲見是菩薩諸佛天中天皆
各各欲使是菩薩往到其所用人民
故欲使往復次毖陀和是菩薩諸天
皆來至其所諸龍闍叉鬼神軋陀羅
鬼神阿須輪鬼神迦留羅鬼神真陀
羅鬼神摩睺勒鬼神若人非人皆來
至是菩薩所與共相見諸佛天中天
菩薩不但晝日見夜於夢中若見諸
佛身若諸佛各各自說其名字復次
毖陀和是菩薩所未誦經前所不聞
經卷是菩薩持是三昧威神夢中悉
自得其經卷名各各悉見悉聞經聲若
晝日不得者若夜於夢中悉見得佛
告毖陀和若一切若復過一切我說是
菩薩持是三昧者說其功德不可盡竟
何況力求得是三昧者佛今時頌偈言
若有菩薩學誦是佛說三昧寂定義
假使欲嘆其功德 譬如恒邊減一沙
刀刃矛戟不中傷 盜賊怨家无能害
國王大臣喜悅向 學此三昧得如是
蜣蚘含毒誠可畏 見彼行者毒疾除
不復瞋恚吐惡氣 誦是三昧得如是
怨讎嫌隙莫能當 天龍鬼神真陀羅

觀其威光皆嘿然
山野獒狼及大蟒
無傷害心攝藏毒
弊惡鬼神將人魂
感其威神自然伏
其人不病无苦痛
言辭辯慧有殊傑
其人終不墮地獄
世世所生識宿命
鬼神輒隨共擁護
并阿湏倫摩睺勒
諸天志共頌其德
諸佛嗟嘆令如願
其人道意不退轉
姿顏美艷無與等
國國相伐民荒乱
終不於中天其命
勇猛降伏諸魔事
其功德行不可議
妖蠱幻化及符書
終無有能中其身
一切患共歌其德
然後當來寂末世

學此三昧得如是
師子猛虎鹿獬豸
悉來親護是行者
諸天人民懷害心
學此三昧得如是
耳目聰明無聞塞
行三昧者速逮是
離餓鬼道及畜生
學此三昧得如是
諸天人民亦如是
行此三昧得如是
天人龍鬼真陀羅
諷誦說經為人故
法慧之義而无盡
誦習此經開化人
飢饉荐臻懷苦窮
能誦此經化人者
心无所畏毛不豎
行此三昧得如是
穢濁邪道不正行
用愛樂法達本故
具足空慧佛尊子
手得是經得如是

般若三昧經卷中

第三復次

譬

常行精進懷喜踴

同心和悅奉此法

受持經卷講誦

今我以是為彼說

般舟經羣羅耶佛品第九

佛告毘陀和乃往昔時不可計阿僧祇劫亦有佛名羣羅耶佛恒薩阿竭阿羅訶三耶三佛於世間極尊安定於世間於經中大明天上天下号曰天中天尔時有長者子名須達與二万人俱来至羣羅耶佛所為佛作礼却坐一面須達長者子問羣羅耶佛是三昧羣羅耶佛知須達長者子心所念便為說是三昧須達長者子聞是三昧已大歡喜即志諷受得作沙門求是三昧八方歲時長者子須達從佛聞經甚衆多悉從无央數佛聞經其智慧甚高明長者子須達其後壽終生忉利天上以後復從天上来下生世間尔時故劫中復有佛名術闍波提恒薩阿竭阿羅訶三耶三菩時佛在刹利家生尔時長者子須達復於佛所聞是三昧復求之時長者子須達其後復於故劫中復有佛名賴毗羅耶恒薩阿竭阿羅訶三耶

三佛婆羅門種時長者子須達復於
佛所受是三昧求守八万四千歲佛
告毖陀和長者子須達却後八万劫
得作佛名提和竭羅今時長者子須
達為人高明勇猛智慧甚廣佛言見
是三昧不毖陀和饒益乃今使人成
就得佛道若有菩薩得是三昧者當
學誦當持當教人當守如是者得佛不
久若曹知不毖陀和是三昧者是菩
薩眼諸菩薩母諸菩薩所歸卽諸菩
薩所出生若知不毖陀和是三昧者
破去於冥明於天上天下若知不毖
陀和是菩薩三昧者是諸佛之藏諸
佛之地是珍寶洲海之泉是无量功德
之鎮益明捨之經當作是知三昧所
出如是從是中出佛聞經正立於四意
止中何等為四意止中一者自觀身
觀他人身自觀身觀他人身者本無
身二者自觀痛痒觀他人痛痒自觀
痛痒觀他人痛痒者本無痛痒三者
自觀意觀他人意自觀意觀他人意
者本无意四者自觀法觀他人法自
觀法觀他人法者本無法佛告毖陀

和是三昧誰當信者獨怛薩阿竭阿
羅呵三耶三佛阿惟越致阿羅漢乃
信之耳有愚癡迷惑心者離是現在
佛前立三昧遠何以故是法當念佛
當見佛佛告毖陀和是菩薩當念佛
當見佛當聞經不當有著者何以故佛
本無是法无所因何以故本空無所
有各各行法念是法中无所取是法
無所著如空等甚清淨是法人所想了
無所有无所所有是法假所因者空寂耳
如泥洹是法无所所有本無是法无所
從來亦無所從去人本无是法不著
者近有著者速佛告毖陀和若有守
是三昧者因想入無想中見佛念佛
守覺聞經念法守覺不得念我不得
著法何以故有守覺毖陀和有守覺
不見佛有所著如毛髮不得法施他人
有所怖望為不施持戒有所怖望為
不淨貪於法不得泥洹於經中有諛
諂不得為高明樂於衆會中喜於餘道
終不能得一行於欲中念難有瞋恚不
能忍辱有所憎惡不得說他人善求
阿羅漢道者不得於是見現在佛悉

在前立三昧中不逮無所從來生法
樂於中立有所著不得空菩薩終不
得慳貪有慳怠不得道有姪姪不入
觀有所念不入三昧佛今時頌偈言
是等功德不可計 奉戒具足无瑕穢
其心清淨離垢塵 行此三昧得如是
設有持是三昧者 智慧普大无缺減
博達衆義常不忘 功德之行如月明
設有持是三昧者 解了覺意不可識
晚知無量之道法 無數諸天護其德
設有持是三昧者 常自面見無數佛
聞无量佛講說法 輒能受持念普行
設有持是三昧者 惡罪懃苦皆滅除
諸佛於世行愍哀 悉共嗟嘆是菩薩
假使菩薩欲覩見 當來無數佛世尊
一心踴躍住正法 當學諷誦是三昧
其有持是三昧者 其功德福不可議
逮得人身取第一 出家超異行分衛
若有未後得是經 逮功德利取第一
得其福祐不可限 住是三昧得如是
般舟三昧經卷中

已亥歲高麗國大藏院監本

初彫造

般舟三昧經卷下

代

請佛品第十

後漢月氏三歲支婁迦識譯

高

跋陀和菩薩政衣服長跪叉手白佛
言我欲請佛及比丘僧明日於舍食
願佛哀受請佛及比丘僧默然志受
請跋陀和菩薩知佛已受請起至摩
訶波喻提比丘尼所白比丘尼言願
受我請明日與比丘尼俱於舍小飯
摩訶波喻提比丘尼即受請跋陀和
菩薩語羅隣那竭菩薩舍第諸郡國
其有新來人悉請會佛所羅隣那竭
菩薩前至佛所為佛作礼長跪叉手
白佛言我兄請佛所有新來人悉欲請
於舍食願哀受之跋陀和菩薩羅隣
那竭菩薩憍日兜菩薩那羅達菩薩
須深菩薩摩訶須薩和菩薩因垣達
菩薩和倫調菩薩志與宗親俱前以
頭面著佛足及為比丘僧作礼作礼
已竟從佛所去歸到羅閱祇國至跋
陀和菩薩家共相佐助作諸飯具四
天王釋提桓因梵三鉢皆共來佐助

跋陀和菩薩作衆飯具。爾時跋陀和菩薩宗親共莊嚴羅閱祇國。持若干種雜繒帳覆一國中。其街巷市里皆懸繒幡。舉一國中。悉散花燒香。作百種味飯具。用佛故。比丘僧比丘尼。優婆塞。優婆夷。及諸貧窮乞食者。其飯具適等。何以故。不有偏施於人民。及蚘飛蠕動之類。悉平等。跋陀和與八菩薩與諸宗親。以飯時俱往詣佛前。以頭面著佛足。却白佛言。飯食具以辦。願佛可行。時佛與比丘僧皆著衣持鉢俱詣來會者。皆隨行。佛入羅閱祇國中。到跋陀和菩薩家。跋陀和菩薩作是念。今佛威神。故令我舍極廣大。志作琉璃表裏。志相見城外。悉見我舍中。我舍中。志見城外。佛即知跋陀和心。所念佛。便放威神。令跋陀和舍極廣大。舉一國中。人民悉見於舍中。佛前入跋陀和菩薩家。坐比丘僧比丘尼。優婆塞。優婆夷。各各異部。悉坐於舍中。跋陀和菩薩見佛比丘僧坐。已自供養佛比丘僧若干百種飯手。自斟酌佛及比丘比丘尼。優婆塞。優

婆夷皆已乃飯諸貧窮者志等與志
各平足皆持佛威神恩使之足跋陀和
菩薩見佛諸弟子志飯已前行澡水
畢竟持一小机於佛前坐聽經為跋陀
和菩薩及四輩弟子說經莫不歡喜
者莫不樂聞者莫不欲聞者佛以經
請比丘僧及諸弟子佛起與比丘僧
俱去跋陀和菩薩飯已與宗親俱出
羅閱祇國到佛所前為佛作礼皆却
坐一面及羅隣那竭菩薩橋曰兜菩薩
那羅達菩薩須深菩薩摩訶須薩和
菩薩因垠達菩薩和倫調菩薩跋陀
和菩薩見人衆皆安坐已前問佛菩
薩用幾事得見現在佛志在前立三
昧佛告跋陀和菩薩菩薩有五事疾
得見現在佛志在前立三昧學持諦
行心不轉何等為五一者樂於深經无
有盡時不可得極志脫於衆災變去
以脫諸垢中以去冥入明諸矇矓志
消盡佛告跋陀和是菩薩逮得無所
從來生法樂逮得是三昧復次跋陀
和不復樂所向生是為二不復樂喜
於餘道是為三不復樂於愛欲中是

為四自守行无有極是為五菩薩復
有五事疾得是三昧何等為五一者布
施心不得悔無所貪无所惜徒是不
得有所怖望施人已後不復恨復次
跋陀和菩薩持經布施為他人說經
所語者安諦無有疑無所愛惜說佛
深語身自行立是中復次跋陀和菩
薩不嫉妬所作無有疑却睡卧却五
所欲不自說身善亦不說他人惡若
有罵者若有刑者亦不得恚亦不得
恨亦不得慙何以故入空行故復次
跋陀和菩薩是三昧自學復教他人書是
經者好正素上使久在復次跋陀和
菩薩所信多樂敬長老及知識於新
學人若得所施當念報恩常有識信
受人小施念報大何況於多者菩薩
常樂重於經棄捐無反復之意常念
有反復如是者得三昧疾佛今時頌偈言
常愛樂法在深解 於諸習欲不貪生
遊步五道無所著 如是行者得三昧
好喜布施不想報 所惠无著不追念
所與不見有受者 唯欲得解佛深惠
慈傷衆生行布施 其心喜踊不悔恨

常立布施及戒忍 精進一心智慧事
具足六度攝一切 慈悲喜護四等心
善權方便濟衆生 如是行者得三昧
若有興施除慳貪 其心歡踊而授與
既施之後恒欣喜 如是行者得三昧
曉知經法分別句 聞深要義佛所教
講說微妙道德化 如是行者得三昧
其人學誦是三昧 具足解惠為人說
令此經法得永存 如是行者得三昧
常不秘奧佛經法 不望供養乃為講
唯求安隱佛道地 如是行者得三昧
除去所著棄諸蓋 捐去貢高及慢大
不自稱譽說彼短 終不復起吾我想
其有寂定意不起 便能解是道定慧
棄捐諛諂心清淨 用是速逮不起忍
常行至誠無綺飾 其願具足無歟減
殖衆正德无邪行 愛樂法者得道疾
所誦習經常不忘 常護禁戒清淨行
如是行者得佛疾 何況奉是寂三昧
佛告跋陀和菩薩 往昔無數劫提和
竭羅佛時我於提和竭羅佛所聞是
三昧即受持是三昧見十方無央數
佛悉從聞經悉受持今時諸佛悉語

我言却後無央數劫汝當作佛名釋迦文佛告跋陀和菩薩我故語汝令自致作佛是三昧若曹當學為知內法第一衆所不能及出衆想去其有於是三昧中立者念得佛道佛念時頌偈言

憶念我昔定光佛 於時逮得是三昧
即見十方無數佛 聞說尊法深妙義
辟有德人行採寶 所望如願輒得之
菩薩大士亦如是 經中求寶即得佛
跋陀和菩薩白佛當云何守是三昧
天中天佛告跋陀和菩薩色不當著
不當有所向生當行空是三昧當守
何等為三昧當隨是法行復次跋陀
和菩薩自觀身無身亦无所觀亦无所見
亦無所著本亦無所著亦无所著如
經中法現住亦無所見亦無所著無
所著為守道者於法中无所疑不疑
者為見佛見佛者為疑斷諸法无所
從來生何以故菩薩有法疑想便為
著何等為著有人有壽命有德有陰有
人有對有想有根有欲是為著何以故
菩薩見諸法無所著是法亦不念亦不

見何等為不見辟如愚人學餘道自用有人謂有身菩薩不作是見菩薩何等為見辟如恒薩阿竭阿羅訶三耶三佛阿惟越致辟支佛阿羅漢所見不喜不憂菩薩如是見亦不喜亦不憂守是三昧者亦不喜亦不憂辟如虛空無色無想清淨無瑕穢菩薩見諸法如是眼無所罣碍見諸法用是故見諸佛見諸佛如以明月珠持著琉璃上如日初出時如月十五日在衆星中央時如遮迦越王與諸群臣相隨時如忉利天王釋提桓因在諸天中央時如梵天王在衆梵天中央寂高坐如炬火在高山頂燒如醫王持藥行愈人病如師子出獨步如衆野鴈飛行虛空中前有導如冬月高山上積雪四面皆見如天地大界金剛山却臭穢如下水持地如風持水諸穢濁悉清淨如虛空等如須弥山上忉利天為莊嚴諸佛如是佛持戒佛威神佛功德無央數國土悉極明是菩薩見十方佛如是聞經悉受得佛念時頌偈言

佛無垢穢離塵勞

功德衆竟无所著

尊大神通妙音聲

法鼓導義喻諸音

覺天中天脫諸慧

種種香華以供養

以無數德奉會利

幡蓋雜香求三昧

聞法普妙學具足

遠離顛倒喻滅度

終不想著於空法

當志解妙無尋慧

清淨如月日出光

譬如梵天立空宮

常清淨心念世尊

意无所著不相空

譬如冬月高山雪

若如國王人中尊

摩屈清淨超衆寶

觀佛相好當如是

如鴈王飛前有導

虛空清淨无穢亂

紫磨金色佛如是

佛子念此供養尊

去諸幽冥除闇愚

即患速逮淨三昧

捐捨一切諸想求

無垢穢行得定意

無有塵勞釋垢穢

棄去瞋恚无愚癡

其目清淨自然明

念佛功德無罣碍

思佛世尊清淨戒

心无所著不相求

不見吾我及所有

亦不起在諸色相

捨離生死無衆見

棄捨貢高慧清淨

遠離憍慢不自大

聞寂三昧離邪見

其有比丘佛子孫

信比丘居清信士

除去貪欲清信女

念精進學得是法

無想品第十一

佛告跋陀和菩薩若有菩薩欲學是三昧疾得是當先斷色思想當棄自貢高已斷思想已不自貢高已却當學是三昧不當諍何等為諍誹謗於空是故不當共諍不當誹謗空却誦是三昧佛告跋陀和若有菩薩學誦是三昧者有十事於其中立何等為十一者其有他人若饋遺鉢震越衣服者不嫉妬二者忠當愛敬人孝順於長老三者當有反復念報恩四者不妄語遠離非法五者常行乞食不受請六者當猜進經行七者晝夜不得卧出八者常欲布施天上天下無所惜終不悔九者深入慧中无所著十者先當敬事善師視如佛乃當却誦是三昧是為十事當如法作是行者便得八事何等為八事一者於戒清淨至究竟二者不與餘道從事出入智慧中三者於智慧中清淨无所復貪生四者眼清淨不復欲生死五者高明無所著六者清淨於精進自致得佛七者若有人供養者不用故喜八者正在阿耨多羅三藐三菩提

不復動是為八事佛亦時頌偈言

有黠慧者不起想棄捐貢高及自大

常行忍辱无震漏亦乃為學是三昧

智者心明不諍空無想寂定是滅度

不誹謗法莫諍佛如是行者得三昧

明者於是無憍慢常念佛恩及法師

堅住淨信志不動亦時為學是三昧

心不懷嫉遠窺冥不起狐疑常有信

當行精進不懈怠如是行者得三昧

比丘學是常分衛不行就請及聚會

心無所著不畜積如是行者得三昧

設使手得斯法教及持奉行此經卷

已具足意得如佛然後學誦是三昧

住是至德行誠信設有學誦三昧者

速速疾得是八法清淨無垢諸佛教

其清淨戒有究竟三昧无瑕得等見

以為空淨於生死住於是法得具足

智慧清淨無有餘无穢行者亦不著

博聞採智捨唐捐得行如是為黠慧

志精進者無睚失於供養利而不貪

疾得無上成佛道學如是德為明智

十八不共十種力品第十二

佛言得是上八事者便獲佛十八事

何等為十八事一者用某日得佛用
某日般泥洹從初得佛日至般泥洹
日佛無難二者無短三者無忘四者
無不定時五者終無生法想言我所
六者無有不能忍時七者無有不樂
時八者無有不精進時九者無有不
念時十者無有不三昧時十一者無
有不知時十二者無有不脫見慧時
十三者過去無央數世事无有能止
佛無所罣碍所見慧時十四者當來
無央數世事无有能止佛無所罣碍
所見慧時十五者今現在十方无央
數世事無有能止佛无所罣碍所見
慧時十六者身所行事智慧是本常
與智慧俱十七者口所言事智慧是
本常與智慧俱十八者心所念事智
慧是本常與智慧俱是為佛十八事
佛告跋陀和若有菩薩無所復著求
法悉護學是三昧者有十法護何等
為十法護佛十種力何等為十種
力一者有限無限悉知二者過去當
來今現在本末悉知三者棄脫定清
淨悉知四者諸根精進種種各異所

念念知五者種種所信念知六者若
千種變元夫數事念知七者念曉念了
念知八者眼所視無所罣碍念知九
者本末無極念知十者過去當來今
現在念平等無所適著佛告跋陀和
若有菩薩無所從生法念護是菩薩
得佛十種力佛今時頌偈言

十八不共正覺法 世尊之力現有十
設使奉行是三昧 疾速逮此終不久
勸助品第十三

佛告跋陀和是菩薩持有四事於是
三昧中助其歡喜過去佛時持是三
昧助歡喜學是經者自致阿耨多羅
三耶三菩阿惟三佛其智念具足我
助歡喜如是復次跋陀和當來諸佛
求菩薩道者於是三昧中助歡喜學
是三昧者自致阿耨多羅三耶三菩
阿惟三佛其智念具足其皆助歡喜
如是復次跋陀和今現在十方無央
數佛本求菩薩道時於是三昧中者
助歡喜學是三昧者自致得阿耨多
羅三耶三菩阿惟三佛其智念具足
其皆助歡喜福今其與十方人民及

蚰飛蠕動之類共得阿耨多羅三耶
三善阿惟三佛持是三昧助歡喜功
德令其疾得是三昧作阿耨多羅三
耶三善阿惟三佛得不久佛告跋陀
和是菩薩功德於是三昧中四事助
歡喜我於是中說少所譬喻譬如人
壽百歲墮地行至百歲無有休息時
其人行使過疾風周匝四方上下云
何跋陀和寧有能計其道里者不跋陀
和言無有能計其道里者天中天獨
佛弟子舍利弗羅阿惟越致菩薩乃
能計之耳佛告跋陀和我故語諸菩
薩若有善男子善女人取是四方上
下諸國土其所行處滿中珍寶布
施與佛不如聞是三昧若有菩薩聞
是三昧於是四事中助歡喜其福出
過布施佛者百倍千倍万倍億倍若見
不跋陀和是菩薩助歡喜其福寧多
不用是故當知之是菩薩助歡喜其
福甚尊大佛今時頌偈言

於是經教中 持有四事歡過去及當來
現在諸世尊 勸助功德行 度脫諸十方
蚰飛之蠕動 悉逮平等覺 譬如此周匝

四方及上下 人生行百歲盡壽行不息
欲有計道里其數難度量獨佛弟子知
不退轉菩薩滿中珍寶施不如聞是法
四事之勸助其福出彼上跋陀且觀是
四事之歡喜布施億万倍不與勸化等
師子意佛品第十四

佛尔時告跋陀和乃去久遠世時其
劫阿僧祇不可計不可數不可量不
可極阿僧祇乃尔時有佛名私訶摩
提怛薩阿竭阿羅訶三耶三佛其威
神無有與等者安隱於世間於經中
之尊天上天下号曰天中天於是國
土空閑之處是閻浮利國土豐熟人
民熾盛樂是時間浮利內廣縱十八
万拘利邨街踰旬是時間浮利內允
有六百四十万國尔時閻浮利有大
國名跋登加其國中有六十億人私
訶摩提佛在是國中有遮迦越王名
惟斯苓王往到私訶摩提佛所為佛
作礼却坐一面時私訶摩提佛即知
其王心所念便為說是三昧其王聞
是三昧助歡喜即持珍寶散佛上其
心即念持是功德令十方人民皆安

隱時私訶摩提佛般泥洹後惟斯等
遮迦越王其壽終已後還生王家作
太子名梵摩達今時閻浮提有比丘
高明名珍寶是時為四部弟子比丘
比丘尼優婆塞優婆夷說是三昧梵
摩達太子聞是三昧助歡喜心踊躍
樂喜聞是經持珍寶直百億散是比
丘上復持好衣供養之以發意求佛
道時與千人俱於是比丘所剃頭鬚
作沙門即於是比丘所從索學是三
昧與千比丘共承事師八千歲不休
懈前後一反得聞是三昧是比丘輩
聞是三昧四事助歡喜入高明之智
持是助歡喜功德却後更見六万八
千佛輒於一一佛所聞是三昧自守
學復教他人學其人持是助歡喜功
德其後得作佛名垺羅惟是逮怛薩
阿竭阿羅訶三耶三佛時是千比丘
從得阿耨多羅三耶三菩阿惟三佛
皆名垺羅首羅鬱沉怛薩阿竭阿羅
訶三耶三佛教不可計人民皆求佛
道佛告跋陀和何人聞是三昧不助
歡喜者何人不學者何人不為他人

說者何人不守者佛告跋陀和若有
菩薩守是三昧者疾速得佛跋陀和
若有菩薩在四十里外聞有持是三
昧者菩薩聞之便當行求往到其所
但得聞知有是三昧常當求之何況乃
得聞學者若去百里者若遠四千里
聞有持是三昧者當行學到其所但
得聞知何況乃得聞學者佛言去人
遠者常當自行求何況去人十里二
十里聞有持是三昧者不行求學跋
陀和若有菩薩聞是三昧欲行至彼
聞求是三昧者當承事其師十歲百
歲悉具足供養占視是菩薩不得自
用當隨其師教常當念師恩佛言我
故相為說之若菩薩聞有是三昧處
去四千里者欲往到其所設不得聞
是三昧者佛言我告若曹其人用精
進行求故終不復失佛道會自致作
佛見不跋陀和菩薩聞是三昧念欲
求不離其得利其尊佛今時頌偈言
我念過去有如來 人中尊号私訶末
尔時有王典主人 至於彼佛聞三昧
至意點慧聽此經 心悅無量奉持法

即以珍寶散其上
心念如是而歎言

供師子意人中尊
我身於此當來世

奉行佛教不敢缺

亦當速得是三昧

用是福願壽終後

輒復來還生王家

尔時見尊大比丘

号曰珍寶智博達

應時從聞是三昧

踊躍歡喜即受持

供以好物若干億

珍寶妙衣用道故

即與千人除鬚髮

來志樂求是三昧

同時具足八千歲

常隨比丘不捨離

一反得聞不復二

是三昧者譬如海

執持經卷諷誦說

其所生處聞三昧

用積累是功德故

當見諸佛大神通

其所具足八万歲

所見諸佛輒供養

曾值諸佛六万億

加復供養六千尊

聞所說法大歡喜

然後得見師子佛

蒙此功德生王家

見佛号曰堅精進

化無數億諸人民

度脫一切生死惱

諷誦學是法以後

便復見佛名堅勇

天上世間誦其稱

聞三昧聲得作佛

何況受持誦說者

於衆世界無所著

廣宣分派是三昧

未曾疑忘於佛道

此三昧經真佛語

設聞遠方有是經

用道法故往聽受

一心諷誦不忘捨

假使往求不得聞

其功德福不可盡

無能稱量其德義

何況聞已即受持

設有欲求是三昧

當念往時彼梵達

教習奉行莫退轉

比丘得經當如是

至誠佛品第十五

佛言乃往昔時復有佛名薩遮那摩
怛薩阿竭阿羅訶三耶三佛時有比
丘名和輪其佛般泥洹後是比丘持
是三昧我今時作國王剎利種於夢
中間是三昧覺已便行求持是三昧
比丘即從作沙門欲得於是比丘所
一反聞是三昧承事師三万六千歲
魔事數數起不得一反聞佛告比丘
比丘居優婆塞優婆夷我故語若曹
若曹當疾取是三昧無得忘失善承
事其師持是三昧至一切若百劫若
千劫莫得有慙愧趣當得是三昧守
善師不離若飲食資用衣被牀卧千
万珍寶以用上師供養於師無所愛
惜設無有者當行乞食給師趣當得是
三昧莫厭佛言置是所供養者此不
足言耳常當自割其肌供養於善師
常不愛惜身何況其餘當承事善師

如奴事大夫求是三昧者當如是得
是三昧已當堅持常當念師恩佛言
是三昧難得值正使求是三昧至百
億劫但欲得聞其名聲不能得聞何
況得學者轉復行教人正使如恒邊
沙佛剎滿其中珍寶持用布施其福
寧多不不如書是三昧持經卷者其
福極不可計佛今時頌偈言

我自識念往世時 其數具足六萬歲
常隨法師不捨離 初不得聞是三昧
有佛号曰其至誠 時知比丘名和輪
彼佛世尊泥日後 比丘常持是三昧
我時為王君子種 夢中逮聞是三昧
和輪比丘有斯經 王當從受此定意
從夢覺已即往求 輒見比丘持三昧
即除鬚髮作沙門 學八千歲一時間
其數具足八萬歲 供養奉事此比丘
時魔因緣數興起 初未曾得一反聞
是故比丘比丘尼 及清信士清信女
持是經法囑汝等 聞是三昧疾受行
常敬習持是法師 具足一切無得懈
勿難千億用道故 當得聞是法三昧
衣服牀卧若干億 比丘家家行乞食

以用供養於法師 精進如是得三昧
燈火飲食所當得 金銀珍寶供養具
尚當自割其肌肉 以用供養况飲食
明者得法疾持行 受學經卷有反復
是三昧者難得值 億那術劫常當求
所周旋處聞是法 當普宣視諸學者
假使億千那術劫 求是三昧難得聞
設令世界如恒沙 滿中珍寶用布施
若有受是一偈說 敬誦功德過於彼
佛印品第十六

佛於是語跋陀和若有菩薩聞是三
昧聞者當助歡喜當學得學者持佛
威神使得學當好書是三昧者素上
當得佛印印當善供養何等為佛印
所識不當行无所貪无所求无所想
無所著無所願無所向生無所適無
所生無所有無所取無所願无所往無
所尋無所有無所結所有盡所欲盡
無所從生無所滅無所壞無所敗道
要道本是印中阿羅漢辟支佛不能
壞不能敗不能欺愚癡者便疑是印是
印是為佛印佛言今我說是三昧時
千八百億諸天阿須輪鬼神龍人民

皆得須陀洹道八百比丘皆得阿羅漢道五百比丘皆得阿羅漢道萬菩薩皆速得是三昧皆速得元所從生法樂於中立萬二千菩薩不復還佛語舍利弗羅摩目捷連比丘阿難跋陀和菩薩羅隣那竭菩薩憍日梵菩薩那羅達菩薩須深菩薩摩訶須薩和菩薩因陀達菩薩和輪調菩薩佛言我從無央數劫求佛道以來今以得作佛持是經囑累若曹學誦持守無得忘失若有跋陀和菩薩學是三昧者當具足安諦學其欲聞者當具聞為他人說者當具說佛說經已跋陀和菩薩等舍利弗羅摩目捷連比丘阿難等諸天阿湏輪龍鬼神人民皆大歡喜前為佛作禮而去般舟三昧經卷下

已亥歲高麗國大藏都監奉
勅彫造

佛說般舟三昧經

伐

後漢月支三藏支婁迦識

譯

問事品第一

聞如是一時佛在羅閱祇加隣竹園中與大菩薩比丘比丘尼優婆塞優婆夷及諸天龍阿湏輪諸夜叉迦樓羅甄陀羅摩睺勒等無央數衆一切都在大會坐是時毖陀和菩薩從坐起整衣服長跪叉手白佛願欲有所問聽者今當問佛言善哉恣汝所問今當為汝說之毖陀和問佛言菩薩當行何等法得智慧如巨海攬萬流云何行博達衆智所聞悉解而不疑云何行自識宿命所從來生云何行得長壽云何行常在大姓家生父母兄弟宗親知識無不愛敬云何行得端正顏好美艷云何得高才與衆絕異智慧通達無所不包云何行功立相滿自致成佛威神無量成佛境界莊嚴國土云何行降魔怨云何行而得自在所願不違云何行得入揔持門云何行得神足遍至諸佛土云何行得勇猛如師子無所畏一切魔不能動云何行得佛聖性諸經法悉受

持皆了知而不忘云何行得自足離
諛諂不著三處云何行得無罣礙持
薩云若教不失佛意云何行得人信
云何行得八種聲入萬億音云何行
得具足相好云何行得徹聽云何行
得道眼覩未然云何行得十力正真
慧云何行心一等念十方諸佛悉現
在前云何行知四事之本無云何行
便於此間見十方無數佛土其中人
民天龍鬼神及蠕動之類善惡歸趣
皆了知所問如是當云何行願佛說
之釋一切疑佛告毘陀和善哉汝所
問多所過度不可復計汝所以能作
是問者汝乃前世過去佛時所作功
德供養諸佛樂於經法守禁戒行清
淨所致常行乞食不就請多成就諸
菩薩合會教語令棄衆惡視一切惡
平等所致常有大慈大悲所致汝功
德不可復計佛告毘陀和有三明名
十方諸佛悉在前立能行是法汝之
所問悉可得也毘陀和白佛願為說
之今佛說者多所過度安隱十方為
諸菩薩現大明相佛告毘陀和有

昧名定意菩薩常當守習持不得復

隨餘法功德中最第一

行品第二

佛告毘陀和菩薩欲疾得是定者常
立大信如法行之則可得也勿有疑
想如毛髮許是定意法名為菩薩超
衆行

立一念 信是法 隨所聞 念其方

宜一念 斷諸想 立定信 勿狐疑

精進行 勿懈怠 勿起想 有與無

勿念進 勿念退 勿念前 勿念後

勿念左 勿念右 勿念無 勿念有

勿念遠 勿念近 勿念痛 勿念痒

勿念飢 勿念渴 勿念寒 勿念熱

勿念苦 勿念樂 勿念生 勿念老

勿念病 勿念死 勿念身 勿念命

勿念壽 勿念貧 勿念富 勿念貴

勿念賤 勿念色 勿念欲 勿念小

勿念大 勿念長 勿念短 勿念好

勿念醜 勿念惡 勿念善 勿念瞋

勿念喜 勿念坐 勿念起 勿念行

勿念止 勿念經 勿念法 勿念是

勿念非 勿念捨 勿念取 勿念想

勿念識

勿念斷

勿念著

勿念空

勿念實

勿念輕

勿念重

勿念難

勿念易

勿念深

勿念淺

勿念廣

勿念狹

勿念父

勿念母

勿念妻

勿念子

勿念親

勿念疎

勿念憎

勿念愛

勿念得

勿念失

勿念成

勿念敗

勿念清

勿念濁

斷諸念

一期念

意勿亂

常精進

勿懈怠

勿歲計

勿日倦

立一念

勿中忽

除睡眠

精其意

常獨處

勿聚會

避惡人

近善友

親明師

視如佛

執其志

常柔弱

觀平等

於一切

避鄉里

遠親族

棄愛欲

履清淨

行無為

斷諸欲

捨亂意

習定行

學文慧

必如禪

除三穢

去六入

絕婬色

離衆受

勿貪財

多畜積

食知足

勿貪味

衆生命

慎勿食

衣如法

勿綺飾

勿調戲

勿憍慢

了身本

猶如幻

勿受陰

勿入界

陰如賊

四如蛇

為無常

為恍惚

無常主

了本無

因緣會

因緣散

悉了是

知本無

加悲哀

於一切

施貧窮 濟不還 是為定 菩薩行

至要慧 起眾智

佛告毘陀和持是行法便得三昧現
在諸佛悉在前立其有比丘比丘尼
優婆塞優婆夷如法行持戒完具獨
一處止念西方阿彌陀佛今現在隨
所聞當念去此千億萬佛刹其國名
須摩提一心念之一日一夜若七日
七夜過七日已後見之譬如人夢中
所見不知晝夜亦不知內外不用在
冥中有所蔽礙故不見毘陀和菩薩
當作是念時諸佛國境界中諸大山
須彌山其有幽冥之處悉為開闢無
所蔽礙是菩薩不持天眼徹視不持
天耳徹聽不持神足到其佛刹不於
此間終生彼間便於此坐見之譬如
人間墮舍利國有姪女字須門復有
人聞姪女阿凡和利復有人聞優婆
洹復作姪女時其人未曾見此三女
人聞之姪意即動是三人皆在羅閱
祇國同時念各於夢中到其女邊與
共棲宿覺已各自念之佛告毘陀和
我持是三女人以為喻汝持是事為

人說經使解此慧至不退轉地無上
正真道若後得佛号曰善覺佛言菩
薩於此閻國土念阿彌陀佛專念故
得見之即問持何法得生此國阿彌
陀佛報言欲來生者當念我名莫有
休息則得來生佛言專念故得往生
常念佛身有三十二相八十種好巨
億光明徹照端正無比在菩薩僧中
說法不壞色何以故色痛痒思想生
死識羗神地水火風世間天上上至
梵摩訶梵不壞色用念佛故得是三
昧佛告毖陀和是菩薩三昧誰證者
我弟子摩訶迦葉因垢達湏臾天子
及時知者有行得者是為證也如是
毖陀和欲得見十方諸現在佛者當
一心念其方莫得異想如是即可得
見譬如人遠出到他郡國念本鄉里
家室親族其人於夢中歸到故鄉里
見家室親屬喜共言語覺為知識說
之如是佛言菩薩聞佛名字欲得見
者常念其方即得見之譬言如比丘觀死
人骨著前觀之有青時有白時有赤
時有黑時其色無有持來者是意所

想耳菩薩如是持佛威神力於三昧
中立自在欲見何方佛即得見何以
故持佛力三昧力本功德力用是三
事故得見譬如人年少端正著好衣
服欲自見其形若以持鏡若麻油若
淨水水精於中照自見之云何寧有
影從外入鏡麻油水水精中不也毖
陀和言不也天中天以鏡麻油水水
精淨故自見其影耳影不從中出亦
不從外入佛言善哉毖陀和色清淨
故所有者清淨欲見佛即見見即問
問即報聞經大歡喜作是念佛從何
所來我為到何所自念佛無所從來
我亦無所至自念欲處色處無色處
是三處意所作耳我所念即見心作
佛心自見心是佛心佛心是我身心
見佛心不自知心不自見心心有
想為癡心無想是涅槃是法無可樂
者設使念為空耳無所有也菩薩在
三昧中立者所見如是佛爾時說偈
言

心者不自知 有心不見心 心起想則癡
無心是涅槃 是法無堅固 常立於念

以解見空者

一切無想願

般舟三昧經

卷第八

伐

壹

四事品第三

菩薩有四事法疾速得是三昧一者
所信無有能壞者二者精進無有能
退者三者智慧無有能及者四者常
與善師從事是為四復有四事疾得
是三昧一者不得有世間思想如彈
指頃三月二者不得睡眠三月如彈
指頃三者經行不得休息三月除其
飯食左右四者為人說經不得望人
供養是為四復有四者疾得是三昧
一者合會人至佛所二者合會人使
聽經三者不嫌四者教人學佛道是
為四復有四事疾得是三昧一者作
佛形像用成是三昧故二者持好素
寫是三昧三者教自貢高人內佛道
中四者常護佛法是為四佛爾時說
偈言

常信樂於佛法
廣分布為人說
意善解便離欲
悉見知無數變
并現在人中尊

精進行解深慧
慎無得貪供養
常念佛有威德
過去佛及當來
諸相好若干種

黃金色無穢漏

堅固教無極慧

聽是法無亂心

常捨離懈怠行

無恙害向他人

敬於師當如佛

慎無得疑斯經

一切佛所歌歎

常造立佛形像

常教人學是法

行如是得三昧

佛告毖陀和欲學是三昧者當敬於師承事供養視當如佛視善師不如佛者得三昧難菩薩敬善師從學得是三昧已持佛威神於中立東向視見若干百千萬億佛十方等悉見之譬如人夜起觀星宿甚衆多菩薩欲得見今現在佛悉在前立者當敬善師不得視師長短當具足布施持戒忍辱精進一心不得懈怠

譬喻品第四

佛告毖陀和菩薩得是三昧不精進行者譬如人載滿船珍寶渡大海船中道壞閻浮利人皆大愁憂念失我爾所寶菩薩聞是三昧不學者一切諸天人民皆悲憂言乃失我爾所經寶佛言是三昧經者是佛所囑佛所稱舉聞是深三昧不書學誦守持如

法者是爲愚癡譬如癡子人持栴檀香與之而不肯受謂之不淨香主言此栴檀香也卿莫謂不淨嗅之知香視之知淨其人閉目不嗅不視也佛言聞是三昧不肯受持者如彼癡子是爲無知反呼世間爲有不入空不知無自謂如法反作輕戲言佛亦有深經乎亦有威神乎反相形言世間亦有比丘如阿難乎佛言其人從持是三昧者所去兩兩三三相與語言是何等說從何得是語爲自合會作是經非佛所說佛告毼陀和譬如賈客持摩尼珠示田家癡子曰評此直幾錢賈客言持是珠置冥中其光所照直滿中寶佛言其人不知是珠而言其價能與一頭牛等不寧可買一頭牛與我者善不肯者休如是毼陀和菩薩聞是三昧不信反形相者如彼癡子佛言菩薩聞是三昧信受持修行者四面皆擁護無所畏持戒完具是爲高明智慧深入當分布語人展轉相教當令是三昧久在世間佛言癡人自於前世不供養作功德反

自貢高多行誹謗嫉妬貪財利故欲求名譽但欲譁說不信深經聞是三昧不信不樂不學反誹謗是經言非佛所說佛告毘陀和今我故語汝如是若善男子善女人持珍寶滿三千國土布施設有是功德不如聞是三昧信樂者其福過彼上

佛告毘陀和如我所說無有異今故說是語耳今見我說是三昧有疑者其人却後除在惡師邊正使善師所其功德不足言如是輩人轉與惡師從事聞是三昧不信不樂不學何以故其所更佛少智慧少故不信耳佛告毘陀和其有聞是三昧不輕笑不誹謗不疑不乍信乍不信歡喜樂書學誦持者我悉豫知見之其人不獨於一佛二佛所作功德悉於百佛所聞是三昧却後世時聞是三昧書學誦持守之一日一夜其福不可計自致得阿惟越致所願者得佛告毘陀和聽我說譬喻有人取一佛刹悉碎如塵取一塵皆復盡破如一佛刹塵云何是塵數寧多不也毘陀和言

甚多甚多天中天佛言有菩薩盡取
一塵置一佛刹其數爾所佛刹滿中
珍寶悉持供養諸佛其福功德少少耳
不如聞是三昧學書誦持爲他人說
守須臾聞聞是功德不可復計何況
已得是三昧悉具足者佛爾時說偈
言

若有菩薩求衆德 當說奉行是三昧
信樂諷誦不疑者 其功德福無齊限
如一佛國之世界 皆破壞碎以爲塵
一切佛土過是數 滿中珍寶用布施
不如聞是三昧者 其功德福過上施
引譬功德不可喻 囑累汝等當勸教
力行精進無懈怠 其有誦持是三昧
已爲面見百千佛 假使最後大恐懼
持是三昧無所畏 行是比丘已見我
常爲隨佛不遠離 如佛所言無有異
菩薩常當隨其教 疾得正覺智慧海

四輩品第五

毘陀和自佛難及天中天若有棄愛
欲作比丘聞是三昧當云何學云何
持云何行佛言棄愛欲作比丘欲學
是三昧者當清淨持戒不得缺如毛

般常當怖畏於地獄痛苦遠離於欲
諂是為清淨云何為缺戒也佛言求
色云何為求色佛言其人意念我持
戒目守使我後世生若作天若作遮
迦越王如是為樂愛欲是為缺戒佛
告毼陀和其有欲學是三昧者清淨
自守持戒完具不諛諂常為智所稱
譽於經中當布施當精進所志當疆
當多信當勸樂承事於師視當如佛
得三昧疾設不恭敬輕易欺調於師
正使久學是三昧疾忘之佛告毼陀
和是菩薩若從比丘比丘尼優婆塞
優婆夷聞是三昧當視如佛常尊敬
不當持諂意向菩薩不得有諂意常
當至誠常樂獨處止不惜身命不得
怖望人所索常行乞食不受請自守
節度所有趣足而已經行不得懈卧
如是經中教學是三昧當守如是毼
陀和白佛難及天中天後世若有懈
怠菩薩聞是三昧不肯精進學當云
何若有菩薩精進欲學者我輩當隨
是經教之佛言善哉毼陀和我助其
歡喜過去當來今現在佛皆助歡喜

佛爾時頌偈言

般舟三昧經

卷之四

七

如我所說悉受持

常獨處止行功德

自守節度不聚會

常行乞食不受請

敬於法師視如佛

除去睡眠志開解

常自精進無懈怠

如是行者得三昧

毘陀和白佛比丘尼求菩薩道欲學

是三昧當云何行佛言比丘尼求是

三昧者不得自高常當卑謙不得自

貴不得自大不得嫉妬不得瞋恚不

得貪財利色常當清淨不得惜軀命

常樂經法念多學問當棄姪怒癡不

得貪好服飾珠環當為智者稱譽當

敬善師視如佛不得有諂意佛爾時

頌偈言

若比丘尼求三昧

常當精進勿懈怠

無得聽於貪欲心

除去瞋恚自高貴

不得慢欺及調戲

常行至誠立一信

恭敬善師視如佛

如是行者得三昧

毘陀和白佛若有居士脩道聞是三

昧欲學者當云何行佛言居士欲學

是三昧者當持五戒令堅不得飲酒

亦不得飲他人不得與女親熟不得

教他人不得有恩愛於妻子男女不

得貪財產常念欲棄家作沙門常持
八關齋當於佛寺中常當念布施布
施已不念我自當得其福用爲一切
施常當大慈敬於善師見持戒比丘
不得輕易說其惡作是行已當學守
是三昧佛爾時頌偈言

居士欲學是三昧 當持五戒勿毀毀
常當思欲作沙門 不貪妻子及財色
常八關齋於佛寺 不得貢高輕蔑人
心無榮臭思所欲 奉行經法心無諂

棄捨慳貪常惠施 常當奉敬比丘僧

常志一行勿懈怠 學是三昧當如是

毘陀和白佛優婆夷聞是三昧欲學
者當云何行佛言優婆夷欲學者當
持五戒自歸於三何等爲三自歸命
佛歸命法歸命比丘僧不得事餘道
不得拜於天不得祠鬼神不得視吉
良日不得調戲不得慢恣有色想不
得有貪欲之心常當念布施歡樂欲
聞經念力學問敬重善師心常拳拳
不得有懈若有比丘比丘尼過者以
坐席賓食之佛爾時頌偈言

優婆夷欲學三昧 奉持五戒勿毀毀

承事善師視如佛

不得拜天祠祀神

除去殺盜及嫉妬

不得兩舌鬪彼此

不得慳貪常念施

見惡覆藏唯歎善

不得諛諂有邪媚

常當卑謙勿自大

敬事比丘比丘尼

如是行者得三昧

擁護品第六

毘陀和菩薩羅隣那竭菩薩憍日兜

菩薩那羅達菩薩須深菩薩摩訶須

薩和菩薩因坵達菩薩和輪調菩薩

是八菩薩見佛所說皆大歡喜持五

百劫波育衣布施持身自歸持珍寶

供養佛告阿難毘陀和等五百人人

中之師常持正法隨順教化莫不歡

喜樂隨侍者心淨無欲時五百人皆

叉手立佛前毘陀和白佛菩薩持幾

事疾得是三昧佛言有四事一者不

信餘道二者斷愛欲三者當清淨行

四者無所貪是爲四如是行者今世

即得五百功德譬如慈心比丘終不

中毒兵刃不加水不能燒入水不溺

不害正使劫盡燒時墮是火中火即

爲滅喻如大水滅小火菩薩持是三

昧者若帝王若賊若水火若龍夜叉

蟒師子虎狼豺獾薜荔鳩鵒一切毒
獸及鬼神欲燒人欲殺人欲奪人衣
鉢壞人禪奪人念故欲中是菩薩終
不能也除其宿命不請如我語無異
也佛言持是三昧者終不痛目若耳
鼻口身體心終不憂除其宿命所作
佛言是菩薩爲諸天龍神及阿須輪
夜叉鬼神迦樓羅鬼神甄陀羅鬼神
摩睺勒鬼神若人非人皆共讚譽是
菩薩皆共擁護承事供養瞻視敬仰
思欲相見諸佛世尊亦是菩薩所
未誦經前所不聞持是三昧威神悉
自得之若晝日不得者夜於夢中悉
得之佛告毖陀和其有持是三昧者
我說其功德一劫復過一劫不可盡
竟略說其要爾

勸助品第七

佛告毖陀和菩薩於是三昧中將有
四事助其歡喜過去佛持是三昧助
歡喜自致得阿耨多羅三耶三菩阿
惟三佛其智悉具足今現在十方無
央數佛亦於是三昧中四事助歡喜
得當來亦當從是四事助歡喜得我

悉助歡喜佛告毘陀和是三昧中四
事助歡喜我於是中說少所譬喻人
壽百歲隨地行至者不休息其人行
過於疾風寧有能計其道里不毘陀
和言無有能計者獨佛弟子舍利弗
羅阿惟越致菩薩乃能計之耳佛言
我故語諸菩薩若有善男子善女人
取是人所行處滿中珍寶布施不如
聞是三昧四事助歡喜其福過布施
者百千萬億倍當知是助歡喜福甚
尊大佛告毘陀和乃久遠不可計阿
僧祇爾時有佛名私訶摩提等正覺
無上士道法御天人師佛世尊在空
閑之處是時閻浮利縱廣十八萬億
里凡有六百四十萬國悉豐熟人民
熾盛有大國名毘陀和有轉輪王惟
斯王往到佛所禮畢却坐一面佛知
其意便為說是三昧其王聞之助歡
喜即持珍寶散佛上自念曰持是功
德令十方人民皆安隱時私訶提佛
般涅槃後惟斯王壽終還自生其
家作太子名梵摩達爾時有比丘名
珍寶是時為四部弟子說是三昧梵

摩達聞之助歡喜踊躍持寶直百億散其上復持好衣供養之以發意求佛道與千人俱於是比丘所作沙門求學是三昧與千人共承事師八千歲不休懈得一聞是三昧四事助歡喜入高明智因是却後更見六萬八千佛輒於一一佛所聞是三昧自致得佛名垢羅惟達等正覺無上士道法御天人師佛世尊是時千比丘從得等正覺皆名垢羅鬻沉教不可計人民皆求佛道佛告毘陀和何人聞是三昧不助歡喜學持守誦爲人說者也佛言若有守是三昧者疾達得佛但聞其功德不可計何況學持者若去百里千里有是三昧當求之何況近而不求學也若有聞是三昧欲學者當承事其師十歲供養瞻視不得自用當隨師教常念師恩佛言我故爲汝說之聞是三昧去四千里者往到其所正使不得聞其功德不可計也所以者何專精進故會當得之自致作佛

至誠品第八

佛言乃往昔有佛名薩遮那摩等正覺無上士天人師佛世尊時有比丘名和輪其佛般涅槃後是比丘持是三昧我時作國王剎利種於夢中聞是三昧覺已便行求是比丘即依作沙門欲得聞是三昧承事其師三萬六千歲魔事數數起竟不得聞佛告比丘比丘尼優婆塞優婆夷我故語汝等疾取是三昧無得忘失善承事其師持是三昧至一劫若百劫若百千劫莫得有懈倦守善師不離若飲食資用衣被床卧珍寶以上勿有愛惜設無者當行乞食給師趣當得是三昧莫厭常當自割身肉供養於善師何況寶物此不足言耳承事善師當如奴事大家求是三昧者當如是得三昧已當堅持常念師恩是三昧難得值正使求是三昧至百千劫但欲得聞其名不可得何況學而不精進得是三昧精進學轉教人者正使如恒河沙佛剎滿中珍寶用布施甚多不如學是三昧者佛告毘陀和若有人欲學者當助歡喜欲學而得學

者持佛威神使學當好書是三昧著
素上當得佛印印之當善供養何謂
佛印所謂不當行無所貪無所求無
所想無所著無所願無所向生無所
取無所顧無所住無所礙無所結無
所有盡於欲無所生無所滅無所壞
無所敗道要道本是印阿羅漢辟支
佛所不能及何況愚癡者是印是為
佛印佛言我今說是三昧時千八百
億諸天阿須輪鬼神龍人民得須陀
洹道八百比丘得阿羅漢五百比丘
尼得阿羅漢萬菩薩得是三昧得無
從生法於中立萬二千菩薩不復退
轉佛告舍利弗目犍連比丘毘陀和
等我從無數劫求道今已得作佛持
是經囑累汝等學誦持守無得忘失
若有欲學者當具足安諦教之其欲
聞者當為具足說之佛說經竟毘陀
和菩薩等舍利弗目連比丘阿難及
諸天阿須輪龍鬼神人民皆大歡喜
為佛作禮而去

佛說般舟三昧經

已亥歲高麗國大藏都監奉
勅彫造

拔陂菩薩經

代

僧祐錄云安公古典是般舟三昧經初異譯

聞如是佛在羅悅祇竹園多鳥樹下
與衆弟子五百比丘俱皆是阿羅漢
所著盡无餘結所作滿所求具皆已
下重擔悉至所願已斷於故胎從政
化度皆悉度八禪除一凡比丘尔時
拔陂菩薩與五百菩薩俱皆白衣身
受五戒皆從如來欲受正法拔陂菩
薩便起前到佛所為佛作礼却坐一面
諸菩薩及諸比丘悉以頭面礼佛皆
坐一面佛尔時便取神足定意使諸
比丘在他郡國者皆來會是竹園悉
為佛作礼尔時過十餘万衆比丘皆
來會竹園佛復取神足定意使大德
比丘尼等從三萬餘比丘尼皆來會
竹園為佛作礼悉坐一面佛復取神
足定意使羅檀迦婁菩薩從惟舍大
國及迦休頭菩薩從占波大國及鄰
達頭菩薩從波羅柰大國及須深無
菩薩從迦惟羅衛大國及大犍象
菩薩及給孤獨迦羅越從舍衛大國

及尊達菩薩從拘邏大國及謗論調
菩薩從沙呖大國各從二萬八千人
皆會竹園悉以頭面禮佛足悉坐一
面尔時阿闍世王與過十萬衆人俱
來到佛所皆以頭面禮佛悉坐一面
尔時第一四天王及忉利天王及梵
天王與無央數天衆悉來到佛所為
佛作礼悉坐一面及諸遍淨天無央
數衆悉來到佛所作礼皆住一面及
四阿須倫王從無央數阿須倫衆皆
來到佛所作礼竟悉住一面及難頭
和難龍王及沙迦羅龍王及摩柰師
龍王及阿耨達龍王及伊羅鉢龍王
共與無央數衆龍俱來到佛所作礼
竟悉住一面尔時是三千日月間無
有空無人者皆大神妙天龍神及人
非人從下并梵天拔陂菩薩便起坐
整衣服右膝著地向佛叉手便言今
欲有所問願佛演說解我所難佛因言
拔陂恣意所問如來今我悉能解汝
所問知汝意生滅形象拔陂菩薩便
言云何得菩薩定意所聞如海多藏
所聞無有餘疑不忘生念亦不退亦

不懈情於無上之道至德正覺為佛
轉生不落無法處常識所從來生未
嘗離本願見如來至便卧夢亦不離
正得形常端正可愛見者喜生於豪
貴家常持堅彊意自裏所學疾所知
不忘廣計慮意堅固慙著具了理奇
可多行慈常有默覺所對多威神常
精進不中悔傳放義常入法常入止
常入觀常入禪常入定空不入相無
形地法不恐不懼常樂說法常樂受
法意所願生不復違其本願本德多
力本意多力本因緣彊五根彊所作
常彊呵止惡常彊所觀常彊於解所
願常彊難勝量辟如海辟如月自具
淨滿辟如日稍盡陰冥辟如火能現
色辟如虚空難可塗漆無所著意已
空辟如明珠志達正法辟如石安住
不動辟如根難搖動辟如狻及溥軟
其意無所痛辟如蜚鳥意以位伏辟
如乞兒不起樂在縣國樂山谷辟如
麋鹿亦獐猿不親愛俗人亦有學者
常導衆復牽衆無瞋恚在諸人不復
化惡諸魔隨次解度諸法無教導自

意解於覺見法在禪堅不緣邪有大慈力難可燒所念常深不離正行無能計其所得所念得聞法數依墮波所忌常太一切具佛所行思願衆來欲採無數善念願取海清淨信增願淨潔妬嫉瞋恚斷常願明在一切知至光內歡喜行願以斷不信忌為照所洒滿無數天願行一切莊飾世斷綺可便淨好行戒淨具為能斷弟子因緣覺地心所求願堅不轉所作竟成所求常無造於天人道善法行不廢事志於菩薩成滿具度不憂喜一切於異學不傾邪一切敬樂諸佛志見法光耀無能化壞常志會面於諸佛譬如作幻人一切法非我譬如化人未來於後法譬如夢人過去當來現在事譬如有光一切世志見身如雙日亦不行亦無所止因緣法譬如景於生死以往無胎已斷胎想過不取法行遠棄已憂法器菩薩意已無數一切於世一切無能轉不墮次近無所著一切佛國界已度符節門一切足解散善法自上如法器一切於諸

佛一切為如來所拜以佛神住衣毛
不動能力如師子獨吼常見敬一切
能飽滿世衆不亂誤一切為諸佛所
待知如時覺行化衆所疑無彼受法
一切三世無不照知一切點慧說無
窮常行慈以得哀不留事說經明不
慧棄住志於諸人不兩隨身意同生
直心為世眼三界明志三界無能輕
易者行非我世所有展轉止行不求
衆樂獨行信憶誠信法不取不棄一
切知演教彼勸人住大學門已至無
恐怖善說如來正法一切卷句常行
求見者莫不喜志衆所從大樂得喜
在如來足下斷蓮當樂善說一切佛
法樂行問不仇意著於行於衆止所
受恐怖斷起力言行一切度轉常直
取所住不動一切羸彼助說法坐師
子座數數有志諸佛所知一切在世
无所墮志說行在入知常尊法志依
諸佛行常願法不倦解待愚如來善
交無處所行在十方世常好行一切
為人棄罪成福默為日增已得入法
門辟如天法身無形故常學內人為

菩薩一切不斷諸佛諸行不住止欲
具菩薩棄已被人鎧雖多怨嫉欲勝
一切於佛數數願如來十種力地一
切想去已為知患了工校計知世聚
散一切行入生死棄無所住亦不亂
已度於法海為藏貴寶遍行於世一
切已遠世已習行大變化佛力足致
無比聚一意願見諸佛棄不用一切
世所生生異界如來有住在者正覺
無所著遙見佛及其國界聞其法見
其比丘僧亦不五達亦不六達菩薩
亦不從是世致彼聽視猶故住是世
耳遙見正覺亦聞明法亦志受行辟
如今面受奉行令正等使吾無疑亦
使如是諸菩薩無懈怠常面見佛善
聽法至夢傾意不為邪佛便謂拔陂
菩薩言善哉善哉拔陂是為哀衆辭
求衆之安愍念三世見義見樂見安
於人天能以如是義問如來先亦自
有德於過去佛已施衆善福已待遇
衆佛坐法義座願法無所願援奉受
梵行少欲約可於無食喜具戒起諸
菩薩常勸成菩薩常願尊菩薩常願

菩薩意大願菩薩盛願菩薩得其所
求常慈有大依一切等心於人制意
度无極見佛常度理如來語求佛意
譬如和夷鐵無稱量患人意所常善
知覺於面行是汝德拔波吾已意具
知雖尔者有現在佛定名為常住止
是定為定意堅不墮不失意下耳根
衆不他怠唯如來為我解說是定意
為衆學作先使衆人得安願慈是世
為人天世及諸菩薩大願者皆當以
是見光自照佛便告菩薩拔波善常
行一法常作莫廢奉行如上多益作
莫減如作事成便乘便可隨常所求
已具淨已諦念已具堅本力作一切
善法自致踰過便以有何等為一法
見在佛定意名為止定住者所謂因
緣佛意作念意不邪冥不亂已默得
持精進不跌無形有待遇常興空厚
睡卧為劇然且遠避衆會身常隱避
惡知識莫親隨善政友可法道直根
莫妄占近饜欲少食不願貪好法衣
不願壽長隨本命慧身無所愛不顧
其親屬本所生國遠棄去已親慈心

已得哀意已住喜意已行護心諸蓋
 已棄諸禪已習色想已分別陰想不
 取諸入不受諸大不省意已不亂生
 受不住不淨已得一切舍向一切脫
 人一切於人如已身一切人皆非我
 一切法無所取從戒无所願常習欲
 定多聞欲樂戒陰不漏毀定陰不動
 墮於法無所復疑與佛無諍於法無
 所棄於僧不誹謗麤惡言以斷止待
 遇於有道過者常遠離世音無樂不
 用過世音常用愛樂畜生音遠棄辟
 六堅法已習五度脫常當習十惡作
 足已棄十善作足親習於九嬈能自
 解於八无勢志違捨八精進常已習
 九想行已行八大人念為已得諸禪
 莫取愛莫以聞自大理可綺下耳聽
 常重法常欲法色想已別自想身無
 所取想人已悉捨雖生不為可陰想
 已分別所有已不住常求欲泥洹願
 不用生死行於生死恐懼想於諸陰
 想如怨於四大如地於諸入已想空
 想三界無所住見泥洹而獨樂世作
 不復用捨世隨佛令於人無諍一切

於世無所親一切諸佛常得面有是身如夢見向脫常淨潔善作常為求一切諸想分別計三堅定常著念一切諸佛依怙著善本常思願一切諸佛自在欲定不自願佛身相等一切法不分別計世知義不與諍從受有能次第隨如來住地利得忍辱已下入法身空身為已知人身不生不滅泥洹身常以觀點慧眼已為淨一切法非我願佛意不憶不踰一切於佛一其行不念知欲求到為無數識申直意於為業不為彼隨佛智遇善友如見尊一切於諸菩薩無異意恚反魔所作一切世所有如幻一切諸佛如光照見如來常行求菩薩意度無極恚等等億誠信見諸佛一切等善法拔陂是為現在佛面住定意亦用是法定意為具來何等定意具將是法來所謂現在現在佛面住定意為何等拔陂若有比丘比丘尼優婆塞優婆夷於戒常具足常獨處不與眾便起意念言阿彌陀佛為在何方常在說法如其所聞便生念在西方阿

彌陀佛如來正覺所治也去是佛國
當過百千億佛界名須摩提國衆菩
薩所聚聽尊說法已不亂意常當念
是國地拔陂譬如人卧夢見聚銀若
金及衆寶親友知識極愛親屬常樂
欲見不饜便與共戲樂至意親密談
至寤尚識其所見如事為人說便為
墮淚念識其想拔陂亦如是菩薩白
衣者若學者聞阿彌陀佛所在國常
當念其方無毀漏於戒於戒陰莫用
亂意淨心念一日一夜至七日七夜
如是七日七夜畢念便可見阿彌陀
佛或在夢中如來阿彌陀佛如來當
面自見譬如上頭夢男子自想為住
在空不想夜亦不想晝其眼根不為
壁牆所遮不為陰冥所蔽拔陂菩薩
亦尔作意行如是如是於佛界中間
雖有須彌山有遮迦謗摩呵遮迦謗
山及餘黑山不能遮其眼視亦不能
遮其意菩薩亦未得天眼視見阿彌
陀佛亦不得天耳聽聞阿彌陀佛說
經亦未得神足得往到阿彌陀佛國
菩薩亦不從是下世往生彼但自故

住是世見阿彌陀佛如來亦聞其說
法如聞奉行菩薩便從是定意寤如
所聞法便為人廣說拔陂辟如人從
隨沙離聞有好女字須聞復有第二
男子聞有好女字阿凡和利復有第
三男子聞有好女名為蓮華色從聞
展轉著淪轉自作貪是諸男子皆未
見好女但遙聞數數起意生念便有
煙起從卧便夢見便往到女處是故
羅閱祇城中男子如是起意如是便
見與共會合便亂習婬法曉竟便寤
故識如問如知拔陂為汝說如是從
是因緣如是法說從是不還受別於
無上覺道我復為其說當來於後久
遠當名為善寤如來無所著正覺其
人但得恣意見想如是正見如是善
薩拔陂亦如是住在是世間彼有阿
彌陀佛已聞數數念便見如來阿彌
陀佛見在佛面見住上定意見便難
問如來從何法會菩薩得生是世阿
彌陀佛便為諸菩薩說言常念佛意
善習不捨常行幻作便得生是佛國
何等常念佛念如來法不忘今是如

來無所著正覺身有三十二大人相
紫磨金色身如淨明月水精珠身譬
如衆寶所纓絡在衆弟子中獨說法
如是為其誠說何以無所壞故何所
不壞敗者地水火風神天梵王是皆
不亡色痛想行識如有念如來因緣
如空空便為已得是為念佛意菩薩
常寤已捨其定拔陂汝用是便到彼
所從到便說是事從有是如是法說
可使受別不復還墮於無上得正覺
拔陂亦汝及摩訶迦葉及因陀達菩薩
及須深天子亦及餘於是定意有得
者拔陂過去久遠有一男子於曠野
澤中便大飢復渴於澤中便得卧夢
得好飯食極意飽食所飢渴便飽適
寤自意身飽滿便自計是法譬如夢
食其如是觀便忍受別於佛法菩薩
亦如是居家或學聞佛所在方常至
意當念其方常願欲見佛莫取想於
胎亦莫想自有身常住空想有想當
想念佛從以空想便以住以能想念
佛淨如琉璃寶中尊如是念便見如
來拔陂譬如人從本生國到他方久

久還念本所生國遊戲所見樂卧便
夢還故國便遊戲生想如故所到處
於國中恣意戲寤便為親近及知識
左右侍人說言我往如是我見如是
我所到到所作到如是拔陂菩薩亦
如是居家及學問佛所在方常當念
其方願常欲見佛如是念菩薩會見
如來淨如琉璃寶中尊拔陂辟如觀
淨露比丘取半壞敗色著其前便見
已青黑亦見壞亦見空隨如烟但見
白骨在前是骨從何來誰持著是誰
所作是皆意所作耳拔陂菩薩亦如
是持佛不歸他住在是定意所向方
便願見佛其方有佛者即見如來身
何以故以倚著定故復已持佛故住
在是定以佛威神復已定力自復以
宿功德作三令志見如來拔陂辟如
人年尚少樂自拭拭淨器受麻油淨
器受清水新磨鏡若於水精器自觀
其身悉於是中見其形拔陂汝寧謂
是人形入油水鏡水精器不若已在
其中耶對言如來不我謂內不可得
及麻油水鏡水精悉見影住其前亦

不從光中來亦不從身中出佛言等
哉善哉拔陂實如是以淨色已分別
諸菩薩欲見佛易无難見即能問得
問能對所聞內喜其復內亦是諸佛
從何來我到何所是皆無從來知如
來無從去去其自身其復生意亦但
意行是三界耳我欲觀天意即見天
以意作佛亦以意見但是我意為佛
如來但意耳及我身意也以意見佛
意不能見意意不能知意意想為無
智不想意為泥洹是法無堅皆從自
可起自可忘空求自可亦無有拔陂
菩薩亦如是住在其定拔陂有四法
菩薩疾得是定何等為四一為無央
信二為精進無能運三為黠不受彼
教四為親善友拔陂是為四法菩薩
用疾得是定復有四法菩薩疾得是
定常求見佛常願聞法計无所住求
佛意不忘菩薩用是四法疾得是定
復有四法何等為四不樂俗言不樂
有人識不欲世樂不到睡卧試但除
大小便及飯食時及經行不識會四
輩及餘衆常以法布施轉增不樂好

色及待過利是為四法菩薩疾得是
定復有四法疾得是定常作佛形像
次畫作其好常持是定意亦以意樂
是定住久長止亦書受奉行是定起
棄綺可意無綺可法便住無上獨尊
道常營護如來教令諦不忘是為四
法菩薩用疾得是定佛今時知是義
便說偈言

當生信於尊令	莫畏法所空說
行精進斷截卧	滿三月當坐行
常說法尊所言	偏教令演其功
莫樂著見待遇	無所著得是法
紫磨色相百福	常作念佛在前
歡喜光一切照	形極好如金珠
過去佛及未來	常當念叉手住
亦見在人天尊	志恭敬善法念
常待遇於德王	以花香散其形
與飲食常淨心	求是定當何難
鼓吹增及琴瑟	常作樂無量象
造喜悅無數喜	常願求無極定
常造作無比形	好分別相具好
金色身礼清淨	欲願定是何難
所念法常念作	淨潔戒聞欲求

偕事聚壞散棄

於是定得不久

莫生憊於有形

行慈心具依護

且當觀欲善苦

求定得不久

生意喜於說法

相待尊常禮尊

莫綺可棄貪慳

於法說莫疾弄

如是令善可待

所生滅如來說

無數佛志所教

所求定莫為難

拔陂菩薩當於說法比丘恭敬常當

禮遇具作待如尊於是定便為進拔

陂菩薩有於說經比丘亂意有念嫉

恚恨無清淨心拔陂衆非義所載令

許菩薩得是定意至德尊滿道義終

無是拔陂辟如有眼男子淨夜無雲

霧於夜半時仰頭視上便見無數星

宿拔陂菩薩亦如是受護佛法者觀

於意在東方見無數佛無數百無數

千無數萬無數億百千求見甚易眼

精所觀見拔陂辟如來正覺眼一切

知一切見菩薩亦如是於是見在佛

住正定意從幻聞具行從精進無偕

具行布施具行戒度具行忍辱具行

禪意具行照度定具行得脫黠具行

度无上黠具行佛令時解是義說偈言

有眼觀上視空

於淨月中夜起

見無數億千里

雖曉明意在識

定意尔菩薩得

見無數千佛國

從定寤意故識

亦於衆說國好

定眼淨次覺視

無蔽鄣觀十方

勝可愛為覺眼

是定淨用見尊

尊無時想觀世

觀十方三世尊

斷毒淨無胎相

願聽善學上德

亦聽法快甚涼

可疾念空止要

我是法願與俱

安樂衆願為佛

如無量菩薩色

見佛國億萬數

菩薩尔得定後

見無央諸尊形

有意學遍慈仁

從我聞志持行

是定尔菩薩得

無數百法不持

信著慙生想愛

志遠棄世所可

何不作世法施

從是得淨止地

拔陂菩薩得定意當起定意生精進

譬如船滿中諸寶已度大海粗及此

岸船近於岸邊沒於是閻浮提人當

大舉聲稱怨稱復悲哭我曹已貧衆

不見好寶拔陂於是定意可聞已遠

不復書不讀不諷不行亦不求義比

丘比丘尼及優婆塞優婆夷其國處

志諸天世皆大出聲稱怨當復悲哭
我曹志已空貧衆不見是法施世已
有是深妙定意親佛所教佛所稱譽
佛所尊說聞已不書取亦不諷受亦
不讀復不行亦不住樂聽綺滿智
不欲具聞不取多智雖聞不欲亦不
樂取是定拔陂譬如愚人少黠若有
人來以梅檀授與之癡人生不淨想
於是生不淨想何不嗅之聞其好香
何不視之見其好色便自挾其鼻不
欲聞香故閉其眼故不欲視香色說
是定時亦如是無戒者不樂欲遠不
樂受已習無慧痛亡其智到禪便倚
著胎歸胎是輩聞是定意亦不信亦
不用亦不隨亦不生內喜復出聲言
於衆便作願善哉今學光明尚能介
今世有高比丘譬如阿難是經譬如
虞中大去衆於屏處更說非諦是經
欲聞巧乱耳是非佛所說拔陂譬如
賈人到愚冥人邊出絕好摩尼珠以
視癡人是癡人問主是珠價直幾所
其主言如是珠於夜作光以寶滿其

明處則是珠於寶子曹便笑戲嘲珠
主便度量摩尼珠復言貨主是珠薄
一牛寶則當是其價耳拔陂亦如是
於後有是菩薩定如有比丘能持信
堅多欲學直於奉行慙於疑欲求度
多聞有點深念行慈得哀是定自在
處說如是定為可久住有癡者於前
過勝未嘗有行未嘗有福德自大多
嫉用利自取欲作世名少聞本无善
學是曹輩聞是定亦不持亦不信亦
不行亦不樂受復出聲言甚可恠是
曹比丘何一不慙是比丘何一不解
聞是曹世巧言雅辭強說言是佛所
道拔陂我已故為若重說今汝明解
及天人世拔陂若有人以是重三千
日月滿中七寶施與諸佛如來正覺
不聞是定者若有菩薩聞是定意已
聞復言是福獨多佛亦時解是義便
說偈言

一切是重三千 悲施與滿中寶
願作佛如是行 常於世無雙二
其能有得此經 善定意佛所尊
聞便信受奉行 及福快獨極尊

佞調意常自是

收意邪無定根

常求會惡知識

轉相教不信是

漏無戒惡法具

自可足堅住癡

轉相踏謂可脫

敗壞敗勝所教

是經非佛所說

法王亦無是言

敢出是惡聲說

惡作具不檢意

有當見大雄尊

三世將光無量

是義出為是輩

是皆為持法學

已聞是深妙經

聞便受內生喜

是曹輩可莫疑

不憂後不為佛

有戒具清淨行

有信志直無邪

口說法如海流

我所說為是賢

拔陂菩薩經

已亥歲高麗國大藏都監奉

勅彫造

阿耨末菩薩經卷第一

四

西晉月氏國三藏竺法護譯

聞如是一時佛在如來所遊居士於
寶嚴淨巍巍道場志是正覺之所建
立大德莊嚴而依積累神妙行業成
佛報應諸菩薩宮宣揚無量如來變
化入無底慧遊於殊勝心懷悅豫剖
判普等所修聖行咨嗟當來無際功
勲名稱無限平等正覺以成佛道善
轉法輪開化無數諸學門徒而於諸
法常得自在知衆生性曉了諸根度
於彼岸隨時方便除諸罣碍佛事無
處住無所住與大比丘衆六百万人
俱心行和安消滅塵勞恩愛衆弊則
是如來為法王子修深奧法因正法
生威儀札節進止光光為大衆祐親
歸如來
復與無極諸菩薩俱其數甚多不可
稱限一切大聖神通已達逮得捻持
辯才無碍神智妙達不可攀喻一心
念頃遊無量國供養十方諸如來衆
明識所奉聽法無厭諮受奉宣常懷

勤修訓諒群梨權智普備所度無極
立無蓋門皆越妄想無應不應近一
切智諸通慧地

其名曰天明菩薩選戰菩薩照藏菩
薩除慢菩薩勇步菩薩眼根菩薩離
言菩薩除冥菩薩如是等類菩薩會
者浩浩皓皓不可思議德皆如是
余時世尊入諸菩薩所願成行其法
名曰無陰蓋門淨諸開士嚴妙道場
正覺法力具無所畏聖慧之室遊於
諸法而得自在攝持印曉了辯才
所入道門以大神通普至啓明講暢
分別不退法輪等御諸乘通一法界
無所破壞頌宣衆生諸根意性敏達
堅要決一切法降伏魔場隨應順法
皆能開化塵勞結著迷惑邪見六十
二疑闡無尋智明解無際所勸助業
尋為發遣入於諸佛平等道慧無施
無望無處所門演說諸法如審真諦
等處有想及與無想曉了深奧十二
緣起積功累德不可稱限莊嚴諸佛
身口意行志得由身所知無盡修四
聖諦教授聲聞身心靜寂化緣覺乘

逮一切智具阿惟顏興大乘學入一切法恣已獨步嘆詠如來功勳之德隨時宣示委靡撫恤訓誨以漸導闡法藏顯其處所除斯微翳開示明曜世尊陶演講釋法教使普流布周于十方

于時東方自然出現大金色光其光照此寶淨道場及曜三千大千世界靡不周遍大明輝曄皆蔽此土日月釋梵及四天王所有威曜悉不復現大神妙天諸尊巍巍天龍鬼神捷杳惹阿須倫迦留羅真陀羅摩睺勒光明悉歇諸明月珠焰光寶珠大火錠燎悉亦消滅如來至真無極大光諸阿惟顏菩薩身明獨顯現耳其餘一切所有光明皆沒不現此大千國迥遠懸絕竊隱闇冥日月光明雖為廣大威神巍巍不能及逮照於彼鄉悉蒙光暉其明不尋樹木牆壁須弥大山雪山黑山目隣山大目隣山鐵圍山大鐵圍山其明通過照於三千大千世界至無擇獄極於上方地獄餓鬼畜生中者其身皆荷此道明曜衆

苦患除惱痛休息身心為安各相慶
賀自謂遭時於佛左側寶淨道場尋
自然生六十億姪七寶蓮華其香芬
馥普悉流布聞莫不歡其華柔軟大
如車輪光色煒曄美無數億百千寶
成其形正圓而斯華上施交露帳校
飾珠蓋其華所演甘美好熏悉遍三
千大千世界此三千國諸天人民所
有名香值斯華香悉亦消索天上世
間所遊居類荷此華香咸樂法香不
好愛欲

於時賢者舍利弗覩如是像無極光
明清淨蓮華驚喜無量即從坐起行
詣佛所長跪叉手問世尊曰今者所
覩為何端應現如是像顯大光明清
淨蓮華不可稱計自昔已來未曾見
聞佛告舍利弗有一菩薩名阿耨末
從東方來與六十億菩薩俱與眷屬
圍遶欲至此土故前現瑞佛說未久
呵耨末菩薩應時現身與六十億菩
薩俱進則以菩薩無極威神顯大神
足開士變化震動佛國奮大暉曜雨
衆華香亦復俱作百千伎樂至於寶

淨廣普道場往詣佛所住上虛空如
處於地叉手自歸以一音聲請告三
千大千世界則以義偈讚世尊曰
聖雄捨貪欲鮮潔无垢染其慧除窻冥
施以清淨眼斷三垢勞倦消盡衆瑕疵
永滅諸塵勞今故稽首佛棄去所破壞
化裂愚癡網聖主有十力畏者悉降伏
超越於衆會捨寂三放逸獨步如師子
所遊無恐懼其離垢光明無所不照耀
普念於一切濟度衆瓊穢无明在蔽隱
消除諸闇塞其光所照耀如日出於雲
見衆人孤苦則為興愍哀蠲除老病死
无救為設護導師誘衆生引慈常愍哀
其所修行業如醫療諸疾尊舍利御衆
化無明愚惹聞已他人患度之如船師
化无數塵勞所興衆妄想其所遊居處
無著如蓮華了一切諸法本淨是寂寞
口所演音聲悉從因緣生無本橫造作
由習而致此愍世懷慈哀降訓於衆生
歸命如虛空見一切如此處在於世法
不動如大山衆生曰無覺習行不要業
雖遊習居處皆度生死難道眼甚鮮明
猶如青蓮華其威神巍巍如月之盛滿

一切世間人咸共咨嘆德捨惱不樂俗以故稽首佛

於是阿耨末與六十億菩薩頌此偈讚佛已從虛空下稽首佛足遶聖七匝却坐蓮華時舍利弗承佛威神而前問言唯然世尊阿耨末菩薩為從何來其佛所号國土何類世界遠近去是幾所佛言汝自以此問阿耨末當見發遣時舍利弗問阿耨末仁族姓子所從來處去此遠近其佛所号世界云何時阿耨末報舍利弗昔年續有去來想乎舍利弗曰唯族姓子吾想已斷阿耨末曰唯舍利弗其想斷者志不懷二何緣興念而發此問從何所來唯舍利弗其有來者為合會迹假使去者為別離迹若今不會無別離者彼無去來其无去來為聖道行唯舍利弗其有來者自然造相若有去者罪福盡相計罪福者為自然相若於罪福盡諸相者則無有相無往相者聖道所趣唯舍利弗其有來者謂所願相若有往者離於所願其所願相離所往相則聖道相唯舍

利弗其有來者為起生相若有住者則為滅相除生住相不起不滅無所往者則聖道相唯舍利弗其有來者為訓誨門若有住者教授盡索生無教授無盡之門則趣聖道唯舍利弗若有往來則墮於俗無有去來乃謂為道唯舍利弗以消去來除於當來及諸境界乃趣聖道唯舍利弗其有來者為現在相若有去者為是離相至於現在及去離相則趣聖道唯舍利弗其有來者為是報應緣起之相若有去者盡報應相無有報應不起不滅至於無相乃趣聖道唯舍利弗其有來者隨俗緣合而致徑路若有去者謂是音聲言教文字為徑路也設除音聲文字因緣徑路則趣聖道時舍利弗問阿耨末唯族姓子吾今以此仁有辯才故欲相問所以然者欲得聽采本所未聞猶族姓子開戶主者應得推問出入往反設有重貨若復空行欲得責稅故宜難詰卿何所賣以時輸稅唯族姓子吾亦如是鄙等徒類為聲聞種依猗他音而得

解脫合與緣響常宜諮受諸正士等
以用護斯將養大乘從是出生聲聞
緣覺以是之故善哉族姓子為分別
說所從來處去此遠近如來國土号
字云何阿耨末曰唯舍利弗如來在
前便可啓問當為發遣衆會披蒙衣
諸疑網時舍利弗前問佛言阿耨末
菩薩所從來處去是遠近其佛所号
國土何類其聞名者無央數人咸發
道意被大德鎧佛言舍利弗諦聽善
思彼世界名有稱功勲及如來号若
有聞者勿得懷疑悉共信之如來至
真無所罣碍亦無陰蓋一切敏達靡
不通暢咸言受教佛告舍利弗東方
去此度十江沙諸佛國土滿中諸塵
過若干刹有世界名阿尼弥沙彼有
佛号三鼻跋陀如來至真等正覺現
在說法阿尼弥沙者晉言不時
三鼻跋陀者晉言普賢不眴世界
無有聲聞緣覺之名世尊聖衆純諸
菩薩於往古世造行已備布施調意
安庠聖哲禁戒博聞寂無放逸止足
功勲建立閑靜以忍辱力心不懷害
堅固精進積功累德每生自克普皆

禪思脫門三昧而正受矣以神通慧而自娛樂以無極智光明之曜隨時分別班宣一切章句義理所懷慈心等如虛空其哀堅強愍於衆生知其志性而開化之其喜悅者為雨甘露道法之味雪除一切瞋恨怨結其行護者離於二乘以空無想立無願法拔濟塵勞衆魔穢濁危害之患明識衆生根本所趣十二緣起觀察其疾應病與藥執御斯心平等恒一如地水火風無有憎愛降棄一切衆邪異學若干法戰堅時幢幡猶如勇將大軍之師折伏嚴敵入於深覺諸佛正法十力無畏離二品會順從因緣有無之業超越諸見中間之行棄捐吾我及人壽命有無處所反真向偽倒見之本諸經典門如來法王法印印之所演辯才無所罣碍於无央數億百千劫所暢音辭無能障塞使不通流以佛神足感化无量佛國周旋往返終而復始曉了隨時蠲除一切恐懼瞋恚憍慢自大所演音聲如師子吼亦如雷震察於衆生上中下行堅

因親友永立究竟滅度之地興無極
雲感法雷震暢慧解電雨甘露水宣
道法珍不斷三寶志性清淨如明月
珠表裏通達正覺照曜相好殊勝則
以禁戒而自在嚴以百千德而文飾
體以諸佛法至阿惟顏一生補處奉
遵修行篤信衆生開化解脫隨其志
性令各得所覺意摠持為師子座嚴
淨道場明識超入四無所畏皆現諸
佛所興事業正覺聖體取捨進退其
心強勇而得自在轉於無上法輪
之寶

尔時衆會聞諸菩薩功勲之德歡喜
踊躍不能自勝明心生焉則取天上
青黃紅白上好蓮華及諸意華僉共
供養佛散阿耨末諸菩薩上同俱舉聲
稱揚威德我等善利為獲福慶乃能
遭值此等正士得覩曉遇稽首歸命
而供養之其有衆生得聞此黨諸菩
薩名德不可量因斯所聞悉當興發
菩薩大心于時於彼三万六千諸來
會人咸發無上正真道意佛語舍利
弗阿尼弥沙土者无地獄餓鬼畜生

衆惡諸苦無奉戒勅亦無犯禁不聞見女人所以者何皆由化生蓮華交露無有慳貪亦無媼恚離于癡畏恚都无此三毒之名何況餘乎其土人民無上中下好醜差別普等無殊亦無是我及非我所復不飲食所以者何喜法為食解義為漿常自坦然了不念渴亦無飢想亦非我故亦無他故亦無衆魔恐難之患又其佛土甚極廣大一日月照六十億四方之域所以者何諸菩薩本願之所致也由是之故共一日月又其土地無有丘墟高下斜傾普悉平正皆紺琉璃皆以衆寶而雜廁間其地柔軟如天統綻以十八事莊嚴國界其樹悉寶行伍相當常生華實冬夏恒茂無沙礫石衆穢之瑕黑山雪山其土諸山皆以諸寶雜合而成猶如須弥于彼佛土天上天下適等無異捨於世業以法為土則無王者唯以如來普賢至真而為法王又其土法不用文辭告誨諸菩薩也欲諮受經往詣佛所觀之無厭不以為倦所以者何

其心欣然應時逮得佛心定意尋則
近至無所從生法忍由是之故其土
号曰不眴也何謂得佛心定意不以
色相不以種好亦復不以本宿行故
而致是德亦不怖望作是致是所以
者何不念過去當來之者亦復不念
今現在世亦不由從五陰六衰而致
之也

何謂為五其五陰者謂思六根其六
根者謂眼耳鼻口身意所別其六衰
者知色聲香味細滑法不用見聞心
意識此衆業之所致也不以巧偽生
滅之所致也無等無邪亦不造意无
所怖望亦非以是亦非不是之所致
也亦不從一二三之所致也不因心
意識亦不以曉内外衆念妄想是非
之事而致之也亦不色痛想行識之
所由致亦不用成定意慧解度知見
十力不護四無所畏諸佛之法不可
以意想知之不用見聞故之所致不
以想相亦無我想不以五陰六衰生
滅之處亦无所住亦無不住無色痛
想行識之處亦不眼耳鼻聲鼻香舌味

身軟心法之所致也亦不得處所以
者何不可以目而見衆相不可想處
見不可見不起不滅其不終者則不
有始斯位處者因緣所為乃致於是
消除歸滅塵勞之穢所以者何用愛
欲故故曰當滅由斯之故斷於因緣
用吾我故以是當滅其淨咸明不增
不減亦復不念是安是苦作是計者
不離於欲亦不用念而以為煩諸想
本脫故行徭恙已能徭恙達如無身
色何可得无有痛者何從有痒常住
如法若不想道則非俗業設無所聞
何從有識無所見者亦無所得無所
得者可謂脫矣亦復不得意念普思
心所惟法亦不賣持無所生矣不觀
來者不見往生本不可得猶如諸法
皆等無異譬如有人上向瞻空其目
所觀不能別知何所是空何非虛空
佛意如是菩薩得佛心定意持知諸
佛法衆相種好恙具足成道慧徭恙
如來所宣諸菩薩等皆能解暢則奉
啓受諷誦通利普能周徭曉諸佛法
佛告舍利弗普賢如來其所頒宣初

無二言何謂為二一不講者二不說
斷悲修平等無有適莫何謂為無未
曾有念從人諮受亦不自念已有所
知斯諸菩薩適見佛已輒則具足六
度無極佛言云何具足捨衆色想無
所怖望是則具足施度無極不想佛
身達之本無則已備悲戒度無極所
以者何不自想故以得成就三十二
相計於諸法假有号耳相無有盡住
是不起是故名曰忍度無極一切諸
法普不可見亦無所聞所以者何菩
薩大士見善不悅見惡不感心無適
莫是故名曰進度無極心不想念不
可想者而寂恬怕是故名曰寂度無
極解色相空不以此相而懷自大是
故名曰智度無極佛言其諸菩薩在
彼土者因便具足六度無極逮得無
所從生法忍遍察十方諸佛國土衆
善薩學少有能逮不眴刹土普賢所
誨諸菩薩者

舍利弗謂阿耨耨末菩薩使哉仁者彼
之佛土諸菩薩衆功勳難量阿耨耨末
尋問舍利弗賢者欲見不眴國土普

賢如來乎舍利弗報唯欲見之及衆會者皆當被蒙咸荷福慶功德轉增時阿耨末即於座上三昧正受而現神足所入三昧其号名曰遍見諸佛土使諸會者及舍利弗皆得盡見不睹佛國普賢如來莫不欣然為未曾有咸共起住僉為彼佛稽首作禮佛之聖旨使舍利弗及衆會者於衣械上自然有天華香則取束向散彼佛上其華至彼於其國土在于佛上遍諸菩薩普同佛界彼土菩薩自問其佛今此衆華微妙殊特為所從來光光若斯普賢如來告諸菩薩此之瑞應是阿耨末今到忍界奉養諮受釋迦文佛十方菩薩咸往會彼所以然者講大乘故彼土菩薩復問佛言此間顯變何佛威神之所思化彼佛告曰釋迦文佛十方菩薩咸往會彼所以者何講大乘故彼土菩薩復問佛言此間聞之彼佛告曰釋迦文佛演暢分別大會緣品時彼菩薩復問其佛其忍世界去是遠近佛言西方去此如十江沙諸佛國土滿中諸塵設

舉一塵著一佛土如是盡取一一諸塵次布西方諸佛世界衆塵悉索過若干土乃至忍界釋迦文佛遊居教處彼土菩薩復白佛言唯願欲見能仁大聖興隆道化時普賢佛演身光明通照十方彼諸菩薩及衆會者皆覩此土彼諸菩薩尋時皆起遙自歸命為釋迦文佛一心作禮彼衆菩薩遙見忍界充滿菩薩無空缺處恠之驚喜自問其他彼佛告曰十方佛國諸菩薩衆不可稱載聞當頒宣大會緣品故往啓受舍利弗問阿耨末菩薩誰字仁者名阿耨末

阿耨末者晉曰無盡意

答

舍利弗用諸法故曰不可盡所以者何一切諸法亦不可盡舍利弗言願以不可盡法而解說之阿耨末言本發意時亦不可盡所以者何悉遍諸欲娛怒癡醉而無所縛所以者何不與羅漢及緣覺乘而俱同塵故發心已來堅固其志不可轉移所以者何不為邪業之所迷誤一切衆魔不能壞意有是心者其諸功德悉為成辦遊于無常而獨撻攬衆之元首所以

者何有計常者則生死業所以特尊
解道有常名曰為尊出無常故從發
心來其心坦然無所縛著所以者何
不離諸佛功德業故所修事業無能
得短所以然者一切衆惡悉盡索故
其心永安不可動故其心無侶所以
然者希有逮故心如金剛所以然者
皆知一切諸法之故所不可盡苞裹
諸法道慧之故從發心來強若金剛
等衆生故其心質直而無諛諂故号
曰正而無偏頗從發心來常懷鮮明
所以然者本清淨故以去衆垢悉消
諸冥其慧顯曜窈隱皆明從發心來
沐浴衆穢所以然者其信甚固无所
捨故發心甚大無有邊崖所以然者
心若虚空發心曠然所以然者含受
衆生當因度故發心無盡所以然者
其慧玄曠無所罣碍從初發心無所
不入所以然者大慈無極亦無盡故
其發心行無能斷者所以然者功德
願故發心甚安極可愛敬所以然者
為諸衆生所喜樂故發心特尊與衆
超異所以然者一切外學聲聞緣覺

之所奉故其所發心无能知意所以然者非諸凡俗之所及逮猶如農夫不能達知聖王之事發種類心所以然者各各從其本種之業皆獲其果一切諸法常存在故從初發心以為道本所以然者由是所致得大安故發心已來而自在嚴所以然者成功勲故發心已來與眾殊別所以然者達聖慧故發心已來甚為微妙所以然者用廣布施普及眾生發心已來建立至願所以然者具足戒禁其發心已來而無等侶所以然者無所不忍其發心來無能抑制所以然者用精進行無懈怠故其發心來無所慕樂所以然者寂度無極致定意故其發心來無所歸趣因其曉了智度無極其發心來永無所住所以然者用無極慈故其發心來根株堅強所以然者用行悲哀故其發心來常懷悅豫所以然者於諸眾生懷等心故其發心來雖遇苦樂不以為動所以然者護一切故其發心來為諸如來所見將養所以然者用順十方諸佛教

故其發心來欲度一切五趣衆難所以然者興隆導化故其發心來不捨三寶無所違廢所以然者將順佛戒成聖衆故

阿耨多羅三藐三菩提復謂舍利弗言一切智心寧可盡乎舍利弗報言不也猶如虛空不可窮盡其一切智心不可盡極亦復若斯如來禁戒亦不可盡所以者何戒是根原故不可盡如來定意由無有盡智慧解脫度知見無根故不可盡計於十力四無所畏十八不共諸佛之法斯則是根此亦心本故不可盡取要言之一切諸佛法為元首由斯心行故不可盡三寶無斷因是之心故不可盡猶如一切衆生四大何謂四大地水火風亦不可盡計是智慧用一切故咸復曉了不可思議衆生心行本願不斷故不可盡所以者何修奉道願故不可盡皆無所生靡不恍惚一切諸法根原無窮故不可盡

阿耨多羅三藐三菩提經卷第一

已亥歲高麗國大藏都監奉
勅彫造

求人亦有力何謂為力曰是佛力以是之義護一切故所以護之欲令群梨各得其所所以欲令各得所者使無恨故所以無恨所作事業極安諦故所以諦者由是之故無能制止無能諫抑令止寂然猶若紫金而無點汙所以喻之如紫金色以無有穢所以無穢用本淨故所以為淨本行去穢故所以去穢內以淨故所以消瑕瑕已盡故由是清淨阿耨多羅三藐三菩提心已淨者貪欲轉消其無貪欲是不可盡其諸惡心不能復亂又其心明護於惡意由是之故曰不可盡其心瞋怒有所眾貪汲汲于欲貢高自大諸所不可皆悉盡索將為菩薩常護是心當曉是心而不可盡捨無瞋勢及諸垢濁當達是心不令懈怠則知其心為不可盡若憤亂者隨時將護其無智者養育使成計於一切眾生之黨有功德法無功德法咸便度脫至於大安則知其心而不可盡誚誨一切眾生之等諸在厄難皆令興立無極功德則知是心永不可盡

阿耨耨末菩薩謂舍利弗菩薩所習亦不可盡所以者何用所布施故不可盡諸可惠與是名曰智施度無極於一切物多少取足不以汙汙是則名曰戒度無極一切有燒於菩薩身不起瞋心如毛髮者是則曰習忍度無極所積功德常在衆前而不在後是則曰習進度無極一切所學悉勤用心是則曰習寂度無極諸所聽聞悉欲博達是則曰習智度無極菩薩當學修于大慈何謂大慈若有厄難來自歸者欲求救濟寧亡身命不負要誓是則習慈其行哀者等猶如稱若有加益不以忻悅設誹謗者不以憂感是為菩薩隨時等哀菩薩所學則以三事淨身口心終不傳惡未曾念邪惡卷之業菩薩雖學獨步無師亦不自大其所學意不捨普智諸通敏慧攬諸佛法菩薩之業在人所未求不逆其心無所短乏致一切法而得自在又習悔過身有罪惡未曾藏匿用無量福勸助功德菩薩修學讚勸諸佛頌宣道義奉習勤學正士之法所

以學此正士之法欲成覺故其心堅固不捨弘誓無極德鎧所以不捨欲化一切衆生之故阿耨多羅三藐三菩提謂舍利弗菩薩有四為不可盡何謂為四一日開示之心二日法施三日訓誨衆生四日積累功德是為四復有四一日習在閑居山巖獨處有施多少趣足而已二日於衆功德而無厭足三日博學不倦四日所願智慧不以為勞是為四復有四一日校計規度二日思惟本末三日智慮通達四日所念普具是為四復有四一日離于衆惡而修上脫二日其上脫者是菩薩教三日解諸惡本四日念于微妙無上之脫是為四復有四事一日解於五陰二日曉於四大地水火風三曰了六衰之原四曰其所親見十二因緣無有邊際是為四復有四事一日無常生死之語而不可盡二曰苦痛之教三日無吾我訓四曰寂寞無為之業亦不可盡是為四阿耨多羅三藐三菩提舉要言之諸菩薩學皆近佛道以是之故分別道俗悉不可盡

阿耨耒菩薩謂舍利弗菩薩修行心

不可盡所以者何於諸功德而不慙

怠從次轉上成就其處所去處者善

薩十地其所修行猶如大海所苞無

狀所以然者多所救度一切衆生其

所修行則為元首所以然者出其上

故修行最上所可總攬諸在下者令

修專行一切法故若持衆善所以者

何用最尊故所以修度因則受決皆

由專精用不退故自致具足因其專

精所願輒成以成大願其所修行永

無所恃則是定意依修柔軟所造行

者而不缺漏修行伏意是其道業修

行自守所以者何以不復與衆惡從

事故專精布施菩薩不以身心有所

貪愛轉增上故專精奉戒亦為甚難

所以然者教犯戒者使不為惡故專

精忍辱亦為甚難所以然者雖在尊

位財富極樂不輕貧賤羸劣弱者是

為忍辱所修專行精進難及坐佛樹

下若有人來言起避去我坐其處先

取佛道即捨與處是為精進專精禪

思所以難者莫能及逮所修專精輒

能成辨無所怖望故是曰禪思專智
慧難所以者何積功累德不以勞煩
是為智慧出入行步安庠和雅威儀
脩悉所以然者其功祚強無能危
者修無所畏曉了深法鉤玄致遠故
奉修尊心所以然者其明極微無不
達故行不可盡所以者何所住堅固
何謂專精其意坦然常念一切無所
依者今得其依若有閻冥使覩道明
無所歸者悉受其歸其無善友為之
善厚其諛諂者令修質朴見其麁獷
顯示忍辱柔軟和雅所以者何以德
化故在譎詭中而為列露真正之義
於校飾中不為綺大在無反復行報
恩德在衆惡處而修善行在廢退處
奉修德祚在欺慢處常行恭恪在貢
高處不懷自大在求便處無能得短
不念人惡不宜缺漏若在不正轉往
將護使入正諦一切衆生皆來到所
見之欣然無瞋恚心其有諫喻亦進
退宜當然不然心無增減篤信禍福
所作歸身若在曠野山居巖處如法
無異不貪利害不惜身命心淨之故

初不增減常護其口不忘傳語不求
奉敬所以者何恒知節限止足而已
其心柔和不隨弊惡失礼義者有功
德故度於生死息衆苦患所以者何
由是之故菩薩慧意永不可盡生死
往反亦不可盡以權方便明了隨時
訓誨衆生迷於終始不可盡者使求
佛道明不可盡舍利弗問阿耨末言
乃有異不可盡乎阿耨末言有問何
所是阿耨末曰菩薩布施復不可盡
所以者何六度無極不可盡故菩薩
布施悉無有限所謂限者某是某非
當施與某不施與某甲施不普濟不
應為施舍利弗問言菩薩之法當云
何施阿耨末曰飢者食之所以者何
人依衣食乃得存命便能蘇息坐起
言語則為安隱身體康寧氣力強盛
渴者施漿除其消渴所以者何若在
後世周旋生死常不渴乏有求車者
輒隨意與由是之報後所生處神足
飛行在所至到其無衣者因施與之
後世所生便不拉突常抱慙愧若於
冥處施之燈火則得道眼通見十方

若於世尊師父寺舍二親長老前而

同經云：若於父母師長前而。

六

作倡伎以娛樂之後世所生得道耳
聽徹聞無極若無香者則施與之後
世所生逮致戒香慧定解脫知見品
香是身為被德熏之香若復有求雜
香名熏即與所好後世所生身體香
繫莫不悅豫所有甘美殊異之味人
來求者輒從意與後世所生常得飽
饌若不甘者入口即美宿之所殖而
得是相其無手巾因施與之後世所
生清淨無垢為人所護其無護者為
之將護猶若屋室所以甯室覆蓋人
故隨其所乏而施與之後世所生志
獲所當尋得周給病與醫藥後世所
生身常無病不生不死無有眾患恒
獲安隱一切備足靡所不主其無僕
使給與奴婢後世所生自然具足万
乘帝主制上御下無所乏少其求眾
實則能與之後世所生備志成就三
十有二大人之相布施雜物若干種
品後世所生得八十種眾好之姿為
馬施者後得大乘無極之意以田施
與目得具足寂度無極妻子施與惠

所珍愛後無異心當得佛道所以者

阿耨多羅三藐三菩提

啓

何佛者極上尊無儔疋假使有人從其菩薩求滿倉穀即能與之未曾貪恡後逮法藏充脩道慧無所匱乏菩薩設得為轉輪王主四天下七寶盈滿若有來求而不愛惜輒能盡施後所生處逮一切智諸通聖慧廣濟一切以妙伎樂而施與者後得經典樂以法樂莫不歡然若為勢位有忠羽翼行菩薩法猶如王者之忠臣有人來求以自輔政即能與之由是之故後佛法教欲坐道場於佛樹下降伏魔兵以手施人後為一切道法之首耳鼻施者後身具足無一缺漏以眼施者後逮法眼為一切首道法之眼以頭施者後所生處三世特尊獨步無侶諸通敏慧肌肉施者後成佛道人來聽經捨諸不要皆獲真正菩薩破骨以髓施者後得佛道身如金剛無能動搖

阿耨耆曰菩薩不以色故而有所施用修正故若來求多後人求少悉遍與之使各得足若施與時不忍不怖

不畏不懷無貪行施不懷悔恨心夫
曾變菩薩無輕慢施專心而與無諛
諂施不持惡物無所中者以與人也
菩薩布施未曾觀察其有福祚甲有
罪殃無有狐疑不別好醜不中斷絕
遺漏施也何謂中斷遺漏施於大會
中獨與一人不與一人悲欲遍濟所
以者何菩薩所施常懷篤信不念慙
慙無惱患施菩薩布施不呼人至前
目自見面乃與之也亦不思惟某善
某惡不必選求得成道者來者便與
施人之後不作是念某已得道某不
得道菩薩施與見奉持戒人來受其物
不以欣然見無戒者亦無異心其所
施與不望還報有所施者不求名稱
使遠近聞不自咨嗟不惡誹謗菩薩
施與不行煩擾不懷恨施無瞋恚施
不歡喜施菩薩布施不念後世當得
其福不起忿心罵詈恩施有來求者
不前却彼乃施與之不輕易施不倩
他人持物往與所以者何手自斟酌
亦不念言值吾前施不當前者不施
與之不望尋施自用心施不平暴施

手自授之不沉吟施乍與乍不與菩薩不念吾所可施疲倦勞極施從來者不多不少不選擇物惡者與之好者留之若有來求如本言要未曾減損菩薩所施慙念衆生引無偏黨欲令受者常獲安隱若施與時則念其人是吾國界所以者何一切皆是菩薩之道地也又所施者少不輕已多不歡喜雖布施多不自察言我今廣施所與如法無怖望故菩薩所施不念是福當有所生受其功報所以者何施於一切衆生蒙恩故所施人者亦不念之吾於天上天下人中獨致尊勢其所施與普為衆生不以其福求慕四王釋梵之位亦復不貪轉輪聖王不習聲聞緣覺之心菩薩施與心不念言所施具足亦不惟少足與不足有所施者使一切衆不離於佛諸通敏慧所施與者常得其時無有不應不以兵仗毒藥施與以安施人不加燒害菩薩布施從佛法教所可惠施知一切空所以施者以為因緣有所興發由斯之故而不可盡所施

與者悲曉無想為諸想者達其因緣
故不可盡所可施者皆達無願為諸
願者作善因緣由是之宜故不可盡
以道法意而有所施其心堅強完具
甚安無所破壞菩薩所施其在三界
無能遠者所可施與欲令其福歸流
一切菩薩之業其志常建一切智心
以是之故為不可盡所施與者以脫
諸想搖攪眾魔令不自在離諸煩苛
故不可盡菩薩所施與眾起異明泥
洹故所可施者眾疑心故不可盡
所施與者正住佛道不懷異心所施
等願故不可盡菩薩所施坐佛樹下
得成正覺所施與者及無央數不可
稱計眾生之類皆荷濟度故不可盡
所施與者不可盡矣其事廣大所施
與者以得道處無能動者無能起踰
況復施者故不可盡所施與者其心
坦然如一切智故不可盡

舍利弗言善哉善哉仁者阿耨末嘆
菩薩施及不可盡快哉乃今願欲受
聽菩薩戒眾不可盡誼阿耨末曰菩
薩戒淨亦不可盡有六十四事何謂

六十四菩薩行仁不懷害心加于衆
生身亦不煞不取人物不犯他妻若
見菩薩及向衆生常行至誠未曾兩
舌有諍訟者常和解之終無罵詈不
為惡口所以者何常有慙耻所言護
舌不妄說事於一切人不念嫉妬不
興恚心向于衆生所以者何由此能
忍後世端正其心不事餘學恒
抱悅心在於佛道所以者何其心清
淨無有塵垢愛樂佛法所以然者解
無異法能出上者至心在道用慈仁
故若見沙門梵志輒以五體而自歸
礼何謂為五兩手兩膝及其頭腦稽
首足下所以者何因得佛道一切歸
故心常柔軟見人犯非慎已不為所
不缺戒無有聲聞緣覺心故於諸犯
戒而無所犯所以者何後世不欲生
在於魚獵愚闇家故常修精進而不
懈怠所以者何不與邪惡共從事故
戒禁完具未曾闕漏親近智德解深
法者不違遠故篤信禁戒所奉正故
順戒如法一切衆生皆歌嘆故其護
戒禁清徹至真本心快故行時戒要

無能傳非說其瑕穢無邪心故其戒
完具不復迷惑從六衰故所奉戒行
莫不宣聞諸佛正覺之所知故戒無
所求如已樂故戒知止足無所貪故
其戒純泐不雜衆惡身意坦然無所
樂故常好閑居未曾喜樂於衆閑故
戒能備悉如道法訓不從他人有所
受故謹慎禁戒不以好服而為綺飾
德無能逮誓如本願不以甘美而亂
意也所以者何以有道力制衆惡故
所行如戒諸天人民莫不悅故行慈
心戒護衆生故修悲哀戒忍衆苦故
遵于護戒不懈怠故以等心戒為一
切衆任於善惡無二心故常察禁戒
不為損耗不聽其心為馳騁故戒不
念惡不傳人非護一切故堅執持戒
不聽其意隨所欲故順布施戒養育
一切衆生之故為忍辱戒不起心故
志精進戒不迴轉故禪思之戒得安
定故奉智慧戒博聽正義無厭足故
修廣聞戒覺要法故隨善師戒達諸
法故捨惡師戒離衆邪學不真路故
無綺身戒知諸万物皆無常故不貪

命戒其功德業如紫金故无悔恨戒
其意淨故無虛飾戒學清淨故不煩
苛戒其意鮮明無垢濁故不焦然戒
不燒身故不迷惑戒不隨欲故不危
燒戒無所害故無挫突戒心不乱故
伏心之戒意無誤故通寂靜戒不為
俗業之所廢故順真正戒智如教故
具諸願戒本清淨故如如來戒所以
者何隨本要故如佛定戒常懷等心
度衆生故從一切智入道門戒所以
者何不抱恨故是為菩薩六十四事
清淨禁戒而不可盡

阿耨多羅三藐三菩提經卷第三 持戒品
有淨戒不自貪身不念一切不想我
人不計壽命不思名色痛想行識不
倚四種地水火風各有四大戒不有
眼色耳聲鼻香舌味身觸心法無身
口心其戒向淨是相一心而不迷荒
諦觀諸法戒以過空無想不願亦
無形像過於三界不著不縛其戒不
念尔故不為已生所以者何無所生
故所以為戒無作不作本無所造由
是之故戒無部界此止中間亦無所

止意淨為戒識無所住所以者何無
想念故戒無所拘所以然者無欲力
故亦不住色亦不無色而俱同塵是
名曰戒離婬怒癡因愚冥脫是故曰
戒不著不斷捨十二緣是故曰戒不
念我所除我不我不住欲故是故曰
戒無作不求不住色想亦不處在一
切名色是故曰戒不隨因緣無煩惱
苛無我非我不與疑合是故曰戒亦
不貪福不無功德以越諸惡非法之
事所以者何愚者非法是故曰戒無
有擾惱其身心止是故戒相奉慎戒
者如病得愈不斷諸佛經典正籍法
身坦然不可盡故不斷法身所以者
何無二業故一者不著二者不斷不
斷聖衆因用脫故不斷諸學所以者
何順禁戒故

阿耨末菩薩謂舍利弗因本清淨故
不可盡何謂俗戒謂生死處亦有盡
矣所以者何在于五趣故名曰盡所
以盡者有往反故不住一處其外神
仙五通之戒世俗之智求上長壽神
足命盡所以者何戒禁盡故人戒十

善亦復有盡所以者何違捨戒故諸
欲天子戒亦有盡所以者何功德畢
故諸色天子定戒亦盡所以者何其
定乱故無色天子寂戒亦盡所以者
何寂意荒故其道迹學無學羅漢戒
亦有盡所以者何猗泥洹故其緣覺
戒亦復有盡所以者何無大哀故

阿耨末謂舍利弗言唯菩薩戒獨不
可盡舍利弗問以何等故戒不可盡
阿耨末曰其戒盡者斯皆非戒所以
菩薩戒不可盡其心不捨一切智故
是正真戒為不斷種故不可盡何謂
果實道果無盡所言種者謂菩薩心
所云果實則佛十力至不可盡故曰
菩薩戒不可盡

阿耨末謂舍利弗言菩薩忍辱亦不
可盡有三十二事何謂三十二無盡
不著欲者不興此念是我妻子身皆
不犯不令他犯是故忍辱亦不可盡
不念眾惡不恨一切不恚眾生不惟
人惡不與人諍不忘助人有所毀擊
亦不掩戲自護身行將護眾人慎已
心不隨常思善德無愛欲意得莊嚴

身信作善惡當得報應口不妄語其
心清淨菩薩心強不捨一切諦自思
計心所念邪即覺知之心和柔軟將
護其心令惡不生修清淨行生于梵
天從天上下還在人間具足德相衆
好八十逮致和音猶如梵天脫姪怒
癡不以惡類恚恨向人所作功德未
曾亡失降伏外學衆邪異術以捨衆
病不遭厄難以順具足諸佛道法是
為忍辱悲不可盡三十二事是菩薩
忍辱何謂忍辱若罵詈訾身默不和之
若撻捶者不念報之是謂忍辱所以
者何不見撻者不覩已身材本空故
若有瞋者亦不懷恨言若幻化其起
意來不生心逆能伏意故若念惡者
心若不知自思惟之斯人賣惡吾不
宜效有稱譽者不用憍喜所以者何
不生此念得利益也降伏心故若有
衰耗不以憂戚已知足故見人歎者
不用為綺若有誹謗不以為動所以
者何智廣大故有恭敬者不自貢高
修性安故設礼拜者不用悅豫亦不
說言卿宜當然若得勢位不以自大

所以者何心不動故愍哀衆生雖在
勤苦不以患厭在於樂處不用歡喜
曉了俗事皆無常故不以世八事
而見傾動所以者何不處其中為人
所燒終不還報無敢犯者假使有人
節節解身悉能忍之因欲具足菩薩
業故若害身者終無異意了身四大
合成散滅何足可貪所以者何緣是
忍故當得佛身悉忍衆惱不可計難
所以者何緣是得致建立大安至道
力故菩薩若在梵志學中現身入火
無所傷害欲令其人知心清淨化于
惑意使志及真因得上天其梵志學
好喜火祠菩薩所現無所不變道德
超殊莫能逮者所以者何諸梵帝釋
四方天王稽首菩薩皆為作礼菩薩
忍辱無有邊底以是之故曰不可盡
其罵者忍不以為恨亦不念之誰罵
我者因是寂然便入法忍不思惟之
罵吾眼耳鼻口身意若罵心乎罵所
在耶則過諸表便違法忍不念一切
誰來罵者尋能得入無人之忍是諸
忍者悉不為忍所以者何假有号耳

諦計其忍猶山中響有解此者入無
常忍不念得我及得他人遠中和忍
亦不自念身隨法教某不住法是名
曰忍我獨住道其餘人者不建立道
不興斯念我念空不念實念無思想
不念有想念忍無餘不念忍餘念忍
無願不念有願忍無生死不有終始
忍為可無不可忍為有德不為無德
念忍無生不念所生忍度於世不與
世合忍為入道不為無道念忍為脫
不為無脫解忍泥洹不為生死菩薩
忍辱不生此念所以者何不平等故
菩薩等忍為何謂也解入空無所斷
無所著是菩薩忍亦不念生不念不
生不念化生若無化生不與念言有
之與無曉了此義至不可盡以是名
曰不可盡忍悉無所作不思當然及
與不然無有現者無縛無脫亦無所
然無造起者故無所生而不可盡其
忍如斯是為逮得無所從生法忍如
計無所從生法忍至于如來坐佛樹
下入此忍者應得受決曰不可盡說
是法忍品時其在會者咸皆讚曰善

哉善哉如阿耨末所說誠無有異時
十萬天悉以天華名香幡蓋供養奉
散阿耨末身諸菩薩上諸天伎樂自
然為鳴以娛樂之心各曠然懷寬引
意一切皆言今諸衆生普悉得明若
如來忍其聞此音不恐不懼心不在
懷諸華名香幡蓋充滿遍于三千大
千佛土

阿耨末菩薩經卷第三

已亥歲高麗國大藏都監
勅彫造

阿耨耨末菩薩經卷第三

卅

西晉月八國三歲生法護譯

佛告阿耨耨末仁者於今為能苞裹一切衆生乎阿耨耨末言承佛聖旨具志任受阿耨耨末菩薩適入三昧應時一切諸有色身供養華香繒蓋幢幡皆入齋中其身如故不增不減有一菩薩号曰大淨問阿耨耨末所入三昧名曰何耶顯現變化乃能悉受一切色身華香幢蓋其身如故而不增減阿耨耨末曰其定号名普受色身大淨復問是三昧者但能受此復受餘乎阿耨耨末曰三千大千國土悉入於身不見所在所以者何以威神故無所增損時諸衆會諸天人民菩薩聲聞皆各有念猶如久渴望想飲矣欲見六士所化神變佛知衆心語阿耨耨末為一切人現是三昧阿耨耨末曰轉奉聖教應時十方諸會菩薩佛及衆僧悉自見身坐阿耨耨末齋阿耨耨末齋現有國上名普莊嚴諸菩薩服如莊嚴國衆菩薩也亦復皆現在其齋中所顯

普嚴巍巍如是現威變已衆會各坐
續復如故大淨菩薩報阿耨耨末三昧
聖恩威德超殊光光乃尔阿耨耨末曰
是不足言所以者何三千大千天地
山陵悉受色身為微末耳受江沙土
不以為迂况其餘耶說忍辱品演神
足時七十姨仁和善人發大道心万
二千菩薩皆得無所從生法忍

舍利弗問阿耨耨末願樂復聞菩薩精
進而不可盡阿耨耨末曰菩薩有八精
進無盡何謂為八一日被于弘誓大
德之鎧是為精進而不可盡二日合
集精進而無所退三日勤學長養一
切功德四日常欲養育普及衆生五
日造立無數福慶之原六日心无
求諸度無極七曰曉了智慧而無窮
極八曰欲得脩悉一切佛法以故無
盡是八精進而不可盡阿耨耨末曰所
以名曰被弘誓鎧不以生死用為勞
苦故所以者何不計劫數當成佛道
亦不思念於若干劫行菩薩業所以
名曰為弘誓者不限長遠無量劫故
菩薩猶為一切之本方俗所更始數

一日至十五日若三十日合為一月
十二月為一歲如是轉進至十萬歲
若百千萬歲發意求道悉却是數猶
若干載乃見一佛如是比數諸江河
沙初發意等一切衆人各皆發心各
悉包容江河沙等諸菩薩亦如是無
央數不可計一切人悉發意意所知
裁及一事其未所知不可稱計猶如
供養江沙等佛然後乃具施度無極
戒忍精進一心智慧三十七品亦復
若斯菩薩聞是其心不懈不捨弘誓
大德之鎧江沙等人皆發道意合集
此德乃能具足一大人相一切如是
各如前功乃悉周備諸大人相其大
人者謂菩薩也菩薩聞是不以為勞
所以者何未曾違捨弘誓鎧故是為
菩薩被弘誓鎧而不可盡
何謂增長精進而不可盡若有菩薩
勤欲聞法不計遠近不惡水火所以
者何無慼懣故菩薩增長合集功德
不用退却合會勸助衆功德故何故
合會欲以開化衆生之故令其度脫
使入泥洹故而般泥洹不以慼懣有

堅固心無能迴者常求功行不用厭
倦恒住大哀故曰合集菩薩所至行
步坐起不忘道心如一念頃念佛法
教護於一切不以為煩故曰合集而
不可盡何謂長養一切精進而不可
盡所立功德志願常存於諸通慧以
故名曰為不可盡猶如衆龍還雨大
海不可別知滂數多少計之無盡諸
通慧者功德如是至不可盡何謂造
立無數功德所作用心為一切故常
懷等意所立功祚不離通慧所修福
願欲使衆生皆共蒙恩以故名曰立
無數德何謂心求諸度無極衆生四
大悉不可盡不可數者入此諸數一
日悲教三千大千世界衆生之類如
是比像不可稱載阿僧祇人皆開化
之無限如斯百倍千倍万倍億倍百
億万倍不可計喻所教度者為少少
耳聞是不忍亦不畏懼為應精進是
謂造立無數功德而不可盡何謂曉
了智慧而無窮極菩薩功德不可盡
故如是悲計一切普知諸衆生本所
作功德乃及道迹往來不還無著緣

覺皆合此德乃成於佛一毛功德合集計是各各悉成體諸毛孔巍巍衆德乃能成佛兩眉間相若斯眉間千倍之福乃成頂相所以者何天上天下無能堪任見佛頂故以是故曰德不可盡慧無窮極又復何謂慧無窮極正使三千大千世界衆生悉篤信佛如是信佛其信百倍乃與奉信者同等功耳設奉信等周滿三千大千世界其智百倍不及八等人若八等人滿三千大千世界其智百倍不如道迹若三千大千世界充滿中人求道迹業往來不還及與無著其智百倍不如一緣覺智若三千大千世界滿中緣覺猶不如一發意菩薩之智正使三千大千世界充滿其中初發意菩薩其智百倍不如阿惟越致正使三千大千世界衆生悉成不退轉其智百倍猶不如一一生補處菩薩之智正使三千大千世界衆生為一生補處其智百倍不如一如來處處慧力合諸力無所畏入佛法遊要歸所以者何其一切智悉入佛音菩薩

聞是不恐不懼不畏不難是則名曰

習無窮慧而不可盡何故習無窮慧

而不可盡用入一切衆生心故正使

過去衆生心念無限其發道意一人

明解忘曉了知此諸過去衆生心念

等於衆生猶如一人如斯比像不可

稱計衆生之黨皆婬怒癡之所覆蓋

復有一人入婬怒癡惑亂之中而為

衆塵見慣迷荒菩薩發意恒以道慧

皆知衆生婬怒癡亂是曰慧明之聖

弘智若諸衆生悉各發意善惡因緣

因緣所為起者滅者如是慧者雖處

其中心不以煩皆能暢達猶如虛空

其虛空者無不空處聖慧者然心所

明解三世衆生靡所不達故名曰慧

而無窮極亦不可盡何謂一切佛法

亦不可盡悉具一切六度無極求諸

佛法若有菩薩從初發意所修方便

然後乃致坐佛樹下發心功德不可

稱計普悉具足皆成佛法故曰菩薩

合諸佛法而不可盡

復有菩薩合集精進亦不可盡身所

立德不以為難口演功祚亦不以倦

意惟勤修其身口心三事精進則是
元首何謂意精進其意泰然何謂泰
然用求佛道用求佛道為何謂也恢
弘其心寂無所為何謂發是發是意
者謂發道心是此則菩薩之大哀也
何謂菩薩地信樂無我是曰為忍何
謂發是其發是者悉能拯攝一切衆
生故何謂為處用得偕悉具諸法故
不以生死為勤勞也其發是者不著
三界其發是者身諸所有無所愛恠
又其處者所可施與不嘆宜已有斯
德行所謂處者不以禁戒而自稱嘆
意存自大又其處者忍衆苦惱不以
是業而懷憍慢所謂其處所獲功德
轉曰增益巍巍無量所謂處者是志
度脫不離布施伏心制意所謂處者
學問無厭如法習教所謂處者如所
聞義奉行不改無有異意所謂處者
習學思惟不可講法摧謀方便不以
為難習無怖望所頒宣法翫習諷誦
念察曉了其義之所歸趣不用勞厭
而慙廢也學修元元無所想報是有
四事是為菩薩之所修行所以者何

其能發此慈悲喜護又其處者所暗
察意普懷大哀又其處者緣是之故
具足五通習無生死又其處者得四
意止逮于順理不當所思而不惟之
又其處者知四意斷不廢功德亦不
抑制無福慶人所以者何修中間行
又其處者神足所習如佛法教無所
怖望又其處者習學善德諸根不乱
無限非法志能分別又其處者謂十
種力無有能勝心懷聖智又其處者
欲求佛覺諸興造行入眾法義而不
自大成七覺意又其處者求斯道德
不念諸來及住去者亦無所想又其
處者慕求肅敬寂靜其志而無憤亂
又其處者欲得正觀明察諸法求其
所存又其處者曾所博聞便能修習
常如法住務修身德行又其處者求
于法身而損眾俗妄想之著信達無
形又其處者謂彼音聲常欲莊嚴隨
時暢出通于十方又其處者樂如道
行脫不脫者使至永安又其處者謂
不合非勸化四魔何謂四魔一日身
魔二日罪塵魔三日死魔四日天魔

又其處者離諸惡習修衆德本諸穢
寂然而不興亂又其處者普見道慧
所作消息方便因濟度之又其處者
咸觀道法而隨時化是意精進而不
可盡若有能具一切處者終無諸難
所作悉解不以妄想住所行慧亦不
動轉一切所行皆不離慧何謂菩薩
行不離慧所行功德悉因是法常為
一切興無極慈元極慈者不盡世俗
因佛道慧不隨無為是名菩薩无盡
精進宣說精進不可盡時九十六城
諸天世人皆發無上正真道意三万
二千天子悉得无所從生法忍

舍利弗復問阿耨耨末菩薩言豈復有
義施度无極不可盡乎阿耨耨末曰用
十六事而不可盡聲聞緣覺所不能
及何謂十六一日所施不懷異心而
悉具足如來法施二日所施不興斯
念吾緣是故當獲福報三日所施普
愍一切不懷異心四日所施不念望
得三昧正受所以者何不樂生于淨
居天上常好人間五日所施皆能達

知衆生心行六日所施其意清和所以者何欲使其心隨已計故亦令其身從心所念七日所施如受者意所以者何其德以過色無色天八日所施興寂寞俱亦復恬怕所以然者過諸聲聞緣覺上故九日所施不惕恨心所以者何欲使究暢至成就故十日所施威神巍巍無能制斷十一日曰其所施者所施與人隨意喜樂而惠救之心常正安所以者何能御意故十三日其所施興不斷三寶所以者何不捨如來至真之種十四日所施常明不懷猶豫而不迷惑十五日所施興者順如法教所以者何所行隨義十六日所施興無所不知有所興造樂智慧本所以者何欲令其智無有窮極甚廣大故是為菩薩十六事業施度無極而不可盡

何謂為禪心寂靜故何謂神通慧具足故何謂為慧所見諸色是則不通觀諸色盡其意不隨此名曰通所以者何而不中道行取證故其所聽聞

皆在不通諸可有音志無逮得此名
曰通志能曉知衆生心行是則不通
心除此智不以盡心而造證矣所以
者何不取羅漢此名曰通能自知本
因所從來是則不通不於三世而有
聖号此名曰通遍諸國土是則不通
雖遍諸國解無所有無刹土想此名
曰通信向諸法是則不通達見一切
諸法本末此名曰通一切所作有矣
想意是則不通曉了衆生無所怖望
此名曰通樂欲往生若過諸天釋梵
四王是則不通菩薩皆知一切聲聞
緣覺所修聖慧志能撙攬此名曰通
為衆元首所曰元首在於諸法寂上
之故因是名曰通慧功德而不可盡
阿耨末菩薩復謂舍利弗言因諸亂
意菩薩以故習自伏心是曰為禪其
智慧者志捨衆惡是曰禪定又菩薩
行習住定意則無變心所以者何云
修正住修正住故習六度無極正諸
法故習諸法者用正故學習菩薩行
等心衆生已等衆生便等諸法已等
諸法知菩薩心已知菩薩則能暢解

眾生志操知眾生已則知諸法是名
曰習引等一切眾生之類悉等諸法
而無適莫等住諸法是名曰定意為
正受矣空無想願謂等生死等生死
者便等諸法其已平等坦無偏黨心
普等者等眾生心等眾生心已乃謂
平等故曰普等其心所行平若虛空
如地水火風無有愛憎其心等者無
憂無喜其身已住不眴佛土定若三
昧不以諛諂如本際住而不自大亦
不賤已不癡不惡亦不多辯唯欲曉
了法之本原是時非時常隨時且不
從一切世俗之穢越世八事利衰毀
譽苦樂有名失稱捨諸有為不好憤
鬧隨是法者不離三昧所以者何皆
見天下所造立行隨其所行續在三
昧莫能知者是曰菩薩善權方便深
入智慧寂度無極若欲三昧執御其
心由無極哀而隨因緣所以者何用
眾生故斯義名曰善權方便寂然恬
怕三昧之業此為聖慧已如三昧所
建立者依仰佛慧是曰善權而於諸
法永無所求是曰智慧奉執定意之

以功德化護諸法是曰善摧其心坦然不壞法身是曰智慧以三昧定住念佛身諸相種好是曰善摧弘恩元元念佛法身是曰智慧於三昧中念佛諸音猶如梵聲是曰善摧思知諸法無有言辭是曰智慧住於三昧心如金剛是曰善摧雖獲禪定不忘世俗衆生群黨是曰智慧而於三昧念偻本願長育一切是為處處隨時善摧又於禪思解于衆生悉無吾我是曰智慧遊于三昧不捨諸法是曰善摧曉無本末亦無根原是曰智慧修于三昧思諸佛土悉為清淨是曰善摧解諸佛土都無所有是曰智慧在三昧住惟有佛樹修之莊嚴是曰善摧身離衆欲而無穢濁是曰智慧又在三昧念轉法輪是為善摧遵行禪定轉無所轉是曰智慧住于三昧欲見菩薩以相莊嚴是曰善摧以濟衆苦無有煩惱是如來禪如來禪者了一切法永不貪欲不想塵勞知諸情樂除衆法想名曰禪思是為菩薩所生地慧開士大士以諸一心與法不

同塵是乃名曰不可盡禪不為一切
衆魔得便則為正覺造諸法器所以
者何靡不舍容正士說此寂度無極
不可盡時四万菩薩得日明三昧何
謂日明三昧定者猶日出時燈火炬
耀星宿月光闡蔽無明菩薩已逮是
三昧者一切衆聖咸為覆蔽所以者
何其慧巍巍明弘廣故一切聲聞緣
覺智明皆為覆蔽以故名曰日明三
昧菩薩已往寂度無極悲能逮成諸
三昧定粗舉都較取要言之演諸三
昧名有三昧名曰照明有定名月光
有定名莊嚴有定名嚴耀有定名修
嚴有定名無極暉猛伏有定名其明
消冥有定名如諸法教有定名成光
明有定名無所憂有定名立堅固有
定名等如太山有定名法明有定名
法御有定名法君有定名法慧順教
有定名感法實有定名法城提持御
有定名知人意行有定名幢英棄衆
煩苛有定名力制四魔有定名已成
十力有定名斷諸罣闕有定名造燈
光有定名堅住若地有定名如須弥

有定名猶安明有定名智行光耀有
定名智不可計隨具教有定名心教
柔軟有定名無所求脫有定名如水
日月光有定名猶如佛身有定名等
諸無我有定名調為隨教有定名見
得諸佛念有定名法意無尋有定名
無退不轉有定名衆毒消淨如月有
定名入空寂有定名曉衆想有定名
無願有定名住一心有定名如金剛
有定名無極光莫能當有定名自在
淨有定名內諸勞煩盡有定名廣大
如空有定名入一切業有定名心思
得慧有定名慧悅人無盡有定名成
聖慧有定名捨無所忘有定名冥普
見明皆多樂有定名慈行有定名心
本淨大哀有定名入諸護有定名心
等入無所尋脫有定名法法住有定
名智明達有定名解暢有定名不可
數有定名充飽衆有定名无不了有
定名脫慧隨化衆有定名金剛蓮華
有定名了無常有定名尊智慧有定
名身伏有定名諸佛念有定名隨教
明說有定名嚴佛土有定名開闢靜

諸國有定名入衆生心喜有定名正
真直有定名以菩薩道六度無極嚴
有定名覺解結有定名覺意華有定
名施脫若天藥有定名光無不周有
定名明無住佛有定名甚深妙有定
名積寶如海有定名如山方面有定
名神足甚廣無不徧有定名見無數
佛有定名徧諸學有定名如彈指頃
無不知有定名智不可限計如大海
如是等定億億巨姦菩薩以往寂度
無極普徧斯定

阿耨多羅三藐三菩提復謂舍利弗言智度無
極而不可盡為何謂也如所聞慧轉
建立行故曰不可盡應如斯行有八
十事何謂八十

順所聞尋如意如教習從善友命
不目大所作不忘常恭敬從經業
如言從數習智勤心受不失節
不忘念意不乱興實意顯藥志
除諸病是意器樂忍辱思樂諦
入慧意學無厭施無所慕施無適莫
所聞諸思歡喜喜受心悅身輕其意清和
而元煩苛所學如本常喜說法周欲向道

法自守者好聞正不在異學

唯受雅智度無極 逮於菩薩方等經
但慕聽權方便經 又好聞習四等心
復察解了無神通 如初意耳無異念
心務於諦善方便 唯欲聽之無生法
不貪觀但悅慈了十二緣達無常
知於苦暢無我欲知寂分別空
解無相體無願曉生死了功德
達衆生知無忘嚴其音若城郭
所聞勤執樂聽經實在俗知俗啓於中意
以為伴侶欲聞降伏諸事業

常志思僥 普入諸法 慕斷貧乏
所去貧乏 謂智不足 念解遵通
曉解聖慧 悅受正道 曉無智者
恚化使知 了常遭苦 給不足者
別離一切 無功德業 明識其本
衆惡不為 暢益身義 達利衆生
解安隱行 樂不懷恨 欲別至尊
無極之事 念諸佛法 所因獲致
是為名曰如所聞慧轉建立行

阿耨末菩薩謂舍利弗言菩薩有三
十二事所入隨時何謂三十二

隨音響入 欲入於觀 入心所行

入身求脫^四而濟衆生^五入不斷無常

入無所著^七入隨因緣所可作為^八

所入無人^九入於無壽^十入於無命^{十一}

入去來今之所住處^{十二}入功德業^{十三}

入空不懸^{十四}入于無想^{十五}而入無願

不廢勤修不以空取證無想不願護

已不墮^{十六}欲入三昧而修正受志向

成就三昧正受以故不生無色天所

以者何擁護所致^{十七}又入諸通智慧

之原雖今不入盡滅之徑^{十八}又入無

生濟諸所生^{十九}復入本際思惟其義

欲入無際而不取證所以者何有

將護故所去無護則為聲聞^{二十}欲

入衆生解無吾我不捨大哀^{二十一}入一

切畏生死之難^{二十二}所可遊入雖有生

死無為生故^{二十三}又入所厭衆諸塵勞

入厭欲者亦不墮落所以者何不中

取證^{二十四}又入不思貪欲之黨入不捨法^{二十五}

入諸犯法而不為非^{二十六}入摧方便所以

者何由因衆生意墮貪愛欲開化故

^{二十七}本所入教授應病與藥^{二十八}菩薩所

度各得共所^{二十九}是為三十二事所道如

事所以者何不失節故猶欲入城會

從門入欲暢衆緣當眼察之解緣業
者則不諍訟欲令無爭莫如自守欲
知無言為佳快者不如莫語所以者
何不喜語者自護身口不欲所止勿
在彼居不欲動者慎勿得轉無怖望
者亦無所想是故曰等欲不迷色當
正堅住已堅住者亦乃達至不樂令
變常自謹慎若慕寂靜將養已者勿
得稱已不欲下者莫自矜高不高不
下具足正法不喜損者無有能護若
樂便安所作無失無所失者則無有
疑無有疑者解無本故便無所失等
於三世而無老特等三世者無所增
損不住於色痛想行識亦無殊特眼
見色識則無所住耳聲識鼻香識舌
味識身軟識意法識悉無所住從本
淨行如法如慧如審諦行如無吾我
見諸法行無我曰慧解諸所有皆無
所有亦忘無本是名曰慧不以身綺
而懷自大是名曰慧知於菩薩習正
真慧達為一切衆生之故衆生故者
心常不捨不離諸法是乃名曰菩薩
智慧

阿耨多羅三藐三菩提經卷第三

已亥歲高郵國大藏都監
勅彫造

西晉月氏國三藏竺法護譯

阿耨多羅三藐三菩提經卷第四
舍利弗言菩薩習智
入於諸法故無所著是名曰慧有十
六事不与慧合何謂十六用無明故
而起陰陽從生老死皆不与慧同諸
所作為亦不同塵亦復不与六十二
見而雜錯也不自貢高亦不卑已有
利無利若譽若謗若稱失名若苦若
樂過世八事貢高自大謙卑恭慎俗
間有是二十一事不与合同去衆煩
惱不為愚冥覺寤睡眠脫諸恐懼不
与罪合及諸心垢不除五陰故至生
死身魔罪魔死魔天魔而共合也一
切衆生我人壽命無所怖望而造因
緣諸有怖望俗間之念當尔不尔是
与非事皆縛著業有所貪慕与戒反
矣不奉禁戒奉禁戒者忍辱瞋恚精
進懈怠一心乱意智慧愚冥以度無
極貢高謙遜皆離是事堅住不住謂
梵志也定意堅強功德剛柔消一切
念使無有餘便屬無為國土好醜衆

生吉凶一切善惡愚慧識明生死滅

阿耨多羅三藐三菩提 罪

清

度諦與不諦離一切念其智者無所
觀無有見無有相不想泥洹何謂為
慧察之計按八法功德曉了八法何
謂為八曉於五陰了四大解六衰別
四諦達十二緣暢明三世識分別一
切羅漢及緣覺至菩薩演諸法何謂
曉五陰諸所生滅猶如幻化夢中所
見芭蕉野馬山中之響鏡中之像水
中泡沫觀於諸色我人壽命解色如
此痛如水泡想若野馬生死如芭蕉
識者如幻計水泡沫野馬芭蕉幻化
所以者何此微妙故其微妙者無我
無人無壽無命是曉五陰我人壽命
猶如幻矣識亦如幻是曉五陰五陰
隨俗世俗相者閃現便無是為世相
其世相者非常苦空非身之業其知
是者曰曉五陰何謂了四大地水火
風其法界者不為剛強水者法界則
無有水火亦法界不以自熱風者法
界不用動搖其四大者謂眼所識計
於法界不以眼視視悉知之其法界
者不以耳而聽聲鼻不向香口不味

味身不細滑意不著法忘解法界忘以具足衆生法界如講授之嘆情忘性法界平等平等如稱欲界法界亦等如稱色無色界法界忘等如稱生死之界泥洹之界法身之界等稱如空法界亦如所以者何有德無德亦等如空而無有異亦不可量忘叵稱載其泥洹界亦復若茲不可講說此入法界是名曰智号了四大何謂解六衰如解言曰其眼亦空而無吾我亦不無我是亦忘空所以者何解我空者在於諸衰而不為衰是則名曰解於六衰諦計六衰不著不斷是為菩薩解於六衰眼色為衰所視不墮所以者何不中道取證耳鼻口身意亦忘如是是曰菩薩解於六衰何謂六衰其能分別六衰別六衰已便入于道不別衰者則非是道又如菩薩用大哀故不近不遠以衆生故不捨大道亦不離施是曰菩薩解於六衰何謂別四諦知苦習盡道不得五陰處是曰知苦所生為習色現尋滅名曰為盡得道無道心以等住故曰為

道菩薩知四諦而不取證所以者何
護一切故是曰別四諦復有三事何
謂為三其真諦相審解如本其世俗
言假有号耳了真諦心不念有無審
解本者一切諸色悉為平等所以者
何不中道取證以相為應是則名曰
別於四諦

阿耨末菩薩曰其諦有一無有二也所以者何如來至真無所怖望亦不想求色與無色無所怖望這得其中是別四諦復有五陰苦者是惱之相好解空者是曰苦諦暢達五陰所從緣起是曰習諦所見萬物皆有想求別了其意而不貪慕雖不求者亦復不忘是曰等知盡滅之義不與去來今現在事而俱同塵亦不住中是曰盡諦欲致道者了苦習盡不在二事所謂二事猶豫結網是曰盡諦諦觀察之知之為苦是為菩薩別於四諦一切所見苦樂善惡心觀世間悉了本末是曰知苦諸緣皆苦是名曰習解慕世苦不以為求雖不求望不墮盡證所以者何不中取證故是曰菩薩

因知求道猶欲渡水而不求船不能橫越思惟其便若得板木乘騎其上可以得度所以者何不憂不度不愁在苦作是行住如四諦教不以色諍而墮取證是曰菩薩別於諦矣意察生苦苦從緣生亦不從緣是曰知生一切所生亦無所生無有起者亦不滅盡不興滅意是曰意寂而苦滅矣樂知未勝而伏其心意解入此是曰知道不住其中所以者何慧無住故是曰菩薩別知四諦

何謂達於十二因緣謂因無明便致生死如諸法教其有所生了不可見亦不可知所以者何無有生故亦非不生以了如斯因緣之事緣求泥洹諦了衆生所行不等有上中下緣作罪福故造行道所當致者興無生緣修諸法業与道合者是為名曰解十二緣設無是緣則消除矣所謂消除謂無明滅无明滅者謂老病死滅老死已滅能達此者解十二緣諸所有因悉法所摠諸所有緣皆法所合其因緣合非我非彼亦復不是我人壽

命悉無所入如是入者不在一切諸
所有也其意普解是十二緣菩薩悉
欲具足諸法具諸法已皆了無常不
墮取證所以者何護衆生故是日菩
薩解十二緣何謂明三世悉知去意
有德無德觀身他人等無有異所以
者何身有誤失他人有過悉代悔之
逮所作福因此福祚發心求道是為
菩薩過去功德其當來意所作功德
悉用發心立菩薩願諸所發心以護
制持執心堅固不受濁意是當來福
今現在意所作功德以正衆緣是為
功德悉捨諸穢不隨非教是不離德
所以者何近佛道故是現在福察去
來今信三世空觀三世法則以智慧
無元勸助去來今佛用善摧故曰則
三世諸去法盡所以者何不可見故
不以去德而變其心諸當來法視無
所生不以是疑察現在法亦無所住
則無處所所以者何不捨道心是故
名曰明於三世普達智慧過去已滅
當來未至現在無住智無破壞菩薩
與德悉欲合同是故名曰明於三世

以慧志念過去功德所以者何今者所作皆前世福因發來心當來發心故斯智慧業具足所願其現作德不以為難所以者何菩薩願故是則名曰明於三世為諸衆生於過去世悉知作德所以者何護衆生故往古所教今續化之所教訓者欲令其人見當來佛神足變化於法道義便有增益有增益已亦增福利益諸群黎佛以興世多所饒益其所誓願悉無異于是則名曰明於三世

何謂明解羅漢及緣覺乘諸菩薩德若無佛者則無羅漢佛興于世有羅漢法羅漢法者因聲聽解得聞聲者便備戒禁戒禁已備謂以如戒已如戒者具戒定慧度知見品是則名曰明解聲聞從是所緣得阿羅漢知德無德而了非常得脫生死在於三界悉厭衆欲達非常苦所以者何諸法無常其泥洹寂亦無所有不求所生所以者何畏生死故畏生死者不信俗業身如怨讎四大若翫六衰空野不願所生五趣周旋受泥洹護如是

行者明解聲聞何謂識解緣覺者菩薩皆知云何緣覺所造立德所興功祚出羅漢上所以者何所行精進起越過上施与持戒聲聞不逮所以者何聲聞所行其心局迫所奉供佛慧不足言既入佛法所學樂小不愚不慧所以者何聞衆樂音而穢厭之所學少少常喜懷恨依大德勉而樂尊務所興施与思十二緣由求得脫已身按計獨信守道從緣起行而建立功德是則名曰識解緣覺

何謂暢解大乘之業所入曉德不可稱載其乘廣大曠然無極為衆生黨行權方便其德莊嚴不以為難皆惠衆生之所欽樂以度無極化成大乘悉知一切人心所行欲度脫之越衆緣起不謂佛道為難得也復以光明照於衆生其心特尊卓然無侶度一切苦曉了諸法無有陰蓋降伏衆邪皆令清和撻擗道法三十七品威德殊特猶跼幢幡遊十二緣不著不斷諸所可見憂感睡眠婬恚調戲不可之事悉遠離之真以佛慧諸相種好

而為綺飾以乘嚴七身口意行所以者何無有罪咎是則名曰大乘功德大乘功德則是天上天下衆生之度何謂一切衆生之度諸法悉合謂脫不脫脫不脫者菩薩大士充續功祚是名曰脫曉了生死所興功德謂身口心以明曉了口作功德身立福祚身口心行三事生死菩薩以緣曉知脫便願薩大若諸通敏慧是曰明達脫已復曉諸不脫者五度無極入智度無極謂為脫者不以為難解度無極常悉拯攝菩薩善權皆蒙光明照于一切所以者何則以四事拯及他人無我無人無壽無命無執無捨是故分別用脫之故造菩薩願明解度脫謂於生死稍稍得進以無所斷無所斷者不滅生死不滅生死者是為菩薩無所破壞所以者何不与無瞻勢者從事以是故曰分別未脫空無想願以此法察曉了諸見菩薩信故所以者何於三脫中能不墮者是曰未脫謂不取證在於三界而無所著是名曰脫雖在三界廣施方便所以

者何用明智故不墮取證是則名曰
曉了脫德所造功法皆以具足諸通
敏慧已具通慧不離普智是曉諸法
阿耨末菩薩謂舍利弗是八事法与
智慧合而不可盡是智慧法咸知分
明以能分明如佛法者無有殊異所
以者何以去睡眠非法之故是則願
力便逮道法諸經慧相智慧光明照
於本際已入於慧諸欲見者悉以曉
了能至泥洹捨持慧故不捨道法以
信智慧衆垢悉除其大智者則是諸
法之元首也自然慧者無有師主皆
解諸欲而無所著所以者何因逮道
明以慧斷根故不可盡衆想悉空所
以造根由癡冥故欲致聖明則以慧
藥教守道者咸得正住其來學者以
慧訓誨各使得所用智慧明悉照癡
冥各令得明其無眼者悉獲法眼僉
得徹視無餘慧明皆越諸色真諦之
慧無復結網以慧教告其不伏者悉
令自降為諸闇冥顯智慧眼不可盡
慧靡所不入行莫不周所以者何暢
十二緣所宣智明解諸縛著令無誤

失不以生死而為迷荒阿耨多羅三藐三菩提
謂舍利弗菩薩大士以慧總攬入眾
生心隨其所行皆見心念明解分別
群黎之黨無功德者以慧導利菩薩
智慧悉遍聲聞緣覺之乘上至正覺
是為慧處斯菩薩學名曰智慧而不
可盡演智度无極暢不可盡說道品
法時三万二千菩薩悉得無所從生
法忍

阿耨多羅三藐三菩提復謂舍利弗慈氏菩薩
而不可盡所以者何其慈曠大無邊
際故仁若虚空不可限量所以無邊
者猶若眾生四大如空無所不周以
慈普覆亦如四大地水火風不可稱
限故不可盡菩薩引慈亦復若茲不
可窮極故曰無際猶空無邊一切四
大悉不可量眾生無盡仁不可限故
曰菩薩大慈无盡

今時舍利弗問阿耨多羅三藐三菩提
不可盡為何謂也阿耨多羅三藐三
菩提其數過於藥草叢林時舍利弗復
問可為眾生興引譬乎阿耨多羅三
藐三菩提不可以民庶為數極舍利弗

問所喻云何阿耨末曰猶如東西南
北四維上下合為世界各如江沙十
方佛土合為大海取一切人盡住海
邊各以一毛取海水數舉一滴水為
一江沙人舉二滴水為二江沙人如
是滄數大海水盡衆生之限不可盡
極群黎四大亦不可數亦復若斯菩
薩大慈靡所不周阿耨末菩薩謂舍
利弗若能引慈其德福慶不可盡極
舍利弗言實不可盡阿耨末曰若有
菩薩聞衆生數不可窮盡不恐不懼
不以懷懷尔乃應曰慈不可盡阿耨
末謂舍利弗言其引慈者是菩薩護
復為衆生有功效業所以者何無有
失故衆惡盡獲悉永消除伏衆怒害
及諸愛欲其有見者莫不悅顏所以
者何無有衆邪諸有恐懼咸悉盡愛
其道正端而無偏邪悉能化導諸乱
心者其有危難往就慰濟所以者何
欲度脫故諸有繫縛莫不散諸諛
諂者修脩質朴唯學道要不慕世榮
志為釋梵之所欽奉常以智慧靡所
不覩所以者何護衆生故修四等心

不懷異意恚棄塵勞入佛道要摠持
慧業以德自嚴以起衆德三十二相
八十種好皆以具足諸不脩恚度脫
快哉快哉泥洹顯導衆生不在八慢
不閑之地樂以法樂以法自娛摠攝
衆欲不貪王土等心衆生所行無異
淨此普慧其犯戒者恚將護之現忍
辱力無得自用而懷慢恚不捨精進
禪思一心三昧正受其心不乱以智
慧業諸所聽受弘慈具足自從身出
不依仰人不從魔教所以者何以獲
大安因智慧解耻諸非法恚愈衆病
覆護衆生常自安身亦安一切羅漢
法者但欲自護不護衆生當以大慈
加哀一切阿耨耨末謂舍利弗言慈有
三事何謂為三一日慈施一切曉了
慈施法等二曰慈正真等三曰常以
普慈加于衆生所謂等者發菩薩心
慈与法等謂成就業与慈普等因成
忍辱是謂三事慈不可盡

阿耨耨末謂舍利弗言菩薩大士奉無
極哀而不可盡何謂為人所去人者
喘息為本本者謂命菩薩至行以哀

為本成大乘故猶轉輪王紫磨金輪
以為始元然後七寶輒來具足菩薩
大乘亦復若斯以有大哀諸佛法寶
普悉周徧猶如長者有一微妙清和
之樂其音哀美入于骨髓菩薩大士
逮致弘哀愍念衆生過於骨肉猶如
長者而有一子愛之无極菩薩之業
大哀為本然後具足所以者何為一
切教大哀無諂無諂行者有弘哀故
便不自大專自用意亦不虛飾以至
真行心中至直而無有異是為弘哀
所以者何無有邪心以逮愍哀其心
敦誠亦無憍慢而自放逸順隨一切
誘進開化而度脫之身無所損以勢
力故不貪壽命則自愛己衆惡離散
覆護衆生其心已淨不捨貪匱諸厄
難者所以者何不以勞故其心堅固
是則愍哀其心不退因入大道菩薩
真意能勤將護是為大哀若為諸佛
作證解明亦為自己證明供養復至
大哀其心清淨所行無異所以者何
能捨己安而安衆生見危厄者身欲
代之心不恟恨荷負一切不以為重

堅志精進是名曰哀所以然者能忍
辱故其羸劣者將護扶之若有病者
身體臭處其心不忍欲以勞來衆危
難故倩講法者不以為倦具足道心
隨人所喜隨人所喜者謂入異學各得
開解常抱功德以為莊嚴身諸根具
而不墮苦因成愍哀心等無餘以安
一切所以曰哀無人諍訟所以者何
無所貪故乃能脩哀心無悔恨常護
禁戒志樂導利一切衆生身若金剛
不可毀傷以身惠施無所吝惜勸助
他人令興功德是則愍哀雖身立德
而懷欣然不如勸人建立福祚不用
禪悅所以者何常為一切既在欲中
思察道慧不以為勞是則愍哀所造
功德未曾慙倦為無畏施捨貪怯心
欲使衆生成成所願思開達者輒令
建立無極大哀所以者何為慙廢護
勸讚道寸首也若有犯戒又誹謗人菩
薩靜定不念是言所以者何常以佛
戒教訓十方有行惡者心哀傷之以
如來忍誨無瞻勢及愚冥黨所以者
何化令其人內入佛法菩薩普教令

學於佛三十二相哀哀亦不可盡

阿耨末復謂舍利弗言菩薩大士一切所施以哀為本故曰建立無極大哀亦皆以應布施持戒忍辱精進一心智慧六度無極亦復備悉三十七品所以者何獨能遊步無能為師所行安諦而無瑕穢以慧愍成一切眾生曰菩薩哀為不可盡何謂菩薩喜不可盡所由等心為不可盡所以者何思察法與其心悅豫不以為勞捨諸音樂不以為樂心普住法以法自娛身意降伏所謂伏者見人所作不應義理衣毛為堅心悲雨淚好菩薩道其心欽樂願如來身具諸種好三十二相以為莊嚴諸法功勳常欲聽經未曾厭飽恒執經文常欲堅持以應法者不以世榮而在心懷常以法樂而以自娛等心一切隨其所喜而開化之所以者何各令得所如佛法教是曰行喜執意寬弘不違如來至真之法究暢威靈其羸劣者心不慕法諸貪飡者心不清淨雖在三藏不懷自大能謹慎者代之懽悅其犯非

者加之愍哀顯示道徑身心已越惡趣恐懼堅奉戒法猶如來禁等無差別若罵詈者心不恚恚伏令柔忍尊敬長老謙遜年幼顏色常和心無錯亂應人隨順先人問評未曾諛諂是則名曰菩薩行護而不可盡

阿耨多羅三藐三菩提菩薩神通亦不可盡何謂神通一曰天眼二曰天耳三曰知他心念四曰知往古五曰飛行六曰漏盡何謂天眼計諸天眼龍捷杳杳及諸鬼神羅漢緣覺目所見者不如菩薩目之所觀悉超於彼一切徹視無能及者為尊為上為軍殊妙巍巍无正菩薩眼者靡所不達觀諸徑路其眼所見周於十方無邊世界諸有色像麤細大小遠近廣狹悉以天眼見之明了了一分別因彼天眼見十方已觀於五趣所生住處而察群黎生死所歸知其報應所當獲果識斯根原亦復曉了諸根強弱其十方界諸佛世尊國土功勳清淨鮮明咸亦觀之察其戒淨以此功勳勸助已土常住禁戒所願輒成以此天眼則

觀諸佛不退轉地諸菩薩衆這見斯
義正士之黨學其所行威儀禮節舉
動進止安庠和雅立于法門捻持辯
才智慧善權隨時方便教學具足以
真諦眼普見一切無所罣碍察一切
色悉為虛偽無一真正以至誠眼亦
見解脫及与結縛以至誠眼見之本
淨顯曜鮮明於諸境界悉無所著以
至誠眼不復起生塵勞結網見若干
冥不懷沉吟以至誠眼不住顛倒一
切蔽碍不慎之法所視明徹用法光
暉而照曜之以至誠眼宣布聖慧不
慕飾著因緣諸行未曾懷恨無結無
望不猗塵勞一切放逸以至誠眼剖
判勞倦歇賢聖者隨根所由而開化
之不違失相皆遣光明等照衆生以
至誠眼其心清淨除諸根株永令無
餘離於自大無有垢穢心性清淨而
無所著以至誠眼逮見佛眼捨心自
在而不馳騁除去虛偽不安諸疾衆
結之黨以至誠眼達知義理進退所
歸其法淨者慧聖章句行無罣碍執
御衆生建立大哀川棄乱法諦度彼

岸使無有罣所見審諦親近道場無所依怙見乞求者不懷瞋恨誨毀戒者護衆恨心將養懈怠其亂心者為現禪定其邪智者施以慧眼若失徑者顯以正路志在小乘教以佛道微妙大法令入普智順從正覺不廢神通是為菩薩天眼徹視無盡神通

何謂天耳無盡神通以此天耳普聞十方不可稱限諸佛世界所有形類天龍鬼神捷杳悉阿須倫迦留羅真陀羅摩睺勒所說音聲人与非人言語所趣一切賢聖諸佛聲聞緣覺言辭諸菩薩等所暢音教以此天耳咸悉得聞所聽了了無一蔽碍及復察聞地獄餓鬼畜生音聲小小虫蚤室鼓蜂能拂音聲皆得聞之其心所樂善惡是非皆從衆生口之所演悉亦知之口之所宣罪福報應若有口說貪婬瞋恚愚癡繫縛或有懷結口誦辭麁獷或口貪恚出現愚癡或口誦鉢所說麁獷弊惡之言或口貪欲而演結染或懷結怒演凶堅辭或懷愚冥口廣欺癡或有心性清淨和調口

言侏張或口言善心性懷害或口柔
和心性安隱所說清淨或身口意不
相應者悉天耳聽神通無尋皆曉了
之以此天耳聞諸仁賢及諸不賢於
賢不賢亦無所著耳聽惡聲不懷憂
感常興悲哀廣大慈愍若遇惡聲致
無極慈悲知去來現在衆生一切所
行達如審諦以此天耳聞十方佛所
頒宣法輒能受持念之不忘如己所
聞常樂道法察如應器而訓誨之各
令得所不但一及聞如來法數數啓
受無能妨廢使心退忘又其菩薩本
行道時皆從諸佛啓奉道教若干衆
會各各說法悉察衆生諸耳所聽輒
能自然演其法教彼若群生識經義
者聽所說法不識義者不肯聽之假
使耳根法界清淨其天耳界聖慧清
淨設使耳界自然淨者衆生亦淨若
察耳界隨其音聲文字言義悉能聽
了一切衆生生在五趣傳若干響所
語不同不可稱載隨斯音暢而入說
法其耳所聽皆從真諦咸以勸助如
來道耳不樂餘乘是為菩薩天耳所

聽無盡神通

阿耨末菩薩經卷第四

己亥歲高麗國大藏都監奉

勅彫造

阿耨多菩薩經卷第五

四

西晉月支國三藏竺法護譯

阿耨多言唯舍利弗菩薩神通知他
心念亦不可盡何謂知心達諸群衆
過去所念當來所思現在所想又其
菩薩知心如幻則隨時宜勸誨衆生
說報應行禍福所趣某人心和所報
善德某人行中得中間報某人行劣
得劣弱報某人志性心喜布施某人
好持戒忍辱精進一心智慧某人志
性愛樂慈心悲哀喜護某人志性慕
學大乘某人志性好學聲聞緣覺之
乘某人體性本殖所種各異不同某
人德本當以某藥而療治之用修薄
福故生賤處某行淨德心性不明某
人心淨所行不清某人心淨所行了
定如是比類悉知衆生古昔世時心
所念異所修不同因其所行而為說
法是則名曰知他心念佛知當來衆
人所懷某人當來因奉禁戒報應如
是布施所報亦復如是忍辱精進一
心智慧其亦若茲所行俗業得俗事

報某人來世修學大乘所行法則威儀禮節報應如是衆生當來舉動進止威儀諸業心念各異後當報受所種果實恚曉了之某人志性行不淳泐當隨顛倒衆患之難因其所知心行則解從其法器而為演法所宣法者終不倒錯應病與藥若演法時無所置思咸復達觀現在衆生心念是非審諦明了知於某人懷貪欲心某性多瞋某挾癡冥知某無欲某無瞋恚愚駭之心因其塵勞心性馳逸恚解此等衆生所念緣其勞穢而為說法各令解達所詣衆會察其心本應病與藥各為宣暢假使衆人心懷猶豫志不自決迷惑馳騁雖有進退懷抱沉疑不明智慧惑心惡行行來所念不能平解覺了心性斷除塵勞又去罣尋離垢清淨光明顯曜而無所受無所造立捨於瑕疵以法光明照於一切衆生心行隨時入教而為說法恚令普達是為菩薩知他心念無盡神通第三之業

阿耨末言菩薩念往古知不可盡取

可憶念思逮了本群黎之類皆悉荷
蒙如來聖旨堅住法界熟惟真宜而
不可動性不平暴倍悉禪定不懷怨
望住而審諦知十五十百世千世識
不可計億載世事天地成敗合散進
退一劫十劫百劫千劫了無數億百
千劫劫名字種姓言語飲食所更苦
樂自知本原見他衆際古昔從來別
已種德衆生善本身所立功勸助佛
道照衆生心使識善本勸發道意前
世宿命苦樂安危忽已悉過皆歸無
常苦空非身愚者迷惑以色自倚貢
高勢富憍恣眷屬荒亂自大恃怙貴
位貪釋梵職慕四天王轉輪聖帝樂
諸所趣終如五旋好于愛欲尊高之
處喜為己身求想安隱緣是欲得化
於他人設慕世位當察非常苦空非
身暢過去劫所行本末其現在事無
有處所寧失身命不犯非義古昔所
立功德之本咸用勸助悉具大道現
在善本執御衆生棄邪行業不斷三
寶佛法聖衆發一切智是為菩薩知
往古世而自證明第四神通不可盡誼

何謂菩薩神足飛行神通已達不可盡者自察已心而好精進攝受法典所修業行轉能成就恒得由已常諸奉行於四神足現在目前諸通悉達無所復為以無數品顯現神足威變無量則以一身化無數身以無數身還復一體飛行飄疾如一念頃不尋牆壁鐵圍山川經自通過如鳥遊空坐於虛空如履地上履水而行如住陸土出入無間如無門戶以是神足觀察人根而開化之從其衆生因可訓誨而顯神足為現端正顏色無比或因毛孔而演大光或立威神隨其形類而開度之應病與藥各令得所或聲聞緣覺像色貌立之或現佛身而開化之或現釋梵色像形貌亦如四鎮轉輪聖王種種異形教誨群生或現畜生形貌像類從其衆人之所好喜各為說法因而將養勢力堅強多懷毒害瞋恚盛者因其所宜而闡慈心或顯大力或四征力或半鉤鏖或具鉤鏖力其力無極勢不可限須弥山王甚大巍巍高三百三十六万

里廣長入海其數亦等以一指擎擎之挑擲他方佛國如投一果其菩薩力終不損耗又此三千大千世界廣長無邊下盡地際極於上方三十二天舉著右掌於若干劫擎之不勞建神足力顯其聖慧以此威德聖慧所致恣意所欲能舉大海投之牛跡在於牛跡亦不逼迫亦不漏逸能變牛跡以成大海假使劫燒天地欲壞建立威神變為洪水道化聖旨成為水災欲使為火輒如意念取要言之在所顯示無一蔽碍令變為幻上中下法如意所欲無不成者無能動移妨廢之者釋梵魔天及與他方所作如法輒從經教捨諸佛道威神無盡其餘衆人天上世間無能作威移菩薩德以此威力為諸民庶顯若干變悅豫功勲頒宣經道有是神足其心堅強未曾退還度魔境界塵勞之穢入佛境土不煩擾人應其所乏各令得所往古宿世所造德本諸魔官屬不能毀之是為菩薩神足變化第五神通而不可盡

阿耨耒復謂舍利弗言菩薩漏盡神通要者不住有為不處無為以大慈故不造生死以大悲故不住滅度欲成道德不著終始欲現佛身不住滅度願戀一切不迷塵欲化度十方不取滅度行施戒忍精進一心智慧隨時不惑流潤行權方便不慕無為欲具本願志性清淨不違道慧方便開化在於生死五道坦明不樂無為六通平正不難五趣六度四等四恩四辯三十七品療生病死成其佛土嚴淨三場不處有無生死無為皆觀自然等如虛空無進無退是為菩薩第六神通而不可盡

阿耨耒言唯舍利弗菩薩大士有四恩行而不可盡何謂為四一曰布施二曰仁愛三曰利益四曰等与其布施者謂有二品一日衣食金銀珍寶車馬人從二曰法施廣布經典靡不周流其仁愛者亦有二品若有求者恣意与之欲聽經者為講說法其利益者亦有二品自成已行具他人願其等与者亦有二品如自己身所念

思惟建立功德來求衣食諸所可乏
悉施与之加復勸人令住道業又所
謂施見乞求者踊躍与之面色不變
益加熾怡彼仁愛者見來乞求愍如
赤子彼利益者勸諸來求令住坦然
平等之地彼等与者假使有人身行
口言心念缺漏訓之令護三事相副
令入大乘復次捨心貪嫉則曰布施
精進不斷名曰仁愛有所利益志性
清和後不懷恨乃曰利益勸入大乘
不墮小意是曰等与復次慈心順窮
則曰布施興發歡悅懷恕戀心乃曰
仁愛興大悲哀被戒德鎧為群黎故
而忍眾苦名曰利益養護諸行令下
損耗勸一切智是曰等与復次若求
法者亦能惠与無所慙惜則曰布施
其仁愛者有所施与兼以法教使得
坦然其利益者亦為己身復為他人
興隆道化其等与者為一切故尋發
道意諸通慧心復次内外所有皆能
放捨不懷妄想則曰布施稱譽一切
功勲之慧不違師友乃曰仁愛捨身
之安所便身誼念憂他人名曰利益

合集要行若住芒州既自勤修思慧
成道觀之如掌以惠他人不懷愧悵
是曰等与何謂法施如已聞法為他
人說興仁愛者若有所演不貪衣食
利養之業彼利益者若教他人諷誦
經法隨時而授未曾勞倦何謂等与
未曾違遠一切智心常隨法訓不以
為患何謂布施愛喜法者不乏衣食
鉢器履屐諸床卧具病瘦醫藥所當
得者他人所乏輒能与之觀其志性
尋為說法各使得所其等与者能加
施人淨三道場不望想報則用勸助
無上正真寂正覺心復次其法施者
於諸施中寂第一尊作是察已乃興
法施其仁愛者斯心質朴顯愍哀義
其利益者念道義理不取嚴飾其等
与者班宣佛法道慧具足復次其布
施者具足脩慈諸度無極其仁愛者
成於戒禁忍度無極其利益者進度
無極不墮顛倒退思補過其等与者
廣大禪思智度無極復次其布施者
則應初發菩薩心行其仁愛者奉終
正行順菩薩本其利益者成不退轉

菩薩法教其等与者則謂一生補處
菩薩之基業也復次其布施者立道
根本其仁愛者喻於脩慈牙莖枝葉
稍成道教其利益者喻於道法究竟
華茂芬葩熾盛其等与者究竟果實
道德之業是為名曰菩薩四恩

阿耨耨言唯舍利弗菩薩大士有四
辯才亦不可盡何謂為四一曰義辯
二曰法辯三曰應辯四曰辭辯何謂
義辯曉於諸法真諦之義明已所達
識報應慧所知和雅不自修功入因
緣慧不壞法界悲達本淨入於無本
悲解本無了住本際永無有際曉解
空義奉修無想在於無願曉無所求
立無所行明諸行者入一慧門不計
有人不見吾我無壽無命道智則一
遊正真慧知於過去無央數劫曉於
當來無邊際義識於現在一切衆行
悉解五陰猶如幻化四種如蜃諸入
若空滅寂內行外無所遊解諸國土
無有境界心意無形其所行至為無
所到觀其志性明識審諦苦無處所
於諸所習而無所造其滅盡者自然

之相曉入徑路分別諸法句義所趣
通入諸根暢達五力建立寂然明察
所觀一切所有如幻芭蕉野馬形影
夢中所見山中之響水中之月悉虛
無實以若干相了為一相知合會者
必當別離今欣欣者後會憂感曉聲
聞乘因音而解知緣覺乘從十二緣
寂靜歸一暢大乘學積累無量一切
德本乃成大道是謂義辯復次其義
辯者唯歸仰義一切諸法皆起於義
亦無所歸所以者何一切諸法所歸
趣者悉皆空空是謂為義一切諸法
悉無有想其解無想是謂為義一切
諸法悉無有願其無有願是謂為義
一切諸法悉歸湛泊其湛泊者是謂
為義一切諸法悉無有人無壽無命
其無壽命是謂為義若曉諸法分別
如此是謂義辯其講說法無所處當
言有處所彼土所講則不可盡所演
辯才無能障翳諸佛世尊之所言繫
悉遙勸助所宣聖慧真諦無異無有
罪豐是謂義辯

何謂法辯若了諸法隨時而入善惡

禍福興德罪罣有漏無漏在世度世
苦樂危害塵勞瞋恨各有品類入於
生死若處泥洹分別法界方俗之業
是謂法辯復次其法辯者曉諸貪欲
心所戀慕某人好色知當何藥而療
治之某姪洩盛某貪欲強或有少欲
某可除欲某不可除或從往本欲應
欲來或當來世習貪欲相或於現世
習貪欲相或復有人內懷貪欲外無
恩愛或復有人外抱貪欲內無恩愛
或復有人內外有欲或復有人覩其
顏色而發情欲聞聲不動或復有人
聞其音聲而興貪欲不以色動或復
有人因其聲像而興色欲或復因香
諸味細滑由心諸法而起貪欲或復
有人無色聲香味細滑之念是為貪
欲衆生所行當作是入其貪欲門所
習或欲二万一千其瞋恚行亦二万
一千其愚癡行亦二万一千其等分
行亦二万一千若能解了於此諸行
八万四千便能隨時而開化之無有
損耗其不入慧誘進令前不失其節
解知應器殊特下劣有所領宣無所

侵枉是謂法辯

何謂應辯若能普入一切音詞諸天之聲世間人聲諸龍鬼神捷智起阿須倫迦留羅真陀羅摩休勒人与非人所有音聲悉能得聞五趣衆生所說之響隨其音響而為黎庶講說經法是謂應辯如是隨順而為演法是則應辯曉了經典知其文字觀所入義如是品類解一種言十種百種了男女言大小嬰孩亦知過去當來現在文字所趣亦解一字又了二字之所入處亦知一字獨而無侶亦知二字而無有伴是謂應辯應於真諦言无缺漏了了分明而無誤失訥隨之言義義理備悉所在衆人皆悅其辭無怨望者頌宣深義文辭至質合宜文飾自察其心從佛之教觀於衆生志性所趣而為應義使心開解歡然踊躍各得其所是謂應辯

何謂辯辯所說應時辯不乱錯言不中止無能制者所可說義無能障塞卒問尋對應機飄疾答不遲晚如所問報不失應節不違問者辯才無諍

所說辯才應真諦法立忍辱力所宜
深妙演若干義辯才次第不越來意
布施持戒忍辱精進一心智慧分別
一切章句義理講說意止意斷神足
根力覺意發心成道觀察寂然解暢
一切禪思脫門三昧正受入于聖慧
剖判三乘悅可一切衆生所念言詞
和雅語無瑕穢亦無麤言不合義者
口不乖暴舌不迷荒惡言之教所語
柔更清淨無病言語徐詳無不實詞
隨時事義所傳輒正不乖不暴方便
隨意無有異詞亦無細言竊微盜語
所語列路無屏處言極高舉聲言詞
安隱有所說者無能得短諸賢聖衆
所共咨嗟所稱揚者通流他國其音
微妙亦如梵聲聞者悉達口所言詞
不違法教皆見一切衆生根本應其
心念而為說法其聞法者輒隨平等
斷苦惱患是為菩薩詞辯無盡

阿耨耨言唯舍利弗菩薩辯才復有
四事而不可盡何謂為四一曰取義
不取識二曰歸慧不取所識三曰歸於
要經而不迷惑四曰自歸於法而不取人
何謂為義何謂為識入於世法是謂

識者度世之法乃謂為義所謂識者
布施調意明智安庠所謂義者化於
調定寂寞澹泊歸于聖慧所謂識者
咨嗟生死而不患狀所謂義者雖在
生死不憂顛倒恚能越度終始之患
所謂識者咨嗟泥洹功德之勲所謂
義者一切諸法本淨滅度不懷望想
所謂識者隨其本乘而為分別所謂
義者入一法慧所謂識者一切所有
皆能布施無所愛惜所謂義者淨三
道場歸一大道所謂識者護身口意
普學禁戒嘆譽止足功德之行所謂
義者護身口意解不可得恚無所作
是謂禁戒能為清淨所謂識者見諸
貢高自大憍慢放恣懷瞋含毒之士
為演安庠忍辱之德所謂義者行能
自致無所從生法忍所謂識者慇懃
精進分別一切德本之義所謂義者
無應不應無雙无隻所行精進而
無所住所謂識者解脫禪思脫門安
庠三昧正受所謂義者曉了滅盡定
意正受所謂識者一切所聞輒能受
持智慧道原所謂義者觀於智慧無

有處所亦不可得所謂識者領宣於斯三十七品道義之訓所謂義者奉行遵修諸佛道法因諸報應致道果證所謂識者剖判苦諦及習盡道所謂義者至於滅寂證明澹泊所謂識者因其所生悉由無明至老病死所謂義者以滅無明及老病死亦無永除所謂識者講說所觀寂然之本根原所歸所謂義者因其慧明而得解脫至微妙智所謂識者解婬怒癡分數適等本不可別所謂義者以得永消衆惡諸想不念懷恨所謂識者解脫一切諸陰蓋法星導之難所謂義者遊無礙導解脫慧門所謂識者咨嗟三寶切德無量所謂義者以離於貪不与欲合奉宣功勲所謂識者若有菩薩從初發意常歎開士一切禁戒名稱之美所謂義者一心念頃皆能曉了尋得成就一切敏慧取要言之志能講宣八万四千諸品法藏是謂為識於諸文字諸所識者解無所得義無處所是謂為義

何謂為慧何謂為識住於識者則有

四事一曰識在於色心處其中二曰而懷妄想處在縛著三曰遊於生死識在周旋四曰迷惑識者不能自拔是謂為四何謂為慧其識不處住五陰地斷諸陰蓋色痛想行識是謂為慧復次所謂識者曉了四大地水火風假使識行不住四種識不馳騁不壞法界是謂為慧復次所去識者眼色耳聲鼻香舌味身觸心法所識之著是謂為識設使消除外不遊逸慧之所導於一切法無所怖望是謂為慧有所荷著則生識矣亦從想念怖望多求而生識矣是謂為識若無所受亦無怖望心不懷念無所慕樂志不望報是謂為慧有為行法則住於識修無為行識無所住奉無為明乃謂為慧若住起分名謂為識不起不滅識無所住乃謂為慧

何謂為取經義何謂為取懇懃元元求諸經典是謂為取若於經典致入道果是謂取義若於諸經成就衆行是謂為取若能分別諸經本末是謂取義若在諸經入造行業是謂為取

若於諸經滅盡罪福永除塵勞是謂
取義若於諸經採取要慧而為他人
說塵勞業是謂為取若於諸經了了
分別清淨章句是謂取義若於諸經
默生死難愁感不樂是謂為取其於
諸經觀察生死及與滅度不以為二
是謂取義若於諸經但宣雜句嚴飾
之教是謂為取若於諸經愛樂深義
鉤與致遠坦然無為是謂取義若於
諸經想識無數心念衆生是謂為取
若於諸經喜於識知心無所生是謂
取義若於正經計吾我人及與壽命
含血之類懷可不可造立怖望所可
說者悉無有主強立本末君長之主
是謂為取其於諸經解空無想無願
之法不起不生悉無所行不計吾我
及與壽命講三脫門是謂取義何謂
為法何謂為人若著人者何從修法
是謂為人若在於人不捨諸法而住
境界是謂取法復次所謂人者云諸
凡夫凡庶性行乃謂為人若於凡夫
奉真人義修於篤信執持經典合八
等人道迹人往來人不還人無著人

緣覺人菩薩人復有一人出現於世
多所愍傷多所安隱慈哀三界諸天
世人及三惡趣莫不蒙濟名曰如來
如來正真普安一切顯示徑路化於
梨底使入道義假使有人依倚著求
則無有護因欲開化此等迷惑故為
說是當歸於法莫取於人計於法者
無所造作無有同像無作不作住無
所住亦無根本普行平等等於正真
亦等邪業以邪等正以正等邪邪正
無二無所怖望悉無所行於一切法
逮致自然其相究竟猶如虛空是謂
為法所開導法亦不思念以為恩德
若入於此法門義者觀一切法皆為
道法悉御諸法不以勞倦是諸菩薩
四歸之義而不可盡

阿耨多羅三藐三菩提經卷第五

庚子歲高麗國大藏都監奉

勅彫造

阿耨多羅三藐三菩提經卷第六

罪

西晉月氏國三藏竺法護譯

阿耨多羅三藐三菩提經卷第六
聖慧業亦不可盡何謂德業若能布
施出身所有持戒之德道慧之業常
行慈心思惟定意行無極哀奉衆善
本為己身施亦為他人合集功德勸
施一切三世衆生普及諸學及與不
學諸緣覺乘亦復勸助諸初發意學
菩薩法逮入行者不退轉等一生補
處過去當來諸現在佛普勸德本所
行休祚咸皆祝願諸佛賢聖講經法
師以是功德使得長存壽命無極勸
衆德本雖合福祚其不發意勸發道
心已發心者使度無極若有貧匱救
攝以財其身病者給與醫藥隨時供
養不懷諛諂其羸劣者勸立忍辱其
蔽藏罪令不匿過常懷羞耻列露殃
豎奉敬現在諸過去佛受敬歸命其
師和上常行法施化無師主勤修精
進求法不慙見諸法師視之如佛聽
法無厭抱念心懷聞遠有經十四千

里故自舉往不以為勞雖說經法不
慕利養孝順父母夙夜供養不離左
側常念及復乳哺之恩不以懷恨積
德無厭身行謹勑體無綺飾常護口
辭不演麤言自守其意心不懷毒建
立佛寺講說精舍所獲功報猶如梵
天何謂梵福初成佛時尋欲滅度諸
天儼然皆來勸助本為一切欲度十方
五江三源流決不息願守本誓開度
一切迷惑盲冥顛倒上下六十二見
沉塞閉在九十六徑唯須大聖以明
濟之佛言善哉天王懷慈五濁之世
甚難開化當分三乘開化誘進然後
能入無上大道此梵天福不可稱限
其興佛寺功德亦然積無量度因此
功勲具足諸相三十有二奉行若干
衆善之本由是周滿八十種好修行
十善而不自大莊嚴其身端正姝好
棄捐一切惡言虛辭緣是莊嚴口演
辯才常有慈心不懷毒害則莊嚴心
淨如明珠莊嚴佛土神通變化莊嚴
經典為他人說莊嚴衆會令奉道教
棄除兩舌惡口譏言闍人諮受經典

而觀察之以何開度令至大道有所
頒宣未曾越次亦無所枉顏色和悅
衆人見之莫不歡然剪去陰蓋一心
聽經其意明利以為莊嚴稽首歸命
諸佛正覺莊嚴道場遵衆德本以為
元首淨所生處將護罪福愛欲塵勞
逮得寶掌皆能布施一切重寶故無
所望以無極財而施與者得致無盡
廣大寶藏面常和悅不興感顏以故
親友伴黨同學莫不喜歡等心衆生
緣是得致平坦如掌不輕未學喜然
燈火貢上佛寺父母師友得淨光明
靡所不照積德奉行無點汙世世
所生在清淨處不演他穢若在胎藏
常無垢染奉行十善生於天上還在
人間未曾想念一切結網以故獨步
而無虛妄訓無師法故於諸法取極
尊豪志性清淨普世衆人視之無厭
不惜身命未曾欺中無所侵枉因本
諸願志能具成諸佛道法緣是之故
備衆德本是舍利弗薄立德本將育
隨時獲福無量復過於此不可稱限
吾粗舉要不悉敷之何謂慧業所從

因由受其神識知五慧通何謂為因
何謂為由其多欲者常求佛法明慧
親友常與其俱諮受奉敬執御佛慧
不求聲聞緣覺之乘離於自大奉如
尊聖敬如正覺志性和調觀諸親友
遵於慧義不著言辭見諸法師所行
道品不樂外形聞所說法勤修法教
斯行法者是為慧業

何謂法業希求少欲不在汲汲少辭
妙言常自覺悟修行精進有所聞義
思惟稱量飢虛於法未曾慙倦其心
鮮明不為五蓋之所覆蔽悔其罪疊
消化眾殃其意質朴而无諛諂以行
為要愛法樂法以法為本舉動為法
恒求經義如救頭然髮索及肌勤勤
修身習行元元未曾違遠馳趣殊勝
捐棄亂會獨在一處樂於閑居習仁
賢行限節知足未曾退還樂於法樂
不慕世榮求度世法志不忽忘舉動
進止常樂要義求柔順業積累堅要
常懷慙耻修敏念慧遣諸無智棄除
愚癡盲冥羅網慧眼清淨其所覺了
極為曠遠以無為慧聖意遠照現在

智慧當來功勳不自揚名嘆他功勳
善修聖業不離罪福淨修道慧復次
其慧業者有四事施而得致之一曰
施紙竹帛二曰以筆施惠令寫經本
三曰施與好墨及以上硯四曰法師
所演講若干法因從啓受一切世間
諸可難致供養法師或以頌偈施與
於人若有妙法授與法師不懷諛諂
至誠布施施此四事得致慧業逮於
五事信戒慧解度知見品將護四慧
而得自在何謂為四一日將護法師
以為師主二曰將護種姓不起亂心
三日將護土地鄉邑人意四曰自守
護心令不馳騁是為四事復有四事
親近慧業令德成就何謂為四一日
以深經典奉進法師二曰晝夜懇懃
親近慧義三曰衣食供給所乏四曰
漸近道場而不退還足為四緣是之
故致五力慧何謂為五一曰信力二
曰解脫力精進不廢博聞無厭三日
意力不捨道心四曰定力等視諸法
五曰智力所聞不忘是為五力戒慧
力業復有四事何謂為四一日以法

安諦奉行禁本二曰思惟經典察義
所歸三曰以法勸助於正真道四曰
務求要訓以法為戒是為四慧忍行
業復有四事何謂為四一曰精進求
法若加忍若罵詈其身而皆忍之二
曰愛樂法者若遇闢訟飢渴寒熱志
能忍之三曰奉敬善師順和上命四
曰元元思法忍空無想不願之義是
為四精進行業復有四事一曰勤求
聽經不以勞倦二曰聞則執持未曾
遺忘三曰精修說法不以懈怠廢四曰
元元奉行以為正業是為四禪定行
業復有四事一曰根心寂靜而無憤
鬧二曰常一其意苦樂無二三曰一
心精專求諸神通四曰入于佛慧消
除俗智是為四智慧行業復有四事
一曰不住斷滅二曰不處有常三曰
其心不迷曉了不乱緣起之本四曰
信無吾我是為四矣善摧慧業復有
四事一曰樂世法者隨俗而化二曰
計有人者隨之牽來三曰復以經道
因遂誘進四曰修慧解者因明而度
之是為四道慧之業復有四事一曰

修六度無極而得至道二曰以達歸盡遊于正化三曰其學調心調七覺意四曰常進遵行一切智慧之本是為四無厭聖業復有四事一曰聞法無厭二曰頌宣經典而无慚三曰試惱察原不以為勞四曰明達高節通利無慙是為四矣

阿耨末復言其能周入若布施者當正觀業持戒忍辱精進一心智慧慈悲喜護所以者何菩薩一切雖未成就演智慧首為聖土地悉歸於道住于正慧化無慧義使歸大乘一切諸魔不得其便皆為諸佛所見建立至一切智無上正真是為菩薩聖慧之業而不可盡

阿耨末言唯舍利弗菩薩意止亦不可盡彼自觀身觀他人身觀身本行成精進業察身報應所從合成知身無主無可貪者猶如觀外草木眾果叢林葡萄草從因緣生悉無主名是身如是猶如草木牆壁瓦石水中之影五陰四大諸入所惑觀己身空无有吾我不得久常無有堅固危脆之物

分離之法以是之故不當計身是我
所也以此危脆無堅固身當求要義
何謂為要如來身者乃謂真要吾
當勤求成佛聖體無極法身猶如金
剛不可破壞超越一切三界俗身縱
使此體瑕疵無量因是當除一切穢
濁當致如來空慧法身以勤修力合
集衆德真誠俱會察四大身吾以此
身皆為衆生志求修道猶如察外所
有四大地水火風成若干形門戶井
竈造立屋宅生活之業以安衆人吾
四大身亦復如是以若干事而依怙
之興若干便無量財貨尔乃得安養
身之業觀身苦痛不可稱限觀形無
常生死往反不當復貪無極受形觀
身無我而衆生類不解本末當訓誨
之令患厭此觀身寂然將至一定令
修靜默當觀身空無想無願便歸湛
泊清淨本際彼自觀身觀他人身無
所慕樂不計堅固知不長存察內身
行不復聽從內諸塵勞愛欲之患又
觀外身未曾復與外塵俱合身無勞
穢所行清淨身以清淨然後遂致像

好體嚴身像已成為過諸天及世間人顏容巍巍無有儔匹是為菩薩自觀已身觀他人身建立意止

何謂菩薩自觀痛痒觀他人痛痒而得意止菩薩發意觀察如是所可經歷皆是苦惱彼察痛痒抹求聖慧選擇明智慕樂寂然正使遭樂不繫在欲若存在欲緣致苦痛見諸衆生墮諸惡趣三塗之難為興大哀不以結網而見繫縛雖身以值不苦不樂諸痛痒者不為癡真結網而見繫縛雖在痛痒意故寂定從來所更不苦樂痛則以聖慧顯示衆生棄捨痛痒無益之義蠲除一切衆生痛痒被澹泊鎧心自念言此等群黎歸在痛痒不自覺知縛在衆苦痛痒之地常懷憂感依倚不苦不樂之痛為之迷荒以是之故不入智慧攝大哀者入于智慧曉了休息一切痛痒因此大哀使諸衆生免除衆難為宜經典何謂名之為痛痒也心中懷惱或復成樂何謂選擇此無痛痒無我人壽又彼菩薩不捨痛痒亦無貪護所受痛痒無

反覆行無倒痛痒亦無妄想諸見痛
痒亦無眼耳鼻口身心之痛痒亦無
色聲香味細滑之痛痒眼所屬者從
因緣起計於苦樂無苦無樂是謂痛
痒取要言之內外亦然從因緣生以
致痛痒苦樂善惡不苦不樂其一痛
痒因一心識二痛痒者謂有內外三
痛痒者隨過去教從當來行因現在
識四痛痒者謂從四種地水火風五
痛痒者從念五陰色痛痒思想生死
識六痛痒者從六衰故七痛痒者從
七識故八痛痒者或從八邪而迷荒
故九痛痒者謂九神處十痛痒者謂
十惡業取要言之一切痛痒皆由貪
樂因從念欲而致衆痛是故言曰不
可數人其痛無量菩薩於彼觀已痛
痒觀他人痛痒知衆群黎起分痛痒
當顯慧業使諸衆生因痛痒慧觀見
德本除去諸罪是為菩薩觀已痛痒
觀他人痛痒心意止也

何謂菩薩自觀已心觀他人心其意
止也其菩薩心未曾忽忘舉動行步
常自將護而復察之心適起已尋便

消滅無常住處不住在內亦不在外
不兩間得吾從初始發菩薩心已來
彼心盡滅離別星散悉無有處其無
無處不可處之心在某處其心所集
衆德之本是亦滅盡離別星散無處
不處不可分別所可因勸發道意者
亦復自然以是故曰心者不知心心
者不見心心心不相待何謂其心而
發無上正真道意成寂正覺其道心
者不與善合其善本心不與勸助意
共俱合其清淨心不捨道心其人觀
此不恐不怖亦不懷懷又復心念十
二因緣甚為深妙不失報應所種果
實心亦不著於一切法假使因緣從
報應致一切諸法無有真諦亦無君
主恣其所欲而自迷惑吾當精進執
其一心使不迴轉何謂心法何謂迷
惑心如幻化無能淨者是為心法假
使皆捨解迷惑事勸助佛國是亦迷
惑心如夜夢覺不知處是為心法若
於禁戒而行謹慎然後自勸是五神
通是為化變心如野馬本末滅盡是
為心法設以順從一切忍力安和正

覺莊嚴其心而化變矣用勸助之是
為化變心如水月究竟自然寂靜湛
泊是為心法若志精進勸發具足無
數佛法是為化變心不可持亦不可
見是為心法若復倍志禪思脫門三
昧正受願佛定意是為化變心者無
形無比無教亦無像色是為心法若
能領宣分別智慧勸助佛道推往古
世是為化變心無因緣終不起生是
為心法若能導御一切德本是為化
變設無有對心終不起是為心法若
因法報修於道心是謂為變其心境
界永離垢濁初無所生是為心法若
導御心得致報應至於佛界是謂為
變菩薩自觀己心觀他人心得神通
已其心一定尋見一切衆生心念因
說罪福皆自然矣菩薩自見其心見
他心已則興大哀已興大哀教化衆
生不以勞倦其心不滅亦復不盡堅
住其心不與生死而俱同塵能自制
心以此聖慧通達之心入於不起無
所生法不墮聲聞緣覺之地常自御
心堪任具足諸佛道法一心念頃以

智慧心逮得無上正真之道為寂正
覺是為菩薩自察已心觀他人心得
至意止

何謂菩薩自觀其法觀他人法得法
意止以明智眼普見諸法未曾中忘
至成佛道自觀其法觀他人法是時
菩薩悉見諸法其想於空令脫空義
脫無想願度無所生亦無所滅而離
諸行等見諸法捨於緣起十二牽連
觀法界行菩薩察法不隨非法不計
吾我亦不計人壽命處所是謂為法
何謂非法自見吾我計人壽命觀於
斷滅計有常存而見有无合散之事
一切諸法皆亦是法一切諸法亦復
非法所以者何曉空無想及無願義
是一切法皆為應法自計吾我縛在
諸見是一切法悉為非法彼自觀法
觀他人法菩薩行此不見諸法何所
佛法誰非佛法其無徑路無有解脫
亦無生死皆能開導一切諸法處於
衆生逮得無蓋無極大哀療諸塵勞
已心發念是無塵欲亦無不塵所以
者何是所趣者開度平等不疑塵勞

不畏貪欲曉了是者乃名曰佛。摩訶
自然道亦自然立心如是雖有所住
亦无處所不住立意而名曰住。是謂
為住。立於法界不住法界不住人界
則無所住名曰虛空。一切諸法等如
虛空若有菩薩自觀身法觀他人法
則能導御諸佛道法一切諸法皆歸
解法若曉了者乃能顯發盡於无為
亦无所盡道无生處不生之處觀空
衆生未曾捨離无生本際趣法意止
意在諸法而令堅住不著聲聞緣覺
佛法何謂不著何謂處當心所在處
常能堅住其住不迷未曾忽忘觀已
來際其法所由亦觀他法而得意止
頌宣无量分別章句所行無際等御
佛法可悅一切衆生心念降伏衆魔
得自在慧乃謂道義是為菩薩自見
已法見他人法得至意止何謂四意
斷而不可盡身諸惡法未興起者令
不起生以生尋滅而修精進自攝其
心所念順義益加精勤是謂平等奉
持進行不失順節習修平均以能攝
心覩於正諦此之謂也所以者何所

念順義惡不善法不復重来何謂不善毀戒亂定惑於智慧何謂毀戒欲生天上則謂毀戒不從法教其缺戒品是謂毀戒何謂亂定違失礼誼行不專精心在他念是亂定意何謂惑於智慧斷諸邪見見若干品顛倒諸事陰蓋尋法其缺智慧是謂不善假使諸惡如是像法興起來者而不聽之是一意斷假使諸惡不善法興即尋覺之知之非法不善報應了之損耗為行穢矣名之冥室修奉順義消不淨欲則以慈心而除瞋恚解十二因緣而滅愚冥其盡塵勞是謂為斷同因緣起觀其所生不得本末而无所斷一切諸法從習行致是二意斷設令善法未興起者勸令興發顯使精進自攝其心嘆无量德所以者何善法无量菩薩大士所應修行當樂慧根衆德之本皆由精進致諸福慶顯揚通致德祚之原是三意斷所謂言善法若興令得堅住不畏失節不忽忘之益樂元元夙夜精進自攝其心以勸助道斯謂平等所以者何

勸道心者德本不朽所以者何其心
清淨雖處三界而无所著若有勸助
德猗三界則謂盡索若能勸樂志一
切智謂通慧本終不損耗是四意斷
何謂菩薩而修神足神足有四已自
發樂懇懃精進彼以何習興神足本
當行四等慈悲喜護常當遵習四无
放逸廣大其心而不貪身以能治心
奉第一禪如是至四以得禪定身心
輕便身心已便所謂入神通以入神
通即生神足勤修精進元元志道以
勤樂故輒親道義以精進故能成此
法以勤修故而致此義一心觀察以
方便法曉致神通故謂神足常愛樂
故能有所變以精進故能使成就以
專精故能了廣大聊自修德輒成於
道有計於彼菩薩神足緣是之故而
得親近有心自在所欲至到无能違
者諦行所致究竟根原衆行偕悉魔
不能制等如虛空徹視无边洞聽無
際定意无限神足无底見一切根自
觀其原是為菩薩行四神足而不
可盡

何謂菩薩修於五根而不可盡何謂為五一日信根二曰精進根三曰意根四曰定根五曰慧根何謂信根常信諸法何謂為法其正見者信遊生死隨其神足以成彼行不樂他神而解第一真諦之義脫于深妙十二因緣无吾我人空無想願无所著相普信諸法不墮諸見信諸佛法信於十力四無所畏不懷狐疑亦無猶豫合集佛法今无限際是謂信根何謂精進根所信法者因此精進諸根益明踰日月光是精進根所可用法修精進根由是之故不失意根其意廣大不佳崖際是謂意根斯意靜然不違是謂定根其定意根常住寂名而專守一是謂慧根觀察曉了若於此法如是色像分別無我是謂慧根如是五根能具足者具諸佛法其能具者住受決地而不動移猶如外學五通仙人雖視胎中不能豫別男女之根諸佛世尊亦復如是菩薩所學未成五根則不授決五根已達然後受決

是為菩薩五根无盡

何謂諸力則有五力而不可盡何謂
為五一日信力二曰精進力三曰意
力四曰定力五曰慧力何謂信力常
懷篤心在一寂靜而不迷荒无有色
像住見佛形亦知他法一心寂靜所
在信力未曾退轉是謂信力何謂精
進力設常元元修於精進在在修德
勤於經典所生之處其心堅強所修
德本天上世間無能毀者亦不能制
今不增益由是之故德本興盛至无
限量是精進力何謂意力所在念法
心不慙廢愛欲衆難無能犯者以此
意力越衆塵勞其菩薩者意之所念
天上世間无能亂者是謂意力何謂
定力若在衆會遊憤鬧中所在寂靜
頌宣道力進止行步第一禪者无能
蔽尋所修德本專精道行亦无能毀
第二禪者修於歡悅內清澹泊而不
有尋第三禪者欲化衆生將護正法
无所觀察逮於四禪者亦無所尋以此
四禪修禪品類无能踰者所修定意
無能亂者定意自在是謂定力何謂

慧力若處俗法及度世法悉能曉了
所生之處無能為師悉知世俗章句
文字所造立業神仙異術五經六藝
方俗異書菩薩不學自然知之及度
世法无所不通菩薩以此聖明之慧
心能通暢天上世間獨步无侶隨時
頒宣是謂慧力而不可盡

阿耨末菩薩經卷第六

已亥歲高麗國大藏都監奉

勅彫造

阿耨末菩薩經卷第七

罪

西晉月支國三藏竺法護譯

何謂覺意菩薩所行有七覺意何謂
為七一日意覺意二日法覺意三日
精進覺意四日喜覺意五日信覺意
六日定覺意七日護覺意何謂意覺
意所思念法而觀察經審於正與思
惟經法稱揚專念自察其意不得法
相能曉了此何謂諸法無有相者其
相自然諸法悉空其能曉了如是覺
念是謂意覺意何謂法覺意若能分
別八万四千諸經法藏選擇諸法應
於藏義若不應藏歸於正義若无正
義近義遠義清義深義若第一義曉
了法力合者散者決不決者忘能選
擇知其本末是謂法覺意何謂精進
覺意若以此意由是宣法攝取信定
所護聖慧以微妙力樂於強識無能
剗遠精進修行此平等行是精進覺
意何謂喜覺意所愛樂法為信不離
常懷喜悅而不怯弱其身口心常得
休息思務道法消化塵勞愛欲之息

是謂喜覺覺意何謂信覺覺意若能所信
永離身心愛欲塵勞心住定意是謂
信覺意何謂定覺覺意由以意定達了
諸法分別聖慧心以專精明識諸法
諸根通利斷衆倒見所住無處皆由
定故能致此耳解無吾我諸法平等
是謂定覺意何謂護覺覺意若能思惟
分別法界心不馳騁將在俗法心無
邊際不為俗法之所迷惑不住假号
無能動者無思無念無喜無感由是
之故得至聖路柔順法忍是謂護覺
意此七覺意而不可盡

何謂正見賢聖度世不住吾我不住
人壽命無所猗見不住有見及與無
見不住德本不墮邪見六十二疑是
謂正見何謂正念凡夫所念姪怒癡
病塵勞之弊菩薩學者不想念此唯
念戒定慧解度知見事所示現品常
念道義恒一其志謂心不邪是謂正
念何謂正語所說言辭不自見身不
見他人言語柔和不演麤義以此宣
教入於聖道不說世談無益之言是
謂正語何謂正治所修行者罪福衆

義不行此法唯修正道平等之義是
謂正治何謂正業演賢聖許多所悅
豫而知止足不捨限節不貪利養不
懷諛諂心不遊逸所修輒善將養威
儀見他得供不懷嫉妬已所得養安
身而已不犯殃疊隨佛教訓是謂正
業何謂正便若修方便從其正教不
從姪怒愚癡愛欲而俱同塵常遠此
便樂於聖道至成滅度無為之義常
思念此是謂正便何謂正意其意所
住真正無受不懷諛諂而悲覩見生
死之難一心思惟無為之道不忘聖
路是謂正意何謂正定以定意故乃
謂平等由是之故諸法悉等其於正
定而立平等若有菩薩住此定者等
度衆生不越正慧是謂正定而不可
盡去來今佛皆遊此路若有菩薩順
從此教習學願宣是則名曰八道而
不可盡

阿耨耨末言唯舍利弗菩薩寂然所觀
察者亦不可盡何謂寂然其心澹泊
寂寞定然諸根不乱專精無想作性
安隱不卒不暴庠序靜思捨不順念

樂於一義除衆憤閑好喜閑靜其身
寂寞心未曾亂思於閑居無有衆惡
不匿其過不墮邪見而知止足志性
清淨威儀備悉不越禮節知其隨時
舉動應宜供養順教合集德力而不
自大不倚名稱功勲遠聞其心專精
樂於獨處一心禪思興於慈悲而行
悲哀修於喜悅奉行觀護從第一禪
至八不思議定意之門是謂寂然又
其寂然業不可量若能通達於此業
者是謂寂然

何謂為觀分別智慧奉修道法無我
無人無壽無命觀五陰身四大法種
觀諸衰入猶如空聚分別具成而觀
察知十二因緣順无所亂捨離諸見
證明入於正真已能入中省衆聖慧
所謂觀者平等法明所見諸法而正
諦觀不見異法空無想願唯觀於此
三脫之門所謂觀者不見處所屋室
之宅亦復不無不見起分不得顛倒
妄想之業所謂觀者永無所見設無
所見是謂為觀於諸所見而無所見

是謂為觀如是見者名真諦見乃能
曉了隨佛之教如是見者為菩薩故
不墮無行不住正行是謂為觀此則
名曰菩薩寂然正觀而不可盡

阿耨耨末言唯舍利弗菩薩捨持辯不
可盡何謂捨持積累德本思惟大業
八万四千諸品法藏執持誦念思之
懷之不捨精進是謂捨持又捨持者
皆能啓受諸法所說聲聞緣覺諸菩
薩衆一切群黎文辭言說所講義理
悉能識念是謂捨持假使劫燒天地
遇災其身壽終又彼菩薩雖遭此難
續識捨持懷在心中未曾忽忘亦不
迷荒以聖慧眼普見諸法如自察掌
是為捨持亦不可盡

何謂辯才無有盡者所謂辯者所說
無尋若講誼時無能制者辯才通利
無能斷者音辯無限節率問尋對應機
無難通達如水無一質尋前世宿命
所造清淨行報應所致乃得此辯諸佛
所護諸天宿衛所講說者終不唐舉
辭無所侵趣無為道如是辯才皆為
脩悉恭恪謙下相人之器而為宣法

其有聞者各得其所不豫思惟有失
問者吾當說此所詣衆會趣見人根
衆生心念而為說法本所從來生在
人間志性真正一切宣經而不休息
所講經典無所罣碍是為菩薩辯不
可盡

阿耨耒言又有菩薩講一切法皆歸
無常物非我有其慧所說而不可盡
一切皆苦諸法無我菩薩宣此亦不
可盡何謂無常觀本末事悉歸無常
無有科律其無常者不可令常從始
以來無不无常是謂無常義何謂苦
義雖有歡樂會當歸盡願不久存論
說衆苦悉趣空無其空無者亦虛无
實虛空苦義正等無異何謂非身於
我不我永無本末彼亦為虛寂靜無
要有計其空及空義者悉無有身何
謂寂義於寂無寂乃謂為寂所解脫
者而於澹泊亦無澹泊是謂為寂所
謂脫者修於靜默除一切想除諸想
已斯曰無為泥洹之寂此謂寂滅義
是為菩薩行四諦之法而不可盡
菩薩所行常修一道不遵他行何謂

乘道菩薩獨步而無有侶唯一已
身得成无上正真之道為寂正覺被
大德鎧自攝精進無極勢力其身獨
立不從他教超諸俗力一已遊步被
於堅固非常德鎧以此開化一切衆
生是謂教化所訓誨者諸賢聖教菩
薩大士所訓誨者是謂教化施非我
伴我是施侶持戒忍辱精進一心智
慧則非我伴吾是慧侶亦復不住六
度無極吾順奉行諸度無極四恩之
行不興發我吾當建立攝諸四恩取
要言之諸善德本不能立我吾當建
立攝諸德本如是像法無有伴侶當
自獨立而無二伴住金剛場以己身
力降伏衆魔一發心頃得成無上正
真之道為取正覺是為菩薩一乘之
道而不可盡

阿耨耨末言唯舍利弗菩薩善權亦不
可盡何謂善權諸佛世尊隨時便宜
道法白遇有所開化以權方便親近
道心其善權者因虛空生無有邊際
志性隨時令致殊特其善權者皆能
具足諸度無極所生之慶因權行戒

布施忍辱護身口心得至佛道不廢
精進若无摧者違失精進善摧一心
轉進聖慧不介心乱善摧智慧不捨
生死周旋之難善摧慈者多所養護
除諸不仁善摧哀者不厭生死開化
一切善摧喜者不樂一切諸所好慕
善摧護者修衆德本而不迴還善摧
天眼得佛十眼徹視十方而無邊際
善摧天耳得佛十耳聞十方聲心所
念形善摧知心見衆生根恙曉本末
善摧方便念過世事見於三世去來
今義善摧神足在所至到而無限節
多所開化十方黎庶善摧方便知衆
生性隨以方便而誘誅之善摧修行
曉衆人相本末終始善摧所度過於
此際今至彼岸善摧入塵化衆愛欲
令度諸垢善摧下擔去諸五陰所負
重殃善摧行限而所頒宣不可稱載
以諸有限說無邊際善摧勸化諸弱
劣根誘進退者使廣無極以摧方便
知其時節增減進退非時行時以摧
方便因其正路入於邪徑衆生之類
住於邪路化入正道以摧方便能使

對少變為廣大其廣大者能使無限
以權方便諸諍亂者伴侶相憎勸令
和合以權方便其在下士小乘之黨
使住微妙以權方便得至滅度還入
生死免此餘人以權方便解諸繫縛
閉塞羅網以權方便能使壞結心志
忍辱以權方便常在寂靜不墮滅盡
以權方便悉能解達一切所修威儀
札節不失儀式以權方便觀諸衆生
而不毀戒常順正禁以權方便有所
攝取而不諍訟以權方便興隆道法
宣布十方以權方便獨步三界而無
患難以權方便得至脫門致無所行
以權方便棄不賢行雖在其中不與
同塵以權方便與道者俱入不違訓
善權方便捨於無為能入生死濟脫
衆患以權方便入於魔界照諸塵勞
愛欲之根以權方便計於一切無有
一切亦不無有是則名曰菩薩所行
善權方便入不可盡

阿耨耨末言是舍利弗菩薩所行八十
品第而不可盡諸佛世尊皆由此法
八十無盡而出生矣阿耨耨末菩薩說

是法門不可盡品時七万八千人從
本以來未發道心應時皆發無上正
真道意五万二千菩薩尋時逮得無
所從生法忍一切衆會咸取衆華若
千種香諸寶華蓋以用供散如來至
真及阿耨耒諸菩薩上奉敬歸此無
極經要天於虛空鼓諸天樂舉聲稱
嘆佛者世尊從無數劫所積德本自
致正覺廣度一切今阿耨耒菩薩大
士稱舉經典宣揚本末不可盡誼若
有人聞此不可盡經典要者心不懷
疑信持誦誦為他人說篤佛言者亦
當逮得如是功德不可盡誼佛取體
衣賜阿耨耒一時嘆嘆阿耨耒菩薩
言善哉善哉快說此經如來所勸代
之悅豫十方江沙今現在佛亦共咨
嘆時阿耨耒取佛所賜著其頂上而
嘆說言此世尊衣當以頂奉夙夜承
事為是天上世間擁護至尊無量佛
之所服應時十方各有寶幢寶蓋寶
幡各自然至覆阿耨耒菩薩之上寶
衣寶蓋寶幢幡中自然演教而出音
言善哉善哉阿耨耒菩薩快說此辭

能講頌宣無盡法門十方諸佛咸共
嚵嘆

時舍利弗前問佛言今此寶衣寶蓋
寶幢從何所來乃演此音佛告舍利
弗阿耨多羅三藐三菩提前所曾化衆生之類
使發無上正真道意各於十方皆成
正覺此如來等故遣此來供養報恩
正士本德頌宣洪業大會之品供養
經典故覆其上時諸衆會見此變化
聞佛所說益復加敬阿耨多羅三藐三菩提大
士歡喜踊躍我等善利宿本祿厚乃
得值見阿耨多羅三藐三菩提稽首諮講其聞
此法福不可量假使有人聞阿耨多
羅三藐三菩提名者德無能限况復面值得歸
聞經其佛大聖嚵嘆勸之豈况凡庶
佛告舍利弗若族姓子族姓女學菩
薩乘諸佛世尊住世一劫咸共供養
布施所有奉修禁戒而無所毀假使
衆人加之痛害皆能忍之元元精進
行如救頭所火然熾禪思一心不懷
憤亂觀察智慧不失時節奉敬諸佛
如是終劫復有族姓子族姓女聞此
經典篤信受持而誦誦讀專修奉行

進退在心佛嘆此等六度無極皆為
脩悲疾逮無上正真之道為取正覺
所以者何若有菩薩學此經典心自
發念我學斯經具為人說頌宣悉周
是則名曰能悉脩具施度無極所以
者何受此經者計於法施衆施之上
近於佛道若具禁戒所度無極無所
犯負衆行周悉無一缺漏是故名曰
戒度無極所以者何菩薩若宣此經
與時普脩禁戒一切衆生不能稱載
功德之勲所不能逮假使菩薩忍一
切法衆所燒害而心不起不如誦學
此經典要悉為人說以為行智而得
具足忍度無極其身口心常行精進
欲度一切未曾態廢是則名曰進度
无極其有專精於是經典思惟不乱
一心定意是第一禪所度無極若於
此經現在察惠拾取其義知行所趣
是則名曰智度無極是舍利弗若有
精學此經典者因少行故具足菩薩
六度無極以是之故當作斯觀若有
菩薩取此經典誦在心懷若載竹帛
上著經卷為以得攝一切諸法諸佛

經典執在手掌可使四大變之令異
無能作威轉其道意所以者何是經
名曰諸菩薩印當求斯印假使有人
奉是印者則能遵奉一切佛法
時四天王與營從俱皆執兵仗捨之
一面叉手白佛我等四天是佛弟子
以得道跡能共堪任供養此等諸族
姓子及族姓女周帀宿衛受是經典
持誦誦者奉之如佛所以者何一切諸
乘皆由此生

於是天帝前白佛言數從如來諮受
經典其數百千未曾得聞如此經義
暢達進理無有遺疑我曾往昔與忉
利天數數聞經初未值斯若有郡國
縣邑村落州城大邦宣此經者當詣
其所聽所諮講擁護法師益其氣力
精進堅強勇猛不怯辯才通利獨步
無畏斯族姓子以無所畏獨在衆中
若在屏處廣宣此經佛言善哉善哉
拘翼若發勇意欲護法師樂令氣力
精勤無難佛言拘翼若護法師則護
經典以護經典則能將護一切衆生
時梵忍天王前白佛言吾當捨淮梵

天之樂禪思等心往詣法師所說經
處擁護法師現四瑞應令覺知之其
梵天王來至斯會從諸天人何謂為
四一者令見微妙光明二者得聞天
香三者法師所說流利而無質碍四
者章句相次義不相越是謂四事說
是經時心無所忘口語辯慧一切衆
會悉欲來試无能乱者心懷念法一
心聽經以此四事所現惠意當知梵
天與諸眷屬來詣彼會

時魔波旬前白佛言因此經典令我
羸劣无一勢力若有菩薩聞斯經典
則為受決所遊諸國視之如佛唯然
世尊我身於今見阿耨耨威神聖力
棄諸貢高不懷自大所以者何以此
經典當興擁護宿衛法師從今自制
不敢違教所在流布行此經典還將
養之不敢燒乱

尔時世尊告阿難曰汝當勤受於此
經典持誦誦讀為他人說當令正法
永得久存阿難白佛言唯然世尊我
已啓受誦誦已達但不能堪令普流
布如諸菩薩佛告阿難汝且默安自

當有人普令流布今此會中有諸菩薩主護正法當令奉宣布此大化于時彼會有六十億諸菩薩衆尋從座起應護正法前白佛言唯然大聖吾等俱共當受此經大會法品隨時流布遍於十方及此忍界皆當蒙恩弥勒菩薩護法王典當廣宣布斯經典要佛滅度後若有菩薩在於末俗五濁之世得聞此經持誦讀當知弥勒之所建立時佛讚告諸菩薩曰善哉善哉諸正士衆汝等佛前而自咨嗟欲護正法則為擁護十方江沙諸佛正法

時阿耨末菩薩前白佛言唯然大聖當見原恕向者我身所講經典力少智薄所宣句誼或能不脩是故歸佛見捨罪疊及諸菩薩奉無盡法佛告阿耨末卿所說法句誼相次無一違理逮無罣尋若有菩薩無陰蓋者所宣道教無有缺漏分別經義審如所言況今正士暢此經典表裏通達所度無極豈不及乎今阿耨末得四分別辯才智智慧所暢自在而於大乘無

所依仰獨步無侶宜決衆疑度于彼岸若有菩薩住此道地其身口心終無缺漏於一切慧以為元首無所不通身口心行而皆備悉十方無數百千億佛皆共咨嘆卿所講說今佛相怒表裏通達無一遺漏十方諸佛亦復俱然

於是阿難前白佛言此經典者所号云何以何奉持佛告阿難此經名曰阿耨耨菩薩之所講說義理章句而不可盡其要名曰阿耨耨品阿難若有人受此經法者其心轉明強識義理功勲之正轉百千倍為他人說則立佛事佛說如此阿耨耨菩薩賢者阿難諸天龍神莫不歡喜稽首而去阿耨耨菩薩經卷第七

已亥歲高麗國大藏都監奉

勅彫造

無盡意菩薩經卷第一

釋尊

宋涼州沙門智嚴共寶雲譯

大集經中無盡意菩薩所說不可盡義第三十一
如是我聞一時佛遊王舍城如來行
處寶莊嚴堂是大功德之所修成佛
一切法本行果報包容無量諸菩薩
眾其所講宣悉是無量甚深之義皆
是如來神力護持入無閼行微妙智
門其心歡喜得念進意分別智慧无
輕毀者若有稱讚歎其功德盡未來
世不可窮盡如來正覺覺平等法善
轉法輪度無量眾於一切法而得自
在知眾生意盡其根原善為眾生斷
諸習氣隨為佛事心無所作與大比
丘六百万人悉是如來法王之子善
得解脫斷煩惱習曉了甚深無生法
忍成就威儀其行端嚴堪受供養為
眾福田善持諸佛所說教誡復有菩
薩摩訶薩眾其數無量不可稱計不
可思議不可宣說是諸菩薩於一念
頃能過無量無邊佛刹已曾供養過
去諸佛諮受妙法無有厭足常勤教
化無量眾生善解方便智慧具足其
心安住無尋解脫善除憶想取相戲

無盡意菩薩經卷第二 第二張 非

目

論近一切智悉是補處

其名曰電天菩薩勝諍菩薩日藏菩薩勇健菩薩離惡意菩薩遊行菩薩觀眼菩薩離闇菩薩如是等無量菩薩大士德皆如是。今時世尊入諸菩薩所行無尋諸法門。經所謂莊嚴諸菩薩道甚深佛法。十力無畏智慧成就獲得自在。捨持教門分別諸辯大神通門轉不退轉無生法輪通達諸法同於一相。於一相法不生分別。知諸衆生根性無尋善能觀察諸法實相破壞一切諸魔境界。入於通達善思惟門能除一切煩惱。諸見無尋智慧善摧方便一切佛法平等。无二受持諸佛智慧之門。演說諸法如真實相憶相取相入平等門。成如功德入深因緣莊嚴佛身。身口意業念意進持顯了四諦分別妙慧化聲聞故身心寂靜化緣覺故得一切智化大乘故入一切法得自在智讚歎如來諸功德。故如是等門宜說開示教導分別。時佛說是大集經時於此東方自然出現大金色光照此三千大千世界。

靡不周遍除佛光明其中所有日月
釋梵護世天王諸龍鬼神乾闥婆阿
修羅迦樓羅緊那羅摩睺羅伽所有
光明悉不復現諸牆壁等樹木叢林
小山大山日真隣陀山鐵圍山大鐵
圍山及國土中間其光徹照若此世
界所有地獄皆蒙其光其中衆生光
觸身時除一切苦受微妙樂

尔時佛前大衆之中其地自然生六
十億淨妙蓮華好香流布種種莊嚴
諸華雜色悅可衆心其華各有億百
千葉以寶羅網弥覆其上華質柔軟猶
如天衣其有觸者受妙快樂是一華
所出諸香遍滿三千大千世界是世
界中若天若人所有諸香悉滅不熏
諸龍八部聞其香者皆得妙喜暫離
煩惱尔時尊者阿難見是金色光明
及諸蓮華白佛言世尊今此瑞應誰
之所為有是光明及諸蓮華佛告阿
難有菩薩摩訶薩名無盡意在此東
方與六十億諸菩薩俱眷屬圍繞欲
來至故先現瑞應未久之間時無盡
意即以神力感動此地令大震動放

無量光雨種種華億那由他諸天人
等作百千伎樂與六十億諸菩薩衆
周匝圍繞來至佛所至佛所已尋於
佛前住虛空中高七多羅樹合掌向
佛出微妙音其聲遍聞六千世界即
以偈頌而讚歎佛

清淨永離垢 勇健除諸欲 能滅諸塵勞
而得淨妙眼 三垢荒穢等 善斷吐洗滅
一切皆無餘 稽首大慈覺 除去諸怖畏
善滅無明網 十力聖主王 邪論不能伏
外道異見人 皆悉懷怖畏 猶如師子王
獨步無所懼 正覺淨光明 無垢普照曜
天人世間中 能離一切闇 除盡諸闇冥
無有無明網 其光常明淨 如日出雲霧
衆生老死苦 無有救護者 為調是等故
而受無量苦 能生堅慈悲 唯有等正覺
猶如大醫王 勤行療衆疾 一切諸法本
其性無有我 譬如山谷響 皆從衆緣生
衆生本無性 無作无受者 而能為此故
生於大慈悲 諸有之洲海 無明闇甚深
其中有覺觀 勇溢而波浪 不從他聞法
自然到彼岸 如蓮華在水 行世不染汙
秋月草木零 盛熱河池竭 比智知世法

遷動不常住 愚人所親近 聖智所呵棄
解法不牢固 獨拔疲有流 其面目開明
譬如優鉢羅 微妙甚清淨 過百千日月
所有過去世 及現在衆生 一切所讚歎
如來悉堪受 調不調伏故 除熱得清涼
是故我今日 稽首無上尊 度世增上福
功德無有極 如人中牛王 頂礼佛福田
尔時無盡意菩薩以如寶讚讚歎佛
已從空中下及六十億諸菩薩衆頂
礼佛足礼佛足已右遶三匝於華臺
上結加趺坐尔時舍利弗白佛言世
尊是無盡意菩薩摩訶薩從何處來
佛号何等世界何名去此近遠佛告
舍利弗舍利弗汝可自問無盡意當
為汝說時舍利弗敬順佛教問無盡
意惟善男子從何處來佛号何等世
界何名去此近遠無盡意言唯舍利
弗有來想耶舍利弗言唯善男子我
知想已無盡意言若知想者應無二
相何緣問言從何處來唯舍利弗有
來去者為和合義如和合相是無合
不合無合不合即不去不來不去不
來者是聖行處唯舍利弗有去來者

即是業相如業相無作無非作無作
無非作即不去不來不去不來者是
聖行處唯舍利弗有來去者是國土
相如國土相無國土無非國土無國
土無非國土即不去不來不去不來
者是聖行處唯舍利弗有去來者即
是緣想如緣想無緣非緣無緣非緣
即不去不來不去不來者是聖行處
唯舍利弗有去來者即因等生相如
因相無因無非因無因無非因即不
去不來不去不來者是聖行處唯舍
利弗有去來者即是文字語言如文
字相無文字無非文字無文字無非
文字即不去不來不去不來者是聖
行處舍利弗言唯善男子汝今所說
微妙事相吾從昔來所未曾聞向之
所疑當還啓請如主開人若見空行
若見擔者即應詰問汝所賣持志是
何物若知種種應收其稷唯善男子
我等如是從他聞法隨音聲解以自
照心是故我今應當諮稟汝等六士
為護大乘出生無量聲聞緣覺唯善
男子願為分別說其來處元盡意言

唯善舍利弗汝今自可諮請如來如
來當說斷汝疑網時舍利弗即白佛
言唯願世尊說是菩薩從何處來佛
号何等世界何名去是近遠若聞彼
佛及世界名則令無量无边菩薩莊
嚴菩提佛告舍利弗諦聽諦聽善思
念之吾今當說彼土功德及佛名号
汝聞是時勿懷疑懼應當一心信受奉
持時舍利弗聞是語已讚言善哉善
哉世尊願時宣說我當一心頂戴受持
佛告舍利弗東方去此度十恒沙國
土微塵等世界彼有世界名曰不眴
是中有一佛号曰普賢如來應正遍知
明行足善逝世間解無上士調御大
夫天人師佛世尊今現在舍利弗其
土無有聲聞緣覺乃至不聞二乘之
聲一切聖衆純是菩薩已於過去久修
德本善業成備布施調伏自守防護
戒忍多聞心不放逸安住功德威儀
成就忍力無尋於無上道堅固精進
所修善根一切成就諸禪解脫三摩
婆提遊戲神通大智照明善分別知
一切諸法所懷慈心等如虛空大悲

堅固拯濟衆生常行喜心令彼同歡
所有捨心善滅憎愛魔網諍訟恚使
無餘善解衆生諸根所趣隨其根量
授與法財其心平等如地水火風能壞
一切外道異論摧伏敵陣建立勝幢
入深佛法十力無畏於諸大衆心無
所懼常觀甚深十二因緣離有無見
行於中道我及我所衆生壽命養育
士夫作者受者斷常有無一切諸見結縛
因緣皆滅不起捻持王印而以印之所
有辭辯分別敷演都由他劫說不可
盡得大神力感動無量无邊佛土於
諸佛土善能往來斷除瞋怖憍慢放
逸其所演說如師子吼一切衆生怨親
中人悉皆安止究竟涅槃法雲垂布
以興雷震三明解脫以為電光無上
法雨以為甘露能注法財三寶不斷
内外清淨譬如寶珠相好殊勝寂上
無比以諸善根瓔珞其身佛法灌頂
得補處位善能分別諸衆生行隨而
調伏令得解脫能淨道場坐師子座
於諸法中得無所畏能自變形猶如
佛身一切佛事悉能示現心得自在

轉於法輪舍利弗彼土純有如是菩薩
摩訶薩等以為眷屬今時大會聞佛
稱讚彼菩薩衆功德智慧踊躍歡喜
以天優鉢羅華拘物頭華波頭摩華
分陀利華曼陀羅華散無盡意及諸
菩薩異口同音作如是言我等今日
悅得善利得見如是諸正士等礼拜
供養恭敬圍遶若有衆生聞其名者
亦得如是無量善利若聞讚歎稱其
功德悉皆當發無上道心說是語時
大會有三百六十萬衆生發阿耨多
羅三藐三菩提心佛告舍利弗彼佛
世界無三惡道及其名字亦無邪行
越戒之名又無女人慳貪嫉妬破戒
瞋恚懈怠亂心愚癡之名及以障導
陰蓋集名衆生根等無上中下純是
一乘無大小名佛土無有淨穢之名
無三寶差別之稱不聞飢渴飲食之
聲及我我所遮護之名無諸魔網妄
見集名彼佛世界平坦廣大一日月
照周而六十億百千那由他由延
是希有事是彼菩薩本願所致其土
平正猶如手掌琉璃衆寶雜廁共成

其地柔軟猶如天衣若有觸者受微
妙樂寶樹莊嚴行伍相當寶繩連綿
以界八道所布諸華常自開敷亦無
石沙荆棘穢惡所有諸山純以眾寶
而校成之人天無別法喜禪味以為
飲食其土無有王者之名唯除普賢
如來法王彼佛世尊及諸菩薩不以
文字而有所說彼諸菩薩唯修觀佛
諦觀無厭目未曾瞬即便能得念佛
三昧悟無生忍是故彼土名曰不瞬
云何念佛謂不觀色相出生種性過
去淨業是時心中不生自高不觀現
在陰界諸入見聞覺知心意識等無
有戲論生住滅想不取不捨不念不
思不觀思想及非思想不分別想法
想已想無一異想境界功德內外中
間不起覺觀始終之念不觀形貌威
儀法式不觀戒定智慧解脫解脫知
見十力無畏不共之法正念佛者不
可思議不造行不作想無等等離思
惟無所念無思慮無陰入界生住滅
想無有處所非無受所非動非住非
色非識非想非受非行於諸不生識

知於地水火風不生識知眼色耳聲
鼻香舌味身觸心法亦復如是如是
不緣一切境界不生諸相我及我所不
起見聞覺知之想究竟能到一切解脫
心心數法滅不相續淨諸憶想非憶想
等善除愛恚滅因緣想此彼中間恚斷
無餘是法清淨無文字故法無歡喜不
動轉故法无有苦不味著故法无焦熱
本寂滅故法無解脫性捨離故法無有
形離色相故法無受相無有我故法無
結縛寂無相故法相無為無所作故
法無言教無識知故法無始終無取
捨故法無安止無處所故法無有作
離受者故法無有滅本無生故心數
思惟所緣住法不取其相不生分別
不受不著不然不滅不生不出法性
平等猶如虛空過於眼色耳聲鼻香
舌味身觸心法是名菩薩念佛三昧
菩薩得是念佛三昧一切法中得自
在智陀羅尼門聞佛所說恚能受持終
不忘失亦得曉了一切衆生言辭音聲
無尋辯才不缺甚善舍利弗彼普賢如
來不如此上以二因緣演說正見所謂從

他聞聲內正憶念彼諸菩薩當見佛時尋能分別諸深妙義具足成就六波羅蜜何以故若不取色相即是具足檀波羅蜜若除色相即是具足尸波羅蜜若觀色盡即是具足羼提波羅蜜若見色寂滅即是具足毗梨耶波羅蜜若不行色相即是具足禪波羅蜜若不戲論色相即是具足般若波羅蜜是諸菩薩即觀佛時尋具如是六波羅蜜得無生忍舍利弗諸佛世界嚴淨微妙少有如彼普賢如來不眴世界時舍利弗語無盡意唯喜男子快哉仁者汝等大士得在彼土見普賢佛獲無量利時無盡意語舍利弗大德今者頗欲得見不眴世界普賢世尊及大眾不舍利弗言唯然欲見令此大眾增長善根時無盡意即入菩薩示現一切佛土三昧入三昧已令此大眾及舍利弗尋見彼土普賢如來及其大會見是事已即從坐起合掌遍禮彼佛大眾此會大眾以佛世尊及無盡意神通道力得微妙華世所希有其華色香未曾見聞

自然滿搖遥散東方以用供養普賢
如來華尋遍至彼佛世界普賢如來
及其大會彼諸菩薩見是華已白佛
言世尊是華嚴麗世所希有茲從何
處而來至此彼佛答言是無盡意在
娑婆世界是中亦有十方世界諸來
菩薩而共聚集能仁佛所供養恭敬
尊重讚歎聽共世尊說大集經是其
大衆所散之華彼諸菩薩復白佛言
世尊其佛世界在何方面去是遠近
彼佛答言諸善男子在此西方去是
佛土十恒河沙世界微塵等國有世
界名曰娑婆諸菩薩言願樂欲見釋
迦文佛及其大衆

尔時普賢如來尋放大光其明徹照
此佛世界彼諸大衆因佛光明悉得
遇見娑婆世界釋迦文佛及諸大衆
見已歡喜合掌恭敬作如是言希有
世尊其土菩薩一切大衆從何所來
而作此集遍滿其界間無空處彼佛
答言諸善男子其諸大衆悉從十方
無量世界而來集會諮啓聽受甚深
妙法

時舍利弗問無盡意誰字仁者為無
盡意無盡意言唯舍利弗一切諸法
因緣果報名無盡意所以者何一切
諸法不可盡故舍利弗言唯善男子
願仁者當說無盡法門無盡意言唯
舍利弗初發無上菩提心時已不可
盡所以者何發菩提心不離煩惱故
發心相續不希餘乘故發心堅固不
參外論故發心不壞魔不沮故發心
恒順善根增長故發心經常有為法
無常故發心不動一切諸佛安慰護
助故發心勝妙離衰損故發心安止
不戲論故發心無喻無相似故發心
金剛壞諸法故發心無盡無量功德
悉成就故發心平等利衆生故發心
普覆無別異故發心辯明性常淨故
發心無垢智慧明了故發心善解不
離畢竟故發心廣快慈如虛空故發
心曠大悉能容受諸衆生故發心無
尋智慧通達故發心遍至大悲不斷
故發心不斷善解立願故發心為歸
諸佛所讚故發心殊勝二乘宗仰故
發心深遠一切衆生所不知故發心

不敗不破佛法故發心安隱善與衆
生諸快樂故發心莊嚴一切功德志
成就故發心善察智慧成就故發心
增長隨意施與故發心如願戒清淨
故發菩提心普及怨親具忍辱故發
心難壞具精進故發心寂滅具禪定
故發心無毀具智慧故發心無願增
長大慈故發心和悅增長大喜故發心
不動增長大捨故發心任重諸佛所
受故發心不絕三寶不斷故唯舍利
弗菩薩如是為一切智發菩提心豈
可盡耶舍利弗言唯善男子辟如虛
空不可窮盡為一切智發菩提心不
可得盡亦復如是無盡意言唯舍利
弗佛戒無盡因戒發心故不可盡佛
定無盡因定發心故不可盡佛慧無
盡因慧發心故不可盡佛解脫無盡
因解脫發心故不可盡佛解脫知見
無盡因解脫知見發心故不可盡唯
舍利弗如來戒定智慧解脫解脫知
見其性無盡因是五衆發菩提心豈
可盡耶如來十力四無所畏十八不

共法無盡因如是等發菩提心是故
無盡唯舍利弗舉要言之一切如來
悉皆無盡因是發心故不可盡三寶
不斷故無有盡衆生性無盡故無盡
如實知無盡故無盡隨諸衆生无量
心行智无盡故無盡迴向無上無盡
故無盡教化衆生無盡故无盡無盡
智无生故無盡離性無生故无盡知
一切法本性無盡故无盡唯舍利弗
是名菩薩發菩提心不可盡也復次
舍利弗是菩薩心清淨无盡心清淨者
不作諂故不作諂者無奸詐故無奸詐
者善分別故善分別者無邪命故無
邪命者心清白故心清白者常正一
故常正一者性殊勝故性殊勝者無
輕毀故無輕毀者滅諸曲故滅諸曲
者心質直故心質直者入乎正故入
乎正者心堅實故心堅實者不可壞
故不可壞者性牢固故性牢固者不
可動故不可動者無所依故无所依
者除我心故除我心者無伴等故無
伴等者息此幾故息此幾者作善業
故作善業者無呵嘖故無呵嘖者消

過失故消過失者不熱惱故不熱惱者性真實故性真實者無虛誑故無虛誑者如說行故如說行者能善作故能善作者無瑕疵故無瑕疵者不錯謬故不錯謬者无所滯故无所滯者不退轉故不退轉者觀衆生故觀衆生者大悲根深故大悲根深者善化衆生不疲倦故善化衆生不疲倦者不求已樂故不求已樂者不貪利養故不貪利養者不染愛故不染愛者緣諸法故緣諸法者觀羸劣故觀羸劣者見衆生故見衆生者常擁護故常擁護者為歸依故為歸依者无垢累故無垢累者善觀察故善觀察者無譏論故无譏論者心純善故心純善者不動搖故不動搖者善清淨故善清淨者常精進故常精進者内清淨故内清淨者常解明故常解明者無垢染故唯舍利弗其淨心者能斷慳惜亦化他人令斷慳惜其淨心者能斷破戒亦化他人令斷破戒其淨心者能斷瞋恚亦化他人令斷瞋恚其淨心者能斷懈怠亦化他人令

斷懈怠其淨心者能斷亂心亦化他人令斷亂心其淨心者能斷愚癡亦化他人令斷愚癡舍利弗淨心如法中是故名曰菩薩淨心不可得盡復次舍利弗菩薩摩訶薩心行清淨亦不可盡何以故菩薩行施時一切皆見捨諸所有菩薩行戒亦不可盡一切皆見持諸禁戒頭陀正行威儀無犯菩薩行忍亦不可盡一切皆見於諸衆生心無恚尋菩薩行進亦不可盡一切皆見於諸善法精勤修集菩薩行禪亦不可盡一切皆見於諸禪定無有錯亂菩薩行慧亦不可盡一切皆見修習多聞是名菩薩行施行戒行忍行進行禪行慧菩薩修行慈悲喜捨亦不可盡一切皆見利益拔苦歡喜踊躍善斷愛恚是名菩薩慈悲喜捨菩薩所行三業清淨離身三惡及口四過心離三惡所謂貪欲瞋恚邪見菩薩修學多聞無盡不憊惜故菩薩修行無憊惜者集一切智故菩薩修集一切智者勸餘菩薩發

道心故勸餘菩薩發道心者修行安止於善根故修行安止於善根者願向無上菩提道故願於無上菩提道者攝取一切諸佛法故攝取一切諸佛法者四事攝取故菩薩修行四事攝者懺悔諸罪故菩薩修行悔過法者發露諸惡故菩薩修行發露諸惡者迴向一切諸功德故菩薩迴向諸功德者積聚無量諸珍寶故積聚無量諸珍寶者勸請諸佛故勸請諸佛者攝取諸法故攝取諸法者行大士法故行大士法者能為衆生作重任故為諸衆生作重任者不捨堅牢諸莊嚴故不捨堅牢諸莊嚴者成就衆生一切善事故

復次舍利弗菩薩摩訶薩有四行無盡何等為四菩薩心行無盡法施無盡教化無盡善根無盡是為菩薩四行無盡菩薩復有四行無盡何等為四樂在空閑攝持威儀無有厭足常樂聚集無量功德而無厭足多求學問廣知諸義而無厭足常願無上菩提智慧而無厭足是名菩薩四行無

盡菩薩復有四行無盡何等為四覺
校計無盡覺稱量无盡覺思惟无盡
覺觀法無盡是為菩薩四行无盡菩
薩復有四行無盡何等為四覺垢因
無盡覺白法無盡呵諸煩惱无盡讚
歎白法無盡是名為菩薩四行無盡菩
薩復有四行無盡何等為四觀諸陰
盡無盡觀諸界盡無盡觀諸入盡無
盡觀因緣盡無盡是名菩薩四行無
盡菩薩復有四行無盡何等為四說
無常行無盡說苦行無盡說無我行
無盡說寂滅涅槃无盡是名菩薩四
行無盡舉要言之菩薩所行志皆无
盡向一切智尊一切智仰一切智一切
智無盡以是因緣菩薩所行志皆无
盡是名菩薩心行無盡

復次舍利弗是菩薩心畢竟無盡何
以故其所思惟乃至一念常緣菩提
而不疲倦專趣諸地過生死故畢竟
增長到彼岸故畢竟本行轉勝增上
故畢竟離負攝勝法故畢竟無等具
足一切諸佛法故畢竟所緣增長善
法故畢竟能到過心行處故畢竟莊

嚴無疲厭故畢竟修行吉祥菩提種
種苦行悉成就故畢竟不望不求已
樂故畢竟隨順無諸惡故畢竟調伏
住聖法故畢竟不雜離煩惱故畢竟
難施不恠頭目故畢竟難戒擁護犯
禁故畢竟難忍忍無力勢諸過惡故
畢竟難進專修苦行捨二乘故畢竟
難定心不味著諸禪定故畢竟難慧
不著一切諸善根故發行能到一切善
事悉成就故畢竟遠離慢慢增上慢
勝慢我慢下慢憍慢邪慢善分別故
畢竟能捨施諸衆生不求報故畢竟
不驚觀深佛法故畢竟增進不停滯
故畢竟無盡常精進故畢竟不誑少
為衆生作重擔故又畢竟者調柔衆
生慈覆利益諸賢善人悲心救拔諸
行惡者恭敬尊長護无護者歸无歸
者照无照者依无依者伴无伴者直
諸曲者善不善者無軒軒者淨邪命
者恩於恩者及無恩者不知恩者利
不利者實虛謗者不憍憍者不毀作
者更語教訶諸作惡者護邪行者見
行方便不以為過於諸受者等心恭

敬於餘菩薩常行誘導以柔順語而
演教誨樂在空處修行善法雖諸利
養不惜身命無有邪念心寂滅故言
无邪諂攝口過故不以邪業而求利
益其心少欲常知足故心調柔和无
垢穢故迴在生死具善根故能忍諸
苦為衆生故是為大士一切畢竟而
不可盡是等菩薩心生死煩惱永不
能壞何以故是心增長諸功德故含
受一切諸衆生故成就无盡妙智慧
故大德是名菩薩摩訶薩畢竟无盡
無盡意菩薩經卷第一

己亥歲高麗國大藏都監奉
勅彫造

無盡意菩薩經卷第二

罪

宋涼州沙門智嚴共寶雲譯

尔時舍利弗白無盡意菩薩摩訶薩
言唯善男子頗復更有無盡法不无
盡意言有菩薩修行檀那波羅蜜不
可窮盡何以故菩薩摩訶薩行施無
量所謂須食與食具足命辯色力樂
故須飲與飲離渴愛故須衣與衣具
清淨色除無慚愧故須乘與乘得一切
樂具神通故須燈與燈具足佛眼清
淨故須音樂者施與音樂具足天耳
清徹故須香與香身出具足微妙香
故須鬘與鬘具陀羅尼七覺華故須
塗香末香悉施與之具戒定慧薰塗
身故須種種種種味隨意與之味相成就
故無依止者施與依止能為衆生具
足救護為歸依故須敷具者悉施與
之具足究竟斷除蔭蓋成就梵天賢
聖諸佛妙床座故須座與座具足三千
大千世界以為道場金剛座處悉成
就故隨其所須悉能與之成就善提
諸所須故隨病施藥得无老死甘露

法藥悉成就故須僕使者皆給與之
自在智惠得具足故若以金銀琉璃
頗梨真珠珂貝璧玉珊瑚種種諸珍
用惠施者具足大人三十二相故能
以種種瓔珞施者具足八十隨形好
故若以爲馬車乘施者具足大乘故
若持園林以布施者具足禪支故若
持妻子以布施者具足无上道法愛
故若以倉庫穀財施者具足諸善法
寶藏故以閻浮提若四天下隨意施
者具足法王得自在故以諸樂具持
用施者具足无量法樂樂故若持脚
足以布施者法足具成進至道場故
若以手施具足法手安撫衆生令得
樂故若以耳鼻用施與者具足諸根
悉通利故若以眼目持用施者爲欲
具足無尋法眼故若以頭施於三界
中具足殊勝一切智慧故若以血肉
持用施者諸不堅牢具堅牢故若以
髓腦持用施者具金剛身得不壞故
菩薩不以邪命求財而行布施不逼
衆生強求他物轉以施人无恐怖施
無著耻施无慳惜施如其所許无損

減施無不愛施畢竟常施无不畢竟
施無諛諂施無姦詐施不疑業報施
無邪命施无愚癡施無不信施無不
解施無疲難施无依著施無選擇施
無異相施不求受者施无有衆生不
堪受者持戒犯戒無增減施於受者
所不望報施不求名施不毀譽施無
慢非慢施無熱惱施不悔心施不自
讚施無雜穢施不望業報施无定處
施無有瞋怒垢愛等施有來乞者不
惱害施無輕易施不顧面施不撩擲
施无不故施無手不與施無不常施
無斷絕施无嫉慢施無齊限施如其
所許不貿易施無有堪任不堪任施
无非福田施不輕少施不讚多施無
衰耗施不求後生施不求自在得財
寶施不求釋梵護世天王轉輪聖王
諸果報施不願聲聞緣覺乘施不求
王子得自在施不為一世故施無猷
足施無不迴向一切智施无不淨施
無不時施无刀毒施無惱衆生施菩
薩行施不為智者之所輕笑何以故
觀空寂行施是故無盡无作所勲施

是故無盡出三有相施是故無盡不
取處施是故無盡為解脫果是施無
盡為伏眾魔是施無盡為斷結愛是
施無盡為增上施是故無盡善分別
施是故無盡助菩提施是故無盡正
迴向施是故無盡莊嚴道場解脫果
施是故無盡是施無邊是故無盡
是施無壞是故無盡是施不斷是故
無盡是施廣大是故無盡是施無任
是故無盡是施無伏是故無盡無等
等施是故無盡是施進趣一切種智
是故無盡唯舍利弗是名菩薩修行
布施而不可盡今時舍利弗語無盡
意言善哉善哉唯善男子仁已快說
菩薩摩訶薩修行檀波羅蜜而不可
盡唯願仁者當說菩薩尸波羅蜜如
菩薩所得無盡尸波羅蜜無盡意
言唯舍利弗菩薩戒眾六十七事清
淨修治亦不可盡何等六十七於諸
眾生不起惱害於他財物不生竊盜
於他婦女中不生邪視於諸眾生無
有欺誑初不兩舌於自眷屬知止足
故無有惡口忍辱無有綺語常

善說故於他樂事不貪嫉故初無瞋
恚忍惡言故正見不邪賤餘道故深
信於佛心不濁故信順於法善得法
故信敬於僧尊重聖衆故五體投地
志念佛故五體投地忍性法故五體
投地宗敬僧故堅持禁戒一切無犯
乃至小禁不放捨故持不缺戒不依
餘乘故持不穿戒離惡處生故持不
荒戒不雜諸結故持不汙戒專長白
法故持是深戒隨意迴向得自在故
持讚歎戒智者不呵故持純善戒正
念知故持不呵戒一切戒不散故持
善堅戒防護諸根故持名聞戒諸佛
所念故持知足戒无不猷故持少欲
戒斷貪惜故持性淨戒身心寂滅故
持阿蘭若戒離憤鬧故持聖種戒不
求他意故持威儀戒一切善根得自
在故持如說戒人無不歡喜故持慈
心戒護衆生故持悲心戒能忍諸苦
故持喜心戒不慙怠故持捨心戒離
愛恚故持自省戒心善分別故持不
求短缺戒護他心故持善攝戒善守
護故持慧施戒教化衆生故持忍辱

戒心无患号故持精進戒不退還故
持禪定戒長諸禪支故持智慧戒多
聞善根無厭足故持多聞戒博學堅
牢故持親近善知識戒助成菩提故
持遠離惡知識戒捨遠離惡道故持
不惜身戒觀無常想故持不惜命戒
勤行善根故持不悔戒心清淨故持
不邪命戒心行清淨故持不憊戒畢
竟清淨故持不燒戒修善行業故持
无慢戒心下不憍故持不掉戒遠離
諸欲故持不高戒心平直故持柔和
戒心無拉突故持調伏戒無惱害故
持寂滅戒心无垢穢故持順語戒如
說行故持化衆生戒不離攝法故持
護正法戒不違如實故持如願成就
戒於諸衆生心平等故持親近佛戒
願求如來無上戒故持入佛三
昧戒具足一切諸佛法故舍利
弗是名菩薩六十七事淨持戒衆
而不可盡又舍利弗菩薩无盡清淨
戒中無有猗奢所謂我人衆生壽命
養育士夫色受想行識地水火風是
淨戒中無眼色相耳聲鼻香舌味身

觸意法等相亦無身心是戒定相一向不共故是戒分別相方便緣一切法故是戒空相得無相際不離三界故是戒不作無生忍故是淨戒中无有已作今作當作是清淨戒過去不滅未來不來現在不住又舍利弗是淨戒中心淨無垢識不止住思不親近是清淨戒不依欲界不近色界不住無色界是清淨戒捨離欲塵除瞋恚礙滅無明障是清淨戒不斷不常不逆因緣是清淨戒無有我相捨我所相不住身見是清淨戒不取假名不住色相不離名色是清淨戒不繫於因不起諸見不住疑悔是清淨戒不住貪瞋癡不善根是清淨戒不惱不熱寂滅離相是清淨戒不斷佛種求正法故不斷法種不分別法性故不斷僧種終无為故舍利弗持淨戒者相續不斷故不盡所以者何凡夫戒者在所受生是故有盡人中十善盡故有盡欲界諸天福報功德盡故有盡色界諸天禪無量心盡故有盡无色界天所入諸定盡故有盡外道仙人

所有諸戒退失神通盡故有盡一切
聲聞學無學戒入涅槃際盡故有盡
辟支佛戒無大悲心盡故有盡舍利
弗菩薩淨戒皆無有盡何以故於是
戒中出一切戒如種無盡果亦無盡
是菩提種不可盡故如來戒禁亦無
有盡以是故諸大士等所持諸戒皆
不可盡舍利弗是名菩薩修持淨戒
而不可盡

今時舍利弗語無盡意言善哉善哉
善男子仁已快說菩薩尸羅波羅蜜
而不可盡唯願仁者當說菩薩羼提
波羅蜜如諸菩薩所作無盡羼提波
羅蜜無盡意言唯舍利弗菩薩具三
十二事修行忍辱亦不可盡何等三
十二斷諸結故當知是忍不生害故
當知是忍無有纏故當知是忍無有
惱故當知是忍無覆蔽故當知是忍
無有瞋故當知是忍無有忿諍故當
知是忍無有鬭訟故當知是忍於諸
塵界心不異故當知是忍護自他故
當知是忍順菩提心故當知是忍善
思惟故當知是忍無二相故當知是

忍識業報故當知是忍莊嚴身故
當知是忍口演淨言故當知是忍心
清淨故當知是忍心堅牢故當知是
忍言語自在故當知是忍不憶想故
當知是忍善分別心故當知是忍護
他心故當知是忍修梵世行故當知
是忍受人天報故當知是忍身相勝
故當知是忍具妙梵音故當知是忍
除諸過患故當知是忍斷諸荒穢故
當知是忍斷一切不善根故當知是
忍煞諸結賊故當知是忍於惱害衆
生得超越故當知是忍具足一切佛
法故當知是忍舍利弗是名菩薩三
十二事修行忍辱而不可盡舍利弗
云何為忍若見罵者默受不報善知
音聲如響相故見有訶責默而受之
善知身相如影象相故見有瞋者心
不懷恨善知心法如幻相故忿不報
忿心清淨故聞有稱名心不生愛不
自高故聞不稱名心不生尋功德具
足故若遇榮利不生喜悅善自調故
若遇衰耗不生罣碍心寂滅故見有
稱者心不驚動善知分別故見有毀

者心不縮沒其心廣大故見有譏者
其心不下善安住故見有譽者其心
不高不傾動故若遇樂事心不歡逸
觀有為法無常相故若遇苦事心不
疲惱為衆生故世法不染不依止故
忍受諸苦見危逼者以身代故忍節
節支解具足覺支故衆苦加身志能堪
受具佛身相故忍他過患善作業力
故示現燒熱修諸苦行伏外道故現
入諸道出過釋梵護世諸天故是名
菩薩之忍辱也又畢竟忍者無有諍
訟何以故若見他罵我能忍者如是
忍者是觀二相非畢竟忍若言誰罵
我者如是忍辱是法功德非畢竟忍
若罵眼耶如是忍者是觀入相非畢
竟忍耳鼻舌身若罵意耶如是忍者
是觀諸入非畢竟忍若無罵者如是
忍辱是觀無我非畢竟忍若知假名
如是忍者是觀嚮相非畢竟忍彼之
與我二俱無常如是忍者是觀無常
非畢竟忍彼是顛倒我無顛倒如是
忍者是觀高下非畢竟忍彼不勤行
我是勤行如是忍者是觀勤懈非畢

竟忍彼住惡道我住善道如是忍者
是觀善惡非畢竟忍我忍无常不忍
有常我能忍苦不受諸樂我忍無我
不忍有我我忍不淨不忍於淨如是
忍者是觀有對非畢竟忍我忍於空
不忍諸見我忍無相不忍諸覺我忍
無願不忍於願我忍无作不忍於作
我忍結盡不忍結在我忍於善不忍
不善我忍出世不忍在世我忍無諍
不忍於諍我忍無漏不忍於漏我忍
白法不忍黑法我忍寂滅不忍生死
如是忍者是觀相對非畢竟忍云何
名為畢竟忍耶若入空寂不與諸見
和合不倚著空是諸見等亦復皆空
如是忍者是無二相是畢竟忍若入
無相不與諸覺和合不倚无相是覺
皆空如是忍者是無二相是畢竟忍
若入無願不與願合不倚無願是願
皆空如是忍者是無二相是畢竟忍
若入無作不與作合不倚無作是作
皆空如是忍者是无二相是畢竟忍
若入盡結不與結合不倚盡結諸結
皆空如是忍者是無二相是畢竟忍

若入於善不與不善和合不猗於善
不善皆空如是忍者是無二相是畢
竟忍若入出世不與世合不猗出世
在世皆空如是忍者是無二相是畢
竟忍若入無諍不與諍合不猗無諍
是諍皆空如是忍者是無二相是畢
竟忍若入無漏不與漏合不猗無漏
諸漏皆空如是忍者是無二相是畢
竟忍若入白法不與黑合不猗白法
黑法皆空如是忍者是無二相是畢
竟忍若入寂滅不與生死和合不猗
寂滅生死皆空如是忍者是無二相
是畢竟忍若性不自生不從他生不
和合生亦無有出不可破壞不可壞
者是不可盡如是忍者是畢竟忍無
作非作無所猗著无分別無莊嚴无
修治法无發進終不造生若無生者
是不可盡如是忍者是無生忍无生
忍者是不出忍不出忍者是畢竟忍
如是菩薩修行是忍得受記忍舍利
弗是名菩薩行忍無盡說是忍時一
切大衆讚無盡意言善男子善哉善
哉快說是言即雨種種希有諸華末

香塗香無數雜衣幢幡寶蓋以用供養於無盡意百千伎樂於上空中自然出聲作如是言若有衆生欲得如來甚深忍者聞作是說不應驚怖時諸華香雜衣幢幡蓋普遍充溢滿此三千大千世界

尔時佛告無盡意言善男子汝所供養華香等物可自求器除去摒擋無盡意言唯然世尊我今當以神通之力即身為器時無盡意即入菩薩色身三昧入三昧已一切所有供養之具悉入齋中身界如故不增不減尔時衆中有一菩薩名大莊嚴問無盡意善男子所入三昧名為何等而仁人已諸供養具悉入身中身界如故而不增減無盡意言善男子其三昧者名為一切色身三昧大莊嚴言是三昧定頗復更有餘力勢不無盡意言是三昧力能令身界悉受三千大千世界所有色相身界如故亦無增減尔時衆中或有人天作是思惟寧可得見是定力不尔時佛知一切大衆人天所念告無盡意善男子汝可

示現是定神力時無盡意菩薩摩訶
薩於是三昧久已通達是故能以一
切大衆十方如來大菩薩等佛及聖
僧悉內身中今時其身猶如大寶莊
嚴世界受諸菩薩摩訶薩等所有種
種莊嚴之事是時大衆悉自見形在
無盡意菩薩身內時無盡意示現如
是大神通已足時大衆各還如本時
大莊嚴菩薩摩訶薩問無盡意善男
子我從昔來未曾見聞如是三昧神
通變化無盡意言善男子假使三千
大千世界一切所有悉在我身猶無
增減況於此耶說是無盡意忍辱現
大神變時七十六那由他天及人發阿
耨多羅三藐三菩提心萬二千菩薩
摩訶薩得無生法忍舍利弗是名菩
薩修行忍辱而不可盡

今時舍利弗語無盡意言善哉善哉
唯善男子汝已快說菩薩摩訶薩
蜜而不可盡唯願仁者當說菩薩毗
梨耶波羅蜜如諸菩薩所得無盡毗
梨耶波羅蜜無盡意言唯舍利弗菩
薩具足八事修行精進而不可盡何

等八發大莊嚴而無有盡積集勇進
而不可盡修行諸善而不可盡教化衆
生而不可盡助道功德而不可盡助
無上智而不可盡助無上慧而不可
盡集助佛法而不可盡云何菩薩莊
嚴無盡於諸生死心不疲倦不計劫
數當成佛道若干劫在而作莊嚴若
于劫在不作莊嚴菩薩莊嚴所經劫
數不可稱計如從今日至生死本為一
日一夜如是三十日為一月十二月
為一歲於是百千萬歲一發道心一
見如來如是發心所見諸佛如恒沙
數於今所佛邊方得知一衆生心行如
是遍知一切衆生心之所行猶不退
沒是則名曰不懈莊嚴無盡莊嚴經
於如是見佛發心知他衆生心所行
時常修具足檀波羅蜜尸波羅蜜羼
提波羅蜜毗梨耶波羅蜜禪波羅蜜
般若波羅蜜修集一切助菩提法具
修相好十力無畏不共之法具修一
切諸佛法故是名不態莊嚴無盡莊
嚴若有菩薩聞作是說不驚不怖不
畏當知是菩薩不懈精進是名菩薩

莊嚴無盡云何菩薩勇進無盡若三千大千世界滿中盛火為見佛故要當從是火中而過若為聞法教化眾生安止眾生於善法故亦應如是從火中過是名菩薩勇進無盡何因緣故名曰勇進常為他故為靜他故為調伏他故為滅盡他故常不懈怠堅牢不退心善安止於大悲中常勤精進而為眾生故名勇進菩薩行時步步御心志向菩提常觀眾生為化度故雖作是觀不起煩惱是名菩薩勇進無盡云何菩薩修習無盡如所發起一切善心常願菩提是名菩薩修集無盡何以故以諸善根迴向阿耨多羅三藐三菩提初無盡故舍利弗譬如天雨一渾之水墮大海中其渾雖微終無滅盡菩薩善根願向菩提亦復如是無有滅盡修集善根者所謂正迴向修集善根為護眾生修集善根為隨眾生諸所須故修集善根為欲成就一切智故修集善根是名菩薩修集無盡云何菩薩教化無盡眾生之性不可稱計菩薩於中不應

稱計若言一日教化三千大千世界
滿中衆生如是計數乃至無量不可
思議不可稱劫教化衆生者雖作如
是教化衆生不可稱計不可思議於
衆生分猶未是教化百分千分百千
万分乃至等數譬喻所知衆生何以
故是衆生性無量無邊不可稱計不
可思議若菩薩聞作是說不驚不怖
不畏當知是菩薩勤修精進是名菩
薩教化無盡云何菩薩助道無盡菩
薩所修助道功德無量無邊菩薩於
中不應限量何以故一切衆生所有
功德若過去未來現在及聲聞緣覺
所有功德於佛世尊始是成就一毛
孔功德如是一一毛孔所有功德乃
至一切毛孔功德聚集成就始成如
來一隨形好如是一一隨形好等乃
至一切隨形好功德聚集成就如是
成就如來一相如是一一相至三十
相聚集是三十相百倍功德始成如
來眉間毫相乃至修集倍是毫相百
千功德始成如來無見頂相是名菩
薩助道功德無盡云何菩薩助智無

盡菩薩所修助智無量无边菩薩於中不應限數若三千大千世界所有衆生如一信行所成就智如是信行比一法行所成就智百分千分百千分百千万分乃至竿數譬喻所不能及若三千大千世界衆生悉為法行比一八人所成就智百分千分百千万分乃至竿數譬喻所不能及若三千大千世界所有衆生悉為八人智比一須陀洹所成就智百分千分百千万分乃至竿數譬喻所不能及若三千大千世界所有衆生悉為須陀洹智比一斯陀含所成就智百分千分百千万分乃至竿數譬喻所不能及若三千大千世界所有衆生悉為斯陀含智比一阿那含所成就智百分千分百千万分乃至竿數譬喻所不能及若三千大千世界所有衆生悉為阿那含智比一阿羅漢所成就智百分千分百千万分乃至竿數譬喻所不能及若三千大千世界所有衆生悉為阿羅漢智比一緣覺所成就智百分千分百千万分

乃至竿數譬喻所不能及若三千大千世界所有衆生悉成緣覺智比一百劫菩薩所成就智百分千分百千分百千分乃至竿數譬喻所不能及若三千大千世界所有衆生悉為忍菩薩所成就智比一得不退菩薩所成就智百分千分百千分百千分乃至竿數譬喻所不能及若三千大千世界所有衆生悉得不退菩薩智比一補處菩薩所成就智百分千分百千分百千分乃至竿數譬喻所不能及若无量無邊世界衆生悉如補處所成就智比一如來是處非處智百分千分百千分百千分乃至譬喻竿數所不能及總說如來諸力無畏不共之法亦復如是若菩薩聞作是說不驚不怖不畏當知是菩薩勤行精進是名菩薩助智無盡云何菩薩助慧無盡一切衆生所有心行不可窮盡菩薩於

中不應計數過去未來現在衆生所
有心行若有人於一念中具如是等
三世衆生所有心行如是念念皆亦
如是具諸心行如一人心中所具心
行一切無量无边衆生皆亦如是若
過去未來現在衆生所有貪婬瞋恚
愚癡及諸煩惱若有一人於一念中
具如是等三世衆生所有煩惱如是
念念皆亦如是具諸煩惱無量无边
如一人心中所具諸結一切無量无
邊衆生皆亦如是菩薩於中生慧光
明一念慧光無諸塵翳悉照過去未來
現在衆生煩惱諸心所緣境界生住
滅相無有遺餘是菩薩於諸衆生三
世相應諸煩惱等無不盡知舍利弗
譬如虛空無所不覆菩薩慧光亦復
如是無所不照若菩薩聞作是說不驚
不怖不畏當知是菩薩勤行精進是名
菩薩助慧無盡云何菩薩修集助佛
法無盡菩薩所行修助佛法無量无
邊若菩薩於中不應限量從初發心
至坐道場於其中間修行具足六波
羅蜜修行具足諸助道法如是一切

發心修行一切善根不可稱計悉助
佛法是名菩薩修助佛法而無有盡
是名菩薩八事修行精進無盡復次
舍利弗菩薩精進亦不可盡若身善
業若口善業若意善業常勤不懈何
以故菩薩所作精進常與身口意相
應雖身口精進皆由於心心為增上
云何菩薩心精進耶所謂心始心終
云何心始初發心故云何心終善提
心寂滅故云何心始於諸衆生起大
悲故云何心終無我人故云何心始
攝衆生故云何心終不取諸法故云
何心始不厭生死故云何心終無三
界故云何心始捨所有故云何心終
無所輕故云何心始受持戒故云何
心終不持戒故云何心始修行忍故
云何心終無忿諍故云何心始發行
諸善故云何心終獨不雜故云何心
始修集定故云何心終心清淨故云
何心始多聞無厭故云何心終善思
惟故云何心始習問義故云何心終
法无言說故云何心始求智慧故云
何心終斷戲論故云何心始修四梵

行故去何心終捨真智故去何心始
具五通故去何心終具漏盡故去何
心始發念處故去何心終念無思惟
故去何心始發正勤故去何心終統
善不善故去何心始發如意分故去
何心終具報得故去何心始發諸根
方便故去何心終觀諸根法故去何
心始集諸力故去何心終智不壞故
去何心始發助菩提分故去何心終
善知分別諸學方便故去何心始
求助道法故去何心終無進趣故去
何心始求寂滅故去何心終心永寂
滅故去何心始發起慧故去何心終善
知法故去何心始覺知因故去何心
終善知因故去何心始從他聞故去
何心終於諸法中無放逸故去何心
始發嚴飭故去何心終知身性故去
何心始莊嚴口故去何心終聖默然
故去何心始行三脫故去何心終無
所作故去何心始降四魔故去何心
終捨結習故去何心始知方便故去
何心終了於慧故去何心始善知發
故去何心終善知度故去何心始知

世俗故云何心終善知真諦故是名
菩薩心精進也是心具足精進無盡
故說始終菩薩具足如是作相而心未
常住於作業是菩薩於諸業相知而
故作云何菩薩知而故作為諸善根
故為諸衆生修大悲故不離有為為一
切佛真妙智故不墮生死是名菩薩
摩訶薩毗梨耶波羅蜜而不可盡說
是法時七十那由他諸天及人發阿
耨多羅三藐三菩提心三万二千菩
薩摩訶薩得無生法忍
無盡意菩薩經卷第二

已亥歲高麗國大藏都監奉
勅彫造

無盡意菩薩經卷第三

罪

六

宋涼州沙門智嚴共寶雲譯

今時舍利弗語無盡意言善哉善哉
唯善男子仁已快說菩薩毗梨耶波
羅蜜而不可盡唯願仁者當說菩薩
禪波羅蜜如諸菩薩所得無盡禪波
羅蜜無盡意言若菩薩摩訶薩以十
六事修行禪定而無有盡不與聲聞
辟支佛共何等十六菩薩修定無有
吾我具足如來諸禪定故菩薩修定
不味不著不求已樂故菩薩修定行
於大悲斷諸衆生煩惱結故菩薩修
定增益諸禪觀見欲界諸過患故菩
薩修定具諸通業為知衆生諸心行
故菩薩修定其心柔軟於衆生中得
自在故菩薩修定諸禪三昧善知入
出過於色界無色界故菩薩修定其
心寂滅勝於二乘諸禪三昧故菩薩
修定更無有發畢竟已作故菩薩修
定無諸衰耗善斷除滅諸習氣故菩
薩修定常入智慧過諸世間到彼岸
故菩薩修定為知衆心度脫一切諸

衆生故菩薩修定不斷三寶種具足
無盡諸禪定故菩薩修定無有退失
其心常定無錯謬故菩薩修定而得
自在具足一切諸善法故菩薩修定
內善思惟斷入出息得勝智故舍利
弗是名菩薩以十六事修行禪定而
無有盡不與聲聞辟支佛共云何名
為菩薩修定具諸通智故云何為通
云何為智若見諸色相是名為通若
知一切色盡法性而不證盡是名為
智若聞音聲是名為通解了三世一
切音聲無言辭相是名為智若知一
切衆生心行是名為通若知心行悉
皆滅盡不證於滅是名為智若念過
去是名為通若知三世無有罣碍是
名為智若能遍至諸佛世界是名為
通若知佛界同虛空相是名為智若
求諸法無破壞相是名為通若不見
法是名為智若不壞世是名為通若
不雜行是名為智若過釋梵護世天
王是名為通過於二乘學無學智是
名為智是名菩薩修行禪定通智老
別唯舍利弗菩薩若知一切衆生煩惱

亂心是故修集諸禪定法助成住心
舍利弗如是衆生煩惱心亂菩薩於
中善修聚集助成禪定今此禪定住
平等心是名菩薩修行禪定若住衆
生平等智中是名為定心行平等性
相平等畢竟平等正行平等是名為
定住於施戒忍辱精進禪定智慧及
諸法等是名為定如定等者則衆生
等衆生等者則諸法等入如是等是名
為定如是等定則等於空等於空者
則衆生等衆生等者則諸法等入如
是等是名為定如空等者則無相等
無相等者則无願等無願等者則無
作等無作等者則衆生等衆生等者
則諸法等入如是等是名為定自心
等故他心亦等是名為定一切等者所
謂利衰如地水火風得是等心心如
虛空無有高下常住不動所行威儀
常定不轉本性自尔不恇不高自在
無畏寂默無言知義知法知時非時
隨世所行不難於世捨世八法滅一
切結遠離憒鬧樂於獨處菩薩如是
修行諸法於諸禪定心安止住離世

所作是菩薩以方便慧入禪波羅蜜
入禪定時生大悲心為諸衆生是名
方便其心永寂是名為慧入時念佛
是名方便不依止禪是名為慧入時
攝取一切善法是名方便不分別法性
是名為慧入時趣向莊嚴佛身是名
方便於佛法身不生分別是名為慧
入時念佛聲如梵音是名方便於法
性中無言說相是名為慧入時受持
心如金剛是名方便思惟諸法本性
不乱是名為慧入時不捨本所誓願
教化衆生是名方便於一切法思惟
無我是名為慧入時思惟一切善根
是名方便思惟善根性無所住是名
為慧入時遍觀諸佛世界是名方便
見諸佛界同於虛空是名為慧入時
莊嚴菩提道場是名方便觀所莊嚴
同於寂滅是名為慧入時欲轉無上
法輪是名方便思惟法輪無轉不轉
是名為慧入時一向修助覺分是名
方便為知衆生諸熱惱心是故修集
如來禪定知一切法相應不相應有
相無相一切相續隨順菩薩決定思

惟是名為慧是名菩薩入於禪定方便慧也如是菩薩禪波羅蜜方便智慧二事俱行得佛法器一切諸魔不能破壞說是法時三萬二千菩薩得日燈三昧何因緣故名日燈三昧譬如日出燈火月光星宿諸明悉不復現菩薩大士得是定已先所修智一切二乘學與無學及餘衆生所得諸智皆亦如是悉不復現是名日燈三昧菩薩住於禪波羅蜜即於無量百千種種諸禪三昧而得自在於此中當說少分其名曰電燈三昧淨三昧月光三昧淨莊嚴三昧不可思議三昧勇出三昧照明三昧無垢光明三昧功德光明三昧一切法中得自在三昧吉道三昧無憂三昧堅稱三昧勇出如須弥山等三昧法炬三昧法健三昧法尊三昧自在知一切法三昧住法聚三昧摠持法淨三昧隨知他心行三昧法幢瓔珞三昧燒一切煩惱三昧破四魔力三昧十力聲勇健三昧無尋斷尋三昧手燈三昧施得名聞三昧持地三昧住無我如須弥山

三昧勝諸明智三昧智焰三昧生慧三
昧修禪三昧無量自在三昧心調伏
無我無我所成就三昧水月三昧
日聲三昧無有高下如佛三昧離相
三昧如善調象師子遊戲三昧念佛
三昧念法得智自在無尋三昧無退
不退三昧不眇三昧勝淨無我三昧
空三昧無相三昧無願三昧住心平
等三昧金剛三昧增上三昧無能勝
三昧旋三昧淨聲三昧善分別三昧
離煩惱三昧廣大如空三昧入諸功
德三昧念意進覺三昧勇慧三昧辯
無盡三昧語無盡三昧摠持三昧不
忘三昧善作三昧觀一切世三昧善
知所樂三昧生踊躍三昧勇慈心淨
三昧大悲根本三昧入善三昧捨離
二纏三昧法義三昧法作三昧智炬
三昧智海三昧不波蕩三昧一切心
喜三昧調伏三昧解脫智三昧已自
在三昧法場金剛幢三昧蓮華三昧
蓮華增上三昧離世法三昧不動三
昧慧增上三昧諸佛所念首楞嚴三
昧無諍三昧火三昧火明三昧解脫

勝智三昧莊嚴佛身三昧遍照三昧
入衆生心歡喜三昧順助道三昧莊
嚴諸波羅蜜三昧寶鬘三昧與諸覺
華三昧與解脫異具本三昧甘露三昧速
疾如風三昧實際三昧遮海濤三昧
山相博三昧廣大神足三昧見無量
諸佛三昧聞持三昧不亂三昧一念
智無量功德海淨三昧如是等不可
計數由他諸三昧入禪波羅蜜時悉
得清淨舍利弗是名菩薩修行禪定
而不可盡

今時舍利弗語無盡意善哉善哉善
男子仁已快說菩薩禪波羅蜜唯願
仁者當說菩薩般若波羅蜜如諸菩
薩所得無盡般若波羅蜜善男子般
若波羅蜜云何行入無盡意言唯舍
利弗般若波羅蜜如聞修行善入思
惟舍利弗言唯善男子云何如聞修
行無盡意言聞者具八十行何等八
十欲修行順心行畢竟心行常發起
行親近善友行無憍慢行不放逸行
恭敬行隨順教行從善語行數往佛
所行至心聽法行善思惟行不亂心

行勤心進行生實想行起樂想行除
諸病行念器行進覺行意喜行入覺
行聞無厭行增長捨行調智行親近
多聞行發歡喜行身輕悅行心柔和
行聞無疲倦行聞義行聞法行聞威
儀行聞他說行聞所未聞行聞諸通
行不求餘乘行聞諸波羅蜜行聞菩
薩藏行聞諸攝法行聞方便行聞四
梵行聞念正智行聞生方便行聞無
生方便行觀不淨行思惟慈行觀因
緣行觀無常行觀苦行觀無我行觀
寂滅行觀空行觀無相行觀無願行
觀無作行作善行持真實行不失行
好惡住處防護心行勤進無懈怠行善
分別諸法行知諸煩惱非伴侶行護
諸善法自伴侶行降伏煩惱非伴侶
行親近正法財行斷貧窮行智者所
讚行欣樂利根行衆聖所歡行令非
聖者生歡喜行觀諸諦行觀陰過患
行思量有為多過患行思議行不作
一切惡行自利利他行隨順增進諸
善業行進增上行得一切佛法行舍
利弗是名菩薩如其所聞具八十行舍

利弗菩薩摩訶薩行般若波羅蜜具
三十二事善入思惟何等三十二善
入受持定善入分別慧善入心柔和
善入身獨行善入十二緣善入不斷
善入不常善入因緣生法善入無衆
生無命無人善入无來去住處善入
无進不斷因果善入空不懸善入無
想不廢善入無願不捨善入不證空
無相无願善入生諸禪三昧善入不
隨禪定生善入生諸通智善入不證
無漏法善入內觀法善入不證決定
善入思量有為法過患善入不著有
為法善入觀一切衆生無我而不捨
大悲善入一切趣諸怖畏處善入雖
生諸趣非業故生善入離欲善入不
證離欲法善入捨所樂欲善入不捨
法樂善入捨一切戲論諸覺善入不
捨方便諸觀舍利弗是名菩薩行般
若波羅蜜三十二事善入思惟又復
善思惟者所謂善順句善順句者是不
始句是不終句是不住句是不依句
是不動句是不倚句是平等句是非
手句是真實句是正真句是不變句

是清淨句是永寂句是不然句是不
舉句是不下句是不滅句是不增句
是不共句是不戲論句是如句是不
如句是如非如句是非如非不如句
是如實句是三世平等句是三際句
是不住色句是不住受想行識句是
不住地大句是不住水火風句是不
住眼界色界眼識界句是不住耳界
聲界耳識界句是不住鼻界香界鼻
識界句是不住舌界味界舌識界句
是不住身界觸界身識界句是不住
意界法界意識界句是念義句是念
智句是了義經句是念法句是名菩
薩善入思惟又復善思惟者所謂一
切諸法若我無我如是諸法隨順觀
察若知衆生無有我者即是隨順觀
察諸法如是觀察即是善入思惟如
善思惟即是思惟生死涅槃同一法
界觀是二句無有差別如是見者是
名勤進善入思惟若觀黑法及以白
法二性平等無有差別是名勤進善
入思惟若觀諸厄及以無厄不動不
恃是名勤進善入思惟若菩薩起善

思惟為諸衆生而不捨離於諸法相
亦不分別是名菩薩發善思惟舍利
弗如聞行者如是得入報善思惟是
名為慧舍利弗菩薩慧者有十六法
不於中住六何十六不住無明行識
名色六入觸受愛取有生老死乃至
不住無明滅至生死滅不住根本身
見乃至不住六十二見不住高下乃
至不住世法利衰毀譽稱譏苦樂不
住慢慢增上慢慢勝慢慢我慢慢下慢慢憍慢
邪慢乃至不住二十煩惱不住因貪
所起諸結若麤若細若上中下乃至
不住貪欲所起一切諸結不住癡闇
覆蓋諸尋乃至不住因癡所起一切
諸結不住婬欲愛濁不住陰死煩惱天
魔乃至不住因魔所起諸魔事等不
住我人衆生壽命養育士夫乃至不
住取衆生相不住業障報障法障煩
惱障諸見障乃至不住一切習氣不
住思想憶想分別想緣想想境界見聞覺
知乃至不住一切諸結不住隨衆生
心行智乃至不住八万四千法聚不
住慳貪布施破戒持戒瞋恚忍辱慍

怠精進亂意禪定愚癡智慧乃至不
住諸波羅蜜伴非伴等不住定亂邪正
善不善世間出世間可作不可作有漏
无漏有為無為黑法白法生死涅槃乃
至不住一切諸法伴非伴等不住衆
生異相諸乘異相佛界異相諸佛異
相諸法異相聖衆異相乃至不住一
切異相不住知不知識不識世諦真
諦乃至不住一切諸相所謂菩薩思
惟慧者无聞無行无身無相无形無
為如是真慧不住一切憶想思惟心
作止住名字異相舍利弗是名菩薩
真智慧者不住如是十六法中舍利
弗云何菩薩慧者處所具八方便何
等八諸陰方便諸界方便諸入方便
諸諦方便諸緣方便三世方便諸
乘方便諸法方便云何諸陰方便若
說諸陰如沫如泡如熱時焰如芭蕉
樹如幻如夢如呼聲響如鏡中像如
影如化如水沫如水沫性非我非衆生非
命非人色亦如是能如是知是名菩
薩觀色方便受喻如泡想喻如焰行
如芭蕉識喻如幻如泡如焰如芭蕉

幻性無我无衆生無命无人受想行
識亦復如是能如是知是名菩薩觀
受想行識方便諸陰如夢如響如像
如影如化如化等性無我无衆生無
命无人是諸陰等亦復如是能如是
知是名菩薩觀陰方便所謂陰者即
世間相世間相者是可壞相如可壞
相即無常性苦性無我性寂滅性能
如是知是名菩薩觀陰方便云何菩
薩知界方便法界地界水火風界是
法界中無有堅相濕相熱相動相法
界眼界耳界鼻舌身意界是法界中无
有見相聞相嗅相別相覺相知相法界
色界聲香味觸法是法界中無眼可見
相耳可聞相鼻可嗅相舌可別相身
可覺相意可知相法界眼識界耳鼻
舌身意識界是法界中無眼識知色
乃至無意識知法法界色界法界非色
作相乃至法界亦復如是法界我界
無二无別法界欲界色界無色界我
界生死界涅槃界無二无別法界虛
空界一切法界我界空界無相无願
無作不出不生無所有等如涅槃虛

空涅槃及一切法等無有二如是無量有為法界入無為界能如是知如是說者是名菩薩知界方便云何菩薩觀入方便如佛所說眼空我空我所空何以故是眼性中無我無我所耳鼻舌身意空亦復如是觀是入者見一切法若善不善無有二相是名菩薩觀入方便若眼入色入若見眼色離欲不證離欲法是名菩薩觀入方便耳入聲入鼻入香入舌入味入身入觸入意入法入若見離欲不證離欲法是名菩薩觀入方便所謂入者若聖入非聖入云何聖入若修集道云何非聖入不修集道若菩薩住道於不修道者生大悲心不捨入道是名菩薩觀入方便云何菩薩觀諦方便所謂甚深難入云何難入若苦智集智滅智道智苦智者觀陰无生集智者觀斷愛受因滅智者觀無明等諸煩惱無有和合道智者得平等觀於一切法無所倚著菩薩若於四聖諦中作如是觀而不取證為化衆生是名菩薩觀諦方便復有三諦何等三俗

諦第一義諦相諦云何俗諦若世間所用語言文字假名法等云何第一義諦乃至無有心行何況當有言語文字云何相諦觀一切相同於一相一相者即是無相菩薩隨順俗諦而不厭倦觀第一義諦而不取證觀諸相諦一相無相是名菩薩觀諦方便復有二諦何等二俗諦第一義諦何等俗諦若說苦集道諦若世間語言文字假名法等云何第一義諦若於涅槃法終不忘失何以故如與法界其性常故菩薩修俗不生厭倦觀第一義而不取證復有一諦何等為一於一切法無所著為化眾生現有所著是名菩薩觀諦方便復次五陰苦若見五陰苦相是名為苦觀苦即空是名苦智觀苦聖諦若觀五陰諸煩惱愛因見因是名為集若觀愛因見因不取不著不希不求是名集智觀集聖諦若五陰畢竟盡相過去已滅未來未生現在不住是名為滅能如是知是名滅智觀滅聖諦若得道者證集滅智比智知已足名為道若於是中忘見空性是名道智觀道聖諦若能

如是觀四聖諦是名菩薩觀諦方便
若一切受是名為苦若於諸受思惟
分別是名苦智觀苦聖諦受因和合
是名為集若於受因知如真實是名
集智觀集聖諦若除諸受無受者受
觀受滅盡不證於滅為化衆生是名
滅智觀滅聖諦若有所受是名為道
雖有和合猶如枳喻不為所受不求
於道是名道智觀道聖諦作如是知
見四聖諦清淨平等是名菩薩觀諦
方便復次略說生苦是名為苦若觀
於生是名苦智觀苦聖諦生從因緣
是名為集若觀有非有是名集智
觀集聖諦一切生非生是即非滅若
法不生即無有滅是名為滅若觀此
滅即是滅智觀滅聖諦若如是等推
求稱量思惟分別是名為道若滅如
是求稱量等入法門者是名道智觀
道聖諦若住於智不證聖諦是名菩
薩觀諦方便云何菩薩觀緣方便集
不善思惟故無明集无明集故行集
行集故識集識集故名色集名色集
故六入集六入集故觸集觸集故受

集受集故受集受集故取集取集故有
集有集故生集生集故老死集老死集
故憂悲苦惱集若知如是諸苦聚集是
名菩薩觀緣方便若住如是諸法聚集
則不長養元所作無諍訟無有主無所
屬無繫縛所謂若因善法因不善法
因不動法若因向涅槃法如是等法
如實分別若諸衆生根量齊限因是
諸根所作諸業若有受報及非受報
善知其因聚集方便是名菩薩觀緣
方便不善思惟滅則無明滅无明滅
故行滅行滅故識滅識滅故名色滅
名色滅故六入滅六入滅故觸滅觸
滅故受滅受滅故愛滅愛滅故取滅
取滅故有滅有滅故生滅生滅故老
死滅老死滅故憂悲苦惱諸苦聚滅
若知如是諸苦聚滅是名菩薩觀緣
方便一切諸法屬因屬緣屬和合若
法屬因緣和合是法則不屬我人衆
生壽命若法不屬我人衆生壽命則
不入法數能如是知是名菩薩觀緣
方便若菩薩所修諸法為助菩提安
止菩提如是諸緣悉見滅盡而不取證

為化衆生是名菩薩觀緣方便云何
觀三世方便若念過去已身他身善
不善心心數法不善心法呵責毀訾
善心數法悉已迴向無上菩提是名
菩薩觀過去方便若未來世心心數法
一向專念菩提之道若起善心願悉
迴向無上菩提所有不善心心數法
不令入心發如是願是名菩薩未來
方便若現在世心心數法善思惟等
所作諸業悉以迴向無上菩提是名
菩薩觀現在方便作如是方便是名
菩薩觀三世方便復次善解三世空
無所有若作是觀觀三世空智慧力
故若於三世諸佛所種無量功德悉以
迴向無上菩提方便力故如是方便是
名菩薩觀三世方便復次雖見過去盡
法不至未來而常修善精勤不憊觀
未來法雖無生出不捨精進願向菩
提觀現在法雖念念滅其心不忘發
趣菩提如是方便是名菩薩觀三世
方便過去已滅未來未至現在不住
雖如是觀心心數法生滅散壞而常
不捨聚集善根助菩提法如是方便

具名菩薩觀三世方便復次若諸神通
念過去世所作善根念已迴向無上菩
提念未來世未生善根願心所圖如
意成就現在世中常生善根專念不
懈迴向無上菩提之道如是方便是
名菩薩觀三世方便復次若化衆生
念過去世所作善根助道功德所謂
隨衆生心應可化者如其願樂悉已
化訖若未來世所有衆生或須見佛
及諸聖人而得度者隨形應適悉令
得度若現在世所有衆生若應聞法
應現神力亦隨所應皆悉化之隨所
教化諸衆生已則於三世成自他利
如是之利悉為菩提具无罣智如是
方便是名菩薩觀三世方便

舍利弗云何菩薩觀諸乘方便世有
三乘何等三聲聞乘緣覺乘大乘復
有二乘何等二天乘人乘云何菩薩
觀聲聞乘佛未出世無聲聞乘何以
故從他聞法生於正見所謂聞者持
戒威儀威儀具故成聚具足戒聚具
足已定聚具足定聚具足已慧聚具
足慧聚具足已解脫聚具足解脫聚

具足已解脫知見聚具足如是方便
是名菩薩觀聲聞乘方便復次觀聲
聞乘若善不善及不動行心常毀訾
厭離三界觀一切行無常苦無我寂
滅涅槃乃至一念不希受生常懷怖
懼心不甘樂觀陰如怨界如毒蛇入
如空聚於一切趣不願受生若能如
是開示分別名菩薩觀聲聞乘方
便云何菩薩觀緣覺乘方便若緣覺
出世觀其所行如實知之緣覺所行
出過聲聞所有功德欲精進不放逸
持戒少聞不多供養諸佛世尊給侍
使令以中根故常有厭心所作衆事
皆悲少厭患憤開常樂遠離獨住
空閑威儀庠序出入凝重安心靜默
簡於人事能為衆生現世福田其心
耽樂觀十二緣常念一法出世涅槃
數遊禪定不從他聞自然覺了少分
境界因緣悟道故名緣覺若能如是
開示分別名菩薩觀緣覺方便云
何菩薩觀大乘方便其乘無量今於
此中當說少分是乘無量悲能容受
一切衆生無量導故是乘增長一切

善根令無量衆生得受用故是乘具足諸波羅蜜能隨衆生心行化故是乘能過助道之法進趣無尋至道場故是乘平等無尋光明照於一切無量衆生悉堪受故是乘無畏過怯弱道悉能示現諸佛法故是乘難壞一切諸魔外道邪衆了十二緣建立佐助菩提幢故是乘能除一切諸邊有无斷常因緣諸見所起煩惱障尋覆蓋疑網調戲得佛無尋真智慧故是乘富足具諸珍寶真實不虛能益衆生大悲勇猛本願成就故是乘具足十力無畏不共之法相好嚴身身口意故如是方便是名菩薩觀大乘方便云何善觀有為方便所有身善業口善業意善業願以迴向無上菩提是名有為方便若觀身口意業同菩提相迴向菩提是名菩薩觀無為方便復次有為方便若能聚集五波羅蜜是名有為方便雖知般若波羅蜜其性無為於所聚集終無猒賤要欲具足諸波

羅塞深解善根同無漏菩提而猶願
成一切種智是名菩薩無為方便復
次有為方便住於無尋平等心中以
四攝法攝取衆生是名有為方便云
何無為方便善解衆生無我无人無
所怖求知四攝法同無為解脫而能
迴向一切種智是名无為方便復次
有為方便若諸煩惱生死相續斷令
不起所有善根助菩提者令不斷絕
乃至不行少煩惱分是名有為方便
云何無為方便雖觀空無相无願知
此三空即助道方便故能不證是名
無為方便復次有為方便雖在三界
不為三界煩惱所汙是名有為方便
云何無為方便雖出三界不證於出
是名无為方便如佛所說知諸法方
便則能具足一切種智何以故一切
種智無量无边具足正念慧方便故
是故名為一切法方便舍利弗是名
菩薩智慧所因八方便也舍利弗是
八方便能攝菩薩無盡智慧舍利弗
是慧能解觀了善法不善法故是慧
如箭善射法故是慧能行聖法現在

故是慧真解斷除諸見煩惱障導諸
覆蓋故是慧定願志能滿足本所求
故是慧消融能除煩惱諸焦熱故是
慧悅豫不斷法樂故是慧正念了所
緣義故是慧安住具三十七助道法故
是慧得相如所行乘能具足故是慧
解相性知照故是慧能度過諸流故
是慧能進成正定決定故是慧正見
具足一切諸善法故是慧歡喜隨煩
惱者能拔濟故是慧殊勝得頂法故
是慧微妙自然覺故是慧不行不近
三世故是慧攝取具一切方便故是
慧能斷過諸思想故是慧不放逸捨
離闇昧故是慧初始發行一切諸善
法故是慧能發具諸乘故是慧照明
除無明網故是慧與眼一切衆生如
其所解得明了故是慧無依過眼色
故是慧第一義出真實故是慧無諍
善分別故是慧明了向智門故是慧
無盡能遍行故是慧不逆見十二緣
故是慧解脫諸纏繫縛悉善斷故是
慧不雜離於一切障導法故舍利弗一
切衆生所有心行如是智慧悉能照

達如衆生心行慧思智諸煩惱門如是智慧皆悉觀了若聲聞緣覺菩薩如來所有智慧是菩薩悉能遍學舍利弗是名菩薩無盡之慧以是無盡慧具無盡智說是法時三万二千菩薩善根熟者得無生法忍

無盡意菩薩經卷第三

庚子歲高麗國大藏都監奉

勅彫造

無盡意菩薩經卷第四

罪

宋涼州沙門智嚴共寶雲譯

爾時無盡意菩薩復語舍利弗菩薩
修慈亦不可盡何以故菩薩之慈無
量無邊是修慈者無有齊限等衆生
界菩薩修慈發心普覆舍利弗譬如
虛空無不普覆是菩薩慈亦復如是
一切衆生無不覆者舍利弗如衆生
界無量無邊不可窮盡菩薩修慈亦
復如是無量無邊無有窮盡虛空無
盡故衆生無盡衆生無盡故菩薩修
慈亦不可盡是謂大士所修慈心不
可得盡舍利弗言善男子齊幾名衆
生界無盡意言所有地界水火風
界其量無邊而猶不多於衆生界
舍利弗言唯善男子頗可得說譬喻
比不無盡意言可說但不得以小事
為喻舍利弗東方去此盡一恒沙佛
世界南西北方四維上下皆一恒沙
佛世界作一大海其水滿溢使一恒
河沙等諸衆生聚集共以一毛破為
百分以一分毛滯取一滯如是一恒

河沙共取一滯二恒沙共取二滯如是展轉乃至帝大海水盡是衆生界猶不可盡菩薩慈心悲能遍覆如是衆生舍利弗於意云何是修慈善根豈可盡耶舍利弗言實不可盡唯善男子是虛空性尚可得盡菩薩慈心不可盡也若有菩薩聞作是說不生驚怖當知是人得無盡慈舍利弗是慈能自擁護已身是慈亦能利益他人是慈無諍是慈能斷一切瞋恚荒穢繫縛是慈能離諸結及使是慈歡喜是慈不見一切衆生破戒之過是慈無熱身心受樂是慈遠離一切惱害是慈能離一切怖畏是慈能順衆聖人道是慈能令瞋者歡喜是慈能勝一切鬭諍是慈能生利養稱歎是慈莊嚴釋梵威德是慈常為智人所讚是慈常護凡夫愚人是慈常能隨順梵道是慈不雜遠離欲界是慈能向解脫法門是慈能攝一切諸乘是慈能攝非財功德是慈長養一切功德是慈過諸無作功德是慈志能莊嚴相好是慈能離下劣鈍根是慈能開

天人涅槃諸善正道是慈能離三惡
八難是慈愛樂諸善法等是慈如願
一切所欲成就自在是慈平等於諸
衆生是慈發行離諸異相是慈正向
持戒之門是慈能護諸犯禁者是慈
能成無上忍力是慈能離諸慢放逸
是慈能發無諍精進入於正道是慈根
本入聖禪定是慈善能分別於心離
諸煩惱是慈因慧而生捨持語言文
字是慈定伴離魔結伴是慈常與歡
樂同止是慈善為心之所使是慈堅
持威儀法式是慈能離諸調動等是
慈能滅種種諸相是慈善香慚愧塗
身是慈能除煩惱臭氣舍利弗夫修
慈者悲能擁護一切衆生能捨己樂
與他衆生聲聞修慈齊為己身菩薩
之慈悲為一切無量衆生舍利弗夫
修慈者能度諸流慈所及處有緣衆
生又緣於法又無所緣緣衆生者初
發心也緣法緣者已習行也緣無緣者
得深法忍也舍利弗是名菩薩修行
大慈而不可盡復次舍利弗菩薩摩
訶薩修行大悲亦不可盡何以故舍

利弗如人命根即以出息入息為本菩薩如是修學大乘以大悲為本如轉輪聖王以輪寶為本菩薩如是修一切智以大悲為本如大長者唯有一子慈愛情重菩薩大悲亦復如是於諸衆生愛之若子如是大悲我已行已如是大悲作已利已如是大悲不假外事如是大悲已心所作出不諂曲如是大悲所作畢竟出正決定如是大悲種性所作出於直道如是大悲心無邪曲出生正直如是大悲無有憍慢出衆生境如是大悲捐捨已身出如來身如是大悲不貪壽命出不作惡如是大悲擁護衆生出於菩提如是大悲護真實法出心清淨如是大悲見諸窮厄出拔濟事如是大悲本捨堅固出不動心如是大悲不欺已身人天賢聖出不虛誑如是大悲其行清淨出於善業如是大悲自捨已樂出與他樂如是大悲不與他苦出不焦熱如是大悲能令衆生捨於重擔出堅精進如是大悲有忍勢力出護無力如是大悲不厭可汙出

瞻病者如是大悲得法自在出教化
鉗根如是大悲覆自功德出顯他切
業如是大悲出離諸苦如是大悲出
求無漏樂如是大悲出捨所愛物如
是大悲出作眾善業無所憊惱如是
大悲出善持禁不捨毀戒如是大悲
出教化眾生如是大悲出不惜身命
如是大悲出捨自支節如是大悲出
生他善根如是大悲出自利益善根
如是大悲出無味諸禪如是大悲出
不獸欲界如是大悲出於觀慧如是
大悲出不汙善根如是大悲出諸眾
生如所願成如是大悲出有為無為
如是大悲出不證無為如是大悲出
知眾生性同無為而能教化如是大
悲出護發戒者如是大悲出讚歎佛
戒如是大乘諸悲出於大悲以是因
緣故名大悲謂大悲者必定善行布
施持戒忍辱精進禪定智慧諸助道
法為得自然無師智慧營他眾生所
作事業精勤專著如修已務以是因
緣故名大悲舍利弗是名菩薩修行大
悲而不可盡

復次舍利弗菩薩摩訶薩修行於喜
亦不可盡云何為喜常念於法歡喜
踊躍不生態息無諸惱熱離五欲樂
住於法樂心和悅豫身輕柔軟意勤
勸篤心常生悲樂求如來無上法身
樂修相好以自莊嚴聽法无厭念行
正法念行正法已心生歡喜生歡喜
已具得法悲常於衆生不生寻心以
增上欲勤求於法生欲法已深心得解
甚深佛法遠離二乘發無上心除諸
慳惜發於捨心見來乞者心生歡喜
捨時歡喜施已無悔如是布施三時
清淨得清淨已心則悅豫於持戒者
常行布施於毀禁者喜心攝取自持
禁戒心則清淨能令惡道怖懼衆生
得無所畏遠離惡處一心迴向如來
禁戒堅持牢固不可毀壞惡罵加已
堪忍不報於諸衆生心無憍慢於諸
尊長謙下恭敬言常和悅離於頻威
先以愛語終無諂曲不以邪心誘誑
於人不以利養為他執役其心清淨
無有鹿過於諸不可不見其過不求
他短不舉人罪專心正念諸和敬法

於諸菩薩生如來想愛說法者重於
已身愛重如來如惜已命於諸師長
生父母想於諸衆生生兒息想於諸
威儀如護頭首於諸波羅蜜如愛手
足於諸善法生珍寶想於教誨者生
五欲想於知足行生無病想愛樂求
法生妙藥想於舉罪者生良醫想攝
御諸根無有懈怠是故名喜是喜寂
靜覺知微妙故是喜寂滅無調慄故
是喜行猗不戲論故是喜本根心不
亂故是喜多聞取善語故是喜平等
心柔軟故是喜勇猛善作業故是喜
不悔專行善故是喜正住不懈怠故
是喜不動无所依故是喜不共難摧
伏故是喜實義不忘失故是喜真實
無變異故是喜誠諦如所作故是喜
能捨力堅牢故是喜大力無能勝故
是喜能作諸佛神力求諸佛法故舍
利弗是名菩薩修行於喜而不可盡
復次舍利弗菩薩摩訶薩修行於捨
亦不可盡云何菩薩修捨無盡菩薩
行捨捨有三種云何為三捨諸煩惱
捨護已他捨時非時云何捨諸煩惱

恭敬供養其心不高輕蔑毀此心亦
不下若得利養心不貪恃若遭衰惱
心亦不愁若遇譽讚心無喜慶若遭
毀者心不退縮若遇譏者心無虧缺
若有稱者心善住法若遭苦事心力
忍受若遇樂事明見無常放捨所愛
斷於瞋恚於親非親得平等心持戒
毀戒意無增減作善作惡無有二相
於愛非愛心無所著聞善不善心能
堪忍於善惡語心不繫著於味過患
其量無二於諸衆生得平等心於上
中下得等光明不惜身命好惡名聞
同於法界於實相法心得清淨於世法
等得菩薩捨捨是名菩薩捨於煩惱云
何菩薩捨護已他若被割截身體支
節心無瞋恨不求讎報以得捨心故
能捨二内外身口於此二中不生諍訟
於眼與色無有欲汙耳聲鼻香舌味
身觸意法亦復如是故於二中不生
諍訟是故名捨不傷不害是故名捨
捨護已他是故名捨於利非利心行
平等是故名捨於第一義不生諍訟
是故名捨於已心中善能分別是故

名捨觀捨已身是故名捨不害他身
 是故名捨菩薩修捨於諸禪定常行
 捨心諸佛世尊不聽菩薩於諸衆生
 而行捨心何以故菩薩常修精進為
 利自他勤求善根是名菩薩捨護已
 他云何捨時非時非器衆生捨不引
 接衰毀譏苦捨而不受捨求聲聞成
 決定者行布施時捨修持戒修持戒
 時捨於布施修忍辱時捨施戒進修
 精進時捨施戒忍行禪定時捨於布
 施修智慧時捨五波羅蜜所不應作
 終不復作如是諸法安住戒行精勤
 勇猛具足修行是名菩薩修無盡捨
 復次舍利弗菩薩諸通亦不可盡云
 何諸通天眼通天耳通他心通宿命
 通如意通云何天眼通菩薩天眼於
 諸天龍鬼神諸乾闥婆學無學人聲
 聞緣覺所有天眼為最第一微妙殊
 勝開達明了向一切智功德所成不
 與天龍二乘共之若有十方無量无
 邊諸佛世界所有形貌色像光明若
 塵若細若近若遠菩薩天眼一切悉
 見照了分別善解善見亦見其所

有衆生生諸趣者除無色天其餘業
行生死相續若業業果分別諸根悉
知無遺若於十方無量无邊諸佛世
尊所有莊嚴淨妙國土悉見無餘如
是見已清淨持戒願以迴向莊嚴已
土住是持戒如其所願悉得成就無
量大利菩薩天眼亦見其由菩薩大
衆修行於道身四威儀及正意念得
解脫法安住穩持辯才方便入慧方
便見已自修如是諸行悉令備足是
菩薩眼清淨無尋得見色故是眼不
汙不著色故是眼解脫遠離諸見煩
惱故是眼清淨性明了故是眼不依
離所緣故是眼不發斷煩惱故是眼
無繫斷疑網故是眼不起斷障尋故
是眼得明照了法故是眼念知不行
識故是眼無貪瞋恚愚癡能斷一切
諸結使故是眼無二趣聖本故是眼
無尋平等光明照衆生故是眼無垢
斷惡法故是眼不染唯清淨故是眼
入佛眼畢竟不捨故是眼不縛斷愛
恚故是眼行義出於真實修行念知
淨道法故何以故是大士安住大悲

深解法相善分別義無有諍訟隨見聞說背不善法趣向道場心無障見慳惜人能捨財施見毀禁者修持淨戒見瞋恚者修忍不諍見懈怠者攝取勸勵見散心者示諸禪支無智慧者施與慧眼行邪道者示以正道脩下行者為說甚深微妙佛法令入一切智不退諸通具足菩提舍利弗是名菩薩天眼神通而不可盡云何菩薩天耳神通若十方無量無邊諸佛世界所有諸聲所謂天龍鬼神乾闥婆阿修羅迦樓羅緊那羅摩睺羅伽人非人聲及以聖聲所謂聲聞緣覺菩薩正遍知聲一切凡是耳根所對乃至地獄餓鬼畜生蠅蟻蚤虻所有諸聲一切悉聞若諸衆生心所緣處若善不善無記所作事業出諸音聲一切悉解若口善業口不善業口無記業如是諸業悉如實知若有口業因於愛欲說瞋說癡若有口業因於瞋恚說欲說癡若有口業因於愚癡說欲說瞋若因欲說欲因瞋說瞋因癡說癡如是諸聲亦皆能知或有口

業心淨口麤或有口業口淨心麤或
有口業口淨心淨或有口業口麤心
麤如是一切無尋耳通能如實知是
菩薩天耳亦知聖聲及非聖聲若聞
聖聲不生愛著聞非聖人聲心不生礙
於聖人聲得具大慈非聖人聲得具大
悲若聞過去未來諸聲得盡本際如
實正智是菩薩天耳得聞一切諸佛
世尊所說妙法聞已憶念正智摠持
不忘不失隨衆生器而為說法善知
諸法堅不堅相是菩薩若聽一佛說
法不聞餘佛所說法者無有是處一
切諸佛所可演說悉能聽受菩薩若
聞善不善無記法聲皆悉善知時與
非時所謂若有衆時非說法時聞已
默然而無所說若有說時非有衆時
所謂正為一人能堪受者是故雖說
不為一切事若真實或畏傷他故不
為說事若不實為利益他以清淨心
方便得說若所喜聲即能得聞所不
喜者便不復聞若於大衆為諸衆生
演說法時隨其耳識所解所受是菩薩
天耳悉得聞知若說法時或有衆生

應解悟者便得聞法不解悟者則便
不聞是菩薩耳界其性清淨知見我
人衆生悉清淨故是菩薩正分別耳
界如言語文字所說之相若有五趣
雜類衆生隨其所解言語音聲而為
說法持是天耳迴向如來所得耳界
不求餘乘故舍利弗是名菩薩天耳
神通而不可盡

復次舍利弗菩薩知他心通亦不可
盡云何菩薩知他心通若諸衆生上
中下心菩薩悉知知是衆生因施根
心相知是衆生因戒根心相知是衆
生因忍根心相知是衆生因進根心
相知是衆生因定根心相知是衆生
因智根心相知是衆生因慈悲喜捨根
心相知是衆生因聲聞緣覺大乘根
心相知是衆生因力增上善根具足
知是衆生因行增上善根故得生此
知是衆生其行清淨心不清淨知是
衆生其行不淨而心清淨知是衆生
心行俱淨知是衆生行之與心二俱
不淨知是衆生過去世心諸根行因
知是衆生隨緣悟法是名菩薩知他

心智又復知他未來世心知是衆生
未來世中有持戒因現在世中有布
施因知是衆生未來世中有忍辱因
現在世中有持戒因知是衆生未來
世中有精進因現在世中有忍辱因
知是衆生未來世中有禪定因現在
世中有精進因知是衆生未來世中
有智慧因現在世中行俗心因知是
衆生未來世中發大乘因現在世中
有下根因未來衆生有如是等諸因
諸緣是諸因緣能如實知是菩薩於
未來受化衆生終不疲厭如其心根
如實能知隨其器量而為說法若樂
少聞則不多說說必有益功不唐捐
是名菩薩知他心智若現在世衆生
所行心心數法恚如實知所謂欲心
如實知欲心離欲心如實知離欲心
恚心如實知恚心離恚心如實知離
恚心癡心如實知癡心離癡心如實
知離癡心散心如實知散心攝心如
實知攝心慳急心如實知慳急心精
進心如實知精進心下心如實知下
心上心如實知上心乱心如實知乱

心定心如實知定心無解脫心如實知無解脫心有解脫心如實知有解脫心無寂靜心如實知無寂靜心有寂靜心如實知有寂靜心量心如實知量心無量心如實知无量心一一衆生一一煩惱纏覆心者一切皆知如是知己如其出道而為說法又是菩薩所住之處先觀衆生知其根量隨而為說出要之法是諸衆生上中下根悉如實知是菩薩心知他心時無有障尋何以故是菩薩心智猛利善分別故念意進慧之所知故善能解了菩提相故斷諸習氣故清淨無垢故明了无諍故無諸煩惱故無有潤流故照一切法故善入一切衆生心故能如是解是名菩薩心智猛利於如是法正入知者是名菩薩他心智通而不可盡

復次舍利弗菩薩宿命智通亦不可盡云何菩薩宿命智通是菩薩念宿命事若自若他善受憶持安住法界無有傾動无傾動者能善解了善作業故是念無惱安住禪定故是念无

具善攝智慧故是念不從他求現得
善知故是念正憶畢竟不失故是念
助功德善解大樂故是念功智不從
他具足故是念善根諸波羅蜜具足
能到一切佛法故是宿命智若念一
生二生三生四生五生十生二十生
三十生五十生乃至百生千生百千
生無量百生無量千生无量百千生
及天地成壞无量成世無量壞世無
量成壞世無量成壞劫知諸衆生於
是中生如是種性如是名字如是色
像如是飲食如是壽命受苦樂等於
是中死還是中生於彼中死還彼中
生是菩薩念如是等無量生死自命
宿世及他衆生盡過去際是菩薩念
自善根迴向阿耨多羅三藐三菩提
念他善根願令發阿耨多羅三藐三
菩提心是菩薩以正念心於本生死
行苦善觀無常苦無我若觀無常苦
無我者於諸色欲封祿壽命眷屬自
在患無貪著亦復不貪釋梵護世轉
輪聖王及受生處五欲歡樂為化衆
生故現受生是菩薩念於無常苦无

我已過去穢行發露懺悔現世諸惡
乃至失命終不為之過去善根欲令
增廣迴向阿耨多羅三藐三菩提現
在善根與衆生共迴向阿耨多羅三
藐三菩提是菩薩離諸惡願不斷三寶
種故所有善根悉已迴向阿耨多羅
三藐三菩提舍利弗是名菩薩念宿
命智而不可盡

復次舍利弗菩薩摩訶薩如意神通
亦不可盡云何菩薩如意神通若欲
進心慧所攝諸法調伏柔和心得自
在善修集故現在能得是如意通是
菩薩作種種神通變化以是神通為
化衆生是菩薩一一亦現種種神通
教化衆生所謂若色相若力勢若變
化是菩薩亦種種色相令衆生見見
已心伏所謂若佛色像若緣覺色像
若聲聞色像若釋梵護世轉輪聖王
色像及餘種種無量色像乃至亦現
畜生色像化衆生故作是亦現亦現
是已隨其所應而為說法若有衆生
自謂已身有大勢力而起憍慢瞋恚
貢高菩薩欲為調伏如是諸衆生故

示現大力所謂亦現卍羅延力四分之一或四分之二或四分之三或全示現須彌山王高十六萬八千由旬縱廣八萬四千由旬以三指舉擲置他方無量世界譬如擲一阿摩勒果於菩薩力而無損減斷取三千大千世界下盡水際以手舉之高至有頂住經一劫菩薩成就示現如是大勢力時能令如是瞋恚憍慢貢高衆生內善調伏知調伏已然後隨應而為說法是菩薩修如意通能得智慧變化勢力以變化力諸所欲作悉得成就能變大海以為牛跡大海不小又變牛跡以為大海牛跡不大若劫欲盡火災起時欲變為水如意能變水災起時能變為火風災起時能變為火火災起時能變為風風災起時能變為水水災起時能變為風如是變化皆悉成就若上中下法隨意變化唯除諸佛更無有人能移動留尋破壞菩薩如意神通所謂釋梵天王魔王波旬及其眷屬是菩薩作種種變化示諸衆生令歡喜已然後隨意而為

說法是菩薩神通勇健自在能過諸魔煩惱境界入於佛界不惱衆生所有善根皆悉成就一切魔衆無能斷者舍利弗是名菩薩如意神通而不可盡

復次舍利弗菩薩四攝亦不可盡云何為四一者布施二者愛語三者利行四者同利云何為布施施有二種財施法施云何愛語於求財人及聽法者柔和與語云何利行於求財人及聽法者隨其求悉令滿足云何同利求財法者以大乘已利令彼安止又復施者見諸乞求心生清淨愛語者於諸乞士心生歡喜利行者於諸乞士隨其所利而令具足同利者常以大乘勸誨衆生復次施者所謂捨心愛語者行無界限利行者畢竟不悔同利者迴向大乘復次施者起慈行捨愛語者不捨喜心利行者大悲莊嚴利於衆生同利者捨所高下發心迴向一切種智復次施者如法求財清淨行施愛語者好導愛者安止善法利行者說於已利以利益他同

利者令諸衆生發一切智心復次施者捨於內外愛語者功德智慧心無慙惜利行者捨自利行而行利他同利者棄捨重位心初無悔復次法施者如所聞法悉能演說愛語者不為利養而演法利行者誨他諷誦心無疲厭同利者一切智心所得妙法即以此法勸勵衆生復次施者若有衆生一一聽法次第為說而無錯謬愛語者為人演法不辭遠近利行者有求法人供給衣服飲食卧具病瘦醫藥令無所乏即施所安然後隨應而為演說同利者凡所講說常勸衆生迴向阿耨多羅三藐三菩提復次法施者於諸施中知其最勝以此勝法為人演說愛語者常為利益衆生故說利行者隨義而說不隨文字同利者常為具足佛法故說復次施者具足檀波羅蜜愛語者具足尸羅羼提波羅蜜利行者具足毗梨耶波羅蜜同利者具足禪那般若波羅蜜復次施者初發菩提愛語者修行菩提利行者不退菩提同利者一生補處復次

起者安住菩提種子根本愛語者滋
長菩提芽莖枝葉利行者漸已開敷生
菩提華同利者已能成熟菩提果實
舍利弗是名菩薩以四攝法攝取衆
生而不可盡

無盡意菩薩經卷第四

已亥歲高麗國大藏都監奉
勅彫造

無盡意菩薩經卷第五

罪

宋涼州沙門智嚴共寶雲譯

復次舍利弗菩薩摩訶薩四無尋智亦不可盡云何為四一者義无尋二者法無尋三者辭無尋四者樂說无尋云何義無尋於諸法中知第一義是比智是因智是緣智是和合智是不墮邊智是不住中智是十二因緣智是不異法性智是如實智是真際智是覺空空智是無相相智是無願願智是無為為智是觀一相智是觀无我智是觀無衆生智是觀无命智是觀無我第一義智是觀過去無罣尋智是觀未來无有邊智是觀現在一切種智是觀諸陰如恣賊智是觀諸界如毒蛇智是觀諸入如空聚智是觀內法永寂滅智是觀外法無行處智是觀所緣如幻化智是觀念正住智是觀忍正法智是觀自身智是觀了諸諦智是苦不和合智是集不作智是滅自性智是道能到智是分別諸法智是觀衆生諸根心行隨所入

智是諸力無能伏智是諸覺如實解
智是禪定受持智是慧光明智是幻
化莊嚴智是熱時炎迷惑智是夢中
所欲智是響所緣智是鏡中像無去
來智是種種相無相智是扼離扼智
是取生離生智是聲聞乘從他聞智
是緣覺乘觀十二緣智是大乘具足
一切善根智舍利弗是名菩薩義無
尋智又復義無尋者思一切法義何
以故是一切法無我衆生無命无人
如無我衆生無命无人即名為義如
命義者色等諸法亦復如是是名義
無尋又復義无尋者是無住說是無
盡說是得一切法說如是義無尋者
諸佛所許是真實義無別无異智慧
分別無有障礙是名菩薩義無尋智
舍利弗云何菩薩法無尋智若觀諸
法所謂善法不善法世法出世法可
作法不可作法有漏法無漏法有為
法無為法黑法白法生死法涅槃法
是法性平等是智菩提平等是智性
平等是名法無尋智又復法无尋者
觀於衆生多欲心行少欲心行初發

欲心行欲相心行現在所緣欲心行
現在因緣欲心行有衆生內有欲行
外無欲行外有欲行內無欲行有內
外欲行有內外無欲行有色欲行非
聲香味觸有聲欲行非色香味觸有
香欲行非色聲味觸有味欲行非色
聲香觸有觸欲行非色聲香味入如
是觀衆生諸欲行門行欲行者二萬
一千行恚行者二萬一千行癡行者
二萬一千行等分行者二萬一千行
觀如是衆生八萬四千心之所行如
實而知隨其所應而為說法舍利弗
是名菩薩法無尋智舍利弗云何菩
薩尋無尋智於諸音聲悉觀了知所
謂天龍鬼神乾闥婆阿修羅迦樓羅
緊那羅摩睺羅伽人非人等如是言語
文字音聲悉皆能知如是五道雜類
衆生隨其種類一一音聲語言文字
而為說法是名尋無尋智如是語法
文字思惟覺了無尋是菩薩知一語
二語三語乃至多語男語女語非男
女語過去語未來語現在語知積一
字至多字語是名尋無尋智是尋無

尋智說時無謬元有滯尋妙語通暢
所言審諦正直無廢所有文辭具足
莊嚴大衆聞者无不歡喜如是種種微
妙音聲深遠廣普莊嚴俗諦第一義
諦以智慧箭善射邪見是辯無尋諸
佛所許能令衆生皆得歡喜舍利弗
是名菩薩辯無尋智而不可盡舍利
弗云何菩薩樂說無尋智不可窮盡
所說無尋所說不住所說速疾所說
捷利如所問答無罣尋答無違逆答
是相應答住忍力答依二諦答依施
戒忍進定慧答依一切法章句而答
依於念處正勤如意根力覺道甚深
義答依寂滅思惟答所謂樂說无尋
智者若一切言語文字口所分別正
直而答所謂一切禪定三摩拔提真
諦智答辯暢三乘隨諸衆生一切心
行如應而答所言巧妙非如呾羊強
梁惡卒暴戲如是之語患無復有所
宣寂滅人所受用威德之言无諸纏縛
相應無違微妙柔軟無可譏訶聖人
所讚如佛世尊所教誨語梵音清徹
一切悲聞是樂說無尋智諸佛所許

為他衆生說微妙法聞是法者得出
世樂滅盡諸苦是名樂說無尋智也
舍利弗是名菩薩摩訶薩四無尋智
而不可盡

復次舍利弗菩薩摩訶薩有四種依
法亦不可盡何等為四依義不依語
依智不依識依了義經不依不了義
經依法不依人去何依義不依語語者
若入世法而有所說義者解出世法
無文字相語者若說布施調伏擁護
義者知施戒忍入於平等語者稱說
生死義者知生死無性語者說涅槃
味義者知涅槃無性語者若說諸乘
隨所安止義者善知諸乘入一相智
門語者若說諸捨義者三種清淨語
者說身口意受持淨戒功德威儀義者
了身口意皆無所作而能護持一切
淨戒語者若說忍辱斷除恚怒貢高
憍慢義者了達諸法得無生忍語者
若說勤行一切善根義者安住精進
無有終始語者若說諸禪解脫三昧
三摩跋提義者知滅盡定語者悲能
聞持一切文字智慧根本義者知是

慧義不可宣說語者說三十七助道之法義者正知修行諸助道法能證於果語者說苦集道諦義者證於滅諦語者說無明根本乃至生緣老死義者知無明滅乃至老死滅語者說助定慧法義者明解脫智語者說貪恚癡義者解不善根即是解脫智語者說障尋法義者得無尋解脫語者稱說三寶無量功德義者三寶功德離欲法性同無為相語者說從發心至坐道場修集莊嚴菩薩功德義者以一念慧覺一切法舍利弗舉要言之能說八万四千法聚是名為語知諸文字不可宣說是名為義去何依智不依於識識者四識住處何等四色識住處受想行識住處智者解了四識性無所住識者若識地大水火風大智者識住四大法性無別識者眼識色住耳鼻舌身意識法住智者內性寂滅外無所行了知諸法無有憶想識者專取所緣思惟分別智者心無所緣不取相貌於諸法中無所希求識者行有為法智者知無為法識元

所行無為法性元有識知識者生住
滅相智者無生住滅相舍利弗是名
依智不依於識云何依了義經不依
不了義經不了義經者分別隨道了
義經者不分別果不了義經者所作
行業信有果報了義經者盡諸煩惱
不了義經者呵諸煩惱了義經者讚
白淨法不了義經者說生死苦惱了
義經者生死涅槃一相無二不了義
經者讚說種種莊嚴文字了義經者
說甚深經難持難了不了義經者多
為衆生說罪福相今聞法者心生欣
感了義經者凡所演說必令聽者心
得調伏不了義經者若說我人衆生
壽命養育士夫作者受者種種文辭
諸法無有施者受者而為他說有施
有受了義經者說空無相願无作無
生無有我人衆生壽命養育士夫作
者受者常說無量諸解脫門是名依
了義經不依不了義經云何依法不
依於人者攝取人見作者受者法
者解無人見作者受者人者凡夫善
人信行人法行人八人須陀洹人斯

隨舍人阿那舍人阿羅漢人辟支佛
人菩薩人一人出世多所利益多人
受樂憐愍世間生大悲心於人天中
多所饒潤所謂佛世尊如是等名佛
依世諦為化衆生故作是說若有攝
取如是見者是謂依人如來為化攝
人見者故說依法不依於是法性
者不變不易無作非作无住不住一
切平等等亦平等不平等者亦復平
等無因无緣得正決定於一切法無
別無異性相无尋猶如虛空是名法
性若有依止是法性者終不復離一
相之法入是門者觀一切法同一法
性是故說言依一切法不依於人舍
利弗是名菩薩摩訶薩四依無盡
後次舍利弗菩薩摩訶薩修集助道
功德智慧亦不可盡云何修集功德无
盡若布施持戒心所修集發行慈悲
自所有罪發露懺悔亦代衆生發露
懺悔已行懺悔次當隨喜一切衆生
學無學人及辟支佛發心菩薩已習
行者堅住不退一生補處如是諸人
於三世中所集功德當以一心隨其

歡喜復於過去未來現在諸佛世尊
所有善根生隨喜心是隨喜菩薩志
當成就如是功德隨喜已訖次當勸
請十方世界一切諸佛始成道者請
轉法輪示涅槃者常住於世及請一
切菩薩聖人常為衆生住世說法如
是善根如善根想悉以迴向無上菩
提是菩薩未發心者勸令發心已發
心者為說諸度有貧窮者救攝以財
病施醫藥隨時瞻療無勢力者勸行
忍辱有犯禁者令不覆藏已覆藏者
勸令發露現在諸佛及涅槃者悉皆
發心供養恭敬敬重師長如佛世尊
若求法時沒命不慙於此法寶生無
價想於說法者生諸佛想為聽法故
過百由旬心方易悅無疲勞想凡所
講說不為利養於父母所知恩報恩
供養給事心初無悔所作功德常無
厭足護身口意令無諂曲建立佛塔
所得功德等於梵天勸請之福具足
諸相開門大施故得隨形好修諸善
故莊嚴身者無憍慢故莊嚴口者離
口過故莊嚴意者不住法故莊嚴佛

土者神通教化故莊嚴法者離諸欲
故莊嚴大衆者不兩舌惡口破壞他
故於受法者如實說故說法歡喜稱
讚善哉所作功業不唐捐故離覆蓋
者故往聽法故莊嚴菩提樹者以妙
園林奉施佛故莊嚴道場者成就一
切諸善根故出生清淨者不為煩惱
所染汙故得寶手者能捨一切所重
物故得無盡者无量寶藏以布施故
見者歡喜常和悅故體得法性者心
慧光明等照衆生故莊嚴光明者不
輕未學善誘導故生生清淨者持戒
功德悉成就故處胎清淨者不見他
罪故生人天者淨行十善故慧明獨
步者所可教化不生分別故於法自
在者所愛重法無恠惜故世中獨勝
者畢竟清淨故微妙解脫者不求少
分行故行一切功德者不捨一切智
心故七財滿具者信為根本故攝取
正法者不惜身命故不誑世間者具
本誓願故具足一切佛法者諸善根
本本已行故舍利弗是名略說菩薩
功德若廣說者若經一劫若過一劫

不可得盡云何菩薩智慧無盡若一
一因聞說智慧若一一緣得於智慧
云何為因內增上欲云何為緣外勤
求法如是因緣依佛智慧非聲聞緣
覺智慧親近智者心無憍慢常於其
人起世尊想是諸智者知受法人心
已柔和為說智慧必令依止隨其正
器說無染法聽法之人於是法中勤
修聚集助法精進是為智慧云何菩
薩助法精進若無希求簡絕事務省
少語言於諸所欲心常知足初夜後
夜減損睡眠凡所聞義能善思惟籌
量分別數求善法心無愛濁除諸陰
蓋无有障蔽所犯過失尋能除滅正
行堅固趣向傾仰尊敬法行具精進
行求法不態如救頭然無有我行不
遲緩行不捨本行心增上行呵衆闍
行處樂獨行向阿蘭若處思惟行聖
種知足行不動頭隨行欣樂法行不思
惟世間言語行求出世間法行不失
正念行發諸法義行直正道行知緣
摠持行慚愧莊嚴行智慧堅牢行除
無明網纏結繫縛淨慧眼行善覺了行

廣覺了行不減覺行分析覺行現在
知行不從他功德行不自恃功德行
讚歎他人諸功德行善修作業行因
果不動行知清淨業行舍利弗是名
助法精進

復次舍利弗菩薩摩訶薩有四種施
具足智慧何等為四一者以帑筆墨
施與法師令寫經二者種種校飭莊
嚴妙座以施法師三者以諸所須供
養之具奉上法師四者無諂曲心讚
歎法師舍利弗是名菩薩四種布施
具足智慧菩薩復有四持禁戒具足
智慧何等為四一者持戒常演說法
二者持戒常勤求法三者持戒正分
別法四者持戒迴向菩提是名菩薩
四種持戒具足智慧菩薩復有四種
忍辱具足智慧何等為四一者於求
法時忍他惡罵二者於求法時不避
飢渴寒熱風雨三者於求法時隨順
和上阿闍梨行四者於求法時能忍
空无相無願舍利弗是名菩薩四種
忍辱具足智慧菩薩復次有四種精
進具足智慧何等為四一者勤於多

聞二者勤於摠持三者勤於樂說四者勤於正行舍利弗是名菩薩四種精進具足智慧菩薩復有四種禪定具足智慧何等為四一者常樂獨處二者常樂一心三者求禪及通四者求無尋解智舍利弗是名菩薩四種禪定具足智慧菩薩復有四種智慧具足智慧何等為四一者不住斷見二者不入常見三者了十二緣四者忍無我行舍利弗是名菩薩修行四智慧具足智慧菩薩復有四擁護法具足智慧何等為四一者擁護法師如已君主二者護諸善根三者將護世間四者護利益他舍利弗是名菩薩四擁護法具足智慧菩薩復有四滿足法具足智慧何等為四一者說法滿足二者智慧滿足三者利養滿足四者說法滿足舍利弗是名菩薩四滿足法具足智慧菩薩復有四力具足智慧何等為四一者精進力求於多聞得解脫故二者念力菩提之心不忘失故三者定力等無分別故四者慧力修多聞故是名四力具足智

慧復有四方便具足智慧何等為四
一者隨世所行二者隨衆生行三者
隨諸法行四者隨智慧行是名四方
便具足智慧菩薩復有四道具足智
慧何等為四一者諸波羅蜜道二者
助菩提道三者行八聖道四者求一
切智慧道是名四道具足智慧菩薩
復有四無厭足行具足智慧何等為
四一者樂於多聞無有厭足二者樂
於說法無有厭足三者行慧无厭四
者行智无厭是名菩薩四無厭足具
足智慧

復次助智慧者隨一切衆生心行隨
一切法行隨布施行隨持戒忍辱精
進禪定智慧行隨慈悲喜捨行得具
智慧何以故如諸菩薩所發起行皆
以智慧而為根本智慧成已還依止
智是菩薩安住於智依一切智諸魔
眷屬不能留難是故能得具一切智
舍利弗是名菩薩助智無盡復次舍
利弗菩薩摩訶薩四念處亦不可盡
是菩薩觀身修身行見過去未來現
在諸身顛倒和合如外草木牆壁瓦

石從因緣有不可長養無所繫屬此
身如是從因緣生不可長養無所繫
屬是陰界入中我我所空常無常空
是身無我無有我所以是身不堅不可
依怙當求菩提正覺之身云何菩提
正覺之身所謂法身金剛之身不可
壞身堅牢身出三界身我身雖有無
量過患願當除滅成如來身是菩薩
所以堪忍久處四大諸結熾然皆為
利益諸衆生故如外四大地水火風
種種門種種所作種種形貌種種器
物種種所用皆為利益一切衆生我
今此身為利衆生亦復如是菩薩摩
訶薩見如是利益已觀身衆苦不生
厭離觀身無常不厭生死觀身无我
不捨教化觀身寂滅不墮於捨是菩
薩觀內身時不生煩惱觀於外身亦
復如是菩薩離黑汙身成白淨身業
具足妙相以自在嚴於天人中多所
利益是名菩薩觀身修身行云何菩
薩觀受修受行菩薩如是思惟諸受
一切皆苦善分別受智慧籌量知受
寂滅若受樂時不貪所欲若受苦時

觀三惡道起大悲心不生瞋恚若受不
苦不樂時不起愚癡是菩薩正念受
處如其所受若苦若樂不苦不樂於
是諸受知出知修觀衆生受寂滅莊
嚴是諸衆生於諸受中不知出修若
受樂時生於貪著若受苦時便生瞋
恚若受不苦不樂時便生愚癡我今
要當進修智慧除一切受發諸善根
起大悲心攝取智慧亦為衆生降斷
諸受而為說法未解受者受苦解受
者受樂未何解受者所謂无受者無
我人衆生壽命養育士夫除攝取受
者攝者受取者受受者受有者受顛
倒者受分別者受諸見者受眼相者
受耳鼻舌身意相者受色想者受聲
香味觸法想者受眼緣色生觸受苦
受樂受不苦不樂受耳聲鼻香舌味
身觸心緣法生觸受苦受樂受不苦
不樂是名為受復有一受心意覺了
復有二受內受外受復有三受過去
未來現在受復有四受覺了四大復
有五受思惟五陰復有六受分別六
入復有七受七識住處復有八受八

邪法也復有九受九衆生居處復有
十受十不善法舍利弗舉要言之无
量衆生諸受思惟所緣境界一切名
受菩薩於中修受觀行起大智慧知
諸衆生善不善受生住滅相舍利弗是
名菩薩正受念處而不可盡去何菩
薩觀心念處菩提之心不忘不失正
念不亂如是觀心心生已滅無有住
相不於內住不從外來我初所發菩
提心者是心已盡過去變異不至方
所不可宣說無有住處若心所集諸
善根等亦是過去盡滅變異不至方
所不可宣說無有住處若心善根迴
向阿耨多羅三藐三菩提是亦滅盡
變異之法不至方所不可宣說无有
住處心不知心心不見心心不生心
我以何心成阿耨多羅三藐三菩提
是菩提心不與善根心合善根心不
與迴向心合迴向心不與菩提心合
若菩薩作是觀時不驚不怖是名菩
薩勤精進也又復思惟觀察甚深十
二因緣不失因果知是心性屬衆因
緣不可長養無作无繫一切諸法亦

復如是如法修行如所莊嚴我今當

勤修集莊嚴不離心性云何心性云

何莊嚴心性者猶如幻化無生无作

無有施設莊嚴者所作布施悉以迴

向嚴淨佛土心性者如夢所見心相

寂滅莊嚴者具足持戒修集諸通心

性者如鏡中像其相清淨莊嚴者所

修忍辱悉以迴向無生法忍心性者如

熱時焰究竟寂滅莊嚴者於一切善

深發精進迴向具足無上佛法心性

者無色無對无所為作莊嚴者一切所

修禪定解脫三摩跋提迴向具足佛

之禪定心性者不可得見亦不可取

莊嚴者於一切問難善能分別迴向

具足佛之智慧心性者无緣不生莊

嚴者常觀善根心性者無因不生莊

嚴者因助菩提而發趣心心性者捨

離六塵心則無起莊嚴者入佛境界

如是菩薩觀是心行繫念神通得神

通已能知一切衆生諸心既知心已

如其心量而為說法又觀心行繫念

大悲教化衆生無有厭倦又觀心行不

起盡滅變異之相不捨生死相續煩

惱正念是心知無生起成正決定如是行者不墮聲聞辟支佛地極是心勢以一念智成阿耨多羅三藐三菩提舍利弗是名菩薩正心念處而不可盡舍利弗云何菩薩觀法念處常以慧眼見一切法至坐道場未曾中失是菩薩當觀法時不見一法乃至微相離空無相无願無作无生無滅無物亦不見一法乃至微相不入十二緣者菩薩觀法見諸非法無不是法云何為法謂無我義无衆生義無壽命義無人義是名為法云何非法謂我見衆生見壽命見人見斷見常見有見無見是名非法復次一切法是法一切法是非法何以故觀空無相无願是名一切法是法我憊憊憊我及我所攝取諸見是名一切法非法是菩薩觀法時不見有法非菩提因出世道因是菩薩知一切法悉是出世得無尋大悲觀一切法煩惱結縛如幻化相知是諸法非有煩惱非无煩惱何以故了諸法義无有二性是諸煩惱無隱藏處無有聚集若解煩

惱即解菩提如煩惱性即菩提性是
菩薩安住正念無有一法可作分別
無諸障碍善能解了正住法性如住
法性即住衆生性如住衆生性即住
虛空性如住虛空性即住一切法性
菩薩觀法時依於佛法解一切法即
是佛法其心念時不生盡智無為雖
盡而亦不盡入無生智亦觀衆生不
捨假名法念處者安住正念一切諸
法所謂聲聞緣覺菩薩正覺所知一
切假名諸法盡未來際終不忘失入
法念處者說無量行親近佛法壞諸
魔衆得自然智舍利弗是名菩薩正
法念處而不可盡
無盡意菩薩經卷第五

已亥歲高麗國大藏都監奉
勅彫造

無盡意菩薩經卷第六

罪

宋涼州沙門智嚴共寶雲譯

復次舍利弗菩薩摩訶薩四正勤亦不可盡何等為四若未生惡不善法為不生故生欲勤進攝心正除已生惡不善法為斷故生欲勤進攝心正除未生善法為生故生欲勤進攝心正除已生善法安住修集為增廣不失故生欲勤進攝心正除未生惡不善法為不生故生欲勤進所謂欲者善思惟也勤精進者不捨善思惟也攝心正除者正觀善思惟也何以故善思惟時惡不善法不令入心云何惡不善法惡不善法非戒聚伴非禪定伴非智慧伴云何非戒聚伴若破重戒及毀餘戒是名非戒聚伴云何非定聚伴若毀威儀及餘亂心法是名非定聚伴云何非智慧伴若攝取諸見及餘見障尋是非智慧伴是名惡不善法善思惟時如是等惡法不令入心是名初正勤已生惡不善法為斷故生欲勤進攝心正除如上所說惡不善法心不聚集無有方所无

有住處是不善法心行斷故已覺了
故從緣生故淨故生欲尋故生恚無
明緣故生於愚癡是善思惟觀不淨
時滅於欲心修集慈心滅於瞋恚觀
十二因緣滅於愚癡如是煩惱永寂
滅者即是除斷一切假名亦復不見
有可斷者是名第二正勤未生善法
為生故生欲勤進攝心正除是諸善
法說有無量何以故无量善法菩薩
修集於是法中欲為根本勤進修集
攝心者出過善法正除者在在處處
常在善法是名第三正勤已生善法
安住修集為增廣不失故攝心正住
是諸善根悉已迴向阿耨多羅三藐
三菩提何以故善根迴向無上菩提
者則不可盡所以者何如是善根不
依三界若依三界是則損耗是故迴
向一切種智諸善根等不可得盡是
名第四正勤舍利弗是名菩薩修四
正勤不可窮盡

復次舍利弗菩薩摩訶薩四如意分
亦不可盡何等為四欲進心思惟如是
四法以慈悲喜捨而為根本是四無

量心常親近常親近故心得調柔心
調柔故得入初禪第二禪第三禪第
四禪入諸禪故身得輕軟成就如是
身輕心柔入如意分善入如意分已
即生神通若欲若進若心若思惟欲
者專向彼法精進者成就彼法心者
觀察彼法思惟者彼法方便是如意
分已具足故能得神通欲者莊嚴進
者成就心者正住思惟者能善分別
是菩薩得如意分隨其所解如其所
作心得自在隨意所往善作諸業畢
竟成就一切本行如風行空無所罣
尋舍利弗是名菩薩四如意分不可
窮盡

復次舍利弗菩薩摩訶薩五根亦不
可盡何等為五信根進根念根定根
慧根云何信根信於四法何等四於
生死中行世正見信於業報乃至失
命終不作惡信菩薩行不隨諸見專
求菩提不求餘乘信解諸法同空無
相无願之法同第一義同於了義甚
深因緣無我衆生無有分別信一切
佛十力四無所畏十八不共法如是

信已消除疑網修集佛法是名信根

何等進根若法信根所攝是法即為

進根所修是名進根云何念根若法

進根所修是法終不忘失是名念根

云何定根若法念根所攝是法不忘

不失一心不乱是名定根云何慧根

若法定根所攝是慧所觀是慧體性

內自照了不從他知自住正行是名

慧根是五根者共相續生具一切法

得受記別辟如外道五通神仙不能

定知胎中老別男女相現然後乃知

多有菩薩無信等根諸佛世尊不為

授記若成就者便與授記舍利弗是

名菩薩五根無盡復次舍利弗菩薩

五力亦不可盡何等為五信力進力

念力定力慧力云何信力是信一向

不可沮壞乃至天魔變為佛身示現

出入禪定解脫不能傾動菩薩信力

是名信力云何進力菩薩精進於諸

善法得堅固力如所得力修諸禪

定諸天及人所不能壞如本所願皆

悉成就是名進力云何念力菩薩住

諸善法不為煩惱之所破壞何以故是

菩薩正念之力能摧伏故如是念力
無能壞者是名念力云何定力遠離
憤鬧常樂獨行是菩薩雖有所說言
語音聲不尋初禪善住覺觀不尋二
禪心生歡喜不尋三禪菩薩雖樂化
衆生不捨佛法而亦不尋於第四禪
是善行四禪時諸妨定法無能為也
菩薩今時不捨於定亦不隨定而能
自在處處往生是名定力云何慧力
是菩薩知世間法出世間法无有一
法能壞是智菩薩在在所生之處一
切伎藝不從師受悉自然知世間外
道苦行難行是菩薩為教化故亦悉
現受同其所行是出世法能過世者
慧力成就故諸天及人所不能伏是
名慧力舍利弗是名菩薩五力无盡
復次舍利弗菩薩摩訶薩七覺分亦
不可盡何等為七念覺分擇法覺分
精進覺分喜覺分除覺分定覺分捨
覺分云何念覺分若念覺分能觀於
法能分別法撰集思智亦能觀察諸
法自相何等為自相觀一切法自性
皆空念如是等令其覺了是名念覺

分云何擇法覺分若能分別時了八
万四千法聚如所了法了義是了義
不了義是不了義世諦是世諦第一
義諦是第一義諦假名是假名正了
無疑是正了无疑如是等法分別選
擇是名擇法覺分云何進覺分若念
法擇法喜法除法定法捨法以智攝
取精進勇猛欲不退轉勤修力勵不
捨本意行於正道是名進覺分云何
喜覺分所修法喜於無量法心生悅
豫無有懈怠清淨樂法是喜踊躍能
除身心捨諸煩惱是名喜覺分云何
除覺分若除身心及諸煩惱離於覆
蓋入定境界令心正住是名除覺分
云何定覺分如所入定慧能覺了非
不入定是覺了法又了諸見煩惱結
縛無始无終其心平等一切諸法无
別異相能覺如是諸法等者是名定
覺分云何捨覺分若法憂喜其心不
沒亦復不為世法所牽無高无下正
住不動無有諸漏无喜無著無諸障
碍正真隨順真諦正道是名捨覺分
舍利弗是名菩薩七覺分亦不可盡

復次舍利弗菩薩摩訶薩八聖道分
亦不可盡何等為八正見正思惟正
語正業正命正精進正念正定云何
正見若見出世不起我見衆生壽命
養育士夫斷見常見有見无見亦復
不起善以不善無記等見乃至不起
生死涅槃二相之見是名正見云何
正思惟若思能起貪欲瞋癡諸煩惱
等是不名正是正思惟不思不起如
是等事唯思戒定智慧解脫解脫知
見是正思惟能思如是住戒等聚如
是思惟名正思惟云何正語凡所演
說不令其身而有焦惱亦不損他成
就如是善妙好語趣於正道是名正
語云何正業若業黑有黑報白有白
報黑白有黑白報終不敢作若業非
黑非白有非黑非白報若業能盡業
是業必作是菩薩所依止業勤修如
是諸正業等是名正業云何正命若
不捨聖種頭陀威儀不動不轉无諸
奸諂不為世間利養所牽易養易滿
常自堅持威儀礼節見他得利心不
生熱於已利養常知止足如是正行

聖人所讚是名正命云何正進若進
向邪非聖所讚所謂貪婬瞋恚愚癡
煩惱是不正精進終不為之若法能入
正諦聖道寂滅涅槃攀緣正路是正
精進修進勤行是名正進云何正念
若念不失不動於法正直不曲見生
死過進向涅槃繫心不忘不失正道
是名正念云何正定若定不乱於一
切法是菩薩如是住時成正決定是
名正定菩薩住是三昧為一切衆生
得解脫故成正決定是名正定是八
聖道悉是過去未來現在諸佛之道
是菩薩覺了已演說開示分別顯現
成就佛道舍利弗是名菩薩八聖道
分亦不可盡

復次舍利弗菩薩摩訶薩修行定慧
亦不可盡云何為定若心寂滅至寂
靜寂滅不然心常不乱守護諸根不
動不轉无有卒暴安詳靜默堅持不
失善調柔軟獨處閑靜其身遠離心
不迴轉思樂空寂阿練若處无有惡
求亦無所求非有多求正命正行威
儀堅固知時隨時常知止足易養易

滿堪忍力故心無高下能忍惡罵發
心專向善法思惟樂思惟處及諸禪
支發起慈心入於悲心安住喜心善
修捨心正入初禪二禪三禪四禪空
處識處无所有處非有想非无想處
善能思惟九次第定是名為定舉要
言之菩薩助定無量无边勤行修集
是名菩薩定不可盡云何為慧是慧
修道入於諸法無我无人衆生壽命
如是智慧分別諸陰如幻如化諸界
平等入如空聚分別諸諦皆悉明了
隨順觀知十二因緣分別諸見因果
果證所謂分別者於一切法能得正
見如實而見真見空見無相願見又
无分別故分別所謂見者亦无所見無
所別知如是見者為真實見見真實
者即得方便是菩薩如是慧見不隨
無為修行諸善心無所住是名為慧
舍利弗是名菩薩修行定慧而不可
盡復次舍利弗菩薩摩訶薩捨持辯
才亦不可盡云何捨持所修善根正
念積集所有八万四千法聚能正受
持不忘不失是名捨持又復捨持若

一切佛所說妙法一切菩薩緣覺聲聞凡夫衆生音聲善語悉能受持是名捻持設劫灾起捨命餘生菩薩念時正念捻持不忘不失如觀掌中阿摩勒果菩薩觀見一切諸法亦復如是是名捻持云何辯才菩薩所說无有滯碍所說无住所說无断所說通利所說喜豫所說捷疾如是所說皆是先業清淨果報諸佛護念諸天攝受說無錯謬功不唐捐進向涅槃菩薩成就如是辯才所有色像及衆生類辯才應機不豫思惟不豫分別善能讚說契經偈頌若至大衆刹利衆婆羅門衆長者衆沙門衆四天王衆三十三天衆魔衆梵衆在在處處自然能知衆生限量以無碍辯而為說法是菩薩如本意樂講宣法要終身不断是名辯才舍利弗是名菩薩捻持辯才亦不可盡舍利弗菩薩摩訶薩撰集四法亦不可盡何等四是菩薩知一切行無常一切行苦一切法無我一切法寂滅涅槃云何无常義无所有是无常義无所破壞是无常義我是无常義者即

無我義若法无我無能壞者性寂滅
故是名無常義云何苦義无所求故
是苦義愛染盡故是苦義無所須故
是苦義空无有故是苦義是名苦義
云何無我義畢竟无我是无我義如
無我義即是空義無所有義虛誑不
實義是无我義云何寂滅涅槃義是
寂滅義非念念滅如非念念滅即是
寂滅菩薩得是无盡智慧知一切法
相同於寂滅寂滅者即是涅槃是名
寂滅涅槃義舍利弗是名菩薩撰集
四法而不可盡

復次舍利弗菩薩摩訶薩一道亦不
可盡云何一道菩薩所得真實智慧
不從他聞又一道者菩薩獨一無有
伴侶已於阿耨多羅三藐三菩提能
大莊嚴以自力勢精進攝取畢竟自
修不假他作自以因緣勇猛之力建
立如是堅固莊嚴如諸衆生所作善
業我亦如是悉當作之及諸聖人從
初發心所作諸行我亦當行施非我
伴我是施伴戒忍精進禪定智慧非
是我伴我是彼伴諸波羅蜜不能使

我而我能使諸波羅蜜一切善根皆亦如是如是等法雖非我伴我要當行不恃於他勇猛自力獨行無伴坐於道場金剛座處壞諸魔衆以一念慧成阿耨多羅三藐三菩提我當如是覺了分明舍利弗是名菩薩一道無盡

復次舍利弗菩薩摩訶薩所修方便亦不可盡云何方便見一切法是方便發起諸法是方便為菩薩使是方便畢竟分別是方便無有齊限是方便志意常求出世間之法是方便於布施時即能具足諸波羅蜜是方便持禁戒時在在處處自在往生是方便行忍辱時莊嚴自身及菩提道是方便行精進時心无所住是方便修禪定時無有退失是方便修行慧時不證无為是方便修慈心時愍無力勢是方便修悲心時不厭生死是方便修喜心時無樂處樂是方便修捨心時發心修集一切善根是方便能修天眼為欲成就諸佛眼故是方便修集天耳為欲成就諸佛耳故是方

但修他心智為得佛智知諸衆生根
量深淺故是方便修宿命智為得佛
智知於三世無量壽故是方便修集
神通為得諸佛神通力是方便隨衆
生心是方便既自曉了復了衆生是
方便能自度已示現未度而方勤修
求於度世是方便已離煩惱示有煩
惱是方便已捨重擔示有重擔是方
便能知根量說法是方便善能誘進
鈍根衆生是方便知時非時是方便
知可行道墮邪衆生安置正道是方
便能令量作无量無量作量是方便令
損壞者還復如本是方便示現勝他
是方便示說涅槃有五欲樂是方便
已得解脫示有繫縛是方便處在生死
不墮生死是方便於諸威儀無所專
當亦不退失是方便唯觀衆生不觀
持戒及以毀戒是方便攝諸見緣不
生諍競是方便悉是音聲假名无實
是方便常行三界是方便得解脫相
行是方便親近凡夫如親近聖人是
方便不證涅槃常處生死是方便於
魔行處顯大光明無有煩惱是方便

一切是一切非是方便舍利弗是名菩薩修行方便亦不可盡舍利弗是名菩薩摩訶薩八十無盡是八十無盡若能舍受一切佛法無盡意菩薩摩訶薩說是法門品時六十七百千衆生未發心者即發阿耨多羅三藐三菩提心五百二十菩薩摩訶薩得无生法忍尔時大衆以種種華香種種華鬘種種華盖供養如來及无盡意并是經典於上空中有无量天樂自然出聲作如是言諸佛世尊於無量劫所集阿耨多羅三藐三菩提无盡意菩薩今於是大乘經中已說其義若有聞是无盡法門信解受持讀誦解說當知是人則為具足是无盡法尔時世尊以覆肩衣與无盡意讚言善哉善哉大士快說是義非但我許十方諸佛亦復如是尔時無盡意菩薩摩訶薩兩手捧衣置自頂上而白佛言世尊諸天世人當視是衣過於塔想以是如來所受用故尔時多有種種寶衣種種寶盖種種寶幡種種寶樹種種寶鬘從十

方世界自然而來覆無盡意而為供養是時寶衣幡蓋樹塲自然演出如是之言善哉善哉善男子善能說是無盡法門如汝所說我等所許

尔時舍利弗白佛言世尊如是寶衣供養之具從何處來乃出是言佛告舍利弗是无盡意菩薩初發阿耨多羅三藐三菩提心時所化衆生皆於十方已成阿耨多羅三藐三菩提是彼諸佛正遍知等知恩報恩故遣是來稱揚讚歎是无盡意真實功德并復供養所說經典

尔時大衆於無盡意菩薩摩訶薩倍生恭敬尊重讚歎作如是言我等今者快得大利得見無盡意菩薩摩訶薩恭敬供養尊重讚歎并得聞是无盡法門若有直得聞無盡意菩薩名字亦得善利何況眼見兼聞是典尔時世尊於大衆中間是語已告舍利弗若有善男子善女人學菩薩道於一切中供養諸佛學戒威儀以堪忍力盡諸衆生生死苦際精勤修集如救頭然於諸禪定一心成就智慧方

使若離此經我說是人未能具足六
波羅蜜舍利弗若有善男子善女人
聞是經典信解受持讀誦解義如說
修行我說是人已為具足諸波羅蜜
速得成就阿耨多羅三藐三菩提何
以故舍利弗若有菩薩受持此經為
他演說即為具足檀那波羅蜜何以
故於諸施中法施為勝初不忘失菩
薩之心若持此經即是持戒故能具
足尸羅波羅蜜何以故一切菩薩所
學禁戒是經所攝若於此經能堪
忍樂一切衆生所不能壞能於是
中進修忍辱即為具足羼提波羅蜜
若是經典勤行轉說身口意業精勤
修集即為具足毗梨耶波羅蜜若於
是經其心寂滅无有散乱一心定意
分別法相即為具足禪那波羅蜜若
於此經自得現智不從他聞得正行
智即為具足般若波羅蜜舍利弗若
有菩薩勤學是經若欲具足諸波羅
蜜則為不難舍利弗若有菩薩學習
此經受持讀誦如說修行書寫經卷
當知是人一切佛法已為在手四大

之性可變令異是菩薩心於阿耨多
羅三藐三菩提不可復轉舍利弗此
經典者即是菩薩不退轉印是故菩
薩當求是印若有善男子善女人親
近是印者則為親近一切佛法
今時四天王及其眷屬即從坐起合
掌向佛白佛言世尊我等四王是佛
弟子已得道迹若有善男子善女人
受持是經我等堪任為作衛護供給
侍使當於是人起如來想何以故是
經典中出諸乘故

今時釋提桓因即從坐起合掌向佛
白佛言世尊我所從佛聞无量無邊
百千經典未曾得聞如是經典分別
深義世尊在在處處國土郡縣城邑
村落有說此經者我躬當與三十三
天故往聽受并護法師益其氣力勇
猛精進正念辯才令是法師於諸大
眾得無所畏廣能宣說如是經典佛
言善哉善哉憍尸迦汝欲擁護是說
法者令得勇進正念辯才憍尸迦若
欲擁護是說法人即為擁護諸佛正
法護正法者則為擁護一切眾生

今時梵自在天王合掌長跪前白佛
言世尊若是經典流布之處我躬當
與其餘梵眾并諸眷屬捨禪喜樂往
詣彼所聽受諮請我往彼時當現四瑞
令其覺知云何為四一者令見微妙光
明二者得聞殊異之香三者令說法者
得无尋辯及正憶念所說吉祥不失章
句四者令其大眾發善欲心喜樂聽
法无有厭足以是四瑞應知梵天王
與其眷屬躬來聽法

今時第六魔王波旬合掌白佛言世
尊如是經典令我勢力一切羸劣何
以故若有菩薩聞是經典受持讀誦
為他說者當知其人即為受記世尊
如是菩薩所往之處至諸佛界當知
如佛世尊我今所有憍慢嫉妬貢高
之心以無盡意威德力故皆已摧伏
我今當護如是經典及說法者是經
所在流布之處乃至不起一念之心
而作留難何況身往故作因緣

今時佛告尊者阿難汝從今日當為
正法久住世故受是經典受持讀誦
解說

尔時阿難正服而起偏露右肩右膝
着地前白佛言世尊我今敬奉佛教受
持是經但恨不能廣宣流布如諸菩
薩佛告阿難汝且自安今此會中有
諸菩薩摩訶薩等自能護持令此經
典廣宣流布

尔時會中有六十億諸菩薩摩訶薩
應護法者即從坐起合掌白佛言世尊
我等要當宣傳此經令至十方娑婆
世界弥勒大士自當於中護持是與
及說法者世尊若佛滅後後五百歲
若有菩薩聞是經典受持讀誦當知
皆是弥勒神力之所建立

尔時佛讚護法菩薩摩訶薩衆善哉
善哉諸善男子汝等不但今於我前
護持正法亦曾護持過去恒沙諸佛
正法

尔時無盡意菩薩摩訶薩白佛言世
尊我今自以少智慧分說是經典文
字句義必不具足今於佛前及無盡
法所可成就諸菩薩等懺悔過失佛
告無盡意菩薩善男子若有菩薩得
四無所智凡所講說无有錯謬如是

菩薩得真空義分別法門乃能宣說
如是經典善男子汝今已到第一之
處成就四辯自在无碍是大乘經不
從他聞而能分別善男子汝今成就
如是住位身口意業无有錯謬何以
故菩薩所修三業成就常以智慧為
根本故善男子已有无量百千万億
諸佛世尊皆共稱揚聽汝所說无盡
意汝本已於我所及諸佛所畢竟懺
悔無有漏失

尔時尊者阿難白佛言世尊此經何
名云何奉持佛告阿難此經名无盡
意所說不可盡義章句之門又名大
集當如是奉持阿難汝應信受如是
經典何以故汝受是已所得持念倍
前千數若為他說則立佛事佛說是
已無盡意菩薩摩訶薩尊者阿難
舍利弗諸天龍神輒聞婆阿修羅等
一切大眾莫不歡喜作礼而去
無盡意菩薩經卷第六

已亥歲高麗國大藏都監奉
勅彫造

大哀經卷第一

西晉月氏三藏竺法護譯

諸菩薩所生莊嚴大會法典品第一

聞如是一時佛在王舍城靈鷲山古
昔諸佛之所遊居如來威神之所建
立其地道場諸菩薩衆所共咨嗟無
極法座天龍鬼神捷沓和等咸俱歸
命稽首為禮而於佛土宣暢德本如
來威光慕樂法門菩薩神明等入無
量無限功德如來所行成等正覺轉
妙法輪為極元首善宣開化於一切
法而得自在所度無極明曉衆生志
性所趣覩其諸根便度彼岸曉了一
切蠲除罣罣諸所止處為作佛事而
無俗業堅住於行莫能當者大比丘
衆六百万人一切人民滅除塵欲無衆
蔽罣則為如來法王之子行深妙法
其所由生不從顛倒柔軟和雅威儀
禮節而皆脩悉為大衆祐如來之道
而得親近諸菩薩衆不可稱計行無
罣罣決了普智諸通敏慧又諸大菩
薩大慈大哀興布法雲而演電明為

雨甘露滿飽衆生諸久飢渴等心一切執志如地諸所妄想倚著結縛皆已除棄泯降弘恩道品之法三十有七猶如日殿聖慧之宮明智光曜靡所不炤滅大幽冥顯示世間指其道路宣其德本若如蓮華開闔之時枯竭恩愛志深淵池興立正業具大神通遊於虛空譬如月宮炤乎夜闇所可遊行等心衆生得其志性靡不忻悅善權方便有益無損至於道誼亦無增減普現所行志若須弥堅住不動常修梵行供養三寶於諸境界無能移轉過諸世間之所有法毀訾誹謗現於一切諸佛國土而現親厚神曜遠炤志如大海其器廣大盛滿法水修菩薩行一切衆生之所宗戴猶如師子君主軍尊奉四聖諦懷於大悲心慕慈愍寂然觀察所察普顯於深妙法而無所畏壞諸外道於無央數百千諸劫究竟無抵其若菩薩行不以態倦一切諸德悉已具足其名曰普觀見無盡菩薩皆覩諸國莊嚴遍現菩薩如來種性成就無退

菩薩威儀化衆示無瞋恚菩薩無量
辯才幢英變音菩薩積累清淨金光
威神王菩薩分別光明辯解散句菩
薩生無量福積累親業菩薩如是等
類無數菩薩

於是世尊班宣法門名曰生諸菩薩
佛成正覺時十六年見諸梵行普皆
興盛覩諸菩薩咸來集會欲演如來
諸持法藏而衆開士皆悉雲至佛自
念言吾寧重增諸菩薩行使得將護
興立道行曾有經典講無蓋門如來
所為無極變化為諸菩薩大士之衆
當今進入如來境界於時世尊以佛
境界變現如來三昧正受佛適以此
佛境變現定意正受衆祐聖言上虛
空中自然高座如三千大千佛土廣
大高遠上至欲界及無色界悉佛正
行如來功德之所興化諸菩薩衆性
行清淨照於十方諸佛世界悅可无
量衆生意行一切諸天龍神宮殿靡
不蒙曜請召十方諸菩薩等咨嗟無
量名德之稱悉坐無數重閣交露或
有紫金以為牆壁吉祥藏寶以為軒

窓以瑪瑙寶而作戶牖明月藏寶以
為欄楯離垢光寶以為戶扇以普明
寶而為重閣一切衆寶而為垣障垂
諸貫珠豎衆幢幡而然錠鐶懸諸繒
蓋上好栴檀而用塗具妙栴檀可
意衆香懷來越度海中名香而用然
之龍所出寶若干種華而散其上衆
寶之樹羅列而行諸寶香鍾巍巍微
妙其所光飭普周十方諸佛世界清淨
奇妙歡悅人心普悉現於高座之中
其師子座不可稱數億百千姣而自
然現高座衆嚴廣長而峻衆所欽樂
莫不忻慶此四大域所有部界則自
然生四万宮殿而其甚高大又其欄楯
高四丈九廣二十里以夜光珠離穢
寶珠梵英寶珠懸在幡蓋而以紫金
莊飾交露出自然音從地以上乃至
高座又既崇妙自然化成無有作者
如是此四域所興變化三千大千世
界亦復如是諸有四域悉等無異皆
自然生無極宮殿於時世尊安隱寂
然從三昧起應時三千大千世界六
反震動其大光明靡所不照佛與等

薩諸弟子衆眷屬圍遶諸天在上歌詠
功德而雨衆華散諸天衣覆蓋虛空
燒衆名香空集樂器而自然鳴十方
佛國皆自然動光照無量諸佛國已
佛大神足無極變化境界無限威神
無際聖光無邊感動無底於靈鷲山
忽然不現與大衆俱諸天龍神捷眷
和阿須倫迦留羅真陀羅摩睺勒侍
從世尊欲聽經法又四天王與諸天
俱見佛世尊欲詣講經於上叉手兩
諸天華供養大聖以偈讚曰

日月之威曜 明珠天然暉 佛光志蔽之
消滅三惡趣 其明遍佛土 越須弥鐵圍
悉歸命取勝 咸各懷踊躍

時四天王從諸天人各以此偈讚世
尊已忻戴無量時天帝釋與忉利天
見於大聖欲詣大殿至高座所則施
供養雨諸天香散于佛上叉手以偈
而歎頌曰

神足度无極 顯變化無等 現乎億佛土
寂勝日以出 降伏諸魔界 普德淨莊嚴
其神足自在 稽首無等倫
忉利諸天偈讚佛已侍從世尊

時須深天王見佛欲詣宮殿高座雨
於天衣叉手讚佛

安住慧無量 普知衆生性 無著如虛空
皆遠三世事 一心入諸行 悉曉群生性
是故可奉敬 三世悉戴仰

時炎天王偈讚佛已侍從世尊

梵率天王與諸天俱見於世尊欲詣
宮殿大高座所雨天珍寶而供養佛
叉手讚曰

宣暢於經誼 觀如幻野馬 彼則無文字
何有意心像 興愍衆生 故佛讚尊法
歸知法自然 勝曉无吾我

時梵率天王偈讚佛已侍從世尊

無憍樂天王與諸天俱見於世尊欲詣
宮殿大高座所雨寶瓔珞供養佛上
叉手讚曰

顯示乎法身 十方如虛空 寂勝現色像
愍哀而開化 宣法無有色 寂勝行普平
礼法自然慧 明識一切誼

無憍樂天以偈嘆佛侍從世尊

化自在天與諸天人見於世尊欲詣
宮殿講堂高座雨天寶珠而供養佛
叉手讚曰

禁戒離諸垢 則立於清淨 勸化其高尊
定意不可動 智慧無等倫 如海無瞋恨
已度於終始 稽首得自在 神聖之足底
自然立相輪 顯修乎慈哀 從本此為先
解脫三逆跡 稽首佛德行 則以悲哀故
增加以平等 以寂然為華 解脫成其實
猶如蜂之王 勸化諸眷屬 安住如蓮華
以頭腦稽首 善建立禁戒 住於安靖地
精進之勢力 超殊无能逮 稽首正品類
甚尊不可動 愍哀為清淨 道場成光曜
智慧離垢穢 威明消闇冥 無數百衆生
咸共歸稽首 則為无極覺 頭面礼大聖
其脫門之跡 音暢於虛空 智慧馳懸遠
光明照十方 衆生華百千 今得解開彼
覺了離垢穢 稽首无所著 察之無等倫
何能有踰者 求之於十方 導師不可逮
功勳甚衆多 一切德備悉 吾今而咨嗟
其志無飽滿 阿須倫諸龍 帝主所歸礼
無數諸天人 僉共歎其德 其所讚名稱
衆多難思議 舉譽礼世尊 功勳皆流布
化自在天偈讚佛已侍從世尊
於時世尊則以無量佛之境界感動
變化為百千天人所共咨嗟詣寶高

座時佛世尊適昇高座四域宮以悉知見之一切三千大千世界諸在四域皆復如是悉知見之於時大聖坐於三千寶護高座師子之牀諸菩薩衆及大弟子亦復次坐於是大聖有三昧名無蓋法門娛樂以此定意正受佛適三昧聖體諸毛一一毛孔各出江河沙等光明威曜盡徧東方諸佛世界靡不周至南西北方四隅上下亦復如是盡照諸界遍無遺漏所照十方諸佛國土應時諸土一切地獄憊苦拷掠悉為休息畜生解脫餓鬼得安時諸衆生諸患消除不為姪怒愚癡所惑而無瑕穢苦勞之難慈心相向共相瞻視如父如母如兄如弟如子如身無異如來光明照諸菩薩諸菩薩衆承佛威神光曜之中說此頌曰

精進力無量 廣普無所住 又以精懃力
越度億載劫 十力功流布 普達於十方
釋迦文威光 廣照於一切 其欲求法誼
故徃百千土 礼佛聽尊法 而至忍世界
其在梵率天 十方諸菩薩 斯等察此光

佛演安衆生 魔塵異學衆 降以精進力
如蓮華出日 須弥照十方 其身曜無底
暉普於一切 詣彼聽尊法 寂勝轉法輪
今日無等倫 班宣無比經 十力愍衆生
故轉尊法輪 今日衆集會 廣普難可遇
篤信欲見佛 今當詣忍土
尔時光明普告十方諸佛國土說斯
頌已動諸佛國安於衆生耀諸法界
淨除一切塵勞之境滅衆幽冥蔽魔
宮殿與諸菩薩無數眷屬還迴忍土
在佛頭上忽然不現
于時東方無量功德寶福普辟世界
其佛号離垢淨光海華無断光言王
如来佛土有菩薩名首藏華諸法自
在彼光所請與十江河沙等諸菩薩
衆會眷屬圍遶忽没彼土須臾之頃
至此忍界詣寶高座住世尊前稽首
足下遶佛万匝雨夜光珠衆寶瓔珞
供養散佛以頌讚曰

十力功勲賤 皆達於十方 嗟嘆無等倫
德祚度彼岸 我等所詣土 欲聽經法故
一切聞名稱 釋師子之号 世尊為平等
離垢光普曜 如諸法無本 亦無有瞋恨

見危懼衆生 輒令得解脫 為諸法之王
如幻師善學

時諸菩薩無央數衆嗟嘆佛已各神
足力悉化作座而坐其上

南方佛辯世界無量德寶辯如來佛
土有菩薩名寶柱與十江河沙等諸
菩薩俱眷屬圍遶在於彼土忽然不
見須臾之頃至此忍界詣寶高座住
於佛前以白珠交露覆蓋佛上稽首
足下遶佛万匝以頌讚曰

世尊悉周匝 愍雨於衆生 開闢光明焰
以空無吾我 以八平正路 消竭塵欲淵
寂秘諸樹王 長育清白林 則以智慧光
化滅陰冥母 悟久夢衆生 溺沒終始流
為顯示正路 消竭恩愛池 令遶清淨眼
便度如前勝

時無數菩薩頌讚佛已各神足化變
作其座皆自處上

於時西方照耀世界普明如來至真
佛土彼有菩薩名顯音契王與十江
河沙等諸菩薩俱眷屬圍遶在於彼
土忽然不現須臾之頃至此忍界詣
寶高座住於佛前兩瑛真珠供養世

尊稽首足下遶佛万匝以讚頌曰

其聖體之行猶如虛空界所願悉清淨
劫數無有量其身淨无垢永無有衆漏
能周於十方無思議佛土所講如時雨
雷震梵妙音悅可群萌類應如志所慕
其心無所行亦無有不行所演暢諸音
出應衆生心

時無數菩薩頌讚佛已各神足化變
作其座皆自處上

於時北方衆寶錦界無量德寶光如
來佛土彼有菩薩号曰海覺與十江
河沙等諸菩薩俱眷屬圍遶在於彼
土忽然不現須臾之頃至此忍界詣
寶高座住於佛前稽首足下遶佛万
匝以頌讚曰

體色紫磨金覺施以寂然善照於十方
快普現其身其體无儔匹衆人若觀察
則滅諸欲塵忻豫長安隱取勝諸學子
瞻戴世光明其志咸忻仰如須弥頂王
皆諸神足力若干種變化不能見寂勝
頂上之威相

時無數菩薩頌讚佛已各各神足變
作其座皆自處其上

於時東南方無憂世界除衆威冥如
來佛土有菩薩名普曜與十江河沙
等諸菩薩俱眷屬圍遶在於彼土忽
然不現須臾之頃至此忍界詣寶高
座住於佛前稽首足下遶佛万匝以
寶交露供養上佛以頌讚曰

於一毛孔裏 懷無限佛土 衆生不以患
國土不迫迮 寂勝救濟行 為諸無眼目
諸佛為寂妙 識勝之光明 以一之刹土
暢無數佛國 其諸所顯現 刹土不增減
隨如應方便 大稱隨時入 普入一切變
神足所感動

時無數菩薩頌讚佛已各神足變化
作其座皆自處上

於時西南方善觀世界大哀觀衆生
如來佛土有菩薩名思於大哀與十
江河沙等諸菩薩俱眷屬圍遶在於
彼土忽然不現須臾之頃至此忍界
詣寶高座住於佛前雨妙衣服供養
覆佛稽首足下遶百千匝以頌讚曰
禁戒甚清淨 人尊如寶珠 長夜自將護
如聲牛愛尾 見於毀禁者 加之以愍哀
不自害已身 不訾毀他人 住如須彌山

意定不可動 智慧如江海 尊起於神靈
已度一切有 有為縛刑獄 化億載衆生
療其塵勞病

時無數菩薩頌讚佛已各神足化變
作其座皆自處上

於時西北方離閻冥世界光淨王如
來佛土有菩薩名光曜網與十江河
沙等諸菩薩俱眷屬圍遶在於彼土
忽然不現須臾之頃至此忍界詣寶
高座住於佛前以寶瓔珞之具用覆
佛上稽首足下遶百千匝以頌讚曰

身覺了生死 猶如幻師化 示現所感動
如幻無所有 假如師幻化 衆生皆如茲
其界不可動 衆生無自然 如人卧寐夢
覩見若干形 寤則無所見 諸色想無為
聖說法如夢 有為從念生 見有所迴轉
不退不迴還

時無數菩薩頌讚佛已各神足化變
作其座皆自處上

於時東北方住淨離垢世界空城離
垢心如來佛土有菩薩名覺無底離
垢與十江河沙等諸菩薩俱眷屬圍
遶在於彼土忽然不現須臾之頃至

此忍界詣寶高座住於佛前以常鼓
音交露覆蓋佛上稽首足下遶百千
匝以頌讚曰

明識深妙法 等解指自然 省察諸空想
一切諸所法 普知一切世 衆生心所趣
其心如虛空 清淨慧無底 群衆之所行
三世諸馳逸 一心一時行 悉知諸所有
無有衆生想 其心諦離念 已除衆妄想
善權普平等

時無數菩薩頌讚佛已各神足化變
作其座皆自處上

於時下方焰明世界深青蓮首如來
佛土有菩薩名曰辯嚴與十江河沙
等諸菩薩俱眷屬圍遶在於彼土忽
然不現須臾之頃至此忍界詣寶高
座住於佛前以明珠交露共西復佛上
稽首足下遶百千匝以頌讚曰

如億載佛土 其中所有塵 安住諸子孫
來詣於取勝 各欲自啓問 無數億千劫
則以一文宇 意化於一切 聖慧不可喻
權智無等倫 總持定無量 功德无崖底
洪勲無能限 莊宣無數劫 毛孔所咨嗟
不可盡究竟

時無數菩薩頌讚佛已各神足化變作其座皆自處上

於時上方莊嚴世界名稱如來佛土有菩薩名諸法變王與十江河沙等諸菩薩俱眷屬圍遶在於彼土忽然不現須臾之頃至此忍界詣寶高座住於佛前一切莊嚴衆寶紫金交露之帳覆蓋佛上稽首足下繞百千匝以頌讚曰

一切安住業 今顯無崖底 於心得自在
導師行亦然 獨諸佛所知 非衆生所行
如空無邊際 群衆本如此 其行無儔匹
今日顯無底 成佛轉法輪 導師滅度如
猶若有所種 法不失果實 十方諸最勝
不可稱限量

時無數菩薩頌讚佛已於佛空中各神足化變作其座皆自處上

大哀經嘆會品第二

彼時須臾之間十方菩薩悉會面現其菩薩衆不可稱限無能計會億百千數莫能稱載光明所勸集於忍界詣寶高座住世尊前時佛宴然從定意興其明晃照自然音出其自然音

普告於三千大千世界令聞其教于
時佛土信不信者已為應器比丘比
丘居童男童女與人天龍鬼神
捷沓和阿須倫迦留羅真陀羅摩睺
勒聞佛音詔身心坦然加敬悚息承
佛威神自然而有妙寶宮殿悉共趣
之須臾之間至寶高座稽首佛足遶
聖三匝各就牀檣又此光音告勅梵
天梵忍天王梵身天王梵滿天王梵
度著天王大梵天王光曜天少光天
無量光天光音天淨嚴天少淨天無
量淨天難還天淨身天用果天無捷
天於是天善施天善所施天一善天
女明之頃集寶高座稽首足下遶佛
七匝不處地上自處其座於時世尊
覩見大衆僉然來會有神光曜名曰
顯現諸菩薩力眉間演出於此光明
遶諸菩薩七匝竟已於諸菩薩頂上
而沒時有菩薩名首藏華諸法自在
過此光曜應時逮得一切莊嚴定意
適三昧已其實高座自然為佛有師
子座高八十億姪百千之尋妙寶為
足衆環欄栴妙衣敷上一切諸華以

散其上悅意諸寶以為嚴飾一切菩薩觀此緣變斷絕所慕皆令衆會自覩其明可悅一切衆生現其心意所欲求願尋時皆了無可猶豫時首藏華諸法自在菩薩復以劫嘆施諸惡趣三昧正受別化如來大師子座庠序安隱從三昧起恭恪欽敬又其十指以頌讚佛

其日光明者但矧世俗耳天帝威神德營從樂忉利其梵天尊王慕戀梵天上佛之聖威化變動界若此觀察法自由自然如虛空若幻野馬比亦如水中月諸所作所造悉為無有主曉了如誑詐見衆生清淨其心慕於色斯色何所在其心為自然所由皆不實一切雖清淨此亦如幻化其於自然者虛偽何有處能分別本淨執御心鮮潔其境從容來彼無有塵欲思想念諸念其心已脫此則見若干種幻化之所為虛空無所有從地而出生顯示國土地若干明珠寶向者為法王建立師子座當處於此座開化億衆生時立繒幡蓋大幢諸嚴飾此無所從來亦無所越至若能曉諸法

無所從來者 便能為衆生 現諸勝變化
大聖梵音聲 所演善哉快 為世巨錠燈
威神德無極 愍傷吾之故 當昇處高座
講說於經典 斷生老病死 其清淨衆生
十方來會此 各各次第坐 欲聽愍法誼
本所因發舉 願解於此慧 聖在師子座
安詳頌宣法

於是世尊見首藏華諸法自在菩薩
志性清淨即便處於大清淨法師子
之座尋時講說諸菩薩行當所立趣
又有經典名無蓋門淨菩薩道諸佛
法力成就寶身聖明屋宅於一切法
而得自在入捻持中分別解說剖判
入門大神通慧入於微妙不退轉輪
無能迴還導御一切諸定意乘入於
一乘無毀法界說衆生性根原所趣
為之唱導解發諸法毀壞諸魔入應
順法去諸塵勞六十二見開化當入
柔順之法令諸愛欲邪見亂律入無
尋慧勸衆德本普無不接頌宣權慧
皆入一切佛平等聖悉無陰蔽無處
所門所宣諸法分別如誼入於諸法
無念不念無應不應覺了深妙十二

緣起聖慧功德乃達魔天佛身口意
皆令莊嚴所念志趣智慧明達而不
可蓋入手聖諦開化聲聞曉心所歸
緣覺之律普得一切諸慧境界諸菩
薩律一切所入於法自在頌宣如來
功勲名稱

時佛講說如是比像無極法典說是
語時教化告勅諸菩薩德所願至誠
悉已具足示現如來變化感動解諸
衆會狐疑結網降攝一切諸魔之場
光顯如來訓誨之誼脩佛本業欲使
具足是故世尊處師子座宣無蓋門
於時寶幢菩薩承佛聖旨用佛莊嚴
三昧正受令普衆會致佛莊嚴建立
威神

時名聞力菩薩承佛聖旨用紅蓮華
三昧正受建立衆會一切諸華令成
法華以此衆華散於世尊一切菩薩
三昧時海覺菩薩承佛聖旨以衆香定
三昧正受使諸毛孔建立演出妙味
栴檀四明網菩薩承佛聖旨以光明
定三昧正受令一切光建立衆會靡
不蒙安五大哀念菩薩承佛聖旨以

無胸定三昧正受建立衆會瞻其如
來目不敢胸六離垢察无底菩薩承
佛聖旨以法悅定三昧正受建立衆
會慕樂正法好法志法樂以法樂七辯
嚴菩薩承佛聖旨以願跡定三昧正
受建立衆會皆令蠲除五盖之患八
變諸法三菩薩承佛聖旨以無忽忘
三昧正受建立衆會志在佛道慕如
來行九心勇菩薩承佛聖旨建立衆
會使伏諸魔及外惡害靡不從化十
降諸魔菩薩承佛聖旨以毀魔場三
昧正受適三昧已應時三千大千世
界所有衆魔其數百億及諸魔兵速
疾速疾各從宮殿忽然不現詣寶高
座住於佛前稽首足下達於世尊无
央數匝不可稱計奇異妙物供養大
聖恭敬悚息一心叉手勸助天師頌
宣經典唯願以時開化說教吾身今
日降魔菩薩威神所建故來勸助唯
天中天吾當放捨所作魔事不乱衆
生今以法故來至於斯由是大聖當
察吾身志操所趣於時世尊察魔心
念讚曰善哉善哉諸仁者等汝黨乃

能放捨魔事勸助如來令說經法緣
是之故汝等之身因此獲報皆當越
度一切魔業所以者何猶百千歲屋
室闇冥一燈入中尋即消昧如是諸
人於百千劫興發塵勞闇冥之欲一
善本心力之所變消滅衆患今無有
餘譬如諸人一日之宮一月之殿一
大寶珠一一各出光明之曜消除衆
冥如是諸人一心善本觀其修行而
念應順皆除一切无明衆冥六十二
見九十六逕衆患之難以是之故今
日諸仁來覲如來加復勸助因此德
本稍漸蠲除一切無慧愚癡之冥當
獲無極導法之門

大哀經卷第一

庚子歲高麗國大藏都監奉

勅彫造

大哀經卷第二

周

西晉月氏三藏竺法護譯

無蓋法門品第三

於是法勢王菩薩在於彼會而白佛
言唯然世尊如來境界不可思議示
現建立大聖威光令諸菩薩永無狐
疑各各修行唯當宣說無蓋之門大
會法品所以者何其大會者今悉集
此皆為菩薩一被大德鎧不可思議
二以大神通聖慧娛樂三皆有功勳
通於十方四所修清白心離垢穢五
以明解脫多所照耀六皆為諸佛所
見咨嗟宣揚功勳七於一切法得尊
自在八諸度無極起終始岸九一切
皆從權方便生十而悉消化魔業欲
塵十一降伏一切諸外邪道十二皆
能分別方便講說章句誼理十三慧
無罣碍智度無極超於彼岸十四其
意自由勇步無難遠聖持持十五建
立無蓋辯才無斷十六曉了衆生根
原所趣具足缺漏偈不偈者十七察
諸衆生從應所解而為說法十八所

宣經道除衆罪殃而無遺漏十九其
音隨時柔軟和雅如哀鸞鳴猶龍海
吼亦如梵聲二十慈愍衆生而示滅
度亦以慈愍今衆得濟二十一心常
懷執無極之慈二十二志性抱念無
蓋之哀二十三所住堅固而不可動
言行相應二十四修立法幢顯示十
方二十五其志堅強猶如金剛不可
破壞如鐵圍山二十六盡建所願不
失本誓二十七暢入深妙分別玄奧
十二緣起二十八蠲除兩際斷滅常
見一切諸見六十二疑所習連著二
十九亦如大乘群庶法王誘進牽致
使入於道三十衆庶大導將致無難
三十一從無央數劫好樂法寶合集
智慧三十二為大醫王療衆人病滅
除衆生無色塵勞蓄滯之病第三十三
法經本闕
三十四此諸菩薩大師子王所撫育
子三十五一切諸行若聽異音聞說
如來秘密之誼亦不恐懼三十六而
以相好莊嚴其身三十七皆以大哀
具足祠祀三十八其心勇猛不懷怯
弱三十九降伏四魔愛欲境界四十

喜施橋梁開寤眠寐四十一如是根
力覺意禪思解脫定意正受以善修
成所當為業四十二常以慇懃欲度
衆生四十三逮得捻持攬制一切四
十四若利無利歎譽誹謗有譽失名
若苦若樂於世八事而無所著四十五
其心得入歡喜悅豫樂愛經典四十
六頌宣流布道法之實四十七充滿
智慧倍忘道空四十八其行鮮明猶
如蓮華四十九蠲除一切諸有為法
五十其光清淨覆蔽日月釋梵暉曜
五十一悉已逮得海中三昧五十二
道御一切諸法之實五十三而於三
寶由得自在無能斷截五十四明識
解說一切諸界五十五執持諸佛經典之
要五十六積累合集無量功德咨嘆
之稱五十七造立無限功祚智業五
十八而得親近具足佛慧五十九逮
了當來無央數劫本末之際六十

第六十法
本內少

法勢王菩薩白佛言如是世尊此諸
菩薩大士之會功勳若茲我意大聖
心自念言當今世尊為諸菩薩宣無
量門大會法品諸菩薩衆所可由生

至未曾有天中之天諸佛興出多所
饒益則能悅可菩薩大士使得成具
當來菩薩德本明指其初發意菩薩
清淨行欲成者令入一乘使不退轉
諸菩薩衆具足佛法至阿惟顏一生
補虜令其果報無所遺失若有衆生
所識分明志存決定懷來因緣化使
入道其不決定當令仰入於無極哀
其有衆生永在邪見為說處所使決
其網樂三乘者因故佛興而自嚴飭
諸天龍神犍沓和人與非人世人阿
湏輪皆得蒙濟所以者何佛興出世
實為善哉如是比像至未曾有難及
希有經典之要現出於世得共覩知
唯願大聖斯等正士發意之頃建立
化變此法高座一切聲聞及諸緣覺
於百千劫所不能逮吾以是故心自
念言難及難及至未曾有此人之等
乃能施設如是色像神足變化詐以
見此當復興發聲聞之行緣覺之心
所以者何其有初發菩薩心者過諸
聲聞緣覺之衆今欲引喻譬如世尊
愚癡之子從生駿冥捨夜光大寶珠

取水精珠所見顛倒自以為是衆人所行亦復如是捨乎大乘轉求聲聞緣覺之乘若復有人至性真實發無上正真道意若已發意甫發意者亦當不久具足成就如是法要法要王菩薩說是語時彼衆會中三億百千娑天人皆發無上正真道意

大哀經莊嚴法本品第四

今時世尊觀諸菩薩皆來大會此諸菩薩皆以法故而來集此悉以執持如來妙藏宣暢菩薩諸所行住無蓋法門所由品奧修御法典復有光明名無畏辯應時眉間大人之相放斯光曜遠諸菩薩七匝已竟因復繞六搃欵王菩薩身百千匝尋入搃勢王菩薩之頂適蒙此光承佛威神遠諸菩薩百千匝其光悉照師子之座其身威儀轉復光曜光明巍巍益甚加倍踰諸菩薩搃勢王菩薩時見如來無極威變即從座起偏出右肩右膝著地叉手於世尊上虛空之中化成如來莊嚴寶蓋佛所建立琉璃為幢上至炎天瓊異琦珍帝青琉璃寶藏

殊妙而以嚴飾垂貫真珠繒絲旗幡
而為在衣紫金文露周匝繚繞覆諸
菩薩大會之衆其蓋廣長大如三千
大千世界如是比像建立寶蓋奉獻
如來雨於天華威變伎樂而自然鳴
尋時以頌而讚世尊

光明普遍靡不見 目所周悉為顯誼
諸法自在權自由 不可思議趣諸德
大聖正士演光明 其口清淨宣辯才
道光繞我百千匝 在吾頂上沒不現
如本意志所懷念 辯才照明持亦然
所知百千勝於前 用蒙人雄道師恩
其身魏魏心清淨 踊躍以時獲如願
乃知正覺慧無量 其大辯才入我身
佛實難及威無極 其羸劣者不所樂
承佛聖言今悉見 當復啓問愍衆生
諸菩薩衆行所入 等趣世間而御衆
所生光明所變處 當復諮啓阿惟顏
魔衆無量悉來會 而獨遊步上道乘
及餘志求微妙法 為是等故問寂勝
當善執持此魔場 而常諦受斯佛慧
今適是時世尊說 為衆生故開法藏
鄙身明智無不及 人中之尊慧無量

能了取勝無限智

今當啓問無極摧

世尊聖慧由自在

本於長夜所修學

普遵勢尊為法王

唯為頒宣道師行

撻勢王菩薩以頌讚佛已白世尊曰

如來境界不可思議諸菩薩行莫能

稱限吾及衆會聽察如來至真等正

覺所說經法未曾厭倦觀於衆生取勝

世尊行乎大哀故問此誼何謂世尊

菩薩莊嚴而自拔饒以菩薩行而為

應誼何謂菩薩不可思議遵法光明

離於闇冥蔽尋之患以大法門而為

清淨何謂菩薩在衆生尊第一大哀

修行慈愍成就所行不捨衆生何謂

菩薩逮佛菩薩所行諸業所尊正法

不懷惱法善哉世尊願分別說諸佛

菩薩之所行住等趣法門猶如菩薩

降伏魔衆蠲除疑網入如來界遊菩

薩境曉了一切衆生志操心行清淨

攝取佛土執持魔場從如來教而於

諸法速得自在無所蔽尋

佛告撻勢王菩薩善哉善哉正士乃

能問於如來欲善決了諸佛菩薩仁

能逮得無量如來所行了了族姓子

諦聽善思念之當為汝說如諸菩薩
行及餘菩薩功勳具足疾速一切諸
法自在撝勢王菩薩及諸大衆受教
而聽佛言菩薩有四事莊嚴何謂四
一曰戒莊嚴未曾毀禁二曰定意莊
嚴至未曾亂三曰智慧莊嚴心無蔽
碍四曰撝持莊嚴所聞不忘是為菩
薩四事莊嚴於彼何謂以戒莊嚴族
姓子知則用一事以戒莊嚴何謂一
常愍衆生心不懷害矜哀群黎一切
有命亦敬愛之莫不悅可復有二事
以戒莊嚴何謂為二一日杜塞惡趣
二曰開善趣門復有三事以戒莊嚴
何謂為三一日身行清淨而無沾汙
二曰口言清淨辭不虛獲三曰其心
清淨未嘗壞亂復有四事以戒莊嚴
何謂為四一日如所志願必果無異二
日如所約誓則得成就三日如所慕
樂必成無違四日如所圖畫則得超
至是為四復有五事以戒莊嚴何謂
為五一曰與禁戒士俱共精修二曰
習學智慧未曾懈怠三曰勤志解脫
不懷慢恣四曰修度見品未嘗休懈

五日益加精進勤尊於無上無極滅
度是為五復有六事以戒莊嚴何謂
為六一日無所毀犯亦不懷恨二日
無所歧漏亦不捐棄三日不有沾汙
無所損落四日不為瑕疵修一清淨
行五日而博聽受不從欲穢六日若有
所聽不載仰人是為六復有七事以
戒莊嚴何謂七一日戒品清淨二日
布施清淨三日忍辱清淨四日精進
清淨五日禪思清淨六日智慧清淨
七日善權清淨而無放逸是為七復
有八事以戒莊嚴何謂八一日所處
具足二日其地究竟三日所御脩志
四日性戒周密五日不被燒害得至
成就六日佛興出世得無所著七日
無蓋普達八日得從善師所問具足
是為八復有九事以戒莊嚴何謂九
一日而於聖慧無所忌懼二日有所
覩見而不怯弱三日曉了空慧四日
分別善權五日習於清涼而無惱熱
六日將護禁戒如蜂採華七日修治
其心令無情欲八日其心調和不懷
魚鱗九日逮得調定中和之地是為

九復有十事以戒莊嚴何謂十一曰
莊嚴其身具足諸相二曰其口莊嚴
言行相副三曰其心莊嚴而無瑕
四曰國土莊嚴具足所願五曰開化
衆生莊嚴志性清淨六曰所生莊嚴
一切衆惡而無所犯七曰菩薩行莊
嚴學如來行八曰聖慧莊嚴不懷自
大九曰道場莊嚴勸助衆德十曰力
無所畏不共法莊嚴立戒為本未曾
捨禁是為提勢王菩薩十事莊嚴
佛告族姓子何謂菩薩定意莊嚴定
有一事何謂一常懷慈心愍哀衆生
復有二事定意莊嚴何謂二一日修
行威儀札節二曰性行質直而無諂
飾復有三事定意莊嚴何謂三一曰
無有諛諂二曰志性清和三曰無有
虛偽復有四事定意莊嚴何謂四一
曰為人仁調而不恨戾二曰不懷毒
害見他瑕與三曰不犯禁忌致諸患
難四曰不從愚慙以趣闇蔽是為四
復有五事定意莊嚴謂去五蓋何謂
五一曰貪欲二曰瞋恚三曰睡眠四
曰調戲五曰狐疑復有六事定意莊

嚴謂六思念何謂六一日常念於佛
二日常念經法三日常念聖衆四日
常念禁戒五日常念布施六日常念
諸天復有七事定意莊嚴謂不捨道
心修七覺意何謂七一曰意念覺意
二曰法覺意三曰歡悅覺意四曰精
進覺意五曰信覺意六曰定覺意七
曰護覺意復有八事定意莊嚴謂八
正由路何謂八一曰正見二曰正命
三曰正語四曰正業五曰正念六曰
正便七曰正意八曰正定復有九事
定意莊嚴謂菩薩不捨道心常立大
哀亦無所住其心不捨一切衆生何
謂九一曰蠲除愛欲寂滅衆惡不善
之業憺怕悅安此念俱行修第一禪
二曰其人寂除思念所行其內庠序
而為專一無思無行憺怕悅安修第
二禪三曰永觀歡悅離欲之行而常
安詳其身適安猶如聖賢所說所觀
其意行安修第三禪四曰斷除苦樂
究盡往古憂感歡悅觀察於斯無苦
無樂修第四禪五曰皆度一切諸色
之想究暢盡竟性之如地不復思念

若干諸想遊於無量虛空之慧而為
修行六日過於一切虛空諸想遊無
量識諸識之慧而為修行七日皆越
一切諸識智慧不計有身不用識慧
而為修行八日皆超一切不用識慧
於有想無想之處而為修行九日皆
出一切有想無想之處悉入一切思
想所愚定意思惟以為正受以權方
便不於本際而取證也住於本願開
化衆生復有十事定意莊嚴何謂十
一曰心無所生不懷瞋恚二曰具足寂
然之行三日不捨所願四曰寂在閑
居五日不失德本六曰其心憺怕七
曰身心休息圖度計校八曰度安諸
法九曰心得自在十曰得賢聖性是
為十事定意莊嚴

佛告族姓子何謂菩薩智慧莊嚴計
有一事智慧莊嚴何謂一於一切法
而不平暴復有二事智慧莊嚴一曰
捨於狐疑二曰離諸愛處復有三事
智慧莊嚴一曰斷除愚癡二曰燒盡
無明壞諸陰界三曰永滅闇冥幽昧
之事復有四事智慧莊嚴一曰曉斷

諸苦二曰了絕諸習三曰明於造證
四曰不住由路復有五事智慧莊嚴
一曰戒禁清淨而無所獲二曰定意
清淨精度智慧三曰解品清淨遊於
衆生四曰度知見品而為清淨皆於
三世無所罣碍五曰法品清淨以用
成行復有六事智慧莊嚴謂淨三場
施度無極淨於己場身如野馬人場
清淨猶等如夢道場清淨無望報故
戒度無極淨乎三場身場清淨等如
影故言場清淨如浮響故心場清淨
等如幻故忍度無極亦淨三場棄捐
戲辭所言清淨除去冤結常喜咨嗟
若有段段支解其身觀察法身清淨
無微進度無極亦淨三場清淨無厭
好遊生死觀之如夢堅強清淨志如
金剛故無應不應清淨行者度想著
故寂度無極淨乎三場愚冥清淨退
入慧故棄捐清淨入於諸法無所著
故勤心清淨發神通故智度無極亦
淨三場四思清淨化衆生故惣持清
淨攝正法故所願清淨嚴佛土故復
有七事智慧莊嚴將護其意一曰於

四意止不起不滅二曰於四意斷身
意憺怕三曰其神足者曉了諸根四
曰其五根者降棄一切諸魔塵勞五
曰其五力者明曉諸法自然之故六
曰其覺意者無所不達致未曾有七
曰其由路者無往無來無往來故復
有八事智慧莊嚴謂不失聖慧行權
方便一曰寂然觀慧而為澹泊二曰
觀察見於諸法為澹然故三曰慧品
曉法品故四曰界品其性本行等境
之故五曰曉於諸入本無欲故六曰
明十二緣曉無我故七曰達於誠信
永無瞋故八曰一切諸法無所破壞
如寶觀故復有九事智慧莊嚴一曰
知過去事本清淨故二曰知於當來
未然清淨故三曰知於現在究竟淨
故四曰知定知了報應之誼無所失
故五曰知於未定導因緣故六曰曉
處於邪為開化故七曰知佛平等達
法身故八曰等於諸法法無欲故九
曰諸聖平等修無為故復有十事智
慧莊嚴一曰所有如夢為惑相故二
曰了如所夢思想相故三曰了如野

馬分別相故四曰了如實見因緣相
故五曰了如影見形用事合故六曰
了如呼響用雜會故七曰了於法界
無壞相故八曰了於無本不住相故
九曰了於本際無動相故十曰曉於
無為其無為者自然相故是族姓子
菩薩所行十事智慧莊嚴佛告族姓
子何謂菩薩摠持莊嚴以有一事而
為莊嚴其意常達未曾忽忘復有二
事摠持莊嚴一日懷來道誼二曰摠
攝無違復有三事摠持莊嚴一日曉
了諸誼二曰分別嚴飾美辭三曰明
誠所歸隨其方便復有四事摠持莊
嚴一日言無所著二曰無剛鞞辭三
曰所言柔和四曰無刺譏辭復有五
事摠持莊嚴一日諸所聞聲唯歸於
誼二曰曉諸身識唯歸於慧三曰一
切經典唯歸經理四曰了諸人響唯
歸於法五曰在於方俗歸度世行復
有六事摠持莊嚴一日言行相應二
曰順從至誠所言清淨三曰不懷自
大行無所著四曰無有諛諂言無所
失五曰脩於大哀如應說法六曰方

便隨品而為宣說等講俗智復有七
事一日其辯才智適發尋對二日辯
才應機三日小辯才捷疾四日辯才
無尋五日辯才無滯六日辯才無缺
七日辯才應誼復有八事摠持莊嚴
一日曉了諸天所言二日解識諸龍
音聲三日明察鬼神言響四日分別
捷杳和語五日解阿湏倫所詠六日
達加留羅辭七日暢真陀羅所言八
日識摩睺勒及諸衆生口之所宣復
有九事摠持莊嚴一日不猗無為二日
諸所修行而不怯弱三日勇猛說法
四日其智慧聖不為虛偽五日曉了
所說廣普具足六日其貢高者順為
說法七日得平正者為說質直而開
化之八日見有處者為現劫燒九日
得境界者隨其學乘而為莊宣復有
十事摠持莊嚴一日從其志操不為
衆生宜虛曠辭二日聞佛說法修習
慧明不復志慕世俗之智三日言不
可盡假一文辭耳四日其無所住為
說無處五日說於諸佛咨嗟無量六
日棄除惡趣塵勞虛辭七日說於滅

度不可稱限八日忍於衆生無寸根
本九日從佛之教十日忍於分別起
異辯才是族姓子菩薩十事摠持莊
嚴於是世尊欲重宣此誼令人重解即
說頌曰

諸大聖人有四莊嚴以此應誼
尊之上乘戒禁定意及取智慧
摠持如是明解分別為諸衆生
所見欽敬其身口意常以清淨
悉斷狐疑諸所句跡其奉戒者
以此莊嚴生天世間功勲流布
其所志願輒得成就常修正行
以行為上其奉淨戒以此莊嚴
其人得近速速定意智慧解脫
聖慧若茲親近無為歸此行者
戒禁清淨斯為莊嚴戒無所犯
禁不缺漏不弄戒法性無平暴
名響暢溢靡不宜持戒清淨者
斯為莊嚴其戒清淨布施鮮潔
忍辱清淨精進亦然一心清淨
智慧無異善權清淨亦無放逸
所住堅固強不可動逮明諦地
行不懷恨性不舒緩志常謹勅

戒清淨者 斯為莊嚴 其戒茂盛
未常退轉 其心不生 衆惱煩熱
秉意興行 未曾悔變 戒清淨者
斯為莊嚴 不忍不懷 未曾慷慨
其意寂靜 無能毀稱 其犯禁者
常被繫閉 戒清淨者 斯為莊嚴
其心修禁 功勲無極 志性仁和
斯意安調 則為已身 莊嚴相好
戒清淨者 斯為莊嚴 如口所言
身行若茲 莊嚴其口 所護莊嚴
不以欲塵 嚴飭其心 戒清淨慧
斯為莊嚴 斯人則為 莊嚴佛土
開化衆生 使入大道 此明哲者
莊校生處 以是之故 不犯衆惡
所謂莊嚴 常奉佛道 修治寂勝
於佛道場 莊嚴諸力 四無所畏
以為莊嚴 聖慧無悞 普加慈愍
一切衆生 其明智者 所見正真
無有諛諂 不懷細碎 不隨貪欲
瞋恚愚癡 志性猛毅 無有五蓋
修六思念 而無放逸 為七覺意
奉道若茲 稍漸皆惟 一切定意
親近所行 修乎寂然 善順隨時

不失衆德 住樂靜思 所察入乱
於道自在 為賢聖種 未曾猶豫
不達經典 無有狐疑 亦無沉吟
除去無明 無有愚冥 常處至誠
明識聖慧 戒清淨者 無所逮得
智慧寂上 定意清淨 順從二事
解脫清淨 不懷慢者 聖慧清淨
覩見三世 度衆為慧 曉了離欲
則法清淨 斯清淨者 不懷自大
其智慧者 此為莊嚴 智慧行施
以為莊嚴 若能清淨 於三品場
已身衆生 及修道教 如夢幻化
而無所著 以戒智慧 而為莊嚴
又復淨治 於三品行 身行口言
心念亦然 影像幻化 亦如浮響
是為智慧 而成莊嚴 則能清淨
於三品事 無能屈者 亦不動搖
普觀一切 常察法身 智慧精進
而自莊嚴 亦復清淨 於三品事
未曾懈倦 志性堅強 未常懷應
亦無不應 所以智慧 一心莊嚴
亦以三事 修行清淨 其所觀察
無有闇昧 斯明哲者 興立五通

善權智慧以莊嚴者亦復清淨
於三品事善受提持了平等誼
示衆生法亦淨佛土於四意止
志不退轉於四意斷不行二事
身心憺怕斯為神足曉了一切
衆生根原於魔塵欲永無所有
諸法自在隨順決了無所從來
及致來道是為威儀智慧莊嚴
永致湛然為寂禪定所觀察者
行無崖底曉諸陰衰修乎法品
明識諸界猶如虛空分別情入
空無所有法無吾我從緣而起
曉了真諦慧無懷恨無恐懼慧
因緣隨念於三世慧無所罣碍
明了三聚之所歸趣曉識三寶
則為一相其智慧者以此莊嚴
明曉幻化為患惑相恨從惑相
譬如若夢等如芭蕉為患惑相
諸法無會猶如影相從緣合生
如水中月亦如呼響因對而出
其法界者慧常無壞明了無本
智無所住法動無動本際常然
有為無為此無有二深要智真

清淨為道 是為莊嚴 諸佛之法
其人未常 意懷惑亂 懷來遭遇
摠持經典 而常解說 誼理微妙
而恒遊步 滅度之慧 言不平暴
亦無虛獼 口所宣傳 無有不可
諸所說音 衆當察誼 所仰聖慧
常以了了 識經誼理 靡不聞達
以歸於法 不計有人 一切諸法
度世為要 以此摠持 而自莊嚴
口所頌宣 常說至誠 口之所言
恒趣平等 有所為者 常講經典
隨時不虛 無有為事 斯人興此
說其辯才 速及三慧 常無罣碍
而無所住 隨順無失 善自莊嚴
如好華鬘 聞知天龍 所說言辭
鬼神捷沓 及阿須倫 加留真施
及摩睺勒 亦復曉了 衆生所說
此等不來 在於衆會 亦復不住
而就見之 此勇猛者 為頌宣法
則以智慧 而達知之 其自大者
見懷亂意 觀斯所說 順從應時
自大貢高 觀其所說 其懷慢者
無有瞋恚 為分別說 三乘之教

斷諸狐疑 今無結網 則得親見
佛法正真 不依仰人 智慧如是
於一切字 常曉滅盡 所分別曉
誼無質尋 咨望諸佛 無量功德
其逮摠持 以此莊嚴 毀此塵欲
所知無限 善權方便 隨時開化
曉了一切 衆生根本 諸佛所知
遠分別辯 其以摠持 而莊嚴者
斯人用此 稱名普聞 吾住一劫
歌嘆其行 不能究竟 斯功德勲
大哀經八光品第五

世尊復告摠持王菩薩菩薩有八光
明以此光明離不可思議諸闇昧修
清淨行何謂為八一日念光明二日
志光明三日遊光明四日法光明五
日慧光明六日至誠光明七日神通
光明八日奉行光明是為菩薩八大
光明於彼何謂念光明有八事為念
光明何謂八往古所造衆德之本未
曾忘失所未立德日日積功如所聞
法未曾忘失逮知誼理分別所趣不
從六界成就念門斷諸非法具足善
德觀有強心諸佛世尊所為建立護

持法城志懷于源逮一切法德諸光明是故菩薩八事光明曰所志光明復有八事何謂八志解誼理不懷嚴飭志在聖慧不懷識著志在於法不懷塵欲志在精進不懷諍訟志在佛道不懷聲聞緣覺志在微妙不懷小乘志在於佛不懷魔事志在大慈大哀未曾懷害加於衆生是為八事所志光明遊光明復有八事何謂為八所可遊行常頒宣法遊知衆生志操所念所遊之處分別辯慧所遊之處常解深妙十二緣起所遊之處有所宣暢亘無不通所遊之處曉了清淨前後增損所遊之處普備一切諸佛之法是為八法光明復有八事何謂八其明照世而為解說入於善本又為衆生演度世法為暢聖慧詔使令除諸罪之法無漏法光善宣道教不住無明及於衆漏見於生死罪福所趣觀已塵欲光明不墮滅盡而取證也其光明法善察所趣客塵之源無為法光心本清淨自然鮮潔諸法永寂是為八事慧光明復有八事何謂

為八一日八等光二日諸道跡光慧
三曰往來光照四曰放不還明五日
演無著曜六曰緣覺威曜七日菩薩
慧明八曰如來至真正覺光明是為
八至誠光明復有八事何謂為八其
墮滅盡以至誠行照曜於彼其行誠
諦第一道跡慧光照彼其行誠諦致
第二果則以照彼其行誠諦得第三
果亦復照彼其行誠諦得第四果亦
復照彼其行誠諦得緣覺果亦復照
彼其行誠諦得菩薩忍亦復照彼其
行誠諦成佛正覺亦復照彼是為八
神通光明復有八事何謂為八所謂
光明靡所不曜其天眼者觀諸色像
水寂諸響則以天耳普聞諸音所念
光明識念無央數劫往古行事本淨
光明察觀一切衆生心行如虛空無
碍光明又其神足遊步無限諸佛國
土慧光明者成無漏聖積德光明開
切衆生疑結是為八事奉行光明復
有八事所謂奉行一日遵修聖慧二
日志智慧明三日行正見明四日奉

觀察光五日照衆生性曜六曰脩其
脫心七曰無瞋恚心八曰遵修其明
令永究竟是為八佛時頌曰

以往古淨業 心初不忽忘 意習無所習
善勸無懈廢 所聞未曾忘 速得解法誼
寂然界憺怕 志強棄非法 曉了於念門
選擇所造業 懷勇者觀之 建立勝自在
守護于法城 等一衆生法 智者離諸眞
利益於群萌 速得光明曜 無疑決猶豫
志強慧自在 速成至佛道 志在於誼理
不遷存嚴飭 慧士不著想 不倚於文字
其志於法者 善調欲熱癡 有志淨善權
不諍安住道 意常存於道 不念聲緣覺
常懷微妙業 不念於小乘 思惟於佛道
不從諸魔教 常懷于大哀 不競於衆生
假使所頌宣 所遊無狐疑 隨時化衆生
所在群萌行 所遊分別辯 彼慧無罣碍
明於因緣法 無有緣起事 曉了方便慧
安住所步頂 一切能普入 諸佛所興法
世間法光明 悉知人民業 及度世聖慧
雄為智慧光 所生無罪罣 大慧修本淨
善導於道路 常宣無罪業 於漏無有漏
法光明照曜 斷一切諸漏 利潤於衆生

於有數無數 法常遊於慧 是無垢離真
遊入滅盡行 塵勞諸諍訟 其慧無蔽尋
明識衆塵欲 其心本清淨 其智得滅度
曉不起寂然 如是類無限 大乘光明業
彼於八等慧 遊達于道跡 亦曉了往來
分別於不逮 無著及緣覺 菩薩世乳護
慧皆能達此 所遊解聖賢 至誠明無量
勇猛善修行 其逮得果證 無恙識第一
其行至誠者 入寂第一果 第二三第四
逮緣覺之果 設有能加精 逮法忍平等
如寂勝得道 至誠皆照彼 又其天眼者
普見十方佛 成就於天耳 聞十方音聲
識念邨術劫 前世慧光明 隨順知他心
清淨慧悉照 遊億劫佛土 神足照十方
輕舉如虛空 逮無為之慧 功德光無底
神通益衆生 慧界無罣碍 次群黎狐疑
奉行所應誼 志強法慧光 至成明無限
則為神通光 修行聖智慧 意廣辯無底
等觀於正見 究竟無結恨 其淨於此八
斯光威無極 雖未成佛道 常行作佛事
大哀經卷第二

庚子歲高麗國大藏都監奉

勅彫造

大哀經卷第三

周

西晉月氏三藏竺法護譯

大哀品第六

佛復告提勢王菩薩菩薩有十六事
常以大哀加於衆生何謂十六於是
菩薩除見貪身衆生處在若干邪見
則為斷去迷惑疑業為說經法是為
菩薩興發大哀愍於衆生衆生處在
虛偽顛倒非常想常苦想為樂無身
想身空有淨想當為蠲除此顛倒行
菩薩於彼興發大哀為說經典衆生
處在計有吾我一切無形而想有形
當為除去吾我之事菩薩于彼興發
大哀頌宣經道於此衆生處在五蓋
而自覆蔽墮在欲瘡多所危害睡寐
無明虛偽狐疑因緣所覆不了深法
吾當為彼除諸陰蓋菩薩于彼興發
大哀為說經法衆生處在六情罣碍
眼見色而想著為文飾耳聲鼻香舌
味身觸意法而懷想著猗受文飾當
為此等滅除六情菩薩于彼興發大
哀為說經道衆生處在貢高自大憍

慢求敬是我自由咄吾志邪懷害虛
偽餘人界賤我為尊貴自說我所行
正於尊復尊經道又勝加復勢乃強
綺於容色自計有識而自放恣永無
所獲自謂成就不賢嫉賢不聖嫉聖
處於邪見想住正道吾當為此說除
憍慢貢高自大菩薩于彼興發大哀
為說經道衆生處在迷惑邪淫離於
聖路當為除邪顯示聖道菩薩于彼
興發大哀為說經道衆生處在虛偽
恩愛之著貪於妻息男女家居產業
夙夜汲汲無有懈廢當為除此令脫
恩愛菩薩于彼興發大哀為說經道
衆生處在各共諍訟恚恨不和懷結
瞋怒多所訟理當為除此闢諍瞋恚
菩薩于彼興發大哀為說經道衆生
處在惡友所攝離於善友興造惡業
當為除此諸惡知識使從善友菩薩
于彼興發大哀為說經道諸天處於
慳惜貪饕不知懈倦離於聖慧當為
除此慳惜貪饕興隆聖慧菩薩于彼
興發大哀為說經道衆生處在非誣
之業存有常計斷滅之見當今入於

深奧緣起之業菩薩于彼興發大哀
為說經道衆生處在無明愚冥猗著
我人壽命當為除去一切邪見令逮
賢聖清淨之眼菩薩于彼興發大哀
為說經道衆生處在娛樂生死設受
五陰五體之賊當為除去一切三界
之所猗著菩薩于彼興發大哀為說
經道衆生處於魔見繫縛處於思想
計是我所應與不應當今解脫魔網
繫縛依猗所著菩薩于彼興發大哀
為說經道衆人處在塞無為門開惡
趣戶故當為闡泥洹之門菩薩于彼
興發大哀為說經道佛言憖勞王菩
薩是為十六事菩薩大士興發大哀
愍加衆生也

大哀經開化品第七

今時佛告憖勞王菩薩復有三十二
事所修善業除不順教罪惡之業何
謂三十二衆生在於自大瞋寐立見
己身則以智慧而化導之使入道義
是為菩薩第一之業志樂於小界劣
之乘計吾我人則開化之入於微妙
無極大乘衆生若處非法邪見計有

身者則開化之以已所樂正法之義
勸助誘之觀於衆生戒不清淨身業
鮮潔本性和調則以此業開化衆生
見諸衆生墮于邪見六十二疑則以
正見賢聖之業化導群黎而建立之
見於衆生存在無明所念顛倒則開
化之顯示道明思惟柔順亦復自立
於清和義見於衆生遠離法行身自
修法亦開化人住於正法而復隨時
為演經義見於衆生慳吝所蓋身心
不貪一切所有皆能惠施亦能化人
惠諸所有見諸衆生犯於諸惡住不
謹慎身奉淨戒亦化於人立於淨業
見於衆生多所諍訟瞋恚茂盛身修
忍辱行慈心力亦復化人奉于慈愍
見於衆生處在懈怠多所廢落身不
厭倦勤行精進亦復化人夙夜勤力
見於衆生其心憤亂而志放逸身自
攝意一心禪思令不馳逸其意安詳
亦開化人立於庠序見於衆生處於
邪黠憍慢自大身修智慧離于愚冥
則以大智而開化之令除闇昧衆生
處於非時之行身則自壞善權方便

修正等行亦化於人權謀隨時奉平
等業衆生處於塵欲所危思想多不
淨行應在不應身已永除恩愛之源
亦以化人除諸瑕穢見於衆生而處
貪身來致刑獄繫縛之患身除貪已
衆結之難亦化衆人捨於貪身一切
顛倒見於衆生不調無寂不順律教
亦未得解身寂調定解隨律教亦化
衆人調定順律見於衆生不奉孝順
而無反復壞諸德本身承孝道亦修恩
義將護善原勸立衆人使修孝事常
念反復不失德本衆生處於里尋諸
弊順從惡教身度弊尋亦化衆人使
離里尋衆生處於非惡之教不歸先
聖不順衆祐身奉善命從明智教亦
化衆人順從舊德詔受先達衆生處
於多為無義虛偽之行汲汲忿忿身
順義理務衆德本亦復化人令勤修
行立諸善源衆人處於貧匱之行離
賢聖財身修無窮遵於七財信戒慚
愧聞施智慧亦勸立人賢聖七業衆
生處於常遭疢疾攝載四軼身修無
患安隱無欲亦化衆人使除諸病永

令無難衆生處於若干闇冥離慧光
明身修明曜化立衆人無極大光衆
生處於三界罣生生死五趣輪轉無
際身自斷除三界之著而化衆人隨
時拔去三界之結衆人處於左道之
業離於右路身修正道亦立衆人住
于右路衆生處於貪身壽命不覩患
難身不惜命見患所由亦化衆人不
猗身命察知衆難衆生處於離佛法
衆身自修德不斷三寶化立衆人隨
三寶教見於衆生捨乎正法身護經
典亦化衆人將護大典宣傳佛教立
乎正法見於衆生住遠世尊六思念
教身隨六念亦化衆人奉六思念見
於衆生從於塵勞罪福之業身離罪
塵亦化衆人使捨殃穢見於衆生而
從一切不善之法普離衆善身修善
法捨於非法亦化衆人住於正真柔
順之法是族姓子菩薩所行平等之
業當可所立能順如此則奉正真無
上大業

大哀經道慧品第八

佛告提勢王菩薩言又族姓子菩薩

之業不可稱載所以者何計如與生
貪欲諍門菩薩修業積功累德合集
衆行至初法門正使族姓子江河沙
等諸佛世界滿中衆生皆令成立聲
聞緣覺悉令此等一切衆生所立善
業不如發意菩薩功勳百倍千倍萬
倍億倍巨億萬倍不任為喻所以者
何自斷本性所習塵欲聲聞緣覺住
於緣合菩薩大士蠲除一切衆生塵
勞所住緣合故族姓子一切衆生所
可造業聲聞緣覺所立德本比菩薩
業為尊為重無有儔匹所以者何凡
夫愚人習從顛倒不順之業聲聞緣
覺亦隨緣習菩薩業者有顛倒功勳
無量以是之故菩薩大士過於衆生
越於聲聞緣覺之上於時搃勢王菩
薩聞佛所說歡喜踊躍善心生焉勸
助讚善世尊所演至未曾有難及難
及如來乃宣菩薩莊嚴菩薩光明菩
薩大哀菩薩化業唯願世尊如來至
真垂恩廣覆重複解說何因諸佛而
於衆生興立大哀大哀何所比像其
事云何以比之瑞應云何住在何所

諸佛世尊造業云何善哉世尊如來
皆知亦能普見於諸所造業而觀悉
達唯為我等而分別說

佛告提勢王菩薩諦聽善思如來當
說如來大哀如來造業所可斑宣族
姓子知諸佛世尊不興大哀亦不奉
行也所以者何諸佛世尊常加大哀
不捨衆生從無數功積累已成猶是
之故不行退轉不捨衆生是則名曰
如來大哀其哀無量不可稱計難不
可當無可容處從始至終無能稱載
所以者何如來得道常懷大哀愍於
衆生如其佛道大哀亦如是何謂如
來得至佛道無本無住乃致大道於
彼何謂而住於本已計身本立在不
識思想之源以是之故如來隨時合
成於道名曰無本亦無所住以是如
來成取正覺因此達知一切衆生無
住無本解其所處當為宣傳如此之
誼令其曉了以故如來於諸衆生常
懷大哀又族姓子道者寂然亦復澹
泊何謂寂然云何澹泊於內寂然於
外澹泊所以者何其眼者空察無吾

我亦無所受眼耳鼻口身心亦復空耳亦無吾我亦無所受是為眼空識別除此不為色逸是謂寂然耳鼻口身意亦復空耳識別除此不為諸法所見驅使是謂憺怕衆生之類不能曉了此寂憺怕使明識斯以故如來於諸衆生而懷大哀

又族姓子道者本淨亦復顯曜所謂淨者心本清淨何謂言曰其本清淨亦復顯曜所謂淨者無所著故亦無所犯等如虛空空本淨故與空合同極顯曜以故名曰本淨顯曜愚癡凡夫不覺其實反為客塵而見染汙吾當解彼本淨顯曜是故如來於諸衆生而懷大哀

又族姓子道無精進亦無不精進何謂無精進亦無不精進攝一切法是則名曰為無精進已能受習一切法者如來于彼亦無精進亦無不進則度諸瀆又如來者於流諸彼不見此跡彼岸以故名曰離此彼中如來至真皆解諸法故成正覺由是名曰為

如來也是無精進亦無不精進愚慙
凡夫亦不曉了吾當班宣令解其意
是故如來於諸衆生而懷大哀又族
姓子道者無想亦無因緣何謂無想
亦無因緣其眼於識而無所得其無
想者不見諸色則無因緣耳鼻口身
意亦復如是亦無所得亦無思想不
見諸法則無因緣是無想無緣為賢
聖行何謂聖行其於三界而無所行
是賢聖行其此無行為賢聖行愚慙
凡夫不能曉了此賢聖行吾當開悟
使分別此是故如來於諸衆生而懷
大哀

又族姓子道者無往無來現在等於
三世斷於三場何謂三場其心不退
遊於過去亦不馳騁於當來慧亦不
退念於現在事於心意識而無所住
不想過去不念當來不戲現在等於
此三則淨三場愚癡凡夫不能曉了
此賢聖行吾當開悟使分別此是故
如來於諸衆生而懷大哀

又族姓子道者無身亦復無數亦無
明識亦無耳鼻口身意識所識者無

為無數所謂無為不起不壞亦無處
所是則名曰離於三相是以無為如
其無為解了有為亦復俱然所以者
何一切所有皆為自然悉無所有其
無所有彼則無二以故無身亦復無
為愚戇凡夫不能曉了吾當開悟使
分別此是故如來於諸衆生而懷大哀
又族姓子道者無所壞跡何謂為跡
何謂無壞無本為跡其無所住曰無
所壞界則為跡無我無壞本際為跡無
動無壞空則為跡無獲無壞無想為跡
無念無壞無願為跡無處無壞泥洹為
跡無毀無壞是無壞跡愚戇凡夫不
能曉了吾當開悟使分別此是故如
來於諸衆生而懷大哀

又族姓子道不從身而成正覺亦不
從心所以者何身者愚戇如草木牆
壁瓦石影譬心者如幻其以身心覺
了如此是名曰道假有言辭而言興
盛又其道者無有言辭亦無身心法
與非法無道不道無誠無欺所以者
何道者無言於一切法而無有道何
所是處其於言辭而無所說猶如虛

空無有處亦無所住無有言辭道亦如茲則無所住亦無文辭如是其於諸法審實求道則無文辭法亦無言若能曉了諸法無言是為諸法之所生也愚慙凡夫未能曉了吾當開悟使分別此是故如來於諸衆生而懷大哀

又族姓子道者無取亦無所依何謂無取而無所依斷於眼識而不受色亦無所得不依耳鼻身口意斷無識者亦無所受亦無所得諸法無獲是謂无依如來以此無受無依懷來於道致取正覺眼於受色不以為依識不退從耳聲鼻香口味身更意法亦無所依識不退從已不住識則能分別此一切衆生心之所處何謂衆生心之所處衆生心處則有四事何謂為四一曰色心之處二曰痛痒三曰思想四曰生死之處所彼於處所而無所住如來明此於無住際愚慙凡夫不能曉了吾當開悟使分別此是故如來於諸衆生而懷大哀

又族姓子道者則空謂空者道則為

之所以空者諸法皆空如來於彼達
無本空解一切法而致正覺空亦復
空故成正覺以此一慧則別空事彼
則無二其無二者空與道慧則無有
二已無有二法則無二已無有二則
無有名無想無底無行無所流布所
可謂言所依受者是為歸趣非真諦
誑何所有法而逮色者空者曰空猶
如虛空所言虛空虛空無言故曰空
空無言亦空諸法處所為若此也至
於無名不言有名如是无慢無言處所
亦無所處已無慢說無處所已名亦
若茲所說法者又計彼法無有言教
亦無不教一切諸法亦復如斯生亦
復然無正無邪如來無生曉了無本
如來所知所解脫者不解不縛是謂
平等愚慙凡夫不能曉了吾當開悟
使分別此是故如來於諸衆生而起
大哀

又族姓子道等如空其虛空者無等
無邪道亦如茲無等無邪計於諸等無
成道者彼無有等亦無有邪如來以
此無等無邪解一切法而悉無本成

最正覺又於諸法而不受正亦不受
邪如其法數慧數亦如承佛聖旨何
謂佛聖法有所受者故曰為有是則
歸趣無所受者斯無所有則無有主
以是自然而得逮成離於自然後無
遊行亦無有進亦復無退是謂進行
有所除斷如來說法斷如是行愚戇
凡夫不能曉了吾當開悟使分別此
是故如來於諸衆生而懷大哀

又族姓子道如真跡何謂真跡計如
道者色復亦如無本不退又如道者
痛想行識亦復無本而不退轉又如
道者地水火風其種亦如而不退轉
又如道者眼種色種及眼識種耳鼻
身口意法雜種亦復無本而不退轉
諸法所絕使了三際種諸入如來于
彼覺了真諦而成正覺所曉了者不
從顛倒又如去本中後亦如其無本
者而不退轉其本種者則無所生其
他種者亦復無為中種澹泊是則名
曰如真諦跡又如一事一切亦如如
一切事一事亦如如一事者衆多亦
然而不可得是為真諦愚戇凡夫不

能曉了吾當開悟使分別此是故如來於諸衆生而懷大哀

又族姓子道者入室則入無室何謂為室何謂無室修行一切諸德善法是曰為室於一切法而無所獲是曰無室所以無室心無所住無有處所故曰無室無想三昧至解脫門故曰無室觀察想念稱量計校越度稱量故曰有室其無識業是曰無室觀察有為故曰有室觀察無為此則無室察於無為是則無室得入無室則為道矣愚戇凡夫不能曉了吾當開悟使分別此是故如來於諸衆生而懷大哀

又族姓子道無穿漏亦無所受何謂無漏何謂無受離於四漏名曰無漏一曰欲漏二曰有漏三曰癡漏四曰見漏離此四漏所謂無受離四事受一曰受欲二曰受有三曰受見四曰受戒離此四受彼此四受悉歸無明恩愛所纏依倚於內從內發起如來至真除于內受所生根本於內清淨歸趣一切衆生清淨其內淨者彼無

想念已無想念除於顛倒唯念柔順
不住無明已不住無明則不復住十
二有數已能不住十二有數則無所
生其無所生彼則寂然其寂然者彼
則無誼其無誼者乃第一誼其第一
誼乃為究盡其究盡者彼無人誼其
無人誼無所獲誼其無獲誼則如來
道是十二緣已了十二則曰法誼其
法誼者是則名曰覩見緣起其覩緣
起則見於法其見法者則見如來如
是觀者則無有本性極本末有見想
乎何曰所有於諸所想不興因緣此
謂於想而無因緣如是察者乃為正
覺如來所解如是像法普行平等其
所等者亦無偏邪如是平等無有諸
漏亦無所受愚戇凡夫不能曉了吾
當開悟使分別此是故如來於諸衆
生而懷大哀

又族姓子道者清淨無垢無染何謂
清淨無垢無染空則清淨無想離垢
無願無染無生清淨無汙離垢無起
無染本性清淨解脫無染無遊逸則
清淨亦無輕戲為離垢寂調則無染

無本為淨法界顯曜本際無染虛空
清淨虛無無垢懺惚不染除內為淨
於外無逸則曰無垢無內外行則曰
無垢不習諸入則曰無染慧盡過淨
了淨於當來不起無垢分別現在住
於法界則無所染是謂清淨無垢無
染而平等御於一法矣至寂然跡其
寂然者則為懺怕寂然懺怕是謂人
和是族姓子猶如虛空道亦如之如
其道者法亦如之如一切法衆生亦
如又如衆生國土亦如如其國土泥
洹亦如如泥洹等見於諸法究盡寂
然此已辯矣於諸部黨而無部黨是
為清淨無垢無染如來於彼於諸色
像了一切法而無色像遂成正覺觀
於一切衆生之界無淨無垢於此諸
數是則名曰悟寐衆生而懷大哀如
來則以善權方便感致梵天不以無
請而轉法輪於彼應時六万八千梵
天之衆自於天宮忽然不現在波羅
捺鹿苑之中住世尊前稽首足下勸
請世尊令轉法輪唯願大聖班宣經
道若說法者多所救濟梵天今時歟

正使諸法	寂然憺怕	清淨無繫
無垢無染	既不可獲	無音無作
則以道慧	寂勝悉了	於無數劫
造立愍哀	勤行難量	精修長久
欲得開化	衆生迷惑	睡眠未久
大愚所蔽	衆生多有	曉了積德
本以曾修	故誼寂勝	必當識別
殊異尊法	唯願如來	時轉法輪
已得攝伏	魔所處場	尋時開闡
於甘露門	為衆廣演	賢聖句跡
唯願導師	顯示道廷	假使正覺
矜哀無盡	垂愍衆人	轉無思議
我身今日	勸請至尊	唯聞寂上
道法之輪	設使大聖	懷乎恩慈
猶拘郗鎗	佛講說教	亦如迦葉
轉其法輪	唯願世尊	頌宣經道
譬如天雨	多所潤澤	生於藥草
及茂五穀	以大哀雲	普周世間
如來為雨	正法之水	從始生時
口宣妙言	聖自發生	當度衆生
羣庶悉集	渴仰飢虛	唯以法味
除其清渴		

佛言如是族姓子其梵天王勸請如
來慇懃若茲又佛正覺不捨大哀在
波羅捺仙人所止花園之中尋時即
轉無上法輪沙門梵志諸大魔神梵
大王世人所不能制所講經道出非
常音告於三千大千世界比丘拘輪
晉言本際 第一解法於時世尊宣乎
讚頌

深妙不可獲 第一無所作拘輪解本際
不懷於結恨

如來說此法輪之經不可稱計無央
數人衆生之類受教隨律見於如來
興闡大哀無量無限難不可計會羣
黎之黨皆發無上正真道意是族姓
子諸佛世尊以十六事愍念衆生而
懷大哀常以慈愍未曾忽忘彼亦無
業不懷恐怖如來所修無極之哀不
可稱載為一人而造立行江河沙
劫忍在地獄初不退還以是方便使
諸衆生隨律受教賢聖之法以此比
像如來至真為諸衆生各各一一受
形命者為一人各各恒河沙劫忍於
地獄勤苦之患欲使衆人隨律受教

入賢聖法如來不以懈倦而狀不達
大哀族姓子知諸佛世尊愍哀衆生
魏魏如是常懷大哀又族姓子諸弟
子衆聲聞種類志懷恐懼其所愍哀畏
怖如魚慈猶肌膚菩薩之慈猶如骨
髓諸佛世尊懷無極哀常當勸助未
於佛慧化聲聞哀令入道心奉菩薩
哀諸佛世尊決於道慧故懷大哀聲
聞哀者察於慈心瞻察開化為菩薩
哀究盡啓導為佛大哀默造立行為
聲聞哀精勤轉上為菩薩哀超越諸
行為佛大哀是族姓子諸佛世尊而
於衆生常懷大哀一劫百劫十億萬
劫為一人故住在世間劫數難計不
可稱載而於泥洹不永滅度也必當
濟之故族姓子當解知此其佛大聖
如來至真在於衆生而懷大哀
大哀經宣劫世品第九

佛言族姓子乃往過去久遠之世不
可計會無能稱載長遠懸曠不可議
劫今乃有佛名栴檀香如來至真等
正覺而出乎世世界曰香土劫号上
香其佛壽命千二百六十八萬六千

歲其聲聞衆亦八百六十八萬六千
人諸菩薩衆不可稱限其如來至真
有一毛孔所演妙香熏周三千大千
世界其熏巍巍資美難量彼佛世界
曾無穢氣其土所有牆壁樹木山陵
谿谷所有形色以如來香皆被蒙熏
香氣芬馥不可為喻以故世界名曰
香土其有人衆生彼佛土皆悉被荷
如來聖香使身口意不被殃疊若有
出家在其佛所作沙門者聞此妙香
皆得四禪其土已更曾與千佛悉同
一字号曰栴檀香以故其劫名曰上
香栴檀香作佛事竟然後乃當取般
涅槃臨滅度時察衆生界何許是人
吾應當化令隨律教則道眼見有想
無想天而有所化異人宿世曾以殖
衆德本志在微妙佛應所化在彼天
上八万四千劫在於彼竟乃生人間
無有欲塵聞大衆德當發無上正真
道意志不退轉時栴檀香如來至真
以權方便懷抱大哀故示因緣告諸
比丘今是吾時當般泥洹欲取滅度
於時其佛興隆大哀有三昧名曰無

獸定意正受現大滅度然後廣布舍
利靡不周接其正法住千八百四十
八萬四千歲斯法開化多所救濟當
余之世無有像法彼佛世尊以三昧
力等以神足建立神聖八萬四千劫
在彼沒形而不自現如是族姓子於
八萬四千劫多所開化其彼天人在
有想無想天竟八萬四千劫壽已還
生人間生尊者家年適八歲是梅檀
香如來至真乃從三昧起在尊者家
顯佛身形住諸子前又其家中餘人
不覩八歲童子獨見之耳其童子者
曾志大乘如應說法演家患難咨嘆
大道不可稱載于時童子至心淳和
發於無上正真道意尋時得成不退
轉法佛見彼心則授其決過七萬二
千阿僧祇劫當成無上正真之道為
寂正覺名曰寶上如來至真等正覺
明行成為善逝世間解無上士道法
御天人師為佛衆祐其餘人者不聞
授決獨此童子一身知耳本應器故
時万二千天子聞所授決淑淳一心
發無上正真道意各自興願寶上如

來成正覺時吾等當生於彼佛土其
佛所說必當如願生乎彼土寶上佛
所時栴檀香佛授諸菩薩剎已乃就
泥洹而取滅度諸天人民供養舍利
故族姓于諸佛世尊大哀具足巍巍
若斯非聲聞緣覺地所能及又族姓
于諸佛聖教若斷絕時故尋復續立
諸天中天所發衆祐其等功德益加
熾盛所化轉茂至不滅度思報功祚
終不相違而亡失也如來講此大哀
誼時於大會中三分江河沙等衆生
之類皆發無上正真道意減半江河
沙等諸菩薩衆逮柔順法忍江河沙
等諸菩薩衆成立大哀逮得摠持如
佛世尊又其法忍名阿惟顏逮成此
忍于時衆會聞說此言歡喜踊躍善
心生焉俱共咨嗟世尊之德便雨天
華供養世尊樂器自鳴當是之時
莫不亘然

大哀經處處品第十

佛告族姓于何謂如來所作事業如
來事業有三十二何謂三十二則以
佛無上之慧處處如有知非處處如有

知有限無限有為無為靡不通達彼
何謂處何謂無處所言非處無家救
濟身行惡口言惡心念惡欲得可意
所欲必獲歡悅之報生於善處未之
有也所謂處處如有所望得護身行
善口言善心念善欲得可意歡悅安
隱恩德之報歸於善處此事必果其
慳貪者欲得財富犯於禁戒而作衆
惡望生天人懷毒瞋恚欲求端正懈
怠得道其志迷亂眩惑放逸欲入寂
滅其懷邪智馳騁不正欲得壞除星
導正處懷來真正此不可果施望大
富持戒生人忍辱端正精進得度禪
定入寂正慧聖達蠲除望導所止之
處此事必果又復豫知其犯逆者心
不存定禁戒清淨心常寂然如行顛
倒不能逮得柔順法忍如篤信空逮
得法忍如狐疑者心不休息如除結
網心得止息知於女人不以此身成
轉輪王天帝梵天魔王之主在世尊
前佛知於女人轉女形已成轉輪王
釋梵魔天在世為佛如轉輪王以正
治國慈愍萬民不行邪惡民知轉輪王

不行枉擯以邪治邦侵恣万民知懨懨單
越人終不犯惡墮苦地獄知其域人必
生天上快樂之處知殺生者欲得長壽
盜竊不失姪姪化生妄言求辯醉酒不
乱兩舌求和惡口咨嗟綺語求名瞋
求好顏諍頌求安邪見望度此事未
果慈人不殺欲望長壽清廟不盜欲
望不失貞潔不姪忠信不欺聖慧不
醉不闕彼此言和不虛辭質不飾忍
辱不瞋放捨不貪正見不邪必得長
壽財安不失妻息貞良口氣香好黠
慧講誼眷屬和睦衆人讚揚聽採其
言財寶豐饒莫不瞻顏世世識道此
事悲果豫知八等不得不至於果證
也知得果證得入於時知於道跡不
復往來八反生死又知往還不復三
反而周旋知於往來二反周旋棄於
五陰而取滅度知於不還不復還反
歸於此世知所在處而取滅度知無
所著不復牽連而有處所知無所著
無餘終始知賢聖士不捨佛道歸於
異學知賢聖士當歸命佛不信外道
又豫觀知菩薩逮得不起法忍終不

退轉還就小乘無所從生法忍菩薩
必成其道不復迴還豫知菩薩坐佛
樹下不成正覺終不起也坐於樹下
成於無上正真之道必果不疑豫知
如來道慧廣遠而無罣罣欲求如來
慧不通達而有蔽罣未之有也欲令
如來聖慧損耗而不周普未之有也
世尊道慧懸曠周接靡不通達豫知
假使有人欲見佛心未曾有也如來
心者天上天下無能見者知天上天
下欲見佛頂無能堪任觀佛頂者豫
知如來常定心未曾忘普見一切衆
生所念豫知佛心未曾罣罣心常一
定見於本際預知世尊從本已來而
無有失所說至誠言滿十方常無口
過預知欲求世尊使有闕漏諸佛大
聖身行清淨超明月珠日月釋梵虛
空清淨無能及者佛天中之天道慧
超殊巍巍無侶不可為喻是族姓子
如來處處力無限量所說無際所暢
文字真諦無欺佛於是頌曰
地尚可擘裂空無動使動欲使佛所說
無能今有處丈夫尚能化令空為五色

世尊所說處無能令有處佛之所宣暢
上下并中間一切悉至誠莫能令不及
若說非處處上下及中間此事悉真正
終無有變異曉了其處處而為講經法
是故實無虛悉見心志性異學外道士
所在皆馳逸用不達處處佛正覺無此
其知處非處隨時度衆生諸佛名稱廣
尋為說其處衆生無應器佛亦觀於彼
隨時而觀察以何能將養是為第一業
諸佛殊勝道所作無殃疊則以度衆生
無量不可計說處及非處是為大仙力
外道無能逮
大哀經卷第三

庚子歲高麗國大藏都監奉
勅彫造

西晉月氏三藏竺法護譯

了三世品第十一

佛復告族姓子如來別知當來過去
今現在諸所行業所在因緣處所報
應去何別知於是如來悉解過去所
可作者諸善報應若不善事當來所
作善不善事報應之方現在所作亦
復如是當來之世兩當所作殃暨功
德當悉分野如來悉知當來所作與
衆殊特當來所作方損耗者當來所
作有增益者如來悉知假使現在所
立造業而有增益於當來世而復損
耗如來悉知設於現業如有損耗復
於當來亦復折減如來悉知若於現
在有所增益於當來事亦復增益如
來悉知若於過去修習瑕疵卑賤之
業於當來世又習微妙正士之業如
來悉知其所行者因薄少功報以大
德或行大業殊異之德致超異功不
可稱載或以聲聞之故而有施與或
緣覺故或佛道故因其施與如來悉

知若於現在所遭苦痛若過安隱若

現作安或現得苦或現在作惡尋遭

惱患或現作惡未來致樂或現作善

輒獲安報如來悉知一切衆生過去當

來今現在罪福因緣所致報應此皆

如審而無有異罪福之應亦無殊別

如來悉知以知之故則為如本而為

說法是為如來第二之業佛於是頌曰

如來曉因緣 明眼別報應 三世無罣碍

知衆生所行 因當報安樂 福趣天世人

緣其致苦患 安住悉知之 善惡所造業

因獲其果實 安住亦了此 如明珠在掌

或為少事業 所獲無限量 是廣若薄淺

佛悉知本末 或為聲聞施 若住緣覺乘

立於寂勝業 安住悉知之 所因造苦行

或復成安樂 從樂而獲苦 因復住於業

或復苦惡行 反成住於樂 或有行善惡

報以苦勝患 或從苦致苦 從樂而作樂

罪福為自然 佛悉知報應 三世所展轉

衆生因緣報 佛了以聖慧 不虛無有異

大哀經了衆生所品第十二

佛告族姓子如來曉於衆生他人異
種所好不同志學各異於脫未了悉

知如審云何知之或時有人住於貪
欲志好恚脫或復有人住於瞋恚因
貪欲脫或復有人住於愚癡信欲恚
脫如來悉知或復有人住於善德好
不善脫或復有人住於不善志信善
道如來悉知或復有人專精下劣信
微妙脫如來悉知或復有人專精微
妙志好解脫或復志好專精下劣住
於殊特超異之誼或復住在殊特專
精墮在下劣所可好信亦在邪業不
決了界或復信樂在不決定成於正
業或有好樂向正定門而得解脫如
來悉知或有信樂當度欲界或因信
樂得度色界或有好信超于三界或
從信喜耗減緣致殊特或好殊特致
於損耗如來悉知所可生處其色若干
財業各異所受不同所信樂致頂相
或得住限如來悉知如其心所知輒
為說法令斯得解是為如來第三之
業佛於是頌曰

世間志不同 意所好各異 志操不可限
佛悉知無際 佛知志所趣 或之於信樂
住欲瞋恚貪 或住怒愚癡 或住癡而欲

住於善不善 所行持不持 安住恙知之
因下劣微妙 志性好幽玄 或從殊異業
專精信解脫 或從信下劣 因致上微妙
或從超殊行 便獲下勝智 猶邪不決了
從不了正受 好信度三界 佛知志所樂
所生色若干 其在中各異 從頂異發相
因信得解脫 三界諸衆生 佛恙知說法
隨其應得受 是為十力業

大哀經号衆種類品第十三

佛告族姓子如來恙知世間衆類若
千種形不可計身云何知之其身所
為積於罪疊如來恙知若以其身積
累功德如來恙知若以其身種于穢
惡致無擁護不獲濟界如來恙知又
如來者恙知境界眼界色界眼色識
界了其本末根源所起云何知之其
內則空於外亦空內外亦空耳鼻口
身意亦復如是意法識一切諸界了
其本末所從出也云何知之內空外
空內外皆空地種水種火種風種亦
復恙知云何知之了如虛空是故知
之亦知欲界色界及無色界云何知
之知從想念而致注此有為界無為

界知有為界無行為想知無為界不以非行而造想矣知塵勞界因從客塵致欲之相知瞋恨界其本清淨鮮潔為相知於行界從不順念無明為相知泥洹界因從順念顯明為相世間衆人身所荷界為如是也所可住界所催迫因界現儀專精其界從志性界因界而生由界而生如來悉知隨其所知而應說法是為第四之業佛於是頌曰

其人中師子 皆曉了諸界 於斯世間人 從身之所行 其界所興起 廣普不可限 安住一切智 根源所從出 罪福所從生 諸身所因出 由緣所可歸 及身之所生 由是界所立 因得脫諸種 咸知如是身 寂勝為大聖 眼種亦如是 色種并意種 寂勝悉知空 本淨無憂感 耳鼻亦如斯 舌種及身界 其意法諸種 當知悉為空 地水火風種 此諸界適等 其中師子 等解如虛空 欲界亦如此 色無色界然 別知是諸界 因思想成立 佛知因客相 起欲為自然 安住解瞋恚 亦復為本淨 分別覺於此 諸行及無行 又復計泥洹

則無有三想 所因界出相 猶從不解明
一切所因出 如巧師合散 是世身無數
其形為若干 佛食曉了知 不自念我知
猶如於虛空 十方無邊際 其中師子
普知諸境界 彼取勝聖慧 極上無崖底
衆人所不及 不能知滬際 是為第四誑
聖久離垢穢 善明識諸界 因開化衆生
以律啓悟意 所作罪福業 不復起瞋恚
其志悉有別

大哀經曉衆生根本品第十四

佛告族姓子如來悉能曉了他人衆
生諸根精進云何曉了知於衆生軟
劣根者若中間亦復有人諸根通利
若殊特根若下劣根所因其根緣荷
思想其根本際而興情故從瞋恚際
起愚癡原如來皆知諸根想念為何
等類雜碎之穢起婬怒癡如來至真
亦悉知此諸根想念為何等類其婬
怒癡因緣諸根而有所為從不善緣
而有此根或從無智而有此根或從
諸念而有此根如來悉知又復如來
知眼諸根耳鼻身口意亦復如是男
根女根命根樂根苦根歡根忍根觀

根信根進根意根定根慧根無異根
所當知根悉知此根其根所由眼根
因緣耳根所住鼻口身諸所根本有
所立處如來悉知因耳之緣而有鼻
根之所立處從鼻因緣有立舌根從
舌因緣而立身根從身因緣立於眼
根如來悉知何所衆生因從施根而
致應戒如來悉知此等諸根增減進
退各為分別演布施事或有衆生因
從戒根而行布施應戒如來則為演
戒本末或有衆生從忍辱根而應精
進如來即為演忍本末或有衆生從
精進根而應忍辱如來則為演其精
進之本末也或有衆生因一心根而
應智慧如來則為分別禪思或有衆
生從智慧根而應一心如來則為分
別解說諸根增減進退之原宣暢智
慧根力覺意八由正路三十七品亦
復如是具足周審演其本末靡不究
暢各為一切而今判了或有衆生從
聲聞根學緣覺乘如來知根演聲聞
乘或復有人從緣覺根學聲聞乘佛
知此等諸根所趣則為解說緣覺之

乘或有衆生從大乘根學於聲聞緣
覺之乘如來悉知此等諸根之所歸
趣而為斑宣大乘之業或有衆生各
緣異根而學大乘如來悉知此等諸
根各各別異則為解說無修行根衆
生之徒不能修根不應法器如來見
此不應器者因令學觀或人修學根
順應器如來觀之懷來應器則以恐
懃為說經道是族姓子如來悉知一
切衆生他人身根及其異身諸根所
趣所念不同識其本末若不念者曉
知諸根從其比類知諸人根志操所
應因緣所為而可化者方便從誼坐
起經行進退之誼咸達其根如來悉
暢靡所不通而為宣經是為如來第
五之業佛於是頌曰

智根廣無極 了衆生志性 其根為何類
寂勝悉知行 下劣中上妙 諸根佛所知
無等倫如是 從所應解意 其際欲惡塵
其根若薄勘 若復性平暴 假使懷魚鱗
勝知之何因 曉了其本末 其不善無別
所依當解脫 徒眼意男女 亦復曉眼根
苦樂及歡悅 何徒致憂惱 所因觀義道

精進意慧定 及知他餘事 意勇復如是
眼因緣耳處 成致鼻耳舌 因身至因緣
得興立眼耳 施根志戒禁 為說布施事
戒根學布施 為說戒法誼 忍根現精進
為演忍辱事 精進現忍辱 為宣精進事
從智根致禪 為人說智慧 從精進致忍
為人說勤力 從禪根致慧 為人說禪思
從慧根致禪 為人說聖智 其聲聞乘根
而至於緣覺 寂勝演聲聞 為捨緣覺義
若志緣覺行 學習聲聞行 佛便捨聲聞
為講緣覺事 其根在尊業 斯人學下劣
佛說度無極 分別捨緣覺 見處處有行
勝觀為分別 降以純熟根 十力為解說
衆人以何緣 諸根所應行 知其志性趣
報應之所為 從其盡諸根 如坐成實本
自以智慧明 是世尊分別

大哀經普遊品第十五

佛復告族姓子如來皆知普由一切
靡所不達密如有知去何知之衆生
必救於真諦界知衆生界或在邪業
矣悉復分別此群生界必定不定處
於邪事報應之力彼亦如是其衆生
界必在決定前世宿命報應之果致

此功勳明識精勤諸根通利應當被
訓如來則為廣說經典此等之類於
賢聖說當為應器如來則觀宿本緣
迹尋為如應為演經道衆生之界在
不決定存因緣力為教授相宜以戒
度尋為訓誨如應禁戒不得解脫不
致濟度如來則為誘入無本因緣報
應應病與藥若從如來聽聞經典奉
順道教便致德果諸佛世尊由此等
故興出世間衆生沒溺永在邪業未
立德本意劣弱頗不為應器如來至
真為講經道其不應器令得解脫如
來觀此不應器者觀察護之以是之
故菩薩大士被引摺鎧而救濟之又
復如來則以三事了貪欲者世尊或
以貪欲人故而興出矣又以貪欲而
見繫縛欲令出家故興出矣或以宿
命貪恡緣故而為興出又知瞋恚復
有三事或以瞋恚而見繫縛思想之
故故興出世或有所願不具足故故
興出世或有宿世陰蓋所纏故故興
出世知其愚戇當有三事或有愚戇行
無明事或有貪見身故或有沉吟之

故如來悉知又如來知則以苦行了
本神通諸根明者因從苦行加痛致
神通懦劣根者以安隱行速成神通
根通利者以懃苦行成神通定懦劣
根者亦因加痛而致神通以捨因緣
行於調和了別神通不信於道而不
休息當本加杖令成神通佛悉知之
心性不和其行促暴知疾可化令致
神通使無闇冥而歡喜悅或有行者
因集道力使具足成如來所知不復
勤學或有所行從修道力而具足成
不因集力或有所行不因集力不行
道力而具足成或有所行從合集力
亦行道力而具足成如來悉知或有
所行志性和雅其行不應如來悉知
或有所行應機成就性不和雅或有
所行性不和雅所行不成或有所行
志性和雅所應成就如來悉知或有
所行其身清淨心口不淨或有所行
口言清淨身心不淨或有所行身口
心淨或有所行其身口心俱不清淨
如來悉知如是之類所可行者因緣
報應所可依倚所從出生一切衆生

之所行者如來。志知慧無損耗普達
悉見是為如來第六之業。佛於是頌曰
其有因行者。如往志知之。決定之種類
識別衆生界。其不決定者。所行動虛偽
不應器如是。隨邪見之業。其貪欲行者
則有三因緣。瞋恚行復三。愚癡亦如是
斯塵欲之界。無量雜種類。世尊志知之
所行因緣應。所行勤苦事。謂意聰達者
其懦劣之根。亦復當如是。諸根通利者
因行安隱來。世吼志護知。如是等無異
而行調和者。而住寂清淨。則以因此故
速得致清淨。亦疾成其行。究竟道調和
亦復加疾使。寂然尋歡悅。合集諸所行
積累其功德。或不以行道。而達於道慧
或有從行道。而獲於成就。俱知其二事
從殊特行成。或有修行者。志性而和調
或有應所行。而不順應行。有大人之行
兩事俱清淨。佛普見一切。無所不曉了
或有人作行。其身修清淨。其所言心念
而不能清淨。或復有修己。身口行清淨
其心之所為。未曾行清淨。或有在世間
身口心清淨。衆生之所行。佛皆見普達
或有能成就。或不能究竟。是為安住佛

第六所了業

大哀經卷第四 第十張 周

七

大哀經一心定意品第十六

佛復告族姓子如來至真知其一心
脫門定意正受之業塵勞瞋恚之所
從發審如有知云何知之衆生塵欲
之所繫縛所因報應而致此緣當復
何緣而致清淨如來悉知何謂緣報
何謂事業從不慎念而致緣報從無
明事衆生之類而致欲塵從無明事
而致行矣從行致識從識致名色從
名色致六入從六入致所更從更致
痛從痛致愛從愛致受從受致有從
有致生從生致老從老致塵欲為報
應因致事業因見致愛從結愛處是
為緣報是為事業緣致愛欲塵勞之
縛彼復何謂緣報云何事業令其衆
生致於清淨有二報應及十二事衆
生因此而致清淨何謂為二一日因
從他人聞柔順誼二曰內自己身如
應念法復有二事而致清淨一日而
一其心專志學問心不憤亂二曰曉
了方便寂然之誼觀察其源復有二
事而致清淨一日知無所來發動所

起二曰知無有來亦無所至復有二
事而致清淨一曰觀無所生本無處
所二曰致於滅度亘然寂靜復有二
事而致清淨一曰其行成就無有不
辦二曰明慧之事造其正證復有二
事而致清淨一曰志修道法順入脫
門二曰其本清淨至度知見復有二
事而致清淨一曰至滅盡慧而無所
著二曰無所生慧常無所將復有二
事而致清淨一曰則以至誠而致道
德二曰常以審實獲於成就是二報
應及二業清淨衆生如來悉知又塵
勞結方便無量清淨方便亦復無限
又其塵勞而致清淨便近成就因審
觀故又淨方便隨塵勞行而漸近法
攝其慢者如來聖慧悉達知此拔其
因緣此族姓子如來之慧寂然於欲
澹泊諸惡不善之法興行俱念忽靜
安隱行第一禪以能一心住寂滅界
靜然正受從第一禪起修八解門反
覆逆順而修正受所見皆知三昧正
受顯示平等又現定意如來三昧無
所畏難無能壞者如來三昧無有因

緣不從方便如來常定一心不忘於
諸三昧寂為上尊常住一定普見一
切三昧正受其心不退未嘗增減其
所顯現無有不定如來三昧初無所
生無能觀察聲聞緣覺所不能及過
諸菩薩及正真覺如來三昧無能越
者卓然殊絕巍巍無量一切衆生所
不能知如來之慧亘然無際无窮無
極無可為喻以權方便開化聲聞令
得定意如來悉知了諸緣覺菩薩行
事隨其應時而教誨之是為如來第
七之業佛於是頌曰

衆生因緣事其塵勞愛欲自在悉知之
其慧無崖底如其行清淨及復不清淨
佛大慧自在悉能曉了此不慎念報應
因緣生明慧事業無明行及其所造作
識名色如是其本情六根世尊悉達之
因緣所事業其緣勞塵欲所貪諸所作
觀見其因緣事業於欲行思想所縛結
因是為緣起衆人所住處從是致因緣
衆人所指願則有二因緣因從人聽者
慎省受其言內已如應念觀諸法悉空
彼人致解脫生死之江海寂然而觀察

精勤蠲除二思惟而觀之無來無有去
稱量省其源無生亦無終彼寂滅入道
余乃為清淨常住於正行慧者修行三
其無放逸者遵崇三脫門成於滅盡慧
至誠逮無生是緣報事業清淨興上願
寂勝一心知常三昧正受逮成於寂滅
意勇復起立觀察而思惟一切諸逆順
其佛大法王八解門正受則以一定意
致無量億定無等倫悉見其行而普平
其心定所行道法無窮極由是之行故
勝心無所定若聲聞緣覺定意亦如是
諸菩薩若茲若干種定意安住之意定
皆超越其上如來所修業隨時慧教化
大哀經卷第四

辛丑歲高麗國大藏都監奉

勅彫造

大哀經卷第五

周

西晉月氏三藏竺法護譯

知衆生本行品第十七

佛告族姓子如來見已及他衆生知於往古不可稱計本所行業一世一世百世千世百千世無數世不可計載百千億世天地成敗劫立劫盡亦不可計無能限量天地及劫之反數也而悉知之靡不徹了本於某處名字種姓居止飲食顏色形容壽命長短所更苦樂善惡之事於某處沒生於某處於某處沒復生彼處言語學問音聲章句而悉說之已身本末一切衆生皆以了了為衆生講如來咸知衆生因所從來本末根源所更苦樂隨其應時察其本末而為說法識其過去心所執懷心所抱緣使其罣碍或無朽廢所因興緣本為何從而有是心如來皆知其一人心中所行如是因其行而起陰蔽如來能悉領宣無數恒河沙劫所行本末亦復觀察一切十方衆生心之本末等無差特

說其本際當來亦然心之所緣也。來
所覩而演本無有過於此而無窮極
是為如來知其往古過去衆生之心
不可思議不可稱量佛之聖智不可
稱計如來察於衆生之行心懷恐懼
擾擾不安周旋生死某在某處某從
某來本殖德本志在佛道或為聲聞
緣覺之乘緣其種德承佛聖慧悲識
念之是為如來而知衆人所殖德本
因緣之報應其根源而為說法而令聽
者立不退轉各從本行心所信樂使
得其所是為如來第八之業佛於是
頌曰

其劫之數 無底億劫 世之錠燦
悉識往古 又察已身 及知衆生
所觀了了 如掌中珠 名字種姓
顏像亦然 住此終沒 所周旋處
因何所緣 而受其身 其平等垂
演說彼法 其有過去 無量無底
衆人之心 所想念法 所可由從
而其發心 取勝大慧 而皆知之
其中間心 從古過去 因人所行
安住悉知 恒河沙劫 稱量本末

言老講說不得涯底當來無底
本際之源而為頌宣往古所行
其無儔正慧不可盡世尊如是
聖慧如海若有衆生立德求佛
設於過世奉敬取勝住佛神足
力無所畏志念於此前世所作
世尊皆知衆生所念如其往本
所種衆德志識於此住三乘者
成不退轉解脫淨道安住別識
過世善行一切衆生無能思議
是為大聖第八之業以化衆生
所度無底

大哀經徹視品第十八

佛告族姓子如來至真以淨天眼過
於凡俗皆見衆生生者死者微妙瑕
穢善惡禍福好顏醜姿趣安趣苦如
其衆生所興禍福報應之果如其本
末悉知斯實其人如是身行惡口言
惡心念毒害謗毀賢聖墜于邪見以
此邪見所行事業壽盡身壞墮於惡
趣危害地獄苦惱之中於是民人其
身行善發口言善心所念善不謗賢
聖隨其正見則因正見所行快事壽

盡身散便趣安處快樂世生如來於彼則以天眼如其方面觀諸佛土等如空界無邊無際思其法界而不可得亦無所著超過一切諸所句跡其有衆生受形類者敢有現世皆見終沒而復生者其諸佛土今現在者皆見有外散壞合成又復所現諸菩薩衆悉復覩此盡終沒來就其生而復出家或復所現坐於樹下成寂正覺轉于法輪捨其壽命而取滅度聲聞解脫滅度皆復見此緣覺之法顯示神足而爲衆生作祐或有衆生形不現者外道異學五通仙人明所不覩聲聞緣覺及諸菩薩所不能逮如來至真則以天眼悉覩此類如來見於衆生所有微神根如車輪多於三千大千世界其不現者不可稱載衆生之界如是無量浩浩冥冥無有崖表如來天眼巍巍如慈悲觀一切諸佛國土衆生種類本末源界何許衆生佛所應化而隨律者從其人本修行佛戒尋立其前便化其人餘人在邊猶不見知是爲如來第九之業常於是

頌曰

大方廣華嚴經疏 卷第三

四

七

如來之天眼清淨無垢穢嚴治無言說
功德威神聖觀見於十方諸佛土衆相
所有及與無諸所可興衰彼所有衆十
有色并無色歸於善惡趣生上下中間
退沒來受胎行惡墮苦惱積德則安樂
寂勝悉知此其諸菩薩衆一切諸佛土
遊步所作行出生棄家去若在佛樹下
降伏魔官屬諸佛皆知此天眼悉覩之
若佛為法王逮上寂正覺所可轉法輪
度脫諸天人為作尊佛事或復放壽命
若復現滅度佛亦悉覩彼其聽導師法
思惟而修行致尊清淨業興立無惱熱
自聞於經道毀咎於生死已度至彼岸
寂勝悉見之其外道聲聞緣覺及菩薩
天眼之所覩不究見生界如來之天眼
清淨無垢穢普見於衆生微妙身神處
所現如車輪衆生細妙身多於三千界
諸天人民形生死若干種衆生界如此
悉知天人想普為現佛道如來所開化
衆生根通利世雄在前住為說尊上法
餘人在其邊不見如來化是為導師業
天眼之勢力

大哀經諸漏盡品第十九

佛復告族姓子如來至真皆盡諸漏以無漏心而修解脫以智慧度已證神通而尊其行生死已斷建立梵行所作已辦知名色源如來於彼以無漏慧清淨無垢鮮潔顯曜蠲除一切諸所止處星尋之蔽諸聲聞衆諸漏所盡而有限尋未至止處其緣覺者所盡諸漏若有限尋於大哀行而無辯才如來至真所盡諸漏衆行普會而悉備足皆除一切諸所止處執懷大哀辯才勇猛而無所畏威神巍巍無能諦察一切世人所不能逮一心一時而僉平等如來至真亦無罪業星尋止處威儀禮節亦無缺漏猶如虛空而本清淨一切諸魔及諸外道所不能當功德名稱是為如來諸漏盡慧不與一切塵欲星尋而俱合同是無漏慧住於堅固為諸塵漏衆生之類講無漏法除諸所著而說經典從不誡思而出生矣衆生由此而成衆漏則受陰入以故汝等觀察而審如來則為興喻示本而現其前如應

說法令知塵欲虛偽無實使知如審
以了真諦無受法者是族姓子如來
至真第十之業佛於是頌曰

其導師者	為無漏慧	明闡廣普
清淨無量	所以十方	以勢超殊
堪任於此	為信導道	諸漏盡慧
謂聲聞衆	不除止處	縛在罣罣
人中之上	為衆導師	已除止處
獨無限尋	其得緣覺	亦復如是
無有大哀	及與辯才	有佛世尊
諸漏已盡	以無盡慈	辯才無量
清淨尊人	住無盡慧	知其衆人
諸漏所因	緣其好此	而與衆生
不能曉了	其應真跡	寂勝則為
愍哀此三	講無常法	苦空非身
今此諸法	本從無出	了是若干
敬尊佛道	亦無有人	及與壽命
号名為人	所作亦然	一切衆生
猗此若干	世尊與愍	故說解脫
又其安住	不以懈倦	亦復未曾
減損佛智	以故寂勝	常懷懇懇
心恒憐傷	頌宣經道	佛業如是
倫匹若茲	是為十力	降伏外道

十力所住 建立勢強 轉無稱量
殊勝法輪

大哀經四無畏品第二十

佛告族姓子如來至真有四無畏諦
住勇猛所作業者吾為至真平等之
覺自了如此諸天世人沙門梵志魔
王釋梵不能障塞如來之法言不曉
了成寂正覺未之有也何故如來名
等正覺了一切法悉為平等無有偏
黨其九夫法及與佛法則悉平等故成
正覺其所學法及不學法緣覺之法與
菩薩法至諸佛法悉亦等之故曰正覺
其計世俗及於度世有罪無罪有漏
無漏有為無為有數無數此二諸法
亦悉等之故成正覺彼何故等以空
故等故曰為等諸見自然以無想等
想自然故以無願等三界自然故以
無想等所想自然故以無行等行自
然故以無起等所起自然故以無依
等所依自然故能如審等三世自然
故以慧等無明忍愛自然之故以泥
洹等生死自然故又族姓子如來至
真於一切法如是平等故成正覺是

故名曰平等正覺。如其如來曉了諸法成取正覺。如是建立住於大哀。便為衆生若干方便種種因緣。各為如應而分別說。則歸命法因法而生。尋時滅盡苦惱之源。其此非師自稱為師。不尊稱尊。未成正覺。自謂正覺。是故如來於此傳類。獨無所畏。起絕無侶而無倫匹。是為如來十一之業。佛於是頌曰。

於諸法平等。由已成正覺。是故平等覺。如來而普現。其凡夫之法。佛法則亦等。所學不學法。及諸緣覺乘。諸有世俗法。及與度世法。諸善不善行。泥洹一等類。解空及無相。棄捐於諸願。無生無所行。等見於此事。等明如是業。所說亦如茲。因此度衆生。是為大仙法。

佛復告族姓子。如來自知諸漏已盡。彼諸天人天上世間。無能譏謗如來。至真敢言諸漏不盡者。所謂如來諸漏盡者。如來已脫愛欲之源。心解諸欲。無所罣碍。又佛心者。已度諸漏。獨除一切塵勞之行。無所罣碍。是故名曰如來。至真諸漏已盡。故顯現世。以

賢聖慧第一真諦無敢當前能遮蔽
法雨當令除滅穢修之行使其造證
以故曰盡無有不盡未曾生盡以此
名為盡如來所盡謂真諦者無所復
盡已無所盡此則無為其已無為彼
則無受無在不在此無處所是謂興
立成諸如來住無所生是諸法住如
法界住此為應慧如是應者則無所
應亦不滅度亦無所成如是像法則
不可得諸漏形色亦不除漏如來大
哀住摧方便皆為衆生而演經典使
除諸漏是為如來十二之業佛於是
頌曰

寂勝已盡諸漏欲 未曾復有貪瞋等
人尊皆脫諸生死 已斷瑕穢無有餘
安住皆棄諸無明 未曾可得愚癡冥
人中師子諸餘見 是故無尋無欲塵
安住所說隨其時 皆盡諸漏無死生
究察諸法無所有 豈能使盡復令長
其所盡者無伴黨 若已盡者假名盡
其有盡者二有為 計彼又無於三有
住於此界無取作 佛以聖慧度彼岸
曉了是以應說法 是為安住十二法

佛復告族姓子如來忘了蔽尋塵欲諸星惑法而無星尋天上世間諸天人民無能堪任毀於如來言不應法於彼何謂廢退於法又有一事令法廢退何言毀於如來為不為一謂心憤亂不能專精復有二法一曰不慚二曰無愧復有三法一曰身行惡行二曰口出麤辭三曰意念毒害復有四法二行於四至不可至一曰慍悵二曰瞋恚三曰觸忌四曰愚癡復有五法一曰殺生二曰盜竊三曰貪婬四曰妄言五曰醉酒復有六法一曰無恭恪心二曰秘惜經典三曰輕毀禁戒四曰不隨定意五曰不懷法念六曰憍慢法師復有七法一曰自大二曰甚慢三曰重慢四曰是我五曰邪慢六曰過諸貢高七曰無能及我復有八法一曰邪見二曰邪念三曰邪言四曰邪業五曰邪活六曰邪便七曰邪意八曰邪定復有九法謂九害惱一曰我所敬者而輕蔑之二曰今現輕蔑三曰將來黨侵四曰我所憎者而敬愛之五曰今現欽敬

六日將來欽敬七日曾侵毀我八日
今現侵我九日將來侵我緣是之故
起惱害心復有十法謂十惡業一曰
殺生二曰盜竊三曰煙嫉四曰妄言
五日兩舌六曰惡口七日綺語八曰
無明九曰鬪諍十日邪見是為所行
從不順念見應順法而不愛樂墮於
顛倒立在陰蓋依倚邪見恩愛之弊
則失正法違遠妨廢身口心行如來
悉知如其所知知諸弊尋所說如審如
是法者致於弊尋當除此法已能除
去故為說法令諸衆生去諸陰蓋超
然則出是為如來十三之業佛於是
頌曰

諸軍勝曉了法 其習此不得脫
著心懷不能捨 謂不知羞慚者
身口意亦如是 初未能將護斯
貪瞋恚癡恐懼 犯殺生偷竊人
犯人妻妾語醉 六失行七憍慢
說於八邪脫門 皆妨廢解脫跡
若不能制其意 乃及十不善句
由不捨不順念 是等類未解脫
見隨逐顛倒著 而依猗放逸誼

不當習如是法

不成茲人中尊

佛復告族姓子如來曉了賢聖所行
尋造平等盡苦惱衆生習善因是得
生若造平等便滅患害假使諸天世
間人民不能障蔽如來正法謂於至
尊不應衆聖之所宗奉不任大道佛
永無畏何謂所宗謂一乘道淨衆生
有二法一曰寂然二曰所願復有三
法一曰空二曰無想三曰無願復有
四法謂四意止一曰身意二曰痛癢
意三曰思想意四曰法意復有五法
一曰信根二曰精進根三曰意根四
曰定根五曰智根復有六法一曰念
佛二曰念法三曰念衆四曰念施五
曰念戒六曰念天復有七應法一曰
意覺覺意二曰法覺覺意三曰精進覺意
四曰歡悅覺意五曰信覺覺意六曰定
覺覺意七曰護覺覺意復有八應法一曰
正見二曰正念三曰正言四曰正業
五曰正活六曰正便七曰正意八曰
正定復有九應法一曰第一禪二曰
第二禪三曰第三禪四曰第四禪五
曰虛空慧正受六曰以慧正受七曰

不用慧正受八日有想無想而為正
受九日滅於一切諸痛思想正受復
有十應法一日離殺生二日離盜竊
三日離貪婬四日離妄言五日離兩
舌六日離惡口七日離罵詈八日離
綺語九日離瞋恚十日無邪見住於
正業是謂應行離於所生是為諸善
三十七品合集戒品成於定品合於
慧品究竟解品通達度知見品成賢
聖諦離於所生復次所謂離於所生
謂修行平等賢聖之事所謂應賢聖
者彼無法品若二不二有權無權有
進或退若生不生無受無捨道所越
度諸不平等二事之行諸法無二則
如審慧修所依生如來以此無所生
行為衆生說若能行此衆生歸斯尋盡
苦惱是為如來第十四業佛於是頌曰
近斯清淨至不可量人所依倚
逮到清淨取勝普聞而悉知之
已知經典樂說甘露至乎衆善
無數諸法道品清淨為佛世尊
勇猛習此而得解脫十力所演
無有所處如應順念滅盡塵勞

方便等法 無憂豐茂 不依於法
不倚非法 遠平等脫 精進平均
其緣善德 不依道法 慌惚虛無
如空無念 猶如幻化 如夢所見
彼則得度 生死所趣 是為十力
所行之業 人所獲致 於所周旋
是以大哀 而度脫之 興隆慈恩
故無等倫

大哀經十八不共法品第二十一之一

佛復告族姓子如來至真而無缺漏
智者愚者得未誤失所行正法所以
者何如來至真身行無闕則為至真
平等之覺威神巍巍端正殊絕威儀
禮節視瞻舉動順於等行被服法衣
手執應器行步進止往來周旋經行
坐立倚卧出入郡國州城大邦縣邑
聚落足不踏地千輻相文自然輪現
柔軟殊妙香潔蓮華而現乎地如來
之足踐於其上其有虫蟻含血之類
遇如來足晝夜七日而得安隱壽終
之後復生天上其法衣被自然四寸
不攬其體隨藍之風不能動衣其傍
衆生皆得獲安是故言白如來之身

無有缺漏又族姓子如來至真有所
演辭未曾有短智者愚者不能得便
求瑕闕者所以者何如來至真所言
以時演辭至誠如實無虛應誼合法
順如律教所言平等言行相應語無
違失應不應時口所說者皆悅一切
衆生之心無有復重誼理美要成就
莊嚴口演一音悉應衆生志性所念
各得聞知忻然解達是故名曰如來至
真言辭無短

又族姓子如來至真心之所念亦無
誤失而今智者及與愚者求得便者
心念法失所以者何如來常定無有
不寂懷衆生類得其心今除諸誤失
而為說法是為如來十五諸業佛於
是頌曰

其尊大人無有闕漏身行口言
勝心所念其世吼護無短無罪
愍哀入中憐傷等現欲求佛失
一切悉無以此經法示人令寂
使皆棄此諸瑕闕行是為寂勝
十五之業

佛復告族姓子如來至真無有虛教

所宜音響而今諸魔及與官屬并外
異學裸形露精殊別異術而得便者
如來無言亦無有聲雖諸猗耆如來
難說一切衆生成皆啓受不以有為
亦復不處在於無為如來身行靡不
究暢口言無短而今所行人得其便
不與世諍是故如來無有音響常順
空行如來無我亦無所受復無貪業
離一切趣是故如來無有諍訟設無
音響因此獨除衆生音響而為說法
是為如來十六之業佛於是頌曰

若聞咨嗟 不以動悅 若聞毀訾
亦不愁感 除諸所著 亦無猗望
本修善行 行無所著 取勝諦修
常順空行 無我無受 彼無憎愛
如其所住 講說經法 是為至誠
所說尊業

佛復告族姓子如來常念未曾忽忘
亦無憤亂意不迷惛而違遠法也如
來常定為一切智諸通之慧則以脫
門定意正受以無能忘普見一切衆
生心行之所住處觀察其本便以應
誼而為說法不違法誼辯才開明隨

順無逆其不忘者去來今慧無所罣
導咸見三世因其已身自以其心未
曾忽忘慈愍十方一切衆生亦復如
是懇懃念濟而為說法是為如來第
十七業佛於是頌曰

導師所念 未曾忽忘 順從法禪
脫門為行 一切衆生 志性所行
應其所之 而為說法 所分別了
未曾忘失 達於三世 應無所犯
設無所忘 應其說法 是諸大聖
所行之業

佛復告族姓子如來至真心常靜然
無有不定坐起行步卧寐飲食言辭
寂然常以一心如來至真三昧微妙
所度無極越乎彼岸禪思一心初無
陰蔽普察衆生諸有形類行定者不
定者永無敢觀察如來思惟念所見
心也除其如來神聖所建作其威靈
乃能見耳設如大聖常定一心三昧
亦然不可上下為人說法不復觀察
所以者何常見一切衆生心故佛之
聖慧巍巍如是不可攀逮玄如虛空
無有表裏靡不通達是為如來第十

八業佛於是頌曰

佛無進退 心常永定 行步住止
坐卧寢食 言辭寂然 無能亂者
寂勝常定 莫敢迷惑 八方上下
終無得便 亦無敢知 其心所定
因其所定 為人說法 常演道誼
是寂勝業

八業經卷第五

庚子歲高麗國大藏都監奉

勅彫造

大哀經卷第六

周

西晉月氏三藏竺法護譯

十八不共法品第二十一之餘

佛復告族姓子如來至真無若干想亦無衆念而今其心迷惑忘也所以如來無若干想如虛空土不可窮盡不察衆生而各各異用其本淨無若干故察於諸佛無若干種用其法界不可破壞慧平等故亦於諸法無差別想用無欲故如來不壞奉禁戒者偏愛順念亦不毀訾於犯戒者觀修道者不往肅敬不尊道者不以棄忽不計律教是我所也永處邪見不輕忽之如來至真所行平等於一切法是故名曰如來至真無若干想設無若干則便宜此無若干想開化衆生令不各異衆想消除而為說法是為如來十九之業佛於是頌曰

諸安住道 無若干想 一切寂後
見諸佛土 計於經典 無各各異
諸大名稱 所行普等 設奉禁戒
若毀失者 衆生易化 若不可化

諸兩足尊 彼心平等 開度衆生
各懷貪相

佛復告族姓子如來至真無有猶豫
所觀察者悉見根源不復思惟所以
者何如來大聖道德已成莫觀不成
身行謹勅心懷柔軟戒禁鮮明智慧
殊絕不當瞻覲如來聖明不有超異
也佛以智慮常察普護不從愚冥則
由度世不墮方俗迷惑之行如來所
護因從賢聖不從不聖賢如來所護
轉於清淨無上梵輪愍哀衆生而得
自在獨步十方不從他人而有所譽
無有偏黨又其如來所觀護者無生
不暴常順庠序而無錯謬若有所往
得無受捨已離於二諸所汜流已度
四瀆稱量一切思惟本末不能究盡
各各異所不念所不知過去念無所
燒觸不自現功如是審實而無有異
佛悉究暢靡所不達是為如來觀察
大哀巍巍若此護諸衆生具足說法
是為如來二十之業佛於是頌曰

如來所觀護 未曾有懈倦 善修其道誼
卓然殊特行 其心身如是 禁戒及智慧

尊上為大人所行常至誠如來未曾懷
猗著諸危害亦無想諸念不為虛偽事
其所觀護者真諦無華飭便則以此誼
為衆生說法

佛復告族姓子如來至真無有貪損
何謂為貪唯樂善法其善法者為何
謂乎如來大哀未曾損耗亦不猗貪
咸於大哀所說經典亦無誤失不令
衆生從律貪欲而致迷耗開化衆生
初不謬惑不捨閑靜亦無所啓而有
違廢勸諸菩薩未曾喜忘而於三寶
恒不斷絕如來至真無所貪著聖明
至真道德為樂是故名曰如來正真
無有貪欲而致損耗為諸衆生頌宣
經典令其慕樂無上正真具諸通慧
是為如來二十一業佛於是頌曰
寂勝常不貪慕樂善德業慈哀施以法
度脫於衆生喜樂濟群萌隨時而開導
寂勝不損道勸不斷三寶無貪嫉瞋恚
不從愚禁忌由因諸通慧善慕經典教
見衆生懈怠寂勝化勤修積無量慧業
以此度群黎

佛復告族姓子如來至真於精進事

而不損耗所謂如來精進云何謂開
化衆生觀察懇勤求之所在因而度
脫不遺一人於聽經典常令清徹是
為精進如來至真如是比像得諸聽
經為諸應器一切不倦因而聽採甚
深法者大聖宣之一切不廢為說經
典離於食饌將護衆生如來至真以
一人故於恒河沙諸佛國土而獨遊
步從如開化令發道意如來身心及
口所言不以懈倦身心靜然無有閑
據如來方便精進勤修靡不咨嗟因
隨平等則以精進化乎衆生至聖解
脫其致道真乃至申暢如來功勳是
為如來二十二業佛於是頌曰

其人中師子因精進之力以此精進力
常而咨嗟之其精勤勢力未曾有損耗
所演說經法用應法器故安住所精進
無能究暢者其身口及心初未嘗勞倦
已精進平等一切無罪墮其意懷愍哀
常為衆生說

佛復告族姓子如來至真意之所念
一切未曾而中忘也亦不損耗如來
所念竟無中廢所以者何族姓子從

初得成至取正覺道以普見一切衆
生過去當來今現在心之所懷念悉
憶識之不中忽忘永存普達衆生之行
如來未嘗復重惟極遺慧往察如來
所念實無損耗入於衆生三處諸性
入諸人根觀衆生行如來所興不有
觀察亦不思惟而為衆生講說經典
豫知時節進退遲疾而為分別授其
決矣所以者何其意永存不中忘故
如其心定因無所忘識念衆生尋為
說法是為如來二十三業佛於是頌曰
世雄所念心未曾忘又取勝尊
不憶重思其所遊步如成正覺
知衆生心無有遺漏亦復未嘗
荷於識知見於衆生久長性行
令其建立無有事業人中之尊
為衆法王
佛復告族姓子如來至真無失定意
三昧正受一切諸法無有偏黨諸法
如審何故如來不失定意用修平等
無平之故三昧亦等故如來等於欲
際無欲之際亦復等矣如生死際等
泥洹際亦復如是以平等故能正

受此之謂也讚於如來三昧不忘所
以者何則於平等無忽無忘亦不退
轉如來定者不合於眼亦復不合耳
鼻身口意而同塵也諸根不定其三
昧定不依地種亦復不依水火風空
亦復不怙欲界色界無色界不慕今
世不恃後世無所著故故不損耗是
故名曰如來至真定意不忘亦為衆
生講說經典令應法器致乎定意是
為如來二十四業佛於是頌曰
寂勝為常定定意不損耗等順一切法
正從佛定意不徇地水火風欲色無色
大聖不著此故不損三昧

佛復告族姓子如來智慧未曾損耗
何謂為知敬達諸法無所不通慧不
仰人為他衆生班宣聖智方便隨時
所決無盡明了一切章句顯跡令入
一品住所說經億百千劫假使來問
去來進退為決疑網靡不坦然其慧
遍入宣暢三乘剖判歸趣以諸衆生
八萬四千行則為講說八萬四千諸
經法藏是為如來智慧無極無量無
盡所說無限慧不損耗亦為衆生顯

亦如是無盡智慧而為說法是為如來二十五業佛於是頌曰

佛正覺智慧現在志慕乘 善宣分別解自在度無極 為衆生說法 從本性所樂則以一文 字入無底章句 知於衆生行所察無邊際 則為此等班 八萬四千歲安住之所宣 智慧無損耗 是為十力業故号人中尊

佛復告族姓子如來解脫無有損耗何謂如來說諸聲聞因聲而脫其緣覺者由了因緣而得解脫諸佛世尊皆離一切罣尋諸二而得解脫所以名曰解脫者何無過去界不與當來諸界合同不住現界其眼於色離於二受名曰解脫耳聲鼻香舌味身更心法離於二受而得解脫心所依倚心本清淨而忘了之故曰發心之頃成無上正真道如來隨時為諸衆生講說經典使離猗受今無所著是為如來二十六業佛於是頌曰

諸聲聞衆 依音解脫 諸緣覺學因緣為慧 過諸罣尋 無垢如空是為諸佛 無依所倚 其心繫在

於過去事 清淨解脫 是為執心
如應解脫 察衆生根 開度衆生
不令損耗

佛復告族姓子如來至真知於過去
一切身行所可造業其本明識而不
廢退如來所觀諸勝所行因其隨時而
化衆生有所講說而度羣黎嘿然亦
度飲食亦濟威儀禮節顯示衆生令
隨律教或復現於三十二相因而得
授或以自示八十種好因而得度或
復欲觀如來頂相威神巍巍不得諦
視光踰日月起絕無侶因益喜悅而
從得度或有衆生趣來見佛輒隨律教
或演光明觀其曜暉而得濟度或見
經行舉足下足悅而得濟或入城郭
從其還出令受開化諸佛世尊舉動
進止威儀禮節皆以此事益於衆生
靡不受化未曾唐舉是故名曰如來
至真一切身業本慧黠黨靡不有益
而不損耗是為如來第二十七業佛
於是頌曰

其目覩見 威儀禮節 行步所入
若復還出 諸相種好 及頂威曜

以此開化而度衆生導師假使
演其光明無數羣萌億載安隱
見其威曜則隨往教諸兩足尊
常修此業

佛復告族姓子如來至真口所演業
皆為慧黨曉了自在所以者何諸佛
世尊所說經道悉為應時所說無虛
善哉隨宜所可宣言至誠無欺無有
罪豐舉動安詳而不平暴離於度
疎未曾荒迷常懷質直無有諛諂初
不惡口不演魚辭無所倚著口言柔
軟進止應法不為羸弱性不颺颺亦
不狹劣不為雜碎行步安諦發言和
雅其聲柔軟音響香美擇言徐語舒
緩時出辯章祭醴滋味具足無有穢
勃言無疾病思而後語自護已身所
為應節心念隨時滅其貪欲而除瞋
恚燒其愚癡降伏諸魔危害衆惡瘡
治諸疾別其義理悅智者意音如哀
鸞聲如天帝其響哀和亦如江海聲
靖如地如鵬鷖王命諸眷屬其音安
隱如須弥山所發言辭殊赤紫鳥其聲
慈愍猶如鴛鴦相呼和時亦如鴈王

將導營從亦如鹿王嗚呼官屬又如
笙篴琴箏簫瑟鼓吹應節吹唄吹
笙絃音斯音相和各各悲快佛之音
響柔軟清和過於彼節百千億倍
深奧微妙聲無穢濁聞者入耳心中
歡然積累德本所宣章句不可窮盡
隨時應宜前後相副不失句義合於
法句各從方便不違時節見一切人
諸根增減而為說法布施莊嚴將養
戒禁常令嚴淨合集忍辱精進超殊
究暢聖業觀察智慧雲集慈心不厭
愍哀其喜顯曜不釋所護建立三乘
不斷三寶別三峻聚淨三脫門所修
至誠莊宣智慧為諸明者不見誹謗
諸賢聖所咨嗟志玄曠如虛空一切
功勲悉為備足告族姓子如來言辭
發教應節巍巍如是復過於此無可為
喻是故言曰一切所說如來言辭慧
響超殊越諸言聲三界无逮取為慧
上靡不應命而順從者是為如來二
十八業佛於是頌曰

無等倫言辭和 以無垢超諸德
發一響入諸聲 響周遍諸三千

令聲聞聽其教

緣覺乘亦如是

或有聞廣其志

發其心求佛道

其聞慈如次第

各暢辯不錯亂

若講說殊勝法

又其心無退念

猶如山之呼響

應其音而來報

人中上言如是

所演說悅衆心

佛復告族姓子如來至真皆如一切

衆意所念取為慧黨靡所不達所以

者何察於如來無心意識初無想念

而有進退以慧照曜消化衆冥其如

來慧普至一切衆生心念亦復遍入

存一切意超諸群生其識所念諸消

化法其三昧定無所依仰越于陰蓋

離十二緣起之行永捨三念去於晃

穢降伏魔事去虛偽列諛諂之穢捨

乎吾我除去無明愚冥根株淨修道

業心如虛空而無想念不壞法界告

族姓子如來至真其心意業慧黨若

茲是為如來二十九業佛於是頌曰

不當稱取勝兩足尊聖心積累衆聖明

導師業清淨此安住之慧處在衆生性

普入靡不周在自然法界禪定意如是

一切善俗忘其察心意識一切無想念

已過諸魔界超於危害業自然如虛空
離垢無所在

佛復告族姓子如來至真知於過去
慧無罣碍其所覩見智無損耗所及
云何其諸過去諸佛國土合者成者
皆知其數多少進退其土所有草木
山谷諸藥叢林悉分別之其佛國土
所有衆生豉行喘息身形種類悉識
知之人民言語音聲種類顚飛蠕動
悉曉了之彼土前後諸佛興出多少
之數悉亦演之諸佛之所斑宣經典
卷數多少有所顯照亦悉暢之化諸
聲聞其限若干開諸緣覺入其律乘
悉亦識之敢可勸導為菩薩學使發
大乘無上正真亦悉具足其佛國土
所有好醜言教行迹轉相瞻侍亦悉
恤之其比丘衆言行舉動上下相順
進退之宜亦悉別之有覩壽命長短
久存中夭亦復曉之復知隨法建立
年歲亦識喘息長短好醜飲食衣服
所止居業如來悉知過去衆生終始
周旋所當往生諸根若干其行不同
志性各異所懷心意境界殊特其心

悉暢而不中忽心念多少好醜善惡
如來悉知其數之限則見目覩不以
二慧而復再思如來至真亦不遣心
追推過事而推知之以慧心悉覩豫
見不復重念其慧如是巍巍無量見
衆生性不中有廢而為說法是為如
來三十之業佛於是頌曰

佛之聖明慧無限無量尋 在諸佛之土
而斑宣經典勸諸衆生界 令篤信佛道
諸佛國土中 其所行進退 諸人民根原
志性所歸趣 所有樂草木 音響之好醜
過去心名何 諸所可造行 平等覺悉達
覩見如所有

佛復告族姓子如來至真知於當來
而無損耗慧無量尋皆覩悉達云何
知之於當來世所當興成若復毀壞
其合若散如來悉知劫起所燒其水
色何等像類其佛國土當還復者其
地廣長闊狹遠近塵埃之數一一佛
土諸佛所興教化群黎諸聲聞數緣
覺之衆諸菩薩等飲食衣服所止居
澤出入喘息行步舉動所可遊居威
儀禮節一一如來所化衆生立於聲

聞緣覺之乘若學大乘如來悉知一
一佛土諸衆生類當往生者其心生
念若干之數諸念所滅如來悉知皆
達此已如來不復而重思念心察懷
抱觀於當來常觀悉見而為衆生廣
說經道是為如來三十一業佛於是
頌曰

於當來世 世之所有 當所合成
若復毀散 刹土衆生 諸佛之數
其佛正覺 皆成此數 其心未曾
而有忽忘 其意觀察 普達當來
而為衆生 應時說法 是兩足尊
之所行業

佛復告族姓子如來至真或見現在
而不損耗其慧所觀無所罣碍所見
云何知於現在十方世界一切國土
所有多少之數諸現在諸佛所現在
一切菩薩聲聞緣覺之數多少星宿
形像進行運轉為有幾所現在一切
樹木藥草山林谿谷十方土地境界
遠近國中塵數悉明其限十方諸水
以執一毛搃取水知有幾滍十方諸
火境界興焰若復衰滅存亡所在

悉達之十方諸風所由形色所從因
出往來周旋成敗增益亦悉知之十
方虛空迥遠悠邐其里億數無邊無
際佛悉知之無有不及如毛塵者知
於現在三品之行衆生之界進退難
易根本深淺受教遲疾佛知現在地
獄衆生所犯殃墮罪適歸此其所目
由從其中出當所生處復知方便所
用除殃又知現在衆生之種歧行喘
息蠕動之類肝因行業而墮此難了
其所便可除殃罪當所生處復知現
在餓鬼之界所因慳貪而墮此患所
當因由方便除罪決所當生知於一
切現在衆生心所懷念所為塵勞愛
欲之病復知離欲無塵穢者又知現
在一切衆生當以何律而受開化或
復有人不從往教緣知諸天生天上
意退沒所歸佛悉知之如是本末初
末曾念二慧重思入於無二而為衆
生廣說經法是為如來三十二業佛
於是頌曰

諸最勝慧 普靡不周 無限無量
不可思議 等如虛空 虛无無喻

一切世間 所不能逮 其於十方
一切衆生 諸所現在 當所造行
如來悉知 覩其根原 是諸佛業
見悉究暢

大哀經如來道品第二十二

佛復告族姓子是為如來所行道業
如來以此所行道業開化衆生以無
言辭而演文字難當難成又族姓子
如來至誠無有騎學能禁制者其業
無量不可思議諸天龍神及世間人
無能計會稱載所知初無所言而文
字現難是難及無能抑制遍諸佛土
定意周普現諸正覺皆已超越無諸
邪業無所想念猶如虛空三昧平等
察諸法界而無老異所以者何諸佛
世尊所可宣說無有若干所因興出
無有偏黨等諸衆生國土亦然所說
悉同道神不別解脫無異所至滅度
亦無若干又族姓子如來至真於諸
法界為一種味成寂正覺於衆生界
無所蔽尋善權方便以無尋法而悉
明了則為衆生轉其法輪令不退轉
阿惟越致辟如族姓子上工珠師修

於清淨無垢寶珠重治令曜手執此
珠寶舉著濁水令水凝然去濁就清
不復勤而勞其功然後則出著於食
味上於瓶甕若於鉢器令其中水皆
使清澄所勞功夫不足言耳然後服
著大藥味中以微細重而重洗之所
洗已淨去諸刺棘是則名曰夜光寶
珠如來至真亦復如是察諸衆生瑕
穢境界為演無常苦空非身悲哀辛
酸苦毒之哉衆生迷惑愛樂生死苦
惱患厭今乃令入賢聖法律如來精
進於彼無難然後乃達空無相願如
來以慈而開導之所勤精進而無所
著便次得成於不退轉班宣經道三
場清淨何謂佛界而令衆生來入其
境已得越度入如來法故曰無上衆祐
之要是族姓子以此因緣當作此觀
如來至真所入三昧不可思議修手
平等達於三世不斷三寶如來於彼
不可思議住於道業猶如是空其身
自然無能逮者現形一切諸佛國土
而於諸法永無所獲不擇自在隨其
音響而教化之若為衆生宣經典時

皆離一切心諸所緣而悉知見衆生
心行志性所趣諸菩薩衆志操清淨
諸佛世尊以此等故興出世間是族
姓子是為如來至成之誼由無本業
謂無所住而不違遠亦無懈怠授苦
薩決不斷言教是則名曰如來道業
佛講說此如來業時十方無量不可
計會無數佛土六反震動其大光明
普照諸界雨天華香其寶清淨佛師
子座諸來集會大聲聞衆天龍鬼神
犍沓和等阿須倫迦留羅真陀羅摩
睺勒比丘比丘尼童士童女咸共聽
聞如來宣此道業法典歡喜踊躍不
能自勝善心生焉各各齎持若干種
華名香雜香華鬘塗香衣服幡蓋及
大幢幡鼓諸伎樂琴瑟笙簧供養如
來取頭上寶而以散之或齎麻油或
執雷音或取其髮或脫寶璣以珠校
飾或明月珠或懷明珠及解脫華或
持無瑕精潔之供或獲印綬原赦之
養或有寶果或以應鳥或以綻纓或
寂然物不猗空物或頭寶璣或頸著
珠或手或脚所有莊嚴而供養佛悉

遍散之或復又取夜光寶珠或復又取紫磨寶飾以散其上或馬藏寶天帝珠紺大青寶珠火色寶珠月光寶珠若干種色瓊異奇寶以供養散紫磨栗金雜碎白銀木檻雜香偕堂雜香梅檀雜香黑妙雜香丹赤真珠似人雜香而自退漏雨散及諸天華加雨意華無極意華月度月華柔軟音大軟響華其華曜目大地陸地諸華其輪離垢而有百荼或有千荼或百千荼其光遠照香悉周遍其香美妙洋溢所觀靡不欣樂其光照曜執持其焰其色無量文飾文露青蓮芙蓉諸所雜華而自然墮又復雨地須臾都華思怡無憂華瓶梧桐捨著徐詳平順而雨此華莖篴樂器簫成鼓吹鼓饒諸伎自然而鳴又復加雨諸天華香雜香衆寶瓔珞寶珠衣服卧具其諸十方來會菩薩踊住空中自投其身用供養佛適各投身不惜軀命應時空中周遍自然覆寶高座有寶交露垂無央數諸珠瓔珞周遍校飾紫金雜廁其飾殊特誠非世有出若干種諸

寶蓮華一切所有珍寶瓔珞一一枚
珠各有無數不可稱載化菩薩現咸
悉共見諸菩薩出適來出已繞佛七
帀則復還坐於寶蓮華十方無量諸
異國土不可稱計諸佛世尊一一諸
佛各各一切共嗟嘆之其供養以經
典之要以供養故致於清淨各共嘆
德窮劫不竟供養法故佛以威神遣
諸弟子詣此忍土所齋供養入此忍
界其實莊嚴超踰於此嚴飾寶座殊
絕難及彼時大會無數衆生見是變
化皆發無上正真道意不可稱載諸
菩薩衆速得無所從生法忍于時世
尊周帀遍察諸菩薩衆汝等正士誰
能堪任如是比像清淨莊嚴菩薩所
住所當建立如來至真意所遣使在
遍止宿將護視之無有思想亦無音
響所敷髹氎純氎之具弥勒如來成
佛已後十六年中當坐於此淨寶高
座是為菩薩行願歸趣名無蓋明大
會法品經典之要亦當廣布分別其
誼彼時所會一切菩薩亦當興發供
養此法弥勒如來及於賢劫諸菩薩

衆於時會中有一菩薩名變動諸法
王即從座起於蓮華上右膝長跪叉手
白佛唯然世尊我能堪任將護於此
清淨校飭止息其邊無有思想精勤
一心而不懈廢侍於弥勒至成如來
常供養之及於賢劫諸如來衆至真
等正覺等時有魔天名曰所作所立
堅強魔將四城來在彼會謂變動諸
法王菩薩族姓子其器云何為何等
類而用其器受此嚴淨令不毀散變
動諸法王菩薩答所作魔族姓子知一
切諸器皆歸壞敗無常存者無所堪
受唯有空虛而可不毀無所妨廢於
諸器中取為高尊仁行當宜諦察我
身目無得眴必能覩見於無極器時
所作魔觀察變動諸法王菩薩諦視
其身而目不眴即見變動諸法王菩
薩齋中有水王光明世界何故名曰
水王光明其佛世界悉滿衆水周遍
國土若有遙視如一大海彼有如來
名曰樂蓮華首至真等正覺於今現
在溥諸菩薩為說大乘其水界中又
有蓮華名寶莊嚴其彼如來及諸菩

薩而坐於上時所作魔叉手而立稽
首歸命變動諸法王菩薩變動諸法
王菩薩謂所作魔仁君豈見諸菩薩
器答曰已見其器無極報曰是水君
能任受如是像無極天器億百千劫
卹術諸劫數之報壞於此莊嚴校餽
終不枯竭無能消化時所作魔稽首
禮佛唯願世尊我本憶念志在雜碎
未見於此諸正士等未得聞是經典
要時欲得成聲聞緣覺而取滅度今
日又見變動諸法王菩薩威神巍巍
聞此經典感動變化諸建立至意當
發無上正真道心如今所作不敢違
廢於寂正覺慙傷衆生多所安隱多
所將護假使吾身於江河沙劫地獄
見煮然後乃成無上正真雖遭此厄
不以為患不捨佛道時佛咨嗟所作
魔曰善哉善哉汝身乃為大道之故
一心被服弘誓大體今仁如此建立
志願所誓必果

大哀經卷第六

辛丑歲高麗國大藏都監奉

勅雕造

大哀經卷第七

西晉月氏三藏竺法護

八揔持品第二十三

時有菩薩名師子英在會中坐。思惟勢王菩薩唯族姓子菩薩所立於世。揔持而皆受持諸佛所說所演經典。不可窮盡。則以善教悅可衆生。靡不忽然如冥。觀明揔勢王菩薩報師子英菩薩所住此八揔持。悅可衆生。使得開達其慧。無窮何謂為八有揔持一名淨光音二名無盡法藏三名無量退進四名海印意五名蓮華嚴六名入無尋印七名入分別辯八名建立佛莊嚴。是為八菩薩住此有所暢說。悅可衆生。時師子英復問揔勢王菩薩。仁族姓子。寧可屈意垂哀。一切復重解此八揔持。誼廣演其旨。設諸菩薩聞此揔持。所得辯才。必當勤學。揔勢王曰。族姓子。聽今為仁說八揔持。誼廣散所歸。何謂淨光音。假使菩薩住此揔持。其所入門。無所罣碍。甚為鮮潔。歸乎堅要。其意正立而說。經

與其音通徹聞一佛國或二或三或四
或五或十二十三十四十五十諸佛國
土或百或千其音教告諸佛國土或
十二十三十四十五十百千億諸佛
國土聞其音教或復通徹無量無際
諸佛國土從意所樂欲令音教通乎
幾何諸佛國土多少無極悉能堪任
恣意所欲一師子坐而為十方一切
衆生講說經法欲令二十里衆人得
聞或三十里或一須弥或至梵天徧
其衆生本意應說處師子牀建立其
志為諸衆生講說經法悅可其心靡
不開解身適處於師子座已十方諸
佛皆現其身諸佛說法皆得聞之適
聞已後得持持力悉識念之未曾復
忘以斯法與解達其誼其所說法諸
可聽受無能遏斷入於一文音響之
事皆能演說一切文字普入諸響諸
因緣句入文字故入無量門說於諸
法無有來相諸法無處無所住故諸
法自然無反覆故諸法懷來無所到
故用清淨故諸法無根用無有處所
無生故諸法無邊無所成故諸法無

盡無所住故諸法無生無所行故諸
法不起無所作故諸法不有無因緣
故諸法不乱無等御故諸法不滅無
有生故諸法無行無所願故諸法無
戲無有想念應不應故諸法無言永
入無行故諸法無教用有所說而有
失故諸法無瞋無有恨故諸法無想
無所著故諸法無念無有虛故諸法
無猗無所望故諸法無誨於空等故
諸法無辭用無思故諸法無究無師
主故諸法無生無有教故諸法悉淨
無有來故諸法無我我自然故諸法
無人甚清淨故諸法無壽無長存故
諸法無命入於誼故諸法實空於內
寂故諸法無想其本際者無有際故
諸法無願無所受故諸法無行用無
為故諸法無為以越所起章句行故
諸法不堅無所依故諸法無著無所
習故諸法自然用無身故諸法無作
所作淨故諸法無業無所入故諸法
無報無所合故諸法無合無所壞故
諸法無捨無所取故諸法無胸不可捉
故諸法無獲無所指故諸法無觸無

所這故諸法無漏無流處故諸法無有
志無成故諸法清淨無黏黨故諸法
無屬無若干故諸法無色四大無常
故諸法無痛無所遭故諸法無想越
衆念故諸法無行離諸欲故諸法無
識無所慕故諸法無界如空等故諸
法無捨越諸界故諸法無境無所由
故諸法無貪無所想故諸法無像無
處所故諸法無形無所降故諸法無
濁除諸憤故諸法無憶無所執故諸
法無想無有二故諸法無岸度界跡
故諸法無怙離所在故諸法無常緣
不淨故諸法無名無所恠故諸法無
雜各隨行故諸法無住無所存故諸
法無爛無所燒故諸法無惡離諸惡
故諸法如水洗諸垢故諸法無災甚
清淨故諸法甚清淨不可數故諸法
無計無所著故諸法無求無有動故
諸法無搖不可震故諸法無為與空
等故諸法虛無無所為故諸法無根
無所行故諸法無現無所曜故諸法
無照捨諸明故諸法無比無有邪故
諸法無偏等恍惚故諸法無實無所

視故諸法無見無部黨故諸法無罪
離於豐故諸法歌頌作善業故諸法
入虛用侵欺故諸法無進無所立故
諸法無見無有類故諸法無有嘗無
有味故諸法無柔無細滑故諸法無
識無諸法故諸法無緣離心意識故
諸法無惟道平等故諸法本淨以滅
諸入不復生故

如是族姓子菩薩已逮淨光音於諸
因緣文字章句咨嗟其誼若於一劫
復過一切須宣經典不捨諸緣文字
章句隨時所應不以為難取要言之
一切諸文各各諸字以一一文為衆
說法於彼文字而無窮盡善住法眼
諦演辭誼其言祭嚴於是菩薩住於
總持究暢清淨威儀隨時辯才鮮明
其心顯曜遵修慈心其所布施亦復
清淨法施衣食俱無所恡其戒清淨
行無缺漏忍辱清淨心不懷害精進
清淨造安隱業一心清淨寂然無冥
智慧清淨捨於闇昧廣有所照其業
清淨無所違失其目清淨三眼無垢
其耳清淨得天耳聽聞諸如來所講

說業其鼻清淨聞於如來戒法之香
其舌清淨無可意味志道法味其身
清淨所生一切不為胎垢之所沾汙
其心清淨善權隨時普入諸法其色
清淨相好莊嚴所聞清淨悅耳之音
而無亂響其香清淨戒聞施香所見
被熏其味清淨味復味成大人相
細滑清淨手脚柔軟猶如幼童其法
清淨逮法光明其意清淨所聞經法
懷憶不忘其志清淨越魔徑路行步
清淨普入深妙無極經典菩薩已住
於此摠持自恣從志告誨教授幾何
佛土光明所照其數亦然又其光明
演出一切十方諸佛所演法教以用
逮致於此摠持因得殊特無言辭故
是族姓子淨光音摠持也所可演出
若有所入可所稱說不可限量此淨
音摠持分別所趣不可思議言辭無
極所決無限所攝方面曠而無際入
無量尋

佛言族姓子何謂無盡法蘊摠持謂
色無盡以色無常故曰無盡說色無
常以色苦故亦說苦惱色無我故亦

說無我色寂然故亦說寂然色恍惚
故亦說恍惚色如沫故亦說聚沫色
如幻故亦復說幻色如野馬故亦說
野馬色如水月故亦說水月色如夢
故亦說夢色如呼響故亦說呼響色
如形影故亦說形影色如照面像故
亦說面像色無有故亦說無有色無
學故亦說無學色無究竟故亦說無
究竟其色空故亦說於空色無想故
亦說無想色無願故亦說無願色無
行故亦說無行色無生故亦說無生
色無起故亦說無起色本自然故亦
說本自然色用本無故亦說本無色
過去自然故亦說過去自然色當來
自然故亦說當來自然色中自然故
亦說中自然色擔怕故亦說擔怕色
靜嘿故亦說靜嘿色無遊故亦說無
遊色無戲故亦說無戲色不可思議
故亦說不可思議色無貌故亦說無
貌色無體故亦說無體色無人故亦
說無人色無壽故亦說無壽色無命
故亦說無命色無養故亦說無養色
愚騃故亦說愚騃色不仁故亦說不

仁色無神故亦說無神色如東薪故亦說束薪色如草木牆壁瓦石之類故亦說草木牆壁瓦石之類色如誑相故亦說誑相色為四大故亦說四大色無聲故亦說無聲色無教故亦說無教色不可得故亦說不可得色念淨故亦說念淨色緣起故亦說緣起色無斷故亦說無斷色非常故亦說非常色如屋故亦說如屋色無痛故亦說無痛色從罪福生故亦說罪福色法界苦故亦說法界色住法界故亦說住法界色於本際法界而無動故亦說本際色無我故亦說無我色無受故亦說無受色無載故亦說無載色無念故亦說無念色無怯故亦說無怯色無量故亦說無量色無邊故亦說無邊其色於道本清淨故亦說道淨色空等故亦說空等色於泥洹本清淨故亦說泥洹清淨舉要言之五陰六衰諸法諸名身形句跡徑路偏章及諸識身悉入一音之所顯曜說無盡慧計是四大寶藏之匿所諮啓慧亦不可盡其實藏護聖法經

與亦復遊入於無盡慧所領宣智是
為無盡法藏之摠持也一切諸所講
說宣傳若於一切復過一切咨嗟此
德無盡法藏猶不可盡

佛告族姓子何謂無量退進摠持於
彼迴旋斷絕計常而反其流十二緣
起從無明緣而自致行從行致識從
識致名色從名色致六入從六入致
更從更致愛從愛致痛從痛致受從
受致有從有致生從生致老病死從
死致於哀泣憂感所不可意從致五
陰大慍之患已除無明行識名色六
入更愛痛受有生老病死啼哭愁感
不可陰意大患永除彼從無量宣無
限門入於無底是故名曰無量退進
之摠持也亦受亦捨故曰迴旋無受
無捨此之謂也亦起亦滅所以迴旋
不起不滅此之謂也與塵勞合而致
諍訟所以迴旋反本清淨無著放逸
此之謂也於一切法而有所行受應
不應念與不念所以迴反無想無念
無應不應此之謂也因緣諸見所以
迴反斷因緣見此之謂也名之與色

所以迴反無名無色此之謂也有為
無為所以迴反淨於三場此之謂也
有內有外所以迴反不住於識此之
謂也罪福報應所以迴反無罪福報
此之謂也善與不善所以迴反永無
所行不處善惡此之謂也有漏無漏
所以迴反無有二事此之謂也殃墮
所弊塵勞之冥所以迴反本淨自然
此之謂也計我不我所以迴反其際
清淨此之謂也生死泥洹所以迴反
諸法泥洹其源靜然此之謂也是族
姓子說無量摠持進退無底若有善
薩住是無量退進摠持志無所生達
法無起於無央數百千劫中講說經
典不能究盡摠持之慧其誼微妙此
無量退進摠持若入中慧有所宣暢
則能覺了清淨道門照曜幽冥靡不
亘然

佛告族姓子何謂海印意摠持猶族
姓子諸四方域世界之中諸有形色
又其像貌山谷樹木諸所生草衆藥
之類所有形貌日月光明明珠水曜
焰電諸有像貌州城大邦郡國縣邑

居舍屋宅所有像貌園觀浴池川流
泉源入流行色生活之業自觀形像
好醜善惡中上下貌一切諸色及與
歸之皆依大海而不別異是謂大海
菩薩若住此海印意捻持等印一切
衆生之身亦復等演文字之教以等
心印而印衆生十力諸佛口演所宣
無極大法此典皆從菩薩口出佛印
見印所說法者忻而無限講諸法印
慧無所印所可講說悉如來印分別
衆諦其無印者永無所行心自然寂
其離印者得離欲法清淨之行其度
印者所演究竟靡所不通其号印者
皆宣名物各各暢了其樂印者除去
欲貪放逸恩愛其十印者具足十力
其被忍印者淨除諸意其燒咤印者
捨於燒熱其六印者成六神通其左披
印者棄捐左道其審印者說於真諦
其如印者所行如實其哆印者蠲除
一切諸所根本其迦印者離所作業
其娑印者宣暢至誠其現勢力故其
生印者度生老死故其志印者謂意
清淨故其界印者不壞法界故其寂

印者具足惟怕故其虛印者虛靜空
無無不可盡故其盡印者消化盡想
慧無起故其立印者覺意識住故其
知印者別知一切衆生類故其普印
者而悉頒宣諸所興衰其有印者覺
了分別所有無有其貪印者消除貪
婬瞋恚愚癡之忌難也其已印者已
身已通而成正覺其自印者身自解
故其且印者且自釋捨諸所荷相其
數印者滅遣根源其處印者則於處
處如有悉知其無印者無有若干其
果印者遠得果證其陰印者除諸陰
蓋其疾印者離邪疾故其施印者得
成施戒香熏故其堅印者已遠斷堅
剛強性故其究印者究暢文字據其
根源如是族姓子菩薩說法演若干
文悉知一切文字印說是為海印入
總持門

佛告族姓子何謂蓮華嚴總持菩薩
大士若入衆會在所住處輒為說經設
有所宣于時於彼即生蓮華其色殊
妙菩薩適坐於蓮華逮虛空中則雨
蓮華又諸蓮華各各演出若干種音

誦說經法唯說深誼無有雜句嚴飾之教攀引典喻正典上要分別誼歸十二部經一日聞經二曰得經三曰聽經四曰分別經五日現經六曰應時經七曰生經八曰方等經九曰未曾有經十曰譬喻經十一曰住解經十二曰行經其所演法若有聽者輒盡衆苦菩薩如是自然精進不釋常定于時蓮華所演經典適斷衆苦便行佛事又其菩薩一切毛孔悉出光明化為蓮華諸蓮華上各化菩薩詣於十方不可涯底無數佛土奉現諸佛是族姓子名曰蓮華嚴入搃持門佛復告族姓子何謂入無尋搃持門假使不捨一言辭已至二三四乃至乎千所生之處常不忘之或億百千種種之說悉能識念為衆宣暢世世不忽諸根和悅顏色殊絕與衆超異悅可衆人無有恨乱或能所說聞於無量江河沙等諸佛刹土或能通暢如佛國塵諸佛國土於是所演諸法門者隨時方便又彼法門一時悉遍諸佛國土滿中塵數諸世界也或二

三四或五至十百千無量所說應聲
亦無所著則無所住其音柔和合衆
人心辭美隨時其誼雅妙不失其節
莫不忻豫入無尋門

佛復告族姓子何謂入分別揔持曉
了其誼所宣旨慧而不可盡分別法
者所宣正慧亦不可想隨時分別所
智亦無涯底菩薩已獲如此慧者其
於東方所有衆生悉能合會集在一處
各各隨意言語各異音聲若干從其
宜便所知多少來難菩薩悉能發遣
申暢其誼南方西方北方四隅上下
亦復如是來難菩薩各各問誼一時
各各盡為發遣隨音清濁若干種言
悉得開解各隨本心而得入道各聞
其言音不錯亂則以一音入無數音
以無數音則入一音是為名曰分別
莊嚴揔持

佛告族姓子何謂建立佛想揔持若
有菩薩得此揔持處大法座在於衆
中常於虛空值其頂上變文露帳化
佛處上紫磨金色三十二相衆好嚴

身自承其德頂近如來右手所在化
佛舉手適著頭上應時菩薩其身即
變成爲佛形莊嚴相好建立其口言
辯如佛被蒙其意亦如佛意適能成
就建如是法則入一切衆會心念從
其本行而爲宣法一日二日至乎五
日半月一月半歲一歲五百千歲從
意自恣至乎無窮不可計歲離於飲
食爲諸衆生而講說經所宣經典而
無有窮盡其身不憊心亦不怠患是
如來之所建立聖感所接彼則成致
於四大慧何謂四一日慧解一切衆
生志操二日分別章句靡不通暢三
日則以聖智所宣無窮四日則從其
人本而所學乘了其意歸而解說法
是族姓子如來相建立摠持所入門
者有所宣說又此摠持可演誼不可
稱濟無有邊際通佛境界余時摠勢
王菩薩覩於如來說如斯誼以讚頌曰
安住已宣說於八摠持行此乘所宣獲
分別得解暢說億載經典辯不得邊際
其誼所分別說者無所損佛音甚柔和
其聲微妙快宣告江河沙無量千佛土

衆生得聽聞 逮成得滅度 此摠持清淨
所暢音無際 講說無數劫 其法無窮盡
一句之言辭 宣布不可說 一切諸文藻
智者得隨時 是為法篋藏 覺意無涯底
皆棄諸非受 其行甚清淨 亦不著中間
不隨退轉界 斯勇普惟法 專精而奉行
其逮得摠持 蠲除衆根源 其於四域界
諸所有形類 一切悉等印 江海無思惟
其有逮得此 海印之摠持 彼行者印門
所說無思議 若在中衆會 大人講說法
逮於虛空中 廣雨諸蓮華 又諸蓮華者
演億千法教 蓮華嚴摠持 清淨德若茲
一音所演句 二三及五六 諸音各各聞
聲而不錯亂 千億百那術 言辭不可盡
有逮得摠持 所覺無罣碍 其所宣辯才
法誼說應時 十方衆生來 各各共難問
悉為發遣之 次了所疑律 其逮得摠持
意所覺如此 其大人正士 若坐於高床
諸佛以右手 而摩著頂上 其人得辯才
如佛無有異 用逮此佛化 妙上摠持故
假使此菩薩 逮成摠持者 彼意所懷德
無際不可念 講說億千劫 猶如江河沙
咨嗟其功德 境界不可盡 如蓮華自然

踊處於三世 堅住如須彌 所部無能動
假使有逮得 無上之捻持 其慧則普流
周遍於三世 若在衆會中 勇猛如師子
調御諸外學 降伏令成就 假使有逮得
此上之捻持 在所遊行處 悉棄諸恐懼
其光踰大明 所照而隨時 其行若如水
洗除衆垢穢 其行亦如火 無相無有念
其行亦如風 不著諸境界 其行亦如醫
療治諸疾厄 隨時給法藥 湯火而救濟
其有逮得者 極上妙捻持 彼慧無瞋恨
隨根而解說 其行如月明 能除夜衆冥
心等光明正 而演大暉曜 其有逮得此
捻持最無覺 衆生來觀瞻 視之無厭極
其行喻日光 照曜於閻冥 開三界衆生
使得其悟解 若逮得於此 最上之捻持
枯竭於衆庶 愛欲塵勞源 其行亦如王
典領其國土 如息意王教 以法施所聞
其有逮得此 最上之捻持 一切無所受
不著於諸有 其行猶如龍 意強有神變
興雲雨衆生 亦復出電焰 其有逮得此
最上之捻持 此放諸法雨 消滅衆惱熱
其行如天帝 不為諸容色 而見所迷惑
心廣而思法 其有逮得此 最上之捻持

諸來衆會者 悉瞻戴其顏 其慈之所行
等遊如梵天 一切無等倫 來生於此世
其有逮得此 取上之揔持 彼生於梵天
所在常清淨 則成大五通 常與衆超異
遊百千佛土 難計無思議 其有逮得此
取上之揔持 彼供養十方 無央數諸佛
諸佛所咨嗟 隨所止方面 悉共愍哀之
念之如一子 其有逮得此 取上之揔持
計如是不久 當逮佛功勳 其辯甚廣遠
所演無窮盡 說種種微妙 無數諸經典
其有逮得此 取上之揔持 嚴行如華鬘
辯才如流泉 在衆意堅強 所覺而通暢
其慧無涯底 所行如虛空 其有逮得此
取上之揔持 彼則無憍慢 離諛諂自大
其智慧善權 所遊而自恣 能精進奉行
當修慈愍哀 其有逮得此 取上之揔持
一切皆蠲除 有為之瑕穢 知衆生言辭
所說之善惡 了衆人所好 一切諸根行
其有逮得此 取上之揔持 本所可宣暢
其誼不可盡 精勤神定意 諸根及五力
覺意路如是 其寂然取上 其有逮得此
取上之揔持 彼則觀諸法 所獲甚清淨
於諸度無極 已逮至彼岸 意強而明達

竟了諸四思 其逮得於此 取上之穩持
其人自然解 安住諸所行 寂然成澹泊
仁和無放逸 威儀札節行 分別住安諦
其有逮得此 取上之穩持 其人未曾有
不與諸塵勞 以成如法幻 志性離瑕穢
所在胎生處 不能垢所染 其有逮得此
取上之穩持 則住於蓮華 立在諸佛前
其人身口意 威神無缺漏 普興一切慧
同流歸衆生 其有逮得此 取上之穩持
諸佛所建化 說法而自立 已成大智慧
為衆生行道 於無數劫中 歎德不可窮
其有逮得此 取上之穩持 若有欲歎譽
無能得源際

於是世尊讚穩勢王菩薩善哉善哉
仁快說此咨嗟穩持之所入行所以
然者此法自然無所依怙不仰他人
入已曾往過去諸佛更問深妙穩持
門故以是之故汝族姓子當作斯觀
等無有異

大哀經卷第七

庚子歲高麗國大藏都監奉

勅彫造

大哀經卷第八

西晉月氏三藏竺法護譯

往古品第二十四

佛告族姓子乃往過去久遠世時劫數無量不可計會懸曠極遠不可思議尔時有佛号離垢光如來至真等正覺明行成為善逝世間解無上士道法御天人師号佛世尊世界曰善離垢劫名照明其界清淨地紺琉璃淨如明鏡地平如掌其界之土琉璃之土生七寶樹枝葉華實皆亦寶成又自然生衆寶蓮華大如車輪其色若干見者心歡其形微妙香潔甚美寶為交露屋宅精舍諸天人民被服飲食猶如第六自在天上人民鮮潔行步安詳其姪怒癡尠而薄少舉動言教其佛世界無有日月其佛離垢光明身出大暉遍諸佛土晨夜常明昧爽不別蓮華合者則知為冥蓮華開者則知為明其離垢光如來至真諸菩薩衆有八百億出家菩薩居士菩薩無能限量不可稱載建立無上

正真之道其佛土地不聞異學無有
異乘唯修大乘行悲淳淑立不退轉
世尊云何為彼說法唯演空慧空無
相教佛壽半劫衆人居宅若干種寶
佛即行步皆隨時節諸天亦然其於
地上立交露帳舍宅居中名之為人
其處虛空而立屋宅棚閣名之為天
起止飲食等無差別又其佛界無復
國君唯離垢光世尊則為無上大法
之王諸天人民無各各異皆來事師
無各異名所作不別無有異念唯奉
如來諮受經典思惟其誼彼無女人
無罪處名無犯塵欲其土衆生唯學
三度一日禁戒二日守心三日學習
何謂為戒習諸通慧心念不捨棄捐
諸行何謂守心住於定意逮得神通
何謂為智住智度無極得分別辯如
是族姓子有學如此名曰學度是諸
菩薩不受禁戒其土清淨巍巍如是
世尊說法嚴妙殊絕卓然無喻時彼
佛土諸菩薩中有一菩薩名曰光首
即從坐起偏出右肩右膝著地叉手
白佛唯然世尊所言摠持為何謂也

菩薩何住諸佛所說皆能執持為衆
生演令心歡悅佛告光首又族姓子
有捻持名為寶曜菩薩住此悉受諸
佛之所講說悅衆生心光首又問唯
願如來宣寶曜捻持其中誼理我等
聞之奉之如教逮此捻持離垢光佛
尋為光首菩薩歎此頌曰

欲逮得寶曜 永除諸塵穢 於垢而無垢
捨諸一切染 心常淨離著 是寶曜捻持
逮得此持者 其明無不照 其身口清淨
光明性離垢 等意行慈心 是寶曜捻持
已脫三十二 解諸一切想 則離衆怖望
是寶曜捻持 所遊入懷勇 大德如虛空
解明如虛靜 是寶曜捻持 不斷乎三寶
絕三垢三世 窮盡衆苦源 是寶曜捻持
害貪婬恚癡 除塵諸穢濁 寶樹愛欲意
寶曜捻持尊 諸所有音響 世間上中下
入於一切聲 寶曜持離垢 精勤深奧法
無數妙句誼 不著吾我人 捻持離此二
逮得分別辯 堅住於四道 四禪震于梵
是寶曜捻持 第一法藏義 啓受四等行
尊修五神通 寶曜捻持尊 諦住四意止
常順四意斷 奉千四神足 是寶曜捻持

已受持五根 而立於五力 無能七覺意

是寶曜揔持 奉於八由路 化寂然所觀

至於明解脫 是寶曜揔持 遊戲所住地

近順解脫道 斷除一切惱 是寶曜揔持

照明一切世 寂光之道場 眼清淨廣照

是寶曜揔持 天眼淨如此 智慧眼曜冥

眼淨為法目 是佛眼清淨 是塵淨於魔

此五陰消害 亦淨於死魔 歸命力降魔

住於此揔持 至億那術土 見如數諸佛

得聞上經典 以聽廣妙法 意力懷揔持

分別其義趣 為天世人宣 心明發意知

解了所報應 其法入於慧 住揔持逮此

辯才無罣碍 三達三眼淨 逮得三脫誼

精進逮揔持 無數諸揔持 無限說無量

逮此揔持勝 便獲一切所 其禪及脫門

正受極三昧 神通自娛樂 當入此揔持

若海諸水王 萬川流河歸 是勝揔持然

諸法門無量 入於無盡意 悉解無窮慧

其福無涯底 行揔持逮此 色像衆相好

種姓慧清淨 珠寶離垢掌 逮揔持如此

入乎深要藏 懷無從生忍 在不退轉地

說是揔持者 無數諸菩薩 求於無上道

已逮此揔持 成佛不為難 十方諸寂勝

說法愍衆生 逮此揔持者 辯才無斷絕
悅億姦衆生 知根意所信 口未有所說
逮此揔持者 則轉於法輪 度百千衆生
立之於尊乘 勇住此揔持 無數邨術劫
嗟嘆其功勲 逮此揔持者 不能盡究暢
如是族姓子 離垢光如來至真說此
揔持竟 諸大衆中 三萬二千菩薩 逮
此揔持 光首菩薩亦復逮得此寶曜
持於族姓子所憶云何 今時光首菩
薩豈異人乎 勿作斯觀 所以者何 則
令身是以是之故 揔持王於今堪任
度諸穢惡 亦復於此諮問 如來章句
通利無猶豫 心決其疑 網由是之故
今世勇猛 具啓前問 不難如來是次
揔持 宣照世間 令意坦然 仁者修法
目觀 逮故會此復重獲此揔持 意懷
勇猛 心自頌宣

大哀經智念慧業品第二十五

於是智積菩薩時在彼會前 白佛言
菩薩云何逮寶曜持 已能獲致 不復
忽忘 益於衆生 以揔持力 而自立業
佛告智積 族姓子 其有菩薩 住於智
本而為智慧業 今乃逮得寶曜揔持

不復忽忘益於衆生智積菩薩復白
佛言善哉世尊唯為解說何謂智本
何謂慧業佛言且聽善思念之當為
汝說智積菩薩受教而聽佛告族姓
子諦聽義旨思存心懷是為智本如
所聞法則以具足為他人說是為慧
業觀察分別是為智本啓發衆會令
得開解是為慧業隨順觀察知其根
源是為智本隨時開化建立衆生是
為慧業脩平等行而無偏黨是為智
本奉平正行不為邪疑是為慧業心
無所生都無所著是為智本雖心不
生能宣經典是為慧業閑處靜思其
心寂寞是為智本身心管晏然而無憤
亂是為慧業心常樂一萬事不起是
為智本識一乘道而不違捨是為慧
業專修惓惓而普觀察是為智本得
明解脫蠲除衆冥是為慧業遵乎專三
脫之門是為智本證明三達去來今事
是為慧業篤信道議而無疑惑是為
智本度於一切諸所望身是為慧業
其心不怯志懷勇慧是為智本身心
休息離於汲汲是為慧業其意安詳
而不平暴是為智本思惟懸曠而志

識念是為慧業如有所毀尋即覺制
是為智本心常正定而得其所是為
慧業遵修意止申暢意法是為智本
意無所存亦無所念是為慧業奉四
意斷令捨根源是為智本則已淨本
蠲除眾瑕曉了諸法是為慧業修學
神足忽然輕舉是為智本已無所行
而遠神足是為慧業習化五根根源
常寂是為智本分別諸根之所歸趣
是為慧業住於五力勢不可動是為
智本降魔塵勞令欲不起是為慧業
曉了七覺速柔順忍是為智本分別
諸業一切自然是為慧業合集由路
勇暢無滯是為智本若以識別浮筏
譬喻其非法者立之於法是為慧業
明識苦習而修道業是為智本明證
盡諦智本無盡是為慧業諷誦經典
識其句誼是為智本已通經典而能
奉行是為慧業一切所聞皆能執持
是為智本道御眾教不違其理是為
慧業於受音響而無所著是為智本
順其經典而識正旨是為慧業觀諸
萬物一切無常是為智本而悉曉了

於無所行一切諸法是為慧業觀諸
万物一切皆苦是為智本一切諸法計
本空無是為慧業察一切法而無吾
我是為智本觀諸衆生本悉清淨是
為慧業聞真諦法不懷恐怖是為智
本分別諸法之所歸趣是為慧業觀
察寂然泥洹愴怕是為智本一切諸
法本淨寂滅是為慧業聞於經誼不
懷猶豫畏懼之難是為智本曉了義
理知其正歸是為慧業聽如審法不
疑深洽是為智本分法辯才剖判其
本是為慧業於一切音聽不恐懼是
為智本隨時宣暢各令得所是為慧
業聞佛辯才不懷弱怯是為智本識
其辯才而遍頌宣是為慧業為衆生
故慈奉法行是為智本不捨慈愍以
慈加衆是為慧業自為已身亦為他
人而興愍哀是為智本俱於二事而
無所著發無蓋哀是為慧業愛喜道
法而懷悅豫是為智本不舉不下無
所違失是為慧業離於結縛危害之
事而以觀察是為智本忘失了已身舉
動進止是為慧業常念於佛心無他

思是為智本明識法身而無所倚是
為慧業常念經典識其義理是為智
本而能分別離於欲法是為慧業常
念聖衆供養諸道是為智本逮於無
為觀察無塵是為慧業常念惠施濟
諸窮厄是為智本捨一切塵而順道
意是為慧業常念戒禁而自謹慎是
為智本而已習行於無所識行別禁
戒是為慧業常念於天使意開解是
為智本其法清淨離於穢塵是為慧
業若有所聞覆跡其識是為智本與
諸世俗無所覆校是為慧業所作事
業安諦無失是為智本而忘曉了無
作無報是為慧業不懷貢高而不自
大是為智本得無極慧而成大智是
為慧業所行為已自省其身是為智
本為已亦及二事俱興是為慧業若
能執持八万四千諸法經藏是為智
本分別八萬四千諸行是為慧業曉
了隨時而宣經典是為智本如應講
經無所違失是為慧業開化衆生建
立於道是為智本智度無極善權方
便教誨衆生立不退轉是為慧業未

曾畏懼五趣所生是為智本所生之
處多所將護是為慧業精勤自修逮
音響忍是為智本常以修行無所懷
生是為慧業自將其節得柔順忍是
為智本若以逮得不起法忍是為慧
業發意勤修不退轉地是為智本起
然進前阿惟顏地是為慧業其已行
成坐佛樹下是為智本所當曉了斷
除疑尋解是平等皆以一時發心之
頃隨時順誼成於無上正真之道為
寂正覺是為慧業佛欲重解宣暢此
誼今時頌曰

若聽受其法 啓問無放逸 斯清淨衆人
諮奉於智本 聞之則能演 慈心布諸民
其菩薩殊勝 為造慧之業 善意而思惟
是為明智本 分別說所行 是為慧之業
行如所順念 是則為智本 此行為人說
是為慧之業 逮心無所生 此則智之本
心行無所趣 是為慧之業 淨修正真行
是則為智本 宣轉造所行 是為慧之業
專一寂道行 是則為智本 身心不計我
是為慧之業 畏難生死習 是則為智本
愛樂一乘道 是為慧之業 好樂寂然觀

是則為智本

思惟明脫事

是為慧之業

精勤三脫門

是則為智本

明證三達智

是為慧之業

精修四意止

是則為智本

念無意無我

是為慧之業

棄惡修善行

是則為智本

本淨除此法

是為慧之業

勤致四神足

是則為智本

不貪習神足

是為慧之業

篤信淨解脫

是則為智本

度一切罣碍

是為慧之業

精進不猗息

是則為智本

身意已休息

是為慧之業

其志了安詳

是則為智本

不住一切處

是為慧之業

自覺識定意

是則為智本

行本淨正受

是為慧之業

善建立五根

是則為智本

知衆生諸根

是為慧之業

奉行於五力

是則為智本

慇懃得聖慧

是為慧之業

覺意柔順忍

是則為智本

解了一切法

是為慧之業

勤修道精進

是則為智本

棄捐法非法

是為慧之業

方便苦自然

是則為智本

於證不滅盡

是為慧之業

修持隨誼典

是則為智本

道御從誼理

是為慧之業

不厭倦諸聞

是則為智本

履順其要行

是為慧之業

如應求其議

是則為智本

奉行於聖達

是為慧之業

不猗於壽命

是則為智本

所念如法教 是為慧之業 求觀物無常

是則為智本 於是智無生 是為慧之業

信脫萬物苦 是則為智本 諸法悉無為

是為慧之業 解諸法無我 是則為智本

其性以清淨 是為慧之業 信脫泥洹寂

是則為智本 衆生永滅度 是為慧之業

觀察其誼理 是則為智本 覺誼而分別

是為慧之業 若篤信經典 是則為智本

暢達於經法 是為慧之業 不畏一切音

是則為智本 曉了諸歸趣 是為慧之業

不難佛辯才 是則為智本 曉了自恣說

是為慧之業 建立衆生慈 是則為智本

得無緣之愍 是為慧之業 哀已及他人

是則為智本 不想著我人 是為慧之業

常得歡喜悅 是則為智本 不悅無所起

是為慧之業 不造為恩愛 是則為智本

心不得二脫 是為慧之業 其意常念佛

是則為智本 若隨法身教 是為慧之業

常思惟經典 是則為智本 明識法報應

是為慧之業 念聖衆功勳 是則為智本

若覺了無為 是為慧之業 若心好布施

是則為智本 設捨一切塵 是為慧之業

思戒具清淨 是則為智本 住無漏之禁

是為慧之業 念於大神天 是則為智本

若念淨復淨 是為慧之業 所聞而覆疏

是則為智本 不與世同塵 是為慧之業

善修謹勅業 是則為智本 於作無所作

是為慧之業 謙遜不自大 是則為智本

不計吾有慧 是為慧之業 已身常精勤

是則為智本 為衆生造行 是為慧之業

若持諸法藏 是則為智本 曉了衆生行

是為慧之業 度一切諸惡 是則為智本

歸三處衆生 是為慧之業 惠施為仁愛

等立益衆生 開化使離穢 是為慧之業

皆以等利之 視如佛功德 正士則如是

是為慧之業 畏所有然熾 是則為智本

思惟生於彼 是為慧之業 不瞋得盡慧

是則為智本 興無所生慧 是為慧之業

若得音響忍 是則為智本 其行如所念

是為慧之業 致柔順法忍 是則為智本

無所從生忍 是為慧之業 住不退轉地

是則為智本 得阿惟顏地 是為慧之業

坐於佛樹下 是則為智本 已逮諸通慧

是為慧之業 計其智之本 是曰為道心

依怙於此心 所作為慧業 常諦住道心

則能不動轉 是為慧事 正行常通時

若修行佛道 是心道之本 佛神力如此
亦分別辯才 若於無數劫 咨嗟此功勳
佛德及光明 不可得邊際 其過去諸佛
現在亦如是 若當來安住 十方不可計
其有欲供養 此無量寂勝 當順隨道心
則成無放逸

佛說於此智本慧業時十方無量諸
佛國土六反震動寶嚴高座亦復如
是於是智積菩薩前白佛言唯然世
尊今者何故十方世界不可計會無
數佛土六反震動其虛空中所立高
座亦復如是佛言族姓子是智本慧
業經典要品過去如來之所歎說往
古世時智積菩薩在於虛空多所持
護啟問如來佛為解答是故地大震
動光明普照

大哀經智積菩薩品第二十六

尔時有菩薩名遠分別辯前白佛言
智積菩薩何故号曰為智積耶佛告
族姓子乃往過去久遠世時有佛号
名首寂如來至真等正覺光明行成為
善逝世間解無上士道法御天人師
為佛世尊世界曰精勤劫名阿摩勒

其佛世界安隱快樂衆生無患首寂

如來諸菩薩衆四萬二千諸聲聞衆

八萬四千皆悉恭恪謙卑順教其佛

辯才以方等經為諸菩薩興百億難

歌頌悉周告諸菩薩汝等正士誰能

堪任受百億難一一解說而發遣之

彼諸菩薩又報佛言過今夜已當發

遣之或言七夜或言半月或言一月

思惟然後乃能發遣各各自思白世

尊義時彼衆會有一菩薩名曰覺意

前白佛言唯願大聖我不起坐不整

威儀無所思察於如來前今尊證明

悉當發遣所可難誼時此正士適師

子吼三千大千世界六反震動其大

光明普照世間以此威光告地上神

四天王忉利天炎天兜率天無憍樂

天化自在天上至魔界天梵天梵身

天梵滿天梵度著天大梵天光曜天

妙光天無量光天光音天嚴淨天妙

淨天無量淨天難及天善見天善勝

天離果天一善天空慧天識慧天不

用空慧天有想無想天悉來集會諸

比丘比丘尼童士童女不可稱計亦

皆來會及諸十方諸所千界悉來住
立於高座前時覺意菩薩見諸大衆
悉來集會承已福力意強霸力及提
持力分別辯力無所畏力奉佛威力
在於佛前諸衆會中取百億難一一
諸難與百億義而發遣之不轉其時
不移其坐亦不起立不動膝脚所說
流滑義不老錯聞者亘然若冥觀明
因時會中六萬人衆皆發無上正真
道意八萬四千菩薩逮得無所從生
法忍首寂如來則讚之曰善哉善哉
其音應時遍告三千大千世界其地
上神上至淨身諸天之衆皆聞其聲
悉共咨嗟今此菩薩乃能發遣百億
衆難當号名之為智積也族姓子智
以是之故故曰智積欲知今時覺意
菩薩豈異人乎莫作斯觀所以者何
則是智積菩薩也

大哀經歎品第二十七

於是提勢王菩薩前白佛言未曾有
也世尊諸佛世雄乃能善決於是淳
淑無上正真之道暢其文字不可限
量八無限誼難受難持解了深妙十

二緣起不能勤學亦為甚難其二行者無能及者是六情難滅坐有所著權不能解非是下度聲聞緣覺地所能逮者是菩薩行印一切法覆按法界則以平等猶如虛空無有作想恣無所著越所怖望別衆生行曉了一切報應之緣而復頌宣智度無極廣修善權奉靜寂句逮得神通以等行故入佛一門無有差特不為若干等定如空黨無等倫等無所等諸佛平等離於二事修行滅寂去諸文字導御於義令分別解暢其音響於義無獲所得等習奉行三寶講三脫門度於三界曉了三達興發自在譬喻定意則能建立諸佛之法懷來佛慧饒益一切諸佛所歎唯然世尊若族姓子及族姓女有能信此去來今佛如是比像所講道誼無量之慧以信樂至發無上正真道意將護正法聞如此比經典之要持諷誦讀具為人說得福無底則於如來為有反復孝順報恩佛言如是如是族姓子如尔所云若族姓子族姓女佛目覩見十方諸

佛所現國土滿中七寶持用奉施如
來至真等正覺若復有人持是經典
勤諷誦讀具足講說為衆宣傳慇懃
精進啓受正典懷之而行而不違斷
三寶之教如是行者德起乎彼不可
稱限於時世尊說此誼已歎此頌曰
吾以佛眼 觀諸國土 諸如來等
如積紫金 供養如來 福尚尠少
若聞此典 功德乃廣 其有應器
得聽斯經 深奧玄妙 第一至真
已具即受 持諷誦讀 計此功祚
為最上尊 取勝若此 常住於法
從法養生 不從衣食 是故當奉
安住之法 則為孝順 報諸佛恩
尔時世尊告衆一切諸會菩薩誰能
堪任受是過去當來現在諸佛世尊
無上正真道法之護吾滅度後於五
濁世時俗憤擾能傳此經使廣流布
令其正法住在久存應時彼會六万
億娑諸菩薩衆同時舉聲而歎頌曰
吾等世尊僉共堪任將護如來無數
億劫百千那術所集無上正真道教
於後來世當廣宣布又復大聖唯加

威恩建立神德令此經典於後末世
使廣流布令衆生類咸共奉命宣令
人民得殖德本已積德者耳得逮聞
於時世尊即歎頌曰

正覺言至誠住於真諦法以此建誠言
順立於斯經彼於無盡哀而住無極慈
演愍傷衆生故建立斯經成就功德品
越諸聖慧黨普入諸所行故建立斯經
降伏一切魔消化諸異學壞一切邪見
故建立斯經四王天帝釋梵王演布施
天龍提舍和故建立斯經地神虛空天
雜碎諸小天見佛名所建當奉持此詔
修於四梵行四諦自莊嚴將護於所部
故建立斯經虛空無色像令無色有色
佛之所建立無能動移者

於時四天王異口同音則於佛前以
頌讚曰

吾等順此與佛威所將護子孫及眷屬
還逮而侍衛若有受持者精勤於道教
我等當奉事四面管翼之

於時天帝釋則於佛前歎此頌曰

吾等報佛恩當護導師法是神妙經者
行者得成佛我等為諸佛孝順報護經

將養如是典 以此奉持法

少微經卷第八 第三十 周

於時梵三鉢天王則於佛前歎此頌曰
其不習放逸 越度一切乘 悉從是經生
深奧誼殊絕 當捨梵天安 設此經所在
故當往聽受 亦當隨營護

於時兜率天王則於佛前歎此頌曰
其一生補處 從兜率天下 便當奉持此
佛所說經典 世尊我堪任 棄捐天安樂
遊住閻浮提 聽說此經典

於時魔子導師則於佛前歎此頌曰
以畢魔罪業 不復從害教 其受持此經
識誼而奉行 我當擁護此 如來之經典
令興其精進 普使具足獲

於時魔波旬於世尊前歎此頌曰

吾於衆生類 不復為敗亂 其有受持此
攝壞衆欲塵 諸魔不得便 說此經典者
諸佛所建立 吾當將護之

於是須深天子於世尊前歎此頌曰
諸佛之正道 此經悉演說 若有持斯經
則奉一切佛 我當執此典 為億數天讚
勸助發道意 聞者則遵行

於是弥勒菩薩於世尊前歎此頌曰
若有志有道 其慈不須屬 擁護一切法

自出意布施 吾詣堯率天 佛之所建立

如是正像經 當令普流布

於是耆年大迦葉於世尊前歎此頌曰
吾等慧薄少 聲聞之所說 當任其勢力
執持世尊法 若有受持此 當往侍衛之
堪以宣辯才 讚之為善哉

於時舍利弗於世尊前歎此頌曰

法猶如虛空 世護之所說 吾當將養之
奉敬斯正典 若所在方面 奉持如是經
住在於後世 將念一切族

於時耆年大目犍連於世尊前歎此

頌曰

世尊今現在 清淨諸衆生 以持此經典
察誼觀奉行 於百千劫中 終不歸惡趣
已授於佛決 得為法王子

於是賢者阿難於世尊前歎此頌曰
我面於佛前 聞無數千經 從本未曾更
聞如是比經 今已遇此典 親從聖諮受
當令普流布 為求佛道者

尔時世尊咨嗟釋梵護世四天及諸
天子菩薩聲聞善哉善哉仁等正士
汝等乃能擁護正法 又如是比演師
子吼 今我重屬於正士等 懇懃委累

其有衆人志於大乘未得法忍若遇
如此建立經典受諷誦讀常與如來
而面相見如是不久當得其決成於
無上正真之道若聲聞學受佛此經
當於弥勒如來至真第一會數若緣
覺乘以此經典持諷誦讀吾滅度後
雖無所聞成緣覺道佛說於此摠勢
王菩薩所問經典義時無央數人皆
發無上正真道意不可計會諸菩薩
衆立不退轉地不可稱載諸菩薩等
逮得無所從生法忍無限世界六反
震動其大光明普遍十方天雨衆華
其於十方來會菩薩啓供養佛奉敬
正典普及一切實嚴高座化作寶華
而俱舉聲宣暢功德吾等善利獲無
極慶身自親近得至於此逮聞如是
決疑經典當令世尊釋迦文尼延命
久壽長存於世使此經典在閻浮提
永普流布其比丘比丘尼童士童女
受持如此比像經者是等亦令當蒙
擁護亦使長壽常以弘恩加益衆生
悉緣得度

於是搃勢王菩薩前白佛言至未曾
有世尊善分別說此經典義所演微
妙其辭粲麗菩薩元首所當行者降
制一切諸魔異學方便隨時道御諸
典而復悅可得衆生心出生一切諸
乘之行悉入如來無極功勳親具諸
願顯現大道是經典者所名為何云
何奉行佛告搃勢王菩薩是經号如
來大哀佛所宣教當奉持之聞如來
善剎未曾虛妄當奉持之佛說如是
搃勢王菩薩十方世界來會闍士諸
大弟子釋梵四王天龍鬼神捷沓和
阿須倫迦留羅真陀羅摩睺勒比丘
比丘尼童士童女一切衆會諸天世
人聞佛所說莫不歡喜

大哀經卷第八

庚子歲高麗國大藏都監奉

勅彫造

大集譬喻王經卷上

周

隋天竺三藏闍那崛多譯

復次說此法時命者奢利弗從座而起一肩優多羅僧伽作已右膝著地合掌白言大德世尊我欲少問願佛聽許如我所問賜為解說如是語已佛告命者奢利弗言奢利弗隨汝所欲當問如來阿羅訶三藐三佛陀其所問者我為汝說令心歡喜如是語已命者奢利弗言大德世尊此閻浮洲若有雨時於何處雨當名善雨如是語已佛告命者奢利弗言其善奢利弗汝以妙辯善思念如是義欲問如來汝欲利益多衆生故欲令多人得安樂故憐愍世間利益安樂諸天人故亦為現在未來發善菩薩乘諸善家子善家女等令生精進力故奢利弗善聽善念我為汝說奢利弗言如是世尊我今樂聞佛告奢利弗言奢利弗閻浮洲人所有甘蔗蒲桃大麥小麥胡麻稻粟小豆大豆江豆畢豆迦荼訶利鄰豆似大豆此土無如是等田及餘苗

稼於彼處雨名為善雨何以故若於彼處成就諸味閻浮洲人得用活命是故於彼處雨名為善雨奢利弗復言世尊善家子善家女若欲法施於何處與名為善與佛告奢利弗言奢利弗我說法施若於諸處普法施時名為善與奢利弗我今復說若法施時與諸菩薩摩訶薩於法施中名為勝上善與何以故彼善家子為諸衆生求法是故施彼法時名為勝上善與奢利弗譬如於大海雨非不有果非無受用如是奢利弗若於菩薩摩訶薩所與法施時非不有果非無受用何以故彼善家子為諸衆生求法故奢利弗譬如有人磨拭摩尼寶時若勤用力名為善作何以故奢利弗磨拭摩尼寶時與作百千水精珠等如是奢利弗於諸菩薩摩訶薩所若作力者名為善作何以故彼善家子為諸衆生當求阿耨多羅三藐三菩提發行無上菩提故奢利弗譬如大海無處不得下無處不得入何以故大海漸深大海漸下是故無處不得

下無處不得入如是奢利弗菩薩摩訶薩於般若波羅蜜巧方便中修菩薩行亦無有法而不能說奢利弗譬如一滴水池種優鉢羅華葉出生雖同一池其華外葉不如是妙不得如是稱讚貴重然彼內華則為男子女人稱讚貴重如是奢利弗聲聞獨覺同一法界證已不得如是稱讚貴重然彼如來阿羅訶三藐三佛陀則為世間天人阿修羅等稱讚貴重是故奢利弗見是義故善家子善家女應發是心莫同一法界證而得聲聞獨覺名字不得如是稱讚貴重如彼如來阿羅訶三藐三佛陀我等今者應發阿耨多羅三藐三菩提心當得如是稱讚貴重如彼如來阿羅訶三藐三佛陀奢利弗譬如若沉水樹若栴檀樹其葉不得稱讚貴重如自體香如是奢利弗同一法界證已聲聞獨覺智慧不得具足如真實香然彼如來阿羅訶三藐三佛陀真香具足奢利弗見是義故善家子善家女所有善根皆應迴向阿耨多羅三藐三菩

提奢利弗我說彼等由善友滿於阿
耨多羅三藐三菩提中歡喜愛者教
彼勤行令歡喜愛何以故奢利弗我
昔亦由善友攝故今成阿耨多羅三
藐三菩提奢利弗如有一人欲取珍
寶更第二人亦欲取寶彼者前人示
第二人向寶洲道所出寶處我說是
人無有慳恡如是奢利弗若示遍智
寶洲道者我說是人亦無慳恡奢利
弗如大價寶直多百千出大海中寶
在海時無人磨拭至閻浮洲乃有磨
拭如是奢利弗若有欲見如來者發
阿耨多羅三藐三菩提心各各見佛
勝功德已彼即廣行當成聲聞彼廣
行已當成獨覺彼廣行已當成阿耨
多羅三藐三菩提餘諸善根由值善
友皆成廣大奢利弗見是義故善家
子善家女應求善友親近承事既承
事已須修多業不久當成阿耨多羅
三藐三菩提何以故我昔亦由善友
攝故今成阿耨多羅三藐三菩提奢
利弗如摩尼寶若磨拭時細末流下
然其細末不得如是稱讚貴重如彼

摩尼大寶則為國王若王大目及餘
智人能別寶者稱讚貴重如是奢利
弗聲聞獨覺雖同一法界證不得如是
稱讚貴重然彼如來阿羅訶三藐三
佛陀則為世間諸天及人若耆闍婆
阿脩羅等稱讚貴重奢利弗辟如有
人自將金搏詣金師所若金師弟子
所到已告言汝取此金為我作釧我
著脚上時彼金師若彼弟子告言丈
夫我以此金為作瓔珞隨汝頂戴若
頸若手擊已多有百千人衆見生歡
喜讚歎於汝奢利弗時彼愚人不用
金師利益善語報金師言汝但為我
作於脚釧如是奢利弗善家子善家
女若如來所若聲聞所作勝上施法
時或有善友來至其所告言丈夫汝
今作此勝上施法是不順善所謂以
此勝上施法而於有量法中迴向若
聲聞地若獨覺地汝今作此勝上施
法所有善根堪能迴向阿耨多羅三
藐三菩提奢利弗於世間出世間法
中諸佛世尊寧是第一巧勝智慧奢
利弗是故諸佛世尊讚歎阿耨多羅

三藐三菩提何以故此是無上迴向
所謂阿耨多羅三藐三菩提奢利弗
見是義故善家子善家女所有善根
皆應迴向阿耨多羅三藐三菩提奢
利弗如有二人於中一人善作金色
劫波婆縷同一樹生所作細衣價直
百千一人欲作僕使庶衣到織師所
告言丈夫我此金色劫波婆縷善料
理訖同一樹生為我好織織師報言
丈夫我當與汝作衣價直百千何用
庶衣彼人不納織師善語報織師言
但為我作僕使庶衣如是奢利弗雖
同一法同一善根或有攀緣聲聞地
者或有攀緣獨覺地者或有住於無
上道者奢利弗於中若有攀緣聲聞
獨覺地者應當語言汝此善根是如
來因若求無上佛菩提者應亦語言
汝此施法所有善根當同一聚迴向
阿耨多羅三藐三菩提如是迴向以
彼善根施諸衆生作無盡心當攝取
之因此善根願諸衆生當得具足不
可思智不可稱智三界寂勝無上智
等如彼如來阿羅訶三藐三佛陀奢

利弗見是義故善家子善家女應種
善根於阿耨多羅三藐三菩提奢利
弗辭如國王第一夫人產生八子於
諸子中惟有一子具足王相得紹王
位以水灌頂餘諸王子復悉圍遶依
法奉事奢利弗於意云何非彼母腹
而有過失令餘王子不得灌頂大王
位耶奢利弗言不也大德世尊何以
故彼餘王子自於往昔不作王業不
種善根以是因緣彼餘王子悉不得
紹灌頂王位佛言如是奢利弗同證
一法界已如來阿羅訶三藐三佛陀得
名法王餘諸善家子等得聲聞名非
此法界有過失耶奢利弗言不也世
尊非此法界有其過失然由彼等於
往昔時所作善根不能迴向無上菩提
不行此道亦不發願不作勝上善根
又不願求遍知利益是故今但生聲
聞事彼等亦不行如來行又無如來
功德不具神通如諸如來阿羅訶三
藐三佛陀奢利弗以是義故善家子
善家女所作善根皆應迴向無上菩
提奢利弗辭如波利質多羅俱毗陀

羅樹有時初生三十三天皆大歡喜
作如是言此樹既生三十三天不應
久空如是舍利弗有時善家子善家
女發無上菩提心彼時所有正信三
寶天龍夜叉乾闥婆阿脩羅伽留茶
緊那羅摩睺羅伽人非人等心生忻
躍去此道場不應久空菩薩摩訶薩
得成無上菩提舍利弗譬如彼波利
質多羅俱毗陀羅樹三十三天見茶
出時不讚不重若見華時心生忻躍
如是舍利弗聲聞獨覺證一法界諸
天世人不讚不重若見如來阿羅訶
三藐三佛隨心生忻躍何以故如來阿
羅訶三藐三佛隨具諸善根及三十
二大丈夫相所有光明勝於日月能
照無量諸佛刹土憐愍衆生舍利弗
譬如彼波利質多羅俱毗陀羅樹若
增長時三十三天應知此樹不久當
有多葉百千俱致那由多葉乃至無
量阿僧祇葉以覆其上如是舍利弗彼
初發心菩薩摩訶薩生時長時應知
當有百千俱致那由多等聲聞乃至
無量無邊阿僧祇諸聲聞衆圍繞在

前多有聲聞獨覺出現奢利弗辟如
須弥山王有別峯處高百踰闍那或
高二百踰闍那乃至七百踰闍那此
等別峯不得言是大須弥山如是奢
利弗從如來智出生聲聞亦不得言
其智具足如諸如來阿羅訶三藐三
佛陀彼亦不具足如來十力四無畏
智無尋智等然其如來阿羅訶三藐
三佛陀則具諸力無畏無尋智等奢
利弗辟如須弥山王住處應知即有
多天子衆百千俱致那由多等乃至
無量無邊諸天子衆出現於彼在其
山頂受天福報心甚愛樂天欲遊處
隨意即遊如是奢利弗彼初發心菩
薩摩訶薩生時長時善根迴向無上
菩提應知當有多聲聞衆百千俱致
那由多等乃至無量無邊諸聲聞衆
出現於世諸聖行處隨意即遊奢利
弗辟如須弥山王住處即有四畔俱
時而住終無先後如是奢利弗菩薩
摩訶薩善根迴向無上菩提今時即
有佛性佛地佛智佛功德等俱時出
生亦無先後奢利弗辟如須弥山王

住處若分分斷比於餘山猶為高大如是奢利弗彼初發心菩薩摩訶薩善根迴向無上菩提若即以比諸餘善根足為最上高大住持奢利弗譬如須弥山王有金色邊若諸鳥獸至其邊者皆同一色所謂金色即與師子獸王同色奢利弗雖與師子獸王不共師子王等亦復不如師子獸王遊戲頻申無畏吼聲如是奢利弗聲聞獨覺雖與如來同於一味謂解脫味不得即共如來阿羅訶三藐三佛陀等彼無如來如是功德諸力無畏師子吼聲然其如來則具方便智慧諸法此方便智聲聞獨覺尚皆不聞况能出生如來功德如來遊戲如來雷聲如來以師子吼而吼高出諸世奢利弗如諸鳥獸與師子王雖同一色而餘功德悉不共等不得名為師子獸王如是奢利弗聲聞獨覺雖與如來同解脫味而亦不共如來齊等以彼不得功德名稱不得如來無上上名及如來體又亦不得無上菩提諸

力無畏無尋智等以是諸力無畏無尋智等具足故名如來阿羅訶三藐三佛陀奢利弗見是義故善家子善家女所作善根皆當迴向無上菩提奢利弗辟如四天王天普於須彌山邊而住三十三天住於山頂奢利弗於意去何須彌山上豈不容受四天王天而彼四王不住頂耶奢利弗言不也世尊須彌山上非是不容四天王天而彼不住但彼往昔不種山上受用福報以其不作如是業故不得住於須彌山頂如是奢利弗我此法體亦無過失而不容受諸聲聞等令其不得十方世界智以彼往昔所作善根不知迴向無上菩提亦不發願修如是行不發取上遍智智心是故今作聲聞不得遊於如來行處又無如來功德亦不具足諸力無畏無尋智等以佛具足是智故名如來阿羅訶三藐三佛陀奢利弗辟如大海不停死屍如是奢利弗阿鞞跋致菩薩摩訶薩不共慳居奢利弗辟如大海潮不過時如是奢利弗阿鞞跋致菩薩

摩訶薩若乞士來終不過時奢利弗
辭如有人若取滴水於大海中皆是
一味所謂鹹味如是奢利弗菩薩摩
訶薩若以種種百千諸門所作善根
迴向無上菩提皆成一味謂遍智味
奢利弗辭如金性出金謂金錢也隨種種意
作諸瓔珞轉得種種瓔珞名字如是
奢利弗以一佛智轉成多種百千瓔
珞所謂出生衆生善根奢利弗如王
作錢若已印有文者得名為錢若未
印無文者不得錢名如是奢利弗菩
薩摩訶薩未得無生法忍諸佛世尊
未授阿耨多羅三藐三菩提記若得
無生法忍已諸佛世尊然後記言汝
善家子於未來世當得如來阿羅訶
三藐三佛陀奢利弗辭如外道仙人
有天眼者若見有人初住胞胎未記
色類以其未成男女相故後時若成
男女相已外道仙人方以天眼記言
當生是男是女如是奢利弗菩薩未
得無生法忍諸佛世尊未授阿耨多
羅三藐三菩提記若彼後得無生法
忍諸佛世尊方與其記汝善家子於

未來世當得如來阿羅訶三藐三佛
陀奢利弗辟如日輪出時不作是念
我光當照此閻浮洲但使日輪共光
出時於閻浮洲必作照明令閻浮洲
所有諸人顯明諸色如是奢利弗菩
薩摩訶薩若得遍智智時亦不作念
我當照明三千大千世界奢利弗菩
薩摩訶薩行是法行坐是地分具是
生相具是善根彼當如是覺智以是
覺智彼菩薩摩訶薩必自照明三千
大千世界奢利弗辟如二人皆欲得
寶入於寶洲於中一人取無價寶其
第二人取有價寶於時智人言丈夫
此處有無價寶汝可取之此寶多價
國王大臣若城邑人及餘智人別識
寶者皆共稱讚貴重為上此人不用
彼人語故取有價寶如是奢利弗此
佛教法亦似寶洲有人到已即作無
價念行具足謂遍智智寶相應念遠
離聲聞獨覺等念復有第二人以聲
聞獨覺相應念行奢利弗同一法界
證已如來阿羅訶三藐三佛陀在法
王數復有自餘諸善家子成聲聞已

在聲聞數得遍智者。在普見數如如。來阿羅訶三藐三佛。陀奢利弗。辟如如意寶珠。隨到誰手。彼即自在。無有一寶而不得者。如是奢利弗。菩薩摩訶薩。無有一衆生所而不教作善根。乃至無有一衆生所而不教作善根。乃至無為涅槃。奢利弗。辟如作摩尼人。若作摩尼弟子。隨所有寶外。畔濁惡。若磨拭已。光色勝上。知色勝已。彼作珠人。若彼弟子。當得多種百千財聚。而用活命。如是奢利弗。菩薩摩訶薩。隨於他心。今生善根。如彼善根。皆以自心方便智攝。以此善根。成諸佛法。奢利弗。如摩尼寶。若未淨時。須好覆藏。何以故。彼摩尼寶。是無價故。如是奢利弗。彼初發心菩薩摩訶薩。初發心時。諸天及人。若軋闍婆。阿修羅。世當須守護。何以故。彼善丈夫。為諸天人。阿修羅。世發阿耨多羅三藐三菩提心。奢利弗。如摩尼寶。雖未磨拭。當知即為國王大臣。若城邑人。及餘智人。別識寶者。稱讚貴重。如是奢利弗。彼初發心菩薩摩訶薩。當知亦為諸佛世

尊菩薩聲聞稱讚貴重奢利弗辟如
有人若見佛時當須如是生希有心
彼如來阿羅訶三藐三佛陀時時出
世我今可發阿耨多羅三藐三菩提
心豐正法業以此正法教諸衆生善
根聚集彼諸善根皆當迴向阿耨多
羅三藐三菩提彼迴向時若有無信
比丘比丘尼優婆塞迦優波斯迦若
摩羅波卑若摩羅身天來到其所說
大乘過令其捨離令不樂欲奢利弗
於意云何彼等豈不為多衆生百千
俱致那由多等乃至無量無邊阿僧
祇諸衆生等作無義利作不安隱令
苦令墮耶奢利弗言如是大德婆伽
婆如是大德修伽多何以故為諸衆
生作無義利作不安隱令苦令墮所
謂於發大乘諸善家子善家女所說
大乘過令不樂欲阿耨多羅三藐三
菩提令退令離佛言奢利弗若欲不
捨如來阿羅訶三藐三佛陀者應求
阿耨多羅三藐三菩提是故奢利弗
諸發大乘善家子善家女於阿耨多
羅三藐三菩提應當樂欲莫退莫離

何以故我說不捨如來阿羅訶三藐

三佛陀者謂發大乘善家子善家女

於阿耨多羅三藐三菩提樂欲不離

不退者是奢利弗譬如飢饉惡世所

種不生如在石上種時若王若王大

目若刹帝利若刹帝利大目若婆羅

門若婆羅門大家若長者若長者婦

若長者大家在於城邑為衆人故集

種種穀而作大倉時衆人等皆詣倉

所取種種穀將歸而食時有一人到

彼倉廩放火燒之奢利弗於意云何

是不善人豈不於多百千俱致那由

多等乃至無量無邊阿僧祇諸衆生

所作無義利作不安隱令苦令墮耶

所謂是不善人於彼倉廩放火燒壞

不令受用奢利弗言如是世尊佛言

奢利弗如是如是正法欲滅於時有

人聞如來阿羅訶三藐三佛陀或時

出世彼人聞已於衆生所而生大悲

生大悲已發阿耨多羅三藐三菩提

心於時若有不善人出於發大乘諸

善家子善家女所說大乘過令不樂

欲阿耨多羅三藐三菩提令退令離

奢利弗於意云何是不善人乃與無量無邊阿僧祇諸衆生等作無義利作不安隱令苦令墮所謂於發大乘諸善家子善家女所說大乘過令不樂欲阿耨多羅三藐三菩提令退令離奢利弗言如是世尊奢利弗譬如商主多將商人在道而去逢大險河多有流水時有一人語第二人作如是言丈夫當作方便計按用力求船其第二人語彼人言我正住此不能求船於時彼人有志有力勤作方便求船將來置於河邊乃有無量無邊阿僧祇衆生得從此岸度至彼岸既得度已於彼岸住其第二人懶惰無智少力薄福仍住本處不能度河更有餘人來到河所亦欲求度見彼懶惰無智少力薄福人已語云丈夫汝何不度時懶惰人作如是言共我伴者方便用力求得船來置於河邊已令百千那由多俱致衆生得從此岸度至彼岸時彼餘人語是人言奇懶惰人何不學伴而墮此處受無量苦如是奢利弗我見二人行布施時一

人語彼第二人言丈夫汝可相應善作方便計校用力聚集善根於阿耨多羅三藐三菩提第二人言我不取阿耨多羅三藐三菩提但欲到阿羅漢若欲到阿羅漢者亦須相應方便計校用力當得出生初第耶那如是出生第二第三第四第耶那虛空無邊處識無邊處無所有無邊處非想非非想處三摩跋帝於其中間即便命終乘此得生非想非非想天身當得長壽久住乃至八万四千劫限而住今時彼人證覺阿耨多羅三藐三菩提覺已為多衆生百千那由多俱致乃至為無量無邊阿僧祇衆生說法說法已於後以無餘涅槃而取涅槃時第二人乘此仍在彼非想非非想天住如是語已命者奢利弗言如是大德婆伽婆如是大德脩伽多實如如來所說世尊當知彼人是其懶惰若樂初第耶那乃至非想非非想天樂著彼處即樂著已更不能與上人法合不作方便計校用力不近善友隨順承事不如實觀三解脫門當

知是懶惰人世尊彼菩薩摩訶薩大
勤精進聲聞少信是其懶惰世尊見
是義故善家子善家女所有善根皆
當迴向阿耨多羅三藐三菩提奢利
弗辟如有摩尼寶具多功能將問作
摩尼寶人言此摩尼寶有何功能問
已彼隨所知如是為說於中若多知
者說多若少知者說少如是奢利弗
同證一法界已乃有轉生聲聞智者
彼等隨勝功德而知隨勝功德而說
隨其所問還如是答依有限智以昔
有限發願故然如來阿羅訶三藐三
佛隨有無限智以昔無限發願故有
無限無尋智無限六波羅蜜善巧方
便成熟衆生何以故如來阿羅訶三
藐三佛隨昔行菩薩道時集無邊願
以是無邊功德法莊嚴故證於遍智
奢利弗辟如波利質多羅俱毗陀羅
樹初生小華其有香氣彼閻浮洲諸
生華香若鉢摩那若婆梨師若占波
迦自餘諸生華香彼皆不及波利質
多羅俱毗陀羅樹初生諸小華香如
是奢利弗其諸聲聞獨覺所有善

根若名聞若香若威德若力皆不及
彼初發菩提心菩薩摩訶薩何況入
行何況不退何況一生補處何況至
灌頂時何況住普賢菩薩行何況在
勝道場何況如來阿羅訶三藐三佛
陀所有香所有威德所有力具足此
力所謂諸佛世尊奢利弗辟如此閻
浮洲所有流泉浴池泊河小河大河
等皆入大海然其大海亦不厭足如
是奢利弗菩薩摩訶薩於陀那波羅
蜜而不厭足如是尸羅波羅蜜羼帝
波羅蜜毗梨耶波羅蜜弟耶那波羅
蜜般若波羅蜜方便遍智所有善根
亦不厭足奢利弗辟如此閻浮洲所
有流泉浴池泊河小河大河等大海
之內悉能含受如是奢利弗所有天
龍夜叉乾闥婆阿脩羅伽留荼緊那
羅摩睺羅伽人非人等乃至所有衆
生界等菩薩摩訶薩悉能含受與甘露
味令彼等喜奢利弗辟如大那伽那
大力所著鎧甲閻浮洲人皆不能著如
士神著鎧甲為諸衆生者彼鎧甲其諸聲

聞獨覺不能著彼鎧甲如是奢利弗
從初發心乃至坐勝道場不捨菩薩
摩訶薩如是鎧甲行菩薩行奢利弗
初發大乘善家子善家女應如是學
相應用力勤修於業則當速成阿耨
多羅三藐三菩提奢利弗如雪山王
南畔所有諸樹具足諸華諸果諸香
彼等諸樹間浮洲人皆不得用如是
奢利弗聲聞獨覺雖有無漏戒定智
解脫解脫知見善根彼等衆生皆不
得用如諸菩薩摩訶薩戒定智解脫
解脫知見善根諸衆生等皆當得用
奢利弗是故菩薩摩訶薩應著如是
鎧甲所有戒定智解脫解脫知見善
根彼諸衆生皆當得用若諸衆生不
得用者我無如是善根戒定智解脫
解脫知見奢利弗譬如恒伽大河所
流行時彼流行處潤此大地令其津
澤又彼流行遍地而去凡諸塵土草
木葉等彼流行時悉攝將去如是奢
利弗菩薩摩訶薩於閻浮洲行住坐
卧如是等處攝諸衆生令其善根皆
得潤澤又復行住坐卧遍切諸無智

行欲瞋癡行及顛倒行皆攝受已行
住坐卧奢利弗若發大乘善家子善
家女聞此上說雖多懶惰必須發大
精進奢利弗辟如恒伽大河有處流
時作聲大聲有處少聲有處無聲如
是奢利弗得無生忍菩薩摩訶薩有
處亦現出生善根有處自身示現隨
順承事善友有處自身為他而作善
友隨衆生器所堪如是自身示現奢
利弗辟如鎖輪若未善磨不善淨時
見其形像即不善淨若彼鎖輪善磨
淨時然後分明見其形像如是奢利
弗初業菩薩摩訶薩如見自善根即
承事善友如承事善友然後增長佛
法奢利弗辟如恒伽大河增長滿時
於其兩岸草木枝葉皆漂將去乃至
於四大海如是奢利弗菩薩摩訶薩
應著如是鎧甲所有此岸助隨黑事
行於諸見除道我皆將去乃至到無
餘涅槃界奢利弗辟如恒伽大河有
時增長多沫於中有多樹等根莖葉
果拔已將去於中復有第二大樹猶
生而住後時第二年中恒伽大河更

長過前前者大樹更及諸木拔已將
去如是奢利弗若有善家子善家女
承事善友發阿耨多羅三藐三菩提
心已而為惡友力故以昔業行力故
受五欲福娛樂受樂皆共隨行於後
必須承事善友乃至當得無生法忍
何以故於諸佛所種諸善根終不虛
棄彼等必當出世作佛号遍智者号
普見者奢利弗譬如有時却燒彼時
三千大千世界皆大熾然而作光明
同一熾然若燒若壞無墨無影如是
奢利弗菩薩摩訶薩應著如是鎧甲
無一衆生可見於彼衆生界中所有
衆生皆不知者我於彼等當令作不
退法奢利弗譬如彼大焰聚然時所
有諸毒諸藥彼等皆同被燒如是奢
利弗菩薩摩訶薩應著如是鎧甲若
有衆衆生若無衆衆生我於彼等皆
當平等說法如彼願如彼信彼諸衆
生種種信行當速令度不作二相何
以故諸法無二不作二相諸法無我
於如不知奢利弗譬如彼大焰聚然
時有焰乃至光音天有焰不能至今

許遠處如是奢利弗同一法界證已
聲聞獨覺雖平等入而於十方世界
智慧不轉如彼如來阿羅訶三藐三
佛陀法界證已具無量智奢利弗譬
如彼大火聚十方世界不來不去而
燒三千大千世界彼火亦非無因如
是奢利弗彼諸佛智十方世界不來
不去亦不共聚如來阿羅訶三藐三
佛陀具足智者如實知十方世界諸
衆生心行彼智亦非無因寂上遍智
當如是見奢利弗譬如日輪出時當
知蔽諸螢火而作照曜如是奢利弗
初發心菩薩生時長時當知蔽諸具
足分智聲聞獨覺光明而作照曜何以
故彼作善根迴向阿耨多羅三藐三
菩提是故具無邊光奢利弗譬如日
輪出時當知蔽諸星宿色光而作照
曜諸處星光皆不復見如是奢利弗
菩薩摩訶薩從兜率天下時多有百
千俱致那由多諸天來閻浮洲出如
是聲告如是聲說如是聲汝諸人輩
此菩薩摩訶薩今從兜率天宮捨身
余時此閻浮洲所有獨覺大智具者

皆聞聲已發心向於涅槃何以故寂
勝福田菩薩摩訶薩從堯率天下陞
有如是自在力何況生時何況行七
步時何況初出言時我於世間寂大
寂勝我當必盡生老病死何況出時
何況至道場時何況證阿耨多羅三
藐三菩提時是故如來於諸衆生可
云寂勝寂上寂大寂妙無上無上上
奢利弗見是義故善家子善家女所
作善根皆當迴向阿耨多羅三藐三
菩提奢利弗譬如大地所有種子彼
等牙生有種種名同一地塵而有諸
相如是奢利弗於一法界證已種種
界衆生出種種名而不破法界是故
奢利弗菩薩摩訶薩應著如是鎧甲
當於彼時我證一法界已種種界衆
生種種名字以智當說以是若干大
智而亦不壞法界法界亦不作二法
界亦無增減可知奢利弗見是義故
菩薩摩訶薩當思如是法行雖恒伽
河沙數諸佛滅度法界亦無增減可
知現在十方世界所有諸佛世尊具
無尋智所有聲聞且於少智法界亦

無增減可知虛空界極法界相應如是當知法界為極佛法相應亦如是知是故奢利弗菩薩摩訶薩此深法中當以智觀覺無我法奢利弗譬如虛空界無與相似者如是奢利弗法界亦無與相似者是故奢利弗菩薩摩訶薩於此深法當以智觀奢利弗譬如有人於大海中取諸滴水彼皆一味所謂滋味如是奢利弗於一法界出生聲聞何以故法界一而無二是故奢利弗菩薩摩訶薩此深法中深處應當以智分別於此法中般若波羅蜜當隨順行非在餘處廣說譬喻於無我法當思當觀當求當合當生欲心當發精進作業用力善家子善家女此深法中當以智觀覺無我法奢利弗譬如大海有魚身長百踰闍那者乃至身長七百踰闍那者彼諸魚身雖復增長七百踰闍那大海亦無增減可見然彼七百踰闍那魚身死時大海亦無增減可見如是奢利弗菩薩摩訶薩當如是學雖有恒伽河沙數等諸佛世尊滅度而法

亦亦無增減可見復有無量聲聞滅
度法界亦無增減可見此雖一味謂
解脫味而諸聲聞不能轉生是智如
諸如來阿羅訶三藐三佛陀奢利弗
辟如轉輪王有諸寶出彼等諸寶餘
處不生唯於宮內出生諸寶何以故
彼轉輪王昔作轉輪王業以作業故
唯於宮內出生諸寶如是奢利弗淨
心菩薩摩訶薩淨心殺阿耨多羅三
藐三菩提若欲施他隨其所欲彼則
出生何以故以彼先世善淨心故
大集辨喻王經卷上

辛丑歲高麗國大藏部監奉
勅雕造

大集寶王經卷下

周

隋天竺三藏闍那崛多譯

奢利弗辟如有人入寶性中

謂出問先寶

入者言丈夫諸寶何似何相於先入者報彼人言丈夫汝癡云何名入寶性自見諸寶復問此寶如是奢利弗若善家子善家女作如是問法界何似法界何相奢利弗於時諸菩薩摩訶薩應著如是鎧甲我今當示衆生如此法界為說今住奢利弗寶性者所謂法界入寶性丈夫問寶者所謂愚凡夫輩於先入寶性丈夫者所謂如來阿羅訶三藐三佛陀奢利弗辟如大海不作是念我出有價諸摩尼寶或出無價諸摩尼寶如是奢利弗法界亦不作是念有知我已出有限智或有出無邊智奢利弗但於法界定隨所知得有限智又於法界定隨所知得無邊智奢利弗辟如未竟一

日即知若干剎那若干羅婆若干瓶若干箇皆知一日有若干殘如是奢利弗未竟出生苦集滅道是故奢利

弗菩薩摩訶薩當知此是謬信我說
菩薩乘善家子善家女未到菩提奢
利弗譬如水聚下大地彼不令虛空
多如是奢利弗雖恒伽河沙等諸佛
世尊已入涅槃而法界不見增減無
邊諸聲聞衆滅度而法界亦不見增
減是故奢利弗菩薩摩訶薩應著如
是鎧甲所有衆生界不見增減法界
亦不見增減我等作如是師子吼乃
至覺阿耨多羅三藐三菩提奢利弗譬
如無有是處我分別說有人至海龍
王邊作如是言我欲得破毛端為百
分以一分毛出一滴水時海龍王語
彼人言丈夫汝欲百分破於毛端以
一分毛出一滴水我不捨大海如是
奢利弗於無邊衆生界教授作力令
喜大喜彼作是言我等不堪發阿耨
多羅三藐三菩提而我於法亦不作
分奢利弗譬如春後夏月熱時有人
往詣恒伽大河欲飲其水而有一人
障不聽飲奢利弗於意云何彼人於
彼無主大水聚中而作障尋得是順
不答言不也世尊佛言如是奢利弗

無攝法界無攝諸佛法中有發大乘
善家子善家女信解渴仰而有衆生
說大乘過令離令斷奢利弗於意云
何彼人順不答言不也婆伽婆不也
修伽多佛言是故奢利弗善家子善
家女聞是說已應當速發阿耨多羅
三藐三菩提生欲精進相應用力善
家子善家女此深法中當以智觀覺
無我法奢利弗辟如此大地中有地
分所於閻浮洲諸人無用彼何者是
所謂坑坎缺崖棘刺高峻廢處如
是奢利弗衆生界中有諸衆生於諸
衆生亦無所用彼何者是所謂發聲
聞乘獨覺乘者彼等於諸衆生則
無所用奢利弗辟如有大地分閻浮
洲人得有用處彼何者是所謂具足
園林華池若有出金銀處彼等閻
浮洲人得有受用如是奢利弗衆生
界中有諸衆生於諸衆生得有所用
而彼等少彼何者是所謂若發阿耨
多羅三藐三菩提彼等為諸衆生而
作歸依畢竟作樂故奢利弗辟如大
海中有無價諸摩尼寶而閻浮洲諸

人不得受用如是奢利弗雖諸阿羅漢聲聞有無邊善根戒定智解脫解脫知見而彼等於諸衆生則無所用如諸菩薩摩訶薩所有善根戒定智解脫解脫知見彼等為諸衆生受用是故奢利弗菩薩摩訶薩應著如是鎧甲若不為諸衆生受用畢竟能作樂者非我善根奢利弗譬如尼瞿陀子其形雖小而生時長時多引多覆如是奢利弗其初發心菩薩摩訶薩善根生時長時當知他諸善根皆所不及取上而住是故奢利弗發菩薩乘善家子善家女雖小善根不可輕賤莫言不增長耶何以故發大乘人善根若增長時當知作無量阿僧祇奢利弗譬如有人大富多財多受用具多有貝玉珊瑚金銀等所謂若刹帝利大家子若婆羅門大家子若長者大家子彼等出街市時誰欲看者看誰欲至者至誰欲問者問今時所有諸寶大摩尼寶直多百千欲看者看欲至者至欲問者問何以故彼等心大於此賣買如是奢利弗菩薩摩訶

墮於諸佛法以大乘中欲問老問欲說者說何以故彼等信大如是言說不斷欲至者至欲問者問欲看者看欲說者說奢利弗辟如所有不摩屈實其價乃大直多百千奢利弗於意云何彼大價摩屈實頗與水精得共居不答言不也婆伽婆不也脩伽多何以故世尊其摩屈實自與摩屈實居不共水精等亦不可為喻佛言如是奢利弗菩薩乘善家子善家女與發大乘衆生應當共居共行共遊親近承順給侍善事共脩多業彼於其間發覺令憶以如是故即隨當學奢利弗辟如有人欲學於射彼當憶念親近射師何以故彼學此處當須其間發覺令憶而慰喻之如是取弓如是作拳如是把弓如是放箭以其射師發覺令憶及慰喻故彼即隨學當得成就如是奢利弗彼發大乘諸善家子善家女應當親近如來阿羅訶三藐三佛隨隨順供養於發大乘諸善家子善家女所應當共居共行共遊共念彼發大乘諸善家子善家女

親近隨順供養已彼應其間發覺令
憶復當慰喻彼於其間發覺令憶及
慰喻時即隨當學此是陀那波羅蜜
此是尸羅波羅蜜此是羼帝波羅蜜
此是毗梨耶波羅蜜此是弟耶那波
羅蜜此是般若波羅蜜此是方便波
羅蜜如是當學普遍種智所有善根
彼應其間發覺令憶復當慰喻彼即
隨當學而得成就奢利弗辟如轉輪
王於閻浮洲中所去遊處閻浮洲人
不驚不怖不傷不損多捨金銀令住
十善業道作如是行其轉輪三行時
多有百千俱致那由多衆生悲泣憶
念轉輪王功德如是奢利弗菩薩摩
訶薩於諸佛剎行時遊時彼應當學
諸佛勝德在在行處順法界行彼去
遊處令諸衆生不驚不怖不傷不損
多捨金銀令諸衆生住於十善業道
於十善業道上上令生當如是行至
無漏地當如是作所有行處彼諸人
等當學當念此是我善友行於諸善
法攝者作力者作覺者說甚深處者
攝我等者所行去處奢利弗菩薩摩

訶薩應學如是勝上功德奢利弗辟
如彼轉輪王所去遊處次第行處彼
時多有百千俱致那由多無量衆生
歡喜欲得彼來何以故彼以善法教
諸衆生彼以善法攝諸衆生如是奢
利弗菩薩摩訶薩應著如是鎧甲我
所去處次第行處於種種方諸佛刹
中彼時多有百千俱致那由多衆生
歡喜欲得彼來何以故彼當教諸衆
生善法又有種種善巧方便當攝衆
生奢利弗譬如彼大價摩尼寶直多
百千彼欲求時從何處得當於賣處
如是奢利弗菩薩摩訶薩隨其方便
見諸衆生堪為成器彼處彼處而作
方便教以善根後當與取種種善巧
方便求已教諸衆生合善法中勸於
菩提心中奢利弗辟如若諸王子若
王大臣諸子聚集坐已共作是議如
是當取王位當制王法當持王位當
宜王教如是奢利弗諸菩薩摩訶薩
熾盛修諸善根承事多百千俱致那
由多諸佛種諸善根善修於慈常能
普念行於大悲喜菩提心念道場故

而行於捨彼如是等大信者欲作師
子吼者欲澍法雨者欲擊法鼓者欲
吹法螺者欲豎法幢者欲安法舫者
欲度諸墮四流衆生者無量劫欲著
鎧甲者欲著大慈大悲大喜大捨牢
鎧甲者欲轉無上法輪者欲降伏魔
羅及眷屬者欲著不思鎧甲者欲著
無比鎧甲者欲著諸三界取勝取上
鎧甲者如是等類諸善家子一處集
坐共作是議我等應當攝諸衆生於
彼無漏諸善根中我等應當令諸衆
生迴向涅槃界我等應當蘇息諸衆
生於無為涅槃界中舍利弗譬如若
諸王子若王大臣諸子聚集坐時餘
下賤人不得至於彼處如是舍利弗
諸菩薩摩訶薩聚集坐時餘少分智
具足諸衆生等不能見亦如是境界
如諸菩薩摩訶薩示現舍利弗譬如
大海有衆生身大如蠅子復有衆生
身大百踰闍那復有衆生身乃至七
百踰闍那舍利弗於汝意云何豈彼
大海不容彼等小身衆生若彼大身
諸衆生耶答言不也婆伽婆不也脩

伽多非是大海不容世尊由造業故
彼諸衆生成於小身由造業故彼諸
衆生成於大身佛言如是舍利弗以
發願力故諸聲聞少智然如來阿羅
訶三藐三佛陀有不可量阿僧祇不
可思不可稱無邊不可說智何以故
彼昔行菩薩行有不可量阿僧祇不
可思不可稱無邊不可說願以造彼
業成就乃至到無尋智最勝功德奢
利弗譬如大海有諸衆生與摩厘寶
不相近合不知彼名何況受用如是
奢利弗有諸善家子等於此法律中
生於彼法海具足遊者其諸聲聞獨
覺猶不知彼三摩地名何況具足諸
三摩地而欲當行以具足三摩地故
名如來阿羅訶三藐三佛陀奢利弗
譬如射師作手作法所放箭處彼處
不虛如是奢利弗有善方便菩薩摩
訶薩以善方便攝取般若波羅蜜具
足彼若發心當即不虛無不攝取無
不迴向阿耨多羅三藐三菩提彼善
提心即不入欲瞋癡非欲所染非瞋
所惡非癡所迷彼若發菩提心即不

入色乃至不入識不入我乃至不入
受非眼界非色界不入眼識界乃至
非意界非法界不入意識界彼若發
菩提心即離欲瞋癡若無欲瞋癡即
有大慈大悲大喜大捨若有大慈大
悲大喜大捨即不可得若不可得即
無生滅若無生滅即無斷常若無斷
常是名發菩提心虛空界極法界究
竟虛空界業合方便智是名發菩提
心奢利弗辟如寶樹生時長時非無
諸實功能如是奢利弗菩薩摩訶薩
以諸善根迴向阿耨多羅三藐三菩
提共攝大慈大悲大喜大捨奢利弗
以是義故當知菩薩摩訶薩發阿耨
多羅三藐三菩提心猶如寶樹奢利弗
辟如此三千大千世界所有諸樹諸
草枝葉彼等皆為燈炷此三千大千
世界所有諸須彌山王輪山大輪山
王目真隣陀山大目真隣陀山王餘
諸黑山及諸石山彼等皆為燈器此
三千大千世界所有流泉陂池洎河
小河大河大海彼等皆為油滿若有
聲聞乘獨覺乘善家子善家女在如

來阿羅訶三藐三佛陀前然彼諸燈
奢利弗於意云何彼善家子善家女
彼因緣故福德多不答言甚多大德
婆伽婆甚多大德脩伽多佛言奢利
弗於意云何若發大乘善家子善家
女乃至施一燈彼因緣故何者福多
如是語已奢利弗言世尊發大乘者
乃至施一燈福德是多非聲聞乘獨
覺乘以無邊阿僧祇無量燈施如是
語已佛言奢利弗甚善甚善奢利弗
如是如是如汝所說何以故若諸菩
薩摩訶薩陀那波羅蜜即諸衆生陀
那波羅蜜若諸菩薩陀那波羅蜜彼
諸衆生即得飲食衣服瓔珞乘等受
用衆具若諸菩薩陀那波羅蜜彼諸
衆生即得長者財穀倉庫等受用衆
具亦得田宅園林殿堂城邑聚落國
土王都等受用衆具奢利弗略說諸
菩薩尸羅羣帝毗梨耶第耶那般若
彼破尸羅衆生乃至無智衆生當得
智慧何以故彼初發心如散種子當
如是見彼脩行已猶如種子增長不
退轉地如成枝葉一生補虜猶如出

華彼如來地猶如成果隨衆生欲如是聚果如來涅槃當如是見奢利弗以是義故當知由初發心如來出生由於如來出諸衆生所有樂具亦由如來出諸聲聞獨覺奢利弗以是義故善家子善家女所有善根皆當迴向阿耨多羅三藐三菩提奢利弗譬如月輪出時此閻浮洲所有流泉陂池泊河小河大河彼處皆見月輪而彼月天子於自宮不動彼之月輪不近一處而於諸處現月輪影如是奢利弗住十地菩薩摩訶薩多諸佛刹乃至多百千俱致那由多佛刹自身示現彼諸佛刹所有村城聚落國土王都諸處菩薩摩訶薩自身示現有處示現陀那波羅蜜或復捨頭手足眼耳或捨皮肉筋骨髓心或捨子女妻妾宅舍村城聚落國土王都或現無罪法犯大會須食與食須飲與飲如是乃至騎乘衣服鬘香塗香牀座倚枕燈明等示現捨時為攝慳惜衆生故乃至為捨五受聚故有處示現尸羅波羅蜜不缺不穿不斑不雜亦

如犂牛護尾為攝破戒衆生故乃至
令住三斛脫門故有處亦現羈帝波
羅蜜若截手足及以挑眼自無瞋恚
為攝高慢瞋毒衆生耽富貴者故乃
至今住無生法忍故有處亦現毗梨
耶波羅蜜為懈怠衆生熾然精進故
厭離自樂令諸衆生住樂故為攝懈
怠小精進衆生令住精進故乃至令
住十地故有處亦現弟耶那波羅蜜
遊戲弟耶那斛脫三摩地三摩鉢帝
為攝失念不正知無三摩地心亂心
衆生故乃至令住金剛三摩地故有
處亦現般若波羅蜜說難度深佛法
故處非處地非地如衆生行為說法
故如是奢利弗住十地菩薩摩訶薩
巧攝方便般若波羅蜜具足如所欲
得如是能作如諸衆生信諸波羅蜜
如是為諸衆生亦現諸波羅蜜如諸
衆生信色如是為諸衆生亦現於色
如信法本如是為諸衆生說法令彼
衆生當得不退轉阿耨多羅三藐三
菩提奢利弗辟如有樹能與諸欲若
有衆生欲得諸寶來到其邊令彼衆

生所欲得滿若食若衣若瓔珞若其
衆生所須諸寶金銀毗瑠璃玻梨赤
真珠碼碯車渠如彼衆生有所須欲
諸寶即生彼與衆生諸所欲樹若割
若破若斫不見其樹割處破處及斫
損處轉更增長出種種寶如是奢利
弗住十地菩薩摩訶薩有處示現陀
那波羅蜜有處示現尸羅羣帝毗梨
耶弟耶那般般若波羅蜜巧方便為首
有處示現生四天王天三十三天須
夜摩天兜率多天化樂天他化自在
天諸魔羅身天乃至諸梵身天梵光
天梵衆天梵輔天大梵天光天少光
天無量光天淨天少淨天無量淨天
遍淨天廣天少廣天無量廣天廣果
天無熱天善見天善現天乃至生阿
迦尼吒天亦現自身說法有處亦現
有想無想衆生乃至非想非非想天
有處亦現此閻浮洲作轉輪王身為
衆生說法有處亦現轉輪王四分中
一分王形色有處亦現力轉輪王形
色有處亦現剎帝利王者大臣王臣
小男小女婦女丈夫沙門婆羅門尼

在梵志天龍夜叉捷闍婆阿脩羅伽
留荼緊那羅摩睺羅伽人非人等乃
至依城者形色有處亦現聲聞獨覺
形色有處示現下堦率官或入母胎
或出生或梵釋捧接或行七步或口
出言我是世間尊勝當窮生死或詣
學堂或入天祠或處宮內或在閭浮
樹下或身出家或至道場或降魔羅
軍衆或證無上菩提或轉法輪或為
四衆八部說法或現涅槃或一全身
或如芥子或熾正法或現法滅奢利
弗略說如諸衆生所信說法者是諸
菩薩摩訶薩自身亦現為成熟諸衆
生故如諸衆生信諸法本是諸菩薩
摩訶薩為諸衆生說於法本令彼諸
衆生等得不退轉阿耨多羅三藐三
菩提奢利弗譬如幻師若幻師弟子
住四大道亦種種幻所謂爲馬車步
奢利弗於意云何彼四分兵來處去
處十方諸世界中可得知不答言不
也婆伽婆不也脩伽多彼幻來去不
可得知而彼幻非無目佛言如是奢
利弗彼佛智若來若去十方諸世界

中亦不可知。如來阿羅訶三藐三佛，
隨以是智具足。故十方諸世界中諸
衆生，所有心行皆如實知。而彼智非
無因。彼智取上當如是見。奢利弗，
譬如有人被捉咽喉，則諸處根皆當被
捉。如是奢利弗，若善家子善家女，以
遍智心善提心中入諸佛法，請諸衆
生攝諸衆生，持諸衆生，奢利弗，譬如
有人壽命百歲，將一滴水來與如來
阿羅訶三藐三佛。隨作如是言：世尊，
我寄此一滴水，願為持之。莫雜餘水。
如來取已，擲恒加大河中。擲已，彼一
滴水向於大海。時彼壽百歲人過歲
還來，作如是言：世尊，與我前所寄一
滴之水，不令雜餘水者。奢利弗，如來
阿羅訶三藐三佛，隨有如是智，謂不
思智無比智。出三界智。如來阿羅訶
三藐三佛，隨具是智。已從大海出，彼
前所寄一滴之水，不雜餘水。還與彼
人如是。奢利弗，如來阿羅訶三藐三
佛，隨非一佛剎中說法，亦非二三四
五乃至非千佛剎中說法。種種善巧
方便教化衆生，何以故？如來阿羅訶

三藐三佛陀不可量阿僧祇不可稱不可說無量千佛剎中說法種種善巧方便教化衆生奢利弗辟如春後夏月正熾熱時有一丈夫乃與大衆欲過曠野彼於行時遠見陂動彼人慰喻彼大衆言汝等但來有水可飲今時彼人令彼大衆望水不絕速出曠野便得蘇息不損不傷安隱無畏至自境界如是奢利弗如來阿羅訶三藐三佛陀令諸聲聞欲入阿羅漢果為其說法如阿羅漢所作相應精勤用力彼既作已便獲其利奢利弗若信是法彼即信無塵法若信無塵法彼即信如來阿羅訶三藐三佛陀若無塵法解脫若於無塵法解脫彼即解脫生老病死憂悲苦惱奢利弗辟如漏盡阿羅漢在阿蘭拏山遠險之處誦時彼處有響彼時更有異人聞已即得阿羅漢果奢利弗於意云何彼人是誰調伏答言世尊是阿羅漢佛言奢利弗於意云何彼漏盡阿羅漢豈作如是念言我若誦時當有衆生

得調伏耶。答言不也。婆伽婆。不也。脩伽多佛言。舍利弗。於意云何。彼響從內從外。從內外出。莫作是見。若諸衆生所出音聲。當如是信。若有是說。彼亦隨我。舍利弗。譬如丈夫婦女於睡夢中。乃見如來與聲聞衆。圍繞說法。舍利弗。於意云何。如來聲聞。其實來不。答言不也。婆伽婆。不也。脩伽多佛言。如是。舍利弗。若人現見我聲聞衆。圍繞說法。當信如夢。彼即現前見我。及以法僧。舍利弗。譬如大海非無有寶。而不取寶。何以故。彼於先世不曾作取寶業。是故彼摩丘寶。黑不識不取。若人曾作摩丘寶業。彼即得入寶洲。入寶洲已。取摩丘寶。如是。舍利弗。非無法界。而不覺阿耨多羅三藐三菩提。舍利弗。但彼先世於佛境界。不作善根。亦不發起。是故今入聲聞。彼等不行。如來行處。亦無如來功德。不具如來力。無畏等。及無尋智。如來阿羅訶三藐三佛。陀則具如來力。無畏等。及無尋智。舍利弗。譬如丈夫婦女執鏡。自看面輪。見自面相。便生喜躍。如

是奢利弗無聞凡夫不知影喻法本
故馳走流轉而生愛樂是故奢利弗
菩薩摩訶薩應著如是鎧甲我今為
諸衆生說法令於流轉當知當斷奢
利弗菩薩摩訶薩當信諸法空虛不
牢如是當行奢利弗辟如如來阿羅
訶三藐三佛陀有所作化彼化生時
無所生滅時無所滅於佛境界若問
若答此非二法如來所化生時無所
生滅時無所滅如是奢利弗得無生
法忍菩薩摩訶薩覺諸法無生覺已
不得一法若生時生無處法生若滅
時滅亦無有為無為何以故菩薩摩
訶薩覺諸法無二故奢利弗辟如沫
埵無有牢固彼無牢固當隨順知如
是奢利弗諸法無生固諸法是空當
隨順知諸法如海本性無有二相奢
利弗辟如水泡從因緣生以一一因
不能得生如是奢利弗凡有衆生因
不正念欲取於生彼皆虛無空不牢
固彼諸衆生於實際中不如實知不
見不入不覺我為彼等衆生昔著如
是鎧甲云何令彼諸衆生等當見實

際我應為說流轉輪迴奢利弗辟如
鳥行虛空無法郵尋如是奢利弗菩
薩乘善家子善家女等於諸法無尋
際無塵際無二際信於遍智我說是
菩薩乘善家子善家女等決定阿耨
多羅三藐三菩提奢利弗辟如神通
比丘行虛空時雖見其行不見步跡
如是奢利弗見菩薩行而不能說
彼法及善根迴向處何以故奢利弗
我所覺法不可言說彼法諸天龍夜
叉捷闍婆阿脩羅伽留荼緊那羅摩
睺羅伽人非人等不能成就唯除諸
菩薩摩訶薩於諸世界寂勝具足上
智著大鎧甲何以故彼菩薩摩訶薩
諸天等世皆不能及奢利弗辟如手
足能作諸事如是奢利弗於此法本
當如是見奢利弗辟如有人能以一
指示現五指於意云何彼難作不奢
利弗言甚難婆伽婆甚難脩伽多佛
言奢利弗我此說難如虛空等法界
虛空等法覺已為他解說此難於彼
我說希有何以故奢利弗彼菩薩摩
訶薩虛空等法覺已不作戲論而能

增長如是奢利弗所有善根菩薩摩訶薩當覺阿耨多羅三藐三菩提彼諸善根皆是虛無空不牢固阿耨多羅三藐三菩提示現已彼諸善根乃不欺誑覺阿耨多羅三藐三菩提是故奢利弗菩薩摩訶薩應著如是鎧甲我信諸法是不牢固若不入此忍者不能成就八人法須陀洹法斯陀含法阿那含法阿羅漢法何況覺阿耨多羅三藐三菩提唯除諸菩薩摩訶薩於諸三界取勝具足上智奢利弗是故菩薩摩訶薩應近善友承事供養何者善友所謂示教行六波羅蜜若以餘教彼非善友若菩薩摩訶薩如是言如是教如是應學諸波羅蜜如是應學諸菩薩法當知彼名菩薩摩訶薩真實善友奢利弗譬如以一滴酥擲大海中於意云何此為多不奢利弗言不也婆伽婆不也脩伽多於彼水中還是一滴佛言如是如是奢利弗諸聲聞獨覺戒定智解脫解脫知見少攝不能為諸衆生而作利益奢利弗譬如以一滴油擲華池中

彼則遍滿不知其油滴法如是奢利
弗諸菩薩摩訶薩戒定智解脫解脫
知見乃至諸有善根為諸衆生當得
受用乃至究竟涅槃奢利弗譬如有
一丈夫於大海中破百分毛取一滴
水於意云何彼一滴水比於大海水
聚何者為多奢利弗言世尊假使取
百踰閻那猶當是少何況彼人破百
分毛取一滴水佛言奢利弗如是諸
聲聞獨覺智如一滴水諸菩薩摩訶
薩知見如大海水聚諸菩薩摩訶薩
具足是知見故能成熟諸衆生乃至
將到無餘涅槃界佛說此讚諸菩薩
摩訶薩功德法今時無量阿僧祇無
邊諸衆生等發阿耨多羅三藐三菩
提心無量阿僧祇無邊諸菩薩摩訶
薩善根熾然增長勸行成就無量阿
僧祇無邊天人等世遠塵離垢於諸
法中得法眼淨佛說此經時尊者奢
利弗及餘諸比丘比丘尼優波塞迦
優波斯迦天人捷閼婆阿修羅等聞
佛所說皆大歡喜
辯喻王經卷下

寶女所問經卷第一

發

西晉月支三藏竺法護譯

問慧品第一

聞如是一時佛遊於如來寶淨高座
則為如來之所建立積無極德已為
莊嚴所遊道場佛慧報應蠲除所行
外菩薩宮講无量頌如來所歎顯立
威變聖導無尋普有所入志存微妙
誘進摧行等過去慧於當來劫弘大
究竟其德無量順平等覺善轉法輪
无限之首諦分別慧於一切法而得
自在悲觀衆生心之諸根度于彼岸
曉了方便斷除諸著邪業之行為造
佛事莫不為信化令寂定與大比丘
俱六百万其心調和消除累尋塵勞
之欲乃為如來法王之子修深妙法
興發道化無有顛倒威儀顯曜成就
聖路為大衆祐如來安詳獲善究竟
復與菩薩大聖衆俱无量無限不可
思惟浩浩大會行无所拘諸菩薩等
斯須之間尋能超越無量佛國便設
權宜供養奉事十方如來有所諮啓

聽受經典不以厭倦而常精勤勸化
衆生智慧善權以用超殊至于彼岸
得度無極而以建立无罣脫門便得
超越一切衆想望報羅網近一切智
諸通之慧

其名曰明天菩薩選遊步菩薩擇戰
闍菩薩照明藏菩薩蠲慢意菩薩踊
步菩薩眼觀菩薩雷音菩薩離冥菩
薩如是等類諸菩薩衆不可限量無
邊無際不可引喻

尔時世尊歎詠菩薩所生道場其法
名曰无陰盖辟一切菩薩徑路清淨
諸佛之法力無所畏具足究竟聖慧
之事於諸法典而得自由提持之門
所入法印敢可遭遇決衆法門聖通
无極超入於慧不退轉輪說不迴還
諸乘平等所導無二遊无所壞一品
法界而分別說衆生心根所入之慧
獨步堅强決了諸法滅除一切諸魔
之場已度衆患隨應順法律化衆塵
諸邪之見入無限慧方便勸助行无
邊際咨嗟權慧十方諸佛所共宣暢
達無希望行无罣尋無處之門分流

興隆一切諸法決了如應而等普入
有想無想體解聖達遊于深妙緣起
之事顯明道業无極德慧佛身口意
而以莊嚴於此三事心行所歸智慧
無盡越諸聖諦壞聲聞乘身心澹泊
開演明喆教化緣覺致諸通慧導利
大乘入于道品於一切法而得信忍
宣揚如來所因興德講說分別誦讀
宣現智慧教授開示流布靡不周遍
尔時世尊講說於斯善慧法典宣引
普誦時衆會中有一女人名曰寶女
即從坐起右手執持妙珠瓔珞白世
尊曰唯然大聖如我所言至誠不虛設
此衆會佛所說法大士所講吾能具
足持斯經典普於十方流布弘廣勸
無量人於此法寶建立无上正真之
道如是所誓不改易者如來威神使
斯貫珠顯示聖旨於時世尊因衆現
變令諸菩薩皆於其上化成棚閣珠
交露帳斯諸正士然後來世成正覺
時如其佛土微妙嚴淨佛道場樹當
使於今現此瑞應衆寶棚閣珠交露
帳令斯會者觀其嚴淨悉皆悅豫於

時寶女前詣佛所則散珠瓔散珠瓔
已佛之威神寶女之德誓願至誠在
於佛上及諸菩薩上虛空中化成棚
閣珠交露帳壁方弘廣若干種變奇
特殊妙周匝平等莊嚴校飾分布安
處正無傾斜時諸菩薩各心念言如
我等身本往古時志所誓願當令吾
等佛土嚴淨道場覺樹亦復如是斯
諸菩薩如心所念各各自見交露棚
閣適觀此已恠未曾有前白佛言甚
為難及天中之天其實女者所建立
力能為我等顯現瑞應无央數劫所
發志願今此寶女一心念頃悉令現
矣世尊告曰如是正士如汝所言寶
女發意如志所建行道以來於六十
二百千億娑諸佛之所殖衆德本乃
致若茲至誠所建真實誓願以是之
故今斯寶女如其所誓被德之鎧尋
使成立諸正士等又寶女者設欲志
願於斯三千大千世界普雨天華悉
令周滿則如所言輒雨名香擣香澤
香雜香衣服膳饌設復欲令幢蓋繒
幡自然莊飾周遍虛空尋如意成若

復欲令天地水火灾自然興者若復火
灾則如所言便有水灾自然火灾設
復欲令水火灾灾蠲除還復如其所
言恚能致之設欲令此一切衆會恚
自然變形體被服如轉輪王尋恚能
成為四天王形體被服天帝形像梵
天顏貌大神妙姿容之像比丘比丘
尼清信士清信女色像顏貌則如所
言恚能成之正使欲令變恚現化億
百千魔一一魔者手各執持百種刀
杖令此衆魔堅住不動不設刀杖恚
使化成若干品種諸珠瓔珞湏縵衆
華思夷之華皆輒如言若復欲令玄
絕曠野自然變有飲食衣被為大城
郭十八億家遊居其中如其所言皆
能致之三千世界所有形像欲令顏
貌皆成如來尋輒如志若復欲令一
切衆會處在虛空恚當如言諸族姓
子斯寶女身欲令無量无限無有邊
際佛之境界諸佛世尊所說經典於
虛空中皆為通達具足衆脩普聞音
聲如佛所言無有缺減十方佛辯亦
女所說但能宣暢於是寶女立願之

力袖足變化普示現之如此色像則
於佛前說是頌曰

以寶為業 執妙聖環 演說豪尊

無量道德 則以蠲除 塵欲瞋結

乃布惠施 七覺之寶 以寶光明

照衆窈冥 若干品類 明月珠曜

尊上琦珍 寶英寂勝 今以瓊珠

恭奉安住 假使瑪瑙 首藏明珠

焰光之珠 无垢藏珠 日月之明

所出光暉 蒙尊所照 而悉覆蔽

觀能仁身 無能限量 所荷之祐

致獲十力 住立斯土 極至上界

觀察聖體 轉顯加倍 一切衆會

各各見佛 悉自念言 尊在我前

皆從方面 悉見佛顏 紫金縱容

無比之貌 正使坐時 卧寐經行

若復現在 處衆會中 言辭若嘿

樂立禪定 威儀无比 聖智無限

一一毛孔 所演光暉 則能普照

一切十方 身如蓮花 寂勝引滿

猶如志性 令意寂然 常立誠諦

所云真實 如口所言 尊行相應

曉了分別 諸法之誼 稽首道備

得度彼岸

尔時寶女以此頌偈讚佛德已白世尊曰我身今欲咨問如來於斯經典章品之句志所趣向設見聽者乃當自陳佛告女曰恣所欲言欲問吾當為汝分別說之令心悅豫於時寶女見佛聽之歡喜踊躍白世尊曰何謂菩薩常懷至誠云何如來為諸菩薩說真實辭何謂菩薩而應順法云何如來為諸菩薩講說經典何謂菩薩尋應威儀云何如來為諸菩薩而說議趣何謂菩薩奉順律教云何如來為諸菩薩講決律事

佛言善哉善哉寶女所問欲暢仁賢真要辯才諦聽諦聽善思念之唯然世尊願樂欲聞於時寶女受教而聽佛告寶女菩薩有三法常懷至誠何謂為三未曾欺佛不自欺身亦不欺誑一切衆生何謂菩薩欺於諸佛而欺己身及與衆生假使菩薩興發无上正真道意志慕聲聞緣覺之地而誓求願意甘樂之是為菩薩欺佛已身及與衆生何謂菩薩不欺諸佛已

身衆生假使菩薩發大道意設令勤苦遭衆惱患為諸衆魔所見嬈試為諸外道所見逼迫毀辱誹謗而戲弄之百種罵詈撻捶危害虛妄之事而以加已志性寂然不起怨結不懷怯弱不成迷誤不恐不畏不以憂感不以為恨續秉一志志性堅強平等之行不捨道意但執惠心珍寶之心常懷道心一切世間尊第一又復發心為諸衆生救護歸命令得超度所興之心而無等倫无以為喻不退不捨不在餘乘常立一志樂於佛道導御法輪令諸群萌悉得面見現於諸力興顯如是行步舉動遵脩精進終不破壞他人言教是為菩薩不欺諸佛不自欺身亦不侵欺一切衆生假使菩薩不欺諸佛不自欺已不誑衆生是為菩薩第一至誠彼以四事不欺諸佛順于堅固而應威施所為力強精進懇懃復以四事不自欺身志性仁和質直其心無有諛諂亦无虛訑彼以四事不欺衆生方便應病慈心愍哀加以四恩是為菩薩第一至

誠不捨道心而不違失往古之願佛
復告寶女曰菩薩至誠謂口寂然護
於言語所說無缺口辭真諦在於獨
處若大眾中言常至誠不以國故而
兩舌也不以珍寶具足貨業而欺虛
言不以父母親族貪財惜費而兩舌
也佛語寶女有三十二事口辭清淨
何謂三十二著慙一造德二常懷耻
愧三等修於善四不為劣惡五不索
譏謗六不為平暴七教化諸天八不興
恐懼九燒諸惡趣十開演善歸一賢聖
所命二恭奉明智三其內清淨四善修
於外五而受言教六分別言辭七無執
鞞說八口演柔軟九言語殊特十口暢
香潔一而隨教命二无有欺詐三無所
熱惱四造業可愛五内无有失六外亦
無誤七不為罪業八造眾祐地九樂於
佛道十傳語至誠一言輒獲利二是為
三十二事也

佛告寶女所謂至誠求願具足所以
者何喜布施者為菩薩道无慳貪故
斯成志願一切所有設能慧施觀是以
後此則至誠清淨之誠為菩薩道不

為毀禁斯成所願假使戒禁具足清淨觀是以後此則至誠建立忍力為菩薩道志不懷結斯成誓願其忍辱者此為柔和觀是以後則為至誠遵修精進為菩薩道不為懈怠斯成所願設能普行一切德本觀是以後則為至誠建立禪定為菩薩道不為亂心斯成所願設能懷來習一心者觀是以後則為至誠建立智慧為菩薩道不為邪黠斯成所願曉了聖慧觀是以後則為至誠四意止行為菩薩道不為放逸斯成所願意以寂定觀是以後此則至誠四意之斷為菩薩道不與眾惡心若滅除斯成所願觀是以後此則至誠四神足行為菩薩道無有不達已能飛行斯成所願觀是以後此則至誠五根之事為菩薩道諸根寂然无有錯乱斯成所願諸根澹泊觀是以後此則至誠五力之行為菩薩道不為無勢具足十力斯成所願觀是以後斯則至誠七覺之意為菩薩道无所不了已能覺達諸情不起斯成所願觀是以後此則至誠

八聖道行為菩薩道无有邪徑設處
聖路斯成所願觀是以後此則至誠
四恩之行為菩薩道不為無救攝諸
危厄斯成所願觀是以後此則至誠
修四梵行為菩薩道不為天人慈悲
喜護救濟群黎斯成所願觀是以後
此則至誠神通之慧三達之智正觀
寂寞為菩薩道無諸瑕穢衆行普具
斯成所願觀是以後此則至誠具足
一切諸德法本為菩薩道不為无度
蠲除一切諸不善法斯成所願設能
宣脩仁賢之法觀是以後此則至誠
佛告寶女菩薩亦當翫習奉行賢聖
之諦知於苦慧斷於所習曉了滅盡
修行聖路彼所謂知於苦者分別五
陰无所起故斷於習者於五陰愛無
所習故究竟恩情无所習行其為脫
門無所遊居不懷所施其无所懷則
於過去而無所至設於過去无所至
者彼則正法無所蠲除已於諸法无
所除者是為斷習彼知滅盡一切想
著所興方便觀究竟盡其滅盡者為
不復懷得於生死等於所有終始均

平於一切法而無增減已等觀者斯
為曉了滅盡之慧彼察平等於八正
路則能等療无所想念而無邪想求
諸塵勞无有吾我以無吾我便无所
受則無所生无造業者悲能善修於
一切法是則名曰為聖路矣假使於
斯至誠之慧曉了一切皆暢衆生亦
無有内亦无所證是為菩薩之至誠
也佛說是至誠教時一万菩薩具足
聖慧逮得法忍

佛告寶女何謂菩薩應順於法御行
如法則隨法教思惟於法法為志性
恭敬於法遵修法行欲慕於法樂於
法樂多存於法法為妙英法為刀杖被
法之鎧誓法自嚴修法光明法之錠燎
常志法念以法為意遊步於法分別經
典方便應法遊步法行法為卧寐法
為威儀將護法事以法布施法為財
業法無有盡普弘演法法為嚴辦常
修法身法為言辭思惟法念而不放
逸如是比類遵修法行具足成就而
順法主不為非法彼為何謂順法主
者設使如斯至誠真諦被佛法鎧以

法為護恭敬聖眾慇懃聽經樂於道
意積累眾善不捨至真志性本淨而
無所著不違所應見諸賢聖習眾善
友常行恭敬隨其示現離於憍慢多
所咨嗟遊在法會至心聽經慕求法
典不以獸足講說道義則不憊倦而
於經法无能為師念報恩慈以有反
復所作成辦處於閑居而無恐懼賢
聖之教无所犯負不捨止足順從十
善咨嗟布施勸助佛道奉於禁戒忍
辱為力遵修精進而不怯弱禪定寂
然遊入智慧興隆道化顯揚善權慈
多所護入於愍哀悅豫行喜護離二
事而順至誠所可遭遇以善為業興
發神通導利正法在所遊至以法惠
施於四意止不忘失志四意斷者遵
修平等四神足者現在究竟諸根明
達修治諸力曉了諸覺超越徑路入
于寂寞觀察所行真諦之惠聖明解
脫頌宣暉曜順諸聲聞隨其本地教
化緣覺咨嗟一切大乘之德則以應
誼而理緣起便於空無无所忍畏遊
于無想則无所著觀察無願五陰如

幻觀諸四種亦如虛空又諸入者本
淨悉空七財之業遵修六念及樂於
六行度無極而獲五眼第一之議常
自將護多所超度善修道業等心一
切衆生之類歌頌一切無量諸佛功
德之法佛言寶女順法菩薩不言有
我不計有人亦不計命亦不念壽不
思斷絕不覩有常不見所有若復不
離之所觀者不釋邊際不猗中間不
從朋友亦無諍訟亦无不和亦无偏
黨不處顛倒不在邪見越度狐疑蠲
除陰蓋諸所望尋不違遠法亦不乱
法不誹謗經不輕慢道不滅究竟一
切諸法順道菩薩志存諸法具足經
典所言至誠為順法矣無所興舉於
諸異學順法言者茲難邪行悉以滅
矣於一切世而順法言菩薩順空行
无所獲則無邪想无瞋恚法順無願
教而於三界悉无所行慤慤專精觀
諸瑕穢順法菩薩則无所起亦无所
滅則不受生本性清淨義在寂寞佛
告寶女所謂法者則不可獲無有文
字而无言說亦無辭意无色無見亦

無所趣无有言誨亦無所教離心意
識无有塵垢以離瑕疵遠於貪欲無
有窈冥无所積聚則無吾我而无所
受亦無所取離於所受无有境界便
無老特於十方界而无所著則為澹
泊弃行身退亦不可覩覺了玄曠亦
無想念亦无思行抑制聖賢為明智
者所蒙開化亦無所遺亦无不遭休
息一切所可遇者則如真諦三世為
空便無求沒亦无終亡亦無退還亦
无所生無所成就亦无毀滅亦無所
有亦不不有亦無所成亦不不成亦
无所行亦無所視亦无不見亦不離
視亦不成相亦無不相則為一相亦
復無相亦无所著離於所著亦無有
餘无著無縛亦无所脫不是我所亦
無所属无所遵修亦無諸漏則无等
倫亦無平等等无所等亦無至誠亦
不虛妄不樂不苦亦不精進亦無不
勤亦无所應亦不不應亦不專精亦
無不精亦无名色亦無所起不為堅
固亦無不固无所破壞亦無不壞不
為金剛亦不壞相則為真諦不違至

誠而無別異亦无所遠亦無有像類
无有倫比無有處所亦无有想亦無
有此亦无有彼亦無老特亦无有內
亦無有外亦无中間亦無所樂不度
彼岸亦无所見亦無所聞亦无所念
亦無所教亦无所知亦不無知亦不
有形亦不无形亦不有作亦不無作
則離一切諸所有形是謂為法如是
法者則無音聲亦无不聲亦無合會
无言無說是謂菩薩應順於法也

佛告寶女具足一切諸所言辭則為
順法其順法者未曾與人有所諍訟
其順法者不輕慢他其順法者亦不
輕易於未學者亦不偏敬學成就者
其順法者不自稱譽亦不顯己其順
法者不乱經典其順法者不以供養
而說道義其順法者不為他人順發
狐疑其順法者終不訟說他人之罪
其順法者不輕慢經其順法者終不
妨廢他人經道其順法者終不覩見
覺了諸法老特分數其順法者不覩
諸法離於空者其順法者悉覩諸法
不遠無常其順法者不覩諸法捨於

无願其順法者不壞法界其順法者
不動無本其順法者亦不超度於真
本際其順法者亦不導御隨瞋恚也
其順法者亦不御念於諸神識其順
法者亦不導利有所猗著其順法者
亦不思念計有人也其順法者不乱
法議不違嚴飾其順法者不迷神識
不惑道義其順法者不毀正議其順
法者不錯法品其順法者不迷於人
其順法者不造朋黨其順法者亦不
順於緣起之事其順法者則無有勢
亦无有法清淨因緣其順法者亦無
慳恡塵勞之穢其順法者不沒禁戒
其順法者亦不捨於毀戒之人其順
法者无有慳慳瞋恚結恨其順法者
不與懈怠垢濁之人而俱同歸其順
法者不失道意其順法者未曾違壞
智慧之本其順法者不求他人法之
長短其順法者不用憎人歆於經典
其順法者不用經典御於典籍其順
法者不違律教其順法者不違法律
其順法者亦不遵修而有所應具法
非法其順法者不以心念而有所失

其順法者不沒經典其順法者不壞
成就其順法者不取結縛其順法者
不得生死其順法者不除無為其順
法者无有親友怨讎之想其順法者
不毀報應所殖之果其順法者亦不
信樂罪福之應其順法者若加惡言
則不念報其順法者不求鬪諍之瑕
缺也其順法者則不恣口其順法者
將身口心不為諛諂其順法者不以
自顯欲令人見處於閑居其順法者
不以供養之所貪利而見少事其順
法者不以无欲而造凶偽其順法者
不用他人及與已身演說佛道其順
法者不興反教其順法者不以七財
而為貪恡其順法者不以糗糧而為
服食其順法者亦不破壞嚴父族種
其順法者不譏人短其順法者亦不
稱譽已身之德其順法者不分別說
佛之道德而有限尋其順法者咨嘍
大乘不以慙貳是為菩薩應順於法也
佛告寶女何謂菩薩尋應威儀所謂議
者無求名聞非羸劣誼遵修療治一
切德本積累善誼志性超異興發道

意合集空誼假使布施不望報誼顯揚一切諸安之誼不毀戒誼忍不忍誼精進之行一切所造則超度誼而以禪定為寂寞誼則於智慧無猶豫誼遵修慈者等衆生誼設為悲者則於衆生一切演誼其為喜者歡樂法誼若為護者於諸苦樂无動搖誼若布施者則無誨誼欣樂所生无所害誼造成誼者興法願誼平等誼者勸化衆生志于大乘而以四恩化黎庶議一切万物非常苦誼一切諸法無吾我誼於諸塵勞至澹泊誼而於識者曉聖慧誼遊嚴飾事為將御誼一切經典則為帑藏導利典誼計人命者化以法誼若能了識觀達法誼說誼无盡分別經卷不壞法誼若觀順滅入無色慧而遭辯才隨其衆人應病說誼設布施業不以厭誼為持戒業具足願故博聞之業奉要行故功德之業滿諸相故為惠業者曉了一切群生根故寂然之業將心事故觀察之業通達智故四意止者制止志故四意斷者興顯一切功德法故為

神足者遊十方故其五根者不破他故亦不毀空為五力者而不錯亂諸塵勞故七覺意者曉了一切諸法之故遊求路者於一切法無結恨故成神通者究竟本末无缺漏故在彼如斯若茲像類順法議者則為究竟法誼之要若應此誼尋應威儀不為非誼如是菩薩尋應威儀

佛告寶女一切顛倒衆邪見滅則為空誼行空菩薩為順誼矣除一切想應以不應則無想故无想菩薩便順應誼離於一切三界之願則无願誼無願菩薩便順應誼休息一切諸所造行則無行故无行菩薩便順應誼捨遠所生一切滅盡則無生故无生菩薩便順應誼諸所起受以無所起則无起故無起菩薩便順應誼而以蠲除苦習盡道則為盡故滅盡菩薩便順應誼一切諸法无有人命則為無故无人菩薩便順應誼一切言辭音響之誼而不可得則為故矣無獲菩薩便順應誼諸行清淨則誠諦故至誠菩薩便順應誼一切道品法无放

逸則為故矣無騁菩薩便順應誼一切所聞悉信奉行則為誼也遵行菩薩便順應誼一切諸乘由大乘故若有菩薩隨大乘教便順應誼

佛告寶女無所壞者无若干事則為誼矣一品類者若一味者則為誼矣無所動搖若无所盡則為誼矣無所行者不生不起則為誼矣无所來者亦無所去則為誼矣无所生者亦無所滅則為誼矣无有二事不舉不下不高不卑則為誼矣無所造作亦无有形則為誼矣无所興為亦無所有則為誼矣無有同像无所勸教亦無有知則為誼矣去於三瑕淨三道場平等三世三垢永除而無三塵則為誼矣无所遊止無所毀失則為誼矣无有怨敵為澹泊行無有惱熱則為誼矣无燕居行則為誼矣无所宣布来今無有諛諂則為誼矣亦不想念正法非法除有限无限有常無常平等之惠而超度去則為誼矣於諸文字所應音聲而悉曉了一切本淨无

有言辭則為誼矣。曉心意識無所宣暢而出家者則為誼矣。於姪怒癡塵勞之欲有想无想應與不應悉分別之而無想著則為誼矣。等於諸法而无若干不為老特則為誼矣。空无想願無所造作亦无有形則為誼矣。曉了第一至誠事者不有所信不仰他人不知相處則為誼矣。亦無勅教不著諸相則為誼矣。相如虛空靖寂之相則為誼矣。無所著相无所造作無所悅相則為誼矣。無所壞相如其本无真諦無异无老特相則為誼矣。善開化相計陰如幻自然之相則為誼矣。其四種者為法界相而不遊出徑行外相則為誼矣。布施戒惠寂然善權無有相者則為誼矣。興設至誠无欺詐相一切所有為無所有相則為誼矣。猶如金剛堅无壞相處於世間無所諍相則為誼矣。所作極善而諦究竟具足之相則為誼矣。一切普入而悉濟相无有陰盖所向門相則為誼矣。等於諸趣入於一切諸法之相則為誼矣。平等無邪覩於平均无所有

相則為誼矣定意智惠因遊生相解
度知見而為惠相則為誼矣依於聖
相若有所知若教命相則為誼矣如
其真諦曉發遣相等御一切諸法之
相則為誼矣假使菩薩如是具足所
修之誼能說若斯諸誼事者則能分
別一切衆誼故謂大士菩薩尋應威
儀者也

佛告寶女何謂菩薩奉順律教如來
講說而有二律何謂為二殃罪之律
次勞欲律彼何謂殃罪之律所言罪
律思想之本不應順本無明之本愚
癡之本顛倒之本无寶之本虚偽之
本貪身之本猗我之本著人之本憊
怠之本無所捨本无所歸本狐疑之
本惕恣之本難致慧本是謂殃罪之
律何謂次塵欲律住無猶豫而无所
念無有罪處亦不說罪不說方面不
樂王者不為塵埃無有慳貪亦无所
見心無所起其志安雅離于滅盡則
无所所有無有處所亦无方面無有塵
勞无所恡惜亦無所覩計如心者罪
亦如之如其罪者一切諸法亦復如

是無有根本亦无所住猶如心者不可攀引清淨鮮潔超諸所有寂然澹泊趣于滅盡斷絕休息生死患難信遵聖教而秉一心無有猶豫志於同歸无有歿置是則名曰決塵欲律

佛告寶女何謂塵勞何決欲律所言塵者謂婬怒癡无明恩愛及以所受諸有十二所趣有為因緣之行是曰塵勞所決欲律究竟開化一切諸法所以者何則以空事開化諸法彼无欲行無恚恨癡則以无想開化諸法亦無翫習行衆勞塵則以无願化於諸法彼則習行諸德善事於一切行而無所行已无所有化於諸法以無所行導利諸法彼於所造而無所行一切諸法依猗因緣於一切見无所遵修假使於此十二因緣有所歸趣平等諸法於一切勞則無欲塵本末寂滅所云空者俗與道空以是之空一切塵勞欲事亦空假使以空等於道者是決欲律其有言曰彼與主律自開化者乃名曰律其能知已自化身者則能曉了開化欲律何謂開化

已身之律其能分別於我不我知身自然解已澹泊了已如實曉於已身無所瞋恨分別身空已无所有曉已無本了已无獲分別已身而不動搖分別已身無有倫比曉已無生亦无所起其有了已分別如是則了塵勞而无有本亦復若斯如無有我而想有我彼則顛倒設如是者已无塵勞而起勞想是為顛倒又如吾我本淨無身如是欲塵則為本淨无塵勞也其有曉了如是觀者是決欲律彼亦不化過去欲塵亦無當來亦无現在所以者何不習諸行亦不復念塵勞欲塵其於已身無所念者則无過去亦無當來亦无現在又如心者無有色像則无有內亦無有外亦无所得欲塵如是則無色像亦無有內亦无有外亦无所得無所得者則无瞋恨不造亦无所作亦復不作一切欲塵其有遊此於諸欲塵了別思愛而無所有亦不離有是則名曰決欲塵律佛告寶女假使菩薩曉了如是開化

欲律則能教導衆人欲塵而說法矣
是則名曰奉順律教佛說是至誠真
教之法隨誼奉順律事一万菩薩得
不起法忍寶女欣然志懷踊躍善心
生焉前白佛言未曾有如來快說此
至誠法歎詠誼律設使菩薩奉行如
斯則為第一無所諍訟便能蠲除衆
生所訟則順經典

寶女所問經卷第一

辛丑歲高麗國大藏都監奉

勅雕造

寶女所問經卷第二

發

發意三十二寶品第二

西晉月支三藏竺法護譯

尔時賢者舍利弗問寶女曰今者女身豈能脩於至誠之法誼律行乎寶女荅曰唯舍利弗其至誠者無有言辭法者无欲誼不可獲計於律者身心寂然又如彼者不可發遣亦無所受唯舍利弗其至誠者則滅盡相法憺怕相儀離嚴飾律解脫相以是之故不有言辭亦不可說唯舍利弗至誠無本法无老特議無有二律无造誼以是之故不有所說亦無言辭不可讚詠時舍利弗復問寶女女所執寶為何等類而尔名曰為寶女也於是寶女荅舍利弗菩薩則以三十二事而現目前興發寶心一切聲聞緣覺之乘所不能及何謂三十二事救濟一切梨庶之類皆令興發諸通慧心不断佛教則發寶心將護法教則發寶心亦不断絕聖衆之令則發寶心勸導衆生立賢聖安無極之珍則發

寶心蠲除黎庶塵勞之欲去諸惱患
至于大哀則發寶心一切所有瓊玕
異寶悉能捨施內外所有瓊琦之物
無所貪惜則發寶心自能護已禁誡
善行能以救濟毀戒之人則發寶心
忍辱之力和雅安詳精進合集今諸
瞋諍患厭怒害貢高自大懷結之衆
群黎之類恃怙力勢欲有所加使興
忍辱而令衆生觀于道法忍辱之力
則發寶心不怯不弱亦无慙怠堅固
慙慙永不迴還於大乘行而不慙倦
開化慙怠衆生朋黨令大精進則發
寶心心意專精而修一行同等禪定
三昧正受所歸耄特開化衆生令於
欲界而無所著以權方便退還於禪
則發寶心智慧分別破壞一切諸窻
冥法猶如真正而无有二入施一品
感動聖達則發寶心等心一切而無
加害道无若干尋以一味為諸通慧
則發寶心離諸結滯而以平等有為
無為有形无形亦無歡欣不離寂然
无心熙怡善住安諦意不動搖苦樂
不移將護群黎則發寶心離於恐懼

於深緣起十二相連奧妙之誼而無所畏所當度者曉了超越不取諸見則發寶心積累功德而无厭足周滿相好則發寶心常志好樂欲見正覺而不違遠恒覩諸佛則發寶心求聞經法聽省典籍稱量誼趣則發寶心如所聞法可講說者發無量心所興諸法无所師受則發寶心建立所行觀毀戒者而以恩濟則發寶心其無所學志存新學而不輕慢則發寶心捨于貢高自大甚慢邪憍之心卑下謙順而受教命自屈誓首一切衆生則發寶心志存微妙諸根明達蠲除卑賤下劣之乘信樂大乘直心向道則發寶心離於魔事除去勞塵潔淨清白而無垢濁便无瑕疵貪欲染汙乃以永除樂處所有不以懸厭則發寶心而常專精行在澹泊秉閑居德身心寂然澹虛之行亦不汙穢生死之難志于大哀則發寶心於是菩薩捨於己身一切之安欲安天人開化衆生遭苦患者於衆惱熱不以懸憐則發寶心斯菩薩者光明寂然而如

勢力速無漏法觀於解脫如察已事
假使欲令而不速捨所有之事志欲
具足十方諸佛之法則發寶心斯為
菩薩非常苦空无我非身觀斯諸法
則無有厭不染塵欲樂志无欲道品
之法則發寶心斯為菩薩空無想无
願於一切法而無所行則以觀察觀
見衆生便於諸法而不造證則發寶
心斯為菩薩觀於諸趣恐懼之難忽
如失火燒其頭駿精進具足不可計
會无央數劫遊於生死而不厭廢諸
通之慧則發寶心是為菩薩設使親
近於佛道者漸漸加增微妙之身聖
慧之業彼時行者不捨大法伏意樂
順隨諸窮匱不增穢之不以慼厭則
發寶心是為菩薩假使勤化群黎之
黨第一精勤樂于道誼不計吾我堅
回志性至于大哀則發寶心唯舍利
弗斯為菩薩三十二事而發寶心則
為名曰無極妙珍寶一切菩薩之寶
心也

於時世尊讚寶女曰善哉善哉甚快
說此菩薩之行所發寶心而得入道

又復寶女斯諸正士有無量德所可
歎詠發於天上正真道意所以者何
非聲聞寶非緣覺寶斯則名曰為佛
道寶為菩薩寶加復興隆佛道之寶
因而生出聲聞緣覺菩薩發心所興
之寶皆悉出生一切諸寶

聰明品第三

於是賢者舍利弗白世尊曰至未曾
有天中天此寶女身所問辯才分別
解說如所了慧聰明之慧本豈達乎
演暢要事世尊問曰於舍利弗所念
云何斯寶女者不以聰明慧演說法
要莫造斯觀此寶女者已得聰明無
斷辯才於時耆年舍利弗問寶女曰
女樂堪任分別聰慧解說緣便寶女
報曰唯舍利弗一切諸法悉而應說
皆歸聰明所造之業唯舍利弗菩薩
意者分別解說為聰明慧所以者何
攝取一切諸誼之要故發道心是為
於誼聰明之慧等御法界故發道心
是則名曰辯才之慧彼所說者皆歸
滅除是為滅盡辯才詰慧一切順旨
為聰明慧發此心已至無尋頃无斷

辯才是為辯才聰明之慧

寶女復謂舍利弗無所行誼无所著
誼心志大誼聰明了誼而常善思法
如幻誼計其心者則為法事聰達之
心心了諸門有所歸者歸於明詰不
倚六情心无所著辯才無尋分別聰
辯所有誼者則為非誼見法澹泊所
謂順趣假音聲耳其辯才者託於言
雖所去佛者無不覺誼由是法生緣
斯順應分別法矣有辯才者分別自
恣法誼為誼无恣之法乃為法矣應
順之法乃為順矣法之辯才乃為辯
才無所有誼无為之誼合會之誼為
聰明誼合會法者一法味誼聖衆順
滅乃為順滅有所分別乃為辯才是
為舍利弗諸法講說章句常觀此法
則為聰明誼也

問寶女品第四

尔時賢者舍利弗問世尊曰其實女
者發無上正真道意以來久如為於
何佛而志大道佛告舍利弗乃往過
去久遠世不可計會无央數劫尔時
有佛号曰維衛如来至真等正覺興

出于世明行成為善逝世間解無上
士道法御天人師為佛眾祐世界曰
清淨佛土衣被飲食居宅遊觀皆如
第四兜術天上諸菩薩眾又彼佛時
純悉一類唯苦菩薩眾菩薩之會七十六
億皆不退轉得諸總持出于辯才
佛言舍利弗時維衛如來至真真有轉
輪王名曰福報清淨主千世界帑藏
珍寶不可稱計福報清淨中宮之內
夫人綵女八万四千皆國中上真人
玉女王有千子悉皆力士威勢難論
其王供養維衛大聖三十六億歲一
切施安而諸菩薩奉衣食牀卧之具
病瘦醫藥舍利弗問曰唯然大聖維
衛如來壽命幾何世尊告曰壽十中
劫福報清淨王供養維衛如來不可
稱限中宮諸子眷屬枝黨九十二姨
侍從圍繞詣維衛佛誓首足下明月
珠璣其價百千奉上世尊則而又手
白維衛佛唯然大聖吾身所有供養
眾倍寧有供養超過此者進如來云
佛告舍利弗維衛如來答福報清淨
王曰大王欲知有異供養為尊為上

為無儔匹王所未施設百倍千倍萬
倍億倍戶億万倍超勝於王前所施
與供養之具又問何謂維衛如來見
彼大王心之所念則說頌曰

億千諸佛國 無數如恒沙 至億百千劫
滿中珍寶施 而供養如來 合集其福德
不及愍衆生 而發道意者 事億千諸佛
校數如恒沙 奉無數億劫 亦如江河沙
佛道心哀勝 七步為超殊 斯供養諸佛
寂尊豪无上 斯施為超越 誠無量上忍
此精進堅強 定智慧无動 其發道意者
志願於導師 是福寂無限 所積不可盡
名稱遠流布 眷属巍巍妙 財寶勢力豪
心念如僥獲 為轉輪聖王 威力天帝梵
若志性欣豫 斷意諸通慧 消滅諸惡趣
悉無八難畏 長益清淨道 常處天人路
若人建立志 雖垢无上道 諸根恒明達
聖聰無闇塞 覩諸佛奉事 而聽聞經典
精求智慧願 常知弘道心 心無猶豫結
離諂常所宜 愍濟衆生故 其志願道意
不樂諸欲樂 志慕于法樂 普世无所著
行如水蓮華 不歇福德慧 志求度無極
發道心如是 孰不建大道 則以巨錠鐐

第一卷 經文第二 第九品
照濟諸群黎 為尊上明師 衆生大導師
處世為最上 施藥除諸病 建立於道意
億無量無盡

佛告舍利弗 報清淨王者 從維衛
如來聞發道意 咨嗟功德不可限量
歡喜踊躍 不能自勝 則發無上正真
道意 時王中宮太子官屬群臣百官
及諸小王眷屬 翼從說此頌曰

今以建立 最尊道意 興發慈心
愍傷衆生 假使欲得 吾所敬重
則發道意 令其堅固 生死奔際
而不可知 坐行非事 墮於苦惱
慙懃精進 志尚佛道 為衆生故
行愍善哉 則能長益 辯才智慧
具足供養 聖達如是 維衛之佛
得不可量 為通慧心 所行若斯
欲獲天世 之所安隱 帝釋梵天
轉輪聖王 有為之安 无為之樂
則當遵修 於斯道意 思攝禪定
不可限量 度于彼岸 道亦如之
聖通之慧 靡所不達 諸一切智
所行如是 十方佛勢 不可思議
四無所畏 如來所有 諸佛之法

和廣无边 從清淨心 而獲致斯
假使欲動 億千國土 音聲普告
而悉聞知 修清淨行 恢弘无垢
有聰達者 當發道意 則為十方
之所奉敬 而諸如來 悉咨嗟之
為諸衆生 無請之友 有聰慧者
當發道意 設使佛道 現无慧慈
說其功德 無數億劫 佛之道意
所有功祚 不可盡極 况欲限乎
尔時福報清淨大王適說此偈九十
二姦民人之衆及王後宮并千子則
發無上正真道意三千大千世界六反
震動十四億天演勸助音發大道心
然後彼王轉輪聖帝則更恭肅十億
載供養維衛如來之尊一切施安淨
修梵行清淨之戒常聽如來所說經
典眷屬俱往啓受法教則立長子而
為國主便下黷賤以家之信離家為
道行作沙門作沙門已尋則學是四
無盡句次第咨嗟稱限求趣何謂為
四至誠章句法典章句妙誼章句律
令章句具億千歲入權方便其王出
家學此以後於千世界三昧正受起

度衆生志於維衛如來之所而作沙

梵

門佛告舍利弗欲知今時轉輪聖王
福報清淨者豈異人乎莫造斯觀則
是寶女斯寶女者於維衛佛初發元
上正真道意時舍利弗問世尊曰以
何罪蓋受女人身佛告舍利弗菩薩
大士不以罪蓋受女身也所以者何
菩薩大士以慧神通善權方便聖明
之故現女人身開化群黎於舍利弗
意趣云何斯寶女者為女人乎莫造
斯觀承聖通力而有所變則真菩薩
也當造斯觀无男子法無女人法具
足一切諸法之要無来无去此寶女
者處閻浮提開化教授九万二千諸
童女衆皆發无上正真道意於時寶
女謂舍利弗耆年豈能現女人身而
為衆生講說法乎舍利弗曰如今吾
者則不好樂男子之身况當復受女
人之像寶女問曰卿為穢厭於己身
乎便答女曰實患厭之寶女答曰是
故菩薩超越一切衆生之類而無有
侶舍利弗曰以何等故其女答曰唯
舍利弗聲聞之家所可穢厭其諸菩

薩不以患難聲聞之家何所穢獸五
陰四大衰入之事聲聞所患菩薩執
持五陰四大六入之事不以為患聲
聞穢獸所生周旋及受吾我菩薩受
身無所患獸諸聲聞衆惡受生死苦
薩遊入无量終始不以患獸聲聞穢
獸所生衆難菩薩所生而無患難聲
聞惡獸功德之業菩薩積累衆德不
以獸足亦無患難聲聞惡獸在於衆
會菩薩開化群黎之黨不以患難聲
聞穢獸郡國縣邑菩薩普入郡國縣
邑州域大邦不以惡獸聲聞穢獸已
身塵勞菩薩不患一切衆生塵勞之
欲唯舍利弗聲聞之家所可穢獸菩
薩大士無所患難

八力品第五

於是舍利弗問寶女曰菩薩大士承
何威力无所穢獸寶女答曰唯舍利
弗菩薩八力無所患獸何謂為八一
曰慈力无所加害二曰哀力不捨群
黎三曰和性之力不為下劣四曰慧
力離於塵勞五曰權力心无所獸六
曰德力行无所著七曰聖力則無愚

慙八曰進力本志上願是為八力善
薩周旋之所建立道德之力無所患
歎耆年舍利弗問寶女曰汝豈具足
如斯力乎若能平等往來周旋耶寶
女答曰若以平等平等住者設能如
斯行諸平等彼則無力亦不羸劣其
平等者彼則不有亦復不無无所
造不造所行斯謂平等平等猶空一
切諸法亦如虛空其如空者則無虛
空空虛曰寂便无言說若如曠野一
切諸法亦復如是猶如虛空恍惚無
形亦无言辭如是平等則無羸劣亦
无力勢唯舍利弗菩薩羸劣則有勢
力所以者何假使若以塵勞愛欲而
羸劣者則以智慧而有力勢若慳貪
劣則用布施致於堅強設以犯戒而
羸劣者則以戒禁而堅強矣設以瞋
恚而羸劣者則以忍辱為力勢矣其
以懈怠為羸劣者則以精進為力勢
矣其以亂意為羸劣者則以禪定為
力勢矣設以邪智為羸劣者則以正
智為力勢矣斯一切法設使菩薩於
不善德而羸劣者則以德本為力勢

矣於時世尊讚寶女曰善哉善哉若有欲言當作斯說說是語時五百菩薩逮得法忍

十種力品第六

寶女白佛所可謂言如來十力以何等力為十力乎而得成就佛告寶女假令菩薩行菩薩道未曾歸于成立下乘也終不興造不善之業彼則以斯堅固之力遵詣道場寶女又問何謂十力佛告寶女曰力達處處以處處力審如有知有限无限審如有知設令寶女如來處處非處處事有限無限審如有知是為如來第一之力也如來以斯於衆會中而師子吼解无著要轉淨法輪沙門梵志天龍魔王梵天世人魏魏之德莫能當焉常如法故

復次寶女行菩薩道欲令餘殃罪福之報未之有也彼以得蒙遵修力勢達成佛道過去當來現在罪福悉知其原設使如來知去來今罪福報應善惡所趣審如有知是為如來第二之力也如來之力而於衆會則師子

吼解無著處轉淨法輪沙門梵志天龍魔王梵天世人魏魏之德莫能當焉復次寶女行菩薩道觀衆生根而為說法知其原已而度脫之若使應于衆人之根以此具足建成佛道為諸衆生以精進根限了黎庶審如有知做令寶女如來現知衆人根本而師子吼是為如來第三之力應如法故復次寶女行菩薩道入于衆生人物之界隨人所好如其黎庶而建立之彼入斯界究竟之力建成佛道而曉世間無數之形若干種體假令如來入衆生界各從信喜而開導之是為如來第四之力應如法故

復次寶女行菩薩道群萌之類志若欲脫因其所信而得勉濟求于慧見觀如慈信而不惡穢彼則以是信解脫力究竟之事速成佛道而知黎庶若干種信無量之樂審如有知假使寶女如來了知仙人衆生若干種信所樂无量審如有知是為如來第五之力而於衆中則師子吼沙門梵志天龍魔王梵天魏魏之德莫能當焉

復次寶女行菩薩道顯發遣慧有為
無為有形无形之所有法求聲聞乘
緣覺之乘若復大乘彼以斯慧具足
之力逮成佛道一切盡入究竟之慧
審如有知假使寶女如來普入衆慧
靡不周達審如有知獨步衆中而師
子吼天上世間魏魏之德莫能當焉
常應如法是為如來第六之力也

復次寶女行菩薩道未曾廢失往古
德本而不放逸超越本願彼則以斯
往古本德不忘失力具足究竟逮成
佛道心念過去無數劫事審如有知
假使寶女如來知已及他衆生不可
計量往古之事悉誠念之審如有知
而於大衆師子之吼是為第七之力
沙門梵志天龍魔王梵天莫能當焉
常如應法故

復次寶女行菩薩道遵修禪定三昧
正受心無所生離于欲塵調隱柔仁
彼則以斯柔仁之力具足究竟逮成
佛道了於黎庶一切禪思脫門定意
正受之行塵勞懷結審如有知假令
寶女如來曉於黎庶一切禪思脫門

三昧正受塵勞懷結審如有知是為先如來第八之力而於大衆師子之吼沙門梵志天龍魔王梵天魏魏之德莫能當焉

復次寶女行菩薩道未曾覆蔽衆生之功不輕未學不慢不及逮致顯明照於衆生彼則以斯和大光耀究竟具足逮成佛道天眼徹視如有悲知假使寶女如來至真道眼徹視靡不觀見是為如來第九之力獨遊大衆而師子吼沙門梵志天龍魔王梵天魏魏之德莫能當焉

復次寶女行菩薩道不御衆生至有漏法則為黎庶說漏盡法不長諸漏以無漏道求于衆生顯示正路彼此無漏篤信之力具足究竟逮成佛道普達一切盡諸漏慧審如有知假使寶女如來悉盡諸漏慧者開示一切无漏之慧是為如來第十之力如來以致斯真力者則於衆會而師子吼了無著處轉淨法輪沙門梵志天龍魔王梵天世人莫能當焉是為寶女如來十力如來以是十種之力具足

成就乃得謂正覺假使菩薩逮聞此力以斯菩薩十種之力而逮成就如來十力

四無所畏品第七

寶女白佛斯所可謂如來至尊四無所畏十八不共諸佛之法又彼菩薩則以何行教四无畏十八不共諸佛之法世尊告曰行菩薩道未曾於法違失師命了知是像常以等心愍于眾生一切所有施而不憝等奉行法觀察所歸無若干想以離衆著適成佛道則師子吼吾以逮成平等之覺汝等當知吾以曉了於此之法无不覺達假使若有沙門梵志天龍鬼神魔王梵天及與世人不能覩見如來瑞應和雅威曜設不能覩現應之德欲求佛短都不覩見而敢生意心自念言佛不得成平等正覺設有言尔佛无恐懼行無所畏獨步大衆而師子吼知无著處轉淨法輪沙門梵志天龍鬼神魔王梵天及與世人魏魏之德莫能當焉是為如來第一無畏復次寶女行菩薩道知於内行别内

外法又復曉了星尋之法亦不習行
廢退之法亦不順從亦不自行不以
化人亦不宣布見諸星尋悉弃捐之
逮成佛道為師子吼永不覩見沙門
梵志天龍鬼神魔王梵天及餘世人
而訟理言如來講說星尋之法而今
人行雖有斯言不以恐懼行无所畏
轉弘法輪於大眾中而師子吼是為
如來第二無畏

復次寶女行菩薩道而常奉行清白
之法無諍訟路講說經典淨化一切
衆生之類現在歸趣超異之德無數
重擔無為之業則普得入淨除結恨
而自積累无為之業其佛勸化黎庶
之原逮成佛道則師子吼吾以淨除
諸結恨事而講說法遵修此行悉得
嚴淨永不覩見沙門梵志天龍鬼神
魔王梵天及餘世人而訟理言如來
講說結恨之法雖有斯言不以恐懼
行無所畏轉大法輪於大眾中而師
子吼是為如來第三無畏

復次寶女行菩薩道未曾處於甚重
惱慢吾有所知吾有所見餘人无知

而無所見志常謙遜而不自大覺了
衆事不著惡行彼遵此法悉令具足
速成佛道則師子吼當知我身以盡
諸漏如是斷除生死之患復為衆生
廣說經典斷除諸漏永不覩見沙門
梵志天龍鬼神魔王梵天及餘世人
而訟理言如來講說不除諸漏諸漏
未盡雖有斯言不以恐懼行無所畏
轉大法輪於大衆中而師子吼是為
如來第四無畏

寶女所問經卷第二

庚子歲高麗國大藏都監

勅彫造

寶女所問經卷第三

發

西晉月支三藏生法護譯

十八不共法品第八

復次寶女行菩薩道諸有衆生常失路者導示其路溝坑嶮地高下邪徑治令平等而設橋梁窈冥之處邊曠之地則立佛寺高曠弥弘假令有人處狐疑罪為無央數群萌之類蠲猶豫罪令不墮殃而有處所亦不興盛他人狐疑不說人短言某有罪知无央數群黎志性滅除一切衆生願行而說經法無有狐疑亦不猶豫則為興顯法之弘曜而以授與大智慧明勸助諸佛一切菩薩令說經典以法施恩而無諛諂造立善業轉相勸化未曾輕人亦不調戲亦不易弃不施加害亦不毀訾國土所習亦不自大一切言辭唯信佛言隨文字教而得自在知文字空於諸言辭所有之事不覩瑕穢不求其短不瞻其缺設使菩薩行如是法速成佛道斯則名曰无有瑕疵以無瑕疵則能具足一切

智慧若有問事分別解說靡不通達
普悉照曜善修三昧善能曉了咸入
一切音聲悉持常歎如來無缺之辯
而說經法皆於文字而無所造是為
寶女如來第一不共之法

復次寶女行菩薩道棄捐一切口之
惡辭所言至誠以法為本以議為主
教化為業不為虛妄无所傷害而悉
捨離非賢聖辯遵修賢聖寂寞之事
無有諍訟順從沙門所造立法若聞
經典所求得議為他人說皆為己身
及與他人志求精修滅定之事未曾
與人鬪結懷怨無所訟理不求口舌
亦不著空信解空行則无所著度法
名號篤信如來无業道慧勸化餘人
衆生之類使入此法遵斯法已逮成
佛道謂無諍訟彼无音聲不以一字
而有言辯亦無所說不處諸業勸化
他人於斯正法脩是法已逮成佛道
則無言辯以无音聲不以一字而有
所演亦無所說无俗之業為諸會者
善說議理可衆人意所說音聲順而
應時感動國土善修三昧分別曉了

無量之行揔持之門則於如來一切順節諸相具足及一切好一切毛孔演出无量不可思議佛法音聲能以一毛所暢音聲悉叙悅可諸會人心講說無量諸法之門音自然出乃是往古本願所建勢力所致如來于彼無有思想而常寂然无所業求是為如來第二不共諸佛之法

復次寶女行菩薩道常不違失於六思念而常念佛念法念衆有思念天念行布施念行智慧亦化他人令行六念行此法已速成佛道常不失意救念衆生於一切法而得自在善修三昧分別曉了法錠揔持又如來尊患念諸法未嘗忘失彼時則以未曾之行察觀一切衆生之類心意所念欲來問事如來患了不復思念若有問者而解說之如所言心根明達無所罣尋皆能善說悅衆人意以一文宇一時須臾而悉周至是為如來第三不共諸佛之法

復次寶女行菩薩道而常將護他人之心不令餘人造瞋恨心不令心動

不慚人心不令心見未曾妨廢他人
德本不斷絕法而信其心猶若如幻
無念无想不以自恣等心一切衆生
之類等觀諸法處一法界入無所壞
行是法已速成佛道則得常定无有
須臾心不定時觀行諸法一切自然
名等積三昧而善分別普門捻持如
來常定顯示一切諸佛之事無有異
業是為如來第四不共諸佛之法

復次寶女行菩薩道無有顛倒諸想
之念心不及行不造邪見不為虛妄
則不自計有我有身无有人想亦無
壽想亦无命想無士夫想无人意想
無學志想无斷絕想無有常想无諸
見想無三處想亦无念離三處之想
亦無有善亦无不善亦無有罪亦无
不罪亦無有漏亦无不漏亦無世俗
亦无度世除塵勞根無有生死及泥
洹想受聚會想衆生志性思想顛倒
蠲除此已遵修衆善則以遠離凡夫
之想弃捐一切衆邪之見亦於中間
而無所倚觀平等法行斯法已速成
佛道无若干想名曰如來永無諸念

則能善修無想三昧。曉无盡藏。摠持之門。如來遊步行。無有想。則興大哀。愍傷群萌。諸妄想者。其有繫庶縛者。行者勸化說法。不失時節。是為如來第五不共諸佛之法。

復次寶女。行菩薩道。心常觀察遊生。死者省諸塵勞。苦惱法已。則尋導御。令至普安。立于法觀。使不憂戚。滅一切苦。於諸利求。不以汲汲。則為斷除。總纂之結。亦不貪惑。一切供養所獲之利。則於諸利有所忘失。不以憂結。觀諸万物。一切無常。悉為苦矣。不觀身法。信寂泥洹而已。觀察於衆黎庶。如是色像。觀察諸法。奉行已達。遵修斯法。究竟具足。達成佛道。名曰無尋。不可計會。所觀察者。則為如來合會。宣暢善修三昧。名離三觀。曉了有數。海印摠持也。如來普為諸天龍神阿湏輪迦留羅真陀羅摩休勒釋梵四天王人非人。悉供養佛。無不奉事。不以為厭。亦无所著。一切異學諸外道。奇術犯戒衆生。來燒乱之。不以憂戚。其心平等。解諸所有。悉無所有。其心

平等譬若如地無所不忍猶若如水
洗諸穢濁心若如火无所不燒心若
如風普無所著亦无戀慕心如虛空
亦無結恨等心療治一切衆生觀寂
實行則於斯法思惟觀察修于人行
所觀具足常興大哀遍入衆生度無
所度開化群萌不捨時節從人本行
而為說法不以動搖亦不懈怠是為
如來第六不共諸佛之法

復次寶女行菩薩道斷除衆惡慙
修行求於一切善德之法好于微妙
愛樂无極意于至深若干之種諸善
之本亦捨聲聞緣覺之事志于大乘
而不退轉興發大哀愍於衆生思惟
正義未曾忘捨除已身想為他人故
合集一切諸佛之法彼則以斯好樂
於法不能絕去志慕佛道觀諸魔衆
倚于顛倒反邪見者故為斯等積累
正法速成佛道因曰如來不失正樂
以能善遵所樂三昧分別曉了金剛
總持自在於法所可應講而為說之
所向一時須臾之間所歸時節有所
持者衆生意性如其法器各從所行

而說經法常不違失三昧之定是為
如來第七不共諸佛之法

復次寶女行菩薩道常行精進恒不
捨遠不厭善本合集應德而不違廢
敬於一切尊于善友詣諸法師諸佛
菩薩親近諮受聞其經法奉事侍從
精進無量遊無數土攝護生死開解
無限衆生之類嚴淨无量諸佛國土
供養無量諸佛正覺攬持无量諸佛
之法覺達無量諸佛聖慧入于无量
衆生之行曉了無量講諸法門彼則
以斯勸法之故究竟具足速成佛道
斯則名曰不失精進如來精進無所
忘失善修於斯精進之行三昧定意
神足變化如來神足感動變化不可
限量亦現殊特開化度脫無數群萌
堅固至誠无尋陰蓋遊諸佛土無所
損耗亦无所行而普周至遍于虛空
是為如來第八不共諸佛之法

復次寶女行菩薩道意常專秉第一
執志又恒安詳究竟具足真諦之心
未曾忘失一切世俗及度世法遵修
思惟於四意止彼則自觀內身之行

而專惟于非常苦空非身之事又觀
外身身之所行非常苦空非身之行
觀内外身非常苦空非身之事觀内
痛痒見痛痒空專修於行觀外痛痒
見痛痒空觀内外痛痒見内外痛痒
思惟知空觀内心行見其内心惟念
無想觀于外心見外心行專惟无想
觀内外心見内外心專惟無想觀于
内法見於内法行無所願觀于外法
見於外法專无願念觀内外法見内
外法行無願念彼則於身得四意止
思惟非常苦空非身具足成就如來
之身而不斷絕身之善德以解痛痒
則獲意止思惟空行察于一切諸趣
黎庶而令休息一切惡趣以設大哀
除其苦患心以解達名曰意止專修
無相亦不違失菩薩之心積累遵修
大乘之行而不懈廢心歸于法名曰
意止專修无願不於無欲法而取證
觀察佛法等御入于无量法界修斯
法已究竟顯達遠成佛道是則名曰
不失道意如來常定志未曾忘蠲除
衆行善修三昧如來講說變化之事

見諸衆生去來現在心之所念信解
諸根度脫塵勞愛欲之行曉了結縛
因緣之著非善行業報應罪福生死
終始知諸佛土聲聞合會體解菩薩
行受決時自說父母親族知識朋友
心根明達而不忘之分別八處言無
一虛是為如來第九不共諸佛之法
復次寶女行菩薩道常遵智慧智慧
光明智慧威曜智慧顯識演智錠暉
聖達之慧深妙之明厭欲之智意不
可喻所興之慧達於一切聲聞緣覺
慧所不能及未曾有慧曠達窈窕無
邊之慧趣異之慧滅定已慧念無所
住无所著慧求聞無厭志于聖達暢
于博聞而歸智慧觀于世間如首火
然懇懃志慕大學之慧有所聽聞猶
如大海聞能分別好樂經典樂于法
樂彼求於法故行精進以斯法樂无
有形類於內於外而悉放捨無所悵
惜小心恭順奉敬尊舊常受言誨於
五陰苦靡不能忍悉捨諸安所可娛
樂彼以好法懇懃為樂聞一四句頌
不用具足千金之寶寧欲得聞一句

之法不志獲于轉輪聖王願樂欲求
聞度無極不貪得致帝釋梵天寧樂
為人說四句頌以法布施則不奉賴
江河沙等廣說祠祀供一切之寧樂
勸人發於道意而不用致江河沙等
轉輪聖王寧樂為人講說經典演度
无極所可遵行而不奉獲江河沙等
帝釋梵王其有性行如是成就專精
聽經一心而為他人說者如是精進
所受奉行少有及者一切諸天所見
敬奉諸佛所念其為諸天所見擁護
諸佛念已俗間典籍度世正經自然
現矣不學悉達則能堪任致於无盡
智慧光明行是法已究竟具足逮成
佛道以故名曰為如來也不共智慧
真諦聖達其明巍巍無所罣碍无有
陰盖皆知一切群萌之等心所行念
善惡所歸有言無言有罪无罪有漏
無漏世俗度世塵勞瞋恨生死泥洹
皆分別說一切法門所入聖覺曉了
講誦一切國土滿中諸塵其智慧明
知於過去當來現在之事无所罣碍
無有陰盖劫數如是一切悉了无有

蔽尋曉了本際當來之際諸去來世
說無邊際入識察行善修三昧教授
變化如來至真以一法門悉能分
別一切法門使一法門入一切法門
是為如來第十不共諸佛之法
復次寶女行菩薩道未曾志慕於居
家矣亦復不樂於捨家而復示于出
家行學多為沙門好喜澹泊寂然為
上靖默為業遵修精進深妙之法而
復奉行斯三脫門空無想願一切諸
魔及外讎敵所不敢當一切顛倒及
諸邪見无能犯者化諸想著衆生之
類彼則以此三脫之門而專惟行使
致無蓋解脫之門自然興發无尋慧
明以度魔界具足聖界不復習行一
切陰蓋顛倒覆蔽所處邪見塵勞衆
想便以曉了無陰蓋門以三脫門而
自娛樂則分別說深奧之法但歸要
義不歸嚴飾但歸要慧不歸於識歸
分別要不歸多辯但歸於法不歸於
人所歸導利一切衆生美辯嚴飾離
諸想會講說分別歸於要義而令解
脫於色想會講說分別歸於要慧而

度脫之在於多辭而合會矣說色平等令歸正說而度脫之依於人會分別勸化使歸於法而度脫之假使會在六十二見為分別說謊无之要使度脫之設集遊在一切諸想因緣之惑解脫无想而度脫之遊在三界分別無願而度脫之集在欲行解脫空淨而度脫之集在瞋恚分別慈心而度脫之會遊愚行解脫緣起十二相連而度脫之入于貪會分別現說施度無極而度脫之在犯禁衆分別現說識度无極而度脫之在瞋恚衆分別現說忍度無極而度脫之在懈怠衆分別解說進度無極而度脫之在乱意衆分別現說禪度无極而度脫之在邪智衆分別現說慧度無極而度脫之在凡夫衆分別現說聖諦之議而度脫之在四倒衆分別現說無常苦空非身之法而度脫之在於一切陰盖之蔽顛倒邪見迷惑之衆分別解脫無盖脫門而度脫之在塵勞衆分別現說十方諸佛道品之法而度脫之行是法已究竟具足建成佛

道所以名曰如來不失度脫以能不
失於解脫者則无瞋怒究竟根原無
有缺減本末清涼遊諸所趣入于深
妙所逮神智而不可及甚難當矣過
於聲聞緣覺之乘普能獨步於諸佛
道離穢無垢則无瑕疵究竟清淨而
莊嚴治寂觀之業志有所託而不可
盡无量無邊則於无為無所罣碍修
行平等等如虚空善修三昧離垢
滅皆悉照曜一切諸法曉了穩持如
來說法悉解脫想一切所歸來親近
者普以暉曜多所開明向於无為而
崇滅度至重泥洹究竟具足得其邊
際是為如來第十一不共諸佛之法
復次寶女行菩薩道以慧為尊慧為
勢力歸於要慧講論慧土超越諸慧
所歸趣者嚴治聖道興顯所行求於
超異淨修神通成一切智修行道意
具足究竟則得聖達至諸通慧若有
欲心知有欲心之所興發若无欲心
知無欲心之所興發若有瞋恚心知瞋
恚心之所興發離瞋恚心知離恚心
之所興發若有愚癡心知愚癡心之

所興發離愚癡心知離愚癡心之所
興發若有塵勞心知塵勞心之所興發
離塵勞心知離塵勞心之所興發若
睡眠心知睡眠心之所興發離睡眠
心知離睡眠心之所興發若合會心
知合會心之所興發離合會心知離
合會心之所興發若莫養心知莫養
心之所興發離莫養心知離莫養心
之所興發若貪他心知貪他心之所
興發離貪他心知離貪他心之所興
發若過上心知過上心之所興發若
无上心知無上心之所興發若陰蓋
心知陰蓋心之所興發若無陰蓋心
知無陰蓋心之所興發若無決心知
无決心之所興發若有決心知有決
心之所興發若有惡心知有惡心之
所興發若有善德心知有善德心之
發若離罪心知離罪心之所興發若
有漏心知有漏心之所興發若無漏
心知无漏心之所興發若世俗心知
世俗心之所興發若度世心知度世
心之所興發若有著心知有著心之

所興發若無著心知无著心之所興
發若清淨心知清淨心之所興發若
薄慙心知薄慙心之所興發若衆憤
心知衆憤心之所興發若習更心知
習更心之所興發若無更心知无更
心之所興發若邊際心知邊際心之
所興發若無際心知无際心之所興
發取要言之若慳貪心布施之心若
犯禁心奉戒之心若瞋恚心忍辱之
心若懈怠心精進之心若乱意心禪
定之心若邪智心以正智慧度无極
心凡夫之心聖賢之心趣邪見心趣
正見心聲聞乘心緣覺乘心若大乘
心若復曉了大道之心又知苦諦所
因而有是為習諦是苦盡諦斯為苦
盡向道者諦審知如有已能曉了苦
諦如有則知本淨慧無所起究竟本
末无所習慧而知苦諦審如所有亦
无所斷亦無有信令永都盡曉了徑
路一切普入而以等御猶若虚空无
有吾我無所貪愛又其處所本來悉
淨彼皆了此四諦之原審從而有无
可造證開化衆生蠲除諦願奉行明

證若為群黎講說經法以所說法得真
柔順而不迷惑亂於緣起弃捐一切
衆邪異見處入中正觀因緣法則了
諸法解報應緣不在已土不在人土
不在壽土不在命土亦復不在衆生
之土知彼無明而致斯行知從所行
而致有識知從所識而致名色知名
色緣而致六入知六入緣而致習更
知習更緣而致痛痒知痛痒緣而致
恩愛知恩愛緣而致所受知所受緣
而致所有知所有緣而致於生知所
生緣而致老死啼泣哀感勤苦之患
如是因緣致大陰體悉曉了空無明
已盡行識名色六入所更痛愛受有
生老病死啼泣哀感大陰之身便未
盡矣彼造斯觀其无明緣非已身緣
亦非人緣無壽无命無衆生緣設使
无我无人无命無衆生者斯則為空
已知空者不計有常亦无斷滅不計
無常况斷滅者則於過去而无所生
亦無所起設於過去而无所生無所
起者則於三世而无所著已於三世
無所著者恙无所獲則無所有為自

然矣已無所有自然寂者便則越度
去來之路已能越度去來路者則第
一議以第一議則曰正真已為正真
彼佛真辭已佛真辭則無所諍已无
所諍則寂志法已寂志法自然若空
從斯慧行而曉了之從習不順則習
無明以習无明便致行識名色六入
習更痛愛受有生老病死啼泣哀感
集大陰苦身惱之患亦不蠲除所倚
諸見悉究暢知因緣報應而合會成
已能分別無我无入無壽无命諸法
自然不受邊際亦不不受亦無所得
不得際者则无根源已無根源則觀
中正假使不得諸法根源於彼何緣
當有中正其中正者為何等類彼以
超度無限正法則離彼此中間之法
便能講說无量中正經典之要以能
奉行如是法者究竟具足逮成佛道
是故名曰如來至真終不違損度知
見慧設能不違度知見慧以度知見
慧尋能遵修力進三昧曉了無量自
在揔持而以等御无限中正之法界
也如虚空無有想念便則講說无形

業慧分別報應無所忘失演暢平等
去來今事而目觀察一切衆生諸根
所趣說其精進慧之所解分別決了
無央數身不可計形嗟詠解說世間
之行而善建立講无盡事宣布顯現
無量之信若干種信又分別說一切
方面諸內分部悉能周達决無限難
諸所遊步說進退慧演无思議諸法
之門宣示一切禪定脫門三昧正受
塵勞之欲瞋恚之結搆諸黎庶終始
所趣善惡中間而悉曉了過去无數
無陰蓋慧普現无量若干之變往古
世事而皆念之又咸觀察靡所不覩
而悉曉了宣布无量無蓋天眼徹視而
悉說之一切諸尋悉無有餘已能解
脫除諸尋慧一切漏盡及為慧耳設
無所有已為慧者講无畏慧皆無老
特平等如稱不斷佛事講說大哀勢
力之慧隨人本行而歎說法讚揚諸
法无有處所開化衆生則轉法輪無
有懈怠老特之慧宣布深奧若干殊
異超玄無成至化弥弘智慧之力而
為感動一切聲聞緣覺之衆所不能

及是為如來十二不共諸佛之法

復次寶女行菩薩道興造聖業不求名号則以已身興智慧業不復設造一切身穢諛諂欺詐無凶害行无慳貪行常修梵行身精進事則順道行不為身患不逼他人依度无極行大悲哀常為衆生身所遵修若茲具足彼以斯法奉行如是逮成佛道斯謂如來身所行事德慧自在以身解了一切慧明等自在已觀一切形悉能示現諸色三昧曉了普入摠括之要如來現已無數之形若干種像顏容之類一切天龍鬼神捷杳惹阿須倫迦留羅真陀羅摩休勒釋梵四王梵志君子長者居士農夫工師細民比丘比丘尼清信士清信女又無數人不可稱計百千之衆悉來會坐佛現无量威儀礼節顏貌形像而為最尊為長為上為極大人為無量正而為衆會講說經法勸化發遣多所誘進中間沒身忽然不現衆人因解是故大會各各相合共坐說議衆人歡喜所演智慧寂然經行若有觀者不以

爲默若所說者益用踊躍心速悅豫
不復歡喜一切欲樂境界財業設沒
不現靡不渴仰欲得奉觀聽說經典
設有觀者貪欲之著忍受之見聞所
說法好樂聽受因斯報應至於无漏
身口心定而無瑕疵獲斯行業是爲
如來十三不共諸佛之法

復次寶女行菩薩道造聖慧業不求
名聞彼口所說惟興慧事不爲一切
瑕惡諛諂佞邪所迷所言至誠而不
兩舌亦无麤辭而不說人言辭柔潤
不爲穢說言輒說法其口所宣不令
已身及與他人心中懷惱熱口之所說
如佛教法議歸於善口之所說言辭
則可衆生之心無所中傷其慧安詳
言辭具足不遵修名以此行法究竟
具足達成佛道斯謂如來口言等慧
智德自在彼則以此口言等慧智德
自在善修實事三昧之定得達三品
曉了摠持如來所入以一口辭以一
法言普入一切宣暢諸音等悅一切
衆會之心如來一切所演音聲則合
於議不違法理至誠柔順觀因緣法

除諸瑕穢而離愛欲寂定遊已必當
獲致至誠之報乃至滅度是為如來
十四不共諸佛之法

復次寶女行菩薩道假使常修造智
慧業不慕名色以心思念聖慧所興
則令衆生離於取惡所著邪佞無明
瞋恚倒見之事遵修正見而行慈悲
等心黎庶不捨道意遵奉慧已究竟
具足不為自大亦无慢恣行是法已
逮成佛道斯謂如來心之所念精修
聖慧志所暢達心等慧事聖明自在
被已達已一切慧心等聖自在善修
現在諸佛目前顯立三昧所念清淨
曉了鮮潔之摠持也如來一心普知
一切衆生心念已心等故則能普等
一切黎庶勸助平夷心等一切則能
等已所可勸助心猶若幻本性清淨
一切諸心自然如空道法等御一切
衆王身口心行以衆生法等入已身
所修道法一切諸身猶若現影若能
以慧等御諸身一切衆生入于已身
以能等御一切諸身入已身者發意
之須令衆生身化立佛身斯所建立

無能毀者亦无能動無能轉移天上
世間諸天人民諸魔梵志沙門梵天
无能進退是為如來十五不共諸佛
之法

復次寶女行菩薩道聞諸過去如來
至真无罣碍慧斯諸等正覺悉普周
遍一切世界無所罣碍无有陰盖身
所行業威儀法式而悉篤信一切世
界音聲本寂靡不得入无量無盡不
可思議諸佛音聲分別演說无量法
門斯諸過去如來言辭則無有二十
方國土諸佛正覺及眾正典普諸黎
庶一切菩薩亦復如之達諸聲聞緣
一覺眾一切諸人因緣罪福所可念
行則復篤信過去如來心之所行光
明之曜清淨無量无有陰盖信斯過
去諸如來者不懷狐疑亦無猶豫不
恐不懼亦无畏難諸佛境界不可思
議曉了眾生如是比像悉樂諸法因
勸助之以行此法究竟具足逮成佛
道斯名如來過去無量无損智慧所
現自在彼以過去自在智慧則復善
修於勇猛伏三昧之定分別曉了威

曜捻持而知過去諸如來衆各各異
名壽命之限於其中間無邊之慧欲
求根源悉能盡極過去菩薩聲聞緣
覺亦復如是衆生群萌所可造行人
所修業善惡禍福有如過去一切劫
數以何等劫成為正覺覺未覺者於
某劫中而有若干如來至真等正覺
斯諸如來亦於彼劫說無限量无尋之
際不可盡極之根源也又了過去諸
佛世界其名各異若有雜穢若復清
淨多少大小細軟微妙塵勞限數所
入之處如其順應十方處所金剛羅
網分別所入諸根羅網所入境界一
切過去無有邊際諸佛國土不可究
竟得其邊際如來於此一切普說斯
過去事無有指忘悉能決了斯諸佛
慧如人觀掌視五指矣是為如來十
六不共諸佛之法

復次寶女行菩薩道聞諸如來至真
等正覺慧无量尋斯諸正覺普則周
旋一切世界身無央數无有陰蓋身
之所行威儀礼節悉篤信之音聲暢
達靡不周遍諸佛國土皆聞法教乃

入無限所說法門信於當來如來言
辭十方國土諸佛正覺諸法衆生一
切菩薩聲聞緣覺及諸凡夫所作罪
福善惡之報又復信知當來諸佛心
之所歸光明威神清淨無數無有陰
蓋信斯當來諸佛之行不懷狐疑亦
無猶豫不恐不懼亦无所難而以篤
信不可思議諸佛境界則復於斯為
諸衆生勸助合集如是像法究暢信
樂行此法已究竟具足速成佛道斯
謂如來當來無數无所損失現慧自
在彼以當來無所損慧現自在已則
便興發大哀之力三昧之定曉了分
別師子雷音之忿持也則能了知當
來正覺各各異名壽命限量於其中
間說無邊際不可盡極得其根原又
復識知當來菩薩聲聞緣覺衆生群
萌之所行也衆生行業所當遭遇禍
福報應又知當來一切諸劫而於某劫
當成正覺覺諸未覺又於中間說所
歷劫無有邊際不可盡極得其根原
當來世界各各有名雜穢清淨多少
大小細柔微妙如諸塵數所有齊限

如來知其無所損忘而柔順行十方
處所根原羅網之所有分悉能普入
當來無數諸佛世界斯諸如來悉分
別說觀如手掌觀五指矣是為如來
十七不共諸佛之法

復次寶女行菩薩道聞諸現在如來
至真無罣尋慧斯現正覺其身無數
而无陰蓋諸佛境界身所行業身之
所趣威儀札節又其音聲咸遍諸國
無所罣尋聲无覆蔽皆篤信解不可
思議諸佛音響說於無量諸法道門
斯諸現在如來言辭而悉信樂口所
宣暢十方國土諸佛正覺及衆經典
一切黎庶諸菩薩等聲聞緣覺一切
人民選擇分別此諸如來心之所行
心所興業光明清淨不可計數無有
陰蓋皆復信此現在如來不懷狐疑
无有結滯不忍不懼亦無怖懼諸佛
境界不可思議又復勸化於他衆生
如是色像信樂經典行法若斯具足
究竟逮成佛道斯謂如來現在無數
无所損失現慧自在彼以無數現在
如來無損智慧現已自在則便善修

離垢照印三昧之定曉了分別金剛
道場之揔持也如來現在普能分別
諸佛名号各各老特壽命之限悉能
宣布中間迥絕而无邊際不可盡極
得其根原現在一切諸菩薩衆聲聞
緣覺衆生之行群萌事業罪福報應
現在十方諸劫之數於其劫中成為
正覺說其根原現在十方一切國土
各各有名雜糅清淨多少大小柔軟
微妙悉得普入如塵數限隨其所順
十方處所諸根羅網悉入現在十方
世界於其中間無限邊際不可盡極
得其根原如來於彼所說分別無所
損耗此諸如來選擇智慧如觀手掌
察其五指是為如來十八不共諸佛
之法

是十八品便得一切不共諸佛之法
何謂不共諸佛之法無能覩見如來
頂相是為不共諸佛之法身无限故
如來超殊一切諸形是為不共諸佛
之法一切人中為最尊故衆生見佛
瑕穢消除是為不共諸佛之法身如
藥故如來之行英妙超殊是為不共

諸佛之法無所畏故如來無懼是為
 不共諸佛之法得無畏故如來獨步
 無有諸漏而得自在是為不共諸佛
 之法遵平等故如來之心行無所壞
 是為不共諸佛之法曉了賢聖之教
 誠故如來調定志性和雅是為不共
 諸佛之法堅住建立於已行故如來
 之辯應時而對是為不共諸佛之法
 講說經典無言教故如來可悅一切
 衆生心之所念因曰如來是為不共
 諸佛之法无所進故如來音聲普聞
 衆會不溢在外是為不共諸佛之法
 講說經法而不虛妄開化應度救濟
 諸根令純淑故一切衆會在於道場
 親近觀見如來顏貌是為不共諸佛
 之法變化感動無思議故瞻察如來
 無有厭足是為不共諸佛之法如大
 德无極樹寶柱大聖體故如來說法
 無所侵枉是為不共諸佛之法平等
 覺故如來之身不可諦視是為不共
 諸佛之法威儀礼節無希望故如來
 之身如師子步是為不共諸佛之法
 於大衆中無所難故如來遊步无有

虛妄是為不共諸佛之法智慧為本
身造行故如來之行音聲真諦是為
不共諸佛之法智慧元首口辯真故
如來之眼普視無邊是為不共諸佛
之法聖慧為上心明達故如來教授
言辭顯曜是為不共諸佛之法平對
辯故如來利養名聞流溢是為不共
諸佛之法無上正真不可盡故如來
之福不可盡極是為不共諸佛之法
第一分別了諸事故成為如來无能
當者是為不共諸佛之法為大鈎鏢
力士之身而有十力四無所畏第一
寂上度无極故如來無倦常不退轉
所說不懈是為不共諸佛之法曉了
一切衆生根故又如來者為無數法
而作聖師是為不共諸佛之法普於
諸世獨尊師故壽命無量是為不共
諸佛之法顯法身故其觀如來若聞
音聲親近稽首无有虛妄是為不共
諸佛之法為究本末人稽首礼即令
衆生至大安故如來之慧无有結恨
是為不共諸佛之法解達三世平等
之故如來講說無有中間是為不共

諸佛之法順法本故如來蠲除一切
罣罣是為不共諸佛之法諸不善法
永無餘故如來无師是為不共諸佛
之法已自然達諸法之故如來普智
是為不共諸佛之法分別諸覺曉了
大道無有餘故是為皆得一切不共
諸佛之法

寶女所問經卷第三

辛丑歲高麗國大藏都監奉

勅雕造

寶女所問經卷第四

發

三十二相品第九

西晉月支三藏竺法護譯

於是寶女問世尊曰唯然大聖今所可謂如來至真三十有二大人之相前世宿命行何功德而致逮得三十有二大人之相遍布在體佛告寶女吾往古世行無量德合集衆行如來由是逮得三十有二大人之相遍布于體今粗舉要如來之相足安平立大人之相者乃往古世堅固勸助而不退轉未曾覆蔽他人功故如來手足而有法輪大人相者乃往古世興設若干種種施故如來至真指纖長好大人相者乃往古世則說經義救護衆生令無患故如來手足生網暢理大人相者乃往古世未曾破壞他人眷屬故如來手足柔軟微妙大人相者乃往古世而以惠施若干種衣細軟服故如來而有七合充滿大人相者乃往古世廣設衆施供諸乏故如來之膝平正无節踳脇如鹿大人相

者乃往古世奉受經典不違失故如
來之身其陰馬藏大人相者乃往古
世謹慎已身遠欲法故如來之身頰
車充滿猶如師子大人相者乃往古
世廣修淨業修行備故如來至真常
於胃前自然出字大人相者乃往古
世蠲除穢濁不善行故如來肢體具
足成就大人相者乃往古世施以無
畏安慰人故如來手臂長出於膝大
人相者乃往古世人有所作佐助勸
故如來身淨而無瑕玼大人相者乃
往古世奉行十善无厭足故如來腦
戶充滿弘備大人相者乃往古世其
有病者若干種藥瞻視療故如來師
子步大人相者乃往古世殖眾德本
具足備故如來四十齒白大人相者乃
往古世志性等仁於眾生故如來牙
齒無有間䟽大人相者乃往古世設
人諍闢令合和故如來領牙大人相
者乃往古世則以微妙可意之物而
興施故如來清白美好驗眉大人相
者乃往古世善自護已身口心故如
來廣長舌大人相者乃往古世所言

至誠護口之過故如來齋齋大人相者以無量福供養究竟心行仁和與衆生願使得覆蓋如來梵聲哀樂鳥之音大人相者乃往古世言語柔和與衆人言護口節辭无央數人聞其所語無不悅故如來瞳子紺青色大人相者乃往古世常以慈目察衆人故如來之眼如月初生大人相者乃往古世无麤暴志心性和順故如來眉間白毫大人相者乃往古世咨嗟歌誦閑居之德衆人行故如來頂上肉髻自然大人相者乃往古世敬奉賢聖礼尊長故如來肌體柔軟妙好大人相者乃往古世念念集法品藏故如來身形紫磨金色大人相者乃往古世多施衣服卧具牀故如來之體一一毛生大人相者乃往古世離於集會衆肉之故如來之毛上向右旋大人相者乃往古世尊敬於師受善友教稽首從故如來頭髮紺青色大人相者乃往古世慈傷群黎不以刀杖而加害故如來之身平正方圓無有阿曲大人相者乃往古世已身

衆生勸化安之今定意故如來之眷
如大鈎鑠普有威曜巍巍之德大人
相者乃往古世為諸正覺興立形像
繕修壞寺其離散者勸使和合施无
畏懼其諍訟者化令相順故女欲知
之吾往世時行於無量不可計會衆
德之本如來宿世奉行如斯乃能致
此三十有二大人之相

尔時寶女白世尊曰至未曾有天中
天如來往古所造德本誠不可及而
分別說諸佛之法佛告寶女如是如
是如汝所言如來則為分別解說諸
佛之法若有菩薩逮得聞此如來往
古所殖德本諸佛所講則獲善利无
極之慶即當歸趣於真諦行威能具
足諸佛之法佛說於斯如來十力四
無所畏十八不共諸佛之法及三十
二大人之相法門品時十方世界六反
震動甚大光明普照佛土不可計量
衆生之類皆發无上正真道意二万
五千菩薩得不起法忍天於虛空百
千之衆而雨天華鼓天上樂琴笛簫
瑟興聲歎曰其有衆人逮得聞此如

來十力四無所畏十八不共諸佛之法三十二大人之相功德具足无有罪咎信樂不疑行如上教則於大衆天上世間天人之前演師子吼猶如今日如來至真等正覺矣天人之前而師子吼所以者何斯正典者終不歸趣下劣少信處於小乘衆人之首當歸清淨遵修法者其人得此經典之要愛敬可意欣悅踊躍

法行品第十

於是寶女白世尊曰至未曾有天中之天如來乃講往古去世一切德本諸佛正典何謂世尊菩薩所行遵修經典為行法乎善哉世尊願說菩薩所行之法佛告寶女志性清淨則為菩薩所行法也堅固親友則為行法有反覆者則為行法能修加恩則為行法能忍罵詈則為行法又歸命者而不弃捐則為行法其羸劣者能為忍辱則為行法所難致者而能施與則為行法慈哀諸身則為行法志性愍傷則為行法護於犯戒則為行法思惟經典則為行法將順道教則為

行法好樂正典則為行法將御諸經
則為行法而順寂然則為行法而樂
獨一則為行法不厭閑居則為行法
等於屏處則為行法捨於衆會則為
行法護於衆生則為行法所觀無損
則為行法專修慈心則為行法入于
大哀則為行法歡喜愛法則為行法
觀於禪思則為行法興顯道心則
為行法嘆大乘法則為行法弃捐
重擔則為行法心不怯弱則為行
法思惟止足則為行法弃捐貪餘
多欲之慳則為行法知節賢聖有
足之德而少言辭則為行法無有
諍訟聞乱怨恚忍辱仁和則為行法
信知報應罪福之業則為行法信戒
聞施慙耻智慧順此七財則為行法
恭敬尊長順從善友恭札受命則為
行法心常謙卑恭順自損則為行法
不自毀身不訾他人不歎已德不蔽
他功則為行法蠲除塵欲弃捐瞋恚
及愚癡冥離於憍慢則為行法威儀
札節所遵具足則為行法善聽經典
歡喜悅豫則為行法不離於佛篤信

正典敬從聖衆則為行法布施調意
智惠出家淨修梵行則為行法得利
無利若譽若謗有名无名若苦若樂
不以動搖以過世間之所有法則為
行法若見親友及與怨敵先人問訊
面色和悅而無愁悴則為行法無有
調戲離於闇昧而无諛諂不為邪性
而無瑕玼志性本末究竟清淨則為
行法而行四恩惠施仁愛利仁等利
一切合集救濟衆生則為行法行堅
固法則為行法念佛念法念於聖衆
思念布施念奉禁戒思念諸天則為
行法施度無極戒忍精進一心住
慧所度无極則為行法善權方便勸
助一切衆德之本為諸菩薩則為行
法身口意淨護於十善則為行法非
常苦空而無有身无人無我無壽无
命信解如此則為行法分別空行建
立无想曉了無願在於三界而无所著
則為行法意止意斷遵修神足根力
覺意而入徑路觀乎寂寞則為行法
佛告寶女其行法者謂无有眼亦無
眼行无色想行無有耳行亦无聲行

不想響行無有鼻行亦无香行不想
香行無有舌行亦无味行不想味行
無有身行无細滑行不想細滑而無
意行亦无法行不想法行亦無色行
則為法行無色想行无色苦想無我
色行不寂色行則為行法不空色行
非色無想行則為行法非色無願行
非色无造行亦復非色怙怕之行亦
復非色清淨之行亦復非色如審之
行亦復非色無生之行亦復非色无
起之行亦復非色無著之行亦不究
竟色之所行亦非於色无本為行是
則行法如是痛痒思想生死識行則
為行法非識無常行非識苦行非識
無我行非識寂行非識空行非識无
想行非識無願行非識非无造行亦
復非識怙怕之行亦復非識清淨之
行亦復非識如審之行亦復非識無
所生行亦復非識無起之行亦復非
識無著之行亦復非識究竟盡行
亦復非識无本之行則為行法亦
復非識觀空之行亦復非識无想
之行亦復非識無願之行是則行

法亦非四種行亦非諸入行亦非
欲色無色之行是則行法亦非有
行亦非不行亦復無行是則行法亦
非往至亦非不行亦无處所亦無所
住則為行法無心意識之所行者則
為行法是名曰為行法矣其无有見
不聞不知之所行者是為行法若
使无身口心之行是為行法其不行
法不行非法是為行法若無二行無
若干行是為行法无過去行無當來
行无現在行是為行法其無陰行无
諸種行無衆入行是為行法無欲塵
行無有結恨无所念行是為行法若
无合行無財業行无我人壽命行無
有舍血若有所受同像之行是為行
法其無發起分數之行是為行法其
无吾我無已所行是為行法无斷滅
行不計常行不得諸見崖底之行不
倚中行是為行法諸法若住若无所
住吾我之法處所自然其處非處清
淨法處一切法處皆無有處空无之
處究本末處至竟無處一切諸法无
動無著不可盡極亦无所有亦無所

行亦无輕戲亦無所依亦无不依亦
無所住亦無所受其於是法曉了慧
者慧無所念是曰諦真諦无本則法
之慧設使寶女菩薩如是曉了諸法
遊在生死開化衆生亦不違失滅度
之法斯為菩薩等造法行世尊說此
行法之時八十菩薩遠得法忍
不退轉品第十一

於時寶女即以十億百千貴價珠璣
貢上大聖口宣斯言唯然世尊其有
菩薩遵修奉順此法行者則具佛法
悉能普徧如茲受決處佛道場降伏
衆魔怨敵之讎以不退轉印而印之
當造斯觀時舍利弗謂寶女曰汝豈
能知諸菩薩行不退轉印所可印乎
於時寶女答舍利弗以偈頌曰

人界及法界 審諦解平等 了斯無二際
則不退轉印 其過去諸佛 當來并現在
法界皆平等 逮成不退轉 諸所有境界
并無為之界 寂寞轉空議 覺成不退轉
本際无崖底 不得及邊畔 一時等能解
覺了不退轉 其有方俗法 如行之所趣
智慧觀平等 覺了不退轉 如魔之境界

佛界則平等相應為一類以是印見印
其姪怒癡者欲塵不可限覺了諸想著
達解不退轉生死及無為道教則寂然
等解於滅度覺了不退轉五陰道如之
有二分別慧猶如幻貌像明詰无思想
計於四種者猶如虚空界曉了無可取
真印而見印覺眼則為道解空无所著
若眼道如之以等上平等諸入皆如是
道空常平均當作是了知以此印見印
衆生之所念一心悉知之則无所罣碍
斯故不退轉一切群萌根卑劣妙中間
于彼度无極逮成不退轉辯才無罣碍
无逝无所住億劫中誦說其法不可盡
虚空尚可盡風可尚執持彼明辯才惠
則不可盡極摠持行如斯攬攝一切法
名德不違心不失于博聞其十方諸佛
導師所說法皆得于摠持慧心念不忘
於過去千劫所聞大聖法諮問真諦教
善學於摠持斯等摠持然辯才亦如之
智惠及諸根逮成不退轉以空印諸法
无著无所拔以印印於空故曰不退轉
虚空印諸法清淨无所有曉了此本際
以印不退轉諸因緣法無因緣其惟行

因緣則非真諦相一切法諸法相猶幻
猶如虛空相以是相印之印於不退轉
一切衆生行色聲之札節一時普能現
覺了不退轉於施捨無量功德常無盡
供養虛空界至誠命為一禁戒高无極
懷來致佛戒无限無有量等遊若虛空
一切衆生禁學不學緣覺及不退轉戒
十六分無倫忍辱悲盡極遵修无所生
成就此忍辱逮成不退轉精進无限量
方便不可極悅可群萌類精進為大仙
常為專志定无乱善謹慎普見一切法
無諍定三昧逮无尋智惠淨除所覩處
得佛之尊行淨土令成就慧飛度无極
善學於善權以佛印見印遵修于道行
其行不可知志性何所療積行無邊際
開化于衆生諸聲聞緣覺一切魔異學
緣不能及知大人之所行彼不著諸行
感動神足定解空無所有皆讀逮所興
來過而出生示現佛形像坐於佛樹下
則轉于法輪普現諸國土面見十方佛
譬若如日月等遊于虛空示現取滅度
隨大信樂乘不違示斯印其印不退轉
無限如虛空智慧普若斯不退轉之法

佛說阿彌陀經卷第四 第十二 曉了道如斯

於是寶女說此頌已不退轉印時三千大千世界為大震動五千菩薩得不退轉受別之印世尊則讚彼寶女曰善哉善哉快說斯言能演菩薩不退轉印

大乘品第十二

於是賢者須菩提白世尊曰唯然大聖如今斯女不退轉印而見印矣不復疑也乃能有斯如此像類上妙辯才也設不尔者無緣講說若茲深法佛言如是須菩提誠如所云如斯寶女不退轉印而見印矣以逮法忍乃得入斯大乘之行於時寶女前問佛言所云大乘為何謂乎佛告寶女所謂大乘弘廣之乘慰撫一切衆生之類故无有陰蓋示現一切衆德異惠故離垢之乘捨諸塵勞窺真事故普照之乘一切所解脫門相故顯曜之乘無欲著故隨因緣乘脫所罣碍故清淨之乘護戒品故等善住乘而諦慎護定品之故无漏之乘選惠品故解脫乘者照解品故等現一切諸法乘

者曉了度知見品之故不進退來者攝
十力故無懼來者四無所畏師子吼
故无所往至離處來者攝受諸佛十
八不共殊勝法故普平來者等行慈
心加衆生故無害來者則以正法抑
制一切諸外學故消除來者降伏一
切魔官屬故寂滅來者壞塵勞故降
化乘者伏陰魔故離限來者越死魔
故殊勝來者弃天魔故豪富來者則
能具足施度无極故無熱來者戒度
無極則具足故弃怨來者忍度无極則
具足故堅无壞來者進度無極則具足
故斷除一切諸所自在瑕玃之來者心
離陰蓋故所修來者寂度无極則具
足故一切善德一切智惠世俗之事
度世之法所遭來者智度無極則具
足故普御隨行一切來者權度无極
則具足故至无至來趣滅度故歸安乘
者建八路故其所至到無處來者遵修
奉行觀寂之故根力覺意具志來者
一切諸魔及諸異學無瞻顏故四神
足乘則能普現諸佛國故等能超度
正諦住乘蠲除一切諸不善法遵修

衆行德善法故善修謹慎意止乘者
無內怨故假使不著三界乘者奉无
漏故不著有為諸界乘者逮得無為
顯耀界故不捨道心御善住乘不樂
一切聲聞緣覺所行惠故超越乘者
則能施以無見頂故莊嚴乘者功德
成故選擇衆生志性乘者究竟慧故
闡門乘者所可祠祀無所逆故一味
乘者等佛惠故洪音乘者十方聞故
一切諸天普礼乘者善修業故釋梵
四王所歎乘者德元量故其有慳貪
能施乘者為元首故若有犯禁施惠
戒乘者謂大乘故志懷瞋怒施忍乘
者不加害心於衆生故其懈怠者施
精進乘被堅固鎧未曾捨故其乱心
者施禪定乘令心調定業仁賢故其
邪智者施正惠乘博聞解故惠施與
安除苦患乘不造一切衆惡之故佛
之聖道無罣碍智无等倫惠所示現
者皆處一切諸乘頂故以是之故為
大乘也佛講說此大乘議時万二千
人發無上正真道意口說斯言吾等
亦當乘斯大乘令无数人衆生之類

皆使得立於此大乘

寶印心經卷第四

第十六

發

終

於是寶女白世尊曰唯然大聖其大
乘者有何漸路而不疾歸諸通之惠
佛告寶女行大乘者有三十二罍罍
漸路以此漸故不疾得成諸通之慧
何謂三十二樂聲聞乘一志緣覺乘
二求釋梵處三倚著所生淨修梵行四
專一德本言是我所五若得財寶慳
貪愛恬六以偏黨心而施衆生七輕易
戒禁八不念道心專精之行九瞋恚之
事以為名聞十其心廢逸十一而心馳騁
十二不求博聞十三不察所造十四貢高自大
十五不能清淨身口心行十六不護正法十七
背捨師恩十八奔捨四恩十九離堅要法二十
習諸惡友二十一隨諸陰種二十二不勸助道
二十三念不善本二十四所發道意無權方便
二十五不以慇懃咨嗟三寶二十六憎諸菩薩
二十七所未聞法聞之誹謗二十八不覺魔事
二十九習恃俗典三十不肯勸化於衆生類三十一
耽於生死三十二是為三十二事違失大
乘墮于漸路其墮漸路不能疾成諸
通之惠又復寶女其學大乘之威神
德以此之乘墮于漸路所以者何其

於斯乘有為之穢不如所乘為大乘者則墮墮路若以於彼无為之德如斯行乘為大乘者名聞之德計於彼乘於如來心即為塵勞一切不順於斯大乘悉墮墮路其於斯乘著如來覺德稱之故如是乘者大乘之德故墮墮路是故寶女菩薩大乘當棄塵勞所慕法乘以斯之法致淨大乘當習此法思惟奉行令斯恢弘何所是法淨致大乘有三十二法致淨大乘何謂三十二於諸眾生無請之友故真諦究竟為他人故志性堅強遵修衆德行不以厭至德成故心无憤亂志性淨故其身清淨威儀礼節无想念故口言清淨言行相副故其心清淨不捨道心故布施清淨不望報故戒行鮮潔護犯禁故忍清淨者不惜身命故精進清淨十力無畏具足故禪定清淨一切塵勞无雜錯故智惠清淨蠲除一切罣碍之故清淨心者降伏一切衆魔之故堅固行者度諸願故習諸四恩不捨衆生故於佛及覆護正法故以不懸倦則能具

足道品法故所聞無厭具聖智故其
歡喜者轉加勝故无慢善聖以能致
到無見頂故於一切法無諍訟者因
緣報應所見和故無貧匱者獲七財
故所以不僣由自在故德慧成就不
失通故滅除衆生之塵勞者定於寂
然成就之故如來惠解所變化者具
足觀故觀三脫門所示觀者遵修於
空無想願故澹泊內者令諸衆生
覺了分別寂然惠故興盡惠者不起
法忍故修行一切諸法要者致受別
故佛言寶女是為三十二法淨致大
乘說此三十二事法品典時七万二
千天與人皆發无上正真道意万二
千菩薩得不起法忍天於虛空百万
之衆咨嗟歎吒雨於天華鼓諸伎樂
各各舉聲而歌頌曰其有逮聞於此
大乘名德之稱斯等衆生振救建立
諸佛之德其聞信樂篤信以後若執
持者審諦奉行復超此切

囑累品第十三

於是天帝釋梵忍跡天王四大天王
白世尊曰至未曾有天中之大乃能

善說深奧應議講斯經典多所導利
滅諸陰蓋及衆塵勞化不順議示導
正議以降魔怨弃捐一切諸外異學
撻擯一切諸佛之法是故世尊吾當
受持於斯法典諷誦講說若諸法師
攬受奉持此經卷歸身手執若在其舍
書著竹帛宣布遠近諸天龍神及捷
沓沓若信是經欲奉持者當令斯袖
寬引無役其不悅樂而察陰蓋者當
令諦受而使斯等不犯法師不有所
撓於是世尊告天帝釋梵忍跡天四
大天王善哉善哉諸仁者等汝等乃
欲將護法師曉了志願已能將護於
法師者諸仁者等則為擁護於正法
矣已能擁護於正法者則為擁護一
切群萌

尔時世尊告賢者阿難汝當受此經
卷之品寶女所問正法之典受持諷
誦為他人說假使菩薩於百千劫而
行布施忍辱者設有菩薩取是經法
受則上口而諷誦者為他人說建立
大哀欲度衆生具足大慈思惟經法
立於忍辱斯之獲德出彼福上速疾

得歸於此大乘賢者阿難白世尊曰
吾尋奉受斯法典已唯然大聖斯之
經法名曰何等云何奉行佛告阿難
斯之經法名曰真諦曉了議律達門
之品當持又名無量之德發意所說
當持如來十力四无所畏十八不共
諸佛之法分別諸相菩薩應時遵修
法行說不退轉輪印講演大乘當奉
持之聚會之品寶女所問當奉持之
阿難汝若能持此法門品為他人說
便獲無量名德諸法法之光曜則為
衆生建立佛事所以者何是為去來
今現諸佛世尊究竟之法佛說如是
寶女阿難一切衆會諸天人民阿須
倫世間人聞經莫不歡喜

寶女所問經卷第四

辛丑歲高麗國大藏都監奉

勅雕造

姚秦三藏鳩摩羅什譯

如是我聞一時佛在舍衛城祇陀樹林給孤獨園與大比丘衆二萬人俱菩薩摩訶薩皆是一生補處其名曰彌勒菩薩得大勢菩薩師子意菩薩師子相菩薩大相菩薩如是上首一萬人俱尔時世尊大衆圍繞恭敬為發大乘意衆生演說經典尔時衆中有菩薩名自在王從坐而起偏袒右肩右膝著地合掌白佛言世尊欲有所問若蒙聽許乃敢發言佛告自在王諸有所問佛無不聽隨意所問當為汝說令汝得解自在王菩薩得蒙聽許喜悅无量白佛言世尊云何菩薩摩訶薩於大乘法中得自在行而能為人演說此法以自在力摧伏諸魔增上慢者及諸外道有所見得諸貪著者令住大乘具足大願成就戒行得阿耨多羅三藐三菩提佛告自在王菩薩善哉善哉汝能問佛是義當為汝說一心諦聽善思念之諸善

薩云何能令衆生得住大乘具足大願成就戒行得阿耨多羅三藐三菩提自在王菩薩受教而聽佛告自在王菩薩摩訶薩有四自在法以是法故能自在行令諸衆生得住大乘何等四一者戒自在二者神通自在三者智自在四者慧自在戒自在者菩薩摩訶薩行具足戒不毀不缺不穿不濁不有所得不悔不訶不有熱惱智所稱讚隨順道戒教衆生成護法戒歡悅戒不依生處戒住定戒隨慧戒信解深法戒不退神通戒空無相无作戒寂滅戒攝佛法戒說佛法戒不捨一切衆生戒慈護戒大悲根本戒信淨戒不轉儀式戒頭陀細行戒隨順福田戒畢竟淨戒不斷佛種戒護法種戒亦聖衆戒安住菩提心戒助六波羅蜜戒修四念處戒修四正勤四如意足五根五力七菩提分八聖道分戒能生一切助菩提法戒自在王若菩薩摩訶薩能持如是戒戒則具足所願皆得若菩薩持如是淨戒者三千大千世界劫盡燒時願欲滅

火言火當滅火即為滅欲令三千大千世界皆變為水欲令三千大千世界皆界普雨衆華欲令三千大千世界皆為珍寶欲令如恒河沙世界諸須彌山合為一山欲令如恒河沙世界大海合為一海即皆如意無不成者持戒力故所願皆得所為神力无不稱意菩薩安立如是戒中得如是自在力持淨戒故深願畢成得阿耨多羅三藐三菩提自在王乃往古世過無量阿僧祇劫有佛名淨明光王如來應正遍知明行足善逝世間解無上士調御丈夫天人師佛世尊今時有菩薩比丘名金剛齊得持戒力行淨戒故常在閑處林中經行欲具佛法故修習正行修正行已作如是念不得一切法是則名戒不貪一切法是則名戒滅一切結是則名戒觀身如鏡中像是則名戒於諸言辭如呼聲響是則名戒觀心相如幻是則名戒善不善法無二无別是則名戒為貪欲故觀身不淨是則名戒為瞋恚故生於慈心是則名戒以智慧破癡網

是則名戒不得貪患本是則名戒於法无觀無想分別是則名戒无我見無衆生見无壽者見無人見无常見無滅見是則名戒於一切法不作不起是則名戒心無所畏是則名戒不依三界是則名戒信无生法是則名戒信解無生法忍是則名戒不貪利養是則名戒於諸法空心不驚畏壞離諸相蠲除諸願是則名戒戒無所念是則名戒不自高不輕彼是則名戒不著諸入是則名戒不起五欲是則名戒了知諸陰同於法陰是則名戒了知諸性同於法性是則名戒樂無諍訟是則名戒於善法中不捨勤行是則名戒知一切法必寂滅相而以身證是則名戒自在王金剛齊比丘如是安住於戒修習聖法正念無倒時有魔子名曰障罽見金剛齊比丘如是持戒修習聖法正念無倒與八万四千諸魔及其眷屬貫鉀持兵來到其所自隱其身觀是比丘心在何行千歲隨逐乃至不見一念心散可得惱壞於是魔子及與眷屬現其

魔身執持刀鉞在比丘前欲以相怖
比丘見魔大衆兵仗欲以相怖作是
誓言若我戒淨習於聖法正行不倒
以是緣故魔衆兵仗皆當變成青黃
赤白雜色蓮華須臾那華婆梨師華
奇妙名華以為瓔珞是時魔子與其
眷屬形色儀法皆如我身自在王金
剛齊比丘說是語時魔衆兵仗即皆
變成妙色之華殊妙香潔以為瓔珞
一切諸魔皆自見身如此比丘剷除
黷穢著滌袈裟魔子見比丘現大神
力恠未曾有發希有心與其眷屬俱
礼其足作如是言汝得何法乃有是
力比丘言此力不從有所得生亦不
依於身口意及一切法生是力不以
住相故生以無住處故魔言比丘我
於千歲求汝心行不能知處比丘言
汝若以恒河沙劫求之亦不能得何
以故是心不在內不在外不在中汝
寧能得幻化人心所行處不答言幻
化之人尚無有心况心行處比丘言
如來說一切法空皆如幻化此中亦
無心无思魔言若不得心不得思云

何有來去有言說比丘言幻人去來
言說我去來言說亦如是魔言汝以
是進行住於持戒修習聖法為何所
趣比丘言趣無所趣魔言云何趣無
所趣比丘言是中无先去無今去无
當去無所趣者即是无作脫門汝問
以是進行安於戒修習聖法何所趣
者我不趣色生不趣色滅不趣色住
不趣受想行識滅不趣受想行識住
於一切法亦不趣生亦不趣滅亦不
趣住是名正趣魔子正趣者名不取
色不取受想行識無所見法是我所
趣我所趣者不取色不取受想行識
我所趣者是諸聖所趣魔言比丘於
是法中云何有趣比丘言諸凡夫法
及諸佛法同是一法無二无別學法
阿羅漢法辟支佛法佛法同是一切
法無二无別若過去法若未來法若
現在法同是一法無二无別無出无
生以等相故不捨如是諸法等相者
欲以是法亦衆生故而為說法如是
趣者名為正趣魔子夫正趣者不趣
欲界不趣色界不趣无色界住等法

者於法實相不動不退是名正趣如
如趣一切法趣亦如是如法性趣一
切法趣亦如是如實際趣一切法趣
亦如是求如是趣者亦不念不著諸
趣是名正趣魔子語金剛齊比丘汝
以是正行為得何法答言我以是正
行得離諸法分別以是無念无分別
故具足等相汝問得何法者是正行
中無有得相无增上慢以是正行於
法无所得正行者即是無行義魔子
問金剛齊比丘汝以此戒當得何法答
言我以此戒當得阿耨多羅三藐三
菩提乃至小法不可得故魔子言云
何得菩提比丘言色等則是得菩提
受想行識等則是得菩提一切法等
則是得菩提魔子言如是菩提於何
處求比丘言當於我見性中求魔子
言云何而求比丘言求時不起菩提
見魔言比丘汝師是誰誰所教誨辯
乃如是比丘言不壞我見性而得菩
提是則我師不在垢不在淨是則我
師若識不在有為不在无為是則我
師若不從他聞於諸法不住不捨能

度諸流是則我師若遍知一切法而不至一切法是則我師若一切所說音聲言辭於不可說諸法相中而不動轉是則我師若一切法不生不起不出而能轉聖法輪是則我師不住此岸不在彼岸不在中流是則我師若一切法不生故生是則我師若一切法不滅故滅是則我師我隨如是師教故辯如是魔子言如來以何而轉法輪答言如來於色不轉不還色如色法色空色無相色无作色滅色離色無生色相色性亦不轉不還受想行識不轉不還識如識法識空識无相識無作識滅識離識无生識相識性亦不轉不還如來以是一切法不轉故轉於法輪如是法輪若轉若不轉於無量法性終不出過若能解此轉法輪者是人則能轉於法輪尔時魔子及其眷屬皆為金剛齊比丘作弟子發是言我從今日歸依於師比丘言汝莫歸依我當歸依淨明光王佛我所說者是佛所說魔子言可共詣佛時金剛齊比丘與魔子及八

萬四千魔衆俱詣淨明光王佛所頭
面礼佛足合掌恭敬在一面立淨明
光王佛因其淨戒及聖法行為說如
是法皆得不退於阿耨多羅三藐三
菩提自在王彼時金剛齊比丘豈異
人乎汝身是也障尋魔子者持地菩
薩是自在王是名菩薩摩訶薩戒自
在菩薩得是戒自在者能示衆生不
思議願力教化無量衆生於阿耨多
羅三藐三菩提亦能自降魔怨疾成
阿耨多羅三藐三菩提

佛告自在王何謂菩薩摩訶薩神通
自在謂天眼天耳他心智宿命智如
意足自在王何謂菩薩天眼自在也
若菩薩眼根不為牆壁山林須弥鐵
圍世界中間之所障尋是名天眼自
在菩薩以是無尋眼根見十方无量
阿僧祇佛土為一佛土何以故空相無
別異故而諸佛土彼此雖別而不合
不異又見諸佛大衆圍遶皆為一佛
以法性不壞相故以見一佛淨故見
一切佛淨以一切佛淨故見自身淨
自身淨故見一切法淨於自身淨諸

淨之中不生二相又見諸佛弟子不
異見佛淨菩薩以見弟子正見見佛
以見佛正見見弟子又菩薩於十方
無量阿僧祇世界所有衆生若地獄
若畜生若餓鬼若人若天除无色界
即以天眼悉皆能見生死所趣善惡
之處又知衆生行業及報菩薩雖見
衆生不取衆生相何以故信無我際
故雖見行業及報而知一切法无業
無報菩薩以是天眼見一切色皆無
色相信一切法无所有故知諸衆色
皆是虛妄本來不生故是名菩薩天
眼菩薩得是天眼智力故隨所能見
或見有數色或見無數色或无所不
見菩薩雖在百千万種衆生之中而
能入於禪定背捨三昧乃至不見有
一衆生何以故菩薩達諸法無我如
故是菩薩於色界諸天淨妙形前為
現其身令諸天子見而是菩薩亦見
諸天身菩薩又能令諸天見其身而
諸天不自見身或令諸天自見其身
而不見菩薩身自在王是名菩薩天
眼自在

自在王何謂菩薩摩訶薩天耳自在
若菩薩得是天耳於十方無量阿僧
祇世界所有諸聲天聲夜叉乾闥婆
阿修羅迦樓羅緊那羅摩睺羅伽人
非人聲悉皆得聞聞是聲時於諸聲
中無所分別信一切聲是不可說相
又聞是聲不生我相衆生相及音聲
相達一切聲本來不可說相信知是
聲無有住時菩薩耳性耳識性无有
尋故聞是聲時解其實義者一切聲
不可說是滅相故以是實義而依於
義不依於聲一切法无生相故又聞
十方無量阿僧祇現在諸佛之所說
法而无有尋如所聞能持持已不忘
何以故菩薩乃至无有一句不知而
滅菩薩有所問法若有漏若无漏若
有為若無為若世法若出世法若善
若不善若有罪若无罪若聲聞乘若
辟支佛乘若佛乘能令是法入一性
味謂離自性雖有所問不著六塵雖
復聞法不住諸相菩薩貴法依法不
依非法何等為法法名離染法名无
相法名無為法名无歸處法名无生

無起无得法名無比於是法中以相分別取捨戲論是名非法自在王菩薩依於義不依語不離語入義心聽法云何名入義心不墮空義見無相義見無作義見是名入義心菩薩以是入義心聽法依於義是義不可得不可得亦不可得又自在王菩薩若能如是聽諸佛法依了義經不依不了義經了義經者一切諸經皆是了義以依義故一切法不可說故菩薩如是名為依了義經若人於一切經不能如是依義是名不了義何故名不了是人不了義故行塵垢道常為所牽為誰所牽為聲所牽了義者不隨於聲何以故其義不可說故菩薩知一切法離諸邊非了相自在王依如是義趣法者一切諸經皆是了義不如是依者一切諸經皆是不了義又自在王菩薩於諸佛所聽受法時依於智不依識何以故菩薩知識虛妄如幻離相無性无色無形无對不可識如是知識相即名為智不名為識菩薩依智故不隨識知他識亦不

是識是故不著識如故說智如自在
王依智菩薩不住於識能知他說而
為說法又自在王菩薩說法時雖說
衆生名而依於法不依衆生何以故
若於我法中實有衆生者終無淨无
解是故自在王一切法畢竟無我无
衆生如來以世法故說有衆生諸法
實無衆生是故菩薩依於法不依衆
生法者即是法性義法性者是不生
性義不生者是畢竟不起不作義義
者是不可說義何以故以語說法法
不在語中是故以語示義有所示說
皆非語非說有所分別有所說者即
非佛法無分別无所說即是佛法是
故言无說是佛法若人欲入佛法應
如是入而以語說衆生若說法不應
生見若有二者不名佛語无二無分
別即是佛語若有言聲即非佛法若
有論說亦非佛法若無言聲亦无論
說是名佛法是故自在王若菩薩入
佛法中則得如是天耳以一切聲隨
諸法實相行能得阿耨多羅三藐三
菩提自在王是名菩薩天耳自在

自在王何謂菩薩摩訶薩他心智自在若菩薩得他心智自在者以已心知他心所至之處為衆說法先觀衆心知是衆生有何深心何行何因何相隨而為說菩薩自心淨故入一切衆生心淨自在王譬如明鏡照諸形色相貌長短大小麤細隨其本形皆有像現不增不減鏡無分別以明淨故能示諸像菩薩亦如是以自心淨法性照明故衆生所起心心數法皆能得知而無所尋若是衆中有多欲者能知其心亦見離欲相何以故心相非染故若衆中有多恚多癡有能知其心亦見離恚離癡相何以故心相非恚非癡故若衆中有樂聲聞乘者知其行道法性不作小若衆中有樂辟支佛道者知其行道法性不作中若衆中有樂大乘者知其行道法性不作大菩薩隨知衆生心性而為說法不取心相雖知諸乘而為說法不壞法性不壞法性故不壞一切性而知衆生所行菩薩自以心觀他心自心他心無違无順亦知衆生心相續

生又知心性即是法性自在王是名
菩薩他心智自在以是自在故於天
上人中無不知識自在王何謂菩薩
摩訶薩宿命智自在若菩薩得宿命
智自在以念力強故定根利故憶本
所生自身他身恒沙劫事而為他說
我於彼處如是種類姓名壽命受如
是苦樂又知衆生宿世所種善根有
因力者有緣力者是人有助聞因是
人有辟支佛因是人有大乘因知其
先世所因如是隨其所應而為說法
菩薩得是宿命智故自知今生於諸
佛所種諸善根若先世有善根而不
迴向阿耨多羅三藐三菩提者今當
以是善根迴向菩薩雖知宿命亦知
先世法無有來者不見法從先世至
後世亦不見今世至先世知一切法
无所從來亦无所去又念先際不生
先見亦不生後際中見邊見知一切
法無邊无中菩薩雖念衆生宿命亦
知先際色離相知先際受想行識離
相先際五陰離相知是後際五陰離
相後際離相即是現在離相菩薩知

先際一切法性空知現在一切法性空
知後際一切法性空自在王菩薩如
是知宿命時善根增長先世罪業因
緣滅盡何以故菩薩達一切法相無
新无故成如是智已信解一切有為
法皆空如夢自在王譬如夢中見生
死苦樂菩薩信解一切有為法亦如
是如是信解者往來生死心不疲倦
於衆生中而生悲心於一切法生假
作相菩薩作是念如我若干千萬億
劫生死往來皆虛妄無所有一切衆
生亦如是生死往來虛妄不實實名
不起四大四大是虛妄法自在王菩
薩見宿命時諸有為法皆是虛妄何
以故菩薩念先世轉輪王樂皆悉無
常變異之相念帝釋樂亦皆无常變
異之相亦見諸佛嚴淨世界聲聞衆
嚴淨菩薩衆嚴淨所用諸物嚴淨亦
念諸佛色身具足而轉法輪皆悉無
常變異之相如是念時於有為法无
所貪惜何以故菩薩作是念如是淨
土諸佛色身無常滅盡况我所著即
入无我無我所法中依於无常變異

之相作如是念諸有為法皆悉無常
衆生於此而生常想即於衆生生大
悲心於一切法生放捨想自在王是
為菩薩宿命智自在菩薩得是自在
信一切法無常而為成衆生故受身為
不受故受為不取故取但為教化一
切衆生故自在王何謂菩薩摩訶薩
如意足自在若菩薩心自在故從聖
相生如意足欲力進力斷行信解力
善薩得是信解如意足非作非起若
欲普至恒沙世界一念之頃皆能得
至彼諸衆生皆見其來而自於先本
處不動彼見說法而於此處說法不
絕自在王是名菩薩如意足自在菩
薩以是如意足自在力若有衆生應
以如意足度者以如意足度之若諸
天人著常相者示其劫燒是諸衆生
見三千大千世界普皆燒盡而是世
界無所損減若有衆生慢心自大則
作執金剛神執火焰金剛杵而以示
之令生恐懼除其慢心自歸恭敬若
有衆生樂轉輪王形者以轉輪王身
而為說法若有衆生樂釋提桓因形

者以釋提桓因身而為說法若有衆生樂梵天王形者以梵天王身而為說法若有衆生樂魔王形者以魔王身而為說法若有衆生樂見佛身者則現佛身而為說法菩薩或為衆生住於空中結加趺坐身放光明而為說法或有衆生樂嚴淨世界者則為莊嚴三千大千世界懸繒幡蓋堅諸幢幡以寶羅網遍覆其上燒諸名香作衆伎樂然後說法或為衆生現三千大千世界為一海水青紅赤白種種蓮華遍覆其上於其水中現師子坐身處其上而為說法或為衆生自現其身坐須彌山頂而為說法聲至梵天或為衆生不現其身但以音聲而為說法或為衆生現闍婆身以衆樂音而為說法或為衆生現龍王身起雲雷震放大電光又雲大雨而為說法或有衆生飢渴逼切則與天食身得充滿具足悅樂而為說法若有地獄衆生苦惱逼迫而以神力滅地獄火以天精氣令其毛孔皆得安樂而為說法若有盲者如意神力以

天眼與令得開明而為說法若有韻者如意神力與其耳根令得聞聲而為說法若有種種病自以神力令其除愈而為說法若有犯罪送至死處如意神力化人代之令得免罪心得安樂而為說法若有衆生刖足斬手刈截耳鼻形殘醜陋常自愧耻而心退沒如意神力皆令完具而為說法若有衆生在於胎中藏血屎尿不淨之處如意神力化作寶臺樓閣令處其中亦成意識而為說法若其始生諸根未成如意神力令其具足堪任聽受而為說法自在王是名菩薩成如意足以如是等種種不思議神力而為說法菩薩如意神力故為度奉事日月衆生以三千大千世界置其右掌遠擲他方無量世界令諸人衆皆見其去而此世界本處不動又以恒河沙世界入一毛孔舉至梵天擲置他方無量世界令諸衆生无去來想若恒河沙無量世界劫盡火燒能一吹令滅或以兩手障蔽日月身出光明照諸世界而為說法自在王是

菩薩或坐諸佛前若欲供養佛以一
掬華如須弥山散佛身上華至半身
又三千大千世界一切草木皆成為
炬遍滿世界火落如雨自在王是菩
薩隨諸衆生所貴形色皆悉為現若
釋若梵若聲聞形若辟支佛形是名
菩薩神通自在謂天眼見無尋故得
天耳聞无障故得他心智達一切心
心法故證宿命智憶過去無量阿僧
祇劫故得如意足於一切形色隨意
示現故自在王神通自在者能以一
切佛事示諸衆生亦能了達分別衆
生諸根利鈍能以聲聞乘度衆生辟
支佛乘度衆生大乘度衆生故於生
死中衆所知識成衆生故衆所知識
於善法中出家行道故衆所知識以
方便力故衆所知識檀波羅蜜迴向
故衆所知識尸羅波羅蜜羼提波羅
蜜毗梨耶波羅蜜禪波羅蜜般若波
羅蜜迴向故衆所知識降伏諸魔令
種善根故名為神通自在又自在王
菩薩得是神通自在故名身之力名
聞稱讚家姓財物眷屬人民普皆殊

勝衆所知識是故名為神通自在又自在王菩薩得是神通自在故衆所知識謂諸天龍夜叉乾闥婆阿修羅緊那羅迦樓羅摩睺羅伽人非人帝釋梵王諸護世者諸佛正遍知者皆所知識是故說名多識自在王菩薩以是神通不退本誓而能示現一切衆事

自在王何謂菩薩摩訶薩智自在謂陰智性智入智因緣智諦智自在王何謂陰智色前際空後際空中亦空受想行識前際空後際空中亦空五陰畢竟空是名陰智自在王何謂性智地性是法性水性是法性火性是法性風性是法性何以故四性入於法性皆為一性謂之空性空性法性同一無性此中無地性无水性無火性无風性何以故不壞性是法性無二性是法性无生性是法性無垢性是法性无淨性是法性如法性壽性是法性生死性涅槃性是如是如涅槃性欲性色性無色性有為性无為性亦如是如是性智不隨他得是名

性智自在王何謂入智眼從本來不生不起無有作者耳鼻舌身意從本已來不生不起无有作者自在王眼無有主是中无有見者耳無有主是中無有聽者鼻无有主是中無有嗅者舌无有主是中無有覺者意无有主是中無有識者自在王眼性不能見色耳性不能聽聲鼻性不能嗅香舌性不能知味身性不能覺觸意性不能識法何以故眼无所作與草木土石無異耳鼻舌身意亦无所作與草木土石無異自在王眼不染不離耳鼻舌身意不染不離何以故眼從本來是離相耳鼻舌身意從本已來是離相自在王若能如是知一切入則能離欲是名入智自在王菩薩如是知諸陰性入不生不起以畢竟滅滅已而受生退沒雖受陰性入而不捨陰性入智是名智自在謂知陰性入知陰性入相而能不捨現於三界而不住諸結示有生滅而不生不滅是名智自在自在王何謂緣智無明緣行无明

不作是念我起行行緣識行不作是
念我起識識緣名色識不作是念我
起名色名色緣六入名色不作是念
我起六入六入緣觸六入不作是念
我起觸觸緣受觸不作是念我起受
受緣愛受不作是念我起愛愛緣取
愛不作是念我起取取緣有取不作
是念我起有有緣生有不作是念我
起生生緣老死生不作是念我起老
死老死緣憂悲苦惱老死不作是念
我起憂悲苦惱自在王若菩薩能如
是觀十二緣者不墮諸見若斷見若
常見善薩作是念法屬衆緣推求衆
緣則不可得即於十二緣而得真智
何謂真智知十二緣生法同於無生
无生同空無相无作空無相无作同
衆緣生法如來所用等得一切法是
法同十二緣生法十二緣生法無有
法生是故說應見十二緣生无生十
二緣無生智即是十二緣生智自在
王明无明無二知如是者則知緣生
法行非行无二知如是者則知緣生
法識非識無二知如是者則知緣生

法名色非名色無二知如是者則知緣生法六入非六入無二知如是者則知緣生法觸非觸無二知如是者則知緣生法受非受無二知如是者則知緣生法愛非愛無二知如是者則知緣生法取非取無二知如是者則知緣生法有非有無二知如是者則知緣生法生非生無二知如是者則知緣生法老死非老死無二知如是者則知緣生法從緣生者無有是處從緣生則是无我則是空也從緣生者則是無來无去從緣生者則非真實從緣生者則無一相從緣生者則无所行如是知者是名緣生智見緣法者不見無明不見行不見識不見名色不見六入不見觸不見受不見愛不見取不見有不見生不見老死若不見如是法者是名見緣生法若見緣生法是名見法云何見法見離染法云何離染行者於一切法離染見故名為離染是故說見離染法云何為見不為增不為減如是見如不動不著如是見如不壞法性亦不

見合如與法性不壞不合如是見者
不毀實際如是見者亦不見非以肉
眼見非以天眼見非以慧眼見何以
故肉眼无無作故不見天眼作起相
故不見無為法慧眼无分別相无分
別故不見自在王若菩薩能如是見
一切法則能見佛不以色故見不以
受想行識故見不以諸相故見不以
法故見不以戒故見不以定慧解脫
知見故見不以過去故見不以未來
現在故見如是見者是名見佛

自在王菩薩白佛言世尊頗有所緣
菩薩見如是諸法而能見佛耶佛言
有何以故色是盡相性无生故能見
色如是是名見如來受想行識是盡
相性無生故能見識如是是名見如
來戒是无為無作无起相能見戒如
是是名見如來定慧解脫知見等亦
如是是名見如來自在王我於過去
燃燈佛時得見佛淨我於今時見緣
生法故見法以見法故見如來自在
王言於燃燈佛已前云何見諸佛佛言
以色身相見故見不以不二法身見

故見今為汝說我從初發心未曾見
佛何以故不以色相見故名為見佛
是故自在王若菩薩欲得見佛應如
我見燃燈佛以諸法一相故云何一
相如我身燃燈佛身亦如是如燃燈
佛身亦如是一身故以不二不別入
一法相是名見緣生法以見緣生法
名為見法以見法故名為見佛若菩
薩能於一切念中證滅而不實滅生
死不可得而以方便智故示是名菩
薩智自在

自在王菩薩經卷上

庚子歲高麗國大藏都監奉
勅彫造

自在王菩薩經卷下

發

姚秦三藏鳩摩羅什譯

自在王何謂菩薩摩訶薩諦智求聲聞者以諦法證聲聞解脫菩薩得此諦而不證解脫是名自在求辟支佛者以諦法證辟支佛解脫菩薩得此諦而不證解脫是名自在諦智者苦得時故為苦以倒故有若菩薩知苦无生無起是名知見苦諦云何斷集諸法隨集斷云何為集集平等故斷亦如是無所從來故集无所去故斷是名諸法性是中無有實法生已當斷隨所愛使故有集若斷愛使是名斷集云何苦滅諦畢竟滅苦集而无法可壞故是名苦滅一切諸緣相滅故一切法如是滅相於此中不生不滅名為滅諦云何道諦隨以何道求一切法不得若善若不善若有漏若无漏若有為若無為是名道諦是道平等不分別一切法故是道寂滅離諸結熱故是道安樂離一切憂惱故是道无

漏一切漏盡故是道一切有所得者
所不能行正行禪定者易修行故是
道諸佛所不捨是道無相斷一切相
故以如是道不墮於二是名道諦若
菩薩以如是門知四諦者是名諦智若
菩薩先以四諦為求聲聞辟支佛者
說於此乘中亦無所貪是名諦智自
在又自在王菩薩知聲聞乘不於中
住知辟支佛乘不於中住知佛乘不
於中住是名諦智自在又自在王若
以一心知一切衆生心以一心性知
一切心性而於心智不作二行是名
智自在又有智自在知見過去世無
尋心不至過去世知見未來世无尋
心不至未來世知見現在世無尋心不
至現在世不於過去未來現在世而生
戲論又有智自在知一切有為法盡滅
而不盡諸善根知法无生而以攝法攝
集衆生一名智自在又不從他知一切
法畢竟滅相以是智力而自不滅教
化衆生是名智自在自在王菩薩於
此若欲得智自在力而自在者應隨
智行不隨意行云何意行所有意業

皆是意行所有識業皆是意行所有心業皆是意行所有著心起諸善根皆是意行隨見行施墮相持戒依我行忍皆是意行我是菩薩則是意行我發菩提亦是意行我不断佛種不断法種不断僧種亦是意行我為利衆生故發心亦是意行我當度未度者解未解者安未安者滅未滅者皆是意行我是施主我是持戒我是行忍我是行進我是行定我是行智皆是意行我是行慈者行悲者行喜者行捨者皆是意行我是少欲知足離行者不雜行者頭陀行者阿蘭若者細行者如是分別皆是意行我是空行者我是無相行者我是无作行者如是分別皆是意行我是諦語者實語者如說行者皆是意行我是過諸魔業離四魔者我斷一切見得忍如是分別皆是意行我當得阿耨多羅三藐三菩提轉法輪度衆生當於無餘涅槃而般涅槃如是分別皆是意行自在王云何菩薩智業隨无心意識行處是名智業菩薩常作智業不

起意業云何菩薩智業菩薩智業有
二種何等二一者成衆生二者受持
正法云何成衆生菩薩隨以所知能
成衆生云何受持正法若不受一切
法是名受持正法若受持色非受持
正法受持受想行識非受持正法若
受諸入諸性非受持正法若受善不
善法非受持正法若受罪不罪有漏
無漏有為无為世法出世法非受持
正法若受施相非受持正法若受戒
忍進定智非受持正法何以故所可
取緣皆是非法非善非受持正法何
以故如來所得法是法無相无尋若
取緣相非受持正法如是菩薩業中
智是名智業以如是智而作智業不
盡於智是名智自在

自在王何謂菩薩摩訶薩慧自在菩
薩得慧自在能知諸法解釋章句得
四無尋智力故謂義無尋智法无尋
智辯無尋智樂說无尋智云何義無
尋智若菩薩於諸語中依義不依語
義者於一切法正智云何正智謂不
可說義是此義在語中更无異聲從

本已來離諸相故是名為義不應離

語依於義語中等相即是義能如是

知名義無尋智又達一切法義亦名

義無尋智云何法无尋智菩薩依於

法不依非法依於法者不見非法何

以故知一切法離相但有名故又法

無尋者雖說三乘不壞法性何以故

法性是一性謂无相是菩薩以語說

法即知語同響相有所說法信解皆

同法性於智於語而無所尋是名法

无尋智云何辭無尋智知諸天言辭

知龍夜叉乾闥婆阿修羅迦樓羅緊

那羅摩睺羅伽人非人言辭知帝釋

梵天王護世者言辭知一言二言多

言略言廣言男言女言非男言非女

言過去言未來言現在言隨以方便

言辭令其得解自以淨妙言辭亦不

輕毀他語何以故知一切法無有言

辭菩薩作是念以言辭說法令其得

解是法於言辭中不可得言辭於法

中亦不可得從本已來无有言辭若

有言辭不應以善言辭說不善法是

故當知言辭能示善惡又辭無尋者

即以衆生言辯而使行法何以故法不行法能如是行一切法以言辯說此行使彼得解是名辯無尋智云何樂說无尋智若菩薩於一切文字皆能樂說於一切音聲亦能樂說一切名字亦能樂說是名樂說云何為樂菩薩若說法時樂法樂實樂諦若信樂修多羅者為說修多羅信樂岐夜伽陀弊迦蘭奈誼陀邨祢陀那阿波陀邨伊提郁多伽闍陀伽裴佛略阿浮陀達摩者皆為說之信樂過去者為說本事一切衆生所樂諸根皆隨所樂而為說法樂信根者因信根為說法樂進根者因進根為說法樂念根者因念根為說法樂定根者因定根為說法樂慧根者因慧根為說法如是諸根皆因而為說法姪欲多者分別有二万一千佛知有八万四千根如來因此諸根皆能樂說菩薩次能樂說瞋恚多者分別有二万一千佛知有八万四千根如來因此諸根皆能樂說菩薩次能樂。就愚癡多者分別有二万一千佛知有八万四千

根如來因此諸根皆能樂說菩薩次
能樂說雜分者分別有二萬一千佛
知有八萬四千根如來因此諸根皆
能樂說菩薩次能樂說自在王是名
樂說無尋智於此義无闕法無尋辭
无尋樂說無尋皆以慧為本慧所住
處慧之所攝菩薩以慧力故用四自
在及餘自在皆得自在世尊慧以何
為本為住何處何處所攝自在王慧
以多聞為本住多聞處多聞所攝世
尊多聞以何為本為住何處何處所
攝自在王多聞以善知識為本住善
知識處善知識所攝世尊善知識以
何為本為住何處何處所攝自在王
善知識以敬心為本住於敬心敬心
所攝世尊敬心以何為本為住何處
何處所攝自在王敬心以深心為本
住於深心深心所攝世尊深心以何
為本為住何處何處所攝自在王深
心以質直為本住於質直質直所攝
世尊質直以何為本為住何處何處
所攝自在王質直以大悲為本住於
大悲大悲所攝世尊大悲以何為本

為住何處何處所攝自在王大悲以
衆生為本住於衆生衆生所攝何以
故自在王菩薩為度一切衆生生大
悲心生一切智心是名菩薩慧自在
又慧自在菩薩以慧自在故因一法
門若一切若滅一切種種異辭廣說
諸法於實相中無所遺失菩薩或欲
不現其身為衆生說法或從身毛孔
演出法音隨衆生所行而為說法菩
薩或欲現其身為衆生說法一切外
道論師不能窮盡又外道仙人所作
若易哆邏呪術經韋陀若語論若鉢
追若諸神通若諸智門若日月五星
經若夢經若地動經若陀魔陀呪術
若鳥語經若鳥獸經若龍輶闍婆夜
叉入身經若王相經若豐樂飢饉相
經若諸遑遊戲經如是世界經書智
慧伎藝文章算數色相音樂歌舞瑩
簇箏笛如音曲折菩薩轉身自然在
心皆能通了以慧力故皆能得知皆
能示現皆能達知菩薩雖知如是方
術不惱衆生亦不以是為淨妙道自
在王慧自在菩薩與百千万諸梵王

共住共坐自現其身與共語論亦不
著梵王光明德相而諸梵王迎送菩
薩生尊敬心如是皆於一切天宮現
自在力而亦不著但生無常苦空无
我想依無生法依度一切衆生之心
自在王是名菩薩慧自在又自在王
慧自在菩薩如魔所有天宮復令殊
勝自現其身勝魔所有百千万倍令
諸魔等生渴愛心生貪著心以此自
嚴破魔慢心令住阿耨多羅三藐三
菩提然後說法自在王慧是菩薩遍
行法若施若受若以施迴向而於此
處必應用慧若自持戒教他持戒以
持戒迴向而於此處亦應用慧若修
行忍若教他忍以忍迴向而於此處
亦應用慧若自行進教他行進以進
迴向而於此處亦應用慧若自行禪
若教他禪以禪迴向而於此處亦應
用慧若讀諸經若為他說法若如所
聞以慧正念一切行立坐卧一切儀
法一切捨心皆應用慧慧力菩薩則
是一切善法力者慧增上菩薩於一
切法得增上自在慧自在菩薩於一

切法能自在行執慧力菩薩知佛能拒魔軍有慧菩薩自在隨行諸法而不用力如人仰射其箭還時不須弓力菩薩亦如是以慧力故遣自在智入諸善法坐道場時得是智力以是力故以右手動十方世界破大魔軍伏者自在王是戒自在神通自在智自在慧自在若人不種善根不能得聞如斯經典自在王若人得聞是經心歡悅者當知是人得四自在以是自在現自在力何以故自在王是諸自在一切聲聞辟支佛之所无有尔時自在王菩薩聞佛所說心大喜悅合掌礼敬瞻仰尊顏目不暫捨作如是言世尊佛今以是四自在力一切衆生亦當得是四自在力佛以神力使自在王菩薩以種種好色香華滿其衣襪以散佛上及諸菩薩蒙華散者皆成金色三十二相以嚴其身空中百千万億諸天同聲嘆言若有衆生信受如是四自在力發阿耨多羅三藐三菩提心者是諸衆生以佛莊

嚴而以自嚴何以故是四自在皆隨一切智心世尊若佛本不發阿耨多羅三藐三菩提心者是諸衆生云何得聞如是不可思議諸自在經諸天子嘆已佛告自在王菩薩我念過世於燃燈佛前第七十佛号普淨光王如來亦廣說此四自在法時有菩薩名智行足亦以此法問佛佛說此法時八千菩薩得此四自在及無生法忍三萬二千人發阿耨多羅三藐三菩提心自在王我於今時初聞此四自在聞已受持至燃燈佛時乃得具足是故自在王若於今世若我滅後有人一心求佛道者受持是經當知是人疾得无生法忍說此自在王經時三萬二千天人發阿耨多羅三藐三菩提心諸天子供奉佛故作百千伎樂雨於天華以佛神力從衆伎樂出如是音若有衆生聞此自在王經信解受持當知是人諸根明利樂於佛法其智廣博為善知識所護深種善根於諸衆生行大悲道

尔時自在王菩薩白佛言世尊佛有

十力四無所畏十八不共法菩薩亦
有十力四無所畏十八不共法不佛
告自在王有阿鞞跋致菩薩已久習
行得無生法忍住第八地欲入九地
為般若波羅蜜方便所護如是菩薩
則能具成菩薩十力四無所畏十八
不共法自在王云何菩薩十力為薩
婆若故發深堅心力具慈心故不捨
一切衆生力不求一切利養故捨一
切世界飾好故具大悲力信一切佛
法故能成是法故心不退沒故具大
進力行念安慧故不壞儀法故住不
動定力離二邊故順緣生法故斷一
切見不別戲論故具般若波羅蜜力
成衆生故受無量生死故習善德无
厭足故信解有為法如夢故於生死
中無疲倦力觀諸法相故无我無人
无衆生故信解不生不起法故信樂
無生法論故无生法忍力入空無相
无作法故觀諸脫門故得聲聞辟支
佛乘解知見故得脫門力於深法中
不隨他智故觀一切衆生心所行故
具無尋智力自在王是名菩薩十力

自在王何謂菩薩四無所畏得陀羅尼故一切所聞能持故常不忘念故於大衆中說法无所畏隨一切衆生所信解而為說法如隨病合藥知見一切衆生諸根隨應說法於大衆中而無所畏是菩薩衆中說法无所疑難無有東方南方西方北方有來問我我不能答乃至无有微畏之相恣於衆生之所問難隨問為答而无所畏善能斷疑故於大衆中說法而無所畏自在王是名菩薩四无所畏自在王何謂菩薩十八不共法菩薩從生已來自能行施無有教言汝當行施樂行捨心若魔作佛形來語之言汝行於施當墮地獄菩薩若生慳悔之心無有是處樂捨一切分布施與以是行施為阿耨多羅三藐三菩提不求果報利益衆生故是為菩薩初不共法自在王菩薩自能持戒无有教者雖不值佛而亦不從他人受戒善能護持一切諸戒常樂持戒謂雖在家如戒所說盡能奉持若其出家戒經所說不須教導皆能履行乃至不

為壽命諸緣而捨於戒所持諸戒皆
順菩提為斷衆生破戒法故是為菩
薩二不共法自在王若貧窮下賤及
旃陀羅工巧之人瞋恚加惡苦言罵
辱節節支解菩薩今時其心不動於
此衆生慈心普潤有力能報而不加
害但依於法我以佛法緣故忍受此
苦亦願是人心得善淨發大莊嚴是
為菩薩三不共法自在王菩薩雖遭
急難猶故進行不懈不息而終不生
退沒之心若見聲聞入於涅槃見世
苦惱而於聲聞滅度法中心不貪樂
若見辟支佛滅度又見生死苦惱於
辟支佛涅槃法中心不貪樂若見諸
佛已成大利佛法具足入於涅槃自
見其身未得具足六波羅蜜及諸佛
法於此法中心亦不退而勤行進我
當於此大乘涅槃而取滅度是為菩
薩四不共法自在王菩薩若作轉輪
王若作帝釋若作魔王百千侍女作
天伎樂具受欲樂而於禪定及無量
心皆現在前常樂捨離憤內之處於
生死中生大恐畏想於五欲中生大

不淨想於五陰中生惡僻想於四大
中生毒蛇想於諸入中生空聚想於
已眷屬生怨賊想於宮宅侍女中如
在死尸間想但求行法但求見佛但
念欲度一切衆生於伎樂之聲出禪
定法音或時魔障其聲先世善根力
故而於空中得聞佛音法音僧音聞
此音已棄捨世界自在之樂出家入
林是為菩薩五不共法自在王菩薩
於世禪定之中不生堅想以智分別
離於諸見依法依義此不共法乃至
夢中不生我見不生法見菩薩不為
諸結見纏所使離諸疑悔乃至惡魔
不能障蔽令其疑悔離於正法菩薩
為成衆生故或破儀法而於其中无
有疑悔自在王是為菩薩六不共法
自在王菩薩從生已来自得身淨離
於煞生不以手足刀杖瓦石有所惱
害常捨刀杖資生豐足無所乏少一
把之草不與不取珍寶滿地不生貪
心飢窮死困不以邪命而自活也常
修梵行至於心想不念五欲離諸欲
惱不以五欲之緣而行非法以智為

首成善身業是為菩薩七不共法自在王菩薩淨於口業真語實語言行相應不自欺身不誑諸佛諸天龍神夜叉乾闥婆阿修羅迦樓羅緊那羅摩睺羅伽人非人等菩薩不行兩舌眷屬親愛終始不離菩薩不行惡口常行愛語軟語和柔語不惡語不麁語有理語安樂語先意語和悅語菩薩於諸惡口麁言侵刺苦語人不喜聞自惱惱他如是諸語終不出口菩薩不為無義語有則言有无則言無深心淨故口業皆淨自在王菩薩得此不共法故世世所生常得如是隨法語口能以是語不淨之人令其得淨已淨人者令起恭敬供奉之心以是深心不共法故得實語口諸有所說皆實無虛是為菩薩八不共法自在王菩薩已心自在得自在行不貪他物不恚惱衆生行於正見於菩薩心無等等心終不忘失菩薩常離一切諂曲不直之心晝夜常行善淨慈心是為菩薩九不共法自在王菩薩所生之處一切經書呪術醫方算數

為寂為上不須師教自能知之皆悉
了達亦於世法出世法中得不隨他
慧又不承望聽採他語常為諸天世
人之所瞻仰有所言說皆悉隨學是
為菩薩十不共法自在王菩薩或為
衆生療治諸病不求利養以大悲為
首療治病時發心願言當令衆生得
出世法滅諸苦惱令至涅槃是為菩
薩十一不共法自在王菩薩不求不
願轉輪王位釋梵天王之處而自得
之何以故菩薩不為身色端嚴故行
道不為世界眷屬榮位名聞稱讚故
行道如是之福不求而得是為菩薩
十二不共法自在王菩薩住尊貴處
長壽諸天曾見佛者常來擁護如是
勸發應作是行行是業者能至菩提
是則退法是則進法如是行者諸根
隨順阿耨多羅三藐三菩提是諸天
神常以如是隨宜勸發令不違失阿
耨多羅三藐三菩提是為菩薩十三
不共法自在王若有凶暴瞋恚惡人
見此菩薩身口心業不能加惡心得
善淨者或有人惱此菩薩忍受不報

令其心淨得住於法若有衆生侵害
菩薩不令以此墮於惡道何以故菩
薩本來已得具足不共善淨之願若
有衆生以身口意侵害惱我今不以
此墮於惡道菩薩淨持戒故隨願皆
得是為菩薩十四不共法自在王或
有衆生慳貪不信不見業行不依果
報不識佛法僧於諸沙門婆羅門心
不善淨不能敬札聽受其語心不尊
重不生希有之想是諸衆生見此菩
薩身口意行儀法語論心即得淨札
敬隨順便生尊重希有之心何以故
菩薩得不共法故是為菩薩十五不
共法自在王若一切諸天龍神夜叉
乾闥婆諸仙大人婆羅門等世之大
師見此菩薩生師尊想於此諸人名
稱寂勝又諸天龍神夜叉乾闥婆仙
人婆羅門等世界之師誦此菩薩曲
躬札敬供給使令諸師弟子亦皆札
敬尊重迎送心念知勝得是信心是
為菩薩十六不共法自在王菩薩所
在國界聚落城邑能修善法離不善
法能化衆生護正法者而生其中得

正見父母所生之處常為師長禮敬
尊重國界之中衆生命終無墮惡道
何以故菩薩以善法攝衆生令行福
故命終之後皆生人天是為菩薩十
七不共法自在王菩薩隨順一切助
道之法諸明神通皆具足故一切諸
魔不能得便是為菩薩十八不共法
自在王何故名為不共法菩薩隨順
一切佛法故諸聲聞辟支佛初發意
者之所无有而况凡夫

尔時自在王菩薩白佛言希有世尊
世尊今者與諸菩薩大智法明無量
法光如我解佛所說義者若有菩薩
得聞此經不樂餘經若人聞此經受
持讀誦已為受持一切佛法若人受
持此經已為他人說則為能以佛之
正法以成衆生若人正習此經則為
正習一切佛法若人於此經中得忍
名為順忍若人於此經中如所說行
則為隨順一切法行世尊若有菩薩
不離此經當知是人已得諸明神通
為坐道場佛告自在王如汝所說若
人不離此經當知是人得諸明神通

為坐道場自在王過去然燈佛前威
德佛提沙佛弗沙佛光明佛前有佛
号天王如來應正遍知明行足善逝
世間解無上士調御丈夫天人師佛
世尊其佛世界嚴淨豐樂天人充滿
其土平正琉璃為地閻浮檀金以為
蓮華遍覆其土柔軟細滑辟如天衣
是時世人身色長短資生所有園林
池觀皆如兜率天上所須飲食應念
即至與天無異唯有名別其三千世
界佛為法王是故其佛号为天王如
轉輪王坐於正座以法化民无不承
順天王如來亦復如是坐師子法座
為一切天人演說於法大眾坐處東
西八万四千由旬南北亦尔八万四
千由旬天王如來說法之時音聲遍
滿三千大千世界其諸天人盡敬尊
重讚嘆行無上法以為法供其土眾
生无有樂下法者唯樂佛法無有聲
聞辟支佛名况發心行者唯有菩薩
以為眷属无有女人亦不聞有姪女
之名皆於蓮華結加趺坐自然化生
唯樂三法何等為三一者樂意見佛

二者樂意聞法三者樂觀於法好喜
離行其諸人衆修習經法常不放逸
福慧具足壽命無量阿僧祇劫命終
生天謂到他佛土若有菩薩命欲終
時上昇於空高七多羅樹唱大音言
我於此土今當退沒時衆坐菩薩聞
此聲已皆共集會試其法忍作如是
言何等法退何等法生時是菩薩於
大衆中而作是言此中無法若退若
生如來得阿耨多羅三藐三菩提時
知一切法無退无生何以故色不退
不生受想行識不退不生更無異法
必定可得若我若衆生若壽命退者
生者如來得阿耨多羅三藐三菩提
時知一切法皆空无相空無相法不
退不生諸法離際不作際不起際无
生際佛以為證如是諸際亦不退不
生退名衆緣離生名衆緣合而是諸
緣亦不退不生是菩薩於大衆中說
是法已然後乃退其身滅已無灰无
烟即生他方現在佛前是天王佛及
諸菩薩不著袈裟皆著自生淨妙天
衣亦無結惑世人調順皆得无生法

忍不為衆生廣說諸法而諸衆生其
根明利小發即悟若天王佛為諸菩
薩演說法時其諸天人普皆能知或
得法忍或得陀羅尼或得樂說无碍
或得諸三昧自在王是天王佛其大
名聞普流十方於一切天人之中廣
說此四自在經七万二千菩薩得受
阿耨多羅三藐三菩提記時有菩薩
名曰淨光不得受記作如是念今諸
菩薩得受記者持戒儀式行道念慧
方便神力陀羅尼三昧不勝於我以
何緣故今得受記而我不得時天王
佛知其心念告淨光言善男子於未
來世當有佛出号曰然燈彼佛當與
汝受記時淨光菩薩聞佛語已心大
喜悅上昇於空作如是言若然燈佛
過恒沙劫而後乃出當知我已得受
阿耨多羅三藐三菩提記何以故諸
佛所言皆無虛妄諸佛皆是真實語
者自在王於意云何彼時淨光菩薩
豈異人乎則我身是我從是來得值
光明佛我從彼佛得聞是法聞已受
持得光印三昧從是已後復值弗沙

佛我從彼佛得聞是法聞已受持得
衆明三昧從是已後復值提沙佛得
聞是法聞已受持得照明三昧從是
已後復值威德佛我從彼佛得聞是
法聞已受持得順法忍從是已後復
值然燈佛我從彼佛得無生法忍證
此四自在謂戒自在神通自在智自
在慧自在自在王以是緣故若於今
世若我滅後善男子善女人求菩薩
乘者得聞是經聞已受持當知是等
皆疾得為菩提真智得此四自在能
轉法輪於佛無上正法之中當得慧
光說是經時乃六千菩薩得無生法
忍乃二十人皆發阿耨多羅三藐三
菩提心三千大千世界六種震動百
千萬諸天喜而唱言在在處處有說
是經當知此中則為是佛若有衆生
得聞此經當知此人善根深厚尔時
慧命阿難白佛言世尊當何名此經
云何受持佛告阿難此經名為四自
在神力當奉持之佛說此已自在王
菩薩及阿難一切天人聞佛所說歡
喜受持

自在王菩薩經卷下

壬寅歲高麗國大藏都監奉

勅彫造

奮迅王問經翻譯之記

發

一切菩薩切行普修依德立名字号
平等隨所顯發稱謂不同說法問論
多依自字故奮迅王問奮迅法如來
為說四種奮迅其有人能具此奮迅
則於一切皆能奮迅魏尚書令儀同
高公今欲以此四種奮迅於一切處
普奮迅故置能譯人在宅上面出此
四種奮迅法門沙門曇林瞿曇流支
興和四年歲次壬戌月建在申朔次
乙丑甲午之日啓夾創筆凡有一万
八千三百四十一字
奮迅王問經卷上

北魏婆羅門瞿曇曇流支譯

如是我聞一時婆伽婆住舍婆提城
祇陀樹林給孤獨園與大比丘衆二
万人俱菩薩摩訶薩一万人一生當
得阿耨多羅三藐三菩提弥勒菩薩
德大勢菩薩師子意菩薩師子幢菩
薩大幢菩薩等而為上首尔時衆中
有一菩薩摩訶薩名奮迅王在大會
坐尔時世尊无量百千眷属圍遶恭

敬供養而為說法謂大乘者之所修行
尔時奮迅王菩薩摩訶薩從坐而起
整服右肩右膝著地合掌向佛頭面
礼足白言世尊我於今者欲以少法
問於如来應正遍知唯願世尊為我
解說佛告奮迅王菩薩摩訶薩言奮
迅王恣汝所問我為汝說奮迅王汝
若問者隨汝心意彼彼所問如是如
是我為汝說令汝心喜奮迅王菩薩
言如是世尊願樂欲聞奮迅王菩薩
既蒙聽許心大歡喜白佛言世尊云
何諸菩薩摩訶薩大乘奮迅復為衆
生說此大乘以彼奮迅破一切魔一
切慢人一切諍人一切分別喜樂見
人令住大乘大願滿足戒行成就得
阿耨多羅三藐三菩提

佛告奮迅王菩薩摩訶薩言善哉善
哉奮迅王善哉奮迅王汝今善能問
於如来如是之義當善憶念汝奮迅
王諦聽諦聽善思念之我今為汝分
別解說如菩薩如大乘奮迅復為衆
生說此大乘以彼奮迅破一切魔一
切慢人一切分別喜樂見人令住大

乘大願滿足戒行成就得阿耨多羅三藐三菩提

奮迅王菩薩言如是世尊願樂欲聞
佛告奮迅王菩薩摩訶薩言奮迅王
有四種奮迅何等為四一者戒奮迅
二者通奮迅三者智奮迅四者慧奮
迅奮迅王此是菩薩四種奮迅奮迅
王何者戒奮迅此菩薩戒具足謂不
缺戒不穿戒不雜戒不分別戒不悔
戒不毀戒不熱戒善護戒智讚戒順
道戒成就他法戒護一切法戒喜愛
戒不依一切有道生戒安住奢摩他
戒隨順毗婆舍那戒深法解脫戒不
退通戒空無相无願戒清淨寂靜戒
說佛法僧戒不捨一切衆生戒慈護
心戒大悲根戒信清淨戒不分別威
儀戒頭陀功德戒福德田戒畢竟淨
戒不斷如來種戒護法種戒見聖僧
戒善住菩提心戒六波羅蜜住戒修
行念處正勤神足根力菩提八聖道
戒生一切菩提分法戒

奮迅王菩薩如是戒具足已大願成
就彼去何願戒具菩薩劫盡燒時火

滿三千大千世界若如是願此大寂
滅火即寂滅若欲令水滿此三千大
千世界水即充滿欲令華滿即隨意
滿欲令寶滿即時滿中一切珍寶又
若欲令恒河沙等諸世界中須弥山
王彼一切山為一山者即為一山奮
迅王菩薩如是戒具足已若欲令彼
恒河沙等諸世界中所有大海彼一
切海為一海者即為一海彼住戒力
隨心所願皆悉成就一切所念無不
隨意奮迅王住戒菩薩如是奮迅若
人住戒隨願成就所謂阿耨多羅三
藐三菩提

奮迅王過去久遠過阿僧祇阿僧祇
劫无量劫不可思議彼時有佛号
曰光明無垢光王如來應正遍知明
行足善逝世間解无上士調御丈夫
天人師佛世尊出現於世奮迅王彼
時光明無垢光王如來法中有一菩
薩名金剛齊安住戒力善清淨戒
彼金剛齊阿蘭若處經行精進樂修
聖法欲滿佛法彼金剛齊如是觀察
若不分別一切法者乃得名戒若不

喜樂一切物者乃得名戒若能寂滅一切煩惱乃得名戒若身鏡像平等知者乃得名戒若於語言響聲平等乃得名戒若觀心法如幻無異乃得名戒若善不善二法不二乃得名戒若不淨觀除滅貪欲乃得名戒若慈悲觀除滅瞋恚乃得名戒若以智慧滅除愚癡乃得名戒若不分別貪欲瞋癡乃得名戒若分別見一切諸法不分別者乃得名戒若非我見非衆生見亦非命見富伽羅見亦非常見乃得名戒若一切法不和合行乃得名戒若於一切心不驚怖乃得名戒若於三界心不依止乃得名戒若信諸法一切不生乃得名戒若心信解不生法忍乃得名戒若不怖望財利供養乃得名戒若不畏空乃得名戒若修無相乃得名戒若離願求乃得名戒若於戒聚心不取戒乃得名戒若不自戒持聚自高陵蔑他人乃得名戒若於諸入不讚嘆者乃得名戒若於境界不行不著乃得名戒若於五陰法陰平等乃得名戒若於界中法

界平等乃得名戒若不諍訟乃得名
戒若不休息一切善法乃得名戒若
畢竟知一切諸法皆悉寂滅知寂滅
已身則正行乃得名戒奮迅王尔時
金剛齊菩薩以如是法住戒成就修
行聖法勤行精進不離正觀魔子名
遮見彼比丘以如是法住戒成就修
行聖法勤行精進不離正觀如是經
行將諸軍衆八万四千一切著鉀自
隱其身到比丘所而求其便經一千
年隨比丘行彼魔如是於一千年而
彼比丘無有一念乱心可得彼魔如
是伺其心乱若得乱心則與障尋怖
畏惱乱尔時遮魔并其軍衆經一千
年求便不得復自現身皆執刀槩種
種器仗在彼比丘面前怖嚇欲令
驚畏

彼金剛齊菩薩比丘見魔軍衆手執
刀槩種種器仗怖嚇之已即作誓言我
今真實於此法中正觀修行清淨戒聚
此事若實諸魔眷屬手執刀槩種種
器仗一切變為憂鉢羅華鉢頭摩華
拘物頭華分陀利華瞻婆迦華鉢摩

鄰華婆師迎華種種華鬘此天魔身
一切軍衆如我形色正住威儀奮迅
王金剛齊菩薩比丘作是誓已一切
魔軍所執刀槩種種器仗即時變成
種種妙色无量種色雜色華鬘有善
妙香見聞心愛可喜殊特一切魔身
色相形服如彼比丘一切皆如出家
舉動身著袈裟剃除鬚髮自他皆見
奮迅王今時遮魔見彼比丘勝神通
已生希有心并諸軍衆礼彼比丘金
剛齊足問言大仙汝得何法住神通
力能如是耶奮迅王時金剛齊菩薩
比丘答遮魔言大仙當知如是法者
非有得住以一切法不可得故大仙
當知身口意等皆無依止此无依止
是我所住以一切法無依止住大仙
當知如是住者非有相住非無相住
如是名住如是住者非有法住无住
無處故名為住

尔時遮魔語金剛齊菩薩比丘作如
是言我一千年觀汝心行常求汝便
而不能得時金剛齊菩薩比丘語言
大仙假使汝於恒河沙劫求我心行

亦不能得何以故心不在內亦不在外不在二處不在中間又復大仙幻人心行汝得不耶魔言比丘不可得也彼幻人者無心无思何處可得菩薩比丘答言大仙如來常說一切諸法皆如幻相無心可得无思可得魔言比丘若汝無心無思可得汝云何行若去若來又復云何有所言說菩薩比丘答言大仙如幻人行若來若去有所言說我如是行如是去來如是言說

魔言比丘若如是者汝勤精進安住持戒修行聖法如是發行何所悞求比丘答言無發无行無處悞求魔言云何無發无行無處悞求比丘答言如是處者無有人去无有人來無人當去大仙當知无發無行名為无願又復大仙若汝問言汝勤精進安住持戒修行聖法如是發行何所悞求如是問者汝今當聽我此求者非色生求非色滅求非色處求如是非受非想非行非識生求非識滅求非識處求至一切法亦非生求亦非滅求

亦非處求大仙當知若彼正處非色
所攝如是非受非想非行非識所攝
是我求處我求彼處若不可見是我
求處若彼正處非色所攝如是正處
非想非行非識所攝如是正處是我
求處而我不見彼我求處大仙當知
如聖人求我如是求

魔言比丘彼聖人處云何而求菩薩
比丘答言大仙若凡夫法若佛法此
一切法平等不二若學法若無學法
若佛法此一切法平等不二若緣覺
法若佛法此一切法平等不二若過
去法若未來法若現在法此一切法平
等不二不生平等是故平等不出平
等是故平等不滅平等是故平等若
人不捨如是平等彼修平等是故能
為衆生說法大仙當知如是正處我
如是求大仙當知如是正處非欲界
處非色界處非无色界處若人如是
住平等者如法不動非行不行非他
令行大仙當知此名正處如彼發行
一切諸法如是發行如法界發行一
切諸法如是發行如實際發行一切

諸法如是發行若如是求彼人如是不見行處心不喜樂故名正處

今時遮魔語金剛齊菩薩比丘作如是言此正修行為何所得比丘答言我此正修得無所得無所得平等滿足又汝問言得何法者若有所得非正修行以離慢故名正修行正修行者無所得法言正修者則無所修今時遮魔問金剛齊菩薩比丘作如是言此戒具足為何所求比丘答言我住此戒為求阿耨多羅三藐三菩提覺得不滅法得不生法魔言菩提為何所覺比丘答言色平等覺是菩提覺受想行識悉平等覺一切諸法悉平等覺是菩提覺魔言比丘彼菩提者於何處求答言大仙言菩提者身見中求魔又問言去何而求比丘答言菩提非起身見非起如求身見菩提亦令我如是求

今時遮魔問金剛齊菩薩比丘作如是言汝師是誰何人教汝如是辯才答言大仙不瞋自身得菩提者彼是我師若不住染不住淨者彼是我師

若何等人識不住常不住無常彼是我師若有人來從其聞法謂不住法不分別法如是聞已得度癡海彼是我師若智能知一切諸法非次第知彼是我師若能遍知一切言語非次第知而不分別彼是我師若一切法不生不出轉聖法輪彼是我師若非彼住亦非此住非中間住彼是我師若說一切諸法不生而自生者彼是我師若說一切諸法不滅而自滅者彼是我師我於彼師得如是辯

魔言比丘云何如來轉於法輪比丘答言非是色轉非色真如非是色法非是色空非色无相非色無願非色寂靜非是色離非色不生非色本性非色自體非自體轉非是不轉如是次第受想行識非轉不轉識如識法識空無相无願寂靜識離不生本性自體非轉不轉如來法輪如是而轉一切法輪是則輪轉彼法輪轉若或不轉無量法界報際不捨彼法輪轉若人能知於如是人彼輪則轉

尔時遮魔并諸軍衆與金剛藏菩薩

比丘以為弟子作如是言今我等衆
歸依仁者彼比丘言勿歸依我汝當
歸依光明無垢光王如來此所說法
是彼佛法彼言去來當共相隨至如
來所時金剛齊菩薩比丘即與遮魔
八万四千諸魔衆俱往詣世尊光明
無垢光王佛所到佛所已頭面礼足
合掌向佛住在一面時彼如來為彼
魔衆說此住戒次第乃至修行聖法
如法而說如是諸魔一切不退阿耨
多羅三藐三菩提

奮迅王汝意云何彼金剛齊菩薩比
丘豈異人乎莫作異觀何以故汝身
即是彼金剛齊菩薩比丘持地菩薩
是彼遮魔奮迅王此是菩薩戒奮迅菩
薩得是戒奮迅已不可思議勝願亦
現成熟無量衆生菩提破壞魔怨速
得阿耨多羅三藐三菩提覺

奮迅王何者菩薩通奮迅云何名為
通奮迅耶奮迅王彼有五種何等為
五一者天眼二者天耳三者知他心
四者念宿命五者神通奮迅王何者
菩薩天眼通奮迅若有眼根譬所不

障樹木山林須彌輪山世界中山不能作障彼无障眼能見十方無量無數諸佛世界如一世界於有物處視若虛空彼此世界皆悉不障平等一見彼佛世界諸佛世尊諸聲聞衆之所圍遶一切皆見一切佛一佛信解一切法界不壞修故若見一佛一切佛皆悉清淨見一切佛一佛清淨如是若以見佛清淨自入清淨彼若以是自入清淨則一切法皆見清淨自見清淨法見清淨二相不取若彼世尊諸聲聞見見佛清淨見諸聲聞則不異見彼見聲聞即是見佛彼見佛者即見聲聞若彼無量无边世界所有衆生衆生所攝若地獄身若畜生身若餓鬼身若人天身若阿修羅若欲界行除无色界彼一切見若退若生若減若增如是衆生業報皆知見衆生及知業報而實不生衆生之想以知衆生皆無我故雖知業報无業報想入一切法無業報故彼人天眼見一切色而於色相不取應知以一切色皆無體故一切色相知不

實故以一切色本際空故彼人天眼
以何因緣能如是見以智力故能如
是見如彼所見亦如是見隨自心欲
一切不見若心惛望見一切色隨心
即見非有少色眼所不見彼人則於
无量百千諸衆生中能修禪定解脫
三昧三摩跋提而彼衆生眼所不見
何以故如是菩薩以知真如法無我
故彼人惛望若色界天微細之身善
妙之身光明之身不相似身現於彼
天示菩薩身能令彼天見菩薩身如
是菩薩見彼天身若欲令天見菩薩
身及自見身即能令見若欲令天自
見其身不見菩薩彼即自見下見菩
薩若欲令天見菩薩身不見自身即
見菩薩不見自身奮迅王菩薩成就
如是天眼

奮迅王何者菩薩天耳通奮迅彼菩
薩成就天耳乃至無量无边世界所
有諸聲天聲龍聲夜叉聲乾闥婆聲
阿修羅聲迦樓羅聲緊那羅聲摩睺
羅伽人非人聲如是等聲一切皆聞
雖聞彼聲不取自相及衆生相不取

聲相而知一切音聲之相雖聞音聲
於聲聲處信解不實前聲後聲皆悉
無聲如是通達彼聲无處無處信解
耳根識界则无障尋聞彼聲已知彼
聲義何者聲義謂一切聲不可分別
不可說者則是聲義寂靜義者一
切聲義彼菩薩者順行此義聞一切
聲不生依止以一切法悉不生故若
於十方無數世界於今現在現命現
住諸佛世尊彼一切佛有所說法而
彼菩薩天耳悉聞无障無尋不取聲
處而聞一切說法音聲聞已受持无
所忘失云何不忘若彼菩薩得一句
者可得有忘以彼菩薩不得一句是
故无忘彼菩薩聞有漏法聞無漏法
若聞常法聞无常法聞世間法出世
間法善不善法增法減法若聲聞法
若緣覺法若大乘法彼一切法一體
一味如是順行謂聞法已得離欲味
聞一切法一切境界不取不著又復
聞法一切相中不住不著一切法中
隨順而行於非法中不隨順行何者
為法何者非法法名離欲法名无相

法名無為法名无處不可譬喻無塵
无得不生不出此名為法若如是法
憶念分別心想觀察戲論取捨此名
非法

奮迅王彼菩薩唯取於義而不取語
不為取語聽法聞法為取義故是以
聽法云何取義若見空義不取不著
若無相義不取不著若无願義不取
不著是名取義彼若取義而聽於法
於所取義不生分別於不分別亦不
分別如是菩薩於諸佛所如是聽法
又奮迅王彼菩薩隨順了義修多羅
義不隨不了修多羅義彼了義者其
義云何以彼一切修多羅義皆是了
義修多羅義皆隨順說無異義故一
切了義修多羅義不可說故如是了
義修多羅義彼隨順行若於了義修
多羅義不隨順者則非了義以何因
緣非了義耶若不了義修多羅義於
彼了義修多羅義不相隨順與彼了
義則不相應以何因緣而不相應不
隨順故離彼法行所隨順者謂聲隨
順如是了義修多羅者非聲隨順何

以故以彼了義不可說故彼無處著如是菩薩善知一切不了義法皆如了義奮迅王此義如是隨順了義修多羅義如是隨順一切了義修多羅義

又奮迅王彼菩薩從佛世尊聽聞法已唯取於智而不取識何以故以識知故以如幻故不可取故無自體故以无色故不可見故無障碍故若如是知則是智知是故菩薩唯取於智而不取識識為他知如是知識於識於智皆不貪著以識真如說智真如奮迅王若菩薩唯取於智不取識者不為衆生說於識法此天耳通奮迅得已得此智界

又奮迅王彼菩薩當伽羅語相應法說唯取於法而不取人何以故奮迅王若實有人衆生畢竟於佛法中不可清淨不可解脫奮迅王若如是者一切諸法畢竟無人佛依世間是故說人而實諸法一切无人如是菩薩唯取於法而不取人

奮迅王法名法界此法界者名不生

界奮迅王不生界者名不出界奮迅王所言名者以不可說是故名名何以故依彼彼名知彼彼法彼彼法中名不可得若不可得隨人情故強說言語一切言語皆隨俗說若我知語彼是佛語若起意相非是佛語佛語無意以无語故名為佛語若入佛語彼入非語若入非語彼入佛語若欲入語應入佛語欲入佛語取說人語取說法語若如是取不入佛語何處不二亦無不二彼是佛語何處有聲及以无聲彼非佛語若不可說非不可說彼是佛語如是奮迅王若菩薩入佛語者彼則名為得天耳通一切音聲隨順證法得佛菩提奮迅王此是菩薩第二通智所謂天耳又奮迅王菩薩復得他心通智於他衆生他富伽羅知心知思彼人如是入大衆中而為說法初如是觀衆會之心何者衆生有何深心何所修行何因何相既觀察已如應說法自心淨故能入一切衆會淨心奮迅王譬如鏡輪以清淨故現如是色若青黃

等若形若相彼相似見不增不減鏡輪淨故而彼鏡輪無所分別而示衆像奮迅王菩薩如是自心清淨白法界輪如是相似衆生心行種種異生彼一切知而彼菩薩心亦不壞彼衆會中若人欲行知彼人心知離欲心何以故以心本性無欲染故彼衆會中有瞋癡行知彼人心知離癡心何以故以心本性無瞋癡故若復有人信聲聞乘彼人心行菩薩能知法界不下若復有人信緣覺乘彼人心行菩薩能知法界不減彼衆會中若復有人心行大乘彼人心行菩薩能知法界不增知彼衆生心行界已而為說法然不分別心之本性如應說法令住諸乘於一切界不破壞中一切衆生若干種行皆悉遍知彼菩薩心自心觀察非心相續亦非斷滅然彼菩薩以相續心而能遍知一切衆生心亦如是若界心界如知彼界法界亦尔不一不二如是奮迅王菩薩得是他心通智以得通故則名通人一切天人之所識知

又奮迅王菩薩復得宿命通智以三昧根能知過去恒河沙劫自他宿命憶念不忘如是知已然後說法如是憶念我於某處如是名字曾如是生如是命量如是受樂如是受苦自心能知他衆生心知此衆生前因善根知此衆生善根因力知此衆生善根緣力知此衆生聲聞乘因知此衆生緣覺乘因知此衆生有大乘因知彼衆生前因緣已然後乃為如是衆生如應說法彼菩薩自知宿命知宿命已後復能知今修具足自知過去於幾佛所種諸善根若彼善根前已願取阿耨多羅三藐三菩提如是憶念諸善根已復更發願彼菩薩念本宿命而於過去一切諸法心不分別不著不取於前後行心不分別於後前行心不分別於一切法不分別處若去若來善善薩憶念過去世已於過去不取不著雖知未來然於未來亦不取著知一切法無前无後亦無中間故不分別不取不著彼菩薩如是憶念衆生宿命前後色離菩薩能知

如是前後受想行識一切皆離菩薩能知乃至五陰前後中間一切諸法空无自體菩薩能知奮迅王彼菩薩憶宿命已過去所修一切善根皆悉增長過去所作一切業行皆悉盡滅何以故業不朽故是故能知

菩薩如是成就彼知於一切行信解如夢譬如夢中見生見死見苦見樂菩薩信解一切諸行亦復如是既信解已於彼生死不受苦惱復於衆生而生悲心知一切法不起生相又彼菩薩有如是心我於過去世間生死多千劫行知皆無實不貪不著亦如是知一切衆生世間生死虛妄不實不貪不著若其不實彼不實處大大不生大大不實

奮迅王彼菩薩憶宿命已實見諸行皆悉无常何以故彼菩薩憶念過去轉輪王樂乃是無常敗壞之法憶念過去帝釋王樂彼是无常敗壞之法憶念過去梵天王樂彼是无常敗壞之法思惟憶念諸佛世尊世界莊嚴聲聞之人功德莊嚴菩薩之人功德

莊嚴又復憶念彼佛世尊色身具足
如來轉法輪具足彼憶念已則不貪
著一切有為一切所攝皆悉放捨何
以故彼菩薩有如是心若彼如是佛
世界勝佛色身勝彼亦無常是盡滅
法我之所攝亦復如是皆悉无常復
作是念諸行如是一切無常而諸衆
生生於常想菩薩如是於衆生中起
大悲心於一切法皆悉捨離如是奮
迅王此是菩薩第四通智彼菩薩成
就此智則知一切諸法無常心正思惟
攝取有生成就衆生雖攝有生而不
貪著菩薩離有而取諸有成熟衆生
又奮迅王何者菩薩神通奮迅奮迅
王彼菩薩心自在故得聖神足謂欲
精進寂靜信解彼菩薩現得神通是
有為行彼人惴望於一念間悉能遍
到恒河沙等諸佛世界到彼處已彼
處衆生見菩薩身而菩薩身此處不
動彼處衆生見聞說法然於此處說
法不斷奮迅王此是菩薩神通奮迅
以此神通調御衆生若彼衆生或天
或人生常想者示劫盡燒彼見三千

大千世界皆悉燒燃而彼世界實无
燒壞若慢衆生手中金剛示其夜叉
示金剛炎令大怖畏彼憍慢者破壞
慢心即時向礼若有衆生信轉輪王
彼即為現輪王形服而為說法若有衆
生信帝釋王彼即為現帝釋王色而
為說法若有衆生信於梵王彼即為
現梵王形色而為說法若有衆生信
於魔王彼即為現魔王形色而為說
法若有衆生信如來者彼即為現如
來形色而為說法若有衆生應見菩
薩虛空中住加趺而坐身出光明即
住空中身放光明而為說法若有衆
生於大勝事生信解者即示三千大
千世界幡蓋莊嚴幢鬘莊嚴幢幡莊
嚴鈴鬘具足香薰等樂百千種樂示
如是已然後說法若有衆生應見三
千大千世界合為一海憂鉢羅華拘
物頭華分陀利華遍覆水上於蓮華
上有師子座坐彼座上而說法者彼
即示現而為說法若有衆生應見菩
薩住須弥頂梵聲說者彼即示現而
為說法若有衆生應不見身唯聞菩

薩大聲說者彼即示現而為說法若有衆生應見龍身軋闍婆身菩薩即現歌相應聲而為說法若有衆生應見龍輪雷聲電聲及雨墮者彼即示現而為說法若有衆生飢渴疲倦以天飲食具足與之令身飽滿一切樂足乃為說法若地獄中一一衆生常受大苦以神通力滅地獄火與力令入一切毛根彼得樂已乃為說法若盲衆生離眼衆生以神通力與其天眼令得眼根乃為說法若聾衆生離於耳根以神通力令得耳根乃為說法若有種種病患衆生以神通力為除衆病令離病已乃為說法若有衆生臨欲被煞將欲斷命以神通力設諸方便偷劫彼人令不得罪或與財物救贖命已乃為說法若有衆生身分下劣根闕不具或有小姓怖畏羞慚身心下劣以神通力令其身分一切具足暫時示現令身勝已乃為說法若有衆生歲中齋瘡生來頑鈍卧在屎尿先為療治以神通力示寶莊嚴宮殿坐已乃為說法令其心意智

慧生已乃為說法若有未生已生衆生根未淳熟以神通力令根熟已乃為說法奮迅王彼時菩薩成就如是神通力已又復更有不可思議神通說法若有衆生信解日月入法律者以神通力三千大千諸世界中所有日月置手掌中擲過无量無邊世界一切衆生所應度者皆見日月空中而去然其日月本處不動又復能以恒河沙等諸佛世界置一毛頭擲著梵世然後復擲無量无邊世界之外然諸衆生不覺不知若來若去无往返想又彼菩薩以一口氣能令無量恒河沙等諸佛世界却燒火滅又彼菩薩一加趺坐即時令身到恒河沙諸佛世界又彼菩薩能以兩手覆日覆月以自光明遍照世界而為說法奮迅王彼菩薩於如来前加趺而坐起心惛望供養如来即時能以須弥山等種種妙華散如来身令一切華映覆如来唯見半身若化三千大千世界一切樹林以為燈明如前供養隨意即能天若雨時能令見火示現

己身一切衆生皆悉遍見隨彼衆生
若干信解見何等色或以自身示帝
釋身或示梵身或聲聞身或緣覺身
奮迅王此是菩薩神通奮迅所謂天
眼見不障尋清淨天耳聞不障尋一
切衆生知心行智阿僧祇劫而能憶
念一切神通悉能示現名通奮迅

奮迅王所言通者云何名通遍見一
切諸佛業通知他一切衆生根通勝
聲聞乘所有法律勝緣覺乘法毗尼
通大乘律通坐退出通於諸衆生淳
熟智通正知出行通善方便通布施
願通戒忍精進禪慧願通壞魔攝魔
善根成就是故名通復次奮迅王菩
薩得通他所識知色青等威德名稱
力姓種族財衆圍遶是故名通復次
奮迅王菩薩得通天龍夜叉乾闥婆
阿修羅伽樓羅緊那羅摩睺羅伽人
與非人帝釋天王轉輪聖王梵世界
主阿羅漢人正遍知者一切皆知是
故名通奮迅王此菩薩通菩薩以通
不退本願能示他人一切諸法

奮迅王何者智奮迅奮迅王智奮迅

者所謂陰智界智入智因緣智實諦
智奮迅王何者陰智謂知色空色前
際空色後際空色中際空受想行識
皆亦如是識前際空識後際空識中
際空此五陰空謂畢竟空知此陰空
故名陰智

奮迅王何者界智地界法界水界法
界火界法界風界法界何以故以此
四界法界一界所謂空界復法界界
此非地界亦非水界亦非火界亦非
風界何以故不異界法界不二界法
界不生界法界不染界法界善淨界
法界如法界如我界如衆生界如命
界如富伽羅界如生死界如涅槃界
彼界欲界彼界色界彼界無色界彼
界有為界彼界无為界故名涅槃界
如若法界智如是色界智不異因緣
智故名界智

奮迅王何者入智奮迅王眼之本性
不生不出無造作者奮迅王如是耳
鼻舌身意性不生不出無造作者奮
迅王彼眼无主故無見者彼耳無主
故无聞者彼鼻無主故无嗅者彼舌

無主故无嘗者彼身無主故无覺者
彼意無主故无知者奮迅王眼不見
色耳不聞聲鼻不嗅香舌不嘗味身
不覺觸意不知法何以故眼者無覺
如草如木如壁如塊如是耳鼻舌身
意等一切无覺如草如木如壁如塊
奮迅王眼者無染亦无不染如是耳
鼻舌身意等一切無染亦无不染何
以故以眼本性性離染故如是耳鼻
舌身意等本性如是性離染故奮迅
王若一切入如是知已心得離欲故
名入智若如是知陰界入等不生不
出如是畢竟入涅槃已攝取生退陰
界入等如陰界入而亦不捨此智奮
迅知陰界入若相若體彼一切捨猶
行三界而不染著亦現生死而無生
死此智奮迅

奮迅王何者因緣智無明緣行无明
不念我能生行行緣於識行亦不念
我能生識識緣名色識亦不念我生
名色名色緣六入名色不念我生六
入六入緣觸六入不念我能生觸觸
緣於受觸亦不念我能生受受緣於

愛受亦不念我能生愛愛緣於取愛
亦不念我能生取取緣於有取亦不
念我能生有有緣於生有亦不念我
能生生生緣老死生亦不念我生老
死奮迅王菩薩如是觀察因緣則無
諸見元有斷見無有常見彼如是知
一切諸法皆因緣生彼人如是推求
因緣亦不可得彼於因緣得因緣智
云何得智因緣不生此二平等如是
平等空无相願十二因緣皆悉平等
若以平等如是所覺一切諸法因緣
平等如是因緣則非因緣彼因緣中
無少法生故名因緣若知不生亦是
因緣名因緣智明與无明此法不二
若知此者名因緣智行與非行此法
不二若知此者名因緣智識與非識
此法不二若知此者名因緣智名色
非名色此法不二若知此者名因緣
智六入非六入此法不二若知此者
名因緣智如六入非六入不二如是
觸非觸不二受非受不二愛非愛不
二取非取不二有非有不二生非生
不二老死非老死不二若知此者名

因緣智如因緣處如彼因緣皆空無
 我如彼因緣不來不去如彼因緣虛
 妄不實如彼因緣无取可取如是因
 緣無行无相若如是知名因緣智
 若見因緣不見無明亦不見行亦不
 見識不見名色不見六入亦不見觸
 亦不見受亦不見愛亦不見取亦不
 見有亦不見生不見老死若如是見
 彼見因緣若見因緣彼則見法見何
 者法見離欲法離何等欲一切法中
 種種見欲離如是欲故名離欲彼所
 見法不增不減如是所見則是真如
 不得不染如是所見則是法界不壞
 不成如是所見實際不穿如是所見
 雖見不見如是所見非肉眼見非天
 眼見非慧眼見何以故肉眼不覺以
 其不覺是故不見天眼有為以有為
 故不見無為是故不見慧眼不見以
 不分別不分別故亦不能見奮迅王
 菩薩如是見一切法則見如來非是
 色見非受非想非行非識非相等見
 非法界見非戒定慧非解脫見亦非
 解脫知見法見非過去見非未來見

非現在見若如是見則見如來

奮迅王問經卷上

辛丑歲高麗國大藏都監奉

新雕造

奮迅王問經卷下

發

大經婆羅門瞿曇般若流支譯

尔時奮迅王菩薩白佛言世尊若有
法者可有見法若有見法可見如來
佛言有何以故奮迅王色相不生本
性不生如是見色則見如來如是受
想行識之相皆悉不生本性不生如
是見識則見如來戒有為相而是無
為如是見戒則見如來三昧平等則
清淨見如是我於燃燈佛所得清淨
見我於彼佛得見因緣以見因緣即
得見法以見法故即見如來奮迅王
菩薩白佛言世尊燃燈佛來所有如
來彼云何見佛言奮迅王皆以色相
分別而見非見法身奮迅王我為汝
說汝今應知我從初發菩提心來更
不見佛惟除燃燈何以故非見色相
淨見如來奮迅王菩薩如是欲見佛
者應如我見燃燈如來以一法故云
何一法如我之身彼燃燈身亦復如
是如燃燈身我身亦尔一身一法證
法不二不分別證是因緣智若見因

緣彼則見法以見法故則見如來若於一切有心生處皆悉證滅不入涅槃不得生死方便智說此是奮迅彼實諦智何者是耶聲聞之人何者實時則觸解脫如是實時菩薩亦得不觸解脫此是奮迅緣覺之人何者實時則觸解脫如是實時菩薩亦得不觸解脫此是奮迅實諦智者所謂知苦非諦非實何者為智謂不實智以是無窮顛倒生故知苦不生畢竟不生若如是知苦不生者此名苦智云何斷集如彼集法如是斷集云何名集集故名集平等斷集若未來集於未來斷此法法亦非少有法若生若斷愛使集有彼斷愛使故名斷愛何者苦滅若彼苦集性畢竟滅无法失滅是故名滅若滅一切攀緣相者義不相應有何法生有何法滅何者為道所謂有道若善不善若漏無漏若垢无垢有為無為皆不可得此名為道平等名道以一切法皆真實故寂靜名道以一切熱皆悉離故安隱名道不離一切善方便故無漏

名道諸漏盡故不行名道分別見人不能行故易行名道正修行者所能行故不捨名道過去如來所不捨故離相名道以能斷除一切疑故若於此道不入二者此得名道若解如是四諦之義名實諦智若此四諦聲聞乘願緣覺乘願於二乘願不生惛望是乃得名實智奮迅

又奮迅王智奮迅者知聲聞乘不取不住知緣覺乘不取不住是智奮迅又奮迅王智奮迅者若以一心遍知一切衆生之心以一心體遍知一切衆生心體若心若智二心不轉是智奮迅

又奮迅王智奮迅者知見過去無障无尋而於過去心亦不轉知見未來無障无尋未來過去心亦不轉知見現在無障无尋而於過去未來現在心不戲論是智奮迅

又奮迅王智奮迅者若盡智知而善根行不盡亦知無生智知知集亦知是智奮迅

又奮迅王智奮迅者若一切法畢竟

寂滅知一切法非他因緣以智力故
不取涅槃以為成熟諸衆生故此是
菩薩智奮迅也

如是奮迅王菩薩欲以此智奮迅而
奮迅者應當善作智所作業勿作慢
業何者慢業諸有意行皆是慢業諸
有識行皆是慢業諸有心行皆是慢
業諸樂善行諸墮見施皆是慢業諸
墮想戒皆是慢業諸依自他而行忍
者皆是慢業諸有起心分別精進皆
是慢業諸分別身般若亦皆是慢
業諸起我慢皆是慢業我菩薩者此
是慢業我菩薩住此是慢業我能不
斷佛種法種衆僧種者此是慢業我
於衆生利益行者此是慢業未度衆
生我令得度未解脫者我令解脫未
安慰者我能安慰未涅槃者我令涅
槃此是慢業我行布施我持戒我忍我
行精進我禪我慧此是慢業我行慈
心我行悲心我行喜心我行捨心此
是慢業我行少欲我行知足我遠離
行我不染行此是慢業我頭陀行空
閑正行憶念分別此是慢業我行空

行我無相行我无願行此是慢業我能實語我能真語我如說行憶念分別此是慢業我過魔業過四魔羅斷一切見我修行忍憶念分別此心意業諸如是等此中略說我菩提覺我轉法輪我令衆生得解脫已然後乃入無餘涅槃憶念分別此心意業奮迅王諸有心行起心作說皆是慢業奮迅王何者智業於如是處非是心意意識轉行彼是智業菩薩如是常作智業菩薩云何常作智業所謂菩薩常作二業二者所謂成熟衆生攝取正法云何菩薩成熟衆生謂自智知成熟衆生自智知者自住離慢如是自知隨於何處自離住知非意非識菩薩如是非意非識菩薩如是成熟衆生

云何菩薩攝取正法菩薩若於一切諸法皆不攝者此是菩薩攝取正法非色攝者是攝正法如是非受非想非行非識攝者是攝正法如是次第非界攝者是攝正法非入攝者是攝正法非善法攝不善法攝是攝正法

非淨不淨非漏無漏有為無為非世間法出世間法非如是攝是攝正法非施相攝是攝正法非戒非忍精進禪攝是攝正法何以故諸攀緣生皆有相生非法非律非攝正法何以故無相无尋如來正覺彼不可得相攀緣攝菩薩若知如是業者是則名智若以是智作智所作彼非盡智

奮迅王何者慧奮迅謂為法分以句分指取四無尋何等為四一者義无尋二者法無尋三者辭无尋四者樂說無尋義无尋者於一切字惟取於義而不取字所言義者正知一切諸法之義又復義者不可說義於種種字皆悉不忘知前後聲此名為義非取語故得隨順義若能如是語義平等則隨順義若如是知名義无尋於一切義皆無尋故名義无尋

法無尋者謂法隨順不順非法隨順法者不念非法何以故彼一切法離名字智法無尋者若乘若法不異法說於法界相不壞法界何以故法界一相所謂無相彼於何者說法言

語聞彼語已響聲平等隨順信解信
說法語法界平等隨世俗知而不取
著以是諸義名法無尋

辯无尋者謂知字語若龍夜又若軋
闍婆若阿修羅若迦樓羅若緊那羅
摩睺羅伽人非人等諸字語智釋提
桓因梵世界主諸字語智一語多語
略語廣語女語男語若內官語若過
去語若未來語若現在語一切皆知
如法字語若以字語今他衆生自意
知解如是而說自語他語彼此不障
亦不取著何以故知一切法無字无
語彼如是念何者字語若說何法彼
如是法字語中無故不可得亦不可
說又彼字語於法中无故不可得亦
不可說若說字語字語無聲若當真
實有此言辯善法言辯惡法言辯則
不可得應知此辯不在於法辯无尋
者於一切法皆不障尋諸法不行何
以故法不行故一切諸法畢竟不行
如是知已而為他說教他令知名辯
無尋何者名為樂說无尋若一切語
皆悉樂說於一切聲皆悉樂說於一

切名皆悉樂說去何樂說於義樂說
於法樂說於真樂說於實樂說若有
衆生於修多羅語響聲信解為彼衆生
修多羅語響聲樂說若於祇夜語聲
信解則為祇夜響聲樂說如是伽他
和伽羅那若憂陀那若尼陀那阿波
陀那伊帝曰多伽若闍多迦若裴不
略阿浮陀達摩響聲信解為裴不略
阿浮陀達摩響聲樂說若於前修語
聲信解則為前修響聲樂說一切衆
生諸根樂說謂於信者信根樂說於
精進者進根樂說於有念者念根樂
說於有定者定根樂說於有慧者慧
根樂說如是廣說一切諸根二万一
千菩薩樂說欲行者根八万四千如
來所知彼一切根如來樂說菩薩隨
順相似樂說彼一切根二万一千瞋
行者根八万四千如來所知彼一切
根如來樂說菩薩隨順相似樂說彼
一切根二万一千癡行者根八万四
千如來所知彼一切根如來樂說菩
薩隨順相似樂說彼一切根二万一
千等行者根八万四千如來所知彼

一切根如來樂說菩薩隨順相似樂
說彼一切根二万一千如是名為樂
說無尋

奮迅王彼義无尋法無尋辭无尋樂
說無尋如是一切以慧為根依慧而
住隨慧而行菩薩依慧此等及餘種
種奮迅而皆奮迅又奮迅王慧何為
根慧依何住慧隨何行奮迅王聞為
慧根慧依聞住慧隨聞行又奮迅王
聞何為根聞依何住聞隨何行奮迅
王善知識者則是聞根聞者則依善
知識住聞者隨順善知識行又奮迅
王彼善知識以何為根依何而住隨
順何行奮迅王彼善知識敬重為根
依敬重住隨敬重行又奮迅王如是
敬重以何為根依何而住隨順何行
奮迅王如是敬重深心為根依深心
住隨深心行又奮迅王如是深心以
何為根依何而住隨順何行奮迅王
如是深心不諂為根依不諂住隨不
諂行又奮迅王如是不諂以何為根
依何而住隨順何行奮迅王如是不
諂大悲為根依大悲住隨大悲行又

奮迅王如是大悲以何為根依何而住隨順何行奮迅王一切衆生是大悲根即依一切衆生而住隨順一切衆生而行何以故奮迅王菩薩為令一切衆生得解脫故發起大悲一切智心

奮迅王此慧奮迅菩薩發此一法門已若於一切若餘殘劫異異法說無法妨導欲令衆生不見其身而為說法隨意即能欲令自身一切毛根皆出法聲隨意即能如彼衆生深心修行而為說法辯才樂說如彼衆生身色示現而為說法他來闍諍不能破壞若諸外道五通所知呪讀智論若轉陀智種種語論月日星智知陰陽智或有夢相或時地動陀毗羅呪種種方術若烏語等以呪術力能令鹿等輪聚不行呪龍夜叉乾闥婆等等或有王庶餘人身相豐相儉相星行戲相一切皆知復知世間種種伎能若書若印若數若筭一切解知歌聲樂聲打鈸等聲節脉處等一切皆知彼婆羅門外道之人如是一切下劣種

姓不得為說彼菩薩如是一切皆悉
現得有慧菩薩此一切法能示他人
如是一切皆悉善解如是菩薩善知
呪毒知呪毒處知種種論如是一切
菩薩悉知而不惱亂一切衆生不信
此等以為正道

奮迅王菩薩如是有慧奮迅千萬梵
俱坐住語言迭手相見色色相示語
語相示如是菩薩青等諸色威德光
明勝彼諸梵於彼梵處心不悌望如
是諸梵到菩薩所心生敬重如是一
切天宮殿中示現自在菩薩於彼不
生悌望不生貪樂生無常想苦无我
想菩薩如是隨順一切衆生解脫奮
迅王此慧奮迅

奮迅王又彼菩薩以慧奮迅於魔世
界化作宮殿勝彼魔宮過百千倍令
彼諸魔於勝宮殿悌望貪著生貪著
已心則離悌既離悌已令住阿耨多
羅三藐三菩提然後乃為說無常法
奮迅王彼慧菩薩一切處行如是應
知以是慧故若施若受若發願等一
切應知以是慧故若自護戒令他持

戒以是持戒願取菩提應如是知以
是慧故若自修忍令他修忍以是修
忍願取菩提應如是知以是慧故若
自精進令他精進以是精進願取菩
提應如是知以是慧故若自入禪三
摩跋提令他入禪三摩跋提以是入
禪三摩跋提願取菩提應如是知以
是慧故若自攝法若為他說如聞觀
察應如是知以是慧故一切行來一
切威儀一切放捨應如是知有慧菩
薩以慧力故則能具得一切善力有
慧菩薩慧自在故得一切財有慧菩
薩慧奮迅故於一切法得勝奮迅有
慧菩薩執慧力故得佛相似莊嚴莊嚴
有慧菩薩於一切法皆隨順行而无
功用奮迅王辟如世人放箭向上奮
其勢力自然向下乃至到地而無功
用奮迅王有慧菩薩亦復如是以慧
勢力能放願箭而无功用自然如是
墮在一切善法之地謂道場地示現
慧力復有何力以慧力故右手能動
恒河沙等諸佛世界以慧力故勝魔
眷屬勝魔莊嚴乃至獲得菩提所攝

如來十力何者為力他不能勝所謂
天人阿修羅等一切世間所不能壞
奮迅王此是戒通智慧奮迅奮迅王
如是戒通智慧奮迅若有不種善根
衆生耳所不聞奮迅王若人得聞此
法門已心歡喜者如是之人於此奮
迅則能奮迅何以故如是奮迅一切
聲聞緣覺所無

如奮迅王菩薩所問世尊說已奮迅
王聞心生歡喜合掌向佛一心瞻仰
目不暫捨而作是言一切衆生以如
是等四種奮迅而為奮迅猶如如來
應正遍知之所奮迅

今時世尊於奮迅王菩薩面前出種
種色微妙色華種種妙香業相威華
時彼菩薩即取彼華用散如來并衆
會中一切菩薩如是散已彼衆會中
華所著者一切悉為金相莊嚴衆
皆見

於虛空中百千諸天如是見已一切
同聲說言世尊若有信解如是奮迅
既信解已能發阿耨多羅三藐三菩
提心者如是之人以佛莊嚴而自在

嚴何以故以如是等一切奮迅悉皆隨順一切智心又復世尊若有未發菩提心者何處當得聞如是等不可思議奮迅法門

尔時世尊讚彼空中諸天子言善哉善哉讚善哉已告奮迅王大菩薩言奮迅王我念過去然燈如來次前後有第七如來名普無垢淨光明王彼佛如來廣說如是奮迅法門時有菩薩名具境界以此法門問彼如來如來既說此法門已八千衆生得此奮迅又復更得无生法忍會中衆生三万二千一切皆發阿耨多羅三藐三菩提心我於尔時得此奮迅次後復於然燈佛所菩提滿足如是奮迅王我涅槃已若有能聽此法門者彼人為取菩提之心必定速得無生法忍說此奮迅法門之時會中衆生三万二千諸天及人一切皆發阿耨多羅三藐三菩提心彼諸天子兩種種華百千天樂供養如來以佛力故彼樂音中出妙聲言若有衆生勝信解心諸根猛利信解佛法慧行成就善知

識攝宿種善根大悲憐愍一切衆生
余乃得聞如是法門聞已信解受持
讀誦

尔時奮迅王菩薩白佛言世尊如來
十力四無所畏四无碍智如是十八
不共佛法世尊所有如是十力菩薩
有不此四無畏菩薩有不如是十八
不共之法菩薩有不佛言皆有奮迅
王一切菩薩於八地中作業成就乃
得九地謂具辯才得不退忍攝善方
便慧波羅蜜奮迅王菩薩如是具足
十力四無所畏成就十八不共之法
乃得九地

奮迅王何者菩薩十菩薩力一者發
起一切智心堅固深心大慈滿足不
捨一切諸衆生力二者不求一切財
利供養名聞一切世間希有之事不
貪樂力三者滿足大悲之心一切佛
法清淨信解法究竟力四者懃心不
生懈怠增上精進不離憶念威儀行
力五者不動安住三昧遠離二邊順
因緣法一切見行皆寂靜力六者菩
薩一切分別及不分別戲論疑網皆

悉滅故滿足般若波羅蜜力七者成熟一切衆生无量生死攝取未足攝取世間一切善根世間生死信解如夢於生死中不疲倦力八者菩薩觀察法性本無衆生本性无命無富伽羅信解諸法不生不出能於輪法信解不生一切輪法不生忍力九者入空無相无願觀解脫門於聲聞乘於緣覺乘解脫知見解脫門力十者菩薩於甚深法而能自知觀察一切衆生心行知无障碍滿足之力奮迅王此是菩薩十菩薩力

奮迅王何者菩薩四無所畏一者菩薩一切聞持得陀羅尼憶念不忘不畏大衆而為說法二者菩薩信解諸法則得忍力不生不出信解法已得無生忍得法忍已入空无相無願之法不畏大衆而為說法三者菩薩於聲聞乘觀解脫門辟支佛乘信解知見信一切入亦信解脫如諸衆生病藥所須如是而知一切衆生諸根成熟亦如是知如應說法菩薩如是不畏大衆而為說法四者菩薩離大衆

畏今時無心東西南北若有人來難問我者我不能答不畏不能不見畏相菩薩如是一切衆生若有問難皆悉能答如彼問難相應說答无所怖畏能斷衆生一切疑心不畏大衆而為說法奮迅王此是菩薩四無所畏奮迅王何者菩薩十八不共菩薩之法奮迅王所謂菩薩无有人教而捨財物以用布施又復初生即能起心捨財布施又若魔王作佛身來說如是言若人布施則入地獄而彼菩薩不生慳嫉又復菩薩一切自物皆用捨施施心轉勝如是布施是菩提因不望果報皆願迴與一切衆生奮迅王此是寂初菩薩不共法

奮迅王又復菩薩無有人教而彼菩薩如來未出无受戒處於波羅提木叉正行帰學不捨此不共法菩薩在家如說護戒雖不出家復无教者如波羅提木叉說學失命因緣不捨戒學一切戒學隨順菩提願斷一切衆生破戒奮迅王此是第二菩薩不共法奮迅王又復菩薩一切衆生罵詈毀

辱割其身分不生瞋心若貧窮入若
 桒奈羅若逼迦婆若工作師種種罵
 辱而菩薩心亦不生瞋於彼衆生慈
 心普覆有大勢力能加其惡而不作
 惡如是菩薩為隨順法如是衆生乃
 是菩薩佛法因緣如是菩薩於彼衆
 生令心寂靜為作饒益者忍辱鎧起
 勇猛力奮迅王此是第三菩薩不共法
 奮迅王又復菩薩設多衰惱而勤精
 進頭陀不捨不生劣心見聲聞乘入
 於涅槃見生死苦而心不求聲聞涅
 槃見緣覺乘入於涅槃見生死苦心
 亦不求緣覺涅槃見佛世尊一切義
 成一切佛法所作已辦入於涅槃自
 未有力知諸衆生未滿佛法而心不
 劣起精進心我亦如佛入於涅槃奮
 迅王此是第四菩薩不共法

奮迅王又復菩薩若轉輪王若帝釋
 王若魔自在婦女園遶有天歌樂一
 切妙樂皆悉具足於中入禪修習無
 量而心樂於離欲之法不隨異語於
 生死中心大怖畏於婬欲法生不淨
 想於諸陰中生於怨想於諸界中生

毒虵想於諸入中生空聚想於自眷
屬生於死想於婦女中生塚墓想心
常樂求攝取正法悌望見佛親近供
養亦常不毀一切衆生能令伎樂弦
歌等中出禪分聲魔既聞已遮則聲
滅以彼菩薩前善根力於虛空中即
出佛聲法聲僧聲又彼菩薩棄捨國
土富樂自在入於山林奮迅王此是
第五菩薩不共法

奮迅王又復菩薩一切世間諸禪定
中不生堅想有黠慧行遠離使見取
義取法如是菩薩乃至夢中不生自
見不生他見不生法見此不共法若
有自見則有使見以無自見則離疑
網魔王波旬不能令其生於疑見若
有疑見則離於法菩薩如是成熟衆
生饒益衆生不顧自惑无有疑心奮
迅王此是第六菩薩不共法

奮迅王又復菩薩離一切生無有功
用身業清淨遠離煞生於諸衆生施
與无畏若手若塊若杖若刀不加衆
生遠離刀杖手不執持自財知足於
他所有至一把草不與不取設寶滿

地不生貪心寧失身命終不邪命而
取財利衣服飲食常行梵行乃至不
生欲食之心菩薩如是離欲鬪諍及
諸煩惱不行姪欲因緣惡法是彼菩
薩不共法處先思量已身業成就奮
迅王此是第七菩薩不共法奮迅王
又復菩薩清淨口業實語真語如說
而行不誑如來天龍夜叉若乾闥婆
若阿修羅若迦樓羅人非人所口不
惡言不壞眷屬自眷屬愛不惡口語
愛語軟語不惡獷語作相應語作利
益語常於先語面狀笑語如是菩薩
所有惡語惡口說語他不愛語自他
熱語一切不說不違心語若无言無
若有言有如是淨語深心淨信得不
共法一切生處常得如法法相應語
以如是語能令一切不淨心人心得
清淨心清淨者則能供養彼以深心
不共法故常得實語有所言說如語
不異隨其所說一切皆尔奮迅王此
是第八菩薩不共法

奮迅王又復菩薩自心自在不貪不
瞋正見不邪如是菩薩菩提之心無

與等心不忘不失遠離一切諂心曲
心濁心亂心晝夜常行清淨慈心奮
迅王此是第九菩薩不共法奮迅王
又復菩薩即於生時具足世智若呪
若誦若醫若藥書印數算一切皆知
一切師術皆悉現知一切伎能諸論
善知於世間法出世間法不因他知
自智成就不觀他面一切天人觀察
菩薩有如是心若菩薩說我聞修學
奮迅王此是第十菩薩不共法

奮迅王又復菩薩若以種種利益衆
生能為他人療治病患不求財利供
養名稱大悲為首療治世間然後令
住出世間法如是菩薩心常憶念如
是惡界苦惱衆生以何方便何時何
法令彼得脫既得脫已畢竟斷滅一
切煩惱所謂斷除一切苦惱令住涅
槃畢竟之樂奮迅王此第十一菩薩
不共法

奮迅王又復菩薩心不怖願帝釋
天王若梵天王若轉輪王統王國上
而亦得之彼菩薩如是不求帝釋天
王梵世界處轉輪聖王統王國土雖

不悌望自然而得又彼菩薩不為色
故求於梵行不求身色不求國土不
求眷屬不求財富不求名聞不求色
相如是梵行雖不悌望具足而得奮
迅王此第十二菩薩不共法

奮迅王又復菩薩住好國土富樂之
處不知念佛而有諸天曾見佛者教
令憶念先呵責已如是教言此法應
作此不應作若作此業則得菩提當
如是願汝如是作如是行已調伏諸
根未來當得阿耨多羅三藐三菩提
彼天如是教令憶念於菩提道不越不
捨奮迅王此第十三菩薩不共法
奮迅王又復菩薩何等惡人多瞋多
瞋妬心衆生於菩薩所不能加惡菩
薩於彼亦不報惡彼大惡人多瞋心
人若身若口若心意惡若見菩薩心
即清淨何以故菩薩於彼不報其惡
置彼惡者住正法中令心清淨彼雖
作惡以菩薩力不入惡道何以故以
彼菩薩本來如是不共法戒清淨滿
足有如是心若有衆生若以身業若
以口業若以意業於我起惡願彼衆

生不入惡道以有戒故隨願成就奮迅王此第十四菩薩不共法

奮迅王又復菩薩若有衆生不信慳貪邪見懈怠不信業報離佛法僧若於沙門若婆羅門心不清淨見則不禮亦不供養不生敬重亦復不生希有之心如是衆生若見菩薩即住威儀若聞語說心即清淨起迎禮拜供養恭敬生希有心何以故以彼菩薩之勢力故奮迅王此第十五菩薩不共法

奮迅王又復菩薩若有天龍若有夜叉若耆闍婆若有仙人若婆羅門於菩薩所生於師想諸世間中為師首者皆師菩薩以通力故能令世間天龍夜叉若耆闍婆若諸仙人若婆羅門皆來歸敬彼既來已歸菩薩語禮拜菩薩供養恭敬是等皆悉先為歸首既見菩薩即便禮拜恭敬尊重生尊勝想深相敬信奮迅王此第十六菩薩不共法

奮迅王又復菩薩隨生何處於何種姓若村若城或人集處彼處衆生善

法增長斷不善法成熟衆生攝取正
法生正見家父母正信正行正入隨
何方處何處人中菩薩生彼師中寂
勝彼處衆人供養恭敬無一衆生入
惡道者如彼菩薩善根所攝彼處衆
生死則生天若生人中奮迅王此第
十七菩薩不共法奮迅王又復菩薩
隨順一切菩提分法勝通滿足一切
諸魔不能得便奮迅王此第十八菩
薩不共法

奮迅王不共法者云何不共一切佛
法隨順正行故名不共法

今時奮迅王菩薩白佛言世尊希有
世尊如來乃能與諸菩薩大法光明
能作无量殊勝光明如我解佛所說
法義若有菩薩聞此法門一經於耳
得清淨心餘修多羅則不能尔若得
聞已受持讀誦彼人則攝一切佛法
若人能於此法門正觀察者則為已
修一切佛法於此法門所有法忍得
隨順忍若有能行此法門者一切佛
法皆已修行應如是知又復世尊若
人不離此法門者彼則得通如是菩

薩既得通已當住道場

佛言如是如是奮迅王如汝所說若人不離此法門者彼則得通如是菩薩既得通已當住道場奮迅王過去往世然燈如來前復久遠有佛号曰波多婆那次前又遠復有如來号曰弗沙提沙次前又遠復有如來号曰弗沙次前又遠復有如來号曰天王久遠復有如來至佛世尊号曰天王出現於世尔時於彼天王如來佛之世界一切充足安隱豐樂天人熾盛地平如掌以毗琉璃閻浮檀金鉢頭摩華種種間錯其地柔軟觸力猶如迦遮隣提人民安樂如兜率陀所須飲食隨念速至身色形相戲樂之處及諸宮殿與天不異惟天與人二名不同

彼三千界中更無有王唯有如來故名天王譬如轉輪聖王坐饒益座以法治世非是非法天王如來亦復如是坐於法座師子座上為諸天人如應說法欲說法時東西南北縱廣八万四千由旬大衆充滿尔時如來說法

禮拜如來尊重如來所謂無上佛法
供養彼元下劣信解衆生惟信佛法
如是彼處無有聲聞緣覺之名豈有
乘處况復有行惟有清淨大菩薩衆
圍遶世尊彼處清淨无有女人月初
不聞欲行之名

彼諸衆生皆悉化生於蓮華中結加
趺坐如是化生彼諸人天受三種樂
何等為三見如來樂及聞法樂觀察
正法離欲之樂彼諸天人心不放逸
具足財富迭互說法常懃精進壽命
長遠無量無數業盡退時不生餘道
生佛世界如是菩薩臨欲退時上昇
虛空高七多羅出聲說言我今於此
佛世界退無量菩薩聞彼聲已皆共
和合而來集會觀彼菩薩示於法忍
作如是言於何法退於何法生彼退
菩薩於彼菩薩集會衆中說如是言
大仙當知非有少法若退若生如來
所覺一切諸法皆無有退皆无有生
非色有退非色有生非受非想非行
非識有退有生第一義中無我无命

亦無衆生无富伽羅無人非人若退
若生世尊正覺一切法空无相無願
彼空无相無願法中无退無生如來
世尊證離欲際證无為際證不生際
非不生際有退有生無退因緣是故
不退无生因緣不相和合是故不生
如是因緣無有和合无退無生如是
菩薩為菩薩衆說此法已然後乃退
彼退菩薩如是退已無身无皮無塊
无可知見退已復到餘佛世界現見
如來

天王如來并諸菩薩不著袈裟皆著
清淨妙好天衣彼不學戒而悉調順
一切皆得无生法忍為菩薩衆不廣
說法何以故彼衆一切少聞多解以
利根故若彼如來為諸菩薩衆會說
法既說法已彼處彼處乃至彼佛世
界之中若人若天一切皆知彼彼衆
生有得忍者或有獲得陀羅尼者或
有衆生得辯才者得三昧者時彼如
來名聞十方

奮迅王天王如來為諸天人廣演分
別如是法門有諸菩薩七万二千皆

得授記彼有菩薩名曰無垢清淨光明不得授記有如是念此諸菩薩威儀无尋憶念意行若慧若通得陀羅尼及得三昧不勝於我皆得授記若彼得記我何因緣不得授記天王如來知彼菩薩心所念已而語之言汝未來世當得授記善男子於未來世然燈如來應正遍知為汝授記無垢清淨光明菩薩聞是語已心生歡喜上昇虛空說如是言若未來世恒河沙劫然燈如來出現於世我到彼時得一切智如來真語如來實語不異語故

奮迅王汝意云何彼時無垢清淨光明大菩薩者豈異人乎莫作異觀何以故我是彼時无垢清淨光明菩薩奮迅王次後如來名波除大我於此時供養彼佛彼佛為我說此法門我既聞已受持讀誦今時獲得光印三昧次後如來名曰弗沙我於今時供養彼佛聞此法門受持讀誦今時獲得光明三昧次後供養埏沙如來聞此法門受持讀誦復得毗盧遮那三

昧次後供養波多般那如來世尊聞此法門受持讀誦得柔順忍次後供養然燈如來爾時我得無生法忍我時得此四種奮迅謂戒奮迅通奮迅智奮迅慧奮迅奮迅王此門如是應當善知若有何人若善男子若善女人行菩薩行今於我所聞此法門受持讀誦一切速疾得通菩薩得此奮迅得奮迅已轉大法輪於此無上光明法中得智光明

如來說此法門之時會中一方六千菩薩一切得忍復有一萬二千衆生發菩提心三千大千世界震動百千諸天皆讚嘆言若此法門所在之處則為有佛若有深種善根衆生乃能得聞如是法門

爾時慧命阿難陀白佛言世尊當以何名此法門如是法門云何受持佛言阿難此法門者名四奮迅神通法門如是受持

世尊說已奮迅王菩薩慧命阿難陀并諸天人及乾闥婆阿修羅等聞如來說歡喜讚嘆

奮迅王問經卷下

辛丑歲高麗國大藏都監奉

勅雕造

佛說無言童子經卷上

發

西晉月支三藏竺法護譯

聞如是一時佛遊羅閱祇耆闍崛山中與大比丘衆千二百五十人俱摩訶菩薩無央數尔時城中師子將軍第一夫人孕有德男天虛空唱大音聲而告之曰童子汝當懷抱道教思惟經典慎莫宣說世之言談曉了方便度世之法少言妙辭捨方俗事當歸正義不取美辭嚴飾之說童子遙聞如是音教未曾啼泣亦不出聲初不自現嬰兒之相至于七日顏貌悅豫无有顛頓衆人來觀視之無厭或有人言此兒无聲用為育養父母各曰是非隨宿吾當育之所以者何今觀此兒威容顏貌端正殊妙巍巍難量非是凡庶之所能及實不虛妄於時父母親屬知識見兒無聲因共字之号曰无言

於是無言童子漸遂長大至于八歲四方衆人來觀察者无有懈厭其有方面或有法會分別義者輒詣其所

諮受法言寂然靜思亦無所說時彼童子而於異日與其父母五種親屬朋友知識至者闍崛山而詣佛所稽首足下右繞三匝於世尊前叉手而立觀无央數十方世界諸菩薩會億百千族各各處于嚴淨之座心大歡然善意生焉時舍利弗前白佛言唯天中天是無言者師子將軍之子端正殊好威光難量巍巍如此離於言談而无所說其人前世有何餘殃生無有聲又不能言佛告舍利弗止止勿得輒慢无言童子所以者何此人則是菩薩大士於過去佛殖衆德奉供養無數諸佛正覺稽首足下得不退轉當成无上正真之道初生之時天於虚空宣揚大音童子汝當抱道意思惟經典勿有世談以是之故今此菩薩寂然不言受柔順教於茲八歲一心結舌而無所說以斯憺怕奉行四禪世尊復告舍利弗言其有衆生若能觀无言菩薩悲順道教由此無言以是之故今有大會當說經法開化導利於无央數不可稱人民之衆

於是無言菩薩即如其象三昧正受而現瑞應令諸聲聞及衆菩薩天龍鬼神捷沓和阿須倫伽留羅真陀羅摩睺勒比丘比丘尼優婆塞優婆夷一切衆會各於右掌化生蓮華大如車輪其色若干微妙鮮好其香難量見者心歡彼蓮華上則有自然諸化菩薩結加趺坐三十二相莊嚴其身無言菩薩見大神足稽首世尊重自歸命其蓮華上諸坐菩薩叉手卑身亦三自歸無言菩薩口適宣此稽首歸命應時自然恒邊沙等諸佛世界六反震動大音普聞天於空中歎若雷震則雨衆華筵篋樂器不鼓自鳴無言菩薩承佛威神大願所致踊在空中去地四丈九尺大菩薩衆亦復如是无言大士而於中與菩薩異口同音以偈讚佛

無形而現形 亦不住於色 欲以開化衆現身而有教 佛者无色會 亦不著有為 皆度一切數 導師故現身 顯相三十二 哥好八十種 以嚴其身體 為衆講說法 法者則無相 亦无有音響 無聲不可得

无念寂微妙 佛法覺了法 處在佛樹下
彼道無言教 言辭无所說 其法無形法
求相不可得 以無相之法 安可有所說
慙傷於群生 此佛之大恩 分別无所獲
所說不失時 曉了無所得 解空无所獲
能如此養者 佛義无名字 有為之言教
諸佛因所說 彼數無所有 无為無自然
如无常形色 導師緣見象 此法無所有
為衆說此經 又始至八歲 口未曾有言
我初生之時 諸天唱大音 以入惟經典
其耳不聞聲 如是懷道業 口亦無所說
无言假有教 辭語無所暢 以言謂有說
清淨妙光曜 念誓願佛道 志在於大乘
當宣于尊教 得佛人中上 道心不可獲
無言无相念 是故曰道空 解結成暉曜
於是童子謂諸衆會道與言教等無
有異不可見 不可持所可說 无能觀
口說志道人 計於道而有所求 其所
處願斯無所有 不可得處則无所住
如是住者 道之所立也 諸度無極亦
復如是 及餘無數衆德之卒 說於言
教亦无所說 但是音聲 無有言辭 又
說布施者 以施當施者 惠與有所向

道住一切等口說慙衰施道教亦行
慈其道為自然平均如虛空心所曉
了有所說計彼一切志為清淨其道
為普虛端如是身行口言心有所思
捨施施斯一切塵勞是乃名曰施度
无極所可勸助亦復如是布施非是
道之恩惠有計道者不依布施是二
事者但假聲耳永無所著亦无形像
假使如是受道教者為菩薩行彼乃
名曰施度無極於布施主則為清淨
有所惠與不想報故耳聞禁戒不住
於色則無所生亦无所滅是為戒者
亦復如是身口心事若無所造志无所
有而及分別所講說因緣合成口有
所說因名曰戒如口所說戒亦如是
此二事者俱无形像諸禁戒業一切
假言語無章句計於道者无所言說
其口所暢及心意以業是禁戒勸助
道德言戒為道欲曜於戒一切無像
猶如虛空能曉了此是謂獨步報行
禁戒所可遊志超絕無侶入平等覺
疊疊深妙難及之道於是讚曰
如言道亦然無持不可見一所說无所覩

我宣者佛道 誓願求於道 所願無所住
无住無處所 道所立亦然 諸度无極然
及所作衆德 言辭託音聲 所說無所說
所可謂布施 所施當所施 方當所憲者
悉住平等道 口所暢布施 敷演於道事
彼道亦自然 等猶如虚空 若能曉了心
口之所說者 彼一切清淨 聞淨皆至道
身口及心念 捨一切塵勞 所勸亦如斯
是施度无極 布施不歸道 道不倚於施
此二者假名 無著亦无象 若無所依倚
其受道若斯 若不望想報 是名曰布施
而假聞禁戒 不住於形色 不起无所滅
是為戒之相 不行戒亦尔 身口心無異
无作無所有 假有言說耳 因緣合有辭
說号禁戒耳 如吾戒正等 此二事無漏
諸可禁戒事 一切假於言 道義所獲者
無言亦无業 口說心所作 禁戒勸助道
計戒及道教 一切如虚空 若曉了此者
獨步普入戒 則遊居於道 深妙難解句
童子又謂諸來會者所可謂言忍辱
教者亦是言 辭解空空義 乃為忍辱
忍如平等三界 亦如說忍形類无像
無見等心於此 乃名曰忍 若能虛靜

為忍辱根音聲香味因緣合成彼無所有但文字耳是故宣暢言忍辱矣如來正覺說有三忍身口心念若能曉了此忍辱者是曰為忍解斷其身節節離散心無瞋恚恩愛及身辟如牆壁察身如是為忍辱遠聞惡口所暢說若能堪任於諸言辭不味所說乃為忍辱若復遊志一切瑕穢其心靜然而無憂結意能分別諸文字者心乃入於忍辱計如忍道亦如此身口意俱同今乃名曰道宣傳於聖教多所勸助者一切精進上妙細微及諸中間億劫合集而不可得至於成就假使精進不可速得計於道德亦无所獲不得諸法是曰精進所修精進設能如是不懷怯弱亦無忍懷是謂極上通大精進猛勇菩薩仁義脩志於是童子重頌曰

可所謂忍辱口之所宣暢空空義故忍如忍等三世說於忍色像不貌不可見若心等於斯今乃名曰忍忍類為空靜緣合聲香味彼無有文字此乃名曰忍講宣此三忍身口及心念若人曉了此

暢乃名曰忍 節節解其身 而心不懷恙
身受如牆壁 是為身忍辱 遠聞有惡言
不報于罵辭 入此音乃忍 恙能住所說
若於諸瑕疵 心不懷愛結 設能了字空
是心入忍辱 如忍道亦然 身口意如是
此乃名曰道 名所而勸助 若諸所精進
寂上中微下 合集億劫劫 不得便成就
精進不可得 道亦無所獲 不逮一切法
是曰為精進 若勤力行此 无怯不懷難
彼則大精進 為猛勇菩薩

童子復謂諸來會者所謂禪思亦不
有念計於禪者亦無所住 弃一切想
是乃名曰寂度 无極則能寂然澹泊
無言无放逸 離諸漏而燒滅一切塵
是名曰寂度 無極心於諸法不遣往
及於心離心是則名曰寂度 無極心
及禪定常至道意恒以平等觀此衆
事若能平等於諸所觀 无有邪正斯
謂佛道不為難得 無有文字亦无所
說不可究竟亦無所有 无有放逸亦
不自恣此乃曰智度 無極无有此際
不度彼岸又於此彼而無所住 正立
法界以无所住亦無所著 亦无文字無

所頌宣無文字已不復舉假一切思想若能啓受於此法者今乃名曰智度无極六度無極亦復如是假使人等觀此義則能均平一切諸法亦能等於一切衆生若能同象一切諸法則能均平一切衆生若能平均一切衆生則能平等一切諸佛等諸佛已則能奉修於一切智是故菩薩勇猛無畏猶斯名曰无極智慧若能順從此教命者則順法眼不可思議於是童子以偈頌曰

禪行無所思 專心不有住 斷一切諸想
名寂度無極 寂然而澹泊 不逸无諸漏
弃捐衆塵勞 是寂度無極 其心一切法
未曾遣徃及 無心脫於心 寂然度彼岸
計心及與道 觀之悉平等 若能察平等
佛道不難得 捨文字無言 无本無所有
不樂不自恣 乃名為智慧 無此不度岸
不住彼此際 正立於法界 不住無所著
文字无班宣 不與一切想 以是受諸法
乃名曰智慧 諸度無極然 所見一同類
則能等諸法 平均於衆生 以能等諸法
則能等衆生 亦等於諸法 便等一切智

是故大智慧 菩薩其勇猛 能隨此教令
法眼不可議

彼諸正士說此章句分別所趣以千
二百人皆發無上正真道意六万菩
薩得无所從生法忍時蓮華上諸坐
菩薩尋即退下稽首佛足及復札於
無言菩薩俱共啓白无言菩薩吾等
以報聖師之恩欽樂正法奉事經典
修行孝順而有及復賢者舍利弗前
白佛言唯然世尊此諸菩薩何故口
宣如来言辭吾等孝順而有及復佛
告舍利弗此諸菩薩志是無言菩薩
大士之所勸發令宣道教演于恩慈
仁義礼節无上正真大乘之教開化
未聞令發道意是為孝順而有及復
報師之恩今者故來行供養德亦欲
觀見於此大會奉觀佛聖聽省經典
諮受所聞

於是無言菩薩白世尊曰我欲啓問
如来至真等正覺所懷疑結設見聽
者乃敢自陳世尊即告無言菩薩恣
意所問諸不了者如来一一當為發
遣可悅其心令無餘疑時舍利弗語

無言菩薩汝族姓子不能語言云何
欲問如來義乎無言答曰一切語法
悉无文字亦無言辭所以者何一切
衆生皆悉自然無諸言教及衆想念
唯舍利弗因心所念口說言辭若无
所思則無所言心所念者悉虚无實
言不可說不可示人亦不可得諮問
行念其想著者悉無所有而无文字
其虚無者亦无想念亦不宣暢文字
之說其諸行念不自想言吾當宣布
文字之說文字不念當行想念暢文
字說唯舍利弗十二緣起深奧難逮
巍巍如是因緣所生彼則自然了無
所有假使自然無所有者彼则无有
逮成道者唯舍利弗一切諸法無所
成因緣之事依无所住有所造作因
於緣合是故因緣無所興立唯舍利
弗一切諸法悉无有主而君長亦無
常主無有志念因已思想多所馳騁
從對有念處於衆想顛倒之黨從其
起生彼若有問見難問者所想知一
切此法有想無想悉為一相謂无有
想彼所以問是為菩薩行於大哀唯

舍利弗吾以是故興發大哀諮問如
來不以言辭聲音問事倚口言教住
於大哀菩薩所問舍利弗問若族姓
子設無衆生无有人物何因菩薩而
於衆生興大哀乎无言荅曰唯舍利
弗設使衆生不求成就至於道者介
乃菩薩不於衆生興發大哀然而衆
生無有衆生起衆生想是故菩薩處
於衆生興發大哀設說有人則及逆
矣一切五趣猶如幻化嗚呼痛哉諸人
顛倒無有衆生想是故為彼講說經
道使无我本末皆空由是菩薩為諸
衆生興發大哀無所破壞不毀所有
不壞吾我及人壽命故曰菩薩入於
大哀導利衆生見暢審如分別空事
為諸客塵之所濡汙所可遊入等一
切色而自觀見本悉清淨是故菩薩
而於衆生興發大哀時舍利弗讚無
言菩薩曰善哉善哉族姓子實如所
云一無有異又從仁賢向者聽者所
講辯才故欲發問當從正士啓受如
是不可思議所莊宣法設問所說當
令弊魔不得其便使如來法得久存

立此諸衆會天龍鬼軋沓和阿須倫
加留羅真陀羅摩睺勒等人非人逮
得無量道法光明於是无言菩薩前
白佛言世尊常說修正見者有二因
緣從他聞音思惟其行善哉大聖唯
願如來至真正覺分別宣揚何謂菩
薩承於他音何謂思惟何賢聖之正
見也佛告无言菩薩族姓子諦聽善
思念之今當分別猶如菩薩承他音
聲因而思惟奉順賢聖之正見善哉
世尊願樂欲聞無言菩薩與大衆會
受教而聽佛言族姓子若有菩薩勸
化衆生入於佛道是為菩薩承於他
音設令其人心不懷乱是為思惟假
使等觀於道意者是為賢聖之正見
也又若聽省柔順道法此承他音若
能奉持佛之道義是為思惟若能奉
行菩薩之道逮得法忍是為賢聖之
正見也

復次無言若能宣于所聞微妙之慧
无上正真承此他音假使能通達不
計吾我是為思惟志性清淨無有諛
諂發起洪業是為賢聖之正見也所

聞順義而不違法是承他音修衆德
本是为思惟所行微妙勸助於道是
為賢聖之正見也專精聽受是承他
音求殊特義是为思惟勸助道意未
曾忘捨是为賢聖之正見也順念如
應勸助道意初不廢退等觀賢聖放
捨一切所可聞念是承他音一切所
有敢可尊敬悉能施與無所愛惜是
為思惟不望其報不貪著道至於大
乘是为賢聖之正見也聞於禁戒弘
雅之教此承他音所執戒心無所習
舍是为思惟戒無所行篤信至真勸
助於道是为賢聖之正見也聽省忍
辱仁義大慈此承他音而懷慙傷无
有害心是为思惟究竟閑靜信諸法
盡勸助佛道是为賢聖之正見也聽
省精進則而順之是承他音其心不
住懈怠垢穢是为思惟無合无散無
所違失慙慙精進以勸助道是为賢
聖之正見也令聞禪定三脫之門三
昧正受此承他音心所為事而不可
得觀察心本是为思惟所修禪定不墮
顛倒勸助佛道是为賢聖之正見也

聽聞智慧身根華實此承他音所聞
法觀察本末之所歸趣是為思惟弃
捐諸流衆崖底源開化之意是為賢
聖之正見示以四恩聽攝所聞了無
所著此承他音未曾放廢四恩之教
是為思惟所可救濟恩及衆生斯平
等義開度立之於一切智是為賢聖
之正見也修四梵行慈悲喜護此承
他音而不壞除慙愛衆類亦無所毀
所可奉行不求名稱是為思惟遵樂
空无為衆生故而修慙哀以法之故
而行歡悅為二報故勸助道德是為
賢聖之正見也設令聽省四分別辯
此承他音觀察諸法威儀札節是為
思惟從法義等於平均所行具足勸
發道意是為賢聖之正見也若聞所
當奉行微妙導利之事此承他音念
御順行而不遠離是為思惟章句道
跡所由處所宣布佛道是為賢聖之
正見也若能令聞三十七品正覺之
法此承他音修於意止惡不憤乱行
於斷意未曾惑隨不善之心而常順
從德義之志其神足者精進禪定不

懷怯弱篤信如是明解章句而不退還慧能尋對一一觀察心由力不行塵勞入覺意法等於道心是為思惟假使無意无所思念於四意止不起不滅於四意斷柔和身心於四神足審如真諦曉了如是所趣若斯執智慧刀截斷衆垢情欲不散入于正法而於覺意下入等觀无有二事所歸徑路勸助道心是為賢聖之正見也若使聽聞四聖諦者此承他音五陰苦患思愛之難滅盡所習因緣之報入於徑路是為思惟雖處諸苦慧無所起於諸所習慧无所習於諸所盡慧究竟盡由于徑路慧無所著勸發大道是為賢聖之正見也若以聽受於三脫門此承他音篤信於空不畏无相而於無願无所志求是為思惟不生空行開化諸見興於無相教導一切諸所相行發于無願所生至誠是為賢聖之正見也令初發意順從大業此承他音修菩薩行不捨一切是為思惟不退轉地當成正覺是為賢聖之正見也得善知識而從其教

此承他音目見世尊諮受聖路是為
思惟如口所言不違所言身口相應
是為賢聖之正見也聽所講法等於
惑亂此承他音觀察諸法義之所歸
是為思惟奉行法義不失道教是為
賢聖之正見也親近如來諮受所宣
此承他音識分別道心不捨大猷是
為思惟受奉行有所開化能使成就
是為賢聖之正見也設能聽受八萬
四千諸道品法此承他音曉了分別
八萬四千諸佛之行也是為思惟八
萬四千衆生之類各異根者如應說
法是為賢聖之正見也在在所由悉
无所樂發功德心此承他音假使其
心不捨功德是為思惟以是德心專
精勸助於一切智是為賢聖之正見
也此族姓子設隨順念則為長命壽
不可極無始无終賢聖正見所以者
何五趣周旋如幻化夢影響野馬水
月芭蕉曉了若斯是承他音一切諸
法悉為平等而無偏邪是為思惟若
致平等乃為賢聖之正見也名曰思
惟不舉不下於一切法无應不應無

進不進無處不處无行不行無念不
念无想不想無意不意无惟不惟無
心意教是為名曰不二入法門曉了
一品无合無散无遠無順曉了深念
本性清淨極為顯曜而當講說无冥
無明无濁無清无有品第則為法界
無所破壞而於本際不為動搖入於
无本處于三世而無所處无我無人
无壽無命无音無聲等諸文字義無
所獲无有財業無所畢置得諸所盡
一切所行無有衆念離一切想皆悉
斷於放逸之事滅除一切諸所惟行
而無所著捨諸所著巍巍乃至如來
所歎无為之事刈去衆想是為平等
無有形貌一如應思惟假使行者從
三昧起則以此法而為衆生及他人
說便於其所推求斯本如應思惟而
療治之無所動搖是為名曰立於大
哀賢聖正見佛說賢聖正見之時一
萬菩薩尋即逮得賢聖正見於是舍
利弗謂無言菩薩仁族姓子從何聞
法乃能興此賢聖正見無言答曰唯
舍利弗吾所從聞法无所造不從過

去心得至於道亦不當來亦不現在
斗等三世等一切法有所有趣者而
無所歸亦无有法亦無所等吾從於
彼而聽聞法不有為不无為無識无
住無心意識於一切法莫有所奉制
止一切衆生之心可悅諸人義無所
獲亦不動搖於无力毒而無著吾正
從彼而聽聞法見生於世者不生不
起一切法若不所興分別無本而无
所說吾正從彼而聽聞法其住法界
等御人界法界人界及虛空界不以
老別平等諸界而無所生不造若干
吾正從彼而聽聞法不處道場不坐
樹下亦不經行亦不得佛不倚於道
不捨於俗不令諸著人民之等作是
念心如來得道亦不得道得於相好
若不得相作證不作證悉從本淨自
然之性唯舍利弗法者无持而不可
捉則無有身以无有身無所成就以
无所成就則無所生以无所生則無
所起以無所起則无終沒以無終沒
則无所著以無所著則不動搖以不
動搖則無所作以无所作則游駛水

已游駛水則無所得已无所得身度
彼岸已度彼岸無下不下則无有器
已無有器則无所應已無所應則離
愛欲已離愛欲則无有想已無有想
則斷衆乱已斷衆乱本性清淨以至
清淨則無有垢已无有垢則无塵勞
已無塵勞則无同像以無同像則住
平等以住本平等則立无動以立無
動則无所求以無所求則如真諦已
如真諦則如審實以如審實則无所
有以無所有則於諸緣而无有緣以
於諸緣無有緣者則度境界以度諸
界所起无起則無所舉以无所舉則
無所下以无所下則無有門以无有
門便離言教以離言教則度識句以
度識句則不復還以不復還則無有
處以无有處則無非處以无非處則
無種稷以无種稷則無根芽以无根
芽則無為超度諸識之跡寂之然以
至寂然究竟澹泊已至澹泊則至无
惟然以無惟然究竟无恨已至無恨
則至了意以至了意不復更興以不
復興則歸平等無為之道是為法唯

舍利弗法如是比說經如茲其正見者為何像類其正見者等於已身以等已身則離合會以離合會於諸平等不見平等觀諸所見若無所想是舍利弗宣暢法律賢聖正見

無言菩薩謂舍利弗如等无明恩愛之著亦等慧明解脫之事等於滅度无作不作是為等致賢聖正見若有所觀不取異見是為賢聖之正見也復次念舍利弗若能等於媼怒愚癡亦等於空無相无願解脫之相則為一相謂歸无相已能歸此平等事者是為賢聖之正見也復次處正見者於諸平等不造二事已無二事不住相應已無相應不有所住逮得諸法一切平等而无差特是為賢聖之正見也復次等無二者則等衆生則等諸佛則等諸法已等諸法則等國土已等國土則等虛空其於此等若不轉移能於此等平等住者修无所成是為賢聖之正見也是故舍利弗如法像類聽者亦然正見若茲又舍利弗耆年為興正見乎從何聞法所見

何類舍利弗答曰如我於今族姓子聞所說法察其義歸有所講說皆墮短乏無言答曰如是如是舍利弗敢有言辭皆顧短乏舍利弗又問族姓子如來至真无量福會有所宣暢其所說者豈墮短乏無言答曰如是說者而无所說不墮短乏所以者何如來至真不興名德不當慕於如來上福所以者何其如來者無德无稱若如來義無本如來亦復如是在於无本而不動轉若有不欲如來上德彼所慕者则无平等亦無偏邪於欲无欲有所慕者則墮短乏舍利弗問唯族姓子何謂於法而無短乏无言答曰無大五陰六入不以頂受无所招致悉無所行不有言辭无誨不誨而於道法令心意識無所起生是法无短假使有起心意識者則墮短乏若於諸法有作無作則墮短乏設於諸法无作不作乃無短乏復次若於諸法有所分別有所蠲除而有所行有所造證則墮短乏若无曉了無除所去亦无所行不有造證乃無短乏彼

有所見无所聞說教化獲致識知所趣則墮短乏於一切界而無所行乃无短乏其有覩見功德瑕穢則墮短乏設使所行無有瑕穢无有德稱亦無所見乃无短乏時佛嗟嘆無言菩薩善哉善哉族姓子若欲講法當作是說是時萬二千菩薩逮得无所從生法忍

無言菩薩復白佛言我識如來為諸菩薩講說四力一曰信力二曰精進力三曰意力四曰智力唯如來至真正等正覺廣分別說此四品力何謂菩薩篤信精進意智慧力佛告无言菩薩諦聽善念善哉世尊願樂欲聞無言菩薩受教而聽佛言族姓子假使菩薩信諸佛法愛樂順從不懷狐疑亦無猶豫是為信力諸佛精進本求道時志慕此典不以懈廢不懷怯弱亦不退轉是為精進力若攝其志合集德本無所忘失其意不乱不捨道心所可興廢真正之心勸助於道是為意力所修智明於一切法不須他慧而得自在慧無所尋是為智慧力

佛復告無言菩薩信於賢聖獨步三界无所疑難是為信力所施精勤恭敬奉順是為精進力心之所念常思賢聖之所班宣未曾忘捨是為意力若從至聖所聞智慧經典之本則能奉行是為智力復次假使篤信罪福之報而不疑乱是為信力若能勤行不當作而不為之是為精進力念所興業終无腐朽是為意力若能曉了無有罪福報應有能分別一切諸法是為智力

佛復告無言菩薩假使其心清澄無穢能攝其意順道教者是為信力意所啓受而將養之是精進力若令其心常順志一是為意力心觀諸法一切如幻是為智力復次信一切法皆悉為空是為信力所修精進解諸見縛是為精進力於内外空不懷恐怖是為意力觀究竟空本末悉空為智慧力無相无願於一切法无所造行是為信力以此道法而為他人分別說者是精進力設使於此念于諸法所行安詳是為意力昔所講說方當宣

暢令班宣者一切推求永不可得是為慧力一切所有心自當思欲以放捨信布施處是為信力有所放捨不懷懈倦未曾怯劣大道未曾違捨施與發布施又勸助道意是為意力不得施者亦無受者不蒙想報是智慧力奉順禁戒成就真正信戒果實是為信力以所精進滅除諸毀戒之心是為精進力若以道心念之不忘所尊禁戒皆以勸助於一切智是為意力觀身如影言如呼響心如幻化察於禁戒而无所行是為智力成就忍辱信於威勢是為信力所行精進不曾懷瞋惡心忍辱是為精進力所行忍辱則以勸助於一切智是為意力無身意識不得身心是智慧力道為精進不為懈怠信於此者而心歡樂興盛篤信是為信力常行精進不捨須臾亦無所著用化衆生將護正典殖衆德本奉事於佛供養隨順皆為一切衆生之故修治佛土莊嚴清淨

名德之稱是精進力。蠲除一切衆生
瞋恚懈怠垢穢。以被德鎧。所修精進
則以勸助於一切智。是為意力。若不
懇懃妄想於道。不失威儀。札節之正
選擇精進。不得一切諸法。處所是智
慧力。樂於閑居。宴靜獨處。不慕衆會
發興悅力。是為信力。所行精進。修於
禪定。興發脫門三昧。正受是精進力
因由所從。致禪思者。而不動搖。是為
意力。於彼一心觀於無常。苦空。非身
而不亂。禪不輕慢。禪不退轉。禪曉了善
權方謀。宜適是為善權。方便誘進。牽
致至於智力。聞於一切諸度。无極道
品之法。若能信此。是為信力。一切所
聞執持不忘。能為他人。嗟歎方便。設
於彼法。若能奉遵。若不奉遵。自察本
末。是精進力。處於衆生。其心不亂。遊
於愛欲。辟如蓮華。教化一切。是為意
力。察三界空。猶如泡沫。芭蕉。野馬。影
響。幻化。開示未聞。是為智力。以清澄
心。慈向衆生。仁靡不周。是為信力。信
於大哀心。所興造。不以懈怠。是精進
力。心好正典。不捨法樂。常執奉行。是

為意力心無所著而不懷害不造有二無進不進速得靜觀修行正法是智慧力思惟人身以无央數眾惡瑕穢荒乱眾力不得久存供養於此憊懈弛玩因由邪行曉了如此是為信力若速眾沒苦痛之患眾惱並至此則為是死生之義觀察佛法是精進力假使心變在於不善終不聽從心亦不隨聲聞緣覺又心不隨塵欲貪婬心亦不從毀戒惡智是為意力若入法慧分別慧句入於宣暢體解之慧過去當來今現在慧是為智力歡樂為信相不退精進相觀為意相曉了為智相行於信力不捨進力不失意力修智慧力為人說法應病與藥曉了聖學則為篤信度諸聖學而為精進無所復著是名曰意而審曉學則為智慧好喜佛法興于篤信以興篤信即發道意是為信力奉修眾行合集積累道品之法是精進力柔順法忍則為意力設使速得无所從生法忍是則智力信根為忍則為意力設使速得无所從生法忍是則智力

信根為信力進根為精進力意根為
意力禪思伏根大聖達根靡不周至
是智慧力佛說是時八千菩薩逮得無
所從生法忍四萬二十人皆發无上
正真道意

無言童子經卷上

辛丑歲高麗國大藏都監奉

勅雕造

佛說無言童子經卷下

發

西晉月支三藏竺法護譯

尔時會中有一菩薩名蓮華淨問无
言菩薩如族姓子属者興意白問如
來寧見答解及微妙行如受法染可
悅心乎無言答曰唯族姓子吾始以
來未曾問法亦无所受當以何緣而致
法染可染心耶曰族姓子仁為不曾
因於如來聽受法乎答曰不也又問
何故答曰非其器故又問仁於講法
為非器乎答曰如是又問仁何所器
答曰吾於諸法之類而為非器無復
奇異又問族姓子若為非器何因當
逮无上正真之道成最正覺答曰道
者非為法器又問察其道者非佛法
器乎答曰假使其道離佛法者佛法
非器又其道者不離佛法又計佛法
則為是道又其道者則為佛法故族
姓子吾不欲令諸佛道法離於塵勞
常不志道况樂佛法離於道乎所以
者何有佛法者不離塵勞又其塵勞
不離於道覺了欲塵則名曰道吾以

是故不計我所不別佛道其異意者
各各計別不當異處而求道也假使
有人於異處求此等諸異設復有人
無有異求不以為別又問以何為異
答曰謂吾我別與道不同是名曰異
謂四大異我人壽命而心意異姪怒
癡異是謂為異若能曉了吾我自然
本末清淨道者自然本末清淨乃謂
無異我人壽命姪怒愚癡自然清淨
道亦自然究竟清淨乃謂无異假使
異者不可求異則當於此四大之身
於吾我中求一切法如是求者求無
所得設無所得中造所著无所著者
則無處所一切諸法悉无所住無有
本際設无本際則真本際以真本際
無斷絕際不計當際无有限際無无
量際一切諸法本際如是若入此際
則不有念亦不無念不在生死亦不
滅度究竟滅度了一切法若以此法
而滅度者則逮寂然諸不滅度令得
滅度如世尊曰不能調已不寂滅脫
而不隨教不得滅度欲開化人令得
滅度未之有也其自寂然解脫隨律

得度無為能度未度此事如言是菩薩行設使欲得至滅度法轉當遵修菩薩之行則能曉了一切諸行達法界相如是行者便能皆見衆德之本目不復覩諸魔官屬輪跡之行當遵修此合集佛法不失三昧如是行者開化衆生宣暢一切諸界度於无我如是行者受一切法皆使塵勞自然悉除如是行者雖行於世不著方俗如是行者執持五陰不住於識如是行者受諸四大立於法界而不動搖如是行者攝於諸入致解脫門如是行者所現諸界而度無極獨步大猷入於三界示現塵勞而无垢穢如是行者施度無極不想无極亦無所住戒忍精進一心智慧慧度无極不想智慧亦無所住如是行者不捨衆行所修審諦究竟清淨如是行者修菩薩行所可遵習道无若干行菩薩者則無有二无有二者乃菩薩行行菩薩道無有吾我及與我所不計有身亦無所受乃菩薩行其修道者无有結滯除諸福廢乃為菩薩其修道者

不患危害覺了分別無會无為乃為
菩薩又問何謂正号为菩薩乎答曰
為不曉了道義者故因曰菩薩順從
道教興發寂然不毀佛教奉持法言
將護聖衆而於道心則不動轉心不
住於聲聞緣覺不乱淨性而不宣說
無稱之辭究竟要誓度諸未度安諸
不安諸不滅度令得滅度受持塵勞
不墮無欲觀於无生所生而審觀於
空无將濟群生觀於無相不想著道
行於無願隨俗而生求於佛身不為
衆欲之所濡染觀於有為覺了所會
亦無所失而不愚顛得世間慧執智
兵仗降五陰賊六衰之難開化憍慢
施自莊嚴嚴淨佛土戒莊嚴心所願
具足被忍辱鎧教授瞋恚精進堅強
能成就已猶如金剛處於憤乱志執
禪定而无所著智慧明了而不惡獸
所生之穢行權方便所在一切推極
道源修于慈心安詳柔和發起衆生
行于大悲見於衆生未得度者撫育
使安遵修行喜常为无怙令護諸根
行於護觀不永寂滅修於觀也傳承

深奧難及之事聲聞緣覺所不能逮
念本義藏不思世典多所將順一切
群生莊嚴其身以相飾姿莊嚴其口
言行相應莊嚴其心不捨道意神通
娛樂普能示現一切所住持心如地
一切衆生之所戴仰洗一切垢僻如
火燒焦一切艱難裹入臂若如火心
猶若風无有惱熱遊步無尋心如虛
空未曾愁想著一切諸法逮得摠持
一切所聞識念不忘辯才具足可悅
衆生歡然解釋而為諸佛之所建立
能自修心則令清淨順于法界曉了
四食不想諸應威儀札節清修已身
威儀札節徑路清淨為修正業行步
進止具足成就而修空行樂於閑居
開化衆生而不穢猷於諸聚會樂于
禪思不患其意未曾貧匱備悉一切
諸賢聖財修於祠祀伏契惡心遊曠
野者修于堅強其心剛毅不可毀壞
遵行仁慈究竟滅度身順反復而不
虛盡徃宿德本志常隨順報前所由
念行思好為衆生故所學精勤選擇
舉要勸化無智所修善業无煩惱熱

志能分別行于大哀一切普遊導于
三乘不懷狐疑於一切法衆所瞻察
所問能答靡不戴仰辯才无尋莫不
受言本願所立明說和雅所至到處
靡不歡悅所語隨時未曾失節功勲
布施人所欽仰如月盛滿志性柔和
辭無虛獷得對能忍諸根不悖善修
其意等度往來猶如橋梁度脫衆生
於四使水辟如大舡亦如導師將導
一切諸行來者常主救濟一切異學
為衆群黎興立佛事故曰菩薩而不
退轉如是衆行及餘德勲不可思議
具足導慧乃謂菩薩

於是蓮華淨菩薩白佛言唯然世尊
今我觀察無言菩薩智慧辯才宣暢
道教如是不久當成無上正真之道
為最正覺當轉弘廣无上法輪若復
有人得聞無言菩薩所說信樂愛敬
順而不訕不久亦當具足致此功德
之法佛言如是如汝所言誠無有異
无言菩薩逮得慧明三昧發意之頃
以一句法於百千劫分別說之義不
可盡蓮華淨菩薩復白佛言善哉世

尊愍傷我等及此衆會宿之本德衆人雲集為經典故當令莊嚴惟願如來至真等正覺敷演說此慧明三昧若有菩薩得聞此教悉當逮得慧明三昧設有受者多所將濟一切群生疾成無上正真之道為最正覺

佛告蓮華淨菩薩諦聽善思當為善說慧明三昧善哉世尊願樂欲聞蓮華淨菩薩受教而聽佛言族姓子所云慧明聖曜之謂所以名曰慧明聖曜者何獨除衆覆蔽結垢闇通過諸尋離於穢濁荏若之謂故曰慧明三昧解法无二所觀明徹無有猶豫慧无有侶不戴仰人滅衆瑕疵卒發尋對分別滅度曉了一慧解暢過去當來現在三世之慧嚴淨三場明識三界體三脫門通三達智廣布三寶暢示三乘淨於三眼毀三垢本明三峻衆決定未定處耶此謂三峻衆也識暢入於心意識中分別陰種諸入之事覺了因緣和合報應斷不調定沉疑邪見解知法界能說本无審如本際最上第一方便至聖明識一切文

字音響其所入處若崇講說言無所
毀辯才无尋莫能制止若敷演法無
能抑者知識一切諸根各異決斷柔
劣中容之源有明無明入於三教執
持所應入於捻持班宣光暉歸趣日
行三昧無量頌三昧分別宣暢金剛
道場三昧如金剛三昧覺无瞋三昧
意勇三昧降除魔場三昧日光明三
昧曜魔不照无境界三昧慧無齊限
入無想念幢英至三昧淳淑親近一
切諸法照明華三昧放无量光入音
三昧了別一切音聲所趣德事三昧
普能示現一切功勲善住三昧知一
切法所立之處光曜三昧等入一切
衆生之心盡尊王三昧分別諸法一
切悉盡无住三昧了衆平等无恚三
昧一切諸法究竟永無无動三昧不
著諸法鈎鎖三昧開化諸見超表三
昧於一切慧無所蔽尋佛言族姓子
如是等類六萬三昧吾於往昔見定
光佛而見授決尋時逮得此諸三昧
又計於此六萬三昧門皆來入於慧
明三昧慧明三昧則為元首入於此

中乃致大明

佛告族姓子如日宮殿照於水中顯
現未曾興立四事何謂為四滅除一
切闇冥蔽障放其光明所照廣遠示
現一切諸色形像所當作者皆由是
日興業安慧明三昧亦復如是若有
菩薩住此定者現昔未有亦興四事
何謂為四滅除一切塵勞垢冥照曜
無量廣遠智慧察見一切衆生心行
像貌諸色隨其所學三乘之行名為
指示建立道業
佛告族姓子譬如八角大如意珠妙
光暉善清淨玄妙無諸瑕垢无有穢
惡建於幢首曜四十由旬衆人所志
敢有所求皆令得願各各得所不失
其僥大如意珠无所愛恡若有菩薩
得立於此慧明三昧聖智超絕巍巍
如是清淨鮮明若如意珠除諸塵勞
結穢衆垢住八清淨微妙禁戒三昧
之定智慧解脫度知見品誠諦鮮潔
善權方便捻持辯才分別忍辱靡所
不暢彼以清淨莫能當明離於瑕疵
无極大哀以為大幢照曜一切無量

佛土各隨衆生心本所願悉得解釋
菩薩如是救濟五趣三處之身皆至
大道亦无想念

佛告族姓子譬如虛空虛空無際悉
能容受一切佛土執持衆水一切諸
火劫燒之時一切衆生無進退處聽
其所歸為作處所虛空之域廣遠玄
曠不可限量无所罣碍慧明三昧亦
復如是若有菩薩住此定者為諸衆
生一切諸法示導處所無所歸者為
受其歸殖衆德本因緣之報開解已
心為無央數一切衆生導示徑路教
化與眼強於因緣未得解脫永處邪
見群萌之類聽示處所假使有人不
興德本不反道器不在無本各各開
化為示引器顯發无上正真道意而
示聲聞緣覺處所聞吾說法尋受奉
行則獲果報聲聞緣覺之所慕乘當
為宣暢曾所忘失六典之要令入法
門緣是之故諸菩薩衆欲求道者當
為頒宣六度無極四等之恩善權方
便勸助指道各各為暢令心歡然使
不退轉速成無上正真之道是為一

一切衆生之類開示處所於彼何謂為
一切法示現處所假使菩薩口自敷
演八萬四千經典法藏若有衆人心
懷狐疑猶豫不決來啓問者菩薩皆
常秉志一心一一為人決其結滯一
句之義億百千劫難限劫數普演分
別其慧無量玄曠廣遠无所罣碍而
不可盡无有邊際是為一切示法處所
佛告族姓子譬如大炬光明照遠諸
有覆蔽瞠匿形色悉為現矣炬之光
曜所益如此慧明定意亦復如是若
有菩薩住此定者則能以一慧明之
心顯示章句十方无量不可計會諸
佛國土諸佛菩薩一切衆生莫不覩
見亦不違遠志不動移慧明之心所
察無邊

佛告族姓子慧明之宅處於意止見
諸法源於四意斷未發意者為興慧
源於諸神足身意寂源而於諸根處
聖達源所謂力者去智慧力於覺意
法入于慧源所謂道者處正見源寂
然觀者觀察擔怕行真誠者善滅之
源其聖諦者善寂慧源所歸念者如

義趣源分別道者法義之源神通達者漏盡之源修梵行者興于大哀四等心源一切普念思法之源諸度無極智度無極以為源首善權方便應衆生心源十種力者知限无限有處無處以此為源无所畏者曉了平等佛道之源不共法者而於三世無所尋源所言眼者謂佛之眼在嚴其身眉間頂相無能覩源在嚴口者頌宣經法无侵損源在嚴其心行三昧定而不移源是族姓子一切諸法皆以歸趣智慧之源是則名曰慧明三昧一切諸法之源首說是語時蓮華淨菩薩逮得是慧明三昧復有萬菩薩亦逮斯三昧三千大千世界六反震動其大光明普照十方尔時諸來一切衆會諸天人民各各賣華供養散佛於時會中諸菩薩衆志大衆者悉白佛言我等本來未曾得聞此三昧名何況廣解分別義者今所可供世尊之福願令我等逮是三昧漸漸進行緣是所誓逮此定意必獲无疑吾等善利為致善慶乃能遭遇聞是三

昧若有逮聞於是三昧而歡喜信功
祚難限未曾違失菩薩之心亦當不
久致此三昧佛言如是如仁所言而
无有異無德之人不種善本不能值
遇此三昧矣何況得聞歡喜信者未
之有也假使在於善知識邊若隨明
師乃能信樂此定意耳

佛說是語向欲竟時世尊齋中一菩
薩出紫磨金色三十二相莊嚴其身
八十種好而飾其姿適出於齋其菩
薩身尋即演放巍巍光明無極弘曜
皆悉覆蔽一切衆明唯世尊光獨得
顯現時彼菩薩稽首佛足右繞七匝
則在前住啓白佛言唯然世尊執慧
曜如來至真等正覺敬問無量進止
康強遊步輕利力勢安乎使我宣傳
問於大聖斯六十億姪數菩薩來詣
此會聽說經典奉覲世尊稽首諮受
又復欲見十方世界大會菩薩无言
菩薩智慧辯才所可宣暢啓受未聞
聽是慧明三昧之定唯天中天為諸
菩薩如應說法使逮得是慧明三昧
獲致無極大法光曜而數周旋詣此

於是舍利弗前問佛言唯然世尊執慧曜如來至真等正覺為在何方今寧現世講說法乎去是遠近國土何類并說於此正士名号及六十億婁數菩薩為何所處佛告舍利弗東方去此恒河沙等諸佛國土有世界名住於堅固金剛之根執慧曜如來在於彼土今者現在佛告舍利弗彼之世界何故名曰住於堅固金剛之根其國下地從底至上堅固甚牢不可破壞悉是金剛斯皆其佛本願所致所以者何其佛堅固金剛之行獨步无難及諸菩薩造金剛行勇猛牢固無能壞者已身威力巍巍具足乃如是也假使世界泥土成者則當破壞碎落微散若其有人生彼世界身如金剛皆亦堅固不可破壞是故彼土名曰住於堅固金剛之根又舍利弗卿屬所問今此菩薩名曰何等号金剛齊此金剛齊菩薩一發意須通過鐵圍大鐵圍山越江沙等諸佛國土各各在於江河沙等諸佛齊出悉是

諸佛威神功德之所建立亦復是已六
通之慧神足之力是故菩薩号金剛
齋又舍利弗向者復問六十億族諸
菩薩衆為處何所卿當以此問於正
士為汝發遣賢者舍利弗問金剛齋
菩薩唯族姓子六十億族諸菩薩衆
為住何所金剛齋答曰佛嘆耆年智
慧最尊賢者舍利弗以智慧眼推索
本末此諸菩薩為在何所時舍利弗
以聖慧眼周遍普求諸菩薩等不知
所在金剛齋菩薩答曰尊者舍利弗
自有等類同學志脫令求所在即舍
利弗謂阿耨律佛歎耆年天眼最尊
求其所在時阿耨律則以天眼清淨
之目超越天人於是三千大千世界
遍察求之如觀掌中果及寶珠索諸
菩薩永不能知亦復不見之所住處
賢者阿耨律報舍利弗吾普推索永
不能知此諸菩薩為何所處金剛齋
菩薩謂舍利弗諸賢者等但有肉眼
不可復言謂有天眼云何思惟共三
昧禪遍觀諸國而不覩見諸國而不
覩諸菩薩衆為何所住舍利弗問仁

族姓子天眼何類謂我等輩所未見
焉金剛齊曰唯舍利弗我之天眼未
曾見色舍利弗等及衆弟子諸大聲
聞從本以來不能見我天眼之德為
何等類亦無能當巍巍之明舍利弗
又問族姓子說所見形像為何等類
而言我等本來未覩金剛齊曰耆年
曾見住於堅固金剛世界及執慧曜如
來至真舍利弗答曰今日造聞彼世
界名何因得見金剛齊曰唯舍利弗
如是等類不可稱計諸佛國土及衆
菩薩人民衆生各各異趣所生不同
菩薩大士則以天眼皆悉見之無有
遺脫而不遍者一切緣覺雖有天眼
所不能覩何況聲聞而能及見乎說
是語時有六萬人曾求聲聞緣一覺乘
歡然大悅尋發无上正真道意同時
發聲如嗟嘆言令吾等身得佛法眼
不用聲聞及緣一覺之天眼也蔭蔽
罽罽佛之法眼無有限齊亦無所罽
於是金剛齊菩薩即如其像三昧正
受建立感應而現神足佛之聖旨金
剛齊菩薩威德之變宿福善本巍巍

之力不可稱限普令一切諸來會者
皆共目見六十億娑婆諸菩薩衆在於
佛身各處蓮華結加趺坐叉手聽經
不近佛身亦復不遠皆是如來引恩
無極之感應也又世尊身不增不減
无所罣碍現如故若前不損一切
衆會驚喜踊躍得未曾有一心叉手
禮佛而立各各嘆言難及難及諸佛
世尊身形廣長威聖無量神變功德
不可稱限乃能容受六十億衆在於佛
身而坐聽經見本聖之體不增不減
時金剛齊菩薩普察衆會而舉聲告
以是之故當共知之如來至真等正
覺身則為法身廣長无極無有相好
而不方圓身无邊際不可度量如來
至真發意之頃欲令三千大千世界
諸有衆水大海江河川流泉源國土
州域叢林草木諸山土地悉入佛身
不增不減悉現如故又諸賢者諸无
央數億百千娑婆諸佛國土衆菩薩等
若千萬數遥覩世尊微妙光明相好
清淨無有塵垢咸皆發來欲見聖尊
諮受經典悉為天下勸諸天人民釋

梵四天王使蒙擁護令得自歸故往聽經設不來者不見道變不能發心佛欲開化度衆生故是以如來取諸菩薩著於身內而聽受法不見罍罍無所疑難或有菩薩住於地裏入寶交露而自省見坐於蓮華皆佛威神之所感動道德高遠巍巍難量時諸菩薩承佛聖旨及金剛齊至願威力六十億發一切同時皆從大聖毛孔中出稽首佛足右繞七匝各以威德神足之力化微妙牀身處其上

於是金剛齊菩薩前白佛言唯然世尊无言菩薩何故字无言佛言汝自以是問於正士當為汝說時金剛齊問无言曰仁族姓子何故自号为无言耶无言默然如是問三亦不答報時金剛齊復重問曰何故三問而不相答无言答曰我求此辞永不得處以是之故不相答耳又於族姓子理不宜問於无言者用何以故而字无言計其无言则无言辞說亦無音聲金剛齊又問設无有言今何以故口有所說无言答曰吾悉法效諸佛所說

亦復效於衆生所語又問云何法於諸佛所說答曰如一切佛所講經法吾以意力承其威神亦復如之以是之故吾今悉法諸佛所說假其音聲而等文字無所毀壞演說經法是為法於諸佛所說又問云何復效衆生之言答曰隨一切人衆生之類音響言語而為說法是為效於一切衆生人民所言又問卿族姓子失言以來為幾何乎答曰從失心念以來又問族姓子此言何謂答曰以是之故不親心念亦非不樂心無所念口則无言又問族姓子言從何出為從心出從身出乎答曰不從身出亦不從心出所以者何身非常存不得自在其心如幻以是之故不從身出亦不從心又問為從何出答曰設欲問之所講言辭為從何出為從空出空无有色亦不可見今仁問吾為何由乎曰實因於空無見无像答曰是故族姓子言如虛空而不可見所問亦如其所言辭亦如虛空而不可見虛空如是永不可覩亦無有相以是之故求一

切法及所言聲都不可得如求言聲
不可得者一切諸法寂寞澹泊論語
音聲亦復如是一切諸法亦如人言
忽不知處言如虛空無能見處一切
諸法亦如虛空亦無處所所言聲者
因緣合成一切諸法亦從緣起推求
諸法根源所在緣從何起而不可得
其不可得則無所起便无所生又無
所起則无所興其無所興者則无所
發其无所發彼無眼跡亦无色跡亦
無識跡亦无耳鼻口身意之跡亦無
法跡无意識跡其無跡者无去無來
无去來者名曰獨步其獨步者則無
所去於一切行而无所見當作是觀
寧當觀見本所不見乎又問本何不
見答曰不生不起又問云何不生不
起答曰所不可察無有來者又問何
謂所不可察无有來者答曰虛空不
可見無有來者虛空平等一切諸法
亦等如空以是之故諸法平等亦如
虛空故曰不偏一切諸法等如虛空
又問何謂諸法等如虛空答曰无有
侶故以用諸佛平等之故一切諸法

究竟平等過去本等來本亦等中本
亦等無有分別計此諸等以一切諸
法本際如是如真本際無本本際如
真本際如審本際无本本際等無有
異是則名曰无有二際亦無若干何
謂言二用計吾我則名曰二若不貪
身不計吾我則無有二何謂有二有
眼有色則名曰二耳聲鼻香舌味身
更意法是名曰二取要言之若有計
著一切諸法故名曰二從使有二亦
不可得所以者何觀無所此得則无
二亦無言辭其法心意及所有識假
使不終於此三事是名無二此之無
二不當講說所以者何有所說者不
離於二无所言者乃無有二又問所
云無二誰為造二答曰其无二者不
可造二所以者何正使興發若干方
便欲變无二使有二者終不可辯又
問所說法律為是二乎為無二耶答
曰其法律者無有二也堅固難移所
以者何无言乱相亦無所御以无言
說而開導之無能破壞不可毀缺用
不可壞是故名曰堅固導御则无有二

於是金剛齊菩薩前白佛言唯然世尊無言菩薩所可宣暢皆是慧明三昧勇猛之恩德也佛言如汝所言皆慧明三昧之威恩也今時執慧曜國土諸菩薩來者問於無言仁族姓子為學何法辯才之慧巍巍无量乃如是乎無言答曰如佛所說一切諸法皆從誠立又復問曰唯族姓子寧可垂意願慰我等分別敷演建立誠者答曰賢者其不住身不住口心是為立誠不住內外亦無中間是為立誠若無思想無所惟念及與教令言辭之事是曰立誠无應不應無念不念亦无異念是曰立誠不住於善亦無不善不處於世亦不度世无在不在無害不害无漏不漏無為不為无生死無滅度此曰立誠假使建立如是比像住於誠者於一切法則无所住不住諸法不作是念吾有所說宣暢分別是故賢者是名曰誠有所說者則住於二其真本際及其住處并至無本又法界處吾以住彼而有所論有所論者永不可得斯所語者亦無

所念其所宣暢亦無所想又問族姓
子其不可得無所念者及无所想有
何言說答曰自然之數而不可獲亦
無所念无有思想自然說之又問其
所辯者誰為說之答曰賢者吾所辯
者即時滅盡亦无所生所以者何向
無所生所生法不可知處現在有形
悉无有形不可得處所以者何斯閑
盡而無諸相其本際者无有言教故
世尊曰不可想像取過去心當來現
在亦復如之即起即滅碎散消盡卒
暴易轉不可捉持形像何類彼欲取
想著念虛偽倚受思想悉如化幻是
故推極一切所言悉虛無實其義无
獲亦不可以有所講說不可口宣若
心念矣所以者何无所造作亦無所
行其有解識興趣此義則不復用口
之言辯亦不以心有所念也有所宣
暢分別說者猶如呼響音聲之報如
化如來有所頌宣其所講亦復如
茲是為諸佛及衆菩薩一切世人所
可保義不可思議善權方便无能制

止辯才之辭所建立法不可動移時
諸菩薩讚無言曰善哉善哉族姓子
快說斯言是入法門我等亦聞所歸
於門實無有門等如虛空其佛世尊
及諸菩薩現說如是吾等所受亦復
如此

於是金剛齊菩薩問無言曰來族姓
子俱共往至住於堅固金剛根世界
見執慧曜如來至真等正覺觀彼國
土无言答曰又族姓子斯聞則是住
於堅固金剛根世界執慧曜世尊亦
復在此吾身何為捨此就彼金剛齊
問曰今此世界泥土所成非為金剛
无言答曰汝族姓子發意之頃越恒
沙等諸佛國土通過鐵圍無所蔽尋
為能堪任取是佛土舉一土塵不忤
乃當知而此世界泥土所成无言菩
薩尋聲則以金剛道場三昧正受應
時於此三千大千世界自然化成甚
大堅固不可傷毀悉為金剛於是金
剛齊作大威力興顯神變被大堅固
誠德之鎧欲舉此地一土之塵而不
能勝心自念言恠未曾有為是大聖

之所建立巍巍之變斯是無言之所
感興前白佛言唯然世尊我者前時
發心之頃通過鐵圍大鐵圍山越恒
沙等諸佛國土今者欲舉於此土地
一土之塵而不能勝唯天中天此誰
威神之所興立是天中天慈恩聖旨
為是無言之所變動乎佛言无言菩
薩之所建立也所以者何無言菩薩
金剛道場三昧正受使此三千大千
世界甚大堅固不可毀缺悉成金剛
若有菩薩住是三昧自恣其意欲變
幾何諸佛國土悉成金剛轉如所志
智慧聖心興顯道德以是三昧而以
正受令諸佛土悉成金剛无能毀觸
皆是三昧威神境界於是金剛齊及
其所從六十億娑婆菩薩前白佛言菩
薩行何法乃能速得金剛道場三昧
佛告族姓子菩薩有四法速得於此
金剛道場三昧何謂為四一曰持志
堅如金剛常懷道心超越一切諸功
德本二曰性行具足無央數劫修治
方便莊嚴大業三曰入於深法分別
十二緣起之原四曰聖慧備悉无所

缺漏是為四復有四而自歡娛何謂
為四一曰超度慧德具足五通二曰
空无相願一心脫門三昧正受心不
戲逸而自娛樂三曰建立於戒而住
法界所處無源成就慧明四曰究竟
至誠如深之義曉了經義寂滅諸法
靡所不達復有四何謂為四一曰遵
于大哀修四梵行二曰奉行般若波
羅蜜及六度無極三曰行善權方便
三十有七道品之法四曰為諸衆生
修諸脫門及四聖諦是為四復有四
何謂為四一曰身所造業猶如金剛
二曰口之所言清微柔和亦如金剛
三曰執心堅固不可動轉亦如金剛
四曰志性秉毅不可毀壞是為四法
菩薩所行速疾逮是金剛道場三昧
說是語時是諸菩薩尋即獲此金剛
道場三昧於是無言菩薩自白其父
師子將軍大人豈見諸佛興出德馨
之稱威聖无量道慧高遠超絕無侶
得未曾有難及難及如是比像不可
譬喻本所悲憶今悉現矣为无央數
衆生之類導示滅度至于大安惟願

大人發於無上正真道意師子將軍
報无言曰子當知之生七日後天來
相令而見告語發大道意佛天中天
道目所觀知我志操其心夙夜念於
佛道無復異師發心可歸惟當歸命
无極大聖師子將軍及正夫人男女
内外親属五百群從皆發无上正真
道意无言菩薩自報父母兄弟姊妹
及其親族并大眾人仁者今日以發
大意當精進行莊嚴道心即時問言
何謂發意莊嚴道心無言答曰有四
十事莊嚴道心何謂四十事至信佛
道心不疑毀一喜樂於法而令久存二
不慢聖衆恭敬謙遜三常當習善友
見諸菩薩視之如佛五未曾懷害
向於衆生六恭敬奉事尊長衆祐七
等心愛憎八入法無厭九勤聽經典十
聞趣尊習一為他人說二無希冀心三
法元有師四所念如應五奉行无本六
一切所愛而不玆惜七奉順禁戒未曾
缺漏八宣暢分布忍辱之力九所行精
進靡不周遍十令脩修習禪定一心
而順念于智慧之品二以權方便開化

衆生^三所可勸助未曾忘捨^四隨護群

黎^五自調其心降伏他意^六本闕一於欲^{法第七}

教授不著塵勞^八常弃憤內樂於寂

靜^九思慮閑居以為德稱^十修賢聖

行而知節限^一常行止足不可動移^二

在於俗法不與同塵^三而以順從六堅

之法^四又不捨廢於四恩行^五而常奉

遵堅固志願^六恒不毀失善德之本^七

所學業者而不放逸^八不樂小乘^九道

心無動^十篤信微妙志不怯弱捨一

切惡无所犯負皆悉具足一切功勳

合集名稱無量福會懷佩道法處於

道場而不退轉是為丈夫四十事行

顯發一切諸通慧矣珍寶道心以此

功德而自莊嚴發意之頃三千大千

佛之境界所興德本悉現目前不復

遠求辭如日殿處於虛空靡所不曜

師子將軍報其子曰正士汝當數數

往來念親相見因告示誠將濟擁護

令不退轉究竟无上正真之道無言

答曰大人欲知復有十法菩薩所行

諸佛大士所見常念何謂為十恒行

精進欲安衆生不念已身獨獲大安

身力堅強多所誘進見羸弱人而以
慰喻所造德本皆以放捨施一切人
未曾懷憂所可化人勸發道者被大
德鎧而自擔願此諸衆生若得佛道
受于正法當以供養而奉事之然後
我乃取寂正覺用正法故沒弃身命
不捨正典宣暢分別一品之義於百
千劫流布一切被大德鎧不以懈倦
不懷怯弱一切諸法皆悉本淨設聞
此言不以恐懼不限大道不捨佛法
不以為空所觀觀者適知不虛等於
吾我亦等衆生已等衆生則等於法
以等經法則便信樂虛空平等不墮
止觀不復墮落生老病死惱患之徑
為諸世間所見動轉无央數衆勤苦
瑕穢諸魔波旬所可興者來說衆難
故誠誹謗佛道難得經法難遇不如
早求聲聞而速度矣菩薩聞此堅持
一心發無極志不以懈厭不退不轉
不捨大乘住於真正審諦之法言行
相應未曾虛妄身行至誠不欺己身
諸天衆生及十方佛是為大人十法
之事菩薩所行則為諸佛及諸正士

所見常念說是語時師子將軍及與眷屬尋時逮得柔順法忍

尔時世尊告賢者阿難受是經法持諷誦讀具足廣普為他人說所以者何過去當來今諸佛大聖道德所興皆出是法經典藏門無言菩薩今來至此思惟真諦宣暢於斯无量法門勸化無數一切人民令學佛道也是故阿難欲奉過去當來現在諸佛世尊啓受法藏當奉此經懷抱在心廣為人說是法藏門發無央數衆生人民使成佛道如來在世滅度之後假使有人受此經者悉是佛旨建立所致持諷誦讀行如上教佛語阿難則有三事福不可量何謂為三一日將護正法二日身知道心三日未發意者勸發道心是為三功德之福不可限量假使如來歎其功勲而不可盡何況聲聞尔時會中有七億婁諸菩薩衆聞佛所說皆從坐起欲護正法各各說言我等輩類當共奉持世尊正典廣遠流布持此經卷為他人說勸發道意无言菩薩前白佛言唯

然世尊所宣解暢達正覺者彼法寧
可受取持乎佛言不也又問佛言以
何等故諸族姓子向者佛說此諸菩
薩悉起住立欲護正法佛言吾以將
育諸族姓子故以是像欲有所護彼
無為事不可得法而為頌宣因文字
教言護於法將順其意所言護者不
以言問不用文字而行道也是則名
曰護於正法又族姓子則有二事護於
正法何謂為二曰不可得者乃達正
法所當擁護常將順之不以所說而
擁護也二曰亦不將濟於諸虛妄聞
所說者即能奉行不以慢恣求於名
稱是為二時諸菩薩欲供養佛无言
菩薩及此經典普雨天華散於佛上
及諸菩薩周遍大會口宣此言願令
世尊釋迦文尼久在世間使此經法
自然流布遍聞淨利佛說如是無言
菩薩師子將軍與諸群從金剛亦菩
薩及六十億眾諸菩薩等舍利弗大
目犍連阿難諸天世人阿須倫聞佛
所說莫不歡喜
無言童子經卷下

寶星陀羅尼經卷第

部

唐天竺三藏波羅頗蜜多羅譯

降魔品第一

如是我聞一時婆伽婆住王舍城竹林迦蘭陀池邊與大比丘衆一千人俱皆阿羅漢諸漏已盡所作已辦捨諸重擔逮得已利盡諸有結皆得正知心喜解脫及大菩薩一萬人俱其名曰持須弥頂童真水智童真地智童真勝智童真空智童真明智童真電智童真文殊師利童真降伏勝童真木天童真无垢童真弥勒菩薩摩訶薩等而為上首一切皆得昇提陀羅尼三摩提具足一切法無障智於一切衆生其心平等過諸魔界善入一切如來智境界具足大慈大悲善解方便智皆隨佛住王舍大城竹林迦蘭陀池邊

尔時王舍大城有二外道聰慧明達過十八明處與五百人俱一名優波底沙二名俱利多而為上首共相謂言契同甘露尔時長老阿說示

唐言於馬勝

曰初分著衣持鉢入王舍大城乞食
時優波底沙見阿說示生希有心我
未曾見如此沙門威儀庠序更無有
人如彼比丘我應往問今此長老以
誰為師依誰出家依誰求法今時優
波底沙即往彼所到已問評種種語
已却住一面白長老阿說示言以誰
為師依誰出家依誰求法今時長老
阿說示答優波底沙言有釋種子勇
猛精進能大苦行於一切處寂上自
在已度生死无邊大海今以大悲欲
度衆生号名為佛覺悟衆生乾竭苦
海无與等者我常歸依求無垢法優
波底沙言彼師為汝說何等法以何
教示時長老阿說示答優波底沙曰善
哉快哉諦聽諦聽當為汝說便說偈言
煩惱業因緣 世間如是轉 煩惱業不生
導師如是說 生老死定壞 彼解脫無二
如彼勇牛王 如来自悟說

今時優波底沙聞此法已遠塵離垢
法眼清淨得須陀洹果而說偈言
我證解實法 永竭生死河 所謂如來說
難得甘露藏 衆生得見苦 智慧能斷除

諸法種種修能作究竟道行此究竟道得無等涅槃

今時優波底沙說此偈已白長老阿說亦言長老汝師如來阿羅訶三藐三佛陀今在何處阿說亦答言長老我師如來今在王舍城竹林迦蘭陀池邊與大比丘衆一千人俱本是外道值佛出家優波底沙言我今辭善知識及諸眷屬詣佛出家今時優波底沙札阿說亦足右邊三通辭已而去往俱利多所時俱利多見優波底沙從遠而來見已白優波底沙言仁者諸根清淨顏色怡悅必得甘露優波底沙言如是長老我於今者得甘露法諦聽諦聽今為汝說我所得法今時俱利多即從坐起偏袒右肩右膝著地合掌恭敬便說偈請

說此吉祥無憂道此道疾度三界海分別諸陰大怨賊乘此道已不還有今時優波底沙以所聞偈即為說之煩惱業因緣世間如是轉煩惱業不生導師如是說生老死定壞彼解脫無上如彼勇牛王如來目悟說

今時俱利多聞此偈已心大歡喜重更讚歎請說前偈

苦滅寂無垢牟尼說此法一切煩惱滅諸見無知斷穢惡有為空無我不可信重說無垢句我聞得涅槃

今時優波底沙即便重為說所聞偈煩惱業因緣世間如是轉煩惱業不生導師如是說生老死定壞彼解脫無上如彼勇牛王如來自悟說

今時俱利多聞此偈已遠塵離垢法眼清淨得須陀洹果復以偈讚

如此真行法度流之疾船此智息三苦能度於世間諸陰煩惱魔知此能調伏解脫離然淨乾竭於苦海

時俱利多言今佛世尊住在何所優波底沙言長老我聞世尊在王舍大城竹林迦蘭陀池邊與大比丘僧及菩薩衆俱我今定當與汝俱往至世尊所求佛出家俱利多言如是長老可語弟子往世尊所相隨出家時優波底沙與俱利多往自衆所今時惡魔於一念頃聞中摩伽陀國有二外道優波底沙共俱利多及諸眷屬聰明

具足名稱廣遠是善丈夫欲於沙門
瞿曇法中出家學道彼作是念呵奇
哉若此二人於彼沙門瞿曇法中而
出家者空我境界我應至彼二丈夫
所破其出家令著惡見今時惡魔於
一念頃從自宮沒作阿說亦形相威
儀便於中道現二人前作如是說

如我先所說試汝非決定如汝意所行
宜速受欲樂一切黑白業因果悉皆無
无生老病死亦无於後世福非福果業
無有此因作釋子為利說汝莫信故去
今時優波底沙俱利多聞此說已咸
作是念此惡魔來欲壞我等出家之
事今時優波底沙願謂弟子作如是
言汝等今者當憶世間所有過患便
說是偈

衆生為老逼死苦之所纏應當斷彼三
決定當出家

今時俱利多即以偈頌答魔王曰

知無上善智持法滅三苦汝說不斷貪
我智終不動如是堅固心於餘人所無
我等出苦輪正智所不惑勿假師子像
而作野干聲

今時見諦諸天住虛空中讚二丈夫
言善哉善哉汝二丈夫於一切衆生
中取為上首此道勝妙於一切世間
取為第一此道息一切苦此道入一
切如來行處此道一切諸佛所共稱
揚所謂依佛出家是時惡魔心生憂
苦便沒不現

今時優波底沙共俱利多自觀已衆
喚諸弟子作如是言汝等應知我等
欲度老死苦海故依佛出家汝等若
不樂佛出家可於此住時五百弟子
咸作是言我等解法皆依師學二師
決定大處出家二師所依出家處我
等隨師亦依彼衆出家學道

今時優波底沙及俱利多與五百徒
衆欲往佛所是時惡魔知彼事已於
王舍城外化作大坑深百由旬令彼
二人不得往詣佛世尊所是時如來
以神通力令彼二人不見大坑直道
而去是時惡魔於二人前復更化作
高峻大山高千由旬峻嶮堅阻無有
穿缺於彼山中復更化作一千師子
威猛可畏是時世尊以神通力加彼

二人不見大山及彼師子又無威猛
可畏之聲直道而往詣世尊所及彼
无量百千之衆圍遶供養說法之處
尔時世尊告諸比丘汝等見彼二善
丈夫為衆上首與諸徒衆來至我所
汝等見不諸比丘答咸言我見佛言
此善丈夫及諸徒衆我邊出家一人
於我一切聲聞弟子之中智慧第一
一人於我聲聞衆中神通第一
是時衆中有一比丘以偈讚曰

此二聰叡眷屬俱利益上者佛已記
具智神通無所畏故我承迎二丈夫
尔時彼比丘說此偈已即從坐起與
无量比丘衆及出家優婆塞等迎彼
二人善言問訊時彼二人往到佛所
到已頂礼佛足右遶三匝住立佛前
白佛言世尊我等今者求佛出家受
比丘戒修行梵行

佛言善男子汝二人名字何等優波
底沙言底沙是父舍利是母我今從
母故名舍利弗父母今者聽我出家
俱利多言憍陳如是父目伽羅是母
我今從母故名目伽羅父母今者聽

我出家

佛言汝等二人及諸眷屬可於我所
出家具足修行梵行作是語已時此
二人成具足戒五百徒衆未久之間
亦同二師得具足戒

今時惡魔即自化身作摩醯首羅像
住立佛前說如是偈

世間利智能議論方便勝智到彼岸
彼等悲來頂礼我我是彼等大導師
瞿曇弟子并眷屬一切宜速歸依我
我今為汝當廣說安隱寂滅善妙道
今時世尊以偈答曰

汝所說道趣惡道衆生行者沉苦海
我道能令動不動世間苦海悉乾竭
何故慍懣耐無耻復作矜高野干聲
我今退破汝魔事不復於我能所作
今時惡魔變摩醯首羅像即沒不現
復作梵天王像住於佛前說如是偈
煩惱業有芽智慧已斬除何故強於此
勤苦利衆生於世無自在以无堪道器
牟尼病已除宜速入涅槃

今時世尊即以偈頌報魔王曰

我觀諸衆生過彼恒沙量以大慈悲力

教化令解脫上中下衆生令世間解脫衆生解脫已然後乃涅槃何故以惡惠詐誚請於我

今時惡魔心生憂悔於佛前沒還自天宮入憂惱室嘿然而坐當於今時一剎那頃魔諸眷屬手相推問今我大王以何因緣入憂惱室無人知者今時魔王五百妓女種種莊嚴各持華鬘末香塗香鼓天伎樂五百音聲第一微妙歌儻戲樂甚可愛樂集魔王前

今時魔王悲啼握手抑止悲聲如是作已暫時嘿住諸妓女等復更歌儻作欣悅狀令魔歡喜今時魔王舉手天叫作如是語莫聲莫聲乃至七返諸伎女等嘿然而住今時魔宮有一妓女名電可意聲至魔王所曲躬合掌說如是偈

汝今居自在如見死相憂為是擔重擔今乃生怖懷誰有勝力然而憂不歡悅是時魔王說偈報曰

我有大怨調伏心善學幻術釋迦子我無方便能壞彼如是不久欲界空

時彼妓女便說偈曰

大家方便甚無量 勤力壞彼必無餘
三有長縛誰能解 貪海沉沒誰能竭
是時魔王說偈報曰

檀那及苦行 悲願為羅索 持空無相弓
器仗中第一 能斷於生死 諸有盡无餘
以空為城林 弟子居山谷 精勤常修定
盡諸有過患 方便神通力 慈悲為伴助
優波俱利等 牟尼悉降伏 於彼三界中
方便善調攝 欲空我境界 一切悉無餘
尔時五百妓女於魔王邊聞歎如來
所有功德即得菩薩三昧名離一切
相電光三昧時彼五百妓女即以天
上諸莊嚴具雨天香華及天伎樂遙
向佛所供養世尊於竹林上猶如雨
下以得如來神力加故令彼天女遙
見世尊及諸徒眾見已歡喜生清淨
信第一愛敬

尔時眾中諸比丘等見竹林間有如
是相便生疑恠白佛言世尊我等昔
來未曾見聞於竹林間如此瑞應香
華等雨將非舍利弗目犍連等現此
相耶何因緣故觀斯希有尔時世尊

告諸比丘非此二人現神通相此乃
天魔五百妓女於彼魔宮雨此香華
及莊嚴具持供養我不久來此皆於
我邊得受阿耨多羅三藐三菩提記
時彼魔王五百妓女遙聞佛記轉復
歡喜生清淨信以淨信故即得不忘菩
提心三昧今時魔王五百妓女著一
肩衣右膝著地於魔宮中向佛方面
合掌恭敬說如是偈

一切世間盲無眼唯佛一人名見者
能竭人天渴愛河如来自度及一切
我等云何速成佛人天恭敬能說者
女身可厭宜應捨速近牟尼聞正法
如來寂上神通智開示我等為勝導
持彼无上覺支寶無垢妙說如淨燈
勝力降魔無等倫覺悟我等當受記
今時魔宮五百妓女從坐而起至魔
王所異口同音而說是偈

如來勝德終不動云何於佛而生瞋
此身衆苦之所逼更起醉慢而自塗
應捨此瞋決定信拔彼生死憍慢泥
衆生體性佛所知我等應往慈悲所
今時魔王念彼諸女生於如是增上

惡意我今應以五種之縛縛此五百諸妓女等令住於此不往佛邊此五百女以得如來念力加故而彼魔王所不能制

今時五百諸妓女等於彼魔宮欲往佛所當發足時魔甚瞋恨便作是念我今自以境界之力制此諸女即起非時毗嵐大風遍滿虛空欲令諸女迷失諸方還住我宮不見瞿曇以他力故尚不能起微細之風乃至不能動一毛端何況無量

今時魔王轉增憂苦心生悔惱悲泣高聲喚其諸子及其眷屬一切魔宮大聲遍滿而說偈言

愛子眷屬悉皆集我心熱惱如毒樹壞我神通境界力美言諂幻釋師子今時魔王所有男女并諸眷屬聞此音聲悉皆馳赴住魔王前彼眷屬中有一魔子名曰勝智合掌住立說如是偈

此非劫燒非死相何故種種憂惱生此無大力能勝怨何故異智似愚癡今時魔王說偈報曰

今此釋迦子坐彼林樹下現前有大怨
云何汝說無彼詣有勝力令我心荒怖
我軍并我子如炭入熾火名稱勝丈夫
聰觀多才藝現集及未集今志歸依彼
我怨以詐親詣智力甚諍高名勝智人
志為法鈞牽今此諸侍女於我無悲心
見捨昔所愛盡往沙門所詣我以為證
今日歸依彼一切三有地詣幻志令空
彼雖有大力我破令作灰我輩一切衆
應當勤所作

尔時魔王一切諸子并其内外所有
眷屬悉皆合掌咸作是言我等一切
悉皆嚴駕以神通力而自加被以此
境界示彼令知退彼釋子令碎如灰
若當勝者我等善好若不勝者當歸
依彼我等往昔大軍圍遶詣菩提樹
面覩釋子獨一無侶以神通力我等
軍衆盡皆退壞况復今時無量徒衆
悉皆成就時魔報言且去子輩若能
煞彼沙門瞿曇當須迴還若不能者
亦須還宮而自守護是時魔王即以
左右十二萬衆復過此數乃至八萬
四千由旬所有兵衆悉皆遍滿復以

迅疾神通之力現大黑風吹大黑雲
雨大炬火悉皆遍滿一切四洲復以
手擊須弥山王一切四洲悉皆震動
復出軍惡可畏之聲須弥山王及諸
山王大地峯石一切驚動由此震擊
小大池河及大海水悉皆波浪一切
諸龍大龍夜叉大夜叉見是事已踊
上虛空此諸魔衆住須弥頂復擲大
石等由旬量於中摩伽陀國如大暴
雨振擊驚動復雨刀杵搥鑊大石月
鉤曲撩短槊鐵把席牙大棒及大月
箭猶如雨下

余時世尊即入碎魔軍場三昧於虛
空中所有兵仗及大炬火變成華雨
所謂優鉢羅華雨波頭摩華雨俱物
頭華雨分陀利華雨曼陀羅華雨摩
訶曼陀羅華雨中摩伽陀國復變
可畏驚動之聲為彼種種微妙音聲
所謂佛聲法聲僧聲波羅蜜聲神通
聲阿毗跋致聲受職聲四魔退聲往
菩提道場聲乃至取俱聲不取俱聲
復變此四洲一切大地所有藥草叢
林山石土地皆成七寶是時世界無

有風塵一切恬靜

今時世尊現其身相過於梵世自在而轉從其身分一一諸相乃至無見頂相出大光明遍照三千大千世界普皆大明是時三千大千世界所有天龍夜叉乾闥婆阿修羅迦樓羅緊那羅摩睺羅伽薜荔多毗舍闍鳩槃荼人非人等地獄畜生閻羅世界如是一切悉見世尊及大光明是時天龍夜叉人非人等各與若干百千眷屬地及虛空來詣佛所散華供養到已右遶讚嘆禮拜是時地獄及諸畜生閻羅世界无量百千阿闍毗俱胝那由他等各自憶念先種善根稱南无佛隨惡趣終已生於天上

尔時魔王所有諸子二万二千并諸眷屬見佛神變如是相已各於佛所得希有信共彼五百魔王妓女礼世尊足合掌恭敬以偈讚嘆

妙色淨身映智海名稱高遠无不至
金色光焰類須弥我等無怙歸依彼
衆生失道無能見如來智日能明照
護護衆生永不退親導我等歸依彼

積集智藏富无量 解脫心性如虛空
慈悲潤澤隨機說 一切成就歸依彼
生死曠野難濟越 如來解脫能開示
巧說因果能顯了 住第一慈歸依彼
境界幻炎如水月 无智翳闇著諸欲
佛為醫王救世間 是故我等歸依彼
佛真法橋渡四流 富有七財恒資給
世尊正道亦世間 大悲我親應供養
我等惡意向如來 今悉懺悔第一覺
所有諸惡能永斷 願佛受我軍上依
我等悉捨魔部黨 共發無上菩提心
普請一切衆生類 菩提大願至无餘
佛能顯示我勝行 如我所行波羅蜜
如來所說無異說 幾法具足到菩提
所散佛華成華蓋 亦現无量諸剎土
我今頂礼兩足尊 願涅槃樂刹世間
余時一切魔諸眷屬并魔妓女各持
天華遥散佛上以佛世尊神力加故
變成華蓋遍覆十方无量俱胝那由
他百千恒河沙諸佛剎土復過此數
變成華蓋遍覆十方現在諸佛於虛
空中隣蓋佛頂時彼魔王五百妓女
并諸眷屬一切悉見十方無量阿僧

祇諸佛剎土安隱說法及見彼佛眷
屬圍遶衆坐微妙威儀熾盛及見華
蓋住上虛空隣覆佛頂彼彼諸佛皆
同一色形相亦現志皆同等唯彼世
尊在師子座種種眷屬功德莊嚴所
現不同又聞諸佛音聲遍滿句義說
法此魔眷屬以佛世尊念所加故得
見如是神通變化既見此已第一愛
樂生清淨信禮佛足已佛前聽法
今時魔王所有諸子并諸眷屬十二
類婆羅退還魔宮白魔王言我等廣
作如此惡事乃至不能毀壞瞿曇一
毛孔等今時復有二萬諸魔歸依如
來佛前聽法

今時魔王既失威德復大瞋怒發如
是言我於今日無異覺意乃至不能
誅滅釋種所生之子令彼滅壞云何
此住便還魔宮入憂惱室嘿然而坐
寶星陀羅尼經卷第一

庚子歲高麗國大藏都監奉

勅彫造

寶星陀羅尼經卷第二

般

本事品第二

唐天竺三藏波羅頗蜜多羅譯

時魔妓女及魔王諸子并其眷屬白
佛言希有婆伽婆我等今者志求如
是相如是乘如是辯才智慧如是神
通大悲方便希有婆伽婆具足如是
智慧方便神通等法婆伽婆具足幾
法能令菩薩摩訶薩遠離惡友速得
阿耨多羅三藐三菩提佛言善男子
若菩薩摩訶薩能具四法遠離惡友
速疾當得阿耨多羅三藐三菩提何
等為四一者不取二者不說三者不
見四者空無分別善男子云何不取
所謂不取一切法無一法可得不受
不捨不可非不可不建立不念著不
分別非不分別所謂行檀波羅蜜不
取檀波羅蜜果不受不捨不可非不
可不立不著不分別非不分別乃至
行般若波羅蜜亦復如是不分別非
不分別復次善男子云何不說所謂
不說衆生可得不說命者不說壽者

不說人不說衆生界可得。不說有意有所取。乃至不分別。非不分別。復次善男子。云何不見所謂不見色聲香味觸法。乃至不分別。非不分別。復次善男子。云何空。無分別。所謂一切三世三界陰界入等。因緣果報所緣之法。无起無依。无有生相。不取不捨。乃至不分別。非不分別。何以故。捨離一切行。一切持。一切身。及分別。不分別。故一切智智相應。不可得。故當如是行。所以者何。善男子。一切法及一切智。乃至無聲。无相。無字。无願。無生。無滅。无體。無著。无緣。無我。不可見。寂靜。離相。離念。離滅。無闇。无明。無處所。无境界。無根本。无伴助。不可思。不可量。無貪。无慳。無行。无說。無深。無淺。无受。無依。無識。无取。无影。無一念。頃。无分。齊。無所有。畢竟無所有。何以故。一切智等。猶如虛空。相應。不可得。故不立相應。不取相應。不行相應。若相應。若不相應。不分別。非不分別。當如是行。善男子。是名具足四法。能令菩薩摩訶薩遠離惡友。

速疾當得阿耨多羅三藐三菩提善男子所有一切内外境界若以一切智智觀察推求依持建立著此二相以意分別起二著故彼便遠離一切智也云何二相若觀察入等取立相二是名遠離一切智也若取立行果是二分別於諸衆生有取立相是二分別開示施設語言之道建立摠持音聲之法以智觀察是斷是常是二分別衆生壽命養育人丈夫作使作相建立依持是二分別此彼所有建立籌量不建立籌量是二分別若以一切智智觀察三世推求我作集業所作彼此立取是二分別若以分別有二相者則不能得一切智也善男子如寒求火而返取地如渴求飲而返取火如飢求食而返取石如疰求華而返取衣如薰求香而返取屍如行求衣而返取垢如塗求香而返取空如是如是善男子若行執著觀察是身取立相二求一切智者徒捐精進無道無果尔時衆中有一菩薩名曰持智從坐而起於世尊前曲躬合

掌作如是言婆伽婆若法不可說彼不能得菩提佛言汝今當知无得菩提亦無菩提可說善男子諦聽諦聽汝問如是如汝所樂隨汝意說若所有物若一切智有性有相有名字耶持智菩薩白佛言不也婆伽婆若有言說即墮常見若無言說即墮斷見乃至中道亦不可得非有非無不取不著不生不壞過阿僧祇不可量不可數无闇無明若如是觀乃得菩提電慧菩薩言婆伽婆无來無去如是善知如是善入乃得菩提

毗盧遮那菩薩言如是婆伽婆法不到相非不到相非得時非不得時非作證非不作證非減非不減非三世非不三世非三乘非不三乘亦非行願合集稱量可得如是知者乃得菩提

地慧菩薩言婆伽婆若一切法非三界非三結非三明非三乘非陰界入非分別非不分別非減非增無有合集如是知已乃得菩提

金剛慧菩薩言凡夫法聖人法學法

無學法聲聞法辟支佛法非分別非
不分別亦非合集稱量之所能知如
是知者乃得菩提

堅慧菩薩言如如寂靜如如觀察不
捨不住乃得菩提

寶手菩薩言若一切法不生不到不
時無分別相乃得菩提

不思議慧菩薩言若以觀察三界心
計入在心是名二心如二心觀察
不可得者以无所得乃得菩提

退怨菩薩言若一切法无著無貪无捨
無尋无願無礙无執無放乃得菩提
蓮華藏菩薩言若罪福性等入是如
法深忍不著我我所作非分別非不
分別如是觀者乃得菩提

月光菩薩言若觀一切法聚散隨緣
无有自性猶如水月如是解已乃得
菩提

虛空慧菩薩言若一切諸法有闇有
明有生有滅有增有減不於諸心數
法而起分別如是知者乃得菩提
無盡慧菩薩言若修習三輪清淨波
羅蜜相應不可得不染非不染如是

脩者乃得菩提

弥勒菩薩言若不緣不受三界依止
梵住依止乃得菩提

文殊師利菩薩言婆伽婆若解甚深
一法門者於一切法不染非不染一
法門者所謂無我了彼一法不覺不
觀無有將來亦无送去亦無可聚可
散可明可闇可生可滅可增可減可
解脫者不應染濁無分別故以一法
門一切智智乃得菩提

壞愛樂菩薩言文殊師利如是一法
門一切智智悉入如法甚深空處何
故意有所作及脩行方便文殊師利
言捨離惡見脩行正見不妄置立捨
諂曲心脩質直行不妄置立捨離十
惡敬重三寶不妄置立善說不妄置
立正命不妄置立捨一切結不妄置
立大悲平等不捨一切衆生不妄置
立三護不妄置立無虛誑法不妄置
立不生不滅不妄置立護持正法不
妄置立捨一切所有不妄置立少力
衆生常作建助不妄置立怖畏者得
歸依不妄置立非道者亦正道不妄

置立忍辱柔和不妄置立不執著一切相不妄置立捨離一切塵垢闇陰不妄置立捨離一切迴向果報不妄置立善男子此二十種方便能得一切智智所有文字音聲語言句義若別一切皆如是名入一切智智方便一切如來所說及餘外道所說一切取捨生滅乃至能知一切三解脫依止因緣業行之法悉入於如當知皆是一切智覺智方便也壞愛樂苦薩言如是如是文殊師利若解甚深法門者無一法可見亦無所說法及以能說者乃至文字句義皆應悉捨若修行若識智無有相應一切入如是名智覺智佛言善哉善哉善男子汝能善說此一法門以一切智智乃得是法去何一切法不妄置立所謂不生不壞際不妄置立生死涅槃際不妄置立虛空涅槃際不妄置立無生一切衆生一切法無實際亦一切著物一切三世三界陰界入等無所有際入三行空際入法陰報陰聚散陰

無實際入空入真際具足一切無說
法義是名菩薩摩訶薩入一切智智
復以一切智智而得受記說是法時
魔諸妓女及魔王子眷屬二萬聞佛
所說同時皆得無生法忍悉捨身意
所有惡業得自性生身復有二萬八
千衆生得無生法忍九十二萬天人
得菩薩種種三摩提陀羅尼無生
法忍

今時得無生法忍諸菩薩摩訶薩等
雨天衆華散於佛上繽紛而墜猶如
雨下頭面著地頂礼佛足作如是言
婆伽婆我等若值不善惡友與惡和
合自在作惡於一切衆生一切功德
善根之聚終不能起一念善心佛言
善男子汝於過去無量億劫親近供
養無數諸佛以此業緣今生愛樂還
得值佛我今為斷衆生疑故當為汝
說宿世因緣善男子乃往過去無量
無數阿僧祇劫有劫名曰具足大勢
此閻浮提有轉輪王名優鉢羅華得
自在力統四天下王及臣民皆壽六
萬八千歲時世有佛号月光明香勝

如來應供正遍知明行足善逝世間
解無上士調御丈夫天人師佛世尊
彼國衆生雖居五濁以修善故不染
欲法亦時彼佛常為四衆宣說三乘
相應之法時優鉢羅王嚴四種兵與
其夫人後宮眷屬往詣彼佛月光明
所到已頂礼佛足散種種華燒種種
香作衆伎樂供養佛已右遶三匝并
復頂礼比丘僧足以此二偈讚問彼佛
天龍阿伽大功德過患永斷無上尊
以七法財利世間願說得何等妙慧
作大慈燈滅世闇降伏墮生老死憂
能遮人天三惡趣說何等法脫魔道
善男子亦時彼目光明香勝如來告
優鉢羅王言大王具足三法能得菩
薩微妙智慧何等為三一者大悲如
母能作一切衆生極依止處二者精
勤不息能滅一切衆生苦惱三者等
觀一切諸法無命无養育無人无種
種相大王是名具足三法能得菩薩
微妙智慧大王復有具足三法能令
不著魔羅何等為三一者所謂於一
切衆生得不起瞋不求過短二者平

等觀一切衆生作福田想三者能得一切法作一法觀所謂虛空等一切法無作無種種無生无起無滅一切空如實相捨離不可得相應觀大王是名具足三法令善男子不著魔羅永脫廣道時優鉢羅王第一夫人名天孫陀利共彼宮人嫫女八万四千人俱前後圍遶往彼月光明香勝如來所到已以種種華散彼佛上頂礼佛足以偈讚曰

煩惱翳郭已永盡 無比功德解脫尊
去何教我轉女身 令我具足男子相
速疾遠離諸惡趣 於法自在心調柔
寂上善逝天人師 能與世間第一利
如蒙世尊捨女身 當得歡喜寂滅樂
去何速說此丈夫 自調調他利益者
我得出離愚愛坑 世間無等取第一
念持廣大功德聚 能速調伏諸群生
今我於此必取轉 唯願速開甘露道
尔時釋迦如來作如是言善男子彼
月光明香勝如來告優鉢羅王第一
夫人孫陀利言夫人有智方便當依
修習速轉先世所種女身乃至阿耨

多羅三藐三菩提究竟涅槃更不重受除自發願夫人依何方便无量先世所種女業速盡無餘夫人有寶星陀羅尼建立大事具大功德能大擁護善滅女身三業惡行一切苦報令無有餘若有女人聞此寶星陀羅尼至心誦念盡此女形後生當得端正丈夫一切身分悉皆滿足具質直行有大辯才身口意業善相和順能令現在未來一切怨嫌悉皆退散若有身口種種惡業現在將來應受苦報以聞寶星陀羅尼威神力故所作惡業現世消滅無復遺餘置作五逆誹毀正法謗聖人者以聞是經威德力故至其身盡即捨命時如是等罪亦皆隨滅畢竟無餘若有女人身口所造惡業果報量等須弥後世定受無量衆苦如是種種苦報種種業報種子餘報以聞經力盡滅無餘所以者何由過去一切諸佛阿羅訶三藐三佛陀說此寶星陀羅尼受持讀誦現前讚嘆稱揚隨喜是諸衆生所有苦報以經力故悉皆滅盡所作善根隨

時增長若十方刹土現在諸佛阿羅訶三藐三佛陀為衆生故各各方面說此寶星陀羅尼衆生聞者歡喜愛樂所有罪障無不消滅所作善根皆令增長若當來世十方刹土一切諸佛說是經處乃至一念生歡喜心是諸衆生皆得盡苦增長善根我於今者亦說此經若有聞者皆當隨喜十方現在諸佛世尊說是經處當共稱揚當共歡喜夫人若有已受璽印刹刹王至他土境得此寶星陀羅尼書持受樂者以經力故彼刹刹王威德高遠有大名稱遍滿十方無量國土乃至一切欲色界天聞其德聲一切天龍夜叉乾闥婆等無量俱胝那由他百千萬億刹刹諸王常所隨逐所共守護彼王國土所有一切闕諍飢饉他方怨敵風雨寒熱疫病過患皆得除滅一切惡鬼夜叉羅刹師子烏狼皆生慈心雖在其國不為損害其王國土亦無一切虛澁苦味惡觸痛惱無不消滅一切財寶五穀果實藥草華葉滋茂美味皆得增長若受印

刹利王欲與敵國餘刹利王共鬪戰時應懸此經置自幢頭以經力故彼怨敵王所有兵衆自然退散若彼二刹利王受天印者共交戰時各懸是經置一幢頭以經威力時彼二王便相欽愛共相和好如是成就無量功德利益安樂一切人王是寶星陀羅尼隨有之處若城邑聚落若人非人四足多足諸惡毒虫無有能令聞是經者疾病橫死及故惱亂若是經典所在之處應當盡心設大供養應以供養之具奉迎此經亦以經卷置師子座讀是經人及聽經者應當至心清淨洗浴香油塗身著新淨衣受持梵行散雜色華燒衆名香種種美味恭敬圍遶供養是經其人若有一切病苦橫死之厄及以怖畏惡相之徵以經力故悉滅不現若有女人為求男女皆應澡浴著新淨衣修習梵行燒香散華恭敬供養是妙經典便生福德智慧男女如是女人雖不為已以經威重熏修力故捨身之後乃至阿耨多羅三藐三菩提及得涅槃

竟不復受女身也除自發願成熟衆生夫人隨有此經一偈一句一聲經耳乃至飛禽走獸聞是經者亦復如是皆得捨彼畜生之身亦令一切速得不退阿耨多羅三藐三菩提善男子彼過去月光明香勝如來說是經時便以右脚拊拍觸地而此世界六種震動釋迦牟尼如來今說此經亦復如是佛神力故時此佛剎山河大地六種震動十方無量阿僧祇天龍夜叉乾闥婆阿修羅迦樓羅緊那羅摩睺羅伽薜荔多毗舍遮鳩荼人非人等皆生疑恠一切佛剎大光遍滿地平如掌須弥山輪圍大輪圍樹林牆壁悉隱不現當地動時彼諸天龍夜叉先懷疑恠如來神力所加被故諸天龍等四方觀望去一箭道便見釋迦牟尼如來各各驚喜生希有心一時合掌瞻仰世尊

今時釋迦牟尼如來作如是言善男子過去月光明香勝如來說是經時以脚觸地六種震動而此佛剎平如水面一切天人皆生疑恠四方觀望

去一箭道便覩彼佛月光明香勝如
來見已合掌生希有心善男子彼月
光明香勝如來即於天龍大衆之中
為衆生故說此寶星陀羅尼呪曰

哆姪他 一闍盧計 二闍盧迦慕計 三闍

梨闍羅闍梨你 四闍羅婆羅帝 五闍

唎 六婆囉布樓沙羅叉那娑摩婁

四耶 七阿摩迷 八阿摩迷 九婆摩迷 十

婆摩迷 十一那婆迷 十二摩呵迷 十三闍呵

迷 十四闍呵迷 十五呿婆羅迷 十六婆羅鞞 十七

婆婆鞞 十八婆呵鞞 十九傍伽鞞 二十婆闍鞞

三十二 阿羅闍四離 五禪都木嶼 六

婆呵囉 七婆呵囉 八志陀嚧囉帝 九

檀地羅 十檀地羅 十一檀地默羅 十二蘇

利耶毗呵呿 十三旃達囉毗呵呿 十四折葛

殊帝娑 十五毗呵呿 十六薩婆阿叉耶 十七志

帝唎蟠蘇囉毗呵呿 十八闍呿 十九闍

呿 二十蘇囉呿 二十一毗呵摩 二十二阿波利

呿 二十三阿沒利呿 二十四阿沒利呿 二十五阿沒利

呿 二十六阿沒利呿 二十七阿沒利呿 二十八阿沒利

呿 二十九阿沒利呿 三十阿沒利呿 三十一沒利呿 三十二

沒利呿 三十三沒利呿 三十四毗婆誤陀羯摩 三十五

度泥度泥 三十六烏波陀毗耶誤陀 三十七若那

訖唎多^{五十}阿訥波陀呿伽例呾^{五十}迦^九鶩

掘隸十六傍掘隸一十毗薄俱隸二十俱羅

呵^{五十六}因陀羅鉢利婆呵^{六十七}毗婆譏陀

揭婆遮婆囉掃
六十
六十
六十
六十
六十
六十

阿慕呵達喇舍奴^{八十}鉢喇跋多婆沙咄

摩^{九十六}訖^十唎^十摩^十殊^十掃^十吐^十伽^十唎^十闍^十囉^十

閣呵^{二十}殊掃^{三十}你虱^{四十}毗囉婆^{五十}

毗
囉
娑
六七十
毗
囉
娑
七七十
毗
囉
娑
八七十
毗
囉

閼摩底唎羅摩娑娑_{七十}訖唎波_{十八}摩

[illegible]

婆羅帝_{八十三}摩耶你瑟毘_{五十一}陀摩駄

那^{六十}咥地夜那^{六十}阿波羅沒喇世^{八十}頗

羅君茶羅薄峽今你跋喇多一志摘

喇婆婆十九 羯摩叉耶鉢囉突婆婆一九

布嚩沙埵阿三摩三摩九十三摩耶毗

地閣若^{三十}哆他伽多^{四十}娑婆呵^{五十}

尔時釋迦如來說此寶星陀羅尼已

於時無間而此大地復更震動時

魔王五百妓女以聞寶星陀羅尼故

即轉女形具丈夫相及無量阿僧祇

天女龍女夜叉女乾闥婆女阿修羅

女迦樓羅女緊那羅女摩睺羅伽女

乃至薜荔多毗舍遮鳩睺荼等一切

諸女聞此寶星陀羅尼故亦轉女形
具丈夫相亦令一切諸善男子速得
不退阿耨多羅三藐三菩提乃至一
切諸女人等於未來世當受女身以
經力故來棄即滅今時一切女人皆
共合掌頭面札足釋迦如來同時高
聲作如是言南無南摩希有能作无
上利益者釋迦如來阿羅訶三藐三
佛陀唯願大悲廣為我等說此本事
我今何故女人形相皆已滅盡丈夫
身分滿足成就此希有轉變深生
慶喜我今已發阿耨多羅三藐三菩
提心唯願世尊說此本事令无量天
人皆得道果

今時釋迦如來重告賢首善男子言
過去月光明香勝如來為優鉢羅王
夫人天孫陀利宣說寶星陀羅尼時
孫陀利并其後宮嫔女眷屬八万四
千人等女人相滅丈夫相現無量無
數阿僧祇諸天天女乃至人非人等
一切諸女各轉女形具男子相及未
來世應受女身之業亦滅無餘
今時優鉢羅王捨其自在轉輪王位

以四天下委授太子即興夫人天孫
陀利丈夫并其千子共八万四千天
孫陀利丈夫唐言天愛及九万二千諸餘民
庶於月光明香勝佛所信家非家捨
家出家剃除鬚髮而披法服既出家
已勇猛精進讀誦受持意樂寂靜時
彼無量俱胝那由他百千衆生皆生
是念何故轉輪聖王出家入道其著
邪者各共相謂作如是言此香勝如
來勲樂魔業解作諂幻或時轉女人
根成丈夫相或時剃除鬚髮隨與染
衣或為生天上故說生天事或為生
人中故說人中事或為畜生中生說
畜生事或為餓鬼中生說餓鬼事或
為地獄中生說地獄事或說不生不
滅之法或復幻作女人之身勲樂魔
業具如上事彼月光明作沙門像我
今決定離此住處不忍見彼沙門形
相亦不欲聞所出語言時彼衆中鳩
摩羅臣心生疑倒向彼國人作如是
言我等所有妻妾侍女皆被沙門之
所幻化改其女形作丈夫質變化一
切剃髮染衣唯我獨身懷憂得脫我

今當入深山嶮谷無人之處如仙人
遊避其妖幻汝等一切共我和合可
相隨去慎勿入彼沙門魔羅鄙幻沙
門我今不欲聞其音聲何況目覩而
彼臣民未得心者聞其所言一切歡
喜鳩摩羅曰說是語時無量俱脰百
千衆生皆墮邪網復為衆生宣說邪
法無有生死亦無解脫作善作惡未
來亦無諸業果報此虛誑沙門勲行
魔業若往見彼若礼拜彼若聽彼法
惑亂人心唯欲剃髮捨家塚間修行
曰唯一食以乞自資樂寂靜處入房
少語常默五欲伎樂歌舞離華鬘
塗香散香嚴身之具亦復不樂種種
華飾醉酒昏姪適情之事而彼沙門
勲樂宣說行魔羅道即是一切衆生
怨家我本不見不聞沙門所作今無
量俱脰百千衆生見如是相往昔已
來亦未曾覩此惡見者善男子復於
後時優鉢羅大沙門聞其國人逃竄
山谷或復自行惡道復教餘人令著
惡見毀此三寶謗正為邪聞是事已
即自思惟若彼衆生皆墮惡見不得

解脫不住正見不利益者不安立者
我為沙門去何令彼未來之世盲冥
衆生離三惡道去四魔羅未解脫者
能令解脫乃至究竟令得阿耨多羅
三藐三菩提今時優鉢羅大沙門作
是念已即白月光明香勝如來言我
於今者為衆生故發大勇猛行大慈
悲便與无量百千衆生前後圍遶往
彼邊地城邑聚落空山嶮處為諸衆
生宣說正法若彼衆生墮惡見者我
今當遮令入正見乃至教其安住阿
耨多羅三藐三菩提或有願求辟支
佛乘或求聲聞乘或安立聖果或令
出家或勸受持優婆塞戒或八齋戒
夫形斷女根業說此寶星陀羅尼呪
乃至無量百千萬億衆生於如來邊
曾生疑倒如是一切著惡見者我當
遮斷令其發露作是教已悉令安立
阿耨多羅三藐三菩提皆於月光明
香勝佛所俱共出家淨修梵行男子
鳩摩羅臣先作是願彼大沙門能說
幻法破我徒衆誘我眷屬汝未來世

當得佛時我還於彼作種種魔事所謂
始處胎時為童子時成年戲樂及出
家時菩提樹下坐道場時我當種種
惱亂種種破壞令其退失菩提之心
善男子時大沙門倍加慙苦勇猛精
進遊其本國入彼山嶮慈語愛語種
種譬喻開曉其民彼諸衆生咸見本
王聞其說法皆生歡喜即迴邪心漸
昔惡見於沙門所求哀懺悔同發阿
耨多羅三藐三菩提心鳩摩羅臣及
其徒衆調伏邪心俱懷正信便作願
言若大沙門具大悲者將來之世得
阿耨多羅三藐三菩提時願垂為我
授菩提記善男子等欲知往昔轉輪
聖王優鉢羅者豈異人乎今我身是
也其王夫人孫陀利者今弥勒菩薩
是誹謗正法懷惡見臣鳩摩羅者今
魔王是尔時无量那由他百千衆生
聞我說法共捨惡見住三乘道俱得
出家及無量女人以經力故成丈夫
者於今汝等大眾之中四部弟子是
也善男子汝等今當信受我語聞說
過去優鉢羅王本事之時勿生疑惑

所以者何憶念在昔鳩摩羅臣見其眷屬及彼無量百千衆生同捨魔業在佛法中出家為道便起惡念願我當來興魔兵衆破汝眷屬還如今日善男子汝等曾於月光明香勝如來所生不淨信作不善語以惡見報迷陷衆生值佛因緣而得解脫由一念善出家力故從是已來親近無量百千諸佛供養供給不生劬勞於諸佛所發大誓願心樂聽法乃至常行六波羅蜜汝等皆來以身口意所行惡業經無量劫常處三塗加諸苦惱業障所引生魔道中因我釋迦牟尼如來說此寶星陀羅尼彼魔衆中五百妓女即轉女身同時皆得無生法忍無量無數都由他百千衆生一切世間天人大衆咸發阿耨多羅三藐三菩提心及得不退阿耨多羅三藐三菩提復有無量無數都由他等百千衆生皆得不退聲聞辟支佛乘

寶星陀羅尼經卷第二

辛丑歲高麗國大藏都監奉

勅雕造

寶星陀羅尼經卷第三

殷

唐大竺三藏波羅頗蜜多羅譯

魔王歸伏品第三

尔時釋迦牟尼如來說此寶星陀羅尼經時放大光明遍照此娑婆世界百俱胝四天下處悉皆大明應時此間百俱胝處欲界諸魔以佛力故皆起驚動共覩此光所現因緣咸作念言決定是彼惡魔所為於四天下有大威德彼於我等大自在力故現此光作是念時觀見惡魔坐憂惱室極生悵恨尔時此界百俱胝魔各捨魔宮到此四天下惡魔王所作如是言汝欲界主有大自在放此光明普照一切復何因緣坐憂惱室尔時魔王即便遍答百俱胝處所有諸魔汝等應知此是沙門出於釋種第一詭幻放此光明照於世界一切驚動世間所有明慧之人諸梵天王及諸龍王夜叉王阿修羅王摩睺羅伽王迦樓羅王緊那羅王乃至其餘人非人等其中所有聰叡之士一切歸向供

養於彼乃至六年獨坐無二成就無相大幻之力我以自力亦現神通嚴駕軍衆三十六俱脰周匝圍遶一切魔力用大勤勞畢竟不能令彼首陀驚畏一毛何況復能作餘郭尋動彼法坐今此首陀成就如是無相之幻所作亦現動此大地并退我軍如誅大樹根枝俱倒一切魔界悉皆闇蔽於彼坐處成就大明從坐起已為諸衆生開示演說此四天下所有衆生聰明智慧悉亦為幻鈎所牽我亦不知彼等之心何處何趣何時死何處生今此六趣歸依彼者我尚不能驚動一毛况復能令動彼信心我此五百微妙妓女及二万子并諸眷屬皆悉歸依沙門瞿曇在彼前坐我於今日不能遮荆汝等今者有力有福有智自在當助於我斷彼釋子首陀羅命所有衆生歸依彼者悉令破散幻誼沙門黑闇部黨悉令降伏我等魔衆白淨部黨悉令明顯從尔已後當受樂觸

尔時有魔名曰光明觀此闇浮於法

坐上見如來身又聞梵音美妙說法
見聞此已毛豎驚起向彼魔王說如
是偈

一切剎土中 此色寂勝異 功德及智慧
久已淨其身 解脫諸煩惱 長夜善相應
解脫於諸有 盡彼一切憂 汝今勿復瞋
自在所不容 歸依此處者 三有第一歸
汝若於此處 起於剎那瞋 以彼愚癡故
自得於樂壞

尔時衆中復有一魔名珊你弭迦向
彼魔王說如是偈

彼大神通力 寂上功德相 一切無所依
依者趣解脫 苦盡无有餘 能說苦盡道
无量百千魔 所不能惱亂

尔時魔王說偈報曰

我今所有自在人 彼大自在悲歸從
如是不久空我界 我無趣處復无得
尔時衆中復有一魔名曰新塵向彼
魔王說如是偈

第一勢力汝先有 自在勇健之所作
汝今失力復無能 無得共比一切智
尔時衆中復有一魔名曰刀月向彼
魔王說如是偈

慈悲衆生無惡意 自性清淨無所依
解脫三界遊行處 無趣无行無能害
尔時魔王說偈報曰

欲界所有諸衆生 迷醉倒情著諸欲
於我所作常隨轉 云何共汝不害彼
尔時衆中復有一魔名曰地水向彼
魔王說如是偈

諸有不堅如幻炎 能知諸有斷諸愛
不著諸有如虛空 云何於彼能逼惱
尔時魔王說偈報曰

彼雖自在於三界 飲食衣服恒資用
彼於三受所樂住 云何將死不能害
尔時衆中復有一魔名曰捨愛向彼
魔王說如是偈

神通境界有所有 惡魔天龍夜叉等
種種幽佛無所觸 云何將死能害彼
尔時魔王說偈報曰

我等昔日斷彼食 於虛空中雨大石
无邊罵詈百種聲 我欲動彼所依處
尔時衆中復有一魔名曰知眼向彼
魔王說如是偈

汝於彼時作惱亂 頗見少許瞋過不
舒顏視汝不顯威 軟音慰喻無惡聲

尔時魔王說偈報曰

彼有智慧能常忍 能斷愛癡諸過失
慈心一切諸衆生 聚集所行無不集
尔時衆中復有一魔名難降伏向彼
魔王說如是偈

三結若能羅縛者 我等可應惱乱彼
佛乃滅此癡羅郭 云何將死能惱彼
尔時魔王說偈報曰

汝等助我力 裝束莫放逸 我變地為水
束四山為塹 虚空雨大石 又放鐵沙聚
月箭曲刀鏃 擲彼身即碎 如是勤方便
極作惱乱彼 汝等相運助 釋子定為灰
尔時諸魔各各說偈乃至百俱胝處
所有諸魔說偈問答皆亦如是

尔時彼衆一切諸魔同時發聲作如
是言如是應去各各自宮莊嚴甲冑
并諸軍衆悉皆擐甲各使我等神通
之力一切境界亦彼令知沙門瞿曇
雖復勇猛豈當我輩軍衆之鋒如是
語時於剎那頃百俱胝處所有諸魔
各從自宮甲冑莊嚴一魔軍千俱
胝衆著種種甲持種種器仗各別嚴
駕於夜分中下閻浮提到中摩伽陀

各住虛空隣近於佛乃至四洲天龍
夜叉乾闥婆阿修羅伽樓羅吉那羅
摩睺羅伽薜荔多毗舍闍究睺茶各
於佛邊生不信心無恭敬意於法僧
邊亦不信心彼一切魔各遣軍衆種
種器仗揅甲莊嚴大集彼處欲害如
來有一仙人名曰光味於十八明處
及神通境界學過彼量而常承事摩
醯首羅與五百徒衆住雪山邊今時
魔王即自變身作摩醯首羅像住仙
人前說如是偈

瞿曇姓種生 大仙依通者 聰慧住摩伽
今王舍城乞 汝當堅固心 往共種種論
汝極五神通 當決定自在

今時魔王說此偈已即隱不現還於
魔宮自眷屬所說如是偈

汝等今日我邊聽 我今思得無比知
釋子所攝所共語 神通加彼令具足
彼幻示現自境界 奪我魔之廣大
如母向子常軟語 悉令弟子生喜樂
恒日初分入城邑 徐步攝持正威儀
弟子所行所斷欲 彼彼自當我捉持
美妙歌舞現其前 令彼見聞生感著

弟子見聞惑者已

應惱釋迦大仙意

尔時衆中復有一魔說如是偈

我今化現可畏事

師子馳象虎水牛

速疾奔馳彼城邑

驚動現威雷震聲

神通化現無量事

復現兵器逼其前

彼彼所棄諸欲者

或時迷乱令忘失

尔時衆中復有一魔說如是偈

我今於彼四衢道

化作樓觀俠其前

種種奇形醜惡面

種種器仗逼動彼

空中大聲雨刀劍

驚動可畏雷電聲

於彼境界不自在

速令消滅不現前

尔時魔王以神通力一切嚴駕廣作

如上一切境界如來大慈威德力故

亦廣如彼種種亦現即時變此三千

大千佛之世界令此地性猶如金剛

一切魔力不能改轉亦復不能更作

惡聲及以火山四方猛燄亦不能作

非時黑雲及惡風氣佛力持故乃至

無有一龍能運其身下一滂雨

尔時四大聲聞日初分時著衣持鉢

入王舍大城乞食時尊者舍利弗於

城南門值魔童子其數五十第一端

正妙色莊嚴大人子相同在街路歌

舞而行遙見尊者舍利弗來即前共持尊者兩手謂尊者曰汝舞沙門汝歌沙門時舍利弗語童子言汝當諦聽先所未聞當令汝聞即為童子說如是偈

諸人可厭患 煞處常欺我 我今厭患已
盡彼入邊際 諸陰可厭患 煞處常欺我
我今厭患已 盡彼陰邊際

尔時舍利弗為魔童子說此偈已即說呪曰

哆姪也他 一婆呵羅_二 婆呵羅_三 婆羅_四
婆羅_五 末利支婆呵_六 薩遮婆呵_七 阿
磨婆呵_八 薩婆呵_九

尔時舍利弗於歌音中說如是偈及陀羅尼時魔王童子五十人等聞是法音得未曾有甚大歡喜信心清淨向舍利弗說如是偈

正導我等今懺悔 為世間親善說者
說陰可畏教我離 今我於此常證見
時魔童子說是偈已頭面著地禮尊者足便於道中共坐聽法尔時尊者大目犍連欲入王舍大城乞食於城東門見五十童子乃至於歌音中說

如是偈

諸界可厭患 然處常欺我 我今厭患已
盡彼界邊際 諸受可厭患 然處常欺我
我今厭患已 盡彼受邊際 思惟可厭患
然處常欺我 我厭思惟已 盡思惟邊際
諸相可厭患 然處常欺我 我今厭患已
盡彼相邊際

時大目連於歌聲中說是偈已復說
咒曰

多姪也他_一阿磨婆_二阿磨婆_三阿磨婆_四
阿磨婆_五阿羅闍_六囉拏闍_七奢賴_八
他_九奢賴他_九奢賴他_十他伽那婆摩_{十一}
娑婆訶_{十二}

尔時長老_{大目捷連}為魔童子說如
是偈及陀羅尼時五十童子第一歡
喜生淨信心說如是偈

具足密神通 聖主牟尼子 生死道過患
法燈普照示 能斷諸過患 故我生信樂
今既歸依佛 法僧亦歸依

尔時五十魔之童子於街道中即便
接足礼大目連於彼前坐正儀聽法
尔時長老富樓那_{弥多羅尼子}於城
北門入城乞食乃至街中隨彼童子

所唱歌聲於歌音中說如是偈

諸觸可厭患 煞處常欺我 我今厭彼觸

故盡觸邊際 諸根增上主 煞處常欺我

我今厭增上 故盡增上邊 惑業常流轉

煞處常欺我 我今厭惑業 盡惑業邊際

諸有可厭患 煞處常欺我 我今厭諸有

盡諸有邊際

今時富樓那於歌音中為魔童子說

此偈已告童子曰人命輕速難可保

住猶如山水迅浪奔流命甚於彼愚

癡凡夫都不覺知復次童子一切凡

夫色酒所醉無覺知者聲酒所醉無

覺知者香酒所醉無覺知者味酒所

醉无覺知者觸酒所醉無覺知者復

次童子人命輕速甚彼山水愚癡凡

夫都不見知法酒所醉無覺知者陰

酒所醉无覺知者界酒所醉無覺知

者封食所醉無覺知者樂酒所醉无

覺知者生酒所醉無覺知者欲酒所

醉無覺知者復次童子人命輕速猶

如山水迅浪奔流命甚於彼愚癡凡

夫都不見知乃至為彼一切情識取

著之酒為所迷醉都不覺知即為童

子而說呪曰

多姪也他^一 揭伽婆^二 揭伽婆^三 揭伽

婆^四 門致尼^五 阿伐多^六 毗伐多^七 呿伐

多^八 跋囉磨阿囉他^九 殊底伐多^十 娑

婆呵^{十一}

尔時長老富樓那於歌聲中為魔童子說如此偈及陀羅尼句時彼五十童子第一歡喜生淨信心說如是偈汝今教我寂滅道 諸界猶如彼幻炎世間唯從分別生 故我身命歸三寶尔時五十魔之童子於街道中即便接足札富樓那於彼前坐正儀聽法尔時長老須菩提於城西門入王舍城次第乞食於街道中逢值魔王五十童子華年盛美顏色端正容止庠雅大人子相共戲街道歌舞而行見須菩提即便起往各共捉彼尊者兩手作如是言汝歌沙門汝舞沙門須菩提言諦聽童子汝先歌音所未聞者當今汝聞汝且嘿然聽我歌聲時須菩提即為童子說如是偈

一切有為法 動性皆元常 如彼幻泡炎 雖見不可得 速疾生滅法 唯智者乃知

觸受是苦擔 愚癡者隨著 有為逼迫苦
一切悉無我 更無一知識 今脫於苦者
如信菩提道 親近修一相 謂離諸法想
不淨及無我 一切行相應 無實无性相
諸法無命養 無人无作者 汝捨魔諸意
發覺生淨信 諸識依本起 如電依虛空
觸受思無我 觀察無有實 愚癡凡夫聚
此陰恒流轉 淨心分別生 作者不可得
真際寂滅空 能離一切邊 此法無无明
故說菩提行 如彼大船師 普運到菩提
尔時長老須菩提為魔童子說此偈
已即說呪曰

多姪也他一蘇文第二毗文第三三文陀。

闍醯五賜離六賜離七賜離八阿婆賜

離九阿婆呵賜離十多他多婆娑賜離十一步

多俱脛賜離十二娑婆呵十三

尔時長老須菩提為此童子於歌聲
中說此偈辭及陀羅尼句時彼五十
童子第一歡喜生淨信心說如是偈
我依惡知識 未聞如是法 愚癡無智故
造作此惡業 我今發露悔 願尊證知我
尊從勝法生 故我發大願 願我得作佛
皆利益世間

時五十童子於街道中即便接足礼
須菩提於彼前坐正儀聽法

尔時世尊以神通力令此街道百由
旬量廣博嚴淨而為示現時舍利弗
北面而坐大目犍連西面而坐富樓
那南面而坐須菩提東面而坐四人
住處共半由旬應時於彼四大聲聞
坐處地中現大蓮華縱廣正等五十
肘量閻浮檀金為莖青毗琉璃為葉
勝藏寶為鬚真珠為藥華氣芬馥過
彼天香如此蓮花是出世間善根所
生從此蓮華出大光明普照三千大
千世界於彼街道其華上踊高三人
量而為示現乃至四天王天此蓮華
現以彼天量高五由旬而為示現三
十三天此蓮華現以彼天量高百由
旬而為示現乃至阿迦尼吒天此蓮
華現以彼天量高半由旬以為示現
於蓮華葉宣示種種美妙句義此地
衆生及彼諸天皆聞華中如此偈頌
唯佛清淨生此刹 退彼魔王并軍衆
佛勇猛故轉法輪 世間曰此故無疑
諸有聰慧解義論 知法求法求解脫

一切世間聰叡人 優波俱利取為上
此為導師已調伏 善巧說此妙大法
一切世間上供養 供養牟尼能說者
具三世智能善說 所學三學能開示
能救世間人天者 无量法義今解知
利益世間教善行 方便智燈照世間
巧說妙法斷三垢 智慧利益無疲倦
世間極苦今解脫 无明闇蔽諸衆生
能與法眼不顛倒 一切大衆普已會
此佛不久師子吼 如來能示第一義
妙色力具展轉說 見世沉没大苦海
來處世間擊法鼓 六根護中住上護
此六隨行六通智 六度上法佛所說
決定說此六種子 能煞六根居村者
六無上事所念者 佛調御主令彼念
於蓮華中說是偈已乃至於彼六欲
諸天於蓮華中復為諸天說如是偈
汝等和合遊 樂著貪諸欲 放逸心迷醉
愛蓋之所覆 愚癡常樂著 諸欲酒所醉
以彼放逸故 不供養善逝 諸欲无常壞
如彼水中月 死生堅牢網 衆生無脫者
此等无所依 放逸著諸欲 以樂諸欲故
永不得涅槃 常處放逸地 與滅不相應

不看先所作 為淨為不淨 為業受老死
怖畏恒圍遶 汝等放逸故 三惡地所行
以施調繫心 恒修不放逸 先所作善業
應當勤護持 念捨欲不淨 難得後邊故
汝等歸善逝 聽彼說大義 汝等修智慧
解脫寂滅因 與妙法相應 聽如是大義
如是蓮華中說是偈已乃至色界十六
天處於蓮華中復為諸天說如此偈
分別善法勤修習 一心樂禪離憤鬧
寂靜不乱求解脫 慧所應作斷瞋恚
所有我相十三種 分別為說修勝忍
以此畢竟速解脫 得至生死解脫處
貪嗜色聚分別者 我性堅固見湛然
彼等不戒所生法 由見流轉趣惡池
觀彼三界常無我 不實無自空无作
修忍分別隨順彼 得彼一切趣解脫
彼等不老不病死 不怨憎會離惡趣
一切諸法等虛空 所修相應不二修
畢竟淨導取無上 意无所著淨諸根
猶如釋子降四魔 應修無相一法性
所有一切相皆離 調順威儀二種斷
此道為彼寂上說 一切法空分別修
若能分別修此空 无主無作受亦無

如空自性解菩提

遠離怖求寂無上

尔時如來於此淨色蓮華臺中出此
大聲句義法時此世界中一切所有
人非人等普來街中遶蓮華座乃至
无量無數阿迦尼吒天悉下天宮遶
蓮華座瞻仰聽法是時魔王聞此偈
已周匝普觀見王舍大城街中蓮華
出此法聲及見無量無數百千俱胝
部由他人圍遶蓮華共坐聽法又見
六欲諸天无量無數百千俱胝部由
他等一切諸天悉捨宮殿隨遶蓮華
而坐聽法見聞是已轉過前量加大
憂苦悔惱纏心毛豎戰慄遍身流汗
走虛空中以大音聲喚餘魔衆說如
是偈

汝等當聽 善攝外意 我於境界
無自在力 此乃釋迦 寂上勝力
功德廣行 流布世間 今彼衆生
堅固所作 於蓮華臺 出此法聲
人天諸子 盡來無餘 決定善人
咸皆渴仰 專意善逝 趣寂滅道
寂上功德 第一無上 沙門所作
幻此三界 迷惑一切 今無餘意

人天大衆 圍遶蓮華 疾放雨石
作恐怖聲 以魔凶衆 往摧壞彼

尔時餘魔對彼魔王說如是偈

汝聽我等語 此語能利益 汝知何等法

而不止息意 如來勝持力 魔軍盡消滅

我等見善逝 心皆大迷悶 佛為大船師

光顏勝圓滿 置佛善歸依 更無勝歸處

尔時復有餘魔對彼魔王舉體掉動

面目頻感悲泣極瞋說如是偈

汝失善道住惡道 可不自知力所能

汝無著愧比導師 魔力消滅由佛力

世間和合蓮華所 聽法怡悅淨身心

我等穢身失精進 不去消滅剎鄰頃

今者一切悉歸依 歸依牟尼目陀羅

尔時復有諸魔悉皆合掌向彼魔王

說如是偈

汝捨法行樂作惡 佛為恃怙利世間

於諸衆中佛衆勝 佛今已來於此城

我等宜以清淨眼 以喜樂心速往彼

歸依三界之所尊 一切衆生妙良藥

尔時此虛空中復有一魔名曰智聲

向彼魔王即便高聲說如是偈

汝等和合以信樂 一切相應聽我語

發意言行斷惡見 曲躬合掌捨瞋恚
以醒悟心當淨信 隨喜如來取上說
對佛歸依難得歸 我當今日信供養
余時諸魔無量无边於刹那頃悉從
空下到王舍大城七寶之門各持種
種莊嚴供具來至佛所為欲供養婆
伽婆故或有變作轉輪王像或有變
作梵天王像或有變作摩醯首羅像
或有變作自在天像或有變作部羅
延像或有變作毘率陀形或有變作
跋摩天像或有變作釋提桓因或有
變作三十三天或有變作童子之形
或有變作毗沙門像或有變作毗樓
勒叉或有變作毗樓博叉或有變作
提頭賴吒或有變作四天王天臣佐
之形或有變作日天子形或有變作月
天子形或有變作星宿天子大小之形
或有變作阿修羅像或有變作伽樓
拏形或有變作緊那羅像或有變作
摩呼羅伽形或有變作寶山之形或有
變作金聚之形或有變作種種寶形
或有變作寶樹之形或有變作剎帝
利像或有變作餘外道形或有變作

輪寶之形或有變作摩尼寶形或有
變作伊羅婆荼為寶之形或有變作
婆羅可馬寶之形或有變作女寶之
像或有變作主藏臣寶或有變作主
兵臣寶如是種種各自現化為供養
故住於佛前或有現於青色青身以
白色具莊嚴其身各共執持赤蓋幢
幡真珠瓔珞以一多羅樹量之高住
虛空中或有現於白色白身以赤色
具莊嚴其身各共執持黃蓋幢幡瓔
珞之具住虛空中或有現於赤色赤
身以金色衣莊嚴其身各共執持青
蓋幢幡行列而住或有現於紅色紅
身雨白真珠或有現於白色白身雨
紅真珠或有現作天仙之色住虛空
中雨於華雨或有變作聲聞之像為
供佛故種種天香雨虛空中或有變
作捷闍婆色擊天伎樂或有變作天
女之色種種寶器香水灑地或有變
作淨金黑色燒種種香或有變作諸
天子像歌唱喜舞或有變作種種之
色合掌瞻仰讚歎如來或有魔眾隨
佛方面一心瞻仰各持種種摩尼之

寶供養世尊或有街衢殿堂樓閣窓
牖門關臺上四階之道牆堞樓櫓門
間樹上重閣鈎欄各隨所住合掌瞻
仰供養如來

寶星陀羅尼經卷第三

辛丑歲高麗國大藏都監奉
勅雕造

寶星陀羅尼經卷第四

段

魔王歸伏品之餘

唐天竺三藏波羅頗蜜多羅譯

尔時魔王見彼一切所有魔衆各與眷屬歸依如來是時魔王轉加瞋怒過於前量驚怖迷亂舉聲悲泣說如是偈

我失勝威德 無復有見助 沙門勝神通
奪我魔境界 應更勤方便 思後時所作
斫斷蓮華根 今衆散諸方 蓮華根斷已
令大衆迷亂 若衆迷亂已 此我後願力
尔時魔王說是偈已如所思惟猶如疾風從空而下至彼蓮華所現之街
即便前進欲拔蓮華以佛力故尚不能觸何況侵拔既不能拔復欲擣彼蓮華之葉及損華臺又不能損即欲舉手遥拍彼華是時魔王見彼蓮華如電如影雖對眼根不可損觸尔時魔王盡其神力如其所作於彼蓮華竟不能損復欲驚動一切大衆即出高大可畏之聲聲亦不出復現威猛以大力勢即舉兩手欲拍大地令地

震動是時大地猶如虛空乃至不可以手摩觸况能令動是時魔王見此大地不可得觸復生是念今此大會所有衆生我當打之令使心乱作是念時乃至不見有一衆生可得可觸况能加逼以佛力故有如是相是時魔王轉加憂惱遍身掉動如大風樹發聲嚶哭悲恨流淚遍觀四方說如是偈

沙門以幻力 普攝諸世間 令我心昏醉
迷乱一念頃 境界功德力 此是我所有
彼以幻力故 一切侵奪盡 我今被所棄
宜速還自宮 乃至若不去 復及我壽命
今時魔王即欲還宮雖生是念復不能去
轉加驚哭復作是念我今於此神通盡也
為復瞿曇自在力也莫復於彼怨家之前
令我命盡復作是念我今可隱出此娑婆
佛刹有一衆生見我死者作是念時乃至
不能離此方維况能隱去即時自見被五
繫縛轉復驚瞋高聲悲哭復作是言呵我
愛子及諸親屬不復可見

尔時有魔名曰智聲即自變身作轉輪王形向彼魔王說如是偈

汝意何故憂 嗔叫生悲惱 世間取上者
如來為上上 佛為无所畏 宜速求歸依
救護諸世間 如燈照諸趣 歸依恃怙者
畢竟脫三苦 若親近如來 當得寂滅樂
尔時魔王作如是念若我用彼智聲
語者沙門瞿曇應當歸依我此繫縛
應得解脫是時魔王隨佛方面曲躬
合掌作如是言南無无上人中丈夫
佛能解脫老病死者我今歸依是時
魔王以偈頌曰

此縛甚嶮大可怖 我速歸依求善逝
歸依如來得解脫 今始歸依第一眾
我以癡盲瞋正覺 所造過失為軍極
今依汝語故懺悔 置汝現前以為證
尔時魔王用彼智聲善丈夫語即於
佛前歸依世尊應時自見身縛解脫
既解脫已復念欲還魔所住宮即自
見身復五繫縛於此眾中無能去處
即時還復歸依如來生此念時即於
佛邊復得解脫作念欲去即見繫縛
生念欲住即見解脫如是如是乃至

七遍繫縛解脫魔王自知無所能為
便於佛邊默然安坐

寶星陀羅尼經大集品第四

時彼四大聲聞入王舍大城乞食逢
魔童子執聲聞手共走衢中請四沙
門非法歌舞時大聲聞在歌音中為
說涅槃相應道句今時於剎那頃大
地震動如是無量百千天龍夜叉乾
闥婆阿修羅迦樓羅緊那羅摩睺羅
伽先於佛教中得清淨信者面目流
淚說如是偈

最上導師現在世 於聖教中惡恠起
辱彼聲聞今世見 衆生云何生淨信
今時無量百千俱胝那由他天龍夜
叉羅刹面目流淚往到佛所到已於
佛前住說如是偈

聖教現在此 當善觀今日 智者勿放捨
為護正法故

今時世尊復說偈言

我今自往彼魔所 今魔軍衆悉降伏
當作一切世間導 普教同向涅槃城
今時一切大衆異口同音作如是言
世尊勿往勿往世尊先說諸佛不可

思議諸佛境界不可思議魔境界不可思議龍境界不可思議業及業境界不可思議如是一切諸境界中唯佛境界最勝無能及者唯願世尊不起此坐令元量俱脰那由他等諸魔軍衆自然降伏復能開示無量百千那由他等陰界諸法竭煩惱海壞諸見網能令無量那由他衆生入智慧海世尊今日非是去時佛言所有衆生界衆生彼一切衆生盡變為魔乃至大地盡為微塵如是一二塵復變作魔彼一切魔力欲來害我乃至不能動我一毛况能損壞我此身分我坐此座能勝無量俱脰那由他魔又能調伏唯置此魔眷屬難可調伏雖然我今當往所以者何此魔以神通力於王舍城已變作種種嚴飭之具供養於我憐愍彼故我今當受令彼魔心能發希有第一歡喜生清淨信當種阿耨多羅三藐三菩提善根種子尔時世尊說是語已從座欲起時彼護竹林天名曰端正往至佛所涕淚交流而說偈言

世尊於今日 非是入城時 此城極廣大
魔衆皆充滿 如是一二魔 中心懷重惡
咸與億千衆 欲圍繞世尊 嗔火皆熾然
毒意轉狂亂 競持銳器仗 爭惱害如來
唯願釋師子 畢竟慎勿往 或當被非命
失我大歸依

世尊聞已默然不答即起法座時彼
護伽藍天名曰持慧頂禮佛足而說
偈言

惡魔大將有五千 各各競持精器仗
純懷惡心立待佛 今日勿往牟尼尊
世尊聞已默而不答將出伽藍時有
藥天名曰成慧頭面禮足而說偈言
呵哉失正覺 法門當破壞 法舟俄欲沉
慧燈奄不照 世間法味減 煩惱賊盈滿
於諸有界中 我無少自在 取上法散壞
云何能住持 彼魔軍甚衆 住於惡法中
各持利刀仗 毒心爭害佛 善逝用我語
為利世間故 唯願十力仙 善步莫入城
世尊聞已默然不答將發伽藍時大
門內有一樹天名曰持勢即於佛前
大悲啼泣以身投地向佛作禮而說
偈言

依怙三有當失眠

滿意所欲將滅壞

空中刀箭如毒蛇

伺求害佛願莫去

世尊聞已默然不答
爾時守大門天
名曰水光舉聲號泣
頭面著地頂禮
佛足而說偈言

城中名聞大梵志

持月刀仗候待佛

共懷毒害有二万

在此城中願莫去

世尊聞已默然不對
將入王舍城門
時彼守城門天名曰多摩羅樹葉堅
固於虛空中舉聲號
馳至佛所頂
禮佛足而說偈言

此道師子為圍繞

起勇健心爭害佛

及惱比丘作障導

悲愍天龍願莫去

四道衆中因陀羅

見佛教滅生憂苦

相與雲集共一處

怖畏戰慄共相謂

如來既是退魔者

魔今變作極惡面

恐大法滅世災起

日月失度星辰翳

觀惡相現皆拍頭

奇哉善逝有退相

日眼散壞法炬滅

蹂踐正覺竭法水

世間妙法壞將至

衆魔惡黨漸熾盛

世尊聞已默然不答
彼城門天諫佛

不迴悲啼流淚復說偈言

普觀世間牟尼尊

取上說者去當死

莫近我城取死滅
願聽我說堅固者
憐愍衆生此處侍
如來當憶本誓願
無量衆生為苦燒
說法令彼得寂滅
今時世尊默然不答欲入大門時彼
地天與大滋味天并其同類一万天
俱被髮兩面共到佛所合掌住立而
說偈言

佛憶昔行檀
施血過四海
頭骨如鐵圍
眼等恒沙數
及種種妙寶
妻子與烏馬
衣食房財具
隨病所須藥
作取上供養
護戒不放逸
數習多聞忍
常孝養父母
修難行苦行
解脫苦衆生
汝昔所發願
成佛說上道
濟拔世苦海
為衆生說法
令竭苦无餘
使入無畏城
置於菩提道
遍滿衆生界
行惡失道者
懺悔毀聞戒
隨順昔所願
說法俱脰刳
浴以八戒水
今度煩惱河
三界衆生中
更无如佛者
自既得解脫
復解脫世間
運度諸衆生
於此三有海
唯佛得如是
世間第一覺

唯佛是世親 願布甘露法

尔時世尊入城門已剎那之頃時有
無量億那由他天龍夜叉八部鬼神
於虛空中各各雨淚而說偈言

我見昔善逝 調衆安隱時 說法作利益
無如是慙亂 大師出惡世 自然成大覺
說煩惱障法 成熟世間故 常作師子吼
无量諸惡魔 欲如是滅法 佛今莫入城
時有餘天復說偈言

諸佛轉法輪 住一方利益 今佛處處往
無令得逢惡

尔時復有餘天同說偈言

以悲為導師 常行利衆生 莫獨入城中
如我見有損

彼時復有無量百千俱胝那由他天
龍夜叉羅刹阿修羅摩睺羅伽等面
目雨淚從虛空中作行而下住於佛
前有无量種異形或有被髮或絕纓
珞或有寶蓋幢幡皆悉傾倒或復舉
身投地或捉佛足或大哀號或舉兩
手掣鬚懊惱或有在佛足下蹣跚悲
哭宛轉于地或於佛前合掌讚嘆礼
拜或散種種雜色妙華末香塗香華

鴉鵲摩繒綵嚴飭之具或散織成寶服真珠瓔珞種種異物時餘天衆供養佛已同時舉聲而說偈言

佛所行苦行為利益世間生此末世時為衆勿捨去作佛事未多天人得證少久住開示法度三有世間有行清淨行成就甘露器應起悲教我救世間苦逼六趣曠野中生死失正道為彼示善路教聖法解脫此寂希有悲願大覺久住轉無上法輪勿令世無怙時有餘天復說偈言

導師若滅沒世間患盲冥八聖三解脫於此患皆无我等已種善三業不放逸一切樂具足久住功德藏尔時復有淨居天衆與其眷屬无量無邊億那由他集在一處各共相謂而說偈言

汝等勿怖佛无衰應於大覺當了然我憶往昔親見佛欲界所有俱胫魔遍滿三十六由旬利斧利劍并刀槊飄勇逞疾如雲奔魔衆雄猛聲可畏至菩提樹患走散於剎那頃皆驚怖况今果園名稱廣彼等何能為障尋

時有餘天相與悲泣而說偈言

昔一魔軍無大力 今有千億具大勢
來壞如來定无疑 佛若滅沒世皆闇
今時梵釋諸天護世間者頂礼佛足
而說偈言

以我小智勸佛住 用我等語悲愍者
无量諸天憂火燒 今為彼等灑法雨
今時世尊以大慈眼遍觀一切同來
天衆出妙梵聲普垂安慰而說偈言
汝等勿怖今無畏 一切魔衆一時來
彼等不能損動我 乃至一毛况復身
我今安慰一切衆 常於世間說妙法
我於如是失道者 當廣分別示正道
我昔已行難行事 廣施衆生以飲食
房舍醫藥不乏少 誰能今日惱乱我
或捨車乘與烏馬 嚴飾寶具亦如是
奴婢城郭及聚落 誰能與我作惱乱
妻妾男女并眷屬 受重自在王種位
我與衆生利益故 我身何故今當壞
頭目及耳鼻 手足身皮血 以命施衆生
誰能惱乱我 无量俱脤佛 自手普供養
常樂戒多聞 誰能散壞我 作无量難事
甚能攝伏心 遍割身不嗔 今誰能惱我

煩惱已退成正覺
永無嫉妬及穢怒

於諸衆生等慈心
現前無有如我者

我今破魔所有力

能退元量俱胫魔

決定與汝作解脫

何故恐怖不入城

所有十方及此土

住此諸佛刹土者

彼等一切我普請

及大神通菩薩衆

願今世間悉遍滿

及以福智薰世間

共彼如佛法式住

亦持諸佛所順可

今時元量百千万億那由他阿僧祇

天龍夜叉阿修羅迦樓羅緊那羅摩

睺羅伽人非人等俱來大衆一時同

聲唱言善哉復作是言南無希有未

曾有无數精進具足如今世尊南無

南无大希有未曾有无數精進具足

如今世尊安慰一切天人及衆生類

皆蒙度脫退諸魔衆散滅衆生煩惱

垢聚破我慢山斫受生樹碎生死日

除無明闇生外道信竭四流水然正

法炬亦菩提路授與衆生柔和忍辱

遊戲三昧處禪定樂普令覺悟四聖

諦道大悲導師廣度衆生於生死海

引諸天人入無畏城時諸天人呵修

羅等各以種種天妙華香塗香末香

雜寶華鬘莊嚴之具散於佛上為供
養佛故掃飾衢巷以天寶衣天妙華
天綺縠遍覆道上又雨曼陀羅波盧
沙迦盧遮大盧遮優鉢羅俱物陀分
陀利等種種蓮華隨佛所履布於足
下其道兩邊化作天樹枝葉華果悉
以七寶而嚴飾之七寶樹上復現種
種妙寶天衣天冠耳璫環珞寶飾莊
嚴之具是諸樹間有天華池其池四
邊周匝七寶清冷美水八德具足衆
寶蓮華及妙音鳥雜色間發盈滿
其中

彼諸天衆供養佛故於虛空中各持
七寶幢幡華蓋披以種種金繩露縵
真珠瓔珞又雨金屑銀屑毗琉璃屑
及散一切沉水末香多伽羅末香黑
栴檀末香多摩羅葉香復雨牛頭優
羅伽栴檀香等種種末香遍於道上
復雨金繩交絡真珠瓔珞摩尼珠瓔
珞如意珠瓔珞繽紛布護於虛空中
隨風迴轉其城內外所有道上悉以
種種天莊嚴具而嚴飾之乃至城中
魔及眷屬亦以妙好天莊嚴具而嚴

飾之。今時世尊憐愍一切諸衆生。故便入首楞嚴三昧。其心正受。以如所入。定在道徐行。即現種種微妙色身。威儀相好光明。希有於其城內道中。正立。令彼道上一切衆生。悉見佛身。所有事梵天者。應以梵身而得解脫。世尊即現梵身而化度之。所有事釋天者。應以釋身而得解脫。即現釋身而化度之。所有事都羅延者。應以都羅延身而得解脫。即現都羅延身而化度之。所有事摩醯首羅者。應以摩醯首身而得解脫。即現摩醯首身而化度之。所有事四天王天者。應以四天王身而得解脫。即現四天王身而化度之。所有事轉輪聖王者。應以轉輪王身而得解脫。即現轉輪王身而化度之。所有事諸小王者。應以諸小王身而得解脫。即現諸小王身而化度之。所有事大神通者。所有事沙門者。所有事童男童女。婦女神者。皆現彼身而化度之。乃至所有事師子。事龍。事鳥。事兔。事阿修羅。雜類身者。是諸衆生。應以彼身威儀色相而得解

脫如來悉皆現彼形相而化度之世
尊如是種種作亦現時彼一切道行
衆生見是事已皆共合掌頭面著地
禮拜讚嘆圍繞如來得未曾有所有
事爲事龍事阿修羅乃至所有事鬼
神者彼等衆生即見如來同兔形相
威儀在道而行所有衆生事於佛者
彼等衆生即見如來如佛威儀在道
而行彼等衆生悉皆合掌讚嘆禮拜
相與依隨從佛後行

今時雪山光味仙人與其徒衆五百
人俱爲魔所遣詣王舍大城今至佛
所是時光味於城門內住待如來見
佛身相猶如仙人威儀形相顯發莊
嚴及見无量百千俱脰諸天圍繞供
養見是事已復作是念如此人者真
大仙人有大加護應受人天最上供
養及見一切身分莊嚴似聖智者我
等二人誰爲尊勝智慧誰勝我於今
者如何了知又作是念我應近問以
何生類以何姓氏受持何等以何志
樂以何等行光味仙人白觀徒衆說
如是偈

今見多聞大福德

能持大行應供者

能知善道牟尼寂

大忍智義法具足

汝等一切慙重心

以大方便常供養

我當於此功德者

聞其善說度彼岸

尔時光味一切徒衆摩那摩等皆共

同聲作如是言如是大師應如是作

時光味仙人并諸眷屬往世尊所到

佛前已合掌住立作如是言汝今是

誰世尊答言我是婆羅門仙人復言

汝姓何等世尊答言我姓瞿曇仙人

復言汝何志樂世尊答言三解脫門

仙人復言行何等行世尊答言我行

真際如仙人復言出家幾時世尊答

言如彼無明久如所起我今出家亦

復如是仙人復言如是大仙星宿應

現如所明記頗誦不耶世尊答言如

彼平等我不忘置彼何所有有何堅

固如此相者世間智知仙人復言為

欲令諸智慧之人心生歡喜故作此

說世尊問言云何名為星宿之句仙

人答言二十八宿日月所依隨轉而

行各依彼人橫手八指以為量法彼

十二八指以為身量以一八指用為

頂量以一八指為足掌量如是十四
八拍應知是為星宿量法之句若解
如此更無異法各隨其人有醫記處
以為定法若不介者大牟尼聽我今
當說星宿之句卯星生者於面右邊
擽下四拍有赤黑醫醫上有毛名聞
智慧爵禄相應威勢熾盛卯星生者
有如是相畢星生者身上有瘕若四
指量聰數貞實心常守法智慧慚愧
爵禄具足於一切時心常勇健能摧
勝怨參星生者頸下四指中有黑瘕
為性勇健爵禄具足紫星生者從頂_丹
量已下一擽手半左相有醫性多瞋
癡而有爵禄富鄉婆蘇_{唐言井宿}星生者於
左脅下當有黑瘕財穀具足而少智
慧牟尼今者富沙_{唐言鬼宿}星生有取上相
手中輪相猶如日輪上妙端正髮相
右旋一切依住上身圓滿能破煩惱
為大導師阿失_{唐言柳宿}星生者曾育
黑瘕好鬪犯戒難與共住性多婬欲
{上七星是東方宿}莫伽{唐言星宿}星生者若曾若背而
有小疣是善丈夫能如法行而多財
貨初破求_{唐言張宿}星生者或臍左右必當

有與多慳短命第二破求

唐言

星生者

臍下四指若見醫者爵祿持戒皆悉

失壞阿薩多

唐言

星生者臍閑無下當

有赤醫性好作賊諂曲少智聰明薄

福質多羅

唐言

星生者男女陰上當有

醫子為性純直而多愛欲復好歌舞

薩婆底

唐言

星生者或男根頭或在根

下有黃醫生受性多貪瞋惱大衆而

無智慧蘇舍佉

唐言

星生者從跨已下

八指量內隨處而有赤醫生者眷屬

具足多有僮僕位居卿相聰明慚愧

勇健謀決能退怨敵常受安樂命終

生天

上七星
屬南方

阿奴邏陀

唐言

星生者從膝

已上八指量內若有小疣持戒有法

爵祿具足逝瑟吒

唐言

星生者腔內有

醫短壽貧窮犯戒少慈為人憎嫉暮

羅

唐言

星生者腔上當有小瘕此有福

德而速滅門初阿沙茶

唐言

星生者膝

蓋有醫性好捨施能知法道命終生

天第二阿沙茶

唐言

星生者於右脛上

當有青醫性好鬪諍人不依附而不

信受失羅婆

唐言

星生者於右脛上必

有兩醫常豐爵祿受身無病人所愛

樂命終生天陀你瑟吒

唐言女宿

星生者脛

上有醫多瞋少貪雖有智慧而无爵

祿

上七星屬西方九少虛宿

舍多毗沙

唐言危宿

星生者從膝

已下十六指內當有黑醫為性愚癡

溺水而死第一跋陀羅跋陀

唐言室宿

星生

者從曲膝下一八指內膊上必當有

痲令人瞋惱愚癡貧窮好作賊盜第

二跋陀羅

唐言辟宿

星生者於虎口內當有

醫子好施持戒念力強記有智有悲

性無所畏屢婆底

唐言奎宿

星生者為人卑

下庸力自活阿濕毗臍

唐言婁宿

星生者足

母指間當有青醫身無病惱而常大

力婆邏尼

唐言胃宿

星生者於足掌下當有

醫子受性無悲好為宰手破戒惡行

死入地獄

此北方星

如上所說此即名為星

宿之句以此得知人之性行貧富好

惡若知此者能令衆生到於彼岸

亦時世尊告仙人曰此是愚癡凡夫

所見依心隨著住分別行凡夫熱病

之所妄見如彼猗地魚鼈之類若復

其餘種種衆生此富沙星之所生者

彼非樂分如汝神通得定解脫我復

能為一切亦者汝今何故不問於我

赫光來仙人生大歡喜以華散佛即便以偈而讚請曰

仙人人形相 我見取上相 不知彼種姓
為天為人耶 音聲言語法 猶如大梵天
持行持色相 久遠仙相似 昔所不聞見
具足牟尼相 所師何所說 及說汝之姓
今時世尊即便以偈荅仙人曰

不知此彼岸 故有相建立 被縛一切苦
汝非解脫器 六度是我姓 六通婆羅門
說彼六和敬 六根分別修 三法三解脫
平等知无我 菩提心發時 彼時我出家
我相不可得 善修於无相 無人无壽命
知無我亦空 三受三行法 分別修所空
我度智彼岸 此為无等說 無所著如空
菩提心作者 彼忍力具足 當得如是智
不著於諸法 得報者亦無 如是解順如
菩提不難得 不立於諸法 及不依彼此
真際分別修 此當得如來 無相无想相
離於有所得 諸法非和合 此當得如來
汝捨此等相 自心惑亦捨 汝覺等虛空
如是當得佛

尔時世尊說此偈時時中無間光味
仙人并諸眷屬即見世尊形相威儀

還如佛住復得憶念自念久遠先種
善根而得現前時光味仙人即得菩
薩三昧名曰寶星所得三昧於菩薩
三昧一切觀見如在高幢觀見一切
三昧自在境界無所繫屬不依他見
無人能壞無人能奪時光味仙人即
於佛前合掌而住兩手捧華以偈
讚佛

无邊稱實說 世間善依怙 如來慧眼光
照一切衆生 出過衆生上 精進常慈悲
稽首堅固者 導師盡諸著 紫磨金色光
觸衆生清涼 覺一切衆生 以菩提功德
佛轉大法輪 能破煩惱山 寂後所行訖
今得菩提智 衆生中大醫 真實相莊嚴
說我當得佛 衆生中導師 割壞諸愛網
自度亦度他 久近得佛記 當作人中上
苦流漂衆生 令度於有海 涅槃安隱處
置立无漏道 所有十方佛 功德如大海
彼為我作證 迴向菩提心 一切諸衆生
苦觸極惡惱 三世及福德 我本身口意
及一切衆生 苦滅得佛樂 衆生普具足
得常住涅槃 衆生病寂滅 煩惱水枯涸
得智等諸根 自性常堅固 衆生到終處

及受衆苦縛 以我福德光 普令速解脫

一一衆生界 得如海功德 得无量福智

一切樂具足 棄彼諸惡見 速親近正見

憶念前生屢 衆生得法行 一切得法船

度有海彼岸 既度彼岸已 得佛一切法

久住无量劫 普雨大法雨 法雲清淨水

淨洗諸衆生 若我身口意 一切所作惡

我一切發露 唯佛作證知 我生敬重意

莫復行惡業 佛不可思議 常得現前見

若有一福德 迴向為菩提 我曰諸衆生

忍受一切苦 我勸請衆生 行菩提上道

淨諸刹土劫 及衆生智海 我得淨刹土

隨彼證菩提 得清淨徒衆 淨忍住諸地

決定五神通 我得師子說 无著智亦者

導師當記我 若定得佛時 一切法調御

我所散之華 空中成華盖 天龍人等衆

一切來作證 我頂礼佛足 今地大震動

今時光味仙人所散之華住虛空中

近佛頂上合為一盖時光味仙人見

此事已倍復過量無餘悌望第一愛

樂生大歡喜即便稽首兩膝著地礼

世尊足光味大仙礼佛足時應時元

間一切三千大千世界六種震動所

有无量阿僧祇衆生百千俱胝那由他等普來集會悉皆悲喜生大驚嘆恠未曾有

是時如來隨彼衆生所應見者現種種身應以為形而教化者即見如來如彼為形生愛樂心又見大仙人所散之華住上虛空變成華蓋及大地動既見此已倍復過量生希有心到世尊所頂礼佛足所有衆生應以佛身而教化者彼見如來如佛身相生希有心是時世尊即便起定從首楞嚴三昧安詳而起無量衆生所教化者皆見世尊無餘怖望皆大喜悅生愛樂心各如所得華鬘衣服末香塗香諸莊嚴具持散供養今時世尊即為光味仙人說受記偈

速起聽受記 導師今為說 大仙得菩提 地動華一蓋 住上虛空中 無比加護故 汝得兩足尊 自在利世間 佛有无邊福 邊量等虛空 三界中堅固 法燈照世間 今時光味菩薩摩訶薩即前恭敬白 佛言世尊我得佛刹似何等相我於彼刹轉大法輪是時世尊告光味言

汝未來世過无量阿僧祇劫於北方
分有世界名開敷香具足莊嚴有如
是相如今西方安樂世界汝善丈夫
於彼佛剎當得阿耨多羅三藐三菩
提号無垢香光勝如来應供正遍知
明行足善逝世間解無上士調御丈
夫天人師佛世尊彼佛壽命十中劫
量唯諸菩薩摩訶薩俱無有聲聞辟
支佛乘純說無上清淨大乘時彼大
衆聞佛世尊授彼光味仙人記已各
以所持供養之具供養仙人時五百
摩那婆等及九十二那由他百千俱
胝衆生發阿耨多羅三藐三菩提心
及得菩薩不忘菩提心三摩提

寶星陀羅尼經卷第四

辛丑歲高麗國大藏都監奉

勅雕造

寶星陀羅尼經卷第五

莊

般

相品第五

唐天竺三藏波羅頗蜜多羅譯

尔時三千大千世界百億諸魔生如是念今佛世尊入王舍城門我等應以寂上莊嚴嚴飾此城門之內及彼地方如彼城外天龍夜叉之所莊嚴尔時世尊以他心智知百億魔心之所念欲以神通寂上色相莊嚴佛處是時世尊以神通力於王舍大城十二門內一二門中皆有如來及諸大衆共入城門時百億魔即以神通種種莊嚴勝中勝者阿僧祇等諸莊嚴具嚴飾城門及地方城壁諸樹地上虛空勝妙莊嚴而莊嚴之時百億魔并諸眷屬或有作於梵天之形乃至作於大仙之形於諸重閣窓門樓槽却敵樹間諸處地及虛空各於中住以種種華末香燒香金粟銀粟以摩尼真珠及種種莊嚴以嚴衣服并諸綺繡莊嚴具等普雨供養又以種種天之音樂擊鼓拍手種種讚嘆歌

詠如來无量功德悉皆聚集供養世尊以如是第一最勝莊嚴太希有相所未曾有所未曾聞今時世尊住城門下以右足指觸城門闔應時無間一切三千大千世界普皆震動及此三千大千世界所有釋梵日月護世大自在天天龍夜叉乾闥婆阿修羅伽樓羅緊那羅摩睺羅伽等主地天水天大海諸山城邑等天及諸男女童男童女天仙等衆乃至阿迦尼吒天宮已來所有衆生得大滋味色貌光澤彼一切衆見地大動光照覺悟於王舍大城地及虛空圍遶而住乃至華香黑栴檀末散佛供養是時世尊釋迦牟尼佛以神通力令彼散華乃至末香普遍十方微塵等刹二一方分所有清淨及不清淨空不空等諸佛刹土悉皆供養供給彼佛彼佛刹此所散華并諸末香莊嚴具等皆出如是偈句之聲

汝等疾覺悟 觀不放逸行 取上菩提因
流轉甚生死 我今拔濟汝 宜速捨世事
憶往昔誓願 時到熟相應 各得菩提記

牟尼因陀羅 利益世間故 今入王舍城
大仙勝无憂 已降百億魔 轉清淨法輪
應當大歡喜 如是利世間 普示勇健事
解脫世間苦 今為摩利沙 當得菩提故
今授汝等記 速往彼刹土 見妙好莊嚴
自然如是得 入彼无憂城 漸次菩提行
決定當得佛

尔時十方微塵等一切佛刹彼彼大
衆以佛力故悉見此佛竹林大衆菩
薩摩訶薩各各三昧思量是時竹林
所有菩薩摩訶薩思惟住者并諸聲
聞大聲聞皆見世尊於王舍城門調
伏住待彼諸大衆隨世尊後住見大
莊嚴具中出諸偈已悉皆遍滿十方
一切微塵等淨不淨空不空一切佛
刹彼諸佛刹所有菩薩摩訶薩及住
聲聞聞此聲已作如是念何處有此
法聲遍滿如是可意聲如是美妙如
是可愛如是可樂如是可喜如是勸
發如是大功德稱揚之聲及見華末
香雨雨於十方無量莊嚴无量華香
細末之雨時彼菩薩摩訶薩及大聲
聞捨所作業皆大驚歎

尔時釋迦如來即入三昧名依佛莊嚴嚴飾三昧入三昧已應時無間一切娑婆世界及十方一切微塵佛刹所有大衆悉見此佛刹中如是大莊嚴相如彼未來世中普見如來淨無染聚世界功德莊嚴唯無一事謂城壁等而自然莊嚴一切十方諸佛刹土微塵等世界諸佛世尊普見釋迦如來住王舍大城光明赫弈甚大端嚴彼諸佛刹所有大菩薩摩訶薩等及大聲聞聞此偈已各皆憶念觀於四方見此世界如對目前以一切諸佛境界力故及見諸天種種莊嚴時彼菩薩摩訶薩等及大聲聞作如是念我等決定往於彼土大集會中莊嚴之處及彼佛刹功德莊嚴普觀察之見釋迦如來已修行供養我等於彼佛所得阿耨多羅三藐三菩提記時彼十方一切佛刹微塵等世界諸菩薩摩訶薩等及大聲聞釋迦如來神力加故各自佛刹於剎那羅婆摸呼多頃彼沒此現到娑婆世界時彼十方一一方分無量無數佛刹微塵

等菩薩摩訶薩一切悉來到此佛剎地
及虛空遍滿而住彼諸菩薩摩訶薩
等各依菩薩種種善根若干力故修
營供養釋迦如來且置是事或有菩
薩於此佛剎雨種種華一切遍滿為
供養事供養世尊或有雨於種種真
珠乃至或有金銀毗琉璃頗梨石藏
寶摸薩羅牛頭栴檀龍堅栴檀多摩
羅葉悉以為末而滿虛空為供養事
供養世尊或有雨於種種嚴飾諸莊
嚴具衣服綺繡為供養事供養世尊
或豎種種幢幡華蓋為供養事供養
世尊或燒種種之香或散種種寶鬘
或擊種種伎樂或有示現種種歌舞
或有種種香水雨此方地而灑潤之
或有種種寶器盛種種寶於世尊前
捧持供養或有種種寶器盛滿香水
以華果菜而莊嚴之於世尊前捧持
供養或有種種寶樹種種天衣華果
莊嚴舉手捧持於世尊前為供養事
或有化作大梵天身合掌佛前乃至
廣說如前所作或有化作師子之形
於世尊前如是礼拜彼諸衆生以佛

神力及自善根加護力故乎相觀視
於自眼根不取諸色以佛世尊現如
是相及魔王所作大境界天之所作
若干境界及以如來自念處正斷神
足根力覺道十八不共法諸佛境界
若干變現隨世尊後入王舍大城向
彼中街蓮華之所世尊到已以右手
掌摩蓮華葉而挽住之時彼蓮華因
挽動故於此佛剎一切魔宮魔所坐
處悉皆振動彼魔男女所有眷屬及
諸徒衆所居住者皆生怖畏驚愕而
住自相謂言無因无缘我此宮室如是
震動莫復我等魔王境界自失位耶
莫復我等所住宮室滅沒之法於此
起耶我等今者決須觀察

時彼諸魔見此事已作如是念此佛
剎土昔是五濁誰復今者能令如是
微妙莊嚴甚可愛樂時彼諸魔於自
境界所居住處并諸眷屬悉不復見
唯見釋迦如來三十二相大人之相
具足莊嚴光明赫奕甚大顯照於此
一切三千大千世界及一切佛剎種
種諸相色貌現住衆生普遍而無有

一可識衆生時彼一切無量衆生於
世尊前悉見修營為供養事時彼諸
魔作如是念我等決定往彼釋迦如
來所見已禮拜并諸所問我等魔王
并諸眷屬今日悉皆何處去耶今時此
佛世界百俱脰魔并諸眷屬往世尊
所到已恭敬於佛前住時彼魔王向
佛曲躬合掌恭敬說如是偈

我以清淨心 歸依於世尊 速放我今去
從今行法行

今時世尊以偈答曰

我不障一人 來者及去者 汝若能知道
隨汝欲所去

今時魔王復說偈曰

如我所欲去 所樂自宮室 今見五種縛
瞿曇之所縛

今時世尊以偈答曰

我斷諸分別 自解脫世間 我既解脫縛
令他離惱害

今時世尊即以佛眼觀視一切此佛

剎土地及虛空衆生遍滿而說偈言

汝等今當聽 一切普來者 棄捨諸疑惑

且各默然住 世間佛難值 法僧值亦難

具足淨信難 菩提行復難 親於世尊前
得聞法甚難 能修於諸忍 此一時亦難
調伏心為難 及修於空行 能斷諸分別
一切世間惡 菩提行難得 如我先所行
我當為汝說 但說一華分 暗陰令滅壞
示現無上道 所得菩提者 今當斷三垢
聽大師善說 度彼岸諸流 捨諸大渴愛
建立三解脫 安立三護等 三界諸煩惱
散滅令无餘 汝為供三寶 復為法故來
世尊天及魔 三世加護故 三世惑覆心
皆得寂勝斷 得解脫三界 滅煩惱之忍
及四種顛倒 顛倒諸凡夫 分別无體性
彼非有忍器 眼等著諸色 身口意覆翳
彼無四禪定 親近於生死 聰明智慧者
能修於禪定 彼今得解脫 離於四顛倒
及解脫衆生 自在拔四流 解知諸起滅
所有調柔者 當得度彼岸 菩薩具四行
及以無所畏 正智皆能斷 衆生諸有縛
能解知五陰 无漏離羅縛 不復數數生
到有海彼岸 汝等諸佛前 速發露諸惡
諸惡斷無餘 到彼无畏岸 所有生死苦
隨受有為者 數數生諸有 隨逐於惡友
當遠離惡友 斷除於惡見 憶念生死苦

修習第一義

當飲無上水

應修習於空

第一義无體

無實亦无相

六根猶如空

此中無作者

分別相如是

唯分別無法

六受及六愛

六觸為其本

六觸入如是

亦須解知空

觀察無一切

如法自體性

無起亦无滅

此中見无實

諸法同法性

三世無一物

若知无熱惱

此道寂無上

離十三我相

衆生想分別

如是修羣提

此彼得解脫

尔時世尊以無尋福力而无所畏依

種殖善根故能變現出大圓音聲遍

十方說如此偈

尔時十方無量阿閼毗恒河沙辟喻

等諸空不空五濁世界悉皆聞此圓

音演說聞此聲已彼刹那頃如是一

一无量佛刹無量無數百千俱胝那

由他等所有衆生甚無所欲唯有清

淨愛樂之心於往昔所得阿耨多羅

三藐三菩提更不退轉或得種種三

摩提羣提陀羅尼於此佛所集元量

無數衆生聞如此句義文字已即得

阿毗跋致復有無量無數衆生於三

乘法各隨得度

尔時光味菩薩摩訶薩以已神力
化作七寶階以華遍布其上為蓮
華座欲令如來昇此座故向佛恭敬
曲躬合掌說如是偈

佛一切智月 觀世老病死 憂患所沒溺
世間動不動 為彼作法橋 佛觀滿刹土
无量大眾生 悉皆合掌待 分布施法會
示現已所得 破衆生煩惱 无比方便智
於此普示現 佛昇蓮華座 普雨大法雨
十方一切佛 及餘智大仙 與佛作證明
牟尼因陀羅 降伏大魔王 自性空無有
知法如虛空 憶念昔誓願 轉无上法輪
今當拔衆生 住於四流者 人中師子王
佛今知此法 令度三有海 佛說無等法
除衆生罪垢 世尊大智慧 利益諸衆生
安置善逝道

尔時世尊如其所化寶階之上鈴頭
摩座昇蓮華臺如來坐已遍觀十方
一切大眾告魔王言汝今於此應生
歡喜由汝因緣今得此處大集法門
說此法時无量無數所有衆生今世
來世皆得解脫處胎殃橫老死四流
皆各得度住吉祥道又復令得虛空

等智魔王汝今此處為首令諸衆生
善根增長魔王汝可請我說法今此
衆中高慢衆生度諸流故而為說法
是時魔王說如是偈

瞿曇若元過 及無瞋慢者 云何驚動我
今此說大法 若有此瞋慢 云何得解脫
我今未審知 牟尼為我說

尔時世尊即以偈頌答魔王曰

我處十月胎 同彼人中事 汝魔欲害我
我都無穢憎 我忍度諸惡 穢惡悉无餘
我既出生已 汝復動大地 雨石來害我
復欲斷我乳 令乳速乾竭 元量不受事
何種而不作 我住禪定時 遣諸女惱我
我又乞食時 障他令不施 請我作國王
令我輪生死 踰城出家時 復令夜黑暗
兵衆圍遶城 是皆汝所作 我棄神通往
復放大風雨 令地為壥坑 沙石高滿路
我住寂靜林 現作畏惡聲 於彼苦行處
吹作切寒風 在河欲度處 汝復放暴流
現作猛師子 復欲令煞我 我欲飲食時
汝以毒和食 我往菩提樹 雨下金剛雹
刀箭雨器仗 架設法衣服 患欲令塗汙
我處金剛座 利益諸衆生 彼時汝亦遣

諸女來惱我

汝并將軍衆

不憶害我時

我无微塵意

於汝作惱乱

我證無上道

已曾降伏汝

汝今乃無耻

復說是惡語

往以惡方便

惱大迦葉等

无量衆生善

汝皆所滅壞

汝既無悲憐

今復欲害我

我入城乞食

復放凶醉衆

調達放大石

三月食大麦

孫陀羅惡聲

火坑惡毒食

是皆汝所作

決定重惡業

汝昔向道樹

威力并軍衆

以无量刀箭

持來欲害我

不動我一毛

何故復住此

如為醉毒塗

起發俱胙魔

都由他衆生

來滿此佛刹

如是證知我

我住慈悲心

憐愍於一切

而汝常於我

極作惡障罣

此諸牟尼尊

因陀羅牛王

悉現證知我

我今於惡時

施作於佛事

我為衆生故

住於解脫心

縱汝加諸惡

我終不捨忍

我无嫉妬意

穢惡諸過患

我為隨攝汝

如是常勤勞

我欲寂滅汝

今應請我說

甘露第一法

令三界寂滅

為汝除惡業

汝速清淨意

於我生依怙

我常清淨心

欲令汝解脫

汝常懷惡心

應當捨惡見

意作清淨信

汝今當覺知

不久得授記

余時魔王復於佛所倍增瞋恨從此

欲去自知五縛即欲出於可畏之聲
復不能出以已瞋力發熱毒氣其氣
猛盛欲害如來是時世尊以慈善力
變此惡氣為蘇摩那華蓋普遍十方一
切佛刹於一切諸佛壽命安隱現說
法者蘇摩那華蓋於虛空中近佛頂住
時彼佛刹所有菩薩摩訶薩各各請
問今此華蓋從何而來是誰神力之
所變化時彼諸佛各各答所問諸菩薩
言諸善男子彼有世界名曰薩訶五
濁不淨有佛世尊名釋迦如來阿羅
訶三藐三佛陀以本願力故成阿耨
多羅三藐三菩提已現在說法為欲
摧滅諸魔境界力故豎立一切諸佛
力無所畏佛境界故一切諸佛教法
三寶種燈令久住故一切善根增長
故以精進神力變化降伏一切外道
之怨故一切驚怖不吉諍論惡夢惡
相内外怨敵鬪諍繫縛言訟不和水
旱荒饑饉非時之雨寒熱風濕疫氣病
癘惡聲銷滅故一切天龍夜叉人非
人等悉令迴向故一切刹利亦令迴
向故一切四姓誨以法義然智慧炬

亦以正路故一切家宅城邑聚落人
主斷事國王王官市鄽之處悉今迴
向故一切星耀晝夜度數半月一月
時節年歲悉皆正行故一切五穀華
果藥草悉皆成熟故一切工巧生業
處所不令散失所作成就故一切身
口意業過患悉得銷滅故善作籌量
念慧摠持勇猛無畏色相樂說悉皆
增長故一切法無障明覺四聖種法
作受持故光顯大乘增長菩薩摩訶
薩安慰阿毗跋致地金剛心作護持
故作十地一味故解無生法忍受佛
職建立菩提故所化衆生如所隨攝
轉大法輪大悲普覆一切衆生住波
羅蜜住無上道雨於法雨以法滋味
充足衆生故滿足一切諸佛之事解
脫一切四魔境界故建立無餘涅槃
之界故有陀羅尼印名金剛摧碎心
高緣法等句入差別記欲說故一切
過去如來阿羅訶三藐三佛陀名金
剛摧碎心高緣法等句陀羅尼印入
差別記受持亦相隨喜及現在十方
諸佛住世壽命將養一切諸佛亦說

彼金剛摧碎心高緣法等句陀羅尼
印入耆別記現說受持牙相隨喜於
未來世十方世界諸餘如來阿羅訶
三藐三佛陀所有諸佛當出於世亦
說此金剛摧碎心高緣法等句陀羅
尼印入耆別記亦當說受持牙相
隨喜

尔時彼諸佛刹所有菩薩各各請佛
白言世尊此是何法我昔未聞金剛
摧碎心高緣法等句陀羅尼印入耆
別記能作如是无量利益能具足如
是不可思議法利能作一切法無障
碍明乃至寂滅諸佛世尊說此金剛
摧碎心高緣法等句陀羅尼印入耆
別記時一切魔力境界磨滅乃至於
彼無餘涅槃而般涅槃於諸衆生无
量利益無量安樂為欲憐愍一切世
間利益安樂无量天人衆生聚故時
彼諸佛告彼菩薩作如是言善男子
我亦共汝往彼娑婆世界釋迦如來
阿羅訶三藐三佛陀之所住處所有
十方現在世尊壽命將終諸餘世界
彼諸世尊共一切菩薩前後圍繞并

聲聞僧使侍於前彼諸世尊亦當往
彼釋迦如來大集會所彼釋迦如來
共諸佛亦當說此金剛摧碎心高緣
法等句陀羅尼印入耆別記當共受
持當示隨喜利益衆生遮惡業行為
滿賢行滿無上智故一切諸佛今悉
集彼與諸菩薩聲聞僧等圍繞夾侍
今悉現前在彼佛所若汝欲得此金
剛摧碎心高緣法等句陀羅尼印入
耆別記應往彼聽及欲供養无量無
數恒河沙等之所辟喻一切佛刹諸
佛世尊一時現在及欲見彼昔所未
見諸佛境界菩薩境界諸天境界諸
魔境界佛刹莊嚴之所嚴飾及欲見
彼昔所未見无量佛集者今正是時
可共我等往彼世界釋迦如來所住
之處大集法會時彼菩薩摩訶薩各
白佛言如是如是大德世尊我等當
與如來俱往彼處娑婆世界釋迦如
來所集法會於彼佛所昔所未聞為
聽彼法金剛摧碎心高緣法等句陀
羅尼印入耆別記故我等於彼无量
元數諸佛世尊一時一集住世將養

者得供養故及聞彼法我等於娑婆世界得見彼四種神通境界嚴飾普莊嚴事及見彼大集法會莊嚴我等若往彼佛剎說陀羅尼時得容止處不及得承事供養彼佛聽法以不又彼如是所集徒衆菩薩摩訶薩得供養不時彼諸佛各各告彼諸大菩薩摩訶薩及大聲聞作如是言諸善男子汝等莫疑於彼世界有容止處不何以故諸佛境界入無邊平等智巧无边成熟衆生無邊廣博空處諸善男子彼釋迦如來大巧方便具足善男子所有衆生衆生界所攝者但界入所依處彼諸衆生若一一衆生假使如須弥等身彼釋迦如來能令一切無量衆生如是等身入芥子中一一衆生所居之處皆得廣博空處遠不相見一切衆生如是大身入一芥子而不覺知有增減相復次善男子所有地界是堅韌者釋迦如來志能令彼一切地界入一取細隣虛塵中彼大地微塵亦不覺知有增減相是名如來巧方便智如是具足復次善男

子一切水界所有津潤釋迦如來志
能令彼一切水界入一取細毛端之
中彼一毛端一切水界亦不覺知有
增減相復次善男子一切火界所有
暖相志能令彼一切三世所有火界
入一取細隣虛塵中而彼火界入細
微塵行自境界猶如廣博虛空之處
復次善男子所有風界可覺者釋迦
如來志能令彼一切風界入一毛孔
彼一切風於一毛孔行自境界猶如
廣博虛空之處復次善男子十方佛
剎一切衆生及彼四大釋迦如來志
能令彼入一取細隣虛塵內一切衆
生并彼四大行自境界所用之事猶
如虛空不相燒亂亦不覺知彼一微
塵有增減相是名如來巧方便智如
是具足復次善男子乃至三世所攝
衆生六入行取願持語言音聲文字
言說三行作業陰界分別長養種種
所作彼一切衆生往昔已來三世所
攝六趣生死起滅乃至一切衆生三
世所攝過剎鄰羅婆牟忽多者乃至
一切衆生三世所攝乃至及一切衆

生三世所攝受所受苦樂覺知彼一切一剎那頃彼釋迦如來悉能覺知若干諸相悉具足知而如來不分別無分別无思念如三世際悉知是相善男子諸佛入境界智方便平等成熟衆生方便具足尔時諸佛說釋迦如來如此相時種種諸方彼諸如來各各徒衆无量無數百千菩薩願智神通勝妙境界皆度彼岸

寶星陀羅尼經卷第五

辛丑歲高麗國大藏都監奉
勅雕造

寶星陀羅尼經卷第六

部

唐天竺三藏波羅頗蜜多羅譯

陀羅尼品第六之一

尔時於彼東方之分有世界名可樂
佛名阿闍與无量無數菩薩摩訶薩
俱諸佛境界種種加護神通力故於
一剎那頃從彼發來到此釋迦如來
阿羅訶三藐三佛陀中四天下所住
之處時阿闍佛如自所化坐蓮華座
彼諸菩薩摩訶薩亦如已功德神通
之力化作蓮華微妙法座於蓮華臺
向佛而坐如是東方無量無數微塵
等佛剎衆首諸佛世尊住世將
養於剎那頃一如來與无量無數
菩薩摩訶薩百千俱胝那由他聲聞
大衆從彼發來到此釋迦如來阿羅
訶三藐三佛陀於中四天下所住之
處彼來大衆如已神通化作蓮華微
妙法座於蓮華臺向佛而坐
尔時於彼南方之分如來名寶星乃
至廣說於蓮華臺向佛而坐尔時於
彼西方之分有佛名阿弥陀乃至廣

說於蓮華臺上佛而坐如是北方有
佛名曰鼓音下方有佛名毗盧遮那
乃至於彼蓮華臺上廣說如前上方
如來名曰智光與无量無數百千俱
伽那由他如恒河沙佛刹微塵等菩
薩摩訶薩俱以諸佛境界種種加護
於一刹那頃從彼發來到此佛刹中
四天下釋迦如來阿羅訶三藐三佛
隨所住之處時智光佛到已如自所
化坐蓮華座彼諸菩薩摩訶薩等既
到此已各各如已所量功德神通之
力化作蓮華微妙法座於蓮華臺向
佛而坐

時彼十方諸來菩薩普集會者或有
雨於閻浮檀金為供養事供養世尊
乃至廣作如前所說或有右遶一切
佛刹者或有渴仰合掌佛前如法聽
者或有以已常所行善根之分思惟
住者尔時須菩提童真恭敬合掌以
已神通及佛神力加護持故於一切
佛刹法聲遍滿說如是偈

一切疑斷者 牟尼月普來 此昔未見聞
衆成就悉現 一切諸佛滿 及淨戒菩薩

佛剎如塔廟一切皆禮拜 佛今非無因
牟尼佛日來 此土五濁惡 衆生可穢汙
今當降伏魔 黑暗黨破壞 攝受諸善行
為此今故來 聽聞寂滅法 魔衆悉摧散
生起清淨意 當得三佛施 行於大乘道
汝應披忍鎧 及為盡諸惑 汝聽陀羅尼
各坐蓮華座 同聲請導師 說此擁護法
攝持一切法 不退陀羅尼 為正法久住
一切障銷滅

余時无量無數得忍菩薩摩訶薩等
咸共同聲作如是言唯願世尊坐蓮
華座今大悲者為無上忍大慈所冀
依無畏說攝持一切法除諸怖畏門
過諸魔道摧倒魔幢建立法幢滅諸
煩惱降一切怨斷一切疑入一切智
解脫怖畏於諸護中為最上護能示
菩薩一切法所謂若念若慧若道若
持若不忘若巧方便乃至一切行安
樂成就福德所依加護三摩提羣提
陀羅尼入巧明智乃至持三十七助
道法心為諸衆生光色怡悅故力名
聞故樂獨住故樂說辯念令增長故
聞持不忘故一切怨退故五穀成熟

故持淨戒故念器成故行成就故到菩提故

世尊今為我說此陀羅尼法正法隨攝久住故三寶種不斷故亦現无上菩提道故真際如如虛空無差別故一切明闇相此彼分別無分別故衆生壽命養育我人無差別故不生不起不滅一切法平等相無體真際如如无差別故地水火風虛空識界無差別故諸佛世尊我今說此一切法性出生道場陀羅尼時无量無數百千俱胝那由他等衆生即聞法時无量衆生於三寶中得不壞信諸衆生等為善知識共相利益及无量無數衆生當發阿耨多羅三藐三菩提心得不退轉而得受記

普請一切諸佛世尊說大法故彼諸佛等默受請已即時於彼蓮華臺上端身正坐即入如諸佛境界入平等願三昧入三昧已欲令一切諸佛剎內諸來會衆一切衆生一切諸苦皆悉銷滅一切善根皆得圓滿及得信淨念解成就諸佛世尊即見如是此

佛刹內諸來衆生貪瞋癡等見慢醉
高身見疑取有愛沉下等過諸心心
數皆悉銷滅一一衆生皆如是解唯
我一人於如來前正身聽法不為餘
人唯我一人如來以一切思觀我一
切心一切熱惱皆得銷滅更無餘人
為聽法故請如來說

尔時所有此佛刹內一切衆生普來
會者諸根猛利合掌同聲白佛言世
尊為我等說法大德善逝為我等說
法我等當共隨順成就佛世尊法尔
時釋迦如來以香莊嚴寂上勝妙出
過一切遍滿一切諸佛刹土為供養
諸餘佛世尊故住諸佛前及一切諸
佛刹內諸來大衆一切衆生復以種
種寶種種華種種鬘種種香種種蓋
種種幢種種幡種種莊嚴捧持滿掬
現諸佛前以為供養尔時釋迦如來
作如是言諸佛世尊一心念我所有
現在十方世界各各世尊餘世界中
普來問我我於往昔本願如是於種
種穢惡五濁世界得阿耨多羅三藐
三菩提是諸衆生失所依止失三乘

道無明暗室煩惱暗翳不善法聚纏繞一切捨遠善法趣三惡道遠離一切聰慧之者作諸惡逆者謗毀正法者謗毀聖人者依無慈悲者我為慈悲此等衆生故發大悲力大精進力於彼寒熱疲勞諸苦我忍受之城邑國土道路宮室足步遊行為欲利益諸衆生故乏少應澁少味飲食最可厭惡不喜之食為諸衆生殖善根故忍受種種應澁苦觸舍那刳貝應麻衣服以如是等糞掃之衣而取著之山谷林藪空舍塚間依此止住乃至受草舍那應麻樹葉澁臭惡觸諸惡卧具以巧方便我著大悲精進之鎧為諸衆生說十種種為刹利王說自在法為婆羅門說四毗陀星論等法為諸大臣說於教導衆生等法為諸醫師說諸藥性所宜之法為諸商人說賣買法為諸農夫說田種法為諸女人說於嚴飾養育自在無他行法為諸沙門說忍辱柔和坐禪誦經勸營衆事為欲示誨成熟衆生未到者令到故未證者令證故未脫者令脫

故忍受種種諸苦惱事成就衆生故
遊於人間

我今猶被此諸衆生因嫉妬故罵詈
毀訾以姪欲法謗毀於我復以惡言
誹謗於我道我詭言擊讚詐諂幻偽
妄言虛續共諸女人說愛欲語復以
惡事加害於我塵土至汙刀毒火輪
鐵捷箭稍鉞斧大石惡器仗等雨害
於我狂為毒地師子虎狼水牛惡牛
以大力士悉共打擲來害於我
於我房舍止息之處及僧伽藍以不
淨臭穢汙滿其中我諸聲聞入城內
時此非法衆生以非法歌舞勸請聲
聞為非法事以無量百千方便欲害
於我為欲隱蔽正法故欲滅法燈故
欲破法船故欲散我法會故欲倒我
法幢故

今時釋迦如來作如是言當觀過去
諸佛法或如彼諸佛於此穢惡五濁
惡世普大集會作妙法或為今妙法
久住故於一切魔諸惡境界令摧碎
故三寶種不斷故為諸衆生增長善
根故一切外道所有言論以法摧伏

故為諸衆生飢饉荒亂聞訟疫病他
方怨敵禁縛言訟不時寒不時熱不
時風不時雨身口意業諸過惡見令
銷滅故

為令一切天龍夜叉人非人等正迴
向故一切家宅聚落城邑衢路諸處
悉擁護故一切詭毒蠱道憒悶惡夢
灾相悉令壞故一切五穀藥草華果
滋味令資養故刹利婆羅門毗舍首
陀誨示善行故菩提心令滋茂故勤
修諸波羅蜜故為令菩薩摩訶薩巧
方便智念行勇猛樂說辯才得增長
故受佛職位安慰入智度彼岸故如
彼往昔如來阿羅訶三藐三佛陀說
此金剛法等因緣法心建立摧碎陀
羅尼印句入耆別記法門演說受持
乎相隨喜善哉善哉如是如是
於今現在所有十方諸佛世尊住世
將養者悉來到此娑婆佛刹五濁惡
世來問評我各在華座彼諸佛等擁
護此佛刹內諸衆生故應說此金剛
法等因緣法心建立摧碎陀羅尼印
句入耆別記法門演說受持乎相隨

喜令妙法久住故一切諸魔惡境界
力令磨滅故如前廣說乃至无障碍
智度彼岸故慈愍攝受及受我請故
為令此佛刹內說妙法門得久住故
一切外道不能過故得不壞法及三
寶種不斷絕故一切衆生得受法味
故尔時一切諸佛世尊咸如是言如
是如是我等決定作如是事於此佛
刹護持妙法令久住故一切諸魔惡
境界力令摧碎故乃至無障碍智度
彼岸故我等當說此金剛法等因緣
法心建立摧碎陀羅尼印句若別門
記大持法門汝等大衆今當諦聽一
切諸佛大集此刹說如是呪

多地也他鶖伽邏鶖伽邏一崩伽邏
鉢囉朋迦囉三婆耶弭呵弭哆藍婆
斯四阿嶠阿佉門跋利度迷三徒鼻

帝六雞跋嚩雞榆利七三摩婆呵泥八

三鼻多跋達利九達迷達迷十馱摩雞

一閼破隸二十弭哆囉三破隸三十破囉婆

帝四伽尼十五伽拏婆藍帝六晒利

底利七晒囉四囉雞八閼婆帝閼婆

帝九吒迦斯十吒建帝十一吒迦婆藍

伽拏婆漢帝

二十

晒蘭帝

二十

始蘭帝

二十

嬪頭婆帝

二十

衢婆

去

醢

二十

受離

二十

多囉受離

二十

受履

十二

阿伽離

三十

婆迷

二十

娑寫多他當

三十

呼盧晒離

三十

梅涕

三十

三摩達迷

三十

默迷

三十

盧

三十

暮朱盧

三十

阿質吒

四十

至離

四十

至離

四十

遮婆呵

四十

朱盧朱盧

四十

弭

多囉婆呵

四十

俱盧俱盧

四十

娑囉婆囉

四十

都抹

四十

都抹

十五

磨呵薩底耶離

四十

耶喃

四十

都抹

四十

蘇喃

四十

度磨鉢離

三十

阿

三十

婆

三十

耶磨

四十

毗婆呵底

五十

磨

五十

磨

五十

鉢

五十

濕縛

五十

尸尸囉

六十

盧迦

六十

耶迦

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

跋時

六十

泥^{八十}馱婆婆至^{八十}禰茶羅^{八十}栖迷^九薩

婆薩寫阿地瑟魑^{音多}多^{十九}叱電都婆呵

那磨弭泥^{九十}波羅囉底^{九十}烏闍惡

伽隸^{九十}毗至泥^{九十}婆遮那囉呵^{九十}

蒲隸蒲隸^{九十}瞿盧瞿盧^{九十}慕盧慕

盧^{九十}晒離晒離^{九十}呵囉呵囉^{一百}迦建

茶婆呵^{一百}晒當^{一百}阿喻那建茶時縛

羅婆栖^{三百}揭馱泥^{四百}阿陀阿泥^{五百}末伽

阿毗盧呵泥^{六百}破羅薩底曳^{七百}阿盧

呵婆底^{八百}晒離晒離^{九百}耶陀婆闍耶薩

縛惡伽囉^{一百}耶陀波蘭者離馱耶婆

呵^{一百}薩底耶鉢離婆婆^{二百}末伽避

盧呵泥^{三百}阿遮羅勃提^{四百}馱馱鉢

囉遮囉^{五百}波遮耶^{六百}賓茶離馱耶

禰^{七十}達囉遮囉拏^{八十}阿遮隸^{九十}輸

達泥^{一百}鉢囉乞離底耶末伽^{一百}伊

羅伽離梨^{一百}鉢囉弊^{一百}婆囉勃

囉帝^{一百}薩婆哆囉哆他多^{一百}薩底

耶阿奴伽帝^{一百}阿那婆囉那勃囉帝

毗^{一百}阿羅多^{一百}鴛瞿隸^{一百}奢弥泥^{一百}

毗勃囉磨婆喻晒^{一百}阿晒多阿婆囉

尼^{一百}囉婆耶婆^{一百}阿質囉末伽^{一百}

羅那羅瞿薩隸^{一百}底離囉多那傍

羅那羅瞿薩隸^{一百}底離囉多那傍

世^{百三}達^{百六}磨^{百六}迦^{百六}時^{百六}縛^{百六}羅^{百六}耨^{百六}達^{百六}隸^{百六}三^{百六}沒^{百六}

達^{百六}囉^{百六}婆^{百六}底^{百六}磨^{百六}呵^{百六}馱^{百六}步^{百六}多^{百六}毗^{百六}耶^{百六}

三^{百六}沒^{百六}達^{百六}囉^{百六}耨^{百六}加^{百六}婆^{百六}底^{百六}陀^{百六}囉^{百六}尼^{百六}沒^{百六}達^{百六}隸^{百六}

拏^{百六}磨^{百六}仙^{百六}沒^{百六}達^{百六}囉^{百六}蘇^{百六}囉^{百六}鉢^{百六}囉^{百六}底^{百六}三^{百六}

毗^{百六}陀^{百六}沒^{百六}達^{百六}囉^{百六}阿^{百六}跋^{百六}多^{百六}尼^{百六}三^{百六}跋^{百六}多^{百六}

尼^{百六}三^{百六}慕^{百六}賀^{百六}塞^{百六}迦^{百六}囉^{百六}毗^{百六}地^{百六}喻^{百六}多^{百六}囉^{百六}

拏^{百六}那^{百六}廁^{百六}底^{百六}沒^{百六}達^{百六}離^{百六}都^{百六}曳^{百六}雞^{百六}質^{百六}畢^{百六}

利^{百六}地^{百六}毗^{百六}婆^{百六}呵^{百六}婆^{百六}婆^{百六}婆^{百六}呵^{百六}呵^{百六}雞^{百六}

吒^{百六}迦^{百六}婆^{百六}吒^{百六}世^{百六}羅^{百六}鉢^{百六}囉^{百六}底^{百六}底^{百六}離^{百六}多^{百六}曳^{百六}

那^{百六}沒^{百六}達^{百六}離^{百六}多^{百六}陀^{百六}囉^{百六}尼^{百六}馱^{百六}囉^{百六}馱^{百六}囉^{百六}

馱^{百六}囉^{百六}檀^{百六}地^{百六}羅^{百六}檀^{百六}地^{百六}羅^{百六}呼^{百六}色^{百六}迦^{百六}薩^{百六}

婆^{百六}離^{百六}馱^{百六}耶^{百六}沒^{百六}達^{百六}離^{百六}都^{百六}閼^{百六}茶^{百六}閼^{百六}跋^{百六}

吒^{百六}閼^{百六}呿^{百六}婆^{百六}吒^{百六}蘇^{百六}末^{百六}底^{百六}末^{百六}底^{百六}

磨^{百六}呵^{百六}馱^{百六}步^{百六}多^{百六}沒^{百六}達^{百六}離^{百六}多^{百六}曳^{百六}雞^{百六}質^{百六}敎^{百六}

阿^{百六}耶^{百六}單^{百六}那^{百六}尼^{百六}失^{百六}離^{百六}多^{百六}步^{百六}多^{百六}伽^{百六}尼^{百六}弭^{百六}

尼^{百六}薩^{百六}遮^{百六}尼^{百六}瞿^{百六}沙^{百六}薩^{百六}遮^{百六}尼^{百六}沒^{百六}

達^{百六}離^{百六}多^{百六}遮^{百六}離^{百六}耶^{百六}阿^{百六}地^{百六}瑟^{百六}佗^{百六}那^{百六}婆^{百六}

迦^{百六}鉢^{百六}他^{百六}那^{百六}阿^{百六}溺^{百六}他^{百六}磨^{百六}呵^{百六}布^{百六}尼^{百六}

沒^{百六}遮^{百六}耶^{百六}阿^{百六}婆^{百六}多^{百六}囉^{百六}磨^{百六}呵^{百六}迦^{百六}盧^{百六}拏^{百六}耶^{百六}

鉢^{百六}地^{百六}至^{百六}囉^{百六}囉^{百六}多^{百六}藍^{百六}時^{百六}縛^{百六}羅^{百六}都^{百六}

達^{百六}磨^{百六}泥^{百六}底^{百六}離^{百六}薩^{百六}耨^{百六}慕^{百六}尼^{百六}勃^{百六}離^{百六}

婆^{百六}婆^{百六}磨^{百六}呵^{百六}迦^{百六}盧^{百六}拏^{百六}三^{百六}磨^{百六}提^{百六}若^{百六}

婆^{百六}婆^{百六}磨^{百六}呵^{百六}迦^{百六}盧^{百六}拏^{百六}三^{百六}磨^{百六}提^{百六}若^{百六}

那羅婆跋隸那百八梅底離百八底耶伽

阿底毗離耶跋隸那百八阿地瑟臚多百八

薩婆步都百八為波迦耶也百八薩婆奇百八

尔時一切諸佛土中所有大衆至此

佛刹普來會者皆共同聲作如是言

南无一切諸佛南无一切諸佛皆共

三反作如是言恠哉牟尼衆集其大

希有大菩薩集其大希有大聲聞集

甚大希有如是希有實未曾有我昔

未聞此金剛法等因緣法心建立一

切法摧碎陀羅尼印句差別法門一

切教師正法住持三寶種不斷絕恚

能摧破魔境界力斷魔羅縛降伏魔

怨建立法幢護持法分乃至能滿諸

佛境界故今一切諸佛世尊說此陀

羅尼印句差別法門記是一切衆生

心印大希有行調伏六入乃至令一

切衆生得無上涅槃故說此陀羅尼

印記法時三十恒河沙等菩薩摩訶

薩成就此陀羅尼得三昧忍

尔時月光童子即從坐起合掌普觀

佛加護故及自神通力出大法聲悉

皆遍滿此佛刹內說如是偈

佛月難得值 值是衆亦難 聰慧衆難得
及菩薩行者 如是妙法印 第一難得聞
如來大悲者 能護持正法 摧一切魔黨
及退諸怨敵 三寶永不斷 諸佛受持故
一切障壞破 忍辱柔和增 及衆生迴向
護王并國土 遮諸作惡者 及斷諸惡見
安慰諸菩薩 示現菩提道 增長波羅蜜
賢善行滿足 樂說方便智 如是等增長
皆受持佛語 攝持諸白法 擁護陀羅尼
明淨菩提道 熾然證實法 汝等一切衆
皆當斷疑網 信於陀羅尼 此是滿足道
所謂得菩提 我等復欲說 擁護陀羅尼
守護說法者 增長聞慧故 誰有與欲者
菩薩大名聞 及得无障故 能令諸衆生
利益增長故

尔時恒河沙等童真菩薩摩訶薩咸
共同聲作如是言我等今者與此受
持陀羅尼欲若有善男子善女人比
丘比丘尼優婆塞優婆夷當淨洗浴
著淨衣服用種種華莊嚴為張燒種
種香設種種食種種衣服安置敷設
嚴飾綺繡豎立種種微妙幡幢及諸
華蓋莊嚴道場昇軟妙觸師子之座

開示分別此陀羅尼者於彼無有心
乱者四大乱身乱意乱無有毒氣嘘
觸其身無有能令頭痛者内外身分
及以四支患無病惱無有能令音聲
蹇澁若彼法師往昔所有不善之業
四大乱聲乱者若彼法師讀此陀羅
尼故一切業障盡滅無餘得安隱住
有來聽者亦無四大乱及以聲乱若
有聞此陀羅尼者彼不善業四大長
病及聲乱者一切皆滅是時月光童
子瞻仰无量恒河沙等諸佛世尊諸
大菩薩之所圍遶月光童子曲躬合
掌作如是言諸佛世尊慈悲念我當
與我欲今當說此陀羅尼呪即於佛
前說大明呪

多地也他辱帝一阿娑摩路卑二弥
哆離三蘇摩婆垣四縊四娜婆軍闍腓
五娜婆軍闍娜婆軍闍腓六茂羅輸陀
泥七婆荼呿婆荼呿八婆荼呿摩羅婆

哆他多跋履侈陀十婆婆婆頗頗娑

婆娑十一阿茂羅十二阿者離十三陀陀波囉

昔羅十四腓地離十五縊迦娜耶跋履侈陀

六梅陀那拉履尼七菩薩離八三薩囉

拉履尼

九

呿

加敷羅

拉履尼

二

娑娜婆

敷羅拉履尼

二

復哆句

胫跛履

侈施

二

闍闍

來可

呿呿

二

婆移

闍闍

呿呿

二

摩佉沙呿

五

迦迦

六

呵呵

七

虎虎

虎

八

娑波履

奢腓

施娜

九

波履

十

阿摩摩

一

你也

摩摩

二

棄也

摩摩

娑母施

囉母

施囉

婆佉

三

僧塞

迦囉

孃跛履

侈施

四

菩提

娑

乞史

垣腓

摩訶

腓摩

五

部

六

哆句

胫

阿迦

捨始

娑娑

跛履

侈施

七

娑婆

呵

尔時

一切

他方

佛土

諸佛

世尊

菩薩

摩訶

薩及

大聲

聞釋

梵護

世天

龍夜

叉乳

闍婆

等諸

大神

王大

威德

者咸

共稱

讚善

哉善

哉白

諸佛

言世

尊此

施羅

尼甚

大

疋疾

有大力

勢能

遮一

切怨

敵怖

畏病

患諸

難惡

夢惡

相皆

患解

脫乃

至無

障智

无上

智大

福智

聚之

所依

故說

此施

羅尼

尔時

世自

在在

主大

梵天

王以

大梵

力

境界

莊嚴

變為

女人

於无

量壽

佛前

坐第

一端

正色

相圓

滿勝

過於

天第

一具

足衣

服莊

嚴華

鬘塗

香持

用嚴

飾時

世目

在在

大梵

天王

即從

坐起

今

掌恭敬作如是言世尊當擁護我圓音演說如是音聲悉能遍滿一切佛刹普得聞知而無障碍如我今者如此呪句善能護持說法法師及聽法者若於後時若魔若魔眷屬若天若天男女或龍龍女或龍父母男女眷屬乃至毗舍遮女毗舍遮父母男女大小并其眷屬人非人等於說法師及聽法者伺求其短實作怨家詐為親友於說法師及聽法者乃至惱害損觸一毛或奪精氣或毒氣噓或惡心視乃至一念頃我於彼等人若非人諸魔鬼輩禁止斷除令彼昏濁與其要擔我當擁護諸佛世尊圓音演說能以法聲滿諸佛刹唯願世尊當念助我時無量壽佛默然受請時大眾中有一釋天名曰持髻以金天冠勝妙光明莊嚴其身在於佛前不遠而坐

尔時持髻釋天告自在如是言姉妹勿以染汙之心於無量壽如來座前而坐勿惱世尊何以故樂戲論者是凡夫法如來世尊永無戲論有為變

現是起盡相一切名色句老別如如
汝若如是或倒如來姊妹如來平等
無違無諍一味如如等虛空界虛空
亦不妄置三行盡相如虛空不分別
無分別諸行如是如來如是諸欲切
德不為戲論不分別無不分別而無
所住不受不取如是無命无生者無
養育無人無陰界入無取無戲論姊
妹汝今云何於如來前而作戲論
尔時無量壽如來告天主言汝應審
諦然後發言勿作不如法語令汝得
罪受不愛果此是大善丈夫為无量
諸佛之所注意於諸佛所種諸善根
又此善丈夫為欲供養如來事故現
女人相妙飾莊嚴汝勿於此說言是
女時持髻釋天白世自在梵天言善
男子當起慈悲攝受於我施我歡喜
莫令我今以此惡言得惡果報尔時
懷樂菩薩白無量壽佛言世尊若此
釋天不悔此語時得何果報時无量
壽佛告懷樂菩薩言善男子今此釋
天若不悔過於未來世八万四千生
中作草驢身為他輕賤是故善男子

等常須慎意護此口業

尔時佛告世自在梵天言善男子隨汝樂說我已擁護汝所說也世自在梵天既蒙護念歡喜合掌遍觀十方作如是言唯願世尊一心念我若佛菩薩及聲聞衆天龍夜叉乾闥婆阿修羅迦樓羅緊那羅摩睺羅伽欲令正法久住世者願於此處同與我欲若法師及聽衆欲得隨順相應無惱乱者當與我欲若彼惡魔人非人等未來之世於說法者及衆生類作惱自在梵天作是語時所出音聲遍滿一切諸佛世界尔時一切諸梵天王一時同聲作如是言我等亦以此陀羅尼同共與欲所以者何我等於後亦當受持此陀羅尼亦當擁護未來之世善男子等有能開示演說如是法門及聽法衆我當令彼隨順相應得如所願我等今於佛世尊菩薩摩訶薩及大聲聞衆前與此陀羅尼欲時彼自在梵天作如是言唯願世尊及菩薩聲聞大弟子衆擁護於我即

說呪曰

多地也他^一阿摩離^二毗摩離^三伽拏山

地^四呵離^五氎地^六摩呵氎地^七遮弥^八

摩呵遮弥^九蘇弥^十薩他弥^{十一}阿婆呵^{十二}

毗婆呵^{十三}驚伽閻^{十四}泥哆囉佉毗^{十五}茂羅

波履侈啼^{十六}藥叉氎馳^{十七}毗舍遮氎馳^{十八}

阿跋哆泥^{十九}二跋哆泥^{二十}僧塞迦囉泥^{二十一}

調波泥^{二十二}摸呵泥^{二十三}區遮吒泥^{二十四}呵摩

呵^{二十五}呵摩呵呵摩呵^{二十六}阿軍遮泥^{二十七}佉

伽舍婆^{二十八}阿摩羅^{二十九}阿茂羅^{三十}茂羅波

履跋垣^{三十一}阿婆羅佉婆^{三十二}娑婆呵^{三十三}

世尊若有男子女人違逆不行聖衆

大集所說神呪者眼睛墮落頭頂破

裂支節分散復說呪曰

多地也他阿者者^一阿婆呵者者^二帝

迦囉叉^三遮遮吒^四佉遮遮^五那佉伽遮

遮^六遮遮遮^七那遮呵茂羅遮遮^八遮

茂羅^九遮遮呵摩茂羅遮遮^十呵牟呵

牟^{十一}婆茶婆呵^{十二}娑婆呵^{十三}

余時一切梵王乃至毗舍遮王聞是

說已皆唱善哉作如是言假使鬼神

有大威力雄猛迅疾所向摧碎力能

過千我今以此陀羅尼章句悉令羅

著如是一切諸惡鬼神能與衆生作不利者皆使潛滅無逃活處自在梵天復作是言若有住惡無慈愍心不知恩德惱衆生者若鬼若魔及其眷屬常來伺求受灌頂職剎利王等或伺求妃后王子王女及綵女等乃至宰相官屬并餘民庶於佛法中得清淨信者若男若女童男童女優婆塞優婆夷樂聽法者比丘比丘尼禪誦精進不放逸者如是鬼魔人非人等求其長短我當擁護乃至能令一剎那頃惡心不起况復於彼一毛惱乱若起惡心惱乱破壞奪其精氣以毒虛身如是伺求覓其過者以此陀羅尼威神力故若魔眷屬人非人等頭破作七分眼睛殞墜心水乾枯得白癩病其身臭爛失本神通陷沒於地復為惡風所吹擲置四方無人之處塵土全身狂迷心乱周憶馳走所行之地地皆破裂隨墮其中深八万四千由旬於彼命終若是魔等違背此呪水行之類於佛聖教得清淨信者勤營僧事比丘比丘尼等彼諸鬼神

作惱亂者亦得如上所說惡報頭破
七分及以命終若是不退魔場陀羅
尼隨所在處我等當勤加護所有一
切樂法衆生我當勤心晝夜守護及
彼一切惡毒夜叉富單那等我當驅
逐出其境界若陀羅尼所在之處一
切國土鬪諍飢饉他方怨敵非時風
雨寒熱疫病我當除斷令無有餘亦
令其國一切人民善根成就隨順和
合安隱豐饒能令法師及聽法者名
聞高遠無有病苦亦為勸勵四輩檀
越利養供給

寶星陀羅尼經卷第六

唐子歲高僧國大藏都監奉

勅彫造

寶星陀羅尼經卷第七

般

陀羅尼品之餘

唐天竺三藏波羅頗蜜多羅譯

尔時衆中有一大梵天王名曰妙音
位居十住摩訶薩地若於梵中諸梵
中尊若於魔中諸魔中尊若於釋中
諸釋中尊乃至毗沙門毗樓茶毗樓
博叉提頭賴吒大自在毘羅延阿修
羅等於諸天主天主中尊是時妙音
梵王變作第一女人之形色相圓滿
威儀具足以勝莊嚴而自在莊嚴於釋
迦如來前合掌而坐以其兩手捧如
意寶珠為供養佛故瞻仰尊顏目不
異視諸根寂然不以諸相而觀如來
尔時世尊告妙音梵天汝今何故目
不暫瞬乃至無相觀於我耶善男子
頗有一法名為佛耶頗有一物可為
名耶如貪瞋癡無明煩惱有名物緣
相相緣無明無明緣行乃至廣說相
滅無明滅行滅亦復如是妙音梵天
言誠如聖說何以故無明不可得世
尊若無明不可得者彼十二有支從

何而起可從虛空生耶虛空復不可得佛言如是如是善男子一切法如虛空所以者何虛空無物無相非聞非明不分別無分別無成無壞不可說無一物無分齊斷一切物如是如是善男子佛法實際斷佛法如如佛法不取此彼岸佛法不減不增佛法非陰界入體無分齊若實若物若相一切皆無佛法無動無住不妄置立佛法一切言語道斷說此法時八万四千衆生發阿耨多羅三藐三菩提心時有惡魔作如是言若佛法如虛空非物不可說汝以何等智慧精進劬勞方便惱亂於我破我境界乃至奪我境界衆生復教衆生不來不去無物幻術汝若如是教衆生者不復見彼煩惱行起汝以何故為我於此娑婆世界召集如是无量無數諸佛世尊菩薩摩訶薩及大聲聞梵釋護世摩醯首羅有大神通有大加護乃至天龍夜叉乾闥婆阿修羅迦樓羅緊那羅摩睺羅伽等大衆普皆同來灌於一切諸佛刹土令此無慈大梵

說如是呪我等既聞普皆頭痛受大苦惱乃至令身上下爛臭尔時復有六万八千諸魔王等及其魔衆无量無邊極惡夜叉羅刹鳩睺荼毗舍遮等一切同聲唱如是言我等徒黨即聞呪時增益頭痛身皆爛臭受極重苦釋迦如來告彼魔言憶我昔日菩提樹下坐道場時汝魔軍衆遍在八十由旬及以虛空皆悉充滿欲來害我乃至今日復將軍衆無量俱胘共來害我我亦如是召集无量無數諸佛世尊菩薩摩訶薩乃至人非人等普來集會為欲令汝及餘諸魔人非人等悉降伏故滅一切苦得大涅槃寂滅樂故亦為教汝不來不去無所有性如幻法故一切趣一切滅一切起生死愛流悉枯竭故亦令汝等及一切邪見衆生入無餘涅槃境界而般涅槃故魔王汝等今者速發阿耨多羅三藐三菩提心汝此頭痛當得解脫漸漸修習性空佛法當得現前及得諸佛境界勝魔境界獲大利益尔時六万八千諸魔及其徒衆同聲

唱言世尊我等今發阿耨多羅三藐
三菩提心云何當得自性空等佛法
現前乃至得佛勝妙境界希有利益
時有惡魔作如是言縱復令我盡後
邊身得重頭痛我終不以如是誦幻
發菩提心尔時妙音大梵作如是言
我今亦於一切佛前以此佛剎微妙
教法勇猛受持於此五濁世界流布
釋迦如來尊重之教從今已往乃至
熾然隨有國土正信衆生皆令不退
遠出魔網若此法門世間不流行者
我今流行若已行處令其信心倍復
增廣所有城邑聚落善男子善女人
等我當擁護慈心將養遮其非義亦
誨善義隨處有此不退魔場陀羅尼
法門乃至書持亦隨有法師之處昇
師子座欲開示演說此法門時先當
於彼至心誦此陀羅尼章句召喚於
我并諸眷屬我當自往彼法師所為
作擁護令聽法衆得大吉祥即於佛
前而說呪曰

多地也他阿婆弥阿婆弥一菴婆離菴

飲食衣服舍宅氍褥卧具果報成就
悉皆充滿隨有流通此法門處不利
益事我當遮之利益之事當令成就
若彼衆生信樂正法行善行者我當
誨示令福增長我今於此一切佛前
立大誓願唯願諸佛同憐愍我令我
所作佛事大願成就願成就故意所
依處皆令滿足願滿足故即我丈夫
所作成就

尔時釋迦如來為首與一切諸佛同
共憐愍攝受妙音大梵故作如是言
善男子我等當以陀羅尼呪與汝受
持所以者何若一切釋梵護世四天
王及諸餘天龍夜叉阿修羅等於佛
聖教起不淨心者以呪力故皆當攝
伏妙音大梵作如是建立大丈夫所
作事時十方諸佛同唱是言當願妙
音大梵願力成就即說呪曰

多他他者問池一問茶跋履侈提二呵茂
摩三呵茂摩四娑囉叉五婆羅九娑弭佉六
跋履娑呵七遮囉麼八也他者鍤比佉阿
茂羅跋履侈提九薩婆部馱地史耻埒十
娑婆呵十一

尔時釋迦牟尼世尊說是呪已作如是言善男子此陀羅尼能令一切魔及釋梵護世諸餘天龍夜叉阿修羅有大光澤攝受一切人非人等皆令迴向諸佛功德汝今若能受持如是陀羅尼者即是能作大丈夫所作事也妙音大梵言婆伽婆我今以是女人形相當善護持一切女人當善成熟一切女人婆伽婆若有女人厭惡女身求丈夫相應當受持讀誦書寫供養此經我當往彼女人之所滿其所願若有女人厭患男女亦當受持讀誦書寫供養此呪如是女人持呪力故雖未離欲更不受胎復有女人為他輕賤被人欺凌失諸樂受亦應讀誦此陀羅尼以陀羅尼威神力故一切願滿諸樂成就尔時大梵為供養故為護持此陀羅尼神力法門故為滿一切衆生願故即以兩手捧摩尼寶珠奉施十方一切諸佛尔時諸佛同發聲言如是如是善男子願汝常能護持佛教滿衆生願

寶星陀羅尼經攝受妙法品第七

今時會中有菩薩摩訶薩名妙慧通
達在勝珠炎如來前坐去釋迦如來
不遠於半忽多須現作梵形於剎那
頃現作魔形乃至現釋天形他化自
在天形又復現作諸天主形化樂兜
率夜摩天形四天王天大自在形或
現夜叉阿修羅迦樓羅緊那羅摩睺
羅伽羅剎餓鬼毗舍遮鳩睺荼剎利
婆羅門毗舍首陀等形成現師子鳥
馬水牛等形乃至示現種種畜生之
形於剎那頃或現鳥樹山果衣服卧
具種種醫藥寶莊嚴器牟忽多須示
現比丘比丘尼像一剎那頃示現佛
像或現八万四千種種色相乃至方
圓處色淨妙形自今時長老富樓那
弥多羅尼子即起合掌問釋迦牟尼
如來言世尊何因何緣而此菩薩有
如是八万四千淨妙之相方圓處色
種種類身佛告富樓那此菩薩有大
功德攝受力境界一切聲聞辟支佛
所不能及妙慧通達菩薩摩訶薩隨
彼住受力境界成熟衆生一切聲聞
辟支佛非其地隨是衆生遍滿十方

無量無數若淨不淨諸佛刹土常以
无障碍慧眼如所願如所意如是表
惱所經如所歸依此菩薩入如是三
昧以是色貌威儀隨處方圓種種色
相具足乃至佛形如所化度衆生皆
安置三乘住不退地若衆生為貪不
自在種種愛求為斷彼貪故與其所
須然後置於不退之地若病患須醫藥
者即與其藥然後立於不退地也富
樓那此妙慧通達菩薩於一日中能
度如恒河沙數衆生解脫諸苦置於
三乘不退之地富樓那白佛言世尊
此善男子成就衆生故為丈夫事其
來久如佛言阿僧祇佛刹微塵數劫
此善男子發阿耨多羅三藐三菩提
心經尔時時得三昧力加護建丈夫
事已未復更經六十四阿僧祇劫富
樓那言妙慧菩薩從此久如於何佛
刹當得阿耨多羅三藐三菩提佛言
更經二十六百千大劫過彼已後有
大劫名能度世界名摩尼華鬘其國
衆生皆壽四十千歲妙慧菩薩於五
逆不善法惡衆生中當成阿耨多羅

三藐三菩提其佛号曰開敷无边光
如来阿羅呵三藐三佛陀佛於四十
千年中恒作佛事以三乘法成熟衆
生乃至令其得般涅槃於是已後无
邊光佛以無餘涅槃而般涅槃富樓
那言世尊此菩薩先所成熟彼諸衆
生當生何處佛言此菩薩先作如是
不自攝受願十方世界於一一方微
塵數等無間佛刹彼刹土中所有諸
佛令我得見我若不見彼等諸佛不
取阿耨多羅三藐三菩提我先所行
菩薩道時勸發衆生初發阿耨多
羅三藐三菩提心亦教建立於六波
羅蜜已成熟者遍於十方諸佛刹土
已得阿耨多羅三藐三菩提者亦令
我見以如是三摩提莊嚴力加護故
於十方無間一一佛刹微塵等諸刹
土中能為如是大丈夫事及彼諸佛
刹中作五逆罪不可治衆生乃至具
足不善法衆生於彼命終乘我願力
皆生我國我為菩薩令是衆生種諸
善根置不退地然後我身當取正覺
妙慧菩薩有是大願尔時十方諸佛

刹土俱來菩薩同作是言我等今者
普來雲集至此佛刹今得見於大師
所得有如是相及見如是大集會
大悲具足諸菩薩等及以昔所未聞
過去未來現在諸佛金剛法等因緣
法心能建立摧碎陀羅尼印句差別
門記法式擁護今我得聞

寶星陀羅尼經授記品第八

尔時阿闍如來普告一切大衆作如
是言我等勸汝諸善男子梵釋四王
天龍夜叉阿修羅迦樓羅緊那羅摩
睺羅伽人非人等諸有於佛教得清
淨信來此集會者得見一切諸佛世
尊及諸菩薩摩訶薩釋梵天王人非
人等普來雲集如是大相甚為難得
汝等今見此處集會皆應於如來前
各各自願汝今於此佛刹若現在世
及未來世必能護持如是妙法令三
寶種常得熾然尔時有魔名曰息華
以七寶器盛種種華果及諸穀萌芽自
變其形為女人像具足微妙第一端
正色相圓滿無與等者第一衣服嚴
飾其身持寶器華以供養佛作如是

言一切諸佛世尊一心念我若此世界及餘世界所有諸佛已集會者如是一切諸佛世尊我今以一切華果諸穀萌芽滿於寶器奉獻諸佛唯願慈悲普皆攝受與我成就滿菩提願若我盡此賢劫於一切佛剎以女人形惠施衆生飲食華果乃至成熟衆生以是福報令我六波羅蜜具足圓滿得成阿耨多羅三藐三菩提及我所化衆生皆悉供給無所乏少是時一切諸佛同作是言善哉善哉善男子汝能以清淨心建立大施及供養一切諸佛世尊我已受汝所施令汝如所求如所為求乃至余所時求滿汝意願功德成就神通成就時息華魔復作是言所有城邑村落有能受持開示此經典者書寫經卷及供養者我當於彼國邑聚落乃至邊墻有人住處叢林華果五穀秀實皆令成就彼一切處所有衆生乃至禽獸食華果者皆令充足世尊若有一人於其方所應食果實竟不得食而命終者我今即為欺誑一切三世諸佛及

此大會諸聖衆等亦莫令我得阿耨多羅三藐三菩提唯除業盡及命盡者所有花果美味之屬皆令衆生普得受用以此因故令我具足檀波羅蜜若諸衆生食果實者是等衆生當起悲心互相利益以此因故令我具足尸波羅蜜若諸衆生受用華果是等衆生起柔軟心以此因故令我具足當令堅固精進之心以此因故令我具足毗梨耶波羅蜜若諸衆生受我華果心心數法起無常想以此因故令我具足禪波羅蜜若諸衆生乃至禽獸食華果者皆令樂法得住性空以此因故令我具足般若波羅蜜復次隨所有處行此法門彼諸衆生所有種種稻禾麥豆雜類果實我以是故心甚勤勞為彼衆生多獲種子亦令一切倉窖盈滿若彼衆生乃至禽獸食華果者以此因故令我具足般若波羅蜜若一一方流通開示此法門處隨彼所有甘蔗葡萄石榴等果一切汁味無不香美倍勝於常衆生

所有瓶瓦甕器皆令盈滿若諸衆生受用食時悉得增長智慧色力以此因故令我具足般若波羅蜜世尊我得如是六波羅蜜淨日滿足令我得阿耨多羅三藐三菩提一切諸佛及一切菩薩摩訶薩衆當隨喜我能作如是菩薩行相時大衆中一切諸佛默然許可今時有佛名曰智星作如是言善男子汝當普請一切衆生為大施主以如是相如是力如是精進勇猛如是劬勞不息汝善男子能作如是相力精進者即是菩薩丈夫所作時息華魔於智星佛前聞如是安慰已即白佛言唯願世尊一心護念與我善業成就滿足在在處處若此法門不流行處我與眷屬不入其境若是法門流行之處我與眷屬恒住於彼令其土地穀藥華果倍復滋茂色香美味悉皆具足衆生受用隨時飽滿倉廩地窖悉皆盈積乃至畜生所食之物亦令豐穰以此善根令我具足般若波羅蜜世尊我盡于却於此佛剎令諸衆生如是相如是力如

是受用飲食當令充足世尊如是無
量無數恒河沙等五濁世界一一剎
土擔於千劫大作佛事然後我身當
得阿耨多羅三藐三菩提世尊我今
以此神呪章句願自呼攝即說呪曰
多地也他遮弥佉^一遮弥佉遮弥佉^二毗
毗履多呵沙帝^三婆呵婆呵婆呵^四娑
麼囉阿娑麼劔^五娑囉知^六毗婆娑娑
睥^七娑囉娑練陀離^八娑囉摩顯陀
離^九娑囉婆闍練陀離^十珊怛跋夜
娑摩劔^{十一}朽朽朽朽朽朽^{十二}阿僧伽
杜睥^{十三}哆佉哆佉哆佉^{十四}婆由婆義^{十五}
優波娜也^{十六}珊怛跋夜^{十七}鼻闍頗羅
補所報所提^{十八}陀那駄泥移娜^{十九}毘陀
囉老移^{二十}杜聞婆呵泥^{二十一}娑麼囉^{引娑}
麼劔^{二十二}三藐波囉底鉢那婆炎^{二十三}娑
哆迦里野麼弥^{二十四}麼弭麼弭麼泯闍
婆囉^{二十五}娑婆呵^{二十六}
時息華魔說是呪已白佛言世尊所
在之處有能開示此經法門及陀羅
尼章句我徃彼處為欲自成熟故為
菩提行滿足故尔時一切諸佛同共
讚言善哉善哉在會大衆菩薩摩訶

薩及一切梵釋天王護世四王天龍
夜叉乾闥婆阿修羅迦樓羅緊那羅
摩睺羅伽鳩睺茶毗舍遮人非人等
從一切佛刹中來者皆共同聲唱如
是言善哉善哉善男子汝能以此女
形修行六波羅蜜成熟衆生以我等
福德精進劬勞力故唯願令汝所作
佛事當得成就釋迦如來作如是言
誰有憐愍此善男子能佐助者
寶星陀羅尼經卷第七

庚子歲高麗國大蔭都監奉

勅彫造

寶星陀羅尼經卷第八

般

授記品之餘

唐天竺三藏波羅頗蜜多羅譯

尔時息華魔眷屬同聲唱言世尊我等眷屬隨順佐助若汝善男子得阿耨多羅三藐三菩提時當與我等授菩提記息華魔言如是善男子魔眷屬言所有衆生下種於地收諸果實而受食者以此善根當令我等得大安樂得大利益息華魔復白釋迦如来言我是護持世尊教法者我是熾然世尊正法者我於此中初作滅飢饉者唯願世尊與我受阿耨多羅三藐三菩提記時息華魔五輪著地頭面礼拜釋迦如来足已却坐一面尔時世尊即為息華而說偈言

汝起勇猛善逝子 無垢清淨蓮華面
今日能發堅牢願 當得第一大菩提
此諸衆生飢火逼 我為至親能救護
解脫一切衆生者 起大悲心當作佛
以空無相無願力 解脫六趣苦衆生
恒以虛空清淨法 令諸衆生得無垢

不久於此佛剎土 當證覺法名勝慧
於未來世得作佛 勇猛善智降勝怨
時息華魔聞是偈已便生清淨第一
歡喜即以天華散於佛上尔時復有
菩薩摩訶薩名成就智即起于坐向
彼十方諸來世尊先以聲覺作如是
言唯願世尊一心念我所以者何憶
我往昔初入賢劫當於拘留孫佛所
發大誓願普欲成就一切衆生亦受
女形為令衆生四百四病得消滅故
復取大地精味散布種種諸草木根
和合四百四味隨藥功能衆生受用
病皆消滅亦以根藥四百四種亦以
果藥四百四種亦以蘇煎藥四百四種
亦以油煎藥四百四種亦以寫藥四百
四種亦以諸治阿伽陀藥乃至湯散
丸等惣治身分内外衆藥凡有一千
四百種類我為成熟諸衆生故為欲
消滅諸病苦故亦為利益諸衆生故
如是衆藥並皆示之世尊我為拘留
孫佛及彼衆會常作種種驅使給侍
本心希望得授記別是時拘留孫佛
便告我言善男子未來之世人壽百

歲小時有佛出現於世名釋迦牟尼
如來阿羅訶三藐三佛陀釋迦如來
以大願故大集諸佛及菩薩衆汝當
於彼得授阿耨多羅三藐三菩提記
從是已來拘那含如來亦如是說迦
葉如來亦如是說我自昔來久發此
願乃至恒河沙等大劫於此佛剎作
大藥天為除衆生一切病故我於彼
時久以大地淳濃精味布散種種諸
藥根枝華葉果實令諸衆生普得受
用及滅內外諸病苦故所有衆生若
正和合受用之時令起無常苦空無
我分別心及心數法轉以此善根令
我具足般若波羅蜜如是我於此佛
剎作大丈夫事如是如是十方恒河
沙等諸世界中以女人形於二世界
如恒河沙劫以如是相如是力如是
勇猛精進如是劬勞乃至給侍如是
如是病苦衆生令成熟故然後我身
當得阿耨多羅三藐三菩提及我今
日復於佛前增進本願與此息華作
大功德其心堅固常為佐助無有劬
勞我等二人共為女形同一色身為

欲成熟諸衆生故乃至倍加成熟諸
女人故今我二人取地精氣和合飲
食令諸香味悉皆具足老病衆生食
此味者一切病患皆得消滅以此勝
日令我具足般若波羅蜜若我得阿
耨多羅三藐三菩提者願佛世尊攝
受我等為稱善我若佛世尊同與我
等菩提記者願為我等稱讚善哉
時世尊稱讚成就智菩薩言善哉善
哉善男子汝能如是作大利益丈夫
即為成就智菩薩而說偈言

汝為世間病者醫 能持諸根得安樂
蓮華清淨取上剎 得佛号毗盧遮那
持地菩薩摩訶薩亦作是願以女人
形化度衆生如地持物憐念授記釋
迦如來為說偈言

汝如大地持一切 今當速得所希念
剎名勝攝功德滿 作佛名曰智自在
智上菩薩願受女形化度一切作如
是念憐得授記釋迦如來為說偈言
汝智充足諸衆生 及以華果方便攝
未曾聞剎上清淨 得佛名為上勝因
示現灰菩薩作女人形受用火事成

熟衆生願得授記釋迦如來為說
偈言

亦諸世間無常想 成熟衆生於菩提
刹名生塵寂吉祥 於彼作佛名燈火
動衆生離塵菩薩願作女形為成熟
衆生故受用風事怖念授記釋迦如
來為說偈言

搖動衆生令歡喜 能令煩惱究竟滅
刹名清淨現平等 當得作佛号月光
無障尋燈菩薩願作女形為成熟衆
生故受用虛空事亦怖授記釋迦如
來為說偈言

得無依智清淨者 能說無上正覺道
刹名調障無染著 當得作佛号智上
妙香說菩薩願作女形為成熟故受
用華事為菩提故怖望授記釋迦如
來為說偈言

現作香華普供養 開亦諸佛無上道
蓮華藏刹清淨土 得佛号普香如來
袈裟色菩薩願作女形為成熟衆生
故受用種種染色願得授記釋迦如
來為說偈言

以袈裟衣利衆生 相應供養三寶種

青光剎中取無上 當得作佛号寶光
尔時無量諸種子天林天果天乃至
六十七俱脛那由他百千菩薩摩訶
薩為欲成熟諸衆生故倍為度脫諸
女人故作女人形發願同得阿耨多
羅三藐三菩提記釋迦如來各說一
偈各得記剎何以故轉男為女其事
則易轉女作男其事則難是時百俱
脛諸大龍王及諸小龍同作是願怖
墜投記釋迦如來各說一偈授菩提
記復有六万四千頻婆及八十俱脛
阿修羅七十阿闍毗俱脛那由他百
千諸天及諸天女九十九頻婆俱脛
人非人衆及刹利婆羅門毗舍首陀
男子女人童男童女亦皆同心怖墜
阿耨多羅三藐三菩提記如是等類
一一各得一偈授記過於數量天龍
夜叉乾闥婆阿修羅迦樓羅緊那羅
摩睺羅伽辟荔多毗舍遮人非人等
未發心者今於佛前同發阿耨多羅
三藐三菩提心過於數量衆生住阿
毗跋致地過於數量衆生得菩薩種

種三昧忍陀羅尼過於數量衆生漏
盡離欲得阿羅漢果亦過數量衆生
迴聲聞辟支佛心住佛阿毗跋致地
如是等一切同聲而作是言我等依
一切諸佛教故受此法門若有受持
讀誦書寫此法門者我及眷屬當共
如法供給供養

寶星陀羅尼經慈愍品第九

尔時釋迦牟尼如來復作是言一切
諸佛若憐愍此佛刹衆生來相問訊
者當一心念此息華善男子等欲令
衆生得衣服飲食及諸藥物隨心受
用令充足者又以女人形相於阿耨
多羅三藐三菩提成熟衆生者一切
諸佛應當加護是息華等今願滿足
如彼善男子所願如其所欲如其所
為隨彼種種所須衣服飲食并諸藥
物若化施設皆令滿足使諸衆生所
須供侍隨意受用即發心時如是等
事悉得成就彼善男子能作如是建
立丈夫所作之事諸佛世尊依大悲
功德定慧莊嚴憶念衆生作如是言
以此神呪章句施與汝等隨意所願

皆令具足一切善根所依一切三世
諸佛世尊所共受持即說呪曰

哆地也他樹桓婆娑^一地履底婆娑^二

牟尼婆娑^三娑底也婆娑^四否若楞迦

羅婆娑地也娜^五羅娑摩呵迦嚩拏婆

婆^六摩呵婆羅哆婆娑^七阿暮呵婆娑

樓底婆娑^九老底婆娑^十娑履聞婆

婆^{十一}佉伽婆娑^{十二}婆誘婆娑^{十三}伐哆婆

婆^{十四}阿地吒娜婆娑^{十五}阿摩婆娑^{十六}

阿呵娜婆娑^{十七}哆他多婆娑^{十八}部哆句

致婆娑^{十九}涅鼻履底婆娑^{二十}底履鳩

捨闍婆娑^{二十一}底履夜娜婆娑^{二十二}哆疑

駄計迦婆娑^{二十三}底履毗慕去所婆

婆^{二十四}底履首迦羅婆娑^{二十五}羅所吒囉

地吒吒娜婆娑^{二十六}婆娑婆娑婆娑^{二十七}

娑摩多^{二十八}阿娜若婆摩多^{二十九}吒吒吒

吒吒吒吒吒吒死地^{三十}薩婆鳩捨邏

地^{三十一}吒吒那也^{三十二}娑婆呵^{三十三}

善男子此一切法平等神呪能令一

切怖望者悉皆滿足汝等眷屬應當

受持令一切衆生隨所受用皆得成

熟能令汝等菩提行滿足故

尔時息華勝天成智天地持天等而

為上首與十千菩薩俱為令衆生隨
所受用得成熟故以女人形勤勞化
度一時同聲作如是言由此呪力諸
佛世尊令我所願皆得滿足如是神
呪能與我等作大加護能令我等得
無上智是故我等當共受持此陀羅
尼欲令一切衆生悉成熟故以大勤
勞供給所須令於一切如來前願一
切衆生普得成熟住於自解若有天
乃至人於如來所說妙法欲破壞散
滅者我若不勤方便遮障令妙法久
住者我等則為欺誑一切三世諸佛
世尊亦莫令我得阿耨多羅三藐三
菩提若有善男子若天乃至若人欲
惱亂比丘比丘尼優婆塞優婆夷我
等若不勤作方便遮障令彼憂惱不
消滅者我等則為欺誑一切三世諸
佛世尊亦令我等莫得菩提若有求
無上菩提善男子善女人有遭水火
毒害厭患熱病溫瘧等病或一日二
日三日四日數發動者如是等畏乃
至天龍夜叉迦吒富單那剌剌婆羅
門毗舍首陀師子犬等疾疫飢渴種

種厄難諸餘灾惱有是等畏者以此
一切諸佛所持一切怖求滿足陀羅
尼神呪章句令誦念者患得解脫唯
除先世決定業障若我等不除彼障
則為欺誑一切三世諸佛世尊亦莫
令我得阿耨多羅三藐三菩提時彼
一切諸佛世尊同來此佛刹集會者
皆稱是言善哉善哉善男子汝等所
願甚為勝妙能作如是大丈夫所作
事尔時釋迦如來即為魔王而說
偈言

於諸來佛當起信 應生最上歡喜心
為菩提故生慶幸 應當速發利他意
汝魔境界無親友 亦無所欲如意者
汝以無力失魔業 何能等類我牟尼
於是惡魔復說偈言

我無一念信菩提 心亦不作歡喜想
語汝牟尼且默然 我亦自有親友者
由彼親友我有力 我今住於自境界
我有最上威德力 盡汝壽命我不從
寶星陀羅尼經擁護品第十之一

尔時會中有佛世尊名曇陀羅香白
釋迦如來言彼過去諸佛從種種刹

土中來於五濁佛刹大集時並共擁護此法門也亦令無量俱脰魔衆自然退散以慈悲眼視諸衆生有惡見者皆令解脫熾然智炬安置衆生於吉祥道說此金剛法等緣法心建立摧碎陀羅尼印章句老別門記法門之時為令惡黨志皆退散建立法幢如是如是我等十方諸佛今日住世亦為將養憐愍諸衆生故亦於穢惡五濁佛刹同作大集擁護如此微妙法門乃至建立無上法幢釋迦佛曰滅度之後誰能於此刹土當作第一護持妙法當令正法熾然流布當使衆生普皆成熟入此大集數者我等以此法門付囑誰手釋迦如來白舅陀羅香如來言所有舊住此佛刹者得忍菩薩及釋梵護世天龍夜叉乾闥婆阿修羅緊那羅摩睺羅伽等王勤加擁護此妙法門及此世界四天下中舊住衆生於此法門生淨信者釋梵護世乃至摩睺羅伽王等以此陀羅尼印清淨法門付其手中是時舅陀羅香如來以無障尋圓滿之聲

遍此佛剎作如是言諸善男子諦聽
諦聽所有來此佛剎者諸如來阿羅
訶三藐三佛陀難得興世及一切諸
佛世尊於一剎那頃集一佛剎亦甚
為難如此一切諸佛世尊憐愍汝等
故來此集攝受一切諸衆生故護持
諸佛大法門故置立無上道故一切
諸佛入三世數者今日護持一切地
界一切水界一切火界一切風界一
切空界今此妙法久住世故令三寶
種不斷絕故成熟一切諸衆生故乃
至度彼生死岸故

今時一切諸佛世尊及諸佛剎舊住
菩薩摩訶薩釋梵護世天龍夜叉
乾闥婆阿修羅迦樓羅緊那羅摩睺羅
伽等王及諸餘精氣中有大精氣衆
生乃至所有四天下世界居住者彼
一切衆作如是言善男子我等以此
諸佛所護正法重付囑汝為令衆生
普成熟故汝等常應熾然如是不滅
壞法不墜沒法若有信心善男子善
女人當共受持書寫大集法門乃至
比丘比丘尼優婆塞優婆夷彼等一

切諸善男子受持誦念此法門者汝等常當擁護供給以此法門如法付囑若法師樂求法樂禪定樂聽法樂持法者汝等宜應擁護乃至供給何以故所有過去如來阿羅呵三藐三佛陀彼一切如來亦於微惡五濁佛刹集者共以妙法付囑釋梵護世故令此妙法不隱沒故護持未來傳法人故乃至成熟一切衆生故如是如是所有當來十方諸佛於五濁世一刹那頃普皆雲集利益衆生故當說陀羅尼當擁護妙法當付囑釋梵護世等當供給所湏我等今者亦復如是

汝此佛刹諸舊住者及四天下釋梵護世天龍夜叉乾闥婆阿修羅迦樓羅緊那羅摩睺羅伽等王倍加付囑未來之世倍加擁護倍加供給故汝亦如是應當憶念如金剛不可壞法廣令熾然若有信心護持此法善男子善女人及受持此法比丘比丘尼優婆塞優婆夷乃至但書持經卷安置家中者有能說法及樂聽者有勤

修禪定受持法者汝等皆當護彼善心供養供給何以故一切諸佛普皆受持此法門故隨所有處若村若城若國中若邊地若王宮內若阿練若處若流通此法門若開示宣說若授與人若能溫誦乃至但書寫經卷安置家中者是等衆生以此法力故能令地味及衆生精氣悉皆增長汝等以彼精氣光澤精進勇健皆得增長亦令眷屬及其田宅增長豐饒當令人王常得擁護勢力自在亦當擁護王之化內以彼法味常令充足閭閻提內諸人王等當生和合相利益心恒信業報種善根心無慳吝心常於一切衆生作利益心常於一切衆生起慈愍心乃至令王能生正見各各於已國土自生喜樂能令具足行善之人充滿其國豐樂倍常地土精味自然倍勝花果藥物無不甘美穀米財寶亦倍增多觸處可樂一切人民無病苦者一切鬪諍他方怨敵蚊虻毒蛇惡鬼羅刹惡禽惡獸豺狼師子非時風雨如是惡事悉當消滅晝夜

常宿一月半月時節年歲悉皆正行
是諸衆生多行十善於彼命終皆生
天上還與汝等而作眷屬如是無量
功德甚多皆由稱揚一切諸佛大法
陀羅尼法門故是諸衆生皆度生死
此岸得入無餘名聞增長果報滿足
所種女身現生後受以法力故如是
等身一切皆盡

寶星陀羅尼經卷第八

庚子歲高麗國大藏都監奉

勅彫造

寶星陀羅尼經卷第九

殺

擁護品之餘

唐天竺三藏波羅頗蜜多羅譯

唯置作五逆者誹謗正法者謗無賢聖者身口意業所作之惡業及果報一切皆滅若此法門乃至經卷若但書持置於宅中彼等所有諸業煩惱能為障尋量等須弥皆悉消滅一切善根悉得增長一切善分皆悉滿足意所怖畏皆悉成就身口意善悉當增長一切惡見斷滅無餘一切怨敵以法調伏一切微細寂滅之道悉當得入以此一切諸佛世尊所共護持大集陀羅尼法門加護力故

隨所有國此陀羅尼法門當流行地能令彼地肥膩精味倍上成就美果妙味當得增長苦辛惡味當得遠離華果財穀色類成就倉庫貯器悉皆增滿衣服飲食湯藥皆用倍勝增多由法力故

若有衆生受彼飲食者當得無病顏色成就氣力強健憶念堅固樂求善

法遠離諸惡彼諸衆生若命終已當
生汝等種類之中眷屬增長勢力具
足然不能壞以法力故當得四姓之
所擁護當以法義共相示誨汝等若
能如是作者即為供養一切三世諸
佛世尊已

余時昇陁香如來即依諸佛清淨境
界智慧音聲隨頌句義以一切諸佛
世尊語念滿此刹遍告此佛刹中一
切諸菩薩摩訶薩及釋主梵主摩呼
羅伽主所有居此佛刹者倍復加勸
此四天下中所居住者汝等應當住
持開示此諸佛語大集法門擁護此
經微妙正法

尔時衆中九萬七千俱胝得忍諸菩
薩摩訶薩彌勒為首居此佛刹者一
切同聲作如是言我等今者奉諸佛
教為欲供養一切三世諸如來故於
此一切諸佛世尊微妙法門恭敬頂
戴尊重如佛悲愍成熟諸衆生故乃
至安置無上道故

我等於諸聚落城邑州縣國土王宮
諸寂靜處以此法門廣布顯示為欲

成熟諸衆生故今此妙法得久住故
尔時一切諸佛世尊來此刹者咸作
是言善哉善哉汝等如是作所應作
是時一切釋梵摩呼羅伽主等居此
土者并餘來衆六十四俱胝那由他
等大精味中有大威德衆生一切同
聲作如是言我等於此微妙大集法
門志當受持乃至廣為開示顯說成
熟衆生故妙法久住故樂法聽法者
志當擁護

我等今者奉諸佛教隨此法門流行
之慶今使一切闍諍違背謀計諍論
飢饉荒乱他方怨敵非時風雨非時
寒熱苦辛滋味惡人惡物志當消滅
安隱快樂豐饒和合志當成就此妙
正法當令久住倍加勤勇擁護供給
正法國王及以勤修禪定衆生志當
擁護

時彼一切諸佛世尊同聲讚言善哉
善哉善男子汝等今者應如是作勤
作自他利益之事即於一切三世諸
佛為供養已如汝等勤修成熟諸衆
生故今此妙法得久住故汝等皆當

速得阿耨多羅三藐三菩提

尔時中四天下釋梵天主乃至摩呼羅伽主及大威德中寂上首者一切志皆從坐而起恭敬合掌作如是言我等亦奉一切諸佛世尊教故志共光顯此妙正法擁護住持及此大集一切諸佛所護陀羅尼印法門當如法受

乃至於諸聚落城邑州縣國土王宮諸寂靜處當廣開示持妙法人擁護供給所有住信正法法師及聽法者比丘比丘尼優婆塞優婆夷善男子善女人信受此法乃至若但書寫經卷置之家中勤修禪定我等於彼擁護供給種種供養衣服飲食華蓋幢幡塗香末香乃至一切醫藥資具諸有所須善作供給若人能於此妙法門誦時讀時開示說時我等自往彼法座所為聽法故如大師想於此法門恭敬尊重一心讚歎諸蓋幢幡持以供養何以故我等於此一切諸佛之所擁護陀羅尼法門廣開示時以法味故當得精氣具足力具足精進

具足志具足念具足智具足善友具足眷屬具足所有軍衆怨不能壞是故我等令一切國界所有鬪諍謀計言訟飢饉疾病他方怨賊非時風雨極寒極熱灾旱怨時惡夢惡想慮溢無臆苦辛惡味惡人惡物諸不善分恚當消滅倍復安隱豐熟喜樂無病和合恚當成就時風時雨寒熱以時晝夜位分半月一月時節年歲恚令正行諸宿星曜日月之次不令失度泉池陂河皆令滿足隨有衆生所居住處澤水漂涌我皆遮斷不令覆沒我等於彼國邑聚落利衆生故所有枝葉華果根莖諸穀藥味恚當肥臆色相鮮澤美味滋多財穀藥味衣服莊嚴諸資具等令諸衆生恚當具足無所減少

彼諸衆生求善根心離諸惡業勝福德聚及彼壽命恚令成就所有聚落國土以此一切諸佛之所擁護陀羅尼法門開示乃至書寫經卷安置家中若讀若誦恭敬供養於置經處若有剎利灌頂之王我當擁護供給所

須令無所乏所無利益當為彼等而
除斷之所有利益當為彼等隨而與
之一切灾恠驚動不吉惡見惡作為
惡所持惡願惡歸奸詐讚撒幻誑妄
語嫉妬瞋忿諸慳慳等惡當消滅正
見正道直信調伏一心慚愧如是等
法悉當示誨

妃后內宮宰相輔臣主藏親族刑罰
官將一切人民四姓男女童男童女
等亦當擁護供給乃至慙愧亦誨所
在諸方乃至四足亦當擁護隨有國
土以此法門宣布開示乃至書寫經
卷及經卷住處以大勤勇彼諸衆生
悉當擁護此妙正法隨處光顯不令
隱沒我等當起精進力故作如是事
是時一切諸佛世尊悉共稱讚諸善
丈夫善哉善哉諸善男子汝等如是
作所應作以此正法及三寶種不令
隱沒故作勤勞汝等如是如汝所作
即於一切三世諸佛為供養已

寶星陀羅尼經護正法品第十一

尔時世尊釋迦如來告諸大衆釋梵
天王毗樓勒叉毗樓博叉提頭賴吒

毗沙門等諸善男子我以大悲愍衆
生故於此五濁穢惡佛刹難得法時
願得阿耨多羅三藐三菩提是中衆
生墮無明闇煩惱怨賊野狡惱害我
為衆生滅煩惱故退諸魔黨建立法
幢無量衆生諸苦解脫雨大法雨退
俱胥魔諸善男子是故我今以此妙
法懇勸付囑汝等手中如此十方無
量世界過數過量諸佛世尊及諸菩
薩摩訶薩等普來集者以此金剛法
等目錄法心建立一切法摧碎陀羅尼
印句門記法門擁護佛土并諸地味
衆生所居者諸過惡消滅故成熟衆
生故一切不善業盡無餘故三寶種
久住故乃至一切佛事成就故是故
汝等受持擁護我妙正法能令善根
福行增長若溫誦教示為他說授趣
三歸依優婆塞護住淨梵行諸善根
等福行增長若修初禪福行增長乃至
至修滅受想定若須陀洹果乃至佛
菩提果福行善根如是等相皆得增
長現在所作乃至未來當作然妙法
燈能令一切福行增長是故付囑汝

等手中如來所覺妙法今熾然故勸發汝等福德增長是故付囑汝等手中若未來世於此法門乃至書寫經卷安置家中以法力故一切惡業悉當滅盡隨所有處若在村城若欲受持當淨洗身著新淨衣以華布散燒種種香敷種種氈褥嚴師子座開示此法說此法門乃至書寫經卷受持讀誦若汝等於彼不來聽法擁護法師及聽法者自他惡業盡故汝等則為欺誑諸佛愚失正道

尔時娑婆世界主梵天王白佛言世尊若於今時若未來世隨所有處乃至此妙正法未滅已來若聚落城邑州縣國土邊壇遠處王城宮內若僧伽藍若寂靜處若婆羅門家若長者大家若庶民家若說法師比丘比丘尼優婆塞優婆夷及餘清信善男子善女人等好洗浴好塗身著新淨衣散華布飾莊嚴道場燒種種香敷種種繒綵設種種味昇師子座廣為他人開示演說此陀羅尼印若書若讀時我共無量百千徒眾當往彼處圍

繞聽法擁護彼法師故及諸聽法者
自他惡業盡故一切善法成熟故大
妙正法熾然故入大智明第一道故
彼諸城邑乃至庶民家我當擁護彼
諸衆生令彼衆生財穀豐饒倉庫盈
滿故若我不來聞所未聞即於一切
佛世尊前建昔摺願時梵天王即於
佛前而說呪曰

多地也他爲各呵澄去伽舌囉茶去拏
耶頭吐二佉佉三佉婆四佉婆五吉利那
佉婆六婆婆七

時梵天王說此呪已重白佛言世尊
若我於彼說法師處不來聽者不擁
護者乃至財穀豐饒倉庫增長故衆
生充足故即建本摺願

尔時一切諸佛世尊及大菩薩摩訶
薩一切天人等人非人等人同聲讚彼大
梵天王善哉善哉

尔時釋天主僑尸迦白佛言世尊隨
所在處若今現在若未來世乃至村
城若我不往聞所未聞即於一切佛
世尊前建昔摺願為有過者即於佛
前而說呪曰

多地也他佉婆弼願佉一佉婆弼願佉
鄰聞伽^三阿母若^四阿母婆呵^五阿佉
吒^六阿吐^七婆捨吐^八啖鄰婆囉捐^九
娑婆呵^十

^九九
^十十

時釋天主說此呪已重白佛言世尊
若我不作如昔所願者此即是我自
違誓願為有過者是時大眾乃至人
非人等咸稱歎言善哉善哉釋迦天主
尔時毗樓勒叉天王白佛言世尊隨
所在處若今現在若未來世乃至城
邑有此法門我若不往不作擁護世
尊此即是我自違誓願為有過者即
於佛前而說呪曰

多地也他歐佉一鄰婆娑茶二安母陀羅
賜兒^三多他負多^四婆樓^五擊婆婆囉聞
娑婆呵^六

是時大眾乃至人非人等咸共稱歎
毗樓勒叉大護世言善哉善哉

尔時毗樓博叉天王白佛言世尊若
今現在若未來世隨所在處乃至城
邑有此法門我若不往為作擁護聞
所未聞即於佛前違昔誓願為有過
者即於佛前而說呪曰

多地也他闍老伽一阿到伽二阿歷耄

伽三阿歷麼四娑連社婆五腓耶母

闍六娑婆呵七

是時大衆乃至人非人等咸共稱歎

毗樓博叉天王言善哉善哉

尔時提頭賴吒天王白佛言世尊若

今現在若未來世隨所有處乃至城

邑有此法門我若不往為作擁護聞

所未聞即於佛前違昔誓願為有過

者即於佛前而說呪曰

多地也他頻頭社婆一佉婆社婆二囉

母佉三叉娑囉四否迦婆呵五阿上聲末

伽婆吒六娑婆呵七

是時大衆乃至人非人等咸共稱歎

提頭賴吒天王言善哉善哉

尔時毗沙門天王白佛言世尊若今

現在若未來世隨所有處乃至城邑

有此法門我若不往為作擁護聞所

未聞即於佛前違昔誓願為有過者

便於佛前而說呪曰

多地也他遙初後陀利一遙遙遙陀利二

佉陀利三阿你遙陀利四都也都遙陀

利五醯履哆遙陀利六娑伽囉醯履哆

蓮隨利七僧九娑蓮隨利八達摩叉耶

蓮隨利九娑婆呵十

是時大衆乃至人非人等咸共稱歎
毗沙門天王言善哉善哉

余時於此世界此四天下所有一百
一十二夜又大將主將軍衆於四天
下守衛擁護者復有四萬夜又於此
四天下居住者復有大神通中寂勝
諸天龍夜叉軋闍婆阿修羅伽樓羅
緊那羅摩呼羅伽等咸共同聲白佛
言世尊若今現在或未來世隨所在
處有此法門乃至此妙法燈不滅已
來若在聚落城邑州縣國土王城王
宮阿蘭若處若婆羅門家長者家居
士家庶民家若法師若比丘比丘尼
優婆塞優婆夷復有諸信心善男子
善女人應好洗浴以香塗身著新淨
衣散華布飾莊嚴道場敷置種種甌
罍衣服燒種種香種種美味盛滿淨
器施設妙好師子法座昇此坐已廣
為他人分別開示此經及讀誦時我
等一一與無量百千眷屬圍繞徃彼
聽法為擁護法師為擁護已衆及餘

衆生為擁護故成熟衆生故我等若不往彼城邑乃至庶民家及以眷屬不受教勅不成熟衆生不令衆生豐饒財穀倉庫盈滿又復一切鬭諍飢饉疾病他方怨敵非時風雨極寒極熱諸災難等若不遮斷我等則為欺誑過去未來現在諸佛世尊違本誓願空無所得得白癩病退失神通身體爛壞

世尊雖復如此我等今者并諸眷屬若今現在若未來世於此世界四天下處決定光顯釋迦如來微妙正法及信此法人當為擁護供給所須所作成熟惡業滅盡我等於此法門教示開顯彼說法人又令說法人及聽法者財穀豐饒諸所受用悉當增長於佛所說不壞不滅法悉當受持時彼一切諸佛世尊一切大衆人非人等咸共同聲讚彼天龍護法神等善哉善哉汝等如是善所應作

尔時懷樂菩薩於大衆中即白釋迦如來言世尊云何此百俱脛所有諸魔并諸眷屬一切盡皆來到此耶佛

言善男子此一切魔并諸眷屬悉來此會懷樂菩薩復白佛言云何世尊此一切魔并諸眷屬於三寶中得清淨信不佛言不也復次善男子此諸惡魔一千眷屬於三寶中而不得意不清淨信返生瞋恨若今現在若未來世乃至此妙正法熾然已來常勤方便伺求其短令正法滅壞故隱沒故如是復有十八諸魔并其眷屬一萬三千如是復有二百諸魔并其眷屬二千一百彼諸魔等於三寶中志不得意不清淨信返生瞋恨若今現在及未來世乃至此妙正法廣流行時常勤方便伺求其短令我教法及妙正法滅壞故隱沒故何以故往昔已來憎嫉力持故不種善根故為惡知識所攝故於善離欲無受樂中永無怖望無欲願故

彼諸魔心於如來心及菩薩心未曾和順住不淨信不解脫故是諸魔等今雖不信以見如來大集妙色及得聞此甚深陀羅尼以是因緣故於後時得清淨信得阿耨多羅三藐三菩

提懷樂菩薩作如是言希有世尊希有善逝彼等衆生乃至不種善根若但耳聞觸此法門如是目緣故當得阿耨多羅三藐三菩提

尔時有魔名曰不去曾於佛所極多供養於三寶中淨信不動得阿耨多羅三藐三菩提記作大仙人形從坐而起於釋迦如來前合掌遍觀如來世尊威力加故於一切佛刹大聲遍滿作如是言諸佛世尊一心念我一切菩薩摩訶薩及天龍夜叉乾闥婆阿修羅伽樓羅緊那羅摩呼羅伽人非人等魔及眷屬聽我所說今此世尊釋迦牟尼大悲導師往昔之時擔願如是於極微惡五濁佛刹得阿耨多羅三藐三菩提作逆衆生誹謗妙法謗無聖人具不善根惡行相應心相續成就者普令出過三惡道故成熟三乘故修忍三昧陀羅尼故引向清淨諸佛刹土令三寶種久住不斷成就大願斷除一切微濁佛刹成滿一切功德莊嚴

是故我等當如是作為令如來正教

久住及妙正法得不滅壞若今現在
若未來世無有若魔若魔眷屬於如
來所受正法欲滅壞隱沒乃至不能
惱一衆生唯除少隨順不具信者若
持此妙法者隨順此法者說此法者
聽此法者比丘比丘尼優婆塞優婆
夷及餘信心善男子善女人勤修三
業能自策勤坐禪誦經營理塔寺恒
勤作福勤事供養佛法僧寶勤斷三
界煩惱繫縛勤斷一切衆生諸苦患
令解脫者彼等行人若為魔使若魔
女魔男若魔眷屬欲惱亂彼伺求其
短障難善業作亂心目者為彼等故
我今現前請諸世尊當與我力善業
成就憐愍我故一切菩薩摩訶薩等
并一切魔及魔眷屬一切天龍夜叉
乾闥婆阿修羅伽樓羅緊那羅摩呼
羅伽人非人等所有一切來此佛刹
者及大地衆為欲利益諸衆生故佛
教正法得久住故當憐愍我今欲說
咒與我成就若魔若魔眷屬欲惱彼
等人及法者我當降伏令其心亂令
其身苦令身惱縮退失神通故說此

呪句若諸惡魔并魔眷屬魔男魔女
若魔使等若於佛教起一念惡不清
淨心惱亂諸比丘比丘尼優婆塞優
婆夷乃至但起一剎那心欲作惱亂
退失善分若於村城國邑乃至王城
宮內邊壇靜處隨所在處有此法門
開示分別若於此等起破壞心乃至
一剎那於彼諸方聞諍疫死飢餓諸
病他方怨敵非時風雨極寒極熱瀑
水卒起地動地吼大星流墮有如是
等諸惡相起或於華葉果實諸穀藥
味欲於彼等起破壞心時即令彼魔
乃至魔使鬱熱所燒熏汗爛臭無所
能作不能起舉五繫縛之令其自見
乃至一切支節捲縮不能舒展令得
黑闇不覩光色退失神通心意錯亂
令彼六根不能緣境即說呪曰

多地也他阿摩離一阿𩇑_{呼甘反}麼離二

阿𩇑麼離三阿闍婆婆四阿闍婆婆五

茂囉娑娑離六鞞夜佉娑娑離七杜麼娑

離八呵呵呵呵呵九瞿囉娑吒十杜

那吒伽一余也吒伽二泌_{毗舍反}余也婆娑

吒伽三阿茂叉囉四叉叉叉叉叉五茂

羅婆呵

^十

呿

伽

娑

婆

呿

若

^十

娑

婆

跋

履

跋哆茂羅

^八

阿

^上

若

若

若

婆

由

若

^九

豎

陀

羅嗽履也

若

若

^十

那

婆

^上

若

若

^{二十}

丘

羅

又若若

^{二十}

婆

婆

若

若

^{三十}

倍

哆

句

脰

哆

他

^上多若若

^四

薩

婆

介

脾

羅

地

^上

史

耻

多

若若

^五

婆

迦

羅

麼

^六

底

履

健

哆

又

婆

^{二十}又麼

摩

又

摩

若

^八

老

^{初九}

上

哆

摩

囉

毗所也

^九

娑

婆

呵

^十

余時不去魔說是呪時於剎那頃由

得一切智擁護故諸魔境界悉皆滅

壞無所成就如是如是所有欲作不

利益者皆不成果是時一切諸佛世

尊咸共稱讚善哉善哉及一切菩薩

摩訶薩天龍夜叉人非人等亦共稱

讚善哉善哉是時大地皆大震動四

海涌沸諸須弥山王魔及眷屬悉大

驚動是時惡鬼神等亦復如是唯除

於佛教法清淨信者及得忍善菩薩不

生驚怖

余時魔王問堅固慧善菩薩言善男子

何等因緣此不去魔有是勝力是誰

加彼此無慈悲令我部黨及我境界

力之所作一切散滅悉皆退壞乃更

建立沙門瞿曇黑黨親眷說斷惡見
我即聞此陀羅尼時令我身體臭惡
爛壞無所能為一切諸方為我黑闇
不見諸光大熱所燒耶

尔時堅固菩薩答魔王言此是一切
諸佛世尊神力加護亦是一切人非
人等與此不去魔力故令汝等一切
諸魔境界之力如所欲作悉皆摧碎
今說此不退陀羅尼句時汝今應生
清淨信心於如來所發阿耨多羅三
藐三菩提心汝今若能如是作者此
身口意諸苦惱觸悉當解脫是時魔
王答堅固菩薩言我今寧當忍耐此
苦令身口意受於無量無數大苦惱
事至於寂後邊際劫我終不發阿耨
多羅三藐三菩提心

寶星陀羅尼經卷第九

庚子歲高麗國大藏都監奉

勅彫造

寶皇陀羅尼經卷第十

般

唐天竺三藏波羅頗蜜多羅譯

阿吒薄俱品第十二

余時夜叉衆中大將軍主名阿吒薄俱而作可畏夜叉之形復有夜叉名曰為想而作鹿形復有夜叉名曰智炬作獼猴形復有夜叉名捨竭愛作殺羊形復有夜叉名曰斷流而作為形此五夜叉是善丈夫去釋迦如來不遠於憍陳炎如來前坐此等五人一切身分皆出清淨微妙香光各以兩手捧光明大寶為供養世尊故尔時懷樂菩薩摩訶薩以清淨心觀彼五人清淨所依乃是菩薩摩訶薩即告阿吒薄俱大夜叉軍將言善丈夫汝等今者見何等義現如是相威儀所作供養世尊時阿吒薄俱答懷樂菩薩言善男子於過去世九十一劫於此佛刹有佛出世号毗婆尸如來應供正遍知彼佛世時我等兄弟同一母生於彼佛所俱發阿耨多羅三藐三菩提心為成熟衆生勤作方便

從彼已來於尸棄如來所如是毗梨
婆如來所乃至於此大賢劫中最初
如來名拘留孫彼佛出世從今已來
我等大願常作同母兄弟於彼如來
我等兄弟以種種供養供給所須彼
佛世時想善丈夫為優婆塞樂修禪
定作如是願願我常於大賢劫中作
夜又大將若有夜又居住空野之處
於諸衆生常懷惡心無有悲愍種種
雜類夜又之形乃至迦吒富單那等
我以方便現同彼類為說正法令生
淨信得淨信已為受戒法置之吉祥
安隱善道乃至隨所有處諸畜生趣
亦復如是獐鹿虎狼猪羊犬等為其
說法乃至恒河沙數惡夜又等諸畜
生趣盡同所作為其說法令種善根
彼成熟已安置於彼三乘正道然後
我得阿耨多羅三藐三菩提記智炬
夜又願作狢猴形者為成熟狢猴故
捨渴愛夜又願作殺羊形者為成熟
住八難衆生故斷流夜又願作為形
者為成熟為等故如是萬二千諸大
神通夜又居四天下者往昔已來作

種種願為成熟衆生故為求阿耨多
羅三藐三菩提故於彼拘留孫如來
前求阿耨多羅三藐三菩提時為成
熟惡夜叉故

願盡大賢劫彼惡夜叉無悲愍心樂
作惡法無思慈心乃至迦吒富單那
奪精氣者狂亂他心者作不善心者
殺害衆生者乃至邪見者剝利婆羅
門毗舍首陀等心狂亂者道路城邑
州縣國土等中作狂亂者作諸灾恠
星宿日月晝夜度數半月一月時節
年歲皆令失度鬪諍謀計飢饉疾病
他方怨敵非時風雨極寒極熱和合
集起如是惡事種子藥草花果汁味
志欲破壞衆生喜樂無病和合於善
法欲地味精氣財穀寶物食味法味
解脫味皆令滅沒者有如是等諸惡
夜叉教令受戒置不退地然後我乃
取阿耨多羅三藐三菩提記我從彼
已來常生諸惡大夜叉中為大軍將
乃至極惡迦吒富單那等以三乘法
成熟安立置於不退之地從是已來
見下中上鬼不曾輕欺如所見形我

同彼形隨類與語籌量漸進令其歡喜斷除諸惡立慈悲心滿惛望已教令供養佛法僧寶令不退轉隨有夜叉眷屬之處我當往彼以法教示彼諸夜叉隨其住處若見我來咸共白言善來阿吒薄俱由彼稱我名阿吒薄俱故我名阿吒薄俱若今時人無先聖法住於惡戒常行黑業彼命終已生三惡道少分衆生生於人中若行雜業者於三寶中時有淨信彼命終已由雜業故雜生諸惡夜叉迎吒富單鄰中於世間中倍復增長彼等一切白法之分方便滅壞由彼惡故今時闍諍倍復增長我又不能於一切時於惡夜叉乃至惡富單鄰以柔軟語置於白法

我又不能於一切時於沙門婆羅門刹利毗舍首陀羅等男女長幼小男小女除其擾亂我又不能於一切時城邑州縣國土道路除其擾亂我又不能於一切時令諸鬼神等心心數法置解脫味善男子我今蒙一切諸佛威德力故已得善入一切夜叉迎

吒富單那等方便誦心智善男子有
陀羅尼名金剛佉婆娑履諸鬼心大
暴惡明呪若有行此呪者諸夜叉女
夜叉父母夜叉男女夜叉夫婦并其
眷屬若羅叉羅叉女乃至龍龍女鳩
摩荼鳩摩荼女顛病鬼瘡病鬼若日
日發乃至四日發鬼若迦吒富單那
迦吒富單那女迦吒富單那父母迦
吒富單那男女迦吒富單那夫婦并
其眷屬不復更能惱亂刹利婆羅門
毗舍首陀乃至國土復次善男子隨
所有處若城邑州縣若王宮內乃至
庶民家此金剛佉婆娑履諸鬼心大
暴惡明呪隨處開示時彼處所有惡
夜叉迦吒富單那等往昔已來憎嫉
隨逐不善業者願令悉捨生於慈悲
柔軟之心於一切衆生起利益心若
切聚落家宅為天龍夜叉迦吒富單
那等之所擾亂一切日月星宿灾恠
毒氣等之所加害獸蠱擾亂及身中
風病黃病陰病瘡病若日日發或二
日三日四日發癩病癰疥效嗽丁瘡
腹痛支節等病之所擾亂皆得除滅

願令人非人等乃至禽獸勤修白業
斷諸怖畏具足喜樂晝夜受樂布施
調伏攝護身口而無懈怠勤修樂求
助善提道又作如是言善男子諸佛
世尊隨喜加護與我此咒成就業句
能除一切擾亂惡法遮斷一切不善
之分增長一切善法之分我今欲說
此一切諸惡金剛佉婆娑履大明咒
句釋迦如來當加護我圓音演說若
我圓音演說此文字聲滿一切佛刹
者如是諸來大眾聞此圓音演說句
義文字皆令歡喜

尔時世尊釋迦如來告阿吒薄俱大
夜叉軍將言善男子我等諸佛已加
護汝此圓音演說金剛佉婆娑履諸
鬼心大暴惡陀羅尼咒破壞黑黨熾
然白法善男子汝當勇猛說此能除
一切擾亂金剛佉婆娑履諸鬼心大
暴惡明咒遮斷一切諸惡咒句是時
阿吒薄俱大夜叉軍將即從坐起曲
躬合掌向釋迦如來以大音聲盡此
佛刹普皆告知即於佛前說此咒句
多地也他豆_{音上}摩豆摩一駄摩駄摩二

豆摩豆摩

三你履娜

四娜羅

努羅你

羅

五鳩吒你鳩吒你

六摩訶鳩吒泥

吒吒吒株

八摩訶吒吒

九阿婆婆

阿毗阿毗履尼履尼

十摩訶履尼履尼

十一履彌履彌

十二摩訶履彌履彌

十三首樓首樓

十四首樓首樓

十五首樓首樓

十六首樓首樓

十七首樓首樓

十八首樓首樓

十九首樓首樓

二十首樓首樓

二十一首樓首樓

二十二首樓首樓

二十三首樓首樓

二十四首樓首樓

二十五首樓首樓

二十六首樓首樓

二十七首樓首樓

二十八首樓首樓

二十九首樓首樓

阿^上耆^上

泥朽朽^四

母泥母泥^五

歷娜履

所婆^{音上}

朽朽^六

阿迦羅檀池^七

阿哆檀

池^八阿哆阿哆^九

阿底^十

區吒^{十一}

醯^{音上}你

二醯^{十二}你

醯履醯履^{十三}

醯履醯履^{十四}

醯履醯履^{十五}

醯履

醯履醯履^{十六}

多哆羅^{十七}

舅歷^{十八}

舅歷^{十九}

舅歷

歷舅歷^{二十}

醯履醯履^{二十一}

你里你里^{二十二}

你里^{二十三}

摩

呵你里^{二十四}

三母陀羅^{二十五}

你^{二十六}

佉^{二十七}

吒呵

吒呵吒^{二十八}

阿羅拏^{二十九}

弥^{三十}

佉^{三十一}

又婆佉^{三十二}

比履地^{三十三}

阿^{三十四}

跛^{三十五}

帝^{三十六}

殊^{三十七}

婆

由^{三十八}

阿迦捨^{三十九}

噠噠^{四十}

隨窮^{四十一}

朋窮

朋^{四十二}

惡老^{四十三}

窮^{四十四}

視許^{四十五}

婆窮^{四十六}

薩傍^{四十七}

伽窮^{四十八}

囉^{四十九}

祛窮^{五十}

朋^{五十一}

隨婆^{五十二}

斗窮^{五十三}

婆^{五十四}

娑^{五十五}

今時阿吒薄俱夜又大將說此咒時

應時無間一切天龍夜叉迦吒富單

那皆大驚怖此佛剎土地及虛空住

者悉皆戰怖一剎那頃如是一切諸

鬼即於佛前合掌敬仰作如是言南

無一切諸佛南無南無一切諸佛取

勝大悲願悲愍我阿吒薄俱夜又大

將說入一切鬼心呪句

寶星陀羅尼經諸佛還國品第十三

今時一切諸佛世尊從十方來者各

從坐起現遼國相是時大衆地及虛空住者悉皆戰怖一切大地悉皆震動從空雨華於虛空中作百億樂燒香末香從空而下光明遍照此佛刹內一切大衆皆悉合掌尔時娑婆世界主梵天王問大梅檀香佛言世尊是諸衆生以何善根當得具足諸佛世尊以幾種法加護衆生於未來世得此法門當受當持當讀當溫誦及為餘人當廣開示書寫此經書寫已安置家中

尔時世尊大梅檀香如來告梵天王言如是梵王一切諸佛加護衆生六界之身調伏魔黨故息滅鬬亂故成熟衆生故妙法久住故淨無上道故如是一切諸佛世尊諸大菩薩有十種法加護衆生於未來世得此法門當受持讀誦書寫經已安置家中何等為十一者一切諸佛諸大菩薩慇懃付囑一切天龍夜叉乾闥婆阿修羅伽樓羅緊那羅摩呼羅伽等常令擁護受持法人不起非法身口意業示誨善法隨所受用衣服飲食常令豐

足無病安隱乃至捨已身命護持法人令無過失二者彼人所得念慧樂說趣巧方便得無過失及彼欲樂相應意覺深忍具足隨所住心如空如地三者以四攝法勸諸四衆及餘衆生得住善法取堅固身三事清淨行菩提道四者得寶幢三昧得是三昧巧能觀察諸三昧門五者彼持法人隨處命殄無量無數諸佛世尊諸比丘衆諸菩薩衆常現在前將養說法六者諸佛世尊所說成就句義文字法時悉皆得聞即得一切取勝聖法無受喜樂彼一切業障隨彼命殄取後剎那捨壽死識得如法滅猶如死法阿羅漢滅亡者如所怖畏清淨佛剎隨意化生彼諸世尊住世將養常說清淨大乘教法彼持法人於此大乘無障尋智具足如虛空心而住八者不久於此功德悉得具足九者彼持法人穢濁佛土不復受生除自本願十者速疾當得阿耨多羅三藐三菩提是為十法諸佛世尊以此十法加持法人若於今時若未來世此妙

正法當得熾然若有受持此陀羅尼
法門乃至但書寫此經安置家中一
切諸佛諸大菩薩當擁護彼持法之
人一切煩惱悉得解脫即是菩薩摩
訶薩也

尔時世尊釋迦如來告釋梵護世諸
善男子此諸世尊皆從十方普來會
者憐愍汝等諸衆生故令此世界外
物清淨故成熟一切衆生故顯示菩
提行故退魔黨故建立法幢故顯示
一切佛事故三寶種不斷故滅一切
病故遮一切惡故擁護一切怖畏故
斷一切惡見故入菩提道故滿足如
來十力故盡一切煩惱業故說此希
有大希有相昔未曾有昔所未聞甚
深句義陀羅尼擁護家宅城邑國土
乃至擁護此四天下天龍人非人等
穀藥花果護說法師及聽法者為得
法式得一切智智故
復次善男子以此法門故一切諸佛
依入大悲智以十種法護此佛刹中
一一諸物增長不壞善男子一切諸

佛菩薩於此佛刹遍皆受用無空缺
處護持一切善法故一切佛土所受
生者於此佛刹當起尊重禮拜如塔
廟想如大師想由此佛刹所受生者
善能建立一切法故滅除業障五逆
罪故具不善法得不愛果盡無餘故
住諸善法善男子此是諸佛於此佛
刹大丈夫業善男子汝等應當恭敬
受持此法若有在家及出家人受持
此法者及信此法者汝等應當守護
此人汝等當得利益安樂故

今時俱蘇摩幢如來於此法門稱揚
功德說如是偈

淨金滿諸刹 捨供諸如來 不如持此經
福德無邊量

今時勝寶蓋如來亦復如是稱歎此
經無量功德說如是偈

若持金寶聚 施與恒沙佛 不得如此福
如彼持經者

今時須弥峯如來亦復如是稱歎此
經無量功德說如是偈

寂上華聚蓋 連布覆虛空 普施於諸佛
淨喜心供養 末法欲盡時 多諸怖畏事

持此經福量 諸佛不能說

今時釋迦如來亦復如是稱揚此經
無量功德說如是偈

若起淨心牟尼前 炷如須弥香油燈

無量俱胝大劫中 熙怡持此以供養

復有餘人樂福德 怖求無障解脫身

法欲盡時以此經 為信者說福勝彼

今時阿闍如來亦復如是稱讚此經
無量功德說如是偈

若修持忍慧 常起精進行 禪定攝身儀

及以廣大智 末世闍諍時 持此妙法印

修忍進無等 智慧亦無比

今時淨三昧勇力如來亦復如是稱

讚此經無量功德說如是偈

開示此經法 受持及書寫 授與他相應

復能常讀誦 燒香以供養 華鬘及上服

所得諸功德 無能度量者

今時無量無數諸佛世尊稱揚此經

功德利益無量無邊既稱讚已即告

釋梵護世諸善男子汝等一切受此

法門盡煩惱障一切業障於後末世

若有衆生但聞此經盡煩惱障一切

業障佛說此經已一切世間得信善

男子天人阿修羅軋闍婆等聞佛所
說歡喜奉行

寶星陀羅尼經卷第十

辛丑歲高麗國大藏都監奉

勅雕造